






7. 22 = 1 96 = 1


Sept 210
112

IN
GRÆCAS ET ROMANAS
GRÆVII ET GRONOVII
ANTIQUITATES
NOVA
SUPPLEMENTA.
TOMUS IV.



1-2
IN
GRÆCIS ET ROMANIS
ORAVII ET GRONOVII
ANNOTATIONES
NOVA
SUPPLEMENTA
TOMUS IV.

UTRIUSQUE
THESAURI
ANTIQUITATUM
ROMANARUM
GRÆCARUMQUE
NOVA
SUPPLEMENTA
CONGESTA
AB
JOANNE POLENO.
VOLUMEN QUARTUM.



VENETIIS,
Typis JO: BAPTISTÆ PASQUALI.
M. DCC. XXXVII.
SUPERIORUM PERMISSU.

UTRINQUE
THESSALUR
ANTIQUITATUM
ROMANARUM
GRÆCARUMQUE
NOVA
SUPPLEMENTA
CONGESTA
AB
IOANNE POLLENO
VOLUMEN QUARTUM.

VENETIS,
Typis Jo. Baptistæ Pasquali.
MDCCLXXVI.
SUPERIORUM LIBRARIUM

LECTORI BENEVOLO

S. P. D.

JOANNES POLENUS.



Entum est ad Supplementorum nostrorum Volumen quartum . De meo in Supplementis hisce concin-
nandis instituto, cura, ac diligentia quidquid indi-
candum fuerat, satis in superioribus Præfationibus
expositum est. De hoc autem ipso Volumine sic est
habendum ; deberi ipsum magis aliorum operæ,
quam meæ . Ab doctissimo enim diligentissimoque

Sigeberto Havercampio (cujus ; etiam alias , mentionem fecimus
debita cum laude) Jacobi Sponii Opera missa ad nos sunt, quæ ma-
gnam hujus Voluminis partem conficiunt : ab eodemque cum inve-
stigatus fuit Codex calamo exaratus, idemque ineditus, Disserta-
tionum Gisberti Cuperi & Ottonis Sperlingii , quæ præcipuam
aliam nostri Voluminis implent partem ; tum inventus, impetra-
tusque est a Viro Clarissimo Joanne Grammio, cujus Museum or-
nabat. Fortunæ etiam nonnihil debemus, quod illæ ipsæ archety-
pæ æreæ Tabulæ, quibus usus fuerat Sponius, tamdiu atque ita ser-
vatae sint , nihil ut ceperint detrimenti : quod per laudatum Haver-
campium emi pro hac nostra editione potuerint : quod denique pre-
tiosus ille Dissertationum Codex tamdiu latuerit, ut nunc demum
posset in hisce nostris Supplementis vulgari.

II. Quod vero ad naturam attinet hujus Voluminis ; si ingens re-
rum varietas spectetur, quæ passim occurrit, sive in Cuperi & Sper-
lingii *Dissertationibus*, *mutuisque Epistolis*, ad Græcas Romanasque
Antiquitates pertinentibus, sive in *Curiosis Sponii Quaestionibus*, sive
in ejusdem *Miscellaneis Eruditæ Antiquitatis* (hæ enim majores, ut in-
dicavimus, præcipuæque ejusdem Voluminis sunt partes) Colle-
ctio quasi quædam appellari potest Miscellaneorum, & hoc po-
tissimum nomine aliis adjungi.

III. Utcumque appelletur, illud sane ex iis, quæ dicta sunt, per-
spicue apparet, fieri non posse, ut partium congesti exhibitique
Operis certæ quædam & distinctæ prius ideæ, ut fere in Præfationi-
bus solet, proponantur. Quælibet enim ipsius pars ex tot aliis mi-
noribus constat, ut accurata expositio rerum, quæ hoc Volumine
continentur, Indicem potius quendam, quam speciosam earundem
rerum imaginem, formare possit.

IV. Itaque nihil aliud relinquitur, nisi ut de singulis Operibus
aliquid in universum attingamus, & summa quædam capita indi-
cemus. Primo autem loco sese offerunt Cuperi atque Sperlingii
Dissertationes : ac de Cupero quidem deque ejus eximia eruditio-
ne cum in Præfatione dixerim ad Volumen Secundum, Art. II. hic,
antequam ad rem ipsam accedo, de altero Dissertationum Aucto-

re, itidem eruditissimo, Ottone Sperlingio, nonnulla persequi atque conscribere præstat.

V. Otto Sperlingius, qui dicetur senior, in hoc Patavino Gymnasio Medicinæ Doctor creatus, anno 1627. tractu temporis inter Hamburgenses Senatores conscriptus, cum varia edidisset Opera, atque diu Hafniæ Regium Medicum, ac rei Herbariæ Professore egisset, in eadem illa urbe vitam cum morte commutavit, anno 1681. vixit autem annos LXXIX. Hujusce filius fuit noster Otto Sperlingius, quem Ottonem juniorem appellare lubet. Jurisprudentiam, melioresque litteras coluit, ac inter Jurisconsultos adscitus, Historiam deinde & Eloquentiam Hafniensi in Gymnasio docuit magna cum laude. Plures emisit Libros in vulgus, egregia eruditione ornatos. De plerisque eorum mentio fit in iis, quas exhibemus in Volumine hoc quarto, Epistolis: commemorantur enim *de Vestitu Danorum Dissertatio*, 76. B. 79. C. *Tractatus de Ambactis, & de origine Veterum Gallorum a Dite, hoc est, Germanis*, 79. C. 80. F. *Dissertatio de Baptismo Ethnicorum*, 79. C. 81. F. 86. B. *Syntagma de nummo argenteo Constantini Magni IV. Drachmarum cum dimidia*, 83. C. 85. C. D. *Dissertationes duæ, altera de Nummis Cavis & Bracteatis, altera de Nummo Svecico æreo*, 79. C. 162. C. *Boreæ laudes; & Commentarius de summo regio nomine & titulo Septentrionalibus usitato KONING, & ejus apud Danos origine*, 210. E. *Dissertatiuncula quædam de Festo IVVL Septentrionalium antiquorum & modernorum*, 262. E. *Diatriba de Crepidis*, 78. B. 79. C. Liquet autem ex iisdem Epistolis, 73. A. 82. A. 86. E. Sperlingium curam edendæ *Dissertationis suæ de Nummis non cufis* Gisberto Cupero commisisse: hæc vero prodiit Amstelædami, an. 1700. ex Francisci Halmæ typographia; inscriptaque est eidem Gisberto Cupero. Ad ultimam senectutem pervenit Sperlingius noster, non tamen prospera usus est valetudine; quamobrem Cupero scribens, *Senectam*, ait, *ipsam esse morbum expertus sum, & experior*. Hafniæ, octuagenario major, e vivis excessit, an. 1715. V. Kal. Jun. Hisce vero paucis de Viri illius egregii vita quasi cursim indicatis, ad Opus ipsum transeo; quod (ut innui jam paullo supra) nunc primum æneis typis, me curante, descriptum est.

VI. Ceperat consilium hoc clarissimus Jo. Laur. Moshemius; sed (nescio quo fato) exequi minime potuit. Scripserat etiam eum ad finem Proœmium, in quo aperte profitebatur, *voluptatem, quam litterarum amœnarum Studiosi ex Epistolis illis essent percepturi, omnem esse referendam humanitati & industriæ Jo. Grammii, Viri longe doctissimi, suæque Patriæ ornamenti*. Paullo vero infra, ut simplex veritatis ratio ferebat, subdit hæc: *De argumentis harum Epistolarum, earumque utilitate & præstantia non erit, cur verba faciam. Auctores etenim eo inter Eruditos numero sunt loquæ, ut vel sola eorum nomina optimæ commendationis instar sint. Id unum monebo, eos de rebus haud vulgaribus aut protritæ ea proferre, quæ decet homines, qui in litteris ætatem consumpserunt. Tum id, quod ego quoque, dum eas Dissertationes ad dias auras revoco, proferre totidem verbis omnino deberem, verba subjicit: Tantum igitur thesaurum quis æquo ferat animo neglectum jacere, nec*

in lucem protrahi? Demum suum claudit Proœmium nota temporis, ita; *Dabam in Academia Julia, Idib. Januar. MDCCXXV.* Ad Codicis marginem paucas quasdam & concisas adscribere annotationes idem Moshemius orsus erat, sed sexta in Epistola filum obrupit. Facile autem suspicaberis, illum jam admoventem operi manum, annotationes ab perspicua eruditaque Collectione illa minime requiri animadvertisse.

VII. Ut earum potiores attingam; primum referam, ad verba illa (pag. 5. C.) *Ut Lebmannus Chronicon Spirense*, subjici hæc: *Magnæ molis opus hoc, quod insigni pretio Hamburgenses redimere voluisse ferunt; nunc in Potentissimi Danorum Regis Bibliothecam una cum multis aliis, quæ nondum edita reliquit indefesso ingenio vir, illatum est. Haud dubitare tamen licet, quin multa peregrina, id quod ipse non diffitetur Sperlingius, rebus Hamburgensibus, consilio non magnopere laudando, admixta sint.* Post verba ad Tutores (pag. 6. A.) adnotavit: *Gudii, eruditissimi viri, Bibliothecam Hamburgi sub hasta esse venditam, codices autem præcipuos, manu exaratos, Augustissimi Bransuicensium Ducis Bibliothecam auxisse, notum est. Qui hic memoratur Gudii filius, nunc Cimbri- cis adscriptus equitibus, in Holsatia sibi vivit; & quam a parente accepit nihil non sciendi cupiditatem assidua diligentia, laudabili exemplo, alit.* Ad verba (pag. 8. D.) & quoniam de Inscriptionibus sermo, sic scribit: *Hæc communis hodie est eorum, qui in Antiquitatibus Septentrionalibus operam & industriam posuerunt, sententia. Et memini, virum celeberrimum Æn. Masnæum, cujus incomparabilis est cum omnis Historiæ, tum Borealis peritia, & mira sagacitas, Prof. Histor. Hafniensem, quum mihi Hafniæ consuetudine ejus uti liceret, hanc opinionem mihi tam luculentis demonstrare rationibus, ut prorsus consentirem.* Ubi Sperlingius (pag. 8. F.) scripsit, *Contexui libellum de Fœminis eruditis*, Moshemius notat: *Plures additæ sint postea, nullum dubium est. Nec diffitentur tamen viri doctissimi, alioquin amici, esse quasdam in his mulieribus, quibus vix inter eruditas locus concedi queat; nisi forte omnis mulier, quæ tenui avena rusticum carmen lusit, erudita vocanda sit.* Scripserat Sperlingius (pag. 10. D.) *Gronovii Patris vita edita non est*, hic noster animadvertit: *Nuper admodum Job. Fed. Gronovii vita Hamburgi lingua Germanica ab erudito quodam viro conscripta prodiit 1723. in 8. Pleniorẽ vitæ ejus Historiam in Cimbria litterata dabit vir eruditæ Historiæ cognitione nulli secundus Jo. Molneus.* Ei loco (pag. 10. F.) ubi nominatur Rudbeckius, subjiciuntur hæc: *monuisse sufficiat, Sperlingium nostrum A. MDCCIX. epistola, d. IX. Aprilis ad Celeb. Majum Prof. Kilon. perscripta, adhuc ei significasse, se de vera scriptione Gothica antiqua opus elaborandum sumsisse, jactantiæ Svecorum oppositum, qua adhuc toti terrarum orbi glaucoma non unum offuderint. Sine dubio par hic labor fuit Adversariorum ejus Antiquit. Septentrional. magni operis, quod ultimis vitæ annis suscepit, & ad XVII. Volumina in forma quarta perduxit. Latet illud nunc, una cum aliis, in Bibliotheca Regia Hafniensi. Vitæ Alberti Crantzii mentionem injecerat (pag. 12. F.) Sperlingius; noster vero eum locum ita illustravit: *Reliquit hanc Crantzii vitam prorsus perfectam & absolutam Sperlingius. Quam quidem ab illustri Reitzero acceptam virum magno ingenio, & litteris exornandis natum Andream**

Hojerum, Regis Daniæ ab Historia scribenda & Epistolis, publici juris facturum esse, haud ita pridem ex amicis didici. Ceterum nuper Hamb. 1722. in 8. vita Crantzii prodiit lingua Germanica diligenter, auctore nescio quo, conscripta. Neque tamen ea desiderium Sperlingiani laboris extinguet. Molitur & ejusdem viri vitam Jo. Mollerus in Cimbria litterata: qui & accurate de eo Introd. ad Histor. Cherson. Cimbr. commentatus est. Atque hæc, designata ex primis illis quasi adumbratis annotationum lineamentis, ea sunt, quæ existimavimus, ad rem nostram posse transferri. Sed jam propius ad Opus ipsum pergere præstat.

VIII. Nonnulla in hoc de Runicis Inscriptionibus reperies: multa vero de celebri illa quæstione, num scilicet Marcus Julius Philippus Augustus inter Christi fideles jure sit meritoque numerandus. Non quæritur, an Christianis faverit Philippus, sanctissimumque Servatorem nostrum in honore habuerit: quemadmodum prius Alexander Severus Christum dicitur coluisse ethnica tamen (si fari ita licet) pietate; cum in Larario suo Christi imaginem inter Deorum Heroumque simulacra reposuerit, ibique rem divinam matutinis horis facitaverit: sed quæritur, an Philippus vere, pie, sancteque Christianam coluerit religionem, ad quam uxoris suæ Marciae Otaciliæ Severæ suasu, una cum filio, conversus fuerit. Res est in partem utramque a multis agitata; nemo tamen recte (ut opinor) negabit, posse argumenta, quæ familiari quadam ratione inter se communicabant eruditissimi duo illi viri, Cuperus & Sperlingius, ei controversiæ illustrandæ haud exiguum lumen afferre. Id velim diligenter animadverti; tum vero animadversionem eandem plane referri ad res illas, ex quibus Sperlingii *de Nummis non cufis tam Veterum, quam Recentiorum* coaluit jam edita & ante commemorata *Dissertatio*: Undequadraginta Capitibus hæc constat, in quibus agitur de nummorum cuforum Auctoribus, de nummorum non cuforum origine, de pluribus nummorum generibus, ac præsertim de Hebræorum nummis (notare vero hic convenit, Cel. P. Stephanum Souciet in Opere suo, cui titulum fecit; *Recueil de Dissertations Critiques*, edito Parisiis 1715. pag. 14. & 15. nonnulla de hebraicis nummis protulisse, quæ adversari Sperlingii sententiæ videantur: porro ex Auctoris utriusque animadversionibus doctrina illa reddita est illustrior) præterea vero de nummorum contemtu, de metallifodinis, deque nummis non cufis Recentiorum copiose eruditeque disputatur. At, inquiet fortasse aliquis, lautitiæ illæ, novitatis gratia jam exutæ, porro nequeunt pretium idem obtinere in Epistolis hisce nunc demum in lucem protractis. Huic autem ego non negaverim, multa de rerum illarum genere exstare hisce in Epistolis: tamen animadvertam, exstare præterea nonnulla etiam alia; atque insuper, sæpe esse perutile perque jucundum novisse, quid principio de eruditis rebus cogitaverint viri docti. Eadem fluminum atque fontium aqua est: quis tamen rerum naturalium studiosus, si aquæ fluminis proprietates noverit, inde etiam fontium scaturigines æque perspectas habere non concupiscet?

IX. De Nummis autem quam elegantia, Dii boni! quam multa enitent, tum universe, tum sigillatim: ac quamvis de re nummaria plurimi viri eximia ornati doctrina tot volumina conscripserint, ut bibliothecam veluti quandam conficere queant: tam longe tamen lateque res illa protenditur, tantos habet usus, tantamque præstantiam, ut ad eam pertinentia nova quædam semper possint afferri; proindeque allata a celeberrimis nostris Duumviris cara & accepta sint prorsus habenda.

X. Item laude sua digna sunt, quæ de Donatis & Honoratis Imperatorum, quæ de Imperatorum Candidatis, quæ de Græcorum & Judæorum Commerciis, quæ de variarum Gentium scribendi ratione, & quæ alia hisce affinia Auctores nostri litteris mandavere. At vero sunt inter cetera sedulo commemoranda quæ de Romanorum Vexillis & Signis militaribus, ac etiam de militaribus Velis scripserunt Duumviri illi copiose quidem atque erudite. Pauci enim inveniuntur de re militari Scriptores, qui in ea parte eruditionis, ad militaria signa spectantis, evolvenda sint versati: & pauci illi breviter (ne dicam perfunctorie) quamvis non desint bene multa veterum Auctorum loca, in quibus & Vexilla & Signa commemorantur. Nostri autem in explicandis Vexillorum ac Signorum originibus, figuris, materie, & mutationibus variis apud varias gentes, habita etiam temporum variorum ratione, illustrem industriam posuerunt. Ratus itaque sum, ei quoque eruditionis parti hisce Dissertationibus sive Epistolis consuli posse.

XI. Post hæc, subjeci duas Nicolai Calliachii Dissertationes, quæ item lucernam olent. De eruditissimo eo viro, deque ejus Dissertationum ratione atque elegantia, nonnulla, quæ cognosci mea intererat, in Art. XXXII. Præfationis ad horum Supplementorum tertium Volumen, ita (pro modulo meo) sunt exposita, ut satis esse videantur. Quamobrem illarum primam statim attingam, eum in finem exaratam, ut eruditio in obscura superstitione, qua Deum Osiridem coluit antiquitas, meliore in lumine collocaretur. Itaque quis fuerit Osiris, & an, ac quatenus ab aliis Ethnicorum numinibus discerneretur illud numen, studiose noster inquirat. Variisque intertextis explicationibus fabularum Ægyptiorum Veterum rem totam exornat.

XII. Quod vero ad alteram attinet: agitur in hac de Eleusinis Sacris, eorundemque Mysteriis; quæ Sacra cum nulla alia re magis, quam silentio solemnia redderentur, de ejusdem taciturnitatis causis Calliachius edisserit; tum vero de variis gradibus in Mysteriorum participatione observandis; deque ipsa, quod caput erat, Mysteriorum ratione. Scribit autem noster (pag. 321. C.) Proserpinam raptam fuisse *non procul Hennais mœnibus ad Pergum Lacum, cum ex pratulis flores legeret*. Atque ita etiam Eruditi alii. Sed animadvertere præstat Strabonis locum (in Lib. VI. Edit. an. 1707. pag. 393. Interprete Guilielmo Xilandro) quem subjeci: *Cosentiam sequitur Hipponium, a Locris conditum: quod Brutis ademptum, Romani Vibonem Valentiam nuncupaverunt. Et quia cir-*

cumjacentia loca prata habent præclara, floribusque abundant, creditum est eo ex Sicilia venisse Proserpinam florum legendorum gratia: indeque morem esse matronis receptum ut flores ipsæ legant, coronasque nectant. Qui sane locus non convenit cum iis, quæ de pratis ad Pergum Lacum, magna ceteroquin consensione, traduntur. Ubi noster Magna Eleusina Mysteria ab Eumolpo, ac sociis instituta fuisse tradit, observare licet, alios esse, qui eam institutionem referant Museo Eumolpi patri, alios vero, qui adtribuant Erechtheo, & inter hosce est Cel. Matthæus Ægyptius, ut in his Supplementis (Tom. I. pag. 803. C.) videre est. De Tunica (pag. 323. A.) initiationis insuper animadverti potest, adhibitam fuisse adversus incantationes: cum ea ad fascias puerorum infantium servari consueverit. De nequitia & obscenitate (pag. 323. F.) Mysteriorum recte conjicit Calliachius: attamen explicandum fortasse remanet (si ita est) cur eorum Antistes vitam castam agere teneretur, ob eamque causam cicutæ succo sese inungeret, qui ob summam frigiditatem ad nimium naturæ calorem temperandum valet.

XIII. Dissertationes hæc Calliachii excipit alia Dissertatio, cui de Diis Cabiris titulum fecit, meritis suis illustris Auctor, Hadrianus Relandus. De cujus vita nonnulla hic contexere, erit, quemadmodum reor, operæ pretium. In ea etenim persto sententia, ut credam Lectores (ii nempe, qui Auctorem minus noverint) faciliorem sæpe modum obtinere ad quasdam scriptorum partes degustandas, ubi, quis qualisque fuerit Auctor, & qua flourerit ætate, perceperint. Hadrianus Relandus Joannis F. natus est XVI. Kal. Aug. an. 1676. in pago Rypensi non longe ab Almaria, urbe vetustissima totius Hollandiæ Septentrionalis. Inde Amstelodamum, studiorum causa, missus est a parentibus: ubi cum ad annum ætatis suæ XIII. fuisset, Ultrajectum migravit ad audiendos Jo. Georgium Grævium, & Joannem Leusdenum; quibus eum adjuvantibus, in Latina & Orientalibus linguis mire profecit. Post sex annos Ultrajecto Lugdunum Batavorum se transtulit, ac auditor fuit Ezechielis Spanhemii, Jacobi Triglandii, ceterorumque præstantium virorum, qui utraque illa in urbe litterarum fama, per ea tempora, florebant. Vix annos natus XXIII. Philosophiam publice professus est Hardevici: sed cito Gulielmi Magnæ Britannæ Regis opera ad Ultrajectinam Academiam translatus est, ut Antiquitates Ecclesiasticas, & linguas Orientales doceret. Hoc scilicet erat, in quo plurimum valebat: quod ex ejus monumentis publice editis facile apparet. Mortuus est Ultrajecti Non. Febr. an. 1718. cum annum ageret XLII. Si quis vel plura de Hadriani vita, vel ejus Operum catalogum noscere velit, is P. Petri Niceronii Commentarios (*Memoires pour servir a l'Histoire des Hommes Illustres &c.* Tom. I. pag. 339.) consulat oportet.

XIV. Commendat principio Auctor noster virorum eruditione præstantium, Tobia Gutberlethi, & Jo. Antonii Astorii, lucubrationes; qui jam Spartam eandem nacti fuerant, atque exornaverant. Visæ tamen Hadriano sunt aliquantillum subobscuræ

etymologiæ, quas illi, ut significationem nominis *Cabirorum* illustrarent, protulere. Itaque in Dissertatione sua id præsertim molitus est, ut nominis illius novam significationem, quam ipse dedit, bono in lumine collocaret. Exstat ea in ejusdem Relandi *Dissertationum Miscellanearum* Parte Prima (iterum edita, Trajecti ad Rhenum, an. 1713. pag. 191.) Sed antequam Articulum hunc finio, addam oportet, me (in Præfat. ad Volumen Secundum Art. XXXII.) scripsisse hæc : *inter plurima Hadriani Relandi Opera nullum de Cabiris Diis peculiarem tractatum usquam vidi, aut commemoratum inveni.* Tum ad calcem Voluminis Tertii illam *de Diis Cabiris* Dissertationem fuisse mihi indicatam, professus aperte sum. Nunc vero eam adjeci, ut eruditis de *Cabiris* disputationibus coronidem, quemadmodum ajunt, imponerem.

XV. Parique sane modo nullum Tobiaë Gutberlethi desiderabitur Opusculum. Unum jam exhibui in Supplementorum nostro Volumine Secundo (pag. 825.) in cujus Supplementi Præfatione (Art. XXIX.) nonnulla etiam de ipsius Gutberlethi vita delibavi; aliud Volumine Quinto continebitur; duo autem in præfenti subjeci. Horum primum inscribitur ita : *Conjectanea in Monumentum Heriæ Thisbes Monodiaræ & Titi Claudii Glaphyri Choraulæ.* Inscriptionem illam, in cujus explicatione versatur Auctor, dederat Janus Gruterus e Gutenstenianis schedis, sed in his ea scatebat pluribus mendis : hoc tamen loco prætermittendum minime est, in eximio Gruteri *Corpore Inscriptionum* edito Grævii cura, an. 1707. cujus egregia lectione frui Tobias noster, cum immaturo fato cessisset, non potuit, propositam illam Inscriptionem dari (pag. MXXXV. n. 11.) convenientibus notis ad mendorum correctiones & emendationes, ornatam. Sed ita etiam, ut ea ex autographo prius restituta fuerat ab Raphaele Fabretto (in *Inscriptionibus Antiquis* cap. I. n. 312.) & ab Jacobo Sponio (in *Miscellaneis*, nostræ edit. pag. 695. C.) eam Gutberlethus emisit; ac, verba singula seorsum persequendo, annotationibus variis, collationibus veterum plurium monumentorum, & criticis animadversionibus, præstanti diligentia expolivit.

XVI. Aliud, quod sequitur, Tobiaë Opusculum coaluit ex nonnullis *Animadversionibus Philologicis in Antiquam Inscriptionem Græcam, Smyrnæ repertam*; quam primus ediderat Jacobus Sponius (in *Miscellaneis*: nostra in edit. exstat pag. 1347.) Ratione autem omnino simili ejus, qua usus fuerat Gutberlethus pro Inscriptionis prioris illustratione, pro hac altera quoque usus est. Porro duo illa Tobiaë Opuscula in nostro hoc Quarto Volumine describi curavimus eo opportunius, quod hoc eodem Jacobi Sponii *Rei Antiquariæ selectæ Quæstiones, & Miscellanea Antiquitatis Eruditæ* contineantur. Quibus de Operibus ex ordine dicendum quidem erit statim: sed prius nonnulla de Sponio ipso, ut fert instituti nostri ratio, dare placet.

XVII. Jacobus Sponius Caroli Sponii filius fuit. Ortum vero Carolus habuerat Lugduni an. 1609. Is cum in omni disciplinarum genere versatus esset, Medicam in primis facultatem ada-

mavit, eamque magna nominis celebritate ibidem exercuit. Vitam posuit X. Kal. Mart. ann. 1684. Tali igitur tantoque viro ortus Jacobus lucem aspexit an. 1647. qui litteris & scientiis excultus, eos brevi progressus fecit, ut Medicinæ lauream summa cum laude in Academia Montis Pessulani adeptus fuerit. Inde Argentoratum se contulit, ubi biennium transegit apud Joannem Henricum Boeclerum, virum apprime doctum, cui sedulam dedit operam toto eo tempore, quo est ea in urbe commoratus. Carolum etiam Patinum coluit antiquitatis peritissimum, quocum arctissimo amicitiae vinculo copulatus, in idem antiquitatis studium enixe incubuit, cui sese mirifice addixit. An. 1669. cum degeret Lugduni, eum civitatis illius Medici in suum Collegium adsciverunt. Non multo autem post contigit, ut eruditissimus Joannes Vaillantius Christianissimi Galliarum Regis Antiquarius illac transfret, Italiam petiturus ad numismata, & alia Antiquitatis monumenta perquirenda. Viri fama, studiorum similitudo, discendi ardor Jacobum impulere ut illi se comitem adjungeret. Dalmatiam deinde, Græciam, Orientis partes an. 1675. & 1676. peragravit; varias insuper Gallici Regni perlustravit Provincias; quorum etiam itinerum universam rationem typis edidit, publicique juris fecit. Quoniam vero ab incunabulis imbutus fuerat dogmatis illis, quæ profitentur ii, quos *Reformatos* appellant, Galliam reliquit an. 1685. mense Septemb. (paullo ante quam Nannetense Edictum abrogaretur) eo consilio, ut Tigurum, urbem sitam in Helvetiorum regione, se reciperet; parenti enim suo jus civitatis concesserant Tigurini Cives. Sed morte præreptus in ipso itinere (in urbe *Vevay* Bernensis ditionis ad Lemanium Lacum) quod statuerat perficere non potuit. Obiit autem VIII. Kal. Januar. an. 1686. Academici nostri Patavini, quibus *Recuperatorum* nomen est, suo illum cœtui adscripserant. Nemausi quoque Academia Regiis auspiciis an. 1682. instituta inter suos allegerat. De illustri hoc viro, & de variis ejus Operibus, plura scripsere qui Basileæ novam curarunt Moreriani Lexici editionem.

XVIII. Quos ille magnis laboribus, multaque melioris eruditionis cultura fructus collegerat, eos in penu nostrum transtulimus; nimirum ejus *Quæstiones Rei Antiquariæ*, & *Miscellanea Erudite Antiquitatis*. Namque illa cum hisce, tum similium monumentorum ratione, tum universali quadam philologicarum explicationum convenientia, ita sunt inter se apta & quasi connexa, ut nullo modo sejungenda esse videantur. Quamobrem, bene recteque fecisse celeberrimum Havercampium, qui (ut supra commemoratum est) ad nos misit gemina illa Sponii Opera, inter raros Libros hoc tempore fere numeranda, plane censebunt, opinor, rerum hujusmodi æqui aestimatores. *Quæstiones* certe a *Miscellaneis* separari non debebant: *Miscellanea* porro qui poterant a nobis præteriri? Si enim ex Thesauris olim congestis & designatis rationem, qua novi congerantur Thesauri, ducere præstat (ut hercle præstat) in Thesauros *Miscellanea* Sponii, cum arrha data jam fuerit, inferre prorsus oportebat; ut quodammodo ita con-

tractus obligatio solveretur. Prolatæ namque fuerunt ab Jacobo Gronovio, in suo *Græcarum Antiquitatum* Volumine septimo, in publicum emisso Lugduni Batavorum an. 1699. (pag. 233.) *Jacobi Sponii Ignotorum atque obscurorum quorundam Deorum Aræ, notis illustratæ*; quod Opusculum Sponius ipse ediderat an. 1676. Verum inter *Miscellanea* sua (Sect. III. pag. nostra 789.) *Eruditæ Antiquitatis*, quæ prodire Lugduni an. 1685. Sponius iterum edidit illud Opusculum: sed multo auctius; cum in Editione prima Inscriptiones XLIII. in hac altera (inter *Miscellanea*) Editione Inscriptiones CIII. numerentur; quin etiam in Editione hac & emendatius est illud Opusculum, & pluribus observationibus eruditius ubique ornatius.

XIX. Itaque perspicuum sane fit, Gronovium inferentem suos in Thesauros Opusculum illud, ei etiam generi studiorum album calculum adjecisse: at, si Gronovio conveniens visum est, rem suam ditare, atque uti Opusculo illo, quod *Miscellaneorum* particula est, cur nos *Miscellaneis* integris, eam quoque particulam ampliorem comptioremque continentibus non uteremur? cur prætermittere ea debuissimus? Quod si, nihilominus, quis totam collectionem non probet; is, quæso, reputet Thesauros non uni parari. Nunc jam argumento rei totius exposito, de ipsis Sponii Operibus in Volumen hoc nostrum relatis dicere, ut postulat instituta ratio, pergamus oportet.

XX. Ordinemur igitur ab *Rei Antiquariæ selectis Quæstionibus*, quæ tributæ sunt in Dissertationes numero plures, nempe in triginta: atque ideo neque cuncta earum summa capita hic attingere possumus. Qui Præfationes ad Libros scribunt, id plerumque curant, ut eorundem contractam quandam veluti imaginem, quasi in antecessum, Lectorum oculis subjiciant: at pro ratione Operis hujus neque primas lineas apte duceremus. Sufficiet indicavisse, Sponium eruditionis suæ magnum apparatus exprompsisse in modo propositis Dissertationibus; ac de antiquis numismatis, inscriptionibus, cælatis marmoribus, instrumentis variis, aliisque monumentis, plurimis in locis exactam doctrinam, diligentesque explicationes attulisse.

XXI. Quamvis autem multa exacte scripserit & diligenter, nonnulla tamen notare possem, quæ vel operarum incuria, vel aliquo languore studii ab Auctore impensi, eas in Dissertationes irrepsisse videntur. Causa exempli, Plinium ille testem adhibet, nominatque *un certain* (Edit. Gallicæ pag. 114. cui respondet versionis nostræ pag. 433. E. *Aurelius*; cum scribi debuisset *Arellius*: sunt enim Plinii in *Nat. Hist.* Lib. XXXV. Cap. 10. verba hæc: *Fuit & Arellius Romæ celebris (pictor) paullo ante Divum Augustum, nisi flagitio insigni corrupisset artem &c.* Alibi (Edit. Gallicæ pag. 196. cui respondet versionis nostræ pag. 475. B.) ait idem Sponius; *la peinture du Temple de la Santé ---- si elle n'eust esté envelopée dans l'incendie du Temple de Claude.* Sed non de Templo Claudii, verum de tempore Claudii, sive de Claudii principatu, Plinius locutus est. En Plinii locum ex ejus *Nat. Hist.* Lib. XXXV. Cap. 4.

*Apud Romanos quoque honos mature huic arti (Picturæ) contigit . Si quidem cognomina ex ea Pictorum traxerunt Fabii clarissimæ gentis , princepsque ejus cognominis ipse , ædem Salutis pinxit anno Urbis conditæ CCCCL. quæ pictura duravit ad nostram memoriam , æde Claudii principatu exusta . Ubi (Edit. Gallicæ pag. 313. nostræ pag. 533. C.) Jacobus noster de consulatu P. Licinii Crassi agit , ponit , ceu ex Orosio descriptum , Annum DCLXXII. At ab Orosio (cujus locus exstat in ejus Lib. x. Cap. 10.) Crassi consulatus perspicue refertur in *Annum ab Urbe condita DCXXII.* ut erat referendus . Injicit Sponius mentionem (Edit. Gallicæ pag. 420. & 428. nostræ , pag. 581. D. & 583. F.) Asclepiadis Medici , aitque ; *Ciceron parle du Medecin Asclepiade comme d'un homme bien fait , & eloquent , & son intime amy.* Et verum quidem est , Ciceronem (Lib. I. de Oratore , Art. 14.) scripsisse , *Asclepiades is , quo nos medico amicoque usi sumus .* Sed animadvertere Sponius debuisset , eo loci Ciceronem induxisse Crassum de Oratoris arte loquentem ; quamobrem plane esse intelligendum , non Ciceronis , sed Crassi Asclepiadem fuisse medicum atque amicum . Nonnulla hisce addere facile possem ; & alia etiam profecto plura , quæ a viris doctis atque eruditis observata deprehendi .*

XXII. Neque vero notarum ac animadversionum materies in hisce tantum *Dissertationibus* inventa est ; verum etiam in *Miscellaneis* , ad quæ gradum facio . Et plures quidem viri peritia eruditionis antiquæ præstantes , (ubi tulit occasio) errores ab rerum quarundam novitate seu obscuritate Sponio *Miscellanea* conscribenti allatos , emendationibus aptis depulere . Raphael tamen Fabrettus (cujus labores indicari sane debent , ut Lectoribus utiles esse queant) in suis *Inscriptionibus Antiquis* , longe ceteros , animadversionum pondere & utilitatis ubertate , superavit . Locis plus quam quinquaginta medicam ille attulit manum ; plures enim depravatas in Sponiano Opere Inscriptiones correxit , de quibusdam Diis meliora protulit , de nummis , de officiis antiquorum , de veteribus ædificiis , deque aliis ad illustrandam antiquitatem facientibus , nonnulla , ratione magis quidem emendata , restituit , ac promulgavit .

XXIII. Nollem tamen , quempiam propter hæc putare , se *magnas inter Sponianas opes inopem* esse . Nollem ex copia tanta paucis rejectis , reliqua plane innumera , veluti contagione corrupta , non attingi . Quis enim homo de plurimis , iisdemque haud perspicuis , rebus , ad eruditionem pertinentibus , scripsit , & nuspiam aliquid humani passus est ? At contra , Sponii industria commendanda profecto est , cum ille in conscriptis reliquiis priscorum operum perquirendis strenue adeo insudaverit , cum descripserit solerter , atque ita quasi restituerit , tot vetera monumenta fere deperdita , cum nulli pepercerit studio ut de bonis litteris bene mereretur . Porro Operum Sponii solida utilitas cognosci facile poterit vel ex eo uno , quod eorum loca , rebus suis apta , adhibuerint sedulo quicumque docti viri , post edita Opera illa , sunt in veterum monumentorum illustratione versati .

XXIV. Sed hæc mittam, virosque imitatus sapientes, attendam tritum sermone proverbium; &, cum *vino vendibili non opus sit hedera suspensa*, pluribus non necessariis probationibus minime utar in Operum Sponii manifesta utilitate demonstranda. Potius ea, quæ *Miscellaneis* continentur, brevi aliqua ratione recensendo percurram. Sunt illa in Sectiones divisa, quæ decadem conficiunt. Quarum ex Prima petendæ utique sunt variæ explicationes cujusdam insignis Græcæ Inscriptionis, Sacrificiorum Fratrum Arvalium, Nuptiarum Cupidinis & Psyche. Atque in eadem etiam agitur de Hermis, de Hermathenis, de Harpocrate, de Cymbalis, de Crotalis, ac de instrumentis quibusdam aliis antiquis, demum de Diis Manibus. In Secunda vero perspicue exhibentur, sciteque enarrantur plura, quæ præsertim ad Gentilium numina referuntur.

XXV. De Tertia Sectione jam supra mentionem injecimus. Hic tamen præstabit animadvertere, in eadem (pag. 821.) ad Numerum XXXII. qui inscribitur *Clatræ*, delineatam, atque in æs incisam, exhiberi *Tabulam æream*, quæ *Romæ apud Falerios* exstabat: *subjecta* huic *Inscriptio lingua antiqua* (ut Sponius ait) *Hetrusca scripta est, ut ex similibus, quæ apud Gruterum exstant, intelligitur; sed qui eam interpretari poterit erit mihi magnus Apollo.* At post Sponium egregia multa de Inscriptione illa scriptis prodidere viri doctissimi eruditissimique, primum Scipio Marchio Maffejus, tum vero Aloysius Bourgetius, Marcellusque Franciarinius; qui jure meritoque sanxere, neminem in veteribus monumentis explicandis perspicaciorem habendum esse, aut acutiorem Marchione Scipione Maffejo; is autem ad interpretationem Inscriptionis illius a Sponio editæ aggressus fuerat, in eximio Opere suo, cui titulum fecit: *Degli Itali Primitivi Ragionamento* (Art. XVII.) Ubi observat, exhibitum ab Sponio monumentum fuisse descriptum ex Schedis Angeli Celotii, *qui omnium primus* (verba sunt viri summi Norisii Cardinalis, in *Epist. Conf.* pag. 92.) *superiori sæculo erudita victoris gentium P. R. cimelia collegit.* Tum autem laudatus Maffejus reputat Inscriptionem illam latina perantiqua lingua scriptam, atque deinde colligi posse, *Lerpirium Santirpium Duumvirum ex Formia* urbe fuisse, quam Lacedæmones ædificasse testatur Strabo; ex eorum autem regione in Italiam transmigravisse Pelasgos, narrat Servius; ac fortasse (pergit idem Scipio) *Fufes ille, aut si mavis Iudex fieri curavit, posuitque illud monumentum ex voto Diis, in ea ærea Tabula, celatis;* aliaque addit scitu quidem dignissima. Sed quominus rem hanc pluribus persequar, obstat brevitās, cui studere jam cogor.

XXVI. Quarta in Sectione, quæ *Illustrium Virorum Capita Monumentaque*, inscribitur, refert (pag. 927.) Sponius noster numisma, quo *honoratum* fuisse *Sex. Julium Frontinum*, ait; pluraque deinceps (pag. 929.) de numismate eodem erudite magis, quam vere, subjecit. Ejusdem vero figuram etiam in meis *Prolegomenis ad Frontini Commentarium de Aquæductibus Urbis Romæ* a me editum (an. 1722.) repræsentavi: atque in *Prolegomenis* iisdem operam de-

di (pag. 14. §. 38. 39. 40.) ut de eo quædam ad rem plane facientia in medio ponerem. Ac inter cetera, ut evincerem, Frontino eum nummum tribui minime posse, firmum attuli argumentum; quod hic repetere ad illustrationem, aut (si mavis) ad emendationem commemorati Sponiani loci, non piget: *Jacobus, scripseram, Facciolatus, vir doctissimus, & de præclaris omnibus artibus, ac latina lingua, optime meritis, cum de hac re sermonem haberemus, animadvertit, Adrianum primum ex Rom. Imperatoribus barbam alere cœpisse; cujus deinde exemplum Principes ceteri, & tractu temporis privati quoque secuti sunt. Quamobrem Frontinus noster, qui circa medium Trajani principatum vita excessit, is non videtur esse posse, cujus caput barbatus exhibetur. Demum articulum illum meum peregeram verbis hisce: nolui prætermittere, quin illud caput (cujuscumque sit) descriptioni vitæ Frontini præfigerem.*

XXVII. Sed ut magis magisque propositus ille a Sponio nummus illustretur, nonnulla adjicere debeo, ab doctissimo Francisco Oudendorpio mandata litteris; qui ejusdem *Frontini Librorum quattuor Stratagematicon* egregiam editionem (an. 1731.) tum variorum tum suis annotationibus ornatam, curavit. Ad ejus Præfationis extremum leguntur hæc: *Finem hic facerem, Lector, nisi paucis verbis admonendus esses de nummo, per Doctiss. Polenum in Prolegom. §. 38. e Sponii Miscellaneis depicto: unde nos eum in Tabellam, tituli ornatricem, transsumsimus, simulque addi curavimus justissimum veræ nummi ænei formæ ectypum, ex compluribus, quos benigne nobis suggessit Clariss. Sig. Haverkampus, accurate delineatum. Scilicet diu inter se contenderunt viri docti, ipsiusne Frontini caput illic cernatur, an vero Jovis aliussve Dei. Sed quum Hadriani demum tempore barbam rursus alere cœperint Romani, caput autem hoc bene barbatus adpareat (& hoc quidem illud est, quod in meis Prolegomenis, quæ etiam Cl. Oudendorpius una cum sua Frontiniana Editione iterum edidit, diligenter fuerat animadversum) non video quo pacto nostri Frontini, qui sub Trajano jam decessit, caput dici quiverit: ut recte observarunt nonnulli: Jovis caput esse verius opinabantur Gallandius, qui primus, quod sciam, nummum produxit, & Ill. G. Cuperus in Monumentis Antiq. pag. 175. Quamquam posterior ibi non diffiteatur, alteri opinioni facere casum, ut vocant, Nominativum. Quippe Gallandius, & ex eo Sponius, aliique exhibuerunt, quasi in nummo legeretur ΦΡΟΝΤΕΙΝΟC. Atqui secure testari possum, me clare illic deprehendisse casum Dativum ΦΡΟΝΤΕΙΝΩ. Qua idcirco observatione totam litem dissolutam, & Jovis, vel, quod malim, quia nullo Jovis insigni agnoscendum est, Herculis apud Smyrnaeos culti caput esse, facile jam concedent nummaria rei periti.*

XXVIII. Sed ut ad Sponii nostri industrios atque frugiferos labores revertar, indicabo, Quintam ejus Operis Sectionem Geographicis rebus esse dicatam. Officia varia Antiquorum & Artes, nec non res ad Milites, remque Militarem pertinentes, Sexta & Septima continentur. Octava instruitur Inscriptionibus Cæsarum, & Imperatorum, quibus perpolitæ subjiciuntur explicationes. Neque dissimili ratione illustrantur postremæ Sectiones, Nona & Decima; quarum illa referuntur varia ad rem Funerariam, Amu-

leta, Bullas, Corollaria, Pondera, Toreumata, Tesseræ, spectantia; hæc vero insigni Græcorum marmorum supellectile exornatur. Ut paucis omnia concludam, vel ex hoc uno Opere intelligi facile potest, quam late pateant veterum monumentorum usus atque præstantia.

XXIX. Nunc autem, postquam ad extremum Sponiani Operis ventum jam est; liceat ad ejus frontem regredi, quasi tamen perfunctorie. Ei est ornameto repræsentatio antiquæ cujusdam Picturæ in æs incisa, quam hoc loco subjeci.

Pictura antiqua prope Amphitheatrum Romæ reperta, ex I. P. Bellonii vestigiis veteris Romæ.



Lictores aliq; ministri et milites præcedunt triumphantem Romam, quam coronat à tergo victoria

Sponius enim eam mutuatus fuerat ab Jo. Petri Bellonii *Vestigiis Veteris Romæ*, qui eadem primam sui Operis paginam decoraverat: sed Grævius, qui Fragmenta illa in Volumine suo quarto (pag. 1955.) descripsit, prætermiserat. Itaque eam hic duplici de causa restitui.

XXX. Demum superest, ut quandam dubitationem, quæ menti meæ cœpit obversari, tollam atque expellam. Memineram, me decimo octavo in Articulo scripsisse, *Quæstiones & Miscellanea* ita esse inter se apta atque connexa, ut viderentur nullo modo esse sejungenda. At deinceps memoria repetens loca quædam tum illis, tum hisce comprehensa, veritus sum, ne quis, propter ea, quæ quodammodo ex *Quæstionibus* in *Miscellanea* sunt derivata, putaret, res easdem quasi bis exhibitas, & Opera illa non connexa modo esse, verum etiam esse nimis congruentia; atque ideo *Quæstiones* usu carere. Sed si quis loca illa, quæ videntur geminata, sedulo conferet, facile deprehendet, ea sibi invicem lucem afferre, nec altera ab alteris separari fide bona potuisse. Nolo id pluribus ostendere, ne sine causa longior sim. Vale.

Patavii. Nonis Juliis. cId Id CCXXXVIII.

SERIES SCRIPTORUM

Qui Quarto Volumine Novorum Supplementorum utriusque Thesauri Antiquitatum Romanarum Græcarumque continentur.

- I. **G**ISBERTI CUPERI & OTTONIS SPERLINGII *Dissertationes sive Epistolæ mutuae de variis rebus & quæstionibus quæ pertinent ad Antiquitates Græcas & Romanas nunc primum ex MSS. editæ ex Museo Jo. Grammii Hafniensis Historiographi & Bibliothecarii Regii, ut & Litterarum Græcarum in Academia Hafnien- si Professoris Celeberrimi.* Pag. 1
- II. **NICOLAI CALLIACHII** *Dissertatio de Osiride, nunc primum edita.* 305
- III. ----- *Dissertatio de Sacris Eleusinis & eorumdem mysteriis, nunc pri- mum edita.* 317
- IV. **ADRIANI RELANDI** *Dissertatio de Diis Cabiris.* 329
- V. **TOBIÆ GUTBERLETHI** *Conjectanea in Monumentum Heriæ Thisbes Monodiaræ & Titi Claudii Glaphyri Choraulæ. In quibus multi veterum Auctorum loci, Inscriptiones & Nummi illustrantur & emendantur.* 341
- VI. ----- *Animadversiones Philologicæ in antiquam Inscriptionem Græcam Smyrnæ repertam.* 359
- VII. **JACOBI SPONII** *Rei Antiquariæ selectæ Quæstiones in varias Dissertationes distributæ. Nunc primum redditæ latine interprete Pe- tro Facciolo Sac. Th. Doct. Coll. & in Seminario Patavino Rhetorice Artis Præceptore.* 369
- VIII. ----- *Miscellanea Eruditæ Antiquitatis, in quibus Marmora, Sta- tuæ, Musæa, Toreumata, Gemmæ, Numismata referuntur ac illu- strantur.* 633

NOI REFORMATORI

DELLO STUDIO DI PADOA.

HAvendo veduto per la fede di Revisione, & Approbatione del P. F. Paolo Tomaso Manuelli Inquisitore nel Libro intitolato: *Utriusque Thesauri Antiquitatum Romanarum Græcarumque nova Supplementa Tom. IV.* non v'esser cos'alcuna contro la Santa Fede Cattolica; & parimente per Attestato del Segretario Nostro, niente contro Principi, & buoni Costumi, concedemo Licenza a Gio: Battista Pasquali Stampatore, che possi esser stampato, osservando gli ordini in materia di Stampe, & presentando le solite copie alle Pubbliche Librerie di Venetia, & di Padoa.

Dat. primo Agosto 1739.

(Z. Pietro Pasqualigo Reff.

(Lorenzo Tiepolo Kav. Proc. Reff.

(Daniel Bragadin Kav. Proc. Reff.

Agostino Gadaldini Secretario.

DISSECTATIONES
EPISTOLÆ MUTUÆ
G I S B E R T I C U P E R I
E T
O T T O N I S S P E R L I N G I I
D I S S E R T A T I O N E S,
S I V E
E P I S T O L Æ M U T U Æ
D E
V A R I I S R E B U S E T Q U Æ S T I O N I B U S
Q U Æ P E R T I N E N T
A D
A N T I Q U I T A T E S G R Æ C A S E T R O M A N A S
Nunc primum ex MSS. editæ
E X M U S E O
J O. G R A M M I I
H A F N I E N S I S

Historiographi & Bibliothecarii Regii, ut & Litterarum Græcarum in Academia Hafniensi Professoris Celeberrimi.

DISSERTATIONES, SIVE EPISTOLÆ MUTUÆ.

I.

Viro Nobilissimo, & Amplissimo

GISBERTO CUPERO

S. P. D.

OTTO SPERLINGIUS.



Erecundari soleo, quoties ad magnos & doctos viros mihi scribendum est, quod ingenium tenue in impari commercio facile ruborem contrahat.

Neque hanc verecundiam deposui penitus, cum ad Te Vir Nobiliss. has exarandas sumsi; licet

enim toties mea tibi placere significaveris, meumque fuisset tantam benevolentiam tuam exosculari, & signum aliquod grati animi ad te mittere, haud tamen ausus fui ipsi humanitati me credere, nisi Legati vestri hic residentis Dn. Cuystii monita & incitamenta me persuasissent. In eum igitur omnis culpa recidet, si quid peccatum est. Novi enim & publicas & privatas curas te distrahere, quibus dandum erat, ne otio tuo in his meis legendis abuterer. Quæsisisti tamen, Vir Nobilissime, quod solent viri eruditi, quid nunc agam, & quid scribam, & quid moliar. Magnum scias me suscepisse negotium, & jam a pluribus annis Chronicon Civitatis hujus Hamburgensis congestisse, cujus tomum 15. nunc præ manibus habeo, vernacula lingua scriptum, ut intelligant posteri quid scripserim, nec ad interpretes confugere opus habeant. Ut Lehmannus Chronicon Spirense tractavit, eadem ratione & ego hoc Hamburgense; sæpius ad antiquitatem recurrere oportet, ut exinde mores hujus populi eruas & doceas: & ecce, dum in vestitum Senatus Hamburgensis incidi, doceo quid sint Paldones vel Faldones, rugatæ vestes, balthea, & quomodo quidque qua ætate ad Hamburgenses pervenerit; Roccum sed baltheum præprimis, antiquissima fuisse nomina Celtarum, hoc est Germanorum, a quibus ista vox civitate Romana donata cum usu cingendi ad eos pervenerit. Nam prius Romanos cincturam Græcam a collo dextro ad latus sinistrum adhibuisse, illi cingulo pharetras, & gladios affixos hæsisse, & gladium quidem ad dextrum latus; at cum balthea Celtarum vidissent, & exinde machæras pependisse catenis ferreis, nimis quam placuit Romanis, gladiosque ex eo tempore ad sinistrum alligarunt latus, quod hujus balthei usus & gladii longe promptior & facilius esset, quam *ἐν ὀμῳ*, ut Homerus ait, evaginandum gestare. Et sic de cæteris. Ubi de consulibus Hamburgensium locus scribendi se præbet, Antonius Pagi nunquam notatur, & quid veri subsit, quid minus, haud puto extra orbitam esse, ut indicem.

Supplem. Tom. IV.

A In his sum cum otio frui licet. De Marquardo Gudio scire quoque aves quid eveniret ejus post obitum instructissimæ Bibliothecæ; transiit ad filium, heredem impuberem, & ad Tutores. Erat Gudio mihi dum viveret amicissimus, dum Hamburgi substitit, etiam familiaris, sed in tanta ubertate ingenii, Bibliothecæ, & fortunarum, tenacissimus, & attentissimus, quæ scabies etiam ingenium contigit: nam citius e pumice aquam elicere dabatur, quam ab ipso scriptum aliquod; nihil unquam edidit, quod sciam, nisi dissertatiunculam de Clinicis veteris Ecclesiæ quam nec absolvit satis. Membranis maximi pretii auxit MS&ta sua per legatum Serenissimi Principis Furstenbergii Episcopi Paterbornensis & Monasteriensis, ad quem legatus iverat jussu Regis Daniæ Augusti nostri. Multum ex Manuscriptis ipsius fructum, & gaudium tuli, dum Hamburgi viveret, sed nihil me magis recreavit, quam bibliothecam ipsius Aldinam perlustrare. Aldus enim cum plurimos Scriptores recuderit, illæque editiones cæteris correctiores omnibus præstent, peculiarem horum Scriptorum Bibliothecam adornaverat, quod in Hetruria didicerat, Medicæam imitatus bibliothecam, in qua Aldinæ editiones locum peculiarem sortitæ sunt. Catalogum vix sperare licet, cum sub Tutoribus versetur, & maximum laborem requirat. Ignosces igitur oro, quod molestiam hanc Epistolæ indoctæ legendæ tibi obtrudam, eo tamen animo hoc factum credas, ut sim

Nobilissime Vir

Tibi Addictissimus.

Hamburgi a. d. XVIII. Februar. An. Ær. Chr.
CIC ID C XC.

II.

Amplissimo & præstantissimo Viro

OTTONI SPERLINGIO

S. D.

GISBERTO CUPERUS.

R Ecce ad me curavit D. Cuystius litteras tuas, Vir amplissime, atque ego ex earum lectione singularem voluptatem cepi; id quod etiam faciebat clarissimus Grævius, cum quo me febricitantem invisente easdem communicavi die solis proximo.

Nunquam autem abuteris otio meo; acceptissimæque semper venient mihi tuæ epistolæ. Nam licet multis iisque gravissimis rebus sim occupatus, partem tamen temporis Reipublicæ litterariæ subinde do; & virorum doctorum, quorum magna pars es, litteræ fessum sæpe animum meum recreant & refocillant.

Egregia procul dubio erunt, quæ de Paldoni-

A ij

bus vel Faldonibus, de cinctura Græca & Celtica, deque Cos. Hamburgensibus monebis in ejusdem emporii Chronicis. Cum autem illa, id quod certe nequaquam improbo, lingua conscribantur Germanica, vide, quæso, & perpende, num famæ tuæ consulturus non sis summopere, si Antiquitates Romanas vel Græcas, quas in tam ingenti opere illustrabis, Latine in varias dissertationes digestas edas. Nihil certe peribit operi primario; nec Chronica Urbis Hamburgensis inde aliquod damnum sentient; sed qui linguam tibi vernaculam ignorant, cognoscent clarius verustos ritus, & magis magisque admirabuntur eruditionem tuam.

Gudium juvenis admodum hoc in oppido, & in Foro Adriani habitantem cognovi; vidique apud ipsum multos manu exaratos libros, inscriptiones *ἀνδράγας*, notas in Phædrum, & alia quæ recondita servabat præclara. Sed erat & tunc tenax valde, immortalisque est tantis thesauris, quo certe nomine eum non laudatum iri aliquando vel Æsopii apologi, quos a Phædro politis versibus alligatos illustravit, docere virum debuissent.

Præter dissertationem de Clinicis Ecclesiæ Veteris sub Bosii nomine publicatam, edidit Lutetiæ Parisiorum an. 1661. Hippolytum de Anti-Christo Græce, qua de editione quid sentiat emunctæ naris vir Faber Tanaquillus, patet ex ejus epistolis.

A Nicolao Bono Jcto Veneto nuper litteras accepi, in quibus ille mihi occasione politissimi libelli tui varia Furie Tranquillinae numismata recenset; quæ quidem raritatis eximie sunt, sed tamen tuo illi, mea ex sententia, nequaquam conferenda. Utinam, utinam similis notæ *νεμυλία* edere & docte adeo illustrare velles! multum revera eo nomine debet tibi Antiquitas; quæ nunc tota Europa, habent enim artes & studia fata sua, caput veluti exerit: ego certe nomen meum inter debitores eos profiteor; quippe qui rebus vetustis delecter admodum, iisque occupationes meas distinguam.

Expecto Constantinopoli & Smyrna rarioris notæ nummos; estque mihi haud pœnitenda ineditarum omnis generis antiquitatum sylloge, & inter eas variæ inscriptiones, quæ nos res præclarissimas, sive historiam, sive ævi veteris ritus spectes, docent. Omne hoc, quicquid est digero & illustro, quantum per negotia licet; & unam alteramque inscriptionem videbis insertam notis meis in Lactantium de Mortibus Persequutorum; quiaureus libellus Trajectinorum cum maxime præla exercet.

Vale, Vir præstantissime

Hagæ-Com. XVIII. Martii 1690.

III.

Vir Nobilissime, & Amplissime

GISBERTI CUPERE

S. Pl.

Exosculatus fui litteras, tuas gratissimas, quas nomine Tuo Dn. Cuystius mihi obtulit. Illud me angit quod citius respondere non licuerit. Abripiunt invitum me varia, interim tempus labitur; opto, ne moram illam sentias, neque gratas eo minus fuisse tuas aut futuras æstimes, compensaturus ubi potero.

Quod vero mones de edendis quibusdam, & sine damno Chronici mei hæc lucem adspicere posse, recte quidem sentis, cum eo sine hæc assuantur, ut in promptu habeam si quid differendum sit; quis tamen hæc otia faciet? *Θεὸν ἀπὸ μηχανῆς* expectare necesse est: sunt præterea Typographi nostri averso in tales conatus animo, lucro nimis inhiant, quod ex vilibus & obviis parari norunt, non ex meis, quæ sordent; nec diffiteor, tenuitatis mihi meæ conscius. Plura sunt, quæ me absterrent, doctissimorum inprimis hodie Virorum in scribendo solertia, quorum otio frui satius esse duco, quam fama mea, cujus dispendium facile scribendo contrahitur. Impense nimis me amas, si mea credis aliquid esse, aut cum eruditis tuis aliorumve scriptis stare posse; nunquam ingenium ad primas, & tam opimas laudes comparatum habui. De Inscriptionibus & antiquitatibus Romanis & Græcis, quæ colligis & digeris, mentionem injecisti; venustum opus; cujus desiderio jam multos affligere potes, vide ne etiam eneces; fac potius cito prodeant, hæc quippe juvant & beant etiam: quotquot eruditionem amant tibi devinctos, me quam maxime, habebis. Ego dum lapides eorumque inscriptiones examinare contigit Hamburgenses, quando cœperint lapides Christianorum in his oris, monstravi, & vix ante seculum decimum quartum reperiri ullos; qua ratione ante hoc tempus Christiani memoriam sui conservari adjunxi, quomodo Epitaphia quæ suspenduntur ad eam, quam hodie ostendunt, luxuriam pervenerint, quid olim fuerint, vel non fuerint, & quam ficta multa nobis obtruserint docti indoctique. Nec præterii gentilium Saxonum lapides & ustrinas, cum adhuc hodie supersint, sed sine inscriptionibus; Riesenbetten nobis dicuntur, prægrandibus cincta lapidibus monumenta; unde quoque inquisivi in monumenta Danica & borealia cœtera, quæ Runicis litteris inscripta supersunt, ultimamque vetustatem hæcenus toti orbi jactarunt: docui ad unum omnia Christianorum temporibus esse inscripta, nec ætatem majorem illis adscribi posse, quam post Saxonis Grammatici tempora, qui Anno 1204. aut 1207. obiit. Signa hujus rei mihi sunt certissima, quæ fallere nequeunt, sed *παράδοξον* hoc est ipsis Borealibus, qui vix sine camarina hæc audiunt. Et quoniam de Inscriptionibus sermo est, cuperem scire, an inscriptiones Romanas aut Græcas observaveris, in quibus litteræ ipsæ exstantes fuerint & ἀνάγλυφοι, prout hodie in lapidibus nostris solent exculpi. Quor quor ego vidi antiquos & Ethnicos litteras habuerunt *ἐγγλύφους*; omnes Runicæ *ἐγγλύφοι* sunt; quas etiam stanno vel orichalco implere postera docuit ætas. Quin & illud doceri petèrem, num in Hollandia vestra uliginosæ effodiantur urnæ, num tales lecti aut tumuli lapidibus stipati illic quoque inveniantur, prout apud nos frequentes sunt. In Ultrajectino agro memini, cum juvenis studiorum causa illic viverem, me tumulos observasse, sed fugitivo saltem oculo. Smetius quoque produxit urnas, Ubbo Emmius de Frisicis tumulis testatur, & congerie lapidum Hollandicos nusquam lego, nec animadverti, dum in Batavis egi, ejusmodi *σήμετε*: tuum oraculum expecto. Contextui libellum de fœminis eruditis, & quæ scriptis claræ fuerunt, inter quas quoque Belgicæ comparent, Apollonia a Veen, la Comtesse d'Aranda, Anna Binlia, Antonett. Bourignon, Ursula Cantera, Maria Jersey Gornacensis, Anna Hooghewants, Morelli filia, Anna & Thessela Roemeria, & M. Sohurmannia, Maria Tesselfchade, Anna Utenhofia: cum tibi plures suggerere vacat, rem mihi gratam facies.

Egregie mihi placuit nummus tuus; quem olim explicasti in observationibus l. r. p. m. 102. Tuum dico, quod nemo Te felicius illum explicatum dederit, nec puto Tibicinum *πορβείας* ullo exemplo clarius illustrari potuisse. Sed paginam alteram istius nummi vellem addidisses, ut an Græce quid inscriptum habuerit, cognoscere possem; nam Schotti notæ mihi desiderantur & si integrum nummum Schottus attulisset, credo te quoque integrum producere voluisse: quare si faciem alteram nummi nosti, vel ejus iconem aliunde nancisci potes, noli omittere; est enim nummus iste peculiaris antiquitatis, & ex rarioribus Græcis. Nescis etiam, quid gaudii in præcordiis meis excitaveris, dum Constantinopoli & Smyrna nummos Tibi allatos iri significasti. Utinam incideris in probos, non in venaliciarios istos mângones, qui desideria nostra tot artibus circumvenire solent.

Jucundum quoque fuit de Dn. Grævio ex te cognoscere; novem nunc anni sunt, cum ipsum Ultrajecti in ædibus ipsius conveni ex Gallia redux cum Dominis Buchwaldiis, quorum studiis tunc præeram. Non dubito, quin suis in Ciceronem notis absolutis & editis ad elegantias alias pergat, qui omnium in eruditione elegantiarum parens est: at male me habuit Tibi febriçitanti quod illæ meæ occurrerint; ut vero hæc Te videant cum valetudine in gratiam rediisse voveo; & si Dn. Grævius adhuc Tecum versatur, sine salute dicta & officiis meis oblati ne ipsum dimittas; quod & cum ad ipsum scribes, ut facias peto. Si posset Gronovii patris vitæ compendium aliquod impetrari, quando natus, qua fortuna usus, quamdiu Daventriæ, Lugduni Bat. docuerit, quæ ejus scripta, quo matrimonio usus fuerit, & quando & quomodo vita exierit, magnam inibis a me gratiam. Præceptor olim meus in Academia Lugd. Bat. fuit, cujus manes veneror, sed vel maxime locus honorationi ipsi debetur in Chronicis meis, quod Hamburgi natus inter illustres hujus civitatis viros recenseri mereatur. Ne oneri hoc sit quod peto. Vale. Dabam Hamb. ad d. xxviii. Martij Juliani Anno Ær. Christ. cld id c xg.

IV.

Amplissimo Eruditissimoque Viro

OTTONI SPERLINGIO

S. D.

G I S B. CUPERUS

Occupatione mea factum est, quo minus ante hunc diem litteris tuis humanissimis atque doctissimis respondere potuerim. Larvam te detracturum Inscriptionibus Runicis, & probaturum eas tantæ vetustatis non esse, quantam ipsis Septentrio tribuit, cum voluptate intelligam olim. Sed tamen multos eosque eruditionis spectatæ Viros habebis adversarios, & in primis Rudbeckium, cujus secundus Atlanticorum tomus commodum prodiit in lucem. Nec ingratum tibi fore confido, etsi ipse *δυρος*, & borealium antiquitatum ignarus licet sim, quæstionem ponam. Si Inscriptiones Runicæ non sunt vetustiores Christianorum temporibus, imo posteriores Saxone Grammatico, sequi videtur, ante illa tempora in Septentrione rerum gestarum memoriam Saxis non fuisse inscriptam, & gentiles illum morem Christianis acceptum referre debere; quin & Christi doctrina Salutaris diu ante Saxonem eos in tractus illata est; adeo ut excedere debeant Grammatici illius æta-

tem. Sed hæc tu observasti & conciliasti proculdubio.

Inscriptiones nullas nisi *εγγύφως* observavi, nec puto contraria exempla in omni antiquitate Romana vel Græca inveniri.

In Hollandia, quod equidem sciam, non effodiuntur urnæ; in locis tamen, quæ Romani præsidio tenuerunt, quorum e numero est *Forum Hadriani*, hodie *Voorburg*, & *Prætorium Agrippinæ* h. Roomburg, nummi atque aliæ antiquitates reperiuntur; & ne dubitandum quidem est, quin Romani his etiam in regionibus cadaverum reliquias urnis condiderint; & vasculum vitreum in Hadriani foro inventum, atque antiquitatibus Batavicis insertum a P. Scriverio, verosimile est illi usui inservisse.

Tumulorum ex lapidibus congestis, & in cameram dispositis nulla hic exstant vestigia; sed quidem in Drenthia, quæ Regio Frisæ & Groningano agro vicina est. Ipse eos vidi & arbitror de iisdem loqui Ubbonem Emmium; neque enim in Frisia ejusmodi monumenta observavi unquam; incolæ, *Hune-bedden*, q. d. lectos Hunnorum, vocant, deque iis agit Johannes Picartius in annalibus, quos patria lingua composuit, Drenthiæ; qui tamen caute & cum judicio legendus est.

Fœminas eruditas in Belgica hac nostra nullas memini floruisse, præter eas, quarum memoriam te conservaturum significas, & ego quidem de nonnullis earum nihil inaudieram unquam; adeo ut & hic verum illud verbum fiat: *ἐκ ἐστὶ προφήτης ἀτιμος, εἰ μὴ ἐν τῇ πατρίδι*.

Eclypum, quem pag. 105. observationum explicavi, Schotto debeo; sed ille non ex nummo est petitus; verum caput est Sigillioli ænei operis antiqui, quod olim penes Duum Virum Augustanum, M. Velferum fuit; uti non modo patet ex Schotti notis, verum etiam ex Salmasio Tom. 2. Plin. Exerc. p. 833. qui etiam tibicinem, vel Marsyam representari existimat. Quemadmodum tunc temporis ignorabam, virum magnum hoc occupasse; ita nescio, qui mihi in mentem venerit, figuram hanc ex nummo desumptam esse; sed juvenis admodum eram, & donandum hoc siphama cum aliis est illi ætati.

Gronovii patris vita edita non est, quod equidem sciam; sed operam do, ut nanciscar nonnulla, quæ tibi satisfacere queant; si mihi cum filio tam præclari viri familiaritas intercederet, nihil forte desiderares.

Isis tua elegans valde est; utinam Ludolphus Inscriptionem nobis explicare posset, leum non desinam hortari, & quicquid miserit tecum continuo communicabo. Vale plurimum. Hagæ-Com. a. d. iv. Non. Jun. cld id c lxxxx.

Viro Nobilissimo & Amplissimo Dn.

G I S B. CUPERO

Gratissimæ fuerunt Tuae, quas ad d. iv. Non. Junii ad me dedisti. Haud equidem fas esse puto Te cum *ἀνάρχαις*, & ferotinis meis semper conflictari, sed ita comparatos habui hos menses, ut meus esse nequaquam potuerim, aut amicorum, quorum quia omnia sunt communia; Tu quoque moras has, illarumque partem ferre co-geris, me licet invito.

Non autem est, quod in Runica literatura doctissimum timeam Rudbeckium; nihil ille quidem, quod sciam, neque in primo, neque in secundo At-

lanticae suae tomo produxit, quod Runicam Scripturam vetustiore aetate Christianorum evincere solide queat; atque ut deditus est suae gentis honori, quod laudo, ita quod ab incunabulis ipsis populi antiquissimi, artem scribendi ipsis elimatam fuisset, cum multis scribat & sentiat, haud statim approbare potero, cum sciam verissimum esse, quod Aelianus alicubi scripsit, populos boreales turpissimum usque duxisse per scripta & scripturam proficere; illis multum & diu placuit το μὴ ἰδόν, & fabulis delectati sunt, quae sane vocabula nihil fictum origine sua significarunt, non magis quam confabulari aut fermocinari, sed scholae ejusmodi, in quibus res gestae majorum confabulando repetebantur, ediscebantur & tradebantur posteris, a patre liberis, a magistro discipulis, non unquam scribebantur. Quam discendi methodum cum carmina & cantilenae nimis quam juverint, hinc est quod vetustissima secula in carminibus omnem eruditionem posuerint. Horatius & Persius quando dixerunt, *fabula fies*; & alibi: *Heu me! per urbem fabula quanta fui*, non significat, ficta de ipso evulgari; sed ipsius facta in ore omnium versari, & judiciis omnium exponi. Atque sic intelligimus quid fuerint secula μὴ ἰδόν, non quae figmenta commentitia consensu quodam & studio sectabantur, sed ubi veritatis amantissimi homines traditionibus non vero scriptis res praecclare gestas memoriae prodiderunt, ita ut *van Mond tot Mond* sermonibus elaboratissimis irent. Hanc quoque ob causam Comediae fabulae dictae sunt, haud quod multa fingat scena, ut pote quod de se vitium nemo facile jaceret, vel praedicari sineret, sed quod invicem sermones edant, & strenue confabularentur illic homines. Itali sane, in hodiernum usque diem, linguam, sermonem, omnesque fabulandi & fandi artes proprie *fabulam* & *fabellam* vocant, teste libello: *Le Origini della volgar Toscana Favella per Celfo*, & lexicis Italicis. Tacitus quoque cum suo seculo de Germanorum carminibus non tacuerit, quae cani & recitari, dum in Germania subsistit, non semel percepit, sed & explicari sibi de Manno, de Tuifcone, de Hertha aliisque voluit; monuit nihilominus ea carmina nequaquam ipsis scripta, aut scripto exhibita fuisse, quia secreta literarum, quotquot sunt Germani, tunc penitus ignorabant. Igitur Suiones quoque, quos Germanis annumeravit; aut si soli Suiones scriptis & literis clari fuissent, quid non putas Tacitum de hac solertia scribere voluisse? Qui Tacitum secuti sunt scriptores, eadem de populis his borealibus diu narrarunt, & quomodo ad scribendum non accesserint, quam se dignam nequaquam arbitrati sunt artem, sed ad ignavos & stupidos pertinere credebant his immorari, aut ab his auxilium petere. Nimirum haud illi recte satis considerarunt voces nostras emissas in alterius ore protinus immutari, & varias formas in Protei morem induere, adeoque eundo crescere, ut si ad primum redirent autorem, ipse jam suam nequaquam agnosceret Historiam; sed mera commenta, figmenta, nugae & gerrae subnatas fuisse videret & miraretur; vix enim quod per tot ora hominum volitat aliud quid relinquit, ita ut nihil mihi nunc mirum sit, ejusmodi traditiones, fabulas, & μὴ ἰδόν post longam aetatem torque mutationes inter figmenta locum ac nomen sumisse. Nullo igitur argumento nititur aut Rudbeckius, aut alii, in scriptura Runica borealium, quam quod Gotthi in Thracia, quibus Ulphilas Episcopus praefuit, istam literaturam suam domo secum adsportarint, id quod tamen sine teste credi sibi volunt, & mihi plane fidem non faciunt. At prolixum nimis erit his confutandis nunc insudare, ne Epistolii modum excedam, & humanitati tuae tedium objiciam. Nec

A scripta borealium, quae laudantur, ejus sunt aetatis, sed si mihi offerantur examinanda, oculisque solum subiciantur, ne ego faciam, ut fateantur ipsi, nullum eorum octingentos annos excedere, hoc est, in scripta redacta esse, postquam Christianae religionis affectu facti sunt, omnesque illos scriptores Christianos fuisse. Religio Christiana in causa fuit, cur veterem morem, sine scriptura docere, tandem abolere coacti fuerint; haud enim conveniebat de rebus divinis, ubi nec apicem mutare fas est, ἐν λέσχῃ sedere & traditionibus indulgere, sed ex verbo Dei scripto quidquid discendum erat, petere debebant, & quae retinenda erant, B scriptis tradere, ne sensus perverteretur, & in fabulas irent sacro-sancta mysteria. Quod de Saxone Grammatico tradidi, ipsius aetate nullos lapides sepulchrales inscriptos extitisse, nondum me poenitet scripsisse. Neque enim omisisset Grammaticus unum vel alterum proferre, si sua aetate reperisset, qui reliquorum monumentorum nulla praeteriit; nam & Thylenium praepriis, in Annalibus conficiendis & conscribendis industriam deprædicat, & carmina Danorum veterum, ubi potuit, recensuit, & rupis Haraldinae inscriptae meminit, C cujus literas adhuc sua aetate prominuisse scripsit, licet legi amplius non potuerint. Sed observandum, hunc locum & hanc rupem inscriptam incolis Runemoe dictam esse, quasi Virginem Runicam, quod sola Runis inscripta esset de rebus gestis loquens, non de obitu regis alicujus. Eadem ratione lapides alios in Finlandia commemorat in victoriae signum positos & literis ornatos, non cujusquam diem emortualem consignantes: ita ut verum sit, ante ipsius aetatem scripsisse, sculpsisse quam plures; at sepulchris etiam ejusmodi inscriptiones in lapidibus additas fuisse, plane nescivit, ideoque de illis ex Saxone testimonium nullum superest, quod illas unquam viderit: vidisset autem, legisset, utique & commemorasset, prout rem notatu dignissimam D in propatulo positam, & tot seculis usitatam Vir inter Danos in Selandia natus, educatus, & in omni literatura usque ad elegantiam doctissimus & versatissimus, si tale quid observasset: quibus rationibus facile me persuadere posse puto, Saxonis aetate inscriptiones nullas sepulchrales extitisse, sed post eum demum enatas fuisse, id quod ad quaestionem tuam solvendam, quam movisti, edisserere debui, ut, si quis porro scrupulus haeret, illum eximam, tibi que satis faciam.

E Interea nihil verius unquam asserere potuisti, quam huic sententiae meae plurimos, etiam optimae eruditionis Viros, adversaturos; nam sicut nova est, nec haecenus cuiquam in mentem venit, ita fronte prima stomachabundi & nauseantes vix dicta mea digerent, & lapides mihi loquentur, nec rationes admittent in re haecenus nulli unquam in dubium vocata. At ubi detepuit impetus, & a quo Marte, hoc est rationibus non barbaris aut semidoctis, pugnare incipient, jam & ego illos, & illi me audient, scio. Antiquitate iudice in antiquis certabimus, non ut vincam, sed ut defendam: si quis autem mihi obducatur, qui heri nudiusque tertius scripserunt, & somnia sua nobis narrarunt, ac cum illis insanire me volunt, illos suo relinquam opus est ingenio.

F Mitto effigiem Alberti Crantzii, quam vitae ipsius praemitto, ubi illam edere contingeret, sicut paravi. Atque sic valere te jubeo athleticce & pancratice, meque habebis semper

Tibi addictissimum.

Hamb. ad d. iv. Julii

A. ær. Chr. CIO IO C XC.

lo xiv. obtinuerunt, & denarios solidos his nummulis cavis subdiviserunt, & Vierlinge vocarunt Hamburgi, quot quatuor tales cavi solidum denarium efficerent, quamvis Henrici Leonis nummum argenteum, cavum eadem ratione, viderim; & exstat apud Meybomium in Irmenfula, aut alio quodam ejus opere: nam non recte memini. In auro cavis ejus ponderis & molis nondum videram; unde mihi cum doctis quibusdam in Hispania commercium esse vellem, ut de talibus disquirere, ac rectius erudiri possem. Accidit vero incommode, quod Regi nostro Clementissimo nunc in Hispania Ministri nulli sint; quare si per Te & Vestros commendari possem Antiquariis Hispanicis, rem gratissimam faceres. Quin & in Anglia nummus est regius, aureus, maximi ponderis, quindecim librarum, ut Cambdenus refert in Remaines p. m. 183. quem in summis Festis Rex Angliæ solet offerre, eumque semper redimit 20. Coronatis, ut alii narrant. Ejus nummi peculiarrem aliquam notitiam, ut mihi procurare posses, quam vellem! desidero sane nosse, quid inscriptum sit huic nummo, & quomodo? quodnam verum ejus pondus? nam dubito, num Cambdenus non libras sterlingorum xv. in auro dicere voluerit, qua ratione quinque uncias non posset excedere pondere, aut pretium 76. Imperialium. Nunc ad literas tuas a. d. iv. Non. Novembr. anno præterito scriptas venio. Horresco, mea tanto tempore in ære tuo esse, mirum, nisi me ut malum nomen expunxisti. Haud me sane pœnitet ejus, quam de Runis Danicis teneo, sententiæ; quo magis inspicio, eo magis illa veritas se prodit: reperio, quod mireris, hic aliquos, qui mecum sentiunt. Junior ille Bartholinus, dum vixit, æger etiam decumbens, hoc se dudum sensisse professus est, sed non ausum esse publicis scriptis hoc adstruere, unde antiquitatem illarum ad Othinum & Christi ac Pompeii tempora in Antiquitatibus suis retulit. De Autore Eddæ Islandorum noli dubitare, quin Christianus fuerit; præfatio ejus hoc te docebit. Errarunt omnino, qui Snorronem Sturlæ autorem ejus fuisse crediderunt, Seculo xiii. sub Valdemaro II. Rege viventem: est enim ætas ejus auctoris longe posterior. Vixit sane auctor illius partis, quæ Edda dicitur, & secundæ partis, quæ Scaldæ vocatur, sed nondum editæ, Seculo xiv. sub Valdemaro IV. quem alicubi in MS. suo Dominum suum vocat. Hoc ego hic didici, postquam MS. ipsum Eddæ & Scaldæ inspexi, & aliquibus sententiam meam approbavi. Citat præterea Snorronem multoties, ita ut Autor Eddæ vel Scaldæ non possit esse Snorro. Recte quoque odoratus es, Autorem ex Græcorum Fabulis initia suarum Fabularum tenuisse; nam a Trojanis telam orditur hanc, quod Snorro non fecit, sed a Pompejo & Othino Historiam suam & Chronicon Norvegicum auspicatus est. Ut eo magis videas, Snorronem haud esse autorem hujus scripti. Gronovium de festertiis vel pecunia veterum in literis tuis conjungis; in vita ejus, quam submisisti, & ob quod magnas grates debeo, disjunguntur: De festertiis Daventriæ editi, de pecunia veterum libri 4. Amstelodami: mone me, num idem liber sit, vel diversi. Est mihi editio Amstelodamensis de festertiis l. 4. 1656. in 8. ubi additi sunt Vol. Mæcianus de Asse, Balbus de Asse, & Paschasii Grosippi tabulæ nummaria. Daventianam editionem de festertiis non vidi. Inscriptis forte de festertiis vel pecunia veterum secundam editionem Amstelodamensem; nunc enim absum a Bibliotheca mea, ut inspicere nequeam. Orbis tui & amuleti descriptio valde grata mihi fuit; nummum appellare noluisse; quamvis sit mihi

A nummus Græcus antiquus æreus cum signis in circuitu Zodiaci, & quadriga Phaethontis excusi in medio, cum capite Herculis barbati ab altera parte. Meminit Guilielm. Choul de relig. Rom. p. m. 199. & appingit inscriptionem ΑΔΥΝΑΤΑ ΖΗΤΩΝ, quam in meo reperire non potui: alias in Trajani, Antonini Pit, Alexandri Severi, Juliæ Mæfæ & Valeriani nummis reperies zodiacos excusos. Dum ex chalybe prægrandem Orbem hunc scribis, fusilis esse debet; nam vix ferrum, multo minus chalybs, ea magnitudine, cuneum recipit; sæpius id tentarunt Monetarii, sed nemo feliciter præstitit. Egregius ille artifex R. Faltz nummum ferreum Regi Sueciæ Carolo XI. nuper A. 1685. duorum uncialium magnitudine expressit; sed longe abest a saturo illo & consummato nitore reliquorum metallorum. Quare ego orbem hunc tuum ex variis metallis mixtum judicarem, ferri colorem præferentem, cujus generis mihi quoque nummus est plusquam uncialis, ex omni metallo conflatus: aurum enim, argentum, æs, ferrum, plumbum, stannum, continet, literis Hebraicis utrinque conscriptus, & Planetarum figuris vulgaribus, quem Cabalisticum soleo nominare, aut Talismanicum, sub certis signis cœli cusum ad averruncanda mala, & procuranda prospera. Vidi alias apud Serenissimum quondam Principem Homburgensem Hassiacum Hamburgi nummum argenteum, dimidii thaleri magnitudine, cui nihil nisi musca vulgaris insculpta, & characteres pauci ignoti. Narrabat Serenissimus ille, eo nummo se muscas omnes conclavibus & tabernis cerevisiariis fugare posse. Vix finire possum, adeo desiderium me tenet confabulandi, quia diu cessarunt meæ tecum λέσσαι. Vale autem, & vive felicissime, quod vovet,

Vir Summe Tuus ex animo totus. Hafniæ a. d. xxx. Maii CIOIOCXCI. Salut. Dn. Gravio & omnibus bonis & doctis.

Curari possunt literæ tuæ per tabellarios solitos Homburgenses; aut, si mavis, per vestros hic legatos & Residentes.

VIII.

Amplissimo & Præstantissimo Doctissimoque Viro,

D. OTTONI SPERLINGIO

S. D.

G I S B. C U P E R U S

A Ntequam epistolæ, quam ad me xxx. Maii die misisti, respondeam, video mihi me aram & precatorem parare debere, quod tam tarde officio illo defungar. Possem equidem præfari negotia, quæ me habent, habueruntque valde occupatum; sed placet mihi mirifice Alexandri Platonici apud Ant. Philosophum dictum, non scribere aut dicere χωρίς ανάγκης aliquem debere, ὅτι ἀσχολὸς εἰμι, cum revera putidum sit mittere, quam sis occupatus. Quid igitur? rogavi amplæ apud Anglos dignitatis virum, uti me edocere velit, quæ te scire velle significas de nummo xv. librarum; responsum dum expecto, tempus labitur, & quamvis illud nondum acceperim, tamen

tamen recte me facturum existimavi, si nihilominus elegantissimæ mihiq̃ acceptissimæ epistolæ tuæ aliquid reponerem.

Optime certe Sereniss. Daniæ Rex consulit Musis, & plurimum Majestati suæ debent quæ generosa in ortus semina exsurgunt suos, si tibi Juris & Historiæ professionem mandat; tibi que ex animo novam illam & amplam dignitatem gratulor. Pulchrum erit eorundem Regum Historiam cognoscere posse ex nummis digestam; sunt enim illi certissimi testes temporum, clarissima lux veritatis, & rerum gestarum monumenta æterna; & quæ ea occasione de nummis, quibus litteræ Runicæ inscriptæ sunt, de Edda, Scaldæ, Runis Danicis, & Shorrone observasti, valde in me accendunt desiderium legendi ea, quæ te publicaturum promittis opera.

Nunquam apud Belgas observavi nummos ab una parte solum signatos, & ab altera cava; & si in Hispania inveniretur aliquis, cujus opera uti possem ad inquirendum, num idem ibi mos obtinuerit, nullus certe deessem tibi. Nostri homines non capiuntur his deliciis, eosque, qui veterum rerum curiosi vivunt, putant cum ratione insanire. Quid quæris? ea nostri sæculi infelicitas est, ut vix aliquis in antiqua monumenta inquiret, & omne quod studio eleganti tempus impenditur, existimant perire, atque adeo ejus amore illectos oleum & operam bona fide perdere. Regium in Anglia nummum, cujus Cambdenus meminit, existimo xv. librarum sterlingorum fuisse; immanis enim ponderis foret; si xv. libras ponderales penderet, nec pretium xx. Coronatorum ullo illi responderet modo; id quod tamen ejusmodi in ritibus & ceremoniis semper fere observatum fuit.

Gronovius Daventriæ edidit librum de sestertiis; eundem an. 1656. Amstelodami vulgavit auctiorem hoc titulo, De sestertiis, seu Subsecivorum pecuniæ veteris Græcæ & Romanæ &c. & nunc illum publicavit auctiorem iterum in 4. ut loquuntur, filius, qui Historiam Lugduni Bat. proficitur.

En tibi magnitudinem orbis mei; quem recte fusilem esse credis. A Choulío editum p. 196. nummum vix credo esse genuinum; nam vultus ille Herculis crassus & obesus, ut ut in aliis bonæ notæ monumentis inveniat, etiam cernitur in ficto numismate p. 261. Thef. Palatini; deinde non soliti fuerunt Græci sententiis nummos suos exornare. Sic ejusdem farinæ sunt, quibus nonnullorum Græcorum Imperatorum vultus inditi sunt cum variis argute dictis apud Bosium in notis ad Nepotem Cornelium: nec alio loco habentur eruditis illi Annibalis, Julii, Augusti, & Agrippæ, in quibus scribitur, ACCIPITE, VENI, VIDI, VICI. FESTINA LENTE. HIC OMNIPOTENS. Posterioribus tamen R. imperii temporibus hic mos in usu esse cœpit; nam Morellius tab. 9. Speciminis, Maximiani nummum edidit, cujus in averfa area legitur; GAUDETE ROMANI: & notum est Constantini illud divinum symbolum, HOC SIGNO VICTOR ERIS, & quod in nummis Constantii & Decentii apud Choulium p. 187. legitur, SALUS DD. NN. AUGG. LUCET: præterea non video, quid Phaetontis Historia cum Hercule habeat commune, id quod certe sufficit ad convincendum nummum illum *υοδελας*, quem vellem equidem ipsum inspicere, uti clare cognoscere possem, num figura jacens facem accensam, an verò clavam teneat. Duodecim cœteroquin signa recte observas cerni in Trajani, Antonini Pii, Al. Severi, Juliæ Mæsæ, & Valeriani nummis, quibus adde

Supplem. Tom. IV.

A alium elegantem Sardibus percussum, a Sponio editum T. 3. Itiner. & gemmam, quæ exstat pag. 3. Thef. Palatini. Orbis meus proculdubio purum putum amuletum est, & quam valde in ejusmodi rebus Orientales sibi placeant, notum est satis superque, & docet, uti non ignoras, præter alios, Reicheltus.

Catalogum bibliothecæ Th. Bartholini videre equidem cupio; eum rogo in manus tradas D. Goëli, qui ad Sereniss. Daniæ Regem orator missus est ab Ordinibus Generalibus; cujus etiam fidei hanc epistolam commisi. Vale plurimum, vir præstantissime.

Hagæ-Com. a. d. III. Cal. Nov.

IX.

Viro Nobilissimo, & Amplissimo

G I S B. C U P E R O

S. P. D.

O T T O S P E R L I N G I U S.

Tuas recte ad d. III. Cal. Novembr. scriptas mihi traditas esse, hæc docebunt. Grates habeo magnas, quod inquirere volueris de nummo Anglicano. Ego quin etiam uni aut alteri ex Anglis hic morantibus hoc negotium commisi, sed quoad pondus istius nummi, aut inscriptionem, aut ætatem *εἰς ἃ Διῶρος γρὺς* responderunt.

Sunt homines tanquam alium in orbem delati, quando de hujusmodi rebus quærimus, unde sæpius hæc ipsis reperenda sunt, & inculcanda ad nauseam: videbo tandem, quid tuus ex Anglia Amicus super hoc nummo responsurus sit. De pondere igitur, an fuerit xv. librarum auri puri, an vero xv. libras sterlingorum in auro confecerit, quod nummum 35. Ducatorum Hungaricorum, aut septuaginta uncialium in argento reddet, dubitare nobis licebit, donec certi quid afferetur: inprimis cum aliam historiam nobis annales servaverint, de aureo nummo, qui xv. libras centies fere excedere debuit, quem ex eadem Anglia dotis loco attulit in Daniam Philippa, filia Henrici, Comitissæ Herfordiæ & Essexiæ, circa Annum 1406. cum Erico Pomerano Regi Daniæ nova nupta tradere-tur. Unicum enim denarium aureum dotem fuisse scribunt: adeo ut in magnitudine & pondere nummorum Anglis palma relinquenda sit his duobus exemplis. Sed his missis, ad nummum illum Herculis cum Zodiaco & Phaetontæ pauca adhuc reponam, quoniam suspecti postulas illum Choulīi, propter sententiosa addita; & quidem recte hoc facis, cum nihil verius sit, quam ejusmodi ænigmata philosophica sequioris sæculi addita-menta in nummis censeri debere, & fucum suum tales nummos prodere, aut ex antiquis adumbratos, additis quibusdam nugis, aut plane fictos. De nummo meo Herculeo, qui cum Chouliano sane convenit, usque ad illa *ΑΔΥΝΑΤΑ ΖΗΤΩΝ* quæ meus non habet, afferere licebit, me notas nullas spurias in meo deprehendere, adeo, si quid

B

ego judico; mihi genuina videntur omnia, & Græcæ antiquitatis plena, æs valde rubrum, facies egregia antiquæ manus, populo cinctum caput, & quæ sunt reliqua; nihil deest antiquitati, nisi ærugo illa viridis, quam ex multis causis abesse posse sentio, ut nihil propterea decedat vetustati. Utinam hic locorum illum tenerem nummum, lubentissime Tibi, Vir Nobilissime, inspicendum mitterem, & accuratissimo tuo judicio submitterem, ut Te decernente staret aut caderet ejus probitas. Nam sæpe nos ipsos fallimus, aliis rectius videntibus. Quod vero Herculem & Zodiacum ac Phaetontis historiam conjungi miraris, ut quæ nihil commune habeant, hocque etiam inter signa *της κιβδύλης χειρός* commemorares, non quidem mihi nunc succurrit Bibliotheca mea destituta hæc explicare; sed, credo, tot dissidentia in plerisque nummis congesta reperies, quorum ratio vix reddi poterit ob varios olim casus in civitatibus nummos nobis dantibus occurrentes, ad quos respiciunt, adeo ut exinde labem aliquam nummis affricare si velimus, non satis hoc procedat. Choulia nummum ex vero fictum esse sentio, fingentemque ut explicaret nummi argumentum, suum *ἀδύνατα ζῆτῶν* addidisse, sicque suo se prodit indicio forex, quod *χρῆς ἢ πρῶν* rarum istum nummum novum fecerit, & scena paulo mutata fabulam non amplius antiquam, sed suam luserit. Orbis tui magnitudinem mittere te scribis, sed revera non misisti, oblitus, ni fallor, includere, dum ad litteras claudendas redis, quod solet accidere. Maximiani nummum cum GAUDETE ROMANI, adduxit etiam Lovys Savot inter rariores. At Choulia in nummis suis elucidandis minime credo. Unde nec illam Inscriptionem admitto SALUS DD. NN. LUCET, sed mancam in fine Inscriptionem existimo in nummo Choulia male lectam, & intellectam; pro LUCET enim scribi debebat AUG. ST addique CAES. quod aut non vidit, aut omisit bonus Choulia; ita enim in cæteris Constantii & Decentii nummis legitur additurque inferius adhuc PATA, aut aliud quid, ut videre licet apud Tristanum, & Car. du Fresne. Catalogum Bibliothecæ Tho. Bartholini Dn. Goesio tradidi ut submittat.

Jam vero quod Tu quereris in tanta luce hominum doctorum, qui vos circumstant, circumdant, & stipant, a quibus nos elegantias omnes & venustates restitutas vidimus, ubi tot præla fervent, tot Typographi sudant; quid nobis faciendum, quos tenebræ velut Cimmeriæ occupant? Illud quod mihi elaborandum dederunt opus, nunc me monente primum sentiunt procedere non posse, cum desint & cælatores & cuneatores, aut monetarii idonei, qui rem regibus dignam digne queant producere; si ad typographos deveniendum est, eadem miseria. Vides igitur, quænam impedimenta me morentur, quamdiu vero colluctari debeam, an mihi pereundum sit Scylla vel Charybdi, nondum scio: expectandum est gnaviter & patientissime. In illo tamen gaudio finiam, nuncians Viti Beringii, Summi Viri, Danicam Historiam jam sub prælo esse. Nisi nimis lentuli sunt, proxima æstate absolvi poterit. Vale.

Dabam Hafniæ a. d. XIV. Novemb. An. Ær. Christi, CIOCCXCI.

X.

Amplissimo & Præstantissimo Viro

OTTONI SPERLINGIO

S. D.

GISB. CUPERUS.

AΔΥΝΑΤΑ ΖΗΤΩΝ cum nummo tuo inditum non sit, haud levis inde nascitur suspicio, illum genuinum, alterum vero a Choulia editum supposititium esse. Verbum illud proculdubio ab iis scriptum in nummo est, qui historiam Phaetontis explicare voluerunt; & sperate, qua es eruditione & perspicacia, edocturum, quam ob causam Phaetontis magna ausa & Herculis *προτομή* simul in numismate illo repræsententur, simul ac libris tuis redditus fueris. Ecce tibi orbis mei ex vario metallo, uti argento, chalybe & ære, conflati magnitudinem, quam ultimis meis litteris includere neglexi. Catalogum bibliothecæ Thomæ Bartholini recepi, & variis eum libris refertum esse conspexi non absque voluptate, quos editos in Septentrione esse ignorabam.

Fieri potest, ut SALUS DD. NN. LUCET corruptum sit, & recte judicas Choulia tuto fidem non adhiberi. Sed tamen Carolus du Fresne in Dissertat. *De inferioris ævi numismatibus* num. 24. non modo eandem inscriptionem ut genuinam agnoscit, verum etiam profert gemmam ex S. Genovesæ Dactyliotheça, in qua legitur: SAL. DOMI. NOST. AUG. LUC. id est, Chaluceo interprete, *Salus Domini nostri Augusti lucet*; uti & aliam Alexandri Severi, in qua scribitur, SAL. D. N. ALEX. FIL. LUCET. Quin & observante eodem, apud Choulia, Constantii & Decentii nummus inscribitur: SAL. DD. NN. AUGG. LUCET, quæ certè exempla docere videntur, recte in alio nummo legi, SAL. DD. NN. LUCET. Observandum autem in gemma Alexandri Severi omissam esse vocem MA. Vidi enim similem plane nuper Amstelædami; in circuitu legebatur SAL. DO. N. ALEX. FIL. MA. LUCET, in medio cernebatur monogramma facrum, hunc ad modum factum **R** inter A &

Ω. Nam *μυροῦ* Imperator hic nominari solebat, Alexander Mamææ, uti satis superque ex Lampridio patet. Hæc autem gemma si adscribi debet temporibus Alexandri, evidens utique signum est, persuasum habuisse Christianos, eum ab illorum religione non fuisse alienum. Sed cum monogramma Christi non fuerit in usu ante Constantini tempora, quantum equidem ex monumentis Christianorum constat, verisimile admodum est, illam posterioribus temporibus adscribi debere; unde tamen etiam sequitur, tunc credidisse Christianos, Alexandrum vel fuisse Christianum, vel Christianis favisse, quod ultimum certe patet ex cap. 29. 43. & 49. vitæ ejus ab Ælio Lampridio conscriptæ.

Doleo, tot impedimenta morari historiam Serenissimorum Daniæ Regum ex nummis illustrandam; at si illi nitide depicti forent, credo Typographos vestros facile Amstelædami inventuros cælatores.

Ex Anglia nondum responsum accepi, & videntur ibi ejusmodi elegantiae flocci fieri.

vel gravioribus distringi negotiis viri; ad quos ea super re scripsi. Et cum inaudita narres de nummo aureo, qui xv. libras fere centies excessit, expectandum equidem tecum existimo, antequam certi quid de altero statui possit. Wagenfeilius me certiore fecit, incidisse quædam in manus suas, quibus docere licebit rem ignotam de magisteriali cantu, & quam illi, qui illi arti nomen dedere, sedulo celant, nec sinunt emanare in vulgus; visum sibi ad hoc esse, majus momentum inesse huic sectæ poetarum, quam hætenus deprehensum, & conferre ad aliqua ex iis confutanda, quæ Rudbeckius proterve, & probrose Germanis objecit. Ex oriente mihi nuntiatur, Anglos quosdam lustrasse Palmyræ ruinas; invenisse eos ibi quadringentas columnas marmoreas vel porphyreticas, aliquot templa integra, plurima monumenta, & magnum Inscriptionum Græcarum & Romanarum numerum. Amicorum, qui in urbe Aleppo vivunt, opera tam pretiosas antiquitatis reliquias delineatas nanciscar propediem. Vale plurimum, vir præstantissime, & me amare perge,

Davent. 9. Martii 1692.



XI.

Viro Nobilissimo & Amplissimo

G I S B E R T O C U P E R O

S. D.

O T T O S P E R L I N G I U S

Ultimæ Tuæ de formula SAL. D. N. AUG. LUCET in nummis & gemmis me docuerunt certiora longe, quam Choulus, quo nomine gratias Tibi debeo non exiguas. Sed nondum quid formulæ sit SALUS LUCET, satis comprehendendo. Est aliquanto obscurior, nec sine causa tamen in nummis expressa. Si quid lucis amplius huic LUCET asferre poteris, rem facies mihi gratissimam. Quod de Alexandri Severi gemma scribis tuis oculis Te vidisse, rarissimum est, & opinionem veterum de Christianismo Alexandri mire confirmat, si alicujus ætatis hanc gemmam esse judicas. Quapropter edoceri cuperem, cujus generis gemma sit, quæ hanc inscriptionem continet, cujus formæ, & magnitudinis, an *εὐχλόφος* vel *ἀναχλόφος*. Ex forma sane  tali non maximam ætatem præfugio, sed nec nuperam admodum. Nam Alexandri ætate sculptam non esse recte judicas. Simile quid de Alexandro Severi & Mamææ filio observavi quondam apud Georgium Chanlerum, qui numismata Imperatorum vitis a se conscriptis addidit: ubi ejus Imperatoris nummum produxit hac crucis figura  insignitum, soleoque talem crucem Gothicam appellare, quod plane ejusdem figuræ reperiatur in nummis Gothicis, quæ ipsis peculiaris esse videtur, nec alibi facile observatur. Ad Christianismum ejus, aut favorem & indulgentiam, qua persecutus esse dicitur Christianos, etiam illa cruce respici non dubito; licet sint, qui Philippum Arabem primum inter Imperatores Christianum fuisse velint. Quod suggeris consilium de depingendis nitide nummis nostris, ut alibi cælum ac-

Supplem. Tom. IV.

icipiant, jamdudum nostris proposui, & fuerunt, qui faciles erant, isuerunt vero etiam, qui vana quadam gloria ducti patriæ honorem diminui, si alibi cælarentur vel imprimerentur, crediderunt; pauciores licet illi, momentum tamen non minimum attulerunt suffragiis plurium subruendis. Expectandum esse video, & moram ferendam. Interim abjicere calamum non possum; est mihi semper quod enotem & scribam, modo concedatur otium a publicis. Cum Wagenfeilio respondes, expiscare quæso, num per magisterialem cantum intelligat illos, qui in Germania Meister Sanger appellantur, Argentorati, Augustæ Vindelicorum, & ni fallor, etiam Norimbergæ; & num sententiam illam mecum foveat, ex veterum carminibus, & paganorum moribus in cantando observatis, has reliquias ad nos exstare, nam cum Christianorum religione introducta carmina passim cessarunt, aut in Christianam formam hinc ritus transfusi sunt; unde illa collegia canentium in dictis locis permanferunt in hunc usque diem. Dum Argentorati vivebam, sæpius illa collegia visitavi, eorumque libros & privilegia inspexi. Annotavi etiam de his quædam, & si qua in re Dn. Wagenfeilio commentanti de his faculam allucere possumus, nihil non ego quidem faciam lubens. Rudbeckius nunc ubique vapulat in Germania. Legisti, ni fallor, Tentzelii Gothani animadversiones ante binos annos in dialogis ejus mensuris proctusas, ubi totum ejus librum examini subjecit: sed haud mihi videtur vidisse, quod debuerat. Nuperus scriptor Johannes Mollerus, Flensburgensis, in Isagoge sua ad Historiam Chersonesi Cimbricæ, acerrime in ipsum invehitur, quod Suecis omnia tribuat, aliis nihil relinquat; sed in quibus erraverit, haud solide commonstrat. Quidquid sit, homo est, tractari debuit humanius. Si Wagenfeilius ipsum impetet, opto ut placide se met opponat, & quod potest, docte. Major erit victoria, si non est truculentia, si sine convitiis & aculeis paretur: & puto doctos hoc decere. Ultimum caput Epistolæ Tuæ de Inscriptionibus magno numero repertis Palmyræ jucundissima nunciavit. Expectabo tecum illa gaudia, quibus in re litteraria majora nequeunt dari. Utinam bene mereri de nobis velint, qui isthic loci nunc degunt aut peregrinantur docti, ut nihil scribant, nisi quod vident, recte legant ac dijudicent omnia, quantum rudera permittunt, & ætas tot ruinis obruta. Vale Vir Nobilissime, & num quid edideris nuper, aut editioni pares, fac sciam: amore cultuque Tui nominis nemini secundus ero.

Dabam Hafniæ a. d. v. April. Ann. Ær. Chr. CIOIOXCII.

XII.

Amplissimo Præstantissimoque Viro

O T T O N I S P E R L I N G I O

S. D.


G I S B. C U P E R U S.

TAndem epistolæ, quam ante 12. mens. ad me dedisti, respondeo; & rogo vehementem in modum, ne hanc *ἀναβολήν* attribuas negligentia; sed potius

B ij

variis huc illuc excursionibus & occupationi meæ: neque enim unquam animum inducam negligere virum, cujus summa apud me summo loco est eruditio.

Quæ Wagenfeilius de Magisteriali cantu ad me misit, ea ecce tibi; spero placitura, & tua illiusque opera, ac diligentia materiam hanc plane illustratum iri. Fuerunt olim etiam apud Belgas Collegia hominum, quos appellabant Rhetoricos, vel Rhetorikers, manentque eorum vestigia in nonnullis Hollandiæ Brabantiaque pagis. Hi de pretio inter se carminibus ὁμοιοπρωτοῖς καὶ ὁμοιοτελεύτοις certabant; præconis virtutes erant, vitia hominesque iis deditos acerbiter satis carpebant; sed cum libertas in nimiam licentiam excideret, probique juxta ac mali perstringerentur, inhibita eorum licentia. Legi quæ Rudbeckio opponit Tentzelius, & dubito valde num ille argumenta haud proletaria refellere possit. Joh. Molle-ri Isagoge ad nos, nondum adlata est, & recte sentis ab omni acerbitate & scurrilitate abstinendum esse in refutandis aliorum hallucinationibus. Homines fumus, & quisque suos patimur manes. Rudbeckius mihi sane videtur Herculeo labore septentrionem vel potius totum fere orbem aggreffus esse, ut omnium rerum palmam Sueciæ tribuat; fruatur ingenio suo, & licet sententiam illam existimem a ratione plane esse alienam, tamen valet apud me viri diligentia & opera, quam confert in res obscuras eximiam, & quam dat argumento, quod exornandum & excolendum sibi sumpsit. Multa mihi de religione Philippi Arabis notata sunt; sed tantum mihi temporis non superest, ut in ordinem digesta ad te mittere possim; ita tamen mihi ipse placeo, ut persuasum habeam, ea tibi non displicitura, teque existimaturum mecum, eum Christianum fuisse; licet id negent præclaræ eruditionis viri.

Recte me judicare significas, gemmam, de qua inter nos actum est, ætate Alexandri signatam non esse; & addis, simile quid de Alexandri Severi de Mamæa filio te observasse quondam apud Georgium Chanlerum, qui numismata Imperatorum vitis a se conscriptis addidit, ubi nummum ejus Imperatoris produxit, hac crucis figura insignitum  solere te talem crucem Gothicam appellare, quod non reperiatur nisi in nummis Gothicis, & ipsis peculiarem esse videri, nec alibi facile reperiri; tandem ad Christianismum ejus, aut favorem & indulgentiam, qua Christianos persecutus esse dicitur, etiam illa cruce respici te non dubitare.

Chanlerum Belgice versum & Amstelædamia. 1617. typis descriptum inspexi; sed in nummis M. Aurelii Alexandri Severi, filii Mamææ, male Chanlerus eam uxorem Severi facit, nullam similem figuram invenio; neque etiam apud Jacobum Stradam a Rosbach, qui eosdem nummos publicavit; neque Mezzobarba ullam ejus mentionem facit. Edoce me, quæso, num talis nummus reperiatur in Chanleri editione Germanica; quod si ita sese res habet, discutiendum sedulo, an non ille vel male descriptus, vel suppositivus sit. Vale plurimum.

Hagæ-Com. 12. Maii 1693.

*Excerptum ex Epistola Wagenfeilii
ad G. Cuperum.*

Nunc cui magis obstrictus sim, tibi ne Domine, qui me meritorum, eruditionis, ac muneris amplitudine Sperlingio commendare sustinisti, an huic, qui illico libens volens tam faventem se præstitit, ut etiam consilium & opem ad ea quæ emolior offerat, vehementer animi pendeo. Ago tamen utrisque gratias ingentes, agamque dum vivo. De reliquo, per Magisteriales cantus, Phonascos intelligo omnino eos, quos superiores Germani Meister Sanger appellamus; & quorum Scholæ tum in iis, quarum tu te mentionem fecisti, Urbibus, tum Ulmæ quoque & Memmingæ & fortasse alibi utcunque florent. Quondam per Germaniam universam secta dispersa erat; nunc autem ars, ut cum Comico loquar, Musica redacta est ad paucos; nempe postquam, ceu suspicor, illis in Civitatibus, quæ Romana Sacra colunt, Sacræ Scripturæ lectione plebei (quales sunt qui Cœtum componunt) homines fuere prohibiti. At vero ex veteri in Dei verbo descripta Historia, Cantionum debebant esse præcipuum Argumentum. De primordiis instituti sic existimo. Fuit quondam, ceu ex Diodoro, Strabone, Ammiano Marcellino, aliisque constat, apud Germanos æque ac Gallos & Britannos, Religionis erga Deos & sacrorum Antistitum genus triplex, Druidæ, Vates, Bardi. Primi Sacrificia curabant, medii prædicebant futura; ultimis id propositum erat, ut Numinum Heroumque laudes carminibus celebrarent. Cum deinde pulis mendaciis, Christiana introduceretur in gentem nostram veritas, & necesse esset extinguere profanos ritus, ibi tum aliquæ ceremoniæ, quia toto genere malæ erant, e radicibus evellabantur; aliquæ, quæ suapte natura honestati & sanctimoniam non repugnabant, emendabantur, & convertebantur in melius. Hac ergo ratione Evangelii præcones id operam dabant, ut Druidæ & vates, quorum munus juxta cum Christiana religione consistere nullo modo poterat, funditus e medio tollerentur, & nec volam fui aut vestigium relinquerent. Neque aliam ob causam Druidarum plenum quondam venerationis Nomen nobis nunc faunos, veneficos, strigos & lamias significat. De Bardis secus se res habebat; hi enim tolerari poterant, modo antiquis superstitionis carminibus nuncium mitterent, & Hymnos Christo vero Deo, Sanctisque Martyribus imposterum dicerent; hoc igitur facere jussi sunt. Gessere morem ac libenter, horumque secta, uti similia alia, ætatem tulit, & ad nos usque, nunquam interrupta successione, Magisteriali, quem vocant, cantu fuit conservata. Cujus sententiæ fundamentum præcipuum & robur in illo colloco, quod Phonasci nostri etiam nunc cantiones suas proprio vocabulo *Bar* appellant, ceu genuinis testimoniis ostendam adversus illos, quibus visum *Bar* tonum potius cantilenæ alicujus notare, quam cantilenam ipsam: utro autem sensu vox accipiat, originatione explicari non potest, nisi eo, quis confugiat, quo ego me recepi. Quia ex folis Opificibus Bardorum nostratium collegia constant; ideo occulunt ii homines, uti artium suarum mechanicarum, ita hujus quoque Poeticæ constitutiones, ritus, & scita omnia, nec fuit, qui ista exploravit. Successit tamen mihi negotium, & nisi fallor, habeo Instituta hæc plene planeque cognita, quia nec præcibus peperci, nec pretio. Nu-

perus Catalogus recens editorum librorum Franco-
furtensis indicium fecit, prodiisse Lemgoviā Erne-
sti Casimiri Wasserbach J. C. de Bardis ac Barditu,
sive antiquis carminibus ac cantilenis veterum Ger-
manorum, Dissertationem curiosam, cui junctus
sit de S. Annone Colonienſi Archiepiſcopo vetuſtiſ-
ſimus omnium German. Rhythmus & monumen-
tum. Sed iſta nondum ad nos pervenerunt; &
conſicit me prope deſiderium illorum potiundi.
Non auſim eo audaciā progredi, ut illuſtrem Sper-
lingium de ſuppetiis mihi benigne ferendis inter-
pellem; augebit autem beneficium, ſi orari ſe non
patiatur, neceſſitatemque mihi imponet tanto ma-
gis illud celebrandi. Hæc de rudibus noſtris Pho-
naſcis, quibus addere volebam quæ de Cingarorum
origine mihi venire in mentem, omni ſine dubio
placitura, ſi tibi ſlori Virorum ea probentur.

XIII.

Viro Nobiliſſimo, & Ampliſſimo

GISB. CUPERO

S. P. D.

O. SPERLING.

QUAS XII. Maii exarasti, recte perlatae sunt;
& quod mei memoriam non deponas, ha-
beo quod imputem. Est enim beneficium
hoc Tuum, etiam in immerentem. Oro jam ut
pergas, in me amando; nam eruditionis cau-
sa non est, quod ad me accedas, quam in me nul-
lam agnosco, inter tot eruditissimos homines, qui
seculum nostrum illustrant.

Quæ de Rhetoriquers in Belgio monuisti pergra-
ta fuerunt, & quæ ex literis Doctissimi Dn. Wagen-
ſeili ad me miſſi, ſunt inprimis ad mentem & pa-
latum meum, ut pote qui ad veram originem illas
cantus antiqui reliquias refert, & optime in Dru-
idas, Vates ac Bardos officia illorum hominum di-
ſtinxit, quod & apud Orientales & Perſas obtinuiſ-
ſe pridem Curtius, pauxillo diſcrimine, monuit,
dum Magos, Vates, Artifices & Chaldaeos hos homi-
nes vocavit l. 5. c. 1. p. m. 112. Locennianæ Edit.
& quidem Magos patrio carmine celebres, quod
interpretor, ſpectantes ad ſacra hymnos canen-
tes; Vates vocat, non illos qui futura prædicunt,
ſed Poetas, qui laudes Regum ac Heroum canere
ſoliti ſunt; Artifices vero, qui instrumentis mu-
ſicis & fidibus hæc adjuvabant; Chaldaeos tan-
dem, qui ſecundum ſiderum motus & ſtata tempo-
rum vices, quas ostendebant, etiam futura prædi-
cere didicerant. In omnibus fere gentibus hi mo-
res maxime viguerunt, quamdiu *μυθικά* ipsis fue-
runt ſecula; erant enim tunc voces & cantus eru-
ditionis ac ſcriptionis loco. Neque enim illa tem-
pora *μυθικά* dicta ſunt, quod nihil niſi Fabulas
tractarent abſit; ſed quod tunc ſcriptis nihil com-
prehenderent, omnia ſermonibus & carminibus:
ut aliquando Tibi me ſcripiſſe memini, quæ nunc
non repeto. Vellem utique Dn. Wagenſeilius, cu-
jus propenſum in me ſtadium, Te commendante,
omni cultu, amore & obſequio rependam, indi-
caſſet viam & homines, quorum auxilio adiri poſ-
ſet; nescio enim, num ſemper Altorſii degat, &
quomodo curari debeant literæ. Noribergam qui-
dem recta via ſe dat cum Tabellariis Hamburgenſi-
bus, ſed quomodo ulterius ad Dn. Wagenſeiliam
perferri debeant, ambigo. Si amicum aut Mercato-
rem Hamburgi habet, mittat ſuas ad me, curabit
ille ſatis, ut Hafniam aſportentur, quo tot tabella-

A rii ſingulis hebdomadibus commeant. Nam per
Te, Ampliſſime Domine, hæc nunciari, ambagi-
bus maximis hoc ſit, & oneri futurus eſſem, quod
nec velim, nec opus eſſe video.

B De Bardis & Barditu libellum Ern. Caſim.
Wasserbach & ego fruſtra quæro, quin adhuc ine-
ditum ſuſpicor. Solent enim Bibliopolæ Catalogis
illis inferere edenda, quaſi edita, ea cauſa, ut ex-
piſcentur, an valde venalis futurus ſit ille liber. Il-
la enim lucri aura adſpirante, accingunt ſe pri-
mum editioni, quod etiam mihi ipſi accidiffe memi-
ni. Hinc eſt, quod urgere debeamus Dn. Wagen-
ſeiliam, ut non intermittat ob hæc operam cœptam,
quod timeo, ſed quamprimum lucem, quam me-
retur, videre ſinat. Doctiſſima enim ſunt illius Vi-
ri, quæcunque legi aut vidi.

C De Rudbeckio quæ ſcribis adeo modeſta ſunt &
vera, ut nihil ſupra, & omnino Te digna. Novi-
mus omnes quo tendat, & quæ Grotius in prole-
gomenis ad Gothica tentavit, ille majoribus auſis
condere voluit: quod magnis exciderit, quid mi-
rum? non major eſt Phaeronte, Soliſ ipſius filio.
Invenit aſſeclam virum, alias doctiſſimum, Dn. Joh.
Dan. Majorem, Profeſſorem Kilonienſem, qui Mol-
lerum in quodam ſuo libello, prodromo maximi o-
peris *Das bevolckerte Cimbrien* dicti, inclementer
habuit, quod Rudbeckium perſtrinxit. Ille rur-
ſus vindicias & vindictam meditatur. Fuit hic no-
biſcum, nuper admodum, idem Dn. Major, &
cum plures Rudbeckio contra dicentes expertus
eſſet, parum abſuit, quin furorem & rabiem & di-
ras in illos evomeret, qui minimo verbo Virum tan-
gerent. Ego illæſus ab ipſo diſceſſi, quod modera-
tius ſentirem, nec omnia probando, nec carpen-
do. Nunc in Sueciam abiit, ubi cum Rudbeckio
hæret. Sed Rudbeckii patriæ ſtadium etiam aliquos
noſtratum pridem contagio quodam inſiit, qui eo
delirii proceſſerunt, ut Pontum nobis Euxinum in
Jutia collocent, ibique Ovidium exuſaſſe ſtatuant,
quibus ſi contradicere quis auſit, in rixas & iras ſol-
vuntur, ut ab Amicis percepi.

D Haud ita comparata ſunt Rudbeckii ſcripta, ut
cum quoquam in arenam deſcendere velit, ſtrenue
racuit hæcenus.

E Chanleri eandem editionem, quam in Tuiſ ſigni-
ſcaſti, olim inſpexi, & ex eadem illam crucem in
Alexandri Severi nummis enotavi, & his oculis
meis vidi, niſi quod facile errare potuerim in Impe-
ratore Tibi deſignando, reperies itaque, ſi paulum
pervolutare volueris figuras: nam mihi nunc Bi-
bliotheca mea non eſt ad manum. Brevi tamen huc
perductam habeo, ſiquidem Regiæ Maj. ſic pla-
cuit, ut hic lares figam, inque eum finem me Pro-
feſſionem Juris & Hiſtoriæ Danicæ in Academia ſua
nova ſuſcipere voluit, præter priores honores con-
ſiliarii. Statio quidem eſt commoda, ſed non pa-
rum mihi laboris in transferendis meis & relinquen-
dis neceſſitudinibus impendet. Parendum eſt ta-
men precibus & votis Magni Regis, quia ſunt im-
peria.

F Utinam tantum otii Tibi, Vir Ampliſſime, a pu-
blicis ſupereſſet, ut elaboratiſſima illa Tua de Phi-
lippo Arabæ Chriſtiano in lucem proferre poſſes.
Ex animo eſt, quod credam Tibi, nihil Te fruſtra
ſentire aut ſcribere, ita cœtera Tua bonæ fidei
ſunt, ut ex illo ungue facile Te cognoscere liceat.
Quibus vale atque iterum ſalve. Dab. Hafniæ ad d.
XXVII. Maii. CIO IO XCIII.


XIV.

Viro Nobilissimo & Amplissimo

GISBERTO CUPERO

S. P. D.

O. SPERLINGIUS.

Ultimas meas ad d. 27. Maii datas non dubito esse perlatas, quoniam eas tradidi illustri Dn. de Goes legato Ordinum Extraordinario, qui eas se curaturum promisit. Ab illo tempore sub examen vocavi Schedas meas de cruce illa Gothica, quam in Alexandri Severi nummis reperisse me scripsi, apud Chanlerum: & errasse me video, qui Chanlerum autorem Tibi designavi, cum Franc. Angeloni debuissim. Nam in ejus Historia Augusta Italice scripta & edita Romæ 1641. fol. occurrit p. 282. fig. 4. Nummus ille Alexandri Severi, cui crux illa inscripta hac forma  quæ non nisi in nummis Gothicis occurrit, Hispanorum aut. Nor-mannorum, pro quibus elucidandis aliquid scripsi, & Magnatibus nostri regni, qui petierunt, tradidi. Poteris eorum aliquos apud Bartholinum Juniores in Antiquitatibus Danicis inspicere pag. 461. fig. 3. & 4. & ejusdem *νόμματος* sunt cum orbibus illis in Scania repertis Anno 1674. quos Schefferus peculiari scripto explicandos sumsit, nisi quod in plerisque nostris etiam literæ Runicæ adsint. Omnes, quos ego quidem hætenus vidi, aurei sunt, & auri melioris, cavi, ac tenues, Ducati hungarici magnitudine, circulo circumdati, anfula plerisque addita. Quid ego sentiam, & quantum dissentiam a reliquis, qui explicare conati sunt, dies docebit, cum illud opus prodibit, si prodibit: nam hic ventis scribimus, & aquis, aut scombris & cucullis. Mollero negotium facessunt in aula Suecica, ob Rudbeckium perstrictum, & apud Augustissimum Nostrium vindictam sollicitant, sed egregie se defendit: ita ut adquiescere nunc eos sperem. Dn. Major oleum huic igni affudit, postquam illuc venit: ita ex scintilla sæpius incendia, vix restinguenda. Ego autem has ad Te, ut errorem meum indicarem. Vale feliciter atque iterum salve. Sum Tuus, & Tibi

Addictissimus.

Hast. a. d. XXII. Julii
Ann. CID IDC XCIII.

XV.

Viro Nobilissimo

OTTONI SPERLINGIO

S. D.

GISB. CUPERUS.

ITa est, vir illustris, apud Angelonum invenitur Alex. Severi nummus, cui crux Gothica indita est. Mediobarbus similem nobis edidit, sed nullam figuræ illius facit mentionem, unde videor affirmare tecum posse, eandem postea nummorum Alex. Severi nonnullis adjectam fuisse a

A Christianis, utque censes, Gothis; quorum in nummis apud Barthol. in Antiq. Dan. similes plane cruces occurrunt.

Quæ de Philippi Arabis Christianismo notavi, mitterem haud gravate, nisi negotia publica facerent; quominus ea digerere possem; alio tempore conabor petitioni tuæ satisfacere. Ad Wagenfeilium misi, quæ mecum ad virum tam insignem spectantia communicasti; nullus dubito, quin nuntius ille ipsi acceptissimus futurus sit; est enim φιλόμαθος, si quis alius, & viros illustres atque eruditos singulari reverentia & amore prosequitur. Misi nuper ad me defensionem Infundibuli & Hydraspidis sui, adjecitque illi argumentum dissertationis, qua docere conatur, Judæos nunquam Christiano sanguine mysteria peregrisse. Ex iis quæ currente calamo congeffit, mihi videtur hæc opinio calumnia mera esse; quinimo vix unquam fabulæ fidem adhibere potui.

Credo Antiquit. Palmyrenas salvas mihi esse; navis enim, cui fuerunt impositæ, Messanam ante 7. vel plures hebdomadas appulsa est; inde Liburnum petet; & qui ibi consulatum, ut vocant, Ordinum jussu gerit, itinere terrestri easdem ad me mittet, quia mare infestum Galli tenent. Spero eas alicujus pretii fore, & ita ingens accessurum augmentum Antiquitatibus, quibus nunc subinde manns, sed tardas & lentas valde, admoveo.

Jacobi Tollii Itinerarium editur Trajecti ad Rhenum, complectiturque illud multos Græcos libellos, Inscriptiones, vasa, gemmas, nummos & alia vetustatis præclara monumenta, quæ nunquam antea publicata fuerunt. Vale plurimum. Hagæ-Com. a. d. II. Cal. Nov. 1693.

XVI.

Viro Nobilissimo, & Amplissimo

GISBERTO CUPERO

S. P. D.

O. SPERLING.

Haud mihi contigit abs Te quidquam videre toto hoc anno, ita ut ambigam, num priores meæ perlatae sint. Sunt vobis sane tempora difficillima, quæ curas gravissimas desiderant; haud ita tamen, ut literas quoque seponere necesse sit. A Dn. Wagenfeilio literæ sub finem anni prioris scriptæ, nunc primum redditæ sunt. Tuum beneficium hac in re agnosco, qui pararius fuisti. Protrusi, quod adjungitur scriptum meum, in lucem, quibusdam ita volentibus, & imperantibus. Quid tuæ meditentur Musæ, quos calamos nunc inslent, fac sciam: me autem nihil magis mirari subit, quam, cum hic doctorum feget sit opima factis, cur tam exigua messis colligatur. Paucissimi ad scribendum, ut publico profint, sua sponte feruntur; hinc in re literaria nihil habeo, quod nunciem elegantiarum. Vobiscum aliter vivunt homines, quo magis ingeminantur bella, eo magis fervent præla: sed & multa parit otiosa hæc libertas, & paucissima ad veram eruditionem collimant. Dn. Joh. Daniel Major, Vir eruditus, sed nimis πολυ-*ωράμων* sub initium Augusti, anno præterito Stockholmæ ictero, quem ex iracundia contraxerat, decessit, miros illic eventus expertus fuit, contra spem, qui nec post funera cessarunt persequi. Nam Kilonium quod deferri debebat corpus ad uxorem & liberos, navi commissum, una cum navi

mersum inter undas sepultum jacet. Vale, & cum poteris, scribe; amo enim tua, qui sum

Tibi, Vir Nob. & Ampliff.
Addictissimus.

Hafniæ ad d. xvi. Junii
An. Ær. Chr. MDCCXCIV.

XVII.

Amplissimo & Celeberrimo Viro

OTTONI SPERLINGIO

S. D.

GISB. CUPERUS.

R Eddita mihi nuper sunt literæ, quas a. d. xvi. Cal. Jun. ad me dedisti; alteris quas scripsisti 22. Julii anni proxime elapsi die, respondi a. d. 11. Cal. Nov. quod si post illud tempus, exceptis ultimis, alias ad me dedisti, id quod significas haud obscure, illæ proculdubio interceptæ sunt. Cæterum gaudeo gratum tibi esse, quod qualicunque opera mea factum sit, ut commercium litterarum instituere potueris cum præstantiss. Wagenfeilio; egoque illo nomine Reipubl. literariæ gratulor, quia proculdubio multa nos operis illis *αποβαλεις* edocturi estis, quæ cæteroquin perpetuis tenebris involuta jacerent.

Danielem Majorem ultimum vale humanis rebus dixisse doleo; erat vir eruditus & sedulus, uti perspicio ex epistola de Nummis Græce inscriptis, ex Roma in nummis Augustalibus Germanizante, & ex nummis Rehdigerianis. Nonnulla alia edidit, & promisit; sed illa ad nos non adlata sunt; & num hæc publici sint facta juris, juxta cum ignarissimis scio. Dissertationem tuam de linguæ Danicæ gloria, singulari cum voluptate perlegi, & doctior longe ab ea discessi; miratus imprimis sum historiam, quam nobis narras p. 79. & inde constare puto, maximam tunc temporis in Septentrione Serenissimi Danorum Regis fuisse auctoritatem & potentiam. Videtur etiam Daniæ nomen latere in sinu Codano, memorato Melæ 3. 3. sed apud eundem pro Codanonia Vossius ex optimis libris rescribit Scandinovia, quam in rem ut diligentius inquiras, digna sane res est. Accipe nunc, id quod te scire equidem velle significas, quid meæ meditentur Musæ, & quos calamos insent. Haga-Comitis relicta, amplissimo & luculentissimo apud Transisalanos muneri publico admotus, Daventriæ, cujus urbis simul consul sum, sedem fixi. Nova hæc dignitas, ut fieri amat, novos labores post se trahit; nam cum unus VI. virorum sim, qui res provincie illius curare debent (*Gedeputeerde van de Heeren Staaten van Overysse*l vocant) facili opera perspicere poteris, me negotiis quasi circumvallatum esse. Id quod tamen vacui mihi temporis superest, impendo Antiquitatibus meis, quæ quotidie fere novis lisque pulcherrimis accessionibus augentur. Nam nuper accepi Itinerarium Palmyrenum *αβελδοτον*, inscriptionibus elegantissimis refer- tum; adhuc urbis vetustæ admodum, quippe quæ Salomone conditore gloriatur, depictas ruinas, & nummos rarissimos in Syria maximam partem percussos *αβελδοτον* *αβελδοτον* *αβελδοτον*

Sed quando hæc omnia in ordinem redigi, notis illustrari, & edi possint, equidem affirmare nullus possum; quia Respub. nostra me fere totum sibi vindicat, & paucas horulas residuas relinquit. Tu

jam, Vir illustris, in præclaro loco positus, & illi muneri admotus es, ut spes mihi fiat, te publicaturum tandem ea, quæ inservient Antiquitatibus, & patriæ historiæ illustrandis, de quibus olim mecum egisti; & certe ea est eruditionis tuæ expectatio, ut premere non debeas diutius, quæ publico sunt profutura; quin etiam atque etiam & rogo & obtestor, ne imitari velis eorum negligentiam, qui, licet eruditi sint, animum tamen a scribendo alienum habent: nam id si facere inciperes, quot res præclaræ nobis non laterent, quæ cæteroquin ex instructissimo penu tuo posses depromere!

B Quod si ordinum Transisalanæ Conventus Juridicus & alia publica negotia me non impedirent, ferres a me quid sentiam de Philippi Imp. religione: sed nunc occupatione varia distringor, & in aliud tempus rejicere hallucinationes meas vel conjecturas cogor. Vale plurimum. Daventriæ 25. Novemb. 1694.

XVIII.

Nobilissimo & Amplissimo Viro

GISB. CUPERO

S. D.

OTTO SPERLINGIUS.

Q Uas Daventriæ ad d. 25. Novemb. dedisti, optime perlatae sunt. Invenierunt me inter febres reptantem & decumbentem: Æsculapio cuidam in via, ni fallor, occurrerunt; ita post illas lectas convalescere cœpi. Et sane gratissimæ fuerunt non uno nomine, tum quod honoribus auctior factus sis, ut ex animo gratulari possim, quod facio; tum vero maxime, quod inter tot elegantias antiquæ eruditionis tempus teras, quæ nos aliquando beatos facere possunt, si superstites erimus. Ea me scire de Te, magna me voluptate perfundunt, quid futurum credis, si aliquando, me vidente & vivente, legi poterunt? Nam publicæ Tuæ occupationes me terrent, ut verum fatear, spemque imminuunt, ut an tot laboribus par futurus sis, anxie mecum disquiram, horasque Tuas sollicitis magis computem digitis, quam ipse Tu, ita vehementer cupio quæ Tua sunt videre. Ingenium tibi est promptum, animus indefessus, qui laboribus non facile cedit; hæc mihi sunt solatia, illisque spem foveo. A Dn. Wagenfeilio nihil post primas illas vidi, unde meas & illa quæ mihi deperdita & intercepta metuo. Curavi recta Norimbergam Hamburgo perferri, sed an tradita sint, nihil rescisco; est penes ipsum culpæ aliquid, qui nullum certum hominem Norimbergæ mihi nominavit ex amicis suis, cui consignare possem: hoc sane doleo, ejusmodi literatorum negotia plerumque negligi, & scombris ac cucullis destinari. Auro Tuas redimere vellem, quas a. d. 11. Cal. Nov. Anni præteriti scripsisse Te significas: nunquam mihi tradita fuerunt, quod certissimum est, & pariter infelicissimum. Præter illas xvi. Julii anni elapsi & xvi. Junii nullas ad Te meminisse me dedisse, quas non doleam alicubi sepultas jacere, quia tanti non sunt, modo Tuas in commercium, & vitam, & manus meas revocare possem. Commentariolum meum de Danica lingua Tibi placuisse gaudeo: utinam verum diceres, Te doctiorem ab ejus lectione discessisse, quem nec doctiorem fieri posse, tot tua scripta loquuntur. Nihil enim in antiquitate te latet, quæ multo plura, & elegantiora suppeditat,

quam ut nostri orbis *ἐντροῦματα* comparanda veniant. Cœpi his diebus de nummis non signatis, inter populos multos receptis, aliquid meditari, sed nolo *σχέδιον* illud propalare, prius quam Tuam hac de re sententiam mihi perscripseris. Sunt omnium antiquissimi, & signatos ætate longe vincere puto. Danielis Majoris multo plura sunt opuscula, sed cœpta pleraque, nulla ad finem perducta; prout nec illa sunt, de quibus memorasti; nam ut igneum erat ipsius ingenium, ita flammam sæpius exstingui, & in cineres subsidere contigit. Ultimum erat de populis Cimbriæ, Germanice scriptum, & inscriptum Das BEVOLCKERTE CIMBRIEN, cujus prodromum præla viderunt. Rudbeckium secutus est in omnibus, sed & nævos ejus omnes amavit, ita ut nullum præterierit, si non alios superaddidit. Quod de Scandinavia mones, jam ante videram, sed quia sinum Codanum Mela sine controversia habet expressum, non mihi videbatur antiqua lectio de Codanonia rejici debere. Nam Scandia & Scandinavia etiam ulterius se extendit, quam ad solam Codanoniam aut Codanonias insulas: ita ut tamen si Scandinoviam possimus recipere, quia terras omnes septentrionales veteribus ignotas comprehendit, haud tamen tutum sit Scandinoviam Melæ tribuere, cujus alias non meminit. Plinius enim primus fuit inter latinos scriptores, qui & Scandinaviam & Scandiam adduxit illis oris, sed ita ut nec sinus Codani obliviscatur & Baltiæ insulæ l. 4. Hæc pro tutanda sententia de Codanonia dicta sunt; quia enim de sinu Codano constat, a Danis illum nomen sortitum esse, in insulis, ubi Dani habitant, Codanoniam esse debere, neminem non concedere debere puto. Suecos quosdam hoc scriptum meum nimis urere intellexi, aut hunc & alium locum præterea. Illi enim Taciti ætate & testimonio de Suionibus se tutos valde hætenus crediderunt; hoc igitur illos male habet, quod antiquiorem Melam obduxi de Codanis & Danis. Ego veritati nihil in Suionum gratiam detrahere potui, cum non invidiam eorum gloriæ, modo aliorum præ se non contemnant & fugilent. His vale, virorum optime, & salve. Dab. Hafniæ a. d. xxvii. Novemb. MDCXCIV.

Præstantissimo Celeberrimoque Viro

OTTONI SPERLINGIO

S. D.

G I S B. C U P E R U S

UTi inter febres reptas, ita etiam ego per aliquot menses non satis firma usus sum valetudine, quanquam intermittente morbo munia subinde obire, atque adeo absentibus amicis operam dare potuerim. Si litteræ meæ in itinere inciderunt in Asclepium, tuarum certe comes fuit Hygiæa, vel Telephorus, vel Apollo aliufve deus *ἰατρός*; ita iis legendis, credas velim, recreatus & refocillatus sum. Provinciam, quam cum maxime gero, multum absolvendis opusculis meis obstare, recte existimas; spero tamen, simul in integrum ero restitutus, ætate proxima me multum in iis profligaturum, atque adeo absoluturum antiquitates *ἀνενδόξας*.

A Wagenseilio ætatem etiam nullas litteras accepi, & cum diligentissimus fuerit in respondendo, vereor valde, ne quid humani acciderit viro optimo & eruditissimo.

Ecce tibi literarum exemplum, quas ad d. Cal.

A Nov. ad te dedi: sed non sunt tanti, ut auro eas redimas, & hic certe est, ubi agnoscam humanitatem & benevolentiam erga me tuam singularem.

Commentariolus tuus de lingua Danica me revera doctiorem dimisit, & facile credo illum urere Suecos, cum plurimum faciat ad extollendam Danicæ gentis gloriam & vetustatem.

Quæ de nummis non signatis mittis, me exhilarant mirum in modum; atque argumentum illud novum dignum est eruditione & industria tua. Ejusmodi tamen nummos exstare vix puto, & ante Romam conditam Janus in ære expressit hinc navem ad servandam memoriam adventus Saturni in Italiam, inde vero vultum suum, si fides habenda Macrobio. Neque enim ignoro, Plinium 33. 3. scribere, Servium regem primum æs signasse, atque Romanos usos ære rudi, id quod tamen idem 18. 3. videtur referre ad notam impressam nummis: *Servius Rex ovium boumque effigie primus æs signavit*; ubi nollem Harduinus annotasset, eundem Plinium lib. 54. c. 1. tradere a Numa ante Servium æs fuisse signatum: *Docuimus*, ait, *quamdiu Pop. R. ære tantum signato usus sit. Sed & alia vetustas æqualem urbi auctoritatem ejus declarat a Rege Numa collegio tertio ærariorum instituto*. Neque enim hæc verba nos docent, Numam æs signasse, sed tantum æris usum Romæ ejus tempore, antequam signaretur a Servio, fuisse; idque patere ex collegio ærariorum, quales sunt artifices, qui vasa & alia opera ex ære faciebant, non autem, qui ex ære flato monetas, sigillariaque exprimebant, operaque ejusmodi proponebant, *Flaturarii* etiam, ut videtur, in vetustis inscriptionibus appellati, uti alibi commentatur idem Jesuita. Potuerunt quidem ærarii facere sigillariola & icunculas, sed nunquam credam eos signasse monetam. Plutarchus in Numa, inter varia collegia ab eo instituta, etiam ærarios recenset, eosque *χαλκίτας* vocat, nec puto ullum exemplum posse adferri, unde pateat, auctores græcos vel latinos illis vocibus denotasse unquam monetarios, vel fabros ærarios signasse monetam: & certe si ærarius ita cum Harduino exponi debet, jam *argentarius* & *aurarius* argenteos & aureos nummos percusserint necesse est. Non igitur Plinius tradit Numam æs primum Romæ signasse, quanquam Isidori ea sit sententia lib. 16. cap. 17. Origimo ante Isidorum idem memoriæ mandaverit Suet. Tranquillus, si fides habenda Suidæ in voce *Ααρδεια*, qui videntur fuisse decepti falsa vocis *nummi* etymologia. Nec quicquam præterea cum ærariis, nempe fabris, commune habent *Flaturarii*, qui in monetis erant: nam uti earum præfecti dicebantur *Triumviri auro argento ære FLANDO feriundo*, ita iis inserviebant *Flaturarii*, quemadmodum patet ex l. 5. Cod. Theod. de falsa moneta, ubi vide Gothofr. quem vel perfunctorie inspexit, vel non intellexit, id quod tamen a viro præclari ingenii abesse multum puto, Harduinus; inde in Inf. 4. DCXXXVIII. apud Grut. M. Ulpius dicitur fuisse FLATURARIUS AURI ET ARGENTI MONETARIUS. Illi quoque, qui fundebant metalla, & inde icunculas aliave opera faciebant, veniebant eodem nomine; in Inf. 6. pag. ejusdem mentio fit C. Junii Thala-tionis *Flaturarii* SIGILLARIARI, inque altera ibidem obvia, C. Setlii Onesimi FLATURARII DE VIA SACRA. Sed inde tamen nequaquam constat, *Flaturarios* eosdem cum ærariis fuisse, neque etiam *Flaturarios* ex ære tantum fecisse sigillariola (nam de moneta signanda somnium est.) Sic in Inf. 6. epist. 56. Reinesii memoratur P. CLAVDIVS. P. F. IVSTVS. MANCIPS OFICINARVM. AERARIARVM QVINQVAE. ITEM. FLATVRAE. ARGENTARIAE, & in lapide

alio apud eundem class. xi. 89. occurrit T. Flavius FABER FLATURARIUS SIGILLARIARIUS, qui viro eruditissimo exponitur χαλκός ἀνδραποποιός signorum statuarumve ex ære fabricator, quamquam non videam, quominus idem ex auro vel argento etiam icunculas facere potuerit, nisi statuamus, id quod certe suadet *flatura argentaria*, alios ex ære, alio ex auro, alios ex argento vel ex utraque materia eosdem fuisse eas & fecisse. Neque tamen negaverim, hos *Flaturarios* vendidisse, præter sigilla, etiam res alias, & forte nummos raros veteresque. Nam ex Sueton. Claud. cap. 16. constat ad Sigillaria (vicum Urbis, qui a vendendis sigillis proculdubio habebat nomen) *argenteum essedum* venale fuisse, & Scævola titul. Dig. de leg. 3. mentionem facit *lancium emptarum de Sigillaribus*, & certe Ludovicus Savotus cap. 8. part. 1. Dissertat. suæ arbitratur eo in loco vendita etiam fuisse numismata, quamquam putem eundem errare, cum scribit vicum *Sigillaria* appellari, à *cause des petites images, ou medailles, nommées sigilla*; neque enim credo umquam veteribus numismata eo nomine venisse; sed cum *numismata aurea vel argentea vetera* fuerint, quibus pro gemmis usi sunt olim, ut patet ex l. 25. D. de usufr. nihil equidem prohibere videtur, quominus statuamus, ejusmodi merces in Sigillaribus a Flaturariis fuisse venditas. Et vide tandem, an non ÆRARII ex ære malleorum ope fecerint lagenas, patinas, aliaque utensilia; FLATURARII vero imagunculas & alia opera ex ære fuso, quomodo hodie apud nos illi vocantur *Koperslaegers*, hi vero, *geelgieters*.

Sed quo delapsus sum? ignosce, quæso, digressioni tam inopportunæ; ipse nescio qui factum sit, ut illi tantum temporis impenderim. Cæterum nova illa materia tua habebit forte *difficultates* suas; sed nihil est desperandum, te duce & auspice, cupioque equidem vehementem in modum ῥέδιον illud videre. Varias autem gentes ante signatos nummos usos esse *massis æris rudis* certa forma & magnitudine, inde cum nota, quæ pondus indicaret, signatis, & verubus taleisve ferreis, docet pulchre Salmasius c. 11. de Usuris, quod argumentum tu proculdubio pluribus illustrabis.

Rudbechius insudat tertio Atlanticorum tomo, maximamque ejus partem confecit, sed cum fatis concefferit Nordenhielmus, qui ex Suecis Latina faciebat, videtur tam cito non esse publicandus; præ se fert cæteroquin Rudbechius, majorem, quam ex prioribus, voluptatem inde capturos veteris ævi rituumque studiosos.

Nosti quæ olim Goropius Becanus & alii expiscari conati sint ex linguarum Hebraicæ & Belgicæ convenientia, & nuper Franequeræ Franciscus Fori Otrokocsi Hungarus ex Græca, Hebræa, aliisque orientalibus linguis probare annisus est, Hungarorum majores per Græciam, Asiamque fuisse olim dispersos.

Sed tandem nunc accipe, quid mihi videatur de Philippi Arabis Christianismo. Magna ea de re inter eruditos quæstio est, & stant pro utraque sententia viri magni, quos fere recenset Joh. And. Bos. c. 3. de Pont. Max. R. Imp. atque ipse judicat rem omnem confictam, & verisimilem esse eorum conjecturam, qui a Scriptoribus Græcis duos Philippos, hunc Augustum, & illum Præfectum Augustalem Ægypti, Eugenix martyris patrem, confusos esse censent, atque huic tribuenda, quæ de Imperatore Eusebio, & ceteri prodiderunt; quomodo olim Cedrenus, atque apud Zonaram alii eodem errore Imperatorem Eugenix patrem fuisse scripserunt. Quæstionem hanc etiam tractarunt Christian. Kortholdus, & Ciampinus, ille quidem a. 1662. edita

Supplem. Tom. IV.

Rostochii dissertatione historica de Christianismo Philippi Arabis & Alexandri Mamææ, hic vero nuper a. 1691. Romæ publicata Sacro-historica disquisitione de duobus emblematis, quæ in cimelio Cardinalis Carpinei asservantur, in quorum altero præcipue disceptatur, an duo Philippi Imp. fuerint Christiani; sed quæ illorum sit sententia ignoro plane, cum Kortholdum nancisci nullo modo possim, & Ciampinus nondum Roma ad me sit missus, id quod tamen spero futurum propediem. Præterea Spanhemii fratres, Fridericus quidem in Introductione T. I. p. 276. Ezechiel p. 653. suarum differt. ante eos David Clericus Quæst. sacr. 29. Christianismum Philipporum damnant plane & rejiciunt; nuperque etiam Petrus Factidius p. 118. notarum, quas eruditas Parisiis a. 1689. vulgavit in sermonem Gallice habitum die festo Polycarpi eandem sententiam propugnavit, id quod etiam fecit Gulielmus Cave in libro ex Anglica in Belgicam linguam verso quem inscripsit, *Primum Christianismum*.

At contra Wetstenius præfat. quam præfixit Origenis dialogo contra Marcionitas, Stephan. le Moyne in prol. var. sacr. Huetius in Origenianis, Tillemontius part. 2. Tom. 3. Histor. R. Imp. & præcipue Gallus, cui nomen De la Faye, in Helvetia Theologiæ professor, existimant Philippum fuisse *Christianum*, atque hic id multis argumentis probare conatus est in dissertatione, cui titulus, *Entretiens historiques sur le Christianisme de l'Empereur Philippe, dans lesquels on prouve qu'on établit ce Christianisme*.

Sub judice igitur lis manet, & certe mihi equidem difficile admodum videtur statuere, quæ sententia verior sit; ethnicorum scriptorum & in primis Zosimi silentium, qui Christianismum Philippo proculdubio exprobrassent, indicium haud parvum est, fictam historiam esse, at contra Eusebii & Origenis loca contrarium plane suadent.

Et mihi quidem videtur Eusebius certo affirmare lib. 6. c. 37. Philippum fuisse Christianum, & illius verba κατέχευε λόγος, vertenda esse, *Invaluit fama Philippum, cum esset Christianus, in postrema paschæ vigilia*; adeo ut non in dubium vocetur Philippi religio, sed historia illa (si modo κατέχευε λόγος aliquam dubitationem involvit) recteque factis Eusebii Græca verba versa sint in editione Valesii, *Hunc, ut pote Christianum, fama est*; præterea idem lib. 1v. Vitæ Constant. narrat eum solum ex omnibus retro Imp. ὁ μόνος ἀπὸ τοῦ ἀρχαίου καὶ ἀποστόλου καὶ ἀποστόλου καὶ ἀποστόλου καὶ ἀποστόλου fuisse Christianum, quæ loquendi formula nihil aliud nos docere potest, quam alios ante Constant. Imp. ad instar Nicodemi, in operto Christianam religionem fuisse amplexos, & inde proculdubio factum, quod Patres scripserint plerique, neminem Imperatorum ante Constantinum Christianum fuisse. Quinimo Dionysius apud eundem 7. 10. scribit nullum superiorum Principum vel Imp. ne illos quidem, οἱ λέγουσιν ἀναφανδὸν χριστιανοὶ γεγονέναι, qui palam Christiani fuisse dicuntur, tanta benevolentia, ac Valerianus initio faciebat, Christianos amplexum fuisse, per quos nihil vetat cum Valesio intelligere Philippum & Alexandrum Severum, licet conetur elevare hoc testimonium, tanquam dicat solum, eos dictos & existimatos Christianos; non autem revera fuisse. Sed tamen magnum hoc est testimonium, Dionysii tempore creditum fuisse, ante Valerianum nonnullos Imperatores Romanos Christo nomen dedisse: fuit is Alexandrinus, præfectus scholæ Catecheseon, claruit sæculo tertio medio ipsis temporibus Philippi, qui regnare cœpit anno Christi 244. mortuusque est anno Gallieni xii. Cum autem Alexandria viveret, nec cognoscere ad amissum posset, quæ Romæ & in

C

Occidente agerentur, neque etiam conspiceret Imp. qui dicebantur esse Christiani, abolere gentiliū templa, maluit ita exprimere, quæ ipsi nuntiabantur, quam tamquam experta sibi affirmare. Mihi nihilominus videtur hinc argumentum posse peti satis validum, Philippum a Christianis Christianum fuisse habitum, sive palam, sive, uti puto, tecte illam religionem profiteretur; atque uti ejusmodi res augentur narrando, factum esse a veritate non est alienum, nonnullos Christianorum dixisse, eum etiam palam fuisse Christianum. Quid quod Origenis etiam extitisse epistolam ad Philippum Imper. atque ad conjugem ipsius Severam, testetur Eusebius 6.36?

Scio eruditos sentire, hanc supposititiam esse, vel errasse Eusebium, sed tamen a vero mihi non videtur alienum, illud Origenem fecisse, cum etiam Hippolytus, quo iste familiariter usus est, scripserit *πρωτοπρεπιτον*, uti ex laterculo operum ipsius patet. ΠΡΟΣ ΣΕΒΗΠΑΝ ΑΥ. *Ad Severam Augustam*, quemadmodum scribendum censet Steph. le Moyne pro ΣΕΒΗΠΕΙΑΝ, qui etiam docet, hanc esse Martiam Otaciliam Severam, Philippi conjugem, id quod non improbat Gulielmo Cave in Historia literaria Scriptorum Ecclesiasticorum, qui tamen adjicit, epistolam hanc non male etiam referri posse ad Alexandri Severi uxorem, aut ex ejus familia aliquam, si durius videatur eo usque protrahere ætatem Hippolyti. Nolle tamen Stephanum le Moyne scribere p. 1106. Philippum etiam misisse literas ad Fabianum Urbis Romæ Episcopum. Neque enim video quo alias tendant verba, quæ supponam. Unde tandem opinio Philippum ipsum revera Christianum fuisse. Quod certe a ratione & vero non mihi videtur alienum. De eo sic Euseb. loco proxime laudato (lib. 6. c. 36.) Scriptum ad Fabianum Episcopum Romanum, & ad plurimos *Ecclesiarum Antistites, de sua fide orthodoxa* &c. Quod certe Eusebio non excidisset, nisi res ista clara fuisset, ut nullo jure negari posset. Alia suadebant Philippi invidiosa memoria, ob cædem Gordianorum, alia Constantini M. decus & fama, cui Eusebius impense favebat, & cui libens gloriam primi ad Christum conversi Imper. tribuisset, nisi necessitate victus palmam Philippo decernere debuisset. Hæc certe & quæ sequuntur alia verba satis mihi equidem superque docere videntur, Stephanum credidisse, Eusebium hic loqui de Philippo Imp. cum tamen vel prima fronte appareat Historiæ Ecclesiasticæ conditorem enarrare epistolas, quas Origenes scripsit, interque eas unam ad Fabianum, in qua probabat se orthodoxum esse; & notum utique est, Origenem male vivum etiam audivisse, & propterea sese apud Romanum Episcopum expurgasse. Philippus igitur, si quid video, Christianus fuit, iisque favit mirifice, quod equidem procudubio non fecisset, si gentiliū superstitionibus adhuc fuisset immerfus. Hinc βασιλείαν ejus ἀμεινέσσαν Christianis scribit fuisse Dionysius apud Euseb. 6. 41. at contra, quod in primis notandum, Zosimus in Christianos iniquus carpere eum non dubitat, nam scribit 1. 21. milites, qui tendebant in Mysia & Pannonia, Imperatorem novum constituisse eligere, nempe Decium, ὃς καὶ τῶν Κοινῶν ἀνέπιμελῆ-
δέν κρείσσον, qui rem publicam melius reget, Deciumq; πολιτικῇ τῇ ἀρετῇ καὶ πολεμικῇ πεῖρα Philippum superasse. Præterea non video, cur ab Eusebio Decius dici possit Christianos persecutus esse propter odium in Philippum, nisi constiterit, vel certe gentiles etiam persuasum habuerint, eum Christianorum sacris fuisse addictum; atque inde puto repelli posse Scheringamum, qui pag. 87. Orig. gentis Anglor. scribit Philippum omnium pri-

imum ex R. Imp. fuisse Christianum, sed non adhæsisse fidei Christianæ, & proinde honorem illum merito deferri Constantino. Nam si ejurasset Philippus Christiana sacra, & ad gentiliū aniles superstitiones fuisset reversus, jam utique propter odium in ipsum non posset dici Decius vexasse Christianos; quin mihi propius vero videtur, Philippum, si eo usque vesaniæ venisset, persecuturum fuisse Christianos, ut ita ostenderet se Christo D. N. nuntium remisisse.

Gulielmus Cave p. 90. edit. Belgicæ *Primi Christianismi*, arbitratur Christianismum Philippi plane refelli ab Origene pag. 425. contra Celsum, ubi diserte negat, Christianos unquam dixisse omnes religionem eorum amplexuros, si Cæsares, id est, Philippus & filius ejus, Christiani forent, id quod ipsis objiciebat Celsus. Verum mihi videtur haud firmum satis hinc argumentum peti, quia Origenes non negat Philippo fuisse Christianos, sed invidiam tantum a suis amover, quos illud nunquam dixisse contendit, & si maxime talia dixerunt, ut Celsus affirmabat, Christiani, patet hinc utique, Cæsares tacite eorum sacra adprobasse, sed Origenem illud tanquam calumniam rejicere, quia ejusmodi dicta ipsis Imp. nocere potuissent, rebus nondum satis bene constitutis, unde etiam factum puto, ut illi publice Christo nomen dare non fuerint ausi.

Ezechiel Spanhemiū pag. 653. Dissertat. e nummis eruere argumenta conatur ad rejiciendum & explodendum plane Philipporum Christianismum. Verum diæ eorum in nummis obviæ non satis mihi firmæ probationes sunt, nam in Constantini etiam filiorumque illius nummis fictitia numina sunt obvia; deinde signati illi procudubio sunt a monetariis gentilibus, qui vel ignorabant Philippum Christianum esse, vel qui, licet id perspectum haberent, veterem morem sequebantur, præcipue cum temporum ratio non pateretur, ut Imp. ejusmodi res prohiberent; at contra illa ipsa suadebat, ut permitterent nummos ita signari, id quod etiam sub Constantini imperio factum esse utique palam est: si quis autem inde vellet inferre, eum Christianum non fuisse, opera certe & oleo abuteretur. Wetstenius Philippum fuisse Christianum per nummos Apameorum probare conatur, inque iis extare putat non modo historiam diluvii Noachici, verum etiam Patriarchæ Noæ ipsissimum nomen; Stephanus le Moyne, licet etiam existimet Philippum Christo nomen dedisse, Noæ tamen nomen ex nummis aufert, & nomina ipsis inscripta ita jungit, Α Π Α Μ Ε Ω Ν Α Λ Ε Ξ Α Ν Δ Ρ Ε Ω Ν,

ita ut illæ urbes testentur sese agere concordēs, quomodo in alio numismate obvium est Α Π Α Μ Ε Ω Ν Μ Α Γ Ν Η Τ Ω Ν, quod tamen etiam in mentem venit Falconerio pag. 172. Verum, ut ut statuam, Stephanum τὸν μακροπρὸν recte judicare, tamen alius ejusdem populi nummus majores difficultates habet, quia in eo, præter vocem ΝΩΕ, legitur, uti ea verba jungenda existimo, Ε Π Ι Μ Α Ρ Α Λ Ε Ξ Α Ν Δ Ρ Ο Υ Β Α Ρ Χ Ι Α Π Α Μ Ε Ω Ν, qui titulus similiter plane occurrit in alio pag. 226. Hinc puto in binis illis saltem vel litteras ΝΩΕ numerales esse, vel forte respicere una cum arca &c. ad diluvium Noachicum. Apamea Phrygiæ dicta fuit *κίβωτος*, ubi ex nummis & Plin. lib. 5. H. Nat. patet, potueruntq; incolæ sive gentiles, sive Christiani, voluisse propter similitudinem nominis conservare historiam diluvii Noachici, quia *κίβωτος*, *λάρα* vel arca vectus fuit. Nec obstat ipsum nomen, nam Patribus & Judæis Græce scribentibus, uti Justino Mart. Apol. 1. Philoni lib. de præmiis & poenis, Noachus etiam Noë appellatur, deinde auctor Orac. Sibyllin. qui satis antiquus est, canit arcam in Phrygiæ mon-

te prope Marfyam amnem constitisse, illumq; montem dictum esse *Ararat*, quod licet falsum sit, quia illius nominis mons in Armenia est, tamen inde constet, tunc ejusmodi opinionem invaluisse, cui tamen ipsum nomen *Κιβωτός* potuit originem dedisse, atque ita arcam Noachi vocant Chrysostom. & Theoph. Antioch. lib. 3. ad Autolycum, ubi arcæ Noachicæ reliquias suo tempore extitisse *ἐν τοῖς Ἀραβικοῖς ὄρεσι*, Bochartus reponit *Armenis*, idque probat Falconer. p. 203. sed tuum erit judicare, an non potius minima mutatione scribendum sit, *Ἀραβικοῖς*, quanquam suam veteres Arabiam late extendisse, & eo nomine etiam comprehendisse Mesopotamiæ partem. Et quia in eo sum, patere, ut addam in nummo ejusdem populi Apamensis legi, *ΑΠΑΜΕΩΝ ΚΙΒΩΤΟΣ ΜΑΡΣΥΑΣ*. Harduinus p. 59. arbitratur *ΚΙΒΩΤΟΣ ΑΠΑΜΕΩΝ* dici, uti *Lutetia Parisiorum*, alique aliter sentiunt, ut patet ex iis, quæ annotavit Falconerius; sed ego tibi expendendum trado, an non unus ex fluviis qui urbem illam adluebant, etiam *Κιβωτός* dictus sit, uti certe *ΜΑΡΣΥΑΣ* fluvii nomen est, & non insolitum, in his monumentis legere duorum fluviorum nomina; plures autem ad urbem eam fluviis fuisse & quidem Marfyam, Obrimam & Orgam, ex Plinio patet, fierique potuit, ut unus ex posterioribus binis, vel alius itidem *Κιβωτός* sit appellatus. Præterea in aliis ejusdem gentis nummis arcæ inscriptum est *ΝΗΤΩΝ*, non autem *ΝΩΕ*. & si nummi reliqua inscriptio ita digeritur, *ΕΠΙ ΑΓΩΝΟΘΕΤΩΝ ΑΡΤΕΜΑ ΑΠΑΜΕΩΝ*, jam certe arcæ inscripta vox nullo modo posset referri ad Magnesios. Apud Harduin. certe p. 59. in nummo scribitur, *ΕΠΙ ΑΡΤΕΜΑ Γ. ΑΠΑΜΕΩΝ ΚΟΙΝΟΝ*, sub *Artema tertium prætor*, & idem pag. 599. testatur, sese in nummo Severi, qui asservatur in cimelio regio, vidisse Deucalionem & Pyrrham, nec non *ΕΠΙ ΑΓΩΝΟΘΕΤΩΝ ΑΡΤΕΜΑ Γ. ΑΠΑΜΕΩΝ ΝΕΩΚ*. cum cæteroquin ex sententia Stephani le Moyne ita hæc forent digerenda, *ΕΠΙ ΑΓΩΝΟΘ. ΑΡΤΕΜ. ΜΑΓΝΗΤΩΝ ΑΠΑΜΕΩΝ ΝΕΩΚ*. quod utique num. amplectendum sit, patere satis, si mihi daretur inspicere ipsos nummos, quos vir diligentiae & eruditionis spectatae Harduinus manibus tractavit.

Verum, uti revertar ad Philipporum Christianismum, sunt bina apud Origenem loca, quæ rem totam faciunt, & clarissime docent, eos Impp. optimo jure palamq; Christianam religionem fuisse professos: nam dial. extremo contra Marcionitas p. 160. ita loquitur: *οἱς δὲ σεβείς περὶ δόξαι συναγὰς τῶν βασιλέων καὶ πάντες ἀρχόντες*, quibus pie persuasi Impp. aggregantur & omnes præfecti, & p. 30. ejusdem dialogi, Origenes introducit Megethium Marcionitam objicientem, Christianos alterius Dei esse, & a Deo creationis alienos, quia crebris jactabantur persecutionibus, & odio habebantur, illudque inde patere, quia legitur in S. S. *Cor regis in manu Dei*, & proinde Deum illum creationis eos persequi, eo quod in manu sua corda regum habeat: quibus hæc responder Adamant. *Si quidem has argutias antegressis temporibus confinxisses, utcumq; rationem habuissent, habuissent tamen & facilem solutionem. Ego autem arbitror te istud argumentum inepte adduxisse, & ad tempus parum accommodate. Nunc vero cum βασιλεὺς θεοσεβὴς existat, quid? an ne alterum quempiam Deum superiorum Regum ante hunc corda tenuisse & persecutorem fuisse, alterum autem Deum hujus cor moderari? melius enim & contra quam illi reges, hic pius imperat, quæ enim dissipant illi, restaurat iste, quos oderunt illi, diligit iste, quæ illi fana & idola in honore habuerunt, hæc iste subvertit.* Certe nihil tam claris verbis opponi potest, & Philippus proculdubio fuit Christianus, si

Supplem. Tom. IV.

Origenes hujus dialogi, uti eruditi existimant, auctor est, quia illius ætate floruit, nec attingit tempora Constantini, adeo ut nulli alii Impp. qui ante hunc regnarunt, quam Philippo verba illa convenient. Petrus Faetidius p. 118. libelli laudati, Philippi Christianismum rejiciens plane, Origenem loqui putat de Regibus Edessæ & Osdroenes, idemque etiam facit Wetstenius p. 12. & 13. præfat. si concedere posset Philippum non fuisse Christianum, & allegat præterea *Principes Christianos* ex Origene, *Helenam*, Agarenorum Reginam, ex Adone Viennensi, vel *Lucium* Britanniae Regem ex aliis, id quod certe nollem factum. Nam *Principes Christiani* illi non sunt Reges, vel qui regebant populos, uti hodie sunt, Duces & Comites, sed præfecti, & primores civitatum; & Adoni nec non scriptoribus, qui *Lucium* Britannum nobis tradunt, haud magna fides adhiberi potest. Quin ego sic statuo, per *βασιλεῖς* nullos alios intelligi posse, quam Impp. Romanos Philippum, & ejus filium, iisque addendam conjugem & matrem, Otaciliam Severam, Alexandri Severi sororem vel filiam, uti conjecturatur Stephanus le Moyne, ad quam Origenes litteras scripsit, teste Eusebio, quasque sua ætate superstites etiamnum fuisse narrat Hieronymus; & notum est, Græcos per *βασιλεῖς*, Latinos per *Reges* tam Imperatorem quam Augustam, & tam Reginas, quam Reges intellexisse. Ad hæc nullum mihi dubium, quin Græci Patres, sub Imperio R. viventes per *βασιλεῖς* absolute positum, & non addito regionis nomine, cujus rex erat, vel cum etiam ex narratione non patet, de alio quoquam rege agi, semper intellexerint Imp. R. nec probare possum sententiam Harduini, qui *βασιλεῖς* obvium in epistola 1. Petri 2. 4. refert ad Polemonem Regem Ponti lib. *de Nummis Herodiadum*. Neq; enim tanta ejusmodi regulorum auctoritas, uti eorum mentionem faceret Apostolus, nec unquam ille probabit, auctores, qui R. Impp. vocant *βασιλεῖς*, supposititios esse, vel Polemonem imperasse Ponto, Galatiæ, Cappadociæ, Asiæ, Bithyniæ, ad quarum regionum incolas scribit B. Petrus. Si quid igitur Origeni credendum, optimo jure Philippus fuit Christianus, quippe qui *ναὺς τῆς εὐδωλᾶς* everterit; sed, ut verum fatear, mihi hoc factum tam præclarum & magnum adeo videtur, uti persuasissimum habeam, Christianos illius temporis illud fuisse celebraturos, & gentiles culpaturus, si tam aperte religionem veram professus esset Philippus. Quid? an de illo tacuisset Zosimus, qui tam iniquus est in Constantinum Magnum? an Dionysius Alexandrinus, qui Philippi & Decii temporibus floruit, apud Eusebium, tam pulchrum facinus non memorasset, tribuissetque tantum Philippo *βασιλεῖαν* Christianis *ἀμεσεῖραν*?

Mihi certe illa mira, imo mirificissima videntur, & facile crederem, auctorem dialogi vixisse sub Constantino, & *Origenis* nomen illi esse præpositum, quia unus colloquutorum vocatur *Adamantius*. Atque uti hodie eruditi hæreticos priorum temporum refutant, ita & aliquis sub Constantino impugnare potuit Marcionitas, quorum tunc temporis forte fuerunt superstites reliquiæ. Et priore quidem loco *βασιλεῖας* memorat auctor dialogi, complētens eo nomine Constantinum Aug. filiosque Cæsares, & altera *βασιλεῖα θεοσεβῆ*, id est, Constantinum solum, quia illius edictis gentilium templa demoliebantur. Quicquid sit, illud affirmare audeo, Philippum publice Christo nomen dedisse, si dialogi hujus auctor Origenes, uti multis probare conatur Wetstenius, nec mihi ullum majus illius rei indicium erit, quam gentilium templa & idola subversa.

Monui Stephanum le Moyne, virum doctissimum, statuere, Philippum fuisse Christianum, &

Hippolytum scripsisse *πρὸς Ἑρρινὸν* ad uxorem ejus Severam; sed idem negat, Juliam Severam sive Domnam, Septimii Severi uxorem & Caracallæ matrem, fuisse Christianam vel cum Christianis habuisse commercium (id quod affirmant præclaræ viri eruditionis) quia Severus eos tanto odio prosequabatur, ut illo imperante in Ægypto, Africa, Italia & Gallia sint horrendam cladem experti. Sed virum eruditum videtur refellere Tertull. c. 4. ad Scap. *Ipse etiam Severus pater Antonini Christianorum memor fuit, nam & Proculum Christianum, qui Torpacion cognominabatur, Eubodiam procuratorem, qui eum per oleum aliquando curaverat, requisivit, & in palatio suo habuit usque ad mortem ejus, quem & Antoninus optime noverat lacte Christiano educatus; sed & clarissimas fœminas, & clarissimos viros Severus sciens hujus sectæ esse, non modo non læsit, verum etiam testimonio exornavit, & populo furenti in os palam restitit.* Locus hic mihi inprimis notandus videtur, & propterea veniam, uti spero, dabis, si illius explicationi paululum inhæream. Caracalla igitur dicitur lacte Christiano nutritus fuisse, quæ verba nihil mihi aliud significant, quam matrem Severam, vel nutricem ejus fuisse Christianam. Certe Augustarum nonnullas liberos suos lacte suo aluisse patet ex nummo Fl. Theodoræ secundæ Constantii Chlori uxoris, qui repræsentat nobis Augustam, puerulo mammam dantem, quiq; inscribitur PIETAS ROMANA; deinde Domna multum dicitur fuisse conversata cum Sophistis vel Philosophis, indeq; emendante Salmasio, dicta Philostrato est *φιλόσοφος*, & inter eos Sophistas vel Philosophos Christiani doctores esse potuerunt, quorum scilicet religio etiam *Philosophia* appellabatur, quique ad instar Philosophorum pallio amiciebantur. Quod si autem aliquis *nutricem* præferre malit, crediderim facile eam fuisse *Eubodiam*, filiam forte vel sororem *Eubodii*, qui Caracallæ fuit *ῥοφῶς*, teste Dione pag. 861. & 870. apud quam videre & cognoscere familiariter potuit Proculum ejus procuratorem. Et si maxime Caracalla a nutrice Christiana fuit educatus, nec mater Augusta ipsum infantem aluit, inde tamen haud leve argumentum peti, nisi plane fallor, potest, Juliam Severam Christianis fuisse, vel Christianam fuisse. Neque enim mihi fiet verisimile, eam credituram fuisse infantem, Principem Juventutis, diversa sacra colenti nutrici, si nullum cum Christianis habuisset commercium. Severus Septimius ipse Christianis favit; sed causa mutati animi mihi videntur Judæi fuisse, & tamen postea iterum amplexus est priores. Judæos igitur rebellantes vicit, & Caracallæ eo nomine decretus est Judaicus triumphus, Spartian. cap. 16. & Euseb. a. 198. narrat *Judaicum & Samariticum bellum motum* esse, inde a. Christi 199. profectus est ad bellum Parthicum, quo confecto Antiochia petens Alexandriam leges in Judæos & Christianos tulit. Idem Spart. cap. 16. *post hæc dato stipendio cum latiore militibus, Alexandriam petiit, in itinere Palæstinis plurima jura fundavit, Judæos fieri sub gravi pœna vetuit, idem etiam de Christianis sanxit.* Innoxii quidem a rebellionē Judaica Christiani, sed quia Judæorum etiam numero gentilibus comprehendebantur, atque ex iis orti erant, pari etiam odio habebantur, eademque illos clades involvit. Cæpta persecutio est anno Severi 10. nam *Euseb. lib. 5. cap. 25.* de anno nono loquens, illius non meminit, sed l. 6. cap. 2. scribit Severo annum imperii decimum agente, eam maxime flagrasse, & cap. 7. narrat, Judam quendam commentatum esse de LXX. Danielis hebdomadibus, & calculum suum perduxisse ad annum Severi 10. quo nimirum persecutio incœperat, uti etiam patet ex Eusebii

A Chron. & Chron. Alexandrino, unde etiam multi existimabant, tunc temporis imminere Antichristi tempora. Severus tamen postea animum in melius mutavit, & inde *ἐμμενῶς* loquitur Tertull. *Ipse quoque Severus, qui nempe tam acerbiter Christianos fuerat persecutus, memor fuit Christianorum, calamitatibus eos exemit, benevolentia complexus est, & a persecutione destitit, edoctus proculdubio nihil illos cum Judæis habere commune, neque ab eorum rebellantium partibus stetit, atque etiam memor se a Christiano Proculo fuisse sanatum.* Neque tamen gentiles cessabant vexare Christianos, unde iis restitit postea Severus, cum scilicet Christianos ad pœnas vel ad bestias more ipsis usitato deposcerent, cumque toto imperio mala hæc simul tolli non possent, incensique furore gentiles atque adeo proconsules & præfecti, licet animus Imperatoris mutatus foret, punire Christianos variis in locis pergerent; inde puto, Eusebium narrare persecutionem maxime flagrasse anno x. qui primus erat, quoque Imperator ipse etiam infesto erat in Christianos animo; qui licet postea meliora sentiret, & illos favore suo amplecteretur, tamen, uti monui, gentiles in provinciis non plane destiterunt a persecutione, sed tunc non tam acerbiter sævitum est, quia Severus animum mutaverat.

Hæc sunt, vir præstantissime, quæ tecum communicare visum fuit, teque etiam atque etiam rogo, ut hæc conjecturas (neque enim *νύπτας δάξας* mitto) æqui bonique facias, mihi que, quod commodum fiat, significes, quæ & quot earum illustrandæ magis, atque adeo corrigendæ sint. Sed cum jamjam finire vellem, ecce novas mihi suppeditabant Tertulliani verba. Nam 1. inde disco, Severum Septimium ægrotasse, & a Christiano Proculo fuisse sanatum oleo; qua de sanandi ratione egerunt multis satis Antiquit. Ecclesiastic. studiosi. 2. rem illam nullibi memorari ab iis, qui vitam hujus Imp. litteris mandarunt, & propterea locum istum valde esse notabilem. 3. Si per, *qui eum per oleum curaverat*, Severus intelligendus non est, relinqui examinandum, an non reponi debeat *eam*, nempe *Eubodiam*, nutricem forte Caracallæ, quæ ægrotantem Imp. admonere potuit, sese a Proculo fuisse sanatum, vel denique *Eubodii* (qui Caracallæ *ῥοφῶς* fuit) *procuratorem*, qui *eum*, nempe *Eubodum*, sanaverat, quique eam ob causam Severo Proculum commendare potuit. Sed hæc quidem somnia sunt mera, & ego patientia tua abutor. Vale plurimum, Davent. iv. Martii 1695.

E Magliabequii ad Oligerum Jacobeam litteras, quas ex Italia accepi, rogo curare velis.

XX.

Amplissimo & Excellentissimo Viro

GISBERTO CUPERO

S. P. D.

OTTO SPERLINGIUS.

F Eruditissimæ Tuæ a. d. 4. Mart. scriptæ recte mihi sunt traditæ. Quod serius respondeam, morbus pertinax, qui me hæctenus lecto affixum detinuit, fonticam causam dicet. Frigoris enim vehementia illum, prout Medici testantur, attraxit, meque prostravit penitus, ut his mensibus inter febres & hypochondriaca mala reptare coactus sim. Paululum respiro, & quantum debeam, ad prolixam & profundam eruditionem

illam Tuam, quam ultima Epistola tam benevole, tam liberaliter & candide mecum communicasti, paucis his, licet febricitante etiam calamo natis, & jejunis, ut responderem ulterius minime superfedere volui. Primus es sane, cui hoc literarum officium post aliquot menses impendere licuit.

De Philippo Arabe quæ tam erudite commentatus es, adeo mihi placuerunt, ut decies deciesque relegerim, nec puto quemquam posthac contradicendum, quin ita solide probatum dederis, Philippum Christianis fuisse, ut parum absuerit, quin ipse Christianus fuisse dici queat. Professus se non fuit Christianum, baptismi Sacris non fuit ablutus vel tinctus, cætera animum docent ipsi in Deum Christianorum, illorumque mores & ritus fuisse propensum, ut Tiberium, ut alios, Christum in larario sibi colendum posuisse, Christianos defendisse, in aula tolerasse, conatibus eorum numquam obstitisse, nullis persecutionibus contempsisse; hæc adeo manifesta fecisti, ut nihil opponi queat, nec ultra sententiam tuam progredi velle videre mihi videor, quoniam Christianum fuisse Philippum exinde non sequitur, qui nosci satis, aliud esse Christianis favere, aliud Christianum esse. Alia longe sunt *κρίματα*, quæ Christianum distinguunt, professio, baptismus, perseverantia in fide vera, quæ Philippo non tam defuisse probasti, quam ad illum apicem eum non pervenisse, quò poterat adscendere, si diutius vixisset, si tempora permisissent, idolis adhuc nimium dedita. Præparato erat ad hæc animo, sed in rem ipsam nec ipse se, nec alios deducere potuit, prout Constantinus M. qui multo pluribus exemplis professus est non solum favorem, sed & Christianum se vivere, & mori velle, licet clinicus baptismum acceperit. Hæc mea sententia est de Philippis, nec dubito, quin tua sit: nam Christianos dici posse Philippos in illis, quos proposuisti, conatibus subsistentes haud plane velim contendere. Origenes *ἐντοβεῖς* & *θεορεβεῖς* vocat hos Imperatores; quod potuit ob animum plane pium, quo ferebantur in Christianos: at palam eos professos esse religionem Christianam, hoc nullibi dicit, nec factum esse puto. Fana quidem & Idola destruere, haud est actus sua natura demonstrans Christianismum, cum multis ex causis fana olim demoliti sint ipsi Gentiles, minime Christianis propitii. Nisi igitur probetur, in gratiam Christianorum Philippos fana destruxisse, clausisse, in Christiana commutasse, haud facile Origenem aliter interpretari licet eo loco, quam exaggerantem pietatem Philippi contra adversarium Megethium, cui Philippi Imperatoris opponit pietatem, Deo uni & vero Christianorum adhaerentem, qui non sit alius a Deo creationis, ideo eum Christianos diligere, ideo fana & Idola destructa jacere, ut sensit Origenes, non probans tamen Philippos, solam pietatem Christianam respicientes, aut Christianos dilexisse, aut fana Gentilium evertisse. Multæ sanè politicæ causæ subesse poterant, cur Philippi & Proceres eorum favorem Christianis præstare, cum suis commodis conjunctum esse maxime crederent & viderent; quæ studium in Christianos quidem summum provocant, at fidem veram vel fidei professionem publicam non statim faciunt aut probant. Sed eo delabi nos haud est necesse, Origeni fides omnino est habenda, Philippos studuisse veræ fidei Christianæ, idque, quantum licuit Imperatores, testatum fuisse: licet profiteri se Christianos, vel baptismum suscipere, dum vixerint, præpediti satis fuerint. Recte quoque urges Eusebii testimonia illis temporibus post Origenem proxima, qui Constantino

laudem hanc Christianismi primi non passus esset eripi, nisi compertum habuisset, Philippos passim Christianos existimatos esse: unde Christianos etiam fuisse non timet asserere. Quidquid contra hæc moverunt nuperi Scriptores, talia sunt, quæ veterum fidem labefactare minime poterunt, adeo ut illi maxime corrigendi videantur, qui plane fictam esse historiam persuadere conati sunt. Christiani Kortholti disputationem hac de re, si nancisci potero vel Kilonii, vel Rostochii, ad te protinus curabo: haud enim erit magnæ molis, modo certum hominem Amstelodami nomines mihi, qui tua transmittere possit. Quæ de Noë ex Apameensium nummis multi propter *νισωρὶν* in iis ex eum conjecturare cœperunt, doleo eos ita lapsos. Nihil enim adeo in nummis Græcis frequens est, quam ultimas syllabas inverso more scribi & subscribi, ex. gr. ΑΠΑΜ-ΕΩΝ ita invertitur in subscripta linea, ΑΠΑΜ-ΝΩΕ, monetque continuandam lectionem subitus divisam cum circumscriptione, ubi ista desit, ac si eadem rotunditate comprehenderetur; lectionem *Απαμνωῖς* pro *Απαμνωῖς* omnino præferendam judico. De *νισωρὶ* fluvio non sine ratione statuis, cum jungatur Marfyas fluvius satis notus. Sed malim *ἐπὶ τὴν*, donec nummus ipse offeratur inspicendus, cum in his excudendis non satis attente versari soleant docti Viri aut Sculptores. *Κισωρὶς* sane navigium in nummo prostat, nec frustra esse puto, cur illud navigii genus præferant isti populi, quamvis a Noachi diluvio veram causam haud esse petendam videre mihi videar.

Quæ de ærariis & flaturariis attulisti, egregia sunt & docta, nec quidquam dissentio, & fateri necesse est, initio distinctos omnino fuisse ærarios a flaturariis; quamvis hos ætas posterior magis confuderit, ut solet fieri, opificiis flaturæ tam ærariis, quam flaturariis, communibus factis, ita tamen, ut flaturæ æris ad alia metalla se non extenderint. Hinc flaturarii sigillarii se distinxerunt a flaturariis monetariis, qui in solis monetis standis occupabantur, ut isti in solis sigillis, a quibus ærarii artifices omnino separantur; licet conflare æs quoque debuerint, priusquam malleo ducere deinceps vasa potuerint, ut hodiernum solent; eo enim ærariarum artes maxime spectare recte judicas, & sic a flaturariis, monetariis, vel sigillariis distingui debuerunt, cum ærarii in æreis solum vasis fingendis toti essent, ideoque ærarii rectius appellari potuerint, quam flaturarii, qui ex omnibus metallis & sigilla & monetas constantes ista deinceps cælis artificiosissime expoliebant, has sub cuneo monetali sudare, & effigies recipere docebant, quas vellent. Hæc causa est, cur ærarii non dicti sint flaturarii, siquidem sola ærarii vox flaturam æris quoque comprehendebat, & flaturarii plurâ metalla, æs, aurum, argentum, &c. ad certos usus sigillorum vel nummorum tractabant, non æra sola, aliaque ratione quam ærarii. Ideoque aurarii aut argentarii eo sensu, ut ærarii, dici nequiverunt, sed flaturarii auri & argenti, vel fabri flaturæ argentariæ, ut habet inscriptio apud Reinesium, quam produxisti, ubi recte, MANCEPS OFFICINARUM AERARIARUM QUINQUE; non flaturæ ærariæ dicitur, & additur, ITEM FLATURÆ ARGENTARIÆ, quæ flatura ad sigilla nummosque spectat.

Nunc ad meam dissertatiunculam de nummis non signatis devenio: quam per morbos nondum eliminare potui. Difficultates suas illam habituram ominaris: non video tamen nisi illam, quod signatos solos ut nummos agnoscere velint, non signatos massas solummodo vocare cupiant, quam-

vis loco nummorum ubique fuisse negare non possint, & quod miraberis, in tota gente Judaica usque ad Christum, nec fcelos nec Gerah signatos, sed pondere solo expensos ad libram doceo, firmis, ut mihi quidem videtur, argumentis: unde nec monetas, nec monetarios ullos in tota Sacra Scriptura reperire datur. Illum sane morem antiquum & primævum, multi etiamnum populi observant, quibus partim signati nulli sunt nummi, partim una cum signatis etiam non signatis uti pergunt. Hæc totius dissertationis summa mihi est, ut doceam, rem nummariam privatam diu fuisse, solo pondere, & argenti vel auri examine, inter ementes & vendentes constitisse: fraudibus vero accedentibus, lites plurimas exortas, quæ tandem publicum nomen interposuerunt Regum & Principum, totam rem monetariam ad se trahentium, quorum autoritate deinceps nummus valeret, ne quisquam Regis, aut Principis nomine signatos amplius refutare posset, nec perpetuis illis litibus privatorum commercia turbarentur. Hac ratione Judæos, hac itidem Græcos & Romanos rem nummariam exercuisse constabit, donec ad nummos signatos Græci primi, deinde Romani devenerunt, quibus scorteos, figlinos, & ligneos æque rude nummos fuisse illorum paupertinæ principio res, & tota testatur antiquitas: ita ut recte moneas, haud a Numa, sed a Servio, primos nummos signatos Romanorum repeti debere, Judæos aut Orientis populos nummis culis, aut signatis ante Græcos usos fuisse nusquam reperies, puto: quæ causa est, quod toties in Sacra Scriptura Græcorum drachmæ, quas *Adarcon* & *Darconim* ex Græca radice appellaverunt, tam in V. quam N. Test. allegentur, quibus Romanorum denarii acceperunt, illorum rebus in Oriente etiam auctis & proVectis. Tu si quid in antiquitate dissentire ab hac mea sententia reperies, lubens audiam, & me moneas velim, nam haud ita sententiam foveo, ut erudiri nolim, aut repugnare melius sentientibus velim. Quo enim res magis sunt novæ, eo cautius statuendum autumo; quæ causa est, quod cum doctis primum hanc rem disquirendam sumserim, an hæc sententia nova illorum suffragiis stare posset, vel cadere, vel juvari. Primus mihi Cæsar hanc opinionem suggessit, lib. v. B. Gall. qui Britannos adhuc suo tempore sic mercatores esse scribit: *Utuntur minimo ære, aut laminis ferreis ad certum pondus examinatis pro nummo.* Variis quidem lectionibus hic locus corruptus est; omnes tamen hanc mentem expriment, Britannis nummos nullos id temporis signatos fuisse. De doctissimi Wagenfeilii sententia, priusquam finiam, hoc addam; nimis eum favisse Judæis hac in re sentio, quod nunquam Christiano sanguine mysteria peregerint illi sceleratissimi. Testantur historiae non semel hoc factum, & quamvis non deprehendantur toties, inter ludibria tamen ipsis sapissime Christianum sanguinem profusum esse, quoties occasionem nancisci potuerunt tegendi tam horrenda consilia & insidias Christianis structas, nullum dubium est. Et sanguinis hujus notas in corpore gestare quin gloriosum censuerint, non ego quidem refragabor. Molitus est defensionem contra Tentzelium, quam, puto, mihi misit, cum Infundibulo suo, sed nunc eam non invenio. Vale. Dabam Hafniæ ad d. x. Junii MDCXCV.

Amplissimo nec non Præstantissimo Viro
OTTONI SPERLINGIO

S. D.

GISBERTO CUPERUS

VIX ad te accedere audeo, quia eruditissimis & humanissimis litteris nunc demum respondeo, licet eas mense Junio anni proximi acceperim, atque interea temporis non absque singulari animi mei voluptate perlegerim sæpius. Aram igitur & precatorem mihi paro, humanitatem atque benevolentiam erga me tuam, atque insuper persuasissimum habeas rogo, me nulla negligentia peccasse, sed negotiis variisque in diversas agri Transilvani partes, & Hagam-Comitis, quo bis me conferre debui, excursionibus factum esse, quod officio meo, id quod cæteroquin religiosissime colere soleo, in hunc usque diem defuerim.

C Gaudeo igitur, ut ad eruditam epistolam veniam, tibi, vir illustris, non displicuisse, quæ de Philipporum Christianismo, de ærariis & flaturariis, aliisque rebus notaveram. Postea ad me missæ Roma sunt Joh. Ciampini binæ disquisitiones de duobus emblematis, in quarum altera docere conatur Philippos fuisse Christianos. Utitur argumentis, quibus alii usi sunt, & deinde Actis S. Pontii Martyris, publicatis a Baluzio T. 2. Miscellan. quæ si genuina & illius temporis sunt, certe firmum argumentum inde peti potest pro illorum Imp. Christianismo. Magnus autem sententiæ suæ fundus est, emblemata, vel orbis vitreus, in quo cernitur vir inter duas stellas capite nudo, unam manum extendens, & altera librum apertum tenens, vestitus ad eum fere modum, qui subinde in Roma Bosii subterranea occurrit, addita inscriptione, **A. SECULARE BENEDICTE PIE Z. id est, Ciampino interprete, Anno seculare Benedicte pie Zeses**, putatque vir eruditionis præstantis, Fideles Philipporum tempore Romæ viventes, gnaros, quod Imp. jam secreto Christianam religionem professi fuerant, ob maximam lætitiā, quam ex hujusmodi conversione acceperet, Redemptori D. N. J. C. de singulari hoc beneficio debitas grates rependere debuissent, in cuius rei argumentum ac tesseram, in orbiculo vitreo scripserunt, **A. SEC &c.** scilicet Jesus dignatus es naviculæ Ecclesiæ pacis portum demonstrare: littera enim Z. initialis est nominis ZESSES, uti ex tribus orbiculis vitreis ab Aringhio l. 4. c. 37. publicatis, colligitur, atque ita ZESSES idem putat esse quod *Jesus*. Sed, ut verum fatear, mihi hic orbis vitreus non tam antiquus videtur esse, ut ad ea tempora referri possit; deinde nondum mihi fatis constat, an ars vitrum pingendi tunc nota fuerit. Plinium enim, quem nonnulli id adseverare contendunt lib. 36. cap. 26. aliter explicat Schefferus in pereleganti libello, *De arte pingendi*; quanquam non diffitear memorari imagines deauratas orbiculis itidem inditas vitreis in R. Subterr. & Tertull. c. 7. de pudic. ita loqui: *procedant ipsæ picturæ calicum vestrorum, si vel in illis PERLUCEBIT interpretatio pecudis illius, utrum ne Christiano an ethnico peccatori de restitutione conliniet*: & c. 10. *patrocina bitur pastor, quem in CALICE DEPINGIS*. Neque enim perlucebit usus fuisset Tertull. si calices non fuissent ex vitro: præterea Zeses mihi

non est *Jesus*, verum *vivas*, ita ut votum sit vitro inditum pro homine, cui nomen Benedicto fuit, sensusque sit, Benedicte pie *vivas* anno sæculare, quicumque demum is annus fuerit, quomodo etiam in vitro lib. 1. Romæ subter. PIE. ZESES exponitur VIVES vel VIVAS. Quin & ego existimo in aliis orbibus, qui ibidem eduntur, vitreis, nequaquam ea voce *Jesus* denotari, & in secundo quidem CUM TUIS PIE ZESES, votum esse pro viro, cujus ibi cernitur effigies, uti scilicet, cum suis pie vivat, atque ita in tertio ibidem memorato LUCIFER ZESES non est *Jesus Christus*, sed viri & mulieris, conjugum nempe, vultus representantur, quibus altera figura inter ipsos media Christum referens (additur enim divinum illud nomen) coronas imponit, & ita votum concipitur: LUCIFER VIVAS CUM TUIS FELICITER ZESES SIRTCA, quæ ultima vox mihi nomen mulieris est, supra cujus caput illud cernitur. Et hæc quidem *ὡς ἐν παρόδῳ*.

Jam venio ad dissertationem tuam *De nummis non signatis*, cujus ego certe summo desiderio teneor, quia ex specimine, quod ad me mittis, perspicio, multa haud protrita te nos docturum. In tuam igitur sententiam plane pedibus eo, existimoque tarde admodum Judæos usos fuisse pecunia a se ipsis signata, & non modo ante captivitatem siclos *ἀσημους*, & pondere æstimatos fuisse, verum Asmonæorum tempore illud fuisse primum mutatum, cum Antiochus Demetrii filius 1. Macc. 15. legatur permisisse Simoni Ethnarchæ *ποιῆσαι νόμματα ἰδίων νόμισμα τῇ χώρᾳ αὐτῆς*, & Michael Lequien ex ordine Prædicatorum in libro, quem Gallice inscripsit: *L'Antiquité des temps détruite*, existimat, his in nummis cerni characteras similes Samaritanis, sive litteras Græcas inversas diversasque a litteris quadratis, quibus utebantur Judæi, in describendis Bibliis. Quinimo Contringius in Paradoxis de nummis Hebræorum notat, etiam ad libertatem usque per Hasmonæos redactam a captivitate Babylonica fas non fuisse Judæis nummos signare, quippe qui omni illo tempore duram passi fuerint servitutem a Chaldæis priscis & Macedonibus, qualibus subditis nummos cudendi facultas ubivis terrarum hætenus denegari solet, omnesque nummos, qui humana imagine a Judæis signati putantur esse, spurios & a falsaria manu esse confictos.

Num autem Judæi, aut Orientis populi nummis ab alio populo signatis ante Græcos usi sint, ulterioris mihi indaginis videtur esse. Illos quidem id tunc primum fecisse, Vir præstantissime, statuis, causamque inde petis cur toties in S. Scriptura Græcorum *δραχμαί*, quas *Adarcon* & *Darconim* ex Græca radice appellarunt, tam in veteri, quam novo testamento allegentur, illisque accessisse Σατράπαι & Romanorum denarios. Et quanquam magni apud me ponderis tua sit sententia, atque adeo ignarus plane sum linguæ Hebrææ, tamen facere non possum, id quod cum venia tua fiat, quin mittam, mihi videri potius illas voces descendere a Darico, qui a Dario Rege, Hystaspis filio, nomen habuit, cujusque pretium erat xx. drachmarum, sive, ut nos hodie loquimur, *van traintigh schillingem*. Et mihi equidem ne dubitandum quidem videtur, Judæos post captivitatem usos fuisse nummis persicis, & evidens arbitror esse, Persarum Reges nummos signasse, quorum ex numero cum fuerint *Darici*, haud utique mirum eorum fieri mentionem 1. Chron. 29.7. Efr. 8. 27. & 2. 69. iisque in locis eos vocari *Adarconi* vel *Darconim*, existimo. Neque enim tunc temporis Græcorum res notæ erant in Oriente, vel saltem in Judæa, & proinde eorum nummis uti, vel vo-

ces illas inde deducere non poterant, id quod vehementem in modum rogo, ut examinare diligentius velis.

Sed quod pene omiseram, existimo Philippos revera Christianos fuisse, si vera sunt, quæ narrat Origenes, Imp. nempe non modo fuisse *ἐνοβείας* & *θεοσεβείας*, verum etiam templa & idola destruxisse; præcipue cum nequaquam videam, quod majus validiusve indicium sive argumentum in medium adferri possit. Fateor gentiles nonnunquam sana fuisse demolitos, sed ejusmodi deorum ritus noxii erant Reipubl. & rejiciebantur propterea decreto Senatus. Sed cum Megethius objiciat Adamantio, Christianos jactari crebris persecutionibus, & ideo esse alterius Dei, atque a Deo creationis alienos, respondeatque Adamantius, suo tempore Imp. esse *θεοσεβῆν*, illum restaurare, quæ alii dejecerant, illum diligere, quos alii ode- rant, illum subvertere sana & idola, quæ alii coluerant, ego certe, pace quod fiat tua, nullum aliud inde argumentum elicere possum, quam Imp. qui Origenis tempore imperio R. præfuit, fuisse Christianum, vel Dialogum contra Marcionitas esse posterioris auctoris. Neque enim, quam oscitantia, mihi fiet unquam verisimile, Imperatorem potuisse destruere gentilium templa & idola (generaliter enim loquitur auctor dialogi) quin simul superstitioni illi nuntium remiserit bona fide, cumque nemo gentilium rem ipsis tam duram & invisam memoriæ mandaverit, vel de ea conquestus sit, id quod proculdubio factum fuisset, uti vel ex Symmachi querelis patet, neque etiam Eusebius, aliive auctores Christiani illud a Philippis factum esse narraverint, crediderim facile, hunc dialogum alterius auctoris quam Origenis esse. Adde, quod rebus turbatis, & propter breve Philipporum imperium florentibus gentilium rebus, nequaquam videatur verosimile, eos ausuros fuisse aperto quasi Marte aggredi inveteratam religionem.

Sed & Judæorum moneta mihi iterum aurem vellit, existimoque illam pondere tantum æstimatam fuisse, quia non modo nullarum officinarum monetæ, ut pulchre observas, mentio fit in Scriptura; verum etiam, quia nulla poena statuitur in falsos monetarios, cum graves decernantur in illos, qui injustis ponderibus & ulnis utantur. Atque inde etiam argumentum capere soleo, nec in Ægypto, nec in vicinis Judææ regionibus nummos fuisse signatos, quia morem illum imitata proculdubio fuisset gens lucri valde appetens. Nec mihi quis memoret vetitas in Decalogo imaginum effictiones, nam ante legem latam Judæi in Ægypto vixerunt, & non necesse erat nummos hominum vel animalium vultibus signare, id quod & Arabas facere non ignoras: quin & animalia ære vel alia materia expressa, si modo non colebantur, non fuisse prohibita, satis puto patere ex leonibus & æneis bubus Salomonis; quanquam Josephus 18. 4. putet errasse, vel peccasse Regum sapientissimum. Sed nimis diu patientia tua abutor, Vale quapropter, & hæc æqui bonique consule.

Daventr. 25. Feb. st. Jul. 1696.

P. S. Cum autem orbiculi illi vitrei inventi sint in cimiteriis, tibi considerandum relinquo, an non votum ZESES vel *Vivas* referri possit ad vitam futuram.

XXII.

Excellentissimo & Amplissimo Viro

GISBERTO CUPERO

S. P. D.

OTTO SPERLINGIUS.

TUAS tandem accepi xxv. Februar. scriptas, quod gaudeo: erant enim ut eruditissimæ, sic mihi desideratissimæ, qui diu nihil abs te videram aut legeram. Novi ego occupationes tibi publicas esse & prægnantes, ideoque dudum excusatum te habui: nec opus est ad me ambagibus ullis, cum non nesciam eo te semper genio & ingenio vivere, ut, quoties vacat, amicis te tuis subducere nolis.

Pergis autem de Philippo Christiano eruditissime disserere, sed nisi tu firmioribus argumentis usus esses, quam doctissimus Ciampinus ex Actis S. Pontii Martyris, & ex globo vitreo pro lubitu ac arbitrio suo explicato, non possem ego Philippo Christianos pronunciare. Neque enim quid antiqui de Philippis crediderint, hic quaeritur, sed quid Philippi revera fuerint. Animo Christianos fuisse, nemo te excellentius probavit, & si tanti est, palmam me iudice feres. Nihil deficit, nisi, quod professi non sint, vel quod occasio commoda defuerit, vel quod differre satius esse multa suaserint, donec mors supervenit omnia mutans & solvens. Recte tu quidem & erudite orbes illos Aringhii explicare conatus es, orbemque Ciampini in dubium vocas, ejusque interpretationem, quam nemini facile probabit, quantum ego quidem video, ut de Philippis aliquid exculpi possit; nam quacunque illum orbem verto, de Philippis plane tacet: ita ut licet salvam tam docti Viri sententiam vellem, nequaquam liceat, ita plane ἀλλοτρίως se habent in isto orbe omnia. Relinquenda sunt igitur ista doctioribus, qui me rectius judicare norunt: nec his epistolam implere nunc quidem ex usu fuerit, cum multa dicenda essent, quæ doctissimi Viri sententiam convellere possent, si his immorari juberet. Sed, ut dixi, nolo.

De nummis non signatis apud Judæos potius est tecum confabulari. Et magnum mihi semper fuit, tuo iudicio frui, Virorum Eruditissime, qui usque ad Asmonæos meam sententiam probas, & amplecteris, quod mihi sufficere posset, nisi docere valerem, etiam toto Christi tempore in terris, Judæos proprios nummos cufos non habuisse. Quamvis enim verum sit, Antiochum Demetrii ipsiς νόμισμα ἰδίον obtulisse & permisisse, haud tamen inde sequitur, illos eo privilegio statim usos, ut tu quidem argumentari videris. Aliud enim est permittere, aliud in usum permessa deducere, quod a Judæis factum nusquam leges. Ipsi Christi tempore nihil nisi δραχμας, σατράς, δηνάριας & obolos ac quadrantes reperies, inter procusa, quibus populus usus est, quæ sunt externa & peregrina nomina, sicut etiam λεπτά, & si quæ sunt alia. At in Sanctuario talia non admittebantur, unde Judæ quæ ἀρχιερεῖς tradebant, & expendebant, κέρματα fuerunt, & ideo ἀργύρια diserte Evangelistis dicuntur omnibus, non alio nomine, quia ἀσημα fuerunt, & more Judaico depromta: Hanc ob causam Collybistæ in templo mensas exercebant, ut denarios permutarent, & ἀργύρια ἀσημα redderent, quæ sacerdotibus offerre possent, qui ad illos cum donis suis accedere cuperent, quæ luculenter me docere posse confido,

A si dissertatio mea de his prodibit unquam. Ea igitur sententia mea est, non discessisse Judæos a veteri more, quamdiu Christus in terris obambula-
B vit, nec ullos nummos cufos proprios produxisse, usos autem esse peregrinis cufis una cum suis non signatis. Conringii sententiam jam enotaveram, imo explicatissimam dedi in dissertatione mea. Sed quod de Michaelē Lequien monuisti, fateor extare non tantum Hebraicis, sed & Samaritanis literis nummos aliquot, quos pro genuinis nobis obtrudunt, cum spurii sint & ficti, ut optime observat Conringius, & nummi isti satis per se docent, quos ad examen hinc inde vocavi ex Vassero, & Hottingero, aliisque. Sed quod mihi objicis de Græcorum drachmis, quos primos artem nummos signandi reperisse censeo, ipsique Orientalibus monstrasse, non miror te dissentire, cum sint quam plurimi, qui hætenus Orientalibus illud inventum tribuunt. At cum ultima antiquitas omnis hoc Græcis transcripserit, illamque mecum facere videam, non facile discedendum mihi putavi. Videamus Pollucem, qui autores monetandi primos comprehendit p. m. 437. *Φῶδων πρῶτος ὁ Ἀργεῖος ἐγράψα νόμισμα εἰτε δηματινῇ ἢ κυβατῇ συνοικησας, εἰτε Ἀθηναίοις Εἰρηχόνοιο καὶ Λυκίοις, εἰτε Λυδοὶ κατὰ φησὶ Ξενοφάνης, εἰτε Νάξιοι κατὰ τὴν Ἀγλαδένειον δόξαν.* Quod Lycios & Lydos autores faciat, non intelligi potest, nisi de Græcis, postquam illos coloniis suis occuparunt, ita ut Græcos solos, quos præmisit, nummis cudendis primam adhibuisse manum appareat. Addam Lucani testimonium l. 6. v. 402.

*Primus Thessalicæ Rector telluris Itonus
In formam calidæ percussit pondera massæ,
Fudit & argentum flammis, aurumque moneta
Fregit, & immensis coxit fornacibus æra.*

D Haud plura nunc adducam, ne oneri sint, sed ita consentiunt omnes, ut monetam primam nemo Græcis abjudicet. Ab illis igitur Orientales etiam nummi cudendi artes didicerunt. His positus, superest altera quaestio, an Judæi prius Græcorum nummis signatis usi sint, quam Persarum & Orientalium? & judico Græcorum nummos signatos δραχμαίς ad ipsos ideo prius pervenisse, tam quod primi autores sint nummorum signatorum, quam quod Græcum δραχμῆς nomen in Sacris Scripturis expressum reperiatur. Illis, Vir excellentissime, litem moves non exigui momenti, dum nomina ista *Darchonim*, *Adarchonim* & *Darchemonim* a Daricis potius dictos esse tibi persuades, quam a δραχμαίς; & quoniam flagitas, ut illa diligentius expendere velim, feci quod desideras. Dariorum nomen Judæis haud ignotum fuisse video, *Dan. 5. v. ult.* occurrit *Darjavesch Madai* h. e. Darius Medus: deinde *Esr. 4. v. 5.* *Darjavesch Melech Paras* h. e. Darius Rex Persiæ: eaque flexione Darii semper in Hebræis codicibus exprimuntur. Ex *Darjavesch* autem non *Darchonim* aut *Darchemonim*, quæ in S. Scriptura memorantur, flecti posse video, sed aut *Darjaveschonim*, aut contractius *Darjascchonim*, vel *Darschonim* prodire debebant, quæ cum non reperiuntur, ex Græca δραχμῇ *Darchonim* & *Darchemonim* fluxisse, mecum fateberis, scio: est enim *d* vel *ch* litera plane *χρημῆ* in hac voce, quæ Græcorum *X* responderet, in voce δραχμῆς, pro ut litera *Q* vel *Sch* esset, si a *Darjavesch* derivata veniret. Jam vero quod non *Drachonim* vel *Drachemonim* apud Hebræos sit, ex genio linguæ Hebraicæ profuit, quæ numquam in initio vocabulorum consonantes plures conjungit, sine vocali interveniente, hinc *Darchonim* & *Darchemo-*

cbemonim flectere debuerunt. His accedit, quod longe ante Darios omnes Medos aut Persicos vox ista *Darchonim* in sacro textu reperiatur, sub Davidis Regis imperio 1. Chron. 30. v. 7. ubi quamvis opponi posset, autorem Chronicorum per ἀρχων ista voce usum esse, qui ad tempus captivitatis solutæ opus suum contexit, quando Darii satis noti esse cœperant; haud tamen huic objectioni adquiescere licet, dum illum autorem ex probæ fidei monumentis antiquioribus de Davide, ubi vocem illam *Adarchonim* reperit, eam retinuisse & inseruisse dicendum omnino veniat. Sicque vocolas illas ex Græco ἀρχμή flexas esse & inter Hebræos receptas, nunc quidem constare dixerim. Juvat me præterea Jobus Ludolphus, qui in Commentario suo Æthiopico p. m. 568. Arabicum & Æthiopicum *Derbem* ex eadem radice ἀρχμής descendere significavit, cum ἀρχμιαίος nummi Hungarici, alique drachmales aurei ista voce soleant illis exprimi. Non succurrit mihi me legisse, *Darchonim* & *Darchemonim* S. Scripturæ Δαρεμής explicatos esse; facies igitur rem gratissimam, si auctores illos ut mihi nomines, qui sic statuerunt, impetrare poterō. Cæterum quod plures in Oriente populos Judæis vicinos diu nummis ἀσήμοις rem gessisse colligis, hoc ita verum est, ut etiam hodie non pauci supersint, qui veteri more Κέρματα nuda pro nummis retinent, de quibus in dissertatione mea prolixius monui.

Et hæc quidem ad te scribo, in cujus sinum rationes studiorum meorum deponere volupe mihi est; nihil enim jucundius accidere potest, quam inter eruditos & judicio subactō præditos, quid sentias, promere. Sunt quidem & hic nobiscum profundissimæ eruditionis Viri, quorum commerciis etiam vehementer gaudeo, sed nescio, quid ελυσικῆ habeant exteri, quod cum illis potius consuescere nobis gratulemur. Unum hic deest, quod quamvis ingenia non desint, desint tamen Typographi, qui a Catechismis & abecedariis oppellis abstrahi se non patiuntur; quæ causa est, quod Adamum Bremensem notis meis perpetuis illustratum Typographis Amstelodamensibus semel nunc iterumque edendum obtulerim, sed ut videtur, nullo successu. Nam & illi procrastinantur, & moras nectunt, nec quid velint, aut minus, aperiunt. Sunt mihi opuscula quædam alia, quæ Typographos expectant: sed cum nullos reperiam, premere satius est. Unde & de dissertatione mea nummaria non video quid statui possit, quamprimum spes quædam affulget, erit illa inter primas, quas editioni tradam. Tu vero vale feliciter, & me, quod facis, amare perge, qui numquam non ero cultu & obsequio tibi, quo debeo, addictissimus.

Dab. Hafniæ a. d. XVIII. April. anno ær. Chr. MDCXCVI.

XXIII.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Quid nunc aliud mihi faciendum est, quam ut aram & precatorem parem? quamvis enim plerumque sim occupator, & variis negotiis districtus, & ita excusare queam diuturnum meum silentium, tamen, vel me ipso iudice,

Supplem. Tom. IV.

aliter factum oportuit. Habes igitur confitentem reum, & si is esses, qui prolixas excusationes admitteres, facerem id certe; sed cum singulari erga me sis benevolentia, atque adeo temporis tibi parum reliquum sit, recte me facturum existimavi, si ad epistolam tuam, quam plus semel summa cum voluptate legi, statim me converterem.

Est igitur illa certe eruditissima, & facile tecum credo, id quod antea etiam testatus sum, Judæos nummis non signatis usos esse. Stephanus tamen Morinus, qui mihi officia sua deferebat eo ipso tempore, quo litteras tuas accipiebam, multis docere conatur, contrarium jam obtinuisse ipsius Abrahami tempore in epistola, quam ad me, perlecta tua eo de argumento, misit; nosti virum proculdubio, vidistisque ejus exercitationes de lingua primæva, quarum c. 9. & quidem p. 271. eadem fere tradit.

Statuo autem tecum & cum aliis eruditis, collybistas in templo sedisse ad permutandos nummos, ne scilicet sacrario inferrentur illi, qui signati erant vultibus Rom. Imp. vel Regum, vel deorum gentilium, a qua re veluti a sacrilegio abhorrebant Judæi. Sed tamen, ut verum fatear, inde nequaquam sequitur, gentis illius nummos fuisse ἀσήμους quia signatos ex. gr. thuribulo, virga Aaronis, quos eruditi ut genuinos amplectuntur, mutare cum aliis potuerunt, nec vox ἀργύρια quicquam juvare videtur posse novam opinionem, quia Græci ἀργυρόν & χρυσόν usurparunt de auro rudi, ἀργύριον vero χρύσιον & χαλκίον de argento, auro & ære signato, uti Pollucem sequutus notat Salmast. p. 924. de Usuris & p. 547. de Fœnore Trapez. atque ita ἀργύριον usurpatur Suidæ: Δηνάριον εἶδος ἀργυρίου, *Denarius genus nummi argentei*, quod etiam apud alios obvium est; licet illa opinio redarguatur loco Matth. 10. 9. ubi Christus vetat discipulos zonis condere, χρυσόν, ἀργυρόν, χαλκόν, i. e. aureos, argenteos, æreos nummos: deinde κέρμα significat æreum nummulum, licet in Evangelio ex eruditorum sententia de argento usurpetur; & illi ærei nummi signati esse potuerunt; certe mihi videtur ex illis vocibus non nisi leve argumentum ad probandum id, quod agimus, duci posse.

Sed cum apud Judæos non fuerint monetarii, illorum saltem non fiat mentio in S. Litteris, a quibus tandem laminæ illæ, vel pecunia non signata ad pondus sicuti Sanctuarii fuit facta? an hoc concessum fuit unicuique privato, qui auro & argento dives erat, uti tempore fere Abrahami obtinuisse arbitratur Clericus p. 157. in Genesim? an argentariis fabris, vel aliis certis personis id fuit concessum? & an non illæ laminæ fuerunt notatæ pondere, quemadmodum & hodie apud Chineses & alios Orientis populos in usu est? quæ omnia ut diligenter examinare velis, digna enim sunt in quæ ingenii tui nervos intendas, vehementem in modum rogo. Et huc apprime facit, Legatos Batavos ad Chinesium Imp. notare p. 481. legat. primæ, eo in regno demi forcipula a taleis tantum argentum, quantum quis impendere velit, æneam tamen monetam ibi esse ab antiquis temporibus signatam nomine Imperatoris & nota ponderis.

Græcos sibi vindicasse inventores omnium fere rerum certum est; sed mihi difficulter persuadetur, apud eos pecuniam primo fuisse signatam, cum antea floruerint in Oriente populi, quibus id adscribere mallet. Persas utique id fecisse ex vocibus *Darchonim* & *Adarchon* puto patere; quas a Dario Rege, Hystaspis filio, vel nummo ipsius vultu signato, Darico descendere etiam nunc mihi valde est verisimile. Negari non potest, Judæos antea cum iis, quam cum Græcis habuisse commercia,

D

deque navigationibus Judæorum, excepta Salomonis Ophiritica, alteriusque Regis Jhosaphat Tharsum, vix quicquam legitur: sed Assyriis, Persis, aliisque Orientis populis viciniore, eos facile terra adire, eorum nummis ad exercenda commercia uti debuerunt, proindeque iisdem nominibus proculdubio illos appellarunt. Hebrææ linguæ ignarus sum plane, adeo ut derivationibus tuis nihil opponere queam; dabo tamen tibi, vir doctissime idemque excellentissime, viros eadem mecum sentientes plane, quorum eruditionem non dubito quin plurimi facias. Ecce igitur Eduardus Brerewood. cap. 3. de ponder. & pretiis veter. nummorum notat, duo alia aurearum monetarum nomina in Vet. Testamento esse *Adarcon*, & *Drachmon*; illud Esræ 8. 27. & 1. Chron. 29. 7. hoc Esræ 2. 69. & Nehem. 7. 70. 71. 72. occurrere, illaque descendere a *Daricu*, quia Darii imagine erant signatæ, & ita ex genio Hebrææ linguæ debuisse formari dicet, quemadmodum ex Excerptis perspicies (A).

Quin etiam Anton. Binæus, Theologiæ hac in urbe professor, cujus credo te vidisse libros de Natali Christi, de Morte ejusdem Domini Dei que nostri, & de Calceis Hebræorum, me monuit, si puncta, quæ nosli quinto primum a Christo nato sæculo fuisse inventa, auferantur, non aliud quam *Darius* inde fieri posse, uti ex ejus epistolio, cujus exemplum mitto (B) perspicies. Imo eadem etiam sentit Jobus Ludolfus p. 66. notarum suarum in Histor. Æthiop. quem consulere poteris; fateor eundem virum doctissimum mihi que amicissimum p. 568. tradere Arabicum *Derbem*, quod Æthiopes pro ducato aureo, vulgo Hungarico, accipiunt, a drachma, uti videtur, derivatum esse; sed illud facile fieri potuit, quia & aliæ Græcorum voces ab Arabibus, utpote qui Græcos libros in suam verterunt magno numero linguam, adoptatæ sunt; verum illud longe secus sese habet cum Judæis, & quidem ipsius Esræ tempore, quippe cum quibus non multum habebant commercii Græci, cum contra illud frequens fuerit cum Chaldæis, Persis, aliisque istius tractus populis, a quibus proinde eos desumpsisse nomen illius nummi, vix mihi dubium videtur. Quin & Eduardus Bernardus, Anglus, uti nosli, eruditissimus, libro de Mens. & Ponder. Antiquis p. 115. notat, stateres χρυσούς vel χρυσοῦς absolute, vel Persarum aureos sive Daricos, valuisse 10. drachmas argenteas, eosdem nuncupari *Adarconim* voce traducta a Græco (nempe *Daricus*) & Talmudicis illos ipsos dici *Darconat* & ludendo *Darbanot*, p. 120. staterem aureum & δρ. δραχμον valere 36. coratia, *δρακόν* aut *Daricon* forma Syrorum, & p. 171. aureos Daricos, aureos Philippi & Alexandri M. & aliorum Macedonum pondus binarum drachmarum Atticarum argenti, item *δρακονίδ* & *αδαρνονίμ* denarios aureos veterum Judæorum.

Quod autem in alia ad me epistola misisti, Cæsarem, ubi de Britannis agit, tibi occasionem dedisse inquirendi in nummos non signatos, recte sese habet; sed nescio an observaveris Lloydium in nova Britannia Cambdeni editione ex nummis ea in insula repertis affirmare, Britannos ante adventum Romanorum habuisse artem cudendi tam aureos, quam argenteos nummos, uti patet ex Actis Erudit. Lipsien. a. 1696. p. 193. & puto te recte facturum, si librum illum consulas, antequam dissertatio tua in lucem prodeat quam si ad me transmittere velis, curabo una cum Binæo, ut nitidis typis describatur. Censent & idem nonnulli apud Cambdenum p. 168. edit. Janssonianæ, sed ipse Cambdenus vix credit Britannos ante Ro-

manorum adventum pecuniam signasse; quamquam Cæsarem lib. 5 c. 12. B. Gal. scribere addat, usos eos esse *nummo æreo*, aut *annulis ferreis ad certum pondus examinatis*: quæ verba in epistola tua leguntur hoc modo, *utuntur minimo ære*, aut *laminis ferreis*; cum in ed. *Jungermanni* scribatur, *utuntur aut æreo*, aut *talibus ferreis*; in ultima verò, quæ commodum prodit in lucem, Grævii cum notis Dionys. Vossii, aut *nummo æreo*, aut *annulis*; & in variis Codd. mss. aut *ære*, aut *nummo aureo*, vel, *nummo æreo*; & interpretes Græcus vertat, χαλκῶν δὲ νομισμάτων ἢ σιδηρῶν δακτυλίων, adeo ut ille locus amplius sit examinandus.

B Gaudet tibi etiam improbari Orbis vitrei explanationem eruditissimi Ciampini; certe alibi ille mentem occupatam habuit, cum nec vola, nec vestigium Christianismi Philipporum in illo inveniat. Montanarius bibliothecæ Ambrosianæ præfectus, antea incognitus mihi plane, me consuluit super variis carminum S. Paulini ineditorum locis, quæ ego ex sacris abstrusioribus gentilium interpretari conatus fui; si reliqua ejusdem generis sunt, plurimum certe illi debet resp. litteraria; si editionem illorum maturare velit. Ex Oriente varios nummos accepi, & inter eos unum Arsacis elegantissimum & ἀνέκδοτον, quem publicare constitui. Vale plurimum 25. Nov. st. Jul. 1696. Daventriæ.

(A)

EDUARDUS BREREWOOD

De ponderibus & pretiis veterum nummorum
cap. III.

D UO alia aurearum monetarum nomina in Veteri Testamento sunt דרַכְמָן & אַדְרָכְמָן Adarcon & Drachmon: illud Esræ 8. 27. & 1. Chron. 29. 7. hoc Esræ 2. 69. & Nehem. 7. 70. 71. 72. uterque nummus Hebræis externus fuit (ut nomina ipsa satis indicant, quorum neutrum est Hebrææ originis) & Persicus, ut videtur: uterque etiam ejusdem ponderis, cum utrumque Græci Interpretes δραχμῆν convertant, quod tamen, ut dixi, cum respectu ad pondera Alexandrina, aut Hebræa, intelligendum est, quæ Atticorum ponderum ejusdem appellationis dupla sunt. Drakmon autem nomen ponderis videtur esse. Adarcon autem (si conjectura mea non fallit) nomen Principis innuit, & Daricum Persarum Aureum notat. Nam & Darius Hystaspis filius tunc regnavit, cum hi nummi aurei Esræ tempore oblati dicantur in templi structuram, & ab illo *Dario* procusos fuisse aureos optimos, (a) Herodotus memoriæ prodidit, qui vel eam ob causam *Darici* dicebantur, vel testante (b) Plutarcho, quod in altera parte *Darii* imagine signarentur. Licet autem nomen Adarcon semel ante legatur, in rerum vetustiorum historia, scilicet 1. Chron. 29. 7. tamen cum *Esræ* ejus etiam libri author extiterit, potuit quidem ille rei veteri recentius nomen externum imponere, quod scilicet nummum ejusdem plane ponderis designaret. Eo autem magis mihi videtur nomen *Adarcon* *Daricon* notare, quod prima littera & ablata *Daricum* fere sonat (c) & autem in dictionis initio, sæpe præter radicem est Chaldæis, vel servit loco π a-

(a) Herodot. in Melpomene.

(b) Plutarch. in Artaxerxe. Vide Abulens. in præfat. lib. Chron. quæst. 5.

(c) Vide Guidon. Fabric. in Gramm. Chald. & Angel. Caninium in inst. t. lin. Syriac.

apud Hebræos, vel etiam præpositionis vicem obtinet, *juxta, secundum*, vel tale quid denotantis. Unde in loco Chronicorum, principes tot *Adarconim* obtulisse, innuere videtur, tot dedisse aureos, qui essent pondere Daricorum.

(B.)

GISBERTO CUPERO

Viro per-illustri

S. P. D.

ANTONIUS BYNÆUS.

Olim in Hebræorum Republica, in usu fuisse vel auream, vel argenteam monetam signatam, gratulor mihi virum eruditissimum Ottonem Sperlingium se demonstraturum promittere dissertatione singulari. Nihil enim mihi accidere optatius potest, cum eadem in sententia ipse fuerim jamdudum. Si qui signati fuerunt in ea Republica nummi, aliorum gentium fuerunt. Talis אדרכון *Adarcon* & דרקמן *Drakmon*, quorum mentio Esræ II. 69. VIII. 27. Nehem. VII. 70. 71. 72. & Chron. XXIX. 7. De his non improbabili mihi videtur Edovardi Brerewoodii conjectura, דרקמן *Drakmon* nomen ponderis esse אדרכון *Adarcon* autem nomen principis innuere, & Daricum Persarum aureum notare. Id mirum videri potest quam maxime, si quis ad Darii nomen, quod hodie cum suis vocalibus דריוש *Darjavesch* scribitur, attendit. Hinc enim nummi illi *Darjaveschim* dicendi forent, non *Adarconim*; sed hic cogitandum, considerandas solum hujus nominis literas esse, non vocales. Hasce enim uti adjectas esse a Judæorum magistris, circa sextum a Nato Christo sæculum, invicte, uti mihi videtur, post doctissimos Ludovici Capelli, & aliorum labores, vir clarissimus Stephanus Morinus ostendit, ita constat eas esse sæpe positas inepte, in nominibus propriis imprimis. Quod vel unicum nomen יָוָן *Javan* docet. Quis enim credit, id sic punctatum recte esse, & non legendum potius, ut sonant literæ, cum ejus posterius, a Græcis Ἰωνες & a Latinis Jones dicti, illud conservaverint constanter? Idem dicendum de nomine Darii est; vocalia puncta illi addita perperam sunt. Quis enim sibi persuadeat, olim illud scriptum דריוש *Darjavesch* esse, & non lectum potius, ut sonant literæ דריוש *Darius*? cum apud omnes, tum Græcos scriptores, quam Latinos, id nomen semper legitur *Darius*? ita necesse haud quaquam est, ut nummi illi *Darjaveschim* dicantur, non *Adarconim*. A Darii nomine enim in Hebræorum lingua, æque dici possunt *Adarconim*, & *Darici*. Hæc habui, vir perillustri, quæ hac ipsa vespere, tuis excitatus literis, potui commentari. Vale meum & Musarum decus.

XXIV.

Amplissimo Viro

GISBERTO CUPERO

S. P. D.

OTTO SPERLINGIUS.

Quas 25. Novembris anni elapsi dederas, recte perlatas esse nunc indico. Multum ex illis & gaudii & fructus ad me redundavit, tum quod valere te & mei meminisse sic intelligerem, quod vehementer cupiebam; tum quod eruditione tam præclara essent refertæ & conditæ, ut nihil illis longo tempore accidisse mihi suavius ego fateri cogar, teque credere velim. Nescis sane, quantum me recreet tam auctoritas tua in sententia mea comprobanda, quam quod Clariss. Binæum etiam accedere ex literis ad te ejus perceperim. Quod Stephanum Morinum aliosque plures dissentientes habiturus sim, haud ego quidem miror, quippe qui nummos nullos admittunt, nisi publica cufos nota; prout hodie eos vident & tractant.

Haud quidem hætenus legi doctissimi illius Viri exercitationes, nec quibus argumentis subnixus prodeat, tuo tamen indicio inspiciam ejus commentatiunculas, & si quid in literis ad te suis novi addidit forte, haud negligas suppeditare; audio enim lubentissime quidquid contra afferatur, ut exinde quantum veritatis vel minus in meis sit edoceri queam. Certum autem habeo, ante nummos cufos passim antiquos æris, argenti, & auri usum haud nescivisse, sed per massas, laminas, & lamellas solo pondere in venditionibus & emtionibus distinxisse, & mercaturam commodiorem effecisse, quod cum non satis attenderint docti Viri, sed ad nummos publica moneta cufos, nummorum omnium originem primam referant, hinc est, quod omnem rem nummariam eo trahant. At mihi facile tota antiquitas suffragium feret, fuisse tempora, quibus nummi publice cufi nulli fuerint, sed laminis & lamellis jam dictis solo pondere appensis commercium instituerint. Et cum non inveniam ante Græcos quemquam monetæ cudendæ mores introduxisse, Persas, Lydæ, totamque Asiam ab iis didicisse, ut & alias nationes pronum erit affirmare, si Phidon is fuerit, ut Pollux & alii credunt, si Ithonus, ut apud Lucanum legi. Nam quod fidos cum thuribulo & virga Aaronis mihi objicis, ut genuinos in Republ. Hebræorum, eos ego nullos agnosco, sed & Judæorum & Christianorum technis illos ἀπὸ τοῦ νόμου natos judico, quod lucri bonus odor etiam ex hac re homines afflare cœperit. Nullum hætenus genuinum mihi quidem videre licuit, ita ut nec inscriptio *Sekel Israel* & *Jerusalajim Hakkadosch* sine suspitione unquam apud me fuerit, nec illud scriptionis genus in literis suis, earumque figura, mihi se probet, cum longe aliter in manuscriptis Hebræorum libris extent depictæ, quam in his nummis, quæ plane ductus illos ostendunt, quos libri impressi observant, ita ut post Typographiam illos nummos omnes prodidisse mihi quidem videatur credi debere. Nullum deinde pondus inesse putas, quod vocem ἀπὸ τοῦ νόμου ob-

fervaverim, de solis Hebræorum nummis in Sacro Codice usurpari, siquidem nummi cusi eodem vocabulo sæpius efferantur; quod ego quidem fateor verum esse, cum non nesciam ἀργυρον, ἀργύριον, ἀργύρια, ἀργυρῆς, χρυσόν, χρυσῆς, κέρμα, νομισματα κόπτων, eisque similia, hodie, mediisque ab hinc sæculis, de nummis cufis, & legi & intelligi; sed eo respexi, ex antiquitate ipsa constare, has voces, ante nummos cufos, de non cufis aut publice signatis dictas fuisse, & postquam nummi cusi fuerunt, eas cufis adhæsisse; nummi quippe cusi neque ἀργύριον, neque κέρμα vel simile quid proprie quoad formam sunt, sed aliunde hæc nomina tenent, scilicet a nummis non cufis, qui ante cufos obtinuerunt, ad cufos translata: ideo cum observassem Hebræorum nummos distincte in sacris ἀργύρια vocari, non δραχμῆς, non σατράς, non δραρίς, non siclos, illud frustra factum minime credidi, sed eam causam veram subesse, quod cusi minime essent, at more antiquo ἀργυρῆς & ἀργύρια pondere suo constantia sine fabrica, aut signo, aut modulo publico; & quamvis Pollux vocem ἀργύρια Græcæ puritatis non esse scripserit, ut nec *argenta* apud Latinos, eam tamen ætatem in nummis ἀργυρίων vocem adoptasse videmus, utpote qui puritatem Atheniensium non tam accurate attenderint, sed ex usu sæculi sui locuti sint. Hoc igitur in sacris ἀργύρια concedes esse, quod olim fuerunt, cum nondum nummi cuderentur; tunc enim istæ lamellæ, ista κέρματα argentea, vere ἀργύρια fuerunt, & uno verbo ἀργύρια, ut illinc argumentum non invalidum duci posse ad nummos publice non signatos ostendendos manifestum fiat. Erat igitur res omnis nummaria quondam privatorum, & singulorum, non publica, ut recte Clericus, & tu colligis ac iudicas; adeo ut nec libripendes pro nummis publicos habuerit, sed quilibet sua libra instructus venerit, pro nummis talibus recipiendis vel expendendis, quibus si notæ quædam insculptæ fuerunt, pro pondere significando, publice sane non fuerunt incusæ. Quæ de Chinesibus mones, etiam mihi notata in diss. mea reperies, ex Tavernier & aliis: quin & mihi moneta ænea Chinesis est perforata, quæ signata & cusa est literis Chinesium; at non impedit hoc, quin veteres eorum populorum mores & primos in re nummaria ex his etiam discere liceat; & si nuperiores cudendi monetam publicam tandem accesserunt, nihil miramur, quia privatum in non signandis nummis commercium, ut antiquius, magis sequantur, quam publicum. Et fere universus Orbis Eous ita vivit adhuc, ut tam signatis, quam non signatis nummis pariter utantur, quod nos docent itineraria variorum.

De *Adarconim* & *Darkemonim* insistis adhuc tu & doctissimus tecum Bynæus, qui Brevevoodum & Edw. Bernhardum, Anglos, sequimini, licet ille politus omnino Vir dubius valde hoc agat, & suspenso pede *Adarcon* solum ad Principem Darium referat, non vero *Darkemon*. Jam cum *Darkemon* ponderis esse nomen fateatur Brevevoodus & δραχμῆς significare, nulla causa est, cur *Adarcon* ad Principem aliquem Darium trahat, cum ejusdem radicis sint & originis hæ voces, & oportune clarissimus Bynæus monuerit, illud præfixum esse prostheticum & Chaldaicum, ut Arabum *Al. Darcon* autem quod in voce super est, contracte ex *Darkemon*, ne vox nimis excresceret, prodiit, quales κράσις in Chaldaicis non semel observamus: vides igitur, nec Brevevoodi testimonium pro Daricis satis concludere, sed ad drachmas per illum etiam nos ablegari, ut nemo non videat, *Darkemon* & *Darcon* ex eodem

A fonte manasse, voces non diversas esse, quod Brevevoodus voluit. At quod tu a Persis nummorum cuforum originem accerfas, Politissime Vir, non vero a Græcis, haud video, quæ veterum auctoritate, vel quibus rationibus inductus, illam sententiam stabilire possis; certum enim est, Orientis populos sero tandem ingressos esse illam cudendi viam, & ita quidem, ut plerique veterem non plane deseruerint. Nec Δαρείοι primi fuerunt, sed ante illos χροασεῖς σατράς Græci Scriptores memorarunt, adeo ut multi eorum propterea ad Lydios primos nummos cufos referant, ut Pollux ostendit. Quidquid vero a Græcia versus Occidentem terrarum panditur, omnes eorum exemplo in nummis cufis sibi placuerunt, licet plurimi veterum illam lamellarum & ἀβέλων consuetudinem prius non ignoraverint. Quid de ligneis, figlinis, scorteis Romanorum nummis mihi dices? num illos olim cufos existimabis, aut potius arbitrio commercantium relinques? sic, puto, facies. Non igitur ab aliis, quam a Græcis cusi nummi publica auctoritate fluxerunt, quos ea in re imitati sunt cæteri per totum Orbem, serius alii, sed & maturius nonnulli. Nec punctatio Excellentiss. Dn. Bynæi mentem mihi mutare potuit; neque enim credendum est facile, aliter Hebræos ante punctationem nomina pronunciasse, quam postea, imo punctationem ideo superadditam, ut de vera pronunciatione constaret. Et quis illos magistros nescivisse credat, quomodo pronuncians esset, eanique ob causam tot punctis illud declarasse? Pro Græcis hoc facit, qui sine punctis Hebræa legentes, forte *Darius* inde fabricarunt. Atque eo respexit, ni fallor, Dn. Bynæus; at *Darkemon* Græcis non fuit in usu, sed ex Græco Hebræi sumserunt, & exteris, ita ut propter litteram *μ*, quæ in hac voce est κερτινωτάμ, non possit nisi a δραχμῆς originem inter Hebræos repetere. Haud igitur *Darius*, sed *Darjavesch* Hebræi pronunciarunt, & quamvis *Darius* pronunciasent, (quæ terminatio tamen non est Hebræa,) nunquam tamen exinde *Darkemon* aut *Adarcon* flecti potuisset, ut nec ex *Darjavesch*. Aliud itidem argumentum affers, non facile potuisse Judæos a Græcis vocabula petere, quod parum commercii gentibus istis intercesserit. Alia est sententia Eusebii, qui toto libro προπαράσχεωσι, ostendit, quid non solum Græci ex scriptis Hebræorum hauserint, sed & quænam illis commercia fuerint alia fere perpetua. Nec te remittam ad Cadmum Phœnicium, ejusque in Græciam descensum; sed cupio cogites tractum inter Græciam & Judæam perfacilem esse, in mari tot insulis constrato, ut una fere terra continens per illas videantur Asia & Græcia. Leoydii Cambdenum hæcenus haud potui nancisci ut inspicerem, neque enim in bibliopoliis hic prostat, aut in amicorum bibliothecis. Nolo non lectum vel inauditum damnare, sed non mihi persuadeo, ante Romanorum adventum eum Britannos nummis cufis rem gessisse probaturum, idque ex nummis ea in insula repertis, infelices enim hæcenus fuerunt Angli in nummis veterum & suis etiam explicandis, quod etiam Suecis & Schefpero in suo de tribus Coronis scripto contigit. Trahunt enim nummos ad illam ætatem, ad quam minime pertinent. Cæsaris locum in vetustis impressis & inscriptis, prout ad te scripsi, reperi, non ignarus etiam aliter legi, ex quibus hanc ut commodissimam præfero, illisque temporibus maxime convenientem lectionem.

Haud Te ulterius, Elegantissime Vir, distinebo meis his, quæ sub manu mihi nata sunt: & in Diss. ea leges spero prolixius accipio enim conditionem,

quam benevole mihi offers, & describendam illam correcte tradam, ut proximo vere cum primis navibus ad vos trajicere possit, modo certum hominem Amstelodami mihi nomines, ad quem ea secure mitti possint, ut in manus tuas perveniant, & ulterius statuas. Tibi sane, Vir Amplissime, & Dn. Bynæo, hoc quidquid est lubentissime committo, & quod mei causa curas vestras augere velitis, gratias habeo terque quaterque maximas, licet inamœnius & rustice hoc a me fiat. Tibi vero, Eruditionis omnis Pater, Princeps & Mæcenas, peculiares debeo gratias, quod me literis tuis doctissimis non solum recreare pergas, sed & doctiorem me semper discedere sinas: & nunc nummum tuum Arfacemq; redivivum avidissimis votis expecto, quamvis non videam, quomodo Tibi a negotiis publicis nunc ingruentibus tantum otii superesse possit, quantum illa desiderant. Excell. Dn. Bynæo salutem & officia meo nomine impertiari quaeso; tu vero novum hunc annum & plures ut felicissime transigas & pancratice valeas opto, Sum ex animo,

Vir Nobilissime & Amplissime, Tuus
semperque addictissimus,

Dabam Hafniæ a. d. xvi. Januar. A. MDGXCVII.

XXV.

OTTONI SPERLINGIO

Viro Præstantissimo

G I S B. CUPERUS.

Ultimas, easque doctissimas litteras tuas communicavi cum Bynæo, virque eruditionis haud vulgaris ad me misit, quid de illis sentiat, & te vehementem rogat in modum, ut ea examinare, & perpendere diligenter velis, id quod etiam atque etiam peto (A). Morinus pleaque ea, quæ Exercitationibus suis inseruit, epistola complexus est, addidit tamen nonnulla; inde recte nec tibi ingratum me facturum existimavi, si illius nec non responsi mei ad te exempla cognoscendi & emendandi causa transmitterem (B). Auctorem signandæ monetæ apud Græcos incertum valde esse, vel inde patet, quod alii utile illud inventum tribuant Ithono Deucalionis filio, uti Lucanus canit, alii vero Phidoni, Carani Macedonum primi Regis fratri, alii Demo sive Cææ sive Cumææ, alii Erichthonio, alii Lydis, alii vero Naxiis, teste Jul. Polluce lib. 8. prout verba emendanda censet Salmas. pag. 423. de Usuris. Et certe ad Ithonum referri non posse originem signandæ monetæ, vel inde patet, quod Homerus & Hesiodus nullam mentionem faciant auri, argenti, aut æris signati, cum tamen Ithonus longe poetis illis sit vetustior, si quid veri illi narrationi inest; & cum Phidon circa tempora Homeri vixerit, ut nonnulli existimant, inde concludit idem Salmas. p. 369. aut recentem fuisse illius ætate inventionem, aut necdum ab omnibus receptam, aut nondum plane proditam. Et cum antiquis temporibus Græci non tam fuerint politi, ac postea facti sunt, putabam ante eos Asiæ populos, puta Assyrios vel Babylo-

uti etiam existimo, nullum inventum iri, qui tradat, artem illam a Græcis ad Asiaticos, & ex Europa in Asiam pervenisse. Quin & Harpocration, & qui eum sequi solet, Suidas, tradunt *Daricos* non a Dario Hytaspis filio, verum a Dario vetustiore nomen habere, qui erit Darius Medus memoratus in S. S. & Herodotus tantum scribit, *Darium* Hytaspis auro purissimo in cudenda moneta aurea usum esse; unde sequeretur *Daricos* vetustiores esse stateribus, qui a Cræso nomen habent. Quin imo ὁ πάλιν Salmasius p. 423. 431. 432. & 434. de Usuris, prorsus habet persuasum, quicquid dicant Græci de nummo argenteo & æreo a Phidone primum prodito, a Phœnicia in Græciam inventum esse usum nummi, multa Græcos recepisse mensurarum nomina a Persis & Syris, imo & Ægyptiis, ut *λαπίδην*, *ἀργύρεον*, *μύρεον*, *κύβηρον* & alia, quod adtribuere Phidoni volentibus ratio non deerit, in nummis, quos signasse primus dicitur, idem potuisse fieri, nominaque eorum ab Oriente arcessere, ut minæ, drachmæ, oboli; & valde sibi verisimile videri Lydos invenisse monetam, atque inde ex Asia in Græciam inventionem esse traductam; Æginetas, ut pote mercaturæ & navigationi deditos, in Phœniciam sæpe ivisse, nummos inde argenteos vice mercium aliarum frequenter reportasse, motosque exemplo ad nummos etiam cudendos processisse eo tempore, quo Argivi insulam eam tenuere, sub Phidone Heraclida; quæ ut a viro summo profecta, ita certe digna sunt, ut diligentius examines.

De Græcorum & Judæorum commerciis nondum mihi omnia tam liquida sunt; invenio quidem apud Eusebium Græcos auctores multa a Judæis hausisse, nonnullosque eos adivisse, sed ora maritima a Phœnicibus erat occupata, negotiantesque commercia exercere cum Tyriis, Sidoniis, aliisque Phœniciæ oppidis poterant. Nec quicquam huc facere puto Cadmi adventum in Græciam, cum ille patria profugus fuerit, tuncque tam rudes fuerint Græci, ut ne litteras quidem haberent. Lacedæmonii, fateor, sese in Macchabæorum libris *fratres Judæorum* vocant, & addunt se esse ex genere Abraham, sed hoc factum est, cum Oriens esset in potestate Macedonum, & Græci, vel Syro-Macedones in Syria jam habitarent magno numero. Unde autem affinitas Judæorum & Lacedæmoniorum originem traxerit, docet Huetius pag. 96. præp. Evang. Steph. Morinus Diss. 1. & Bochartus pag. 499. & 864. Geogr. Sacræ, huiusque vestigiis insistens puto, Jolaum in Peloponnesiacis laudatis Scholiastæ Nicandri scripsisse, Judæos nomen habere Ἰσραήλιν Σπαρτιάδας ἐκ τῆς βίβης καὶ Διονύσιος τραπεζιτέως, illumque confundere *Udæum Spartum* cum *Judæo Spartone*, & ex *Udæo* illo fecisse *Judæum*. Inter eos, qui ex serpentis dentibus provenisse finguntur, memotatur *Udæus*, ἰδαῖος Ovid. l. 5. Met. Hyg. f. 78. Paus. lib. 9. Apoll. in Biblioth. Schol. Eurip. ad Phœn. p. 325. Hellenico & Pherec. apud Schol. Apol. Rhodii 3. 1178. jam constat Spartæ originem ad hos Spartos referri a Stephano in v. *σπαρτί*, quo pertinet Palæphatum scribere, Spartorum alios in Atticam, alios in Peloponnesum, alios in Phocidem, alios in Locrida confugisse, cumque in Peloponnesum venire potuerit *Udæus*, ex eo *Judæum* Spartani videntur fecisse, & inde stabilivisse cognationem, qua 1. Mac. 12. 21. Arius Spartanorum Rex in epistola ad Oniam summum Judæorum Pontificem sese extollit; & inde est quod Arius dicat, inventum esse ὁ γράφει, in scriptura vel libro, Judæos Lacedæmoniorum fratres esse, loquiturque non tanquam de re explorata & comperta, sed ut fortuito sibi cognita ex libro, in quo eum puto invenisse, *Udæum* vel *Judæum* Sparto-

nem Spartam condidisse: sed hæc ὡς ἐν παρόδῳ, rogoque ea æqui bonique consulas.

Inde de ligneis, figlinis, & scorteis Romanorum nummis loqueris, eosque putas arbitrio commercantium relictos. Certe aurum & argentum, quando nummus signatus non fuit, negotiantium arbitrio facile credo relicta esse; sed vix persuaderi poterō, idem obtinuisse in nummis ligneis, figlinis & scorteis, cum res illæ sint minimi momenti, & nullam æstimationem recipere possint, nisi ex lege Imperantium, & scorteos nummos signatos fuisse tradit Isidor. 16. orig. 17. *pecunia prius de pecudibus & proprietatem habebat & nomen: de corio enim pecudum nummi incidebantur & signabantur*; quin & Seneca lib. 5. de Benef. memorat *corium forma publica percussum*, quod scilicet usum, ut addit, pecuniæ numeratæ præstabat; & Plato scribit Carthaginenses inclusisse alutæ vel pelli aliquid, magnitudine stateris, & illi alutæ signum publicum fuisse impressum, pauloque post addit, *τὰ δέρματα*, Carthaginensibus vice nummi fuisse, id est, *alutæ*, vel *alutaceas ligaturas*, uti recte explicat magni illius philosophi verba Salmas. p. 463. de Usur. qui tamen male negat Lacedæmonios coriacea pecunia usos esse, & Senecam corruptum existimat, cum ex Nicolao Damasceno apud Stobæum illud etiam constet: *Νομισματι*, ait, ὃ χρῶνται οὐκ ἔστιν. Romanos autem scorteis & testaceis nummis usos esse tradit Sueton. Tranquillus apud Suid. in voc. *Ασδρα*, sed & illos signatos fuisse tradit auctor Anonymus de re Militari. *Ut vero emendi & vendendi utilitas, & ut facultas regie largitati suppeteret, in æris usum ex culta politius terram, & igne solidatam, certis quoque expressionibus figuratam, auro argentoque reposito, usui habuerunt, sed posteriores fastidientes priscae utilitatis inventum, formatos e coriis orbes auro modico signaverunt &c.* Et certe viles istiusmodi materiæ aliquo caractere debuerunt esse insignes, ut de earum pretio constaret, quomodo etiam, teste Platone, Æthiopes pro pecunia utebantur *λίθοις ἐγγεγραμμένοις*, quod proculdubio factum auctoritate publica, quia alias commercia exerceri non poterant, & unus quisque tot lapides, quot vellet, collegisset.

Hæc sunt, vir præstantissime, quæ mihi commodum in mentem venerunt epistolam tuam, utpote acceptissimam; iterum legenti, & cum de hac materia satis prolixè, & plus quam semel egerimus, constitui illi nuntium remittere, & expectare doctissimam tuam dissertationem. Hæc, simul advenerit, curabo diligenter, ut elegantibus typis describatur, & ut tuto ad me deferri possit, rogo illam mittas ad Secretarium Domini Hop. Ablegati Extraordinarii D. Ordinum Generalium, nomen ipsi est Cauw, & Hamburgi agit, qui sedulam navabit operam, ut in manus meas perveniat.

Sed monendus etiam es, me notare in epistola ad Morinum, non Janum sed posteritatem nummos signasse puppi, & cum Plinius 33. 3. scribit, notam æris fuisse inde Janum Geminum, hinc rostrum navis, illud me referre ad æs a Servio signatum. Sed nunc puto, Harduinum sequens, Servium Regem signasse æs nota pecudis, postea, cum bello Punico primo imminueretur pondus æris, quia impensis Resp. non sufficiebat, constitutum esse, ut asses sextantario pondere ferirentur, & notam æris fuisse tunc ex altera parte Janum Geminum, ex altera rostrum navis.

Præterea Josephum 2. B. Jud. 26. mentionem facere nummi Tyrii, qui quatuor Atticos nummos faceret, id est, iv. denarios, adeo ut Tyriorum nummi fuerint tetradrachmi. Eminentiss. Norisius pag. 328. Epocharum ejusmodi nummum profert e Museo Mediceo, additque eum in balance appen-

sum semunciam pendisse, sese quatuor Hebræorum siclos ejusdem gazæ ponderasse, quorum singuli etiam pendebant semunciam & cum eodem nummo Tyrio æquata lance pares erant, & quod Tyrii erant Judæis finitimi, ac plura inter eos commercia exercebantur, hos siclos, illos vero æqualis ponderis argenteos nummos scalpsisse, semunciam omnes pendentes. Ex Galliis ad me missa est l' Histoire de quatre Gordiens prouvée & illustrée par les medailles: sed ego, quo sum stupore, novæ illi opinioni adfentiri non possum; facileque mihi foret firmis argumentis ostendere, virum illum eruditum, toto, quod ajunt, errare cælo. Vale plurimum, Dav. ipsis Cal. April. 1697.

(A)

GISBERTO CUPERO

Viro Perillustri

S. P. D.

ANTONIUS BYNÆUS

IN litteris Viri Eruditissimi Ottonis Sperlingii ad te datis, quas mecum, pro summa tua benevolentia, communicasti, ipsum propugnare video suam sententiam, voces *דרכמן* *Adarcon* & *דרכמן* *Darkemon* *δραχμῶν* significare, quas Tu *Δραχμῶν* notare coniecisti eleganter, ac mihi quoque visum verisimile admodum fuit. Cum Sperlingio idem sentire video Lexicographos præstantissimos, Pagninum, Scindlerum, Buxtorfium, Coccejum, Castellum. Id ipsum Arias Montanus de Mensuris Sacris, Caspar Waserus de Antiquis Nummis Hebræorum lib. 11. cap. XVI. Nicolaus Fullerus Miscel. Sacr. lib. VI. cap. X. & alii plures contendunt. De *דרכמן* *Darkemon* dubium mihi nullum est, quin *δραχμῶν* significet. Si enim vocis illius literæ spectentur, quæ solæ utique considerandæ sunt, *דרכמן* omnino *Drachmon* est, & sic legi potest, quatinvis cum suis punctis nunc *דרכמן* *Darkemon* pronuncietur. Cum *דרכמן* plane *Drachmon* sit, adeoque *δραχμῶν* sine controversia significet, id ipsum *דרכמן* *Adarkon* notabit, si verum illud est, quod doctissimus Sperlingius dicit *neminem non videre Darkemon & Darkon ex eodem fonte manasse, non diversas voces esse, prout Brexewoodus voluit*. At ego me cum esse profiteor, qui nondum videt has voces ex eodem fonte manasse, non diversas esse. Sane non manarunt ex eodem fonte, *דרכ* puta, uti Sperlingius existimat, cum origine sua non Hebraicæ, sed peregrinæ, sint. Etiam non easdem voces, sed diversas esse, non tam ex litera *א*, *Aleph*, cernitur, quæ præfixa vocī *דרכמן* *Adarkon* est, quam ex litera *מ*, *mem*, quæ ad vocem *דרכמן* *Drachmon* pertinet, in *Adarkon* vero non reperitur. Hinc, quamvis *דרכמן* *Drachmon*, uti quidem ego pronuntiatum olim existimo, *δραχμῶν* omnino significet *דרכמן* *Adarkon*, tamen, ut recte Brexewoodus, *nomen Principis innuit, & Daricum Persarum aureum notat*. Quod si, unica modo transposita littera, dicamus, *דרכמן* *Adarcon*, scriptum esse pro *דרכמן* *Daricon*, habebimus ipsum nummi *Darici* nomen. Quod præstantissimus Sperlingius, si quidem tanti videatur, perpendere potest diligentius. Interim vale, Vir Perillustri, ac me, quod facis, amare perge. In Museo meo, A. D. 1701. Kal. Mart. MDCXCVII.

Quod Clarissimus Sperlingius non credendum esse facile, dicit, aliter Hebræos ante punctationem

nomina pronunciaſſe, quam poſtea, imo punctationem ideo ſuperadditam, ut de vera pronuntiatione conſtaret, &c. velim ſolummodo ut ea conſulat quæ Stephanus Morinus habet de lingua primæva lib. III. cap. XIV.

(B)

Ampliſſimo Domino

GISBERTO CUPERO

Generali Statuum Trans-Iſalaniz Legato, &
Daventriæ Conſuli

STEPHANUS MORINUS.

Vir illuſtriſſime

Quam mecum benevole communicavi, clariffimi Sperlingii epistolam, non sine maxima voluptate legi; docta enim est, & ingeniose ad persuadendum adornata; attamen quum meris conjecturis inniti videatur, contrarias ei conjecturas opponi poſſe arbitror: neque enim ipſum Pollucis teſtimonium conjecturæ ſuperat auctoritatem, quoniam gratis ſupponitur, Pollucem de primis omnium gentium monetariis agere, licet vocabularium græcum, & de rebus ad Græcos ſpectantibus proprie ſcripſerit; quamobrem non mirum eſt, ſi Phedona aut Erichthonium &c. auctores nummorum ſignatorum celebret, quandoquidem ſolenne eſt Græcis origines omnes in ſua patria quærere, & ſeſe ἀντόχθονας prædicare: ſed cæteræ gentes ipſis non ſuffragantur. Sane Tertullianus Afer de Saturno agens in Apolog. 5. 10. ſcribit, quod ab ipſo primum tabulæ, & imagine ſignatus nummus, & inde ærario præſidet. Macrobius autem Saturn. lib. 1. ſect. 7. Italiæ favens vult, Janum a Saturno eductum ſocietate regni eum muneraviſſe, additque, quum primus quoque æra ſignaret, ſervavit in hoc Saturni reverentiam, ut quoniam ille navi fuerat advectus, ex una quidem parte ſui capitis effigies, ex altera vero navis exprimeretur &c. idque confirmat ludo adhuc inter pueros celebri. Plutarchus etiam in quæſt. Rom. quæſt. 40. quærit, cur antiquum numiſma ab una parte Jani biſfrontis imaginem, ab altera navis puppim, aut proram inſculptam habet, & teſtatur, vulgatam opinionem eſſe, hoc fieri in honorem Saturni; non autem refert nummorum ſignationem Jano vel Saturno attribui, quoniam ſimul regnaſſe dicuntur; & quod præcipuum eſt, in utroque latet Noachus, in Saturno quidem, ut validis argumentis probat Bochartus, olim Collega meus, Phal. lib. 1. cap. 1. in Jano autem, ſicut oſtendit Huetius, conſtanti amicitia mihi conjunctiſſimus, demonſtr. Evang. prop. c. 10. art. 6. Neque fabuloſus Saturni in Italiam adventus officiit, quoniam gentium mos eſt hitorias antiquas fabulis intexere; præterea quod hic fabuloſum veritati ancillatur, dum ex ſimilitudine nominum dumtaxat oritur; qui enim Saturnus Hebraicis dicitur a שַׂטָן ſatar latuit, Romanis a latendo, Latinus dici debuit, & utrumque nomen Noacho convenit, qui tamdiu latuit inclufus in arca, & Janus biſfrons nuncupatur, quia utrumque mundum viderat; idcirco Janus ipſe poſtquam dixiſſet apud Ovidium 1. Faſt. ſe in duplici facie denarii impreſſa, ut in navi Saturnum agnoſcendum, duplicis etiam nominis hoc argumentum dat, quod Italiæ genti

— diu manſit Saturnia nomen,
Dicta quoque eſt Latium terra latente Deo.

A Itaque ex his Romanæ hitoriz rudetibus parum licet deformatis colligitur a Noacho, a poſteris in Deorum album ob antiquitatem relato, nummos fuiſſe ſignatos, quod rationi eſt conſentaneum, quia homines nati ad ſocietatem & commercia doniſque neceſſariis ſtatim ab initio abunde divinitus inſtructi, non caruiſſe nummis ſignatis videntur; quoniam iis ſolis æquale cunctarum rerum pretium perfecte poteſt repræſentari; unde Ariſtoteles lib. 5. c. 8. de morib. διονόμισμα καλεῖται ἵππο ὃν πάντε ποιεῖ σύμμετρα; & ibidem declarat nummos ad ſocietatem revera eſſe neceſſarios; verum enim vero homines a ſe invicem diviſi in peccatorum pœnam, atque a communione piorum extorres facti, ſenſim cœperunt in extremis mundi oris efferari, atque augeſcente barbarie præſtantes tandem amiſerunt dotes, quæ cum lingua primæva, & legitimo Dei cultu in ſola Hebræorum gente fuerunt conſervatæ, ut præ ceteris ea emineret, atque eximiis ſuis prærogativis ad Dei illarum auctoris venerationem gentes illas alliceret; quare etiam paulatim eas recuperarunt, quum Iſraelitarum commerciis uſæ fuerunt; quis enim neſcit, Græcos eam ipſam philoſophiam, qua tantopere ſuperbiunt, fateri in proœmio Diogenis Laertii originem habuiſſe a Barbaris, quibus Hebræi & eorum vicini præcipue ſunt intelligendi; quapropter primi philoſophi eos ſedulo viſitarunt, conſultaruntque, & tandem Plato, qui divinus inter eos nuncupatur, habuiſſe conſuetudinem cum Judæis, ut vix diſcerni a Philone viſus ſit, inde dictum ἢ πλάτων φιλονοῖζει, ἢ φίλων πλατωνίζει; ad leges quod ſpectat, a Moſe præſtantes mutuatas norunt; qui eas ſedulo inter ſe comparaverunt; ſic ab eo ſolo fluxerunt omnia, quæ de Deo, & prima mundi productione convenienter dicta fuerunt.

Sed de nummis ſignatis nunc quæſtionem agitare convenit; idcirco obſervabo, Abrahamum omnium primum dici emptorem, & nummis uſum Gen. 17. 12. & 13. ubi jubetur circumcidi & ſervus etiam argento acquiſitus ἀργυρώνιος. Gen. 23. 16. emit agrum ad ſepulturam Saræ, quadringentis ſiklis argenti; ibi quidem legitur, quod Abrahamus ἔδωκεν illam pecuniam, & verbum illud iſcol, aſine nomini Siklus, videtur ſuadere rudem argenti maſſam tantum appendſam, non vero nummos ſignatos; id tamen minime ſequitur, nam ob priſtinum appendendi metalla morem, appendere idem quod ſolvere, & numerare ſignificat; unde ſimul jungitur in oratione Ciceronis pro Sexto Roſcio Amerino ſect. 144. conceſſit, annumeravit, appendit: præterea nonne nummi nunc ſignati ſæpe etiam appenduntur, ut pateat nihil ex legitimo eorum pondere imminutum, aut ut tempori parcat in ſummæ ingentis ſolutione? ſic Cicero Philip. 2. ſect. 97. tanti æcervi nummorum apud iſtum conſtruuntur, ut jam appendantur, non numerentur pecuniæ. Præterea in illo textu agitur de ſiklo corrente inter mercatores, qui aliqua nota debuit ipſis innotefcere, ut de ejus valore omnes certi eſſent: quare græci interpretes declarant agi de nummo δονίμιον ἐμπόριον; & conſequenter ſinceritatem metalli, & juſtum pretium quibuſdam ſignis demonſtrantem; addit paraphraſtes Chald. quod recipiebatur in unaquaque provincia, id enim non potuit agnoſci, niſi quibuſdam ſignis poſt debitum examen factis. Nummus autem ille Hebræorum proprius fuit, quum Hebræam habeat originem, ab iſſque ad vicinas gentes perveniſſe, manuſcriptum levi, quæ ipſi contigit, mutatione; nam Xenophon lib. 1. Exped. Cyri meminit σίγλας, ἢ Hebræo mutato in γ, ſcribitque: ὃ ὃ σίγλας δυνάται ἐπὶ τοῖς νόμοις καὶ ἡμοιβόλιον Ἀττικὸς; ejusque etiam premit veſtigia Heſychius: Σίγλαν νομισμα περὶ τὸν δυνά-

μενοι ὁπὸ ὀβολῶν Ἀττικῶν, de quo siklo, & ejus pretio si plura, vir præstantissime, cupis, invenies in opusculo nostro de ling. prim. part. 2. cap. 9. & conjectura etiam hos siklos ad nos cum usu nummorum venisse, vestigiumque eorum superesse in nostris *Stelinis*; ad Græcos transisse similiter nummorum usum ostendit ejusdem significationis cum siklo Στατήρ ab appendendo etiam dictus ob metalla initio appensa, qui nomen suum, postquam signatus esset, non mutavit. Sic asses Romani initio etiam rudes, & a librali æris pondere totum mutantes valorem, usque ad Servium Tullium regem, qui eos signari curavit; imo post eum sextantiarii facti pristinum valorem, supplente pondus signatura, conservaverunt. Plinius lib. 33. cap. 3. Quin assis non tantum factus ad exemplum nummorum Hebræorum, sed suum insuper nomen conservasse quidam volunt: *אסי* assis significat æris laminam in formam placentæ ductam; inde 1. Paralip. 16. 3. Græci interpretes *ἀμορίτω* & *κολλυρίτω* reddunt. Gen. 33. 19 aliud argumentum exhibet ad probandum nummos Hebræorum tunc fuisse signatos, referendo Jacobum emisse a filiis Emor *שֵׁשֶׁת קֶסֶפִּים* *Centrum Kesita* 1. centum agnis, quod repetitur Jos. 24. 33. his autem agnis celebriores Rabbini intelligunt nummos aureos agnorum speciem gerentes, secundum morem a cæteris gentibus receptum deinceps, unde Plutarch. in Poplicol. *τὸ νομισμάτων παλαιότατος βῆν ἐπεχάρατον, ἢ πρόβατον ἢ σὺν*. Varro de R. R. *as antiquissimum, quod est conflatum pecore, pecore est notatum*; & Plinius l. c. de ære: *signatum est nota pecudum*, unde & pecunia appellata, quare ab animalibus impressis etiam nummi denominabantur teste Polluce lib. 9. cap. 8. de speciebus part. & c. talenti: *τὸ ἡ παλαιὸν τῆτο ἦν Ἀθηναίοις νομισμα, καὶ ἐκαλεῖτο βῆς, ὅτι βῆν ἐν πετυπομένον*, prætereaque addit præcones præmia proponentes clamasse *δεῦρον* *ἄντὶ τοσούτοι βῆες*; inde proverbium de iis, qui corrupti pecunia tacebant *βῆς ἐπὶ γλώττης*; iidem habebant nummos effigie noctuæ insculptos ab eaque noctuas dictos: idcirco servus ut Philippum Dominum furti argueret, dicebat *ἐπὶ κεραμικῷ ποταίζεσθαι πολλὰς γλαυκὰς*, teste Plutarcho in Lyfandro: sic Agesilaus apud eundem in Artaxerxe se in Asia pelli dicebat *τρισμυρίοις τοξόταις*, quia Sagittariis illis intelligebat nummos Sagittariorum specie signatos, quibus corrupti Græci, ut evocaretur, effecerant. Denique neminem latet, obolos ab impressis ὀβολοῖς similiter dici; agnis igitur Jacobi agnorum figura nummi notati convenienter significantur, quod confirmari adhuc potest Job. 42. 11. ubi eadem vox extat, & amici Jobo dicuntur dedisse *תְּשֵׁעַ נִשְׁוֹת* cum pretioso ornamento, quod paucis non potest describi, quia apud nos in usu non est; an quæso ovicula pretiosi doni comes conveniens fuisset? an digna Jobo, qui versu immediate sequenti quatuordecim ovium millia possedisse legitur, cum tot armentis, & omnigenis opibus? non arbitror in cujusquam animum posse incidere suspicionem, ex paucis illis agniculis ab uno, aut altero amicorum datis, tot greges numerosissimos exire potuisse; quin mihi videor in ipso græco perspicere quosdam interpretes maluisse nummum aureum, intimæ benevolentiae symbolum, interpretari; nam quamvis *ἀμνῶδα* oviculam exhibeant Septuag. ut nummum liceat intelligere subjungunt: *τετραδράχμον χρυσῶν, καὶ ἀσήμω*, evidenter duas versiones diversas referri patet, ut alias passim fit, quo lector possit commodiorem eligere: *τετραδράχμον* scilicet χρυσῶν aut ἀμνῶδα habebimus pro *כֶּסֶף* & in ἀσήμω sive auro non signato ornamentum nullis signis egens invenietur, alioquin ἀσήμω nullus hic esset locus: ne autem vel minimus dubitationi supersit locus, D. Stephanus Act. 17. a-

Agnis illis nummos argenteos. declarat esse intelligendos, dicendo *τιμὴν ἀργυρίᾳ* fuisse, atque pecunia signata agrum fuisse emptum, quod ipso nomine Kesita etiam declaratur, poritur enim a *כֶּסֶף* Kafat integrum & sincerum esse, quod in nummis requiritur, & agnis minus conveniret: neque obijciendum, litteram hujus vocabuli mediam, in illa significatione habituram punctum super verticem dextram, habet autem super sinistram; quoniam puncta illa nova sunt, neque ab antiquis interpretibus agnita, ut in opusculo de ling. prim. pluribus exemplis probavi, & in numeris aliis possem confirmare. Quidquid sit, ovem & agnum pro nummis utriusque forma signatis novimus usurpari; Græci enim veteres nummum *μῆλον* dictum habuerunt post Hebræos, recentiores etiam, ut testatur Justinianus Novella 105. & Johan. Meursius in glossario græco-barb. ad vocem enim *μῆλον* scribit, esse *nummi* genus ove signati: id etiam obtinuisse in Gallia an. 1315 & 1319. regnantibus Ludovico Hutino, & Philippo, longo testis est D. de la Roque sedulus antiquitatis promus condus, nosterque in politiori Cadomensium Academia quondam sodalis; docet enim tunc denarios aureos cufos fuisse, dictosque *Agnos* c. 12. tractatus sui *du Blason*. Hi veteres & recentiores nummi agnis signati, & postea agni dicti, ab Hebræis omnium antiquissimis originem duxisse videntur, & eorum usum frequentem fuisse declarant.

Si de singulis Hebræorum nummis agere vellem, liber pro epistola mihi esset conscribendus; ut igitur intra debitos fines me contineam de *כֶּסֶף* *cicar* talento tria siclorum millia valente observabo agi Exod. 39. 24. & tot diversos nummos pluresque alios non commemoratos, in commerciis non potuisse usurpari commode, nisi signati fuissent, quum in quotidiano usu fuisset molestum in manibus semper habere lances & pondera, sive aliquid esset emendum, sive tributa Deo debita essent solvenda, quoniam nummorum usum in Chananitide, & vicinia jam receptum fuisse ex exemplis allatis manifeste constat, quibus potest addi, Josephum Gen. 37. 27. vendi viginti argenteis, & 36. ab Emptoribus in Ægypto iterum vendi; Arabs interpretis autem pro argenteis habet drachmas. Præterea fratres Josephi emunt ab eo cibaria cap. 42. & ipse jubet *כֶּסֶף* argenteos ipsorum in saccos reponi cap. 44. similiter & 45. 22. Benjamin dat trecentos argenteos. Paraphr. Chald. reddit siklos & Arabs dragmas, argentum autem quum in Ægypto defecisset, Ægyptii commutare pecora & postea terras cum frumento, ut pateat permutationi non fuisse locum, nisi ex defectu pecuniæ & nummorum. Observare autem convenit, has omnes emptiones nummis factas a Patriarchis, a Mose referri, Mosem autem multis annis Erichthonium, & multis sæculis Phidonem Jesaïæ & Jeremiæ & c. Prophetarum, æqualem antecessisse apud Eusebium Chron. lib. postre. quos primos nummorum inventores dicebat Pollux. Non etiam prætereundum, nomina illa nummorum esse Hebræa, ut pateat, ipsos nummos etiam ab Hebræis duxisse originem; *כֶּסֶף* *cicar*, talentum enim dicitur a forma panis, pro quo usurpatur Jud. 8. 5. 1. Sam. 10. 4. & passim: revera ampla & densa esse debuit tanti pretii emassa. Siklum a pondere suo etiam dictum vidimus *כֶּסֶף* *Zouza* 1. Sam. 9. 8. in Chald. Paraphr. pro quarta parte Sikli extat, & ut nummus exigui pretii frequenter in manibus omnium versans, sic a *כֶּסֶף* *Zouza* moveri quia in continuo motu est, denominatur, quare Hebræi ad ejus nomen alludentes dicunt *Zouza* dici *לֶחֶם מִזֶּה* *שֶׁ* *quod movetur ab hoc ad illum*, ad discrimen aureorum & pretiosorum nummorum, qui rariores sunt, & sæpe quiescunt in Theauris, quod ipsi commune cum *אֶדָרְכֹן* *adarcon* & *דָּרְכֶמֶן* *darchemon*, quæ drach-

mæ sunt ejusdem pretii & significationis; nam originem habent a דָּרַח *darach* itare & discurrere, quia in omnibus commerciis solent intervenire: neque cum hac origine conferri potest ea, quam Græci ægre conficiunt ex δράχμῃ & κερδάνω quia tot æris minutias continebant, quot aliquis manu in pugnum contracta posset comprehendere; in Δραχμή enim est littera essentialis in illis vocibus non occurrens, ut in his plures remanent supervacuae: male etiam manus capacitate sua pretium aliquod metiretur, quia sunt aliæ aliis majores: propius accederet verbum Arabicum *darbama*, quod significat, folia nummis similia produxit, quoniam constat Arabes conservasse, ob viciniam, plurima Hebræorum vocabula, drachmas etiam vocant *darachim*; sed quum nomen hoc ab Hebræo paululum recedat, satius est ejus affinitate aliud confirmare, neq; a Dario Drachmas formari posse existimo: גֶּרַח *gerach*, denique Hebræorum nummus est; cæteros tædiosum esset considerare, formatur a גָּרַר *garar* dissecuit, quia siklus in viginti dissectus illum constituit, & in minores partes usui utiles non potest dissecari; quare etiam a גָּרָן *granis* quidam dictum volunt, & illa grana minimæ sunt ponderum species. Quum hæc antiquissima nummorum sunt Hebræa etiam tempore Patriarcharum, aut paulo post usurpata, etiam signari debuerunt, ut possent a se invicem discerni, & uniuscujusque pretium exacte agnosceretur; unde certum est metalla non diu mansisse absque signis, postquam in nummos cudi, & formari ceperunt, vixque licet dubitare, nummos signatos ab Hebræis præ cæteris sapientia, ac omnium artium cognitione imbutis, initium habuisse: præsertim quum ipsum monetæ nomen quod ipsam signorum impressionem debuisset præcedere, illam expresse significet, ab ipsis enim dicitur מַטְבֵּגָּא *matebaga*, quasi signa & impressa a מַטְבֵּגָּא *insigere* & imprimere notas, quasi nummos rudes, ceu non signatos nunquam agnoverint, cujus verbi usus, cum eadem significatione, etiam hodie conservatur inter Arabes; iis enim *tavagn* est, significat pecuniam, & sigillum impressit epistolæ aut cuivis scripto. Sane in Beresc. Rabb. sect. 39. fit mentio variarum monetarum, quarum auctores dicuntur Abrahamus, Josua, David, & Mardocheus, licetque liber ille ad eorum antiquitatem proxime non accedat, attamen, quoniam totus antiquorum doctorum sententiis & traditionibus componitur, sine ratione non debet rejici. Locus autem refertur pag. 272. de ling. prim. sed ibidem etiam invenietur, monetam regiæ majestatis prærogativam esse, quod a Jurisconsultis etiam propugnatur, ut patet ex Did. Covarruvia in coll. numismatum c. 18. & præsertim ex Matt. 22. 19. ubi Christus censum Romanis solvendum docet ex Cæsaris imagine Judæorum nummis impressa, & eorum dominum declarante; indeque videtur posse probari, Patriarchas Chananitide peregrinantes jus cudendæ monetæ non habuisse, quod ipso monetæ nomine confirmatur מוֹנֵטָא *moneta* enim potest deduci a מוֹנֵטָא *terrui*, quia subditi metu regiæ majestatis, ejus pretio acquiescunt, & falsarii ab illa corrupenda deterrentur: corrumpetur autem aliquo modo, si a privato cuderetur, quoniam regiæ auctoritatem ementiretur. Verum enim vero Patriarchæ privatis non debent anumerari: iis enim Chananitis regio erat destinata, & divinitus concessa Gen. 13. 15. quare illius Principes & reges foedera cum Abrahamo feriunt Gen. 14. genique principem Dei insignem agnoscit Gen. 23. 5. sic cum Isaaco foedus ferit Abimelech Gen. 26. 28. proptereaque nummos legitime cudere potuerunt. Post libertatem a Mose partam, nemo saltem negare potest plenum jus Israelitas habuisse regiæ exercendi dignitatem, quandoquidem Moses diserte nuncupatur rex, Deut. 33. 5. & varias circa sacra & civilia leges tulerit, ad mortem damnaverit, & bella gesse-

Supplem. Tom. IV.

rit; tunc igitur nummos cudere potuit, imo debuit, ut uniuscujusque dimidium siklum pro redemptione sua exacte solveret; secundum Dei mandatum Exod. 30. 12. a justo enim valore nihil debuit deficere, neque quicquam ei addi, ut verba sequentia declarant, & consequenter ad hanc redemptionem ex professo illum cudere necessarium fuit, quum præsertim Num. 1. 46. Israelitæ vigesimum annum adepti, & sexagesimum nondum supergressi numerentur 603550. oportuit, ut 30175. siklos solverent, ubi quæso tot potuissent invenire? Ad redemptionem delictorum errore factorum sikli similiter interveniebant Lev. 5. 15. atque ad alias similiter oblationes &c. quomobrem ingentem siklorum copiam constare debuerunt: sed quid argumentis opus est? experientia probat plurimos olim cufos, quum plures nunc inveniantur in prima facie exhibentes mannæ urnam, cum his verbis: Siklus Israelis, in altera vero Aaronis virgam flores & amygdala proferentem, aut thuribulum, cum hac inscriptione: Jerusalem Sancta, quæ figuræ, & inscriptiones apprimè conveniebant regno divinitus instituto, ac politiæ sacræ addicto, in primis tempore Davidis, facileque similes antea fieri potuerunt ab ingeniosis illis artificibus, quos singulari industria ad structuram tabernaculi, & totius sacræ suppellectilis Deus legitur donasse Exod. 37. 3. quum ad religionem etiam pertinerent: quare sikli illi Sanctuario, & usui publico gentis fuerunt constanter addicti, quamdiu respublica Judaica mansit superstes. Quis credat præsertim rebus tempore Davidis florentibus, eoque plurima bella prospere conficiente cum idololatriis, & ab iis opima spolia referente, innumeros nummos non fuisse fabricatos ad solvenda militibus stipendia, ad monumenta Victoriarum, & ad exercenda cum foederatis Phœnicibus commercia per totum orbem terrarum celeberrima? Testatur S. Scriptura Davidem abundasse nummis: argenteos quinquaginta solvit Areunæ pro bobus & aratro 2. Sam. 24. 45. & sexcentos aureos pro area, in qua ædificatum altare 1. Chron. 21. 25. atq; Salomoni legitur reliquisse auri talenta centum millia, argenti vero decies mille ad ædificationem templi c. seq. v. 14. Salomo autem tantarum summarum heres, & ingentium tributorum exactor, atque in coacervandis divitiis adeo felix, ut ipso regnante aurum & argentum vilescerent, neque pluris æstimarentur, quam lapides 2. Cron. 1. 15. ex iis nummos non fabricasse non est verisimile, præsertim quum Principes etiam legantur sponte dedisse auri talenta quinquies mille, & drachmarum myriadem argenti autem decies mille talenta, & æris octodecies mille talenta, in quibus diversi nummi esse potuerunt 1. Chron. 29. 7. nummi sane Salom. fuerunt necessarii, ut mercedem operariis suis solveret, & ab exquisita ejus sapientia, & famæ studio, quo reges ad præclara facinora excitantur, abhorret, eum de fabricandis nummis nunquam cogitasse, quandoquidem tantam cum fama affinitatem habet moneta, ut pro ipsa fama Ester. 9. 4. in Paraph. Chald. adhibeatur. Revera adhuc etiam videntur nummi Salomonis, Davidisq; nominibus inscripti, quos omnes spurios affirmare nimis esset temerarium, quum pluribus cæterorum gentium nummis minime cedant, & probabile sit divinam providentiam horum monumentorum ad pios reges pertinentium magis conservationi invigilasse, quam cæterorum idololatriæ labe sæpissime pollutorum. Te, vir clarissime, diutius detineo; itaq; properandum ad 1. Mach. 15. 6. quo Judæos tunc proprios nummos habuisse, merito judicas; mihi autem hic locus videtur evidenter probare antea etiam iis usos fuisse: cur enim Antiochus in pristinam libertatem eos restituens, jus condendæ monetæ insolitum concederet? itaque novit eo fuisse a prioribus dominis spoliatos, & ne ullum servitutis Babylonice vestigium superesset, illo hæcenus frustra

E

desiderato donare voluit, præsertim eo tempore, quo suum recuperarunt templum & siklis ad illius cultum solvendis egere ceperunt; reducti enim in Chananitidem Persicorum Imperatorum beneficio, eorumque favore gaudentes potuerunt forsan in proprium religionis suæ usum quosdam siklos fabricare, sed publicos & totius gentis commercio destinatos a Persicis monetariis mutuari tenebantur, sicut Samaritani, quorum nummos literis Samaritanis inscriptos adhuc habemus; unde Antiochus in edicto suo libertatem adaugens, nummos ab iis fieri concedit generatim in regione absque ulla exceptione; quod Simoni & toti genti decorum suorum avidissimæ nimis honorificum fuit, quam ut negligi potuerit, eo maxime tempore, quo summo Dei beneficio ex profundis calamitatibus satagebant emergere, & illustri fama in suum foedus potentissimos populos allicere. Revera memini me vidisse nummum, cui impressum erat monumentum in urbe Modim magnifice ab illo extructum in honorem patris, & fratrum cum septem pyramidibus, quod describit Josephus Antiquit. libr. 13. cap. 11. & ad suum usque tempus durasse affirmat; ibidem etiam declarat eum habuisse nummos, quum refert centum argenti talenta solvisse ad liberandum Jonathanem, quæ secundum antiquorum normam facta fuisse videntur; quæ etiam ad tempus Christi conservata sunt, quoniam servus decies mille talentorum debitor etiam refertur Matth. 18. 25. sic talentorum parabola Matth. 25. 15. quia τὸ δίδραχμον adhuc etiam colligebatur Matth. 24. id est σιῶν τὸ ἡμῶν, quod tandem Vespasianus deferri iussit in Capitolium, teste Josepho de bell. lib. 7. cap. 26. ut penitus abjecisset hanc foedistagam gentem: Judæa autem paulo ante in provinciam redacta, & Judæi mancipati cudere nummos deinceps non potuerunt. Propterea in Evangelio invenimus denarios quadrantes, nummosque Cæsaris imaginem gerentes; quare si ad Christum nummos non habuerunt Judæi aliqua specie notatos, nullos habuisse convenit audacter affirmare, quoniam tunc Romanos, legibusque permisos uti tenebantur; quamobrem collybiæ erant in templo, qui profanos hos nummos, cum antiquis Judaicis sedulo conservatis permutabant, Matth. 21. 14. uti legi exactius satisfaceret, & legitimi nummi Deo, & templi ministerio solverentur.

Vir illustrissime, hæc est sententia mea de nummis Israelitarum, quæ argumentis validissimis quidem non nititur, sed mihi videtur probabilissima, quum varia illorum nomina Hebraice referat Moses, antequam ullus Græcorum ac Romanorum scriptor vel unum referat, Plinius autem ingenue agnoscat, Romanos ante Servium regem ne æs quidem signavisse, argentum autem post Pyrrhum regem debellatum, tot sæculis post mortem Moïsi. Sed hæc minus tempus tuum gravioribus negotiis debitum diutius surripere non debent: vale igitur vir amplissime, meque cultui addictissimum tuo, rogo, & obsecro pergas dignari benevolentia tua.

Epistolam tuam simul restituo.

Amstelodami 1. Kal. Junii Ann. 1696.

(C)

STEPHANO MORINO

Viro Præstantissimo

S. D.

GISB. CUPERUS.

N Ili probe scirem, te non ignorare occupationes meas, vix certe te convenire aude-rem, quia jam diu te certiore facere debueram, redditas mihi esse litteras tuas eruditissimas. Longa quapropter excusatione non utar, idque eo magis, quia videri possem de tua erga me benevolentia dubitare; quare ad rem, quam agimus, me accingam, & tecum communicabo, quæ mihi epistolam tuam legenti venerunt in mentem: quod tamen antequam faciam, patere ut mittam, me summam voluptatem, & ingentem fructum inde percipisse, atque etiam hic, non secus ac in variis libris editis, te prodere ingenii & doctrinæ tuæ elegantias.

Nihil itaque certius est, quam Græcos, laudis in primis avidam gentem, sibi vindicasse nova & præclara inventa. Neque tamen illi fidem apud me inveniunt, cum æstimem pleraque potius in parte orbis terrarum primum exculta, & unde aliæ gentes egressæ vel ejectæ sunt, id est alias reperta fuisse, & veluti propagine ad alias gentes transisse, atque ita pro diversitate illarum gentium varii easdem possunt dici artes invenisse, vel ante inventarum usum monstrasse populis, qui eas ignorabant. Græci Phædona & alios, Itali Saturnum, Janum narrant primos signasse nummos, & si horum historia petita est ex historia Noachi, ut multa faciunt verisimilia, tamen inde nequaquam sequitur, Noachum nummos signasse. Quin imo a Jano vel Saturno hoc factum fuisse cum ratione videor dubitare; quia non est verisimile Romanos sub primis Regibus usos esse ære gravi, & neglexisse artem utilem valde humanæ vitæ & exercendis negotiis, quam, ut pote a vicinis usurpatam proculdubio post Janum, ignorare nequaquam potuerunt. Nam æs apud eos primus signavit Servius Tullius, teste Timeo apud Plin. 33. 3. ubi frustra monet Harduinus, alios hoc Numæ adscribere, cum lib. 34. cap. 1. tantum dicat, æs Numæ tempore in usu fuisse, idque patere ex collegio ærariorum ab ipso instituto: quamquam non ignorem, Salmast. pag. 466. de Usuris, tradere Νοῦμας vel Νοῦμιας cognomen inditum Pompilio videri ab invento nummo. Deinde licet multi tradant, Janum signasse nummos navi, vel prora, vel puppi, tamen Ovidius illud posteritati, id est Romanis, ut videtur, tribuit.

At bona posteritas puppim formavit in ære,
Hospitis adventum testificata Dei.

& notam æris scribit fuisse Plin. 33. 3. ex altera parte Janum Geminum, ex altera rostrum navis, in triente vero & quadrante rates; æris nempe a Servio percussi, licet paulo ante dicat, æs a Servio signatum nota fuisse pecudis, inde pecuniam appellatam: nisi id factum fuerit in æsse recens cuso, mutata prior nota, quam æri Servius impresserat, uti commentatur Harduinus; & notandum, Plutarchi. in qu. Rom. scribere antiquum numisma habuisse Jani bifrontis

imaginem &c. at alium nummum signatum fuisse bove, ove, vel sue: quæ animalia etiam antiquis nummis impressa fuisse in Publicolæ vita tradit, adeo ut alii videantur signati fuisse Jano bifronte, alii vero pecoribus illis.

Facile tibi concedo, & extra dubium est, religionem veram apud Judæos conservatam; sed Philosophiam, qualis in Græcia viguit, ab illis fuisse haustam vix est ut credam, quamvis a. 1694. Daniel Colbergius Gryphwaldiæ ediderit librum non in-eruditum, cui titulus: *Sapientia veterum Hebræorum per universum terrarum orbem dispersa*, uti ex Actis Erudit. Lipsien. patet Tom. 2. Supplem. sect. 10. p. 462. Gens ea alias flocci fecit, commercioque illarum sese fere exclusit; tota operata sacris suis & ritibus, vel, spreto numine vero, fœdis superstitionibus mancipata. Certe in S. Litteris nulla vestigia apparent ejusmodi Philosophiæ & tantum celebrari in iis video sapientissimi Regum ingenium & sententias sive apophthegmata, quæ vel ipse vel alii potius ex ipsius ore litteris consignarunt.

Sed ut tecum ad nummos redeam, servus ἀργυρίου Gen. 17. 12. & 400. sicli argenti 23. 26. non videntur esse satis firma argumenta, ad probandum argentum tunc temporis fuisse signatum. Nam cum illud appensum fuerit, teste ipso Mose, certum utique pondere constituisse; nec hic locum habere potest, quod subjungis, vir clarissime, ob pristinum appendendi morem *appendere* idem esse quod solvere, & numerare; valuit quidem Ciceronis tempore, cum jam pecuniæ non appenderentur, sed numerarentur, non autem Abrahami, quo verisimiliter sola appensio in usu fuit. Nam & *siclus* a pondere nomen habet, non secus ac σταιρ, quemadmodum optime doces pag. 269. Exerc. de Lin. Prim. & nihil mihi ad probandum contrarium videtur facere vox *Kasat*, quia inde aliud nihil evinci potest, quam nummos fuisse *fineros*, auti vel argenti puri, quales sunt etiam non signati; quod & hodie in Oriente observatur te ipso monente pag. 268. & 283. quin etiam si maxime tunc temporis signati fuissent nummi, vel in Ægypto, vel in terra Chanaan, vel in Mesopotamia, vel in Babylonia, id quod tamen vix credibile, incondita & rudi ætate factum fuisse, nequaquam sequitur Abrahamum, ejusque Posteris proprium nummum signasse. Nam Patriarcha ille fuit peregrinus in terra promissa modo huc, modo illuc se transferens cum familia sua, quæ ex multis servis constabat propter armenta, quibus tunc divitiæ censebantur; nec credibile eum monetarios secum duxisse, inutile tunc temporis, ut sic loquar, pondus, cum argentum & aurum appenderetur, & ille uti posset Regum vel Regulorum istius tractus pecuniæ, si modo signata fuit. Nec quicquam Judæos moror, qui pag. 212. Exerc. tuarum narrant, Abrahamum, Josuam, Davidem, & Mardocheum emisisse monetam per orbem, rationes eorum quas adferunt, opinionem illam refellunt, & nugæ magis quam veram rationem sapiunt. Atque idem de Isaaco & Jacobo statuumdum est, quos nunquam credam signasse proprios nummos, cum aliis uti possent, & in aliena terra veluti hospites viverent; in Ægypto & in deserto pecuniam signatam fuisse quis credat, & cum siklus sit proprium Judaicæ pecuniæ nomen, voxque ea ab appendendo, vel ponderando desumpta sit, non abs re statuunt eruditi nonnulli, Judæos pecunia signata nunquam usos esse; quam in rem plura videre licet apud Conringium magnæ eruditionis & famæ virum in Paradox. de re nummaria veter. Hebræorum. Quid quod nummi signati æterna nomina in SS. habeant, ut *Darconim* & *A-*

Supplem. Tom. IV.

A *darcon*? Drachmas a Dario formari non posse facile tibi assentior, sed nec eas voces a Drachma cum Ottone Sperlingio, & Waserio lib. 2. c. 16. de antiq. nummis Hebræorum, nec non Matthæo Hosto Tom. 1. pag. 305. deducere vellem, verum a *Dario* vel *Darico* aureo, uti nosti Persarum Rege vel Darii Hystaspis nummo. Et ne putes me solum, idque ex mera conjectura, & syllabarum quadam consonantia id statuere, accipe idem sentire Eduardum Brerewood cap. 3. de pondere & pret. vet. Num. Jobum Ludolfum pag. 66. notarum suarum in Histor. Æth. Eduardum Bernardum pag. 115. 120. & 171. de pond. & Mens. nec non Anth. Binæum, eruditum hac in urbe Theologum, quem admodum ex litterarum, quas ad me scripsit, exemplo perspicies, & quod adjiciendum est, post Christum primo Rabinos animum ad puncta applicuisse, ipse etiam notas pag. 476. adeo ut in illo Binæi argumento magnum mihi pondus esse videatur. Et validum apud me argumentum est, Judæos pecunia signata non fuisse usos, quod nulla monetariorum, vel monetæ in legibus Mosis mentio occurrat, vel eorum fraudibus poenæ sint statutæ, uti factum iis qui merces vendebant, & falsis ponderibus, & mensuris utebantur, rogoque vehementem in modum, ut me doceas, num vel ex S. Litteris vel aliunde contrarium probari possit. Sed præterea inquirendum restaret, qui argentum, vel aurum ad suum pondus vel siclum Sanctuarii exegerint; an id fecerint certi homines, an Sacerdotes, an vero singuli privati, quomodo fere Abrahami tempore obtinuisse putat Clericus p. 150. & 122. in Genesim.

Num autem nummi Hebraici, quorum in exercit. tuis, & apud Waserum, Hottingerum & alios egypti reperiuntur, genuini sint valde dubitatur, & eos supposititios esse certe statuendum est, si pecunia propria signata usi non sunt Judæi, uti putant Conringius & Sperlingius, quorum rationes suum pondus videntur habere.

D Quod Josephus narrat lib. 13. cap. 11. Simonem centum argenti talenta dedisse ad liberandum Jonathane, itaque videri secundum antiquorum normam facta esse, nihil evincit; nam talentum non fuit certa pecuniæ vel nummi species, verum summa, uti doces etiam pag. 277. Exercit. illaque in usum coacervari potuit ex Syriæ Regum nummis, qui certe apud Judæos tunc temporis in usu fuerunt. Hæc, vir doctissime, quæ examini tuo submitto, scio pleraque frivola esse, & me forte *φλυαρεῖν*: sed nihilominus eā tecum communicare volui, partim ut perspicias, me haud perfunctorie epistolam tuam legisse, partim ut occasio tibi detur penitus hanc in rem inquirendi; si modo digna mea sunt, quibus horas tuas impendas. Vale plurimum. Dav. 17. Dec. 96.

E P. S. Hottingerum Diss. 3. de Num. Hebr. pag. 103. video etiam notare, Judæos Drachmam agnoscere monetam Persicam, Græcis favere affinitatem cum *δραχμῇ*, putatque eos a Persis ad Judæos pariter & Græcos manasse.

F Idem pag. 131. ex Schalsch. Hakkabb. observat *omne argentum, cujus mentio fit in lege, esse argentum Tyrium: omnem Zuz aut dimidium ejus esse denarium Tyrium: & ex Talmudicis, argentum omne, cujus in lege fit mentio, intelligi argentum Tyrium, sed Rabbiorum argentum intelligi commune provinciale. An hic idem nummus cum eo, quem in epistola ex 1. Sam. 9. 8. vocas Zouza, & inde concludi potest Samuelis tempore Tyriorum nummis, ut prima fronte videtur, usos esse Israelitas? quod si verum, multum inde paradoxa opinio firmaretur. Nummos Judæorum nunc inscribi *Jerusalem Sancta*, vel*

uti scribit Bernardus p. 125. de mens. & pond. *Ἰερουσαλὴμ ἀπεδύσα* notum, & vox *Sancta* mihi in memoriam revocat Bernard. de Montfaucon existimare p. 163. de la verité de l'histoire de Judith, urbem *Cadytim* memoratam Herod. l. 2. & 3. esse Hierosolyma, quæ dicta fuerit *Ir cadofcha* vel *Jadofcha*, urbs sancta, & inde Herodotum fecisse *Cadytim*, quæ observatio an vera sit, & an temporum rationi conveniat, quæso, ubi commodum est, examina.

XXVI.

Nobilissimo & Amplissimo Viro

G I S B. C U P E R O

S. P. D.

O T T O S P E R L I N G I U S.

R Eddita mihi tandem sunt tuæ ipsis Cal. Apr. scriptæ, Vir Excellentissime, & ob plurimas eruditionis ac amicitiae notas eas non semel deosculatus sum. Junctæ illis erant aliae tuæ ad Morinum, & quasi Te advocassem, ita meam causam optime defendisti.

Videbis aliquando Clarissimum illum Virum in Diss. mea suis tam encomiis, quibus dignus est maxime, mihi commendatum, quam aliquando monitum & perstrictum: lego enim jam exercitationes ejus de lingua primæva. Video Dn. Bynæum quoque inter *Darkenim* & *Adarconim* distinguere, illud scil. a Drachma concedens originem sumfisse, hoc autem a Dario. Hanc vero ferram amplius hic ducere nolo, ne Tibi quoque tædio sim, sed me tanto Viro potius commendatum esse cupio, quam adversari. Mihi vero gratissima fuerunt hæc omnia, quodque ea submiseris legenda; gratias plurimas habeo. Dum meam Dissertationem describo, ut Tibi mittam, tot mihi occurrunt emendanda, ut denuo describere opus sit; quam moram ut æquo animo feras & oro & contendo. Deinde vereor ut Secretarius Cav. Hamburgi tam diu mansurus sit, donec illam descriptam mittere possim. Tertio, num Typographus 100. Exemplaria impressa mihi seponere velit & tradere, non quidem quæstus ullius mei causa, sed quod habeam amicos hic & alibi, quibus offerre debeo & donare. De quatuor Gordianis Gallis jactatis quod scribis mirum est; tuæ sententiæ sum, donec melius edoctus fuero. Apud nos hic novi nihil, nisi quod Dni. de Mellen qui unciales nummos Germ. Imp. illustrandos sumit, quosdam in lucem prodire fecerit his nundinis, & a Friderico 3. Imp. eos deducat, quod mihi tam mirum videtur, quam de Gordianis 4. Orcadam historia Latina a Thormodo Torfæo Islando ex Islandicis facta ac illustrata nostris typis prodiit, quam brevi videbis. In Suecia quamvis infelicitè omnia se dederint, tam Regis istius magni obitu, quam incendio luctuosissimo, quoddarcem ipsam Stockholmienfis Civitatis corripuit, & bonam partem Antiquitatum, quas ex Islandia collegerant, absumit, recreavit me tamen fœmina quædam elegantissima & doctissima suis literis Latine scriptis, & terse admodum, ut nihil supra: Vocatur Sophia Elisabeth Brenneria, fides aliquod novum literarium Stockholmiae, Brenneri. Pictoris elegantis, qui nobis Suecicos nummos propediem dabit, uxor. Illa carmina nobis dedit Germanica, Italica & Gallica linguis cultissima, & felicissime in omnibus istis linguis pangit, ut fatis mirari non possimus, quomodo sexus

A sexum vincat. Vale. Dabam. Hafniæ a. d. v. Junii MDCXCVII.

XXVII.

Amplissimo & præstantissimo Viro

O T T O N I S P E R L I N G I O

S. D.

G I S B E R T U S C U P E R U S.

S Ingularem voluptatem ex ultimis litteris tuis percepi, cum quia inde perspexi, meas tibi mirifice placuisse, tum quia certa spes nobis fit, propediem te publicaturum paradoxam quidem, at tamen elegantem & eruditam valde dissertationem. Bibliopola Amstelædamensis Borstius recepit se illam descripturum typis elegantibus, & centum tibi daturum exemplaria. Sed Dom. Hop ab Ordinibus extra ordinem, ut more Romano loquar, Hamburgum missus, Hagam rediit, unaque cum eo juvenis, qui Viro illustra manu erat; adeo ut ad eum apographum tuum mittere nequeas, aliæque nobis rationes sint ineundæ. Amicos Hamburgi complures habes proculdubio; eorum uni credere poteris eruditum tuum depositum: ille facili opera illud Daventriam ad me mittet per cursum vehicularem publicum, qui per urbem meam singulis hebdomadibus bis petit Nardenum, urbem, uti nosti, Amstelædamo vicinam. Credo hanc tutissimam viam fore, præcipue cum unus aut alter amicorum tuorum illo vehiculo uti, aut aliis, quos cognoscunt, diatribem tuam tradere possint.

Litteras tuas cum Binæo communicavi: is avide mecum aliisque, quibus salivam tam hic quam in Galliis movi, dissertationem tuam expectat.

Accipe nunc parvulum quidquam, quod ex paupere penu meo prodit. Historia est trium Gordianorum, in qua docere conor, tres & non quatuor, uti eruditus Gallus putabat, Gordianos Augustos fuisse. Quod si album calculum adjicis sententiæ meæ, aliquid me præstitisse arbitrabor; nec dubito, quin tunc aliorum etiam adprobationem sum meriturus. Vale plurimum.

Dav. 18. Aug. 1697.

XXVIII.

Nobilissimo & Amplissimo Viro

G I S B E R T O C U P E R O

S. P. D.

O T T O S P E R L I N G I U S.

U Ltima Tuæ per nostros Haga-Comitis transmissæ, licet sero tradita sint, tradita tamen sunt tandem, sed me lecto repererunt affixum ex morbo tuitino, a quo vix ante mensem paululum recreatus ad studia redire potui. Non igitur agre feres, quod ad tuas non prius quidquam reposuerim. Inprimis gratias ago, quod contra Gordianos 4. scriptum tuum elegans, & eruditum, verisque rationibus sussultum, mihi donatum una submiseris. Nondum videram illud de 4. Gordianis, cum tuæ legissem, allatum mihi postmodum fuit, nec video, quibus inductus, Vir ille non indoctus, pro hac sententiæ suæ prælum exercere

voluerit. Obtineat enim plures Gordianos, quam tres, fuisse, licet nec hoc probaverit, haud tamen plures ad Cæsaream ac Augustam dignitatem evecti sunt, vel nummis propriis decorati. Hoc clare satis docent omnes Historici, & tutus es satis illorum auctoritate.

Ego nunc dissertationem meam, quod expetis, tibi submitto, ut videas, & si videtur, etiam damnes. Est enim immaturum *ἐμπρομα*, quod tuum erit judicare, an prælo mereatur committi. Si placebit tibi & Dn. Bynæo, Typographis tradi, adjeci *directorium* capitulum, quomodo se invicem sequi debeant; cætera numeris suis, & literis, & paginis ita sunt inclusa, ut diligens typographus errare nequeat. Neque enim describendum de novo curare potui, quod & morbus & tempus manum mihi injecerint satis morosam. Tuo nomini dicatum scriptum reperies, neque enim aliter debui, qui insignem operam attulisti, eaque submittrasti, quæ sententiam meam si non *ἐνδοξον* reddent, *παράδοξας* tamen, ut spero, absolvent. Addidi munuscula quædam res Danicas tangencia, inter quæ specimen Valerii mei Maximi Danici procusum, quod duodecim Alphabetis, ut loquuntur, descriptum, Typographos & Mæcenates liberales exspectat. Opto ut ad te cito perferantur, iniquè doceas, quid scripto meo fieri velitis, nam sine virgula vestra & censura nihil volo. Vale.

Dabam Hafniæ ipsis Kalendis Januarii, Anni 1698. quas tibi tuisque lætissimas & felicissimas, ut annes & perennes apprecor.

XXIX.

Ampliss. Nobilissimoque Viro

OTTONI SPERLINGIO

OIDMII S. D.

GISB. CUPERUS.

ANte tres hebdomadas fere Campis mihi reditæ sunt litteræ, quas ad me dedisti secundo & vigesimo proximi mensis die, lætabarque mirum in modum, dissertationem tuam Hamburgum esse perlata. Inde domum reduci gaudium illud valde auctum est, quia recepi ibi ipsum illud eruditum opus, cui inferam schedulam, quam alteris litteris incluseras. Continuo Binæum ejus rei feci certiore, is ad me advolat, & non minori lætitia perfusus fuit, recepitque se continuo scripturum ad typographum Amstelædamensem, ut ad me mittat typorum formas, quibus elegans *συντάξις* illud descripturus est, dabo enim operam diligentem, ut quam nitidissime in publicum prodeat.

Petis, ut illud legam, & examinem, an dignum sit, quod in dias, ut sic loquar, luminis oras prodeat. Facerem id continuo libens lubens, nisi Petrina comitia, quibus Magistratus urbis hujus creantur, instarent, & iterum Campos excurrere deberem ad ordinanda comitia ordinum Transilania, quæ primo & 20. Martii die habebuntur Svollæ; sed tamen omnes vacuas horulas per hoc etiam dies lectioni illi impendam, non tamen, ut judicem, an digna tua sint, quæ publici juris fiant, sed ut qualiscunque eruditionis meæ citius extendam usuram, cognoscamque ante alios res præclaras, quas nos proguldubio magno numero

A doces. Nihil enim a te proficiscitur, quin edolum sit, & refertum rebus, quas eruditissimi etiam ignorant, uti vel pater ex notis, quibus testamentum Absolonis, Lundensis Episcopi, illustrasti, nec non ex prima plagula Val. Maximi Danici, unde certe disco, Salvatorem nostrum in Septentrione inter *Deos albos* relatum, & *Christum Album* vocatum fuisse.

B Sed nimio me mactas honore, quod tam eruditas curas mihi dedices, Græcæ quidem & Rom. antiquitatis non indiligenti, præfiscine dixerim, indagatori, sed Hebræarum rerum, certe linguæ ignaro, quæ tamen hoc in opere utramque fere paginam faciunt: & præterea, quod tam magnifice studia mea extollas. Nullo certe hoc meo fit merito, sed benevolentia tuæ & amoris, quo me complexus jam dudum fuisti, omne hoc adscribendum est. Gratias quapropter tibi hoc nomine maximas ago, & ubi potero, etiam referam, nec sinam indictum abire nomen tuum, si modo Deus mihi vitam & otium concesserit. Gordianos meos tibi placere, serium in modum lætor, & de aliorum judiciis jam ero securus; potuissim historiam temporis illius pluribus illustrare, sed maturandum opusculum fuit, ut prævenirem illustrem Spanhemium, qui eruditiss. dissertationem De Jure Civ. Romanæ sub Impp. mihi dedicatum edere volebat; quæ, ut postea intellexi, inferetur tomo 9. vel 10. Thesauri Antiquit. Rom. qui cura Joh. Georg. Grævii, Trajecti ad Rhenum, ut nosti, editur; alio tempore ero prolixior. Vale.

Dav. 19. Febr. 1698.

XXX.

Nobilissimo, & Amplissimo Viro

GISBERTO CUPERO

S. P. D.

OTTO SPERLINGIUS.

Sunt ad me perlatae tuæ, quas ad d. XIX. Febr. Dav. scripseras; felicem me, quod in vestras tam oportune manus inciderit illud scriptum meum, & iterumque felicem me, quod vos tam benignam ejus curam suscipere dignemini. Omnino mutandum est illud *Directorium* in Indicem, & paginarum numeri sunt mutandi, tam in Indice Capitulum, quam in Indice rerum. Ea enim scripta sunt pro dirigendo typographo, nec, quæ pagina singula reperire possit in scripto meo, nesciret; ejus nunc fuerit illa omnia accommodare & inferere impressis, ut paginae & numeri illi, non scripto, sed impressis ejus respondeant. Doctum & scitum typographum hæc requirunt, aut Correctorem attentum, quem utinam adhibere vellet typographus, si minus ipse valet; rem faceret & nobis optatam, & typographiam suam commendaret impensius. Centum illa exemplaria, ad me quæ missurum se recepit, poterit cum navibus hæc æstate huc commeantibus vel transeuntibus commode mittere. Dn. Binæo salutem officiosissimam impertiaris meo nomine, teque pariter salvere cupio & valere.

Dabam Hafn. a. d. XIX. Mart. st. v. A. 1698.

XXXI.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Certiorum te feci, 19. Februarii proximi die, eruditam dissertationem tuam mihi redditam esse, & curaturum me diligenter, ut elegantibus, novisque typis describatur.

Misi eam paulo post Amstelædamum ad Borstium typographum, addideratque Binæus epistolam, unde discere satis commode poterat, quomodo illa foret digerenda. Sed, quod equidem vehementem in modum doleo, remisit ille curas tuas, testatusque est, nec se, nec quem habet diligentissimum & veteranum Correctorem, natione Germanum, sese inde extricare ullo modo posse, nec operi adnoturum manus, nisi eo ordine scriptum sit, quo edi & publicari debet.

Ego quid capere consilii debeam, hæreo plane, & proinde recte me facturum existimavi, si tecum hunc nuntium communicarem, ut scire quanto citius possim, quid facere debeam. Vale plurimum.

Davent. 31. Maii. 1698.

XXXII.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Credo me tandem typographum invenisse, virum optimum & diligentissimum. Franciscus enim Halma ante tres hebdomadas hic fuit, cum eo de erudito opere tuo loquutus sum; illud sibi ut traderem rogavit communicandum cum sociis suis; feci; remisit ante pauculos dies, & me simul certiorum fecit, sese id libenter typis descripturum, sed tot occupatum esse libris edendis, ut vix inchoare lucubrationem tuam possit; ad minimum sese mensem petere, ut eo exacto cognoscere possit, quantum in operibus, quæ præla ipsius exercent, profligatum sit. id quod negandum ipsi esse non puto, & hic certe est, qui opus tuum nitide publicabit.

Ego eam operam sumsi, ut accurate notarem periodorum initium & finem: & ea via factum est, ut typothetæ Ultrajectini fidem Halmæ dederint, sese opus aggressuros & absoluturos, modo omnia capita ita a me digesta sint. Sex absolvi, & ad reliqua me jam accingo, & spero me ea perfecturum, antequam suscipiam iter Trajectum ad Mosam; in procinctu enim sto & nihil me retinet, nisi adventus Sereniss. Britanniarum Regis, qui propediem erit in Prætorio huic urbi proximo; & cui antea ut officia mea submitte deferam, muneris mei esse existimo. Vale plurimum.

Davent. 16. Julii. 1698.

XXXIII.

Nobilissimo & Amplissimo Viro

GISB. CUPERO

S. P. D.

O. SPERLINGIUS.

DI licet nihil a te viderim, Vir Illustris & Optime, non tamen unquam memoriam tui depono. Mitto tibi nunc & Dno. Bynæo crepidas meas, h. e. Schedion aliquod meum de Crepidis, quod nuper prodiit. Aliud videbis Schedion meum de Vestitu Danorum antiquo: quod leges in novis literariis Lubecensium, mense Novembri, si ad vos perferuntur. Tam minutis schedis Typographos nostros accedere oportet, si quid impressum velis. Nihil de Nummis meis audio, unde Typographos non reperiri facile colligo. Mora nos enecant illi homines, & malo omine non Cusos inscripsi; manebunt enim non cusi, nec excusi, credo. Nihil de diligentia tua dubito; sed an Dn. Bynæo probatur scriptum illud scire velim, & qua in re dissentiat; est enim ejus Viri autoritas mihi magno loco; & fere instar omnium. De nummo tuo, quem promisisti edere, nihil nunc mones; publicæ occupationes tempus, ni fallor, eripiunt. Ut autem annus instans & plurimi frequentes tibi felicissime decurrant, omnibus votis opto & apprecor tibi.

Dabam Hafn. a. d. xxxi. Dec. A. 1698.

XXXIV.

Illustri & Præstanti admodum Viro

OTTONI SPERLINGIO

S. D.

GISB. CUPERUS.

Miraberis profecto, te tam longo tempore nullas a me litteras accepisse; neque te certiorum fieri, quid tandem de eruditissimo libro tuo constituerint nostri bibliopolæ; sed mirari desines, ubi cognosces Binæum nobis imatura morte ereptum esse, eumque, dum vivebat, recepisse, sese acturum ea de re cum Boomio, vel cum aliis Amstelædamensibus typographis. Vir ille optimus & doctissimus fuit, quod vehementem in modum dolendum est, fato brevis, & raptus in florentissima ætate, ingens omnibus eruditibus & piis sui desiderium reliquit.

Quid in eo illi perdiderint, conspicias ex elogio, quo more hic usitato memoriam Viri celebravit Bovivérus, Historiæ & Eloquentiæ professor; quam vero jacturam hi fecerint, docuissent te vultus demissi eorum, qui funus prosequabantur.

Sed missa faciamus ea, quæ infecta fieri nequeunt, & fasces submittamus jussis & voluntati summi Dei & Imperatoris, qui, quos vult, hac statione liberat.

Egerat autem operam cum Boomio de tuo libro, sed is ante binas vel tres hebdomadas mihi significavit, se tot libris edendis esse occupatum, ut manus illi admoveere nullo modo possit. Cum hæc spes decollaverit, agam iterum cum Halma,

& cum Wetstenio; difficultas enim redigendi capita in ordinem, quæ bibliopolas deterrebat, sublata plane est; quia ea ita digessi breviter, ut nullus typotheta possit errare, nisi natus foret crassissimo sub aere; & Binæus dispositionem meam examinaverat, testabaturque, optime omnia sese habere, & nullibi a me erratum esse.

Iraſcor mihi ipſe, quod libro tam erudito nullum potuerim invenire typographum in hunc uſque diem, manibus tamen pedibusque annitar, & diligentiffime in eam rem incumbam; brevique te certiore faciam, quid ſperare debeamus, ut ita conſtituere poſſis, quid mihi amplius erit faciendum. Cum autem annum novum ſimus ingreſſi, peccaturum me putarem in amicitiam noſtram, ſi tibi eum non fauſtum & felicem precarer; facio id igitur libens lubens, & multa Deum veneror, ut hic multique ſequentes tibi familiæque tuæ proſperi & felices decurrant. Vale plurimum. Dav. ipſis Cal. Jan. ſt. Jul. 1699.

XXXV.

Nobiliffimo & Ampliffimo Viro

GISB. CUPERO

S. P. D.

O. SPERLINGIUS.

Poſtquam ad te miſi meam de Crepidis diatriben, quam perlatam nunc equidem cenſeo, literas tuas Calendis Januarii datas accepi, quæ mortem mihi nuntiant Erudiſſimi & Clariſſ. Dn. Bynæi. Doleo ſane tantis Viris tam breve commorandi ſpatium datum eſſe, natis ad Reipublicæ ſalutem; mihi vero ſeni annos ſuperaddi tam inutiles publico, cui ſervire quidem cupio, ſed per rem anguſtam domi nec licet, nec aliorum liberalitate invitior. Utinam in alium mundi angulum me detuliſſent fata! Sed hæc fruſtra queror, niſi *Σεὸς ἀπὸ μυχῶν* intercedat. Meum de nummis non cuſis & moras & moleſtias tibi, cui non debebat, adhuc parere, invitus omnino percipio. Video veſtros quoque Typographos, ut a libi, labores ſubterfugere, & nimis ſerium ipſis hoc videri negotium. Nam ſi jocularia quædam efutuiffem, centum, credo, Typographos nanciſci licuiſſet; tam depravatæ jam ſunt literæ, ut nihil placeat Typographis niſi fanaticum, delicioſum, & ſcurrile. Noli cura iſta te ulterius diſtinere, ſed aut remitte, ſi non invenies Typographum, aut tecum ſepultum jaceat; lucem enim ſi ferre non poteſt, aut meretur, noctes honeſtas tecum tranſigat, fatius eſt. Vale.

Dabam Hafn. a. d. iv. Feb. A. 1699.

XXXVI.

Ampliffimo Præſtantiſſimoque Viro

OTTONI SPERLINGIO

S. D.

GISB. CUPERUS.

Reſpondeo tandem binis litteris, quas ad me 31. Dec. anni 1698. & iv. Feb. proximi miſiſti; & primo quidem ſpero te excuſatu-

rum tarditatem meam, & deinde vel injurato crediturum, illius cauſam non eſſe imminutum erga te amorem, vel obſervantiæ, qua te colo, neglectum; ſed me antiquum non obtinuiſſe, quia non habebam, quid de editione eruditæ tuæ diatribes ſignificarem.

Fecit tandem me Grævius noſter ante pauculos dies certiore, Halmam perpolito operi manus admoturum, ea conditione, ut quinquaginta tantum exemplaria tibi dare teneatur, additque te, vir eximie, accepiſſe hanc legem; id quod equidem ſummopere gaudeo, quia ea etiam ex lubricatione eruditus orbis cognoscet bona fide, quantum in te bonum poſſideat.

Crepidæ, quas Binæo τῶ μαχαρίτη deſtinaveras, donavi Grævio, qui eas deſiderabat; & cui ſi tantum, quantum mihi, placent, placebunt utique plurimum. Schedion tuum de veſtitu Danorum non poteſt, niſi elegans eſſe; ſed Lubecenſium Eruditorum Ephemerides ad nos non perferuntur, dabo tamen operam, ut eas nanciſcar.

Nefcio an legeris Joh. Harduini Chronologiam Vet. Teſtamenti; eſt illa, ſi quid video, plurimis paradoxis & erroneis opinionibus reſerta, id quod ſacili opera, ſi id agerem, probare poſſem; ſed tamen tecum exiſtimat p. 215. Judæorum propriam pecuniam, nec ipſo Ducis aut Regis nomine, nec ulla certe fuiſſe ſignatam effigie rei cujuſcunque, eamque cauſam eſſe, quamobrem appenderetur & non numeraretur, &c.

Et uti de uno tecum agam loco, an unquam legiſti, ſæculo XIII. fuiſſe Auctorem, nomine *Aſidæum*, qui ſcripſerit Episcopos malle eſſe *Duc & Pair*, Δουκενδριον, ſive, ut Harduinus exiſtimat, Δουκιστρεριον? Mihi certe, ſi quiſquam ſæculo XIII. ita locutus eſt, videntur hæc petita eſſe ex Eufebii Hiſtor. Eccleſ. ubi agit de Paulo Samofatenſi, quem Episcopos in epiſtola narrant ambiiſſe ſæculares dignitates, & fuiſſe Δουκενδριον, nempe Procuratorem, qui ita vocatur, uti optime noſti, quia ducenta feſtertia, id eſt, quinque millia Philippeorum annuorum accipiebat. Neque enim puto Harduinum credere, Eufebium ſuppoſititium, & ejus hiſtoriam ab Aſidæo quodam ſæculo XIII. fuiſſe compoſitam; quanquam omnes fere auctores, exceptis pauciſſimis, ipſi ſint malæ notæ, id quod in virum acris & eruditi ingenii cadere poſſe miror & ſtupeo.

Ego jam conſtitui manus admoveſe novas Gordianis meis, & diſſertationi, cui titulus erit, Elephas Numiſmaticus, & in qua explicabo nummos, tam Græcos, quam Latinos, qui animali illo ſunt ſignati; & ea occasione monebo varia, quæ a viris eruditis non ſatis bene, ſi quid video, explicata ſunt; inde accedam ad alia, quæ habeo affecta, & ita conabor abſolvere tandem curas meas omnes, quæ ultimam manum deſiderant; & tunc de edendis illis ibo in conſilium. Tu vale etiam atque etiam, Vir præſtantiſſime, & me, quod facis, amare perge. 16. Septembr. 1699. Svo. ollæ, ubi per aliquot dies Reipubl. cauſa eſſe debeo.

XXXVII.

Nobilissimo & Amplissimo Viro

GISB. CUPERO

S. P. D.

OTTO SPERLINGIUS

Postquam tuas accepi 16. Septemb. Cal. v. datas lætatus sum valde. Plurimi quippe jam mortuum te asseverare mihi voluerunt. Deus te diu sospitet.

Quod Grævium de Halma scripsisse refers, quasi meum de nummis non cussis suscepit edendum, haud ego nunc quidem credulus sum. Egeras tu cum illo, memini, sed, bone Deus! quantas difficultates tunc prætendit, illudque scriptum a se repulit? Scripserat mihi Grævius, quod *Van der Aa* manus admoturus esset, si 50. Exemplaribus vellem adquiescere. Consensi statim, nihil tamen factum video. Quare nec Halmam bona fide promittere persuaderi possum. Ego jam inter deserta dudum reposui hanc meam lucubrationem, & inter ἀνόδυνα. Neque enim amplius me afficit quid agat, aut ea agatur.

Schedion meum de vestitu Danorum misissem, ut & alia ἀποσπασματῖα: sed quoniam Novis literariis Lubecensium inserta leguntur, non seorsim excusa sunt, mittere nequeo. Exstat in iis Novis etiam meum de *Ambactis* apud Cæsarem, & alterum de Origine veterum Gallorum a *Dite*, hoc est, Germanis, apud eundem Cæsarem. Sub prælo hic loci versatur Dissertatio mea de Baptismo Ethnicorum. Aliam meditor de nummis cavis & bracteatis.

Harduini Chronologiam nondum vidi, sed ex iis, quæ refers, audaculum satis animadverto, & opinionibus suis nimis indulgentem. Risi sane, quod mihi ignoscet Harduinus, suaviter, cum legerem Δυναστεῖον ab ipso Δυναστεῖον factum: sed tenet hic morbus Francicos, ut credant totius Orbis incolae a se mores petiisse, aut sine vitio & culpa non esse, quotquot non idolum illud suum adoraverint. Hinc facile *Duci & Pairs* in omnibus aulis se reperire debere persuasi sunt, & si non reperiant, faciunt.

Quam tu longe melius & solidius procedis, Vir Consultissime, qui Gordianos tuos augere promittis, & elegantissimum illum futurum Elephantum Numismaticum. Ego jam propter Elephantinum Ordinem hujus Regni quædam conjece-ram de illa materia. Et nummi quidem veteres cum Elephantis mihi notati sunt, Q. Metelli Pii, C. Metelli Neapolitani, M. Philippi, L. Sept. Severi, Sisenæ, M. Commodi Neronis Turpiliani, T. Vespasiani, L. Commodi, Faustinae, Augusti L. Aq. Flori, Jul. Cæsaris, M. Marcelli, Hadriani, Antonini, A. Atilii, L. Bucæ, L. Cestiae, Tiberii, Drusi, Germanici, Alexandri M. M. Durmii, Trajani, M. Antonini, L. Veri, Caracallæ, L. Apronii, M. Catonis, C. Marii, Helv. Pertinacis. Quem Catalogum non ideo texere me putes, quasi tu illos ignores, nec multo plures etiam digestos habeas, sed si unus forte vel alter te præterierit.

Jam illud quoque ad te perferendum est, Vir amplissime, quod amici nonnulli ad me perscripserunt, quasi tibi cum Dno. Lilienroth, Suecico Legato, aliquando de Runicis Inscriptionibus nostris sermo fuerit, exque literis meis locum excerptum ea de re ipsi tradideris, Dn. Legatus vero hæc

Ad Rudbeckium detulerit, qui initio part. tertiae Atlanticæ suæ ea de causa stomachatus sit non leviter, licet nomine meo tecto. Haud contigit mihi istam partem Atlanticæ hætenus videre, ut judicare potuerim, quomodo res hæc se habeat. Quidquid sit, non multum laboro. Tu vero ad me perscribas velim, num hoc ita gestum sit, prout Amici monuerunt, aut num alia fabula agatur, ut me & Rudbeckium committant. Quamprimum nancisci potero Atlanticæ partem tertiam inspicendam, videbo quid scriptum sit, & num rescribi oporteat. Valeas igitur diutissime, & me porro ama.

Dabam Hafniæ a. d. XXX. Septemb. 1699.

XXXVIII.

Amplifi. Nobilissimoque Viro

OTTONI SPERLINGIO

S. P. D.

GISB. CUPERUS.

Nescio profecto, unde rumor sit ortus, me ultimum valere dixisse rebus humanis: Vivo enim, uti ex ultimis litteris meis perspexisti, & nunc etiam cognosces, & valetudine utor integra atque optima, ita ut par sim ferendis oneribus publicis, & subinde cum Musis rationem deducere possim; quibus nominibus me plurimum Deo ter Opt. Max. debere, grato animo confiteor. Dissertatio tua typis Amstelædami describitur, misitque Halma non modo folium ad me, ut vocant, primum, sed significat insuper, illam non magnæ molis fore, seque optare, ut adjiciantur epistolæ, hoc enim edoctus est, quas mutuas eo de argumento scripsimus; ego equidem difficulter id adprobarem, quia aliud est librum scribere, aliud epistolam, in quam fere conjicimus, quicquid in mentem cadit, & quia tu, vir præstantiss. omnem illam materiam ita exhaustisti, ut alio Catone opus nequaquam sit; si tamen tu auctor & suasor fores, amplius ea de re cogitarem.

Rem mihi fecisti gratissimam, quod miseris indicem nummorum, qui elephantis signati sunt; omnes illos atque adeo multo plures mihi notavi, exceptis Gn. Metelli (*Cajum & Quintum* reperio apud Ursinum) Sisenæ, L. Bucæ, Drusi, Germanici, M. Durmii, M. Catonis & C. Marii, & te etiam rogo, ut me certiolem facere velis, a quibus nummi illi sint editi; nam omnes forulos bibliothecæ meæ excussi, consuluique antiquarios, quos rarissimos & complures habeo, sed non potui invenire, qualemcunque diligentiam adhibuerim, eos, in quibus animal nostrum depictum esse commemoras. Neque etiam Al. Magni nummum vidi, nisi in quo ille, vel alius potius Rex ejusdem nominis, proboscide caput tectus, conspicitur, vel adulterinum, qualem ipse possideo, in quo curru elephantorum vehitur victor ille gentium. Quicquid suppeditaveris, non absque nominis, eruditionis, nec non humanitatis tuæ elogio interam dissertationi meæ, quæ, præfiscine dixerim, plurima complectitur, quæ in hunc usque diem vel non satis diligenter examinata, vel incognita fuerunt.

Spero me propediem adepturum Acta Lubecensia, & tunc animum meum explebo *Ambactis* tuis, & origine vet. Gallorum a *Dite* i. e. Germanis, & acce-

acceptissima mihi veniet dissertatio tua, de Baptismo Ethnicorum. Nicolaus Gurtlerus, quem Brema evocavimus, mihi acta illa curabit; nosti proculdubio virum, & hic ante aliquot dies orationem inauguralem habuit exquisiti & profundi argumenti, *De Dei Opt. Max. filio doctore & discipulo ab æterno, & in tempore*, quæ magna in frequentia, nec non minori cum applausu audita est.

Quod jam attinet ad ultimum epistolæ tuæ caput, non memini me cum D. Barone de Lilienroot egisse de Rudbeckii Atlanticis, neque me cum aliquo communicasse ea, quæ ad me scripsisti; fieri tamen id posset, quia magna mihi fuit cum Legato illo familiaritas, nisi forte colloquium tuum, nam illius meministi in una epistolarum tuarum, ad Rudbeckium detulerit Joh. Dan. Major. Spero tertium illum tomum ad nos etiam propediem delatum iri; flagrantissime enim desidero cognoscere, unde vir Herculei laboris tot insuper ex antiquis auctoribus loca convasare potuerit, ut ingens ad probandam opinionem suam inde volumen componere posset. Ego certe nescio, quomodo Rudbeckius debacchari queat in virum eruditum, qui novas & paradoxas illius opiniones non probat, vel qui modeste, ut te fecisse in literis scribis, de iis dubitat. Nam quis hoc non faceret? cum res plane sit incredibilis, ut ut argumentis illa validis propugnetur, omne quicquid antiquitas habet sacri & præclari, Sueciæ vel Scandiniaviæ originem suam debere. Ego quidem hanc litem meam non facio, & eo sum ingenio, ut unumquemque frui sinam suis conjecturis; sed tamen malè actum est cum Rep. Litteraria, si quis novarum & inauditarum opinionum inventor & architectus, in animum inducat credere, omnes alios illas, ut *νύπιας δόξας*, debere amplecti. Ista quidem vis est, dicebat olim moribundus Cæsar, & certe illud hic locum, vel ipso iudice Rudbeckio, habere posset, qui utique majori circumfunderetur laude, si dissentientes patienti & sedato animo ferret, & cum iis non ferro, sed ex iure manu confertum, id est, non convitiis, sed argumentis & rationibus ageret: sed tu, vir præstantissime, vale & me amare perge.

Dav. 1¹, Nov. 1699.

XXXIX.

Nobilissimo & Amplissimo Viri

GISBERTO CUPERO

S. P. D.

OTTO SPERLINGIUS,

NON omitto pagellas, quas edo, quoties occasio fert, tibi mittere, non quod dignæ videantur tuis oculis, sed quod otium, quando datur, me negligere non posse tibi constet, Vir Amplissime, meisque studiis exoptatissime. Edidi hoc de Baptismo Ethnicorum petentibus Amicis; legas & censeas. Et quoniam Dn. Grævius tuum, quod de crepidis miseram, communicari voluit, alterum tibi submitto, quoniam occasio mittendi suppetit. Ad meas 30. Septemb. datas anno elapso nihil respondi tui, quibus tuis 16. Sept. datis responderam. Egredere tuis literis careo, quæ mihi semper sunt gratissimæ, & ob eruditionem suam ac *ἀριστερίαν* merentur expeti & æstimari. Typographus Halma hisce diebus ad me perscripsit opuscu-

Supplem. Tom. IV.

Alum meum de Nummis non Cusis ad finem jam spectare, teque ipsi scripsisse, literas nostras super illa materia invicem scriptas adjungi posse, si consentirem. Consentio equidem lubens, si tibi, Vir Amplissime, id videtur. Ex tuo hoc pendet arbitrio, est enim liber iste jam tuus, tuoque nomini dicatus; quod tibi placebit, displicere mihi non poterit: & rescripsi Halma, quidquid tu statues, mihi ratum fore. Legi nimirum Coloniae Doctissimi Viri Dni. Vaillant.

B Multa didici elegantissima, sed illud mihi persuadere non potest, vexilla, quæ in coloniis Romanorum reperiuntur sculpta una cum signis Romanorum, fuisse quoque Romanorum. Ego hæc provinciarum & Urbium, ad quas Colonia missæ sunt, propria fuisse statuo, nec inter Romanos usitata, sed Provincias, & Urbes colonis ac Duumviris advenientibus hæc quoque Romanis tradidisse, quorum fidei se suæque committebant omnia. Novi apud Scriptores antiquos vexilla & signa confundi, sed illa quæ proprie vexilla dicuntur, & labara vela, Germanis *safuën*, Romanis usitata fuisse, nondum observare potui ante Constantinum M. qui illud sibi præferri voluit cum signo crucis & Christi, postquam sacris Christianis nomen dederat: cujus exemplum secuti sunt reliqui Imperatores Christiani. Vix illa vexilla vel labara inter Romanos prius apparent. Dracones a barbaris jam ante receperant, & signorum more, figura sua fecerant. De velis illis & vexillis etiam receptis, nihil mihi quidem hætenus occurrit, in trophæis barbararum gentium illa semper conspicio, quas Romani fugaverant & devicerant, in Romana militia non pariter; nam a barbaris illarum origo prima est repetenda. De his igitur quid sentias, a te doceri cupio, Vir Amplissime, quæ rei antiquariæ mihi promus condus es unicus & horum peritissimus ac certissimus iudex.

D Sed est adhuc quod te volo, Amplissime Vir, de Wagenfeilii nostri Noribergæ, quam puto vidisti & legisti, ubi inter alia de insignibus Imperii, quæ Noribergæ asservantur, & de corona Imperatoris, contra Conringium doctissime disputat; hanc eandem coronam, quam nunc Noribergenses custodiunt, a Sigismundo Imperatore illorum custodia primū concreditam, eandem esse quam Carolus M. capite suo gestavit dum Imperator fuit, atque ab ipso posteris traditam. Nullum ille quidem argumentum profert quo hæc probatum dare voluit, præter nummum aureum Carolo M. adscriptum ab Octaviano Strada, in quo Imperator iste coronam gerit similem illi, quæ nunc a Noribergensibus asservatur. Sed quoniam nummus ille multis notis adspersitur, quæ suspectum illum faciunt, & a posterioribus sæculis ac manibus illum effictum redarguunt, haud ego quidem hac in re facile Dn. Wagenfeilio consentiam, neque solum cum Conringio illam a Conrado Imperatore deducere, cujus nomen in arcu istius coronæ phrygionico opere pictum reperitur, sed ab ipso Imperatore Sigismundo transformatam in hanc, quam nunc præfert, figuram, cum gemmis suis statuere, atque sic Noribergensibus traditam, cum cæteris insignibus, ut perpetua Imperii *κεφάλαια* & insignia in posterum manerent, non amplius mutanda, prout olim sæpissime factum fuerat. Quid tibi videatur, cum legeris & pensaveris, scire cuperem. Et nunc quidem finire cogor, amico, qui has tibi tradet, festinante. Prospera igitur precatus omnia, ut diutissime vivas & valeas, viveo, cum salute officiosissima dicta.

Dabam Hafniæ a. d. 13. Feb. A. 1700.

F

XL.

Amplissimo & Præstantissimo Viro

OTTONI SPERLINGIO

S. D.

GISB. CUPERUS.

Bibliopola Franciscus Halma mihi significavit, te, vir præstantissime, pati posse, ut litteræ, quas mutuas de nummis non cufis scripsimus, edantur; & jam jam me accingebam ad illas in ordinem redigendas, sed valetudine & occupatione mea factum est, & fit cum maxime, ut illud perficere non potuerim: quin & dum meas percurro, video nos subinde de aliis, ad eruditionem tamen pertinentibus rebus, agere satis libere & familiariter; & proinde judicavi melius fore, ut nondum publici juris fiant. Habes causas consilii mei & μεταβολῆς, & spero te illud adprobaturum; idque eo magis, quia omnes, quas movi difficultates, tam pulchre elucidasti; & nihil litteris illis insit, quod non in dissertatione, summa cura atque diligentia, examinaveris. Illa jam propediem in dias luminis prodibit oras, & magnus inde ad te proculdubio perveniet honos; persuasissimumque habeo, eruditos, quibus de meliore luto, in sententiam tuam facturos discessionem. Exemplaria cito propter materiæ novitatem & gravitatem distracta iri nihil est quod dubites; cumque adversariis, qui, ut fieri solet, exorientur, in nova editione responsurus sis, tunc poterimus serio agere de edendis epistolis, quibus de hoc argumento egimus.

Idem Halma me edocuit, te illustrasse elegantiss. Constantini Maximi nummum argenteum 4. drachmarum cum dimidia; in quo hinc cernitur caput Imperatoris diademate cinctum, legiturque D. N. CONSTANTINVS MAX. TRIVMF. AVG. in averfa area Genius urbis Constantinopolitanæ sedens & tenens cornucopiæ capite coronato, pedibus rostrum navis premens, & inferius MCONS. V. significavitque se illam velle equidem typis describere, & cum altero Opusculo tuo edere, quod ut facere velis, ipsius, meo atque Reip. adeo Litterariæ nomine etiam, atque etiam rogo. Neque enim fieri potest, quin elegantiss. illud & a nemine, quod sciam, editum *καμύλιον* pulcherrime sis illustraturus, non secus ac alios ejusdem Augusti ea occasione nummos. Quod ut melius facias, patere, ut moneam, Harduini Sæculum Constantinianum ingentem tibi præbiturum campum; si modo tantum tibi otii, ut tot absurdas & ridiculas plane opiniones examinare & refutare velis ac possis.

Nescio an ille nummum tuum laudet; quia exemplar, quo usus sum, ad Celeberr. Grævium remissi, & nullum in orbe nostro, vel etiam Parisiis venale prostat; sed tamen tibi adseverare possum, te inde perspecturum, Jesuitam illum omnium paradoxorum patrem esse. Multum interim me devincies, si inquirere simul velis in epigraphem nummi apud Ducangium Tab. 4. Fam. Byzant. CONSTANTINO P. AVG. BAP. NAT. infra PLC. quæ quid sibi velit, fateor me ingenue ignorare; nec quicquam auxilia viro eruditissimo, nec inanibus conjecturis otio tuo abuti volo. In Ephemeridibus Eruditorum Gallicis anni proximi p. 597. ed. Amstelæd. Gallandus, insignis equidem Antiquarius, laudat nummum, in quo legitur GLORIA EXERCITVS, pictique sunt duo milites prope bina signa militaria, inter ea signa, crux

A longa nitide delineata, una croix longue très nette & très bien fermée: notatque vir doctus ante hunc nummum duosque alios Cimelii Regii, nec non illum, in quo Imp. iste velatus curru vectus manum tendit ad alteram manum, ex nube protensam (id quod attribui non posse putat, nisi Consecrationi Christianorum) nullum in nummis indicium, Constantinum Christianum fuisse apud Occonem vel Mediobarbum reperiri; & ante horum nummorum inventionem non potuisse judicari, ejusmodi Constantini Magni nummos exstare, nisi per numismata Constantini Junioris percussa adhuc patre vivo. Certe Constantini talis nummus depingitur apud Ducangium Tab. 8. Sed annon tibi videtur ex aliis iisque jam editis Constantini Maximi nummis probari potuisse, eum Christianum fuisse? nam Ducangius nummum edidit Tab. 3. in quo hinc scribitur CONSTANTINVS. MAX. AVG. inde SPES PVBLICA a lateribus labari, quod premit serpentem, & cujus summitas ornata est monogrammate Servatoris nostri. Quid quod in alio nummo ejusd. tabulæ Monogramma Christi cernitur? & in alio Tab. 4. cassidem Constantini idem exornat; & forte etiam in alio tabulæ ejusdem Crux erigitur inter duas victorias, cum Insc. GLORIA PERPET. RP. nisi tamen potius sit signum militare. Quin & Tristan. T. 3. p. 543. nummum vulgavit, in quo Cassis Constantini etiam monogrammate ornatur, & quem multis atque eruditis notis illustrat follers ille & illustris Antiquarius; & apud Ducangium Tab. V. Imperator triremi insitens una manu tenet globum, cui phœnix insistit, altera labarum, in quo depictum monogramma FEL. TEMP. REPARATIO, qua re certe testatur quam clarissime, se Christianum & orbem factum Christianum esse. Adeo ut mirer equidem Gallandum affirmare, *que c'est la seule médaille de Constantin, qu'il ait vue avec celle marquée indubitable du Christianisme*; nisi putet in nullis aliis crucem non cerni; id quod tamen frequentia videntur redarguere.

Est autem singulari observatione dignum, Genium Constantinopoleos premere rostrum navis, quia urbs mari veluti cincta, & classem habebat; & quanquam persuasum habeam te, vir maxime, idem observasse; patere tamen, ut mittam me notasse in alio apud Tristan. T. 3. p. 559. hinc cerni ejusdem urbis Genium & CONSTANTINOPO. LIS, in altera vero area, victoriam alatam sedentem, tenentemque spicas & cornucopiæ, premientemque itidem pede rostrum navis, VICTORIA AVG. quod ænigma etiam ad urbem illam refert vir doctissimus. Atque ita ASIA in nummo Antonini Arschorano stans, & manu tenens gubernaculum, pedem dextrum imponit rostro; ad indicandum scilicet eam provinciam maritimam, & urbes, interque eas Ephesum classe instructam esse, unde legitur ΚΑΤΑΝΑΟΥΣ, in Philippi patris nummo Ephesi signato apud Vaillant. p. 196. Numismat. Græcor. quod non verterem: *Ephesiorum primus appulsus, nempe quando per mare Philippus Ephesum venit; sed Ephesiorum primorum (nempe Asiæ) classis*; ita ut illa etiam fuerit NATAPXIC, quo titulo Dora & Sidon, Phœniæ; *Ægæ*; Corycus & Sebaste Ciliciæ; & Nicopolis Epiri urbes decorantur in nummis; quomodo etiam vocari posset Miletus, quia illa, teste Cicer. lib. I. in Verr. c. 34. classem habebat populi R. decem navium; quod ita interpretatur Asconius: *Habent enim Milesii præsidariam classem, ex fœdere præbendam populi R. maritimis necessitatibus.*

F Sed quo me confabulandi tecum desiderium & voluptas provehit? primo igitur ut finiam, peto, ut examinare velis, quæ epistola hac complexus

sum; deinde ut veniam des, si abutor facilitate & humanitate tua, & rebus, quas optime omnium nosti, te detineo. Vale plurimum.

Daventr. 17. Martii 1700.

XLI

Nobilissimo & Amplissimo Viro

G I S B E R T O C U P E R O

S. P. D.

O T T O S P E R L I N G I U S.

Tuas 17. Martii scriptas recte perlatas esse significo, quibus nihil mihi fuit optatius post tot intervalla, quibus tuis carui. Sed indolui sane vehementer, quod valetudinem adversam tuam mihi nunciarent, adeo ut etiam aliena manu coactus fueris uti. Deus Opt. Max. te cito restituat bono publico & Musarum: & cura ut valeas, ac cum valetudine in gratiam cito redeas.

De Constantino meo, egregio sane nummo, & alia pinacotheca digno, quam mea, quæ brevicula est & paupertina, scripsit quoque mihi Dn. Halma, seque editurum promisit cum aliis meis hæcenus editis, & subjuncturum dissertationi meæ de Nummis non cufis; quod equidem dissuadere coepi, ne editio dissertationis hujus de nummis non cufis ulterius remoram patiatur, quæ jam satis diu neglecta jacuit, licet multorum votis hæcenus expetita. Et quoniam literas nostras non consultum ducis subungi, quod aliter amicis scribamus, aliter in publico versetur, etiam illud mihi valde placet; scribamque Halmæ, ut finiat, & editionem promoveat. Scripsi jam ipsi, dissertationes meas posse peculiari volumine auctiores prodire, si operam suam mihi polliceatur; & quoniam signum ille Constantini Magni præ foribus habet, posse dissertationem illam de Nummo ipsius in capite dissertationum, prout meretur, præfigi, sic librum & ipsi & aliis gratiorem futurum. Impressus jam est ille nummus cum mea dissertationiuncula in Novis litterariis Lubecensibus; sed si velit Halma, repeti potest multo auctior deinceps. Et quamvis non discessurus sim a nummi istius argumento, quoniam plures antehac, quæ de Constantino dici possunt, attulerunt, erudita tamen tua, quæ literis tuis adspersisti, Vir Amplissime, in primis de rostro navis, quod Genius pedibus premit, valde mihi placuerunt, & si iterabitur typis, cum honorifica tui mentione patieris illa inferi, ut per te edoctum me scribere discant omnes. Harduini Seculum Constantinianum hic quæsi, sed frustra. Non dubito quin ex illis plurima discere possem: certus autem sum, hunc nummum Constantini, quem edidi, nullibi comparere; nam nec Vaillant, qui tot musea perreptavit, & omnes majoris moduli nummos in suis libris conquirit & notavit, illum vidit aut novit; nec ego, qui jam a multis annis, dum itineribus occupatus fui, in ullo museo illum animadverti: eo sane rarior est omnibus cæteris, quod illa ætate tanti ponderis nummus percussus sit & adhuc supersit. Quod de Constantino M. ejusque fide Christiana quæris, in nummis sane nihil extare memini, præter nomen illud in labaro, aur galea, aut tropæo, quod præferri sibi voluit primum, cum Magnentium aggredere, eumque vinceret, ut Grotius in Bibl. retulit, quod mihi sufficere videtur ad Religionem Christianam ab eo tempore ipsi susceptam

Supplem. Tom. IV.

A probandam. Ex inscriptionibus plane nihil de illa discimus, licet extent plurimæ. Novimus tamen ejus Imperatoris pietatem Christianam quam plurimis actionibus ab Historicis decantatam, ut de ea dubitare nequaquam liceat; quamvis hoc argumentum nummis non fuerit, in quibus cudendis more recepto versatus est, ita tamen ut in illis fidei Christianæ contrarium nihil appareat. Quid de nummo Du Cange Tab. 4. Fam. Byzantin. cum Inscr. CONSTANTINO. P. AVG. BAP. NAT. statuendum sit, nondum mecum deliberavi. Visus est mihi semper suspectæ lectionis, eumque hæcenus ad suspectos refero, & male lectum censeo. Neque enim stylo nummorum convenit, nec aliquid elici potest quod conveniat. Subscriptio P. LG. PECVNIA. LVGDVNENSIS explicari posset: sed hæc manent inter *απορία*, quæ sibi non constant.

B Scripsi ad te, Vir Nobilissime 13. Feb. hujus anni, & quod de Baptismo Ethnicorum nuper edideram cum altero de Crepidis mihi per Amicum quendam Dn. Huysen Consiliarium Comitissæ Waldecensis, & Secretarium, nisi fallor, Cuylenburgi, qui promisit illa ad tuas manus perferre. Nescio num factum sit. In iis te consului de vexillis veterum, quæ toties in nummis, in primis Colonia- rum, reperiuntur. Scripseram quoque præterito anno, nisi fallor, mense Junio, in quibus etiam nonnulla, quæ scire desiderabam, inter alia, de literis meis, quas olim ad te dedi, de lapidibus Runicis, quas Dn. Legato Suecico Lilienroth ostensas amici mihi scripserunt, eumque cum Dn. Rudbechio contulisse, qui mihi dicam, recte tamen, scripserit initio Tomi tertii Atlanticæ suæ. Heri epistola mea de nummis cavis & bracteatis Lubecensium typis absoluta est, quam ad te mit- tam, quam primum occasio dabitur. Dn. Wagen- seilium nostrum, eruditionis omnis facile principem, desiisse vivere, Mercurii ferebant. Vix se refocillatum a morbo gravi, ultimis suis mihi scripserat, nunc illum mors abripuit: manet omnes nos eadem fors. Te Deus servet, ut diutissime valeas & supersis.

Dabam Hafn. a. d. xvii. April. 1700.

XLII.

Amplissimo atque Præstantissimo Viro

O T T O N I S P E R L I N G I O

S. D.

G I S B E R T U S C U P E R U S.

Absoluta tandem est doctissima tua dissertatio de nummis non cufis, & misit ad me ante binas vel tres hebdomadas illius exemplar nitide compactum Halma noster.

F Muneris nunc & officii mei esse duxi, summas tibi, Vir illustris, gratias agere, quia tam excellentem lucubrationem mihi dedicasti, quo honore an aliquis mihi major haberi possit, dubito equidem vehementer. Nam in me tam benignus est non modo vir eruditionis præclaræ, verum etiam Sere- nissimi Danorum Monarchæ Consiliarius & profes- sor Regius primarius, idque posthabitis tot illustri- bus & eruditis viris, quibus Dania exornata est & fulget. Nihil igitur est, quod dubites, quin benefi- cii hujus memoriam sim conservaturus perpetuam, & quin oblata occasione testaturus sim, me plurimum tibi eo nomine devinctum esse.

F ij

Perlegi autem singulari cum cura dissertationem tuam; confirmorque magis & magis, Judæos nunquam propria pecunia signata usos esse; reque optimo jure rejicere siclos omnes, quos nobis Judæi vel alii, ut genuinos, obtrudunt. Conatus fui dispersa doctissimi scetus tui membra recte locare; & quanquam id factum a me sit magna cum attentione, video tamen me nonnunquam errasse, vel typhothetas ordinem a me præscriptum, atque adeo signa tua sequutos non esse; id quod proculdubio ipse animadvertes & corriges, ubi secundas illi admovebis manus; id quod certe futurum est, quia exemplaria cito distraherentur, & eruditi magno dissertationis tuæ desiderio tenentur non modo hoc in orbe, verum etiam in Galliis & Italia, uti mihi inter alios significavit Illustris Spanhemius, qui paria tecum facit, & mihi dedicavit eruditissimas illas & luculentissimas exercitationes ad Constitutionem Antonini, cujus etiam eximii & maximi honoris semper memor vivam.

Nunc respondebo duabus litteris, quas ad me dedisti a. d. xii. Feb. & a. d. xvii. April. quarum illæ primum ante paucos dies mihi redditæ fuerunt: & cum nomini meo ipse supposueris, *Hier byeen kleyn pachxben*, illa scriptura deleta fere est, ejusque loco legitur, *Het pachsen met andere gelegentheit over lingen gesonden*: cumque ex ipsis litteris cognoscam, fasciculo illi inditam fuisse dissertationem de Baptismo Ethnicorum, & aliud exemplar Crepidarum tuarum, doleo certe, illam mihi periisse, vel nondum redditam esse; quia materia illa elegans valde est, & a te nil nisi doctum & elatum proficiscitur, uti vel patet ex dissertationibus tuis, De Vestitu Danor. veterum, & De Ambactis apud Jul. Cæsarem; quas Actis vel Novis Litterariis Lubecensibus commodum ad me adlatis insertas summa cum voluptate perlegi, simulque ex iisdem Actis didici, multa opera tibi argumenti haud vulgaris parata esse. Unum Crepidarum tuarum exemplar (bina enim miseras) mihi servavi, adeo ut earum jactura me non habeat æque male, ac altera Baptismi Ethnicorum.

Digna sunt examine, quæ mittis præterea, an nempe vexilla, quæ in nummis coloniarum Romanarum reperiuntur sculpta una cum signis Romanorum, fuerint quoque Romanorum; & an non illa fuerint potius provinciarum & urbium, ad quas coloniae mittebantur, propria, nec inter Romanos usitata; & an non provinciarum & urbes Colonis ac Duumviris, quorum fidei se suaque committebant omnia, advenientibus hæc quoque tradiderint. Inde addis, te nondum observare potuisse, ante Constantin. M. vexilla illa & labara vela Romanis usitata fuisse; illumque sibi præferri voluisse cum signo Crucis & Christi, postquam sacris Christianis nomen dederat, tandemque te vexilla illa in tropæis barbararum gentium semper conspiciere, quas Romani fugaverant & devicerant, in Romana militia non pariter, & ut Draconum, ita & horum vexillorum originem a barbaris repetendam esse.

Lipsius, uti nosti, lib. iv. Dial. v. de Mil. R. docet *vexilla* Equitum propria fuisse, libera Repub. ita tamen, ut & cohortes eadem habuerint; & ejusdem putat vexilla illa formæ fuisse cum vexillis, quæ in lustratione & processibus Pontificiorum anteferuntur. Rabaudus Herm. Schelius, Nobilis Transilvanus, in notis ad Hyg. p. 36. scribit, vexillum equestre & pedestre, centuriæ & cohortis signum fuisse; peculiariter tamen cohortis; & de *vexillis* atque *vexillariis* agit etiam Salmasius p. 430. ad Vopiscum, quæ omnia digna sunt, ut examinentur accurate; qua re magna

A certe lux variis auctorum locis, atque adeo ipsis vexillis nostris accenderetur.

Nec certe ego dubito, Romanis diu ante Constantinum ejusmodi vexilla in usu fuisse, & inde memorari arbitror Hygino Grammatico *vexillarios legionum*, qui scilicet sub uno vexillo habebantur, sive illi veterani essent, sive alii; inde apud Tacitum notante illustri Schelio, *Quatuor legionum aquilæ per frontem & totidem e legionibus aliis vexilla*, i. e. totidem cohortes legionum, vel veterani & emeriti, qui aliis legionibus tunc adungebantur, vel forte etiam *auxilia*, & quemadmodum supplementa sub uno vexillo passim apud Livium ad exercitus legimus missa, quæ in castris in corpus legionum infererentur; ita emeriti, divisi a corpore legionum suarum, tantum non dimissi, quasi jam jamque agros & iusta emeritorum stipendiorum præmia accepturi, sub uno vexillo interim habebantur. His Schelii vestigiis insistens, puto, emeritos illos & exauctoratos, habitosque sub uno vexillo, cum eodem vexillo in Colonias a Duumviris fuisse deductos, illud propterea in medio poni, & addi Aquilas, ad indicandum, eos in legionibus meruisse, nec esse ex Sociis, quibus frequenter Livius *vexilla* tribuit. Deinde cum locus medius sit honoratior, verisimile non est, illum occupatum iri a vexillis, quæ provinciæ vel urbes Duumviris & Colonis advenientibus, in signum nempe obsequii, tradidissent; nec denique lectum mihi, provinciis vel urbibus ejusmodi vexilla fuisse, nisi attribuenda sint cohortibus, quæ in urbibus, quo coloniae deducebantur, antea ex civibus fuerant conscriptæ, vel collegiis & corporibus, quæ vexilla sua, Romæ saltem, habuisse patet ex Treb. Poll. in Gall. cap. 8. & Vopisc. in Aur. cap. 34. & in quibus forte depicti erant Dii, illorum Collegiorum præsides; quod si nobis pateret, & patuisset utique, si fidem suam magnus Salmasius liberasset, non longe origo quærenda foret moris, qui hodie etiam nunc apud pontificios in corporibus artificum, & aliis Collegiis obtinet: sed hæc non sunt hujus loci.

Si igitur libera Rep. socii vel auxilia, atque adeo cohortes legionariæ & emeriti vexilla sua habuerunt, non video, quomodo Romani dici possint, illa a barbaris sumptisse; jam tot sunt auctores, qui illud docent, memorantque *vexillarios*, *vexillationes*, & *vexilla*, ut ne dubitandum quidem esse mihi videatur. Et hæc sunt rationes, quæ mihi persuadent, Romanos diu ante Constantinum, & quidem libera Republ. ejusmodi vexilla vel labara habuisse, quæ si tibi placebunt, erit certe, quod serium in modum læter, sin minus, meliora doceri cupio. Sed jam ad alia argumenta, ex nummis scilicet & monumentis vestustis desumpta transgrediar, atque inde rem hanc confici posse confido. In nummo Gentis Caniniæ apud Ursinum, cernitur hinc CAESAR AVGVST. inde barbarus genu flexo ejusmodi vexillum protendens, & recte putat vir doctus, ænigma hoc pertinere ad signa a Parthis per Augustum recepta; quia in simili Gentis Petroniæ nummo, alisque apud Goltzium T. 37. similis fere figura depingitur, addita Inf. CAESAR. AVGVSTVS. SIGN. REC. & fallor, aut hoc signum vel vexillum est, quod Crassus fieri jussit contra Parthos expeditionem suscipiens, quodque ita describit Dion Cassius: *Ἐνὲρον δὲ τῶν, ἢ τ. λ. Vexillum quoddam ex illis magnis, quæ velorum sunt similia, quæ purpureas litteras inscriptas habent, ad indicandum exercitum & exercitus summum Imp. in fluvium e ponte inversum decedit. Habes vexillum, habes inscriptum*

nomen Imperatoris vel Ducis, & quidem libera Rep. quomodo postea ejusmodi vexillis nomina Augustorum inscribebantur; ita Dio narrat, milites Verginium Rufum appellasse *Cæsarem & Augustum*, cumque illud non admitteret, unum eorum signo vel vexillo nomina illa inscripsisse; & Sueton. in Vespas. *nomen ejus vexillis omnibus sine mora inscriptum fuisse*, uti Lipsius annotavit; & sic apud Tac. 2. H. 86. legimus, *lacerata fuisse vexilla, nomen Vitellii præferentia*; unde utique patet, illa textilia fuisse, quia alii materiæ non convenit *lacerare*. Idem vir doctiss. non absque ratione putat, vexillum illud Crassi non fuisse ex vulgaribus, sed potius Imperatorium, quod posterior ætas *Labarum* dixit; & cum plura signa, atque inter ea *aquilas* Parthi ceperint & reddiderint, uti vel patet ex Dione p. 525. credibile est, vexillum hoc primarium, in nummis ut captum & redditum etiam depingi, quanquam suam *Aquilam* etiam gestari a Marte, eandemque cerni in alio Augusti nummo una cum vexillo, addita Insc. SIGNIS RECEPTIS.

Trajanus Imp. in columna sua circumdatur sæpe ejusmodi vexillis, uti patet ex Tab. 5. 6. 32. 36. 91. 96. & quidem tab. 32. 77. 80. & 103. illud expansum est super aquilas, sique bene considerares has picturas, videbis nonnulla illorum vexillorum similia esse illi, quod fieri jusserat Crassus, nempe *velorum* similia; vel, ut Dio loquitur, *σημεῖον δὲ τοῦ μεγάλου τοῖς ἰσίοις ἐοικότερον*; & forte tale vel aliud vexillum captum Dacus supplex Imperatori reddit tab. 56. nisi putes eum vexillum aliquod gentis suæ adferre, & submittere; nam Dacis similia vexilla fuisse persuasum habeo, non secus ac aliis nationibus barbaris. Notandum autem, Trajanum jam ejusmodi vexillis circumdari, cum susceperet expeditionem, & proinde tunc eorum usum a barbaris Romanos accipere non potuisse, maxime cum & miles vel Mars diu ante in Augusti nummo apud Patin. p. 28. ejusmodi vexillum teneat, addita Inscr. PRO. SAL. ET. RED. I. O. M. SACR. VOT. P. SVSC.

Quin & in Admirandis Rom. Antiq. vestigiis, editis a Bellorio, Trajanus non aliis vexillis cingitur tab. 16. 17. 18. 21. nec M. Antoninus 32. 33. non secus ac in Columna hic sua tab. 7. 16. 11. 16. 25. 26. 31. 35. 36. 37. 41. 50. 51. 53. 56. 58. 62. 65. 70. 73. & notandum quidem equitem etiam cerni tab. 51. ejusmodi vexillum gestantem, cum reliqui omnes in iis monumentis depicti vexilliferi pedites sint, & tab. 52. Germanos etiam equites vexilla manibus tenere; quos putat Bellorius, auxiliares copias Antonini fuisse, quia Capitol. narrat, *eum emisse Germanorum auxilia contra Germanos*.

In arcu præterea L. Sept. Severi eadem vexilla conspiciuntur, non secus ac in alio, qui in foro boario exstat; & multa tandem hodie exornant arcum Constant. M. sed, quod notandum, sumptæ illæ statuæ sunt ex arcu Trajani, uti recte observatum viris doctis, & ex ipso adpectu patet satis superque, & ipse Constantinus circum se habet bina ejusmodi vexilla, postquam victo Maxentio Romanos alloquitur.

Ut igitur antea Imp. nomina vel uni, vel pluribus, vel omnibus vexillis inscribebantur, ita Constantinus Christi D. N. monogramma iisdem inscripsit; id quod tamen num ipsi vexillo vel velo, quod a transverso hastæ ligno dependebat, tunc victo statim Maxentio inditum sit, valde dubito; cum quia Lactantius scribit, eum notasse *Christum in scutis*; tum quia Euseb. 1. 31. de Vita Constant. tradit, in hastæ summitate coronam ex auro & gemmis fuisse contextam, inque ejus medio salutare signum, & ex antenna, vel ligno hastæ obliquo velum depen-

disse purpureum, gemmis & auro exornatum, quale fere labarum cernitur in Constant. numismate, cui inscribitur SPES PVBLICA apud Ducangium; sed miror illud utique non depingi in arcu Constantini, cujus magna pars sculpta fuit tunc temporis, & quidem cum labara bina, sed in quorum summitatibus crux non apparet, a tergo illius P. R. alloquentis victo Maxentio repræsententur: unde existimo sculpturam hanc a manu artificum ethnicorum esse, idque eo magis quia Christiani illo sæculo hanc artem damnabant.

Neque tamen puto solis Romanis, vel sociis eorum, Italici hæc vexilla propria fuisse, nam & aliæ eæque barbaræ nationes iis usæ sunt; ita illud conspicio inter Germanorum arma in nummo Augusti, cui inscribitur, DE GERMANIS; in basi itidem Col. Trajani, ubi arma Dacorum depicta sunt; & forte Dacus tab. 56. gentis suæ vexilla supplex offert Imp. maxime cum & dracones adferantur; quomodo etiam putat Bellorius in Col. Anton. Vexilliferum, cæterosq; majores natu Germanos, cum mulieribus captivos duci: sed in tropæis de Dacis, quæ in Trajani nummis depicta sunt, nullum tale vexillum deprehendo. Sic & Persis eadem tribuit Flor. 3. 11. *Itaque vix dum venerat Carræ, quum undique profecti Regis Sillaces & Surenas ostendere signa auro sericisque vexillis vibrantia*: recte Berneg. carpit Barthium, qui in notis ad Nemes. Cyn. p. 257. existimat, alluisse Florum ad morem Romanorum; sed male idem statuit, Romanos ante cognitos Parthos iis usos esse. Ut autem Persarum vexilla ex auro & serico, vel purpura erant, ita & Romanorum; uti patet, ex vexillo Crassi & Labaro Constantini, nec non ex Nemesiano, qui de Caro & Carino in Cyneg. canit:

Aurea purpureo longe radiantia velo

Signa micant, sinuatque truces levis aura dracones.

Ita in vita Gordiani legitur Mauritius quidam loquutus esse c. 8. *sublata de vexillis purpura Imp. eos dicemus, adhibitisque insignibus Romano jure (more) firmabimus*; & Setvanus apud A. Mar. 15. 5. *cultu purpureo a draconum & vexillorum insignibus abstracto ad culmen imperiale surrexit*; tandemque Cedr. vexilla scribit esse, *παπατερισματα ἐν πορφυρᾷ καὶ χρυσῇ εἰς τὰ δάκρυον σχῆμα πεποιµένα*. Nescio autem, unde hauserit Bellorius quæ scribit ad tab. 6. Col. Trajani; *Due Labari l'uno di Trajano, l'altro di Lucio prefetto*; il Labaro dell' Imp. era d'oro, del Senato d'argento, del Capitano rosso, dell'armata di Mare ceruleo; additurque, *l'insegna chiamata Labara, non fu ne' tempi di Trajano, ma di Constantino, prima dicevasi vexillum & vexilliferi gli Alfieri*, hoc ultimum quidem optime sese habet, si nomen spectes, sed auctorem prioris integræ notæ quero, quamquam facile crediderim vexilla, quæ cum Imp. erant, magis ornata fuisse quam alia, licet omnia potuerint esse purpurea.

Sed ut ad nummos a Vaillantio editos redeam, video p. 13. depingi aquilam, & ab utroque latere bina signa, quibus singulis affixa sunt bina vexilla, addita Insc. LEG. VI. putoque ea omnia esse legionis illius signa, & in nummo exhiberi, quia veterani & emeriti ex ea erant deducti; p. 28. 29. vexillum basi est impositum, sub quo scilicet veterani erant deducti Cæsar-Augustam, ut in altero simile vexillum, atque utroque a latere bini clypei hastis affixi, unde puto erroris convinci posse Seguinum, qui pag. 119. Sel. Num. & ultimo sese putat in ejusdem Col. nummo repperisse manipulos scæneos, vel stramineos, signa manipulorum primis Reip. tem-

porib. cum sint clypei vel votivi; vel nomine Imper. inscripti.

Atque ita explicari debere alios ejusdem farinae nummos existimo; quorum in uno p. 54. cernitur aquila vexillum; & bina alia signa, quorum vexillum itidem pertinet ad deductos colonos, aquila ad legionem, ex qua deducti; non secus ac alia signa. Et si vexillum illud foret urbis vel provinciae, in quas coloni mittebantur, uti existimas, vir praestantissime, non video utique; quomodo illi inscribi possit nomen legionis; id quod tamen factum esse ex nummis variis apud Vaill. patet tom. 2. p. 22. 37. 87. 97. 127. &c. nec dubito; quin illud factum sit, quia illo sub signo veterani legionum illarum deducti sunt in colonias. Sic nullam aliam rationem video, quare cum colono IV. vexilla depingantur in nummis Prolemaidis T. I. p. 161. 181. 231. T. 2. p. 83. &c. quam quia ex tot legionibus coloni deducti; & si talia vexilla fuissent urbium, in quas coloniae missae, initio quidem videntur in nummis potuisse depingi, sed non sub aliis seqq. Imp. Hinc & colonus agens boves vexillum illud tenet p. 194. 203. 209. & 313. T. 2. & repraesentatur idem pone caput turritum, Genii proculdubio coloniae T. I. p. 216. 233. t. 2. p. 133. vel tenet illud Genius stans p. 272. vel sedens, t. 2. 172. Quin & Genius Provinciae Daciae, vel provincia Dacia modo tenet vexillum, cui inscribitur: D. F. DACIA FELIX: modo bina, in quibus legitur V. & VII. nempe legiones p. 220. 230. 256. 270. 282. 297. &c. quia scil. ex binis illis legionibus in Daciam coloniae erant deductae; hinc & vexillum apponitur lupae lactanti Romulum & Remum t. 2. p. 146.

Illud autem etiam notandum, non modo in Coloniatarum nummis vexilla simplicia, ut sic loquar, id est vela, quae e ligno transverso hastae dependent, conspici, verum eadem affigi aliis signis, ut p. 159. 177. 183. 203. & T. 2. pag. 158. idem vexillum infra aquilam suspendi, tom. 1. 224. 229. 276. 287. 308. vel etiam supra eam, t. 2. 133. adeo ut de ejusmodi etiam signis vexilla purpurea potuerint divelli, quando Africani Gordianum Imp. fecerunt; & vexillum toties simpliciter hastae affixum, & in Coloniatarum nummis obvium significaverit, Coloniam sub eo deductam, & deductos sub eo ante fuisse habitos.

Interdum bina vexilla in Coloniatarum nummis pinguntur; ad significandum, binas Colonias unam in urbem deductas esse; uti in nummo Philippi senioris t. 2. p. 238. ubi duo milites illa tenent, addita Inf. LEG. VIII. AVG. V. MACED. COL. HEL. id est, Heliopolis, id quod caeteroquin per binas aquilas denotabatur, uti patet ex nummo Augusti, Beryti percusso t. 1. p. 15. in quo etiam leguntur nomina legionum V. & VIII. cujus rei rationem dat Vaillantius; atque ita binas aquilas videre licet t. 1. p. 145. 155. 213. t. 2. p. 321. quomodo tamen in Tiberii nummis explicandus sit, examinandum amplius est; uti etiam cur in aliis nummis in medio posita sit aquila, & a lateribus duo signa ex more ornata clypeis aliisve rebus, quorum summitatibus etiam aquilae insistant t. 2. p. 38. & tria similia signa, quibus similiter aquilae insident, & quorum in infima fere parte vexilla sunt, aquilis itidem ornata, quo aenigmate tamen Vaill. putat denotari, ex legione tertia Parthica Coloniam missam esse Sidonem ab Heliogabalo; id quod certe ex alio ejusdem Principis nummo patet p. eadem, cujusque in altero p. seq. etiam aquila legionis cernitur.

Harduinus pag. 38. Antirrhethici putat Colonias & Municipiis datum esse jus legionis, id est, ut in legione Rom. pariter ac cives R. non in auxiliis, ut focii, stipendia mererent, & ideo nomina legionum, in quibus stipendia coloni municipesve face-

rent, Hispaniensium nummis fuisse insculpta; idemque mox tradit de coloniis Narbonensis Galliae; ut *Secundanis*. Develt Thraciae quae tamen mihi non probantur; & alio tempore examinanda sunt; id quod me facturum recipio, si modo per negotia liceat, propediem. Illud tantum dicam, me nunquam observasse Secundanus &c. usurpari de iis, qui jus habebant in secunda legione militandi, sed de militibus ipsis; & ita apud Tac. *Quintani, Secundani, Quartadecimani, Primani*, alique occurrunt, de militibus, qui reipsa in iis legionibus militabant.

Et quanquam Harduini illa rejiciant plane meas, aliorumque explicationes, tamen bene se habet, quod hoc non ad omnes colonias extendat; quod si faceret, interrogarem virum eruditum, in quibus legionibus militare deberent Coloniae, quarum in nummis legionum nomina non leguntur; quales complures esse ex p. 11. 221. 272. plurimisque aliis patet; & in quibus saepissime etiam signa militaria depicta sunt. Sed de his, ut dixi alias, & puto non melioris notae haec esse, quam quae p. 134. & seqq. idem Jesuita notat, colonias Romanas & municipia, quae habebant insculptam lupam cum Romulo & Remo, fuisse colonias Romanas & municipia civium Romanorum, illas vero, quae erant Juris Italici, habuisse pro insigni *suam*; nam hoc solide refellitur a perillustis atque excellentis dignitatis & doctrinae viro Ezech. Spanhemio non modo in notis ad orat. I. Juliani p. 34. verum etiam in Exercit. II. ad Constitutionem Antonini.

Celeberrimus, & uti me doces, *ὁ παναπλὸς* Wagenfeilius ad me misit Noribergam suam, sed quid de corona Caroli Magni dicam, non habeo; nisi quod videam illas, quae in nummis apud Stradam pinguntur, non respondere plane Noribergensi, & diversa plane Caroli M. statuae caput cingi apud Tristan. in tractatu, cui titulum fecit, *Traité du lis, symbole divin de l'esperance*.

Nunc ad alteram epistolam venio, quam misisti xvii. Apr. quaeque multa me laetitia perfudit, tum quia inde singulari animi mei cum voluptate cognosco, litteras meas tibi non displicere, cum quia paucula illa placent, quae illustrando rariss. Constantini nummo subministravi; & probas insuper consilium meum de litteris nostris *αποστέλλειν* non edendis.

Doleo autem, epistolarum mearum nonnullas male curari; & ex unius exemplo discas, me respondisse ad ea, quae de Rudbeckio ad me miserat. Dissert. tuam de Bracteatis cupio equidem videre, E binos nuper integerrimos nactus sum, sed nulla inscriptio iis indita est. Ego sanitati redditus sum, & nisi negotia publica me totum sibi vindicarent, Elephas meus absolutus foret, quem, praescine dixerim, haud vulgarem in modum ornavi. Ut tamen nunc aliquid eruditis litteris tuis reponam, doce me quaeso, an non in nummo apud Seguinum ex SENTIAM. faciundum sit, SENTIA M. i. e. *Mater*, quam deam nosti laudari Augustino 4. II. de Civ. Dei; certe una littera in nummis denotat saepissime vocem integram, & ita in nummo Neronis apud Vaillant. ARMENIAC. mihi est, ARMENIA C. *Capta*, vel an Deae nomen illius sit in accusativo casu positum, quomodo JVNONEM & alia in iisdem monumentis legimus; praeterea an Inf. nummi Hadriani apud Vaill. t. 1. Col. 228. LEG. H. COL. H. explicari debeat, *Legio Heliopolis, Colonia Heliopolis*, mihi enim ejusmodi legio nullibi observata, & ab hoc plane a consuetudine Rom. licet si Scaligerum, at quantum virum! sequimur, apud Gruterum 8. CCCCXVI. memoretur LEGIO HON. ET. VIRTUTIS, & 8. DXXIV. LEGIO SEII; ubi tamen scribi in ipso la-

pide video SEP. i. e. *septima*; & alter lapis male, si A
quid video, descriptus sit; sed prolixus nimis, ti-
bique incommodus sum. Vale & libertati veniam
da. $\frac{1}{2}$ Jun. 1700.

XLIII.

Amplissimo & Excellentissimo Viro

G I S B. C U P E R O

S. P. D.

O T T O S P E R L I N G I U S .

B Elgæ Tui, homines qui nunc orbis imperium
affectare videntur, pacis & belli arbitria in
Reges & Regna sibi sumunt, successiones,
hæreditates & testamenta Regum evertunt, Re-
gibus jura sua eripiunt, quia non intelligunt, quæ
exteriorum sunt, sed in mores ac rationes suas om-
nia illa torquere & cogere student, cum vix fa-
tis sapiant in iis, quæ domi suæ sunt agenda, præ-
textu pacis bella ferunt, excitant inimicitias, si-
multates alunt, suo malo tandem, nisi me fallunt
omnia; illi Tui Belgæ nobis etiam hætenus incu-
buerunt, ut infensissimi hostes terra marique, sine
causa contra fidem datam commercia turbarunt ho-
rum locorum omnia, etiam literaria: quæ causa
est cur ad eruditissimas & amicissimas Tuas $\frac{1}{4}$ Junii
hoc anno datas & ad me perlatas, haud prius res-
pondere potuerim, licet maxime voluerim; ita nos
obsessos cum Suecis & Anglis Belgæ Tui nulla cum
glorja tenuerunt, a quibus jam liberati, iniquis
conditionibus prout volebant, Suecis faventes &
Holsatis, tandem calamum arripio, Tibique, Vir
summe, grates immensas debeo, quod de vexillis
Romanorum tam prolixè, tam erudite me docere
volueris. Sed aut non intellexisti mentem meam,
aut ego non satis explicite rem istam proposui. Vi-
deo enim me nimis generaliter & *ἐν πλάτῃ* in prio-
ribus ista suggessisse, ne prolixus essem. Sed nunc
non epistolam, sed volumen me scribere cogis, si
tuis omnibus allatis respondere debeo. Neque enim
hæc mens unquam mihi fuit, quasi ante Constanti-
num M. hæc vexilla Romanis non in usu fuerint,
cum vexilla legionum ipsarum toties legantur in
Scriptoribus, vexilla templorum, vexilla Collegio-
rum, & quæ non? sed eo mihi tendunt omnia,
ista vexilla quæ vela sunt, & *fasuan* Germanis di-
cuntur, non esse propria Romanorum inventa,
sed a barbaris & peregrinis adscita: aut originem
vexillorum istorum a barbaris petendam unde Ro-
mani hauserunt, & in suos usus tandem transule-
runt. Sub primis Imperatoribus vexilla quidem ta-
lia apparent, sed ita, ut peregrinitatem suam o-
stendant ubique; nam aut a Germanis aut Panno-
niis aut Dacis &c. devictis producantur, cum illo-
rum trophæis & spoliis, quæ Romanorum fuisse
propria nequaquam dicere licet. Libera Republ.
hoc est ante Julium & Augustum Imperatores *Vexil-*
larios ullos vocatos esse in legionibus nondum ani-
madverti. Dicebantur enim illi non vexillarii tunc,
sed Triarii, dum stetit Respublica, postea vexilla-
rii dicti, illi veterani aut alii, qui sub vexillo in le-
gione habebantur, separati veluti a signis, quod
immunes essent ab omnibus, nec nisi propulsandi
hostis causa cum legionibus ire cogebantur. Hinc
Livius l. 8. Triarios adhuc nominat, quos Tacitus
vexillarios & vexillationes vocavit, & alii quoque
Scriptores, qui Triariorum nomen subticent. Li-
vius vexillum tamen Triariis istis attribuit, quod
ejus ætate jam sub vexillo tenerentur, quod pro-

culdubio Augustus sic constituerit: *Primum*, ait,
vexillum Triarios habuit, veteranum militem spe-
ctata virtutis. Polybius autem vexillarios nesci-
vit, nec unquam nominat, sed semper Triarios,
quod tunc sub vexillo non starent, sed sub alio si-
gno. Hinc etiam esse puto, quod tria signa in num-
mis appareant legiones designantia, earumque
Principes, Hastatos & Triarios; ita ut ab Augusto
primum post tot barbaros debellatos vexilla primum
Romanis aliquem usum præbuisse in legionibus,
Augusto ita volente, certum esse credam. Pederen-
tim eorum major usus majorque invaluit, sub se-
quentibus Imperatoribus donec sub Constantino,
& post eum, rarius signa Romana in exercitu ap-
parent, sed potius vexilla, quorum nobilissimum
erat illud & princeps, quod cum signo crucis præ-
ibat, & præcellebat, donec tandem signa cætera
Romana veluti abolita plane vexillis cederent, ut
nummi ostendunt: quæ causa mihi fuit, cur a Con-
stantino verum usum vexillorum increbuisse, & in
hunc usq; diem in omnibus exercitibus usum suum
ostendere, scripserim.

Nam quæ ante Constantinum fuerunt vexilla ita
fuerunt Romana, ut semper aut signi formam aut
notam aliquam peregrinitatis externæ retinerent.
Nam illa ipsa vexilla legionum veteranis ideo da-
ri cœpisse judico, quod a corpore legionum illo di-
stingerentur, quasi non amplius ad legiones per-
tinerent, sed sui juris essent facti, precario dumta-
xat legiones observantes, & ad summa pericula,
prout olim, quando ad Triarios res rediit, servati,
ita quoque post eos vexillarii, si modo illa vexilla
Vexilliariorum in legionibus vexilla vela fuerint,
de quibus adhuc dubito.

Cum omnia illa signa, quæ extra exercitum fue-
runt, signa Romanis dicta non fuerint, sed vexil-
la semper, licet signorum figuram habuerint, ut
erant vexilla Collegiorum, quæ num signa fuerint,
vel vexilla vela, nemo facile mihi expediat; quis
enim illa vidit? aut in quibus monumentis illa sunt
expressa?

Vexilla tamen dicta sunt, quod extra militiam
haberentur, quæ sola sub signis stabat. Sic quo-
que Vexillarii isti legionum, licet signum proprium
haberent, quia tamen separati erant & emeriti,
non sub signis, sed sub vexillis dicebantur esse.

Ita quoque illi, qui vexillis donabantur, licet
illa vexilla signorum figuram haberent, vexillis ta-
men donati dicebantur. Bis in Inscriptionibus
Gruterianis hæc vexilla, quibus donabantur bene-
meriti, sunt expressa: semel Inscr. 2. pag. 358. ubi
L. ANTONIVS. L. F. FAB. QVADRATVS. DO-
NATVS. TORQVIBVS ET ARMILLIS AB TI.
CAESARE BIS. In altero latere LEG. XX. & cœ-
lati exstant in lapide tam armillæ, quam torques,
sed inter illa medium est vexillum, quo etiam do-
natus fuit, quamvis in Inscriptione hoc non me-
moretur, sed torques solum, & armillæ. Quia ta-
men vexillum adest, etiam illo donatum L. Anto-
nium Quadratum necesse est dicamus, Inscriptio-
ne licet tacente, & subintelligente. Signis aliquem
donari neminem puto scripisse; at vexillis donari,
obvium est. Illud autem vexillum, quod illic ex-
tat, non est vexillum velum, sed signum tridenti-
ferum, annulis vel imaginibus quinque perticam
circumdans, quorum medius cæteros magnitudi-
ne præcellit. Inscriptio 9. p. 1030. plane ut prior
jam adducta easdem habet armillas, eosdem tor-
ques, & vexillum in medio positum tridentiferum
sine velo aliquo, tribus circulis distinctum aut ima-
ginibus, quorum inferior major est medio, medius
major supremo. In sinistro vexilli latere inscriptum
est L. GELLIVS. OV. VARVS VETER. LEG.
XIII. GEMINAE, qui is erat, qui donatus erat

hoc vexillo, his armillis & his torquibus. Quid nunc tibi videtur, Vir Ampliff. de his vexillis, quæ signa sunt Romanorum, non vela? & tamen vexilla dicta sunt, quod extra militiam & legiones, aut etiam ad legionem adhuc constituto Veterano donatum sit, ut Inscriptio docet. Nihil sane aliud ex illis elici potest, quam signa talia peculiariter donata vexilla dicta esse, nec pro signis militaribus habita, licet signi figuram præferrent. Ita quoque interpretor quatuor illa vexilla bicolora, quæ Valerianus Imp. Aureliano Duci suo, cum aliis ornamentis, coronis muralibus, vallaribus, navalibus, civicisque, hastis puris &c. pro rebus bene gestis donavit. Illa enim vexilla, non vela fuisse statuo, sed signorum figuram prætulisse, binis coloribus distinctorum, ad exemplum cœlaturæ jam adductæ apud Gruterum; ita ut vexillarios, aut veteranos in legione sub signo suo proprio militasse, dicendum sit: quod tamen signum dici non debuit, sed vexillum, quoniam veterani retenti apud legiones non amplius sub signis stabant, sed sub vexillis propriis, signi formam plane referentibus, non vero velorum. De vexillis templorum, quamvis nec illa, qualia fuerint, ullibi memorata sint, facilius tamen vexilla vela fuisse concedam, quod ab hostibus barbaris & exteris capta, in templis illa suspendere solerent redeuntes Imperatores & Duces, indeque Pontifices & Sacerdotes illa depromebant, quoties ad pompam Imperatoris illustrandam cum iis procedere jubebantur. Addam adhuc de vexillis, quæ Imperatoribus ipsis donari solebant a provinciis & civitatibus, & Cæsaribus eorum, Principibus Juventutis. Nam & illa vela non fuerunt, sed signis Romanis simillima, vexilla tamen dicta, quod signis non annumerarentur extra militiam data honoris causa. Sic enim loquitur Trebellius Pollio in Claudio: *Omnes ordines, omnis ætas, omnis civitas statuis, vexillis, coronis, fanis, templis honoraverunt*.

At inspiciantur nummi, ubi sæpe PRINCIPES IVVENTVTIS salutantur Imperatorum Augustorum filii, inter vexilla hæc donata constituti: nunquam vexilla vela reperies, sed signa militaria Romana imaginibus Cæsarum aliisque ornamentis conspicua, non tamen signa dicta, sed vexilla. Nummus Diadumeniani inter Arsichotanos 6. tab. 55. Diadumenianum habet capite nudo, cum Inscr. M. OPEL. ANT. DIADV MENIAN. CAES. In averfa Princeps ipse dextra vexillum militaribus signis simile tenet, & a tergo duo fixa stant similia cum inscript. PRINC. IVVENTVTIS. Nummus Heliogabali apud Hemelarium tab. 37. triremim habet sex remis instructam & gubernaculo, fedentque septem remiges illos trahentes. Imperator sedet in puppi & post ipsum signum aquilæ, sed in media navi vexillum velum erectum, malo navis deposito. Hæc aquila & hoc vexillum nihil aliud significat, quam & Prætoris cohortibus Imperatorem cinctum, & auxiliariis navigasse. Nec aliter Maximus Cæsar Maximini filius. Caput ipsi nudum MAXIMVS CAES. GERM. In averfa Princeps idem stans, pone se vexilla duo posita habet signis similia, apice singulari, & ab aliis signis distincto. Inscriptio est, PRINC. IVVENTVTIS. Vexilla donata, quibus hic princeps honoratus est, talia fuisse, prout illic exhibentur, negare vix licebit. Nummus Imp. Aug. M. Jul. Philippi junioris idem testatur tab. 58. n. 2 r. Caput Imperatoris est laureatum IMP. M. IVL. PHILIPPVS AVG. Averfa habet Principem capite nudo stantem, sinistra orbem tenentem, dextra hastam.

A tergo ejus stat alius cum hasta pura. Inscr. PRINCIPES IVVENTVTIS. Nummus 13. tab. 59. nobis Cæsa rem C. Valentem Hostilianum, De-

icii filium, ostendit, cui caput radiatum, C. VALENS HOSTIL. MES. QVINTVS N. C. Averfa Principem habet capite nudo, dextra signum militare, sinistra hastam prehensens, PRINCIPES IVVENTVTIS. Cur inter tot vexilla donata, nulla vexilla vela? Egregius quoque est nummus Liciniorum 19. tab. 65. ubi primo Licinii Senioris caput laureatum IMP. LICINIVS AVG. In averfa Licinius Junior stans dextra vexillum tenet purum, nihil nisi signum Romanorum referens, in cujus apice orbis *valonov*, ut vocat Dio, testis, sinistra hastam puram gestans. A tergo duo vexilla cum imaginibus, & orbibus in apice. Inscriptum PRINCIPES IVVENTVTIS: infra TR. significans Treverenses his vexillis donasse & honorasse Cæsarem Principem juventutis. Et multa reperies signa talia his domunculis circa apicem inclusa, ut in nummo Constantini Junioris 4. tab. 66. ubi eadem figura, eadem Inscriptio, quæ in nummo Licinii. Et in nummo Constantii ead. tab. n. 18. caput Constantii laureatum cum Inscriptioe FL. IVL. CON. STANTIVS NOB. C. In averfa idem stat capite nudo, dextra tenet vexillum donatum, signi formam, non veli, in cujus apice orbis cum *valonov*, supra *valonov* seu domunculam aquila alis sublati: perticam ipsam multi clypei seu imagines ordine vestiunt. A tergo ipsius simile vexillum cum eodem *valonov*, in quo orbis circa apicem perticæ, sed manus veluti ad jurandum & fidem dandam, digitis, pollice & indice, porrectis, supereminet: infra SIRM. in circuitu nummi inscriptum: PRINCIPES IVVENTVTIS, & significat Sirmiensis Cæsarem Constantium his vexillis signorum more fabricatis donasse. Apud Hemelarium tab. 52. Delmatii nummus cum iisdem signis & *valonov*, sed & Inscript. eadem: PRINCIPES IVVENTVTIS. infra TR. a Treverensibus Delmatia donata vexilla. Idem Hemelarius tab. 55. ad Constantis Imperatoris nummum aureum prodidit tab. 55. ubi duo milites galeati hastati, sed hastis inversis & scutis innixi altera manu medium habent vexillum, imaginibus tribus ornatum & in veli medio litera M. inferius R. P. in circuitu GLORIA EXERCITVS: quod interpretatur ille, & ait milites illos legionarios esse ex hastatis. Ego vero ex cohortibus auxiliariis propter vexillum illud adstans judico fuisse, & quidem ex vexillis primariis, quibus concessum imagines Imperatorum perticis conjungere, quod sane non licebat omnibus, unde rarissime talia vexilla imaginata occurrunt. Et si per lit. M. Millenaria cohors indicetur seu alia nominis magni, illam cohortem GLORIAM EXERCITVS fuisse appellatam, non dubito. Nam si legionarii fuissent, qui in hoc nummo conspiciuntur milites, non vexillum, sed Aquilæ signum puto poni debuisset ad illos indicandos. Ita nec per literam M. ut vult Hemelarius, Constantinum M. significari facile mihi persuadeo, nec per R. P. Romanam pecuniam, sed illam cohortem auxilariam Macedonicam Millenariam fuisse GLORIAM EXERCITVS ROMANI POPVLI. Ex quibus, qualia fuerint vexilla, quibus Imperatores quoque donabantur, judicare licet, neque permovent, ut vexilla donata, vexilla Collegiorum, vexilla legionum, & si quæ sunt alia extra militiam, signorum formam habuisse credam, vexilla tamen dicta, & vexillarii, qui sub illis vexillis tenebantur, quod non amplius sub signis legionum militarent, sed immunes plane viverent.

Nihil sane notius est, quam Imperatores electos signis & vexillis cinctos prodisse. Rarissime tamen apparent nisi signa. C. Caligulæ nummus 2. tab. 18. inter Arsichotanos, quatuor Aquiliferos ante suggestum Imperatoris stantes, quatuor aquilas perticis summis gestantes, & imagines etiam additas habentes

bentes præfert. Imperator in suggestu stat, fel-
lam curulem pone se positam habet, infra
ADLOC. COH. In Neronis tamen nummo 18.
tab. 21. Vexillum velum altissimum præfiguratum
extat primo loco, quod sequitur alterum minori
longitudine in apice manum juratam habens: ter-
tius miles adstat sine signo vel vexillo. Impera-
tor vero in suggestu cum Tribuno pone se stans
alloquitur, inferius adscriptum ADLOC. COH.
Primus nummus qui vexillum velum ostendit in
comitatu Imperatoris. Exstat itidem num. 22.
nummus Galbæ, in cuius averfa sex homines
colloquentes, eminent aquilæ signum, signum
cum manu, vexillum cum velo, & hastæ aliquot,
nihil inscriptum habet nisi infra S. C. In Num-
mo Domitiani 19. tab. 31. Imperator togatus ad
aram accensam stans manum porrigit tribuno e
regione stanti cum binis militibus, quorum alter
signum cum corona, alter hastam tenet: adscri-
ptum FIDES EXERCITVVM, infra S. C. Toti
exercitus præfigurantur, adfunt signa milita-
ria, cur defunt vexilla? In nummo Trajani
19. tab. 33. Imperator sedet in suggestu, adstant
ad latus & a tergo duo alii, sed ante suggestum
7. homines militares, unus in equo, nec signum
aliquod, nisi militare unum, nec Inscriptio nisi
S. C. Est tamen Oratio ad milites habita, & e-
ques præ aliis cum vexillo conspici debebat: nihil
minus hic observatur. Nummus D. Clod. Sept.
Albini Fidem cum duobus signis ostendit stan-
tem, inscribitur FIDES LEGION. COS. II. rur-
sus vexilla vela non videmus. In Traiectu Gor-
diani Aug. 5. milites apparent in triremi n. 20. tab.
57. Sed & Imperator loco Gubernatoris, signum-
que tenet: stans alter simile signum gerit, tertius
vexillum velum protendit, in circuitu, TRAIE-
CTVS AVG. Num dubitare possumus, hoc vexillo
cohortes auxiliares inditari, quæ intra navim
erant cum aliis cohortibus legionariis? Idem
nummus apud Hemelar. tab. 41. exsculptus legi-
tur. Omnia alia monumenta picta aut sculpta
adhibeas licet, paucissima reperies in omnibus
vexilla vela, si cum signis ordinariis Romanis il-
la compares: quod tamen fieri non poterat, si
vexilla cum signis apud Romanos pari passu am-
bulassent. At cum fuerint externa, peregrina,
barbara, auxiliaaria, ipsa temporum ac usus ra-
tio nos docet a Romanis non cœpisse. Hinc
quoque est quod sero vexilli nomen ortum sit,
nec facile vexilla vela reperiantur in nummis
Consularibus, dum stetit Respublica, nisi sub
finem, quando tradi cœpit & subjici Augustis.
At si prius fuissent, cur inter tot nummos, quos
tractamus, nulla saltem se prodiderunt hætenus?

Sed & illa, quæ in coloniis deducendis sæpe
adeo conspiciuntur, expressa, ejus naturæ sunt,
ut ad provincias potius pertinuisse credere de-
beam, quam ad Romanos exercitus. Provinciæ
enim & urbes, ad quas coloniæ mittuntur,
nunquam signa Romana præferunt, sed vexil-
la perpetuo, & in nummis semper sistuntur cum
vexillis talibus. Erant enim regiones barbaricæ
devictæ, in provincias redactæ, ideoque vexil-
lis suis patriis conspicuæ. Signa Romana sæpe
illis mixta videas incedere, ut Romanos illuc
colonias deduxisse sciret posteritas. Quamvis &
vexillarios veteranos deductos in colonias sta-
tuere liceat, quoties hæc vexilla oculis subji-
ciuntur cum coloniarum indiciis, bobus aut ara-
tris. Ego autem magis inclino, ut urbium &
provinciarum vexilla fuisse ista judicem, quæ ho-
noris & devotionis causa occurrerint coloniis
Romanis cum signis venientibus, quoniam ve-

Supplem. Tom. IV.

A xilla non nisi ab urbibus & provinciis exteris
sunt Romanis recepta. Jam, quod Equitibus ve-
xilla hæc vela propria fuissent, volunt docti viri;
si de alariis Equitibus intelligant, quæ auxilia-
riæ fuerunt, facile concedam, de legionariis E-
quitibus non itidem, qui non erant nisi trecenti
in una legione, ex quinque vel sex millibus ho-
minum constante, quibus signa sua fuisse more
Romano facta, quibus distinguebantur ab auxi-
liariis seu alariis, mihi plane persuadeo. Unde
vexillares cohortes, & vexillarii e cohortibus. Ta-
cito l. Hist. 3. dicti, non fuerunt nisi auxilia-
res, sive pedites essent, sive Equites: sed postea
de solis Equitibus auxiliariis *vexillationes* dice-
bantur, ut Vegetius l. 2. cap. 1. tradit. *Equi-
tum alæ dicuntur ab eo, quod ad similitudinem
alarum ab utraque parte protegant acies, quæ
nunc vexillationes vocantur, ab eo, quod velis,
h. e. flammulis utuntur*. Equitibus legionariis &
Romanis non multum studuisse Romanos, satis
liquet, quod trecentos dumtaxat educere sole-
rent initio cum una legione. Quam ob causam
Cedrenus monuit, p. m. 212. de Gallieno, *ἡ
πρὸς ἰππικὰ τὰ γράμματα κατέστησε πρὸς τοὺς
ὅς οἱ στρατιῶται τῶν Ῥωμαίων ὑπάρχοντες*. Inter-
pres turmas Equitum tum primum instituisse vo-
lunt, quod falsum est. Varro enim jam turma-
rum meminit, ita ut ista *τὰ γράμματα ἰππικὰ* alter
apud Cedrenum sint exponenda, de aucta mili-
tia equitatus, alioque ordine & numero inter eos
servando, quam hætenus. Hos trecentos Equites,
quos Livius in singulas legiones assignat, Varro l.
4. de L. L. Turmas vocat, & Turmam factum e-
terma, dicit, *E. in V. abiit, quod terdeni E-
quites ex tribus tribubus Tatiensium, Ramnium
& Lucerum fiebant. Itaque primi singularum
decuriarum Decuriones dicti, qui ab eo in singulis
turmis sunt etiam nunc terni*. Hos, inquam, Equi-
tes e visceribus Romanorum desumptos, legiona-
rios fuisse nemo diffitebitur, puto, & illos sub si-
gnis Romanis eductos, non sub vexillis velis,
judicare nos debere: ipsa ratio Romanorum signo-
rum flagitat. Nemo sane veterum, quod legèrim,
eos sub vexillis velis stetisse in legione, dixit,
adeo ut hæc opinio sit recentiorum scriptorum,
quæ auctoritatem veterum desiderat. Alarios au-
tem Equites & auxiliaarios, ut peregrinæ nationis,
sub talibus vexillis militasse, quæ vela fuerunt,
meam sententiam confirmant, vexilla ista non
a Romanis data, sed ex peregrinis & barbaris
nationibus, quæ omnes fere vexillis velis ute-
bantur, adducta.

E Nunc ad Crassi vexilla, quæ opponis, venien-
dum est mihi, quæ propter Dionis auctoritatem
nemo negabit vexilla vela fuisse; ita enim illa de-
scripsit, ut de aliis intelligere nullo modo possi-
mus. Horum tu stante Republica adhuc usum Ro-
manis fuisse scribis: imo finiente & vacillante
jam Republica inter Pompejum & Cæsarem,
cum quibus vixit hic Crassus, memorata scribe-
re debuisses. Dionis autem verba non eo tendunt,
quasi non alia signa Romana in exercitu isto Craf-
si, quem eduxit contra Parthos, fuerint, sed
quod auxiliares multas habuerit ex Syria & Phœ-
nicia cohortes, quæ simul iverint sub vexillis il-
lis velis suis, constitutæ e tam enormibus, ut ea
amputare & breviora reddere coactus sit, ne
veluti primum tempestate raperentur, & in flu-
men præcipitarentur. Et sane hoc statim indi-
cat, illa vexilla non Romana fuisse, neque e-
nim illa amputasset, tam sacra & religiosa ha-
bita Romanis, ut nihil esset illis venerabilius.
Sed & hæc vexilla monent, non diu Romanis

G

in usu fuisse vexilla, qui nondum illorum casus omnes perdidicerant, & qua longitudine conducere esse. Neque enim tam longa & enormia vexilla post illud tempus ullibi leges, sed breviter omnia, quæ ventis rapi non poterant. Hæ tam cohortes, quam turmæ auxiliaræ, quin sub vexillis velis patriis Crassum secutæ sint, non unquam negavi; nec negabo; erat enim hoc illis proprium, non signa Romana præferre, sed vexilla patriæ, *μεγάλα, πῶς ἰσῆς εἰκόνα, καὶ φοινικὰ γράμματα ἐπ' αὐτῶν πορὶ δόλωσιν τὰς στρατῶν καὶ τὰ στρατηγῶν σφῶν τῷ Αυτοκράτορος ἐχόντα*. Non disputabo, illa φοινικὰ γράμματα, an Dio intellexerit puniceis saltem liberis Latinis vel Græcis hæc vexilla notata fuisse, vel an Phœnicia lingua & literis inscripta fuerint; utrumque enim ex Dionis verbis intelligi potest illa lingua Phœnicia & Imperatorem & alios suos Duces inscriptos habuisse, aut solum puniceis literis Latinis vel Græcis illos in vexillis denotasse, quod peculiare fane fuit Crassi temporibus, nec in aliis vexillis ullis apparet, in nummis qui extant, nisi quod paucissima legionem, quæ in colonias & præsidia deducebatur, etiam inscriptam reperiamus velis istis, quod tamen alia ratione factum alibi docebo prolixius. Nunc saltem monstrare sufficit, illa vexilla vela fuisse auxiliaria, non vero legionaria. Nam paulo ante hanc vexillorum mentionem etiam Dio signorum & Aquilarum meminit, quæ cum eo ducebantur: *τῶν ἐν τῷ αἰσῶν εἰς ἐν ἡθύνοντων ὁρῶντων αὐτῶν τῶν συνδεδωμένων, ἀλλὰ ἐν τῇ γῇ ἐνέσχετο, ὡς περὶ ἐμπερικυκλῶν*. Atque hæc illa sunt signa Romana, quæ Crasso victo in Parthorum potestatem venerunt, & postmodum Augustus ab iis recepit; nec de vexillis captis ulla Imperatori cura fuit, sed de signis solum quæ Romanæ gentis, & Romanarum legionum fuerunt, unde nec de VEXILLIS RECEPTIS ulli nummi memorant, sed de SIGNIS RECEPTIS solum docent, & signa, non vexilla, in nummis prostant ubique; adeo ut nummus ille cum Partho in genibus, qui sæpius occurrit cum signo Romano protenso, cui vexillum aliquod alligatum umbram facit, a Romanis quidem cusus sit, quod Parthus ita signa reddiderit, se suæque omnia simul dedens, dum vexillo Parthicæ gentis alligato devotionem & venerationem in Augustum testari voluit. Hæc causa omnino vexilli appensi in isto signo. Nam in pluribus nummis Augusti ista SIGNA A PARTHIS RECEPTA ponuntur & exprimuntur sine vexillo aliquo seu velo, prout signa Romanorum ubique prostant sine velo aliquo, nisi quandoque in inferiore parte signi addita fuisse velis, ubi sculptores nummorum ejusmodi vexilla expresserunt, quæ forsitan vexilla non fuerunt, sed tabellæ, quibus nomina Ducum aut legionum inscribebantur. Quotquot ego vidi nummos tales hæctenus, tabellæ magis mihi visæ sunt quam vexilla. Nec aliter Domitiani nummus, tam inter Hemelarii quam Arschorani nummos, intelligendus, qui a Sarmatis signa recepit, ubi quoque Sarmata nudo capite signum Romanum tali velo appenso reddit, cui nihil adscriptum nisi COS. V. sed ex alio nummo Arschorano 22. tab. 31. idem Sarmata & ante genu flexo signum reddit cum eodem velo vel vexillo appenso, signo deditiois & venerationis suæ, & expressum habet SIGNIS A SARMATIS RECEPT. Neque enim unum illud solum reddidit, sed omnia Romana quæ ceperat, unde non SIGNO, sed SIGNIS inscriptum est: unum

tamen illud cum vexillo suæ devotionis ornatum obtulit, quo omnia reliqua sic reddi devota Numini ac Majestati Imperatoriæ, voluit indicare.

Ter observavi Casarem vexilli voce usum, sed non ipsum velum indicare, verum signum aliquod mihi videtur, & licet vexillum velum intellexisset, facile tamen ex antecedentibus & consequentibus apparet, illud vexillum extra legiones & militiam ordinariam constitutum fuisse. Numquam enim vexilla dixit pluraliter, sed unum tantum vexillum semper nominavit; primum I. 2. B. Gallici dum ait: *Cæsari omnia uno tempore erant agenda: vexillum proponendum, quod erat insigne quum ad arma concurrere oporteret*. Dum ait *insigne* fuisse vexillum hoc, indicat signum fuisse peculiare, a legionibus separatum, ab illorum forma distinctum, non penes milites aut tribunos servatum, sed penes ipsum Imperatorem residens, non vexillum recedens forma a cæteris signis, sed quando ad tentorium Imperatoris proponebatur, milites concurrere debere seque sistere illic, ubi propositum & sublatum erat, indicabatur. Hoc igitur vexillum novo nomine, non signum vocat Cæsar. Eadem ratione I. 3. Bell. Civilis, *toti exercitui imperavit, ne in iussu suo concurreret, sequum id fieri vellet, vexillo signum datum*. Et ne quem lateret, signum illud extolli & proponi, etiam tuba signum addebatur, quo concitari omnes, signum illud sublatum respiciebant, ut scirent quonam concurrere opus esset. Signum fane pugnae præliique veteribus Romanis erat sagum purpureum, quod supra tabernaculum Ducis aut Imperatoris extendebatur, ut omnium oculis subjici posset. Et tam nova erat illa vexilli vox, ut Virgilius in omnibus suis operibus illa voce usus ne semel quidem deprehendatur; signorum tamen sæpius. Nec Ovidium animadverto in suis operibus unquam vexilli vocabulo vel vexillorum usum. Vides ergo talia vexilla, qualia postmodum in usum deducta sunt, veteribus Romanis ignota fuisse. Tertius locus Cæsaris, & vexillum I. 6. B. Gall. legitur, ubi ait novem hostibus oppositas legiones & maximum equitatum, ex quibus *quinque cohortes frumentatum emissæ circiter 300. sub vexillo una mittuntur*. Quis hic vexillum aliter interpretari potest, quam signi formam non veli vexillum illud fuisse, quod quinque cohortes legionum aut trecentos milites legionarios exeuntes frumentatum ducebat? Videmus igitur, hoc vexillum, ubicunque Cæsar illud proponit, unicum fuisse, non plura; signi formam fuisse, vexillum tamen dictum, quod ad signa militiæ ordinaria non spectaret, sed ad signa peculiaria, quæ indicium faciebant concurrendi ad tentorium Ducis, vel in excursibus singularibus, ut sunt ad frumentandum vel aquandum emissæ cohortes sub vexillo, non sub signis ordinariis. Cicero quoque non nisi vexillum dixit, nunquam vexilla, Casarem imitatus, cujus commentarios legit & quidem cum stupore, quod tam nervose & eleganter omnia expresserit.

Imperatores Trajanum & alios circumdari vexillis æque ac signis mihi mirum non videtur, siquidem non solos Romanos, sed & barbaros multos sibi subiectos habebant, qui electis Imperatoribus fidem suam his vexillis patriis missis obstringebant. Et priorum Imperatorum vexilla, quando eligebantur, sequentes successores sua fecerunt, atque cum vexillis pariter signisque Romanis hanc ob causam cingebantur, ita ut nihil exinde concludi

possit, vexilla ista Romanorum fuisse propria, A
sed a barbaris nationibus Imperatores jam agnoscentibus Dominos tradita intelligimus, non ut in militia Romana usitata, sed provinciarum barbararum fidem testantia, & cum his Romanis etiam militancia, quoties requirebantur illorum auxilia. Hinc illa vexilla vela omnia apud Romanos fluxisse omnia commonstrant, quæ in nummis Romanorum aliisque monumentis depicta videmus significandi ergo, quot & quibus provinciis barbaris Romani imperarent. In nummis quidem hæcenus non memini me vidisse Imperatoris nomen inscriptum, sed legionum sæpius in colonias deductarum, quia tamen apud Tacitum exstat, *lacerata fuisse vexilla nomen Vitellii præferentia*, facile id concedere possum vexilla vela fuisse, quæ lacerata sunt, quoniam Vitellius quoque ut barbaris imperans una cum Romanis, illis vexillis æque cinctus fuit, ut signis aliis. Alias lacerari etiam signa poterant & conculcari, ut alibi factum legimus, imaginibus Imperatorum detractis, quæ nomen Imperatoris adscriptum habebant. Sed hæc non tanti sunt, ut disputentur, cum verissimum sit, & signis & vexillis velis Imperatores cinctos ac cultos fuisse ob causam, quam dixi, sive de Germanicis, sive de Dacicis, vel Pannonicis, vel Parthicis, & similibus velimus intelligere, vel de C
Colonis, ubi vexillorum maxima seges & messis occurrat. Nam legiones aut legionum veteranos deductos esse cum vexillis nemo negabit, sed iis vexillis, puto, quæ urbium aut provinciarum fuerunt, in quas deducebantur, quæ postquam traditæ & deditæ fuerunt tutelæ Romanorum, legionum nomen, ex quibus cum signis deducebantur, inscriptum accepisse mihi quidem probatur, at non a Romanis profecta, sed a provinciis & urbibus, quarum præsidia Romanis signis occupabantur, junctis vexillis urbium & provinciarum, quæ sub Romanis protegi debebant, ideoque legionum nomina illis inferi patiebantur, quod illæ tutandas & regendas provincias fusciperent.

Hæc mea quidem sententia est de vexillis coloniarum, quæ magno numero in nummis prostant, quæ inter Romanos parce saltem reperiuntur proposita, ut dubium inde mihi sit ortum, quod vexilla vela apud barbaros omnes reperiā, ad quos Romani acceperunt, apud Romanos vero non nisi propter barbaros, quos sibi subjecerunt, & per colonias magis magisque obstrinxere. Nam quod veteranos significari per vexilla ista iudicas, non E
dum satis liquet, an veterani illi sub vexillis velis steterint, vel sub signis separatis & propriis, prout ante memini me dixisse.

At quod etiam vexillis velis apud Romanos auctoritatem quæras, ex eo, quod purpura ipsis detracta servierit Imperatoribus electis, ut *πορφυρέωντοι* statim viderentur; hoc pace tua dicam, & magni Salmasii, qui omnia vexilla vela Romanorum purpurei coloris fuisse statuit, non ita esse; sed purpuram signis omnibus Imperatoriis & primariis substratam fuisse apicem, & laciniis quibusdam dependisse, nunc longius, nunc brevius, ex omnibus nummis deprehendes, in primis ubi vexilla pura ostenduntur, quibus nec imagines Imp- nec signum aliquod supereminens additum, in per- tica adsunt, sed solis illis laciniis purpuræ decorantur, ut signa esse, sed pura omnino, pateret. Ad nummos te remitto, Vir Excellentissime, ut ipse inspicias & consideres, nam alias hæc mihi docenda erant fultus, & nunquam finem acciperet Epistola jam ultra metas suas progressa. Et facile tibi concederem, vexilla hæc vela Romanorum fuisse in coloniis deducendis, quoniam extra mili-

tiam ordinariam ibant cum colonis futuris, nisi signa quoque in plerisque addita deprehenderem, quæ comitabantur: ita ut vexilla distinguere a signis omnino opus sit. Nam quod veteranos vexillarios illuc trahere studeas, nondum certum est, aut satis mihi probatum, illa, quæ vexilla dicebantur & vexillariis tribuebantur, vexilla vela fuisse, cum potius signa fuerint, ut superius memoravi, vexilli tantum nomine donata. Satiùs igitur fuerit illa vexilla vela eo remittere, ubi originem suam traxerunt, nempe ad provincias & urbes, quæ signis non utebantur, sed vexillis, etiam sub Romanis constitutæ, illisque deditæ.

Atque sic puto me respondisse omnibus illis objectionibus, quas pro vexillis Romanorum defendendis eruditissime attulisti, quæ ego origine Romana nequaquam esse nondum me pœnitet statuisset, sed a peregrinis & barbaris, quos sibi subjecerunt, in usum tandem illorum versa sub Imperatoribus præprimis, qui ad barbaros arma sua & exercitus transtulerunt domandos, qui quoque militiam veterem multis modis mutarunt pluribus pertendere mihi liceret, si non Epistolæ leges observandas cogitarem; illaque materia volumen potius, quam Epistolam requireret. Multa enim de his vexillis dicenda mihi notata sunt, quæ brevibus explicari non possunt. Eo res recidit, ea vexilla, quæ Romanis tandem sub Imperatoribus in usum traducta sunt, a peregrinis & barbaris extra militiam ordinariam Romanorum consideranda venire, vel ut auxilia, vel ut signa, vexilla quoque dicta; vel ut barbararum nationum Romanis parentium signa, quæ non nisi vexillis velis utebantur: quem usum Romanis minime denegatum volo, nec volui unquam, licet sub Constantino ad mera vexilla exercitus fere disponi cœpisse scripserim, & pedetentim signa desisse in vexilla vela conversa videam, quibus hodie num utimur. Videatur nota incomparabilis Salmasii ad Jul. Capitol. p. m. 125. videbis eum mecum sentire, & vexillationes & vexilla, & vexillarios e cohortibus non nisi auxilia esse, non ad cohortes legionarias pertinere. Nec stante Republ. non dico deficiente, ulla vexilla vela reperies expressa. Ursini familiæ ne unum quidem produxerunt. Petroniæ familiæ nummum quem adducis, inter Goltzianos non reperi illa tab. quam significasti; sed quamvis Tibi credam ita esse, haud tamen ante Augustum, cum quo legi eum indicasti, non poterit considerari, quo tempore & vexillis velis usus suus esse apud Romanos cœpit, sed a barbaris traductus, & propter barbaros, quos Augustus domuerat, quibus hæc vela propria erant, cum signis Romanis uti minime deprehendantur illi.

Nunc ad alia. Scribis de Sentia Dea & Matre, an putem Te recte distinxisse. Multæ occurrunt Deæ Matres in Inscriptionibus veterum, quarum exemplo non infeliciter de Sentia Matre Te cogitasse dicere licet. Sed quoniam mihi non est Seguinus ad manum, ut structuram & Inscriptionem nummi, & quo modo cohæreant omnia, considerare possim, licet bene correctum sentiam, differre tamen cogor & ampliare, donec Seguinum nactus fuero inspicendum. At quod de Neronis nummo apud Vaillant mones A R M E N I A C. legendum esse A R M E N I A Capta, valde mihi placet & probatur. Sic quoque dubium me habuit nummi Hadrianei Inscr. apud eundem Vaillant, & pro LEG. H. legendum censeo LEG. II. COL. Heliopolitana, si tu quoque consentias, qui in his dijudicandis sagacissimus es, nec facile a tuo iudicio, tam exacto, discedere mihi sumo. Et Legio SEII in Inscriptione quam affers, vitio non caret, nec tua

mellioem emendationem afferre possum, licet illud quod legisti, insuetum sit pro P. in Inscriptionibus mere latinis; juvari tamen potest si SEPT. existisse dicamus, aut SEPT. & virgulas illas ab exscriptore vel sculptore confusas SEI peperisse. Neque enim legiones unquam a Tribuni nomine denominatas observare potui, sed aut numeris suis designantur, aut ab Imperatoribus ipsis nomen accipiunt, qui illas introduxerunt.

Ex literis tuis 13. Nov. anni præteriti datis percipio te desiderare G. METELLI nummum cum Elephantum biga. Extat ille apud A. Augustin. p. m. 89. f. 5. eumque inde Patinus in Urfino suo edito, ut puto, adduxit; argenteus est, & prima facie caput Romæ habet, adscriptumque ROMA. in averfa extat Biga Elephantorum, in qua aurigat aliquis, superne advolat Victoria coronans, inferius adscriptum G. METELLVS. Sed forte Cajus est, cum litera C. & G. facile confundantur. In Cn. Corn. SISENNAE nummo argenteo, quem habet Urfinus p. 75. fig. 4. & A. Augustinus pag. 7. fig. 5. non nisi proboscis Elephantum, video, extat. Drusi æreum cum quadriga Elephantorum DIVO AVGVSTO dicatum habet Goltzius in Augusto 77. f. 2. M. DVRMII argenteum cum biga Elephantorum reperies apud W. Snellium fol. 17. meæ edit. M. CATONIS argenteum cum Elephantum & adscripto LIBERTAS enotavi ex Goltzio, non addita pagina qua. Idem quoque habet C. Marium arg. & ejus Elephantum infra adscriptum A. BOCCHO L. BUCÆ nummus arg. pertinet ad Jul. Cæsarem, L. BVCAE tamen nomine inscripto, qui extat apud Goltzium 7. fig. 7. Multo plures cum Elephantis radiati sunt, sed non perrexi annotare, ut olim, quando in his studiis eram diligentior. Alexandri M. nummus, quem indigitavi, Goltzius habet inter suos Græcos tab. 36. fig. 1. qui est ex his, prout indicasti, ubi caput indutum habet Elephantum ejusque proboscide, Minervam pugnantem ostendit in averfa. Nec est quod in his laudem aliquam meam meretur, cum te hæc cum pulvisculo exhaustisse omnia quæ notatu digna sunt confidam ita, ut nihil doctius aut elimatius a quoquam hætenus proditum sit: hoc enim tuum est: modo elegantem illum Elephantum tuum non diu premas, aut publico diutius invidas.

Quidquid præterea de Rudbekio, Excellentissimo Viro, esse potest, ejus enim Atlanticæ tomos nondum possideo, quamvis olim perlustraverim primum, cum essem Argentorati, non mihi abibit sine censura, si Runicas suas Inscriptiones ultra Christianismi tempora, ut solent, obtrudere voluerit. Et si tibi quid prius occurreret in tertio illo tomo, quem nondum nancisci potui, rogo Te, moneas. Eandem semitam calcas, quam ego dudum calcavi; ex Septentrionalibus multa gentes retinuisse, ad quas illi pervenerunt, sed Suecis hæc omnia transcribenda aut Danis, nunquam mihi quidem probavit, nec, puto, cuiquam probavit. Et Allusiones ejus omnes, in quibus copiosissimus est & diligentissimus, ne nauci quidem videntur, cum nihil probent aut illustrent, nec ad rem faciant, ut illis se titillare facile eum perferre queamus. Si mea prodire possent, alia argumenta, alias rationes videres, Historiæ veræ & solidæ congruentes, in laudem Septentrionalium omnium, non Suecorum, a quibus per pauca profecta sunt, quæ propria illorum dici aut laudari merentur. Sed hæc inter nos dicta sunt, nolo enim irritare crabrones. In Baptismo meo quædam de Gothicis Evangeliiis, ita dictis, attingi, & Gothica minime esse ostendi, nec Ulphilæ, sed Germanica, quod argumentum si tractare fulius voluissim, etiam po-

tuissim. Mihi in Sueciam istum libellum, videbo, num aliquid contra ausuri sint. Meam de præstantia linguæ Danicæ inter Septentrionales hætenus nemo illorum tentavit, quod tamen desiderabam, & expectabam.

Quod vero Tibi dedicatum opusculum meum de Nummis non cisis tantis laudibus dignum æstimes, ita merebaris, Vir Amplissime, ut Tuum potius esset, quam meum, quo authore & ἐργασίας, illa, quancumque sint, lucem videre passus es. Mihi nondum visa sunt; nec a Typographo post ultimas meas ad ipsum quidquam rescivi, an illa exemplaria, quæ promisit, mittere velit; occasionem forte mittendi nondum adeptus est. Scribo tamen nunc ipsi, ut si alia occasio cum Amicis huc euntibus deest, mittat cum nautis proximis huc transeuntibus. Ignoscas autem si excrevit Epistola, quæ rædium parere potest legenti. Flagitabat illud argumentum vexillorum etiam longiorem, sed prohibuit tua humanitas, quam in suis meis fatigare nolui. Deus te fervet, Vir maxime, ut diutissime valeas, & me porro ames ac literis tuis bees, qui sum ex animo.

Nobilissime & Amplissime Vir

Dabam Hafn. 16. Oct. A. 1709.

Tibi studio & cultu singulari addictissimus.

XLIV.

Amplissimo & Præstantissimo Viro

OTTONI SPERLINGIO

S. D.

GISEBERTUS CUPERUS.

Summa cum voluptate eruditam & longam, atque eo nomine acceptiorem epistolam tuam legi plus quam semel; multa enim complectitur egregia & præclara, & digna utique est, quæ cum cura & animi acri attentione expendatur. Et primo quidem valde lætor meas conjecturas tibi non displicuisse, atque inde tibi ansam esse datam, tam erudite de VEXILLIS, poma amicæ Eridis nostræ, disserendi. Occupabunt tamen illa me aliquantum, nec te laturum ægre confido, si tecum communem, quæ a placitis tuis recedunt, & quæ mihi, qua sum, ut cum Cicerone loquar, oscitante dormitanteque Sapientia, non indigna videntur, ut examines.

Quæ igitur de origine VEXILLORVM scripta antea, aliter capere non potui, quam te, Vir amplissime, statuere, vexilla illa, vel vela ante Constantinum Magnum Romanis in usu non fuisse; nec dubito, quin properatione tua, & occupato gravioribus negotiis animo factum sit, ut non satis bene mentem tuam epistola exprefferis. Nunc igitur censes, remisso illi opinioni nuncio, vexilla, quæ vela sunt, non esse propria Romanorum inventa, sed a barbaris, & peregrinis adscita; aut originem vexillorum istorum a barbaris petendam, inde Romanos ea hausisse, & in suos

usus tandem transfuisse; sub primis quidem Imp. A vexilla talia apparere, sed ita ut peregrinitatem suam ostendant ubique, illaque a Germanis, aut Pannoniis, aut Dacis &c. devictis produci, cum illorum Tropæis & Spoliis, quæ Romanorum fuisse propria nequaquam dicere licet.

Sed si vera narrat Servius ad initium libri octavi Æneidos, jam libera Republ. diu ante Cæsares vel Augustos vexilla talia fuerunt in usu. Narrat enim, si esset tumultus... eum, qui fuerat dux exercitus, ivisse ad Capitolium, & exinde protulisse DVO VEXILLA, unum ROSEVM, quod pedites vocabat, & unum CERVLEVVM, quod erat equitum, (nam ceruleus color maris est, acujus deo equum constat esse inventum) & dixisse... alior ALBVM ET ROSEVM VEXILLA tradidisse, & ROSEVM bellorum & ALBVM comitiorum signum fuisse; inde addit, belli signum generaliter Virgilium dixisse, quia multa sunt, sed VEXILLVM significare, quod est tractum a veli diminutione, ut velum vexillum. Fateor recentem admodum, si prima libertatis tempora spectes, auctorem esse Servium, quippe qui seculo post Dominum nostrum quinto vixit; sed tamen plures, eosque vetustissimos auctores consuluit, & si aliunde probari potest, hunc morem antiquis temporibus obtinuisse, persuasum habeo te crediturum, haud levis ponderis hunc locum esse, ad vexilla, vela, Romanis ante gentes barbaras, vel Germanos, Pannonios, Dacas cognitos, vindicanda. Signum igitur vel σημεῖον propositum fuisse ad conscribendum exercitum, ex Dion. Halicarn. Arnobio, Livio, & Festo probatur eruditi commentatores, & Festus quidem nec non Livius lib. 39. signum illud vexillum appellant, quia scilicet Velum erat; id quod etiam ex coloribus Servio memoratis patet; neque enim mihi verisimile videtur, vel unquam lectum est, alia signa, puta hastas, quibus aquilæ impositæ, Imperatorum προτομα affixæ, & alia ornamenta addita fuerunt, variis coloribus distincta, nec puto recte posse dici ea rosea vel cerulea fuisse. Sic cum legimus apud Suet. cap. 25. Augusti, eum M. Agrippam in Sicilia post navalem victoriam ceruleo vexillo donasse, & cum Dion. lib. 51. vexillum illud appellat σημεῖον καυοειδὴν ναυπαρικόν, nihil aliud quam velum illo colore tinctum mihi fese offert; adeo ut putem, auctores veteres, cum signa nobis memorant, generaliter loqui; cum vero vexilla, ut plurimum vela designare, quamvis & illa signorum nomine venire, nequaquam negare vel velim, vel aulam. Dion præterea Cassius lib. 37. pag. 42. memoriæ mandat, antiquis temporibus, cum circum Romam multi hostes habitarent, veritos Romanos, agentes centuriata comitia, ne hostes urbem invaderent, Janiculum occupasse, non omnes simul ivisse in suffragia, sed armatos per vices Janiculum custodivisse, & quum solvenda erat concio, σημεῖον, signum vel vexillum fuisse sublatum; & ante dixerat Metellum Celerem impedivisse, ne Rabirius causa caderet, quia in Janiculum citato cursu pervenerat, & vexillum σημεῖον τὸ στρατιωτικὸν abstulerat, quo sublato, populus nullum decretum amplius facere poterat. Nec ego dubito, quin σημεῖον illud vexillum fuerit, quod aliter Græci, quam per τὸ σημεῖον designare non poterant, unde in Glossis σημεῖον τὰ γυμνασίου στρατιωτικόν, vexillum, cum ob rationes allatas, sive colorem roseum & ceruleum; tum quia disertis verbis memoratur Vexillum rufum in inscriptione veteri, qua acta urbana dierum septem anni U. C. 585. Cons. C. Emilio Paulo II. Licinio Crasso continentur apud Steph. Vin. Pighium in Annalibus, & Reines. p. 341. inscript.

DEMIPHON. ARCHIPIRATA. CAPTVS. A. CN. LICINIO. NERVA. LEGATO. IN. CRUCEM. ACTVS. VEXILLVM. RVBEVM. IN. ARCE. POSITVM. SACRAMENTO. NOVO. ADEGERVNT. IVVENTVTEM. IN. CAMPO MARTIO.

Atque ita Macrobi. 1. Sat. 16. scribit... exercitus imperato, vexillum rufi coloris in arce positum esse, & Liv. lib. 39. c. majores noluisse cives coire, nisi aut cum vexillo in arce posito comitiorum causa exercitus eductus esset, aut.... Quin & vexilli, quod tibi, Vir doctissime, aliter visum fuit, & quidem, uti puto, talis, sive veli meminit Varro lib. 7. extr. de L. L. ubi loquitur de Censorum comitiis: Quod Censor exercitu centuriato constituit quinquennalem cum lustraret, & in urbem ad VEXILLVM ducere debet. Adeo ut τὸ vexillum diu ante Cæsarem fuisse in usu, ex lapide illo antiquo, nec non Varrone, qui ritum veterem describit, utiturque verbis proculdubio solemnibus, pateat; nec dubitem quin Macrobius, Servius, Livius, aliique, ita locuti sint, ut vetustissimi auctores, apud quos legerunt, vexillum comitiorum & tumultus tempore propositum fuisse, sive in Capitolio, ut cum Servio putat Lipsius lib. 1. Dial. III. de Mil. R. sive in Janiculo, uti diserte tradit Dio Cassius, & notat etiam Donatus lib. 1. c. 6. Romæ veteris; & vide an lis hæc ita tolli possit, ut tempore Comitiorum vexillum fuerit propositum in Janiculo, ubi tunc erat custodia militaris; tempore vero delectus, unum vel bina in Capitolio, quia Dion. Hal. lib. 8. narrat Consules proposuisse τὰ τῆς πόλεως σημεῖα, ad copias urbanas conscribendas τὰς δυνάμεις τῆς πόλεως. & quia Serv. roseum vel russeum scribit propositum fuisse ad evocandos pedites, ceruleum ad equites. Quando autem auctores aquilas, signa & vexilla, vel signa & vexilla distinguunt, puto eos plerumque per vexilla intelligere vela. Certe Isidorus 18. orig. 3. primo recenset signa principalia, Aquilas, Dracones, & pilas, inde vexillum quod dictum putat a veli diminutione velillum; sic cum A. Marc. lib. 27. scribit, signis undique fixis ex more militem expectasse vexillum extollendum, quod erat subeunda initium pugne, & lib. 20. 5. Julianum fuisse circumdatum signis, aquilisque & vexillis, ego puto nihil aliud, quam velum eum designare, nec aliter capiendam illam vocem apud C. Julium Cæsarem lib. 2. de Bel. Gal. & lib. 3. de Bel. Civ. quorum locorum commode facis mentionem; idque vel ideo, quia illud signum libera Republ. fuit χιτὼν κόκκινος vel ποινικός, tunica punicea, quam Plutarchus in Marcello, & in Pompejo p. 655. scribit fuisse μάχης ἰσοκρίνης ὁμολογῶν, tunicam ruffatam appellat Isidorus 19. Orig. cap. 22. eamque scribit pavidæ quam dimicaturæ essent, solere ante principia poni, quasi admonitio & indicium futuræ pugne; ita celeberrimus Schefferus 3. 1. de Mil. Nav. in navi prætoria tam apud Græcos quam Romanos fuisse sublatum Vexillum purpureum, quod reliquæ sequerentur, observat, & libro eodem c. 9. quando prælium navale erat incundum: quod vexillum in rebus Cononis ποινικὴν appellant Diodorus Siculus, & Polyænus 1. 48. 2. ἐπὶ τῇ ποινικῇ, ἢ ὅρα μάχης σύνθημα τοῖς κυβερνήταις, & sub intelligi puto vocem ἐδῆται, quia vox illa, uti etiam vestis, generaliter usurpatur de omni forma lanæ, vel lini; ne jam dicam Salmasium ad Treb. Poll. in Claud. c. 14. docere ποινικὴν Græcis esse τὴν ἐφ᾽ ἑλιδά, vel paludamentum sive chlamydem quæ supra tunicam accipitur, & ad instar panni plani est; adeo ut mihi ne dubitandum videatur esse, quin

vexillum supra ducit tentorium ad pugnae indicium attolli solitum, teste Plutarcho in Fabio: *χιτών κόκκινος ὑπὲρ τῆς στρατηγικῆς σκηνῆς διατεινόμενος* fuerit ex lana vel alia simili materia purpurea; sive illud fuerit velum expansum; sive forma tunicæ; vel olim tunica ruffata fuerit pridie proposita ad indicandum, milites sese debere parare ad pugnam, & in ipso prælii puncto *vexillum* ruffeum, inque huius locum successerit postea *χιτών κόκκινος*, nisi tamen & vox *χιτών* generaliter de qualibet veste usurpetur, quomodo certe τὸν φοινικῆν χιτῶνα apud Plur. in Pompejo eruditi vertunt sagum purpureum; sagumque erat apertum & expansum, non autem, ut tunica, clausum. Nam quamvis Ferrarius putet τὸ χιτῶν non nisi de tunica interiori usurpari, tamen Eustathius ad Hom. p. 1282. ed. R. docet illam vocem etiam denotare τὸ ἀπλῶς ἱματίον. Et quanquam nihil causæ sit, cur *vexillum* apud eundem Cæsarem 6. 36. non debeat usurpari de velo, malo tamen vel tibi assentiri vel ἐπέχειν, quam illud præfracta fronte defendere, licet c. 40. idem eos appellet *veteres*, & sub *vexillo una profectos* dicat; adeo ut videantur qui ex una vel pluribus legionibus, vel ex unius legionis cohortibus collecti, alio mittebantur, non habuisse sibi signa cohortium, sed *vexilla* vel vela; unde & Tacit. 1. H. 70. *vexilla* distinguit a *cohortibus*, & Suet. Ner. cap. 13. *militaria signa & vexilla*; & Vitell. *signa & vexilla*, qua de re & distinctione jam antea egi.

Triarios statuis eosdem esse cum *Vexillariis*; illos id nomen tulisse libera Rep. ante Jul. Cæsarem & Augustum, & postea *vexillarios* dictos esse. Atque ita Salmasius ad Hist. Aug. pag. 125. & 431. & 452. *vexillarios* notat fuisse *veteranos*, sed in opere posthumo de re militari p. 206. & alibi putat *vexillarios* esse *velites* & *antesignanos*, oppugnatus eo nomine a nobilissimo Schelio in notis ad Hygini Gromaticon: quam litem, ut nunc est, examinare non possum, tibi que libens lubens hanc Spartam, atque Helenam trado. Illud tantum monebo, *veteranos* qui sub uno *vexillo*, habebantur, extra legionem fuisse quasi, & reliquorum immunes, nisi propulsandi hostis; cum contra *Triarii* militarent in legionibus, & excubiarum aliaque munia militiæ obire deberent, si quid video. inde & *Veterani* illi alio videntur mitti non potuisse, id quod tamen factum esse patet ex Tacito, cui memorantur *Vexillarii discordium legionum* I. A. 38. *Vexillarii e legionibus* 3. H. 48. *Vexillarii e cohortibus*, *Vexillarii Vicesimarum* 14. A. 34. & *Vexillarii XIV. & XVI. legionum* 2. H. 100. idem jungit 2. H. 18. *tres prætorias cohortes & mille vexillarios*, & c. 83. *legionem sextam & 13000. vexillariorum millia*, quæ loca ideo adduxi, ut ostendam, *vexillarios* ex variis legionibus in unam coactos fuisse, vel varios milites ex variis legionibus lectos fuisse dictos *Vexillarios*; & mirum videri uni legioni jungi *tredecim vexillariorum millia*, qui utique non fuerunt illius legionis *triarii* vel *veterani*; & denique recenseri *vexillarios e cohortibus*, id est ex variis cohortibus lectos, cum tamen *Triarii* in proprias cohortes essent divisi. Præterea nescio an Schelius recte interpretetur hunc Taciti locum 2. H. 66. *præcipua quartadecimanorum ferocia, qui se victos abnuebant*; quippe *Bedriacensi acie VEXILLARIIS tantum pulsus VIRES LEGIONIS non adfuisse*. Neque ego hic video plures legiones, vel saltem binas, quas sibi fingit Vir Nobilis his verbis: „Non ajunt, *vexillarios* vilem & „levem manum, ut inde confici possit *levis armaturæ*; sed negant *vires* legionis esse, quam „vis enim *Veteranis* ex alia tamen legione, & „tam pauci numero erant, ut nihil ad totam le-

gionem „. Sed ego aliam legionem, & paucitatem numeri adhuc quæro; & puto *Quartadecimanos* de legione sola XI V. loqui, ejusque *vexillarios* opponere legionis suæ viribus, vel reliquis illius militibus, quorum optimi & fortissimi non pugnaverant; quæ certe explicatio ex ipsius Historici verbis profluit, & si vera est, magnam ultimæ opinioni Salmasii adjicit auctoritatem, & robur.

Addis Polybium *Vexillarios* nescivisse, sed semper memorare *Triarios*, quod tunc sub *vexillo* non starent, sed sub alio signo; & hinc esse putas, quod tria signa in nummis appareant, & inde Livium loqui more seculi sui, cum ait, *primum vexillum triarios habuit*. Fieri certe potest, ut tria signa in nummis ante Julium Cæsarem signatis, designaverint *Hastatos*, *Principes* & *Triarios*, maxime si aquila, quæ plerumque in medio cernitur, fuit propria *Triariorum*, ut scribit Salmas. p. 41. de re Mil. Rom. & quia *vexillum* nomen generale est, & ante Julium Cæsarem, ut docui, in usu, potuit ita *aquilam* appellare Livius, & sic libera Rep. & sub Cæsaribus idem signum habuissent *Triarii*, & *Vexillarii*; & quodcunque signum ipsis fuerit, potuit appellari *vexillum*, nisi statuas hoc loco *Vexillarios* pro signo *vexillum* velum habuisse. Fol. 3. epistolæ tuæ statuis *vexilla*, quæ donabantur benemeritis militibus, non fuisse *vela*, sed alia signa, illudque patere ex binis lapidibus apud Gruterum, 2. 358. 9. 1030. sed in prima inscriptione non legitur L. ANTONIVS donatus fuisse *vexillo*, verum torquibus & armillis; nec quicquam causæ video, cur *vexillum* omissum sit, cum illud fuerit honoratius, ut mihi videtur, donum, quam alia; & in altera nullorum donorum fit mentio, & L. Gellius Ufentia Varus dicitur esse VETERANVS LEG. XIII. GEMINAE; adeo ut putem signa nihil aliud indicare, quam viros illos milites fuisse. Insignem autem honorem habitum esse *vexillo* donari, patet ex facto Augusti, qui apud Suet. M. Agrippam in Sicilia post navalem victoriam CAERULEO VEXILLO donavit; quod Dion lib. 51. appellat σημεῖον ναυοειδὴν ναυκερατικόν & scribit illo Agrippam honoratum esse præter alios honores ἀλλοῖς τε τισὶ, puta nempe torquibus, armillis, quorum honorum *vexillum* erat præcipuum; & si hæc *vexilla* donabantur, fiebat eorum mentio in marmoribus; quomodo sub Adriano legimus Licinium Suram esse donatum hastis PVRIS. VIII. VEXILLIS VIII. CORONIS MVRALIBVS II. CLASSICIS II. & utique Agrippæ donata *vexilla* fuisse ex serico, lana, vel simili materia, satis superque ex colore cæruleo, si quid video, patet. Quin & *vexilli* donationem rariorem fuisse, patet ex Sicinnio Dentato, qui accepit coronas XXVI. Armillas CXL. teste Varrone apud Fulgent. lib. de prisco ferm. & inde puto factum, ut *vexillum* tam raro occurrat inter dona militaria. Nullum mihi dubium, quin VEXILLA Templorum vela fuerint; unde & in Inf. 1. CCCXXIII. memoratur VELVM SAC. quanquam fatear *velum* illud aliis etiam rebus potuisse inservire, & quidem foribus tegendis; & ex hostibus capta in templis fuisse suspensa constat satis superque, non secus ac alia spolia; sed nescio an inde fuerint deprompta a Pontificibus & Sacerdotibus, quoties ad pompam Imp. illustrandam cum iis procedere jubebantur. Fieri quidem id potuit, fateor, sed factum fuisse meminem inveni, qui tradat; quin potius talia *vexilla* fuisse ab ipsis Sacerdotibus, sive eorum jussu facta, vel ab aliis donata, uti factum fuisse ex IVSSIONE I. O. M. patet ex inscript. modo laudata; & dubiis Reip. temporibus arma detracta

fuisse templis constat; de *vexillis* autem nihil mihi lectum est.

Vexilla bicolora, quibus Valerianus Aureli-
num donat apud Vopiscum, omnino fuisse *vela*,
puto, & ratio suadet; quid enim sibi vellent si-
gna facta ex ligno cum ornamentis ex alia durio-
re materia binis coloribus picta? an dicemus,
eos colores fuisse album, nigrum, an roseum &
cæruleum, an alium? mihi quidem hoc a mori-
bus illorum seculorum plane alienum videtur:
sed ut hodie *vela* vel *vexilla*, ita & eadem olim
variis coloribus picta fuerunt, & invenio tantum
apud Arrianum, hastas signorum argentatas fuisse;
Pliniumque scribere, colorem argenti clario-
rem & militaribus signis familiariorem fuisse. Or-
dinarie *vexilla* erant unius purpureique coloris,
& illa vocabantur *pura*, uti putat Salmas. p. 429.
ad Histor. Aug. quanquam omnia *vexilla* non vi-
deantur fuisse purpurea, sed forte albi alterius-
ve coloris, & alba, quæ nullo colore tincta erant,
non absque ratione *pura* dici possunt; quibus op-
ponebantur *bicolora*, sive illa intertexta essent
argento vel auro, uti putat Vir illustris, sive ex
diversi coloris plagulis, sive velis facta vel diversis
coloribus tincta; eodem sensu Treb. Pollio cap.
14. Claudii memorat nobis *interulas puras duas*,
& c. 48. Aurel. *lineas Afras atque Ægyptias pu-
ras*. Sic *toga pura* erat *alba*, & ita vocabatur,
quia purpuram non habebat prætextam. Tu, Vir
Clarissime, pag. 7. omnem purpuram tollis a *ve-
xillis* ipsis, sed putas eam signis omnibus Impe-
ratoriis & primariis substratam fuisse circa apicem,
& laciniis quibusdam dependisse, nunc longius,
nunc brevius; illud deprehendi ex omnibus si-
gnis, imprimis ubi *vexilla pura* ostenduntur,
quibus nec imagines Imp. nec signum aliquod
supereminens additum in pertica adsunt. Hæc
certe verba me dubitare faciunt, an per *vexilla*
intelligas *vela*, an vero alia *signa*, hisque vebha-
stis putes affixas fuisse purpurei coloris fimbrias.
Ego certe *vexilla* *vela* præferrem, quæ nonnun-
quam fimbriata animadverti fuisse; sed si ipsa *ve-
la* ex alio colore, quam purpureo, vel eorum
tantum fimbriæ purpurei coloris fuerant, non vi-
deo certe, quomodo purpura ex signis potuerit de-
trahi, cum Gordiano imperium in Africa fuit de-
latum; quinimo potius statuo, & ipsa ratio sua-
det, fuisse hoc signum vel *vexillum*, vel *velum* to-
tum purpureum, & tam grande, ut amicire in-
star chlamydis potuerit Gordianum; quale certe
fuit illud Crassi, de quo mox agam, & alia, quæ
in marmoribus & nummis nobis ostenduntur.
Hinc agis de *vexillis*, quæ donari solebant Impe-
rari ipsis, & Cæsaribus eorum, Principibus ju-
ventutis; putasque illa non fuisse *vela*, sed signis
Romanis simillima, *vexilla* tamen dicta, quod
signis non adnumerarentur, extra militiam data,
honoris causa. Et primo quidem nullibi mihi de-
ctum est, Imp. vel Cæsares Principes juven-
tis, signis sive *vexillis* decoratos & donatos esse
vela militibus, vel a civibus, sive initio imperii,
sive rebus fortiter gestis; verba certe Pollionis c.
3. Claudii, *Omnes ordines, omnis ætas, omnis ci-
vitas, statuis, VEXILLIS, coronis, fanis, ar-
cubus bonum principem, aris ac templis honorave-
runt*, hoc nullo evincunt modo; quia tantum si-
gnificant, omnes & omnis generis cives & incolas
urbis Romæ, aliarumque, statuas, *vexilla*, coro-
nas, fana, arcus, aras & templa posuisse & de-
dicasse in honorem Claudii; quanquam diffiteri
nolim, *coronas* & *vexilla* ad ipsum potuisse esse mis-
sa; id quod certe de coronis certum, uti patet ex
variis auctoribus & pluribus nummis, in quibus
propterea tot coronas cerni persuasus sum; sed

A de *vexillis* illud mihi lectum nullibi, & forte ur-
bes ex locis altioribus *vela* vel *vexilla* sustulerunt,
uti & hodie fieri solet, & ita Claudium *honora-
runt*, quod longe aliud est, quam *donarunt*, ut-
que in illius honorem erecta fuerint fana, arcus,
templa, aræ, statuae, ita etiam suspendere, de-
dicare, & ponere potuerunt, & si quid video,
posuerunt *vexilla* atque *coronas*. Deinde *signa*,
inter quæ Principes juventutis in nummis a te
laudatis, & in aliis plurimis, consistunt, mihi
sunt *signa legionum*, quia scilicet duces erant ex-
ercitus, & militem, ut designati successores, re-
gebant; neque mihi, ut hoc repetam, de do-
natis *vexillis* quidquam lectum est. Et hic tandem
video te existimare, Vir celeberrime, *vexillum*
purum esse nihil, nisi signum Romanorum refe-
rens, idque patere tua ex sententia ex nummo
Licinii Junioris, apud Ducem Arsch. tab. 65. in
quo ille tenet hastam vel baculum oblongum, in
cujus apice orbis *væronis* tectus. Sed hoc *vexillum*
& quidem *purum* posse vocari, quo sum stupore,
adsequi non possum; nam ut *hasta pura* est absque
ferro, & nil nisi baculus, ita & hoc signum non
deberet esse ulla re ornatum, quod tamen an tunc
vexillum vel *velum* appellari possit, multum equi-
dem dubito.

C Militiæ terrestri miscet navalem, & addis He-
liogabali nummum apud Hemel. tab. 27. habere
triremem sex remis instructam, & gubernaculo
Imperatorem addidere in puppi, post ipsum esse
signum aquilæ, sed in media navi *vexillum* velum
erectum, ad indicandum Imp. prætoris cohorti-
bus cinctum, & auxiliariis navigasse, & inde fol.
1. 6. itidem statuis, imperatorum tempore omnia
vexilla *vela* auxiliarium vel barbararum gentium
fuisse, iis cingi Trajanum & alios Imp. eadem-
que tradita fuisse a barbaris &c. Et certe hæc om-
nia nequaquam probare possum, & puto in trire-
mi illa cerni tale *vexillum*, quia navis erat præto-
ria, & quam aliæ omnes sequi tenebantur; atque
id fieri solitum ex Seneca, Tacito, Diodoro,
Leone, & nummis probat doctissimus Schefferus l.
3. c. 1. de Mil. Navali; & ita tale *vexillum* occur-
rit in nummo SER. SVL. GALBAE, non tamen
Imperatoris apud Ducem Arsch. tab. 1. Trajani
tab. 20. Diadumeniani tab. 37. & Gordiani tab.
41. apud Hemel. aliisque quamplurimis. Dein-
de cum Imperator habuerit cohortes prætorias, il-
læque eundem comitatæ sint ut plurimum, quis
credet, auxiliares etiam vel *vexillatores* Germano-
rum, qui etiam ad palatium agebant excubias, in
una cum Imp. nave vecta fuisse? maxime cum illi
non proficiscerentur ad bella navalia, sed tan-
tum trajiciebant, unde in nummis TRAIECTVS
AVG. vel ΚΑΤΑΠΛΟΥΣ. Neque mihi verisimile
vexilla illa, *vela*, quæ Trajanum circumdant, es-
se gentium barbararum. Imperatores circumda-
tos signis, aquilis, *vexillis* processisse ex Am. Mar-
cel. 20. 5. & quæ ex Cedreno Tacitoque notat Va-
lesius, certum est; sed ego puto, non modo Ro-
manorum militum propria *vela* illa fuisse, sed qua-
si indicium Imperatoriæ Majestatis, unde diserte
scribit Tacitus, *Medium inter signa Othonem ve-
xillis fuisse circumdatum*; medius inter aquilas &
alia signa stabat, sed tunc insuper *vexillis*, velis
fuit circumdatus; & Cedrenus scribit *vexilla* a
Latinis dici *vela* quadrangula ex auro & purpura,
quæ longis contis suspensa, Imperatoris latuste-
gunt. Et crediderim, ægre admodum laturos Ro-
manos, vel legiones, si Imp. magis sese efferrent
& ostentarent *vexillis* a barbaris captis, quam
propriis; ne jam dicam illa in templis fuisse sus-
pensa, & ita usibus humanis exempta; nec me-
mini mihi legisse, a barbaris nationibus, puta, ut

addis, Germanis, Dacis, Pannoniis, vel Parthis, Imperatores jam dominos agnoscentibus, tradita fuisse, non ut in militia R. usitata, sed provinciarum barbararum fidem testantia, & cum Romanis militantia, quoties requirebantur illorum auxilia. Signa enim a devictis gentibus capta fuisse constat ex tropæis & auctoribus, sed easdem gentes jam victas vexilla dedisse, doceri equidem velim, & quidem *Parthos*, quos in Romanorum castris Imperatorum, uti auxilia, & a rege regum missa, militasse doceri equidem velim. Quamquam non ignorem, Lamprid. in Al. Sev. cap. 62. & Maxim. c. 11. memorare in castris eorum Impp. fuisse, *Mauros*, *Osdroenos*, & *Parthos*; quibus ex ultimis, & quidem transfugis & captivis Severus corpus forte fecerat post victum regem Persarum; quales tamen inter socios Romanos, vel inter gentes majestatem Impp. R. colentes, recenseri nequaquam possunt. Quod si omnia vexilla vela pertinent ad nationes barbaras, uti statuis, Vir excellentissime, qui sit, ut tale velum aquilas & legionum signa præcedat in nummo Hadriani, cujus ectypum nobis dat Ferrarius lib. 3. c. 8. p. 2. de re Vestitaria? an non ignominiosum hoc judicassent legiones? & an verisimile est, vel Hadrianum ipsum id constituisse? mihi certe contrarium videtur, & nullus dubito, quin talia vexilla fuerint etiam ipsorum Romanorum, & ita in nummo, qui nobis DECVRSIONEM Neronis repræsentat apud Onuph. lib. de Lud. Circ. binos pedites ante binos equites, non puto humeris gestare vexilla barbarica, sed Romana, maxime cum illa decursio fuerit exercitatio Romanæ juventutis. Germanos istius modi vexilla vela habuisse, patet ex nummo Drusi apud Ducem Arsch. tab. 16. in quo tropæum DE GERMANIS erectum, depictum est, non secus ac Sarmatas ex alio Marci Antonini tab. 29. in quo DE SARMATIS: ita & PANNONIA, MAVRITANIA & CAPPADOCIA illud tenent tab. 22. nec abnuerim illa earum gentium esse, sed tamen vexillum illud in omnibus tropæis de barbaris nationibus non reperitur, ut in aliis nummis, tab. 4. & 28. & Claudii DE BRITANNIS tab. 6. Trajani tab. 16. Sed quid? an non ipsæ illæ gentes hæc vexilla potuerunt habuisse a Romanis, imitantes victores orbis terrarum? nec id a ratione alienum esse vel inde patebit, quod vela illa antiquissimis temporibus, uti ex comitorum habendorum ritu docui, Romani in usu habuerunt; ne jam dicam, Pannoniam, Mauritaniam & Cappadociam vexillum illud tenere posse, quia Romanis militabant & iis parebant, vel a Romano milite defendebantur.

Nondum persuaderi possum, *vexilla*, in coloniarum nummis obvia, ad colonias pertinuisse, sed etiam nunc puto in iis repræsentari nobis vexilla & signa, sub quibus milites in colonias fuisse, deductas nempe *jussu senatus* & alias *militares*, uti patet ex Vellejo 1. 14. Et forte in nummis signa & vexilla depinguntur ad indicandum, eas colonias militares esse, quales omnes fuisse inde a tempore Sullæ ex Vellejo patet, & docet præclare Sigonius lib. 3. c. 4. de Jure Ant. Italiæ. Quod tamen quominus ipse probare possim, facit *vexillum*, sub quo etiam coloniarum jussu senatus deducebantur, uti docet idem Sigonius lib. 2. c. 2. ubi notandum Ciceronem signum, sub quo coloni deducti, appellare *vexillum*, & Sigonium verba Plutarchi in Gracchis p. 839. ita interpretari, ac si fuerit velum, quod *vexillum laceratum sit*; & quamquam Græca sint ἡ τε γὰρ πρῶτον ἀναγὰς οὐκ ἐπιβίβη & aliter possint explicari, ego tamen persuasum habeo, signum illud fuisse vexillum vel velum; quia illud

vel solum, vel cum aliis signis, in coloniarum nummis conspicitur. Equitum, auxiliatorum, ut pergam, *vexilla*, *vela* propria fuisse tradit etiam Salmast. ad H. A. p. 125. & 452. nec non Reines. in epist. ad Rupertum p. 405. & ad infer. p. 513. sed obstat, pedites eadem humeris gestare, unde putem, vela illa tam peditum quam equitum, & tam Romanorum, quam aliarum nationum fuisse, quæ omnia hunc pluribus examinare nequaquam possum; sed annotabo diligenter, quicquid inter legendum mihi occurrer, & tecum communicabo, licet etiam sententiæ tuæ faveant. Cedrenum optime illustras; Crassi signum nequaquam puto fuisse auxiliatorum, sed Romanorum, atque adeo ipsius Crassi; & quidem primarium, quia illi album, ut videtur, cum esset, puni- ceis litteris inscriptum erat Crassi nomen & exercitus; nec hoc præcisum fuit, verum cecidit in Euphratem: quod cum Crassus videret, alia breviora fecit, πρὸς ἰσοκύβητον οὐκ ἐπέμεινεν. Vides igitur, Vir amicissime, me nondum tibi manus dare posse, nec putare, vexilla, sub quibus coloniarum deductæ, fuisse urbium vel provinciarum, in quas deducebantur, & nihil causæ video, quare vexillorum maxima seges & messis fuerit in provinciis, nec puto legionum nomina inscripta fuisse vexillis urbium, quæ a Romanis protegi debebant, & quæ adhuc alia sunt, quæ nunc examinare non possum. Nam *elephanti* me vocant, & ultima epistola tua Recte igitur judicas, apud Ant. Augustinum male scribi G. pro C. METELLVS, apud Ursinum ex edit. Patini legitur etiam C. id est *Cajus*: nullum elephanti caput invenio in Sisernæ nummo apud Ursin. p. 75. & August. p. 7. licet plenus ænigmatum nummus ille sit, & si pertinet ad Cn. Cornelium, qui obiit in insula Creta, teste Dione lib. 36. forte inde est explicandus, sique tridentem tenet currui insitens vir, utique Neptunus ἡ πρῶτος representari videtur, caput radiatum ad Solem, circulus dimidius ad Lunam, Delphini ad mare vel Neptunum pertinent. Drusi nummum vel Augusti potius, mihi notaveram, Durmum, Catonem, & Marium tibi debere, & Gortæo careo, licet & in alio ejusdem Marii nummo male vir quidam doctus putet repræsentari idem animal. L. Bucæ nummum videram, sed tamen nescio an elephas in eo sit pictus, estque ille in honorem Julii signatus, cujus nummi omnes inserviunt dissertationi meæ ornandæ, apud Goltzium tab. 7. nullum talem nummum invenio; tab. 6. video elephantum cum DICTO QVART. sed nescio an in altera area legatur Bucæ nomen; certe nullum talem exhibet nobis Ursinus, nec recenset Mediob. vel invenitur inter Arschotanos. Alexandri nummum, in quo proboscide caput tectum habet, mihi notaveram ex Goltzio, verum non puto esse Magni, sed alterius, quæ de re multis disputo in ipsa dissertatione ARMENIAM Captam tibi placere lætor; sed forte potius est ARMENIACA nempe victoria, quæ in nummo est depicta; idque observavit, ne quem sua laude fraudem, Patinus ad Suetonii Ner. c. 40. & vide etiam, an non SENTIAM sit casus accusativi, uti IVNONEM, & alia quæ in nummis leguntur.

Tertius Atlanticorum Rudbeckii tomus nondum in orbem nostrum adlatus est; ego certe illum nondum vidi. Dissertatio tua de baptismo Ethnicorum tandem ad me pervenit, & ingentem cepi ex ejus lectione cum voluptatem, tum fructum. Quæ de Evangeliiis Gothicis ibi mones notavi mihi; optandumque foret, ut quæ plura ejus generis observata tibi sunt, publicentur; & ita agnoscat orbis, te non modo in antiquis Romanorum

norum & Græcorum rebus, verum Germanicis etiam πολυίσора esse: quanquam & harum edideris præclara specimina.

Ad illustrem Grævium scripsi de negotio 50. exemplarium, & rogavi ferium in modum, ut Halmam datæ fidei admonere velit; illumque utpote honestum & pium valde virum satisfacturum promissis, nihil est, quod dubites. Vale plurimum.

Daventriæ 15. Jan. 1701.

Vela vel vexilla illa magna fuisse docui, & postquam hanc epistolam exscribendam tradidi, incidi in Nicetam Choniatem, qui in rebus Manuelis Comneni nos docet p. 191. Pannonios adeo magnum vexillum habuisse, uti a quatuor bubis fuerit tractum.

Præterea apud Arrianum animadverto σέµματα male verti vexilla: τὰ σηµεῖα τῆς ἐπιλέκτου στρατιάς εἰκόνες βασιλέων, σέµματα πάντα χρυσᾶ, ἀναταµέναι ἐπὶ ξυστῶν ἡργυρεμένων. *Signa selecti exercitus aquilæ, imagines Principum, vexilla omnia aurea, extensa in hastis argentatis; imo coronæ; quæ frequenter in signis conspiciuntur.* Vale iterum.

Dav. Cal. Feb. 1701.

Litteras ad Oligerum Jacobeam a Magliabequio scriptas fidei tuæ committo, & virum doctiss. verbis meis amantissimis salutes, rogo.

XLV.

Nobilissimo & Amplissimo Viri

G I S B E R T O C U P E R O

S. P. D.

O T T O S P E R L I N G I U S.

Quas xv. Januar. ad meas rescribere voluisti; optime sunt perlata; gaudeo te salvum & vivum, atque ut diutissime vivas & valeas; opto. Sic enim tam mei causa voveo, qui tam benignis oculis & affectu prolixo ineptias meas prosequeris, quam rei publicæ, quæ tua eruditione profunda limataque carere non potest.

Quæ nobis de vexillis velis intercedit contentio, amica semper erit, & grata, nec in lites, aut rixas erumpet ulla graviores, quod a te, Vir Amplissime, dissentire pergam, vexilla vela non esse Romanorum propria, aut inter illos inventa, multo minus ab iis ad barbaros delata, sed a barbaris potius ad Romanos concessisse, & in usum deducta, tunc cum barbaros vincere cœperunt. In hoc cardo controversiæ nostræ vertitur. Ego a barbaris ad Romanos transisse vexillorum usum scripsi, quatenus vela sunt. Tu contra Romanos vexilla vela in usu sic habuisse censēs, ut apud illos nata & inventa, & ab illis ad alias gentes morem vexillorum velorum per totum orbem sparsum, in hunc usque diem perseverare; sic enim sententiam tuam capio. Quod mihi non videtur probari posse ex iis, quæ hætenus adduxisti. Novimus signa Romanorum, quæ ipsis in usu fuerint primitus, non fuisse vexilla vela, nec opus

Supplem. Tom. IV.

A est hac de re noctuas Athenas mittere. Fuerunt Aquila, manus, coronæ, orbes, & alia signa, in apice perticæ constituta, quæ exercitum educētes Romani præferebant signiferi, & quum Clypei cum imaginibus Imperatorum illis in pertica subjungerentur, etiam imaginiferi dicebantur. Hæc signa extra exercitum & legiones quum adhiberentur, vexilla dici cœperunt, ut, quando conscribebant exercitus, & delectum instituebant, signo tali erecto vel Aquilæ, vel manus &c. ad illud vexillum propositum concurrere milites futuros volebant, ut nomen darent, qui militare vellent, & conscriberentur sub illo vexillo, ac deligerentur; quod non impediēbat, quin talia vexilla illis similia, in legionibus & exercitu signa dicerentur, quæ jam conscripti & delecti sequi debebant, quando contra hostem educerentur vel inter legiones versarentur. Hæc erat antiquissima significatio vexilli, quæ vocula tamen non ante Varronis, Ciceronis, & Julii Cæsaris ætatem, quæ una eademque est, usu recepta fuit, ut signum, vexillum diceretur, his casibus. Neque enim vexilli voculam, ante eos reperiri scriptis promulgatam facile ostendi poterit. Indicio tuo, Vir Amplissime, didici, vexilli vocem Varro quoque usitatam l. 5. de L. L. sub finem, at non exinde sequitur, vexillum ipsis velum fuisse, sed signum potius, extra legiones adhibitum, sub quo conscripti milites & delecti fuerunt, ut legionibus infererentur. Vixit Varro cum Cicerone, Cicero cum Julio Cæsare; eadem sunt tempora, eadem ætas, qua vexilli vox scriptoribus istis approbata fuit & recepta, nec video illam vocem aliter usurpatam, quam cum in exercitu milites conscriberentur. Tunc signum illud Imperatorum in exercitu vexilli nomen induebat, quod alias signum erat militare, aut militari simile. Ad vexilla vela nihil exinde inferri potest, siquidem illa Romanis adhuc non erant recepta. Quæ causa est, cur in tot nummis ante Cæsarem, aut circa illam ætatem, nulla vela inter vexilla vel signa compareant. Hæc quoque causa est, quod vexilla & signa toties confundantur etiam auctoribus antiquis, non discernentibus, quando signa Romana vexilla debeant appellari, & quando signa; quæ sane non erant signa, nisi sub signiferis, Centurionibus, Tribunis, Imperatoribus, in exercitu ordines servantibus, aut contra hostes educētibz milites; at cum similia signa proponebant vel Imperatores, vel Tribuni, vel alii seorsim ex alia causa, tunc vexilla vocari consueverunt, licet signis essent simillima. Postquam vero barbaros vincere non solum sunt aggressi, sed etiam barbaros in militiam suam adsciscere, socios & auxilia ex illis comparare, jam vexilla vela magis magisque Romanis innotuerunt, & ut signa victoriarum reportata ab hostibus rei Romanæ servire cœperunt, ac multis aliis ex causis in usum deduci, tam in cohortibus & turmis auxiliariis, ut distinguerentur pulchre a legionariis, quam extra militiam, in Collegiis, Templis aliisque societatibus, quibus non minus sua signa (vexilla dicta) fuerunt, ut & vela, postquam illa ostentationem & pompam ac factum majorem in ceremoniis ac processionibus facere videbantur. Barbaros præcipue his velis antiquitus usos fuisse, & sibi propria habuisse, variis coloribus distincta, vel pura & candida, ex monumentis, picturis, sculpturis, nummis, Historiis ubique patet: quamvis nec omnes illi vela semper in aciem attulerint, sed etiam signa, ut de Germanorum nonnullis Tacitus suo tempore monuit, eos signa sua in lucis sacris reposita habuisse, atque in aciem prodi-

H

turos inde detraxisse, & aprorum formas ac aliorum animalium sibi prætulisse. Quale signum fuisse quoque Cimbrici tauri, ad quod jurare solebant, existimo, quod in Catuli domum illatum ibique servatum inter alia spolia memoravit Plutarchus. Observavi quoque tale signum apri in pertica ex nummo quodam ad Gallos pertinente apud Bouteroue, de quo nunc dispicere mihi non vacat, cum parum ad quæstionem nostram hæc faciant, qui signa vela excutimus, quæ apud plerasque alias gentes barbaras recepta præprimis fuisse, tota antiqua commonstrat historia. Ab illis igitur ad Romanos eorum velorum usus penetravit etiam, & fuisse tempora in Republica Romana, quibus illis non utebantur: *χιτών* ille *πομπικός*, vel *φαινικός μάχης ἐσομένης σύμβολον*, apud scriptores satis indicat; cur enim *tunicis ruffatis* potius, quam velis uti essent, si vela ruffata, ut vexilla fuissent in usu? Sed de hac tunica ruffata alibi dixero prolixius. Nunc vela contrahere cogor. Ipsa vexilli vox etiam illud indicat, quæ tam sero apud scriptores reperitur, nec nisi desinente fere jam Republica, qua vocula primum usuisse deprehenduntur, de solis signis eorumque usu extra legiones & exercitus, in convocando populo, aut militibus ad comitia, vel tribunalia. Deinde velis a barbaris etiam in usum traductis, illa tam extra militiam, quam intra, vexilla præcipue nominari pergebant, una cum signis, quæ non desinebant extra legiones etiam vexilla ad peculiare usus destinata vocari. Hæc puto, Vir eruditissime, & amicissime, historiæ antiquæ satis convenire, & vexillorum velorum ac signorum usum inter Romanos demonstrare, & vela ista pedetentim iis recepta, a barbaris, quos ubique talibus uti significantius animadverterunt, quam suis signis. Quod ad Inscriptionem veterem Demiphontis Archipiræ & VEXILLVM RVBEVM IN ARCE POSITVM provocas, possem dicere non solum illam, sed & alias illic Inscriptiones, non ejus fidei esse, aut ætatis, qua scriptæ inferuntur; & jam de illis subdubitavit Reinesius; mihi rationes, alias etiam notatas habeo, cur illas genuinas eaque ætate scriptas agnoscere nequeam, sed longe serius congestas, quas hic exponere nimis prolixum foret. Considera solum diligentius formulam IN ARCE POSITVM. Num facile sic veteres ejus ætatis locutos reperies? Nonne potius in Capitolio vel arce Capitolina expresserunt? Nam & in Janiculo arx erat, & ibi signa proponebantur, & in aliis locis editis ac excelsis, quo convenire debebant cives vel milites. Sed hæc non urgeo.

Ponamus imò veram esse hanc Inscript. & anno U. C. 585, scriptam, nihil aliud exinde probari dabitur, quam vexilli vocem tunc in usu fuisse ante Cæsarem; at vexillum illud, quod RVBEVM dicatur, non propter illum colorem etiam velum fuisse rubeum in pertica volans, ullo modo sequitur; cum & pertica rubea, & signum sive animalis, sive aliud in apice ejus locatum, rubei coloris esse potuerit, ac optime propter illud solum rubeum dici quiverit, licet pertica forte non fuerit ejus coloris, ut hastæ aureæ dicuntur, quæ singularis honoris causa auro erant inductæ & donatæ, licet plerumque alias puræ & sine ferro essent. Nam non video, cur vexilla signa non possint a colore suo rubea, cœrulea vel candida vocari, æque ac vexilla vela, quæ coloribus illiserant adornata. Ex nummis sane gemmis aliisque sculpturis de coloribus signorum vel vexillorum judicare non licet; quæ in scriptoribus expressa sunt, ita sunt comparata, ut colores de signis non minus, quam

A de vexillis velis interpretari debeamus. Nam prout dixi, eadem signa, quæ intra legiones signa erant, ejusdem formæ signa erant extra legionem ad alios usus vexilla, nec vela apud antiquiores unquam dicuntur, quia vela non fuerunt, sed signa, signorumque forma extra ordinem tamen, proprio nomine vexilla ideo dicta. Et quia talia vexilla non nisi singula erigebantur initio, quando in aliquo actu singulari adhiberi debebant, ideo Varro, Cæsar, Cicero, non nisi singulari numero vexilli voce utuntur, quod tunc temporis signa ista vexilla non adeo frequentia essent, sed ad singularem tantummodo usum pertinerent. Non igitur vexilla dicta sunt hæc signa, quia vela erant, ut tu putas, sed quia propter singularem usum adjecta, peculiari nomine indigebant, quod erat vexillum, ne confunderentur cum signis legionum; tam accurate hinc signa legionum distinguebantur a vexillis, quæ nihil aliud erant quam ejusdem formæ signa, sed ad alium usum destinata. Nec Servii autoritas me terret, cum non memoret ex quam vetustis authoribus hæc sua hauserit. Illius enim & A. Marcellini & aliorum ætate vexilla vela innumera inter Romanos frequentata fuisse nunquam negavi vel negabo. Initio saltem cum vexilli vox in usum primo venit, vexillum non fuisse velum, sed signum signi militaris forma sine velo statui & statuo, cum nihil in historia reperiam, quod illi contradicat: postmodum vero vexilli nomen ad omnia illa sive signa, sive vela recepta transiit, quæ extra legiones erant in exercitu, tamen & extra exercitum, unde vexilla & signa sæpius apud scriptores confundi cœperunt, dum quidam vexilla, veteri more, pro signis extra legiones retinuerunt, quidam vexilla latius extenderunt tam ad signa, quam ad vela illa, quæ serius Romani in exercitibus suis & extra, in civilibus etiam collegiis, & alias in usum suum converterunt a barbaris primum accepta, quæ magis magisque vexilla appellare ipsis placuit, cum aliud nomen non succurreret, quam signa, legionum solarum appellare, cœtera quæ extra legiones erant, sive signorum forma essent, sive velorum, vexilla indigitare magno numero pergebant. Quam brevia barbaris initio fuerint illa vela, & quomodo creverint, aliquando docebo; sed & sola vox *βανδον*, qua vela illa vocabant, etiam tum cum majora essent facta, quid initio fuerint, satis commonstrat: *βανδον* enim Græcis in usu esse cœpit, postquam Gothi & barbari late terras Romanas vastabant. Ipsa vox septentrionalibus fasciam quamvis significat. Inde quoque baneret pro vexillo originem duxit, quod aliqui rectius Banderium scribunt. Hæc nisi tempora distinguantur, & vexillorum velorum usus pedetentim introductus observetur, antiquitati Romanæ vis & injuria fit, quæ vexilla vela nescivit, utpote nondum admixta inter Romanos, qui præter vexilla signa extra legiones nesciverunt, certis usibus dictata solum, quos propter vexilla dicebantur, non signa, cum signa non essent, nisi in legionibus, vexilla autem signorum forma in aliis usibus extra legiones. Hæc si attendantur, facile signorum & vexillorum discrimen apud antiquos patebit. Nam quod dixi, ante Cæsarem & ejus ætatem vexillum vocem non occurrere, hoc eo non spectat, quasi vexilla non prius dicta sint signa talia, sed quod ante Cæsarem nemo exstet, qui vexilli vocem attulerit, nisi coætanei ipsius Varro & Cicero, quorum auctoritatem producere possumus, illaque niti, ex quibus vexillis vexilla vela facere non cogimur, cum non constet vexilla vela tunc recepta fuisse, sed solum vexilla signa. In-

scriptiones Gruteri, quas adduxi, ita se habent cum figuris suis, ut quæ non sunt dicta in Inscriptione ipsa, intelligantur & suppleantur ex figura, donatos nempe illos homines militares tam vexillo, quam torquibus & armillis, prout figura ipsa adjecta commonstrat, quæ signi formam insignem præfert, vexillum tamen dictum, quod extra legionem esset, & donatum pro meritis illorum militarium hominum. Jam quod signa in templis non suspensa fuisse, nec te legisse affirmes, consulantur quæso nummi, qui tot signa templis dicata ostendunt: nec vexilla vela unquam in illis animadvertere potui, vel suspensa, vel stantia: unde recte Trebellius Pollio in Gallienis, ubi Gallienum adducit, qua pompa decennialia sua celebravit: *Vexilla*, inquit, *centena*, & *præter ea, quæ collegiorum erant, Dracones, & signa templorum, omniumque legionum ibant*. Dicamus vexilla illa vela fuisse, prout tunc tempora erant, at Dracones non erant vexilla vela, nec signa templorum, nec signa legionum. Non possunt hæc paucis explicari. Tibi, Vir eruditissime, hæc examinanda committo potius, & tuo judicio limatissimo. Vexillum Agrippæ cœruleum, quo donatus est ab Augusto, tu credis fuisse velum, ego minime, sed signi forma, quamvis vexillum dictum sit, ut dici debebat, quoniam non erat signum legionarium, sed meritis Agrippæ dicatum, quod vexillum dici solebat. Nec usquam cum vexillo velo donato apparet Agrippa in nummis, aut suis, aut Augusteis quod sciam? Recte mones ex Atriano & Plinio, hastas signorum argentatas fuisse, & hunc colorem militaribus signis familiarem; sed & inde colligere debes, cur extra militaria signa illa, quæ vexilla dicebantur, rufi, rubei, cœrulei coloris aut bicolora fuerint. Deinde dubium mihi moves de purpura signis substrata, & aliquantulum dependente, quod ex Dracone Juliani nondum Imperatoris percipi satis potest, in Gallia dum exercitus rexit. At videre te non posse ais, si tam parvæ fuerunt purpuræ substratæ, quomodo ea signis detrahi potuerit, & Gordiano circumfundi, cum Augustus Imperator in Africa pronunciaretur, ut purpureum *ἔνδυμα* Augustale haberet. Dicam quod sentio, non ex uno signo detractam esse purpuram, sed ex pluribus hac occasione, eaque *συνπαρίστα* vestem tandem Imperatoriam confecisse, quæ sufficeret Augusto, quod non uni Imp. Gordiano contigit, sed & aliis per tumultum electis, purpura alias deficiente. At propterea signa illa vela statuere, quo inclinas, non video necesse esse, cum multa signa in legione fuerint cum purpura hac substrata, aquilam in primis, & alia signa, quæ Imperatoribus præferabantur. Et pura dicebantur illa signa, quæ nulum signum supereminens in apice habebant, qualia multa in nummis reperiuntur, neque aquilæ, neque Draconis, neque manus, neque orbis, aut pilæ, prout vocat Isidorus. Hæc signa sic mutilata pura dicebantur, licet imagines & purpuram haberent, eoque fine sic Imperatoribus donabantur, ut quæ vellent signa imponere possent pro arbitrio. Et sicut hastæ puræ dicebantur, quæ erant sine ferro, sic vexilla pura, quæ erant sine capite aut signo. Aliter puræ dicebantur togæ & vestes, puræ ab omni colore, ab omni ornatu, candidæ solum; aliter signa pura, in quibus Salmasii & aliorum sententia mihi non arridet, qui aliter signa pura interpretari voluerunt. Nam de velis ego non sentio, sed de vexillis signi forma donatis, quæ tunc vexilla dicebantur; in legionibus enim non erant signa pura, sed omnia suis cum signis in apice appare-

Supplem. Tom. IV.

abant, ea vero quæ donabantur signa, non nunquam pura erant, sine signo aliquo addito, & propterea vexilla, quod Imperatoribus aut Principibus juventutis donarentur, quæ ad signa legionum non spectabant, sed ad honores, quibus Augustos, Cæsares & Principes juventutis prosequerantur. Tu vero negas, signa donata esse, neque hoc usquam legi. Vere dixisti, si de signis legionum hæc intelligere velimus, quæ donari non poterant, at si vexilla signorum forma intelligamus, ea sæpe donata ostendi, plane quemadmodum scuta donari poterant & coronæ, & alia; sic quoque signa illa, aut potius vexilla, antiquorum more loquendo, poterant sive pura, absque signo aliquo supereminente, aut cum signo certo, nec tamen vela unquam erant, licet vexilla dicerentur. Ex his omnibus patet, antiquis Romanis & signa & vexilla fuisse, cum nondum ipsis veli forma essent. At velis etiam accedentibus, omnia ista vela vexilla dicebantur, non vero vexilla omnia erant vela. Tu, Vir Amplissime, omnia quæ vexilla dicuntur & reperiuntur in Scriptoribus, ad vexilla vela trahis, ut Romanorum militia pedetentim degeneraverit ab antiquo statu, & multi admissi sint barbari cum suis vexillis velis, ut eo promptius & alacrius Romanis servirent. Olim non ita erat; legiones Romanæ solis signis, sine velis illis, regerantur, nec vexilla vela nisi in auxiliariis cohortibus videbantur, quæ sane barbaros multos & externos veluti socios sub vexillis illis velis constitutos habebant. Ultimis sane temporibus in ipsis legionibus multos sub vexillis velis congregatos & adsumtos non licet dubitare. Hæc igitur tempora non sunt confundenda in militia Romana: nam primo parcius, & vexilla fere nulla vela in legionibus, sub solis signis legiones ducebantur, licet exteri plurimi in illis servirent. Postea externos sub suis vexillis velis etiam in legionibus locum accepisse multa ostendunt, quæ propter prolixitatem nunc demonstranda præterire debeo. Invaluerunt enim vexilla vela ultimis temporibus in militia Romana, quando legiones non solum cum Romanis, sed & cum aliis exteris & barbaris communicabantur: de quibus temporibus frustra est quod disputemus. Unde miror non semel te suspicari & potuisse conjectare, vexilla ista vela a Romanis ad barbaras provincias potius devenisse, quam a barbaris ad Romanos. Hoc enim reluctatur Antiquitati omni & Historiæ militiæ Romanæ, ubi fuerunt sane tempora, quibus vexilla vela nulla plane Romanis fuerunt recepta; quæ causa est, cur in nummis Consularibus & familiarum Romanarum, ne semel quidem vexilla vela appareant, quod tunc militiæ suæ cum barbaris nulla commercia esse voluerint. In Septentrione sane interiore, quo Romani non pervenerunt, nunquam signa Romanis similia reperies, sed vexilla vela ab ævo, sub quibus milites educebant, adeo ut illos a Romanis hæc didicisse vel accepisse dicere nequaquam liceat, sed cum illis hæc vexilla vela veluti nata per vicinos septentrionales, quos totum orbem invalisse nosti, hæc vexilla vela tandem usum aliquem apud Romanos consecuta esse tota historia antiqua commonstrat, qui tandem ita gliscebant sub Imperatoribus, ut vexilla vela cum signis in eorum militia magis magisque inoleverint, quod aptiora visa sint, quam signa in rebus gerendis, ita tamen, ut signa sua antiqua, quibus adfuerant Romani, non plane deseruerint, ante quam illa tempora supervenerunt, irruptionibus barbarorum, ut signa illa, quæ tot seculis in usu manserant, plane sint abolita,

H ij

& omnes Romani sub vexillis velis steterint in hodiernos usque dies, quibus signa illa veterum nescimus, sed solis vexillis velis rem gerimus. Non puto te aliter statuere posse, quam a barbarorum irruptionibus hoc provenisse, quibus illa vexilla vela erant familiaria, domestica, & propria, non vero Romanis, qui signa sua studebant retinere, quantum poterant, nisi coacti essent a barbaris cedere, & signa sua tandem deponere. Hæc tam evidentia facit res ipsa, ut testimoniis non indigeat, tanquam lampade obscuriore, cui magis magisque lumen addere cogaris, ut fulgeat; licet non desint permulta, quæ non adduco, ne novis concertationibus ansam præbeam. Vexillum velum, quod in nummo Hadriani apud Ferrarium præcedit, & velut in triumpho ducitur, quin ab hostibus captum, & victoriæ signum illic sit, non est quod dubitemus. Vexilla vela in decursione Neronis apud Onuphrium, quin fuerint Romana eorumque usui servientia, quis unquam negavit? neque enim vexilla vela omnia apud Romanos, prout mihi contra mentem meam imputas, ad barbaras nationes tunc amplius pertinerunt, sed apud Romanos certis casibus adsumpta in usum varium venerant. Hoc nobis in questione non est, sed num Romani suo ductu primi vexilla illa vela excogitaverint & cum barbaris communicaverint, quod nego & pernego; & quoniam satis constat ex omni historia, barbaros diu ante Romanos cognita hæc vela secum habuisse, sua sponte sequitur ab illis ad Romanos eorum usum transisse, nec ex ipso silentio monumentorum omnium Romanorum de velis, usque ad tempora Caesarum, aliter colligi potest. De coloniarum vexillis quod statuis, ea omnia fuisse vexilla vela, idque persuasum habeas, quod illa vexilla vela in coloniis deducendis sæpius appareant, jam in prioribus meam mentem aperui, quæ si tibi, Vir Amplif. minus arridet, tui causa in tantum concedam, vexilla illa vela, ubi apparent, fuisse Romanorum, sub quibus deducti sint coloni, haud tamen Romani, sed illi solum militares exteri, qui sub vexillis illis velis servierant Romanis, & jam emeriti Coloniarum jura acquirebant, apud Romanos, ut illo verbo utar, velut jam *naturalizati*, & in colonias digni cum Romanis ipsis ut mitterentur, habiti. Hinc non sola vexilla vela, sed etiam signa Romana juncta deprehendes ubique fere, at sub Caesaribus solis, non etiam prius.

De Elephantis quæ mones, tibi accedo lubentissime, cum illos non nisi docte elaborare potueris more tuo; & optime dubitas de Alexandri M. nummis, an omnes ad eum pertineant, quos docti viri tribuere voluerunt. Nam & ego non solum valde dubito, sed & ea notata habeo, quibus ostendam, plerosque ad Alexandrum Severum pertinere, in omnibus æmulum Alexandri M. cujus nomen acceperat, quem etiam vincere proposuerat, quod Romanus esset Imperator, ut patet ex Historia Augusta in ejus vita multis locis.

Scripsi & ego ad Dn. Grævium, ut 50. illa exemplaria, quæ mihi promisit Dn. Halma, tandem aliquando repræsententur, sed nullum hæcenus vidi, nec unicum saltem. Valde me hæc turbant, propter Amicos, qui me quotidie obtundunt, illaque flagitant.

Quod ultimo mones de Nicetæ Choniatae loco, Pannoniis tam magnum vexillum fuisse, ut a quatuor bubis (puto bubus legendum) tractum fuerit, illud pertinet ad carros illos, in quibus vexilla sua figebant & producebant non solum Pannonii, sed Germani quoque, de quibus carris & standardis peculiariter quædam notata habeo, & ad tempora

inferiora pertinent, postquam vexilla vela omnem gloriam antiquam signorum Romanorum absorpserant.

Literas a Magliabequio ad Dn. Oligerum Jacobum jam dudum tradidi, sed ille hypochondriacus & raro sui compos decumbit, quod istius Viri causa doleo, qui valet ingenio & eruditione singulari, quam morbi tales impediunt, & *ἐπεπονδίζων* faciunt. Tu vero vale diutissime, meque amare pergas tuo illustri nomini deditis. cultorem.

Hafniæ a. d. xi. Jun. A. 1701.

XLVI.

Amplissimo & Celeberrimo Doctissimoque Viro

OTTONI SPERLINGIO

S. D.

GISBERTO CUPERUS.

Litteras, quas a. d. xi. Cal. Jun. prolixas, eoque nomine gratissimas, ad me dedisti, circa idem tempus redditæ mihi sunt; atque uti verbis vix exprimere possum, quantopere iis fuerim exhilaratus, ita tecum dices forte, facta dictis non respondere, & contrarium signum esse, diuturnam & obnixam meam taciturnitatem. Et certe aram mihi atque præcatorem pararem, nisi scirem, te probe cognoscere, me non ex eorum numero esse, qui aliter loquuntur, aliter sentiunt, aliudque corde, aliud lingua gerunt; & fidem tibi facere possum, me vera præfari, & moram hanc non nisi concatenatis meis negotiis periculosa hæc & exulcerata rerum tempestate adscribendam esse; & illa itidem facere, ut singula epistolæ tuæ capita vix examinare, dignumque eruditione tua responsum mittere nequaquam possim.

Video autem te, Vir Excellentiss. multis argumentis sententiam tuam defendere; sed vellem equidem, ut eadem certis iisque perspicuis auctorum veterum locis firmasses, cum res ejusmodi non tam ratiociniis, quam scriptorum verbis cerui possint; quæ cum varia in ultimis litteris meis allegaverim, haud gravare, uti equidem spero, feres, me opinioni meæ nuntium non posse remittere, nec dimoveri a sententia, quam operose satis & haud infelicitè, nisi me plane fallo, defendi.

Ut tamen aliquid reponam, sic habeo, me ignorare scriptum mihi fuisse, quod narras pag. i. & alibi: *Romanos vexilla vela in usu sic habuisse, ut apud illos nata & inventa, & ab illis ad alias gentes morem vexillorum in hunc usque diem perseverasse.* Nam tota illa epistola docui, Romanos primis Reip. temporibus vexilla illa vel vela habuisse, & propterea a barbaris ad illos non pervenisse, qui tamen similibus signis uti potuerunt: verum est per vexilla designari *auxilia*, docetque id multis Salmas. ad cap. 2. Pertinacis; ubi addit, *auxilia in cohortes fuisse divisa, cohortes in vexilla*; adeo ut, si hæc recte sese habent, cohortes non fuerint constitutæ, ut hodiernæ, sed plures longe, & vel quingentos (quingenariæ enim cohortes occurrunt) vel mille forte milites fuerint complexæ, divisos in varias partes, quas appellant *vexilla*, quibus conveniunt nostratum *compagnies*; sed inde nullum argumentum peti potest, vexilla vela a barbaris pervenisse ad Romanos, quia

hæc posteriorum temporum sunt, & diu antea in Capitolio ad convocandum populum, vexillum velum fuerit propositum, quod erat veluti signum bellicum. Atque ita Græcos ejusmodi signis usos esse patere videtur ex Plat. lib. 12. de Leg. *χρῶματα δὲ λευκὰ πρέποντ' αὐθροῖς εἶναι, καὶ ἄλλοτε καὶ ἐν ὕφῃ: βάμματα δὲ μὴ προσφέρειν, ἀλλ' ἢ πρὸς τὰ πολέμια κοσμήματα*, quæ verba Cicero lib. 2. de Leg. sic interpretatur: *Color autem albus præcipue decorus deo est, tum in cæteris, tum maxime in textili, tincta vero absint, nisi in bellicis insignibus; & quanquam κοσμήματα hæc, alia potuerint fuisse, quam vexilla, vela, puta paludamenta vel chlamydes, tunicae rufæ, quibus Græcorum nonnullos usos fuisse in præliis constat, tamen Cluverius lib. 1. Germ. Ant. c. 49. putat Platonem loqui de signis militaribus, quod si verum, ut omnino videtur, proculdubio fuerunt textilia, uti vel patet ex vocibus ὕφῃ & βάμματα, & per κοσμήματα ejusmodi vexilla posse commode satis designari, te nequaquam dubitaturum etiam confido.*

Quod mox scribis, Romanorum signa extra exercitum & legiones, quum adhiberentur, vexilla dici cepisse, & quando conscribebant exercitus, & deletum instituebant, signo tali erecto, vel aquila, vel manus &c. ad illud vexillum propositum concurrere milites futuros voluisse, ut nomen darent, qui militare vellent &c. velim, ullo veteris auctoris loco firmasses, idque eo magis, quia idem repetis p. 4. & 6. multisque defendis pag. 8. & 10. epistolæ tuæ. Nam e diverso, non male me ratiocinaturum crediderim, si statuas signa esse aquilas, manus, dracones, vexilla vero vela illa, eoque nomine etiam postea alia signa venisse; & vexillum prima sua significatione nihil aliud quam velum denotasse patet vel ex Cicrone, qui velum putat contractum esse a vexillo in Orat. ad Brutum. Quin etiam verba sæpe contrahuntur, non usu causa, sed aurium. Quomodo enim vester Axilla, Ala factus est, nisi fuga literæ vastioris? quam literam etiam e maxillis, & taxillis, & VEXILLO, & paxillo; consuetudo elegans Latini sermonis evellit, id quod etiam amplectitur Scaliger c. 31. de LL. quanquam Festus & Priscianus statuant vexillum esse diminutivum a velum, uti jam notatum est eruditiss. Quod si Ciceronis auctoritatem sequimur (& quis illud non faceret?) jam sequitur absque dubio vexilli vocem ante velum Romanis usitatam fuisse, nec aliud ea designari potuisse, quam ἱστὸν, vel pannum linteumve, quo sensu certe contractum illius velum semper usurpatur, & inde simul sequitur τὸ vexillum antiquius longe esse ætate Ciceronis & Varronis, cum primitivum ejus velum eos præcesserit, constetque idem ex lapide veteri in alteris literis a me allegato, nec non ex Servio, quem nullus dubito, quin solemni verbo usus sit, & antiquiss. temporibus usitato, ne jam dicam colorem rufæum, quem vexillo tribuit Grammaticus, illud satis probare.

P. 3. & 16. disputas, cur in tot nummis ante Cæsarem, aut circa illam ætatem signatis nulla vela inter vexilla vel signa compareant: putasque illa Romanis nondum tunc temporis fuisse recepta. Observavi etiam in nummis apud Ursinum vexilla raro depingi, sed inde probare velle, Romanis illa nondum fuisse ante Cæsaris ætatem recepta, id quidem mihi non probatur; nam & ita affirmare possem, barbaris eadem non fuisse in usu, quia nulla conspiciuntur in nummis, qui erecta de iis tropæa nobis conservant, quos tamen barbaros ejusmodi velis pro signis militaribus usos esse, atque ab iis Romanos illa accepisse contendis. Sed tamen Parchus genu flexo signa, vel vexillum, velum reddens in Augusti nummis; vexillum velum

in triremibus, quas depictas servant Antonii nummi, mihi satis firma indicia sunt, Romanos ante Cæsarem tam in navali quam terrestri militia ejusmodi signis usos esse; quo pertinet Goltzium ad A. V. C. 607. nummum recensere L. Hostilii Mancini & Ser. Sulpicii Galbæ, in quo triremis pingitur cum ejusmodi vexillo, & alium Ser. Sulp. Galbæ ad a. 645. in quo itidem tale vexillum cernitur; quod non tam velum, quo navis propellitur, fuisse puto, quam signum, quia fluitat, nec funiculis cohibetur, & quia hasta, cui appenditur, in orbiculos est formata, quod certe malo navis nequaquam convenit: quamquam hic nummus aliter paulo repræsentetur ab Ursino, quin & in nummo Gentis Celiæ apud Ursinum & Goltz. 2. ad A. 659. nullus dubito, quin vexillum, velum conspiciatur, quia ex eo fimbriæ dependent, quas nos appellamus franges; illæque tabellæ quadratæ non conveniunt, unde & mihi non leve argumentum ducitur, ante ætatem Cæsaris ejusmodi signa in usu Romanis fuisse; maxime cum velo illi inscriptum sit *Hif.* ad indicandum, forte avum vel patrem, quorum vultus in binis nummis cerni putat Ursinus, in Hispania legioni vel exercitui præfuisse, & rem bene gessisse, quo pertinet in alio nummo bigis insistentis Victoria, & tropæa in altera hujus ipsius nummi area picta. Sed & barbaros ejusmodi vela pro signis habuisse, licet nulla in tropæis, quæ servant nummi ab Ursino editi, conspiciantur, patet ex nummo Cn. Domitii Calvini, quem edidit Goltz. ad A. 700. & puto ibi denotari Domitii cujusdam de Arvernens vel Hispanis victoriam & tropæum.

Quale vexillum, de quo mox agis, in castris propositum fuerit, cum milites convocarentur ad audienda mandata Imperatoris, non satis constat, sed puto me probasse, vexillum velum jam fuisse in Crassi, adversus Parthos fuscipientis expeditionem, exercitu, & militibus datum fuisse signum pugnae, proposito velo vel panno purpureo sive rufæo; & revera non capio, quomodo loca illa, quæ tunc in medium produxi, aliter explicari queant. Collegiis & Corporibus fuisse vexilla vela, puto me etiam docuisse satis superque, sed mihi lectum non est ea habuisse alia signa, nisi per signa intelligere velis statuas deorum. Treb. Pollio c. 8. Gallieni: *Hastæ auratæ alitrinsecus quingentæ, vexilla centena, & præter ea quæ collegiorum erant, dracones & signa templorum omniumque legionum ibant.* Nam vexilla tribuit collegiis, & signa templorum memorat, quæ potuerunt fuisse statuae, ex templis depromptæ & in hac pompa circumlatæ; quamquam cum signa etiam legionibus tribuat, de aliis signis & quidem de vexillis velis etiam possint exponi, nisi signa duplici sensu sumantur, ita ut signa legionum sint aquilæ... & signa templorum statuae. Salmasius notat, ex hoc loco patere, singulis collegiis sua vexilla & signa fuisse, de quibus, si Deusnaverit, promittit se plura in alio opere dicturum; quod utinam fecisset ὁ πᾶν. P. 4. scribis, Barbaros his velis antiquitus ante Romanos usos fuisse, & sibi propria habuisse variis coloribus distincta, vel pura & candida, ex monumentis, picturis, sculpturis, nummis, historiis ubique patere. Ego tamen nullum nummum vidi, vel marmor, vel picturam, unde certo affirmari possit, Barbaros ante Romanos vexillis iis usos fuisse; & puto omnia, quæ ad hoc probandum afferri possunt, facta esse, cum jam absque dubio Romani etiam vexillis velis uterentur, & si pati potes, cum in triremibus, quæ in nummis a me laudatis occurrunt, vexilla, vela picta sint, crediderim secundum Romanos dandum esse, quia in nummo a Goltzio ad A. 607. laudato tale vexil-

lum conspicitur, quo nescio an ullum monumentum barbarorum, vel ob barbaros victos erectum, antiquius conservatum sit. Nec legimus Germanos, de quibus agis, vexilla vela habuisse, quamvis Cluverius putet Tacitum hisce verbis, *Effigies & signa quædam detracta lucis in prælium ferunt*, vel per signa intelligere vexilla illa magna, quibus etiam hodie utuntur in bello; cum tamen idem lib. 4. Hist. Civili rebelli tribuat *veteranarum cohortium* (nempe Romanarum) signa, & *de promptas silvis lucisque ferarum imagines, ut cuique genti inire prælium mos est*; & ita indicet, barbaros non vexillis velis, sed ferarum imaginibus, ex ligno vel alia duriori materia factis usos esse; quo non absque ratione refert taurum Cimbricum, ad quem jurare solebant, & qui in Catuli domum illatus inter alia spolia servabatur.

Tunicæ ruffatæ, de quibus agis p. 5. non satis firmum indicium sunt, incognita Romanis fuisse vexilla vela, cum illæ in signum pugnae proponerentur; & ut docui, *χιτων* vox sit generalis, & præter tunicas soli illi rei forte servatas, potuerint habere, & habuerint, si quid video, vexilla, vela.

P. 6. Dubitas de Inscriptione a me laudata, sed equidem nihil causæ video, & beabis me, si mittere rationes tuas velis: illud IN ARCE POSITUM magis mihi persuadet, eam genuinam esse, quia arx a Capitolio distinguebatur, licet Capitolini montis pars foret, uti ex Cicerone, Seneca, Livio, aliisque constat, docetque Rycquius c. 5. Capitolii, *arcem* veteres appellasse munitiorem illam, magisque excelsam montis Capitolini partem, qua theatrum Marcelli, flumen Tiberinum &c. respiciebat, in qua, ut pote summo P. R. propugnaculo, turres murique pinnati; cumque in hoc loco excelsio proculdubio vexillum, quo magis conspicuum foret, fuerit propositum, recte, si quid video, in lapide veteri scriptum est, IN ARCE POSITUM.

Fieri potest, uti argumentari pergis p. 9. vexillum cum in usum primo venit, non designasse *velum*, sed *signum signi* militaris forma; verum velim vel unica illud probabili ratione, vel auctoris loco, qui eo vel leviter ducat, probasses, cum mihi persuasum sit, *vexillum* primo designasse *velum*, & inde nomen illud aliis signis datum esse, eoque ducunt plane Ciceronis verba antea a me laudata.

P. 11. nummos advocas, *qui tot signa templis dicata ostendunt*, & addis te nunquam in illis animadvertere potuisse *vexilla vela*, vel *suspensa vel stantia*: id quod ego facile credo, sed tamen propterea non sequitur, *vexilla templorum* non fuisse *vela*; maxime cum eadem Collegiis tribuat Treb. Pollio; quæ nihil causæ video, cur non de *velis* debeant explicari, idque eo magis, quia Salmasius distinguens vexilla & signa, in eadem fuisse videatur sententia: præterea in nummis ego non observavi, *tot signa templis dicata*; templa apud Urfinum exhibentur in Gentibus Antonia, Arria, Cassia, Claudia, Confidia, Julia, & Volteja, sed nulla in nummis illis signa, nisi quod in templum Jovis Feretrii ferantur spolia opima: idemque observes in nummis, qui templis signati sunt, apud Ducem Arschotanium, & alios, nisi quod IMP. CÆSAR I dicatum est, exhibeat simul tropæum tab. 12. & alii statuas & sacrificia; cumque per signa non videaris intellexisse solas statuas quæ certe in templis debent esse, eorumque ornamentum sunt, edoce me, quæso, quid hac de re sentias.

Vexillum Agrippæ equidem persuasissimum habeo, fuisse *velum*, non quidem apparet illud in nummis, sed nec in iisdem visitur aliud donum signi forma, quale vexillum illud fuisse contendis,

A colore cæruleo, & contentus Agrippa fuit coronam classicam vel navalem, ut præcipuum decus, in iis pingere. Nec mihi unquam probabitur *ονυειον* illud *ονυειδον vexillum cæruleum*, dici *vexillum*, quia non erat signum Legionarium, sed meritis Agrippæ dicatum; nisi hoc firmes, vir doctissime, alicujus veteris auctoris testimonio.

P. 13. & 14. agis de signis puris, putasque in eorum apice nullum signum fuisse, nec aquilæ, nec draconis, nec manus, nec orbis, eaque pura posse dici sic mutilata, licet imagines ac purpuram haberent, eoque sine sic Imperatoribus donabantur, ut quæ vellent signa imponere, possent pro arbitrio; & ita vexilla pura esse, quæ erant sine capite & signo. Nescio an hujus positionis aliquod vestigium exstet apud auctorem ullum, & licet complures evolverim, me tamen nihil simile observasse memini unquam. Quin & nunquam mihi occurrerunt signa pura, sed *hasta pura*, & *vexilla pura* apud Vopiscum, quæ utique de *velis* intelligenda esse habeo persuasissimum, idque satis superque probare Salmasium puto. Sed hac occasione doce me, quæso, quid sibi velit HASTA PURA SINE VEXILLIS obvia in Inf. 8. 414. apud Grut. an nempe illa ita appelletur, quia vexilla vela non habuit affixa, & simul fuit absque ferro; an vero sensus sit, hominem cum donatum fuisse hasta pura, sed nullis vexillis, quæ ceteroquin hastis puris sæpe inter dona addebantur; & quid sibi velit, PRAEF. PRAET. IMPERAT OMNIUM, uti scribitur in eodem lapide.

Quæ de signis vel vexillis donatis Imp. & principibus Juventutis iterum commentaris, satis puto a me priore epistola illustrari; nec tempus mihi est de opinione, cui nullus scriptor fundus factus est, pluribus agere; id quod etiam statuas velim de vexillis, quæ in Coloniarum nummis conspiciuntur, & sub quibus deductos putas non Romanos sed illos solum milites externos, qui sub vexillis, velis, serviebant, & emeriti coloniarum jura acquirebant, apud Romanos veluti naturalizati. Nam ego hæc quidem admittere non possum, quia in variis nummis legionum nomina leguntur, quæ deductæ, vel ex quibus veterani deducti sunt, addito vexillo velo, & constat externos in legionibus Romanis non militasse. Habebantur veterani missi sub vexillo, uti ex pluribus nummis patet, & ex iis quæ priore epistola monui, credibile illud vexillum fuisse *velum*, & ab ejusmodi veteranis puto cum Pichena ad Tacit. 1. A. 38. distinguendos esse *vexillarios legionum*, eosque ab aquilis legionum separatos sub propriis vexillis militasse, & milites unius legionis, ita ab aquila vel reliqua legione sejunctos, suum sibi vexillum habuisse, & inde occurrere *vexillarios vicesimarios trium Britannic. legionum*, & *vexilla nonæ, secundæ, & vicesimæ Britannicarum legionum*.

Atque hæc sunt, vir doctissime, quæ mihi venerunt in mentem lectis sæpius literis tuis; si quæ autem remanent, quibus non ad amissim respondere, ea tamen nequaquam probo, & puto me priore epistola tam multis sententiam meam defendisse, ut illis nihil fere addi possit. Alia igitur omnia sentimus, & fruamur, salva amicitia, opinionibus placitisque nostris; & finiamus hanc controversiam, usque dum clara auctorum veterum loca aliquem nostrum sententiam suam mutare cogant.

Elephas meus absolutus plane est, & Gordianorum historiae trium, ejusque defensionis ultima jam manus est imponenda, & ubi a negotiis aliquantisper liber ero, Amstelædamum excurram, & videbo, num typographum invenire possim.

Credo te jam accepisse quinquaginta exemplaria

Fr. Halma; Nicasius ultimum valere dixit rebus humanis; & ecce tandem tibi locum, qui forte aliquo modo inservire poterit Dissertationi tuæ doctissimæ de Nummis non cufis. In libro 1. Enochii de Egregoris apud Georg. Syncellum, & Joh. Grabium in Spicilegio patrum Sæculi I. Azael cum fociis spiritibus fingitur terræ metalla primus confasse: *καὶ τὰ μέταλλα τῆς γῆς καὶ τὸ χρυσίον πῶς ἐργάσονται* & ποιήσονται αὐτὰ κόσμια ταῖς γυναιξὶν καὶ τὸν ἄργυρον. Vale plurimum, Vir præstantissime. Davent. 2. Jan. A. 1702. quem annum tibi studiisque tuis faustum & felicem precor.

XLVII.

Nobilissimo & Amplissimo Viro

G I S B. C U P E R O

S. P. D.

OTTO SPERLINGIUS.

Priusquam majoribus & publicis implicari te contingat negotiis, Virorum Optime, quæ tempus hoc Vobis cumulabit, turbis bellicis instantibus, quas prædixi fore, modo meminisse possis, consultum duxi ad Tuas 11. Januar. datas paucissimis respondere, ne Tibi gravis sim tot aliis occupatissimo.

Et quamvis non videam in tuis aliud me tam stringere, quam Ciceronis autoritatem, quia vexillo velum contractum esse voluit, ut ab axilla, alam, quem locum in meis prioribus etiam meminisse adduxisse; nam si velum a vexillo diminutivum est, ut loquuntur Grammatici, vexillum erit sine controversia majus velum, quibus respondere facile possem, nisi hanc litem sopitam esse tandem cuperes, & ego sopitam esse sinam. Neque enim hæc tanti est controversia, ut ad tædium usque inter nos ventilari debeat. Quæ causa est, cur aliis tuis allatis nunc haud respondeam, quoniam in prioribus meis illa omnia satis defendisse me puto, quantum literis hinc inde nostris compendio veluti tractari potuerunt. Erit fortasse tempus, quo hæc magis cohæreant quæ scripsi, & testimoniis luculentis probentur, quæ per literas sparsim hætenus licuit tantum insulcire. Ad illud solum respondebo, de quo meam sententiam requiris, de signis nempe templorum ex Trebellio, Gallieni tempore: ubi sane non judico statuas e templis demptas in pompa fuisse; nimis enim ponderosæ sunt statuæ, sive marmoreas, sive æreas, sive eburneas, sive ligneas intelligere velis, quam ut proferri potuerint, sed quoniam templa non solum signa militaria reposita habuerunt, quæ facile ferri potuere, verum etiam signa alia parva Deorum, Imperatorum, argentea, aurea non magnæ molis, in altaribus & aris plerumque constituta, quæ proprie signa quoque dicuntur, & sigilla, exiguitate sua distincta a statuis, illa quin pompæ servire potuerint prolata, non multum refragabor; neque enim tanti oneris erant, ut gestari non possent, quum statuæ non possent. Sed Trebellius quænam signa templorum in pompa Gallieni jerint, aperte satis indicat, dum conjungit dracones, & addit de signis omnium legionum, *dracones*, inquit, & *signa templorum, omniumque legionum ibant*, adeo ut signa templorum non de statuis, neque de signis aut sigillis & imaginibus Deorum, Dearum, Augustorum vel Augustarum isto loco intelligere queam, sed de signis militaribus e templis depromptis capere me fatear. Nam si dra-

Aconum signa in templis reposita fuerunt, prout hic locus ostendit, quæ erant signa militaria, cur cætera signa Romana militaria templis defuerint, nullam causam video. Habes igitur super hac re meam sententiam, quam Tibi, Vir Amicissime, non obtrudo, sed Tui judicii ulterius facio, ut censeas, & si quid rectius videas amplectaris, mihi que perscribas. Notavi jam illam in Analectis meis, & explicavi meo more, sed quam tibi placere possit & Eruditis, tuo & illorum judicio L. M. Q. submitto. Distinguendam primo hanc Inscriptionem probe puto, hac ratione.

B L. FVRIO L. F. PAL. VICTORI
PRAEF. PRAET.

IMPERATORVM OMNIVM HONORATO
ET DONATO

IN PROVINCIAM PARTHIAM ET VER...

CORONIS MVRALI VALLARI HASTA
PVRA SINE

VEXILLIS OBSIDIONALIQUE CORONA
DONATO.

C Eo usque pertinet ad tuam quæstionem, Vir Consultissime, hæc inscriptio: nam cætera quæ sequuntur, satis clara sunt, quod a Centurione ad Tribunatum legionis 11. ad varias deinde procurationes & munera illustra promotus sit, & tandem ad Præfecturam Prætorii, cui immortalis esse videtur, & propter res bene gestas in illis functionibus VICTORIS agnomen adquisivisse. Quum igitur honoratus & donatus omnium Imperatorum appelleretur, nihil aliud indicat hæc inscriptio, quam eum ab omnibus Imperatoribus, sive militaribus, sive perpetuis & summis Cæsaribus, sub quibus meruit, honoratum & donatum usque discessisse variis modis; sicque ipse Gruterus in Indice ad res militares hæc verba Inscriptionis hujus intellexit, sub voce *Honoratus*. Non igitur hæc verba PRAEFECTO PRAETORIO conjungenda veniunt, cum IMPERATORVM OMNIVM HONORATO ET DONATO. Quæ sequuntur de coronis, murali, vallari, obsidionali, hasta pura sine vexillis, honores illi sunt, & dona, quibus honoratus & donatus fuit ab Imperatoribus suis omnibus, sub quibus ut centurio & Tribunus & Præf. Prætorii rem præclare gessit in militia. Quod vero hasta pura sine vexillis, se donatum quoque meminerit, eo spectat, quod maximum honorem, qui obvenire potuit iis, qui hasta donabantur consecutus sit, similem Diis & Imperatoribus ipsis, qui hasta pura inaurata, sine ferro, sine vexillis, aut ornamentis, & fasciis, honorabantur. Multæ enim tales hastæ puræ in nummis præfigurantur, quæ tam puræ sunt, ut nihil nisi lignum illud inauratum manibus præferant; multæ quoque hastæ, fasciis, ut puto, purpureis dependentibus & volitantibus, occurrunt, inter quas illæ hastæ maximi honoris erant, quæ neque fasciis aut vexillis ornatae, neque ferro ullo præpilatae donabantur; ambæ enim hastæ puræ erant quæ ferro carebant tam quæ vexillis & fasciis ornatae donabantur, quam quæ sine illis ornamentis pompaticis: nisi quod majoris honoris essent, quæ tam ferro quam vexillis carebant, quoniam sic Diis & Cæsaribus similiores erant, qui illis adeo puris donabantur, ut neque ferrum, neque vexilla ulla adessent. Inter Archotanos occurrit primo tab. 3. fig. 5. & 6. Julii Cæsaris nummus, cujus aversa habet signum militare hastatum, & vexillo velo pompatico orna-

tum, si vexillum esse potius debet, quam tabella, A
deinde signum aquilæ; aratrum & decempeda
cum nomine TI. SEMPRONIVS GRACCVS Q.
DES. Est sane signum militare hastatorum legio-
nis, quod suum ornamentum recepit vexillum ve-
lum ad pompam, quoniam forte ex hastatis co-
loniam deduxit. Deinde tab. 5. fig. 16. cum Pietatis
Deæ vultu, averfa duos habet ad aram acceden-
tes cum hastis puris, sed vexillis suis aut fasciis or-
natis, qui nummus inscribitur A. HIRTI. A. F.
tab. 6. fig. 2. M. Lepidi vultus, in averfa Martem
habet galeatum, scuto pede sinistro insistentem,
sed sinistra parazonium ornamento vexilli vel fa-
sciæ donatum, nam talia ornamenta etiam vexil-
la dicebantur, & inscriptus est nummus L. MVS-
SIDIVS T. F. LONGVS IIII VIR. AP. F. Idem
ille Mussidius occurrit in M. Antonii nummis cum
Marte & eodem parazonio vexillato tab. 8. f. 10.
ut & in C. Cæsaris nummo tab. 9. f. 12. Quo etiam
pertinent Augusti nummi tab. 10. f. 14. & 16. Mars
ubi hastam puram præfert ornatam vexillo, cum
Inscript. VOT. P. SVSC. PRO SAL. ET RED. I.
O. M. SACR. Tab. 13. f. x1. Parthus in genibus,
cum signo vexillato pompaticè quod reddit, & in-
scr. L. CANINIUS. GALLVS IIII VIR. tab. 16. f. 15.
rursus Tib. Sempr. T. F. Gracchus IIII VIR. cum si-
gno hastato velo suo inferius pompaticè ornato &
Tab. 17. fig. 8. signum hastatum cum ornamento suo
vexilli, nisi tabula potius sit in nummo Tiberii, cum
Inscr. SIGN. RECEP. DEVICT. GER M. In
nummo Vitellii tab. 24. fig. 7. ROMA RENA-
SCENS dextra victoriolam, sinistra hastam puram
ostendit fasciis suis aut vexillis distinctam. Tab.
28. fig. 15. ANNONA AVG. sedens hastam puram
vexillo ornatam in nummo T. Vespas. præfert. In
eiusdem Vespasiani nummo 8. tab. 30. videbis si-
gnum purum, sine signo, & vexillo suo ornatum,
quod victoria coronat. Tab. 31. fig. 12. & 22. vide-
bis Sarmatam in genibus signa reddentem cum or-
namento vexilli addito in nummis Domitiani. In
eiusdem Domitiani nummis tab. 32. fig. 12. videbis
signum aquilæ fasciis suis & vexillis undique orna-
tum, quod rarum est, & binæ manus fidei exer-
citus illud tenentes in rostro navis, quod etiam
occurrit in nummo Nervæ tab. 33. f. 2. cum Inscr.
CONCORDIA EXERCITVVM. Aquilas cum
vexillis vel fasciis, vel imaginibus ornatas conspi-
cere, rarum est, ut dixi: fulmini solent insistere, pu-
ram præterea perticam ostendentes. At exstat num-
mus M. Antonii Triumviri apud Oiselim tab. 82.
f. 1. in cuius averfa signum aquilæ fixum in rostro
navis varie ornatum cernitur. Insertum est enim
signum illud inter duas manus junctas, supra quas
clypei aliquot cum imaginibus comparent, & in-
ter imagines fasciolæ istæ pompam facientes lu-
dunt: sequitur fulmen, cui tandem insistit aquila
alis elatis; infra manus rursus fasciæ ludunt ven-
tilatæ. Est illud signum ex ornatissimis, ut omni-
no distinguere debeamus signa, prout vel in aciem
educebantur quotidiana, vel domi intra custodiam
tradebantur, sine pompa & ornatibus: & signa,
quæ festis diebus, ut ornatissima essent velis, fa-
sciis, coronis, floribus proponebantur ad pompam.
Ornabantur enim signa & ungebantur, ut polita
essent festis præprimis diebus, ut Plinius ait, lib.
13. c. 3. *Aquilæ ac signa pulverulenta illa, & cu-
stodiis horrida inunguntur festis diebus:* unde in
veteri marmore: CORONIS INLATIS SIGNIS-
QVE VNCTIS. Ornabantur autem & velis, &
fasciis & floribus ac frondibus. De velis ac fasciis,
jam ex nummis allatis manifestum est: de floribus
Claudianus monuit:

Letaturque tamen: Mavortia signa rubescunt

*Floribus; & subitis animantur frondibus ha-
stæ.*

Atque notandum, hæc veterum ornamenta signis
fuisse apud Romanos, ungi signa floribus, & fron-
dibus ornari: accesserunt deinde fasciæ, quæ ve-
xilla dicebantur, quæ loco frondium, florum, &
coronarum, signis dabantur, ut aptiora & firmio-
ra, quæ quando & unde originem sumserint in si-
gnis ornandis, nunc quidem non tangam, ne im-
pingamus ad scopulos priores. Suetonius etiam
de his ornamentis signorum in Claudio c. 13. me-
moravit. *Neque Aquilæ ornari, neque signa con-
velli moverique potuerunt.* Reperio igitur in num-
mis, signa velis etiam fuisse ornata. Exstat num-
mus Caracallæ apud Oiselim tab. 81. f. 9. qui qua-
tuor signa in averfa, contra morem, exhibet, in-
ter duas aquilas, duo signa alia media, in circuitu
CONCORDIA: infra MILIT. Aquilæ istæ subje-
ctum habent velum dependens in pertica, nihil-
que aliud, quod velum ornatus gratia aquilis addi-
tum sentio, ut supra monstravi. Vexilla enim di-
cebantur illa ornamenta, five vela, five fasciæ es-
sent. In nummo Philippi Imperat. tab. 86. figura
5. etiam quatuor signa expressa videbis cum In-
script. FIDES EXERCITVS, binæ aquilæ
inter signa manuum constitutæ sunt. Sed nulla
in istis signis vela, vel fasciæ reperiuntur ornatus
causa, velut in prioribus adjectæ. Egregius est num-
mus tam aureus, quam argenteus a Patino produ-
ctus cum Urfinianis inter incertos p. m. 306. Antica
enim habet caput Martis barbatus, galeatum &
cristatum. Averfa non solum tria signa habet, Aquilam
in medio, & hastata signa pompaticis fasciis or-
nata ad latera, sed & aræ veluti inter signum hasta-
tum & Aquilam posita cernitur, quæ ornata & festa
signa ista ad aram producta ostendunt. In aræ ad
latera adscriptum P. R. infra SIGNA h. e. POPV-
LI ROMANI SIGNA. Aquilæ signum breviori
semper fere perticæ insistit, quam reliqua, prout
etiam Dio Cassius hoc animadvertit in Aquilis
Crassi, reliqua duo signa sunt hastata, ut infra
ferrum & *aræ* fascias pompales alligatas venti-
lent, quibus subjunguntur in pertica tres clypei
seu imagines, alter altero major, ita ut inferior
sit maximus, claudit subtus luna dimidia. Hasta
& thyrsus Bacchi in nummo sexto Vibii Vari apud
Urfinum p. 291. pari ratione fasciis ac vexillis
istis ornata ad altare prostat pompam faciens. No-
tandus quoque venit denarius C. Marcelli & Len-
tuli, & Cn. Nerii Quæstoris apud Urfinum, p. 72.
ubi in averfa tria signa, duo hastata, & aquilæ in
medio. Hastarum summitas fasciis, ut puto, pur-
pureis *πομπάδιν*, & præterea tabellas in fine per-
ticæ habent; tabellæ dextræ inscripta litera H. sini-
stræ P. & HASTATOS ac PRINCIPES significa-
ri nullum est dubium, ut videas, cur illa, quæ ut
vela semper adducunt scriptores, ego in illo loco
signorum pro tabellis accipiam, quibus nomina
vel legionis, vel Hastatorum, vel Principum deno-
tabantur. Addam vero etiam ex nummo Valentie
Vibonis, æreo triente, apud Goltzium clavam
Herculis velo ejusmodi pompaticò in manubrio or-
natam, quod descendit ad ipsum finem clavæ.
Prima facies Herculis caput leonino ricu indu-
tum ostendit, & a tergo tres orbiculos, aut tria
puncta pro triente significando. Averfa clavam
habet pompaticè isto velo ornatam, & ad sini-
stram acrostolium navis, & tres istos rursus orbi-
culos, a dextra vero inscriptum VALENTIA. Nolo
Te amplius defatigare aut obruere omnibus
& singulis perquirendis, quæ huc spectant, & ex
solis nummis ostendi possunt de vexillis & fasciis
ornamenti loco additis, signis & hastis aliisque ar-
mis

mis, ne in infinitum hæc Epistola procedat; soli enim Nummi manifesto ostendunt hanc rem, quid sint hastæ cum vexillis suis, & quid sint hastæ puræ sine vexillis, de quibus nemo hætenus antiquariorum cogitavit. Illud solum mihi dubium restat, an non hastæ cum vexillis etiam donatæ sint, non puræ, sed cum ferro suo & ἀχμῇ; nam hastæ multæ præpilatæ cum vexillis istis & ornamentis æque ac puræ in nummis aliquot conspiciuntur. Et quod toties signa ac hastæ vexillis velis, & vexillis fasciis ornatæ præfigurantur in nummis, primum usum vexillorum velorum & fasciarum Romanis adhibitum esse credo, ut sua signa barbarorum spoliis ornatis redderent, iisque obducerent, quæ deinceps, quum barbari militiæ Romanorum servire inciperent, etiam in suas acies admittebant: sed nolo redire ad illam litem, quam sopitam jam esse volumus. Hastas puras saltem sine vexillis ostendere animus est. Hastæ enim puræ sine vexillis toties in nummis occurrunt, ut innumerus earum numerus sit, nec Tibi nauseam illis recensendis movebo.

Inscriptionem saltem illustrare volui, quid sit hasta pura sine vexillis, & quid hasta pura cum vexillis: ita quoque signa pura militaria cum vexillis, & sine vexillis deduci poterunt ex iisdem nummis, nihilque mihi verius est, præeuntibus nummis non paucis, quam signa pura esse, quæ signum nullum habent, licet alas suas purpureas, imagines, & ornamenta, vexilla ac fascias suas ostendant. Jam vero etiam sententiam Tuam audire cupio de numeris illis, qui tam sæpe in nummis occurrunt, inprimis Consularibus: adeo ut ad D. quingentos in illis appareant, ut in nummo L. Julii Cæsaris Cos. ad A. U. C. 689. in Fastis Goltzianis, ubi in utraque facie nummi in summo numerus D. notatur. Et in nummo L. Censorini C. Limetani ac P. Crepusii numerus CXXIV. ac in alio nummo eorundem ad A. U. 714. numerus CXXCVII. occurrunt. In aliis minores numeri XXXVI. XXXVII. XIII. &c. leguntur. Quid significant illi numeri & quod spectent, ego penetrare hætenus non potui. Tuum erit, si quid de his observasti, me docere, atque ut hoc facias, maximopere Te rogatum volo.

Gaudeo Elephantum Tuum esse absolutum, & quærere Typographum, ut & Gordianorum trium defensionem aëo videre, cum prodierint. Ego Boream elaboravi, ejusque laudes, dedicandum Societati Illustri Anglicanæ, quæ me anno elapso Societati suæ ultro adscripsit, quum scripta mea legisset, me nec petente nec cogitante. Septem capitulis absolvitur. Sed nondum invenio, qui editionem in se velit recipere, ut quando proditurum sit opusculum, nesciam. Franciscus Halma quidem ante tres menses mihi scripsit se exemplaria 50. de Nummis non culis misisse Hamb. ut jufferam, sed nomen Naucleri non indicavit, cum quo missa sint. Nescio an perierint tot tempestatibus interea Oceanum exasperantibus. Scripsi tamen Dn. de Halma ut nomen Naucleri significet. Infeliciter hoc mihi in omnibus processit negotium. Dn. Oliverus Jacobeus in fata tandem concessit sub finem prioris anni, incubuit morbo suo melancholico, quo diu vexatus fuit, Vir melioribus fati dignissimus, ob eruditionem non vulgarem. Audio in vicinia vestra Campis diversari cum legionibus suis Dn. Joh. Rantzovium Generalem Majorem a nobis missum, Patronum literarum, & meum utiq; summum, cui Absolonis Archiepiscopi Testamentum cum notis meis olim dedicavi; cui Viro ut innotescas opto, si feret occasio: est enim humanissimus, literis bonis imbutus, & multæ lectionis, Eruditorum præterea amantissimus. Reperies in illo plura quam nunc commendare possim. Qui vobiscum

Supplem. Tom. IV.

Daventriæ versatur, Dn. Nummeson, eruditioni quidem haud multum litavit, amat tamen literatos. Vale, vir summe, & amare perge, qui nunquam non erit Tuus, &c.

Vir Amplissime,
Cultu & obsequio addictiss.

Dabam Hafniæ a. d. XII. Mart. 1702.

XLVIII.

Amplissimo Celeberrimoque Viro

OTTONI SPERLINGIO

S. D.

GISB. CUPERUS.

MEmini certe illorum, quæ olim ad me misisti, sed, ut verum fatear, tunc illud epistolæ tuæ caput præterii, quia videbaris esse subiratior. Illo tamen tempore belli atrocissimi tempestas, quæ toti fere Europæ imminet, non potuit prævideri, neque res, de qua tunc agebas, quicquam commune habet cum ea, quæ nunc nos exercitos habet.

Ad epistolam tuam veniendum est; litem igitur nostram finitam esse gaudeo, & si quid forte occurrat, quod vel tuæ, vel meæ sententiæ firmandæ inserviet, possumus illud alter cum altero communicare.

Nilil vëro, quin per *signa templorum* apud Treb. Poll. intelligantur signa militaria ex templis deprompta; sed primo tunc investigandum foret, an ea recte appellentur *signa templorum*; 2. an hæc fuerint signa Romanorum militaria, quibus in expeditionem proficiscentes utebantur, & an per consequens illa ordinaria in templis, & quidem diversis fuerint reposita; an vero sint 3. signa emeritarum legionum, si modo integræ legiones, id quod vero simile nequaquam est, deductæ sunt; vel 4. an signa ab hostibus capta & in templis diis dedicata. Certe *dracones* ex illo loco, uti non absque ratione judicas, patet fuisse in templis collocatos, & proinde videtur sequi, etiam *signa* de signis militariis debere explicari. Sed cum mihi nondum ex aliis pateat auctoribus, legionum signa in templis fuisse posita, & illa apud legiones & milites, qui exceptis prætorianis, & aliis corporis Imp. custodibus, ordinarie Romæ non erant, fuerint, dubitabam nonnunquam de lectione hujus loci, & suspicabar scribi commodius posse, præter ea quæ collegiorum templorumq; omnium erant *dracones* & *signa legionum ibant*; vel *collegiorum templorumq; erant, dracones* & *signa omnium legionum ibant*. Si autem vulgatam lectionem sequimur, & *signa templorum* nihil aliud sunt, quam signa legionum, non video, quare adjecta sit vox *templorum*; nisi distingui putes signa, quæ ex templis sumpta & diis consecrata erant, ab iis, quibus utebantur tunc legiones. At si meam hallucinationem sequi placet, possunt designari vexilla vela, quæ collegiis & templis fuisse certum est, maxime cum illa collegia sua sibi quæque vel hujus vel illius dei templa habuerint, ad quæ statim diebus conveniebant; vel etiam, uti videtur, propria; unde in Inscript. Regiensi apud Gruter. a. 1101. memoratur *TEMPLVM COLLEGII FABRVM ET GENTONARIO RVM*; in quo tamen deum deamve aliquam cultam fuisse ne dubitandum quidem est; nisi per *templum* designetur ædificium publicum, in quod Corpus illud conveniebat: quicquid sit, certum est, opti-

me Collegia & templa jungi, & forte in his velis A vexillis dii erant picti live intexti, vel res ab iis gesta; quo pertinet utique Peplus Athenis panathenæis deduci solitus; nec dubito, quin Christiani illi gentiles sint imitati, qui in villa, cui nomen Anabletha, in foribus ecclesiæ suspenderunt velum tinctum, atque depictam habens imaginem quasi Christi vel Sancti alicujus, testibus Epiphano & Hieronymo. Neque etiam a ratione alienum est, per signa templorum omnium, intelligere statuas deorum & dearum, quarum multæ, licet non admodum parvæ fuerint, in pompis potuerunt gestari, & gestatæ fuerunt, uti patet ex iis quæ breviter noto p. 166. Harpocratis, & ex plurimis auctororum locis insuper patet.

Perpulchre explicas Inscriptionem positam L. FVRIO. VICTORI; sed tamen mihi mira & alibi non obvia locutio videtur esse, HONORATVS ET DONATVS IMPP. OMNIVM pro ab Imperatoribus; & si apud Manutium atque adeo in ipso lapide lineæ ita scribuntur, ut editæ sunt a Grutero, utique jungi debent PRAEF. PRAET. IMPP. OMNIVM, quanquam illud OMNIVM, quibuscunque vocibus jungas, mihi etiam crucem figat; præterea DONATO videtur pertinere ad COR. MVRAL. & IN PROV. PAR. videtur desiderare MISSVS, quæ vox nescio quid sibi velit in sequentibus, PROOC. A. RAT. PRAEF. PRAETOR. MIS. SV. RAVENNATIVM, cum scribendum ibi videatur esse PRAEF. PRAETOR. CLASSIS RAVEN. vel lateat vox MISEN. atque ita in lapidibus vetustis memoratur *Classis prætorie Misenensium*, adeo ut L. Furius victor utramque hanc dignitatem diversis temporibus gesserit; sed ego hic Davus sum non Oedipus, & tuum erit examinare, si tanti, an lapis recte exscriptus sit, & an scrupulos hocce mihi eximere possis; hujus autem L. Furii Præfecti Prætorio non meminit Fersius.

HASTAS PVRAS eas dici, quæ ferro carent, inter omnes convenit, & tibi facile assentior, ita easdem appellari posse, licet fasciis nonnullis ornatae sint; id quod tamen de vexillis velis, iis appensis, vix credo, quia tunc non hastæ, sed vexilla dicerentur: unde suspicabar olim illud SINE VEXILLIS non interpretari debere de vexillis, vel fasciis hastæ puræ additis, sed de vexillis, quæ præter hastam puram militibus sæpe donari solebant: uti in Inf. 1. 375. HONORAT. AVR. HASTIS. PVRIS. IV. TOTIDEMQ. VEXILLIS. 1. 403. DONATO. AB. . . . AVREIS HASTIS PVRIS. III. VEXILLIS. II. qualia etiam legas in 5. 430. 5. 433. 6. 1028. 5. 425. HASTAM PVRAM. ET. VEXILLVM. & ita ex locis, quæ Lipsio lib. 5. Dial. 18. De Mil. R. laudantur, patet inter dona militaria fuisse hastas, vel hastas puras & vexilla, illaque a se invicem fuisse diversa; adeo ut putem in Inscript. cujus in sensum inquirimus, SINE VEXILLIS addi, non quia illis caruit HASTA PVRA; sed quia vir ille vexillis non fuit donatus. Hæc autem vexilla, quæ militibus donabantur, fuisse vela præclare patet ex fragmento Polybii in v. ἀνόλετον; ubi scribit nonnullos donatos fuisse χρυσοῖς ὑπόμασιν ἢ λόγχαις, aureis velis, vexillis, & hastis, quomodo hastas & vexilla conjungit Marcus apud Sallustium, uti iterum observavit Lipsius: quanquam non negem Æm. Portum Græca Polybii vertere, aureis vestibus, quod tamen a ratione hic alienum esse puto, si quis vestes indutui, vel amictui designari putet. Mirum autem est, in lapide, qui positus fuit honori L. Furii, legi eum donatum esse *hasta pura sine vexillis*; quia, si vexilla honorifica fuerunt, uti omnino verum est, sequitur in opprobrium Furii hoc tendere; nisi tecum hic per vocem illam intelligendæ sint phale-

raz, & major honor fuerit hasta pura donari absque ullis fasciis & ornamentis, uti te etiam statueret video, vir excellentissime.

In nummo 6. tab. 3. apud Duc. Arschot. ego nulum signum militare invenio vexillo pompatico ornatum; sed puto illud verum & genuinum signum militare esse, in præliis & castris usitatum, quia aquila additur, & quia in aliis plurimis nummis, in quibus nulla Coloniae deductio est, eadem ita picta sunt.

In Hirtii nummo tab. 5. non satis mihi clare hastæ puræ sese offerunt; puto eas cuspidatas esse; tales certe eas repræsentat nobis Antonius Pius tab. H. In Lepidi nummo 1. tab. 6. hasta pura conspicitur; sed fascia quæ de parazonio pendet, non vexillum sed cingulum est, quo illud corpori alligatur, qualis gladiator cernitur in gemma apud Leonard. August. 167. part. 1. & in alia parte 2. nempe 14. in qua tamen ego nullos bacchantes, sed milites Romanos, gerentes socios mortuos vel faucios ex prælio conficio; atque tale parazonium itidem observes in gladiatore vel alio, inter statuas a Pererio editas num. 21. idemque statuo de figura nummo 10. tab. 8. obvia.

In Augusti nummo 14. & 16. tab. 10. Mars hastam puram, cui appensum vexillum velum, tenet; adeo ut & talis hasta fuerit valde honorata, & etiam diis tributa; non autem tantum inaurata absque ferro & vexillo.

In nummo 11. tab. 13. Parthus mihi non videtur in manibus habere vexillum pompaticum, sed purum putum vexillum R. vel signum, quod ab illis captum redditur, id quod etiam annotat doctissimus commentator; atque ita etiam nullum pompaticum signum invenio in nummo 15. tab. 16. & 8. tab. 17. sed similiter statuo talia signa ordinaria fuisse, præcipue cum in illo Tiberii legatur SIGNIS RECEP.TIS DEVICTIS GERMANIS; nec verisimile ullo modo sit, Germanos ea signa ornasse, sed Romanos talia ea pinxisse in nummis, quomodo a Germanis capta & tunc in usu erant.

In num. 7. tab. 24. invenio quidem hastam puram, sed nullis vexillis ornata, & mihi videntur fasciæ illæ, vel quicquid est, dependere ex galea; & ita illius ornamentum esse, quemadmodum in multis aliis observare licet.

In n. 15. tab. 28. nescio an nobis hasta repræsentetur, quia baculus brevis admodum est; videtur potius esse flagellum; cumque hoc suspicarer, inspexi notas, & inde edoceor, non flagellum ANNONAM tenere manu, sed tesseram, qua annona plebi distribuebatur, idque animadvertisse Anton. August. Dial. 2. qui ita loquitur p. 30. ed. Antw. *Uncus autem, quem Annona tenet, tessera meo quidem iudicio videatur. . . qua congiarium dabatur; & in edit. Itala, qua lingua dialogi illi conscripti sunt; Ma perché sta egli (digamma) a rovescio? A. per non lo far essere un F. Latino; & l'altro uncino, che ha l'Annona, credo, che sia la tessera, che si dava nei congiarii.* nummus, qui ibi pingitur, non est Titi Vespasiani, qualis ille apud Ducem Arschot. sed Vespasiani patris, si modo recte repræsentatur; quanquam Oiselius talem tibi exhibeat tab. 75. sed cum ego non videam quid uncus cum tessera habeat commune, aut quid faciat in dando congiario, hoc quidem de ectypo amplius deliberandum cenfeo; & hariolabar nonnunquam, figuram illam flagellum tenere, quia propter siccitatem forte Tiberis, frumentum Ostia tunc Romam non navibus, sed plaustris & vehiculis deportatum fuit.

Inde addis, me visurum in T. Vespasiani nummo 8. tab. 30. signum purum sine signo & vexillo suo ornatum, quod Victoria coronat. Sed primo mihi

dubium valde, an hoc sit signum purum, cum & videatur ferro munitum esse, & in aliis nummis similia signa militaria occurrant, puto esse signum ordinarium; nec certe capio, quid sibi hæc verba velint, *signum purum sine signo*: an statuis, vir celeberrime, hoc signum purum esse, quia nulla in illo imago, vel simulacrum obvium est? sed ipse ille clypeus contrarium evincere potest, quippe in quo proculdubio pictus fuerit Imperatoris vultus; deinde nec ego tale signum appellarem *purum*, quippe quod, vel cujus hasta clypeo, media luna, & vexillo ornata est; quas res si quis completi *puri* nomine velit, ego certe vix illi assensum dare possem. In num. 12. & 22. tab. 31. Sarmata reddit signa a Romanis capta; putoque illa ita picta esse, uti erant in usu; nec populum eum addidisse *vexilli ornamentum*, id quod significare videris, nisi me plane fallo.

In num. 12. tab. 37. occurrit signum aquilæ fasciis suis, vel vexillis ornatum. . . non secus ac in 2. t. 33. & nummus 1. apud Oisfel. t. 32. eundem cum ultimo Arschorano ectypum habet, & Antonio Triumpho eum tribuit Oisfelius, cui similis nobis exhibetur apud Ducem Arschor. t. 8. putas, vir doctissime, hæc signa esse pompatica, fascias pompam facientes, & distingui hæc signa debere omnino ab iis, quæ in aciem producebantur quotidiana, vel domi intra custodiam tradebantur sine pompa & ornatibus, & quæ festis diebus vel ornatissima essent, velis, vexillis, fasciis, coronis, floribus proponebantur ad pompam. Verum id certe esse potest, & festis diebus aquilas, signa uncta, floribusque ornata fuisse constat; sed & fasciæ illæ addi iisdem potuerunt, cum in prælium producerentur; nec certe puto aquilas, sub quibus perticæ appensum velum est in num. 9. tab. 81. apud Oisfel. folius ornatus gratia ita decoratas fuisse, & signa esse pompatica; sed ea ita in aciem fuisse producta, atque sub iis milites pugnasse; nec quicquam ad probandam sententiam tuam facit nummus 5. tab. 86. apud Oisfel. quia omnibus aquilis non addita vela vel vexilla, & illæ aliter ornatae in nummo illo Philippi sunt; credo hoc factum esse pro lubitu Imp. Ducum & forte Tribunorum & militum. Sic nec ego in nummo apud Ursin. p. 306. ulla signa pompatica invenio; sed qualia in exercitu & acie militibus præferebantur, licet illa fasciis ornata sint.

In nummo adhuc non invenio hastam pompaticam, sed thyrsus, quali bacchantes utebantur, pinea nuce ornatum; qualemque plane sacerdos Bacchicus & Priapus tenent in gemmis apud Leon. Augustin. nempe 132. tom. 1. & 13. tom. 2. Nec aliquid pompatici video in signis Gentis Claudiae in nummis pictis p. 72. apud Ursin. sed puto tunc ordinarie signa ita fasciis fuisse ornata: optime autem H. explicas *Hastatos* & *P. Principes*; possuntque illæ litteræ inscriptæ esse tabellis.

Hastas cum vexillis puras dici, quæ ferro carent, facile tibi assentior, quia in veteri illo lapide legitur **HASTA PURA SINE VEXILLIS**, si hæc ita jungi sibi invicem debent; quanquam optimo jure talis hasta pura non sit, cum nullis aliis rebus deberet esse ornata, excepto auro, vel argento, quo inducta sæpe erat. Sed signa pura, quæ nullum signum ostendunt, licet alas suas purpureas, imagines, & ornamenta, vexilla ac fascias nobis ob oculos ponant, ego, qua sum oscitantia, capere nullus possum. Nam 1. signa pura nemini veterum, quantum equidem sciam, memorata sunt; aliudque puto esse *vexilla pura*, quia illa ex velis, vel pannis erant facta, qua de re multis in aliis epistolis a me actum est; 2. non video quomodo signum purum possit dici, quod nullum signum ostendat; nam ipsa

Supplem. Tom. IV.

Aquila, manus, draco, imagines Imp. & c. signa sunt; ne quid jam dicam de fasciis volitantibus aliisque ornamentis; 3. signum militare nullum est, nisi habeat aliquod ornamentum vel notam, unde dignosci possit; esset cæteroquin, si omnia illa abessent, nil nisi nuda hasta: 4. signa pura ego non agnosco, quia omnia signa ferro armata sunt, si non in summitate, attamen in inferiore parte, qua nempe in terram defigi solebant; id quod ex plurimis auctorum locis & nummis quam clarissime patet. Quare etiam atque etiam, imo enixissime rogo, ut melius & clarius hæc mihi explicare velis.

Observavi etiam in nummis numeros, de quibus agis; sed, ut verum fatear, quid significant, juxta cum ignarissimis scio. In Goltziano nummo scribitur hinc inde litera D. quæ forte *denarium* notat; sed apud Ursinum in ed. Patini illa videtur potius esse P. licet in ipsius Ursini editione D. nobis repræsentetur. Et forte litera illa non est nota numeralis, cum in aliis Juliae Gentis occurrat E. vel Q. in gentis Mariæ uno N. in Anniae Q. quæ forte *Quæstorem* notat, quia in alio scribitur Hisp. Q. in Antoniae B. in Calpurniae N. & F. in Cassiae O quæ forte est prima litera Coloniae, quam L. Cassium deduxisse, videntur suadere boves juncti; in Corneliae G. in Creperejæ F. & H. in Egnatulejæ Q. & c.

Atque ita similiter ignoro, quid numeri CXXIV. CXXCVII. XXXVI. & c. sibi velint, nec ulla ratione adsequi possum, quid illi significant, tuaque mihi ad hanc rem opus est solertia & eruditione. Neque tantum numeros observavi in nummis Consularibus, sed etiam in nummis poster. Imp. Taciti, Probi & aliorum, in quibus occurrit frequenter XXI. XXII. XX. qui numeri an ad vota, an ad aliud quid referendi sint, mihi plane latet.

Quin & in M. Antonii, Lugduni signatis, nummis invenio numerum XL. & XLI. una cum litera A. Lipsius ad Tac. 3. A. 44. putat designari quadraginta gentes Galliae, Petrus de Marca, n. 99. de Primat. affect & hunc fuisse valorem nummi hujus; at Cl. Franciscus Menestrier S. I. in libro, cui titulus, *Les divers caractères des ouvrages Historiques, avec le plan d'une nouvelle histoire de la ville de Lyon*, interpretatur *Actuum quadraginta*; putatque mediam lineam A. — XL esse perticam, qua agri colonis divisi sunt; sed si ipsum nummum inspicias, inter A. & XL. nulla linea, verum leo est, & linea ducta est, ut leo illi insistant, uti in aliis Massiliensium, Reginorum, & aliorum populorum editis ibidem nummis, Ursinus esse arbitratur numerum annorum Coloniae deductæ. Et hæc ideo a me in medium adlata sunt, ut pateat quantopere varient viri docti in his numeris explicandis, & propterea nihil mirum esse, si & ipse hæream, nec sciam solvere quæstionem mihi a te positam; malo enim tacere, quam frivolis conjecturis & hallucinationibus tempus tuum perdere.

Spero L. libri tui eruditissimi exemplaria tibi tandem salva fore: Boream tuam legere desidero, & tibi gratulor ex animo honorem, quem tibi ultro habuit Societas Regia Angliæ.

Oligerum Jacobeam ultimum valere dixisse humanis rebus doleo: D. Joh. Rantzovium una cum fratre vidi, & in convivio, cui simul intereramus, cognovi Illustriss. illum virum multi esse judicii, memoriæ & lectionis, sed inde mihi nulla occasio eum adeundi, cum Campis ille semper, ego Daventriæ vel Swollæ fuerim; quod si tamen scivissem, eum tam insignem literarum & tuum patronum esse, quævissem occasionem de te & studiis cum eo colloquendi. Nam is est meus cæteroquin mos, ut, quando sum cum viris, quos ignoro, vel aliis, qui deliciis nostris non capiuntur, taceam plane de iis, imo ita me fere geram, tanquam ne Latinam quidem

linguam nossem; quia animadverti sæpe eos, qui de studiis loquuntur, naso suspendi adunco ab aliis, imo multos existimare, talia non decere eos, qui personam publicam gerunt. Dn. Numeneson non vidi, nec scivi talem virum in hybernis hisce fuisse; nunc Serenissimi Daniæ Regis miles una cum nostro ad ripam Rheni, vel Mosæ tendit; nec mihi copia eum salutandi, id quod cæteroquin fecissem lubentissime tua causa, si antea illius rei certior factus fuisset. Vale plurimum.

Davent. 26. Aprilis 1702.

XLIX.

Nobilissimo & Amplissimo Viro

G I S B E R T O C U P E R O

S. P. D.

O T T O S P E R L I N G I U S.

Quas 26. Aprilis hujus anni ad me mittere voluisti, Tuas acceptissimas recte perlatas esse scias, ad quas nunc demum respondeo, quod prius interpellare negotia tam Tua, quam mea non licuerit.

Concedis, signa e templis deprompta fuisse militaria. At quod addis, vexilla vela certum esse in templis fuisse reposita & dedicata, ut signa militaria reliqua Romanorum, hoc vellem probasses. Illis temporibus antiquis nulla vexilla vela in templis reperies, ne unicum quidem; quotquot supersunt monumenta, Inscriptiones, nummi, non nisi signa militaria Romanorum, aquilas &c. dicata ostendunt, illis ego inhæreo, Tu conjecturis. Et primo quidem signa recepta ab hostibus templis Romanos dicasse novimus, ut gratias Diis agerent ultoribus, illa tamquam sacra, cum religio requireret, cum pompa, cum triumphis, cum festa, promebant, & rursus reponebant. Neque enim credere oportet, non plura signa recepta aut dicata Diis, quam quæ monumentis celebrantur. Plurima fuerunt & veluti quotidiana, nunc succumbentibus nunc vincentibus Romanis; sæpius signa hostibus relinquere coacti sunt, sæpius receperunt, plura semper fuerunt, quæ penes hostes etiam manserunt nunquam recepta. De his nemo dubitat. Bella enim & victoriæ has vicissitudines usque secum ferunt, & partiuntur. Peplus Athenis Panathenæis deductus, non erat vexillum velum, sed Peplus Minervæ ex templo ejus, in quo religiosissime servabatur, depromptus, quo tamdiu Minervæ statua carere debuit, aut viliori contenta esse, donec ex pompa capiti & humeris ejus redderetur summo cum honore & reverentia. Quod ad Christianos attinet; optime dicis, illos imitatos esse gentiles, in vexillis reponendis in sacris Ecclesiis, sed alia ratione, neque enim stantia habebant illa vexilla vela postquam desierant signa, sed illa suspendebant, ut melius explicare possent suspensa, quam stantia: quod in signis haud opus erat, quoniam stantia satis prominebant, atque sic etiam in monumentis & nummis reperiuntur signa stantia, nunquam suspensa, quod etiam hodie observamus in vexillis suspendendis in Ecclesiis, in illorum gratiam, quibus honor ille debetur.

Concedi quoque Tibi potest, statuas quasdam, quæ portatiles fuerunt, in pompa gestatas fuisse, quamvis raro statuarum memorentur, quod, quæ fuerunt adeo parvæ fuerint & exiguæ molis, ut ab homine uno gestari potuerint, *ὡς σχήματα τετρακύλοις*,

illas quandoque collocatas legimus apud Athonæum & alios, atque sic traductas elephantis aut equis, & hominibus etiam pluribus illas trahentibus.

Meam sententiam & explicationem L. FVRII VICTORIS DONATI IMPERATORVM OMNIVM non tibi obrudo. Vir Amplissime, & tuam nequaquam damno, sed quod mihi visum est, scripsi; si minus placet illa, ideo scriptam intelligis, ut & emendes, & *ἀντιβέβηκεν* examines, quid conveniat. Scribit Solinus de L. Sicinio Dentato trecentis post V. C. annis, quod novem Imperatores, qui opera ejus vicerant, triumphantes prosecutus sit, in phaleris, hastis puris, armillis, coronis trecenta duodecim dona meruerit. Non scribit ipsum Tribunum plebis fuisse tot Imperatorum. Ergo nec Præfectus Prætorio Imperatorum omnium L. FVRIUS intelligi poterit, sed honoratus & donatus Imperatorum omnium, sub quibus meruit. Nam ab ipsis dona hæc accepit, quæ in Inscriptione memorantur, ut Sicinius Dentatus a novem Imperatoribus phaleras &c. Mentem meam intelligis. Si tibi placet alia, facile fero.

Quod ad vexilla pura regeris, ea vela fuisse, hæc nullibi apparent in nummis, aut monumentis aliis. Est vexilli nomen adeo *πολύσημον*, ut non solum vela significet, sed omnia illa, quæ velisimilia sunt, fascias, tænas, & augustiora etiam quæ sunt; imo signa ipsa, siue fasciis ornata, siue sine illis compareant, vexilla dicta sunt, quoties donata fuerunt, aut alio modo extra exercitum nominantur. At vexilla vela pura sunt illa, quæ candida sunt, nullo alio colore infecta. Sed vexilla pura cum adducuntur, sunt signa, quibus signum ademptum & nullum plane adest, qualia ex nummis aliquot tibi ostendi. Nescio an inter illos adduxerim Pollionis & Melæ II. Virorum nummum æreum apud Ursinum p. 45. ubi signa duo vel vexilla sine signis apparent. Nec mireris, me signa hæc appellare pura, sunt enim, licet vexilla pura dicta sint Romanis talia signa. Sed ut tibi & aliis hæc demonstrarem dari talia vexilla signa, quæ plane sine signo sunt, & ideo pura, ut hastæ puræ, quæ sine ferro donabantur, licet fascias & vela volitantia apici haberent addita ornamenta majoris gratia, ideo signa pura sine signo nominavi. Nihil enim aliud sunt quam vexilla pura. Nec est quod Polybii fragmento tantopere innitaris, quod *χρυσῶς ὑφάσματα καὶ λόγχα* aliquos donatos esse memoravit, neque enim *χρυσῶς ὑφάσματα* ullo modo vexilla sunt, multo minus vela perticæ affixa, quæ non solebant aurea esse, vel auro intertexti, sed aut pura, h. e. candida, aut alio colore infecta per totum, aut bicolora, si vis, sine auro tamen semper. De illis donatis non loquitur hoc fragmentum, nam *σημεῖα*, ut solent Græci, hæc vexilla vela vocasset, non *ὑφάσματα*; sunt enim quævis texta, quæ tamen vereor cum Emilio Porto *vestes* appellare, quas nosti veteribus integras texti solitas esse, & venum proponi, quod jamdudum Casaubonus monuit; sed alias phaleras intelligo, strophiola, mantelia, & quæ sunt ejusmodi, quæ inter phaleras, quas quoque donatas esse, Inscriptiones docent, numerantur. Neque enim sola equorum ornamenta phalera dicuntur, sed & cornicula, & alia, ad quas hæc *ὑφάσματα* omnino spectant, nec ad vexilla vela trahi ullo modo possunt, quæ *σημεῖα* fuerunt & dici debuerunt non *ὑφάσματα χρυσῶς* tam universali vocabulo sumpta. Atque illud *χρυσῶς* non ad sola *ὑφάσματα* pertinere judico, sed etiam ad *λόγχα*, & hastas inauratas puras; adeo ut Emiliæ Porti *vestes* melius putem quadrare *ὑφάσμασιν*, & textis quibuscumque, minutionibus tamen, quam ut vexilla vela auro intertexta ex illis

fieri queant. Cum igitur vexilla illa pura h. e. signa sine signo aliquo, ex variis nummis ob oculos tibi posuerim, nec illis facile quisquam refragari possit, illa pura esse dicenda, quod sine signis sint, vides quo robore meam sententiam munierim, quam ego quidem novam esse confiteor, nec a Scriptoribus aliis etiam doctissimis hactenus animadversam. Haud enim frustra esse, ita signa, aut vexilla in nummis apparere, facile tibi persuaderi sines, sed ut aliquid significant, cur ita sine signo aliquo in medium sint prolata, quod mihi non videtur aliud esse posse, quam ut vexilla pura sint dicenda, honoris non minimi, quibus illa donata sunt, ideoque ita proposita esse in nummo non uno. Quæ si tibi dubia & scrupulos injiciunt, non miror, cum contra sententiam hactenus receptam de vexillis puris omnino tendant. At quum talia vexilla aperte essent, nec negari possint, meliorem de iis sententiam præ ea, quam protuli, libentissime audiam. Neque enim quod hæc vel illa visa sint doctissimis Viris in illis nummis, & nunc ita, nunc aliter proponant, visa satis & manifesta extinguere poterunt; exstant enim vera talia vexilla sine signis, nec contradici ullo modo potest, sed quod nescierint, quo nomine talia vexilla nominare debuerint, aut quo referre, hinc tot sententiæ & officinæ illorum oculis subnatæ sunt, ut non viderint, quod viderunt.

Recte satis mones ex Leonardo Augustino istas figuras 167. p. 1. & 14. p. 2. non esse bacchantes, prout ille explicavit, quod & ego mihi jamdudum notavi; nisi quod non milites, socios reportantes illos existimarim, sed gladiatores, qui armati, matutinos nudos congregi solitos armatis, devicerunt, hancque charitatem illis ostenderunt, ut devictos ex arena reportarent.

Pergis meam sententiam de signis vel vexillis puris oppugnare variis conjecturis, nec te capere posse scribis, quomodo signa illa pura dici possint, quæ imagines Imperatorum & lunulas interjectas retinuerunt, ac ostendunt. Dicam tibi, Vir celeberrime, illa pura esse, quod sine signo sint, militariibus addi solito. Et si vis, illas lunulas manipulos fœni esse, conc. dam, aut manipulis fœni successisse, prout aliquoties Leon. Augustinus talia signa produxit inter suas gemmas, & alibi quoque apud Nummographos adducuntur cum fœni manipulis, ubi frequenter alias lunulæ apparent. Tibi impune dissentire licet, Amicissime Cupere, sed non causam video, cur hæc frustra esse debeant, quod sine solito signo hæc vexilla toties compareant. Vexilla enim pura ideo dicenda sustineo, quod sine signo sint.

Nec ornatus vexillorum aut signorum admittis, sed cum his ornatibus in aciem producta sentis, quod nec ego inficiatus sum; sed illos ornatus maxime ad pompam spectare judicavi, quæ tam in acie potuit ostentari, quam extra aciem: neque enim semper illos ornatus signorum reperies, sed plerumque sine illis. In pompa vero semper apparent & festis solemnibus ornatissima fasciis suis & velis: ita ut alterum alterum non excludat. In Templis sane quæ reposita fuerunt, sine pompaticis illis conspiciuntur signa, adeo Parthica illa recepta, & Germanica, & Sarmatica, pompam suam deposuerunt, postquam templis consecrata sunt. Recte scribis, pro lubitu Imperatorum hæc signa sine ornatibus, & cum illis in aciem producta esse. In pompa vero solemnibus & festis, ubi vexilla produci debebant, sine suis ornatibus illa non gestata quis non videt? Fuerunt hæc fasciæ & vela, si cupis, sub signis etiam appensa, ita ut quæ barbari tanquam vexilla præferebant, Romani ad ornamenta signorum suorum transu-

lerint. Hinc vexillorum origo Romanis: ut quæ prius fasciæ solum fuerunt, jam vela sæpius esse cœperint, postquam a barbaris didicerant ornatus amplificare talibus. Nam distinguenda omnino sunt ornamenta signorum Romanorum. quædam enim talia sunt, ut abesse nequaquam possint, ut sunt alæ, imagines Imperatorum, & lunulæ. Quædam vero non semper necessaria, ut sunt fasciæ & vela, quæ pompis inserviebant & festis solemnibus, & pro arbitrio Imperatorum etiam signis addebantur, quum in aciem pomposius exire consultum ducerent. Nec in signis illis puris quaeritur, an aliquid ferri habuerint, sive in unco quo tenebantur, vel terræ infigebantur, sive alia sui parte, sed an sine signo fuerint: illa enim sola, quæ signo carent, pura judico fuisse, quidquid alii sentiant, quos tu videris sequi malle, quam considerare, cur ista vexilla sine signo fuerint, totiesque appareant. Quod per me cuique licet. Meam saltem sententiam de illis protuli, quæ, si doctis non placet, pereat opto, non vincat. Neque enim tanti hæc sunt, ut vel tibi, vel aliis eruditis propterea succensere opus sit. Sed nondum video ea afferri, quæ meam sententiam evertant. Nam si omnes congruere possemus, nulla contradictio foret, quam amo, ut magis antiquitas illis illustretur. Quo enim magis amice contradicitur, eo magis veritas pellucet. Aliis notata & visa de his signis, non quidem contemno, sed illa amplector, quæ debeo reverentia, quorum tamen pleraque sunt, quæ rem magis implicant, quam explicant. Quod de numeris istis in nummis, de quibus quaerivi, nihil te scire significasti, doleo. Es enim refugium meum unicum in abstrusissimis istis. Quoscumque consului, etiam doctissimus Begerus, in altero suo Tomo Thesauri Brandenburgici, ubi de Nummis agit disertè, multosque protulit cum numeris, illos alto silentio præterit. Nihil superest, nisi ut ignorantiam meam ego quoque fatear.

Recepi tandem post tot ambages exemplaria mea de nummis non cunis, & sero licet contentus esse cogor, etiam si nulla plane recepissem. Biennium obiit flagitando. Oblita nunc sunt talia. Boreas meus adhuc latet intra pulpita sua, nondum invenit Typographum, qui hanc operam suscipere velit. Præstare possem alia, sed quæ blattis & tineis, & Vulcano tandem scripsi. Sicque ut diutissime valeas opto, bono tam publico quam literarum, meque, si mereor, amare pergas.

Dabam Hafniæ a. d. 22. Julii A. 1702.

L.

Amplissimo & Prestantissimo Viri

OTTONI SPERLINGIO

S. D.

G I S B. CUPERUS.

Litteras, quas ad me Hafnia die 29. Julii disti, recepi, & lator meas ultimas in manus tuas pervenisse, utque tuis elegantissimis & doctissimis respondeam, video facile mihi primo de rebus politicis, atque inde de litterariis agendum esse; quia eum ordinem tenes, & mihi religio est vestigia tua non sequi.

Nos certe jam nimis diu castra sequuti sumus & vexillis inhæsimus, nec credo nos facile in eadem partem discessuros, cum toto, ut ajunt, caelo simus divisi, nec ego sententiæ meæ nuntium remittere possim, vel videam vexilla & signa pura esse hastas, quæ sine signo, id est, sine aquilis, sine imaginibus Cæsarum sunt, & fascias vel vela volitantia apici habent addita ornamenta majoris gratia, licet multis ratiocinationibus illud defendas. Mihi *signa pura* nunquam lecta sunt, & deinde nequaquam capere possum, quomodo signa in nummis obvia, & orbibus vel scutis ornata, ita appellari possint. Provocas ad nummum Gentis Bæbiæ apud Ursin. p. 45. ed. Patin. in quo putas pingi signa duo vel vexilla sine signis, iisque signum ademptum & nullum plane adesse adjicis. Sed tuam fidem, vir præstantissime, an hæc signa potes nominare *signa pura*? fateor, nulla ibi aquila, nullæ fasciæ, quas tamen non obitare alibi scribis, quo minus *signa pura* appellari possint, nullus apex; sed dimidiæ lunulæ, orbis hastis affixi sunt, in apice lignum transversum, cumque in orbibus illis, vel Dii, vel Imperatores fuerint picti, neminem inventum iri puto, qui ejusmodi signa *pura* appellaturus sit, si modo unquam signa talia veteribus memorata sunt; & si vel maxime orbis illi nullis imaginibus forent insignes, sed tantum ex argento, auro, vel alia materia facti, ne sic quidem ego signa illa ita vocare possem. Inspice quæso gentis Antoniae nummos, an signa in iis obvia a binis istis distingues, quia apicem habent, & a transverso ligno aliquid utrinque dependet, & ita altera optimo jure *signa*, altera vero *signa pura* facies? Non opinor, cum reliqua adamussum respondeant, & si apex ex ligno fuit, id quod certe statui non incommode potest, ego certe omnia illa signa *pura* tecum, vir eximie, deberem appellare. Quid quod alia carent acuminibus plane, & vel corollis in summitate sunt ornata, vel globulo? atque ut tales hastæ puræ frequenter in nummis occurrunt, ita non video corollas obitare, quo minus & illa signa pura sint; & ne omnes libros, qui nummos nobis conservant, excutiam, vide quæso Thef. Patini p. 77. 157. 162. & 184. Sed ego existimo omnia illa signa esse, qualibus in acie, in bellis milites utebantur, nec quicquam causæ inveniri posse, quare *pura* dici debeant.

Recte mones peplum non fuisse vexillum, nec illud ego affirmavi unquam; sed rem illam allegavi, ut ostenderem inde, Christianos a gentilibus morem sumpsisse pingendi vel texendi imagines Christi & Sanctorum in velis; nam vel quod peplus ille ad instar veli navis malo appenderetur, illam interpretationem rejiceret. Fuit proculdubio vestis ingens & quadrata, in qua Jovis, aliorumque deorum & præcipue Minervæ res gestæ erant textæ: sed an ex templo Minervæ singulis quinquenniis fuerit depromptus, & in pompa circumlatus, dubito equidem valde. Ego enim puto singulis festis novum peplum textum fuisse, & inde Pollucem 7. 13. memorare *πέπλος τῆς αἰθρῆς*, & Athenienses aliter decernere non potuisse, ut Antigonius & Demetrius peplo intexerentur, quemadmodum tradit Plutarchus, cum proculdubio dii & res a Minerva gestæ, atque adeo viri fortes veterem peplum totum occupaverint: nam & hoseidem intexi solitos fuisse tradit Serv. ad 1. Æn. laudante Meursio: *peplum Minervæ consecratum erat. & in hoc depingebantur ex more apud Athenienses, qui strenue sese in bello gessissent.* His adde Statii Schol. tradere *peplum inter triennium* (nisi tamen scriptum fuerit *quinquennium*) *numinibus oblatum fuisse, a virginibus textum, eas*

A opus incepisse die xxx. mensis Pyanepsionis, qui responderet octobri, & panathenæa celebrata fuisse mense Hecatombæone, qui primus mensis anni sequentis in Junium & Julium cadens, adeo ut per septem vel octo menses illi operi incubuerint. Certe Junoni singulis quinquenniis peplus textus fuit apud Eleos, teste Pausan. lib. 5. & quidem per mulieres sexdecim, non autem per *Virgines*, uti Athenis fiebat; licet ibi id etiam *matronas* fecisse male, id quod jam Meursius notavit, scribit Scholiastes Statii. Atque ita idem lib. 6. tradit in foro Eleorum domum fuisse faminarum, quas a numero vocabant *τὰς ἐκκαίδεκα*. *sedecim*, easque in illa domo peplum Junoni contextu isse; præterea nondum inveni apud veteres, Minervæ caput & humeros peplo illo fuisse velata; certe *ἐπιβληµα* fuit, & proculdubio ex humeris statuæ dependebat, nisi velis illius deæ statuam collocatam fuisse in lecto rosis strato, & illi injectum peplum; id quod subdubitabundus scribit Meursius, & veluti rem veram, nescio quam bene, tradit Potterus in Archæologia Græca.

B

DONATVM ET HONORATVM IMPP. OMNIVM facile admitterem, si similis loquendi modus afferri possit; aliud longe est, quod ex Solino producis; nam cum libera Rep. singulis annis ferè exercitus per novos Impp. vel Duces regerentur, facile Sicinius ille sub novem stipendia facere, & ab illis præmia accipere potuit; sed postquam ad unum Resp. est delata, & inter eos Impp. etiam longævi invenirentur subinde, qui quæso sese vocare potuit *honoratum Impp. omnium*, quod certe longe aliud est, quam *novem*?

De notis numeralibus, quas in nummis notavimus, nihil adhuc invenio. Boream tuum legere desidero; amo plus illum, quam alterum, qui sæpe aggeres nostros & munitiones, quibus maria arcemus, disjicit, id quod proxima hyeme factum esse, non absque magno detrimento vidimus. Spero Deum nobis nunc benigniorem futurum, & exauditurum tot agricolarum & aratorum aliorumque hominum preces. Sed ne plane nunc *δοῦµβολος* veniam, doce me quæso, an alicubi observaveris, qualia fuerint vexilla Judæorum, quæ memorantur Num. 2. 10. & cap. 10. Commentatores ea vela faciunt, & in iisdem pictas tradunt fuisse opinione Rabbiorum varias figuras, nempe hominem in vexillo tribus Ruben, Leonem in Judæ, bovem in Ephraim, & Aquilam in Dan. Alii autem singulis vexillis singulorum tribuum nomina patriarcharum *ἐπαυµων* scripta vel texta fuisse contendunt, quæ velim, qua es diligentia & solertia, accuratius examinare velis.

Egimus olim, ni fallor, de nummo, in quo ASIA pedem imponit proræ navis, & manu tenet serpentem: inde Carolum Leich Acta Erud. Lips. anni 1701. p. 518. docent probare, studium atque scientiam rerum nauticarum illius gentis, & forte eam etiam in Britanniam, uti in varias alias regiones, colonias misisse, & ex serpente præstantis. Begerus putat patere Asiæ Symbolum serpentem esse, in Disquisit. De nummis Cretensium Serpenteris, quam eruditam in primis mihi commodum dono mittit, cum tribus tomis Thesauri Regii & Electoralis, quos pellibus rubris velatos & auro delibutos Serenissim. Borussia Rex mihi, qua est in me summa benevolentia, itidem donat. Nam tantum Principem, cum per hanc urbem ultimo Julio transiret, ædibus meis recepi, quas uti & officia mea Majestati suæ placuisse non modo libri illi, verum etiam literæ Comitum Wartenbergii & nummus centum, ut loquuntur, ducatos valens, abunde restantur; quæ

omnia ut mihi honorifica sunt valde, ita nullus dubito, quin mea causa læteris.

In libro De Nummis non cufis agis de Philippeis, & inquiris, quando aurei signati sunt. . . . Sed quid Varroni fiet, qui scribit apud Laët. 1. Instit. 6. Sibyllam Cumanam pro libris suis a Tarquinio Prisco postulasse *trecentos Philippeos*, & eum pro residuis dedisse *trecentos aureos*? proculdubio anachronismus est, quia illo tempore Philippus ne natus quidem erat, sed unde aurei illi, quando, aut a quo signati? Vale plurimum, Vir summe.

Daventr. 11. Nov. 1702.

LI.

Nobilissimo & Amplissimo Viro

G I S B. C U P E R O

S. P. D.

O T T O S P E R L I N G I U S.

Perlatæ sunt tuæ, meo quidem cum ingenti gaudio, quas XI. Nov. A. 1702. ad me dedisti.

Vexilla & signa nostra pura adhuc decertant, nec video quando finis imponi possit certamini, nisi abruptam; quoniam ea, quæ vides in tot nummis sine signis, concedere non placet. At disputantem contra tam evidentia, quæ nullo modo negari possunt, exstant enim, & in oculos incurunt, vix audiendum esse, dixere veteres. Vexilla & signa pura tu. Vir Excellentissime, distinguere cupis, ego eadem esse plerumque contendo. Nam quod quandoque distinguantur, ex ea causa sola contingit, quod etiam vexilla vela apud Romanos suo tempore fuerint nota & assumpta. Veteribus in Republica eadem semper fuerunt, quin & postquam Imperatores imperium tenuerunt, sæpissime confunduntur, nihilque sunt nisi signa Romana, raro vexilla vela. Ideo nisi diserte distinguantur vexilla & signa, nihil nisi signa mihi sunt utraque nomina, nomine quidem distincta, re eadem. Vellem equidem scire, quo nomine signa illa, quæ sine signis sunt, appellare velis, nisi pura & signis carentia? Non video. At quod tu credis, Vir Amicissime, etiam signa illa mutila in aciem producta, ut signa cœtera, quæ signa propterea dicebantur, quod signis suis, aquilæ, coronæ, manus, orbium, & si quæ sunt alia, distincta essent, haud unquam mihi persuadebis, quum nulla antiquitas hoc dixerit aut monstraverit, quum sine signis illis signa non fuerint, nisi pura, donationibus destinata, non præliis aut exercitiis. Nec obstat, quod nemo ante me hoc dixerit, quoniam nemo in illa signa prius animadvertit, sed vexilla pura ad alia longe traxerit, quæ minus cum evidentia ista, quam ego primus tibi proposui, conveniunt, nec cum antiquitate in illis manifesta, adeo ut integrum mihi fuerit aliter in vexilla pura inquirere, meamque sententiam super illis tibi perscribere; quæ si nunc doctis non placet, quoniam nova est, alio die forte placebit. Sed nolo amplius contradicere, ne leges amicitiae contradicendo tecum infringam. Concedam potius quævis, quam ut contradictionibus meis tibi molestus sim. Sint potius, prout tibi placet, & quamvis meam in iudicando libertatem mihi servare æque possem, adquiesco.

A Quæ de peplo Minervæ doctissime monuisti, noluissem te meum quinquennium tam stricte intelligere, quasi non intra illud tempus etiam peplo Minerva donari potuerit. Et sane mulierum ac Virginum operæ ac manus, quæ in tali peplo tot figuris elaborando occupatæ fuerunt, intra annum unum, aut alterum vix absolvi potuisse satis video. Quo plures annos impendebant operi, eo elaboratius & pulchrius visum esse, quis non credat?

B Donati & Honorati Imperatorum dicebantur, ut Evocati Augusti & Imperatorum, subintelliguntur enim Milites, qui rem præclare gesserant, ut evocari, honorari & donari præ cæteris mererentur, qui Evocati Aug. N. Evocati Cohortis 2. Præt. Evocati Romæ, Evocati Statorum, Evocati Augg. N. N. Evocati Cohortis IV. Evocati Cohortis VII. Prætorie in Inscriptionibus dicuntur. Sic Candidati II. Aug. velati in Præt. Candidati Pr. hastar. Hastati Leg. II. Hastatus primus veterani, & quæ sunt alia quamplurima in Inscriptionibus. Notandum est enim, pleraque officia, Beneficia, & Dignitates cum solis adjectivis proponi, quæ substantivorum more reguntur. Ita quoque Donatus & Honoratus Imperatorum.

C At quod Imperatores desisse putas, postquam ad unum spectare cœpit Imperatorem imperium, longe aliter se habet. Manserunt enim Imperatores militares etiam sub Augustis, qui perpetui non erant, ut Imperatores a Julio Cæsare summi; hinc in nummis sæpius IMP. AVGVSTVS IMP. VII. VIII. IX. X. &c. quamvis Tiberius Imperatoris titulum agnoscere noluerit, nisi Imperatoris militaris, qui nomen illud meruissent tot hostibus cæsis, quot ad illam dignitatem obtinendam requirebantur. Neque tamen illud sub Augustis attendebatur, sed illorum arbitrii erat, quos Imperatores exercitus constituere vellent, penes quos etiam erat potestas donandi & honorandi milites, qui se præ cæteris præstiterant, armillis, vexillis, aliisque donis, æque ac Imperatores Augusti. Neque enim HONORATVS IMPERATORVM OMNIVM intelligi debet de solis Augustis, sed etiam de Imperatoribus militaribus ab Augusto ipso constitutis. In Inscriptionibus sane occurrit IMPERATOR DESTINATVS, & alibi IMPERATOR FORTISSIMVS de aliis, quam Augustis. Verum tamen est, tandem desisse Imperatorum militarium nomen, & idem officium aliis nominibus venire, Præfecti scilicet militiæ, Græce ὑπαρχοι cœperunt dici, in Constantinop. Imperio, ut Gainas ille Gothus sub Arcadio, qui apud Sozom. l. 8. c. 4. ὑπαρχος declaratus est πρὸς τὸν ἱππικὸν πρῶτον ἡγεμόνα ἐκ βασιλέως ἔχων. Nero Claudius Drusus in nummis sub Augusto Imperator salutatur. In Nummo aureo Theodosii Junioris apud Beger. p. 840. Caput galeatum cum hasta in dextra recumbente super humerum & scuto in brachio sinistro DN. THEODOSIVS P. F. AVG. In aversa Roma sedens galeata dextra orbem cum cruce protendit, & stella solis sub manu: scutum ad sinistram adstat, subtus CONOB. IMP. XXXII. COS. XVII. P. P. Quæris etiam de vexillis Judæorum, quæ vela fuisse plerique commentatores existimant, eaque suo more pinxerunt, nominibus cujusque tribus, & aliis animalibus, ut recte observasti, sed ductu Scripturæ Sacræ illud minime probatur; ibi enim nihil est nisi ²² aut ²³ quod est signum in genere, aut ²⁴ quod proprie est signum, aut vexillum militare. At qualia fuerint illa signa, an vexilla vela, an alia, quoniam scriptura non indicavit, & ex aliis vetustis scriptoribus nihil de illis expressum est, me quoque si nesciam scribere haud poenitebit, qualia fuerint. Si serpentem in deserto erectum respiciamus, quod etiam signum.

fuit, quamvis non militare, ad illam formam tamen signa militaria Judæis fuisse dicendum veniet, nec vexilla vela dicere poterimus. Ideo Buxtorfius *Deghel* non expressit nisi *vexillum*, & *Daghal vexillum erexit*, quæ vox *vexilli ἀμφιβολος* est, & tam ad vexilla vela, quam ad vexilla signa pertinet, ut nosti. Nec dicit Buxtorfius qualia fuerint. Si vexilla signa fuerunt, jam serpentes aut Dracones & alia animalia perticis imposita fuisse, credere possumus, quamvis & illud adverteretur legi divinæ, *Non facies tibi sculptile*: quod non solum de sculptis, sed pictis etiam animalibus intelligi debet. Et in tota antiquitate non reperimus vexilla vela, aut hominum, aut animalium brutorum figuris picta fuisse. Recentiorum hoc fuit, qui hoc vexillis istis addiderunt. Inclino in hanc sententiam, vexilla Judæorum vela fuisse, sed coloribus solis distincta, quæ eminus etiam dignosci poterant, & si nomina tribuum inscripta fuerunt una cum coloribus, etiam communis. Nam si sola nomina sine coloribus inscripta fuissent, eminus cognosci non poterant. In Rabbinico scripto Bamibbar rabba colores vexillorum fuisse eosdem, qui gemmis in pectorali Aaronis fuerunt, tradidit, & nomen tribus insuper inscriptum, quod alienum non esse videtur ab gentibus istis. Memini namque me in prioribus adduxisse locum Dionis, quo Syriacas legiones a Crasso contra Parthos sub talibus vexillis eductas fuisse, tam coloribus distinctis, quam nominibus inscriptis, commemoravit. Tribui Levi nullum plane signum bellicum assignarunt, quod illi arma non sumerent, sed sacris solum adisterent & juvarent in bello, binas igitur tribus substituerunt, Manassen loco Levi, & Ephraim loco Josephi. Et quamvis dicatur sæpius ac memoretur *Leo Judæ*, haud tamen inde sequitur, animalibus picta fuisse illorum vexilla, & Leonem in vexillo Judæ fuisse. Alia enim ratione Leo Judæ intelligitur, quam de vexillis. Hæc habui, quæ de vexillis illis Judaicarum tribuum didici, quæ necesse est, aut signa fuisse similia Romanis, aut vexilla vela, quod potius me credere fateor; siquidem nulla alia signa, aut vexilla in tota antiquitate legimus, quam hæc duo, imaginum sculptarum, aut velorum: sed præstat tacere, ubi Scriptura tacet.

De Asiæ symbolo serpentibus, quod quæris, dicam verum esse ab Ægyptiis illum serpentum cultum totam Asiam detinuisse, & ab illa idololatRIA nullam fere gentem post Asiaticas immunem mansisse. Omnes ab illis didicisse in propatulo est, in Germaniam usque & Septentrionem ultimum hoc veluti SALVTIS signum receptum fuit præstantissimum & indubitatum, ita ut Asiæ nunc transcribi nequeat, nisi quoad originem, quæ ex illis gentibus ad omnes fere pervagata fuit. Totam Græciam illis operatam esse, ostendunt tot nummi Cistophori Cretensium, qui sine serpentibus non fuerunt, nec solum in Creta, sed passim. Ubique enim hi Cistophori cum serpentibus in nummis Græcorum exstant, adeo ut etiam in nummis Antonii & Augusti cum ASIA RECEPTA compareant, quamvis non eo pondere, quo apud Græcos: vix enim quinarum, aut victoriati pondus excedunt. Græci vero plerumque eos nummos maximi moduli, h. e. *τετραδράχμους* & *πεντδράχμους* exhibuerunt, ut significarent, nullum cultum eis esse chariorem, & magis salutarem ostenderent. At quod Scriptores omnes nummos Tetradrachmos *κισσοφόρους* appellare consueverint jam, licet nulla cista cum serpente in illis appareat, nescio quam recte faciant. Ii enim soli *κισσοφόροι* proprie, qui cistam illam cum serpente

impressam habent, sive sint pondere *τετραδράχμους* sive minori; dantur enim Cistophori etiam ponderis minoris, ut de Antonii & Augusti nummis dixi, quin & de aliis dici potest, tam in ære, quam in argento. Romani SALVTEM ipsam non alio signo plerumque exprimebant, quam Deæ escam ex manibus serpenti præbentis. Germani serpentes inter signa sua bellica receperant æque ac aprorum aliasque animalium figuras, quas detractas lucis in aciem portabant, Tacito teste, testibus etiam nummis, in quibus trophæa & spolia illorum præfigurantur, etiam ita, ut serpentes vivos & spirantes secum, non solum effigatos in baculis, ad exercitum haberent, & ut signis uterentur, ac in hostes incantatos immitterent, salutem & victoriam ex iis sperantes. Hoc non intellexerunt, qui nummos Germanos hætenus explicarunt, signa illa esse Serpentum & Draconum, vel Serpentes vivos, nam utrumque ex nummis evidens est: sed aut tubas, aut aliud quid eos voluerunt esse, quum tamen tubæ Germanorum rectæ fuerint, & cavæ, & ligneæ, prout sunt etiamnum Lapponum: hodie quæ in nummis etiam cum reliquis spoliis seorsim exstant, cum scutis illorum sexangulis, & jaculis, & vexillis velis. Nam non uno signo militari omnes Germani usi sunt, sed nunc illo gens una, nunc alio altera, in quas inciderunt Romani Germanos debellare conantes. Inspice quæso nummum Domitiani, quem ex thesauro Brandeburgico produxit doctissimus Begerus, p. 640. & alii Nummographi, ut & trophæa Cæsaris p. 558. cum Vexilli signum in Draconem effigiatum ex altero brachio dependet. Imo tanti erat serpens & draco, ut humanam faciem illi adderent, Isidem sic præfigurantes, aut Faustina juniorem, ut docet idem Begerus p. 672. indicare volentes eam ipsam salutem Deam esse. Memini me apud Erizzo etiam talem figuram serpentis cum capite humano Regis alicujus observasse, eodem tendens, ut demonstret, eum salutem totius Regni procurare. Recte mones *ἀναχρονισμὸν* in istis Philippeis occurrere & *μεταχρονισμὸν*, quum Sibyllæ ætate nondum Philippei cusi essent. Primi enim Philippei a Philippo Macedone nomen traxerunt, ut ante illum *προΐσκειο* & *Δαρείο* in Asia, quibus vetustiores historia nulla novit. Generali nomine *χρυσῆς* appellantur omnes, erantque pondere *διδράχμους*, in quo perfliterunt etiam apud Romanos, quando primum aureos cudere cœperunt, suæ Reipublicæ proprios. Nam ante illos quin Cræseos & Daricos & Philippeos, & alios aureos apud se valere siverint, nullum est dubium. Jam vero superest, ut abs te discam, quid sentias de nummo illo Trajani, p. 650. ubi quatuor Aquilas pinxit ad statuam Trajani, & pone illas quatuor vexilla vela, ut explicavit Dn. Begerus. Neque enim Aquilas cum vexillis velis ullibi conjunctas memini uno intuitu. Item quid sentias de votis decennialibus in nummo Faustinae majoris, quem exhibet p. 670. quum Augustabus vota decennialia suscepta, aut soluta, nulla antiquitas nos doceat, præterquam in illo nummo solo. Doleo sane istius summi Viri causa negligentissimos ipsi sculptores fuisse, & sæpe in contextum irrepsisse, quæ in propositis nummis nequaquam reperiuntur. Exempli gratia sit nummus ille Lucillæ p. 675. cum Faustina junioris, & Faustina cum Lucillæ p. 678. nummis confusus, de quo in textu ne γὰρ quidem, ut taceam de illis innumeris erratis, quæ inscriptiones præsertim nummorum deturparunt, & obscurarunt, fidemque illorum valde extenuant. Sed etiam Grammaticale bellum exoritur cum novis Grammaticis & Lexicographis,

phis, an *Philosophia* pronunciandum sit vel *Philosophia*, an *Alexandria*, vel *Alexandria*, an *Darici* vel *Darici*. Ego sane in illis a Græca lingua descendentibus usum doctorum vulgarem in pronunciando sequi malim, quam illos novitios, si quidem regulis certis illa omnia comprehendere nequeant. Nam latina lingua suos habet accentus, ut Græca suos. *Πάρις*, *Ευρώπη*, *Αφρική*, longam habent literam, & tamen Latini brevem fecerunt, *Roma*, *Europa*, *Africa*, &c. Quid de his sentias etiam indicare te velim, an non usus pronunciandi & loquendi receptus prævalere debeat, nec regulis Grammaticorum obtemperare, cum regulis suis usum receptum tollere in omnibus hactenus nequeant. Interim tibi tam magnifica dona a Rege Prussiæ obtigisse, teque Donatum & Honoratum Magni Regis factum esse, quidni gratuler & gaudeam? Multum me devinciēs, si pondus hujus nummi, emblemata & inscriptiones accurate mihi descripta submittere non graveris. Christianum 5. Regem Daniæ ejusmodi nummos aureos centum drachmarum ponderis procudisse, jam ex museo ipsius edito, nisi fallor, observasti, imo unciarum nostrarum 21. h. e. 168. drachmarum vel Ducatorum, quo nummo majorem nondum Orbis vidit, excepto eo, quem Historiæ unicuique ab Anglico Duce Herefordiensi Henrico nummum 50000. Ducatorum pondere Philippæ filiæ suæ in dotem consignasse, aut coemptionem matrimonii cum Erico Pomerano Rege Daniæ referunt. At hunc nummum, miraculum mundi, non diu superfuisset certum est, indigente semper Erico etiam pluribus ejusmodi nummis, adeo ut nec quid in illo signatum fuerit, observaverint ulli.

Hicce vale *τιμολόγησάτων ἡ φίλτατον ἐμοὶ πάρα*, & cum novo hoc anno vota mea pro tua salute & felicitate, ut annes & perennes felicissime suscipias suscepta. Sic enim toto animo voveo tibi, Vir summe, omni cultu & obsequio addictiss. tuus

Ipsis Cal. Januar. A. 1703. Hafniæ datis

LII.

Amplissimo & Celeberrimo Viro

OTTONI SPERLINGIO

S. D.

GISB. CUPERUS.

Litteræ, quas ad me dedisti ipsis Cal. Januarii hujus anni, recte curatæ sunt, iisdemque citius respondissem, nisi fuisset occupatissimus, & me habuissent exercitum valde publica regionis hujus negotia, & tumultus popularis, quo Daventria concussa fuit die, quem Petro sacrarunt Christiani.

Et licet mihi ita fuerint causæ fonticæ in hunc usque diem responsum rejiciendi, tamen amicitia nostra mutua, & tuum in me studium exposcunt & flagitant, ut veniam petam; id quod certe facio alacriter, idque ea lege & conditione, ut in posterum diligentior futurus, & posthabitis aliis negotiis tibi quamprimum responsurus sim. *Vexilla & signa* relinquere constitui, quia video, vir præstantissime, nec te meis, nec me tuis rationibus permoveri posse, ut sententias mutemus: illud tantum rogo, ut ne me tanquam desertorem punias, utque habeas persuasissimum, me *φιλάνθρωπον* nequaquam esse, vel ulla contradicendi libidine opinionum meæ penitus adhærere, sed quia, quo sum stupore, argumenta tua, ut ut videantur scita & blandientia, me a proposito depellere nullo modo

Supplem. Tom. IV.

possunt. Et quanquam ita unusquisque nostrum Catone suo debeat esse contentus, patere tamen ut significem, me nullibi scripsisse, signa illa mutila in aciem producta esse, æque ac signa cætera, quæ signa propterea dicebantur, quod signis suis aquilæ, manus, coronæ, orbium, & si quæ sunt alia, distincta essent. Nam ego quidem talia signa pura nunquam in nummis observavi, & arbitror illa nequaquam pura esse, si vexilla vela, vel alia quælibet ornamenta iis fuerunt addita.

Quod si concedam, *Donatos & Honoratos* Impp. appellari, qui ab iis erant donis ornati; tamen nescio, an alii quam Impp. vel Augusti, hic locum habere possint; nec puto, nisi paucissimis, postquam vim dominationis Augustus invaluit, usitatum illum libera Rep. titulum datum fuisse. Ipsi Cæsares sibi honorem illum vindicabant, atque uti *Imperatores*, præposito ante proprium nomen hoc titulo, dicebantur, quia præerant omni Romanorum militiæ, & imperium in Remp. obtinebant, ita a victoriis per Legatos vel per se partis appellabantur variis vicibus *Imperatores*, scribebaturque ille titulus post nomina propria, & hoc est, quod in nummis Augusti legitur, IMP. AVGVSTVS IMP. VII. VIII. &c.

Quin & animadvertere te velim, Tac. 3. A. 74. narrare, Tiberio sub Principe ultimum fuisse Jun. Blæsum, cui hic honor habitus fuit; ipsa scriptoris *πολιτικῶς* verba integra adscribam, ut nihil necesse habeas ipsum illum adire. *Sed Tiberius pro confecto (bello) interpretatus, id quoque Blæso tribuit, ut IMPERATOR a legionibus saluteretur; prisco erga duces honore, qui bene gesta Rep. gaudio & impetu victoris exercitus conclamabantur; erantque plures simul IMPERATORES, nec super cæterorum equalitatem concessit quibusdam & Augustus hoc vocabulum: ac nunc Tiberius Blæso postremum.* Adeo ut mihi nequaquam sit verisimile, alios sub Augustis postea eo titulo fuisse donatos, & propterea aliquem potuisse dici *HONOR. ET DONATVM IMPP. OMNIVM*, nisi plures eodem tempore fuissent Augusti; quid quod & Lipsius recte notat, displicuisse Augusto morem Reip. quo multi Impp. dicti, si rem suis auspiciis bene gessissent, & eum ut reliquos honores in se, ita & hoc nomen traxisse, illudque communicatum postea cum paucis & fere non nisi ex gente Augusta.

Atque cum hæc ita sese habeant, velim equidem doceri, uti tradis, mansisse sub Augustis Imperatores militares, qui perpetui non erant, & Augustorum arbitrii fuisse, quos Imperatores exercitus constituere vellent, & penes hosce etiam potestatem fuisse donandi & honorandi milites. Certe Augusti duces in expeditionem mittebant, sed illi non dicebantur *Imperatores*, verum *Legati, præfecti, proprætores, proconsules*, vel *duces exercitus*, illique benemeritos milites coronis, armillis, torquibus, aliisque donis militaribus videntur honorasse, qua tamen de re postea, si tantum mihi temporis, agam; sed tantum abest, ut illi *Imperatores* dicerentur, ut credam, exemplum nullum mihi datum iri; unde etiam puto *Honoratum & Donatum Impp. omnium* ita nequaquam explicari posse. Huc pertinet Pollionem scribere, tanquam rem insolitam, Aurelianum appellasse Tetricum, qui Augustus dictus, sese ipsi tradiderat, *collegam, nonnunquam commilitonem, aliquando etiam Imperatorem*, ubi tamen malim intelligere summi fastigii titulum.

Quæ de *Evocatis* addis, mihi non satis bene videntur convenire argumento nostro; nam *Evocati* quidem Imperatorum vel Aug. dicuntur, qui ab iis evocati, lecti ex cubias circa cubiculum agebant, uti

K

patet ex Suet. Galb. cap. 11. & aliunde; sed *Evocati cohortis* 11. *prætoriae*, non a cohorte, uti facile vides, sed ab Imperatore sunt evocati & cohorti illi adtributi; & ita *Evocati Romæ*, mihi a Roma facti plane incogniti sunt, sed puto esse Evocatos, qui Romæ habitabant, vel *ROMAE* ad sequentia pertinere in Insc. 4. p. 520. apud Gruterum, si modo Lazius eam recte descripsit.

Et quanquam *Candidati Imperatorum* optime dicantur, tamen doce me, quæso, quid sibi hæc velint in Insc. 5. p. 1109. CAND. II. AVGVST. II. VELATVS INPRAET. an significatur eum fuisse bis Candidatum, sive Quæstorem, duorum Augustorum, & relatum fuisse in Prætorium? neque enim ullo modo capio *τὸ Velatus*, aut quid sibi velit perspicere possum; & te etiam atque etiam rogo, ut mihi hosce scrupulos eximere velis.

Imperatorum destinatum, & *Imp. fortissimum* invenio quidem in Indicibus Gruteri, sed non in locis, quæ ibi annotantur; adeo ut judicare nequaquam possim, an aliis, quam Augustis, ille titulus datus sit. Mihi omnino verisimile videtur, illum vix alii tribui posse, quam cui successio imperii destinabatur, & inde est, quod in Caracallæ nummis scribitur DESTINATO IMPERATORI, quia scil. Severus pater in eum conferre volebat primo nomen Imperatoris, & inde reliquas dignitates, vel etiam simul anno sequente dicere Augustum.

De Judæorum vexillis nihil habeo, quod addam, & tecum facile existimo, materiam hanc nondum satis illustratam esse; id quod nec futurum facile, credo, quia recentes valde sunt Rabbinorum libri, illique talium rerum, si quid video, plane fuerunt incuriosi.

Cistophoros optime explicas, & ego eandem sententiam breviter contra eruditos defendi olim juvenis admodum lib. 4. obs. c. 16. pluribusque de iis agam, si quando secundam opusculorum meorum editionem in lucem dabo; id quod certe gravissimo hoc bello vix fieri poterit.

Ego in nummis Germanorum, vel qui propter victos Germanos a Romanis cusi sunt, nullos serpentes vivos invenio, saltem non in Augusti, Tiberii, & Vitellii apud Ducem Arschot. tab. 10. 17. 24. Tropæa Cæsaris p. 558. & nummum Domitiani p. 640. apud Begerum t. 2. Thes. Brand. diligenter inspexi; sed nondum credere possum veros serpentes nobis in illis repræsentari; quin potius iudico *tubas* esse, vel, si vis, signa, quorum summitates in Serpentes & Draconum capita formatae sunt; quanquam exiguitas videatur refellere omnino eam opinionem; & huc adprime facit Eustathii locus, allegatus a me 141. Harpocratis, in quo scribit *σαλπίγγων* esse tres species... *tertiam Galaticam* i. e. ut puto, Celticam, non valde magnum codona habentem *Ἐπιόμορφον* forma serpentis, ita enim nunc puto Græcam vocem debere explicari; & *quartam Paphlagonicam* ejusque codona retulisse caput bovis.

Nummus M. Antonini apud eundem virum doctiss. mihiq. amiciss. p. 672. explicandus est ex Ægyptiorum superstitione, & fieri potest, ut caput Faustinae Junioris illi sit impositum; sed serpente numinibus Ægyptiorum est ordinariis, & magnam stolidæ religionis partem occupavit.

Non memini me videre apud Erizzum serpentem cum capite humano Regis alicujus, ad demonstrandum, eum salutem totius regionis procurare. Sed in nummis Antonini Pii ab Abonotichitis percussis legitur ABONO TEIXITON ΓΑΥΚΩΝ, visiturque in eo serpens in varios se volvens gyros & erigens, capite humano; Gly-

A con nomen est Æsculapii vel serpentis illius, & historiam hanc cognoscere ad unguem poteris ex Luciani pseudomante. Ipse nummum æreum Antonini Caracallæ possideo elegantiss. cujus in averfa parte legitur, ΝΙΚΟΜΗΔΕΩΝ ΔΙΣ ΝΕΟΚΟΡΩΝ. cerniturque idem illius impostoris figmentum, vel serpens capite humano, & persuasum habeo talem te nummum habere ante oculos.

Nummus Trajani, quem publicavit Begerus p. 650. est valde elegans & rarus, sed ego in illo non invenio, pone quatuor aquilas pictas ad statuum Trajani, *quatuor vexilla vela*; nec ita hoc explicat Begerus, quippe qui dicat tantum, *Aquilas cum labaris sive vexillis clarissime demonstrare nummum eum signatum esse ob victoriam*, ex sententia scil. unius colloquutoris. Ex iis igitur aquilis ad statuum pictis, facit etiam quatuor labaris, & puto eundem credere has aquilas in labaris pictas fuisse. Verum ego arbitror, nulla ibi signa nobis repræsentari, sed tantum tabulas aquilis insignis ornamenti causa a lateribus statuae Trajani fuisse positas; nec mihi lectum, aquilas labaris fuisse intextas; neque etiam apparent pericæ, quæ pars signorum vel vexillorum erant, & ferta florum infra illas aquilas pendentia mihi videntur ostendere, hic nihil aliud quærendum esse, quam ornamentum baseos, cui statua insistebat; ne jam dicam, hæc res oblongas nimis esse, quam ut labaris vel vexillis conveniant.

Nec minoris æstimandus alter nummus Faustinae majoris p. 670. in quo VOTA DECENNALIA occurrunt; & recte notas in nullis aliis Augustarum ea nobis repræsentari: in nonnullis ejusdem Faustinae, Lucillæ, Crispinae, Juliae Pia & Helenæ Juliani conjugis scribuntur VOTA PVBLICA, sed DECENNALIA in nullis aliis, quam Augustorum nummis observavi, nisi quod in uno Gallæ Placidia apud Mediob. p. 520. inveniam, VOT. XX. MVLT. XXX. R. V. CON. OB. & in alio Eudocia p. 536. VOT. XX. MVLT. XXX. CON. OB. sed nolim affirmare hoc Antonini tempore fuisse in usu; quin & potuerunt monetarii errasse, & averfas Imp. areas attribuisse eorum uxoribus. Præterea nummus ille Faustinae mihi valde suspectus est, quia utriusque lateris inscriptio male sese habet, & licet facile Begero, viro sollertissimo, credam eum esse genuinum, tamen nescio quem scrupulum mihi injiciat scriptura ipsa. In nummis Antonini Pii occurrunt VOTA SVSCEP. DECEN. & PRIMI DECENNALES nempe ludi, & notandum eandem plane figuram, addita inscript. VOTA SVSCEP. DECEN. III. Cos. IIII. inveniri in ipsius Antonini nummo apud Ducem Arschot. tab. 42. unde facili opera error monetariorum oriri potuit.

Animadverti etiam varios in Thes. Regio Brandeb. nummos male collocatos esse, non solum in tomo illo secundo, verum etiam in tertio; id quod proculdubio etiam animadvertes; nunc numeros teneo, non verba, uti est vetus verbum.

Quod ad bellum Grammaticale attinet, nosti *Sophiam* secunda brevi, & *Alexandriam* nec non *Dariam* penultima longa apud poetas inveniri, & in ipsis nummis Latinis scribi ALEXANDRIA: & si usum illum, atque adeo linguam Græcam, unde descendunt, sequi volumus, a communi loquendi forma nobis abeundum esse. Illud solum quærendum restat, an usus contrarius non potius retinendus sit, quippe qui firmetur tam longo temporis spacio, & quia Romani Græcorum literas longas mutarunt in breves, uti exempla a te allata docent. Quod si ex veteribus aliquis eo accentu voces *Philosophia*, *Darius*, *Alexandria* protulisset, uti hodie usus obtinet, ego certe secundum illum

pronunciarem; sed novos Grammaticos sequeretur, si recte & bene enuntiare voces easdem velim.

Nummus aureus, quem Potentiss. & Munificentiss. Borussia Rex mihi dono dedit, valet 518. florenos, ut vocant, monetæ Hollandicæ; est ex auro, unde Ducati conflantur, & si addas, quod nunc ultra pretium valet, sive *opgelt*, erit florenorum 544. Hinc cernitur caput Regis laureatum FRIDER. PRIMVS. D. G. REX BORVSSIAE, lorica induitur tecta fere paludamento; infra truncum lacerti, scriptum est nomen artificis parvis literis quadratis R. FALTZ; inde vero repræsentatur Hercules, tenens tria mala aurea manu dextra, sinistra clavam, tectus tergum & pudenda pelle leonina; a latere arbor est parva, & ad radicem ejus draco, & in reliquo campo arbores hinc inde & frutices; VIRTVTI PRAEMIA PONIT. & infra MVNIFICENTIA PRINC. supra lineam, qua binæ ultimæ voces distinguuntur a reliquo nummo parvis ibidem literis scribitur A. F. Illum ego reposui in capsula argentea, cui inscriptum est, OB. SERENIS. ET. POTENTISS. BORVSSIAE REGEM. RECEPTVM. AEDIBVS MEIS. XXX. IVLII. DIE ANNI, MDCCII. & a lateribus præpositionis OB. visuntur duæ coronæ Regiæ, & quidem artificiosissime, non secus ac ipsa Inscriptio, elaboratæ.

Stupendæ magnitudinis proculdubio nummus fuit, quem filia suæ Philippæ in dotem dedit Dux Herefordiensis, & tecum persuasum habeo, eum non diu superfuisse.

Atque ita puto me pensum meum absolvisse, & respondisse omnibus acceptissimæ epistolæ tuæ capitibus. Nunc addo, me multam voluptatem cepisse ex colloquiis quæ habui cum illustri D. de Numsen, & me bona fide expertum esse, virum esse multæ lectionis & optimi judicii. Dies nonnullos cum eo hilariter exegi, uti proculdubio laribus suis redditus tibi narrabit. Familiariter etiam vixi cum præfecto summo D. Scholtz, nec non cum D. Prætorio; quin & ante paucos dies Campis loquutus sum cum D. Rantzovio, & cum ille ad Consulem veniret, qui me aliosque prandio excipiebat, tui sanitatisque tuæ ambo meminimus, evacuato poculo vini Rhenani generosissimi, & tunc mirabar iterum, Virum illum Excellentiss. Homeri & aliorum poetarum versus, comoda occasione, pronuntiare.

Nunc paucis agam de Donis militaribus, quæ putas sub Augustis Imperatores vel Duces dedisse, & inde unum dici fuisse *Honoratum & Donatum Imp. omnium*. Ego huic explicationi manus dare, uti animadvertisti, non potui; & nunc addo, me inspexisse plerasque Gruteri Inscriptiones, in quibus narratur DONA MILITARIA, PHALERAS, CORONAS, TORQVES, ARMILLAS, VEXILLA, HASTAS PVRAS data fuisse, sed nusquam me reperisse ejusmodi Imperatores, verum Augustum, Claudium, Antoninum, Trajanum & alios, & res mihi admodum verisimilis videtur, dona, quibus donator non adscribitur, etiam ab Augustis data fuisse. Ecce tibi insignem Taciti locum 3. A. 31. *Quo prælio Rufus Helvius gregarius miles servati civis decus rettulit, donatusque est ab Apronio torquibus & hasta: Caesar addidit civicam coronam, quod non eam quoque, jure proconsulis præbuisse, questus magis quam offensus*. Quibus si jungantur verba Suet. Tib. c. 32. *Corripuit Consulares exercitibus præpositos, quod de tribuendis quibusdam militaribus donis ad se referrent, quasi non omnium tribuendum ipsi jus haberent*; videbis facile, hanc rem tunc incepisse Augustis servari, & proculdubio postea etiam ipsis relictam fuisse; Legatos præse-

Supplem. Tom. IV.

atosque ad ipsos prius retulisse, antequam milites bene meritos donis honorarent, & inde toties in lapidibus vetustis scribi, Augustos illa dona dedisse, qui tamen sæpe etiam præsentibus potuerunt fuisse: vide quæso, quæ huc quodammodo facientia, præcipue si CORONAM CIVICAM spectes, notavi p. 219. Apotheoseos Homeri, quam notam egregie augere possem: sed otio & patientia tua abutor. Vale quapropter & vive feliciter.

Dav. 27. Aprilis 1703.

P. S. Vaillantius edidit tom. 2. Numism. Imp. Rom. varios nummos Gallieni, in quibus leguntur nomina legionum, addunturque iis variæ figuræ, puta Capricorni, Martis galeati, Apri &c. Vir doctissimus putat, eas fuisse legionum illarum insignia, id quod etiam sentit Phil. a Turre in Monum. Veteris Antii (qui liber est doctissimus) p. 145. qui & arbitratur hæc esse *signa Legionum Trebellio* c. 8. Gall. memorata. Sed tuum erit me docere, an illis insignibus signa fuerint exornata, vel signa fuerint legionum illarum, an vero in militum scutis ea fuerint picta, quomodo Lipsius lib. 4. Dial. 8. de Mil. R. putat elephantos, secundum Appian. 2. Civil. *ἐς τὰ σινυεῖα* legioni v. constitutos fuisse in clypeis signisque manipulorum, nec aquilam fuisse amotam. Si Philippus a Turre recte Trebellium explicat, altera interpretatio præferenda est.

LIII.

Nobilissimo & Præstantissimo Viro

GISBERTO CUPERO

S. P. D.

OTTO SPERLINGIUS

Quas 27. April. hujus anni ad me perscripsisti, recte redditas scito. Non opus est ad me excusationibus ullis, certus sum, nisi fuisset occupatissimus, prout hæc tempora flagitant, te diligentior in scribendo esse voluisse. Vexilla quod attinet *muta*, ut illa vocat Vitruvius alicubi, quid faciam, quod illa ut pura agnoscere non queas? Oculis si credis tuis, illa posses passim in nummis observare, & propterea muta ac pura esse, quod nullo signo sint ornata. Nolo amplius illa urgere, sed tuæ sententiæ te relinquam. Nam licet adsint ornamenta, sine quibus ne vexilla quidem essent, sed hastæ aut perticæ puræ, vexilla tamen pura ut dicantur, facit signum quod abest, non vero signi ornamenta.

Recte sentis jam de Imperatoris militaris titulo, paucis illud datum sub Augustis, datum tamen fuit, ut ipse fateris. An Junius Blæsus, qui postremus fuit sub Tiberio, cui titulus ille collatus fuit, etiam postremus fuerit sub sequentibus Imperatoribus, valde adhuc dubito; quamvis non succurrat nunc exemplum, quo te refellere possum. Quidquid sit de Imperatoribus sub Augustis, illum qui se donatum ab omnibus Imperatoribus in Inscriptione professus est, sub Augustis vixisse non video, nec credo; quamvis quo tempore vixerit, mihi non constet.

De serpentibus vivis in trophæis de Germanis quod dubitas, an tubæ sint, an signa Germanorum, mihi quidem neutrum videntur. Nam ex aliis pluribus nummis satis patet, & tubas eorum fuisse rectas, & signa in draconem formata baculo recto cum capite draconis repræsentata, quod

K ij

& in Valentia Italica nummis memini me observasse. Illi vero Dracones vel Serpentes, qui in dictis nummis se videndos præbent, collis sunt incurvis subrectis ad sibilum, nullamque tubæ formam referunt *Συρίομορφοι* angustæ nimis, quam ut sonitum tubæ possint exprimere; neque enim etiam ille sonus est Serpentum aut Draconum, qui ultra sibilos vocem non habent. Verum quidem est, serpentes Græcis sæpius *κατ' ἐξοχήν* *Σύριον* dictos, sed sonum tubæ illos edidisse nusquam legi: quidquid sit de Paphlagonica tuba, cuius *καδων* caput bovis retulit, quod facilius creditum est, illas tubas boasse, quam serpentiferas; nam bonus Eustathius in multis talibus nimis etiam credulus fuit. Si tibia *καδων* *Συρίομορφοις*, non tubas voluisset, aliquid saltem dixisset, & tibia curvas intelligere possemus. Sed jam dudum est quod alibi annotaverim, vix Germanis aliisque Septentrionalibus tibia unquam placuisse earumque usum. Tuba mea Lapponica, quam servo inter rariora mea, licet lignea sit, & ex variis ligni frustulis affabre compacta, ita ut regulæ illæ omnes ab orificio apto se dilatent rotunditate sua usque ad *καδωνα* foramine suo, cui quatuor digitos inferere possis, libro arboris deinde circumvoluta, ne spiritus ullus evadere possit, nisi per *καδωνα*, longitudine duorum fere cubitorum, plane similis tibus illis, quas ostendunt nummi Germanica trophæa præfigurantes. Atque hæc de his hætenus.

Quod sub finem Epistolæ tuæ disquisis, de signis Gallieni legionum, quoniam Vaillantius mihi non est ad manum, statuere nequeo, num si gna statuatur, cum illis figuris, Capricorni, Martis, & Apri, vel an figuræ istæ solæ sine signis in nummis appareant; nam memini Vaillantium in Imp. nummis figuræ nummorum non expressisse, sed descriptiones solas eorum addidisse. Esse tamen poterit, illas figuras in signis fuisse; nihil enim prohibet hoc statuere. An vero fuerint signa legionum, quæ aquilam præcipuam requirebant, ut nosti, haud affirmare mihi licet. Singulis enim cohortibus sub legione stantibus, sua signa fuerunt

peculiaris, qua ratione etiam legionum dici possunt, sed legionis cujuslibet signum erat Aquilæ, velut universale, totam legionem ejusque cohortes denotans, ita ut Capricornum, vel Aprum, &c. signum legionis fuisse totius, minime deprehendam, sed ad cohortium & manipulorum signa spectent. In Scutis nomina quidem Imperatorum, sub quibus legiones militabant, fuisse observavi, sed ita inscripta, ut deleri possent, & alia substitui, occasione exigente. Nihil tamen & hic prohibet, figuras quasdam sive Elephantorum sive alias etiam in scutis pictas fuisse præter nomina. Arma enim ista militiæ Ducibus distribuebantur, ut dignosci possent, sub quo Duce responderent, & militarent. Hæc mea de signis & scutis illis est sententia, nisi tu quid dissentis, docte Trebati.

In donis militaribus, tu semper ad Augustos provocas, ego ad Imperatores militares in Republica ante Augustos, in Epistola mea respexi, penes quos fuit, milites bene meritos donare donis omnibus militaribus, coronis, armillis, phaleris, &c. Nam quod cautius Imperatores, Duces, vel Præfecti sub Augustis versati sint & parcus, nullum est dubium, & ad Augustos super his retulerint, ne gloriam illis præripere viderentur, tecum consentio. Et Imperatoribus militaribus Republicæ tempore concessum fuisse, ita milites donare, ex ipsius Taciti verbis, quæ adducis, manifestum esse puto, ita ut Augusti illam autoritatem donandi illis eripere voluerint, ideoque correpti sint ab Augustis, quod sua autoritate in his non usi sint. In hoc igitur non dissentimus.

Magnum autem mihi onus imponis, Vir Amplissime, dum explicare me tibi cupis Inscriptionem s. Gruteri p. 1109, quæ nullam parem habet in toto corpore Inscriptionum, unde juvari possumus, & explicatio facilius reddi queat. Tentabo tamen, & iudicio tuo relinquam. Ac primum mihi videtur, Inscriptionem integris verbis ponere, ita:

DIS MANIBVS

L. LARGIVS NONII FILIVS SVCVSANA (tribu.) FAVSTVS
TRIBVNVS LEGIONIS VI. (sextæ) AVGVSTAE
ET MISSICIVS LEGIONIS VI. (sextæ) AVGVSTAE BIS
CANDIDATVS II. (bis) AVGVSTI VELATVS IN PRAETORIO &c.

Nunc incipiendum ab ultimo, quoniam illi primi honores Largii fuerunt, in stipendiis quæ meruit inter Prætorianos, nimirum quod Candidatus Augusti fuerit bis: hoc est, suffragio Augusti promotus bis ad petendos honores quosdam inter Prætorianos, quos honores tamen non nominat, quod exigui forte fuerint; Augusti tamen candidatus factus, ut illos honores ambire posset. Novimus enim Augustis, munere quodam & honore vacante, sive in civilibus, sive militaribus, jus fuisse Candidatos suos cum reliquis, qui ambirent vacantem honorem, nominare & proponere; qui plerumque obtinebant, quoniam preces Augustorum erant imperia. Velatus ergo in Prætorio, nihil aliud esse puto, quam candida illum indutum nomine Augusti in Prætorio, ubi militabat, ut cum cæteris Candidatis Candidatus ambiret. Hoc bis sibi obtigisse inter stipendia, quæ meruit, indicare voluit Largius, & ab uno honore ad alterum adscendisse se, Augusto illum Candidatum suum faciente. Sic inter Gruterianas Inscr. 6. p. 457. C. Pompilius IN OMNIBVS HONORIBVS CANDIDATVS IMPERATORIS Hadriani legitur, non semel, non bis, sed in omnibus ho-

noribus, quos receperat, Candidatus Imperatoris esse meruit, ab ipso nominatus & propositus ad hos honores ambiendos. Hoc primum. Deinde Missicius legionis sextæ Augustæ Largius legitur fuisse bis. Missicius, puto, hic nihil aliud significat, quam emeritum Veteranum, & qui dimitti potuerit, hunc Largium factum: quod in aliis Inscriptionibus MISSVS sæpe dicitur, non MISSICIVS. h. e. qui dimitti potuerit emeritis jam suis stipendiis & annis, qui requirebantur. Sed quia Veteranis non semper placuit mitti, aut dimitti, verum in legione immunes manebant, præsentibusque ad ultimos casus; contigit huic Largio ea felicitas, & virium, & ætatis, ut bis MISSICIVS & veteranus in legione vi. Augusta fieret, honoresque, quos bis candidatus Augusti obtinuerit, juxta retineret, ita ut suis stipendiis & annis bis emeritis tandem tribunus legionis vi. Augustæ evaserit. Hoc, puto, dicit hæc Inscriptio. Tuum erit judicare nunc, num in re tam antiqua & intricata & obscura recte *σοχαζόμενος* fuerim, vel num aliam sententiam meliorem, ut spero, mihi commendare possis, in qua adquiescere liceat.

Pro submissa descriptione Nummi aurei Brandeburgensis, qui tibi merito obvenit, gratias habeo maximas nec minores, quod cum Domino Rantzovio salutis meae memoriam honore poculi intervina recolare dignati sitis. Narravit hoc mihi Dn. Rantzovius dum hic adfuit, & altero poculo memoriam hic Tuam vicissim læti celebravimus. Deus Te sospitet, Amicorum Optime, cui cum voto felicitatis optimæ semper ero addictissimus.

Dabam Hafniæ d. xxviii. Julii MDCCIII.

LIV.

Amplissimo Præstantissimoque Viro

OTTONI SPERLINGIO

S. D.

GISBERTUS CUPERUS.

Placuerunt valde mihi literæ, quas ad me dedisti 28. Julii die, & occupatione mea factum est, ut antiquum obtinere, iisque citius respondere non potuerim. Etiam atque etiam rogo, ut hanc meam excusationem accipere velis, & credere me summopere delectatum esse iis, quæ tecum communicasti; & ex altera mora & procrastinatione te judicare nullo modo debere, me effundere gratiam & amicitiam tuam, quæ mihi admodum gloriosa est, quamque semper omni ratione excolere & augere conabor.

Disputationi igitur vel velitationi de *Signis* nuntium remitto; cavebo diligenter, ne verbum de iis postea, & certe satis in iis desudavimus, tempusque est, ut nos in castra nostra recipiamus, & de aliis rebus eamus in consilium.

Blæsus certe ultimus fuit sub Tiberio, qui titulum *Imperatoris* accepit; & si alii sub Caligula, Claudio, Nerone, *bimestribus* illis vel *triatribus* vel *Thebanis* Imp. uti Galbam, Othonem & Vitellium vocant Ambrosius, Eunapius, & apud Philostratum Apollon. Thyaneus, Flaviisque, idem decus adepti fuissent, proculdubio id non siluisset Annalium celebris conditor. Et inde puto, eum non respectu Tiberii narrare, Blæsum *postremum* fuisse, qui *Imperator* a militibus salutatus est, sed sequentium etiam ad suam usque ætatem Augustorum, post quam non invenies hunc honorem alicui privato habitum esse; & ex nummis atque Inscription. vetustis satis superque constat, Cæsares ob victorias per legatos & Duces partas Imperatorii tituli numeros auxisse. Quid quod & milites ita honorare sua sponte Ducem victorem non poterant, uti fiebat libera Rep. sed post impetratam veniam ab Augustis? inde Tacitus: *concessit quibusdam & Augustus id vocabulum*; & paulo ante, *Sed Tiberius pro confecto interpretatus, id quoque Blæso tribuit, ut Imperator a legionibus salutaretur*; atque hinc patet, quam parci primi Cæsares fuerint in tribuendo insigni illo honore victoribus Ducibus; id quod, ut omnia quæ ad dominationem & arcana aulae pertinent, crevit proculdubio sub seqq. Imp.

Atque inde est, uti persuasum habeam, eum qui sese *donatum* appellat *Imperatorum omnium*; vixisse sub Cæsaribus; quanquam, ut verum fatear, id quod & antea monui, mihi mira videtur loquendi formula, *donatus & honoratus Imp. omnium*. Mihi certe hanc inscriptionem diligenter legenti veniebat in mentem, i. illam forte male descriptam esse, & illud HONORATO ET DONATO per-

Atinere ad coronam muralem, vallarem, & quæ alia dona sequuntur; 2. illam nullo modo pertinere posse ad liberam Remp. quia in ea memorantur *Præfectus Prætorio, Provincia Parthia, Præfectus Aegypti, Præfectus Urbis, Procurator a rationibus, Præfectus Prætorii, Ravennatum, Procurator Provinciae Hispaniae, & deniq; cohors Bracarum in Britannia*; quæ omnia incognita fuerunt eo sensu ante Cæsarum Imperium, uti optime nosti; & proinde iis probandis nequaquam immorabor; 3. posset etiam statui, Lucium hunc Furium fuisse donatum illis in Parthia, quam *provinciam* vocat, non quia Romanorum juris erat, sed quia in ea regione, vel potius in terris, quæ ditionis erant Parthorum Regis, bellabat; & ita in *provinciam* idem esset, quod in provincia, in regione; constat enim Parthiam, proprie dictam, nunquam Romanis paruisse, & ita scribitur in Inf. 6. 367. *A. Atinium a Trajano in expeditione Parthica donis fuisse donatum*. Quod ad serpentes attinet, ego nullam causam video, cur Romani vivis serpentibus exornarent tropæa de Germanis; nam licet id aperte non tradas iterum, tamen videris eo inclinare, quia res hæc non putas fuisse *tubas* aut signa; & scribis dracones, qui se in dictis nummis videndos præbent, collis esse incurvis & subrectis ad sibila.

C Nam 1. Germania serpentum & draconum non est ferax; 2. nunquam memini me legere, Romanos aliquo animali vivo tropæa exornasse, sed semper armis & spoliis hostilibus; 3. si jam veri hi serpentes forent, vel etiam ex ligno aliave materia ad illorum instar facti, sequeretur, si quid video, Germanos serpentibus in præliis usos esse, & eos immisisse in Romanos; prælio contra Eumenem navali scimus, qua arte usus fuerit Hannibal apud Corn. Nep. sed ita Germani cum Romanis non pugnarent.

D Præterea tubæ obvix in binis Cæsaris nummis p. 558. apud præst. Begerum possunt curvæ fuisse, ut alix rectæ, qualis appensa est brachiis, ut sic loquar, tropæi in tertio, qui nobis eodem loco exhibetur. In Domitiani, fateor, nummo p. 640. magis curvæ sunt, & si ratio aliqua mihi dari posset, cur serpentes indiderint Romani tropæis de Germanis, crederem forte serpentes nobis ibi repræsentari. Sed illud mihi nondum patet. Deinde si serpentes forent, persuasus sum, caudas nos etiam visuros, unde certe magnus ornatus accederet tropæis, quod cum non observem, ego necdum illi sententiæ manus dare possum, sed servabo mihi *signa* vel potius *tubas*, donec certiora & meliora clare fuero edoctus.

E In Valentia nummis apud Goltzium & Begerum, similis, fateor, occurrit figura, sed proculdubio *tuba* vel *lituus* est, qualem occurrere etiam in nummis Cæsaris habeo persuasum: cumque *rodave* aliorum, in binis aliis nummis, similes plane sint, cur non & *tubas* esse, licet incurvæ sint, credemus? Nec quicquam obstat tubarum exiguitas; potuerunt enim diversorum sonorum habuisse Germani, uti & hodie fit, vel sculptorum vitio factum esse, ut arctiores, quam par est, nobis repræsententur.

F Multum tibi debeo, quod aggressus sis explicare Inf. 5. p. 1109. sed & illa, quæ notas, mihi an sam præbent aliquid adjiciendi eruditis tuis annotationibus. Et quidem distinguo inter Candidatos, ut sic loquar, civiles & militares. Illos voco, qui a Cæsaribus ad honores populo, cum adhuc comitia haberentur, commendabantur; exemplum a C. Julio Cæsare, qui apud Sueton. cap. 11. *comitia cum populo partitus est*, &c. post eum Augustus apud eund. c. 56. *quoties Magistratum comitiis interesset, Tribus cum candidatis suis circumibat*.

supplicabatque more solenni; postquam comitia e campo translata sunt ad Patres, ille *quatuor candidatos commendabat sine repulsa & ambitu designandos*; teste Tac. 1. A. 15. Atque ita qui primum populo, inde senatui commendabantur, appellabantur *Candidati Principis, Caesaris, Augusti*, & inde explicari debere arbitror Inscriptioni 6. 457. in qua C. Popilius Carus Peto, dicitur fuisse IN OMNIBVS HONORIBVS CANDIDATVS IMPERATORIS; notumque est HONORES fere usurpari de muniis civilibus; unde frequenter in aliis lapidibus OMNIBVS HONORIBVS FVNCTVS IN REP. SVA, CAPVÆ, CVMIS, IN COLONIA. Neque aliter explico CANDIDATVM AVG. nempe Hadriani in lapide 4. 446. nisi quod ita per excellentiam ita possit appellari *Quæstor*; quem notarunt eruditi absolute CANDIDATVM dici, ita tamen ut nonnunquam *Quæstor* addatur, uti patet ex Inscript. vetustis. Atque ita occurrit in lapide 5. 431. *Candidatus Caesaris in Prætura & in Tribunatu plebis* sub Trajan. 8. 1025. PR. IN. VTROQ. HONORE CANDIDATO DIVI TRAIANI AVG. id est, si quid video, prætori candidato in utroque honore, vel virum eum fuisse prætorem urbanum & peregrinum; eodem loco habeo CANDIDATVM TI. CAESARIS, obvium 5. 525.

Jam ego puto LARGIVM nostrum bis inter candidatos vel hujus, vel alterius honoris ab Imp. nominatum, vel bis Quæstorem Principis fuisse, cujus de officio Ulpianus agit, & differit Brisson. 2. 17. Sel. Quæst. Tu vero, vir pereximie, mihi que amicissime, videris statuere, hic agi de militari quodam munere, quia VELA TVM IN PRÆTORIO explicas, illum candida indutum, nomine Augusti in Prætorio, ut cum cæteris candidatis candidatus, & velatus ambiret. Sed nunquam mihi lectum est, eos qui honores militares ambirent, candida toga vel candidis vestibus fuisse indutos; nec illi habebant necesse milites ambire, cum præcipuæ dignitates, si non omnes, darentur a Cæsare, aliæ forte a Legatis vel Præfectis, ad quos tamen nullo modo verisimile est Imperatorem Candidatos suos, si tales fuerunt in militia unquam, misisse. Puto igitur VELATVS corruptum esse, & mutari debere in RELATVS. Jam illud mihi, cum priorem epistolam scriberem, credas velim, venerat in mentem; sed mittere nolui, ne viderer mutandi prurigne laborare, & ut tibi integrum annotandi campum relinquerem. Confirmor autem nunc in illa opinione, quia aliam apud Grut. Inscriptionem reperi, quæ mihi fundus esse potest. 1. DXLIH.

L. GABINVS A. F. SER.
PONTIANVS
MIL. LEG. XX. CANDIDATVS
TI. CAES. AVG.
RELATVS. IN. PRAE.
VIX. AN. LIIX. M. V.
H. S. E

Vix ovum ovo similis, & puto alteram ex altera emendandam, & quia VELATVS multas habet difficultates, scribi debere RELATVS. Atque inde sequitur hos homines, qui memorantur in hac & in altera Inf. relatos fuisse in Prætorium, vel inter milites prætorianos; cumque in lapidibus istis solæ memorentur dignitates militares, recte videris statuere CANDIDATVS etiam de tali debere explicari. Non credo, ut dixi, eos qui honores militares ambiebant, fuisse usos candidis vestibus, & ideo arbitror VELATVS locum suum tueri non posse; & certe cur non domi vel alibi ejusmo-

di vestimentis induerentur? Sed tamen videtur aliquod munus fuisse, quod qui administrabat, CANDIDATVS Cæsaris vocabatur, & quidem Tiberii Principis tempore, sed quale hoc fuerit, fateor me ignorare, nisi forte Quæstor ærarii militaris. Populum creasse Tribunorum partem, patet ex Polybio, nec non Livio, lib. 9. idque factum esse in Comitibus docet Ascon. in Cicer. *Tribunorum militarium duo sunt genera: primum eorum qui Rufuli dicuntur, hi in exercitu creari solent: alii sunt Comitati, qui Romæ Comitibus designantur*: quæ loca debeo Lipsio in Dial. de Mil. R. Et quamvis libera Rep. populus per aliquod tempus fecerit Tribunos militares, tamen non invenio, eos candidatos, licet ita vocari possent, populum preffasse; quanquam non negem illud fieri potuisse. Certe sub Imp. & abolitis jam inde a tempore Tiberii populi Comitibus, illud non fuit in usu, nisi quidam Tribuni creati fuerint a Cæsare, alii a Senatu, huncque Candidati Cæsaris ambiverint candidis vestibus induti.

Sed est & alius lapis, qui docere etiam videtur CANDIDATVM aliquod gessisse munus militare. 9. 406.

L. FABIO. M. F. SEPTIMINO
GALER. SEPTIMINO
CILONI. PRAEF. VRB.
C. V. COS. II.
M. VIBIVS. MATERNVS
ILVRENSIS. A. MILITIIS
CANDIDATVS. EIVS.

Nam, nisi me fallo, hic Vibius dicitur fuisse Candidatus Præfecti urbis a militibus vel militaris; atque inde haud obscure patet, eum beneficio Præfecti promotum, vel illius fuisse Beneficiarium, & propterea ejusdem dici CANDIDATVM; quæ omnia, quæ es sollertia, elucidare velis, summo perepere rogo.

Uti autem Candidati in militia videntur fuisse jam initio Cæsarium, ita certe postea Candidati in Palatio militarunt. Nam ex Fastis Siculis & Cedreno, aliisque post Casaub. ad H. A. & Bulengerum, docuit Du Cangius Gordianorum seniore instituisse dignitatem Palatinam æque ac militarem, vel selectos ex Scholarium classe, quos *Candidatos* vocavit fortasse, quia albis vestibus utebantur, vel quidquam candidi in vestibus vel armaturis haberent, quod ultimum non displicet viro illi erudito. Ego candidas vestes amplector, cum quia Ausonius & Claudianus *niveas cohortes*, Corippus *candidam turbam* memorant, tum quia color ille Imp. quasi proprius fuit, uti vel constat ex Suet. in Dom. c. 12. A Gordiano igitur seniore instituta hæc dignitas, si auctoribus illis credendum est, sed mihi videtur breve illius imperium illam rem rejicere, & scimus, quam parva fides ejusmodi scriptoribus habenda sit. Dubitat etiam Du Cangius, quia, uti loquitur, pro certo constat Candidatos in Palatio longe ante militasse, & a Vegetio Candidatos simplices & duples recenseri, & in antiquis Inscr. apud Grut. *Candidati Augustorum, Cæsarium Imp.* occurrant; sed Vegetii auctoritas nihil valet ad rem eam probandam, cum vixerit sub Valentiniano, deinde, uti jam docui, *Candidati* obvii in Inscr. vetustis, vel omnes vel maximam partem honores civiles & magistratus respiciunt. Scaliger in Indice rerum, quæ ad rem militarem pertinent, recenset, CANDIDATVM PR. HASTAR. CCCLXVII. 5. sed eum ibi vel alibi non invenio, & totum opus propterea evolvere nequaquam possum: aliqua cæteroquin lux inde accederetur proculdubio rei, quam præ manibus habemus.

Henr. Valeſius ad A. Marc. 15. 5. diſtinguit tria Candidatorum genera, 1. Candidatos, qui ex Scholariſtis electi Imperatori aderant ex inſtituto Gordianorum; 2. Candidatos, quos inter principia legionum recenſet Veget. lib. 5. ac 3. Candidatos Cæſaris, qui commendatione ipſius Imp. & ſuffragiis tribuum P. R. ad Magiſtratus dignitatesque perueniebant; cujus ſententiæ ego omnino accedo, & inde ſimul perſpicias, me non abſque ratione nonnullas Inſcriptiones ita explicaviſſe.

Neque aliter exponit Inſ. 2. 475. Bulengerus 3. 6. de Imp. R. in qua M. Julius Severus dicitur eſſe XV. *Stilibus judicandis* (Latina tantum pono) *honoratus equo publico, Trib. Legionis IV. Scythicæ, Quæſtor Candidatus, & ΔΗΜΑΡΧΟΚΑΝΔΙΔΑΤΟΣ, Tribunus plebis Candidatus*; uti apud eum illa legitur, cum apud Grut. corrupte ſit edita: & recte notat *Quæſtorem Candidatum* non pertinere ad militarem Candidatorum Scholam, ſed ad Candidatos, principis Quæſtores. Quin & inde diſcimus, non modo Quæſtores, verum etiam Tribunos Pl. Candidatos fuiſſe; & ita eo loco, nec non 5. 70. idem vir doctus enumerat *Prætores, Senatores Candidatos*, qui ſcil. uti Quæſtores Candidati, de quibus ibi etiam agit, Prætores & Senatores a Principe, non autem a Senatu fiebant. Atque ita erant *Candidati Tribuni & Notarii*, qua dignitate fuiſſe Caſſiodori Patrem teſtatur Theodoricus Rex. i. Var. Caſſ. 4. unde patet eam non militarem, ſed politicam fuiſſe; id quod conſtat etiam ex iis, quæ notavit præter Bulengerum Gutherius.

Atque hæc quidem ſufficiunt ad demonſtrandum, mihi CANDIDATOS TI. AVG. turbas movere, nec ſatis perſpicere, quid revera illi velint, id quod te, vir eximie, me docturum ſpero.

In Indice Scaligeri rerum, quæ ad rem militarem ſpectant, hæc lego; *Honoratus Imp. omnium & donatus donis militaribus*; unde aliquo modo confirmatur mea conjectura.

MISSICIVM recte explicas, nec quid addam habeo, huncque hominem bis miſſum & bis veteranum factum eſſe, nihil eſt quod quis dubitet.

Sed quia *militēs* magnam hujus epistolæ partem conſtituunt, patere, ut quæram, quid ſibi velit MILITIAE PETITOR obviſus in 2. DXXVIII. 10. DXXXI. iſque titulus illis datur, qui dicuntur eſſe VETER. EX. COH. III. PR. AVGG. N. N. & VET. EVOC. EX. COH. III. PR. & an illuſtris Scaliger recte explicet ſiglas, quæ ſunt in 9. p. ejuſdem, VET. AVG. N. EX. COH. III. PR. M. I. F. PETIT. *Militiæ in foro petitor*. Hic enim plane cæcutio, & niſi explicari debeat, viros illos, licet veterani forent, iterum militiæ nomen dediſſe, vel ambiſſe majorem dignitatem, ignarus ſum proſecto, quid ſtatuendum ſit. Certe *petitor* eſt candidatus Horatio 3. 1. *Descendat in campum petitor*.

Nunc Tecum communicabo rem ſatis miram & inſolitam, idque vel ideo, quia illa Septentrionem quodam modo ſpectat, tuque illius plagæ hiſtoriam & ritus calles inprimis. Significavit igitur mihi illuſtris Witzenius, in Siberia inventum eſſe locum ſubterraneum concameratum, in eo jacuiſſe oſſa humana, & prope ea monſtrum ex ligno factum, cujus corpus referebat gallum vel gallinam Numidicam expanſis alis, caput vero erat humanum. Ægyptiam ſuperſtitionem diceret: ſed unde in horridos illos tractus peregrina ſacra? Tacitum narrare ſcimus, Suevos Iſidi ſacrificaviſſe, & inde quis conjecturari poſſet, Ægyptia ſacra in alias præterea orbis regiones olim fuiſſe deportata; niſi ſequi velit opinionem Rudbekii lib. 2. Atlantic. quæ mihi mira ſatis & paradoxa videtur. Cæ

terum num *Iſis* a Suevorum nonnullis culta fuerit, & num ſatis firmum teſtimonium ſit navigium illud, ego quidem addubito, potuitque id conjicere Tacitus ex navigio, quia in Iſidis ſacris etiam navigium erat, & in pompa circumferebatur. Quid quod mihi mirum ejuſmodi deæ ſignum videatur? & ne quid te celem, licet ſciam alibi tradere Tacitum, Germanos deos non aſſimilare in humanos vultus, putabam olim ſcriptum fuiſſe, *in modio, vel medio liburnæ*, ita ut Iſis ſtatuam ſuam habuerit, & illa fuerit poſita vel figurata in navi; unde certe conſtabat religionem eſſe advectam. Audax, fateor, conjectura; ſed quid vetat etiam ad amicos mittere hallucinationes ſuas? Sic Iſis ſedet in medio navis in Domitiani nummo, quem Obrechtus edidit, eademque forte dea cernitur ſtans, vel ſedens in navigio apud Had. Jun. c. 10. Bataviæ, potuitque illa navi aſcendendo Danuvium ad Suevos deportata eſſe. Sed longus ſum nimis; quare vale, & hiſce de nuntiis magno numero, quid videatur tibi, quæſo, mitte. Vale etiam atque etiam. Davent. 28. Octob. 1703.

Hæc ſcripſeram, cum forte fortuna incidi in Stum. quo Veſpaſiano imperium & honores deferuntur, & in eo hæc verba invenio: *Utique quos Magiſtratus (alii l. tum) poteſtatem, imperium, curationemve cujus rei petentes Senatui populoque R. commendaverit, quibuſve ſuffragationem ſuam dederit, promiſerit, eorum comitiis, quibuſque extra ordinem ratio habeatur*. Atque in iis duo obſervo, 1. fieri mentionem honorum civilium, & eorum, qui cum imperio in provincias mittebantur, non autem Tribunalium vel centurionum candidatorum. 2. Veſpaſiani tempore adhuc habitaviſſe comitia populi, licet Tac. narret, ea a populo in Curiam a Tiberio translata eſſe; illiuſque rei adhuc ſuo tempore imaginem fuiſſe teſtatur Dio l. 58. p. 634. cujus loci hunc puto ſenſum eſſe: Tiberium, cum creandi eſſent Magiſtratus præter Conſules, Candidatos, quot ipſi videbatur, miſſiſſe ad Senatum, quorum aliis aderat, vel quos commendabat, iique communibus ſuffragiis eligebantur, alios vero faciebat, vel promovebat propter merita, vel per ſententias nempe Senatus, vel forte, & inde ipſi cum vel neceſſariis pro more veteri, id quod & ſuo tempore fiebat dicis cauſa, ad populum & plebem euntes, designabantur. Atque inde vides, vir præſtantiffime, non abſque ratione *populum* occurrere in Scto. laudato; & puto eum ante curiam ſteſſiſſe, ibique candidatos illum preſſaſſe, ut ita imago (*εικόνι*) relinqueretur Reipubl. Sed Dio non niſi de candidatis Magiſtratibus loquitur, non autem de Tribunalibus vel ſimilibus militibus candidatis, niſi eos comprehendere poſſe ſtatuas vocibus *τὰς ἡν ἀλλὰς ἀρχάς*. Tacitus etiam lib. 1. c. ult. loquitur de Comitibus ſub Tiberio, & fluctuant viri docti in exponendis hiſ ejus verbis: *Aliquando ea quoque ſignificatione ſubtracta*, uti ex notis patet; cum mihi nihil aliud ſignificent, quam Tiberium interdum non modo nomina Candidatorum reticuiſſe, verum etiam nihil dixiſſe de origine eorum, *vita & ſtipendiis*, & eos hortatum eſſe, ne ambitu comitia turbarent, ſeſe omnia curaturum. *Stipendia* nihil faciunt ad Candidatos militares; ſed cum Romani procere, juvenes valde, militiæ nomina etiam darent, in adipiſcendis honoribus ratio habebatur ſtipendiorum. Vides me novam materiam tibi ſuppeditare, quam te etiam examinare velle ſummopere peto. Vale iterum, vir illuſtris. 6. Nov. 1703.

LV.

Nobilissimo & Amplissimo Viro

GISBERTO CUPERO

S. P. D.

OTTO SPERLINGIUS.

Annus est, ex quo nihil ad Te scripsi. Invaletudo proximæ ætatis continua ab hoc scribendi commercio & officio ut & ab omnibus studiis me prohibuit. Convalui tardissime sub hyemem ipsam, nec tamen studiis eam impendere operam valeo, quam prius. Senectam ipsam esse morbum expertus sum & experior. Hæc causa est, cur ad tuas VI. vel XI. Novemb. datas elapsi anni, citius respondere non potuerim. Qua es humanitate, Vir summe, me propterea satis ipsi Tibi excusatum habere poteris, & ut ignoscas. lentulejo mihi facto invito unice precor.

Cœtera quæ scribis, *de donato Imperatorum omnium*, non tam acriter defendo, sit pro lubitu: si obscure locuta est Inscriptio, etiam obscuros nos esse oportet, cum nihil inde possit exsculpi quam divinationibus nostris illam obscuriorem reddere.

Serpentes quod statui in variis trophæis de Germanis, ansam mihi præbuit res ipsa; neque enim tubæ esse possunt, quoniam aliæ tubarum Germanicarum figuræ passim in trophæis occurrunt, & quidem tales quales illas descripsi prioribus meis, nec ullibi draconum capita, qualia hæc sunt, in tubis illorum apparent ullibi. Quid igitur ex illis facerem non habui præter dracones, cum quibus olim pugnarunt etiam Germani contra hostes, & bene ac magice incantatos immittebant, ideoque draconum ora præferunt & corpora, sive simulachra sint, sive vivi Dracones, quos cum aliis armis Germanorum in trophæis repræsentare voluerunt Romani, trophæa ista erigentes.

Nam quod scribis, Germaniam draconum non esse feracem, hoc ne hodie quidem satis procedit, meliore & cultiore facta Germania, ubique reperiuntur adhuc illic immanes illæ & noxiæ bestię: & de antiqua Germania saltibus & paludibus invia & horrida quid judicare debeamus nos docent. Haud sane frustra est, quod Pausanias in Eliacis p. mihi 323. ἐν κυλέῃ Cypseli sculptum viderit Boream Orithyiam rapientem ἐπ' αὐτῇ ὄφρα ἂν αὐτὴ ποδῶν ἐισὶν αὐτῇ. Nec frustra, quod in cælo ipso supra regiones Germaniæ directo, serpentes maximi veteribus positi pictique supersint. Scaturunt enim hæc regiones licet frigida his serpentibus bestiis inter sylvas horridas, vepres & dumeta: ita ut Germanis facile fuerit pugnantibus serpentes & dracones ad manum habere. Quæ supersunt monumenta. R unica harum regionum, vix ullum vacuum reliquerunt ab his bestiis, etiam postquam Christiani facti sunt. Naves illorum populorum dracones dicti sunt, quod in illorum formam eas fabricarent. Cornu illud Danicum aureum, excellentissimum ob materiam, ob ætatem, ob sculpturas, vix aliquid crebrius continet, quam innumeros serpentes. Depictum illud sæpe videbis apud Wormium & Musei Danici authorem & alios. Erant itaque serpentes illis nationibus frequentes & domesticæ, & his monstris feracissimæ, ne infœcunditatem objicere possis.

Sed ego his non immoror pro mea sententia stabilienda, quæ forsan falsa videri poterit, nec ipsi mihi placet, modo evincam illa signa in trophæis,

A neque tubas neque cornua incurva Germanorum fuisse; quum inter tot cornua & tot tubas, quæ nobis adhuc ex antiquitate supersint, nullæ inveniantur vel reperiri possint in draconum rictus definientes, prout illas in trophæis istis conspiciamus. Omnia ista cornua, quæ magno studio hic feruntur & ostenduntur, unius formæ sunt, bubula plerumque, & sive ex ebore, sive ex auro illa sint imitati, haud tamen formam communem bubulorum cornuum egressa sunt, nisi quod ornamentis superbis & gemmeis etiam exterius resplendeant, nulla draconum formam induerunt, sed simplici & naturali suæ relictæ sunt. Hæc causa mihi, cur illa signa neque tubas, neque cornua existimare poterim, quidquid tandem fuerint.

B Videris postea Candidatos solum ad officia civilia restringere velle, nec Candidatos militiæ admittere, dum Te nunquam legisse scribis, Candidatos in militia candida toga sumta ambiisse. Sed, puto, Te refellit hæc ipsa inscriptio, quæ nulla alia officia hujus Largii refert, quam militaria, quorum primum fuit, quod relatus sit in Prætorium, h. e. miles Prætorianus factus. Nam valde probo Tuam correctionem elegantem, doctam & ut mihi videtur veram RELATVS, pro VELATVS legendum esse. Reliqua igitur officia ejus Largii usque ad Tribunatum, non fuerunt nisi militaria; atq; sic concedi oportere puto, dum se Candidatum Augusti bis vocat, etiam illum honorem militarem fuisse, nec Candidatum puto intelligi posse, nisi in candida veste ambientem, pro ut in civilibus, ita quoque in militaribus. Nam prout Augusti in civilibus suos candidatos habuerunt, & Augusti pro illis supplicabant, vel quasi: non video causam cur in militaribus quoque non haberint. Erant enim & civilium & militarium Domini, licet videri nollent aliter, quam a Populo & milite dependentes, sed etiam his adquiescere videris, & Candidatos tam civiles, quam militares admittere, quum tot inscriptiones, quas ipse producis, hoc testentur. Huc igitur redibit controversia hæc omnis, an Candidati militares eadem toga candida ambierint, ut civiles. Candidati sane dici non poterant illis temporibus, nisi candida veste induti ambirent tam in civilibus quam in militaribus.

C An vero toga candida ambierint etiam milites, hoc est quod ego dubito, quum inter milites toga impedimento fuerit, nec militaris habitus sit. Chlamyde igitur candida aut sago militares ambiisse dicendum fuerit, civiles vero toga. Quando defuerit illa vestis candida, ex qua Candidati nomen consecuti sunt, qui aliquod munus ambiebant, alia quæstio est. Augusti temporibus adhuc ritum illum perstitisse tam in civilibus, quam in militaribus, extra dubium mihi videtur; nisi velimus dicere, Candidatos Augusti non indiguisse his candidis vestibus, sed suffecisse, Augustum eos Candidatos suos pronunciasse, & pro iis supplicasse populo vel militi. Quod tamen vix statui posse censeo illis temporibus; liquidem publice omnia tunc gesta sunt, & moribus Reipublicæ, vel quasi, adeo ut etiam pro iis supplicaverit. An ultra Tiberium & sequentes Imperatores etiam candida veste Candidati militares, vel civiles ea veste ambierint, vix mihi definire licet, quum hoc non satis ex historiis pateat. Nam & hodie Candidatos habemus & retinemus sine candida veste in Scholis & Academiis in numerum receptos Candidatorum, ut promoveri possint ad Magisteria & Doctoratus examinati; quod sane nomen illis mansit ex veteri more, extincta licet candida veste, cum qua ambire opus non habent. Illud quando cœperit, mihi, fateor, non liquet. Unde nec aliquid in his definio.

Quæ

Quæ de MILITIAE PETITORIBVS ex In-
scriptionibus binis adductis proponis, eosque can-
didatos fuisse ambientes Horatii loco comprobare
voluisti, fateor haud multum Petitores & Can-
didatos differre. Aliquod tamen discrimen mihi vi-
detur inter Candidatum & Petitorem fuisse; tale
forfan, ut petitor esset, qui petebat, post emerita
stipendia veteranus, in militia manere, & vetera-
norum jure ulterius militiam sequi posse, nec di-
mitti. Omnes enim illæ Inscriptiones, quas attuli-
sti, de veteranis loquuntur, qui militiam denuo
petebant, ne dimitterentur: quod etiam sine am-
bitu, & candida veste obtinere poterant vel a Tri-
bunis, vel ab ipso Imperatore, & *militiæ petitores*
hac ratione fiebant. Horatii vero *petitorem* positum
existimo, pro omnibus & singulis aliquos honores
petentibus, ideoque ad campum illos remittis, ut
more Candidatorum ibi petant quos honores desi-
derant. At *petitor militiæ* aliud est omnino, quam
petitor simpliciter. Omnes enim candidati petunt,
sed non omnes petitores propterea Candidatos ac-
cedere ac petere credam. Multa enim petebant &
obtinebant etiam, sine candidatura, ut ita loquar,
ut sunt hi petitores militiæ ulterioris, in Inscriptio-
nibus qui nominantur. Inscriptio 9. & 10. p. 531.
sunt ejusdem hominis, ideoque una ex altera ve-
niet explicanda, & pro M. I. F. ego legerem con-
junctim MIL. PETIT. & pro EX substituerem ex
IO. NAT. PANNONIO, vel simpliciter EX PAN-
NONIA, quod idem est. Sicque ambæ Inscriptio-
nes consentiunt, & una ex altera lucem fœneratur.

De candidatis Tiberii Augusti nihil Te docere
possum aliud, quam quod docuisti ipse, vel ego
monui; fuisse scilicet ab ipso commendatos Popu-
lo, vel Militi, sine ambitu jam, &, si vis, sine can-
dida veste sumata, prout adhuc sub Augusto ejus
umbra quædam remansit, ex antiquo, ita ut Can-
didati Augusti nomen quidem remanserit, sed ri-
tus illi ambiendi sensim deserint, solaque commen-
datio Augusti utramque paginam fecerit.

Quæ verò Tecum communicavit Illustris Wit-
zenius de loco subterraneo in Siberia invento, in
quo cum ossibus humanis inventum sit idolum li-
gneum avis cujusdam capite humano insignitum,
recte mihi videris conjectare ad Ægyptiam super-
stitionem, vel Numidicam illud spectare. Neque
mirum adeo videri Tibi debet illud in tam remotis
oris sepultum jacuisse, non magis, quam Isidis
simulachrum in navigio apud Suevos, Taciti æta-
te, vel Suevos dono misisse Æthiops Metello in
Galliam. Prolixa mihi de his dissertatio in Colle-
ctaneis meis Septentrionalibus nondum edita su-
perest, ubi de mercatura & peregrinationibus Se-
ptentrionalium ab omni ævo ad exteras oras ago.
Illam brevibus ob oculos ponam, ita ut modum E-
pistolæ non excedam. Et primum Historiæ Septen-
trionalium uno ore testantur, totam, quæ nunc est,
Russiam, ipsis Græciam dictam esse quondam, aut
eorum lingua GIRCKLAND, quod est regio Græ-
corum, quoniam Septentrionales mercatores & pe-
regrinantes per eam tendebant in Græciam anti-
quam, & ex ea in omnes partes Asiæ, Ægypti,
& Africa: Benjaminus Tudelensis mihi suffraga-
tur, cujus ætatem nosti; suffragantur, quæ su-
per sunt Runica monumenta, & etiam Ditmarus
ac Adamus Bremenensis, ac Saxo Grammaticus, qui
vetus nomen Græciæ pro Russia, Livonia, Cur-
landia &c. usurpant. Hæc sane obtinuerunt in il-
lis oris, antequam Russi, ex Asia, in has oras pe-
netrarunt, ibique sedes occuparunt ab Anno 1242.
circiter. Nam ante illa tempora, quæ nunc Rus-
sia dicitur, vel magna, vel parva, vel alba, vel ni-
gra, Septentrionalium nostrorum moribus & lin-
guis vivebant. Ideoque per hanc omnes Septen-

Supplem. Tom. IV.

trionales mercaturæ & peregrinationis causa ten-
debant in Græciam, ubi dromonibus & navibus
sumtis, in Asiam, Ægyptum & Africam transfre-
tabant, suasque naves in littore aut Russico non-
dum dicto relinquebant, donec suis negotiis pera-
ctis domum redirent cum iisdem navibus, & eadem
via qua perrexerant. Suevi hac via ut accolentes
mare Suevicum, & sinum Codanum, nunc mare
Balthicum, in Ægyptum translati Isidem suam &
Æthiops advexerunt; illi quoque, qui Idolum
istud in Russiam interiorem attulerunt; nec du-
bium est, Russis advenientibus illos ibi in Siberiam
confugisse, & dominio Russorum afflictos mortem
ac sepulturam cum suis nactus esse. Hæc ita brevi-
ter, pro quibus demonstrandis volumine opus ef-
set satis magno, non Epistola. Potius est ut Te va-
lere nunc jubeam, & quæ cum Dn. Rantzovio Ti-
bi submitto, ultimo a me edita, æqui bonique con-
sulas orem, qui sum ex animo tuus.

LVI.

Nobilissimo Præstantissimoque Viro

OTTONI SPERLINGIO

S. D.

GISB. CUPERUS.

Illustris Rantzovius filius mihi ante binos fere
menses reddidit litteras, quas Hafnia ad me
dedisti nono Februarii proximi die, vir eximie,
& simul recepi binas tuas dissertationes, unam de
Nummis Braacteatis & Cavis, alteram de nummo
Suecico æreo, quas summa cum voluptate perlegi,
& in quibus te semper inveni, id est, singularem,
qua fulges, eruditionem, & præclaram eam ἀ-
χρῆσιον mentis tuæ. Videram antea ea quæ præstan-
tissimus Begerus de eodem nummo publicaverat u-
na cum Examine dubiorum quorundam, sed pro-
fecto capere non poteram, quo illa tenderent; &
nunc opera tua cognosco, quid hujus rei sit, & ri-
deo vehementer tam Parisienses, quam Berolinen-
ses Gallos, qui sibi ejusmodi somnia fingunt, quæ
vel ἀγλαῖας facere possent hilari animo esse, &
prompto ad jocandum.

Tropæis de Germanis, quorum serpentes, vel
tubæ nos exercuerunt, nuntium remitto; nihil
enim mihi reliquum est ad defendendam meam opi-
nionem, quam tamen veram esse existimo, licet
Germania serpentes olim tulerit, & nunc etiam a-
lat. Neque enim memini me legisse apud ullum au-
ctorem antiquum, Germanos veteres cum draconi-
bus olim pugnasse contra hostes, & bene ac magice
incantatos in eos immisisse, qualia exempla si apud
scriptores Latinos, vel Græcos eorundem tempo-
rum, quibus nummi isti signati sunt, qui nobis
tropæa Germanica exhibent (neque enim postero-
res auctores admitto) inveniuntur, rem mihi utique
facies gratissimam, si eadem mecum communicare
velis, eoque nomine me plurimum tibi debitum,
nihil est quod dubites.

Gaudeo te probare conjecturam meam, & puta-
re etiam VELATVM in lapide veteri scriptum ef-
se pro RELATVM. Candidatos militares si tecum
sub primis Cæsaribus agnoscerem plane, utique
non putarem, pro iis supplicasse Augustos popu-
lo vel militi, vel Candidatos ipsos ambivisse mi-
lites in castris, uti scribis in doctissima episto-
la tua. Candidatos posterioribus temporibus in
militia fuisse certum est, & corpus illud mili-
tum, vel protectorum (ex eorum enim genere
erant) candidis vestibus erat amictum; unde
est, quod Hieronymus in vita Hilarionis ita loqua-
tur: Namque Candidatus Imperatoris Constan-

L

tii, rutilus coma, & candore corporis indicans provinciam; quod non ad ipsam cutem, sed ad vestem referendum utique est; & puto ex hoc corpore electos esse (quo ipso nomine & Candidati potuerunt appellari) qui ad majores honores promovebantur militares, id quod non obscure patet ex Victore Tunonensi in Chronico: *Ex Candidato Magister militum ordinarius constituitur*; quæ bina loca debeo Henrico Valesio, insignis eruditionis viro, quem juvenis admodum Lutetiæ Parisiorum colui: illisque addi possunt ea, quæ notavit illustris Du-Cangius in Glossario. Deinde credere non possum, primos Augustos militi supplicasse pro candidatis suis, id est, milites rogasse, ut eos promovere velint, vel candidatos ipsos ambivisse milites in castris, cum ne illud quidem factum sit libera Rep. nec milites unquam aliis honores & dignitates dederint.

Tandem valde dubito, an sub Augustis aliqua munia militaria beneficii populi fuerint; certe id fieri non potuit sub Tiberio, quia comitia fuerunt ad Senatum translata; quibus de rebus jam egi proxima ab hac epistola.

Quin & nunc mihi verisimile omnino videtur, cunctas dignitates militares ab Augustis, vel eorum legatis aliisve, qui exercitibus præerant, in alios collata, nec ulla Senatui vel populo reservata fuisse; adeo ut capere propterea non possim, qui potuerint dici *candidati militares*, & cur candidis vestibus induerentur: & puto, nisi meliora clare fuero edoctus, *Candidatos Cæsaris* nullos alios fuisse, quam qui civiles Magistratus gerebant. Fateor nonnullas Inscriptiones videri contrarium suadere, in quibus scilicet pleraque, si non omnia, præter *Candidatum* sunt munia militaria, quæ in unum hominem dicuntur esse collata; sed notum est, Romanos militiæ & togæ operam dedisse, & eos, qui ab ineunte adolescentia per longum tempus castra secuti erant, urbanos postea honores gessisse; & inde arbitror **CANDIDATVM TIB. CAESARIS** memoratum in Inf. I. DXLIII. nullum alium esse quam Quæstorem. Certe eruditissimus & Germaniæ suæ quondam ingens decus Reinesius hæc verba Inf. 6. CCCGLVII. IN OMNIBVS HONORIBVS CANDIDATVS IMPERATORIS restringit ad *Præturam, Quæsturam & Tribunatum*, additque eos, qui istos honores ambiebant, Augusti voto, iudicio & rescripto ad Senatum adjutos fuisse lib. 3. var. lect. c. 16. nec vir ille præstantissimus, & harum rerum intelligens valde ullam mentionem facit dignitatis militaris; licet Popilius ille Carus varios gesserit; de Præture autem & Quæstore Candidato potest videri etiam Juretus ad Symmach. 10. 36.

Quin & unum mihi velim dari auctorem, æqualem primis Augustis, qui nobis mentionem faciat *Candidati militaris*, vel exhiberi Inscriptionem, in qua Tribunus vel Centurio aliquis dicatur Candidatus; id quod certe mirandum, cum tot Tribunorum & Centurionum memoria servata sit in lapidibus vetustis.

Tacitus quoque & Suetonius, ubi loquuntur de comitiis tempore Julii Cæsari & Augusti habitis, non nisi de Magistratibus verba faciunt; unde mihi utique haud infirmum argumentum sumi videtur posse, nullos tum temporis Candidatos militares fuisse. Nam Candidati *duplares & simplices* apud Veget. 2. 7. hæc ad tempora nequaquam pertinent, & respicit ille proculdubio corpus Candidatorum, unde eosdem appellat *milites principales*, qui privilegiis muniuntur, quorum alii simplices, alii duplices annonas consequiebantur. Varia notat ad eum locum Stewechius; sed vir eruditus mihi videtur confundere Tribunos militum Consulari potestate, cum Tribunis Legionum ordinariis.

A, Nam postquam egisset de Tribunis militum a Romulo lectis, loquitur de Tribunis Consulari potestate; & inde Livium dicit narrare non comitiis, sed suffragiis ad legiones Tribunos militum factos esse. Verba Livii hæc sunt 7. 5. *Et cum eo anno primum placuisset, Tribunos militum ad legiones suffragio fieri. (nam & antea sicut nunc, quos Ruffulos vocant, Imp. ipsi faciebant) secundum in sex locis tenuit*, quæ ego ita interpretor: Constitutum fuisse uti Tribuni legionum in comitiis per suffragia fierent, cum antea illi ab Imperatoribus vel Ducibus exercitus, Consulibus nempe, crearentur, uti Livii tempore illi, quos Ruffulos appellabant, adeo ut inde pateat, virum eruditum confundere varii generis Tribunos, & male distinguere *comitia*, quæ voce ne Livius quidem utitur, a *suffragiis*, quæ scilicet ipsa in Comitiis a populo dabantur: quæ de tribunorum per populum electione agiti, uti nosti, Sigon. l. 1. de Antiq. Jure Civ. Rom. c. 15. & Lips. 2. de Mil. Rom. Inde agit de Tribunis Ruffulis, & Comitiatis, qui memorantur Asconio Pædiano, & ab his distinguit *suffectos*, quos putat militum suffragiis in castris factos esse, id quod tamen ego unde sumptum, & proinde an verum sit, nescio plane; & mox, quod summopere firmandæ opinionis meæ inservit, ita commentatur: *Tandem ad Imp. cum tota Romana hæc potestas quoque devoluta; ii Tribunos delegerunt homines insigni testimonio*, & quæ alia ibi sequuntur, quorum tamen probare non possum, Principem, cum ad Tribunatum quempiam eveheret, gladium illi in manum dedisse insignis imperii, & dixisse, *En accipe gladium &c.* Nam hoc a veritate plane alienum est, nequillud annoravit, cujus auctoritate sese tuetur, Crinitus 5. 6. Honestæ Discipl. quippe qui tantum loquitur de *ὡπαρχῶν*, vel Præfecto, Prætorii, cui tradito gladio dixit illud Trajanus, teste Dione, & Suida. Num autem illi, qui petebant tribunatus legionum a populo, fuerint candidas vestes induti, illud equidem ignoro; sed si id factum fuit, crediderim eos sumisse togas, & in iis absque tunicis populum prensasse. Est insignis error Menteti Ketwig in libro de Ambitu p. 153. ubi cum ex Polybio notasset, petitores toga candida usos esse, addit, contrarium plane tradere Plutar. in Coriolano, *Candidatos nempe in forum prodixisse tunicatos sine toga*. Nam auctor ille gravissimus tantum abest, ut hoc scribat, ut pag. 219. clare dicat, *Candidatos ἐν ἰματίῳ ἀνδρῶν χιτῶνος cum toga absque tunica* in forum ivisse, & quidem ut populus videret cicatrices, *σύμβολα τῶν ἀνδρείων*. Quod si hoc factum fuit in petitione Consulatus, quanto magis id fieri debuit in petitione Tribunatus, quæ dignitas erat mere militaris? Ex hac occasione facere non possum, quin apud te deponam, me nescire quid sibi velit Joh. Christ. Franciscus Paulinus in libello de Candore, quando ita commentatur.

Cincii lex muneris erat, qua gravissimis poenis is afficiebatur, qui a quovis candidato munus suffragii causa donumve acciperet. Inde cautum, ut in petendis honoribus Candidati sine toga ad Comitia descenderent, ne pecuniis in sinu reconditis Tribuni suffragia mercarentur. Alex. ab Alex. 3. 17. De qua lege Cinciana videatur etiam Cicero 2. de Orat. & in lib. de Senectute, & alii, Liv. lib. 3. Dec. 4. Tacit. 11. An. Erant autem Candidati sola toga candida, eaque recincta, induti.

Nam primo sibi plane contrarius est, quia modo dicit *sine toga*, & modo *sola toga candida induti*, quæ conciliari nullo modo possunt, nisi priore loco scribere voluerit *sine tunica*. i. r. Togam addit debuisse esse recinctam cum tamen illa nunquam cingeretur, sed sola tunica; & cum eo tempore eam vult esse recinctam vel solutam, sequitur virum

doctum putasse, alio tempore eandem cinctam fuisse.

Cincia lex non egit de ambitu, vel muneribus Candidatorum, sed ea cavebatur, ne quis ob causam orandam pecuniam donumve acciperet, teste Tac. II. An. 5. qui etiam 15. 20. has res plane distinguit. Sic Oratorum licentia Cinciam rogationem, Candidatorum ambitus Julius leges, Magistratum avaritia Calpurnia scita pepererunt: & nosti hoc quam clarissime probasse magnæ spei juvenem, sed fato iniquo ereptum nobis, Brummerum in libro, quem de lege Cincia conscripsit, quemq; mihi Lutetiae Parisiorum olim dono dedit, & tandem post legem Cinciam cautum non est, ut Candidati sine toga (vel tunica potius) ad Comitia descenderent, cum diu antea togati honores ambiverint, & nemo veterum scribat, aliquid hac de re statutum potest fuisse.

Sed ut pergam, Inf. 7. p. CCCXXI. Gruteri digna est, ut propter similitudinem argumenti te, vir eximie, paulisper detineat: L. IVLIVS MAGLO CAND. FLAM. DIVI AVG.

Illustris Scaliger explicat, Candidatus flamen, & inde sequitur, eum a Tiberio Principe flaminio huic fuisse admodum, non autem creatum a populo Comitibus Centuriatis, id quod libera Rep. factum fuisse annotatum est eruditis; quanquam Liv. 27. 8. scribat C. Val. Flaccum captum esse Flaminem Dialem a P. Licinio Pontif. Maximo: posset tamen forte etiam CAND. exponi CANDIDVS, ita ut sit viri illius cognomen.

Recte explicas petitem militiæ, si quid video; & nunc omnis mea dubitatio sublata est, arbitrorque tecum veteranum petisse, ut iterum militiæ adscriberetur. Multum igitur tibi eo nomine debeo, sed plurimum pro iis, quæ ad illustrandam Witzii icunculam auream affers in medium. Est enim illa non ex ligno, uti putaveram properanter legens Viri amplissimi epistolam Belgicam; sed ex auro ductili, eamque ante binos menses Amstelædami vidi summa mea cum voluptate. Quicquid mecum communicasti ad eum misi, sed nondum me edocuit, quid sibi de lucubratiuncula tua videatur; quod ubi nactus fuero, non desinam illud ad te mittere.

Inventa est in eodem monumento lanx ex metallo Sinicis vetustis litteris, quales edidit Kircherus, inscripta, quam etiam manibus tractavi, unde suspicio mihi suborta est, quendam ex primariis illius regni viris legatum forte missum ad ejus tractus Principes, ibi sepultum fuisse; quanquam non meminerim me legisse, Sinas ejusmodi monstra coluisse.

Nunquam certe audiveram, Russiam dictam fuisse Gardaryke antequam Russi illam occupassent, & auctores, qui seculo x. scripserunt latine, eam appellasse Græciam, Borealesque Girkland. Illud autem summopere opto, ut loca ad me mittere velis, ex quibus constare possit, antiquissimis Russiam appellatam ita fuisse; mihi enim post lectam diligenter, imo repetitam epistolam tuam, videbatur, omnem illum tractum vocatum fuisse Græciam, quia Russi, vel Moscovitæ, Christiani facti, sequuti sunt religionem, & placita Græcorum; id quod te examinare velle, etiam atque etiam rogo.

Quæ præterea de mercatoribus Septentrionalibus, eorumque in Græciam profectionibus mittis, mihi mira admodum videntur, imo in alium quasi orbem me delatum puto, cum ejusmodi animadversiones lego, & spero te data occasione id nos edoctrum; quo nomine certe plurimum tibi debet Respubl. litteraria.

Atque ita quidem toti epistolæ tuæ, quæ mihi venit acceptissima, respondi, illudque mihi am-

Supplem. Tom. IV.

plius faciendum esse existimo, primo ut rogem, ut excusare velis levidenses in alios stricturas, quas, licet ad argumentum nostrum parum faciant, hic meæ inferui; deinde ut permittere velis, ut tecum insuper paucis agam de duabus Inscriptionibus, quæ mihi subobscuræ videntur. Et primo quidem in 9. CLXXI. memorantur conjunctim Galerius & Gratianus Imperatores:

GALERIVS ET GRATIANVS RV FELICES AC TRIVMPHATORES SEMPER AVGG....

Ego nullum Galerium invenio Gratiani tempore Augustum; sed Flavium Valentinianum, fratrem ejus Valentem ad summum fastigium elatos A. C. 364. & Gratianum a. 367. Valentinianus diem obiit a. 375. & inde Valens ad annum 378. imperium rexit cum Gratiano, unde suspicor Valentem etiam dictum esse Galerium; neque enim video, quomodo aliter hæc difficultas tolli, nodusque ille solvi possit; idque eo magis quia Galerii Maximiani tempore nullus etiam fuit Imp. Gratianus. Deinde licet de Vexillis ne mutire quidem amplius animum induxerim, tamen facere non possum, quin ad te mittam, me in Inf. 469. cap. III. Inscript. Fabretti Vexillum argenteum, nisi me plane fallo, invenisse: DONIS DONATO AB. IMP. TRAIANO. AVG. BELIO DACICO. CORONA MV. RALI. HASTIS. PVR. VEXILLO. ARGENT. EXACTI EXERCITVS. Et puto, uti velum quadratum summæ hastæ vel ligno, quod illi imponebatur, transverso affixum fuit, ita hunc virum meritum fuisse laminam illius magnitudinis & formæ argenteam, & ad instar vexilli suspensam; vel vexillum illud fuisse ex panno, ut sic loquar, argenteo, quem nos appellamus Silverlaaken, sive opere Phrygionum cultum & ornatum.

Et ita Salmasius ad Hist. August. p. 430. ed. Mas. ex veteri lapide apud Gruterum nobis proferit VEXILLVM ARGENTO INSIGNE, argentumque putat vexillo intextum fuisse: id quod certe ego verum esse judico, cum & Vegetius apud eum ita loquatur: Vexillationes vocantur ab eo, quod velis, hoc est flammulis utantur, quæ utique non nisi de velis vel pannis, vel linteis possunt exponi. Sed ut hæc quidem ita commode explicari possunt, ita non capio, quid sibi velit EXACTI EXERCITVS, & mihi ad hanc rem percipiendam opus est tua solertia atque doctrina. Neque enim audeo interpretari miram hanc loquendi rationem, hostilem exercitum, vel ejus partem habuisse sibi vexillum argenteum, & P. Besium Betuvianum eo fuisse ab Imp. optimo donatum, quia illum vel illam, in fugam dederat, vel præcipuum exacti, vel fusi fugatique hostilis exercitus decus meruerat: nec tamen aliquid est, quod mihi occurrat verisimilius.

Hæc sunt, vir eximie, de quibus nunc tecum agere constitui; & si quid iis inest, quod stomachus tuus non fastidit, erit certe quod læter summopere. Primum occupatione, inde tertia factum est, ut tardiuscule elegantissimis & acceptissimis litteris tuis respondeam, hæc etiam facit, ut aliena opera in scribenda hac epistola uti debeam; id quod te, quæ humanitate & erga me benevolentia, æqui bonique facturum spero: Vale plurimum.

Davent. 10. Jun. 1704.

LVII.

Nobilissimo & Amplissimo Viro

GISBERTO CUPERO

S. P. D.

OTTO SPERLINGIUS.

Postquam delicias & auras itinerum ac Amicorum hac æstate recreandæ valetudini meæ satis infirmæ quæsiui, nunc redii tandem ad museum meum, & quid literis Tuis x. Junii hoc anno peramanter & doctissime ad me scriptis debeam, nequaquam oblitus sum. Agis mecum satis prolixè de Candidatis tam populi Romani, quam Augustorum, ut maximas Tibi gratias debere me fatear, quod tam multa me doceas. Nulla nobis controversia est de his, nam Candidatos tam militarium, quam civilium munerum mecum agnoscis, neque enim quisquam vel in militia, vel in civitate ad munus aliquod unquam, vel rarissime perveniebat, nisi cum ambitu, & petitione, inter Candidatos se stitisset. An vero post mutatum Imperium sub Augustis non aliqui Candidati Imperatorum facti sint & pronuntiati, sine populi militumque suffragiis, etiam sine veste vel toga candida, dubitare non licet, potestate Augustorum semper accrescente, & quos vellent Candidatos faciente, h. e. in spe successionis constitutos viventes, quamprimum munus aliquod vacaret, sive in militia Tribunorum, sive in civitate aliorum, Quæstorum videlicet, Prætorum, Ædilium &c. ut candidatus Augusti admitteretur, & cæteris præferretur. Imp. Augustus autem, licet sua potestate uti potuisset, sæpius tamen blande cum populo egit, ne suffragia ipsis omnia eripere videretur, & umbram aliquam veteris Reipublice ipsis relinqueret, supplicare pro suis Candidatis populo non dedignatus est. Hodie *Expectantios* ejusmodi Candidatos vocare solemus, & *expectantias*, beneficia Principum concessa. Illi enim Expectantes alterius officium, tantisper Candidati sunt Principis, postquam nominati fuerunt ad hoc vel illud munus, vel ad omnes honores, quamprimum vacarent. Unde illa formula, Inscr. 6. p. 457. IN OMNIBVS HONORIBVS CANDIDATVS IMPERATORIS. Scilicet ut quod munus primum vacaret, in eo succederet Candidatus ille, ad omnes honores nominatus. Neque enim omnes Candidati Imperatoris ad omnes honores protinus nominabantur, sed hic ad Quæsturam, ille ad Tribunatum &c. & tamen omnes erant Candidati Imperatoris, sive ad omnes honores constituti essent, sive ad peculiarem. Tota quæstio eo recidit, an in militia Candidati fuerint, sub Republ. Romana, prout in civilibus muneribus, & an ea ratione ambire deberent & petere honores militares candida toga amicti, prout in civilibus. Non video sane stante Republica discrimen statui posse aliquod, quin militares Candidati æque ambire debuerint suffragia, sicut civiles, si candidati vellent appellari. Sub Imperatoribus Augustis multa in Candidatis mutata sunt, ita tamen ut primi Imperatores Augusti aliqua vestigia relinquerent veterum morum in Candidatis quibusdam, si non in omnibus.

At quod Hieronymi locum explices, & candorem corporis ad candidam vestem trahas Candidati, non facile Tibi, Vir summe, concedam. Neque enim tempora Constantii Candidatos amplius in candida veste ambientes habebant, ut olim. Sed Hieronymus duo signa ponit, quibus dignosci po-

A tuerit, ex qua provincia fuerit Candidatus ille Imperatoris, primum rutilam comam, deinde candorem corporis, quæ sane signa sunt Germanorum, & ex Germania oriundum illum Candidatum illa signa indicare voluit. Germanis enim plerisque est rutila coma, & corpora candida, quæ lactea etiam Scriptoribus dicuntur. Huc spectant verba Hieronymi, *namque Candidatus Imp. Constantii rutilus coma & candore corporis indicans Provinciam*, scilicet Germanicam ex qua natus erat. Multa alia sunt, quæ ad Tua respondere poteram & debebam, quæ nunc prætereo, ne prolixus nimis fastidium, & nauseam Tibi moveam. Sufficit sententiam meam indicasse, quod tam militares quam civiles candidati fuerint sub Republica, & iisdem moribus ac ritibus petierint utrique honores. Neque enim historia antiqua Romana dissentit, quæ non distinxit ullibi inter Candidatos militares, aut Civiles, quoniam utrique iisdem juribus, ritibus, & moribus Candidati fuerunt in honoribus ambientes.

B In Inscr. 7. p. 321. Tecum sentio legendum esse CANDIDVS, non Candidatus. Nam *Candidatus Flamen Divi Augusti* male convenit. Si enim Candidatus fuit Flaminii, nondum erat Flamen, at si Flamen fuit jam, ut fuit, non amplius fuit Candidatus. Optime igitur se habet Inscriptio si legatur prout judicasti, L. IVLIVS MACLO CANDIDVS FLAMEN DIVI AVGVSTI. Aut si MACLO Davi casu capiendum, legere liceat L. IVLIVS MARCELLO CANDIDATO FLAMINII DIVI AVGVSTI. Nam illud MACLO cum virgula fuisse MACLO credo, & explicari illud compendium debere MARCELLO. Neque enim scio, vel intelligo, quale nomen sit MACLO, Romanum sane non est.

C De serpentibus & draconibus quod postulas aliquod testimonium afferri, eos in pugnam & aciem simul eductos vivos, dicam quæ nunc mihi succurrunt. Et fuisse quondam *apropos* hæc populos certum est, idque historici omnes antiqui memorarunt, ita dictos, tam quod auxilio serpentum pugnarent contra hostes, quam quod contra illos pugnaretur. Offendit præterea cornu nostrum Danicum aureum, quod & præciosissimum est, & antiquissimum, ita ut antiquitatem ejus prodant manus, quæ cornu illud confecerunt, ut negari non possit, quin sit antiquissimi operis. Illud cornu totum serpentibus & draconibus undique repletum conspicies; exstat autem in museo Regio, & sculptum in ejus descriptione ab Oligero Jacobeo. Vide etiam Monumenta Danico-Runica Wormii, ubi lapides istis draconibus sculpti fere omnes reperiuntur, etiam cum Christiani essent; plebei enim non desinebant istos dracones adhuc in ornamentis sepulchrorum suorum adhibere, quoniam a superstitionibus gentilium illud adhuc retinebant, sed & naves suas Septentrionales in draconum formam efformabant, ideoque naves illorum dracones dictæ sunt. Ex quibus infero, magnum antiquis Septentrionalibus cultum draconum & serpentum fuisse. Ne nunc dicam de serpentibus illis, qui propter divinitatem astris sunt illati. Erant enim & vocabantur serpentes *ayabodas* antiquis. Jam & illud sequitur, ex hoc cultu tam impenso, & perpetuo Septentrionalium, illos non processisse ad proelium ullum, sine his Diis suis, quos tanto studio colebant & alebant. Nam sicut Taciti tempore ex lucubus apros & alia signa ad bella progredientes depromebant, sic olim etiam illos dracones vivos secum in aciem deduxisse nullum est dubium, ut pote quorum auxilio, ut Deorum suorum presentium, certissimam victoriam sperabant. Quid ergo putas illos serpentes in præliis egisse? num otiosos relictos esse? imo pugnantes ut invaderent

hostes oppositos adducti erant. Plura sane mihi notata sunt de his serpentum pugnis in hostes, sed nunc evolvere non licet nec vacat, quod fiet alias si vixero; nec dubita, quin ex bonis & antiquis Scriptoribus illa hauserim.

Quæ de Russia hodierna ad te scripsi ex nostris historiis septentrionalibus, quæ supersunt & editæ sunt Danica lingua, & Islandicis manuscriptis satis constant. Ibi enim Livonia tota & Moscovia *Gardarycke* vocatur, & inferius versus Lithuaniam *Aldegioborg*, quorum Reges ordine illic enumerantur, ex cognatione Norvegica plerique descendentes, antequam Russi in illas oras penetrarunt. Nosti enim Russorum nomen olim p̄c fuisse Græcis & Cpolitanis in Asia, ex Cedreno & aliis Scriptoribus. Qui ad Christianam Religionem perducti a Cpolitanis Imperatoribus, tandem ex Asia effusi has oras usque ad mare Balticum occuparunt, & Poloniam, cum quibus infinita bella gesserunt, atque sic prioribus Regibus ex Septentrione tenentibus illas oras extinctis domini facti sunt illarum terrarum quas jam possident, ita ut ad mare Caspium usque fines suos adhuc hodie extendant, ut unde proruperint & progressi sint, etiam ex illis limitibus judicari possit. Græciam vocavit Adamus Bremenensis, qui de illis legi potest: propter religionem Græcam omnino, quam secum adduxerunt, unde etiam nostris *Girckland* dici cœpit totus ille tractus, postquam *Gardarycke* delit esse, quod regnum sic Islandis dictum est, quod ibi multas arces haberent, quibus religio illa distincta fuit. Illi enim arcem *Gard* vocant, quod nos *burgum*, ut *Mycklegard*, quod hodie est Mecklenburgum, quasi magnam & amplissimam arcem, & *Stargard*, quod nunc Oldenburgum. Holsatiæ dicitur, unde etiam *Stargard* in Pomerania Brandenburgica nomen adhuc retinet. Istæ vero arces & sedes munitæ provinciam amplam sibi subiectam habuerant, cujus caput erant hæ *Gardie*. Russi in illas oras venientes in *Grod* illas *gardas* mutarunt; unde adhuc *Ivanogrod* Johannis arx explicari debet, a Johanne Basilide Russorum Principe, nisi fallor, exstructa. Habes igitur explicationem, cur illud regnum olim *Gardarycke* sit dictum. Potest etiam legi ex nostris Scriptoribus *Hervarar saga* ex Islandica in Latinam & Suecicam translata ab Olao Verelio. Illa enim scemina tot gestis incredibilibus apud nos celebris ex illis regionibus, quas nunc Russi tenent, orta fuit, cum *Gardarycke* adhuc vocarentur; ideoque exinde profecta ad cognatos suos Norvegos tendit, ibique profapiam reliquit Regum in Jutia Heidrekum & alios, quæ nimis prolixa sunt relatū omnia, ac volumen desiderant, non Epistolam. Per illam Russiam Norvegi Danique in Græciam profecti sunt mercaturæ causa, & ex Græcia Alexandriam usque in Ægypto; atque de his dissertationem elegantem ante paucos annos conscripsit Janus Bircherodius nunc Episcopus Alburgensis in Jutia, quam ARCTOS ALEXANDRIÆ inscripsit. Plura nunc quidem de his non addam, ne prolixior sim quam decet.

Nunc perveni ad ea, quæ de Galerio & Gratiano proposuisti ex Inscriptione Gruteriana, & verissima sunt, quæ scribis, illos Imperatores eodem tempore non consistere posse. Galerius enim Imp. jam anno 311. ad plures concessit. Gratianus Valentiniani Imp. filius natus est, antequam Pater Imperio potitus est 369. & Augustus proclamatus est a Parente anno 367. 24. Augusti. Non succurrit aliud quod dicam, quam mendum esse in Inscriptione, & exscriptorum oculos hallucinatos esse, qui pro Liciniano Gratianum substituerunt, male Inscriptionem, illo loco obscuram forte, le-

gentes. Galerius enim Licinianum Licinium Carnuti in Pannonia d. 21. Aprilis Augustum proclamavit Anno 310. & cum ipso Consulatum inivit anno 311. ambo Imperatores. Ad hæc igitur tempora illa Inscriptio pertinet, si pro Gratiano perperam intruso LICINIANVM substituas, ut necesse est. Nulli enim tunc alii Imperatores fuerunt, Gratiano nondum nato, qui primum Consulatum impubes adhuc cum Fl. Dagalaipho gere-re cœpit 366.

De vexillis velis quod rursus moves, ex Inscr. Fabretti, quem quidem legi cum nondum de distinctione vexillorum cogitarem, sed illum ab aliis mutuo sumpsi, haud enim in Bibliotheca mea illum possideo, ut Inscriptionem evolvere possim; ob illam, inquam, repetitam controversiam nihil plane tibi, Vir Amplissime, succenteo. Fuerunt enim vexilla vela sub Imperatoribus Augustis etiam Romanis, sed nullatenus inter signa militiæ, nec inter illa vexilla, quæ donata sunt militibus ob rem bene gestam. Hoc nunquam tu, vel Salmasius, vel alii docere poterunt. Memini me ex Inscriptionibus Gruteri, qui illa vexilla donata cum figura sua produxit, antehac probasse in Epistolis ad te meis, illa vexilla donata non fuisse vexilla vela, nec ea perticæ longitudine, quæ in cœteris signis militiæ apparet, sed instar sceptri formata, vexilla tamen, honoris scilicet, appellata esse, si-ve ex ligno si-ve metallo fuerint; nam de materia non satis constat, nec ubique illa fuit expressa. Potueras discere ex illa Inscriptione Fabretti, quam adducis, illud vexillum, quod isti militi donatum est, fuisse argenteum, quod ego simpliciter interpreter, totum fuisse ex argento; nec propter ea dilabi opus erat ad vela argento ornata, aut phrygionico opere texta, quæ sane nulla fuerunt in istis vexillis, si figuris a Grutero adductis ex lapidibus credere debemus, ut credere fas est. Nulla ibi vexilla vela, nulla; sed vexilla argentea, lignea, bicoloria, ærea, omnibus modis ornatissima, pro meritis cujusque cui donata sunt. In tota columna Trajani vexillum velum nullum, nisi quod Imperatorem ipsum comitabatur, majesticum potius, quam militare. Utpote quod etiam extra exercitum Imperatoribus præferebatur, quum domi essent, si quæ publice procederent. Quæ vero in signis vela sunt & reperiuntur, ad imagines & signa ipsa pertinebant involvenda & tegenda, si quiescerent; quando vero ad prælium exhibant cum signis suis & in conspectum hostis, vela illa auferebantur, & ut ornatissima ac fulgentissima essent signa, curabatur. Hæc didici ex columna Trajani, quam Ciacconius edidit & commentatus est. Nec possum de illis verbis EXACTI EXERCITVS exacti quidquam definire, quoniam nec Inscriptionem totam posuisti, nec Fabrettus mihi nunc ad manum est.

Ultima linea pono, quod primum Epistola tuæ caput fuit, de censura Begeri, quæ meam commonefactionem de Nummo Suecico ætea Francicis & Berolinensibus perperam explicato acetbe calumniatus est. Oblata mihi primo fuit hæc Begeri censura post reditum meum. Innocentissimum me male perstrinxit, sed ego illis non respondebo maledictis, quia non merentur. Neque enim soleo cum quoquam de lana caprina, aut umbra Afini litigare, nequam cum doctis. Scire hoc ipsum vellem, & si quando ad illum scribis, significare poteris, non esse docti Viri tam enormiter aliis insultare. Quid queso male feci, quod Francicos & Berolinenses nominaverim? nonne harum explicationum fuerunt authores? Quis illud negare poterit? At num propterea omnes in genere Berolinenses aut Francicos perstrinxi? ab-

fit. Hoc mihi affingit Begerus. Illos solos Francicos & Berolinenses attigi, qui his explicationibus manum, aut ingenium admovent. Hoc tamen argumentum ipsius commonefactionis meae testatur. Nam quia anonymi esse voluerunt hi Francici & Berolinenses, vellem scire, quo nomine illos appellare potuerim, quam Francicos & Berolinenses? Nam contra alios Francicos, aut Berolinenses, qui his interpretationibus non superfuere, mihi nihil omnino dictum est. Cum illis autem solis, qui talia venditarunt, mihi negotium fuit, quod argumentum ipsum demonstrat. Et male logicam suam didicit Begerus, si Berolinensibus reis, ad omnes in genere Berolinenses concludat. Quis ipsum sic argumentari docuit? aut invidia, aut inscitia, aut superbia quadam. Si timuisssem hac in re contradicentes, uno verbo transigere potuisssem. Sed quia non opus esse credidi, in re tam manifesta, & quemlibet satis intelligere spero, qui sanæ mentis est, quos Berolinenses indicaverim, supra modum aut enormiter me peccasse frustra Begerus calumniatur. Nec quam insigniter in hoc partu meo mihi placeam, scire potest Begerus, qui me non novit, nec animum meum, clare satis indicavi in scripto hoc meo, quo sine illud editum sit; ne latius error serperet, occurrere volui, non ut mihi placeam, aut cuiquam, sum enim a Placentia valde alienus & remotus.

Sed de his calumniis satis. Nunc addam solum, quid mihi sub manu sit, nempe de vera scriptioe Gothica veteri, quam alii Runicam, alii alio nomine donarunt, & quæ tandem vera fuerit, nemo hactenus reperire potuit: aberrarunt in eo omnes. Novi crabrones Suecicos in me excitatum me, sed iacta est alea, veritati litandum est, non opinionibus. His nunc vale, & ut valetudinem cures, more Ciceroniano impense te rogo, Amicorum πολυφιλέστατε. Iterum salve & vale.

Dabam Hafniæ a. d. XXV. Octobr. A. 1704.

LVIII.

Amplissimo Præstantissimoque Viro
OTTONI SPERLINGIO

S. D.

AXGISB. CUPERUS.

UT te valetudine usum esse non satis prospera summopere doleo; ita lætor mirifice te sanitati esse restitutum, quam tibi integram & firmam diu ex animo precor.

De Candidatis nihil est, quod amplius agamus, cum omnia, quæ ad eam quæstionem pertinent, satis multis excussa sint; iis quapropter nuntium remitto, ita tamen, ut dicere necesse habeam, me interpretatum esse olim, IN OMNIBVS HONORIBVS CANDIDATVS IMPERATORIS de eo, qui ad honores diversis temporibus inter Candidatos Imp. erat nominatus, eosque obtinuerat; neque tamen damno interpretationem tuam, eum nempe nominatum esse ad omnes honores, quamprimum vacarent; quamvis videatur illi ob stare mos in R. Republica usurpatus etiam sub Imp. ut minores dignitates primo, inde maiores gererentur.

Deinde nunquam animum induxi candorem corporis apud D. Hieron. trahere ad Candidam vestem, sed quia Candidatus vocatur, putabam, id quod etiam nunc sentio, eum ad corpus illud militum vel protectorum pertinere, quod candidis vestibus erat amictum; & inde addidi, quod (nempe vocem Candidatus) non ad ipsam cutem candidam, sed ad vestem referendam esse. Et hac occasione ex te quærere libet, quid tibi velit Inscriptio, quam tom. IV. Analectorum edidit Mabillonius.

In Fr. p. XXII. in ag. p. XXIV. M. Camunus P. F. Rom. Saranus. Hoc monumentum heredem non sequitur. Sed (si) hoc monumento VLLIVS CANDIDATI nomen inscripsero ne valeam: neque enim ego hujus imprecationis causam capere possum. & addo me in Inse. 9. CCCXVI. apud Grut. invenire M. Urbium Maternum Ilurensem AMILIIIS CANDIDATVM EIVS, nempe L. Fabii Gilonis præfæcti Urbis & Consulis; qui num fuerit beneficiarius, an vero unus ex iis, qui præfæcto apparebant, tibi examinandum, vir amplissime, trado.

Serpentes multos pictos in cornu aureo Danico conspexi; sed inde nihil aliud sequi posse arbitror, quam Septentrionales, ad instar aliorum gentium, summa superstitione damnata hæc animalia coluisse; & iis in bello usum fuisse ullum populum nondum credere possum; nec certe video, quomodo iidem institui queant ad nocendum hostibus, nisi in navibus vel aliis locis conclusis, vel solis; unde bene Hannibali cecit, quod venenatos serpentes in naves Eumenis jecit; & Phidalia uxor Byzantis, moenibus urbis sese cum suis continens, Serpentes in unum collectos in hostes immisit, si vera narrat Hesych. Milesius. Sed in præliis id fieri potuisse nondum, qua sum cæcitate, perspicere queo; cum utique sit anceps auxilium, & Serpentes æque suos ac alios læderent.

Apros & alia signa ex lucis deprompsisse ad bella progredientes Germanos constat; sed erant simulacra in lucis dedicata; & inde non sequitur, Serpentes ex iisdem lucis vivos collectos, & in aciem deductos esse. Si hoc fecissent Septentrionales, miror utique nullam illius rei fecisse mentionem Olam Magnum, qui cæteroquin prodigiorum, & incantationum satis ferax est.

Nescio an videris librum Gallicum typis editum Hagæ Com. anno 1639. qui continet historiam Principum Arausion ejusdemque Principatus; in eo nobis exhibentur tropæa Marii, quæ ego alibi picta & exscripta non memini me vidisse; sunt in iis tubæ ore ferarum magno numero, rectæ omnes, & nequaquam ad instar serpentum inflexæ; & apri vel porci (eos enim videntur repræsentare) insistentes ferculis vel hastis, nec non scuta, sagittæ, vexilla & alia arma; quibus tunc proculdubio pugnarunt Ambrones & Theutones, ad quos etiam arma & signa illa pertinent. Nec dubito, quin Plut. in Caii Marii vita recensuisset etiam serpentes, si iis pugnatum fuisset, quia alia populorum illorum arma nobis diligenter annuerat. Neque etiam adsentior Josepho de la Pile Dom. de Maucoleditoris, qui putat porcorum ideo figuras frequentes in tropæo illo cerni, quia erant tunc temporis signa fœderum, quæ inter gentes percutiebantur; sed puto vel apros vel suos esse, quibus Cimbri, Ambrones, Theutonesve pro signis usi sunt, id quod te examinare velle; summopere rogo.

Quæ de Russia scribis, mihi valde placent, uti etiam quæ mittis de Inscript. a Grutero edita, in qua Galerius & Gratianus memorantur uno eodemque tempore.

De vexillis nihil muto, sed tamen de iis non

amplius agam, ne nobis diutius contradicamus; A-
fruemur sententiis nostris, & materiæ adhuc fa- tis est, de qua subinde confabulari possumus. Ec-
ce tibi integram a Fabretto editam Inscriptionem.

P. BESIO. P. F. QVIR. BETVINIANO

C. MARIO. MEMMIO. SABINO

PRAEF. COH. I. RHAETORVM. TRIB. LEG. X. G. P. F.

PRAEF. ALAE. DARDANORVM PROCVRATORI

IMP. CAESARIS. NERVAE. TRAIANI. AVG. GERM. DACICI

MONETAE. PROC. PROVINC. BETICAE. PROC. XX. HER. PROC.

PRO FIS. PROVINC. MAVRITANIAE. TINGITANAE. DONIS

DONATO. AB IMP. TRAIANO. AVG. BELLO. DACICO. CORONA

MVRALI. VALLARI. HASTIS PVR. VEXILLO. ARGENT.

EXACTI EXERCITVS

Mittam ad Doctiss. Begerum, ubi ad eum scribo, quæ mones de nummo, quem Galli tam male explicarunt, nec dubito, quin amicitiam tecum colere velit; est enim, ut audio, integerimus atque humanissimus: literarum mihi cum eo est commercium, & inde non secus ac ex variis ab eodem editis operibus perspicio, Virum optima fide cum Musis deduxisse rationem, & placidis atque amabilibus moribus esse.

Nunc tandem ad ultimam epistolam tuam pervenio, & illa mihi ansam præbebit de re quadam agendi, quæ, nisi me plane fallo, tibi veniet acceptissima. Scribis igitur te examinare scripti-
nem Gothicam veterem, quam alii Runicam dixerunt, & in ea designanda omnes aberrasse; & memini te aliis literis mihi significasse, eam tam antiquam non esse, quam Sueci sibi persuadent; hanc litem meam nequaquam facio, & eam tibi elucidandam & decidendam relinquo plane. Sed vidi Amstelædami cimelium instructissimum, nummisque rarissimis refertum, atque ineditis & in hunc diem a nemine visis; possessor illius est Jacobus de Bary, qui per xx. annos, nomine Consul-
lis, res mercatorum Baravorum Hispali curavit, & per Hispanias musice est peregrinatus. Deportavit inde plusquam octo millia Numismata, quæ certe elegantia eximia sunt: multa inter ea inveniuntur in Hispaniæ oppidis percussa, quibus characteres incogniti inscribuntur; Punicos vel Phoenicios putarunt esse hunc usque in diem eruditi, sed illi quidem in nummis Gaditanorum, quos complures habet, conspiciuntur, verum reliquæ literæ longe diversæ multæque earum similes plane Runicis vel Gothicis, de quibus agere constitisti, sunt. Id quod ubi intellexi, continuo viro elegantis ingenii illud consilium tuum significavi, rogavi-
que eundem, ut ad me ectypos ejusmodi nummorum mittere velit, ut ita tibi occasio daretur in mysteria hæc inquirendi. Certior me fecit, illos nondum æri incisos esse, sed mihi descripsit literas, prout in variis nummis leguntur, iisque adjecit inscriptionem, similibus plane constantem. Mitto hoc omne ad te, & scias necesse est, unamquamque lineolam singulorum numismatum inscriptionem esse, & in nonnullorum etiam altera area similes characteres cerni, quos vides a latere adscribi. Hinc quæstio orta est inter eruditos hujus orbis, quo tempore hæc numismata potuerint esse signata. Alii ad Gothos referunt Hispanias Romanis eripientes, sed iis obstat plane nummorum elegantia, quæ vel Augusti sæculum loquitur, vel anteriora tempora. Alii putant Celtas Hispanias occupantes ante Carthaginensium & Romanorum imperia, hæc literas introduxisse, easque diu servatas ab Hispanis fuisse, adeo ut etiam ipsius Augusti tempore eas usurpaverint; sed objiciunt, unde constare certo possit, Celtas ejusmodi literas habuisse, atque adeo an habuerint ulla, dubitant valde.

Similes plane literas invenio in urnis sepulchra-

libus Etruscis, quas cum aliis monumentis edidit P. Bellorius; & quia illa sunt elegantia eximia, non videntur posse attribui temporibus, quæ fluxerunt ante Romam conditam, & statuendum forte est, Etruscos diu literis hæc usos esse, easque monumentis suis sepulchralibus inscripsisse. Quin & aliæ repræsentantur nobis in gemma antiqua apud Leon. Augustin. tom. 1. n. 152. in qua apparitores, ministri, vel *ὀπῆται* Saliorum ancilia ex conto suspensa portant, quos & istud fecisse annotavit olim Dion. Halic. lib. 2. An igitur dicemus, Etruscos etiam hæc literas a Celtis accepisse, an vero Hispaniæ vel Etruriæ populis eas origines suas debere? Ego certe hic plane Davus sum, cumque tu in hæc vel aliis ænigmatibus Septentrionis explicandis Oedipus sis, enixe rogo, ut aciem & nervos ingenii tui intendere, atque adeo nos docere velis, quid de hæc obscuris rebus statuendum sit.

Cum Inscriptionibus autem, quas ad te mitto, nummorum nihil habere commune literas Phœnicias, patet satis superque ex variis Seleucidarum, quos videas licet apud Vaillant. p. 197. 200. 272. 307. 308. 332. ex alio perquam raro & elegantia apud Baudelotum p. 187. Historiæ Ptolemæi Aule-
tis (in quo tamen illustrando non satis felix est vir diligentia & curiositatis singularis, cum gemma, in qua eum sculptum putat, repræsentet nobis Dantem poetam Italum, & nequaquam eum Ptolemæum) iisque addas licet alium Gazensium apud Vaill. in Nummorum Græcorum Appendice. Punicæ autem inscribuntur in nummo apud Fulv. Ursinum in Imagin. Illust. Virorum, qui nobis *Annibalem* repræsentat, quæ tamen diversæ sunt in alio apud D. de Bary, in quo eruditi harumque linguarum gnari invenerunt nomen Hannibalis; & ipse vel alius juvenis & imberbis exhibetur palliolo, an diademate? tectus caput: in altera area equus bibens vel edens ex vase, & literæ *Ἰοῦδω*.

Quod si jam tibi narrarem, Vir amplissime & amicissime, alia cimelia illius miranda, profecto rapereris in admirationem, & diceres eadem videns, cum Virgilio, *obstupui steteruntque comæ*. Adseverare tibi possum, illud multa alia superare, & servari in eo nummos omnis generis, Imp. Regum, populorum, Regionum, quos alibi frustra cæras.

Singulis fere hebdomadibus a viro horum mysteriorum intelligenti valde longas & ponderosas literas accipio, cum Inscript. ineditis, plurimisque itidem ectypis nummorum *ἀνεκδότοις*: ego vicem reddo pro modulo ingenii mei, & ambo annitimur omni ope, ut res abstrusas & reconditas, quæ in iis exhibentur, explicemus; inde justum volumen fieri posset; sique eruditos, qui mutuas hæc epistolas Amstelædami legerunt, audirem, jam illæ præla exercerent; Gallica lingua utimur, quia illa D. de Bary familiarior est Latina. Simul

ac ectypos nummorum; quorum Inscriptiones nunc mitto, accepero, illos tecum communicabo continuo; annotavi mihi, cum Amstelædami essem, unum elegantem, in quo hinc caput galeatum juvenile; a cervice litera **Λ** a fronte **ΑΖΗΥΗ** altera area Leo currens, & **Υ** quarum nonnullæ reliquis similes sunt.

Hæc cum scribo, iterum mihi in mentem ve-

IN. AEDE. CONCORDIAE. ADSTANTIBVS. FRATRIBVS. ARVA
LIBVS. EX. TABELLA. IMP.

CAES. VESPAS. AVG. MISSA. C. SALVIVM. LIBERALEM. N.

BASSVM

IN. LOCVM. C. MATIDII. PATRVINI. COOPTAMVS.....

Et etiam aurem mihi vellit VELATVS IN PRAET. quem mutandum esse te non invito putabam in RELATVS, id quod etiam nunc censeo, & videtur omnino postulare IN PRAETOR. vel *praetorium*, i. e. inter Prætorianos milites adlectus, quæ militia erat honoratior. Sed IN PRAET. potest etiam esse IN PRAETORIO, & celare te non possum, me invenire ACCENSIVM VELATVM in Inf. 1. CCCCLXXIX. 3. CCCCLXXXIII. 6. CCCCLXXXV. & 2. DCXXIII. apud Gruterum. Scaliger inter Magistratus eos recenset, & certe videntur aliqua dignitate fuisse, & non meri apparitores, quia in 1. Inf. idem vir etiam dicitur fuisse *Eques R. Pontifex, Aedilis & Ilvir*: qualia etiam in aliis, quas laudavi, observas licet; ex quibus etiam patet, *Accensos velatos* in municipiis vel coloniis, & forte etiam Romæ fuisse, ubi ultima Inscripção inventa est. Raphael Fabrettus alias nobis exhibet, in quibus *Accensorum velatorum* fit mentio, putatque p. 433. vir doctissimus, meusque, dum viveret, singularis amicus, fuisse *collegium ad sacra pertinens*, quamquam paulo post etiam eos militiae videatur adscribere; id quod tamen ex illis Inscriptionibus nequaquam mihi erui videretur posse; & cum iis *velatos* memoratos Festo in ea voce, nihil habere commune puto; quippe qui fuerunt milites inermes, vestiti tantum, absque casside, scuto, gladio, & solis fundis ac lapidibus pugnantes; id quod etiam patet ex eodem in v. *Adscriptiui*, nec non ex Varron. lib. 6. de L. Lat. p. 75.

Salmasio cap. 14. de Re Milit. Roman. *Accensi velati* videntur publici ministri fuisse Magistratum cum aliquo honore & emolumentis, & inde in Glossis legi, *Accensus εἰσαγωγεὺς εἰσμηνησὶς βέλταρχος*, & in aliis addit, eos simpliciter *Accensos* nominari. Ego tria *Accensorum* genera facerem; 1. militares, 2. alios qui Magistratibus apparebant, & tandem *Accensos velatos*. De iis agit multis Salmasius, & ex Asconio patet, illos postea honoratiore loco fuisse. *Accensi* Magistratum nulli alii sunt, quam apparitores, qui tamen honoratiores præ aliis fuerunt, & tandem *Accensi velati* videntur aliquod in coloniis, vel municipiis gessisse munus honoratum, quamquam non ausim eos cum Glossis appellare *βέλταρχος*, sed *εἰσαγωγεὺς* ad eisdem pertinere potest, quia forte aliquem introducebant ad Consulem, vel alium Magistratum, imo & Senatum.

Sed in Glossis legitur *Accensor*; quem *delatorem* exponit Carolus Du Fresne Dom. Du Cange, eidemque *εἰσαγωγεὺς* idem significat, quia Athenis ἀρχὴ vel Magistratus τῶν τὰ ἐγκλήματα εἰσαγόντων eorum, qui crimina deferebant, ita vocabatur, vel qui actiones ferebant πρὸς τὰς διαμνησὶς Poll. 8. Et, id quod commodum mihi in mentem venit, an non *Accensus* potuit dici *velatus*, quia aliqua re cinctum vel tectum caput habebat? certe de Feciali ita loquitur Livius 1. *Legatus ubi ad fines eorum venit, unde res repetuntur, capite ve-*

nit *Candidatus in omnibus honoribus Imperatoris*, & vide, an non omnes honores, qui tibi recensentur, beneficio Imp. ordine acceperit, atque adeo etiam ipsa Sacerdoria homo ille, quia dicitur etiam fuisse *Septemvir Epulorum & Sodalis Hadrianalis*. Nam & Sacerdotes sæpe ab Imperatoribus creabantur, cujus rei illustre exemplum in lapide veteri apud Fabrett. p. 442.

lato (filum lanæ velamen est) audi, Jupiter, inquit: vel ut alii, legunt, capite velato filo (lanæ &c.) & ex eo aliisque notat Scalig. ad Varron. velatos dici, qui caput cinctum licio laneo habebant.

Sed nimis diu patientia tua abutor, nec rationem habeo valetudinis tuæ. Vale quapropter etiam, atque etiam, & me, quod facis, amare perge.

Davent. 12. Dec. 1704.

Mitto ad te, Vir illustis, characteres, qui conspiciuntur in lapide & nummis apud Jacobum de Bary.

Inscription, qui se trouve sur un Marbre dans l'Eglise de nuestra Senora del Cid dans le Royaume de Valence aux frontieres d' Arragon.

ΜΞΝΥΚΝΥΝ
ΜΛΛΑΛΛΙΝ

En voicy encore quelques caracteres, qui se trouvent sur les Medailles.

ΡΡΕΜΟΛ

ΔΟΣΔΟΝ

ΣΕΟΝΣΣΝ

Derriere la teste

ΝΣ ΣΕΣΣΕ

ΜΕΣΜΕΔ

ΒΣΡΔΝ

ΧΨΡΜΡΤ

Der. la teste

□

ΣΝΧ↑

***Φ**

□ΦΣΔ↑

ΜΣΡΣΦ

***ΦΕΜΜΣ**

ΡΡΡΡΝΣ

ΗΩΩΜΣΝ

ΣΕΟΝΣ

ΜΒΣΡΟΜΣΣ

ΜΑΡΟΕ

***ΙΜΑΝ**

***ΙΜΑΝ**

ΣΕΑΡ

ΡΡΚΞΚΝ

Litteras ipsas non mitto, quia sunt longiores, & de aliis agunt rebus; illas tamen a me feres, ubi intellexero easdem in manus tuas pervenisse: annitere quæso, uti hosce characteres nobis explices, & da hoc Musis & Viris, quibus magna de tua eruditione & sollertia est expectatio.

LIX.

Amplissimo & Celeberrimo Viro

OTTONI SPERLINGIO

S. D.

GISB. CUPERUS.

Spero tibi redditas esse literas, quas XII. Decembris proximi die ad te dedi. Vir illustris, atque ex iis te perspexisse, me perpetuam tui memoriam servare.

Nunc equidem scire summopere desidero, an tantum tibi fuerit temporis, ut examinare potueris quæstiones a me positas, & imprimis litteras, quæ in Hispaniæ nummis & monumentis leguntur, quasque tecum ex cimelio Jacobi de Bary communicavi. Vir ille in eo est, ut edat complures ejusmodi nummos, putatque sese invenisse viam, qua explicari poterunt; sed nihil tamen movere constituit, antequam sit edoctus, quæ tua de illis characteribus sit sententia; omnia enim prolixa de præclara tua sentit eruditione, & sperat te sublatum omnem scrupulum, qui cum adhuc male habere posset.

Quare te etiam, atque etiam rogo, ut illud Musis, Viro Amplissimo, mihi denique dare velis, & ad me mittere, quid de abstrusis illis rebus statuendum sit, ut ita erudito orbi bona apponi possint, quæ possidet Jacobus de Bary, elegantis vir ingenii.

Nescio an ad te miserim, ante binos fere annos inventum esse in Siberia sepulchrum subterraneum concameratum, & in eo ossa humana, nec non binas icunculas aureas, quarum una referebat corpus avis, altera vituli, ambæ cum vultu humano. Adjacebat lanx ex metallo facta perelegans, cujus ad te ectypum mitto, si forte quid adferre possis, ad res hæc mirandas explicandas.

Ipse unam ex icunculis & lancem manibus tractavi meis apud Illustriss. Witzenium Reip. Amstelædamensis Consulem & egregium literarum humaniorum cultorem, atque indefessum. Est imprimis dignum inquisitione, unde in Siberia sepulchra ejusmodi, & ad quam gentem relinquiæ illæ pertineant. Seres vel Chinenfes aliquis advocaret, quia litteræ lanci inscriptæ populi illius litteras referunt; sed apud eum nulla talia simulacra, quæ potius Ægyptum, quam aliam regionem loquuntur.

Donum tibi etiam mitto dissertationem Adriani Relandi, qua Inscriptiones IV. Arabicas & nummum ejusdem gentis, perquam sollerter, uti testantur viri illius linguæ gnari, interpretatur; alia a viro egregie docto expectamus, & nunc explicat binos alios nummos Arabicos, quos ex paupere penu mea ad eum misi, quique videntur nobis servare res haud poenitendas.

Ad Begerum mittere non potui ea, de quibus mecum egisti, quia ultimum valere dixit rebus humanis illo ipso tempore, quo id facere constitueram, & doleo vehementer virum tam insignem nobis raptum esse, id quod & te facturum, fidem habeo ingenium tuum præclarum & eruditionem, licet levis simultas vos paululum diviserit.

Nunc non agam de aliis rebus, licet satis magna earum mihi sit messis; & illud tantum addam, me, licet summam rationem habeam otii tui, rogare te

Supplem. Tom. IV.

A summopere, ut litteris meis proximis respondere, & elucidare velis ea dubia, quæ iisdem fui completus. Vale plurimum Davent. 1. Maii 1705.

B P. S. Doce me, quæso, insuper, quid sibi velit hæc inscriptio sigilli Regis Daniæ apud Menestrierium, qui fato functus est, p. 217. post paginam 240. De l'origine des Armoiries & du Blason: Le Sceau de Christophle, par la Grace de Dieu, Roy de France & de Dannemarck, des Esclavons & des Goths, Comte Palatin du Rhin, & Duc de Baviere. Nam *Francia* mihi crucem figit, & nihil tale in vita III. Christophorum, Regum Daniæ, apud Meursium reperio. Cum hæc literas ad te per hemerodromum curare vellem, ecce mihi adferuntur aliæ a Jacobo de Bary, illisque junctæ, quas Germanicas scripsisti 28. Martii proximi ad Nobiliss. Virum Ehrencronium.

Ex hisce non sine summa admiratione intellexi, te nondum accepisse literas, quas XII. Decembris ad te dedi anno elapso.

Scripsi tunc certe satis longas & verbosas, egique de variis rebus, quas mecum 25. Octob. communicasti, & misi simul characteres, qui in nummis Hispanorum scribuntur, rogavi que ferium te, Vir eximie, in modum, ut aciem ingenii intendere, & nos docere velis, quid mysteria illa significant.

C Quod si autem epistola illa in alienas manus pervenit, vel intercidit, ego id edoctus continuo exemplum illius mittam: commendavi eandem, non secus ac hanc ipsam, Franc. Kilian mercatori Hamburgensi ex præscripto tuo. Vale iterum, 9. Maii 1705.

LX.

Nobilissimo & Amplissimo Viro

GISBERTO CUPERO

S. P. D.

OTTO SPERLINGIUS.

TAndem aliquando binæ tuæ Epistolæ ad meas manus perlatae sunt ambæ simul, altera XII.

E Decemb. prioris anni scripta, altera IX. Maii hujus, liberata tandem e carcere & custodia, quæ illos hæcenus detinuit. Causa hujus tam diuturnæ moræ non fuit Mercator meus Hamburgensis, sed alter amicus, cui demandata erat hæc cura eas procurandi, qui morbo correptus interim excessit e vita, & obsignatis ejus bonis, ut hic moris est, illic tam diu delituerunt, donec heredes adire potuerint hereditatem, illasque inventas transmittere. Gaudeo salvas & integras ad me pervenisse, sed pudet me pigetque tam diu tuas sine responso relictas videre. Nescio an non consultum sit in posterum, tuas per amicos recta Hafniam tendentes, qui sæpe Civitatem vestram transeunt, huc mittere & inscribere: *inde oude Fortuyn, teghien oover bet Wegerbuys*. Ita non opus est, ut diu me quærant; & certius ad me perferentur tuæ literæ.

F De candidatis bene est, quod convenimus, & tecum sentio, quod a minoribus ad majores dignitates Romani processerint, quamvis non desint exempla, eos etiam saltum fecisse.

Hieronymi tempore milites quosdam aut cives alios adhuc candidis vestibus munera ambiisse, non puto amplius obtinuisse, & nihilominus Candidatos illos vocatos, qui munera petebant, sentio, ut hodiernum solent.

Inscriptio ex Analectis Mabillonii, M. CAMVNI, qui videtur militaris fuisse, cur nullum Candidatum inscribere velit monumento suo, quod heredem non sequitur, causam nec tibi, Vir su-

M

me, nec mihi divinare licebit. Causas tamen ipsi fuisse, cur Candidatos diserte excluserit, aperit Inscriptio, licet nescire cogamur, quænam illæ causæ fuerint. Et apud Gruterum etiam exstare Inscriptiones aliquot memini, quæ prohibitiones tales continent, quibus arcentur hi vel illi, etiam causa addita, quod ingrati fuerint in Patronum, aut simile quid. Candidatus L. Fabii Cilonis in Gruteri Inscriptione monet, etiam Illustribus Viris in civilibus & militaribus jus fuisse Candidatos habendi suos, quos data occasione promoveri possent & commendare.

De Serpente vivis in prælium allatis nihil addo; possum in his errare, quamvis non occurrant mihi nunc, quæ quondam de his novi me notasse. Ipse subministras exempla Hannibalis & Phidaliæ cum Serpente vivis etiam pugnatum esse. Nec video cur non æque in campis projici potuerint ab incantatoribus in hostes, ibique strages facere, nihil nocentes illis, a quibus projiciebantur. Incantatas fuisse has bestias, jam in sacris legimus & Psalmis. Quamvis non viderim librum, qui historiam Principum Arausionensium tradidit, nec illa tropæa Marii, nihil tamen illa obesse mihi video; nam tubas rectas earumque ora alicujus animalis rictu præfigurari, non est cur ambigam aut negem, ut nec cornua, quæ sæpe loco tubarum fuerunt. At illa, quæ in nummis cernuntur depicta, vix eo trahere possum, quod cornua plane non referant ista curva instrumenta, ore nimis angusto. In Trajani statua apud Ciacconum observabis illos cornicines, & quanto hiatus illorum tubæ circa finem se aperiant ad clangorem maximum edendum.

Candidatus Imperatoris in omnibus honoribus, si subintelligatur, quos nactus est, eos omnes beneficio Imperatoris eum consecutum esse, & ex tabella Imperatoris ipsum commendantis, prout elegans illa Inscriptio loquitur, quam commodè ex Fabretto suppeditasti, optime sic explicatur: non quod simul illos honores adierit, sed ab inferioribus ad superiores adscenderit, Imperatore semper Candidatum suum commendante, Candidato quoque Imperatori suggerente, quoties vacabant munia, quæ ipsi placere possent.

Non magis quam tibi, mihi placet sententia Dni. de la Pise, qui apros illos, aut porcos in Marii tropæis trahere voluit ad fœdera, quæ apud Romanos porca cæsa sanciebantur. Nulla sane Cimbris intercesserunt cum Romanis fœdera, nec, si fuissent, porcam illi, credo, cæsam attendissent. Sed illi porci in tropæis, apri sunt in signis & vexillis Cimbrorum, quæ Marius & Catulus ceperunt, & exinde tropæis eorum ornandis circumpositi. Memini me quondam in ad te, Vir Amplissime, meis monuisse, apud Bouterouque exstare in nummo Gallico tale vexillum apri. Hæc mea de illis apri est sententia plane tibi consentiens.

Ahuc urges me, vir Eruditissime, in controversia de vexillis, Inscriptioe Fabretti, ubi legendum puto P. BESIVS P. F. QVIR inali (sc. Tribu) BETVINIANVS C. MARIO MEMMIO SABINO &c. DONATO AB IMP. TRAIANO AVG. BELLO DACICO CORONA MVRALI VAL-LARI HASTIS PVRIS VEXILLO ARGENT. &c. Hanc Inscriptionem pro me valde facere judico, non vexillo velo illum donatum esse, sed vexillo plane argenteo, quod extra militiam vexillum dicebatur, in militia signum; illudque formatum fuisse ea figura, qua tale vexillum sculpi curavit Gruterus cum Inscriptionibus suis, bis, si recte memini, & ante in Epistolis meis ad te, Vir summe, recensui.

Quod de accensis velatis mones, dicam primo,

A Accensos inde nomen traxisse, & proprie dictos esse, qui populum ad censum vocabant, instar præconum; neque enim præconibus omnibus idem officium, nec unus præco, sed plures. Præcones pacis & belli Feciales dicebantur, ut nosti. Sed nemo velatos illos ministros rectius descripsit quam Livius, dum ait: *Jus ab antiqua gente Æquiculis, quod nunc Feciales habent, descripsit, quo res repetuntur. Legatus ubi ad fines eorum venit, unde res repetuntur, capite velato, (filum lane velamen est) Audi Jupiter, inquit, &c.* Ecce caput velatum, & Feciales velatos, ita quoque Accensos & Præcones reliquos: ut unde velati dicti sint, jam intelligamus, & Præcones & Accensi. At non omnes Præcones & Accensi velatierant, sed digniores & præstantiores & sanctiores solum, ideo additur in Inscriptionibus ACCENSVM VELATVM, ut hac dignitate distinguatur a reliquis Accensis, quibus illud velamen gestare non concessum erat. Mutatum illud esse puto sub Imperatoribus, & loco velamenti in capite, velum vexillum illis datum esse gestandum, ut disco ex nummo Antonini Pii aureo, qui extat in Thesauro Brandenburgico Dn. Begeri p. 667. Aversa enim, ut videtur, Præconem Accensum, imberbem, togatum, cinctu quoque Gabino, dextra tesseram liberalitatis punctatam gerentem ostendit; sinistra hastam, cujus medio velum est affixum parvum.

B quod plane non convenit cum vexillis velis, quæ in apice hastæ præferri solent, & majora sunt. Usos tamen hac ratione velis istis præcones, ut signo publico, quo dignoscerentur & inviolabiles essent, manifestum esse puto. In circuitu hujus nummi inscriptum, LIBERALITAS VII. COS. IIII, quam per Præconem vel Accensum annunciari curavit, & diem, quo ad illam convenirent. Non observavi aliquod velamen in capite hujus accensi, sed velum illud loco velamenti fuisse judico, & Accensum propterea velatum & illum dictum censeo.

C Nunc ad Dn. Jacobi de Bary nummos, eorumque Inscriptiones aliquid mihi dicendum imposuisti, & uno verbo dicam, adeo mihi peregrinas has esse literas, ut quo referam non habeam, nihilque illorum intelligam. Nam primo elegantiam illorum deprædicas, quam sane in Gothicis aut Vandalicis deprehendere nequaquam licet, qui rudi admodum Minerva & Moneta suos expedierunt, ut Antonius Augustinus olim eos urnis potius, aut monstris similes esse judicaverit, quam nummis, ut propter hanc elegantiam Gothicæ, aut Vandalicæ judicari non possint. Et nunquam sane Gothicæ sunt hæc literæ, quas mihi misisti, quod Inscriptiones omnes Hispanicæ & Gallicæ testantur, quotquot supersunt, & mihi hæcenus visæ sunt; nam aut monogrammatibus, aut illis literis, quas hodiernum retinemus, & quibus quotidie scribimus ac imprimimus, usi sunt; & Alphabetum minus vocantur. Hæc enim literæ ex majoribus Græcis & Latinis a Gothis transformatæ sunt in minores illas, quibus hodiernum utimur, ut nesciamus nunc Gothico more nos scribere, quum Græca vel Latina scribimus. Ulphilas Gothorum Episcopus primus Arrianæ Sectæ, primus fuit, qui literas Græcas majores in parvum illud Alphabetum redegit, quo nunc pingimus. Quinam in Italia Alphabetum illud minus ex majori Gothos docuerit primus, non æque novimus. Sacerdotes illorum Arrianos hoc etiam monstrasse, non est, quod dubitemus. Hæc autem vera est scriptio Gothica antiqua, nulla alia; quam nos hodie & quotidie calamis nostris exercemus, nescientes illam a Gothis pri-

num in Italia, Gallia & Hispania manasse: quod tamen verum esse docebo in opere meo, seu opusculo de vera scriptione Gothorum. Runicæ illæ literæ, quæ in his terris primum magicæ notæ fuerunt, non scriptio aliqua, a Normannis in Gallia primum in Alphabetum quoddam sunt redactæ, & invenies eas a Rabano Mauro Normannicas dictas, apud Goldastum in Alemannicis, quæ plane nostris conveniunt & figura & nominibus. His ergo Gothi nunquam sunt usi, nec Vandali, qui cum Gothis diu sociam vitam egerunt, quandiu ad Mæotin federunt, postea hostes facti, ex Gallia & Hispania a Gothis pulsi sunt, ut in Africam transmigrare cogerentur. An ibi natæ sint Vandalis istæ literæ, quæ in nummis istis Dn. de Bary prostant, haud affirmem, aut negem; Gothicæ sane non sunt, nec cum Runicis nostris conveniunt, nec per illas explicari possunt. Reperiuntur tamen in submissis quædam literæ, quæ Runicis nostris non sunt dissimiles figura, an potestate quoque eadem sint, nescio. Nam in his occurrunt Z quod in nostris Runis est o litera. At si pingatur F est F. quæ & ita pingi solet F & A est l. S est s. M est M. in principio ac medio vocis, in fine vero R. T est T. quod etiam T ita pingitur. Annotavit ad hanc literam T Gudmundus Andreæ in Lexico suo Islandico, *Runice T. pingi. Tyr appellari. Sed Tyr Ausoen, seu Deastrum unimanum notat: alteram enim manum morsu lupi amisit: vide Eddam. Ideo hic truncus quasi unimanus pingitur. Verum & alia huius Runæ figura sæpius decurrit, nempe T . quæ utramque manum refert: atque ita quidam geminum T. nimirum TT scribunt leguntque. Certam porro de hoc Regulam ignoro. Sed aliud mihi circa has literas incidit, & nummos illos quos perhibetis esse elegantes, illorum Inscriptiones esse veteris Hispanicæ linguæ & scriptiōis minime dubito. Obversatur menti meæ locus Strabonis, qui de Turdulis Hispaniæ populo annotavit, penes eos scripta esse sex mille annorum historias complectentia. Illud saltem jactasse illos verum esse potest: at scriptiōem inter Hispanos viguisse peculiarem, ante quam Romanis subjugati fuerunt, certo docet. Neque enim Strabo tam longe absuit ab illis temporibus, ut nesciret, an Hispani scriptiōem aliquam suo tempore habuerint, illorumque figmenta confutasset, si scriptiōem nullam illis esse reperisset suo tempore, quam potius confirmavit, ut superstitem adhuc suo tempore. Antonius etiam Augustinus sexta differt. affirmat has esse veteres Hispanicas literas, quas tamen fatetur aliquoties se non intelligere, ut mirum non sit, nos adhuc hodie cœcutire. An vero nummos etiam habuerint his literis inscriptos ante Romanorum adventum & cohabitationem, alia quæstio est. Et nihil hac in re definitio. Sed Dn. de Bary hæc pensanda relinquo, qui tantum illorum numerum collegit, & nos docere poterit, an omnes illi nummi Romanæ structuræ sint. Ego enim omnem illam scriptiōem veterem Hispanicam non diu post Romanorum Colonias illuc deductas extinctam, & Romanam scriptiōem Hispanis receptam fuisse judico, prout tot nummi testantur apud Ant. Augustinum latinis literis expressi. His ita positis facile liquet, Hispanicam scriptiōem illam multo Gothica fuisse antiquiorem, & Runicis Alphabetis omnibus, nec illam ad istas ullo modo referendam esse. Evolvat vero Dn. de Bary Afranii nummum apud Ursinum, & Ant. Augustinum Dial. 6. ejusque legat explicationes; videbit ibi multas figuras suarum literarum inscri-*

Supplem. Tom. IV.

A ptas illi nummo, quas licet Græcas esse putet Ursinus, ego tamen veras Hispanicas antiquas esse sentio: nam cum Græcis literis non admodum consentit hæc scriptio, nisi in ΑΡΡΑ . Nam Inscriptio aversæ longe recedit VΝΟΡΡΑ . Conveniunt autem cum literis, quas submisit Dn. Barry. Si Petreii & Varronis nummos, quos similem scriptiōem habere monuit ibidem Ursinus, non sculpsit tamen suis locis, inspicere liceret, qui eodem tempore Legati fuerunt Pompeii cum Afranio in Hispania, jam facilius & propius forsitan accederemus ad lectiōem harum literarum, quas non dubito Hispanicas veteres esse dicendas. Et quoniam denarii pondere ac magnitudine est hic nummus, obtinuit Afranius in suum honorem hos nummos ab Hispanis cudi, qui Latinam scriptiōem nondum didicerant, ideoque suam adhibebant. Est mihi quoque nummus æreus cum Equite tali, sed detritus, in quo literæ ejusmodi deprehenduntur inter pedes equi, quæ vix legi possunt, similes tamen sunt literæ prioribus: & Romani assis formam in omnibus nummus ille habet, nam & caput in primo latere alicujus Dei est, galeatum, juvenile. Unde scire cuperem, an nummi Dn. de Bary argentei his literis inscripti denariorum magnitudine sint, ut Romanis æquales, vel superent istam magnitudinem. Deinde, num ærei quoque Romanam formam & pondus referant; sentio enim, si Romana forma est his nummis, eos cufos esse, ex quo Hispania Romanis subdita esse cœpit. Ego, si conjecturam meam addere licet, legerem VΝΟΡΡΑ Obulco, civitatem satis notam in Hispania, ubi nummus hic in Afranii honorem cufus fuit. Sed hæc conjecturæ sunt, quibus nec ipse fido, nec alios fidere cogam. H est H. P est G. P litera, quæ sæpius inter

D submissas comparet, in Anglicis nummis veteribus significat W ut obse rvavi in Canuti M. nummis, in cujus prima facie Effigies CNVT. REX ANGLORVM. In aversa crux & inscriptio in circuitu PVLFRIC ON LVNDE. Wulfricus Lundensis sc. Monetarius. Et sic ea litera in pluribus aliis Anglorum nummis semper W. significat. In nostris Runis similis est quædam, sed ita scribitur.

P & significat TH. quam in impressis libris Islandicis reperies etiam per P. expressam, quod careant Typographi illa littera P . Nullum est discrimen, nisi quod apex ille longior desit, quam in scriptiōe adhibent Islandi, illamque solam literam ex Runicis adhibuerunt, quod multa eorum nomina & verba cum TH. peculiari sono incipiant & finiant, quam in aliis linguis non repererunt, nisi in Anglo-Saxonica, ubi quoque perseverat, ut in voce Mouth, quod est os oris, & similibus. Enotavi in Scheda adjuncta, quot diversas literas & figuras in submissis repererim, sunt 39. numero. Reliquæ literæ ignotæ plane sunt mihi, nec cum Runicis nostris ullo modo conveniunt, ita ut Oedipum requirant istæ, quum ego in illis Davum me profitear. Runicum nostrum Alphabetum ejusque figuras & potestatem reperies in Olai Wormii opusculo de Runica literatura, & in notis Stephania ad Saxonem Grammaticum, ex quibus facile poterit dignoscere Dn. de Bary, quænam conveniant, quæ secus. Ad mentem nostrarum Runarum plane explicari non possunt ejus inscriptiones, prout ipse deprehendet facile, si ad illas examinare velit suas.

Ad alteras tuas ix. Maii scriptas & datas, Vir illustris, jam puto, tibi respondi, quid sentiam de monumento Siberiæ. Icunculas istas aureas

M ij

facie humana, tam avis, quam vituli, esse Deastros A
& Idola gentium illarum; sed quam tu lancem
esse credis Dn. Vizenius speculum chalybeum,
ego clypeum votivum potius affirmarem fuisse,
sed nihil statuere possum certi, quod figuram &
formam ejus non viderim, an aliquid concavi ha-
beat, prout specula, & lances solent habere, &
clypei quoque, & an illa pars concava rasa sit,
minusque polita, quam convexa: neque enim
hæc ex figura submissa mihi liquent. Sed quia In-
scriptionem habet in circuitu, clypeum potius
esse judico, quam lancem, aut speculum. Et
quia avis & vitulus simul juncti jacuerunt, ex Æ-
gypto illa per mercatores allata suspicor, ubi co-
lebantur hæc animalia. Velim etiam scire, an
lanx illa, vel clypeus non sit majoris moduli,
quam prout exprimitur in ære. Nam clypei voti-
vi raro ad eam magnitudinem accedunt, quam ha-
bent veri clypei; idque docui Dn. Woodwardum
in Anglia Medicum insignem, cui quoque talis
clypeus paulo major ferreus insignitus, sed sine
inscriptione. Nosti in nummis Augusti & aliis ta-
les clypeos votivos occurrere, in quibus amplitu-
dinem veri clypei desideramus; tam exiles illic
sculptuntur.

Pro dissertatione Dn. Adriani Relandi submissa
plurimas tibi debeo gratias; acceptissima mihi fuit,
quod valde curiosa protulerit. Exstat apud Trista-
num tomo, nisi fallor, secundo talis nummus
Arabicus Cosrhois, Regis Persiæ, argenteus,
tuo non dissimilis, quem Tristanus egregie expli-
cavit: Effossi sunt & effodiuntur adhuc apud nos,
in Gotlandia insula præcipue, & alibi, multi num-
mi Arabici argentei, Chalipharum tempore per-
cussi, in quibus in medio conspicitur formula illa
solemnis, *Non est Deus, nisi Deus unus, & le-
gatus ejus Mubammed*, in circuitu, Epitheta Dei
ex Alcorano, *Bonus, misericors, fidelis*, &c. u-
trinque literis talibus cusi, sine ulla effigie. Hos
nummos Mercatores nostri secum ex Africa quon-
dam attulerunt, & morientes sepelire curarunt
secum, quoniam eorum nullus hic usus, aut va-
lor, quamvis sint argenti fere puri. Eo numero
reperiti sunt in aliquibus locis defossi; ut exinde
cochlearia argentea & globulos tunicarum confici
curaverint effodientes. Aliquos eorum penes me
servo nummos in memoriam temporum illorum &
nostrorum commerciorum.

Errasse Dn. de Menestrier in describendo sigillo
Christophori 3. Regis nullum est dubium. Ex-
stant enim ejus Regis varia sigilla, quæ post Refe-
nii vitam Friderici II. Regis tab. ultima in ære
sculpta legere & videre poteris. Nulla ibi Fran-
ciæ mentio, sed regem Daciæ, Norvegiæ, Sla-
vorum, Gothorumque se scribit, Comitem Palati-
num Rhæni & Ducem Baviariæ. Sed Menestrier
Norvegiam præterit, atque pro ea legit Fran-
ciam, quam Daniæ postponi non sivit, sed in
primum locum transtulit.

Habes nunc, Vir Perillustris, ad tua quæsitæ
meam qualemcunque sententiam. Et quoniam sub
manu crevit Epistola, ignoscas quæso, quod tam
prolixis tuas curas obruam. Et vale diutissime
a tuo

Vir Perillustris & Magnifice

Dabam Hafniæ a. d. XXIX. Augusti MDCCCV.

Humillime addictissimo
Cultore & Servo.

LXI.

Amplissimo & Celeberrimo Viro

OTTONI SPERLINGIO

GISEB. CUPERUS.

B **G**Audio haud communi perfusus fui, ubi ac-
ceptissimæ & eruditissimæ litteræ tuæ mihi
fuerunt redditæ; faciebat enim diuturnum
silentium tuum, ut suspicarer te valetudine non-
dum uti satis prospera, imo graviora mihi in men-
tem veniebant. Sed bene, imo optime habet, quod
videam te valere, & bona adhuc fide cum Musis
rationem feliciter deducere. Certe ejus rei docu-
mentum illustre est epistola tua, ex qua non mo-
do singularem voluptatem, verum etiam ingen-
tem fructum, credas velim, percepi; & propte-
rea facere non possum, quin tester, me plurimum
eo nomine tibi debere.

C *Candidatis* igitur tecum nuntium remitto, nec
illi in posterum argumentum præbunt litteris
meis, nisi forte quid occurrat attentione, & eru-
ditione tua dignum. Eadem fors maneat *serpen-
tes & vexilla*, & *signa*; quamquam etiam nunc in
sententia mea maneam, & putem etiam, *vexil-
lum argenteum* non exponi posse, nisi de velo ex
panno argenteo, vel ex argentea lamina factò,
quod propter formam *vexilli* nomen tulit; quo-
modo *chartam plumbeam* dixit Suet. Ner. c. 20. ad
quem locum videri potest Casaubonus, cui adda-
tur Laur. Pignori Epist. 18. ubi idem evenisse vo-
ci *pagina* docet.

D *Accensus Velatus* etiam satis illustratus est, &
convenit inter nos eum ita appellari, quia aliquo
velamento tectum habebat, vel cinctum caput.
Neque tamen puto, talem cerni in nummo Anto-
nini Pii apud *τον παναρίων* Begerum p. 667. Thes.
Brand. cum mihi figura illa militem, & forte ip-
sum Imperatorem repræsentet coronatum corona
laurea; cui tamen conjecturæ obstat juvenilis vul-
tus figuræ, quæ LIBERALITATEM repræsen-
tat. In variis certe nummis hinc cernitur Impe-
ratoris *πρωτομή*, inde ipse stans paludatus, & ha-
stam tenens, uti vel patet ex uno Severi p. 691.
ejusdem Thesauri, neque tamen propterea meam
hallucinationem alii obtrudere velim, neque adeo
tuam illam explicationem rejicere; sed istud mihi
præcipue notandum videtur, LIBERALITATEM
hoc in nummo repræsentari figura virili paludata,
in reliquis vero omnibus, quos editos vidi, mu-
liere tenente tesseram, & cornucopiæ plerumque.
An dicemus, hanc liberalitatem in milites erogatam
esse, reliquas vero in cives urbis Romæ? nam Ca-
pitol. ita loquitur de Pio: *Congiarium militibus ac
populo de proprio dedit, & ea, quæ pater promi-
serat*; id quod te examinare velle etiam, atque e-
tiam rogo, vir præstantissime.

F Velatus autem ille *Accensus* mihi in memoriam
revocat Sacerdotes capulatos, quos observavi in
Inf. apud Reinesium, I. CCCIX.

EX

ANNO. VECTIGALI. HAERES. DIE. NATALI
EIVS. III. KAL. SEPT. PERACTIS. SACRIS. DATO
EPVLVM CAPVLATIS. SACERDOTIB;
AVG. CVM. HIS. ET. SAMNIIS. CAETERO PO
PVLO. NOSTRO. ALLIF. CRVSTA. ET. MVL
SVM. EX. XXV. SI. NEGLEXERIT. DOLOVE. MALO SVMPTV
PEPERCERIT. FRVCTVS. ET. MVNICIPIVM
CAPVLATI. SACERDOTES. FVNDI. ADEVNTO

an non verisimile eos ita appellari, quia caput te-
ctum habebant aliquo tegumento?

Cinctum autem *Gabinum* in figura Liberalita-
tem repræsentante, nequaquam possum videre, ego-
que animadverto tantum tunicam cinctam, & pa-
ludamentum fibula more solemnem in humero jun-
ctum dextro; & vix est, uti dubitem, quin idem
existimaturus sis, postquam cognoveris ex Ferra-
rii lib. 1. c. 14. de Re Vestiaria, in cinctu Gabino
togam habuisse locum. Quæ ad nummos Consulis,
ut vocant, de Bary notas, pulchra sunt, eaque
omnia cum viro amplissimo communicabo, simul
ac Amstelædamum venero, id quod, Deo si placet,
fiet propediem; conaborque ab eo impetrare cly-
pos nummorum, quorum Inscriptiones ad te misi,
ut ita rebus tam insolitis & oculos & animum ex-
hilarare possis. Ecce tibi interim duos, qui in eo-



dem cimelio servantur, quique quæ enigmata con-
tineant, ego certe ignoro plane.

Ita est, Ursinus in Familia Afrania nummum
vulgavit, quem recte Hispaniæ adscribis, id quod
& facit cum Ursino Anton. Augustinus extremo
dialogo vi. Sed illi Græcas literas ex inconditis il-
lis & incognitis characteribus faciunt, quas tu lon-
ge melius veteres Hispanas esse conjicis. Augusti-
nus etiam nomen *Afranii* ex litteris, quæ in una
cavea sunt, facit, & testatur sibi binos esse, inque
eorum uno clare legi ΑΦΡΑ. quæ certe literæ Græ-
cæ sunt. Sed velim aliquis nos doceret, cujus ca-
put sit, quod in nummo isto apud Ursin. & apud
Augustin. p. 201. Versionis Italicæ, cui numisma-
ta inserta sunt, conspicitur. Virile certe est omni-
no, & tamen collum margaritis cinctum habet,
quæ inter mundum muliebrem recensentur. *Deum*
Hispanum videtur facere Ursinus, sed velim nos
docuisset, quis & qualis, & an aliis ille similisve
Deus fuerit celebratus. Gallos torques aureos ge-
stasse patet ex Polybio, & Diod. Sic. lib. 5. iisdem
sive Celtis tribuit: *περι τῶν ἀρχαῶν κίπινος παχέης ὀ-
λοχρύσεως*, & forte similiter Hispani colla auro cir-
cumdederunt, id quod & varios alios populos fe-
cisse constat, potuitque hoc ornamentum ex auro
in globulos formato fuisse, & ita margaritas refer-
re, id quod adseverare nolo, potueruntque viro-
rum colla etiam unionibus exornare.

Monumentum in Siberia repertum, cujus cly-
pum tecum communicavi, non puto clypeum ef-

A se votivum, sed lancem, vel potius speculum;
nam Roma ad me missum est, Episcopum Rosa-
liensem, apud Sinas Vicarium Apostolicum, dixisse,
matronas Sinenses uti solere similibus specu-
lis, & esse characterum Sinicorum iv. genera, u-
num recens & usitatum, tria prisca & vetusta, &
ab usu quotidianæ scriptionis intermissa; inscul-
ptos disco, vel speculo characteres referre potius
illos priscos & inusitados, esse tamen nonnullos
hodiernis similes, maxime quatuor, quorum unus
significat *Rem*, alius *Cælum*, alius *Solem*, alius
Imperatorem; sed propter ignorantiam aliorum,
se non posse scripturam interpretari; adeo ut hinc
omnino videatur sequi, ad Sinenses speculum illud
pertinere, licet nondum nobis constet, ejusmodi
monstra, quæ simul in sepulchro inventa sunt, po-
pulum istum olim coluisse.

Neque etiam puto clypeos Romanorum votivos
tam parvos, sed verorum clypeorum magnitudine
fuisse, imo etiam majores, quia plerumque Augu-
storum aliorumque *προτομῶν* in illis pingebantur,
vel exprimebantur, uti patet ex Trebellio Pollio-
ne c. 2. Claudii, cumque illi ex parietibus, vel colu-
mnis suspenderentur, illud utique ut fieret neces-
se fuit, & ita apud Tacitum 2. A. 83. legimus Ger-
manico decretum esse *clypeum auro*, & *magnitudi-
ne insignem inter auctores eloquentiæ*; & Capitoli-
nus in vita Antonini Pii, id quod Lipsius annota-
vit, scribit Hadriano positum fuisse *clypeum magni-
ficentissimum*. Ex clypeis, qui nummis Augusti
aliorumque Principum sunt inditi, nequaquam,
uti equidem mihi videtur, argumentum sumi potest,
eos parvos fuisse; quia si simul figuras hominum
confideres, easque referas ad vivos, sequitur uti-
que clypeos parvos adeo non posse esse; & nescio
an ille, quem medicus Anglus possidet, votivus
sit, cum lanci Brenni historia potuerit esse inscul-
pta; certe ille, quem publicavit Sponius, & qui
memorabilem Scipionis virginem reddentis actio-
nem continet, longe major est, duorum nempe
pedum & duarum unciarum: & clypei, qui posi-
ti fuerunt CLEMENTIAE atque MODERA-
TIONI Tiberii Cæsaris, satis grandes apparent in
nummis apud Duc. Arschotatum tab. xvii. aliof-
que, & quanquam alii in Augusti nummis Tab.
xv. non exhibeantur ea magnitudine, tamen cre-
do eosdem iusta etiam fuisse magnitudine, ad exem-
plum illorum, qui exhibentur n. 20. 21. 22. & 23.

Nummus Arabicus a Tristano publicatus, & a
me etiam in medium productus in notis ad La-
ctant. de Mort. Persecut. non est Chosrois, sed
Güathoddini, Dynastæ Arabis, qui mortuus est
anno Christi 1242. & inscriptio illa ita debet expli-
cari; *percutsum in urbe Nisibi a Sultano potentis-
simo Gyathoddini, vel Güathoddungi Waddin Fi-
lii Cai Kobadi*, uti me docuerunt viri harum re-
rum intelligentissimi; Renferdus p. 23. periculi
Palmyreni, & Relandus in epistola ad me initio hu-
jus anni scripta, & inde cadit ratiocinatio mea de
stapedis.

Nummos Arabicos qui apud vos effodiuntur, eo
delatos a mercatoribus fuisse nullus dubito; sed
credo iis jungendos esse illos, qui superstitione a-

nimati terram, quam præsentia sua D. N. I. C. illustravit, ex Saracenorum manibus eripere bello, quod vocant, sacro conati sunt; & constat inter eos nomina sua Danos dedisse.

Menestrierum errasse, & male Daniæ Regi *Franciam* adscripsisse tecum plane statuo; & nescio, qui fieri potuerit, ut vir eruditus & diligens valde tam insignem committere potuerit errorem.

Lanx, cujus ectypum tecum communicavi, est ejusdem cum hoc magnitudinis, nisi memoria mihi imponit; nam eam anno elapso manibus tractavi meis; & cum nunc in procinctu sim ad iter Amstelædamum suscipiendum, iterum monumentum illud examinabo, & si qua differentia est, continuo te ejus faciam certior. Adr. Relandi dissertationem tibi placere, multum equidem lætor; est certe vir doctissimus & præterea orientalium linguarum, rituumque callentissimus; publicavit nuper & mihi donum misit Auctorem Arabem, qui conscripsit Compendium Theologiæ Mohammedicæ, & ea occasione examinat nonnulla, quæ falso Mohammedanis tribuuntur; nuncque in eo est, ut illustret varios nummos Arabicos, quorum nonnullos ex paupere mea penu eidem suppeditavi, quanquam nesciam, an hi nunc simul sint proditura. Vale etiam atque etiam, Daventriæ 21. Sept. 1705.

Hæc litteras recipis opera reverendi plurimum & doctissimi Viri Joh. Alb. Fabricii, cujus fidei eas commisi, & ad quem ut scriberem, fecit Bibliotheca ejus Græca, in qua mei facit plus quam semel mentionem; quo nomine illi gratias ut agerem, postulant humanitatis jura.

LXII.

Nobilissimo & Amplissimo Viro

G I S B E R T O C U P E R O

S. P. D.

O T T O S P E R L I N G I U S.

AD nos non pervenit Dn. Joh. Alb. Fabricius, cujus Bibliothecam Græcam jam mihi comparavi; curavit tamen litteras Tuas 21. Sept. datas ad me per tabellarios Hamburgenses. Quæ de capulatis Sacerdotibus ex Reinesianis Inscriptionibus attulisti, fateor me nullibi reperire, nec explicare posse, quid significet capulatus Sacerdos, quamquam diu quæsierim. Solus Isidorus capulum vocavit funem aut capistrum, quo equus capitur & ducitur: an ad Tuam sententiam illud applicari possit, nescio, nimirum capulum esse vittam, quæ caput Sacerdotum capiat, ut ex Catholico, Josephi Laurentii Amalthea Onomastica refert, *Capululum, cape dulum, mitra tegens caput*. Nec invenio Inscriptionem, quam annotasti apud Reinesium l. CCCIX. Tot enim Inscriptiones Classis illa prima non continet: nec quinta, quæ de Sacerdotibus &c. diserte agit. Nihil igitur de illa Inscriptione pronunciare potero.

Quos submisisti nummos binos ex thesauro Dn. de Bary, elegantissimi sunt, cum Vulcani capite & Palladis galeatæ, ideoque ad Gothicos referri nequeunt, sed ad multo antiquiores, Romanorum temporibus cufos; & quidem Augusti, vel Tiberii, nam vix ultra eam ætatem istius generis nummos reperies, quod Hispani postmodum Romanæ scriptioni se accommodarent, veteremque illam omitterent. Nec spero certum aliquod alphabetum veteris Hispanicæ scriptionis reperiri posse,

A quia Strabo illis temporibus suis quum in usu essent hæc literæ, non solum Turdulos, sed & alios Hispaniæ populos sua propria ac diversa *γραμματα* (ita enim artem scribendi vocat) usos esse ait, quod & testantur illæ Inscriptiones submissæ a Dn. de Bary, unde plures quam viginti quatuor literas & figuras diversas annotavi. Patris meus p. mem. quum ex Hispania redisset, olim multas literas ad amicos suos, si quid legi vel intelligi ab aliis noller, his literis exarabat, sive Italice scriberet, sive Gallice, sive Latine, & memini illud Alphabetum ab ipso mihi relictum, sed inter tot schedas ejus nunc reperire non potui, alias submissem etiam illud Peringskiöld Suecus, Præses Collegii Antiquitatum Stockholmiæ, etiam nummum aliquem ex his Hispanicis produxit in Commentario suo ad Johann. Cochläi Theodoricum Gothum editum Stockholmiæ 1699.4. quem ex Juan. Lastanosa ejusque museo de las Medallas desconocidas Españolas depromsit, p. 264. in cujus nummi prima pagina Caput nudum cincinnis brevibus alicujus Dei conspicitur, Leonem in altum repentem a tergo habens, in averfa vero equitem ostendens, manu sinistra frænum equi regentem, dextra accipitrem digitis tenentem, ut ad venationem exire videatur.

C Subtus hæc literæ sunt notatæ *MES RESD* quas ille existimat ex Runicis nostris, & Punicis esse mixtas, & miserrime interpretatus est, ut significant MAR RESD. h. e. EQVVS VEGETVS. Nihil alienius aut inconvenientius de illo nummo dici potuit. Lastanosa ipse ad Pompeii tempora hunc nummum retulit pag. 75. multo rectius quam Peringskiöld. Sed Suecis hoc solemne est, omnia peregrina ad se trahere, & in suam laudem illa vertere, licet nihil in illo nummo, quod vel Suecicum, vel Gothicum sit, reperiam.

D Quæris, quinam sit ille vultus, qui in Afranii nummo isto apud Ursinum exstat. Esse Dei alicujus non dubito; sed cujus? aut Mercurii, aut Apollinis dicas esse; Hispanos enim Deos nudo capite præfigurasse, tot nummi, in quibus Dii apparent, commonstrant. Hinc Vulcani quoque caput in nummo, quem mihi sculptum misisti, nudum exstat.

E At quid expetas examinari in verbis Capitolini, qui dixit, quod Ant. Pius *congiarium militibus ac Populo de proprio dederit, & quæ pater promiserat*, non satis mihi liquet. Nihil enim in illis difficile video. Liberalitatem Deam habitu foemineo comparere semper in nummis verum est: sed in isto nummo, non liberalitatem Deam produxit inventor, verum futuram liberalitatem per præconem indicare voluit Imperator. De cinctu Gabino non admodum pugnem: cinctum enim Gabinum vocavi, quod bis in ejus indumento cinctura compareat.

F Monile baccatum in collo Viri videre illis seculis omnino rarum est: nec cur huic suo Deastro dederint, penetrare possum. Nam quod de torquibus Gallorum mones, erat Gallis illud solemne, & cum Diodorus Siculus illos *κρῶνος παχέας* vocat, monilia baccata non indicat, sed torques instar *κρῶνος* factos, *σπέντις* tamen quibusdam, quæ veluti numellæ collum ambiebant, & ad cervicem clauderantur, ut ex aliis nummis ostendere mihi liceret, si super istis diffundere me vellem.

Jam de monumento isto in Siberia reperto disquiramus, an lanx sit, an Speculum, an vero Clypeus: facile vobis accedo, speculum esse, si ita politum sit, ut reddat imaginem quamvis oblatam, quod ideo vix asserere potui, quia varios angulos quadratos aut rhomboides simul repræsentat, quæ in speculis confusam imaginem reddant necesse

est. Quod Inscriptionem attinet, quam Sinicis literis consignatam esse Vos creditis, ego Sinicas nulas in iis animadvertere potui. Licet enim ipsis varia scribendi genera, & esse nunc, & fuisse concedam, haud tamen a propria ipsis scribendi ratione discedere eos facile observare haftenus potui, quæ est a summo ad imum procedere voculis collocandis, vel in figuram animalis alicujus, aquilæ in primis, literas ænigmatice disponere; quorum hic nihil in isto speculo apparet.

At quoniam hæ literæ, quæ apparent, mihi plane sunt ignotæ, certi nihil definire potero, aliis peritioribus hæc discutienda relinquens. Alias a Sinensibus hæc petere facile fuit Russis, qui pedestri etiam itinere ad Sinicas terras commercando procurrere potuerunt olim & hodie magni mercatores, ad Caspium usque mare suos fines extendentes.

Quæ vero de clypeis votivis mones & eorum magnitudine, alios aliis majores & magnificentiores fuisse, non negabo, ad veram tamen magnitudinem clypei nullum haftenus accessisse observare potui. Nam quem Sponius attulit, Tristanus etiam expressit, de Scipione illum explicantes, quod quam verum sit, haud locus hic disquirendi fuerit; illud saltem monebo, licet magnus sit duorum pedum cum duabus pedis uncis, ejus tamen magnitudo vero clypeo non respondet, & licet responderet, (sunt enim veri clypei aliis etiam alii minores) considerandum tamen etiam venit, hunc clypeum ex argento fabrefactum figuris insculptis, non exsculptis, delineatis solum, nulla arte præterea ornatis, quod de aureis Imperatorum clypeis dici non potest, magnificentissimis etiam, & ornatissimis, licet minores essent longe. Dari etiam scuta talia votiva ex una gemma posita, non magna, ut judicari facile potest, aliquando forte probabo, & plures etiam clypeos inspexi votivos in cimeliarchiis Principum hinc inde, quæ verum clypeum magnitudine nullatenus æquabant, neque lances tamen referebant, averfa & concava parte sui plane scabræ & rubbidæ, ita ut dubitem valde, an ullus clypeus votivus in antiquitate detur, qui veram magnitudinem clypei referat; & præter illos clypeos ex votis publicis positos Imperatoribus, etiam privati homines militares suis votis gaudebant, quibus clypeos etiam Diis suis, compotes voti facti, reponebant, quos sane non adeo magnos nec pretiosos, ex ferro, vel ære dicabant & suspendebant templis, Diis gratos futuros, licet ea magnitudine non essent, qua veri clypei: ad quos pertinere clypeum Dn. Woodwardi in Anglia existimo.

Magnas ago Tibi gratias, Vir summe, quod Arabicum illum nummum apud Tristatum, quem, ipso explicante, Cosrhois esse credidi, quoniam Arabica vix attigi, doctissimorum virorum testimoniis, alterius Sultani esse circa Ann. 1242. cusi docere me voluisti. Expeto summopere, ut quid contineat Inscriptio, me porro doceas: non enim videtur iste nummus perplexis illis ductibus inscriptus, quibus Arabes plerumque sua involvunt; esse enim potest alia Inscriptio nummi Tristani, quam Tui nummi est; si recte memini, Cosrhois nomen in illo Tristani diserte satis reperitur. Nec me doces, an aureus sit ille nummus Tuus Gythoddini, an alterius metalli. Desidero Arabicas voces latine scriptas videre, & quid Tuus interpret in prima pagina nummi legerit, ex qua lingua sunt enim aliæ literæ. Accidit namque in peregrinis istis Orientalibus linguis, quot interpretes accedunt, tot interpretationes diversas prodire. Sed cur addis de stapedis sententiam Tuam corruisse? an ante Cosrhoem stapedas ephippiis junctas non

fuisse censes? quid ergo fiet ἀσπάζαις, & quantum illæ absunt a stapedibus? Hisce vale Vir summe, & me credas velim Tuo Nobilissimo Nomini omni cultu & officio addictissimum.

Dabam Hafniæ a. d. xvii. Octobris Ann. MDCCCV.

LXIII.

Amplissimo Præstantissimo Doctissimoque Viro

OTTONI SPERLINGIO

S. D.

G I S B. C U P E R U S.

Plaçant mihi valde, quæ ex Catholico Josephi Laurentii vel Onomastica Amalthea ad illustrandum *Capulatum Sacerdotem* in medium adfers, & a mitra vel alio capitis tegumento eum habere nomen persuasus sum; quamquam, ut hoc obiter dicam, magis probem eos, qui capulum, quo mortui efferuntur, deducunt inde, *quod corpus capiat*, quam quod Isidorus tradit, *quod supra capita hominum feratur*: neque enim ita mortuos efferebant, sed eos imponebant *humeris*, vel *cervicibus*, uti notissimum.

Festinatione factum est, ut male numerum Inscriptionis Reinesianæ notaverim, est illa 269. classis i. & inde simul disces, Gruterum eam inter spurias referre, a quo tamen abire videtur Illustris Spanhemius, qui eam cum Reinesio ex Ligorii ms. communicavit, neque non Marquardus Gudius, qui eandem suis inseruit.

Quæ misisti ad explicandos Hispaniæ nummos, incognitis characteribus inscriptos, communicabo cum Consule de Bary; utinam invenire posses alphabetum, quod ex iis composuit & concinnavit *υαναπίης* pater tuus; credo illud inservitutum mirifice præclaris ejus conatibus.

Non petii a te, vir egregie, ut examinares verba Capitolini, quæ nihil obscuritatis complectuntur, sed ea a me in medium adlata sunt, ut ostenderem, Antoninum Pium *donativum*, ut proprie loquar, militibus, *congiarium* populo dedisse, rogavi que, ut me doceres, an liberalitas, quam repræsentat satis extraordinarie vir paludatus, referri debeat ad milites, quia cæteroquin illa picta & ficta est ad instar feminæ. Vidi iterum Amstelædami lancem illam; est aliquantum pictura major; sed dole mecum infortunium, quod illi objectum est. Illustris Witzenius eam ex museo in cubiculum, quo me recipere constituerat, intulerat, & antequam adesset, e manu ejus cecidit, fractaque est in 10. vel 12. frusta, licet caderet in tapetas ex junco molli factos; adeo fragilis erat, ex quibuscunque demum metallis (neque enim unius generis est) fuerit conflata & facta.

Significavi tibi Romæ Episcopum Rosaliensem nonnullos characteres explicasse, & illum rem acu tetigisse; patebit tibi ex integra fere inscriptione, quam Batavia Indorum acceptam mecum communicavit Amplissimus Urbis Amstelædamensis Consul, & spero me tibi rem gratam facturum, si eandem comitem dem huic epistolæ ex Belgica in Latinam linguam versam.

Clypeos votivos justæ magnitudinis fuisse persuasus sum, maxime cum iis sæpe inscriberentur longa elogia, vel imagines inderentur, quæ utique parvæ dignosci non potuissent; quamquam nec refragari velim, eos etiam parvos fuisse, præci-

pue si ex gemma forent, uti factum fuisse me primus doces; & tunc puto eos in publico non fuisse politos, sed in privatorum ædibus suspensos, ad conservandam majorum vel clarorum virorum memoriam.

Arabica ego etiam nullo modo attigi, & iterum agam cum viris eruditis, mittamque te in Tristani nummo legere *Chosrois* nomen & communicabo tecum, quicquid ad me perscripserint. Quæris tandem ex me, cur addiderim epistolæ sententiam meam de *stapedis* corruisse, quia nummum Arabicum periti ejus linguæ referunt ad Chotadinum, non autem ad Chosroem, & interrogas, quid fiet *ἀσπάσαις*, & quantum illæ absint a *stapedibus*?

Ex iis, quæ ad Lactantium noto, perspexisti proculdubio, an non a Persis *stapedarum* usus sit repetendus, quia putabam illo in nummo Chosroem Justiniano æqualem nobis representari, cumque in eo pictus sit longe alius & posteriorum temporum Rex vel dynasta, vides facile, opinionem illam plane corruisse, & parum numisma illud facere ad argumentum, quod ibi tractavi. Fateor, & ibi docui, *Mauritium*, quem doctissimus Schæfferus judicat post annum 491. floruisse, sed si Imperator fuit circa annum DLXXXII. illorum instrumentorum facere mentionem, sed miror summo pere, in nullis illorum temporum monumentis, vel Græcis, vel Latinis instrumenta illa conspici. Certe non in nummis Joviani, Valentiniiani, Theodosii, Theodosii Junioris, qui obiit an. 450. apud Du-Cangium, post quos *equites* non signati sunt in nummis, saltem ab eodem viro præstanti editis, *stapedes* que apud eum comparent in nummo Balduini, qui obiit an. 1272. adeo ut licet Hieronymus *bistapie*, & Mauritius ac Leo Imperator *scalæ* meminerint, non videantur illæ apud omnes in usu fuisse.

Ἀσπάσαις stapedas esse non credo, licet ita loquatur Isidorus in Glossis, *Astraba tabella ubi pedes requiescunt*; & Illustris Salmasius eum ita explicet; sed ego vix dubito, quin vir magnus humani aliquid patiatur, quamvis & ex Glossis Græco-Latinis in medium adferat *Astraba σάις, ὑποπόδιον*. Nam primo nulla ibi equi, vel alicujus rei, quæ ad equum pertinet, mentio; deinde exponitur *σάις & tabella*, quæ certe *stapedibus* non conveniunt, quas ex ferro fuisse constat ex Mauritio & Eustathio; & denique *tabella & σάις* potius sunt scabella ex ligno, quibus pedes sedentes imponebant: nisi eo nomine designari velis *ὑποπόδιον* mulierum, quando equis insident hodie, cujus tamen moris nulla in vetustis monumentis reperitur memoria.

His adde *Ἀσπάσαις* esse *ligna* fellarum, vel ephippiorum. Hesychius: *Ἀσπάσαις τὸ ἐπὶ τοῖς ἵππων ξύλον ὃ κρατῶσιν οἱ καθιζόμενοι*, lignum, quod equis imponitur, quod tenent insidentes, id est clitella; & quæ alia apud Hesychium sequuntur, ne umbram quidem *stapedum* habent, uti nec illa, quæ annotat Pollux 7. 33. 9. atque in Lexico suo Henricus Stephanus. Fateor Du-Cangium in Glossario Med. Latine notare etiam *Astrabas* secundum Isidorum fuisse *stapedes*, secundum Suidam vero fellæ arcum, quem *Arcion* vulgò dicunt, vel fellam ipsam, vel instratum fellæ; sed diligentia & eruditio singularis viri hujus illustris non faciet, ut sententiam meam mutem, maxime cum Helladius apud Phorium p. 1589. testetur Demosthenem pro *fella* usum esse ea voce, & Tzetzes satis luculenter Chil. 9. c. 290. *Astraben*, ut fellam & partem currus describat.

Sed Gabriel Naudæus lib. 1. p. 223. de Re Militari probare conatur, Julium Pollucem horum adminiculorum, sive *staphiarum* & subicum illo-

rum meminisse, & ita Commodi tempore fuisse in usu, quia ita Pollux loquitur 1. 11. 15. pag. 55. *Cum vero insederis equo, nequaquam femora ferias, sed pedes subleva, & stanti simillimus sis. Stapedes enim magis ad standum, quam insidendum parati sunt.* Sed si vir doctus vel inspexisset Pollucem ipsum, & verba legisset Græca, certe hoc argumento non fuisset usus: *ὅτι ἡ ἰσχυρὴ πλεον ἐπὶ τοῖς ἐστηκότων ἢ ἐπὶ τοῖς καθιζομένοις*, nam major fortitudo, vel vis est stantium, quam sedentium, id quod ita explicari debere sum persuasus, eos qui equo insident, non ita debere vehi, tanquam sedeant, sed tanquam stent recto corpore, & pedes non curvare, sed demittere, quomodo certe in plurimis nummis equites pinguntur, & statuas, quæ etiam nunc Romæ visuntur, idem plane docent. Si quid tamen me melius docebis & certius, haud gravate sententiæ meæ remittam nuntium, tibi que multum debebo, si hoc argumentum excutere diligenter velis.

Catholicum Josephi Laurentii vel Amalteham Onomasticam nunquam nominari audiui; doce me quæso, ubi liber ille, & quando typis descriptus sit; Polymathiam ejusdem viri possideo. Vale plurimum.

Dav. 29. Nov. 1705.

Excerpta ex litteris Illustris Witzenii, quas ad
G I S B. C U P E R U M
dedit xx. Octobris 1705.

L Anx Sinica vel speculum est magnæ antiquitatis, & linguæ gentis periti affirmant, monumentum hoc esse plus, quam octodecim centum annorum. Vulgus Chinenium Bataviæ nihil intelligebat, sed unus eorum doctrinæ spectatæ characteres explicavit.

Deus est purus, castus, & immaculatus totus, Deus est tam pulcher, uti clara, & liquida aqua. Aliquis a Rege vel Principe delectus, & quo in multis rebus utitur, eum adspicere debet, ut suum Deum, & cavere, ne alios lædat: nam si illud facit, eveniet illi, quod aquæ ascendentis & descendenti. Sed quando Rex aliquem extollit honoribus, & conspicit, eum rem bene gerere, lætatur corde suo in tantum ac mare omne vel totum. Timemus Dominum nostrum, quando malefacimus, sed quando bonum facimus, & recte ambulamus, animus semper lætatur, ac tam pulcher est ac radii solis. Et tunc homines te respicient ut Deum in terra: quia nemo Deo similis (credo debere esse similior, certe id sensus postulat,) est.

Sunt nonnulli præterea characteres, quos vir ille capere non poterat; judicant plura præcepta moralia lanci illi inscripta esse. Illudque inprimis notandum, hosce characteres jam defuisse esse in usu ante annos plus quam mille, illosque nullo modo a vulgo intelligi posse; & hoc monumentum esse symbolum unius ex vetustioribus Imperatoribus Chinenium, circa tempus Confutii, viri docti valde & pii. Si placet Deo, anno proximo plura argumenta, & probationes ex India accipiam Sinicæ hujus sapientiæ; nunc ad me miserunt viginti aut triginta symbola Regum & doctorum virorum, litteris vetustis gentis illius, & hodiernis conscripta; sed tantum necdum mihi temporis fuit, ut illa examinare, vel inspicere potuerim.

LXIV.

Nobilissimo & Amplissimo Viro

GISBERTO CUPERO

S. P. D.

OTTO SPERLINGIUS.

AD tuas xxix. Novembr. Anni elapsi ad me datas ut respondeam, cum votis primum felicissimis hujus ineuntis anni auspiciandum mihi fuerit, non ex more tantum, sed ex animo toto, quoniam apprecor sincere, ut tibi, Vir summe, totus decurrat cum valetudine prospera & stabili, curasque Tuas tam publicas, quam domesticas omnibus lætitiis perfundat, Annes perennes numquam non prosperrime. Post vota, quæ Deus rata esse sinat, respondebo primum de Liberalitate Antonini, ex nummo, non certo satis colligi posse, an congiarium populo datum significare voluerit per Paludatum illum, quem Præconem fuisse existimo, an Donativum militi; utrumque enim ad Liberalitatem pertinet: nisi quod Donativa militum in nummis vix unquam appareant; sed **LIBERALITAS, & LIBERALITAS I. II. III.** semper ad populum referantur.

Doleo profecto non mediocriter fatum chalybis istius, five lancis, five speculi Sinensis, quod multas ob causas nollem intervenisse. Sed consolatur me ejus explicatio, quæ licet Kirckerianis valde similia sint, quæ in Œdipo suo tractat, dum artem combinandi docet, quoniam tamen veriora non possumus asferre, his contenti simus necesse est.

Lexicon illud Josephi Laurentii titulum habet Josephi Laurentii S. T. D. Lucensis Amalthea Onomastica, in qua voces universæ abstrusiores, Sacræ, Profanæ, Antiquæ, Antiquatæ, Usurpatæ, Usurpandæ, e Græcis Latinisque Scriptoribus reperiuntur &c. &c. Lugdun. 1664. fol.

Quæ de ἀσράβαις docte literis Tuis inferuisti, vera sunt; significant enim ἀσράβαι non solum clitellas, quibus onera jumentis imponuntur, sed & ὄνες & ἡμίονες ipsos clitellarios, ut est apud Suidam in voce ἀσράβη. Omnia igitur, quæ ad ista onera jumentis imponenda spectant, ἀσράβη dicebantur cum jumentis ipsis, sed & partes istius sellæ hoc nomine veniebant, ut *arcon de Sadelknoop*, quod etiam Suidas indicavit, ut Hesychius: atque sic etiam ἀσράβη dictum est illud ὑποπόδιον, seu scabellum dependens a fella ad unum latum jumentum, quo adscendebant, & descendebant ductores jumentum & clitellarum, quoties opus erat defatigatis: ita ut Isidorus in his non fallat, nec glossæ, quas adduxit Salmasius. Insidebant enim ductores non solum jumentis, sed ipsis clitellis & oneribus impositis, ad quod opus erat ista ἀσράβη, seu scabellum, quod sane ligneum fuit, ut tota fella clitellas excipiens, funibus a fella demissis scabellum illud continentibus. Hæc ἀσράβη ergo sic concinnata cum suis cornibus antè & postè ex ligno, ut onera capere posset, & ductorem aut insidentem etiam, cum suo scabello adjuncto erat rusticorum, & vilium ἐμπόρων, nec confundi debet cum stapedis, quæ ab utroque latere equi postmodum adjunctæ sunt, & ex ferro paratæ, quas tamen ex his ἀσράβαις scabellis originem suam ducere, non diffiteor me credere. Nec te turbet,

Supplem. Tom. IV.

A quod fœminæ solæ hodie sic equitent, ad unum latum scabellum hoc habentes, in quo pedes requiescant. Rustici enim nostrates adhuc quandoque oneribus suis & jumentis sic insident ad forum venientes. Et in Anglia quoque ante annos 46. illud idem observavi, ruricolæ, tam viros, quam fœminas oblique insidentes istis suis clitellis ad nundinas, perrexisse, scabello dependente in latere, quo pedes sustinebant. Hinc apud Athenæum Machon Comicus & Poeta eos, aut eas illiberaliter equitare dixit, qui ἐπ' ἀσράβης veniebant, ut Grathænum meretrix aliquando.

Εἰς πειραιᾷ κατέβαινε πρὸς ἑξῶν τιναί
Εμπόρον, ἐράστην, ὅτε λῶς ἐπ' ἀσράβης.

Imponebantur enim asinis non equis, unde palæstrita minatur ibidem:

ὦ τριῶν θλίε
Ονήλαθ' εἰ μὴ θάττον ἐκείνη πότε
Εἰ τῆς ὁδῆς πρὸ γυναικὶ ταῦτα καὶ βαλῶ
Σὺν τοῖς ὄναρσις φῆσι καὶ ταῖς ἀσράβαις.

C Sellam præaltam sic vocat oneribus capiendis sufficientem. Clitellæ latinis, unde Clitellaria Plauti, Astraba etiam vocata est. Necessè vero fuit lignum illud ὑποπόδιον in ἀσράβαις adesse, quum alias adscendere non possent asinos, clitellis onustos, nec suos stratores aut ἀναβολαίς isti homines haberent, qui illos veluti nobiles, & divites equitantes equis injicerent. Erat enim suggestus quidam onerum in clitellis, quo adscendere non poterant nec descendere, sine hoc adjumento scabelli astrabici. Sic quoque vehicula Valerio Probo astraba dicuntur, & quidem vehicula pastoritia, in quibus provehebantur, qui bucolica carmina cantabant, ex illis vehiculis, unde & illa carmina ἀσραβικά dici solebant, a forma sedilis, ait, quo advecti fuerant isti βουκόλοι rustici, qui illa cantaturi erant.

D Sed quod etymologiam ἀσράβης vehiculi deducat παρὰ τὸ μὴ εἶναι ἐκείνην, hoc quidem in vehiculis non congruit, sed in jumentis, quibus clitellæ & onera sic imponuntur, ut ad nullum casum moveri possint, omnibus ita adstrictis jumento, ut firma & stabilia maxime insideant, & inhæreant. Sed & illud lignum, in quo pedes requiescebant, proprio nomine Ασραβάριον dictum est, & Astrabarium, quod etiam reperies in Amalthea Onomastica prædicti Josephi Laurentii. Quin & Glossæ Philoxeni Ασράμα habent pro Ασράβα, & ζύλον ὑποπόδιον ac σάνδα explicant, ut annotavit Etymologicon Vossii in voce Astraba, ita ut antiquæ satis sint ἀσράβαι cum suis ἀσραβάρσις, quæ sane occasionem dederunt bistapiis inveniendis pro illis, qui divaricatis pedibus equis insidebant, ab Hieronymi tempore jam notis. Recte satis explicas Pollucis locum, καθέζομενος enim ille vocat, qui pede utroque ad unum latum porrecto asinis aut jumentis insident, ἐσκηπτοίς vero, qui divaricatis cruribus jumentum utroque latere premunt. Illi enim stantes magis sunt, quam sedentes, ut recte Pollux dicat, ἵσχυς πλέον ἐπὶ τοῖς ἐσκηπτοῖς ἢ ἐπὶ τοῖς καθέζομενοις. Plura quidem de astrabis asferre possem, sed quia satis de illis constat, & solum de astrabario, seu ligno suppedaneo quaestio sit, an illud affuerit, quod puto ex prædictis satis liquet, nihil addam, nisi de bistapiis, quas ab Hieronymi tempore omnes admittunt: quas non solum ferreas, ut credis, fuisse judicarem, sed etiam ligneas & vimineas. Nam & rustici nostri adhuc ligneis & vimineis stapiis ad equos suos utuntur. A quibus

N

autem hæ bistapiæ primum sint inventæ, an a Scythiis, aut Parthis, aut Persis, non equidem definire potero. Ita ut Chosroem Cabadis Justiniani seculo his stapiis usum esse non pœnitere Te possit statuisse.

Observavi in sigillis Flandrensiū Comitum, quæ apud Olivarium Uredium exstant, Robertum Comitem Flandriæ circa Ann. 1077. jam stapedibus usum equo insidentem, cum inscriptione SIGILLVM ROTBERTI COMITIS FLANDRIÆ; sed & in aliis sigillis sequentibus, sine illis stapedibus equo insidere conspicitur, adeo ut arbitraria res fuerit eo seculo stapedes adhibere, vel secus. Sic quoque seculo sequenti, Caroli Regis Daniæ filii sigillum semel sine stapedibus in equo compareret cum inscriptione S. CAROLI COMITIS FLANDRIE ET FILII REGIS DATIE, quod diplomati 1119. dato appendet. Sed in altero sigillo ad literas 1122. datas cum stapedibus insidet equo, & inscriptum habet CAROL, COMES FLANDRIE ET FILIVS REGIS DACIÆ. Antiquiores hæcenus cum stapedibus non inveni. Nam & Daniæ Regum sigilla vetustiora cum his Equitibus comparent, & quidem Erici Lamb. circa Ann. 1140. ubi prima facie sedet coronatus sceptrum dextra gerens, orbem cum cruce, sinistra: cujus averfa Equitem cum stapedibus pleno cursu effusum ostendit; postquam ætatem omnes cum stapedibus equis insident; sed quod miraberis, fœminæ quæ etiam in imperio fuerunt, & sigilla sua nactæ sunt, equis etiam illa ætate insident oblique, sed omnes sine ullo suppedaneo. Inveni tandem Alphabetum Dn. Parentis mei p. m. quod hic in Scheda adjuncta submitto. Quamvis certo promittere nequeam illas literas respondere Alphabeti veteris Hispanici ejusque literarum potestati, quum pro lubitu nunc quilibet potestatem assignare possit, quam velit, Hispanicis tamen illis, quæ submissæ sunt, mihi satis respondent figura. Finio igitur hac vice, Te, Tuamque valetudinem Deo Opt. Max. multis votis commendans, qui sine fūco & fallacia more majorum Tibi sum eroque cultus, & officiis addictissimus.

Dab. Hafn. ad d. xvi. Januar. MDCCVI.

LXV.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Singularem & incredibilem voluptatem cepi ex ultimis litteris tuis, utpote refertis rebus, quæ utrique ad interiorē eruditionem pertinent omnino.

LIBERALITATES in nummis obvias semper ad populum referri scribis; nec obſto, cum plurimi nummi id satis clare testentur; & ita loquatur Sueton. Aug. 41. *Liberalitatem omnibus ordinibus per occasionem frequenter exhibuit*; & quæ sequuntur, facile evincunt, milites locum ibi habere nullum.

Sunt tamen nummi, qui contrarium suadent; in uno Maximini apud Mediob. p. 329. LIBERALITAS scribitur, & circumstat milites; & vir ille doctus alios Caracallæ p. 291. & ejusdem Maximini pag. 328. ad milites refert, licet LIBERALITAS in iisdem legatur; id quod forte & in aliis ob-

servare quis posset, si omnes examinaret ejusdem færinæ, id quod certe ego, ut nunc est, facere nequeo.

Quæ de *Aspāsaic* commentaris, mihi mirifice placent, & video te eo nomine etiam comprehendere scabellum dependentem a sella & clitellis ad unum latus jumentis, quod ascendebant, & descendebant ductores jumentis & clitellarum; & judicare, eo scabello opus fuisse, si homines insiderent, præcipue si ipsis oneribus insidere deberent. Mulieres certe equis, asinis, vel aliis animalibus insidentes pinguntur frequenter ab una parte pedes demittere; quare de re vide, quæso, quæ noto p. 201. Harpocratis mei. Et si suppedanea illa tunc in usu fuerunt, miror equidem nullum eorum in nummis vel marioribus vestigium observari. Quin & in monumento veteri prope Mosellam invento mulier ita equo insidet, manu tenens calathum pomis plenum, sed nullum ibi *ὑποπόδιον*, uti videre licet apud Ortelium in Itinerar. Gallo-Belgico, & puto instrumenta ulla non neglecturas etiam præcipuæ dignitatis fœminas, si cognita fuissent, cum faciant utique ad pompam, & ostentationem, cuius fœmineus sexus ingenti amore tenetur; tantum abest, ut credam, Machonem poetam Comicum eas illiberaliter equitare dixisse, quæ *ἐν ἀσπασαῖς* veniebant, si modo per eas, id quod tamen mihi videtur, *suppedanea* illa intelligis. Neque enim eo respicit ille, nec carpit apud Athen. lib. 13. pag. 582. quod scortum *ἀσπασί* insideret, sed quod scortum haberet tres asellos tantum, tres ancillas, & unam nutricem; cum cæteroquin ejusmodi publicarum libidinum victimæ magno incederent comitatu, uti ex eodem Athenæo pater, nec non Terentio, aliisque; per *ἀσπασί* autem ego hic mulum intelligo, cum ab eo *ἀνδρεία* distinguantur, quibus proculdubio ancillæ & nutrix vectæ: posset etiam *clitella* vel *ephippium* exponi, quia mox legitur in plurali *οἱ τοὶ ἀσπασαῖς*. Inde, ut puto, nullum hinc argumentum pro *suppedaneo* mulierum, asinis vel equis insidentium, sumi potest: quin & miror summopere, nec Suidam, nec auctorem Erymō Magni in v. *Ἀσπασί* annotare, eam pro tali instrumento sumi, & inde mihi argumentum ducitur, vel plane illud incognitum iis, vel in non frequenti usu fuisse, cum rationem comminisci nequeam, quare illius alias non fecerint mentionem. Scio illustrem Salmaf. pag. 521. de Cruce scribere, *Videri & olim has tabellas suppedaneas uti in mulis & asinis usum habuisse*, & in equis, quibus fœminæ veherent; idque eum probare auctore Glossarum, qui Justiniano anterior fuit, qui *astrabam* exponit *αὐτὴν δὲ ὑποπόδιον*, docetque ibi mulos & asinos *οἰκῶντες* appellari, qui inscendebantur, qui dorso homines ferebant, & ab iis distinguuntur *asinos clitellarios* mulosque, qui non sunt *αὐτῶν*: quia sarcinis tantum vehendis clitellæ aptæ sunt, fieri potuit, ut nonnunquam unum animal, uti putas, portaret sarcinas & hominem illis insidentem, quanquam non videam, cur hoc sit factum, quia ductor astrebelates juxta ibat & dirigebat; quin & doceri velim, quomodo homo sarcinis in altum extructis insidens, pedes suos impondere scabello potuerit, quod a latere versus terram & multum infra sarcinas dependere debebat; maxime si, uti annotas post Machonis versus, *alias ascendere non possent clitellis onustis*; addisque hæc verba: *Erat autem suggestus quidam onerum quod ascendere non poterant nec descendere, nisi hoc adjuumento scabelli astrabici*; sed, uti monui, clitellarios asinos solis oneribus & sarcinis vehendis inservivisse Salmaf. notavit, quanquam & hodie mulis, quæ sarcinas ferunt, viderim insedisse servulos, sed illi nullis scabellis vel astrabis ad ibi sese collocandos utebantur. Lege quæso Salmaf. uti etiam Schef-

ferus lib. 2. c. 2. p. 17. de Re Vehic. ubi putat *carmen astrabicon* non dici a vehiculo astraba; sed a *sedili*, vel *sella* cui insidebant, qui carmina illa cantabant; quanquam hæc verba, quo adveſti erant, illi explicationi videantur quodammodo repugnare, quia ita de curribus loquebantur, sed cum & *equis* advehi dicamur & vehi &; *ἀσπασίνα* a nemine usurpetur pro *vehiculo*; explicatio Schefferi, viri doctissimi, non videtur rejicienda; idem pag. 24. adeatur.

In Pollucis loco explicando non loquutus sum de iis, qui pedē utroque ad unum latus porrecto asinis vel jumentis insident &c. sed vocem eam iis equitibus credebam tribui, qui genibus curvatis, & pedibus subductis, id quod hodie Turcæ, licet stapedis utantur, faciunt, in equis sedebant, iisque opponi alios, qui pedibus demissis, id quod Græcos & Romanos fecisse ex nummis, aliisque monumentis constat, equitabant. Sed omiſſa obſcura hac materia, & intricata, ad alia tranſeo; & quidem multum tibi debeo, quod mecum communicaveris alphabetum Hispanicum a doctissimo patre tuo compositum; miſi illud ad Barium, qui tibi gratias agit, putatque rem ſeſe aliter habere, & pleraſque in nummis ſuis Hispanis non inveniri litteras. Vir elegantis & politi ingenii totus eſt in explicandis iſtis monumentis, & fidem facit, ſeſe genuinum alphabetum, vel potius alphabeta invenisse, quia aliud fuit Cantabrorum, aliud Luſitanorum, aliorumque, id quod ſe certo monſtraturum putat ope nummorum in Hispaniæ variis partibus cuſorum; composuit diſſertationem elegantem de primis Hispaniæ incolis, quam egregio cum gaudio Amſtelædami evolvi; nunc variorum numiſmatum ectypos mecum communicavit, in quibus pictus eſt *Deus Endovellicus*, quem illuſtratum eſſe a Reineſio noſti; & in uno legitur clare, reliquis literis detritis. OBOLIC. quomodo deaſtrum hunc vocatum etiam eſſe ex una Inſcript. patet; eſt puerulus, modo facem, corona radiata cinctus, modo clavam tenens, modo alatus cum arcu; & puto me originem illius invenisse, quam tamen conjecturam, ut ut probabilem, tecum non communicabo, antequam certior ſiam, ſi placeat amico meo, cum quo tam frequens mihi eſt literarum commercium, ut jam binos idoneos tomos, quibus & reſponſa mea continentur, inde compingi fecerim, quibus tot inediti nummi & alia monumenta explicantur, ut ego theſaurum eruditionis in iis me poſſidere, præſcine dixerim, credam.

De *Candidatis* prolixè olim egimus; nec hanc diſceptationem revoco; ſed doce me quæſo, an in Inſcript. 5. CCCCXXVIII. M. Metellus dicatur *Magiſter*, an vero *Magiſteri Collegii Centonariorum candidatus*; prius ſequitur Scaliger in Indice, & ita inquirendum foret, an *Candidatus* appelletur, quia a Principe collegio illi datus erat; & ex ſeconda interpretatione ſequeretur, eum ambiviſſe illud magiſterium, & mortuum eſſe, antequam illud adſequeretur.

In Inſ. 3. p. CCCCLXXXIV. Vononius dicitur fuiſſe EQ. R. EQ. P. *Eques Romanus, equo publico*, an non hinc clare colligitur, omnes equites Romanos non habuiſſe equum publicum? certe mihi id omnino videtur; nec dubito, quin iſtud, ſi ageretur, pluribus exemplis firmari poſſet. An unquam vidisti Dianam coronatam corona ſpicea? *ὁ μακρίτης* Begerus ad Flor. p. 288. putat, tale Dianæ caput cerni cinctum delphinis, vel Arethuſæ nymphæ; piſces tamen reſtringit ad Dianam, quia fons Arethuſæ pleniffimus piſcium fuit, Cicerone teſte, & piſces ibi Dianæ ſacrati fuerunt, adeo ut ſi qui bello graſſante, in cibos convertere aliquos auli

Supplem. Tom. IV.

A fuiſſent, ira numinis continuo in calamitates magnas inciderent, docente Diodor. Sicul. lib. 5. pag. 288. Sed an non potius *Cerererit*, quæ in plurimis Syrac. nummis conſpicitur? ſimilem certe abſque piſcibus in Liparæorum numiſmate *Cererem* facit ipſe Begerus, & certum mihi videtur, *piſces* addi; quia mari piſcoſo cincta erat inſula, & Syracuſæ ad littus poſitæ; quanquam videam Goltzium p. 118. Sicil. opinari, credibile eſſe caput Arethuſæ piſcibus circumdatum in nummis illis cerni; id quod forte verum eſt de iis, qui exhibent caput ſamineum aliter ornatum, & non cinctum corona ſpicea; ſed *Dianam* ego utique plane exterminarem, ſi & tu, vir eximie, id pateris, quamvis pharetra & arcu armata, & comitata canē, venantis habitu in aliis ejuſdem urbis nummis conſpiciatur.

Sed nunc ad aliud quid progredior, & de præclaro Hiſtoriæ Eccleſiaſticæ capite agere, pace quod fiat tua, conſtitui. Notum eſt, Scriptores illos narrare, Conſtantinum in ſomnio, vel vigilantem vidisse, cum Maxentium adoriretur, vel bellum contra eum ſuſciperet, *crucis* figuram in cælo cum addita Inſ. ſive Græca, ſive Latina, *Εν τέρῳ νίκα, In hoc vince*; & in nummo Conſtantii, filii Conſtantini Magni legi, Hoc SIGNO VICTOR ERIS; id quod & occurrit in nummis Magnentii, quod continuo ad crucem trahitur, quæ utique optimo jure SIGNVM appellatur; ſed cum Lactantius cap. 44. de Mortibus Perſecut. dicat, Conſtantinum vidisse *Cæleſte ſignum Dei*, juſſumque eſſe in quiete, *ut i notaret in ſcutis*, cum mox mox addat, *is tranſverſa X. littera ſummo capite circumflexo, Chriſtum in ſcutis notavit, & eo ſigno armatus exercitus ceperit ferrum*; cum in binis illis nummis non crux conſpiciatur, ſed Chriſti D. N. monogramma, cum Euſebius lib. 1. cap. 31. Labarum ſcribat fuiſſe duas primas litteras nominis Chriſti *Χρῖςτος* τὸ Π, qua de re multis ago ad Lactantium, ego quidem *crucem* amoveo, & loco illius repono ſacrum monogramma; quod quamvis optime *ſignum* a Lactantio vocetur, tamen ego crediderim, ſi Conſtantine tale quid conſpexit, non ipſi oſtenſam fuiſſe *crucem*, nec eo *ἐν τέρῳ νίκα*, vel *in hoc vince* referri poſſe; ſed ſignificatum fuiſſe primo, neque enim Philippus memoratur, Chriſtiano Imperatori, ut *in Chriſto*, vel *per Chriſtum*, cujus decurtatum nomen illi exhibebatur, vinceret; & certe *Εν* pro *per* ponitur; Hebr. 3. *ἐν ᾧ ἡμῖν ἐλάλησε* *per filium nobis loquutus eſt*: Ep. Judæ v. 23. *ἐς δ' ἐν φόβῳ σώσεται*, illos vero *per terrorem*, vel, *terrore injecto ſalvate*; & ita Grotius 1. Pet. 3. 19. *ἐν ᾧ* in quo explicat, *per quem Dei Spiritum*.

Sed revera hoc eſt *φλυαρειν*, & patientia tua abuti, ſed tamen inde perſpicias, me libenter tecum conſabulari, idque certe optimo merito, cum ſemper a literis tuis abeam doctior, & illæ faciant, uti in res ſæpe inquirem diligentius, quas vel me cognoscere opinabar ante, vel de quibus ne cogitaveram quidem. Vale quapropter etiam atque etiam, & me, quod facis, amare perge.

10. Aprilis 1706.

Nobilissimo & Amplissimo Viro

GISBERTO CUPERO

S. P. D. hunc sup. lib

OTTO SPERLINGIUS.

Quas ad x. Aprilis hujus anni ad me perscripti-
sti, recte mihi traditas nunc percipere pote-
ris. Quod Te meæ delectarunt, mihi unice
gratulor; non minorem ex Tuis voluptatem capio,
quoties ad me perferuntur, & illas relego, quod
sæpius facio; ita enim merentur. Nam ἀγαθὴ ἡδὲ
ἐὺς βροτῶσι. Liberalitates Imperatorum tam ad ci-
vès, quam ad milites pertinere, nullum est dubium;
erant enim publicæ & omnium ordinum, quicun-
que partem desiderarent aliquam, ita tamen ut
quandoque militibus peculiares liberalitates Impe-
ratores impenderent, iisque solis dicatas esse vel-
lent, post prælia feliciter gesta, nec alio nomine,
quam Liberalitatis illa præmia complectebantur, si
publicæ erant. Nam & erant alia, quibus milites
donabant seorsim, pro illorum fide sibi confirman-
da & favore, præferim sub initia Imperii, quæ
liberalitatem Principum non minimam require-
bant; & qui toto horreo ac utraque manu libera-
les erant, eos optimos Principes, & gratissimos
existimabant, dignosque, quibus fidem suam pro-
barent. Hinc Dio circa Ann. Urbis 725. de Augu-
sto dicit, eum militem donis, quæ interpretor,
torquibus, armillis, aliisque phaleris, populum mu-
neribus, gladiatoris forte ludis, spectaculis, atque
annona sanatum pecunia delinivisse & allexisse.

De Astrabariis & scabellis illis suppedaneis vide-
ris reluctari, quod non sperabam. Certum enim
est, illa adfuisse, tot autoribus, tot glossis testanti-
bus. Non quod affirmaverim, aut adhuc affirma-
re velim, omnibus clitellariis asinis, aut jumentis
illa addita fuisse, sed quod addita tamen fuerint
nonnunquam, pro arbitrio ἀσπράβηλατων, qui com-
modas vehentibus sedes cupiebant, & firmiores
cum astrabariis, suppedaneis, quam sine illis. Addu-
xi exempla ex Uredio, ubi sine illis astrabariis equi-
tant mulieres; sed & exempla hodiernorum ἀσπράβη-
λατων astrabariorum usum antiquum confirmant.
Aliud enim est omnino, sine clitellis & oneribus e-
quitare, quam illis circumdatum in asinis aut equis
hærare; illi facilius & sine suppedaneo poterant ju-
mentis insidere, hi difficiliter; ita ut suppedaneo
& astrabario opus habuerint, ne, clitellis succussan-
tibus, sedibus excuterentur. Tu, Vir Optime,
plane taces de astrabario, quod tamen antiquum
est, & ab ἀσπράβη deductum, ita ut ἀσπράβη illud
etiam includat & comprehendat.

Jam quod scribis Te nescire, quomodo sugge-
stibus onerum, & clitellarum insidere potuerint,
respondum feres hoc, quod locus inter clitellas va-
cuus sit relictus & aptatus, ut insidere potuerint
facile, & licet ἀσπράβηλαται sæpius ambularint du-
cantes suos asellos onustos, ea tamen loca, ubi aquæ
& uliginosæ viæ occurrebant, eos cogeant tantisper
insidere, donec illa transissent sicco pede: ut
propterea astrabariis opus fuerit & suppedaneis il-
lis, quibus inter clitellas & strues onerum se collo-
care possent, prout hodie quoque fit, & sæpius
vidi fieri & video in rusticis nostris, jumenta ad
oppida dirigentibus cum sarcinis suis. Unde nec
Salmasii sententia, nec Schefferi nos ferit: possunt
enim subsistere invicem, quosdam asellos & mulos
& jumenta, solis hominibus destinata fuisse, sine
sarcinis & clitellis, quosdam vero etiam cum sar-

cinis, una cum hominibus, nisi credas illas mu-
lieres, scorta, nutrices & ancillas sine sarcinis ve-
ctas esse, in asellis suis, quas nosti cum magnis
impedimentis semper ire, ut vix exercitus asello-
rum sufficiat, nisi inter clitellas suas se abderent
sedili præparato, cum ὄζοτροδιῳ astrabario, ut se-
curæ & firmæ federent: in quibus glossæ nos non
fallunt, quæ hæσάβηλας & ὄζοτροδος scabella & ta-
bellas in ἀσπράβηται sæpius memorant, atque ho-
dientum usum suum ostendunt, quod & doctissi-
mus Salmasius concedit; nam Schefferi sententia
mihi non placet, qui propter sedilia in curribus,
etiam ἀσπράβηται currus dictos esse voluit. Nihil mi-
nus quam hoc, sed quod ista plaustella vilia asino
uno aut altero traherentur, & onera ac clitellas
impositas haberent, una cum homine per carmina
emptores mercium alliciente, ideo ἀσπράβηται etiam
coeperunt illa vehicula vocari, & astrabarium illud
carmen, quod ex illo plaustello decantabatur; ab
equitantibus enim ad vehicula ἀσπράβηται tandem
res illa pervenit.

Locum Pollucis aliter intelligere nequeo, quam
quod stantes in equis dicantur illi, qui, divarica-
tis pedibus, ad utrumque latus equitant, sive pedi-
bus dimissis, sive subductis hoc fiat; ceteri qui pe-
des ad unum latus demittunt, καθίστην ipsi dicuntur.

Gestio videre Dni. Bary nummos Hispanis literis
procusos, ejusque commentarios, tum quod mag-
næ antiquitatis sint, tum vero etiam quod hæc-
nus ignoti fuerint omnibus. Prædixi Alphabetum
Hispanicum, quod submissi, non esse authenticum,
sed a Parente meo p. m. congestum ex Hispanicis
literis, quas illic invenit. Optime enim sentit Vir
ille optimus, quod diversa fuerint illis regnis Al-
phabeta, idque Strabo jam suo tempore annota-
vit. Interim felix es Tu, Vir Amplissime, qui ta-
les thesauros colligere potes, & in ipsa eruditionis
luce versari, quum nos velut in tenebris Cimmeriis
hic versemur, nec quid eruditio sit, sciamus pene:
non quod invideam, sed quod mihi gratuler, esse
tibi thesauros eruditionis omnis, ex cujus fontibus
rivulos etiam quosdam ad nos decurrere sinis, qui-
bus inopiam meam irrigare dum studeo, lætitiis o-
mnibus perfundor.

Candidatos suos qua ratione commendarint olim
Imperatores senatui, discas optime ex Cassiodori
Epistolis, quas Theodorici Regis nomine scripsit,
illosque mores felicissime imitatus est prudentissi-
mus ille Rex, qui, dum petit, imperat. Inscriptio-
nis vero, quam petis explicari, paginae numerum
haud recte notasti festinans forte, quod solet fieri,
non enim reperitur p. CCCXXVIII. prout scribis,
sed p. CCCXXXVIII. unde illam anxie quæsi, do-
nec illam reperi p. jam dicta 438. Est Inscriptio ipsa
valde obscura, nec secundum leges Grammaticæ,
aut Inscriptionum polita: quod & in aliis multis
observatur. Meo enim judicio exscribentium in-
curia depravatam, sic primo conceptam fuisse cre-
do. M. METELL. HADRIAN. SIBI MAGIST.
COLLEG. CENTONAR. CANDIDAT. EX
DECR. EORVM LOC. EM. Sic enim Inscriptio-
nes fere omnes cum abbreviaturis proponebantur
in lapidibus ipsis. Accessit exscriptorum interpre-
tatio minus congrua; illam sic explicantium prout
nunc jacet: cum debuissent ad morem Inscriptio-
num fere omnium illam sic explicasse.

DEC. VER. M. METELLO HADRIANO SI-
BI MAGISTRO COLLEGI CENTONA-
RIOR. CANDIDATO EX DECRETO EO-
RVM LOCVS EMTVS. Literas ad latera inter-
pretor Di V. Decurioni Veronensi M. F. Marci Fi-
lio. Aut ita; DECVRIO VERONENSIS M.
METELLVS M. FILIVS HADRIANVS
SIBI MAGISTER COLLEGI CEN-

TONARIORVM CANDIDATVSEX DECRE-
TO EORVM LOCVM EMIT. Sic puto re-
cte sibi constabit illa inscriptio. Quo posito, jam
satis intelligitur Collegium Centonariorum suo
Decreto huic Metello Decurioni Veronensi &
candidato Magistro electo sui Collegii locum se-
pulturæ istum emisit, aut L. Metellum locum sibi
emisit. Magisterii Candidatum vix admittere
possum, quod illa voce Magisterii raro utantur in-
scriptiones, Magistro Collegii sæpissime; ut Pa-
troni Collegii sæpius occurrunt, sic quoque Ma-
gistri Collegiorum, nec reperi in toto Inscriptio-
num corpore Magisterii vocem, nisi semel In-
script. 6. p. 256. ubi Magister Collegii Fabrum li-
gnariorum Q. Lollius Herma in Magisterio de-
functus adducitur. Hæc mihi ratio & causa est,
cur non Magisterii Candidatum putem legendum
in M. Metelli Inscr. sed Magistro Candidato Col-
legii.

At quod quæris de Inscript. 3. p. CCCCLXXXIV.
T. VENNONIO T. F. STELL. AEBVTIANO
PATRONO ET MVNICIPI COL. AVG. LAVR.
EQ. R. EQ. P. &c. posita, nihil certius est, quam
Equites Romanos distinctos fuisse ab Equitibus e-
quo publico solum donatis, & qui equo publico
meruerant. Equitibus enim Romanis jus erat au-
reorum annulorum, quod non erat Equitibus E-
quo publico donatis & merentibus. Sæpe tamen
hæc concurrerant in unum hominem, ut & E-
questris ordinis esset, quod est Equitem Romanum
esse, & equo publico simul mereret, ut hæc in-
scriptio videtur indicare, T. Vennonium fuisse
Equitem Romanum Equo publico, h. est & Eque-
stris Ordinis, & Equo Publico donatum. Multi
autem erant etiam Equo publico donati, qui non
erant Equestris Ordinis. Hunc autem T. Venno-
nium equestris ordinis fuisse, etiam indicant in-
scriptionis verba sequentia, ubi Judex ex V. De-
curia selectus appellatur. At penes Equites Ro-
manos judicia fuisse, a C. Gracchi Tribuni plebis
temporibus, & Anno Urbis 630. non puto te igno-
rare. Is enim legem tulit, ut sexcenti Equites
Romani in Senatum adfiscerentur, qui judicia
administrarent: quod quamvis deinceps limitatum
sit sæpius, nunquam tamen judicia ab Equestri or-
dine recesserunt penitus etiam sub Imperatoribus
ipsis confirmata. Et quia non minimus honor e-
rat Equo publico donari & merere, etiam Equi-
tes Romani multi hunc honorem ambiebant, in-
ter quos etiam fuit hic T. Vennonius, Eques Ro-
manus & Judex. Nescio an adquiescere velis in
hac explicatione mea, vel an aliud tibi videatur,
docte Trebati. Mihi quidem aliud de hac inscrip-
tione judicare nondum licuit.

Quæ Dn. Begerus ad Florum suum p. 288. ex
nummo Syracusanorum de Diana interpretari vo-
luit, & abire a cæterorum explicatione, de Are-
thusa flumine, jam pridem legi, nec sine censura
dimisi, cum hic errasse, ut in aliis multis. Nun-
quam enim Dianæ caput tali figura in nummis a-
liis usquam appareret, multo minus cum corona spi-
cea. Ipse vultus latus & amplus, fluminis esse
caput illud satis demonstrat, si consideres, quam
amplo corpore flumina in aliis nummis repræsen-
tentur, capite arundinibus, aut aliis regionis,
quam interfluunt, fructibus cincto. Ita ut neque
Ceres, neque Diana illo capite in nummis istis
Syracusanis effigiata sint, sed Arethusa flumen,
quod caput etiam spiceam coronam circumdatam
in Sicilia accepit, quoniam illic fecundissima fru-
gum terra: unde etiam pisces circa caput illud
conspiciuntur, quod illud flumen non minus pi-
scibus abundet, quam terra frugibus. Nec obstat,
quod Diana cum pharetra & cane in aliis Syracu-

sanorum nummis compareat: Deos enim Deas-
que plures coluerunt Syracusani, quibus honores
etiam in nummis suis exhibuerunt, non soli Are-
thusa. Aliter sane in Liparaeorum nummis Ceres
coronata spicis conspicitur, quam Arethusa; dif-
ferunt multum illi vultus a se invicem, ita ut con-
fundere cum Begero non possim Cererem, Dia-
nam, Arethusam, quoniam satis illas distinguere
primo intuitu licet.

Constantinum M. vidisse aliquando veram cru-
cem in cælo nullus ego dubito, quam arrepto o-
mine, suis deinde victoriis applicare voluit variis
modis, non solum in signis illam præferendo, sed
etiam in labaro, vexillo Imperatorio. Quin &
illud *ἐν τέρῳ νίκα* vel IN HOC VINCE, sive PER
HOC puto adscriptum fuisse cruci cælesti, quam
vigilans vidit, sicut Artemius Præfectus Augusta-
lis tempore Juliani, sed exutus illo officio, quod
Christianus esset, aperte ad Julianum Apostatam
hac de re differens dicit, se & crucem in cælo radiis
solis splendidiorem & vidisse, & literas istas au-
reas legisse, quin & totum exercitum illud con-
templatum esse, & multos in exercitu Juliani su-
perstitēs hujus rei testes esse posse: ita ut non vi-
deam, quomodo huic testi, qui interfuit bello,
quum hæc fierent, qui suis oculis vidit, & legit
literas illas aureas, reluctari aut possimus, aut de-
beamus. Paucissimi tamen nummi Constantini
M. cum illo signo crucis notantur, nulli cum cruce
sola, sed cum *Χ* nomine Christi & *Παλιόθεν*,
inter quos excellit aureus ille apud Hemelarium
tab. 51. ubi capite laureato prima facies ostendit
Constantinum; Aversa vero solum illud *Χ* ha-
bet, & ad latera A. Ω. & in circuitu VICTORIA
MAXVMA, scil. qua Maxentium vicit. Haud
est incredibile illud, Deum hoc signo Constanti-
num pertrahere voluisse ad Christum, a gentili-
bus & fanaticis superstitionibus, quibus hæcenus
indulgebat; nam & Paulum sic Apostolum suum
reddidit, lumine ipsum circumdante divino, &
voce dehortante, ut desisteret a persecutionibus.
Opus erat homines tales invenire, quibus religio
Christiana stabiliri posset, qui sine miraculo vix
perduci potuissent, & excitari ex veterno, quem
a patribus traxerant jam longo tempore. Unde
ego hanc historiam de cruce Constantino visa &
de literis adjunctis, ac lectis sive Græce, sive La-
tine, mihi persuadeo verissimam esse. Nunc ad
nummum tuum Arabicum accedo, & nondum sa-
tis percipio, an cum Tristani nummo conveniat
in omnibus. Neque enim indicasti, an argenteus
sit, prout Tristanus indicavit; cum conjecerim
ex tuis illum aureum esse. Deinde nec illud signi-
ficasti, an prima facies nummi caput illud galea-
tum præferat totum radiis quibusdam ferratum &
circumdatum cum literis illis peregrinis in circui-
tu, & cum cruce a tergo, quales Tristani nummus
exhibet. Nam aversa facies nihil nisi literas Arabi-
cas vel Persicas continet, quæ fere, non tamen
in omnibus, conveniunt cum Tristanicis. In-
terim verum est, multos Cosrhoes Persarum Reges
fuisse, ita tamen, ut ad quem referri debeat, ego
non dubitem. Primus sane de quo legitur fuit Ca-
badis filius, qui Anno 531. Justiniano imperante,
Patri defuncto successit in Persiæ regno, & annos
48. imperium tenuit, ut Procopius annotavit, cui
successit Hormisdas filius Anno 579. Huic filius
rursus fuit Cosrhoes, qui 591. imperio Persarum
præfuit, usque ad 628. qui trucidatus est a filio Si-
roe. Plures in Persiæ Cosrhoes Sultanos & Reges
non invenio; certum igitur est, nummum & Tri-
stani & tuum ad Cosrhoen primum Cabadis filium
Persiæ Sultanium pertinere. Nam licet alii Cos-
rhoes fuerint, Sultani minores, haud tamen Ca-

badis filii plures fuerunt, quam hic Cosrhoes Persarum Imperator, ad quem nummus omnino referendus; quod indicat moneta ista percussa in Nisibi, & galea ista radiis ferrata, qua se solis filios Persarum Reges esse significare voluerunt. Rectius enim Dn. Relandus interpretatus est, *percussus in Nisibi Urbe*, quam Tristanus. Illo igitur tempore stapedes ad ephippia in usu fuerunt, quo Cosrhoes Cabadis filius Rex Persarum fuit, sub Justiniano Romanorum Imperatore. Quid illud KAI. sit, quod & Cabadi additur & Cosrhoi, non explicare potero: titulus sane aliquis fuit Persarum, qui Regibus Persicis dari solebat, de quo consulere poteris ulterius Dn. Relandum, qui nodum hunc facile solvet.

Et tandem etiam memini, me in prioribus meis de serpentibus vivis in aciem productis aliquid commemorasse, cujus rei tunc non occurrebant exempla. Sed nunc duo se mihi præbent ex Livio. Primum est l. 7. circa Annum Urbis 400. ubi Tarquinienses M. Fabium Ambustum Cos. Romanum vincunt, ejus militibus territis, quod facibus & serpentibus armati hostes suos impeterent. Livii verba sunt: *Falisci Tarquiniensesque alterum Consulem prima pugna fuderunt. Inde terror maximus fuit, quod Sacerdotes eorum facibus ardentibus, anguibusque prælatis incessu furiali insueta turbaverunt specie &c.* Idem Livius, Hannibalem Pœnum, quum Prusiæ Bithyniæ Regis Classi Præfectus esset, etiam navali bello classeeducta, serpentes fictilibus inclusos in hostium naves projecisse scribit. Erat autem hostis Eumenes Pergami Rex, atque hoc stratagemate victoriam obtinuit circa Ann. Urbis 570. Plura possem obducere ejusdem commatis, sed parcendum est & chartæ, & tibi; ne nimis proluxa Epistola fastidium tibi pariat. Quapropter desino hac vice, me meaque tuo favori commendans.

Dabam Hafniæ ad d. v. Maii A. MDCCVI.

LXVII.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Summa cum lætitia epistolam tuam legi, cum quia inde perspexi te valere, tum quia agis in ea de rebus, quæ utique inserviunt eruditioni augendæ mirum quantum.

Quin & eo gratior, atque acceptior mihi fuit, quia reddita mihi est in ipsis castris, ad quæ summa cum potestate cum aliis Legatis ab Ordinib. Generalibus missus eram; qua de re multis tecum non agam, quia non dubito, quin fama ad te detulerit honorem mihi habitum, & quin acceperis splendidissimam illam victoriam, tot urbes captas, tam ingentem terrarum fertilissimarum tractum se Regi Carolo submittere, ordinatam Brabantiam & Flandriam, quibus nunc addo, me post VII. mensium absentiam, salvum & sanum, lætumque rediisse domum, & nunc me bona fide incipere cum Musis primum oblectare.

Cum igitur versarer continuo inter armorum, tubarum, & salutantium strepitus, & doctas virgines vix salutare toto illo tempore possem, hinc facili opera perspicis, non nisi gratas valde lire-

ras tuas fuisse; unde & eas plus quam semel legi. Quæ igitur de *Liberalitatibus* Imp. noras, mihi placent, & inde patet, te probare, vir eximie, meam sententiam, & ea voce designari in genere ea, quæ militi & populo donabant.

Erudita etiam sunt, quæ de Astrabariis & scabellis suppedaneis scribis, sed tamen ita etiam videtur mihi hæc materia difficilis & non satis elucidata esse, quia semper occurrunt, quæ majorem deliberationem videntur exposcere. Nam & Salmasius *stapias* nostras non tribuit Græcis & Romanis, & *suppedanea* vel *astrabas* tantum mulieribus suo more, & viris in mulis & asinis sedentibus, additque, *Videntur & olim hæc tabellæ &c.* adeo ut dubitaveris, quæ dubitatio forte inde orta, quod nulla hujus moris vestigia apparent in monumentis antiquis, licet sæpe in iis conspiciantur mulieres muliebri more variis animalibus insidentes, uti patet ex iis, quæ noto in Harpocrate. Quin & Vossius tradit in Etym. *Astrabam* in Glossis Isidori exponi *tabellam*, ubi *pedes requiescunt*; sed Græcis *Aspāβn* aliud esse videri, idque patere ex Hesych. Eustath. & Plauto, qui Comædiam Græco nomine *Astrabam*, latino *Citellariam* inscripsit. De explicatione verborum Pollucis, nihil muto, quia ante verba, de quibus inter nos non convenit, loquitur de viris equis insidentibus proculdubio; & miror doctissimos nuperos editores illa etiam vertere: *Stapedes enim magis ad standum, quam insidendum parati sunt*, cujus equidem interpretationis vellem ut reddidissent rationem.

Sed huic disputationi finem & colophonem impono, & puto personas nostras non decere, nimis diu ferram super tali re ducere, illudque contrarium esse humanitati, & amicitiae, quæ est inter nos singulari meo cum gaudio.

Barius in eo est, ut digerat nummos suos, Hispanicis characteribus insignitos; Joh. Clericus nonnullos Gaditanos explicavit tom. XI. de sa Bibliothèque Choise, & inde discas etiam conatus amplissimi Consulis Barii.

Recte laudas thesauros, quos ille possidet, & quorum ectypos mittit ad me, & si non tot fluviorum terrarumque divortiis separaremur, ego certe eos tecum communicarem ea, qua sum, præfiscine dixerim, facilitate & humanitate.

Nactus Bruxellis sum binos mss. plurimis ineditis antiquis monumentis refertos; est inter ea Alphabetum Hetruscum hoc titulo: *Les lettres Hetrusques que Don Diego de Mendoza Ambassadeur de l'Empereur à Rome, m'a envoyé par Ximenes a Isprug, 1552.* quæ nescio an editæ sint, vel an Inghiramo, cujus libro careo, originem debeant; adjiciuntur multæ Inscriptiones iisdem litteris constantes, & aliæ latinæ in Hispania repertæ, quas Lucas Torrius in Flandriam attulit 1638. quæ num apud Reinesium, Gruterum, vel alios reperiantur, videbo, ubi plus otii nactus fuero.

Non displicet explicatio tua Inscriptionis s. p. 438. sed tamen, pace quod fiat tua, existimo eum, qui Candidatus appellatur, rei alicujus, quam ambit, omnino *Candidatum* dici debere: quare ego quidem has quatuor siglas D. M. V. F. explicarem *Diis manibus vivus fecit*: tua illa *Decurioni Veronensi* & *Marci filius* amplecterer omnino, nisi a lateribus posita forent; & non video, quare *Candidatus Magisterii* rejici debeat, cum ultima vox alibi in ejus generis monumentis occurrat non modo, verum etiam apud Ciceronem, Plautum, Tibullum, aliosque, uti nequaquam ignoras; tandem ex te querere libet, an aliquis *Magister* factus, postquam munus illud ambivit, possit

recte dici *Magister Candidatus*, nisi statuas, cum hanc dignitatem a principe accepisse, quomodo *Prætores Candidatos* jam dignitatem illam obtinentes in variis marmoribus legimus, quia scilicet eam absque ambitu & prensatione populi Cæsare acceperant.

Quæ de *Equitibus* mittis, probo plane, & manibus pedibus eo in tuam sententiam; sed non memini me alibi legere, C. Gracchum legem tulisse, ut sexcenti Equites Romani in *Senatum adsciscerentur*, qui judicia administrarent. Nam ex Appiano, Vell. Paterculo, Varrone apud Nonium, quorum loca jam annotavit diligentiss. Sigonius; constat, judicia quidem a Senatu per Gracchum ad *equites* translata esse, sed tacent omnino de eorum electione in Senatum, quin imo clare opponunt ordinem Senatorium vel *Senatum*, & *Equestrem* ordinem; & clarius Florus 3. 12. *Unde regnaret judicariis legibus divulsus a Senatu eques*. ecce divulsum dicit, quia scilicet a Senatu erant separati & divisi, qui etiam videatur cap. 14. & 17. libri ejusdem, ex quibus opinio mea mirifice invicem firmatur; quare te, vir eximie, etiam, atque etiam rogo, ut me docere velis, quis vetus auctor memoriæ mandaverit, sexcentos equites a C. Graccho in Senatum lectos fuisse.

Arethusam facile tibi largior cerni in nummis Siculis; certe Dianam cum Begero, viro docto valde, non puto locum, nisi in aliis, quod bene animadvertis, habere posse; quanquam ego nec *Cererem* propter coronam spiccam rejicere ausim, maxime cum & Harduinus p. 428. eam amplectatur, & pisces signum atque indicium esse possunt piscos maris, Siciliamque eo undique cingi, ut in nummis cingunt caput Deæ summa religione in insula illa cultæ. Neque enim ego videre possum, nisi coronas in nummis illis ex aristis earumque herbis vel foliis constantes; non autem folia arundinum, quæ tibi videris notasse. Adde his, similes vultus occurrere in Messanorum, Thermitarum, Panormitanorum, Menanitarum & aliorum Siciliæ populorum nummis, qui *Cererem* absque dubio venerabantur, & ab *Arethusa* procul erant.

Nec quicquam facit opinioni tuæ firmandæ *latus vultus*, cum constet omnem deorum gentilium turbam majorem longe pictam & fictam esse forma humana; sed uti capita coronis spicis ornata ad *Cererem* referre malo, ita dubium mihi, an alia vel nuda, vel mitris aliisque tegumentis ornata ad eandem pertineant deam; quod si res ita sese habet, statuendum est, Gentiles pro lubitu suo nonnunquam deorum suorum insignia & ornamenta mutasse; quam in rem si inquirere velles, magnopere certe me devinceres; & forte illa *Arethusa* repræsentant, cujus fontis pisces Dianæ sacros fuisse notat Lud. Nonnus, qui tecum eam nympham in Syracusanorum nummis repræsentari credit.

Quod ad *Crucem* vel Monogramma D. N. J. C. pertinet, lætor te mecum veram eam historiam judicare; alia omnia sentit perfectæ vir eruditionis Joh. Alb. Fabricius in Dissertat. Critica, in qua contendit *Crucem*, quam in cœlis vidisse se juravit Constantinus, fuisse naturalem in halone Solari, & *Εν τούτοις*, non fuisse in ære lectum, vel a Constantino in somnis visum, sed designatum esse per *coronam*. Ego sententiæ isti manus dare non potui, & egi hac de re cum illo multis, responsumque exspecto. Credo te eandem dissertationem legisse, & avide desidero cognoscere, quæ tua sit sententia.

Nummus meus Arabicus æreus est, & nequa-

quam convenit cum illo, quem post *Tristanum* edidi in notis ad Lactantium; in una area Sultanus sedet in equo non radiis cinctus, sed tegmine ad instar tulbandi, margine latiori; sceptrum tenens dextra vel clavam, quia superior ejus pars latior, ab utraque parte corporis stellæ, ita ut sint binæ numero, tertiæque est sub ventre equi, stapedibus fulciuntur pedes; & alteram aream implet inscriptio Arabica, quam non intelligo, nec mihi a Relando exposita est, si memoria mihi non imponit; quare equidem huic materiæ nuntium remitto.

Quod ad serpentes in prælium ad pugnandum cum hostibus productos attinet, ego certe sententiam meam mutare nequeo. Hannibalis fraus nihil cum ea re commune habet, cum Vasa figlina serpentibus onusta facile in hostiles naves potuerint dejici, sed inde nequaquam argumentum duci potest, ullo modo bestias illas venenatas in præliis terrestribus alicujus usus fuisse. Demus, vir egregie, eas vel eo, vel alio modo in hostes jactas; an putas, feras illas cognovisse istos, a quorum partibus stabant? ego quidem talem in iis, ut ut ab ea laudentur, prudentiam & sollertiam non agnosco, & persuasus omnino sum, utrique parti æquale periculum fuisse. Neque me movet Faliscorum Sacerdotum factum, cum tantum facibus ardentibus anguibusque ad instar furiosorum & Bacchantium fuerint horridi; neque inde sequitur, angues in hostilem aciem fuisse immisos, & ita contra Romanos una cum Faliscis pugnasse. Quid quod Florus 1. 12. non *Serpentes* iis tribuit, sed *discolores serpentum* in modum vittas, & *furiale morem*, & factum non Faliscis tribuit, sed *Fidenatibus*? at contra cum Livio facit Front. 2. 4. 18. & potuerunt illi fictitios serpentes, appellare *serpentes*, quomodo vexilla Dracones nominantur.

Atque hæc quidem reponenda fuisse duxi epistolæ tuæ acceptissimæ & eruditissimæ, & spero te exemplo meo non ægre laturum, me omnibus consensum meum non posse tribuere; neque tamen eo minoris facio singularem tuam eruditionem, quin potius eam valde æstimo, & inter eruditæ felicitatis meæ notas numerare soleo literarium, quod mihi est tecum, commercium.

Singulares omnino res in expeditione observavi, & frearum nonnullas edere vellem, vix dubito, quin magnam apud omnes eruditos gratiam inirem; nummos, Inscriptiones, mss. ectypos icuncularum nactus sum, de quibus forte alio tempore agam tecum. Facere tamen non possum, quin tecum communicem, ad me missum esse nummum raritatis eximie, in cujus una area cernitur figura sex alis insignis, quales nosti occurrere in Gnosticorum sædis mysteriis, & similes angelos describi a Patribus & Judæis; additur urbis, in quo signatus, nomen; sed manum de tabula, ne publicem ea citius, quam par est, & quam a me erunt illustrata. Vale plurimum.

Dav. 18. Febr. 1707.

Fieri posset, ut in recensendis Arabicis nummis me non satis clare explicaverim; quare recte me facturum existimavi, si sequentia adderem.

Ille, quem edidi in notis ad Lactantium, a *Tristano* vulgatus est, & quid de eo sentiant eruditi, ex iis, quæ antea misi, patet. Quem in hac epistola laudavi, penes me est, elegans & tenuis, vel non valde crassus ex ære.

Possideo etiam illum, quem Princeps de Ligne referebat ad Gordianum pium, sed male; in ejus una area est caput diademate vel corona cinctum, ab occipitio enim fasciæ dependent, ante pectus

Stella cum Inf. Arabica, qualis etiam alteram aream, A
implet integram.

Illius; quem eidem Imperatori tribuebat Barius, eotypum humanissimi viri beneficio possideo; & in una area cernitur *προτομή* viri capillo crispo & capite nudo; tenens manu dextra clavam vel aliud instrum. bellicum; humero impositum; sinistra clypeum; cum Inf. Arabica, qualis etiam alteram aream implet; & hunc ad Corh Coddinum referebat Relandus.

Atque hinc perſpicias, hoſce nummos nihil habere commune cum eo, quem Chofroi, qui Juſtiniani tempore Perſas rexit, tribuis, licet Rhenferdus & Relanduseant in alia omnia. Ego hic auditor tantum ſedeo, & nihil reponere poſſum, quia linguæ illius plane ignarus vivo. Lituris quæſo ignoſce.

LXVIII.

Nobilissimo & Amplissimo Viro

G I S B E R T O C U P E R O

OTTO SPERLINGIUS.

Quod serius tuis xviii. Febr. hujus anni Daventriae datis respondeam. Optime Vir, factum esse credas, quod sero ad me perlatae sint. Intellexi ex Dn. Generali Rantzovio, te Castris interfuisse, ibique jussu Ordinum Generalium negotia publica procurasse. Beata est Resp. patria, quod tali Viro, tam militiae, quam pacis negotia committere possit, quibus tu, quasi ambidexter, dexterrime satisfacias. Et ex tuis gratissimis idem percipio, sed ita, quod nec inter arma, ubi silent alias Musae, illas neglexeris, sed omni cultu ornatas, & auctas in domum tuam retuleris. Hoc est Ennium Scipionis agere, Ulysses ad Trojam cum Achille comitari, cum Ajace & Diomede Nestorem. Sed nolo laudibus, & honoribus tuis immorari, non epistola, sed Panegyricus illis scribendus esset. Sufficiat, me gaudere, me plura optare incrementa.

Verum esse, equitantes tam Græcos, quam Romanos veteres stapedis non usos esse, antiquitas & Monumenta satis docent; nec ideo *ἀσπιδάβας*, aut *ἀσπιδόβελον* produxi; quod ultra cliteLLas veteribus usui fuerint, sed quod posteritas ex iis exemplum sumferit, a cliteLLis ad equos, & equitantes, illud commodum tandem transferre, ut, sicut hodie, & firmamento & sublevamento equitantis infervirent. Semper enim repertis aliquid superadditur facile, quod melius & perfectius sit. Stapedes sane dicuntur, quod pedes equitantium in illis stent, & per illos erigere se possint, ut & firmiter sedere.

De Alphabeticis Hetruscis in mss. quæ nactus es, non multum mihi promitto genuini; fallere nos solent talia Alphabeta, neque Inghiramus in his satis doctum judico. An Hetrusci ante Romanos scripserint, magna quæstio est, & an peculiari-
bus characteribus usi sint tam longe diversis a Græcorum literis, quæ totam fere Italiam, præter La-
tium vetus, occupant, quibus Evander, & Ni-
costrata peculiâres literas, ex Græcis tamen petitas, primum monstrarunt.

De *Candidatis* Augustorum nunc Tecum amplius ferram trahere nolo; est enim res intricatissi-

ma. Sed de Equitibus Romanis Senatui adjunctis a Graccho, nullum est dubium; non quod lecti fuerint Senatores, sed quod ad judicia Senatui per Gracchum adempta lecti fuerint, ut cum Senatu in Senaculo sederent, & ex iis multos in Senatum deinceps lectos fuisse, nemo refragatur, & sexcentos tunc a Gracchio judiciis in Senatu, aut Curiae Senatus adscriptos fuisse, & ex eo retulisse Calvisium ad A. U. C. 639. Magnum vero numerum Equitum Nobilium Romanorum fuisse, vel exinde patet, quod Sylla multos eorum proscripserit. In Syracusanorum nummis, siue Arethusa, siue Ceres, siue utraque conjunctim effigiata fuerit, non multum dissentimus; Syracusanis enim utraque colebatur, & utriusque Deae insignia uno eodemque vultu in honorem earum Syracusanos exprimere voluisse, certum esse puto; Dianam vero Begeri in iisdem nummis non admittam facile, quod nullum plane insignium illius Deae in illis appareat; nam pro Arethusa faciunt pisces capiti circumdati, & corona mixta ex foliis arundinum & aristis, utramque Deam referunt, non vero Dianam.

Non quidem legi dissertationem Fabricii de Cruce Christi, quæ Constantino Magno & Maximo apparuit in aere. Sed illa crux, quocunque modo apparuit, apparuit tamen ita, ut a gentilitate & Ethnicismo, cui primum deditissimus erat, plane revocaret ad Christianam religionem, eique firma fide adhæserit, usque ad finem vitæ & imperii. Absque illa Cruce forte Christianam religionem amplexus non esset, sed cum victoriam de Maxentio, illa cruce, quam viderat, confusus, etiam tulisset, jam animum obfirmare cœpit, in nulla re alia salutem esse, quam in Christo, ejusque cruce. Quid ergo in illa historia videri possit adeo mirum, ut credi nequeat, ego nondum video, quamvis circumstantiæ ipsæ in omnibus non consentiant; illud tamen omnes dixerunt, signum illud crucis visum esse Constantino, & vocem forsitan auditam, *ἐν τῇ αὐτῇ*. Nam nec ego plane sentio, hæc verba lecta, aut cruci circumscripta fuisse in aere, ubi signum illud crucis vidit.

Ex nummo tuo Arabico æreo hoc faltem difco, jam duos iftos nummos Triftani & tuum fellam ftapedibus appenfis munitam nobis oftendere. An ejufdem Sultani fint, vel alterius, non multum laboro, ætate faltem illos non magna difcrepare ab invicem fentio.

De serpentibus in aciem productis ab antiquis
pugnatoribus & militibus, miror equidem te,
summe Vir, contradicere, quum clara sint exem-
pla, quæ produxi ex probatissimo auctore, in acie
contra hostes cum anguibus, serpentibus &
Draconibus olim populos stetitisse. Num frustra?
Sæpius in fugam coniecti sunt hostes illis anguife-
ris machinis, & victoriam adversæ parti pepere-
runt, Hannibalis exemplo. Quid ergo tergiver-
saris? Num credis, aut Faliscos, aut Fidenates,
aut Hannibalem solos cum anguibus contra ho-
stes suos pugnasse? Nolo credas. Ipsæ te Furix
docere poterunt serpentibus vivis armatæ; ipsa
Pallas Medusæ capite anguibus horrente ad pu-
gnas quando prodibat. Quæ quamvis figmenta
sint Poetica, illud tamen ostendunt, olim ita bel-
la gesta esse, & ex iis, quæ gesta sunt, Poetas fin-
gendi occasionem summisse. Erant sane tempora
omnibus populis, priusquam arma vera cognita
habuerunt arte comparata, qui armis utebantur
natura datis, clavis, faxis, quidam etiam angui-
bus & serpentibus; nam furor bellicus arma mi-
nistrabat, quæ nunc arma non sunt. Nec te mo-
veat, quod tam suis nocere possent serpentes,
quam hostibus; edocti erant omnino serpentes,
incantantur.

incantationibus tum frequentibus, dormire apud suos, & placide versari, hostibus vero, quum immittebantur, nocere, ipsa Scriptura Sacra teste. Et quid a barbaris aliud exspectare possis, quam iis armis eos occurrisse hostibus, quæ natura eos docuit, & furor ipsorum? Nihil amplius addam, quoniam sententiam mutare non proposuisti, & frustra, sexcenta etiam si afferrem exempla, tecum agerem.

Quiescant ergo hæc; nam & ego te dissentientem amo, nec eruditioni meæ, quæ valde tenuis est, tantum tribuo, ut tanti Viri amicitiam minima sui parte lædi cupiam aut velim. Cedo lubentissime.

Aliud nunc est, quod doceri me velim de nummo L. Scipionis Asiatici, quid sentias, an Asiagenes legi debeat, quod in quibusdam ejus nummis reperiatur ASIAG. quod & Antonius Augustinus, & Fulvius Ursinus legerunt, & in iis viderunt; sed Ursinus ita, ut illud G. separaret ab aliis literis, hac ratione ASIA. G. Nolim contradicere magnis illis viris, quin ita inscriptum nummum illum viderint, & A. Augustinus explicarit ASIAGETES. Ursinus judicium suum suspendit, nec rationem addidit, cur illud G. separavit ab ASIA. Novi quid Sirmondus, quid Gronovius ex Diodori excerptis, & ex Sidonio attulerit pro illo ASIAGENES defendendo, quos secutus est Spanhemius in Dissertationibus suis. Sed sunt mihi duo nummi istius Scipionis Asiatici, in quibus illud G. nequaquam apparet. Ambo sunt ferrati, & iisdem figuris præditi, sed in literis differunt. Unus eorum prima facie Jovis caput habet laureatum, barba densissima circa genas præditum, mysticibus etiam tenuibus dependentibus. Averfa quadrigam habet, cui insistit aut Jupiter, aut Scipio ipse dextra fulmen vibrans, sinistra sceptrum, aut scipionem ardentem, qua simul regit fræna. Superius inter caput & scipionem litera F. infra L. SCIP. ASIA. nec ullius literæ vestigium amplius. Alter meus nummus eandem figuram utrinque ostendit, sed ante scipionem ardentem, aut fumantem litera K. clare conspicitur cum puncto crasso addito, & inferius legitur L. SCIP. ASIA, quæ ultima litera adeo est obscura, & detrita, ut distingui nequaquam possit; & si conjecturæ locus sit, T. potius, quam G. legi debere, contenderem. In Brandenburgico Museo exstare unum hujus Scipionis per alios mihi relatum est, qui viderunt, ubi clare & diserte legatur expressum ASIAG. Ego sane capere nequeo, quomodo illud ASIAGENES in Latinis, & Romanis nummis sculpi potuerit de homine Romano: nec cur novissimi editores Livii in ipsum textum Livii unico saltem loco l. 39. cap. 34. intruserint ASIAGENES, ex manuscripto forte, cum plura MSta. ASIATICVS etiam ibi habeant, & in omnibus aliis locis Livii, ubi de Scipione isto loquitur, non ASIAGENES, sed ASIATICVS reperiatur. Sit ita, apud Græcos L. Scipionem ASIAGENES dictum, quasi natum pro Asia domanda, & subjuganda: quomodo tamen nummis Romanis hoc inferi potuit, quum Livius diserte testetur, eum ad exemplum Fratris P. Scipionis, dicti AFRICANI, studuisse nomen accipere ASIATICI, non ASIAGENIS? quod nec populus Romanus aut vulgus Romanum, nec Senatus ipsi tribuit, sed passi sunt Asiaticum vocari, & in nummis procudi. ASIAGENIS enim vox Romana non est, sed Græca. Hic mihi, fateor, hæret aqua, & scrupulum non parvum injicit, quem si expediveris, labor valde. Qua spe nunc finio, me-

Supplem. Tom. IV.

que tibi commendo. Dabam Hafniæ a. d. XXIII. Maii MDCCVII.

LXIX.

Amplissimo Celeberrimoque Viro

OTTONI SPERLINGIO

S. D.

GISB. CUPERUS.

Ego sæpenumero putavi, te vel gravi & diuturno morbo laborare, vel ultimum valere dixisse, id quod Deum veneror, ut fero fiat, rebus humanis, quia abhinc binos annos nullas a te literas accipio. Ultimas ad me dedisti a. d. v. Junii, anno 1706. iis respondere non potui, nisi postquam a splendidissima legatione & castris redux laribus meis redditus fui, idque factum 18. Febr. anni proxime elapsi. Inde nullæ a te, Vir amplissime, literæ; & in gravibus illis cogitationibus etiam nunc versarer, nisi eas mihi exemisset Rantzovius Comes, cum ante aliquot hebdomadas castra Foederatorum petens & per hanc urbem transiens me inviseret. Vir generosissimus & studiorum amator ac fautor egregius, me certorem fecit, te vivere & valere, mirabaturque te per tam longum tempus tacuisse, & quasi abruptisse literarum commercium. Addebat tamen, sese credere id fieri, non oblivione mei, sed ob litem, quam nescio quis tibi intulerat: id quod certe doleo vehementer, quia pestes illæ faciunt, ut quietem tuam turbent, utque non possis tam alacriter operam dare, quam ante est factum, Musis, quæ sibi otium & secessus quarunt. Recte tamen facturum me putavi, si exsuscitarem morientem quasi amicitiam & familiaritatem, testarerque apud te, me plurimum tua causa velle, & gravissimum mihi esse diuturnum illud silentium, quia ex literis tuis singularem semper tuli fructum, & voluptatem, & etiamnum capio, si quando eas iterum, id quod sæpe facere soleo, lego: nam *lectio lecta placet*, vel, ut Horatius canit: *Hæc placuit semel, hæc decies repetita placebit*.

Cæterum magnopere me devincires, si tollere velles scrupulos, & dubia, quæ tecum communicavi ultimis literis meis; vales enim ingenio, & nonnulla eorum digna sunt, nisi me plane fallo, in quæ aciem illius intendas, & nihil est quod dubites, quin rem mihi sis factururus acceptissimam, & quin illi daturus sim diuturnum tuum silentium.

Comes Rantzovius tradidit mihi Boreæ laudes, & Commentarium tuum, De summo Regno Nomine & Titulo Septentrionalibus usitato KONING, & ejus apud Danos Origine. Irascor primo mihi, meisque negotiis, quod oblitus fuerim tibi eo nomine gratias agere, & quod iis factum sit, quo minus officio illi satisfacere potuerim. Magnopere deinde testor, me curas illas tuas oblectasse, meque eas legisse inexhausta cum aviditate. Utque perspicias me vera narrare, patere, ut mittam me putare hæc verba Herod. lib. i. cap. 21. pag. dissert. tuæ 21. versis

O

His quidem solis sacrificant ab antiquo, non ad solos ventos referri debere, sed ad Solem etiam, Lunam, Terram, Ignem & Aquam; quia sequitur apud Herod. ἐπιθυμῶντες δὲ καὶ Οὐρανὸν θύειν, postea vero didicerunt Urania etiam sacrificare, ab Assyriis, & ab Arabibus edocti.

Socrates, de quo agis pag. 24. non coluit Nubes, nec eas Deos esse existimavit; verum Aristophanes eum ita ridendum in scena propinat, quia posthabita multitudo deorum & contempta, Deum in sublimi quærebat, uti patet ex veteribus, & ex oratione, qua anno proximo celebravit Socratem Lipsiæ Christ. Frieder. Boernerus.

Achates Tiberianus, cujus meministi pag. 46. explicatus etiam est a Jacobo le Roy, Libero Barone S. R. I. nec non Alberto Rubenio, & inde patebit, non Jul. Cæsarem in summa arce poli, vel cælo cerni, sed Augustum, & infra eum in terra sedere Tiberium, & Liviam, illis addi reliquam familiam Augustam, & infra eos jacere captivos.

Commodi & Crispinæ nummus pag. 49. editus est a Patino pag. 267. & quanquam explicatio tua suas videres habeat, tamen rogo, ut legas ea, quæ eruditus Eques commentatur; & tibi do in super considerandum, an Augusta primo imperii anno potuerit optare, ut in Lunam & Cælum reciperetur; & digna etiam sunt, ut legantur, quæ Tristanus commentatur tom. 2. pag. 234. ubi utramque elegantis hujus nummi aream exhibet.

Atque hoc tuum argumentum, vel Boreæ laudes mihi eo magis placuerunt, quia in iis etiam agis de cultu ventorum apud gentiles, de quo multa annotavi, quæ tecum communicarem, nisi certo scirem, nihil eorum te ignorare. Sed tu in primis Boream illustras, idque longe copiosius, quam ante fecerat Holstenius, qui Romæ in Ædibus Quirinalibus laudem Boreæ dixit, editam anno 1676. cum vetere pictura Nymphæum referente.

Smyrna ad me missæ pulcherrimæ omnesque ineditæ Inscriptiones Græcæ, aliasque inde, & nonnullos nummos Græcos Constantinopoli expecto, quales anno proxime elapso rarissimos, & itidem ἀνεδόξας accepi. Et fidem tibi facere possum, tot ad me veteris ævi reliquias vel pictas, vel æri incisas mitti, ut mihi latissimus aperiatur campus de variis rebus differendi, quæ utique pertinent ad interiorum eruditionem.

Anno proxime elapso fui Amstelædami, Trajecti ad Rhenum, & aliis in locis, atque in iis notavi mihi elegantes & non obvios nummos, resque præclaras alias, unde mihi natum Itinerarium, quo illas explicare conatus fui. Estque inter eas clypeus æreus operis admirabilis, qui Londino missus in emporio nostro celeberrimo æri incisus, continet Romam a Gallis captam; nec non Deæ statuum, quæ comitem habet gruem, quamque propterea Vigilantiam credo esse, aliis omnibus auctoribus, ut deam, ne memoratam quidem: quanquam virtus illa, quæ pace & bello plurimum prodest, digna fuerit, ut cum aliis virtutibus, quæ non sunt ejus utilitatis, a gentilibus coleretur. Hæc monumenta mihi ansam præbuerunt de variis iisque haud protritit antiquis ritibus agendi.

Mabillonius in Galliis diem obiit supremum, Cellarius & Tentzelius, uti proculdubio nosti, in Germania, Magliabequius in Italia, si modo verus nuntius Amstelædamo ad me est adlatus; nam eundem rebus humanis ereptum fuisse fine anni proximi mihi significavit Ill. Leibnitzius,

sed revixit, & binas vel tres inde literas a viro elegantissimo, & diligenti accepi. Montfauconius dabit nobis propediem Palæographiam Græcam incredibili eruditione refertam; similique operi in Helvetia incumbit vir doctus, cui tamen non credo tot subsidia fore, ac priori.

Anselmus Bandurius Dalmata, itidem Benedictinus, parat Antiquitates Constantinopolitanas, a Du-Cangii illis longe diversas; est mihi cum eo literarum commercium, & inde, uti etiam ex breviario libri, video virum esse doctissimum. Supeditavi eidem paucula, & quidem nummum Theophanoni Augustæ, nunquam editum; dies te totos detinerem, si plura alia ad te mittere vellem; sed habeo rationem otii tui. Vale.

Dav. Jun. XI. die 1708.

LXX.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Exhilararunt me summopere litteræ, quas septimo Julii proximi die ad me dedisti, & summa ex iis cum voluptate intellexi, te nobis superesse, & diligentem humanioribus studiis operam dare. Doleo autem vehementer, alteras ad me nondum curatas esse, quas nunc primum edoceor traditas esse Ephoro nobilissimi juvenis De Knuth, & quibus testaris, te respondisse omnibus quæsitis meis; cumque annus elapsus sit, & ita spes omnis decollaverit easdem adipiscendi, ego te, vir illustris, etiam atque etiam rogo, ut exemplum illarum ad me mittere velis, uti earum lectione eruditionis usuram, id quod semper facio curas tuas legens, extendere possim.

Digna profecto disquisitio est, an L. Scipio, Asiaticus absque dubio cognominatus, etiam dictus sit Asiagenes, vel Asiagetes. Memini me nescio cum quo erudito de eadem re egisse ante aliquot annos, sed nomen mihi excidit, neque etiam memini, qualia ad illustrandam quæstionem illam literis fuerim complexus. Non est autem absque ratione, quod dubites de nummis, quibus inscribitur ASIAG. quanquam Vaillantius etiam tales ut genuinos agnoscat, existimetque, eos denarios signatos esse in Asia a Quæstore ad solvendum militibus stipendium, & L. Scipionem Asiagetem dictum esse pro Asiatico Græca voce, & illius cognominis extare vestigia apud Livium, & in carmine quodam Sidonii Apollinaris; quæ eadem est sententia Antonii Augustini, quam vir eruditus se sequi fatetur.

In Livii libro ix. Asiagenem non invenio, nec vacuum mihi tempus est ad reliquos illustrandos, & ipse diserte 37. 58. narrat, L. Scipionem, ne cognomine fratri cederet, Asiaticum se appellari voluisse; & vellem eundem cognoscere, quo loco cognomen Asiagenis apud Livium reperitur. Non invenio

in Excerptis Peirelkianis utrumque, tam P. quam L. Scipionem fratres *Ασιαγενεῖς* dictos esse; sed licet plurali numero utatur eorum Excerptorum Auctor, constat tamen, eundem ad unicum Lucium respicere pag. 381. P. Scipio Nasica Consul (Latina enim tantum suppono) vir fuit, & virtute & generis splendore eminentissimus; quippe ex ea familia erat oriundus, ex qua Africani, & Asiatici & Hispali prodierunt: quorum hic subacta Africa, ille Asia, tertius Hispania domita cognomen ex rebus gestis retulit. Diodorus utitur voce *Ασιαγενεῖς*, notatque Valesius, L. Scipionem maioris Africani fratrem in nummis dici ASIAG. & *Ασιαγενεῖς* Græce idem esse, quod *Asiaticus*, & probat ex Athenæo, *Ασιαγενεῖς* dici homines in Asia natos, quos Romani vocabant *Asiaticos*, quanquam mihi videntur non satis bene hæc sese habere. Nam L. Scipio non est dictus *Asiaticus*, quia in Asia natus, id quod etiam verum non est, sed quia eam devicerat, adeo ut vix capere queam, quomodo Diodorus Græca illa voce uti potuerit; & inde est, ut quid de nummis illis statuendum sit, ignorem plane. Neque mihi placet *Ασιαγενεῖς*, licet formatum sit, ut *Μουσαγενεῖς*, quod cognomen Apollini & Herculi datur, quia personis, quo loco Musæ sunt habendæ, optime convenit, non autem regionibus, qualis fuit Asia, idemque est, ac si dicas, *comites ducesque Musarum*. Illud insuper mihi valde mirum videtur, in latinis nummis, si modo genuini sunt, scribi Græcam Latinis literis vocem, *Asiagenes*, quæ si in Græcis Asiæ urbium nummis extaret, certiora de Latinis pronuntiare possemus; sed ut illud factum est nunquam, ita persuasus fere sum tecum, tutam fidem illis haberi non posse, in quibus scribitur ASIAG. vel Asiagenes. Boreas tuus mihi placuit mirifice, & eleganter, atque erudite hoc argumentum exornasti; & lucubrationem istam me cum attentione aliqua legisse ex iis, quæ proxima epistola misi, proculdubio perspexisti. Et quia animadverto tibi non displicere libertatem, quam mihi sumpsi, inde credo non ingratam me tibi rem facturum, si insuper de aliis nonnullis agam locis, ut ita magis a te possint illustrari.

Pagina igitur 130. subiratus videris Varroni, quod apud Nonium dixerit *phreneticos Septentrionum filios*, quasi ex Borea nil, nisi mancum & mutilum, & monstrosum prodire possit. Sed ego te optimo & doctissimo viro conabor amicū reddere, & ita pacem inter vos stabilire. Neque enim Varro loquitur de hominibus Septentrionalibus vel Borealibus, sed de *ventis*, eosque *phreneticos* vocat, quia ad instar phreneticorum videntur insanire, dum omnia sursum deorsum ferunt: ecce tibi locum integrum:

Ventique frigido se ab axe eruperant

Phrenetici Septentrionum filii

Secum ferentes tegulas, ramos, Syrus.

Nec dubito, quin ipse jam existimaturus sis, nulla injuria præclarissimas fortissimasque gentes à Varrone affectas esse.

Pag. 139. *Quaternos senosque equos transilire solitus*, uti Florus loquitur, optime a te explicari puto. Salmasius pag. 168. ad Hist. Aug. alique hæc verba explicant ex more desultorum, qui in circo duos vel plures equos ducebant, & mira a-

Supplem. Tom. IV.

Agilitate sese de uno in alium conferebant, & ita de uno in alium transiliebant.

Sed mihi tua illa explicatio magis aridet, quæ num firmari possit aliunde, tuum erit judicium. Certe si Teutobochus ad instar desultoris equis usus fuit, necesse est, ut ipse quatuor vel plures equos frenis & manu tenuerit; quod utique nequaquam est verisimile, imo potius ridiculum, cum hoc foret infra Majestatem Regiam, & ejusmodi personæ servos sibi habeant, qui equos ducunt, ut conscendi a domino possint, fesso illo, cui insidet. Rex igitur lassato vel propter ingens corpus, vel ob iter longius, vel in præliis equo, solitus fuit in alios equos, unum post alium, transire, qui a servis ducti ipsi ad manus erant; id quod per *transilire* exprimit Florus, quia scilicet cursu sese in equos stapedibus carentes injiciebant, adeo ut *transilire* idem hic sit, *op bet peert Springen*, vel *insilire in equum*, saltu sese in eum subicere; quo sensu eadem vox usurpari videtur Solino. *Quidam populi India adeo proceri, ut elephantos veluti equos facillima insultatione TRANSILIENT*, id est, *insiliant, conscendant*; quam meam conjecturam firmat omnino Mela 3. 7. *Ita proceri, & corpore ingentes, ut elephantis etiam, & ibi maximis, sicut nos equis, facile atque habilitate utantur*; vides, vir eximie, Melam dicere, *elephantis uti*, i. e. iis insidere, in iis equitare; & hoc Solinum exprimere per *elephantos transilire*, quæ bina loca me tibi debere fateor, cum eadem laudes p. 168. & *transilire* videntur usurpasse, quia pede sinistro transilite equum, qui in equum insilit, vel eum conscendit.

Quod pag. 198. ex Jobi 22. notas, *Ex Septentrione aurum provenire*, diu quæsi; cum illo capite non viderem agi de auro Septentrionali, sed memorari in vulgata versione v. 24. *torrentes aureos* apud Septuaginta *ὡς πέρρα χειμάρρως Σώφρι*, nec non apud Belgas, *gout van opbir*. Sed tandem tamen cap. 37. v. 22. repperi locum, quem credo te ante oculos habere. *Ab aquilone aurum venit*; & pulchre quidem locum illum argumento tuo illustrando inservire facis, idque patiuntur leges panegyricorum; sed tamen mihi vix verisimile, latere thesauros immensos posse in ultimo Septentrione; & nosti, plerosque interpretes aliter longe hæc verba radiantia explicare, & eos, qui non putant sensum hic metaphoricum esse, decurrere ad Pannoniam, Bohemiam, Austriam, & interiorē Germaniam: quanquam mihi mirum videatur ad regiones ignotas, tam quoad situm, quam quoad fructus & genium terræ, Eliu, Jobi amicū, posse respicere; & cum orientales per *aurum* designaverint omne, quidquid pulchrum & excellens, crediderim Boream laudari a serenitate, & puro splendidoque aere, quem ventus ille depulsi nubibus efficit; atque ita etiam hic locus inservire potest laudibus Aquilonis.

Pag. 214. Memoras *maximas in Septentrione aquilas, gryphos robustissimos, hominibus ac equis metuendos*. Doce me, quæso, quales aves sint gryphi; nam fabulosi plane sunt, quos pictos videmus in nummis, & qui nobis alati describuntur a veteribus. Et cum multi eos putent *magnas aquilas* esse, & tu, vir eximie, *maximas* celebres, ego capere non possum, quales profecto *aves robustas & magnas* habeas ante oculos.

Atque hinc vides, me haud tralatitie perelegantes libellos tuos legere, illosque subinde mihi occasionem præbere de locis nonnullis differendi, idque eam solum ob causam, quia omnium opti-

me dubia tollere, & ita auctores veteres, qua va-
les ingenii felicitate, illustrare potes, id quod te
nunc etiam facere velle, summopere peto.

Clypeus, cujus ectypum Woodwardus mihi
misit, ferreus est, nec dubito, quin idem sit,
quem tecum communicavit diligens ille naturæ
mysta. Video autem, me male cum æreum facere
in proxima ab hac epistola; nec certe in eadem
dixi, in clypeo illo *gruem* nobis exhiberi, sed
me, præter ectypum ejus, etiam nactum esse ecty-
pum Deæ, quam propter *gruem* comitem credo
VIGILANTIAM esse; inspicere quæso verba
mea, & videbis, non aliter hanc rem sese habere
posse.

Recte autem tarditatem meam accusas, & ne-
glectam, qua Reipub. literariæ me obstrinxi, fi-
dem; aliter factum, fateor, oportuit, & jam non-
nullæ mearum lucubrationum debuissent adspice-
re lucem publicam, & in celebritate, si modo id
mererentur, versari. Sed tamen nunc id operam
dabo fedulam, ut typis describantur, & spero
procul a nobis fore, quod addis, cum me mors op-
prefferit, credo. Nam vel tua causa opus matura-
bo, uti cognoscere & emendare possis, quæ ho-
ris subcisivis, & minime perpetuis commentatus
sum.

Nosti inter lucubrationes meas esse Historiam
Gordianorum retractatam & auctam mirifice, me-
que etiam varias illi adicere dissertationes, qui-
bus multi illorum aliorumque temporum ritus il-
lustrantur cum Historia. Una earum agit de num-
mis Gordianorum & Tranquillinæ, qui mihi vi-
dentur non satis accurate explicati esse, & ea oc-
casione examinavi etiam illum Augustæ illius,
quem pulchre explicasti, & in quo cerni existi-
mas *Tranquillinam nudam*. Ut verum fatear,
hoc mihi contrarium esse videtur pudicitæ ejus,
nec credo, unquam aliquam Augustarum ita pi-
ctam esse, nisi quando stulta superstitio easdem,
ut *Veneres* repræsentavit. Multæ mihi rationes
sunt, ut persuasissimum habeam, *Apollinem* in tuo
illo pereleganti nummo cerni, quas tecum com-
municare equidem vellem, si huic desiderio meo
& petitioni, qua es summa facilitate, annuere ve-
lis. Magliabequius non dixit ultimum valere re-
bus humanis, sed post gravissimum morbum in
locum, unde dejectus erat per illum, restitutus
est, ita tamen, ut diu oculis laboraverit, & for-
te adhuc laboreat; magna autem scenæ mutatio &
conversio facta est, is qui antea in ædibus nonnisi
libris plenis, & nulla alia fere supellectile exor-
natis degebat, nunc in aula Magni Ducis, & cu-
biculis splendide excultis vitam agit, senexque o-
ptimus carpento vel curru pensili Serenissimi Ma-
gni Principis in palatinas aedes accitus est, ibique
agit vitam beatam, uti me certiore fecit Fonta-
ninus: qua occasione, in responso ad eum dato,
facere non potui, quin celebrarem hanc in viros
eruditos Principis juventutis propensum & proli-
xum animum.

Montfauconii Palæographiam Græcam ferunt
jam typis descriptam esse, non secus ac Bandurii
Antiquitates Constantinopolitanas exceptis num-
mis & alijs magno numero figuris. Joh. Clericus
nobis dabit propediem post illustratos V. Mosis li-
bros, commentarium suum in omnes reliquos
Veteris Fœderis libros Historicos; & Josias Bar-
nesius, edito Anacreonte clarus, totus est in illu-
strando Homero, uti ambo illi eruditionis excel-
lentis viri, mihi commodum significarunt. Ma-
nibus ipse meis tractavi nummum æreum, cujus
in una area eques longam tunicam indutus, pe-
des stapedibus fulciens, & humero dextro gerens

A clavam, quam nos vocamus *ven Margenstern*,
quod instrumentum bellicum proculdubio cogno-
scis, additur Inscriptio RVS COME, & post
eum stat alia persona itidem tunicata ultra genua;
in altera area picta est Maria Jesum brachiis te-
nens puerum, & sedens; cum hisce literis
MTE... N... reliquis detritis. Quid hæc ænig-
mata sibi velint, juxta cum ignarissimis scio, quan-
quam ad RVS. suadere aliquo modo videatur, in
Russia vel *Muscovia* eum signatum esse, nisi in ea
parte Polonia hoc sit factum, quæ etiam *Russia*
vel *Rus* dicitur. Intende, quæso, felicitis ingenii
tui nervos, & me ex difficultatibus eripe: nunc
hisce frui & vale, atque me, quod facis, ama-
re perge. Vale.

Day. 10. Aug. 1708.

P. S. Sidonium video Carmine 7. v. 8. vocare
L. Scipionem *Afiagenem*, notatque Savaro, eam
vocem dici simili compositione, qua Agrætio *In-
digenes*, quæ quidem terminatione sibi similes
sunt, sed *Indigenes* is dicitur, qui in loco natus
est, at Scipio in Asia non fuit genitus. Sirmondo
pariter, ac tibi, nummi, de quibus agimus, su-
specti sunt; interrogatque Lecturos, unde enim
in nummo Romano & Græcum & insolens vocabu-
lum? quo eodem argumento me usum esse perspe-
xisti; quin & idem vir doctissimus notat, se in
libris Livii aliud hactenus Scipionis cognomen
non invenisse, quam *Afiaticus*. Neque tamen
dubitandum, quin Sidonius ad *Afiagenes* invene-
rit apud aliquem ex veteribus, vel *Afiagetes*, vel
Afiagenetes, quomodo etiam scribere potuisse Si-
donium putat Sirmondus; & certum est, Diodo-
rum L. Scipionem appellavisse *Afiagenem*, quod
D cognomen Græci videntur illi dedisse, quia Lati-
norum *Afiaticus* etiam eum designet, qui in A-
sia natus est, qualis cæteroquin iis appellabatur
Ασιατικός, uti ex Strabone, & Stephano, nec non
Cicerone patet; quomodo etiam Quintilian. *A-
fianos* vocat oratores, qui sequebantur genus di-
cendi Asiaticum, qualis Character *Ασιατικός* dici-
tur Straboni, uti pridem notatum erudit.

Sed cum Septentrionalium rerum peritus sis in-
primis, doce me quæso, quando Moschoviæ no-
men regioni, quam nunc incolunt, datum sit;
nam *Moschi* laudati Melæ, Plinio, Lucano, a-
liis, & quos Cn. Pompejus scribitur debellasse ex
Plutarcho, huc non pertinent; hic tamen tan-
tum p. 637. memorat *Montem Moschium*, sed
Moschorum non meminit, gentesque ad illum
montem sitas Iberosque a Pompejo victas narrat.
Nam *Moschi* illi fuerunt positi inter Caspium ma-
re & Pontum Euxinum, unde an in *Moscoviam*
penetraverint, & vastæ illi regioni nomen dede-
rint, uti nonnulli statuunt, ego quidem incer-
tum plane esse duco; cum & in eo Septentrionis
tractu ejusdem nominis mons, fluvius, vel popu-
lus potuerit fuisse, quomodo & Moschus fluvius
Ptolemæo memoratur in Myfia Superiore; quod
etiam a variis sæculis obtinuit ille, cui Moscoviæ
Metropolis imposita est.

Atque ita etiam doceri equidem summopere vel-
lem a te, vir amplissime, quando primum *Russie*
nomen innotuerit, si forte inde nummo, de quo
egi, aliqua lux accendi posset: in eo clare legitur
RVS, & Polonis *Russia nigra* appellatur *Char-
na Rusz*, ad differentiam *Albæ*, sive Moscoviæ;
& cum nesciam, an Moscoviæ usi sint unquam li-
teris Latinis, nescio quantopere mihi blandiatur

Russia Nigra, quia Poloni diu eandem adoptarunt. *Ruffos* memorat Mamertinus in panegyrico; sed nescio, an ausim eos mutare in *Ruffos*; & ita nomen illud satis vetustum foret. Sed *Boreas* tuus iterum me vocat, quem Ovidi alicubi ita adloquitur,

At tu de rapidis immanisvetissime ventis.

& qui ipse lib. 6. *Metam.* sese describit,

Et freta concutio, nodosaque robora verto.

cujusque violentiam pulchre cecinit Virg. 3. *Georg.* ver. 196. Hic igitur *Boreas*, in arca Cypseli apud Pausan. lib. 1. Eliacor. vel lib. v. fuit sculptus Orthiam rapiens, & habens loco pedum caudas anguim; *ἔπει δὲ ἀντὶ ποδῶν εἰσὶν αὐτῷ*, quod quare sit factum, mihi equidem latet, nisi ad damna, quæ sæpe vehemens nimis infert agris, arboribus, tectis, respiciatur.

Quæcunque tandem hujus picturæ causa sit, ego equidem optarem, ut *Boreas* hic flaret placidus, & nubila depelleret, licet imbre nostro Africa, vel alia regio dives fieret; quomodo scis pulchre de ea docta loquendi ratione differere Gevartium, virum certe præstanti eruditione, in *Electis*. Nam media æstate, & sidere caniculari ferè nili nubes, & pluvias experimur, & anni tempestates videntur plane mutatae atque conversæ esse. *Boreas* apud Ovid. sese effert hac laude:

Apta mihi vis est, qua tristia nubila pello.

Et si Deus per eum differre humida nostra vellet nubila, magnas, imo maximas profecto eidem gratias ageremus. Sed quo provehor? vides me libenter tecum confabulari; sed modus in rebus debet esse. Vale quapropter iterum.

Commodum ad me adferuntur *Vindiciæ Veterum Scriptorum contra J. Harduinum S. I. P. Ad ditæ sunt viri eruditi Observationes Chronologicæ in Prolusionem & Historiam veteris Testamenti*, Roterod. 1708. La Crocius Sereniss. Regi Borussiae a Bibliothecis auctor pulchræ istius est lucubrationis, qua destruit ingens ædificium penitus, quod Harduinus male sanis cogitationibus & ratiocinationibus super imposuit. Opusculum illud vir insigni eruditione & modestia mihi dedicavit, quo nomine multum me illi debere confiteor; & hic honor mihi in memoriam revocat alium, quem mihi itidem habuisti olim, quoque me (licet ab omni jactantia alienus sim plane) subinde efferre soleo, quia inter sæculi hujus eruditos primum locum occupas; cumque jucundum sit laudari a laudato viro, ego facere non possum, quin novas tibi gratias ea de benevolentia agam. Chronologicæ Epistolæ Auctor, Alphonsus Des-Vignoles Verbi Divini Minister Dorotheopoli. Vale tertium. 12. August. Da veniam lituris.

LXXI.

Nobilissimo, & Amplissimo Viro

GISBERTO CUPERO

S. P. D.

OTTO SPERLINGIUS.

GAudeo Te saluum & incolumem videre, Vir Consultissime, in literis Tuis, quas ad me dedisti XII. Aug. hujus anni. Ex quibus video, meas priores nondum tibi traditas esse, quas perferendas tradidi Ephoro Nobilissimi Domini de Knuth, Petro Cluverio, homini docto; miror illas neglectas fuisse Tibique nondum traditas. Difficile erit omnino earum exemplum Tibi mittere, quoniam soleo literas meas ad Viros doctos, & Tui similes, in chartulas conjicere tanquam in folia Sibyllæ, quæ nunc mihi disturbata jacent, propter migrationem, & mutationem domus, quam hoc anno facere coactus fui. Quamprimum illas reperero, exemplum Tibi mittam: deperditæ enim esse nequeunt, nam prolixiores sunt, & alicubi in schedis meis latitant, quas perquirere Tui causa, Vir Optime, non desino, licet tanti non sint; ut ad ultimas Tuas respondere propterea ulterius differre debuerim.

Quæ de L. Scipione Asiagene commentatus es, valde mihi placuerunt, quod meæ sententiæ *ὑπερασπισαί* sint, & quod Vaillantium monuisse scribas, talem nummum in Græcia alicubi, vel in Asia procusum esse, ubi degebat, & res gerebat L. Scipio. At quod Latinis literis illic locorum expressi sunt nummi isti cum ASIAG. non miror; Græcia tota & Asia maritima jam Romanis subacta, illorumque litteras illic frequentatas esse oportuit, inprimis in nummis, quos tunc libenter Latine loquentes accipiebant Græci & Asiatici; neque enim sine illis stipendia militibus solvi poterant, & milites tales denarios erogabant populis devictis, ut victum iis quærent, quos recusare isti populi subacti non poterant; Romanis moribus jam adfuescentes post victorias illorum. Locus Livii, quem indigitabam, est l. 39. c. 44. ex editione Gronovii Amstelodami 1664. 8. ubi exstat: *In equitatu recognoscendo L. Scipioni Asiageni adeptus equus*, quibus verbis hanc notam addidit, *Legendum esse ex scriptis L. SCIPIONI ASIAGENI defendimus Observat. l. 4. 25.* Reliquæ omnes editiones præferunt L. SCIPIONI ASIATICO. Sed cur hoc uno loco ASIAGENI legendum sit in Livio, nondum video; quum Livius idem quamplurimis locis aliis eum *Asiaticum* constanter scripserit.

Vix enim credo, L. Scipionem eo tempore, quo equus ipsi adeptus, adhuc in ASIAM missum fuisse, aut res ibi gessisse: nec puto Livium ita a se ipso discessisse, ut omnibus aliis locis ipsum Asiaticum vocaverit, sed eo solo loco *Asiagenem* scripserit, ita ut per *Ἀσιαν* forte quandam eum Asiaticum illo loco vocasse, quod cognomen postea adquisivit in Asia.

Gratias ago Tibi maximas, quod Varronem mihi conciliaveris, & de ventis eum locutum, quod phrenetici filii Septentrionum sint, probaveris, sed non adeo phrenetici sunt isti venti, quin tales esse debeant, contra austros immanes, ipsis ingruentes, ut a se illos majore vi repellere possint: non ideo phrenetici vocandi, sed propugnatores suarum regionum, ne ab Austris pluviis mergantur, & Austrinis locis suum auxilium mittant, quibus

sunt maxime *πυγῶδες* hi venti, optantque incolæ Boreæ venti auxilia, quibus recreentur, quod meminime docuisse adeo, ut sive de ventis, sive de hominibus phrenetici illi filii apud Varronem intelligantur, injuria fiat Borealibus ventis, qui Etesis suis tantum beneficium cum Africanis & Æthiopicis communicant, ut contra æstus illos austrinos subsistere, spiritumque liberiores ducere queant.

De transiliendis equis apud Germanos & alios populos, qui extra Romam & Græciam parum edocti erant de more desultorum, tuæ plane sententiæ sum, illud transilire esse a fesso in alium equum recentem transcendere; quod & hodie observant militares Viri, qui dextrarios secum eo fine in aciem & prælia ducere solent, ut transcendere & transilire possint in alios, cum opus est.

At quod aurum tantum ex Septentrione ultimo videaris negare provenire, legas Paracelsum, legas itineraria Septentrionalia, quæ hoc affirmant, tantum auri in Septentrione latere, quantum haud alibi. Vix enim metallum aliquod illic locorum sine auro gignitur, aut effoditur, quod hoc anno, dum hæc scribo, Italus quidam Grimaldinus docuit; qui ex mineris æris Norvegici tantum auri via separationis, ut vocant, eduxit, ut his motus Augustiss. Rex noster eum Præfectum minerarum & metallorum supremum in Norvegia constituerit. Incredibiles sane sunt auri thesauri in Septentrionalibus, modo sufficerent metallarii illis quærendis & effodiendis & exercendis. Ex argento hætenus aurum habuimus præstantissimum magna copia, ex quo quoque Ducatus Hungaricis pares prociidimus, quod ille nummus confirmat, cujus mentionem injeci. Ex ære nunc quoque aurum discimus extrahere magno cum fructu. In Auri mineras puras nondum incidimus: non quod non sint, sed quod mineris aliis multiplicibus metallarii sint intenti & occupati, nec sufficiant aliis quærendis. In Itinerariis meminime legisse Forbifferum incidisse in ultimo Septentrione nostro in montem aureum, ex quo 22. tonnas impleverit, & secum abduxerit; qui mons licet obvius fuerit, ab incolis tamen neglectus jacuit & jacebit, quod mineras illi tractare nesciant, nec curent, quod auro non indigeant in suis permutationibus & commerciis: adeo ut Jobi verba, Ex aquilone aurum provenire, simpliciter sint intelligenda, & experientia hodierna magis magisque vera esse probentur.

De Gryphibus præterea, Vir Excellentissime, dubitas, an ullibi sint aut fuerint. Noli dubitare; sunt nobis in Septentrione ultimo tales aves distinctæ & magnitudine, & peninis versicoloribus ab aquilis, quæ subfusci coloris in Septentrione nostro capiuntur, magno satis corpore, quarum una adhuc alitur in aula Augustiss. Regis nostri viva. Et quamvis raro capiuntur Gryphes, tamen veteres Græci, qui illos ex Septentrione habuerunt, non alio nomine quam Septentrionali *γρυπας* appellarunt, & finxerunt Apollinem suum redeuntem ex Septentrione gryphibus currum suum junxisse; Est enim plane Septentrionalis linguæ nomen *Gryphes* Danis; nam *Griffn* a *Gribn*, quod est unguibus capere & tenere, quod faciunt gryphes isti, ut aquilæ, ut accipitres, & aliæ aves rapaces, nisi quod gryphes majori robore polleant & capiant, quam aquilæ & accipitres. Quin & Belgica vox *grypen* ab illis avibus descendit, & Saxonica inferior, quæ *gripnu* inde retinuit, ut & Germanica superior, quæ hanc avem *ein Greiff* vocat; & *Greiffen* tali modo apprehendere, ut solent illæ aves robustissimæ, hominibus & equis metuentæ, idcirco non faciles captu. Tota tibi antiqui-

tas contradicit, illas aves non fabulosum quid esse, sed revera existisse & existere, quum illis plenæ sint antiquorum historiæ, omnesque ex Septentrione illas producant. Non ego quidem gryphes unquam vidi; sed & Septentrionalium historiæ illas sæpius & sæpiissime adducunt, ut frustra illud nomen esse nequeat, aut fictum. Unde etiam qui aves descripserunt, non omiserunt Gryphes illas annotare, Gesnerus, Aldrovandus, Jonstonus, & alii plurimi. At quod in nummis non sua magnitudine repræsententur, aut robore, aut colore, quod fieri non potuit in nummis, illud tamen non obstat, quo minus eas esse & fuisse sentiant.

Bene & optime facis, Vir Magne & Maxime, quod lucubrations Tuas publico non amplius invidere velis, & quidem mei causa, qui silicernium nunc esse cœpi, agnosco amorem, quo me prosequeris, non vulgarem. Deus Tibi largiatur, ut possis commode, nihil enim mihi gratius accidere potest, quam tua legere, ad quæ nunquam accedo, quin inde doctior discedam: sunt enim plena eruditionis omnis Tua. Et si impetrare a Te possem, Vir Optime, ut Catalogo quodam designare mihi velles, quæ hætenus abs Te edita sunt, gratissimam mihi rem faceres, & curarem, ut omnia Tua Bibliotheca mea cum osculis & gaudiis tanquam *νεμήλια* veneraretur, quamvis raro ad nos talia perferantur.

In nummo Tranquillinæ meo, non Apollinem, sed fœminam vides ad citharam stare, nudam ut Venerem ipsam, qua dotes formæ Tranquillinæ, & ob citharæ divinos cantus, illam ut Deam & Venerem ipsam colendam præfigurare voluerunt nummi inventores & sculptores. Nec Te plane ab illa sententia alienum esse Tua verba testantur. Si minus figura nummi fœminam repræsentat, originale illud, quod habeo, Te satis docere poterit, fœminam ludere cithara, non Apollinem; nam & capitis ornatus fœmineus est, & membrorum compages tenerrima illud demonstrant.

Jam quod quæris de Moscovitis & Russis, meminime Tibi, Vir eruditissime, in prioribus meis declarasse, Russos primum in Asia habitasse, non procul a Moschis, illis Asiæ populis, atque PΩΣ Cedreno vocatos esse. Sed cum conjuncti Græcis Imperatoribus Religionem Græcam susciperent, in Bulgariam primo semet infuderunt, ubi diversati imperium ulterius versus Septentrionem, ubi nunc habitant, extenderunt, & Livoniam Lithuaniamque usque ad Poloniæ limites occuparunt, unde Russia Alba & Nigra exortæ sunt. *Charna* enim Polonis nigrum significat, ut *charna Bock niger Deus* ip-sis est. An Moschos Asiaticos secum comites habuerint in suis migrationibus, ut videtur, non equidem negem, nec satis affirmem, quum illorum monumenta sint obscura; ego tamen fluvium Moschum, ad quem hodie Moschua civitas principalis Russorum sita est, a Moschis in Asia Russos concomitantibus, nomen accepisse non dubitem asserere, eosque Moschos illic sedes posuisse primas, unde hodie Moscovitæ dicuntur omnes Russi: nam in Septentrionalibus historiis nostris illud nomen fluvii, aut gentis Moschorum non reperitur, sed ab ipsis Russis & Moschis, illorum sociis, hoc nomen fluvio & civitati datum esse sequitur, idque post annum Christi 1200. quando Russi, & Moschi has oras usque ad mare Balticum occuparunt, & Poloniæ quoque partem sibi subjecerunt, adeo ut in hunc usque diem Poloni universales suos conventus, non aliter, quam *Pospolite Russenie*, nominent, quando omnes Nobiles totius Poloniæ conveniunt: de quibus Herbersteinus, & Matthæi Prætorii Orbis Gothicus

consulendi sunt, alique Polonici Scriptores, quos nunc non vacat evolvere, & particulas illas excerpere, quæ ad Russos & Moschos pertinent.

Quod Tu autem, Vir Politiff. apud Mamertinum legere voluisti *Russos* pro *Ruffos*, in tuam plane sententiam condescendo, ita legendum esse: sunt enim Russi satis antiquus populus apud Scythas, nunc Tartaros, progenitus; & in Asiam ac Europam hoc suo nomine diffusus, nomenque Asiaticum adhuc retinens, & ad Pontum Euxinum ac Caspium fines suos hodiernum extendens.

Cæterum multo plura mereris, Vir Magne & Illustris, quam meam pauperulam dedicationem, si scire posses, quantum Te amem & æstimem, ob studia Tua eruditionis omnigenæ semper plena, non dedicatio una vel plures Tuis præconiis sufficerent.

Jam quod quæram abs Te, Oraculo meo plusquam Pythio, superest de Alexandri M. nummis, quos Goltzius in sua Græcia nobis expressit, & num ad Alexandrum M. ejusque tempora referantur, valde enim mihi suspecti sunt ob Νεαρόρες Macedones, qui in illis reperiuntur, Civitates enim Νεαρόρες, ad illam ætatem minime pertinere posse judico, quas ultra Imperatores Romanos vix initium accepisse hætenus credo: nisi Tu quid dissentias, docte Trebati.

Nihil etiam me monuisti de Adriani Relandi & Joh. Bapt. Ottii Dissertationibus de nummis Samaritanis, ubi meam de Judæorum nummis sententiam, nunquam illos nummos procudisse, aut procudere voluisse, ex Samaritanis illis impugnare voluerunt. Legi illorum dissertationes & perlegi hisce diebus monitus ab aliis; & sciatis, multa mihi esse, quibus sententiam meam tueri possem, sed nolo doctissimis illis Viris, me sane doctioribus in Orientalibus linguis, adversari. Ad nos jam quoque nunciatum est, Jacobum Gronovium, Virum eruditum & Magnum Magni Parentis filium, in agone jacere, aut jam subito decessisse: doleo tantos Viros nobis eripi in flore ætatis, meque superesse debere his jacturis. Tu vero vale diutissime, Vir illustris, meque semper ama, qui somni fratrem in dies expecto, ad hospitium nunquam rediturus, quod muto & relinquo. Iterum iterumque salve & Vale. Dabam Hafniæ a. d. 27. Octob. Anni MDCCVIII.

Si Tuas ad me rectius curare velis, inscribas illas sub involucro ad Dn. Goes Legatum Residentem Ordinum Hollandiæ in hac aula, qui Tuas & meas se curaturum promisit.

LXXII.

Amplissimo & Præstantissimo Viro

OTTONI SPERLINGIO

S. d. D.

GISB. CUPERUS.

IN manus meas pervenerunt literæ, quas ad me Hafnia dedisti septimo & vigesimo Octobris proximi die; & quo minus iis citius respondere potuerim, fecit Conventus Ordinum hujus regionis, habitus mense Novembri, & inde alia suppullulantia negotia.

Multum autem tibi debeo, quod tam accurate quæstiunculis & dubiis meis responderis, & lætor earum nonnulla tibi non displicuisse. Mirum profecto est, Livium loco a te mihi suppeditato vocare Scipionem *Asiagenem*, & aliis omnibus *Asiati-*

cum, idque per prolepsin, quæ omnino tecum admittenda est. Sed tamen Gronovius lib. 4. observ. testatur, in optimis mss. ita ibi legi, sive scripturas eo alludere corruptas parumper, & multis iisque eruditis hanc lectionem defendit, illiusque judicium sequitur Ill. Spanhemius p. 526. Dissertat. edit. Amstel. cumque ille nummos, in quibus ASIAG. vel ASIAGENES scribitur, judicet genuinos esse, ego malo viro tanto accedere, quam diutius hæsitare, vel ea in re disputare; & Gronovius, uti dixi, mirifice hanc defendit scripturam in Observationum libro IV. qui editus est Daventriæ a. 1652. 12. unde & illum ut singulare munus a me accepit Abbas Passioneus, insigni eruditione, & comitate præditus, quem summo meo cum gaudio per decem dies mense Decembr. ædibus meis excepi, cum mei visendi causa hanc in urbem sese contulerit. Quod si tibi narrare occiperem, quam erudite; & quam pulchre dies eos transmiserimus; mirareris profecto, unde tam exquisita doctrina ad octo, & viginti annorum Juvenem, & quidem Illustrum, opibusque Romæ abundantem, pervenerit. Te cum Varrone in gratiam rediisse, & probare expositionem phraeos *transilire equos*, summopere lætor; inde incidi in alium auctorem, qui non aliter loquebatur, & mirifice opinionem nostram confirmabat; sed numeros memini, verba non teneo.

Concedo tibi, in ultimo Septentrione, Norvegia, & finitimis regionibus auri metalla inveniri; sed mihi persuadebitur difficulter, Jobum eo respexisse, cum totus ille tractus proculdubio viro pio fuerit ignotus, unde nec Germaniam, vel Pannoniam &c. admittere possum, quas advocant præstantes eruditione Viri.

Atque ita quidem agendum hac in re esse existimo, ut primo videamus, quæ regiones auriferæ versus Septentrionem Arabiæ sint, & quos tractus designare S. Scriptura soleat per Septentrionem. Non puto me erraturum, si existimem, Colchida & vicinas regiones posse huc pertinere; notus satis superque Phasis Auriferus, & inde absque dubio nata historia aurei velleris; nec a ratione alienum, istius regionis mercatores negotiatos esse per Syriam, Arabiam, vicinasque regiones. Deinde S. S. per *Septentrionem* animadverti denotare Babylonem, regnumque totum, quod illius Regi parebat, cujus magna pars versus Septentrionem fuit remota, & mare Caspium, uti patet ex Ezech. 46. 10. & 24. 26. 17. & ita Persæ attribuuntur Septentrioni respectu Babylonis Jerem. 53. & 9. Jam ne dubitandum quidem est, quin in illis terrarum tractibus fuerint aurifodina; quam in rem si quis evolvere, vel scrutari veller auctores veteres, non dubito quin illas, & forte etiam flavios auriferos inveniret.

Gryphes, id est magnas aves facile admitto, & nomen ipsum Scythicum Germanicumve esse concedo itidem; sed volo meras aves, non talia monstra, qualia sibi finxit credula antiquitas; nempe rostris crassis, alis, & posteriore corporis parte leones referentia, quomodo pinguntur in nummis & veteris ævi aliis monumentis.

Edidi, quia & hæc te cura sollicitat, tres libros observationum, & inde aliis typis quartum; Harpocratem, Apotheosin Homeri, Notasque in Lactantium de Mortibus Persecutorum; & credo me hoc ipso anno alios nonnullos publicaturum, ut tandem tibi aliisque satis faciam amicis, qui illud a me convitio quasi efflagitant. Libri autem editi omnes alteram fere partem auctiores sunt, & notæ illæ facile in ordinem redigi, & typis describi possent; sed typographi bellum & exemplaria nondum distracta omnia causantur.

De Tranquillina nihil muto, & persuasus sum

Apollinem loco illius nobis repræsentari, quia mihi parum pudicum videtur, & a Majestate Imperii alienum, Augustam castam & prudentis optimique Mithrei filiam ita exhibere, nec puto aliquem ex Gordiano Pio facturum Candaulem. Sed nolo hac super re tecum, vir Illustris, ferram reciprocare, quanquam mihi rationes complures sint, ut id sentiam, & ut loca nonnulla aliter explicem, quam factum est. Quæ de Moscovitis, & Russis mones, perplacent, & lætor summopere ultimos reddendos esse Mamertino etiam ex tua sententia.

Alexandri Magni numismata varia sub Imperatoribus Romanis *φιλαλεξάνδροις* signata sunt, quales fuerunt Caracalla, & Alexander Severus; & recte eo refert illa, quibus inscripti sunt *Νεώποροι*, quia is mos non videtur antea obtinuisse; quanquam ex Apostolorum Actis pateat, quodam modo urbes a diis magna religione, & sumptuosis templis cultis in iisdem, sese ita appellasse; & inde hanc adulationem ad Imperatores defluxisse.

Et certe nummos Alexandri Magni sub iisdem percussos esse, patet satis superque ex picturis, quæ tam illis, quam hisce insculptæ sunt; id quod nos docent Regis illius, & Imperatoris Caracallæ, apud Patin. pag. 12. & 306. quam in rem etiam videri potest illustris Spanhemius pag. 382. Dissertat. edit. ult. nec non in epistolis ad Morellum.

Gronovius diem non obiit extremum, sed vivit valetque. Dicitur manus admovisse novæ editioni Minutii Felicis, accensus a Davisio Britanno, qui haud illepide auctorem eundem vulgavit anno proxime elapso.

Relandus parat novam editionem Dissertat. Miscellanearum, & Nummorum, quos vulgavit, Samaritanorum, nec non dissertationem de Nummis Hebræorum, qui ex Gallia ad eum sunt missi.

Scis proculdubio, doctissimum la Crozium Regi Borussæ a Bibliothecis dejecisse plane Systema Harduini, edita dissertatione, qua veteres auctores vindicantur, quamque mihi dedicavit; sed hoc antea significavi, & oblivioni veniam da.

Egimus ante binos, vel tres annos de *Serpentibus militibus*; tu illos fuisse adfirmabas, ego negabam, nec muto sententiam, licet Spartianus ita loquatur cap. 6. Carac. *Debinc per Cadusios fines, & Babylonios ingressus, tumultuarie cum Parthorum satrapis manum contulit, FERIS etiam BESTIIS in hostes IMMISSIS*. Nam quamvis eo nomine serpentes venire possint, tamen ego puto, designari leones, pantheras, ursos similiaque animalia, quæ Romæ in noxios immitti solebant, & quales forte secum habuit monstrum illud Imperatoris, ad edendos in ipsis castris, vel in urbibus, quas transibat, ludos sive spectacula. Vale summopere, & rem Literariam feliciter gere & promove.

Davent. ipsis Nonis Febr. 1709.

LXXIII.

Nobilissimo & Amplissimo Viro

G I S B E R T O C U P E R O

S. P. D.

O T T O S P E R L I N G I U S.

Lætatus fui summopere, literas Tuas ad me salvas pervenisse, quas Nonis Februarii hujus anni ad me perscripsisti. Nam filius ipse Dni. de Goes eas ad me apportavit, ut non dubitem, hac via securius literas nostras in posterum commearas.

Quæ vero de L. Scipione Asiagene mones, jam legi, & in literis meis deperditis ad Te me memini adduxisse, ita ut sententia maneat, Nummos illos cum ASIAG. non Romæ, aut in Latio profectos esse, sed alicubi in Græcia Asiatica, vel Europæa, & Græca lingua illum *Ἀσιαγενῆ* vocatum esse, qui Latinis semper est ASIATICVS. Unde Livium male correctum puto unico illo loco, quem indicavi, cum in quamplurimis exemplaribus etiam illo loco ASIATICVS legatur; licet unum, vel alerum MStum. Asiagenem forte præferant Græcanico more. Sed non invenio rationem ullam hujus vocis *Ἀσιαγενῆς* a Græcis ipsi contributæ; & adhuc hæreo, cur illum Græci sic vocare voluerint, qui non fuit natus in Asia, quod illud nomen omnino significat: nam propter res gestas in Asia L. Scipio *Ἀσιαγενῆς* dici non potuit. Voluit quidem Gronovius in Observat. causas reddere, sed mihi non satis facit. Maneat itaque Eruditis sua sententia, ipsum *Ἀσιαγενῆ* dictum esse, sed Græcis, non Romanis: nec audiatur Ant. Augustinus, qui ASIAGETES legi voluit; nec Fulvius Ursinus, qui ASIA.G. divisit, & ASIAT. G. N. F. esse legendum in Nummis credit.

De transfiliendis equis nulla nobis amplius controversia. De auro ex Septentrione vera quidem sunt, quæ affers, Eruditissime Virorum, omnes illas regiones auríferas intelligi, quæ Judææ ad Septentriones fuerunt, sed ita, ut Septentrio noster non excludatur. Nam & illæ regiones ad Septentrionem maxime sitæ sunt Judææ & Arabiæ, ita ut illas auro fecundas nostro tempore dicere liceat. Quis enim adhuc illas satis rimatus est? dicit Tacitus de Germania. Indicia quidem nobis sunt insignia, aurum in Septentrione nostro fecundari; sed nondum in horrea ista incidimus, quæ plena messe aurum nobis offerant.

Tempori & posteris hæc relinquuntur excutienda, cum Deo placuerit. Nam si cum ære & argento illic aurum est conjunctum non parva copia, ut tempora nostra docent, cur venas auri puri illic quoque reperiri posse desperemus? Adduxi exempla, etiam in ultimo Septentrione Gronlandiæ hæc auri metalla fuisse effossa: latent adhuc; aperientur proculdubio, si non nobis, at posteris. Quænam loca intellexerit Jobus, non adeo laboramus, an vicina Judææ, an ulteriora; locutus est de toto Septentrione: *Ex Septentrione aurum*, quod tam de nostra, quam de aliis Septentrionis partibus intelligi potest & debet. Et Septentrionis nostri partibus, secundum illud effatum, aurum nunquam deerit, sed horreis plenis & messibus aliquando protuberabit, si industria nostra accedere poterit. At quod de Phasi aurifera scribis, fateor me nusquam legisse, Phasidos amnem isto metallo clarum fuisse. Cholchidem quidem cum Phasi conjunctam auro pullulasse conjecturare possumus. ob aureum vellus inde

inde adductum, sed Phasidem aurum undis suis lavasse, nondum mihi occurrit, ideoque me doceri peto.

De Gryphibus avibus illis magnis & noxiis adhuc dubitas an fuerint; licet non fuerint illa figura, qua in nummis effinguntur posteriori parte leones referentes, fuerunt tamen, & sunt adhuc in Septentrione nostro, & aliis partibus Septentrionalibus, veramque illorum effigiem nobis dedit Philostratus in vita Apollonii Thyanaei pag. m. 152. edit. Parisin. cum versione Morelli, quæ licet sit mendosissima, typis tamen elegantissimis excusa prædiit. Ibi Brachmanes magicis artibus iniquatissimi, & omnia Indica scientes, Apollonium docent, ubi illæ aves versentur in India, qua corporis compage sint, & forma: quibus ignorantia culpam adscribere non possumus, utpote magis omnia callentibus. Quin & in Æthiopia illas reperiri idem Philostratus memorat p. m. 258. Si Scymphalides aves adducere liberet, quas Hercules ex Arcadia profligavit, & in insula Martis Ponti Euxini ab Argonautis sunt repertæ, atque pariter pullæ; si Harpyias Phineï, & quæ sunt aliæ veteribus cum stupore memoratæ, nihil nisi Gryphes fuisse intelligere debemus, aut possumus, fabulis licet involutas, quas etiam Apollonius Rhodius *δι πορτέρας* in Argonauticis vocavit, quod in alis suis magnam lædendi vim possederint; quæ sane indicant, tales aves monstruosæ magnitudinis semper fuisse, & non nisi ad Gryphes pertinere, antiquis & hodiernis raro quidem visas, ut pote quas nemo optat sibi occurrere, sed propterea inter non Entia ponendæ minime fuerint.

Quod in Tranquillina nummo Apollinem velis representari, facile patior hoc Tibi videri, quoniam nec habitum, nec gestus fœmineos agnosce dignaris, qui illam satis distinguunt ab Apolline. Neque enim ullibi Apollinem talem invenies, credo.

Quod edita Tua, Vir summe, mihi petenti recensere volueris, gratias ago; oblitus es Gordianos Tuos addere, quos dono Tuo, possideo; sed & liber quartus Observationum mihi deest, ut & Harpocrates, & Apotheosis Homeri, & Lactantius de Mortibus Persecutorum. Utinam otium Tibi detur, tam felix, tam pingue, ut reliqua Tua, quæ semper, ut eruditissima suspicio, elaborare possis, & cum orbe Erudito communicare, quam beatos nos faceres, & doctiores! Gaudeo quoque Gronovium adhuc vivere, Virum eruditionis non vulgaris, modo calamum non aceto nimio tingeret contra alios doctos. Relandi dissertationes recusari scribis, ut & dissertationem de nummis Hebræorum proditura. Nihil puto aget, Samaritanos vocando nummos, qui a Samaritanis nunquam profecti sunt. Alia sane mihi est sententia de Samaritano codice, & literis, quas Samaritanas vocant, illarumque ætate, quam quæ doctis hactenus placuit. Sed hæc inter nos. Nec ad forum meum illæ pertinent, qui satis habeo negotii in Septentrionalibus illustrandis.

Gaudeo quoque, quod meam sententiam de nummis Alexandri M. tam illustri Tuo testimonio approbaveris.

Tandem redis ad serpentes in aciem quondam productos, quod affirmavi, & affirmo, Te licet negante, & Livii locis apertis contradicente. Deceveram equidem nihil his respondere, quoniam tam severe Livio oblocutus es, Vir illustris & Doctissime, in Tui tamen gratiam adhuc certamen illud Tecum inibo. Nescio sane quid Te moveat; urfos, pantheras admittis immisos; canes etiam in acie steterunt contra hostes, & faces eo pertinent, & laquei quibus hostes circumretire, &

Supplem. Tom. IV.

capere consueverant, ut Aetes Colchorum Rex Iphin Argonautam apud Apollonium Rhodium lib. 4. & ejus Scholiasten legere poteris, nullam causam video, cur serpentibus solis inter rabida, & noxia animalia illas pugnas deneges. Fustibus, & saxis bella antiquis gesta novimus, arma quamdiu defuerunt alia, cur non serpentibus nocere hostibus etiam studuissent? Quid putas Cadmi fabulam indicare, qui Draconem productum in aciem cum militibus suis interemit, ejusque dentium dimidiam partem donatam accepit a Marte, dimidiam alteram Aetæ Regi Colchorum dono missam? quos dentes seminatos jussu Martis Viros armatos produxisse legimus, qui in seipso arma vertentes consumti sunt, præter quinque, quos in civitatem Thebanam Cadmus recepit. Num quid aliud, mea quidem sententia, inde colliges, quam, antequam arma sint inventa, etiam dracones, & serpentes in aciem contra hostes productos esse? Fabulas has esse meras respondebis: concedo, sunt fabulæ; ita tamen, ut res & nomina ficta non sint. Cadmum fuisse non negabis; serpentes fuisse, & cum iis pugnatum esse, ita ut catapultas etiam contra eos producere necesse habuerint, quis, quæso, negabit? Fabulæ sane sic sunt comparatæ, ut res & nomina vulgatissima, & omnibus notissima, veteres fabulis vestiverint, & ex veris rebus ac nominibus petita sint fabulæ omnes. Valeant fabulæ, discernantur a veris rebus, & nominibus, quid remanet veri, nisi serpentibus etiam pugnasse veteres contra suos hostes? Num frustra Medusæ caput anguibus armatum fuisse fingitur? Num Erinnyes, & Furia loco capillorum, anguibus frustra dici debent, aut possunt circumdatæ fuisse? Non puto. Quamvis enim hæc figmenta sint Poetica, petita tamen sunt omnino ex moribus veterum, qui quum ad bella pergerent gladiis nondum inventis, & reliquis armis, clavis, & fustibus, & lapidibus ac saxis hostes opprimebant, quin & serpentibus sibi familiaribus redditis, & omnibus, quæ natura furorque subministrabant, in hostem grassabantur: furor enim quoties non arma subministravit, & ministrat? Sic etiam Hecatē Dea anguibus caput coronatum habuit, apud Apollonium Rhodium l. 3. Argonauticor. v. 1213. *πέρτεξ δέ μιν ἐσθράωντο σμερδαλέοι δρύνιοι σιμὴ πτόρδοισι δρύνοντες*, & statim etiam canes ipsi adjunguntur subterranei *ἀμφὶ δὲ πύλῳ γὲ ὁ ξείν ὕλαν κύνες ἐφ' ἐγγύοντο*, quæ omnia huic Deæ tribuuntur contra hostes suos, qui incidere possent. Quod etiam Sophocles ante dixerat de Hecatē, ut est ibidem in Scholiaste Apollonii. Hinc Lucretius l. 5.

*Arma antiqua manus ungues dentesque fuerunt,
Et lapides, & item Sylvarum fragmina rami,*

Potuisset addere serpentes, nam & illæ tunc pro armis erant. Sed quod rarius adhiberentur, nec ita frequenter, ut cætera, omisit, 9633. Sed nolo omnia ista arma veterum in medium adducere, sufficit de serpentibus dicere, quod illæ quoque hostibus opponerentur, a bellantibus. Severi Imp. tempore cum bellum ipsi esset cum Atrenis populis prope Armeniam barbaris, & eorum Regem Barsenium, scribit Herodianus lib. 3. pag. mihi 150 edit. Boeclerianæ 8. eos se defendisse venenatis quibusdam bestiis immisis in milites Rom. eos obidentes: *σκόλη*, inquit, *κέρμεν πεποιμένον* *πληρὲς πινῶν μικρῶν μόν*, *ιοβόλων δὲ θηρῶν ἐπέβαλλον αὐτοῖς. καὶ διέμπιπτοντα ταῖς ὀφεί* *εἴ τι πᾶ παραγεγυμνωτο τὸ σῶμα λανθάνοντα καὶ παρσιόντα τιτράσκοντα τὸ αὐτὸς ἐλυμαίνετο*.

P

Quis dubitare potest etiam aspidēs venenatos his vasis reconditos jacuisse, ut hostibus nocerent? Nam si venenata quævis inter volucris conquiverant, cur non obvius magis in illis terris serpentes, & colubros etiam immisissent? De Marfis in Italia ἀσπιδοθήραις & ὀφιδιώταις Philoxeno dictis, legere potes Gellium lib. 16 cap. xi. unde Pomponius in Pistoribus foeminas Marfas serpentes incantasse prodidit; *Mirum ni hæc Marfa sit, in colubros callet canticulam*. Has venationes, & capturas serpentum intelligis facile non eo fine a Marfis institutas, ut incantationibus illos rumpe- rent, aut somnos inducerent, quod faciebant illi, qui serpentes fugare, aut ne se præpedirent, quiescere tantisper vellent; sed ut in bellum contra hostes educti, incantati rabiem suam in hostes efficacius exercerent. Sed & illas serpentes bestias affueferi posse & cicurari apud homines sine magicis artibus, aut incantationibus docet exemplum Ajacis Locrensis, de quo Protefilaus narrabat apud Philostratum in Heroicis p. m. 680. εἶναι αὐτῷ καὶ χειροῖν δράκοντα πενταπύχυν τὸ μήκος, ὃν συμπί- νων τε καὶ ἐννεύει τῷ Αἴαντι καὶ ὁδῶν ἡγείσθαι καὶ ἐυ- νομαρτεῖν ὅσον κύνα.

Num etiam cum & pro Ajace pugnasse hunc draconem in tot ipsius præliis negare quis velit? Afferam aliud exemplum domesticum Parentis mei p. m. qui dum in Italia non paucis annis versatus fuit, viperam secum in cubiculo suo educavit & nutrit, ex ipsius manu cibos, & aquam lubentissime acceperit, colla & sinum perreptabat, sed majoris securitatis causa illam exarmabat dentibus, quibus ledere posset, linteo quodam in fauces viperæ misso, quo retracto cum impetu, dentes sequebantur isti linteo infixi, quod, quoties repullulassent dentes, repetebat. Tandem apud ipsum mortem oppetiit, & exenteratam illam adhuc post ipsum in museo meo rariorum sic servari credo. Hæc non affero, quasi cum illis bestiis pugnatum sit contra hostes, sed ut videas, illas mansueferi posse, & versari cum hominibus, illisque libenter servire, etiam pugnis se offerendo cum opus erat. Audi vero etiam Lucianum in libello: πῶς δὲ ἰσορίαν γράφειν p. m. 685. Μέννηται γὰρ ὅτι ὀφθαλμῶν ἀπιστότερα γράφω τοῖνυν ἃ εἶδον ἐχθρὰ ἡκιστα καὶ ἔπος ἀκρεβῶς ἀπαντὰ ἑώρακει, ὥστε τὰς δράκοντας ἐφί τῃ παρδυσίῳ, σημεῖον δὲ πλήθους τῶν αὐτοῖς, χιλίας ᾧ οἶμαι ὀδράκων ἄγει ζῶντας δράκοντας παμμεγέ- θεις εἶναι γεννωμένους ἐν τῇ περσίδι μικρὸν ὑπὲρ τὴν Ἰβηρίαν. τῶν δὲ τῶς μὲν ἐπὶ κορυφαῖς μεγάλων ἐνδε- δειμένους ὑψηλὰς αἰωρεῖσθαι καὶ πόρρωθεν ἐλαυνόντων θεὸς ἐμποιεῖν. ἐν αὐτῷ δὲ τῷ ἔργῳ, ἐπειδὴ οὐκ ἔλα- σι, λύσαντες αὐτὰς, ἐπάφιασι τοῖς πολεμίοις, ἀμείλει πολλὰς τῶν ἡμετέρων ἔγω καταποθῆναι καὶ ἄλλας περιπειραθέντων αὐτοῖς ὑποπνιγῆναι καὶ συγκλασθῆναι. Ταῦτα δὲ ἐφ' ὧς ὅραν αὐτὰς, ἐν ἀσφαλεῖ μὲν τοῖς δὲνδρεσιν ὑψηλὰ ποιούμενος τὴν σκοπὴν. Illa quidem Luciano non falso narrata puto, & veri illud continere, qua ratione a vivis draconibus Scythæ tandem ad textiles illos in acie pervenerint. Prima enim ætas serpentes & dracones in aciem contra hostes eduxisse non semel legitur vivos. Et cum illud non semper succederet, nec vivi tanto numero haberi possent, tandem ad texta illa artificia draconum delapsi sunt, quibus terrorem incuterent contra se pugnantes. Quæ sane melius credi posse mihi persuadeo, quam Ili- dori originem, quam ad Apollinem Pythium draconem interimentem refert, l. 17. *Draconis, inquit, signa ab ipso Apolline morte draconis inchoata, debino a Græcis, & Romanis in bello gestari ceperunt*. Et recte Lipsius hæc carpit, dicens Græcos nunquam dracones inter signa sua habuisse, nullumque Scriptorem hoc commemorasse. De

Romanis vero constat, iis dracones in exercitu gestatos in usum fuisse, sed quos non ab Apolline Pythio, sed a Dacis, ut sentit Lipsius, post Trajanum, vel ut alii, a Persis adhibere didicerunt. Nolo adducere, quæ S. Scriptura passim alludit ad illos dracones, inimicos & hostiles, ab Eva incipiendo, quæ a dracone & serpente victa, malum nobis omne attulit, nec bellum cum dracone Michaelis Angeli Apoc. 12. quæ satis ostendunt bella cum draconibus olim gesta, & ad cœlestia applicata cum aliis, quæ passim in S. Scriptura occurrunt. Sed Tu, Vir Magne, in his antiquitatibus nimis es scepticus; ac decet nonnunquam esse, sed ita ne σάματα ὑπερπνέων arguamur, aut antiquitatem ipsam cum suis radicibus evellamus. Vale itaq; Vir illustris & Magnificus, & me Tui cultorem observantissimum esse credito, licet Epistolæ modum in his excedere Tui causa coactus fuerim. Salve & Vale diutissime.

Dabam Hafniæ a. d. vii. Aprilis Anni MDCCIX.

LXXIV.

Amplissimo Præstantissimoque Viro

OTTONIS SPERLINGIO

S. D.

GISB. CUPERUS.

Epistola, quam ad me plenam humanitatis, amoris, & doctrinæ præclaræ misisti vii. Apr. proximi elapsi singulari me itidem lætitia affecit, quia videbam ultimam meam recte curatam esse, & me nonnulla fuisse eadem comprehensa, quæ tibi placuerunt. Quæ de Scipionis cognomine differis, optime sese habent, & tecum omnino persuasus sum, Græcos *Asiaticum* Romanorum expressisse per *Asiagenem*, quamcunque tandem rationem habuerint illud nomen ita vertendi, cum proprie in *Asia natus* dici non possit Scipio.

Quod attinet ad regiones auríferas Septentrionis, credo facile in illo tractu metalla talia olim fuisse, & nunc etiam esse, sed nec dum persuaderi possum Jobo cognitum fuisse Septentrionem nostrum, & inde credo non potuisse eum habere ante oculos, cum dicit: *Ex Septentrione aurum*; ne jam dicam, alios eruditione præstantes viros locutionem eam aliter interpretari.

Fluvios Colchidis auri feraces fuisse olim, docet nos præclare Strabo p. 499. inter quos Phasim etiam numerari debere persuasus sum omnino; & inde putabam Luciano Phasim lib. 3. v. 27. appellari *ditissimam*, non quod fecundandi agros vim obtineat, ut Euphrates Nilus, alique fluvii, uti commentantur viri eruditi. Certe omnes, quando ripas suas egrediuntur, id faciunt; sed nollem tamen illis annumerare *Nilum*, quippe cujus fecundandi agros modus nihil commune habet cum aliis fluviis.

Gryphes fuisse & esse aves magnas facile concedo, sed contendebam fabulosam esse earum formam, qualem nobis repræsentant nummi, atque alia veteris ævi monumenta, nec non auctores veteres. Quin & illis non attribuerem tantam magnitudinem, uti avi *Ruc* dat M. Paulus Venetus lib. 3. c. 40. Region. Orient. quam scribit *elephantem* in sublime

tollere potuisse, qualia & Arabes memoriæ mandare docuit Bochartus. Fabulosa plane esse, quæ apud Philostratum p. 152. narrant Brachmanes, vel inde patet, quod aves illas *non plumatas* fuisse scribat, αἰὲν ὑμέρις τὰς πτερὰς ὑφανταὶ πύργοις, sed habuisse alas constantes ex pelle rubra; neque idem pag. 258. *gryphes* attribuit Æthiopis, sed narrat, Indorum gryphes & Æthiopum formicas, licet sint forma dissimiles, eadem tamen facere, & aurum utrobique custodire, & terram auri feracem adamare.

In Tranquillinæ nummo puto omnino Apollinem pictum esse; & Gallandus, vir monumentorum ejuscemodi felicissimus interpres, idem sese annotasse nuper ad me misit.

Libellos, quos a me petis, mittam, simul certior factus fuero, qua via tuto ad te curari possint; honorificum enim mihi erit opellas meas servari in tua bibliotheca.

Aveo summopere cognoscere, quæ tua sit sententia de literis Samaritanis, & multum imo plurimum me devincies, si illam, licet breviter, mecum communicare velles: nova mihi illa plane videtur, & cum valeas ingenio & doctrina, errarem profecto, si quid aliud, quam limatum, & dedolatum a te expectarem, vir præstantissime.

Exemplis serpentum, cum quibus pugnatum est, addere posses draconem, quem gigantes in pugna contra deos dicuntur objecisse Minervæ, quem illa arreptum & contortum ad sidera jecit, & ad ipsam arcem cœli fixit, ut loquitur Hyginus in Poet. Astronom. cujus historiæ, vel fabulæ potius etiam meminit Schol. Germanici. *Hunc alii Jovem astris intulisse dicunt, ob memoriam virtutis Herculis Minervæ objectum, quem illa contortum cœlo immisit & inter Septentriones collocavit*; qui locus proculdubio corruptus, & licet Munckerus scribat recte *objectum*, tamen nec sic satis bene sese habet, quia duæ narrationes non distinguuntur, & Minerva nihil hic commune cum Hercule habet, unde credo excidisse post *τὸν* *Herculis*, alii a gigantibus Minervæ *objectum*, quem.... Nam fabulatores narrabant signum illud cæleste esse serpentem, qui aurea Hesperidum mala servabat, & qui ab Hercule est interfectus; alii vero draconem, quem, ut dixi, gigantes, objecerunt Minervæ.

Sed pace quod fiat tua, ego hæc fabellas rejicio plane, nec credam unquam, acies rite dispositas serpentibus in hostes immisis rem egisse. Livio non tam obloquutus sum, quam eundem explicare conatus ex Floro; & serpentes ex muris jactos, atque fictilibus valis inclusos in naves missos ostendi nihil ad rem facere, quæ originem dederat nostræ amicæ disputationi. Cadmi fabula similisque nullo apud me loco sunt, nec capio, quomodo aliquis inde possit concludere, veteres serpentibus pugnas. Aliud longè est serpentes armis, lanceis, catapulis occidere, uti fecisse Cadmum mythica, & Romanos in Africa, vera historia docet; & non video, quo sum stupore, ullum inde argumentum peti posse, ad probandam opinionem tuam. Nam & hodie talia monstra homines occiderent, & tibi do considerandum, an posterius inde argumentari possent, serpentibus in acie fuisse pugnatum.

Nec mihi satis idoneus testis, Medusæ caput, vel Hecatæ draconibus cinctum, licet & Sophocles apud Scholiastem Apollonii 3. 1213. idem antea cecinerat, quod Poeta ille; qui ambo, si dixissent Hecatē iis serpentibus in hostes jactis pugnas, aliquid certe dixissent, quod argumento tuo posset inservire.

Supplem. Tom. IV.

A Nec me movet Lucretius, imo non video, quomodo in hunc censum venire possit, cum primum hominum obvia arma recenset solum, nec de *serpentibus* vel minimam faciat mentionem; potuisset, ais, addere eos, quia tunc pro armis erant; sed hoc est, vir egregie, petitio principii, uti ajunt, & ego meliori jure ex omissione serpentum concludo, feras illas nunquam in acie pugnas. Atrenorum factum apud Herodian. nihil certe *cum acie* habet commune, cum illi fictilia vasa volucris quibusdam venenatisque bestiolis plena jecerint in Romanos ex muris, & bestiolæ illæ nihil commune itidem habeant cum serpentibus.

B Marforum, Psyllorumque incantationes, nec non cicurationes serpentum nihil ad rem, in qua disputamus, faciunt; neque enim illa facta, ut serpentes instruerentur, & servarentur ad prælia, sed voluptatis, vel medicinæ faciendæ causa; quomodo & hodie nostri circulatorum medici ejusmodi feras secum ferunt; & quomodo *serpens draco* in oblectamentis fuit Tiberio Cæsari apud Sueton. c. 72. Atque huc omnino pertinet mansuetus draco, quem Philostratus scribit, una cum Ajace Locrensi bibisse, versatum esse, eundemque sequutum ad instar canis; si modo tota hæc narratio non plane fabulosa est.

C Ea quæ apud Lucianum leguntur in Libro, cui titulus, Quomodo Historia scribenda sit, non tantum acer, & elegans ille scriptor ludibrio habet, verum ut falsissima refert, perstringitque historicum Corinthium, quod tam splendida mendacia memoriæ prodiderit; nec video, qua ratione inde argumentum duci possit ad probandum, serpentibus olim pugnatum, vel Scythas sive Parthos a vivis draconibus ad textiles inde pervenisse, eorumque memoriæ ita in signis suis militaribus conservasse; illud autem mihi utique pulchrum in loco illo videtur dictum, *ἑκατοντάς* Parthorum signa esse, & unum draconem *ἄγχι χιλίας ἑκατοντάς* mille vivos dracones, id est milites; nam inde patet affabre, milites *dracones* vocari, quale nomen & hodie nonnullis, qui pedibus & equo pugnant, datur.

D Atque ita quidem epistolæ varias pulchrasque res complexæ respondi, & facere non possum, quin addam me exemplis certis, & perspicuis equidem discere velle, *primam ætatem serpentes & dracones in aciem contra hostes eduxisse non semel*; & *S. Scripturam passim alludere ad illos dracones inimicos & hostiles*, ac denique *serpentem, a quo Eva devicta, & bellum Michaelis cum dracone satis ostendere bella cum draconibus olim gesta*, id est, uti tota illa epistola, & aliis defendis, homines in acie constitutos, & se invicem aggredientes etiam serpentibus immisis rem egisse. Illud quidem ego credam nunquam, sed facile concedo, bella ab hominibus gesta esse cum draconibus, id est, homines eos occidisse; id quod utique hodie etiam fit toto terrarum orbe.

E Nunc ad alia descendam, & primo quæram, quia serpentes me occuparunt, an non putes *Ἰνδία* apud Herodot. 2. 36. verti debere *serpentes*; ubi Ægyptii dicuntur *οὐκ ἴσθαι* conversari, & una cum iis vivere ac vesci: *τοῖσι μὲν ἀλλοιοῖσι ἀνθρώποισι χάρις ἴσθαι, διατα ἀπολέπται, Αἰγυπτίοισι δὲ οὐκ ἴσθαι διατα ἐστὶ*, cum feris redditur vulgo; & quamvis serpentes eo etiam nomine veniant, tamen puto solos serpentes designari, quia erant in maxima apud Ægyptios veneratione, & instar deorum colebantur ibi.

F Inde significabo tibi, Palæographiam Græcam Montfauconii tandem hæc in oras deportatam esse, meque perspexisse, illam singulari eruditione

esse refertam, & dignam, quæ locum suum teneat in omnibus Bibliothecis, cum optime ornaverit argumentum, quod elucidandum susceperat. Harduini etiam opera publici juris facta sunt, sed tot paradoxis & admirabilibus opinionibus referta, ut mirari subeat, ejusmodi commenta proficisci posse a viro eruditæ & multæ lectionis. Mihi, ejus systema, de fictis & supposititiis auctoribus utriusque linguæ & tam Ecclesiastici, quam profani ordinis, refutatum esse a doctissimo Crosso Serenissimi Regis Borussiae Bibliothecario; nunc addo, eundem perfrictum esse Attico & erudito sale a Cardinale Norisio, cujus opusculum posthumum editum est in Batavis, hoc titulo, Henr. Norisii S. R. E. Cardinalis Parænesis ad V. C. Joh. Harduinum S. I. P. & in quo summus ille vir & amicus meus ostendit, non modo cespitasse, verum etiam graviter errasse Jesuitam, qui tot paradoxorum promus condus est; & qui venditat, se enormes lapsus, tam Cardinalis modo laudati, quam aliorum felici Minerva correxisse; cum illud longe secus sese habeat, & ipse rimarum, ut cum Terentio loquar, plenus sit.

Cornelius de Bruyn, qui ante octo annos publicavit Itinerarium suum lingua Belgica, & inde Gallica; novum parat ejusdem farinae opus, & dabit nobis, quæ per septem annos observavit & pinxit in Moscovia, Persia, Indiaque Orientali. Vidi Amstelædami pulchra spolia, quæ ex iis regionibus deportavit; quorum facile primum locum tenent ruinæ Persepoleos. Sex hebdomadas impendit iis perscrutandis & pingendis, egoque maximam voluptatem cepi ex tabulis, quibus complexus est tam stupendum opus, cui utique ipsa vix orbis ac decantata miracula nequaquam comparari possunt. Diei, imo plurium res esset, si eas tibi annumerare vellem; illud tantum dicam, Inscriptiones apud ipsum inveniri, quarum characteres plane incogniti sunt, & quod mireris, omnes fere ejusdem formæ & simplicissimi, ita ut, si bene memini non nisi punctis quibusdam distinguantur. Habebunt hic orientalium linguarum curiosi, in quo se bona fide exercere poterunt; quamquam ego plane desperem, nobis aliquem literas illas explicaturum. Nosti, a Grutero & Sponio editam esse Inscriptionem Palmyrenam, in qua mentio fit deorum Agliboli, & Melachbeli; illa perdita credebatur, sed Romæ nuper, me hortatore, inventa est; misitque ad me Illustris Blanchinus illius eotypum accurate æri incisum; & inde patet, literas Syriacas longe alias esse, quam quas bini antiquarii Gruterus & Sponius nobis dederunt. Rhenferdus magno tenebatur illius monumenti desiderio, & ab eo rogatus amicos Romanos impulit, ut inquirerent diligenter in illam inscriptionem; spero eum tam felicem fore, ut nos doceat, Syriacis illis litteris contineri eadem, quæ in Græcis inveniuntur, vel aliud earum argumentum esse. Addidi & aliam Inscriptionem, quam mecum communicavit Illustris Witzenius in iisdem ruinis repertam. In Græcis mentio fit ΘΕΟΥ ΑΡΣΑΚΟΥ ΒΑΣΙΛΕΩΣ ΒΑΣΙΛΕΩΝ; sed reliqua obscura sunt, licet illa illustrare conatus fuerim. Litteræ incognitæ plane diversæ sunt ab illis, de quibus egi, & magis ad Syriacas accedunt, facitque singularis Rhenferdi eruditio, ut credam, eum nobis hæc mysteria aperturum.

In Aristophanē vertendo & illustrando multum profligavit Kusterus, cum quo viro eruditissimo collocutus nuper fui Amstelædami. Clericus, vir indefessæ diligentiae & doctrinae singularis, agit cum typographis de edendo Elephante meo, & aliis opusculis; num iis manus admoturi sint, nondum certior factus sum. Sed patien-

tia tua abutor. Vale quapropter & vive feliciter.

Daventriæ 16. Junii 1709.

LXXV.

Salve Vir Nobiliss. & Amplissimè & Consultiss.

GISBERTO CUPERO

S. P. D.

OTTO SPERLINGIUS.

Ad tuas xvi. Junii scriptas, & recte satis traditas prius respondissem, nisi Te hac æstate negotiis publicis & bellicis implicatum credidissem, sicque lares Tuos Te relinquere tantisper coactum, ut prioribus annis solitus eras. Nunc quoniam hyems ingruit, & cessare negotia illa Tua ad castra mihi persuadeo, Teque domi fore, quum hæperferentur, ad Tuas, sed breviter, respondeo.

De Scipione Asiatico a Græcis ASIAGENES dicto, quoniam convenimus, nihil est quod addam.

De regionibus Septentrionalibus auriferis, facile concedo, Jobum nostras regiones forsan tunc ignorasse, nec ad illas respexisse, cum scriberet EX SEPTENTRIONE AVRVM provenire, sed proximas sibi regiones ad Septentrionem intellexisse; quoniam tamen absolute Septentrionem indigitavit, omnes Septentrionales terras auro fecundas esse dicere voluit, quod verissimum est. Quo enim magis ad Septentrionem terræ vergunt, eo fecundiores auro deprehenduntur esse, quidquid alii eruditi de auro Septentrionis sentiant. Neque enim illis Septentrio, aut Asia, aut Europæ, tam cognitus fuit, aut hæcenus est, ut de illis melius statuere possint, quam nos, qui in Septentrionalibus vivimus, & quotidie experimur, Jobi dictum verissimum esse. Sic quoque statuerunt viri docti innumeri, inter quos Paracelsus, & alii. Nostra Septentrionalis historia eadem ubique proficitur, verè res Septentrionales colles suos sepulchrales ex arenis auriferis extruxisse in ultimo Septentrione. Sed illi aurum tunc non æstimabant, aut uti nesciebant: de quo contentu auri in Septentrione nostro, & Scythico omni, plurima mihi notata sunt.

De Gryphibus & Serpentibus in acie nihil amplius scribam, quoniam contradicis strenue, quamvis rationes Tuas haud ita validas deprehendam, ut a mea sententia discedere me oporteat. Sola avis Rucin Africa Te monere potuit, multo magis in Septentrione avium talium fecunditatem dari, quæ magnitudine ad rapinas vivunt. At quod scribis, quæ apud Philostratum leguntur, fabulosa esse, unde hæc nosti? ad veritatem accedunt maxime, quamdiu nihil in contrarium asserre potuisti, nec sufficit fabulas vocare, quæ de Serpentibus & Gryphibus annotata reperimus. At quod Gryphes non ea figura sint, & forma, prout in nummis aliisque monumentis exprimuntur, haud ego statim illas formas damnabo, qui Gryphes nunquam vidi, nec Te vidisse existimo, ut quid differant, judicare possimus. Plenæ sunt historiae nostræ Septentrionales de illis avibus, & earum magnitudine & vi, quibus contradicere semper metuo. Nullum igitur verbum de his amplius a me expectabis.

De Tranquillina nummo, an Apollo sit, qui citharam pulsat, an vero Tranquillina, nummus

ipse hanc litem facile sopiet: nihil enim Apollini simile in illo, sed foeminam repræsentat, quem si videres, facile meam sententiam approbares; nam eclypus non adeo est accuratus, ut discerni queat, adeo ut cuique credere liceat, & judicare, quod velit.

Jam etiam meam sententiam audire cupis de Samaritanis literis, & illam paucis tibi aperiam. Sentio namque, Codicem Samaritanum ejusque literas, non esse a Deo Mose traditas, sed Hebræas illas, quibus hodiernum utimur, simplices illas, & quadratas, ac convenientissimas divinæ institutioni; quamvis ab Esra illas post captivitatem Babylonicam inventas multi docti statuunt, & Samaritanas literas illas veras esse, quas Deus Mose monstravit, nullo certo in hanc rem argumento subnixi. Ego Samaritanas literas cum Cuthæis ex Persia in Samariam pervenientibus, illamque occupantibus, Samaria a Persarum Regibus devicta, & Samaritanis in captivitatem abductis, natus existimo, atque a Cuthæis, illorumque Sacerdotibus, quos Persarum Reges eo miserunt, ut illos informarent, qui Judaicam aut Samaritanam religionem amplectebantur, codicem Samaritanum illis literis Cuthæorum exaratum; ab illis Cuthæis quoque nummos istos, quos vocant Samaritanos, procosos esse. Neque enim Samaritani captivi, prout Judæi, in patriam suam rediisse leguntur, sed Cuthæorum posteris Samariam tenuerunt longissimo tempore: adeo ut quid de nummis Cuthæorum, non Samaritanorum, literis inscriptis sentiendum sit, hinc facile manifestum fiat. Vides ergo, quid de Samaritanis literis sentiam, & earum ætate in Samaria.

Dn. Harduinus ita se gessit in suis scriptis, ut mirum sit, eum non plures dissentientes nactus esse; nimis supra eruditionem omnem sapere voluit. Sed audio, eum jam multas opiniones suas revocasse, & ad saniolem mentem redire quotidie.

Cuperem istas literas ex inscriptionibus Dn. de Bruyn videre, an aliquid mihi subnasci posset, quibus illas dilucidiores redderem, & quo pertineant significarem. Nondum illud studium linguarum depono; despero tamen me quidquam solidi afferre posse, quum tam docti Viri in illis adhuc hæsitent, & innumeræ sint Orientalium literæ, quarum originem, aut usum nescire cogimur. Elephantum tuo bene sit, ut quamprimum prodeat. Et cum illo voto finio, ut diu salvus sis & valeas, quo multa tua videamus & legamus. Vale iterum iterumque.

Dabam Hafniæ a. d. v. Octobr. Anni

CICCCXIX.

LXXVI.

Amplissimo Præstantissimoque Viro

OTTONI SPERLINGIO

S. D.

GISB. CUPERUS.

Exemplum tuum sequar, Vir Celeberrime, & nuntium remittam disputationibus, & ratiocinationibus de auro Septentrionis, de Serpentibus in aciem eductis, de Gryphibus, & de Apolline vel Tranquillina ipsa nuda picta in nummo, quem illustrasti, vetere; ita tamen, ut rite omnibus & accurate perpensis statuam plane, hæc materias ancipitem, post nostram amicam


A litem, efflagitare omnino deliberandi curam, nec me nondum sententiarum mearum poeniteat.

Plurimum tibi debeo, quod mecum communicaveris ea, quæ spectant nummos Samaritanos; & video te, vir egregie, statuere, si bene mentem tuam capio, 1. Deum Mose tradidisse literas Hebræas illas, quibus hodie utuntur Judæi: 2. Samaritanas venisse a barbara manu, atque a Cuthæis, quos Persarum Reges in regionem eam miserunt: 3. Cuthæos habuisse Sacerdotes, quos iidem iidem Reges eo jusserunt ire ad Cuthæos informandos, qui Judaicam, aut Samaritanam religionem amplectebantur: & 4. Ab illis Cuthæis nummos, quos vocant Samaritanos, percussos esse, non autem a Samaritanis, qui captivi, prout Judæi, in patriam suam non redierunt. Et quod ad primum caput attinet, dum statuis, Mosen accepisse literas Judaicas, quibus hodie Biblia Hebraica exarata sunt, a Deo, videris etiam iis accedere, qui Prophetam illum Magnum judicant Literarum esse inventorem, vel saltem ante legem latam literas in usu non fuisse. Clarissimus Ottius stat pro prima illa sententia; at mihi contrarium sedet, arbitrorque, diu antea apud varios populos in usu fuisse literas, & quidem apud Ægyptios etiam, quin & Abrahamum Chaldaicas non ignorasse, easque posteris suis reliquisse, quemadmodum ex iis perspicies, quæ ad præstantis eruditionis virum nuper scripsi: 2. Samaritanas esse a Cuthæis, quos colonos in Samariam misisse Assyriorum Regem constat, verisimile admodum est, maxime si iis assentimur, qui Abrahamum easdem, quibus hodie quadratis literis utuntur Judæi, statunt ex Chaldaea acceptas ad posteros suos transmississe, vel si Deus easdem Mose dedit, quæ tua est sententia; vel etiam si illæ sunt ab Hebero, id quod varii existimant. Mihi humanum genus & quidem priorum hominum longævam vitam pendenti, nequaquam videtur a veritate & ratione alienum statuere, ante diluvium literas vel characteres etiam cognitos fuisse, ut ita dispersi, si non per omnem, attamen per magnam, & forte maximam partem orbis terrarum, ad sese invicem animorum sensus perscribere possent. Neque tamen ad id probandum in medium adducere sustineo columnas a posteris Zethi juxta Josephum inscriptas artibus, & quidem Astronomicis ab ipsis inventis, quia proculdubio illæ fabulis propiores sunt, & Vossius, Huetius, nec non Pezronius eas positas putent a Cananæis in regione, quam Josephus *Sériadicam* vocat, quamque illi se putant reperisse in Palæstina; sed mihi vix fieri potuisse videtur, ut res tam utilis latuerit longævos homines, & in id unice intentos, ut invenirent & excogitarent res, quæ posteris essent profuturæ. 3. Cuthæos habuisse Sacerdotes facile credo, sed nequaquam capio, tales a Rege Assyriorum missos fuisse ad colonos, quos ex regionibus suis deduxerat ad inhabitandam Samariam, & agros, e quibus Israelitas vel decem tribus captivas deportaverat. Quin imo, si bene capio locum, qui invenitur 2. Reg. 17. v. 25. 26. 27. 28. hic sacerdos, neque enim plures memorantur, fuit unus abductorum Israelitarum, qui Cuthæos proculdubio docuit morem colendi Deum Israelis, qualis ante captivitatem iis fuerat in usu. Nam quamvis illi haberent sibi vitulos, imo & alios deos colerent, tamen venerabantur simul verum Deum, quem legimus pro summa sua benignitate præcipuos Profetas ad Israelem misisse, absque dubio propter foedus, quod cum Abrahamo, aliis Patriarchis, & Mose, imo cum tota gente percusserat. Et licet novi incolæ didicissent a Sacerdote illo Israelita Deum vereri & colere, tamen

unaquæque gens suos sibi parabat & colebat deos, uti satis superque patet ex dicto capite; quanquam mihi historia mulieris Samaritanæ videatur suadere quodammodo, multos ad meliorem mentem rediisse. 4. Nondum persuaderi possum nummos, quos vocant *Samaritanos*, a Cuthæis percussos esse; licet non negem eorum literas, quibus signati sunt, fuisse proprias. Nam mihi eorum Interpretes, viros utique doctissimos, legenti, videntur omnes Macchabæorum tempore signati esse; quanquam necdum capere possim, quare Judæi usi fuerint, in signandis nummis, populi literis, quem cane pejus & angue oderant; quam utique difficultatem vellem utique, ut aliquis mihi tollere posset: scio nonnullos loqui duo alphabeta, sed eorum rationes mihi non satisfaciunt, & si illa admittuntur, statuendum simul est, Literas Samaritanas Judæis etiam ante captivitatem fuisse usitatas, & quadratas illas introductas ab Ezra, quibus scilicet Sacerdotes & alii tempore captivitatis erant assueti.

Atque hæc sunt, Vir præstantissime, quæ non potui non reponere curiosis, & jucundis tuis observationibus, & spero te non accepturum in deteriore parte, quod libere tecum agam, & absque ambagibus mittam, quid mihi de iisdem videatur.

Ecce tibi Inscriptionem, quam ex ruinis Persæpoleos attulit Bruinius; similem plane edidit



Thomas Hyde, pereruditus Anglus in libro de *Religione Veterum Persarum* pag. . . . eritque mihi magnus Apollo, qui cuneos hosce, vel cuneatas literas explicare poterit. Recte autem puto statuere Illustrem Leibnitzium, hanc literarum illarum simplicitatem signum esse vetustissimæ Linguae; & certe omnes sibi fere similes sunt, & non nisi numero, vel collocatione distinguuntur. Adfert eodem loco aliam, inventam in alio loco, ubi etiam magnificæ ædificiorum reliquiæ, quæ a Persis hodie tribuuntur Rustano; sed miror, eum *Alexandrum* substituere in locum *Arfacis* Regis, cujus nomen clare legitur, & quorum Monarcharum tempore Græca lingua erat valde ibi usitata, uti vel ex nummis eorum patet, quorum unum argenteum, eumque pulcherrimum possideo. Cum autem forte Inscriptio juncta alteri Græcæ, ejusdem argumenti sit, nervos intende præclari ingenii tui, ut characteres illos nobis aperias; quo nomine certe plurimum tibi debebit Respublica Literaria.

Elephanti meo tandem bene precaris, & multum propterea tibi debeo; credideram eum jam subiturum præla, & egi per Clericum cum typographis, sed bellum grave causantur; nec ego is sum, qui illos ambire possim, maxime cum sat patriæ Priamoque dederim, & mihi fusque deque sit publicare libellos meos, aut eos servare, & ita intus, atque mihi canere.

De Columnis posteris Sethi tributis egi obiter;

sed multis de iis differitur in libro, qui inscribitur Gallice, *Bibliothèque Critique, ou Recueil de diverses pièces Critiques, dont la plus part ne sont pas imprimées, ou ne se trouvent que très difficilement, publiées par M. Sainjore, vel Simonem*, tom. 2. p. 341. Dissertatio a Justello est composita, qua ostendit, eas fabulosas esse, & inquit, quare Judæi illas sibi finxerint, rejicitque Vossii & Huetii sententias.

Feci mentionem in ultimis meis literis avis *Ruc*, fateor, sed nec Arabibus, nec Græcis, nec aliis auctoribus accedo, qui prodigiosam illi tribuunt magnitudinem; & non modo Bochartus, verum etiam Jobus Ludolfus eam germanis fabulis accenset; licet ex variis Itinerariis opportune hic doceat, singularis magnitudinis aves in Africa & America esse; quanquam & putem, vera fabulosis permisceri a Peregrinantibus. Facile credo, avem in Africa simiam cum cippo x vel xii. Librarum in aerem e terra rapuisse; sed quod ibi aliæ fuerint in magnitudine duorum elephantorum junctorum, id quidem ego plane fabulis annuero. Atque licet illis auctoribus, quorum testimonia nobis exhibet Ludolfus, largiar, magnas, quas describunt, aves fuisse & esse in Africa & America; tamen mira utique res est, nostri temporis peregrinatores ejuscemodi volucres non observare. Batavi a promontorio Bonæ Spei penetrarunt in Africam, montibus, sylvis, lustris ferarum, & commodis illorum portentorum habitaculis propterea refertam; Galli aperuerunt Americam Septentrionalem, saltibus immensis onustam, & Angli a mare Pacifico per terram Firmam in oppositum littus Duce Dampiero pervenerunt, ubi montes, sylvæ opacæ, anfractus horridi magno numero; sed nemo eorum vel minimam mentionem facit tam enormium avium: an dicemus, earum genus interiisse? id quod vix fieri potest; an vero aliis & in remotis rupibus, sylvis, & montibus agere? sed nec hoc ita sese habere potest, cum eadem regiones, in quibus olim visæ dicuntur esse, etiam nunc frequententur. Quare ego quidem hæreo dubius, an omnia, quæ tam splendide narrantur, ita sese habeant; quanquam negare nolim avium rapacium magnitudinem notabilem, modo ne in elephantos & montes, ut sic loquar, excrescant.

Quin & mihi commodum in mentem venit, ante 10. vel 12. annos, Batavos tentasse terram Australem; vidisse ibi magno numero balænas, cygnos nigros plane, & alias aves; sed de monstrosis illis ne verbum quidem faciunt, cum horridæ & parum habitata istæ regiones, videantur iisdem præbere optima & certa receptacula. Hæc in sinu tuo depono, & persuasum habeas omnino rogo, me postea hanc materiam omisurum plane, & tecum acturum de aliis, quæ ad veterem eruditionem spectant, rebus.

De variis aliis rebus nunc tecum agere possem, ex quibus non dubito, quin singularem voluptatem sis capturus; sed occupatione excludor, insuperque cogor Hagam-Comitis excurrere, quod iter jam tertium suscipio intra trium, vel quatuor mensium spatium. Properanti & sordidæ manui ignosce, & Vale.

Dav. ip[s]is Cal. Decemb. 1709.

Excerpta ex literis, quas ad Clarissimum Ottium scripsi 12. Octob. 1709.

ET quamquam sciam te occupatissimum esse, & non modo inquirere in res altioris momenti, & frequenter populum adloqui, & ipsi pandere sacraria Magni Nostri Servatoris, tamen spero te non ægre laturum, quod te adloquar, & agam paucis de re, quæ inter nos est controversa, & plena amicæ dissensionis. Sane Mercurius a multis dicitur fuisse literarum vel characterum inventor, & si idem Moses est, uti multi probare conantur, utique hinc argumentum peti potest opinioni tuæ stabilendæ, Mosem primum literas invenisse. Sed mihi difficulter id, quod altera epistola etiam testatus fui, persuaderi poterit. Chaldaeos, Phœnices, Ægyptios, aliosque Orientis (Neque enim Occidens hic locum suum tueri potest:) politos & sapientes populos ante Mosem ignorasse rem tam necessariam. Sacerdotes Ægyptii aliis tradebant sua Theologica & Philosophica Mysteria, mihi que omnino probabile videtur, illud ore, & scriptis librisque factum fuisse, sive illi compositi fuerint literis Hieroglyphicis, sive aliis, & certe characteres erant, quibus animi sensus exprimebant, quomodo & hodie Chineses Characteribus, & Hieroglyphicis, quasi notis, utuntur & libros conscribunt.

Annulus Pharaonis a me in medium adductus est, quia illo obsignavit proculdubio literas & diplomata, quæ ad Præfectos & alios mittebat; nec puto gemmam illi insertam fuisse nudam, sed nota aliqua insignitam, sive illa ex literis, sive ex alia re constiterit, exempli gratia, ipsius Pharaonis vultu, animali terrestri vel aquatico, sive alio quodam symbolo, sed si aliquid, uti omnino verisimile, illi insculptum fuit, cui, quæso, rei inservire potuit nisi obligandis mandatis? Et quare eundem daret Josepho, nisi ut idem nomine Regis literas ad Præfectos missas eo clauderet & obsignaret? Atque hæc considerantia & animadversio fecit, uti verba fecerim de Pharaonis annulo, non quod putaverim illi literas, vel characteres fuisse inditos, quæ quantopere a sese invicem discrepent, ipse facili opera, Vir Præstantissime, quæ vales ingenii sagacitate, perspicere potes.

Scio Eupoleum apud Clemen. Alexandr. lib. 1. Pap. 343. Mosem fuisse scribere sapientem, & Grammaticam primum tradidisse Judæis, & Phœnices eam accepisse a Judæis, Græcos autem a Phœnicibus. Sed an illi fides sit adhibenda valde dubito, quia alii ejusdem auctoritatis scriptores longe vetustiores literas faciunt. Quin & ipse Clemens loco laudato commemorat Mosem didicisse Arithmetica, Geometria, Rythmicam, Harmoniam, Medicinam, Musicam & Philosophiam: ἐν ἱερογλυφικοῖς γράμμασιν, & mox addit, eundem didicisse Ægyptiorum γράμματα καὶ τὴν ἑραβίων ἐπιστήμην παρὰ τε χαλδαίων (id quod tamen quomodo fieri potuerit, non video, nisi statuas tunc temporis Chaldaeos eruditos in Ægypto fuisse.) παρὰ τε Αἰγυπτίων. Videntur ibi γράμματα distinguui a literis Hieroglyphicis, & indicari, Mosem vulgares etiam didicisse Ægyptiorum literas, quæ proculdubio ab iis, quibus Judæi jam inde ab Abrahamo utebantur, erant diversæ, sive illæ fuerint Assyriæ vel Chaldaæ, sive Chananæ; quæ in re, uti nosti, disputant eruditionis præstantis Viri. Et ante Abrahamum fuisse literas mihi omnino verisimile videtur, doctissimusque Huetius non dubitat pronuntiare Propos. 4. cap. 19. num. 9. falso plerisque existimare Mosem, atque Abrahamum literarum inventores esse.

A Cum autem Moses didicerit proculdubio omnes scientias, quæ Sapientes Ægyptii excolebant, uti vel patet ex Apostolorum Actis, & illæ videntur absque literis doceri vix potuisse, & characteribus, utique omnino sequitur, Ægyptios sensus animi per literas, qualescunque illæ fuerint demum, expressisse. Erant præterea in Ægypto Sacerdotes & Sapientes multi, & in magno honore, uti vel patet ex matrimonio Josephi, & agris eorum, a quinta fructuum Regi tribuendorum parte immunes; quæ de immunitate mihi etiam verba videtur facere Herodotus 2. 168. nec non Diodorus Sicul. lib. 1. ubi præclare Sacerdotum in Ægypto ordinem, qualis fuit antiquissimis temporibus, describit, eosque scribit, ἐκ τῶν ἐν ταῖς ἱερῶς βιβλοῖς ἀναγεγραμμένων, ex iis, quæ scripta erant in Sacris Libris, res utiles, & profuturas prælegisse. Et hoc est, quod ex Sacerdotum reverentia & multitudine inferre volebam, eos nempe alios docuisse etiam ante Mosem, imo & ante Josephum, nisi me plane fallo, & ideo literis uti debuisse, maxime cum essent Regum Consiliarii, & res gestas memoriæ consecrarent.

C Hæc, Vir eximie, mea de literarum antiquitate est sententia, quas utique Mose vetustiores fuisse suadent longævæ hominum vitæ, qui in id summopere incumbabant, quod sibi, amicis & posteris esset profuturum, & inter omnia inventa nihil certe præstantius literis, quarum ope tot fluvii, montibus, terris, tractibus, maribus disjuncti colloqui possunt, id quod mihi nunc evenire tecum confabulando, equidem summopere lætor.

LXXVII.

Nobilissimo, Amplifs. & Consultifs. Viro

D. N. G. ISBERTO CUPERO

S. P. D.

OTTO SPERLINGIUS.

CUM Novo Anno tibi, Vir Excellentiss. novas & stabiles valetudinis vires, & quæ ad felicia & prospera quævis spectant, non vulgaribus ceremoniis intentus, sed toto animo sincere apprecor & voveo. Deus Opt. Max. hæc vota secundet.

E Quæ deinceps in literis tuis eruditissimis ad me datis Calendis Decemb. de Hebraica scriptione veteri, & ad Amplifs. Dn. Ottium significasti, novi jam eruditos multos tecum sentire, qui non solum scriptionem antediluvianam, sed & integras Bibliothecas collegerunt ante diluvium institutas fuisse. Sed, ut pace tua dicam, si illos sequi animus tibi est, infirmis illi argumentis nituntur. Nihil tale S. Scriptura nos docet, quam ut amissim verissimam omnibus præferre nos decet. Quidquid enim extra illam nos docere voluerunt tot eruditi homines, ea facile suis spongiis incumbunt, utpote meris conjecturis suffulta, & ex profanis Scriptoribus petita, quæ quam longè in antiquitate discedant a veris scriptis S. Codicis, ipse nosti; quoniam aliis opinionibus imbuti super sacra illa, & sanctissima prima scripta sapere voluerunt, tenebris meris offusi, ut si illa unquam legerunt, nec intelligerent, nec se credere posse aut debere contenderent, cum tamen sint Θεοπνευστα, & divino instinctu scripta. Illa sane divina scripta nihil de antediluvianis scriptionibus

nos docent, nihil ante Mosen scriptum prodiderunt, qui in tabulis binis, edoctus a Deo ipso, has literas, quibus hodie utuntur Hebræi, consignavit, & omnes omnino literas Hebræas in illis tabulis reperies, si attente consideres & numeres. Et quamvis primæ tabulæ confractæ sint, repetitæ tamen sunt a Mose eadem scriptiōe, quæ ipsi a Deo monstrata fuerat; nec apicem quidem ullum addidit, aut omisit. Hæ literæ in tabulis istis non aliæ fuerunt, quam quibus hodiernum utuntur Hebræi. Nam quod de Abrahamo credis, eum ex Chaldaea, & Ur secum attulisse literas & scripsisse, nullum ejus scriptiōis vestigium in Sacris Literis apparet, sine quibus & nos tacere oportet, & non sine illis loqui. Jam quod Ezram mutasse literas credis, & has, quibus nunc utuntur Hebræi, introduxisse post captivitatem Babylonicam, multorum quidem Doctorum sententiam fuisse fateor, sed nullo plane fundamento ex sacris literis nitam. Ezra enim laudatur ubique, quod legis peritissimus fuerit, quod librum legis Mosaicæ secum habuerit, quod illum populo prælegerit, ut ex Ezræ & Nehemiæ libellis accurate satis constat. Num igitur Ezram tam perfictæ frontis fuisse dicere possumus, ut ausus fuerit literas semel a Deo, & Mose traditas mutare, quæ divinæ erant, & ea autoritate munitæ, ut in iis sine pœnis gravissimis impendentibus quidquam mutare, vel apicem unicum sibi sumere voluerit? Ne credas, quæso, nec te a sacris literis abduci patiaris, quibus hæc omnia contraria sunt, quæ tam docti Viri de hac mutatione garrere cœperunt. Loquuntur enim absque literis sacris, ideoque facile refelluntur. Ego nullam scriptiōem in toto orbe ante Mosen fuisse satis firmiter credo, quoniam ante eum Prophetam magnum & maximum nemo, quid scriptio esset, didicerat, quum divinum maxime institutum sit scriptio, nec in humanas cogitationes aut mentem illud cadere potuit ante Mosis tempora. Nullus hic Ægyptiis Sacerdotibus locus est, cum suis Hieroglyphicis, nullus aliis populis ullis: non est humanum inventum scriptio. Deo soli manum Mosis informanti & ducenti tribuendum hoc est: sin secus statuimus, a veritate & literis sacris longissime aberramus. Post Mosen varias scriptiōnes orbis totus, inprimis Oriens, excogitavit, & omnes fere scribere studuerunt, sibi que literas proprias effinxerunt, tam Ægyptii quam alii; ita tamen, ut Mose hanc gloriam præripere non potuerint, eum primum omnium hominum Deo jubente in scriptiōibus suis omnibus reliquis prævisse. Etiam ad Heberum respicis cum aliis, quasi ille scriptiōis Hebraicis literis autor fuerit ante Mosen; sed nec illud consonum est sacris literis, quæ nihil omnino de Heberi scriptiōe memorant, licet verum sit, eum linguam Hebræam post confusionem ad Babylonicam turrin restituisse & propagasse, totamque gentem Hebræam, & Hebræos a se denominasse. Locuti enim sunt Hebraice ante Mosen, sed scribere ante Mosen plane nesciverunt, Deo primum hoc mysterium Mose revelante, tanquam mere divinum. Hæc consona sunt sacris literis, quibus unice nitor & multi docti mecum. Dilaberis deinde ad verosimilia, haud esse nimirum verosimile, tot ætates hominum & secula ante diluvium scriptiōe caruisse; quum negotia & commercia rerum omnium inter ipsos flourerint, quæ sine scriptiōe literarum haud facile potuerint exerceri. Quidni mi Cupere, Amice doctissime? Nonne supersunt hodie tot populi tam Americani, quam Orientales, qui scriptiōe nulla utuntur? qui, quid literæ sunt, nesciunt? qui literis scriptis aures admovent, ut audiant, an illæ loqui possint? tantus est illorum stupor in scri-

prione. Non igitur olim aut hodie commercia populorum omnium in scriptiōe, quam plane nesciunt, constituerunt, sed in vendendo & emendo, & permutando. Nec obstat, quod etiam ante tabulas Mose traditas a Deo, Deus Mosen jussit scribere & annotare victoriā contra Amalekitas, Exodi 17. v. 14. Nam hic primus locus est S. Scripturæ, qui de scriptiōe loquitur. Intelligi enim debet ille locus, tunc scribendam & annotandam esse illam victoriā, postquam Deus Mose monstraverat literas, quibus scribi quid posset, quod non ante factum est, quam Deus tabulas scriptas Mose tradidisset, ipsumque legere docuisset. Nam & lex ipsa tabulis scriptis comprehensa, a Deo oretenus prius Mose declarata fuerat, quam tabulis commendata fuit, ut patet Exodi vigesimo capite. Nam Exodi vigesimo quarto v. 12. primum Mose præcipitur, ut ascendant ad Deum, & accipiat tabulas illas scriptas, quæ continebant leges, quas populum docere debebat Moses. Et tamen ante v. 4. etiam extat, Mosen tunc scripsisse omnia effata Dei, quod, ut prius dixi, factum fuit, postquam de scriptiōe a Deo primum edoctus fuerat. Nam cum scribere juberetur Moses victoriā Amalekiticam, nihil sequitur de scriptiōe Mosis tunc facta, sed altari tantum erecto, in signum & memoriā victoriæ. Quin & v. 7. c. 20. liber fœderis adducitur, ex quo omnia populo prælegerit, quæ Deus jussit, antequam Montem Sinai ascenderet, ut tabulas acciperet. His argumentis jugulare nos student, qui scriptiōem ante Mosen statuunt, nec cogitant, libros Mosis diu post acta ista omnia & colloquia cum Deo suo tempore primum conscribi cœpisse, ubi hæc, quæ Deus jussit scribi, fideliter a Mose scripta & annotata legimus, non quod isto momento, quo res gestæ sunt, Moses scribere potuerit, sed quod edoctus primum postea scripserit. Nam si ante Mosen scriptio ulla vixit, cur Aaronem, cur Sacerdotes Mose disertiores & doctiores, nihil scriptis mandasse legimus? Mirum sane, Mosen solum hanc artem scribendi coluisse, Sacerdotes Dei nequaquam. Quidquid sit, ante Mosen neminem scripsisse quidquam, sive ante tabulas datas scripserit, sive post eas acceptas, Mosen primum esse, qui scripsit literas, satis manifestum esse credo ex sacris literis, quibus antiquiores nullæ dantur. Nam & Ægyptii, ad quos provocas, Mose sunt posteriores, nihilque scripserunt, sed post Mosen peculiarem sibi scriptiōnem effinxerunt, ut & alii populi Orientis, quas scriptiōnes Mosen præcessisse, & ejus scriptiōnem, nequaquam dicere possumus, quum S. Scripturæ nequaquam consentiant. Vides itaque, summe Vir, nihil esse in scriptoribus, quod illam sententiam Mosen primum fuisse scriptorem negare possit, nec tua verosimilia locum nullum invenire. Quotquot sunt qui scripserunt, post Mosen omnino sunt, sive sint Ægyptii, sive Syri, sive Chaldaei & populi alii, omnes in scriptiōe Mose sunt posteriores. A Mose omnis scriptio cœpit, illam omnes populi, qui scribere voluerunt, imitati sunt, Chaldaei, Ægyptii, Syri, suo quilibet modo; quis enim omnes illos scriptiōis modos satis enumerare sibi sumat? sunt vetusti omnes, sed ita vetusti, ut Mosen nequaquam præcesserint. Is autor scriptiōis omnis manet, utpote divinitus de illo edoctus primum. Divinum est enim inventum scriptio, non humanum, nec aliunde quam a Deo originem scriptiōis repetere possumus; quam si ante Mosen volumus, fallimur quotquot sumus. Quod dum facile te videre judico, qui penitius omnia soles dijudicare, illis antiquis scriptiōe, quam ignorabant, nec in mentem unquam illorum

illorum venerat; opus non fuisse ad commercia tunc exercita stabilienda, sed sine scriptione ulla inter gentes esse propagata. Video, te in literis ad clariss. Ottium urgere de annulo Pharaonis Josepho Patriarchæ tradito, quasi ille eo fine traditus esset, ut eo obsignaret literas ad Præfectos dandas. Hoc nullibi in sacris literis memoratur, ideo datum esse Josepho annulum Pharaonis, ut eo scripta obsignaret, nec Pharaonem aut Josephum unquam scripsisse, sacræ literæ ullo verbulo testatæ sunt; sed ut torques aureus, Rege dante, ipsi circumdatus fuit, ut vestibis Regiis ornatus fuit Josephus, & curru proximo Regio, aliisque honoribus insignitus, sic quoque annulo Regio donatus fuit, ut constaret omnibus, ipsi post regem summam auctoritatem totius Regni conceditam, ipsiusque mandatis obsequi debere subditos omnes Pharaonis. Hæc enim omnia conjunguntur Genes. 41. v. 42. & seqq. Num inde annulum signatorium exculpere potes ulla ratione? indices majestatis & honoris singularis? Primus annulus signatorius in sacris occurrit Jerem. 22. v. 24. non quod statuam annulos signatorios non ante fuisse; sed quod post Moysen primum orti sint isti annuli signatorii ad literas obsignandas. Et quamvis Exod. 28. v. xi. Sculptores gemmarum primi memorentur, qui onychas binos ad ornatum Aaronis cum nominibus duodecim tribuum Israelis exsculptos reddere debebant, haud tamen exinde sequitur, iis Aaronem auro, licet inclusis, obsignasse literas ulla scriptas, sed in vestibis Aaronis affixos sedisse. Neque enim omnia signata, & sculpra annuli erant signatorii, qui ἀποσφραγίσματα reddere debebant. Sed quidquid de his gemmis sculptis cum nominibus tribuum esse poterit, etiam illæ artes infusæ erant istis hominibus a Deo, prout testatur Moyses eod. cap. v. 3. Cætera quæ ad Dn. Ottium scribis, Vir antiquitatum amantissime, non ejus momenti sunt aut ponderis, ut contra sacras literas valere possint, quæ veram originem scriptiōis cum Mose nobis tradiderunt. Hæc omnino præferre debemus omnibus aliis scriptoribus, qui, quia Sacram Scripturam non sequuntur, omnino in errores se præcipitarunt: quum quælibet natio studuerit humanis & suis inventis scriptiōem attribuere, quæ solius Dei est Opt. Max. & digiti Dei omnes homines ea de re primum informantis. Ubi enim Chaldæorum aut Ægyptiorum scriptio ante Moysen in sacris literis commemoratur? ubi, quæso? Ipsi sibi hanc gloriam tribuunt, se Mose priores scripsisse, quod falsum est, quique illos sequuntur, falsi sunt. Mihi sufficit divinam Scripturam pro me loqui: cæteri videant, quomodo sua tueantur, qui nec volam, nec vestigium ullum eorum, quæ dixerunt vel scripserunt, proferre poterunt ex sacris literis; quæ norma sunt & amussis, ad quam omnes historiæ referri debent. Quidquid cum S. Scriptura consentit in scriptoribus sacris, aut profanis, illud accipio, & veneror; at quidquid contra scribitur, illud peste magis fugio, nec me unquam assentientem habebunt. Et quoniam multi pertinaces sunt suæ sententiæ propagatores, suis erroribus relinquendi sunt, nec cum illis disputandum novimus, qui principia negant, quorum caput est S. Scriptura.

Converto me ad Samaritanas literas, de quibus in literis tuis ad me scribis te capere non posse, quomodo Judæi, qui Samaritanos & omnia eorum cane pejus, & angue oderant, istius populi literis in nummis signandis uti voluerint. Nodum hunc facile tibi solvam, istos nummos æque ac Hebræicos siclos, non cufos fuisse eo tempore, quo regnum ullum Judaicum stetit, quin & diu

A post, dispersis jam Judæis & Samaritanis per Romanos, non ante nummos illos sive Judaicos, sive Samaritanos cufos esse, quam Christiani peregrinationes suas in illas terras instituerunt. Tunc enim illæ fraudes nummorum primum prodierunt, magnum inde lucrum captantibus Judæis & Samaritanis propter Christianos, qui nummos illos maxime desiderabant produci. His nummis illi ilinebant, quidquid vellent, & quæ antiquitatem ultimam stantibus etiam regnis Judææ & Samariæ præferebant. Hæc jam B. Wagenfeilius multis nos docuit in suis scriptis. Vides ergo, cujus fidei sint hi nummi, effecti omnes lucri causa, quod inter Christianos liberales, & credulos liberaliter piscabantur.

B Sed & illud notandum occurrit de Samaritanis illis novis literis inter Cuthæos &c. usitari cœptis, eas vix illis temporibus, cum Esra & Nehemias cum Judæis ex captivitate Hierosolymam redierunt, extra colonias illas Samaritanas novas inter reliquas gentes vicinas notas fuisse, nec usum ullum, ut peregrinas & barbaras habuisse. Eam namque ob causam ad Regem Persarum & Assyriorum Syriace scribere coacti sunt, quod illorum linguam & literas in aula Regia non intelligerent, ut patet ex Esræ 4. cap. nisi fallor. Syria enim, & illorum lingua se late extendebat, & omnibus Orientalibus erat notissima præ cæteris, quæ satis demonstrant, Samaritanorum Cuthæorum linguam & literas tunc temporis inter ignotissimas fuisse: ita ut Pentateuchum Samaritanum, quod tantæ antiquitatis perhibetur fuisse, tunc valde novum fuerit, & ex Pentateucho Moysis descriptum illorum Samaritanorum novorum literis barbaris, ut populi Coloniæ illud intelligere, legere, & capere possent. Quod istorum Sacerdotum adjumento, quos Rex Persarum illuc misit, ex Hebræico textu literis Samaritanis conscripto successit. Nam quamvis unus tantum Sacerdos ex captivis Samaritanis eo missus scribatur, ut populum illum novum doceret de veri Dei cultu secundum Samaritanorum veterum religionem, facile tamen intelligimus, unum solum Sacerdotem his non sufficere, sed secum alios assecclas complures eo duxisse ejusdem veteris religionis Samaritanæ peritos, qui non solum Cuthæos, sed & Sephasvoim & alios illam coloniam constituentes informarunt de divino cultu, ut Esræ tempore dicere potuerint Judæis, se unum verum Deum cum illis colere, eandemque religionem fovere, ideoque cum Judæis ad ædificandum templum admitti se petere. Hæc mea de Samaritanis & illorum literis est sententia, quam S. Scripturæ nullo modo contrariam arbitror, quum de Samaritanis literis ante illam ætatem nihil exstet.

E Inscriptiōem Bruynii ex ruinis Persepoleos adductam quod miseris, gratias tibi debeo maximas, Vir perillustis; nec in illis nisi tres literas, diversas a se invicem observo: turritæ aut pyramidales sunt omnes, quædam erectæ stantes, quædam inversæ, quædam jacentes ad latera, positura quidem distinctæ. Gaures pop. fuerunt Persiæ, & Gauram mons ibidem apud Plutarchum, illorum religionem & scriptiōem Persas olim observasse multi scripserunt, donec tandem ab Arabibus edocti illorum literas assumerunt, quibus hodie utuntur Persæ. An autem hæc inscriptiō ad Gauricam scriptiōem pertineat, dicere nequeo. Oedipus enim non sum, mihi que plane ignotæ manent: sed dubitandum maxime relinquitur, an hæc literæ sint legibiles, quoniam uno tenore plures se invicem sequuntur, nullamque vocem efficere possunt, an potius ornamenta monumentorum istorum sint, a sculptoribus addita, ut so-

lent: nam & ejusmodi signa in Gothicis, quæ vocant; monumentis reperiuntur; & in cornu nostro Danico aureo, ne plura similia adducam, quæ pro cordibus novem Jutlandicis interpretati sunt, novem ejus districtus *Syffelas* significare debentes, quum non sint nisi ornamenta sculptorum in fine operis addita. Hæc saltem monenda duxi ad illas Inscriptiones, si veræ Inscriptiones sunt, & non potius ornamenta. Thomam Hyde Anglum de religione veterum Persarum in mea Bibliotheca non habeo, ut quid ille sentiat de his Inscriptionibus, animadvertere non potuerim. Nihil igitur ex his literis simile mihi quidem occurrit, sed inter ornamenta monumentorum Persicorum ista omnia repono, quum sine circumstantibus omnibus ad me pervenerint, & pro Inscriptionibus literatis habeantur solum: dixi igitur quid sentiam.

Cœtera tua de avibus magnis & ingentibus non tango, sufficit eas reperiri, & in rerum natura existere; licet parce admodum sint notatæ & descriptæ, quoniam raro hominum oculis occurrunt, & occurrunt. Finiam igitur hanc longam Epistolam, tibi tædio futuram etiam perlegendo, quod tibi ipsi imputare potes, qui in tam varia & erudita me conjicere voluisti; ne chartæ meæ ad te, Vir summe, inanes redirent, feci. Valeas igitur & vivas diutissime ac felicissime.

Dabam Hafniæ a. d. xxv. Januar. 1710.

LXXVIII.

Amplissimo & Præstantissimo Viro

OTTONI SPERLINGIO

S. D.

GISB. CUPERUS.

Gratias tibi, vir eximie, ago ingentes pro voto, quod facis initio acceptissimæ epistolæ tuæ, & quod in eadem ultima repetis pro salute, felicitate & prosperitate mea. Ego equidem spero, Deum illud exauditurum, & si mihi, qua est clementia & facilitate, annuit, eris certe longævus, & adjicientur anno septimo tuo & septuagesimo complures, quia Majestatem illam sacrosanctam multum sæpius veneror, ut te diu incolumem servare velit.

Certe istud meretur singularis tua, atque recondata eruditio, cujus tot specimina dedisti tam publice, quam privatim; & spem hanc mihi augent oculi tui, quos nondum adjuvare perspicillis cogeris. Rara profecto felicitas; & ego te imitor, natusque annos sexaginta quinque iisdem instrumentis non utor, nullaque tam parva, & tam intricata scriptura est, quin eam legere ipso vespere adpropinquante possim.

Nunc ad reliquam epistolam tuam accedo, & tecum plane sentio, quicquid extra S. Scripturam nos docere voluerunt eruditi, illud facile in spongiam incumbere. Sed vide, vir amplissime, an non ipse hanc in legem pecces, cum verba Mosis Exod. 17. 14. ita interpretaris, ut quod Deus jubet, ut scriberet & annotaret victoriam contra Amalekitas, hoc primo faciendum esse, postquam Deus Mose monstrasset literas, quibus id scribi posset. At ego S. Scripturam sequutus ita ratiocinor: Deus ante legem latam clare, & absque ambagibus jubet, ut Moses victoriam de Amalekitis partam consignaret literis, & inde sequitur, tunc temporis Mosen scivisse scribere, & Deum postea iisdem literis legem scriptam eidem tradidisse: quid

A quod & ante legem a Deo inscriptam tabulis lapideis Moses dicitur 24. 4. scripsisse universos sermones Domini, & v. 7. sumpsisse volumen Fœderis, illudque legisse audiente populo; id quod ego non aliter interpretari posse confido, quam Mosen continuo scripsisse, quæ a Deo acceperat. Deus nihilominus ipse legem decem præceptorum scripsit postea, ut ita scilicet rebellis, duræque cervicis populo major erga eam foret reverentia, quin & visum ipsi fuit easdem aliis tabulis indere, postquam indignatus vitulum aureum Moses, priores solo illiserat.

B Plures deinde putas a Rege Assyriorum (Persarum scribis) missos Sacerdotes ad novos Samariæ incolas, cum tamen S. S. claris & disertis verbis *unum* tantum memoret, & te ipsum judicem fero, si hoc non est oppositum plane pulchræ tuæ sententiæ, atque, si fas mihi ita loqui, extra oleas vagari. Comites absque dubio habuit Sacerdos ille, sed nihil necesse est, ut fuerint Sacerdotes, & ego certe a Scriptura, quando præcipue tam clara est, imo nunquam, abire vellem. Aliud tamen longe mihi videtur esse, pace quod dictum sit tua, ratiocinari de rebus obscuris, quæ licet distincte non narrentur, tamen verisimile est, fuisse olim & diu in usu ante Mosem. Et omnino animadvertendum est, si ratiocinatio tua procedit, statui debere, nihil fere ab hominibus antediluvianis, & iis, qui ante Mosem vixerunt, actum esse, nullas nisi paucas artes inventas, quia earum Moses non facit mentionem; cui scilicet tantum propositum fuit seriem seminis Abrahami nobis ostendere, & quomodo per Patriarchas ab Adamo illud sit repetendum, & inde est, quod sicco pede transeat multa, imo plurima, quæ illis sæculis proculdubio acta sunt.

C Ex illarum rerum numero sunt literæ, quas verisimiliter omnino ante Mosem in usu fuisse cum multis eruditis credo, licet id præfracta fronte, id quod credere videris, defendere nolim, sed exercitationis causa me in hanc commissionem & disputandi campum contulerim. Et certe *annulus Pharaonis* mihi alicujus ponderis videtur, nec puto errare viros eruditos, qui illum non de simplici annulo, sed de tali, cui notæ insculptæ, & quo Pharaon literas suas signare solebat, exponunt; moris enim erat Orientalibus Regibus illos ipsos gestandi, uti pater ex Historia Alexandri Magni, aliorumque Principum: quanquam Assuerus annulum suum servandum tradiderit Hamani, & ab eo ablatum Mardochæo, quemadmodum Historia Esther nos docet. Et certe non video, cui alii rei interfervire potuerit annulus Pharaonis, estque ingens inter eum & alia ornamenta differentia, uti proculdubio ipse, qua es cognitione, perspicere poteris. Inde addis, vir præstantissime, primum annulum signatorium in sacris occurrere Jerem. 22. 24. nec statuis, tales artea non fuisse, sed eos post Mosem primum ortos esse ad literas obsignandas.

E Ratiocinatio hæc secundum hypothesin, cui omnia tua superimposita sunt, de literis per Mosem inventis pulchre procedit, si statuamus annulo, cujus Jeremias Propheta facit mentionem, literas insculptas fuisse; sed nonne res aliæ in eodem sculpi potuerunt, cum constet artem illam diu ante Mosem cognitam fuisse, uti equidem mihi omnino videtur? Quicquid sit, bina sese mihi præter eum, qui Josephum spectat, loca offerunt, in quibus non dubito, quin fiat diu ante Jeremiam mentio annulorum signatoriorum. Nam legimus Gen. 38. 17. Judam Thamari dedisse arrhabonis loco *annulum*, quem fuisse signatorium & habuisse *oppayida* vel *χαρὰν* observant Interpretes; & quidem

post eos Clericus notat Hebræam vocem *hbotamba* certissime sigillum denotare, & LXX. vertere *δακτύλιον* vulgatumque *annulum*, quæ voces absolute positæ tam Græcis, quam Latinis significant annulum signatorium. Et certe Thamar non habuisset extra annulum talem firmum testem concubitus, cum Judâ dicere potuisset, annulum nulla nota insignem suum non esse.

Alter locus occurrit Exod. 28. 36. ubi quidem vulgatus interpret ita loquitur: *Facies & laminam de auro purissimo, in qua sculpes opere cælatoris...* sed LXX. vertunt *ἐκτυπῶμα σφραγίδος* expressionem sigilli, & alii contendunt, eandem vocem occurrere v. 21. atque significare *sculpturam annuli*, id est, ut sculpantur sculptura annuli, sive ut characteres vel figuræ incisæ sint, uti in annulis signatoriis, non autem exstantes.

Jam video te dicturum, nullum ex ultimo loco argumentum certum duci posse, quia artes illæ habitus infusi erant a Deo, prout testatur Moses v. 7. ejusdem capituli (imo cap. 31. v. 3.) viderisque ita mihi statuere, artifices istos antea ignorasse has artes, & Deum ipsis tunc temporis primum illas dedisse. Sed ego puto, viros hosce cælaturam jam cognovisse in Ægypto, & annulis signandis aliisque rebus operam dedisse, singularique Dei beneficio excelluisse in arte illa, aliisque, quæ ibi memorantur: id quod per Clericum pulchre firmatur verbis Senecæ lib. 4. de Benef. c. 4.

Quin & clarior locus occurrit cap. 28. v. 11. *Opere sculptoris & cælatura gemmarum sculpes eos:* & idem vir doctus mecum facit, notatque hic sculptorem debere intelligi & opificem lapidis, & sculpsisse indicari non eminente sculptura, sed excavata gemma, ut in sigillis fieri solet; tandemque ab antiquissimis temporibus usum increbuisse gemmarum sculptarum, quæ sigilli loco essent, hinc posse colligi.

Atque ita quidem puto me defendisse, & elucidasse opinionem meam, literas nempe ante Mosem in Ægypto & alibi cognitæ & in usu fuisse; id quod mirifice firmatur narratione Sacerdotum Ægyptiorum apud Diodor. Sicul. lib. 1. quæ nos docet, *Regi sub auroram experrecto literas undecunque scriptas datas esse, ut ita cognosceret regni negotia;* & *ἱερογγραμματα* consulta quædam postea & facta legisse ex commentariis sacris clarissimorum virorum, ad vitam conducentia. De antiquissimis Regibus loquuntur Sacerdotes, & si hæc ita sese habent, præclarum utique nobis suppetit literarum testimonium; nam quamvis libri illi potuerint scripti esse Hieroglyphicis literis, tamen nullo modo verisimile est, alios in literis suis iisdem usos esse. Multa similia in medium adferre possem, sed hæc, uti equidem reor, sufficient, & inde me ad reliqua epistolæ tuæ capita conféro.

Notas igitur, *divina scripta nihil nos docere de antediluvianis scriptionibus, & nihil ante Mosem scriptum prodisse*, Mosemque ipsum edoctum a Deo in binis tabulis consignasse hæc literas, quibus hodie utuntur Hebræi. De ultimo hujus assertionis capite nunc non agam, sed ante legis Tabulas Deus jubet Mosem, ut scriberet; deinde Moses non consignavit literis legem, sed ipse Deus manu sua, uti patet ex cap. 31. v. 18. & 34. 1. Exodi. Neque certe ex S. S. probari potest, neque etiam in id enitar unquam, Heberum scriptionem Hebræam invenisse; quia nihil tale Divinum illud volumen nos docet; sed illud agitur, an non plane verisimile sit, illum vel alium utilissimam rem invenisse, & an non Moses edoctus omnem Ægyptiorum sapientiam sciverit etiam scribere & literas alphabeti cognoverit, antequam

Supplem. Tom. IV.

A Deus ipsi legem tradiderit; nec profecto video, quare hac super re disputari non possit, & insuper salva maneat S. Scripturæ auctoritas.

De siclis Judaicis, atque de Samaritanorum literis non amplius agam, cum in illo stadio defudaverint tot præstantes viri, & cum statuas, siclos signatos esse dispersis tam Judæis, quam Samaritanis per Romanos, cum Christiani peregrinationes suas in illas terras instituerent, atque mittas idem doctissimum Wagenfeldium sentire, ancipitem profecto requirit hæc materia deliberandi curam: quanquam verosimile sit, Simonem usum esse indulgentia Regis Antiochi, quam nobis conservavit Auctor libri 1. Machabæorum. De characteribus Persopolitanis agis tandem, putasque illos non esse literas, sed ornamenta; id quod forte verum est, & nonnulli alii etiam statuunt.

Sed cum mihi hæc ornamenta simplicia nimis sint, & alia pulchriora, præcipue in columnis, ruinarum illarum observaverim, mirum mihi equidem videtur, artifices tam simpliciter sese hic gessisse, & splendidis ornamentis posthabitis, Regiam tam magnificam, tam levidentibus nulliusque ordinis rebus exornasse.

C Fateor tecum, omnes istos characteres ejusdem fere formæ esse, sed hæc simplicitas videtur nobis ob oculos ponere scriptionem antiquissimam; & diversa illorum positio, uti etiam varius numerus, potuerunt denotare literas alphabeti, quod populo illi erat in usu.

Sed tandem materiæ hæc intricatæ & perplexæ relinquendæ sunt; ego certe iis libens lubens nuntium remitto, nec in posterum super iis tecum, vir amicissime, & præstantissime, contendam, sive permaneam in sententia tua, id quod & me facere vides, sive eandem mutes.

D Nunc ad lætiora me convertam, & per Britanniam, Hispaniam & Ægyptum peregrinabor; neque tamen de rebus gravibus, sive illæ Geographiam, sive antiqui ævi reliquias, spectent, agam; sed breviter tantum monebo, illis in regnis obtinere mores, qui ante millenos annos etiam fuerunt apud alios in usu.

E Nosti Anglos vel Britannos, si quid publice peccatum a Rege est, non Regem reum facere, id quod tamen neglectum fuit in Carolo I. sed ejus consiliarios, atque id olim apud Ægyptios obtinuit, uti præclare testatur Diod. Siculus lib. 1. pag. 64. ed. Rhod. *Hæc multaque alia* (latina tantum mitto) *his affinia ubi peroravit Antistes, ignorantie ad extremum peccata* (a Rege nempe commissa) *execratur*, Regem quidem culpa eximens, sed & noxam & pœnam in ministros & doctores malorum retorquens.

F In Hispania Regi vivendi modus præscriptus est, uti vel patet ex lepida narratione Comitissæ d' Aunoy, quæ follers fœmina illam legem pulchre describit. Idem olim statutum Ægypti Regibus, idem Diod. loco laudato: *Sacerdos consulta quædam & facta clarissimorum virorum prælegebat, ut princeps Reip. honestissimorum rationes consiliorum animo consideratas, ad præscriptam singulorum administrationem simili modo accommodaret. Non enim agendi ad populum & judicia obeundi tantummodo, sed etiam deambulandi & lavandi, & cum uxore dormiendi, omniumque adeo per vitam agendorum, tempus definitum erat. Simpliciter præterea nutrimento uti, & vitulorum anserumque carnibus vesci, & certam bibere vini mensuram, & quæ alia ibi sequuntur; ubi vides veram Hispanorum Etequette, uti legem illam appellant.*

Non ignoras tandem, hodie in Ægypto pullos gallinarum, & aliarum volucrum produci ope

furnorum calefactorum; & hoc ante bis mille & plures annos eodem in regno fuit observatum. Neque enim dubito, quin hoc nobis breviter narret Diod. lib. eod. pag. 67. *Et quod admirationem propter summam in hisce rebus industriam in primis meretur, gallinarum altores, anserumque pastores animantium horum procreatione, natura cæterisque hominibus pervulgata non contenti, sui ipsi ingenio infinitam avium (hujus generis) multitudinem congregant. Non enim aves incubare sinunt, sed suis ipsi manibus (quod mirum est) fœtus excludunt, & sic efficacitati naturali ingenio & arte nihil concedunt.* Continuo mihi veniebat in mentem Livia, postea Augusta Augusto nupta, quæ ex Nerone (pessime in notis ad Sueton. Pitisci scribitur Cæsare) gravida, ovum in sinu fovendo, atque cum deponendum haberet, nutrice PER SINVM tradendo ne dimitteretur tepor, pullum vel gallum gallinaceum exclusit, teste Plinio 10. 55. vel illud nunc suis, nunc ministrarum, vel ancillarum MANIBVS fovit, donec gallus insigniter cristatus exclusus est, uti rem hanc narant Sueton. c. 14. Tib. & Joh. Sarisb. r. 13. de Nugis Curial. Nec quicquam ad rem facit differentia manuum, & sinus, cum utrumque fieri potuerit, & inde docemur, ova ita excludi posse, id quod omnino firmatur per Diodorum, apud quem gallinarum altores, & pastores anserum dicuntur suis ipsi manibus fœtus excludere. Græca sunt, καὶ αὐτοὶ παραδόξως χερσὶν ἄντρεις, & cum loquatur Diodorus de infinita avium multitudine, quæ ita excluderentur, ego existimo, artem illam & augurium Livie locum habere nullum posse, maxime cum & ita ingens hominum multitudo ad producendos pullos nocte, dieque requireretur: χερσὶν & χερσὶν de omni actione dicitur, ad quam perficiendam manibus opus est, cumque illæ præcipue desiderantur in pullis per calorem excludendis, ego nullus dubito, quin tunc temporis Ægyptii ejusdem artis fuerint periti, quamquam mirari satis non possim, Diodorum eandem non describere, maxime cum fuerit in Ægypto.

Hisce nunc frui, & si quam nauseam ex prima epistola acceperis, spero te ultimam recreaturam & exhilaraturam. Vale.

Daventriæ 10. Feb. 1710.

LXXIX.

Nobiliss. Ampliss. & Consultiss. Viro Dn.

GISBERTO CUPERO

S. P. D.

OTTO SPERLINGIUS.

Accedo nunc, Vir Ampliss. ad literas tuas 10. Feb. Daventriæ datas, ut respondeam, ad quas respondere prius debueram, sed variis impeditus non potui. Urges primo & arripis argumentum, quod Moses iussus sit scribere victoriam de Amalekitis ante legem ipsi traditam. Ergo cum potuisse scribere ante legem. Non attendisti, Vir Consultissime, quæ addidi de hac Mosis scripture, eum nimirum explevisse mandatum Dei; sed quando? postquam res omnes gestas consignavit in Pentateucho suo. Quod sane post

legem scriptam traditam primum successit, nec ullum verbum in sacris literis de victoria contra Amalekitas statim scripta a Mose reperitur, sed lapides solos erectos, in quibus hæc victoria deinceps annotari debuit. Qua ratione facile hoc argumentum tuum eliditur.

Nec ego a Scriptura Sacra abeo, dum unum Sacerdotem missum ad novos Samariæ incolas dixi, sed huic Sacerdoti plures, si non Sacerdotes summos, Clericos tamen adjuutores & comites iussisse nullum est dubium, ex quibus, Sacerdote illo mortuo, alius Sacerdos successit, qui gentem novam informare potuerit doctrina Samaritanorum, quod neque rationi, neque S. Scripturæ repugnare satis certus sum.

Quæ deinde de antediluvianis mones, haud ego sentio ante diluvium nihil actum esse; imo plurima sunt acta, gesta, & peracta; quorum tamen nulla novimus, nisi per Mosen: quare? quia nulla scriptis consignata ad nos pervenerunt, nisi quæ Moses de illis in Pentateucho suo nobis reliquit, & quæ ille sufficere credidit, ut sciremus. Si quæ ille tranſiit, nos supplere non possumus, nec Judæorum traditionibus extra Mosen & Sacram Scripturam inhærere licet, cum futilia plerumque sint quæ tradunt, ut & ipse Josephus, quando illis additum se sæpe monstrat.

Urges quoque de annulo Pharaonis Josepho Patriarchæ tradito, & Judæ oppignorato meretrici, illumque signatorium fuisse tibi aliisque doctis videri credis. Credas licet, Vir Eruditissime, sed alia mihi sententia sedet; istius Pharaonis aut Judæ annulum non fuisse signatorium, neque hoc Scriptura dicit, sed utitur verbo *טבאב* *Tabaab* a verbo *טבאב* *Tabab*, quod significat *immergere, demergere, submergere, figere, infigere*, quod digitus annulo cuicunque immergatur, & infigatur annulus digito, quod sane sit etiam sine sculptura; sufficit istum annulum, qualiscunque fuerit, Regium fuisse, qui Josepho traditus est.

Nam signatorium fuisse, nec Sacra Scriptura dicit, nec ex ejus verbis hoc elici potest, aut sequi. De Annulo Judæ, quem pignori opposuit apud Thamar Genes. 38. v. 18. & seqq. verum est illum *חבטא* *chotam* vocari annulum signatorium, nam *חבטא* *chbatam* signavit & obsignavit Hebræis dicitur. Sed Moses scribens illud per *טבאב* *Tabab* Judæ assignasse videtur, quod postea in annulis commune erat, postquam gemmas sculperè didicissent. Nam Mosis tempore postquam sculpturæ gemmarum in usum venissent, omnes annuli *Chotam* tanquam signatorii vocabantur, ut & *Tabab* pro annulo signatorio cœpit usurpari, ut Esther 3. v. 12. adeo ut de quovis annulo deinceps & *Tabab* & *Chotam* dicerentur, licet sculptæ non essent. Facile igitur tibi concedere possem, gemmas etiam infertas annulis fuisse, at non sculptas, sed emolitas in quasdam figuras, quadratas, aut rotundas, quas artifices Belgicæ linguæ *Steenslyper* vocare solent, si tales S. Scriptura ante Mosen nominasset, quod nunc non memini in sacris occurrere. Nam quod Gen. 2. v. 12. de gemma Onyche, quæ reperiatur in regione Hevilah, illud non statim præsupponit sculptores. Sed post illum locum de gemmis in usum conversis nihil S. Scriptura dixit, memoravit, priusquam Exod. 35. v. 30. & seqq. ubi Bezaliel dicitur impletus a Deo spiritu Dei, ut possit artificiosissime elaborare omnia tam in auro, quam argento, & ære & lignis, ut & gemmas sculperet, & inferere. At quid opus fuisset peculiari spiritu divinos illos homines inspirare, si jam ante Mosen sculptura experimentis confirmata fuisset? adeo ut emoluberes multum distent a sculptoribus gemmarum, qui primo cum Mose cœperunt, si S.

Scripturæ credimus. Deus enim & Moses ingenium hoc sculptoribus primum insinuarunt, ut non solum animalium figuras, sed & literas gemmis insculpere possent, ut patet ex textibus sacris. Sed locum quem adducis Exod. 28. v. 36. & repetitur Exodi 39. v. 30. de frontali aureo: quod artifices secundum iussa Dei & Mosis effecerunt, & quod coelatum fuit, imo Luthero vertente, etiam literis insignitum, sculptis, und gruben-schrift darein, hoc non facit contra me, sed post Mosen aut Mosis tempore illas sculpturas primum prodiisse significatur, cui non adversari me decet: neque enim ante legitur sculptura auri, aut gemmarum in sacris. Quæ de Ægyptiis, & illorum scientia ex profanis scriptoribus adducis, talia sunt, quæ longe post Mosen intelligi debent. Semper nos S. Scripturam illis præferimus, quæ non tacuisset, si alia scriptio prius cognita fuisset, quam Deus illam Moli revelavit.

Quod de indulgentia Regis Antiochi, qua concessit Judæis nummos signare & cudere, tu credis illud a Simone Macchabæo, ut beneficium quoddam, acceptum esse, non ego; hancque rem in meo de Nummis non cūis dilucidius proposui, & magis propendeo Simonem non Antiochi arbitrio adquevisse, & nummos cœpisse cudere, quoniam hoc erat contra patrios mores. Sed hæc missa faciamus. In cœteris, quæ de Regum actionibus ad examen vocandis differis, Tibi, Vir summe, consentio, nisi quod *Etequette* Hispanor. non approbem, quæ præscripta servari nequeunt, nec servantur, quoniam ridicula magis sunt, quam seria; ut & de pullis in Africa sine incubatione ovorum producendis, est enim illud clima huic rei aptissimum, quod sole perpetuo, & ferventi illustratur; de qua re quoque diserte Leo Africanus egit, novique Doctorem Medicinæ hujus loci, qui annos ante paucos idem hic tentare voluit furno suo extructo; successit quidem res in paucis ovis, sed in plerisque temperamentum illud, quod requirebatur, defuit. Sub finem abs Te quæram Vir Eruditiss. an unquam videris Isaaci Pontani Glossarium Celticum, quod citat Menagius aliquoties. Mihi sane hæcenus ignotum est, qui libenter illud inspicerem & legerem, sed nullibi apud nos reperitur. Non dubito, quin in Belgio sit proculsum. Si quid de illo libro nosti, mecum communices, oro, & si Tecum est ille liber, quid doceat & quomodo, paucis me doceas enixe peto. Sicque valeas & vivas diu ac felicissime.

Dabam Hafn. a. d. xviii. Aprilis MDCCCX.

LXXX.

Clarissimo Celeberrimoque Viro

OTTONI SPERLINGIO

S. D.

G I S B. CUPERUS.

Recte curata est epistola, quam hoc ipso anno ad me dedisti, & qua complexus es res utique elegantes & præclaras. Gaudeo autem, nos frequenter dissentire salva amicitia, cui ego, licet in alia omnia ire pergamus, nunquam remittam nuntium; id quod & te facturum, fidem, & sponsores habeo pietatem tuam, & humanitatem, atque adeo singularem tuam erga me benevolentiam. Et ne quid veteres nostras contrariasque de variis eruditis rebus sententias revocem, origo-

A literarum vel alphabeti novam nobis materiam eamque elegantem suppeditat; cum tu, vir eximie, Mosen primum facias earum auctorem, ego vero illas credam & defendam longe antiquiores esse.

B Speraveram rationes meas tibi satisfacturas, sed id aliter evenisse animadverto; & quanquam vix deceat amicos continuo ferram reciprocare, tamen veniam, uti equidem spero, dabis mihi, si viam, quam sequutus sum, insistam, & breviter nonnulla tibi reponam.

Mittis igitur ad me, non esse necesse, ut existimemus, Mosen continuo post Dei mandatum consignasse literis cladem Amalekitarum, eum id fecisse post scriptam legem, & postquam consignavit res omnes gestas in Pentateucho, nullum verbum in S. S. de Victoria hac statim scripta, sed lapides solos erectos, in quibus illa deinceps annotari debuit.

C Fateor hæc aliquam habere speciem veritatis, sed tamen multa iis opponi possunt. Nam 1. ego Exod. c. 17. nullos invenio erectos lapides, sed altare; quod si factum fuit ex præscripto Dei cap. 20. v. 34. certe illud fuit ex terra. 2. ne vestigium quidem ullius inscriptionis in lapidibus, si altare ex iis fuit constructum; vel præter illud lapides fuerunt erecti, de quibus plane silet S. S. 3. Deus non jubet, ut Mose rem istam memorabilem lapidibus inscribat, sed libro, v. 14. cap. 17. Et 4. mihi nequaquam fit probabile, Deum ad Mosen loquuturum de scriptura, & de libro, si ille res tales non cognovisset, nequæ illæ fuissent in usu; & a sapientia atque benevolentia Dei mihi omnino alienum videtur, ut ageret cum Mose de rebus ipsi plane incognitis; & mihi persuadeo, Mosen interrogaturum Deum, quid illa scriptio, quid liber sibi velint, uti de aliis antea, & postea rebus cum summa illa & æterna Majestate egit. 5. Multa sunt, quæ docent libros, scripturam, literas in Ægypto ante Mosen cognitæ fuisse. Nosti vir præclare,

D quæ auctores antiquissimi de Thoth, vel Mercurio Trismegisto tradant, quem verisimile est Mose, & ipso Josepho antiquiorem esse, quanquam multa supposititia illi tribuantur, & alii eundem faciant Mosen, & quot libros illi tribuant; quæ insuper de pyramidibus, quibus res gestæ inscriptæ Regum, & de cavernis, vel syringibus narrant veteres; quæ certe omnia sibi invicem juncta, haud leve mihi videntur argumentum præbere, literas Ægyptiis cognitæ fuisse. 6. His adde Mosen edoctum fuisse omnem gentis illius scientiam, vel sapientiam; & mihi equidem mirum, ne dicam absurdum videri, credere, illud fieri potuisse absque literis, & absque libris, si illi hieroglyphicis, si aliis characteribus, vel literis fuerint conscripti; neque enim fieri fere potest, ut gens solers & vasa, artiumque in primis diligens aliis literis usa non sit, quam hieroglyphicis, quæ solis sacerdotibus erant in usu, ad velanda mysteria sua. 7. Mihi certum fere est, Phœnices & Palæstinos literas diu ante Mosen habuisse; quod si probatum & effectum dederò, utique illæ negandæ non sunt Ægyptiis, quorum illis temporibus magna potentia, magna fama, & scientia. Legimus, uti nosti, amicissime Sperlingi, Josuæ 13. 15. & Judic. 1. 11. memorari urbem *Kiriath-Sepher*, quam etiam vocabant *Debir*, & linguarum Orientalium peritos viros nomina ea exponere, urbem librorum, & judicare in illa fuisse scholas, & conservata gentis scripta, si ve ea historiam, si ve sacra, si ve philosophiam illustraverint. Et hac occasione mihi venit aliquid in mentem, quod te celare nequaquam possum, licet certe Paradoxum quodam modo videatur. Consentiant Chronographi Cadmum circa Mosis, vel Josuæ tempora literas Græciæ in-

tulisse; illæ habent eadem fere nomina, quæ Hebrææ; jam mihi nullo modo est verisimile, Cadmum, & Phœnices eas a Judæis accepisse, quippe quos odio prosequerantur, & cum quibus nullum ipsis erat commercium. Hinc utique sequi debet, Phœnices ante Mosem suas sibi literas habuisse, nec non vel Phœnices illas sumpsisse a Chaldæis & Abrahamo, vel Abrahamum ejusve posteros; quia per longum tempus in terris illis versati fuerant, eadem alphabeti nomina usurpasse; si ex patria sua alia secum detulit trans Jordanem. Alia hanc in rem adjicere possem, sed vereor an numerari viris paradoxarum, & admirabilium opinionum studiosis.

Fieri potest, & verisimile omnino, Sacerdotem a Rege Assyrio missum habuisse comites, & socios; sed cum S. S. tam clare *unum* memoret, nihil necesse est, ut credamus, illos etiam fuisse Sacerdotes; potuerunt esse servi, potuerunt esse alii Israelitæ; ita ut ego mallet cum Scriptura loqui, quam plures Sacerdotes memorare.

Nihil certi de Antediluvianis libris, & literis affirmari potest; sed sapientia Adami, amor & impetus ejusdem bene merendi de posteris suis, vita longæva tam illius, quam aliorum, mihi videntur omnino suadere, artem utilissimam, & necessariam, tunc inventam fuisse: quanquam vel tibi, vel alii hanc nolim obtrudere ratiocinationem. Quæ de annulo Pharaonis, & Judæ mihi, non muto, & mihi nunquam fiet verisimile, ante Mosem non cognitam fuisse artem scalpendi; nec quadratas tantum vel orbiculatas figuras, vel alias, verum etiam literas, animalia, & alia iis indita fuisse persuasus omnino sum; sed quicquid fuerit, parum refert, dummodo statuamus, annulis iis literas obsignatas fuisse, id quod omnino verisimile est a Josepho nomine Pharaonis factum esse. Neque enim probabile, solius ornatus causa Patriarcham illum annulum gestasse, cum alium & pretiosorem ipsi Rex tradere potuisset; literæ, mi Sperlingi, diplomata, leges ad subditos missæ illo debebant obsignari, ut inde præfecti, alique cognoscerent, Regem id jubere.

Quin & verisimile omnino, artes tales in Ægypto cognitæ fuisse, & Aaronis *vitulus aureus* mihi firmum indicium est, fusoriam Ægyptos edo-

ctos, quæ certe sculpturam similesque sibi videntur deponere. Neque puto omnia, quæ dicuntur de Ægyptiis, post Mosem acta fuisse debere intelligi, licet Legislator ille nullam faciat eorum mentionem, id quod utique facere nihil necesse erat, cum Deus memoriæ mandari voluerit ea maxime, quæ faciebant ad conservandam memoriæ originis, & successionis populi sui, & Ecclesiæ Judaicæ; & mihi omnino licitum videtur, ratione agere in ejusmodi obscuris, & intricatis rebus, atque ex uno facto alterum deducere.

De nummis beneficio, & indulgentia Antiochi a Simone Macchabæo signatis, nihil est, quod amplius agam, cum materiam hanc exhauseris in præclaro opere tuo; quanquam ego nihil causæ videam, cur id non facere potuerit Simon, nec quidquam inde de patriis moribus videtur fuisse derogatum, si sacros ritus, quorum erant Judæi tenacissimi, non autem si nummos antea non cusos spectes.

Lætor te probare, quæ mihi de Regum actionibus, & ego etiam non probo morem Hispanum, sed illam comparisonem institui, ut pateat, eandem semper in mundo histrioniam agi. Pullos etiam tibi placere gaudeo, sed ego male tibi exhibui artem, qua hodie illos producant Ægyptii. Furni sunt igne modico calefacti, uti ex nonnullis Itinerariis constat, in quibus etiam totius ædificii figura nobis repræsentatur, si modo ad vivum, ut loquuntur, fuit efficta. Sed vetustis temporibus Ægyptii ope fimi nobis animalia illa dabant, uti ex Aristotele docet Casaubonus ad Vopisci Saturninum, ubi Adrianus Imp. ita loquitur in epistola: *Nihil illis opto, nisi ut asicis pullis alantur, quos quemadmodum fecundant, pudet dicere.* Et profecto scitu dignum est, cognoscere, quo tempore Arabes, vel Ægyptii modum excludendi per fures pullos invenerint; quod si me docere posses, utique plurimum tibi deberem.

Cum autem vacuum spatium supersit, constitui tecum communicare Inscriptionem elegantem ineditam, quales plures olim, & nunc ex Oriente accepi, mihi que persuadeo, tibi eam non ingratam futuram.

ΑΦΙΕΡΩΤΕ

ΑΙΜΙΔΙΩ. ΡΗΓΕΙΝΩ ΤΩ
ΕΞ ΟΥΛΠΙΑΣ ΡΗΓΙΔΑΛΗΣ ΚΑΙ
ΑΙΜΙΔΙΟΥ. ΠΤΟΛΕΜΑΙΟΥ ΣΤΡΑ
ΤΕΤΑΜΕΝΩ. ΕΤΗ. Ε. ΒΟΗΘΩ. ΚΟΡΝΙΚΟΥ
ΛΑΡΙΩΝ ΥΠΑΤΙΚΟΥ. ΖΗCΑΝΤΙ. ΕΤΗ. ΚΑ. ΜΗΝΕCΔ
ΜΕΧΡΙ ΠΑΝΕΜΟΥΚ. ΤΟΤ ΓΜC ΕΤΟΤC.

Atque inde perspicies, hunc *Æmilium Reginum* filium fuisse, nisi me fallo, *Ulpiae Regillæ* & *Æmilii Ptolemæi*; mirorque summopere matris nomen præponi nomini patris, id quod quare factum sit, scio juxta cum ignarissimis; nec alia exempla annotavi, quæ tamen vix dubito quin existant. Id quod certe levè est præ illis, qui *μυτρόθεν* appellabantur, omisso plane Patris nomine, quod *Lycios* fecisse docet Nicol. Damasc. in Excerptis Hist. Univers. ubi videri potest Valesius; id quod etiam observes in appellativis, unde *Cepheus* Arato *Jasides* vocatur, quia ab Io ducebat originem, teste ejus Scholiaste: 2. hunc *Æmilium* fuisse *Adjutorem Corniculariorum*, qui etiam in quadam Latina Inf. occurrit apud Gruterum, Consularis: 3. vixisse eundem annos 21. menses iv. & insuper attingisse vigesimum diem Mensis Macedonici & proinde Seleucidarum, & obiisse anno illius æræ 243.

nisi statuamus, Panemum fuisse mensem quartum. Vale vir Præstantissime, & hisce fruire.

12. Aug. 1710.

LXXXI.

Nobilissimo, & Amplissimo Viro.

G I S B E R T O C U P E R O

S. P. D.

O T T O S P E R L I N G I U S.

Perlatae sunt Tuæ, Vir Excellentissime, XII. Augusti. hoc anno exaratae per Amicum quendam

Hamburgensem a Domino Fabricio ipsi traditæ, sed serius omnino, ut solet, quæ per manus Amicorum curantur. Non opus erat excusare, quod dissentiamus; nam hæc dissensiones, ut in amoribus, sunt amoris redintegratio, nec propterea amare Te, Vir eruditissime, unquam desinere possum.

At verum ut fatear, licet septem argumentis oppugnare sententiam meam conatus sis de scriptione cum Mose primum nata, & per omnes populos deinceps communicata, tanquam divini, ut fuit, operis; nondum Tu satisfecisse mihi videris, quum illa solum recenseas, quæ post Mosen gesta sunt, apud Phœnices, & Ægyptios in illorum scriptione: quæ sicut ego nullatenus reprobo, ante Mosen tamen illos scripsisse necesse est fateri Te debere, nisi S. Scripturæ plane velis adversari, quæ mihi pluribus modis anteferenda reliquis commentis & commentariis videtur. Nam licet Historici profani infinitam ætatem Phœniciorum, & Ægyptiorum scriptionibus tribuant, haud tamen illis tuto credere licet, quum nihil sit vulgatius, quam quorum ætatem ignorant, ea ad prima initia mundi trahere, vel Deum aliquem sempiternum, qui etiam ipsis ante mundum conditum vixerit. Quo ipso inviti quoque fateri coguntur, a Deo scriptiorem primo traditam esse, qui nullus alius est, quam Deus ille verus noster cœlestis & æternus, quem illi non agnoverunt; sed ad suos Deastros factitios omnia retulerunt. Hinc agnosces profecto, de illorum scriptionibus ante Mosen, neminem, nisi falso, pronunciare posse, vel scribere potuisse, sicque cadunt pleraque argumenta Tua ex profanis Scriptoribus petita. Quod vero ex S. Scriptura urges, Mosen jussu esse non lapidibus, sed libro inscribere victoriam de Amalekitis reportatam, hoc sane præstitit Moses, & valde pro me facit, Mosen hæc non ante consignasse, quam libros suos scriberet. Nec opus erat Deum de libro peculiariter interrogare, cum eo ipso, quo jussit Deus, libro hæc inscribere, etiam quali libro uti deberet, monstraverit. Urges præterea, Vir Eruditissime, locos ex Josuæ 15. v. 15. Judic. 1. ver. 11. ubi *Debir* urbs prius *Kiriath Sepher* dicta fuit, quasi *urbs librorum*, ubi scholæ fuerint, & scripta gentis conservata. Næniæ sunt hæc, & pace Tua dicam nullius momenti; neque enim ^{ῥῶδ} prima sua significatione liber fuit, sed narratio quædam, & enumeratio gestorum, ut ejus radix ostendit ^{ῥῶδ} *saphar*, quod non significat, scripsit in libro, sed Numeravit, Annumeravit, Dinumeravit, Enumeravit, Narravit, Recensuit; quæ omnia sine scriptione succedunt, & succedere potuerunt: adeo ut *Kiriath-Sepher*, non sit civitas librorum, ne libri quidem, sed urbs numerationis, quod in illa civitate forsan tribus Israelitici populi primum numeratæ sint; sed nec scriba ullus occurrit in sacris, qui ex radice ^{ῥῶδ} Sopher dictus est, quam 1. Sam. 8. v. 17. *Serasaberat Scriba*. Non quod existimem tunc primum scribas, aut scriptiorem usitatam fuisse Hebræis, sed quod *Scriba* nomen diserte non ante occurrat in sacris. Nam Judicum 5. v. 14. calami scriptorii mentio fit, qui sine scriba officium facere non potuit. Quin & ante sub ipso Mose quosdam ad scribendum edoctos fuisse censeo, per quos scriptio ad omnes propagata fuit inter Hebræos: atque tunc tabulæ, in quibus scribebant, primum libri dictæ sunt, Hebraice ^{ῥῶδ} *Sepher* in singulari, & ^{ῥῶδ} *Sephrin* in plurali, translata scilicet voce illa *Sepher* ad eam quoque significationem libri scripti, post Mosen. Hoc enim modo inter Hebræos scriptio se habuit sic exorta, inter gentes vero serius. Nam nulla scriptio historica ante Mosen inter eos occurrit, siue Taauten

Ægyptium, siue Sanchoniathonem, cui inter principes scribendi actu tribuitur, siue Cadmum Phœnicium, aliove allegare velis: neminem sane eorum ætatem Mosis scribendo anteveruisse dicere poteris, aut probare. Omnes post Mosen cum imitati sunt peculiare sibi scripturas efformantes, ne a Mose, aut Hebræis hanc artem divinam se didicisse faterentur. Quod miraris, quomodo tot sæcula ante Mosen sine scriptione subsistere, & transigi potuerint, non miraberis, quoniam adhuc hodie multi populi sine ulla scriptiōne res suas gerunt omnes, nec scriptiōnem ullam adhibere curant, ut Lappones, in India utraque perquam multi, qui per Christianos discere potuerant, nisi negligerent & contemnerent, ut olim Celtæ omnes.

Quæ de sculptura, & sculptura gemmarum per literas tanto studio asseris, ita sunt comparata, ut persuaderi te sinam, sculptores gemmarum, quod nec ego negavi, ante Mosen fuisse, sed literas ullas, aut figuras iis insculptas negavi, nec me pœnitet ita statuisse, quoniam Deus hæc peculiariter mentibus sculptorum Hebraicorum se inspiraturum Mosis promisit: quibus magis credo, quam affaniis istis, quibus Scripturam Sacram alii offuscant. Alia est ars fusoria imaginum, alia vero sculptura gemmarum, quæ confundi minime debent. Tuum enim argumentum eo spectat, si imagines producere potuerunt per artem fusoriam, etiam gemmas sculpere potuerunt figuris, & imaginibus. Non video hoc consequi. Nec quidquam Scriptura sacra de his sculpturis ullibi ante Mosen dixit, nec Deus opus habuisset artem hanc sculpendi inspirare hominibus populi sui, si prius illa nota fuissent. Vides ergo facile, Vir summe, quantum aberremus, quando sine Scriptura sacra loqui conamur.

Quando Arabes, & Ægyptii hunc modum excludendi pullos ex ovis invenerint, mihi sane nunc non liquet; verustam esse inventionem hanc ex eo patet, quod Diodorus Siculus Augusti ævi scriptor ejus meminerit. Dispiciam tamen, num ad authores primos pervenire mihi liceat; & movebo.

Pro elegantissima Inscriptione, quam mecum communicasti, infinitas Tibi gratias ago. Explicasti illam dexterrime, ut soles, sed ad æram Seleucidarum illos annos referri posse dubito adhuc. Nam centum post Seleucum annis purius adhuc & loquebantur, & scribebant Græci, quod prima vox *Ἀπρίμων* ostendit, quæ scribi debebat *Ἀπρίμων*. Deinde quod Cornicularii Milites, quibus Adjutor fuit, in illa nominentur, qui anteriorem Seleucidarum ætatem indicant, quam 143. annorum. Panemus mensis Macedonicus nostro Julio mensi responderet: cujus feria 7. incipiebat, & 29. diebus absolvebatur, secundum Chronologos accuratiores, Scaligerum ac Calvisium. Si ergo miles hic mortuus est 20. die Panermi, ad nostrum mensium calculum obiit 27. Julii. Seleucidarum æra cœpit ab Anno Urbis conditæ 442. secundum Vaillant. Vide sis igitur, num illius Inscriptionis textus conveniat illi ætati, qua purissime Græci & loquebantur, & scribebant. Ego potius eam referrem ad æram Diocletianam, quæ incepit secundum Chronologos Anno Chr. 284. 29. Augusti, quibus si addas 143. annos æræ Diocletianæ, prodibit Annus Christi 427. sub Theodosio Juniore, incipiens 29. Augusti, sicque mortuus esset hic miles Æmilius Ptolemæus Anno Christi 1426. m. 7. Julii seu Panemi 20. antequam Annus Christi 1427. æræ Diocletianæ 143. cœpit 29. Augusti. sub Theodosio Juniore, quibus & Inscriptio Græca minus correctæ, & Cornicularii eorumque Adjutor optime conveniunt. Sed liberum esto Tibi, Vir Excel-

lentissime, de his sentire quæ saniora credideris A esse. Nam in his ego falli possum.

Si quando ad Dn. Ottium, aut Relandum scribes, inquire quæso ab ipsis, quando Samaritanus Codex primum in has oras nostras illatus sit, & quis atrulerit.

De Glossario Joh. Isac. Pontani oblitus es mihi respondere. Nactus interea fui istum libellum, ab amicis in Holsatia forma, ut loquuntur, duodecima impressum Lugd. Batavor. 1606. Præmisit Itinerarium suum Narbonense, cui subjecit notas suas; & postea Glossarium suum Prisco-Gallicum addidit, nec Celticum vocat, ut Menagius illud adduxit, quamvis eodem res recidat; nam scriptores omnia Celtica Gallica vocarunt, quod Gallia ipsis esset omnium proxima. Legi doctissimum illud scriptum, & avide, & magna cum voluptate, mihi- que non pauca ex illo seposui, & notavi.

Postremo commendo Tibi Juvenem non indoctum, & jam scriptis suis clarum, Thomam Bartholinum, qui has Tibi tradet meas, Thomæ filium, Thomæ Nepotem, qui passim Orbe literato notissimi fuerunt & æstimatissimi. Eum si qua re juvare poteris, quod soles, facito. Desiderat Eruditus Viris per Te commendari, nec novi præter Te, qui commendare possit efficacius, cui tantus numerus doctorum Virorum assurgit. His valeas, & diu felicissime vivas Vir omnium Eruditissime.

Dabam Hafniæ a. d. xxviii. Octobris Anni MDCCCX.

LXXXII.

OTTONI SPERLINGIO

Viro illustris, & præstantis eruditionis.

S. D.

GISB. CUPERUS.

MUltis tecum egi xiii. Augusti proximi die, nec dubito, quin acceperis literas illas, atque ex iisdem perspexeris, me semper tui meminisse, & egisse de variis rebus, præfiscine dixerim, haud protritit, atque adeo spero te illas, qua vales eruditione, illustraturum. Non jam agam pluribus de tempore, quo alphabeti literæ sunt inventæ, sed pulsi olim fimo, inde igne exclusi, vellunt mihi aurem.

Gonzales de Mendoza tradidit nobis, ali in China anates maximo numero, extrui caveas super aquas, in quibus quatuor millia ali possunt, ova, quæ pariunt, fimo excludi, altoresque ea pertundere statotempore, & frigidiorē tempestate stramen fimo suppositum accendi, ut ita ova magis calefiant; pullos includi alii caveæ, usque dum cum majoribus ambulare, ut sic loquar, possint; in illa cavea anates edoctos alere pullos & fovere, fervari; mane emitti anates ad pascendum in agris oriza consitis, horum dominos possessoribus anatum dare certam pecuniæ summam, quia agros purgant a bestiolis noxiis, & convenire subinde ex diversis caveis 20000. anatum; eos sono tympani, vel tintinnabuli audito redire vespere in caveas, & unamquamque ita in suam redire.

Atque hoc idem affirmat nobis Niehovius p. 156. descriptionis Chinæ, editæ una cum illius legatione ad regni illius splendidissimi Imperatorem, traditque in regione Quantung anates excludi, vel

furno, vel fimo equino. Qui factum sit, ut remota hæ nationes eadem arte excluderint pullos, equidem in quæstione dignum est; cumque absque dubio Ægyptus prima sit inhabitata, non videtur haud absque ratione statui posse, morem illum inde in ultimum orientem pervenisse, idque eo magis, quia & characteres Serum ex doctorum sententia Ægyptiis originem suam debent. Quamquam fatear fieri posse, ut binæ gentes, præcipue valentes ingenio, eandem artem invenire potuerint, nec una alteri eam propter rem aliquid debeat. Illud autem notandum, Mendozam non meminisse furni, sed eum memorari Niehovio, nec non Kircheropag. 198. Chinæ illustratæ, quomodo & tempore Aureliani fimo tantum utebantur Ægyptii. Utinam, utinam cognoscere certo possumus, quis tam apud Chineses, quam Ægyptios, primus invenerit furnos excludendis pullis & anatibus; multum profecto ego sagaci viro deberem, quia valde cognoscere desidero auctorem pulchræ hujus, & utilis inventionis.

Memini, nos olim egisse de literis Etruscis, Rurnis; Celtibericis, similibusque; observavi in Cambdeni Britannia alios pag. 126. edit. majoris Janssonianæ anni 1659. uti & pag. 141. Ego vix dubito, quin, priores saltem, debeant originem suam populis Septentrionalibus, qui alterum illum orbem per vices occuparunt; & inde te etiam atque etiam rogo, ut mihi hæc mysteria, quorum promus condus es, aperire velis.

Mihi semper memorabilis visus est Index, qui apud Polianum quotidianam Regis Persarum mensam continet: sumptus illi mihi videntur immensi, & non forent verisimiles, nisi statuamus in Aula plurimos magnates, plurimas concubinas, & qui ipsis apparebant, aulicos, nec non prætorianum militem sustentatos fuisse; id quod etiam credo de Salomonis mensa 1. Regum 4. sed hoc non ago; verum video Polianum distinguere inter ἔϋλα, & ὕλην, cum ita loquitur. ἔϋλων δὲ ἡ ἀρχαία, ὕλης ἐκ τῶν ἀρχαίων, lignorum ducenti currus; sylvæ, vel materiæ centum. In confesso est, Græcos ὕλην Latinos materiam appellare arbores rudes, vel non dolatas; ex quibus cæsis & scissis ædificia fiebant; & notum est, Ictos ita has voces Latinas distinguere; id quod & facit Plinius ad Trajanum scribens lib. 10. ep. 50. Est in Nicomediensium finibus amplissimus lacus, per hunc materia, fructus, LIGNA, MATERIAE, & sumptu modico & labore, usque ad viam; inde magno labore, majore impendio, vehiculis ad mare debentur. Neque enim dubito, quin eodem plane sensu voces illæ hoc loco sumantur, & inde occurrit in veteri lapide apud Fabretum NEGOTIANS MATERIARIVS, qui nempe vendebat ligna extruendis ædificiis, aliisve operibus, uti vel patet ex adpicta decempeda, qua scilicet ligna illa metiebantur. Sed hæc explicatio nullo modo apud Polianum recipi potest, quia loquitur de lignis, quæ singulis diebus in aula Regis Persarum comburebantur, tam in conclavibus, quam culinis, quas complures fuisse nihil est, quod dubitemus. Et tamen Polianus ἔϋλα & ὕλην distinguit absque ulla ambage, nec dubium mihi etiam relinquitur, quin debeant distinguui. Quid igitur? memini me olim audivisse, in Westphaliæ, vel Germaniæ grandibus monasteriis atque Abbatibus, hyemali præsertim tempore, arbores cædi, & ramis nudatas foco cum aliis lignis in culina imponi, & illas a radice, vel summitate combustas machina quadam protrudi, usque dum totæ sint consumptæ. An hic mos etiam in culinis Persicæ Aulæ obtinuerit, tuum erit iudicium, tua existimatio.

Mihi certe ξύλα apud Polyænum videntur omnino designare ligna scissa, ita ut commodè comburi potuerint, per ὕλην vero arbores integræ, quæ una cum aliis focis culinarum imponebantur. Vel per eam vocem intelligenda sunt virgulta, sarmenta, ramique arborum, in fascès colligati, quales nos Tackebossen, vel Rysbossem appellamus, qui rami etiam potuerunt esse inconditi. Sed & hoc addendum est, fabros lignarios *materiarios* appellari. Glossæ: *Materiarus* τέκτων, & in aliis legi: ὕλη ξύλων ἢ ἐπέρων *Materia*, ὕλη ἐν τοῖς ὄρεσι, *silva*, *nemus*, & eo sensu MATERIA RIVS in Inscript. 7. pag. 460. apud Gruterum.

Quid sibi volunt hæc loca in Excerptis Pithœanis? *Bestæ*, *Majæ*, *Trojæ*: iterum, *Bestemiæ* *Trojæ*, supra *Bestæ*, *Majæ*, *Trojæ*. In Glossis Ildori legitur, *Bestemiæ*, *Trojæ*, & *Bistimiæ* *Trullæ*.

Hæc cum scribo, amplissimus Goesius per hanc urbem transiens per famulum significat, se tempore excludi, quo minus me adeat, sed illud facturum redientem post tres hebdomadas; nec credo te dubitare, magnam te, vir illustis, colloquutionis, & confabulationis nostræ partem fore.

Quin & inde post pauculos dies, doctissimus juvenis Thomas Bartholinus mihi reddidit literas, quas ad me dedisti 28. Octobris proximi die; eumque & tua causa & propter eruditionem ipsius amice, & benigne excepi. Ostendi eidem parvam meam penum nummariam, & bibliothecam, & persuasus omnino sum, eundem me reliquisse contentum, maxime cum varia *κεφάλαια* viderit, sive numismata, sive libros spectes, quæ, præfiscine dixerim, alibi vix obvia sunt; ne jam loquar centum ad minimum volumina epistolarum, quas ab eruditis tuli, & quas ad illos misi, inter quas tuæ egregium, & principem obtinent locum.

Dum interim Goesium transeuntem expecto, respondebo ultimis illis. De auctore literarum non est animus ferram diutius reciprocare, cum quia hæc materia a variis præstanti eruditione viris diligenter tractata est, tum quia non satis virium argumentis tuis inesse video, ut me a sententia mea depellant. Neque hoc est *Scripturæ ad-versari*, sed eam debita reverentia sequi, cum ego ne latum quidem unguem ab ea recedam, & credam Deum dicentem Mosis, *scribe hæc in libro*, non voluisse testari, istud eum facturum, postquam eundem literas docuisset.

Quid quod absque dubio Moses cognovit Ægyptiorum characteres, vel scribendi morem, & ita iis uti potuisset, si non alios didicisset? Quæ de voce *Sapbar* notas, pulchra sunt, sed cum non constet in illa civitate tribus Israelitici populi primum numeratas esse, cumque ejusmodi res scripto proculdubio fuisset mandata, ego non video firmam satis probationem illi explicationi inesse, maxime cum *Debir* ante adventum Josuæ videatur omnino illud nomen obtinuisse; & ipsa illa vox *Debir*, id quod velim diligenter notes, non *numerationem*, sed *literas*, *eruditionem* & *scripturam* significet.

Sed *Ite domum saturæ*, venit *Hesperus*, ite *capellæ*. Ego huic nuntium remitto disceptationi, & pati possum, te tuis inhærere placitis, dummodo non feras ægre, me nullo modo in tuam sententiam facere posse discessionem. Atque hæc etiam dicta puta de artificibus, quos ego artem sculpendi credo in ipsa Ægypto novisse, & nihi-

Supplem. Tom. IV.

lominus singulari favore, & ope Dei eam egregie calluisse; neque video, quomodo istiuscemodi explicationibus convenire queat tuum illud, *sine Scriptura loqui*, a qua ego puto me ne latum quidem unguem decedere.

Utinam vel apud Sinas, vel potius apud Ægyptios invenire, & detegere posses originem artis per furnos excludendi pullos! nam altera via, vel finis tam vetus est, ut de illius auctore conclamatum sit reperiendo.

Recte abis ab *æra Seleucidarum*, nomen mensis *Panemi* me properantem induxit in errorem; quem *Cornicularius* profecto corrigere debuisset. Multum igitur tibi debeo, quod me reduxeris in viam, nec me æræ Diocletianæ opponam, sed tunc statuendum simul erit, militem hunc fuisse Christianum. Error enim insignis est virorum doctorum, qui tradunt, Diocletianum sub initium Imperii, prisco per Consules numerandi more abolito, ab annis Imperii sui Epocham duci voluisse, quæ *Diocletianea* appellata est. Neque enim id fecit Diocletianus, & æra illa, *Martyrum* etiam dicta, Christianis originem suam debet, nec unquam gentilibus usitata fuit, eamque amplexi sunt Alexandrini & Orientales, & Scaliger, at quantus Chronologus! in Prolegomenis ad Libr. de Emend. Temporum norat, eam nullis nationibus in usu fuisse, & unicam dumtaxat Ecclesiam Alexandrinam, & quæ illi subditæ sunt, hac Epocham usam esse. Sed & eam amplexos esse Christianos Asiaticos, nisi alia sit, patet omnino ex Inscriptione, de qua ago, nec non ex variis aliis, quæ apud me sunt ineditæ, & Christianam Religionem præ se ferunt, in quibus omnibus etiam nomina mensium Græca signantur, ut *Loos*, *Dystros*, *Hyperbereteos*, *Panemus*, *Xanticus*, & forte alii; & tecum plane facio, Seleucidarum æram in iis locum habere non posse, neque etiam in altera, quam ad te misi; & miror ipse in tam supinum errorem me potuisse incidere. Negotia, tumultus curiæ, & properatio sæpe talium errorum causæ sunt.

Scribam libenter ad Ottium & Relandum, ut mihi significare velint, quando credant Samaritanum Codicem primum in has nostras oras adlatum esse, & quæ plura eo pertinent a te annotata.

Ita est, oblitus fui monere de Glossario Joh. Isaaci Pontani; illud cæteroquin forulos bibliothecæ meæ exornat, & gratulor tibi de eo accepto amicorum tuorum opera; est enim libellus nitidus atque eruditus. Vix dubito, quin legeris Pezroni lucubrationem, cui titulus, *Antiquité de la Nation & de la Langue des Celtes, autrement appelez Gaulois*; cui addit tres Indices, 1. de Vocibus Græcis, 2. de Latinis, 3. de Teutonicis vel Alamannicis, quæ ex veteri Celtarum lingua sumptæ sunt.

Dum expecto responsa ab Ottio & Relando, incidi forte fortuna in Smegma Orientale Hottingeri, & video eundem agere epistol. 304. & sequentibus, de tempore & anno, quo Pentateuchus Samaritanus in Europam adlatus sit, quamque tum illud tum alia exemplaria fortunam sint experta: puto istam doctissimi Viri Lucubrationem tibi paraturam satisfactionem; quanquam, ut verum fatear, vix dubitem, quin ea tibi cognita sit; unde mihi suspicio nascitur, te, vir egregie, pro diffusa tua eruditione, in eadem annotatione non acquiescere, quod equidem cognoscere vehementer cupio.

Sed & dum expecto Goesium, ecce ea quæ ad

R

me Relandus mittit antepenultimo Decembris proximi die.

Codex Samaritanus, de quo Sperlingius quærit, circa annum 1616. a celebri viro Petro della Valle, cujus Itinerarium extat, emptus est (aut certe obtinuit eum a Samaritanis) & hic postea pervenit ad manus Achillis Harlæi, D. de Sancy. Hunc codicem typis describi curavit Joh. Morinus, & cum aliis mss. contulit. Prima editio prodiit Parisiis an. 1632. & deinde inserta est Polyglottis Londinensibus.

Cum videam me frustra opperiri adventum Goeffii, & mihi persuadeam, te subirasce meo silentio, idque non immerito, constitui ad virum amplissimum scribere Hagam-Comitis, illiusque fidei committere hæc, quas vides, literas; earumque tarditatem satis defendent illa ipsa, quæ iisdem complexus fui.

Accepi Florentia literas a Brenkmanno, Curia Batavæ Advocato, juvene quidem, sed pererudito, & optimas artes edocto. Is magnum opus molitur, & reddet omnes leges per Corpus Juris sparsas libris suis, titulis, & auctoribus, eamque collationem pulchre procedere me facit certior.

Antonius Schultingius Antecessor Frisus significavit mihi, sese notis illustraturum Fragmenta Idtorum, quæ extra Corpus Juris edita sunt, egoque id ago, ut amici Parisienses inspiciant, & conferant manu exaratos, si inveniantur, ejus generis libellos, & inquirent in notas nondum editas Cujacii & Pitheci.

Eghinhartus de vita Carol. M. prodiit in lucem cum notis Goldasti ineditis, Besseli, & novis Schminckii Hassi, qui pulchram hanc nobis dedit editionem.

Cum autem hæc prima hujus anni sit epistola, quam ad te mitto, recte me facturum credidi, si tibi eum faustum, & felicem precer. Vive igitur prosper, & hilaris, atque adeo mei memor. Vale plurimum.

Dav. ipsis Nonis Feb. 1711.

LXXXIII.

Viro Per illustri Amplissimo & Consultiss. Dn.

GISBERTO CUPERO

OTTO SPERLINGIUS

S. P. D. & Sc.

Literas Tuas Nonis Feb. hujus anni recte perlatas, per Secretarium Dn. de Goes hic relictum mihi traditas, Vir Excellentissime, nunc nuncio, & quoties ad Te scribo, etiam gaudeo: sunt enim Tuæ, ut plenæ omnigenæ eruditionis, ita quoque jucundissimæ, & gratissimæ. Quæ de ovis non solum gallinarum, sed & anatum apud Sinenses observasti, fimo exclusarum, ego quævis ova sic excludi posse in calidis regionibus sentio: sed auctorem hujus inventi primum nullibi reperio. In Æthiopia primum experimen-

tum naturæ natum credo, ubi in calidis arenis posita ova, solo solis calore, non incubantibus matribus, illum nimium calorem non sufferentibus, excludi, nos docent Itineraria varia. Hoc animadvertentes Ægyptii fimum præstare posse, quod radiis Solaribus ibi deest, idem tentarunt efficere, loco arenarum. Successit illud feliciter, & in consuetudinem illis abiit. Nec puto alios, quam privata conditionis homines, primum huic arti operam dedisse; nam si illustris quidam vir ejus rei auctor fuisset, non omisissent scriptores ejus nomen huic rei prænotare. De fimo enim vix illustres Viri cogitant, sed ad rusticos plerumque homines hæc cura spectat, quibus ingenium est in talibus. Frustra quocirca fuerit nunc post tot secula de primo inventore quærere, quem tot scriptores antiqui nesciverunt, aut referre indignum historia judicaverunt, ut rem illorum temporibus vulgatissimam, & omnibus illic locorum obviam. Sed hoc addere possum, etiam in his nostris terris matres rusticas, si quando gallina incubans ovis immoriatur, aut alia ratione ab ovis diffugere cogatur, ova a fœminis istis cum nido colligi, & cineribus calidis focum circumdari, ac superne probe contegi, sicque pullos feliciter excludi, ut ne unus quidem ea cura desit.

Quod de literis nostris Runicis Septentrionalibus quæris, illas quidem initio magicas fuisse, nullum est dubium, & cum diris incantationibus gladiis, hastis, vestibus, vexillis, tabellis amatoris insculptas fuisse, constat, unam, duas, tres, implicatas sibi invicem, aut distinctas, pro ut res videbatur poscere; sed in nullum ordinem Alphabeti, aut Scriptionis redactas, quod istæ magicæ artes non requirebant. Postquam vero religio Christiana per Pontificios in hunc Orbem Septentrionalem fuit introducta, & cessare debuerunt istæ magicæ Runæ ac notæ cum incantationibus suis, vulgus difficillime, inprimis rusticum, ab illis magicis, quibus tantopere adfueverant, abstrahi poterat, aliquid divinum latere in illis existimantes; hinc clerici, ut manifestum redderent in illis Runis nihil divinum esse, illas notas ac Runas magicas in Alphabetum certum, & ad scriptionem idoneum, redegerunt, ac vulgo concesserunt, ut illis sua Calendaria ac Inscriptiones funebres a peritis illarum Scriptionum confici curare possent, quod diu in ipso Christianismo apud has gentes obtinuit, quod ideo factum, ut vel sic abstraheretur vulgus ab immanibus illis superstitionibus, in quibus versabatur, & tandem ex usu illarum discerent ab incantationibus solitis abstinere. Hinc tot Inscriptiones lapidum apud ipsos natæ, vulgares omnes; nam vix ullum saxum reperitur nobilibus, aut melioris conditionis hominibus inscriptum. Hæ sunt illæ Runæ nostræ, quas adhuc scribendo exercemus, quoties Runicis delectamur, adeo ut etiam nummos argenteos, & aureos his Runicis literis signatos in honorem Natalitiorum Regionum ante paucos annos oblatos habeamus.

De Hetruscis literis nihil habeo, quod dicam, cum mihi sint ignotæ; quamvis Pezronus Abbas, in suis Celticis Antiquitatibus, & Umbros, & Hetruscos, & Sabinos Celtas fuisse, postquam Saturnus in Italiam, & Mercurius Majæ filius ex Jove eo pervenerunt ac Italiæ præfuerunt, nobis persuadere voluerit. At cum Celtæ scriptioni operam non dederint, ut ipse fatetur, aliunde has literas Hetruscas, quam a Celtis ortas esse necesse est. Nam ex Septentrione

nostro non sunt accitæ, sed inter ipsos Hetruscos credo inventas, postquam Græcos & Romanos scribere viderunt.

De Hispanicis aut Celtibericis literis nos puto clare docebit Dn. de Barry, cujus explanationes nummorum Hispanicorum ardentissimo cum desiderio nunc exspecto, antequam moriar.

De Polyæni loco *περί ξύλων καὶ ὕλης*, non male differis, Vir eruditissime; distinguenda enim sunt *ξύλα καὶ ὕλη*, ligna; & materia. *ξύλα* ad focum pertinent, & culinas, *ὕλη* ad ædificia reparanda. Neque enim frigus tantum in Persia, ut arboribus integris ramis detruncatis indigere potuerint, prout in Westfalia aliisque locis Septentrionalioribus fieri solet. Nam dum in Livonia versabar, vidi arbores integras ita detruncatas, in fornaces maximas, quas illic exstruunt, mitti, & comburi, quod & in Norvegia nostra, ubi picearum copia est, fieri consuevit; atque ita intelligendum locum Polyæni existimo, ut *ξύλα* pertineant ad culinas, & caminos; vix enim fornaces in Persia mihi more nostro persuadeo fuisse; *ὕλην* vero ut arbores integras ad ædificia reparanda reposita fuisse credo, ut in promptu haberent semper, quæ palatiis reparandis inservire possent. Unde facile patet, quid Materiarii fuerint apud Romanos, nimirum illi, qui arbores varias vendere solebant ad ædificia construenda, vel reparanda, lignarii nobis nunc dicti. Mercatores *holt Kooper*, qui tales arbores in promptu habent varii generis, quas vendant desiderantibus.

De Belemis, Maiis, Troiis, quæ in Excerptis Pithœanis & Isidori Glossis legisti, nihil Tibi scribere possum, nisi quod ex *Troja* vocabulo adjuncto ludos peculiare colligam eos fuisse: nam neque Excerpta Pithœana mihi sunt, neque Isidori Glossæ, ut inspicere possem antecedentia, & consequentia, & lexica mea omnino de illis tacent.

Et quoniam ita vis, de descriptione prima silentium mihi imponam, sed neque Tu, Eruditissime Vir, neque alius quisquam docere poterit, Ægyptios ante Moysen vel de descriptione cogitasse, ne dum γρὺ quoddam scripsisse: solus Deus hanc artem Moysi aperuit, hoc congruit Scripturæ sacræ, cætera profana sunt, & nullius argumenti, vel ponderis. Non ægre fero quidquam, quod a Te procedit, sive mecum sentias, sive secus. Eruditionem Tuam semper æstimo, nec quidquam ingratum mihi potest in illa occurrere. Scribas quidquid in buccam venit, mihi placebit; scribas contraria, & illa placebunt: nam jam a tot annis consuevimus contendere invicem, sine rixa, sine turbis ac tumultu, ut animum, quo te diligo, afficere nequaquam possint aut invertere: semper idem, Tuusque sum & ero, dum spiro, quocunque Te vertas.

Jam & gratias Tibi debeo maximas, quod Thomam Bartholinum egregium & doctum Juvenem tam humaniter & benigne susceperis, meisque commendatitiis tantum ponderis & momenti addideris.

Nunc cum hæc scribo, & antequam Tuas nactus sum, Pezroni Abbatis Antiquitates Celticas perlustro, ejusque Indices. Quid dicam? in totum dissentio ab ipso, qui mihi Gomerum Japheti filium obducit, qui a confusione linguarum apud turrim Babel, Celticam linguam cum ipso ortam scribit, quam secum in Bactrianam & Margianam, ubi sedes illum fixisse vult, postquam dispersi fuerunt filii Noë, attulerit, & Sacas, qui ipsi vicini fuerunt, eam linguam Celticam do-

A cuisse, qui Armeniam invadentes & Phrygiam, iis locis Celticam linguam propagarint; Sacis in Phrygia successisse Titanas, Uranum, Saturnum, Jovem, qui quoque Celticam linguam in Graciam traduxerint, & cum Saturno in Italiam migrasse eam linguam, ut & cum Mercurio Majoris filio ex Jove, sicque Celticam linguam in Gallias penetrasse, ex Gallia tandem in Germaniam deduxerunt. Hæc ejus est sententia. Sed nullis auctoribus, licet omnia ista ipsi concederem, docere potuit, Celticam linguam Gomerum locutum esse, aut Sacas, aut Titanas: nemo de Celtis, aut Celtica lingua inter illos ullum verbum protulit ullibi. Hinc ad voces ipsas Sacarum, & Titanum se convertit, & illas voces Celticas esse magna vi coacte, & affectate satis pertrahit, idque ex Britonum lingua ostendere voluit, ubi vetus Celtica lingua adhuc vigere statuit. Ex ea lingua Titanas Celticam vocem esse docet, Uranum, Saturnum, Rheam, Jovem, Junonem, Mercurium Celtica esse vocabula, & quæ non? in quibus confutandis, quantum merentur ista, jam bonas horas tero, & plusquam merentur, consumo. Dicas mihi, Vir Excellentissime, & Eruditissime, quid Tu de illis Pezronianis sentias. Mihi satis absurda & alienissima a Celtis omnibus videntur.

C Smegma Orientale Hottingeri, quod putabam in mea Bibliotheca esse, non invenio; curabo tamen afferri mihi ab Amicis, ut videam & legam, quid de Samaritano Codice sentiat. Interim gratias ago maximas, quod Domini Relandi sententiam, & verba ad me transcripseris. Morini quidem editionem primam istius Codicis allegavit, sed cum Morinum cum aliis mss. illam suam editionem contulisse simul scribat, fuerunt proculdubio alia ante hoc manuscr. Petri de la Valle msa cum quibus conferre potuerit. An post Petrum de la Valle alia fuerint allata, scire perciperem. Nam Morini editionem nondum nancisci potui.

D Quæ de Brenkmani laboribus in Jure ex Pandectis Florentinis mss. scribis, sunt valde necessarii; speroque elegans & doctum opus futurum, quamvis jam gustum aliquem Anton. Augustinus nobis dederit. Eginhardi vitam Caroli M. apud Bibliopolas nostros quæsi cum novis illis notis, sed nondum huc allata est.

E Sicque finio, quoniam nihil restat ad quæ respondeam, nec nova quædam scribere possum, quoniam hic literæ omnes silent hac tempestate belli ingruente. Edidi tamen dissertatiunculam quandam de festo *Juul* Septentrionalium antiquorum, & hodiernorum, quam Tibi misissem, nisi occasio mittendi defuisset. Valeas igitur, Vir excellentissime, propitio Numine suaviter & diu.

Dabam Hafniæ a. d. XXXI. Martii Ann. 1711.

F

LXXXIV.

Amplissimo & Præstantissimo Viro

OTTONI SPERLINGIO

S. D.

GISB. CUPERUS.

Non dubito, quin acceperis ultimam epistolam meam, quam scriptam ipsis Nonis Februarii proximi commiseram curæ amplissimi Gœsli, & cum ille nunc per hanc urbem transeat, repetiturus aulam Serenissimi Danorum Regis, a me impetrare non potui, ut eum vacuum dimitterem, nec te non solum viri voce, verum etiam, nigellarum Cadmi filiarum ope, certiorum facerem, me semper tui meminisse, & magno multoque apud me esse præclaram tuam eruditionem. Hæc tibi proculdubio pluribus annumerabit illustris amicus noster, cum quo multa de studiis tuis, & nostra amicitia loquutus fui. Spero autem te responsurum propediem epistolæ illi, & soluturum dubia, quæ mihi crucem figunt. Et quanquam nunc sim occupatior propter comitia, quæ Ordines Transsylvaniæ hac in urbe agunt, tamen, ut antiquum obtineam, de paucis & leviusculis rebus agere tecum constitui.

Inspexi nuper doctissimi Schefferi libellum de Torquibus, & video virum eruditum agere in eo, de loco Juvenalis Satyr. 15. verbisque Scholiastæ.

*Etruscum puero si contigit aurum,
Vel nodus tantum, & signum de paupere loro.*

Corrigiam parthicam, unde solet **BULLA** pendere, signum ingenuitatis; vir egregie doctus putat, corrupta omnia esse atque talia, quæ exponi, nisi melioribus codicibus intervenientibus, haud possunt; nec quidquam ad eum locum notat diffusæ lectionis vir Joh. Nicolai; id quod equidem summopere miror.

Mihi continuo occurrebant *Parthicarum*, quos meminera me legisse corrigias, vel lora... confecisse ex pellibus parthiis; & ubi eam in rem inquiri, incidi in *Salmasium*, qui ad Treb. Pollionem notat, parthicarum pellium, unde Parthicarum dicuntur, qui pelles illas curabant, multam apud veteres mentionem esse, & *parthicum lorum* memorari Scholiastæ Juvenalis ad illum locum; sed cum corrigiæ illæ, vel lora, vel potius pelles essent pretiosissimæ & pulcherrimæ, ego vix video, quomodo corrigiæ inde factæ potuerint convenire *pauperum* veterum Romanorum loro; quare ego quidem existimo, Juvenalem loqui de bullis suo tempore ex loris ordinariis factis, quas gerebant pauperes, & libertini: hinc Scholiastes, *Antiquitus nobilium pueri bullas aureas habebant, pauperum de loris, signum libertatis*: & Asconius: *Bulla suspendi in collo infantibus ingenuis prætextatis solebat aurea, libertinis scortea*; at eundem Scholiastem memorando corrigiam parthicam respicere sua tempora; cum autem bullam scribat esse signum ingenuitatis, dicendum forte posteriorum temporum pueros gestasse bullas ex corrigia parthica, pretiosa admodum, suspensas, licet antea habuerint torques aureos τὰ χρυσοὶ περιδέματα. Multum me devincies, si me fluctuantem hac in re, firmare & stabilire velis.

Itinerarium Equitis Chardini typis describitur Amstelædami tribus volum. in 4. & 10. in 12. exor-

A naturque multis tabulis æneis. Simulac absolutum erit, ad me mittetur; desidero enim valde illud legere, tum quia prior pars ante, ut nosti, edita, mihi valde placuit, cum quia ipse ille *παρεστώς* & nunc *ἐξ ἀγίων* peregrinator mihi olim Hagæ-Comitis narravit, unam sui itinerarii partem agere de moribus Asiaticorum hodiernis, & ex iis sese feliciter (ita loquebatur) varia elucidasse S. Scripturæ loca.

B Illustris Witzenius etiam Tartariam suam diutius non premet, & Brunii in Itinerario multum profligatum est; quæ tria si hoc anno, id quod credo fiet, prodibunt, habebunt eruditi, unde se oblectare, & quibus, affixi Museis suis, Orientem peragraré, & Septentrionem periculorum expertes commode possint.

C Homerus Barnesii factus est publici juris, sed nondum in Batavos deportatus; ferunt editionem esse nitidissimam, & quæ omnibus aliis palmam sit præceptura. Banagii Historia Judæorum novis typis auctiorque in folio, ut loquimur, prodibit.

D Massonus manus admoveat secundo tomo dissertation. Illustrissimi & Excellentissimi, heu quondam mei, Spanhemii, certiorque fio, gravia, quibus obrutus erat, Regalia negotia ex manibus viri exeuisset alteram partem notarum in Julianum & Cyrillum; id quod utique summopere est dolendum. Leibnitzius fidei meæ credit ante paucos menses variorum nummorum pulchritudinis & raritatis eximiarum ætupos, quos destinaverat Spanhemio alienatus Princeps Swartburgus; illos ego Londinum curavi, & cum eo perlati sint, nullus dubito, quin Massonus præclarum illud opus iis sit exornaturus; est enim vir variæ pulchræque eruditionis, uti non modo cognosco ex libris ab eodem editis, verum etiam expertus sum ex ejus colloquio, & ex literis, quas subinde haud prorritas ad me mittit.

E Historia Chingis-Chani edita est Parisiis ab Interprete Regio, Petis la Croix, concinnata ex variis orientalibus auctoribus tam editis, sed rarioribus, quam manu exaratis; laudatorque valde illud opus, quo victoris Orientis, imo alterius Alexandri res gestæ continentur; unde & fit, ut magno ejusdem tenear desiderio. Bellum, quod tota Europa geritur, & quod Asiam etiam, ut videtur, implicabit, Musis inimicum est, & facit, ut vel non, vel tarde ejusmodi deliciæ ad nos devehantur.

F Ego multa moveo, sed pauca promoveo, tot me circum vallant negotia; & unicum fere, quod præstare possum vacuis horis, est, respondere literis eruditorum amicorum, quæ augentur in dies. Et quanquam facile videam, me, commercio illo posthabito, varia inchoata & affecta opera absolvere posse, tamen facere non possum, quin antiquum obtineam, & ita doctis atque adeo mihi ipse morem geram. Delector enim summopere hisce adlocutionibus, iisque tempora & curas distinguere soleo; cumque animadvertam responsiones meas, præfiscine dixerim, gratas & acceptas esse, peccarem certe in Musas, in amicitiam & in benevolentiam, qua præcipuæ dignitatis & eruditionis vivi me prosequuntur, si iis negligere vicem reddere.

Hæc scripseram, cum ecce mihi tuæ redduntur, quibus respondes magna mea cum voluptate ultimis meis literis. Placent illa, quæ de excludendis pullis fimo, aut igne insuper obfervas, & miror, in regione vestra similem artem non ignorare rusticos; & sane gallinarum ova aliter, quam calore naturali, excludi posse firmat etiam ovum apud Suetonium in Augusto: placent etiam ea,

quæ observas de Runicis literis, atque adeo de Antiquitatibus Celticis Abbatis Pezroni. Ego sic semper statui, virum illum eruditione fuisse præstanti, ingenioque valido, & inde eum talem historiam ex fragmentis parvis & dispersis instituifse componere; sed nunquam talia probare potui, putavique, imo etiam nunc existimo, suaviter nobis illudi, nihilque veri ejuscemodi commentationibus inesse.

Neque displicent, quæ ad Polyænum observas; sed tamen, ut verum fatear, non video, quomodo ligna ad ædificandum hic locum habere possint, cum loquatur Polyænus de iis, quæ desiderabantur singulis diebus ad parandum prandium & cœnam Regi. Et certe non video, quomodo requiri poterint singulis diebus ὅλης ἐκαστὴν ἀμάρξαι, ad ædificandum, maxime cum palatia Regia ex lapidibus cæsis & marmoribus fuerint constructa, uti vel nos docent ruinæ Persepoleos, quas, uti nosti, publicabit Brunius. Neque tot lignorum currus desiderabantur ad se calefaciendum in regione non admodum frigida; sed vide atque inspicere culinas, apparatusque in prandium & cœnam diurnos, faterisque ad coquendum, assandum tam varia edulia opus fuisse tanta lignorum copia. Si regum illorum palatia ex lignis fuissent, uti sunt hodie Moscorum multa, admitti posset tua illa explicatio; sed cum id contrarium plane sit, non video profecto, quomodo materia, vel ligna ad ædificandum locum hic habere possint.

Non a ratione est, quod ex *Trojæ* & *Majæ* vocabulis conjicis, ludos peculiares fuisse, cum *Trojæ lus* veteribus sit cognitus, & posterioribus *Majumæ festum*. Egit in Ephemeridibus Trivultianis de priore ludicro vir eruditus quidam, sed se tam turpiter dedit, ut ego omnia examinaverim, & constituerim ea mittere ad illustrem Bignonium, certum harum elegantiarum judicem: & nosti Rivinum *Majumam* illustrasse multis. Quæ in Glossis Isidori, & in excerptis Pithœanis sequuntur & antecedunt loca illa, nihil faciunt ad illa illustranda, nihilque cum iisdem habent commune; & forte, id quod nunc commodum occurrit, pro *Bestemæ* scribi debet *Bestemajæ*, vel *Bestæ Majæ*; sed quid vox illa sibi velit, juxta scio cum ignarissimis.

Desidero valde legere dissertationem tuam de Festo vestro, cui nomen JVVL, & memini multis de eodem agere Rudbeckium tomo I. Atlantiorum. Vale plurimum.

Daventriæ 10. Aprilis 1711.

LXXXV.

Perillustri Nobiliss. & Consultiss. Viro

DN. GISEBERTO CUPERO

S. P. D.

OTTO SPERLINGIUS.

Quas 10. Aprilis hujus anni currentis ad me destinasti cum Præpotentium Ordinum legato Dn. Goesio ad nostram aulam recte mihi redux tradi curavit, quibus nunc tibi, licet occupatissimo in negotiis publicis, respondere, & interpellare, nolui prætermittere, ut quando interjungere potes a publicis, quum otium fuerit,

A meas etiam ineptias legere possis, illisque inter tot doctorum virorum consultationes animum, velut in pocæniis & repotiis quibusdam, oblectare, summe Vir.

B Primum quod quæris, est de loco Juvenalis Satyr. 15. mihi vero 5. v. 163. ejusque signo de paupere loro. Possem tacere, post tot doctos viros, qui nihil inde potuerunt elicere, quod ad rem faciat; ipse Scholiastes videtur in avia pergere, dum lorum illud pauperculum interpretatur corrigiam Parthicam, ex qua bulla pendere solet, scilicet aurea, signum ingenuitatis. Nam ut aurum erat metallum nobilissimum, sic quoque lorum, ex quo aurum illud pendebat, non debuit esse vulgare, sed ex delicatioribus, quale erat Parthicum: sicque abit Scholiastes a Juvenalis paupere loro. Juvenalis namque de corrigia Parthica nihil ibi dixit, sed versus ejus sic se habent; quis enim tam nudus, ut illum Virronem sc. aut illud, vexationem, rasuram & alapas

Bis ferat, Etruscum puero si contigit aurum,
Vel nodus tantum, & signum de paupere loro?

C Loquitur illa Satyra de Parasitis, qui, aliena quadra ut viverent, circum curstabant, & divitum cœnas quærebant, ubi quam contemti haberentur, exponit; quoniam nihilque minus quam cœnas illas lautas degustabant, quas videbant quidem, sed attingere verabantur, & contumeliis plurimis afficiebantur, quas nemo ingenuus, licet pauperrimus, bis ferre vellet. Hæc mens est Juvenalis, dum ait, nec nobiles ingenuos, qui auream bullam gestabant prætextati, nec pauperiores ingenuos, qui, loco bullæ aureæ, nodum saltem bullæ similem collo ferebant, aut saltem signum aliquod ingenuitatis suæ de paupere loro præferebant, has contumelias bis passuros esse, quas parasiti quotidie sufferre cogebantur, quoties divitum cœnis se ridendos & male tractandos ingerebant. Neque enim soli libertini scortas bullas gestabant, sed etiam ingenui multi, quibus res angusta domi. Loquitur autem Juvenalis de Parasitis, qui licet ingenui non essent, libertate tamen donati erant, unde versu præced. 161.

Tu tibi liber homo & Regis conviva videris.

E Qui non merebatur tam indigne tractari, quum nec pueri ulli, siue nobiles essent, siue ingenui pauperiores, illa ludibria bis ferre possent, quæ parasiti τρεχιδείπναι quotidie in illis divitum cœnis sustinent, & sustinere cogebantur. Hanc putamentem esse Juvenalis, nec quidquam ibi corruptum, sed omnia recte se habent, si per interrogationem legantur: quæ si tibi quoque placeant, Vir summe, gaudebo me tibi satis fecisse. Nam quod de Parthiciariis, qui parthicas pelles conficiebant, & ut mercatores Romanis etiam afferebant, alio spectant, ad calceos, ad vestimenta, & alios usus, prout nobis hodie sunt pelles, quas *Seemleder* vocamus, subtiles, & elaboratissimæ.

F Pro editionibus doctorum scriptorum, & adhuc edendis, quæ submisisti, plurimas gratias tibi debeo; delectant enim me scripta illa curiosa, quamvis illa legere vix ætas mea jam mihi permittat, morti vicina, cui me jam quotidie præparo: nihil enim mihi superest, quam illa philosophia mortis.

Optime judicas de Pezroni Abbatis scripto. Tentavit equidem doctus ille Vir, Celticæ antiquitates illustrare, sed principia nimis ἀρχαία, fatua, & fabulosa substravit, ideoque fundamentis illis nihil inædificari potuit solidi;

R iij

nam neque cum sacris, neque cum profanis scriptoribus ipsi convenit, aut convenire potuit. Si Celtica mea, quæ summo studio collegi, quod ad Septentrionem nostrum maxime spectent, & primas Celtarum migrationes, aliquando videre lucem poterunt, puto meliora & certiora in illis legi posse; sed tineis & blattis ea me scripsisse potius video, quam ut profutura sint vel nunc viventibus, vel posteris. Quis enim hæc curat? Prætor nullus, Consul nullus, Mæcenates nulli. Iis vivimus temporibus, ut Musas relinquere satius sit, quam iis impalescere.

Quod Polyæni locum aliter tibi placeat explicare, & plurimas illas vehes arborum integrarum etiam culinæ destinatas velis, non video procedere posse. Nam Polyænus optime distinxit ξύλα & ὕλην, ideoque manet mihi sententia, ὕλην illam in alios usus in aulam apportatam. Quamvis enim lapidibus & marmoribus structi ac incrustati parietes ac muri fuissent apud Persas, nosti tamen etiam ligna non pauca ad ejusmodi ædificia coagmentanda interius requiri, trabes nimirum, januæ, valvæ, asseres, tecta, pontes. Sed & domunculæ multæ palatia ipsa cingebant, ut stabula equorum, boum & similia, quæ fere quondam lignea tota solebant esse, & quæ sine lignis solidis subsistere nequeunt: ne igitur illa unquam deessent, copiam talem arborum advehi necesse fuit, ut ex illis ruinosa & labefactata restaurari possent, quoniam quotidie in tam spatiosis aulis & palatiis aliquid reparandum occurrit; & tamen certum est, ex illis arborum περιτρίμμασι, quæ ad ædificia parabantur, multa focis & culinis quoque serviisse, eoque conductæ fuisse; modo non statuas, totas arbores in Persicis culinis igni injectas, prout in Septentrione ultimo, ubi frigora immensa non ξυλῖδια aut ramenta, sed integras arbores requirunt.

Quod tu, Vir Excellentissime, conquereris, te obrui literis doctorum Virorum, quibus non respondere inhumanum esset, sed publicis negotiis, & his amicis furibus temporis te præpediri, ut affecta opera multa relinquere cogaris, hoc ego quoque jam pluribus annis sensi, unde cœpi contrahere vela, & illas quas vocant *correspondentias* invitus quidem defero, sed ad paucas jam illas redegi, (quamvis novæ semper non desinant se offerre) ne tempus omne, quod breve superest, totum mihi pereat, & quietem, quam desidero, turbent.

Inveni tandem in Bibliotheca mea Hottingeri locum illum de Samaritano Codice, quem in prioribus allegasti, in Bibliotheca ejus Orientali, quæ est Smegmatis liber tertius. Contuli caput illud cum Dn. Relandi verbis, quæ mihi summisisti. Dissentire quidem video, sed ita, ut facile conciliari possint. Si expiscari posses a Dn. Relando, quam sententiam de illius Codicis, & earum literarum ætate foveat, rem mihi feceris gratissimam. Est hic inter Professores nostros, qui disputatione publica illud argumentum tractare promittit, quod diu promisit, sed nondum explevit promissa. Sed vereor, ut me assentientem habeat, quum, quantum intellexi, veterem Doctorum sententiam amplectatur, Samaritanas literas & codicem antiquiores esse Hebraicis & codice, quem nunc legimus, & sane in multis discrepat Codex ille a textu Hebræo, quod & Hottingerus animadvertit.

Dedi exemplar dissertatiunculæ meæ de festo Juul Domino Legato Residenti de Goes, Amico nostro, ut si occasio ferat, illud tibi mittere curet, quoniam nunc ex Amicis meis neminem novi, qui ad vos hinc contendat; nam sumtus ta-

bellariorum ordinariorum non meretur illud scriptum. Sicque vale diutissime, atque iterum salve.

Dabam Hafniæ a. d. xxx. Maii A. 1711.

LXXXVI.

Ampliss. & Celeberr. Doctissimoque Viro

OTTONI SPERLINGIO

S. D.

GISB. CUPERUS.

SEX fere menses elapsi sunt a receptis literis, quas ad me ultimo Majo proximo dedisti, & miror ipse, me tam diu siluisse, atque adeo defuisse officio meo. Sed occupatione mea perpetua fit, ut obliviscar respondere amicis, quamquam eorum, & præcipue tua singularis eruditio mihi semper ob oculos versetur; id quod te, vir eximie, velle habere persuasissimum, etiam atque etiam rogo.

Legi cum voluptate & fructu dissertationem tuam de Nomine & Festo Juul, & quamquam laboriosus Rudbekius etiam egerit de eo in suis Atlanticis, tamen facile video, te novam lucem affundere materiæ illi eleganti & intricatæ. Patere autem ut mittam, te, vir egregie, non satis caute pag. 23. istius doctæ Dissertationis Hesychium Milesium facere auctorem Lexici pulchri & eruditi. Sunt enim omnino diversi, alter Milesius, hic noster vero Alexandrinus; hic omnino Christianus fuit, uti ex plurimis locis constat, nec non ex Evangelistis & Apostolis, quorum testimoniis utitur, uti patet quam clarissime ex Indice Præci, qui tamen variis omissis auctoribus potest augeri. Milesium illum etiam dices fuisse Christianum, quia *Christi* meminit in v. *Sibylla*, quam nescio quare cum Antiocho faciat vocem *ῥωμαϊκὴν Romanam*, nisi forte respiciat ad Græcos, qui labente imperio *Romani* dicebantur; est enim absque dubio vox Græca. Meursius autem Suidam putat mutilum esse p. 110. & excidisse ex eo hæc verba *Διογένην τὸν λαέρτιον μίμησάμενος*, quod mihi secus videtur, & puto Suidam narrare, Hesychium Milesium scripsisse *ὀνοματολόγον*, quo complectebatur viros eruditione insignes, illiusque majoris operis fuisse epitomem libellum, quem Suidas habebat. De his autem Hesychiis præclare agit amicus noster Joh. Alb. Fabricius in exercitatione de Lexicis Græcis, uti absque dubio nosti.

Atque hæc quidem occasione elegantis illius lucubrationis; nunc accedo ad epistolam tuam, quæ mihi profecto venit acceptissima; & quam exarasti xxx. Maii, quo tempore nondum tibi potuit tradita fuisse illa, quam xxix. Junii ad te dedi. Spero te illi & huic responsurum, ubi orium nactus fueris, teque adhuc in vivis agere, licet tam gravis pestilentia Regni Danorum caput affligat, quam ut Deus Opt. Maximus sedare & tollere velit, multum eundem veneror. Mihi profecto videris, vir *πολυμαθής*, optime explicare Juvenalem Sat. 5. v. 165. & lætor te etiam ibi non invenire *lorum parthicum*, non secus ac tibi placere, quod de Abbatis Pezroni Celticis tuli iudicium. Utinam, utinam publicare posses, velle

enim te habeo plane persuasum, Celticas migrationes, ut ita genti magnæ & olim perquam celebri etiam major lux accendatur! Recte deploras calamitatem temporum nostrorum, quibus vix unus, aut alter amat artis severæ effectus; quæ de Magistratibus narras, eadem observes licet in tota fere Republica Foederata, in qua, mirum dictu, pauci admodum sese oblectant studiis humanioribus, quamvis velint videri eadem amare, imo si non primas & secundas, attamen aliquas partes obtinere.

Non agam amplius de loco Polyæni, tibi que, vir amicissime, sententiam tuam relinquo libens lobens, idque te mihi etiam benevole concessurum, nihil est, quod dubitem.

Spero te adhuc diu nobis fore superstitem, quamvis facile credam, commercia literaria tibi in illa ætate molesta esse; & inde fit, ut rogem, te, nisi quod commodum fiat, mihi respondere velle; neque enim soleo amicis molestus esse, sed frequentiores literas mitto, ut videant, me illorum non oblivisci: id quod certe tibi testari debeo, a quo tam frequentes, & tam eruditas accepi, quamvis subinde nos ita infelices fuerimus, ut alter in alterius sententiam non potuerit facere discessio- nem.

Relandus non satis prospera utitur valetudine, & inde fit, ut nondum mihi significaverit, quæ ejus sit sententia de Codicis Samaritani & illarum Literarum ætate; iterum virum clarissimum compellabo, & quæcunque ad me mitter, continuo tecum communicabo. Intentus valde est Geographiæ Sacræ & Ecclesiasticæ, & inde ferunt fieri, ut propter perpetuas lucubrationes se non satis bene habeat. Quod si ingens hoc opus fuerit absolutum & publici juris, credo nos pauca, quæ ad utilem eam materiem pertinent, desideraturos; ipse vidi cum singulari voluptate curas & labores ipsius, & fateor, mihi illos arrisisse & placuisse summopere.

Ego etiam in ea sum opinione, Samaritanas literas antiquiores esse quadratis illis, quibus hodie Judæi utuntur; uti desidero legere Professoris vestris, idem sentientis, ratiocinationes, ita nihilominus tuas etiam in contrarium abeuntes sedato & quieto animo examinare vellem; & si tibi volupe est meas audire, quanquam varias miserim, faciam certe istud absque ullis ambagibus, & aperte, uti inter bonos agier oportet.

Celeberrimus Perizonius edidit Origines Egyptias & Babylonias, profunda & accurata referas eruditione; has olim publicaverat disputatio- num modo, illæ plane novæ sunt. Nonnulla viri placita adverterunt animum meum, nec ægre ferres, ea me tibi proponere: putat igitur Israelitas a migratione Egypti per annos 430. Egyptiis servasse, sequiturque nihilominus Chronologiam Hebraicam, sed putat non omnes generationes in S.S. memorari, verum præcipuas tantum 2. No-Ammon Prophetæ Nahum non esse Thebas, sed Diospolim in inferiore Egypto vel Delta sitam, cui optime descriptio prophetæ conveniret; id quod certe verum est, sed velim equidem doceri, an illa Diospolis tam magna fuerit, ut Ninivæ possit æquari, an tam vetusta, an aliquis veterum eam nobis describat tam amplam, & an non descriptio illa Nahumi sit itidem descriptio Egypti, quia Thebas nemo pervenire poterat, nisi periculis se maris objiceret & Nilum superaret. 3. Confusionem labii non fuisse subitam complurium novarum linguarum confusionem cum veteris oblivione, sed veram & propriam sermonis confusionem; illam fuisse non perpetuam, sed usque ad secessionem durasse, qua facta homi-

nes loquutos esse haud dubie, uti soliti erant, eademque lingua, qua ante usi erant, sed quæ tractu temporis per varias & separatas jam gentes adulterata fuit, &c. quod ultimum legitur p. 274. & 275. Orig. Babyl.

Accepi Smyrna Inscriptiones Græcas pulcherrimas; & illæ, quas possideo ineditas, nec non quas ex variis raritatis eximiae & parum cognitæ libris collegi, idoneum volumen constituerent. Sed cum te res Septentrionales delectent, accipe etiam illustrem Witzenium mecum communicasse Inscriptiones in Siberia saxo inditas, vel insculptas, quarum characteres tam mirifici, inflexi & contorti sunt, ut nulli similes in hunc usque diem visi sint; quanquam possint esse veterum Chinesium, quos constat in castris Imp. Tartarorum victos militasse. Spem tibi facio eruditum orbem visurum Xenophontis Ephesii Ephesiaca, & Charitonis Aphrodisiensis Erotica, quæ Ms. me impulsore inventa tandem sunt in Bibliotheca Florentina, quæque edere constituit Salvinus, Græcæ Linguae omnisque elegantioris studii peritissimus, si modo Typographum in Batavis reperire potest, quam rem nunc serium ago in modum. Vale, vir amplissime, atque adeo præstantissime, & me, quod facis, amare perge.

Daventriæ a. d. v. Id. Nov. 1711.

Cum in eo essem, ut hasce literas vellem mittere, ecce mihi aliæ a Relando. Quid mecum communicaverit vir egregie doctus, ex Excerptis cognoscas. Mihi illa videntur continere varias quaestiones, uti, 1. An Samaritanæ literæ non sint antiquiores Hebraicis quadratis. 2. Quomodo Judæi impedire potuissent Samaritanis usum literarum, quas a majoribus acceperant. 3. An Judæi stante templo signarint nummos. 4. An in iis usi sint characteribus Samaritanis. 5. An duplex alphabetum habuerint sacrum & profanum. 6. An Samaritani acceperint Pentateuchum a Judæis: & aliæ, de quibus quid statuas, ego profecto cognoscere cupio, ubi tibi erit commodum.

Vale iterum Id. Nov. 1711.

LXXXVII.

Præstantissimo Viro

OTTONI SPERLINGIO

S. D.

G I S B. CUPERUS.

NON dubito, quin amplissimus Gœsius rediderit tibi literas, quas fidei ejus commiseram, & quin inde perspexeris, quo loco apud me sit tua elegans eruditio. Non displicebat mihi conjectura tua de ludis, quos te invenisse putabas in Excerptis Pitheæanis, & in Glossario Isidori; sed nunc video nos humani aliquid passos esse, & non de ludis, sed de porcis nobis fuisse cogitandum. Statues proculdubio id ipsum, ubi legeris notam, quæ sequitur, Grævi. Is enim vir eruditus novæ editioni Lexici Philologici Martini subjecit Glossarium illud, & pulchre illustravit difficillima etiam loca; ita igitur loquitur: *Beste-*

mia trojæ; sed non longe post, *Bistimæ* trullæ, ut & Salomo Constantiensis, *Bestimæ* trullæ Salomonis. At in excerptis Pithœi, *Bestimæ*, trojæ. Sic & Papias *Bestimia troja*. Sed in Pithœanis statim illud, quod modo attuli, præcedit, *Bestiæ majæ*, trojæ. Fortasse hæc vera lectio est: *Bestiæ* majæ, trojæ, ut *bestia maja* dicta sit, pro bestia majali. Majales dici porcos castratos, quod deæ Majæ sacrificentur, noster Isidorus docuit inferius, & Onomasticum: Majales χοῖροι τροίαι. Jam vero troja est scrofa, ut docuit Pomponius Sabinus ad 5. Æn. troja, quo nomine in Latio scrofa appellatur. Bestia igitur maja, est troja, seu sus castrata. Inde addit nonnulla, quæ quidem non pertinent ad hanc rem, sed tamen sunt elegantia: Cur in excerptis dicantur ζωφόρος trojæ, id alii exputent. Hesychio ζωφόρος est Salamandra, est Sarcophagus seu capulus feralis, in quem cadaver reponitur. Sed nihil hoc ad bestiones, aut trojas. Difficilia certe hæc sunt; & trojas porcas esse etiam ex Regesto quodam notat Ducangius; sed si porci castrati ita perpetuo dicuntur, unde in Excerpta irrepsit ζωφόρος troja, nam diceres, ita appellari porcam ferentem uterum, quæ & inde hodie Gallis nominatur une truye, si modo vox ζωφόρος ita usurpatur, id quod prima fronte videtur, cum sit animalia ferens. Notant eruditi, Varroni porcum castratum dici majalem lib. 2. de Re Rustica, & ex Ducangio patet, eodem sensu eam vocem occurrere in Glossis, & apud Ugutionem, qui etiam notat, quosdam putare Majalem dictum, quod ad Majumæ festivitatem nutritur & saginaretur, reservareturque ad solemnes epulas; unde aliquo modo conjecturæ nostræ adstruuntur. Quod si porca uterum gerens admitti posset, dicendum foret eam majam appellari, quia maja est obstetrix & nutrix. MEIA eodem sensu occurrit in Inscript. vetustis apud Gruterum 9. DCCCXXXIII.

MEIA FVI FELIX SEPTEM CIRCUMDATA NATIS

quanquam ibi potius mihi videatur vox illa usurpari pro matre, quod num alicui fundamento innitatur, tuum erit judicium.

Quid, quæso, sentis de poesi Hebræorum, an metro, an vero rythmo constitit, variant inter sese viri docti, uti optime nosti omnium, & Joh. quidem Clericus multis, iisque eruditis contendit, posteriorem sententiam veram esse Artic. 8. Biblioth. Universalis anni 1688. Eum nuper impugnavit Italus anonymus edita Italica epistola ad amicum; qui tamen est, ut certior fio, Raphael Rabenus, Rabbinus, qui Patavii Medicinam publice proficitur, & inter claros Mathematicos, Philosophosque habetur. Biagijs Garofalus anno 1707. Romæ de eadem materia librum conscripsit, in quo probare conatur, Hebræos usos fuisse versibus Rhythmicis, qui tamen difficulter admodum inveniri possunt in veteri Testamento, quia illud mutatum & corruptum librorum ignorantia, maxime cum Judæi uti incœperunt lingua Chaldaica, uti me docent Acta Trivultiensia art. CXL. anni 1710.

Eidem itidem se opposuit Raphaellus Rabenus sub nomine Barnabo Scacchi, isque & ibi putat cum Hieronymo, Judæos habuisse Hexametros distylo spondæoque currentes, & propter linguæ idiomata crebro recipientes & alios pedes, non earundem syllabarum, sed eorundem temporum, præfat. in librum Jobi.

Augustinus Calmet, Benedictinæ Familiæ in Galliis singulare ornamentum, contendit, Que la

poësie Hebraïque ne reconnoit aucune versification regulière, & la fait consister dans un style plus élevé & plus figuré que le style ordinaire, dans son Commentaire Literal sur tous les livres de l'Ancien & du Nouveau Testament, uti me docent iidem eruditi art. 26. extremi anni 1709.

Atque hinc perspicis, tres esse ea de materia opinionones, aliosq; putare Hebræos versus esse metricos pedibusque alligatos, alios rhythmicos, tertios vero binas illas sententias rejicere, & amplecti ampullas, ut sic loquar, & septempedalia verba.

Cum autem valeas eruditione omnigena, & Orientis etiam possideas opes, plurimum profecto tibi debebo, si me doceas, quid de hac quæstione sentias & statuas. Nam quamvis linguæ Hebrææ ignarus sim, tamen vehementer cognoscere desidero, quid tandem statuendum & amplectendum sit, teque optimum phosphorum esse habeo penitus persuasum.

Nihil adderem, quia scio te occupatum, sed cum egerimus olim multis de *Serpentibus militibus*, patere, ut addam, tempore Luciani historicum fuisse, qui eosdem Parthis tribuit, sed eum mendacii convictum hic acri sale perstringit, docetque in libro, quomodo Historia sit scribenda, eum male ex signis Draconem referentibus facere Dracones vivos; & interpretis insuper errorem animadvertit Lambertus Bos cap. 9. observat. Criticar.

Quin & memini, me tunc in iisdem epistolis annotasse Juræi errorem, qui Interpretem sequutus, Suidæ verba Græca non satis recte in Gallicam linguam transfuderat; id quod correctum plane non esse in ultima & pulcherrima ejusdem Lexicographi editione equidem valde miror.

Atque ex Luciano & Suida patet, ejusmodi Draconibus, uti vexillis, usos esse Parthos, & Scythas, quibus nunc addo & Indos, ex eodem Suida in vocibus Ινδοι & χιλιοςύς, quibus in locis optime draco hic fictitius describitur. Sed hæc quidem hætenus, & scis, de hisce signis plura notare pereruditum Lipsium lib. iv. Dial. v. de Militia Romana, ubi & putat per Indos illos intelligi debere Sindos, populum Scythiæ Europææ; quod utique mihi eo firmari videtur, quia ii, qui res Alexandri memoriæ mandarunt, nullam ejusmodi draconum faciunt mentionem, & quia Suidas alibi eos Scythiis attribuit.

Hæc cum scribo, adferuntur ad me literæ, quas Hafniæ ad me dedisti xxx. Maii die, una cum pereleganti dissertatione de Festo Septentrionali, cui nomen IVVL, quod etiam datum fuit Natali D. N. J. Christi. Singularem profecto ex illius nec non epistolæ lectione cepi voluptatem, & fructum; sed occupatione mea fit, ut nunc illis respondere nequeam. Fiet id alio tempore. Multum debeo amplissimo Gœsio, quod meas recte curaverit; hæc autem ad te curabit communis amicus noster Joh. Alb. Fabricius, cujus fidei illas commisi. Saluta quæso excellentem Alegantem verbis meis amantissimis & observantissimis, alio tempore ipsi officia mea deferam. Vale plurimum.

Dav. 29. Junii 1711.

LXXXVIII.

Nobiliss. Excellentiss. & Consultiss. Viro.

DN. GISBERTO CUPERO

S. P. D.

OTTO SPERLINGIUS.

V Eritus fane fui, hoc quidem tempore, quo contagiosi pene morbi nos hætenus oppres-
ferunt, ad quemq; Amicorum meorum quid-
quam scribere; compertum enim habemus literas
iplas, licet probe suffumigatas, cum aliis non fu-
migatis compactas pestilentem odorem apertas e-
misisse, & contagia contraxisse, quæ per nares &
os ad viscera legentium penetrarunt, illisq; mor-
tem subitam accelerarunt. Cessare quidem cœpe-
runt in nostra Civitate nunc hæc contagia parum-
per, sed nondum evanuerunt penitus; supersunt
adhuc reliquæ quædam, quas cum frigoribus im-
minentibus tandem etiam emorituræ speramus;
Aer quidem hic saluberrimus toto illo tempore no-
bis fuit, sed homo homini pestis fuit, quam alter
alteri affricavit conversando, prout solet: hic mor-
tes meræ multas domos & familias invaserunt.
Quod ad me attinet, domus quam inhabito, hæ-
tenus intacta mansit, sola Dei gratia & misericor-
dia, quamvis vicinia tota circumquaque contagia
sua senserint, defunctosque plures ad plures dimise-
rit. Asserere possum me per Dei summi gratiam ea
valetudine usum, quæ superioribus mihi tempo-
ribus non contigit, qui me continui, quantum po-
tui, intra penates meos, & exspatiationibus cœ-
lo tam sudo & puro omne contagium hætenus a-
verti. Sic itaque res meæ se habent dum hæc scri-
bo: valetudo mihi est firma & optatissima, studiis
incumbo dum licet, nec enim multos accedere me
sino, nec multos ego.

Interim perlatae sunt tuæ Idib. Novemb. hoc an-
no datæ Daventriæ, quæ mihi fuerunt desideratissi-
mæ, sed mentionem inibi facis literarum 29. Ju-
nii ad me missarum, quas fane nondum ad me per-
venisse doleo; nescio fane ubi lateant, aut ad quem
illas curaveris; nam Dn. Goësius ob contagium
hinc discessit, ut ubi nunc commoretur, æque
nesciam. Ultimas tuas ad me transmisit Hambur-
go Dn. Holstii filius, cui meam dissertationunculam
de festo Juel dedicavi, qui apud Dn. Fabricium
Hamburgi cum Informatore suo hoc tempore de-
git.

Atque sic accedo, ut respondeam ultimis tuis,
in quibus me mones de errore quem commisi in
Hesychio Mileſio, cum Hesychium Alexandri-
num scribere debuissim; est enim error calami fe-
stinantis, non mentis meæ, nam ipse titulus He-
sychii hoc testatur: *Ἡσύχιος γραμματικὸς Ἀλεξάν-
δρου ἐκλογὴ τῶ ἐταίρου*, &c. Est igitur error hic
meus, sed præter mentem. Nam ut verum dicam,
præcipitavi & deproperavi hoc scriptum, quod
Festum instaret, & operæ cessarent, ut paratum
esset ad Calendas sequentes, nec adverti errorem
nisi opere perfecto sero nimis. Legi enim Hesychium
Mileſium ejusque *ὀνοματολόγον* valde ado-
lescens, editum cum Eunapio Sardiano & Dioge-
ne Laertio a Casaubono; cujus etiam indicem con-
feci. Sed quia nuper tunc de Mileſio pauca legi apud
Vossium, hæsit Mileſii nomen calamo, nec
corrigere potui, opere jam perfecto, errorem, quem
in relegendo satis adverti. Sed cum Hesychium
Illustrium Mileſium scribis *Sibyllam* credidisse vo-
cem esse Romanam, recte sentis illam vocem Græ-
cam esse. Nam jamdudum Scholiastæ & paraphra-

A Ista Pindari nos monuerunt *Σιβύλλης* vocem esse
Æolicam & significare *θεῶν βελήν*. *Σιδός* enim Æo-
libus & Doricis *Θεός* est, & *βύλλα*, *βελή*, unde
Θεοβελή idem est quod *Σιβύλλα*, quemadmodum
Σίσυφος idem est, quod *Θεόσοφος* communi lingua
Græca: nec Romanorum dici possunt voces, quum
origine Græcæ sint, usu tamen Romanorum fa-
ctæ per Græcos.

B Sententiam tuam, Vir Eruditissime, avide ex-
specto tuasque rationes cur statuas, literas Sama-
ritanas antiquiores esse Hebræis quadratis. Profes-
sor noster adhuc moras necit, nec quidquam hæ-
tenus edidit de antiquitate Samaritanorum. Vides
autem ex excerptis Epistolæ Dn. Relandi, quem
in his exercitissimum esse credo, eum censere li-
teras illas quadratas Hebraicas antiquiores esse Sa-
maritanis, quod ego verissimum esse credo. Et eas-
dem illas literas Hebraicas quadratas, quas hodie
videmus, easdem illas esse, quas Deus Moſi præ-
monstravit, nec unquam mutatas vel ab Esra, vel
ab aliis Hebræis constanter credo: nam ob sancti-
tatem suam, & quod a Deo ipſo traditæ sunt hæ
literæ earumque figuræ, nullum hominum Hebræo-
rum eas unquam mutare ausum credo, adeo ut
omnem Kabbalam, quam divinam quoque esse vo-
lunt, ex iis literis constituerint, vana tamē su-
perſtitione, quum non a Deo, sed ab hominibus
profecta sit. De Samaritanis vero literis, quas ho-
dientum habemus, hæc mea mens est, illas pri-
mum cum Cuthæis &c. in Samariam adductas esse,
postquam illi populi a Babylonis & Persis eo missi
sunt, & codicem Samaritanum ac Pentateuchum
Moſis iis literis, quas domo attulerunt, conscri-
ptum esse propter vulgus, ut etiam illi Pentateu-
chum intelligere possent & legere suis literis:
quemadmodum leges nostræ Scanicæ eadem ex
causa Runicis literis enarratæ fuerunt, ut vulgus
rusticum his literis adſuetum, eas quoque legere
possent, qui Danicas literas nuper admodum in-
vectas legere non potuerunt. Samaritanos autem
prioris, & antiquos ex tribubus Hebræorum de-
scendentes Pentateuchum, quos libros solos agno-
ſcebant divinos, propter Moſen, cujus nomine
conscripti sunt, Hebraicis literis quadratis legiſſe
postquam a tribu Juda per Jeroboamum se separa-
runt, nullum dubium esse puto: neque enim lin-
guam Hebræam omnibus tribubus communem eos
mutasse, postquam dissidium fecerunt, ullibi le-
gimus, ut nec literas illas sanctitate sua satis tu-
tas, utpote a Deo ipſo traditas. Hanc meam sen-
tentiam & mentem, ut ad Dn. Relandum perscri-
bas & quid ipſi de ea videatur, explores, cupio,
ipsique maximas meo nomine gratias agas, quod
tam benevole mentem suam nobis exponere can-
dide voluerit.

E Ex illis, quæ de celeberrimo Dn. Perizonio ad
me refers, gaudeo fane tantum virum meam sen-
tentiam de confusione linguarum ad turrim Babel
fovere, eam non perpetuam fuisse, sed postquam
cessarunt ab opere isto & in alias regiones secesse-
runt, eos rediſſe ad labium unum & idem, quod
prius coluerant, quam meam sententiam hætenus
publicare ausus minime fui, nisi quod Dn. Pezro-
nō Abbati, qui in Celtis suis linguam Celticam in
F ista confusione initium habuisse prodidit, hanc
meam opposuerim, dum ipsum confutavi, docui-
que non a Gomero aut Gomaritis in Margiana aut
Drangiana, quas regiones illos occupasse vult,
post confusionem propagatam, sed potius in Scythia
tam Asiatica, quam Europica, ubi Japheti poste-
ros sedisse certum est, diu post Celtas nomen &
eorum linguam cum rebus eorum gestis prodidiſſe.

An Samaritanæ literæ Hebraicis sint antiquiores,
ipse Relandus definivit, non esse, cui ego consentio
2. quo modo Judæi impedire potuerint Samaritanos

ne literas Hebraicas mutarent? Respondi jam, illos nihil mutasse, sed easdem literas Hebraicas retinuisse in Pentateucho, & eandem linguam, usque ad captivitatem in quam abducti sunt, nisi quod Hagiographa & Prophetas non admiserint, nec legerint. 3. An Judæi stante templo primo nummos proprios signarint? Extrat, ut nosti, scriptum meum de Nummis non culis, quo probasse me credo satis, nullos nummos signatos a Judæis, unquam prodixisse, nisi ultimis his seculis a 1000. Christi, in Christianorum peregrinationibus, quos obtruserunt nobis cum fraude solita, quod idem sentiendum de Samaritanis, qui colluserunt hac in re cum Judæis, ut Christianis imponerent suis his fraudibus. 5. An duplex alphabetum habuerint Judæi sacrum & profanum? quod nego: unum enim idemque alphabetum Judæi semper servarunt, prout a Mose & Deo ipsis traditum fuit, nisi quod Rabbini citius scribere volentes non nihil abierint, quæ tamen mutatio non est essentialis, sed calami currentis facilitati consulere voluerunt. Ad 6. an Samaritani acceperint Pentateuchum a Judæis? non quidem a Judæis directe, sed a Deo & Mose, sicut Judæi illo usi sunt, nisi quod suis interpretationibus illud interdum auxerint, ut patet ex Hottingeri sectione, quam in Bibliotheca sua produxit. Vides ergo quid sentiam de his quæstionibus. An recte satis vel minus recte, doctioribus me judicandum relinquo.

Illust. Wizenii Inscriptiones ex Siberianis faxis videre si possem, quamquam perplexas & intricatas, & vix explicabiles; aliquid tamen judicandum ostendere mihi possent. Majore tamen desiderio Xenophontis Ephesii Ephesiaca & Charitonis Erotica legere cuperem Salvini cura & studio edita. Sed cur in Batavis potius hæc edi petit, quum habeat ad manum tot Italicas Typographias? Hicce nunc te valere diutissime & prosperis omnibus frui, totis animi mei *πρὸς τὸν δεῦρον* exopto.

Dabam Hafniæ a. d. xix. Dec. ccccxi.

LXXXIX.

Amplissimo & Præstantissimo Viro

OTTONI SPERLINGIO

S. D.

G I S B. CUPERUS

Ecce tibi, vir eximie; Inscriptiones Siberianas, quas tam vehementer videre te velle significasti mihi ultimis literis. Illustris Wizenius eas pictas ad me misit, patique potest ut in manus tuas, qua est erga omnes eruditos benigne, perveniant, speratque te multam lucem illis adlaturum. Omnes, qui illas viderunt, credunt Sinicas esse, & ego primo conspectu divinabam Sacrosanctum D.N. J. C. Monogramma nobis representari caractere III. paginæ I. & II. paginæ II. id quod confirmat plane La-Crolius. Vir hic peregrinitus judicat etiam Chinesibus eas deberi; consuluit librum ejus gentis, quem possidet Ill. Leibnitzius, quique continet veteres Inscriptiones, vel lapidibus vel vasis fictilibus inditas, non secus ac Gruterus publicavit latinas, & inde edoctus est primis regulis contineri exstructionem templi vel Ecclesiæ Christianorum, ordinavitque characteres ad modum, quem schedula hisce literis juncta complectitur. Et notandum inprimis, multa ingentis ædificii rudera in vicinia reperiri, imo & magnæ urbis, qualia in mediis sylvis vel saltibus etiam animadvertere licet non absq; admiratione.

Hæc monumenta non deberi horridis Siberiæ incolis, credo te mecum affirmaturum, cumq; Chinenfes in hæc regiones penetraverint cum Monarchis suis debellatoribus gentium proximarum & remotarum a florentissimo illo regno, credibile omnino, illa iisdem deberi, maxime cum non dubitandum videatur, quin Christiana Religio ante complura sæcula eo sit deportata; quo pertinent istius indicia rudi Minerva elaborata cerni in Siberia rupi politæ & levigatæ inscripta durabili atrimento, cujus antiquitatis non nisi unum exemplar mecum communicavit idem vir insignis, atque inde fit, ut istud reliquis hisce prisce ævi Septentrionalis non addam.



Non dubito, quin Hesychius *Milesius* sit error calami, & veniam peto etiam, atque etiam, quod illius fecerim mentionem; postulare tamen mihi videbatur amicitia nostra, ut illud monerem, ne aliquis morosus, id quod sæpe fieri solet, inde occasionem arriperet te carpendi, & quia edita obliviscimur frequenter corrigere; Milesium autem errare statuendo vocem *Sibyllam* esse Romanam, lator te mecum statuere.



Video te accedere celeberrimo Perizonio, & credere confusionem linguarum ad turrim Babel non fuisse perpetuam; & homines, postquam cessarunt ab opere isto, & in alias regiones secesserunt, rediisse ad labium unum, confusionemque divinitus immixtam cessasse.


Magna, Vir præstantissime, apud me est tua eruditio, magna auctoritas; sed patere ut mittam, mihi sententiam illam nequaquam probari, maxime cum illius nec vola, nec vestigium reperiat in S. Scriptura, adversarique videatur plane consilio Dei, qui constituit confundere linguas hominum, ita ut sese invicem intelligere non possent, & dispergerentur per totum terrarum orbem; qui si rediissent ad unum primævumque labium, utique facile redire ad perficiendum ingens illud audax opus potuissent, maxime cum nullo modo sit verisimile, eos continuo in ultimos tractus se contulisse, sed lapsu temporis remotiores credam occupatos, illoque etiam dialectos varias provenisse. Quod si & tua & Perizonii, aliorumque forte sententia vera foret, mirum mihi profecto videtur, Mosen omisisse tam splendidum miraculum, quod tamen dignum erat ut scriptis suis comprehenderet, & quod mihi videtur Sp. Sanctus illi dictaturus, si factum esset. Nunc legimus c. xi. v. 7. Deum dixisse, *Descendamus & confundamus linguam*; & v. 9. *urbem Babel dictam, quia Dominus ibi confundebat linguam totius terræ*. Nihil additur vel hic, vel

alibi de reddita hominibus una & primæva lingua, quam cur reducere abolita confusione voluerit Deus, ego, qua sum tarditate ingenii, nullus plane capere possum; & plurimum me devincires, si mihi annumerare velles vel loca S. Scripturæ, quæ iudex inter nos solum sedere potest, vel alias ratiocinationes, quæ per consequentiam ex eadem possunt deduci. Neque enim simplices & nudæ admittendæ sunt in re tam ardui argumenti, & quæ nititur disertis Divini Codicis verbis, a quibus cur recedere debeamus mihi penitus latet. Deus voluit impedire opus, quo separationem a se invicem homines impedire conabantur, atque ad illud consilium perficiendum usus est linguarum confusione.


Vous me ferez un grand plaisir, si vous voudrez me communiquer ce que vous avez opposé à l'Histoire des Celtes de l'Abbé de Charmois (liber ipsius mihi Gallicam linguam suppeditat) atque ego semper credidi illam Historiam nihil nisi fabulam esse, mirorque ex laciniis parvis virum præstantis eruditionis ausum esse componere, vel confingere potius historiam Celtarum perpetuam.







N.S. T.IV. Pag. 275. Tab. III.



山陰縣志
卷之四
藝文志
詩
五言古詩
送王太守
王太守之
山陰縣志
卷之四
藝文志
詩
五言古詩
送王太守
王太守之

La-Croſius, ni fallor, me ante aliquod tempus admonuit, totam illam machinam ſuperſtructuram & ſuper impoſitam fuiſſe confictis & falſis Annii Viterbienſis hiftoriis, quod proculdubio etiam animadvertiſti.

Significarunt mihi amici Florentini, Savinium id agere, ut Xenophontis & Charitonis Erotica imprimantur in Batavis, quia in Italia typographi manus Græcis ſcriptoribus admoveſcere nolunt, quia emptores non inveniunt, & magis e re ſua eſſe judicant publicare vernacula lingua conſcriptos libellos.

Nunc reſtat præcipuus articulus epiſtolæ tuæ, illique conabor ſatisfacere, licet Campis conſiſtam, nec optimos conſultores mortuos Daventriæ in Muſeo meo conſulere poſſim. Et primo quidem communicabo cum Relando prima, quam ad virum inſignem mittam, epiſtola, quid ſtatuas de literis Samaritanis & Judæorum quadratis; deinde accipe rationes meas, levidenſes forte, quæ perſuadent mihi illas hiſce fuiſſe antiquiores.

Mihi videntur ante conſcriptas digito Dei binas legis Tabulas omnino literæ fuiſſe, & ipſe Moſes juſſus fuit ante illas latas ſcripto comprehendere, quæ cum Amalekitis geſta ſunt; nec mihi credibile, novas literas Deum excogitaſſe, quas Legislator ille non cognoviſſet, niſi interveniente miraculo, neque etiam reliqui Iſraelitæ, quos utique certum eſt literas habuiſſe. Abrahamus ejuſque poſteri in Chananæam venientes & habitantes abſque dubio didicerunt ejus tractus linguam, & uſi ſunt iſdem characteribus; nam ibi fuiſſe libros ſatis patet ex urbe Debir vel Kiriath Sepher; illamque ſervatam eſſe in ſervitute Ægypti, ſive iſta per quadringentos, uti etiam nunc putat Perizonius, vel ducentos annos duraverit, Iſraelitis ſatis ſuperque puto patere ex Hiftoria Sacra. Neque enim ego alias poſſum capere, quomodo Iſraelitarum ſpeculatores potuerint peragrarè terram promiſſam, alii cum Rachele loqui, niſi eadem lingua Chananæi & Iſraelitæ fuerint uſi, ne jam quidquam de Gibeonitis & aliis hiftoriis dicam; neque enim ullo modo verifiſimile, Iſraelitas vel in Ægypto, vel in deſertis didiciſſe linguam gentis, quam juſſu Dei excindere & perdere funditus debebant.

Decem Tribus uſas fuiſſe literis quadratis mihi nequaquam credibile eſt, poſtquam ſeſe ſepararunt a Juda & Benjamin, & ipſa illa hiftoria videtur obſtare huic ſententiæ. Rex Aſſyriæ illas deduxit, & continuo alias gentes ex Babele (hinc ſequitur eum hanc urbem & regionem habuiſſe in poteſtate) Cuta, Ava, & Hamath eo miſit, & continuo illæ queſtæ ſunt de leonum feritate, quos immiſſos credebant propterea, quia Deum terrarum illarum colere nſciebant; Rex mittit Sacerdotem, qui proculdubio tulit ſecum libros Moſis, quibus ſolis Tribus illæ utebantur. Jam an ullo modo credibile, ſacerdotem illum attuliſſe aliud exemplar, quam quod ante captivitatem ibi fuerat ſcriptum; cum non habuerit in captivitate tantum temporis, ut aliam linguam addiſceret vel ſcripturam?

Sunt autem illæ literæ Samaritanæ certum, ut mihi equidem videtur, indicium, illos & ante captivitatem iſdem uſos eſſe, nec aliis etiam Judæos, cum nulla cauſa ſit, cur hiſce diverſas tribuamus, maxime cum tu, vir eximie, velis, omnes tribus poſt diſiſionem regni ſervari ſibi quadratas.

Hæc ſunt, quæ rebus ad ſummam Rempubl. ſpectantibus feſſus & libris orbis communicare tecum potui, & ſpero te æqui bonique facturum, quod tam liberè tecum agam & mentem

Supplem. Tom. IV.

A meam abſque ulla hæſitatione aperiā. Examina quæſo hæſce ratiocinationes, & tantam acuti judicii tui habeo opinionem, ut perſuaſus fere ſim, te eas approbaturum, vel certe non rejecturum plane, cum mihi videantur alicujus pretii eſſe, & ipſis Sacris Libris inniti.

Atque ita quidem hoc penſum abſolvi, omnibuſque capitibus literarum tuarum reſpondi, quantum hic potui, accurate. Nunc tecum loquar de rebus, quæ elegantes & eruditæ ad me ex Oriente miſſæ ſunt. Accepi igitur ante aliquot menſes catalogum nummorum Græcorum aureorum & argenteorum non ſolum, verum etiam Inſcriptiones Græcas; fidem tibi facere poſſum, niſil magis pulchrum, niſil magis eruditum eſſe; quin & nuper ſimilem accepi æreorum, & plerique tam horum quam illorum ſunt inediti, continentque res valde præclaras, quibus Hiftoria & Geographia illuſtrari mirum quantum poteſt.

Quin & adjicitur ultimæ epiſtolæ Inſcriptio Latina, quæ Stratonicæ Cariæ legitur in frontiſpicio domus, quam credo fuiſſe olim macellum, quia pretia variorum opſoniorum illa comprehenduntur. Literæ etiam notabiles, nec memini me tales unquam vidiffe, id quod te hoc ſpecimen docebit.

C MILI PISTI K M UNVM * CENTVM

ΓCANGULAE FIVE ΓPELTAE K M * TPIGINTA FABAE FPEΓΓAE * CENTVM

in quo S. pingitur ut Γ. & A. ut A. & *Scancula* idem eſt ac *Spelta*, frumenti genus, quod hodie ultimum nomen obtinet, nec in illud inquirere pluribus poſſum, quia a Muſis meis abſum.

Gronovius notis illuſtravit Herodotum, ejuſque emendavit verſionem, non ſecus ac ipſa Græca, idque ultimum ope Ms. Codicum. Almelovenius pergit diligenter in augendis & exornandis Faſtis, ipſique fui aliquoties a ſymbolis; Schultingius, Anteceſſor Friſius, publici juris faciet notas ſuas in Fragmenta Veterum Iſtorum, eritque illud opus pulchrum & dedolatum, uti perſpexi ex variis ſpeciminibus, quæ mecum communicavit, nec dubito quin idem cenſiturus ſis, ubi conſpexeris eruditam illam conſummati Jcti & veteris Prudentiæ intelligentis valde lucubrationem; quæ ut juvari poſſit ope Miſtorum, amicos meos Romanos & Pariſienſes rogavi ſerium in modum, ut Vaticanos & Pariſienſes conferre cum editis velint, quod num facturi ſint, nondum certior factus ſum.

E Ecce tandem tibi quid ſuper argumento epiſtolæ tuæ ad me miſerit Relandus menſe Februario proximo.

Quod attinet, ait, ad ſententiam Cl. Sperlingii de Origine Literarum Samaritanarum, non puto illas primum cum Cuthæis in Samariam allatas eſſe. Inde enim ſi ortæ eſſent, Judæi ſtante Templo ſecundo nummis ſuis literas gentis inſcripſiſſent, (hoc factum eſſe non credo) atqui conſtat omnes nummos ea ætate cuſos literas Samaritanas præferre. Quid ergo? videtur mihi priſcis Hebræis duplex ſcriptura in uſu fuiſſe (nec hoc mihi veriſimile) ſacra altera, altera profana; ſacra eſt Hebræa quadrata, profana illa, qua Judæi in nummis & alias uſi fuerunt. Inde pergit: Plane non ſentio cum iis, qui rediſſe ad linguam unam architectos turris Babylonicæ autumant, poſtquam ab opere illo ceſſarunt, & ego nequaquam mihi perſuadeo, diverſas linguas ibi ortas fuiſſe, quas nunc per orbem terrarum eſſe uſitatas novimus.

Atque ita quidem puto me penſum meum abſolviſſe, lætabor ſummopere, ſi quid dignum eruditione & ingenio tuo annotaverim; ſin id fecius fiat, nullus dubito, quin excuſaturus ſis virum.

S ij

qui immerfus rebus ad Rempubl. pertinentibus summam, vacivo tempore hæc in chartam coniecit, & non tam scripsit, quam effudit. Vale Campis Transilalanorum xx. Aprilis 1712.

De *Serpentibus militibus* egimus olim; & ecce tibi eorum defensori in Historia Fabulari illustre exemplum apud Nonnum lib. 36. p. 898. Edit. Gr. Lat. Dionysiacorum, ubi quamvis *ἑρπῶν* vertatur *ferarum*, & *ἑρπῆρα*, ex reliquis tamen patet, satis superque *serpentes* designari.

XC.

Nobiliss. Amplissimo & Consultiss.

DN. GISBERTO CUPERO
S. P. L. S.
OTTO SPERLINGIUS.

Quod ad tuas xx. Aprilis hujus anni Campis datas paulisper responsum distulerim, multæ mihi fuerunt causæ; tum propter contagionem, quæ nunc, Deo juvante, hic plane deest, tum quod te publicis negotiis occupatum judicarem, quem domo abesse vidi; tum vero etiam, quod certa occasio mittendi literas mihi defuerit, familia Illustriss. Dn. de Goes propter contagium hinc absente.

Sed gratissimum mihi fuit videre illas Inscriptiones Siberianas, quas 4. tabulis delineatas mihi submisisti. Sunt hæc meis oculis plane mirabiles, & ignotissimæ, & quo referam, licet deliberarim serio, nondum habeo.

Qui Sinicas has literas esse credunt, vereor ut nos fallant; nosti enim scriptionem Sinensium, quam sit diversa plane a nostra: quum una litera aut vox neque ad sinistram, neque ad dextram progrediatur, sed una sub alia a summo ad imum descendat paginæ; quem ordinem in transmissis reperire mihi non licuit. Prima sane tabella bini videntur mihi homines rudi sculptura expressi, in fronte tabulæ positi. Tertiam figuram ejusdem tabulæ, quod tu divinaveris monogramma Christi esse, non video satis convenire; rectius puto figuram secundam tab. secundæ eo referri posse, si quid conjecturis tribuendum foret. Sed me plane Davum fateor in istis figuris, quæ Oedipum non unum requirunt. Omnes istæ figuræ mihi videntur mera monogrammata, quod illarum ductus perplexi satis ostendere mihi videntur. Monogrammatum usus antiquus plane est, & si Scholiasti Sophoclis credere debemus, a Sisypho repetenda illorum memoria. Locus est notabilis valde, quem in tui gratia exscribam, cum ita Scholiastes in Ajace p. m. xi. sic commentetur: *ὁ δὲ Σίσυφος Κερίνθος βασιλεὺς παναρχὸς ἀνὴρ, περὶ ἧ φησὶν Ὁμήρος ὅς κέρδιος γένετ' ἀνδρῶν ὅσις ὑπὸ τῆς ἐνύχας ἢ τῆς ὀπλῆς τῶν δάων ἑαυτὸν μονογράμματον ἔγραψε τὸ ὄνομα αὐτοῦ. Αὐτόλυκος δὲ κατ' ἐκείνην καιρὸν κλέψας καὶ Σίσυφον θρήμματα, καὶ μεταβαλὼν ὁμοίως, καὶ ἔλαβε τὸν Σίσυφον. ἐπέγνα δὲ αὐτὰ διὰ τῶν μονογράμμάτων.* Et adhuc eum morem retinemus in insignibus, annulis, Inscriptionibus & subscriptionibus, prout monumenta Imperatorum aliorumque Principum, & Episcoporum testantur. Germani hanc scriptionem & sculpturam Monogrammatum *ein zug* vocant, Saxones & Belgæ *ten Tog* ductus peculiare certos nominis invicem sibi implicatos, ut olim Runicæ notæ magicæ Septentrionalium quoque fuerunt, quas nemo forte legere vel interpretari possit, nisi qui scripsit aut sculpsit.

In Olearii Persico itinerario memini observasse me Persas etiam literis suis figuras avium &

animalium solere exprimere, & quasi monogrammata ductibus peculiaribus efficere. Peringskiöld Suecus, & Collegii Antiquitatum Stockholmiensis Præses, qui nobis Theodoricum Gothorum in Italia Regem cum Notis suis amplissimis dedit, parum abest, quin Monogrammata a Suecis originem primam ducere nobis persuadere copiat, ut sunt illi homines *αὐθόδεσς*, & omnes fere rerum originēs a Suecis repetunt, plane ut Græci veteres, qui omnia Græcæ originis esse voluerunt. Sed nolo his immorari, quoniam semper fluctuare oportet, & hæsitare, quoniam certi nihil de istis inscriptionibus Sibericis asserere mihi licet: sufficit meam de his sententiam attulisse, quæ quantum inter doctos valere possit, vel minus valere, mihi perinde fuerit. Si Suecis de his judicare dabitur, nullus dubito, quin ad Gothicas & Runicas literas illa protinus referri debere contendant. Ego non semel ampliandum censeo. Sunt enim mira & intricatissima, quæ meum caprum superant.

Alterum caput tuarum literarum opponit mihi & Perizonio confusionem linguarum durasse quoque, postquam cessarunt illi Hebræi ab opere Turris Babel, quoniam hoc nullibi in Sacris literis reperitur annotatum. Sed nec in sacris ullibi reperies eos in illa confusione linguarum permansisse, nec omnes Noachi posteros ad illam structuram erigendam concurrisse. Unde non pauci docti Viri statuerunt, solos Chami posteros, quos Nimrodicum genus vocat Calvisius ad Annum Mundi 1757. hanc structuram perficere voluisse: ibi ait *eum annum fuisse Sabbathicum, quo Deus linguis confusis (ædificatorum) dissipavit agmen Nimrodicum in turri Babylonica extruenda occupatum.* Ex quo authore hæc hauserit Calvisius non addidit, haud tamen dubitandum de summi istius Viri fide, quin ex aliquo veteri Scriptore hæc adduxerit. Isidorus sane Origg. l. 7. c. 6. p. m. 993. idem sentit de Nimrod, quod ejus agmen turrim Babel ædificaverit, dum scribit: *Nimrod interpretatur Tyrannus: hic enim prior arripuit in populos Tyrannidem, & ipse aggressus est adversus Deum impietatis ædificare turrim.* Erat Nimrod filius Chus, filii Cham ejusque nepos, pronepos Noæ. At illos Nimrodicos non dispersos fuisse cum cæteris, sed ibi mansisse, sacer Codex dicit Genes. 10. v. 10. & regnum illic sibi constituisse Nimrodum. *Fuit* dicit Sacer Codex, *principium regni illius Babel, & Erech, & Achad, atque Chalne in terra Sinaar.* An vero quidam, non omnes, ex Semi & Japheti posteris affuerint isti Nimrodico agmini, & cooperati sint in turri ista ædificanda, non negabo, nec affirmabo, quoniam hæc incerta sunt. Nimrodum ejusque genus hoc opus maxime promovisse, secundum hæc certum est. In illos igitur hæc confusio linguarum solos pertigit, qui ædificarunt, non in cæteros omnes, qui huic structuræ manus non admoverunt. An vero hi constructores, postquam moniti cessarunt ab opere incepto, in ista confusione linguarum permanserint, alia quæstio est: illos sane, qui non concurrerunt ad structuram illam perficiendam, minime confusione linguarum punitos esse, certum esse puto, & reliquos, postquam destiterunt ab illa structura, non video quomodo ad linguam priorem unius labii non redire potuerint. Neque enim propter confusionem linguarum dispersi sunt Noæ posteris, sed quod totum terrarum orbem per illos multiplicatos Deus incoli voluerit, unde tandem linguæ variae prodierunt: Linguarum enim confusio, non nisi ut ab opere destiterent isti ædificatores, a Deo fuit illis immissa, nec ad illam redire potuerunt tam graviter & serio moniti, nisi rursus eandem confusionem experiri vellent, aut graviore poenas alias.

Petis porro, Vir Excellentiss. ut Tecum communem mea, quæ Dn. Pezrono Abbati de Char-moye de Celtis opposui; sed ea tam proluxa sunt, ut unis literis comprehendi nequeant. Nego Celticam linguam ortam esse in confusione linguarum apud Babel, quod ille statuit: nego, Gomeri posteros in illas terras pervenisse, quas ille profert, aut Chomeritas ab illis dictos, in Bactrianis, & Margianis, & Sacis, cum Celtica lingua, quam a Confusione secum illuc adduxisse audacter credit: & quæ inde sequuntur inaudita in historiis veterum, de Titanibus Celtica lingua usis, cum multis aliis absurdis; sed Celtas & Celticam linguam diu post confusionem ortam inter Scithas & Japheti posteros ad Obium fluvium, ubi primum nomen Celtarum, & sedes sunt auditæ, & designatæ a Scriptoribus, unde tota ejus machina de Celtis reprobatur. Nec solum Annium Viterbiensem, & supposititia ejus scripta secutus est, sed & alia detorlit ex veteribus in hanc sententiam, quæ ut perperam ab ipso allegata confutavi.

Quæ deinceps de Samaritanis literis affers, quasi ante tabulas legis a Deo datas in usu fuerint Judæis; vereor, ne nimis credulus sis: nullibi namque S. Scriptura de talibus literis quidquam monuit. Aliud deinde est loqui & verba profari lingua sibi propria, aliud scribere: prius fane, quod ad linguam pertinet, omnes Judæi sciverunt etiam ante Moysen, at posterius, scriptionem nempe istius linguæ, plane nesciverunt nisi post Moysen, in qua scriptione se jam exercebant præcipue in Deber & Kiriath Sepher. Jam etiam cum scribis decem tribus, postquam defecerunt a cæteris Te non credere iisdem literis usas fuisse cum Tribu Juda & Benjamin, hoc nullibi S. Scriptura ostendit eos aliis literis usos esse, quum eundem Deum colere perrexerint, quem Juda & Benjamin, nisi quod superstitiones & Idololatriæ etiam ipsi succreverint, sicut etiam Judæ & Benjamin. Manet itaque illam scriptionem Samaritanam, non nisi post abductos in captivitatem Samaritanos cum Cuthæis & c. coepisse & propagatam esse. Nec video illud S. Scripturæ contrarium esse, quæ nullibi de Samaritanis literis, prout hodie sunt, quidquam memoravit, quod certissimum est indicium, eas non coepisse in Samaritanos ex tribubus Israelis abductos in captivitatem, sed postea exortas esse, nec sana ratio permittit per bonam consequentiam aliter sentire. Samaritanæ enim dicuntur istæ literæ, non quod tribus decem illis unquam usæ sint, sed quod quæ Samariam occuparunt gentes, in Samaria illas in usum deduxerint. Unde nec sententiam Eruditissimi Dn. Relandi approbare possum, quam ad me perscripsisti, quasi Samaritanæ literæ inter Hebræos profanos & vulgus etiam viguerint, Hebrææ quadratæ tantum in sacris usitatæ fuerint, idque propter nummos Samaritanis literis insignitos. Nummi fane Samaritani eorumque literis proculsi, nihil fane nisi sacra loquuntur, ideoque nec illis literis profanis, ut credit, exhiberi debebant, nam siclus sanctuarii dicebatur, non quod illo siclo usi sint omnes gentes, qui suis propriis siclis utebantur, distinctis pondere certo a siclo sanctuarii vel Hebræo, qui superabat pondere omnes siclos gentium, atque ideo siclus sanctus aut Sanctuarii dicitur: non quod alii Sicli unquam Hebræi apud Hebræos fuerint, quam pondere quatuor drachmarum, nobis dimidii thaleri uncialis.

Et nosti, me jam istas falsas opiniones de nummis Hebræorum cusis in meo de Nummis non cusis confutasse, ut credo, solidis argumentis; & quando sicli Hebræi, & Samaritani tandem cusi prodierint ostendisse, ut Christianis illos quærentibus fucum facerent & imponerent. Nam an-

te Seculum x. post Christum & peregrinationes Christianor. in illas terras, nullibi visi sunt cusi, nec Hebræi sicli nec Samaritani, ut nec alii nummi minores: adeo ut hoc argumentum pro Samaritanis literis ex nummis valde sit infirmum, nec ponderis ullius. Et jam Tibi nuncio, Rectorem Scholæ nostratem, ut audio, mutasse sententiam de Samaritanis literis, quamvis ejus Disputatio nondum prodierit, ut quam sententiam arripuerit, nondum sciam.

Elegantissima sunt quæ de nummorum Tibi catalogis transmissis nemoras, Vir Amplissime; quando nos tam beatos facies, ut Orbis eruditus hæc legere possit? nam ego decrepitus spe quidem me lacto & desideriis, sed videre tam erudita non contingit: Vita brevis est. Inscriptionem quam addidisti sic interpretor & explico.

Milii pisti Kadum & Modium unum denariis centum, nostræ monetæ 12. uncial. thaleris cum dimidio.

Scanculæ, sive Spelta Kadum & Modium denariis triginta, nostræ monetæ 3. uncial. thaleris & 36. assib. Lubec.

Fabæ Fresæ v. Fresæ Kadum & Modium denariis centum, nostræ monetæ 12. uncialib. thaleris cum dimidio.

Quæ de Gronovii Herodoto, Almeloventii Fastis, & Schultingii notis in fragmenta veter. JCtorum scribis, quin examussitata sint futura nullus dubito; doleo tantum meam ætatem eo jam pervenisse, ut nihil horum me legere posse confidam.

Quæ de serpentibus militantibus mones, grata mihi fuere, sed Nonni Dionysiaca mihi non sunt: curabo tamen, si hic nancisci possum, illa legere, ut tibi indicanti gratias agam maximas, Tuumque nomen Adversariis meis ulterius inferam.

A nostris oris nihil occurrit Te dignum, pumice aridiores sumus; quapropter valere Te diutissime ex animo precor, & opto & voveo. Vale, Vale, atque iterum iterumque salve.

Dabam Hafniæ a. d. Junii CIOIOCCXII.

XCI.

Amplissimo Celeberrimoque Viro

OTTONI SPERLINGIO

S. D.

G I S B. C U P E R U S.

Lætor summopere, Inscriptiones Siberianas tibi placere, meque ita fecisse aliquid, quod gratum advorsum te sit, uti cum Terentio loquar. Characteres illi mihi plane tenebræ sunt, atque *ἀδύνατον* mihi est definire an sint Chineses an vero Septentrionales; La Crolius stat pro primis, & adjutus est mirum quantum ms. qui ex China missus est ad Illustrem Leibnitzium, continetque ad instar corporis Gruteri, vetustissimas gentis illius Inscriptiones, & in quo varias istiusmodi literas invenit. Ego etiam judicavi binas priores fere homines referre; nec video cur non tertia figura primæ tabulæ possit referre Monogramma Christi æque ac secunda tabulæ secundæ: sed quid te detineo rebus, quæ plane superant meum captum, & in quibus explicandis talpa cæcior sum?

Pulchra est animadversio, Sisyphum auctorem

esse monogrammatum: sed dispiendum foret, an ille sub ungulis scripserit primam nominis sui literam, an vero complures, vel omnes inter sese flexas, quod ultimum a simplicitate priscorum temporum videtur alienum esse; eleganter, uti nosti, Plutarchus in Catone monogramma dicit esse *συνμειον ἐν μικροῖς καὶ βραχείσι τύποις πολλῶν γραμμάτων δύναμιν ἔχον*; qualia non tantum in nummis Marciani & Valentiniani, uti notat Du-Cangius, occurrunt, verum etiam in multo vetustioribus Græcis, uti patet ex Goltzio, tam in Magna Græcia, quam Græcia; & quod in primis notandum, Argivi primam sui nominis literam A. nummis suis inscripserunt, id quod hodie Regibus & Principibus usurpatur, & observavi in antiquissimis Sueciæ Regum nummis apud Æliam Brennerum. Monogrammata autem obvia in nummo Placidii Valentiniani, sunt, nisi plane fallor, nomina equorum, quibus agitator ille Bonifacius vicerat, Rhodanus, Danubius vel *Adua Aufidus & Rhenus*, quo pertinet *Oceanum* etiam nomen equi esse in Inscr. apud Gruterum, & si conjectura mea vera est, utique *Bonifacii triumphus*, quem illi Du-Cangius tribuit, locum habere non potest.

Adsentiri tibi nequeo, nec credo linguas a Deo confusas in unam & priorem rediisse, quia in contrarium erat voluntati ipsius, qui consilium ceperat homines per terrarum orbem dispergendi, id quod ita fieri illo tempore non potuisset, quia eadem lingua iterum utentes in unum coire iterum etiam potuissent.

An vero soli Chami posterii concurrerint ad destructionem turris Babylonicae, & an illos solos tetigerit Linguarum confusio, difficilis profecto est disquisitionis; quanquam sciam multos Theologos & alios eruditos viros negare Semi familiam in eo coetu fuisse, quam sententiam etiam amplectitur Heidegg. Exercit. 21. Res tamen est digna examine, cur Moses rem tam mirandam reticuerit, nempe Semitas non consensisse in aliorum consilium, neque eorum linguam mutaram esse, sed inter eos retentam: & certe S. Scriptura neminem Noachidarum eximit x. i. 1. *Erat autem terra labii unius, & sermonum eorundem. Cumque proficiscerentur de Oriente, invenerunt campum in terra Sennaar*; & disputatur hodie fortiter an primitiva lingua integra & incorrupta sit conservata, illique rei ob stare videntur hæc verba Gen. 11. 9. *Et idcirco vocatum est nomen ejus Babel, quia ibi confusum est Labium universæ terræ*; ubi profecto peropportune Moses excipere potuisset Semi posteros. Sed omittamus hanc materiam dubiam & obscuram, omittamus etiam Literas Samaritanas, & duplicem scripturam, unam vulgarem, alteram quadratam, sacris destinatam, cujus distinctionis ego quidem in Sacris Literis nec volam nec vestigium invento, & mihi omnino verisimile videtur, aliquo in loco Bibliorum id narratum fore, vel eo digitum intensum, si apud Judæos distinctio illa obtinuisset. Ægyptios Hieroglyphica sua habuisse Sacerdotes constat, nec dubito, quin vulgus & proceres aliis literis in epistolis scribendis uti sint; & forte tales occurrunt in monumentis, quæ edidit Lucas *χαρίσαντος* ille peregrinator, & præcipue Tom. 1. p. 94. Ægyptiosque simplices literas etiam habuisse scribit Kircherus post Diod. Sic. Clementem Alexandr. & alios. Dicam autem tantum, necessario sequi ex historia exploratorum, nec non ex altera Rahab, eadem lingua vel certe fere eadem usos fuisse Israelitas; & verisimile mihi omnino videtur, Abramum aliosque Patriarchas eam adsumpsisse, oblitamque lapsu temporis illam, qua in Mesopotamia usus ille fuerat, & inde posse argumentum deduci, eosdem etiam adsumpsisse li-

teras Phœnicias, quas multi Samaritanas statuunt fuisse, & inter eos doctissimus Heideggerus.

Sed satis jam diu tecum, & cum aliis eruditissimis hoc saxum volvi, constituique materiis illis intricatis nuntium remittere, & aliis de rebus agere, relinquens unicuique sententiam suam, & meam mihi servans.

Relinquo Abbatem Pezronum suis Paradoxis, nec dubito, quin erudita futura sint, quæ ad Celtas ipsius annotasti, quorum historiam nitide, ita me Deus amet, digestam, nullis vel levissimis fundamentis superimpositam esse semper judicavi, & spero te publicaturum propediem bono publico pulchras tuas observationes. Judæos non usos fuisse pecunia signata ante Machabæos propria tecum plane sentio, & quos habemus nummos, adulterinos esse præclare doces, quare equidem in tuam sententiam manibus pedibus transeo. Spero Rectorem Scholæ vestratæ editurum propediem, quid sentiat de literis Samaritanis. Optas tandem, ut eruditus orbis propediem legat Inscriptiones, numismata, & alia, quæ possideo aliquo numero; fidem tibi facere possum, Inscriptiones esse pereruditæ, & thesauros quasi antiquitatum, nummosque itidem raros & veterum rerum plenos, uti sunt varii inter centum æreos, quos Venetiis accepi, sed ipse fere despero me omne hoc quidquid est editurum, tot me negotia & quidem publica magis magisque habent exercitum, dubio, hoc est periculoso, nec non dolo tempore.

Interpretatio tua Inscriptionis mihi non displicet, & nescio quid melius excogitari possit, quam tuum illud, *Milii pisti Kadum & modium denariis centum: & Fabæ fressæ, vel fressæ Kadum, & modium denariis centum*; & cum *Cadus* sit mensura proprie liquidorum, hic tamen *aridis* inservit; observatque *sextarium* vel *cadum* mensuram rei humidæ esse & siccæ Bernhardus lib. 1. nu. 17. De mensuris & ponderibus. Columella cado *duas urnas* tribuit, quod non ita cum erudito Hostio capere possum, ac si omnes cadi ejusdem fuissent capacitatis, sed aliis alios fuisse grandiores: *Si in vetustatem servare voles, in cado duarum urnarum quam optimi vini sextarium addito*: nam si ita explicandus hic locus, & illa inde consequentia deduci debet, utique nihil necesse erat addere, *duarum urnarum*, sed quia cadi diversæ erant magnitudinis, adjiciuntur illa, quia tali cado infundi debet sextarius vini, & majoribus major quantitas. Duæ urnæ faciunt *amphoram*, atque ita *Cadus* pro amphora hic usurpatur, cum autem *amphora* modii magnitudo satis cognita sit, mirari utique subit, tam grandi pretio Stratonicæ venisse milium & spelam, & fabam fressam; nisi velimus *cadum* hic longe majorem esse mensuram, quod te examinare velle etiam atque etiam rogo. Illud autem adjiciendum est, in eadem Inscriptione, *Fasianum pastum* venire denariis ducentis quinquaginta, & anserem pastum denariis ducentis, quæ utique pretia sunt nobis fere incredibilia.

Gaudeo summopere tibi placuisse non modo *serpentes milites*, verum etiam nonnullorum labores eruditorum, quos tecum communicavi, quibus nunc addere possum Davisii alteram editionem Minutii Felicis, Muratorii Anecdota Græca, Musgravii explicationem Epitaphii veteris Julii Vitalis, Defensionem Diarii Italici Montfauconii contra Ficoronii censuras, qui omnes libri ad me dono missi sunt: quo nomine multum me viris eruditissimis debere fateor, quibus addendus omnino est Virginius Valsechius, qui egit de Trib. potest. v. Elagabali, meq; etiam honoravit illa lucubratione.

Nunc ut nobis nascatur nova differendi materia, certior te facere debeo, animum meum advertisse versiculum secundum capituli xi. Geneseos, ubi homines labii unius dicuntur *profecti de Oriente in terram Sennaar*. Nosti varias doctorum sententias, quæ inde ortæ sunt, quia Armenia major & montes Ararat non ad Orientem, sed ad Septentrionem Babyloniam, vel terræ Sennaar positi sunt, & ita dici deberent profecti esse ad Orientem. Varii viri præclari contendunt, primos illos post Diluvium mortales ex Armenia, quæ eos continere non poterat, profectos esse in Assyriam superato Tigri, & ita ab Oriente petiisse postea Occidentem & pervenisse in terram Sennaar. Ego id haud ita facile admitto, quia S. S. nullam talis migrationis facit mentionem, & tibi de considerandum, an non alia via huic difficultati possit fieri medicina. Non probo primum tabulas Geographicas, quæ cum Bibliis Belgicis anni 1682. & forte aliorum apud *Keyrios* typis descriptæ sunt, in quibus montes Ararat collocantur in Assyria, Arca pingitur in tractus illius montibus ultra Tigrim prope Meden vel Mediam, additurque *Het Gebergte Ararat, waer op de Arche Noe ruste*, Gen. 8. 4. id quod tamen non legi ab ullo memoriæ proditum esse, & puto inventum, uti difficultas loci, de quo ago, tollatur. Puto autem non absque ratione, nonnullos doctos malle Hebræa vertere *versus Orientem*, quomodo annotant eandem loquutionem sumi Genes. 13. 11. vel dicendum, Moisen hæc scripsisse respectu Judææ, quæ potest Armeniam numerare inter regiones Orientales, sed versus Septentrionem remotas; & licet respectu Armeniæ Babylon sit versus meridiem, tamen priorem sententiam præferrem, quia regio illa videtur *Oriens* dicta esse, unde & puto *Magos Orientis* inde venisse. Atque ita Ezech. 25. 4. & 10. Chaldæi vocantur *populi Orientis*, id quod eo diligentius notandum, quia in aliis locis Rex Babyloniam dicitur venire a Septentrione, uti Ezech. 26. 7. *Ecce ego adducam ad Tyrum Nabuchodonosor Regem Babylonis ab Aquilone*, id quod etiam patet ex 46. 10. & 24. Jeremiæ, ubi respectu Egypti commodius tamen Nebucadnezari *Terra Aquilonis juxta flumen Euphratem* tribuitur, & *filia Egypti tradita dicitur esse in manus populi Aquilonis*. Vix video, quomodo hoc Babylonis, si Judæam consideres, convenire possit, nisi statuas eorum imperium late sese in Septentrionem extendisse, & complexum fuisse saltem Mesopotamiam; nam Persæ & Medi iis tunc temporis non parebant, qui respectu Babelis Jer. 50. 3. & v. 9. *gens Aquilonis* dicuntur.

Diospolim vel No-Ammon Nahumi statuunt varii eruditi sitam fuisse in inferiore Egypto, quia urbi in eo tractu sitæ optime convenit prophetæ descriptio. Sed an non obstat generale omnium veterum silentium de urbe ibi tam magna? nam quod multi *Alexandriam* somniant, meræ nugæ & genuinæ sunt; & an non pro Thebis stat. Ezechiel. 29. 14. ubi Egyptii dicuntur reduci debere in *terram patrum*, quam Thebaidem esse communis Interpretum consensus facit, ut adfirmem etiam, & an non tandem mare, flumina, lacus respectu totius Egypti possunt dici munire eam urbem, cum iis revera etiam esset munita No-Ammon? & tandem an terra irrigua, quam Thebis tribuit Diod. Sicul. hic locum habere non posset?

Pyramidum extructionem tribuunt etiam Israelitis in Egypto servantibus, sequentes Josephum, qui illud memoriæ mandat lib. 2. cap. 5. Fateor verisimile hoc valde esse, sed an S. S. nobis tam stupendas moles non commemorasset, in quas si non plus laboris & sudoris impendere coacti essent I-

Israelitæ, utique æque ita oppressi forent ac faciendo lateres, ad quos, uti etiam ad lutum, opera illorum dura restringuntur?

Et quanquam Israelitæ aliis operibus etiam potuerint affligi, tamen puto gravissima esse memorata in Sacro Codice, & inde est, quod dubitem, an recte talia statuunt viri eruditionis præstantis, id quod te examinare velle, ut & reliqua, summo opere rogo; idque facio eo libentius, quia persuasus omnino sum, te mea causa examinaturum diligenter hosce scrupulos, & dubitationes, Vale etiam atque etiam, Dav. viii. Augusti 1712. Literis communes Egyptias etiam inscriptas esse statuæ Isis puto apud Jac. de Wilde Num. 9. statuarum, quas edidit Amstelædami anno 1700. in 4.

Almeloveenius extremo mense Julio proximo humanis valere dixit rebus, magnumque sui desiderium omnibus hujus orbis eruditis reliquit.

XCII.

Nobiliss. Ampliss. & Consultiss. Viri Dn.

G I S B E R T O C U P E R O

O T T O S P E R L I N G I U S

S. PL.

Postquam literas Tuas a. d. viii. Augusti mensis hoc anno ad me scriptas & recte traditas accepi, nihil mihi gratius, credas mihi, si velis, accidere potest, quam illis respondere, & *ἀποκρίναι*, ut solent amici. Et quidem relinquamus doctioribus illas inscriptiones, siue Chineses, siue alias, qui hæc enodare norunt felicius; nam mihi quidem monogrammaticæ videntur omnes esse ac admodum difficiles explanatur: sed quæ Tu, Vir Excellentissime, de monogrammatibus addidisti ex ipsa antiquitate, mihi valde placuerunt, & meis de monogrammatibus observationibus jam inferui. Dubium quod moves de Sisyphi monogrammate, nobis post tot secula vix liquere potest, quale fuerit; nemo antiquorum hoc explicavit; Scholiastæ quidem ad *μυρογπάμυρα* retulerunt; quibus credendum, donec aliquis clarius de illo nos docere poterit: quamvis haud sperem illud fieri posse, antiquitate ipsa obluctante, & tenebris nos involvente.

Recte omnino facis, Vir Consultissime, quod intricatissimis illis disputationibus de Confusione linguarum & de Samaritanis literis nuncium remittas, nam ubi S. Scriptura tacet, nos quoque tacere oportet, nec supra illam sapere. Quæ scripsi exercitationis causa scripsi, non quod credam ipsi mihi in omnibus, sed quod aliorum opiniones potius adduxerim, quam meas, nec salus Græciæ, aut Theologiæ, aut alterius cujusquam in his versetur, siue sic statuas, siue aliter, cum nos lateant ista antiqua, Scriptura Sacra non præeunte, aut docente.

De Pezrono quod scribis, appareret omnino ex meis Celticis, ipsum sæpius lapsum esse, si quis mea Celtica ut lucem viderent, adjuvare vellet, in quibus auxiliis despero: & jam senium ultimum me quotidie urget, ut edendis, quæ vellem, superesse diu nequeam. Videres sane Glossarium copiosissimum Celticum ex ea lingua petitum, quæ totam fere Europam instruxit & docuit; videres mores Celticos omnibus Europæis placuisse, omnes tam Græcos, quam Latinos, Gallos, & Hispanos ex eorum fontibus bibisse, & imbibisse: nulla

enim gens fuit, potens adeo & lingua & moribus, quæ tam multa ad alios disseminare potuerit, quam Celtica, quam quoque post Hebræos antiquissimam multis demonstravi argumentis, ita ut ex Cananæis illam ortam & dispersam, ad Japhitas & Semitas, quibus ut servirent Deus illos damnavit, ob scelus commissum in patre Noacho, ut ex S. Scriptura patet, præfiscine statuum.

Tu quoque desperas, Vir amplissime, de Tuis edendis, quem tot occupationes publicæ distinent. Mihi sane hoc grave est auditu, qui jam pedem alterum in tumba habeo, nec illas elegantias eruditissimas videre potero. Quid faciendum? in sapientiæ gradibus si mori contingat, quum nulla hic perfectæ dentur, & absoluta, adquiescamus omnino oportet, & quod talia ac tanta reliquerimus, illud Heinianum exclamabimus: Quantum est quod nescimus? & quantillum hoc est quod scimus?

Inscriptio illa, quam misisti, & cui addidisti ex eadem de Fasiano pasto, quem vñire scribis ex illa *denariis ducentis quinquaginta*, & anserem pastum *denariis ducentis*, si plenis istis literis, prout Tu expressisti, extant, Tecum miror maxime, & errorem incidisse in numeros credo, nec denarios intelligendos esse, sed æreos, aut aliam monetam; nam pretium illud anseris pastu superat omnem rationem, ne dicam de Fasiano. Sed antequam discedam ab hac Inscriptioe, quæ *spelta* meminit, velim mihi scribas & me doceas, quale frumentum *spelta* fuerit & quodnam hodie sic dicatur. Dum juvenis apud Batavos vixi Lugd. Batav. & alibi, libentissime cærevisiam ex *spelta* coctam præ cæteris bibi, *speldebier* dictam, inquisivi tunc quid *spelta* esset, responderunt, esse frumentum siligineum, sine gluma aut cortice siligini vulgari inhærente, puram & integram, Nescio sane, an ita se *spelta* habeat, vel secus: nam in his terris illud genus frumenti non adolescit.

Difficilem deinde mihi proponis quæstionem de itinere primarum gentium ex Armenia, ubi arca Noæ quievit, & egressi sunt homines post diluvium, versus campum Sennaar, ubi scriptum dixit eos ab Oriente pervenisse ad istum campum. In ipso textu Hebræo est *מִן הָאֲרָצָה הַזֶּה*, quod sane est ab Oriente, quamvis Lutherus verterit *gegen morgen, versus Orientem*. Pagninus in versione sua retinuit *ab Oriente* secundum clara verba Hebræi textus, & tamen notissimum est, Armeniam Septentrionalem esse & campum Sennaar proficiscentibus ad meridiem situm. Sed observandum fuerit diluvium, quod contigit anno Mundi 1656. & 57. paucos homines superesse sive ex arca Noæ, qui non in Armenia subsisterunt hinc inde, versus Mediam, Margianam, Persidem, & alias Orientales regiones, ubi subsistere poterant, adeo ut Peleg filius Salah centum annis post diluvium natus sit Anno Mundi 1757. eo ipso tempore, quando confusio linguarum incidit, atque inde nomen accepit ab ista divisione, quæ in campo Sennaar Babyloniciæ contigit; venerunt ergo ad campum Sennaar *ab Oriente*, ubi hætenus subsisterant, & civitatem ac turrim illam Babylonicam ædificare cœperunt; nam veritas verbi divini omnino nobis est servanda, quod ab Oriente illuc venerint, adeo ut illorum sententia non sit rejicienda, qui Assyriam illos occupasse statuerunt, antequam ad Sennaar campum Babyloniciæ illos pervenisse, scribitur, quod unico verbo S. Script. indicavit *מִן הָאֲרָצָה הַזֶּה* ab Oriente: nam certum est illos multiplicatos centum illis annis Sennaar campum occupasse Babylonicum & ab Oriente illuc venisse, ubi hætenus subsisterant. Hæc igitur mea sententia foret, pro servandis verbi divini verbis, quæ tam clara sunt, ut illis contradicere nefas sit. Nam quamvis hæ migrationes non diserte in textu

A Hebræo sint expressæ ad campum Sennaar, sufficit tamen, quod dixerit, illos ab Oriente venisse ad campum Sennaar. Quod deinde de Diospoli quæris civitate magna Ægypti, quæ olim Hecatompilos dicta fuit Plinio l. 5. c. 9. & Straboni l. 17. & Stephano. Præter hanc Diospolin magnam fuerunt in Ægypto ejusdem nominis quatuor aliæ Diospoles minores & pusillæ: item in Lydia & Palæstina apud Stephanum Arabiæ civitas est Diospolis, postea Berytus dicta. Quin & Bithyniæ Diospolis fuit ad Pontum, quæ Ptolomæo Chio Nigro dicitur, Novitiis *Port de Tassio*, Baudrando ponitur prope Heracleam Ponti juxta sinum Meriandinum 30. miliaribus ab ostiis Sangari fluvii. Plures Diospoles haud novi memoratas. Tu vero, Vir Eruditissime, non quæris nisi de Diospoli Ægypti, ubi quinque fuerunt Diospoles, quarum situm Geographi neglexerunt scribere: adeo ut si unam earum in Thebaide sitam fuisse constaret, sententia Tua satis procederet. Neque tamen quenquam illarum situm tradidisse mihi hætenus occurrit, nisi quod No-Ammon sit magna illa Diospolis Ægypti Hecatompilos. Vaillant in suis Ægyptiacis etiam 4. oppida Ægypti hoc nomine fuisse tradidit p. 146. & 202. quem quoniam ab aliis commodato habui & legi, illudque notavi, nescio an situm illorum indicaverit, nec amicus ille, a quo tum librum mutuo habui, nunc hic loci versatur, ut nesciam quid de illis dixerit. Tuum igitur erit dispicere.

Ultimo quæris de pyramidibus, an Israelitæ illis operibus adhibiti sint in Ægypto cum durissimam ibi servitutem servirent. Respondeo non de pyramidibus constare ædificatis illo tempore, quo Israelitæ in Ægypto sunt versati; Jacobus enim Patriarcha cum sua familia in Ægyptum descendit ad Josephum filium, Anno M. 2238. ibique diem suum obiit Ann. 2255. Manserunt Israelitæ in Ægypto, usque ad annum M. 2453. qui collecti faciunt annos 215. quibus in Ægypto diversati sunt Israelitæ, & Rex Ægyptiorum tunc fuit Orus, qui in mari rubro submersus est eodem anno, cui successit Acherres, qui 30. annis scribitur regnasse. Illo tamen tempore nihil de pyramidibus exstructis memoratur, adeo ut illis exstruendis lateres conficere & afferre non sint coacti. Nec pyramidum occurrit mentio ante Cheopem Regem Ægypti circa annum Mundi 3077. post exitum Israelitarum 624. annis, quando Joas Rex Judæ regnavit annum regni sui decimum quintum. Ille enim Cheopes ab Herodoto l. 2. dicitur primus pyramidem ædificasse ex saxis, quæ ex montibus Arabicis ad Nilum deferri curavit, & in ea ædificanda 20. annos consumpsisse scribitur: quamvis dissentiat Morerus in Dictionario suo, qui primam pyramidem a Chemmi Rege excitatam credidit, quem tamen non invenio inter Reges Ægypti, aut quando vixerit: secundam a Copho, qui est Cheopes Herodoto, tertiam a Rhodo. Chebrem quidem reperio Regem Ægypti ex Manethone, sed & ille post exodum Israelitarum & post Acherrem regnum Ægypti tenuit circa Ann. M. 2490. Mose adhuc vivente, sed 2492. in vivis esse desinente, ut Chronologi mei & princeps Calvisius computarunt, sed nec de illo annotatur, quod pyramidem ullam erexit. Non igitur habemus, quod sequamur, nisi quæ Herodotus de Cheope consignavit, qui tanto studio istam rem egit, ut pyramidem erigere posset. Ex quibus vides Vir perillustis, Israelitas illo tempore, quo ab Ægyptiis varie sunt afflicti, ad pyramides exstruendas non fuisse adhibitos, sed ad alia opera latericia fabricanda, quæ severe ab ipsis flagitabantur; prout S. S. memorat, quæ pyramidum mentionem facere non potuit, quoniam Israelitarum in Ægypto tempore nullæ pyramides adhuc

huc fuerunt erectæ. Atque sic respondi quantum licuit ad Tua quæsitâ per Epistolam Tuam doctissimam. Quod de Isidis statua literis Ægyptiis insignita memoras existare quoque memini in Obeliscis Kircheri: sed in illis non adeo versatus sum, ut an vere sint explicatæ judicare queam. Almeloventii obitum Viri doctissimi, quo nobis non una eruditio est erepta, me vivo accidisse sane doleo, quum & Dodwellus in Angliâ iisdem fatis succubuerit, ut Amici mihi perscribunt, qui velut ultimum suæ eruditionis elegantissimæ commentarium super scuto ferreo Dn. Woodwardi reliquit, quem propediem se editurum mihi pollicitus est Dn. Woodwardus. Atq; his Te valere diutissime opto, & quantum licet, jubeo cum omni prosperitate, quam certe mereris. Dabam Hafn. a. d. VIII. Octob. Ann. CIOCCCXII.

XCIII.

Amplissimo Viro

OTTONI SPERLINGIO.

§. D.

GISB. CUPERUS.

Magna profecto cum voluptate legi litteras, quas in primis doctas & pulchras ad me dedisti a. d. VIII. Octob. anni modo elapsi, & cum inde non absque dolore cognoscam, te premi senectute, recte me facturum putavi, si tibi omnia fausta & felicia precarer initio novi anni, quo certus sis mihi nihil jucundius eventurum, quam frequentes a te literas accipere, cum nullæ ad me perferantur, quin refertæ sint eruditione præclara & solida.

Deum etiam veneror, ut tibi dare velit vividam senectutem, & vires, ut perficere possis opera, quibus doctas manus admovisti, præcipue Glossarium Celticum, quod mihi promittit res fere incredibiles, quamvis ut de iis vix dubitem, faciant eruditio tua insignis & modestia singularis, cum solitus nunquam fueris magno hiato promissorem agere, sed optime promissa explere, imo & ultra procedere. Lætor te nonnullas explicationes meas & consilia laudare.

Recte mihi videris judicare de pretio *Fasiani pastis*, & *anseris pastis*, nihilque certius est, quam nimis gravia illa pretia esse, si per notam illam denarius intelligendus est; suspicatus olim subinde sum, posse forte designari fæstertios, sed ita satis magna summa foret, cum ducenti fæstertii reddant quindecim florenos monetæ nostræ, neque a vero alienum est, uti ratiocinaris, æneam monetam forte designari, & si *duta* nostra intelligeretur, anser pastus valeret dimidium Imperialem, quali pretio hodie fere apud nos emitur. Inscr. profecto ita sese habet quemadmodum designavi & scripsi.

Spelta sub nostro coelo non venit, sed quidem in agris Leodiensi atque Colonienfi, aliisque Germaniæ, & cerevisia Leodiensis coquitur ex illa, nec non frumento vel tritico, & forte alio.

In Hollandia etiam illius usus, uti recte meministi, nec non *Swollæ*, aliisque nonnullis in urbibus; & qua forma sit ex *δείγματος*, quod huic epistolæ infero, cognosces.

Fieri facile potuit, ut posteri Noachi ex Armenia versus Orientem propter multitudinem sese contulerint, & inde venerint in terram Sennaar; nihil difficultatis video in hac hypothese, quanquam primæ illius transmigrationis nullum vestigium occurrat in S. S. Sed si Hebraica verba nihil aliud signi-

ficare possunt, quam ex *Oriente*, utique illa tua conjectura non est rejicienda, vel excogitanda alia, quæ forte est, ita loqui Mosen, quia Armenia respectu Judææ est ad Orientem versus Septentrionem sita. Sed & nuntium remittamus difficili huic quæstioni, non fecus ac Pyramidibus, quas ab Israelitis non constructas esse, gaudeo te mecum statuere, atque adeo ex Historia & Chronologia haud prolatitæ probare.

Diospolis me vocat, eoque nomine varias urbes fuisse recte statuis, numerasque, præter magnam illam vel Thebas in Ægypto, quatuor alias minores & pusillas, aliam in Lydia, aliam in Palæstina, aliam Arabiæ, quæ postea Berytus appellata, & tandem aliam in Bithynia; atque ita illæ implent novenarium numerum, pluresque addis te non noscere. Et primo quidem, quod ad quæstionem a me positam attinet, quæsi vi an descriptio *No* urbis, vel *No-Ammon* a Propheta Nahum facta convenire possit Diospoli, vel Thebis in superiore Ægypto sitis, quia illis non videntur convenire tot aquæ... prophetæ memoratæ, sed potius Diospoli, quæ in Delta versus ostium Mendesium sita erat, uti nonnullos eruditos statuere docui; difficulter id credere possum, quia non constat an illa Diospolis tam vetusta sit, neque etiam an Ninivæ possit comparari, id quod nequaquam verisimile est, cum inter parvas illas quatuor verisimiliter etiam a Stephano recensetur. Scribis neminem earum situm tradidisse, sed Diospolis Deltæ memoratur eo, quo dixi, loco Straboni lib. 17. & alia Diospolis parva in superiore Ægypto Ptolemæo, quam non satis accurate a Diospoli Deltæ videtur distinguere doctissimus Perizonius, dum scribit Nomum ab ea denominatum, cujus ipsa fuerit metropolis, addens, *ut diserte nos docet Ptolemæus*; cum tamen Geographus ille insignis, ne memoret quidem vel nomet Diospolim Deltæ, sed superioris Ægypti eo nomine urbem parvam, a qua etiam *Nomus Diospolites* nomen habuit.

Jam quod ad numerum attinet, illum etiam augere possum, & addere loca, quibus aliæ tibi que memoratæ Diospoles aliquantulum saltem illustrabuntur. *Laodicea* igitur antea *Diospolis* appellata fuit Plin. 5. 29. *Celeberrima urbs Laodicea imposita est Lyco flumini, latera alluentibus Asopo & capro, appellata primo DIOSPOLIS dein Rhoas*. Harduinus conjecturatur *Jovem* præsidem illius urbis fuisse, unde sequitur eundem ibi præcipue cultum. Est autem, uti nosti, *Laodicea* Cariæ, cujus bini fluvii *ΛΥΚΟΣ* & *ΚΑΠΡΟΣ* leguntur in nummo Commodi. 2. *Cabira*, Regia Mithridatis, *Diospolis* vocata fuit a Cn. Pompejo Magno, postquam ex ea urbem fecisset, teste Strab. lib. 12. p. 557. ubi & scribit eam *Σεβάστην* vocatam fuisse, quod Berkellius in notis suis ad Stephanum videtur credere a Pompejo factum esse; ita enim commentatur: *Refert Strabo Pompejum Mithridatis arcem & Regiam, quæ erat in Cabiris, in urbis formam adornasse & Diospolin nominasse, sed postquam operi aliquid addiderat, eam AUGUSTAM nominari voluit*; sed error insignis est, quia Pompeii tempore titulus ille incognitus erat, & ab Augusto Cæsare duxit originem suam, neque Pompejum id fecisse tradit Strabo, sed *Pythodorim Reginam* tempore Strabonis, quæ etiam urbem auxerat, ut clare Græca verba nos docent: *τὰ ἢ καβείρα πομπηίου σιδηράσωντος εἰς πόλιν, ἣ καλέσωντος Διοσπόλιν ἐκείνη* (nempe Regina Pythodoris, quæ omnem illum tractum tenebat) *προσκατασκεύασεν ἢ Σεβάστην μετανόμασε*; more scilicet tunc vulgato. Quin & idem vir doctus non advocavit aciem judicii sui, dum annotat insuper ad eundem Stephanum, qui dixerat *καβείρα* esse urbem inferioris Asiæ *τῆς κατω. Ασίας*, Geogra-

phos non agnoscere urbem hoc nomine in inferiori Asia, sed montem Phrygiæ τὰ καὶ βερα numero multitudinis, & de hoc monte putat loqui loco laudato Strabonem, qui tamen ibi de Phrygia ne somniavit quidem, sed Armeniam describit, ad cuius montem Paryadrum sitam scribit fuisse Cabira urbem, in qua Mithridatis erat regia; tandemque suam notam claudit hisce verbis: *Hanc urbem si intelligit noster, nihil ab eo contra Geographiam commissum censemus*. Sed si Cabira Mithridatis in Paphlagonia vel Armenia, live in illarum regionum vicinia fuerunt, uti commentantur eruditi, utique recte nominavit inferiorem Asiam Stephanus, cum illa vel minor sese ab Hellesponto extenderit usque ad Euphratem vel Trapezuntem & finem sinus Ifici; qua de re, si id ageretur, varia in medium proferre possem.

Possideo ectypum nummi, cui inscribitur KΑΒΗΡΩΝ, & suspicor eundem pertinere ad hanc urbem, quia eadem symbola continet, quæ in aliis illius tractus numismatibus occurrunt. Illud addo in Indice Strabon. legi, *Cabira Diospolis dicta* 557. a *Augusta, adornata* ibid. quod cum sit difficile, ego credo virum doctum significare, illam Augustam etiam dictam esse, postquam fuit aucta & exulta, nempe a Pythodori Regina.

Præterea notandum in dictionario Moreri legi hæc verba, *Cabira, Rhodi civitas, una ex iis, quæ conventum apud Rhodios efficiebant, cujus suffragiis omnia gerebantur*; quæ equidem docere vellem unde hausta sint, cum nihil tale annotaverit doctissimus Meursius, nec apud Strabonem vel Plinium talia inveniam.

3. *Diospolis Persiæ*, Ado in Martyrolog. a. IX. Kal. Maii, *In Perside civitate Diospolis, S. Georgii Martyris*. 4. *Diospolis Thraciæ* memoratur in præfidentia Patriarcharum ordine apud Carol. a S. Paulo & alios, atque adeo apud Joh. Malalam part. 2. p. 167. Chronol. Quod autem pertinet ad Diospolim Palæstinæ & Diospolim Arabiæ, quæ postea Berytus dicta fuit, de iis agit, uti diversis etiam, Cardinalis Norisius p. 488. Epocharum, qui ad illam Palæstinæ refert nummum Juliæ Dominiæ, quam Ægyptiæ attribuerat Harduinus, qui tamen in altera editione sese correxit, licet nullam faciat Norisii, at quanti viri! mentionem. In una area cernitur caput *Juliæ Dominiæ*, in altera area Serapis cum Inscr. Α. ΓΕΝΤ. ΓΕΟΥ. ΔΙΟΠΟΛΙΣ, id est interpretibus Norisio, Vaillantio & Harduino, *Lucius Septimius Severus Diospolis*; id quod mihi tamen secus videtur, pace quod dictum sit tantorum luminum rei literariæ. Neque enim Severus hic suum locum ullo modo obtinere potest, sed urbs illa omnia nomina Augusti illius assumpsit atque adeo dicta fuit *Lucia Septima Severa Diospolis*, id quod variis similibus exemplis præclare firmare possem; sed nunc dicam tantum, *Edeßam* in nummis Elagabali vocari MAP.ATP. ANTΩ.ΕΔΕCCAT. id quod non est *Marcus Aurelius Antoninus Edeßa*, uti epigraphem illam reddit in prima editione Harduinus, sed *Marcia Aurelia Antoninia Edeßa*, idque vel inde clare constat, quod in altera area omnia illa nomina Augusti illius legantur. Fateor tamen sese Harduinum corrigere in editione altera, & inde facere MAPKO-Αυρήλια Αντωνεινιάνη Εδέσσα, pro quo tamen mallet Μαρτία Αυρηλ; mirorque eundem hoc non animadvertisse in nummo Diospoleos. Diu est quod hoc, uti & alia plurima, notaverim in Harduino, qui semper idem est, & paradoxorum promus condus, licet postea viderim Illustræm Spanhemium p. 537. & 602. Londinensis editionis Dissertat. suarum hoc idem observasse, id quod jurato mihi te credere velle etiam atque etiam rogo: ubi & damnat *Marco-Aureliam* Har-

A duini, putatque *Marciam* longe melius sese habere & forte etiam fieri inde posse, *Marcii Aurelii Antonini Edeßa* nempe urbs; id quod an alteri explanationi præferri debeat, tuum erit iudicium, tua existimatio, licet mihi per Diospolim videatur refutari.

Mirum autem ignorare plane Diospolim Arabiæ, nec quenquam alium illius meminisse, vel saltem dixisse eam *Berytum* fuisse vocatam. Nam diceres Joseph. lib. 15. Ant. Judaic. c. 6. & lib. 1. Belli Judaici illius urbis meminisse, cum priore loco narret Herodem invalisse cum exercitu Arabiam, *petentem Diospolim, ubi occursuri erant Arabes*; altero autem loco, Pompejum Damascum venisse, eo se contulisse Hyrcanum & Antipatrum, nec non illorum adversarium Aristobulum Regem, qui offensus obsequiis, quæ nempe Pompejo Romanisque præstabat, & iudicans illa extra dignitatem Regis esse, *πρὸ διοπόλεως χωρίζεται*, a *Diospoli recessit*, unde diceres illam Diospolim debuisse fuisse in vicinia Damasci, quo usque sese Arabia extendebat fere. Vaillant. p. 146. Ptolemæorum annotat Hadriani principatu duas adhuc fuisse Diospōles in Ægypto, quia una appellatur in illius nummo Μεγάλη, Διοπόλις. M. & in aliis ME. quod ita explicat, unde sequitur sic eam appellatam respectu alterius minorisque; addit hanc in Thebaide celebrem fuisse inter quatuor, quas in Ægypto recenset Stephanus; qui tamen scribit præter magnam illam quatuor alias parvas fuisse in Ægypto. Multa mihi de celebri illa Ægyptiaca notata sunt, quæ si in ordinem redigere possem, utique persuasus sum, me aliquid allaturum in medium, unde illius historia illustrari haud vulgariter, præfiscine dixerim, posset. Desidero vehementer legere Dodwelli τὰ μακαρίτε commentarium in clypeum Woodwardi, ego conatus fui eundem illustrare binis vel tribus epistolis, quas longas ad Wizenium, ad Valkenarium, & Woodwardum ipsum scripsi, similemque clypeum produxi ex Silio Italico. Galli iudicant eum vetustum non esse, sed adscribi debere temporis, quo Torneamenta (Tournois) in usu erant, quoque in ejuscemodi fabricis luxuriabant.

Non mittam nunc nova quæsitā, quia videor te nimis diu detinere, & vereor valde, ut nimis longus fuerim; quare rogo, ut æqui bonique facias, meque ut soles, amare velis. Vale etiam atque etiam. Davent. 5. Jan. 1713.

XCIV.

Speculatissimo atque Celeberrimo Viro

OTTONI SPERLINGIO

S. D.

GISB. CUPERUS.

Commercium nostrum literarium cessavit ab initio fere Jan. anni 1713. idque proculdubio propter pestilentiam, qua Deus percussit Danorum Regiam & Regiones vicinas. Nam 5. Januar. anni ejusdem die, te per literas conveni, & significavi, me insignem voluptatem cepisse ex epistola, quam ad me dedisti a. d. 8. Octob. an. 1712. egique tunc simul de variis rebus, de quibus quid sentias, desidero equidem cognoscere. Præcipuum argumentum erant Urbes, quæ nomen habuerunt Διοπόλεως, quibus addere possum, Julianum Imp. Ep. 24. appellare Damascum Διοπόλιν, proculdubio propter magnitudinem & pulchritudinem: neque enim legere me memini caput illud Syriæ unquam *Diospolin* appellatum fuisse.

Nunc autem iterum ad te accedo, & offero re-
stitutionem commercii nostri eruditi, id quod si ti-
bi tantum, quantum mihi placet, utique silentium
nostrum brevi cessabit, & poterimus, ut antea, am-
bulare per auctores vetustos, & antiquos ritus, licet
tot fluviorum, montium, & regionum divortis si-
mus separati.

Intellexi autem singulari cum voluptate ex Joh.
Alb. Fabricio Viro certe insigni, te nobis salvum ef-
se, & ideo recte nec tibi ingratum me facturum exi-
stimavi, si tibi officia mea, id quod cum maxime
facio, offerrem, & habeas rogo persuasissimum, me
libentissime tecum confabulari, quia semper a li-
teris tuis abeo doctus, licet nonnulla, uti nosti,
nova placita probare vix possim.

Ego varia opera, uti diu significavi, parata ha-
beo, sed tantum mihi temporis non superest, ut vel
errata calami emendare queam. Illis multas differ-
tationes addere possem, & in eo sum cum maxime,
ut nonnullas absolvam, uniusque argumentum erit
pulcherrimus & integerrimus nummus Getæ, in
cujus averfa area exhibetur nobis *Deus Lunus*, cum
omnibus attributis & insignibus, quæ mihi videor
feliciter illustrasse ex intimo Antiquitatis penetrati,
id quod huc usque factum non est, nisi me plane fallo.

Fieri posset, ut argumenta capitum, ex quibus E-
lephantes mei, & Gordiani compositi sunt, publici
juris faciam, non secus ac alia dissertationum lucu-
brationumque variarum, ut ita experiri possim eru-
ditorum judicia & cognoscere, an aliquid laude
dignum in hoc studiorum curriculo præstiterim.

Itinerarium alterum Pauli Lucæ typis Amstelæ-
damensium descriptum est, cum ante in Galliis pro-
diisset, multa præclara & parum obvia illo conti-
nentur, adjunxit illi varias Inscr. Græcas, quæ licet
male scriptæ & turbatæ sint, a me tamen fere resti-
tui in integrum possunt, quam meam opellam eru-
diti Galli, ad quos specimina nonnulla misi, probant.

Monumentum Ancyranum longe auctius exhi-
betur nobis, id quod tamen & ipse diu possedi,
& Gallandus, celebris ille Antiquarius, illud
explicabit, atque eundem optime exornaturum
provinciam hanc, ex variis speciminibus, quæ le-
git in Academia Erudita & mecum communicavit,
affirmare tibi bona fide possum.

Montfauconius mihi donum misit *Hexapla Ori-
genis*, quod opus nunquam satis laudari potest, nunc
doctas & laboriosas manus admovet Bibliothecæ
Episcopi Metensis, qui nepos est Cancellarii Segu-
rii. Est certe plurimis Mss. referta, & Montfauco-
nius non edet eorum nudos titulos, sed Lambecium
imitatur; imo, uti certior fio, eum vincet, cum
daturus nobis sit non modo varia parva opuscula
inedita, verum etiam ex aliis grandioribusque libris
splendida Excerpta.

Bandurius, Monachus itidem Benedictinus,
publicavit Antiquitates Cyprianas duobus volumi-
nibus; nuncque in eo est, ut digerat, explicet, &
edi curet plusquam quinque nummorum millia a
Trajano Decio usque ad Palæologos; quod profe-
cto opus erit pulcherrimum, & credo nos nihil
amplius in Historia illa desideraturos.

Nosti proculdubio Kusterum nomen dedisse
Pontificiis, & Lutetiæ Parisiorum custodem infe-
rioris ordinis agere Bibliothecæ Regiæ; disputavit
is cum Gronovio super variis locis Suidæ, & cum
Perizonio de *ære gravi*; nec non de voce *Cernere*.
Gallandus mihi significat id quod sequitur: M. Ku-
ster a fait imprimer ici un petit *Traité de Verbo
Medio*, chez les Grecs, & il y a joint ce qu'il a
écrit sur le verbe *cernere* contre M. Perizonius.
Hujus pereruditi viri refutavit etiam opinionem in
Academia erudita de *Ære Gravi*, sed nescio an dis-
sertatio illa sit facta publici juris, quam equidem

vellem legere, quia mihi Perizonii explicatio val-
de placet. De variis aliis rebus tecum agere possem,
quæ forte non forent injucundæ; sed habeo ratio-
nem otii tui diligentem, & Excerpta novorum li-
brorum in tot Ephemeridibus exhibentur eruditis,
ut nemo fere illos ignoret. Multus hic sermo est
de iis, quæ eduntur ab anno 1712. Trajecti ad Rhe-
num, hoc titulo: *Histoire Critique de la Republi-
que des Lettres tant Ancienne que Moderne*, qua-
rum jam quintus tomus lucem adspexit. Videbis
in uno eorum literas meas, quibus veterem Calli-
machi Lectionem contra Phil. Massonum defendo.
D. Outreinius mysteriorum Sacrorum Amstelæda-
mi doctus interpres ad me misit Dissertationes suas
De *Clangore Evangelii*, ad quem refert non infel-
liciter Tubas Argenteas Sacerdotales Veteris Tes-
tamenti; ediditque simul, me non invito, tres qua-
tuorve literas, quibus palam facio sententiam me-
am de Melchisedeco, quem puto hominem, & non
Christum fuisse. Sed Vale etiam atque etiam, &
me, quod facis semper, amare perge.
Davent. Iplis Nonis Augusti 1714.

XCV.

Nobilissimo Amplissimo & Excellentissimo D. D.

GISBERTO CUPERO

S. P. D.

OTTO SPERLINGIUS.

G Audeo profecto ex toto animo, quod videam
post aliquot annos Te mei non oblitum esse,
& quod te legerim salvum & incolumem ex
literis Tuis Daventriæ datis hoc anno iplis Nonis
Augustis; quæ quamvis ferius ad me sint perlatae,
gratissimæ mihi non uno nomine fuerunt. Sed li-
teras Tuas, quas scribis 5. Januarii Ann. 1713. ad me
missas, desidero mœrore maximo, quoniam ad me
& meas manus non pervenerunt. Fefellerunt nos
sæpe tabellarii his annis, dum contagiosi morbi re-
giones nostras invaserant; an illis sit imputandum,
quod tanti Amici literis caream, nescio. Interim
illis careo, scire enim Te volo, Tuas literas omni
auro contra mihi caras esse, quas toties relego, quo-
ties hac ætate gravi recreare me volo. Scias quo-
que, me Bibliothecam meam his periculosissimis
temporibus, regnis nostris & nobis omnibus in-
cumbentibus propter bella continua cum Suecis,
& ætatem urgentem, distraxisse publicis auctioni-
bus, quod sperarem, Deum me cito jam ad se evo-
caturum, nec ullas hæredibus meis, qui extra re-
gna Regis mei vivunt, molestias relinquere vel-
lem, post obitum meum. Deo tamen placuit in
hunc usque diem me fervare: ita jam ab omnibus
libris destitutus, paucissimis mihi relictis, cogor
cum Amicis meis confabulari, dum vires corporis,
animi & ingenii prioris jam incipiunt mihi colla-
bascere, qui octogesimum primum jam fere implevi.

Primum in Epistola Tua mihi dilectissima occur-
rit de Luno Deo, quam illustrare ex nummo Imp.
Aug. Getæ Tibi sumisti. Fateor inter tot nummos
Getæ, quos ego quidem collegi, & Mediobarbus,
me nullum cum Luno Deo observare hætenus po-
tuisse. Dicam tamen Tibi primo, Germanos & Se-
ptentrionales omnes non Lunam habuisse, quam
colerent, sed *Lunum* Deum. Hinc illis adhuc manet
masculus *der Mond*, & Septentrionalibus cœteris,
dend Maaur; sic enim colebant Orientales omnes
Lunam, non *Lunam*, nec præter Græcos & Roma-
nos ulla gens foeminam illam existimabant, præ-
ter illas quæ Græcos & Romanos sequi voluerunt.
Sic Hebrei ipsi *Jereach Lunum* masculino gene-

T ij

re efferebant non foeminino. Sic etiam לִּנּוּמִי Lunum dicebant masculinum a rotunditate, quod plenus rotundus sit, quamvis Chaldaei foeminino genere illum extulerint לִּנּוּמִי vocantes Lunam, a rotunditate sua, quod an foemininum sit, vel masculinum adhuc dubitatur. Sed & aliam habent Hebraei vocem, qua Lunam non Lunum appellarunt, לֵבָנָה Lebanah, quod foemininum est, & Lunam significat ab albedine sua, adeo ut Hebraei & Lunum & Lunam coluerint. Antiquissimus de hoc Deo locus est apud Herodot quem forte annotasti, ideoque Tibi non repeto: unde & Turcae in suis insignibus ab Orientalibus Lunum non Lunam servant. Nec tibi ignota esse loca Spartiani in Antonino Caracalla de Luno Deo, Ammiani Marcellini in Juliano Apostata l. 23. quando Carras venit, ubi Lunae quidem exstat sacra facta ab Imperatore, sed ibi Lunae non sacrificabant, verum Luno Deo, ut ex Spartiano discere licet: ideoque legendum ibi puto: *Ibi moratus aliquot dies dum necessaria parat, & Luno, qui religiose per eos colitur tractus, ritu locorum, fert sacra &c.* Huc quoque traho Lunum cinctum servorum, de quo Isidorus l. 19. Orig. c. 33. non enim Lunas illas purpureas gestabant in cingulo, quod Graeci essent illi servi aut Romani, sed quod ex illis terris capti essent, quae Lunum Deum colebant. Illos solos servos hoc emblemate apud Romanos in cingulo distinctos fuisse credo. Erat enim inter Graecos & Orientales semper ζυλότηρια quaedam tam super Diis, quam aliis rebus, adeo ut hinc Lunam foeminam Deam habere mallerent, quam Lunum Orientalium. Hinc quoque est, quod Germani & Septentrionales omnes odio Romanorum & Graecorum solem quidem coluerint, sed ut foeminam, *die Sonne*, Germani solem vocant, Septentrionales reliqui *Sool* foeminei generis, ut est in Lexico meo Islandico Gudmundi Andreæ. Tristanus duobus locis in suo Commentario Numismatum, tom. 1. p. m. 501. & litera A. de Luno Deo loquitur. Altero loco tom. 2. p. m. 228. producit nummum Caracallae, in cuius averfa Lunus Deus effigiatus est juvenis imberbis, caput galea, aut pileo Parthico ornatum habens, collum monili unio-
num, cuius humeri Luna dimidia incincti sunt, sinistrum brachium exsertum habet, & illa sinistra manu portat victoriolam alatham, porrigentem coronam, sinistro pede insistit galeae, dextra gerit hastam cum dimidia Luna in apice, ad sinistram adscriptum legitur: ΜΗΤΡΩΝ ad dextram ΑΝΤΙΚΥΡ. Hic forte est ille nummus, quem Tu Getæ adscribis, & quem elucidandum sumisti. Alium nummum Caræ Mediobarbus habet p. 296. cum Inscriptione in averfa COL. CAES. ANTIOCH. cuius emblemata seribit esse, *Deus Lunus stans, dextra hastam, sinistra victoriolam, a qua coronatur, ad pedes Gallus*, quem habuit ex Patini Ind. f. 20. Habet & Tristan. alium nummum Caracallae tom. 2. p. 232. ubi caput Caracallae Laureatum ΑΝΤΩΝΕΙΝΟC ΑΥ. In averfa, caput Getæ nudum, & post collum Luna dimidia, ubi addidi, *velut Lunus Deus*, sed cur hoc addiderim, nunc memoria excidit, in circuitu ΙΟΥΑΙΟΝΟΔΕΙΤΩΝ. His si quis addere voluerit Augustas, quae post Caracallam fuerunt; quarum nonnullae aequae ac Lunus Deus humeros dimidia Luna incinctos habent, non refragabor equidem, quarum primam esse Julianam Mammæam credo, Alexandri Severi Matrem, ea Luna vel Luno cinctum, cuius nummum hoc ornatu produxit *Tristanus* tom. 2. p. 424. quam sequitur eodem ornatu Herennia Etruscilla in sex nummis, quos ego quidem annotare potui, Trajani Decii Imper. uxor secunda post Barbiam Orbianam, non filia, ut haecenus credidere multi. Etiam Junia Donata, Posthumi Patris uxor, hoc

ornatu circa humeros in nummis apparet, & tandem Magnia Urbica, Maxentii vel Magnentii uxor, cuius nummum Tristanus habet to. 3. p. 464. Hæc illa sunt, pauca quidem, quæ mihi de Luno Deo notasse contigit, Tecumq; communicare volui, non ostentandi causa, sed si quid forte in illis reperias, quod Te juvare possit in Luno tuo explicando.

Reliqua quæ scribis de doctissimis Viris & illorum operibus editis & ineditis, mihi jucundissima fuerunt lectu, quod illa Tua manu consignata legere potuerim; nam ad nos rarissime perferuntur ejusmodi doctorum Virorum scripta. Montfauconius sane in omnibus suis, quæ edidit, & ab Episcopo nostro Dno. Christiano Wormio commodata habui, mire mihi placet, adeo ut cætera, quæ meditatur edere, non minus docta futura credam. Gallandus secundum nominis sui elegantiam & pulchritudinem, quin pulcherrime & doctissime Monumentum Ancyranum explicaturus sit, nullus dubito; est enim ipsi ingenium vastum, & his antiquitatibus illustrandis, si cui alii, natum. Sed quodnam illud Ancyranum? nam non vidi, & nescio plane.

Bandurii 5. nummorum millia a Trajano Decio usque ad Palæologos valde miror, superabit multo Carolus du Fresne, qui nobiscum Cpolitana sua & Byzantina communicavit doctissime. Controversia de ære gravi, quam tecum sentio Perizonium doctissime explicasse, dubito an Kusterius aliquid commentari potuerit, quod doctius sit, illum recantare velle certus sum, si in lucem prodeat. Ultimum est in Tuis literis, quod significas Dn. Outreini, Sacerdotis Amstelodamensis, Dissertationes de Clangore Evangelii ad Te missas, & de Tubis solis sacerdotibus in V. T. commissis. Nec dubito, quin observaverit, binas illas tubas argenteas, quas Deus per Moysen confici jussit, quæ rectæ erant, sine curvatura ulla, qua septem illæ tubæ, corneæ, & quidem ex cornu arietino curvæ, quas inflabant Sacerdotes, cum Hiericho caperetur, sub Josue Duce Israelitici exercitus, bellicæ quidem illæ, cum argenteæ non nisi ad populum convocandum, vel seniores populi destinatæ essent. Hæc vetustissima tubarum origo, ita ut profanorum Scriptorum sententia de Thyrrenis, inventoribus tubarum primis, hinc facile destruat. Nam a צֶרֶפֶת Hebræorum χέρας Græci fecerunt, Romani a Celtico nostro *Hoorn* suum *Cornu* habent; sic enim illi literam H. transmutarunt semper, ut ab Hermas Germanos, a Huallis Gallos, a *cbancer*, Chirothecis, *Gavis* & *Guanti* tum multis aliis fecerunt, quæ ad Tubas non pertinent, sed ad linguas solum, & illarum proprietates. Atque sic finio, ne modum Epistolæ excedam, Teque ut diu feliciter vivas opto, qui tot antiquitatibus nos beas, ut favorem Tuum expetere & exoptare nunquam desinam, quem animo toto amo, venerorque Tuus.

Excellentissime Vir

Dabam Hafn. a. d. vi. Octob. Anni 1714.

Servus Humillimus Ofs.

XCIV.

OTTONI SPERLINGIO

Viro Præstantissimo & Celeberrimo

S. D.

GISB. CUPERUS.

Quantam voluptatem coeperim ex literis tuis, poterunt testari amici, qui mecum fuerunt, cum illæ mihi traderentur in manus. Exultabam enim omnibus lætitiis, cum viderem te adhuc valere, Eruditioni operari, & non nisi divina plaga prohibitum fuisse a commercio nostro literario, quod ut diu adhuc duret, multa Deum veneror.

Quin & muneris mei esse duco, cum in divortio quasi simus veteris & novi anni, tibi hunc ex

rabia parte sitam adeo, ut & hæc Historia faveat mirifice novæ meæ explicationi. Quin & Jose-
 animo optare felicem & jucundum melioremque,
 quam qui nuper exacti sunt. Senectus quidem gra-
 vis tibi est, & impletus fere octogesimus annus fa-
 cit, ut optimo merito Æternitatem cogites; sed
 tamen frui bona valetudine in ea ætate etiam volu-
 pe est, præcipue si operam dare Musis queamus.
 Ego septuagesimum annum ingressus sum, firma
 valetudine, & oculis, quorum acies nunquam
 auxilium ab oculariis vitris petere necesse habuit,
 & si quid credendum est istiuscemodi Medicis,
 dum vivo, illis opus non habebo, quo nomine me
 plurimum Deo debere confiteor. Sed, omissa præ-
 fatione, ad literas tuas eruditione & humanitate
 singulari plenas accedendum est. Quæ de *Luna*
 Deo differis, pulchra profecto sunt; ego ignora-
 bam, quæ ex lingua Germanica in medium adfers,
 sed puto me egisse de omnibus nummis, in quibus
 deaster ille, sive Eques, sive alio modo obvi-
 us est: placet etiam emendatio Amm. Marcellini, quia iis
 in tractibus non *Luna*, sed *Lunus* impense cole-
 batur. Neque tamen ullo modo huc tecum trahe-
 rem *Lunum cinctum servorum* Isidori, cum certis-
 simum & jam ab eruditis probatum sit, scribi de-
 bere apud compilatorem illum *Limum cinctum*,
 & inde plane pessumdantur *lunule purpureæ* in
 cingulo, quas non gestabant, quod Græci essent
 illi servi aut Romani, sed quod ex illis terris ef-
 fent coacti, quæ *Deum Lunum* colebant, illos
 que solos servos, quod addis, apud Romanos in
 Cingulo distinctos fuisse hoc emblemate. Legitur
 certe in editione Isidori a Dionys. Gothofredo e-
 dita; *Lunus est cinctus, quem publice habent ser-
 vi, & dictus Lunus, quia transversas habet pur-
 puras, id est Lunas*; sed jam juvenis admodum a-
 nimadverti, scribendum omino esse bis *limus* &
limas, id quod idem est, quod *transversas*, quæ
 vox paulo ante præcedit. Quin & olim Isidorum
 ita correxerunt Laur. Pignorius, Joh. Gerh. Vos-
 sius alique; & apud ipsum Isidor. 19. 22. scribitur
 recte *Limus*; totum locum adscribam, quia is rem
 plane conficit. *LIMVS est vestis, qua ab umbilico
 usque ad pedes producitur. Hæc autem vestis ha-
 bet in extremo sui purpuram limam, id est, flexuo-
 sam, unde & nomen accepit. Nam LIMVM obli-
 quum dicimus. Et ita Virgilium 12. Æn. v. 120.
 scripsisse Velati limo, veteres Critici existimarunt,
 annotante Servio, qui ita hanc vestem describit,
 LIMVS autem est vestis, qua ab umbilico usque ad
 pedes prope (lege popæ) tegebantur. Hæc autem
 vestis habet in extremo sui purpuram limam, id est
 flexuosam, unde & nomen accepit. Eundem locum
 laudat etiam Vossius in Etymol. sed ibi legitur:
 qua ab umbilico usque ad pedes teguntur pudibun-
 da pomparum, ubi facile vides legi debere poparum;
 qui ita erant vestiti, uti patet præclare ex variis fi-
 guris apud Choulum, & præcipue ex illis, quæ
 nobis exhibentur p. 315. edit. Lugdunensis anni
 1581. quæ optima. Atque ita legimus in Suetonio
 Caligulam poparum habitu succinctum fuisse, id
 est, tali limo, vel veste, quæ a medio corpore de-
 scendebat ad pedes; & nescio quare de hac expli-
 catione dubitat Braunius lib. 2. c. 3. §. 14. de vest.
 Sacerd. Hebræor. cum eam confirmet elatus mal-
 leus, quo Caligula ita ornatus vel defædatus non
 admotam altaribus victimam, sed cultrarium ma-
 ctavit; qui scilicet bovem vel hostiam tenebat, &
 percussio, atque in terram projecto guttur cultro
 aperiebat, eliciebatque sanguinem, uti pulchre
 nos docet modo laudatum marmor p. 315. & aliud
 p. 324. apud Choulum, atque ita etiam apud Lam-
 prid. c. 5. Commodus habitu victimarii victimas
 immolavit, & ad hanc vestem respiciens Propert.
 4. 4. canit:*

A *Ille dies hornis cædem denuntiât agnis*

Succinctique calent ad nova lucra Popæ.

Atque ita quidem constat luce meridiana clarius, *li-
 ma veste* ejusmodi homines vestitos fuisse, quibus
 addendi etiam alii, qui Magistratibus apparebant,
 dicti LIMOCINCTI & juncti APPARITORI-
 BVS in Inf. veteri, quam edidit Pignorius in Li-
 bro de Servis, & nuper post eum Comes Camillus
 Silvester da Rovigo, in amplissimo Commentario
 Italico, quo Juvenalem & Persium illustravit,
 quem elegantem librum & eruditum, ornatumque
 variis veteribus monumentis, quorum dives est,
 mihi donum misit; id quod tibi narro, ut cogno-
 scas illos auctores versos in linguam Italicam & si-
 milibus notis illustratos prodiisse Patavii anno 1711.
 in quarto, ut loquuntur; mei subinde facit men-
 tionem: etiam videri potest Berkelius ad Stepha-
 num de Urbibus, nec non Noris. p. 488. Epocha-
 rum. Agit & ibi Cardinalis de binis locis Josephi,
 in quibus etiam mentio fit *Diospoleos*; & vide,
 quid mihi ea occasione venerit in mentem. Julia-
 nus Imperator Epist. 24. *Damascum* appellat *μν
 αλυσως Diospolim*, idque forte propter magnitu-
 dinem & pulchritudinem, quæ ibi describuntur
 magnifice, unde & mox dicit, se designare *μν
 εραν η μεγαλην* Damascum. Dubium mihi profe-
 cto nascitur, an Julianus ita primus & solus ap-
 pellaverit Damascum, an alios auctores sequutus
 sit. Ego quidem illud affirmare vel negare nequa-
 quam ausim; sed tamen obversatur mihi ante o-
 culos Josephi locus, quem alteris etiam epistolis
 laudavi, lib. 1. Belli Judaici, ubi memoriæ mandat
 Pompejum venisse Damascum, eo se contulisse
 Hyrcanum & Antipatrum, nec non illorum ad-
 versarium Aristobulum Regem, qui offensus obse-
 quii, quæ præstare debebat Pompejo & Romanis
 ultra dignitatem Regis *απο Διοσπολεως χαριζεται*,
 a *Diospoli* recessit. Olim putabam inde affirmari
 posse, videri *Diospolim* Arabiæ vicinam Damasco,
 & in ea commoratum pro tempore fuisse Aristobu-
 lum.

Si Josephum sequimur, certe *Diospolis* hæc illo
 in tractu fuit, quia sequitur Pompejum exercitu
 Romano, & Syro instructum relicta Damasco
 pervenisse Scythopolim & Pellam; & cum inde e-
 tiam abierit Aristobulus, sequitur utique *Diospo-
 lim* eodem in tractu fuisse: quanquam Stephanus
 videatur tribuere urbem illius nominis Arabiæ vel
 petreæ vel desertæ, scribatque eam postea vocatam
 fuisse *Berytum*, quo tamen nomine ego nullam a-
 liam urbem cognosco, nisi *Berytum Phœnicie* mul-
 tas ob causas celebrem. Sed quid ego fluctuo? do
 tibi, vir eximie, considerandum, an non hic Jo-
 sephus ipsam Damascum appellet *Diospolim*? cer-
 te cum Pompejus Damascum venerit, nihil a ra-
 tione alienum ad eandem etiam accessisse præter
 Hyrcanum & Antipatrum, Regem *Aristobulum*;
 quod si ita sese habet, omnino Damascus appella-
 tur *Diospolis*, & an non Julianus sequutus sit Jo-
 sephum, vel saltem ita eum intellexerit, vel alios
 etiam, qui tam magnifico titulo ornabant celebrem
 illam orientis urbem *Damascum*. Sed & Josephus
 l. 15. c. 6. Antiq. meminit *Diospoleos*, narratque
 Herodem propter non soluta tributa Arabibus cir-
 ca tempora Actiacæ Victoriæ bellum intulisse, &
 petiisse *Diospolim*, ubi Arabes ipsi occurrere con-
 stituerant, victoria potitum postea magnum Ara-
 bum exercitum confluisse *Canam*, qui est locus
 Coele-Syriæ, Arabas ibi iterum victos, sed Athe-
 nionem, Ducem Cleopatrar, qui in ea regione
 imperabat, medium quasi, expectasse Herodis &
 Arabum fortunam, & tandem Herodem Victorem
 aggressum & relictis Arabibus vicisse. Cum au-
 tem *Cana* Coele-Syriæ adtribuatur, constat utique
 hic locum non posse habere *Diospolim*, in alia A-

phus eandem historiam commemorat lib. 1. Belli Judaici c. 14. ibique dicit primo Herodem in Syros hostes exercitum duxisse, & eos fortiter licet resistentes circa Diospolim superasse; eos victos magno motu *Arabas* concitasse, quorum infinita manus congregata in urbe Syriae Coeles *Canathan* expectabat Judaeos, quæ tamen in fugam vertitur; inde Athenionem in victorem Herodem immisisse Canathenses, unde factum est, ut per eos & Arabas pugnam repetentes Judæi sint victi, & in vicum Ormizam fugerint. Atque hinc etiam quam clarissime patet, hoc in tractu sitam fuisse *Diospolim*, quæ & commode *Arabiae* attribui potest, quia illa eoque sese extendebat, & ipsius Mesopotamiae partem complectebatur, præter regiones, quæ inter Jordanem & Euphratem sitæ erant. Quid quæris? nescio quantopere *Damascus* mihi arrideat, quæ si gloriæ & honoris causa ita appellatur a Juliano propter cultum ibi superstitione Jovem, videretur tamen ita dicta fuisse tempore Josephi, nisi constet aliam Diospolim illo in tractu fuisse, quod non facile probari poterit. Iterum vale a. d. 111. Kal. Jan. 1715.

XCVII.

Nobiliss. Ampliss. & Consultiss. Viro

D. N. GISBERTO CUPERO

S. P. D.

OTTO SPERLINGIUS.

DEbeo quidem ad binas tuas ultimas doctissimas & gratissimas, alteras v. Januar. 1713. datas, alteras a. d. 111. Kal. Januar. 1715. quæ me misere decumbentem & lectulo affixum reppererunt. Totus enim mensis Februarius afflictionibus & defluxionibus in pectus fere lethali- bus oppressum me habuit: accesserunt initio cum febricula, quæ tamen expelli se paulo post sivit, defluxionibus quoque non nihil sedatis, reliquerunt mihi tamen symptoma novum & mirum, quod omnium Medicorum artes superat. Nam quotidie toto die ora & fauces mihi siccitatibus immensis obsidentur, ut vix quæ velim effari queam, idque in hanc usque horam, qua hæc scribo: & quamvis aquis detergentibus illas fordes diligenter utar, redeunt tamen statim illæ siccitates noxiæ ad ingenium. Nullum hætenus iis depellendis remedium reperiri potuit in tam senili corpore. Illæ propterea siccitates omnem mihi gustum naturalem & appetitum abstulerunt, ut cibus nullis solidis & nutrientibus frui valeam, sed folis jusculis miserum corpus sustentare cogar. In his angustiis constitutus, postquam annum octogesimum secundum nuper mense Januar. ingressus sum, facile judicare potes, Vir Excellentiss. quid responsi hac vice a me possis expectare. Primum quod doceri cupis in doctissima tua priori Epistola, ubi de *Διοσπόλει* accuratissime disquisivisti & eruditissime, est de Cabira Rhodi Civitate & Conventu: nihil te docere potero, nisi quod Hofmanni Lexicon iisdem verbis illam Cabiram Rhodiam referat, ubi nec ille, ex quo hauserit, addit. Ferrarii & Baudrandi Lexica Geographica illam plane ignorant. Et nescio an non *Camiros* potius quam *Cabiros* legendum sit cum Diod. Sic. l. 13. edition. Rhodmanni p. m. 196. ubi sic ait: *Οἱ δὲ τὴν Ρόδον νῆσον κατοικοῦντες ἢ Ἠλύσον ἢ Λινδόν καὶ καμείρον μετὰ αὐτῶν εἰς μίαν πόλιν τὴν νῦν καλεσμένην Ρόδον.* Sed hæc conjecturæ sunt, nec de Camiri conventu quidquam dicunt, nisi amplius conjecturare velimus, Camiri Conventum fuisse Civitatum, pri-

usquam *Διοσπόλιν* Rhodum translatus sit:

Deinde mones de inscriptionib. nummorum *Δ. Σεπτ. Σε. & Μ. Αὐρηλ. Αὐτοῦν. Εδέσσα*, quas recte omnino interpretaris & recte legis: quum nullo sensu hætenus ab Interpretibus plerisque sint expositi. Dudum est quod illam sententiam fovi, adductus, nisi fallor, ex Thesauro Goltzii, aut Inscriptione quadam Smetii, nam nunc non recte satis memini, & libri isti nunc mihi non sunt amplius: quidquid sit, legi illas, & plures ita legendas alicubi. At quod iudicium meum requiris, an rectius & melius legatur *L. Septimii Severi Diospolis & M. Aurelii Antonini Edessa*, dicam quod sentio: me priores lectiones *L. Septimia Severa Diospolis & Marcia Aurelia Antoniniana Edessa* præferre, quoniam Græcæ sunt, & cum Græcæ nicæ Linguae genio magis conveniunt. In Latina Lingua vix occurrunt tales epigraphæ nummorum. Sed ita legendos esse nummos, quos adduxisti, etiam ostendit nummus Caracallæ apud Tristandum to. 2. p. 215. ubi diserte legitur *ΤΑΡΧΟΥ ΜΗΤΡΟΠ. ΑΝΤΩΝΕΙΝΙΑΝΗC ΕΤΑΡΑC*. Sic etiam in alio nummo Caracallæ, qui legitur in *Journal des Sçavans Ann. 1677. p. m. 309. ΑΡΧ. ΑΙΔ. ΟΝΗCΙΦΟΡ. ΑΥΡ. ΑΝΤΩΝΕΙΝΙΑ ΚΥΖΙΚ. ΔΙC ΝΕ. ΟΚ.* quæ fane legi debent *Αρχιέρως Αιλίας Ονησιφόρος Αὐρηλίων Αὐτοκράτορος Κοζιουνίων Δις Νεωκόρων*. Et sic in pluribus aliis nummis Græcis observavi. Quod putas Noachidarum transmigrationis versus Orientem nullum plane vestigium exstare in S. Scriptura, convincet te statim locus Genes. 10. v. 30. ubi memoratur: Fuitque habitatio eorum a Mesa, dum pergis ad Sephar montem Orientis.

Quod de scuto Dni Woodwardi scribis, similem te clypeum produxisse ex Silio Italico, optassem utiq; locum istum mihi indicasses, & finas, Magne Vir, nec ægrè feras, hanc molestiam exscribendi in te suscipere, qui tam benevolus in me huc usque fuisti, ut nihil unquam ex quisquiliis meis missis ægrè tuleris. Gallorum sententiam de hoc clypeo minus probare possum, qui plane novum illud faciunt & ad torneamenta referunt. Quamvis enim non ultimæ sit vetustatis, est tamen mediæ, quod indicat Panis aut Satyri, aut Sileni effigies tetrica in medio clypei posita, quæ torneamentorum tempore diu jam desierant.

Accedo ad ultimas tuas, ubi agis de limo veste pererudite, ideoque tecum & cum doctis aliis multo sententiam & errorem meum agnosco, qui *Luno* cinctum distinguere volebam a *Limo* cincto. Isidori enim locum in mendo jacere satis video, & vel errore Librariorum, vel Typographorum corruptum esse; legi enim debet: *Limus est cinctus, quem publice habent servi, & dictus Limus, quia transversas habet purpuras, idest limas*: atque sic plane convenit cum aliis Isidori locis, qui de *Limo* veste agunt, ut l. 19. c. 22. quem locum adduxisti: deinde l. 15. c. 14. *Hinc & Limus vocabulum accepit, cingulum, quo servi publici cingebantur obliqua purpura*; nec ullibi de *Luno cinctu*, in toto Isidori opere quidquam occurrit. Vocat *Limum* vestem ultimo hoc loco *cingulum*, quam antea *Cinctum* vocavit; differunt enim proprie *cinctus* & *cingulum*, ut *cinctus* sit vestis, quæ a medio corpore cingit usque ad genua & pedes: *cingulum* vero, quod alias vestes circa medium corpus constringit & fibula clauditur. Sed hæc non ita accurate semper a Scriptoribus observantur, quin *cinctum* & *cingulum* sæpe confundant. Varro sic distinxit lib. 4. d. L. L. cap. 23. *Cinctus & Cingulum a cingendo: alterum viris, scilicet cingulum, alterum sc. cinctus mulieribus attributum*. Festus Pauli homines *Cingulos* vocat, qui in his locis, ubi cingi solet, satis sunt tenues. Nonius Marcellus cap. 2. num. 500. *Limum obtortum*

appellat, quod idem est ac *flexuosum* apud Isidorum. Sed quod me magis movet, est in ipso textu Isidori, qui ubique publicis servis Limum vestem attribuit, nec alii sunt publici servi, quam Apparitores. Tu etiam de Popa addis, docte Trebati, in qua re quoque tibi consentio, meminamque me quondam in Pauli Petavii *ὑποπίπτου* antiquis effigiem Popæ observasse in isto cinctu perbelle.

Jam de Rudbeckii Paropamiso & Amalchio tecum agam. Et quidem ista ejus verba: *hunc sinum Scythiam alluere, & vocari Paropamisum, ait Plinius, quod nomen lingua Scythica significat congelatum, Bara Isen*. Hæc omnino falsa sunt: nec Plinium satis intellexit bonus Rudbeckius. Plinii namque sententia est, a Paropamiso fluvio, quæ se in mare Septentrionale, quod Scythiam ambit, exonerat, incipere mare Amalchium seu Oceanum, quod nomen ejus gentis lingua (Scythica) significat congelatum vel glaciale. Hoc etiam verum esse deprehenditur ex navigationibus & itinerariis nuperorum seculorum, qui navibus per illam Oceani partem usque ad Sinas pertingere se posse crediderunt, sed frustra; obstitit enim non solum congelatum ibi Oceanum, sed & montes immensi glacierum, adeo ut navibus reverti sint coacti, aut naufragiis cedere, aut terrestri itinere illum Oceanum congelatum præterire. Vides etiam quomodo Rudbekius Paropamisum fluvium & Amalchium mare ad linguam Suecicam trahere voluerit, Paropamisum interpretando *Bara Isen*, quod est Suecice meræ glacies. Amalchium mare vocavit *Amalsio*, quod Suecice significat *smali Mare* & longe dissonat a congelato Scythico. Sed in talibus allusionibus nugivendulis sibi per omnia sua scripta placuit Rudbekius, ut si quis illa expurganda sumserit, longe foetidius & majus inveniret stabulum, quam Augiæ. Eiusdem farinæ liber est Hadriani Skriekii Rodorni Originum Rerumque Celticarum & Belgicarum libris 23. Bene enim cœpit ostendere Belgicam linguam ex vetere Celtica originem cepisse, sed in progressu multo multoque aberravit Celtica faciendo, quæ nunquam Celticæ linguæ fuerunt, sed nugacia & absurdissima cerebri sui figmenta & allusiones nudæ nullum fundamentum in ulla Antiquitate præferentes. Ideo cum de Paropamiso fluvio loquitur, statim eum Celticum facit *Vær op am yss*. Sane cum fluvii decurrimus ad mare, non vero adscendimus. Neque enim Paropamisus fluvius Celticum, aut Suecicum nomen est, sed a monte suo Asiæ Paropamiso, unde defluit ex fontibus suis, nomen retinuit. Plinius non nisi semel, quod sciam, fluvii Paropamisi meminit loco tibi adducto ex l. 4. Paropamisi montis bis l. 5. c. 27. ubi de Tauro monte loquitur, cujus partem facit Paropamisum dicens, Taurus mons, *Imaus prima parte dictus, mox Emodus, Paropamisus, Civeius, Chambades, Plarphariades, Choatras, Oreges, Oroandes, Niphates, Taurusi, atque ubi se tandem exsuperat Caucasus*. Ideo Plinius etiam l. 6. c. 20. ubi de Indo fluvio cœpit loqui, sic ait. *Indus, Sandus ab incolis appellatus, in jugo Caucasii montis, quod Paropamisus vocatur, adversus solis ortum effusus, & ipse undeviginti recipit amnes*. Nec solum Paropamisus fluvius, & Paropamisus mons, apud Plinium reperiuntur, sed & integer populus & regio ab isto monte Paropamisadæ dicti, ut l. 6. c. 16. *Bactri, quorum oppidum Zariaspe, quod postea Bactrum a flumine appellatum est: Gens hæc obtinet averfa montis Paropamissi, ex adverso fontis Indi: includitur flumine Ocbo*. Sic etiam c. 20. ibid. sub finem: *non Indo amne determinant, sed adjiciunt quatuor Satrapias, Ge-*

drofus, Arachotas, Arios, Paropamisadas. Et c. 23. sub initium: *Proximos (Arachotis) a Meridie ad partem Arachotarum faciunt Gedrosos & a Septentrione Paropamisadas*. Hæc illa sunt, quæ apud Plinium reperiuntur de Paropamiso monte, Paropamiso fluvio, & Paropamisadibus populis in Asia. Addere placet, quid Geographi nostri Hofmannus, Ferrarius & Baudrandus de Paropamiso sentiant. Paropamisus, Paropamissus Plinio, Paropamisus Ptolemæo, Aristoreli corruptius Parnasus & Parnissus, Mercatori contracte Pamer. Tauri pars, ex quo monte excelso non solum Paropamisus fluvius, sed & Bactrus & Indus fluunt, teste Arriano, & nescio an de Indo fluvio, an de Paropamiso intelligendus sit Strabo apud Geographos istos, qui ostia a fontibus 13000. stadiis distare scribunt, quod de utroque fluvio intelligi potest: nam Paropamissus fl. a monte suo & fontibus suis, usque ad ostia sua in mari Amalchio, videtur potius tot stadiis indigere per Asiam & Scythicam totam, quam Indus. Octo stadia numero in milliare Germanicum: illi ducti in 13000. efficiunt milliaria Germanica 1625. Nec ullibi veteres Paropamissum fluvium cum glacie se vel in medio, vel in ostiis exire ullo verbo memorarunt. M. Paulus Venetus jugum altissimum Paropamisi montis *Nadavagros* vocari scribit. Paropamisadas populos definiunt claudi versus Boream Caucasum & Sogdiana regione, ad ortum India, ad Meridiem Arachotia, ad Occidentem Bactrianis, & eos quondam sub imperio Persarum vixisse, hodie vero ad Magnum Mogul pertinere, & totum illum tractum *Cabul* dici cum maxima parte Candahariæ provinciæ, teste Gulielmo Samfone, Castaldo & Molario, hæc regio *Sablestan* appellatur, & ejus regia *Caruca*, seu *Ortospana*. Ex quibus omnibus jam facile perspicere poteris, quid sit Paropamissus mons & fluvius, & quam erronee Rudbeckius & Skriekius & Goropius in talibus versati sint: nam hi tres autores pari passu ambulant cum nugis suis. Atque sic tandem finio fessus ætate, fessus morbo, fessus scribendo: meque porro benevolentia ac memoriae tuæ commendo. Nam si forte hæc ultimæ meæ erunt, & ulteriores mors interveniens præripit, gratias ago tibi, non quantas debeo, sed quantas possum maximas pro amicitiiis & officiis integerrimis, quæ mihi jam tot annis Epistolis tuis missis exhibuisti. Deus te felicissime & diutissime valere sinat, Vir Summe & Excellentissime.

Dabam Hafniæ a. d. xvi. Martii Anni 1715.

XCVIII.

Perillustri, Ampliss. & Eruditiss. Viro

GISBERTO CUPERO

S. D.

OTTO SPERLINGIUS.

DUM ad meas 23. Maii 1707. expecto more solito, quid agas, & valeas, afferuntur mihi tuæ Junii mensis xi. die hoc anno scriptæ, quæ significant meas ultimas prædicto die datas nondum ad te pervenisse. Dedi illas perferendas cuidam Petro Cluvero, Ephoro Nobiliss. Juvenis Dni de Knuth, qui ad Vos & exercitum vestrum tendebant anno præterito, & tibi se, Vir Excellentiss. præcipue commendari petierunt, ut videas me in culpa non esse, sed homines istos, quibus tradideram afferendas meas. Respondi in illis ad omnia tua quæsitæ, pro meo captu, & consului te

in super super nummo quodam L. SCIPIONIS ASIAGENIS, prout Gronovius, & Spanhemius illum explicarunt, quoniam mihi semper illud cognomen ASIAGETIS secundum Ant. Augustin. aut ASIA. G. secundum Ursinum, aut ASIAGENIS semper suspectum visum sit, nec Romanis fatis notum, quum Livius tot locis eum ASIATICVM diserte scripserit, nec nisi uno loco, I. g. ni fallor, in editionibus ultimis Gronovii ASIAGENES irrepperit. Fragmentum Diodori Siculi ex Peireskii annotationibus utrosque tam P. quam L. Scipionem Fratres *Ἀσιαγενεῖς* vocavit, quum tamen constet, *Publium* jamdudum *Africani* cognomen gessisse, cujus imitatione, Lucius Frater se Asiaticum appellari voluit, ob res Romanas in Asia feliciter gestas. Sunt mihi duo ejus Lucii denarii, ferrati ambo, sed nullus eorum illud ASIAG. præfert; vidi tamen apud amicum quendam meum unum, qui illud ASIAG. fatis expressit, sibi comparatum ex Thesauro Brandenburgensi, quoniam ibi in duplo exstabat. Sed suspecta mihi sunt illa omnia, nec quo referam illud habeo, quoniam in omnibus Lucii nummis non apparet, sed in paucis; nisi velimus dicere a Græcis illos nummos cufos cum ASIAG. & Romæ alios cufos, cum ASIA: quapropter te, summe Vir, etiam

A consulendum putavi, ut super illo nummo sententiam tuam audirem, quam magni semper aestimo.

Quæ de Boreæ laudibus a me editis differuisti, gratissima mihi fuerunt, ut omnia tua. Non potui congerere omnia, sed quæ ad argumentum meum spectabant maxime, ostendere volui: quod sufficere putabam. Sed quando videbimus selecta tua & inedita numismata, quæ collegisti? cum me mors oppresserit, credo.

B Scribis de clypeo æreo Romam a Gallis captam præfigurante. Misit mihi Dn. Woodward Londino eotypum sui clypei, sed ferrei, idem argumentum Romæ captæ a Gallis præferentem: ubi tamen gruem non observo vigilantem.

Doleo Mabillonium nobis ereptum esse: de Magliabeckii morte idem nobis rumor jam attulerat, quem revixisse tecum gaudeo. Montfauconii primum tomum perlegi, variæ eruditionis sane, per Italiam, nec dubito quin Græcia ipsius antiquitates nondum observatas pleno horreo nobis sit data. Prodeat saltem me vivo: ut in tumba in qua pedem alterum nunc habeo, adhuc aliquid discam. Atque sic hac vice valeas & vivas pancratice.

Dabam Hafniæ a. d. VII. Julii A. MDCCCVIII.

F I N I S.



NICOLAI CALLIACHII

IN GYMNASIO PATAVINO

Græcæ Latinæque Humanitatis olim Profefforis

D I S S E R T A T I O

D E

O S I R I D E .

NICOLA CALLECHI

IN GYMNASIO PATAVINO

GRÆCÆ LINGUÆ HUMANITATIS CUM PRÆFATIONE

AD LECTORES

DE

OSIRIDE

NICOLAI CALLIACHII

DISSERTATIO

DE

OSIRIDE.

Ad illud Juvenalis Sat. 8. v. 29.

Exclamare libet, Populus quod clamat Osiri

Invento.



Nter illos, quos aut nimium facilis & stulta credulitas, aut cæca potius antiquorum superstitio cum ut Deos coluit, cum ut Heroas extulit, ac venditavit, quemadmodum celeberrimus est Osiris iste, cujus meminit Satyricus noster, ita difficillimum hercle est, quisnam revera ipse fuerit, & an, & quatenus ab aliis Diis distingueretur, exponere. Equidem Deos omnes pluribus insignitos a Poetis fuisse nominibus, maxime cum in versibus consuevis hærent, advertit jam olim Samosatenus ille Scurra, dial. qui inscribitur *Timon*. Namque tunc inquit πολωνύμους, multorum scilicet nominum eisdem factos: nempe ut metri vastiores conferruminarent hiatus, atque carminis ruina, & lacunas explerent. Sed Osiris tamen iste non πολωνύμους tantum, atque multorum nominum est, verum adeo cum reliquis Diis confunditur, non a Poetis tantum, sed ab Historicis etiam aliisque authoribus gravissimis, ut statui vix possit, Jupiter ne habendus sit, an Neptunus, Dis, an Bacchus, Apollo, an Æsculapius, an hæc omnia. Archias Poeta lib. 1. Anth. c. 38. ep. 31. ait.

Ægypti quidem Osiris ego, Mysorum vero Phænaces,

Bacchus inter vivos, inter mortuos Adoneus, Ignigena, Bicornis, Titanicida, Dionysius.

Ex quo fortassis Ausonius Epigr. 29. *Ogygia me Bacchum vocat, Osirim Ægyptus putat, Mysæ Phænacem nominant, Dionysion Indi existimant. Romana Sacra Liberum, Arabica Gens Adoneum.* Diodorus autem lib. 1. de Fab. ant. gestis pag. m. 159. *Osiris vero, inquit, tum Serapis dicitur, tum Dionysius, tum Pluto, tum Ammon, tum Jupiter: alii Panæ eundem vocant.* Gyrardus tandem Syntag. 8. pag. m. 274. *Osiridis, inquit, nomina hæc sunt: Hysiris, Arsaphen, Nilus, Ammon, Dionysius, Serapis, Pluto, Jupiter, Sol multioculus.* Ex quibus videtis, incertum plane apud veteres fuisse, pro quonam Deo Osiris iste habendus esset. Atque hinc neque unam hujusce nominis etymologiam veteres nobis tradiderunt. Qui Solem fuisse Osirim autumabant, nomen derivabant ὀσὶς τῆς ὀφθαλμοῦ. Os enim Plutarcho teste pag. m. 355. Ægyptiis *multum*; ὀφθαλμός autem significat *oculum*. Osiridem proinde quasi πολυὸφθαλμος, multioculum appellatum: cuncta quippe oculis suis perlustrat sol, idcirco Jovis etiam oculus appellatus. τὸ

Supplem. Tom. IV.

ἥλιος; inquit Charphilides, ἑρμῆος ὀφθαλμός. *Quid Sol? cælestis oculus.* Atque Hesiodus πάντα ἰδὼν Διὸς ὀφθαλμός, *cuncta lustrans Jovis oculus.* Quam eandem ob causam Solem hieroglyphicis suis characteribus expressuri, sceptrum, & super sceptro oculum effingebant, illius Planetæ potestatem sceptro, vim vero omnia perlustrandi oculo significantes. Sed & Osiris nomen Soli veteres tribuerunt: Σείριος, inquit Hesychius, ὁ ἥλιος, καὶ ὁ τῆς κυνὸς ἀστὴρ. Et Suidas Σείρ, σείρως, ὁ ἥλιος.

Sed magnis hisce Viris fucum factum fuisse a Plutarcho, inquit Seldenus Synt. p. cap. 40. Ubi Ægyptiis inquit Osiridem eundem fuisse ac Nilum, adeoque uno & eodem nomine appellatos. Σείρις enim appellatus est Nilus, testibus Dionysio Afro, & Plinio, quorum ille de Nilo.

Σείρις συνήθη ὅτι αἰθιοπῶν καλεῖσθαι, οἱ δὲ ἐνναίται σπερθεύει μετ' ἔνομα Νεῖλον ἔθεντο. Hoc est: *Sirim vocabant Æthiopes, Syenes autem incolis Nilus dictus.* Plinius vero lib. 5. cap. 9. *Etiamnum, inquit, Siris nominatus per aliquot millia.* Putat proinde Seldenus, Osiris vocem esse compositam, ut & Busiris, Petosiris, Calasiris, omnia Ægyptiaca. Componi autem ab *Siris*, & *o*, quod elementum Græcorum articulum esse hæriolatur.

Nilum autem Deum, & quidem omnium maximum Ægyptiis fuisse, omnes norunt. Jovem Ægyptium appellat Byzantinus Parmeno Poeta, apud Athenæum lib. 5. Αἰγύπτιε ζεῷ Νεῖλε. Heliodorus autem lib. 9. pag. m. 405. Deum esse fingunt Nilum Ægyptii: & ex numinibus maximum ducunt, æmulum esse Cæli fluvium prædicantes, quod illis absque pluviis, & nubibus aeris arva irriget, & quotannis continua serie humectet, tanquam imbre. Quo alludens Tibullus lib. 1. Eleg. 8. p. m. 271.

Te propter nullos tellus mea postulat imbres:
Arida nec pluvio supplicat herba Jovi.

Longum autem esset, utque mihi onerosum, ita Vobis fortasse minime jucundum, aut necessarium, fabulas illas omnes referre, quas de hoc Osiride Veteres Ægyptii commenti sunt. Qui nempe ex Rea Matre, & Patre Saturno conceptus, antequam ex alvo parentis exiret, in illius tenebris cum Iside sore gemella corpora miscuerit: atque exinde Orum seniore, Græcis Apollinem dictum genuerit. Mox qui a Tiphone fratre, & ipso gemello, septuaginta duobus adscitis conjuratis, dolo necatus sit, Regni seu vitæ suæ anno duodevigesimo, atque arcæ inclusus in Nilum delatus. Qua deinde ratione ab Iside uxore arca in-

venta, extra conspectum hominum fuerit deposita; sed casu iterum a Tiphone Fratre inventa, cadaver Osiridis in partes quatuordecim discriptum fuerit, atque dissectum; sed conquistis tamen frustis, atque omnibus, solo pene excepto, adinventis, pluribus locis, prout in ea inciderat, humaverit. Qui deinde Apis Bos, velut Osiridis animæ simulacrum, coli cœperit, atque statis temporibus, & amitti, & quæri, atque iterum inveniri. Hæc inquam, atque alia huiusmodi sexcenta ludibria, quæ longum & inutile esset referre, satius erit in præsentia omittere. Qui curiosior fuerit, consulat Plutarchum libello de Iside, & Osiride, ubi hæc omnia fuse nimium prosequitur, atque mysteria varia, quæ sub hoc fabellarum cortice continebantur, eruditissime exponit. Nos ab hisce fabulis supersedentes, ad illa, quæ veriora sunt, aut verisimiliora, accedamus, quibus lucem etiam verbis ex Juvenale allatis afferemus.

Non defuerunt igitur qui Osirim istum, Josephum Jacobi Patriarchæ filium tradunt, qui ab Ægyptiis divinis honoribus cultus fuerit, eo quod septem annos collectis, & servatis frugibus, alterius septennii caritatem, divina fretus providentia mitigaverit. Huic, nempe Josepho (inquit Julius Firmicus Maternus de Mysteriis, & erroribus profanarum religionum cap. 14. scribens Constantio, & Constanti M. Constantini Filiis Imperatoribus) huic post mortem Ægyptii patrie gentis suæ instituto templa fecerunt. Et ut justam dispensationis gratiam posteritas disceret, modium, quo esurientibus, atque eementibus frumenta dividerat, capiti imposuerunt. Nomen etiam, ut sanctius coleretur, ex primo authore gentis accepit; nam quia Saræ pronepos fuerat, Sarapis dictus est. Sed hoc tamen accidit invito Josepho, imo mortuo; neque enim ad hoc facinus religiosus animus, & Deo summe dicatus adduci potuisset, ut erroris illecebras ex nomine suo superstitiosis hominibus ipse præberet. Hic igitur in Ægypto colitur, hic adoratur, huius simulacrum Neocororum turba custodit. Hactenus Firmicus.

Verum Osirim istum, seu Serapim, Apim fuisse Argivorum Regem inquit August. lib. 18. de Civit. Dei cap. 5. qui navibus in Ægyptum transvectus, cum ibi mortuus fuisset, factus est Serapis, omnium maximus Ægyptiorum Deus. Appellatum autem subdit post Apotheosim istam, non Apim, sed Serapim, quoniam priusquam templum eidem extrueretur, in arca, atque Sarcophago, qui Græcis σαρπός dicitur, adoratus primo fuerit; exinde namque Sorapis primum, & mox una littera, ut fieri solet, mutata, Serapis dictus est. Sed alii tamen Serapim dictum fuisse malunt ab Apis, & voce Hebraica Ser, quæ bovem significat, ut Serapis idem sit, ac Bos Apis.

Sane Apidis huius, seu Osiridis animam ex Pythagorico dogmate in Bovem transmigrasse, crediderunt Ægyptii, referente Diodoro: mutato proinde nomine, eum Apim, quod in Ægyptiaca lingua Bovem significat, appellarunt, & Bovem illum ut Deum coluerunt. Adeoque Plinius lib. 8. cap. 46. Bos, inquit, in Ægypto etiam Numinis vice colitur, Apim vocant. Describunt autem hunc nobis Bovem Herodorus, Diodorus, Strabo, Plinius, Marcellinus, atque alii passim: nullus enim fere scriptor est sive Græcus, sive Latinus, qui in rebus Ægyptiacis non huiusce Bovis mentionem interferat. Erat igitur Bos iste, si modo citatis authoribus credimus, niger toto corpore, sed maculam albam quadratam habebat in fronte, teste Herodoto; in latere dextro, teste Plinio, similem cornibus Lunæ crescere incipientis. Nam

& Lunæ sacer erat, inquit Marcellinus. In tergo effigiem Aquilæ, in lingua nodum canthari forma, duplices in cauda pilos.

Ævi spatium in sacris Ægyptiorum libris præscriptum excedere non licebat huic Bovi, nec diem longius trahere. Proinde ubi tempus illud advenisset, immersus Bos ille, aut in fonte sacro, aut in Sacerdotum fonte, qui erat in Phiala, aut in Nilo, aut in Lacu, variant enim in hoc authores, necabatur. In Nilo innuere videtur Statius in Sylvis lib. 3. in propemptico ad Celsum, dum ait:

aut quo se gurgite Nili
Mergat adoratus trepidis pastoribus Apis.

In fonte Sacerdotum testatur Plinius supra citatus. In lacu vero refert Alex. ab Alex. l. 6. cap. 2. p. m. 415.

Api ita necato, cadaver Sacerdotes rate advectum honorificentissime circum appendentes hinculorum pelles, Thyrsumque gestantes, maximisque clamoribus & motibus tanquam Bacchico furore correpti sepeliebant, teste Plutarcho De Isid. & Osirid. pag. mihi 364. In hac autem sepultura, non exiguus hercle sumptus impendebatur. Siquidem referente Diodoro lib. 2. cum Ptolemæus Lagus Regnum teneret, Api in Memphi ex senectâ mortuo, Sacerdos, cui illa cura erat demandata, quinquaginta argenti talenta, hoc est sexaginta argenteorum scutatorum millia, mutuo a Ptolemæo sumpta, in ejus sepulchrum impendit.

His autem justis absolutis, jam se totos in alterius Bovis inventionem & Sacerdotes, & populus convertabant: & donec invenissent, publice erat luctus indictus. Mœrebant omnes: capita non Sacerdotes modo, sed reliqui omnes radebant. Nemo enim unus erat, inquit Lucianus Dial. de Sacrificiis, p. m. 94. qui usque adeo magnificeret cæsariem suam, qui non eam detonderet, ac nudo capite luctum præ se ferret, etiam si vel purpuream Nili comam habuisset. His addite lacrimas, ejulatus, atque reliqua omnia mœroris insignia. Discurrebant autem ita amissum Apim queritantes, non interdiu solum, verum etiam noctu, atque inter nocturnas tenebras, Isidem nempe imitantes, quæ a Tiphone fratre occisum Osiridem maritum diu & ipsa cum lacrimis, & ejulatibus quæsierat. Quamobrem in plenilunio, sub dio, inter tenebras, quasi Lunam, id est Isidem imitarentur, lucernis accensis, tundentes pectora sua, cum luctu maximo Apim, hoc est Osiridem requirebant. Atque huc alludentes & Statius lib. 1. Theb. inquit:

Melius votis Mareotica fumat
Coptos, & ærisoni lugentia flumina Nili.

Et Tibullus lib. 1. eleg. 8. v. 271.

Te canit, atque suum pubes miratur Osirim.
Barbara, Memphitem plangere doctæ bovem.

Et Lucanus l. 8. v. 839.

Et sistræ jubentia luctus,
Et quem Tu plangens hominem testaris Osirim.

Non tamen unquam diu quærebatur, subdit Plinius citatus. Inventus autem Memphim a Sacerdotibus deducebatur, comitante universo populo summa letitia, priorem luctum atque mœstitiam rependente, atque magnis clamoribus exclamante, ut in glossis vetustis legitur, δὲ σήκαμεν, σὺν

χαίρομεν, *Invenimus*, nempe, *collatēmur*, atque *exultemus*. Describit hanc nobis pompam Diodorus his pæne verbis. Mortuo Api, magnificeque sepulto, quærunt ad id delecti Sacerdotes vitulum priori per similem. Invento, populus luctum finit. Sacerdotes, quibus ea cura injuncta, primum in civitatem Nili Nicopolim Vitulum perducunt, in qua eum nutriunt diebus 40. Deinde in navim contectam, habiraculum aureum habentem introducentes, & ad Memphim ut Deum ducentes, in Vulcani Fano locant. His diebus solum mulieres Taurum vident, reliquo tempore prohibentur in conspectum ipsius Dei accedere. Sunt autem Delubra ei gemina, quæ vocant Thalamos, inquit Plinius; augurio populorum alterum intrasse lætum est; in altero dira portendit. Est autem inibi & septum, subdit Strabo lib. 17. p. m. 765. in quo alitur. Ante autem id septum aula quædam jacet, in quam nonnuquam Apis emititur, præsertim ut peregrinis ostendatur. Videtur enim per fenestram quandam in septo, & extra etiam, si velint. Ubi vero paululum in ipso lascivierit, rursus in propriam mansionem recipitur. Consulētibz autem privatis dabat responsa, ex eorundem manibus cibum capiēdo, quem si fuisset averfatus, dira portendebat. Atque idcirco cum Germanici Cæsaris manum fuisset averfatus, fatum portendit, quo sinistro non multo post elatus est. Non est opus referre, qua pompa, atque lætitia, & concursu hujus Bovis consecratio fieret. Reges etiam, ac Romanos Cæsares, si forte in iis regionibus essent, pompam illam augere solitos, ex Suetonio non obscure deduco: qui in Tito c. 5. *In consecrando*, inquit, *apud Memphim Bove Apide, diadema gestavit: de more id quidem, rituque prisce religionis*. Ex quibus liquet, Reges, ac Principes coronatos, suas & illos partes in illa consecratione obire solitos.

Cæterum non levem fortassis scrupulum aliquibus facesset, qui in demortui Bovis Apidis locum alius suffici tam facile similis posset. Audivistis enim, quot, & quam luculentas notas haberet celebris ille Bos. Et stulti quidem illi veteres existimabant, ut refert Plutarchus, Boves illos radiis Lunaribus concipi solitos, ex quorum virtute colores illos, & notas acciperent. Sed hæc tamen sunt nugæ. D. Augustinus præstigiis Dæmonum illorum partum adscribere non dubitat. Ait enim lib. 18. de Civit. Dei cap. 5. *Hoc Bove mortuo, quoniam quærebatur, & requirebatur vitulus coloris ejusdem, mirum quiddam, & divinitus sibi procuratum esse credebant. Non enim magnum erat Dæmonibus ad eos decipiendos, phantasiā talis tauri, quam solam cerneret, ostentare vaccæ concipienti, atque prægnanti, unde libido matris at-*

traheret, quod in ejus fœtu jam corporaliter appareret; sicut Jacob de virgīs variatis, ut oves, & capræ variæ nascerentur, effecit. Hactenus Augustinus. Equidem non inficias iverim, intentissimum obtutum in aliquam rem cum vehemēti ejus rei imaginatione in ipso ardore coeuntium, & in articulo conceptionis plurimum valere ad varie colorandum, & efficiendum conceptum ad similitudinem nempe illius rei, quæ tunc visa & cogitata fuerit. Hoc enim experientia satis demonstrat.

Arbitror tamen, nullas in illo Bove aut Sacerdotum officias, aut Dæmonum præstigias intercessisse, ratione quarum alius omnino similis priori substitueretur. Nam hujusmodi Boum armentum Ægyptios habuisse, in Luciano adverto, qui Dial. de Sacrif. citat. p. m. 95. *Est autem, inquit, bis Apis Deus, ex armento jam antea suffragiis designatus, multo formosior, ac venerabilior reliquis illis privatis, & gregariis bubus*. Conjicere proinde possumus, tale aliquod armentum, ceteris gregariis bubus formosius, in Ægypto viguisse: quod armentum colores illos, & notas, & nodos, & reliqua characterismata præ se ferret, ex quibus unus eligeretur formosior in locum demortui consecrandus. Hæc autem si minus arridet conjectura, illud etiam dicere possumus; ex partibus ab illo eodem bove generatis, quando etiam armentum quod diximus, non suppeteret, illum in successionem servari ab Sacerdotibus potuisse, qui esset patri omnino simillimus. Quam vero in generibus animalium partus sint parentibus ut plurimum similes, nemo non novit. Plures autem vitulos ab illo Apide Deo generari potuisse ex Plinio deduco, qui loco supra citato, *Fæmina Bos*, inquit, *semel in anno ei ostenditur, suis & ipsa insignibus*. Quod si quotannis fæmina bos eidem ostendebatur, ad generandum nempe, suis & ipsa insignibus prædita, adeoque quam maxime fortassis Apidi similis, nihil facilius, quam ex iis vitulos generari potuisse, qui & colore, & reliquis notis generantibus essent simillimi.

Hæc sunt, quæ ex gravissimis Authoribus colligere potuimus, ut Juvenali lucem afferentes, exponeremus, quid Ægyptiacus populus invento clamare consuevisset Osiri. Cæterum si quis φιλόλογος insuper cuperet, quid hoc ἀφανισμῶ, & Ὀρίσει, *deperditione* scilicet, atque *inventione* istius Apidis Bovis, atque Osiridis significaretur, atque quo ille luctus, & mox exaggerata lætitia vergeret, legat eruditissimum libellum Plutarchi de Iside, & Osiride, ubi hæc mysteria diligentissime, atque secundum varias sententias, & intelligentias exponit.

F I N I S .

THE HISTORY OF THE
LIFE OF
JOHN DEFOE
BY
JOHN DEFOE
IN TWO VOLUMES.
LONDON:
Printed by J. DODD, in Pall-mall.
1729.

THE HISTORY OF THE
LIFE OF
JOHN DEFOE
BY
JOHN DEFOE
IN TWO VOLUMES.
LONDON:
Printed by J. DODD, in Pall-mall.
1729.

2 1 N 1 E

NICOLAI CALLIACHII

IN GYMNASIO PATAVINO

Græcæ Latinæque Humanitatis olim Professoris

D I S S E R T A T I O

D E

SACRIS ELEUSINIS

EORUMDEMQUE MYSTERIIS.

NICOLAUS CALLIAUCHI

IN GYMNASIO PATAVINO

Græcæ Linguæ Professor

D I S S E R T A T I O

DE

SACRIS ELEUSINIIS

FORUM DEMONUM MYSTERIIS

NICOLAI CALLIACHII

DISSERTATIO

DE

SACRIS ELEUSINIS
EORUMDEMQUE MYSTERIIS.

Acem Punicam Macedonicum bellum excepit, inquit Livius, quod cum intermissum fuisset, illa ex causa repetitum est, quod tempore Initiorum duo Juvenes Acarnanes, qui non initiati erant, in Sacrarium Cereris cum aliis popularibus suis intraverunt. Cum

autem imprudentes religionis, absurde quædam percunctarentur, facile a sermone proditi sunt, atque ad Antistites Templi deducit, licet palam esset, per errorem ingressos, nihilominus tanquam ob infandum sacrilegium interfecti sunt. Hoc autem cum fœde, atque hostiliter factum apud Philip-pum Macedoniæ Regem Acarnanes fuissent con-questi, ab eo impetraverunt, ut injuriam suam immisso in Athenienses exercitu ulcisceretur. Cæterum Atheniensibus ad tutelam Pop. Rom. confu-gientibus, hos cum Philippo commiserunt, atque Macedonici Belli occasionem dederunt. Hæc au-tem res ansam nobis præbet, ut altius repetamus hujusmodi sacrorum originem, atque Initiorum illorum Mysteria: quæ cum nullo magis, quam silentio essent solemnia, hujus etiam adeo severe præscripti silentii causas perscrutabimur.

Igitur Ceres, ut est in veteribus Fabulis, ex Jove Proserpinam genuit, quæ cum non procul Hennæis mœnibus ad Pergum Lacum cum aliis Virginibus puellari more luderet, atque ex pratu-lis cujusvis generis flores legeret, rosisque, violis, ac liliis non calathos solum farciret, sed etiam si-num impleret, atque tempora redimiret, profi-liens Rex Manium, ut conspexit, amore ejusdem exarsit, atque amatam illico rapuit. Pæne simul visa est, inquit Ovidius Metam. l. 5. v. 395. *Dilecta-que, raptaque Diti, usque adeo properatur amor.*

Hoc autem factum cum Ceres nesciret, nec, ubinam gentium filia degeret, suspicari posset, statuit amissam filiam per totum terrarum orbem perquirere. Igitur in Ætnæis ignibus duabus ac-censis facibus, aggreditur ire quæsitum de filia. Dum igitur curam in hanc unam intenta totum terrarum Orbem peragraret, Eleusin quoque per-venit unum ex duodecim Atticæ Regionis oppi-dis. Oppidum illud incolebant tunc temporis, Clemente Alexandrino, atque Arnobio testibus, Eumolpus ovium pastor, Baubo mulier obscœna, Triptolemus boum jugator, Dyfaules caprarum, atque Eubuleus porcorum custos. Hi vero non co-miter solum hospitio Cererem exceperunt, sed, Eumolpo præsertim instante, ita coluerunt, ut in ejus memoriam Sacra etiam ista instituerint, quæ ex Regione, in qua agebantur, Eleusina ap-pellata sunt. Erant autem hæc *magna Eleusina* ab Eumolpo, ac fociis instituta. Cum enim Hercu-

les Eleusinis sacris initiari cuperet, Ceres autem obstaret, quæ gradum illum alienigenis non con-cedebat, Athenienses non e re sua putantes, tan-tum Heroem voto frustrare, *parva Eleusina* insti-tuerunt, ut & Herculi facerent satis, & legi non derogarent: quem eundem honorem retulit se-cundus ab Hercule Hippocrates. Namque apud Soranum in ejus vita legimus: *Ἰπποκράτης λαμ-πρῶν ἐτυχε τιμῶν παρ' Ἀθηναίους, δίδιντες ἢ δεύτε-ρον αὐτὸν ἐφ' Ἡρακλέους δημοσίᾳ τοῖς ἑλευσινίοις, ἐμύθη-σαν.* Erat autem hoc discrimen *parvorum a ma-gnis* Eleusinis, quod ad hæc nonnisi indigenæ, ad illa vero etiam alienigenæ admittebantur: cæte-rum mysteria eadem erant, atque idem in utrisq; ritus: appellata autem hæc ipsa Eleusina sacra fuerunt, & Thesmophoria, & Siccophoria, & Inephabiliphoria a Græcis, a Latinis autem, & Romanis præsertim Cerealia.

In istorum autem mysteriorum participatione, hi veluti gradus erant observandi. Prima omnium erat *ἡκάθαρσις*, nempe *Purificatio*. Deinde se-quebantur Mysteria parva, quibus instruebantur ad majora. Postremus erat actus mysteriorum ma-jorum exceptio, & illa quæ dicebatur *ἐπόπτεία*, ut colligitur ex D. Clemente Strom. lib. 5. Atque hinc qui aut purificabantur, aut parvis tantum mysteriis initiabantur, appellabantur *Μυσταί*, *Ε-πόπται* autem & *ἑφοροί*, quando ad majora tandem mysteria pervenissent. Id ita testatur Suidas ex Symmacho antiquissimo Critico. *Οἱ τὰ μυστήρια, videlicet parva, παραλαμβάνοντες μύσαι καλεῖν-ται, οἱ δὲ τῷ ἑξῆς ἐνιαυτῷ ἑφοροί ἢ ἐπόπται.* Ex quibus verbis colligitur, non statim a parvis initiis patuisse viam ad majora: sed annum ad minimum intercipi opus erat a priore initiatio-ne ad consummationem Religionis. Namque te-ste Plutarcho in vita, ni fallor, Demetrii, *ἐπό-πτον δὲ*, inquit, *τελευταίον ἀπὸ τῶν μικρῶν δια-λιπόντες*: ubi notate ly *ad minimum*, namque ut plurimum non annuum, sed quinquennale spa-tium intercipiebatur a parvorum susceptione my-steriorum ad majora. Fidem facit Tertullianus lo-co supra citato, dum inquit: *Epoetas quinquen-nium instituunt, ut opinionem suspendio cognitionis ædificent: atque ita tantam majestatem exhibere videntur, quantam præstruxerunt cupiditatem.* Solus autem hunc morem transgressus est Rex Demetrius, qui sine ulla intercapedine minora, atque majora mysteria simul percipere voluit.

Potissimæ autem illorum sacrorum leges erant istæ. Ut nemo ingrederetur, qui initiatus non esset: neque qui perpetrati alicujus facinoris sibi esset conscius. Unde versiculum illum a Virgilio desumptum fuisse author est Servius: *Procul o pro-cul este profani.* Et apud Græcos *ἐκὰς ἐκὰς ἐς ἐβέ-βηλοι*, & *ἐκὰς ἐκὰς ἐς ὧ ἀλιτρός*: & Orpheus a-pud Clementem, & Tatianum:

Θύρας δ' ἐπίθεσθε βαβήλοισι
Πᾶσιν, ὁμῶς.

Tunicam vero, quam initiationis die novam induebant, exuebant nunquam, quoad tandem lacera gestari amplius nequiret. Quin imo illud etiam addunt nonnulli, ad fascias filiorum infantium servari consuevisse. Sed nullo magis hæc sacra, quam silentio fuerunt solemnia, quippe si quis ea evulgare ausus fuisset, capite plecebatur. Unde natum illud proverbium Ἀττικοὶ τὰ ἐλευσίνα, quod tunc usurpabatur, cum aliqui convenissent inter se rem quampiam arcanam pertractare. Hincque Ovidius in arte, libro secundo sub finem:

Quis Cereris ritus audet vulgare profanis.

Et Horat. Od. l. 3. od. 2.

*Vetabo, qui Cereris Sacrum
Vulgarit arcanae, sub iisdem
Sit trabibus fragilemque mecum
Solvat phaselum.*

Atque hinc Augustus Athenis initiatus, cum postea Romæ pro Tribunali de privilegio Sacerdotum Atticæ Cereris cognosceret, & secretiora proponerentur, dimisso concilio, solus audit disceptantes, ne prophanis initia vulgarentur, ut ait Suetonius in Aug. cap. 39. Alcibiades autem insimulatus mysteria initiorum enuntiasse, non damnatus solum est, verum teste Justino lib. 5. cap. 2. diris etiam per omnium Sacerdotum religiones devotus. Diagoram quoque ab Atheniensibus proscriptum, refert Athenagoras in Apologia, quod hæc mysteria vulgo prodidisset. Pausanias quoque in Atticis p. 26. v. 10. se somnio monitum fuisse, ait, ne ipsa scribendo præderet. Numerius vero Philosophus quod illa prodidisset, visus est sibi, inquit Macrobius in somn. Scip. l. 1. c. 2. videre Eleusinas Deas, Cererem nempe, atque Proserpinam, habitu meretricis ante apertum lupanar prostantes. Cumque admiraretur, & causas non convenientis numinibus turpitudinis sciscitaretur, respondisse iratas, ab ipso se adyto pudicitiae abstractas, & passim adeuntibus prostitutas. Facit enim huc iustissima illa ratio, qua se apud Athenienses Demonactem defendisse refert Lucianus Dial. qui inscribitur Demonax. Accusaverant enim illum nonnulli, quod unus omnium nunquam esset Eleusinis initiatus. Ipse autem in concionem progressus scite, atque dexteriter eam facti sui reddidit rationem; Quod si cum aliis ejusdem festivitatis particeps factus, mysteria illa prava & frivola comperisset, apud nondum initiatos non tacuisset, sed ipsos ab Orgiis celebrandis aversos fecisset; sin bona, rursus humanitate adductus omnibus expositurus erat. Injustum igitur omnino videtur hujusmodi silentium; nam sacra illa videbantur potius omnibus evulganda, ut si bona, omnes ad illa allici, sin prava, ab iis detereri possent.

Sed vos tamen curiosius fortasse perquiretis, quæ tandem essent illa mysteria, quæ adeo religioso silentio essent obvolvenda? Fateor, me quoque hac in re paulo curiosiorem extitisse. Et Plutarchus quidem de liberis educandis p. 10. ea de causa præscos mysteria sacra instituisse ait, ut in his taciturnitati assuescentes, ad fidem humanorum arcanorum metum Deorum transferamus. Sed pace tamen Plutarchi, turpissima, atque inhonestissima potius fuisse, exinde haud dubie licet conjicere, quod nisi fuissent plane meretricia, non tam alto silentio obvoluta fuissent: quis enim sancta, atque honesta evulgari adeo severe prohibuisset?

A Igitur, ut optime advertit Tertullianus adversus Valentinianos, quod tacent, pudor est. Quas igitur turpitudines ibi perpetrari solitas, atque tam religioso silentio idcirco obvolvendas, apud probatos authores reperire potui, bona fide aperiam.

Illud igitur primo nobis refert Alexand. Clem. in Protrept. advers. Gent. p. m. 11. Arnobius l. 5. adv. Gent. p. m. 174. Baubonem illam impuram mulierem Eleusini pagi incolam, ut audivisti, cum multiformibus malis fatigatam Cererem hospitio excepisset, adulatam obsequiis mitibus reficiendi corporis rogasse curam ut haberet, sitientique potionem obtulisse, quam Cicconem Græcia nuncupat. Verum Dea mœrore confecta averfata est, respuitque illa humanitatis officia. Preces tunc addidit precibus (ut in similibus casibus mos est) Baubo, ne fastidium suæ humanitatis assumeret: sed obstinatissime durat Ceres, & rigoris indomiti pertinaciam retinet. Cum igitur ineluctabile propositum vincere Baubo nequiret, vertit artes, & quam serio non poterat allicere, ludibriorum statuit exhilarare miraculis. Igitur inter alia plurima, quibus moris est frangere, & temperare mœrores, retextit se ipsam, atque omnia illa pudoris loca, revelatis monstrat inguinibus. Diva vero ubi oculos pubi affixit, atque inauditi specie solaminis pasta est, tum diffusior facta per risum, aspernatam sumit, atque ebibit potionem: & quod diu nequivit verecundia Baubonis exprimere, prodigiosi facinoris extorsit obscœnitas. Hactenus Arnobius, qui historiam hanc tamen totam ex Orpheo descripsit, cujus etiam recitat carmina, ne quis se quidquam callide fingere suspicaretur.

Sed ego tamen cum eodem Arnobio perquiro. Quidnam in spectaculo tali, quid in pudendis fuit Baubonis, quod fœminei sexus Deam, atque consimilibus formatam membris, in admirationem convertit, & risum, quod objectum lumini conspectuique divino & oblivionem miseriarum daret, & habitum in lætiorem repentina hilaritate traderet? Suspicio proinde, Baubonem artefactum quidpiam inguinibus suis apposuisse, quod virilem, ac juvenilem potissimum sexum præ se ferret: atque illud proinde renudatis pudendis, ubi obscœne contrectare incepisset, in risum atque hilaritatem Deam mœrentem traxisse. Conjecturæ autem meæ faciem præfert idem Arnobius, apud quem lego: *Baubonem partem illam corporis, per quam sexus fœminarum, & sobolem prode, & nomen solet acquirere generi, tum longiore ab incuria liberasse, atque in speciem levigasse nondum duri, atque striculi pusionis.* En igitur Baubo speciem juvenis assumpsit, quod hercle aliter efficere non potuit, quam virile aliquod membrum arte factum sibi apponendo. Ultimamque huic conjecturæ veluti manum addit Tertullianus, qui loco supra citato: *Ceterum, concludit, tota in adytis divinitas, tot siparia portarum, totum signaculum lingue, simulacrum membri virilis revelatur.* Atque ex his etiam intelligere est, quæ de nefariis illis sacris inquit Nazianz. in Epiphaniis. *Neque nobis, inquit, Virgo aliqua rapitur, nec Ceres errat, nec Celios adducit & Triptolemos, & Dracones, passimque agit, & passim patitur. Nam pudet me diem asferre sacrificiis nocturnis, & ex mysteris turpitudinem efficere. Scit Eleusis hæc, & spectatores rerum, quæ tacentur, & certe silentio dignæ sunt.*

Inter alia vero simulacra Deorum, quæ in his sacris ostendebantur, Creatoris nempe, Solis, Lunæ, Mercurii, naturam quoque muliebrem circumferri solitam, testis est Theodoretus, atque desumpsit fortassis ex Athenæo, apud quem l. 14. hæc legimus. *Heraclides Syracusius lib. De vetu-*

sis, & sancitis moribus scribit, apud Syracusos in extremis Thesmophoriis, ex sesamo, & melle fingi pudenda muliebria, quæ πολλοὶ per totam dicebantur Siciliam, & circumferebantur Deabus. Quod si igitur hujusmodi obscœna simulacra inter Dearum imagines circumferebantur, si alii quidem agebant, alii patiebantur; suspicandum est, totam illam de Cerere, atque Proserpina fabulam ad vivum quotannis a Mystis illis, & Epopthis celebrari consuevisse; adeoque non deerant, quæ veluti Cereres, a non fictis Jovibus comprimerentur; non Proserpinæ plures, quæ a terrestribus Ditis raperentur; non pudendorum & revelationes, & concussiones, quæ memoriam obscœnæ illius Baubonis referrent; non alia id genus innumera exquisitoris lasciviæ probra, atque impudentissimæ meretriciæque turpitudinis facinora, adeo illis noctibus, quibus peragebantur, digna, ut in lucem deinde illa proferre, atque non eorumdem obnoxiiis mystis, & Epopthis revelare, crimen, & quidem capitale reputaretur.

Atque hinc hoc fuisse Eleusinorum symbolum, hoc est quasi indicium, quo rogati in mysteriorum acceptionibus respondebant, ut tanquam idonei dignoscerentur, refert D. Clemens lib. i. Protrept. p. m. ii. *Jejunavi, atque edidi Cicconem, ex cista sumpsi; & postquam feci, deposui in calathum, & ex calatho in cistam.* Nimirum his præparabantur ad acceptionem mysteriorum. Jejunabant, ut sci-

A licet angorem quærentis, & mœstæ Cereris referrent; mox ebibebant Cicconem, portionem scilicet ex farina, & vino crasso, vel ut alii malunt, aut ex multis herbis, aut ex vino, & melle confectam, qualem nempe Baubonem Cereri obtulisse audivistis. Mox ex cista sumebant. Quales autem erant istæ cistæ mysticæ? Sefamides, & pyramides, inquit D. Clemens, ubi supra, & lana bene laborata, libaque multis distincta umbilicis, atque id genus alia, quæ πολλὰς supra descriptos, virilia nempe, atque pudenda muliebria repræsentarent; hæcque cistas his rebus refertas Virgines puellæ, πανηφόροι idcirco dictæ, opertas ferebant. B Jam ego & abditum aliquid obscœnumque magis ex illis verbis conjicio, *ex cista sumpsi, & postquam feci, deposui in calathum, accepique rursus, & cistulam transtuli*, quod nempe cum illo agere & pati, quod Nazianzenus superius retulit, conveniat.

Atque hæc erant illa sacra, ad quæ non patebat aditus, præterquam initiatis, & in quæ nemini licebat penetrare, qui sibi sceleris perpetrati conscius esset: id Præcone conclamante. Concludat disceptationem hanc D. Clemens jam sæpius citatus. *O evidentem impudentiam!* Olim quidem moderatis hominibus voluptatis integumentum erat nox silens. Nunc autem iis, qui initiantur, est incontinentiæ sacra nox loquens; & ignis, qui lucet in facibus, vitia, & animi perturbationes arguit.

F I N I S.



ADRIANI RELANDI
IN ULTRAJECTINA ACADEMIA
Linguarum Orientalium, & Antiquitatum Professoris
D I S S E R T A T I O
D E
DIIS CABIRIS.

ADRIANI RELANDI
IN ULTRAJECTINA ACADEMIA
LINGUARUM ORIENTALIS, & ANTIQVITATVM PRAEPOSITI
D I S S E R T A T I O
DE
D I I S C A B I R I S

ADRIANI RELANDI

DISSERTATIO

DE

DIIS CABIRIS.



Rodit nuper Eruditissimi Viri, *Tobia Guthberleti*, dissertatio de Diis Cabiris, quam cum avide perlegissem, & de nonnullis, quæ ad hoc argumentum spectant, per literas agerem cum Amplissimo Viro, *Gisberto Cupero*, in quo an eruditionem eximiam, an hu-

manitatem singularem magis mirari debeas, ambiguum est; quem nunc cura rei bellicæ, ipsi patriæ nostræ nomine mandata, a cultu Musarum ad Martis studium avocavit; transmisit mihi legendum de iisdem illis Diis tractatum Doctissimi J. Cri. Veneti, *Joannis Antonii Astorii*, conscriptum ad Celeberrimum Virum, quem Roma eloquentiæ Professore, Eminentissimus Cardinalis *Josephus Renatus d' Imperiali* Bibliothecæ præfectum habet, communem amicum nostrum, *Justum Fontaninum*. Non porui tamen aquiescere in illorum Virorum etymologiis, quibus significationem vocis *Cabirorum* eruere conati sunt. Sed mihi se sponte quasi nonnullæ novæ obtulerunt, quas lectori exponam, ut quod velit eligat.

II. Cogitanti itaque mihi de nomine Deorum Cabirorum, quos singulari ratione cultos fuisse in insula Samothracia veterum monumenta testantur, ante omnia inquirendum esse duxi, quot & qui illi Dii fuerint, ut exploratum mihi esset, an significatio nominis, quam darem, vere illis convenire posset. Quamvis autem hic in partes eant tum veteres, tum recentiores (e quibus insigne illud Scriptorum par modo laudatum, *Astorium* dico & *Guthberletum*, plurima collegit, quo lectorem remittimus) duas tamen magis receptas sententias deprehendi, quarum una solos Jovis filios, Castorem & Pollucem, Græco Dioscororum, Διοσκόρων (ita scribendum monet *Phrynichus*, non Διοσκύρων) nomine celebratos Cabiros dictos fuisse censet, & se cum multorum Scriptorum bonæ notæ testimonio, tum antiquarum Inscriptionum tuetur, quibus hi duo fere & non alii Cabiri appellantur. Altera quatuor Cabiros statuit, mora auctoritate Mnaseæ, cujus verba nobis conservavit Eruditissimus Scholiastes Apollonii Rhodii ad lib. 1. *Argon.* v. 917. Μὲν γὰρ ἐν τῇ Σαμοθράκῃ τῶς Καβείροις, ὡς Μνασίας φησὶ τὰ ὀνόματα. Τέσσαρες δ' εἰσὶ τὸν ἀριθμὸν. Ἀξίερος, Ἀξιοκέρσα, Ἀξιοκέρσος. Ἀξίερος μὲν ἐστὶν ἡ Δημήτηρ. Ἀξιοκέρσα δὲ, ἡ Περσεφόνη. Ἀξιοκέρσος δὲ ὁ Ὀΰδης. Ὁ δὲ ἀπὸ τῆς δέμενος τέταρτος Κάσμιλος ὁ Ἑρμῆς ἐστὶν ὡς ἰσοπέδιον ὁδοῦ. Initiantur autem in Samothrace Cabirorum sacris, quorum nomina Mnaseas recenset. Quatuor numero sunt. *Axieros*, *Axiocersa*, *Axiocersos*. *Axieros* quidem est Tellus sive Ceres. *Axiocersa* Proserpina. *Axiocersos* Pluto. Qui autem adjungitur quartus, *Casmilus* Mercurius

est, ut tradit *Dionysodorus*. Ineditum Bibliothecæ nostræ publicæ Etymologicon Magnum, ex hoc loco Scholiorum Apollonii sua hausisse videtur, quæ habet de Cabiris, sed quartum eundem nomine cum tertio facit, omisso *Cadmilo*. Καβείροι, scribit, ὄνομα θεῶν καὶ τὰ ὀνόματα αὐτῶν τέσσαρα τὸν ἀριθμὸν. Ἀξίερος, Ἀξιοκέρσα, Ἀξιοκέρσος, Ἀξιοκέρσος. Locum integrum non exscripsit. Hinc ut numerum quaternarium inveniat, bis eundem nominavit. Ut & illis, qui duos, & his qui quatuor, Cabiros admittunt, satisfiat, puto convenire etymon ex voce Hebræa (nam & *Herodotus lib. 11.* notavit, ἱερὸν λόγον, sacrum sermonem, & *Diodorus Siculus lib. v.* παλαιὰ ἰδίαν ἑλέκτον, veterem & propriam linguam in Sacris Samothracicis esse usitatam) חבר Καβάρ conjunxit, sociavit, unde חברים Καβείροι, Socii, juncti, litera Hebræa ח per K reddita, ut in καβηλος חבל, φασεα חבל παταχοι & פתוחים & multis aliis. Sic ut meo judicio Dii Cabiri, idem sonet, quod Dii Socii vel Juncti.

III. Quam apte hoc etymon conveniat Castori & Polluci, vel me tacente, unusquisque facile videt. Quid enim sibi aliud vult, quod a Veteribus Gemini, Δίδυμοι, Fratres, Socialia fidera, & multis similibus nominibus appellentur, quæ idem notant quod חברים Juncti, Socii? Magi ipsi illos Δεῦας dixerunt, auctore *Hesych.* id est, Duos, Geminos, nam 𐎠𐎡 Dou Persis id notat. Et quis nescit, hos Deos nequaquam Σωτήρας & faustos fuisse, nisi Junctos? Si enim unus sine alio conspiceretur, salutaris non erat.

IV. Concedet forsan aliquis, hoc etymon Geminis sc. Castori & Polluci satis bene convenire, verum negabit id commode quatuor illis a Mnasea recensitis tribui posse. Quod mihi difficultatem non pareret, siquidem illam sententiam, quæ solos Geminos fuisse Cabiros tuetur, amplecti constituissim. Sed, ut verum fatear, existimo Samothraces non solis Dioscoris nomen Cabirorum tribuisse, sed & quatuor illis, ex Scholiasta Apollonii mox adductis. Quo me movet, ut alia transeam, quod Ceres etiam a *Pausania* Καβείρα appelletur, cujus, ut & *Proserpinæ*, templum Thebis esse scribit lib. ix. c. 25. & conjungit Cabiros cum Cerere, se taciturnum dicens quomodo αὐτοῖς καὶ τῇ μητρὶ sacra fiant. Quo etiam pertinere videtur illud *Ovidii* de arte amandi lib. 2.

Quis Cereris ritus audeat vulgare profanis,
Magna que Tbreicia Sacra reperta Samo?

Quamvis enim ex conjunctione Cereris cum Cabiris non possit ostendi eam in numero Cabirorum fuisse, non magis quam Jovem & Apollinem, quibus junctim cum Cabiris vota fecisse Pelasgos tradit *Dionysius Halicarnasseus antiq. Rom. 1. cap. 4.*

quia tamen a Pausania expresse *Cabira* dicitur, hinc ab Ovidio quoque eam uti *Cabiram* innui existimo. Quamobrem & mihi ratio danda est, cur reliqui quatuor *Cabiri Socii* dicti sint.

V. Socii appellantur *Ceres*, sive *Terra Mater*, *Proserpina*, *Pluto*, & *Mercurius*, non quatenus *Dii* sunt, aut magni & Potentes, ita enim plures essent, sed quia hi quatuor sunt *Θεοὶ Χθόνιοι*, i.e. *Dii inferi*, qui in mortuorum cura communes operas jungunt, & Collegium aliquod separatim constituunt. Unde & aliquando conjeci illos *Deos קבירין Kebirim*, sepulchrorum dictos, quod his quidem quatuor optime convenit, sed *Castori* & *Polluci* non item. Antequam vero missam faciam conjecturam illam, qua *Cabiros* quasi *inferorum* sive *sepulchrorum קבירין* *Deos* dictos esse suspicatus sum, hoc ad illam firmandam addo: non videri dubium hanc etymologiam omnibus aliis præferendam, si constet proprie illos quatuor, quos *Mnaseas* recensuit, *Cabiros* fuisse, & non nisi diu postea *Castorem* & *Pollucem* *Cabiros* dictos esse. Nam & aptissime hoc etymon exprimit id, quod quatuor his numinibus proprium est, quod *Dii Χθόνιοι*, sive *inferi* sint, & nulla alia ratio dari potest, cur hi quatuor, & non alii, conjungantur, nisi quod ad eos cura mortuorum pertineat. Non fuisse autem *Castorem* & *Pollucem* veros & antiquos *Cabiros* *Samothracicos* patet ex illorum ætate, quæ recentior est, & ex eo quod ipsi *Diis Cabiris* in *Samothrace* sacra fecerint. Ergo ipsi non fuerunt *Samothracici* illi *Cabiri*. Quod si quis etymon *Cabiorum* tale, quod commune esse potest quatuor illis *Diis Inferis*, & duobus *Dioscoris* habere vult, meo iudicio aptius non inveniet quam *חבירין*, *Socii*, *Juncti*.

VI. Disquiramus nunc de singulis, qua ratione cura mortuorum ad eos pertinuerit. Prima *Ceres* est, *Δημήτηρ*, *Terra mater*, quæ omnes mortuos excipit & in sinu suo recondit, quare *Athenienses* appellaverunt mortuos *Cereales*, τοὺς νεκρὰς *Αθηνῶν* *Δημητρίδας ἀνόμαζον*, uti testatur *Plutarchus* in *lib. de facie in orbe Lunæ*: & *Tellus* *Dea χθονία* dicitur ab *Æschylo* in *Persis*, loco mox citando, & *Templum Cereris χθονίας* memorat *Pausanias* in *Corinthiacis*, addens *χθονία δ' ἡ θεὸς τε αὐτὴ καλεῖται καὶ χθονία ἑορτὴν κατὰ ἔτος ἀγασσάμενα* *Θέρας Cithonia ipsa Dea appellatur, & festum anniversarium æstate in honorem ejus celebrant, dictum Cithonia*. Meminit & *Cereris χθονίας* *Apolonius* in *Argon. l. iv. v. 986*.

οἱ δ' ἐὶ Διὸς
Κλειῶσι χθονίης καλαμήτομον ἔμμεναι ἄρπην.

illi vero *Cereris*
Cithoniae dicunt esse messoriam falcem.

Sequitur filia ejus *Proserpina*, regina *Erebi* & *Stygia* *Juno*,

& damnatura nocentes
Et requiem latura piis

ut *Claudianus* canit, cum marito, qui tertius est, *Plutone*, qui & ipse *θεὸς χθονίας* dictus *Eurip.* in *Alceſtide vers. 237*. qui ambo inferni tenent imperium, & quibus cum mortuis rem esse perpetuo nemo dubitat. Junguntur hi tres apud *Virgilium*, *Ceres* *Proserpina* & *Pluto*, quibus *Æneas* ut *Diis inferis* sacra facit, *Æneid. lib. vi. v. 249*.

ipse atri velleris agnam
Æneas matri *Eumenidum*, magnæque sorori
Ense ferit, sterilemque tibi *Proserpina* vaccam
Tum *Stygio regi* nocturnas inchoat aras.

A His tribus adjicitur *Mercurius*, *Deorum* famulus. Et ita jungitur ut *προσιδμενος*, adjectus, *Cabirus* tamen & ipse, quippe qui viam facit sepultis ad inferos. Quo facit elegans lapis antiquus, exhibens ædificium, cujus portam aperit caduceatus *Mercurius*, & ne quis dubitet, quæ ea sit, inscriptio præfixa habet, *ΚΑΤΑΧΘΟΝΙΟΙΣ ΘΕΟΙΣ, Diis Inferis*. Ideo appellatur a *Claudiano*, de raptu *Proserp.*

commune profundis
Et superis numen, qui fas per limen utrumque
Solut habet, geminoque facit commercia mun-
do.

Mercurius ducere & reducere solet animas scribit *Petronius* in *Satyrico*, & *Homerus*

ψυχὰς κατέγει δ' αἰδώς δέ.

Quare & *Mercurius* *Plutoni* & *Telluri* (eodem modo uti alias nomine *Cabiorum*) adjungitur ab *Æschylo* in *Persis*, ubi *Chorus* animam *Darii* evocat pag. 155. ed. Steph.

Αλλὰ χθόνιοι δαίμονες ἀγνοῖ
τῇ τε καὶ Ἐρμὶ βασιλεὺς τε ἐνέμων
Πέμψατ' ἐνερθεὺς ψυχὰς εἰς φάος.

Sed o *Dii infernales puri*
Tellus, *Mercuri*, & *Rex inferorum*,
Remittite animam in lucem.

Scholias tes ibi notat hos tres *καταχθονίους θεὸς* esse *πομπὰς ἢ φθιμένων*, qui mortuos emittunt, τὰς θεὰς τὰς κάτω, τὰς πέμποντάς αὐὰς τὰς νεκρὰς. Eodem sensu *Sophocli* in *Oed. Colon. v. 1617*.

Ἐρμῆς ὁ Πομπός, ἢ τε νεκρὰ θεός

Ubi & *Mercurius* & *Proserpina* junguntur. *Cicero* etiam *lib. iii. de natura Deorum* unum *Mercurium* recenset, qui sub terris habetur. Et *Plutarchus* in *libro de facie in orbe Lunæ* *Mercurium* appellat *Proserpinæ συνοικόν, contubernalem*; *Horatius* *Orci Satellitem*. Ex quibus clarissime liquet, cur hi quatuor, quemadmodum *χθόνιοι* & *καταχθόνιοι θεοὶ*, mystico etiam nomine *Cabyrorum*, quasi *infernalium*, conjungantur, & cur hos *Samothracæ* præcipue hoc nomine appellaverint. Atque ita videbar mihi assecutus rationem, ob quam illi tres *Cabiri* appellarentur a *Samothracibus*, & quomodo hæsitanter *Mercurius* iis adjectus sit, & ab aliis omittatur.

VII. Dari quoque potest ex hac explicatione ratio, cur nocte hæc sacra *Cabiorum* fuerint peracta. De *Dioscoris* enim certum est, non nisi noctu illa profuisse navigantibus, & quod ad quatuor illos alios attinet, sunt hi modo recensiti Numina tenebrarum. Mors ipsa quid nisi nox est? Et atra nocte nos tegit *Tellus*. Quin ipsa *Tellus*, sive *Ceres μέλαινα nigra* dicta, quod ob luctum *Proserpinæ* in loco subterraneo, quem *Pythia* *Δήρας κρυπτήριον ἄντρον* disertè appellat, diu latuerit, teste *Pausania lib. viii. cap. 42. Proserpina Noctis bæra* audit *Valer. Flacco l. 7. & αφανής* *θεὸς* *Sophocli* in *Oed. Colon. v. 1627. Pluto ἀνὰ ἐννοχίαν* i.e. *ἐν νύκτι* *αὐτὴ δὲ καὶ σκότῳ ἔσται βόρπον, τεθνηότων*. *Rex* illorum qui in tenebris degunt, i.e. mortuorum. *Plutonem* ita alloquitur ex persona *Lachesis* *Claudianus* de rapt. Prof.

— o maxime noctis
Arbiter, umbrarumque potens.

Et ita Pallas.

Nocte tua contentus ubi, quid viva sepultis
Admifces?

Quamvis in campis Elysiis Sole non careant, uti
Proserpinam Pluto consolaturus ait:

Amifsum ne crede diem, sunt altera nobis
Sidera. Sunt orbes alii: lumenque videbis
Purius, Elysumque magis mirabere Solem.

Et Virgilius *Aeneid.* vi. v. 638.

Devenere locos letos & amœna vireta
Fortunatorum nemorum, sedesque beatas.
Largior hic campos æther & lumine vestit
Purpureo, solemque suum, sua sidera norunt.

Mercurius quoque, ne quid desit quod nocturna
horum Cabirorum sacra esse suadeat, dicitur.

Νυκτὸς ὁπωπιτήρ —

In *Hymn.* ad *Merc.* qui vulgo Homero adscribitur,
& ad noctem æternam viam facit, & fomniis præ-
est, uti notum.

VIII. Quod si nec hæ conjecturæ tibi proben-
tur, mallem, præ communi a *בביר* *Cabir magnus*,
ducta, aliam etymologiam, quæ nec ipsa veri spe-
cie destituitur & *Καβειρος* dictos censet quasi po-
tentes *גבירים*, a *גבר* *potens fuit*, unde *גבורה* po-
tentia, *גביר*, fortis, *Gigas*, quod & de Deo u-
surpatum invenies, *גבירה* *Regina* &c. Quæ deri-
vata ideo appono, ut liquido appareat vera notio
radicis, quæ est potentem esse. *בביר* exprimitur
recte per *Καβειρος*, *כ* per *K*, uti *גסל* *Κάμηλος* &
multa talia, & *Scheva* per *α*, uti *שמואל*, *שלם*,
Σαμὴλ, *Σαλομών*. Quid vetat itaque, quo mi-
nus *Καβειρος*, exprimat *גביר* *potentem*, nomine
formato ex part. *Pehil*, & *Dominum* (*Κύριον*) uti
translulerunt *οἱ ὁ*, & *τὸν κρείττονος ἔχοντα*, *ארון וראש*
Dominum, & *Caput*, uti *Kimchi* in *lib. radicum*,
quod idem sonat ac *בעל* *Baal*, *Belus* antiquissi-
mum Deorum nomen, & *Marnas*, *Gazensium*

Deus *גמ* quod *Maran* exprimitur in notissima
voce *Μαριναδα*. Quo & hoc facit, quod *Cabiri*
Samothracum a *Varrone* non *Magni* tantum sed
& *Potes* appellentur. Hæc ejus verba sunt *lib. iv.*
Ling. L. Hi quos *augurum libri* scriptos habent
sic *DIVI POTES*, & sunt pro illis qui in *Samo-*
thrace *ΘΕΟΙ ΔΥΝΑΤΟΙ*. *Cassius Hemina* dixit (a-
pud *Macrobius* *iii. 4.*) *Samothracas Deos*, eosdem-
que *Romanorum penates* proprie dici *θεὸς μεγάλας*,
θεὸς χρυσῆς, *θεὸς δυνάτης*. Quo *Macrobius* refert
illud *Virgilii* de *Junone*,

— Dominamque potentem.

A Unde & *Curetes* *Orpheo* in hymnis *ἐδύνατοι*.
Præferrem itaque, si optio daretur, hanc etymo-
logiam a *גבירים* *potentibus* ductam, communi opi-
nioni, quæ a *בבירים* *magnis* eos derivat. Nec de-
sunt aliæ rationes, uti quod *בבר*, radix vocis *בביר*
proprie notet *multum esse*, *multiplicari*, & deri-
vata, *בביר* & alia, multitudines potius quam ma-
gnitudinem indicent. Id patebit conferenti loca
Sacri Codicis. Quod ne a me fingi credas, ut hy-
pothesi meæ serviam, en tibi ex *Lexico Santis Pa-*
gnini *Judicium* *Merceri* ex *Hebræis* petatum, *אביר*
proprie ad robur corporis pertinet, *הדר* ad qualita-
tem & habitum, *אדיר* ad quantitatem, *בביר* vero,
quod & *באביר*, proprie ad multitudinem & copiam.
Ita & *Cl. Gouffletus* in nuperrime edito *Lexico* ra-
tiocinatur, ex collatione variorum locorum Sacri
Codicis inter se concludens: Cum videam ipsum
verbum *הבביר* *inservire* *multiplicationi* *indicandæ*
& *derivatum* *בביר* *sonare* *multitudinem* *in aliquot*
claris exemplis, ut *Job. 15. 10.* *de annis senum* &
Job. 31. 25. *de opibus divitum*. Imo *Es. 16. 14.* *ne-*
gationem ejus adhiberi *ad exponendum* *מור* *de po-*
pulo *ad paucitatem* *redactō*, item *Es. 10. 13.* *de*
magno numero *habitatorum* & *Es. 17. 12.* & *28. 2.*
de aquis abundantibus, ideo & ad multitudinem
abundantiamque reduco alia loca, quæ id patiun-
tur commode. *Job. 8. 2.* *Job. 34. 17. 36. 5. 34. 24.* A-
liud derivatum *בבר*, *cribrum* quod *farinam* mul-
tiplicari videatur in *aere*, hanc notionem etiam
firmat. Sic & *Raschi* ad *Job. 8. 2.* *בביר* proprie ait
esse *לשון רוב* *notionem multitudinis*: licet non
ignorem alios conjungere notionem magnitudinis
(ex usu *Linguae Arabicæ* eam, ut videtur, ad-
dentes) sed in *S. S.* nil occurrit quod nos eo deve-
nire cogat. *בבר* enim omnia *Lexica* per *multipli-*
care reddunt. Et *בביר* ubique per *multum* trans-
ferri potest. Vide de eo *Cl. Bootium* in *Anim. Sa-*
cr. l. 3. c. 2. ubi ostendit vocem *בביר* nunquam si-
gnificare *fortem*, sed *copiosum*. Fateor apud Ara-
bes *كبير* *Καβειρ* significare *magnum*, sed
ad Arabicum sermonem confugere non opus est,
ubi *Hebræus* vocem ipsam *Καβειρ* *גביר* habet sen-
su ad minimum æque commodo, ac fundit vox A-
rabica. Cur rivos petimus, quum fons nobis pa-
teat? Cur a filia poscimus, quod mater ipsa no-
bis subministrat? Ego certe nullam hic necessita-
tem video: atque ita occasio reprehensionis præci-
ditur hominibus quibusdam *μισόματι*, qui ægre
ferunt voces *Hebræas*, *Phœniciasve* ex *Arabica*
(quam nudius tertius natam credunt, ego filiam
Hebrææ matre sua locupletiolem existimo) expli-
cari. Hic utique nil me cogit. Dixerit *Varro* *Ca-*
biros esse *Deos Magnos*, dixit etiam *potes* & *δυ-*
νατῆς. Nec ullus veterum, quod sciam, scripsit
Cabiros inde ita dictos esse, quod essent *magni*.
Ego etiam illos *Deos magnos* esse dico, nego ta-
men *Cabiros* ideo dictos a *גבירים* quasi *magnos*:
quod nomen multis aliis *Diis*, qui *magni* appel-
lantur, commune fuisset, & non datum aut *Diof-*
coris, aut *Cereri*, *Proserpinæ*, *Plutoni*, & fa-
mulo *Deorum* *Mercurio*, exclusis reliquis.

F I N I S.

PRÆFATIO
LECTOR
TOBIÆ GUTBERLETHI J. C.

ET BIBLIOTHECÆ ACADEMIÆ FRISIORUM
PRÆFECTI

CONJECTANEA

I N

MONUMENTUM HERIÆ THISBES
MONODIARIÆ ET TITI CLAUDII GLAPHYRI
CHORAULÆ.

*In quibus multi veterum Auctorum loci, Inscriptiones, & Nummi
illustrantur & emendantur.*

TOBIÆ GUTBERGII
ET BIBLIOTHECÆ ACADEMIÆ PRÆTORII
PREFECTI

CONJECTANÆ

I 34

MONUMENTUM HERIÆ THIBET
MONASTERIUM ET III CLAUDI CLAUDII
GROCIÆ

Quod si quis hanc editionem legere velit
debet hanc editionem legere.

P R Æ F A T I O.

L E C T O R I

S. P. D.

T O B I A S G U T B E R L E T H

J. C.



Um ante triennium edidissem *Animadversiones* meas in *Smyrnaeum Tryphææ monumentum*, intellexi, illas Eruditis non displicuisse; & quia *Animadversiones* istæ pluribus in locis auctæ secunda vice sub prælo sudant, non poteram quin illis comitem adjungerem, quoniam in præfatione isti libello præfixa promiseram, me plures *Inscriptiones* illustratas daturum; prodire itaque jubeo *Conjectanea* mea in vetustum monumentum *Heriæ Thisbes Monodiaræ* & *T. Claudii Glaphyri Choraulæ*, in quo lapide dubius hæres, quid prius admirari debeas, an elegantiam? complectitur enim *Musicæ artis* vocabula, quæque frustra tam in libris quam in saxis quæras; an vetustatem? qua ad *Neronis* vel *Vespasianorum* tempora hoc marmor referri posset, si *T. Claudius Glaphyrus* est idem cum *Glaphyro choraula*, cujus meminere *Juvenalis* & *Martialis*, ut in his notis conjeci, sed res est incerta. Hæc *Inscriptio* variis fatis jactata fuit, & jure meritoque de illa dicendum, quod olim cecinit *Ausonius* in *Epigram.* xxv.

Truncatis convulsa jacent elementa figuris,

Omnia confusis interiere notis.

Miremur periisse homines? monumenta fatiscunt,

Mors etiam saxi nominibusque venit.

Primus illam descripsit *Gutenstenius*, a quo habuit *Ursinus*, sed mallem *Cum Leone*, *cum Excetra*, *cum Cervo*, *cum Apro Ætholico*, *cum Avibus Stympthalibus*, *cum Antæo deluctari*, quam cum monstrosa illius lectione a *Grutero* exhibita. Succedebat *Sirmondus*, qui pauca immutavit, nec tamen omnia menda sustulit; postea *Baptista Ferretius* illam edidit, sed in omnibus fere *Gutenstenianam*

P R Æ F A T I O.

lectionem adoptavit, quod & Gutherius fecit, qui lacunam unam & alteram infeliciter supplevit. Ex illo tempore mendis foedata oberravit in eruditorum manibus, donec Sponius ex autographo Romæ in vinea Burghesiana illam descripsisset, & pristinae integritati restituisset; illius enim descriptio convenit cum emendatione Fabretti apud Bartholinum de Tibiis pag. 85. Procul dubio eruditissimus Fabrettus hoc marmor Inscriptionibus suis nuper Romæ vulgatis inseruit, sed non mihi licuit illas inspicere, quoniam liber ille in nostras oras non est perlatus, hoc idcirco moneo, ne, si in explicatione hujus monumenti conveniamus, quis putet, me Fabretti scripna compilasse.



TOBIÆ GUTBERLETHI CONJECTANEA.

I N

*Monumentum Heriæ Thisbes Monodiariæ & Claudii
Glaphyri Choraulæ.*



Anus Gruterus eruditissimum illud hominis dæmonium in Thesauro suo Inscriptionum nunquam satis laudato pag. 1035. num. xi. hoc elegans marmor nobis promit e Gutenstienianis schedis, quas habuit Ursinus; sed quoniam Gutenstienii descri-

ptio quam plurimis mendis scatet, idcirco Inscriptionem hanc edidi, ut illam ex autographo Romæ in vinea Burghesii emendarunt viri docti Raphael Fabrettus & Jacobus Sponius in miscellaneis erudit. Antiquitat. pag. 24. suis tamen locis discrepantiam & lectionum varietatem in hoc lapide indicabo, ut erudito lectori pateat, quanti sit momenti saxea monumenta recte describere, & quam turpiter Viri Eruditissimi hac in re peccarunt; interim progredior ad ipsum lapidem.



HERIAE) In Gutenstienii *Χορογραφῆς* male legitur HERIE, cum nominativus HERIA in dandi casu facit HERIAE non HERIE, testem advoco marmor vetus in thesauro Gruteri pag. 687. n. i.

D. M. S.
HERIAE. SILVINAE
VIXIT. ANN. XVII. M. VII.
HERIVS. LVCARIVS
E T
HERIA. VALENTINA
FILIAE
BENE MERENTISSIMAE.

Præterea occurrit alia fœmina hoc nomine insignis in eodem thesauro pag. 694. num. 7.

D. M. S.
LVCILLAE. M. F.
MARCELLINAE
HERIA
MARCELLINA
FILIAE. OPT.

Et forsitan nomen hoc restitui debet in monumeto apud Boissardum part. 5. Ant. Rom. p.6.

DIS MANIBVS
IVLIAE C. F.
HIERIAE
THEOPHILVS
PATER.

Hic lubenter pro HIERIAE legerem HERIAE sublata unica litera I, cum nomen HIERIA nusquam, quantum mihi notum est, in marmoribus occurrat, & dum Boissardus nimis negligens in describendis lapidum ἐπιγραφαῖς fuit, ut vel literas addiderit vel omiserit, quod posthac in alia dissertatione exemplis quibusdam ostensurus sum, idcirco facile adducor, ut credam, ipsum in hoc nomine exarando unius literæ peccatum admisisse, & nobis obtrudisse nomen, quod in usu non fuit.

THISBE) Hoc nomen admodum notum est e celebri historia de THISBE Babylonia, quæ ob amorem Pyrami se interfecit, ut eleganter versibus exsequutus est Sulmonensis, vates lib. 4. Metam. v. 55 — 166. cui adde Hyginum fab. 243. Præter hanc extiterunt & aliæ eodem nomine appellatæ; quarum una HERENNIA THISBE est in sequenti marmore 3. pag. 978. Operis æterni.

C. HERENNIVS
C. L. PYRAMVS FE
CIT. SIBI. ET
HERENNIAE. THISBE
NI CONIVGI. SVAE. ET
HERENNIAE. FAVENTINAE
LAVRO
ET. QVINTAE. SVIS.

Notandum hic non modo mulieres idem nomen habuisse, sed viros; amasius enim Ovidianæ Thisbes Pyramus dicebatur, ut Herenniae Thisbes maritus. Fuit etiam THISBE Afopi filia, quæ nomen dedit Θίσβη πόλει Βοιωτίας, *Thisbe civitati Bœotiae*, testante Stephano in Θίσβη. Hujus THISBES & cognominis urbis mentio quoque fit in Episcopi Thessalonicensis commentariis ad Iliad. B. pag. 268. edit. Rom. verba sunt: Ἡ Θίσβη πολίτην μὲν ἔχει τὸν περὶ ὠσεὶν ἀνδρῶν Ἰσμενίαν· Θίσβης δὲ ἦν Ἑλλήθη δὲ ὑπὸ ΘΙΣΒΗΣ θυγατὶς Ἀσκωπῆ. hoc est: *Urbs Thisbe civem habuit celebrem tibicinem Ismenian. Thisbensis enim erat. Appellata autem est a Thisbe filia Afopi.*

Porro Heliodorus in Æthiopis multa narrat de Ancilla Demænetæ, quæ THISBE vocabatur. Sed en insuper aliam e præfco lapide in miscellaneis Sponianis pag. 206.

D. M.
M. VLPIO. AVG. LIB.
VERNAE
AB. EPISTVLIS LATINIS.
VIBIA. THISBE VXOR
INFELICISSIMA.

MONODIARIAE) Ut vocabulum hoc recte intelligatur, ante omnia ipsius originem investigare debemus; descendit igitur a μονωδία, quod a μονωδεῖν venit, & hoc componitur ex μόνος solus & αἰδεῖν vel ᾄδειν canere; μονωδεῖν ergo aliquis dicitur, quando solus canit, & quoniam in tragœdiis usitatum erat ut unus absque choro in scena carmen caneret, hinc de hoc ritu vocem hanc veteres usurpant, testem adduco Suidam, qui dicit: Μονωδεῖν λέγεται, ὅταν εἰς μόνος λέγῃ τὴν ᾠδὴν καὶ ἔχῃ ὁμῶς χορὸς. Et quia carmina illa in tragœdiis cantata tristia & lugubria erant, hinc Θρήνοι appellabantur, & μονωδεῖν per μονοθρηνεῖν sive θρηνεῖν explicatur a literatoribus Græcis; sic Hesychius: μονωδεῖ, μονοθρηνεῖ. Et Suidas: Μονωδεῖν, τὸ θρηνεῖν. Qui statim rationem hujus expositionis addit, dum ait: Ἐπεικὼς δὲ πᾶσαι αἱ ἀπὸ σκηνῆς ᾠδαὶ ἐν τῇ τραγῳδίᾳ θρήνοι εἰσὶν. Porro ex interpretatione vocis μονωδεῖν jam clare emerget, quid sit μονωδία, nempe cantus lugubris, quem unus tantum absque choro in scena edit. Suidas: Μονωδία ἐστὶ θρήνος ᾠδῆς. & alio loco: Μονωδία, ἡ ἀπὸ σκηνῆς ᾠδὴ ἐν τοῖς δράμασι. Notandum hic Suidam explicare μονωδίαν simpliciter, per *cantum a scena in fabulis*, non additis sequentibus, *quando unus tantum canit sine choro*, quæ tamen ne utiquam omittenda erant, si vocis significationem ἐπεργκὴν exponere nobis vellet; quod optime præstitit Hesychius in promptuario literaturæ Græcæ: Μονωδία, inquit, λέγεται, ὅτε εἰς μόνος τὴν ᾠδὴν, ἔχῃ ὁμῶς χορὸς ᾄδει. Latini hunc cantum appellant *Sicinium*, teste Isidoro lib. 6. Orig. cap. 19. cuius verba sic se habent: *Cum unus canit Græce Monodia, Latine Sicinium dicitur.* Cum Isidoro conveniunt glossæ e Glossario Arabico-Lat. collectæ & a Vulcanio editæ pag. 709. *Sicinium dicitur, quasi singularis cantilenæ vox. id est, cum unus canit, quod Græcis monodia dicitur, cum vero duo bicinium, quum multi chorus.* Præterea *laterficinium* vocatur, si Ælfrico credimus in glossis Saponicis. *Monodia, laterficinium quasi salicinium.* Legendum procul dubio *solicinium*, quod originem habens a solus & cano eleganter vim vocis Μονωδία exprimit. Huic monodiæ sive solicinio apta & conveniens erat fistula quædam Ægyptia, quæ γίγγλαρος dicebatur, sic est in Pollucis onomastico lib. 4. cap. 10. Γίγγλαρος, μικρὸς τις αὐλίσκος, Αἰγύπτιος, μονωδία πρὸς χορὸς. Sed ut ad rem redeam, a μονωδία igitur descendit MONODIARIA, per quod vocabulum significatur talis fœmina, quæ μονωδίαν in scena absque choro canit, & hanc significationem in hac nostra Inscriptione obtinet, ideoque celeberrimus Sponius in libro, qui inscribitur *Recherches curieuses d'Antiquité*, pag. 244. hoc marmor exhibens nimis generaliter vertit τὸ MONODIARIA per *Musicienne*, omnis enim MONODIARIA est quidem *musica*, sed omnis *musica* non est MONODIARIA. Porro animadvertendum est, quod THISBE in hoc marmore memorata fuerit MONODIARIA, & per hoc canendi peritissima, æque ac THISBE apud Heliodorum, de qua hunc in modum loquitur lib. 1. Æthiop. pag. 21. Θίσβη παιδίσκη καλεῖται καὶ πρὸς κισσάρην ἐπιστάμενον καὶ τὴν ὀψὲν ἐκ αὐτοῦ, id est, *Thisbe ancilla callens canere ad citharam, forma & vultu non invenusto.* Hæc igitur in cantandi peritia cum nostra Monodiaria convenit, & in pulchritudine cum THISBE Ovidiana, quæ omnibus ob excellentem formam in Oriente puellis prælata est. Præter nostram & Heliodori Thisben inveniuntur plures fœminæ in antiquis saxis, quæ musicæ vocali operam dederunt, hinc sequens distichon legimus in lapide apud Ferretium Mus. Lapidar. pag. 143.

POLLIA. SATVRNINA. PARENS. TRIGINTA. PER.
ANNOS.
VIXIT. ET. ENITVIT. DOCTA. SONARE. MELE.

Et huc referri debet marmoreum fragmentum in
Gruteri thesauro pag. 654. num. 7.

.....IC
.....FANAT
EX. VICO. BELLONE
ARTE. MVSICA
CONIVGI. SVAE. B. M.
ET. SIBI.

Et alius lapis in Syntagmate Reinesiano class. XI.
num. 58.

CNISMI. SVTORIS. ET
PELORINIS CANTRICIS
VIX. ANN. XXX.

Attamen non defuerunt quoque priscis tempori-
bus foeminae, quae musicae instrumentali operam
navarunt, hanc veritatem adstruit marmor Gru-
terianum pag. 654. num. 2. quod *Citharædam* ex-
hibet.

D. M.
AVXESI
CLAVDIAE. CITHAROEDAE
CONIVGI
OPTIMAE
CORNELIVS. NERITVS.
FECIT. ET. SIBI.

Et huc refero Isidori glossam: *Sambucistria*, quae
citharista canit. Legas cum magno Grævio, quae
citharista rustica canit. *Sambuca* enim est genus
citharæ rusticae apud Papiam in glossis. Sic quo-
que apud Terentium in Phormione Act. I. Scen.
2. v. 32. occurrit puella quaedam *citharistria*, quae
artem illam in schola musica discibat; Græci ete-
nim publicas habebant scholas, in quibus puellæ
æque ac pueri musica arte imbuebantur; talem
scholam Plautus facetiarum parens appellat *ludum*
fidicinum, cum in Rudentis prologo v. 42. ait:

Adolescens quidem civis hujus Atticus
Eam vidit ire e ludo fidicino domum.

T. CLAVDI GLAPHYRI) Pro T. *Tit* Bapti-
sta Ferretius in Mus. Lapidar. pag. 144. nostrum
lapidem describens habet F. id est, *Flavii*, quod
tamen non præferendum; cum Gruterus, Fa-
brettus & Sponius constantes T. retineant; Gru-
terus sequentia nomina per majusculum I sic scri-
bit: CLAVDI GLAPHYRI, quod tamen ab aliis
non factum. Porro de nomine GLAPHYRI,
pauca habeo quæ dicam; ratio scribendi in nostro
lapide optima est, & confirmatur aliis marmori-
bus, sic apud Sponium in itinerario tom. I. pag.
324. inter plurima equorum nomina reperio GLA-
PHYRVS. Et hujus foemininum simili modo exa-
ratum suppediat marmor e Piccarti schedis, quod
extat in epistol. Ruperti ad Reinesium pag. 332.
num. 55.

NVMESIA. D. L. GLAPHYRA
SE. VIVA. FECIT. SIBI
IMAGIN. MVLBVLLI. M. L.
SEPTIMI

Pro MVLBVLLI Reinesius in epistol. pag. 402.
Supplem. Tom. IV.

A mavult M. VIBVLLI, & pro IMAGIN. in Syntag-
mate suo class. 19. num. 30. legendum conjicit IN
AGRO. Invenio quoque apud Reinesium class.
5. num. 31. tesseram e Tomasino citatam & his lite-
ris inscriptam,

GLAPHYRA.
ANDRAE. M. I. F.

Sed cave credas Reinesio, nam in ipsa tessera apud
Tomasinum in lib. de tessera hospitalitatis cap. 16.
clare legitur CLAPHYR. illam tesseram heic ex-
hibebo, quoniam Reinesius formam quoque muta-
vit.

CLAPHYR.
ANDRAE. M. I. F.

Præterea nomen hoc occurrit in antiquo saxo apud
Castalionem in disputatione adversus foeminarum
prænominum assertores tom. 2. Thef. Antiq. Rom.
pag. 2059.

M. VINICIO
CASTO
VINICIA
GLAPHYRA
FILIO BENE
MERENTI

M. VINICIVS. VINICIAE
CORINTHVS. TYCHE. ET. SIBI. FECIT.

Hoc monumentum alio modo descripsit Joannes
Georgius Volckamerus archiater Cæsareus, ut ex
ipsius ἀπογραφῇ patet, quam celeberrimus Ruper-
tus exhibet in epist. ad Reinesium pag. 200. pro
VINICIO enim & VINICIA legit VINCIO &
VINCIA, & pro GLAPHYRA habet CLAPY-
RA per C & sine aspirante litera H, quæ in alio
quoque lapide non invenitur, en illum e Gruteria-
na mole pag. 661. num. 12.

L. PORCI GALLIONIS
ARRIA. L. L. HILARA
ET GLAPYRAE. DELICIO. SVO.
ARRIA. D. L. ASIA
SIBI. ET. SVIS. FECIT
.... A. D. L. APOLLOPHANI

E Nec in ἀπογραφῇ inedita apud Fabrettum de colum-
na Trajani p. 115. ubi etiam in secunda syllaba pro
Y habetur V, hoc modo: V L C I A. M. L.

GLAP-R, id est, *Ulcia Marci Liberta GLapura.*

CHORAVLAE) Sponius vertit *Maitre Orga-
niste*; Interpres Petronii tom. I. pag. 266. *Maitre
de Musique*: an recte e sequentibus clarum fiet.
Vox hæc in excerptis glossarum a Labbæo editis
male scribitur sine H. *Coraulæ*. Χόραυλη. legas me-
cum, *Choraulæ*. Χοραύλης. Oritur enim a χόρος
chorus & ἄλος *tibia*, & significat talem hominem,
qui canente choro in scæna concinebat tibiis cho-
raulicis; testis hujus ritus est Diomedes Gramma-
ticus lib. 3. *Pitbaules & Choraulæ in comædia ca-
nebant*. Quando enim chorus canebat, choricis ti-
biis, id est, choraulicis artifex (*Choraula*) conci-
nebat, in canticis autem *Pitbaulicis* responsabat.
Hinc *Choraulæ* in Isidori glossario exponitur prin-
ceps chori ludorum. Chorus enim pluribus consta-
bat, qui voce modulabantur, cui vocum sono ad-
ditas fuisse tibias, quas proinde *Choraulæ* infla-
bat, ut ex Senecæ epistola 84. liquet, ubi elegan-

ter chorum describit his verbis: *Non vides quam multorum vocibus chorus constet? unus tamen ex omnibus sonus redditur. Aliqua illic acuta est, aliqua gravis, aliqua media. Accedunt viris foeminae, interponuntur tibiae. Singulorum illic latent voces, omnium apparent. Personarum numerus in choris pro variis temporibus varius fuit, aliquando enim chorus e viginti quatuor, aliquando e quindecim personis constabat: Apud Hyginum fab. 273. Septem constituunt chorum, narrat etenim Pythaulen in ludis Nemeis postea appellatum fuisse Choraulen, quia septem habuit palliatis, qui voce cantaverunt. Observandum hic Hyginum e palliatis constituere chorum, ita ut Choraulæ etiam palliati fuerint, quod nos docet Flavius Vopiscus in Carino cap. 20. Inscriptum est adhuc in Choraulæ pallio Tyrianthino Messalæ nomen & uxoris. Hi Choraulæ aliquando convivii adhibebantur, ut convivarum aures tiliarum sonitu mulcerent, de quo more alicubi Martialis loquitur, qui & artem choraulicam depingit, quasi magnum lucrum & pecuniæ vim Choraulis adferret, cum lib. 5. epigram. 57. sic canit:*

Artes discere vult pecuniosas?

Fac discat, Citharædus, aut Choraules.

Quo modo hi Choraulæ tibiae inflabant, & quodnam eorum officium fuit, nemo melius expressit, quam Cyprianus lib. de spectaculis, cujus verba non piget adscribere: *Alter cum choris, & cum hominis canora voce contendens spiritu suo, quem de visceribus suis superioribus nitens hauserat, tiliarum foramina modulans, nunc effuso, & nunc intus recluso, ac represso, nunc certis foraminibus remisso, atque in aerem profuso, item in articulos sonum frangens loqui digitis elaborat, ingratus artificii, qui linguam dedit. In hac arte præcipue excellebant Aegyptii, unde Petronius in fragmentis inter catalecta veterum Poetarum pag. 257.*

Manu puer loquaci

Aegyptius Choraules.

Priscis enim temporibus Choraulæ magni aestimabantur, & idcirco Imperatores Carinus & Numerianus in publicis ludis inter alia exhibuerunt *centum Choraulas*, teste Vopisco in vita Carini cap. 19. Immo ipse Galba Cæsar cuidam Choraulæ, cum illum delectasset, *denarios quinque prolato manu sua e peculiaribus oculis* dedit, ut memorie prodidit Suetonius in ipsius vita, cap. 12. Porro fuerunt & alii Choraulæ, qui digitis *χερονόμων* & pedibus gestientes & sibilis ludentes tiliarum sonum buccis imitabantur; talem describit Sidonius Apollinaris lib. 9. epist. 13. his verbis:

*Date ravulos choraulas,
Quibus antra per palati,
Crepulis reflanda buccis
Gemit aura tibialis.*

Et hunc Pithæi excerpta glossarum explicant per *Jocularium*, quoniam pedibus & manibus gesticulatur, & imitando tiliarum sonum tumentibus buccis joculari videtur. Jam de Choraulis sat dictum in genere; sed addam celeberrimos quosdam Choraulas, qui in hac arte aliis palmam præripuerunt, quosque tam in veterum auctorum scriptis, quam in faxis & marmoribus observavi. Procedit primo.

AMBROSIVS CHORAVLES. Cujus meminit Satyricus Juvenalis Sat. 6. v. 77.

Aut Glaphyrus fiat pater, Ambrosiusque Choraules.

Juxta opinionem Domitii Calderini ad hunc locum Choraules hic a Juvenale appellabatur *Ambrosius*, quoniam adhibebatur exhilarandis *Principum dapibus*, quæ Principum dapes *Ambrosia* dicebantur. Proh! subtile hominis ingenium.

CANVS CHORAVLES. Hic est ille, cui Galba denarios quinque dedit, ut mox dixi, Suetonius in vita Galbæ c. 12. **CANO CHORAVLAE** mire placenti denarios quinque donasse, prolato manu sua e peculiaribus oculis. Idem quoque refert Plutarchus in hujus Imperatoris vita pag. 1060. Et non mirum **CANVM** Choraulam Galbæ mire placuisse, cum fuerit ætatis suæ Choraularum præstantissimus, secundum testimonium Philostrati in vita Apollonii Tyanei lib. 5. cap. 7. *Επεχωρίαζε τότε τῇ πόδι ΚΑΝΟΣ αὐλητής, ὃς αἰετα δὴ ἀνθρώπων ἐδόκει αὐλεῖν.* Degebat tum temporis Rhodi **CANVS** tibicen, omnium, ut ferebatur, ætatis suæ tibicinum præstantissimus. Hujus Choraulæ quoque mentio fit apud Martialem lib. 4. epigram. 5. v. 8. & lib. 10. epigram. 3. 8. illum non *Choraulen* sed *Ascaulen* nominat:

Et concupiscat esse Canus Ascaules.

Hunc Latini vocant *Utricularium*, quoniam utrem inflat, & sic sonum excitat. Glossæ optimæ Cyrilli. *Utricularius.* *Ασκαύλης.* Oportet igitur hunc Canum & Choraulen & Ascaulen extitisse.

GLAPHYRVS CHORAVLES. Hic satis innotescit e marmore nostro, quod jam explicamus, & crederem fere eundem esse illum, cujus mentio in modo allegato Juvenalis versu, & de quo Martialis lib. 4. epigram. 5. v. 8. canit:

Plaudere nec Cano, plaudere nec GLAPHYRO. Et alio loco:

Plus habuit GLAPHYRVS, plus Philomelus habet.

ISMENIAS CHORAVLES. Hoc nomine a Plinio lib. 37. Nat. Hist. cap. 1. insignitur; oriundus fuit ex urbe Bæotiæ Thisbe, unde Thisbensis appellatur, Eustathius ad Iliad B. pag. 268. edit. Rom. *Ἡ Θίσβη πόλιν μὲν ἔχει τὴν περὶ πύσον αὐλητὴν Ἰσμενίαν. Θίσβος δὲ ἦν.* Episcopus Thessalonicensis illum vocat *περὶ πύσον celeberrimum*, quia, si quis illum tibiae instantem audiret, is in admirationem rapiebatur, & fere tibicen quoque fiebat, testis hujus rei Aelianus lib. 4. Var. Hist. cap. 16. *Εάν ποσέχη τις Καλλία, φιλοπέμπει αὐτὸν ἐργάζεσθαι ὁ Καλλίας. ἐὰν Ἰσμενία, αὐλητὴν.* Si quis animam præbeat Calliæ, reddet eum temulentum Callias. Si Ismenia, tibicinem. Meminit quoque hujus Apulejus Madaurensis de Deo Socratis pag. 53. *Nescio, inquit, ut Ismenias tibiis canere, sed non pudet me tibicinem non esse.* Pergo ad ceteros.

NANVS CHORAVLES. Hic in antiquis lapidibus apparet, marmor in Gruteri corpore *ἐπιγραφῶν* pag. 1035. num. 9.

Θ. K.

ΜΥΡΟΠΙΝΝΙ ΝΑΝΩ
ΧΟΡΑΥΛΗ

Hæc in basi statuæ hujus Choraulæ scripta fuerunt, qui barbatus *utraq; manu tibiam tenet* juxta Lipsii descriptionem cum Grutero communicatam, cum qua consentit Fulvius Ursinus, e cujus libro manu exarato in bibliotheca Vaticana hanc **NANI** Choraulæ statuam edidit Casparus Bartholinus de tibiis veterum pag. 84.



Apud Boissardum vero part. 6. Antiq. Rom. pag. 103. figuram hujus lapidis exhibentem, hoc modo ἐπιγραφήν inveni scriptam.

Θ Κ
ΜΥΡΟΠΝΟΤΙ ΝΑΝΩ
ΧΟΡΑΥΑΗ

Male hic A pro A ponitur in ΝΑΝΩ, & N pro X in ΧΟΡΑΥΑΗ, quæ vitia sculptori potius imputarem quam doctissimo Boissardo. Hoc quoque marmor cum celeberrimo Reinesio (qui illud vulgavit in Syntagmate suo class. xi. num. 8.) communicavit Langermannus e schedis Cassiani a Puteo equitis Itali, qui in hoc a præcedentibus discrepat, dum dicit *Statuæ Nani barbatæ geminas tibias infantis subscriptum fuisse*.

ΜΥΡΟΠΝΟΤ ΝΑΝΩ
ΧΟΡΑΥΑΗ

Primo cum Lipsio, Ursino, & Boissardo non convenit in statua describenda, cum *Nanum barbaturum geminas tibias infantem* depingit, quem illi *utraq; manu tibiam tenentem* faciunt. Secundo non agnoscit in Inscriptionis fronte literas Θ.Κ. & I nomini ΜΥΡΟΠΝΟΤ in fine additum. Pro ΜΥΡΟΠΝΟΤ Ursinus legit ΜΥΡΙΠΝΩ, Salmasius ad Vopisci Carinæ cap. 19. ΜΥΡΙΠΝΩ. & Sandrart in Acad. Toton. tom. 4. pag. 14. pessime exhibet ΜΥΡΟΠΝΟΧ. Porro hujus Nani Choraulæ mentionem facit Propertius:

NANVS & ipse suos breviter contractus in artus
Jactabat trucas ad cava buxa manus.

ΤΥΧΙΚΟΣ ΧΟΡΑΥΑΗΣ. Hunc oblivione eximit marmor in via Appia repertum, quod e MS. Fulvii Ursini in Vaticana bibliotheca excerptum.



Bartholinus de tibiis vet. pag. 82. In quo marmore apparent corona, geminæ tibias & sequens ἐπιγραφή.

ACTIONICAE ET SEBASTIONICAE) Schedæ Gutenstenii & Baptista Ferretius pro ACTIONICAE legunt ACITONIO. Sirmondi charta habet FACTIONICAE, quod propius ad Sponianam accedit lectionem, sed neutiquam præferri debet: Vidit hoc quoque *νεττινωττος* Reinesius, qui ante Sponianam descriptionem legendum conjecerat ACTIONICAE, quemadmodum patet ex ipsius nota ad class. 5. num. 64. Quid vero in nostro lapide hæc duo vocabula significant, jam deliberandum erit. Eruditus Sponius in *recherches curieuses d'antiquité* pag. 244. ignorantiam suam hac in re fatetur, dum loco citato scribit: *Il y a deux mots ACTIONICAE & SEBASTIONICAE, que je n'explique pas, parce que je ne sçai point ce qu'ils signifient, quelqu'un mieux instruit que moy dans la musique des Anciens, en pourra estre informé*. Immo Fledwoodtius in Sylloge Inscriptionum pag. 317. num. 4. scribit: Sponium nec quenquam alium, ut credit, hæc verba intelligere. Rogo itaque, ne mihi vitio vertatur, si huic obscuræ rei & eruditis ignotæ lucem aliquam adferre tentavero, cum certo certius sit, ea doctissimos aliquando latere, quæ rudioribus aperuit sive fortuna favens sive labor improbus. Sed en Rhodus, en saltus. Imperator Augustus graves cum Antonio inimicitias fovens tandem in arenam contra illum descendit, & navali prælio devicit circa Actium Epiri promontorium ante fauces sinus Ambracici, cujus victoriæ mentio in vetere ἐπιγραφή Gruterianæ collectionis p. 1026. num. 3.

L. CORNELIO SEVERO
ROM. VET.

PRAEF. LEG. III. AVG. VI. VIR.
EQ. ROM. TVRM. III....
AB. DIVO. AVGVSTO. POST. PREL.
ACT. HOSTIB. VBIQ. DEVICTIS
IN COLON..... CT...
IN. ORD. DECVR. ADLECTO.

Ut itaque victoria hæc celebratio in posterum esset urbem Nicopolim apud Actium condidit; unde ACTIA NICOPOLIS dicitur in Itinerar. Antonini pag. 74. hodie vero *Prenezza* vel *Pernezza*, teste Morello in notis ad Constantini Porphyrogenetæ lib. 2. de Thematibus Imperii Orientalis p. 151. & in hanc urbem coloniam deduxit; hinc in nummis Nicopoleos apud Morellium antiquariorum primipilam specimine rei numma-


riæ tab. 15. num. 2. appellatur ΣΕΒΑΣΤ. ΚΤΙΣΤ. Σεβαστος κτίστης. *Augustus conditor*. Et in alio e gaza Gallorum regia επιγραφη est: ΝΙΚΟΠΟΛΙΣ. ΙΕΡΑ. ΚΤΙΣΤΗΣ. ΣΕΒΑΣΤΟΣ. teste Harduino in num. Populor. & Urb. illustratis pag. 360. Nihil enim frequentius in nummis hujus urbis occurrit quam memoria conditoris Augusti, etsi non semper *Conditor* sed & *Cæsar* in illis vocetur, talem laudat Scaliger in Animadversionibus Eusebianis pag. 166. in quo ΝΙΚΟΠΟΛΙΣ ΙΕΡΑ. ΚΑΙΣΑΡΑ ΣΕΒΑΣΤΟΝ. Præterea heic Augustus ludos restauravit in honorem Apollinis Actii, qui conspicitur in nummo rarissimo Neronis apud Tristanum tom. 3. pag. 233. cui επιγραφη est ΑΚΤΙΟΣ ΑΠΟΛΛΩΝ. Et in variis apud Goltzium inter Augusti numismata tab. 31. statua habetur, veste ad talos demissa, crinibus in nodum collectis, lyram vel citharam manu tenens, quam statuam Apollinis Actii esse plurimi Antiquarii opinantur; Ludovicus Nonnus veto pro Musæ statua accipit. Ludi hi Actii singulis quinquenniis celebrabantur testibus Suetonio in Augusti vita cap. 18. Strabone lib. 7. Geogr. & Dione lib. 51. qui illos vocat παντεμερικον ιερων, *sacrum quinquennale*; ita ut in tempore celebrationis convenerint cum ludis Græcorum Olympicis, unde quemadmodum tetraeterides Olympicæ nominabantur *Olympiades*, sic Actiacæ *Actiades*; Josephus lib. 1. de excidio Hierosolymitano pag. 692. Μετὰ δὲ πρώτῃ Ἀκτιάδᾳ προστίθεται αὐτῇ τῇ βασιλείᾳ τὸν τε Τράχωνα καλούμενον. Hunc locum elegantem humanissime mihi indicavit Gulielmus Coetierius Hist. & Eloq. Professor celeberrimus mihi & omnibus doctis non sine reverentia nominandus. Jure meritoque ergo reprehendendus Stephanus Byzantinus in Ακτία, quando scribit certamen hoc singulis trienniis celebratum fuisse, cum *sacrum quinquennale* juxta Suetonium, Strabonem & Dionem extiterit; nisi velimus cum Ludovico Nonno in commentariis ad Goltzii numismata Græciæ pag. 24. dicere, Augustum ludos Actiacos constituisse παντεμερικὸς *quinquennales*, qui antea τεμερικοὶ erant, seu triennio singulo fieri solebant. Porro hi ludi constabant certamine gymnico, equestri, & navali, testante Stephano cit. loc. Εν παντὶ, inquit, Ἀπόλλωνος γυμνικὸς ἀγὼν, καὶ ἵππικος, καὶ πλοίων ἀμύλλα δὲ τεμερικός ἦν. In ea (nempe urbe Actio) singulis trienniis certamen gymnicum & equestre & navale fuit. At Dion Cassius insuper addit certamen musicum, cum lib. 51. de Augusto scribit: Ἀγὼνα τε τῖνα καὶ μουσικὸν καὶ γυμνικὸν, ἵπποδρομίας τε παντεμερικὸν ἱερὸν κατέδειξεν, Ἀκτία αὐτὸν ποσάγορσος. id est, *Ludos MUSICOS ac gymnicos, & certamen equestre quinquennale sacrum constituit, Actia illos ludos dicens*. Jam ex his omnibus tandem concluderem, T. Claudium Glaphyrum Choraulam victorem extitisse in hoc agone musico Actiaco, & inde in nostro marmore dici Choraulen ACTIONICAM, eo quod in ludis Actiacis vicinam victoriam reportasset; Quemadmodum illi, qui in Olympicis & Isthmicis agonibus palmam obtinuerant, *Olympionici* & *Isthmionici* appellabantur. Sic apud Fabretum in Syntagmate de Columna Trajani pag. 183. in lapide occurrit quidam LV-CIVS ANTONIVS, qui erat OLYMPIONICVS; de quibus erudite nuper egit Illustrissimus Spanhemius in epist. 1. Morelliano specimini subjecta. Porro choraulas in ludis aliquando victoriam acquisisse ac præmium reportasse evincit marmor TYXIKOY choraulæ, in quo corona lemniscata in victoriæ signum habetur. (SEBASTIONICAE) Gruterus & Gutenstenianis chartis & Baptista Ferretius hoc vocabulum dividunt, & legunt SEBASIAE. NICAE, illam

A lectionem non præferendam Sponianæ lectioni, quam exhibeo, luce meridiana clarius est: Quid vero vox SEBASTIONICA velit, animus fere hæret; cum enim permultæ urbes extiterint nomine SEBASTE insignitæ, incertum est, ad quamnam ex his ludi illi referri debeant, si ponamus τὸ SEBASTIONICA compositum esse ex nomine urbis Σεβάστη & νῆν, ut sic noster choraula Glaphyrus diceretur SEBASTIONICA, quoniam νῆν reportaverat in ludis in quadam urbe Σεβάστη celebratis. Plerumque enim illi, qui in ludis in quadam urbe celebratis certare consueverant, & victoriam reportaverant, ab illa urbe denominabantur, sic marmor 143. Arundellia Comitæ quendam Lerennium Septimium vocat ANTINOEA ΚΑΙ ΣΜΥΡΝΑΙΟΝ ΠΑΝΚΡΑΤΙΑΣΤΗΝ, *Antinoensem & Smyrnensem Pancratiasten*, quoniam in ludis in Antinoi honorem & Smyrnæ celebratis certaverat & vicerat. Sed en aliam meam, & veriorē, uti puto, de hac voce sententiam. Romani in omne adulationis genus proni Imperatori Augusto non tantum templa & aras dedicarunt, sed & ludos in ejus honorem instituerunt, teste Dione lib. 51. pag. 456. hinc mos ille ad provincias promanavit, ut *ludi quinquennales pæne oppidatim ei constituerent*, quod memoriæ mandavit Suetonius in Augusto cap. 59. sic habemus ΑΤΤΟΥΡΤΕ Pergami celebrata in Farnesiano marmore thesauri Gruteriani pag. 314. num. 1. & ΣΕΒΑΣΜΙΑ eidem Augusto sacra & Damasci celebrata promittit nummus Philippi senioris cum Inscriptione, COLONI. DAMASCO. METROPOL. in corona quercea legitur ΣΕΒΑΣΜΙΑ. *Augustalia*. apud Valentem tom. 2. de num. in col. & municip. percuss. pag. 163.



E Et in alio Alexandri Severi in corona literæ hæ habentur C E B A C M I A. apud celeberrimum Norisium de anno & epochis Syro-Macedonum pag. 90. Immo hac occasione Alexandria instituta sunt Σεβαστα *Augustales ludi*, quod discimus ex epigrammate coronæ inscripto Ætern. Operis pag. 316. num. 2.

F



Simili modo Neapoli celebrata *Σέβασα* legimus in marmore Gruteriano pag. 314. num. i. quod inter alios ludos exhibet *ΣΕΒΑΚΤΑ ΕΝ ΝΕΑΠΟΛΕΙ*. Et in alio inter eruditissimi Sponii miscellanea pag. 364. prostant *ΣΕΒΑΚΤΑ ΕΝ ΝΕΑΠΟΛΕΙ*. Crederem itaque; his omnibus perpensis, Claudium Glaphyrum in nostro marmore dici *Choraulam SEBASTIONICAM*, eo quod in talibus *ΣΕΒΑΚΤΟΙΣ* sive ludis Augustalibus Alexandriæ vel Neapoli celebratis arte sua choraulica superior evasisset, inter hos enim Augustales ludos fuere & musici, in quibus artis musicæ peritissimi ob palmam certabant, diserte id testatur Strabo lib. 5. p. 170. ubi Augustalia Neapoli describit his verbis: *Νυνὶ δὲ πεντημενικός ἱερὸς ἀγὼν συντελεῖται παρ' αὐτοῖς, μουσικός τε καὶ γυμνικός ἐπὶ πλείους ἡμέρας, ἐν ἀμιλλῇ ποῖς ἐπιφανέσασιν ἢ κατὰ τὴν Ἑλλάδα*. Hoc tempore sacrum quinquennale certamen musicum, & gymnicum per aliquot dies agitur, ludis Græcorum nobilissimis æmulum. Et quemadmodum Glaphyri nomen *Choraulæ Actiionice & Sebastionice* obtinuit ob victoriam in ludis Actiacis & Augustalibus consecutam artis choraulicæ peritia; sic Marcus Aurelius Asclepiades in marmore magni Thefauri pag. 314. num. i. dici posset *Pancratiastes Actiionices & Sebastionices*, quia in ludis Augustalibus Neapoli, Actiacis Nicopoli bis, & Augustalibus Pergami ter, pancratio victor evasisset.

TERRENVN SACRVM) Verba hæc diversis modis explicari possunt propter variantes lectiones, quæ heic reperiuntur. Gruterus & Ferretius exhibent *SACR.* omisso ultimis literis *VM*. Fabrettus legit *SACRATVM*. Sirmondus vero *SACRARIVM*. Ex his lectionibus si primam vel secundam admittimus per vocem *TERRENVN* intelligere debemus aream sepulchri, sive istam agri partem, quæ sepulchrum constituebat, & ideo Sponius quoque transtulit *le terrain du sepulchre*, quæ significatio huius vocis frequens est in infimæ Latinitatis scriptoribus non vero optimæ & Augustei ævi; ideoque, cum nostrum marmor neutiquam recentioris ætatis sit, quemadmodum plurima *κεῖμενα* ostendunt, lectiones *SACRVM* & *SACRATVM* rejicerem, ut vocabulum *TERRENVN* meliorem & propriorem significationem accipiat. Quod attinet ad Sirmondi lectionem illa retineri potest, & per *TERRENVN SACRARIVM* intelligi *HYPOGAEVM* vel subterraneam cameram, qualem habuit notissima illa matrona Ephesina apud Petronium, in quo mariti cadaver positum erat. At si quis hanc lectionem quoque damnat, proferam insuper aliam, ut quisque pro lubitu arripere possit, quæ maxime arridet. Jacobus Gutherius lib. 2. de Jur. Man. cap. 23. hoc

Supplem. Tom. IV.

A) nostrum marmor e Grutero adducens exhibet *TERRENVN. SARC.* quod exponit per *TERRENVN SARCOPHAGVM*, id est, *terreum vel fictile*; veteres enim e varia materia Sarcophagos fabricarunt, ut e terra, marmore, lapide. De terreo sive fictili sarcophago loquitur epigramma in æterno Gruteri opere pag. 903. num. 12.

OSSA. L. BACCHII. L. F. FICTILI
SARCOPH. HEIC. POSITA. SVNT
AD. LOCVM. QVEM. IPSE. VIV. EMIT
LIBERVN. LIS. ABEAT. PROPE.
SACELL. NEPTVNI.

B

Marmoreum exhibet lapis 74. class. xi. Reinesiani supplementi.

L. MARCIVS. L. L. AMPYCIDES
SCRIBA AB EPIST. GRAEC.
FECIT SARCOPHAG. MARM. II.
SIBI ET SVIS. LIB.

C

Lapidea fuisse Sarcophaga veteribus in usu patet e leg. 7. §. 1. D. de Religios. & Aurelio Victore de Vir. Illustr. cap. 42. de Annibale loquente: *Hau- sto veneno absumptus est, positus apud Libyssam in arca lapidea, in qua hodieque inscriptum est: HANNIBAL HIC SITVS EST*. Præterea talis arcæ lapideæ sive sarcophagi & quidem e lapide Tiburtino mentionem injicit monumentum vetus in Gruteri epigrammatum corpore pag. 1108. n. 6. *PLACVIT. LAPIDE. TIBVR. AMBOS. IN. SE. CIRCVM DARE. ET TITVLVM. INSCRIBERE*. Et quoniam Sarcophaga in agrorum finibus limitum loco ponebantur, hinc Marcus Baro de Geometria pag. 244. inter rei agrariæ scriptores meminit *Arce in monticello lapide Tiburtino*.

D

LONGVM. P. X. LAT. P. X.) Sponius vertit, *avoit dix pieds de long, & autant de large*. Nostrates Belgæ dicerent: *Wartien voet in de langte, en even veel in de breedte*. Solemnis erat hæc veterum formula, qua longitudinem & latitudinem areæ sepulchralis definiebant. Lapis in Sponii Antiquitat. Lugdunensibus pag. 183.

D. M.
M. LICINIO FI
LONI BENE ME
RENTI DE SE LICI
NIA ARETHVSA
CONLIBERTO SVO
FECIT CUI LOCVS
EMPTVS EST LONGVM
P. VI. LATVM
P. IIII

E

Hæc formula etiam per substantiva, ut Grammaticæ loquar, effertur, sic occurrit in Sponii miscellaneis pag. 294. *IN LONG. P. VII. IN LAT. P. V.* id est, *In longitudine pedes septem, in latitudine pedes quinque*. Immo concipiebatur & hoc modo: *HOC SEPVLCHRVM HABET IN FRONTE. P. IN AGROP.*, ubi in *FRONTE* latitudinem, in *AGRO* longitudinem denotat. Sponius tamen in Antiquit. Lugdunens. pag. 184. *Frontem* pro longitudine & *Agrum* pro latitudine accipit, cum contrarium adstruatur e lapide veteri a Dacierio ad Horatii lib. 1. satyr. 8. vers. 12. citato: *IN FRONTE LAT. PED. XX. ET DIG. II. IN AGR. LONG. PED. XX.* Videmus accurate determinari latitudinem per *PEDES XX.* & *DIGITOS II.* hoc enim in more positum erat, ut partes pedis exprimerent, si sepulchri area rotundum pedum numerum non adæ-

F

quaret, sic legimus in Inscriptione inedita e colle-
claneis Gudii producta ab eruditissimo Cupero in
Historia trium Gordianorum pag. 54. IN FR. P.
XX. S. IN. AGR. P. XXV. S. hoc est: *In fronte
pedes viginti semis, in agro pedes viginti quinque se-
mis*. Porro ejusdem longitudinis & latitudinis cum
area sepulchrali nostri marmoris est area in erudi-
tæ antiquitatis miscellaneis pag. 264. ubi militibus
exauthoratis, lenonibus, & meretricibus sepul-
turæ locus assignatur, SINGVLEIS IN FRON-
TE P. X. IN AG. P. X Præterea non tantum in a-
reis sepulchralibus hæ dimensiones observabantur,
sed & in Deorum aris; liquide hoc evincit ara ope-
rolissimi artificii apud Boissardum part. 5. Antiquit.
Rom. pag. 3. quæ ara in longitudine & latitudine
convenit cum sepulchrali area nostræ Thisbes, ut
ex ἐπιγραφῇ patet.

DIS MANI
CORNIFICIAE
FAVSTINAE AELIVS
EVPORIAS SIBI
ARAM IN FRONTE
PEDES X IN
AGRO PED. X

Hanc e Boissardo quoque habet Gruterus pag. 868.
num. 4. & sui oblitus eandem pag. 971. num. 6. e
Smetio producit hoc modo;

DIS MANI
CORNIFICIA
FAVSTILIAE LIB
EVPORIA SIBI
ARA IN FRONTE
PEDES. X. IN AGRO. PED
XI

Mihi tamen eadem est cum præcedenti, quoniam
testibus Boissardo & Smetio in eadem domo ex-
tant, quis vero Antiquariorum nobis genuinam
lectionem dederit, ἀνωπτης docebit.

IN QVO CONDITA EST) Post hæc verba Gu-
tenstenius apud Gruterum & Ferretius sequentia
heic infarciunt: QVISQVIS. ES PARCE. MA-
NIB. quæ Sirmondi charta non agnoscit, immo,
cum nec Fabrettus nec Sponius ista in describen-
do nostro lapide viderint, pro rejectitiis addita-
mentis habenda sunt.

FODERE NOLI) Gruterus hic lacunam ex-
hibet ET... ERE. NOLI. quam Gutherius de
Jur. Man. lib. 2. cap. 23. supplet ET. MALEDI-
CERE. NOLI. Baptista Ferretius legit ET FLE-
RE. NOLI. Sed cave credas, lectionem Sponii,
Sirmondi & Fabretti, quam propono, non esse
genuinam. Veteribus semper valde inhumanum
visum fuit ossa sepulta fodiendo vel quovis alio mo-
do violare; ideoque Divi Fratres edicto admonue-
runt, teste Marciano in l. 39. D. de Religios. ne ju-
stæ sepulturæ traditum, id est, terra conditum, cor-
pus inquietetur. Et hinc illæ clausulæ in sepulchro-
rum titulis, ut homines istius rei memores redde-
rent, marmor apud Gruterum pag. 995. n. 4.

STABERIAE, P. L. FLORAE, OSSA, HEIC, SITA, SVNT
ROGO, TE, MI, VIATOR, NOLI, MI, NOCERE
ROGO, TE, MI, VIATOR, NOLI, MI, NOCERE

Huic sequens adde in Sponii disquisitionibus anti-
quitatis pag. 240.

NE TANGITO
O MORTALIS
REVERERE
MANES DEOS.

Veteres hac in re imitatus est Joannes Jovianus
Pontanus, qui sibi epitaphium posuit Neapoli in
templo Joannis Evangelistæ, & inter alia hæc ver-
ba adjecit: *Vivus domum hanc mihi paravi, in qua
quiescerem mortuus*. NOLI OBSECRE INIV-
RIAM MORTVO FACERE, *vivens quam feci
nemini*. Vidit & descripsit integram ἐπιγραφὴν Au-
dæ bodiæni status aulæ Pontificiæ & totius Italie
part. 1. pag. 169.

NE SACRILEGIUM COMMITTAS) Hæc
verba Gutenstenius & Ferretius non agnoscunt,
immo ne quidem illorum lacunam, leguntur ta-
men in Sirmondi chartis. Addita sunt hæc ulti-
ma ad deterrendos homines ne fodiendo vel vio-
lando ossa SACRILEGIUM COMMIT-
TANT; & huc pertinet lex Juliani Codicis Theo-
dosiani de sepulcris violatis: *Pergit audacia ad bu-
sta diem functorum, & aggeres consecratos; cum
& lapidem hinc movere, terram sollicitare, & ces-
pitum vellere, proximum SACRILEGIO majores
semper habuerint*. Paulus lib. 1. sentent. de sep. &
lugendis: *Qui monumento inscriptos titulos erase-
rit, vel statuam everterit, vel quid ex eodem tra-
xerit, lapidem columnamve sustulerit, SEPUL-
CRUM VIOLASSE dicitur*. Aliquando tamen
deprecationum formulæ in fine adjiciebantur; en
deprecatio ethnici cujusdam contra violatores suæ
urnæ, in lapide inter miscellanea Sponiana p. 23.

C. IVLIVS. C. L.
BARNAEVS
OLLA EIVS SI QVI
OVVIOLAVIT AD
IFEROS NON RECIPIATVR

At quam horrendis execrationibus Christiani usi
fuerint contra suorum sepulchrorum violatores o-
stendit marmor cæmeterii ad viam Nomentanam,
quod extat in Arighii Roma subterranea p. 436.
& Mabillonii mus. Ital. pag. 149.

MALE PEREAT INSEPVLTVS
IACEAT NON RESVRGAT
CVM IVDA PARTEM HABEAT
SI QVIS SEPVLCHRVN HVNC
VIOLAVERIT

Videtur hæc formula diræ execrationis fuisse, ut di-
cerent: *pars tibi sit cum Juda*; quam formulam e-
tiam in juramentis Christiani usurparunt, adden-
tes præterea *lepram Giezi & tremorem Cain*; ele-
gans hujus juramenti formula est in Novella 8. tit. 3.
Εἰ δὲ μὴ ταῦτα πάντα εἰς τὸς φυλάξω, ἐν ταῦτα, & ἐν
τῷ μέλλοντι, ἐν τῇ φοβερῇ κρίσει τῆ μεγάλης Δεσποῦς
Θεοῦ τοῦ Σωτῆρος ἡμῶν Ἰησοῦ Χριστοῦ, καὶ σχῶ τὴν με-
ρίδα τῆς Ἰούδα, καὶ τὴν λέπραν τῆς Γιεζι, καὶ τὸν τρόμον
τῆς Καὶν. In Latinis est: *Si vero non hæc omnia ita
servavero; recipiam hic & in futuro seculo in terri-
bili judicio magni Domini Dei, & Salvatoris nostri
Jesu Christi: & habeam partem cum Juda, & le-
pra Giezi, & tremore Cain*. Similis fere est clau-
sula testamenti Sancti Willebrordi nostræ gentis
Apostoli, nisi quod addatur *pereat cum Dathan
& Abiran*. Vide Antiqu. Belg. pag. 201.

TOBIÆ GUTBERLETHI J. C.

ET BIBLIOTHECÆ ACADEMIÆ FRISIORUM
PRÆFECTI

ANIMADVERSIONES

PHILOLOGICÆ

IN

ANTIQUAM INSCRIPTIONEM GRÆCAM
SMYRNÆ REPERTAM.

ANIMADVERSIONES
P R I L O G I U M
IN
ANTIQUEM INSCRIPTIONEM ET ADAM
SATYRIS RESUMPTAM

ET BIBLIOTHECÆ ACADEMIÆ PARISIENSIS
DIRECTI

TORÆ GUTBERLETHI J.C.

TOBIÆ GUTBERLETHI

ANIMADVERSIONES

PHILOLOGICÆ


IN

ANTIQUAM INSCRIPTIONEM GRÆCAM SMYRNÆ REPERTAM.

Monumentum hoc sepulchrale pri-
mus edidit Jacobus Sponius in Mi-
scellaneis Erudit. Antiquitat. pag.
350. num. 85. qui ipse hunc lapi-
dem valde mutilum Smyrnæ de-
scripsit; postea Daniel Cossionius Vice-consul
Smyrnenſis hoc marmor multo integrius descri-

ptum transmiſit eruditissimo Abrahamo Berkelio
τῷ μακαρίῳ; hinc ipsius filius Janus Berkelius pa-
ternæ eruditionis heres & amicus meus singularis
illud accepit & communicavit cum Doctissimo Vi-
ro Joanne Sibranda Linguae Gr. Prælectore, a
quo ad meas manus pervenit.

SMYRNAE.



Verſio.

FLAVIA. TRYPHAENA. QUAE. ET. RHODOPE. vocatur
VIVA. EXSTRUXIT. HOC. MONUMENTUM. SI
BI. ET. VIRO. ASCLEPIADI. HERACLIDIS. filio.
PHILOXENI. nepoti. ET. LIBERTIS. ET. ALUM
NIS. SUI. ET. VIRI. SUI. NEMINE
HABENTE POTESTATEM. ALIENANDI. SI.
VERO. QUIS. AGGRESSUS. FUERIT. ALIENARE.
PENDET. MATRI. DEORUM. SIPYLENAE. QUAE.....
A. NOBIS. ARGENTI. X. VI. HUIUS. INSCRIPTIO
NIS. TABULA. SIGNATA. DEPOSITA EST. I.....

ΦΛΑΟΥΙΑ) Deprehendimus quotidie maxi-
mam variarum gentium inconstantiam in exaran-
dis nominibus propriis tam virorum quam mulie-
rum, & illam observamus non tantum in libris,

B sed & lapidibus. E multis produco in exemplum
nomen Latinum FLAVIVS, quod Græci triplici
modo scribunt, ΦΛΑΒΙΟΣ, ΦΛΑΟΥΙΟΣ, &
ΦΛΑΤΙΟΣ. Primum habemus in Gruteri Inscripti-

pag. 464. num. 7. male etenim in Indice legitur num. 4. ΦΛΑΟΥΙΟΣ verò reperitur apud eundem Gruterum pag. 1094. n. 7. Tertium denique scribendi hujus nominis modum si quis vellet ostendere ex Indice Gruteri, ubi legitur Τίτος Φλαυίος Ουίβιανος, errorem urique ille committeret, nam in marmore, quod in Indice citatur e pag. 73. n. 3. extat Φλαυίος non Φλαυίος. Et in altero marmore in Indice allegato e pag. 75. num. 3. reperitur Φαλαυίος, pro quo restituendum procul dubio Φλαυίος e præcedenti lapide tertio pag. 73. qui lapis mihi idem est cum hoc, quod etiam Gruterum putasse ex Addendis postea deprehendi. Cæterum το ΦΛΑΥΙΟΣ legimus apud Sponium tom. 1. Itinerar. pag. 373. & in Reinesii class. 1. num. 156. Sed cave credas Indici, in quo male exaratum est Φλαυίος. Hæc de virili nomine: pergo ad fœmininum FLAVIA, quod in nostro monumento & in alio apud Sponium Miscell. Erud. Antiq. pag. 349. num. 83. scribitur ΦΛΑΟΥΙΑ; at in Reinesii supplemento Gruteriano pag. 1028. num. 35. invenio quoque ΦΛΑΒΙΑ. An vero alicubi in επιγραφῆς occurrit ΦΛΑΥΙΑ nondum mihi liquet; legimus quidem in Gruteri Indice Φλαυία Σεραπῶδα, sed est vitium typographicum, nam in ipsa Inscriptione pag. 784. num. 3. clare habetur ΦΛΑΟΥΙΑ. Adnotavi hæc, ut vitia ex Inscriptionum Indicibus tollerem, maxime enim interest Reipublicæ literariæ, expurgatos marmorum Indices habere.

ΤΡΥΦΑΙΝΑ) Nomen hoc originem habet a voce τρυφή, *deliciae, voluptas*, vel *mollities*, hinc deliciosis sive voluptuariis feminis tribuitur, sic Lucianus tom. 2. pag. 542. meretrici hoc nomen dat; & admodum nota est Tryphæna *omnium fœminarum formosissima* apud acerrimum morum censorem Petronium. Variis modis hoc nomen reperitur scriptum in antiquis monumentis, ut TRYFENA, TRYPHENA, TRIPHAENA, & quæ sola ex omnibus vera orthographia est TRYPHAENA; primum occurrit in Mulsis lapidariis Ferretii pag. 45.

MINICIA. FORTVNATA. SIBI. ET.
MINICIAE. TRYFENAE. LIB.

Sed non dubito, quin Ferretius in describendo errorem commiserit, cum Rubeus in memoria Brixiana pag. 303. hunc lapidem Brixiae extantem exhibens legat præclare TRYPHAENAE. Porro TRYPHENA sine diphthongo reperitur in marmoribus Felsineis pag. 335. ubi in quadam Inscriptione legitur VERGILIA TRYPHENA. Quæ etiam occurrit in Reinesii Syntagmate class. 14. n. 145. Et in marmoribus Felsineis pag. 424.

D. M. S.
MESTRIAE TRY-
PHENAE MATRI
PIENTISSIMAE OB
SEQUENTISSIMAE
C. MESTRIVS ASTYLVS
ET FLAVIA HERAIS
FECERVNT.

Carolus Patinus in commentar. ad tres Inscript. Græc. pag. 210. putat hoc nomen eodem modo scriptum latere in sequenti lapide apud Reinesium class. 17. num. 115.

SIIMPRONIANII
TRYPHIINAI
D. M.

Sed credo lapidem esse male descriptum, nam pro

SIIMPRONIANII legendum SYMPRONIAE, & TRYPHIINAI dividendum in TRYP. III. NA. Ipsam Inscriptionem, ut hodie Patavii extat, heic exhibebo ex agri Patavini Inscriptionibus a Jacobo Salomoni editis pag. 161.

O. L. M. SYMPRO
TRYP. II. N. SYMPRO
NIAE. TRYP. III. NA

Videmus Bartholinum, a quo Reinesius illum accepit, ex TRYP. III. NA. fecisse TRYPHIINAI. Et si mea quoque sententia sit sub literis illis TRYP. Tryphænæ nomen latere, tamen e notis & literis sequentibus III. NA. illud non supplendum existimo. Ambiguum itaque est, pro qua scribendi ratione hic lapis allegari debet, pro TRYPHENA inquam an pro TRYPHAENA, dummodo prima nominis syllaba in marmore extat.

Tertium vero TRIPHAENA per simplex I est apud Reinesium class. 14. num. 25.

D. M.
M. APRONIO. MVSONIO.
ANTONIA. TRIPHAENA.
MONVMENTVM. F.
CONIVGI. B. M. CVM. Q. V. AN. XXXX.
ET. SIBI. ET. S. L. L. Q. E.

Dixi mox muliebre hoc nomen recte scribi TRYPHAENA, quod & Græcum ΤΡΥΦΑΙΝΑ requirit, qua in re adficientem mihi habeo literatorum Phœnicem Grævium in notis ad Justinum lib. 39. cap. 2. qui sententiam suam ex analogia & Petronio defendit; ego vero meam ex antiquis Inscriptionibus, quarum primam habet Rossi in memoria Brixiana pag. 391.

HOSTILIAE
TRYPHAENAE
P. HOSTILIVS. P. CL.
COMICVS. VI. VIR. AVG.
SIBI. ET.
FLORENTINO. LIB.
ENCRIMENO. LIB.

Huic marmori succenturiatur alius lapis inter marmora celeberrimi Arundelliae Comitit num. 64.

C. IVLIVS. IASON. ET.
COCCEIA. TRYPHAENA.
FECERVNT. SIBI. ET.
LIBERTIS. LIBERTABVSQVE.
SVORVM. DVMTAXAT. QVI.
EX. FAMILIA. EORVM. FVISSENT.
IN. FR. P. VI. S. IN. AGR. P. VIII.

Præterea hoc modo scribitur apud Sponium in Miscellan. Eruditæ Antiquitat. pag. 289. num. 25.

A SVMMO COLUMBARIA DIS
IVNCTA VIBIVS ALCIMV QVEM
SEQUENTVR. POST ME L. COR
DIVM EVPORVM ET CORDIA TRYPHAENA.

Et in divino Gruteri thesauro pag. 931. num. 4.

D. M.
C. ALLII. C. F. VOLT.
MACRINI.
EVPORVS. ET
TRYPHAENA.
LIB.

Η ΚΑΙ ΡΟΔΟΠΗ) Subintellige καλεῖται, vocatur, verbum enim illud sæpius reticetur in similibus locutionibus, sic legimus in tabella marmorea apud Gruterum pag. 784. num. 3.

ΦΛΑΟΤΙΑ Φ ΣΕΡΟΥΑΝΔΑ Φ Η ΚΑΙ
ΑΓΡΙΠΠΕΙΝΑ Φ ΠΑΝΑΡΕΤΕ
ΕΤΟΥΧΙ Φ ΜΕΤΑ ΤΟΥ ΟΓΕΙΡΙΔΟΥ

*Flavia Servanda quæ &
Agrippina Panarete
Concorditer cum Osride.*

Et pag. 314. num. 1. ΜΑΡΚΟΣ ΑΥΡΗΛΙΟΥ ΑΓ-
ΚΛΗΠΙΑΔΗΣ Ο ΚΑΙ ΕΡΜΟΔΩΡΟΣ. *Marcus
Aurelius Asclepiades, qui & Hermodorus* appella-
tur. Sic & Latini loquuti sunt, ut OCTAVIA
SOTERIS QVÆ ET LICINIA nempe vocatur
in marmore sequenti apud Boissardum part. VI,
Antiquitat. Rom. pag. 55.

D. M.

C. OCTAVIO PRVDENTINO
FILIO. VIX. ANN. III. D. LII.
ET OCTAVIÆ SOTERIDI
QVÆ ET LICINIA FILIA
VIX. ANN. VIII. M. V. D. XII
CN. OCTAVIVS PRVDENS.
ET. OCTAVIA CLYMENE
PARENTES INFELICISSIMI.

Porro nomen ΡΟΔΟΠΗ rarum est in antiquis epi-
grammatibus; Latini aliquando sine aspiratione
RODOPE scribunt, teste lapide 139. in marmor.
Oxonienfibus

D. M. L. MARCIO
DECATO FILIO
VLCISSIMO
FECIT RO-
DOPE MA-
TER IN
FELI-
CISSIMA
QVI VIX
ANNOS
XV. M. VIII. D. VIII.

Simili modo exaratum est in monumento Christiano apud Arighium in Roma subterranea p. 500.

HIC EST POSITA RODOPE IN
PACE QVA VIXIT AN PLVS M.
----TA DIE XVII KAL. OCT.
DNS VALEN---ET HABIENO.

Aliquando occurrit cum aspirationis nota H, quod
& mihi verius videtur, en marmor apud Boissar-
dum part. 6. Antiquitat. Rom. pag. 67.

DIS MANIBVS
L. TITI. L. F. PIPINIA
MACRI VI VIRO
DECVRIO
LAVDE POMPEIA
VIXIT ANNIS
XXX
TITIA RHODOPE
MATER ET
SALVIVS VICTOR
CVM LAC F.

Hic in ultima linea pro CVM LAC. lege mecum e
Grutero pag. 475. num. 5. CONLAC. id est, Con-
lactaneus. Et pag. 97.

DIS MANIBVS
L. MARCIO TROPHIMO
MARCIA RHODOPE
FECIT
CONIVGI SVO BENE ME-
RENTI VIXIT ANN. XXXX.

Hoc nomine præter nostram Tryphænam & mo-
do in Inscriptionibus memoratas feminas appella-
ta fuit meretrix nobilissima conserva Æsopi, quæ
postea a Charaxo Sapphus poetriæ fratre ingenti
pecunia redempta est, hinc Sappho apud Ovidium
in epist. ad Phaonem v. 63. cecinit:

*Arfit inops frater victus meretricis amore;
Mistaque cum turpi damna pudore tulit.*

Hæc mulier quæstu meretricio tantam pecuniæ
vim corraserat, ut pyramidem exstrui curaverit,
de qua vide Herodotum lib. 2. cap. 134. 135. cui ta-
men Ροδωπις scribitur, quæ aliis est Ροδωπη.

ΖΩΖΑ ΚΑΤΕΣΚΕΥΑΣΕΝ) Eadem verba habemus
in marmore Cossoniano num. 29.

IZOTHS. AMMIOT.
ΖΩΖΑ. ΚΑΤΕΣΚΕΥ-
ΑΣΕΝ. ΤΟ. ΜΝΗΜΕΙ-
ΟΝ. ΜΗΤΡΟΔΩΡΩ.
ΜΗΤΡΟΔΩΡΟΥ.
ΤΟΥ ΦΙΛΩΤΟΥ.

Formula Latinorum in tali epigrammate sepul-
chrali est VIVA FECIT, sic occurrit in vetusta In-
scriptione apud Patinum in commentariis ad 3. In-
script. Græc. pag. 221.

IVLIA FVSCINIA
OSSVARIVM
VIVA SIBI FECIT

vel numero plurali in epitaphio sequenti corporis
Gruteriani pag. 832. num. 4.

D. M.
TEGEDIAE. FORTVNATAE. ET
L. CORNELI. FIRMI
VIVI. SIBI. FECERVNT
QVEM. EMERVNT. * CXX.

E Veteres enim maxime operam dabant, ut, dum
in vivis essent, sibi de sepulchro prospicerent, quo
mortui conderentur; hinc legitur in Gruteri In-
script. pag. 1127. num. 1.

FECI QVOD VOLVI
MONVMENTVM. VBI. OSSA
ET. CINERES. AETERNVM. RE-
QVIESCERENT. MIHI.

ΑΣΚΛΗΠΙΑΔΗ ΗΡΑΚΛΕΙΔΟΥ ΤΟΥ ΦΙΛΩΞΕ-
ΝΟΥ) pro ΑΣΚΛΗΠΙΑΔΗ Sponius edidit ΑΣ-
ΚΛΗΠΙΑΔΙ; Sed in ipso Cossonii autographo
ΑΣΚΛΗΠΙΑΔΗ quoque vidit Gronovius, ipso te-
ste in memoria Cossoniana pag. 150. aliquando ete-
nim H & EI pro I scripserunt veteres Græci; hic
Asclepiades describitur a patre & ab avo, quod
frequens in hujuscemodi monumentis est, sic alius
Asclepiades vocatur Apollonii filius Artemidori ne-
pos in syntagmate Reinesiano class. xi. num. 5.



Talis quoque est Inscriptio apud Sponium Itinerar. tom. 2. pag. 416. in qua ΔΙΟΚΛΗΣ ΤΟΥ ΔΙΟΚΛΕΟΥΣ ΜΕΤΡΟΦΙΛΟΥ, *Diocles Dioclis filius Metrophili nepos*. Præterea in marmoribus Arundellianis num. 18. ΜΗΝΑΣ ΜΗΝΟΥ ΤΟΥ ΗΓΗΣΑΡΧΟΥ, *Menas Menæ filius Hegesarchi nepos*; & in appendice num. 1.

ΔΙΟΝΥΣΙΟΣ ΖΗΝΟΝΟΣ
ΤΟΥ ΘΕΟΔΩΡΟΥ ΒΕΡΥΤΙΟΥ
ΕΥΕΡΓΕΤΗΣ
ΘΕΟΙΣ ΠΑ
ΤΡΙΟΙΣ

*Dionysius Zenonis filius
Theodori nepos Berytius
Beneficus erga
Deos Pa
trios.*

ΦΙΛΟΞΕΝΟΥ) An vir hic nomen *Philoxeni* habuerit, quod esset *amicus & benignus in hospites*, ut nominis ratio suadet, in incerto positum est, plures etenim fuerunt hoc nomine insignes, lapis vetus in Sponii Miscellan. Erudit. Antiquit. p. 212.

VENUSTVS
PHILOXENI
TI. CLAVDI. CAESARIS
SERVI
DISPENSATORIS
VICARIVS
B. D. V. S. L. M.

Præterea ille Philoxenus, sub cuius nomine vulgo Glossarium Græc. Lat. circumfertur. Et Philoxenus Consul sub Justino Seniore, qui an idem cum glossarii auctore sit hic non disquiram.

ΚΑΙ ΑΠΕΛΕΥΘΕΡΟΙΣ ΚΑΙ ΟΠΕΜΜΑΣΙΝ) Antiquis temporibus Coniuges, Parentes cum liberis & cognatis eodem tumulo obrutos esse, eleganter probavit Reinesius ad class. 16. num. 22. Ego de libertis posterisque illorum adjicio, quibus patroni concedebant, ut cum se in eodem monumento conderentur, de quo more elegans lapis est apud Gruterum pag. 638. num. 4. ubi inter alia hæc leguntur: M. VLPIVS. SIBI. ET. VXORI. FECIT. ET. LIBERTIS. LIBERTABVSQVE. VTRIVSQVE. SEXVS. QVI. EX. FAMILIA. MEI. ERVNT. RELIQVIARVM. SVARVM. CONDENDARVM. CAUSA. ET. POSTERISQVE. EORVM. QVI. IN. NOMINE. MEO. PERMAN. SERINT. Si quis vero e libertis libertabusque delictum aliquod contra patronum commississet, illi aditus ad monumentum præcludebatur, ne cum patrono & aliis libertis in eo tumularetur, didici hoc ex ἐπιγραφή in Gruteri mole pag. 844. n. 4.

M. AEMILIVS. ARTEMA.
FECIT.

M. LICINIO. SVCCESO. FRATRI.
BENE. MERENTI.

ET. CAECILIAE. MODESTAE. CONIVGI.
SVAE. ET. SIBI. ET. SVIS. LIBERTIS.
LIBERTABVSQ. POSTERISQ. EORVM.
EXCEPTO. HERMETE. LIB. QVEM.
VETO. PROPTER. DELICTA. SVA.
ADITVM. AMBITVM. NE. VLLVM.
ACCESSVM. HABEAT. IN. HOC
MONVMENTO.

Et de liberta ingrata loquitur marmor in maximo Inscriptum thesauro pag. 862. num. 5.

C. CAECILIVS. FELIX.
ET. C. CAECILIVS. VRBICVS.
LOCVM. ITA. VTI. EST. CONCAMERATVM.
PARIETIVS. ET. PILA. COMPREH.
P. VI. LATVM. P. VIIS. CONSEGRAVERVNT. SIBI. ET.
C. CAECILIO. RVFINO. ET. C. CAECILIO. MATERNO. ET.
LIBERTIS. LIBERTABVSQVE. POSTERISQVE. EORVM.
EXCEPTA. SECVNDINA. LIBERTA. IMPIA.
ADVERSVS. CAECILIVM. FELICEM. PATRONVM. SVVM.
H. M. H. N. S.

ΜΗΔΕΝΟΣ ΕΧΟΝΤΟΣ ΕΞΟΥΣΙΑΝ ΑΠΑΛΛΟΤΡΙΩΣΑΙ) Verba hæc formulæ loco sunt, qua cavetur, ne quis vendat vel alio modo alienet hoc sepulchrum, similis formula existat in marmoribus Arundellianis num. 81.

ΑΤΤΑΛΟΣ ΓΑΙΟΥ Ο ΚΑΛΟΥΜΕΝΟΣ.
ΓΑΙΟΣ ΕΛΕΜΠΟΡΟΣ ΑΓΟΡΑΣΑΣ ΤΗΝ
ΚΑΜΑΡΑΝ ΚΑΘΑΡΑΝ ΕΠΕΣΚΕΤΑΣΕΝ
ΕΑΥΤΩ ΚΑΙ ΤΟΙΣ ΙΔΙΟΙΣ ΜΗΔΕΝΟΣ Ε
ΧΟΝΤΟΣ ΕΞΟΥΣΙΑΝ ΚΑΗΡΟΝΟΜΩΝ
ΜΟΥ ΠΩΛΗΣΑΙ ΤΗΝ ΠΡΟΔΗΛΟΥΜΕ
ΝΗΝ ΚΑΜΑΡΑΝ
ΔΙΑ ΤΟ ΕΙΝΑΙ ΑΤΤΟ ΠΡΥΤΑΝΕΩΣ ΚΑΙ
ΒΟΥΛΕΤΤΟΥ.

*Attalus Gaii filius qui vocatur
Gajus Elemporus emens
camaram puram instauravit
sibi & suis nullo ha
bente potestatem ex heredibus
meis vendere supradictam
camaram
quia est Prytanis &
Senatoris.*

Quod in nostro Smyrnenſi monumento ΑΠΑΛΛΟΤΡΙΩΣΑΙ alienare est, id in hoc Oxoniensi redditur ΠΩΛΗΣΑΙ vendere. Eodem modo Romani Inſcriptionibus ſepulchralibus cautiones ſuas admiscuerunt multo ſtrictius quam Græci, ut admodum clare patet e ſequenti lapide, in quo non tantum VAENIRE & ALIENARE, ſed plurimæ aliæ cavendi formulæ exſtant; habet illud Gruterus in theſauro pag. 762. num. 5.

D. M.
M. AVRELIVS. ROMANVS. ET.
ANTISTIA CHRISIME. VXOR. EIVS.
FECERVNT. SIBI. ET. LIBERTIS. LIBERTAB.
POSTERISQ. SVIS. ITEM. LIBERTIS. LIBERTABVSQVE.
POSTERISQ. EORVM. MONVMENTVM. CVM. AEDIFICIO.
SVPERPOSITO. HOC. AVTEM. MONVMENTVM. CVM.
AEDIFICIO. NEQVE. MYTABITVR. NEQVE. VAENIET.
NEQVE. DONABITVR. NEQVE. PIGNORI. OBLIGABITVR.
SED. NEC. VLLO. MODO. ABALIENABITVR. NE. DE.
NOMINE. EXEAT. FAMILIAE. SVAE.

Porro formula ΜΗΔΕΝΟΣ ΕΧΟΝΤΟΣ ΕΞΟΥΣΙΑΝ reperitur quoque in antiqua Inſcriptione Thyatyræ reperta, quam exhibet Georgius Wheelerus Itinerar. tom. 1. pag. 214. in qua nullus alius

potestatem habet ΘΕΙΝΑΙ ΤΙΝΑ ΕΙΣ ΤΗΝ ΣΟ-
 ΠΟΝ ΤΑΥΤΗΝ, *ponere quemquam in isto loculo*,
 de qua re elegans marmor exstat apud Gruterum
 pag. 482. num. 2.

M. VARINIVS. M. F. PHILIPPICVS
 ORN. DEC. Q. ANN.
 T. PETRONIAE. RVFINAE.
 ET.

VARINAE. PHILIPPICAE.

FILIAE. SVAE.


SI. QVIS. IN. HAC. ARCA. ALIVM
 POSVERIT. Q. Q. S. S. DABIT
 COLONIAE. NOSTRAE. POENAI
 NOMINE.....

Hoc enim jus habebant veteres, ut testamento
 caverent, ne quis in hæreditarium sepulchrum in-
 ferretur; quemadmodum Ulp. l. 3. §. 3. D. de sepul-
 chro violato, testatur; immo non tantum de so-
 pò loculo & sepulchro cavebant, ne quis in illis
 conderetur, sed & ne intra maceriam sepulchro-
 rum sepeliretur; hinc lapis antiquus in Sponii
 Miscellaneis Erudit. Antiquitat. pag. 222.

HVIVS MONVMENTI IVS QVA MACERIA
 GLVSVS EST CVM TABERNA ET CENACVLO
 HEREDEM NON SEQVITVR INTRA
 MACERIAM HVARI QVEMQVAM NON LICET.

ΕΑΝ ΔΕ ΤΙΣ ΕΠΙΧΕΙΡΗΣΗ ΑΠΑΛΛΑΟΤΡΙΩ-
 ΣΑΙ ΤΙΣΕΙ) Celeberrimus Gronovius in memo-
 ria Cossioniana pag. 150. pro EAN in autographo
 Cossionii legit AN. Cæterum hæc verba in Sponia-
 no lapide desiderantur, immo Sponius lacunam
 totius regulæ non agnoscit; nam in fine præce-
 dentis lineæ hiatus trium punctorum & in prin-
 cipio sequentis quatuor modo punctorum descri-
 pfit; necessario tamen adesse debent.

ΤΙΣΕΙ ΜΗΤΡΙ ΘΕΩΝ ΣΙΠΥΛΗΝΗ) Plerum-
 que mulctam hanc pendebant *matri Deorum Si-
 pylenæ*. Sic quoque in Inscriptione Græca, quam
 commentario illustravit Patinus, ΕΑΝ ΤΙΣ ΠΑΡΑ
 ΤΑΥΤΑ ΤΟΔΜΗΣΗ ΠΟΙΗΣΑΙ ΑΠΟΤΕΙΣΕΙ ΜΗΤΡΙ
 ΘΕΩΝ ΣΙΠΥΛΗΝΗ ΔΗΝΑΡΙΑ ΔΙΣ ΧΕΙΔΙΑ ΠΕΝΤΑ-
 ΚΟΣΙΑ. *Si quis ausus fuerit præter hæc facere pro*
mulcta pendat Matri Deorum Sipylene denario-
rum duo millia & quingentos. Dea, quæ hoc no-
 mine indigitatur, Cybele est, a monte Sipylo
 MATER Deorum SIPYLENA dicta; datur num-
 mus perrarus in thesauro Petri Mauroceni pag.
 110. in quo hæc Dea extat capite turrito cum
 γρρρρ ΣΙΠΥΛΗΝΗ. Ipsum nummum heic depro-
 mo, quoniam liber ille in omnium manibus non
 versatur & in his oris rarus est. A. Talem quoque
 exhibet Spanhemius de Vesta & Prytanibus Græ-
 corum tom. v. Thesauri Antiquitat. Rom. pag. 661.
 in quo ab una parte Mater Deorum Sipylene, ab
 altera vero mulier cum calathò in capite, dextra
 pateram, sinistra cornucopiæ gestans. B.



Dixi statim mulctam, quam pro venditione vel
 violatione sepulchrorum pendebant, solutam fuisse
 Matri Deorum Sipylene, quod de Smyrnæis di-
 ctum velim; Romani enim in tali causa mulctam
 dabant Virginibus Vestalibus vel Ærario, vetus
 lapis apud Gruterum pag. 861. num. 13.

D. φ. M.

L. BOIONIVS GENTILIS VIVVS
 FECIT SIBI ET LIBERTIS LIBERTA
 BVSVQVE POSTERISQVE EORVM
 HOC MONIMENTVM SIVE LOCVM. SI
 QVIS. VENDERE VEL DONARE VOLVERIT
 INFERET. VIRGINIBVS. VESTALIB. H-S XX
 N. AVT. AERARIO POPVLI ROMANI. IN
 FRONTE. PED. VII. IN AGRO PED. XVIII.

Aliquando Pontifices pecuniam hanc accipiebant,
 quod dicebatur *Arcæ Pontificum inferre*, hinc
 marmor in thesauro Gruteriano pag. 835. n. 8.

DIIS. MANIBVS. φ
 GN. TRIMELIVS. TROPHIMVS
 FECIT. SIBI. ET. FLAVIAE PROBÆ
 CONIVGI. CVM. QVA. VIXIT
 ANNIS. L. LIBERTIS. LIBERTA
 BVSVQVE. POSTERISQVE. EORVM
 SIQVIS. AVTEM. HOC. VENDERE
 VOLVERIT. ARKAE. PONTIFICVM
 L. SS X. MILIA. NVMV. INFERET
 VEL. SIQVIS. ALIENV. CORPV
 HIC INTVLERIT. POENAM
 SVPRÆ. SCRIPTAM.
 INFERET.

Huic marmori adde aliud inter Arundelliana n.
 113. In quo hæc inter alia habentur. NE LI-
 CEAT. HOC. MONVMENTVM. VENDERE.
 VEL. DONARE. QVOD. SI. FACTVM. FVE-
 RIT. VTRISQVE. ARK. PONTIFICVM. H-S
 XXX. M. N. PAENAE. NOMINE. INFERET.
 Et sequens in Gruteri Inscriptionum mole p. 1033.
 num. 8.

D. M

TIB. CLAVDIO. AVG. LIB.

HERMETI

M. PVEROR. DOM. AVGVST.

ET

CORNELIAE. MODESTAE

MATRI. B. M.

ET LIBERTIS. LIBERTABVSQ

POSTERISQ. EORVM

HOC MONVMENT. SIQVIS

DONARE. AVT. VENDERE

VOLVERIT. INF. ARKAE

P. P. ROM. H-S. L. M. N.

Ultima verba INF. ARKAE. P. P. ROM. hoc mo-
 do suppleo *INferet ARKAE Pontificum Populi*
ROMani, male etenim in Gruteri indice AR-
 KAE P. P. ROM. suppletur per *Arkæ Pop. Rom.*
 Quem errorem quoque secutus est Petrus Servius

in Miscellaneis Rom. Antiq. pag. 58. Quod tamen non mirum, cum P.P. in lapidis descriptione puncto non distinxerit. Qui huic Arcæ præfectus erat nominabatur Arcarius Pontificum; sic est in Glossario vetere: *Arcarius Pontificum*, ὑποδῆμις χρυσῆ. de quo Symmachus lib. 1. epist. 62. eleganter ait: *Pontificalis Arcarius prosequitur apud te mandata Collegii*. Porro non tantum Vestales Ærarium Populi & Pontificum Arca hanc pecuniam ex alienatione sepulchrorum proveniente capiebant, sed & Fiscus sive locus, in quo Regis vel Principis privatae opes servabantur, Glossæ Palæmonis: *Fiscus, Promptuarium Cæsaris*; & hinc *Fiscus regius*, quoniam Regis erat apud Adalbertum Floriacensem in Hist. Translat. S. Benedicti n. 2. Lapis inter Gruterianos pag. 749. num. 4. differte mentionem facit pecuniæ ex hac causa Fisco debitæ.

ΑΧΙΛΛΕΥΣ. ΕΠΑΦΡΑ. ΤΗ. ΙΔΙΑ. ΓΥΝΑΙΚΙ
ΓΕΜΙΝΙΑ ΜΥΡΓΑΛΗ. ΜΝΗΜΗΣ. ΤΕΛΕ
ΤΤΑΙΑΣ. ΧΑΡΙΝ. ΤΗΝ ΣΟΡΟΝ.
ΕΦΩ. ΜΗΔΕΝΑ. ΜΗΔΕ. ΠΩΛΗΣΑΙ
ΕΧΕΙΝ. ΕΞΟΥΣΙΑΝ.
ΠΛΗΝ. ΕΙ. ΜΗ. ΤΙ. ΑΥΤΟΣ.
ΑΧΙΛΛΕΥΣ. ΠΑΘΟΙ. ΤΙ. ΑΝ
ΘΡΩΠΙΝΟΝ. ΕΙ. ΔΕ ΤΙΣ.
ΕΚΒΑΛΗ. ΤΗΝ. ΜΥΡ
ΤΑΛΗΝ. ΔΩΣΕΙ.
ΤΩ. ΦΙΣΚΩ.
X. ΑΒΦ.

Id est: *Achilles Epaphra uxori suæ Geminie Myrtalæ memoriæ ultimæ causa sepulcrum istud posuit, quod vendere aut extra familiam alienare non licebit, præterquam si forte Achilli aliquid humani acciderit. Si quis autem eiecerit Myrtalem, fisco inferet. X. 532.*

En proferam aliam Inscriptionem, quæ extat pag. 903. num. 6.

AVIDIA. MAXIMINA.
DOMVM. AETERN. V. S. P.
SI. QVIS. ALIVD. CORPVS
SVPERPOS. DET. FISCO. P
CCC. M. N.

Est hic lapis non loquitur de pœna in illos, qui sepulchra alienant, sed qui alieno corpore inferendo illa violant, tamen descripsi, quoniam fisci mentio illo fit, & male a quibusdam explicatur; Gutherius enim de Jur. Pontif. lib. 2. cap. 12. ex his literis FISCO. P. facit *Fiscum Pontificum*, sed quo jure quibusve argumentis non video, cum FISCO P. ex sententia mea suppleri debeat FISCO. Principis, & de hoc fisco loquitur Ulpianus in l. 3. § 5. D. de Sepulch. viol. non vero de Pontificum fisco, ut somniavit Gutherius; nam ponamus, in superiori lapide intelligi *Fiscum Pontificum*, exinde non sequitur Divum Hadrianum in dicta lege loqui de *Fisco Pontificum*, cum Inscriptio & Lex de pœna diversorum delictorum loquantur; Inscriptio enim de pœna illorum, qui aliud corpus superponunt sive inferunt; Lex vero de pœna ab Hadriano statuta in eos, qui in civitate sepejunt. Porro non tantum venditores sepulchrorum multam pendebant, sed & emptores, in vetusto lapide apud Gruterum p. 672. n. 1. hæc habentur.

SI. QVIS. HOC SEPVLCHRVM. VEL MONVMENTVM
CVM. AEDIFICIO VNIVERSO. POST. OBITVM
MEVM. VENDERE. VEL DONARE. VOLVERIT
VEL. CORPVS. ALIENVM INVEHERE VELLIT
DABIT. POENAE NOMINE. ARK. PONTIF. L.S. C. N.
ET. EL. CUI. DONATVM. VEL VENDITVM. FVERIT
EADVM. POENA. TENEBITVR.

A TH.....) Supplendus locus mihi videtur EN SMTPNH, quæ Smyrnæ colitur, hæc enim Dea Smyrnæ præcipue culta fuit, quamobrem Ulpianus in fragmentis tit. 25. sect. 6. inter Deos, quos Senatus-consulto vel Constitutionibus Principum heredes instituere licebat, numerat MATREM DEORVM SIPYLENEM, QVAE SMYRNAE COLITVR. Frustra hic locus a quibusdam tentatur, qui pro SIPYLENEM legunt CYBELEN EAM, quod tamen approbarunt editores Codicis Theodosiani edit. Lugdun. in cujus calce Ulpiani fragmenta extant. Immo frustra laborat Laurentius Pignorius in Magnæ Deum Matris initiis pag. 20. corrigendo SIPYLENSEM, quam emendationem editio Codicis Theodosiani Parisina in textum recepit, cum SIPYLENSIS neutiquam gentile est a SIPYLV, sic enim Stephanus Byzantinus: Σίπυλος, πόλις Φρυγίας. Τὸ ἐθνικὸν Σίπυλωνος; καὶ Σίπυλωνοί. Sipylus, urbs Phrygiæ. Gentile Sipylenus, & Sipyleni. Porro nummi isti, quos statim allegavi, a Smyrnenfibus in honorem hujus Deæ culti sunt, nam in aversa illorum parte ἐπιγραφή est SMTPNΑΙΩΝ. Doctissimus Vie Joannes Sibranda non male lacunam hanc supplet per SEBOMENH, ita ut TH SEBOMENH ΔΙ ΗΜΩΝ esset quæ colitur a nobis.

C APΓΤΡΙΟΥ X AE) Sponius pessime legit APΓΤΡΙΟΝ & AE omittit, cum APΓΤΡΙΟΥ X AE sint APΓΤΡΙΟΥ ΔΗΝΑΡΙΑ 15. Argenti Denarii sex: hæc enim nota X denarium indicat, sic explicatur in notarum explicatione a Petro Diacono in corpore auctorum L. L. pag. 1526. X. Denarius. & in anonymi tractatu de notis pag. 1546. hæc habentur.

X & X. denarii notæ sunt. Flavius Sospater lib. 1. In rationibus faciendis denarium decussi inducto notamus, X. Occurrit hæc nota in marmoribus Arundellianis num. 136. ΔΩΣΕΙ ΤΗ ΓΕΡΟΥΣΙΑ X. vertunt Interpretes dabit Senatui mille denarios, ita ut X & ΧΕΙΛΙΑ mille & ΔΗΝΑΡΙΑ significet, & sic forsan in nostra Inscriptioe X AE sunt ΔΗΝΑΡΙΑ ΧΑΙΛΙΑ & 6. Denarii mille & 6. si enim per XAE modo intelligamus Denarios 6. pecuniæ summa est nimis parva, quam ut pro alienatione sepulchri daretur. Præterea inveni hanc denarii notam in duobus Græcis lapidibus in divino Gruteri opere pag. 749. num. 4. & 760. num. 6. Aliquando tamen plenis literis pecuniæ summa pro multa pendenda designata fuit non vero Siglis vel notis; sic habemus in Inscriptioe apud Whelerum Anglum itinerar. tom. 1. pag. 215. ΔΩΣΕΙ APΓΤΡΙΟΥ ΔΗΝΑΡΙΑ ΧΕΙΛΙΑ, dabit argenti denarios mille. Et in Reinesii syntagmate class. 7. num. 27. ΑΠΟΤΙΣΕΙ ΤΩ ΣΥΝΕΔΡΙΩ ΕΝ ΣΜΥΡΝΑ APΓΤΡΙΟΥ ΔΗΝΑΡΙΑ ΔΙΣΧΙΛΙΑ ΠΕΝΤΑΚΟΣΙΑ. Pendet pro multa Synedrio Smyrnæ argenti denarios bis mille quingentos.

F ΤΑΥΤΗΣ ΕΠΙΓΡΑΦΗΣ ΕΚΦΡΑΓΙΣΜΑ) Apud Græcos in usu erat, ut majoris momenti res, illaque, quæ ad Rempublicam spectabant in tabulis describerent, & sigillis impressis consignarent: Exemplum hujus moris est in Magnetum fœdere cum Smyrnæis inito inter Arundellianos lapides pag. 8. verba hæc sunt: Συσφραγισάσθωσαν δὲ τὰς ὁμολογίας τὴν μὲν Συμυρναίοις δοθῆσομένην δὲ αὐτὴν ἀποδείξει τὸ κοινὸν τὴν δὲ εἰς Μαγνησίαν τοῖς τε ἐαυτῶν δακτυλίοις καὶ τῶν ὑπάρχοντι κοινῶν τὴν δὲ εἰς Μαγνησίαν δοθῆσομένην σφραγισάσθωσαν Συμυρναῖοι οἵτε σφραγῶσι καὶ οἱ ἐξέτασαι τὴν τε τῆς πόλεως δακτυλίῳ καὶ τοῖς αὐτῶν. id est, Sigillantofœdera; id scilicet quod ad Smyrnæos dabitur, ii qui a communi Magnesiæ designati fuerint, tum suis sigillis, tum eo quod communi est. Id vero quod dabitur in Magnesiā, sigillantofœdera & duces & quæ.

fitores tum Civitatis sigillo tum sigillis suis. Præterea quod in causa emptionis sepulchrorum usi fuerint tabulis obliquis, quas in tabulario publico deponerant, præter nostrum Tryphænæ monumentum testatur marmor Oxoniense num. 79.

ΑΓΟΡΑΣΑΣ ΤΟ ΘΩΡΑΚΕΙΟΝ ΚΑΙ
ΤΑΣ ΕΠ ΑΥΤΩ ΣΟΡΟΥΣ ΤΡΕΙΣ ΚΑΙ
ΠΡΟΣΚΑΤΑΣΚΕΥΑΣΑΣ ΤΗΝ ΚΑΤ ΑΥ
ΤΟΥ ΚΑΜΑΡΑΝ ΝΕΙΛΩ ΟΙΚΟΝΟΜΩ
ΑΣΙΑΣ ΤΩ ΕΑΥΤΟΥ ΠΑΤΡΙ ΚΑΙ ΕΑΥ
ΤΩ ΚΑΙ ΓΥΝΑΙΚΙ ΚΑΙ ΤΕΚΝΟΙΣ ΚΑΙ
ΕΚΓΟΝΟΙΣ ΚΑΙ ΘΡΕΜΜΑΣΙΝ ΤΑΥ
ΤΗΣ ΤΗΣ ΕΠΙΓΡΑΦΗΣ ΑΠΟΚΕΙΤΑΙ
ΕΚΦΡΑΓΙΣΜΑ ΕΙΣ ΤΟ ΕΝ ΣΜΥΡΝΗ
(ΑΡΧΕΙΟΝ)

*Emens hoc thoraceum &
tria in eo sepulchra &
Insper exstruens in eo
Camaram Nilo Oeconomō
Asiæ patri suo & sibi
& uxori & filiis &
Nepotibus & alumnis
Hujus Inscriptionis reponitur
Tabula signata in Smyrnæ
(Archivis)*

ΑΠΕΤΕΘΗ Ε.....) Suppleo hanc ultimam lacunam ΑΠΕΤΕΘΗ ΕΙΣ ΤΟ ΑΡΧΕΙΟΝ, de cujus supplementi veritate non dubito, eadem enim verba (nisi quod loco ΕΚΦΡΑΓΙΣΜΑ habeatur ΑΝΤΙΓΡΑΦΟΝ *exemplar*) leguntur in Inscriptione a Thoma Smith relata in notitia septem Asiæ Ecclesiar. pag. 59. ΤΑΥΤΗΣ ΤΗΣ ΕΠΙΓΡΑΦΗΣ ΑΠΕΤΕΘΗ ΑΝΤΙΓΡΑΦΟΝ ΕΙΣ ΤΟ ΑΡΧΕΙΟΝ. Insper elegans marmor hoc confirmans invenitur in Reinesii supplemento Gruteriano class. 7. num. 29. ΤΗΣ ΕΠΙΓΡΑΦΗΣ ΑΝΤΙΓΡΑΦΟΝ ΑΠΟΤΕΘΗΣΕΤΑΙ ΕΙΣ ΤΟ ΑΡΧΕΙΟΝ. & in lapide apud Whelerum itinerar. tom. 1. pag. 215. hæc verba habentur: ΕΤΕΘΗ ΕΙΣ ΤΟ ΑΡΧΕΙΟΝ. Non absereerit hic disquirere, qualis locus fuerit ΤΟ ΑΡΧΕΙΟΝ *Archivum*; nomen habet, si Isidoro lib. 20. Orig. cap. 9. fides sit adhibenda, ab *arca*; hinc Papias in Glossis: *Arca dicta quod arceat visum vel furem: hinc & Archivum, secretum*. Alio loco tamen *Archiva* ab *arceo* idem Papias derivat, dum inquit: *Archiva, armaria, tabularia dicta, quod arceant, id est, prohibeant visum*. Quod ad primum attinet, *Archiva* explicari possunt per *armaria*, quoniam in *Armariis* ut in *Archivis* libri adservantur, *Armarium* enim Bibliothecam, quæ libros continet, aliquando significat, sic habemus apud Udalricum lib. 3. Consuetud. Cluniac. cap. 10. *Armarii nomen obtinuit, eo quod in ejus manu solet esse Bibliotheca, quæ & in alio nomine Armarium appellatur*: & in Glossario Saxonico Ælfri-

A ci: *Bibliotheca, vel Armarium, vel Archivum: Boethord*. Præterea Papias exponit *Archiva, tabularia*: recte, nam Græcorum ΑΡΧΕΙΑ sunt Latinorum TABVLARIA, quæ loca chartas publicas aliaque instrumenta continebant; sic Suidas. *Αρχεία, ἐνθα οἱ δημόσιοι χάρται ἀποκείνται*: immo sic est in Glossis MSS. ex Bibl. Regia Cod. 930. *Αρχία ἐνθα οἱ δημόσιοι χάρται ἀποκείνται, χαρτοφυλάκιον, ἢ τὰ χωρία τῶν κριτῶν*. *Tabularium* quoque locum fuisse talem, in quo acta publica adservabantur, testis est Romanæ Eloquentiæ parens in orat. pro Archia cap. 4. *Tabulas desideras Heracliensium publicas, quas Italico bello, incenso tabulario, interisse scimus omnes*. Tale tabularium extruxit Q. Lutatius Catulus, teste lapide in Gruteri thesauro pag. 170. num. 6.

Q. LVTATIVS. Q. F.
Q. N. CATVLVS. COS.
SVBSTRVCTIONEM. ET
TABVLARIVM. EX. S. C.
FACIVND. CVRAV.

Et quoniam publicus civitatis locus erat, hinc TABVLARIVM PVBLICVM appellatum est Inscriptione antiqua, quæ mentionem facit Curatorum Tabularii publici, extat apud Gruterum pag. 237. num. 8.

TI. CL. DRVVS. F. CAES. AVG.
GERM. PONT. MAX. TRIB. POT. ὧ.
COS. III. DES. III. I. IMP. II. P. P.
EX. S. C.
C. CALPETANVS STATIVS.
SEX. METROBIVS. M. PERPENNA. LVRCO
T. SATRIVS. DECIVS. CVRAT. TABVL. PVBL.
FAC. CVR.

Porro quemadmodum Glossæ Regiæ Αρχία reddunt χαρτοφυλάκιον, sic Jure-Consultus Ulpianus in l. 9. §. 6. D. de pœnis, *grammatophylacium*, verba ipsius sunt: *Ne eo loci sedeant, quo in publico instrumenta deponuntur*, archio forte, vel *grammatophylacio*. Alio præterea nomine locus hic appellabatur αρχεῖον χαρτοφυλάκιον, quoniam Syngraphæ debitorum Civitatis ibi servabantur, lapis antiquus in Reinesii Syntagmate class. 7. num. 28. ΤΑΥΤΗΣ ΤΗΣ ΕΠΙ...ΦΗΣ ΕΞΕΦΡΑΓΙΣΜΑ ΑΠΟΚΕΙΤΑΙ ΕΙΣ...ΕΙΟΝ ΧΡΕΟΦΥΛΑΚΙΟΝ. Reinesius supplet ΕΙΣ ΤΟ ΑΣΤΕΙΟΝ ΧΡΕΟΦΥΛΑΚΙΟΝ. male; nam idem marmor occurrit inter Arundelliana num. 138. edit. ult. ubi verba hoc modo leguntur ΤΑΥΤΗΣ ΤΗΣ ΕΠΙ...ΡΗΣ (lege ΦΗΣ) ΕΞΕΦΡΑΓΙΣΜΑ ΑΠΟΚΕΙΤΑΙ ΕΙΣ ΑΡΧΕΙΟΝ ΧΡΕΟΦΥΛΑΚΙΟΝ: ita ut Seldenus, a quo Reinesius illud habuit, non recte descripserit, cum lacunam, quam Humphridus Prideaux nuperrimus Arundellianorum editor non agnoscit, in fine lapidis posuerit.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK, N. Y.

REI ANTIQUARIÆ SELECTÆ QUÆSTIONES

IN VARIAS DISSERTATIONES DISTRIBUTÆ,

Gallice scriptæ, Latine redditæ, quibus Nummi, Anaglypta, Statuæ,
Musiva, & Inscriptiones Antiquæ, multis ex ære adjectis Figuris,
illustrantur.

AUCTORE

JACOBOSPONIO

*In Lugdunense Medicorum Collegium & Patavinam Recuperatorum
Academiam adscripto.*

Redditæ Latine Interprete PETRO FACCIOLO Sac. Th. Doctore Coll.
& in Seminario Patavino Rhetoricæ Artis Præceptore.

LVDOVICO
LVDOVICI MAGNI FILIO
LVDOVICI IVSTI NEPOTI
HENRICI MAGNI PRONEPOTI
CLEMENTI AVGVSTO
MAGNORVM FORTISSIMORVMQVE
RETRO PRINCIPVM DIGNISSIMÆ
SOBOLI
NATI NASCENDORVMQ. FELICISSIMO
PARENTI
GALLORVM DELPHINO
DESIDERANTISSIMO
DAT DICAT DEDICAT
JACOBVS SPONIVS LVGDVNENSIS
ANTIQVÆ DEVOTIONIS PIGNVS
SVIQVE IN RE ANTIQVARIA STVDII
MONVMENTVM



P R Æ F A T I O .



Quandoquidem Augusti Regis nostri, ac triumphis maximis cumulati industria fruitur modo pace Gallia, æquum est Litterariam Rempublicam, quæ ejus patrocínio floret, in hujus felicitatis partem vocari, ac Musas quæ amplius armorum strepitum non perhorrescunt, ad pristina studia revocari, illarumque cultores earum rerum, quæ in ipsarum ditio-
ne detectæ sunt, participes fieri. Et quidem ætas hæc ejusmodi est, ut prorsus novarum rerum inventrix appellari possit. Theologi autographa Patrum scripta reppererunt, quæ hominum oculos antea subterfugerant; Historici novas res quæ ad omnes Provincias pertinent, prodiderunt; Jureconsulti Codices, Legesque novas pro acerrimo ipsorum judicio, studioque compilarunt; circuitus sanguinis, venæ lacteæ, quinquina, aliaque sexcenta ignota majoribus, nostrorum temporum Medicis referuntur inventa; ars spiritum, quem ducimus, ponderandi, calorem metiendi, metalla solis radiis liquandi, sub aquis diu morandi, & inde emergendi recens inventum est Physicorum. Unus est, quem imitari noluerunt, avium volatus; Ac tandem nihilo minus in amplo, observationeque digno Antiquitatis Regno deprehendendi nova studiosi fuere antiquarum rerum amatores. Omnium Regnorum antiqua numismata reppererunt omnium Imperiorum: Romanorum Veterum sexcentas res memoria dignas declararunt, quæ majoribus nostris mutæ literæ videbantur nihil significantes. Propterea, cum ego quoque in humaniorum litterarum incrementum conferre aliquid concupiscam, eorum quæ in re Antiquaria detexi omnibus statui rationem reddere, & ex iis partem aliquam publici juris facere. Utrum hoc in instituto deceptus sim, ego quidem nescio; at non minus visum est mihi litteratis hominibus id jucundum fore, quam Architectis, Scalptoribus, & Pictoribus utile, qui ipsorum artem perficiendi rationem, ex magnis hisce Antiquitatis archetypis in dies percipiunt.

Adeo necessaria ad res præsertim Religionis, Historiæ, & Geographiæ Veterum isthæc cognitio est, ut ejus causa sine temporum intermissione vigilias docti homines, & peregrinationes curiosi non raro susceperint. Inter magnos viros qui hac in re versati sunt, Fulvii Ursini, Gruteri, Boissardi, & Goltzii majora sunt merita, qui magnam Lapidum, Statuarum vel integrarum, vel dimidiarum, Anglyptorum, Inscriptionum, & Nummorum copiam in lucem ediderunt. Verum quia fieri non poterat, ut quæ præterita tempora sub Urbium everfarum ruderibus, & in sinu Terræ occulta continuerunt, ea omnia uno tempore in apricum proferrentur, nostrorum temporum eruditi Seguinus, Spanhemius, Patinus, & Vaillantus quæ notarunt, ea Litterariæ Reipublicæ nota facere non dubitarunt: & quamvis quæ ego observavi iis forent inferiora, tamen mihi persuadeo a-

P R Æ F A T I O.

liquid comparasse, quod hisce terris prope incognitis cognoscendis prodesse posset; & peragrata Europa, atque Asia in earum rerum cognitionem veni, quarum notitiam in Museo assecutus non essem. Judicabis ex hac parte quam edo in præsentia, editurus alias, si digna videbitur studiosis hominibus quæ non improbetur. Nihil intentatum relictum est, ut si chartas, si typos inspicias, omnia polite cedant, & quia adhibita cura est, ut omnia nitide explicarentur, spero fore ut itineribus per has antiquas terras faciendis Lectores non fatigentur. Quod si hujus artis peritis factum non erit satis, eorum, ubi monuerint, omnem prorsus, quam poterimus rationem habebimus; ac si ipsi quoque in sua regione aliquid dignum opera nacti fuerint, id nobiscum per typos communicabunt, hac tamen lege, si fieri potest, ut isthuc proficiat, & erudiat, nec ab aliis antea notatum sit. Etenim in id animum intendimus, si ve Titulos, si Statuas, si Nummos spectes, ne publici facta juris proponeremus; tametsi revera decipi potuimus. Neque enim recentes libri, qui in lucem, diemque veniunt, legi omnes possunt: præterquam quod, quandoquidem religio mihi est ne nimium temporis in eo ponam quod ad relaxandum tantummodo animum a vigiliis, studiisque gravioribus me revocat, & Medica Ars quam profiteor, exerceoque, omnem curam, studiumque a me postulat, ita ut non possim quin mei officii partes expleam, exiguum tempus quod superest, quo meæ quotidie possum obsequi voluntati, non potest esse satis ad id omne in Scriptoribus investigandum, quod feliciter posset propositum mihi institutum perficere. At si Dii faxint, ut otium mihi aliquando sit, imperfecto operi manum admovevere poterò, neque unquam curis, laboribusque parcam, quoties id publicæ utilitati adjumento fore putavero.

FRONTIS OPERIS HUIUSCE EXPLANATIO.



Uia quidquid istis Dissertationibus continetur, ab Antiquitate deductum est, id cavendum duxi, ne in hujus libri fronte quidquam poneretur, quod non ab autographis desumptum esset, tametsi in hujusmodi Tabulis ad ornamentum factis res alii pro libidine confictas potius, quam veras collocare minime dubitant. Tum id ferendum est, cum res ad istiusmodi ornamenta pertinentes libri argumentum non continet: Verum male de antiquitate mereri viderer, si aliunde quærerem, quo aliorum oculos, & animum oblectarem. Isthæc igitur Tabula inter antiquas res, quas Viatores observant, & expendunt, pulcherrimarum cumulum exhibet.

1. Primum est pulcherrimum, atque altissimum Architecturæ opus quod in Provincia ad Divi Remigii conspicitur. Turris formam illud imitatur. Deorsum quadratum est, sursum rotundæ laternæ instar factum vides, in eaque duæ Statuæ rectæ Romano ritu indutæ. Ad pedes Lapis anaglypticus aliquod prælium objicit, sed ita corrosus est ut distingui imagines nequaquam possint: extant desuper aliquæ lineæ Tituli propemodum omnino deleti, cujus ope, si legi posset, in ejus hominis cognitionem veniremus, cujus causa hoc pulchrum monumentum erectum est. Videtur id factum ad illustris alicujus hominis Romani honorem, qui in illis Terræ partibus prælio victor extiterit: Etenim in Zophoro sub laterna Tritones, & Hippopotami conspiciuntur, qui plerumque a Veteribus ad celebrandas victorias adhibentur; & præterea Anaglypta prælium, ut diximus, referre videntur. Huc addendum est ibi prope elegantis triumphalis arcus reliquias esse. Hujus pulchri operis Architectonici Columnæ ordine Corinthio constructæ sunt, & ubique commensus cumulatissimus est.

2. Imago quæ in stylobata proxima est, inventa est eodem in loco. Fœmina ea est ad talos usque induta, cujus vestis ad unguem facta est; quid autem agat referre satis apte non possum.

3. Retro est pulchra & ingens urna ex albo marmore, ornata foliis hedera, atque vitis cum corymbis, ac racemis, quos ales in medio positus rostro petit. Cernitur illa cum sua basi antiqua apud Boyer Consiliarium in Senatu Aquarum Sextiarum in Provincia. In altera parte basis est Epitaphium mulieris quæ suæ ætatis anno decimo octavo obiit, appellata Cornelia Valerilla, quod in ipsius honorem Cæsonius Hermes ejus Vir hisce verbis incidi jussit.

D. M.
CORNELIAE VA
LERILLAE ANN.
XVIII CAESONI
VS HERMES
CONIVGI DVLC
ISS.

Hedera, atque Vitis hieroglyphicæ litteræ esse possunt conjugum conjunctionem indicantes; Ales vero qui in caudice racemos rostro petit hujus juvenis femina vi-

E X P L A N A T I O .

ro, antequam mutui amoris fructus tulerit, ereptæ immaturam mortem fortasse significat.

4. Est a tergo Templum Vestæ Deæ Terræ, quo Viris aditus erat interclusus. Rotunda structum erat forma, quia Terra rotunda est. Ibi servabatur Palladium, hoc est Palladis Simulacrum e Cælo, ut ferebant, delapsum, quod a Troja Æneas asportaverat. Eodem in templo perpetuo sacrum ignem, æterni Imperii signum Vestales Virgines custodiebant.

5. Longe absens antiquum monumentum conspicitur in Pyramidis similitudinem factum, quod stat adhuc Viennæ in Delphinatu. De Vienna in hanc sententiam loquitur in suis de re Antiquaria scriptis doctissimus Historicus Chorier. Pyramis quæ in æquoris medio apparet ex quadratis lapidibus constructa est ea lapidum crassitudine, quæ mira videatur, ac valde sursum quadratum fastigium tollit, quod quatuor columnis, intra quas totidem portæ, & aditus sunt, sustinetur. Pauca in propinquis Regionibus monumenta reperias illo non inferiora. Nullus dubito quin multis ornamentis insignitum fuerit, quibus modo caret, feri alicujus hominis iniquitate spoliatum. Certum est, si illud facilee verti potuisset, nationes Barbaras, quæ tam sæpe Gallias invaserunt, idem dejecturas fuisse: verum cum id facere sine periculo non potuerint, saltem ut potuere pro ipsorum furore violarunt. Si nihilominus ejus fastigio lapis aliquis deest, ut non amplius, quemadmodum olim, in acutum cacumen definat, id modo quinquaginta circiter ab hinc annis factum est. Mediolanensis quidam, qui tunc temporis Viennæ habitabat, cum fundum ubi stat hæc Pyramis eruiisset, avaritia, feritateque animi sui ductus eam statuit demoliri. Id sacrilegii aggressus est; contra quem usus est auctoritate sua Sapientissimus vir Petrus Boissacus, qui cum jus Viennæ diceret, ad suam, Patriæque gloriam jure usus suo fecit, ut tam nobile nobis opus relinqueret. Hoc esse Venerii, quem auctorem, & Conditorem hujus Urbis esse volunt, Mausoleum, quemadmodum communis opinio est, ita infirmis nixa fundamentis. Putarunt, quemadmodum Urnæ, quæ Antonini, & Marci Aurelii cineres continebant in culmine Obeliscorum Romæ ad ipsorum memoriam erectorum positæ erant, ita a primis Viennæ incolis Venerii cineres urnæ aureæ commissos in hujus Pyramidis fastigio collocatos esse. Hanc opinionem alia consecuta est, qua illam voluerunt confirmari. Addunt, ut observavit Joannes de Bois, Poetam Ausonium in Grypho quem posteris mandavit, quemque inter ejus opera Poetica legimus, ejus rei meminisse. Sed judicabit qui illum legerit, quam audacter id in animum sibi induxerint qui primi in hanc sententiam descenderunt. Nimis multa in hoc opere sunt, cur credatur Romanum, non vero Africanum; eoque minus Afros ejus Auctores esse credendum est, quod certum est in Africa nihil simile reperiri. Præter quam quod quæ de Venerio narrantur fabulæ sunt, & Viennam monumentum suum Allobroges, non ii vero ita remoti Populi vindicant. Fateor nihilominus ad ornandam cujuspiam præstantis viri mortem, ejusque memoriam nominis hanc Pyramidem sublatam esse: & quamvis non satis validis niti possumus argumentis, quibus certo sciamus ad cujus illa gloriam erecta sit, tamen satis multa momenta sunt, quibus ad Augusti honorem factam esse conjectura assequamur. Rebus longo temporis intervallo in sui administratione imperii feliciter gestis existimatione crevit, & benevolentia omnium populorum, & fato functus apud præcipuas Romani Imperii Civitates divinos est honores consecutus. Curarunt illæ omnes, ut quod Urbs Roma fecit tunc temporis imitarentur. Non solum ille templa tanquam Deus Immortalis & sacerdotes habuit, verum etiam monumenta tanquam Heros præstantissimus; apud illas non minus superba νερόφια, quam aras meruit. Ita appellarunt Græci, ac deinde Latini sepulchra vacua tantum ad optime meritorum, aut eminentissimi gradus viro-

rum memoriam sempiternam ædificata. Tanquam aliquo obstrictæ crimine male habitæ sunt Urbes illæ quæ suo explendo muneri defuerunt. Nulli hanc injuriam Tiberius ultam, impunitamque dimisit. Quæ cum ita sint, nonne id vero est simile, Viennam tum nobilem, florentemque inter cæteras maxime ejus obsequii, quo Tiberium prosequabatur, hoc argumentum dedisse, ut hoc monumento Augusti ejus Patris, & optime de ipso meriti memoriam redderet immortalem? Ab ipsa Sacerdotes arasque eidem sacratas fuisse intelleximus; credendum etiam est, præter hos honores huic in Deorum numerum relato Principi debitos, addidisse huic Divo meritum honorem sepulcri, cum in mortuorum numero recensetur. *νεοτέριον* sine ulla dubitatione hæc Pyramis fuit: certe hoc monumentum privati alicujus hominis non esse arguit ipsa structura, & nullus Imperatorum obicitur, cujus potius, quam Augusti illud esse judices.

6. Jacet nonnihil distans amphitheatrum Titi, de quo plures scriptores verba fecerunt, ut nunc quoque Romæ stat, utque in Nummis cernitur, præsertim in pulcherrimo Alexandri Severi Numismate, quod ego Romæ vidi apud Præsulem Ginettii his litteris Munificentia Augusti. Illud ita refecerat Princeps hic, quemadmodum Theatrum, atque Circum teste Lampridio. Lenonum, meretricum & exoletorum vectigal in sacrum ærarium inferri vetuit, sed sumptibus publicis, ad instaurationem Circi, Theatri, Amphitheatri & ærarii designavit.

7. Proximum est parvum Templum, cujus tectum instar fornicis factum est, ejusque exterior pars squamis distincta, estque Templum Junonis, quæ in averfa Numismatis Volusiani parte Martialis appellatur.

8. Infra aspicitur frons, ac dimidium Templi Minervæ Atheniensis, cujus integram formam in meo Græciæ itinere explicavi.

9. Alatere statuam adolescentis hominis vides, demissa Romano more ad talos veste, cujus marmoreus archetypus a Smyrna deductus Massiliæ apud Fouquier custoditur.

10. Obeliscus, qui Arelati aliquot post annis inventus est, antiquus est, & ejusmodi, qui primo intuitu feriat oculos. Pyramis quædam est ex integro Lapide Ægyptio, quem Numidicum appellant, quales Romæ sunt. De illa erudite, distincteque locutus est Terrein Academicus Arelatensis, & quæ dici de Obeliscis possunt, ea dixit fere omnia in eo volumine, quod nobis reliquit, quemadmodum de pulcherrima Venere Arelatensi, quæ interdum Diana credita est.

11. 12. 13. Retro est foliorum serie ornata elegans pila, quæ erecta est ad fornicem quem appellant arcum Triumphalem S. Remygii. Ante vides Aquilam, quam singulæ Romanæ Legiones præferebant, & e regione prope monumentum, quod primo descripsimus, militare signum, præfixa desuper extensa manu, unde Manipulus exiguum peditum agmen, quale fere illud quod vulgo dicimus Compagnia.

14. Tandem humi cernitur elegans Capitulum ex Urbis Jassi ruderibus, quam hodie in Asia minore appellant Askemkallese.

Ex his intelligitur Galliam quoque nihilominus quam Græciam, & Italiam eximia posse monumenta suppeditare, nosque aliquando quæ domi habemus negligere, ut ab exteris nationibus res observatione dignas nihilo præstantiores petamus.


Illud *Desiderantissimo*, quod in Superiore Inscriptione ad Veterum Inscriptionum normam elucubrata legis, qua Delphino dedicatur istud opus, mendum quis fortasse putet pro *Desideratissimo*. Verum in Antiquis Lapidibus hujus rei exempla occurrunt, ut apud Gruterum pag. MCXVI. 7. D. M. MARCIAE SEX. F. MARCIANAE OPTIMAE ET DVLCISSIMAE ET DESIDERANTISSIMAE RARISSIMI EXEMPLI FEMINAE, &c. Præterea quemadmodum *Amantissimus* passiva significatione sæpe usurpatur, usurpari quoque potest *Desiderantissimus*. Immo ea vox viventem hominem magis explicare videtur, quam *Desideratissimus*, quæ vox ad tempus præteritum refertur. Itaque *Amantissimus*, & *Desiderantissimus* proprie eum significant, quem omnes amant, & desiderant. *Amatissimus* vero, & *Desideratissimus*, quem omnes amarunt, & desiderarunt.



REI ANTIQUARIAE
SELECTAE
QUAESTIONES.



CHURCH - 1810



CLYPEVS VOTIVVS

*Antiquus ex argento puro, pondo librarum XXI. diametri 2 ped. cum 2 unc. repertus
in Rhodano prope venionem anno 1656. Exhibens Scipionis Africani memorandam
actionem qua captam in expugnatione Carthagini novæ exiniâ formâ
Virgine Allucio Celtiberorum Principi cui desponsata erat,
intactam gratis reddidit Polyb. lib. 10. Livius lib. 26*



REI ANTIQUARIÆ

SELECTÆ QUÆSTIONES

PRIMA DISSERTATIO.

*De Antiquo Clypeo Votivo ex Argento, qui habetur
Lugduni, in Museo Octavii Mey.*



Es Antiquas investigare mihi aggredienti nullum nobilius argumentum videtur obijci posse quam eximii hujus ornamenti explicatio, quod in suo Museo Lugduni servat Octavius Mey. Ego vero dabo operam ut quæ Antiquitatis regiones peragrans cognovi, eorum

istarum rerum studiosos participes faciam, non ita tamen, ut qui plura quam ego perspexerint hinc remotos velim. Illorum etiam sententiam sequar ego Princeps, si eas rationes afferant, quæ homini qui facile se doceri patitur, probari possint.

Anno 1656. in Rhodano prope Avenionem Clypeum hunc Piscatores invenerunt; qui tam pretiosam prædam minime sperabant. Sed ipsorum inscitia in causa fuit ne quod fors obtulerat in suam converterent utilitatem. Helvetios prope imitati sunt, qui cum aliquando in prælio ad Moratum Burgundiæ Ducis castris potiti essent, ejus argentea vasa tanquam stannea, & gemmas tanquam res levissimas, & crystallinas vendiderunt.

Cum obductus duro limo, quem advexerat cursus fluminis, Clypeus esset, extremas ejus partes Piscatores fregere, ut viderent an ejus esset argentea nota. Quia argentum minus album est effractum, quam secatum, judicandum est eos credidisse minimum argenti in eo esse, quoniam nimis parvo eum Artifici Avenionensi Gregorio nomine vendiderunt, qui cum eum expoliisset, ejus exemplar fieri voluit, cumque eum pluris ipsa materia aestimasset, erat enim ex argento puro pondi librarum 21. eundem Lugdunum militi ad Simonettum quemdam gemmarum mercatorem, ut si sese offerret occasio, nactus aliquem qui illo oblectaretur, extruderet. Hic Octavius Mey est allocutus; is ut semper eximiarum rerum studiosus fuit admira-

Supplem. Tom. IV.

tionem correptus eum emit; quem ubi in sua habuit potestate, separatas partes conjungi, firmasque reddi jussit.

Hic magnus est argenteus discus, cujus cælatæ imagines adhuc inauratæ conspiciuntur. Diameter 26. pollices complectitur. Ora pariter argentea Discum totum circumit, cujus crassitudo est digiti auricularis, & ex altera parte alter circulus curvus apparet; quod quidem in altera Tabula vides.

Generali nomine eum Discum appello ad significandam planam, rotundamque figuram. Verum ut eum distinctius finiam eo nomine, quo ejus usus intelligatur, is erat *armatura sacra ad præclarum aliquod facinus cujuspiam antiqui Herois indicandum facta, ejusque memoriam in aliquo Deorum templo, ubi suspendi consuevisse credendum est, propagandam*. Quæ in hanc rem Historiæ de, aliis referunt de hac re nos certos reddunt, ut nulla prorsus dubitatio relinquatur.

Hujusmodi armaturæ hisce latinis nominibus appellabantur *Clypea, Clypei, Clupei, Clypei votivi, & Scuta*, quia intercedebat cum iis armis similitudo, quæ ad bellum deferebantur. Nonnulli antiqui Grammatici, ut cæteris viderentur acutiores, hoc discriminis esse dixerunt, ut *Clypeus* armaturam bellicam significet, *Clypeum* vero armaturam sacram; aut *Clupeus* cum i armaturam bellicam, *Clypeum* vero, vel *Clupeum* armaturam votam Diis. Sed Plinius, alique Veteres hoc subtile discrimen flocci fecerunt. Veritus severam horum judicium censuram Trebellius Pollio ita sibi indulgere voluit, ut in Vita Claudii Gothici utraque voce uteretur. Illi *Clypeus aureus, sive ut Grammatici loquuntur, Clypeum aureum Senatus totius judicio in Romana Curia collocatum est, ut etiam nunc videtur, expressa thorace ejus vultus imago*.

Teste in hunc locum doctissimo viro Salmasio hæc arma sacra appellabantur a Græcis *δίσκος* & *ἀνέμω*.

Bb

κλοι ασπίδες quæ voces sonant Clypeos bellicos; A
πίνακες hoc est Tabulæ. θυλοπινάκια, hoc est Ta-
bulæ columnæ affixæ. προτομαί, thoraces. ὄπλα
Thebanis, hoc est arma. σιθάεια, hoc est effictæ
usque ad pectus imagines.

Ethnici Antiqui, qui plerumque auræ popula-
ris tantum, & acquirendæ gloriæ causa egregia
facinora aggrediebantur, solliciti erant, ut poste-
ris eorum quæ præclare gesserant memoriam relin-
querent. Idcirco Nummis utebantur, Inscriptio-
nibus, Anaglyptis, ædificiis, statuis ex materia
tam solida, ut injurias temporis minime timere vide-
rentur. Hanc eandem ob causam in clypeis suo-
rum majorum historias incidendas putarunt. Plu-
res eleganter calatos, & inter alios Achilles, &
Ajacis Clypeos Homerus nominat. Hinc ortum
est, ut Clypei ex metallo fieri consuescerent, qui
Templis affigebantur tanquam monumenta Victo-
riarum, aliorumque nobilium facinorum, aut sal-
tem, ut suam ipsorum imaginem posteris commen-
darent.

Refert Titus Livius (a) cæsis aliquando Pœnis
Duce L. Martio prædam ingentem partam, in ea-
que fuisse Clypeum argenteum pondo librarum
centum triginta octo, cum imagine Barchini Af-
drubalis Viri celeberrimi, qui inter hujus belli
Principes numerabatur, & hunc Clypeum appel-
latum *Martium* in Templo Capitoli posuit tan-
quam posteris ejus Victoriæ monumentum ibi us-
que ad incensum Capitolium fuisse.

Idem Historicus narrat devicto Philippo Mace-
doniæ Rege Demetrii Patre, decem Clypeos ar-
genteos, & unum plane aureum, qui inter ho-
stium spolia reperti sunt, in triumphum a Tito

Quintio delatos esse. Hos Clypeos belli causa com-
paratos non fuisse, qui pondus, pretiumque con-
sideret, unusquisque intelligit.

Aliquot post annis Ædilibus M. Tuccio, & Pu-
blio Junio Bruto dicati collocatique in Capitolio
sunt Clypei duodecim, iidemque aurati.


In vita Domitiani Suetonius prodidit decrevisse
Senatum, ut invisam esse hujus Tyranni memo-
riam ostenderet, ejus Clypeos, & imagines e Tem-
plis detrahendas. Clypeum magnificentissimum
Antoninus Pius Hadriano, qui imperium antea te-
nuerat, dedicavit.

Ruffinus libro xi. Historiæ ecclesiasticæ de ædi-
bus Ethnicorum loquitur; ubi in vestibulis, muris,
ac fenestris *Thoraces Serapis* conspiciuntur, his
enim utitur vocibus.

In Divæ Sophiæ Templi descriptione calamo e-
xarata quam citat Salmasius, testatur Paulus Silen-
tarius in illa æde Discos ex metallo plures esse, in
eorumque medio Imagines, inter quas imaginem
Servatoris Nostri.

Neque vero tantum Imagines, aut Thoraces
Virorum illustrium in his Clypeis exhibebantur,
verum etiam integræ Historiæ incidebantur. Plu-
ra Græca Epigrammata a Clypeis desumpta legun-
tur in libris tum scriptis, tum typis impressis. Ci-
zici in Templo Apollonidis, Matris Attali, & Eu-
menis, multi Clypei erant, in quibus tarentice
cælata erant Historiæ. In quorum quidem uno re-
præsentabantur Pelias, & Neleus Neptuni Filii,
qui suam matrem, ut testis Plutarchus est, e vin-
culis liberarunt.

Ut quæ sit Clypeorum sacrorum forma facilius
intelligas, & hunc antiquum clypeum, quem præ-
manibus habemus, ex illorum genere esse cogno-
scas, hi Nummi proponuntur.



NUMMORUM

INTERPRETATIO.

I. Nummum Augusti ex aversa parte primo
loco vides. Ei Senatus, Populusque Romanus
Clypeum dedicavit, ut hujus rei memoria super-
esset, quod Phraates Parthorum Rex veritus ne
vi cogeretur, militaria signa in cæde Craffi, & M.
Antonii capta Augusto remisit. Summam vero

cepit hic Imperator voluptatem, quod iusto
prælio Parthos devicit, ac Templum in Capito-
lio strui jussit, dicarique Marti Victori, ubi mi-
litaria signa quæ hoc Nummo exhibentur pro-
fecto una cum Clypeo, qui in medio est, sacra-
ta sunt.

II. In altero similis Clypeus est, quem Augusto dicavit Senatus, Populusque Romanus: Id enim in hoc ut in primo Nummo significant hæ litteræ S. P. Q. R. Cl. V. siquidem hæ litteræ harum vocum principio affiguntur. *Senatus Populusque Romanus Clypeum Votivum*, aut *Vovet Cæsari Augusto*. Eam oram in medio hic Clypeus habet, quam habet Mey Clypeus.

III. Tertius quoque Clypeus Augusto votus est. Hic præterea columnæ, ut fieri consueverat, inhæret, unde uti diximus appellati sunt hi Clypei *σύλοι*. *σύλος* enim columnam, *πινάκιον* vero Tabulam, sive Tabellam sonat. Aliqua hujus Imperatoris hic Victoria indicatur, quia Clypeo coronam Victoria imponit.

IV. Quartus Nummus qui est Vespasiani averfam partem offert, in eaque Clypeum sacratum columnæ affixum inter duas laurus ex Senatus Consulto. Id enim significant hæ Litteræ ex S. C. Quod superiore Columnæ parte vides, si Albertum Rubenicum audis, est simplex nota ejus qui Nummum ferit, quod est ad credendum difficile; id enim si verum esset, in aliquibus tantum Nummis, qui hujusmodi averfam partem objiciunt, ea nota occurreret. Alii putarunt urnam esse quæ hujus Imperatoris cineres contineret. At ignorant ne Vespasianum tum inter vivos fuisse, cum ille Nummus cuderetur? equidem existimarim potius urnam ludorum publicorum causa comparatam. Ad duas laurus quod attinet, eas profecto indicant, quæ ad Imperatorum januas poni solebant primo anni die, aut alio tempore cum aliquam victoriam reportaverant. Recensens honores a Senatu Augusto habitos Dio ait, ut intelligeremus ab hostibus Victorem semper discessisse, ante ejus ædes positas laurus esse, quod in quodam Augusti Nummo videre licet. Ex hoc Nummo, & ex verbis Terzulliani cognoscimus duas esse collocatas, in unoquoque januæ latere unam. *Qui sunt*, inquit, *qui Imperatores inter duas laurus obsidunt?* hoc est in ipsa illorum æde. Hinc venuste Plinius Latrum appellat, janitricem Cæsarium, eamque unam ornamentum, fidamque ædium custodem. *Gratissima domibus janitrix Cæsarium, quæ sola & domos exornat & ante limina excubat.*

V. Quintus Augusti Nummus exhibet, ubi est Clypeus per populum Romanum votus, & corona ex quercu quam accipiebant qui cives servassent, quod Augustus bello contra Parthos suscepto præstitit: captivos enim Romanos illi cum signis militaribus reddiderunt.

VI. Sextus est Tiberii Nummus Clypeum votivum continens laurea Corona cinctum, quem decrevit Senatus ad ejus in partis Victoriis moderationem patefaciendam. Quis enim (ita ferme Vellejus Paterculus) singularem Tiberii moderationem non admiretur, qui cum septem triumphos jure promeruisset, tribus contentus fuit? Nempe hujus Principis vitia specioso virtutis nomine tegebantur. Moderatione usum aliquandiu fuisse, ut testis est Dio, negandum non est. Verumtamen ita se gessit tantummodo donec Germanicus vitam duxit, cujus ille virtutem verebatur, & cujus Imperatoris creandi causa res novas facile Populus R. molitus esset, nisi Tiberius ut bene audiret simulata moderatione contendisset. Hanc virtutem Feminae venustæ, atque adolescentis imagine in medio Clypei expressam vides.

VII. Postremus, cujus pars averfa cernitur, est ejusdem Imperatoris Nummus, ubi alius Clypeus est ejus *Clementiæ* Senatus Consulto dicatus; estque ibi Adolescentulæ speciem ejusdem Virtutis effigies. *Pro tali Clementia*, Suetonius ait, *quod non stragulatam Nurum abjecerit, interponi decretum pas-*

Supplem. Tom. IV.

sus est, quo sibi gratia agerentur, & Capitolino Jovi donum ex auro sacraretur. En Tiberii clementiam admirabilem, cujus causa Clypeus aureus, qui hoc nummo exhibetur, ei sacratus est. Ex eo genere iste Clypeus est, cujusmodi Trebellius Pollio in vita Claudii Gothici appellat *Discum Corymbiatum*, hoc est, qui tanquam ornamentum herbam refert, quam Græci vocant *κόρυμβιον*, Latini *Lychnidem Coronariam*, Galli vero *Oeillets Paseroses*. Dictus etiam ille est *Patera Filicata*, id est ornata foliis filicis, *Hederata* foliis hederæ, *Pampinata* vitis foliis.

Intelligimus materiam sacrandis Clypeis adhiberi solitam metalla fuisse, & argentum maxime. Dissimilis illorum erat magnitudo, prout quisque eorum esse pondus desiderabat, aut impensas facere. Si quæ notavimus referre ad sacratos Clypeos velimus, quin hoc quoque quod explicamus monumentum ex eorum numero sit, minime erit dubitandum. Toreuma, pondus, pretium metalli, magnitudinem Clypei bellici prope parem, & cum iis qui in Nummis extant omnem similitudinem inveniendi res apparet longe certissima.

Non me latet quod XIV. Diarium Litteratorum 1681. postquam hanc Tabulam dedimus, in lucem editum refert: Nempe non ab omnibus sententiam nostram probari. Non is equidem sum qui velim doctos homines sententiam meam temere sequi. Immo vero si meliora, & certiora habent quæ asserere possint, pergratum fecerint quoties attulerint.

Hoc tantum dicam, si quis eum Clypeum Concham arbitratus est esse, eum, ubi planum prope totum fuisse illud opus quando inventum est, fundum vero instar Conchæ, ex quo Artifices illud instaurare conati sunt, extitisse sciverit, ab hac sententia discessurum. Cum illi hunc esse votivum Clypeum ignorarent, rati Concham esse, eum in Conchæ formam elaborarunt. Si ipsius operis fundum attente contempleris, non hac ratione factum fuisse liquido constabit. Quare Octavius Mey paulo post in pristinam formam restituendum curavit. Nihil addam præterea, nisi quod ipso pondere, & ea morum simplicitate, quæ Scipionis tempore erat Romanorum propria, quapropter tanta non erat in vasis luxuria, prohibemur quominus Concham esse credamus. Fortasse enim nemo sibi in animum ita induxit, ut ego in animum induxi ipse mihi, præclarum hic Scipionis facinus referri. Quod tamen minime miror, cum rationum momenta quibus ad id credendum impellor, nondum in medium attulerim.

Clypeum autem bellicum fuisse nemo judicabit, qui pondus ejus consideret, quod militis manum nimis defatigasset. Cæterum Clypei bellici erant plerumque ovati, aut oblongi sex angulis, quales videre est in Anaglyptis, & Nummis: Clypeos autem votivos non fuisse arbitror nisi rotundos, & planiores potius quam cavos, ut incidi facilius possent.

Hic porro Clypeus eo est admirabilior, quod ego qui pleraque Europæ Musea vidi, non esse alterum similem testari possum. Quocirca eum singularem puto, dignumque qui in Viri Principis Museo custodiatur. Raros esse hujusmodi argenteos Clypeos ipsum materiæ pretium valde probabiliter evincit. Sicut enim antiquæ statuæ ex auro, & argento raræ admodum ad nos pervenire, quia cum valerent maximi eas fundere ipsarum Domini coacti sunt; ita pretiosæ materiæ causa idem fatum isti Clypei fortiti sunt. Et si fortasse iste Clypeus ex maximis non fuit, tamen 1300. & amplius francos argenti in eo deprehendas.

Bb ij

Reliquum est ut Clypei de quo loquimur imagines explicemus: neque enim ornatus tantum causa collocata ibi sunt. Antiquariorum præclarissimi fenerunt idem quod Octavius Mey, & constanti, concordique animo affirmant egregium virtutis specimen, quod in Hispania capta Carthagine nova Scipio Africanus dedit, hoc historiae monumento significari. Narrat id pluribus T. Livius (a) postquam rationem capiendæ Urbis, & ingentem prædam factam commemoravit.

Cæterum, inquit, Scipio vocatis obsidibus, primus universos bonum animum habere iussit; venisse eos in populi Romani potestatem, qui beneficio, quam metu obligare homines maluit, exteræque gentes fide, ac societate junctas habere, quam tristi subjectas servitio. Deinde acceptis nominibus civitatum recensuit captivos, quot cujusque populi essent, & nuntios domum misit, ut ad suos quisque recipiendos veniret. Si quarum forte civitatum Legati aderant, eis præsentibus suos restituit. Cæterorum curam benigne tuendorum C. Flaminio quæstori attribuit. Inter hæc, e media turba obsidum mulier magna natu Mandonii uxor, qui frater Indibilis Ilergetum Reguli erat, flens ad pedes Imperatoris procubuit, obtestarique cœpit, ut curam cultumque fœminarum impensius custodibus commendaret: cum Scipio nihil profecto defuturum iis diceret, tum rursus mulier, haud magni ista facimus, inquit, quid enim huic fortunæ non satis est? Alia me cura ætatem harum intuentem (nam ipsa jam extra periculum injuriæ muliebris sum) stimulat. Ætate, & forma florentes circa eam Indibilis Filiæ erant, aliæque nobilitate pari, quæ omnes eam pro parente colebant. Tum Scipio, meæ, populique Romani disciplinæ causa facerem, inquit, ne quid quod sanctum usquam esset, apud nos violaretur. Nunc ut id curem impensius vestra quoque virtus dignitasque facit, quæ ne in malis quidem oblitæ decoris matronalis estis. Spectatæ deinde integritatis viro tradidit eas, tuerique haud secus verecunde, ac modeste, quam hospitum conjuges, ac matres iussit.

Captiva deinde a militibus adducitur ad eum adulta Virgo, adeo eximia forma, ut quacunque incedebat, converteret omnium oculos. Scipio percontatus patriam, parentesque, inter cætera accepit, desponsatam eam Principi Celtiberorum adolescenti, cui Allucio nomen erat. Extemplo igitur parentibus, sponsoque ab domo accitis, cum interim audiret deperire eum sponsæ amore, ubi primum venit accuratiore eum sermone, quam parentes alloquitur. Juvenis, inquit, juvenem appello, quo minus sit inter nos hujus sermonis verecundia. Ego cum Sponsa tua capta a militibus nostris ad me deducta esset, audiremque eam tibi cordi esse, & forma faceret fidem, quia ipse si frui liceret ludo ætatis præsertim recto, & legitimo amore, & non Respub. animum nostrum occupasset, veniam mihi dari Sponsam impensius amanti vellem, tuo, cujus possum, amori faveo. Fuit Sponsa tua apud me eadem, qua apud soceros suos, parentesque suos verecundia servata tibi est, ut inviolatum dignum me teque dari tibi donum posset. hanc mercedem unam pro eo munere pacifcor: amicus populo Rom. sis, & si me virum bonum credis esse, quales Patrem, Patrumque meum jam ante hæc gentes norant, scias multos nostri similes in Civitate Romana esse; nec ullum in terris populum hodie dici pos-

A se, quem minus tibi hostem, tuisque esse velis, aut amicum malis. Cum adolescens simul pudore, gaudioque perfusus, dextram Scipionis tenens Deos omnes invocaret ad gratiam illi pro se referendam, quoniam sibi nequaquam satis facultatis pro suo animo atque illius erga se merito esset, parentes inde, cognatique Virginis appellati: qui, quoniam gratis sibi redderetur Virgo, ad quam redimendam satis magnum attulissent auri pondus, orare Scipionem ut id ab se donum acciperet, cœperunt haud minorem ejus rei apud se gratiam futuram affirmantes, quam redditæ inviolatæ foret Virginis. Scipio, quando tantopere peterent, accepturum se pollicitus, poni ante pedes iussit, vocatoque ad se Allucio, super dotem, inquit, quam accepturus a socero es, hæc tibi a me dotalia dona accedent, aurumque tollere, ac sibi habere iussit. His lætus donis honoribusque dimissus domum, implevit populares laudibus, & meritis Scipionis. Venisse Diis simillimum juvenem vincentem omnia cum armis, tum benignitate, ac beneficiis.

Polybius qui eadem ætate, qua Scipio vixit, ejusque familiaris fuit, paucioribus refert hujusmodi facinus. Addit is hoc, quod militibus qui puellam tam præstanti forma adduxerant, respondit: Ego vero, nec si privatus viverem poteram accipere munus ullum aliud magis gratum, neque nunc Imperator ullum aliud minus gratum.

Scipionem comparat hac in re A. Gellius cum Alexandro Magno qui Statiram uxorem Darii ne videre quidem voluit. *Lepida*, inquit, *quæstio agitari potest, utrum videri continentiorempar sit Publium ne Africanum Superiorem, qui Carthagine ampla civitate in Hispania expugnata, Virginem tempestivam forma egregia, nobilis viri Hispani filiam captam, perductamque ad se Patri inviolatam reddidit; an Regem Alexandrum, qui Darii Regis uxorem prælio magno captam, quam esse audiebat exuperanti forma, videre noluit.*

Quod ad Scipionem attinet, vero ne, an falso incertum, fama tamen, cum esset adolescens, haud sincera fuit, & Nævius Poeta nonnullos versus in eum scripsit. Quibus fortasse adductus Valerius Antius, contra atque cæteri omnes Scriptores, de Scipionis moribus senit, & eam puellam captivam non redditam Patri scripsit, contra atque nos supra diximus, sed retentam a Scipione atque in deliciis amoribusque habitam.

Hujus Historici calumniam quæ Scipionis memoriæ injuriam infert, non solum alii Scriptores refellunt, verum etiam de quo sermonem institumus iste Clypeus. Qui enim frontis tam perfrictæ esse potuit Scipio, ut commendari votivo Clypeo, atque in templo exponi sineret ejus rei præclare gestæ memoriam quam non patrarat? quam esse fictam Romani, Hispanique intellexissent? Cæterum tum vigesimum septimum, aut vigesimum octavum agebat annum, quæ ætas aliquanto maturior est, & ad reprimendos effervescentis adolescentiæ motus aptior, quorum causa reprehensus aliquando Scipio fuit, antequam ea gloriæ cupiditate, qua hoc tempore, abriperetur.

Valerius Maximus Sponso *Indibili*, non *Allucio* fuisse nomen memorat: Verum Polybius, ac T. Livius distinguunt nomina, & Indibilem Ilergetum Regem vocant. Neque videtur probabile contra Scipionem arma Indibilem sumturum fuisse, quod post Carthaginem accidit, si ab illo tam liberaliter exceptus esset. Præterquam quod grandior natu Indibilis erat, quoniam vivo adhuc Scipionis Patre, adversus Romanos bellum gesserat.

uxorem duxerat, ab eaque Filias susceperat, illaque, ut T. Livius narrat, ætate florentes erant.

Quæ diximus hætenus muniunt iter ad intelligendum, quinam præcipue hujusmodi clypeo exhibeantur. Quem in medio sedentem vides hastam propriam Imperatoris notam manu tenentem, ille Scipio est. Præ se fert adolescentis hominis speciem, aptam oris, & corporis conformationem, magnamque staturam. Etenim tametsi sedet, æque atque alii stantes, caput tollit. Illi barba rasa est: barbam enim radere Romanis moris fuit, certe iis qui non admodum proveci essent ætate, ut constat ex A. Gellio lib. 3. cap. 4. apud quem legimus P. Scipionem minorem, quem hic de quo loquimur Scipio adoptavit, cum reus factus esset, neque barbam desisse radere, neque candida veste uti, neque fuisse cultu solito reorum, ut promissa barba atraque veste ante conspectum judicum venirent. Primis quidem temporibus barbam Romani alebant, ac tantum anno 454. ab Urbe condita Tonfores Siculos Romæ sedem ponere passi sunt. Consecutis temporibus usque ad Hadrianum raserunt barbam, qua de re nos certos Nummi faciunt. Hic Imperator pristinum illum morem revocavit, eumque qui secuti sunt Imperatores servarunt. In hoc magno Imperatore, quem tanquam Regem colere Hispani voluerunt Romanorum iis temporibus in cultu, habituque moderationem agnoscimus. Pro media corporis parte sago tegitur, nudo capite, nudisque pedibus: videtur etiam illud ex lana. Vestibus enim fericis primum Heliogabalum usum fuisse accepimus.

Quam ad Scipionem adolescens homo ducit, Virgini obductum est flammeo dimidium capitis, cum modestiæ causa, tum nuptiarum; velare enim caput solebant sponsæ cum viro traderentur. Vestimenta reliqua a Romanis nihil differunt: postquam enim in Hispaniam crebro Romani se conferre consueverunt, suosque mores eo importarunt, Romanæ, Hispanæque mulieres indu eodem ritu cœperunt.

Sponsus ejus Allucius is profecto est qui eam manu ad Scipionem deducit. Cum enim hic Nobilis Hispanus junior esset, appellat enim *adolecentem* T. Livius, barbam adhuc præ se ferre non poterat.

Barbatæ sunt alii quatuor Hispani, iique sunt hujus adolescentis ejusque Sponsæ cognati orantes Scipionem, ut quod auri pondus ad redimendam Virginem attulissent, acciperet. Nam barbam alere apud Hispanos, ac fere omnes extra Italiam populos, Syris exceptis, in more positum fuit, ut ex Libris constat, ac Numismatis. Confirmant id antiqui Hispaniæ Nummi, de quibus verba fiunt in Libro, cujus titulus *Tesoro de las Medallas Espannolas*. Hinc in vita Veri Capitolinus ait promissam barbam huic Imperatori Barbarorum more fuisse: qui jacet in terra nudus est procul dubio ex hac urbe captivus, qui Scipionis victoriam testatur, admiraturque virtutem.

Duo alii adsunt galeati, & imberbes; ii præfati sunt: fortasse unus Cajus Flaminius cui Scipio captivorum curam attribuit, alter C. Lælius, quem Scipio teste Tito Livio adhibere sæpe in consilio solebat: eorum alter militaribus indumentis ornatus est, gestatque manu buccinam.

Quod a tergo imaginum vides Architecturæ sive Sculpturæ opus, est quoddam Arcus triumphalis genus, quod tamen affirmate dicere non ausim. In januis enim quæ sunt a lateribus apparent parva velaria; & quæ in arcu triumphali esse consueverunt, ut janua rotunda sit, ac desuper in coronarum projecturas desinat, in medio non vides.

A Itaque ego crediderim id a fabro lignario factum ad ornamentum aulae, ubi fandi copiam Scipio dabat, aut solium quoddam; sed aliqua ratione ad formam arcus triumphalis factum; quod insignem victoriam, quam terra, marique consecutus est, indicaret, cujus rei argumento sunt Triton, ac Nereis superiore Arcus parte tubam inflantes.

B Eximium quoque hujus victoriæ monumentum sunt projecta ad Scipionis pedes arma. Jacent ibi Galeæ, Clypei, Buccina, Enses, Pharetræ, Arcus, arma Romanis cum Hispanis, Afrisque tum a Scipione devictis communia. Prope Pharetram tamen duæ modo ocreæ ad obtegenda crura sunt, quibus Romani non utebantur.

Utrorumque enses lati sunt, extremisque partibus rotundi: in capulo nulla cælatura est, nisi quod unus animalis caput refert. Scitum est sine acie apud Antiquos enses fieri consuevisse, ut iis quemadmodum sicis, & machæris cæsim, non punctim hostem peterent.

C In angulo pictæ Tabulæ ad præfectorum Romanorum latus mensulam vides cum Vase, & duobus panibus, aut duabus nescio quibus rebus certe rotundis, fertoque ex mensula deorsum pendente: Hæc fortasse referuntur ad nuptias, quæ his nobilibus sponsis erant exornandæ; sive per ea panis, & vinum res convivii præ cæteris necessariae, sive sacrificia quæ in nuptiis fiebant, significantur. Græci, a quibus Romani, ac nationes prope omnes res Religionis mutuatae sunt, Cælo, Terræque hæc sacra faciebant tanquam primis sponsis, (ita enim Ethnici Theologi ferebant) indissolubili vinculo conjunctis. Faciebant hæc Minervæ quoque Virginitatis Patronæ petentes veniam, si naturæ legibus, & peculiari quadam necessitate ei sacrata Virgo nubere cogeretur.

D Hæc Scipio præclare gessit, novamque Carthaginem cœpit anno ab Urbe condita 543. hoc est ante Christum natum 210. Conjunge annos a Christo nato qui ad hoc tempus defluerunt 1682. cum iis 210. intelliges clypeum hunc annis ab hinc 1892. sacratum fuisse: nullus enim dubito quin eo tempore fuerit elaboratus. An vero videtur simile historiam hanc in Clypeo alicui templo affixo ad memoriam posteris commendandam cælata fuisse longo post tempore, non verotum cum Scipio, quique huic rei interfuerunt, inter viros ætatem degerent, ut illorum formæ fingi possent?

E Adde quod cum in Rhodano prope Avenionem repertus sit, credendum est malo nescio quo alicujus cymbæ impedimentis onustæ, & cum ripam transgrederetur demersæ fato, amissum esse: Ille enim iter fecit Scipio in Italiam ab Hispania rediturus.

Tandem ipsa plana cælatura, rudis forma & ambitus, Architectura minus affabre laborata factis argumento sunt eo tempore clypeum hunc factum esse, quo nondum erant artes numeris omnibus absolutæ: quamquam non rudes erant eorum temporum Artifices; certe præstantiores iis qui Constantini tempora consecuti sunt, qui Gothos hisce in rebus sunt imitati.

F Ubi ea quæ mihi objiciuntur refutavero finem faciam: quem, inquit aliquis, Scipionem esse dicis, is non est ad Allucium conversus: hunc enim manu tenere Virginem ais, quod cum iis quæ narrat T. Livius, cum de illorum colloquio commemorat, congruere non videtur. Cæterum donum quod Scipioni offertur nusquam cernitur.

His ita responsum volo: Non uno momento suæ virtutis, & continentiæ exemplum Scipio dedit, neque totius rei una scena est. Ad eum deducta est Virgo: Ad Allucium, & Cognatos mittuntur nuntii. Accedunt: eos omnes Scipio al-

loquitur. Ii quod attulerunt donum ut accipiat, orant: Is se excusat, illudque Allucio attribuit. Cognati gratias agunt, maritant sponfos, laticue redeunt. Satis igitur est ut unam, & præcipuam totius rei partem picta Tabula contineat, ut perveniat ejus rei ad posteros memoria. Hac in re non præsertim Allucii colloquium,

A neque donum quod acceptum non est, spectanda sunt, sed Scipionis castitas, quamobrem eum cum Alexandro erga Statiram comparat A. Gellius: quocirca satis erat ostendere per Scipionem non usum jure belli, redditam Parentibus, sponsoque inviolatam Virginem fuisse.



SECUNDA DISSERTATIO

De Antiquo Musivo, quod est Lugduni apud Cassaire.



asaroton æcon. Vox hæc æcos domum significat; *asarotos* autem dicitur, quoniam purgamenta cœnæ in pavimento, quæque everri solent, veluti reliqua fecerat Sossus parvis et testulis, tinctisque in varios colores. Mirabilis ibi columba bibens, & aquam umbra capitis infuscans. Deinde in usu fuerunt quæ dicuntur vulgo *Musæica*, Græce *λιθόσπαστα*. Cœperunt autem sub Sulla, qui hujusmodi pavementum in Fortunæ Delubro Præneste fecit, anno ante Christum circiter 170. *λιθόσπαστα*, si vim vocis expendas, sonat pavementum lapidibus stratum: verum est pavementum e parvulis crustis, tessellisque tinctis in varios colores, variis distinctum figuris. Tandem non contenti impluvium, & atria inferiora hac ratione lapidibus sternere, cameras hisce lapidibus construxerunt; cumque indignum videretur tam eximia opera pedibus calcari, ædes magnificæ, ac templa tessellato opere contexti cœperunt. Id videtur Plinius indicare cum ait: *Pulsa deinde ex humo pavimenta in Cameras transferre e vitro.* Nihilominus magna pavimentorum consecutis temporibus ad hæc usque postrema factorum copia moveor ut credam, non illa prorsus pulsa esse, sed hanc pingendi rationem aliis ornamentis plerumque usus fuisse, ut inter cætera ædificiis quæ appellantur *Musæa*, quæ specus imaginem ita reddebant ut naturam ars imitaretur. Hujusmodi pavimenta dicta sunt *Musæa*, *Musica*, *Musiva*, quia Musis ingenii opera referebantur, ibique Musæ, atque liberales artes representabantur. Habetur Lugduni ædes antiqua D. Irenæi structa tota emblemate vermiculato, ubi cernuntur adhuc pictæ Rhetorica, Dialectica, Prudentia.

Fortasse ædificia publica, quo litterati homines

conveniebant, *Musæa* dicta his operibus ornata erant, & hujusmodi Musæa pluribus in locis fuisse constat. Collis celeberrimus Athenis hoc nomine fuisse fertur, ubi humo conditus Poeta Museus est; ac Trœzene in Peloponneso Templum cui nomen *Museum* Musis dicatum Litteratorum hominum commodo, ubi docuit Rhetoricam Pithæus, librumque edidit, quem testatur se legisse Pausanias.

Apud hoc Templum ara est Musis, somnoque sacra. Hoc factum iccirco est, quia Veteres mysteriis maxime addicti significare voluerunt somnum Musis esse amicum. At celeberrimum Museum erat Alexandriæ, de quo Philostratus, & D. Chrysostomus, in quo publico sumtu viri docti quamplures alebantur. Certum est ædificatum illud fuisse jussu Ptolemæi Philadelphi Ægypti Regis, qui admirabilem illam Bibliothecam composuit, ejus tot Scriptores meminere, & Sacras Litteras per 70. Interpretes Græce reddendas curavit. Claudius Imperator, qui docti famam aucupabatur, in eadem urbe, teste Suetonio, veteri Museo alterum ex suo nomine Museum addidit.

Vocabulum *Musivum* perperam nonnulli a Mose, vel Judæis derivant. Salmasius in sex Scriptores Historiæ Augustæ, ait non idem esse musivum, & pavementum, at nec pavimento, sed cameris, & absidibus musivum assignari, easque sæpe musivo pictas: fatetur tamen utrumque opus & musivum, & pavementum tessellatum esse, hoc est parvis lapillis compositum, variisque figuris distinctum. Latini appellant hæc opera *tessellata*: Græci *τὰ ψηφολογητὰ*, & *χονδροβολίας* a *χόνδρος*, hoc est *glarea*, & *minutissimus calculus*. Hæc est Salmasii sententia: Usus tamen obtinuit, ut musivi nomen tum pavimenti, tum cameris opere tessellato contextis tribuatur. Quamobrem nulla nobis religio injiciatur, quominus promiscue hoc nomine utamur.

Perrault in Vitruvium, quæ Vitruvius appellat *Pavimenta sectilia*, apte a Musivis distinguit. Certum est, inquit, tessellas quibus Musiva conficiuntur oportuisse cubicas esse, aut certe ad formam cubicam accedere, ut apte altera cum altera

connecti posset, & ut possent quaslibet figuras, quoslibet colores imitari (singulis enim laterculis suus est peculiaris color) sicuti aula pingi ac quodammodo solent. Hoc tamen de Pavimentis sectilibus dicendum minime est. Seligebantur enim lapilli quorum varii natura, colores essent, id est scilicet, quibus pro re quæ agebatur, opus esset: quare uni, eidemque lapillo umbra, & lux inerant, & secari huiusmodi laterculi, prout usus postulabat, in varias formas poterant. Hoc vere erat Pavimentum sectile. Hac ratione Senæ in Æde Majore structum est pavementum ex marmore lapillis apte collocatis; eademque ratione jam nunc Parisiis ad *Gobelinos* Tabulæ elaborantur tessellis ex marmore, lapide lazuli, aliisque gemmis distinctæ. Cælator tamen huius musivi, de quo loquimur, & præ manibus habemus, de quadrata lapillorum forma non fuit admodum sollicitus, quos videtur ad squamarum normam affinxisse.

De duplici horum pavementorum genere, quæ adhibere foris, & aptare Tabernaculo Cæsar consueverat, in ejusdem Cæsaris vita Suetonius loquitur. *In expeditionibus tessellata, & sectilia pavementa circumtulisse.* Quam in rem consulendus est interpretes Casaubonus, qui multa scitu digna de his pavementis, eorumque nominibus tum Latinis, tum Græcis affert. Inter cætera loquitur de voce *λιδόσωρον*, qui est locus, quo ductus Jesus Christus est, ut apud Pilatum Judicem causam diceret. Hoc vocabulum significat pavementum incisis lapidibus stratum, cujusmodi fuit hæc aula, ubi, juxta dicebatur a Judæis, patrio sermone dicta *Gabbata*.

Fere in omnibus antiquis urbibus, & præsertim in iis quæ olim fuerant Romanæ Coloniz, huiusmodi musiva inveniuntur; at pauci de iis integris, conservandis solliciti sunt.

Aventici, quod est antiquissimum Helvetiorum oppidum, Musivum variis pictum, alitibus, & concinnatum lapillis inventum est. In medio leguntur hæc:

POMPEIANO ET AVITO
COS. KAL. IAN.

Hic eum locum, ubi profecto sacra Ædes aliqua fuit, intelligimus Calendis Januariis esse dedicatum, Consulibus Pompeiano, & Avito, qui anno Christi 210. Urbis 961. juxta fastos Capitolinos, Magistratum inierunt. At illud opus prope totum corruptum est, & nisi curiosus aliquis extitisset, ejus quoque memoria interiisset.

Bergerus in historia viarum militarium, musivum describit quod extat in Æde Cœnobii D. Remygii Rhemis, ubi servatur oleum cœlitus missum. Verum quia liber ille non est facile parabilis, quæ ibi leguntur huc transferam. Hæc ferme ille habet:

„ Sternitur hoc pavementum quam late patet o-
„ deum totum, quod est longitudine, ac latitu-
„ dine illi par quod in Æde B. Virginis Parisiis cer-
„ nitur. Contextum illud est lapillis marmoreis,
„ aliis quidem colore nativo, aliis autem encausto
„ pictis opere vermiculato. Tam bene dispositi,
„ junctique lapilli sunt, ut innumeræ species pe-
„ nicillis effectæ videantur. Tibi odeum ingredi-
„ enti David obicitur harpa canens, cujus e capi-
„ te illud eminet *Rex David*. Inter hunc & A-
„ quilam conspicitur ingens picta tabula, in cu-
„ jus medio D. Hieronymi imago est, atque no-
„ men: Prophetas, Apostolos, Evangelistas ad-
„ dito cujusque nomine circum vides, Aucto-
„ res nempe sacrarum utriusque Legis Littera-
„ rum; Librum secum figura, tituloque distin-

ctum habet quisque suum: alii clausi sunt, alii in orbem voluti more antiquo. Ita vero Tabula disposita est ut Novæ Legis Scriptores medium locum teneant, veteris autem postrema.

Ad dexteram Odei partem quatuor quadratæ Tabulæ sunt modicis intervallis disjunctæ. Prima quatuor flumina *Paradisi Terrestris* exhibet, hominum aquam valis fundentium forma, quæ vasa inter eorum brachium, ac latus posita sunt, hisque notata nominibus: *Tigris, Eu-phrates, Geon, Fison*. Hæ quatuor imagines ejus Tabulæ quatuor angulos occupant. In medio Mulier remum tenet, ac Delphino insidet, ibique legis hæc: *Terra, Mare*.

Alteram Tabulam unus Ramus cum frondibus, ac foliis totam occupat.

In tertiæ angulis sunt quatuor Anni temperies inscripto nomine: *Ver, Æstas, Autumnus, Hyems*: in medio Homo fluvio insidens cum ea Inscriptione: *Orbis Terræ*.

Quarta septem artes liberales continet, quarum tamen pleræque imagines odei sedilibus teguntur. Verumtamen apparent hæc duo verba: *Septem Artes*.

Ad lævam partem magnum quadrangulum vides, cujus longitudo duplo major est, quam latitudo. Duæ amplæ sed in circulum acta æquali magnitudine Zonæ sunt, convexæ, quæ se contingunt. In altera Zona sunt duodecim anni menses, in altera duodecim Zodiaci signa.

In medio tanquam centro primæ Zonæ sedet Moses, qui Angelum altero genu sustinet: circum scripta legis hæc:

*Mosique figuras
Monstrant hi Proceres.*

Reliqua legi non possunt, quemadmodum neque Justitiæ, Fortitudinis, Temperantiæ, Orientis, Occidentis, Septentrionis imagines conspici, quia ejus loci subsellia impedimento sunt. Prudentia tamen mulieris serpentem ferentis forma, & proprio notata nomine *Prudentia* patet, eademque ratione *Meridies* Hominis figura; quibus cæteras quoque quas nominavimus species regi conjicimus.

In medio alterius Zonæ occurrit oculis Ursla utraque, suis utraque ornata Stellis, & altera quidem capite alterius caudam sequitur; ita plane ut eas in globo cœlesti pictas vides. Omnes imagines istæ opere tessellato confectæ sunt, cætera planities crocea est, eodemque emblemate, cujus vel crassiores lapilli unguis latitudinem non exsuperant. Nonnulli tamen sepulcrales lapides nigri, & candidi ibi sunt, & nonnulli rotundi Jaspides, alii purpurei, alii coloribus aliis undantibus ornati, & inter lapillos marmoreos distributione quadam coagmentati, tanquam gemmæ in annulo compactæ. Hinc duos gradus Aram majorem versus conscende. Aliud cernis pavementum, & alia ratione ex lapillis marmoreis textum, & lineis emblemate vermiculato venuste distinctum: In Ara autem gradu Sacrificium Abraham, Scalas Jacob, aliaque Veteris Legis monumenta SS. Novæ Legis Sacrificium significantia eodem opere descripta vides. Templum illud in quo jacet huiusmodi pavementum Leo IX. Pontifex M. dedicavit, qui anno 1049. mense Octobri Concilium ibidem habuit. Si eodem tempore hoc pavementum stratum est, aliquid immutare necesse fuit, ut aptari possent sepultura, quæ modo sunt, quæque postea sunt ibi posita.

Joannes Poldo D'Albenas, qui de Nemausi rebus

bus antiquis agit Musivi meminit, quod jam tum cum ipse viveret Nemausi servabatur in Æde sacra majore; videbanturque in eo expressæ species arborum, avium, aliorumque animalium: & alterius præterea meminit, quod e Divi Ægidii prope Nemausum ad Fontem Aquæ pulchræ transtulit; quam ob rem de hujusmodi Musivis ille pluribus disseruit. Ait id a Gallis promiscue dici *Mosaique*, & *Musaique* pro sui temporis consuetudine. Animadvertit præterea in Codice lib. 10. de excusat. artif. per Imperatores Theodosium, & Valentinianum Artifices *Musivarios* (non ut perperam legunt alii *Muscarios*) officiis publicis immunes fuisse; & Ciceronem in Bruto de M. Calidii stylo dicere, nullum nisi loco positum, & tanquam in vermiculato emblemate structum verbum reperiri.

Tam vulgaria Romæ facta sunt musiva, ut iis delubra pleraque Maximorum Pontificum jussu ornata sint, ut habemus ex Bibliothecæ custode Anastasio, qui ait hujusmodi opera vermiculata jubente Leone IV. collocata in Æde Divi Petri fuisse, Sergio II. alia in Divi Martini, Gregorio IV. in Laterano; & aurata alicubi fuisse hæc Musiva, ut adhuc videre similia licet in Italia: quæ quidem Venetiis Ædi Divi Marci non exiguo sunt ornamento.

Narrat Spartianus in Pescennii Nigri vita, eum cum adhuc non esset Imperator in *Commodianis hortis in porticu curva pictum de Musivo inter Commodi amicissimos esse, & Sacra Isidis ferentem*.

Ecce Inscriptionem, quam Princeps Eminentissimus de Medicis ab ea parte Africæ quæ ad Tunetum vergit, Florentiam deduci jussit; in qua de opere Museo mentio est, quo curva porticus fuerat exornata.

ATA PECVNIA PERFECIT
ET DEDICAVIT ET OB DEDICATIONEM

PUGILVM CERTAMINA EDIDIT
ET DECVRIONIBVS

SPORTVLAS ET POPVLO GYMNASIVM
EPVLVM DEDIT

ET HOC AMPLIVS PRO SVA
LIBERALITATE CAMERAM

SVPERPOSVIT ET OPERE MVSEO
EXORNAVIT

.....CVM. AREIS. FELICE
ET RVFINO

.....DED....OB. QVAM DEDICAT.
EPVL.DEC.ET POPVLO FRVM.DED.

Alicujus Ædificii meminit hæc Inscriptio, cujus ob dedicationem pugilum certamina edita sunt, Decurionibus largitiones factæ, datum epulum populo: superpositus præterea est fornix ex opere Museo Felice, & Rufino Consulibus.

Videntur Lugduni hæc Musiva communia fuisse. Etenim in Æde Athanacensi totum pavimentum prope Aram erat opere tessellato. Repræsentatur ibi Paschalis II. Pontifex Maximus a quo Ædes illa restaurata est: ibique legitur hic versiculus:

Hanc Ædem Sacram Paschalis Papa dicavit.

Et alii quatuor de obsequio quo ad Sacram Aram accedere liceat, quos ego versus profero de Lugduni rebus antiquis alibi verba faciens. Tota

Supplem. Tom. IV.

erat his emblematis D. Irenæi Ædes exornata, ipsum opus est admodum crassum, & prope antiquius quam illud Athanacense, hoc est sæculo circiter decimo constructum. Reliquiæ adhuc reperiuntur, ea præcipue Urbis parte quæ frequentior est, quam appellant *Fourviere*.

Musivum igitur illud, quod interpretandum suscepimus Lugduni apud Cassaire anno 1676. inventum est. Dum terram fossiores moverent, ea quinque, aut sex pedes effossa, muri palmum offenderunt opere tectorio, at pariter vermiculato lævigati, quem, cum urgerent opus, fregerunt. Pavimentum quod integrum est, longum pedes fere viginti, latum decem, totum est quadratis laterculis, certoque ordine distributis ingeniose tessellatum. In medio est Tabula tres fere pedes alta, quatuor longa; ibique expressæ quatuor Imagines, quas superius videre est, quasque explicare conabimur.

Ex frustis hujus operis extracti facile intelligas ita confici consuevisse: ut corium duos circiter transversos digitos crassum, & arenatum, ac marmoratum componerentur, in qua materia certo ordine lapilli in oblongum quadrati collocarentur; ita tamen ut dimidia lapillorum longitudo in arenato, quemadmodum dentes in malis, includeretur. Atque ut figuras quas libuisset Artifices exprimerent, Graphidos scientiam probe callere necesse fuit, & lapillos colorum, exempli causa, albi, rubei, nigri, leucophæi varietate distinctos eligere, ut ambitus & umbræ juxta propositum Artifici *σκιών* efficerentur. Cum naturales hi colores essent, nihil ferme detrimenti injuria temporum ferebant; & quidem si qua hujusmodi pavimenta reperiuntur, nihil venustatis coloribus ademtum cernimus. Plura de ratione conficiendi musivi scire cupienti legendus est Liber Felibieni, cujus titulus, *Principes d'Architecture, Sculpture, & Peinture*. Prima elementa Architecturæ, Sculpturæ, & Picturæ.

Musivum hoc tanto pluris ego facio, quia opus Museum in imaginibus maxime apparet: quandoquidem tanto in pretio est Musivum illud quod est in cella Vinaria Civis Arausienis, quod ita elaboratum est ut fellis murem dentibus teneat; multæ quidem artis, at fortasse non magni mysterii opus. In plerisque tamen, vere ut dicam, pavimentis hifce aliqua emblemata exhibebantur; quam rem eo versu confirmat Lucillius, quem Plinius citat.

Arte pavimenta atque emblemata vermiculata.

Ut ut res sit, prima hujus Musivi effigies Hermes est, de quo satis locuti sumus. Utrum quæ eminent ex capite duæ fasciolarum sint alarum formam imitatarum, qua ratione Hermes effingi sæpe solet, an vero pendentes ad humeros in nodum torti funiculi, ut Pictor credidit, vel in ipso opere satis secernere haudquaquam posses.

Adolescentulum alatum, quem, si propriam aliquam notam sui gestaret, cupidinem crederem, reddit species altera: existimarim ego potius genium aliquem, cujus Dei plura erant officia. Nam hæc Antiquos opplevrat opinio, ut uniuscujusque Provinciæ, uniuscujusque Urbis, uniuscujusque hominis Genius aliquis curam gereret. Itaque alii Fontibus, alii Arboribus, alii Saltibus, alii Eloquentiæ, alii Lætitiae, alii Artibus præerant. Videtur hoc in loco similis ducenti, aut invitanti Satyrum, ut Mercurium, aut Hermetem veniat veneratum.

Tertia ostendit Satyrum, nisi Pana malis, caprinis pedibus, & extantibus in fronte cornibus, utpote eos pingi ferebat consuetudo. Pan apud Veteres habitus fuit Mercurii & Penelopes filius; & quia in caprum se transformasse Mercurius dici-

tur, quo pateret ei ad Penelopem aditus, hinc mos tenuit ut caprinis pedibus fingeretur, & *Semicaper* nuncuparetur. Hic animadvertite varias de Penelope sententias. Alii, nempe Homerus, & cum eo pluri, tanquam castitatis exemplum Penelopem proposuerunt. Alii, quorum Principes sunt Duris Samius, Tzetzes Pausanias, & Horatius ea dicunt, ut impudica sui corporis copiam fecisse videatur. Confunduntur apud Scriptores sæpe Satyri cum Pane; illi enim quoque *Panes* dicti sunt, quod hoc Ausonii versiculo comprobatur:

Capripedes agitat cum lata protervia Panes.

Et verum est eos ita effingi consuevisse. Pan erat Satyrorum Princeps. Sylvarum, Camporum, Venatorum Dii habiti illi sunt, qui tam perfrita frontis fuerunt, ut sæpe ad inverecundiam, & impudentiam significandam Satyri ponerentur.

Quarta imagine ex media parte vestita Silvanus Camporum, pecorumque Deus sine ulla dubitatione indicatur: Nam ita pingi consuevit, ut manum dexteram protenderet, læva cupressi, aut alterius arboris ramum ferret, qualem hic vides. Rem certam faciunt hi duo Martiani Capellæ versus l. 5. in nupt. Mercur. & Philolog.

*Tunc primum posita Silvanus forte cupressu
Percitus, ac trepidans dextram tendebat inermem.*

Arboreis frondibus redimitus est, quia rure præcipue colebatur. Illum Deum finium, non secus atque Mercurium Horatius nominat.

*Ex te Pater
Silvane, tutor finium.*

Quod Silvani dextram supereminet, non est aliud quidquam nisi Tabulæ ornamentum, nihil significans.

Nonnulli hoc Emblemata explicare conati sunt: sed hæc picturarum Ænigmata sunt plerumque ejusmodi, ut in quamlibet partem verti, ac flecti pro libidine possint. Interim donec meliora afferantur, ita interpretari possumus hoc emblemata, omnia cedere eloquentiæ, cui præest Mercurius, & hac homines pertrahi vel invitos: Nam Satyrus unam manum a tergo revinctam habet, quamvis Genium propulsare dextera conetur. Hinc ad se feras Orpheus traxit; Hinc Amphion Musicæ suavitæ saxa ita movit, ut eum sequerentur, & ad struendos muros Thebanos, ubi ipsi libebat, collocarentur.

Neque hæc alia inepta est interpretatio, Antiquos Romanos hac Tabula indicari voluisse eam quæ Terminis, ac Limitibus agorum, quorum tutores Mercurius, & Silvanus erant, debetur, venerationem, quoniam ipsi Satyri eos colere, ac revinctis manibus venerari cogebantur. Si quis alicujus agri Terminum movebat loco, aut alio transferebat, eum statim sacrum fuisse, eique Deo mactari ad expiandum scelus impune potuisse ex antiquis Scriptoribus comperimus.

Notandum est apud Ethnicos musivis Satyros expressos frequenter fuisse, quod colligi ex his Niliv. versiculis potest epigr. lib. 4.

*Πῶς ἐκ λίθου ἄλλοθεν ἄλλης
Συμφορτὸς γενόμενος ἔξαπίνης Σάτυρος.*

hoc est, quomodo ex nonnullis lapidibus simul conjunctis factus sum repente Satyrus? Hoc pavementum profecto tum factum fuit cum Romani hujus

Urbis imperium tenerent, & adhuc expertes Christianæ Religionis essent, quandoquidem eorum Deos effictos intueris. Ut credam primo, aut altero Æræ Christianæ sæculo factum hoc musivum fuisse, elegans ac venusta formæ ratio facit. Præterea apud quempiam virum nobilem, in aula collocatum potius, quam in Æde iis numinibus sacra fuisse crediderim. Neque enim probabile est in Ædium Sacrarum pavimento Deos hos effictos fuisse, qui eorum pedibus calcati essent, qui ipsos venerant. In aris ipsorum positi fuissent potius, aut locis aliis, unde conspici a suis cultoribus possent.

Ad ornandum argumentum hoc meum, ostendendumque in eadem ara aliquando Mercurio, & Silvano cultum haberi consuevisse, quibus aliquando Pan quoque, & Bacchus tanquam Numina propitia Rusticis addebantur, aliquot hoc loco Inscriptiones afferam.

R O M Æ.

SILVANO ET MERCVRIO

SACRVM

TI. CLAVDIVS EPICTETVS

ET CLAVDIA HEROIS

EX VOTO. L. M.

AR. ET PAVIMENT. S. PREST.

Pavimentum ad quod pertinet hæc Inscriptio, videtur fuisse musivum, sive opus tessellatum: alioquin non esset de eo pavimento facta mentio; quod tanti non fuisset, ut de illo verba fierent: & in hanc sententiam Cicero suæ domus porticum tantum ait *pavimentatam*. Gualtherus in suis Siciliæ Inscriptionibus unam refert, quam ades quædam sacra Syracusis servat opere Museo, ubi quidam Cn. Octavius restituisse pavementum dicitur, totamque ædem Veneri aliquando Sacram fuisse novimus.

R O M Æ.

SILVANO PAN.
ET LIBERO PAT.

INVICT. SAC.

SERGIANA CVM FIL.

R O M Æ.

MERCVRIO SOLI

ET SILVANO

SANCTISSIMO

SACRVM

Q. VIVIVS VOLSCINIUS

PROC. COLLEG.

AVRIGARIORVM

III FACT.

Nomen Sanctissimi non est Silvani proprium, sed occurrit in pluribus lapidibus sacratis aliis Diis, gratia exempli Jovi, Mercurio, Baccho, Herculi. Artificum, & aliorum quorumcumque hominum societatibus, quæ a veteribus collegia dicebantur, sui Patroni erant, sui Procuratores. Qui currus regebant a Latinis appellati Aurigarii, Aurigæ, & Aurigatores.

res in Ludis Circensibus alii aliis æmulati decertabant, uter regendo currus superior evaderet, & propositum victoribus præmium consequeretur. Collegia instituerunt colorum varietate distincta, quorum quatuor in Inscriptionibus Gruteri inveniuntur Factiones præcipuæ, scilicet, *Russata*, *Prasina*, *Veneta*, *Albata*. Opinio est Veteres quatuor illis coloribus quaternas anni partes significare voluisse, quibus novam quamdam formam natura induit, ita ut Factiones singulæ suo quæque colore has anni partes indicarent. *Prasina* Ver, *Russata* Æstatem, *Veneta* Autumnum, qui plerumque imbrifer, & caliginosus esse solet: *Albata* tandem Hyemem abundantem nive, geluque.

NEMAUSI.

DEO SILVANO
ET LIBERO PATRI
ET NEMAVSO
...ARCHVS SINODI.

Nemausus Deus est Conditor, ac Patronus Nemausi: Fuit enim olim, ut habemus ex Plinio, in more positum, ut ad grati animi significationem illos in Deorum numero collocarent, a quibus beneficia accepissent. Ita se erga Nemausum Herculis Nepotem Nemausenses gesserunt. Bacchum vero iccirco profecto cultu prosequerantur, quia ipsorum ager vino præstabat, Silvanum autem quia frugibus.

Antequam hoc argumentum absolvo, duas affero Inscriptiones. Altera est Florentiæ ab Africa sumpta, & eodem in loco exarata, ubi illa de qua superius diximus. Hic legimus *Opus Albarium*.

FLORENTIÆ

In Cimeliarchio Magni Ducis.

....STAE SACRVM

Aurel. MAXIMI MEDICI ET L. AVRELII VERI AVG. ARME-
NIACI PARTH.

Tem PLVM CVM ARCV ET PORTICIBVS ET OSTEIS ET
OPERE ALBARI A FVND.

Quæ primæ Lineæ defunt literæ addi probabili ratione possunt: *Junoni Augustæ Sacrum*, aut *Dianæ*, aut *Veneri Augustæ Sacrum*. Sed quod certum est, id est, hanc Inscriptionem alicui Templo, quod tempore, & sine dubio jussu Imperatorum M. Aurelii, & L. Veri (erant enim ipsorum Tituli, *Maximi*, *Medici*, *Armeniacy*, *Partbici*) ædificatum est, inseruisse. A fundamentis erectum hoc templum est cum Arcu, Porticibus, januis, totum albatum, & calce illitum; Id enim apud Plinium, & Vitruvium sonat *Opus Albarium*, sive *Albare*, cujusmodi vocabulum hoc loco adhibetur. Quæ sequitur Inscriptio Andomatuni reperta est, quam mihi R. P. Menestrier supeditavit.

ANDOMATUNI,
Seu Lingonis.

OPVS QVADRATARIVM
AVGVRIVS CATVLLINVS
VRSAR. D. S. P. D.

Opus quadratarium lata significatione nihil sonat aliud quam opus quadratis lapidibus contextum. Sic apud Sidonium Apollinarem aliosque *Quadrarii* dicuntur, qui marmora adamussim quadrant. Verumtamen Musivum quoque hoc nomine significatur: quod cum ex hac Inscriptione, tum ex Leonis Ostiensis lib. 3. cap. 29. liquido constat. *Artifices destinant peritos in arte Musaria & quadratura*, ex quibus videlicet, alii *Absidam*, arcum atque vestibulum Majoris Basilicæ Musivo comerent: alii vero totius Ecclesiæ pavementum diversorum lapidum varietate consternerent. Hic, ut vides, *Ars Musaria* ad Muros, Arcusque refertur: *quadratura* vero ad Pavimenta.



TERTIA DISSERTATIO.

De duobus Numinibus Syriacis in Lapide Antiquo.

Romæ, tabula marm.
In hortis quondam Carpensibus

Ad verbum explanatur Lapidī supposita Græca
Inscriptio, & Palmyrena.

Aglibolo, & Malach-Belo Diis Patriis hunc Lapidem, & signum argenteum cum omni ornatu, Lucius Aurelius Heliodorus Filius Antiochi, Hadrianus Palmyrenus dedicavit pro sua, Uxoris, ac Liberorum salute, anno 547. mense Peritio h. e. Februario.



Romæ aliquando fuit apud Eminentissimum Principem Carpegna altus 5. vel 6. latus vero 3. aut 4. pedes Lapis iste. Affertur a Grutero sine ulla imagine, sine ulla interpretatione p. 86. Græca ejus inscriptio; quæ ratio est cur eam ipsi nos afferamus.

Aglibolum, & Malach-Belum Deos fuisse præcipua in veneratione apud Syros habitos dubitandum non est. Etenim hic Heliodorus Palmyrenus eos vocat suæ Patriæ Deos. Palmyra porro parva Urbs illa quidem, attamen Regni Syriæ pars est.

Vix noti Palmyreni fuissent, nisi eos Zenobia ipsorum Regina virtutis, ac venustatis suæ splen-

dore a tenebris vindicasset. Orientis linguas callebat illa perfecte, & Græcæ, Latinæque nitorem assecuta erat. Omnium Fæminarum pulcherrima, & fortissima, Trebellio Pollione teste, fuit. Totum illa Orientem terruit, Imperatoris Gallieni Legatos cecidit, & diu magnum bellum adversus Romanos gessit, quo tandem multis confectis præliis eam vicit Aurelianus Romamque triumphans duxit.

Parva Victoria hac Templum soli dicatum Romæ Aurelianus ædificavit, & Palmyrenorum spoliis, & Solis, Belique simulacris a Palmyra, ut Auctor est Herodianus, abductis, illud ornavit. Inde profecto expressæ sunt horum Deorum Imagines, quos in hoc de quo loquimur lapide pictos *Agliboli*, & *Malach-Beli* nomine vides, nisi Solis, Lunæque imagines esse malis, quod patebit infra, cum *Beli* vocabulum modo Solem, modo Lunam, modo aliud Syrorum peculiare numen significet.

Ne Veteres quidem satis explicant quisnam Deus sit iste *Belus*. Hesychius ait esse Cælum, aut Jovem, ut nomen solis sit *Bela*. Iste *Belus* Saturnus visus est Divo Hieronymo, & D. Isidoro. Apud Aquilejenses sol dictus est *Beles*, si in vita Maximini Herodianum audias. *Belinus*, & *Belennus* appellatus ille est, si quædam calamo exarata

scripta, & quasdam Inscriptiones legas. *Baal* aut *Baalpbeor*, de quo Vetus Testamentum, idem erat ac *Belus*, & fortasse vox *Aglibolus* corrupta est, & composita, legendumque est *Aglibelus*, ut contendit Scaliger, quemadmodum legimus *Malachbelus*.

Aglibolum deduci a Græcis vocibus *αγλιν* *Βάλ* *λω*, fulgorem jacio, aut emico, conjicit Mallavallius Massiliensis, qui ut cæcus corpore est, ita est animo oculicus, ut qui maxime. Sol est *Aiglitis* hoc est emicans cognomento dictus, auctore Hesychio. Eruditi quidem, & inter alios Bochartus pleraque voces Græcas potius a Syriaca Lingua, quam Syriacas voces a Lingua Græca docent derivari, ac propterea harum vocum significationem a Syriaco potius, quam a Græco sermone esse petendam. Et sane vocabulum *Malachbelus*, quo Luna hoc in Lapide intelligitur, est purum putumque Syriacum, & *Malach* apud Syros idem valet ac *Rex*, ut *Baal Dominus*. Hinc Imago illa in capite coronam gestat; quod per Hieremiam confirmatur cap. 7. dum carpit Veterum quamdam superstitionem ut Lunæ placentas offerrent, Lunam exprimit *Reginæ Cæli* nomine. Videtur etiam hoc Numen *Malachbelus* Idolum *Moloch*, de quo in sacris litteris.

Hanc esse Lunam ex eo intelligimus, quia ex ejus humeris tollitur crescentis Lunæ forma. Quod si quis objiciat eam hic præ se ferre speciem & indumentum virile, ille intelligat in iis regionibus, ac præcipue Carrhis, & in Mesopotamia Lunam pro Deo habitam esse, dicique Lunum, non Lunam consuevisse. Audi Spartianum. *Et quoniam Dei Luni fecimus mentionem*, inquit, sciendum doctissimis quibusque id memorie traditum, atque ita nunc quoque a Carrhenis haberi, ut qui Lunam femineo nomine, ac sexu putaverit nuncupandam, is addictus mulieribus semper inserviat. At vero, qui marem Deum esse crediderit, is dominetur uxori, neque ullas muliebres patiatur insidias. Unde (ita idem Scriptor narrationem hanc persequitur) quamvis Græci, vel Egyptii eo genere, quo feminam hominem, etiam Lunam Deam dicant, mystice tamen Deum dicunt.

Lunam virili cultu, ac nomine effictam, & Armenio ritu pileatam ad hæc usque tempora superstites Nysæorum, Magnæsiurum, aliorumque Græcorum Nummi ostendunt.

Non me latet, in suis commentariis Historiæ Augustæ Salmasium explicantem vitam Aureliani a Vopisco descriptam affirmare nullam sibi dubitationem esse quin *Malachbelus* Sol sit, *Aglibolus* vero Luna. Verum quia nullam certam rationem affert, neque ipsum Lapidem vidit, videor mihi ad rem magis accedere, qui Aglibolum solem esse pronuntio, tum quia primo loco ille nominatus est, tum quia effigies quæ est in parte dextera, nihil habet, quod ad Lunam referatur; *Malachbelus* autem esse Lunam, quia nominatus est secundo loco, & positus in parte læva cum crescentis ab humeris Lunæ forma, quod omnem prorsus dubitationem tollit.

Quod ad indumenta harum Imaginum pertinet, non oblongam vestem, qualis fuit Romanorum, sed brevem, qualis Syrorum fuit, cum pallio super humeros in Aglibolo vides. Neque mirandum est; In Syria enim effictæ istæ imagines, quod ostendimus, & unusquisque populus suos Deos ornat ritu suo.

Pallium super humeros in *Malachbello* quoque intueris, & nescio quid simile Romano paludamento, quod Romanorum erat indumentum bellicum; Corona tamen, ut & coma Romana non est: Neque enim Comati incedebant. Quamobrem cum in Finiente Romanis capillatus Cometes ap-

paruisset, ea re territis dixit Vespasianus non ex ipsorum regione eum esse, idque portentum Persiæ Regi, qui valde crinitus erat, esse timendum.

Vocabulum ΣΙΓΝΟΝ, quod est in hujus Lapidis inscriptione, Latinum est, sed Græcis scriptum Litteris, idemque valet, quod parva statua.

Heliodorus *Palmyrenus* dicitur, quia erat a Palmyra, & *Hadrianus*, quia ab Imperatore Hadriano restituta hæc Urbs est, quapropter dicta est aliquando *Hadrianopolis*, *Urbs Hadriani*, & opinio est hanc eam esse Urbem, quam Ezechiel Propheta appellavit *Tamar*, quod latina voce reddit *Palmam*.

Heliodori Pater nomine Antiochus vocabatur, Non tamen credendum est hunc fuisse Antiochum Regem Syriæ; id enim additum non est, quæ de re illi glorandum erat: præterquam quod multis jam ante sæculis Antiochi defuncti erant, quam hunc lapidem Heliodorus dedicavisset. Erat igitur privatus quidam iste Antiochus, cui forte idem nomen erat, atque antiquis Syriæ Regibus: quemadmodum ejus filius Heliodorus idem nomen habuit, quod notissimus ille Episcopus qui abdicare se *Episcopatu* maluit, quam fateri non esse se illius *Romanensis* Tabulæ, quæ dicitur *Theagenes*, & *Chariclea*, auctorem, cujus vere auctor erat.

Dedicavit; hoc verbo intelligimus id ex voto ab Heliodoro in Deorum honorem factum pro sua, suorumque salute; aut gratiarum actionem hanc esse pro auxilio, quod sibi ab iis Deis in aliquo discrimine præstitum judicaret.

Anno 547, scilicet ex ratione computandi annos apud Syros, qui mortuo duodecim jam ante annis Alexandro Magno, cum Seleucus regnare cepisset, æram instituerunt. Hic æræ Syriacæ annus quingentesimus quadragesimus septimus, si Scaligero credimus, cum anno Christi 236. congruit. Consulendus est Vir ille Eruditissimus de emendatione temporum, & Vaillantus in *Historia Regum Syriæ*, plura de hujusmodi æra scire cupientibus.

Mense Peritio. Macedonibus hic est mensis idem, qui Romanis Februarius; quem mensem ab iis in Alexandri Magni memoriam Syri mutuati sunt, aut ipsi potius Macedones in Syros bello devictos invexerunt, quemadmodum Urbium, fluminumque Macedoniae nomina Urbibus, fluminibusque Syriæ indiderunt.

ΜΗΝΟΣ ΠΕΡΙΤΙΟΥ. In Inscriptione hac apud Gruterum eæ voces duæ corruptæ sunt. Quocirca ipsum Lapidem ille non vidit: descripsit enim ita. M. NOE. ΠΕΡ. ITION. quæ litteræ nihil significant, ex quo intelligis non posse facile de hujusmodi rebus antiquis eum disputare, qui eas ipse non viderit, in iisque fuerit diu, multumque versatus.

Quod vero ad duas illas hujus Inscriptionis posteriores lineas pertinet, quæ & lingua, & litteris Palmyrenis scriptæ sunt, en tibi quod Samuel Petitus Linguarum Orientalium peritissimus ad Peireschium scripsit, *Hæc Inscriptio constat Litteris Phœnicum Syriæ, suntque eadem quibus Palmyreni utebantur. Audi Heliodori in hac Syriaca Inscriptione sententiam. Senectus mea titubat, pedes labant: Serpulum tuum tristitia pressum in potestatem suam Dæmon lucis pertraxit: servus tuus vinculis obstrictus est, & male habitus; ejus domus in magnum discrimen incidit: Tua misratio se effudit, saxosa, ac deserta loca, cujusmodi est ad Memphim iter, irrigavit (quod indicat, addit Petitus, qualis fuerit Zenobiæ tempore Palmyræ situs, atque vastatio) quidquid in summis calamitatibus constitutus concupivi, id mihi copiosissime contigit: Umbra tua potens est, ac misericors.*

Quare perpetuus tibi stabit bonos, cujus in sacris mensuram (scilicet vini, vel alius cujuscumque liquoris) quotannis fundam.

Utrum hæc apte explicata sint nescio, scio tamen Petitem hunc Lapidem ad Zenobiæ tempora referentem in Temporum doctrina peccasse: Etenim longe ante quam ea nasceretur elaboratus ille est, an. 236. paulo antequam Alexander Severus regnare desineret, quod jam notavimus. Ad Inscriptionis ænigmata, quod spectat, nota est cuique eorum qui Orientis plagas incolunt, perpetua ad hoc usque tempus consuetudo. D. Epiphanius lib. 2. contra Hæreses, de Palmyrenorum lingua ita loquitur, quasi Syrorum sit Dialectus peculiaris. Nonnulli, inquit, Græci sunt, qui Syrorum Linguam plurimi faciunt, & eam præcipue, quæ circa Palmiram in usu est.

Habeto quod de superiore illa Petiti interpretatione Antonius Gallandius linguarum Orientalium peritissimus mihi scripsit. Ea sunt ferme hæc. Ut ingenue loquar, Petitus in Palmyrena Heliodori Inscriptione explananda non satis apte (pace tanti Viri dixerim) videtur mihi versari. Quæ enim, amabo te, inde erui sententia potest? quid sibi vult hic Dæmon lucis? Quid Memphis cum Palmyra? Nos non præterit duas & viginti esse Phœnicum litteras. In hac vero Inscriptione seu quam tu descri-

psisti, seu quam Gruterus edidit (etenim nonnihil differunt) sequamur, viginti & octo, & amplius litteras diversas deprehendimus. Neque illud facile credendum est, omnes prorsus litteras duabus lineis contineri. Audirem libentissime quibus Libris, quo vocabulorum Indice Petitus usus fuerit, ut has litteras cognosceret, quæ neque Hebræe sunt, neque Syriacæ, si utriusque Linguae litteras, earumque formas, quæ nostra hac ætate traduntur, inspicias. Equidem putarim harum ignotarum vocum eam sententiam esse quæ Græcarum. Occurrunt enim aliæ quoque multæ Inscriptiones simul conjunctæ Græcæ, Latineque idem prorsus significantes.

Hæc sunt, quæ de duabus hisce lineis colligere mihi licuit. Interim Graverolus magni nominis Causidicus Nemausensis ad me scripsit, non tam magnam fortasse Gallandio, quam putavit causam fuisse, cur Petiti interpretationem censoria virgula notaret. Ea enim hic postremus scripsit, quæ suis manu exarata reliquit hæredibus, quibus illa Interpretatio defendi potest.

Hac de re Litteratorum hominum judicium esto. Interim alius præterea lapidis, qui adhuc Romæ servatur cum inscriptionibus partim Latinis, partim Palmyrenis formam, quod Gruterus non fecit, hic propono.



Dimidia forma, quæ hoc in Lapide prima objicitur, rectum pileo, quale est Flaminis, caput exhibet. Effigies altera, quæ radiis caput circumdatum habet, & ante ventrem Aquilam, satis Solem indicat, ut plura dicere minime necesse sit.

Tertia Gryphas exhibet bigas trahentes feros Soli sacros, teste Servio: sunt illi ex omni parte Leones, alis tantum, & facie Aquilæ similes, equis vehementer infesti. Quæ bigis hæret species non valde ab ea differt, quæ priore de quo locuti sumus lapide Aglibolum, vel Solem exhibet. Ejus capiti Coronam Victoria imponit ad significandum Invisi Titulum, qui in Inscriptionibus sæpe occurrit, propterea quod Pythona Serpentem de medio sustulit.

Quarta Laurum mehercule objicit; quippe hæc arbor Apollini semper sacra fuit, ex quo in eam Daphnes conversa est.

Calbienses: hi sunt incolæ promontorii Calbi, quod situm est in extremis Hispaniæ partibus: cujus Strabo meminit lib. 3. Geogr. Phœnices enim parebant Hispanis, etiam antequam Homerus e-

xisteret, qui vixit ante Romam conditam jam centum, & sexaginta annis. Neque est credendum, cum in potestatem Romanorum redacta Hispania est, Calbiensium Linguam, aut eorum locorum nomina interiisse.

Ad alias Inscriptiones Grutero ignotas transeamus, expendamusque quæ ad hanc disputationem absolvendam occurrunt, quæque ad rem præsentem pertinent.

R O M A E.

Q. CLODIVS PHILO
SOLI INVICTO
EX VOTO PROMISSO D. D.

Duplicem D. in Inscriptionibus, idem valere plerumque ac Dedicavit, aut Dono Dedit, nemo est, qui ignoret. Hoc igitur monumentum Soli invicto dedicavit Romanus quidam nomine Quintus Clodius Philo.

NEMAUSI.

DEO
INVICTO
MITHRAE
L. CALPURNIVS PISO
CN. PAVLINVS VOLVSIVS
D.S.D.D.

SALONÆ.

VIBIVS PIVS DEO
SOLI INVICTO ARAM
DEDICO VT SIS MIHI
PROPTIVS MILITIBVS
CENTVRIONIBVSQVE MEIS.

Lucius Calpurnius Piso, qui priorem Inscripti-
ptionem cum Cn. Paulino Volusio dedicavit, impe-
rante Trajano Romæ Consul fuit; Vibius vero,
qui alteram, fuit Dux, qui suis propitium votis,
suis militibus, ac Centurionibus solem desidera-
bat.

ROMÆ.

NVMINI INVICTO
SOLI MITHRAE
M. AVRELIVS AVG. L.
EVPREPES VNA CVM
FILIS PIIS D. D.
SACERDOTE CALPVRNIO
IANVARIO DEDICATA
VII. KAL. MAIAS IMP.
L. SEPTIMIO SEVERO
PERTIN.....
...COS.....

ROMÆ.

M. AVRELIVS
AVG. LIB. EVPREPES
SOLI INVICTO MI
THRAE ARAM
EX VISO POSVIT
PROSIDENTIBVS BI
CTORINO PATRE
ET IANVARIO DEDICATA
III. NON. IVNIAS EGGIO
MARVLO ET GN.
PAPIRIO AELIANO COS.

Duabus Aris, quas huic Deo M. Aurelius Eu-
prepes Augusti Libertus, Severo Imperium tenen-
te posuit, hæ duæ Inscriptiones affixæ erant. *Mi-
thras* Persis erat Solis nomen, unde Romam trans-
latum fuit, ut ex hoc versu Statii liquet:

Torquentem cornua mithram.

Et ad hunc versum Lactantius ait, a Persis effingi
Apollinem rictu Leonis cum Tiara consuevisse,
quia cum in Leone Sol est, tum est ferventissimus,
cum Tiara inquam, live rotundo pileolo more Ar-
meniorum, quæ Tiara erat ornamentum capitis a-
pud Persas. Non defunt Romæ Lapidēs, qui hunc
Deum exhibent insidentem Tauro, ejusque pre-
mentem cornua. Id effecerunt Veteres, ut intel-
ligeremus Lunam, cui mactari Tauri solebant, quo-
rum cornua sunt ejus *cornua*, nullo alio splen-
dere lumine, quam Solis. Milites, quique Dei
Mithræ mysteriis interesse cupiebant, in obscu-
rum specum, ubi sexcenti superstitionis ritus in usu
erant, ut tradit Tertullianus, Justinus Martyr,
& Hieronymus, recipiebantur.

Additum est in hac postrema Inscriptiōe, *ex
Viso*: quo conjicimus Euprepeti aut in somniis;
aut alia ratione Deum Mithram apparuisse, sibi que
sacrandam aram imperasse.

QUARTA DISSERTATIO

De Sacris Fratrum Arvalium.

R O M Æ

Apud Montalto.

L. CEIONIO COMMODO

D. NOVIO PRISCO

III. NON. IAN.

MAGISTERIO C. MATIDI PATRVINI
 PROMAGISTRO L. VERATIO QUA-
 DRATO COLLEGI FRATRUM AR-
 VALIVM NOMINE VOTA NVNCV-
 PAVERVNT PRO SALVTE IMP. VES-
 PASIANI CAESARIS AVG. TRIB. POT.
 COS. VIII. ET T. CAESARIS AVG. F.
 VESPASIANI COS. VI. VICTIMIS IM-
 MOLATIS IN CAPITOLIO QVAE
 SVPERIORIS ANNI MAGISTER
 VOVERAT PERSOLVIT ET IN PRO-
 XIMVM ANNVM NVNCVPAVIT
 PRAEEVNTE L. VERATIO QVADRA-
 TO IN EA VERBA QVAE SSS IOVI
 OPTIMO MAXIMO BOVEM MAREM
 IVNONI REGINAE VACCAM MINER-
 VAE VACCAM SALVTI VACCAM
 ITEM PRO IMP. VESPASIANO CAE-
 SARE AVG. EISDEM VERBIS Q. SS.
 IOVI OPT. MAX. BOVEM MAREM
 IVNONI REGINAE VACCAM MINER-
 VAE VACCAM SALVTI VACC. IN
 COLLEGIO ADFVERVNT L. VERA-
 TIVS QVADRATVS C. PADIVS ME-
 FLIANVS Q. TELLIVS SASSIVS L.
 MAECIVS POSTVMVS L. IVLIVS QVA-
 DRATVS C. VIPSTANVS APRONIANVS
 ISDEM COS. VI IDVS IAN. IN AEDE
 CONCORDIAE ADSTANTIBUS FRA-
 TRIBVS ARVALIBVS MAG. L. MATIDI
 PATRVINI PROMAG. L. VERAT. QVA-
 DRATO COLLEGI FRATRV ARVA-
 LIVM SACRV INDICTVM DEAE
 DIAE PRAEEVNTE L. MAECIO
 POSTVMO

III. K. IVN. IN LVCO ET DOMI III. K.
IVN. DOMI IN COLLEGIO FVERVNT
L. VERATIVS QVADRATVS C. VIPSTA-
NVS APRONIANVS L. MAECIVS
POSTVMVS C. IVNIVS PADIVS ME-
FLIANVS A. IVLIVS QVADRATVS
ISDEM COS. K. MART. IN AEDE
CONCORDIAE ADSTANTIBVS FRA-
TRIBVS ARVALIBVS EX TABELLA
IMP. CAESARIS VESPASIANI AVG. MIS-
SA C. SALVIVM LIBERALEM NONIVM
BASSVM IN LOCVM C. MATIDI
PATRVINI DEMORTVI COOPTAMVS
IN COLLEGIO ADFVERVNT L. VE-
RATIVS QVADRATVS C. VIPSTANVS
APRONIANVS L. MAECIVS POSTVMVS
C. SALVIVS LIBERALIS NONIVS
BASSVS ISDEM COS. MAG. S. SALONI
MATIDI PATRVINI IN CVIVS LOCVM
SVCESSIT OBIIT MAGISTERIVM
EODEM ANNO EIDEM COS. K. MART.
D. SALLVSTIVS BLASEVS ISDEM COS.
V. NIAS IN AEDE CONCORDIAE
MAG. L. SALLVSTIVS BLAESVS
COOPTATVS IN LOCVM C. MATIDI
PATRVINI COLLEGIO FRATRVM
ARVALIVM CONVOCAVIT FLAM.



Ignissimus observatione hic
lapis est, servaturque ad-
huc Romæ, sed male im-
pressa litteræ sunt, ideoque
ad explicandum difficilli-
mæ. Positus est L. Cejonio
Commodo, & Decimo No-
vio Prisco Consulibus, hoc
est anno Christi Domini 78.

aut ut alii volunt 79. impe-
rante Vespas. Sed observandum est ad nomen alte-
rius Consulis hujus anni quod attinet, eum in Ta-
bulis Capitolinis appellari Cajum Cornelium Prif-
cum, & a Cassiodoro Rufum, non vero Decimum
Novium Prifcum, ut hic legis. Quocirca credibi-
le est, duobus nominibus duos Consules denotari;
alterum de more Consulem, quo functo vita prius
quam Consulatu, alterum ut dicebant in illius lo-
cum *suffectum*; quod eo magis credendum est,
quia in alia Gruteri Inscriptione p. CIV. hujus De-
cimi Novii Prisci mentio fit. Fortasse, cum pluri-
bus nominibus Romani uterentur, duo etiam hæc
distincta nomina ad unum tantum hominem refe-
runtur, ut vel in hoc Lapide unus tantum Roma-
nus appellatur *Cajus Salvius Liberalis Nonius*
Bassus, & alius *Cajus Saloni Matidius Patru-*
nus. Sex nomina tributa Volusiano ego quoque
Genuæ in inscriptione quadam legi: ea sunt hæc:
Cajus Vibius Annus Gallus Trebonianus Volusia-
nus; quidam etiam duobus prænominibus gaude-
bant, quod probant Nummi Imperatoris Getæ, in
quorum aliis vocatur *Lucius Septimius Geta*, in
aliis *Publius Septimius Geta*, quemadmodum

Supplem. Tom. IV.

A Nummi Commodi, cujus prænomena sunt *Mar-*
cus, & *Lucius*. Vota pro Imperatorum Vespasia-
ni, ac Titi salute facta sunt III. Nonas Januarias,
id est die tertio Januarii. Hoc die fiebant vota pu-
blica ut ex Calendario Constantini, a Lambecio
Tomo 4. descriptionis Bibliothecæ Imperialis edi-
to plane constat. Iccirco ad nuncupanda pro Vef-
pasiani, ac Titi ejus Filii salute vota, immolan-
dasque Victimæ, hoc tempus Fratres Arvales con-
stituerunt. Fratres Arvales, qui tam sæpe hoc in
Lapide nominantur, erant Collegium duodecim
virorum illustrium apud Romanos, qui statis die-
bus ad hostias, teste Varrone pro frugum ubertate
maclandas conveniebant. En quæ de ipsorum ori-
gine Fulgentius ait.

B *Acca Laurentia Romuli nutrix consueverat pro*
agris semel in anno sacrificare XII. filiis suis sacrifi-
cium præcedentibus; unde quum ex iis unus esset
mortuus, propter Nutricis gratiam Romulus in vi-
cem defuncti se succedere pollicetur, unde ritus
processit cum XII. jam deinceps sacrificare, eosque
Arvales dici fratres a voce Arvum. Plerumque in
Capitolio cgebantur in Æde Concordiæ, aut in
luco sacro Deæ Diæ, qui tantum quinque millia
passuum distat ab urbe Romæ, situsque est in via,
quæ hodie quoque dicitur *Campana*.

C Quæ, & quot Victimæ his sacris immolarentur,
hic ipse legis. Jovi plerumque bos mas, quod plu-
ribus Veterum Scriptorum locis confirmari posset.
Adeo hæc antiqua fuit consuetudo, ut ab ipso Ho-
mero cognosci possit. Is enim tradit in Iliade
Bovem hunc quinquennem esse debere. A Solone
tamen cautum fuisse legibus, ne Boves immolaren-

Dd


tur Plutarchus testatur: quod Ælianus explicat de Bove, qui laboribus deditus erat, quoniam præ cæteris hoc animal curandum est, qui homini sollicitudinem, laboremque colendis agris imminuit. D. Barnabæ quem Jovem, Paulo quem Mercurium, Lystreni putarunt, Taurum sacrificare voluerunt, quod habemus in Actis Apostolorum. Interim in Historia Poetica Gautruchius ferox animal, ut est Taurus, mactari ait Jovi non licuisse: cui sic responsum volo: Taurus pro Bove ibi dicitur, quia Bœv Græce Latine Bovem a Vacca non distinguunt; utrumque enim significant. Hinc est quod hæc Inscriptio, & alia Gruteri vocem additam habet *Ma-rem*. Verumtamen quid est cur Jovi immolari Tauri quoque non potuerint? Etenim Cybeli Deorum Matri Taurorum Sacrificium fieri consuevisse ex pluribus Inscriptionibus compertum est; quocirca *Taurobolia* hujusmodi sacrificia appellabantur; quæ fortasse pro gratiarum actione fiebant, propterea quod ab hac Terræ Dea Tauros subigendi, & laboribus exercendi artem homines didicere.

Neptuno Tauros nigros ad furorem maris indicandum mactare apud Græcos quoque in more positum fuit, ut ex Odyssæ lib. 13. liquet: ubi Nestor una cum Pylis etiam 4500. Boves dicitur sacrificasse; quod pro ejus Herois prudentia minime videtur credendum. Hac enim ratione omnes suæ regionis Boves sustulisset, quod erat parvum oppidum Peloponnesi circa Pylon. Eo quidem progressa est Veterum superstitio, ut vel 100. Boves immolarentur, quamobrem *Hecatombes* dicti sunt, a Græco vocabulo *ἑκατόν* centum. A Lacedæmoniis deductum ait hoc sacrificium Strabo, qui cum in sua ditioe centum Urbibus potirentur, centum bobus rem sacram ipsorum Numinibus quotannis faciebant. Verum cum nimis magna nonnullis hæc impensa videretur, hæc sacra 25. Bobus postea perfecerunt; idque subtilitate quadam puerili ita excogitarunt, ut quoniam singuli quatuor pedes habent, satis esse ad retinendum in his sacris Hecatombes nomen arbitrarentur, si ex aliqua parte centenarius numerus retineretur. Postea in usu fuit Hecatombe quorumcumque animalium quatuor pedibus constantium, ut agnorum, caprarum, quæ magis erant parabilia. Ita Homerus in Iliade de Hecatombis Caprearum, & Agnorum principe vice genitorum. Memoria proditum est olim quemdam, cum procella agigaretur, centum Boves vovisse, si incolumis evaderet, cumque non satis haberet in bonis ut vorum redderet, centum bubulorum ex intrita farinacea Hecatombem Diis statuit sacrificare. Nonnulli adulterinam Hecatombem hanc Pythagoræ tribuunt; & narrat Diogenes Laërtius hujusmodi Boum arte factorum Hecatombem, invento novo ad probandam trigonometriam argumento, eum Philosophum obtulisse, non ille vivos boves mactavit, qui quominus interficerentur aperte prohibuit. Hanc vovendi, ac dona Diis offerendi consuetudinem Lucianus irridet, quasi vero nihil Dii gratuito hominibus impertirentur, omniaque ad suam utilitatem referrent, ut quidquid ab iis velis tibi emendum sit. Quæ Boves immolabantur, eos plerumque floribus coronari moris fuit, ut ex Actis quoque Apostolorum manifestum est. Inaurari quoque cornua consuevisse Homerus ait, confirmatque id Virgilius:

Et statuam ante aras aurata fronte juvencam.

Ad Junonem quod attinet, ut plurimum ei Vacca, aut Caprea mactabatur. Hinc *Egophagos* Capriva dicta est, & in Nummis aliquando cernitur spoliis inducta Capræ. Ut ex hac inscriptione intelligitur, Minervæ quoque immolabatur Vacca, aut potius Juvencia nondum passa jugum: *casta, cervix juvencia*, Silius ait. Omnes autem Fratres Arvales, qui erant numero duodecim, his sacris interesse necesse non erat, quod ex hac Inscriptione, ubi sex nominantur, comperimus; immo vero quandoque quatuor tantum aderant, ut ex hoc monumento patet.


Quanam Dea Dia sit, cujus in Fratrum Arvalium Inscriptionibus sæpe mentio fit, ex Scripturibus Antiquis nemo tradit. Sebastianus Feschiensis, & juris Doctor, & rerum antiquarum studiosissimus, eam arbitratus est Deam *Opem*, aut *Cybelem* Saturni uxorem, magnam Deorum matrem, *Rheam* Græcis dictam, in cujus honorem singulis annis *Opalia* inter Saturnalia celebrabantur, quod *Saturnus*, ejusque uxor, Macrobius inquit, *tam frugum, quam fructuum repertores esse credantur: itaque omni jam sæculi coacto ab hominibus hos Deos coli quasi vitæ cultioris auctores*. Hæc ratio est, cur Fratres Arvales, quorum præcipua cura erat rem divinam pro Terræ ubertate facere, hanc maxime Deam orandam, sacrisque colendam susceperint. Cæterum fortasse per excellentiam *Dia*, quod idem sonat ac Divina, nuncupata est, quippe cæterorum Deorum Regina, ac Mater. Ab hac voce *Dea*, seu *Dia*, nomen accepit Dia in Delphinatu, quæ *Dia*, sive *Dea Vocontiorum* ideo dicta est, quia ibi locus est, ubi Vocontii qui circa incolunt, hanc Deam præcipuo quodam cultu venerabantur. Itaque aliquot post annis reperta est venusta inscriptio, qua *Matri Deum magnæ Idææ* mactatos Boves intelligimus, quam ego in eum tractatum contuli, cujus Titulus *Ignotorum Deorum Ara*. *Idæa* dicitur ab Ida monte Phrygiæ, ubi præcipuo in honore habebatur. Diæ in summo fornice interiore cujusdam januæ quæ superest Urbis antiquæ, cernitur adhuc Bovis caput; & multa præterea sunt eadem in Urbe anaglypta, quæ Boum, & Arietum capita, & instrumenta colendis agris idonea exhibent; quod ejus Numinis indicat venerationem.



QUINTA DISSERTATIO

De Nuptiis Cupidinis, & Psyche.

III



U^pidinis, & Psyche Amores nemo est qui ignoret, ut eos referre supervacaneum esse videatur. Eorum jucundam, utilemque descriptionem ab Apulejo, Fulgentio, aliisque multis Scriptoribus petas licet: Verum quia nihil ad has imagines explanandas illa con-

fert, eam studiosis legendi quarendam relinquo. Hoc dicere satis est hanc pictam Tabulam e cælarum gemma desumptam esse, cujus exemplar inter exemplaria, quæ Bagarrius jam fato functus reliquit, habetur, & horum Amantium Nuptias exhibet elegantissime.

A Psyche parte dextera Cupido incedit velato capite, facie inoperta, gestatque manu Turturam, mutui inter conjuges amoris signum; Psychen vero, quæ est a Cupidinis parte læva velatam non modo capite, sed toto corpore videmus. Id enim apud Veteres in more positum fuit ut sponsi facerent, ac præsertim puellæ. Ita verbum *nubere* quod modo usurpatur pro *viro tradi*, olim idem tantum erat ac velare. Catena Sponsi conjuncti sunt, quia nulla firmior quam sponsum conjunctio. Ex iis Amoris unus manu altera catenam, altera faciem tenet. Ille pronubi munus explet, appellaturque alias *Paranympus*. Sponsos sequitur alius, capitique canistrum plenum floribus imponit, quod *Caniphoria* Dianæ festa videtur respicere, quibus ei puellæ tradendæ Viro canistra puellaribus operibus acu factis plena offerebant, quod se ex innuptarum conditione tædium capere, & conjugii voluptatem appetere significarent. Ex iis Amoris postremus ejus, qui uxorem ducit Frater, aut Comes Torum Nuptialem ornat.

Quod Petronius refert horum Amantium Nuptias describens, cum eo congruit quod nobis ob-

Supplem. Tom. IV.

A jicit hæc picta Tabula. Jam Psyche, inquit, puellæ caput involverat flammeolo: jam embascoetas præferebat faciem; jam ebriæ mulieres longum agmen plaudentes fecerant, thalamumque incesta exornaverant veste. Sed inter res cæteras admiratione digniores sunt Papilionis alæ Psyche humeris hærentes, quibuscum in omnibus antiquis monumentis pictam vides, quemadmodum in septima, & octava Tabula, quæ mox sequuntur. Hujus figmenti afferri hæc ratio potest, quia Psyche apud Veteres erat Naturæ, & facultatum animæ hieroglyphicum (*Psyche* enim græce animam significat, cujus etiam signum apud eos Papilio erat) quandoquidem illi animam pro aere, ac flatu usurpabant, quem hujus imbecilli alitis levitas designat aptissime. Quocirca eam Virgilius cum ventis, & avibus comparat.

Par levibus ventis, volucrique simillima somno.

Num his verbis *volucris somno* quæ idem valent ac *vago somno*, animam avibus comparare Virgilius voluerit, dubitat quidam familiaris meus. Id enim dicitur de Creusa, cujus imago Æneæ oculis quasi somnus, aut somnium evanuit. Illi, inquit Lactantius, qui animam ventum putant esse, hoc falluntur, quod ex aere spiritum ducentes vivere videamur. In qua sententia Varro fuit, & Animam ita definit: *Anima est aer conceptus ore, defervectus in pulmone, tepesfactus in corde, diffusus in corpus*. Latinum vocabulum *Anima* a Græco *ἀνιμος* hoc est *ventus* deductum est: Ita pro *mori* Latini dicunt etiam *animam efflare*. Hesychio *Psyche* est græce spiritus, & parvum infectum pennatum Papilioni simile.

Fulgentius Episcopus Carthaginensis ad mores revocans Psyche fabulam ait, duabus sororibus significari corpus hominis & liberum arbitrium; per Psychen, quæ est soror minor, animam in-

Dd ij

Intelligi; neque enim illa corpus nisi ubi formatum est, ingreditur; concupiscentiam, quæ per cupidinem significatur, eo cum anima conjungi ut eam a recto tramite removeat, prohibeatque ne Deum, a quo tantopere diligitur, aliarum sororum, hoc est sensus, ac Libertatis lumine, & ope cognoscat, sed tandem animam Sororum consiliis veritatis lumen videre coactam, emittere quam intus tegit flammam, per quam omnium malorum particeps potest esse, quemadmodum lampadis oleo Amoris arcana Psyche vidit, quod illi dolorum causa tantorum fuit. Verumtamen nimis videntur hæc longe petita, neque ejusmodi quæ Ethnicis in mentem facile venire potuerint.


IV



Ex anaglypto marmoreo hujus pictæ Tabulæ observatione dignum exemplum desumptum est, idque ego in Bagarrii monumentis manu scriptis inveni. Hic hominem adolescentem vides in toro stratum, & ad pedes mortui caput, ut intelligas eum vivere desiisse. Qui desuper Papilio volat animam, ut ante diximus, significat, & eo ipso quod volat, se corpus cui erat conjuncta admonet deseruisse. Ex ejus qui obiit ore exisse Papilio videtur. Credebant enim Veteres, quemadmodum nostrorum temporum vulgus ore animam efflari: quomobrem Iliad. 9. Homerus ait, *ubi semel e septo dentium evasit anima reverti amplius non posse*. Quam ad extremam Tori partem intueris, ea mortui profecto mater est. Alteri filio prope stanti pendentia ferta e floribus composita, & phialam digito monstrat, ut ille intelligat ita homines vitam agere, ut veluti flores cito decidant, & nunquam sint lacrymarum immunes, quarum lacrymarum indicium est phiala vitreis quæ continebant lacrymas ampullis similis, quæ in Romanorum sepulcris quandoque inveniuntur, in quæ una cum ipsis mortuis solebant inferri, ut scirent posterius eos satis esse defletos. Nisi malis dicere, cum odoramenta, quorum fortasse plena est phiala, & flores qui-

bus compositæ coronæ sunt, apud Veteres hujus vitæ delicias repræsentant, ab ea muliere adolescentem prope stantem excitari, ut dum licet omnes voluptates capiat, illud reputans, ubi vitam cum morte commutaverimus, nullam superesse voluptatibus persuendi facultatem. Coronæ ex floribus in pompis quoque funebribus adhibebantur. Non deerant qui testamento juberent, quotannis solenni interitus die ad ipsorum sepulcra coronas ex floribus deferri. Epitaphium affert Moralis quo jubentur hæredes perficere ut ad mortui cineres Papilio volitet. HEREDIBUS MEIS MANDO ETIAM CINERE VT MEO VOLITET EBRIVS PAPILIO.

V



Nulla indiget interpretatione, quæ est in quinta Tabula, Inscriptio, & affertur a Grutero, qui nullam interim Urnæ, quæ illam continet mentionem facit, servaturque Romæ in * *hortis Mediceis* qualem hic impressam vides. Quam Veterum de Papilione opinionem fuisse diximus, hic Papilio ossium compagem sub Epitaphio jacentem circumvolans eam confirmat. Alium Papilionem ales genu in hærens ore tenet, quasi vero quia puella Antonia Panaces, quæ novem vixit annos, hilaris ingenii fuerat, & quoad vixit saltationis tantum, cantusque studiosa, ejus anima in avis corpus migraverit, juxta metempsychosim, cujus testatur Tertullianus Pythagoram, & Platonem auctores fuisse. Hinc fortasse Veteres animam papilionem putarunt, qui mutata sæpe forma immortalis sit: quemadmodum Pythagorici animarum transmigratione genus, aut speciem mutare homines arbitrabantur. Tandem duo Papiliones, quos ibi conspicias, eo spectant ut duæ animæ in hominibus esse videantur, quod nonnulli Philosophi commenti sunt; qua de re nobis alias Tabulas explicantibus dicendum erit.

* Ita est apud Gruterum.



Arbori levem, & inconstantem animam affigere velle videtur Cupido in sexta Tabula, aut eam clavo ad aridum arboris truncum figendo,

prohibendoque hac ratione ne aliud corpus, ut avet, ingrediatur, ejus inconstantiam ulcisci.

Formam 7. & 8. Tabulæ Romæ servant antiqua
plura monumenta . Cupido Psychen amplectitur ;
alter est prope nudus . altera ex parte indumento
recta ; quo videntur Veteres ad voluptatem homi-
nes exhortari consuevisse , juxta Fulgentii sen-
tentiam ita hos *amplexus interpretantis ut animæ*
conjugi Cupido desideret . Sed vero videtur simi-
lius facultatem animæ rationalem , & irrationa-
lem significare voluisse , aut vero potius duplicem
quam animæ tribuebant naturam , qua de re Nice-
tas Choniates : (a) *Quidam* , inquit , *duplicem*
animarum naturam esse dixerunt , unam qui-
dem luminosam , alteram vero tenebricosam ; &
hanc quidem inferne scaturire , atque subterraneis
ex meatibus exilire ; illam vero e cœli vertice ac-
censam demitti , ut terrenum hoc corporis domici-
lium exornet : quæ quidem descendens cavere jube-
tur , ne dum corpus hoc informe , & confusum in-
formare , & exornare contendit , ipsa dedecore ,
& confusione impleatur . Et Epiphanius adversus
hæreses l. 4. hæres. 36. hæc ferme habet . Vos in an-
tiquos Græcorum errores impingitis , ubi dicitis du-
plicem homini animam esse , alteram cum brutis a-
nimantibus communem , alteram prorsus cœlestem .
Ad id excogitandum non magno opus est acumine .
Appellat itaque luminosam unam animam , al-
teram tenebricosam , neque tamen eodem tempore
utramque simul esse , sed unam post aliam . Et a-
libi Epiphanius ait , hinc factum esse ut Aristote-
les diceret in homine duas esse animas , quarum al-
tera cum corpore , etiam cum homo vita excessit ,
versetur , altera sejungatur . Alibi vero etiam te-
statur Ethnicorum nonnullos existimasse animam
esse mortalem , alios immortalem , alios tandem
animam esse immortalem prout ratione utitur ,
mortalem prout ratione caret . Ad numerum se-
ptimum legis Callippo Filio , & Helpidi Filie .
Quo intelligis fratri ac sorori , h. e. Callippo , &
Helpidi positum hoc monumentum fuisse , quo-
rum mutuum amorem Cupidinis , & Psyche's ima-
gine Parentes patefacere voluerunt .

a cap. 60. Thesaur.




Qui in nona Tabula Cupido occurrit face Papi-
lionem comburit ad ostendendam quam habet in
animas amor maximam potestatem . Arcus , &
Pharetra nihil peculiaris habent quamobrem im-
moremur ; facem quidem est cur expendamus . Et
quidem ipsa facis forma intelligimus differre a no-
stris . Neque enim ibi cernitur Ellychnium , ne-
que instrumentum quo Ellychnium contineatur .

Faces erant fustes , lampadas emittentes , fie-
bantque præcipue ex arundinibus , & picei generis
arboribus , ita ut extrema pars pice inungeretur .
Itaque Hesychius *δαδᾶχον* interpretatus , quo no-
mine qui in Cereris Sacris portabant faces dona-
bantur , & ei qui ferat lampadem idem nomen tri-
buit , & *δαδᾶ* h. e. *facem* , etiam *lampadem* ver-
tit . Non tamen inde colligas nullum apud anti-
quos Scriptores inter lampadas , ac faces discrimen
esse . Trebellius Pollio in Vita Gallieni pom-
pam describens , *cum cereis facibus* , inquit , *&*
lampadibus præcedentibus Capitolium petunt . Plin-
ius ait in Nuptiis consuevisse deferri faces ex quo-
dam spinæ genere , quam Dalechampius spinam
albam vocat . Aristænetus Acontii , & Cydippes
nuptias describens , *ardere* , inquit , *interea in Æ-*
dibus tædæ sive accensæ faces , ut simul & suffirent
ædes lumenque cum odore suavi præberent . Ute-
bantur etiam ramis Pini , aliarumque arborum quæ
picem , & resinam ferrent : ex quo factum est ut
Tæda , quæ facem significat , pro Pino , & Abiete
usurparetur . Ita apud Plin. lib. 16. cap. 11. *Pix*
liquida in Europa e tæda coquitur .

SEXTA DISSERTATIO.

De Herma, Hermathena, Hermanubi, & Hermberacle.



UÆ pluribus Linguae Latinae studiosis barbara, ac nova verba hic videbuntur, fatis ut spero, figuris, & interpretationibus nostris innotescant.

Hermæ, quorum figuras ovatas in decima Tabula septem vides, erant statuæ Mercuriales, plerumque marmoreæ, aliquando æneæ sine brachiis, sine pedibus, quas Græci, & Romani in triviis collocabant. Servius suis commentariis in lib. 8. Æneid. Virgilii nominis originem narrat, ubi ait quosdam Pastores, cum Mercurium, quem Græci Hermetem vocant, in monte dormientem invenissent, ei manus amputavisse, unde & ipse, & mons ubi id contigit Cyllenius dictus; nam Græce Κυλλός dicitur qui brachiis caret, aut aliqua parte corporis mutilatus est; unde etiam, ut ille ait, quasdam statuas sine manibus *Hermas* vocamus. Verum hæc Cyllenii, quod est Mercurii nomen, etymologia, antiquis Scriptoribus adversatur, qui inde nomen hoc deduci volunt, quia in Cyllene Arcadiæ monte, aut urbe editus est. Itaque in descriptione Græciæ lib. 8. Pausanias ait Cyllenem montem esse totius Arcadiæ celeberrimum,

inque ejus cacumine Templum Mercurio Cyllenio sacrum conspici, & hoc montis nomen, & Cyllenii cognomen, quod Mercurio tribuitur, a Cylleno Elati filio descendere, qui inter Patriæ Heroas habebatur, quod quidem a fabulis videtur magis recedere, quam Servii etymologia.

Ad morum normam Suidas redigens quæ fiebant sine manibus Mercurii Statuas, ait Hermas fuisse Statuas lapideas Athenis in vestibulis Ædium, ac Templorum positas: Cum enim Mercurius sermonis, ac veritatis Deus haberetur, fiebant Statuæ quadratæ, & cubicæ, quod indicabat, quemadmodum quæ res hac forma præditæ sunt, in quamcumque tandem partem cadant, semper sunt re-ctæ, sic veritatem semper sibi esse similem.

Notandum est de Hermis Athenarum propriis Suidam verba facere, cujus rei causa ea est, quia ibi instituta est Hermarum faciendorum hujusmodi ratio, eratque magna eorumdem copia. Meminit in oratione contra Ctesiphontem Æschines porticus Mercurialis, quæ tunc temporis Athenis erat, & ad Atheniensium honorem, qui Medos ad Strymonem fluvium prælio vicerant, tres erectas lapideas statuas continebat. Ipsas inscriptiones affert eorum virtutis argumenta, ita tamen ut procerum nomina desint, quæ inscribi passus non est, & quidem prudenter ille populus libertatis a-

mans, veritus ne plus æquo magni homines superbirent, & summum imperium paulatim sibi sternentes, viam assequerentur.

Inter præcipuos Hermas ii erant Athenis, quos Hipparchus Pisistrati Tyranni Atheniensis Filius, in Urbe, vicis, agris Atticæ regionis erigi, in iisque sententias, & morum præcepta incidi iusserat, quibus ad virtutem homines excitarentur; ut id plures testantur auctores: inde illi dicti sunt Hermæ Hipparchei. In vita Alcibiadis Cornelius Nepos ait una nocte omnes Hermas, qui in oppido erant Athenis dejectos esse, præter unum qui ante januam Andocidis oratoris erat; & hic orator in oratione de Mysteriis ait a Tribu Ægeide dedicatum fuisse. In Triviis, & publicis Viis ponebantur Hermæ, quia Mercurius qui Deorum nuntius habebatur, viis præerat: hinc ille cognomento *Trivius* a Trivio dictus est, & *Viacus* a Via apud Gruterum in Inscript. pag. 55. 5. Inter antiquos Lapidem Oxonienses, hic est observatione dignissimus.

DEO QUI VIAS
ET SEMITAS COM- S. T. C.
MENTVS. EST FIRIDAS. Senatus Consulto
S. C. F. V. L. L. M. Fecit Voto Lubenti
Q. VARIUS VITALIS L. C. M.
ETECOS RESTITVIT. Libero Munere.
APRONIANO ET Q.
BRADVA COSS. Quintus.

Pro *Etecos* sexta linea, quod nihil significat, legendum puto B. F. Cos. hoc est *Beneficiarius Consul*, quemadmodum in aliis quoque lapidibus quandoque legimus.

Consularis iste annus respondet anno 191. Christi Domini Imperante Commodus.

Cum Atticus Athenis esset, & Ciceroni familiari suo per litteras significasset se huiusmodi Hermas comparasse, quos eidem dono daret, Cicerō antiquarum rerum studiosissimus amico rescripsit instando ut promissis staret; cæterum Romæ admodum rari Hermæ erant. Habeto quæ ep. 7. lib. 1. Tullius ait: *Hermæ tui Pentelici cum capitibus æneis, de quibus ad me scripsisti jam nunc admodum delectant. Quare velim & eos, & signa, & cætera quæ tibi ejus loci, & nostri studii, & tuæ elegantie esse videbuntur, quam plurima, quam primumque mittas, & maxime quæ tibi gymnasii, Xistiquæ videbuntur esse.* Ex Suidæ verbis quæ attulimus, Terminos quos in Ædium januis, ac fenestris collocamus, ab his Hermis Atheniensibus, quales in Ædium vestibulis, & ad ornamentum Templorum ponebantur, originem traxisse conjicio, ut satius foret eos Hermas, quam Terminos nuncupare. Et si enim Termini lapidei, & quadrati fuerint, & aliquando caput præsetulerint, nihilominus ad agrorum, prædiorumque privati cujuscumque hominis limites indicandos potius, quam ad Ædium ornamentum adhibebantur. Has figuras, ac Statuas sine manibus, ac pedibus in Ædificiis ad ornamentum, & ferendum onus collocatas aliis nominibus Latini quoque significabant. Caryatides dicebantur muliebres statuae sine manibus, quibus fulciebantur Epistylia. Caryatides enim populi Peloponnesii, cum publicam utilitatem cum Persis contra Græciam consentiendo prodidissent, prælio victi sunt, & eorum matronæ in servitutem abductæ, quarum statuas voluerunt Græci ut ad exemplum posteris supplicii æternum pro columnis in publicis ædificiis oneri ferendo ponerentur. Itaque mos hic & Græcia ductus, sicut & cætera quæ ad Architecturam per-

vinent, apud Romanos quoque idem nomen obtinuit.

Spartani Platæni prælio Persas cum superavissent, Statuas Persico ritu ornatas Xystos, & Porticus sustinentes collocarunt; & alii populi qui id sunt imitati, huiusmodi Statuas Persicas nuncuparunt: quam in rem consulendus est Vitruvius lib. primo. cap. 1. qui Caryatidum figuram exponit. Videndus præterea Felibienus de Architectura, & Sculpturæ principiis. *Principes d' Architecture, & de Sculpture.*

Græci, ut idem Vitruvius lib. 6. prodidit, ἀνταντας vocitant ea signa, quæ virili figura mutulos, aut coronas sustinent, ideo quod Atlas primum ἀσπορῶν docuit, eaque re a Pictoribus, & Statuariis deformatur, pro eo beneficio sustinens mundum. Latini has statuas *Telamones* appellant, cujus quidem nominis etymologia non satis liquet: quamquam nostrorum temporum quidam Interpretes vocis originem a Græco τλήμων *miser, laborum patiens*, petit, quod ejusmodi signis est accommodatissimum.

Ut ut sit Gallis, quia litteræ *aspiratæ* difficilis est pronuntiatio, arridet magis vox *Termini*, quam *Hermæ*: & quamvis *Hermæ* ab Hermete, quod est, ut diximus, Mercurii nomen, proficiscitur, tamen non est credendum consecutis temporibus id factum esse, ut nullus Deorum, aut magnorum hominum alius huiusmodi simulacris effingeretur. Verum hinc ortæ sunt voces illæ *Hermathenæ*, *Hermærotēs*, *Hermanubēs*, de quibus mox loco suo.

Extant adhuc Romæ quam plurimæ istiusmodi statuae a Græcia petita, quæ multorum offerunt Poetarum, Philosophorum, Imperatorumque Græcorum capita; nempe Homeri, Aristotelis, Platonis, Thucydidis, Herodoti, Themistoclis, aliorumque; quas effigies Fulvius Ursinus, Theodorus Valliens, & Caninius inter virorum Illustrum imagines exprimendas curavit. Athenienses Alcibiadis vultu plerasque figuras effinxisse Arnobius affirmat. Philosophi Xenocratis, Theonis, aliorum effigies nactus ego sum, de quibus ne verbum quidem apud Scriptores invenio.

Non est communis Hermæ forma, quæ inter Nummos in hac Tabula superius posita prima omnium occurrit. Quæ asinina videntur aures, credendum est eas revera alas esse, quæ addi Mercurio solent: has porro aut ab Artifice male expressas, aut injuria temporum deformatas. Verus *Hermes* numero secundo pictus est, cujus vere eminenti alæ.

Barbata est tertia species (atqui barba Mercurii propria non est) videturque Priapi forma. Quare Macrobius lib. 1. Saturnal. ait, *pleraque simulacra Mercurii quadrato statu figurari solo capite insignita, virilibus erectis, quæ figura significat solem mundi esse caput, & verum satorum.* Ego vero nihil video quod cum Sole commune Mercurius habeat: tamen, ut verum fatear, redimitos radiis, qui Soli tribui plerumque consueverunt, Hermas in Augusti Nummis reperies. Alias Macrobius rationes addit, quæ & Mercurio, & Soli congruunt. (a) *Quatuor*, inquit, *latera eadem ratione finguntur, quæ & tetrachordum Mercurio creditur attributum: quippe significat hic numerus vel totidem plagas mundi (Orientem, Occidentem, Septentrionem, Meridiem) vel quatuor vices temporum, quibus annus includitur; vel quod duobus Æquinoctiis, duobusque Solstitiis Zodiaci ratio distincta est.*

Ingenue fateor imaginem, quæ quarto numero

posita est, me intelligentia non assequi. Malo nihil dicere quam interpretationem velut unco impacto pertractam apponere. Hoc Ænigma Doctioribus extricandum relinquo, quod Doctiorum studio dignum est.

Aversa pars argentei Nummi Augusti quinto numero objicitur. Ibi Herma, seu Terminus est subjecto fulmine, ad indicandum fortasse illud Augusti, *Festina lente*. Terminus enim qui moveri loco non debet, apte lentitudinem, fulmen vero festinationem, quæ duæ res conjungi debent, apte designant. Aut vero hoc signo id ostendere veteres voluerunt in perfecto Heroe eloquentiam, & fortitudinem confociari debere. Aliam Oyselius in Thesouro Nummorum affert interpretationem, quam legas per me licet expendasque.

Ad sextum numerum posita est forma antiqua. Ibi adolescentem hominem vides sedentem, legentemque, & e regione Hermetem: hic virtutis, & eloquentiæ præcepta tradi credas.

Ad numerum septimum duas Mulieres ita pictas aspicias, ut altera quidem sedeat, altera vero a tergo stet.

Ad Hermetem oculos convertunt, quasi aliquid orantes. Etenim Mulieres Hermetem summa veneratione prosequabantur, ornabantque floribus, ut prole fecundæ forent, quod opere anaglyptico eleganter expressum inter res antiquas apud Boissardum videas. Romæ ego Italiam aliquando peragrans apud Carolum Valle Inscriptionem vidi ad quadratam statuem. Illa erat vere Terminus custos limitum alicujus Villæ: habebat enim caput, & brachiis, pedibusque carebat. Inscriptionis exemplum habe:

QVISQVIS
HOC SVSTULERIT
AVT IVSSERIT
VLTIMVS SVO
RVM MORIATVR

Hæc imprecandi ratio apud Veteres horribilis erat, & longe majus malum se precari arbitrabantur, quam si dicerent; *primus suorum moriatur*; hanc ob causam quia qui postremus fato fungitur eam molestiam percipit ut suos omnes occumbere mortem videat, & sine hæredibus ipse decedat. Unum addo ad rem præsentem quod attinet, voces *Hermes, Hermus, Herma* tam communes apud Latinos factas fuisse, ut eas plures Romani pro cognomento usurparent. Plura proferre possem antiquarum Inscriptionum exempla, quas apud Gruterum nequaquam reperiis. Duas tamen modo Inscriptiones proferam: extat altera Aubanæ in Provincia, estque hæc:

Q. VETINIO EVNOETO
Q. VIXIT ANNOS XV. M. IN
VETINII HERMES ET ACTE
PARENTES FIL. PISSIMO
ET DVLCISSIMO FECERVNT
HERMAIS SOROR LIB. LIBER
TAB. POSTERISQ. EORVM

Interpretatione non indiget hoc epitaphium. Q. primo loco idem valet ac *quinto*, secundo vero, *Qui*.

Altera Romæ, his verbis:

DIS MANIBVS
PIERI AVG. L. PRAEC.
PVERR. CAESARIS. N.
FLAVIA NICE CONIVNX
B.M. TITVLVM CVM VALVIS
AENEIS D.S.D. PERMISSV HERMAE
AVG. L. ACVB. DOMITIAE. AVG.

Hermathenæ, quarum formam numero XI. ejusdem Tabulæ vides, statuae erant quadrato in lapide sitæ, repræsentabantque Mercurium, & Minervam, a duplici voce *Hermes* Mercurius, *Athena* Minerva. Cum hujusmodi statuam Pomponius Atticus nactus esset Athenis, Ciceroni necessario suo ad Academiæ ejus ornamentum, eam cum cæteris Hermis pollicitus est se missurum. Cui ita Tullius respondet l. r. ep. 4., Quod ad me de Hermathena scribis per mihi gratum est, ornamentum Academiæ proprium meæ, quod & Hermes commune omnium, & Minerva singulare est ejus gymnasii: quare velim ut scribis cæteris quoque rebus quamplurimis eum locum ornas: & epist. 6. ejusdem libri: Tu velim ea quæ nobis emisse, & parasse scribis, des operam, ut quamprimum habeamus, & velim cogites (id quod mihi pollicitus es) quemadmodum bibliothecam nobis conficere possis.

Ex quodam Nummo quem Fulvius Ursinus edidit inter imagines Virorum Illustrium, desumpta est hæc figura, quam proponimus num. XI. Ad Mercurium, uti diximus, refertur basis statuae quadrato lapidi adhærentis; ad Minervam autem & Palladem studii, bellicque Deam Galea, Clypeus, & Hasta.

Mirandum non est, si hac in statua Mercurius, & Minerva conjunguntur: communia enim aliquando erant utriusque festa, & sacrificia; quandoquidem alter eloquentiæ præerat, altera scientiæ, & eloquentia sine eruditione est verborum sonitus inanis, & doctrina sine eloquentia est thesaurus inutilis. Quare non temere Athenienses, qui doctrina, & eloquentia (ne dicam militari quoque virtute) cæteros omnes superarunt, *Hermathenam* illarum rerum symbolum constituerunt, dedicaruntque. Hæc Hermathena est pars averfa Nummi Hadriani, quia doctrinæ, & eloquentiæ studio tenebatur ostentandæ; sed difficilis explicatus habet vox illa *Opθρωατωρ*, quæ aversam hanc nummi partem ambit; Neque enim ex *Ordea* Macedoniæ urbe ejus cives ita appellari videntur posse. Interim in descriptionibus Nummorum Morellii de *Berne* hunc eundem Nummum cum *Hermathena* reperi. his circumscriptis litteris *ΟΡΘΑΙΩΝ ΜΑΚΕ*, quibus *Ordea* Urbis Macedoniæ Cives significantur, quam inscriptionem Fulvius Ursinus profecto non recte legerat.

Duplici forma ostenditur num. XII. *Hermannubis*. Altera, quam primo vides ex quatuor ovatis figuris, quarum formas vir antiquitatis studiosus Bagarrius edidit, quasque in pluribus Museis invenias, Accipitris caput præsefert, altera Canis. Hujus observatione digni Idoli Plutarchus meminit; eratque Ægyptiorum Numen ex *Mercurio*, & *Anubi* constans, quoniam caduceus quem manu gestat, usitatum erat Mercurii insigne, & Accipitris caput insigne *Anubis* venatoris egregii; quocirca canini capitis specie exhibetur, diciturque ab Ovidio *Latrator Anubis*: Senatoris habitus apparet in hac altera forma, in cujus læva manu caduceus, in dextera Ægyptiacum sistrum: hac enim ferme ratione efficiebantur statuae, quas spectavit Tertullianus quemdam Senatorem irridens.

*Teque domo propria pictum cum fascibus ante
Nunc quoque cum sistro faciem portare caninam.*
Cupientibus autem plura mysteria scire, quæ ad
mores ex his imaginibus referuntur, consulendi
sunt Hieroglyphicarum litterarum Scriptores.

Græcæ quidem sunt quæ averſam partem primi
Hermanubis circumstant litteræ ex antiqua Gem-
ma cælata defumtæ, sed difficiles admodum expli-
catus habent. Sunt enim hæc Veterum hæretico-
rum Basilidianorum, aut Gnosticorum mysteria,
qui Ethnicorum, & Christianorum res simul con-
fundebant, componebantque ex Hebræarum vo-
cum corruptione voces barbaras, quas Græcis lit-
teris effingebant. Cujusmodi est vox HPAMMA,
quam hic habes: qua in re videndus est Macarius,
quem Chifflet publici juris fecit hoc Titulo; *Abra-
xas, sive de Gemmis Basilidianis*, ubi rerum ista-
rum copia magna est.

Julianus Imperator, qui non modo a Christia-
na Religione descivit, verum etiam Ægyptiorum
ritibus magnopere additus fuit, in Nummo proxi-
mo ex parte averſa scribi jussit *Vota Publica*, quæ
Hermanubi nuncupaverat; apparet ipse Serapidis
imagine, & in ejus capite sextarius, titulus præ-
terea *Deo Serapidi*. Quorum me ex Bagarrii scri-
ptis Lautherius antiquitatis amator (cujus Patria
Aquæ Sextiæ in Provincia) hanc in rem partici-
pem fecit, ea modo minime prætermittenda cen-
seo.

Non pauci, inquit, occurrunt exigui ærei Num-
mi Deum Serapidem exhibentes; quos cum ego
diligentius considerassem, in iis omnibus Julianum
Apostatam modo imberbem, modo barbatur, imi-
tatum scilicet Philosophos, quorum longa con-
suevit esse, & pexa barba, facile deprehendi. O-
culos præterea, & nares prorsus Juliani oculis,
naribusque similes vidi. Quod quidem palpum ob-
trudendi causa factum est, quia Juliani tanta su-
perbia fuit, ut Dei imagine cuperet commendari,
quæ fuit Domitiani quoque arrogantia, qui Palla-
dis formæ, & Commodi qui Herculis figura in Num-
mis voluit repræsentari. Ex Martiali audias l. 9.
epigr. 67. Domitianum Herculis statua referri. Su-
um Nero marmoreum caput colossi trunco imponi
jussit; quo depulso nonnulli qui Imperio postea
potiti sunt, voluerunt apponi suum. (a) D. Ire-
næus narrat Simonem Magum se Jovis, suam ve-
ro sociam Helenam Minervæ effigie adorandam
præbuisse. In vita Caligulæ Suetonius refert Li-
viam ejus adolescentis Principis effigiem habitu
cupidinis in æde Capitolinæ Veneris dedicasse. Le-
gimus apud Plinium in curia Octaviæ juvenem Al-
cibiadem Cupidinis formæ fuisse. (b) Quidam, uti
refert Apulejus, cujusdam mortui cereas statuas,
quas ipse Bacchi habitu ornat, adorabat. Atque
ita in sepulturarum antiquis lapidibus sæpe Numi-
na toreumate cælata occurrunt, quæ sunt viro-
rum, aut mulierum imagines, quibus factæ sepul-
turæ sunt.

Huc adde quod Plinius (c) prodidit Arellium
quemdam semper alicujus fæminæ amore flagran-
tem ob id Deas pinxisse, sed dilectarum imagine,
quod ansam Justino martyri præbuit in Ethnicos
invehendi, quippe qui Pictorum Dominas, aut
Sculptorum amicas divinis honoribus proſeque-
bantur.

Quod si non ad Juliani superbiam referendum id
est ut Dei imagine exprimi voluerit (publice enim
modestus videri voluit) ad ejus in Ethnicorum su-
perſtitionem ad quam desciverat, studium referas.
Is enim in publicis imaginibus curavit (d) (Sozo-
meno teste) ut juxta se pingeretur Jupiter, velut

A e Cælo apparens, & coronam, ac purpuram, Im-
perii insignia ipsi præbens, & Mars ac Mercurius
oculos in ipsum conjicientes, ac velut oculorum
nutu testificantes eum eloquentem esse, & rei mi-
litaris peritum. Hoc autem, idem Scriptor ait,
Julianum eo consilio fecisse, ut honoris prætextu
qui Imperatori deferri solet, Romani Deos etiam
qui simul picti erant, imprudentes adorarent. Ac
pauci quidem qui consilium ejus intellexerunt,
nullo modo ejus statuas adorare voluerunt. Vul-
gus vero se vetustæ consuetudini parere hac ratio-
ne existimabat, & ad imagines accedebat. Hinc
B ait Gregorius Nazianzenus adversus Julianum,
ignorantes homines deceptos ethnicorum Deorum
imagines venerari assuevisse.

Refert idem Sozomenus Julianum hoc non fuisse
contentum, sed omnem lapidem movisse, ut,
mixtis iis quæ ad Ethnicorum Religionem pertine-
bant cum statuis, actisque publicis, subditos ad
eamdem cum ipso Religionem colendam adduce-
ret. Ex his non temere judices Juliani vultum Se-
rapidis imagine effictum fuisse, præsertim vero in
Nummis, quos semper præ manibus populus ha-
bebat, quod quidem ad eam antiquam Ethnicorum
Imperatorum consuetudinem spectat, ut & illo-
rum & Deorum simul effigies publice colendæ pro-
ponerentur. Sozomenus quidem Jovis tantum &
C Mercurii, non vero Serapidis, & Anubidis men-
tionem facit; sed apud *μυθολόγους* Serapis pro Jove,
Anubis pro Mercurio sæpe accipitur, ita ut pro
Regionum varietate varia sint Deorum nomina;
Serapis autem, & Anubis Dii erant Ægyptiorum
proprii.

Esti Ægyptiorum Dei, ritusque Romæ sæpe su-
blati sunt, tamen qua erant superstitione Romani
eos semper restitui voluerunt, & cum alias, tum
maxime ab obitu Constantini: cui quidem consilio
magno profecto adjumento fuit Juliani a Christia-
na Religione defectio, qui omnia Ægyptiorum
vehementer admiratus est deliramenta. Cæterum
D Serapis plerumque ita pingitur, ut ejus vertex sit
insignitus calathos, quod, inquit Macrobius, *al-
titudinem Solis monstrat*. Si Rufinum, & Suidam
audis, ille Macrobii calathus est mensura frumenti,
quod Serapis has mensuras prodidit, aut quod Æ-
gyptum irrigante, & fœcundam efficiente Nilo,
magnam frugum copiam mortalibus suppeditabat.
Hanc Serapidis mensuram ad illud Josephi facinus
nonnulli referunt, qui, ut habemus ex sacris lit-
teris, frumenti mensuris, quas cum magna esset
ubertas solicite comparavit, ab Ægypto annonæ
E caritatem avertit.

Illud est hoc in Nummo observandum, Julianum
contra illorum temporum consuetudinem, esse
barbatur, quam quidem rem tanquam irridendam
simulationem virtutis Juliano Antiocheni vitio de-
derunt. Quo M. Aurelium, qui Philosophicam
barbam gestabat, fortasse voluit imitari; & qui-
dem Eutropius testis est Julianum ad M. Aurelii
imitationem se contulisse. Philosophi enim barba,
& pallio a cæteris hominibus fecernebantur; &
Julianus magnus Philosophus haberi voluit, &
multos secum Philosophos habuit. Id ex Auctori-
bus qui Juliani vitam conscripserunt, eruas, &
F præcipue ex Eunapio apud quem multorum Philo-
sophorum qui una cum Juliano fuerunt, descri-
ptam vitam legas. Verumtamen in omnibus ar-
genteis Nummis, & plerisque æreis imberbis ado-
lescens Julianus effingitur.

Herm-Heracles est quod decimo tertio numero
Hermæ forma, Leonis pelle, Herculis (qui Græ-
ce dicitur *Ἡρακλῆς*) clava Numen aspicias. Solebant
enim Græci in Academia Mercurii, & Herculis
statuam ponere, quia juventutis exercitationibus,

E e

Luctæ cursui, pugilatui, aliisque Athletarum certaminibus uterque præerat. Hinc Inscriptionem ego Corcyra legi, qua Marcus nescio quis Byblus Mercurio, & Herculi commendatur ea est hæc:

EX CORCYRA.

Α ΠΟΛΙΣ ΜΑΡΚΟΝ ΚΑΔΗ...
ΓΑΙΟΥ ΤΙΟΝ ΒΥΒΑΟΝ ΤΟΝ
ΠΑΤΡΟΝΑ ΚΑΙ ΕΥΕΡΓΕΤΑ
ΕΡΜΑΙ ΗΡΑΚΛΕΙ.

Hoc est; *Urbs Corcyra Marcum Cale... Filium Caii Bybli Patronum, & optime meritum* (commendat) *Mercurio, & Herculi*. Nisi interpretari velis *Herm-heracli*. Mercurii cum Hercule conjunctione intelligimus fortitudinem cum eloquentia conjungi oportere, aut ipsius eloquentiæ eam esse vim, ut vel feras subigat. Ita Galli peculiari quadam ratione Herculem effingebant, quasi ex ejus ore catenæ egrederentur, quibus vinciret, & ad se auditores pertraheret. Aliquis Alchymia additus arcana quædam in hac Herm-heracli conjunctione detegeret, quasi Veteres duodecim Herculis laboribus, hoc est, ut horum hominum loquendi ratione utamur, duodecim *cobobationibus* præparationem aliquam Mercurii ad magnam perfectionem sublimati indicare voluerint. Verum necesse est nulla interjecta mora reliquas imagines ex Hermis, aliisque Diis compositas explicare, quæ non ut reliquæ, de quibus egimus, Terminorum instar factæ sunt.

Hermeros, cujus figura numero xiv. posita est, est parva ærea statua, quæ Deum refert ex Mercurio, & Cupidine (hic *ἔρως* græce dicitur) compositum. Hic adolescens, qui Cupido est, caduceum, & sacculum nummarius tenet, quibus notis pingi Mercurius consuevit. Hoc Veteres illud profecto demonstrare voluerunt, Amanti eloquentia, & auro opus esse. Plinius Sculptorum

opera eximia recensens cujusdam Taurisci (a) *Herm-merotas* nominat: & *Hermeros* est cognomen a Romanis, Græcisque sæpe usurpatum. Multa in Grutero exempla reperias. Duas has peculiares Romæ, & Dæ Inscriptiones inveni.

R O M Æ.

HERMEROTI
AVG. LIB.

PRAEPOSITO TABVLAR.
RATIONIS CASTRENSIS.
FRATRI INDVLGENTISSIM.
AMPLIATVS AVG. LIB. FECIT

D E Æ.

D. M.

L. POMP. FAVSTINI FILI PISSIMI
DEFVN.

ANN. X. QVEM POST MORTEM
FRATR.

EIVS SEVERIANI. L. POMP. HERME
ROS PATER AMISERAT.

Ad numerum xv. est Herm-Harpocrates: affixæ sunt enim pedibus alæ, ut Mercurio, & digitus labiis impressus, ut Harpocrati apud Ægyptios silentii Deo. Hoc indicat fortasse, silentium aliquando eloquens esse, præsertim amantibus quibus silentium est maxime necessarium, quique sæpe oculis significantius, quam ore loquuntur. Malum Perficum gestat ille capite, quia malus Perfica fuit sacra Harpocrati, aliisque Ægyptiorum Diis, qua de re mox dicemus, ubi de Harpocrate disputandum erit.

a Lib. 36. c. 5.

XVI



XVII



Nota est *Hermaphroditi* fabula, quam vides numero xvi. & xvii. extant apud Lautherium hæc figuræ in duabus gemmis. In fonte est Hermaphroditus & Salmacis Nympha, ita ut jam jam se amplectantur: ambo in unum corpus coaluerunt, in quo sexus uterque remansit integer. Cæteræ quatuor figuræ Silvani fortasse sunt, aut Silvestres Nymphæ hujus Metamorphoseos testes: & una quidem tibiis canit: atque hæc quoad primam illam formam pertinet.

In altera ita pictus cernitur Hermaphroditus, qualis Romæ statuis marmoreis, & æreis expressus cernitur, & qualis ab Aufonio hoc epigrammate describitur.

*Mercurio genitore satus genitrice Cythera
Nominis ut mixti, sic corporis Hermaphroditus,
Concretus sexu, sed non perfectus utroque,
Ambigux Veneris neutra potiundus amori.*

Hoc typo Veteres ex Mercurio, & Venere (quæ *ἀρροδίτη* a Græcis appellatur) Deum unum effice-

re voluerunt, ut ostenderent eloquentiam, aut Mercaturam, cujus Deus Mercurius est, cum voluptatibus esse conjunctam, aut verò, Veneris voluptates esse utrique sexui communes. Et quidem Calvus Poeta Venerem Deum vocat; *Pollen-temque Deum Venerem*; & Virgilius 12. *Æneid.*

*Discedo ac ducente Deo flammam inter & hostes
Expedior.*

Nonnulli Critici, qui hoc non animadverterunt pro Deo legerunt *Dea*. Levinus de Venere ait, *sive femina sit, sive mas adorant ut Lunam*: Aristophanes ait *ἀρροδίτην* neutro genere, & Hesi-chius *ἀρροδίτης*, juxta Salmasium. Theophrastus, ille inquit, *affirmat Aphroditon, aut Venerem esse Hermaphroditum*, & in Cypro prope *Amathusam esse Veneris statuam barbatam tanquam viri*. Neque vero solum Venerem, & marem, & fami-nam Ethnici putarunt, sed Lunæ quoque, ut hujus disputationis initio vidimus, masculinum, & femininum genus tribuerunt.

Nummi consulares Gentis Cassiæ imagines *Liberi*, & *Liberae* offerunt; quod occurrit etiam in Inscriptionibus antiquis, scilicet Bacchus mas, & Bacchus Fæmina, quam Cererem nonnulli putant. Artemidorus de somnis loquitur de Bacchis masculis, & Bacchis fæminis; sed ut verum fatear, hoc postremum nomen ad Bacchas mulieres Bacchi comites referri potest. Orpheus Hymno *Mises suffimentum* expressis verbis ait, *Masculum*,


& *Fæminam duplicis naturæ Jacchum*.

Erat etiam Fortuna Vir, & Fortuna Fæmina, cujus formam alibi ostendam, cum Inscriptione *Fortunæ Barbatae*. Non desunt antiqui Scriptores, qui dicant Deos omnes utriusque sexus fuisse participes; cujus rei intelligendæ cupidos ad *μυθολόγας* mitto; neque enim in ea re necesse est tempus terere, quam alii satis superque declararunt.



SEPTIMA DISSERTATIO

De Harpocrate, & Pantheo.



Acra, inquit Hippocrates, cum viris modo sacris conferre licet. Hinc Ægyptii Veteres naturæ arcana, & præcipua quædam ipsorum Historiæ, ethicæque capita cum Solis Sacerdotibus, atque iis qui ad Regnum, & publicam administrationem accessuri erant, divinatoria quadam arte communicabant. Græcorum sapientissimi eos consultum ibant, quorum gratiam promereri conabantur, ut ex eorum libris perdiscerent, quæ nominis celebritas pollicebatur; constatque ex sacris Literis Mosem illorum doctrinas minime neglexisse, sed omnibus imbutum fuisse. Hinc illi Hieroglyphicas litteras, aut figuras aliud significantes invexerunt, quibus suam ipsorum gubernandæ Reipublicæ, & morum recte formandorum rationem obtegebant. Hinc etiam rebus creatis Deorum tributa nomina, ut eas homines venerarentur, & res plurimæ Diis

consecratæ, quæ in aliquo publico loco constituebantur, ut Vulcano Pyramides, Mercurio Herma, Solis Numini Obelisci.

Sed inter cætera annulos habebant, sigilla, imagines, amuleta, *Talismanos* (ita enim appellant) quas formas in metallis ad recipiendum servandumque cujuslibet astri typum idoneis, expectatis quibusdam stellarum signis imprimebant: quod cum facerent aliquem propositum habebant finem, exempli gratia ad curandos morbos, ad pericula avertenda.

Hæc cum esset apud ipsos instituta doctrinæ ratio, typi efficiebantur quibus Harpocrates silentii, ac Mysteriorum Deus variis rationibus representabatur, pluribusque gemmis quas ad ostentationem, ut testis Plinius est, digitis deferebant. Jam vero, inquit, etiam Harpocratem, statuasque Ægyptiorum numinum, in digitis viri quoque portare incipiunt.

Osiridis, atque Isis Filius habitus est Harpocrates, & quia silentii Deus putabatur, ita effectus erat ut digito labiis impresso silentium indice-

ret. Quocirca Varro ait se multa de Harpocrate nolle dicere, ne silentium quod commendabatur ab eo violaret. Digitus index, qui admovetur ori, dicitur etiam *salutaris*, quo ori admoto silentium indicitur. In Apulejo (a) legimus; *digitum a pollice proximum ori tuo admove, & tace*. Ausonius, ut silentium commendet, ait:

Aut tua Sigalion Ægyptius oscula signet.

Consule in hanc rem D. Augustinum (b) de Civitate Dei. Heraiscum quemdam Ægyptium digito cum labiis juncto natum esse Suidas narrat. Quod ex eo fortasse contigit, quia mulier aliqua viso forte Harpocrate, cujus simulacra in Templis, locisque publicis conspiciebantur, in eo cogitationes penitus defixerat.

Ad numerum XVII. hujus Tabulæ Harpocratem struthiocamelo insidentem vides; in averfa parte Solem, & Lunam, quorum creditus est Filius. Nam Ægyptiis Osiris & Isis Harpocratis Parentes, iidem erant qui aliis populis Sol, & Luna. Non defunt qui dicant Serapidem eundem esse atque Bacchum, Solem, Jovem, Plutonium; Isidem vero eandem atque Junonem, Cererem. Lunam, Proserpinam. Macrobius in Saturnali- bus ait Deos omnes variis nominibus esse unum Apollinem. Ne id ad morum normam nimis revoce- mus, dicere tamen possumus, conjunctum a Ve- teribus cum aliis Diis Harpocratem Silentii Deum fuisse, ut iis indictum silentium esset, qui Deos fuisse aliquando homines, & hanc mortalium vi- tam vixisse contenderent: nisi malis dicere id esse factum, ut quisque intelligeret Deos omnes quos venerabantur quasi in unum redactos, qui nobis silentium denuntiaret.

Litteræ, quas in averfa hujus nummi parte cer- nis, sunt ab Hæreticis Basilidianis, & Gnosticis pro libidine excogitata, qui Christianæ Religio- nis mysteria cum Gentilium superstitionibus im- pune miscebant.

Ad Numerum XIX. Serapis est, & Harpocrates, ibique legis, *Conserve me*. hinc intelligas esse hunc aliquem *Talismanum*, quem quis secum ferebat, ut Deorum ope servaretur sanitas, mala siqua impenderent, repellerentur.

Ad Numerum XX. Harpocrates super Lotum se-

det, arbusculam Soli sacram, quia ejus flos dila- tatur oriente Sole, cadente contrahitur. Hujus arboris naturam Dioscorides (a) tradit, quæ Æ- gyptiis erat maxime vulgaris; dicebantur enim ar- boris ejus fructu victitare. Hinc dicti *Lotophagi*, qui loto vescantur. Basilidianorum mysteria sunt litteræ, quæ in averfa nummi parte conspiciuntur. Figuram ad numerum XXI. *Herm-harpocratem* non inepte dicas, de quo jam locuti sumus. Scuticam enim dextera manu tenet, super Lotum sedet, ut Harpocrates, & læva manu caduceum, ut Mer- curius, gestat.

Ad numerum XXII. Harpocrates Loto insidet inter Solem & Lunam, Parentes suos.

XXIV. Stat Harpocrates; & in averfa parte legis ΩΠΑΝΟΞ ΑΔΩΝΕ, quibus verbis opem Basilidiani implorabant a Cælo, veroque Deo, quem Hebræi dicunt, *Adonai*.

XXV. Harpocrates ita pictus est ut Leonis ca- put præ se ferat, aves circum volitantes habeat, & Lunæ caput ostendat. Alexander Hales in ea sententia est, ut credat hos esse Angelos, quos Cœlestibus Orbibus, ac Planetis Basilidiani tribue- rint, ita ut Saturnus ab iis appellaretur *Cassiel*, Ju- piter, *Sachiel*, Mars, *Samuel*, Sol, *Michael*, Venus, *Anachel*, Mercurius *Raphael*, Luna & ipsa *Michael*. Quem in rem fac librum consulas, cujus titulus, *Macarii Abraxas*.

ΑΕΗΙΟΥΩ sunt septem Græcorum vocales litte- ræ quibus hoc nomen *Jehova* illi Hæretici comple- cebantur; *Otiel* vero est aliquis Basilidianorum Angelicus Spiritus.

XXVI. Est Nummus Ægyptiacus Antonini Pii ex averfa parte, cum capite Harpocratis.

XXVII. Asini collo, cujus vertex in terram conversus est, insidet Harpocrates. Leguntur ibi ΙCΧΥΡΟΝ ΚΑΙ ΑΝΕΙΚΗΤΟΝ. *Forte Invictum*, qui- bus epithetis a Basilidianis donabatur *Jao*, aut *Je- hova*. Quod auxilium rebantur adversus pericu- la, ac tutamen contra inimicos.

XXVIII. Sedentem in Loto Harpocratem duo- decim animalia circumstant.

XXIX. Deum eundem vides cum septem Græ- cis vocalibus Litteris, quæ, uti diximus, *Jehova* significant.

XXX. Ejus Dei caput ibi est, cum cornu co- piæ; quod Ægypti, ubi præcipue in honore Har- pocrates erat, fertilitatem signat.

a l. 8. b l. 3. c. 18.

a l. 4. c. 114.



In superiore Tabula Harpocratis variis rationibus ex typis, ac Nummis desumptas effigies proposuimus. En alias ab exiguis veteribus æneisque statuis postea descriptas, quas in antiquitatis studiosorum museis invenias.

XXXI. XXXII. XXXIII. Tres priores imagines non multum inter se differunt. Rerum abundantiam, atque fortunam Cornucopia significabat: quoddam autem canistrum Serapidis capiti, qui, ut nonnulli volunt, idem erat atque Osiris Harpocratis Pater, tanquam ornamentum imponi consueverat.

XXXIV. Eorum sententiam, qui Osiridem Solem esse putarunt, qui ex proximæ formæ capite eminent radii confirmant.

XXXV. Præter cornu copiarum, ac Serpentem, qui flexuoso ambitu scipionem Æsculapio tributum circumit, hic Harpocrates habet alas, & pharetram ad sagittas continendas, veluti Cupido, & ad pedes duo animalia, quæ cum parva admodum sint secerni non possunt, quorum tamen alterum nonnulli Leporem, alterum Accipitrem judicant. Qua de re pluribus scripsit Smetius, quem videre præstat, lib. de rebus antiquis Neomagensibus, ubi quæ res antiquæ in ejus Museo continentur, explanantur.

Usque ad talos promissa veste exhibetur imago num. xxxvi. ea fortasse dicta *Bassara*, quæ Baccho tribuitur, ut ex Hesychio, Polluce, & Bacchi statuis intelligimus. Vox *Bassara* a *Bassara* Lydiæ oppido, unde vestiendi ratio fluxit, deducta est, si Phornutum, & Horatii Scholiastem audimus. At quid Baccho, inquiet aliquis, cum Har-

pocrate? Vino enim homines verbosi fiunt, & animi secreta proferunt, non autem silentio utuntur. Ego vero ita respondeo: Id ipsum in causa fuit cur Dii duo, de quibus loquimur, conjungerentur, ut qui Baccho addicti sunt homines morderentur ne unquam Bacchum ab Harpocrate jungerent, sed loquendi cupiditatem, quæ vino accenditur, silentio temperarent.

Quod in hujus imaginis capite, aliarumque vides, est, ut creditur, malum Persicum. Fuit enim Persica malus sacra Harpocrati, quia hujus arboris folium linguæ simile est, fructus cordi, ut auctor est Plutarchus; qua re mutuum linguæ, cordisque consensum significari Veteres voluerunt. Variis tamen rationibus hoc ornamentum Harpocratis capiti impositum in Tabula Hieroglyphicarum litterarum Bembus exhibet, modo forma floris, modo plantæ, modo pennarum Struthionis, modo Serpentis specie, quæ omnia profecto symbolo non carent suo, cujus explicatio modo in promptu non est. Apulejus (a) metamorph. describens Isidem ait: *Corona multiformis sublimem distrinxerat verticem, cujus media quidam super frontem plana rotunditas in modum speculi, vel immo argumentum Lunæ candidum lumen emicabat. Dextra, lævaque sulcis insurgentium Viperarum cobibita.*

XXXVII. In hac forma, cujus caput præcipua quadam ratione ornatum est, Harpocratis, Cupidinis, & Æsculapii certa insignia conspiciuntur: admovet enim illa ori digitum, alas habet, phare-

tram cum sagittis, & Serpentem scipioni circumplicatum. Amorem silentio indigere Harpocratis cum Cupidine conjunctione intelligimus, & Harpocratis cum Æsculapio novimus debere Medicum prudenter se gerere, si qua illi ægrotus patefecit; ac tandem silentium sæpe ac sæpius necessarium esse. Apud Pythagoricos silentium virtus erat, & apud Romanos Numen, cujus nomen Dea *Tacita*, ut Plutarchus narrat. Ab hujus simulacri collo Bulla pendet, quam pueri ingenui antequam ad pubertatis annos pervenirent, deferebant: quare de re fusius erit alias dicendi locus.

XXXVIII. In hac effigie plures Deos simul conjunctos quam in illa superiore intuearis. *Solem* indicant radii; *Luna* ipsa per se patet crescentis forma eminente ex capite; *Harpocrates* ex digito ori admoto; *Ceres* ex cornu copiae; *Cupido* ex Pharetra; ex Serpente *Æsculapius*; Talaria nexa pedibus *Mercurium* obijciunt; Corona ex hederâ *Bacchum*. Quare signum Pantheum credi potest; de quo mox. Etenim sæpe Ethnici ex Diis pluribus unum efficiebant pro arbitratu, quod confirmat hæc Inscriptio, quam ego plures regiones peragrans nactus sum.

In Delo.

ΗΟΠΛΙΟΣ.....
ΤΟΥΤΩ.....
ΤΗΡ. ΕΑΤΤΟΝ.....

ΤΩΝ ΙΔΙΩΝ ΣΑΡΑΠΙΑΙ
ΙΣΙΔΙ ΑΝΟΤΒΙΑΙ ΑΡΠΟ
ΚΡΑΤΕΙ ΔΙΟΣΚΟΥΤΡΟΙΣ
ΕΠΙ ΙΕΡΕΩΣ
ΣΤΑΣΕΟΥ ΤΟΥ ΦΙΛΟ
ΚΛΕΟΥΣ ΚΟΛΩΝΗΘΕΝ.

Id est: *Publius*, ... pro suorum salute ... *Serapidi*, *Isidi*, *Anubi*, *Harpocrati*, *Dioscuris* (scilicet *Castori*, & *Polluci*) votum solvit de suo, *Sacerdote Staseo Philoclis Filio ab agro Colono*. Nescio autem utrum *Dioscurorum* nomine veniant *Anubis* quoque, & *Harpocrates* tanquam filii *Jovis*, aut *Serapis*; quemadmodum *Castor*, & *Pollux*, qui cum *Deis* *Ægyptiis* conjungi minime solent, hoc nomine nuncupantur. Hos omnes *Ægyptios* Deos συνδαες, & συμβώμας græce dictos ejusdem Fani, & ejusdem aræ honore dignabantur, & una cum iis *Osiridem*, *Bubastim*, *Apim*, & *Horum*. *Artemidorus* in Interpretationibus somniorum ait, si *Serapis*, *Isis*, *Anubis*, & *Harpocrates*, aut ipsorum, aliorumve qui σύνναοι, & σύμβωμοι iisdem in Fanis, Arisque coluntur, statuae, vel ritus per somnia noctu conspiciuntur, id sollicitudines, pericula, minas, infortunia portendere. Omnia Harpocratis mysteria scire cupienti consulendus est liber, cujus titulus, *Gisberti Cuperi Harpocrates*, editus Amstelodami anno 1676.

De Signis Pantheis.



Hæc ænea antiqua statua ejus altitudinis, qua hic objicitur, habetur Romæ in Museo Joannis Petri Bellorii Pontificis antiquarii, qui explicata Trajana, & Antonina columna, aliisque scriptis pluribus in lucem datis in eruditos homines manavit. Cum primum Italiam peragrarem ejus mihi copiam ille fecit, indeque exemplum desumsi.

Gallice derivato nomine ab antiquo vocabulo dici potest *Statue Panthée*, Latine *signum Pantheum*. Parvas enim statuas æneas altas pedem unum, aut pedem, & semis, qualem hic vides, & etiam aliquanto majores *signa* Romani appellabant; *Statuas* autem quæ rei naturam magnitudine imitabantur, aut etiam aliquanto minores; moles vero longe majores colossos vocabant. Verum quia apud Gallos vox *Signe* rem eandem non reddit, iccirco illi *Statue* promiscue usurpant, quemadmodum sæpe Latini ad statuas molis cujuslibet, ex metallo quolibet significandas.

Signa *Panthea* variis notis, quibus insignita erant, Deos omnes referebant, aut saltem majorum plerosque: *πᾶν* enim Græce valet *omne* *θεὸς* *Deus*. Itaque *Panthea* appellabant. Templâ in cultum Deorum omnium extructa, ubi eorum omnium imagines extabant, cujusmodi Romæ fuit *Pantheon* illud celeberrimum a Bonifacio IV. in honorem B. M. V. & omnium Sanctorum consecratum. Edificatum est forma rotunda, unde etiam dictum *Santa Maria della Rotonda*. Athenis quoque hujusmodi Templum fuit, quod Pausanias ait Diis omnibus commune; in pluribus quoque aliis Urbibus similia Templâ fuerunt.

Qui rerum antiquarum paulum aliquid degustavit, plurimum Deorum notas hoc in signo simul conjunctas facile deprehendet. In ejus capite propria *Isidis* insignia eminentia vides. Caput enim ejus cristis, fructibus, serpentibus, canistris, quibusdam Infulis, aliisque pro libidine inventis rebus ornari solet. *Luna* ipsa per se crescentis forma apparet; corona quæ subest sine controversia *Junonem* quæ Regina Deum audit, significat. Compti capilli, ut ad humeros descendant, & jucundi venustique vultus habitus ejusmodi sunt ut *Venus* referri videatur; *Alæ* quæ hærent humeris eæ sunt quæ *Victoriæ* tribuuntur. Phæretra est *Dianæ* Sylvarum Deæ, *Cupidinisque*. Cornucopia quod læva manu hoc simulacrum gestat est nota *Cereris*, & *Abundantiæ* aliorumque Numinum quæ agrorum fertilitati prodesse putabantur. Deæ *Salutis*, quæ hominum salutem præerat insigne est serpens brachio dextero circumplexus. Caprinam pellem, quæ tegit partem pectoris *Junoni*, aut *Bacchis* Veteres assignabant. Oblonga ad talos Vestis ea est, qua Artium Dea Minerva utebatur. Clavus tandem, quem dextera manu tenet, refertur ad *Fortunam*, quæ, ut clavus Navim, Terrarum Orbem, si audis Ethnicos, regit. Ita omnes prope Deos hoc signum exhibet; Ut sunt nonnulla quæ Deos omnes, non autem Deas; alia Deos, Deasque referunt, ut parva ovata figura ibi in imo posita, quam mox explicabimus, ostendit.

Deæ Statuam, quæ revera Junonis erat, sed eam Palladis, Veneris, Lunæ, Rheæ, Dianæ Nemesis, & Parcarum nonnulla insignia habentem se vidisse in Syria testatur Lucianus. In Historia Ecclesiastica Rufinus (a) narrat Imperatore Theodosio fuisse adhuc Alexandriæ Serapidis Idolum ex omni metallorum genere, ex omni genere Deorum compositum. Deam Isidem invocans Apulejus in metamorphosi, *Dianam*, *Cererem*, *Venerem*, & *Proserpinam* eam vocat. Et extat apud Gruterum Deæ eidem inscriptio ejusmodi:

a l. II.

A *Te tibi una quæ es omnia Dea Isis*. Macrobius tandem, quem ante appellavimus, Deos omnes ad Solem referri contendit. Quapropter mirandum non est si eas Imagines Antiqui efficiebant quæ Deos omnes variis notis significarent.

Quam in ima hujus simulacri parte effigiem vides sumtam ex veteri cælato typo, illa est signum *Pantheum*. Fulmen est insigne *Jovis*; Caduceus quem illa manu gestat, *Mercurii*; Papaveris semen *Proserpinæ*; Spica *Cereris*; Sistrum *Isidis*; Cornucopia, & Clavus *Fortunæ*; Rota *Nemesis*; Galea in capite *Martis* & *Palladis*; Vestis oblonga *Minervæ*; Alæ *Victoriæ*.

B Ut quod de Pantheo diximus, quo nomine hujusmodi statuæ vocabantur, inscriptionibus confirmemus, habe hanc ex Grutero (a) *Fortunæ Primigeniæ Signum Liberi Patris Panthei*. Habe & alias duas, quæ illum latuerunt, quasque ego varias regiones peragrans exaravi.

Romæ in Hortis Justinianæis.

DIS DEABVS
C. IVLIVS C. F. ARN.
AFRICANVS BRIKEL
LO OPTIO EQVIT.
COH. VIII. PR. 7. IVLI
SIGNVM AEREVM
PANTHEVM
D. D. V. L. L. M.
DEDICATVS X. K.
AVG. BARBARO ET
REGVLO COSS.

Dono Dedit
Voto Lubenti
Libera Munere.

Hi Consules fuerunt anno ab Urbe Condita 910. ann. vero Chr. 157. Imperatore Antonino Pio. Notandum tamen in Fastis Capitolinis pro *Barbaro* legi *Barbatum*, contra hujus Lapidis, & Cassiodori, & Fastorum Siculorum auctoritatem, qui *Barbarum*, & *Regulum* Consules nominant. Ad vocem *Dedicatus* intellige *Lapis*, nisi de violatis Grammaticorum regulis Cælatorem postules.

D *Optio* in Militia Romana is erat, quem adjutorem Centurio sibi adoptabat, ut dum abesset ille vices gereret; a verbo *Opto* dictus, quia illum sibi centuriones optabant, sive eligebant. (b) Vegetius, *Optiones*, inquit, *ab optando appellati, quod antecedentibus ægritudine impeditis, bi tanquam adoptati eorum, atque vicarii solent universa curare*. Consulendus hanc in rem Stevechius in Vegetium, & Salmasius de Historia Augusta in vita Hadriani.

E Superiorem Inscriptionem, duasque sequentes omnibus dicatas Diis, jure mihi *inscriptiones Pantheas* appellare posse videor, eadem ratione, qua *Panthea* dicta sunt Templâ, ac simulacra in opinium Deorum honorem ab Ethnicis constructa.

R O M Æ.
DIIS OMNIPOTENTIBVS
LVCIVS RAGONIVS
VENVSTVS V. C.
AVGVR. PVBLICVS
P. R. Q. PONTIFEX
VESTALIS MAIOR
PERCEPTO TAVROBOLIO
CRIOBOLIOQVE
X. KAL. IVL.
DN. VALENTINIANO
AVG. IIII. ET
NEOTERIO CONS.
ARAM CONSECRAVIT

a P. 77. b l. II. c. 7.

Taurobolium erat sacrificium Taurorum, & *Criobolium* Arietum a *κρίος* *Aries*. Qui harum victimarum sanguine totus perfundebatur, censebatur hac ratione *Taurobolium* accipere, & expiari, lustrarique, ut a criminibus purus esset. Consules qui hic nominantur, fuere anno Domini 300. X. Cal. Jun. qui dies, hoc est vigesimus tertius Maii, erat festus, ut habetur ex Calendario vetere Constantii, ubi legitur *macellus rosas summat*, id est ornetur rosis, atque ita statutus dies hic erat apte Sacrificiis. Reperta est hæc Inscriptio inter rudera Cemenelei in Provincia prope Nicæam.

IOVI. O. M.

CETERISQ. DIIS
DEABVSQ. IMMORT.
TIB. CL. DEMETRIVS
DOM. NICOMED.
V. E. PROC. AVGG. NN.
ITEM CC. EPISCEPSEOS
CHORAE INFERIORIS

Hæ duæ voces *Episcepseos*, & *Choræ* Græcæ sunt latine scriptæ loco *Inspectionis*, & *Regionis*; quippe qui hanc Inscriptionem fieri iussit Græcus erat græcarum literarum studiosior, quas Latinis arbitrabatur significantiores. Eamdem originem habet *Episcepis*, quam *Episcopus*, quod nomen apud Ethnicos sonat *Inspector*, *Provisor*; Habetur Nicææ eodem in loco Romana, & Ethnica Inscriptio, ubi mentio fit *Episcopi Nicæensium*, qui idem fortasse erat ac *Procurator Episcepseos*. *Episcepis* apud Christianos idem etiam valet ac *Provi-*

dentia, ut in exigua Inscriptione, quæ extat in moenibus Hadrianopolis.

ΕΠΙΣΚΕΨΙΣ ΕΠΙΣΚΕΨΑΙ. ΤΗΝ. ΠΟΛΙΝ. ΣΣ.

hoc est

Providentia provide Urbi tuæ.


Procuratores Imperatori tributa colligebant, ut in vita Antonini Pii testatur Capitolinus. *Procuratores suos modeste suscipere tributa iussit ducentesima*. Quæ itaque tributa Imperatori conferebantur, erant ducentesima. Hinc conjectare licet, qui in Libris, ac Lapidibus appellantur *Ducenarii*, eos fuisse, qui Tributa susciperent.

Deorum quædam capita in Nummis cernuntur, quæ dici capita *Panthea* possunt. Ita in quodam Nummo Antonini Pii ex parte averfa insculptum est Dei caput, quod præ se fert sextarium in capite ut *Serapis*, cornu Arietis, ut *Jupiter Ammon*, coronam radiorum, ut *Apollo*, in occipite serpentem scipioni circumplicatum, ut *Æsculapius*, ac demum forcipem, ut *Vulcanus*. Proposuissem hic exemplar, nisi esset in *Selectis Numismatis* apud Seguinum *Decanum* Fani S. Germani.

Festum solenne omnium Deorum Græci, Hefychio teste, *Θεοζένια* vocant. Pindari quidem Scholiastes fuisse festum ait tantum Mercurii, & Apollinis. Ut ut sit, quemadmodum signa, ædes, Inscriptiones Diis simul universis ponebant, ita credendum est fuisse quosdam statutos dies, qui solenni ritu in omnium Deorum honorem celebrarentur. Hæc mihi fuerunt, quæ de Harpocrate, & Pantheo dicerem.

OCTAVA DISSERTATIO

De Cymbalis, Crotalis, aliisque Veterum Instrumentis:



Arii Lapides, & Anaglypta, quorum exempla Romæ facta sunt, postquam Bagarrius formam dedit, hujus Tabulæ figuras supeditarunt. Instrumenta, quæ tres hæ saltatrices mutuo alia in aliam facie conversæ varioque corporis habitu saltantes pulsant, Cym-

bala, a Veteribus dicebantur. Ea plane est harum Imaginum conformatio, qualem Auctores describunt. Fulgentius mythologicon lib. 1. capite de Musis, ait, *duo labia velut Cymbala verborum commoda modulantiæ, lingua ut plectrum, quæ curvamine quodam vocalem format spiritum*. Isidorus Pelusiota ep. 457. ubi ad varias corporis partes retulit *Psalterium, Cytharam, Tympanum, Chordas, & Organum*, quibus instrumentis veteres in Ludis, & Sacris utebantur, *Cymbala* tandem ad labia refert, quia sonum non edunt nisi invicem collidantur, ut & *Cymbala*. *Cymbala* porro fuisse cava evincit illud Clem. Alexandrini: (*a*) *ex Cymbalo bibi*. Quam sententiam ii versus Ovidii confirmant, quibus ait pro galeis adhibita fuisse etiam *Cymbala*.

Cymbala pro galeis, pro scutis tympana pulsant, Æra Deæ comites raucaque terga movent.

Vox *Cymbala* fit a Græco κύμβος, *cavus recessus*, quia facta erant instar scutularum ex ære; quocirca aliquando sine addito dicta sunt *Æra*. Rotunda ea fuisse & hæ figuræ arguunt, & Propertii versus probat eleg. 7.

Qua numerosa fides, quaque æra rotunda Cybeller.

Cassiodorus ea cum describit vocat *acetabula* hoc est sinus quosdam; qualis & sinus ossis, in quo alterius ossis caput volvitur, dicitur acetabulum.

a Protrept. p. 11.3.

Divus Augustinus in Psalmum CL. necesse esse ait *Cymbala* invicem percuti, ut sonum edant, eaque a Veteribus labiis comparari. Deum Comum Phurnutus ita describit, *dextra contractis digitis subjectam sinistram ad clavum plectit, ut manus Cymbalorum more percussæ consonæ fiant*. Ovidius de Arte Amandi perobscuro utitur Epitheto.

Discite & duplicigenialia nablia palma Vertere.

Genialia ait, quia *Cymbala* in nuptiis, saltationibus, cæterisque omnibus oblectamentis adhibebantur, ea generali voce appellans *Nablia* pro quolibet Musico instrumento, non autem pro organo quod vox illa proprie significat. *Palma* ait, quia ad pulsanda *Cymbala* opus est manum contrahere.

Quia hoc instrumentum constabat ex duabus distinctis partibus, scriptorum plerique ad illud significandum plurali numero utuntur. Petronius, *Intrans*, inquit, *Cymbalistria, & concrepans æra*. Catallus, *Leve tympanum remugit, cava cymbala recrepant*. Divus Paulus tamen epist. ad Corinthios utitur numero singulari, ubi hominem eloquentem charitatis expertem cum *Cymbalo* confert. *Si linguis hominum loquar, & Angelorum, charitatem autem non habeam, factus sum velut æs sonans aut Cymbalum tinniens*.

Plerumque ex cupro hoc instrumentum erat; Aliquando tamen ex ære, immo etiam ex argento si Cassiodoro credimus. Præcipua quadam ratione Cybeli magnæ Deum Matri sacrata fuisse videntur *Cymbala*; hæc enim in ejus omnibus sacris adhibebantur; fortasse quia eorum rotunda forma non inepte terra significatur, cujus Dea Cybeles erat. Quare in anaglyptis semper Cybeles cum *Cymbalistis* effingitur, aut ita certe, ut prope hujusmodi instrumentum habeat. Gruterus pag. 27. Lapidis Cybeli dedicati formam exhibet, in qua *Cymbala* non vero *Crotala*, ut ille putavit, picta sunt; quod ex iis intelligi potest, quæ hic politæ imagines sunt.

Apulejus (a) describens sacra solennia quibus Cybeles simulacrum per loca publica deferrebat, ait, cum ad quemdam locum pervenissent, Virum quemdam principalem, & alias religiosum, & eximie Deum reverentem tinnitu Cymbalorum, & sonitu Tympanorum, cantusque Phrygii mulcentibus modulis excitum procurrisse obviam, Deamque votivo fuscipientem hospitio, omnes qui comitabantur intra conseptum domus amplissimæ constituisse, Numenque summa veneratione, atque hostiis opimis placare contendisse. Ovidius in Fastis agens de Cybeles festis, quæ dicebantur *Megalesia*, Cymbala commemorat.

*Ibunt semimares, & inania tympana tudent.
Æraque tinnitus ære repulsa dabunt.*

Quia hæc Cybeles sacra ex Phrygia, & Ida Monte, ubi ejus præcipuus cultus erat, translata sunt, credendum est Cymbala quoque inde originem habuisse; eoque magis, quia in multis adhuc Orientis partibus eorum servatur usus, ex quo Instrumenta barbara Apulejus illa nuncupat.



Crotala, quæ in hac Tabula vides, erant arundines per medium, & in oblongum fissæ, quarum duæ partes sic digitis movebantur, ut ex collisione sonum ederent, qui Ciconiæ vocem imitaretur. Hinc Ciconia superiorem rostri sui partem cum inferiore collidendo, ab antiquis *Crotaliftria* dicta est, quasi crotalo crepitaret. Etiam qui lingua est expeditiore *πρότελος* ab Aristophane vocatur. (b)

Teste Pausania Pisander Camirensis dicebat non sagittis Herculem Stymphalidas aves interfecisse, sed Crotali sonitu fugasse, ac terruisse; quapropter si illi Auctori fidem habes, valde antiqua instrumenta Crotala sunt, cum Herculis tempore tractarentur. Ovidius cum Cymbalis ea conjungit.

*Cymbala cum Crotalis prurientiaque arma Priapo
Ponit, & adducta tympana pulsa manu.*

Varie ad Crotalorum sonitum saltabant, ac movebantur, quemadmodum in iis choreis fieri videmus apud nos, quibus colliduntur laminæ; eas patrio sermone dicimus *Sarabande*. Cæterum ex *Copa*, quod carmen Virgilio tribuitur, has saltationes cognoscimus.

Crispum sub Crotalo docta movere latus.

Clemens Alexandrinus, qui hæc instrumenta siculis accepta refert, Christianorum convivii arceri Crotala voluit: fortasse, quia saltationes lascivæ eorum sonitu excitantur. *Tympana, & Cymbala, & Crepitacula quæ dicuntur Crotala inventa a Siculis.*



Crumata vocabantur testulæ, & ossicula, ut in *Copam* Virgillii animadvertit Scaliger. Fuerunt Hispanis maxime in usu, præcipue iis, qui Beticam Provinciam, Gadesque incolebant. Quo spectat Martialis. (a) *Nec de Gadibus improbis puellæ vibrabunt sine fine prurientes lascivos docili tremore lumbos*, (b) & alibi de muliere, quæ doctè pulfabat has testulas, & sonos gestu sequebatur.

*Edere lascivos ad Beticæ crumata gestus,
Et Gaditanis ludere docta modis.*

Et Juvenalis. (c)

*Forſitan expectes ut Gaditana canoro
Incipiat prurire choro.*

Ita Hispani, & maxime Gaditani etiamnum iis utuntur in saltationibus, & *Castagnetas* vocant, ab iisque ad nos eorum pervenit usus.

Nec tamen Græcis crumata incognita erant. Aristophanes (d) appellat *ὄσπανα* quasi *ostrei cortices*. Martialis *testas*. *Audiat ille testarum crepitatus.*




a l. 8. 26. b l. 6. 71. c Sat. xi. 162. d Ran. Act. v. sc. 2. v. 49.

Ff ij

Aliis quoque instrumentis Veteres utebantur, quibus moventes pedem sonitum edebant; hujus instrumenti hic formam vides: ea porro instrumenta *Crupezia* appellabantur a *κρουειν* pulsare, & *πίζα* pedis planta juxta Hesychium. *Crupezia*, inquit Pollux, sunt *Tibicinum calceamentum*. Arnobius l. 7. adversus Gentes vocat *Scabilla*; irridens eorum superstitionem, *etiamne*, inquit, *Dii afficiuntur quassationibus Cymbalorum, & crepitu Scabillorum?* Eruditissimus Salmasius, qui omnia quæ de hisce instrumentis dici possunt commentariis in Vopisc. Carin. accurate persecutus est, ait dicta esse *Scabella*, *Scamilla*, *Scamella*. Instrumentum enim illud in modum scabelli factum, vel scabellum potius erat revera, quod pede feriebatur cum lignea, aut ferrea solea. Sed varii generis puto fuisse hujusmodi instrumenta. Hic enim pictum videtur sandalium cum duabus soleis, inter quas illud de quo loquimur instrumentum; quod pictura magis quam descriptione declaratur.

Qui plura scire in hanc rem desiderat, ei videndus est Salmasius loco appellato, Albertus Rubenius *de re vestiaria*, & Gaspar Bartolinus *de Tibiis veterum*, unde hujus instrumenti formam desumsi.



Quæ duo instrumenta in harum Fœminarum manibus vides *Tympana* sunt cymbalis nostratibus similia; quorum forma in multis anaglyptis, Nummisque antiquis cernitur. Hoc instrumentum erat circulus ligneus, vel ferreus tenui corio obductus, quem pulsabant manibus, quemadmodum apud nos illæ mulieres, quas appellamus *Zingare*.


Nonnulli putant nomen hoc a græco verbo *κρουειν* obstrepere derivari: At Vossius in etym. Linguae Latinæ ab Hebræa voce deducit, quæ *Tympanum* significat. Neque hoc nullo nititur fundamento; Syrorum enim id inventum est, ut constat ex Juven.

*Jam pridem Syrus in Tyberim defluxit Orontes,
Et linguam, & mores, & cum tibicine chordas
Obliquas, nec non gentilia tympana secum
Vexit.*

In ludis publicis, in saltationibus & in festis Bacchi, atque Cybeles maximus erat illorum usus, ut his versibus Catullus confirmat:

*Cybelles Phrygiæ ad nemora Deæ,
Ubi Cymbalum sonat vox, ubi tympana reboant.
Et his Ovidius lib. 4. Metamorph.
Et adhuc Mineja proles
Urget opus spernitque Deum, festumque profanat,
Tympana cum subito non apparentia rancis
Obstrepere sonis, & adunca tibia cornu
Tinnulaque æra sonant.*

A Heliogabalo, ut narrat Herodianus, sæpe libidine cessit audiendi tiliarum sonitum, ac tympanorum, quod fieri in Bacchanalibus consuevit.



Cythara est instrumentum illud quod præ manibus hæc Mulier habet; tangitur illud plectro, quod manu tenet dextera. Forma ejus erat triangularis, ut hic cernitur, & refertur in epistola de Musicis, quæ D. Hieronymo tribuitur; ait enim *Cytharæ triangulari forma instar Græci Delta*. Ecclesiam præsentari.



C Cytharam, ac Lyram differre inter se novimus ex Pausania, ac Lyram quidem a Mercurio inventam esse, ab Apolline Cytharam. Plerique tamen Poetæ solent hæc duo vocabula promiscue accipere, cum ea similia instrumenta sint, neque valde distincta forma. *Cythara* enim *Trianguli*, *Lyra* vero duorum SS oppositorum formam efficit. Statuæ Nummique extant, in quibus ut *Lyram* sic etiam *Cytharam* tenentis Apollinis effigies inest. Vossius *Cytharæ* etymologiam ab Hebræa voce deducit. Sic libet fac illum consulas.



Hoc instrumentum est *Sistrum* *Isidis* Deæ quæ magno in honore apud Ægyptios habebatur. Erat illud formæ ovatæ, cujusmodi apud nos *la Racketta*, per cujus mediam laminam tres erant transmissæ virgulæ, quæ facile agitari poterant, & crispante brachio sonum edebant, qui suavis Veteribus videbatur. Molinetus ex Cœnobio D. Genovæ Lutetiæ Parisiorum, Nummorum, aliarumque rerum antiquarum studiosus parvum *sistrum* totum æreum habet. Plerumque ex ære fiebat, ut ex Apulejo addiscimus qui *sistrum* describit. (a) Servius in octavum lib. *Æneidos* ait: *Isis est genius Ægypti, qui per sistrum motum, quod gerit in dextra, Nili accessus, recessusque significat.* Multi de *Sistro* scripserunt, inter cæteros Hieronymus Bosius, qui opus edidit hoc nomine *Isiacus de Sistro*. Oyselius in Thesouro Nummorum de eo copiose disputat. Quocirca nolo hic ego plura, ne, quod supervacaneum est, aliorum scripta compilem.

NONA DISSERTATIO

De duabus Aedibus antiquis Nemausi, & Viennæ.

MAISON CARREE
DE NISMESNOSTRE DAME DE LA VIE,
DE VIENNE

habeat, juxta mensuras quas dedit Joannes Poldo d'Albenas, rerum antiquarum cupidi homines ut intelligant curabo.

Nonnulli putarunt hanc esse Basilicam in honorem Plotinæ, teste Spartiano, apud Nemausum Hadriani jussu extructam: Verum hoc est ad credendum difficile. Neque enim quadrata hæc ædes ita magnifica est, ut Basilicam Spartianus describit: en ipsius verba; *In honorem Plotinæ Basilicam apud Nemausum mirabili opere extruxit.* Præterea Basilicæ, ut notat Perrault in Vitruvium, ex interiore parte columnis fulciebantur, Templum vero, ut hæc ædes quadrata, ex parte exteriori. Casaubonus etiam, alique eruditissimi antiquarum rerum amatores una sentiunt ex hoc superbo Edificio nihil reliqui superesse.

Ad rem propius accessisse arbitrati sunt d'Albenas, & Deiron, ubi de Nemausi rebus antiquis agunt, rati hoc esse Capitolium, hoc est ædem Consularem quo Urbis Magistratus conveniebant: vulgo enim dicitur adhuc *Capdueil*, quod patrum vocabulum Capitolium significat, & in monumentis quæ 400. aut 500. ab hinc anno repetuntur, dicitur Capitolium; ut etiam proximum Templum S. Stephani ad Capitolium. At notum est Consules nisi Romæ fuisse, neque usquam legimus in qua Urbe alia Capitolium fuerit. Proconsulibus quidem, & Prætoribus, qui ab Imperatore, aut populo Romano mittebantur jus dicturi, ædes publicæ positæ erant in præcipuis Imperii Urbibus: eæ dicebantur Prætoria, ut illud quo ad Pilatum Christus Dominus ductus est. Itaque non illud ego Capitolium nuncupem, sed Prætorium potius, si vera dicunt d'Albenas, & Deiron.

A Id magis ut confirmet memoriam nescio quam posteris ore traditam afferunt, qua constat 300. aut 400. ab hinc annis eam quadratam ædem, publicam ædem fuisse, in qua Nemausienses Consules cogeantur. Quod verum potest esse, tametsi Romanorum Prætorium minime fuerit. Habeto sententiam meam.

B Equidem minime dubitanter pronuntio hanc quadratam Ædem nihil esse aliud quam Templum a Romanis olim extructum instar aliorum in oblongum quadratorum, ut Athenis sunt Tempia Minervæ, ac Thesei, quorum formam in Græciam profectus descripsi. Et quidem Thesei Templum magnitudine, & commensu huic est prope par, ac totidem columnas habet, sex a fronte, undecim a lateribus. Hoc discrimen est quod Thesei Templum est ratione Dorica extructum, cujusmodi *Peripteron* (a) Vitruvius vocat, id est circum alatum. ut intercolumnii latitudinis intervallum sit a parietibus circum ad extremos ordines columnarum, habeatque ambulationem liberam. Hoc vero Templum est ratione Corinthia, cujusmodi idem appellat *Pseudoperipteron*, quod valde quadratæ huic ædi affine est. Exemplar quod Perrault in Vitruvium tradit, videtur ab æde quadrata desumptum. Ibi vides, quemadmodum in æde Nemausensi, porticum, seu vestibulum, & est loco *Pronai*, sicut in Templis apud Ethnicos, & inter cætera in Templo Minervæ Athenis. (b) Alii, Vitruvius inquit, removens parietes, ædis, & applicantes ad intercolumnia pteromatos spatio parietis sublatis, efficiunt amplum laxamentum cellæ; reliqua autem proportionibus, & symmetriis iisdem conservantes, aliud genus figuræ, nominisque videntur *pseudoperipteron* procreavisse. Hæc autem genera propter usum sacrificiorum convertuntur. Non enim omnibus Diis iisdem rationibus ædes sunt faciendæ, quod alius alia varietate sacrarum religionum habet effectus. Quod sine controversia hoc esse Templum indicat est fastigium, ita enim Latini appellant, Græce *ἀετός* dicitur Aquilæ volantis speciem repræsentans. Id erat tectum

a lib. 31. c. 1. b l. 4 c. 7.

e medio in altum exurgens Pyramidis obtusæ infar, Templorum peculiare. Apud Romanos, inquit Perrault, privatorum domus tecta plana habuerunt, non in altum surgentia, ita ut domus Cæsaris primum, quemadmodum Tempia, fastigium habere cæperit. Architecturæ magistri mediam, & eminentem fastigii partem Tympanum vocant, idque statuis, & anaglyptis ornari solebat, ut Athenis Minervæ Templum. Stylobatæ qui in summis fastigiis in medio, lateribusque Templi statuas sustinent dicuntur acroteria. In hoc vero Templo nullis ornamentis insignito, neque acroteria sunt, neque statuæ in Tympano. Zophorus totam ædem ambit acantho, ac nascentibus foliis distinctus, & est ejusmodi ut periti artificis opus videatur.

Intelligere porro, cui Deo Templum hoc dictum sit, difficillimum est; neque enim ex inscriptionibus, aut anaglyptis conjectura id assequi potes. Dicam id unum, cum quædam rebus antiquis tributa nomina longo temporis decursu ad nos pervenerint, quibus quid fuerint intelligentia sæpe consequimur, hujus Templi nomen (dicitur autem Capitolium) multorum sæculorum spatio ad nos deductum satis nobis suppeditare, cur Templum Jovis Capitolini, cujusmodi Romæ fuit, judicemus. Verumtamen si cui probabilius videatur, Martis hoc fuisse Templum, quem summo cultu ea civitas prosequabatur, non repugno; propterea quod a Marte ii Cives vocabantur *Arecomici*, a voce Ἀρης Græcè *Mars*, & πόμης *pagus*. Et quidem Nemaufum in 24. Pagos, si priscis Scriptoribus credimus, jus habuit, nisi malis vicos dicere; Strabo enim utitur nomine πόμης; aut 24. *oppida*, hoc enim vocabulo Plinius utitur, quamquam ea ignobilia esse testatur. D'Albenas, quem aliqui Mal Poldo appellant, id enim modo nomen est, quod illi est, cum Baptismi aquis lustraretur, inditum, caput integrum conscripsit in locum Stephani Byzantii de rebus Nemausi. Hæc verba Stephani Νέμαυσος πόλις Ἰταλίας, *Nemaufum Urbis Italiæ* conatur defendere. Sed ne vi detorta huc transferamus, ego malo cum emendationibus Stephani editionibus legere, Νέμαυσος πόλις Γαλλίας *Nemaufum Urbis Galliæ*.

Ex iis quas hic Scriptor addit, vocibus ἀπὸ τῆς Νεμαύσας Ἡρακλείδας, a *Nemauso ex Heraclidis Urbis condita*, ansam arripit d'Albenas multa ad fatietatem usque dicendi de Nemausi conditore, quem ait fuisse filium Herculis, ut vocabulum ex Heraclidis indicat; contendit autem ille Herculi fuisse filium nomine Nemaufum; cujus ope se quo anno conditum Nemaufum fuerit jactat deprehendisse. Verum cum infirmis nitatur fundamentis, id unum satis est dicere Heraclidarum nomine non vere Filios Herculis significari, sed ejus tantum posteror; cui rei stabiliendæ innumera possent, si liberet, scriptorum testimonia proferri. Itaque quo propinquitatis gradu hic Nemausus Herculem contigerit, qua ætate vixerit, quoque propterea tempore Urbis fundamenta jecerit plane obscurum est. Quod est certissimum, id est, eam Urbem esse antiquissimam, ejusque conditori divinos honores a Nemausienfibus habitos. Confirmant id quas subjicio Inscriptiones, & communis Veterum consuetudo in Deorum numerum suarum Urbium Conditores, & Heroas referentium.

NEMAUSI.

NEMATEO

TON OYAH. TPAIANON

KAICAPA CEBACTON

NEMAUSI.

DEO SILVANO ET LIBERO

PATRI ET NEMAVSO

....ARCHVS SINODI

Prima Inscriptio *Deo Nemauso* posita est pro salute Imperatoris Trajani. Altera vero posita est Silvano, Baccho, & Nemauso.

Habetur parvus Nummus Æreus, in cujus parte altera armatum galea caput objicitur, in altera Dea Salus escam duobus Serpentibus præbenti similis, his additis litteris COL. NEM. hoc est *Colonia Nemausi*. Nonnulli affirmant caput illud hujus Herois, aut Dei Nemausi caput esse, alii vero Martis, a quo ea regio nomen accepit.

Guiramus a Consiliis, aut judiciis Nemausi ita Nemausi Nummum interpretatus est, ut ex parte adversa sint Augusti, & Agrippæ capita, ex altera autem suspensus palmæ Crocodilus, cum litteris COL. NEM. D'Albenas hæc M. Aurelii, & L. Veri capita judicavit. Ignoscendum id iis facile, quod iis temporibus non ita ut nostris Nummorum cognitio in pretio erat.

Quandoquidem in cognoscendis Nummis tunc temporis callidi non satis erant, iccirco neque Inscriptionum erant satis periti: quocirca quæ primum edebatur, eam facile probabant. Itaque inscriptionem attulit ille Scriptor, quæ Basilicæ meminit in honorem Plotinæ ab Hadriano extructæ, quam commentitiam esse nostrorum temporum Viri eruditissimi Scaliger, Gruterus, & Salmasius deprehenderunt: & quidem præterquam quod ejus primum exemplar nusquam visum est, ea est ex Spartiano, ac Dione prope ad verbum redita.

Quæ rationes quadratam Ædem Templum fuisse probarunt, eæ Viennensem Ædem B. M. V. Romanorum Prætorium fuisse ostendunt. Ibi enim Templi columnæ dispositæ sunt, ibi demensiones, ibi fastigium. Id unum observandum est, cum murus, qui est inter columnas nostrorum temporum ritu extructus sit, dici posse hoc esse Veterum Romanorum Templum, quod *Monopteron* dicunt; de quo Vitruvius, & eruditissimus Perrault, qui eum interpretatus est, & in eundem Commentarios conscripsit. Perrault hæc prodidit: *Ædes alata, quarum tectum non muris, sed columnis tantum innititur, monoptera sunt; Omnes Interpretes explicant monopteron tantquam unica ala cinctum, quasi monopteros, & dipteros, b. e. duas alas habens opponantur, & hoc vocabulum derivetur ab adjectivo μόνος solus non vero adverbio μόνον solum, ut & monogrammos. Alioquin si Ædes monoptera hoc nomine iccirco donarentur, quia illarum unica sit ala, non differrent a Peripteris rotundis, quarum quoque unica ala est: At in hoc Ædes periptera, & monoptera differunt, quia periptera muro circumvallatæ porticu cinguntur, non habent autem murum monoptera.*

Contra Vulgi opinionem non est mihi institutum differere, qua dicitur hoc Templum Pilati fuisse Prætorium, in quo jus ille aliquando dixerit, antequam Viennæ, ubi natus etiam dicitur, exularet. Errorem hunc vulgi sermone adeo diffe-
minatum ut in fastigio decepti Magistratus hæc verba scribenda jusserint: *C'est icy la pomme du Sceptre de Pilate*; Chorierius qui de rebus anti-
quis Viennæ agit, firmis rationum monumentis confutat. Nihil enim est quod Viennensem fuisse Pilatum, aut ibi unquam exulasse probet. Nimis enim jucundum id ei fuisset in Patria exulare. Ve-
rum est ex nomine cujusdam Itali, qui dictus est Humbertus Pilati, quique fuit ab Epistolis postre-
mi Delphini Humberti, has omnes fabulas ortas

A esse, ut Turris quæ Viennæ est prope Rhodanum, *Turris Pilati* diceretur, & Villa quæ est ad S. Va-
lerii, *Villa Pilati*, ac Templum Beatæ Virginis *Vitæ, Prætorium Pilati*. Fortasse mons quoque Pila, aliquando *Mons Pilati* nuncupabitur, cum
qui hanc Etymologiam deducerent jam non defue-
rint. Verum Chorierius qui accuratissime Delphi-
natus historiam conscripsit, hunc errorem publi-
ce sustulit. Ille tamen hoc Templum fuisse Ro-
manis Prætorium arbitratus est; quod meæ qui-
dem causæ nihil officit, neque abhorret a verita-
te. Nam Romani in Templis jus dicebant, ut fa-
cræ summæque auctoritatis haberentur ipsorum
sententiæ.



DECIMA DISSERTATIO

De Inscriptione in Annulo antiquo : Tecla vivat Deo cum Marito seo : ex Epistola Peirescbii ad Holstenium Bibliothecæ Vaticanæ Custodem VIII. Idus Augusti 1619.



UM ex Aula discessissem, & per Arelatem transirem, emi crassum annulum aureum antiquum e terra nuper erutum. In eo vultus est pingui Minerva effictus, & circum hæc Inscriptio ✠ *Tecla Segella*. Hæc in lamina aurea ornata circum foliis, & echinis, & in ejus cavo scriptum est ✠ *Tecla vivat Deo cum Marito seo* : & in parte hujus annuli circulo opposita cernitur parva ovata forma, quæ intus has litteras continet RA' FE : de qua quidem re sententiam tuam libenter audirem.

Annulum æreum antiquum vidi cum instrumento, quo Prisci sigilla imprimere solebant, & illud ipsum æreum erat, offerebatque has inver-

fas anagly- < OED NI
pticas litteras SVAIA >

VIVAS
IN DEO.

ut hæ redderentur.

Sunt mihi præterea parvæ gemmæ quadratæ duæ, quæ in similibus annulis aliquando commissæ fuerant, & quæ duas Inscriptiones litteris ætatis ferreæ complectuntur : altera quidem hanc

Bonam
Vitam

& altera hanc

Amo Te
Ama Me

& alia gemma mihi est figura hexagona, in qua cælata est Luna crescens, & cælatum illud *Serva Fidem*. Omnes in plano candidis cælatae litteris spectantium oblectant oculos, non minus quam Plinii Indicæ Sardonyches. Quod non tantum videtur factum, ut candidæ essent litteræ propter colorum, qui gemmis insunt varietatem, sed ratione aliqua superstitionis, cui valde addicti Veteres erant.

Hic annulus aureus qui ita crassus est ut faciat unciam pondere, fuisse videtur mihi annulus *Pronubus*, seu *Genialis*, cujus ex litteris votum colligis. *Tecla vivat Deo cum Marito seo* : ubi nota seo pro suo. Quæ scribendi corruptio quarto, & quinto, multoque magis consecutis sæculis in Orthographiam inducta est. Ejus annuli Auctores fuisse Christianos homines, & quod præfigitur Crucis signum, & ipsa evincit loquendi ratio. Habebant enim Ethnici annulos, & ipsi suos plerumque ex cupro, aut ferro ita factos, ut nescio quid clavis instar extaret tanquam signum quo, sponsæ tradito pronubo hoc annulo, Maritus in claves, resque domesticas, quarum ad eam cura spectaret, potestatem dabat.

Hos quoque tres annulos eodem spectare puto, ita tamen ut tum qui præ se fert ea verba, *Bonam Vitam*, tum qui ea, *Vivas in Deo*, ad Christianum hominem pertineat, tamen desit Crucis signum, ex quo vetustiore utrumque, quam illum alterum Teclæ esse conjicio. Et ea verba *Vivat, Vivas, Vitam* ad præsentem potius vitam referri, quam ad futuram arbitror : Sunt enim annuli pro-

nubi, hoc est pignora consuetudinis, societatisque, quo vinculo conjuges vinciuntur.

Apud Gruterum (a) inscriptio est, quæ videtur futuræ potius quam præsentis vitæ vota prospicere, *Regina Vivas in Domino Zesu*, ubi errores scriptionis observa duos, *vivas* pro *vivas*, & *Zesu* pro *Jesu*. Ea in marmor candidum incisa est. Sepultura autem est Christianæ nescio cujus mulieris *Reginæ* nomine.

Quæ in ovata forma litteræ sunt RA' FE difficiles explicatus habent ; tamen primo intuitu id Mariti nomen esse putavi, qui *Raugenius* diceretur, tamen postea multum dubitavi : Interim vero, quoniam conjecturis res agitur, dicam conjectando quod mirum tibi videatur, ut meliora possis impertiri.

Itaque hoc in primis pro certo statuo, significari his litteris Arram genialem, Annulum seu pignus sponsaliorum. Cur ita sentiam hac ratione moveor. Cum littera *e* pro *u* ponatur, uti *seo* pro *suo*, intelligimus Latinam Linguam corruptam fuisse, ut is tunc temporis esset quotidianus, & patrius sermo ; sicut ad hæc usque tempora Galli in Provincia obsoleto Romanorum sermone *sieve* ajunt pro *sienne sua*, quo vocabulo nostri interpositam litteram *e* retinuerunt. Crediderim itaque simili quadam corruptione pro iis Gothorum temporibus, cum primum Regia stirps apud nos in Galliis extitit (tunc autem confectum hunc esse annulum censeo) perperam demtam esse hujus vocis *Arra* primam syllabam ; ut quotidiano sermone vulgus ait *Toni* pro *Antoni* ; idque esse Nationum Septentrionalium vitium, quarum omnia propemodum vocabula Monosyllaba sunt. Ita ab Anglis dicitur *Pit*, *Nic*, *Firt*, *Petrus*, *Nicolaus*, *Franciscus*, idque genus alia. Illi quidem plures consonantes litteras in unum conferunt ; sed vocales omnes missas faciunt præter unam quæ in pronunciatione principem locum tenet, estque aliis litteris sonantior, ut Alemanni pronuntiant *Hans Johannes*. Itaque aut per Gothos, aut per Burgundos qui Arelate potiti sunt, ubi inventus hic annulus est ; aut per eos Gallos qui Burgundos expulerunt, aut eos qui cum Romanis eum locum incoluerunt, corrupta hæc loquendi consuetudo inducta est : quod adeo verum est ut lib. I. de la *Siete Partidas*, titre 28. part. 7. Hispani vetusto Castellæ vocabulo *Rafez* dicant, quod hodie *Arrey* *Adurno de una persona y appostura de casa y criados*. Dicunt etiam *arrear* pro *adornar y engalvar de arras las joyas que el desposado da a la desposada* : dare arras, aut pignora sponsæ suæ. Ductum id est ab antiquo vocabulo *arra* aut *arrabo*, quod valde affine est Orientali, seu Chaldaico *Hbarrab*, sponsam ducere. Fortasse alterum ab altero derivatum est, cum sæpe Nationes ab Oriente ad Occidentem migrarint. Quod eo mihi persuadeo magis quia ab hominibus Hebraicæ cæterarumque linguarum Orientalium longe quam ego peritioribus audio primam syllabam AR, a Græcis

modo, Latinisque, quorum suavior lingua est, additum esse, ita ut si huic voci *Rau* in hanc sententiam nihil simile Linguae Septentrionales habent, ab Orientalibus fortasse ejus rei origo tracta sit.

Hinc illud mea quidem sententia consequitur, nihil prohibere quominus prisca Hispani Gothos hac in re imitati sint, eademque ratione meus aureus annulus careat prima syllaba vocis *arra* aut *arrabo*: & præterea nihil esse cur hæc syllaba *Ra* in hoc annulo insculpta pro *arra* poni non potuerit, atque ita etiam quæ sequitur *gē* pro *Genialis*; quemadmodum dicitur *Lectus* aut *Thor* *genialis*. Vocabulum illud quo his temporibus in Provincia vulgus utitur, *Rauo*, in Italia *Robba*, in Galliis *Robbe*, in Hispaniis *Ropa*, & *Rafez* pro vestimentis præcipue, ac generatim pro omni suppellectile, ex his vocibus *Arrabo*, *Rabo* aut *Rau* factum esse affirmare non ausim: Nolo enim ad eam Ethy-

A mologiam confugere, quæ non multum habet probabilitatis. Tu qui in Linguis Septentrionalibus versatus es, aliquid magis affirmate pronuntiabis. Expendi etiam posset utrum Christianorum inscriptiones votorum quoque funebrium, non modo nuptiarum occasione factæ sint, & utrum ex prima interpretatione apta erui sententia possit, quemadmodum ex altera, quæ majorem veritatis speciem præ se fert, & ad illud etiam Tertulliani spectat: *Nubat in Domino*. Nimis modo gravibus obstringor occupationibus, quamobrem in hanc rem libros consulere non vacat, & nescio qua ratione tantum mihi otii sumserim, ut minutis his de rebus ad te scriberem. Quare me excusatum velim habeas: ut enim minus hac de re sollicitus sim, humanitas tua, comitasque facit. Vale.

Aquis Sextiis VIII. Idus Augusti 1619.

PEIRESCHIUS.



UNDECIMA DISSERTATIO

De nonnullis Annulis aureis, & argenteis.



N alterum aureum annulum alteri pondo prope parem inventum Lugduni anno 1679. Hunc habuit a fructore quodam nescio quis, a quo is venit Fabro aurario. Tunc temporis in cœnobio Sancti Petri fundamenta reficiebantur; quapropter ibi videtur inventus. Diutius per Fabrum aurarium apud me annulus fuit, quo eum expenderem. Aurum optimum est, quo Nummi scilicet percuti consueverunt. Satis parva, & crassa onyx in eo compacta est: in ea effictus homo ante palmam sedens: omnia tamen rudia, quamobrem eum non feci plurimi. Tria tamen sunt quæ observatione digna duxi.

I. Crassior, & gravior est quam annulus esse soleat; ejus enim pondus gravius est quatuor nummis aureis cum dimidio. Recurrit animo hoc loco quod festivo in Satyris ait Juvenalis,

*Ciceroni nemo ducentos
Nunc dederit nummos, nisi fulserit Annulus
ingens.*

Et alibi:

Nec sufferre queat majoris pondera gemma,

Plinius (a) ait eo luxuriæ sui temporis Romanos progressos esse, ut ingentis ponderis annulis ad ostentationem uterentur. *Jam alii pondera eorum ostentant.* Primis temporibus Romani annulos ferreos gestabant, id enim ut virtutis bellicæ insignie, ut erant militiæ dediti, ferrum pretiosioribus metallis præferebant. Tarquinius Priscus primus annulum aureum habuit. Longo tempore ne Senatum quidem Romanum ausum esse gestare annulos compertum est. His tantum qui Legati ad exterarum gentes ituri essent annuli publice dabantur: tamen in publico tantum utebantur his aureis, intra domos vero ferreis. Plinii temporibus, ut ipse testis est, *Sponsæ muneri annulus ferreus mittebatur, isque sine gemma.* Tanti iis temporibus annulos aureos fecerunt, ut unius causæ exitiale bellum exortum sit. Inter Cæpionem & Drusum ex annulo in auctione venali inimicitia cœpere; unde exitia rerum. Promiscui tamen usus altero Bello Punico annulos fuisse credendum est: Neque enim aliter potuissent trimodia illa annulorum Carthaginem ab Hannibale mitti, quibus equitibus, militibusque Romanis detractis, ingentem eo prælio occisorum numerum ostentaret. Neque enim antea fas erat populum annulos ferre,

a lib. 33.

A cum annulus aureus insigne esset nobilitatis. Consecutis quidem temporibus Commodus annuli deferendi potestate vel Libertos donavit; neque ullæ Mulieres, neque gregarii Milites, atque adeo fervitia fuere, quæ annulo carerent.

II. Quod deinde observandum est, est Domini nomen: ibi enim inscriptum est: *Memorini*; ut si unquam amitteretur, ei ad quem pertineret, redderetur. *Memorinus* est agnomen, quod familiis pluribus potuit esse commune, ut pluribus communia fuisse novimus *Memor* & *Memorianus*.

III. Tercio loco notandum, quod, cum hic Annulus sit valde gravis, habeatque extrinsecus angulos duos (quamobrem si medio, aut annulari digito gestandus erat, futurus erat impedimento) nisi pollice deferri commode poterat: omnibus enim digitis tunc temporis aptari annuli consueverunt. In Peireschii Museo, quod, si res antiquas spectes, quodvis aliud facile superavit, ut ex ejus indice comperi, plurimi varique annuli antiqui erant, inter quos magnus annulus aureus, in quo commissus erat Nummus aureus Antonini Pii, qui totus pondere æquabat Nummos sex. Annulus præterea argenteus cum jaspide, in quo Diana inter Martem, & Victoriæ incisa erat: & argenteus annulus alius encausto nigro pictus cum Sardonyche Arabica in pala auro circumdata; alius æreus, in quo compactus Nummus æneus Imperatoris Juliani, in cujus aversa parte hæc inscriptio *Isis Faria*; alius ferreus qui pro gemma exiguum florem argenteum continebat; alius item ferreus cum onyche cincta auro; alius crystallinus complexus fœmineum caput pictura monochromateâ, aut opere anaglyptico; alius tandem aureus connexas habens quatuor margaritas. Ingentem præterea Peireschius habuit gemmarum sculptarum vim, quæ cum annulis coagmentata fuere ad obliuandas litteras Veteribus symbola. Claudium Imperatorem memoriæ proditum est ipsius annuli metallo sigilla fieri jussisse, indignum putantem ad id efficiendum gemmas adhiberi. His de rebus scripsere Duchoul lib. *de Relig. Roman.* Goriæus in *Dactyliotheca*; Augustinus Romanus librum confecit; & Chiffletius *Abraxas*, seu *Apistopistum de gemmis Basilidianis*.

Nuper quidam ex hac Urbe Aurifex annulum antiquum aureum mihi ostendit, cujus pondus minæ auræ par erat, in quo pro gemma quadratum ex eodem metallo erat; & in hoc caput viri, & caput mulieris, alterum in alterum conversum. Super avis stabat, & in extrema prope rostri parte exigua corona, & circumductæ hæ litteræ: *Vivatis*. quid isthuc sit si quis me interroget, annulum genialem, seu nuptialem hunc esse dicerem, in eoque effictas Viri, & Uxoris imagines, quorum conjunctionis Turtur, & corona sint indices, felicitatis autem votum sit illud *Vivatis*.

DUODECIMA DISSERTATIO

De Nummo Antiquo Severi, & Juliae Domnae.



Enes me Numisma hoc aliquando fuit, nunc est penes De Camps Adjutorem Glandatensem, cujus Museum, si Numismata spectes, inter totius Europae celeberrima facile referas, cujus qualis sit Dominus ex ipso intelligas. Forma Nummi neque exigua, ne-

que maxima, sed mediocris est: temporum injuria nihil detrimenti passus est, & praestantis artificis is videtur opus. Pars altera Imperatoris Severi, ejusque uxoris Juliae Domnae se se e regione intuentium vultus exhibet. Ita positi vultus, ut cum studiosis Nummorum loquamur, dicuntur *capita adversa*: quae capite occipite conjunguntur, *capita aversa*: quae tota conspiciuntur facie, ita ut alterum retro aliquantum emineat, dicuntur *capita jugata*.

Nomina praecisis litteris scripta sunt: ΑΥΤΟΚΡΑΤΩΡ ΚΑΙΣΑΡ ΛΟΥΚΙΟΣ ΣΕΠΤΙΜΙΟΣ ΓΕΩΤΗΡΟΣ ΙΟΥΛΙΑ ΔΟΜΝΑ ΓΕΒΑΚΤΟΙ, hoc est Imperator, & Caesar Lucius Septimius Severus, & Julia Domna Augusti: qui neque Nummos, neque Inscriptiones callent sciant hanc notam C esse rotundum Sigma usitatissimum in monumentis Graecis Romanorum Imperatorum temporibus ab Augusto usque ad Constantinum. Uxor Imperatoris Severi modo nuncupata est Julia Pia, modo Julia Domna. Observant tamen qui haec diligenter perquirunt, rariores esse hac altera, quam illa altera inscriptione Nummos.

Animadverterunt eruditi, & inter ceteros Salmasius, in Aegypto, Syria, totoque Oriente cognomen Domna Dominus commune fuisse. Notum est hanc Imperatricem Syriacam esse; proinde Oppianus, qui Domna pro Domina dici putat, non recte sentit. In eundem errorem incidit ex Recentioribus. Scriptor nescio quis, qui Imperatorum Matres omnes appellatas esse Domnas aut Dominas arbitratus est: quod quidem monumentis, quae ab antiquitate accepimus, adversatur. Non est inficiandum Constantini aetate Dominarum titulo Imperatrices, & Dominorum Imperatores fuisse donatos; Itaque in Inscriptionibus reperias Domina nostra Helena, & Domino nostro Constantino, aut Diocletiano. Cognomentum autem Domna proprium est Juliae Severi uxoris, & ubi additur Pia, Domna praetermittitur. Habeto elegantem Inscriptionem ab Africa Minore translata opera Eminentissimi Principis de Medicis, eaque nunc temporis in Magni Ducis Museo servatur.

FLORENTIAE.

IVLIAE DOMNAE AVG.
MATRI CASTRORVM
MATRI AVGVST....
IMP. CAES. L. SEPTIMI SEVERI PII
PERTINACIS AVG. CONIVGI
Q. SILICIVS VICTOR ET C. TADIVS FOR-
TVNATVS OB HONOREM FLAM.
SVI PERPETVI STATVAM CVM BASE
EX HS. BINIS MILIB. N. LEGI
TIMIS ADIECTIS TERTIJS EX DE
CRETO PAGANOR. PAGI MERCVRIALIS
VETERANORVM MEDILITANOR.
S. P. F. IDEMQVE DEDICAVERVNT

Hic titulus *Mater Castrorum* occurrit etiam in Nummis Juliae Domnae, & Faustinae junioris, quae dicta est etiam *Mater Patriae* & *Augustorum*. Fuerunt enim illi Filii duo Imperatores Caracalla, & Geta. Quod quidem est ab iis, qui eam Caracallae, & Getae parentem censuerunt, contra eos qui illius Novercam esse existimarunt; in qua sententia fuere Spartianus, Eutropius, & Aurelius Victor. Testantur etiam eam a Caracalla defuncto Patre uxorem ductam fuisse, quod illorum temporum Scriptores non prodiderunt. Contra vero ex Dione constat Juliam Caracallae fuisse matrem: Julia, inquit, Tarantis mater cognita filii caede: Per jocum enim Caracalla Tarantis nomine vocitabatur; & de hujus Imperatoris ingenio locutus ait, *inerat ei malitia matris*, Syrorumque. Quocirca Julia ejus mater erat, cumque duo Fratres Caracalla & Geta suas sibi caeperunt res habere, utrumque ea filium vocat; haec enim ab Herodiano accepimus: *Divisistis, Filii, inter vos terram, ac mare; matrem vero quomodo dividetis?* Si Noverca tantum alterius fuisset, rationem ut eos conjungeret non satis firmam attulisset, Philostratus, qui diu in Aula Severi versatus est, Filium Juliae Caracallam vocat.

In Inscriptione apud Gruterum p. 266. ubi pro *Donina* lege *Domna*, ea dicitur *Mater Caesaris Antonini*, & in ea quam modo attulimus (desunt enim nonnullae litterae in fine tertiae lineae) lege *Matri Augustorum*, Nummorum ac Lapidum notis insitens; aut vero *Matri Augusti nostri*, scilicet Imperatoris Junioris; quem admodum in prima Inscriptione Albani quam mox proponemus. *Pagus Mercurialis* erat profecto prope Africae promontorium *Hermæum*, aut *Mercurii* dictum, non longe a Tu-

neto distans. Indeque hic lapis sublatus est. Ad illud porro *Meditilanorum* quod pertinet, quæ ea regio fuerit me quidem latet.

Observatione digna est averſa quoque Nummi pars. Seleucianis ad Calycadnum fluvium referenda inscriptio est, *CEAETKEON TON ΠΠΟC KAAΥKAΔNΩ*. Cum enim plures urbes Seleuciæ dicerentur, distinctione opus erat. Plinius loquitur de Seleucia, quæ est ad Belum fluvium in Coeleſyria. In eadem regione alia est Seleucia dicta *Pieria*. Alia est apud Babylonios ad fluvium Hedyphontem. Alia Babylonia ad Tygrin fluvium, *Bagdatum* dicitur a recentioribus. Alia in Pisidia: Alia tandem in Cilicia ad Calycadnum fluvium, cui Seleucus Nicator nomen dedit, cum ante Olbia, & Hyria diceretur. Eadem hæc est quam Ptolemæus Seleuciam *Tracheam* appellat, Plinius vero Seleuciam *Tracheotidem*, propterea quod in Cilicia *Trachea* eadem Seleucia sita est. Quod si autem nominis significationem a Græcis, ut revera vox Græca est, repetas, *τραχεῖα* idem sonat atque *via aspera inaccessa*. Nunc quoque ea dicitur Seleucia.

In averſa Nummi parte currus a duabus Pantheris trahitur, in quo stat adolescens homo læva manu vas tenens, brachio pellem Tigris. Ex his notis Bacchus Indiæ, totiusque Orientis domitor satis perspicitur: Ille enim triumphat curru vectus telum jacienti similis, & hostis ante ipsum sternitur. Vase Pantheris potum præbet; pellis autem Tigris, seu Pantheræ est propria Bacchi nota; Tigris, Pantheræque, ut notum est, sunt Baccho sacræ. *Bacchum Veteres*, Athenæus inquit, *pro ebriorum statu, ac moribus, quoniam ad violentiam temulentos vinum concitat, nunc cum Tauro comparant, nunc cum Panthera: sunt enim vinolenti quidam iracundi ut Tauri, quidam ob pugnam audaciam efferuntur, ut Panthera*. Panthera est genus quoddam Leopardi: est autem magis candida, & maculis distincta magis quam Tigris. Omnes istiusmodi feræ Baccho, Phornuto teste, immolabantur; sive id ad maculas ipsarum referas, sive ad vini vim, quæ ejusmodi est ut a morum asperitate ad humanitatem non immodice sumtum homines revocet. Ita Bacchum Philosophus Albricus describit, ut muliebrem vultum, pectus nudum, in capite cornua, & ex vitis foliis coronam ostendet, Tigri insideat, læva manu vas, dextera racemum præferat. Verum Deorum descriptiones constantes non sunt, & si antiqua monumenta consulas, in Bacchi capite cornua raro videas. Quare Nummus hic non eum ebriorum Deum, sed orientis Victorem exhibet; neque enim vitis foliis circumdatum caput habet, neque est ita plenus vultu ut solet esse mulier, & præterea armatus telo est, non racemo.

Bacchi Victoriis, Imperatoris Severi, qui ut antea Bacchus, Arabas, Adiabenos, Parthos, Osrhoenos Orientis populos subegit, Victorias profecto assentandæ causa Seleuciani indicare voluerunt. Non potuit Imperatori non esse accepta isthæc ingeniosa adulatio, qui laudis erat appetentissimus, & Bacchum peculiari quadam ratione venerabatur, quod ex ejus quodam Nummo colligas, in quo Baccho, & Hercule conjunctis, unaque stantibus inscribi iussit; *Diis Auspicibus*, quod est tanquam Patronos, & Auspices coluit: & quemadmodum exiguo tempore Bacchus Orientem perdomuit, ita Severus Didium Julianum, Pescennium Nigrum, & Albinum, qui omnes ad Imperium adspirabant, ubi imperare cepit, incredibili celeritate devicit. Herodianus in oratione quam Severus adversus Albinum moturus ad milites habuit, eum ita loquentem inducit;

*A*eamus amici Diis Auspicibus, quos iste perfidus impie contemnit.

Quæ diximus currus quoque confirmat, quo Bacchus invehitur: est enim ille Triumphalis curus eorum similis, quibus Triumphum Imperatores acturi Urbem ingrediebantur. Bellis adversus Orientis populos præclare gestis certum est Severum Triumphum promeruisse, ut ex Nummis, Inscriptionibus, & Fornice qui ei pro monumento Triumphi ad Capitolium erectus est licet conjicere, quem tamen ille respuit ad vitandam populi invidiam, ne videretur de civibus triumphare voluisse: Nam Parthi, Arabes, & Adiabeni contra eum arma sumere coacti sunt, ut Pescennii Nigri partes tuerentur, qui ut ille alter Imperium affestabat, & a Romanis Legionibus, quæ in Oriente erant, Imperator salutatus fuerat. Verum Spartiano, qui in Vita Severi hunc, ne in se Parthorum iram concitaret, Parthici cognomen rejecisse memoriam prodidit, quæ tandem ratione adhæreamus, quandoquidem sæpissime in Nummis, & Inscriptionibus hic titulus occurrit. Ut missas faciam Inscriptiones quæ apud Gruterum sunt, en alias quæ Severi omnes titulos complectuntur.

A L B A N I.

IMP. CAES. SEPT. SEVER. PII PERT. AVG. PARTH. ET IMP. CAES. M. AVREL. ANTONINI PII FELIC. AVG. PARTH. MAX. BRITANN. MAX. P. P. ET IVLIAE AVG. MATR. AVG. N. ET SENAT. ET PATRIAE ET CASTR. MINERVAE AVG. SACRVM DASIMIVS FIRMAN. CORN. LEG. ET AVR.

D VICTORIN. ACTAR. CVM IMM. LIB. ET

EXACTIS VOT. M. F.

S U E S S U L Æ.

HERCVLI SANCTISS. INVICT. SACRVM. PRO RED. IMP. CAES. L. SEPTIMII SEVERI PII PERTINAC. AVG. P. S. ET POP. SVESVL. M. IVNIVS. M. F. STEL. SEVERIANVS II. VIR. D. T.

Hinc probatur illud quod diximus Herculem Severi Patronum fuisse.

3

P A N O R M I.

IMP. CAES. SEPTIMIO SEVERO PIO PERTIN. AVG. ARAB. ADIABEN. PART. MAX. PONT. MAX. TR. POT. VI IMP.

F XI. COS. II. P. P. PROCOS. IMP. CAES. DIVI M. ANTONINI PII GERM. SARMATIC. F. DIVI COMMODI FRATRI DIVI ANTONINI PII NEPOTI DIVI HADRIANI PRONEPOTI DIVI TRAIANI PARTHICI ABN. DIVI NERVAE ADNEPOTI IN DVL GENTISSIMO ET CLEMENTISSIMO PRINCIPI

DOMINO NOSTRO RES. P. PANHORM. II VIR. SATYRI DONATI ET M. MAECI RVFINI D. D.

4

Anagnæ.

IMP. CAES. L. SEPTIMII PII PERTINACIS
AVG.
ARABICI ADIABENICI PARTHICI
MAXIMI
FORTISSIMI FELICISSIMI P. P. FILIO M.
AVRELIO ANTONINO PIO FELICI AVG.
TRIBVNIC. POTEST. IIII COS. PROCOS.
S. P. Q. ANAGNINVS

5

Romæ.

LVNAE AETERNAE SACR.
PRO SALVTE
IMPER. CAES. L. SEPTIMI
SEV. PII INVIC. PRIN.
PON. MAX. P. P.
IVL. BALBILLVS IVL. F.
ANVLLINVS
PRAEF. VIGIL. V. S. L. M.

Habeto tandem elegantem Severi inscriptionem,
dignam, quæ ab antiquitatis amatoribus legatur.
Hic habes milliarium hoc est columnam, a qua mil-
liariorum numerus, quibus Veteres itinera metie-
bantur, incipiebat. Eam ego in Chirographis Pei-
reschii deprehendi; & Abbas Pecolius Lugdunen-
sis, qui multas orbis partes peragravit, quique
Græcas, & omnes humaniores litteras in deliciis
habet, testatus est apud me se eam inter antiquas O-

A rientis res vidisse; quemadmodum etiam fragmen-
ta, quæ habentur ibidem, hoc confirmant.

Ad secundum Lapidem e Sidone Tyrum versus.

IMPERATORES
CAESARES
L. SEPTIMIVS SE
VERVS PIVS PER
TINAX AVG. ARA
BICVS ADIABENIC.
PARTHICVS MAXI
MVS TRIBVNICIA
POTEST. VI. IMP. XI. COS. II.
PROCOS. P. P.
ET M. AVREL. ANTONI
NVS AVG. FILIVS EIVS
VIA ET MILIARIA
PER Q. VENIDIUM RVFFVM
LEG. AVG. PR. PR. PRAE
SIDEM PROVINC. SYRIAE
PHOENIC. RENOVAVERT
II

Fragmentum columnæ eodem in loco.

ET VIA ET IMPERIUM
PROVINCIAE SYRIAE
RENOVAVIT
VENIDEVM RVFFVM

Numerus ille II. indicat ad secundum Lapidem
a Sidone eam columnam positam fuisse.

DECIMATERTIA DISSERTATIO

De Pictura antiqua prope Amphitheatrum Romæ reperta.

Pictura antiqua prope Amphitheatrum Romæ reperta, ex I. P. Bellorii vestigiis veteris Romæ.



Lictores aliq; ministri et milites præcedunt triumphantem Romam, quam coronat à tergo victoria



Am præclara de Veterum Pictorum monumentis jactantur, ut quin ii præstantissimi fuerint, dubitandum minime sit. Neminem fortasse reperias, qui Zeuxis cum Parrhasio certamen ignoret: ii ætatis suæ Pictores alios longe superarunt, & ejus ætatis, qua in Græcia artes maxime floruerunt. Alter uvas ita ad vivum pingendo expressit, ut ad eas deceptæ aves advolarint; alter vero picto linteo ipsum adversarium decepit, qui flagitavit, ut remoto linteo pictura ostenderetur. Sed quod etiam maxime miror illud est, quod ipsorum pictis tabulis non facile diuturnitas temporis officiebat, quod mehercule ex perfecta colorum, quibus utebantur mixtura proficiscebatur. Plinius narrat æde Salutis picta anno Urbis conditæ 450. eam picturam ad suam memoriam duravisse, hoc est annos 250. diutius duraturam, nisi ædes Claudii principatu exusta fuisset. Sed nihil necesse est hac de re a Scripto-
ribus auctoritatem petere, fatis est quæ Romæ supersunt Veterum picturarum reliquias perpendere, quarum vel exiguæ hisce temporibus servantur. Harum ab ipsis Ethnicis etiam quatuor saltem, aut quinque sæculorum decursu servatas nonnullas accepimus. Conjicimus id ex cæremoniis, Diis Ethnicorum, quos in iis expressos cernimus, & ex artis peritia, quæ tunc viguit, quæ una cum cæteris artibus, & humanioribus litteris, paulatim Ethnicorum Imperio, ritibusque ruentibus, in deterius ruit: Neque enim de iis Christiani, quippe simplices homines, magnopere fuere solliciti.

In hortis Aldobrandinis Romæ habetur hac nostra etiam ætate pictura antiqua, quæ nuptias nescio quas, & earum ritus representat. Bellorius Antiquarum rerum peritissimus picturam nonnullis ab hinc annis in sepulcro familiæ Nasoniæ re-

pertam explanavit. Eidem accepta referenda est descriptio, quam antiquitatis amatoribus hic subjicio.

Pictura hæc prope Amphitheatrum Titi exibat in atrii muro tectorio recens inducto: Itali dicunt, *Pittura a Fresco*. Cum igitur hujusmodi picturæ non ita diuturnæ sint, ut illæ nostris temporibus inventæ, quæ olei mixtura conficiuntur, mirum est illam tam venustam, ac tam diu persistisse.

Triumphantem itaque Romam ea Pictura refert; stant circum milites, aliique ministri, quas species libet singulas examinare.

Roma quæ hac in Tabula primas tenet, Palladis more induta est: ejus habitus est adolescentis, ut intelligas Romam ætatis flore vigentem non fescere. Galeam capite gestat, hastam manu, vestem autem humeris oblongam: qua ratione se tam belli, quam pacis Amicam ostentat. Videtur enim ex galea, & hasta Pallas, ex oblonga veste Minerva; illa enim ratione Pallas, hac Minerva pingi solet. In Confularibus Nummis sæpe, in Græcis aliquando Romam ita effictam deprehendas, ut ejus caput una cum Senatus capite conjunctum sit: Senatus autem caput obijcitur Senis forma: ex senibus enim Senatus constat, aut certe grandioribus natu Viris, & prudentioribus, cujusmodi ii solent esse, qui rerum humanarum experientia valent. Hæc duo Romæ, Senatusque capita in Nummis Græcis, ut populorum excitetur veneratio, magnificis titulis decorantur; nempe ΘΕΑ ΡΟΜΗ. *Dea Roma*: & ΘΕΟΣ ΣΥΝΚΛΗΤΟΣ, aut ΙΕΡΑ ΣΥΝΚΛΗΤΟΣ. *Deus Senatus; sacer Senatus*. Itaque Religione quadam ac Divino Numine, qui in ditione Romana erant, Romæ Senatusque imperata facere cogebantur. Immo ubique Tempia Deæ Romæ posuerunt; tantæque erat adulatio, ut ii essent modestiores Tituli: *Roma Victrix, Roma Inviicta, Roma Æterna, Roma Sacra*. Duo illi priores tituli tacite hac pictura continentur. Roma enim cumulo armorum in-

fidet, prope tropeum hostium ornatum spoliis, ad quod captivus revinctis post tergum manibus jacet.

Captivus hic Barbarus est, nempe neque Latinus, neque Græcus Romæ subditus, qui ex impexa barba, & braccis ad pedem fluxis cognoscitur; his enim Romani non utebantur, qui pede prope nudo incedebant, & plerumque, quod quidem in his figuris manifeste patet, sandalia modo gestabant, quæ duabus corrigiis ad tibiam alligabant, aut vero ocreas ad medium pedem, ac præsertim imbre decidente.

Ad Romæ latus miles stat, aut Minister alius Romanus, qui Clypeum quidem fert, ense vero caret, quemadmodum cæteræ quoque figuræ. Ex quo conjicias hic ita Romam triumphantem repræsentari, ut Triumphus præmio pacis tempore fruatur potius, quam armata cupiat terrorem hostibus incutere. Et quidem Triumphus confecto bello decernebatur, & hasta quam Roma, & miles trahens equum fert, est *hasta pura*, hoc est nullo armata ferro, quæ pro sceptro, ac tanquam auctoritatis signo adhibebatur, in belli administratione non adhibenda.

In equo qui manu ducitur, Ephippia tantum hoc est stragulum vides, ex more nempe Romano, qui neque sellas, neque *Stapias* (hoc enim vocabulo uti necesse est) equis imponebant. Quod quidem in causa fuisse Galenus ait, cur quibusdam pedum morbis Romani equites quandoque laborarent, quia infidentes equo nihil habebant, quo pedibus inniterentur: & ante Galenum Hippocrates animadvertit Scythas, qui plurimum equitare solebant, hujusmodi incommodis iccirco fuisse obnoxios, quia pendentibus ex equo pedibus iter faciebant.

Lictores duo cum fascibus hoc est virgarum fasciculis, quibus obligatæ erant secures, ita ut ferrum in summo extaret, quæ erant ipsorum muneris insignia, significantius quam cætera hac in Tabula majestatem, auctoritatemque Romanam indicant. Id Romulus instituit, ut in populi, ac plebis animis erga magistratus reverentiam excitaret. Dictatori, qui erat supremus apud Romanos magistratus, & periculosis dumtaxat

Reipublicæ temporibus creabatur, viginti quatuor Lictores fasces præferebant; Consulibus duodeni; Proconsulibus, & Prætoribus Provincialibus feni; Prætoribus Urbanis bini. Quocirca Lictorum numero Romani magistratus distinguebantur. Ubi magistratus jussissent, Lictores fontibus manus colligabant, & inde dicti Lictores. Primum quidem magistratus pronunciabat, *Lictor, colliga manus*; deinde, *Virgis cæde*. Tum Lictores virgas expediebant, fontesque cædebant.

Quod si quos deplorata malitia offendissent, ita ut magistratus diceret, *Plecte securi*, tum vero nulla habita ratione, noxios securi feriebant. Quapropter secures non solum Magistratus auctoritatem significabant, sed etiam ad jussa capeffenda adhibebantur.

Reliqui autem magistratus, ut Ædiles, & Tribuni Plebis, quorum munus erat potius perficere, ut servarentur leges, quam ferre, Lictoribus non utebantur, sed tantum Viatoribus, quia itineri sæpe se committebant, ut absentes in judicium arcesserent. Qui duo stant ad equi latuse eos facile hujusmodi Viatores crediderim; Nullum illi sui muneris gestabant insigne, gestabant vero insigne suum Lictores.

Cæterum Magistratus, quos jure Lictores præcedebant, quoties Populo, aut cuipiam eximio viro honorem haberi vellent, inclinari fasces, ac deprimi jubebant; atque hoc est quod ajunt *submittere fasces*. Itaque P. Valerius Poplicola Consul vocato ad concionem populo, *Fasces*, inquit T. Livius, *Majestati Populi Romani submisit*. Pompejus vero Magnus Possidonii Philosophi domum ingressurus, fasces lictorios januæ submisit, ad Litterarum, quas impense amabat, honorem. Hinc nobilium Venetorum mihi venit in mentem, qui donec in Provinciarum administratione versantur, servis, ministris, aliisque pluribus stipari solent, ubi vero Venetiis degunt ne unum quidem servum comitem iis habere licet. Hæc habui de hac pictura quæ dicerem; quamquam nihil pluribus opus est: commendatur enim venustate sua ipsa ex se, ut vel nullis additis interpretationibus rerum antiquarum studiosis placitura videatur.

DECIMAQUARTA DISSERTATIO

De Nummo Commodiano.



Nostro olim fuit, nunc vero in Decampii Adjutoris Glandarenfis Museo est iste Nummus, quem modo objicio. Per quam rarus ille est, ac singularis: Cum enim ego Musea in Galliis, Italia, & Alemannia viderim prope omnia, non sum ejus nactus similem, nisi in Regio Parisiorum Museo, & Eminentissimi Principis de Medicis; quorum alter quidem minor est, alter vero major: eorum tamen utroque hic noster integritate potior. Est hic præstantis Auctoris opus, & obtegatur eximio viridi antiquo. Qui rerum antiquarum cognitione oblectantur satis norunt Commodi Nummos vulgares esse: sed hujus aversa pars tam singularis est, ut inter tot Consulares, & Imperatorios qui supersunt Nummos, alterum frustra fortasse inquiras, qui Navim velis, non remis impulsam exhibeat.

Hujusmodi navis apud Romanos dicta est *oneraria* quia mercibus, & com meatibus deferendis potius, quam ineundis præliis inserviebat: tamen si onerariæ quoque naves instructæ copiis & armis pugnae aliquando committebantur: qua ratione apud nos quoque navigia, & quaecumque vectoriæ naves adhiberi solent. Petitis navali prælio Tarentinis hujusmodi Naves onustæ com meatu classem secutæ sunt, eæque ab hostibus captæ: Ita refert T. Liv. *Max prædæ fuere Thurinis, Metapontinisque, ex onerariis quæ cum com meatu sequebantur, perpaucae in potestatem hostium venerunt: aliæ ad incertos ventos hinc atque illinc obliqua transferentes vela in altum evectæ sunt.*

A Plauto istiusmodi Navis *geraria* nuncupatur, quia com meatus, apparatus militares, militesque gerit; & a Cæsare in commentariis *frumentaria*, quia frumento onerabatur. Tunc temporis apud Gallos hæc Naves *Pontones* dictæ sunt, immo nostris quoque temporibus *Pontons* Galli dicunt. Libro 3. de Bello Civili Cæsar hæc habet. *Plerasque naves in Italiam emittit ad reliquos milites, equitesque transportandos, Pontones, quod est genus navium Gallicarum, Lyssi reliquit.*

Appellatæ illæ sunt etiam *Corbitæ*, cum in malo summo pro signo corbis suspendebatur. *Corbita*, inquit Nonius, est *genus navis magnæ, & gravis*. Hinc Plautus de pigris proverbio dixit; *Tardiores multo quam Corbitæ in tranquillo Mari*. Nihil enim lentius onusta Navi impulsæ tantum velis tranquillo Mari. Lepide idem Plautus usus est verbo *Corbitare* pro ventrem implere, quasi navigium cibariis onerare.

Navis oneraria plerunque instructa erat trinis velis: hinc dicta est *τετράπτερος*; hic tamen duo

A modo vela vides; alterum ad malum, alterum ad proram. Unus magister navis in puppi sedet, neque alius præterea nauta est, quod admonet quemadmodum unius gubernatoris peritia navis regitur, ita Imperii administrationem unius Commodi mente geri. Nimis fortasse longe petita videntur hæc; At eum præconiis longe amplioribus cumulatum fuisse constat, ita ut per eum restituta ætas aurea diceretur, isque Hercules, Invictus, totiusque humani generis Pacificator audiret. Percussum Nicææ rarum hujus Imperatoris gloriæ appetentissimi Nummum vidi, inque efficta ibi corona legi hæc: *ΒΑΣΙΛΕΥΣ ΤΟΝ ΤΟΚΟΜΟΔΟΥ Ο ΚΟΜΟΚ ΕΥΤΥΧΗΣ*, id est, *Imperante Commodo Felix Terrarum Orbis*.

A Gubernatoris tergo est quoddam uncum ornamentum Navis, quod in ora proræ, puppisve, ut hic vides, poni consuevit. Illud est quod *ἀκροπόλιον* dicebatur; & quoties pugnatum erat erepta hostibus *ἀκροπόλια* eorum, qui vicerant navibus affigebantur. Nescio quid simile apud Venetos in usu est, qui Cymbarum proræ læve ferunt, & acutum collum anseris imitatum præfigunt. Fortasse illud puppis ornamentum est, quod *Anserculum* appellabant, Græci *χηνίσκιον*, cujus formam velut anserini capitis Baysius reliquit.

C Inscriptis hoc in Nummo litteris subter Navim notam esse voluit Senatus Romanus Imperatoris *Providentiam*, qua missis in omnes oras Navibus res humanæ vitæ necessarias parandas curavit. Fortasse id generis certum quoddam beneficium designari voluit, quod certo quodam Imperii sui anno ille attulerit. Hic annus ambientibus Navim præcis litteris significatur. *P. M. TR. P. XI. IMP. VII. COS. V. P. P.* quibus percussum esse Nummum intelligimus, *Commodo Pontifice Maximo, Tribuno Plebis XI. Imperatore* (cui commissa fuerat belli administratio) *VIII. Consule V. Patre Patriæ*. Id est paucis Litteris multa dicere. Quod si Romani Annum ab Urbe Condita non repetebant, quod quominus facerent nihil prohibebat, saltem expressis Consularis, ac Tribunitiæ potestatis adjunctis, quos Magistratus is, qui pro tempore Imperator erat, singulis annis inibat, annum sapissime significabant. Notandum est hac potestate sæpe donatos fuisse antequam Imperatores essent, simul atque *Cæsares* appellati fuerant in ejus, qui tum imperabat locum, ubi decesserit, successuri. Itaque hic annus Commodi, si fastos Consulares inspicias, est Urbis Conditiæ 939. Christi vero 187. ipsius autem Imperii sextus: fuerat enim, antequam Pater ejus M. Aurelius oppeteret, quinque annos una cum ipso Tribunus Plebis.

Hanc peculiarem Providentiam, quam hoc in Nummo expressam vides, alio quoque Nummo Oyselius pagina 61. alique Auctores exhibent. Extrat hujus

huius Imperatoris Nummus aureus, & alius mole major, at æreus, in cuius averfa parte leguntur hæc: *Providentiæ Aug.* duabus figuris ſtantibus. Altera Commodum tanquam Herculem objicit: etenim Leonis ſpoliis indui arroganter voluit, dici- que Hercules Commodianus, ac tanquam Numen divinis honoribus cumulari. Pede dextero proram Navis premit, ut eum in Mari præclare aliquid geſ- ſiſſe intelligas. Altera figura eſt Fœmina, cujus ca- put Elephanti ſpoliis obductum eſt: ad ejus pedes Serpens jacet, qua nota Africam, quæ Elephan- tis abundat, Romani repræſentabant. Siſtrum Ili- dis magni apud Ægyptios Numinis ea manu tenet, & Commodò ſpicarum manipulum offert, ad in- dicandam ejus Imperatoris ſollicitudinem, qui ab Africa, & Ægypto in Italiam pro totius Imperii commodo frumenta exportanda curavit. Id ex

A Lampridio in vita Commodi eruas, ubi hæc ille ait; *Clasſem Africanam inſtituit, quæ ſubſidio eſ- ſet, ſi forte Alexandrina frumenta ceſſaſſent.* Ita- que Hiſtoricus Nummum explicat, Nummus vero quæ Hiſtoricus ſcripſit invicem confirmat.

B Neque vero ex eo colligas ante hoc tempus ab Africa in Italiam frumenta devehi non conſueviſ- ſe; ſed ad hoc Mercatorum Societas inſtituta non fuit, neque inſtructa clasſis, quod poſt Auguſti Imperium factum eſt, ut Alexandriam peterent. Hæc habui de hoc Nummo quæ dicerem, quæque viderentur mihi propius ad veritatem accedere. Ti- tulos vero, qui Commodi caput circumſtant, miſ- ſos facio. Qui enim Hiſtoriarum cognitione vel le- viter imbutus eſt eos ignorare non poteſt, qui in antiquis ejus Imperatoris monumentis omnibus oc- currunt.



DECIMAQUINTA DISSERTATIO

De Nummo Treboniani, ex Epistola Antonii Gallandii
Ad Auctorem.



Reboniani Nummum, quem e Smyrna superiore anno ex Museo Regio devexi, ut explicem me rogas. Id libens facio, tum ut amicitiae nostrae, quod æquum est, satisfaciam, tum ut ex meo aliquid in ea conferam, quæ es de rebus antiquis in lucem editurus.

Quæ mea sententia sit exponam paucis; neque enim hic quibus ad id opus est libris, ii mihi in promptu sunt. Itaque quæ mihi in mentem venient ad rem accommodatiora, ea ad te mittam.

Græcus iste Nummus ad nos pervenit prorsus integer. Ex altera parte Trebonianus Imperator, ex altera sacra ædes tetrastyla, id est quatuor columnas habens obijcitur. In januæ limine Apollo sedet, quem Lyra satis indicat; sub ædis gradibus legis ΤΟ ΚΟΙΝΟΝ ΙΩΝΩΝ. *Jonum Civitas*. Infra Bos cernitur ad aræ pedes. Homines decem, ac tres tollentes ad cælum manus circumstant, ita ut semicirculum efficiant; Nummum ambit hæc Inscriptio: ΕΠΙ ΚΑ. ΑΡΙCΤΙΟΝΟC ΙΕΡΕΩC ΙΩΝΩΝ ΚΟΛΟΦΟΝΙΩΝ: hoc est, *Claudio Aristione Sacerdote Jonum Colophoniorum*.

Colophonios hunc feriisse Nummum ex hoc postremo vocabulo cognoscimus: Inter celeberrimas Joniæ illorum Urbs numeratur, de qua qui scripserint hic referre supervacaneum est. Ex eo maximam illa celebritatem consecuta est, quod ibi antiquum Templum fuit Apollini Clario sacrum, quod erat totius Joniæ, uno excepto Ephesino, laudatissimum, tametsi teste Pausania in Achaicis absolutum non fuerit, oraculorum tamen Apollinis, quæ inde reddebantur, celebritate.

Nullus dubito quin Templum illud hoc in Nummo referatur, non solum quod incidi nobiliora Græcorum Tempia in Nummis, apud eos in more positum fuit, verum etiam quia Apollinis statuum in vestibulo collocatam plane video. Non illud quidem Colophone extructum fuit, sed in oppido apud Colophonem, *Claros* dicto, ubi Mons,

A & Lucus erat Apollini Clario sacer.

Aversam hanc Nummi partem considerans equidem ita sentio, nihil aliud quam vota precesque Joniæ nomine pro Treboniani Imperatoris salute, felicitateque Apollini factas exhiberi, & ad ejus Numinis gratiam promerendam Bovem mactari. Tredecim effigies Legati sunt e duodecim Joniæ Urbibus una cum Sacerdote Claudio Aristione missi, qui manibus in Cælum sublatis Apollinem precantur, ut victimam gratam habeat, & vota secundet: Aut vero tredecim Legati sunt ex tredecim ejus Regionis Urbibus, quandoquidem duodecim antiquis Urbibus addita Smyrna est: Illæ porro fuere Ephesus, Miletus, Myus, Lebedus, Teos, Colophon, Priene, Phocæa, Erythræ, Clazomenæ, Chios, Samos. Hinc nonnullos Antonini Nummos tredecim Urbium nomine factos reperias, ubi hæc leguntur: ΚΟΙΝΟΝ Γ. Ι. ΠΟΛΕΩΝ: & in alio qui in Regio Museo extat, hæc: ΚΟΙΝΟΝ ΙΓ. ΠΟΛΕΩΝ ΠΡΟΔΙΚΟC ΚΑΙ ΦΡΟΝΤΩΝ ΑΡΧ. ΚΑΙ ΑCΙΑΡ. ΙΓ. ΠΟΛΕΩΝ: hoc est *Commune Tredecim Urbium, Prodicus & Fronto, Pontifex & in Asia Princeps tredecim Urbium*.

Myuntis quidem Cives facta ex Mæandro palude, indeque Muscis quibusdam enatis, ingenti earum copia vexati Urbem deseruere, & Miletum petierunt; & Pausanias refert sua ætate unum Bacchi Templum ex ea reliquum fuisse. Atque ideo fortasse Treboniani tempore inter duodecim Joniæ Urbes non illa recensebatur, & ejus loco Smyrna numerabatur.

Antequam finem dicendi facio, empti a me ærei & rari Numismatis te certior faciam. Est illud Imperatoris Maximini, & adolescentem hominem nudum exhibet in parte aversa aræ proximum, qui in eam una manu fundens pateram vertit, altera innititur hastæ: hæc circum leguntur litteræ ΝΥCΑΕΩΝ ΑΘΥΜΒΡΟC. Ex tribus Urbibus Nysæ una est in Caria, quæ in *Atymbri* sui Conditoris honorem hunc Nummum feriri jussit. Ille enim Heros eam Urbem extruxit, ut Stephanus auctor est; quapropter illa dicta fuit etiam *Atymbra*. Α-θύμβρα, inquit, πόλις Καρίας Αθύμβρα κτίσμα.

DECIMASEXTA DISSERTATIO

De Tempore, quo ocularia vitra reperta sunt, ex epistola Francisci Redi Medici Florentini ad Paulum Falconerium.



Um Priorem (ita enim loquuntur) Horatium Rucellai Franciscus de Andrea Neapoli nobili loco natus, & litteratissimus, alique plures cum genere, tum doctrina illustres Florentini viri vespere convenissent, & Carolus Dati, cujus moliter ossa cubent, quam con-

fecerat de oculariis vitris disceptationem iis audientibus legisset, ultro citroque de incerto tempore dicta sunt, quo instrumentum hoc inventum fuerit imbecillæ videndi facultati utilissimum, dignissimumque quod inter inventa humani ingenii eximia referatur. Memoria teneo in eam me partem dedisse ut dicerem hoc inventum recens esse, & Hebræos, Latinos, Græcos, & Arabas latuisse; si vero, quod non ausim affirmare, ignotum iis non fuit, longissimo tempore intermortua deinceps fuit, & rursus prope ad annum 1300. intermortua ejus memoria renovata est. In me tunc illud etiam recepi, quæ casu potius, quam consulto collegi me ad te scripturum. Assiduæ, quibus districtus sum, occupationes, quominus promissis stare adhuc impedimento fuere. Itaque cum in dies amplius tibi debeam, jure vereor ne quæ tua humanitas est imminuatur, & ira paulatim accedente ne graviter accuses tam diuturnam, antequam tibi fecerim satis, litterarum tarditatem. Ut officio aliquando ne desim meo, scito in Bibliotheca Religiosorum hominum qui Divi Dominici castra sequuntur in *novos* D. Catherinæ Pisis extare quædam Chronica Latina in membranis manu exarata, quibus multa quæ eo in religioso loco evenere continentur. Initium habe; *Incipit Chronica Conventus S. K. P. I. O. P. Prologus in Toga &c.* Ea chronica primum scribere aggressus est Frater Bartholamæus a S. Concordio egregius Concionator & Auctor Libri cujus titulus *Ammatramenti degli Antichi*, quem emendatum aliquot post annis Eruditissimus Franciscus de Ridolphis Academicus Florentinus in apertum protulit. Ubi Bartholamæus obiit anno 1347. senio jam confectus (nam septuaginta prope annos in D. Dominici familia stipendia meruit) iis Chronicis manum admovit Frater Ugolinus di Sernovi Pisanus de Cavalasariis qui tum cum esset, ut ajunt, *Visitator* quotidiana febri Florentiæ occubuit. Præeuntes secutus est scribendo Frater Dominicus de Peccioli Pisanus, qui cum omnia, ut ipse testatur, quæ illi duo antea complexi sunt, retulisset, scripsit quæ postea contigerunt usque ad annum 1408. mense Decembri, quo tempore functus fatus est. Habentur hæc ex Fratre Simone de Cascia Cœnobii S. Catherinæ perpetuo Alumno, qui summam operi manum imposuit. Initio narratur mors Fratris Alexandri de Spina Pisani, quæ contigit anno 1313. ibique ocularia vitra ejus ætate quidam invenisse dicitur, de quibus tamen omnes celabat; at ipse quoque Alexander confecit, & in hujus beneficii communione omnes vocavit. En ipsa verba: *Frater Alexander de Spina vir modestus & bonus, quæcunque vidit aut audivit facta scrivit & facere: Ocularia ab aliquo primo facta & communicare nolente, ipse*

Supplem. Tom. IV.

A fecit & communicavit corde yleri & volente. Ingeniosus in corporalibus in Domo Regis Æterni fecit suo ingenio mansionem.

B Ex quibus intelligis Alexandrum de Spina non fuisse illum quidem hujus instrumenti primum auctorem, fuisse tamen eum, qui præcipiente nemine ejus conficiendi artem ingenio suo consecutus est, & dum hanc mortalem vitam viveret, tum primum instrumentum hoc utilissimum, & acceptissimum in lucem prolatum esse: quemadmodum simili mortalium beneficio contigit, ut celeberrimus Galilæus Galilæi, cum auditione accepisset quædam longa vitra, quæ Græco nomine dicuntur *μακροβόρα* a quodam Belga fuisse inventa, similia confecerit una adjutus refractionum doctrina, tamen si Belgæ instrumentum non viderit. Fratris Alexandri de Spina tempore ocularia vitra reperta fuisse id habeo præterea quod confirmat. Nimirum inter antiqua, quæ apud me sunt manu scripta, unum præ se fert hunc Titulum. *Trattato di Governo della famiglia di Sandro di Pipozzo, di Sandro Cittadino Fiorentino, fatta nel 1299. assembrato da Vanni del Busca Cittadino suo Genero.* In hujus Libri proœmio ea leguntur, quibus ocularia vitra illius ætatis inventum esse percipias. Hæc sunt ipsissima verba. *Mi truovo così gravoso di anni, che non avrei valenza di leggere e scrivere senza vetri apellati Okiali truovati novellamente per commodità delli poveri veki quando affiebolano del vedere.* Huc adde quod in oratione Fratris Jordanis a Rivalto quæ manu scripta est, quamque Florentinum nostrum Lexicon appellat ad vocem *Occhiale* legimus hæc: *Non è ancora vent'anni, che si trovò l'arte di fare gli Occhiali, che fanno veder bene, che è una delle migliori arti, e delle più necessarie, che il Mondo abbia.* Frater Jordanus morum integritate, concionandi præstantia, ac Theologicarum rerum doctrina maxime floruit, qui cum unum, ac triginta annos D. Dominici legibus Florentiæ, ac Pisis vitam egisset, mense Augusto anno 1311. obiit Placentiæ, quo Frater Amico Placentinus summus Sectæ D. Dominici Rector invitaverat, ut eum Parisios docendi causa mitteret. Quare si Frater Jordanus ann. 1311. vitam cum morte commutavit, eo tempore floruit, quo Frater Alexander de Spina ocularii vitri inventor, qui 1313. de statione vitæ decessit. Itaque vixerunt una ad D. Catherinæ Pisis. Quocirca quod dixit superius de tempore quo nota cœperunt esse hominibus ocularia vitra, jure potuit affirmate dicere; sicuti etiam Frater Bartholamæus a S. Concordio vere potuit, certoque scribere artem conficiendi ocularia vitra uni Fratris de Spina ingenio acceptam referri, ab eoque omnes quicumque voluerint eam artem didicisse; Nam Frater Bartholamæus eodem tempore, eodem in loco atque Frater de Spina Pisis vitam duxit. Hinc vere mihi videor esse dicturus, artem conficiendi ocularia vitra recentem esse, & Florentiæ repertam eo tempore, ut longum spatium complectar, quod inter annum 1280. & 1311. fluxit. Si certum esset quo anno hanc suam orationem Jordanus habuit (quam tamen in quibusdam scriptis inter eas reperio quas habuit Florentiæ circiter annum 1305.) brevius tempus definiri posset. Observabis ita-

Hh ij

que, si libet, expressis verbis horum Vitrorum mentionem fieri ab Alexandro de Spina tantum repetita temporum memoria, cum in ante hoc tempus nulla ratione constet, quod quidem noverim, de iis verba facta fuisse. Bernardus Gordonius Publicus Professor Agathopoli postquam in libro *Lilium Medicinæ*, quem scribere cepit, ut fatetur ipse anno 1305. mense Julio, collyrium nescio quod tradidit cap. de debilitate visus magnificentius ait; & est tanta virtutis (scilicet collyrium illud) quod decrepitum faceret legere litteras minutas absque ocularibus. Guidus de Cauliac Professor ibidem in *Chirurgia magna*, quem composuit anno 1363. remedia quædam videndi facultati utilia proponit; addit tamen magis ingenue quam Gordonius: Quod si hæc aliaque similia remedia minime juvant, ad ocularia auxilia confugiendum est.

In aliquibus actis Senatus Parisiensis die 12. Novembris anno 1416. quæ citat tamen aliud agens Eruditissimus Ægidius Menagius libro, qui præ se fert hunc titulum *Amœnitates juris civilis*, Nicolaus de Bage Dominus de Gié cum nescio quid a Senatu postularet, hæc ipsa verba habuit: *Car aussi estois-je aucunement debilité de ma vûe, & ne pouvois je pas bien enregister sans avoir Lunettes, &c.* Joannes Franciscus Picus cap. 10. de vita Fratris Hieronymi Savonarola ait: *Ad indagandam quoque veritatem, & ad invidias, reliquasque affectiones animi pravæ effugandas profatum hoc persæpe repetebat. Eum qui exquisitissime videre velit infecta oculorum conspicienda deponere oportere: Nam si pura, & nitida sint perspicilia rerum species, uti sunt in pupilla recipi; si vero viridia, cærulea, purpurea, cerea, vel fusca fuerint, adulterari quodammodo formas, quæ ex rebus depro-*

Amuntur, talesque qualia sunt conspicienda videri solent. Et Frater Timotheus Perusinus (a) in vita ejusdem Hieronymi Savonarola refert quendam bene moratum hominem oculariorum vitrorum artificem plebem bonis alioquin verbis increpantem a nebulone nescio quo in capite fuisse percussam fuisse. Occorse, inquit, *che un buon Uomo il quale faceva l'arte degli occhiali uscendo dalla porta del Convento con sue pianelle in mano incominciò con buone, e amorevoli parole a riprender la Plebe, il che sentito da uno de' compagni gli diede in sul capo con un gran Bastone.*

Nimis longum facerem, rædiumque afferrem, si pluribus scriptorum locis ad id probandum uter. Id unum satis est dicere plurima esse exempla apud Morgantem Pulcium, in rythmis Burchielli, in ligatis, solutisque numero orationibus Alexandri de Allegri, aliisque amœnis carminibus, & Comædiis Italis; ut mirum videatur, si Poetis Comicis Græcis, Latinisque ocularia vitra nota fuissent, nunquam eorum nomine vel jocandi causa per Actores usos esse. Mirum quoque foret, si Plinius, qui scripsit accuratissime capite de Inventoribus rerum, id silentio præterisset. Non me latet recentes quosdam Scriptores Plauti fragmenta quædam nominare. Jam cognita mihi sunt illa *Faber Ocularius, & Oculararius* in Sepulcrorum lapidibus, & cælata in Sulmonensi Lapide figura, quam Carolo Dati aliquando communicavi; & quæ tandem de Smeragdo Plinius (b) ait non me fugiunt; sed quanti sint isthæc momenti, ex disputatione Caroli Dati digna luce, quemadmodum & alia quæ nobilis vir ille, & eruditissimus manu scripta reliquit, ipse per te satis intellexisti. Vale.

a cap. 48. b cap. 5. lib. 37.



DECIMASEPTIMA DISSERTATIO

De Judicio Paridis, ex Nummo Antonini Pii a Patino explicato.
Ad Angelum Maurocenum D. Marci Procuratorem.



Esumptum e tuo Museo Nummum eo redire æquum est, quemadmodum ad mare unde deductæ fuerunt, revertuntur aquæ. Duo sunt quibus Nummum una cum interpretatione illarum rerum quæ in eo exhibentur, cogor ad te sine ulla dubitatione remittere,

& jus quod habes in rem, & quam habes in me tot tibi beneficiorum vinculis obstrictum summa auctoritas.

Hic Nummus æreus est, eaque est ejus magnitudo ut inter majores referri possit, immo quia aliquanto crassior, inter maximos fortasse recensendus. Contactus est viridi antiquo Smeragdis proximo. Intactus ille est qualis ab antiquitate traditus, contra atque facere Itali consueverunt, qui summa antiquitatis injuria nummos aliquando polierunt. Itaque invenias Othonis nomine insignitos Neronianos nummos, Pertinacis, & Pescennii Severianos; & Africanos factos Gordianii Pii nummos, additis Litteris AFR. & Æmilianos Philippi. Hæc reputanti Saturnaliorum mihi venit in mentem, quibus diebus Servis Dominorum habitum induere fas erat, eorumque vices gerere.

Adversa nummi pars Antonini Pii effigiem exhibet, qui oris conformatione, & vitæ norma ad Numam quam proxime accessit. Verba ex parte scripta circum vides, ac legis Imperatoris nomen, titulosque. ΑΥΤΟΚΡΑΤΩΡ ΚΑΙΣΑΡ ΤΙΤΟΣ ΑΙΔΙΟC ΑΝΤΩΝΙΝΟC CΕΒΑΣΤΟC, hoc est, *Imperator & Caesar Titus Ælius Antoninus Augustus*. Annum quintum indicant in parte averfa, præter typum quem explicabimus, Litteræ L. E. Sed cum altera littera Latina sit, & altera Græca, id adhuc torfit antiquarum rerum studiosos homines, non intelligentes cur Latinum L. pro Græco Λ. positum sit, & qua ratione illud annum significet. Mihi quidem id unum occurrit, quod Ægyptii ex Priscis litteram L. servarunt, & Græci primis temporibus eamdem litteræ formam adhibuerunt, Latini vero qui a Græcis acceperunt litteras, id sunt imitati. Illud præterea certissimum est annum apud Græcos primis temporibus dictum fuisse λυκάβατος, ut ex Homero liquet, qui hoc nomine sæpe utitur, & ex Macrobio, qui unde deductum sit nomen tradit. Itaque littera L. significat λυκάβατος hoc est Anno, & littera E quæ inter Græcas

litteras est quinta, quinto; atque ita indicatur Annus quintus Imperii Antonini Pii, qui hic non dictus est Pater Patriæ, quod initio Imperii sui eum Nummum feriri jussit. Illud est ad intelligendum difficile, quinam hunc Nummum ferierint, cum neque Urbis, neque Populi alicujus nomen in eo sit inscriptum, ut in aliis Græcis Nummis, quos per Ephesios, Smyræos, & Pergamēnos constat cufos fuisse. Si Nummi elegantiam, & proconsulatum quem in Asia Minore Antoninus gessit, & præterea tres Deas, quæ in Ida monte judicium Paridis subierunt, hic pictas spectes, eum Nummum in Troade factum non temere judices. Ex forma tamen, circuitu, & cælatura, & anno more Ægyptiorum inscripto, eum in aliqua Ægypti principe Urbe, ut causa exempli Alexandria cufum fuisse jure licet conjicere.

Ut averfam Typi partem explanemus, Mercurius ibi est manu caduceum tenens, qui ad sententiam de pulchritudine Dearum pronuntiandam Paridem ducit. Cognoscitur ille ex Pileo Phrygio juxta illorum populorum morem curvo, & ex Pompo quod Jovis jussu daturus est *Pulchriori*. In Montis vertice, qui profecto est Ida Phrygiæ, Juno sedet hastam tenens manu nullo armatam ferro, quam *hastam puram* Prisci appellabant, eaque primis temporibus pro scepro adhibebatur. Pallas armata est Pharetra, Hastaque, Venus nuda: unaquæque suum locum obtinet, prout effingi consueverunt: Ad montis pedem inter arbusculas Taurus, & aliud nescio quod animal est.

Fabulam de judicio Paridis nemo est, qui ignoret; qui non eam satis tenet consulat Hyginum Fab. 92. cujus titulus *Judicium Paridis*, & Lucianum in Dialogo de *Judicio Dearum*.

Non exquiliis hic ego personarum notas investigabo. Mercurius, ejusque alatus pileus, alati pedes, & caduceum, omnia sunt apte expressa. Caduceum erat aurea virga duobus anguibus circumdata, quam Mercurius ferre solebat, præsertim vero hac occasione, idque confirmat Ovidius epistola Paridis ad Helenam;

Inque Dei digitis aurea virga fuit.

Cum Paride hic loqui videtur Mercurius, ac dicere, quod Ovidius ait:

— *Pone metum nuncius ales ait,*
H h iij

*Arbiter es formæ, certamina siste Dearum,
Vincere quæ forma digna sit una duat.*

Paris, si typum spectes, contra atque omnes fenserunt, occurrit Deabus, non Deæ Paridi. Id hic propterea fortasse factum, ut elegantius imagines disponderentur, aut vero ut Dearum verecundiae ratio haberetur.

Pastoris Paridis indumentum non satis in Nummo distinguitur. Interim tamen ex mitra satis cognoscitur. Hic pileus ex anteriore parte incurvus erat ornamentum capitis pluribus Orientis populis usitatum; & in eorum Nummis adolescentem Julum Æneæ Filium, Ganymedem, Deum Lunum, & ipsam Provinciam Phrygiæ cum hujusmodi mitra videas; quod ubi cogito quamdam cum Pileo Serenissimi Ducis Venetiarum similitudinem deprehendo, quem appellant *Corno Ducale*. Ille enim aliquantulum ex parte anteriore incurvus est, fortasse quia Veneti, cum in Orientis Regionibus, ac præsertim Constantinopoli dominati aliquando fuerint, aliquos ritus inde acceperunt. Dares Phrygius qui Paridem vidit libro de excidio Trojæ eundem describit. Erat ille, si Dareti credimus, statura grandior, colore candido, oculis pulcherrimis, voce suavi. Erat impavidus, animosus, animo præsentis, & gloriæ cupidus, quod confirmat Dio Chrysostomus, & Cornelius Nepos, qui Daretem Phrygium versibus latine reddidit. Immo ei pulchritudinem objecit Hector, quippe quasi amoribus aptior, quam armis foret. Homerus eum fortem vocat, & ab illo ait Diomedem, & Machaonem vulneratos: Dares addit Menelaum, & Palamedem; Antilochum & Achillem ab eo interfectos. Certamen Hyginus narrat, quod is cum Pastor esset, cum Fratribus habuit, quo superior evasit. Itaque si minus profpere contra Menelaum pugnavit, cum a pugna eum Venus revocavit, & contra Philoctetem a quo occisus est, id adversæ fortunæ referendum potius, quam ejus imbecillitati.

Ad tres Deas, quod attinet, Dares de excidio Trojæ earum verba refert, quibus devincere sibi unaquæque Paridem conabatur, ut pro sua quæque voluntate sententiam audiret. At Pastoris judicium subire indignum fuit, inquit Dio Chrysostomus, Junonis, Jovis conjugis gravitate. Pallas a lævo Junonis latere armata stat lancea, & clypeo, qualem secundo Mythologicon eam Fulgentius describit. Videtur illa cum Paride locutura his Dareti versibus.

*Maeste Paris mea bella Viri, mea pensa puella,
Et mea laurigeri meditantur carmina Vates.*

Venus a dextero Junonis latere videtur nuda, quia ut nonnulli scribunt, nudos reddit, quos suo Imperio subiectos reddit. Rationes illi non defunt, quibus Paridis in amores proni capiatur animus, quo eam sententiam dicat, quæ sit Veneri gratissima. Etenim Helenam Menelai uxorem faminam prorsus omnium longe pulcherrimam ei pollicita est; adeoque promissis stetit, ut ipsius ope Helene rapta in Paridis potestatem venerit; ex quo exitiosum illud bellum inter Græcos, ac Trojanos exarsit.

Mons Ida arboribus, & arbusculis confitus, ut describit Ovidius, eximie hoc in Nummo impressus est.

A

*Est locus in mediæ nemorosis vallibus Ida,
Devius, & Piceis, Ilicibusque frequens.*

Non minus rupes distinguas, quarum Lucianus meminit, cum inducit cum Junone loquentem Mercurium. *An non vides*, inquit, *buculas ex mediis rupibus progredientes, & quemdam e scopulo decurrentem, pedum tenentem?* Alia præterea quæ in fabulis sunt, qui Nummum ferit minime prætermittenda putavit. Taurus quem vides is fortasse est, quem Paris in deliciis habuit, & cujus causa cum Fratribus manus conferuit.

B

Inferius est animal, quod secernere, ut quodnam sit intelligas, difficillimum est; si certum esset esse Murem, id profecto ad Phrygum religionem spectaret, qui Mures cultu prosequerentur. Etenim audi Clementem Alexandrinum. Polemon narrat Trojanos solitos fuisse mures colere, quos appellant *μυρῖδες*, quia arcuum chorodas aliquando corroserunt hostibus, & inde etiam Apollinem dictum Smintheum, & Strabo de Apollinis simulacro locutus ait ad ejus pedes fuisse murem. Hic murium cultus, ut ex Scriptoribus patet, altius repetendus est. Senacharib Assyriorum Regem potitum Asia Ægyptiis bellum indixisse, Sethon vero Ægypti Regem, cum non satis copiarum haberet, quibus hostium conatus retunderet (erat idem etiam Vulcani Sacerdos) confisum Diis Pelusium pervenisse, ibique castra posuisse, noctu autem horrendam Soricum multitudinem in hostium castra illatam arcus, sagittas, & clypeorum corium rosisse, ut illi mane arma inutilia cum cernerent, sollicitè ingentitamen cum cæde fugerint, hæc omnia memoriæ prodidit Herodotus. Immo addit se lapideam statuam Regis Sethon in Templo Vulcani positam vidisse tenentem manu murem, hac inscriptione posita, *Qui me aspicit discat revereri Deos*.

C

D

Fortasse Ægyptii Trojæ everisionem mure significarunt. Nam illi mure rodente quidquid potest, & conterente, tanquam nota rei alicujus consumptæ uti hieroglyphicarum litterarum studiose confueverunt, ut libro primo de Horo Apolline traditur. Nihilominus quia cognosci facile non potest animal, fortasse ex grege Paridis illud est. Nonnulli Homeri Interpretes, inter quos Spondanus, ignotum Homero fuisse hoc quod fertur Paridis judicium arbitrati sunt. Hanc opinionem Plutarchus videtur confirmare, cum ait tres versus, qui in hanc rem habentur lib. 24. Iliados, ab alio quopiam insertos esse; dedecere enim credere Deos hominum judicio commissos esse, neque alibi hujus rei mentionem faciente Homero, jure credendum eos fuisse suppositos: sed, bona Plutarchi viri cæteroquin doctissimi venia, licet nobis hujus Nummi auctoritatem sequi, quo intelligimus Antiquos vere hoc judicium credidisse. Antiquam Paridis statuam factam ab Euphranore Plutarcho opponere præterea possumus, qua Paris teste Plinio probatur Judex Dearum, Amasius Helenæ, & Achillis interfector.

E

F

Alii putarunt hoc Dearum judicium fuisse Paridis somnium. Qua in re longe aliter atque Hercules se gessit qui contra vitium pro virtute licet ardua pronuntiavit; Paris vero divitias, Imperia, quæ promissit Juno, neglexit, & liberales etiam artes quas Pallas obtulit; in voluptates vero se se ingurgitavit. Id vero Eusebius ad Historiam, non Fabulas refert: Trojam enim iccirco dirutam fuisse scribit, quod Helena una ex tribus illis Græcis faminis, quæ de pulchritudine certarunt, rapta fuerit. Finem facio; verum quia

Linguam Gallicam in amoribus habes, præstan-
tis Poetæ Gallici cantiunculam de judicio Paridis
subjicio.

*Ala beauté c'est trop que tout pretende;
Trois Deitez de la Celeste bande,
Furent trouver autrefois sur cela
La beau Pâris: chacune luy parla,
Comme son droit au Juge on recommande.*

Chacune espere & chacune apprehende,

*Pour obtenir le prix qu'elle demande.
Chacune joint les beaux talens qu'elle a
Ala beauté.*

*Moy, dit Junon, je suis riche, & suis grande;
Moy, dit Pallas, des Scavans j'ay l'offrande;
Moy, dit Venus, je suis belle & par là,
Je dois avoir la pomme que voila.
Aussi l'eut elle: il faut que tout se rende
Ala Beauté.*



DECIMAOCTAVA DISSERTATIO

De Diis Manibus.



UM Veterum Romanorum sepulcra pleraque, & epitaphia Diis Manibus sacra sint, quod ex iis quæ hoc in opere attulimus perspicere plane potest, operæ pretium est, qui Dii fuerint illi, quique hoc nomine donarentur, aliquando tradere. Non erit res isthæc

prorsus ad aggrediendum facilis, cum ipsi quoque antiqui Scriptores hoc in argumento vehementer incerti pendeant. Id agemus tamen Lectores, qui quantis involuta tenebris Ethnicorum Theologia fuerit non ignorant, satisfaciamus.

In partes quam varias illi abierint ex Servio in tertium Æneidos librum cognoscas. „Manes, inquit, sunt animæ illo tempore, quo de aliis recedentes corporibus, necdum in alia transierunt: sunt autem noxiæ, & dicuntur κατ' ἀντίφρασιν: Nam manum, veteri voce, est bonum, quemadmodum Parca ita dicuntur, quod nemini parcant, & Bellum quia minime Bellum. Alii manes a manare dictos intelligunt. Nam manibus plena sunt loca inter Lunarem, Terrenum circulum, unde & defluunt, ut homines circumstant. Quidam manes Deos infernos tradunt. Plurimi Deos cælestes ut Virorum, ita manes mortuorum tradiderunt. Alii tandem manes nocturnos dicunt esse ejus spatii, quod inter Cælum, Terramque est, & ideo humoris qui noctu cadit potestatem habere, unde mane quoque ab iisdem manibus dictum.

Apulejus de Deo Socratis ita de manibus disputat. „Animus humanus, inquit, emeritis stipendiis vitæ corpore suo abjurans est species Demonum. Hunc vetere latina Lingua reperis Lemurem dictitatum. Ex his ergo Lemuribus, qui posterorum suorum curam sortitus, placato, & quieto numine domum possidet, Lar dicitur Familiaris. Qui vero ob adversa vitæ merita, nullis bonis sedibus, incerta vagatione, ceu quodam exilio punitur, inane terribilementum bonis hominibus, cæterum noxium malis, id genus plerique Larvas perhibent. Cum vero incertum est, quæ cuique eorum sortitio venerit, utrum Lar sit, an Larva, nomine manem Deum nuncupant. Scilicet & honoris gratia Dei vocabulum additum est.

Hi Lares, qui & Penates dicti, quibusdam icunculis argenteis, æneis, aut fictilibus in privatorum domibus colebantur, quorum etymologia inde sumpta est, quia penes nos nati sunt; (a) aut a Penu ducto nomine, quod interiora domus signi-

ficat. Alii Lares erant, qui viis præsidebant, appellabanturque Lares Viales. Hinc Plautus (a) Charinum iter facturum, ita loquentem inducit:

Invoco vos

Lares viales, ut me bene tutetis.

A Laribus, sive Lare, quæ Vossii sententia, est vetus Hetrusca vox, & Principem significat, dictum est Lararium, hoc est sacrarium domesticum, in quo Larium simulacra reponerantur, & adorabantur: Hinc dictæ etiam Larvæ, hoc est Personæ, quæ, ut mali Genii, pueris sunt terribileculamento: hinc tandem dicta est Larunda mater, seu custos Larium.

Quod autem pertinet ad manus mana manum, quod pro bono accipi audivimus, id dicendum est apud Latinos, aut etiam Hetruscos fuisse antiquissimum, quandoquidem vel antiquissimos Auctores si consulas, id usurpatum non invenies. Nihil tamen fecius hanc in rem quædam afferuntur Salliorum carmina, ubi duo hæc verba Cerus manus idem valent, atque Creator bonus. Comprobat id Varro lib. 5. de Lingua Latina, ubi adverbii Mane etymon tradit. Diei principium mane, quod tum manet dies ab Oriente; nisi potius quod bonum antiqui manum dicebant. Hinc Immanis dicebatur, qui minime bonus erat. Ex eodem fonte fluxit Mana Geneta partuum præses, eadem fortasse, atque Bona Dea, quam Mulieres præcipue venerabantur. Hinc tandem Pluto appellatus est Summanus, quasi Summus Manium: quamquam alii alia dicunt, ut videre est in Vossii de Lingua Latina Etymologiis.

Manes, inquit Festus, ab Auguribus invocantur, quod hi existimabantur favere vitæ hominis, qui Dii Superi, & Inferi dicebantur; quod nomen ille derivat a verbo manare, quod ii per omnia æthereæ, terrenaque manare credebantur. Cum itaque Manes Dii benefici essent, quo nomine, si Apulejo credimus, honoris gratia donabantur, est cur dicamus cum Vossio, aliisque hanc vocem simpliciter a vocabulo Manus, id est bonus, descendere, tamen ad Servii antiphrasim non confugiamus. Hinc Orpheus in Hymnis Deos Inferos vocat μελιχίης, suaves, mites, & defuncti apud Græcos dicebantur χρηστοί boni. Hinc Plutarchus in quæstionibus Græcis, & Romanis utitur hac dicendi ratione ubi agit de fœdere inter Lacedæmonas, & Arcadas, μὴ ἐξείναι χρηστὸς ποιεῖν, non licere quemquam interficere, cum cæterum ita verba sonent, non licere bonos homines facere. En aliquot Inscriptionum Græcarum exempla, ubi mortui hoc nomine dignantur.

a Act. 5. Sc. 2.

a Cicero de Nat. Deor.

VENETIIS
e Græcia.

ΜΗΝΟΔΟΤΗ
ΧΡΗΣΤΗ ΧΑΙΡΕ

hoc est
Menodote bona Mulier
Vale.

I B I D E M.

ΝΙΚΩΝ ΖΗΝΩΝΟΣ
ΧΡΗΣΤΕ ΧΑΙΡΕ

Nicon Zenonis Fili
bone Vir, Vale.

IN

IN INSULA PARO.

hoc est

ΕΙΡΗΝΗ ΕΤΩΝΤΜΟΥ
ΧΡΗΣΤΗ ΧΑΙΡΕDionisi
Bdai Fili, Philometor
bone Vir, Vale.hoc est
Irene Evonymi Filia
bona Mulier,
Vale.

IN CYPRO.

ΟΛΥΜΠΙΑΣ
ΧΡΗΣΤΗ
ΧΑΙΡΕ

hoc est

ΚΑΛΛΙΤΥΧΗ ΧΡΗΣΤΗ
ΧΑΙΡΕOlympia
bona Mulier,
Vale.hoc est
Callityche bona Mulier
Vale.

IN RODO.

VENETIIS
e Græcia.ΤΕΧΝΗ ΛΥΔΑ ΓΥΝΑ ΔΕ
ΧΡΗΣΙΜΟΥ ΧΡΗΣΤΑ
ΧΑΙΡΕΔΗΜΗΤΡΙΟΣ
ΚΤΗΤΟΥ
ΧΡΗΣΤΕ ΧΑΙΡΕhoc est
Tebne Lydia Uxor
Cbresipi, bona Mulier
Vale.hoc est
Demetri Ctetis Fili
bone Vir, Vale.

CONSTANTINOPOLI.

IN COO.

Ab Aegeo Mari per Nointellium
Gallorum Regis Legatum.ΕΡΩΤΙΣ ΧΡΗΣΤΕ
ΧΑΙΡΕΔΙΟΝΥΣΙΕ
ΒΑΔΙΟΥ ΦΙΛΟΜΗΤΟΥ
ΧΡΗΣΤΕ ΧΑΙΡΕhoc est
Erotis, bone Vir
Vale.

Pausanias narrat apud Sicyonios id moris fuisse, ut in sepulcris hominum tantum nomina, addito *Χαίρε*, inscriberent. Ex his tamen Epitaphiis constat multos alios Græcos alia posuisse: certe sæpe *Χρῆστος*, ut etiam *ἡρως*; tametsi non, ut vox sonat, omnes qui hoc donabantur nomine, Heroes forent. Exempla suppetunt in meis Inscriptionibus Tomo 3. ubi de meo per Græciam itinere verba facio. Galli quoque qui Picardiam incolunt de senec loquentes ajunt *le bon homme*, & Alamanni de Patre, aut Matre. fato functis quoties loquuntur dicere consueverunt, *Felix Pater meus; Felix Mater mea*.

Ut ad manes revertamur, intelligere facile est varia ab Antiquis eos accipi significatione. Primum quidem generatim pro illorum animis qui ex hac vita migrarunt; quod quædam probat Inscrip-
tio, quam Romanus nescio quis suæ Gentis manibus consecravir, cujus hoc initium est: *Manibus Gentis suæ*; & Virgilius:

Manesque vocabat

Hætorcum ad tumulum.

& idem alibi:

Id cinerem aut Manes credis curare sepultos?

Quod Poetæ quoque Galli imitari consueverunt.
*Dispreaux dans Lutrîn.*Et mes Manes contens au bord de l'onde noire
Se feront de ta peur une agreable histoire.Deinde vero Manes metonymice accipiuntur pro Inferis, hoc est loco quo Animæ continentur
Supplem. Tom. IV.

hominum, siue boni fuerint, siue mali, ita tamen ut boni in Elysios campos mitterentur, impii vero in Tartara, ubi fontes plectuntur: Inferi vero, ut & *Orcus*, & *Erebus* utrumque locum designant. Virgilius porro:

Hæc Manes veniat mibi fama sub imos.

Quod de ipsis Animis intelligi non potest, verum de loco ubi continentur. Hinc eos alias profandos vocat.

Manesque profundi.

Hinc Galli quoque vetusta lingua sepulcra *Manois* dicebant. Scarron.

N'es-tu pas un felon de sçavoir mons Manoir,
Et de n'y pas venir.
Fray te dire en ton sombre Manoir
Cent grand-mercis.

Tandem manes sunt Inferni, & subterranei Dii, verbo Dii qualescumque sepulcris præessent, & mortuorum curam gererent. Qua in significatione in antiquis Glossis, Manes Græce dicuntur *δαίμονες*, *θεοὶ κατὰ χόρους*, & *δαίμονες κατὰ χόρους*. Dæmones, siue Genii: Dii Inferni, Genii subterranei. Hinc illorum epitaphia Diis Manibus dedicata sunt; quæ duo verba ex dimidia parte aliquando notata sunt, ita *Dis Man.* sæpius duabus litteris *D. M.* & in typis Romanis, quorum Inscriptiones sæpe Græce erant, *Θ. Κ.* hoc est, *Θεοῖς κατὰ χόρους* legas; ut his Inscriptionum exemplis, quas ego orbem peragrans collegi.

Θ. Κ.
ΙΟΥΛΙΑΙ ΑΜΜΙ
ΑΙ ΟΥΓΑΤΡΙ
ΓΑΤΚΥΤΑΤΗ
ΙΟΥΛΙΟΥ ΘΕΟ
ΦΡΑΣΤΑΣ ΚΑΙ
ΑΠΑΜΑ ΓΟΝΕΙΣ

hoc est

*Diis Manibus
Julia Ammiae
Filiae Dulcissimae
Julius Theophras-
tas, & Apama
Parentes.*

Θ. Κ.
ΙΟΥΛΙΩΙ ΑΛ
ΚΑΙΩΙ ΠΑΤΡΙ
ΕΥΣΕΒΕΣΤΑΤ
ΩΙ ΙΟΥΛΙΟΥ
ΔΑΜΠΡΟΚΛΗΣ

hoc est

*Diis Manibus
Julio Alceo
Patri Pissimo
Julius Lamprocles
posuit.*

3

Θ. Κ.
ΚΑΤΑ ΚΕΛΕΥ
ΣΙΝ ΤΗΣ ΔΕΣ
ΠΟΙΝΗΣ Γ. ΑΠΡΙ
ΚΙΟΣ ΘΡΕΠΤΟΣ
ΖΗΣΑΝΤΙ ΕΤΗ
ΙΜ... ΚΑ....

hoc est

*Diis Manibus
Jussu Dominae
Cajus Apricius
Threptus*

Gruterus, & quæ ego conscripsi *Miscellanea* A
exempla plura suppeditant. Animadverto tamen
Romanorum, qui in Græcia, aut Græcorum qui
Romæ morabantur, has omnes Inscriptiones ef-
se. Utrum Diis Manibus sacrata fuerint sepulcra
hominum vere Græcorum, & eorum maxime qui,
antequam Romano Imperio subicerentur, exti-
tere, affirmare non possum. Certe ego in ea Græ-
ciæ parte, quam lustravi, id nusquam inveni. A-
thenienses, quod liquet ex meorum itinerum ter-
tio Tomo, mortui, ejusque Patris, ac Tribus no-
men, & præterea nihil addebant. Θεοφίδης Ολό-
ρυς Αλμεισιος. *Thucydides Olori Filius Leontide.*

Deos Manes summopere Romani colebant, ra-
ti fore ut sacrilegas manus Viatores abstinerent, si
propositis publice epitaphiis Deorum Manium ip-
sis in mentem veniret. Urnæ, in qua nescio cu-
jus cineres continentur, Inscriptionem elegan-
tem habeto.

R O M Æ

In Edibus Ducis d' Altemps.

NE TANGITO
O MORTALIS
REVERERE
MANES DEOS

Et aliam præterea, quæ servatur in hortis Ma-
gni Ducis:

F L O R E N T I Æ.

C. IVLIVS CL.

BARNÆVS

OLLA EIVS SI QVI

OVVIOLAVIT AD

Inferos. IFEROS NON RECIPIATVR

Notandum hic *Ollam*, *Urnæ*, & *Cinerarium*
idem esse. Observatione dignum est verbum *ovvio-*
lavit. Ex hoc cælatoris errore intelligimus parum
discriminis ad pronunciationem quod attinet,
tunc temporis fuisse inter litteram *b* & *v*, legendum
enim esset *violabit*; præterea ex syllaba *ou*, quæ
præposita est (profecto quod ita pronuntiabant,
oviolabit) recte conjicimus litteram *u* Alaman-
orum, & Itolorum more, quemadmodum Galli-
cam diphtongum *ou* proferri consuevisse; & qui-
dem in Nummis Lapidibusque plura suppetant
exempla, quæ hos duos sonos confundi demon-
strant; quemadmodum, exempli causa, scribe-
bant *Furius* & *Fourius*.

Ad *Inferos non recipiatur*, si Ethnicorum Theo-
logiam spectamus, erat execrandi ratio omnium
maxime formidanda. Tunc Animæ errare coge-
bantur Larvæ factæ, aut mali Genii, de quibus
jam antea. Hinc est quod veriti ne Charon, quem
Animas mortuorum per Inferni flumina ad aliam
ripam transvehere fabulantur, si minus quod erat
pro pretio statutum persolveretur, eas retro repel-
leret, Nummum in os Cadaveris inferebant, cum
in feretro collocandum erat, aut vero inter cine-
res, quoties illud cremabatur, quo moroso feni-
fieret satis. Hoc pretium quod vectori pro na-
vigatione solvebatur, appellabant Romani *Nau-*

lum, quod in Antiquorum sepulcris sæpe occurrit. Plerumque ejus Imperatoris, qui tunc temporis dominabatur, Nummi erant: quo more tempus quo ille obierat significabatur.

Itaque de mortuorum sepulcris maxime solliciti erant, cum putarent eos qui insepulti forent per centum annos juxta ripas erraturos, antequam Charontis cymba ad Inferos traderentur. Cinerum quoque habebatur ratio, quos commoveri nefas erat, ne molestia manibus inferretur. Quapropter mortui inscriptis epitaphiis vivos orabant ne ipsos tangerent. Exemplum habe.

F L O R E N T I Æ.

OSSA HIC SITA
SVNT AVCTAES
APVSTIAE RVFAE QVAE
FVIT ROGO PER SVPEROS
QVI ESTIS MEA OSSA TVEATIS

Elegans Inscriptio hæc est, tametsi in verbo *tueatis* Grammatica vapulet, cum legendum sit *tueamini*; qui inter mortales vivunt eos rogat Apustia Rufa, ut ipsius ossa ne violent, eosque tacite vult monitos futurum, ut ipsi quoque idem sint a posteris flagitaturi, cum & ipsa inter vivos fuerit, ut & ipsi, & ipsi sint vita decessuri, ut ipsa decessit. Spectabat huc illa antiqua Inscriptio quæ olim Genuæ servabatur: *Vixi, ut vivis, morieris, ut sum mortuus, vale viator, & abi in rem tuam.*

R O M Æ.

HERIAE THISBE
MONODIARIAE
T. CLAVDI GLAPHYRI
CHORAVLAE
ACTIONICAE ET
SEBASTIONICAE
TERRENVN SACRVN
LONGVM P.X. LAT. P.X.
IN QVO CONDITA EST
FODERE NOLI NE
SACRILEGIVM COMMITTAS

Quid illa verba *Actionica*, & *Sebastionica*, si-
bivelint prorsus ignoro. Qui Veterum Musicas
res magis callent ii viderint.

ROMÆ, APUD JUSTINIANI.

D. M.
CVSPIA AEGLA
LIS HOC SARCO
PHAG. APERIRI.
N. LIC.

A *Sarcophagus*, & *Sarcophagum* in Inscriptio-
bus legimus. Sepulcrum erat ex lapide, in quo
defunctorum corpora, quæ cremari volebant,
condebantur. Hinc derivarunt Galli vocem *Cer-
cueil*: & aliquando ad principium magis acceden-
tes scribebant *Sarcueil*. *Feretrum*. *Sarcophagus*
Græce id significat, quod *carnem edit*; consue-
verant enim primis temporibus, ut vacuæ sepul-
turæ forent, quibusdam lapidibus uti, quibus
cito cadavera absumerentur. In Assio Troadis Sar-
cophagus Lapis scindebatur. (a) Corpora defun-
ctorum condita in eo absumebantur intra quadra-
gesimum diem, exceptis dentibus. Hic lapis simi-
lis pumici lapidi rufo, & est gustu salsus. Podagras lenit pedibus in vas ex eo cavatum immis-
sis, non diutius retentis: præterea omnia crurum vi-
tia in iis lapidinis sanantur, cum in metallis om-
nibus crura vitientur. Alias virtutes habet, quas
videre in Plinio potes.

B Ex iis quæ dicta sunt colligimus eam sibi anti-
quos Ethnicos animarum formam animo effinxisse,
ut essent leves quædam substantiæ, velut um-
bræ, oculisque subjectæ, & præditæ iisdem par-
tibus, & obeuntes eadem munera, quæ corpora,
quibus illæ olim continebantur. Etenim illæ vi-
debant, loquebantur, intelligebant, egebant
C cymba, qua Infernas ripas trajicerent; ita ut il-
lorum sententia, nihil essent aliud quam quædam
corpora subtiliora: quo errore primis temporibus
Christiani quoque imbuti fuerant, tametsi in iis
Evangelii lux Ethnicorum tenebras fugavisset;
adeo difficile est homini res spirituum intelligere.
Hinc Anthropomorphitarum hæresis orta est, qui
in Deo, ut in homine formam, & corpus esse
voluerunt. Temporibus quoque nostris, quibus
tamen multa sunt ad veritatis lucem præsidia, val-
de vereor ne innumeri prope sint, qui non alia
quam Ethnici ratione animarum formam perci-
pian; ut non valde mirandum sit, si dapes qui-
bus mortui vescerentur, in sepulcrera quædam
Nationes deferrent. Quod nostram nobis igno-
rantiam prodit. Etenim valde vero simile est ani-
mam, quæ non se plane novit ipsa, non posse re-
rum, quæ extra se positæ sunt, nisi confusam spe-
ciem habere.

D Huic disputationi colophonem imponat ele-
gans Epitaphium, quod Deorum Inferorum men-
tionem facit. Hic nescio quis uxoris suæ, Filii-
que mortem conqueritur, qui dolore correptus ad
Charontem orationem convertit, & illacrymabi-
lium Parcarum crudelitatem lamentatur.

E

a Plin. lib. 36. cap. 17.

R O M Æ

In hortis Barberinis, aut Palestinis.

HEV CRVDELE NIMIS FATVM DVA FVNERA MAERENS Duo.
PLANGO VIR ET GENITOR FLEBILE MERSA DEO
SAT FVERAT PORTHMNEV CVMBA VEXISSE MARITAM Porth-
mneu.
ABREPTAMQVE MIHI SEDE IACERE TVA i.e. Ca-
ron.
ADIECIT CLOTHO ITERATVM RVMPERE FILVM
VT NATVM RAPERET TRISTIS VT ANTE MIHI
ME DECVIT MORTI PRIVS OCCVBVISSE SVPREMAE
TVQVE MIHI TALES NATE DARE OBSEQVIAS

Supplem. Tom. IV.

Ii ij

AD TV NE PROPERA SIMILI QVI SORTE TENERIS / At.

DVNC ANNOS TITVLO NOMINA VT IPSE LEGAS / Donec.

ILLA BIS VNDENOS VIXIT NATVS QVOQVE SENOS

NOMEN HVIC PRORVS EST HVIC QVIDEM ATHENAIDIS
QVAS EGO QVAS GENITOR PRO TE DABO NATE QVERELLAS

RAPTVMQVE STYGIO DETINET VNDA LACV

QVAM BENE BIS SENOS FLOREBAS NATE PER ANNOS

CREDEBANTQVE DEIS VOTA PLACERE MEA

STAMINA RVPERVNT SVBITO TVA CANDIDA PARCAE

ABSTVLERVNTQVE SIMVL VOTA PRECESQVE MIHI

CVM TE NATE FLEO PLANCTVS DABIT ATTICA AEDO

ET COMES LACRIMIS VENIET PRO CONIVGE SIREN

SEMPER VT ALCIONT FLEBIT TE VOCE SVPREMA / Halcyon.

ET TRISTIS MECVM RESONABIT CARMEN ET ECHO

OEBALIVSQUE DABIT MECVM TIBI MVRMVRA CYCNVS.



DECIMANONA DISSERTATIO

De Urna antiqua, quæ olim fuit penes Auctorem, nunc vero penes Gaillardum Virum Nobilem Anglum. Ad Graverollum Causidicum & a judiciis, & Academicum Nemausensem.



Paucis ab hinc annis rarum antiquitatis monumentum nactus sum, quo ipse memet indignum existimarem, nisi meam studiosos antiquitatis, qualem esse te novi, in ejus communione vocandi cupiditatem notam, perspectamque facerem. Quæ mea tum esset circa illud opinio in apertum protuli, quam cum pro tua comitate laude dignam putaris, ad alia in præsens ea de re dicenda valde commoveor. Pictu-

Ara, si Veteres audias, muta Poesis est, Poesis vero Pictura loquax: quod enim Poeta numeris, Pictor docet oculis. Nulla ratione melius me tibi eximium hoc opus, ipso deficiente, patefacere posse puto, quam expresso ad unguem exemplo ad te mittendo. Verum quia quod plurimum sensuum ope in animos nostros inseritur fidelius custoditur, posita picta Tabula ipsum antiquum opus describam, descripro quæ mihi videor cogitatione affecutus addam. Nonnihil illa fortasse afferent oblectamenti, si probari prorsus non poterunt; si tu tamen, cujus acerrimum judicium est, illa probaris, probatum iri ab omnibus pro certo habeo.



De Urnis generatim pauca dicam, argumentum quibus exornem meum, nonnullaque eorum ostendam, quæ hac super re notavi in meis itineribus, Musæque, Auctoribus qui de Urnis scripserunt pervolutis.

Atque ut ab hujus Urnæ descriptione exordiar, ea est vas æneum decem & octo librarum pondō, bis altius quam hic effictum vides. Hic partes singulæ ad ipsius typi speciem habent commensus exactionem: Ad latus interioris partis

conspēctus est. Ex fundo, ventre, operculo, ac statua desuper imposita constat opus; oneri ferendo tres Termini figura scēminea subsunt, quorum sex pedibus totum sustentatur. Inter tres hāsc statuas, quæ a vase prorsus extant, tria capita sunt, quorum rictus anaglyptico opere celati; pars vero interior tubum ex eodem ære, quo totum opus, continet, isque in medio est, altus digitos transversa quatuor, & foramen subter habens transversum.

Hi Termini, hoc est figuræ sine manibus, quæ Urnam sustinent, sunt perelegantis formæ. Tegmen capitis idem gestant, atque statua superiore in loco posita, ab umbilico deorsum venustatis causa foliorum toreumate desinunt. Quoties hæ statua in ædificiis coronas fulciebant appellabantur *Caryatides*, *Atlantes*, & *Telamones*, cujus etymologiam a Vitruvio de Architectura petas licet. Dicebantur etiam statua Persicæ quoties Persico ritu erant ornatae. Has de quibus agimus statuas horum aliquo donare nomine minime dubitem, præsertim vero Cariatidum, tametsi non capite, sed lumbis tantum, cruribusque onus ferant. Tria item capita quæ Urnæ corpori ad latus hærent, foliorum, & racemorum varietate distincta sunt. Operculum superiore parte cum foliorum serie ventris oram ambiente committitur. In eo sunt sirenes tres muliebri capite; at capite Satyrorum suspicientium totidem monstra, & rotundus stylobates, qui cochleæ intus impactæ ope statuam tenaciter fulcit; quæ statua inter cætera Pictores, expressa cum sit arte mira, in sui admirationem convertit, & exemplum summa licet cura confectum non satis proxime ad typum accedit. Tegmen capitis est ritu antiquo, in vertice est implicatus crinium nodus, & consulto incomposita ad humeros descendit reliqua comæ. Habitus est elegantissimus. Totā ad talos amicta est, ita tamen ut vestis Romano more ad cubitum sit genuque reducta. Manu dextera vas tenet, quod cum parvum sit solidius est tutiusque a temporum injuriis, hæretque parte basis globo.

Mecum profecto senties tam rarum opus hoc, tamque variis distinctum figuris ejusmodi esse, ut quorsum illud factum fuerit investigare qui volunt non possint alii in partes alias non concedere.

Nonnullis id instrumentum visum est, quo scribendi causa atramentum contineretur, ideo quia tubus intus est. Quidam etiam, cujus olim illud erat, plumbeam aptavit pyxidem, ne per foramen basis atramentum deflueret, si quando ad hanc rem eo uti liberet. Operæ pretium facturum mihi non videor, si hanc refellendo opinionem tempus teram. Non enim est cur tam levis rei causa tam eximium opus elaboratum putemus, præsertim cum supervacaneum operculum foret, neque atramentum quo nos utimur inventum sit prorsus antiquum.

Putarunt alii id esse fontis archetypum; sed bona eorum venia liceat mihi ab ipsorum sententia recedere. Nam nulla figura fistulam habet unde effluat aqua, ut quamcumque vas in partem vertas nullam ejus rei notam invenias; nisi in ipso vase foramen, unde aqua educeretur fuisse credas, quod a statuæ tergo stanti nulla ratione conspici potuisset; cumque vas neque satis rectum sit, neque satis inflexum, non erat ejusmodi unde aut emicare aqua posset, aut decidere; cæterum nullum ibi unde aqua exundet, labrum est. Quod si quis putet totum opus stylobatæ in medio alicujus labri incubuisse, enimvero venter hujus molis deformis fuisset, visuque injucundus.

Alii & Familiares mei dixerunt alia, non ea tamen quæ probari mihi, defendique posse videantur; quapropter singulorum sententias referre su-

A perfedebō. Revera plerique eorum, qui hoc opus accurate perpenderunt, optime mea quidem sententia judicarunt, qui sibi, ut & ego mihi, persuaserunt hanc esse mortuorum Urnam, qua eorum, quos cremaverant cineres Ethnici custodire solebant. Choriæ ubi eam vidit in hanc se partem dedit, & is est, ut tu optime nosti, cui in rerum antiquarum cognitione vix ullus videatur comparandus. Hæc opinio redditur ex eo firmior, quia ejus magnitudinis est, ut cremati corporis cineres complecti facile possit; Illa enim Urna Crateris instar facta est operculo superimposito, quod coheret cum eo, quod Græce dicitur *καλπίς* crater. B Non desunt etiam Urnæ quæ operculo hujusmodi carent; cum enim illud ab Urnæ corpore sejungi possit, amitti quoque potest. Adde quod figuræ omnes eæ mysticæ sunt, & ad mortem fataque referuntur: Præterea cinerum ibi aliquod vestigium apparet; verum ita obduruerunt, ut naturam lapidis induisse videantur, adeo ibi tenaciter hærent.

C Hinc jure quidam Sanctus Doctor pronunciavit, Ethnicorum gesta, quæ cum virtute maxime videbantur conjuncta, speciosa potius ac splendida vitia, quam veras virtutes fuisse: Illi enim fere omnia ad inanem gloriam referebant. Tam avide illi hanc umbram falsæ gloriæ sectabantur, ut Gloria, Victoriæ, Famæ aras ubique posuerint: quibus numinibus etsi Romani divinos honores non habuissent, tamen illud satis amplum foret eorundem immoderatæ honorum cupiditatis argumentum, quod Urbem tanquam magnum aliquod Numen coli voluerunt.

D Neque id ubi fecerunt, satis videbantur sibi fecisse, qui inter Ethnicos maxime floruerunt, ut ostenderent se gloriæ cupiditate maxime ad facinorosa suscipienda commoveri, nisi post fata etiam hujus cupiditatis notas relinquerent. Hinc Mausolea, Obelisci, aliæque superbæ erectæ moles; quæ ejus rei sempiterna forent posteris argumenta. Pulchrum est, apud Herodotum Regina quædam inquit, magnifico aliquo monumento sui nominis celebritatem posteris commendare. Tonforem quemdam Licinum nomine testatur Varro ad famam nominis marmoreum tumulum sibi poni jussisse.

Marmoreo Licinus tumulo jacet, at Cato parvo,

Pompejus nullo: credimus esse Deos?

E Hinc Ægyptii ut mortalis vitæ cogitatio minus molesta foret, æternas appellabant domos, quas sibi extruebant sepulchras; cum domos hospitia, ac diversoria dicerent, quia brevi in hac vita commoratur, diu vero, immo perpetuo in sepulchris habitamus.

*Perpetuas sine fine domos mors incolit atra,
Æternosque levis possidet umbra lares.*

F Ea Cestii Pyramis, quæ existit adhuc Romæ, & in qua est cubiculum ab antiquo perito artifice pictum, est privati hominis monumentum, quod si defuisset æternis ille fortasse in tenebris delituisse.

Si immortalitatem nominis concupierunt studiosissime, non minus accurate corporibus quoque speciem quamdam immortalitatis excogitarunt. Indi suorum cadavera devorare fuere soliti, ut ea in aliorum succum & sanguinem conversa quodammodo reviviscerent. Ægyptii opobalsamo illinire, quæ a corruptione defenderent: Græci cremare, ut cineres, qui non ita facile, ut alia corpora, corruptioni obnoxii sunt, custodirent; & quamquam

Romani primis temporibus humare tantum illa consueverint, paulatim a Græcis morem mutuati sunt: & licet humandi postea quoque extiterit, cremandi tamen communior fuit, & honestior consuetudo; sive quia hanc quam sibi animo finxerant immortalitatem consecuturas reliquias corporum putarunt, sive quia Reipublicæ maximam rationem cum ducerent, salutem communi consulere voluerunt, veriti ne aer, qui in Italia calidus, corporum humatorum corruptione inficeretur. Idque cavit Lex XII. Tabularum in hæc verba: *In Urbe ne sepelito, neve urito.*

Idcirco fortasse cadavera exurebant, ut servatis domi magnorum hominum cineribus inflammarent adolescentum animos egregiorum facinorum memoria, quæ ipsorum majores aggressi forent, quasi vero horum virtutis igniculi iis cineribus tegerentur. Agrippina delatis in Italiam sui viri cineribus populum Romanum proposita Urna qua ii continebantur, ad ulciscendam Germanici mortem excitavit. Cum idem populus Julii Cæsaris corpus quod cremabatur conspexisset, id satis fuit ut furore percitus conjuratos ex Urbe exterminaret, & ab ipsius rogo correptis torribus exemplo in conjuratorum domos flammam inferret.

Certum igitur est morem hunc cremandorum corporum Romanis olim communem fuisse. Historici id asserunt, inscriptiones sepulcrorum confirmant, Urnæ cinerum plenæ quæ e terra quotidie eruuntur, nos hæc de re dubitare non sinunt. Sed illud est ad intelligendum difficile, qua ratione cineres collegerint, ac prohibuerint quominus ii cum lignorum, aromatum, animalium, earumque rerum pretiosarum cineribus miscerentur, quas qui e vita decesserant in deliciis habuerant, quas una cum iis comburi in more positum fuit.

En quæ hanc in rem dicuntur. Plinius meminit cujusdam Lini Indici quod Græci *ἀσβεστον* vocant, quod ignibus non absumitur, quo telæ conficiebantur, quæ in ignes magnos licet injectæ non urebantur; quæ involventes cadavera corporis favillam ab reliquo cinere separabant. Sed cum illud rarum inventu fuerit, ait idem Auctor Regum inde tantum funebres tunicas fieri consuevisse. Præterea idem Plinius, Strabo, & Plutarchus, alique veteres fide digni scriptores affirmant similem telam ex lapide Amianto texti solitam fuisse; ejus enim nendi ars tunc temporis nota erat; quod quidem ejusmodi non est, ut credi non possit, idque sibi jam multi persuaserunt; is enim lapis in fila totus solvitur ut probe norunt antiquarum rerum amatores; ex iis factam telam memoriæ proditum est igni nihil deperdere, sed inde splendidiorem exire. Guenebaultius Doctor Medicus, qui Chyndonacis sepulcrum descripsit testatur se in cujusdam Viri Nobilis Veneti museo ex hujusmodi tela quartam fere partem ulnæ vidisse. Plutarchus narrat feracem hujus lapidis fodinam in Euboea sua ætate defecisse. Verum pluribus in locis aliis fodinas reperire est: exempli gratia in Cipro, in Teno, & alibi.

Erat igitur colligendorum cinerum, alia præterea nescio quæ ratio, quam tradere scriptores cum prætermiserint, intelligentia consequi difficillimum est. Conabor tamen eam proponere, quæ neque ad intelligendum, neque ad perficiendum difficilis videatur. Certum est carnem corporis, & medullas ossium in fumum vanescere, & ossa tantum in cineres converti. Cum semiuustum corpus erat, ita ut nudata ossa forent, fortasse removebantur, & seorsum in aliquo vase ferreo, aut fictili ignis vi in cineres redigebantur, aut quasi in calcem in Clibano posita: aliquando etiam se-

Amiusta in Urna collocabantur: Hinc Virgilius: (a)

Ossaque lecta cado textit Cborineus abeno.

Quod quidem non satis apte dictum esset, si ossa de quibus sermo est cineres omnino facta fuissent. Illud etiam addo non prorsus accurate, ac religiose cadaverum cineres a reliquarum rerum cineribus secerni consuevisse; sæpe enim in Urnis mixtos cum cineribus carbones reperias.

Ut ut res sit, qualiscumque tandem fuerit colligendorum cinerum ratio, certe in hoc ii maxime curam collocabant suam, ut in vasis cineres servarent, quorum alia ex alia materia erant personarum ratione habita. Appellabantur Vasa hæc (b) *Ollæ & Cineraria*, ut in antiquis Epitaphiis videre licet: Usitatus tamen eorum nomen erat *Urna*. Quam Urnam dicebant etiam illud vas unde eorum nomina sortiebantur, qui primi in ludis publicis in arenam descenderent: Urnam quoque in judiciis dicebant vas, quo judicum suffragia colligebantur tabellis inscripta aut littera C id est *condemno*, aut L id est *libero*, ut in Nummis videre est. Absolutis funeris pompis, & cæremoniis omnibus collocabant Urnas aut sub Lapidibus Epitaphia continentibus, aut in privatorum monumentis, aut aliquando etiam in suis ædibus servabant.

Trajanus suos cineres in Urna aurea custodiri jussit, eamque in nobili columna ipsius pariter jussu erecta poni, quæ anaglyptico opere ejus prælia repræsentaret: ea Romæ extat adhuc tanquam eximium Antiquitatis monumentum, cujus vel Tempus videtur rationem habuisse. Urna quoque Regis Demetrii teste Plutarcho erat aurea; eodemque teste Marcellus qui Syracusas cepit, argenteam habuit. Mysenus vero æneam, ut ex versu quem superius attulimus Virgilii constat. Ex eodem ære pluribus in locis Urnas ego vidi, quarum una in nostro Museo fuit, quæ contractæ manus magnitudinem non superabat. Urnam Imperatoris Severi reperire oporteret ad varias scriptorum sententias dijudicandas. Spartianus refert ejus cineres Urna aurea Romæ delatos: Dio vero amicior veritati Urna ex porphyrite: at Herodianus ex alabastrite. Frequentiores sunt Urnæ vitreæ, quam quæ sunt ex hujusmodi pretiosa materia confectæ. Chyndonacis Urnæ Divione repertæ & aliæ fuere similes, quarum nonnullas ego quoque aliquando in Museis eruditorum & curiosorum hominum vidi. Strabo narrat Alexandrinos reliquias Alexandri magni ostendisse in feretro vitreo; pro illo aureo, quo eum Ptolemæus exornaverat. Marcus Varro in fictili folio condi voluit, myrti, & oleæ, & populi nigra foliis, Pythagorico nempe, ut Plinius ait modo, quæ erat condendi ratio a luxu omnium maxime remota, quaque major pars hominum utebatur; & quidem ea folia valde communia sunt, & vix ullam antiquam urbem reperias, ubi non aliquod aliquando inventum fuerit. Magna eorum copia est in Foro Genuensi, multaque Viennæ in Delphinatu similia quotidie eruuntur. Ingentem lapidum, marmorumque vim in hortis atque ædibus Romæ vidi. In hujus libri fronte ejus Vasis exemplar proposui, quod est Aquis Sextiis in Provincia, quod mira arte ex albo marmore elaboratum est.

Hujus generis unum hac in Urbe repertum est anno 1676. idque aliquando in basi lapidea, quæ ex eodem loco eruta est, collocatum fuit. Ex eo con-

a *Æneid. lib. 6.* b *Gruterus.*

jicimus eam Urnam superimpositam fuisse, quia rotunda est ima ejus pars, & ejus magnitudinis, quæ possit rotundæ formæ signo in basi aptari. Lapidea illa Urna erat operculum plumbeum habens, quæ aliam Urnam vitream in qua cineres, & ampullam pariter vitream in qua lacrymæ fuerant, comprehendebat. Hæc ego in hortis Combetti vidi in fauxbourg de Veze, ubi ea reperta sunt. Basis quæ est pro stylobate, hanc Inscriptionem continet.

DIS MANIBVS
C. AVCI GAL.
CELERIS IIII VIR.
AVG.
C. AVCIVS MACRINVS
PATRI

Urnæ fictiles, quibus vulgo utebantur, plurimæque majores erant, quam eæ de quibus locuti sumus: cum enim non essent magnopere solliciti, ut vulgi cadavera in cineres prorsus redigerentur, ossa quæ semiusta erant latiore occupabant locum. Adde quod totius familiæ cineres eæ sæpe continebant, aut saltem Viri, & Uxor, ut hic ex antiqua Inscriptione versus confirmat.

Urna brevis geminum quamvis tenet ista cadaver.

Et quidem unius hominis cineres perexiguum cumulum efficiunt; ac si dicam manuum cavo eos posse contineri, nihil dicam, quod incredibile videatur. Hinc Spartianus de Severi Urna locutus eam appellat *Urnulam*. Quod si illa crassa fuit, cum aut aurea, aut porphyretica fuerit, qua ratione Severus jam moriturus eam, nisi parva fuisset, inter manus accepisset? cum superbiens, quod Anglis alium quæsiturus orbem bellum intulerit, ea dixit, *Tu Virum capies quem totus non capit orbis*.

Quod ad Urnarum formam attinet, fictiles quidem de quibus locuti sumus nostratium ollarum fere similes, nisi quod illæ longiores sunt, & surgunt ad collum angustiores. Exemplum si a me quæris, vas illud indicarem, quod stans super hanc Urnam. Statua manu tenet, quo quidem nihil aliud quam Urnam referri puto; nullum enim ibi apparet os, quod in Urceis nostratibus videre est, iisque vasis, quæ in sacrificiis præferri solebant, dicebanturque olim *præfericula*. Nonnullæ quidem fuerunt Urnæ, quarum ima pars in acumen desinebat, aliæ erant ansatæ, aliæ sine ansis. Nullis illæ ornamentis, aut anaglyptis distinctæ sunt; quasdam tamen humani, aut ferini capitis formæ factas reperias, quales in regionibus nostris reperiuntur quandoque sunt. Aeneæ vero, aut ex alio metallo factæ, quia illustrium Virorum cineres continebant omnes, aut certe prope omnes circum opere anaglyptico cælatæ sunt: qua de re scriptores, qui earum figuras prodiderunt (sunt autem multi) fac videas. Patinus, qui de Republica Litteraria optime meritus est unam edidit, & illam quidem eximiam, in qua expressum Toreutices opere Athletarum certamen vides, fortasse quia nobilis alicujus Athletæ ea Urna fuit. Familiari (a) cui-dam meo ex hac Urbe, qui res curat raras huc ab oriente deferendas, Urnæ nonnullæ fictiles ex Ægypto allatæ sunt hieroglyphicis litteris insignitæ, formisque ossis plenæ quod quidem mirum est; cum enim Ægyptii integra corpora opobalsamis illinire consueverint, non his ea poterant Urnis contineri. Verumtamen non aliquando secatas a-

a Dufour.

Aliquas corporum partes opobalsamo illinitas fuisse quis affirmare pronuntiet? Hic cælatæ litteræ dignæ sunt quibus explicandis animum quispiam addat. Inter Urnas plurimas quæ Romæ existunt aliæ rotundæ sunt, aliæ quadratæ, aliæ magnæ, aliæ parvæ, aliæ puræ, aliæ anaglyptico opere cælatæ; In aliis sunt etiam Epitaphia seu inscriptiones, in aliis eorum tantum nomina ad quos pertinent: nonnullæ notatæ sunt his duabus modo litteris D. M. aut figuli tantum nomine, quod in ansa scriptum est aut in fundo.

Quicumque Urnam hanc de qua loquor, videre Pictores, Cælatores, Statuarii, & rerum quæ raræ sint Amatores, & quicumque cæci non sunt, habentque cognitionis aliquid, eximium & eximii Artificis opus judicarunt, quique antiquarum rerum peritissimi sunt, quin illud antiquum sit minime dubitarunt. Nihilo tamen fecius, quia non omnes res antiquas videndo ii sunt, qui eas hoc satis intelligant, par est rationes etiam asserere. Prima ratio cur eam Urnam vetustam putem hæc est, quia conflata est ex ære optimo, eaque æra nostra sonantia tinnitu imitatur; intus tota nigra est, & levem fucum nescio quem diuturnitate contraxit. Præterea formæ præstantia, cælaturæ artificium, vestes, calantica, & capitum elegantia, sunt mihi quidem ad id credendum argumenta; eaque esse antiquitatis vestigia, qui res antiquas vel leviter degustarunt satis norunt.

At inquiet aliquis, non desunt nostris temporibus sculptores præstantissimi, qui ad Antiquitatis artificium proxime possint accedere. An deerit, qui hac re nostros præstare etiam Veteribus affirmet? Neque enim nunc primum imperiti homines vel digniores irrisione sententias secuti sunt: Verum qui in hujusmodi arte feliciter versati sunt, fatebuntur ipsi se ab iis longe remotos esse, qui cum sedulo ad eorum se imitationem conferant, satis declarant se putare hoc sibi laudi fore si Veterum discipuli videantur. (Hinc Michael Angelus, & Raphael satis nota nomina, quanti quanti sunt extitere; quos fama est ex Trajani columna figuras totas sæpe descripsisse, quo suum in antiqua opera studium & admirationem significarent, & eos quos in iis fecere progressus patefacerent.) Verumtamen quia solo rerum intuitu non omnia discere poterunt, cum ei necesse sit historiam apprimè callere, qui apte aliquid ex historia antiqua representare, aut aliquod antiquum opus imitari velit, nonne Pictores nostrorum temporum, Sculptoresque in errores quotidie prolabantur, eaque effingunt, quæ probari Veteribus minime possent? An Divus Hieronymus promissa barba, & cinctus fune, ut fecere nonnulli, & quidem celebriores artifices, pingendus est? Cum enim ille singularis sanctimoniarum vir in utrumque hujusmodi morem invecutus sit, an ipse quod improbat effecere non dubitavit? Nonne peritiores etiam Pictores, Cælatoresque ita Coenam Domini exhibent, ut is cum discipulis subfelliis insideat, tamen is mos fuerit apud Orientis populos, ut in lectulis jacentes ad mensam accumberent? Raphael equidem exceperim; sed tamen eundem in pictis ab eo Xistis errorem deprehendo. Et hoc in eodem opere, uti etiam in figuris Sacrarum Litterarum, quas expressit Bernardus Minor, qui superiore sæculo inter celeberrimos Viros maxime floruit, nonne videntur tecta domorum instar asinini dorsi, quale Turrium est, quamvis in oriente omnia tecta plana fuerint? ex quo ait Christus Dominus quæ in abdito loco fierent prædicatum iri super tecta.

Prætereo Romana arma quæ Israelis pueris præstant, fumum quem in Veterum præliis undantem Arti-

Artifex *Tempesta* effinxit, quasi vero tunc temporis tormenta bellica ignem emitterent. His commemorandis superfedissem, nisi ejusmodi argumentum hoc esset, quod ipsum per se summam voluptatem afferret. Quæ cum ita sint, hinc statuo formæ elegantiam, & cum rebus antiquis similitudinem, firma esse momenta, quibus opus aliquod antiquum esse credamus, si tamen indiciis aliis non careamus.

Ad Urnam, de qua instituta disputatio est redeamus: In ea ego antiquitatis notam satis magni mea quidem sententia momenti deprehendo: nimirum harum imaginum depressas oculorum acies, ut videre est in Nummis, statuisque antiquis, præsertim hujusmodi.

Huc illud adde, cujus causa hoc opus factum est: si enim verum est, quod ostendi, eam Urnam esse, cum cremandi corpora, servandique cineres consuetudo una cum Ethnicorum ritibus perierit, necesse est eam Ethnicorum temporibus factam fuisse, ac tum quidem cum cælandi ars maxime floruit.

Jam tandem figuræ, quibus ornatum hoc opus est, explicandæ sunt, & ea præsertim, quæ super imposita est, quæ quidem non temere posita est: quæ enim circum sunt, eas ornatus tantum causa constitutas quispiam fortasse dixerit. Et quidem persæpe nosmet ipsi torquemus arcana, ubi nulla sunt investigantes, eaque ex ore Veterum interpretando elicientes, quæ iis fortasse nunquam venire in mentem. Verumtamen non est isthæc prorsus inutilis quæstio: Ita enim in peculiarium quarundam rerum historicarum cognitionem sæpe venimus, ad quas animum cæteroqui non adjecissemus. Demum conjecturis res agitur, quas probet si quis eas firmas putat, aut rejiciat, si quid novit rectius istis.

Mors, & omnibus hominibus commune fatum illud argumentum est, in quo ex Veteribus præstantissimi ingenii homines versati sunt. Referta sunt gravibus, & ad mores spectantibus sententiis illorum epitaphia: adduntur sæpe admiranda Sculpturæ, & Architecturæ monumenta non ornatui modo sepulchri, sed posteris etiam documento; quippe & illustrium Virorum gesta repræsentant, & morum sententias continent. Hæ non ne gravissimæ sunt?

DECIPIMVR VOTIS ET TEMPORE FALLIMVR
ET MORS

DERIDET CVRAS. ANXIA VITA NIHIL.

IMMORTALES CAMOENAS MORTALIBVS IMMORTALE AEVVM LARGIRI NON POSSE
TYRRHENI HETRUSCI IMMATVRA MORS DOCEAT.

Ex globo quem dextero pede premit, & ex vase, quod dextera manu tenet necesse esset cognoscere, quæ sit illa Statua super Urnam posita: sed illæ ipsæ notæ duæ simul conjunctæ cum raræ admodum sint, & præter consuetudinem, eo difficiliore explicatus habent. Et quidem ut plurimum in Nummis, & Anaglyptis antiquis ad Victoriæ, atque Fortunæ pedes globum videas, ita tamen ut illa alata sit, & fertum manu gestet, ut indicet eum, qui diligens fuerit Victoriæ consecuturum, hæc vero plerumque temonem præfert, quo Orbis ad suos pedes positi administrationem notet; Vas autem ei tribui auditum adhuc fortasse non est.

Imperatoris Providentia Deæ quandoque imagine expressa est sceptrum manu tenentis, & pede incumbentis globo. Æternitas globo aliquando indidet, aliquando globum manu sustinet. Ex quo curiosus quidam, & doctus Amicus (a) meus

A Deam super hanc Urnam positam non posse non esse judicavit æternitatem; neque enim ex iis, quas nominavimus ullam Deam esse cui aptius congruere possit: addit autem per Urnam, quam illa manu gerit significari fortasse hoc a morte hominem æternitatem consequi; aut æternam fore ejus sedem, cujus cineres contineret.

Sed globi quem Figura calcat, positio aliam mihi opinionem objecit, quæ præcipuis quibusdam firmata momentis, videtur mihi magis naturæ congruens, magisque similis veritati.

B Dea igitur hæc, ut ego quidem opinor, Fatum est, quod pedibus Terrarum Orbem premit, quodque in universam mundi molem jus habere arbitrata est Antiquitas. Sub ejus pedibus Mundus jacet, quia quidquid in eo continetur ejus legibus subiectum est. Illud autem vas est fatalis Urna, quam Poetæ finxerunt omnium mortalium nomina complecti. Quid aptius alicujus privati hominis Urnæ affingi potest, quam commune hominum fatum? Nihil frequentius in Ethnicorum Epitaphiis legas, quam has querimonias, maligna esse, invida, crudelia fata, quæ lacrymis ad misericordiam moveri nequaquam possint.

C Nil prosunt lacrymæ, nec possunt fata moveri. (a) Atque ne quispiam dubitet quin Fatum Deæ forma proponatur, propterea quod ejus nomen non est generis fœminini, hæc argumenta funto. Primum quidem quoad sexus pertinet, nihil est, quod obijciatur. Ostendimus enim alibi plura Numina, ut Venerem, Lunam, & Bacchum habita esse Viros, & Mulieres; quæ quidem ex Stoicorum sensu deprompta est opinio, affirmantium Deos utrumque sexus habere.

D Deinde Græci, a quibus omnes fere superstitiones mutuati Romani sunt, Fatum *εἰμαρμένην* vocant nomine fœminino, ut Phurnutus (b) de natura Deorum. Fatum, inquit, est cujus lege omnium rerum humanarum ordo juxta æternum principium feritur.

Tandem Nummum aureum Diocletiani in suis notis de imaginibus Deorum expressum Pignoriæ affert, in cujus averfa parte Fata trium mulierum nostrarum ritu ornatarum forma exhibentur; at pro globo, & urna navis clavum manu tenent; legiturq; ibidem hæc Inscriptio: *Fatis Victricibus*.

E Procopius ait Templum Jani fuisse in Foro positum juxta tria Fata, quæ Romani Parcas appellant, ubi vides ab eo promiscue Fata, & Parcas accipi, quemadmodum promiscue Apulejus etiam sumit. Et quia hoc in nummo Fata navis gubernaculum in manibus habent, quemadmodum Fortuna, hoc sententia nostra magis declaratur: cum enim Fortunam pingere modo cum gubernaculo, modo cum globo, modo cum utroque consueverunt, nil mirum si Fata sine discrimine, vel cum gubernaculo in manibus, vel cum globo ad pedes effingantur, cum eodem spectet ejus rei excogitatio, idemque semper indicent hieroglyphicæ litteræ: Tam enim clavus, quam globus penes Fata declarat esse rerum omnium administrationem.

F Fata Veteres (c) in numerum trium Parcarum referunt: quidquid enim sub cælo est ingressum habere progressum & exitum. Hinc fortasse est, quod Fata trium etiam distinctis Terminorum imaginibus muliebri forma repræsentantur: quod quidem non conjectando tantum dico, sed antiquæ Inscriptiōni adhæreo, quam Valentia in Hispania extare Gruterus ait in quadrato Lapide, cujus tres Frontes tres muliebres species exhibent dimidio

a Grut. Inscript. b ΕΙΜΑΡΜΕΝΗ δὲ ἐστὶ καὶ ὡς μοῖρα παρὰ τὸν ἑλληνιστὰν πάντα ἐν ταῖς τοῖς χεῖρ, μὴ ἐχόντος πέρας γνόμενα. c Phurn. κατ' ἄλλον δὲ ὅπον, ὅτις μοῖραι παρὰ τὸν ται, κατὰ τὸ ἑλληνιστὰν τῶ χρόνῳ.

corpore, id est ad Terminorum similitudinem: Atque ut nihil dubitandum sit, quin ea tria Fata sint, hæc ad illorum honorem in quarta fronte posita Inscriptio nos certos reddit.

F A T I S
Q. F A B I V S
N Y S V S
E X V O T O

Gruter.
pagina
xcviii. i.

Tres hosce Terminos idem significare, quod effigies superiore loco posita ex eo mihi magis persuadeo, quia capita, & capitum tegmina omnino similia sunt, & ut Termini sunt Finium Dii, ita Fata humanæ vitæ fini præfunt, hominumque consiliis finem faciunt. Quod si velis eas figuras discernere, dicendum est Deam quæ manu tenet Urnam supremum Fatum esse, quod in mundum universum Deos, Hominesque jus habet; Tres autem Terminos, qui Urnæ onus ferunt tres esse Parcas, aut tria Fata, quibus præcipue hominum vitæ, mortisque cura commissa est.

Minime dubito quin si rem quis ad vivum refecere velit, in cæteris quoque figuris detecturus sit aliquid, quod immotas Fati leges respiciat. Causa exempli quid prohibet quominus dicamus monstra, quæ in operculo jacent, & sursum aspiciunt, indicare bruta quoque Animantia non secus atque homines Fatorum imperio subiecta esse? Videtur enim cælator ea re oblectatus, ut his formandis monstris præcipua animantium genera in unum conferret, vultum hominis, corpus canis, caudam serpentis, & præterea cornua, alas, aut pinnas piscium. Hisce figmentis oblectabantur Antiqui, qui Tritones, Sphynge, Chimæras, Minotaurus induxerunt. Strabo (a) cujusdam monstri meminit Cebi nomine, qui facie Satyro similis est, cætera inter canem & ursum: Ut ea quidem quæ hic habentur monstra inter canem sint, atque serpentem.

Ad latus est aliud monstrum muliebri facie, quod alas pro brachiis habet, & in piscem desinit. (b)

Desinit in piscem mulier formosa superne. Haud dubie ea siren est, cui avium alas Poetæ quandoque affingunt; verum in mari sirenes cum habitent, eis dimidia ex parte piscis corpus magis congruens est, ut eas plerique fingunt. (c)

*Dulce malum Pelago Siren, volucresque puellæ
Scyllæos inter fremitus, avidamque Charybdim,
Musica saxa fretis, habitabant dulcia monstra.*

Qui in Fabulis prorsus hospites, ac peregrini non sunt, norunt sirenas fuisse marina monstra, quæ cantus dulcedine homines ita mulcerent, ut eos sopirent. Hinc Isoeratis (d) sepulcro siren imposita est ejus eloquentiæ argumentum. Eloquens enim orator allicit Auditorum animos, flectitque quacumque ratione vult.

Unam modo hic picta Tabula plane potest exhibere, tamen in ipso opere tres appareant in tribus angulis, ut & reliquæ figuræ positæ; siue quia id formæ ratio postulat, siue quia tres sorores sunt Acheloi fluvii, & Calliope Musæ Filiæ, quarum nomina fuerunt Parthenope, Leucosia, & Liguria.

Tradit Ovidius has fuisse socias Proserpinæ eo tempore quo rapta est: quocirca cum inter eas, Deosque Inferos intercederet consociatio, mirum non est si ad ejus Urnæ ornamentum additæ sunt,

a Cebus facie Satyro similis, cætera inter canem & ursum.
b Horatius Art. Poet. c Claudianus. d Plut. lib. de decem Rhetorib.

A cui Fata, & Parcae adhærescunt.

Tria capita quæ infra Urnam sunt, Silanos si libet appelles: ad ornatum modo illa efficta sunt. Verumtamen putavit Familiaris quidam meus iis referri Larvas, vel Lemures, quos Deos in sepulchris habitare Prisci crediderunt; de quibus superiore disputatione verba fecimus.

B Interiorem Urnæ partem ad latus pingendam censui, ore ita ab una parte depresso, ab altera sublato, ut inspicere possit tubus intus in medio positus, & arcte cum fundo constrictus, qui fortasse collocatus est pro ampulla, in quam immitti lacrymæ consueverunt. Hæc ampulla erat vas vitreum digiti longitudine, quo Veteres eorum lacrymas recipiebant, qui cum mortuo amicitia conjuncti fuissent, ut notum esset posteris non sine lacrymis funus perfectum esse. Quod si huic obsequio muneris familiares non satis fuissent, mulieres, quæ dictæ Præficæ, pretio conductæ in exequiis, qua ratione melius poterant ploratu, & ejulatu eo munereungebantur.

C Tibullus amicam suam admonet earum rerum quas sibi post mortem desiderat. Inter cætera lacrymas flagitat, postquam cæremoniis de more perfuncta fuerit, ossaque annoso vino, ac lacte perfuderit, lino carbaseo siccaverit, & marmoreo in sepulcro condiderit.

*Pars quæ sola mei superabit corporis, ossa
Incinctæ nigra candida veste legant,
Et primum annoso spargant collecta Lyco,
Mox etiam niveo fundere lacte parent:
Post hæc carbaseis humorem tollere velis,
Atque in marmorea ponere sicca domo.
Et nostri memores lacrymæ fundantur eodem,
Sic ego componi versus in ossa velim.*

D Sæpe in sepulchris Urnisque reperias exigua terrea, aut vitrea vasa servandarum lacrymarum causa, quæ magnitudine tubo fere hujus Urnæ æqualia sunt: ex quo quidem conjicio ibi vas aliquod hujusmodi positum fuisse.

Hic interior tubus, & hoc foramen fortasse, ut nonnulli cælatores putarunt, factum est, ut harpagone Urna alicui stylobatæ astringeretur. Neque enim credi potest tam eximium opus humi ponendum fuisse, cujus venustiores partes æruginē corrumperentur.

E Habeo quæ notatu digna dicam de ratione, quæ Urnas Antiqui servabant, ut cineres cum terra ne miscerentur, neve facile in hostium potestatem venirent.

Primum quidem sub parvis quadratis columnis in quibus scripta erant Epithaphia, quasque nos formæ ratione habita, cippos dicimus, Urnas collocabant. Foramina, quæ desuper aliquando cernimus, haud dubie ad Urnam in tuto ponendam erant opportuna. Eas etiam in lapideis, aut marmoreis loculis condebant. Utrumque morem hunc hæc Inscriptio confirmat.

*Te lapis obtestor leviter super ossa quiesce,
Et nostro cineri ne gravis esse velis.*

F Itaque credendum non est, sepulchra hujusmodi lapidea constituta semper fuisse eorum tantum corporum causa, quæ humo mandabantur, non autem eorum, quæ urebantur; si quidem non ad cadaveris longitudinem, ac latitudinem hi loculi accomodabantur.

Deinde nobiliores sepulchrales quosdam fornices habebant, in quibus majorum suorum cineres occultabant; cujusmodi fornix olim Nemausi inventus est ornatus emblemate vermiculato, inque ejus muro

multæ circum ædiculæ erant, in quarum singulis vitæ auratæ Urnæ cineribus refertæ ordine dispositæ. Chorierius, qui nonnulla hujusmodi ædificia se vidisse testatur, conjicit monumentum hoc fuisse Gentis Antoninæ ex Nemauso oriundæ, antequam ad Imperium pervenisset. Illustri enim nobilibusque Gentis illud ædificium fuisse, ipsius pretiosa, ac magnifica ornamenta evincunt. Simile ædificium se vidisse Romæ affirmat Blanchettus, Urnas tamen, quæ cineres, ossaque simul coercebant fuisse fictiles, & circum fornicem cælata opere analogico Athletarum certamina.

Sæpe alias ea in Urbe hujusmodi subterranea ædificia reperta sunt. Verum quia minima servandi, custodiendique monumenta cura fuit, non habeo de iis, quæ peculiariter dicam.

Paulo post in cujusdam monumenti cognitionem veni, quod in Lemovicensi Provincia detectum est, quo illustrium virorum cineres, atque Urnas servandi quamdam rationem novimus. Habeto quæ Furgaudus Orator in Senatu Parisiensi hac de re scripsit, Vir eruditissimus ac diligentissimus, ad Lacarium Professore Theologum in collegio Societatis Jesu Claromontii, qui me in ejus rei communionem pro sua comitate vocavit.

Quidam amicus meus, inquit, nonnulla monumenta Turris, quæ vulgo dicitur *d' Austrille* in Lemovicensi Provincia, se mihi missurum promissit. Is præterea mihi significavit, eam esse incolarum opinionem aliis ab aliis ore traditam, ut putent magnam olim ibi Urbem fuisse, ejus antiqua nonnulla extent vestigia: esse ibi duos tumulos ex aggregata aliunde humo, quorum major circuitu decem, aut duodecim, altitudine quinque & viginti *hexapedas* complectitur. Alter octo, aut decem *hexapedis* ab altero distat. Duos ego alios similes vidi *Drollis* tribus leucis a *Garacto* distantibus in Provincia Lemovicensi. Ibi magna est solitudo; ibi pratum abundans herbis; & mihi dignus fide nescio quis affirmavit, alium similem tumulum esse prope Castellum *de Dognon*, una leuca, & semis a *Drollis* distans; Loci vero Dominum, cum ambulacrum ad viam militarem *Garacti* ad *Burgum novum* ferentem faceret, tumulum explanari jussisse; atque intus certis quibusdam cavatos loculis lapides inventos esse, aliosque lapides superimpositos, & in horum lapidum, qui sepulcrorum formam præferebant, foraminibus Urnas fictiles signatas, & vitreas; in Urnis autem cineres, & exiguos annulos aureos, quos Veteres Galli gestasse creduntur.

Est Tumulus similis in via Lugduni, distans leuca a Vienna. Deserta solitudo ibi est. Vernaculo sermone dicitur is locus *la Motte*. Tumulus hic fortasse sepulcrum est, ut ii de quibus paulo ante. Neminem autem aperiendi tumulum cupido incessit.

Hos Tumulos Latini *cespites*, & *aggeres* vocant. Huc spectat quod Sidonius (a) Secundo suo scri-

psit. Se forte pergentem urbem ad Arvernæ vicino colle latrones aspexisse, qui Apollinaris avi sui (fuit hic Præfectus Prætorio Galliarum anno Domini 409.) tumulum temerabant, quibus in crimine repertis, supplicia se differre non potuisse: ait præterea tellurem humatis, quæ superinducta erat distentam jam in pristinam rediisse planitiem, pondere nivali seu diuturno imbrium fluxu sidentibus acervis. Quare se demandasse Secundo curam, ut Mausoleum pro sepultura erigeret, & Epitaphium hoc incideret.

*Serum post patruos, patremque carmen
Haud indignus avo nepos dicavi;
Ne fors tempore postumo viator,
Ignorans reverentiam sepulti
Tellurem tereres inaggeratam.
Præfectus jacet hic Apollinaris; &c.*

Virgilius quoque meminit horum tumulorum e terra nonnihil eminentium, ubi positi mortuorum cineres erant, & eorum hæc sunt nomina.

(a) *Terreno ex aggere bustum*

& (b)

Agger tumuli compositus.

Poeta (c) alius ait *coacervatum bustum excelso aggere*. Codex Theodosianus ait: *Terram sollicitare, & cespitem vellere proximum sacrilegio*.

Satis his tuæ voluntati mihi videor obsecutus; sed tamen addam aliquid de tempore, quo hæc Urna facta videatur, & cujus causa facta. Cum ibi nulla extet inscriptio, qua aliquid intelligere liceat, nimis audacter facerem si affirmare aliquid pronuntiarem. Id unum generatim dicam, & sine ulla dubitatione, eam tum factam fuisse cum cælandi ars maxime floruit primis Imperatorum temporibus. Capitis habitus ornatique, qui videtur proprius Faustinae junioris Uxoris Marci Aurelii, is est quapropter non temere adducar, ut credam iis temporibus, quibus hic Imperator vixit (vixit autem prope finem secundi sæculi) opus hoc quod præ manibus habemus, formatum esse: eæque sunt, quas inter alias Cælator selegit, muliebres formæ, quibus putarim lectissimæ nobilissimæque Fœminæ hac Urna cineres contineri.

Si plura dicerem, & liberius progredi conjectando vellem, ut ingenue fatear, præterquam quod ingenium torquerem investigando ipse meum, tandem ubi multa ad confirmandam sententiam meam dixissem, id unum fortasse consecutus essem, ut ingenii tenuitatem mei patefacerem. Interim quid de his, quæ ad te scribo, sentias scire velim, ut te Ducem secutus, aut confirmem, aut sententiam refellam meam, Vale.

a *Æneid. l. 11.* b *Æneid. lib. 7.* c *Catull. in Argonaut.*

VIGESIMA DISSERTATIO

*Ex Epistola Francisci Graverolli Causidici, & Academici Nemausienfis.
De Inscriptione posita in sepulcro Poncii Filii Idelfonsi de
Styrpe Raymondi Comitis Tolosæ. Ad Joannem
Graverollum Fratrem.*

* ANNO. DOMINI. JESV. CHRISTI. MIL-
LESIMO. DVCENTESIMO. TERTIO.
DIE. 15. APRILIS. RETRO. HVNC. LA-
PIDEM. FVIT. SEPVLTVM. CORPVS.
DOMINI. PONCII. FILII. ILLVSTRIS.
ILDEFONSI. DVCIS. NARBONÆ. DE
STIRPE. PIÆ. MEMORIÆ. ILLVSTRIS.
DOMINI. RAYMONDI. COMITIS. TO-
LOSÆ. MARCHIONIS. PROVINCIAE.
AC. DVCIS. NARBONÆ. ALMI. FVN-
DATORIS. HVIVS. SANCTÆ. SEDIS.
NEMAVSENSIS. ECCLESIAE. AD. HO-
NOREM. VIRGINIS. MARIAE. CONSE-
CRATÆ. IN. QVA. DEO. FAMVLEN-
TVR. VIRI. VNANIMITER. SVB. RE-
GVLA. BEATI. DOCTORIS. AVGVSTI-
NI. VIVENTES. QVORVM. ET. OM-
NIVM. FIDELIVM. DEFVNCTORVM.
ANIMABVS. QVÆSVMVVS. DOMINE.
DEVS. MISERICORDIAM. CONCEDE.
PERPETVAM. VT. EIS. PROFICIAT. IN
ÆTERNVM. QVOD. IN. TE. SPERAVE-
RVNT. ET. CREDIDERVNT. PER. JE-
SVM. CHRISTVM. DOMINVM.
NOSTRVM. Amen.



Um Inscriptionem de qua
ego tecum collocutus sum
tuo in hanc Urbem postre-
mo adventu, præ disceden-
di sollicitudine videre ipse
non potueris, æquum cen-
seo tibi hac de re scribendo
gratum facere. Extat illa
in lapide in nescio cujus
privati hominis ædibus in-
vento paucis ante diebus Calendas Sextiles anno
1663. qui statim in palatium Episcopi tum in sacram
ædem majorem delatus, ut vero videtur simile, fu-
rentibus bellorum civilium motibus. Existit in O-
deo nonnihil ad latus cellæ magno sumtu extru-
ctæ, ubi Illustrissimus Anthymus Dionysius Co-
bon ultimus hujus Urbis Episcopus sepultus est,
in cujus locum Illustrissimus Jacobus Seguierius ju-
re ac merito fuffectus est.

Ejus Inscriptionis litteræ auratæ sunt, & ope-
re anaglyptico expressæ. Et quamvis ut communi-
utar loquendi ratione Gothicæ judicantur, nullam
habent cum veris Gothicis litteris affinitatem, qua-

les videre est apud Jornandem prope calcem com-
mentarioli de *Lingua Gothica*, aut vero in *Historia
Dureti de origine linguarum*.

Gallicæ potius vetustæ litteræ sunt earum simi-
les, quæ in antiquis nostrorum Regum Nummis
leguntur. Nonnullæ etiam ibi inspiciuntur litteræ,
quæ ad Veterum Saxonum litteras videntur accede-
re, quales in Ælfrici, qui initio undecimi sæculi sa-
to functus est, Grammatica inspicere licet.

Inscriptionem præcedit Crucis forma, ut ejus
temporis, quo illa facta est, ferebat consuetudo.
Neque enim tunc temporis minus Christianorum
sepulcris, quam antiquis donationibus, actorum
que fere omnium publicorum subscriptionibus illæ
imagines præfigebantur, quibus sublatis, non fir-
mæ, certæque fuissent auctoritatis. Exempla, &
rationes a Bosio de *Roma subterranea* petas licet,
a Gretsero *Tract. de Cruce*, & distinctius a Spon-
dano de *Cœmeter. Sacr. lib. 1. part. 3. tot. cap. 19.*
cujus libri titulus est *De Crucibus ad sepulcra appo-
sitis*.

Cæterum eo tempore quo hæc facta inscriptio est,
id erat in more positum, neque violabatur iccirco

Inscriptio antiqui sepulcri, quod est monumētum publicum, majoris debet esse momenti quam ejus Historici auctoritas; qui res 400. annis a sua ætate remotas scribat. *Monumenta maxime si sint antiqua probant, nec possunt per Historiographos oppugnari*; si quidquam credis Floriano Dulpho *Tract. de sepultur. & defunctor. monument. cap. 16. num. 12. & 13.* aut Prudentio, quem profecto magis quam nostros Jureconsultos in deliciis habueris.

Ipsa patrum monumenta probant: Diis manibus illic

Marmora secta lego, quæcunque Latina vetustos

Custodit cineres &c.

Adde tria momenta hæc. I. qui de Alphonso I. scripsere Historici ferme omnes illum eodem tempore Ildefonsi inscriptionem ponentis nomine designant: quamquam re idem est, atque Alphonfi nomen: in pronuntiatione tantum; ac syllabarum numero discrimen est. *Ibi* (sc. in Syria) *filium Alphonsum, sive Ildefonsum, peperit* (sc. Elvia) *cui Alphonso, sive Ildefonso, Jordano nomen fuit, quod in Jordano flumine aquis salutaribus esset lustratus*; ita Delbene ait *Tract.* quem superius appellavimus, pag. 50. & 51. 2. Unus Titulus Ducis Narbonensis, quo in inscriptione afficitur Ildefonsus Pater Poncii, aliqua ratione ostendit Alphonsum I. intelligendum esse. Videntur enim inscriptionis Auctores illi rei tantum instituisse ut Narbonæ Ducem exprimerent, quo ejus in Narbonam jus magis, magisque significarent; propterea quod cum inde per Comitem Limoni ille expulsus esset, a Tolosanis sumtis armis anno circiter 1133. eo restitutus fuit, ac Tyranno exacto in ea ditione servatus, quam majores ejus tenuerant. Quam in rem consulendum est cap. 5. *de la Chronique de Guillaume de Puylaurens*: qui Raymondi Junioris Comitis Tolosæ minister a sacris fuit.

3. Ea verba *de stirpe Raymondi, Marchionis Provincie*, hoc certius certo faciunt Poncium fuisse filiolum Raymondi Patris Alphonfi I. & quidem præterquam quod vox illa altera neminem alium quam proprie, ac vere Nepotem unum ex eadem gente indicat, quod sexcentis & Legum, & Scriptorum testimoniis probari facile posset, si minus res esset extra controversiam posita, observandum est Titulum *Marchionis Provincie* non posse, nisi ad eundem Raymondum Patrem Alphonfi I. pertinere; cum hunc titulum, ut ex Historia plane constat, concupierit, quoniam Urbes aliquot in sua potestate ultra Rhodanum habebat. Quicumque vel leviter in Historia Comitum Tolosæ versatus est hac de re nihil dubitat. Ad hanc rem stabiliendam non aliunde mihi momenta sumenda puto quam ab Andocho pag. 281. & a Catelo in Historia Comitum Tolosæ lib. 2. cap. 1. Sed antequam ulterius dicendo progredior, non possum facere, Frater mi, quin dicam, si Titulus *Marchionis Provincie* per inscriptionem, ut ad Raymondum, ita ad Ildefonsum referretur, nulum futurum fuisse dubitandi locum quin Poncius (hujus disputationis argumentum) vere Alphonfi I. Filius fuerit; ad quem utpote Faydides Virum Provincie ex dimidia parte spectabat, ab anno 1125. cum altera Provincie pars Raymondo Arnoul cesserit Comiti Barcinonis, quippe qui Dulcem Faydides sororem duxerit: hæc porro sorores in jus universum Gilberti Comitis Provincie succedere, quod is masculos hæredes nullos reliquit. Qua ratione jus hoc divisum fuerit, vide apud Su-

aritam: *In Indice rerum ab Arragonie Regib. gestar. lib. 1. ad Ann. Nat. Cbr. MCXXV. pag. 56.*

Cæterum non illud prætermittendum est quod hujus Inscriptionis Compendium extat in Indice Tabularii Regii quod in hac urbe servatur pag. 168. *Memoire de la sepulture du corps de Monsieur Pons, fils du Duc de Narbonne, tirée de son Epitaphe de cette teneur, MCCIII. Retro hunc lapidem fuit sepultum corpus Domini Poncii, filii illustris Ildefonci, Ducis Narbonæ, de stirpe pie memorie Illustris Domini Raymondi, Comitis Tolosæ, olim fundatoris hujus sanctæ sedis Nemaufensis Ecclesiæ ad honorem Virginis Mariæ constructæ, & ceux qui y demeureront vivront sous la règle de S. Augustin.*

Cum ita se res habeat, notandum est Joannem Poldo Dalbenas (quem nonnulli perpæram omisso Dalbenas nomine, tantum Joannem Poldo appellant, rati nomen illud, quod est nobilis ex hac Urbe Familie nomen ex qua is est, esse loci unde ortus fuerit, quasi vero oriundus sit ex Albenaco, urbe in Vivariensi tractu) notandum, inquam, est eum argui nonnihil posse falsi, dum, postquam cap. 12. de rebus antiquis Nemausi ait Epitaphium Ildefonsi Ducis Narbonæ in Claustro majoris Templi hujus Urbis esse hac inscriptione: *Ildefonsus, Dux Narbonæ, de stirpe Raymondi, Comitis Tolosæ, Marchionis Provincie, fundatoris Sanctæ Sedis Neumafensis*, seque monumenta plura hanc in rem vidisse, minime dubitat notare ejus Epitaphii diem 15. Aprilis 1203.

Quamquam enim Alphonfus hic aut Ildefonsus fuisset Alphonfus II. Frater Raymondi V. vitæque cessisset eodem anno, quo Poncius, de quo verba facimus (quod quidem Historiæ repugnat, ex qua intelligimus Alphonsum admodum adolescentem aliquanto ante quam ex ephebis excederet, obiisse) & quamquam Alphonfi I. qui Cæsareæ anno 1147. mortem oppetiit, reliquæ sex, & quinquaginta ab ejus morte annis Nemausum delatæ fuissent, ut cum Raymondi Filii in majoris ædis claustro sepulti cineribus conjungerentur, tamen congruere, quod Dalbenas ait, cum Historia non potest, nisi ponamus duos fuisse Tolosæ Comites Alphonfi nomine, ut id fieri potuisse Deyronus excogitavit cap. 27. *Rerum Antiquarum Nemaufensium*. Ut tibi quod sentio patefaciam, arbitror idque non temere, Epitaphium illud quod Dalbenas refert, nihil aliud esse quam Inscriptionis, quæ in Tabulario nostro custoditur, fragmentum; quemadmodum illa ipsa est tantum ejus Inscriptionis compendium, quæ proposita est in Templi majoris hujus Urbis Odeo. Revera enim in utraque eadem est diei ejusdem nota. Tum vero nihil aliud potuit Dalbenas dicere, nisi hoc esse Alphonfi Epitaphium.

Satis profecto hæc sunt ut intelligas, nihil repugnare quominus Poncius, cujus inscriptionem ad te mitto, Filius fuerit Ildefonsi. Id unum ut dicam reliquum est, quo eumulatæ sit totius rei explicatio, hunc Raymondum, qui dicitur *Sanctæ Sedis Nemaufensis Ecclesiæ Fundator*, esse Raymondum II. ex Comitibus Tolosæ, quartum vero ex Comitibus S. Ægidii, & hujus Poncii Avum. Is est qui eam Ædem ditavit, iisque amplis donis auxit, quæ ex Regio Tabulario perspicimus, & quorum mentio fit pag. 69. in Indice *Anno Domini 1069. 4. Idus Julii, Regnante Philippo Rege, Raymondus de Sancto Ægidio, Comes Tholosanorum & Rbutensium, Dux Narbonæ, & Marchio Provincie, timens periculum animæ suæ & successorum suorum, in manu & præsentia Urbani II. Pontificis, & totius Sacri Concilii apud Nemausum tunc celebrati, desponsat Ecclesiam Nemausen-*

sem, eique donat & concedit omne quod habebat in Villa Fontiscoperta, &c. pro emendatione suorum præteritorum criminum, & adeptione futurorum bonorum, &c.

Utrum hæc Villa Fontiscoperta (aut Fontiscoperta) in qua totum illud erat quod dono datum est, sit is locus qui vulgo dicitur Fontcouverte in tractu Ucetia, an vero alius ejusdem nominis in regione Narbonensi, ubi habitum est Concilium anno 911. in præsentia nihil statuo. Dicam etiam alias, utrum præter Concilium Nemausense Urbano II. Pontifice, quod in ejus donationis monumento nominatur, alia tria habita Concilia sint; & quid sit ille Pagus Nemausensis, qui portus cognominatur: & utrum anno 897. sit habitum concilium illud, quod Baluzius inter Nemausensia concilia refert initio statim conciliorum Gallia Narbonensis; quod anno 1668. publici juris fecit. Id interim dicam, quibuscumque tandem verbis hæc donatio expressa sit, nihil prohibere quominus, ut communis est opinio, sacra ædes Nemausensis 1095. h. e. uno ante donationem anno sacrata fuerit.

Illud addam ejus ædis ministros, qui in Inscriptione dicuntur Viri unanimiter sub Regula Beati Doctoris Augustini viventes, prope finem undecimi Sæculi (ut putant) anno circiter 1080. institutos esse; etenim in Breviario autographo Aldeberti Episcopi Nemausensis anno 1170. conscripto legimus: Petrus Ermengandi cœpit habere Ca-

nonicos Regulares ad annum MLXXX. Item Bertrandus, ejus successor, cujus tempore consecrata est Ecclesia Nemausensis, & dotata a Raymondo. Interim quasi præteriens illud observa, ex iis verbis non colligendum esse Bertrandum in Petri Ermengandi locum proxime esse suffectum. Certum enim est inter eos alium Episcopum Nemausensem intercessisse: nempe Froterium, aut Prote-rium, cui Gregorius VII. Pontifex M. epistolam scripsit; quam inter Annales Baronius refert.

Utrunque res sit, ut ad Canonicos veniamus ejus temporis, quo Comes Raymondus opibus ædem auxit, hoc quoque notandum est, eos tunc temporis fuisse, ut ajunt Regulares, neque certo numero comprehensos: consecutis vero temporibus Sæculares, & ad certum redactos numerum Bulla Pauli III. die 12. Decemb. 1539. quod perfici expressis litteris Rex Henricus II. anno 1551. mense Augusto cum jussisset, post decreto Senatus die 12. aut 22. Septembr. sequenti anno 1552. fuit confirmatum.

Hæc satis esse, mi Frater, arbitror ut id tristitiæ dimittas, si quid ex eo, quod hanc Inscriptionem Nemausi non legeris, suscepisti. Si his de rebus quas ego conscripsi sententiam attuleris tuam, mihi gratum feceris. Illa ego natura sum, ut aliorum monitis utar; præsertim in hujuscemodi rebus, quas ut plurimum non nimis accurate, at relaxandi animi causa scribo. Quare si quid erratum deprehendes, æqui bonique facies.



VIGESIMAPRIMA DISSERTATIO

De singulari, & eximio antiquo Monumento nuper invento Parisiis.
Molineti ex Cænobio S. Genovefæ.



Næde Berrierii ad S. Eustachii, aliquot ab hinc annis ea parte, quæ hortum spectat, laborantibus operis, inventa sunt Parisiis muri orbiculati fundamenta, quæ profecto alicui vetusto, magnificoque Edificio, hoc est vel Templo, vel Palatio fulciendo jacta videntur esse. Etenim eruentibus Terram fossoribus ea altitudine quam duæ perticæ pertingerent, inter collapsæ cujusdam Turris ruderæ repertum mulieris caput est æneum, elegans quidem illud, sed aliquanto quam natura fert, crassius: gestabat illud Turrim, sublatos habebat oculos, fortasse quod erant argentei, quod in figuris antiquis valde usitatum erat. Ubi in Bibliotheca Abbatis Berrierii ego illud vidi, pro Nummorum notitia quamcumque habeo, illud ego Deæ caput putavi, quæ Parisiorum Ethnicorum tempore Patrona fuerit. Occurrunt enim sæpe Græci antiqui Nummi, quorum in averfa parte mulierum capita conspiciuntur cum Turribus, & Urbis nomine: Exempli causa, ANTIOXEON, ΛΑΟΑΙΚΑΛΩΝ.

Cum mihi cupido incessest quærendi quodnam illud Numen fuerit, quod aliquando Parisienses coluerint, magno mihi visus sum niti fundamento ut crederem eam fuisse Deam Isidem, tum quia in ejus capite Turris est, tum etiam quia ratio subest cur in honore apud Parisienses fuerit.

Ex plurium Scriptorum auctoritate constat, quæ a Græcis dicta est *Io*, ab Ægyptiis *Isis*, eam Cybeles nomine a Romanis esse cultam: scilicet Terram, aut Naturam ipsam, quam Ægyptii uxorem finxerunt esse Osiridis, nempe Solis, cujus ope fecunda Parens fieret rerum omnium, quæ ex ipsius sinu proficiscerentur. Hæc est Plutarchi, & Apuleii (a) sententia, apud quem alterum Isis ipsa ita loquitur: *Rerum Natura Parens sum omnium elementorum Domina*. Neque aliud esse

A Osirim, Macrobius (a) ait, quam Solem, neque aliud Isim quam Terram, atque Naturam.

B Et quidem tanta est inter effigies Isidis apud Ægyptios, & Cybeles apud Romanos, quas nobis Veteres reliquere, similitudo, ut facile perspicere liceat unam, eandemque fuisse. Cybeles quidem, ut in Nummis pluribus videre est, Turrim gestabat capite, Leonem adjunctum habebat, manu cymbalum ferebat, appellabaturque *Mater magna*, nempe mater rerum omnium, quæ natura est. Isis vero & ipsa Turrim capite sustinebat, ut plures species ostendunt, atque illa præsertim quæ Romæ, Leone X. summum Imperium tenente, reperta est, de qua nonnulli scripserunt; & ipsa adjunctos Leones habet, ut celeberrima illa Isidis picta Tabula demonstrat Eminentissimi Principis Cardinalis Bembi, quam Kircherius effingendam curavit. Ipsa Sistrum, hoc est instrumentum musicum manu tenet: Ipsa tandem dicta est Terra, ac Natura: Hinc illa pingitur multa habens ubera, cujusmodi in Museo Regio effigies est.

C Hanc Deam licet nomine vario, variaque specie totus venerabatur (b) Orbis: neque mirandum id est: Toti enim orbi illa profuerat. Observatum enim est Isidem fuisse Reginam Ægypti, & una cum Rege Osiride viro suo regnasse primis Israelitarum temporibus. Hæc enim Tacitus habet: *Regnante Iside exundantem per Ægyptum multitudinem Judæorum, in proximas terras exoneratam ferunt*. Prout erat magno animo mulier ad ardua quæque aggredienda parato, Liburnam navigandi causa parari, instruique jussit: & quidem in longinquas, & barbaras Terræ partes, quales tunc temporis Galliæ, & Alemannia erant, perrexit. Teste enim Tacito Suevorum fines ingressa est, ibique rudes ac rusticas nacta Gentes eas Deorum Religionem, Agriculturam, & sementem docuit: quibus rebuseo existimationis pervenit,

a Neque aliud esse Osirim quam Solem, & Isim quam Terram diximus, naturamque rerum. Macrobius lib. 1. Sat. cap. 11.

b Apul. cujus nomen circum, multifor mi specie, ritu vario, nomine multi jugo, totus vetus veneratur orbis.

ut ipsa Dea Terræ haberetur, cui se obstrictos esse ii populi fatebantur, quod Agrorum culturam, Deorum Religionem, res ignotas antea, ei primum accepta referrent.

Tacitus (a) ibidem etiam docet Suevos ei Liburnæ figura Divinos honores habuisse, ad ejus memoriam qua ea Regina vecta in ipsorum terras tam magnum beneficium intulerit. Juliani Apostatæ Ægyptios Nummos habemus, qui eam in Liburna positam exhibent; & Kircherius, alique Isidis imagines Liburnam manu gestantes suppeditant. Et revera Diodorus, & Apulejus eam præesse mari testantur, quorum alter eam ita loquentem inducit. *Navigabili jam pelago facto, rudem dedicantes carinam, primitias commeatus libant mei Sacerdotes.* Quippe quæ prima navigandi artem invexerit, aut certe velis utendi consuetudinem.

Nonnulli Auctores undenam Parisiorum insigne, quod navigium est, profectum sit, cum deprehendere non possent, ab Isidis usque signo, ejus rei, ut etiam ipsius nominis hujus superbæ Urbis ab eadem originem petiere: Parisii namque nomen Græcum multi putarunt, ductum a *παρά* & *ἰσ*, propter celeberrimum Deæ Isidis Templum. Hoc igitur statuendum est, & quidem ad hæc usque tempora hæc tenuit opinio, Isidi sacrum Templum fuisse, eo Terræ tractu qui hac nostra ætate ad Abbatem S. Germani *des Prez* pertinet. Utrum illud eodem in loco, ubi Abbatis sacra ædes hodie stat, extructum fuerit, an in Pago *Issy*, qui nomen inde mutuatus sit suum, an vero circa alibi, non facile dijudices. Ut ut res sit stetit Templum illud donec Galliam Christiana Religio pervasit, cumque dirutum fuit, Isidis simulacrum quod olim in honore fuit, libuit monumenti causa custodire, quod in Ædis, quam Childebertus extolli jussit, ac Divo Vincentio dedicati, angulo positum est, tanquam Religionis antiquorum per Religionem Christianorum devictæ, prostratæque Tropæum. Servatum illud est ad annum 1514. Tum vero Eminentissimus Princeps Brisconettus ejusdem loci Abbas cum illi simulacrorudes quasdam, ac superstitionas mulierculas cereos obtulisse intellexisset, removeri illud, frangique jussit. Narrat id de rebus antiquis Parisiorum Brevilius unus ex eo de quo locuti sumus cœnobio, additque se fando de sui temporis Fratribus audisse eam statuam iis videntibus comminutam esse. Qui memoriæ prodidit illud *κοινὸς* S. Germani in honorem S. Vincentii a Childeberto extructum, extructum etiam ait *in Urbe Parisiaca prope muros civitatis, in terra quæ aspicit ad Fiscum Issiacensem.*

Hæc Urbs, ut diximus, primum dicta est Parisii, quod esset prope Templum Isidis a *παρά*, & *ἰσ*, quod nomen toti regioni cujus illa caput est postea commune fecit: ipsa vero dicta est *Leucotecia*, aut *Lutecia* a græco nomine *λευκός*, *albedo*, quod albario opere iis domibus tectorum inductum esset. Mirandum non est si a Græcis Urbis Parisiacæ nomina derivata sunt, cum aliqua sit linguæ nostræ cum Græca affinitas: qua de re multi. Parisiorum igitur nomen totam regionem amplectitur, quæ appellata est proprio vocabulo *le Paris*, Urbs vero *Lutetia*, seu *Leucotecia*, vel *Locutitia Parisiorum*. Occurrunt hæc nomina in Commentariis Julii Cæsaris, in Strabone,

a Paris Suevorum Isidi sacrificat, unde causa & origo peregrino sacro parum comperi, nisi quod signum ipsum in modum liburnæ figuratum docet advectam Religionem.

in Ptolemæo, aliisque. Celeberrimum hoc Isidis Templum, unde toti Regioni, ac præsertim Urbi Regni Dominæ nomen, erat Collegio Sacerdotum, & Sacrificulorum commodo, qui *Issy* incoluisse creduntur, in oppido cujus aliqua in rudibus vestigia, sæculi hujus initio supererant, ut oculatus testis Brevilius de rebus antiquis Parisiorum affirmat. Plutarchus horum Isidis Sacerdotum mentionem facit: iis præcipiebatur castitas, raso capite, nudis pedibus, ac lineis tantum vestibus incedebant; hinc illi dicti *Linigeri*: hinc Juvenalis

B Nunc Dea Linigera colitur celeberrima turba.

Et infra

C Qui grege Linigero circumdatus, & grege calvo.

Ad paranda victui necessaria Sacerdotes ii tenuere totum Agrum, & *Fiscum Issiacensem*, & quidquid circum est usque ad Parisios, hoc est *Issy*, *Vanves*, & eum locum qui postea dictus est *Vaugirard*, & *Grenelles*, quorum locorum redditibus potiti sunt, donec eversa per Christianos homines illorum æde, ipsi quoque sublata sunt, bonaque eorum Christianis Sacerdotibus attributa, quorum partem Clodoveus Cœnobio, quod extruxit S. Genovefæ tribuit; nempe *Vanves Grenelles*, & partem *Vaugirard*.

Videtur factum id hortatu S. Remygii Archiepiscopi Rhemenfis, ubi hujus loci Templum dedicavit, cum primum Galliæ Christianum Regem institueret, cui dixit;

Incende quod adorasti.

D Ad excitandum Regem dicta videntur hæc, ut Isidis tantopere ab iis incolis cultæ ædem solo æquaret; hinc videtur ortum, ut ædes *ἡς παρὰ τῆς Curiae Vanvensis* (quæ ubi Christianæ Religionis nomen dedit instituta est) D. Remygio dedicaretur, tanquam in eum grati animi argumentum, cujus ope Ethnicorum Sacerdotum bona Fano D. Genovefæ adjudicata sunt. Hinc etiam hac quoque ætate D. Remygius ejus loci Patronus habetur.

E Childebertus Clodovei, qui aliquanto post institutum S. Germani cœtum baptismum suscepit, Filius, cætera quæ circa erant nempe agrum *Issy*, & *Vaugirard* ei tribuit. Hi profecto fundi erant Ethnicorum Sacerdotum, qui ad veri Numinis cultum postea assignati sunt, cum Rex Hugo Capetus ad Aram SS. Petri, & Pauli in Æde S. Genovefæ Christianæ Religionis jurejurando obstrictus est, quam servavit integerrime. In autographo eorum quæ Frater Simondus collegit hæc extant verba: *Ut Charta gloriosæ memoriæ Caroli Francorum Regis de possessionibus Diis gentium quondam dicatis, & divino cultui applicandis, in omnibus observetur.* Ex his conjicimus jam ante Regem Carolum Martellum, aut Carolum Magnum, aut alium Carolum, qui superioribus temporibus regnaverit id statuisse: ita ut postea confirmata donatio, non autem facta fuerit bonorum quæ ad Idolorum Sacerdotes attinebant; quæ idola jam longe ante una cum ipsis cultoribus conciderant.

F Hæc habeas de æneo antiquo capite, quod paucis ab hinc annis Parisiis inventum est, cujus exemplum ab ipso typo defunctum in Bibliotheca S. Genovefæ custoditur.

Certum est Evergetis epitheton, quod proprie beneficium sonat, fuisse apud Veteres, eorum viro- rum Principum, qui singulare aliquod in homines beneficium, aut in Deos officium contulissent. Ut nihil de Arimasps dicam, qui quod Cyrum, aut ut vult Stephanus, Argonautas benigne excepe- rint, Evergetes dicti sunt, in Oxonii Lapidibus e Græcia delatis cujusdam Dionysii mentio fit, qui appellatus est Evergetes, qui benefecit Diis Pa- triæ; & præterea Clinodemi, qui Deli Templo benefecit, atque Civibus.

Orosanges dicebantur a Persis benefici homines, eorumque benefacta publicis monumentis commit- tebantur, quod non modo ex Esther Historia, sed etiam ex Ethnicis Historicis pluribus habes. Hinc Josephus tradit Regem Artaxerxem edixisse, ut Mardochæus Evergetes, ac Servator nuncuparetur, ad ejus Eunuchorum conjurationis memo- riam, quam ille detexit.

Familiale Græcis fuit, ut Servatoris, ac Benefi- cii nomine is donaretur, qui aut ad Reipublicæ u- tilitatem, aut ad privatorum commodum magnum aliquid effecisset. Primis enim temporibus, ut au- ctor est Diodorus, non Regum Filii, aut consan- guinei, verum quos virtus, & in populum bene- facta commendarent, ii demum ad imperium ar- cessebantur. Ex hoc factum est, ut tot Reges in Deorum numerum referrentur, ac tanquam Dii a posteris colerentur. Etenim liberalitate potissimum ac beneficiis homines ad Deorum naturam viden- tur accedere. Quibus rebus intelligimus, quid ef- fet cur Reges tantopere Evergetis nomen affecta- rent. Itaque mirandum non est, si Græci ad assen- tationem, ac dicacitatem, prout bene, vel male cum iis actum erat, natura prout hoc nomine Re- ges suos ornare consueverunt. Illi, ut habes apud Demosthenem, fucata Philippi Macedonis virtu- te decepti eum Amicum, Beneficum, Servatorem nuncuparunt. Antigonus cognomento Tutor, ac Dator, quia semper pollicebatur, ac nihil dabat, totius Græciæ consensu merito, optimoque jure Evergetes audiit, quandoquidem cum Cleomenem Regem Spartæ prælio superasset, Urbemque vi expugnasset, singulari Clementiæ exemplo, pas- sus est eos cives liberos esse, ac legibus uti suis; quo facto, ut Polybius, ac Suidas prodiderunt, *Soteris* Servatoris est nomen postea consecutus.

Ante hoc Antigoni tempus, Demetrius Polior- cetes hoc est Urbium obsessor ab Atheniensibus in Urbem receptus, qui ut Athenas in libertatem vindicaret venisse dicebatur, ab ipsis servator, at- que beneficus est appellatus; iisdem titulis Antio- chum Epiphanem Samariæ cives exornarunt, ve- riti ne Judæa subacta ipsi bello peterentur. Nilus quoque aliquando, ut Julianus Imperator asserit, Regionis servator, ac beneficus dictus est, pro- pterea quod stato tempore quotannis Ægypti a- gros inundatione feraces reddit. Ubi porro in has vitales auras Osiris prodiit, audita est, ut Plutar- chus narrat, vox hæc: magnus ac beneficus Rex Osiris natus est.

Quocirca cum Evergetis cognomen Principum superbiam inflaret, id multi affectarunt, quo ab aliis quibuscum habebant commune nomen, di- stingerentur. Regum Ægyptiorum ferme om- nium nomen Ptolemæus erat; Tertius vero Rex, ut alium se a Patre, atque Avo esse demonstraret, Evergetis cognomen sibi adscivit. Ejus rei rationem reddit D. Hieronymus, quia cum is in Syriam, ac Babylonem exercitum duxisset, inter cætera hostium spolia, sacra vasa quoque, atque Ido- la Deorum ex Ægypto jam per Cambysem in Per- sidem asportata, is in Ægyptum retulit. Patrem imitatus minor Filius Ægypti Rex septimus, quem

irridendi causa *φύσικονα ventriosum* dicebant; esse Ægypti Regum omnium scelestissimus fuit, & belluæ, quam homini similior, tamen Evergetes se- cundus dici voluit. Contra vero ab Alexandrinis *κακουργέτης* maleficus dictus est, quippe qui fuit crudelissimus.

Syriæ Reges inter alios maxime hoc Epitheton concupierunt, ut ex ipsorum Nummis constat, in quibus sæpe occurrunt Alexander Eupator E- vergetes, Demetrius Philometor Evergetes, Phi- lippus Evergetes Philadelphus, Antiochus Ever- getes. Mithridates Rex Ponti, Pater Magni Mi- thridatis cognomento Eupatoris, a Strabone, Ap- piano, in Nummis, & Inscriptionibus dictus est Evergetes. Eorum exemplum Parthorum Reges secuti sunt: Arxanes enim, ut liquet ex ejus Nummo, dictus est Rex Regum, Justus, Everge- tes, *φιλέλλην*, amator Græcorum; Arsaces vero, ut ex alio patet, Evergetes, Justus, Epiphanes, hoc est Illustris, aliisque hujus generis nominibus cumulatur. Ubi Græcorum rebus Romani potiti sunt; iisdem titulis Imperatores Græci exorna- runt. Hinc Philo Hebræus Græcos imitatus Im- peratorem Augustum, ut & Caligulam Servato- rem, & Evergetem nuncupavit. Redeunte ab Judæa Vespasiano, & victo per Constantinum Tyranno Maxentio, eadem nomina suis Impera- toribus Romani tribuerunt.

Ut ad Pylæmenem, de quo agimus, reverta- mur, cujus beneficii causa Evergetis nomen sit consecutus difficile est assequi conjectura. For- tasse fecit id ut Regem Mithridatem, Ptolemæum Secundum, Alexandrum Balam, qui eo tempore regnarunt, quo adversus Aristonicum Populus Romanus bellum suscepit, imitaretur: quare adducor, ut credam hunc eum esse Pylæmenem, qui contra Aristonicum Populo R. opem tulit. Po- steriorem enim Pylæmenem, quem Scriptores A- micum Populi R. sæpe dicunt, credendum est po- tius *φιλορωμαίος* nomine donatum, quod sonat *amicum Romanorum*, quemadmodum ejus finitimi Cappadociæ Reges Ariobarzanes, & Ariarathes, ut non modo ex Cicerone, sed etiam ex ipsorum Nummis intelligitur, id nomen usurparunt: quem- admodum etiam Castor Deiotari Pater postremus Paphlagoniæ Rex, si Suidæ fidem habes, *φιλορω- μαίος* appellatus est.

Explanato nomine, atque epitheto Pylæmenis Evergetis, ad typum transeo in Nummo expres- sum, in quo quidem explicando non minus obo- ritur difficultatis. Ex una parte Mercurii cadu- ceum vides. Erat is, Scholiaste Thucydidis teste, virga duobus serpentibus se mutuo intuentibus implicata, quod erat pacis, & concordiæ, & quæ inde proficiscitur felicitatis publicæ signum. Hinc Homerus vocat:

Ολβη καὶ πλεῖστ' περιπαλλέα ῥάβδον.

Beatitatis, ac divitiarum perpulchram vir- gam.

Quid enim, ex Ciceronis sententia, pace ama- bilius, qua non solum animantia, sed ædes ipsæ atque agri exultare videntur? Ita ut valde proba- biliter liceat conjicere, caduceum ad Evergetis nomen pertinere, quasi id significet, parta per eum Regem iis populis pace, ac tranquillitate, eos felicitatem, & rerum omnium copiam esse consecutos.

Nihilominus tamen hic Mercurii caduceus re- ferri etiam ad Mercurii, & Ius cultum posset, quod ad averſæ partis typum accommodatius foret. Bovis, aut Vaccæ caput effictum vides, cujus rei

rationem reddere, cum ad nos minima Paphlagonia, ejusque Historiæ notitia pervenerit, difficilimum est. Bœoti quidem, & Eubœi hoc typo in Nummis usi sunt; sed quid illi cum Paphlagonibus commune habere potuerint nihil video.

Quod minus a veritate abhorrens dici potest, istud est: Græci suam opinionem, atque in Deos pietatem, ac Religionem Nummis patefacere consueverunt. Paphlagonum primum Auctorem Rhiphum Gomer Filium teste Josepho habuere; aucti deinde sunt Ægyptiorum colonia, quo factum est, ut Ægyptiorum posterius crederentur. Paphlagonum, ut apud Stephanum Constantinus Porphyrogenetes affirmat, origine sunt Ægyptii, Phineus postea primus eo loci coloniam deduxit, cui cum Filius esset nomine Paphlagon, ea regio Paphlagonia dicta est. Caterum si Istri Commentarii de Ægyptiorum coloniis non periissent, fortasse hoc in Nummo explicando non tantopere angeremur.

Verum quoniam non satis luminis ad veritatem clare intuendam suppetit, experiamur utrum ex hoc Labyrintho quasi tentabundi expediri possimus. Nota est Ius Inachi filiæ fabula, quam postquam compressit Jupiter in Juveneam transformavit, cui Juno Argum, qui centum habebat oculos, custodem apposuit, quibus tamen prohibere non potuit quominus caduceo, ac tibia sopitus a Mercurio interficeretur. Quam ob rem irata Juno illi cæstrum immisit, quo exagitata ac furens multa loca pervasit, Bosphorum Thraciæ penetravit (cui dicitur illa dedisse nomen) & in Ægyptum usque perfugit, ubi commiseratione permoto Jove pristinam formam recuperavit, & Regi Osiridi nupsit. Tum Ægyptiis omnibus adeo accepta fuit, & culta, ut post mortem Dea habita sit, quam illi Isidem appellarunt. Scribit Herodotus juvenecas ab Ægyptiis, & omnium armentorum fœminas ei esse sacras, quæ bovis cornibus, ut auctor est Diodorus, ac Philostratus, apud eos, ut apud Græcos Iorepræsentabatur. Plutarchus vero narrat Orum abreptum ira ex capite ornamentum regium Isidi matri suæ abstulisse, quapropter aliud ex bovis capite instar galeæ formatum Isidi a Mercurio missum esse. Astarte quoque, ut memoriæ prodidit Eusebius, magna Phœnicum Dea bovis caput pro ornamento regio, capite gestabat.

Mirandum igitur non est si Paphlagonum ad suam

erga Isidem venerationem, & ex Ægyptiis originem indicandam, hic bovis caput hoc Nummo obtulere. Erat enim in more positum, ut Coloniæ ejus loci Numina ac cæremonias custodirent, unde deductæ essent. Quod fecerunt & Eubœi, qui bovis capite tanquam symbolo utebantur ad memoriam tradendam posteris, quod Io in quodam Eubœæ antro Epaphum enixa est, cujus rei causa ea Insula dicta est Antrum Bovis.

Sed ad hanc confirmandam sententiam duo præterea momenta afferri possunt. Alterum est origo superioris Pylæmenis, qui ex stirpe Agenoris erat. Agenor autem Phœniciæ Rex filius erat Neptuni ex Lybia, vel ut alii volunt Beli, qui Neptuni fuit ex Lybia Filius; Lybia vero Filia Epaphi, & Epaphus Ius Filius. Alterum est quod Phineus, qui primum ex Ægypto in Paphlagoniam Coloniam deduxit, Agenoris filius fuit; ita ut Paphlagoniæ Regum illustres majores non modo Agenor, Phineus, & Paphlagon, sed etiam Io fuerint. Quibus rebus confirmatur, quod Plutarchus prodidit, nempe Io non solum apud Barbaros divinos consecutam esse honores, verum etiam multarum nobilium, ac Regiarum stirpium originem fuisse.

Tandem caduceum ad cultum quoque Ius, & Isidis, ac Paphlagonum originem referri posse quis non videt? Etenim ea mystica virga Mercurius Argum sopivit, Io liberavit, & veram inter Osiridem, atque Isidem amicitiam perpetuo servavit, ut multi Scriptores tradiderunt. Antequam finem facio ex Macrobio illud addo, caduceum cum alis, ac serpentibus, cujusmodi hic vides, Ægyptiorum esse inventum. Nihil addo præterea veritus ne caduceus, cujus est sopire, soporem tibi inducat, aut saltem eam molestiam exhibeat, qua æquo longiores hæ tibi litteræ videantur. Dabis tamen, ut arbitror, facile veniam huic, quod in Antiquitatis arcana studium foveo. Eos ego fortasse imitatus sum, qui cum longinquas terras peragrandas sibi proposuerint, per calles & anfractus decurrunt, ut quo intenderint quocumque tandem modo perveniant. Quod si quis viam ea tutiorem quam ego ingressus sum munierit, gloriosum mihi fore putavero ejus vestigiis insistere, ejusque sententiæ adhærescere. Vale.

VIGESIMATERZIA DISSERTATIO

De Inscriptione antiqua in Hortis Palestrinis Romæ, qua Instituta Collegii Æsculapii, & Salutis continentur.

¹ SALVIA. C. F. MARCELLINA OB
MEMORIAM FL. APOLLONI PROC.
AVG. QVI FVIT A PINACOTHECIS ET
CAPITONIS AVG. L. ADIVTOR. EIVS
MARITI OPTIMI PISSIMI DONVM
DEDIT ² COLLEGIO AESCVLAPI ET
HYGIAE LOCVM AEDICVLAE CVM
³ PERGVLA ET ⁴ SOLARIVM TECTVM
IVNCTVM IN QVO POPVLVS COLLEGI
SS. EPVLETVR QVOD EST VIA APPIA
⁵ AD MARTIS INTRA MILLIARIVM I
ET II AB VRBE EVNTIBVS PARTE
LAEVA INTER ADFINES VIBIVM
CALOCAERVM ET POPVLVM ITEM
EADEM MARCELLINA COLLEGIO SS.
DEDIT DONAVITQVE HS L. M. N.
HOMINIBVS N. LX. SVB HAC
CONDITIONE VT NE PLVRES
ADLEGANTVR QVAM NVMERVS SS.
ET VT IN LOCVM DEFVNCTORVM
LOCA VENIANT ET LIBERI
ADLEGANTVR VEL SI QVIS LOCVM
SVVM LEGARE VOLET FILIO VEL
FRATRI VEL LIBERTO DVMTAXAT
VT INFERAT ARKAE N. PARTEM
DIMIDIAM ⁶ FVNERATICI ET NE
EAM PECVNIA SS VELINT IN
ALIOS VSVS CONVERTERE SED VT
EX VSVRIS EIVS SVMMAE DIEBVS
INFRASCRIPITIS LOCVM CONFRE-
QVENTARE EX REDITV EIVS SVM-
MAE SI QVOD COMPARAVERINT
⁷ SPORTVLAS HOMINIB. N. LX EX
DECRETO VNIVERSORVM QVOD
GESTVM EST IN ⁸ TEMPLO DIVORVM
IN AEDE DIVI TITI CONVENTV
PLENO QVI DIES FVIT V. ID. MART.
BRVTIO PRAESENTE ET IVNIO RV-
FINO COS. VTI ⁹ XIII. K. OCT. DIE
FELICISSIMO N. ANTONINI AVG. N.
PII P. P. SPORTVLAS DIVIDERENT IN
TEMPLO DIVORVM IN AEDE DIVI
TITI C. OFILLIO HERMETE Q. Q. P. P.
VEL QVI TVNC ERIT ¹⁰ * III. AELIO
ZENONI PATRI COLLEGI * III. SAL-

VIAE MARCELLINAE MATRI COLLE-
 GI * III. IMM. SING. * II. CVR. SING.
 * II. POPVLO SING. * I. ITEM PL. PR.
 NON NOV. ¹¹ N. COLLEGI DIVIDE-
 RENT EX REDITV SS. AD MARTIS
 IN SCHOLAM PRAESENTIBVS QQ.
 * VI PATRI COLLEGI * VI MATRI
 COLLEGI * VI IMM. SING. * III. CVR.
 SING. * III. PANES III VINVM MENSU-
 RAS QQ ¹² f VIII. PATR. COLL. f VIII
 IMM. SING. f VI CVR. SING. f VI PO-
 PVLO SING. f III ITEM PR. NON. IAN.
¹³ STRENVAS DIVIDERENT SICVT SS.
 EST XIII K. OCT. ITEM VIII K. MART.
 DIE ¹⁴ K ARAE COGNATIONIS AD
 MARTIS EODEM LOCO DIVIDERENT
 SPORTVLAS PANE ET VINV SICVT
 SS EST PR. NON. NOV. ITEM PRID.
 MART. EODEM LOCO CENAM QVAM
 OFILLIVS HERMES QQ OMNIBVS AN-
 NIS DANDAM PRAESENTIBVS PRO-
 MISIT VEL SPORTVLAS SICVT SOLI-
 TVS EST DARE ITEM XI. K. APR.
¹⁵ DIE VIOLARI EODEM LOCO PRAE-
 SENTIBVS DIVIDERENTVR SPORTV-
 LAE VINV PANE SICVT DIEBVS SS.
 ITEM VI. ID. MAI ¹⁶ DIE ROSAE EO-
 DEM LOCO PRAESENTIBVS DIVIDE-
 RENTVR SPORTVLAE VINV. ET PANE
 SICVT DIEBVS SSS. EA CONDICIONE
 QVA IN CONVENTV PLACVIT VNI-
 VERSIS ET DIEBVS SS. II QVI AD EPV-
 LANDVM NON CONVENISSENT
 SPORTVLAE ET PANE ET VINV EO-
 RVM VENIRENT ET PRAESENTIBVS
 DIVIDERENTVR EXCEPTO EORVM
 QVI TRANS MARE ERVNT VEL
 QVI PERPETVA VALETVDINE DETI-
 NETVR ITEM. P. AELIVS AVG. LIB.
 ZENON EIDEM COLLEGIO SS. OB
 MEMORIAM M. VLPI AVG. LIB. CAPI-
 TONIS FRATRIS SVI PISSIMI DEDIT
 DONAVITQVE HS. X. M. N. VTI EX
 REDITV EIVS SVMMAE IN CONTRI-
 BUTIONE SPORTVLARVM DIVIDE-
 RENTVR QVOD SI EA PECVNIA OM-
 NIS QVAE SS. EST QVAM DEDIT DO-
 NAVIT COLLEGIO SS. SALVIA C. F.
 MARCELLINA ET P. AELIVS AVG. LIB.
 ZENO IN ALIOS VSVS CONVERTERE
 VOLVERINT QVAM IN EOS VSVS QVI

SSS. QVOS ORDO COLLEGI NON DECREVIT ET VTI HAEC OMNIA QVAE SSS. SVIS DIEBVS VT ITA ET ANT. DIVIDANTQVE QVOD SI ADVERSVS EA QVID EGERINT SIVE QVID ITA NON FECERINT TVNC Q. Q. VEL CVRATORES EIVSDEM COLLEGI QVI TVNC ERVNT SI ADVERSVS EA QVID FECERINT Q. Q. ET CVRATORES SS. VTI POENAE NOMINE ARKAE N. INFERANT HS XX. M. N. HOC DECRETVM ORDINI N. PLACVIT IN CONVENTV PLENO QVOD GESTVM EST IN TEMPLO DIVORVM IN AEDE DIVI TITI V. ID. MART. C. BRVTIO PRAESENTE A. IVNIO RVFINO COS. Q. Q. C. OFILIO HERMETE CVRATORIB. P. AEL. AVG. LIB. ONESIMO ET C. SALVIO SELEVCO.

Hanc inscriptionem distinctis verbis, & litteris si libet exscribas ex Miscellaneis Sponii Sect. 2. Artic. XI.



I Alvia Marcellina dives, ac nobilis matrona Romana in memoriam Flavii Apollonii Procuratoris, qui fuit ab Augusti pinacothecis, & in memoriam M. Ulpii Capitonis Viri sui, qui adiutor fuit Flavii Apollonii, Collegio Aesculapii, & sanitatis. locum aediculae dono dedit, & praeterea ingentem pecuniarum copiam hoc est quinquaginta millia sextert. quae ad monetam nostrae rationem reducta valent bis mille & quingentis, uti vocant *scutatis*, ut liquet ex iis, qui de Sextertiis, & moneta Veterum tractarunt, inter quos Budaeus, & Gronovius quisque volumen confecit. Apparet ex ipso eleganti Lapide in quos usus ejus summæ redditus infumendi sint. Nimirum ut statis anni festis diebus multa parva dona distribuerentur. Quò factum est, ut illa Collegii mater diceretur, Publius vero Zenon levir Pater Collegii, quia decem millia sextert. dono dedit.

2 Hoc Aesculapii Collegium, ut ex ipso Lapide apparet, erat societas hominum sexaginta, qui statis annis diebus conveniebant, ut pro iis facra facerent, qui Aesculapii, & Hygiae opem implorerent, atque ut ultro, citroque invitati epularentur.

3 Pergula, quæ vox in inscriptione est, proprie est tectum extra parietem porrectum, cujusmodi Genuæ videas in depressioribus viis, in quibus satis magna extant hujusmodi tecta ligneis fulta columnis; sed & in alijs urbibus in plateis publicis. Veteres venales pictas Tabulas in pergulis collocabant. Apelles, ut est apud Plinium, in pergula suas picturas deferabat, atque ipse post Tabulas latens vitia, quæ a populo notarentur, ut emendaret, auscultabat: *perfecta opera proponebat in pergula transeuntibus &c.*

4 Solarium erat instrumentum, quo horæ ad

A solem cognoscebantur: sed solarium dicitur etiam locus editus in domo, & aprius, in quo Veteres apricantes ambulabant. Ut ex Isidoro, & Glossario Cyrilli, & hoc loco intelligimus.

Ad Martis, intellige *Aedem*. Aedes Martis erat extra portam Capenam Via Appia. Hinc dicta est aedes *Martis extramurani*. Titus Livius: *Cum omnes extra Capenam portam ad Martis aedem convenire juniores armatos jussisset*.

B 6 *Funerarium*, est pecunia in funera impensa, quæ aliquando modum excessit, aucto Romanorum luxu. Nero in Poppææ funeribus tantum casæ, ac cinnamomi infumit, quantum uno anno non fert Arabia tota. Nero autem *funeratus est*, sunt verba Suetonii, *impensa ducentorum millium*, quæ docente Meursio efficiunt, ut vulgo dicunt, duos milliones.

C 7 *Sportulae* erant munuscula argenti, quæ cum pane, & vino certis quibusdam festis, alijsve solemnibus anni diebus distribuebantur. Plerumque erant Nummi argentei qui ad monetam nostram revocati respondent septem solidis & semis, verum cum Imperatorum, aliorumve nobiliorum hominum jussu hæ largitiones fiebant, nummi dabantur aurei. Itaq; Trebellius Pollio de his largitionibus in Consulatu Imperatoris Gallieni factis locutus, memoriam prodidit eum sportulam cuilibet Senatori, & cuilibet Matronæ nummos aureos sui nominis impertitum esse. *Senatus sedens sportulam erogavit, matronas ad consulatum suum rogavit, iis denique manum sibi osculantibus, quaternos aureos sui nominis dedit*. Hic etiam mos erat, ut qui consulatum inirent, hæc munuscula amicis suis mitterent. Symmach. lib. 9. ep. ult. *sportulam consulatus mei, & amicitiae nostræ & honori tuo debeo; hanc in solido misi*.

Ex eo factum est, ut hæc munera *Sportulae* dicerentur (ceterum sportula parvam sportam significat) quia ea dona parvis sportis ferri solebant. Confirmat id Corippus lib. 4. de Consulatu Imperatoris Justiniani, ubi ait,

*Dona Calendarum quorum est ea cura parabantur
Officia & turmis implent felicibus aulam:
Conveſtant rutilum ſportis capacibus aurum.*

Hinc eſt quod in Græcis gloſſis ſportulæ ita explicantur, ut ſint munera, quæ corbulis mitterentur. Cum his ſportulis Conſules tabellas argenteas, aut eburneas dabant, in quibus ipſorum nomina ſcripta erant; quocirca Faſti dicebantur. Sidonius lib. 8. Epist. 6. ad Numatium, ubi de Aſterii Conſulatu verba facit. *Spōrtularum, ac Faſtorum diſtributorum mentionem facit: ut primum, inquit, brevi peracta nec brevis Sportula datique Faſti.* Cæteri quoque cum magiſtratus inirent ad amicos munera, ſed minoris pretii mittebant.

8 *Templum Divorum*, hoc proſecto Templum ſacratum erat Imperatorum manibus, & eorum præcipue, qui in Deorum numero relati erat. Arbitror hoc illud eſſe, quod Romæ primum Auguſto dedicatum fuit, ac deinceps Cæſaribus omnibus, quos cultu poſteri proſequebantur. Titus cellam, aut ædiculam habuit, quo Æſculapii, & Hygiæ collegium conveniebat.

9 Dies 19. Septembris, ſeu more Romano XII. Calendas Octobr. Erat natalis dies Antonini Pii, ut non modo ex hoc Lapide liquido conſtat, ſed ex Calendario etiam tempore Conſtantini, & a Lambecio in deſcriptione Bibliothecæ Imperialiſ in lucem edito: extant in hoc Calendario dies natales multorum Imperatorum, & eorum præſertim, qui probitate commendantur, quorum memoria per aliquem diem feſtum ſervabatur. Eum ſignat natalem diem Antonini Pii Capitolinus.

10 * Hæc eſt Romani nummi nota. Inter hos Nummos, qui diebus ſolemnibus dividebantur, & Nummos argenteos in quibus, ac præſertim in conſularibus ea nota conſpicitur minimum diſcriminis intercedebat, tametſi pro dierum, quibus dabantur hæc munera, ſolemnium varietate, nummi variis typis ſeligerentur. Exempli gratia Ludis Circenſibus dabantur nummi in quibus expreſſi currus erant duobus, aut quatuor equis vecti, dicti *bigæ*, aut *quadrigæ*, quapropter ipſi nummi *bigati*, aut *quadrigati* dicti. Aut vero alii nummorum typi erant, qui ad ludos eos aliqua ratione pertinerent. Ut in Nummis, quos *Conturniati* vocant Athletæ repræſentantur, qui eo tantum facti videntur, ut darentur Victoribus: Heroes etiam priſci in iis efficti erant tamquam exempla Athletis propoſita, aliſque quorum commodum his ludis ageretur. Dabantur nummi quoque Imperatorum, qui tum viverent, forma ſignati, qui ſunt Nummi Imperatorii, cujuſmodi ſunt majores Nummi noſtri, qui mea quidem ſententia non pro Nummis vulgaribus habebantur.

11 Dies natalis collegii, hoc eſt inſtituti collegii

dies, in cujus memoriam ſportulæ duplicabantur.

12 f. Hanc notam Sextarium potius, quam ſtertium interpretor; ſuperius enim agitur de vini menſuris; præterquam quod hæc nota duas priores duarum priorum ſyllabarum, quæ in voce *Sextarius* ſunt, litteras S. & T. complectitur.

13 Vox *ſtrenua* pro *ſtrena* obſervatione digna eſt. Primis Romanæ Reipublicæ temporibus ſtrenæ dabantur ſtrenuis, hoc eſt iis, qui ſe animoſe geſſiſſent. Hinc *ſtrenuæ* ſeu *ſtrenæ* nomen his donis factum, ut & Deæ *Strenuæ*, cui, ut apud Publium Victorem habes, Romæ in quarta regione extructum Templum eſt.

Conſecutis temporibus Viris Principibus, atque amicis hæ ſtrenæ ineunte anno dari ceperunt, neque ſolum primo ineuntis anni die, ſed aliquando etiam aliis, ut ex hac apparet inſcriptione.

14 *Die caræ cognationis*. In Calendario ruſtico ad menſem Februartium reſertur iſte dies, qui Faſti extant Romæ in Lapide antiquo. At in Calendario Conſtantini, quod ſuperius appellavimus, hæc feſta dicuntur Chariftia, quod idem ſignificat. Valerius Maximus lib. 2. quid eſſent illa tradit. *Convivium, inquit, ſolemne majores inſtituerunt, idque Chariftia appellaverunt, cui præter cognatos, & affines nemo interponebatur, ut ſi qua inter neceſſarios querela eſſet orta, apud ſacramenſæ, & hilaritatem animorum, fautoribus concordie adhibitis tolleretur.*

15 *Die violari*. Hic dies non recenſetur in Calendariis antiquis: ſed ex hoc Lapide intelligimus celebrari die 22. Martii, quo tempore violæ ſe ſe exerere incipiunt, verque portendere.

16 *Die Roſæ*. Neque dies hic in Calendariis, quæ habemus Veterum Romanorum invenitur; fortasse quia feſtis, quæ *Floralia* dicuntur, hoc eſt Feſta Florum, continetur. Calendarium quidem Conſtantini Roſarum feſtum designat iis verbis *Macellus roſas ſumat*, hoc eſt *Macellum roſis ornatur*, quod proſecto Laniorum feſtum erat, qui floribus Macellarias Tabernas exornabant; ſed illud celebrabatur duodecim diebus ab eo, cujus hic Lapis meminit, quod agebatur x. Cal. Junias.

17 *C. Bruttio Præſente, A. Junio Ruſino Coſſ.* Hic conſulatus geſtus eſt, anno Domini 154. Huius Inſcriptionis ope, error qui in Faſtos Capitolinos irrepiſit, emendatur, ubi hic alter Conſul, pro Aulo Junio Ruſino, Antonius Ruſinus nuncupatur. Caſſiodori quoque error corrigitur, a quo appellatur ille Ruſus. Notandum eſt Bruttium Præſentem non hic dici Conſulem ſecundum, ut neque a Caſſiodoro. Equidem arbitror alium Bruttium ſecundo fuiſſe Conſulem cum Antonino.

Nunc res ipſa monet, ut alia Collegia, quæ in antiquis Inſcriptionibus deprehendimus, in medium afferamus.

Collegium Dendrophorum.

P U T E O L I S.

EX S. C. DENDROPHORI CREATI QVI
SVNT SVB CVRA XVVIR ST. CC. VV.
PATRON. L. AMPIVS STEPHANVS SAC.
M DEI QQ. DEND. DEDICATIONI HVIVS
PANEM VINVM ET SPORTVLAS DEDIT

C. VALERIVS PICENTIVS
N. V. S.
C. IVLIVS HERCVLANVS
LONGINVS IVSTINVS
A. FIRMIVS POLYBIVS

C. LISIVS CRESCENTINVS
L. DECIMIVS FELINVS
CVPIENNIVS PRIMITIVVS
M. MINICIVS SABINVS
M. IVNIVS AGRIPPINVS

A. CAMELIUS PROTOCENSIS
 A. AGNANIVS FELICISSIMVS
 C. LITRIVS FORTVNATVS
 TI. IVLIVS CALLINICVS
 Q. CVRTIVS SCEMANVS
 L. OPIIVS LESIGINVS
 M. HERENNIVS ZERAX
 C. LISIVS. PVDENTINVS
 A. FIRMIVS FELICIANVS
 M. BABBIVS SODALVS
 L. MODESTIVS HILARVS
 L. ORFIVS MAXIMINVS
 C. IVLIVS GAVDITVNVS
 L. LOLLIVS VIATOR
 M. CVRIVS NIANVS
 C. MARTIVS VITALIS
 AERELIVS LVCIVS
 C. IVLIVS DIANENSIS
 C. ANTONIVS LVCILIANVS
 C. MAGIVS CRESCENTIANVS
 C. IVLIVS COGITATVS
 C. IVLIVS CERIALIS
 C. HERENNIVS SABINVS
 L. ORFIVS MAXIMVS
 N. POLLIVS PRIMVS SEN.
 C. LITRIVS MAIOR
 L. DECIMIVS FAVSTVS
 C. IVLIVS SEVERVS
 C. NAVTIVS PYNTPOPVS
 N. VIBIVS SPERATVS
 L. PACIVS MAXIMINVS
 Q. GRANIVS GEMELLVS
 M. GRANIVS MVRCIANVS
 Q. SERVIVS NICETIANVS
 C. LISIVS. SECVNDINVS
 C. PVBLILIVS GENIALIS
 L. CONNIVS CASTRENSIS
 Q. GRANIVS CHORINTVS
 TI. IVLIVS ATAINOPO

A Q. GRANIVS IANVARIVS
 C. TVRRANIVS PRISCVS
 L. PLAUVTIVS VICTOR
 A. FIRMIVS SEVERVS
 C. FVLLONIVS TERTIVS
 T. FLAVIVS ARCHILAVS
 M. VALERIVS SYNTROPVS
 M. VALERIVS IANVARIVS
 N. LVCIVS CYRICIVS
 C. IVLIVS CARITO
 M. MALLONOVVS SEVERIANVS
 B C. CARTILIVS IRENICVS
 N. POLLIVS PRIMVS IVN.
 C. TITILIVS PRIVATVS
 L. MARCIVS MARVLEIVS
 Q. GRANIVS GEMELLVS
 C. CLODIVS MERCVRIVS
 N. VIBIVS SVPER
 C. TVSCENIVS COMMVNIO
 M. STENNIVS MARCELLINVS
 M. VALERIVS EYTYCHES
 C. RVFIVS SELEVCVS
 L. GENTIVS NICO
 L. PEDANIVS FAVSTINVS
 C NAEVIVS POLLIVS PRISCVS
 IVLIVS DECIVS FELICIVS
 M. SAGARIVS SEDATVS
 C. TOSCENIVS PRIMITIVS
 M. SAMIANTVS CRESCENS
 P. CARSICIVS FLORIANVS
 C. STATRIVS FELICISSIMVS
 T. MINITIVS VERATINVS
 M. PLAUVTIVS HILARVS
 M. SAMILARIS FORTVNIVS
 C. IVNIVS MERCVRIVS
 C. IVLIVS CRESCENS
 C. AVRVCNVLEIVS
 E. FLAVIVS CELER
 SAMIARIVS SILVANVS

DEDICATA VII. ID. OCT. III. ET SEMEL COS

In Lapidibus antiquis Collegii Dendrophorum mentio sæpe incidit; tamen quodnam genus hominum fuerit illud, non licet facile intelligentia consequi. Rem in diversum Auctores trahunt. Salmastus in suis commentariis in Spartianum de vita Caracallæ, ait, Dendrophoros dictos, qui in honorem alicujus Dei arbores stirpitibus excisas per Urbem humeris ferrent, a vocabulo δένδρον, hoc est, qui arborem fert. Hinc Sylvanus Dendrophorus in veteri saxo apud Gruterum. Deus enim hic effingitur ramum Pinæ aut alius arboris ferens: ut vidimus in Musivo, quod explicuimus superius huius operis differt. 2. Artemidorus de præagiis somniorum ait, qui sibi videntur in somniis choreas ducere Baccho, aut gestare thyrsus, aut arborem, aut quidpiam aliud quod Baccho gratum futurum sit agere, eos, nisi servi sint, in magno periculo versari. Ex quibus licet colligere in Bacchi festis maxime arbores deferri consuevisse. Itaque in anaglyptis ubi expressa Bacchanalia sunt, sæpe occurrunt qui arbutuleas, aut ramos ferant.

Videtur confirmari sententia hæc lege xx. Codicis Theodosiani tit. de Paganis & Templis. Omnia loca, inquit, quæ Frendiani, quæ Dendrophori, quæ singula quæque nomina, & professiones gentilitiæ tenuerunt, epulis vel sumptibus deputata, fas est hoc errore submoto, compendia domus nostræ sublevare. Itaque huic opinioni si adhæreas, Dendrophoros non artifices dicendum est fuisse, sed id esse nomen religionis, vel superstitionis.

Verumtamen non minus videtur vero similis contraria sententia, quam doctissimi homines tuentur,

qui putant Dendrophoros ita fuisse appellatos, qui materiam ad bellicas præcipue machinas adveherent.

Atque hinc est quod ex eo Collegio homines plerumque cum Fabris, quorum erat machinas, ac materiam bello opportunam parare, & cum centonariis, qui castrensem suppellectilem suppeditabant, de quibus dicemus infra, sæpe conjunguntur. Centonarii cum Dendrophoris conjunguntur etiam tit. 8. lib. 14. Codicis Theodosiani, ubi jubet Imperator Constantinus quibuscumque illi in Urbibus reperiantur Dendrophoros cum collegio Centonariorum, & cum Fabris tignariis confociari. Quibus rebus quanam esset ipsorum professio certo cognosci non potest; hoc tantum intelligimus, fuisse hoc opificum collegium, quibus cum iis res esset, qui res ad bellum necessarias ministrabant. Quapropter nihil mirandum est si eos Senatus creabat, quod ex superius posito lapide manifestum est, erantque sub cura quindeceimviri, quo Patrono, & Auspice statuam aliquam dedicaverint, & Panem, Vinum, ac sportulas dederint vii. Idus Octobr. quod additum est Consulibus nomen profecto corruptum est: Nam Capacius Auctor Historiæ Neapolitanæ, a quo hanc inscriptionem mutuati sumus, mendis non vacat.

His quæ adhuc dixi illud addendum est, in inscriptione quam ex manu scriptionibus Eminentissimi Principis Barberini allaturus sum, Dendrophoros appellari Fabros. Neque enim, ut in aliis Lapidibus ibi legimus Colleg. Fabror. & Dendrophorum, sed tantum Colleg. Fabrum Dendrophorum.

phor. ex quo intelligis eos in eadem professione recen-
censeri.

Romæ, ad B. Virginis Trans Tiberim.

M. VLPIVS AVG. L.
PHILETVS
M. VLP. ARVATI NEP.
ANNI PRIMI MAG. QVIN
QVEN. COLLEG. FABRVM
DENDROPHOR. NOMINE
M. VLPI ARVATIANI NEP.
SVI ALLECTI IN ORDIN.
DECVRION. IIII. H. H. DEI SOLI
INVIC. MITRAE SIG
NVM. AENEVM PON. LXXXV.
DONVM DEDIT

A Habeto inscriptionem aliam, quæ cujusdam
Procuratoris collegii Dendrophorum Roma-
norum meminit.

R O M Æ.

M. ANNIVS. M. F. PAL. AVFVSTIANVS
PROCVRATOR COLL. DENDROPH.
ROMANORVM H. V. IN.
Q. Q. EPVLVM D. D. ET * D. DIVIS.
PER GRADVS

B Mentio fit hic M. Annii Aufustiani ex Tribu Pa-
latina Procuratoris Collegii Dendrophorum Ro-
manorum, qui Epulum, & dona dedit. Duas
posteriores lineas assequi nequaquam possum.

Collegium Centonariorum.

N I C Æ Æ.

Hæc Inscriptio est apud Joffredum.

P. PETREIO P. F. QVADRATO ET
P. EVARISTO. LAIS. MATER. STATVAM.
POSVIT OBCVIVS DEDICAT.
COLL. CENT. EPVLVM EX MORE EX
IP..... HS XII... VT QVODANN. IN
PERPET. DIE NATAL. QVADR. V. ID.
APR. QVA RELIQVIAE. EIVS. CONDITAE
SVNT. SACRIFICIVM. FACERENT. AN.
FARE ET LIBO ET IN. TEMPLO. EX
MORE. EPVLARENTVR ET. ROSAS.
SVO. TEMPORE. DEDVCERENT. ET
STATVAM. DECERNT. ET CORO-
NARN. QVOD. SE FACTVROS. RECE-
PERVNT

Cur quartam lineam mutaverim ratio afferenda
est, antequam plura dico. Ubi enim Scriptor Ni-
cæensis legit *Coligent*, ego lego *Coll. Cent.* quibus
longe alia sententia redditur: nullo igitur modo *Co-
ligent* legendum puto, quod verbum latinum non
est; neque si *colligent* legeres verbum probo; nam
colligere epulum nihil latine sapit; & quæ inde
sententia erui posset prorsus ignoro. Si vero *Coll.
Cent.* legas, aperta sententia est non secus atque in
inscriptionibus aliis, *Collegio Centonariorum*. Col-
legium nempe Centonariorum, quod Lais mater
Quadrati, & Evaristi iussit, in se recipit præstiturum.

Centonarii erant ii, ad quos pertinebat taberna-
cula, & militarem supellectilem parare, quas res
Romani centones vocant, aut vero faces extingue-
re, quas machinis hostes iniecissent. Vegetius lib.
4. ubi de tecto loquitur, quod tabulatis, cratibus-
que contextitur: *extrinsecus*, inquit, *ne immisso,
concremetur incendio, crudis ac recentibus coriis,
vel centonibus operitur*, nempe Lanis coactis, quæ
ignibus, ac sagittis resisterent: Julius enim Cæsar
lib. 3. de bello civili, ait milites aliquando his cen-
tonibus usos, quibus tela vitarent. Collegia Cen-
tonariorum cum Dendrophorum, ac Fabrorum
tignariorum collegiis conjunguntur. Quod ex

Supplem. Tom. IV.

E hac, quam subjicio, inscriptione patet, ab ejus Col-
legii Decurione posita.

Spalati in Dalmatia.

AVR. QVINTIANVS DEC. COLL. FAB.
ET CENT.
QVI VIXIT ANN P. M. LI MENS. V. D....
VIVVS SIBI POSVIT ET AVR. IAENVA-
RIAE
CONIVGI SVAE COT. SI QVIS AEAM
ARCAM
POST MORTEM EORVM APERIRE
VOLVERIT
INFER. DECVRIAE MEAE * XXV.

* XXV. Magnos festertios intellige, quorum
singuli æstimantur mille festertiis minoribus; ho-
rum autem singuli respondent septem solidis, &
semis.

Inscriptionem hanc non primis positam esse
temporibus, sed quarto a Christo nato circiter sæ-
culo corrupta ostendit Ortographia, dum legimus
in ipso Lapide AEAM pro EAM & COT pro QUOD,
& illa P. M. plus minus.

M m ij

Collegium Fabrorum Tignariorum.

R O M Æ.

L. CINCIVS L. F. SVC. MARTIALIS V. VIR
POSSESSOR. HVIVS. MONVMENTI. EX
TESTAMENO. L. MAMILI. FELICIS. DE-
CVRIA E. X. COLLEGIO. FABRVM.
TIGNVARIORVM. PARIETEM. DEX-
TRVM INTROITVS. OLLAS XXXII.
DONAVIT. EIS. QVI INFRASCRIPTI.
SVNT. SINGVLIS. SINGVLAS.

P. SVLPICIO. FELICI. DECVR.

L. CINCIO. L. F. PAL. MARTIALI. F.

M. AMATIO. CRESCENTI

T. POMPLINO. DRACONI

T. STATILIO. ISOCHRYSO

T. STATILIO. HIERONI F.

C. PROCILIO SATVRNINO

C. PETRONIO. CELADO

SEX. IVLIO APRILI

T. STATILIO. ONESIMO

TI. IVLIO. TAVRISCO

TI. IVLIO. SPERATO. F.

P. BAEBIO. EPAPHRODITO

TI. IVLIO. HYMNO.

L. FABIO APOLLINARI

C. VIBIO FAVSTILLO

C. IVLIO CELERI

C. HERENNIO CRESCENTI

P. LICINIO AGATHOPO

C. VIBIO PRIMIGENIO

M. VERGILIO FVCARPO

M. ANTONIO PHILOSTERG.

RELIQVAS. OLLAS. X. QVI IN
HAC DECVRIA. ALLECTI. ERINT.
SINGVLIS. SINGVLAS. DO. LEGO.
RELIQVM. OMNEM. IVS. MEVM. QVOD.
EST. IN. HOC. MONVMENTO. AMA-
TIAE. EVNIAE. VXORI. MEAE. ET. L.
CINCIO. L. F. PAL. MARTIALI. F. ET. M.
AMATIO. CRESCENTI. DO. POSSIDE-
REQ. EOS. IVBEO

Collegium hoc erat Fabrum, qui in trabibus, ac reliqua materia belli terra, marique gerendi u-
fui necessaria elaborabant. *Tignum* enim est trabs, *Tignarius* autem, aut *Tignuarius Faber*, artifex
qui in ea re elaborabat. In Inscriptione apud Gru-
terum conjunguntur illi cum *Fabris Ferrariis*,
Dendrophoris, ac Centonariis, propter artis com-
munionem, quorum alii aliorum ope mutuo indi-
gent.

Nomen *Faber* amplam habet significationem,
& quemlibet artificem denotat: Itaque in antiquis
monumentis occurrit *Faber argentarius*, qui ali-
quid ex argento conficit, *Faber Ferrarius*, qui
ex ferro, *Faber iburarius*, qui ex ebore, *Faber*
navalis, qui trabes ad naves concinnat, *Faber*
balneator, qui balnea construit, & venuste Plau-
tus de homine, qui adulterinos feriebat nummos
Face, inquit, *tu Faber*, qui plumbeos nummos

Alcuderet soles. Nomen Græcum τέκτων idem sonat,
quod Latinum *Faber*: Quare qui D. Josephum
contra communem opinionem, Fabrum ferrarium
potius, quam lignarium judicarunt, ad id animum
non adverterunt τέκτων, quæ vox in sacris litteris
adhibetur, non ferrarium potius, quam lignarium
fabrum designare. Illud enim auctore Hesychio
est generale nomen ad omnes artifices. Ita apud
Matthæum latine redditum *Nonne hic est Fabri-
lius?* Hippocrates (a), qui inter priscos scriptores
Græcos numeratur eos fabros, qui ferra ligna di-
scindunt τέκτωνες vocat. Etiam Galli nostra latina
voce *Faber* derivant, *Favre*, *Fabry*, *Febvre*.

Non est silentio prætereundum illud omnem,
quod in inscriptione legis pro omne: est enim So-
lœcismus. Quod sculptorum incuria, atque insci-
tia aliquando accidit.

a lib. I. de vict. nat.

VIGESIMAQUARTA DISSERTATIO

De Nummorum ad Physiognomonum artem utilitate.



Ummorum cognitionem utilem esse adeo inter Litteratos homines constans opinio est, ut nemo unus hoc studium ausus fuerit improbare, veritus ne in Litteraria Republica temerarius haberetur qui id accusaret, quod docti omnes laudarent, aut rerum ignarus, qui quod minime intelligit, id negligeret. Historici, ac potissimum Geographi jamdudum notitiam hanc tanti fecerunt, ut diligentiores, certioresque opportune ad res antiquas cognoscendas eo praesidio usi fuerint, quod Nummi, & statuæ suppeditarunt. Dio rerum Romanarum Scriptor, ut ostenderet Brutum significare voluisse per necem Caesaris a se in libertatem Patriam vindicatam esse, Nummum protulit, in quo Pileus libertatis signum expressus erat cum pugionibus Bruti, & Cassii quibus hujusmodi commodum populo R. partum fuit. Suetonius etiam Augusto Infanti cognomen Thurino inditum fuisse nulla certiore probatione tradidit, quam quod puerilem imagunculam ejus æream dono habuit hoc nomine inscriptam, *Thurinus*.

Romanis illustrioribus hoc antiquitatis studium in amoribus fuit. Præstantissimorum omnium imagines Romanorum, qui superioribus vixerant temporibus inter res antiquas Varro investigavit, Cicero, & Atticus, quod in Disputatione de Heremis, & Hermathenis superius ostendimus, has res nonnulla cum sollicitudine conquisierunt. Julius Caesar ad litteras & arma factus, qui cum eloquentiæ laude parem fortitudinis gloriam conjunxerat, Nummos, gemmas, ut Suetonius scripsit, toreumata, signa, tabulas operis antiqui semper animosissime comparavit. Alexander Severus adeo rerum harum studio tenebatur, ut dimidias statuas quascumque potuit, & excellentissimorum virorum, quos in Deorum numerum Ethnici retulerant, aut in vulgus præclaris factis manarant, imagines collegerit, & Apollonii quoque Philosophi, Jesu Christi, Abrami, & Orphei imagines in suo Museo ponendas curaverit.

Verum ne in Nummorum utilitate generatim amplificanda diutius immorer, quam rem multi nostræ hujus ætatis eruditi homines fecerunt, & inter cæteros eruditissimus Spanhemius, de ea modo verba faciam quæ in artem Physiognomonum redundat, de qua non alii scripsere, idque enitar, ut quantum potero planissime faciam.

In primis illud perpendendum est ex magnorum, atque Principum virorum vultu hanc artem addisci facilius posse; sive quod sublimi positi in loco cum essent, nactique magnam essent potestatem, nihil impedimento esse poterat quominus ad quas res natura ferrentur, iis obsequerentur; sive quod in omnes terras, ut ita dicam disseminata sunt ipsorum gesta, cum privati homines sua se fortuna involvant, ac in tenebris delitescant. Itaque ad liberalitatem quempiam fortasse natura impellet, at eam virtutem absorbebit inopia. Alius erit natura strenuus, sed servilibus artibus implicato deerit præclara gerendi facultas: cujus animo insita, atque innata est saviendi, ac dominandi

A cupiditas, is rebus angustis, quibus severi Domini imperio subesse coactus erit, ea vitia occultabit, quæ, si liberaliore fortuna usus esset, in omnium oculis fuissent. Ignota foret hominibus singularis Abdalonimi virtus, si hortum perpetuo coluisset, neque ad Regium solium evectus esset. Non totius Græciæ sapientissimus Socrates judicatus esset, nisi vitiosam naturam, ut ipse confessus est, Philosophiæ præceptis superasset (quæ vitiosa natura ex ipsius oris conformatione se prodebat) & si in ea, cui se primum addixerat, cælandi arte perpetuo versatus esset.

B Deinde concedendum est, nulla re aptius, quam Nummis veras, germanasque magnorum hominum, ac dignitate Principum quos jactat antiquitas, imagines referri. Cum enim iis quibus vivere temporibus præstantissimi Artifices eas formas elaborarint, magis ii quam Historici ad naturam accesserunt; hi enim eorum de quibus scripserunt, oris lineamenta non describenda sæpe putarunt. Certius etiam illi Nummis repræsentantur, quam statuis, & signis antiquis, quæ ut plurimum nomine carent, quæque nisi Nummorum ope ad quos referuntur, cognosci possent.

C Illud insuper addo tum demum tibi ad Imperatorum Romanorum mores ex vultu, & corpore cognoscendos, Nummos profuturos, cum Latinos, & eos potissimum quos periti Artifices concinnarunt, scrutaberis. Latinos eos intelligo quos in Italia, & maxime Romæ, ubi optimi quique cælatores fuerunt, accepimus percussos; quos enim in Galliis, & Hispaniis ferierunt, ii non ita ut Itali veritatem imitantur. Græci vero Nummi magis recedunt: Artifices enim Græci non sunt cum iis comparandi, qui in Aula versabantur, neque ita sæpe ut Aulici Imperatores comitabantur. Qui Nummos probe callent alios ab aliis facile discernunt. Nam præter quam quod Græciæ, Coloniarum, & Provinciarum Nummi plerumque notas aliquas hieroglyphicas habent, quibus locus ubi facti sunt intelligatur, ipso quoque opere inter se fere omnes differunt. Itaque Ægyptios Nummos facile cognoscas, quorum proprii sunt extremi ambitus; quos crassos videris Syros judices; in quibus imagines parum emineant, eos Hispanos. Nummos præterea non licebat aureos Imperatoris titulo exteris cudere; Italos vero aureos multos videas, ut argenteorum plerosque, & æreorum majorum his inscriptis litteris S. C. *Senatus Consulto*.

E Non id mihi institutum est, ut Physiognomonum regulas, quæ fallere aliquando possunt, redigam ad veritatem. Ejus artis peritis eam curam relinquo. Id unum generatim statuo, naturam id agere esse solitam ut animi nostri imaginem vultu sæpe exhibeat, & quadam faciei conformatione, & quibusdam lineamentis mores hominis indicet, indolem atque ingenium, ita ut hæc iis respondere videantur. Ita qui aliquam cum Leone, aut Aquila formæ similitudinem habent, ut observatum est, strenui, ac generosi esse solent: qui cum Simia, aut Vulpe, callidi, & astuti; qui cum equo, alite, aliave fera, ad ea quique proni solent esse, quæ in iis brutis animantibus natura inserit.

Observatum præterea illud est, qui ridendi, lugendi, mullitandi, cogitandi, irascendi habi-

rum natura sortiti sunt, iis affectibus plerumque sunt obnoxii, quorum ut ita dicam notas vultu gerunt. Hac ratione Campanella celebris Physiognomon, ut in Vita Boissati refert Chorierius, mores hominum, atque indolem cognoscebat. Fingebat sibi animo vultum, gestus, & reliqua corporis quam maxime poterat eorum quos expendere volebat, ac tum quo natura ferrentur, quoque affectu viderentur commoveri perspiciebat, ut quasi ipsorum animos penetrasset, intima eorum sensa cognosceret. Ille adeo intendere animum solebat, ut Judice, ut ajunt, *Inquisitionis* quæstionem in eum exercente, alio cogitatione attentissime abstractus fere omnem sensum doloris amiserit, quamobrem nihil fateretur. His generationis positis facile intelliges eorum plerumque idem esse ingenium, quorum idem est habitus. Janus Nicius Erythræus animadvertit Bernardino Stephonio Poetæ præstantissimo eam fuisse oris conformationem quam in Virgilii statua observarat. Diligentiores antiquitatis amatores in Numa Pompilio, & Antonino Pio vultus, ac morum similitudinem deprehenderunt, & in Michaele Hospitalio Politia, atque Philosophia callidissimo eandem prorsus formam quam Aristotelis tradidit antiquitas.

Quæ ex Nummis in *φυσιογνωμονίας* derivabo, ea erunt illi arti præjudiciorum loco, cujus nulla sunt satis firma principia. Consulum Romanorum, & Antiquitatis Heroum Nummis nihil certi hac in re statui: Cum enim effingi Nummis Consulum capita non licuerit, qui ad nos pervenerunt, eos ipsorum posterii ferierunt; Heroes vero antiqui cum virtute potius, quam auctoritate in hominum famam existimationemque profluxerint, post fata modo, immo aliquando nonnullis post sæculis Nummorum formis posteris commendati fuere: ex quo fit ut difficillimum sit veras ipsorum imagines naturamque ipsorum imitantes intueri.



Ab Alexandro Magno exordiamur; cujus vultus extra jugulum valde protensus, oculi apte eminentes, apteque diducti, ac suspicientes hominem ostendunt gloriæ appetentissimum, animosum, multa & præclara minantem. Obstipum collum, quod in ejus Nummis cernimus, Plutarchus ait juxta Physiognomonas, excelsi animi signum. (a) Statura mediocri erat, quæ a iusta potius recederet, ut in averfa Nummi parte vides, & apud Historicos habes. Hinc illud:

Magnus Alexander corpore parvus erat.

Ferventiores pusilli, quam ingentes homines esse solent, cum spiritus collectiores sint, & citius sanguis circumeat, atque ita Alexandro nemo ardentior. Primum ejus rei argumentum dedit Bucephalum, quod nemo alius potuit, domando. Huc spectavit *Commune Macedonum*

a ἀντάκτις τραχὺς.

A cum in averfa Nummi parte Alexandrum tam noto insidentem equo laxatis habenis currentem obtulit. De Regum Syrorum, qui consecutis temporibus Alexandri locum occuparunt, imaginibus nihil dicam; quoniam Vaillantus eorum historiam edidit, & ut nemo adhuc melius, singulorum facies distinxit, quæ, quia plerique Antiochi dicti sunt, confusæ erant,



Pompejus, quem Alexandro Historici comparant, aliquam cum eo similitudinem habet, saltem exporrecto capite: at oculos depressiores habet, quod majorem indicat gravitatem, & capillos a fronte crispiores juxta Plutarchum, atque Nummos. Id Physiognomones ajunt argumentum fortitudinis, & audaciæ, quippe Urbs, ac Leonibus pili crispi in tergo, & capite sunt. Nummum hunc Græcum licet, Latinis posthabitis, proposui, propterea quod post mortem ejus Filii Latinos cudi jusserunt; Hunc vero, quem attuli, Urbs ab eo victa, dicta etiam inde Pompejopolis, cum antea a Mithridate Eupatore conditore sumto nomine *Eupatoria* nuncuparetur, hunc inquam Nummum, dum inter vivos Pompejus degeret, illa feriit. Urbs hæc, ut aliæ bene multæ, quas ille caput, mite, & beneficium Pompeii ingenium expertæ, si Dionem audis, libentissime in omnibus ejus voluntati sunt obsecutæ. In eo immodicam honoris cupiditatem, & cum levitate conjunctam invidiam Dio reprehendit, quandoquidem iis Cæsaris honoribus invidit, quos hic ut consequeretur, ipsemet curavit.



E Ea fuit Julii Cæsaris vultus conformatio, quæ moribus, & ingenio prorsus responderet. De effigie ex Nummo, & Suetonio desumpta, quam ego Andreæ Italo celeberrimi Argoli discipulo quondam misi, in hanc ad me sententiam ille scripsit. Statura excelsa, color candidus, vegeti oculi bilem, & pituitam Julio Cæsari (ut ego quidem arbitror) portendebant. Nasus grandior, & qua parte fronti jungitur nonnihil exsurgens, nares sursum aliquantum tendentes, & nasus imus depressior, hæc omnia naso aquilino congruunt, quod audentem animum denotat, & gloriæ, Imperiique appetentem. Hominem magna molientem, & in susceptis rebus constantem ex vegetis nigrisque oculis, fronte in medio paululum cavata, aquilino naso facile judices. Ex capite, & a fronte, & a tergo apte eminente, ex cervice sa-

ris longa, & occipiti alte juncta, ex vividis oculis, ex fronte macra, & in medio paulum profunda, ex his omnibus aptum studiis eloquentiæ Cæsarem putes. Quod autem ore paulo plenior fuisse Cæsarem Suetonius ait, præterquam quod atas, & assidui militares labores hominem fortasse extenuarunt, crediderim hanc esse Suetonii sententiam, Cæsaris vultum medium fuisse inter longum & rotundum, aut vero inter magnum & parvum, nisi malis dicere carnosum potius quam pinguem fuisse. Illud prætermittendum non est ejus calvitium indolis in amores proclivis argumentum fuisse. Hinc illud jactatum a militibus per Gallicum triumphum: *Romani, mæchum calvum adducimus*. Id vitium ut tegeter obtinuit a Senatu jus laureæ perpetuo gestandæ, ut in Nummis apparet. Clementiæ quæ in Cæsare prædicatur, signa in ejus vultu equidem nulla deprehendo, ut ad ejus voluntatem potius, quam naturam referenda videatur: quippe id curavit, ut populum R. sibi beneficiis devinciret, & amorem populi hac arte conciliaret, quod Curio quoque dictitavit.

In averfa Nummi parte M. Antonius est, quia amicus Cæsaris; vultu oblongo, & pleno, mento in medio depresso, quod hominem indicat voluptatibus deditum, atque convivii. Nasus aquilinus illi est, quod animosum hominem notat. Sed Cleopatrarum amore accensus gloriam posthabuit, & in præceptis ruit.




Juba Mauritanicæ Rex vultum habet inferiore parte valde porrectum, habitum arrogantem, & sævum, qualem Scriptores describunt. Ejus capilli crispî, & ordine per gradus dispositi sunt. Ita comi Mauritanicæ Reges solebant, & capillos accuratissime inflectere, & aureo pulvere aspergere, cavebantque ne quis propius accederet, ne loco turbati capilli moverentur.



Augustus forma fuit eximia, modesto adpectu, naso ad frontem eminentiore, capillis leviter inflexis, atque ita erat animo miti, ac placido. Prudens erat, animosus sine ostentatione. Conjuncta ejus erant supercilia, quæ, si quosdam Physiognomonas audis, ad virtutem, stabilemque amicitiam primum hominem significant; quæ res in Augusto vere fuerunt. Alii ad litterarum studia propensionem id interpretantur. Conjuncta enim supercilia melancholiam indicant, quæ nonnihil opus est ad litteras. Is liberales artes adamavit, elegantiusque scripsit soluta, & ligata numeris ora-

tionem. Hinc ea ætate præstantissima ingenia floruerunt. Exigui, & rari dentes, hujusmodi enim fuisse Suetonius refert, vitæ brevis indices erant. Id Hippocrates, nonnullique alii Philosophi illustres docuerunt. Istiusmodi enim homines cibos dentibus terere non satis possunt, ac proinde neque satis concoquere; cui incommodo parsimonia fortasse remedium attulit; vixit enim annos 76. et si distillationibus, ischiade, articulari morbo, colicisque sæpe laboraret. Quotannis, ut memoriæ Suetonius prodidit, sub natalem suum plerumque languebat, cujus rei rationem non facile reddas.

Agrippa, qui Augusti gratia pollebat, eratque Præfectus classis, vultum habet ab imo extantem, oculos profundiores, frontem nonnihil rugosam; ex quo vultus severitas, qualem decet esse Præfecti classis. Ita facile videas eum, qui irascitur, & aliquid moleste fert, mentum protendere, oculos claudere, frontem corrugare. Præterea hac in effigie cernitur torosa facies, cervix pinguis, & carnosæ, quod roboris signum est, docente Aristotele; & quidem talem boum cervicem, caputque inspicias.




D

E


F

Tiberius erat corpore amplo, latis humeris, quod plerumque robur, & animum indicat: prægrandibus quoque erat oculis, quæ est nota minime mala, ubi cæteræ partes apte congruunt: βω-
δπις, hoc est, quæ bovis habet oculos, frequens est Homero Dearum epitheton, sed quod erat tunc temporis in laude positum, nunc in vitio ponetur. Admiratione dignum est, quod de hoc Imperatore Suetonius narrat, cui eos fuisse oculos ait, qui in tenebris etiam non secus, atque in meridiana luce, viderent, cum primum a fomno patuissent. Ex hoc fervens natura, & ingenium perspicax cognoscitur, quibus erat ad litteras, & arma natus. Incedebat præterea is, ut apud eundem Suetonium legimus, adducto fere vultu, cervice rigida, & obstipa; is erat plerumque tacitus, nullo aut rarissimo etiam cum proximis sermone, quibus rebus dicendum est eum fuisse animo a societate alieno, & solitudinis amico, quales nempe noctuæ sunt, aliæque aves nocturnæ, quas oculis imitabatur. Quæ omnia ingrata, & arrogantia plena, & animadvertit Augustus in eo, & excusare tentavit, sæpe professus Naturæ vitia esse, non animi. Exiguum illi mentum fuit, & nonnihil prominens, argumentum crudelitatis, quod ideo existimandum est quia qui minantur, & ultionem meditantur, labra comprimunt, mentum tollunt. Crudelitate autem sæpius exercita cognita est crudelis natura; neque enim de cuiuspiam natura judicandum est ex factis, nisi hæc sæpius repetita fuerint. Singulari documento est Sejanus apud Tiberium gratus. Servatus est hic Imperator a Sejano qui corpore super eum suspensus specus faxis opposuit se se incidentibus; quo

factum est ut amicitiae Sejani Cæsar magis fideret. Verum id ille consilio, & utilitatis suæ potius, quam amicitiae, aut virtutis causa fecit. Et si enim Imperatoris mortem desiderabat, in quem jam tum conspirabat, tamen ejus non intererat Tiberium tam cito mori. Nam tum Germanicus populo R. acceptissimus erat, & jure videbatur in Tiberii locum successurus: quare ante Tiberium Sejanus Germanicum e medio tollendum statuit, ut ad Imperium ipse posset adspirare.



Caligula naturæ monstrum mentum erectum habebat, quod ejus sævitiam indicabat, & vultum ita factum, ut, teste Tacito, suis vitiis falsam virtutis speciem prætenderet. Vultum vero, teste Suetonio, etiam ex industria efferebat ad terrorem iis, qui accederent, incutiendum, quod erat dementiæ signum; idque ex eo etiam significabatur, quod erat gracilitate maxima cervicis, & crurum, fronte lata, corpore enormi. Capillo erat circa verticem nullo: hinc erat luxuriosus. Hæc est enim Aristotelis opinio; quod de iis intelligendum est præcipue, qui adolescentes calvi fiunt; cui rei confirmandæ afferri ex Philosophia petiti rationes possent.



Si corpus & animum ejusmodi Imperatori Claudio fuisse credimus, cujusmodi nimio in Neronem studio Seneca ἀποκολοκυνπώσει descripsit, quæcumque vitia in hominem cadere possunt, in eo fuisse credi oporteret. Suetonius vero ait dignitatem formæ non defuisse. Illum quidem ingredientem poplites minus firmi destituebant, caput illi maxime tremulum erat: quæ incommoda veneno contraxit ei dato cum adolescens esset; quo stupidus evasit, memoria infirma, ac timidus, ut omnia arbitrato Libertorum ageret, & quocumque impellerent cupiditates, ferretur. Opimis cervicibus, spumante rictu (quod vitium nonnulli non minus ex Nummis, quam ex Historicis se deprehendisse putarunt) aliisque corporis infirmitatibus, animi infirmitas manifestabatur. Animus enim & mores corporis habitui, & naturæ solent respondere. Curasse tamen videtur ut hæc damna Linguae Græcæ, Historiæ, & Grammaticæ studio rependeret. Ille etiam cum privatus adhuc esset volumen edidit de ratione trium litterarum, quas numero veterum latinarum quasi maxime necessarias addendas putavit, mox Princeps facile obtinuit, ut in usu quoque promiscuo essent. Verum

una cum ipso perierunt. Neque enim uspiam eas reperias, nisi forte in ejus ætatis Inscriptionibus.



B

Vultu Nero animi habitum, naturamque præ se ferebat. Oculos enim parvos habuit, & circum pinguedine tectos, jugulum cum mento conjunctum, cervicem obesam, ventrem projectum, crura gracillima. Quibus omnibus ad unguem porcus videbatur, quod animal infami libidine est imitatus: mentum aliquanto erectius indicium, ut alias diximus, erat crudelitatis. Sufflavo capillo, cruribus gracillimis, ut testis est Suetonius, vultu pulchro magis, quam venusto cum esset, intelligis eum virum effœminatum fuisse. Quod si imperium a moderatione, atque clementia orsus est, qua cum de supplicio cujusdam capite damnati, ut ex more subscriberet, admoneretur, illud dixit, quam vellem nescire litteras! id ad modestiæ fecit ostentationem; callide quidem ad imperandum Præceptorum suorum ratione habita. Indigna profecto est Seneca insigni Philosopho ea assentatio, qua conscripta in Claudium Satyra, ita loquentem Apollinem inducit, ut Neronem pulchritudine, ac majestate sui similem prædicet.

D

*Ille mihi similis vultu, similisque decore,
Nec cantu, nec voce minor, &c.
Talis Cæsar adest, talis jam Roma Neronem
Adspiciet, flagrat nitidus fulgore remisso
Vultus, & effuso cervix formosa capillo.*

Hinc profecto est, quod in Nummis Nero Apollinis imagine sæpe exhibetur. Non illi quidem deformis vultus fuit, non tamen ejusmodi quem valde formosum possis dicere. Fuit enim parvis oculis, cervice obesa, gracillimis cruribus, & totius corporis conformationi minime congruentibus. Tum quidem cum Seneca scripsit, pulchrior quam consecuto tempore ille fuit: junior enim erat, neque ita pinguis, ut perspicuum est ex iis Nummis, quos, cum tantum Cæsaris nomine gauderet, feriri iussit.

E



F

Galba fuit toroso vultu, rugosa fronte; ex quo robur, ac severitatem hominis conjicias: capite fuit

fuit præcalvo; ex quo libidinem: quod quidem Suetonius confirmat. Id intemperantiæ suæ acceptum retulit, ut manibus esset, pedibusque articulari morbo distortissimis; ut neque calceum perpeti, neque libellos evolvere, aut tenere omnino valeret. Inter cætera tamen aduncus ejus nasus vere aquilinus observandus est, quo Aquilæ avium Reginae habitum gerebat. Quibus notis Augustus eum, jam ante cum adhuc puer esset, prædixit imperium gustaturum, prævidit enim eum in senecta imperaturum. Rem exitus confirmavit, paucos enim imperavit menses. Plura exempla strenuorum hominum a Porta in suis de *quσιολογικα* libris afferuntur, quibus aquilinus nasus fuit. Talis fuit Cyrus, Artaxerxes, Demetrius cognomento *γυπτιος* ab adunco naso dictus, Scanderbegus, Sforza Magnus, Mahomettus II. Turcarum Imperator, Usuncassanus, Ismael Sophi Rex Persarum, Selimus, & Solimanus. Alii satis multi in promptu sunt; ut Constantinus, Carolus Magnus, Franciscus I. Fronte erecta, adunco naso, statura grandi Galba liberalitatem præ se tulit. Licet enim antequam ad summum Imperium evectus esset, impositis Hispaniarum, & Galliarum civitatibus gravioribus tributis avarus haberetur (quæ tributa Belli profecto impensis necessaria putavit) tamen ubi Imperator factus est ea liberalitatis signa dedit immunitatibus populo concessis; ut ea prava avaritiæ opinio sublata fuerit.

Acederet, calvus esset, vulso corpore, statura modica, male pedatus, quæ omnia hominem effeminatum indicant, *tanto animo*, inquit, quem scilicet moriendo præ se tulit, *nequaquam corpus, aut habitus competiit*.



Vitellio vultus fuit helluonis comissionibus sanguinati, propemodum ut Neroni. Joannes Baptista Porta de arte Physiognomonum ait eum vultu Bubonem esse imitatum. Pinguis, brevisque cervix, rubicunda facies, venter obesus (sic enim Suetonius describit) futurum portendebant, ut morbo, quem apoplexin vocant, corripere, nisi violenta mors finem vitæ prævertisset, quod perpetua intemperantia quoque erat eventurum. *Famossissima super cæteras* (Suetonius ait) *fuit cæna ei data adventicia a Fratre* (Lucio) *in qua duo millia lectissimorum piscium, septem avium apposita traduntur. Hanc quoque exsuperavit ipse* (non copiosioribus, at exquisitioribus cibis) *In hac scarorum jocinora* (qui pisces rari erant) *phasianorum, & pavonum cerebrella, linguas Phœnicopterum, (rara avis ea est) Murænarum lactes, a Carpathio usque, fretoque Hispaniæ, & aliunde res petitas commiscuit. Omnino imperante Vitellio omnia perturbata fuere: is nobilissimos quosque occidit. Quare Vibius Crispus dicere non dubitavit præclare secum actum esse quod ægotarit; hac enim ratione furorem illum subterfugisse; nisi morbo laborasset se certo fuisse peritum.*

D

E



Vespasianus statura fuit quadrata, compactis, firmisque membris: hinc robustus fuit, & valitudine prosperrima perpetuo usus. Is hujus Imperatoris vultus in nummis ad vivum eductus est, qualem prorsus Suetonius descripsit: apparet enim hic vultus hominis alvo astricta, ac veluti nitentis. Fortis, probus, jucundus Imperator fuit: sola est quæ in eo merito reprehendatur pecuniæ cupiditas; gravia vectigalia, ac tributa imposuit. Sunt qui putent ad id necessitate compulsus summa ærarii fiscique inopia, de qua testificatus sit initio statim Principatus. Liberalissimus fuit in Senatores inopes, Litteratos, ac Civitates collapsas. Salibus delectabatur, ac ne in periculo quidem mortis absti-

N n



Otho aliquam cum Nerone similitudinem habuit. Hinc illud jactatum a populo *Othoni Neroni*. Minus tamen Nerone plenus; cæterum munditiarum pæne muliebrium. Faciem quotidie rasitare consueverat: galericulum capiti propter raritatem capillorum aptatum gestabat; quod galericulum in ejus aureis, argenteisque Nummis expresse videas, cujus deferendi usum is in Italiam invexit. In areis ejus Nummis, sunt hi porro omnes Ægyptii, aut Syri, galericulum nequaquam inspicias, fortasse quia ignota iis populis ea res fuit. Quare Itali nummi magis ad rei veritatem accedunt. Morum quam habuit cum Nerone similitudo perfecit, ut arctissimo amicitiae vinculo constringerentur, & omnia communia, vel uxores sine ulla zelotypia communes haberent. Otho tamen ubi appellatus est Imperator videbatur naturæ minime malæ; simulabat ille fortasse ad captandam populi benevolentiam. Animos ille ac bellicam virtutem ostendit, quandoquidem ter de Imperio cum Vitellio certavit, ter vicit; at demum quasi ad conditionem pacis militibus eductis fraude superatus est. Quamobrem manus sibi statuit consciscere, magis, ut Suetonius ait, *pudore ne tanto rerum hominumque periculo dominationem sibi asserere perseveraret, quam desperatione ulla*. Cum vero sponte mori, sibi que violentas manus inferre Romanis gloriosum facinus videretur, id Suetonius non potest quin maxime admiretur; cum enim ille muliebri prope cultu in-

nuit jocis. Moriturus enim, ut, inquit, puto *Deus fio*: quo Romanorum consuetudinem irridebat, qui Imperatores fato functos in Deorum numero collocabant.



Titus Vespasianum Patrem habitu imitabatur. Adolescentis egregia forma, & cui non minus auctoritatis inesset, quam gratiæ, qua fortasse permotus ille Metoposcopus a Narcisso Claudii Liberto, ut Britannicum inspiceret adhibitus, constantissime affirmavit, illum quidem nullo modo, cæterum Titum, qui tunc prope adstabat, & ejus erat maxime familiaris, utique imperaturum. Is fuit carnosa cervice, latis humeris, facie virili, capite rotundo in vertice tamen planiore, fronte quadrata, quæ omnia erant roboris, constantiæ, ac prudentiæ signa, quarum virtutum plurima dedit argumenta. Illi contra accidit, atque cæteris Imperatoribus. Cum enim alii summum nati Imperium deteriores se se ostenderint, quam antea vili fuerant, Titus in Imperio versatus honestius, & laudabilius se se gessit, omnesque prævæ indolis suspiciones adeo sustulit, ut amor, ac deliciæ generis humani diceretur, cum facilis, liberalis, beneficus in omnes esset. Quin & admonentibus domesticis quasi plura polliceretur, quam præstare posset, eam dignissimam laude sententiam protulit: *Non oportet quemquam a sermone Principis tristem discere.*



Domitianus Titi frater, qui a benigna qua fuerat primis Imperii annis natura magnopere descivit, & ad crudelitatem, ac sævitiam animum convertit, ea vultus habuit lineamenta, quæ in fraudem homines impulere. Forma enim decenti fuit, statura procera, vultu modesto; cum enim ruboris plenus esset vultus ejus, id ipsum modestiam significabat, ac pudorem; erubescere enim solent quos pudet. Calvitio admodum adolescens deformis fuit, quod intemperantiæ, ut nonnulli putarunt, acceptum retulit. Id tamen ex Nummis non patet, ex quo intelligas non satis fideliter nobis effigies per nummos traditas esse. Hujus rei tamen ad hunc Nummum quod attinet in promptu ratio est. Calvitio enim ita offendebar, ut in contumeliam suam traheret, si cui alii joco, vel jurgio objectaretur. Quare quorum erat Nummos cudere id caverunt maxime ne hoc vitium per

Nummos patefacerent, veriti ne suspiciosi hominis, & in ultionem ingenio præcipitis iram in se concitarent.



Nerva representatur in Nummis vultu arido, ac rugoso, profundis oculis, & mento in acumen desinente. Is extrema ætate ad Imperium accessit: languore stomachi vehementer laboravit, quo cum haud facile concoqueret, eo fuit siccior, proindeque mutato quodammodo vultu, ex eo cognosci ejus mores non poterant. Licet ei magnus, & aquilinus nasus fuerit, fortis tamen fuit. Id in eo mitis admodum naturæ argumentum fuit. Timidus enim erat, ut qui maxime, at valde lenis. Itaque arietis potius placidi animalis, quam Aquilæ audacis avis formam imitatur. Facie fuit oblonga, naribus arietis similibus. Cur ad iram eum proclivem fuisse credamus, multa ex oris, corporisque conformatione, & habitu apparent. Inter cætera macer, & aridus vultus, acuminatum caput, statura procera, nasus aduncus, supercilia curva, mentum siccum, & acutum. Et quidem nimio iræ æstu in quemdam Regulum flammans periit.



Trajanus natione Hispanus: hic primus inter externos, qui Romanum adeptus est Imperium, caput habet mallei forma, in vertice planum, a fronte, & a tergo projectum, latam frontem, cervicem pinguem, quæ omnia hominem prudentia, robore, & constantia potius, quam vivido, celeri, & experrecto animi motu præditum demonstrant. Itaque magna confecit, & Romani Imperii fines, ut nemo alius Imperator antea, prorogavit; cui rei argumento est illa, quam in aversa Nummi parte legis, Inscriptio: *Armenia, & Mesopotamia in potestatem pop. R. redactæ*. Crassum caput ejus erat, breve collum, statura mediocris, & minus elegans; quæ ἀποπληξία minari videbantur. Revera semel eo morbo perculsus est, quo in Paralysim verso, aliqua corporis pars vexata est: mortuus tamen est ex Hydrope: quatuor & sexaginta vixit, viginti regnavit annos, id merito consecutus, ut *Optimus* diceretur.



Hadrianus apta fuit membrorum constitutione, B
gratioso habitu, capite mediocri, & nonnihil a-
cuto, intorta coma: quare ad bonas artes, ac lau-
dabiles disciplinas, quarum quidem fuit studiosis-
simus, a natura factus fuit. Præcipue vero Poesi,
Historiæ, Mathesi, Comœdiæ, Venatibus, pe-
grinationibus, amoribus ut qui maxime deditus.
Caput, si diligentius inspicias, magis eminet a
tergo, quam a fronte, ingentis argumentum me-
moræ. Memor, Aurelius Victor inquit, *supra*
quam cuiquam credibile est, locos, negotia, mili-
tes recensere: quod portento simile videbatur;
quippe tot provincias circumierat, tot tamque
gravibus distinctus occupationibus erat, tot agmi-
na duxerat: ea fuit, tamque robusta natura, ut
nunquam operto fuerit capite, & omnes Imperii
provincias pedibus obierit. Videtur uxor ejus Sa-
bina partem itineris cum eo fecisse; cum hoc in
Nummo quem Imperatori ab Alexandria redeunti
ferierunt, cum eo simul exhibeatur. Cum is ad
superstitionem usque Religionis studiosus esset
Romam Serapidis, & Isis cultum detulit; quæ
Numina apud Ægyptios in honore erant; quibus
ubi Romam rediisset, cum aras, ac thura vovisse
ex eo perspicuum est, quod eum id præstitisse ex
aversa Nummi parte intelligimus. Id gratum esse
sibi Serapis ut ostendat, manum porrigit, ac polli-
cetur eum in tutela futurum sua; Isis autem per
Sistrum jurat se perpetuo morem ejus voluntati es-
se gesturam. Ea fuit gloriæ cupiditate, ut unus
vellet excellere, & eos professores artium qui pri-
mas in iis tenerent, in quibus solus vellet emine-
re, de medio tolleretur. Hinc Favorinus, cum ver-
bum nescio quod Hadrianus reprehenderet, ce-
dendum satius quam cum eo homine qui triginta
Legiones haberet, de verbo certandum censuit.
Regiones videndi fuit appetentissimus. Nihil de
oris vel remotissimis legebat quod non ipse videre
cuperet. Homines sicco vultu, qualis Hadrianus
fuit, sciendi studio, & labori magis facti sunt,
quam qui nimia quadam pinguitudine diffluunt.
Hic primus inter Imperatores Romanos barbatus
incessit, quod tamen Scriptores minime com-
memorarent, ex Nummis liceret satis intelligere. Id
is facere consuevit, ut menti verrucas tegetet:
Sed consecutis temporibus tanquam ad ornatum
Imperatores barbam aluerunt, ut nos hodie Ca-
liendis utimur, quæ alioqui ad occultanda capi-
tis vitia, & reparanda capillorum damna inventa
sunt. Ejus natura fervens sanguine, & in bilem
prona, & fortasse etiam labores, & solis æstus,
quo iter sæpe faciens siccus evasit, perfecerunt ut
ei crebro sanguis e naribus flueret, quod quidem
profuit ad salutem: sed tandem tanta vi aliquan-
do fluxit, ut prorsus debilitaretur, & in hydro-
pem incideret, juxta Hippocratis monitum quod
de magnis *αἰμορροΐς* reliquit. Diu hoc morbo la-
boravit, neque poterat e vita excedere, tamen
doloris impatiens, & cruciatus confectus sæpe mor-
tem anxie concupisceret.



Antoninus cognomento Pius a morum probita-
te, ac pietate ita dictus fuit, quo respicit aver-
sa eximii hujus Nummi pars, qua proponitur Æneas
Patrem Anchisem e Troja humeris ferens suis. Pe-
nes Veteres hoc pietatis, & amoris erga Parentes
signum fuit. Sus cum parvis foetibus ea est quam
Æneas Lavinium, cujus portam, & muros hic vi-
des, cum extrueret cum triginta foetibus mac-
ta-
vit. Antonini vultus oblongus fuit, quod bonita-
tis, & amicitiae argumentum Physiognomones a-
jungunt. Is præterea comis fuit, modestus, gravis,
atque ita procerus ut aptissima esset rota oris, &
corporis conformatio, ut Princeps bonus, cle-
mens, honestus, liberalis, sobrius, eloquens, vere
dignus Imperio videretur. Eo fuit oris habitu, ut
ex Nummis pater, ut Numæ jure compararetur.
Mortuus est septuagesimo suæ ætatis anno, tanta
cum omnium mœstitia, perinde ac si admodum a-
dolescens obierit. Ille e vita quasi dormiens ex-
cessit, dignus cum suaviter vixisset, qui suaviter
moreretur.




M. Aurelius ab Antonino in familiam adscitus
fuit gravi modestoque vultu, qualem affectare Phi-
losophi consueverunt. Longa quoque barba imi-
tatus Philosophos est, ideoque ut ei gratum face-
rent, ejusque indolem ad Philosophiam, & Phi-
losophicam vivendi rationem accommodatam de-
monstrarent, eum cognomento Philosophum
appellarunt. In Nummis quidem, aut Inscriptio-
nibus nomen hoc haudquaquam extat; Historici
tamen hoc eum nomine ab aliis Antoninis fecer-
unt; dictus enim etiam ille est M. Antoninus,
& aliquando tantum Antoninus. Orationis quam
apud hunc Principem pro Christiana Religione
Athenagoras habuit, hic est Titulus: *Imperato-*
ribus M. Aurelio Antonino, & L. Aurelio Com-
modo Armeniacis, Sarmaticis, & quod magis est
Philosophis: & Capitolinus vitam M. Aurelii ita
exorditur: *M. Antonino in omni vita Philosophan-*
ti viro. Itaque frequenter Platonis illud usurpa-
bat: *Tum demum florentissimas fore Respublicas*
cum aut Philosophi regnarent, aut Reges ipsi phi-
losopharentur. Clemens Imperator is fuit, sapiens,
prudens, sobrius, liberalis, aliisque pluribus
virtutibus præditus: at quia nimis in Literarum
studiis occupatus infirma fuit valetudine.

Uxor M. Aurelii Faustina junior usque

adeo Viri indulgentia abusa est, ut in omnem se fe libidinem effuderit: ejus ingenium ex oris lineamentis conjicias. Erat gratiosa, oculo petulanti, vultu attonitæ simili, cujus caput pedibus moveri citius solet. Habitu imitatur avem, præsertim eam quæ semper canat, volitet, nunquamque consistat. Exiguum enim caput, exigui oculi, exiguus vultus & aliquanto projectior, & longum collum (quæ omnia in hac effigie vides) sunt ejus avis, quam nonnulli *Linariam* vocant, Itali *Fanello*, aut alius cujuspiam ejusdem naturæ avis propria.



Verus, qui una cum M. Aurelio Imperium administravit, Philosophus videri voluit, etsi ad Literas minime factus fuerit. Ad ebrietatem, voluptates, spectacula natura ferebatur. Vultum ejus si attentius inspicias, Satyrorum, quos immensæ libidinis fuisse dicunt, aliquam imaginem, qualem effingere Veteres solebant, videre tibi videaris. Nemo ignorat Veteres pingendi, & cælandi arte mirum in modum excelluisse. Non enim tantum corpora, sed animos quoque, hoc est animorum affectus vultu repræsentabant. Itaque Satyros ita exprimebant, ut fronte essent prominente, naso acuto, exiguis oculis, at neque intus, neque extra nimis positus, & superiore genarum parte eminente. His Veri vultum descriptum putes. Fuit ille, ut ab Historicis proditum est, lentiginosus, sparso ore, in quo tumores crebri, unde eum se se in vinum ingurgitasse facile intelligimus. Tantæ luxuriæ fuisse dicitur, ut posteaquam de Syria rediit, popinam ad quam diverteret domi instituerit. Quare licet ille pinguis non fuit, neque collo brevi, mirum non est, si quadragesimum secundum agens annum ictu sanguinis, quem morbum Græci *ἀπόπληξις* vocant, extinctus est.



Commodus fuit animo quam corpore turpior. Nam omnino nihil M. Aurelii humanitatem imitatus est, tamen si oris habitu nonnihil similitudinis habuit. Is cum esset sævus & intemperans, Marcus autem Aurelius clemens, & continens, ex hac morum dissimilitudine factum est ut eum spurium crederent, quem Faustina ex Gladiatore, cujus amore tenebatur, habuerit. Atque ita præstans Gladiator, Auriga, Comædus videri voluit. Vultu fuit insubido, oculis micantibus, sermone incondito, ut ebriosi solent, quorum facta imita-

tus est. Comperta prava ejus indole M. Aurelius magnorum, atque optimorum virorum disciplina illum erudire conatus est. Sed ea fuit ingenii vis, ut præceptores nihil profuerint. Impudicæ Matris vestigia sectatus est. Mortuo Patre honestiores viros submovit, quos suæ turpitudinis testes ferre non poterat. Eo præterea superbiæ devenit, ut Junior Jupiter, & Romanus Hercules appellari voluerit, eo usque ridiculus, ut quod nemo fecit alius, Leonis indutus spoliis incederet, & tanquam Hercules clavam gestaret. Tandem cum Commodus toti humano generi esset incommodus, ipsi ejus Familiares tantæ improbitatis taedio affecti, cum amplius molestissimum hominem ferre non possent, eum strangulandum curarunt. Senatus, populusque R. hoc monstro omnium hominum hoste liberati summæ lætitiæ argumenta dederunt. Aversam hujus Nummi partem Dissertatione 14. multis explanavimus.




Si Pertinacem ad Physiognomonum artem revoce, eam præ se fert felicitatem, quæ ab omnibus expetenda videatur. Scitum caput, latam frontem, reflexum capillum, immixtam ac venerabilem barbam, adspæctum gravem, habitum corporis pinguiorem, ventrem prominulum, staturam Imperatoriam, ut describit Capitolinus, & docent Nummi, in eo deprehendas. Hæc omnia prosperam valetudinem, generosum animum, populorum venerationem (etenim ipsemet habitus venerabilis erat) pollicebantur. Verum tam breve fuit Imperium ejus, ut quo natura ferretur ostendere non potuerit. Etate prope confectus Imperium assecutus est, ejusque senectus contempta est. Præsentem tamen animum ostendit in eo tumultu quo interfectus est. Cum enim orta seditione in Palatium milites pervenissent, ad eos processit, eosque longa, & gravi oratione placavit. Unus tamen cum in iram milites loquendo rursus adduxisset, hastam in pectus Pertinacis objecit, & in causa fuit cur cæteri malo suo Principem optimum confoderent.



Albinus natus in Africa Africanum vultum habuit. Originem tamen habuit a Romana familia nobilissima. Colore albo fuit ut Europæus, barba crispa ut Africanus, alto & apte pingui corporis habitu: natura erat melancholicus, & helluo fuisse fertur, quod ore lato significabatur. Quidam antiquus Scriptor nomine Cordus hanc in rem incredibilia persequitur. Nam Albinum quingentas fîcus passarias, quas Græci callistruthias vo-

cant, jejunum comedisse dicit, & centum persica Campana, & melones Hostienses decem, & uvarum Lavicanarum pondo viginti, & ficedulas centum, & ostrea quadringenta. Quod cum ὑπερβολικῶς recenti cuidam Scriptori dictum videretur, inter Veterum Historicorum fabulas retulit. Iis enim continendis saltem eo stomacho opus esset, qui quatuor simul Gigantibus sufficeret.



Severus fuit Africanus, nomine quidem sed & vultu, & factis severus, quod frons ejus rugosa, & mentum prominens indicavit. Sævus fuit in eos, qui ad Imperium secum adspirarunt, & præterea in viros nobiles eosque omnes, qui misero quodam fato suorum adversariorum partes secuti sunt. Byzantium male accepit, & Heracleæ subjecit, quod pro Pescennio Nigro steterat. Lugdunum quoque cæde, & igne crudeliter vexavit, quod ab Albino fuerit. Sobrietas, frugalitas, & quoad vestitum pertinet moderatio, communes Africanis hominibus Virtutes, in eo laudantur. Cæterum fuit ille animosus, strenuus, laborum patiens, & Reipublicæ maxime necessarius, ita ut virtutes ejus, ac vitia Senatus expendens eum Imperio utilem judicaret, pronuntiaretque illud: aut nunquam natus, aut nunquam mortuus fuisset. Juliam uxorem ejus, quæ venustate, & facilitate celebrabatur, hoc eodem eleganti in Nummo una cum Severo effingi Seleucenses voluerunt. Hunc Nummum jam superius explanavimus, qui Græcus licet ad politam Latinorum formam accedit.



Ersi in Caracalli vultu non facile reperio, quod reprehendam, tamen, nescio quomodo, placere mihi non potest: Ita nempe non raro accidit, ut quosdam simul atque aspiciamus, aversemur, in quibus tamen quid aversemur deprehendere non possumus. Quare quod ille Poeta Lesbæ quam minime amabat dixit, hoc tantum possumus mutato nomine his dicere.

*Lesbia, non amo te, nec possum dicere quare.
Hoc solum possum dicere, non amo te.*

Verumtamen ut dicamus aliquid, ea vultus pars quæ est inter crispa supercilia, oculi profundi, nares erectiores, quæ in hoc Caracalli Nummo dignoscuntur, videntur esse hominis animum in aliquid semper intendentis, dissimulantis, & scelesti. Adeo immanis Caracallus fuit, ut Patrem ense petierit, uxorem & fratrem Getam sustulerit, vini appetens, mulierosus, truculentus, male moratus, suis odiosus, & omnibus castris exosus. Tandem a Martiali Centurione interfectus est cum vixisset tres, & quadraginta, regnasset sex annos. Mi-

rum est tot flagitiis coopertum Principem inter Deos relatum esse; ut illa verba quæ in Nummo legimus indicant *Divus*, & *Consecratio*. Nisi hoc iccirco a Macrino, qui in ejus locum successus est, & auctor cædis fuit, factum dicamus, ut hoc honore habito cædis suspensionem a se removeret.



Getæ vultus nihil male, omnia bene minatur. Fuit cito barbatus; etenim necatus est anno ætatis suæ 23. & tamen densa & promissa erat barba; unde prudentia sperari poterat, quæ ætatem superaret. Certe omen ingens est eum multo magis ætate præfectum futurum consilio præstantem, qui primæ lanuginis ætate sapit. Et quidem prudens fuit, comis, carus populo; & hac nempe de causa Frater invidus ac perditus, cum eum plus se amari iniquo animo ferret, illum invidiæ suæ, ut ita dicam, maculavit, & impudens Papiniano mandavit, ut pro se facinus dilueret. At sapienter Papinianus, non tam facile, respondit, *parricidium excusari posse quam fieri*. Nummus rarus, qui apud me aliquando fuit, Getæ liberalitatem ostendit. Is enim una cum fratre Caracallo Populo congiarium dedit. Congiaria erant frugum munera populo collata.



Gigantea statura Maximino fuit, adeo quidem, ut octo pedes digito videretur egressus: pollice ita vasto, ut uxoris dextrocherio uteretur pro annulo. Robustus ac fortis fuit tanquam alter Milo; quocirca terrebat omnes adeo, ut audito tantum Maximini nomine Balbinus contremisceret. Mentum ei erat valde prominens, & in acumen desinens, quæ, uti superius diximus, est certa feritatis, & crudelitatis nota. Itaque dirus, superbus, crudelis maxime fuit, ut nemo alius, cum id illi in animo infederit, Imperium nisi crudelitate teneri posse. Cæterum cum longitudine, & vastitate corporis præstaret, cum lato esset ore, quales solent esse helluones, non admodum mirum est, quod Historici narrant, eum sæpe uno die comedisse XL. libras carnis, ac totidem sextarios vini bibisse. Fuchsius de metoposcoporum arte in Maximino deprehendit lineam solarem, argumentum bonæ fortunæ. Hæc linea est transversa, & in medio frontis.

Aliorum Imperatorum effigies vocare in disquisitionem possem, si satis idoneus mihi Physiognomon viderer ad sententiam de cujusque vultu pronuntiandam, & satis Historiæ peritus ad dijudicandum, utrum præcipua illorum gesta ab ipsamet indole, ingenioque manarint. Satis est me iis viam stravisse, quibus plus otii, & ingenii fuerit.

VIGESIMAQUINTA DISSERTATIO

De Virga Mosis, ad Graverollum Causidicum, &
Academicum Nemausiensem.



Erius præsto quam par est, quod tibi promiseram de Virga Mosis. Si dignus tibi videor in quem animadvertas, nullam pigritiæ meæ prætexo excusationem. eas de me quibus me dignum putaris poenas fumes; ea utere quam tibi Virgam offero. Et hæc jam alias, uti nosti, gravissimas plagas inflixit. At si vel Moses viveret, & antiqua Virgæ ea, qua prodigiis tantum terrorem incussit, virtus inesset, pro nostra amicitia in me nihil inde, nisi commodum redundaret. Eam tu ad musei modò tui ornamentum desideras, inter ea, quibus museum illud tuum tantopere commendatur, collocandam. Itaque eam tandem habe; quam expendere non secus poteris ac si *Rasiel* uteris. Hebræorum hi libri sunt, in quibus agitur de *Kabala*, & arte magica: Inter cætera rationem tradunt qua Virga inspicitur, iisque distinctam notis exhibent, quibus, ut ajunt, magna patrata, ac mira sunt. Quod fuerit eorum, qui inter Hebræos maxime præstiterunt ingenium ibi videas. Quis tamen miretur monstrosa eos excogitasse, qui in re omnium gravissima, ac potissima tantopere errarunt?

Plurimum Doctorum sententiam habe. Quæ in Ægypto, & alibi miracula patravit Moses ejus baculi virtute patrata esse; quem, si fidem iis habes, inter duas Sabbathi vespere Deus creavit, hoc est sexti diei vespere ex quo conditus Mundus caput, in quo baculo miro artificio sanctum, magnum, & gloriosum Dei nomen, quod *τραπεζομήμων* appellabant, expressum erat. Hinc in (a) *Zoar* in Exodum legimus in ea virga miracula inscripta esse, & SS. Dei nomen insculptum. Et Jonathan filius Uziel in paraphrasi in Exodum, quam (b) *Targum* nominant, idem ait. En quod ille refert.

Rehuel (qui idem erat atque Jetro, aut ejus Pater, ut Jonathan sensisse videtur hoc capite n. 18.) cum Mosem in domum Pharaonis aufugisse cognovisset, eum in profundum puteum demitti jussit, ubi Sefora ejus filia minor viginti annorum spatio eundem aluit; elapso hoc tempore eundem eduxit. Cum forte quondam Moses in horto Rehuel esset, effusus in preces Deo gratias egit, cujus potentia a periculo servatus esset, & cujus in se clementiam multis miraculis esset expertus. Cum ibi in Virgam oculi incidissent, factam inter duos soles, id est vespere Sabbathi, aut sexto dum universæ conditæ res sunt die; in qua virga calatum erat magnum, & gloriosum Dei nomen, cujus virtute aliquando mare rubrum dividendo, e rupe aquas eliciendo, aliaque in Ægypto miranda facturus erat, illico Virgam terræ hærentem evulsi, & abstulit.

a *Zoar* aut *Zohar* est interpretatio in 5. lib. *Mosis Kabalistica*.

b *Targum*: duo sunt libri hoc nomine, sive *Paraphras* Chaldaica in Biblia: altera *Jonathan*, altera *Onkelos*. *Jonathan* vixit aliquanto ante Jesum Christum. *Onkelos* aliquanto post, tametsi, ut nonnulli volunt, ii se se mutuo viderunt, & noverunt.

Quid sibi hic Scriptor velit apparet ex eo, quod de Virga Aaron legimus in (a) *Pirke Eliezer*, & in (b) *Schalseleth Hakabala*. Id tamen planius constat ex antiquis, & raris admodum Commentariis *Medrasch Vajoscha*, Constantinopoli in lucem editis, qui quod paraphrasis Chaldaica, alique de quibus diximus Auctores narrant, in lumine collocant. Inducitur enim Moses pluribus sua gesta memorans in hæc ferme verba.

Annos natus circiter quadraginta de Ægypto exii: ad puteum aliquando cum venissem, Sefora Jetro filia supervenit: quam, modestissima mihi, atque honestissima visa cum esset, de nuptiis interpellavi. Tum illa quid cum Proci Pater ageret, narravit. Ille ad arborem in horti medio positam procos adducebat. Mortifera vis inerat arbori, ut ad eam qui accederent, extemplo interirent. Quod ubi intellexi, unde deducta hæc esset arbor interrogavi. Primi Sabbathi Vespere, inquit, ab origine Mundi, creavit Deus scipionem, eumque dedit Adamo, Adamus reliquit Enoch, Enoch Noe, Noe Sem, Sem Abrahamo, Abrahamus Isaac, Isaac Jacob, Jacob in Ægyptum detulit, & filio Joseph dono dedit. Ubi e statione vitæ Joseph decessit ejus domum Ægyptii compilarunt, & inter cætera hunc Scipionem nacti ad Pharaonem detulerunt: Jetro autem inter Ægyptios magos Princeps ubi eum vidit concupivit, furtoque ablatum domum tulit. Insculptum in eo erat *τραπεζομήμων* magnum Dei nomen, ejusque nominis interpretatio una cum decem Ægypti suppliciiis, & quia miris operibus totus distinctus erat, custoditus est diligentissime diu apud Jetro Vitricum meum. Qui tandem hortum ingressus humo scipionem fixit, quem cum mox evellere voluisset, deprehendit eum radices egisse, flores edidisse, & præter flores maturas amygdalas produxisse. Tum eum intactum reliquit; & converso in arborem Scipione periculum de iis faciebat, qui ducturi essent filias suas.

His rebus omnibus cognitis, cum intellexissem a Pastoribus prohiberi filias Jetro quominus aquam haurirent, ab illorum injuriis Seforam, ejusque sororem vindicavi, aquam hausi, & illarum pecori potum præbui. Tum illæ domum ad Patrem perrexerunt, quibus me comitem addidi. Eo ubi pervenerunt ingressæ sunt, ego vero ad januam substiti. Quandoquidem citius eo die, quam solebant, redierant, interrogatæ a Patre ejus rei causam, quia Pastorum prohibentium vim, inquit, comis quidam Ægyptius vir a nobis repulit. Me Ægyptium vocari extra portam ubi sensi, nullum contra verbum feci; quia vero simul atque dixerunt me Ægyptium esse, non me in domum intuli professurus me Hebræum esse, iccirco in terram Israel mihi aditus non patebit.

His auditis intelligens per Ægyptium filias a discrimine liberatas esse, quæsitum num pro beneficio mutuam gratiam reddiderint, meque per eas voca-

a *Pirke Eliezer*: Hic liber Historiam rerum creatorum usque ad Gamaliel complectitur; Gamaliel inquam II. filium ejus Gamaliel a quo D. Paulus fuit eruditus.

b *Schalseleth Hakabala*; aut *Catena Cabalæ*. Est liber Historicus, aut Chronicus a Mundi exordio usque ad Auctorem qui præterito sæculo vixit.

riiussit, arcessite, inquit, intus, & nobiscum cœnet. Iis imperata facientibus ingressus sum, cibum, & potio- nem una cum eo sumsi. Post hæc enixe Jetro oravi, ut Seforam filiam suam nuptui mihi daret. Illam mihi ea conditione sponso, ut scipionem in horto positum asferrem. Dicto parui; scipionem conculcavi, inveni, convulsi, & attuli. Rei admiratione Jetro suspensus, & rei novitatem expensens exclamavit: hic certe Propheta est, quem omnes Israelis Vates totam Ægyptum vastaturum, & exitum cultoribus allaturum prænuntiarunt. Inde ira excandescens me corripit, & in profundum qui erat in horto puteum dejecit.

Si id mihi, Seforæ quoque multum mœroris attulit, quæ eo mentem eodem tempore cogitationemque defixit, ut a morte eum hominem, cui beneficiorum erat obstricta vinculis, aliqua ratione eriperet. Et quidem id excogitavit, se habere pauca si liberet Patri, quæ diceret; eum uxore orbatum esse, septem esse domi filias, necesse fore, ut sex sorores rei domesticæ curam gererent, se gregem ducturam pastum, nisi malit pascendi gregis sororibus, curandæ domus provinciam sibi demandare. Recte mones Filia, ut video, Pater inquit; Sorores tuæ gregem ducant, tu domus curam habeto. Itaque cum sola esset domi Sefora quotidie exquisitos mihi cibos, quales Patri Jetro suppeditavit septem annorum spatio, quibus in puteo delitui.

Elapsis his septem annis ita Patrem Sefora allocuta est. Jam pridem Pater Ægyptium hominem, qui defixam in horto Virgam attulit, jussisti in puteum demitti; patere ut ibi fodiam, & rei eventum videam. Si mortuus est, nisi quid, quod oponas habes, extrahendum cadaver puto, ne polluta, & contaminata domus tua sit; si autem vivit, integerrimus, & eximia præditus sanctitate sit necesse est. Recte mones, Filia, Jetro inquit; at ejus nomen adhuc meministi? Utique, Pater, illa inquit, Filius est Amranni Moses nomine. Illico Jetro puteum aperiri jussit, bisque me compellans nomine Moses Moses ait: vocanti adsum dixi. Is me statim eduxit, & osculatus est, & exclamavit: Benedictus Deus, qui te septem annos in hoc puteo te incolumem servavit, profiteor hodie eam ejus esse potentiam ut homines morti addicat, & a morte revocet. Quantum potero voce contendam, ut hoc omnes exaudiant: Tu vere probus vir es, tu olim Ægyptum vastabis, tu Ægyptios in mare merges, per te idem erit Pharaonis, & ejus exercitus fatum: & e vestigio pecunias, & Seforam mihi pro uxore dedit.

Hæc sunt quæ hic scriptor posterorum memoriæ reliquit.

Abarbinellus Hebræus doctor, quem plurimi Hebræi faciunt, ad 2. caput Exodi ita hanc fabulam interpretatur. Postquam una cum Jetro Moses versatus est, perspecta hominis sapientia, & præstanti doctrina, eum sibi arctioribus vinculis obstringi concupivit; captus enim est ejus eximia rerum intelligentia, & apud eum esse non recusavit. Huc refertur illud quod Moses ait Exodi 20.

v. 2. & Moyse consensit habitare cum Jetro, non amore Seforæ quam uxorem duxerat, sed Jetro sapientia admiratione. Hæc est, inquit, Doctorum nostrorum, quibus sit terra levis, sententia, cum in commentariis ajunt Virgam Dei in horto defixam esse, & neminem præter Mossem eam evellere potuisse, idque fuisse pro merito cur Seforam duceret. Nimirum Arborem Vitæ, quæ in medio horti est, per eam Virgam intellexerunt, hoc est sapientiam Mosi, cujus causa Prophetia dono ornatus est. Admirabili etiam ejus sapientia Jetro captus Seforam filiam suam Mosi uxorem tradidit. Hinc illi amici, aut socii dicuntur.

De hac Virga multa Galatinus (a) scripsit, & peculiaria quædam a Judæorum libro, cujus titulus *Gale Resaja*, hoc est *Revelans Arcana*, desumit.

Notandum est juxta Judæorum sententiam, Virgam hanc cui miraculorum patratorum singularis, ac divina virtus inerat, summo in honore, ac veneratione habitam uni Mosi, neque unquam alii datam esse. Ne Josuen quidem ejus discipulum, qui in ejus locum merito successit, ea unquam usum fuisse, sed tantum lancea, sarissa, hasta, communibus bello armis.

Sed ne quidquam dissimulem, cum Virgam Aaron, Vas quo Manna, & acerra, qua Thymiana continebatur, in Arca Josue aliasque res sacras condidit, de Mosi Virga nihil dicitur, neque uspiam, aut in Sacris Litteris, aut penes Doctores mentionem ejus offendas, ex quo Abarbinellus colligit Mossem, cum moriturus Montem Abarin conscendisset, sumsisse in manum Dei Baculum, & inde utrumque & Prophetam & Baculum in sepulcro positum fuisse; noluisse Deum cuiuspiam mortaliū post Mossem ejus usum concessum esse. Cum enim in Israel neque futura pronuntiandi dono, neque patratorum miraculorum virtute par Mosi ullus unquam extiterit, ita nemo nisi Moses miris perficiendis rebus eo scipione usus est.

Quod diu expectabas tandem præstiti: gratius opinor fuisset, si definito inter nos tempore misissem: Ut enim apud Doctores Judæos tritum est, *omnis res grata quæ fit in suo tempore*. Mora enim non solum in præsens nocumento est, sed aliquando etiam in posterum. Jam nosti quod Orestis sero redeunti dictum fuerit:

Μέλλων δὲ αἰεὶ δρᾶν τὰς ἑσας πέμψω,
καὶ τὰς ἀπὸ τῶν ἐλπίδων διέφθορεν.

*Cum prorogat semper facere, præsentia simul,
Etiam futuras spes omnes perdidit.*

Saltem meam modo litterarum tarditatem accuses: cætera in me fac probes. Vale.

LABRUNE

VIGESIMASEXTA DISSERTATIO

De Nummo Caracalli, in quo expressi sunt Funambuli.
Ex de Camps Adjutore Glandatensi.



N varias multi Antiquitatis studiosi Galli, Itali, & Angli abiere sententias, qui in explicanda, prout quique opinatus est, hujus nummi, cujus typum habes in Museo Regio, averfa parte suum adhuc ingenium exercuere. De hac sententiarum varietate cur mireris nihil est. Neque enim in tanto Nummorum, quos nobis Antiqui reliquere numero, in tanta typorum, quos inspicimus dissimilitudine, alterum unquam hujus similem vidimus. Quare non me temeritatis, accusatum iri confido, si Nummum, de quo nihil adhuc certi eruditissimi homines pronuntiarunt, explanandum suscepero. Aggrediar opus nihilominus; namque ea jam animadverti, quorum ope spero me aliquid confecturum. Sambucus ad suorum *Emblematum* calcem (ea sæculo præterito prope confecto in apertum protulit) eum Nummum exprimendum curavit; at negligentius quidem, ut sive inscriptionem inspicias siue figuras, res non satis distinguas, neque satis præsidii ad intelligendum haurias. Saltem quod propono exemplum ad unguem factum est, & ad rei veritatem accedit, quibus sublati nullus relinquitur ratiocinandi locus. Ex una parte caput Antonini Caracalli vides cum his litteris ANTONINOC AYTOYCTOC *Antoninus Augustus*.

Ex altera parte legimus hæc: ΑΡΧΙΕΡΕΩΣ ΑΙΛΙΟΥ ΟΝΗΚΙΦΟΡΟΥ ΑΥΡΗΚΙΩΝ ΑΝΤΩΝΕΙΝΙΑΝΩΝ ΚΥΖΙΚΗΝΩΝ ΔΙΟ ΝΕΩΚΟΡΩΝ: at præcisus notis, quæ verba, ubi averfæ partis figuras ex planaverimus, interpretabimur.

Sub unoquoque canistro duas aspicias trabes junctas in vertice, a quo ad terram usque demissi funes pendent. Ut firmiores trabes sint, ex utraque parte premunt duo homines: in utroque fune duo sunt Schœnobates, quos e canistris palmas secare velle diceres. Quos inferius vides ii profecto spectatores sunt.

Abbas Seguinus averfam hujus Nummi, quem Cyziceni percusserunt, partem ludos in Caracalli honorem institutos repræsentare censuit, cur ita sentiat nititur his vocibus ΑΥΡ. ΑΝΤΩΝΕΙΝΙΑ pro ΑΥΡ. legit etiam ΑΚΤ. ut de *Actis Antoninianis* quæsitum fuerit. Ea is est antiquarum rerum cognitione præditus, ut omnium consensu maxime excellat; ut ejus sententiæ sine ulla dubitatione subscriberem, nisi inspecto postea simili, at integriore nummo, ubi ingentibus notis leguntur

A hæc ΑΙΛΑ ΟΝΗΚΙΦΟΡΟΥ ΑΥΡ. ΑΝΤΩΝΕΙΝΙΑΝΩΝ, ipse a suamet sententia discessisset.

Hac minus præcisa inscriptione intelligimus Marsamum Equitem Anglum a veritate interpretando aberrasse, & illo vocabulo ΑΝΤΩΝΕΙΝΙΑ non ludos Antoninianos significari, sed vocabulum abruptum esse pro ΑΝΤΩΝΕΙΝΙΑΝΩΝ, quod conjicimus esse epitheton; quod ut Antonino Caracallo gratum facerent, assentandi causa Cyziceni sumere, qui *Aureliani Antoniniani Cyziceni* appellari voluerunt. Urbium quæ hac ratione mutuatæ nomen sunt, exempla plura in Nummis occurrunt. Sic Tarsus dicta est *Trajaniana*, *Hadrianiana*, *Severiana*. Colonia quoque, quas Imperatores deduxerunt, non solum generale Cæsaris, & Augusti nomen, quod Imperatoribus omnibus commune fuit, sed etiam proprium, quo ab aliis Coloniae conditor secerneretur, in Nummis usurparunt. Ita Patre *Neronianæ* dictæ sunt, ut ex mirabili & singulari Neronis Nummo, qui in nostro Museo est, plane liquet. Extant enim in averfa ejus parte hæc verba. *Genio Coloniae Neronianæ Patrens*. Itaque Inscriptio qua de agimus Nummum percussum indicat fuisse: *Pontifice Ælio Onesiphoro, Cyzicenis Aurelianis Antoninianis bis Neocoris*.

C Sed investiganda ratio est, cur hic Funambuli obijciantur, & cur id in averfa Nummorum suorum parte fieri Cyziceni voluerint. Scias oportet Græcos omnes, cum honoris causa Nummos Imperatoribus cudebant (idque faciebant sæpe ad gratiam promerendam) quod peculiare in ipsorum Urbibus, aut agris erat, effingere in Nummis consueverant, ut Romani, atque exteri intelligerent, quænam essent ipsorum Patriæ ornamenta, & quænam ipsi Numina venerarentur. Hæc ratio est cur in Imperatorum, & Cæsarium Nummis, quos Græci ferierunt, Deorum, Dearumque quibus Patronis utebantur, imagines videamus, & præsertim in earum Urbium Nummis, quæ a Diis appellabantur. Tempia quoque in iis cernimus, animalia, fructus, plantas, arbores, & alia si qua erant peculiariora. Exprimebantur etiam illustres Patriæ Viri; ut apud Trojanos Hector, & Æneas, apud Samios Pythagoras, apud Mitylenæos Sappho, eorumque gesta immortalis digna gloria. Tandem, quod ad rem nostram facit, ludos publicos sculpebant, quos certis statutisque diebus anni festis dabant. Quod quia satis ex Antiquariorum libris perspicuum est, ad id confirmandum verbum non amplius addo.

Cyziceni itaque, mea quidem sententia, hoc nummo ad Caracallæ honorem elaborato, Schœnobatas offerente id sibi voluere, ut Imperator Cyzicenos

cenos maxime his exercitationibus præstare cognosceret. Accidit peropportune, ut, invento scriptore, cujus non extat nomen, qui ætate Constantis, & Constantii vixit, cujus autographa Scripta in Bibliotheca Regia diligentissime custodiuntur, ejus rei certior fierem. Hæc ibi ferme leguntur: *Cyziceni, finitimique populi ita saltibus, Choris, & arte Schœnobatica præstabant, ut nationes reliquas superarent, ac se ejus artis inventores, ac præceptores venditarent.*

Quoniam hic Nummus funambulorum admonet, non ab re alienum putem in medium afferre, quæ de hujus artis origine, usuque posterorum memoriam notatu digna tradita sunt.

Variis nominibus utuntur Græci. Hæc autem sunt *χοινοβάτης, ἀποβάτης, ὀρεβάτης, νεοποβάτης*; ut penes antiquos scriptores legimus, & apud Bulengerium in Theatro lib. 1. cujus caput 62. de funambulis agit, quorum quatuor esse genera ibi intelligimus.

Primum genus erat eorum, qui circa funem vertebantur, ut circa axem rota, iique pedibus, aut collo suspendebantur. Nicephorus Gregoras (a) ait sua ætate fuisse Constantinopoli qui circa funem volverentur.

Genus alterum eorum erat, qui funi hærente pedore, brachiis, pedibusque extensis a sublimi loco ad imum ferebantur. De his loquitur Manilius Nicetas, (b) & Vopiscus in vita Carini, ubi ait; *Neurobatem, qui velut in ventis cothurnatus ferretur, exhibuit.*

Tertium vero genus eorum, quorum meminit idem Manilius, qui ibant per extentum, ut loquuntur, *horizontaliter* funem, aut fursum deorsum rectum, quales in hoc de quo agimus Nummo cernimus. Audi Manilium.

*Et si forte aliquas animo consurget in artes,
In prærupta dabit studium, vincetque periclo
Ingenium, aut tenues ausus sine limine gressus,
Certa per extentos dabit vestigia funes,
Et cæli meditatus iter vestigia perdit,
Et pene suspendens populum suspendit ab ipso.*

Quartum tandem genus eorum, qui non modo per extentum funem gradiebantur, sed etiam circumferebantur, & saltabant, perinde atqui ii, qui terram pedibus ad tibie sonitum percutientes choreas ducunt. Hos spectat Symposius cum de funambulorum Saltationibus verba facit.

Funambulorum ars antiquissima est, & longe ante Christum natum cognita. Terentius in prologo Hecyræ, *Hecyra*, inquit, *huic nomen Fabula, hæc cum data est nova, novum intervenit vitium & calamitas: ita populus studio stupidus, in funambulo animum occupat.* In Marco Aurelio Capitolinus ait Imperatores M. Aurelium, & Lucium Verum habitu triumphali ludos ob Triumphum decretos spectavisse, & *Inter cætera*, inquit, *pietatis M. Aurelii, hæc quoque moderatio prædicanda est; Funambulis post puerum lapsum calcitas subjici jussit; unde hodieque* (Diocletiano scilicet imperante, quo tempore Capitolinus scripsit) *rete prætenditur.* Hi ludi dati sunt Marco Aurelio Imperatore, anno post ejus Tribunatum 18. Christi vero anno 164.

Illud maxime admirandum est, quod in Galba Suetonius narrat, quo non solum homines, sed etiam belluas arte Schœnobatica institui posse perspicimus. Anno Tiberii decimo nono (hoc est Christi Domini 32.) *Galba Prætor commissione ludorum Floralium, novum spectaculi genus, Ele-*

phantos funambulos edidit. Hoc factum est etiam Imperatore Nerone, in ludis pro æternitate (inquit Suetonius) Imperii susceptis, quibus ex utroque ordine, & sexu plerique ludricas partes sustinuerunt. Notissimus Eques Romanus *Elephanto supersedens per catadromum decucurrit.* (Casaubonus *Catadromum* funem protensum explicat) ita ut funambuli decurrunt. Plinius lib. 8. cap. 2. ait, *Germanici Cæsaris munere gladiatorio Elephanti quosdam inconditos motus edidere, saltantium modo.* Vulgare erat per auras arma jacere, atque inter se gladiatorios congressus edere, aut lasciviente pyrrhiche colludere, postea & per funes incesse: & sequenti capite, maxime mirum & adversus quidem funibus subire, sed regredi magis utique pronis: ubi earum belluarum docilem naturam persequitur.

Qui de Schœnobatis scripsere, de eorum ludis, quos aut sua ætate videre, aut a majoribus acceperunt, loquuntur; & inter eos scriptores quos appellavimus, nonnulli sunt antiquissimi; & ut gradatim ascendamus, quarto & quinto sæculo a Christo nato D. Chrysostomus, Prudentius, & Julius Firmicus eorum meminere. Tertio D. Cyprianus; Secundo Tertullianus, Justinus Martyr, Arrianus Nicomediensis Historicus. Elegans est Tertulliani (a) de Pudicitia locus. Age tu, inquit, *Funambule pudicitie & castitatis & omnis circa sexum sanctitatis, qui tenuissimum filum disciplina ejusmodi veri avia pendente vestigio ingrederis, carnem spiritu librans, animam fide moderans, oculum metu temperans.* Primo vero sæculo Petronius, Juvenalis, & Quintilianus de Funambulis verba faciunt. Primus ille his versibus Funambulorum describit.

*Stuppea suppositis tenduntur vincula lignis,
Quæ super aerius prætendit crura viator,
Brachia distendens gressum per inane gubernat.
Ne lapsa e gracili planta rudente cadat.
Ecce hominis cursus funis & aura regunt.*

Antequam Christus nasceretur, Horatius epist. 1. lib. 2. de Funambulis nescio quid injecit. Messala, qui 260. ante Christum annos vixit, primus Græcum vocabulum *χοινοβάτης* latine reddidit Funambulorum, ut Acron in Horatium refert. Difficillimum, ut verum fatear, est tempus definire, quo primum Funambuli ludos ediderunt. Mihi quidem persuadeo, inventos esse paulo post ludos theatrales, & fabulas comicas; qui ludi fieri cœperunt, cum Rustici collectis uvis ita oblectari solebant, ut viderent utres in terram impactos resilire, & ipsi per utres salirent. Horum enim ludorum utrumque genus habet nescio quid affinitatis, Græci porro quæ invenerunt perficere consueverunt. Itaque cum Theatrales ludi anno ante Christum 1345. a Baccho, aut Icario Erigones Patre instituti sint, profecto non multum temporis intercessit cum Funambuli spectacula dare cœperunt.

Comœdiam, Polydoro, Virgilio, & Ludovico Vives testibus, Romani Græcis acceptam referunt. Ita haud ægre in eam sententiam iverim, ut putem a Græcis artem quoque Schœnobaticam Romanos accepisse. Comœdia Romæ primum acta est Cajo Sulpicio Petico, & C. Licinio Stolone Coss. anno ab Urbe condita 390. ante Christum 364. & primum quidem in Insula Tiberina, consecutis temporibus in Theatro Censoribus Messala, & Cassio, eo, inquam, qui cum aliis conjuratis Cæsarem sustulit. Id habemus ex Valerio Maximo, Appiano, & D. Augustino lib. 1. de Civ. Dei.

a lib. 8. cap. 21. b lib. 5.
Supplem. Tom. IV.

a Cap. 10.

Funambulorum spectacula nunquam pro Ludis publicis habita sunt. Fuit hæc quædam exercitatio, oblectatioque privatorum potius, quam pertinens ad Theatrum publicus ludus. Et quidem nusquam legimus Funambulis publica proposita fuisse præmia, quemadmodum proposita Comædis erant, neque de iis aliquid peculiariter statutum. Neque ideo tamen omni prorsus mercede carebant, sed collata a populo, qui spectaculis intererat, pecunia donabantur; non vero ut Comædi rogatione aliqua populi, aut scito plebis, præmiis afficiebantur.

In hanc rem Alexander ab Alexandro, *non Ludiones modo*, inquit, *sed elephantos, & eos, qui in certaminibus fortiter quid aut dignum laude gessissent, a populo collatione stipis, & assibus donari legimus*, Græca vox *δάμαρπος* significat præmium illud quod mira spectante populo facientibus

A (cujusmodi erant etiam Funambuli) dabatur. Simile huic erat *Niceterium* in Ludis Olympiis, & Circensibus; simile quoque *βραβεῖον*, eorum præmium, qui in Theatris fabulas agebant, & Pantomimorum, aut saltatorum, qui tamen corona quoque donabantur.

Deinde Lippius Funambulorum spectacula inter privatos ludos recenset.

Præterea Funambulorum mentionem inter ludos publicos nusquam invenias.

B Tandem Funambulorum spectacula in ludis publicis erant quasi exordiorum, & Attellanarum loco, non vero ad ipsos ludos publicos pertinebant. Id ex Terentio, aliisque scriptoribus usque ad Imperatorem Carinum facile percipias. Hæc habui ad rarum hunc Nummum explicandum, quæ dicerem.



VIGESIMASEPTIMA DISSERTATIO.

*Non Servos tantum Medicinam Romæ factitasse; neque
inde Medicos unquam exactos.*



Omæ olim servos tantum medicam artem exercuisse, auctor est Robortellus recens scriptor, aliique sane multi. Quod ut falsum, ita populi Rom. sapientiæ, & Artis nobilitati injurium est. Refutat id Casaubonus in Suetonium, & Drelincourtus, qui medicam artem

Lugduni Batavorum publice professus est, disputationem typis commisit, qua infirmis hanc propositionem niti fundamentis tam plane ostendit, ut nisi antiquis Inscriptionibus, monumentisque extra omnem dubitationem positis eorum argumenta confirmare necesse sit: quod tum præstabo, cum aliquot ad quæstionem hanc magis declarandam ex Antiquis Scriptoribus præcipua momenta proposuero.

Suetonius in Julio Cæsare ait eum a prædonibus captum mansisse apud eos prope quadraginta dies cum uno medico, & cubiculariis duobus. Quem medicum Suetonius appellat, amicum ait Plutarchus: narrat enim a Ciliciæ prædonibus feris hominibus, & sicariis Cæsarem captum apud eos cum quodam amico, & duobus cubiculariis fuisse, & quidem minime male habitum, cum vel Piratis terrore esset, ac venerationi. Id præjudicatæ opinioni suæ adversari Robortellus cum animadverteret (Neque enim Servus tam magni Imperatoris amicitia dignus erat) contra chirographorum, & omnium antiquorum codicum fidem, ausus est Suetonii locum pro libidine invertere, & pro uno medico, uno amico scribere Plutarchi nixus auctoritate. Sed ex ejus præjudicata, & Medicis injuria opinione nihil necesse est hanc verborum mutationem admittere. Neque enim in historia Romana is unus locus est, quo medicos virorum dignitate Principum amicitia minime indignos habitos esse, ut propterea Servi illi fuerint, intelligamus. De Asclepiade ita Cicero loquitur tanquam de eo medico, qui egregia forma esset, qui cæteros eloquentia superaret, & quo ipse medico usus fuerit. Tacitus Eudemum medicum Livie Augusti uxoris amicum vocat. Plutarchus, & Sueton. referunt hunc, quem modo nominavimus Principem, primo Macedonico prælio, quod adversus Cæsaris conjuratos gessit, amici somnio monitum e tabernaculo egressum esse. Hic porro amicus fuit Artorius ejus medicus, ut ex Vellesjo, Valerio Maximo, & Dione colligimus.

Dioscorides Medicus Anazarbeus cum Romam venisset, factus est Civis Romanus & cum Licinio Basso nobili viro amicitiam junxit. Qui medicus Julii Cæsaris vulnera inspexit dictus est nomine Antistius, proindeque liber erat, & Romanus: Servi enim non gaudebant Gentis, aut Familiæ nomine. Idem dici de Antonio Musa potest, cui, quod Augustum curavit, in loco publico Statua ex Senatus Consulto posita est.

Medici omnes teste Suetonio per Julium, & Augustum Imperatores civitate donati sunt, & immunitate. Servis autem tantum honoris habitum esse, adduci ut credam nullo modo possum. Plinius quoque, qui de arte medica videtur aliquando non perhonorifice sentire, ait Quirites hoc est Roma-

Supplem. Tom. IV.

nos eam artem factitasse. Neminem autem civem R. fuisse servum nemo est, qui ignorat. Itaque præstantiores quique Græci, cum viderent Medicos Romæ bene habitos esse, præmiorum spe Romam habitandi causa venerunt.

Liberti quoque, non inficior, in medicina versati sunt; sed in Imperatorum aula maximi Liberti fiebant. Illi enim, qui in libertatem vindicabantur, eam sibi promeruerant singulari aliqua virtute præditi, quocirca honestum locum in aula tenebant, adeo quidem, ut ad publica gerenda negotia non raro inter primos accederent; qualis Pallas fuit, & Narcissus imperante Claudio.

Qui historiæ periti sunt, quanti Romæ, & alibi æstimata medicina sit, ipsi satis per se possunt intelligere, cum viri quoque Principes ad eam animum appulerint. Mithridates Rex Ponti non indignum putavit adversus venena pharmacum componere. Juba Mauritanie Rex de plantis scripsit; & Evax Rex Arabum, teste Plinio, librum de herbarum virtutibus Neroni misit.

Ferretus Scriptor recens in *Musis Lapidariis* Robortelli sententiam secutus est, nempe medicinam servos tantum factitasse; cui stabiliendæ duos Suetonii locos affert, alterum in Nerone ubi medicus a Domino dicitur manumissus, alterum in Caligula: *Mitto tibi præterea cum eo ex servis meis medicum*. Id tamen nihil evincit: nihil prohibet quominus penes Viros Principes servus aliquis medicus fuerit; non tamen recte colligas servos tantum medicos fuisse, præterea neminem; quemadmodum inepte disputaret, qui diceret, medicinam, aut Chirurgiam ab iis exerceri, qui ad Triremes damnati sunt, propterea quod non desunt ex eo genere hominum, qui ad eam exercendam ingenio, & industria valeant. Præterea facile in eam me partem do, ut credam in ea medicinæ parte, quæ manu medetur, hoc est Chirurgia occupatos servos fuisse, quippe quæ dexteritatem potius, quam scientiam postulat. Itaque in quodam Epitaphio servus nescio quis Illyrius occurrit medicus oculus; hoc est qui oculis medetur.

ROMÆ.
Apud Cæsarini.

ILLYRIVS
TI. CAESARIS
AVG. SER. CELADIANVS
MEDICVS OCVLARIVS
PIVS PARENTVM SVORVM
VIXIT ANNOS XXX.
HIC SITVS EST IN PERPE.

Sed Medicorum, qui aut Liberi, aut Liberti fuerunt, inscriptiones libet in medium afferre, quas Gruterus prætermisit. Ubi nominibus additam videris litteram L Libertus interpretere.

ROMÆ.

M. FONTEIVS
NICANDER
MEDICVS.

Fonteja familia fuit Romæ illustris. Quocirca
Oo ij

hic *Manius Fonteius* Nicander fuit Medicus Liber: A
habet enim prænomen, nomen, & cognomen;
servi autem solo cognomine utebantur. Idem di-
cendum est de alio, qui inferius ponitur, licet fue-
rit tantum medicus oculusarius. Fuit Nicander qui-
dam imperante Nerone magni nominis medicus,
qui duo Poematia de feris virulentis, deque reme-
diis adversus venena scripsit, quorum tituli sunt
Theriaca, & *Alexipharmaca*.

BONONIÆ.

DIS MANIBVS
M. LATINIUS
MEDICVS OCVLARIVS
HERMES VIXIT ANNOS
XXXX

Hoc Epitaphium habes in libro rerum selecta-
rum Bononiæ, cujus titulus *le cose notabili di Bo-
logna*.

ROMÆ.

Apud Pampili.

D. M.
T. VIBIO RVFO MEDICO
COH. V. PR. VALERIA
RVFINA CONIVGI OPTIM. FECIT.

ROMÆ.

Apud Eminentissimum Principem de Maximis.

L. APPVLEIVS
L. L. EROS MEDICVS
L. APPVLEIVS L. F.
PHILVMENVS
L. APPVLEIVS L. L. IANVARIVS

B Incidebantur aliquando in Lapidibus eorum, qui
sepulti erant tantum nomina, ut quinam ibi essent
Viatores intelligerent: exemplum habes hoc in E-
pitaphio; ibi sunt Lucius Appulejus Eros Liber-
tus Lucii, Medicus, Lucius Appulejus Philame-
nus, & Lucius Appulejus Januarius Libertus Lu-
cii. Appulejorum familia, unde Auctor meta-
morph. Romæ erat nobilissima.

Eugubii, aut Iguvii in Umbria.

C L. SABINVS L. L.
PRIMIGENIVS
ORTVS. AB. IGVVIO. MEDICVS. FORA.
MVLTA SECVTVS
ARTE. FEROR. NOTA. NOBILIORE. FIDE
ME. CONSVRGENTEM. VALIDA. FOR-
TVNA. IVVENTA
DESTITVIT. RAPIDIS. IMPOSVITQVE.
ROGIS
CLVSINO. CINERES. FLAMMAE. CESSE.
RE. SEPVLCHRO
PATRONVS. PATRIO. CONDIDIT.
OSSA. SOLO

In Via Neapolitana Nolam versus, inter rudera Palæpolis.

D. SERVILI. D. L. APOLLONI
MEDICI. SERVILIA. D. L.
AMBROSIA. FECIT. PATRONO
SVO. ET. SIBI. ET. SVIS

ΩΔ. ΕΠΑΦΟΥ. ΓΕΝΝΗΜΑ ΣΟΦΟΙΣ. ΕΠΙΕΙΚΕΛΟΣ ΑΝΗΡ.
ΚΕΙΜΑΙ. ΡΩΜΑΙΩΝ. ΣΠΕΡΜΑ. ΠΟΛΥΚΤΕΑΝΩΝ
ΚΑΗΤΟΜΕΝΟΣ. ΔΕΚΙΜΟΣ. ΣΕΡΟΤΑΙΟΣ. ΕΙΔ. ΕΤΙ. ΕΛΘΩΝ.
ΕΝΝΕΑ. ΠΟΥ. ΔΕΚΑΔΩΝ. ΚΑΙ. ΤΡΙΑ. ΩΣ. ΕΛΕΓΟΝ.

Quatuor versus Græci ejus laudes continent, & E
ætatem: vixit enim tres, & nonaginta annos.

ROMÆ.

L. ARRVNTIO
SEMPRONIANO
ASCLEPIADI
IMP. DOMITIANI
MEDICO T. F. I.
IN FRONTE P. XX. IN AG. P. XX.

Duos Medicos Asclepiades apud Scriptores inveni-
as. Qui fuit medicus Domitiani fortasse est de du-
bus alter, alter qui fuit amicus Ciceronis. Sed scien-
dum est Græcos medicos ubi Romam venerant, usos
esse prænomen, nomine familiæ, & cognomi-
ne, cum alioquin in Patria nomine tantum, aut
cognomine uterentur. Nam Romæ donabantur
jure Civitatis, in aliqua Tribu collocabantur, & in
veteres Romanas familias adoptione ascisciebantur.

Atque ita Dioscorides dictus est Pedacius, aut re-
ctius Pedanius, ex familia Pedania, ut commen-
tariis in Bibliothecam Imperatoris Lambecius o-
stendit. Galenus ex Pergamo Claudii nomen sum-
sit, fuitque medicus Imperatorum M. Aurelii, Ve-
ri, & Commodi. Diodorus, qui de plantis scri-
psit, appellatus est Petronius, & Musa Medicus
Augusti, Antonius; quem Lambecius eundem
putat atque illum de quo nos superius, quem cor-
rupto nomine apud Scriptores Artorium legimus.
Ita Asclepiades, qui Græcorum more uno appella-
batur nomine, triplici sumto dictus est Lucius Ar-
runtius Sempronianus. Asclepiadis autem nomen
retinuit loco agnominis.

F Non ignoro Reinesium in Inscriptionibus, quas
in lucem dedit non ita multo post, hunc Asclepia-
dem ab eo secernere, cujus Scriptores memine-
runt, quique conscriptis de re medica libris in
hominum existimationem profluxit. Is præterea
putat hunc Asclepiadem, de quo nos in Inscriptio-
ne, fuisse filium, aut nepotem Medici Arruntii,
cui ducena quinquagena H-Sannua mercede teste
Plinio l. 29. fuere. Mihi vero is videtur unus &

idem. Quod si eum Galenus Asclepiadis modo nomine vocat, aut *φασμαδιον* nuncupat, hoc est qui componit pharmaca, eum græco tantum nomine appellat, quemadmodum nos, ubi de Galeno, & Dioscoride loquimur, latina ipsorum nomina Claudium, & Pedanium missa facimus. Cæterum si eodem tempore duo Asclepiades vixerunt, alter qui scriptis famam nominis adeptus est, alter Imperatoris medicus, credendum ne est Galenum nullo discrimine usurum fuisse? Pro quo ergo ratio stat, pro Reinesio, an vero pro me? Non magis pro uno, opinor, quam pro alio. Neque enim ita mihi placeo sententiis meis, ut quicumque adversantur, eos damnem. Hæ sunt quæstiones ejusmodi, quarum causa nunquam ego quempiam ad certamen laceßam. His ego de rebus modo ita sentio, mox aliter: quæ de re antiquaria scribo voluptatis tantum gratia scribo, voluptatem aliis quoque fortasse allaturus. Eodem animo hæc audiam refutari, ac probari; & nullus dubito quin si postquam mea scripta publici juris fecero, aliquod mihi vitæ tempus reliquum erit, rigidos censores audiam qui tenuitatem meam, rerumque inscitiam manifestam faciant.

At quicumque fuerit hic junior Asclepiades, certe cum Nicetem, hominem adeo obesum, ut ambulare amplius non posset, ab eo incommodo liberasset, etsi nihil fecisset aliud, satis ad suam peritiam declarandam fecisset. Sed alium Asclepiadem habeto sequenti hac Inscriptione.

A R I N I A N I.

C. CALPURNIVS ASCLEPIADES
PRVSA AD OLYMPVM MEDICVS
PARENTIBVS ET SIBI ET FRATRIB.
CIVITATES VII. A DIVO TRAIANO
IMPETRAVIT
NATVS III. NONAS MARTIAS
DOMITIANO XIII. COS.
EODEM DIE QVO ET VXOR EIVS
VERONIA CHELIDON
CVM QVA VIXIT ANN. LI.
STVDIORVM ET MORVM CAUSA
PROBATVS A VIRIS CLARISS.
ADSEDI MAGISTRATIBVS POP. R.
ITA VT IN ALIIS ET IN PROV. ASIA
CVSTODIAR..... IN VRNA
IVDICVM
VIXIT ANN. LXX.

Hanc Inscriptionem e Schedis Piccarti Reinesius affert, at decipitur dum putat hunc Asclepiadem Servum fuisse libertate donatum a Calpurnio quodam Romano, quod is Cajus Calpurnius Asclepiades dictus est: Id enim ut ostendi in more positum fuit, ut Medici Græci, qui Romam venerant cum aliis, tum ii qui apud Imperatores erant, Romano nomine uterentur, in aliquam familiam veterem adoptione recepti: animadverti præterea servos libertate donatos distingui littera L quæ sonat *Libertus*: ejus patria fuit Prusa, quæ hodie quoque dicitur *Prussa*, Urbs Bithyniæ ad Olympum posita. Indidem ex Prusa fuit ille alter Asclepiades Ciceronis amicus, caput ejus sectæ, quæ se diæta potius quam pharmacis curare morbos profitebatur. Fuisse enim ex Prusa Bithyniæ, auctor est Strabo, & Galenus. Itaque si tempus quo uterque Asclepiades vixit, ad calculum revocemus, is cujus hac in Inscriptione mentio fit, ejus nepos fortasse fuit, ejusque peritiæ, atque existimationis hæres: etenim ab Imperatore Traiano (quem profecto ejus opera a gravi morbo

A convaluisse credendum est) septem Civitates impetravit, quod quidem memoriæ prodere omnes Scriptores prætermiserunt. Sed & alia sexcenta ad historiam spectantia ex antiquis Inscriptionibus addiscimus, quæ alioqui nos prorsus laterent. Natus est Domitiano XIII. Consule, hoc est anno Urbis 840. Christi vero 88. vixit annos 70. mortuus est Imperatore Antonino Pio, anno Urbis 910. proindeque medicinam facitavit Imperatoribus Traiano, Hadriano, & Antonino, & aliis multis magistratus administrantibus: ex quibus intelligas eum fuisse liberum, & plurimi habitum.

B Præter hos tres medicos Asclepiades, est alius quoque *Titus Ælius Asclepiades*, Libertus Imperatoris apud Gruterum pag. CCCXXXV. & alius *Publius Numitorius Asclepiades*, Libertus, & Sextumvir Veronæ pagina CCCXLIII. ac tandem Lucius Fontejus Fortis ex Asclepiadum stirpe, aut certe eadem professione pag. DCXXXIV. consecutis enim temporibus Asclepiadis nomen fuit nomen sectæ medicorum, aut artis.

T E R G E S T I.

C. ALFIVS L. L. ISOCRYSVS MEDICVS
L. ALFIVS ISOCRYSI FIL. EVDEMVS
SIBI ET PATRI ET
ALFIAE L. L. ATTICAE VXORI
SIBI ET SVIS
BONVS HOMO ET TV

Ea verba: *Bonus Homo & Tu*, satis explicantur iis quæ diximus cum de Diis Manibus ageremus; nimirum mortuos vocari *bonos Homines*; si ve hæc Isocryso mortuo dicantur, cui filius vivus hunc lapidem posuit; si ve hæc ab ipso mortuo dicantur Viatori Inscriptionem legenti, quasi ei felicitas eadem quæ mortuo contigit, desideretur.

P A T A V I I

P. CHARM.
SOSTHE.
MEDIC.
IIII VIR. AVG.
SIBI
ANCHAR.

D Male descriptam lineam primam Reinesius putat, ut legendum sit *P. Ancharius* M. F. causa ejus vocis quæ in fine est *Anchar*. Fuit quidem Charmis nescio quis celebris medicus Massiliensis, qui Romam venit, atque ingens lucrum fecit: quicumque tandem fuerit cui posita est Inscriptio hæc, is certe non fuit mediocris conditionis homo. Fuit enim Sextumvir Augustalis, id est unus ex sex Magistratibus, quos in coloniis Romanis Imperatores instituerunt.

R O M Æ

D. M.
TI. CLAVDIVS. IVLIANVS
MEDICVS. CLINICVS. COH. IIII.
PR. FECIT. VIVOS. SIBI. ET
TVLLIE. EPIGONE. CONIVGI
LIBERTIS. LIBERTABVSQ.
CLAVDIIS. POSTERISQVE
EORVM
H. M. H. N. S.

Hæc videntur esse fatis ad id quod proposuimus primo loco declarandum; nempe servos Romæ
Oo iij

medicam artem exercuisse, a veritate abhorrens esse. Ad illud alterum gradum faciamus, quod ajunt medicos exulasse.

Medicos Catonē censore Roma pulsos esse altera calumnia est, quam primus omnium Agrippa libro de Vanitate Scientiarum publicavit. Certe Drelincourtus publicus professor Lugduni Batavorum, qui ad eam refutandam elegantem disputationem typis commendavit, unde præcipua rationum nostrarum momenta duximus, vetustiore Scriptorem neminem alium nactus est. *Romani quondam*, inquit ille, *sub Catone Censorio Medicos omnes & urbe tota, & tota Italia pepulerunt*.

Thomas Lanfius, Melchior Junius, & Michael de Montagne Agrippæ vestigiis insistentes eadem ferme dixere. Præter hos alii quoque Scriptores recentiores in eum errorem se induci passi sunt. Sed si vel sexcenti recentiores Scriptores id dixerint, investigandum esset a quo antiquo Scriptore id essent mutuati, ut num decepti fuerint intelligeremus.

Id totum profectum est e Plinii loco, cujus sententiam non satis sunt affecuti: eum totum habere, ut unusquisque per se nulla præjudicata opinione dijudicet. *Mutatur ars quotidie toties interpolis, & ingeniorum Græciæ statu impellimur. Palamque est ut quisque inter istos loquendo polleat, imperatorem illico vitæ necisque fieri: cetero vero non milliagentium sine Medicis degant, nec tamen sine Medicina: sicut Populus Romanus ultra sexcentiesimum annum, nec ipse in accipiendis artibus lentus, Medicinæ vero etiam avidus, donec expertam damnavit. Etenim percensere insignia Præscorum in his moribus convenit. Cassius Hemina ex antiquis Autor est, primum e Medicis venisse Romam Peloponneso Archagatum Lysaniæ filium, Lucio Æmilio, Marco Livio Consulibus anno urbis DXXXV. eique jus Quiritium datum, & tabernam in compito Acilio emptam ob id publice. Vulnerarium eum tradunt fuisse vocatum, mireque gratum adventum ejus initio: mox a sævitia secandi, urendique, transisse nomen in carnificem, & in tædium artem omnesque Medicos: quod intelligi potest ex Marco Catone, cujus authoritati triumphus atque censura minimum conferunt: tanto plus in ipso est. Quamobrem verba ejus ponemus. Dicam de istis Græcis suo loco, Marce fili, quid Athenis exquisitum habeam, & quod bonum sit eorum literas inspicere, non perdiscere. Vincam nequissimum & indocile genus illorum: & hoc putavatem dixisse: Quodcumque ista gens suas literas dabit, omnia corrumpet. Tum etiam magis, si Medicos suos huc mittet. Jurarunt inter se barbaros necare omnes Medicina. Sed hoc ipsum mercede faciunt, ut fides iis sit, & facile disperdant. Nos quoque dicunt barbaros, & spurcius nos, quam alios Opicos, appellatione fœdant. Interdixi tibi de Medicis. Atque hic Cato DCV. anno urbis nostræ obiit, LXXXV. suo, ne quis illi defuisse publice tempora, aut privatim vitæ spatia ad experiendum arbitretur. Quid ergo? damnata ab eo rem utilissimam credimus? Minime hercule, subjicit enim qua Medicina & se & conjugem usque ad longam senectam perduxerit, &c. Itaque duabus iis profecto vocibus, expertam damnavit, tanquam fundamento struendæ calumniæ Scriptores nituntur; quasi vero id significant Romanos, ubi advenit Archagatus, expertos medicinam eam Senatus Consulto damnavisse; non vero hoc tantum sævitiam secandi (quod ad Chirurgiam pertinet) improbasse. Id clarius indicat paulo post: *Non rem antiqui damnabant sed artem. Ubi vides vocabulum damnare non eam habere significationem, quam in exilium mittere, aut de-**

creto damnare, sed tantum quam improbare. Itaque Plinius nullius in Medicos Senatus Consultum mentionem facit. Ille quidem inferius eodem capite ait: *Et cum Græcos Italia pellerent diu post Catonem, excepisse Medicos.* Nusquam legimus Archagatum a Chirurgia abstinuisse, licet hanc medicinæ partem non probarint, & eam maxime, quæ secando, urendoque gangræna infectos artus quodammodo sæviebat.

Summopere infensum Medicis Catonem fuisse inficiari quidem non licet, & iis maxime qui e Græcia erant: eam enim gentem, quæ vel tunc Romanos Barbaros vocabat, propemodum oderat. Sed ipse per se solus medicos pellere non poterat, licet censorio munere fungeretur. Par auctoritas Valerio Flacco fuit; erat is una cum Catone Censor. Si tanta fuisset Catonis auctoritas ut ad decernendam Medicorum exactionem inducere Collegam posset, id Plutarchus qui minute Catonis vitam conscripsit, silentio minime præterisset, ut hinc constaret quanta esset in Senatu Catonis auctoritas, quantumque in Medicos odium. Neque enim minoris momenti rem prætermittit; nimirum septem civium, inter quos Q. Flaminius Consul, exilium, quod auctore Catone decretum est.

Cæterum si Senatus Consulto exacti Medici sunt, id vel ante contigit, quam Archagatus Romam veniret, vel post. Certe non ante: Si enim fides Plinio habenda est, Archagatus primus Medicus, qui Romam advenerit: ac propterea si ante id tempus Romam Medici profecti non sunt, pelli nullo modo potuere. Neque vero ubi Romam Archagatus petiit, id accidit: ex eo enim tempore, quod probatu facile est, medici Romæ semper extitere.

Neque ex eo quod Plinius ait, populum R. sexcentos, & amplius annos medicis caruisse, est quod medicinæ dignitatem imminuat. Is enim non constat sibi, dum ait Archagatum anno Urbis 535. Romam venisse: Itaque satis erat si dixisset quingentos, & amplius annos. Sed hanc de centum annis quæstionem mittamus; credat per me licet quivis quod libet: id tamen medicis nequaquam esse injurium affirmo; quemadmodum ex eo nihil dedecoris in nobilissimam artem hanc his temporibus redundat, quod ea innumeris prope barbaris Gentibus, quæ Litteras nesciunt, ignota sit. Roma primis temporibus profugorum, ac militum asylum fuit, qui ad bellum potius quam ad artes liberales ferebantur: quid mirum igitur si tamdiu medicis caruerunt? Neque aliæ facultates citius receptæ sunt; *Poesis*, inquit Tullius, *tardè recepta a nostris.* Etenim anno tantum 410. ab urbe condita Livius primam comœdiam dedit. Ille etiam ad sua usque tempora contemptam Philosophiam fuisse conqueritur. Suetonius nullam Grammaticæ cognitionem primis temporibus fuisse Romanis in bello occupatis testatur. *Grammatica olim Romæ ne in usu quidem, nedum in honore ullo erat, rudi scilicet ac bellicosa etiam tum civitate, nec dum magnopere liberalibus disciplinis vacante.*

Sed ut eos magis, magisque convincam, quos falsa hac in re opplevit opinio, expendenda sunt sæcula singula ab Urbe condita, ut an semper Medici Romæ extiterint, ex quo ibi pedem posuere, intelligamus. Quamquam ad id probandum satis esset quod fatetur Plinius, nulli unquam Genti medicos defuisse; qui enim aliqua ratione in medicina versatur, sive peritus sit, sive imperitus, sive methodum, sive empiricem sequatur, ad artem medicam contendit.

Tribus superioribus ab Urbe condita sæculis Populo Romano perpetuis cum finitimis districto bellis, vel eos qui se vulnera utcumque curare pro-

scirentur defecisse credendum non est. Chirurgia porro medicinae pars est, nec illa quidem minima. Sed ne conjecturis agamus, (quas tamen ipsa naturalis ratio confirmat) Dionysium Halicarnasense rerum Romanarum Scriptorem audiamus. * Cum pestis, inquit, anno CCCL. Romae post homines natos omnium gravissima oborta esset, servos prope omnes, ac dimidium fere Civium e medio sustulit, cum aegrotorum numero medici non sufficerent. Itaque tunc temporis multi Romae medici erant, tamen peste laborantibus nimis multis non satis erant. Neque illud Historicus monet paulo post medicos convenisse. Certum est longo post tempore medicos Romae fuisse; quod si probare non possumus prioribus duobus saeculis ejus artis homines ibi extitisse, inficiari nemo poterit ex iis qui anno 301. Romae erant, aliquos intra tertii saeculi spatium eam de qua loquimur artem professos esse. Atqui his Plinii calculo trecentos annos demas. Si enim Auctori fide digno Dionysio Halicarnasense credimus, anno 301. plures Medici Romae fuere.

Postea vero cum quartum saeculum decurreret, non omnes profecto medici, qui grassante peste operam praestitere suam, mortui sunt; neque credendum est, postquam bene meriti erant, & in posterum necessarii, eos exulare iussos esse.

Consecuto saeculo anno CCCCLXI. pestis Romam iterum invaluit, cumque morbus arte, atque industria medicorum expelli non posset, Populus R. Legatos in Graciam misit, qui Aesculapium medicinae Deum, & depellendis morbis Epidauri mira patrantem arcesserent: eum Draconis forma Legati exceperunt, & consensione facta Romam detulere. Quare sive Daemon, ut fide digna sua viderentur oracula, & ipsemet curaverit, ut pestis illa exterminaretur, sive ejus ficti Numinis Sacerdotes medicinae periti, propterea quod scripta in Templo Epidauri relicta legerint, consilium & operam ad expiandam eo morbo civitatem contulerint, quod beneficium Athenis aliquando Hippocrates contulit, ut ut sit, Civitas ea peste liberata est, quantique artem medicam fecerit, & quam grato animo fuerit, extructa in Insula Tiberina in Aesculapii honorem aede significavit.

Ad sextum saeculum quod attinet, tunc ut antea vidimus, e Graecia Archagatus Romam venit, cum antea indigenae, ut conjicere licet, in arte medica versati fuerint, non ea tamen qua Graeci peritia, & existimatione, ut ipse fatetur Plinius. Hinc Cassius Hemina eorum nullam mentionem fecit. Medici inducuntur a Terentio (a) comedia quadam quae data est anno DLXXXVIII. quod profecto factum non esset, si nulli Romae medici extitissent, multoque minus si hinc exulassent. Apud Plautum (b) Medicorum officinas quae Romae erant invenias, appellanturque *Medicinae*, quae a Tonforum, & Myropolarum tabernis secernuntur; dicuntur enim haec *Tonstrinae*, & *Myropolia*; ibique quidam praes desperatione ait:

Ibo ad Medicum, atque me ibi toxico morti dabo.

Sub hujus saeculi finem, & sequentis initio eximius medicus Erasistratus floruit, qui quamdam medicorum familiam duxit.

Saeculo VII. Herophilus, teste Plinio (c) Erasistrati principia evertit, & morborum genera ad certos musicae numeros, legesque metricas revocavit. Sub ejusdem saeculi finem Asclepiades ille prior, de quo nos superius locuti sumus, magnam

A laudem adeptus est, postea vero ejus auditor Themison. A Catonis aetate, qui anno Urbis 605. e vita excessit, non multum absuit ille medicus, qui a Piratis una cum Julio Caesare captus est. Julius enim natus est anno 653. hoc est quadragesimo octavo post. Nihil dico de Cassio, de Arruntio, de Calpetano, de Rubrio, quos apud Plinium invenias, de celeberrimo illo Cratero, de quo saepe Cicero ad Atticum, & Persius;

Sed quid opus Cratero magnos promittere montes?

B Tanta erat ejus hominis existimatio, ut quidquid diceret oraculum putaretur. Testis est Horatius dum ait:

Non est Cardiacus, CRATERUM dixisse putato, Hic eger.

Hic is est de quo Porphyrius mirum narrat: quidam inusitato quodam morbo laborabat, ut ab ossibus sejuncta caro ejus esset. Ille composito ex viperis pharmaco hunc aluit, & in pristinam salutem restituit.

C Octavo saeculo praeter illustrem Augusti medicum Antonium Musam, & Eudemum, de quibus jam verba fecimus, florere Romae Celsus Scribonius Largus, & Charicles imperante Augusto, Tiberio, & Caligula; Vectius Valens, & Alcon imperante Claudio, & Cyrus Liviae medicus, de quo Historici quidem nihil, Inscriptiones tamen ejus memoriam ferverunt.

FLORENTIAE.

Apud Strozzi.

CYRVS
LIVIAE DRUSI CAES.
MEDICVS

D Liviam Neronis Drusi Uxorem postea Augustus duxit. Cyrus hic videtur ille idem Graecus medicus, cui positus hic lapis est, quem ego suscepto in Graciam itinere nactus sum. Graecorum enim in arte medica singularis fama erat. Lucri autem quod faciebant Romae spe magnopere excitabantur; Imperatores praeterea, & Viri Principes eos e Graecia vocabant, quocirca hic quoque Liviae fortasse jussu Romam petiit.

LAMPACI.

Η ΓΕΡΟΥΣΙΑ
ΚΥΡΩΝ. ΑΠΟΛΛΩΝΙΟΥ. ΑΡ
ΧΙΑΤΡΩΝ ΑΡΙΣΤΩΝ. ΠΟΛΕΙ
ΤΗΝ ΕΠΙΣΗΜΟΝ. ΠΡΟΣ. ΠΟΛ
ΛΟΙΣ ΕΥΕΡΓΕΤΗΜΑΣΙΝ ΕΙΣ
ΑΥΤΗΝ. ΑΔΕΙΨΑΝΤΑ. ΔΑΜ
ΠΡΩΣ. ΚΑΙ. ΠΟΛΥΔΑΠΑΝΩΣ
ΚΑΙ ΑΠΟΧΑΡΙΣΑΜΕΝΟΝ. ΧΕΙΛΙΑΣ. ΑΤ
ΤΙΚΗΣ. ΤΗ. ΓΕΡΟΥΣΙΑ

F Id est: *Senatus Lampfacenus* (honore afficit hac Inscriptione) *Cyrum Apollonii Filium medicum praestantissimum, Civem insignem splendidissimis benefactis, multis impensis, & mille Drachmis Atticis Senatui dono datis, optime meritum.* De multis Apolloniis celeberrimis medicis Suidas memorat. Horum fortasse aliquis Cyri Pater fuit.

Nono saeculo Romae medicinam fecere Statius Annaeus amicus Senecae, & Neronis medicus, Andromachus ille major Theriacae inventor, Thef-

* Λοιμική νόσος εἰς τὴν Ρώμην κατέσκηλε, &c. ὅτε τῶν ἑρῶν ἀρκύντων ἐπὶ βοῦδαν τοῖς καμάτοις.

a Hecyra. b In Mercat. Act. II. sc. 4. c Plin. l. 14.

salus, qui *ιαρποιος* dici cognomento voluit, tanquam medicorum victor, quia se sustulisse eorum qui antea fuerant medicorum principia gloriabatur. Crinas, & Charmis Massilienses, qui, cum rem pervidere sibi acutius quam alii viderentur, non aqua tepida, at frigida vel hyberno tempore lavari ægros voluerunt; Archigenes, Rufus, Soranus, Tryphon, Criton, & Andromachus minor; ut nihil dicam de Asclepiade juniore, & ejusdem nominis aliis, quorum jam mentionem fecimus, sexcentisque medicis aliis.

Decimo Sæculo Urbis Romæ, secundo vero Christi Domini, Galenus ex Pergamo vir fama celebratissimus, aliique multi, de quibus ipse commemorat, maxime florere: eum primo medicum Imperatores M. Aurelius, & L. Verus adhibuerunt; & nondum ille Romam se contulerat, cum Hadrianus pluribus medicis usus est; quapropter morti proximus pronunciavit se per medicorum turbam periisse. Cum enim ille aqua intercute laboraret, nullum aptum remedium adhibitum est quo convalesceret.


Undecimo Sæculo multi & Romæ, & per totum Imperium disseminati medici in hominum oculis, ac celebritate vixerunt, deque Arte medica multa scripserunt, Galenum, aliosque tum illorum, tum superiorum temporum medicos secuti. Sui porro erant medici Imperatoribus profecto addicti. Occurrunt ejus rei satis firma argumenta historias diligentius pervolvendi. Non eadem fuit omnibus, quæ Aureliano libido, qui quoties ægrotabat, ut Vopiscus prodidit, repudiatis medicis, diætâ ipse per se curabatur. Utrum vero hoc an sequenti sæculo extiterint Aretæus, Aetius, ac Trallianus, incertum est.

Decimo secundo Urbis Sæculō, Christi quarto, medicis totum Imperium passim abundavit. Inter hos Zenon Cyprius Alexandria medicinam docuit, e cujus Schola præstantes medici extitere. Christianus Religione fuit, eaque de causa Alexandria exactus est. Reductus tamen est per Imperatorem Julianum Apostatam, qui Litteratorum hominum studiosior erat: extat cum alijs ejus Epistola ad Zenonem, qua illum revocat. Jonicus Sardonius, Magnus Antiochenus, & Oribasius Pergamenus ejus Auditores fuere. Hic postremus fuit Juliani medicus, cujus in aula magnam existimatione versatus est. Sardis tamen, si Suidam audis, ejus Patria est, multosque libros conscripsit. Is hic videtur, cujus monumenta extant in eo volumine, cujus titulus *Medicinæ Principes*. Hoc sæculo finem facio, quod Imperii Romani postremum fuit; duodecim enim futura Romani Imperii sæcula duodecim a Romulo visi vultures portenderunt. Sed antequam finem facio, proferenda lex est quam pro medicis Julianus Imperator tulit: etsi enim a Christiana Religione desciivit, eum tamen Litterati Viri doctum, & ingeniosum hominem judicarunt. Habetur hæc Juliani lex inter ejus Græcas epistolas: eam habent hæc ferme verba. Cum experientia compertum sit humano Generi utilissimam medicinam esse, non injuria Philosophi donum eam esse & inventum Deorum affirmant. Illa enim naturæ nostræ infirmitatem, & morborum incommoda expellit. Nos itaque juxta æquitatis documenta, & decreta, auctoritatemque Imperatorum superiorum volumus, & mandamus, vos, qui medicinam faciatis, muneribus omnibus per Senatum injunctis immunes esse.



VIGESIMAOCTAVA DISSERTATIO.

Ex duabus Epistolis cujusdam Antiquarum rerum studiosi ad Auctorem, cum Responsionibus, de aliquibus Nummis Melitenis.



Melita rediens sperabam fore, ut te Lugduni viderem, cum illud accidit mihi injucunde, ut te Parisiis esse intelligerem. Solabar tamen ipse me spe eo perveniendi: at ubi perveni, cum mihi te hinc discessisse nuntiatum esset, majorem animo capi dolorem. De rebus Melitæ antiquis nonnulla tibi communicassem, quibus ejus Insulæ descriptio, quam, ut trito utar vocabulo, *Commendator* Abela Italico sermone conscripsit, argumentum suppeditavit. Sperabam futurum, ut mihi quidquid consonum veritati foret, quæ tua humanitas est, significares. Nihilominus tamen secius casu accidit, ut me spes hæc ne re prorsus falleret; & vel absens ea mihi præstares, quæ ad harum rerum intelligentiam deliderabam maxime. Cum enim quæ de re Antiquaria egregie scripsisti, quæque non ita multo post publici fecisti juris (sunt autem hæc *Miscellanea Eruditæ Antiquitatis*) eorum mihi primum codicem quidam Amicus commodasset, aversam Melitenis Nummi partem, quæ mihi perobscura visa est, meque diu torlit, explanatam legens offendi. Nummus mole mediocris est. (fig. 1.) Si caput aspicias, hanc mulierem judicas. Tegmen capitis descendit ad humeros, videturque intextum gemmis. Desuper quoddam coronæ genus vides. In ea parte in quam Imago conversa est, spicam aspicias, in altera MEΛITAION legis. In eam rem aliquid conscripsi, quo hanc Junonem videri contendo. At ex aversa parte adolescens homo objicitur, gestans capite mitram, quam Varro vocat *ricinam*, aut mitram Melitensem: quatuor & latis quidem fulcitur alis, duabus ad humeros, duabus ad coxendices quodammodo affixis.

Hoc illud arbitror Numen, de quo ad calcem articuli primi loqueris. Nempe Apollinem, quem Persæ, Parthi, alique Orientis populi, Mithræ nomine appellabant ab ornamento capitis, quo eum pingebant. Romani quoque hoc eum nomine venerabantur. Nam præter illud Statii:

Indignata sequi torquentem cornua Mithram.

Tua Romanis ei Aras extructas, & hoc barbaro vocatum nomine pluribus Inscriptionibus ostendis: *Soli invicto Mithræ: Numini invicto Soli Mithræ &c.*

Audienti abs te in cavernis, locisque subterra-

Supplem. Tom. IV.

neis ei sacra fieri, & plerumque Taurum mactari, eorum mihi venit in mentem, quæ Socrates, & Sozomenus ait, eum aliis quoque & inauditis colli Sacrificiis. Apud eos legimus Julianò Apostata, ac Theodosio Imperatoribus Antrum Mithræ, quod erat Alexandria, esse reclusum, inventumque immolatorum hominum calvis repletum; ejusque Urbis Episcopos rem eam oculis omnium, & irrisu exhiberi jussisse: qua re ita Ethnicos accensos ira, cum tantum dedecus propalam collocatum præ pudore ferre non possent, bis impetu in Christianos facto, ingentem stragem edidisse. Animadverti hunc Apollinis Mithræ cultum esse longe antiquissimum, eumque a Phœnicibus, qui eam Insulam ante tenuerant, & quibus Mercurius erat lucis Deus (atque hic est Apollo) Græcos Melitenes fortasse accepisse. Sed tamen, cum longis illi se navigationibus commiserint, & cum Orientis populis commercium habuerint, fieri potuit, ut ab iis hujusmodi cultum mutuati sint. Idem videtur dicendum de Assyriorum Junone, quæ *Melitta* appellata est. Hinc Melitenium, & Urbs, & Insula sumsisse nomen videtur, & hinc factum, ut Junoni sacram Aedem extruerent, quæ multorum scriptis est celebratissima. Quod autem Persæ, ut Auctor est Lucatius, Mithram non solum tiara, sive mitra, sed etiam ricu Leonis effinxerint, hoc nihil prohibet, quominus Melitenes hominis figura expresse- rint, & Apollinem, ac Mercurium Deum eundem constituerint. Valde probabile est, Apollinis figura Mercurium maxime veneratos esse: Cum enim alter pro altero sæpe accipiat, & uterque teste Macrobio sit unus & idem, hinc est, quod qui ex illa Insula nisi commutandis mercibus ditescere poterant, quem Deum sibi propitium fero, utilemque sperabant, eum sibi Patronum optarunt.

Cæterum hic alium Mercurium habes, ex duobus constantem nominibus, præter eos de quibus agis. Dissert. quarta, quorumque imagines proponis. Quocirca *Hermathenæ*, *Hermanubi*, *Hermheracli*, *Hermerozi*, *Herm-Harpocrati*, & *Hermaphrodito*, *Hermemithram* addas: ex alio Nummo, quem attuli ex Melita, de quo jam adhuc a nemine, quod noverim, disputatum est, illud liquidius patet (fig. 2.) Ad Nummum majorem ea forma accedit. Mulieris hoc caput est obductum velo. In aversa parte tres figuræ stant, quarum quæ sunt ad latera videntur eam, quæ in medio posita est, veneratione prosequi. Ea Imago mitram gerit, ac nititur Termino, quales imagines sunt *Hermæ* tui.

P. p

Inscriptio tribus litteris Punicis continetur. Punicas reor, quia una cum Græcis Carthaginienses eam Insulam incoluerunt; & præterea eas litteras in aliis Inscriptionibus deprehendas, quæ aliquando in Nummis occurrunt: in quibus Equi sunt, & palmæ, quæ sine controversia omnes Carthaginiensium esse fatentur. Hanc formam idem atque illam alteram exhibere cenfeo, ab aliis tamen populis illam factam, ita ut suo quique ritu eadem Numina effinxerint. Illo vero velato capite Junonem repræsentari, effigie autem, quæ ornata mitra est, Mercurium una cum Apolline, aut potius *Hermemithram*. Si hæc vera non sunt; sunt certe veri similia. Tuum tamen rectius quam cujuslibet judicium erit. Tuum est nos hujus rei certiores facere, quod a te pro tua humanitate me impetraturum confido. Vale.

Parisiis v. Cal. Octob. 1680.

CHAILLOU.

RESPONSIO.

PErgratæ mihi acciderunt litteræ tuæ. Gallandus suscepto in Melitam itinere, ubi tibi obviam factus est, ea ad me scripsit, quibus neque meritum ignorarem tuum. Honorem quo me dignaris communi utriusque nostrum in res antiquas studio acceptum refero; eoque magis obstringar tibi, si in earum rerum quas cognoris, communicationem me vocaveris. Quod de Nummis Melitenisibus ais, observatione dignum est.

Primi Nummi formam Isidem ego dixerim: Capite enim cristam gerit, qua ab omnibus cæteris Numinibus fecernitur. Velum illud videtur ex Corio Arietis; ideo autem quia cum apud Græcos Isis sit eadem, atque Ceres, ipsa colendi agri, & pecoris gubernandi rationem docuit. Hinc Megaræ Templum Ceres habuit, dictaque est *μαλοφόρος* h. e. *lanam ferens*, ex eo velo id etiam intelligimus, velum Isidis esse inventum. *Velificia primum invenit Isis*, inquit Hyginus, *nam dum quaerit Harpocratem filium suum, rate velificavit*. Tamen si vis, tecum sentiam eam esse Junonem: facile enim est probare Isidem Ægyptiorum eandem esse ac Junonem Græcorum, ut illius maritum Serapidem eundem, atque Jovem. Id Diodorus Siculus pro certo affirmat. Digna est quæ observetur Gruteri Inscriptio. *Te Tibi una quæ es omnia Dea Isis Arrius Balbinus V. C.*

Imago averfæ partis est nihilo minus singularis. Nihil mihi, ut neque tibi dubium est, quin sit ille Deus Mithra, licet quandoque mitra, ex adversa parte Phrygio more pendente, & quandoque Leonis rictu pictus conspiciatur. Alæ celeritatem Solis indicant, qui Orientis populis Mithra est. Observandum quoque, quod ea mitra superiore parte scissa est. Eustathius Mitram deducit a *μῖτρος* *licium*. Vossius vero a *μῖτρος*, seu *μῖτρος* *licia tendo*: Mitra enim est ornamentum quo redimitur caput. Scaliger tamen derivat a voce Syriaca, quæ significet tæniā, seu redimiculum, alii tandem a vocabulo *Mithri*, quod pariter Syriacum est idemque sonat ac *Dominus*: & quidem huic sententiæ adherere si libet, mitra est insigne Regium, non secus atque apud alios populos Diadema & Corona. Parthorum Regibus ornamentum capitis erat genus quoddam mitræ, dicebaturque *Cydaris*.

Alter Nummus, quem recte Carthaginiensem judicas, sine ulla dubitatione Melitenis est: habet enim ex una parte Junonis caput, quæ præcipuo in honore Melitenisibus erat, & Mithram Ter-

Amini, seu Hermæ forma ex alia, ubi ad latera duæ Isides nescio quid, quod manu tenent, illi offerunt. Ex cristis, quarum utraque malum Persicum continet, qua ratione Ægyptiorum Dii proponi consueverunt, Isides dignoscuntur. At deorsum monstroso quodam modo exhibentur, bovis nempe, ut reor pedibus; ut hinc intelligas per eas terram colere homines didicisse, & extante femore sine crure, quod quidem cujus rei signum sit intelligentia non assequor.

Litteræ, quas superiore loco vides, sunt illæ Punicæ, quod nihil impedimento est quominus Melitenis Nummus sit. Finitimi enim Pœni cum essent, factus est cum Melitenisibus sermo communis; ut hodie quoque ea in Insula Maurorum sermo retinetur: quapropter Siculos Nummos litteris Punicis sæpe deprehendimus. Hæc sunt quæ tuis eruditis animadversionibus addenda putavi. Sed velim arbitraris me tibi esse addictissimum. Vale.

Alteræ Epistola Chaillou, in idem Argumentum.

C
NUnquam ego inter nos litterarum vicissitudinem intercessuram esse speravissem, nisi tu ipse ansam præbuissem, qua libenti utar animo quoties digna mihi suppetent, quæ ad aures tuas accidant. Jam nunc patere, ut ejus Nummi Melitenis, quem tibi gratum esse per litteras significasti, nova arcana, quæ deprehendi ad te scribam. Quæ de capitis tegmine dixisti non potui non probare, idque ego quoque Arietis corium censebam: apparebat enim vel in Nummis nonnihil exilis, pellis exiguis, ac rotundis distincta punctis, quæ puncta Abela gemmas arbitrabatur. Sed cum forte apud me Nummus esset, tam bene custoditus, ut prope recens videretur, animadverti esse totidem triangula *ῖσοσκελῆς* *cruribus paribus constantia*; quorum æqualia latera sunt, basi aliquanto longiora, & quorum angulus superior duas exiguas velut ansas habet, uti in figura cui pro nota est **A**. probe vides. Illa porro in eo capitis ornamento filis disposita sunt, atque inter se sejuncta. Hæc exigua triangula aliqua ratione quamdam figuram imitantur, quæ hanc habet notam **B**. quam pro Spica in hisce Nummis nonnunquam reperias; quamque idem Auctor pro veste sumit, & ait esse notam vestium ex gossipio, quæ olim Insulæ Melitæ peculiare erant, atque eas Diodorus Siculus sua ætate plurimi habitas esse testatur, earumque usum Lucretius confirmat.

*Interdum in Pallam, & Melitenia, Cæaque vertunt
Eximia Veste.*

Nihilominus ad superiorem hujus figuræ partem respiciens caduceum vestitum ego potius crediderim.

F
Ita ut quamobrem ad Junonem hic Nummus referendus non sit adhuc nihil videam. Hæc olim Melitenisium Dea Patrona fuit. Celeberrimum Melitenisium Templum Junoni sacrum fuit; & inter magnæ Græciæ Nummos Goltzius Junonem affert oblonga coma, corona seu diademate redimitam; qualem Argivorum Junonem Pausanias describit. Cæterum peregrina hæc forma est. Hinc fortasse Assyrii Junonem *Melitta* nomine pingebant. Tandem cum minime proditum sit ea in Insula ullos peculiare honores Isidi, aut Cereri habitos esse, cumque

de Herculis tantum, ac Junonis Scriptores, de Proserpinæ vero Templo Inscriptiones commemorant, hæc Dea non potest esse nisi Juno, aut Proserpina. Cur tamen in eam me partem dem ut Junonem arbitrer, id est, quod Pausanias eodem in Templo Junoni & Apollini sacra fecisse Græcos refert; quocirca non rem a ratione abhorrentem dixeris, si utrumque Numen in eodem quoque Numismate conjunctum fuisse dicas. Ad spicam vero quod pertinet, quippe quæ non in Nummis id genus omnibus objicitur, neque capiti proxima est, signum modo dicas fertilitatis; hanc autem alteram figuram optimarum telarum signum. Fertilitate enim illa Insula commendatur.

Fertilis est Melite, sterili vicina Cosyræ Insula.

In averfa Nummi parte id novi deprehendi, quod Numen ornatum mitra manibus duos Scipiones complectitur, quorum alter est ita flexus, ut litteræ lambda λ formam efficiat, quam in Punicis Nummis, ubi dimidiæ Imagines mitra redimitæ offeruntur, sæpe cernas. Quo magis eadem esse Numina mihi persuadeo. Cæterum de his Scipionibus non minus quam de exiguis triangulis obscura mihi videtur quæstio.

Melitenfes Inscriptiones novæ mihi non suppetunt. Undecim ab Abela mutuatus sum, inter quas tamen duas, quæ ex duabus tribusve vocibus constant, recenseo; quibus duabus exceptis cæteras omnes apud Gualtherium vidi. Præter quam quod magis emendatas, & aptius explicatas eas hicalter exhibet, sex alias affert, quas ille, ut quidem memini, nequaquam commemorat: earum tamen quatuor nomina tantum continent, incisa illa in albo marmore circum capita toreutices opere educta; quæ quidem antiqua non arbitror. Illa enim in hortis Magni Magistri ego una cum Gallando vidi. Ex iis Abela, & Gualtherii Inscriptionibus hanc in quadam pagella manu scripta exaratam legi:

ΑΥ...ΙΟΣ. ΚΥΡ. ΠΡΟΥΔΗΝΣ. ΙΠΠ. ΡΟΜΑΙΩΝ.
ΠΡΩΤΟΣ ΜΕΛΙ...Ν
ΚΑΙ. ΑΤΡΩΝ. Α.Ρ. ΕΑΣ ΚΑΙ ΑΜΦΙΠΟΛΕΙΑΣ
ΘΕΩ ΑΥΓΟΥΣΤΩ ΕΣΤΙΝ...ΝΕ

Eam ubi posita est legere mihi non licuit. Marmor enim in quo calata est inservit fonti tanquam septum, ac totum luto obductum est; eam illi ita interpretantur.

Lucius Cajus F. Cyri Prudens Eques Romanorum, primus Melitenfium, & Medicorum artis, & Amphipoliæ, Deo Augusto dicavit.

Προύδης ita ab iis accipitur, ut cujusdam Græcæ Familiæ nomen sit. At ex hac litterarum collocatione, non ego opus esse putarim, ut ad ullam Græcam familiam referatur, sed post prænomen, & nomen familiæ, quæ sunt confusa, & ex parte deleta, legi posse ΚΥΡ, hoc est ΚΥΡεία & Latine *Quirina* (tribu) Prudens. Idaliis Inscriptionibus confirmari posset: ubi ΚΥΡ (quod male exaratum est Κ. ΥΡ.) idem significat. Et quod omnem dubitationem tollit, est, quod vox illa proxime ponitur ante cognomen: quo loco solet notari Tribus: atque ita nomen id esset equitis Romani, qui Reipublicæ nomine eo missus, tanquam Prætor, aut Gubernator fuerit, cui honoris causa posita sit hæc Inscripção; etenim cætera primæ lineæ verba id indicant. ΙΠΠΕΥΣ ΡΟΜΑΙΩΝ ΠΡΩΤΟΣ ΜΕΛΙΤΑΙΩΝ, *Eques Romanus, primus Melitenfium*. Prudens fuit cognomen Romanis valde frequens. Dignitas autem hæc, ut primus fuerit Melitenfium, in Actis Apostolorum Publico qui profecto Romanus fuit tribuitur. Vale.

RESPONSI O

DUO Aenea simulacra modo vidi, quæ ex Ægypto Dufour accepit. Ea cum tuis Melitenfibus Nummis affinitatem habent, quamobrem ad eos explicandos nonnihil conferunt. Atque hæc ratio cur exemplum ad te mittam.



Memoria teneo, Lugduni Batavorum aliquando cum essem, inter Amphiteatri *Anatomi* res singulares duo parva simulacra propemodum similia me vidisse. Et pro certo habeo nonnullos esse qui res hujusmodi antiquas colligant, quæ pleræque, five æneæ sint, five fictiles inter se propemodum nihil differunt: eæ porro in Ægypto sæpe, ac præterea ossæ formæ inveniuntur.

Primum simulacrum Osiris est, dictus etiam Serapis maximum Ægyptiis Numen: mitram capite gerit, ejus quam gestat Mithra tuus non tamen similem. In bovis utrinque extensa cornua illa definit. Colebatur enim bovis forma, quia agrorum culturam hominibus tradidit. Læva manu Scipionem gerit, cujus extrema pars curva est, dextera vero triangulare instrumentum, quale gerit Nummi Imago tui. Ille flagrum tribus instructum funiculis imitatur. Plutarchus ait Osiridem imperium in manes habuisse. Nonne flagrum auctoritatis potuit esse insigne, quemadmodum Furie cum flagro & facibus formari solent? Nisi hoc instrumentum musicum dicas, cujusmodi fuit Isis sistrum: ita ut læva manu plectrum teneat, dextera instrumentum ferreum, aut æneum, quod percussum plectro sonum edit. De Antiquorum enim Musicis instrumentis cum aliquando disputaverimus, prorsus rudia fuisse diximus, quibus confusum potius, & incertum murmur, quam aptus concentus audiebatur.

Alterum simulacrum Isis est Osiridis uxor, cujus caput eadem plane ratione, quæ tui Nummi Imago velata est, descendente ad humeros est velo obductum. Insidenti suis genibus Oro filio lac præbet. Ita sæpe toreumatis, & Ægyptiis simulacris solet Isis repræsentari: ex ejus capite extolluntur cornua. Huc pertinet illud quod Prisci dixerunt Isidem eam fuisse, quæ a Græcis nuncupata est Io in juvenicam aliquando conversa; quæ de re disputavimus cum de Regis Pylæmenis Num-

mo ageremus. Fortasse illi addita cornua sunt, quia Isis credita est Luna. Et quidem id quod inter cornua positum est ad Lunam significandam videtur positum, quo referuntur illa Apuleii de Isis de verba: *Planam rotunditatem in modum speculi, vel candidum lumen in modum Lune, dextra lævæque sulcis insurgentium anguium cobibitam*. Quibus intelligis per Apulejum non cornua, at serpentes e capite utrinque eminere: & sane Ammianus Marcellinus, aliique multi idem testantur, & Nummi aliquando confirmant. Flaccus lib. 4. Argonaut. de Iside:

Aspide cincta coma, & ovanti persona sistro.

Verumtamen certum est eam cornibus quoque sæpe effingi consuevisse. Testis est Ovidius:

— Inerant Lunaria cornua fronti.

Hac de causa Plutarchus Isidem cornutam vocat: *κερατοφόρον*. Athenagoras apud Justinum Martyrem Isidem muliebri forma cum bovis cornibus propositam fuisse commemorat. Quod fronte gerit (uti etiam Osiris, & Orus) nisi fallor, accipitris caput est. Is ales Diis Ægyptiis sacer erat, quibus accipitris pro humano caput esse sæpe videas.

Quamobrem ad Nummos tuos ut veniam, quæ Deæ ad Mithræ latera stant Isides sunt, & Isis est quæ velato capite in Meliteni Nummo objicitur, ubi legimus *MEAITAIQN*: quod ut magis tibi persuadeas, Tabulam Bembi, & *Mensam Isiacam* Pignorii, aliosque de his Numinibus qui loquuntur fac consulas. Mihi enim non sat otii est, ut eos compilem. Satis est mihi rationem paucis ostendisse; quæ tuam abunde possis explere cupiditatem. Vale.



VIGESIMANONA DISSERTATIO.

De Magno Vase marmoreo, in quo exhibetur ortus Bacchi.



Ajetæ, quæ est Urbs maritima Regni Neapolitani, custoditur elegans hoc antiquum marmor, & hodie in ædæ maxima pro fundo sacri fontis adhibetur. Opus hoc est prisce sculptoris Atheniensis Salpionis nomine; ex his tribus incisis vocibus id liquet: ΣΑΛΠΙΩΝ ΑΘΗΝΑΙΟΣ ΕΠΟΙΗΣΕ, *Salpion Atheniensis fecit.* Ipsa cælaturæ elegantia fatis docet præstantem hunc artificem fuisse, & exisse e ludo Græcorum, qui sculpendi arte magnam sibi ubique terrarum nominis celebritatem compararunt, non secus atque aliis Liberalibus Artibus, quarum in Italia illustria reliquerunt monumenta. Fortasse continendis lustralibus aquis in aliquo Ethnicorum Templo, aut ad usum alium nobis ignotum Religionis causa Vas istud factum est. Toreuma porro non admodum difficile explicatus habet.

Hæc est Fabula de ortu, & educatione Bacchi, quam Apollodorus lib. 3. de origine Deorum refert. Cadmo, inquit, quatuor filia fuere, Autonoe, Ino, Semele, Agave; filius autem Polydorus. Ino Athamanti nupsit, Aristæus Autonoe, Echion Agavem duxit. Jupiter cum Semelem deperiret, inscia Junone, cum illa rem habuit. Hæc a Junone, quæ quod erat suspicata est, suumque dolorem dissimulavit, decepta a Jove petiit, quo ejus amoris certum pignus haberet, qualis cum Junone congrediretur, secum decumberet. Quod cum Jupiter abnuere non posset, fulguribus ac tonitribus invecus in Semeles thalamum advenit. Quare Semele splendorem cum ferre non posset, semestrem partum ejicit. Jupiter Bacchum e medio abreptum igne femori insuit, opportuno deinde tempore illum Jupiter emisit, & Mercurio Deorum Nuntio, Jovisque amorum conscio custodiendum tradidit. Hunc ille ad Inonem Bacchi materteram, & illius virum Athamantem affert, ut puerum educarent. Quod iniquo ferens animo Juno, & in eos cupiens suam iram effundere perfecit, ut Athamas filium suum Learchum, velut cervum venatus interficeret, Ino autem cum filio Melicer-

ta se in mare præcipitem daret. Ambo tamen Neptuni miseratione in Deos marinos versi sunt, & ex eo tempore Ino dici cœpit Leucothea, Melicerta vero Palæmon. Mox Jupiter Bacchum in hœdum transformavit, ut a Junonis ira eriperet. Hinc Mercurius sumtum puerum ad Nymphas, quæ tum Nysam Asiæ Urbem incolebant, alendum deduxit. Ex hoc factum est, ut Bacchus *Ἰνὸς καὶ Διὸς* Jovis, & a Nymphis *τῆς Νύκτος* Dionysius nuncuparetur. Silenus quoque illarum Nympharum comes Bacchi nutricius fuit.

Puer itaque quem hic vides Bacchus est; eum Mercurius Inoni, seu Leucotheæ materteræ porrigit, quæ infantem prima lactavit. Ex quadrato galero Mercurium agnoscis; ita enim cernitur in antiquis Nummis, licet neque alas capiti & pedibus, neque manui caduceum, qualem pingere solebant, sculptor addiderit. Verum scitum est, non eadem semper ratione Deorum imagines a Veteribus formari consuevisse. Albricus, cum sit illud instrumentum quo solem arcemus, *umbellam* vocat. *Galerum quoque, seu Umbellam capite deportabat.* Hoc ille utebatur ad arcendum solem instrumento, quoties Deorum jussu aliquid nuntiaturus huc illuc ibat. Vasis ora vitis Baccho sacra frondibus ornata est. Circum Satyri, Nymphæque stant; hujus Dei suscepta cura illis Bacchorum, his Baccharum nomen dedit.

Proximus Mercurio Satyrus est gestans humeris Hœdi, aut Tigridis exuvias. Tres notæ sunt quibus eum cognoscas. Prima, est Caprea cauda: hinc dictus *femicaper*, præsertim si hœdi pedes adderentur. Altera, sunt aures rectæ, & oblongæ, impudentiæ, ac libidinis, in quam ferebantur indices. Tertia, sunt crispæ in fronte crines. *Fronte crinita Faunus*, Virgilius ait. Is tibiis canit, quibus Campestres Di oblectabantur, & duabus paribus simul canit. Hoc illud est, quod in Terentii, aliorumque comœdiis dicebant veteres, *tibiis paribus canere*.

Sequitur ex Bacchis una percutiens tympanum, & caput Mænadam ac Bassaridum more rejiciens. Huc spectat quod Catullus ait: *ubi capita Mænades vi jaciunt bederigeræ*. Hæc Tympana superius de Veterum instrumentis Musicis locuti explicuimus.

A tergo alius Satyrus est, Thyrsus ille gestat, hoc est hastam ex hedera, in cuius vertice pini pomum est. Sunt enim ea omnia Baccho dedicata. De Bassaride Tacitus, ipsa, inquit, crine fluxo thyrsus quatens; & Sidonius Apollinaris describens Bacchi comites, Thyrsus, pellem Tigridis, ac tympana memorat.

— Rotat enthea Thyrsus

Bassaris, & maculis Erythræ Nebridos borens,

Excitat Odrysijs ad mystica tympana Mystas.

Ab Inus tergo tres Nymphæ, seu Bacchæ sunt Bacchi nutrices, comitesque; Duæ incumbunt Thyrsis, alia truncum arboris, seu potius Vitis, quæ Baccho sacra est, tangit.

Fulgentius cum Nymphis, & Bacchis Semelem Bacchi Parentem, ejusque sorores Inonem, Autonoem, & Agavem commiscet, & morales etymologias ad vinum spectantes investigat. Quidquid tamen eam in rem scribit, videtur longe remotum. Ut ut sit, decantatus est apud veteres hic Bacchi coetus, cuius festa instrumentorum clangoribus, & ululatus Bacchanaliorum tempore agebantur. Hinc Artemidorus de somniis ait: si quis somniando videatur sibi cum Bacchis, Satyris, Pane, Faunis, aliisque Semideis Bacchi sociis versari, huic turbas, pericula, dissidia eventura. Nunquam enim sine clamore, & perturbatione Bacchi sacra celebrabantur. Inscriptionem audi Nymphis, & Baccho positam.

R O M Æ.

NYMPH. NVTR. LIBERO *Nymphis*
PATR. CONS. DOM. ORC. *nutricibus.*

L. ORCIVIVS MEMMIANVS

ET M. MEMMIVS ONESIMVS

ET ORCIVIA ORESTILLA

COM. CONSEN.

D. D.

Putarunt Veteres Nymphas Nutrices Bacchi fuisse, sive quod aqua viti opus est, ut racemi maturecant, sive quia dilutum aqua vinum debet esse, ne mentem de sede deturbet. Hac de causa fortasse Domus Orcivia Nympharum, & Bacchi tutelam optavit, ut his conjunctis Numinibus sobrietatem præ se ferret.



A Pater Silenus Bacchi nutricius in antiquo canelabro æneo effictus est. Hic ab Horatio dicitur

— Custos, famulusque Dei Silenus alumni.

Is pingi solitus est capite calvo, fronte lata, pressis tanquam simus naribus. Hæc ejus oris conformatio hominem vino deditum, ac petulantem notat, qualis fuisse Silenus traditur. Socrates, ut observatum est, hanc Sileni imaginem imitabatur, quam Physiognomon quidam intuens eum flagitiosum esse pronuntiavit, & quidem non falleris, inquit Socrates, talis enim eram nisi vitiosam naturam Philosophiæ præceptis superassem. Vas quoque quod altera manu tenet, & canistrum quod altera, Silenum arguit; quod in Bacchi festis nempe orgijs exhiberi solebat, quorum scditatem, ritusque irridendos Ethnicis Antiqui Patres (a) objiciunt. Festum Athenis in honorem Bacchi celebrabant, quo festo Virgines cistas auratas cum floribus, & frugibus ferebant: ea festa dicta sunt canephoræ, Virgines vero canephoræ (b) a duabus Græcis vocibus, quæ significant canistrum ferre.

II. & III. Toreuma Vetus & Nummus Perinthiorum, quæ huic Tabulæ addidimus, ad hoc idem canistrum, & serpentem, quæ in Bacchi mysterijs, ac festis adhibebantur, referuntur. Catullus.

Pars obscura cavis celebrabant orgia cistis.

De his canistris Baccho, Cereri, & Proserpinæ sacris Suidas, & Theocritus in Idyl. verba facit. Videntur hæc cistæ ex nexis viminibus compolitæ, ex quo fortasse Tibullus eas cistas leves dicit:

Et levis occultis conscia cista sacris.

D Operculum habent illæ, ut Bacchi mysteria tegerentur, & eorum, qui sacris initiati non essent, qui tanquam Prophani arcebantur, oculos fugerent. Athenienses (c) Agraulum, & Pandoræ sum magno sacrilegio obstrictos esse putarunt, quod Cereris, ac Proserpinæ cistas reclusissent. In his cistis serpens inter cetera custodiebatur. Epiphanius libro primo adversus hæreses quorundam Hæreticorum (hi dicebantur (d) ophites) mentionem facit; qui in Templis serpentem cista servabant, adorabant, osculabantur, & pane alebant. Id ab Ethnicis mutuati sunt. Antiquus enim serpens primi Parentis delicto damnatus serpentis forma se hominibus sæpe colendum præbuit. In Ægyptiorum Templis, ac præsertim in Serapidis, & Isis, serpens adorabatur. Æsculapius Medicinæ Deus magni serpentis imagine, quod jam alias vidimus, honore affectus est. Justinus Martyr, qui Ethnicus fuerat, superstitiones Ethnicis exprobrans, Vos, inquit, tanquam magnum aliquod mysterium vestris Diis serpentem adjungitis.

E Clemens Alexandrinus, cum de Bacchanalibus memorat, summam ait fuisse illorum dementiam, qui serpentibus corpus circumdabant, & hædorum his sordidis Numinibus immolatorum sanguine vultum sibi perfundebant.

F Plura de Baccho, & Sileno, & eorum caeremonijs possem dicere. At hoc nihil esset aliud, quam Scriptores inutiliter compilare, quos, de his rebus ex professo cum egerint, cuique licet consulere. Neque huc transferam, quæ ad rem meam facerent, monumenta antiqua libris per industrios, & ma-

a Taceo ficulneum veretrum, quæque circa illud mysteria ritusque haberentur. Theodoret. l. 8. de martyrib. b xav'ov
c Athenagoras orat, pro Chris. d opus græce
serpens.

vos homines prodita. Ea profero tantum, quæ ex monumentis ipsis egomet collegi, quorum exempla varias terræ partes peragrans defumenda curavi, aut quæ in Eruditissimorum hominum Peireschii, & Bagarii scriptis jam defumta reperii. Cum

enim illa nondum in lucem prodierint, ea si ponerem gratum Antiquitatis studiosis me facturum putavi. Quod antequam facio, anaglypticum opus, quo Bacchi nutrices Nymphæ expressæ sunt, propono.



Nymphæ sunt hæ, Deæ quæ fluviorum, & fontium prærant aquis: unaquæque vase fundit aquam, & herbæ folium manu ostentat. Hæc herba fortasse *ποταμογενής* est, quæ in aquis nascitur, & cujus folium paludibus, & fontibus innatat: aut verius hæc herba, quæ gaudet aquis *Nymphæa* est sumto nomine a Nymphis. Hæ fontium Nymphæ appellatæ sunt etiam *Najades*, ut Silvarum *Dryades*. Sæpe, quod ante diximus, Deorum mysteriis apud Ethnicos Serpens intererat. Sed utrum quid peculiare sublit cur Nymphis adjungatur, ignoro. Qui hoc anaglypticum opus Mulis dedicavit, ipsemet pictus objicitur liquorem fundenti similis in iis sacris, quæ hisce Deabus fieri jussit. Hoc est quod ajunt *libare* a verbo Græco *λείβω*, stillo, fundo, vel ut nonnulli volunt a nomine *Liber*. Baccho enim primum vinum in sacris fundi cæpit. Saltem hoc certum est, vinum in ignem libari sæpe in sacris consuevisse, ut ex innumeris Poetarum locis liquido constat. Qui stillabat antequam id faceret ipse liquorem degustabat, & aliis qui aderant degustandum dabat. Hic qui aquarum Nymphis

sacrum peragit, Libertus erat Imperatorum nomine *Augustalis*. Littera G, bis repetita intelligis tres tunc temporis Imperatores fuisse; quod accidit ætate Gordiani Pii, Balbini, & Pupieni, & ætate Galerii, Constantini, & Maxentii, & sæpe alias.

Nymphæ aliquando Augustarum nomine donatæ sunt, ut alia quoque Numina. Testis sit hæc Inscriptio.

Vasione in Provincia.


NYMPHIS
AVGVSTIS
MATERNVS
V. S. L. M.

Votum Solvit
Libens Merito

Honoris causa hoc iis Epitheton tribuebatur, quia ad Imperatorum custodiendam domum vigilias agere putabantur.

Aliud opus anaglypticum Nymphas continens habeto.

Romæ, apud Matthæi.



Notent Grammatici *Nymphabus*, aut *Nympha-*
bus æque bene dici atque *Nymphis*.

Hic quoque tres Nymphas vides, quibus tamen pro valis Conchæ sunt, quæ in stagnorum ri-

pis, & maris littoribus reperiuntur. Ad umbilicum nudæ sunt, quas autem superius vidimus, illæ prope totæ obnuptæ sunt.

A parte dextera arcus in manu, pharetra in tergo, in fronte crescens Luna hanc Dianam esse confirmant. Cum Nymphis illa versabatur, quod silvis, & venatibus delectaretur. Hinc Philosophus Albricus de Deorum imaginibus ait Dianam cum arcu, & sagittis pingi solitam, Dryadum, Hamadryadum, Najadum, Nereidum corona, & nemorum, montium, fontium, marisque Nymphis; quin & Satyris, sunt enim silvestria Numina, stipatam.

Silvanus notissimus Silvarum Deus frondes dextera manu tenens, ramum arboris læva, & Hercules, qui clavum, & Leonis spolia gestat, Nymphas comitantur; ita ut si Hercules *μυσαγέτης* cognomento dictus est, quia Musarum ductor constitutus fuit, etiam *νυμφαγέτης* Nympharum ductor, qualis a Phornuto appellatur Neptunus, dici posse videatur. Illud quoque observandum est, a Veteribus Nymphas, ac Musas promiscue acceptas. Tanta est apud Deorum Genealogos confusio, ac perturbatio. Quare vetus Horatii Interpres hos versus notat, quibus musæ dictæ sunt Nymphæ.

*Vidi docentem, credite Posteris,
Nymphasque discentes.*

Virgilius autem, *Nymphæ noster amor Libetrides*. Hinc nonnulli tres tantum non vero novem musas putarunt; & Gregorius Gyrardus auctor est apud Lydios Nymphas Musarum nomine donatas. Illud & hic, & in altera Tabula observatione dignum est, quod Nymphæ numero tres proponuntur, qui numerus apud Veteres arcani aliquid videtur habuisse. Finxerunt enim illi tres Parcas, tria Fata, tres Furias, tres Gorgones, tres Sirenes, tres Harpyias, tres Hesperides, tres Gratias, tres Sybil-

las, quod ex antiquis & Poetis, & Lapidibus patet. *Matres* seu *Matræ* & aliæ Divæ dictæ *Sulevæ* & *Campestres*, quas opere anaglyptico impressas libro de *Aquæductibus* Fabrettus affert, tres simul junctæ sunt. Notum est etiam Mundi administrationem tribus Diis Jovi, Neptuno, Plutoni cessisse, & Dianam a triplici facie dictam *Hecatē triforem*. Legendum est undecimum Ausonii Idyllium, ubi ternarii numeri notas, quæ in Ethnicorum mysteria fieri possunt, pluribus persequitur. E fonte cui tres Nymphæ præerant *Eunica*, *Malis* & *Nycheja*, haurientem aquam Theocritus Idyll. xiii. Hylam inducit. Paucis ab hinc annis Romæ Gentis Nasoniæ sepulcrum inventum est, in quo inter cætera pictæ erant Nymphæ tres: vas erat in manu singulis circum Pegasum stantibus, qui saxum ungula feriens fontem aperuit, qui ex eo Hippocrene est appellatus. Eodem libro primo, quem laudavimus, Fabrettus exemplum ejus rei proponit.

Balnea quæ sacra Nymphis erant, dicta sunt *Nymphaea* æque bene ac *Lavacra*. Indici præcipue silentium ibi solebat. Quare extat apud Gruterum hujusmodi Inscriptio: *Nymphis Loci Bibe Lava Tace*. Legebatur aliquando Romæ hoc Epigramma dormientis Nymphæ inscriptum simulacro.

HVIVS. NYMPHA. LOCI. SACRI
CVSTODIA. FONTIS
DORMIO. DVM. BLANDAE. SENTIO.
MVRMVR. AQVAE
PARCE. MEVM. QVISQVIS. TANGIS.
CAVA. MARMORA. SOMNVN
RVMPERE. SIVE. BIBAS. SIVE. LAVERE,
TACE

*Miscellanea nostra eruditæ Antiquitatis Sect. II.
Art. VII. plures Inscriptiones Fontium & Aquarum Diis factas continent, quas huc transferendas non censui.*



TRIGESIMA DISSERTATIO.

De Strenis.



B exortu pæne Urbis Martiæ, inquit Symmachus, strenarum usus adolevit, auctoritate Tatii Sabini Regis, qui verbenas felicitis arboris ex luco *Streniæ* anni novi auspices primus accepit; five quod divini aliquid verbenæ inesse putarint, quemadmodum Galli nostri

Druides visco quercus nihil habebant sacratius, ita ut illud primo cujusque anni die aurea falce demeterent; five quod vocem hanc, quæ a *strenuus*, h.e. fortis, generosus, derivatur, ad Nomen Deæ *Streniæ*, cujus lucus verbenam suppeditabat, referrent; atque iccirco pro *strena* apud veteres *strenuam* quandoque invenias. Id superius vidimus Dissertatione XXIII. & videre etiam est in Glossis Philoxeni. Itaque verè hæc dona strenuis instituta sunt, quorum divina plane indoles vigilantia potius, quam instinctu felicitatem ominabatur. *Strenam*, Festus ait, *vocamus quæ datur die religioso, ominis boni gratia*. Nomen *strenuus* alii deducunt a *sterno*, alii a Græco *σπρηνς* fortis, *asper*.

Ex eo tempore caricæ, dactyli, mel dono dari consueverunt, tanquam hujusmodi voti argumentum, ut totius anni decursu amicis omnia jucunde, ac suaviter evenirent.

Progressu vero temporis rudioribus illis moribus excultis, & Deos ligneos aureis, atque argenteis excipientibus, donis etiam splendidiore Romanis esse cæperunt, cum post alia, & longe prætiosiora eo die singulis annis miserint. Præcipue vero dabantur argentei Nummi, postquam experientia compertum est fuisse primis temporibus longe rudes homines, qui argento mel dulcius arbitrabantur, quod ait apud Ovidium (a) festive Janus. Hinc Dio (b) strenas uno nomine vocat *ἀργυρᾶν*, *argentum*.

Muneribus ultro citroque mittendis mutuas benevolentiae significationes dabant, & in totum annum omnia felicia & fortunata vicissim præcabantur. Cum vero non minus Religio, quam Imperium cordi esset, illi quoque stabiliendæ leges ferre non prætermiserunt; quocirca hunc diem anni primum festum voluerunt esse, & sacrum præcipue Jano, cui duos affingebant vultus a fronte, & a tergo, quasi præteritum, & ventientem annum aspiceret. Hunc diem sacrificiis celebrabant, & ad Tarpejam arcem, ubi ara Jano posita erat, magna populi multitudo novis induta vestibus conveniebat; ex quo intelligis non eam esse recentem consuetudinem, ut primo anni die nova vestimenta sumantur.

Etli vero hic dies festus, & celeberrimus fuit, nam præterea Junoni quoque festus erat, quippe quæ omnium mensium Calendis præerat, & Jovi insuper, atque Æsculapio in ædibus ad Tiberim positus eo die rem divinam faciébant, tamen populus non prorsus feriabatur; quin potius mos erat singulos aliquid attingere in ea arte, quam exercebant, tanquam omen, ignavos, & pigros per eum annum non futuros. Apud nos quoque nonnulli præter morem ante lucem surgunt isto die, ut in posterum sint diligentiores.

A Tandem strenarum consuetudo Imperatoribus clavum tenentibus paulatim ita crevit, ut universus populus ad Imperatorem felicia precaturus se conferret, & unusquisque pro re domestica argentum donum tribueret. Honoris hoc signum habebatur erga viros Principes. Nunc vero conversa ratio est. Ditiore potius strenas dant tenuioribus, Parentes Liberis, Domini famulis.

B Augustus magnam strenarum copiam comparavit, at cum liberalis esset, neque privatorum munera in suam vellet rem convertere, in Deorum honorem id auri, atque argenti solitus erat impendere, & Deorum simulacra mercari, & dedicare.

Tiberius Augusti successor natura magis parcus, in ludos, & convivia minime effusus, consulto aberat primis anni diebus, ne populi felicia ominandi causa confluentis molestiam ferret; & Augusti strenas accipiendi consuetudinem improbavit. Id enim incommodum erat, & expensas postulabat, ut munera dante populo par pari referretur. Adeo his obeundis populus sex aut septem primos anni dies occupabatur, ut coactus Tiberius sit cavere edicto, ne strenarum commercium ultra Calendas Januarias exerceretur.

C Caligula, qui proxime post Tiberium Imperio potitus est, cujus avaritia, non minus atque cæteri pravi mores, maledictis segetem suppeditavit, edixit strenas, quas Tiberius sustulerat, ineunte anno se recepturum, stetitque in vestibulo ædium Calendis Januariis ad captandas stipes, quas plenis ante eum manibus, ac sinu, omnis generis turba fundebat.

Claudius Caligulæ, cujus locum tenuit, acta rescidit, decretoque prohibuit ne sibi, quod factum erat Augusto, & Caligula Imperatoribus, strenas deferrentur.

D Post hoc vero tempus eam consuetudinem populus revocavit, quam narrat Herodianus fuisse Imperante Commodò; ac Trebellius Pollio ejus rei meminit in vita Claudii Gothici, qui ad Imperium quoque pervenit.

Quæri hoc loco posset, cur primo anni die potius, quam alio tempore mutua dona mittere, & mutua Vota facere consueverint; quod a Jano Ovidius quærit, & dignum Jano responsum refert.

Omina principis, inquit, inesse solent.

E Atque hæc ratio est cur

Primum visam consulat Augur avem.

Et quidem Romani divinum quid principiis inesse existimarunt. Caput res divina credebatur, quia est, ut ita dicam, initium corporis. Suscipiendis bellis Augures, sacrificia, & vota publica initium dabant. Cujusque mensis initium Junoni sacrum erat, ac tanquam festum agebatur. Itaque causa, cur hoc die Jano sacrificarent, eumque sibi propitium desiderarent, ea est, quia cum præesset cæli foribus, ad omnes Deos sibi aditum apertum reliquo anni tempore fore

a Ovid. Fast. lib. i. b lib. io.
Supplem. Tom. IV.

sperabant, si initio statim Janum sibi benevolum reddidissent; & quia anni principio præsidebat, sibi & amicis benignum futurum confidere solebant, si rerum suarum curam ei quodammodo commisissent. Ei farre & vino operabantur. Hinc profecto natum est ut eum diem cibo, potuque hilariter traderent; quod a nostrorum quoque multis fieri soler.

Græci, quibus, antequam a Romanis consuetudinem acciperent, strenæ in usu non erant, vocabulo quod vere strenam significaret, carebant. Nam *ἀρχισμός*, quod nomen in Glossis quidem, at non in antiquis scriptoribus reperias, id tantum sonat *felix initium*; *ἐπειρά* pro quocumque munere accipitur. *Οαλλὰς* in glossis Philoxeni explicatur pro *verbena, strenua*, hoc namque nomen ramum, seu arborem significat, qualis est verbenæ, quæ primis temporibus, uti diximus, pro strenâ dabatur.

Ab Athenæo Cynulcus inducitur Ulpianum reprehendens, quod strenam *ἐπινομήδα* appellaret; profecto, quia *ἐπινομής* nihil aliud potest significare, quam id quod dederis ultra illud, quod debeas, nempe quod tantum grati animi gratia dederis: *ἐπινομήδες* dici possent illa munuscula, quæ famulis, aliisque impertiri solemus, non vero illæ strenæ, quæ anni principio Amicis dabantur.

Primis Christianæ Religionis temporibus atque etiam sublata Veterum superstitione, strenis Magistratus, & Imperatores donandi consuetudo sublata non est. Corippus lib. 4. de consulatu Imperatoris Justiniani.

*Dona Calendarum, quorum est ea cura parabant
Officia & turmis implent felicitibus aulam,
Convectant rutilum sportis capacibus aurum.*

Quia calendis Januariis Consulatum, & alios magistratus inibant, Senatus Populusque Romanus, & Flamines conceptis votis, instructisque dapibus festum celebrabant. Consulibus, virisque Principibus munera largiebantur. Id his versibus Prudentius confirmat.

*— Jano etiam celebri de mense litatur
Auspiciis, epulisque sacris, quas inveterato,
Heu miseri! sub honore agitant & gaudia ducunt,
Festa Calendarum.*

Has a populo collatas strenas ad reparanda publica ædificia Imperatores impendere solebant. Testis est hæc Gruteri Inscriptio.

R O M Æ.

LARIBVS. PVBLICIS. SACRVM
IMP. CAESAR. DIVI. F. AVGVSTVS
PONTIFEX. MAXIMVS
TRIBVNIC. POTEST. XVIII.
EX STIPE QVAM POPVLVS EI
CONTVLIT. K. IANVARI. APSENTI
C. CALVISIO SABINO
L. PASSIENO RVFO COS.

Ibi Gruterus notat Suetonii locum, ubi legimus; *omnes ordines in Lacum Curtii quotannis ex voto pro salute Augusti stipem jaciebant*. Hoc est Nummum percussum Calendis Januariis. Huc spectat ille Nummus Antonini Pii, quem Bellorius rerum antiquarum amator Romæ in adspæctum protulit, in cujus averfa parte laurea corona est, inscriptæ-

que hæ litteræ. *S. P. Q. R. A. N. F. F. Optim. Principi Pio*. Id est *Senatus, Populusque Roman. Annum Novum Faustum Felicem Optimo Principi Pio* intellige precatur.

Referri id quidem potest ad annum novum, cum primum Augustus ad Imperium ævectus est, ita ut ab eo die, quo cæpit imperare, initium anni ducatur, nempe sexto Idus Julius anno Urbis 890. Christi 139. eodem autem die repetitis votis precibusque & Nummo singulis annis oblato. Qui quidem Nummus quoddam strenæ genus semper fuit. Plinius epist. 101. *Vota Domine priorum annorum nuncupata alacres, lætique persolvimus, novaque rursus, curante Commilitonum, & Provincialium pietate suscepimus*.

Recepta a Christianis hac diem anni primum strenis, & oblectationibus celebrandi consuetudine, Concilia & Patres in eam vehementer inveci sunt. Ea festa generali nomine Calendas vocarunt. Calendis autem designatur primus cujusque mensis dies. Tertullianus libro de Idololatria: *Nobis, inquit, quibus sabbata extranea sunt, & neomeniæ, & feriæ Deo aliquando dilectæ, Saturnalia, & Januaria, & Brumæ, & matronales frequentantur? munera commeant? strenæ consonant? lusus, convivia constrepunt? o melior fides Nationum in suam sectam! quæ nullam solemnitatem Christianorum sibi vindicat.... Timerent enim ne Christiani viderentur, nos ne Ethnici pronuntiemur, non veremur*.

Sextum Concilium Trullanum damnavit festa, quæ dicta sunt *Calendæ, Vota & Brumalia*. Balsamon scriptor Græcus postremis Imperii temporibus, qui Conciliorum canones interpretatus est, cum hæc duo nomina *Boræ*, seu *Vota & Brumalia* explicaret, in duplicem errorem incidit. Ait enim primum festum in honorem Panos Dei pecoris institutum, *Boræ* enim idem valere ac *pabula*, aut *pecora*; alterum autem in honorem Bacchi, qui *Bromius* nuncupatus est. At certum est has duas voces Latinas esse: *Boræ, Vota* sunt ea quæ Calendis Januariis concipiebantur; *Brumalia* autem sunt Saturni festa, quæ ineunte hyeme, (hyems porro Latinis *Bruma* dicitur) celebrabantur.

Matthæus Blastaris Conciliorum Interpres ait Calendar. festum primo Januarii die agi consuevisse, & illud per jucunde quidem, quoniam erat eo die Luna nova, & quia hilariter se totum annum traducturos putabant, si oblectamenti annum inchoassent. At hoc recte dicitur de anno Lunari, quem magis spectabant Veteres, quam Solarem. Balsamon decem primos mensis dies appellatos affirmat esse Calendas, quibus omni lætitiæ genere perfundeantur.

Asterius Græcus scriptor, qui inter Patres recensetur, scripsit adversus Calendas, & ea festa, quæ Calendis Milites agebant; erant ea genus quoddam Saturnalium, ut erudite Deslignius Decanus Augustomagensis contendit: Verum mos hic, & apud nos tam altas radices egit, ut evelli nulla ratione possit. Quemadmodum neque ille mos sternutibus salutem a Deo precandi, tolli nullo modo posset; qui mos ab Ethnicis profectus est, qui cum sternutamentum morbi signum existimarent, sternutanti solebant dicere: *Jupiter te servet*. Etsi vero probe novimus sternutamentum rem esse naturalem, & sanitatis potius, quam morbi signum, tamen consuetudo hæc adeo invaluit, & dominatur, ut eam arcte retineamus, neque vel si liberet, eam expellere possemus.

TRIGESIMAPRIMA DISSERTATIO.

De Historia Pseudomantis Alexandri ex Luciano, Nummis declarata.



Ucianum, licet Ethnicum, Ethnicorum Religionem, Deosque ad irrisionem traduxisse, nemo est, qui ignoret. Hinc ille impius, atque *ἄθεός* appellatus est, quippe qui Religionem quam profitebatur aperte contempsit. Id cum passim in ejus scriptis liquet, tum maxime in Dialogis, qui inscribuntur *Jupiter confutatus* & *Jupiter Tragedus*. Quapropter cum is esset ingenio excellenti præditus, sed ad satyræ summopere facto, licet credere, quæ de Pseudomanti posterorum memoriæ prodidit joci causa finxisse, ut Ethnicorum oracula fraudes esse, dolosque ostenderet. Alexandrum enim ita mendacem describit, ut fictis oraculis ex Aboni muro editis omnes nationes deceperit, & Luciano quidem ætate Imperante Antonino. Verumtamen cum hanc Historiam duo rari Nummi confirmant, gratum me rerum antiquarum amatoribus facturum speravi, si eorum exemplum attulerim, ipsius Luciano narratione in disquisitionem aliquando vocata, quam totam protuli Ablancourt tamen vestigia secutus. Innumera audies, & incredibilia mendacia, quæ tanquam prodigia, & vera oracula hominum animos occupant. Cætera quoque oracula, certe pleraque, quod equidem minime dubito, ad hominum calliditatem potius, quam ad Magiæ artem referrentur, si censores ingenio, & acumine Luciano pares extitissent, qui eorum Historiam posterorum memoriæ mandassent. Vir peregrinandi studiosus de Monconis proficitur se in Ægyptum profectum Idoli antiqui reliquias ibi vidisse, cujus modo caput sex & viginti pedes altum erat. Hyæna illud simulacrum erat, aut potius fortasse Sphinx: In Ægypto enim vulgares erant hujusmodi statuae. Illud porro Idololum sub testudine positum erat, unde Sacerdotes Ethnici sese in statuæ cavum inferre poterant, & sciscitantibus oraculum reddere; & in ejus capite foramen erat, ubi aliquis stans poterat consistere, ut nulla ex parte conspiceretur.

Hujusmodi dolis ad Religionis firmitatem tum magis Ethnicis opus fuit, cum inter homines Christianus versari cæpit; tum enim respondere oracula desierunt, ut eo magis ex Plutarcho patet, qui ejus rei causam pluribus investigat. Dæmon hominibus ad stabiliendum confictorum Numinum cultum opem præstigiis tulerat; at expulsis per Evangelii lucem superstitionis tenebris, homines vicissim Dæmoni præsto fuere, ut ejus retineretur, qualiscumque superfuerat, iniqua Dominatio. Mirum fortasse videatur neminem alium hujus Oraculi historiam conscripsisse. Verum cum ignobile fuerit illud opusculum, Oraculi domicilium, & a magnarum Urbium commercio longe remotum, fortasse Romanis Historicis ignotum fuit, aut vero cum aliis Asiæ minoris Oraculis, quæ plurima erant, permixtum.

Quot præterea scriptorum monumenta periere, quot adhuc in Bibliothecis exarata manu fervantur, unde erui nonnulla possent, quæ Historiæ desunt? Casaubonus fragmentum Descriptionis Græcæ nominat, quæ typis commissa non est, & in Bibliotheca Regia custoditur, qua de Urbibus, quæ nomen mutarunt, agitur. Profecto ea si esset integra, aliquid in rem nostram haberemus: factum est

Supplem. Tom. IV.

enim, ut *Ἀβώνος τείχος* postea *ἰωνόπολις* diceretur.

Ablancourtus non religiose Luciano verbis adhæsit. Ut enim Gallice hanc Historiam reddidit, non poterat id eleganter facere, si ad verbum eam vertere voluisset. Hunc Pseudomantem initio statim Alexandrum Podalirii Filium vocat, quem Luciano Alexandrum *Abonotichitam* nominat. Gallus autem Interpres Patriam silentio hoc loco præterit, quia ejus inferius mentio incidit. Nuncupat vero Podalirii Filium, quia hunc se Alexander venditabat, ut eo magis arte medica præstare videretur. Podalirius enim, qui Æsculapii Filius credebatur, fuit medicus præstantissimus, Machaonis frater, & a Creta ad bellum Trojanum profectus est, ut quæ excellebat arte Græcis operam navaret.

Quantus apud Danaos Podalirius arte medendi.

Ablancourtus Oraculi Severiano redditi sententiam modo complectitur, nugas vero nihil significantes præterit; ut aliud quoque obscurum, & nihil nisi verborum sonitum continens missum facit. Audi itaque Luciano Historiam.

ALEXANDER

SEU

PSEUDOMANTIS.

Ex Luciano.

TU, charissime Celse, levem forte quamdam ac facilem provinciam mandare putas, quum injungis, ut Alexandri filii Podalirii fallacissimi vitam, & commenta, facinora, præstigiaque libro complexus tibi mittam. Verum si quis accurate singula persequi velit, hoc non minoris est negotii, quam Alexandri(a) Philippi Filii res gestas conscribere, tantus fuit ille scelere, quantus hic virtute. Atamen si cum venia lecturus sis, & quod deerit narrationi suppleturus, hunc laborem subibo, & Augiæ stabulum si non omne saltem pro virili repurgare nitar, paucis aliquot elatis cophinis ex quibus conjicias, quantus, quamque immensus fuerit finis universus, quem ter mille boves multis annis reddere potuerunt. Sed interim tibi, mihiq; ipsi a dedecore metuo. Tibi quidem, qui velis memoriæ litterisque mandari virum longe sceleratissimum: Mihi vero, qui operam collocem in scribenda historia hac, rebusque gestis hominis, quem a viris eruditis legis non esset, sed in frequentissimo, amplissimoque theatro spectari a simiis, aut vulpibus discerptum. Quanquam si quis hoc crimen nobis impegit, poterimus ipsi exemplum simile producere. Etenim Arrianus ille Epicteti discipulus, vir inter Romanorum nobilissimos habitus, & assidue in litterarum studio versatus, Tillibori Latronis vitam describere non censuit indignum.

Nos vero Latronis longe crudelioris mentionem faciemus, quippe qui non in sylvis, & montibus, sed in Urbibus ipsis est latrocinatus, qui non desertiores partes est depopulatus, sed universam Romanorum ditionem suo latrocinio complevit. Primum autem hominem tibi verbis depingam, formam ejus quam

a Dici etiam voluit Alexander Magnus.

Q9 ij

proxime representans. Corpore igitur procerus erat, & aspectu decorus, plane divina specie, colore candido, barba non admodum hirsuta, comae tectus partim nativa, partim apposita, tanto tamen artificio, ut id cæteri ignorarent: oculi versatiles illi divina quadam acie refulgebant, vox suavissima erat, pariterque clarissima. Hæc illius forma erat. Cæterum mens atque animus, o Dii! in hostes potius contingat incidere, quam cum ejusmodi quopiam habere commercium. Ingenio, solertia, acumine, docilitate, memoria, aliisque dotibus alios longe superabat, quibus tamen pessimam in partem est usus, & egregiis hisce instrumentis illico omnium, qui sceleribus essent nobilitati, facile summus evasit. Cum Rutilliano genero aliquando scriberet, ac de se modestissime loqueretur, Pythagoræ semet comparavit. At vero sit mihi propitius Pythagoras vir sapiens, & mente divina, sed si ætate hujus vixisset, puer præ hoc visus fuisset. Cave putes hæc in Pythagoræ contumeliam a me dici, quasi velim eos similitudine rerum gestarum committere. Verum si quis deterrima quæque, quæ de Pythagora per calumniam feruntur, in unum conferat, ea omnia non fuerint Alexandrinæ versutiae pars minima. Tandem cogitatione finge tibi quam maxime varium ingenium mendacio, dolis, perjuriis, maleficiis refertum, promptum, audax, præceps efficiendis iis, quæ excogitasset, gnavum, appositum ad persuadendum, ad simulanda optima quæque aptum. Nemo igitur cum illo primum congressus non discessit, quin hanc opinionem de illo susceperit, ut eum mortalium omnium optimum judicaret.

Itaque cum esset adhuc adolescens venustus admodum, at in tenui re promiscue scortum agebat, & rogantibus sui copiam mercede faciebat. Inter alios autem accipit ipsum amans quidam præstigiator ex iis, qui magiam, & mira incantamenta profitentur, tum artem ad conciliandam in amoribus gratiam, ad immittenda in inimicos mala, ad eruendos thesauros, & hæreditates intercipiendas. Atque is apud populum medicinam profitebatur, & norat quemadmodum Thonis Ægyptii conjux, ut est apud Homerum, *Pharmaca mixta, salubria multa, & noxia multa*. Porro doctor ille, & amator natione Tyaneus erat ex iis, qui cum illo Apollonio Tyaneo versati erant, totamque illius Tragædiam pernoverant. Vides quam e schola tibi hominem refero. Is cum hunc adolescentem conspexisset, & ad ministrandum sibi pronum, utpote qui non minus amaret illius doctrinam, quam ipse hujus formam, erudit eum, quo semper deinceps adjutore, & ministro est usus. Verum ubi jam barba plenus esset Alexander, Tyaneo illo vita defuncto, ad egestatem reductus, cum oris gratia defloruisset, unde victum parare poterat, nihil postea parvum agitabat animo.

Sed inita societate cum Byzantino quodam animalium scriptore (Cocconas autem cognomento erat) ingenii longe omnium sceleratissimi, circumibant, ut rudiores homines, pinguesque detonderent. Inter hæc mulierem opulentam nacti sunt exoleta jam forma, sed quæ etiamdum amabilis haberi cuperet. Pellæa autem erat illa, qui locus olim floruit sub Macedonicis Regibus, nunc a paucis iisque humilibus incolitur. Eam a Bithynia in Macedoniam usque sunt secuti, quia ab hac victus copia suppeditabatur. Ibi cum immani magnitudine Dracones conspicerent cicures, ac mansuetos, adeo ut a mulieribus alerentur, & cum pueris cubarent ac luderent, & eorum more lac a papilla sugerent, unde illa de Olympiade (a) fabula increbuit,

a Quæ cum Dracone concubuit.

unum ex his serpentibus, qui esset pulcherrimus, emunt. Atque hinc, ut ille ait, jam bellum exoritur. Nimirum cum duo facinorosissimi, magnæque audentes, neque non ad maleficia promptissimi societatem inivissent, facile perpenderunt hæc duo potissimum in hominum vita tyrannidem obtinere, spem, atque metum, quibus divinatio, & superstitio reperta est; quare oraculum, & cortinam constituere statuerunt, sperantes se protinus divites, ac felices fore. Quod quidem negotium spe melius evenit. Hinc excogitare cœperunt primum, quem locum deligerent, deinde qua ratione optum auspicarentur. Cocconas igitur Chalcedonem idoneam esse censebat, utpote regionem mercatoribus frequentem, qui a finitimis locis confluebant; at Patriam suam Alexander præferebat; Nam ad res hujusmodi capessendas opus esse pinguibus, ac stolidis hominibus, cujusmodi Paphlagonæ affirmabat esse, & hos præcipue, qui supra murum Aboni (a) ἀβώνος τείχος habitant, nempe supersticiosos plerisque, & stolidos, qui, si quis tantum apparuerit, tibias, (b) aut tympana, aut cymbala pulsans, illico ad eum omnes concurrunt, ac tanquam e cælo lapsum suspiciunt.

Vicit Alexander. Quare in Templo Apollinis, quod est apud Chalcedonios antiquissimum, tabellas areas defodiunt, quæ dicerent brevi admodum Æsculapium una cum Patre (c) Aboni murum inhabitaturum. Ex tabellæ cum essent de industria repertæ, facile effecerunt, ut hic rumor in omnem Bithyniam, & Pontum dimanaret, ac præcipue in Aboni Murum. Statuerunt protinus Templum erigere, jamque locum fundamentis effodiebant. Relictus Chalcedone Cocconas fallacia quadam, & ambigua, atque obliqua conscribit responsa. Deinde ibi viperæ, ut opinor, morfu necatur. Arcessitur in hujus locum Alexander jam comatus, cæsarie promissa, purpuream tunicam albo distinctam indutus, supra eam candida veste amictus falceem tenens more Persei, a quo se maternum genus ducere prædicabat. At stolidissimi illi Paphlagonæ, quamquam ambos illius Parentes norant obscuros atque humiles, credebant ficto Oraculo, quo se Podalirii filium jactabat: qui profecto valde mulierosus fuit, si a Tricca ad Paphlagoniam usque in Alexandri matrem est incitatus. Edidit aliud oraculum quasi Sibyllæ prædicentis.

*Ad maris Euxini littus, juxtaque Sinopam
Thyrside erit quidam Ausonia de gente Sacerdos
Qui veniet laturus opem mortalibus agris.*

Sed multis præterea obscuris vocibus involutum. Alexander itaque multo post in patriam venit, & his oraculis ingressus conspicuus erat, ac splendidus, ac tanquam Deus habitus, cum se se nonnumquam afflatum numine simularet, ore spuma pleno; id quod ille lanariæ herbæ ad tingendum aptæ radice manducata facile efficiebat. Cæterum insipientibus divinum quiddam ac formidandum hoc videbatur. At is multo ante sibi finxerat, paraveratque e linteis confectum draconis caput, speciem humanam præ se ferens, quod pilis equinis os aperiebat, clauderatque. Porro Pellæus ille Draco jam pridem erat in promptu, cum res postularet, ostendendus, princeps hujus fabulæ futurus. Jam vero cum esset incipiendum, noctu venit ad nuper effossa Templi fundamenta, in quibus constiterat aqua sive indidem scatens, sive ab æthere delapsa. Illic anserinum ovum deponit, quod serpentem jam modo editum occultabat. Mane vero cum nudus in forum profiliisset, nisi quod subligari, eoque

a Urbis Paphlagonia. b Veterum Prophetarum instrumenta. c Apolline.

inaurato circa pudenda tectus erat, cumque faciem illam ferret, solutamque comam simul quateret, eorum more qui a Cybele afflari dicuntur, conscensa sublimi ara concionabatur, eamque civitatem beatam prædicabat, quæ mox Deum propalam esset ostensura. Porro qui aderant (nam concurrerat universa prope civitas) admirabantur, vota faciebant, & adorabant, eoque magis, quia Hebræorum, aut Phœnicum voces cum usurparet, quid diceret, non intelligebant. Deinde ad designatum Templum cursu contendit, ubi ovum deposuerat, & ingressus aquam magna voce canebat laudes Apollinis, & Æsculapii, invitabatque Deum, ut bonis avibus in Urbem veniret. Postea cum phialam in aquam immerisset, haurit ovum illud, in quo nimirum ille Deum concluderat. Id cum manu cepisset, affirmavit se se jam tenere Æsculapium. Interim illi intentis oculis aspiciebant, quid accideret. Ovo fracto Serpentis foetum in cavam manum recepit, quique aderant moventem se se eum conspexerunt, ac digitis circumvolventem; exclamare cœperunt, & salutarem Deum, & civitatem beatam prædicare. Tum vota quisque fundebat, thesauros, opes, sanitatem, aliaque id genus bona flagitando. Hic ille cursim se se domum abripuit, una secum asportans modo editum Æsculapium, non ex cornice (a) ut alias, sed ex ansere progenitum. Populus autem universus sequebatur ingenti, at vana spe plenus.

Ille se domi continuit, ut Deus crevisse videretur, & cum aliquando omnes prope Paphlagonas convenissent, ac tota prorsus domus hominibus repleta esset, is in lecto sedens, eo cum ornatu qui vatem deceret, accipit in sinum Pellæum illum Æsculapium, quem suo collo totum circumvolvit, caudam prominere sinens, quæ adeo ingens erat, ut etiam pars humi traheretur. Solum caput sub ala abditum tenens, caput illud draconis ex linteo confectum altera ex parte tunicæ ostendebat, ac si illius qui apparebat, omnino esset, quo omnium in se admirationem convertit. Cæterum ejus ædiculis non sat luminis inerat, quique aderant plebei erant, iisque jam ante cerebrum, & cor præstigiis eripuerat, quamquam vel fama, ac spe excæcari potuerunt. At ibi non iidem diutius morabantur, sed expellebantur ab iis qui novi superveniebant: erat enim e regione januæ patefactum aliud ostium ad exeundum, quemadmodum ægrotante Alexandro Mæcedones fecisse ferunt. Atque hoc spectaculum sæpius exhibuisse dicitur, maxime si qui divites advenissent. Mirum autem non est, si barbari rudes, & ineruditi stupore suspensi, cum fraudem detegere acutiores non possent, videbant enim, ac tangebant Draconem, qui ex modo pusillo, intra paucos dies tam immanis extiterat, & insuper humana specie.

Res plane Epicurum, aut Democritum, aut quempiam Physicæ peritum requirebat, qui si minus quid res esset, assequi conjectura posset, saltem quidquid id esset, falsum esse, ac fieri non posse intelligeret. Brevi ergo tantæ rei fama tum Bithynia, tum Galatia, ac Thracia confluit. Accedebant ad hæc picturæ, imagines, signa Deum referentia partim ærea, partim argentea. Postremo nomen etiam inditum, idque iussu divino; Nam carmen hoc prodidit Alexander:

Ex Jove tertia stirps Glyco sum ille salutifer orbi.

Et cum jam ferret opportunitas, ut responsa daret petentibus, divinaretque, accepta ansa ab

A Antilocho, qui post Patris Amphiarai obitum, Thebis pulsus, & in Asiam profectus, cum futura barbaris prædiceret, binos obolos pro singulis responsis accipiebat. Inde igitur arrepta ansa prædicit Alexander fore, ut Deus ipse responsa daret, cujus rei diem certum indicit: iussit autem ut quisque quod requireret, & maxime discere vellet, id in libello conscriberet, quem consutum obsignaret. Ipse vero receptis libellis in adytum ingressus, (jam enim extructum erat Templum) ordine per præconem eos vocabat, qui libellos tradidissent, eos redditurus, ita ut traditi fuerant, obsignatos, subscripto ipsis responso pro cujusque argumento, Deo nimirum respondente, quacumque de re quis esset sciscitatus. Perspicaci homini non fuisset hic dolus cognita difficilis. At bardi, ac stupidi homines mente consequi non poterant eum sigilla resignare consuevisse, & cum ad interrogata, quod libuerat respondisset, rursus complicatos obsignatosque libros reddidisse. Multæ enim ad id perficiendum artes sunt, quarum nonnullas hic referam, ne versutiam miraculum putes. Is itaque eam ceræ partem, quæ sigillo subest, acu candenti liquefactam diducebat; tum ubi legisset, ceram acursum calefactam, eam quæ infra filo suberat, quæque sigillum ipsum tenebat, facile coagmentabat. Alia ratio est: nempe collyrium vocant κολλύριον, Conficitur ex pice Beryttia, (a) bituminæ, & perspicuo lapide trito, cera, & mastiche. Confectum igitur ex his omnibus collyrium, igni calefactum, inuncto prius axungia suilla signo applicabatur, ac symboli figuram accipiebat: tum eo protinus exsiccato commode resignabat libellos, quos cum perlegisset, imposita cera, idem sigillum ad prioris similitudinem scite effectum, reformabat. Alia præterea multa ad id illi sunt excogitata, quorum omnium meminisse non est necesse, cum in his, quos de magorum artibus conscripisti commentariis, cum pulcherrimis tum utilissimis, ne imperiti decipiantur, satis multa retuleris.

Reddebat igitur oracula, & divinabat non mediocri ad eam rem usus ingenio, & arte, ne res tota patefieret: quare aliis obliqua quædam, & ambigua, aliis penitus obscura respondebat: quandoquidem hæc erat Oraculorum consuetudo. Alios dehortabatur, alios adhortabatur, prout magis conducere conjecisset. Nonnullis remedia morborum, vitæque rationes præscribebat, cum sciret plura, & efficacia pharmaca. Porro divitiarum, & hæreditatum spem semper in aliud tempus rejiciebat, aut cum ejus Vates Alexander (dabantur enim responsa Dei nomine) eum rogasset. Merces erat cuique responso statuta, nempe drachma cum obolis duobus. Ne exiguum fuisse putes quæstum hunc, cum in annos singulos septem, aut octoginta millia congereret, hominibus futura sciendi usque adeo avidis, ut singuli decem, vel quindecim interrogationes traderent, neque duas eodem libello conscribere licet. Cæterum iis quæ accipiebat non utebatur solus, sed multos secum habebat adjucores, ministros, exploratores, tum qui versibus oracula conderent, tum qui responsa fervarent, qui subscriberent, qui obsignarent, qui interpretarentur, quorum unicuique pro merito lucrum impertiebat.

Jam & emissarios in remotis regionibus habebat, qui oraculi famam in Gentes inferrent, affirmarentque ipsum futura prædicere, res amissas invenire, thesauros effodiendos ostendere, ægrotos curare, idque genus alia mira facere. Undique igitur mittebantur victimæ, donaria, quæ

a Hinc dictus Filius Coronidis, b. e. Cornicis.

b Pix Beryttia.

Deo, ejusque Prophetæ offerrentur. Jam enim & tale quoddam oraculum exierat.

Muneribus decorare meum Vatem, atque ministrum

Præcipio, nec opum mihi cura, at maxima Vatis.

Verum ubi jam plerique prudentes, & maxime Epicuri sectatores dolos, & fraudes deprehendissent, quemdam ipsis terrorem incussit dicens, totam regionem Christianis, & impiis (a) repleti, a quibus audacter maledictis pessimis læderetur, quos iussit lapidibus expelli, si Deum haberi propitium vellent. Sciscitanti cuiquam quid ageret apud Inferos Epicurus: plumbeis, inquit, compedibus vinctus in cœno fedet. Sævum enim erat illi cum Epicuro bellum, quia hic rerum naturam perspexit, isque solus quid veri rebus insit noscens, fraudes, & artes, quæ Religionis nomine grassarentur, detexit. Verum Platonis, Chrysippi, & Pythagoræ amicus erat. Urbem Amastrin in primis oderat, quoniam sciebat eos, qui cum Lepido erant, aliosque Philosophos Epicureos complures in ea Urbe versari. Nec unquam Amastrino cuiquam oraculum reddidit; quin ubi conaretur fratri Proconsulis respondere irrisus discessit, cum nec ipse inveniret, quemadmodum idoneum oraculum fingeret, nec haberet qui sibi opportune ad tempus posset componere. Nam cum illi de stomachi dolore conquerenti vellet præscribere, uti suillum pedem cum malva præparatum ederet, ridicula, & nihil significantia verba protulit.

Sæpe iis, qui vellent, draconem ostendit, non totum, sed caudam potissimum, & reliquum corpus prætendens caput, ne videretur, abditum in sinu servabat: cumque magis attonitam vellet reddere multitudinem pollicitus est se se exhibiturum ipsum Deum loquentem: atque hæc responsa Dei voce reddita vocabantur. Deinde non magno negotio gruum arteriis contextis, & per illud arte factum caput insertis, alio quopiam per has foris insonante, ad interrogata respondebat, voce per Æsculapium illum linteo confectum ad aures promanante: neque tamen hæc responsa quibuslibet, neque passim dabantur, verum splendidis, opulentis, ac munificis. Illud oraculum, quod Severiano reddidit de expeditione in Armeniam suscipienda, ex eorum erat numero, quibus victoriam prædicebat. Verum cum ille cæsus esset, hoc oraculum a monumentis sustulit, aliud substituit, quo a bello gerendo eum revocabat. Siquidem & hoc callidissime commentus fuerat, ut priora oracula quæ perperam, maleque evenissent, posterioribus emendaret; & ægrotis, quibus prædixerat fore, ut convalescerent, morientibus, alterum oraculum illico paratum erat.

Sed ut sibi redderet amicos, qui æque fallacia oracula in Claro, Didymis, Malloque dabant, ad illos eos qui venerant sciscitatum sæpe mittebat, præsertim cum in promptu responsum non haberet, velletque ab aliqua interrogatione se extricare. Hactenus de iis quæ intra Patriæ fines perfecit. Ut vero & Italiam oraculi fama pervasit, & Romam ipsam pervenit, alii ibant ipsi, alii mittebant, potissimum hi qui potentia, & auctoritate plurimum in Republica pollebant; quorum princeps, caputque fuit Rutillianus, vir honestus quidem, ac probus, & in multis præliis Romanorum spectatæ virtutis, sed nimis superstitiosus, adeo ut sicubi lapidem vel inunctum, vel coronatum conspexisset, continuo procideret, at-

a Impii putabantur quia Diis non credebant.

que adoraret. Itaque parum abfuit, quin relicto exercitu quem tenebat, in Aboni murum advoleret: alios autem post alios eo legabat. Porro qui mittebantur imperiti quidam famuli facile decepti mendacia mendaciis addebant, quo fierent Domino commendatiores; itaque eum inflammabant, & in vehementem insaniam impellebant.

Hic vero, ut qui plurimis, ac potentissimis erat amicus, eos adibat narrans, cum ea quæ acceperat, tum ea quæ, ut amplificandi gratia fieri solet, ex se se effinxerat. Quare Urbem implevit, & concitavit, perfecitque ut multi de suis rebus audire aliquid ab oraculo concupiscerent. Porro adventantes Alexander comiter excipiebat, & magnificis donatos muneribus dimittebat, ut de ipso honorifice loquerentur, ejusque laudes disseminarent. Hoc etiam excogitavit, ut resignatis, ac perlectis libellis si quid invenisset, quod cum interrogantis discrimine, ac periculo conjunctum videretur, apud se detineret, quo sibi qui libellum misisset obnoxium redderet, quo consequeretur, ut hic alter blandiri, adeo non conqueri cogeretur.

Libet autem aliquot ex his responsis commemorare, quæ Rutilliano reddidit. Huic sciscitanti de filio quem illi Præceptorem adhiberet, ambiguum responsum, qualia sunt oraculorum, dedit: nempe ait, *Pythagoram, & Homerum*. Deinde paucis post diebus extincto puero, ipse quidem hærebat, nec habebat, quod incusantibus responderet, oraculo videlicet ita re præsentis confutato. At Rutillianus optimus ultro occupans defendebat oraculum, affirmans Deum portendisse mortem filii, cum jussisset neminem e vivis adolescentulo deligi præceptorem. Rursus eidem ex doctrina Pythagoræ percontanti, cujus tandem animam esset sortitus, & quidnam futurus, ait:

Principio fueras Pelides, deinde Menander, Deinde is qui nunc es, post fax Phœbea futurus,

Octoginta ævum, & centum produxeris annos.

At hic septuagenarius ex insania interiit, haud expectato Dei promisso, quamquam illud erat *ἄνθρωπος*, ex iis quæ propria Dei voce reddebantur. Eidem etiam aliquando de uxore ducenda interroganti respondit:

Ducito Alexandro natam, Lunaque puellam.

Siquidem jam ante dictitarat filiam quam habebat e Luna sibi susceptam fuisse; quæ sui, quemadmodum Endymionis, amore capta fuisset. Tum Rutillianus nihil cunctatus protinus arcessit puellam, uxorem ducit, & Hecatombas focui suæ litavit, seque e cœlitibus unum evasisse censuit.

At hic Pseudomantis majora in dies excogitabat, & in omnes partes qui perferrent oracula dimittebat, prædicens civitatibus cavendam esse pestilentiam, incendia, terræmotus, se remedia traditurum, ne quid horum accideret, pollicitus. Unum etiam oraculum *Autophonum* per Gentes omnes grassante peste divulgavit, quod miserat pro foribus ubique scribendum, tanquam adversus pestilentiam remedio futurum. Sed nescio quo casu ex potissimum domus infecta sunt, quibus carmen erat inscriptum, cum forte plerique freti carmine negligentius, ac segnius vixerint.

Exploratores etiam quam plurimos Romæ constituerat, qui sibi qua quisque mente esset indicarent, ac priusquam oraculum adiissent, illi significarent quidnam esset percontaturi, quidque potissimum cuperent, ut priusquam venissent, qui

mittebantur, ille jam ad respondendum paratus esset. Societates etiam quasdam sacras, sive collegia instituit, ac tædarum ferendarum rationem, & sacrorum cæremonias instituit, quæ tribus ex ordine diebus continenter peragerentur. Ac primo quidem die Athenienfium ritu, denunciatio fiebat hujusmodi: *Si quis impius, aut Christianus, aut Epicureus mysteriorum contemptor accessit, discedat: sed qui Deo credunt, feliciter initientur.* Tum illo præeunte, ac dicente, *Foras pellantur Christiani: Multitudo acclamabat universa, Foras pellantur Epicurei.* Dehinc Latonæ puerperium agebatur, & Apollinis natalis dies, tum Coronidis Nuptiæ, demum adventus Æsculapii. Secundo die celebrabatur Glyconis ortus: tertio Podalirii, & Matris Alexandri Nuptiæ, qui dies *Dadis* appellabatur a facibus, quæ accendebantur. Postremo Lunæ, & Alexandri Amor, quo nata est Rutilliani conjux. In medio jacens Alexander, tanquam alter Endymion, dormiebat. Tum in eum erecti fastigio tanquam e coelo Lunæ vicem agens descendebat mulier quædam formosissima, cujusdam e Cæsareæ domus præfectis uxor, quæ tam erat inverecunda, ut ob oculos mariti Alexandrum oscularetur, & amplecteretur: fecisset præterea forsitan & aliud, nisi complures tædæ fuissent: illa nimirum Alexandrum amabat, & ab illo vicissim amabatur.

Paulo post rursus introibat ornatu sacerdotali multo cum silentio. Deinde ipse primus exclamabat, *Io Glycon.* Assonabant autem egregii cantores, & præcones quidam Paphlagonæ carbatinis calcæati, plurimum alii nidorem ructantes: *Io Alexander.* Porro subinde inter gestandas tædas, atque inter mysticas saltationes, femur illius de industria, ut videretur Pythagoras, nudatum aureum apparebat, pelle, ut conjicio, inaurata circumdata, & ad tædarum fulgorem relucente. Itaque inter duos desipienter sapientes de eo quæstio orta est, utrum, ut femur aureum, ita animam Pythagoræ haberet: quam controversiam ad oraculum retulerunt, & responsum datum est:

Pythagoræ mens emoriturque, oriturque vicissim:

Vatis at est animus divina e mente profectus.

Cum denunciaret omnibus, ut a puerorum concubitu abstinerent, ceu re nefaria, Ponticis, ac Paphlagonicis Urbibus imperavit, ut tertio quoque anno mitterent oraculorum consultores, qui Dei laudes apud se canerent; & selectos illos nobilissimos, ætate florentissimos, formaque eximios mitti oportebat; quibus ille ad libidinem modis omnibus abutebatur. Præterea legem condiderat, ne quis major annis octodecim se se admoto ore complecteretur, neve cum basio salutarer; sed reliquis manum duntaxat osculandam porrigens, solis formosis osculum dabat, quibus inde cognomen inditum, ut intra osculum constituti dicerentur.

Hunc in modum perpetuo stolidis illudebat, ut magnum quiddam, omnibusque optandum videretur, si cujus uxorem osculo dignatus fuisset, atque adeo stuprasset, puerosque vitiaisset. Multæ præterea se ex ipso etiam peperisse gloriabantur, ejusque rei testes maritos appellabant. Libet etiam Dialogum referre Dei, & Sacerdotis, viri cujusdam Tianeï, cujus sapientiam cognoscere ex iis, quæ sciscitatus est. Hunc equidem legi Tii descriptum ipsis Sacerdotis in ædibus.

Interrogatio. Dic mihi Glycon quisnam es?

A. Responso. Sum novus Æsculapius. *Int.* Num alius ab illo priore? *Resp.* Haud fas est, id te audire. *Int.* Quot annos oracula dando permanfurus es? *Resp.* Mille, & amplius. *Int.* Deinde quo demigraturus? *Resp.* Ad Bactra, atque in eas regiones: liquidem oportet etiam barbaros mea præsentia frui. *Int.* At in Claro, Didymis, ac Delphis verane, an vana redduntur oracula? *Resp.* Ne istud quidem scire cupiveris; nefas enim. *Int.* Ego quis tandem post hanc vitam futurus sum? *Resp.* Camelus, deinde equus, postea vir sapiens, nec inferior Alexandro Vates. Hujusmodi fuit Glyconis cum sacerdote colloquium. Cæterum & oraculum reddidit Pseudomantis, quo hunc sacerdotem ab amicitia Lepidi revocaret; norat enim ejus esse amicum: Nimirum Lepido instare ait acerbum fatum. Metuebat enim Epicurum, ejusque discipulos, utpote suis artibus magnopere infensos. Itaque ex Epicureis quempiam ausum multis præsentibus illum coarguere, quod falso oraculo multos innocentes perdiderit, magnum in discrimen adduxit. Res ita contigit.

Is auctor fuit cuidam Paphlagoni, ut servos suos ad Provinciæ Præfectum capitis arcesseret, ut qui Filium ipsius occidissent: qui quidem adolescentulus Nilum navigans amne adverso, cohortationibus permotus in Indiam (a) perrexit, neque tamen ad suos Alexandriam nuntium misit. Cum igitur diutius abesset, eum rati periisse ad Patrem reversi sunt, a quo fuerant hortatu oraculi ad Galatiæ præfectum accusati, tum vero capite damnati. Post hæc incolumis rediit Adolescens, quo illorum prodita innocentia est, cum rei nullum remedium superesset. Pseudomantis ira percitus, quod coargueretur, nec justam exprobrationem ferre potens, iis qui aderant imperavit, ut illum lapidibus peterent, alioquin & ipsos impios futuros; idque fecissent, nisi Demonstratus quidam, qui versabatur in Ponto, hominem amplexus morti subduxisset. Sed ille jure lapidibus obruebatur. Quid enim attinebat discrimini se objicere, ut eos qui minime id erant meriti, ab errore revocaret? Et hæc quidem illi evenerunt. Cæterum advocatis pridie, quam responsa redderet, consultoribus, præco magna voce rogabat, an vaticinari vellet? Si cuiquam ex adyto respondisset, ut in malam crucem abiret, hunc hominem nemo amplius tecto excipiebat, & a sua quisque arcebat societate; ut solum illi vertendum omnino esset.

Librum aliquando nactus est, quo præcipua Epicuræ disciplinæ præcepta continentur, librum longe pulcherrimum, qui hominis animum a fœdis cupiditatibus longe melius, quam inanes superstitionis expiationes, purgaret. Etenim non solum spes inanes, & immodicas adimit cupiditates, sed etiam a pavoribus, spectris, ac prodigiis liberat. Hunc igitur librum nactus medium in forum deportavit, atque excussit, & cinerem edito in eam rem oraculo, in mare projecit. Accipe jam facinus unum inter omnia multo impudentissimum.

Cum jam non mediocrem in Regiam, aulamque Cæsaream aditum sibi patefecisset ope generi Rutilliani vigente Germanico bello. (b) ad Imperatorem M. Aurelium oraculum misit, quo Leones in Danubium immitti jussit, nobilem victoriam, moxque pacem pollicitus. At Leones, cum in regiones hostium enataissent, barbari interfecerunt. Tum protinus Romanorum magna strages edita est, viginti ferme millibus extinctis; deinde parum abfuit quin Aquileja caperetur. At is ad id quod evenerat Delphicam illam defensionem, Croesoque reddi-

a Usque ad Clisma, aut Antinoem: ubi fluvius, qui mare Rubrum penetrat. b Cum Marcomanis, & Quadis.

rum oraculum detorsit, Deum quidem prædixisse victoriam; haud tamen explicuisse, utrum Romanorum esset futura, an hostium.

Tandem cum jam plurimi confluerent, preme-
returque civitas eorum multitudine qui ad oracu-
lum ventitabant, neque suppeditandis rebus ad
victum necessariis sufficeret, oraculi genus com-
miniscitur, quod nocturnum appellabatur. Si-
quidem acceptis libellis indormire se agebat, &
tanquam divinitus in somnio edoctus respondebat;
nihil certi tamen, sed ambigue, maxime si quem li-
bellum accuratius obsignatum conspexisset. Nam
citra resignandi periculum quicquid temere in
mentem venisset subscribebat, ratus & hoc ipsum
proprium esse oraculorum; præterquam quod id
maximo erat emolumento. Erant enim nonnulli
constituti Interpretes, qui cum mercedem non
exiguam oracula explicando colligerent, singuli
quotannis Alexandro talentum Atticum pende-
bant.

Nonnunquam etiam cum nemo esset, qui con-
sultum veniret, oracula edebat ut stultos homines
obstupefaceret; quale illud:

*Illum quære tuæ, qui, clam te, scandit apud te
Conjugis in thalamum, vultuque, oculisque de-
coræ,*

*Primigenum, cui tu credebas omnia, Vernam;
Ejus enim florem libasti, hoc dedecus ille*

*Nunc tibi compensans cum conjuge dormit herili.
Verum quid faciant ne audire, & cernere pos-
sis,*

*Illi letiferum tibi adornavere venenum,
Inveniesque tuo sub lecto, tum prope murum
Ad caput; est illis tua conscia serva Calypso.*

Quis Democritus auditis accurate nominibus, &
locis, non commotus fuisset? Verum cognita eo-
rum arte, illico irrisisset. Si quando peregrina lin-
gua interrogaretur, in aliud tempus responsum
rejiciebat, ut eadem lingua responderet, & quan-
do in promptu non erant quorum opera ad id præ-
standum uteretur, propria lingua citra carmen
respondebat, ut cum ait: *Redito unde venisti:
Nam qui te misit a vicino Diocle hodie est interem-
ptus: & Latrones jam in vinculis detinentur.*

Audi modo pauca quædam, quæ mihi ipse re-
spondit: cum sciscitaretur essetne calvus Alexander,
& libellos accurate, & palam obsignassem, res-
ponsum nocturnum subscribitur: *Sabardalachi
Malach Attis alter erat.* Rursus variis libellis ex
variis locis eandem rogationem cum proposuissem,
cujas esset Poeta Homerus, is a puero meo decep-
tus (qui interrogatus quorsum venisset, ut reme-
dium, inquit, petam adversus lateris dolorem)
respondit:

Cytmide te jubeo, & Latonæ rore perungi.

Alteri vero libello, quoniam a me missum consul-
torem audiverat sciscitantem, utrum mihi in Ita-
liam navi an pedibus contendere satius esset, sub-
scripsit nihil quidem quod ad Homerum attineret.

Carpe viam pedibus, rate ne fulcaveris undam.

Multa id genus adversus ipsum machinatus sum,
quale & illud quum proposita unica interrogatio-
ne, pro octo mercedem misi; totidem enim red-
debat oracula, quot mercedes pendebantur. Octo
mercedibus deceptus oracula totidem dedit, quæ
referebantur ad interrogationem prorsus nihil.
Quod cum postea persensisset, & præterea me Ru-
tilliano suasisse, ut ab ejus societate recederet, odio

A me acerrimo prosequeretur, & Rutilliano de me
aliquando percontanti respondit:

Noctivagus gaudet scortis, spurcoque cubili.

Sed cum eo aliquando profectus essem cum duobus
militibus, quos a Cappadociæ Præside mihi tum a-
mico acceperam ne ulla mihi inferretur injuria, (a)
ubi me advenisse compertum habuit, misit qui me
comiter admodum, magnæque cum humanitate
invitarent. Ego cum advenissem, & oblata mihi,
ut oscularer, manu, præ odio in ejus fraudes aci-
morsu manum corripio; cujus rei causa parum ab-
fuit quin me, qui aderant, strangularent, prius e-
tiam indignati, quod Alexandrum illum, non
autem Prophetam compellassem.

Sed is injuriam generose ferens, compescebat ip-
sos, meque placidum facile redditurum polliceba-
tur, virtutemque sui Glyconis ostensurum, qui
sævissimorum etiam hominum amicitiam sibi con-
ciliat. Moxque dimissis omnibus, mecum conque-
stus est de iis quæ Rutilliano dixeram: ecquid me
læsisset, ut ista in se facerem, cum sua opera pos-
sem magnas ad res promoveri. Quam equidem hu-
manitatem non respui perspiciebat, quo in pericu-
lo constitutus essem, & paulo post factus illi ami-
cus simul prodivi, qua re omnes obstupuerunt.

Postea cum navim conscendere statuissem, missis
donis multis navim quoque & remiges suppedita-
vit: quod quidem officiose fieri censebam, quo
ego illi devincerer. Sed ubi jam in medio mari fui-
mus, vidique lachrymantem Gubernatorem, &
nautis nescio quid contradicentem, non bene de
rerum mearum eventu sperare cæpi, eoque magis
quia ex meis unus mecum erat, reliquis cum Pa-
tre in Amastrim præmissis. Itaque rogavi ecquid
contenderent. Is sic me est allocutus. Senex ego,
ut vides, cum anteaetam vitam pie & innocenter
exegerim, nolim extremam vitæ meæ partem sce-
lere contaminare, & uxorem ac liberos Deorum
iræ committere. Rursus mihi instanti patefecit
mandatum quod ab Alexandro acceperant, ut in
altum provecti me in mare præcipitem darent.
Tum ad Ægialos expositus, quorum etiam Home-
rus meminit, ibi forte nactus præternavigantes
Legatos quosdam Bosphoranos, Eupatoris Regis
nomine in Bithyniam proficiscentes, ut tributum
annuum Imperatori deferrent, rem totam narra-
vi: quocirca in eorum navim receptus Amastrim
incolumis perveni.

Tum vero apertus hostis ei bellum indixi: jam-
que ad accusationem intenderam animum, non
paucis mecum facientibus, & maxime qui erant
ex Timocratis Heracleotæ Schola Philosophi. Ve-
rum qui tum Provinciæ præsidebat vehementer o-
ravitt, ut desisterem. Etenim ob necessitudinem,
quæ sibi cum Rutilliano intercederet, nequaquam
posse supplicio afficere, nec si manifesto in crimi-
ne deprehendisset. Sed quid? An non & hoc in-
ter alia facinus audax Alexandri, ab Imperatore
postulare, ut Aboni murus commutato vocabulo
Jonopolis appellaretur, utque numisma novum si-
gnaretur, altera quidem ex parte Serpentis imagi-
ne, altera vero Alexandri, qui insignia avi Æscu-
lapii, & Persei, unde maternum genus ducebat,
falcem teneret?

Tandem cum edito oraculo de se prædixisset, fa-
tis decretum esse, ut annos centum, & quinquæ-
ginta viveret, dehinc fulmine ictus moreretur, in-
teritu maxime miserando periit, nondum septua-
ginta natus annos, videlicet pede ad inguen ul-
que putrefacto, & vermibus scatens, exitu filio

a Aut, quo me ad mare usque deducerent.

Pod-

Podalirii plane digno. Quo tempore etiam cognitum est, eum esse calvum, cum ad mitigandum cruciatum, caput humectandum medicis præberet. Hæc fuit Alexandri *κατασπονή*, digna tantis sceleribus, flagitiisque poenâ. Restabat illud, ut & epithapium ei fieret, & alius in ejus locum sufficeretur. Sed ab ejus sectæ hominibus Rutillianus arbiter constitutus nihil statuit, ipse sibi divinationem servans, postquam e vita migrasset. Fuit tamen quidam homine Pætus professione medicus, jam canus, qui ista nec medico, nec homine cano digna faciebat. Hæc ex multis pauca scribenda putavi, ut tibi gratificarerer, & Epicurum ulciscer. Præterea arbitror fore, ut iis qui legerint nonnihil utilitatis asferre hic libellus videatur, quos ille Pseudomantis deceperit. Non potui quin satisfacerem amicitiae nostræ, dum te ego plurimifacio, teque ob virtutem, morum mansuetudinem, veritatisque studium maxime suspicio.

Hæc est quam de Pseudomanti historiam Lucianus tradidit. Vide modo Nummos quibus confirmatur, declaraturque. Averfam partem ostendere satis duxi. Adversa enim nihil ad Historiam confert.



Primus ille alter Antonini Pii Nummus est, quem *Abonotichitæ* ferierunt. Draconem vides multis flexibus torquentem caudam. Non est dubitandum quin sit ille quo subdolos Alexander usus est. Id arguunt illa verba *ABONOTEIXEITON ΓΑΥΚΩΝ*. *Abonotichitarum Glycon*. Cives *αβων τευχας*, muri Aboni, quod est Paphlagoniæ oppidum, alios populos imitati sunt, qui suorum nummorum averfa parte, quod suis urbibus præcipuum erat, imitati sunt. Ex his intelligimus illud oraculum in honore esse Antonini Pii tempore capisse, licet hoc Lucianus non indicarit, sed ad Marcum Aurelium, qui Antonini locum proxime tenuit, referre videatur. Quocirca non exigui temporis spatio tota hæc fabula videtur acta, neque brevi ejus oraculi famam tantum terrarum opplere potuisse. Ex hoc, & altero Nummo conjicimus Æsculapii nomen, quem Serpentis forma finxerunt, ab Alexandro impositum fuisse *Glyconem*. Neque illud refert, quod Goltzius similem Antonini Nummum attulit illo nomine *ΓΛΑΥΚΩΝ*. *Glaucōn*. Ille enim profecto deceptus est, Nummi forma injuria temporis corrupta. Hanc emendationem confirmat Nummus, qui in Museo Regio servatur; & apud Sibonium Quæstorem ærarium Galliarum, & Nummorum studiosum Aquis Sextiis in Provincia, postremum Veri Nummum ipsemet vidi, & expendi. Itaque nihil est cur *Glyconem* Luciani emendemus, quod nonnulli ex ea Goltzii auctoritate faciendum putarunt. Si *Glaucōnem* probes, hic versus Græcus vapulat, quem Alexander pronuntiavit.

Εἰμὶ Γλῦκων τρίτον αἶμα Διὸς φῶς ἀνδρόποισι.

Glycon a Græco γλυκὺς *dulcis* ab Hesychio explicatur ἀνδρῆς h. e. *bonis moribus*. Proinde hoc imposito Serpenti nomine id voluit Alexander, ut

Supplemen. Tom. IV.

A *dulcis* humano Generi, ac *beneficus* futurus videretur oracula prodens, & sanitatem impertiens.

B Alter Nummus, cujus averfam partem proposuimus, est Lucii Veri, qui una cum M. Aurelio imperavit. Atque hic quidem pluris etiam quam ille alter faciendus est, mutato nempe oppidi nomine, ut τὸ Αβών τευχας dicatur ἰωνόπολις: quod græce sonat *Urbem veneni*, quod Alexander excogitavit, ut posteris Serpentis, qui veneno caruit, memoriam relinqueret, cum Serpentum plerique venefici sint. Ita ut, cum hic Nummus Imperatoris Veri sit, videatur Pseudomantis facultatem cudendi hujusmodi Nummum impetrasse, in quo Glyconis nomen inscriptum esset, & Urbs ἰωνόπολις, non amplius τὸ Αβών τευχας diceretur, cum M. Aurelio, qui una cum Vero regnavit, victoriam adversus Marcomanos prædixit. Lucianus autem fortasse deceptus est cum ait, ex altera parte signatum Nummum Alexandri imagine, qui Æsculapii insignia, hoc est Serpentem scipioni circumplicatum teneret. Nullum enim cum Alexandri capite Nummum inspicias, sed Imperatoris Antonini, (a quo *Abonotichitæ* id faciendi facultatem acceperunt, nisi ipsimet fecerunt) aut Veri, ac proinde etiam M. Aurelii: Ubi enim duo simul Imperatores erant, quot alterius, totidem alterius Nummi seriebantur. Cæterum privati cujuscumque hominis caput in Nummis cædari, per quam raro fas erat, sed aliquando Imperatorum tantum Uxores, Liberi, vel etiam alii, qui apud Imperatores gratia valerent, effingebantur. Rutilliani tamen, qui Alexandri gener erat, opera fieri potuit, ut id Alexander consecutus esset: & reperietur fortasse aliquando Nummus, qualem Lucianus descripsit.

C Notandum est Serpentis caput in primo Nummo non esse prorsus hominis simile, sed tantum imitari. Huc spectant illa Luciani verba, ἀνδρῶπι μορφῶν τι ἐπιφάνεσα. Cæterum cum ita omnibus imponere vellet, ut bis natum Æsculapium crederent, aptandum Draconi humanum caput duxit, quia hunc Deum Serpentis corpore, hominis capite exhiberi noverat, ut apparet in aliquibus Nummis, ac Toreumate sequenti desumpto ex typis Bagarrii, qui ejus exemplum ex manu scriptionibus Ligorii exaravit (a). Non me latet Italiam antiquarum rerum Amatoribus Ligorium in suspicionem venisse, & quidem multas adulterinas imagines cum veris immiscuisse. Verum hæc antiquitatem omnino sapit, & a Bagarrio hisce in rebus eruditissimo probata est.



Inscriptionis hæc est interpretatio: *Cneus Philonimus* posuit hunc lapidem grati animi argumentum *Æsculapio* *Servatori* omnium mor-

a *Tristanus in Nummo Nicomediensi.*

R r

talium, & sanitati quam Græci υγιασιν vocant, rebanturque Æsculapii filiam. Stat Gavius cibum aut potum præbenti similis, tenensque læva manu ardentem facem. In utriusque capite sextarium vides more Numinum Ægyptiorum Serapidis, & Isis; qua re apud Ægyptios non distinguebantur.

Spanhemius libro eruditissimo de præstantia, & usu Numismatum sequentis Nummi Antonini Pii exemplum proponit, in quo duo Serpentes sunt cum nomine *Abonotichitarum* ΑΒΟΝΟΤΙΧΕΙΤΩΝ.



Hic quoque, non minus atque alii Nummi, ad hoc Oraculum refertur. Glyconis quidem nomen hic non legimus. Id fortasse contigit, quia nondum Serpenti inditum hoc nomen erat, sed tum percussus nummus fuit cum Alexander & Coccinas Chalcedone indixerunt futurum, ut Deus Æsculapius, & Pater ejus Apollo iterum in hunc terrarum orbem veniret, & Draconis forma editurus oracula Aboni murum pro sede eligeret. Quod horum serpentum unus alterius caput mordet, aut lambit, id ita intellige: Apollo medicinæ Deus suam artem in filium Æsculapium immittit, tum quoad morbos attinet, tum quoad oracula.

Hunc elegantem Antonini Pii ferientes Nummum, qui in Museo Regio, aliisque servatur, fictum Æsculapii ad Urbem adventum fortasse spectarunt.



De Æsculapii in Urbem adventu ita loquitur Aurelius Victor de Viris Illustribus. *Romani ob pestilentiam responso monente ad Æsculapium Epidaurum arcessendum decem Legatos Principe Q. Ogulnio miserunt. Qui cum eo venissent, & simulacrum ingens mirarentur, anguis e sedibus suis elapsus venerabilis, non horribilis per mediam urbem cum admiratione omnium ad navem Romanorum perrexit, & se in Ogulnii tabernaculo conspavit. Legati Deum vebentes Antium proveci sunt, ubi per mollitiem maris anguis proximum Æsculapii fanum petiit, & post paucos dies ad navim rediit, & cum adverso Tiberi subveheretur, in proximam Insulam desilivit, ubi Templum ei constitutum, & pestilentia mira celeritate sedata est.*

Itaque Imperante Antonino Pio, ut hujus miraculi memoriam revocarent, & beneficium quod ope Æsculapii Urbs acceperat, ostenderent, hunc Nummum cudere voluerunt. Et quidem Pius ille Imperator animo erga Deos grato, erga populum autem Romanum liberali, hoc nummo Deorum

beneficia, & majorum præclara gesta, voluit commemorari. Occurrunt in ejus Nummis Æneas ferens humeris Anchisem, Lupa Remo, ac Romulo præbens lac, Ancilia e cælo delapsa, Hercules arborem ex Horto Hesperidum referens, Rheapartus, Orpheus suavitate cantus animalia trahens, & Augur Navius, ut eorum quæ dixerat Tarquinio Prisco fidem faceret, cotem inspectante Rege discindens. Ingentis igitur Serpentis forma hoc in Nummo Æsculapius inspicitur, stans in prora, ut in Insulam Tiberis jam jam desilire videatur, cujus fluminis Deus medio corpore ab aquis extollitur eum excepturus. Ovidius (a) Metamorph. rem totam sex versibus complectitur, quibus hic Nummus magis declaratur:

*Scinditur in geminas partes circumfluus amnis,
Insula nomen habet, laterumque a parte duorum*

*Porrigit æquales media tellure lacertos.
Huc se de Latia pinu Phœbeius anguis
Contulit: & finem specie cæleste resumpta
Luctibus imposuit: venitque salutifer Urbi.*

Sed antequam Æsculapium dimitto, habe hos nummos alios observatione dignos eodem spectantes.



Primus Medicinæ inventor per Græcos, Romanosque fuit Apollo Æsculapii Pater. Hinc apud Ovidium ita loquitur:

*Inventum Medicina meum est, opiferque per orbem
Dicor, & Herbarum subjecta potentia nobis.*

Et Apollo ille est per quem ante alios jurare Discipulos suos Hippocrates jussit, deinde per Æsculapium, Hygiam, & Panaceam. Hyginus tamen Augusti Libertus vult Apollinem inventorem esse ejus medicinæ quæ prodest oculorum morbis, quorum maximus cæcitas est. Idem præterea Chironem Chirurgiæ auctorem esse affirmat, Æsculapium vero Clinices, hoc est medicinæ quæ ægris lecto affixis adhibetur.

1. Sed hæc viderint alii. Inter veteres enim de Auctoribus artium non convenit. Prima figura ex cælato marmore descripta Centaurum Chironem exhibet nescio quid, herbam fortasse, adversus vulnera efficacem, puero Æsculapio porrigentem. ΑΣΚΛΗΠΙΟΣ *Asclepios* est Græcum Æsculapii nomen. Infra Satyrum, aut Panem aspicias, qui fistulam, Syrinx ea dicitur, inflat. Ea ex calamis aliis brevioribus, aliis longioribus concinnata est, quales sunt Pastorum fistulæ, quibus rudis Satyrorum musice relicta est. Hujus instrumenti Pan inventor est. Is enim Syringem Nympham quam perditæ amabat infecutus, palustres calamos in quos conversa est, arripuit: Iis ad Nymphæ desiderium levandum fistulam confecit, & eodem nomine Syringem appellavit, qua Pastores maxime usi sunt. Hinc Virgilius in Bucolicis:

a Lib. 15.

*Pan primus calamos cera conjungere plures
Instituit. Pan curat oves, oviumque Magistros.*

& Ovidius his versibus rem narrat.

*Panaque, cum pressam sibi jam Syringa puta-
ret,
Corpore pro Nymphæ, calamos tenuisse palu-
stres:*

*Dumque ibi suspirat, motos in arundine ventos
Effecisse sonum tenuem, similemque querenti:
Arte nova vocisque Deum dulcedine captum,
Hoc mihi consilium tecum dixisse manebit;
Atque ita disparibus calamis compagine ceræ
Inter se junctis nomen tenuisse puellæ.*

Cæterum Æsculapius Chironi ab Apolline in disciplinam traditus tantum profecit, ut medicinæ Deus creditus fuerit, & magnam nominis celebritatem Epidauri compararit, ubi iis, qui ut convalescerent oraculum sciscitatum venerant, responsa dabat. Nonnulla hujusmodi oracula, quæ extant in Lapide antiquo, ego de Febribus agens interpretatus sum, ibique ostendo Dæmonem, qui Æsculapii nomine adorabatur, aut vero ejus Numinis Sacerdotes Abonotichitis, Clariis, Didymæis calliditate pares, ægris quædam remedia proposuisse, quæ morbis, quorum causa interrogabantur, utilia esse experientia comprobat.

2. Hæc est averfa pars Nummi Caracallæ. Æsculapius ibi apparet cum Serpente scipioni circumplicato, qualem Romæ multa simulacra referunt. Serpens Æsculapio iccirco, ut auctor est Phornutus, tribuitur, quia quemadmodum depositis exuviis Serpens videtur rursus juvenescere, ita ægroti, qui in Æsculapii tutela sunt, recepta valetudine videntur juventutem rursus assequi, & senectutem exuere. Est & alia ratio cur medicinæ Deo sacer Serpens sit. Nempe Serpens est vigilantia nota hieroglyphica: vigilantia vero Medicis maxime necessaria est: cum scipione autem Æsculapius pingitur, ut quisque intelligat cura, & ut ita dicam, baculo iis opus esse qui sanitatem recuperarunt, ne in morbum iterum incidunt; aut vero quia medicina a doctis viris solatium, & baculum vitæ dicitur. Nodi quoque in scipione sunt; idque est ejus difficultatis argu-

mentum, quæ medicinæ studiosis oboritur. Eam parvam imaginem, quæ Æsculapio proxima est, cum ejus simulacris sæpe videas, & apertius in hoc tertio Nummo proximo illi alteri, de quo modo egimus.

Pergæ cives, quod est oppidum Pamphiliæ, Imperatori Hadriano hunc Nummum ferierunt, tanquam salutis votum, qua postremis maxime annis indiguit. Hic puer cucullo testus comes erat Æsculapii, Telephorus nomine. Cucullus habebatur tanquam morborum signum; circa morbos autem medicina versatur. Ægri enim operto capite incedebant, qui vero firma utebantur valetudine, plerumque inoperto. Hunc morem Ovidius confirmat.

*Sæpe fac ægrotum similes, nec turpe putaris
Pileolum nitidis imposuisse comis.*

Salmasius pro *Pileolum* legit *Palliolum*, quod erat genus quoddam lacernæ muliebris. *Dorida nullo cultam palliolo*, inquit Juvenalis. Artemidorus libro primo somniorum docet, si quis per somnium sibi videatur laneam comam habere, hoc diuturnum morbum portendere; & Plato tertio de Republica libro ait, qui adversa utitur valetudine, eum ut bene habeat, debere sui curam habere, ac veluti ad normam vivere, & capite operto esse. Hæc Telephori vestis videtur infantum propria: Cum vero hæc ætas debilis, & imbecilla sit, infirmitatis, & morbi esse potest index. Sozomenus in Historia Ecclesiastica (a) ait Ægypti Monachos cucullo usos esse, quo puram, & innocentem vitam ostenderent, qualis est Infantum, quibus hujusmodi cuculli imponi consueverunt ne capiti aer molestus esset. Spectabant profecto ad illa Christi Domini verba: *Nisi efficiamini sicut parvuli non intrabitis in Regnum Cælorum*. Huc pertinet quod epist. 22. D. Hieronymus ait: *Sunt qui ciliciis vestiuntur, & cucullis fabrefactis, ut ad infantiam redeant*. Ab iis etiam cucullus adhibebatur, qui dolore aliquo, & luctu affecti essent; ut hujus voluminis pag. 1. ex ea pictura patet ab antiquo opere anaglyptico desumpta, in qua multi comploratu mortuum prosequuntur.

a Κορίθιον.

F I N I S.

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N. Y.

MISCELLANEA ERUDITÆ ANTIQUITATIS

I N Q U I B U S

MARMORA, STATUÆ, MUSIVA, TOREUMATA, GEMMÆ, NUMISMATA,
GRUTERO, URSINO, BOISSARDO, REINESIO,
aliisque Antiquorum Monumentorum Collectores ignota,
& hucusque inedita referuntur ac illustrantur

Cura & studio *JACOBI SPONII*, Lugdunensium Medicorum Collegio,
Patavinæ Recuperatorum, & Regiæ Nemaufensi
Academiæ Aggregati.

MISCELLANEA ERUDITÆ ANTIQVITATIS

IN QVIBVS

ARMORVM, STATV, MVSIV, TORVMATA, GEMIV, MONVMENTA,
FRVTERO, VRGINO, BOISSARDO, RINISIO,
singvq; Antiquitatum Monvmentorum Collectores ignoz,
& incompvte inedia referunt ac illustrant
ON & Iacobv FROV, Ingvlvntv Mollvntv Collvpo,
Pavvntv Rvmpvntvntv, & Rvgtv Nvntvntv
Academiv Aggvntv.

P R E F A T I O

LVDOVICO BORBONIO

LVDOVICI MAGNI FILIO
LVDOVICI IVSTI NEPOTI
HENRICI MAGNI PRONEPOTI
ORBIS SPEI ORIENTI SOLI
DELITIIS GENERIS HVMANI
PACIS QVONDAM INTER GALLOS
IBEROSQVE SVAVISSIMO PIGNORI
NVNC VERO PACIS INTER
EVROPAEOS BELLO PARTAE
TVTELARI GENIO
GALLIA LVGDVNENSIS
DELPHINO AC PATRONO SVO
AETERNVM DEVOTA
POSVIT

CVRANTE IACOBO SPONIO LVGDVNENSI

LUDOVICO BORBONIO

LUDOVICI MANIFESTO

LUDOVICI IVSTI NOSTRI

FRANCIS MAGNI PRINCIPIS

ORRIS SPEI ORIENTI SOLI

DELITIS GEMERIS HYMAMI

FACIS QUONDAM INTE GALLI

BERGROVE SVAVISSIMO FIGMORI

WYNG VERO PACIS INTER

THORABEOS BELLO PANTAR

TUTTE ALI GENIO

GALLIA LUDOVICIS

DELPHINO AC TALIKONO

AETERNAM DEVOTA

TOSUIT

GERMANTE IACOBO STORIO IUGUARENSE

P R Æ F A T I O.



E Antiquitatibus tractaturus, pauca præfari mens est de scientia quæ illis enodandis incumbit, quam Archæologiam sive *Archæographiam* Græca voce nominare placet: nec non de hujus operis ratione, institutoque.

ARCHÆOGRAPHIA est declaratio sive notitia Antiquorum monumentorum, quibus Veteres, sui temporis Religionem, Historiam, Politicam, aliasque tum artes tum scientias propagare, posterisque tradere studuerunt. Pro variis ergo quibus imprimuntur subjectis in totidem scientias subdividenda videtur. Istas pro lubitu liceat unicuique partiri atque designare. Mihi præcipue octo statuendæ videntur, juxta totidem subjecta, nummos, lapides, ædificia, statuas, gemmas, toreumata, manuscripta, instrumentaque omnis generis.

1. Prima est *Numismatographia*, sive cognitio numismatum, cujusvis metalli, ætatis & regionis, quam hisce ultimis sæculis excitarunt adornaveruntque Fulvius Ursinus, Augustinus, Vicus, Erizzo, Sambucus, Occo, Strada, Goltzius, S. Amant, Hemmelarius, Angeloni, Seguinus, Patinus, Spanheimius, Vaillant & Oyselius: quamque variorum Principum cura ad perfectionem quasi evexit.

2. *Epigrammatographia* est Inscriptionum antiquarum lapidi, marmori, ærique incisarum notitia: cui insudarunt ex Priscis, Polemon Ptolemæi Epiphanis ætate, cognominatus ὁ σιλοκόπας, eo quod columnas sive cippos, quas *stilas* vocabant, in singulis Græciæ urbibus magno labore transcripsisset, Athenæo teste: Philochorus Atheniensis qui, referente Suida, Atticas inscriptiones collegerat: Aristodemus qui Thebanas: Neoptolemus Parianus qui omnis generis Epitaphia. Ex Recentioribus Apianus, Cyriacus Anconitanus, Lipsius, Boissardus, Panvinus, Seldenus, Lucius, Capacius, Paradinus, Gualterus, Reinesius, Guichenon, Chorierius, Ursinus, Marullus Spalatensis apud me manuscriptus, Peireskius ineditus, ac tandem instar omnium multiscius Gruterus.

3. *Architectonographia* est descriptio Templorum, Theatrorum, Arcuum triumphalium, Pyramidum, Balnearum, Portuum, Aquæductuum, Milliariorum, Sepulchrorumque. Eam excoluere plurimi Græci ac Romani veteres, labantemque restituerunt hac ætate Serlio, Marlianus, Palladius, Bosius, Poldo, Bellorius, Bergerius, Perrotius aliique.

4. *Iconographia* Statuas omnis generis, protomas, picturas, musivæque opera describit. Hanc sexcenti celebres opifices olim coluerunt. *Imaginum amore*, inquit Plinius, *flagrasse quosdam testes sunt* & Atticus ille Ciceronis, edito de his volumine, & Marcus Varro benignissimo invento insertis voluminum suorum fecunditati, non nominibus tantum septingentorum illustrium, sed & aliquo modo imaginibus, non passus intercidere figuras, aut vetustatem ævi contra homines valere. At eam nostris sæculis renovarunt, Michael Angelus, Ursinus, variique sculptores ac cælatores Romani non ignobiles.

5. *Glyptographia* versatur circa gemmas cælatas veluti Jaspides, Sardonyches, Carneolas, Amethystos, annulis aliisque ornamentis, & Hieroglyphicis inservientes. Eam sub priori non comprehendimus, quod per ampla sit, cælatorumque ars a sculptorum arte diversa sit. *Gemmas plures*, ait idem Plinius, *quod peregrino appellant nomine Dactyliothecam* primus

omnium habuit Romæ privignus Syllæ Scaurus. Diuque nulla alia fuit, donec Pompejus Magnus eam quæ Mithridatis Regis fuerat, inter dona in Capitolio dicaret, ut M. Varro aliquæ ejusdem ætatis Auctores confirmant, multum prælatam Scauri. Hoc exemplo Cæsar Dictator sex Dactyliotheças in æde Veneris Genitricis consecravit. Fuit hæc scientia quasi postliminio revocata ab Ursino, Galæo, le Pois, Pierio Valeriano, Gorlæo, Chiffletio, Kirkero, Augustino Romano, Caninio, Bagarrio, Reicheltio Argentoratensi, aliisque.

6. *Toreumatographia* exponit tabulas marmoreas exsculptas, quæ toreumata vocabantur, quorum avidus collector Julius Cæsar, teste Suetonio, Primus Phidias artem toreuticem aperuisse atque demonstrasse merito judicatur: Polyctetus consumasse. Plin. lib. 34. cap. 8. Toreumata quamplurima, quæ bas reliefs appellamus, æri incidit Petrus Sanctes Bartolus, ea imprimis quæ in columna Trajana & Antoniniana visuntur a I. P. Bellorio eleganter & breviter explicata. Quæ in arcu Severi spectantur Suaresius Episcopus Vasionensis interpretatus est: aliaque ediderunt Bosius, Aringhius & Boissardus: multaque possident inediti Ligorii, Bagarii, Equitisque a Puteo codices delineati.

7. *Bibliographia* Manuscriptis dignoscendis & perlegendis addicta est, cui tot insignes Critici operam navarunt, Scaliger, Sirmondus, Salmasius. Casaubonus, l'Abbæus, Busbekius, & nuper Lambecius, qui bibliothecam Cæsaream descripsit, nec non Æmilius Portus Crefensis, cujus tractatum de Manuscriptorum Græcorum abbreviationibus ipsiusmet manu exaratum possideo.

8. *Angeiographia* instrumenta omnis generis domestica, militaria, nautica, vasa, mensuras, pondera scrutatur: modo sub voce *angeion*, commodioris defectu, omne instrumenti genus comprehendere liceat. Hæc pertractarunt Baysius, Ferrarius, Rubenius, Schefferus, Smetius in suis Antiquitatibus Neomagensibus, & ineditus Peireskii *δ'ανθ*.

Sunt & aliæ scientiæ hisce subordinatæ, aut per eas vagantes, veluti *Dipnographia*, quæ convivia; *Himatiographia* quæ vestimenta; *Doulographia* quæ servos; *Taphographia* quæ funera explicant: quæque passim ex numismatis, inscriptionibus, statuis, cæterisque peti possunt; sicque ad prædictarum unam, aut ad omnes referri.

Quia autem major pars nostri qualiscunque operis Inscriptiones attingit, earum usum & dignitatem prosequi deberem, nisi jam id factitatum fuisset ab omni fere sæculi eximiis Scriptoribus, qui hisce monumentis volumina sua ditantes, quo in prærio illa habuerint satis indicarunt. Leges divinas quas Decalogum vocarunt a summo Dictatore lapideis inscriptas Tabulis quis ignorat, & exinde a Mose suis libris insertas? Herodotus Sesoosidem primum Ægypti Regem columnam posuisse scribit viatorias suas declarantem.

Æschines, Demosthenes, aliique veteris Græciæ Oratores Psephismata, Decretave publica lapidibus insculpta recitare solebant: ea enim marmori incidebantur, antequam in ceras, libros, membranasque referrentur: sic Polybius antiqua fœdera, populique Romani sancita in historiis suis interserit: interque alia antiquissimum Epigramma aræ Jovis Lycæi ætate Aristomenis, cujus testem adducit Callisthenem Aristotelis discipulum. Tale extabat:

P R Æ F A T I O.

Apud Messenios.

ΠΑΝΤΩΣ Ο ΧΡΟΝΟΣ ΕΤΡΕ ΔΙΚΗΝ ΑΔΙΚΩ ΒΑΣΙΛΗΙ
ΕΤΡΕ ΔΕ ΜΕΣΣΗΝΗ ΣΤΗΝ ΔΙΙ ΤΟΝ ΠΡΟΔΟΤΗΝ
ΡΗΙΔΙΩΣ ΧΑΛΕΠΟΝ ΔΕ ΛΑΘΕΙΝ ΘΕΟΝ ΑΝΔΡΕΠΙΟΡΚΟΝ
ΧΑΙΡΕ ΖΕΥ ΒΑΣΙΛΕΥ ΚΑΙ ΣΑΟΣ ΑΡΚΑΔΙΑΝ

Ex Polybio.

Id est interprete Casaubono.

*Injustum Regem tempus non sivit inultum,
Messenæ inventus cum Jove proditor est;
Perfacile: haud poterat perjurus fallere numen:
Juppiter o salve, protege & Arcadium.*

Dionysius Halicarnassæus Æneam refert Dodonæo Oraculo crateres æ-
neos dedicasse, quorum aliqui antiquissimis literis inscripti sua ætate ad-
huc superessent. Zozimus aram hanc a Valerio Publicola Diti & Pro-
serpinæ erectam, qua urbem peste liberavit, hisque verbis dedicatam:

Romæ.

P. VALERIVS
P O P L I C O L A
I G N E M C A M P I
M A R T I I D I T I P A T R I
E T P R O S E R P I N A E C O N S E C R A V I
L V D O S Q V E D I T I P A T R I
E T P R O S E R P I N A E P R O
L I B E R T A T E P O P V L I
R O M A N I F E C I

Ex Zosimo.

Plinius lib. 3. cap. 20. Inscriptionem adducit Augusto dicatam ob suas de Alpi-
nis gentibus victorias, cujus adhuc supersunt vestigia, octavo a Nicæa lapide
loco *Torbia* dicto, teste Joffredo in Historia Niciensi. His annumerare debemus
Thucydidem, Appianum, Livium, Dionem Coccejum, sexcentosque alios, qui
Inscriptiones libris suis tanquam narrationum certa testimonia inseruerunt.

Imo aliquando (quod notatu dignum contra quendam nuperum Aucto-
rem, qui inaudito facinore earum fidem sugillavit) sola Inscriptionum au-
thoritate dicta sua probarunt Veteres. Suetonius de Octavio Cæsare: *Thuri-
num cognominatum satis certa probatione tradiderim, nactus puerilem imagunculam ejus
æream veterem, ferreis, ac pene jam exolescentibus literis hoc nomine inscriptam: quæ
dono a me Principi data inter cubiculares colitur. Idem in Galba, istius Imperato-
ris nobilitatem unica marmoris fide asserit: Neroni, inquit, Galba successit,
nullo gradu contingens Cæsarum domum: sed haud dubie nobilissimus, magnæque
veteris prosapia; ut qui statuarum titulis PRONEPOTEM Q. CATULICA-
PITOLINI se semper adscripserit.*

Frustra in contrarium duo male intellecti Titi Livii textus afferuntur.
Primus Lucii Minutii, l. 4. *Hunc Minutium, inquit, apud quosdam auctores*

transisse a Patribus ad plebem, undecimumque Tribunum plebis cooptatum, seditionem motam ex Meliana cæde sedasse invenio. Cæterum vix credibile est, numerum Tribunorum Patres augeri passos: idque potissimum exemplum a patricio homine introductum: nec deinde id plebem concessum semel obtinuisse, aut certe tentasse. Sed ante omnia refellit falsum imaginis titulum, paucis ante annis legem cautum, ne Tribunis collegam cooptare liceret.

Alius vero est Cornelii Arvinæ, lib. 8. *Id ambigitur, belline gerendi causa creatus sit: an ut esset qui ludis Romanis; quia L. Plautius Prætor gravi morbo forte implicitus erat, signum mittendis quadrigis daret. Deinde concludit: Vitiatam memoriam funebribus laudibus reor, falsisque imaginum titulis, dum familia ad se quæque famam rerum gestarum, honorumque fallente mendacio trahunt. Inconcussis enim rationibus probavi in Responsorio ad Criticam itineris mei Græciæ Dissertatione diu jam edita, falsos imaginum titulos non esse statuarum Inscriptiones, sed imaginum privatarum, quas majorum suorum effigies in atriis reponebant Romani, in quarum additis dignitatum titulis facile erat aliquid immutare, ut familia ad se rerum gestarum honorem traheret: unde Plinius; Sed pace Messalarum dixisse liceat, etiam mentiri Clarorum imagines. In publicis vero monumentis jussu aut permissu Senatus erectis, quomodo mentiri licuisset, aut inscriptis falsum titulum quis non statim animadvertisset? Maneat ergo antiquis Inscriptionibus suus honor integer, inviolatusque.*

His ex toto orbe conquirendis mirum quantam diligentiam adhibuerit Gruterus vir indefessus, acerrimique judicii: nec mirum minus est quod aliquos, quanquam non magnæ notæ, obrectatores habuerit, quasi vero in tanta marmorum copia ipsi sumministratorum irrepsisse aliquos errores, culpa ejus esset: quis enim errori non obnoxius sit? At hæc nihil de ejus laude detrahunt. Nec etiam si multa omisit, omnia nosse potuit, aut quæ adhuc sub terræ latebris condita erant exscribere. Verum hæc me *φιλαρχαίωται* moverunt, ut eos omnes lapides ipsi ignotos confarcinarem, ab eoque editos pro re nata emendarem, ut aliquando emergeret ejus opus auctius, nitidiusque. Itaque sex ab hinc annis marmora ipsemet colligere, exarare, ab amicis librisque Grutero posterioribus emendicare non desii. Quibus tamen non satis mihi faciens, iter per Italiam, Græciamque suscepi, biennium extra patrios commoratus lares; tandemque redux non pœnitendam eorum mecum attuli copiam, aliarumque antiquitatis reliquiarum typos non prius vulgatos, ex ipsis prototypis, vel diligentium virorum schedis delineatos.

Quæ quidem Marmora, præcipua saltem, in quibus eruditionis aliquid reconditum est, nunc in lucem profero, omittens sexcenta alia, quæ aut jam a Reinesio in Syntagmate Inscriptionum Antiquarum sunt emissa, aut nuda continent Romanorum nomina ac epitaphia, quæ mihi & plerisque aliis Lectoribus fastidio essent. His non simplicis ornatus, sed illustrationis causa toreumata, statuas, gemmas, nummos, aliaque antiqui ævi non spernenda addidi monumenta: non repetitis iis, nisi admodum paucis, quæ jam in meo Græciæ Itinerario publicaveram, tum ne eandem recoquerem cramben, tum ne in majorem volumen hoc ascenderet molem. Igitur quæ olim in tres libros edere & extendere pollicebar, ea nunc unico contractiora habentur. Prolixas enim, aliorum id otio concedens, meæque tenuitati consulens, Notas addere nolui. Valeat porro & faveat omnis venerandæ Mystra, cultorque Antiquitatis.

MISCELLANEA
ERUDITÆ ANTIQUITATIS.

SECTIO PRIMA.

A R T I C U L U S P R I M U S.

*Explicatio inscriptionis Græcæ & Palmyrenæ, quæ habetur apud Gruterum
pag. LXXXVI. Sed ibi absque figuris exhibetur.*

Romæ, tabula marm.
In hortis quondam Carpensibus



Interpretatio Græcæ Inscriptionis hæc est.

A Glibolo & Malachbelo patriis Diis, & A tiochifilius ³ Hadrianus Palmyrenus de sua pecunia, ⁴ ob salutem suam & uxoris & filiorum, ⁵ Anno D^CXLVII. ⁶ mense Peritio.

S s iij

N O T Æ.

1. Aglibolus & Malachbelus Dii quidem Syri erant, ut ex eo animadvertere licet quod a viro Palmyreno Patrii Dii vocentur. Palmyrene enim Syriæ pars: sed difficile est asserere quid sibi velint duo illa nomina Syriaca. Quidam Solis æstivi & hyemalis hæc duo simulachra esse opinantur: ego vero potius Solis & Lunæ seu Luni: isti enim in regionibus Luna pro masculo habebatur, teste Spartiano in Caracalla, idque præcipue apud Carrhenos qui Assyriæ populares erant, ubi *miserando funere Crassus Assyrias Latio maculavit sanguine Carrhas*, nuncupabatur autem Apollo *Belus*, *Belenus* imo & *Baal*, quidni & *Aglibolus* inter Syros. *Bolus* enim quin dicatur pro *Belus* dubium non est. *Agli* vero quid significet occultissimum est, nisi Eruditissimi Malavallii Massiliensis conjectura placeat, qui dici putat ἀπὸ τοῦ βάλλειν τὸ αἰγλῶ, *a mittendo fulgore*, unde Hesychio Αἰγλῆτις est Apollinis Epitheton. Nec mirum esset levem hujus nominis corruptionem inter Barbaros & Græci idiomatis non admodum gnaros factam fuisse, ita ut ab αἰγλῶ βάλλειν, vel etiam ab Αἰγλῆτις Βῆλος emerferit *Aglibolus*. *Belus* quidem Hesychio Cælum est, vel Jupiter, *Bela* vero Sol. Hieronymus & Isidorus *Belem* Saturnum interpretantur. At simul cum Sole adorari testis est Herodianus in Aureliano, ubi istius Imperatoris de Zenobia Palmyrenorum regina victoriam recitat. *Tunc*, inquit, *Romæ & Templum Solis & Beli simulachris*: (ἡλίου τε καὶ βέλου καθιδρόσας ἀγάλματα.) Idem Herodianus in Maximino *Belem* vocant *Indigenæ*, sc. Aquilejenses, *magnaque eum religione colunt*, *Apollinem interpretantes*. Sed *Belenum* non *Belem* in manu scriptis codicibus, itemque passim in Aquilejensibus marmoribus legimus, quæ quia apud Gruterum edita sunt, hic non repetam. At *Malachbelus* dicitur a *Malach* quod Regem, & *Baal* quod Dominum apud Syros indicat, quasi dixeris *Regem Dominum*, unde ei corona capiti imposita: & Jeremiæ cap. 7. damnatur illa superstitio quæ *placentas offert Regina cæli*, id est Lunæ. Huicque voci affinis est denominatio Idoli *Moloch* in illis regionibus culti, de quo plures alii. Est autem Syriacus Deorum istorum habitus, ut solet unaquæque gens, teste Theodoretō in Ezechiel. proprios Deos patrio repræsentare habitu. Prior quidem crine tania revincto, succincta veste, aliaque desuper indutus tanquam pallio, aliquid manu sinistra tenens, an ut ait Gruterus falcem ad Pinum admovens, quæ inter utrumque media stat. Is Aglibolus sive Sol est. Altera figura oculos in terram figens, crine pariter revincto, corona radiata cum Luna crescente retro humeros, parazonio & chlamyde militari accincta, cothurnisque induta, baculum vel hastile manu tenens, Malachbelum seu Deum Lunum, sive Herodiani Belum exprimit. Quo sane typo, sed nonnihil diverso, in antiquis numismatibus Deus Lunus exhibetur, cum pileo scilicet Armeniaco, qualem videre licet in selectis Abbatis Seguini numismatis, aliisque numismatographis.

2. ΣΙΓΝΟΝ, *Signum*, vox Romana pro Græca ἀγάλμα seu ἱδρύμα usurpata, idcirco quia Romæ positum erat marmor, quæ licentia sæpius usi sunt Græci in vocabulis Latinis Græco modo enunciandis.

3. *Hadrianus Palmyrenus*. Palmyra Syriæ urbs ab Hadriano Imperatore restaurata fuerat, ejus-

que cives Hadrianopolitanorum epitheto gaudebant, teste Stephano Byzantino, unde etiam Heliodorus noster Hadrianus Palmyrenus nuncupatur. Palmyra ab Hebræis *Tamar*, id est, Palma dicta. Hieron. ad Ezech. cap. 41.

4. *Ob salutem suam*, &c. Hæc verba videntur denotare Heliodorum illum in aliquo periculo constitutum sive in mari, sive in itinere terrestri votum fecisse se tale signum argenteum positurum, ac tandem liberatum id solvisse. Fieri etiam potest ut illud posuerit futuri periculi avertendi causa.

5. *Anno DXLVII*. Numerat Syriaco more a Syriæ Regibus Alexandri magni posteris, sicque ab anno mortem ejus subsecuto. Cum ergo hæc Inscriptio istius Æræ anno 547. posita fuerit, consequens est sub finem Imperii Alexandri Severi fuisse sculptam, anno nempe Christi circiter 234. Si namque huic numero 234. addas 66. quibus ante Christum regnare desierunt Alexandri magni Posteris, itemque addas annos 247. quibus integris imperarunt, emergent anni 547. hic notati. Sed de hac Epocha, qui ulterius scire desiderat, consulat Scaligerum de emendatione temporum.

6. *Mense Peritio*. Peritius, mensis erat Macedonum Februario nostro respondens, cujus Eusebius & Suidas meminere, quemque Syri sic nominare consueverant vel in Alexandri magni honorem, vel quod verisimilius est ab ipsis Macedonibus victis orientalibus nationibus introductum. Patrios enim ritus & mores adeo religiose retinebant, ut urbium etiam Macedonicarum & fluviorum nomina, plerisque Syriacis tum urbibus ubi sedem fixerant, tum fluminibus applicuerint, ut ex eorum historia patet. Nec mirum est si menses suos similiter servaverint, & ii usque ad hujus marmoris ætatem a Syris observati eadem appellatione duraverint. Notandum autem male apud Gruterum legi incorrectis litteris M. NOE ΠΕΡ. ITIOT.

Expositio Palmyrenarum litterarum a
Samuele Petito Nemaufensi, ex
ejus ad Peireskium
Epistola, anni 1632. cui titulum dat,
Hemina ad Libationem.

Concepta est hæc Inscriptio Phœniciis Syrorum litteris, quæ eadem ac Palmyrenorum: sic enim Vopiscus in Aureliano: *Hanc*, inquit, *Epistolam Nicomachus se transtulisse in Græcum ex lingua Syrorum dicit*, ab ipsa Zenobia dictatam. Loquitur autem de se Aurelius Heliodorus his verbis. *Tremuit senectus, vacillavit planta pedis: sub volam utique Demonis lucis indigena tuus mæstus fuit, splendere squallor ejus* (id est, ad ejus splendorem factum fuit) *ligatus est ipse, age, projice, domus in summo periculo versata est, abundavit asser mansuetudinum irrigans petras sine solitudines, quemadmodum quod Memphis ducit iter* (Afflictam Palmyram indigitat Zenobiæ tempore, ejusque situm) *Datum abunde est quidquid in universum desiderabat angustia. Summe misericors est umbra tua, portio æterna Hemina ad libationem*. Hoc est, hæc lex dicta esto in perpetuum, e meis bonis in quotidianos libationum usus, in istorum Deorum honorem, inferendam esse heminam, seu mensuram quandam vini, alteriusve liquoris.

Et hæc est expositio Petiti viri quidem in linguis orientalibus eruditissimi; at in Chronologismo peccat, dum marmor ad Zenobiæ tempora

refert, ex ea phrasi quæ afflictam Palmyram indigat. Constat quippe ex iis quæ supra diximus Alexandri Severi tempore marmor sculptum fuisse. Addam & istud circa hosce characteres: Epiphanius lib. 2. Tom. 2. contra hæreses, testatur ex Græcis alios uti Græcis litteris, nonnullos profundissimam Syrorum linguam magni facere, præfertim eam qua utuntur circa Palmyram, tum etiam Persas Syriis uti literis, cujus linguæ elementa sint numero 22. At hic noster Heliodorus utraque lingua uti voluit; Syriaca quia Palmyrenus erat, Græca vero, quia Roma degebat, ubi valde in usu erat.

Judicium Antonii Gallandii linguarum orientarium interpretis, de præcedenti expositione Sam. Petiti, ex epistola ad me data.

Is ut tibi fatear ingenue quid de Sam. Petiti literarum Palmyrenarum expositione sentiam? certe, quod pace tanti viri dictum sit, non is sum cui facile persuaserit se hujus ænigmatis Oedipum fuisse. Multis & validis argumentis adducor ut aliter credam.

Primo, Dico expositionem ejus tam esse ænigmati, quam ipsos characteres. Nam quæso quis ille est qui bonum aliquem sensum aut tolerabilem ex ea eruere possit? Vir optimus, aut quod non puto, doctis imponere voluit, aut ipse quod verisimilius est, deceptus fuit.

Secundo, Scimus Rhœnicum characteres plures non esse viginti duobus. Tamen in duabus lineis hujus marmoris, modo exacte exscriptæ & sculptæ sint, plus quam viginti octo characteres

disimiles invenio, cum vix credibile sit in tam pauculis verbis totum 22. litterarum Alphabetum posse contineri.

Tertio, Esto characteres enodaverit & ad Hebraicos retulerit. At quod Lexico, quo vocabulario usus linguam Palmyrenam sibi incognitam intellexit, siquidem eadem non est cum Hebraica, nec forte cum Syriaca quæ nobis est cognita? Unde *Dæmon ille lucis*? Quid Memphis cum Palmyra? *Splendere squallo* ejus? quæ barbaries? *ligatus est ipse, age, projice*, quis tropus? & quænam in reliquis coheræntia?

Quarto, Quare uti fit in quibusdam Inscriptionibus Latinis & Græcis, in quibus Græca & Latina idem sonant, fieri non potest, ut hic etiam Græca & Palmyrena idem significant? Quid opus sensum tantopere requisitum afferre? Ego puto ita esse, Inscriptionem Palmyrenam aliud a Græca diversum non significare, quamvis opinionis meæ rationem præter supradictam non habeam, cui & accedere potest quod eadem utriusque videatur esse longitudo. Hinc fit ut admodum inclinem ad existimandum nec Samuelem Petitem, nec alium ex hac sola Inscriptione a te edita, aut ex Gruteriana quæ in characteribus dissimilis non parum videtur, expositionem aliquam afferre potuisse, nisi inspecto marmore, modo characteres habeat melius efformatos ac minus confusos, in quibus describendis utpote ignota lingua multos errores committere proclive est. Hæc Gallandius.

Ecce aliam Inscriptionem eadem forma conceptam, eodemque idiomate cum Latino expressam, quam quidem exhibuit Gruterus, sed sine figuris & sine Syriacis literis, pag. XXXVI.



Calbienses qui lapidem hunc Soli dedicarunt, sintne ordo quidam militum, ut innuere videntur verba ultima de Cohorte III. an vero populares alicujus loci in hac cohorte militantes, non satis constat. Calbium quidem Strabo, promontorium in extremis Hispaniæ partibus commemorat, lib. 1. Geograph. Sed quidnam loci illius accolæ cum Syrorum lingua quæ in latere tertio,

commune habent? Si quis trinas illas lineas interpretari posset, solidius aliquid forte pronuntiaturus esset, nisi putemus idem significare ac Latinas. Solis caput radiatum cum circulo sæpius occurrit in nummis. Gryphes in tertio quadrigam trahentes ad Solem etiam referuntur: de iis enim Servius ad Eclogam 8. *Gryphes genus ferarum in Hyperboreis nascitur montibus, omnifere*

parte leonēs sunt, alis & facie Aquilis similes, e-
quis vehementer infesti, Apollini consecrati. At
figura illa in curru quam subsequens coronat vi-
ctoria, non dissimilis est a typo Agliboli seu Solis
supra exhibitō, ipsique forte etiam convenit falx
in primo latere, & pinus in quarto sculptæ. Co-

Romæ.

Q. CLODIVS PHILO

SOLI INVICTO

EX VOTO PRO

MISSO DD.

Ex Schedis Bagarrianis.

Saloni.

VIBIVS PIVS DEO

SOLI INVICTO ARAM

DEDICO VT SIS MIHI

PROPTIVS MILITIBVS

CENTVRIONIBVSQVE MEIS

Ex Marulli MS.

Romæ.

In hortis Justinianeis.

NUMINI INVICTO

SOLI MITHRAE

M. AVRELIVS AVG. L.

EVPREPES VNA CVM

FILIS PIIS D.D.

SACERDOTE CALPVRNIO

IANVARIO DEDICATA

VII KAL. MAIAS IMP.

L. SEPTIMIO SEVERO PERTIN

COS.

Exscripsi.

Mithra Solis Epitheton erat orientalibus præ-
cipue regionibus usurpatum, a quibus Romam
advectum. Lucatius ad illud Statii, *Torquentem*
cornua Mithram, dicit Solem fuisse depictum apud
Persas leonis vultu cum tiara: si quidem in-
tentissimus est viribus, cum hoc signum premit:
additque in antro coli apud illos. Ejus typus pas-
sim occurrit Romæ in tabulis marmoreis, in eis-
que fingitur reluctantis Tauri cornua retentare,
quo significatur Lunam ab eo lumen accipere. Lu-
næ enim Taurus sacrabatur, quod utrique cor-
nua sint concessa. Tertullianus in *Spelæo tene-*
brarum milites scribit Mithræ initiari. Idem Ju-
stinus contra Tryphonem, & confirmat Inscriptio
DEO SOLI INVICTO MITHRAE FL.
SEPTIMIUS ZOSIMVS V. P. SACERDOS
DEI BRONTONTIS ET AECATE HOC
SPELEV M CONSTITVIT. Hieronym. Epist.

ronatur a victoria Apollo in quadriga vectus, ob
ejus a Poetis memoratas victorias, veluti Pythii
draconis, unde & frequentissime *invictus* nomi-
natur, ut passim in Gruterianis monumentis, his-
que Grutero ignotis.

Hailbronna.

SOLI INVICTO

MITRAE

P. NACELLI

VS PROCLI

ANVS LEG.

VIII AVGUST.

LL. M.

Ex Reinesio.

Romæ.

In hortis Justinianeis.

M. AVRELIVS

AVG. LIB. EVPREPES

SOLI INVICTO MI

THRAE ARAM

EX VISO POSVIT

PROSIDENTIBVS BI

CTORINO PATRE

ET IANVARIO DEDICATA

III NON. IVNIAS EGGIO

O. MARYLLO ET GN. PAPI

RIO ALLIANOCOS.

Exscripsi.

Romæ.

In hortis Justinian.

SOLI INVICTO

MITRAE

VESTALIS

CAES. N. SER.

ET C. VETTIVS

AVGVSTALIS

DD.

Exscripsi.

1. Nonne Specum Mithræ & omnia portentosa Si-
mulacra, quibus Corax, Niphus, Miles, Leo,
Perses, Helios, Bromius pater initiantur, sub-
vertit? Depingebatur Mithra cum pileo Arme-
niaco, quia Persæ seu Parthi semper pileati. Huic
autem M. Aurelius Euprepes duas aras posuerat,
primam quidem ex ipsiusmet Dei monitu per som-
nium, quid enim aliud esse potest EX VISO?
Consulibus Eggio Marullo, non vero Marcello ut
habent Fasti Siculi; & Gneo Papirio Alliano sive
Æliano, qui Consules erant anno Ch. 185. Im-
perante Commodus. Eorumdemque Consulam
mentio est apud Grut. pag. 30. L. EGGIO MA-
RVLLO & CN. PARINIO AELIANO: ubi re-
ponendum PAPIRIO, ex fastis & præfenti mar-
more.

ARTICULUS II.

*Sacrificia, adque alia Fratrum Arvalium.*Romæ,
In villa Montalto.

L. CEIONIO COMMODO

D. NOVIO PRISCO

III. NON. IAN.

MAGISTERIO C. MATIDI PATRVINI PROMAGISTRO L. VERATIO QUADRATO COLLEGI FRATRVM³ ARVALIVM NOMINE⁴ VOTA NVNCVPAVERVNT⁵ PRO SALVTE IMP. VESPASIANI CAESARIS AVG. TRIB. POT. COS. VIII. ET T. CAESARIS AVG. F. VESPASIANI COS. VI. VICTIMIS IMMOLATIS IN CAPITOLIO QVAE SVPERIORIS ANNI MAGISTER VOVERAT PERSOLVIT ET IN PROXIMVM ANNVVM NVNCVPAVIT PRAEEVNTE L. VERATIO QUADRATO IN EA VERBA QVAE SSS IOVI OPTIMO MAXIMO BOVEM MAREM IVNONI REGINAE VACCAM MINERVAE VACCAM SALVTI VACCAM ITEM PRO IMP. VESPASIANO CAESARE AVG. EISDEM VERBIS Q. SS. IOVI OPT. MAXIM. BOVEM MAREM IVNONI REGINAE VACCAM MINERVAE VACCAM SALVTI VACC. IN COLLEGIO ADFVERVNT L. VERATIVS QUADRATVS C. PADIVS MEFLIANVS Q. TELLIVS SASSIVS L. MAECIVS POSTVMVS L. IVLIVS QUADRATVS C. VIPSTANVS APRONIANVS ISDEM COS. VI. IDVS IAN. IN AEDE CONCORDIAE ADSTANTIBVS FRATRIBVS ARVALIBVS MAG. C. MATIDI PATRVINI PROMAG. L. VERAT. QUADRATO COLLEGI FRATRVM ARVALIVM SACRVM INDICTVM DEAE DIAE PRAEEVNTE L. MAECIO POSTVMO III. K. IVN. IN LVCO ET DOMI III. K. IVN. DOMI IN COLLEGIO FVERVNT L. VERATIVS QUADRATVS C. VIPSTANVS APRONIANVS L. MAECIVS POSTVMVS C. IVNIVS PADIVS MEFLIANVS A. IVLIVS QUADRATVS ISDEM COS. K. MART. IN AEDE CONCORDIAE ADSTANTIBVS FRATRIBVS ARVALIBVS EX TABELLA IMP. CAESARIS VESPASIANI AVG. MISSA C. SALVIVM LIBERALEM NONIVM BASSVM IN LOCVM C. MATIDI PATRVINI DEMORTVI COOPTAMVS IN COLLEGIO AD FVERVNT L. VERATIVS QUADRATVS C. VIPSTANVS APRONIANVS L. MAECIVS POSTVMVS C. SALVIVS LIBERALIS NONIVS BASSVS ISDEM COS. MAG. C. SALONI MATIDI PATRVINI IN CVIVS LOCVM SVCESSIT OBIIT MAGISTERIVM EODEM ANNO EIDEM COS. K. MART. D. SALLVSTIVS BLAESVS ISDEM COS. V. NIAS IN AEDE CONCORDIAE MAG. L. SALLVSTIVS BLAESVS COOPTATVS IN LOCVM C. MATIDI PATRVINI COLLEGIO FRATRVM ARVALIVM CONVOCAVIT FLAM.

Exscripti.

NOTÆ.

Elegantissimum marmor non sine magno labore ob litterarum pravam conformationem a me descriptum notulis aliquot illustrabitur.

1. Hic consulatus anni æræ Christianæ 79. vel ut alii numerant 78. aliter in fastis Capitolinis notatur: sic enim hi duo Consules nominantur, *Lucius Ceionius Commodus Verus*, & *Cajus Cornelius Priscus*, cum hic ultimus *Decimus Novius Priscus* appelletur, ut apud *Cassiodorum Rufus*. Necessè ergo est ut C. Cornelius Priscus fuerit Consul ordinarius, & D. Novius, Consul Suffectus, vel ut erratum sit in Fastis Capitolinis: nam & alia Inscriptio Gruteriana pag. CIV. 6. Anno Ch. 95. sculpta, hujus D. Novii Prisci mentionem facit.

2. *III. Non. Jan.* Hic dies in Calendario Constantiniano destinatus erat Votorum nuncupationi, unde Fratres Arvales ut ex marmore intelligimus, 3. vota nuncupaverunt illo die pro salute Vespasiani & Titi.

4. Fratres Arvales Sacerdotes numero XII. jam

Supplem. Tom. IV.

A tempore Romuli instituti, qui se Accæ Laurentiæ nutrici suæ obtulit, in locum filii ejus unius ex duodecim quos habebat, mortui, seseque ei filium dedit, se & cæteros filios Fratres Arvales vocans. Varro lib. 4. de ling. Lat. *Fratres*, inquit, *Arvales dicti sunt*, qui sacra publica faciunt propterea, ut fruges ferant arva; a ferendo & arveis fratres Arvales dicti, quia Fratria dixerunt.

5. Inscriptiones Fratrum Arvalium mutilæ quæ apud Gruterum leguntur pag. 117. &c. eodem plane modo votorum nuncupationem pro salute Claudii & Neronis exprimunt; eademque magisterii & promagistri, imo unius ex illis Fratribus Arvalibus nomen habent, quod in nostro reperitur, *Caii Vipstani Aproniani*. Ibidem etiam *Dea Dia* quæ Dea aliqua ab illis Sacerdotibus culta, mentio est. Item & Lucorum in quos conveniebant ad mysteria sua peragenda, sicuti hic in luo & domi, hoc est Romæ. *Isdem Cos.* est *isdem Consulibus*. Cætera plana sunt.

T t

De Dea Dia, cujus tam crebra mentio in Inscriptionibus Fratrum Arvalium, hæc ad me amicus eruditissimus Sebastianus Feschi Basileensis. Hanc, inquit, Deam Opem Saturni conjugem, quam Græci Πέω vocant, interpretor, cui festus dies Opalia dictus, inter Saturnalia quotannis celebrabatur. Saturnus enim, ut ait Macrobius l. Saturnal. X. Ejusque uxor tam frugum quam fru-

A Etiam repertores esse creduntur, itaque omniam foetu agrorum coacto ab hominibus hos Deos coli, quasi vitæ cultioris authores. Hanc ob causam a Fratribus Arvalibus cultam existimo. Dia vero dicta videtur antiquitus, id est Dea, κατ' ἐξοχήν quasi Deorum Dea ac Princeps. Est enim Ops nihil aliud quam tellus, quæ & magna Deorum & rerum omnium mater habita est & nuncupata.

*Aliud Fragmentum
Fratrum Arvalium, Romæ
In horto Barberino.*

.... IDIBVS IANVARIS IN CAPITO

.... ILIVS CORVINVS MAGISTER FRAT...

.... CONSVLVM COLLEGAS CONVOCAV..

.... CIPIENDA PRO SALVTE CAESARIS

.... TAVRVS STATILIVS CORVINVS L. CANINI

.... IVS PERSICVS CN. DOMITIVS

.... A. D. V. K. FEBR. IN CAPITOLIO

.... LIVS CORVINVS MAGISTER FRATRVM

.... CONSVLIS ET EX CONSENSV SENATVS

.... VOCAVIT ET OB SECVRITATEM ET SALVT

.... IS AVGVSTI BOVES MARES DVO IOVI O...

.... IT

.... TAVRVS STATILIVS CORVINVS FABIVS


.... CANINIVS GALLVS CN. DOMITIVS

.... A. D. V. ID. V.

Tauri Statilii & Fabii Persici mentio est in alio B tempore Tiberii Claudii exsculpto, unde huiusce simili fragmento apud Gruterum, pag. CXVI. Chronologismus deduci potest.

ARTICULUS III.

*Nuptiae Cupidinis & Psyche, ex gemma Petri Ligorii. Papilio animæ Symbolum, ex marmoribus delineatis inter schedas Pyrrhi Antonii Rascaſii de Ba-
garris viri eruditissimi & Regii quondam Antiquarii.*



T A B U L A I I I.

Mythologiam Cupidinis & Psyche fufe tradunt Appulejus & Fulgentius lib. 3. Depinguntur hic eorum nuptiæ, non ineleganti modo. Incedit Cupido capite semivelato, turturem manibus gestans, a latere vero Psyche toto velata corpore. Amantum par nobile catena vinctum deducit paranympheus facem humeris gestans; subsequitur puer pariter alatus qui canistrum eorum capiti imponit, præparat alter Thorum ad quem accedunt. Ritum pompæ nuptialis huic similem ita breviter describit Petronius Arbitr. *Jam Psyche puellæ caput involverant flammeolo. Jam Embasiceatas præferebat facem. Jam ebriæ mulieres longum agmen plaudentes fecerant, thalamumque ingesta exornaverant veste.* Asserit etiam Dorotheus Sidonius Dianæ instituta Caniphoria celebrari, in quibus virgines nobiles canistra consecrabant Dianæ cum variis rebus acu elaboratis, indicantes se prioris vitæ virginitatisque pertasas cupere exauthorari. Idem docet Scholiastes Aristophanis ad Acharnenses. Vela nubentibus necessaria exhibet etiam gemma nostra, nubere enim antiquitus erat velare; Turtures conjugalis amoris emblemata; at hæc nimis trita sunt. Ad alia minus cognita properemus.

Dubium sæpe me tenuit, quare Psyche constanter a veteribus, ut in hac gemma, cum alis papilionis efficta sit. An quia animalculum præ reliquis omnibus imbecille est & fluxum, ut Plinius scribit. An quia aerium & leve, anima vero, quæ Græcis *Psyche* dicitur, subque eo typo latet, aer credebatur, aut ventus: unde Lactantius, *Qui aerem animam credunt, hoc falluntur quod ex aere spiritum ducentes, vivere videamur.* Varro itaque eam definit, *Anima est aer conceptus ore, defervescens in pulmone, tepescens in corde, diffusus in corpus.* Imo latine Anima a Græco *ἀνέμος*, ventus: sic Plautus, Virgilius & alii animam sæpenumero pro vento usurparunt. Inde animam efflare dixerunt, quod eam pro vento flatuve haberent, comprobaturque sequenti marmore, ubi papilio a mortuo efflatus circumvolitat. Hinc Græci animam *Ψυχήν* nominarunt, vel *διὰ τὸ ἀνωδένει ψυχῶσαι*, quasi cælitus inspirata, ut ait Nicetas Choniates, vel a verbo *ψυχρός*, quod Hesychio, *levis & debilis* est. Anima, inquit Poeta, *par levibus ventis, volucrique simillima somno*, quando scilicet a corpore divortium fecit. Addendum & *ψυχήν* Græcis æquivocum esse, animamque significare & Papilionem: unde Hesychius, *ψυχή πνεῦμα & ζωὸν πνέον*.

Dicemusne tandem veteres hac pictura nihil aliud repræsentare voluisse, quam reciprocum illum animarum de corpore in corpus discursum olim a Philosophis creditum: cujus credulitatis primos authores Pythagoram & Platonem facit Tertullianus, inquit eos introduxisse revolvibilem illum animarum recidivatum, semper & alterna mortuorum & viventium suffectione. Quæ metempsychosis nullo symbolo commodius exprimi potuit quam Papilionis alis, cum hoc animalculum semper vicissim moriatur in vermem, & ex eo iterum reviviscat, hac continua serie nunquam deficiens, Plin. lib. 11.

T A B U L A I V.

Cur animam figura papilionis fingerent, diximus supra. Credebatur ea per os reddi: unde Homerus Iliad. 9. dicit animam post-

Aquam efflata est, vel septum dentium, ut loquitur, transivit, remeare nequaquam posse. Papilio igitur hic expressus viri defuncti anima est quæ avolat. Uxor autem aut mater filium adstantem monere videtur, ut vivat, monstrans ei corollas & unguenta. Vinum enim, rosæ & unguenta complectebantur omnem vitæ voluptatem & delicias. Extat talis inscriptio in Hispania quæ habetur apud Moralem p. 31. **HAEREDIBVS MEIS MANDO ETIAM CINERE VT MEO VOLLTET EBRIVS PAPILIO OSSA IPSA TEGANT MEA, &c.**

T A B U L A V.

Extat apud Gruterum hæc Inscripção, sed absque illo eleganti typo. Circumvolitat, ut inquit lapis jam citatus, cinere defuncti ebrivus papilio, alterumque apprehendit avicula, quo forte typo exprimitur, ut jam monuimus, transitus animarum ab humanis corporibus ad bruta varia: putaruntque Antonia Panaces parentes, ejus animam, quia juvenis, ludibunda, cantilenis sese delectans, dum viva esset filia annos novem nata, in aviculæ corpus transmigrasse. Duplex autem papilio alludere potest ad duplicem animam a quibusdam creditam, de qua infra dicemus.

T A B U L A VI.

Cupido animam clavo affigere videtur arbori, ne altius ascendat, perque aeris spatia vaga oberret.

T A B U L A VII. & VIII.

Constanter eodem schemate vel parum diverso visitur hoc Symbolum Romæ in cippis sepulchralibus & sarcophagis. Cupido Psychem amplectens: ille quidem fere semper nudus, hæc semivestita: quo forte adhortationem ad voluptates exprimebant. Fulgentius enim Cupidinem interpretatur cupiditatem, quæ animæ commiscetur, & eam appetit. Referat etiam aliquis ad utramque animæ facultatem, rationalem & irrationalem: vel, quod malim, ad duplicem animæ naturam, de qua sic Nicetas Choniates lib. 2. cap. 60. *Quidam duplicem animarum naturam esse dixerunt, unam luminosam, alteram tenebricosam: & hanc quidem inferne scaturire, atque ex subterraneis exilire meatibus, illam vero e cæli vertice accensam demitti, ut terrenum hoc corporis domicilium exornet, sed descendens cavere jubetur, ne dum hoc corpus informe ornare contendit, ipsa dedecore impleatur.* Idem lib. 4. hæresi 36. numer. 14. Græcorum fabulamenta redolentis, cum homini duas esse debere animas dicitis, alteram hominibus communem, alteram cælestem. Verum nulla in hoc commento subtilitas: illi enim alteram luminosam, alteram tenebricosam dicunt. Cæterum ambas simul uni eidemque homini non tribuunt, sed vicissim & alternative. Idem lib. 2. cap. 54. Quæ res, ait, Aristotelem quoque permovit, ut duplicem animam esse diceret: unam quidem quæ in corpore subsistat, alteram quæ a corpore separatur. Et lib. 2. cap. 62. dicit quosdam mortalem facere animam, quosdam ex Ethnicis scilicet immortalem: tertios vero mortalem eam partem, quæ rationis incapax est, immortalem quæ rationis capax.

TABULA IX.

CUpido facem papiloni, id est animæ admo-
vens, ut misera amore uratur. Hæc fere om-
nia de nuptiis Psyche, & de Papilione ani-
mæ Symbolo, descripsi ex manuscriptis viri Ill. &
Eruditiss. Petri Antonii Rascales de Bagarris, quæ
in manus meas inciderunt. Fuit is Aquis-fextiis
Parisiis vocatus ab Henrico IV. propter antiqua-

Alriæ rei peritiam, cimeliarchioque regio præposi-
tus. Hujus meminit Petrus Gassendus, in vita
Peireskii. Possidebat Bagarrus ipsemet preciosissi-
mum sculptarum gemmarum thesaurum, qui post
ejus mortem ad egregium virum D. Tossantium
Lauthier Aquensem pervenit, a quo Bagarii
Schedæ circa marmora gemmasque ad me transie-
runt non paucæ. Quod tacere non debui, ne
plagii reus meritis viro eruditissimo laudes detra-
herem.

ARTICULUS IV.

*De Hermis, Hermathenis, Hermerotibus, Hermanubibus, Hermberaclibus,
Hermbarpocratibus, Hermaphroditis.*



TABULA X.

Hermi seu Hrmæ erant statuæ Mercurii mar-
moreæ sine brachiis & pedibus, quas in

compitis collocabant Græci ac Romani, quales
in hac Tabula ex gemmis & nummis depinguntur.
De his Servius, ad Æneid. lib. 8. *Mercurium*
Tt iij

quum in monte dormientem inuenissent, manus ei
amputauerunt, unde & ipse Cyllenius & mons di-
cuntur, namque Græce Κύλλης, aliqua mutilatos
parte corporis dicunt, unde etiam Hermos vocamus
quosdam stimulos in modum signorum sine manibus.
Suidas in voce Ερμῶν. Ερμαὶ ἦσαν ἐν τῇ Ἀθηναίων
πόλει λίθινοι ἐν ἀροῦροις καὶ ἐν ἱεροῖς. ἐπεὶ δὴ φασὶ
τὸν ἑρμῶ λόγῳ καὶ ἀληθείας ἐφορον εἶναι, ὅς τ' ἐπο καὶ
πρὸς εἰκόνας αὐτῆς πετραγῶνας καὶ Κυβοειδεῖς κατεσ-
κεύαζον, αἰνιττόμενοι, τὸ τοῖσιν χῆμα ἐφ' ᾧ μέρῃ
πέσει πανταχόθεν βασιμον καὶ ὄρδιον εἶναι, ἔπο καὶ ὁ
λόγος καὶ ἡ ἀλήθεια ὁμοία ἐστὶ πανταχόθεν αὐτῇ αὐτῇ,
τὸ δὲ ψεύδους πολυχῶρος καὶ πολυσχιδὲς καὶ αὐτῷ μά-
λιστα ἀσύμφωνον: quæ sic interpretor; *Hermæ erant*
Athenis lapidei in vestibulis ædium atque Templis:
quia enim ajunt Mercurium sermonis & veritatis
præsidem esse, propterea & ejus imagines quadra-
tas & cubicas fecerunt, indicantes quod quemad-

modum ea quæ hanc habent figuram, in quam par-
tem cadant, semper stabilia & recta sunt; ita ser-
mo & veritas similis semper sibi ipsi est: mendacium
vero fluxum, multifidum, & minime sibi coherens.
Observandum autem Suidam Atheniensium dum-
taxat Hermarum meminisse, tum quia in hac urbe
primum fuerant inventi, tum quia eorum maxima
erat illic copia. Meminit Æschines in Ctesiphon-
tem porticus Athenis suo tempore existentis, quæ
Hermarum dicebatur, in qua tres Hermæ positi-
rant iis Atheniensibus qui Persas prope Strymo-
nem vicerant τρεῖς λίθινες ἑρμαὶ στήσαι ἐν τῇ σοῦ
τῇ τῷ ἑρμῶν: quorum & epigrammata insculpta
profert. Hæc referre non pigebit, juxta emenda-
tionem Æmilii Porti viri eruditissimi notatam, in
Æschinis codice, cujus olim possessor erat, quique
nunc meus factus est.

Athenis.

Trium Hermarum Inscriptiones.

HN APA KAKEINOI TALLAKARDIOI OIΠOTE MHΔΩN.
ΠΑΙΣΙΝ ΕΠ ΗΙΟΝΙ ΣΤΡΥΜΟΝΟΣ ΑΜΦΙ ΡΟΑΣ
ΔΙΜΟΝ Τ ΔΙΘΩΝΑ ΚΡΑΤΕΡΟΝ Τ ΕΠΑΓΟΝΤΕΣ ΑΡΗΑ
ΠΡΩΤΟΙ ΔΥΣΜΕΝΕΩΝ ΕΥΡΟΝ ΑΜΗΧΑΝΙΗΝ

ΗΓΕΜΟΝΕΣΣΙ ΔΕ ΜΙΣΘΟΝ ΑΘΗΝΑΙΟΙ ΤΑΔΕ ΔΩΚΑΝ
ΑΝΤ ΕΥΕΡΓΕΣΙΗΣ ΚΑΙ ΜΕΓΑΛΗΣ ΑΡΕΤΗΣ
ΜΑΛΛΟΝ ΤΙΣ ΤΑ Δ ΙΔΩΝ ΚΑΙ ΕΠΕΣΣΟΜΕΝΩΝ ΕΘΕΛΗΣΑΙ
ΑΜΦΙ ΤΟΙΣ ΞΥΝΟΙΣ ΠΡΑΓΜΑΜΑΣΙ ΜΟΧΘΟΝ ΕΧΕΙΝ

ΕΚ ΠΟΤΕ ΤΗΣ ΔΕ ΠΟΛΗΣ ΑΜ ΑΤΡΕΙΔΗΣΙ ΜΕΝΕΣΘΕΥΣ
ΗΓΕΙΤΟ ΖΑΘΕΟΝ ΤΡΩΙΚΟΝ ΕΣ ΠΕΔΙΟΝ
ΟΝ ΠΟΘ ΟΜΗΡΟΣ ΕΦΗ ΔΑΝΑΩΝ ΠΥΚΑ ΘΩΡΗΚΤΑΩΝ
ΚΟΣΜΗΤΗΡΑ ΜΑΧΗΣ ΕΞΟΧΟΝ ΑΝΔΡΑ ΜΟΛΕΙΝ
ΟΥΤΩΣ ΟΥΔΕΝ ΑΕΙΚΕΣ ΑΘΗΝΑΙΟΙΣΙ ΚΑΛΕΙΣΘΑΙ
ΚΟΣΜΗΤΑΙΣ ΠΟΛΕΜΟΥ Τ ΑΜΦΙ ΚΑΙ ΗΝΟΡΕΗΣ

Ex Æschine in Ctesiphontem.

Id est.

Erant sane robusticordes isti, qui Medorum
Filiis ad Eionem juxta Strymonis fluentia
Et famem ardentem, & validum inferentes Martem,
Primi, hostium repererunt consilii inopiam.

Ducibus autem præmium Athenienses ista dederunt
Pro benefactis & egregia virtute:
Proclivius autem ista videns posterorum aliquis, gestiet
Laborem suscipere in rebus dubiis.

Ex hac aliquando Urbe una cum Atridis Menestheus
Ducem exercitus se præbuit in sacro-sanctum Trojanum campum.
Quem olim Homerus dixit Danaum affabre loriceis ornatorum
Moderatorem, eximium in pugna virum venire.
Sic nullatenus indecorum apud Athenienses vocari
Moderatores belli ac Strénuitatis.

Ubi cum Æschine notandum Ducum nomina
non expressa, ne forte inter populum libertatis
adeo amantem, caput nimium erigeret aliquis,
tyrannidemque affectaret. Erant & Hermæ Athe-
nis Hipparchæi dicti, quod eos Hipparchus Pisi-

strati filius erexisset, passim in urbe & inter Atti-
cæ populos, inscribens iis varia ad sapientiam &
virtutem hortatoria, testibus Hesychio & Harpo-
cracione. Accidit vero, ut ait Cornelius Ne-
pos in Alcibiade, ut una nocte omnes Hermæ,

qui in oppido erant Athenis deicerentur præter u-
num qui ante januam Andocidis erat, Andocidis-
que Hermes vocatus est. Idem legitur apud Ando-
cidem ipsum orat. de mysteriis, qui addit fuisse a-
tribus Ægeide dedicatum: Quia autem Hermæ in
viis collocabantur, Mercuriusque viis præsidebat,
exinde Trivius cognominabatur iste Deus, imo &
Viacus in lapide Grut. pag. LV. 5.

Erecto veretro ut plurimum depingebantur Her-
mæ, ut in 3. & 4. fig. Tab. X. Cujus rei rationem
reddit Macrobius, lib. 1. Saturnal. Pleraque etiam
simulachra Mercurii statu quadrato figurantur solo
capite insigniti virilibus erectis, quæ figura signifi-
cat Solem mundi esse caput & rerum statorem, om-
nemque vim ejus non in quodam diversorum ministe-
rio membrorum, sed in sola mente consistere, cujus
sedes in capite est; quatuor latera eadem ratione
funguntur, quia & tetrachordum Mercurio attri-
butum creditur, quippe significat hic numerus vel
totidem plagas mundi, vel quatuor vias temporum,
quibus annus includitur, vel quod duobus æquino-
ctiis, duobusque solstitiis annu ratio distincta est.

Imponitur Herma fulmini in quinta figura præ-
dictæ Tab. quæ est nummi Cæsaris Augusti averfa
pars; vel ut hujus Imperatoris Symbolum *Fastina*
lente exprimeretur. Herma enim sive Terminus,
vix enim inter se differebant, tarditatem; fulmen
festinationem significabat, vel etiam hoc typo osten-
dere voluerunt antiqui eloquentiam fortitudini de-
bere esse conjunctam. Interpretationem aliam ad-
fert etiam *Osselius* in *Thesouro numismarum*, ad
numm. 5. Tab. XLI. quem si quis velit, consulere
poterit. Ecce elegantem Termini inscriptionem,
in qua Romanorum religionem sive superstitionem
erga hocce numen animadvertere licet; Ejus enim
statuas collocabant in agrorum limitibus, ut inta-
cti inviolatique essent.

Romæ.

In villa Caroli Valle.

Q V I S Q V I S
H O C S V S T I N E R I T
A V T I V S S E R I T
V L T I M V S S V O
R V M M O R I A T V R

Exscripsi.

Tetra sane imprecatio ei qui lapidem hunc au-
ferret, aut auferri juberet, ut scilicet ultimus fuo-
rum moreretur, duplici poena afflictus, dolore
nempe ex propinquorum suorum omnium morte,
& heredis omnimoda privatione.

Sexta figura virum sedentem coram Herma ex-
hibet. Septima item mulierem sedentem, cum al-
tera retro ipsam, Hermam intuentem: has enim
statuas præcipue colebant feminae, earumque vi-
rilia ornabant & venerabantur, fecunditatis sibi
procurandæ causa; sicuti videre est in eleganti mar-
more apud Boissardum in *Antiquit. Roman. scul-*
pto.

Cicero antiquitatis eruditæ studiosus, hæc ad
Atticum scribit, Epist. 7. lib. 1. *Hermæ tui Pentel-*
lici cum capitibus æneis jam nunc me admodum de-
lectant. Quare velim & eos & signa & cetera quæ
tibi ejus loci & nostri studii & tuæ elegantie esse vi-
debuntur, quam plurima quamprimumque mittas, &
maxime quæ tibi Gymnasia, Xystique esse videbun-
tur. Pentelicos vocat eo quod essent ex marmore
Pentelico. De Hermis qui plura velit consulat Ro-
mini antiquitates Romanas, Vincentium Cartari,
aliosque. Id tantum addam Hermem & Hermam

cognomina etiam esse apud antiquos, passim apud
Gruterum, inque ineditis hisce lapidibus.

Romæ.

In villa Matthæi.

DIIS MANIBVS
P. AMBIVIO P. L. MARGARIDI
HERMETI V. A. LXVII.

ET

AMBIVIAE P. L. MARGARIDI
V. A. LV.
PARENTIBVS OPTIMIS ET
BENE DE SE MERITIS FECIT
P. AMBIVIVS P. F.
HERMES F.
PIENTISSIMIS

Exscripsi.

Romæ.

Apud Abbat. Benedetto.

P. POSTVMIO P. L.
HERMETI
P. POSTVMIVS P. F.
FLACCVS FIL. ET.
MARCIA HYGIA
CONIVGI BENE
MERENTI

Exscripsi.

Forojulii.

HERMES VENUSTAE
CONIVGI KARISSIMAE

Ex Hist. Provinc.

Romæ.

In Palatio Aeterni.

P. AMBIVIVS
P. FIL. QVI HERMES
ARAM POSUIT
P. AMBIVIO P. LIBERT.
HERMETI PATRI SVO VIXIT
ANNIS LXVII
ET AMBIVIAE P. L. IVCVNDÆ
SORORI SVAE VIX. ANN. XIX. M. VI

Exscripsi.

Romæ.

A. HERENNIVLEIVS
HERMES FECIT
CONIVGI BENE
MERENTI IVLIAE
L. F. LATINAE SI
BI ET SVIS POSTERISQ. EOR.

Exscripsi.

Tergeste.

MANLIA PIA
Q. MANLIO HERMETI
ET
MANLIAE EPIGONAE
PARENTIBVS

Ex Marulli MS.

Romæ.
In hortis Justiniani.

D. M.
L. CAELIO
HERMETI
CAELIA HER
MIONE MA
TER FILIO PIEN
TISSIMO

Exscripsi.

Romæ.

DIS MANIBVS
M. CLODIO
HERMAE
CONIVG. OPTIMO
ET ANNIO FELICI FRATRI
ANNIA AVGVSTALIS
ET TYRANNO CARISSIMO

Exscripsi.

Romæ.
In villa Caroli Valle.

D. M. P. MATTIO
HERMETI SENI
FLAVIA SPES
COIVGI B. M.
FECIT

Exscripsi.

In urbe Aubagne.

Q. VETINIO EVNOETO
QVI VIX. ANN. XV. M. III.
VETINII HERMES ET ACTE
PARENTES FIL. PISSIMO
ET DVLCISSIMO FECERVNT
HERMAIS SOROR LIB. LIBER
TAB. POSTERISQ. EORVM

Ex Peireskii Schedis.

Romæ.
In villa Montalto.

D. M. S.
T. FL. AVG. LIB. HERMES ET AE
LIA IANVARIA FECERVNT
SIBI ET SVIS ET AELIAE FELI
CITATI ALVMNAE ET CORNE
LIAE THESPIDI ET FL. ALEXAN
DRIAE ET LIB. LIBERTABVS
QVE POSTERISQVE EORVM
ET ONESIMO COGNATO SVO
ET FLAVIAE ARETHVSAE
CONIVGI SVAE

Exscripsi.

TABVLA XI.

Hermathena erat statua Hermam & Athenam
repræsentans, id est Mercurium & Miner-

Ventii.

D. M.

M. LIVIVS LICOSTRATVS
LIVIO ONESIMO PATRI ET
LIVIA NICE LIVIO ONESIMO
MARITO ET LIVIO HERME
PATRONO VIVI FECERVNT
SIBI POSTERISQVE SVIS

Ex Hist. Provinc.

Nemausi.

IIIIII VIR. AVG.

C. VETTI HERMETIS
IVLIA FVSCINA
VXOR

Exscripsi.

Romæ.

DIS MANIBVS
PIERI AVG. L. PRAECI
PVERR. CAESARIS N
FLAVIA. NICE. CONIVNX
B. M. TITVLVM CVM VALVIS
AENEIS D. S. D. PERMISSV HERMAE
AVG. L. A. CVB. DOMITIAE AVG.

Ex Chiffletio.

In Geminie Tituli explicatione

Romæ.

In ædibus Abbatis Casinelli.

SVETRIVS HERMES HIC SITVS
EST CVI TERTIA CONIVNX
ARAM CONSTITVIT DIGNO
MERITOVE MARITO
CVM QVO CONCORDIAM
TAM MVLTOSQVE PER ANNOS
VIXIT ET TENERO CASV SBTA
MARITO EST
DE CVIVS FAMA M VLT I CVM
LAVDE LOCVTVR
QVOD FVERIT CVLTOR DOMINI
RERVMSQVE ET AMATOR

Exscripsi.

Romæ.

HORDIONIALEA

M. HORDIONIC. F.

LIB. SEVIVA FECIT

SIBI ET M. SITTIO

HERMETI MARITO SVO

ET LIBERTIS LIBERTABVSQVE

POSTERISQVE EORVM

H. M. D. M. A.

Exscripsi.

vam; cujus hic elegantem habemus delineatio-
nem ex nummo Hadriani a Fulvio Ursino in
Virorum Illustrium imaginibus exhibito. Simile
signum cum Titus Pomponius Atticus reperisset
Athenis.

Athenis, Romam illud misit, ut Ciceronis amici sui bibliothecæ ornamento esset: hæc enim Cicero ad eum scribens Epist. 3. lib. 1. *Quod ad me de Hermathena scribis, per mihi gratum est ornamentum Academicæ proprium meæ: quod & Hermes, commune omnium & Minerva singulare est ejus Gymnasi. Quare velim, ut scribis, cæteris quoque rebus quamplurimis eum locum ornes.* Et Epist. 4. ejusd. libri. *Tu velim ea, quæ nobis emis- se & parasse scribis des operam, ut quamprimum habeamus, & velim cogites (id quod mihi pollicitus es) quænam modum bibliothecam nobis conficere possis.*

Non mirum autem erat Mercurium Minervæ conjungi, fiebat enim utrique commune sacrum, eo quod ille eloquentiæ præfesset, hæc doctrinæ. Eloquentia nisi comitem doctrinam habeat, quid est nisi nudus inanisque sonus? Doctrina vero absque eloquentia obscurus & inutilis thesaurus? Hic ergo mysticus Hermathenæ typus esse mihi videtur, ab Atheniensibus non immerito effectus, cum essent olim omnium hominum doctissimi & eloquentissimi.

Qualis vero sit urbs ista omnino me latere fateor: num vero subsit aliquis error in earum literarum delineatione, ΟΡΔΑΙΟΝΑΙΟΝ videant peritiores. Ορδαία quidem urbs Macedoniæ a Stephano memorata, verum illa gentilem vocem ορδαία faceret.

T A B U L A XII.

Hermanubis, cujus meminit Plutarchus, in priore typo se se offert, sive Deus ex Mercurio Anubique confusus. Caduceus enim Mercurium, caput Accipitris Anubim Ægyptiorum numen designat. Avis hæc ei sacra ob venerationem quam impense diligebat, sed plura in Hieroglyphicorum scriptoribus, ad quos Lectorem remitto. Litteræ averſæ partis incognitum quid præ se ferunt: videnturque esse ex illis Basilidianorum mysteriis quæ Græcis literis insculpebant lapidibus preciosis. Cum capite canis effingitur & Anubis in hoc Juliani nummo, qui ab una parte faciem illius Imperatoris sub Serapidis typo exhibet, ab altera Hermanubim cui VOTA PVBLICA nuncupare satagebat Julianus, Christianæ religionis non solum defector, sed ethnicæ præcipue Ægyptiorum idololatriæ cultor addictissimus. Inde ab Ovidio *Latrator Anubis* dicitur. Senatoris habitu vestitus est sistrumque dextra gestat, ad quod alludere videtur Tertullianus virum Senatorium alloquens:

*Teque domo propria pictum cum fascibus ante,
Nunc quoque cum sistro faciem portare caninam.*

Quamvis ea verba referre etiam liceat ad Phrasim illam vulgatam *Anubim gestare*. Sed de Juliani facie sub Serapidis typo aliqua non vulgaris expromenda, omnia fere ex schedis Domini de Bagarris Regis Galliarum Henrici quarti a Bibliotheca & Cimeliarchio, mihi ab amico D. Thossantio Lauthier Aquifextano communicatis.

Complures, inquit, extant ejusmodi numuli ærei Dei Serapidis, quos omnes diligentius intuens Juliani vultum, cum imberbem tum barbaturum exactissime referre comperi, oculis naso & barba. Forte id factum per adulationem vel arrogantiam Juliani, sicut Commodus Imperator sub Herculis imagine vultum suum exhibuit, Domi-

Supplem. Tom. IV.

A tianus sub Palladis, testibus nummis & statuis Martialis l. 9. epigramm. 67. dicit statuam quandam Herculis, vultum Domitiani retulisse. Nero Colossus suo vultui adaptavit, cujus capite ablato alii sua imponi curarunt. Irenæus lib. 5. dicit Simonem magum a suis adorari sub figura Jovis & Helenam suam sub Minervæ. Suetonius in Caligula, capit. 7. cujus, inquit, effigiem habitu Cupidinis in æde Veneris Capitolinæ Livia dedicavit. Plinius, lib. 36. capit. 5. scribit in Curia Octaviæ Cupidinem fuisse referentem Alcibiadem ejus ætatis. Apulejus, lib. 8. Metamorph. scribit hæc verba: *& imagines defuncti quas ad habitum formaverat Dei Liberi divinis percolens honoribus.* Quod observare licet in variis Sarcophagis qui Romæ visuntur, exsculptos scilicet in iis varios Deos, ut plurimum referentes vivam effigiem viri vel uxoris, quibus destinatus fuerat Sarcophagus. Quid quod Plinius lib. 35. capit. 10. Arellium dicat solitum fuisse Deas pingere, semper scorti alicujus, cujus amore deperibat, imagine. Quod evenit in nostri sæculi pictoribus hoc flagitio artem contaminantibus. Justinus irridet Ethnicos qui pictorum amicas aut statuariorum cynædos adorarent.

C Verum si non superbia incitato hoc a Juliano factum admittamus, saltem religionis suæ propagandæ studio motum dicemus. Refert enim de hoc Imperatore Sozomenus lib. 5. cap. 16. quod operam dederit, ut in publicis imaginibus juxta ipsum Juppiter depingeretur, velut e cælo apparens, coronam & purpuram Imperii insignia, ipsi tradens. Mars item & Mercurius in eum intuentes, & tanquam obtutu oculorum testificantes quod vir esset eloquens & in militia spectatus. Ut non modo, inquit, simulatione honoris subditos res una depictas latenter venerari cogeret: paucique dolum ejus intellexerunt: qui adorare renuerent, pœnas dedere: multitudo autem præ ignorance mente simplici legi veteri se omnino parere putavit. Idem fere Gregor. Nazianz. orat. contra Julianum. Et ita inscitia decepta ad imagines colendas accessit. Addit Sozomen. Ista quidem & alia quæcumque ad cultum gentilitium spectabant, imaginibus admisceri imperavit. Sub quibus verbis comprehendere potuit & hic modus, sub ipsa Serapidis imagine, effigiem propriam exhibendi: præsertim in nummis qui semper in hominum manibus. Fuit enim antiquus Imperatorum mos, imagines suas cum Deorum simulachris venerandas proponere, etiam thure, & vino, quod testatur Plinius lib. 10. Epist. 97. Nec obstat Sozomenus tantum meminisse Jovis & Mercurii, non item Serapidis aut Anubis. Pro iisdem enim habita illa numina scimus: unde recta parte Serapidem videmus, averſa Anubim cum Mercurii caduceo.

E Sacra autem Ægyptia Deosque Ægyptios & si sæpius Romani urbe expulerint, constat semper rursus irrepsisse, maximeque repullulasse post tempora Constantini. Quod in capite Serapidis extat, Macrobius l. 1. Saturnal. Calathum vocat, solisque altitudinem & capacitatem monstrare dicit. Suidas Serapidem modium capite gestare vult. Rufinus pariter modium vocat, quod cum modo & mensura cuncta indicet moderari, vel denique per virtutem Nili frugum largitate, vitam mortalibus præberi. Quidam, addit, in honorem nostri Joseph formatum sic perhibent ob dimensionem frumenti.

F Observandum tandem Julianum præter sæculi sui morem barbaturum esse, quod illi ab Antiochenis objectum. An quod in eo Marcum Aurelium Philosophum imitaretur, cujus æmulum fuisse te-

Atis est Eutropius. Philosophi quippe signa sunt barba & pallium. Nummi tamen argentei cum semper imberbem & juvenem referunt, etiam cum titulo Augusti.

T A B U L A XIII.

H *Ermerotes* cujus ecce typus Mercurium & Herculem exhibet, cippo tetragono & clava dignoscendos. Mercurii statuan in Gymnasio ponere moris erat sicut & Herculis, inquit Pausanias lib. 4. eo quod ille cum isto certaminibus præfesset, quare in sequenti marmore utrique Deo commendatur a Corcyrensisibus Marcus quidam Byblus.

Corcyrae.

A. ΠΟΛΙΣ ΜΑΡΚΟΝ ΚΑΛΗ.

ΓΑΙΟΥ ΤΙΟΝ ΒΥΒΛΟΝ ΤΟΝ

ΠΑΤΡΩΝΑ ΚΑΙ ΕΤΕΡΕΤΑ

ΕΡΜΑΙ ΗΡΑΚΛΕΙ

Id est.

Civitas Marcum Cali... Cal filium Byblum Patronum & benefactorem Mercurio Herculi que commendat. Ubi notanda Dorica Dialectus, quæ H in A mutat. Corcyrensisibus in usu.

Mercurii cum Hercule conjunctio designabat vel fortitudinis locum debere esse eloquentiam, vel eloquentiam ipsam esse monitorum dominicem: unde Galli Herculem suum eleganti typo depingebant, catenis ex ejus ore exeuntibus, auditoresque multos ipsis alligatos trahentibus. At aliquis Chymicus secretum hic sub hoc velamine delitescens suspicabitur, Mercuriumque Herculis laboribus duodecim ad perfectionem erectum ab antiquis intellectum somnabit, qualem sub his ambagibus febrilem suum describit Riverius noster, hac in re Galenicis deferens, quibus recta methodus unicum secretum est.

T A B U L A XIV.

H *Ermerotis* signum æreum hic exhibeo, Dei nempe compositi ex *Herme* seu Mercurio, cum teneat caduceum, & crumenam perpetuum Mercurii typum, & Cupidine, qui *Eros* Græcis dicitur, cum amabilis pueri specie nudus incedat. Quo prisca mysteriis turgentes forte exprimebant amoris conjunctam esse eloquentiam debere. Plinius lib. 36. cap. 5. inter eximia sculptorum opera *Hermerotes* Taurisci recenset. *Hermeros* autem inter Græcos Romanosque cognominis etiam loco usurpari solebat, ut antiqua docent marmora.

Forojulii.

L. VAL. HERMEROT.

IIIIII VIR AVG.

HERED. EX TEST.

FECER.

Ex schedis Peiresk.

Atis est Eutropius. Philosophi quippe signa sunt barba & pallium. Nummi tamen argentei cum semper imberbem & juvenem referunt, etiam cum titulo Augusti.

Q. TIMINIUS HERMEROS

SIBI ET SVIS

HOE MONVMENTVM EXE.

Q. TIMINI LABEONIS

Exscripsi.

HERMEROTI

AVG. LIB.

PRAEPOSITO TABVLAR.

RATIONIS CASTRENSIS.

FRATRI INDVLGENTISSIM.

AMPLIATVS

AVG. LIB. FECIT

Exscripsi.

4

Florentie, una, T

Apud Canon. Bassetti.

E. V. TYCHE

TIS FECIT

HERMEROS

VICARIO

Exscripsi.

Dee Vocontiorum.

D. M.

L. POMP. FAVSTINI FILI PISSIMI DEFVN.

ANN. X. QVEM POST MORTEM FRATR.

EIVS SEVERIANI L. POMP. HERME

ROS PATER AMISSERAT

Exscripsi.

Tabularios rationis Castrensis intelligo Notarios ut jam loquimur, sive scribas publicos rationum rerumque castrensium. Sic apud Gruterum Tabularii rationis fisci, rationis hæreditarium & patrimonii Caesarum. Ideo autem tabularii dicebantur olim, quod tabulis ligneis, eburneis, ferreis, marmoreis consignarentur acta scriptaque, quæ nunc chartæ pergamenæque inscribuntur.

T A B U L A XV.

H *Ermerotes* signum æreum hic exhibeo, Dei nempe compositi ex *Herme* seu Mercurio, cum teneat caduceum, & crumenam perpetuum Mercurii typum, & Cupidine, qui *Eros* Græcis dicitur, cum amabilis pueri specie nudus incedat. Quo prisca mysteriis turgentes forte exprimebant amoris conjunctam esse eloquentiam debere. Plinius lib. 36. cap. 5. inter eximia sculptorum opera *Hermerotes* Taurisci recenset. *Hermeros* autem inter Græcos Romanosque cognominis etiam loco usurpari solebat, ut antiqua docent marmora.

mere voluerunt, eloquentiam non semper verbis, sed etiam silentio uti, præsertim in amantibus, in quibus secretum pernecessarium, quique sæpius oculis quam ore cum amatis loquuntur. Malum Persicum utriusque capiti impositum, Harpocrati aliisque Ægyptiis Diis sacrum erat: de quo inferius ubi exproffesso de Harpocrate differemus.

TABULA XVI. & XVII.

Hermaphroditum fabulam nemo est qui nesciat. Hunc prior gemma exhibet cum quatuor adstantibus aliis figuris, in amplexum Salmacis venientem, quam deperibat Nympham, quamque in balneo lavantem repererat. Sic factus est cum ea, inquit Mythologi, unum idemque corpus servatis tamen duobus sexibus.

Altera figura jam mutatum tradit, ex facie enim & mammis femina est, ex virilibus vir. Simile sæpius vidi in aliis statuis tum majoribus tum minoribus, marmoreis æneisque: quo antiqui ex Mercurio & Venere compositum numen intellexerunt. Aphrodite enim Venus est Græcis, Aufonius Epigramm. 98. de eo.

*Mercurio genitore satus, genetrice Cythera,
Nominis ut mixti sic corporis Hermaphroditus,
Concretus sexu, sed non perfectus utroque
Ambiguae Veneris, neutro potiundus amor.*

Forte etiam Venerem hoc Symbolo masculam & feminam esse significarunt: erat enim apud eos utriusque sexus, vetusque Poeta Calvus, ut monuimus ad Inscr. FORTVNAE BARBATÆ, pollentemque Deum Venerem appellat: imo Virgilius ipse lib. 2. Æneid. de Venere:

*Discedo ac ducente Deo flammam inter & hostes
Expedior.*

Quamquam aliqui, temere fortassis, Dea repouerint. Levinus, Venerem igitur almam adorans sive femina sive mas est, ita ut alma noctiluca est. Aristophanes Αφρόδιτον genere masculino Venerem nominat: & Hesychius expressius ad rem nostram. Αφρόδιτος, inquit, ut emendat Salmasius, Θεόφραστος μὲν, ἡ ἑρμαφρόδιτον φησιν, ὃ ἢ τὰ περὶ Ἀμαθύντα γεγραφὸς σὺν πάγωνι ὡς αὐδρα τὸν θεὸν ἐχρηματίζου ἐν Κύπρῳ λέγει. Aphroditum, seu Venerem, Theophrastus quidem Hermaphroditum esse ait, dicitque in Cypro prope Amathuntem hanc Deam cum barba non secus ac vir sculptam esse. Sed quia


A de Hermaphroditis sermo incidit, paulo fufius jam expediam quinam præcipue Dii Hermaphroditum seu utriusque sexus putati fuerint, præter jam dictam Venerem.

B De Luna ecce locum insignem & omnibus notum Spartiani in Caracalla. Et quoniam Dei Lunificimus mentionem, sciendum doctissimis quibusque id memoriæ traditum, atque ita tunc quoque a Carrhenis præcipue haberi, ut qui Lunam fœmineo nomine ac sexu putaverit nuncupandam, is additus mulieribus semper inserviat: atque vero qui marem Deum esse crediderit, is dominetur uxori, neque ullas muliebres patiatur insidias. Unde quamvis Græci vel Ægyptii eo genere quo fœminam hominem, etiam Lunam Deam dicant, mystice tamen Deum dicunt. Igitur Deus iste Lunus seu Luna habitu virili sæpe in nummis Græcorum exprimitur. Illustrissimus Abbas Seguinus in Nysæorum nummo repperit, ego in Magnetum aliorumque. Imo ejus figuram hic jam vulgatam notabis in Palmyreno marmore superius sculpto. Lunam etiam masculino genere Germani vernacula sua lingua nominare adhuc solent der Mond, & Græci recentiores neutro τὸ φεγγάει. Liberum Liberamque depingunt nummi consulares familiæ Cassiæ, ab Ursino traditi, idque ut ait ob dedicationem ædis Liberi & Liberæ bello Latino factam a Spurio Cassio, anno Urbis conditæ 660. Pars recta numismatis juvenis caput hedera pampinisque redimitum, averfa fœminæ eodem modo ornatum exprimit. Idem Bacchus & Baccha nominantur. Artemidorus in Oneirocriticis, ὁ ἢ χορὸς ὁ περὶ τὸν Διόνυσον οἷον Βάκχοι καὶ Βάχαι καὶ Βάσαραι, &c. Quamquam Bacchos & Bacchas illic indigitare videatur Bacchantes viros fœminasque, ut apud Fulgentium in Mytholog. Bacchæ dictæ sunt quasi vino vacantes. Orpheus in Hymno in Mylen, Bacchum eundem marem ac fœminam fuisse creditum scribit, ἀρρενα καὶ θῆλυδιφυν. Sunt præterea qui Cererem Liberam vocatam esse asserant, sed Liberi & Liberæ Inscriptionem repperi Jaderæ, quæ habetur apud Gruterum, pag. LXXXIV. 8. correcte quidem satis, nisi quod putet duas alias Inscriptiones simul ab eo citatas eodem lapide contineri, cum tamen tres distinctos esse lapides viderim.

D Fortunam Muliebrem & virilem, imo Fortunam Barbatam exhibuimus in aris ignotorum Deorum. Affirmabant nonnulli Deos omnes utriusque esse sexus, sed de his consulite Mythologos; hicque subsistam ne recoctam crambem oleant quæ dicturus essem.



ARTICULUS V.

De Harpocrate, & signis Pantheis.
Gemmæ variæ.

SAcra non nisi sacris hominibus communicanda gravissimus author consulit Hippocrates, indignum omnino existimans sapientiæ & arcanorum majestatem temere & absque delectu, vulgaribusque ingeniis propalare. Unde Ægyptiorum genti antiquissimæ in votis semper fuit, quasi nationali præventionis jure, exterarum nationum instituta spernendo, sacerdotibus solis aut initiatis Regibus ac primæ notæ viris, per viam quasi Cabalisticæ communicationis, tam superioris quam inferioris naturæ secreta revelare. Adiere ipsos totius Græciæ sapientissimi, imo etiam sacræ paginæ proprium exaratorem Mosem in omni eorum scientia sapientissimum fuisse testantur. Quinetiam Hieroglyphicis mysticisque figuris, characteribusque quasi obducto oculis velo adyta reconditarum rerum & quæ vulgo aperiri nefas sit,

aut certe sacro & inexplicabili fermone palliarunt, aut densis verborum nebulis occultarunt. Hinc divinitatis radios diversimode creatis rebus impressos, aut potius Divinitatis participatione divina effecta rerum simulacra, Deorum quoque nominibus insigniri voluerunt. Nec absque ratione & energia Sacræ eorum Theologiæ Antistites Diis per ipsos vocatis, quædam propria dedicata & consecrata fuere, uti Vulcano Pyramides, Mercurio Hermæ, Apollini sacri Obelisci, ut de reliquis taceam, ea marmoreis, metallicisque formis aut aliis sculptilibus vel etiam portatilibus annulis gemmisve, affabre non minus quam mystice imprimentes. Ab iisdem Amuleta & jatrothemata processerunt, asserentibus accurata quædam sive potius superstitiosa constellationum observatione, ac pro tempore in debita materia im-

presso effectui proprio signaculo cœlestes virtutes attrahi, ibidemque attractas conservari. Eorum dogmatis & disciplinæ fuisse discipulos cælatores harum gemmarum constat, quæ Harpocratem mysteriorum Deum diversis modis exhibent. Hunc in annulis frequenter gestari a Romanis testis est Plinius l. 33. cap. 3. *Jam vero, inquit, etiam Harpocratem, statuasque Ægyptiorum numinum, in digitis viri quoque portare incipiunt.*

T A B U L A XVIII.

Harpocratem refert Struthioni insidentem, altera parte Solem & Lunam, cujus, ut dicemus, filius, putabatur, cum quibusdam literis, Basilidianorum seu Gnosticorum mysterium aliquod significantibus. Isti enim hæretici ethnicismum & Christianismum confundere solebant.

T A B U L A XIX.

Exhibet Serapidem cum Harpocrate, hisque literis CONSERVATE ME, quæ forte gemma collo alicujus infantis suspensa fuerat, ut amuleti instar ab eo mala omnia amoveret.

T A B U L A XX.

Harpocratem flori Loti insidentem, a quo Ægyptii dicti Lotophagi, inter avem animalque quadrupes. Literæ averſæ partis ignotæ ab illis supradictis hæreticis sculptæ.

T A B U L A XXI.

Herm-harpocratem sive ut superius dicebamus numen, ex Mercurio & Harpocrate conflatum. Dextra flagellum, sinistra caduceum gestat, Lotoque insidet.

T A B U L A XXII.

Harpocratem capite radiato Cornu-copiæ gestantem, indicantem Solem esse abundantia causam.

T A B U L A XXIII.

Eundem inter Solem & Lunam Loto insidentem.

T A B U L A XXIV.

Eundem stantem, cum literis in averſa parte ΩΠΑΝΟΓ ΑΔΩΝΕ quibus Cœlum Jehovahque Gnostici venerabantur.

T A B U L A XXV.

Eundem Harpocratem capite Leonino, cum 6. avibus & Lunæ capite. Septem vocales Græcæ, Α Ε Η Ι Ο Υ Ω, quibus sæpiissime iidem Gnostici utebantur & nomen Jehovah occulta-

bant. ΟΤΙΗΑ vero Spiritum aliquem Angelicum ab illis hæreticis effectum. Alexander Hales voluit has aves esse Angelos orbibus cœlestibus planetarum ab iis tributos. Saturnum autem dictum *Cassiel*, Jovem *Sachiel*, Martem *Samuel*, Solem *Michael*, Venerem *Anabel*, Mercurium *Raphaël*, Lunam *Michael*. Plura vide in libro Chiffletii sive Macarii Abraxas, qui nonnulla ex his sculpta habet.

T A B U L A XXVI.

Est averſa pars nummi Antonini cum capite Harpocratis.

T A B U L A XXVII.

Eundem exhibet capiti asini inverſo insidentem; averſæ partis literæ ΙΧΥΡΟΝ ΚΑΙ ΑΝΕΙΚΗΤΟΝ, *Forte & invictum* numen invocant.

T A B U L A XXVIII.

Eundem Loto insidentem, circa quem 12. stant animalia.

T A B U L A XXIX.

Eundem cum literis Græcis vocalibus, Jehovah nomen tacite exprimentibus.

T A B U L A XXX.

Eiusdem caput cum Cornu-copiæ.


HARPOCRATES Osiridis & Isis filius, quem Plutarchus inarticulatæ orationis præsidem facit. Martianus: Redimitus, inquit, puer ad os compresso digito salutari, silentium commonebat. Varro de lingua lat. *Et st Harpocrates digito significat*: id est, de quo plura dicerem, sed digito imperat mihi silentium. Salutaris enim digitus silentium faciebat. Apulejus lib. 1. Digitum pollicis proximum ori admovens, tace, tace, inquit, Aufon.

Aut tua Sigalion Ægyptius oscula signat.

Vide etiam Augustinum de civitate Dei lib. 18. cap. 5. Suidas ait Heraiscum Ægyptium natum digito labris annexo.

Jungebatur Harpocrates Osiridis & Isis simulachris, ut taceretur homines fuisse: tum etiam quia pro ipsorum filio habebatur. Osiridem eundem esse cum Serapide, Baccho, Sole, Jove & Plutone agebant: Item Isidem eandem cum Cere, Junone, Luna, Proserpinaque. Apul. lib. XI. Quid quod Macrobius omnes Deos ad Apollinem referri posse in Saturnalibus probat. Exinde Harpocratem cum aliis Deorum typis effingebant, ut in sequentibus æreis sigillis, a me inter Peiref-kii schedas repertis.

Signa varia Harpocratis.



TABULA XXXI. XXXII. XXXIII.

Non admodum differunt, habentque tantum cornu-copiæ, abundantiae & fortunæ symbolum, & nescio quem calathum capiti impositum ferè instar Serapidis.

XXXIV. Capite radiato, quod Harpocrates Solis esset filius.

XXXV. Præter cornu-copiæ & Æsculapii baculum intorto serpente, Cupidinis alas & pharetram habet, a dextro sinistroque pede animalcula non probe distincta, quæ a quibusdam lepus & accipiter esse putantur, de quo vide prolixam explanationem apud Smetium in Antiquitatibus Neomagensibus.

XXXVI. Vestitus est talari veste, quæ forte Bassara est vestis genus qua usus Bacchus teste Hesychio, Polluce & statuis marmoreis ejus Dei. Phornutus & Horatii intérpres censent a Bassara Lydiæ loco dictam. Quid vero negotii cum Baccho habeat Harpocrates non video, nisi quod vinum ut plurimum secreta propalat, sicque ne id accidat Baccho debere adesse Harpocratem. Quod in sigilli vertice aliisque sæpissime sculpsitur, Perfici fructum esse volunt, arborem Harpocrati sacram, quod cordi similia sint ejus poma, folia ve-

ro linguæ, ut scribit Plutarchus. Multoties occurrit idem signum in tab. Hieroglyph. illa Bembi, non uno modo sed variatum, ut flos, herba, pennæ Struthionis aut serpentes simul adesse videantur. Apulejus lib. XI. de Ifide: *Vertice, inquit, media super frontem, plana rotunditas in modum speculi, vel immo argenteum Lunæ candidum lumen emicabat, dextra lævæque sulcis insurgentium viperarum cohibita.*

XXXVII. Ex parte anteriori & posteriori depictum Cupidinem, Æsculapiumque cum Harpocrate depingit, siquidem eorum Symbola habet pharetram & serpentem. At quid commune habeat Harpocrates cum Cupidine inquirendum. Non certe absurdum est silentium, cui præfides Harpocrates, inter amoris assecclas statuere, cui nihil æque necessarium ac tutum. Hanc virtutem non inter vulgares locarunt Pythagorici, imo & Romani, qui *Tacitam* Deam habuere, teste Plutarcho. Horat. *Estne fideli tuta silentio merces, &c.* An similiter silentium requisitum ægris aut Medicis, quorum patronus Æsculapius. De bulla quæ ex ejus collo pendet, locus erit alibi fuisse differendi.

XXXVIII. Plura adhuc numina copulata refert; Solem radii: Lunam, semicirculus capiti impositus,

digitus ori appositus Harpocratem, Cornu-copiae A
Abundantiam vel Cererem, Pharetra Cupidinem,
Serpens Æsculapium, alæ pedibus additæ Mercu-
rium, & Hedera circa caput Bacchum: ita ut e-
legantissimum hoc signum jure referri possit ad illa
Panthea, de quibus modo dicturi sumus.

In Insula Delos.

ΠΟΠΛΙΟΣ....

ΤΟΥΤΩ....

ΤΗΡ ΕΑΥΤΩΝ....

ΤΩΝ ΙΔΙΩΝ ΣΑΡΑΠΙΔΙ

ΙΣΙΔΙ ΑΝΟΥΒΙΔΙ ΑΡΗΟ

ΧΡΑΤΕΙ ΔΙΟΣΚΟΥΤΡΟΙΣ

ΕΠΙ ΙΕΡΕΩΣ

ΣΤΑΣΕΟΥ ΤΟΥ ΦΙΛΟ

ΚΛΕΟΥΣ ΚΟΛΩΝΗΘΕΝ

De signis Pantheis. ¹ Signum æreum Pantheum, Romæ, apud Jo. Petrum
Bellorium. ² Gemma Panthea.



Sar da Gemma

T A B U L A XXXIX.

¹ Signa Panthea illa erant, quæ omnes Deos, ut
etymon Græcum indicat, aut saltem pluri-

C mos referebant; sic elegantissimum istud æreum
signum quod vir eruditissimus I. P. Bellori Pon-
tificis Antiquarius Romæ possidet istius magni-

tudinis omnes fere Deos ex eorum Symbolis refert. Capitis enim ornamentum Isidem, semicirculus Lunam, Phærotra Cupidinem, Alæ tum ipsum tum Victoriæ, Cornu-copiæ Cererem, serpens intortus brachio Salutem, pellis caprina pectori apposita Bacchum, gubernaculum navis Fortunam indignant, quibus Symbolis insistere diutius inutile cenfeo, cum sint omnibus trita.

Lucianus dicit se in Syria vidisse statuam Deæ multiformem, quæ quidem esset Juno, haberet tamen aliquid Palladis, Veneris, Lunæ, Rheæ, Dianæ, Nemeseos & Parcarum. Ruffinus, hist. Eccles. lib. XI. scribit fuisse Alexandria sub Theodosio Idolum Serapidis, conflatum ex omnibus generibus metallorum & signorum. Appulejus lib. XI. Isidem invocans vocat illam Cererem, Dianam, Venerem, Proserpinam; & Inscriptio Vetus Capuæ apud Gruterum citata, TETIBI VNA QVAE ES OMNIA DE AISIS ARRIVS BALBINVS V. C. Macrobius etiam, ut jam diximus alibi, probat omnes Deos ad Solem referri.

2. Typus iste ex gemma delineatus signum Pantheum etiam exhibet. Fulmen enim Jovem, caduceus Mercurium, papaver adjunctum Proserpinam, spica frumenti Cererem, fistrum Isidem, temo Fortunam, rota Nemeseos, caput armatum casside Palladem & Martem, Alæ Victoriæ, & Cornu-copiæ Abundantiam significant.

Panthea autem vocata fuerit hæc signa, aut hæc statuæ, non secus ac Templâ omnibus Diis dicata, eorumque imagines continentia. Testes sunt Inscriptioes Veteres, apud Gruterum pag. 77. FORTVNAE PRIMIGENIAE SIGNVM LIBERIPATRIS PANTHEI, &c.

Ecce & aliam Grutero incognitam, & a Reinesio Epist. pag. 510. traditam, imo a me ipso exscriptam:

Romæ.

In hortis Justinianæis.

DIS DEABVS
C. IVLIVS C. F. ARN.
AFRICANVS BRIXEL
LO OPTIO EQVIT.
COH. VIII. PR. 7. IVLI
SIGNVM AEREVM
PANTHEVM
D. D. V. L. L. M.
DEDICATVS X. K.
AVG. BARBARO ET
REGVLO COS.

Exscripsi.

Id est, Diis Deabus Cajus Julius Caii Filius, Arniensi tribu, cognomine Africanus, Brixello urbe, quæ nunc Brissello, ad Padum sita, natus, Optio Equitum Cohortis octavæ Prætorie Centuriæ Juli, signum æreum Pantheum dono dedit, Voto libenti libero munere, dedicatum decimo Kalendas Augustas, Barbaro & Regulo Consulibus; qui consulatus in annum incidit Urbis Conditiæ 910. Ubi Notandum Fastos Capitolinos Barbatum pro Barbaro habere, contra marmoris hujus fi-

dem; Cassiodori chronicon, & Fastos Siculos, qui habent Barbaro, & Regulo. Dedicatus vel error est fabrilis pro dedicatum, vel subintelligitur Lapis.

Pantheas Inscriptioes quidni etiam vocare licebit eas quæ omnibus Diis dicatæ sunt? Inter quas ineditæ sequentes recenferi merentur.

Romæ.
In villa Justinianæ.

DIIS OMNIPOTENTIBVS
LVCIVS RAGONIVS
VENVSTVS V. C.
AVGVR PVBLICVS
P. R. Q. PONTIFEX
VESTALIS MAIOR
PERCEPTO TAVROBOLIO
CRIOBOLIOQVE

X. KAL. IVN.

DN. VALENTINIANO

AVG. IIII. ET

NEOTERIO CONS.

ARAM CONSECRAVIT

Exscripsi.

Taurobolium erat Sacrificiū Taurorum; Criobolium vero Arietum. Ea percipere dicebatur is qui victimarum sanguine perfundebatur, ad expetitam expiationem absolvendam. Consulatus hic notatus est anni Æræ Christianæ, 390. Die hac, scilicet X. Calendas Junias, festum erat in Calendario vetere Constantii ætate exscripto, sic nominatum Macellus rosa sumat: id est, Macellus sive macellum, utrumque enim dicebatur, rosis ornetur: ideoque Sacrificio faciendo commodum tempus.

In rudibus Cemeneli,
prope Niciam Provinc.

IOVI O. M.
CETERISQ. DIIS
DEABVSQ. IMMORT.
TIB. CL. DEMETRIVS
DOM. NICOMED.
V. E. PROC. AVGG NN.
ITEM CC. EPISCOPSEOS
CHORAE INFERIORIS

Ex Dom. Mayer Lugdunensi.
Id est.

Jovi Optimo Maximo, Ceterisque Diis immortalibus, Tiberius Claudius Demetrius, Domo, id est patria, Nicomediensis Vir Egregius, Procurator Augustorum nostrorum, item ducentesima Episcopseos choræ inferioris: id est, Inspectionis regionis inferioris, vocibus duabus Græcis in Latinas vestitis. Ducentesima erat tributum quoddam ab Imperatoribus Romanis exigi solitum.

ARTICULUS VI.

*De Cymbalis, Crotalis, Crupeziis, Tympanis, Cytharis & crepitaculis
Antiquorum.*

Major pars ex Schedis Bagarrianis.



Ex Marmoribus.

TABULA XL. XLI. & XLII.

Cymbala esse hæc instrumenta quæ tres istæ saltatriculæ gestant; unumque cum altero
Supplem. Tom. IV.

A concutiunt, audacter assero: quod ea videam labris assimilari. Fulgentius Mytholog. lib. i. cap. de Musis: duo labia velut cymbala verborum com-
moda modulantia, lingua ut plectrum, &c. Isidorus
X x

Pelusiota, Epist. 457. postquam Psalterium, cytharam, tympanum, chorum, chordas, organum, variis corporis humani membris comparavit, ultimo cymbala labiis assimilat. Cava fuisse convincit illud Clementis Alexandrini, in Protreptico: *Ex cymbalo bibi, ex tympano comedi.* Item illud Ovidii Fast.

*Cymbala pro galeis, pro scutis tympana pul-
sant,
Æra Deæ comites, raucaque terga movent.*

Cymbala enim erant ex ære, quasi duæ scutellæ, tympana ex pelle. Illorum figuram innuit Cassiodorus lib. 4. Epist. ultim. *Quid Acetabulorum tinnitus?* &c. Augustinus, ad Psalm. 150. dicit *Cymbala se invicem tangere ut sonent.* Propert. Eleg. 7. *Qua numerosa fides, quaque æra rotunda Cybelles,* id est Cymbala, ut recte notavit Lipsius. Phurnutus depingens Comum Deum; *Nam dextra, inquit, contractis digitis, subjacetam sinistram ad clavum plectit, ut manus Cymbalorum more percussæ consonæ fiant.* Ovidius, 3. de arte, hoc versu Cymbala intelligit:

*Discite & duplici genialia nablia palma
Vertere.*

Utraque enim palma five manu ad Cymbala opus erat, ut in figuris videre est. Quinimo omnes pene sacri & profani scriptores Cymbala in plurali efferunt, & concuti ea, quassari, tinnitumque edere dicunt. Et nonnumquam æra simpliciter vocant. Petronius Arbiter, *intrans Cymbalistria, & concrepans æra.* Statius, Thebaid. 8. *Geminaque æra sonant, Idæaque terga.* Ovidius, *concavaque æra sonant.* Catullus: *Leve Tympanum remugit, cava Cymbala recrepant,* & alibi;

Aut tereti tenuis tinnitus ære ciebant.

Divus Paulus, Epist. 1. ad Corinthios, cap. 13. *Etiamsi sermonem hominum & Angelorum loquerer, charitatem vero non haberem, essem tum ut æs resonans, aut Cymbalum tinniens.* Cassiodorus dividens instrumenta musica, dicit inter percussionalia esse veluti acetabula ænea vel argentea, vel alia quæ aliquo vigore percussa reddunt cum suavitate tinnitum. Cymbali etymon a Κύμβος, id est *cavus*, vide in Vossii etymolog.

Usurpabantur in Ceremoniis matris Idææ, id est Cybeles. Appulejus Metamorph. lib. 8. *Inibi vir principalis, & alias religiosus & eximie Deum reverens, tinnitu Cymbalorum & sonitu tympanorum, cantusque Phrygiis mulcentibus modulis excitus percurrit obviam, Deamque votivo suscipiens hospitio, nos omnes intra conseptum domus amplissimæ constituit: numenque summa veneratione atque hostiis opimis placare constituit.* Unde Cybele vulgo in marmoribus depingitur cum Cymbalis tympanisque. Fallitur Gruterus ad Inscript. 3. pag. XXVII. in quo marmore Matri magnæ dedicato Cymbala depicta sunt, non vero, aut ait, *Crotala*; quod jam ex eorum typo cuius deprehendere licebit. Ovidius lib. 4. Fastor. usui esse ostendit in Festis Megalesiis, quæ magnæ huic Deum matri dicata erant.

*Protinus inflexo Bercynthia tibia cornu
Flabit, & Idææ festa parentis erunt.
Ibunt semimares & inania tympana tudent,
Æraque tinnitus ære repulsa dabunt.*

A Idem Ovidius Festa Liberi describens, hæc ait.

*Liber adest; festisque fremunt ululatibus agri,
Turba ruunt, mistæque viris matresque nurus-
que
Vulgusque, Procereque ignota ad sacra ferun-
tur.
Quis furor, anguigenæ, proles Mavortia, ve-
stras
Attonuit mentes? Pentheus ait: Ærane tan-
tum
Ære repulsa valent? Et adunco tibia cornu.*

T A B U L A XLIII.

Crotalum proprie scissa arundo, constructa studio ut sonet, si quis ipsam quatiat manibus: sic enim glossæ Græcorum: Κρόταλον κυρίας ὀσχιζόμενος κάλαμος κατασκευαζόμενος ἐπίτηδες, ὥστε ἡλεῖν, εἰ τις αὐτὸν δουρίῳ ταῖς χερσὶ, καὶ ὁ ἀπὲρ κρότου ἀποτελῶν. Stryphalides aves, quæ humana visitabant carne, ab Hercule sagittis transfixas tradunt plerique: at Pisander Camirensis referente Pausania in Arcadicis, non peremptas fuisse ab Hercule has aves, sed *Crotalorum* sonitue loco pulsas afferebat. Inde Aristophani garrulus & loquax homo *Crotalon* nominatur. *Crotalie* tymon a Κροτάω pulso, tradit Vossius in etymologico. *Crotalis* utentes fœminæ, ut ista hic depicta, *crotalistriæ* vocabantur. Sic P. Syrus de Ciconia: *pietaticultrix, gracilipes, crotalistria*, ob hujus avis similem *Crotalis* rostri collisionem, crepitationemque.

Usurpabantur in Deorum Festis, ludis publicis, & comestationibus: unde Virgil. in Priap.

*Cymbala cum crotalis, prurientiaque arma Priapo
Ponit, & adducta tympana pulsa manu.*

Idemque in Copa, *Crispum sub Crotalo docta movere latus.*

Clemens Alexandrinus a conviviis arcere volebat *tympana & Cymbala & crepitacula, quæ dicuntur Crotala, inventa a Siculis.*

T A B U L A XLIV.

Crumata erant species Crotalorum, quæ digitis pulsata hic juvenis. Scaliger ad Copam, dicit fuisse *testulas & officula usum Crotali præstantia*. Fuerunt autem Hispanis maxime in usu, præcipue iis qui Bæticam Provinciam Gadæque incolebant. Unde Martialis: *Itane Gadibus improbis puellæ vibrabunt sine fine prurientes lascivos docili tremore lumbos; & alibi:*

*Edere lascivos ad Bætica crumata gestus,
Et Gaditanis ludere docta modis.*

Hispani & maxime Gaditani etiamnum iis utuntur in saltationibus, & *castagnetas* vocant, ab iisque ad nos eorum pervenit usus. Nec tamen antiquis Græcis incognita erant. Aristophanes in ranis: πᾶσι τῶν ὀσπράκοις αὐτὴν κροτάρα: *ubinam est illa quæ ostreis*, id est *crumatis*, *pulsabat*. Ad saltationes his instrumentis comitatas alludit Juvenalis:

*Forſitan expectes ut Gaditana canoro,
Incipiat prurire choro, plausuque probate,
Ad terram tremulo descendant clune puellæ.*

Eaque simpliciter testas vocat jam citatus Martialis.

Audiat ille

Testarum crepitus, cum verbis nudum olido
stans

Fornice mancipium quibus abstinet.

Conficiunt etiam similia crepitacula mendici & histriones nostri ex officulis & spathulis ligneis, quas dum sinistra tenent, dextra digitis alternatim eas percutientes strepitum edunt, quem non plane injucundum voci accommodant.

TABULA XLV.

Scabilla & Crupezia non admodum a Crotalis differebant, nisi quod pedibus subiciebantur, sicque saltando collidebantur, ut in hoc typo videre est. Arnobius contra Gent. Ut instandis bucculas distenderent tibiis, ut praeirent obscenis numerositer & scabillorum concrépationibus sonoris, quibus in compositis dissolveretur in motus, saltitaret & cantaret, orbes saltatorios venteret, & clunibus & coxendicibus sublevatis lumborum crepitudine fluctuaret: Idem lib. 7. Etiamne Diu eris tinnitibus & quassationibus cymbalorum afficiuntur? Etiamne symphonis? Quid efficiunt crepitus Scabillorum? Ut cum eos audierint Numina, honorifice secum existiment actum, & ferventes animos irarum oblivione deponant. Κρηπίδια vero Crupezia dicebantur ἀπὸ τῆς κρούειν ἢ τῆς πέλαις, a pedis plausu & percussione. Pollux lib. 10. cap. 33. Crupezia Tibicinum soleas vocat. De his plura vide, apud Albertum Rubenium de re vestiaria, & Casparum Bartholinum de Tibiis veterum, lib. 3. c. 4.

TABULA XLVI. & XLVII.

Tympana variis in marmoribus occurrunt, qualia hic cernere licet, a saltatricibus Bacchantibusque usurpata, ut ex Livio discimus, ubi de eorum origine, lib. 39. Tympani Etymon a τυπέιν pulsare, quidam deducunt: at illud ab Hebræa voce derivat Vossius in Etymolog. quem consulere licet. Non dissimilia autem fuerunt a nostris tympanis, quæ vocamus Tambours de Basque, in quibus tintinnabula, ut in priori figura observare est: unde Catullo, Leve Tympanum remugit. Idemque carm. 64.

Cybelles Phrygia ad nemora Dæe

Ubi Cymbalum sonat vox, uti tympana reboant.
Erant enim in Cybelis cultu perneccessaria, ip-

saque tympanum manu gestans depingebatur: ut & in Bacchi Orgiis, Ovid. lib. 4. Metamorph.

Et adhuc Minyeia proles

Urget opus; spernitque Deum, festumque profanat:

Tympana cum subito non apparentia raucis

Obstrepere sonis, & adunco tibia cornu,

Tinnulaque æra sonant.

Herodianus lib. 5. de Antonino Elagabalo: Procedens identidem ad tibia & tympana, velut orgia numinis concelebraret. Hec instrumenta a Syris ad Græcos, & a Græcis ad Romanos pervenerunt. Juvenalis.

Jampridem Syrus in Tiberim defluxit Orontes,

Et linguam & mores & cum tibicine chordas

Obliquas, nec non gentilia tympana secum

Vexit, & ad Circum iussas prostare puellam

TABULA XLVIII.

Cytharam cernis in illo mulieris typo, quæ chordas plectro attingit; estque triangulari forma, qualis describitur in Epist. quæ Hieronymo tribuitur de generibus mulicorum. Cythara autem, inquit, de qua sermo est, Ecclesia est spiritualiter, quæ cum 24. Seniorum dogmatibus trinam formam habens, quasi in modum Deltae litteræ, &c. Aliud lyram, aliud Cytharam esse, ex Pausania colligimus, qui Mercurium lyrae, Apollinem Cytharæ facit inventorem. Poetæ tamen solent ea instrumenta confundere ob similitudinem, imo Apollinem exhibent tum marmora, tum numismata cum Lyra, quæ ex duobus S constare videtur, uno recto altero obverso. Plura vide, in Vossii Etymolog.

TABULA XLIX.

Sistrum Iudis gestat hæc figura, de quo Servius ad Æneid. lib. 8. Isis est genius Ægypti, qui per sistri motum, quod gerit in dextra, Nili accessus significat. Forma ejus erat ovalis & manubriata, cum tribus transversalibus bacillis, qualis tum in hoc marmore, tum passim alibi observatur. Quia autem de eo varii scripserunt, tædiosum esset eadem repetere. Palmæ frondes quas sinistra gestat, in Sacris Serapidis ferri ab Ægyptiis sacerdotibus, testantur Epiphanius, lib. 2. contra hæreses, & Apulejus lib. 11.

ARTICULUS VII.

De Diis Manibus.

Dis Manibus omnia fere Romanorum sepulchra dedicata esse norunt omnes tantillum in antiquitate versati, quod eos existimarent mortuis præsidere: at qua religione reverendos esse putarent, quantumve sacrilegium in violandis quæ iis consecrata erant monumentis patraretur, nunc ex quibusdam selectis marmoribus detegam.

Romæ, In Palatio Ducis Altemps.
Urna Marmorea.

NE TANGITO
O MORTALIS
REVERERE
MANES DEOS

Exscripsi.

Supplem. Tom. IV.

Florentiæ.

Urna quadrata.

C. IVLIVS C. L.

BARNÆVS

OLLA EIVS SI QVI

OVVIOLAVIT AD

IFEROS NON RECIPIA sic

TVR.

Exscripsi.

Id est, Ollam sive urnam ejus si quis violabit ad Inferos non recipiatur. Ubi notandum ovviolavit pro violabit, duplici idiotismo, quod u quasi ou nostrum pronunciaretur, b vero ut u.

X x ij

*Florentiæ.
Apud Marchion. Corsini.*

OSSA HIC SITA
SVNT AVCTAES
APVSTIAE RVFAE QV
AE PVITROGO PER SV
PEROS QVI ESTIS OSSA MEA TVEATIS

Exscripsi.

Inscriptio monumenti non inelegans, quamvis tueatis pro tueamini scriptum sit. Apustia Rufa quæ viva fuerat, eos qui fuerant rogat ut ossa tueantur sua; tacite eos monens, futurum etiam tempus, quo & ipsimet non erunt, eandemque gratiam a posteris deposcent. Sequens a Grutero citata, sed incorrecta.

Romæ.

HERIAE THISBE
MONODIARIAE
T. CLAVDI GLAPHYRI
CHORAVLAE
ACTIONICAE
ET SEBASTIONICAE
TERRENVN SACRVN
LONGVM P. X. LAT. P. X.
IN QVO CONDITA EST
FODERE NOLI NE
SACRILEGIVN COMMITTAS

Exscripsi.

*Romæ.
In hortis Justinian.*

Sarcophagus.

D. M.
CVSPIA AEGLA
LIS HOC SARCO
PHAG. APERIRI
N. LIC.

Exscripsi.

Sarcophagus & Sarcophagum in lapidibus antiquis legitur: frequentius priori modo. A qua voce derivatur Gallica *Cercueil*, quæ melius *Sarcueil* scriberetur, juxta suam originem.

At *Dii manes* videntur fere incogniti fuisse Græcis: nuspiam enim in eorum sepulchris, quamquam plurima perscripserim, Manium mentionem factam animadverti, saltem in Græcia, unicaque apud Gruterum extat alicubi in Græcia citata, in qua legitur ΘΕΟΙΣ ΚΑΤΑΧΘΟΝΙΟΙΣ, id est *Dii Manibus*: sed an non potius Romani alicujus fuerit in Græcia defuncti nescio: aut saltem Græci ex Romana prosapia oriundi. Sic enim aliquot Græcas inscriptiones istorum Græcorum reperi Romæ, cum his characteribus, Θ. Κ. quæ significant Θεοῖς κατὰ χθονίους, sicuti Latini D. M. *Dii Manibus*.

A

*Romæ.
In hortis Justinian.*

1

Θ. Κ.
ΙΟΥΛΙΑΙ ΑΜΜΙ
ΑΙ ΘΥΓΑΤΡΙ
ΓΑΥΚΥΤΤΑΘΗ
ΙΟΥΛΙΟΣ ΘΕΟ
ΦΡΑΚΤΑΣ ΚΑΙ
ΑΠΑΜΑ ΤΟΝΕΙC

Exscripsi.

Id est.

*Dii Manibus.
Julia Ammie
Filia dulcissima
Julius Theophrastus
Et Apama Parentes.*

Romæ.

In hortis Justinian.

2

Θ. Κ.
ΙΟΥΛΙΩΙ ΑΔ
ΚΑΙΩΙ ΠΑΤΡΙ
ΕΤ ΣΕΒΕCΤΑΤ
ΩΙ ΙΟΥΛΙΟΣ
ΔΑΜΠΡΟΚΛΗΣ

Exscripsi.

Id est.

*Dii Manibus
Julio Alcæo
Pientissimo
Julius Lamprocles.*

Romæ.

In hortis Justinian.

3

Θ. Κ.
ΚΑΤΑ ΚΕΛΕΥ
ΣΙΝ ΤΗΣ ΔΕC
ΠΟΙΝΗΣ Γ. ΑΠΡΙ
ΚΙΟΣ ΘΡΕΠΤΟΣ
ΖΗΣΑΝΤΙ ΕΤΗ
ΙΜ...ΚΑ

Exscripsi.

Id est.

*Dii Manibus,
Ex jussu Dominae
Cajus Apricius Threptus
Qui vixit
Annos*

Nonnulla alia exempla observabuntur in Marmoribus nostris Græcis, sive Supplementi Gruteriani libro secundo.

C

D

E

F

MISCELLANEA

ERUDITÆ ANTIQUITATIS.

SECTIO SECUNDA.

De Baccho, Sileno, Satyris, Faunis, Musis, Mænadibus,
Fanaticis, Nymphis, & Hercule.

ARTICULUS PRIMUS.

Vas Marmoreum ingens, Cajetæ.



Mar. Ogier Sculptor Lugduni



LEGANTISSIMUM istud mar-
mor cernitur Cajetæ, quæ
urbs est regni Neapolitani
maritima, in æde maxima,
sculptumque, ut præfert in-
scriptio, a Salpione Athe-
nienſi sculptore, velut ex
ejus opere patet, peritissi-
mo.

Bacchus infans affertur a
Mercurio ad educandum, Leucotheæ materteræ,
quæ primum ubera puero dedit: postea Nymphis
datus enutriendus & Sileno, ut fusiſus legitur apud
Orpheum, Pausaniam, Ovid. 3. Metamorphoseon.
Mercurii elegans pileus quadratus est observandus,
qui & in nummis occurrit. Astant Nymphæ & Sa-
tyri, qui ab ejus custodia cultuque Bacchæ Bacchan-
tesque audiunt. Ex illis tres thyrsu dextra tenent,

cuſus extremæ parti superius adjunctum Pini po-
mum Libero sacrum. Alter qui cymbalum pulſat,
jam superius exhibitus est. Ultimus, fronte crini-
ta Faunus, ut ait Virgil. in Priapeis, tibus duas
inflât, ut sæpe in antiquis notamus monumentis:
circa hæc notandum Artemidori onirocriticum.
ὁ ὅ χορός ὁ περὶ τὸν Διόνυσον, οἱ τε βακχοὶ καὶ βάκχαι,
καὶ βάκαραι, καὶ Σάτυρος καὶ Πάνες, καὶ ὅσα ἄλλα εἰς τὴν
ὁμοίαν ἀνόματα, ἱερὰ τέθηται θεῷ, καὶ οὐκ ἰδίᾳ ἐνα-
σος, μεγάλας παραχὰς καὶ κινδύνους καὶ περιβονορίας
σημαίνει. Chorus autem, inquit, qui Baccho a-
dest, Bacchi & Bacchæ, Bassaræ, Satyrus, Pa-
nes sive Fauni, aliaque similia nomina, huic Deo
sacra & simul & separatim singuli, turbas magnas,
pericula, strepitusque significant: ex eo fortasse
quod magnò cum strepitu incedere solerent Bacchi
ministri cymbala pulſantes, tibus inflantes, thyr-
sosque quatientes, ut hic observare licet.

ARTICULUS II.

*Nummus ex Ære, mediæ formæ,
Olim apud me, nunc apud R. Abbatem D. de Camps.*



EXimius hic nummus ab una parte facies exhibet adversas Imperatoris Caesaris Lucii Septimii Severi Augusti & Juliae Domnae Augustae ipsius conjugis: ab altera vero parte populi nomen, qui nummum eis dicavit, *Seleuciorum* nempe qui ad *Fluvium Calycadnum* sedent. Cum enim plures essent civitates Seleucia nomen ferentes, necesse erat eas ab aliqua circumstantia distinguere. Erat Seleucia ad Belum Plinio memorata in cava Syria, altera in eadem provincia, sed Pieria cognominata, tertia in Babylonica regione ad fluvium Hediphontem, quarta ad Tigrim Babylonia dicta quæ nunc *Bagdet*, quinta Pisidia in Pamphylia confiniis, ultima *trachea* sive *aspera* cognominata in Cilicia ad flumen Calycadnum, quæ hæc nostra est.

Typus autem hujus aversæ partis Bacchum representat Indorum domitorem, hastam in hostem vibrantem, brachio sinistro pellem tigrinam susti-

Anentem, eademque manu cantharum gestantem, quasi Pantheras suas potare vellet, currum ejus trahentes. Utræque autem tum tigrides tum pantheræ Baccho sacrae erant, quia vinum ferocem animum reddit. Videntur autem Seleucii ipsius Dei triumphum Severo applicare voluisse, quod is celerrime hostes suos Didium Julianum, Pescennium Nigrum & Albinum devicisset. Adde quod Bacchum præcipue veneratus sit Severus, quod ex nummo ejus patet inscripto *DIIS AUSPICIBUS*, cum Baccho & Hercule stante: idque propterea quod bellum inferret iis regionibus quæ Bacchi victorias decantabant, Parthis, Osrhoenisque de quibus triumphavit Severus. Ita Herodianus in vita Severi, orationem sive adlocutionem ejus ad milites recitans, cum vellet contra Albinum proficisci, *Eamus*, inquit, *Diis auspiciis* (θεῶν τε καὶ χορῶν βοηθῶν) quos impie pejeravit.

ARTICULUS III.

Silenus, ex candelabro antiquo.



I. Habitus hic & vultus Sileni Bacchi nutritoris, de quo Horatius, *An custos famulusque Dei Silenus alumni*. Calvum quippe caput, frons lata, nasus simus, cantharusque Sileni symbola sunt. Phallicum præterea signum sive ficulneum veretrum quod inter alia sinistra gestat, circumferre.

Cbatur in Orgiis sive Cerimoniis Bacchi, ob turpe votum quod Bacchum solvisse Polyhipno fabulantur Græci. De quo præter varios auctores profanos, Tertullian. contra Valentinum, loquens de Eleusiniis sacris: *Tot siparia portarum, totum signaculum linguae, simulacrum membri virilis revet-*

latur. Theodoretus, lib. 8. de Martyrib. *Taceo si-
culneum veretrum, quæque circa illud mysteria ri-
tusque haberentur.* Fiebant & ex salice: Virgil
Tot verpas tibi dedicat salignas. Arnobius libro 5.
contra Gentes Polyhipnum Profumnum vocat,
idemque de his Phallophoriis: *Itthyphallorum illa
fascinorumque subreçtio, quos ritibus annuis adorat
& concelebrat Græcia, nonne illius facinoris simili-
tudinem refert, quo se a debito Liber liberavit?*
Pluraque proferre possem, nisi me pudor haberet,
ut ait Arnobius, alma illa proferre mysteria, quæ
per rura per oppida in Liberi honorem erigebat
Græcia. Fuerunt etiam apud Athenienses Can-
phoria Baccho sacra, in quibus puella canistrum
aureum frugibus plenum gestabant, ut ait Dema-
ratus, in certaminibus Dionysiis. Cicero lib. 4.
in Verrem, orat. 9. *Erant antea præterea duo si-
gna, non maxima, verum eximia venustate, vir-
ginali habitu atque vestitu, quæ manibus sublati
sacra quædam more Atheniensium virginum reposita
in capitibus sustinebant. Canephora ipsæ vocaban-
tur. Sed de Canephoriis quæ erant etiam Dianæ
festum, plura apud Fasoldi Hierologiam Græco-
rum.*

II. & III. Serpens e cista ad Orgia Bacchi etiam
pertinet. Athenagoras orat. pro Christianis: *Athe-
nienses Erechtheo Neptuno sacra faciunt, iidemque
Agraulo & Pandroso, quæ quod cistam aperuissent,
scelus perpetrasse existimata sunt.* Catullus, *Pars
obscura cavis celebrabant Orgia cistis.* Tibullus, *Et
levis occultis conscia cista sacris.* Suidas in Κισοφό-

πος. *ἔοικε ἱερὰς τὰς κίστας τῷ Διονύσῳ καὶ ταῖν θεαῖν.* E-
rant ergo illæ cistæ Dionysio Cererique sacra &
Proserpinæ. Arnobius lib. 5. Inter Eleusiniarum
symbola recenset illud: *Ex cista sumsi, in cala-
thum misi; accepi, rursus in cistulam transtuli:*
Theocritus Idyll. 33. *ἱερὰ δ' ἐκ κίστας πεποναμένα
χερσὶν ἐνοῖται:* id est, *Sacra vero ex cista elabo-
rata manibus accipientes;* loquens de sacris Bac-
chi.

De serpente vero notandum quod refert Epipha-
nius lib. 1. contra hæreses. *Ophitæ hæretici serpen-
tem in cista asservabant; eumque in templo adorabant,
osculabantur & panes præbebant.* Id ab Ethnicis
acceperant: *Vivam serpentem in Templis habe-
bant Ægyptii,* ut ait Clemens Alexandrinus. Erat
& in Templo Isis. Justinus, *Oratione ad Anto-
ninum, Apud quemque eorum qui a vobis Dii cen-
sentur, serpentem veluti symbolum magnum atque
mysterium pingitis.* Sed expressius Clemens Alexan-
drinus in Protreptico, signum Bacchicorum Or-
giorum ait esse serpentem mysteriis initiatum. Ar-
nobius lib. 5. *Bacchanalia etiam prætermittamus
immmania, quibus nomen Omophagiis Græcum est:
in quibus furore mentito & sequestrata pectoris sani-
tate, circumplicatis vos anguibus, atque ut vos
plenos Dei numine ac maiestate doceatis, caprorum
reclamantia viscera, oribus cruentatis dissipatis.*
Hæc ex Schedis Viri Eruditiss. Petri Antonii de Ba-
garris.

Ecce elegantem inscriptionem Alexandri VII.
tempore repertam.

Romæ.

In foro Boario.

DEO SANCTO NVMINI
DEO MAGNO LIBERO
PATRI ET ADSTATORI
ET CONSERBATORI H. I. COLL.
VELABRENSIVM
DOMITIVS SECVNDVS CVRAT.
ET RESTAVRATOR FRATRIBVS SVIS.


Ex I. P. Bellorio.

Velabrum locus Romæ in Regione undecima,
a quo dictum hoc Collegium Velabrensiū, cujus
Patronus erat Bacchus. Notandum Conserbatori

A pro Conservatori. H. I. quid sit non admodum mi-
hi constat, nisi forte *Hujus primi*. COLL. id est
Collegii. CVRAT. Curator.

ARTICULUS IV.

*Vas sive Urna marmorea
7. vel 8. pedes alta, in hortis Justiniani,
quatuor prospectibus depicta.*



Prima hæc facies Silenum ebrium exhibet ex
cujus sinistro humero vitis folia pendent. Proxi-
me stat Ulmus, arbor Baccho sacra, quam con-
scendit lacerta. Arbori alligatur pellis Tigridis ei-

dem Deo dicatæ. Servus a dextris Silenum susten-
tat. Instrumentum illud quod calcat, strigil est,
qua in balneis utebantur ad sudorem squallorem-
que detergendum. Alter adolescens a sinistris eum
retinet

retinet. Pan vero five Faunus capripes brachium Sileni attingit, cum quasi monens bono esse debere animo. Sequitur junior Satyrus pellem bovinam & ovinam columnæ appendens.

Secunda facies habet eundem Satyrum, qui primæ ultimus erat. Ei terga vertit alter, vas vinarium humeris gestans. Inde alius tibiam inflans incedit, sacrificii præludium. Eumque præcedit socius syringa ludens. Id instrumentum Pani sylvestribusque aliis numinibus familiare ex junctis arundinibus constabat:

*Garrula sylvestri fistula sacra Deo:
Fistula cui semper decrescit arundinis ordo.*

Is Satyrus strigilem prædictam ad corporis detersionem dextra gestat. De hoc Choulius noster, libro de Balneis Romanorum.

Tertia facies, eundem primo exhibet Syringa ludentem qui in secunda ultimus erat. Præcedit eum junior Satyrus tibia dulçe canens: aliusque intermedio vase forte thurario ei obversus, tigrinam pellem humeris gestans. Stat ad ejus pedes arula cum igne, ad quam thus Baccho adoleverunt,

vel potius Hermæ Ithyphallo, cui coronam imponit alter. Vide quæ de Hermis superius disseruimus.

Quarta. Quatuor Ministri sacrorum coronati, ut solebant sacrificantes, suum mactatum vasi aquæ calidæ impositum depilant, forte ut ejus carne vescantur. Epulæ enim cum sacrificiis conjungebantur. Dependit ex arbore hircus Baccho sacer. Inde stat ipse Bacchus pampinis coronatus, thyrsos innixus, dextramque adstantis humero sustinens. Ad ejus pedes tigris parva, ut in nummis, esse videtur. *Trahitque Bacchus virginis tener formam.* Virg. *Tu puer æternus, tu formosissimus alto conspiceris cælo.* Ovid. Notandum in tota hac eleganti Urna, juniores Satyros qui ex cauda, arrectis auribus, acuminata virili parte dignoscuntur, cornibus carere. Unde immerito magnus Scaliger sculptorem reprehendit preciosæ illius gemmæ in suis opusculis exhibitæ, quod juniore Satyro, qui Silenum sustinet, non sese prodant cornua, si junioribus, ut ex hoc marmore conijcere licet, cornua affigere non solerent veteres, quasi nondum ipsis emerisissent, sicuti & cornigeris animalibus nonnisi certo tempore germinant.

ARTICULUS V.

Urna marmorea Menades representans.



Roma.

Mænades five Bacchantes in hac urna cineraria effinguntur, quales eas Poetæ aliique authores describere solent. Apulejus lib. 8. de Gallis Bacchantibus: *Crinesque pendulos rotantes in circulum, capite demisso.* Catullus: *ubi capita Mænades vi jaciunt bederigeræ.* Fanaticum caput jactare dicit Ulpianus de ædilit. edicto. Strabo lib. x. ab agitatione corporis Corybantes nominatos dicit. *Ta-*

Supplem. Tom. IV.

*C*itus lib. xi. Annalium: *At Messalina non alias solutio luxu, adulto autumno, simulacrum vindemiæ, per domum celebrabat: urgeri præla, fluere lacus, & feminae pellibus accinctæ assultabant, ut sacrificantes vel insanientes Bacchæ. Ipsa crine fluxo, thyrsos quatens, juxtaque Silius bedera vinctus, gerere coturnos, jacere caput, strepente circum procaci choro.* Unde Pauf. Bacchas dicit esse

Y y

sacras fœminas Liberi patris instinctu afflatas sive furentes. *Menades* enim dictæ a verbo *μαίνεσθαι*, quod est furere. De sacro hoc furore plura Socrates in *Phædro*: qui furor ad imitationem Bacchi fiebat. Is enim, ut inquit Apollodorus lib. 3. *Post vitem inventam a Junone furore injecto percitus*,

A *Egyptumque ac Syriam pererravit.*

Verum quid cum Bacchantibus commune habuit Marcus Ulpus Terpnus? An quod sacrorum Bacchi fuerit aliquando Minister? An vero quod Bacchum peculiari aliquo cultu reveritus fuerit?

ARTICULUS VI.

De Fanaticis & Sortilegis.



A Bacchantibus non admodum differebant Fanatici, qui non solum Baccho addicti erant, sed & aliorum Deorum Fanis, veluti Iſidis, Serapidis ac Bellonæ. Juvenal. Sat. secunda. *Et crine senex Fanaticus albo.* Satyr. 4. *Sed ut Fanaticus æstro percussus Bellona tuo divinat.* Ad id refertur & Inscrip. Gruteri p. CCCXIII. I. Q. CAECILIO APOLLINARI FANATICO DE AEDE BELLONAE PVLVIN. CUIVS MONITV HASTA IN AEDE BELLONAE IN LVCO DICATA EST. Fanatici dicebantur ergo, quod circa Fana bacchantur, ut expressius intelligere est ex Ulpiano, ad Ædilit. edict. *Si servus*, inquit, *inter Fanaticos non semper caput jactaret, & aliqua profatus*

B *esset, nihil omnino sanum videri: & si quis maneat in eo vitio ut circa Fana Bacchari soleat, & quasi demens responsa det, &c.* Vossius in Etymologico. Quod ad Fanaticorum appellationem, inquit, proprie dicitur de Sacerdotibus: unde in Glossis Philoxeni legere est: Fanaticus, *ἱερατικός, ἱεροδελος*. Atque ita accipit vetus lapis: Q. CAECILIO APOLLINARI FANATICO DE AEDE BELLONAE, &c. Verum quia hi oraculum edituri, divino furore corripi putabantur, eamque opinionem crebra capitis quassatione ac aliis insanientium indiciis adjuvabant: inde est, quod Fanaticus etiam sumitur pro furioso atque insano.

Romæ.

In tab. marmorea.

C. STIMINIVS
HERACLA
SORTILEGVS
AB VENERE
ERVcina ET
IVLIA MELANTHIS
PARENTES
MERCVRIALI
F. PIENISS.
FECERVNT
VIX ANN. XIII
M. III. D. XX.

Ex Sched. Barberinis.

Sortilegi erant etiam Templorum Ministri, hic nempe ædis Veneris Erycinæ, sortibus legendis

C *destinati, ut iis, qui eventum aliquem sciscitabantur responderent.*

ARTICULUS VII.

*De Nymphis,
Et Fontium Geniis.*



**NUMINI. NYMPHARVM. AQVAR.
AVGVSTALIS. AVG.G.G. LIB.**

Exscripsi.

Nymphæ aquarum exhibentur in hoc marmore cum vase aquam effundente, folioque herbæ cujusdam aquaticæ, quæ forte potamogeton. Najades etiam vocabantur quæ aquis præsidebant, ut Dryades quæ silvis. Serpens in Deorum sacris sæpe erat, sed an Nymphis peculiaris, mihi incomper-

tum est. Stat ex altera parte Augustalis Augustorum libertus Nympharum numini sacrificans. Ipsæmet Nymphæ aliquando Augustæ vocabantur, quod Augustorum familiæ præesse putarentur, ut in sequenti Inscriptione.

Vasione.

**NYMPHIS
AVGVSTIS
MATERNVS**


V. S. L. M.

Sequens habetur apud Gruterum, sed sine figuris, Diana scilicet Nymphis tribus, Silvano & Her-

cule. Quæ numina ex suis attributis hic dignoscuntur.

Romæ.

In villa Matthæi.



Exscripsi.

In Insula Bracchia Dalmatiæ, vulgo Brazza, ad fontem.

NYMPHIS S.

Q. SILVIUS SP. F.

CENT. COH. I. BELG.

CVR. GENS THEAT.

D. D.

Ex Jo. Lucii Inscript. Dalmatiæ, sed ille incorrecte eam refert.

Id est, *Nymphis sacrum Quintus Silvius Spurii filius, Centurio Cohortis primæ Belgicæ, curavit, Gens Theatinorum dedicavit. Theate, five Teate, urbs erat Italiæ ex adverso Dalmatiæ.*

AQUA JULIA, TEPULA.

Erratum est in Indice XXI. Gruteriano, ubi inter Cæsarum Imperatorumque nomina insertum est IVL. TEP. MAR. & quæ sequuntur IMP. CAES. DIVI F. AVGVSTVS, &c. ex Inscriptione pag.

MXIX. 10. Id enim non esse nomen neque cognomen alicujus Cæsaris, sed Fontium qui Romæ erant, quique vocabantur *Aqua Julia, Tepula, Martia*, ex sequenti marmore patebit.

Extra Romam

In via Latina, 3. milliaribus ab urbe.

AQVAE. IVLIAE. TEPVLAE

IMP. CAES. DIVI. IVLI. F.

AVGVSTVS. PONTIF.

MAX. COS. XII. TRIB. POT.

XIX. IMP. XIII. CVRANTE

M. VIPSAN. AGRIPPA

AEDIL. CVRVL. I (—)

P. MILL. X.

Ex Ligorii MS.

P. Victor in descriptione Regionum Romæ *Juliam, Tepulam, & Martiam*, quasi tres diversas aquas nominat. Intelligenda ergo prior inscriptio Gruteriana, quod illas tres Aquas Julianam, Tepulam, & Martiam, restituerit, & Tubulos reposuerit Cæsar Augustus. Posterior vero nostra, quod im-

perante Cæsare Augusto Julianæ & Tepulæ curam habuerit Agrippa, qui, quod rarissimum est, integro hic designatur nomine Marcus Vipsanius Agrippa. I illud inversum puto Tubulos significare, quos ad milliarium usque decimum deduxerat, dum Ædilitate Curuli fungeretur.

713

Ecce & alias Inscriptiones Fontis Sar. qui mihi ignotus, Fontis Scauriani & Martiani mentionem facientes.

Romæ

In via Appia.

GENIO

FONTIS

SAR.

C. IVLIVS

PROPOSTVS

D. D.

PROPOSTVS est cognomen, vel errore fabrilis, vel abbreviationis causa scriptum pro PROPOSITVS.

Romæ.

M. GAVIO ORFITO L.

ARRIO PVDENTE COS.

FONTI SCAVRIANO SACRVM

MAG.

C. ANTONIVS HYMNVS

C. VALERIVS HILARVS

C. RVFIVS PHILEROS

C. CAECILIVS AGATYRSVS

EPITYNCANVS MIN. BASSI EVTY

CHES CORNELIAE SCRIBES DON

ATI FACVNDVS ZOTICI K. SEPTE.

Ex sched. Card. Barberini.

Quinam sint hi Consules hæreo: cum anno quidem Christi 166. Servilius Pudens & L. Cornelius Scipio Orfitus in Fastis Capitolinis legantur: non vero ut hic Marcus Gavius Orfitus, & Lucius Arrius Pudens.

Romæ.

Q. SERVILIO PVDENTE

L. FVFIDIO POLLIONE

FONTI SCAVRIANO SACRVM

MAGISTRI

L. VALERIVS ZOTICVS

C. POMPONIVS SECVNDVS

A. CORNELIVS SERENVS

A. AELIVS ANICETVS

MINISTRI

PHILETVS EVPHEMI

OLYMPVS CORNELIAE

MARION. CLAVDI

DEXIOS HERMETIS

DEDICATA

K. AVG.

Ex schedis Card. Barb.

Hic Consulatus cadit in annum Christi 167. ubi notandum in Fastis Capitolinis *Quinti* prænomen ex hoc lapide *Servilio Pudenti* restituendum; & alterius Consulis nomen ibidem legi T. Vitrasius Pollio; hic vero *L. Fufidius Pollio*: quod & sequenti inscriptione confirmatur. Sed hæ non unicæ sunt in Consulibus nominibus difficultates.

Ibidem.

GENIO FONTIS MARTIANI

MAG. VICORVM

Q. GENVCIVS IANVARIVS

P. CORNELIVS MANCINVS

T. TEDIVS GALATINVS

SEX. NOMENIVS GALVS

D. K. MAL.

Q. SERVILIO PV DENTE

L. FVFIDIO POLLIONE COS.

Ex iisdem schedis.

Ibidem.

GENIO

FONT.

....SIM. COMITI VNIVERSIS FELIX

L. CASSIO LONGINO M. VENICIO COS.

MAG. FONT. D. D.

M. ANNIVS DAPHNVS

M. TATIVS STEPHANVS

M. MVCIVS PRIMVS

M. ARISTIVS CELER

SEP. ANICIVS DAMA

Q. FABIUS TERES

MINIST. FONT.

QVARTIO PLOTI

EPAGATHVS MARSICI

STEPHANVS LIBONI

PRIMIGENIVS POMPONI

ANTHVS CLEMENTI

EROS BE...

Kalendis Augusti.

D.D. K. AVG.

Magistros Fontium hic observo liberæ conditionis fuisse: Ministros vero servos, quod solo cognomine distinguantur, addito Patroni nomine, *Quartio Ploti, Epagathus Marsici, &c.*

T V B I P L V M B E I

Deducendæ aquæ,

Bononiæ reperti.

CAMPANO VIL.

PECVLIARE VILICO

T. VALLIO M. MAR. Q.

L. PVBLIC. ASCLEPIO VILICO

Q. VAR. CERT. M. BVR. SIC. Q.

L.CASSIO VERO L.GELLIO VESTAL.

Ex Josepho Magnavacca
Pictore & Antiquario Bononiensi.

Vilici seu Villici, utroque enim modo in antiquis inscriptionibus leguntur, sunt hic tuborum curam habentes in patronorum suorum Villis. Cætera nomina Titi Vallii, Marci Marii, Quinti Varii Certi, Lucii Cassii Veri, Lucii Gellii Vestalis, Quæstorum ærarii esse videntur, quorum sumptuum ad opera publica cura erat.

Romæ, in tubo plumbeo
prope Pantheum reperto.

TEMPLO MATIDIAE

Tubus destinatus aquæ ad Templum Matidiæ Trajani neptis deferendæ, vel etiam aquæ pluvialis ab illo avertendæ.

ALIÆ INSCRIPTIONES AD AQUAS SPECTANTES.

Fragmentum marmoris,
Viennæ Allobrogum.

...N VIR L. SVLICIVS D. F.
...ERA QVI AQVARVM PER
...RVNT..... TITVLOS P..
PENSILLA HS NL TEST.
IVSSIT

Ex D. de Foissin.

Fragmentum est donationis cujusdam, summæ Sestertiorum quinquaginta, ad Aquarum instaurationem.

Aliud Taurinis.

...M. F. SECVNDANVS PRI...
 FlaminICA DIVAE DRVSILLAE
 BalneUM ET PISCINAM SOLO SVO
 MuniCIPIBVS SVIS DEDIT

Ex Pingonio.

Flaminica vocabantur Sacerdotes foeminae, quarum aliqua Divae Drusillae Caii Caesaris sororis Templo addita, Balneum & piscinam municipibus seu concivibus suis dederat.

*Marmor repertum**in agro Cemenelensi, vulgo Cimies Provinciae.*

M. AVRELIO MASCVLO V. E.
 OB EXIMIAM PRAESIDIATVS EIVS
 INTEGRITATEM ET EGREGIAM AD OMNES
 HOMINES MANSVETVDINEM ET VRGENTIS ANNONAE
 SINCERAM PRAEBITIONEM AC MVNIFICENTIAM
 ET QVOD AQVAE VSVM VETVSTATE LAPSV
 REQUISITVM AC REPERTVM SAECVLI FELICITATE
 CVRSVI PRISTINO REDDIDERIT
 COLLEG. III.

QVIB. EX SCC. P. EST

PATRONO DIGNISSIMO

Ex Bouche Hist. Provinc. & Ioffred. Hist. Nitiens.

Intellectu facillima est Inscriptio, si modo duas penultimas lineas interpretemur: COLLEG. III. QVIB. EX SCC. P. EST: Collegia tria quibus ex Senatus Consultis potestas est.

Romae.
Basis statuae in Villa Matthaei.

Nomen hic fuit oblitteratum.

PROBITATE MORVM INDVS
 TRIAQVE VIVENDI ADQVE VTRIS
 QVE LITTERIS ERVDITO IAM INDE
 A MAIORIBVS SVIS INLVSTTRIBVSQVE
 FAMILIIS CIVITATIS PATRONO CVIVS
 OPERA AC BENEFICIO RECEPIT CIVITAS ELEMEN
 TVM CVIVS MEATVM SERIES TEMPORIS VETVS
 TASQVE CONSVMSERAT NAM EIVS CVRA SVMP
 TVQVE AQVA MODO NON DIIS NECESSA
 RIIS VSIBVS CIVITATIS BERVM ETIAM IN ERV
 ENDO PLVRIMIS LOCIS SPLENDIDISSIMVM
 VRBI PRAESTITIT ORNAMENTVM HVIC IGITVR OB
 HAEC INSIGNIA GENERA MVNIORVM STATVAM SAENIN
 SIVM ORDO DECREVIT ADQVE IN AETERNAE VRBIS
 PRIVATIS SVIS AEDIBVS CONLOCAVIT

Exscripsi.

Viro

ARTICULUS VIII.

EXPLICATIO

Musivi Antiqui Lugdunensis,

In qua, ex occasione, de Musivis omnibus differitur:



Antequam typum exponam in hocce Musivo expressum, operæpretium est aliquid de his operibus præfari. Plinius asserit pavimenta picta a Græcis inventa fuisse, illudque quod Pergami extabat in ædificio *Asarotos*, a Soso elaboratum omnium fuisse celebratissimum. Vox hæc *Asarotos* idem sonat, ac *scopis non purgatus*, eo quod illic cœnæ purgamenta, ciborumque micas ac frustula, quæque scopis everri solent, veluti relicta fecerat in pavimento, parvis e testulis in varios colores tinctis. Mirabilis ibi visebantur Columba bibens, umbra capitis infuscans, aliæque aves apricantes, seque in canthari labro scabentes.

Pictis hisce pavimentis succedere *Lithostrota*, nativis lapillorum ex quibus componebantur coloribus, tempus edax rerum non metuentia. Hæc prima Romanorum ætas luxu ignara non novit: sed duntaxat introducta sub Sylla Dictatore, qui hujuscemodi opus Præneste in Fortunæ delubro fecit, 170. circiter annis ante Christi nativitatem.

LITHOSTROTUM, stricte proprièque nil aliud quam pavementum ex lapidibus structum significat; verum tamen hac voce intelligebant veteres pavementum ex lapidibus expolitis, variis coloribus, varioque ordine dispositis, figuras diversas exhibens. Ita enim accipit Plinius Hist. natural. lib. 36. cap. 25. *Lithostrota*, inquit, *cæptavere jam sub Sylla parvulis certe crustis, extat hodieque, quod in Fortunæ delubro Præneste fecit*. Unde putat Casaubonus locum illum, ad quem adductus fuit Christus Salvator ante Passionem, *Lithostroton* ab Evangelistis vocatum, a Judæis *Gabbata*, fuisse cameram tali pavimento adornatam.

Crescente Romano luxu, non solum in pavimenti usitata fuere, sed & in parietibus & fornicibus: sic enim Plinius, lib. 36. cap. 25. *Pulsa*

A *deinde ex humo pavimenta in cameras transfere vitro: hoc est, opera illa in pavimenti tantum initio usurpata, in camerarum, parietumque ornamenta transfere, ex vitro quod encausto & auro superinducebatur, potiusquam ex lapillis. Non quod plane in pavimenti artem illam exercere destiterint: contrariam enim fidem faciunt plurima quæ adhucdum in antiquis urbibus reperiuntur.*

MUSIVA quidem, ut docuit Salmasius ad Historiam Augustam, propriè de hoc opere in parietibus & Cameris dicebantur, ut *lithostrota* & *tesellata* de pavimenti: sed quia eadem ars erat ipsomet fatente, nos, ut & alii solent Autores, promiscue sumere non dubitabimus. *Musiva*, *Musea*, & *Musia* vocabantur; Spartianus in vita Pescennii Nigri, *hunc* antequam ad Imperium perveniret, *in Commodianis hortis, in porticu curva, pictum de Musivo fuisse ait, inter Commodi amicissimos, sacra Isidis ferentem*. Trebellius Pollio in Tetrico Juniore: *Tetricorum domus hodieque extat, in monte Cælio inter duos Lucos contra Isum Metellinum, pulcherrima, in qua Aurelianus pictus est, utrique Tetrico prætextam tribuens senatoriam dignitatem, accipiens ab his sceptrum, coronam civicam: picta omnia de Museo*. Anastasius Bibliothecarius passim Basilicarum Romæ meminit Musivo decoratarum. In Leone IV. *Apsidamque ejus ex Musivo aureo superinducto colore glorifice decoravit*. Apsides Græcis idem ac Latinis Fornices. Dabimusque alibi, si Deo placet, Leonis III. & Caroli Magni effigies, ex Musivo Apsidis S. Sufannæ, quod adhuc Romæ inter alia superest. Camera opere Museo exornatæ sequens Inscriptio meminit.

Florentia.

Ex agro TUNETANO Africa
allatum marmor.

PECVNIA PERRECIT ET
DEDICAVIT ET OB DEDICATIO
NEM PVGILVM CERTAMINA
EDIDIT ET DECVRIONIBVS
SPORTVLAS ET POPVLO GYMNA
SIVM EPVLVM DEDIT ET HOC
AMPLIVS PRO SVA LIBERALITA
TE CAMERAM SVPERPOSVIT ET
OPERE MVSEO EXORNAVIT
...CVM...AREIS...FELICE ET
RVFINO III....IS DED. OB QVAM
DEDICAT. EPVL. DEC. ET POP. FRVM. DED.

Exscripsi.

Fuisse videtur hæc Inscriptio posita in alicujus ædis dedicatione, quæ magna pompa celebrata fuerit, pugilum scilicet certaminibus, sportulis, hoc est, ut alibi dicemus, munusculis Decurionibus donatis, & populo Epulis & frumento datis, sub Consulatu, ut videtur, Felicis & Rufini; sed quia hoc Consulum par non legitur in Fastis, sed duntaxat Felix cum Bruttio Præsente sub Antonino Pio, quem in annum incidat non affirmabo. Huic & Inscriptiois fragmentum conjungendum *operis albarii* mentionem faciens.

Florentia.

Ex eodem loco allatum.

.....STAE SACRVM

...AureL. MAXIMI MEDICI ET L. AVRELII VERI AVG. ARMENIACI PARTH.

supple

templVM CVM ARCV ET PORTICIBVS ET OSTEIS ET OPERE
ALBARI A FVND.

Exscripsi.

Hæc Inscriptio sculpta fuit tempore Marci Aurelii ob victorias ejus de Medis, Maximi & Medici cognominati, & simul cum Lucio Vero Armeniaci & Partbici, quibus imperantibus Templum aliquod cum arcu, porticibus, ostiis & opere albari a fundamentis erectum fuit. Opus albarium Vitruvio lib. 2. & Plinio lib. 36. cap. 23. nihil aliud est quam calce obductum.

MVSIVA autem, Museave hoc nomen sortita erant; five quod essent veluti Musarum manibus elaborata, five quod sæpe exornarent Musea, ædes videlicet illas celebres, in quas Eruditi conveniebant: qualis erat Museum illud Alexandrinum, cujus mentionem faciunt Philostratus & Dio Chrysostomus, ubi multi Docti Viri publicis aiebantur impensis. Talia enim ædificia aliquando Tempia erant, quæ Musivis decorata sæpe fuisse certum est. Sic Træzenis in Peloponneso Tem-

Supplem. Tom. IV.

A plurimum erat Musis dedicatum, Museumque ideo cognominatum, in quo plurimi celebres viri scientias docebant. Non ergo *Mosaici* vox, quæ nunc in usu est, a Mose Judæisque derivanda, sed a *Musaico* five *Musivo*, corrupte in *Mosaicum* mutata. Pavimenta operis Musivi a Græcis, *Psiphologica* & *Psiphologica* vocabantur, a *Psiphos* quod est lapillus; item & *Chondrobia*, a *Chondros* id est granum, eo quod essent quandoque ex minutissimis granis composita. Latinis etiam *pavimenta sectilia*, opus *quadratarium*, *tessellatum* & *vermiculatum*: quæ jam aliquot brevibus Authorum testimoniis illustrabimus.

B PAVIMENTA SECTILIA memorat præter alios Vitruvius lib. 7. sed eruditus ejus traductor ac commentator Gallicus ea proprie a Musivis tessellatisve distingui docet: eo quod hæc ex lapillis unius coloris cubicis aut saltem ad cubi-

Z z ij

cam figuram accedentibus comparent, ut perfecte uniri & picturæ umbras variis suis coloribus exprimere possent: pavimenta vero Sectilia ex tabellis Marmoreis variæ figuræ & magnitudinis, in quarum una coloris varii gradus insunt, quæque diversimode secantur. Tale est elegantissimum pavimentum Senis in æde Cathedrali a Duccio Pictore inceptum, & a Dominico Beccafumi perfectum, historias biblicas exprimens.

QVADRATARIVM OPVS idem ac Musivum, sed proprie de pavimentis ex quadratis lapillis in varias figuras dispositis intelligitur: etfi

ampliori significatione Quadratarii vocarentur, apud Sidonium Apollinarem aliosque Autores, lapidicidæ qui lapides in quadrum expoliunt. Leo Ostiensis lib. 3. cap. 29. *Artifices destinant perito in arte Musaria & quadratura, ex quibus videlicet, alii Apfidam, arcum atque vestibulum majoris Basilicæ Musivo comerent; alii vero totius Ecclesiæ pavimentum diversorum lapidum varietate consternerent.* Ubi distinguit Musariam artem quæ Apfidi, arcui atque vestibulo destinabatur, a quadrataria, quæ pavimento. Hæc ante paucos annos detecta fuit inscriptio.

Lingonis.

OPVS QVADRATARIVM
AVGVRIVS CATVLLINVS
VRSAR. D. S. P. D.

Ex R. P. Menestrier.

VRSAR. quid sit, hæreo. D. S. P. D. De Sua Pecunia Dedit.

TESSELLATVM OPVS, quod de pavimentis dicebatur, nihil ab opere quadratario differebat. Suetonius in vita Julii Cæsaris, ait ipsum ita elegantiae & curiosorum operum amatorem fuisse, ut in expeditionibus Tessellata & Sectilia pavimenta circumtulerit, quibus castrametans tentorium adornaretur.

VERMICVLATVM OPVS quasi ex vermiculis constaret idem ac quadratarium & tessellatum, teste Augustino lib. 1. de ordine: *Si quis tam minutum cerneret, ut in vermiculato pavimento nihil ultra unius tessellæ modulum acies ejus valeret am-*

bire, vituperaret artificem, velut ordinationis & compositionis ignarum, eo quod varietatem lapillorum perturbatam putaret, a quo illa emblemata, in unius pulchritudinis faciem congruentia, simul cerni collustrarique non possent. Cicero in Bruto de Marci Callidii oratorio stylo loquens: *nulum nisi loco positum & tanquam in vermiculato emblemate, ut ait Lucilius, structum verbum videres.* Sed & docente Salmasio & sequenti inscriptione sæpe sola Pavimenti voce prædicta Lithostrota sive Tessellata designabantur: in quo sensu dixit Cicero Pavimentatam fuisse Porticum domus suæ.

Syracusis.

In opere tessellato pavimenti cujusdam Ædis.

CN. OCTAVIO A.F. MI. NICONOR. BOLONAR.
VELIC. VENER. ARIC. PAVIMENTVM SEDI
LIA FECIT AEDEMQUE REFICIENDO COIR.

Ex Gualtherii Sicilia.

Nescio an correcte a Gualtherio descripta fuerit: sed obscura saltem sunt MI. NICONOR. VELIC. & ARIC. quæ refarcire & emendare non tentabo. COIR. est Coiravit, antiquo loquendi modo pro Curavit.

Pavimenta tessellata & Fornicum Musiva in Italia frequentissima extabant, hodieque permulta supersunt: sed & in Galliam nostram cum cætero Romano luxu advecta fuere: reperiuntur enim præcipue in oppidis, quæ coloniarum Romanarum jure gaudebant. Sic Arausione, quæ colonia Secundanorum Plinio vocatur, in ædibus quibusdam privatis pavimentum vermiculatum superest, in quo præter quadrorum varietatem, Felis visitur murem dentibus tenens elegantis artificii. Sic Nemausi in æde Cathedrali pavimentum supererat,

teste Joanne Poldo d'Albenas, in quo aves, aliæque animalia apprimè expressa: simileque in ædibus Regiis Fontisbelli, ab antiqua urbe Occitanæ S. Gilles allatum. Aventici Helvetiorum tale etiam pavimentum repertum fuit avium variis figuris exornatum, cum his litteris in medio.

POMPEIANO ET AVITO

COSS. KAL. IAN.

Quod videtur Templi alicujus fuisse sub Consulatu Pompejani & Aviti, qui in annum Christi 210. incidit, Kalendis Januariis dedicati. Sed hoc elegans opus, ut mihi relatum fuit Aventicum

pertranseunti, at ab oppidanis neglectum, simulque fere erutum ac destructum.

Bergerus in Historia viarum militarium fuisse describit pavementum operis Mulivi Remis, quæ in antiqua inscriptione Civitas Remorum Foederata vocatur, in Æde Monasterii sancti Remigii; in quo Moses, David, Propheta veteris & novi Foederis, Divus Hieronymus, quatuor fluvii Paradisi, Tigris, Euphrates, Geon, & Fison, Virtutes & Artes Liberales, anni tempestates, duodecim menses, aliaque depicta sunt. Hæc Ecclesia dedicata fuerat anno 1049 a Leone IX. Pontifice Romano. Ars autem hæc illo tempore florebat. Lugduni Ædem habemus Monasterii Athanacensis a Paschali II. dedicatam anno 1112. cuius Chorus simili pavimento stratus est, cum imagine huius Pontificis ædis ectypum manu gestantis, quemadmodum in Antiquitatibus Lugdunensibus descripti. Habemus & Divi Irenæi Ædem, quæ simili opere exornata erat.

Ars itaque *Musaria* celebris olim fuit: unde libro x. Codic. titul. *de Excusat. Artificum*, Imperatores Theodosius & Valentinianus ab oneribus publicis excusant *Musivarios*, non ut quondam legebatur *Muscarios*. In hoc autem totum consistebat artificium, ut cæmentum ex calce & marmore pulverato pararetur, in quod diversicolores lapilli inferebantur: sicque naturali pictura existente, temporis diuturnitate & aeris inclementia non deleteretur.

Istud autem pavementum, cuius jam explicatio ni incumbam, repertum fuit anno 1670. in vinea Domini Cassaire huius urbis Pharmacopœi non parum celebris, ad Collem Divi Iusti. Ibi mercenarii terram profunde fodientes parietem invenerunt Mulivi operis, sed eorum incuria non conservatum. Accedens Patronus pavementum parietis comas totum detegi, & a ligonibus præservari iussit, cui deinde, ut conservaretur & Curiosus pateret, Cameram superstruxit.

Pavimentum integrum viginti circiter pedes longum, decem latum, in quadratas quasi tabellas rotis aliisque ornamentis variegatas distinctum est: in cuius solii medio nostra hæc tabula visitur tres & semis pedes lata, paulo minus alta: in qua tessellarum sive lapillorum naturali colore, eximie depictæ sunt quatuor figuræ modo sub examen revocandæ.

Prima est *Herma* sive Mercurii cippus tetragnus, de quo in superiori Sectione abunde diximus.

Secunda puer est alatus, qui *Cupido* forte est, quanquam Cupidinis solitis careat sagittis arcuque; nec enim amor semper armis eget, sed ipsemet aliquando juxta Anacreontis mentem Od. XIV. se ipsum in cor jaculatur tanquam inevitabile telum: ἐν δ' ἑαυτὸν ἀφῆκεν εἰς βέλερον. Si cui tamen non placeat esse Cupido, insigniatur voce magis generica *Genius*, numen videlicet variis officiis ab antiquis destinatum. Singulæ enim Provinciæ, urbes, Fontes, Silvæ, arboresque, suos habebant Genios, Protectoresque. Habebant & suos scientiæ, ætates, omnesque homines bonum malumque Genium: non tamen memini alatos me reperisse in nummis aut marmoribus Genios.

Tertia figura Pan Deus Arcadiæ, sive mavis *Satyrus* est caprinis pedibus & erectis in fronte cornibus, ut depingi solebant. Pan enim Mercurii & Penelopes filius a Priscis putabatur, caprinis sive hircinis pedibus ideo depictus, quia, ut agebant, Mercurius in hircum se transformaverat, ut ad Penelopen accederet. Ubi notandum quam belle sibi consent veterum Heroum genealogiæ, historiæque. Penelopen Homerus aliique Poetæ tanquam

A castitatis exemplum extollunt: alii, inter quos Duris Samius, Tzetzes, Pausanias & Horatius, eam tanquam mulierem impudicissimam notant; ita ut Sponsi Penelopes in Proverbium pro Nebulonibus transierint. Satyri Panis comites sæpe cum eo confundeantur, Panesque vocabantur teste Ausonio:

Capripedes agitat cum læta protervia Panes.

B Eorum plures vidimus imagines in superiori urna, cauda, & auribus arrectis insignes, si non semper cornibus & caprinis pedibus ornatos, quod vel ætate provektorum privilegium erat, vel eorum proprie qui Panes seu Fauni vocabantur.

Quarta figura semivestita dubio procul Silvanus est agrorum & pecorum Deus; Pingebatur enim sæpe dextra extensa, ramumque cupressi alteriusve arboris sinistra gestans, unde Silvanus Dendrophorus in antiquo marmore Gruteriano cognominatur. Martianus Capella lib. 5. de nuptiis Mercur. & Philolog.

C *Tunc primum posita Silvanus forte Cupressu, Percitus ac trepidans dextram tendebat inermem.*

Coronatur præterea foliis, eo quod in silvis coleretur & arborum custos esset. Quod in typo nostro supra Silvani dextram visitur, nihil aliud est quam tabulæ ornamentum.

D At quid sibi velint hæ quatuor figuræ simul hic junctæ, non ita facile est determinare. Quotus enim quisque ignorat mutas hæc picturas in varios sensus trahi posse, sæpe ab Autorum mente alienas? Notandum tamen in hisce picturæ generibus Emblemata depingi solita fuisse, unde antiquus Poeta Lucilius citante Plinio:

Arte pavimenta atque Emblemata vermiculata.

Sed & sæpius in iis Satyros fuisse repræsentatos, ut ex his duobus versibus Nili Poetæ colligere licet:

E . . . πῶς ἐκ λίθου ἄλλοθεν ἄλλης,
Συμφερπὸς γένετο, ὅζα πίνης Σάτυρος.

Id est, quomodo factum est ut ex lapide lapidi addito, ita cito evaserim Satyrus? Cum ergo hæc Emblemata non raro ænigmatica fuerint, huiusce sensum affirmative proponere nolo, sed dumtaxat problematice.

F An igitur, ut putarunt aliqui, significat Amori omnia subjici, Satyrosque & Silvanos, agrestes viros & agricolas? Satyrus enim colligata saltem una manu a puero illo alato, invitus quamquam & reluctans, adduci videtur: verum quid ad hoc Herma Mercuriusve, non satis video.

An vero eloquentiam, cuius patronus est Mercurius, omnia vincere, ad eamque Satyros & Silvanos erri renitentes ligatos quasi adduci? Sic fingebant veteres Amphionem Musica sua lapides traxisse & coegisse, ut quo vellet loco ad

moenia Thebarum condenda sine hominis manu collocarentur; sic & Orpheus Musicâ ipsamet bruta ad se alliciebat.

An tandem hacce pictura exprimere voluerunt veteres, venerationem summam, qua colendi essent Termini, limitum agrorum Patroni: ita ut Satyri ipsi ad eos adorandos cogerentur? Termini enim qui iidem ac Hermæ, ut supra vidimus in Sect. 1. Artic. 4. tanta reverentia colebantur, ut si quis eos transferre ausus fuisset ab agro in alium, violati numinis iræ caput ejus devoveretur, talemque hominem occidere licitum erat, ut sacrilegium expiaretur. Ita Satyrus Hermam coronat, ut venerationem suam testetur, in tertia facie urnæ superius exhibitæ, Artic. IV. Hæc explicatio aliis præferenda mihi videtur, quod Silvanus etiam li-

mitum sit protector: sic enim eum Horatius affatur.

Et te Pater

Silvane, tutor finium.

De tempore quo pavementum hoc structum est, nil habeo certi quod dicam, nisi quod cum sint hæc paganorum numina, illius sit ætatis necesse est, qua eorum Religio adhucdum in hac urbe vigeat: cumque sit eleganter delineatum, ejus fuisse temporis quo artes nondum declinare cœperant. Unde non dubitem primi aut saltém secundi a Christi natalibus sæculi esse, potiusque ædium privatarum, quam ædis alicujus sacre, cujus pavementum amplius spatii occupasset, ornamentum fuisse.

Pro Coronide subdam hæc Inscriptiones ab Eruditissimo Viro Paulo Maffei Romano Equite mihi amicissime communicatas, sicut & ceteræ omnes ex schedis Cardinalis Barberini exscriptæ & in hoc volumine insertæ. In his marmoribus Mercurii & Silvani & Panis simul mentio est, imo & Liberi & Solis.

Romæ.

SILVANO ET MERCURIO

SACRVM

T. I. CLAVDIVS EPITECTVS

ET CLAVDIA HEROIS

EX VOTO L. M.

AR. ET PAVIMENT. S. P. REST.

*Libens Merito Aram
& Pavimentum sua
Pecunia Restituit.*

Ex sched. Card. Barberin.

Inscriptio hæc alicujus Ædis fuit Silvano & Mercurio dicatæ, in qua Tiberius Claudius Epitectus & Claudia Herois Aram & Pavimentum, forte Musivi operis, suis impensis restituerant.

Ibidem.

SILVANO PAN.

ET LIBERO PAT.

INVICT. SAC.

SERGIANA

CVM FIL.

Ex sched. Barber.

Ibidem.

MERCVRIO

ET SILVANO

SANCTISSIMO

SACRVM

Q. VIVIVS VOLSCINI

VS PROC. COLLEG.

AVRIGARIORVM

III FACT.

Ex iisd. sched.

De Antiquis Collegiis, five artificum, aliorumve societatibus, veluti Aurigariorum hic memoratorum, alibi dicetur. Sed Sanctissimi titulum Silvano tributum sequenti adhuc inscriptione confirmabo.

Romæ.

SILVANO SANCTISSIMO

SACRVM

P. IVNIVS MUCIANVS V. C.

PRAEF. VRB.

Ex schedis Barberin.

Ita Mercurio & Herculi, aliisque Diis, Sancti & Sanctissimi Epitheton tribuunt marmora: & hæc inter alia hucusque inedita.

Romæ.

Sinuessæ.

DEO SANCTO

MERCVRIO AVGVST. SACRVM

M. FVLVIVS FAVSTVS MIL.

VETERANVS EX VOT. D. D.

LIBERO SERVATORI

SANCTO SACR.

L. IVNIVS L. L. PAEDEROS

VOTO SVSCEPTO L. M.

D. S. D. D. D.

DEDICAT. III. ID.

M. ANTONIN. IMP. II

ET VERO AVG. COS.

Ex iisdem schedis.

Romæ.

HERCVLI SANCTISSIMO

PLACIFERO SACRVM

IVLIA CASANTIA ET IVL.

TVFFICIVS V. S. L. M.

DEDIC. XIII. KAL.

IVL. IMP. VESPASIANO AVG. VI

TITO FLAVIO CAESARE III COS.

Ex iisdem sched.

Romæ.

LVNAE SANCTAE
SACR.

M. VLPIVS LATIN
VS 7 COH. X. PRAEF.

ET VLPIA SOROR
SIGN. AEN. DEDICA

R V N T
CVM BAS. SV. ET
* XXXX D.

Ex iisdem sched.

Ex iisd. sched.

Alias egregias Silvani Inscriptiones in Sectione III. producam. Notandum in sequenti lapide, Silvani cognomen a Nobili quodam Romano assumptum.

Romæ.

IVNONI REGIN.

SACRVM

PRO SALVTE

D. N. DIOCLETIANI IN

CLYT. PRINCIP. SEMP. AVG.

PINIVS PAVLLVS SILVANVS

VIR. CLAR. PRAEF. VRB.

IVDEX SACRARVM COGNITIO

NVM. VOLVNT. EIVS. CVR.

Domini Nostri

Semper Augusti

Præfectus Urbis

Ex sched. Barber.

VOLVNT. EIVS CVR. Id est ni fallor, *Voluntate ejus*, Imperatoris scilicet jussu, *Curavit*.

ARTICVLVS IX.

DE MUSIS.

*Sarcophagus Marmoreus Musas exhibens,
Romæ, in villa Matthæi.*



EXPLICATIO

Hujus Monumenti.

MUSÆ novem in hoc eleganti sculptæ sunt Sarcophago ; sive id tantum ad ornatum factum fuerit ; sive ob singulares dotes Conjugum quibus destinatus erat , *Auli Pinarii* scilicet , *Auli Liberti Anterotis* , & *Oppiæ Cæjæ Libertæ Myrsines* , quorum facies in superiori parte sculptæ sunt . Vel etiam additæ sunt Musæ in hoc monumento , ob cognomen *Anterotis* : idem enim est ac si diceret *Amori contrarius* : Musæ siquidem amoris nesciæ , virginesque . Sed quidquid sit , earum Icones breviter nunc perpendamus .

I. Prima hæc , sive anterior Sarcophagi facies , Musas quinque nostris offert oculis .

1. *Clio* designari videtur citharam sinistra , plectrum dextra tenens , quo citharam pulsare queat : de qua Poeta : *Clio dulcisonæ citharæ modulamina sumpsit* . Historiæ præesse putabatur .
2. *Melpomene* Tragœdiæ inventrix , ideo larvam sinistra tenet , clavam vero dextra , sicut in nummo familiæ Pomponiæ apud Fulvium Ursinum . Hanc Musam infra diverso parum typo exhibebimus .
3. *Terpsichore* quæ duplicem tibiam gestat . *Grataque Terpsichore calamos inflare paravit* . Ovid.
4. *Thalia* Comœdiæ inventrix , Comicam larvam dextra ferens .
5. *Enterpe* , quæ , ut ait Poeta , *dulci concentu barbita movit* . Barbiton enim citharæ speciem plectro pulsat .

II. Secunda , sive Lateralis dextra Sarcophagi facies , duas habet Musas , viro intermedio .

6. *Calliope* quam depingebant veteres volumen manu tenentem , ut in hocce typo , scientiis præesse credebatur .
7. *Polyhymnia* , cui Rhetorica tribuebatur , dextram ad orationem componit .

III. Lateralis sinistra Sarcophagi facies , duas itidem offert Musas , viro intermedio .

8. *Erato* Elegiarum inventrix , caput cubito sustentat cogitabunda , ut suam meditetur Elegiam .
9. *Urania* , cui Astrologia debebatur , globum cœlestem tenet & intuetur .
10. in Facie II. an Jupiter , cujus filiæ ex Mnemosine Musæ putabantur ? An vero idem vir qui in altera facie exprimitur ?
11. in Facie III. Hercules cum clava , vocabatur *Hercules Musarum* sive *Musagetes* , ut videre est in nummo 4. familiæ Pomponiæ , apud F. Ursinum . Memoratur a Suetonio in vita Augusti *Ædes Herculis & Musarum* a Philippo Martio constructa . Togatus autem est , non nudus , ut honestiori habitu cum Musis conversetur .

De Musis nolui plura referre , cum ab aliis hæc omnia jam sint fusiori stylo tradita , præsertim a Phorauto , & Lylio Gyraldo , qui de iis Librum composuit .

Marmora duo Melpomenem exhibentia.

Unam ex novem Musis nobis exhibet duplex hic typus, non multum diversus, & sine dubio Melpomenem, quæ *Tragico proclamat mæsta boatu*: unde persona illa, sive larva cippo imposita tristis est patuloque ore, qualem eam describit Lucianus a comica larva differentem, ubi de saltation. agit. Sceptrum gerit, quia Regum & Heroum facta Tragoedia repræsentat. Huc spectant Herculis clava cum capite Tauri, bulla in collo, thorax & caligæ ferreæ. De larva Tragica quæ ore patulo depingitur, Prudentius contra Symmachum:

Ut Tragicus cantor ligno tegit ora cavato,

Grande aliquod cuius per biatum crimen anbelet.

De pennis quæ utraque in capite gestat, Cassiodorus Epist. ult. lib. 4. dicit eas in fronte Musarum propter ingenii vehementiam & celerem mentis agitationem apponi. Orobylus tamen lib. 1. dicit eas plumis ex Sirenibus devictis detractis caput coronasse. Lilius Gyraldus, Syntagm. de Musis: *Existimat, inquit, Eustathius ab Homero verba alata dicta fuisse, quod cum Musæ Sirenas vicissent in certamine, ex earumque pennis se coronassent, illis etiam placuisse ut verba pennata, ad majorem Sirenium ignominiam dedecusque, appellarentur.* De capite bovino addamus quod tradit Cicero, Pythagoram Musis bovem immolasse, cum nescio quid in Geometria invenisset.

Musa aliquando apud antiquos cognomen erat tum virorum tum mulierum. Antonius *Musa* Medicus erat Augusti apud Suetonium. Pomponius *Musa*, qui ob id *Musas* omnes in nummis suis expresserat, notatur apud Fulv. Ursinum. Petronia *Musa* in sequenti marmore.

Romæ, in villa Borghesia.

PETRONIAE MUSAE

ΤΗΝ ΚΤΑΝΩΠΙΝ ΜΟΥΣΑΝ ΑΗΔΟΝΑ ΤΗΝ ΜΕΛΙΓΗΡΙΝ
ΛΕΙΤΟΣ Ο Δ ΕΞΑΠΙΝΗΣ ΤΥΜΒΟΣ ΑΝΑΤΑΟΝ ΕΧΕΙ
ΚΑΙ ΚΕΙΤΑΙ ΛΙΘΟΣ ΩΣ Η ΠΑΝΣΟΦΟΣ Η ΠΕΡΙΒΩΤΟΣ
ΜΟΥΣΑ ΚΑΛΗ ΚΟΤΦΗ ΣΟΙ ΚΟΝΙΣ ΗΔΕ ΠΕΛΟΙ

Exscripti.

Id est,

*Nigros habentem oculos Musam Lusciniam mellifluam,
Publicum hoc ex improvise sepulchrum sine cruore tenet,
Et jacet lapis velut doctissima, & celebris:
Musa pulchra, levis tibi pulvis sit.*

Levis tibi pulvis sit; sive, ut Latinam phrasim sequamur in monumentis sæpiissime sculptam, *sit tibi terra levis*. In Arelateni marmore hocce distycho votum exprimitur:

*Te Lapis obtestor leviter super ossa quiescas,
Et mediæ ætati ne gravis esse velis.*

Cæterum non inelegans Epitaphium ad Petroniæ *Musæ* cognomen alludens, quæ etsi melliflua, pulchra doctissimaque, in sepulchro jacebat *velut lapis*: puto enim id dictum, *Et jacet lapis velut doctissima*, licentia poetica qua ὑπερον ὑπότερον, seu posterius prius dicitur.

ARTICULUS X.

D E H E R C U L E .

Due parvæ columnæ marmoreæ.

Romæ, in Palatio Farnesiano.

Prima columna.

ΗΡΑΚΛΕΩΣ ΠΡΑΞΕΙΣ

ΗΡΑΚΛΗΣ ΕΝΝΕΑ ΓΕΝΟΜΕΝΟΣ
ΜΙΝΥΑΝ ΟΡΧΟΜΕΝΟΝ ΕΙΛΕΤΑΝ
ΠΟΛΙΝ ΕΡΓΙΝΟΝ ΦΟΝΕΥΣΑΣ ΤΟΝ
ΒΑΣΙΛΕΑ ΚΑΙ ΤΑΝ ΛΙΜΝΑΝ ΕΠΙ
ΤΟΥ ΠΕΔΙΟΥ ΕΣΧΗΣΕΝ ΑΥΤΟΙΣ ΑΠΟ
ΦΡΑΣΑΣ ΕΙΤΑ ΤΑΜΩΝ ΚΑΙ ΕΙΣ ΑΥ
ΔΙΑΝ ΕΣΤΡΑΤΕΥΣΑΤΟ ΟΜ
ΦΑΛΗ ΤΕ ΣΥΝΔΙΕΤΡΙΨΕ ΚΑΙ ΠΛΕΙΟ
ΝΑΣ ΑΠ ΑΥΤΗ ΥΙΟΥΣ ΕΠΟΙΗ
ΣΕ ΚΑΙ ΓΕ ΕΚΤΙΣΕ ΠΟΛΙΝ

..... ΜΕΤΑΣΤΑΣΑΣ

ΛΑΟΜΕΔΟΝΤΑ ΕΒΟΑΤΟ

ΗΡΑΚΛΗΣ ΥΠΟ

ΛΑΟΜΕΔΟΝΤΟΣ ΕΙΣ ΑΡΓΟΣ

ΑΝΕΛΥΘΗ... ΕΝ ΤΙΡΥΝΘΙ ΤΕ

ΜΕΝΟΣ ΕΝΥΑΛΙΟΥ ΜΕΤΑ

ΤΕΛΑΜΩΝΟΣ ΤΕ ΚΑΙ ΠΗ

ΛΕΩΣ ΕΠΙ

ΤΡΟΙΑΝ ΣΤΡΑΤΕΥΣΑΜΕΝΟΣ

ΑΥΤΗΝ ΤΗΝ ΠΟΛΙΝ

ΕΞΑΛΑΠΑΞΑΣ ΚΑΙ ΤΟΥΣ

ΥΙΟΥΣ ΛΑΟΜΕΔΟΝΤΟΣ ΠΛΗΝ

ΠΡΙΑΜΟΥ ΚΑΤΑΣΦΑΞΑΣ ΤΩΝ

ΑΛΛΩΝ ΗΣΙΟΝΗΝ ΑΠΕΛΑΒΕ ΤΗΝ

ΠΡΙΑΜΟΥ ΑΔΕΛΦΗΝ

ΕΙΤΑ ΣΤΡΑΤΕΥΣΑΜΕΝΟΣ ΕΠΙ

ΠΥΛΟΝ ΠΗΛΕΑ ΚΑΙ ΤΟΥΣ ΥΙΟΥΣ

ΑΠΕΣΦΑΞΕ ΠΛΗΝ ΝΕΣΤΟΡΟΣ

ΣΠΑΡΤΑΝ ΔΕ ΛΑΒΩΝ ΔΟΡΥΑΛΩ

Supplem. Tom. IV.

Interpretatio.

HERCVLIS ACTA.

Hercules novem annos natus

Minyam Orchomenum cepit

civitatem Ergino interempto,

Rege, paludemque in campo

continuit, transitu aquis

obturato, quem deinde secuit.

Item in Lydiam profectus est, ubi

cum Omphale conversatus est, ab eaque

plures filios procreavit

& condidit urbem

cum inde transfisset

Laomedontem vocavit.

Hercules a Laomedonte

Argos dimissus est...

In Tirynthe

fanum Enyalii cum

Telamone & Peleo.....

Trojam profectus est

hacque urbe

direpta & filiis

Laomedontis, excepto.

Priamo, jugulatis,

inter alios

Hesionem rapuit

Priami sororem.

Postea profectus ad

Pylum, Peleum ejusque filios

occidit excepto Nestore:

Sparta autem capta vi

Aaa ij

ΤΟΝ ΕΥΡΥΤΤΟΝ ΚΑΙ ΤΟΥΣ
ΠΑΙΔΑΣ ΦΟΝΕΤΣΑΣ ΣΤΗΝ
ΚΑΣΤΟΡΙ ΚΑΙ ΠΟΛΥΔΕΥΚΗ
ΦΕΥΓΟΝΤΙ ΚΑΤΗΓΑΓΕ ΚΑΙ
ΕΛΩΝ ΛΑΚΕΔΑΙΜΟΝΑ
ΤΟΥ ΤΑ ΛΟΓΙΑ ΑΙΝΙΖΑΝΤΟΣ
ΑΝΕΛΘΩΝ ΔΙΟΣ ΟΛΥΜ
ΠΙΟΥ ΗΓΩΝΙΣΑΤΟ ΤΟΝ
ΑΓΩΝΑ ΤΑ ΟΛΥΜΠΙΑ
ΠΡΩΤΟΣ ΑΓΩΝΙΣΤΗΣ
ΔΡΥΟΠΑΣ ΤΕ ΑΠΟ
ΠΑΝΤΑΣ ΕΛΑΒΕ ΚΑΙ
ΦΥΛΑΝΤΑ ΤΟΝ
ΒΑΣΙΛΕΑ ΑΠΟ
ΣΦΑΞΑΣ ΕΝ
ΤΗ ΤΟΥ.....

captum Eurytum & ejus

filios cum occidisset cum

Castore & Polluce

& exulibus eduxit ,

Capta Lacedæmone

ad oracula ænigmatica

reversus Jovis Olympi

dimicavit certamen

Olympicum

primus Agonista ,

Dryopas vero

omnes cepit &

Phylante

Rege mactato

Secunda columna.

.....ΤΙΟΝ ΚΕΚΤΟ ΚΤΗΣΙΠΠΟΝ
ΗΡΑΚΛΗΣ ΜΕΝ ΟΤΗ ΤΡΑΛΩΝΑ
ΩΚΟΔΟΜΗΣΕ ΠΟΛΙΝ ΚΑΙ ΠΕΡΙΝ
ΘΙΟΥΣ ΕΝ ΑΥΤΗ ΚΑΤΩΚΙΣΕ ΤΩ
ΥΙΩ ΔΟΥΣ ΕΙΣ ΘΡΑΚΑΣ ΣΤΡΑΤΕΤΣΑ
ΜΕΝΟΣ ΔΙΟΜΗΛΗ ΕΦΟΝΕΤΣΕ ΚΑΙ
ΘΡΑΚΑΣ ΕΚΤΡΙΕΤΣΕ ΔΙΝΟΝ
ΤΑΥΡΟΝ ΣΑΡΠΕΔΟΝΑ ΤΟΝ ΕΝ
ΑΡΔΟΝΙ ΑΠΕΣΦΑΞΕ ΚΑΙ ΘΑΣΟΝ
ΕΛΩΝ ΚΑΙ ΤΑΑ ΑΚΛΙΜΑΚΛΙΑ ΠΑΡΕ
ΔΩΚΕ ΤΟΡΕΤΩΝ ΤΡΩΙΩ
ΠΟΛΥΓΟΝΟΝ ΚΑΙ ΤΗΛΕΓΟΝΟΝ
ΑΠΕΚΤΕΙΝΕ ΠΟΛΙΝ ΑΒΔΗΡΑ
ΕΠΙ ΘΡΑΚΑΣ ΗΡΑΚΛΗΣ ΝΙΣΩ
ΤΟΥ ΘΡΟΝΙΚΟΥ ΤΙΩ ΕΠΩΝΤΜΟΝ
ΑΒΔΗΡΟΥ ΚΑΙ ΖΗΘΗΝ ΚΑΙ
ΚΑΛΑΙΝ ΤΩ ΒΟΡΕΑ ΤΟΥ
ΘΡΑΚΟΣ ΔΙΚΛΙΑ ΠΑΙΔΙ ΔΕ ΣΩ

. . . Filium habuit Ctesippum

Hercules quidem Tralonem

ædificavit civitatem & Perin

thios in illa habitare jussit ,

cum eam filio suo tradidisset .

In Thracas profectus Diomedem occidit

& Thracibus dominatus est . Linum

Taurum Sarpedona Arlone

commorantem jugulavit & Thaso

capta

tradidit Troilo .

Polygonum & Telegonum

occidit . Urbem Abderam

inter Thracas Niso

Thronici filio , cognominatam

ab Abdero , & Zethem &

Calaim Boreæ

Thracio . . . filio vero

ΠΙΘΟΥ ΤΩ ΣΥΝ ΑΥΤΩ ΠΑΡΕΔΟΚΕ
 ΟΝ ΣΦΑΞΑΝΤΕΣ ΑΤΤΟΥΣ ΕΣ ΘΑ
 ΛΑΣΣΑΝ ΕΡΡΙΨΑΝΤΟ ΤΩ Δ ΕΠΙ
 ΣΚΥΘΙΑΝ ΕΙΛΕ ΑΣΑΡΑΞΑ ΜΗΛΑ
 ΕΝΙΚΗΣΕ ΤΗ ΔΕ ΘΥΓΑΤΡΙ
 ΑΤΤΟΥ ΣΥΓΓΕΝΟΜΕΝΟΣ ΕΛΙ
 ΔΝΩ ΥΙΟΥΣ ΣΑΡΑΝ ΘΥΡΣΟΝ ΕΘΕΤΟ
 ΚΑΙ ΣΚΥΘΗΝ ΤΩ Δ ΕΠ ΑΜΑΖΟΝΑΣ
 ΗΛΘΕ ΚΑΙ ΕΠΙ ΘΕΡΜΩΔΟΝΤΑ
 ΤΟΝ ΠΟΤΑΜΟΝ ΕΝΙΚΗΣΕ ΚΑΙ
 ΦΟΝΕΤΣΑΣ ΙΠΠΟΛΙΤΗΝ ΚΑΙ ΤΗΝ
 ΑΠ ΑΤΤΗΣ ΠΟΛΙΝ ΗΡΑΚΛΗΣ
 ΕΛΩΝ ΑΜΑΖΟΝΑΣ ΕΙΣΕΛΑΒΕ
 ΚΑΙ ΕΛΛΗΝΑΣ ΕΝ ΑΤΤΗ ΚΑΤΩΚΙΣΕ
 ΤΟΝ ΤΩ Δ ΕΠΙ ΘΡΑΚΗΝ ΣΤΡΑΤΕΥ
 ΣΑΜΕΝΟΣ ΔΙΟΜΗΔΗ ΕΦΟΝΕΤΣΕ ΚΑΣ
 ΤΟΡΑ ΚΑΙ ΠΟΛΥΔΕΥΚΗ ΗΡΑΚΛΕΙ ΣΥΝ
 ΑΥΛΟΝΤΑΣ ΑΜΥΚΟΝ ΔΕ ΕΝΙΚΗΣΕ ΜΙΑΝ
 ΤΟΝ ΒΕΒΡΥΚΩΝ ΕΚ ΣΙΚΕΛΙΑΣ ΗΡΑΤΟ
 ΚΑΙ ΕΠΙ ΤΟΝ ΙΝΔΟΝ ΗΛΘΕ ΠΟΤΑΜΟΝ
 ΚΑΙ ΠΟΛΙΝ ΤΗΝ ΣΙΒΑΙΣ ΟΙΚΙΖΕΙ
 ΕΣ ΔΕ ΤΗΝ ΑΤΤΙΚΗΝ ΕΥΛΟΓΩ
 ΘΗΣΕΥΣ ΔΕ ΚΑΙ ΑΤΤΑΣ ΕΝΙΚΗΣΕΝ
 ΚΑΙ ΕΛΑΒΕ ΘΗΣΕΥΣ ΤΗΝ ΙΠΠΟΛΙΤΗΝ
 ΕΞ ΗΣ ΙΠΠΟΛΙΤΟΝ ΠΟΙΕΙΤΑΙ ΗΡΑΚΛΗΣ
 ΕΠΙ ΤΟ ΚΑΛΟΥΜΕΝΟΝ ΟΡΟΣ ΗΛΘΕ

Sopitbi qui cum ipso erat tradidit,
quem jugulatis ipsis in mare
projecerunt. Bello autem
contra Scythiam cepit Asaraxem, Melam
vicit; at cum sorore ejus
Elidno re habita
filios Saram Thyrsum procreavit
& Scythem, bello autem contra Amazonas
venit & ad Thermodoontem
fluvium vicit & occidit
Hippolitam. Item ejus urbe
Hercules capta Amazonas
ad se cepit & Græcos
in ea habitare jussit.
Bello autem contra Thraciam
profectus Diomedem occidit, Castorem
& Pollucem Herculi adjuvantes
Amycum vero superavit, Miletum
Bebrycum ex Sicilia cepit
& ad Indum venit fluvium
& urbem Sibais habitavit.
In Atticam vero ut fertur
Theseus autem & eas vicit
& accepit Theseus Hippolitam
ex qua Hippolitum genuit, Hercules
ad vocatum montem venit

In basi Tripodis.

ΑΜΦΙΤΡΥΩΝ ΥΠΕΡ
 ΑΔΚΑΡ ΤΡΙΠΟΔΑ
 ΑΠΟΔΑΘΟΝΙ ΟΤΙ ΜΕΝ ΕΞ ΕΜΟΥ ΚΕΦΤΣ
 ΠΟΙΗΤΑΙ ΤΜΝΗΦΟΡΗΣΑΝ ΥΙΟΣ ΑΠΑΛΗΘΗΝΑΙ
 ΚΑΙ ΤΑ ΕΖΗΣ
 ΤΟ ΓΑΡ ΣΕ ΦΥΛΗΝ ΦΥΛΗ ΓΑΛΑ ΚΑΙ ΑΛΛΑ ΑΓΕΙ
 ΚΑΙ ΤΙΟΝ ΑΤΤΟΝ ΚΑΛΕΙΣΤΑΙ

Hæc quia forte
male exscripta, & fere deleta,
non sunt
intelligibilia.

Acta Herculis hic conscripta, cum iis quæ a Mythologis describuntur conferat alius, cui plus otii erit. Mihi sat est indicasse quæ ex Antiquitatis penu aliis obvia non sunt: ut ex iis fructus quos libuerit, decerpant.

INSCRIPTIO

Vasis Marmorei

Herculi Victori dedicati.

HERCVLI VICTORI CRATERAM
MARMOREAM CVM BASI SVA
CN. DOMITIVS CN. L. POLYMNESTVS

S. P. D. D.

Ex Peireskii schedis.

Crater & Cratera utroque genere, antiquis vas vini five poculum dicebatur: sic Virgil. *Æneid.* *Crateras leti statuunt & vina coronant.* Varro lib. 3. de vita Popul. Roman. *Ad Sybaritanam prædam, in qua sunt Tripodes, Crateræ, Anaceæ pocula nobilium Tarentinarum.* At & idem nomen vasis oleariis dat Virg. *Æneid.* 6. *Fuso Crateres olivo: & Bucol. Crateresque duos statuam tibi pinguis olivi.* Hic videtur usurpari pro vase marmoreo Herculi dicato, ejusque libationibus destinato, siquidem basi impositum fuisse docet Inscriptio: utrumque *dedicante Cneo Domitio Cnei Liberto de sua pecunia.* Ecce & alias Herculis Inscriptiones a Grutero omissas.

Romæ.

SANCTISSIMO
HERCVLI PACIF.
INVICTO
SACRVM
P. IVNIVS P. F. CERINVS
PRAEF. EQ. SING.
V. S. L. M.

Ex sched. Barber.

In tabula ærea Romæ repert.

SIGN. HERC. SERVAT.
D. N. IMP. D. TRAIANI
AVG. FORTISSIM. PRIN
CIPIS EX VOTO
L. IVLIVS FELIX V. C. EVOK.
AVG. N. F. C.

Ex iisd. schedis.

Ardeæ.

HERCVLI SERVAT
K. AEMILIUS K. F. QVIRINA
VARRIVS
ARCHITECTVS EXERCIT.
ET AEMILIA VESTIFICA
ET AEMIL.
VOTO SVS.

Ex sched. Barber.

Romæ.

HERCOLI SACRVM
FL. EVGENIVS V. C. EX PRAEF.
PR. COS. ORDINAR. COMIT.
DOM. VOTO SVSCEPTO
LIB. MER.

Ibid.

Ex iisd. sched.

ALCIDE SACRI GENERIS
DECVS HOC TIBI PRECOR
ET IOVIS ANTISTES
DEDICO PERPETVVS

Prima Herculi Pacifero, sic enim dictus Hercules ob pacem quam mortalibus victoriis suis procurabat, dedicata fuit a Publio Junio Cerino Praefecto Equitum Singularium, de quibus dicemus, ubi de Militum inscriptionibus. V. S. L. M. *Voto soluto Libero munere, vel Votum solvit libens merito.*

Secunda, Herculi Servatoria *Kajo Emilio Kaii filio Varrio*, tribu *Quirina*. *Kajo* autem pro *Cajo*, rarum est.

Tertia, *Signum Herculis Servatoris Domini nostri Imperatoris Decii Trajani Augusti Fortissimi Principis ex voto, Lucius Julius Felix Vir Clarissimus Evocatus Augusti nostri fieri curavit.*

Quarta. *Hercoli sacrum Flavius Eugenius Vir Clarissimus, (sive Consularis) Ex-Præfectus Prætorio Consul Ordinarius Comes Domesticus voto suscepto libens merito.*

Quinta a quodam Herculis & Jovis Antistite, statuae Herculi dedicatae titulus videtur esse.

Sed non omittenda sequens Inscriptio, quam a me transmissam edidit anno præterito Eruditissimus Vir Henricus Noris Augustinianus, in Pisano Lyceæ Historiæ Ecclesiasticæ Professor.

Romæ.

a Latere.

IOVI. INVICTO

DED. III. NON.

SILVANO. ET HERCVLI IVL. D. N.

GENIO VRBIS

M. AVR. PROBO

FOTVNAE. FEL. ANSACE AVG. ET. M.

NVS. MIL. COH. VIII.

AVR. PAVLI

AVRELIAN. 7. VARI

NO. COSS.

NIAN. AR. ET SIGN.

D. D.

Ex sched. Barberin.

Ex hac insigni Inscriptione, ut R. P. Henr. Noris verbis utar, intelligimus anno Chr. 276. Marcum Aurelium Probum fuisse Imperatorem, quod negabat Baronius: eumque Consulem ordinarium, secus ac Panvinus iudicavit: siquidem eo sæculo publica monumenta solis Consulium Ordinarium nomini- bus obsignabantur. Habemus etiam prænomen ac familiam Paulini Consulis, quæ hætenus latuere.

Epigramma

Olim basi statuae Herculis Inscriptum.

Venetias

Translatum Marmor.

ΗΡΑΚΛΕΣ ΠΟΥ ΣΟΙ ΠΤΟΡΘΟΣ ΜΕΓΑΣ ΗΤΕ ΝΕΜΕΙΟΣ

ΧΛΑΙΝΑ ΚΑΙ Η ΤΟΞΩΝ ΕΝΠΛΕΟΣ ΙΟΔΟΚΗ

ΠΟΥ ΣΟΒΑΡΟΝ ΜΙΜΗΜΑ ΤΙΣ ΕΠΛΑΣΕΝ ΩΔΕ ΚΑΤΗΦΗ

ΛΥΣΙΠΠΟΣ ΧΑΛΚΩ Δ ΕΓΚΑΤΕΜΙΣΕ ΟΔΥΝΗΝ

ΑΧΩΝ ΓΤΜΝΩΘΕΙΣ ΟΠΛΩΝ ΣΕΟ ΤΙΣ ΔΕ Σ ΕΠΕΡΣΕΝ

Ο ΠΤΕΡΟΕΙΣ ΟΝΤΩΣ ΕΙΣ ΒΑΡΥΣ ΑΘΛΟΣ ΕΡΩΣ

Id est,

O Hercules, ubinam est tua magna clava, ubi Nemæa

Pellis qua pro veste uteris, ubi quoque pharetra tua telis gravida?

Ubinam superba illa tua species? Quis te effinxit adeo submissum?

Lysippus, qui æri permiscuit doloris sensum.

Tuis armis nudatus doles. Quis vero te exarmavit?

Alatus Amor, qui unus fuit laborum gravissimus.

Istud Epigramma quod Venetiis in Erizzorum Palatio descripsi, reperitur & in Anthologia Epigram- matum Græcorum, sicut & aliud immediate hoc præcedens in eodem loco. Unde quia & alia similia marmoribus inscripta reperiuntur, non dubito quin plura olim fuerint ex iis in libros transcripta, ne perirent hæc veneranda antiquitatis monumenta. Notandum autem circa Græcas Inscriptiones lapidi- bus insculptas, omnes fere sine ulla vocum distinctione in Autographis legi, quod quidem in hoc opere observare neglexi, ne earum obscuritas auferetur. E contra vero in Latinis inscriptionibus sæpiissime singulis vocibus distinctionis gratia punctum appingi, præterquam in fine lineæ, si vox integra lineam terminet, & in fine Inscriptio- nis, secus quam nostra ætate fieri assolet.

ARTICULUS XI.

COLLEGIA VARIA

Ex Marmoribus a Grutero omisfis.

Statuta Collegii Æsculapii & Hygiæ,

Ex eleganti marmore in ædibus Barberinis.

SALVIA. C. F. MARCELLINA OB MEMORIAM FL. APOLLONI PROC. AVG. QVI FVIT A PINACOTHECIS ET CAPITON. AVG. L. ADIVTOR. EIVS MARITI OPTIMI PISSIMI DONVM DEDIT COLLEGIO AESCVLAPI ET HYGIAE LOCVM AEDICVLAE CVM PERGVLA ET SOLARIVM TECTVM IVNCTVM IN QVO POPVLVS COLLEGI SS. EPVLETVR QVOD EST VIA APPIA AD MARTIS INTRA MILLIARIVM I ET II AB VRBE EVNTIBVS PARTE LAEVA INTER ADFINES VIBIVM CALOCAERVM ET POPVLVM ITEM EADEM MARCEL LINA COLLEGIO SS. DEDIT DONAVITQVE HS I. M. N. HOMINIBVS N. LX. SVB HAC CONDICIONE VT NE PLVRES ADLEGANTVR QVAM NVMERVS SS ET VT IN LOCVM DEFVNCTORVM LOCA VENIANT ET LIBERI ADLEGANTVR VEL SI QVIS LOCVM SVVM LEGARE VOLET FILIO VEL LIBERTO DVMTAXAT VT INFERAT ARKAE N. PARTEM DIMIDIAM FVNERATICI ET NE EAM PECVNIAE SS VELINT IN ALIOS VSVS CONVERTERE SED VT EX VSVRIS EIVS SVMMAE DIEBVS INFRASCRIPITIS LOCVM CONFREQVENTARE EX REDITV EIVS SVMMAE SI QVOD COMPARAVERINT SPORTVLAS HOMINIB. N. LX EX DECRETO VNIVERSORVM QVOD GESTVM EST IN TEMPLO DIVORVM IN AEDE DIVI TITI CONVENTV PLENO QVI DIES FVIT V. ID. MART. BRVTIO PRAESENTE ET IVNIO RVFINO COS. VTI XIII. K. OCT. DIE FELICISSIMO N. ANTONINI AVG. N. PII P. P. SPORTVLAS DIVIDERENT IN TEMPLO DIVORVM IN AEDE DIVI TITI C. OFILLIO HERMETE Q. Q. P. P. VEL QVI TVNC ERIT * III AELIO ZENONI PATRI COLLEGI * III SALVIAE MARCELLINAE MATRI COLLEGI * III IMM. SING. * II CVR. SING. * II POPVLO SING. * I ITEM PL. PR. NON. NOV. N. COLLEGI DIVIDERENT EX REDITV SS AD MARTIS IN SCHOLAM PRAESENTIBVS QQ * VI PATRI COLLEGI * VI MATRI COLLEGI * VI IMM. SING. * IIII CVR. SING. * IIII PANES IIII VINVM MENSVRAS QQ -S- VIII PATR. COLL. -S- VIII IMM. SING. -S- VI CVR. SING. -S- VI POPVLO SING. -S- III. ITEM PR. NON. IAN. STRENVAS DIVIDERENT SICVT SS EST XIII K. OCT. ITEM VIII K. MART. DIE KARAE COGNATIONIS AD MARTIS EODEM LOCO DIVIDERENT SPORTVLAS PANE ET VINVM SICVT SS EST PR. NON. NOV. ITEM PRID. MART. EODEM LOCO CENAM QVAM OFILIVS HERMES QQ OMNIBVS ANNIS DANDAM PRAESEN TIBVS PROMISIT VEL SPORTVLAS SICVT SOLITVS EST DARE ITEM XI K. APR. DIE VIOLARI EODEM LOCO PRAESENTIBVS DIVIDERENTVR SPORTVLAE VINV PANE SICVT DIEBVS SSS ITEM V ID. MAI DIE ROSAE EODEM LOCO PRAE

PRAESENTIBVS DIVIDERENTVR SPORTVLAE VINV ET PANE SICVT DIEBVS SSS
 EA CONDICIONE QVA IN CONVENTV PLACVIT VNIVERSIS ET DIEBVS SS II
 QVI AD EPVLANDVM NON CONVENISSENT SPORTVLAE ET PANE ET VINV
 EORVM VENIRENT ET PRAESENTIBVS DIVIDERENTVR EXCEPTO EORVM QVI
 TRANS MARE ERVNT VEL QVI PERPETVA VALETVDINE DETINETVR ITEM P.
 AELIVS AVG. LIB. ZENON EIDEM COLLEGIO SS OB MEMORIAM M. VLPI AVG.
 LIB. CAPITONIS FRATRIS SVI PISSIMI DEDIT DONAVITQVE HS X. M. N. VTI
 EX REDITV EIVS SVMMAE IN CONTRIBVTIONE SPORTVLARVM
 DIVIDERENTVR QVOD SI EA PECVNIA OMNIS QVAE SS EST QVAM DEDIT
 DONAVIT COLLEGIO SS SALVIA C. F. MARCELLINA ET P. AELIVS AVG. LIB.
 ZENO IN ALIOS VSVS CONVERTERE VOLVERINT QVAM IN EOS VSVS QVI
 SSS QVOS ORDO COLLEGI NON DECREVIT ET VTI HAEC OMNIA QVAE SSS
 SVIS DIEBVS VT ITA ET ANT. DIVIDANTQVE QVOD SI ADVERSVS EA QVID
 EGERINT SIVE QVID ITA NON FECERINT TVNC Q. Q. VEL CVRATORES
 EIVSDEM COLLEGI QVI TVNC ERVNT SI ADVERSVS EA QVID FECERINT Q. Q.
 ET CVRATORES SS. VTI POENAE NOMINE ARKAE Ñ INFERANT HS XX M. Ñ.
 HOC DECRETVM ORDINI Ñ PLACVIT IN CONVENTV PLENO QVOD GESTVM
 EST IN TEMPLO DIVORVM IN AEDE DIVI TITI V. ID. MART. C. BRVTIO
 PRAESENTE A. IVNIO RVFINO COS. Q. Q. C. OFILIO HERMETE CVRATORIB. P.
 AEL. AVG. LIB. ONESIMO ET C. SALVIO SELEVCO.

Exscripti.

Hæc sine abbreviationibus sic legenda sunt.

¹ *Salvia Caii filia Marcellina ob memoriam Flavii Apollonii Procuratoris Augusti, & Capitonis Augusti Liberti Adjutoris ejus, mariti optimi piissimi, donum dedit* ² *Collegio Aesculapii & Hygiae locum Aediculae cum* ³ *pergula, & solarium tectum junctum in quo populus Collegii suprascripti epuletur, quod est via Appia ad* ⁴ *Martis, intra Milliarium primum & secundum ab urbe euntibus parte laeva, inter adfines Vibium Calocerum & Populum. Item eadem Marcellina Collegio suprascripto dedit donavitque sester-
 tiorum quinquaginta mille nummum Hominibus nostris sexaginta; sub hac condicione ut ne plures adlegan-
 tur, vel si quis locum suum legare velit filio vel Fratri vel Liberto, dumtaxat ut inferat Arkæ nostræ par-
 tem dimidiam* ⁵ *funeratici, & ne eam pecuniam suprascriptam velint in alios usus convertere, sed ut ex
 usuris ejus summae diebus infra scriptis locum confrequentare, ex reditu ejus summae si quod comparaverint
 sportulas hominibus nostris sexaginta, ex decreto universorum, quod gestum est in Templo Divorum in
 Aede Divi Titi conventu pleno, qui dies fuit quinto Idus Martias Bruttio Praesente & Junio Rufino Con-
 sulibus. Uti* ⁶ *decimotertio Kalendas Octobris die felicissimo Natali Antonini Augusti nostri Pii Patris
 patriæ Sportulas dividerent in Templo Divorum in aede Divi Titi, Cajo Ofilio Hermete Quinquennali Per-
 petuo vel qui tunc erit, Sportulas seu Denarios* ⁷ *tres, Aelio Zenoni patri Collegii Denarios tres, Sal-
 via Marcellinae matri Collegii Denarios tres, Immunibus singulis Denarios duos, Curatoribus singulis De-
 narios duos, Populo singulis Denarium unum, item Plebi: pridie nonas Novembris* ⁸ *Natali Collegii
 dividerent ex reditu suprascripto ad Martis in scholam praesentibus, Quinquennali Denarios sex, Patri
 Collegii Denarios sex, Matri Collegii Denarios sex, Immunibus singulis Denarios quatuor, Panes qua-
 tuor, vinum mensuras, Quinquennali sextaria* ⁹ *novem, Patri Collegii sextaria novem, Immunibus singulis
 sextaria sex, Curatoribus singulis sextaria sex, Populo singulis sextaria tria. Item pridie Nonas Januarias*
¹⁰ *Strenuas dividerent sicut suprascriptum est decimotertio Kalendas Octobris; Item octavo Kalendas
 Martii* ¹¹ *die Karæ cognationis ad Martis, eodem loco cenam quam Ofilius Hermes Quinquennalis omni-
 bus annis dandam praesentibus promisit vel sportulas sicut solitus est dare. Item undecimo Kalendas Apri-
 lis* ¹² *die violari eodem loco praesentibus dividerentur sportulae, vinum & panes sicut diebus suprascriptis.
 Item quinto Idus Maii* ¹³ *die rosæ eodem loco praesentibus dividerentur sportulae, vinum & panes sicut die-
 bus suprascriptis, ea condicione quæ in conventu placuit universis & diebus suprascriptis, si qui ad epu-
 landum non convenissent sportulae & panes & vinum eorum venirent & praesentibus dividerentur, excepto
 eorum qui trans mare erunt vel qui perpetua valetudine detinetur. Item Publius Aelius Augusti Libertus
 Zenon eidem Collegio suprascripto ob memoriam Marci Ulpii Augusti Liberti Capitonis Fratris sui piissimi
 dedit donavitque Sester-
 tiorum decem millia nummum, uti ex reditu ejus summae in contributione Sportu-*

larum dividerentur. Quod si ea pecunia omni quæ supra-scripta est quam dedit donavit Collegio supra-scripto Salvia Caii filia Marcellina & Publius Ælius Augusti Libertus Zeno in alios usus convertere voluerint, quam in eos usus qui supra-scripti sunt, quos ordo Collegii non decrevit, & uti hæc omnia quæ supra-scripta sunt suis diebus ut ita & ante dividantque. Quod si adversus ea quid egerint sive quid ita non fecerint, tunc Quinquennalis vel Curatores ejusdem Collegii qui tunc erunt, si adversus ea quid fecerint Quinquennalis & Curatores supra-scripti, uti pœnæ nomine arka nostræ inferant Sesteriorum viginti mille nummum. Hoc decretum Ordini nostro placuit, in Conventu pleno quod gestum est in Templo Divorum in Æde Divi Titi, Quinto Idus Martii, Cajo Bruttio Prasente, Aulo Junio Rufino¹⁶ Consulibus, Quinquennali Cajo Ofilio Hermete, Curatoribus Publio Ælio Augusti Liberto Onesimo & Cajo Salvio Se-leuco.

NOTÆ

In hanc inscriptionem.

1. Salvia Marcellina nobilis opulentaque matrona in memoriam Flavii Apollonii Procuratoris Augusti, & Marci Ulpii Capitonis mariti sui, prædicti Apollonii Adjutoris, locum Ædiculæ & summam pecuniæ non contemnendam Collegio Æsculapii & Hygiæ dederat, scilicet Sesteritios quinquaginta mille, quæ monetæ nostræ Gallicæ saltem duo mille quingentos argenteos Coronatos efficiebant, ut ejus reditus in eum converteretur usum, qui hic assignatur. Ideo mater Collegii appellatur, sicut Publius Ælius Zeno pater Collegii, cum ei summæ adjunxisset decem mille Sesteritios, in memoriam prædicti Capitonis Fratris sui. De Sesteritiis qui plura velit, adeat Budæum, Vossii Etymologicum, & Gronovium.

2. Collegium istud Æsculapii erat, ut ex hoc lapide patet, societas sexaginta hominum, quæ certis anni diebus eam Ædiculam confrequentare, in eaque sacrificare & epulari solebat.

3. Pergula est pars domus ex porrecta & propendens, sic dicta quod extra murum porrigatur. Solarium vero locus editus Soli expositus ad ambulationem destinatus, sed & aliquando tectus, ut ex hoc marmore hunc fuisse patet.

4. Ad Martis, subaudi Ædem: Templum enim Martis erat extra Portam Capenam in via Appia, quod ideo Martis extramuranei dicebatur, de quo sic Livius: Quum omnes extra Portam Capenam ad Martis Ædem convenire juniores armatos jussisset.

5. Funeraticum, est pecunia quæ in funeribus impendebatur. Eaque aliquando erat non mediocris, Romano crescente luxu.

6. Sportulæ vocabantur minuscule denariorum, quæ cum vino & pane distribuebantur in certis anni festis, aut aliis solemnibus diebus. Nummi etiam aurei aliquando dabantur; sic Trebellius Pollio de Sportula Gallieni Imperatoris: Matronas ad Consulatum suum rogavit, iisdemque manum sibi osculantibus, quaternos aureos sui nominis dedit. Qui Consulatum inibant amicis sportulas mittebant. Symmachus lib. 9. Epist. ult. Sportulam Consulatus mei, & amicitie nostræ & honori tuo debeo, hanc in solido misi. Ideo autem hæc numismata sive aurea, sive argentea Sportulæ appellabantur, quod in Sportulis seu parvis corbis mitterentur. Corippus lib. 4. de Consulatu Justinii Imperatoris.

Dona Calendarum quorum est ea cura parabant

Officia, & turmis implent felicibus Aulam.

Convectant rutilum sportis capacibus aurum.

Ideoque in Glossis nostris, Sportula, τὰ ἐν αὐρίδισιδόμωρα ξίρια. Cum Sportulis dabant & Consules tabellas portatiles argenteas vel eburneas, in quibus eorum nomina inscripta, quas Fastos vocabant.

A Sidonius lib. 8. Epist. 6. ad Namatium, de editione Consulatus Asterii; itaque, ait, ut primum brevi peracta, nec brevis Sportula, datique Fasti. Domino mittebant amicis etiam alii Magistratus suam Sportulam, sed minoris pretii.

7. In Templo Divorum, in Æde Divi Titi, Puto esse Templum defunctis Augustis dicatum, quod initio Romæ & Augusti tantum, at sequentibus Imperatoribus defunctis, Templum Divorum dictum fuit, iis in Divos relatis qui boni Principes visi fuerant. In eoque erecta singulis ædicula, ut hæc Divi Titi ædes, ubi conveniebant nonnunquam Sodales Collegii Æsculapii & Hygiæ.

B 8. XIII. Kal. Octobris. Hic dies fuit Natalis Antonini Pii, ut non solum ex hoc constat marmore, sed etiam ex Calendario Antiquo edito tempore Constantini, in quo Natalitii quorundam Cesarum dies præcipue bonorum, quorum memoria conservari merebatur, notati sunt. Idemque ex Capitolino: Ipse Antoninus Pius natus est tertio decimo Calendas Octobres.

C 9. Sportulas sive Denarios tres: * enim nota est denarii. Iique denarii qui in istis solemnitatibus distribuebantur, peculiari aliquo typo ab ordinaria moneta diverso sæpe insigniebantur, ut in Ludis Circensibus bigæ, quadrigæ vel aliud quid ad ludos pertinens in nummo signabatur, quales Athleticos nummos ex iis qui Contourniata vocantur videre est, tuncque xeniis destinati Sportulæ vocabantur.

10. Natali Collegii, eo scilicet die quo primum institutum est, ideo ob memoriam ejus duplo major instituitur Sportularum distributio.

D 11. S. Expofui Sextarium non Sesteritium vel aliud quid, eo quod hic ex præcedentibus, de menfuris vini agi videtur: adde quod hæc nota S. quæ fere exprimitur ut f, duas literas priorum Syllabarum Sextarii S. T. comprehendat obscure.

12. Notanda hic vox Strenua, quam nunc Strenam diceremus. Erat & Sacellum Dæ Strenuæ Romæ in quarta Regione, ex Publio Victore. Strenuis enim initio Reipublicæ Romanæ Strena offerebatur, ab eisque ejus etymologia. Ex hoc etiam observandum, non tantum primo die Calendarum Januarii Strenas exhibitas fuisse, sed & sequentibus.

E 13. Die caræ cognationis. Hoc festum sic notat mense Februario vetus Rusticum Calendarium, Cara Cognato. Sed in Calendario Constantiniano, Caristia vocatur quod idem est. Convivium solenne, inquit Val. Max. 1. 2. Majores instituerunt, idque Charistia appellaverunt, cui præter cognatos & affines nemo interponebatur; ut si qua inter necessarios querela esset orta, apud sacramenta, & inter hilaritatem animorum fautoribus concordie adhibitis tolleretur.

14. Die Violari. Non est notatus hic dies in Calendaris vetustis; ideoque celebratus quod tunc viola florere incipiat.

15. Die Rosæ. Nec etiam festum istud notatum, eo quod forte sub Floralicis comprehenderetur; Calendarium tamen Constantini habet Festum quod

dam rofarum, decimo Calendas Junii, scilicet die-
bus duodecim post hunc diem Rosæ: *Macellus*
Rosa sumat, id est, Macellum rosis ornetur.
16. *Cajo Bruttio Præsente, Aulo Junio Consuli-*
bus. Consulatus hic incidit in annum æræ Chri-
stianæ 154. Corrigit autem elegans hoc marmor
Consulum istorum nomina, quorum ultimus ma-

le in Fastis Capitolinis Antonius Rufinus, & apud
Cassiodorum Rufus vocatur. Observandum etiam
Bruttium Præsensem non notari hic Consulem II.
neque in Cassiodori Chronico: existimoque alium
esse Bruttium, qui cum Antonino Consul fuit dua-
bus vicibus.

Collegium Dendrophororum

Puteolis.

EX S. C. DENDROPHORI CREATI QUI SVNT
SVB CVRA XVVIR ST. CCVV

PATRON. L. AMPIVS STEPHANVS SAC.
M. DEI QQ. DEND. DEDICATIONI HVIVS
PANEM VINVM ET SPORTVLAS DEDIT

C. VALERIUS PICENTINVS

C. IVLIVS HERCVLANVS

LONGINVS IVSTINVS

A. FIRMIVS POLYBIVS

C. LISIVS CRESCENTINVS

L. DECIMIUS FELINVS

CVPIENNIUS PRIMITIVS

T. MINICIUS SABINVS

M. IVNIVS AGRIPPINVS

A. CAMELIVS PROTOCENSIS

A. AGNANIVS FELICISSIMVS

C. LITRIVS FORTVNATVS

TI. IVLIVS CALLINICVS

Q. CVRTIVS SCEMANVS

L. OPPIVS LESIGINVS

M. HERENNIUS ZERAX

C. LISIVS PVDENTINVS

A. FIRMIVS FELICIANVS

M. BABBIVS SODALVS

L. MODESTIVS HILARVS

L. ORFIVS MAXIMINVS

C. IVLIVS GAVDITVNVS

L. LOLLIVS VIATOR

M. CVRIVS NIANVS

C. MARTIVS VITALIS

C. IVLIVS COGITATVS

C. IVLIVS CERIALIS

C. HERENNIUS SABINVS

L. ORFIVS MAXIMVS

N. POLLIVS PRIMVS SEN.

C. LITRIVS MAIOR

L. DECIMIUS FAVSTVS

C. IVLIVS SEVERVS

C. NAVTIVS SYNTROPVS

N. VIBIVS SPERATVS

L. PACIVS MAXIMINVS

Q. GRANIVS GEMELLVS

M. GRANIVS MVRCIANVS

Q. SERVIVS NICETIANVS

C. LISIVS SECVNDINVS

C. PVBLILIVS GENIALIS

L. CONNIVS CASTRENSIS

Q. GRANIVS CHORINTVS

TI. IVLIVS ATAINOPO

Q. GRANIVS IANVARIVS

C. TVRRANIVS PRISCVS

L. PLAUVIVS VICTOR

A. FIRMIVS SEVERVS

T. FLAVIVS ARCHILAVS

M. VALERIUS SYNTROPVS

AVRELIVS LVCIVS	M. VALERIVS IANVARIVS
C. IVLIVS DIANENSIS	N. LVCIVS CYRICIVS
C. ANTONIVS LVCILIANVS	C. IVLIVS CARITO
C. MAGIVS CRESCENTIANVS	M. MALLONOVVS SEVERIANVS
C. CARTILIVS IRENICVS	L. GENTIVS NICO
N. POLLIVS PRIMVS IVN.	L. PEDANIVS FAVSTINVS
C. TITILIVS PRIVATVS	NAEVIVS POLLIVS PRISCVS
L. MARCIVS MARVLEIVS	IVLIVS DECIVS FELICIVS
Q. GRANIVS GEMELLVS	M. SAGARIVS SEDATVS
C. CLODIVS MERCVRIVS	C. TVSCENIVS PRIMITIVVS
N. VIBIVS SVPER	M. SAMIANTVS CRESCENS
C. TVSCENIVS COMMVNIO	P. CARSICIVS FLORIANVS
M. STENNIVS MARCELLINVS	C. STATRIVS FELICISSIMVS
M. VALERIVS EVTYCHES	T. MINITIVS VERATINVS
C. RVFIVS SELEVCVS	M. PLAVTIVS HILARVS
	M. SAMILARIS FORTVNIVS
	C. IVNIVS MERCVRIVS
	C. IVLIVS CRESCENS
	C. AVRVCVLEIVS...
	L. FLAVIVS CELER
	SAMIARIVS SILVANVS

DEDICATA VII ID. OCT. III ET SEMEL. COS.

Ex Capaci Hist. Neap.

Romæ.

M. ANNIVS M. F. PAL. AVFVSTIANVS
 PROCVRATOR COLL. DENDROPH.
 ROMANORVM H. V. IN
 QQ EPVLVM DD. ET * D. DIVIS
 PER GRAD.

Ex sched. Barberin.

Dendrophori, ut putant Viri eruditi, erant ii qui ligna negociabantur subministrabantque, præcipue usibus bellicis necessaria. De Dendrophoris & Centonariis est Titulus Codicis Theodosiani lib. 14. tit. 8. Ubi Constantinus Imp. præcipit, ut in quibuscumque oppidis fuerint Dendrophori, Centonariorum atque Fabrorum corporibus adnectantur; ex quo erui non potest quænam fuerit illorum ars & professio: tamen opificum genus utrosque fuisse tam titulorum illorum series, quam lapidum antiquorum copia, qui illos cum Fabris Ferrariis & Tignariis, ut dicta lex Constantini, conjungunt, non obscure indicare videantur. Fabri autem non simpliciter Lignarii Fabri, sed ii qui machinis bellicis fabricandis operam navabant, ut ex Livio constat. Non ergo mirum, si illi Dendrophori Senatusconsulto hic creati dicantur, ne disciplinæ militari conservandæ aliqui deessent Opifices. Sunt qui putent Dendrophoros esse illos, qui in publicis Deorum supplicationibus ramos arborum ferebant: quæ est opinio Salmasii ad Spar-

tiani Caracallam: nec ullo modo fuisse artis, sed religionis sive superstitionis nomen. Dendrophorus enim ad verbum est *is qui arborem gestat*. Unde Silvanus in antiqua Inscriptione *Dendrophori* Epitheton habet. Hocque clarius patet ex Artemidori Oneirocriticis: χορεύειν δὲ τῷ θεῷ, ἢ θυροσοφείη, ἢ δένδρο-φορεῖν, ἢ ἀλλό τι τῶν κεχαρισμένων τῷ θεῷ πράττειν, πᾶσι πονηρὸν, πλὴν δούλων. *Chorem Deo (Baccho) ducere, aut thyrsus, aut arbusculam gestare, aut aliud quid gratum Deo facere, omnibus malum est, exceptis seruis*. Hanc ergo controversiam inter eruditos viros de Dendrophoris dirimere non audeo, cum sane Tit. Cod. Theodos. de Paganis & Templis leg. xx. id videatur judicare, *omniaque loca quæ Frediani, quæ Dendrophori, quæ singula quæque nomina & professiones gentilitiæ tenuerunt epulis vel sumptibus deputata, fas est hoc errore submoto compendia domus nostræ sublevare*.

Romæ.

S. Mariæ in Trastevere.

M. VLP IVS AVG. L.

PHILETVS

M. VLP. ARVATI NEP.

ANNI PRIMI MAG. QVIN

QVEN. COLLEG. FABRVM

DENDROPHOR. NOMINE

M. VLPI ARVATIANI NEP.

SVI ALLECTI IN ORDIN.

DECVRION. IIII. H. H. DEI SOLI

INVIC. MITRAE SIG

NVM AENEVM PON. LXXXX

DONVM DEDIT

Ex sched. Card. Barber.

Ecce Dendrophori cognomen a quodam Romano assumptum.

Prope Nemausum.

DEO

INVICTO

MITHRAE

T. LVCILL. DENDROPH.

C. HELIVS MYC....

D. S. D. D.

Ex Francisc. Graverolio, in cujus
fundo repert.

Collegium Fabrum & Centonariorum.

Aspalathi,

Vulgo Spalatro in Dalmatia.

AVR. QVINTIANVS DEC. COLL. FAB. ET CENT.

QVI VIXIT ANN. P.M.L. MENS. V.D....

VIVVS SIBI POSVIT ET AVR. IAENVARIAE

CONIVGI SVAE COT SI QVIS AEAM ARCAM

POST MORTEM EORVM APERIRE VOLVERIT

INFER. DECVRIAE MEAE * XXV.

Exscripti.

Bbb iii

Id est, Aurelius Quintianus Decurio Collegii Fabrum vel Fabrorum & Centonariorum qui vixit annis plus minus quinquaginta uno, mensibus quinque, dies . . . vixit sibi posuit & Aurelia Januaria Conjugi suæ. Quod si quis eam arcam post mortem aperire voluerit inferet Decuriæ meæ denarios viginti quinque, subaudi forte millia, nisi hic nota denarii magnum Sestertium significet, scilicet mille parvos Sestertios, violationi enim sepulchrorum magna solebat imponi poena. Decuriones fuisse in his Collegiis sequens etiam inscriptio ostendit. Centonarii ii sunt qui tabernacula omnemque Castrensem suppellectilem, quam Centones vocarunt Romani, suppeditabant: vel qui in bello incendia restinguebant, quæ ab hostium machinis procurabantur. Veget. lib. 4. de machina ex qua vineæ struuntur agens: Extrinsecus autem, ait, ne immisso concremetur incendio, crudis ac recentibus coriis, vel Centonibus operitur. Milites quoque his interdum corpora texisse adversus telorum ictum testis est Cæsar de bello civili lib. 3.

Salonis in Dalmatia.

Ibidem.

T. VETIO
AUGUSTALI
DECURIONI COL. SAL.
QVAESTORI AEDILI II VIR.
IVREDIC. PRAEFECT. ET PATRON.
COLL. FABR. OB MERITA
EIVS COLL. FABR.
EX AERE CONLATO

T. FLAVIO T. ET TRO. DECVR.
COL. SAL. AEDIL. II VIR..
IVREDIC. DEC. COL. AEQVI.
FABR. II VIR. Q. Q. DISP.
MVNICIPII RIDITAR.
PRAEF. ET. PATRON. COLL. FABR.
OB MERITA EIVS COLL.
FABR. EX AERE CONLATO
CVRATORI REIPUBLICAE SPLEND
ISTARVM TRIB. LEG. X.

Ex Lucii Inscript. Dalmaticæ.

Ex Eodem.

Romæ.

Prope Ariciam.

C. IVLIO PHILIPPO
EQVITI ROMANO
CORPVS FABRV
NAVALIVM OSTIENS.
QVIBVS EX S. C. COIRE LICET
S. P. P.

Ex D. Fabretti.

MAVORTI SACRV
HOC SIGNVM
RESTIT. . .
COLL. FABR. ARI
CINORVM ANTIQVISS.
VETVSTATE
DILAPSVM ET
REFECER. CVR. L. LVCILIVS
LATINVS PROC. R. P. ARIC.
ET T. SEXTIVS MAGGIVS
SACER. COLL. EIVSD.

Ex sched. Barberin.

Collegium Fabrum Tignariorum.

Romæ.

L. CINCIUS L. F. SVC. MARTIALIS 2^{us} VIR

POSSESSOR. HUIUS MONUMENTI. EX. TESTAMENTO. L. MAMILI

FELICIS. DECVRIAE. X. 3 COLLEGIVM. FABRVM. TIGNVARIORVM.

PARIETEM DEXTRVM

INTROITVS. 4 OLLAS XXXII. DONAVIT. EIS. QVI-INFRASCRIPTI. SVNT.

SINGVLIS. SINGVLAS

P. SVLPICIO. FELICI. DECVR. T. STATILIO. ONESIMO

L. CINCIO L. F. PAL. MARTIALI F. T. IVLIO. TAVRISCO

M. AMATIO. CRESCENTI. T. IVLIO. SPERATO F.

T. POMPLINO. DRACONI. P. BAEBIO. EPAPHRODITO

SEX. IVLIO. APRILI. T. IVLIO. HYMNO

T. STATILIO. ISOCHRYSO. C. IVLIO. CELERI

T. STATILIO. HIERONIE. C. HERENNIO. CRESCENTIO

C. PROCILIO. SATVRNINO. P. LICINIO. AGATHOPO

C. PETRONIO. CELADO. C. VIBIO. PRIMIGENIO

C. VIBIO. FAVSTILLO. M. VERGILIO. EVCARPO

L. BAEBIO APOLLINARI M. ANTONIO PHILOSTERG.

RELIQVAS. OLLAS. X. QVI. IN. HAC. DECVRIA. ALLECTI. ERINT
SINGVLIS. SINGVLAS. DO. LEGO

RELIQVM. OMNEM. IVS. MEVM. QVOD. EST. IN. HOC. MONVMENTO.

AMATIAE. EVNIAE. IN MEMORIAM

VXORI. MEAE. ET L. CINCIO. L. F. 6 PAL. MARTIALI F. ET. M. AMATIO.

CRESCENTI DO.

POSSIDEREQ. EOS. IVBEO

Exscripsi.

1. SVC. *Succussana* tribu, cujus in aliis marmoribus extat mentio, quamque eandem esse cum Suburana ostendit Onuphrius.

2. 2^{us} VIR. *Quintum Vir*, qui Magistratus raro occurrit, de hoc tamen Livius & Pomponius.

3. *Collegium Fabrum Tignuariorum*, erat Societas seu corpus Opificum qui fabricandis tignis ad Militiam terrestrem & navalem necessariis operam dabant. Scribitur & Tignariorum. Hi autem Fabri Tignarii in aliis apud Gruterum lapidibus memorantur cum Fabris Ferrariis, Dendrophoris & Centonariis, ut pote similem artem profitentibus, altera alteri necessaria existente.

4. *Ollæ* sunt urnæ cinerariæ, sic in alia inscriptione *Ollarum ossuariarum* mentio fit. Sed de Ollis fufus, in sequentibus.

5. *Reliquum omnem* pro Reliquum omne, errore Quadratarum.

6. PAL. *Palatina* tribu. Sed quare *Lucius Cincius Martialis Filius* sit ex alia tribu quam Pater, ideo est quod Romanis licitum esset vel habitationis mutatione, vel pecunia, aliave de causa, ab una in aliam transire. Sic Asconius in Oratione pro Milone: *Libertini*, inquit, *in Urbanis tribubus suffragium ferebant. Quæ præcipua causa fuit ut nobiles se ex Urbanis subduxerint, & in rusticas, quæ hominum colluvie carebant, transferint.*

Brevem hanc inscriptionem repperi Fabri cujusdam Tignuarii; & aliam Magistri Quinquennalis ejusdem Collegii.

Roma.

Roma.

L. APPVLEIVS L. L.

D. M.

LIBANVS

C. VALERIS SOCRATIS

FABER TIGNVARIVS

M. QVINQVENNALIS M. Magister.

Exscripti.

COLLEGI FABRORVM

TIGNVARIORVM LVSTRI XXVII

Ex sched. Card. Barber.

Collegium Fabrum Veneris.

Salonis.

FL. CONSTANTI NOBILISSIMO

AC BEATISSIMO. CAESARI

COLL. FABRVM. VENERIS

Ex Marulli MS.

Fabri Veneris forte sic dicti, quod eorum Collegium Veneris Ædem frequentaret, Salonis Dalmatiæ urbe, Diocletiani patria. Hic Flavius Constantium Chlorum Cæsarem sibi successorem elegerat, cui Collegium Fabrum Salonensium lapidem dicavit.

Collegium Fabrum Astensium.

Astæ.

CONCORDIAE

COLL. FABR. ASTENS.

M. VETTIVS SECVNDVS

IN MEMORIAM

VETTIAE CIVITATIS SOROR.

Concordiæ Collegii Fabrum Astensium, &c. Vettia hæc raro cognomine, Civitatis scilicet insignitur.

Romæ.

Q. FABIO Q. F. ESQVILINA

CALATINO

PRAEF. FABRVM LEG. VI. AVG.

XVIRO STLITIB. IVDICAND.

PATRONO MVNICIP.

LAVIN. LAVRENT.

FABIVS Q. F. ESQ. SILVESTER.

PIETAT. CAUSA

Ex sched. Card. Barberini.

Fabros fuisse Militiæ destinatos ostendit hoc officium Præfecti Fabrum Legionis Sextæ, ut & in Sequenti.

Romæ.

Romæ.

P. CVRIO P. F. QVIR.

BLAESO

PRAEF. FABRVM. TR.

LEG. VI. CLAVD. P. FEL.

PROC. XX. HERED.

IMP. CAES. TRAIANI

HADRIANI AVG. PROVIN.

HISPANIAE CITER. PROC.

CADVCORVM ILY

RICO AD LEG. INTER. P. R. III

TI. CLAVDIO LIBERALI

PRAEF. FABRVM EQVO

PVBLICO FILIO OPTIMO

PIISSIMO DVLCISSIMO

SODALI DESIDERANTISSIM.

VIXIT ANNIS XVI

MENSIBVS V DIEBVS XXI

PARENTES INFELICISSIMI

*Exscripti.**Ex iisd. schedis.*

Romæ.

DIIS MANIBVS

SACR.

Romæ.

In basi Statuae.

Q. AVALLIO Q. F.

GALL. ASTERI

VERONA

LEG. VIII AVG.

Q. AVALLIVS Q. F.

GALER. IVCVN

DINVS PRAEF.

FABR. LEG. II. AVG.

FRATRI PIISSI

MO POS.

L. ANTONIO

EPITYNCHANO

LICTORI DEC. CVRIA

TIAE QVAE SACRIS

PVBLICIS APPARET

Q. Q. COLLEGII FABRVM

TIGNARIORVM OSTIS

SEVIRO AVG. IN PROVINC.

NARBONENSI COLONIA

AQVIS SEXTIIS

*Ex iisd. schedis.**Ex Hist. Provinc. & Sirmondo.*

Romæ.

In villa Justinian.

Q. CASCELLIVS Q. F. VOL. LABEO

PRAEFECT. FABRVM ARBITRATV

NERONIAE C. F. NERVLLAE VXORIS

NERONIA C. F. NERVLLA

Exscripti.

Collegium Utriculariorum.

Antipoli.

COLLEGIO VTRICLAR

C. IVL. CATVLINVS. DON. POS.

Utricularii erant nautarum species, sicut & *Leptuncularii* & *Lintrarii*, a variis navicularum formis nomen desumentes. Eorum variae sunt apud Gruterum *Inscript.* Eos etiam fufius explicavi in *Antiq. Lugd.*

Supplem. Tom. IV.

Ccc

Collegium Peregrinorum.

Vorburgi in Batavis, quod olim Forum Hadriani.

IN H. D. D.

GENIO COLLE

GI PEREGR.

VLP. DECEMBER

ET VERECVNDVS

CORNVTVS D. D.

IN H. D. D. In honorem Domus Divinæ, id est Augustæ, ut ex aliis marmoribus constat. Collegium Peregrinorum, fodalitas aliqua erat Peregrinorum in urbe illa Batavorum, quorum Genio Ulpus Decem ber & Verecundus Cornutus hanc aram dicaverant.

Donatio Collegio Centonariorum.

Nicia.

P. PETREIO. P. F. QVADRATO ET P. EVA
RISTO LAIS MATER STATVAM POSVIT OB
CVIVS DEDICAT. COLL. CENT. EPVLVM EX MORE
EX IP...HS XII. VT QVODANN. IN PERPET.
DIE NATAL. QVADR. V. ID. APR. QVA
RELIQVIAE EIVS CONDITAE SVNT SACRI
FICIVM FACERENT AN. FARE ET LIBO ET
IN TEMPLO EX MORE EPVLARENTVR ET RO
SAS SVO TEMPORE DEDVCERENT ET STA
TV AM DECERNT ET CORONARN. QVOD SE
FACTVROS RECEPERVNT

Joffredus qui elegantem Inscriptionem hanc primus quod sciam produxit, in *Hist. Niciensi*, postque eum *Bouche* in *Hist. Provinc.* gravem committunt errorem qui sensum omnino tollit, quantumvis immutatis tantum duabus in tertia linea literis COLIGENT. pro COLL. CENT. Collegio Centonariorum, ut in præcedenti marmore. Huic Collegio Lais legaverat HS XII. subaudi millia Sestertium, ut ex eorum redditu quotannis sacrificium facerent farre & Libo, in Templo epularentur, rosasque earum tempore deferrent, ut statuam quam Publio Petrejo dedicaverat, decernerent, hoc est, decorarent coronarentque: quod Centonarii se facturos promiserant.

Epulorum illorum funeralium sæpe mentionem faciunt marmora, ut elegans istud Florentiæ in palatio magni Ducis, sed ex Africa allatum.

ANTONINI....

AVG. TOTIVSQ. DO

MVS EORVM C. VOLCIVS QVIE

TVS A RAMA SOLO EX HS D

Ex Sestert. 500.

N. S. P. F. IDEMQ. DEDICAVIT

nummum sua pecunia fecit.

ET OB DEDICATIONEM CON

GENTILIBVS ET SACERDOTI

BVS VISCERATIONEM ET EPV...

Exscripsi.

Viscerationem animalium scil. quæ sacrificabantur. De his Funerum ritibus, consule Gutherium de

Mediolani repert. ann. 1619.

Ex Centuria

INNOCENTI CVM ENCRATIO VIVAS
GEN. ET HON.
MAGI GERMANI STATORI
MARSIANI EQ. R. EQ. P. DEC. DECV
EX IIII COLL. FABR. ET CENTON.
CV RAT. ARK. TITIANAE COLL. S. S.
ANNI C. L. I. COLONG. F. MED.
ET IVNONI
CISSONIAE APHRODITE EIVS
D. XII EX COLL. SS. PATRONIS
PLVRA MERENTIBVS
INNOCENTI QVI SIC AGIS BENE VIVAS

Genio & Honori.

Equitis Romani, Equo publico,
Decurioni.

Collegii suprascripti.

Ex Peireskii schedis.

Romæ, in via Flaminia.

MAVORTI
T. STATILIVS T. LIB.
TAVRINVS
PROCVRATOR BIS COLL.
DENDROPHORORVM
ET CENTONARIORVM
SIGN. AEN. DD. ET
HS ∞ ∞ NVMMVM DIVISIT
IN COLLE...
DECVR. HS. N
PLEB...

Exscripsit Paulus Maffei ex schedis
Cardinalis Barberini.

Id est, Mavorti Titus Statilius Titi Libertus Taurinus Procurator bis, Collegii Dendrophororum & Centonariorum, signum aeneum Dedicavit, & Sestertia bis mille nummum, seu nummorum, divisit in Collegio, & cætera quæ deleta sunt.

Collegium Lotorum.

Ariciæ.

Prope Ariciam.

DIANAE AVG.

COLLEG. LOTOR.

SACR.

PRIMIGENIVS R. P.

ARICINORVM SER. ARC.

CVRATOR II CVM

M. ARRECINO GELLIANO FILIO

PROCVRATORE T.

D. D.

L. TERTENIAMANTI

SACER COLL. LOTORVM

II VIR C. SARTIVS C. F.

ITERINVS ET L. ALLIVS

PETELINVS D. D.

Ex schedis Barber.

Sic lego, *Dianæ Augustæ, Collegio Lotorum sacrum, Primigenius Reipublicæ Aricinorum Servus Arcarius Curator secundum cum Marco Arrecino Gelliano Procuratore primum, dono dedit.* Hujus Collegii Lotorum nulla est apud Gruterum mentio. Idem forte ac Balneatores. Aricia urbs erat Latii quatuor miliaribus a lacu qui *Speculum Dianæ*, Servio teste, vocabatur, nunc Lago di Nemo & *Specchio di Diana*. Hanc Deam jam ab antiquis Aricinis cultam demonstrat hoc marmor. Propter enim nemora a quibus Lacus nemorensis etiam appellabatur, propterque elegantem Lacum, gratus erat Dianæ tractus ille. *Servus Arcarius*, in aliis lapidibus memoratus, erat is qui thesauri publici custodiæ, administratio-

Collegium Siliginariorum.

Romæ.

IOVI CONSERVA

TORI PATR. PATR.

SER. SVLPICIUS SER. LIB.

STEPHANVS II VIR STAT. AEN.

PRO SALVTE IMP. CAESARIS AVG.

COLLEG. SILIGINARIORVM.

DEDIC.

Ex sched. Card. Barberini
exscripsit Paulus Maffei.

Siliginarii erant qui panem Siligineum, id est purissimæ farinæ conficiebant; qui statuam æneam Augusto Cæsari dedicaverunt sub Duumviratu Servii Sulpicii Stephani Duumviri. Juvenalis.

*Sed tener & niveus, mollique Siligine factus
Servatur Domina.*

Attamen *secundarium* panem, hoc est non ex pura Siligine factum, potius appetebat Augustus, teste Suetonio.

PATR. PATR. id est *Patris Patriæ*, Augusti nempe Cæsaris, cui, inquit Suetonius, *Patris Patriæ cognomen universi repentino maximoque consensu detulerunt.*

Collegium Aurigariorum.

Romæ.

Apud S. Pancratium.

MERCVRIO SOLI
ET SILVANO
SANCTISSIMO
SACRVM
Q. VIVIVS VOLSCINI
VS PROC. COLLEG.
AURIGARIORVM
III FACT.

Quarta Factionis

Ex iisd. sched.

Aurigarii sive Aurigæ & Aurigatores qui in Ludis Circensibus Equorum Rhedarumque cursibus præerant, propositaque præmia sibi invicem disputabant, societates seu Collegia quædam, ut in hac inscriptione legitur, constituiebant, in quatuor Classes seu Factiones distincta, quæ Factiones coloribus forte, a quibus earum nomina, discernebantur. Inde quatuor hæc Factionum denominationes legimus in antiquis marmoribus, *Russatam* scilicet, *Prafinam*, *Venetam* & *Albatam*: quarum vide Inscriptiones apud Gruterum pag. 337. & sequentibus. Hanc Inscriptionem supra citavi pag. 731. sed illic per errorem omissa fuit vox SOLI.

Collegium Pellioniariorum.

Romæ.

LIBERO PATRI
SACR.
Q. VELIVS ANNIUS
PRAEFECT.
COLLEG. FABRVM
ET PROCVRATOR COLL.
PELLIONARIOR.
SACERD. DE. SILV.
SCHOLAM DE SVO
RESTITVIT
ET SIGN. AEN. DD.
ET CERVULARI ARG.
ALT. PED. I. SEMIS RE
FECIT.

Dei Silvani.

Argenteum.

Ex iisdem schedis.

Pelliones qui pelles confuebant, *Pellionarii* forte qui pelles negociabantur, bellicis præcipue usibus. De Militiarum *Scholis* vide Jos. Scaligeri Epist. in operibus posthumis. *Cerularium* argenteum proculdubio candelabrum cereæ candelæ, quæ Cereus antiquis dicebatur. Paulus ex Festo: *Cereos Saturnalibus muneri dabant humiliores potentioribus, quia candelis pauperes, locupletes Cereis utebantur*. Apud Leonem Grammaticum in Leone Philosopho, *Cerularium* vocatur locus in Æde Sanctæ Sophiæ, in quo recondebantur Cerei illius Ecclesiæ.

Collegium Balistariorum & Ferrariorum.

Romæ.

Extra portam D. Laurent.

VOLCANO
SACR.
T. FLAVIVS FLORVS
SACERD. DEI SOL.
STAT. MARM.
COLLEG. BALISTARIOR.
ET COLL. FERRARIOR.

Ex iisdem schedis.

Statuam marmoream Volcani Titus Flavius Florus Sacerdos Dei Solis dicaverat jussu Collegii Balistariorum & Ferrariorum. Balistarii dicebantur qui in præliis balista seu arcu Baleari utebantur. Balista etiam erat machina qua saxa ad diruendos muros explodebantur, ante nostrorum tormentorum inventionem. Concilium Romanum ann. 1139. Artem illam mortiferam & Deo odibilem Balistariorum & Sagittariorum adversus Christianos & Catholicos exerceri de cætero sub anathemate prohibemus. Iis associantur & Ferrarii, utrique Vulcanum protectorem agnoscentes, utpote artis suæ inventorem.

Collegium Vasculariorum.

Romæ, in via Flamin.

VENERI
COLL. VASCULARIOR.
SIG. CORINTHIUM
D. D.
CVR. L. TAMVDIVS L. F. SER.
CALVINVS C. CRESCEN
TIVS C. F. CRV. LENTINVS
VOTINIVS II VIR Q. Q.
A. FORRIVS A. F. SCAP.
ANTONIANVS
SACERD. D. VEN. GENITRIC.
* LXXX COL.
STIPAVIT

Crustumina tribu

Scaptia tribu

Signum ex ære Corinthio Veneri dedicaverat Collegium Vasculariorum, curantibus Lucio Tamudio Calvino & Cajo Crescentio Lentino Duumviris, ad cujus impensam Forrius Antonianus Sacerdos Deæ Veneris Genitricis Collega illius Collegii stipem collegerat Denarios nonaginta. Vasculariorum etiam meminit hæc Inscriptio.

Lugduni.

Ad Portam Divi Irenæi.

... CN. DANIVS CO...
... MINVSO IIII VIR AVG.

...LVGDVNI NEGOTIATOR ARGENTAR.
 ...VASCVLARIVS SARCOPHAGVM
 ...ALVMNO POSVIT ET ARAM INFRASCRIP.
 VIVVS SIBI INSCRIPSIT VT ANIMAE
 ABLATAE COR RECONDITI TVM VIT.
 ANNIS CELEBE.....

Exscripsi.

Vascularii qui Vascula negociabantur, unde hic, cujus est Inscriptio, negotiator Argentarius & Vascularius simul dicitur, utramque artem exercens.

Collegium Aurificum.

Romæ.

PIETATI AVG. SACR.
 IMP. CAESARI DIVI TRA
 IANI PARTHICI FIL. NER
 VAE TRAIANI HADRIANI
 AVG. PONT. MAX. P. P.
 COLLEG. AVRIFIC. D. D.

Ex sched. Card. Barberin.

Collegii Aurificum mentio est in Gruteriana Inscriptione sub Marco Aurelio.

Collegium Naupegiariorum.

Romæ.

In Quirinali, nella vigna de i Caraffi.

D I A N A E
 COLLEG. NAVPEGIAR.
 M. IVNVS BALISTVS
 ET Q. AVILLIVS EROS
 H VIR D. D.

Ex sched. Barber.

Ναυπηγός in Glossis Græco-Latinis est *Faber Navalis*. Unde Naupegarii Fabri Navium ædificatores: quorum Collegium Dianæ Sylvarum numini, ex quibus sua ligna mutuabantur, Statuam aliquam dicaverat.

Collegium Sagariorum.

Romæ.

IMP. TRAIANI AVG. OPTIM. PRINC.
 M. AVSTRONIVS M. F. PAL. NICEPHORVS *PALatina tribu*
 OB HONOREM QQ. COLLEG. SAGARIOR.
 ROMANORVM EX S. C. COIRE LICET
 ARGENTI POND. IX. EX HS VIII MIL. N.
 REDDIDIT Q. D. S. P. P. *Quod de sua pecunia posuerat.*
 DEDIC. KAL. AVGV. S. IIIII ET III. N.

Ex iisdem schedis.

Negotiatores & Mercatores *Sagarii* in aliis monumentis memorantur. Ita autem dicti a *Sago* vestis militaris specie: unde *Sagaria negotiatio* in Pandectis, & *Sagatus* apud Suetonium *Sago* vestitus dicitur, & *Sagarius* in Onomastico, *ῥιτάνοπώλης*, qui *Saga* vendit.

Collegium Pabulariorum.

Romæ reperta ad D. Laurentii.

Romæ.

A POLLINI

COLLEGIO PABVLARIORVM

INVICTO

C. CORNELIVS C. L. IVCVNDINVS II VIR

ET LVNAE AETERNAE

ET L. ANTONIVS L. L. IVBENTIVS II VIR

TER. POLLIVS TER.

QVINQVENNALITAT. S. P. DEDICARVNT

LIB. POLLIANVS

III VIR. LVST. LXX. P. R. C.

COLLEG. PABVLARIOR.

STAT. AEN.

D. D.

Ex sched. Barber.

Pabularii sive *Pabulatores* militaris officii nomen, eorum scilicet qui ad *pabula* colligenda mittebantur, qui propterea sæpius cum hostibus congredi & velitari cogebantur, tum interdiu tum noctu: unde non mirum si *Apollini Invicto* & *Lunæ Aeternæ*, quibus sæpe opus habebant, Statuam æneam dedicasset eorum Collegium.

Collegium Serapidis & Ifidis.

In Marrucinis trans Aternum fluvium.

L. CASSIO HERMO

DORO NAVCLERO

QVIERAT IN COLLEG.

SERAPYS SALON. PER

FRETA PER MARIA TRA

IECTVS SAEPE PER VND.

Vndas

QVI NON DEBVERAT

OBITVS REMANERE

IN ATERN. SET MECVM

CONIVNX SI VIVERE

NOLVERAS AD STYGA

PERPETVA VEL RTE

FVNAREA VTINAM

TECVM COMITATA

FVISSEM VLP. IA CANDI

DA DOMVS SALON. C...

M. P.

ATERN. QVI EVIT IN COLL. YSID.

Collegio.

Ex Lucii Camarræ Theate. Antiq.

Seraps & *Ifid.* pro *Serapidis* & *Ifidis*. *SALON.* id est, ni fallor, *Salonis* Dalmatiæ urbe ex altera parte freti Adriatici. Conqueritur autem *Ulpia Candida* Maritum suum *Lucium Cassium Hermodorum* qui sæpe *Freta* & *Maria* trajecerat, tandem misere in *Aterno* fluvio periisse.

Colle-

Collegium Liticinum & Cornicinum,

Romæ,

M. IVLIVS VICTOR EX COLLEGIO

LITICINVM CORNICINVM

Ex Thom. Bartholin. de tibiis Veterum.

Hoc Tibicinum Collegium, inquit Erud. Bartholinus, credo Apulejum annotasse per Tibicinum: Florid. l. 1. de Antigenide: *Is cum esset in Tibicinio apprimè nobilis, &c.* Collegia illa Romæ primum instituta a Rege Numa, si credimus Plutarcho, qui refert eum divisisse multitudinem secundum Artificia, ut suum peculiare corpus haberent Tibicines, suum Aurifices, Architec̃ti, &c. Tibicinum quoque Collegium, inquit Valer. Maxim. l. 2. solet in foro vulgi oculos in se convertere, cum inter publicas, privatæque ferias, actiones, personis tecto capite, variæque veste velatis, concentus edit. Collegii Tibicinum & Fidicinum meminit Inscriptio Gruteriana pag. CLXXV. Liticines autem & Cornicines sunt Tibicinum species. Liticines qui Lituo caneant, quod est, inquit Priscianus, genus Tubæ minoris, unde soni fuit acutioris. Statius: *Et lituis aures circumpulsantur acutis.* Incurva erat ut Augurum Lituus. Inde Seneca:

*Sonuit reflexo classicum cornu,
Lituisque adunco stridulos cantus
Elisit Ære.....*

Cornicines qui Cornu caneant. Cornu Tubæ genus incurvum ita dictum, quod olim, inquit Varro, fieret ex bubulo Cornu, quæ postea ex ære. Sic Virgil. Æneid. 6.

Æreque assensu conspirant Cornua rauco.

Incertum quoddam Collegium,

Romæ.

NOMINA. QVAE. ADSCRIPSERVNT. DECVR.

EA. QVAE. I. S. S.

Infra Scripta Sunt.

T. SATELLI. EVTYCHI.

HERMAE. FONTEI.

T. SATELLI. IVSTINI FR.

APVLEI AMPLIATI

ASIATICI. CAESARIS

FESTI CALPENI

BESIAE. IVCVNDÆ. P. L.

FONTEI EVARISTI

SVAVETTIAE. LACESIS

IVNI MAXIMI

SVAVETTIA. AMARYLLIS

SVAVETTIVS ALEXA

QVI. HOC. COLLEGIVM. D. D.

IMP. CAESARE. VESPASIANO

T. CAESARE. AVG. F. VESPASIANO

COS.

Ex sched. Barber.

*Romæ.**In hortis Justinianis.*

.....SODALITAS PVDICITIAE SERVANDAE

Exscripsi.

Marmor istud usum præbuit Epistylli in aliquo ædificio, in quod conveniebant Sodales quidam, qui Castitatis sive pudicitiae servandae votum fecerant, de quibus nescio an reperiatur aliud monumentum, aliquave mentio apud Autores. Pudicitiam servare tenebantur quorundam Deorum Sacerdotes, veluti Sacerdos femina, quæ apud Apollinem Pythium oracula reddebat.

Fragmentum incerti cujusdam Collegii.

Florentiæ.

..M. NOMINE CONCORDIA.....

..CIAT *D. VNDEN. IN LOCVM.....

...RINT EADEM CONDICIONE SEQVANTVR.....

.....STIPVLATVS EST T. FLAVIVS.....

..., ET POPVLVS POENA AVTEM IN EA..

...SSVM FVERIT COLLEGIVM POENA TENEATVR VT

...APRO QVOD SI CVSTOS DISTRACTVS NON ESSE..

...CRILEGO TENERETVR AVT HS XXX M. N.

...VS LEGEM SS FECERIT INFERRE DI..

ACTVM SEX ERVCIO..

Exscripsi.

Si quis conqueratur me plurima non interpretari, conquerar & ego in antiquis marmoribus multa me ignorare, fateborque conjecturas meas nolle Antiquitatis studiosis temerarie obtrudere. Contenti sint isti, me bona fide pauca quæ notatu digna existimo adnotare, ceteraque difficiliora eorum sedula disquisitioni ultro relinquere.

MISCELLANEA

ERUDITÆ ANTIQUITATIS.

SECTIO TERTIA.

Ignotorum obscurorumque quorundam Deorum Aræ, notorumque infrequentia cognomina ex antiquis marmoribus & nummis. Adjecta est in fine Dissertatio de Tripodibus.

I.

Iovis Exsuperantissimi.

Romæ, in ædibus Equitis del Pozzo.

I. O. M

S V M M O

E X S V P E R A N

T I S S I M O

*Sculptus ibidem vir togatus
prolixa barba, dextra pateram gestans,
cum Cornu-copiæ retro illius caput.*

Exscripsi.



ut summum *Exsuperantissimumque*, qualem nobis offert marmor istud. *Exsuperantissimum* dictum arbitror, vel quod cæterorum Deorum vires

B Jove principium, *Musæ*, *A* superaret, vel quod homines bonis exsuperare sive abundare concederet, unde retro illius caput cernitur Cornucopiæ perpetuum abundantiae symbolum. Interpretari antehac solebant nobiles Antiquarii vocem hanc IOVI EXSVP. quæ in Commodi nummis occurrit *Jovi ex superis*, donec Carolus Patinus exsuperantissime de antiquitate meritis, similem nactus inscriptionem nos docuerit tam nummi quam marmoris Jovem legendum esse *Exsuperantissimum*. Illam vero quia indicavit duntaxat, nec prælo submisit, heic referre non gravabor.

Ultrajecti, in horto Grævii.

IOVI. O. M. SVMMO
EXSVPERANTISSIMO
SOLI. INVICTO. APOLLINI
LVNAE. DIANAЕ. FORTVNAE
MARTI. VICTORIAE. PACI
C. ANTISTIVS. ADVENTVS
LEG. AVG. PR. PR.
D A T

Ex Monum. Viror. Illustr.

Hac insigni ara Jovem non modo Exsuperantissimum, sed alios majorum minorumque gentium Deos venerabatur Cajus Antistius Adventus Legatus Augusti Pro-Prætor, Provinciæ, ut opinor, Germaniæ inferioris, siquidem in ea marmor erutum fuit. *Adventum* autem Consulē anno Christi 218. memorant Fasti Capitolini, omisso prænomine, familiæque nomine, imperante Macrino: quem eundem esse qui Cajus Antistius Adventus

integro nomine vocabatur, verisimile est; quique prius Legatione ista, quasi ad Consulatum gradu, functus erat, sub Severo vel Caracalla post Commodum regnantibus, cujus tempore invaluit, ut ex nummis liquet, Jovis Exsuperantissimi cognomen. Consulari quidem dignitate ornati sunt Antistii non pauci, inter quos Cajus Antistius Vetus sub Augusto, Lucius Antistius Vetus sub Nerone, & Antistius Burrhus sub Commodō.

II. Jovis Cingidui.

Ara Genevæ ad Arvam effossa.

IOVI. O. M
CINGIDVO
STABVLO ET
A V L V S

Variis sub cognominibus colebatur Jupiter pro|B|diversis beneficiis quæ ab ipso mortalibus concedi credebantur. Hinc Jovis Tonantis, Custodis,

Statoris, Tarpeii, Capitolini epitheta passim videre est in antiquis monumentis. Sed quid sibi velit insolens istud cognomen Jovis Optimi Maximi Cingidui, assequi perarduum. Est quidem Cinga Hispaniæ Citerioris fluvius ex Pyrenæis fluens, de quo Lucanus lib. 4.

— — — Camposque coerces
Cingarapax, vetitus fluctus, & littora cursu,
Oceani pepulisse suo: nam gurgite misto
Qui præstat terris, aufert tibi nomen Iberus.

Sed potius a Cinga Cingaduus quam Cingiduus diceretur. An vero a cingentibus Genevam urbem montibus Cingiduus Jupiter dictus foret? Sed leves nimium conjecturæ, alterumque ignoti Dei si ve ignoti cognominis occupet locum, donec solerior divinarit. Cæterum apud Guichenonem hæc Inscriptio ita legitur, nescio an operarum Typo-

A graphicarum vitio: Jovi. O. M. Cingi duo & Aulus, divisa scilicet voce, Cingiduo, & Stabulo, omissa.

An vero sic legendum CINGI DVO, ut exprimaturs duos Cingios, scilicet Stabulonem & Aulum Jovi hunc lapidem vovisse, sicuti in marmore sequenti?

Florentiæ.

VOLVMNI DVO
VERVS ET SEVERVS
DIANAE INVICTAE
D. D.

Aulus & Stabulo sunt eorum cognomina, qui Aram dicaverant. Sæpe enim Romani solis cognominibus viros aliquos designabant.

III. Jovis Fagutalis.

Romæ.

Fragmentum, in horto S. Sylvestris.


.....AVGVST. VICI IOVIS FAGVTAL.
....IMP. NERVA DIVI NERVAE TRAIANO
....ICO PONT. MAX. TRIB. POT. XIII. IMP. VI
....POLLIONIS TRIB. PLEB. AED. REG. I II. VETVSTAT.
...GISTRI ANNI CXXI SVA IMPENSA RESTITV.
...PHOEBVS A. NONIVS A. L. ONESIMVS
...CALLISTVS L. VALERIVS EVTICHVS

Fagutalis Jovis Sacellum a Fagu arbore ipsi facra, quæ intus servabatur, a Festo, Varrone, Plinioque memoratur: sed in aliis marmoribus non occurrit. Statuitur autem a Publio Victore in quinta urbis regione delubrum istud, non, ut habet Rosinus, in decima. Sculpta fuit hæc Inscriptio, in alicujus ædificii publici restorationis memoriam, a Quartum-viris sub finem memoratis, Trajano Augusto Imperante, Tribunitiaque pote-

Cstate decima tertia gaudente: quod ad annum Æræ Christianæ 110. refertur. At vero ut me monuit vir Eruditissimus Ægidius Lacarry Professor Claramontanus, combinatio IMP. VI. cum Tribunitia potestate XIII. erroris convincit nummum Occonis pag. 207. qui Consulatum V. cum Imperatore VIII. conjungit, siquidem anno decimæ quartæ & decimæ quintæ Tribunitiæ potestatis, ejusque sexti Consulatus, Trajanus erat dumtaxat Imperator VI.

IV. Jovis Taranuci.

Sibenici in Dalmatia.



Ex Jo. Lucii Inscript. Dalmat.

Nec facilius Jovem istum in Dalmatia cultum, barbaroque nomine insignitum cognoscemus, cui D Arria Successa nobis non minus ignota votum solverat. Putabat amicus meus Jacobus Florenoy Ge-

nevensis vir pereruditus, hoc epitheton inde petendum, quod Jovem suum Galli *Taranis* sive *Taramis* nomine adorarent, cui victimas humanas immolabant, teste Lucano,

Et Taramis Scythicæ non mitior ara Dianæ.

Dominus Bernardus Professor Oxoniensis non vulgaris eruditionis, Jovem etiam Taranucum dici censebat pro Tonante, eo quod vox *Taran* in

A partibus Britanniae australibus tonitru significet, atque in Dalmatiam ex veteri lingua Celtica transisse hanc dictionem, nisi malueris Celtas aliquot in celebri illa in Græciam & Asiam transmigratione illic hæsisse: quam explicationem convenire observo cum ea, quæ a Marmorum Oxoniensium Commentatore tradita est, ad Inscriptionem Jovis Tanari. Eam hic ob similitudinem referre non pigebit, cum notarum parte, meisque breviusculis animadversionibus.

V. Jovis Tanari,

Oxonii.

Ara in Anglia effossa.

I. O. M. T A N A R O
T. ELVPIVS GALER,
P R A E S E N S G V N A
P R I L E G. X X. V. V.
C O M M O D O E T
L A T E R A N O
C O S S.

V. S. L. M.

Votum solvit libens merito.

Ex Marmor. Oxon.

De Jove Tanaro hæc Eruditus D. Prideaux Anglus. Eum, inquit, eundem fuisse cum Jove Taranæ Gallorum, & Tonante Latinorum, significatio vocis *Tanar* in lingua Britannica, quæ Imperantibus Romanis in hac Insula vernacula fuerat, satis convincit. Testatur enim D. Grenehalgh, se de hac voce multos Cambro-Britannos seu Vvallos, qui antiquam linguam Britannicam adhuc retinent, consuluisse, a singulisque eorum responsum accepisse, quod in lingua latina Tonitru, id in eorum *Tanara* appellari: ulteriusque observat ille vocabulum *Tanaro*, apud eosdem ignem subitaneum sive fulgetrum significare; & in Dictionario Cambro-Britanno, vocem *Tanar* quæ redditur Tonitru, inveniri. Cui similia sunt quæ Camdenus initio Britanniae suæ habet, & Cluverius in Germania antiqua lib. 1. cap. 26. Taranem fuisse Jovem nemo dubitarit, cui notum hodieque Britannis tonitru dici *Taran*: nam Jovis epitheton ab effectu erat apud Græcos *βρονταῖος*, apud Latinos Tonans. Quin Germani etiam hodie omnes eodem vocabulo quamvis dialectis variato, tonitru vocant. Superiores atque Saxones *Donner*, & illi etiam apertiori ore *Tonner*: circa Rheni divortia, atque

B ostia colentes *Donder*: Angli in Britannia *Thunder*: Septentrionales Germani in Dania *Torden*, &c. Antiquissimum igitur non modo apud Celtas in Europa, sed ante etiam in Asia Jovis nomen fuit *Taran*, & variis dialectis *Thoran*, *Doran*, *Tordar*, *Dondar*, *Thondar*, *Tonnar*, *Donnar*, *Tonar*. Hæc D. Prideaux.

Hujc igitur Jovi *Tanaro* sive Tonanti *Titus Elvpius Præsens*, *Galeria* Tribu, non vero Galerius, ut habet Commentator, quod ex aliis inscriptionibus patet. Tribus enim nomini familiæ & cognomini interponebatur, GVNAPRI. nomen ni fallor Centuriæ, legendumque suspicor C. VNA-PRI. id est *Centuria Unapri*, vel nisi esset nimia immutatio C. AEL. APRI, quod in aliis occurrit lapidibus. Minime ergo assentior notis Oxoniensibus, quæ nescio quam Gunetham Angliæ Provinciam hic obtrudunt: nec PRI. Primipilum unquam significat. Cæterum miles erat *Legionis Vigesima Valeriæ Victricis*, Commodus & Laterano Consulibus, Anno Christi 154. sub Antonino Pio. Legionem enim XX. Valeriam Victricem habeo in alia Inscriptione, absque abbreviatione notatam.

VI. Jovis Acræi.

Nummi Smyrnæ reperti a D. Falkner Anglo.



Jupiter *Acræus* a Smyrnæis cultus, in aliquo promontorio prope Smyrnam Templum habebat,

D quod prora navis in primo nummo indicat, & vox Acræi, quæ Latine *promontorialis* diceretur: sic

Junonis Acrææ in Græciæ promontorio e regione Sicyonis mentio fit apud Livium, l. 2. decad. 5. Promontorium, inquit, est adversus Sicyonem, Junonis quam vocant Acræam, in altum excurrent. Jovis etiam Acræi in Græcia alibi meminit idem Author. Sed hic noster ad continentem Asiæ minoris statuendus est, non quidem ut augurabatur D. Nicolaus Bon Cretensis, de antiquitatibus bene meritis, in eo loco nautis & mercatoribus noto, qui vulgo S. Giovanni d' Acri nominatur, cum nimis ab urbe Smyrna distet, sed ni fallor, in promontorio quod Smyrnam & Phoceam interjacet, vel in opposito ab altera parte Smyrnæi Sinus. Notandum tamen istud Acræi epitheton non semper ab aliquo promontorio peti. Pausanias siquidem Junonem Acræam memorat in Arce Argolica, quæ longe a mari abest: *Ανιόντων τὲ ἐς τὴν ἀκρόπολιν, ἔστι μὲν τῆς Ἀκραίας Ἡρᾶς τὸ ἱερὸν. Ascendentibus in Acropolim est quidem Acrææ Junonis templum. Ibi-*

demque Hefychius Minervam, Venerem & Dianam Acræam statuit, quibus Melampus devictis hostibus delubra construxerat. Nec mirum, ἀκρᾶ enim antiquis, & ἀκρῆς recentioribus Græcis, non tantum promontorium significat, verum etiam cacumen & angulum: quod Amasæum Pausaniæ interpretem fefellit, qui hunc Authoris sui locum exponens, *ἰδὲ μὲν μὲν ἡ δὲ ἀκρᾶ τὰ ἀκρᾶ, διὰ δὲ αὐτῶν εἶναι Ποσειδῶνος, τὴν δὲ Ἀκρᾶν ἡλίας δόντας τὴν ὑπὲρ τῆς πόλεως*, sic Latine reddidit, *qui cum isthmum Neptuno, Soli vero promontorium quod urbi imminet, adjudicasset*, cum vertere debuisset, montis cacumen quod urbi imminet. Montem scilicet illum cui postea Arx Corinthi imposita est, quæ ideo Acrocorinthus alias audit, sicuti & Athenis & Argis arx Monticuli vertici imposita, Acropolis vocabatur: sed in re tam plana diutius non immoror.

VII. Jovis Casii.



Mons Casius in limitibus Ægypti & Palestinæ, templum habebat in quo Jupiter Casius colebatur, ut referunt Stephanus & Strabo, urbemque cognominem in qua sepulchrum fuit Pompeii. Ab eo monte 37. miliaribus distabat urbs celebris Pelusium. Casius, inquit Strabo, est mons aggeribus arenarum similis, inque mare procurrent, ipse aquarum inops. In eo Magni Pompeii corpus jacet, & Jovis Casii est Templum, nec procul inde Magnus jugulatus fuit, Ægyptiorum dolo circumventus. At alter erat Casius mons in Syria, in quo etiam Jupiter Casius, ad quem pertinet nummus: eratque Seleuciæ urbi Pieriæ regiunculæ vicinus. Hujus etiam meminit Strabo lib. 16. *Seleucensibus vero*, inquit, *Casius mons & Anticasius*, & paulo supra de Triptolemo verba faciens, *Antiochenſes eum ut Heroem colunt, & in Cassio monte qui est prope Se-*

leuciam festum ei diem agunt. Ammianus Marcellinus lib. 22. de Juliano Apostata: *Denique præstituto feriarum die Casum montem ascendit nemorosum, & tereti ambitu in sublime porrectum, unde secundis Galliciniis videtur primi Solis exortus. Quumque Jovi faceret rem divinam, &c.* Spartianus in Hadriano: *Sed in monte Cassio, quum videndi Solis ortus gratia nocte ascendisset, imbre orto, fulmen decidens hostiam & Victimarium sacrificanti afflavit*. Notandum enim tantæ altitudinis fuisse hunc montem, ut, inquit Plinius, quarta vigilia oriens per tenebras ibi Sol aspiceretur. Casius ergo & Cassius ab authoribus nominatur. Priori favent nummi. In ea æde Jovis Casii Trajanus crateres argenteos, aliaque ob Geticam victoriam appendit, teste Suida in voce Κασίου.

VIII. Jovis Cassii.



Tales effodiuntur quotidie nummi in Insula Corcyra, præcipue circa rudera urbis Cassopo quæ olim Cassiope vocabatur, estque nunc tantum Ecclesia Deiparæ Virgini dicata, cum adjuncto Græ-

corum Monasterio, & egomet plurimos cum illac pertransirem contrectavi comparavique. Eos jam in historia sua Corcyrenſi Eques Andreas Marmora exhibuit. Hujus Jovis meminit Suetonius in

Nerone: nec profectioe dilata ut primum Cassio-
pem trajecit, statim ad aram Jovis Cassi cantare
auspicatus est. Altera autem erat Cassiope in Con-
tinenti, ubi nunc pagus *Sancti quaranta*, Græce
Agioi Saranda, a priori fere tantum freti trajectu
distans. Primus Nummus Corcyram Nympham
quæ urbem in ea Insula sibi cognominem condide-
rat, exhibet, cum Jove Cassio in averfa parte. Se-
cundus Jovem Cassium & ab alia parte Panem agre-
stem Deum, qui a Corcyrensisibus ΑΡΡΕΥΣ, sicuti
apud Athenienses dicebatur, teste Hesychio,

A Αρρὺς, ὁ Πανὶ παρὰ Ἀθηναιοῖς ὡς Ἀπολλῶδωρος. Ter-
tius Antoninum Caracallam cum eodem Jove. Nul-
la autem supersunt Cassii Jovis rudera, verum non
longe ab Ecclesia prædicta abfuisse putem, cum
præcipue ibidem circa vicinum fontem reperta sæ-
pe fuerint similia numismata. Circa alia Jovis co-
gnomina rara in Nummis consule numismatogra-
phos. ZETC ΦΙΛΙΟΣ & ZETC ΚΡΗΤΑΓΕΝΗΣ
a Trifano producantur. ZETC ΚΑΤΕΒΑΤΗΣ ab
Octavio Strada, aliaque ab aliis.

IX. Jovis Pecoralis,

In Insula Naxo.

Ο Ρ Ο Σ

Δ Ι Ο Σ Μ Η Λ Ω Σ Ι Ο Υ

Id est,

MONS JOVIS

PECORALIS.

Sculpta visitur characteribus antiquissimis in pe-
tra marmorea rudi & impolita, quæ scalprum nun-
quam passa est, nisi ut hos reciperet, juxta viam
qua itur a pago insulæ Naxi, cui nomen *Aperatoz*,
ad verticem montis quem hodie Insulani *Zia*,
ab illo proculdubio Jove nuncupant, quasi dice-
rent *Dia*, id est, *Jovem*; literæ enim δ & ζ apud
hodiernos Græcos valde affines sunt. Indicata fuit
summæ eruditionis Antiquario D. Antonio Gallan-
dio, mihi amicissimo, a quo, ut & ab Excellentissi-
mo Gallia ad Turcas Legato D. Marchione de No-
intel, mihi communicata fuit. Iis ergo in eam in-
sulam appulsis & montis apicem petentibus, mar-
mor illud conspiciere licuit, nec iis conjectura de-
fuit, qua ratione adducti Naxiotæ montem Jovi
Pecorali consecrarint. Μῆλα enim Homero, *pe-
cora* seu oves, & μινλωτῆς, Hesychio *ovium pastor*.
Montes autem quod alte in aerem sese attollant sub
Jovis ditione erant: huncque illi Deo antiqui di-
caverunt, totius Insulæ celissimum, ut pote qui
a centum viginti millibus passuum detegatur ex In-
sula Chio. At *Milosum* sive *Pecoralem* dixerunt,
quod pascua sint illic abundantissima, ad quæ (ut
nunc fit) omnis generis pecora abigebant. Enim-
vero circumquaque, nil nisi Ovium & Caprarum
greges cernere est, qui tenellas depascunt herbas,

B ac Cystum maxime, cujus humore glutinoso, quem
Ladanum vocamus, barbas suas mense Junio infi-
ciunt Capræ. Porro ex illo vertice, qui acutissi-
mus est, & in medio fere Insulæ positus, sequen-
tes Ægei maris Insulæ & scopuli oculis usurpan-
tur, atque equidem in gyrum hoc ordine ab Orien-
te versus Meridiem, *Pathmos*, *Stenousa*, *Schi-
nousa*, *Amorgos*, *Astypalæa*: a Meridie versus oc-
casum *Therasia*, quæ nunc *Santorini*, *Ios*, ubi
sepultus Homerus, *Pholegandros*, &c. ab Occa-
su versus Boream, *Melos*, *Paros*, *Antiparos*, *Siph-
nus*, *Thermia*, *Cea*, *Syrus*, *Eubœa*, *Andros*,
C *Tenos*, *Delos* & *Mycone*. Ita ut Naxos media fer-
me omnium Cycladum esse videatur. Ut memoria
ad posteros manaret Legatum e Gallia missum illuc
ascendisse, jussus Gallandius a Marchione Noin-
telio, incidi curavit in marmor album, marmoreus
enim fere totus ille mons, hanc inscriptionem,
a Sculptore qui e proximo pago accersitus fuerat.
EX HOC VERTICE JOVIS MELOSI
MARIS ÆGEI CIRCUMVICINAS
INSULAS CONSIDERABAT CAR.
FRANC. OLIER DE NOINTEL, IMPER.
GALL. LEGATUS, XXIV. NOVEMB.
M. DC. LXXII.

X. Jovis Tempestatum potentis.

In Africa, non longe ab urbe Constantina.

IOVI. O. M.

TEMPESTATIVM

DIVINARVM POTENTI

LEG. III. AVG. DEDICANTE

Q. FABIO CALVITINO

LEG. AVG. PR. PR.

Descripsit D. De la Fon, Propugnaculi Franciæ in Africa
ad Mediterraneum tunc temporis Præfectus.

Jupiter

Jupiter præsidebat aeri, in quo imbres, tonitrua, tempestatesque sonantes, unde hic Tempestatum potens infrequenti Epitheto nuncupatur; sic elegantissimus Abbatis Seguini nummus Jovem dextra pluviam comprimentem, altera fulmen gestantem repræsentat: Jovisque Pluvii in Hymetto Atticæ monte Statua olim posita erat. Ipsi etiam Tempestati Ædem Marcus Marcellus erexerat, cum in Sardiniam & Corsicam navigans, ab ea liberatus esset. Si tamen Inscriptioni Lucii Scipionis Barbatî credendum sit, quæ aliquibus suspecta

est, jam antea ab eo Consule Tempestatibus Ædes
dicata fuerat. Forte igitur Legio tertia Augusta in
Africam transvecta, Tempestates aliquot passa, sa-
lutis suæ Autorem Jovem veneratur, dedicante e-
jus ductore Quinto Fabio Calvitino Legato Augu-
sti Pro-Prætoris, Provinciæ, ni fallor, Africæ,
ubi hoc & sequens reperitur marmor. *Tempesta-*
tium antiquitus dictum fuisse pro Tempestatum, si-
cut & *Civitatium*, annotarunt jam eruditiores
Critici, ultimumque sæpe apud Livium occurrit.

XI. Ventorum.

Ibidem.

VINTIS

BONARVM TEMPE
TATIVM POTENTIBVS
LEG. III. AVG. DEDICANTE
Q. FABIO CALVITINO
LEG. AVG. PR. PR.

Vintis pro *Ventis* sculptum est Quadratarum erro-
re, vel neglecto affinium literarum discrimine, ut
in aliis observatur lapidibus. *Venti* certe bonarum
malarumque Tempestatum Authores sunt, qui-
bus felicitis navigationis tessera hac votiva tabula
dicaverat Legio III. quæ alibi, ab ea cujus præsidio
commissa erat regione, *Cyrenaica* nominatur. Quo

cæterum tempore, quove sub Cæsare Legatus Augustalis fuerit Quintus Fabius Calvitinus, asserere non ausim, nisi quod in aliis Inscriptionibus hujus Legionis tertiæ Cyrenaicæ mentio fit, tempore Trajani & Hadriani sculptis, ut in sequenti Lugdunensi inscriptione, quæ apud Gruterum quidem exhibetur, sed multo magis mutila.

Lugduni

In horto Monachorum Trinitatis.

TI. CLAUD. TI. FIL. PAL. QVARTIN.
TRIB. MIL. LEG. III. CYRENAEIC.
ADLECTO AB DIVO TRAIAN. PARTHIC.
IN SPLENDIDISSIMO ORDIN. QVI PAN
NONIAE LEG. PRAETOR. LEG. PROPR.
PROVINC. ASIAE LEG. DIVI TRAIANI
..... TRAIANI HADRIANI
LEG. PROVINC. HISPAN. CITERIORIS.
IVSSV HADRIANI AVG CAES....
GEMICA ET HADRIANIA.....

Tiberio Claudio Tiberii Filio
Palatina Tribu Quartino, Tri-
buno Militum Legionis tertie
Cyrenaica.

Hunc lapidem jam antehac in nostris Lugdu-
nensibus Antiquitatibus, ut & duos superiores

XII. Jovis Sereni.

Romæ.

I. S. I. P. D. M.

ISIDI SALVTARI
PRO SALVTE Q. VERGILII
MODESTI CASSIA MATER.

V. S. D.


Exscript.

Hocce obscuros primæ lineæ characteres, quorum ignoratione ignota fingeremus numina, exponebat Vir doctissimus & in Antiquis versatissimus Jo. Petrus Bellorius Romanus, hoc pacto, Jo-

vi Sereno Junoni Placidæ Diis Magnis, quorum cognominum Jovis & Junonis, alia expromere exempla facile foret.

XIII. Jovis Domestici.

Neomagi.



Ex Smetii Antiquitatibus Neomagensibus.

Jovem suum Domesticum Brato Miles Veteranus libens merito veneratur, vel quod domum suam post Militiæ pericula reverti permisisset, vel quod ei domi tunc Aram collocasset, eumque pro Opti-

mo Maximoque Penatum suorum colere in posterum instituisset. Sapit autem vox hæc BRATO rudem Latinisque barbaram veterum Celtarum linguam, quæ Belgis cum Gallis nostris communis erat.

XIV. Jovis Sabatii.

Romæ.

In hortu D. Petri Montorii.

IOVI OPTIMO
MAXIMO
SABATIO
C. CAETRONIVS OCCI
VS VALERIANVS MIL.
SEMPLAR. ARMATVRAE
V. S. L. M.

Exscripsi.

Sabatus Jupiter idem est ac Sabazius, qui & in aliis Inscription. Gruterianis occurrit. Frequentissimum fuit hocce cognomen Bacchi, teste Hesychio, ut alii jam Authores probarunt. At etiam Jovis, ut, præter marmora, antiqui confirmant Scriptores. Firmicus de errore profanarum Religionum: *Sabazium colentes Jovem, anguem, cum initiantur, per sinum ducunt.* Et forte a Baccho ad Jovem translatus fuerat Epitheton, eo quod Jupiter Bacchi parens censeretur. Diodorus Siculus l. 3. *Ex Jove & Proserpina natum ajunt Bacchum ab aliquibus Sabatium cognominatum.* Irrepsit autem vox illa ex *Sabæ*, Bacchantium Thraciæ barbaro clamore, sicut & *Evoæ*, unde Bacchi Sacerdotes *Σαβοι* vocati, & festa ipsi *Sabazia* instituta, teste

Scholiasse Aristophanis ad Vespas: *Σαβαζιον ὁ Διόνυσος οἱ Ὁράνες καλεῖται, καὶ Σαβῆς, τὰς ἱερὰς αὐτοῦ.* Huic Jovi Sabasio votum solvit libens merito, Aramque erexit *Cajus Caetronius Occius Valerianus Miles Semplaris*, hoc est, ut puto, simplicis armaturæ. Sic in antiquis marmoribus *Miles duplarius*, hoc est duplicis armaturæ. *Cetroniæ* autem & *Cetroniæ* familiæ, utroque enim modo scribitur, in aliis lapidibus apud Gruterum citatis, sicuti & *Occiæ*, mentio fit. At quare Miles hic duarum familiarum nomina fert? Hoc quidem, ut opinor, accidebat, ubi aliquis in aliam familiam, quam in eam in qua natus erat, adoptabatur, sicque utriusque nomen retinebat.

XX. Dei Dolichenii.

*Massiliæ olim repertus**Lapis hoc typo triplo altior, nunc in**Cimeliarchio Ducis Virtembergici,**Stukardie.*

DEO DOLICHENIO .
 OCT . PATERNVS . EX . IVSSV . EIVS . PRO . SALVTE .
 SVA ET SVORVM .

M. Demassò fecit

Marmoris istius Eclypon exhibuit in nummis A meus : sed quia ad nostros Deos pertinet, & ipse-
 suis ex ære mediocri Carolus Patinus Vir de anti- met ad prototypum delineavi heic recudere non
 quitate non mediocriter meritis & Præceptor dubitavi.
Supplem. Tom. IV. Eec ij

Quis fuerit Deus ille Dolichenus ex 7. Inscriptionibus quas refert Gruterus intelligi potest, quanquam eæ omnes Dolichenum non Dolichenium constanter nominent. Jovem scilicet ita cognominatum, quod Taurus qui ipsi immolabatur, & Aquila ipsius comes, confirmant; nec absimilem typum Gruterianas duas habuisse, legimus ibidem. At quare imberbis, foccatus, barbæque paludatus sive militari veste indutus, hic opus, hic labor est. Similior certe Marti quam Jovi. Quid pariter Dolichenus? Dolichos Suidæ & Helychio Hippodromium est. Dolicha insulæ Ulyssis nomen, ut ait Strabo, quæ prius Dulichium vocabatur: sin autem certum foret ex hac denominatum fuisse Jovem, non dubitarem Ulysses ipsum hoc typo quasi Jovem Dolichenium ab antiquis cultum fuisse, præcipue cum ille se pro Jovis pronepote jactaret; sic enim Ovidius Metamorph. lib. 13. in Ulyssis oratione.

*Nostri quoque sanguinis autor
Juppiter est, totidemque gradus distamus ab illo.
Nam mihi Laertes pater est, Arceſius illi,
Juppiter huic.*

At Stephanus Jovis Dolichæi meminit in Provincia Commagene: ἐστὶ δὲ δολιχηνὴ πόλις τῆς κομμαγενῆς. ἐθνικὸν δολιχαῖος ἔδος. οἱ δ' ἐπιχωριοὶ, δολιχνοὶ λέγονται. Est etiam Dolichene urbs Commagene. Gentile Dolichæus Jupiter. Eam vero qui inhabitant Dolicheni dicuntur. Unde huic urbi Jovem istum tribuere non dubito. Si enim ejus cives Dolicheni dicti sunt, quidni & Jupiter Dolichenus æque ac Dolichæus cognominatus fuerit?

Roma.

In Quirinali.

IOVI OPTIMO MAXIMO
DOLICHENO VBI FERRVM
NASCITVR C. SEMPRONIVS
RECTVS CENTVRIO
G. FRVMENTARIVS DD.

Ex sched. Barb.

Ubi ferrum nascitur. Id est, ubi ferri mineræ erant: in ea scilicet urbe quæ Jovi Dolichenio denominationem dabat.

XVI. Jovis Obsequentis.

Forolivi.

I. O. M. OBSEQVE.
M. VARENVS
POLYBIVS PRO SE
ET SVIS

V. L. S.

Votum libens solvit.

M. AVRELIO CETHEGO
L. IVNIO CLARO COS.

Ex schedis Equitis Marchetii.

Fortunæ Obsequentis, cujus templum in Capito-

Allo posuerat Servius Tullius, meminere Plutarchus & numismata. At Jovis Obsequentis nescio an aliquis fecerit mentionem. Ara dedicata sub Consulatu Cethegi & Clari, Marco Aurelio imperante, anno Christi 171.

Ibidem.

MATERNO ET
BRADVA COS.
IDIBVS AVG.
IVNONI REGINAE
M. VARENVS
CVM VARENA
CHRYSIDE ET
CVM SVIS
V. S. L. M

Votum solvit libens merito.

Ab eodem Vareno hæc ara dedicata, 15. annis post præcedentem, Materno & Bradua Consulibus.

XVII. Junonis B. Opitulantis.

Nemausi apud Guyranum.

L. ET INNONI B. OP.
IMP. PONI
NEMAVSENSES

Hanc eruditus Guyranus sic excussit in litteris ad me datis, *Libero & Junoni bene Opitulanti Imperarunt poni Nemausenses. Ubi Innoni, fabrilimendo pro Junoni sculptum esse contendit. Liber autem sive Bacchus a Nemaüsensibus colebatur, ob generosissimas vineas, quibus abundat regio. Juno vero bene Opitulans eadem est ac Juno Lucina, quæ parturientibus opitulabatur: nec male conveniunt Liber & bona Juno, utrique enim communia sacra fiebant. Æneid 4. v. 738.*

XVIII. Junonis Stygiæ.

Beneventi.

IVNONI STYGIÆ
CRESCENTINA
MATRILIA. CVM
FIL. SV. V. S. L. M.

Ex Reinesii Epistolis.

Non secus ac Pluto apud Poetas Jupiter Stygius audiebat, ita Junonis inferæ & Stygiæ cognomen Proserpinæ tribuebatur. Statius lib. 4. Thebaidos.

*Funestorum operum Eumenides, Stygiæque se-
veros*

Junonis Thalamos, ac mœsta cubilia cerno.

Si plura velis, consule Rosini & Demsteri Antiquitates Romanas lib. 2. cap. 6.

XIX. Jovis Stygii.

Romæ.

SIG. IOVI
ISTIGIO
C. ATINIVS C. F.
CLV. MARIVS
VOTO SVSCEPTO
PRO SAL. VX. SVAE
D. S. P. P.

Ex schedis Barberin.

Id est, Signum Jovi Stygio, ISTIGIO enim vi- Alius, Clustumina Tribu, Marius, voto suscepto pro
detur error esse Sculptoris, Cajus Atinius. Caii fr. salute uxoris suæ de sua pecunia posuit.

XX. Jovis Patulcii & Junonis Patulciæ.

Romæ.

IOVI PATVLCIO ET
IVNONI PATVLCIAE
D.D. PR. ID. AVGV.
C. CAESIO LONGINO ET
SEX. DOMITIO CALVINO COS.
L. CALPURNIVS L. F. PAL.
MESSALINVS
PRAEFECT. FABR. OST.
III QVINQ.
DE SENATVS SENTENTIA
AEDEM FACIENDAM
COERAVIT E II. P.

Ex sched. Barber.

Ostia

reperta tabula marmorea.

IVNONI. PATVLCIAE SISPITAE
T. FABATIVS TABVLARIVS
OST. ET. PROCVRATOR. FISCO
PATRONVS. COLLEG. LENVNCVL.
III VIR QVINQVENN.
D. D.

Ex Epist. Reinesii & sched. Barber.

Quare Patulcii & Patulciæ cognomen assumant | B | Jupiter & Juno non facile est discutere, cum sue.
Eee iij

rit vulgare Jani epitheton, quia bello ejus valvæ patebant; sicut etiam Clusius, quia pace clauderantur, unde Ovidius lib. primo Fastor.

Inde vocor Janus, cui cum cereale Sacerdos,

Imponit libum farraque mista sale:

Nomina ridebis, modo namque Patulcius idem,

Et modo sacrificio Clusius ore vocor.

Junoni Patulciæ votivam tabulam dederat, dicave-

ratque Titus Fabatius Tabularius Ostiensis & Procurator Fisci, nec non Patronus Collegii Lenunculariorum, Quartumvir Quinquennalis. Lenunculus est piscatoria navis, unde Ammian. Marcel. lib. 4. *Lenunculos piscatorios* appellavit. Cæsar autem lib. 2. belli civilis, lenunculum pro scaphis majorum navium ponere videtur.

XXI. Junonis Sispitæ Lanumvianæ, & Jovis Sispitis.

M. AMIVS M. F. PAL. BALBVS

SACERDOS IVNONI REG. SISP

ITAE LANVMVIANAE FECIT

VIVENS ET AMIO IVNIO FI

LIO SACERDOTE IOVI SISP.

ET AMIAE MATRI PIISSIM.

IN FR. P. XIX. IN AGR. PED. XXVI.

Ex Spanheim. de utilit. Numism.

Sispitam Junonem, quam vulgo Sospitam appellant, Antiqui usurpabant, inquit Festus. Colebatur illa sub hoc Epitheto, præcipue Lanuvii, oppido sedecim milliaribus Roma disito, ubi celebre Templum ipsi erectum erat, unde Lanumviana hic vocatur. Depingitur in Antonini Pii nummo æreo, & in nummo Consulari familiæ Thorizæ, pelle caprina capite & fere toto corpore vestita, eo quod ei Capræ immolarentur, unde a

B Lacedæmoniiis Juno αἰγοράγος, hoc est Capras comedens, appellabatur. Hanc Junonem ut sibi propitiam redderent Romani, sacrificiis sæpe placabant, tandemque ipsi Ædem extruxerunt Romæ in foro Olitorio, teste Livio. Hujus Sacerdos Marcus Amius Balbus pro se suisque locum Monumenti elegerat, latum IN FRONTE Pedes XIX. IN AGRO PEDES XXVI. At Jovis Sispitis rara est denominatio.

XXII. Junonis Albanæ.

Albani.

IVNONI ALBANAE

EVTYCHVS FAVSTINIANVS

ET EVTYCHIA FAVSTIN.

AVG. LIBERTA FLORA V. D. D.

Ex sched. Barber.

Cognomen sæpe assumebant Ethnicorum Dii, Deæque a locis in quibus præcipue colebantur. Ita Juno in hoc marmore Albana dicitur, quia Albæ Longæ Templum haberet, vel saltem ad lacum

C Albanum, ubi nunc pagus Albano vulgo dictus. Huic Deæ Eutychus Faustinianus & Eutychia Faustina Augusti Liberta Flora, voto Aram dederat, dedicaveratque.

XXIII. Junonis Feroniæ.

Patavii.

IVNONI FERON.

BARBIA L. F. SECVNDA

AEDEM. SIGNVM. PORTI

CVS. D. P. S. P.

Ex Ursati Hist. Patavin.

Feroniæ Deæ a Sabinis cultæ mentio est apud Dionysium Halicarnassæum, Titum Livium &

Strabonem: sed eandem fuisse ac Junonem, ne-
mo est quod sciam, qui dixerit: unde rara mihi
visa est denominatio, ut eam non esse omitten-

A dam putaverim. Huic *Barbia Lucii filia Secunda*
Ædem Signum & Porticus de pecunia sua posuit.

XXIV. Junonis Monetæ.

Romæ.

IVNONI MONETAE REGIN.

SACRVM

ANTONIVS L. L. EVTHETVS

ET ANTONIA DIONYSIA

VOT. SOL.

Exscripti.

Junonem Monetam dictam fuisse ab Antiquis
Romanis Cicero refert libris de Divinat. quod cum
terræ motus factus fuisset, *moniti* fuissent ab ea,
ut Sue plena Diis placandis sacrificium fieret. Li-
vius vero & Ovid. ajunt, *Ædem* hanc Junoni Mo-
nætæ votam fuisse a Furio Camillo Dictatore:

Arce quoque in summa Junoni Templi Monetæ,
Ex voto memorant facta, Camille, tuo.

At Suidas posterioris ætatis Autor, hujusce E-
pitheti aliam originem indigitat, in voce MONE-

TA. *Juno, inquit, apud Romanos tali de causa*
ita dicta. Romani cum in bello contra Pyrrhum &
Tarentinos pecuniis egerent, Junoni votum fece-
runt. Illam vero ferunt ipsis respondisse, si cum ju-
stitia seriam operam darent armis, pecuniam ipsis
non defuturam. Romani igitur voti compotes fa-
cti, IVNONEM MONETAM coluerunt, hoc
est Consultricem, seu Monitricem, & decreve-
runt, ut nummi in ejus Templo cuderentur. Un-
de Carisius Monetarius in nummo Consulari gen-
tis Carisiæ eam expressit.

XXV. Junonum.

Ibidem.

Materni.

IVNONIBVS

D. S. Diis sacrum.

A V G. HERCVLI ET

L. LICINIVS HYMNVS IVNONIBVS

V I V I R

L. VALERIVS SE

V. S. L. M.

VERVS ET CLODIA

CORNELIANA

Ex Onuphrü Panvinii Antiquitatibus
Veronensibus.

PRO L. VALERIO

CORNELIANO

V. S. L. M.

Ex eodem.

Junones erant Deæ unicuique Mulieri præsen-
tēs, sicuti Viris Genii: ita muliebres Genios non
male nominaremus. Plinius, lib. 2. cap. 7. hanc
Deorum multitudinem apud se reputans & quasi
subridens: Major, inquit, Cælitum populus quam
hominum intelligi potest, cum singuli quoque ex se-

C *metipsis totidem Deos faciant, Junones, Genios-*
que adoptando sibi. Seneca Epist. 110. Memineris
Majores nostros, quia crediderunt hoc, Stoicos
fuisse: singulis enim & Genium & Junonem dede-
runt. Alias Inscriptiones Junonibus dicatas vide
apud Gruterum.

XXVI. Silvanarum & Quadrib.

*In ruinis Carnunti, prope Viennam,
Austriæ, in pago Pedernel,
recens effossa.*

SILVANAB. ET. QVADRIBIS. AVG. SACRVM
C. ANTONIVS. VALENTINVS. VET. LEG. XIII G.
MVRVM. A. FVNDAMENTIS. CVM. SVO. INTROITO
ET. PORTICVM. CVM. ACCVBITO. VETVSTATE
CONLABSV. IMPENDIO. SVO. RESTITVIT
GENTIANO. ET. BASSO. COS.

Ex D. Mayer Lugd.

Silvanæ Faunæque Sylvarum Præsides Deæ, quæ & Dryades & Hamadryades aliis dictæ, nefcio quæ monstra hic habeant sociata: an seminumina *Quadrivis præsentia*, quales in bivis, trivisque Hermi seu Mercurii ab antiquis culti? Quo cæterum tempore hoc epigramma posuerit Cajus Antonius Valentinus Veteranus Legionis XIII. Geminæ, patet ex Consulatu notato Gentiani & Bassi, qui in annum Urbis Conditiæ 963. incidit,

A partusque Virginei 210. Gentianus idem est qui integro nomine Quintus Epidius Rufus Lollianus Gentianus vocatur: unde non mirum si aliquando Fasti vel Authores ultimum cognomen brevitatis causa omittant. Silvanarum mentio elegantem inscriptionem mihi in mentem revocat, ab Grutero ignoratam, ut & cæteræ quæ a nobis exhibentur. Hujus participem me fecit R. P. Ruffinus Franciscanus, a Guichenone etiam citatæ.

In urbe Aixme Tarantasiæ, in Alpibus.

SILVANE SACRA SEMICLVSE FRAXINO
ET HVIVS ALTI SVMME CVSTOS HORTVLI

TIBI HASCE GRATES DEDICAMVS MVSICAS

Alii legunt Maximas.

QVOD NOS PER ARVA PERQVE MONTIS ALPICOS

Id est, Montes,

TVI QVE LVGI SVAVEOLENTIS HOSPITES

DVM IVS GVBerno REMQVE FVNGOR CAESARVM

TVO FAVORE PROSPERANTI SOSPITAS

TV ME MEOSQVE REDVCE ROMAM SISTITO

DAQVE ITALIA RVRA TE COLAMVS PRAESIDE

EGO IAM DICABO MILLE MAGNAS ARBORES

T. POMPONI VICTORIS PROC.

Procuratoris.

A V G V S T.

XXVII. Silvani Caminesis.

Romæ, in villa Caesarini.

M. ANTON. BATES

VALERIA PROFVTVRA

ET MARCVS ANTONIVS

HYMETVS COM FILIS SVIS

Com pro CVM

DONVM DEDIT SANCTO

SILVANO CAMINESI

CLODIO ALEXANDRI

MANCIPE CASSIA DEVTERA

Exscripsi.

Qualis sit Caminesis iste Silvanus penitus me later, cum nec officium, neque locus mihi in

mentem veniat, a quo peti possit.

XXVIII. Silvani Flaviorum.

Extra Romam, in vinea prope Turrin de Pignatara.

SILVANO FLAVIORVM

CASSIANVS T. FLAVI AVG

Titi.

LIB. CELADI LIBERTVS

FECIT VNA CVM FLAVIS

CASSIANO ET AMANDO

FILIS INCHOATA

ANTONINO AVG. PIO P. P.

DEDICATA XV. K. APRIL.

SCIPIONE ORPHITO ET

SOSIO PRISCO COS.

Silvanum familiæ suæ venerantur Flavii tres, A pater & duo filii. Mirum est Ethnicos tot Deos coluisse, unumque ex iis in tot adhuc numina distractum quot erant familiæ. Corrigit hæc Inscriptio Fastos Capitolinos, qui sub Antonino hunc Consulatum his verbis statuunt, *Ser. Cornelius*

Scipio Orfitus & Q. Nonius Priscus, ubi loco Nonii repono ex lapide *Sofsi*. Sunt enim duæ familiæ Nonia & Sofia. Adde quod *Priscus* sit aliis in locis cognomen Sofsiis attributum, ut alteri Consuli sub M. Aurelio,

XXIX. Lucidi Panis.

Romæ

LVCIDO PANI

C. QVINTIVS MUCIANVS

ET HERODIA SYNNEZIA

VXOR DVLCISSIMA

V. S.

Ex Reinesii Epist. ad Hofmann. & Rupert.

Panem Arcadum proprium numen fuisse, ob B regionem montosam & Sylvosam, & in ea sive montem sive Saltum λαμπεῖαν eidem sacrum, e Pausania scimus: unde λαμπεῖον Pana forte inter-

pretatus est Romanus homo, *Lucidum*, quasi ita ἀπό λαμπεῖος agnominatus fuisset. An vero quia Pan Lucicola, a Lucis *Lucidus* dictus? *Reinesii Epist.*

XXX. Dei Penini.

In montē Magno S. Bernardi.

LVCIVS LVCILIVS

DEO PENINO

OPTIMO

MAXIMO

DONVM DEDIT

Pennini Dei sive Penni, qui in Alpium vertice colebatur, mentio est apud Titum Livium, lib. 1. *Supplem. Tom. IV.* Fff

Neque bercule, inquit, montibus his ab transitu Pœnorum ullo, Veragri incolæ jugi ejus norunt nomen inditum: sed ab eo quem in summo sacratum vertice Penninum montani appellant. Ex hoc lapide Peninum legerem. Pena quo Penini cognomen Celtica Lingua, rei cujusque summitas & caput intelligebatur, unde Alpibus nomen, ut etiam innuere videtur Livius, quæ Germanica Lingua Alpen vocantur, & Apenninis qui Italiæ longitudinem percurrunt; ob eorum montium cacumina. Hinc pagus non longe a Massilia Penes colli

impositus, ubi rudera quædam antiquitatis. De his plura nobilis atque eruditus Boëssius in Miscellis. Inde nomen huic Deo, qui in hoc montis jugo colebatur, sub juvenis habitu dextram tollentis, sinistram demittentis, eratque ipsius statua, ut asserit Guichenon in Historia sua Sabaudica, columnæ imposita, quam Augustus victis Salassii gentibus Alpinis dejecit, eique Jovis Statuam substituit, cum Inscriptione in altera basi, I. O. M. GENIO LOCI FORTVNAE REDVCI TERENTIVS VARRO.

XXXI. Apollinis Placiferi.

Romæ.

APOLLINI PLACIFERO
EX VOTO LIBEN.
SOLVIT L. AQVILLIVS L. F.
SER. AVRELIVS MIL. COH. X.
PRAETOR CENTVRIA X. VALERI
BASSINI LIBENS
VOTVM REDDIDIT

Ex sched. Card. Barber.

Apollo *Pacifer* in Gruteriana Inscriptione, hic *B. placida* & *Placifera* audiunt. *Placifer*, quod forte idem, sicuti & alia numina

XXXII. Apollinis Præstantis.

Ardea.

APOLLINI PRAEI
STANTI ARAM
D. D. D.
PRID... AVGVST...
CATVLINO ET MEROBAVDE
COS.
ORD. PEREGRINORVM
CVR. T. FLAVIVS LIB. NAR
CISSVS

Ex sched. Barberin.

Ara hæc Apollini Præstanti dedicata anno Christi 377. etiam si Fasti Capitolini tunc Gratianum & Merobaudem Consules nominent. Forte enim hic Catulinus defunctus erat anno non expleto,

cui Gratianus successerat in Consulatu. Non autem plane exulasse tunc Ethnicismum testis est Inscriptio.

XXXIII. Clatræ VIXX

Romæ, Tabula ærea apud Falerios.



LEPPIOR. SANTIRPIOR. DVIR FOR
FOFFER. DERTIER. DIERIR. VOTIR
FARER. VEF. NARATV. VEF. PONT
SIRTIR

Mirum esset Apollinem sub habitu tam vario designatum esse, fulmen enim Jovem, modius Sarapidem, rota capiti imposita nescio quid designat, radii & Lyra Solem, nisi jam nobis notum esset apud Ægyptios Jovem, Apollinem, Sarapidem, Ammonem & Æsculapium unum esse numen: quod præter Tacitum, Athenæum aliosque, Antonini jam vulgatus a Seguino nummus ostendit, in cujus aversa parte caput cernitur barbatum instar Jovis, modio supra caput instar Sarapidis, radiis coronatum ad instar Apollinis, cum Ammonis cornu & Plutonis tridente. Possidebat Constantinopoli D. Couvel Legati Anglici Capellanus antiquum Jaspidem, in quo circa caput Sarapidis inscripta hæc verba ΕΙΣ ΖΕΥΣ ΣΑΡΑΠΙΣ, unus Jupiter Sarapis, tum alium lapidem preciosum in quo circa idem caput ΜΕΓΑ ΤΟ ΟΝΟΜΑ ΤΟΥ ΣΑΡΑΠΙΔΟΣ: magnum nomen est Sarapidis. Oraculum Apollinis apud Julianum Imperatorem.

Εἰς Ζεὺς, εἰς Αἰδὼς, εἰς ἥλιος εἰς Σάραπις.
Unus Jupiter, unus Pluto, unus Sol est Serapis.

Sicut autem Jupiter Serenus, ita & in marmore sequenti Apollo-Serenus nominatur.

SOLISERE

NO SACR.

TI. CLAVDIVS

PHOEBVS

V.S.L.M.

Ex sched. Barber.

Supplem. Tom. IV.

Verum quid sibi velit vox illa CLATRAE Isidis superscripta. Vox certe ignota. Belgæ crepitaculum puerile *Clater* vocant. Sistrum illa, quod aliis ipsius crepitaculum dicitur, dextra gestat, intortumque serpentem. Ammianus dicit serpentes simulachro Isidis peculiares fuisse, & Clemens Alexandrinus ait vivum serpentem in templis habuisse Ægyptios. Erat & in templo Isidis. Flore & fructu Loti ipsius caput insignitur, ut solet in nummis. Ab eo Ægyptii Lotophagi dicti sunt. Sinistra mensuram quandam tenet crescentis Nili. Socrates enim hist. Ecclesiast. lib. I. cap. 14. πύχον, id est, cubitum, vel aquæ mensuram, vel ulnam crescentis Nili, in templo Sarapidis fuisse dicit, quam Constantinus ad Ecclesiam Alexandrinam deferri jussit. Prora navis ad festum Isidis referri potest, quod Isidis Navigium in Calendario antiquo vocatur. Fructus Pinus arboris ad pedes jacet. Hæc ipsi sacra, sculpsit enim in variis marmoribus Isidi dicatis. Lampridius in Commodo: *Isiacos vero pineis usque ad perniciem petus tundere cogebat.* Plura vide de Serapide & Iside, apud Plutarch. libro peculiari. Memorat autem Publius Victor in Regione VI. urbis Romæ, *Templum Apollinis & Clatræ.*

Inscriptio subjecta lingua antiqua Etrusca scripta est, ut ex similibus quæ apud Gruterum extant intelligitur, sed qui eam interpretari poterit erit mihi magnus Apollo.

XXXIV. Deanae Nemorensis.

Roma.

In Hortis Justinian.

DEANAE
NEMORENSI
SACRVM
M. ACILIVS PRISCVS
EGRILIVS
PLARIANVS

Exscripsi.

Deanae scriptum pro Diana: in multis enim antiquis lapidibus e pro i scribitur. Sic Genetrix pro Genitrix, cives pro civis, condedit pro condidit: aliaque apud Gruterum Inscriptiones extant, in quibus Deanae legitur. Nemorensi autem hic cognominatur, eo quod venationibus sese delectans memora frequentaret: unde etiam montana dicitur in fragmento marmoris Thyatiræ, ΑΡΤΕΜΙΔΙ ΟΡΕΙΤ. Id est, Dianæ Montanae: & Nemorum Incola in sequenti lapide.

Roma.

In Hortis Justinian.

DIIS MANIBVS

PRVRARVM AC NE
MORVM INCOLAM
PIRARVM DOMITRICEM
DIANAM DEAM VIRGINEM
VXENTIVS V. C. VBIQVE
PIVS SVO NVMINI SEDI
QVE RESTITVIT

Exscripsi.

Prura vox mihi incognita est, nisi Sylva sit, sic dicta quasi ὄρεα, quod Græcis præsidium est, eo quod sæpe in montibus & sylvis præsidia fierent, arcesque adversus hostium incursiones. Pira vero seu Pyra, lignorum congeries, ut ait Servius ad xi. Æneid. Pyra, inquit, est lignorum congeries. Rogus cum jam ardere cæperit, dicitur. Bustum vero jam exustum vocatur: quem ordinem servat Poeta dicens, CONSTITVERE PYRAS: item, SVBIECTISQVE IGNIBVS ATRIS, TER CIRCVM ACCEN-

A SOS DECVRRERE ROGOS. Item postea, SEMVSTA-
QVE SERVANT BVSTA. At forte, inquit Vossius in
Etymolog. Ling. Latin. melius distingueretur si
Rogus lignorum strues non accensa, Pyra vero
accensa vocaretur, sic enim dicta a πυρ, quod est
Ignis: & Rogus a ραγν quod est fissum, quia e fis-
sis lignis fiebat. Pyrarum ergo Domitrix Diana
vocatur, quod Sylvarum Dea esset, suamque il-
lic potentiam exerceret, unde & victrix & invi-
cta etiam cognominatur, ut in hisce duabus In-
scriptionibus:

B

Prope lacum Dianæ
in Latio.

INVICTAE DIANAE ET
VICTRICI SANCTAE SACRVM
L. VALERIVS L. FIL. POPIL.
FELIX S. P. V. S.

Ex sched. Barber.

C

Tusculi.

IOVI OPTIMO
MAXIMO ET DIANAE
VICTRICI SANCTAE
L. VALERIVS L. F. PAL.
VASCLARIVS D. D.

Ex iisdem schedis.

D

In prima POPIL. est Popilia Tribu. S. P. V. S.
sua pecunia votum solvit. In secunda PAL. Pa-
latina Tribu.

XXXV. Dianæ Ræfianæ.

Roma. repert. in via Appia.

DIANÆ RÆSIANÆ
Q. RÆSIVS Q. FIL. SVRDINVS
CVM RÆSIA HERCVLANIOLA
SACRVM

Privatum hoc Dianæ cognomen a Ræfiorum familia derivatum est, a templo scilicet aut sacello in eorum possessionibus erecto. Hujus Quinti Ræfii

Quinti filii Surdini, aliud a Spanhemio citatur Epigramma, in quo is miles veteranus Cohortis septimæ Vigiliū nuncupatur, sic se habens:

RÆSIANORVM FAM.

Q. RÆSIVS Q. FIL. PAC. SVRDINVS
MIL. VETER. COH. VII. VIGIL. V. P.
SIBI ET SVIS LIBERIS IDEM LIBERTIS
LIBERTABVSQVE SVIS DDXL IN HYPOGV
TESTACIVM.....

Ex Spanhemio.

PAC. quod esse Tribus nomen Judico, ut potest inter nomen & cognomen positum, forte est PAL. id est Palatina tribu, vel PAP. Papia.

B Hypogum errore fabrilī pro Hypogæum, Cameræ erat aliqua sub terra, ut in aliis lapidibus legitur.

XXXVI. Dianæ Tifatensis.

Capuæ in Monte Tifatis.....

C. VELLEIO C. F. PAL. VRBANO ... PALatina tribu.
MAG. FAN. DIAN. TIFAT. HONORATO.
EQVO PVBLICO AB IMP. ANTONINO
AVG. CVM AGERET AETATIS AN. V.
C. VELLEIVS VRBANVS ET TVLLIA
NICE PARENTES D. D. D.

Cajus Vellejus Caii filius Palatina tribu Urbanus, Magister fani Dianæ Tifatensis, a monte Tifate prope Capuam sic dictæ, honoratus fuerat ab Imp. Antonino equo publico, hoc est equo qui impensis publicis alebatur, ut docte probat Salmasius, libro de re militari veterum, non vero equestri Statua, ut olim putabam. Sæpe etiam in

inscriptionibus subauditur vox honorato, sed mirum hunc cum annum ageret quintum jam eo honore affectum fuisse ab Imperatore: sic Hadrianum Marco sexenni honorem Equi publici detulisse legimus apud Capitolinum. Capacius, qui eam in hist. Neapolit. adducit, sequentem etiam Neapoli citat.

M. METTIO
M. FIL. PAL. PIO EQVO PVBLICO
PRAEF. COHORT. V. THRACVM

Notavit jam Salmasius in libro de re Militari, miram illam loquutionem Equo publico, pro Equite

qui Equum habet publicum.

XXXVII. Lunæ Campestris.

Prope Genzano. Romæ.

DIANA INVICTA

CAMPESTRIS

SACRVM

D. IVNIVS SEX. F. VEL.

Sexti Filius, VELina tribu.

IANVARIVS PROCVR.

LVD. GALLIC. ET

IVNIA CASTA CVM SVIS

VOT. SOLVER.

Ex sched. Barber.

Campestris Luna dicitur eo quod in campis agrif. A in eos habere credatur.
ve colendis observetur hic Planeta, dominiumque

XXXVIII. Cereris Orcilianæ.

Romæ.

CERERI ORCILIANÆ SACRVM

C. AVRELIVS ORCILIVS PARALIVS

M. AVRELI SEVERI AVG.

LIBERTVS.....

... ORCILIANVM

... PROTICVM

... ALIAS PAR...

... LABE F.

Ex schedis Card. Barberin.

Cognomen hoc *Orciliana* tribuitur Cereri, eo quod & quasi ejus patrona existeret, ut testantur *Orcilii*
quod a familia *Orcilia* cultu peculiari adoraretur, & *Orciliani* nomina adjecta.

XXXIX. Cereris Conservatricis Organianæ.

Romæ.

CERERI CONS

ERVATRICI

ORGANIAN. SACR.

M. CLAVDIVS M. L.

ORGANIVS SACER

DOS BONAE DEAE

ET SACERD. CORP.

LVTORVM ET

TECTOR.

Ex sched. Barb.

Eadem est hujus ac superioris denominationis ratio. *Organiana* Ceres ab *Organio* Sacerdote Bo-
næ Deæ, pariter & Cereris Cliente devoto.

XL. Mercurii Menestratoris.

Romæ.

CAELO AETERNO

TERRÆ MATRI

MERCVRIO

MENESTRATORI

SACRVM POSVIT

L. OCTAVIVS

VERVSET

OCTAVIA EVHODIA

MATER

Ex Peireskii schedis.

Mercurius Deorum erat minister, ideo Mene-
strator seu Ministrator vocatur. Cælum vero anti-
quissimum Deorum putabant, Saturni parentem,

A Terram sive Tellurem Deam Cæli uxorem Deorum
matrem. Cætera obvia: ad alia propero.

XLI. Mercurii Conservatoris Orbis.

In Agro Brixienfi.

MERCVRIO MAXIMO

CONSERVATORI ORBIS

C. SILIVS FVNDANVS

C. FIL. QVIR. XV VIR

SAC. FAC. STATVAM

ET ARAM CC

V. S. L. M

Ex Tomafino.

Mercurius conservator Orbis dicebatur, eo quod B
mercatorum Deus esset. Ast a mutuo regionum
commercio conservatio orbis, hominumque grata
societas pendere videtur. Huic Cajus Silius Fun-
danus Caii filius Quirina tribu, Quindecimvir fa-
cris Faciundis Statuam, Aramque voverat. Quin-
decimvirorum officium erat libros Sybillinos custo-
dire, ludosque sæculares celebrare, de quibus plu-
ra Onuphrius in Civitate Romana.

XLII. Mercurii lucrorum potentis.

In pago Italiae Fonbanetti.

MERCVRIO LVCRORVM POTENTI

ET CONSERVATORI SACR.

C. GEMETINVS C. FIL. VALERIANVS.

III VIR AP. PR. AR. ID. C. GEMETINVS

VALERIANVS SECVNDVS VALERIA

S..IS EX VOTO DONVM POSVIT

ET DEDICAVIT L. D. D. D.

Ex Peireskii schedis

Qui commercio præsidebat non inepte lucrorum A | saltem ignotus sensus . L. D. D. D. *Locus da-*
 potens & conservator dicebatur. IIII VIR. AP. | *tas Decreto Decurionum*, huic nempe aræ collo-
 PR. AR. ID. nescio an parum correctum, mihi | candæ.

XLIII. Mercurii Nundinatoris.

*In pago Birsat prope Vormatiam, lapis in quo sculpti duo Mercurii
 cum caduceis, alter togatus, alter seminudus.*

DEO MERCURIO NUNDINATORI

Ex D. Reisel Vormatiensi

Duo hic sculpti sunt Mercurii, quasi nundinas B | catorum enim est, quorum patronus fuit Mercur-
 agentes, a quibus Nundinatoris cognomen. Mer- | rius, in nundinis adesse & negotiari,

XLIV. Mercurii Cissonii.

Vesontione ann. 1679. repert.

DEO MERCURIO CISSO NIO DVBERATIA CASTVLA NATIONE SYRIA TEMPLVM ET PORTICVS VETVSTATE CONLABSVM DENV O DE SVO RESTITVIT

Ex D. Boissot Priore Vesontinensi.

Putabat Illustriss. Nicasius Divionensis Abbas, C
 Cissonii cognomen derivari a *κισσα*, quod est *Pica*
 avis garrula, & ad libidinem proclivis, unde ver-
 bum *κισσα* concupisco. Loquacitas autem non
 male Mercurio tribueretur. Fuit etiam urbs in
 Thracia Cissus, & familia Cissonia. At inquit Bar-
 thius Epist. ad Daumium inter Reinesianas: *Harum*
barbararum appellationum origines, ipsa scripturæ

*antiquitate eruere velle, nescio an operæpretium
 fuerit, vel alicui perspicaciori probabile. Scis quid
 Petronio dictum, suam regionem tam præsentibus
 esse numinibus plenam, ut facilius sit Deum quam
 hominem invenire.*

Citavi Inscriptionem supra, pag. 773. ubi legitur
 CISSONIAE, quod an referendum ad Junonem, an
 vero ad familiæ illius Aphrodites nomen, ignoro.

XLV. Dei Vincii.

Seyffel ad Rhodanum.

DEO VINTIO POLLVCI CN. TERENTIVS BILLONIS FILIVS TERENTIANVS EX VOTO

Exscripsi.

An Pollux Castoris frater Vintii cognomen assu-
 mat ex urbe Vence in Provincia, quæ olim Vin-
 cium aut Vintium appellata est, affirmare non au-
 sim, cum procul ab hac urbe reperiatur lapis iste:

D | quanquam similis denominatio in Inscript. Marti
 dicata, non mediocriter me movet, ut id pro cer-
 to statuam. His concipitur verbis.

MARTI

In urbe Vence.

MARTI VINCIO
M. RVFINVS SAL. IIIII VIR
ET INCOLA CEMENEL. EX VOTO

A Id est, Marti Vincio Marcus Rufinus Saliniensis
Sextumvir & incola Cemenelensis ex voto. Salinium
Castellane nunc vocatur; Cemenelium Gimies, ut
trumque in Provincia.

XLVI. Cælestis.

*Florentiæ in Palatio magni Ducis,
ex Africa Allata.*

CAELESTI AVG. S.
Q. MALLIVS PRIMVS
AD AMPLIATIONEM
TEMPLI ET GRADVS
DONAVIT * CXXV
VOT. SOL. LIB. ANI.

Exscript.

*Cælesti Augustæ sacrum, Quintus Mallius Pri-
mus ad ampliacionem templi & gradus donavit Se-
fertia CXXV. Voto soluto libenti animo. Quæ-*

B nam sit Dea illa Cælestis, conjici posset ex alia In-
scriptione, ubi Bona Dea, quæ a mulieribus cole-
batur, id cognominis habet.

Arculi in Italia.

BONAE DEAE SANCTISSIMAE CAELESTI
L. PASQVIDIVS FESTVS REDEMPTOR
OPERVM CAESARIS QVOD ADIVTORIO
RIVOM AQVAE CLAVDIAE AVGVSTAE
SVB MONTE AEFLIANO CONSVMMAVIT
IMP. DOMITIANO CAES. AVG. GERM. COS.
V I. N O N. I V L.

Ex Jo. Vaillant Antiquario Reg.

Unde *Cælestem* illam quæ in priori memoratur,
esse Bonam Deam suspicabitur aliquis: verum idem
cognomen Veneri tribuitur in lapidibus antiquis;
& certiora jam proferemus. At dicet quispiam *Aug.*
Augusto esse interpretandum: sed in explicandis
marmoribus parum se versatum proderet, nec no-
bis palmam præriperet. Certum enim, legendum
esse *Cælesti Augustæ*, ut in aliis *Junoni Augustæ*,
Marti Augusto, *Veneri Augustæ*, sexcentisque si-
milibus. Ad propositum nostrum propius accedit
sequens hæc.

Florentiæ.

INVICTAE CAELESTI
A VR. ONESIMVS

D. D.

Exscript.

D Ammianus Marcellinus ejus Deæ mentionem in-
jicit l. 22. cum ait Asclepiadem Philosophum *Deæ*
Cælestis argenteum breve figmentum quocunque
ibat secum solitum afferre. Oservandum autem
hanc Deam *Cælestem* peculiariter apud Carthagi-
nenses cultam fuisse, ex quorum vicinia allatum est
primum marmor, ut & fortasse istud ultimum. Sic
enim Tertullianus in Apologetico: *Unicuique*

Ggg

etiam *Provinciae* & *civitati* suus *Deus* est; ut *Syriae* *Astartes*, ut *Arabiae* *Dysares*, ut *Noricæ* *Belenus*, ut *Africae* *Cælestis*. Esse autem eandem ac *Junonem* sequentia comprobant. Idem *Tertullianus* paulo ante, *Illa*, inquit, *ipsa Virgo Cælestis pluviarum pollicitatrix*: quod *Junonis* munus erat. *Apulejus* lib. 6. *Metamorph. Magna Jovis Germana & conjux*, sive *tu Sami*, quæ *querulo partu vagituque & alimonia tua gloriatur*, tenes *vetusta delubra*; sive *celsæ Carthaginis*, quæ *te Virginem vectura Leonis cælo commeantem percolit*, beatas *sedes frequentas*. Hæcque *Carthaginensium Dea* in nummo *Severi* depingitur, in quo legitur *INDVLGENTIA AVGVSTI IN CARTHAGINENSES*, cum *Dea Leoni* insidente capite velato, dextra ful-

men, sinistra sceptrum gestante. Ut erudite notavit *Jacobus Oyselius* in *Thesauro numismatum*, qui plura de ea refert. *Herodianus* lib. 5. scribit *Carthaginenses* *σπάρτας* sive *Cælestis* numen a *Didone Phœnissa* accepisse, & *Lunam* credi, vocarique *Phœnicibus* *Ἀσποδρῶν*, quasi dicas *Siderum reatricem*, vel *Cæli Reginam*. Ideo *Afri Imperatores* eligentes *Celsum* unum ex triginta *Tyrannis*, *peplo*, id est *velo Deæ Cælestis* ornarunt, quasi quodam regni symbolo, referente *Trebellio Pollione*.

Apulejus dicit eandem esse ac *Deam Syriam*, quæ simili etiam modo *Leoni* insidens depingitur in nummo *Hierapolitarum*, ΘΕΑΣ ΣΥΡΙΑΣ ΙΕΡΑΠΟΛΙΤΩΝ.

XLVII. Bonæ Deæ Veneris Cnidiaæ.

Oxonii, unde allata ignoratur.

BONAE DEAE VENERI CNIDIAE

D. IVNIVS ANNIVS HYMENEVS ET INVICTA SPIRA ET HAEDIMIANA

Ex Marm. Oxoniens.

Venus Cnidia a Cnido urbe *Cariæ* ubi colebatur ita dicta. *Horat. o Venus Regina Cnidi Paphique.*

Vide amplum Comment. in *Marmoribus Oxoniensibus.*

XLVIII. Togotis.

In Hispan. prope Tagum.

TOGOTI

L. VIBIVS

PRISCVS

EX VOTO

Ex Reinesio.

Joannes Mariana qui primus hanc inscriptionem retulit lib. 1. de *Regis institutione*, legendum censebat *Toxoti*, quasi esset *Dianæ* Epitheton ab arcu & sagittis, sed nihil temere immutandum, faciliusque in nostris conjecturis nos errare, quam

in marmoribus sculpendis *Lithotomi*. Magis *Reinesio* placet *Togoti*, quod nomen *Hispanicum* barbarumque *Herois* vel *Dei* indigenæ redolet, ut fufius apud eundem *Authorem* *Epist. ad Rupertum* pag. 241. videre est.

XLIX. Nymphar. Grifelicar.

In pago Greoulx Provinciæ Gallicæ, ad Balnea reperta.

NIMPHIS XI
GRISELICIS

Ex Peiresk. sched.

Prodeat jam in scenam *Nympharum* chorus, quæ hoc in pago verisimiliter olim *Grifelo* dicto, cum recentiore nomine *Greoulx* conveniente Gri-

felicæ cognominabantur, balneorum illic celebrium custodes.

L. Nympharum Percernium.

Vasione.

NYMPHIS AVG.

PERCERNIBVS

T. GINGETIVS

DIONYSIVS

EX VOTO

Ex sched. Peiresk.

Quam vero ob rationem *Percernium* agnomen
adsciscant Nymphæ Vasionenses, tam mihi igno-
tum est quam quod ignotissimum. Hoc dumtaxat
me non latet fuisse quosdam Percernios, quorum

nomina in Gruterianis inscriptionibus leguntur.
Sed an aliquis ejus familiæ Percerniæ Vasionem
translatus fuerit, qui Nymphis istis nomen suum
commodaverit, quis affirmare queat, aut negare?

LI. Horithyæ.

Firmi in Piceno.

HORITHYAE

L. BARBIVS L. LIB.

THEOPOMPVS

NAV. MERKAT.

V. S.

Ex Reinesio.

Orithyæ litabat Lucius Barbius Navicularius
Mercator, eo quod esset Aquilonis uxor, quo forte

vento opus habebat. Vide *Reines.* pag. 298. *Episto-
larum ad Hofmannum.*

LII. Aquarum Albularum.

Romæ, apud Sculptorem ædium Barberinarum.

AQVIS ALBVLIS

SANCTISSIMIS

VLPIA ATHENAIIS

CLAVD... AVG..

LIS Vxor

LIBENS

Exscripsi.

Nobilissimum Italiæ fluvium Albulam olim dictum
fuisse discimus ex Dionysio Halicarnasseo, Rege-
que Albæ Tiberino, prælio juxta flumen commif-
so, ab eo abrepto, Tiberim de ejus nomine voca-
tum. Verum ab istis antiquitatibus abstinentes tam
difficilis, Strabonem audiamus: *Planitiem eam per*

*quam delabitur Aniene fluvius, Albulæ etiam per-
fluunt aquæ frigide, quæ ex pluribus fontibus de-
lapsæ, variis morbis remedium præbent, potæ aut
in balneo usurpatæ. Hinc proculdubio ab utilitate
earum sanctitas asseverata.*

LIII. I. D. forte *Junonis Divinæ*.

Patavii, apud Excell. Comitem Lazaram.

I. D.

C. H E L V I V S

R O M A N V S

P R O S E E T S V I S

V. S.

Exscripsi.

Varias explicationes pati possunt hæ duæ literæ I. D. *Joti Deo*, sic ut in antiquo nummo: *Isidi Domine*, ut habet lapis Bononiensis, quem illic exscripsi. Verum alia excogitare cuique liceat; forte etiam incognitus aliquis Deus, cui Cajus Hel-

vius votum solverat. Eruditiss. Ursatus in Historia Patavina existimat hos characteres I. D. *Junoni Divinæ* explicari debere, quia Juno Patavii Templum haberet, cui opinioni non refragor.

LIV. Proxumorum.

Vasione.

PROXVMIS
SENECA SECVNDI
FIL.

PROXSVMIS
POTITA C. COD
ONI F. V. S. L. M.

Ex sched. Peiresk.

Nec facilius Diis istis larvam detraham, qui enim eos nunc noverit, qui olim vicinis, proximisque tantum innotuerant? Putabat D. Nicol. Bon-


Proximos esse Penates, qui domestici & proximi sunt. Unde Cicero Penates illos dicebat, qui penes nos sunt.

LV. Dulovii.

Vasione.

DVLOVIO INO DVLOVIVIVOS

Ex Suaresio Episc. Vasione.



Ex eodem.

In ultima hac basi sculptus est in latere Deus! *Dullovius* sedens Palmis circumdatus. Sed quis

hic Deus alibi gentium ignotus? Vasionensis cer- A sed plura a me non quæras.
te, cum toties ejus nomen ea in urbe repetatur:

LVI. Comedovorum.

Aquis Sabaudicis.

COMEDOVIS
AVGVSTIS
M. HELVIUS SEVERI
FIL. IVVENTIVS
EX VOTO

Exscripti.

Quodnam insuper barbarum Allobrogicumve B Exhibetur incorrectius a Guichenone, cujus erro-
numen nobis obtrudat Marcus Helvius Severi fi- ribus in describendis lapidibus fidere, inscriptio-
lius Juventius, mirari potius licet quam divinare. nes quas propriis usurpavi oculis, me vetuerunt.

LVII. Martis Olloudii.

*Aquis Sextiis apud D. Sibon I. V. D. lamina aenea urnæ imposita,
& Antipoli reperta.*

VIGILIA METIA
MASSÆ FILIA
MARTI OLLOVDIO
V. S. L. M.

Ex D. Sibon Regio Thesaurario.

Id est, *Vigilia Metia Massæ filia Marti Ollou-* C est *perdo, destruo*, Mars enim humani generis de-
dio votum solvit libens merito: λ sæpius in marmo- structor, originem trahat. Sic quidam Apollinis
ribus pro A reperitur. Quid sibi velit istud Ollou- etymon tradunt ab ἀπόλλυμι, de quo consule
dii cognomen ignoro, nisi forte ab ἄλλοιμι, quod Vossii Etymologicum.

LVIII. Matris Deum Angistes.

Venetiis, ex Græciâ allata.

Sedet hic Cybele turrito capite, Tympanum dextra gestans, Cornu-
copiæ sinistra, duos Leones ad pedes habens:

Subest Inscriptio.

ΜΗΤΡΙ ΘΕΩΝ ΑΓΓΙΣΤΕΙ ΑΜΕΡΙΜΝΟΣ ΟΙΚΟΝΟΜΟΣ ΤΗΣ ΠΟΛΕΩΣ
ΕΤΧΗΝ

Id est,

Matri Deum, sive Deorum, Angisti, vel forte Agdisti, Amerimnus.
OEconomus Urbis votum posuit.

Insculpta est in superiori parte Cybele sedens capite turribus coronato cum duobus Leonibus ad pedes, qui ipsius frequens est typus, sicut & Matris Deum cognomen, testibus Albrico, tabulifque marmoreis. De titulo ΑΓΓΙΣΤΕΙ hæc ad me Gallandius noster. Videtur sculptum esse ΑΓΙΣΤΗΙ, quod idem esset ac ΣΕΒΑΣΜΙΑΙ Augustæ, Hefychius enim ἀγιστήν exponit σέβειν. Verum dum Pausaniam evolvo, is mihi difficultatis ambages recludit: pag. quippe Aldin. Edit. 174. narrat de Agdistide & Atti fabulam, & Hefychius, Ἀγδισίς, ἡ αὐτὴ τῇ μητρὶ τῇ Θεῶν. Nec obscure Pausanias ipse eandem esse cum matre Deorum indigitat, quandoquidem a Dyndimene matre aliam

non fuisse ἀγδισίην innuit. Itaque non dubita, mi Sponi, legere mecum ΜΗΤΡΙ ΘΕΩΝ ΑΓΓΙΣΤΕΙ. Strabo de eodem nomine non conticuit lib. 10. ubi varias Matris Deorum appellationes recenset. Nam certe quamvis illic scribatur Ἀγισίη, optime Casaubonus notavit legendum esse Ἀγδισίην, ex Hefychii textu supra laudato. Sed vir ille alias diligentissimus Pausaniam de eadem Agdistide non inspexerat.

Cybele etiam sæpiissime *Mater Deum magna Idea* vocabatur, quod in monte Phrygiæ Ida coleretur, idque quatuor his singularibus litteris M. D. M. I. sæpe designabatur, ut in sequenti marmore eleganti.

LIX. M. D. M. I.

Deæ Vocontiorum ante aliquot annos eruderata.

M. D.	M. I.
SACR. TRIB. TAVR. FECER.	
CVM SVIS HOSTIS ET APPARAM.	
OMNIB. L. DAGID. MARIVS PON	
TIF. PERPET. CIVIT. VALENT.	
ET. VERVLLIA. MARTINA. ET	
VERVLLIA. MARIA. FIL. EORVM	
PRO. SALVTE. IMP. ET. CAESAR.	
PHILIPPORVM. AVGG. ET OTACI	
LIAE. SEVERAE. AVG. MATRIS	
CAES. ET. CASTROR. PRAEEVN	
TIBVS. SACERDOTIBVS. IVNI.	
TITO XV. VIR. ARAVSENS. ET	
CASTRICIO. ZOSIMIONE. CI	
VITAT. ALBENS. ET. BLATTIO	
PATERNO. CIVITATIS. VOC.	
ET. FABRICIO. ORFITO. LIBER.	
PATRIS. ET. CETERIS. ADSIS	
TENTIBVS. SACERDOTIBVS	
V.S.L.M. LOCO. VIRES. CON	
DITAE. DIE. PRID. KAL. OCT.	
IMP. PHILIPPO. AVG. ET. TITI	
ANO COS.	

Ex D. Chion.

Si cui faceffant negotium, ut in lapide sculptæ | sunt abbreviatae voces, en eas integras.

Matri Deum magnæ Idææ Sacræ Tribus Taurobolium fecerunt cum suis hostiis & apparamentis omnibus, Lucius Dagidius Marius Pontifex Civitatis Valentia & Verullia Martina, & Verullia Maria filia eorum, pro salute Imperatoris & Caesaris Philipporum Augustorum & Otaciliae Severæ Augustæ matris Caesaris & Castrorum, præeuntibus Sacerdotibus Junio Tito Quindecimviro Arausensi & Castricio Zosimione Civitatis Albensis & Blattio Paterno Civitatis Vocontiorum & Fabricio Orfito Liberto Patris (Philippi) vel Liberi Pa-

tris (Sacerdote) & ceteris adfidentibus Sacerdotibus, voto soluto libens merito. Loco vires conditæ. Die pridie Kalendas Octobris Imperatore Philippo Augusto & Titiano Consulibus.

Sacræ Tribus, id est sacris destinata. Taurobolium est sacrificium Taurorum, quorum sanguine perfundebatur aliquis, qui ideo Taurobolium percipere dicebatur, ut in sequenti inscriptione. Vires Tauri, ni fallor, sunt ipsius testiculi, qui ad imitationem Sacerdotum Cybeles, imo & Attidis ipsius amasii, Tauro abscindebantur.

I

Romæ.

In villa Borgbesia.

M. D. M. I.

D.D.N.N. CONSTANTIO

ET MAXIMIANO NOBB. CAESS.

CONSS. XVIII. CAL. MAII

IVLIVS ITALICVS V. C. XV. VIR. S. F.

TAVROBOLIVM PERCEPI FELIC.

Exscripsi.

2

Romæ.

M. D. M. I. ET ATTINIS SACR.

FLAVIVS RVFIVS SABINVS VOLV

SIANVS VIR CLARISSIMVS ET INLVS-

TRISS. PONTIF. MINOR. VICARIVS ASI.

ET CAECINA LOLLIANA CLARISS. ET

INLVSTRISS. FEM. STAT. EX AERE

S. P. DEDICARVNT

Ex sched. Barberin.

Prima sculpta fuit anno Dominicæ Incarnationis 294. Constantio & Maximiano Cæsaribus Consulibus. Superior vero anno 246. Philippo & Ti-

tiano Consulibus. Secunda conferenda cum Inscriptionibus Gruterianis pag. xxviii. 5. & 6.

LX. Nortia.

Romæ in Villa Cesarini.

Festi Avieni filii Poetæ, insignis memoria.

R. FESTVS V. C. DE SE AD DEAM NORTIAM

FESTVS MVSONI SVBOLES PROLESQVE AVIENI

VNDE TVI LATIGES TRAXERVNT CAESIA NOMEN

NORTIA TE VENEROR LARE CRETVS VVLSINIENSI

ROMAM HABITANS GEMINO PROCONSVLIS AVCTVS HONORE

CARMINA MVLTÀ SERENS VITAM INSONS INTEGER AEVVM

CONIVGIO LAETVS PLACIDAE NVMEROQVE FREQVENTI

NATORVM EXVLTANS VIVAX ET SPIRITVS OLLIS

CAETERA COMPOSITA FATORVM LEGE TRAHVNTVR

SANCTO PATRI FILIVS PLACIDVS

IBIS IN OPTATAS SEDES NAM IVPPITER AETHRAM

PANDIT FESTE TIBI CANDIDVS VT VENIAS

IAMQVE VENIS TENDIT DEXTRAS CHORVS INDE DEORVM

ET TOTO TIBI IAM PLAVDITVR ECCE POLO

Exscripsi.

Quanam fuerit illa Dea Nortia, quam suis car-

minibus veneratur Rufius Festus, dicere arduum

est. Eam quidem in agro Sutrinorum præcipue cultam constat ex Terrulliano in Apologetico, his verbis. *Romanas, ut opihor, provincias edidi, nec tamen Romanos Deos earum: quia Romæ non magis coluntur, quam qui per ipsam quoque Italiam municipali consecratione censentur. Crustuminiensium Belventinus, Narniensium Viridianus, Æscanorum Ancaria, Volsiniensium Nursia, Oriculanorum Valentia, Sutrinorum NORTIA, Faliscorum in honore est Pater Curis: Ubi forte reponenda esset Nortia ad Volsinienses, nisi eadem sit ac Nursia. Quia tamen non admodum distant Sutrium & Vullinium, fieri potest ut Volsiniensis hic Poeta, Sutrinorum Deam Nortiam coluerit.*

A Festi cuiusdam Proconsulis Asiæ, Valentis tempore meminere Zosimus & Suidas, eumque ut crudelissimum traducunt. Verisimilius est hunc Festum, cuius est lapis, eundem esse qui in Inscriptione Atheniensi Rufius Festus Proconsul Græciæ vocatur. R. enim potest esse Rufius. Filius autem indigitatur Avieni, quem non diversum esse ab illo Poeta, cuius habemus carmina, existimo. Unusque ex ejus illustribus proavis indigitatur *Musonius*, Philosophus ille Stoicus Apollonii Tyanæi familiaris, sublatum a Nerone ob loquendi nimiam libertatem: oriundus quippe ex eadem civitate, quæ patria Festi erat, *Vulsinia* nunc *Bolsena*.

LXI. Herculis ponderum.

Romæ, in villa Cesarini.

HERCVLI PONDERVM

Q. AEMILIVS VIBIANVS

B. TRIB. COH. III....

Exscripti.

Herculesne ponderum custos, ob justitiam & æqualitatem ab eo dilectam, an vero in ejus templo deposita pondera, ut in Templo Opis? B. TRIB. COH. III. est *Beneficiarius Tribuni Cohortis tertiæ*. Alia vide cognomina Herculis in Nummographorum Libris, ut Herculis *Deusaniensis*,

B ab urbe Galliarum Deusona, apud Ægidium Lacarry lib. 2. de Colonis Galliarum: *Magusani*, apud Oyselium, non Marcusani, ut habetur apud Gruterum, *Gaditani*, *Lybici*, *Erymanbini*, apud varios: ΟΠΛΟΦΥΛΑΞ vero in nummo Smyrnæorum & marmore Oxoniensi vocatur.

LXII. Herculis Conservatoris Domus Ulpiorum.

Romæ.

HERCVLI CONSERVATORI

DOMVS VLPIORVM

SACRVM

M. VLPIVS AVG. N.

Augusti nostri ferens.

VERECVNDVS

Ex sched. Barber.

Hercules Patronus erat domus Ulpiorum, unde Trajanus, qui de hac erat familia, in quodam

nummo sub Herculis facie exhibetur.

LXIII. Herculis Somnialis.

Florentiæ, in ædib. Card. Strozzi.

V. F.

CVLTORES HERCVLIS

SOMNIALIS IN.....

DIS MANIBVS SIBI ET

POSTERISQVE SVIS II QVI

INFRA SCRIPTI SVNT

Q. CAECILIVS Q. GALLV

CELLANVS T. FABIVS

L. ATILIVS

SEX. SCVTARIVS

Exscripti.

Quam

Quam ob causam Somnialis cognomen habuerit Hercules, vigilantissimus Heros, mihi ignotum est; at sane omnia veterum somnia discutere velle, somniantis animi exercitium foret. De hoc tamen cognomine hæc ad me Nicolaus Bon Cretenfis I. V. D. Academicus Dodonæus Venetiis: Somnialem Herculem reperio, qui somno expurgatus latrones clava interfecit, in cuius hono-

rem erecti sunt Pinarii & Potitii Sacerdotes. Somnialem etiam Herculem invenio in pugna Pygmaeorum, unde Alciatus: *Dum dormit, dulci recreat dum corpora somno*, &c. Sed meliori sententia Somnialem Herculem perpendo, qui ægrotis saluberrima somnia speranda dedit, unde mos eis ad Herculis ædem accedere, ut in somniis de ægritudine curanda monerentur.

LXIV. Genii familiæ monetælis,

Romæ, in villa Montalto.

GENIO

FAMIL. MONETAL.

DEMETRIVS CAES. N. SER.

EPAPHRODITIANVS

Exscripsi.

Geniorum apud antiquos infinitus erat numerus. Genium enim suum habebant Regna, Provinciae, urbes, Senatus, populus, Collegia, Imperatores, familiæ & privati quique. Intelligo per familiam monetalem varios opifices, qui cudendæ monetæ operam dabant, quorum pars in sequenti inscriptione a Grutero edita, quam in

Villa Matthæi exscripsi Romæ. *Herculi Augusto sacrum, Felix Augusti Libertus Optio & Exactor auri arg. æris, item signatores, Suppostores, Maliatores monetæ Cæsaris nostri.* Huic Genio Demetrius Cæsaris nostri servus Epaphroditianus, aram illam de sua pecunia dederat dicaveratque.

LXV. Genii Canonis!

Romæ.

HERMA DE SVO DAT

GENIO CANONIS ATTALI

LIBERTI

GENIO PASICLENIS ATTALI

SERVI.

Exscripsi.

Genii privatorum hoc sit exemplum. Herma enim Genio amicorum suorum Canonis & Pasicle-

nis hunc lapidem voverat.

LXVI. Genii Jucunditatis,

Veronæ.

GENIO

IUCVNDITATIS

FLORAEQ.

S.

Ex Onuphr. Antiquit. Veron.

Virtutes & vitia pro Diis colebant Romani. Jucunditatem quidem Deæ titulo non veneratus est quisquis hunc lapidem sculpsit, sed Genium a se

effectum jucunditati præidentem. Ecce & alios Genios insolitos.

LXVII. Genii Æternalis.

Romæ.

GENIO AETERNALI SACR.

L. IVNIVS L. L. VERVTVS

SYRIANVS

PRAEPOSITVS AB ARENT.

SCAEN. TREPTE M. M. M. L.

VERECVND A FECERVNT

Ex sched. Barberin.

LXVIII. Genii Placiferi.

Ibidem.

GENIO PLACIFERO SANCT.

SACRVM

SEX CETONIVS SEX. F. PAL. PTOLEMEVS

ET SEXTIA NYMPHIDIANA

VOTO SVSCEPTO

ANIM. LIBENT.

DEDICAVERVNT

Ex iisd. sched.

LXIX. Genii Centuriæ.

Ibidem.

GENIO CENTVR. SACR.

C. TVFIDIVS C. F. SER. PRISCILLVS

C. ANTISTIVS C. F. PAL. CIRRVTVS

P. VISELLIVS P. F. OV. AVARISTVS

HON. MISS. SIG. AEN.

SVA PEC. DEDICAVERVNT

Ex iisd. schedis.

LXX. Genii Conservatoris Domus Balbinorum.

Romæ, in via Appia.

GENIO CONSERVATORI

DOM. BALBINORVM

SACRVM

D. CAELIVS SEX. F.

ESQVILINA

CALVINIANVS

Ex sched. Barber.

LXXI. Fortunæ Torquatianæ.

Romæ, apud Cardin. de Maximis.

FORTVNAE
TORQVATIANAE
Q. CAECILIVS
NARCISSVS D.D.

Exscripsi.

Torquati Romæ Illustres a Manlio Torquato oriundi, qui torque hosti detracto hoc cognomen reportavit. In ejusque familiæ memoriam ædes aliqua vel ara erat eorum Fortunæ dicata, quæ exinde Torquatiana vocabatur. De ea ad me scribit amicus D. Nicol. Bon; duplicem, inquit, Fortunam invenio in Torquatis, unam in Cajo Manlio deplorandam, alteram in Nonnio Asprenate Torquato laudandam, qui aureo torque in ludis

Trojanis, etsi lapsu debilitatus ab Augusto donatus fuit, ut refert Suetonius in Aug. Sed arguendus Carolus Stephanus, qui fortunatissimum recenset Valerium Torquatum, cum tamen nullus ex familia Valeria Torquati cognomine potitus sit. Cæterum nihil est quod me moveat, ut hunc Quintum Cæcilium Narcissum eundem esse putem cum celebri illo Narcisso Claudii liberto.

LXXII. Fortunæ Tullianæ.

Romæ, in villa Justiniani.

TI. CLAVDIVS AVG. L.
DOCILIS
AEDITVVS AEDIS
FORTVNAE TVLLIANAE

Mirum est P. Victorem hujus ædis Fortunæ Tullianæ in sua Romæ descriptione nullam facere mentionem; sed forte fuit tantum ædicula, ex

illis scilicet quarum nomen non expressit, cujus ædituus erat Tiberius Claudius Docilis Augusti Libertus.

LXXIII. Hosiri, & Fortunæ Superæ.

Romæ


MVTILLIAT
ALBANA
HOSIRI ET
FORTVNAE
SVPERAE
IMPERIO
POSVIT

Hosirum numen ignotum mihi videtur, neque enim Osiris est qui sine aspiratione scribitur, & in genitivo habet Osiridis; sed notissimum fuit Mu-

tillæ Albanæ, quæ ejus imperio, id est, iussu, ipsi & Fortunæ Superæ aram posuerat.

LXXIV. Fortunæ Barbatae.

Romæ.



Ex schedis Domini de Bagarris.

Statuitur ab Onuphrio in secunda regione Romæ ædícula Fortunæ barbatae. Erat ergo Fortuna Virilis, non secus ac Fortuna Muliebris. Dii enim, ut quibusdam placet, utriusque erant sexus. Sic Luna aliquando in nummis habitu virili exprimitur, tuncque Deus Lunus audit, cujus meminit Spartianus in Caracalla. Sic Liberum &

Liberam alia numismata: sic Venerem masculam statuæ quædam exhibent, vetusque Poeta Calvus confirmat:

Pollentemque Deum Venerem.

Sed hæc notiora sunt, quam ut ea persequi necesse sit.

LXXV. Matronarum Vediantiarum.

Prope Nicæam Provincie.

MATRONIS
VEDIANTIABVS

P. ENISTALIVS P. F.

CL. PATERNVS CEMENELENSIS

OPTIO AD ORDINE 7 LEG. XXII

PRIMIGENIAE PIAE FIDELIS

L. M.

Ex Peireskii schedis.

Plinius in Italiæ descriptione meminit populorum Provinciæ contiguorum ab Oriente, qui ab eo Vediantii vocantur & a Ptolemæo *ἑδιάντιοι*, quorum Metropolis erat Cemenelium nunc *Cimies* vulgo dictum, ad Nicæam urbem. Illius civis erat *Publius Enistalius Publici filius, Claudia tribu*,

B Decurio Legionis vigesimæ secundæ, qui Matronis hujus regionis hoc lubens merito adscripserat votum. Matronæ autem erant Deæ quædam Provinciarum urbiumque tutelares, eademque Matres dictæ, ut in sequentibus lapidibus.

LXXVI. Matrum Gerudatiarum.

S. Esteves in Provincia.

MATRIBVS
GERVDATIABVS
IVLIA MINIA
V. S. L. M.

Exscripsi.

Matres Gerudatiæ forte fuerunt urbis Gerundæ, quæ nunc etiam Girona in Catalaunia, tutelares Deæ, quamvis enim hæc ara in Provincia extet, nil impedit locorum distantia, nec absconum est Provinciam aliquem, vel Catalaunum inibi com-

morantem numini Catalaunensi votum solvere, sicuti nemo jam miretur Gallum Italumve aliquem se Divo Jacobo Compostellæ devovere. Ecce aliam inscriptionem Matrum Neomagi effosiam.

LXXVII. Matrum Mopatum.

Neomagi, Nimegues, reperta ann. 1669.

MATRIBVS
MOPATIBVS
SVIS
M. LIBERIVS
VICTOR
CIVES
NERVIVS
NEG. FRV.
V. S. L. M.

Ex Smetii Antiquit. Neomag.

Matres has Mopates ab aliquo inferioris Germaniæ loco sic dictas esse reor, quibus Marcus Liberius Victor Civis Nervius & Negotiator Frumentarius votum solverat libens merito. Nervii autem Populi Galliæ Belgicæ, quorum Geographi nonnulli Tornacum, Tournay, unam ex præcipuis urbibus fuisse censent. Notandum has Matres fere tantum in Gallia & Germania fuisse cultas, raro enim alibi earum reperiuntur Inscriptæ Aræ. Apud

has quidem nationes Fœminæ quædam pro Deabus habitæ. Tacit. lib. 4. cap. 61. de Velleda. Ea virgo nationis Bructeræ, late imperitabat, vetere apud Germanos more, quo plerasque fœminarum fatidicas, & augescente superstitione arbitrentur Deas. Idem fere lib. de mor. German. cap. 8. Inesse quinetiam Fœminis sanctum aliquid & providum putant, &c.

LXXVIII. Matrum.

Aquis Sextiis, apud D. Thomassin de Mazaugues, Parlamenti Consiliarium.

Vasione.
MATRIBVS
ADCVLTVS
VASSEDON.
S. F. V. S. L. M.
Ex Boissæi Miscellis.
Ibidem.
MATRIBVS
V. S. L. M.
Q. ABVDIVS
FRONTONIS L.
THEODOTVS
Ex P. Colomby.

T. T. P O M P. F E L.
M A T R I B.
V. S. L. M.
Ex D. de Mazaugues.

Vasione.
MATRABVS
V. S. L. M.
EVNEOS SEX.
AFRANI L.
Ex P. Colomby schedis.
In Scotia ad Vallum Severi.
MATRIBVS
MILITES
VEXILL. IO
LEG. XXVI.
BRITTON.
V. S. L. P. M.
Ex D. Fabl Scoto.
Hhh iij

Matres seu Matras, ut aliquando barbare vocabant, exposuit eleganter Doctissimus Chorerius in Viennensium Antiquitatibus, easque ut Provinciarum Genios a rusticis primo, inde ab urbanis cultas, a Severi præcipue tempore. Observa apud Gruterum in marmore pag. XCII. legendum *Matra-bus* non *Mairabus*, ut erratum est in Operis indice. Eadem Matres in brevi inscriptione Græca designantur, ΑΡΗΙ ΜΗΤΡΑΣΙ ΚΑΙ ΔΙΟΣΚΟΡΟΙΣ, *Marti, Matribus & Jovis filius Castori & Polluci*. In sequenti *Matris* non *Matribus* legitur, a nominativo *Matræ*.

A

Lugduni.

S A P P I E N A

L Y C - N I S

M A T R I S

V. S. L. M.

Exscripti.

— I Sæpe in antiquis marmoribus reperitur pro H. ut in hoc cognomine *Lychnis*.

LXXIX. Gabiarum.

Colonia Agrippina.

G A B I A B V S M A T R O N I S M A T R O N I S G A
C. C A M P A N I V S G A B I A B V S B I A B V S S V E T O N.
V I C T O R L. I. M. P. C E L O R. I V S T V S C E R T V S E T P A T
F . . . V. S. L. M. E R N V S V. S. L. M.

Ex Stephani Broelmanni Specimine Historiæ Agrippinensis.

Non dubito quin ab aliquo loco Gabiarum cognomen Matronis tributum sit, quæ in alia Inscriptione a Grutero citata, Junones Cabia, id est Genii illius loci vocantur. Plin. l. 2. hist. nat. Major Cæ-

B

litum populus etiam quam hominum intelligi potest, cum singuli quoque ex semetipsis totidem Deos faciant, Junones Geniosque adoptando sibi. Junones erant præsertim scæminarum Genii, ut supra diximus.

LXXX. Herarum Aufscarum.

In Aquitania.

F A N O H E R. A V S C.
O R R I T S H E. S A C R V M
G. V A L. V A L E R I A N V S

Ex Oibenarto.

Fano Herarum Aufscarum interpretatur Author Notitiæ Vasconia qui eam adducit: secunda linea ignota: Aquitanorum, ait Mela, clarissimi sunt *Ausci*: & Novempopulanos commendant *Ausci*

C

& Vasates, inquit Ammianus Marcellinus. Heras autem, Matres, & Matronas pro iisdem habitas fuisse cenfeo.

LXXXI. Aufanarum.

Lugduni.

P R O S A L V T E D O M.
N. I M P. L. S E P T. S E V E R I
A V G. T O T I V S Q V E D O M V S
E I V S A V F A N I S M A
T R O N I S E T M A T R I B V S
P A N N O N I O R V M E T.
D E L M A T A R V M
T I. C L. P O M P E I A N V S
T R I B. M I L. L E G. I. M I N.
L O C O E X C V L T O C V M
D I S C V B + O N E E T T A B V L A

V. S.

Exscripti.

Hanc Inscriptionem habet quidem Gruterus, sed quinque ultimis lineis truncatam. Ecce eam sine abbreviationibus. *Pro salute Domini nostri Imperatoris Lucii Septimii Severi Augusti totiusque domus ejus, Aufanis Matronis & Manibus Pannoniorum & Delmatarum, Tiberius Claudius Pompejanus Tribunus Militum Legionis primæ Minervæ, loco exulto cum discubitione & tabula Votum solvit.* Ex autem Aufanæ Matronæ in Pannonia Dalmatiaque notæ, salutis Severi custodiam habentes, quæ fuerint, ignorare facilius est, quam assequi. Claudii Pompejani plures in Historia memorantur sub Commodò & Severo, quorum aliqui Consulatu potiti sunt, hujus Tiberii Claudii Pompejani sine dubio affines. Discubitionem locum ubi ad comedendum discumbebant dictum censeo, infrequenti sane vocabulo. Legionis primæ Minervæ mentio est in pluribus Lugduni inscriptioni-

bus, unde sæpius hic eam hyemis stativa habuisse putem. Aufanæ istæ Matronæ vel Aufaniæ memorantur in hac Inscript. Neomagenfi ann. 1628. reperta.

Neomagi.

MATRONIS
AUFANIABVS
T. ALBINVS
IANVARIVS
S. L. M.

Ex Antiquit. Neomag.

LXXXII. Campestrium.

In pago Bekinga Ducatus Wirtemberg. prope

Hailbronn am. 1677.

CAMPESTRIB.
EX VOTO
C. SANCTINIUS
CALFIL. OVE.
AETERNVS PR.

Ex D. Reichelt Professore Mathemat. Argentoratensi.

Campestribus ex voto Cajus Sanctinius Caii filius, Oufentina tribu, Aeternus, Prætor. Campestris eadem forte sunt ac Matres, seu Matronæ Cam-

pis prædentes. Similem citat Gruterus pag. MXV. in istius pagi vicinia. Ecce eas iterum in sequenti lapide.

LXXXIII. Sulevarum.

Roma.


SVLEVIS ET CAMPESTRIBVS
SACRVM T. AVRELIVS QVINTVS
7 LEG. XVII GEMINAE VOTVM
SOLVIT LAETVS LIBENS DEDICAVIT
VIII K. SEPTEMBRES BRADVA ET
VERO COSS.

Ex D. Fabretti.

Obmutesco in his numinum monstris, Sulevis, quibus simul ac Campestribus Titus Aurelius Quintus Centurio Legionis decimæ septimæ Geminæ votum solvit. Adfunt in superiori parte lapidis Dæ tres sedentes, infra quas sacrificium Verris peragitur, a quibusdam figuris sago vestitis. Dedicatio aræ octavo Kalendas Septembres facta est, Bradua

& Vero Consulibus, qui integro nomine in Fastis Capitolinis Titus Vibius Barus & Appius Annus Bradua vocantur: ubi loco Bari vel Vari, rependendus Verus, ut ex hoc marmore, tum ex Fastis Siculis constat. Incidit is Consulatus in annum aræ Christianæ 161. sub Antonino Pio.

LXXXIV. Trittiæ.

In Provincia, territorio de Pierrefeu.*Ex Peireskii schedis.*

De Nympha Tritia hæc Pausanias memorat, ubi de Tritia urbe Achaica. Alii, inquit, a Marte tradidere *Tritiam* Tritonis filiam compressam fuisse, Minervæ Sacerdotem, dum virgo esset: Menalippum Marte & Tritia natum urbem condidisse, & a se auctam de matris nomine appellasse. Ibidem Marti & Tritiæ rem divinam facere solem-

ne habent. Ex his conjicere licet Vibium Longum huic Deæ votum solventem, origine Græcum fuisse, in Gallia commorantem, vel saltem huic innotuisse viro Deam Tritiam, sive fuerit in Achaja dumtaxat culta, sive etiam ex Græcia in Galliam transmissus fuerit ipsius cultus.

LXXXV. Eumeli.

Neapoli.

ΕΥΜΗΛΑΟΝ ΘΕΟΝ ΠΑΤΡΩΟΝ
ΦΡΗΤΟΡΣΙΝ ΕΥΜΗΛΕΙΔΩΝ
Τ. ΦΛΑΤΙΟΣ ΠΙΟΣ
ΦΡΟΝΤΙΣΤΗΣ ΑΝΕΘΗΚΕΝ
ΣΤΗΝ ΤΩ ΦΛΑΤΙΩ ΤΕΚΝΩ


Ex Capæ. Hist. Neap.

Eumelum Deum patrum gentilibus Eumelidarum Titus Flavius Pius Curator posuit cum Flavio filio. Herois Eumeli meminit Pausanias in Achaicis, quem Patrensiū primum Regem conditoremque ait, unde forte quis conjiciat non legendum πατρώων, sed Πατρίων. Verum nihil temere soleo immutare. Neapolis enim cum fuerit Græcorum Colonia, non dubium est, quin eorum Deos Heroasque coluerit: ac præcipue *Eumelum* hunc, quem, nescio an ex Authoribus antiquis, Summontius in Historia Neapolitana patrem Sirenis Parthenopes fuisse asserit, Fundatricis Neapoleos urbis. Hyginus memorat Eumelum Admeti & Alcestæ filium, qui naves ex Perrhæbia ad bellum Trojanum deduxit. Φατρία erat tertia pars Tribus: ii vero qui ex eadem *Phratia* erant, *Phratores* & φρήτορες vocabantur, teste Suida, & Julio Polluce, sed

B hæc tantum Athenis. Verum & Phratia & Phratores aliam significationem ab illa diversam obtinent, de qua Hesychius, φρήτρα & φρήτρι, φατρία (legendum φατρία) συγγενεία, πατρική γενεά: in voce vero φράτορας post allatam priorem significationem, subjungit συγγενείς, idemque profert Suidas. Ex quibus colligere licet, postremam significationem hoc in lapide priori anteponendam esse. Φράτορες ergo, quorum hic mentio, non inconsulto Gentiles vocamus. *Gentiles enim sunt*, inquit Cicero in Topicis, *qui eodem inter se nomine sunt*, C quales hic Eumelidæ qui Gentilis sui statuum vel aram posuerunt. Gentilem Eumelum vocare licet eodem sensu, quo Tullius, Quæst. Tusc. lib. i. Tullum ex septem Regibus unum, suum Gentilem vocat, ubi de Pherecyde agit, de quo ait: *Antiquus sane: fuit enim meo regnante Gentili.*

LXXXVI. Dea Segusianorum.

Fori Segusianorum, vulgo Feurs, repertum.



Exscripsi.

Pondus antiquum exhibeo ex ære, nobis septem Librarum & Semis Pondo, at decem antiquis Romanis, siquidem Libra duodecim tantum uncis constabat. Habet autem literis argenteis exculptis DEAE SEG. F. PONDO X. quam D. de la Mure in Historia sua Foresiana, explicat Dea Segusianorum Fori, Pondo decem. Id enim Pondus in urbe Feurs repertum, quæ olim Forum Segusianorum

erat. Quæ autem illa Dea fuerit ambiguum est, urbis forte protectrix, geniufve: an vero ipsamet Diana, quæ ob Sylvarum copiam apud Segusianos colebatur, unde in eadem urbe corpus Fabrorum Tiguanariorum in antiqua Inscriptione legitur. Minus vero ad rem nostram facere existimo Saloninæ numum, in quo DEAE SEGETIAE mentio fit, quam Mythologi Segestam male nuncupant.

LXXXVII. Moritasgi.

In ruderibus Alesiae urbis apud Heduos.

TI. CL. PROFESSVS NIGER OMNIBVS HONORIBVS
APVD AEDVOS ET LINGONAS FVNCTVS DEO
MORITASGO PORTICVM TESTAMENTO PONI IVSSIT
SVO NOMINE ET IVLIAE VIRGVLINEAE VXORIS
ET FILIARVM CL. PROFESSAE ET IVLIANAE VIRGVLAE

Ex Reines. Epist.

Hæc Reinesius Epist. pag. 683. Ex Cæsaris commentariis, constat ejus in Galliam adventu Moritasgum apud Senonas in authoritate fuisse, Cavarinum ejus fratrem a Cæsare ibidem constitutum. Hinc cur ea Galliae pars Deum fecerit Moritasgum, cujus noticiam etiam Romani homines Claudia Juliaeque gentis, translata in Gallias, uti alii Endovellici & Togotis Hispanorum Lusitanorumve localium numinum, habere potuerint, satis manifestum est. Sive autem Cæsarianum istum, sive a-

lium *ἰουλιανόν* e majoribus ejus Senonum regibus antiquiorem a suis pro Deo habitum dixerimus, perinde est: eo tamen inclino, ut posterius præferam, fueritque Cæsare Gallias adquirente divinitas Moritasgi & cultus vetus apud Senonas religio, non eo primum tempore coepta, in memoriam olim Regis & Imperii, eique mortuo divini honores decreti, dedicato eidem intra urbem porticu a Tiberio Claudio Professo, ejusque uxore & filiabus.

LXXXVIII. Verjugodumni.

Ambiani nuper detecta.

PRO SALVTE ET
VICTORIA EXX. G.
APOLLINI ET VER
IVGODVMNO
TRIBVNALIA DVA
SETVBOGIVS ESVGGI
F. D. S. D.

Ex D. Du Cange, Glossario mediae Latinitatis.

Sic explicandum esse existimat Eruditiss. du Can-
ge: *Pro salute & Victoria Exercitus Gallicani;*
vel *Exercituum Galliae*, siquidem geminata litera
xx. pluralem arguat, ut in nummis in quibus exa-
ratum *Debellatori Gentium Barbarr. Verjugodu-*
mni numinis a Gallis culti, quod hic Apollini ad-

A jungitur, nulla apud veteres memoria. Utrique
autem *Tribunalia dua*, sic pro duo usurpatum ab
Antiquis, *Setubogius Esuggi filius de suo dedit*. U-
bi *Tribunalia* videntur esse *Stylobatae*, in quibus
Apollinis & Verjugodumni Statuæ consistebant.

LXXXIX. Beladucadri.

In Britannia.

DEO BELADVCADRO
LIB. VOTVM FECIT IOLVS

Ex Camdeno.

Non alius est iste Deus, quam qui levi differentia
apud Gruterum Belatucadri nomine insignitur: nec
ex nova hac Inscriptione novam lucem foenerari li-
cet, quod qualeve fuerit numen. Hoc tamen cer-

A tum est fuisse privatum aliquem Britannorum De-
um; nusquam enim alibi ipsi litatum esse ex monu-
mentis antiquis eruius.

XC. Nehalenniae.

Domburgi repertæ, & Vestapellæ Zelandiæ visuntur.

1	DEAE NEHALENNIAE	DEAE
	OB MERCES RITE CONSER	NEHALENNIAE
	VATAS M. SECVND. SILVANVS	DACINVS LIFFIONIS
<i>Negotiator</i>	NEGOTTOR CRETARIVS	FILIVS V. S. L. M.
	BRITANNICIANVS	
	V. S. L. M.	DEAE
2	DEAE NEHALENNIAE	NEHALENNIAE
	SEX. NERTOMARIVS	I... FESTIVS
	NERTONVS	PRIMVS V. S. L. M.
	V. S. L. M.	8
3	DEAE NEHALENNIAE	DEAE
	SERVATVS THERONIS	NEHALENNIAE
	FIL	L. IVSTIVS STATTO
<i>Ex D. Minutoli.</i>		ET
4	DEAE	SECUNDIVS MODERATVS
	NEHALENNIAE	FRATRES
	SVMMARIONIVS	9
	PRIMANVS	NEHALENNIAE
	V. S. L. M.	FLETVS AENNALLONIS
5	DEAE NEHALEN	PRO SE ET SVIS
	NIAE C. EXOM	V. S. L. M.
	NIANVS VERVS	10
	D. D.	DIS DEABVSQVE
		PRAESIDIBVS
		PROVINCIA RV M
		CONCORDIAE
		... NA...
		ET FO...
		CONSILIORVM

Ex Reinesio.

Habentur omnes excepta tertia apud Reinesium Epist. ad Rupert. p. 302. cujus hic verba referam. Repetito ejusdem numinis in pluribus lapidibus eodem loco effossis confirmat Deam Nehalenniam fuisse *ἐπιχωρίον* populorum circa ista Oceani æstua-
ria olim habitantium & negotiationibus trans mare dæditorum, ipsique Oceano & fluminibus advenis præsidere creditum numen. Idemque asserit has inscriptiones sculptam habere in uno latere Deam sedentem canistrum fructibus plenum gestantem: in aliis vero Neptunum & Mercurium conspici, quod etiam observavi in earum typis æri mandatis. Negotiator cretarius & artis cretariæ, ut apud Gruterum observatur, Britannicciæ vocatur, eo quod in Britannia fodinæ cretariæ essent, ex Plinio lib. 35. c. 17. Addo aliquid ex Minutolio Professore lin-

A guæ Græcæ Erudito Genevensi, qui diu Middelburgi commoratus, refert se in insula Valcheren ambulationis ergo Vestcapellam, quæ 3 leucis ab Middelburgo distat, profectum esse, ibique sacellum huic Dææ dicatis aris refertum animadvertisse, quarum aliæ absque ulla inscriptione, sed cum Dææ typo, aliæ vero inscriptæ. Quæ imaginem Dææ insculptam præbent, sedentem exprimunt dextra canistrum fructibus onustum gestantem, sinistra aliud canistrum piscibus plenum: sicque erat illa,

B *Divæ maris terræque potens.*

Tota autem illa regiuncula aræ inscriptionesque istæ ita obviæ sunt, ut vix domus aliqua inter Middelburgum & Vestcapellam iis careat.

XCI. Nemausi Dei.

Nemausi.

.. N E M A T Σ Ω ..

Ο Υ Λ Π. Τ Ρ Α Ι Α Ν Ο Ν Κ Α Ι Σ Α Ρ Α

Σ Ε Β Α Σ Τ Ο Ν

Id est,

Nemauso (Deo)

Ulpium Trajanum Cæsarem Augustum consecrarunt.

Ex Peireskii schedis.

Nemausum quem Hercules filium nonnulli asserunt, inter Deos a Nemausensibus repositum fuisse evincunt marmora & nummi, ut jam orbi Erudito exhibuit Clariss. *Patinus*, lib. de nummis æreis *mediæ formæ*: ubi ejus caput casside armatum in nummo Coloniae Nemausensis cernitur. Hic inquit Plinius lib. 7. cap. 7. vetustissimus bene merentibus referendi gratiam mos, ut tales numinibus adscribantur. Ejusdem prisca numinis, seu Herois, qui nomen suum urbi imposuerat, mentio fit in

C sequenti Inscriptione.

Nemausi.

DEO SILVANO ET LIBERO

PATRI ET NEMAVSO

... ARCHVS SINODI ...

Ex Guyrano.

XCII. Dei Aghonis.

In pago Asca, in Bigerronibus Aquitaniæ.

I

A G H O N I

D E O

L A B V S I V S

V. S. L. M.

2

D E O

A G H O N I

A V L I N I

A V R I N I

V. S. L. M.

Ex Oihenarto.

Has Inscriptiones producit Oihenartus, in Notitia Vasconiae pag. 507. nec hujus numinis a Bigerronibus culti majorem notitiam nobis dare potuit. Sitne aliquod numen Agonibus præsidens,

D incertum. Certum tamen Deos quosdam, Agonios dictos, agonibus præsidere; testis est *Hesychius*: *Ἀγώνιοι θεοί, οἱ τῶν ἀγῶνων προοσιπῶτες.*

XCIII. Tyrimni.

Tbyatira, quæ nunc Ac-kissar.

Α Γ Α Θ Η Τ Υ Χ Η

ΑΝΤ. ΚΑ. ΑΔΦΗΝΟΝ ΑΡΙΓΝΩΤΟΝ
 ΚΡΑΤΙΣΤΟΝ ΕΠΙΤΡΟΠΟΝ ΤΟΥ ΣΕΒ.
 ΑΡΚΗΣ ΔΕΙΒΙΑΝΗΣ ΕΠΑΡΧΟΝ ΕΙΔΗΣ
 ΔΕΥΤΕΡΑΣ ΦΑ. ΑΓΡΙΠΠΙΝΗΣ ΠΡΑΙΠΟ
 ΣΙΤΟΝ ΕΙΔΗΣ ΕΝΤΑΛΑΡΙΩΝ ΧΙΛΙΑΡΧΟΝ
 ΣΠΕΙΡΗΣ ΠΡΩΤΗΣ ΚΙΛΙΚΩΝ ΠΡΑΙΠΟΣΙΤΟΝ
 ΤΗΣ ΣΠΕΙΡΗΣ ΓΑΙΤΟΥΔΩΝ ΕΠΑΡΧΟΝ
 ΣΠΕΙΡΗΣ ΔΕΥΤΕΡΑΣ ΦΑ. ΝΟΥΜΙΔΩΝ. ΠΡΑΙΠΟ
 ΣΙΤΟΝ ΣΠΕΙΡΗΣ ΔΕΥΤΕΡΑΣ ΦΑ. ΒΕΣΣΩΝ
 ΣΠΕΙΡΗΣ ΑΝΝΟΝΗΣ ΘΕΟΥ ΑΝΤΩΝΕΙΝΟΥ
 ΙΜΕΝΩΝ ΣΠΕΙΡΗΣ
 . . ΑΝΩΝ ΤΡΙΒΟΥ ΚΥΡΕΙΝΑ ΥΠΑΤΙΚΟΝ ΕΥΓΕ
 ΝΗ ΤΙΟΝ ΚΑΙ ΕΓΓΟΝΟΝ ΑΡΧΙΕΡΕΩΝ ΑΣΙΑΣ
 ΑΔΕΛΦΙΔΟΥΝ ΑΔΦ. ΑΠΟΛΔΙΝΑΡΙΟΥ ΕΠΙ ΚΗΝ
 ΣΟΝ ΤΟΥ ΣΕΒ. ΝΕΩΚΟΡΩΝ ΤΗΣ ΔΑΜΠΡΟΤΑ
 ΤΗΣ ΚΥΖΙΚΗΝΩΝ ΜΗΤΡΟΠΟΛΕΩΣ ΛΟΓΙ
 ΣΤΗΝ ΣΕΛΕΥΚΙΑΣ ΠΕΙΣΙΔΙΑΣ ΚΑΙ ΑΛΕΞΑΝ
 ΔΡΕΙΑΣ ΚΑΙ ΤΗΣΙΩΝ ΚΑΙ ΡΩΕΣΟΥ ΚΑΙ ΤΗΣ
 ΘΑΩΝΕΙΑΣ ΕΝ ΠΑΣΑΙΣ ΥΠΕΡΕΣΙΑΙΣ ΤΡΑ
 ΣΙΟΝ ΤΟΝ ΚΑΙ ΣΕΜΝΟΤΑΤΟΝ ΙΕΡΕΑ ΤΟΥ ΠΡΟ
 ΠΑΤΟΡΟΣ ΘΕΟΥ ΤΥΡΙΜΝΟΥ

ΟΙ ΒΑΦΕΙΣ

Exscripti.

Id est,

Bonæ Fortune, Antonium Claudium Alfenum
 Illustrem potentissimum Procuratorem Augusti arcæ
 Livianæ, Præfectum Alæ Secundæ Flavie Agrip-
 pinæ, Præpositum Alæ Entalariorum, Chiliarcham
 Cohortis primæ Cilicum, Præpositum Cohortis Gæ-
 zulorum, Præpositum Cohortis Secundæ Flaviorum
 Numidarum, Præfectum cohortis Secundæ Flavio-
 rum Bessorum, cohortis Annonæ Divi Antonini . .
 tribu Qui-
 rina Consulare nobilem, filium nepotemque Pon-
 tificum Asiæ, Consobrinum Alfeni Apollinari, Præ-
 fectum Censibus Augusti Neocororum Illustrissimæ
 Cyzicenorum Metropoleos, Præfectum rationum Se-
 leuciæ Pisidiæ, Alexandriæ, Tesiorum, Rhœsi,
 urbis Amastrianorum, Tropeosiorumque & Oloneæ,
 in omnibus Trasiorum Magistratibus, nec non Ve-

A nerandissimum Sacerdotem parentis primævi Dei
 Tyrimni,

Tinctores hoc monumento venerantur.

Prolixam hanc inscriptionem brevibus illustrabo
 notis, ne, si nimius forem, Lectori longæ lectionis
 fastidium renovarem.

1 Antonius hic Alfenus Vir erat cognomine,
 prosapia & Officiis Illustris, qui tempore Anto-
 nini Caracallæ florebat, ut clarius ex aliis duabus
 inscriptionibus patet, quæ huic Imperatori dica-
 tæ sunt. Illas quia in Itinerario meo Græciæ Galli-
 ce scripto edidi, repetere nunc abstineo. Notandum
 tamen illius prænomen T. Titus, quod in hac de-
 sideratur, in illis duabus præmitti: itaque ipsius
 integrum nomen erat, Titus Antonius Claudius

Alfenus Arignotus, sive Illustis. In prædictis etiam marmoribus præter officia hic commemorata, eum tribus vicibus Chiliarchum seu mille hominum Tribunum designari observo.

2 ΑΡΚΗΣ ΛΕΙΒΙΑΝΗΣ, vel ut alibi ΛΙΒΙΑΝΗΣ, *thesaurus Livianus* explicari potest, forte a Livia Augusti conjugē. Ad Libyam enim referri vetat orthographia, cujus derivata Libyca & Libyfica potius facerent.

3 ΕΙΑΗ est vox Græco-barbara a voce Latina Ala, sicuti & ΑΝΝΟΝΗΣ Annona. ΣΠΕΙΡΗ vero Cohors, ordo militiæ. Hesychius Σπείρα, πλῆθος, στρατευμα, τάγματα, ἢ συστροφαι. De cujus vocis acceptione consulendus Salmas. de Militia Romanorum.

4. De nationibus urbibusque quæ hic memorantur notæ sunt sequentes, Cilices, Gætuli, Numidæ, Bessi, Cyzicus, Seleucia, Pisidia, Alexandria, Rhœsus, Amastrianorum civitas, & Trausi ad montem Hæmum in Thracia; etiam hic scriptum ΤΡΑΣΙΩΝ. Ignoti vero mihi Entalarii nescio an populus, an militiæ genus, Tisii, Tropesii & Oloneia.

5 Alfeni Apollinarii, Claudii Alfeni Conforini, nummum Thyatirenorum produxi in 3. vol. Itinerarii mei; eorum ergo erat *στράτης* vel *ἀρχιεπὺς*, Militiæ dux vel Pontifex, sub quorum nomine sæpe nummos cudebant Asiæ minoris populi.

6 At nunc de Deo Thyrimno. Indigenam Thyatirenorum heroem Deumve fuisse patet, ex ejus memoria inibi sæpius repetita, præsertim in alio marmore sic incipiente, Α. ΣΤΡΑΤΟΥ ΑΓΩΝΟΘΕΤΗΣΑΝΤΑ ΤΟΤ ΠΡΟΠΟΛΕΩΣ ΤΥΡΙΜΝΟΥ, &c. ex quo patet ejus templum fuisse extra urbis portam, inque nostra inscriptione forte etiam legendum ΠΡΟΠΟΛΕΩΣ non ΠΡΟΠΑΤΟΡΟΣ: nonnihil enim fuit detritum Marmor: nec tamen absolum est posterius vocabulum.

7 ΟΙ ΒΑΦΕΙΣ, *Tinctores* qui Thyatiram inhabitabant, hoc sculpi marmor curaverant. In ea forte urbe purpuræ tingebantur, quarum commercium tractabat *Lydia* illa Thyatirena Philip-pis a Divo Paulo ad Christi fidem conversâ, Act. Apost. cap. 16.

XCIV. Nymphæ Brigantum.

In Anglia.

DEAE NYMPHAE BRIG.

Ex Marmor Oxon.

De Dea Nympha Brigantum, qui populi fuere Albionis sive magnæ sic dictæ Britanniae, consule Marmora Oxoniensia, pag. 309.

XCV. Laris Vialis.

Vorburgi in Hollandia.

I. O. M. SARAPI
ISIDI FRUGIFERO
CAELESTI FORTVN.
BONO EVENTO
FELICITATI LARI
VIALI ET GENIO

LOCI L. LVCRETIVS
PAL. FAVSTINIAN.
D. LEG. I. M. P. F. PRO. SE
SVISQ. HER. V. L. CONSACR.

Ex Hegenitii & Ortelii Itinerario.

Id est: Jovi Optimo Maximo Sarapi frugifero, Isidi Cælesti, Fortunæ, Bono Evento, Felicitati, Lari Viali & Genio Loci, Lucius Lucretius, Palatina tribu, Faustianus, Centurio Legionis primæ Minervæ Piæ Fidelis, pro se suisque Heredibus votum libens consecravit.

Bonus Eventus sæpe occurrit in numismatis. Evento pro Eventui antiquata dicendi formula.

Laris Vialis mentio est in alia Inscript. Gruteriana: pag. LXXVIII. n. 1. *Fortunæ Reduci, Lari Viali, Romæ Æternæ*, &c. Plautus in Mercatore Act. 5. sc. 2.

Invoco
Vos Lares Viales, ut me bene tutetis.

Hæc effatur Charinus itineri sese commissurus: igitur *Lares Viales* erant Genii qui viis præsidere putabantur, quosque peregrinantes invocare solebant: sicuti Lares Domestici Genii erant domibus & focis præsidentes, quos & Penates nuncupabant. Ideo Lari Viali copulatur & Genius loci illius peculiaris, in quo marmor istud erectum fuerat, sive intelligas urbem ipsam Vorburgum quæ olim Forum Hadriani, sive vicinum aliquem

locum ex quo effossum fuerit. D. est nota Centurionis, ut aliquando 7. I pro H. priscis in usu erat. Legionis autem primæ Minerviæ plurimæ reperiuntur aliæ Inscriptiones. Fragmentum se-

quens Lares Augustos memorat, id est Augusti domui præsidentes. Addo & alias Inscriptiones Larum & viarum mentionem facientes.

1

Cumis.

LARES AVGVST.
AGRIPPA

Ex Capacio.

2

Patavii.

GENIO DOMNOR. GERERI
T. PBLICIVS CRESCENS LARIBVS
PVBLICIS DEDIT IMAGINES ARGEN
TEAS DVAS.....

Ex Ursati Hiftor. Patav.

3

Romæ.

OPTATVS PEDISSIMACHVS MARMOR.
LARES DE SVA PEQ. POSVERVNT

Ex sched. Barber.

4 Romæ.

LARIB. SACR.

C. IVNIVS IVSTVSMIL. COH. VI. PRAET.
PATRON. TIBVR. L.D.D.D.

Ex sched. Barber.

5 In Anglia.

DEO QVIVIAS
ET SEMITAS COM
MENTVS EST T. IR
DAS S.C.F. V.L.L.M.
Q. VARIVS VITALIS
ETECOS. ARAM SACRAM RESTITVIT
APRONIANO ET BRA
DVA COS.

Ex Marmor. Oxon.

6 Romæ, in via Appia.

GENIO VIARVM
L. LVTATIVS L.L. PAC
CIVS SANDALARIVS
S. P. D.

Ex schedis Card. Barberin.

XCVI. Dei Surrentini.

Surrenti.

TECTO NYMPAEO CVM PLVMB
SVRRENTINO DEO

Ex Capacio.

Surrentum urbs regni Neapolitani nunc Sorrento, Deum urbis præsidem veneratur, qui forte Bacchus fuit. Illius enim tractus generosa vina magno habebantur pretio. Hinc Ovidius lib. 15. Metamorphos.

Et Surrentino generosos palmite colles.
Nymphaum autem pro Nymphæo, id est, Balneo. Sic Triumpus pro Triumphus, scriptum est in numismatis, Pilippus pro Philippus, & in Inscriptionibus Tropæum pro Trophæum.

XCVII. Fidei Candidatorum.

Romæ, ad ædem Jovis Statoris.

IOVI O. M. ET
FIDEI CAND. SACR.
L. MARI MAXIMI
C. V. PRAEF. VRB.
COS. SVFFRAGATOR.
Q. ATTIVS COLL.

F. C.
Ex sched. Barber.

Candidati ii erant qui Magistratum aliquem petebant, ita dicti quod candidis vestibus creta dealbatis uterentur, a quibus Fidem exigere non mirum est. Virtutes autem pro Diis habebantur. Hinc *Fidei publicæ* dedicatum marmor legimus apud Gruterum. *Lucius hic Marius Maximus C. V.* id est *Consularis Vir, Præfectus urbi & Consul* vel

Consulis Suffragator vocatur. *Suffragator* idem existimo esse ac *suffectum*. Ii scilicet qui suffiebantur in locum ordinariorum Consulium, qui ante exactum annum moriebantur. Sic posteriori ævo, Episcopi *Suffraganei & Suffraganei* dicti, Vicarii & Adjutores Episcoporum Metropolitanorum.

XCVIII. Arvali.

I

Brixia.

DIS PATRIIS
HERCVLI APOLLINI
ARVALO

2

Brixia.

DEO ARVALO
SATVRNO
SEX. COMMO
DVS VALER.

V. S. L. M

Ex Libro cui titulus est *Memorie Bresciane*.

Qualis Deus sit Arvalus iste, in tanto Scriptorum silentio, dicere non auderem, nisi moneret secunda Inscriptio, eundem esse ac Saturnum, qui proculdubio hoc cognomine gaudebat *Arvali*, quod *Arva* colenda docuisset. Unde cum falce depingebatur: sic *Saturnus* dictus vel a saturando obannonæ erogationem, vel a fatu, quod agri-

culturæ præsit. Peculiariter autem a Brixienfibus colebatur hocce sub titulo, quod eorum Arva fecundare putaretur: hinc inter Deos Patrios, simul cum Hercule & Apolline, numeratur. Sic ab Arvo dicti sunt Fratres Arvales, de quibus supra in prima Sectione, Article 2.

XCIX. Noctulii.

Brixia.

DEO NOCTVLIO
P. VIRLIVS P. F. FAB. ASSIA
NVS EQVO PVBLICO
SACERDOS
IVVENVM BRIXIANORVM
ET COLLEGIVM....

Ex eodem libro.


Hujus Dei Statuam depingit *Rossius*, cum capitis velamento sive cucullo instar *Telephori Æsculapii* comitis, digito ad aurem applicato: unde ipsum cogitationis Deum esse suspicatur: at siqui-

dem noctuam avem nocturnam ad ejus pedes appingit, quidni potius nocti somnoque præsidens numen putemus, quod Noctulii nomen innuere videtur?

C. Tyllini.

Brixia.

I



2

TYLLINO
ET GERMANICO
FELICITATEM
DIVINITATEM
..VLTRA..
TRIVMPLINI


Ex eodem libro.

Hujusce Deastri sive Herois Statuam depingit idem Author, sub figura juvenis laurea coronati, nudi, pedem dextrum ossi capitis humani imponentis, ex quo enascitur laurea, manu sinistra hastam gestantis, in cujus summitate manus fere est fere aperta, serpente intorto. Quam qui-

dem effigiem suspicor ab Authore effectam: jam enim destructam fuisse ait, anno Christi 840. a quodam Ramberto Episcopo, nec undenam sumpsit, suis Lectoribus declarat. *Triumphini* erant populi Alpium, qui Plinio *Triumphini* vocantur.

CI. Volbani Herculis.

*Besutii ad Lacum Majorem, in domo Illustrissimæ Comitissæ
Mariæ Catarinæ Besutiæ de Besutiis.*



*Ex Eruditiss. Comite Mezzabarba de Biragues,
Mediolanensi.*

Ex hac Inscriptione suspicatur Illustris Comes A Mezzabarba, qui eam ad me amice transmisit, Lacum illum, quem Itali vulgo Lago Maggiore vocitant, non Lacum *Verbanum*, ut apud Plinium & Strabonem legitur, sed *Volbanum* appellandum esse: reperitur enim in vicinia hujus Lacus, unico scilicet milliari distantis; ex hocque *Hercule Volbano* Numine indigena, ita vocatum fuisse.

Hujusce Lacus, locorumque vicinorum notitiam, ut & nominis etymologiam, videsis in libro Italico cui titulus est, *Historia delle notizie del Lago Maggiore*. Herculi autem, sive ut hic scribitur *HERCVLI*, tractum illum dicatum fuisse ex aliis duabus Inscriptionibus patet, quæ leguntur:

Ibidem.

HERCVLI V. S.
VITVLVS L. N.
PRIMI ET
OPETATVS
PAVLVS
CERISPV S
VALENTI

Ex eodem.

Ibidem.

HERCVLI
L. ANT...IVS
NEPOS
V. S. L. M.

Ex eodem.

In prima *HERCVLI V. S.* videtur esse *Herculi Volbano* sacrum, potius quam *Votum solvit*, vel *solverunt*, quod fere semper in fine Inscriptionum collocatur. *Opetatus* & *Cerispus*, scriptum pro *Optatus* & *Crispus*, quæ ut & *Vitulus* cognomina sunt quorundam Libertorum vel Servorum, qui lapidem Herculi illius loci dedicaverant.

Unum addo de Volbano, antiquos Romanos, nomina propria exotica cum Latina redderent, solitos fuisse ad Romanam terminationem detorquere, ut & fere adhuc solent variæ nationes, inde facile ex Volbano, *Verbanum* facere potuerunt, quod Latinam Etymologiam magis saperet: ita

quis putet celebrem illum Germanorum Ducem *Arminium*, sic proprie apud Germanos vocatum fuisse, & non potius *Hermann*, secundum Germanicæ Linguae, quæ antiquissima est, idiotismum: ita non male suspicantur Viri Eruditi, *Inducio- marum* corruptum esse ex his Germanicis vocibus *Ein Teutsch Mayer*, id est, *Germanorum Judex*: ita *Mediolanum* Celtarum veterum Colonia, quorum Lingua cum Germanis communis erat, ex eorum nomine *Mittelland*, id est, *terra media* appellatum fuit. De quibus plura non solum hariolari, sed & certo statuere & probare possemus.

CII. Bergimi.

*Brixia.*DEO BERGIMO
L. ARTEMIDORVSNONIAE MACRINAE
SACERD. BERGIMI

B. M.

CAMVNI

Ex libro Memor. Brescian.

Berginus ille proculdubio Deus aliquis fuit illius regionis indigena, qui forte Bergamo-urbi nomen dedit. *Berg* autem Germanis antiquis ut etiamnum hodie, *mons* est: itaque numen hoc montium, & *Bergamum* ad montium radices situm, hoc nomine donata fuerunt, cum Cenomani Gallicae populi hanc Regionem occuparunt. Ita ab ea-

dem voce *Berg*, Hispanicae quaedam urbes denominatae, *Bergusia* ad Pyrenaeos, *Bergidum* pagus Ilergetum, *Bergida* oppidum Catalauniae. Nec enim solum in Italiam, sed & in Hispanias, aliasque regiones, propagata fuit Celtica lingua, quae eadem & Gallica antiqua, & Germanica idiomatum Germanicorum matrix.

CIII. Jovis Alannici.

*Prope Brixiam, in territorio di Concesio.*I. O. M. ALANNI
CO M. NONIVS MA
CRINI LIB. AGATHONICVS
CVM PORTICVLA V. S.*Ex eodem libro.*

Et hic Jupiter antiquorum Celtarum fuisse videtur, Alannicus forte dictus a voce *Land* quae regionem significat, ita ut Jovem regionis illius pro-

prie significaret: nisi mavis Alannicum ab Alanis Sarmatiae Europae populis appellatum.

I N S C R I P T I O N E S


Nonnullae supra inferendae.

Pag. 761. post lineam duodecimam inferere has Inscriptiones.

*Romae.*AESCVLAPIO. ET. HYGIAE
H. TEMPL. CVM. FONTIBVS. SV.
SACRVM
M. VESIDIENVS HEDYLALVS PR.
COH. I. VOLVNT. CIV. ROMAN.
ET. VESIDIA. CARITVSA. VOT. V.
L. D.D.D. D.S. IMPEN.*Ex sched. Barber.**Ex Aricia Romam translata.*AESCVLAPIO. SERVAT.
SACRVM
M. AVRELIVS. FAVSTVS
BASSVS
ET AVRELIA. SALVIA
BASSIANA
V. S. L. M.*Ex iisdem schedis.
Supplem. Tom. IV.**Romae.**In Insula Tiberina, ante paucos
annos effossa.*AISCVLAPIO
AVGVSTO SACRVM
PROBVS. M. FICTORI. FAVSTI
MINISTER. ITERVM. ANNI. XXXI.*Ex Bellorii dissertatione de nummo Commodi
& Annii Veri.*Pag. 829. post lineam 30. *Brixia.*MERCVRIO
REIPVB. BRIX. CONSERVATORI
C. CALLINIVS C. F.
EVTIPHIO*Ex libro, cui titulus Memoriae
Bresciane.*

D I S S E R T A T I O

de Tripodibus.

Tabula in qua varii Tripodes.

Explicatio characterum Figuræ I.

A CRATER, aut CORTINA, seu ΚΥΚΛΟΝ ΕΠ' ΑΤΤΟΒΟ'ΗΤΟΝ tenuissimæ crassitudinis, peracutum sonum aut tinnitum reddens, sicut tinnula æra, in cujus fundo, foramen orbiculari figura.

B Tres ANCVLÆ seu ΕΜΡΥΣÆ, Craterem sustinentes, spithamæ Græcorum mensuram æquantes.

C Ancularum Epistylum, seu Capitulum, in quo Caprinum caput fatidicorum sacrificiorum peculiare, vitis revinctum cum lemniscis, inter Ancones seu Prothyrides, cum Helicibus seu volutis, Oraculorum involucri & ambiguitates innuuntibus.

D Ancularum Scapus, Strigibus aut Triglyphis bifariam adornatus.

E Scrupi seu scrupuli, aut calculi, cum tæniis sortilegorum, Triglyphos distinguentes.

F Ancularum seu Empusarum Pes Leoninus, seu Gryphi, aut Sphingis.

G HYPOCRATERIDION, figura triquetra, ad illius MACHINÆ DELPHICÆ formam compactum, quæ operculi vice, Antri seu Voraginis fauces aut spiraculum in adytis Delphici templi operiebat, in qua sedere solita Pythia, ut fatidicum spiritum conciperet, atque oracula redderet.

H Tres BASES seu pedes quibus machina triquetra imposita & affixa est, a quibus TRIPODIS denominationem duci tradunt.

I TRIGONVM mysticum, seu foramen Triangulari figura, compactum ex arcibus circuli, unde fatidici flatus aut spiritus exire atque attolli solebant.

K Circulus Trigonum seu Triangulare foramen ambiens aut includens, Hypocrateridio adscriptus, atque in duodecim portiones distinctus.

L Linea e circulo ducta Trigoni altitudinem æquans, circumlunamque in quatuor æquales partes intersecans.

Tripodis nomen commune fuit variis instrumentis & vasis, quæ tribus insistebant pedibus, veluti focolis, thuribulis, candelabris, mensis aliisque id genus: at strictiori significatione Athenæus duo tantum genera tripodum statuit: ὃ γὰρ τὶ ἀρχαῖον δύο γένη τριπόδων, ἓς καλεῖσθαι λέβητας συνεβαίνειν ἀμφοτέρως, ἐμπυριβήτης ὁ ὑλοτροχός: Erant, inquit, apud præcos Tripodum duo genera, quæ ambo nominarunt etiam Lebetas. Unum quod Empyribates seu Loetrochoos dicebatur, quo ad ignem calefaciendæ aquæ utebantur: ὁ δ' ἕτερος ὀκράτηρ καλούμενος. Ο μύρος, ἐπὶ ἀπόρους τριπόδας, &c. Alterum tripodis genus poculum fuit, de quo Homerus, Septenos tripodas quos non admoverat igni. In his Tripodibus vinum miscebatur. Est itaque tripus hic veritatis congruus index, Apollini ob Oraculorum suorum certitudinem dicatus; Baccho vero, quia non mentiantur ebrii, &c. Horum quidam auriti sunt; quod in tripode Tabulæ hujus III. observatur, qui aurem sive anfulam ad ejus apprehensionem habet.

I. Tripus hic æreus antiquus, ann. 1629. Forojulii in littore Ligustici maris repertus inter veteris ædis rudera, & statim ad Peireskium allatus, tripus est proprie dictus Delphicus sive Pythicus cognominatus; videturque operis Græci & ad proportionem similitudinemque veri Delphici tripodis conflatus, de cujus origine plura veteres. Post enim Oraculi inventionem a Capris forte factam, quæ dum in antrum propius despicerent, vocemque altiorem & ab usitata dissonam emitterent, duravit ad tempus ille mos, ut qui divinare vellet, antro propinquans de futuro alter alteri responderet. Sed cum multi per excessum mentis lymphaticum defultarent in specum, omnesque in conspectu hominum auferrentur, consultius accolis visum, ne quis idem periculum incurreret, unam ex foeminarum sexu vatem consecrari, quæ fatidicis posthac effatis præesset, machinamque illi fabricari qua consensa citra noxam afflatu divino repleti & consulentibus vaticinari posset. Machinæ tres erant pedes, unde tripodi illi nomen obtigit.

Componitur autem iste ex quinque partibus, quarum inferior est instar basis, cui tres aliæ inniuntur instar crurum aut columellarum, quintam quæ crateris seu lebetis formam habet sustentantes: totumque ex ære flavo ita rite elaboratum, ut

Supplem. Tom. IV.

A tria illa crura proprii sui æquilibrii ope stare possint, præsertim imposito cratere. Hæ vero partes ita expolitæ & antiqua ærugine obductæ sunt, ut nullum sit vestigium eas aliquando clavis aut alio vinculo unitas fuisse; quinimo potius ita dispositæ videntur de industria, ut facile conjungerentur & quasi solo afflatu pro lubitu disjungerentur. Observatur equidem in hypocrateridio, quibus locis crura tripodis pedem fixerunt, ærugo parum diversa & minus densa, ita ut erectum satis longo tempore tripodem fuisse exinde constet. Nec id fortuito ita fabricatum fuisse mihi persuasum habeo, aut imperfectum sic remansisse. Fuit enim repertus Romæ alius æreus tripus, cujus deinde possessor Gualdus Eques, quem loco II. exhibemus, ita flexilis & plicatilis, ut ad minorem molem reduci posset, partibus tamen remanentibus simul junctis, non clavorum sed quarundam cate-nularum ope. Nec id sine mysterio affectabant, ut hæ partes levi modo flatu agitentur aut conciderent, spiritusque illius subterranei & divini indices extarent, cui convenit illud Lucani:

Spargitque vaganti

Obstantes TRIPODAS.

C Certum quippe est agitationem quandam in his fuisse tripodibus, qua partes invicem collidebantur, sive id ab illo dæmoniaco spiritu acciderit, sive ab aliqua Sacerdotum arte; inde Lucanus improbatam Appii curiositatem dicit:

Hic tempore longo

IMMOTOS TRIPODAS, vastæque silentia

rupis

Sollicitat.

Et paulo post:

Sentit TRIPODAS cessare furensque.

D Propterea Tripodem ΚΥΚΛΟΝ ΕΠ' ΑΤΤΟΒΟ'ΗΤΟΝ, circumlunam sponte sonantem vocavit Nonnus, cum oraculi Cadmo redditi mentionem facit, postquam, ait, cessavit & quasi extinctus fuit Tripodum terribilis sonus: quinimo verisimile videtur hoc sono Pythonissas in furorem actas fuisse, sicuti in Bacchi Orgiis cymbalorum tinnitus Bacchantes & Tigrides commovebat & furescentes reddebat.

Est enim crater hic ita tenuis & subtilis, ut vix chartæ pergamenæ crassitudinem æquet, sonumque ederet acutissimum, nili ærugo a vetustate contracta eam hinc inde perforasset fidissetque: si

K k k ij

quidem alter ejusdem magnitudinis, proportionis & materiæ, quem confici curavimus, peracutum & admodum penetrantem sonum edidit.

Cui autem usui fuerit illud in ima parte crateris extans foramen examinandum. An ut relationem quandam haberet Ætnæ & Vesuvii, aliorumque ignivomorum montium spiraculis & aperturis, quæ & crateres vocantur; ita etiam tale tripodis foramen subterraneos spiritus & æstus suos fatidicos, Pythonissas non tantum calefacientes, sed & in furorem agentes evomeret. Quantumvis enim maximus ille & genuinus tripos Delphicus, quo Apollinis antrum operiebatur, ita conformatus spiritus fatidicos emitteret: erant tamen per universam Græciam infiniti alii ad ejus, ut diximus, similitudinem fabricati, testibus Diodoro Siculo aliisque. Et sicubi eorum ad oracula usus erat quæ initio permulta erant, non dubium est quin frigus, calor, humiditas, aerisque subterraneorum cryptarum temperies, aut saltem maligni spiritus illic invocati ventum excitare potuerint, agitando tripodi sufficientem, quo sono ab iis divino putato cæcutientes illi Erhnici in furorem agerentur.

Magna incantamenta vix certe sine sonitu & strepitu patrabantur, quo Dæmon Dei simia simile aliquid adventui Spiritus Sancti produceret; *dum factus est die Pentecostes de cælo sonus tanquam advenientis spiritus vehementis qui replevit totam domum*. Idque imitantur sortilegi sive malefici qui procellas grandinemque excitant, aut excitare putant: at illa omnia mysteria fatidica, fatentibus priscis Philosophis, non sine magia & sortilegio celebrabantur. Quia vero baculis usos fuisse Magos legimus, quidni & dicamus, hisce percutere tripodas de more fuisse, instar Musici instrumenti, quo sonos obscuriores aut acutiores ederent, prout magis dæmonibus suis placere existimabant, eos aliquando voci accommodantes, certamque symphoniam observantes.

Inde priscorum hæreticorum error, qui Basilidiani & Gnostici audiebant monstruosa numina confingentes, inter quæ & cælos numerabant, quos septem tonis & septem Alphabeti Græci vocalibus distinguebant, sub nomine Angelorum, vel intelligentiarum moventium: hique literas illas Græcas combinantes & multiplicantes abstrusiora mysteria reperiabant, Deosque suos & eorum virtutes multiplicabant. Nullus etiam dubito quin mysterium aliquod lateat in illo trigono, quod in medio hypocrateridii apparet: cum esset priscæ philosophiæ commentum, trigono maximo æquilatere tria contineri elementa ignis, aeris & aquæ, ex aliis trigonis composita, & nescio quæ alia somniantis hominis figmenta.

Superiori crurum sive Angularum parte sculpta sunt caprina capita tum in hoc tripode, tum in aliis quos exhibent numismata: quod referendum ad originem oraculi Delphici a Capris inventi: quanquam & alia, forte tantum ornamenti gratia, Leonum, Gryphumque exprimantur.

I. In hoc vero secundo Tripode plicatili, qui fuit olim Equitis Gualdi, non brutorum sed feminarum sculpta sunt capita, quæ vel tres Triopes filiæ sunt, quæ teste Porphyrio Apollinem in tripode suo sepultum planxerunt; vel etiam tres Pythonissæ, quæ diu simul in templo Delphico ministrarunt: vel tandem Bacchantes uvis coronatæ. Baccho enim tripodem etiam tribuit Athenæus. *In Bacchi*, inquit, *certaminibus victoris præmium est tripus: nam qui vera fantur, e tripode loqui dicimus*, & alia superius citata.

III. Omnino tandem in hoc tertio tripode tres illas Pythonissas repræsentari puto, vel tres Triopes filias, quæ adornando tripodi incumbere videntur. Hunc Tripodem ex Manuscripto D. de Bagarris exhibemus, qui eum Romæ in Palatio Strozzi delineaverat ex antiquo Toreumate: hancque dissertationem fere totam ex Peireskij schedis.



MISCELLANEA ERUDITÆ ANTIQUITATIS.


SECTIO QUARTA.

ILLUSTRIMUM VIRORUM CAPITA MONUMENTAQUE.

Agasias Dosithei,
& Agasias Menophili, Sculptores.

Romæ.

Sub Statua gladiatoris in villa Borghesia.



Id est

Agasias Dosithei filius Ephesius fecit.

A G A S I A S Sculptor eximius ignotus nobis esset, nisi nomen suum inscripisset elegantissimæ Statuæ gladiatoris, quæ in villa Borghesia cernitur. Ephesius fuit, Græcorumque peritiæ non indignus alumnus, inter quos Ephesii, Rhodii, Athenienses, alios præcellebant, ut ex eorum operibus quæ Romæ visuntur intelligitur.

Alterius *Agasias* Menophili filii, Ephesique Statuarii meminit sequens Inscriptio, a Gronovio in notis ad Plinium relata.

Amstelodami, apud Vitrium ex Asia allata.

ΓΑΙΟΣ ΒΙΛΔΙΗΝΟΝ ΓΑΙΟΥ ΠΡΕΣΒΕΤΤΗΝ
ΡΩΜΑΙΩΝ ΟΙ ΕΝ ΔΗΛΩ ΕΡΓΑΖΟΜΕΝΟΙ ΕΥΕΡΓΕΣΙΑΣ
ΕΝΕΚΕΝ ΤΗΣ ΕΙΣ ΕΑΥΤΟΥΣ ΑΝΕΘΗΚΑΝ
ΑΓΑΣΙΑΣ ΜΗΝΟΦΙΛΟΥ ΕΦΕΣΙΟΥ ΕΠΟΙΕΙ
ΑΡΙΣΤΑΝΔΡΟΣ ΣΚΟΠΑ ΠΑΡΙΟΣ ΕΠΕΣΚΕΤΑΣΕΝ

Id est,

Gajum Billienum Gaii filium Legatum Romanorum, ii qui in Delo operantur, Benefactorum causa in eos collatorum hac Statua venerati sunt, Agasias Menophili filius Ephesius fecit, Aristander Scopæ Parius curam habuit.

Apollonius Sculptor.


ΑΠΟΛΛΟΝΙΟΣ ΝΕΣΤΟΡΟΣ ΑΘΗΝΑΙΟΣ ΕΠΟΙΕΙ

Id est:

Apollonius Nestoris filius Atheniensis fecit.

Apollonius primi ordinis Sculptor Atheniensis, nomen suum inscripsit, ut hic exhibemus, sub ea Figura truncata in Vaticano tantopere a Michaeli Angelo æstimata, unde ab eo tempore *il torso di Michel Angelo* dicta est. Idemque inscripsit elegantissimæ Æsculapii Statuæ pariter mutilæ in Palatio Cardinalis defuncti Camilli Maximi. Sitne idem ac sequens non mihi constat: Sculptores enim aliquando etiam erant gemmarum cælatores.

Dioscorides, Apollonius, & Micon gemmarum Cælatores.

Gemma, olim apud Fulv. Ursin.

Dioscoridis eximii gemmarum cælatoris mentio est apud Plinium lib. 36. & apud Suetonium, qui in Augusti vita ait hunc Imperatorem in sigillandis literis, usum esse Dioscoridis manu sculpta imagine sua: cujus & hic Mercurius dicendus est. Vidi & in cimeliarchio D. Thossantii Lauthier Aquis sextiis, præstantissimum Amethystum Solonis caput repræsentantem, a Dioscoride qui ei nomen suum expressit cælatum, pluribusque aureis æstimatum.

Apollonidis celebris gemmarum Cælatoris mentio est apud Plinium lib. 36. Unde suspicari licet hic forte erratum in nomine & Apollonium pro Apollonide substitutum. Si tamen diversum quis sentiat, non refragabor, modo peritissimum etiam Cælatorem fuisse fateatur. Hæc enim uncialis magnitudinis gemma annulo inclusa aureo, fuit olim a Fulvio Ursino centum aureis empta ob veniustatem tum gemmæ tum cælaturæ. De his majoris molis annulis, Plin. lib. 33. *Jam, inquit, alii pondera eorum ostendunt.* Juvenalis, Sat. 1. *Nec sufferre queat majoris pondera gemmæ:* Idem: *Ciceroni nemo ducentos nunc dedit nummos, nisi fulserit annulus ingens.* Diana autem montana ut in Græco epigrammate nominatur ΑΠΤΕΜΙΣ ΟΡΕΙΤΗΣ, heic sculpta cernitur, Pharetram a tergo gestans, dextra nescio an arcum. Succincta veste ad venationem apta, semitectisque femoribus, ut ait Arnob. lib. 6. Notandum Lud. Demontiosum qui has duas gemmas viderat, in hac legisse ΑΠΟΛΛΩΝΙΔΟΥ.

Myconis celebris Pictoris Atheniensis mentionem facit non uno loco Plinius; item Myconis Statuarii, quem Pausanias in Eliacis dicit Statuam equestrem fecisse Hieroni Syracusano. De vinea cujusdam Myconis, forte ejusdem, Theocritus Idyll. 5. sed an aliquis ex istis gemmam hanc cælaverit temerarium erit pronunciare, nullo alio argumento quam nominis similitudine, quæ inter Græcos non raro occurrit. Caput videtur esse alicujus Consulis Romani.

Archelaus Sculptor.

Romæ, marmor elegans Homerum exhibens, cui corona capiti imponitur circumstantibus plurimis Artium, Virtutum, Musarumque simulachris, adjecto Sculptoris nomine.

ΑΡΧΕΛΑΟΣ ΑΠΟΛΛΩΝΙΟΥ ΕΠΟΙΗΣΕ ΠΡΙΗΝΕΣ

Id est,

Archelaus Apollonii filius Prienensis fecit.

Archelaus Sculptor fueritne prædicti Apollonii cælatoris filius, an alterius dubium est. Uterque sane Græcus & in arte sua peritus. Apollonios plures memorat Suidas, sed Philosophos; Archelaum item Apollodori filium Milesium Philosophum. Priene una erat ex duodecim Joniæ urbibus, non longe a Mileto.

Aurelius Symmachus.

Roma.

Effossa in monte Caelio ann. 1617.

E V S E B I I

Q. VALERIO SYMMACHO V. C.
 QVAEST. PRAEF. PONTIFICI
 MAIORI CORRECTORI
 LVCANIAE ET BRVTIORVM
 COMITI ORDINIS TERTII
 PROCONS. AFRICAE PRAEF.
 VRB. COS. ORDINARIO
 ORATORI DISERTISSIMO
 Q. FAB. MEMM. SYMMACHVS
 V. C. PATRI OPTIMO

Ex Gualtheri Tabul. Sicil. & Vossio de Historicis Latinis.

Quintus Aurelius Symmachus Praefectus urbis anno 365. sub Valentiniano I. & Consul. ann. 330. sub Constantino M. Pater Q. Fabii Memmii Symmachi, cujus extant Epistolæ.

Virius Nicomachus.

Ibidem.


VIRIO NICOMACHO FLAVIANO V. C.
 QVAEST. PRAET. PONTIF. MAIORI
 CONSVLARI SICILIAE
 VICARIO AFRICAE
 QVAESTORI INTRA PALATIVM
 PRAEF. PRAET. ITERVM COS. ORD.
 HISTORICO DISERTISSIMO
 Q. FABIUS MEMMIUS SYMMACHVS V. C.
 PROSOCERO OPTIMO

Ex iisdem.

Virius Nicomachus Flavianus fuit Praefectus Praetorio Italiae anno Christi 391. ad cujus filium Symmachi Epistolæ lib. 2. De hoc & superiore vide Aegidii Lacarry Historiam Christianam sub Praefectis Praetorio.

Cleomenes.

*Romæ, in villa Montalto, sub Statua
pulcherrima Germanici nudi.*



Id est,

Cleomenes Cleomenis filius Atheniensis fecit.

Cleomenes Atheniensis peritissimus Statuarius omittendus non erat : ex ejus enim exquisito opere ipsius peritia dignoscitur. Vixisse autem Germanici tempore verisimile est, eo quod illius sculpsit Statuam. Cleomenis Sculptoris qui Thespiades Musas fecerat meminit Plinius lib. 36. cap. 5. qui alteruter horum, pater vel filius fuisse videtur.

Cæcilius Novatilianus.

Beneventi, basis.

Marco

M. CAECILIO NOVATILIANO.

C V R.

Viro Clarissimo

POETAE. ET. ORATORI. IN

LVSTRI. V. C. ALLECTO. IN

TER. CONSVLARES. PRAESI

DI. PROV. MOES. QVAESTO

RI. AFRICAE. PRAEFECTO

Jurisdicundi
Hispaniæ ci-
terioris

IVRISD. HISPAN. CIT. ET

CALABRIAE

SPLENDIDISSIMVS. ORDO. BENEVEN

TANORVM. PRIVATIM. ET. PVB

Posuit decreto

LICE. PATROCINIO. EIVS. SAE

Decurionum.

PE. DEFENSI P. D. D.

Ex Gualtheri Tabulis Siciliae.

Diogenes in dolio.

Marmor Antiquum, Romæ.




Diogenes in dolio cum baculo & pera Philosophica, affidente cane. Hinc discimus fictile dolium fuisse, non ligneum quod ex viminibus commissurisque cognosceretur. Unde Juvenal. Satyr. 14. *Dolia nudi non ardent Cynici, &c. Sentit Alexander testa cum vidit in illa.* Doliis autem hujusmodi servabatur olim vinum & aqua, ut ait Plinius lib. 35. cap. 12. Defodiebanturque in terra, ut ait J. C. de fundo instructo & de contr. empt. Utebantur & ad frumentum servandum, J. C. Julianus, & Capitolinus in Antonino Pio, inter omnia imperii ejus: *Et in Hetruria dolia quæ defossa fuerant, supra terram reperta sunt.* Romæ hodie etiamnum ad aquam utuntur. Ausonius de Diogene:

*Diogenes cui pera penus, cui dolia sedes,
Additus est justæ nunc canis Erigonæ.*

Peram & baculum cum pallio Monachis Eremicis Ægypti, qui Christianorum Philosophi erant, tribuit Cassianus, lib. 1. Institut. Monachor. Hieronymus de Diogene loquens 2. contra Jovinianum: *Habitabat autem in portarum vestibulis & porticibus civitatum, cumque se contorqueret in dolio, &c.* quod marmor nostrum illustrat; est enim Templi alicujus vestibulum. Quocirca, inquit Laertius, *ajebat Athenienses, Jovis porticum ostendens, sibi condidisse palatium ubi vesceretur.* Filius erat Icesii urbe Sinopo natus, ut habent inscriptiones capitis ejus, quod Romæ cernitur, item & gemma antiqua, quam ante quinquennium contrectavi.

Florentiæ, apud Card. Medicæum.



Reperitur in eum epigramma incisum antiquis marmoribus, quod habetur in Epigrammatum Anthologia. Marmor Patavii citat Sertorius Ursatus Antiquarius eruditissimus, & ego simile exscripsi:

*Venetiis, ad piscinam Sancti Moysis, in domo
quæ erat Erizzorum, suprastante Cane.*

ΕΙΠΕ ΚΙΩΝ ΤΙΝΟΣ ΑΝΔΡΟΣ ΕΦΕΣΤΟΣ ΣΗΜΑ ΦΤΛΑΣΣΕΙΣ
ΤΟΥ ΚΥΝΟΣ ΑΛΛΑ ΤΙΣ ΗΝ ΟΤΤΟΣ ΑΝΗΡ Ο ΚΥΩΝ
ΔΙΟΓΕΝΗΣ ΓΕΝΟΣ ΕΙΠΕ ΣΙΝΟΠΕΤΕ ΟΣ ΠΙΘΟΝ ΩΚΕΙ
ΚΑΙ ΜΑΛΑ ΝΥΝ ΔΕ ΘΑΝΩΝ ΑΣΤΕΡΑΣ ΟΙΚΟΝ ΕΧΕΙ

Est veluti dialogus viatoris qui marmor inspicit, & canis in eo sculpti. *Dic canis, cujus viri monumentum diligenter custodis?* R. *Canis. Sed quisnam est iste vir, o Canis?* R. *Diogenes. Dic mihi cujas erat.* R. *Sinopensis. Ille autem qui dolium inhabitabat, nunc mortuus Astra pro domicilio possidet. De eo qui plura velit, adeat Diogenem Laertium, qui ejus vitam descripsit.*

Dion.

Romæ, in villa Matthæi.

ΔΙΩΝ ΦΙΛΟΣΟΦΟΣ ΕΦΕΣΙΟΣ
ΣΘΕΝΝΙΣ ΕΠΟΙΕΙ

Id est,

Dion Philosophus Ephesus, Sthenis fecit.

Dionis hujus Philosophi Ephesii nemo quod sciam adhuc meminit. Suidas plures memorat hujus nominis: Dionem Hipparini filium Syracusanum, Philosophum Platicum: Dionem Coccejum patria Nicænum qui Romanam historiam scripsit: Dionem Pasicratis filium Prusæum Sophistam ac Philosophum, quem & Chrysostomum cognominarunt. Cocceus lib. 39. Dionem quemdam refert Alexandrinum legatum ad Romanos, Ptolomæi Auletis tempore. Dionis Epidaurii mentio est apud Pausaniam, Dionis Diapyri apud Athenæum, lib. 9. & Dionis Chii qui primus Bacchicum Spondæum tibia cecinit, lib. 14.

De Stheni etiam nihil habeo quod proferam. Is videtur vel Sculptor fuisse qui Dionis Statuam fecisset, vel Architectus qui monumentum aliquod, in quo Dionis & aliorum insculpta erant nomina, erexerat. Tales enim lapides sex aut septem extant simul in villa Matthæi, quos suo referemus loco. Forte etiam Sthenis ille idem est quem Plinius Sthenim vocat Lyfistrati fratrem, Sculptorem Alexandri Magni tempore florentem, circa Olympiadem 114.

Hephæstion & Myron.

In Insula Delo, basis.

ΗΦΑΙΣΤΙΩΝ ΜΥΡΩΝΟΣ ΑΘΗΝΑΙΟΣ ΕΠΟΙΕΙ

Id est,

Hephæstion Myronis filius Atheniensis fecit.


Hephæstion qui proculdubio Statuam aliquam huic impositam basi in Insula Delo sculpserat, Athenis artium Magistra urbe natus, nullum nactus est Historicum qui ejus meminerit, imo nec superest Statua, ex qua, tanquam ex ungue leonem, hujus artificis industriam cognoscere valeamus. Myron autem ipsius parens, percelebris erat Statuarius, Polycleti contemporaneus, qui circa Olympiadem LXXXVII. floruit: cujus operum meminere Plinius lib. 34. & Pausanias. Eleutheris natus erat, ut ait Plinius; at Pausanias eum Atheniensem perpetuo vocat; eo quod Eleutherienses Athenas sponte migraverint, & ideo pro Atheniensibus sint habiti. Extat Viennæ Allobrogum basis Statuæ quam sculpserat. Adfunt enim hæc literæ:

M Υ Ρ Ω Ν Ο Σ

De qua consulendus Eruditissimus Chorierius in Viennensium antiquitatibus.

Leochares.

Roma, in hortis Medicis.




Id est,

Ganymedes Leocharis Atheniensis.

Leochares floruit Olympiade CII. & sequentibus, ut refert Plinius, lib. 34. Fuit is inter nobiliores æstimatus, ita ut Regina Artemisia eum cum tribus aliis vocarit ad Mausolei sculpturam, ut idem memorat Author lib. 36. Verum ex hoc marmore alius Plinii locus emendandus, lib. 34. cap. 8. *Leocras*, sed repono, *Leochares aquilam sentientem quid rapiat in Ganymede, & cui ferat, parcentem unguibus etiam per vestem sculpsit*. Unde non dubito quin hujus eximii operis superstes hæc basis fuerit. Leocharis opera quædam recenset Pausanias in Græciæ descriptione, & inter alia Jovis, Amyntæ, Philippi, & Alexandri Statuas. Plinius vero loco citato præter Ganymedem istum, puerum Autolycum pancratio victorem, Jovem Tonantem in Capitolio, & Apollinem diadematum.

Maximus Tianus.


Athenis.



Maximi Philosophi Juliani tempore florentis, Nymphidiani atque Claudiani fratris, Smyrnæorum, meminit Eunapius in vitis Philosophorum, sed isne idem sit ac iste qui Tianus hic cognominatur, me profus latet.

Matrinus.

Romæ.

*Ex schedis Barberinis.*

Cajus Matrinus Valens Philosophus Epicureus æterno sepultus somno foret, nisi lapis hic eum a tenebris vindicaret. Athenagoras in oratione pro Christianis apud Justinum, dicit Epicureos mortem profundum somnum & oblivionem esse censere, sunt enim fratres somnus, morsque ipsa gemelli: Unde alius, stultè quid est somnus, gelidæ nisi mortis imago? Virgil. Et consanguineus lechi sopor. Pausanias germanos esse dicit & simulachra conjuncta habuisse. Horatius moribus non nihil Epicureis: Ergo Quinilium perpetuus sopor urget. Inscriptiones antiquæ: QVOS DII IRATI VNO DIE AETERNOSOMNO DEDERVNT. In Manuscriptis Ligorii SOMNO AETERNALI IVLIAE FORTVNATAE, &c. SOMNO AETERNALI Q. POMPEIO ZOSIMO, &c. Inedita pariter & marmora sequentia.

*Florentiæ, in villa Strozzi.**Romæ, in hortis Justinian.*

D. SOMNO AETERNALI M.
AVRELIVS ABASCANTVS
AVG. LIB. ET FORTVNATA
AVG. LIB. FECER. SE VIBI
SVISQVE LIBERTIS
LIBERTABVSQVE
POSTERISQVE EORVM

SOMNO SEPVLCHRO
AETERNALI SACRVM
EVTYCHIAE QVAE
VIXIT ANNIS XXX
ONESIMVS CONIV
GI DVLCISSIMAE
ET SIBI AMANTIS
SIMAE FECIT

*Exscripsi.**Romæ, in Palatio Ducis Monti.**Exscripsi.**Florentiæ, in horto Marq. Corsini.*

SOMNO AETERNALI
LI IVLIAE EVTERPE
MATRI DVLCISSIMAE
VLPIA PAVLINA
FECIT ET SIBI ET
LIB. LIBERTA
BVSQVE POSTERIS
QVE EORVM

Exscripsi.

D. M.
SOMNO PERPETOALI
LI LVLVSE ENCARPVVS
VIVVS FECIT SIBI ET
IVLIAE POLITICENI
CONIVGI SVAE ET
IVLIO SAGARIANO FL. *
LIBERTIS LIBERTABVS
QVE POSTERISQVE
EORVM

*Exscripsi.**.VI. mo T. m. 1892*

Messius Egnatius Lollianus.

Suessæ.

MAVORTI

Q. F. MESSIO EGNATIO LOLLIANO

Viro Clarissimo

V. C.

*Quæstori
Kandidato*

Q. K. PRAEFECTO VRBANO

Populi Rom.

QVIRITIVM COMITI

AVGVRI PVBLICO P. R.

D. D. NN. AVG. FIL. CAESARVM

CVRATORI ALVEI TIBERIS

ET CLOACARVM SACRAE VRBIS

CVRATORI OPERVM PVBLICORVM

CONSVLARI AQVARVM

Minuciæ

ET MINVC. CONSVLARI CAMPANIAE

ORDO POPVLVSQVE

SVESSANVS

Ex Capacio.

Sic legendum Inscriptionis initium, *Mavortio Quinti filio Messio Egnatio Lolliano Viro Clarissimo Quæstori Kandidato*. Fuit autem is *Mavortius Lollianus*, Præfectus urbis Romæ Anno Christi 340. sub Constante. *Candidati* dicebantur, qui munera quædam publica, Magistratusque petebant, eo quod candida toga tunc indui folerent: de quibus vide Rosini *Antiquitates Romanas*, lib. 7. cap. 8. *Suessæ*, Urbs & Colonia Campaniæ antiquissima, *Pometia* Plinio & Tacito dicta, *Aurunca* vero Livio.

Flavius Peregrinus Saturninus.

Romæ, in villa Matthæi.

FL. PEREGRINO SATVRNINO

A PRIMIS ADVLESCENTIAE SVAE ANNIS
PACE BELLOQVE IN REPVBICA DESV
DANTI POST IVGES EXCVBIAS MILITIAE
TRIBVNO MILITVM COMITI ORDINIS
PRIMI MODERANTI INLVSTREM SACRI
PATRIMONII COMITIVAM SECVNDO VRBI
PRAEFECTO CVIVS OB TESTIMONIVM MORVM
INTEGRITATIS ADQVE IVSTITIAE
SINGVLARIS INLVSTRIS VRBANAE
PRAEFECTVRAE GEMINAM DIGNITATEM
SACRO IVDICIO AETERNI PRINCIPES
DETVLERVNT MERITORVMQVE INSIGNIVM
CONTEMPLATIONE AD POSTERITATIS
MEMORIAM DECORANDAM STATVAM
SVB AVRO FVLGENTEM IN FORO DIVI TRAIANI
ERIGI CONLOCARIQVE IVSSERVNT

Exscripsi.

L11 iij

Flavius Peregrinus Saturninus bis Præfectus urbis Romæ, ultima quidem vice sub Valentiniano II. anno Christi 382. Ergo ipsi statua erecta regnantibus simul, Valentiniano juniore, Theodosio & Arcadio. *Statua sub auro fulgens*, id est deaurata, vel sicuti in antiquis Inscriptionibus loquebantur, *Statua auro illustris, auro superfusa, sub auro, & in auro.*

Lucius Scipio.

Romæ reperta anno 1616.

HONC. OINO. PLOIRVME. COSENTIVNT. R
DVONORO. OPTVMO. FVISE. VIRO
LVCIOM. SCIPIONEM. FILIOS. BARBATI.
CONSOL. CENSOR. AIDILIS. HIC. FVET
HEC. CEPIT. CORSICA. ALERIAQVE. VRBE
DEDET. TEMPESTATEBVS. AIDE. MERETO

Fuit hæc Inscriptio a Sirmondo antiquissima putata, sicque ab eo explicata.

*Hunc unum plurimi consentiunt Romæ
Bonorum optimum fuisse virum.
Lucium Scipionem; filius Barbatum,
Consul, Censor, Ædilis hic fuit.
Hic cepit Corsicam Aleriamque urbem;
Dedit tempestatibus ædem merito.*

At de huius antiquitate dubitant alii, inter quos vir quidam Eruditus, Batelerius nempe, cujus extat Epistola ad Puteanum inter schedas Peireskianas, qua eam rejicere conatur ob allatas multas rationes tum grammaticales tum historicas.

Midas Phrygiæ Rex. Nauficæ Alcinoi Regis filia.

Ex duobus nummis perraris.




1. Insignem & perrarum huncce nummum D. de Chevañe Divionensis possidet. Exhibet autem ex una parte *Midam* Phrygiæ Regem apud Mythologos celebratum. Pileum gestat in anteriora recidentem, qui Phrygiorum mos erat, ut videre est in nummo Hadriani RESTITVTORI PHRYGIAE, aliisque nummis Iliensium in quibus Æneas. Depingitur barba capillisque brevibus ac crispis non injucunde orationis illius tanquam ineptum falsumque creditum, & MIAAC BACIAETC *Midas Rex* ideo ab iis, non diversa ab aliis hominibus facie expressus, venerationem suam erga priscum Heroem suum testaturis: quænam autem urbs inter hos Phrygiæ incolæ nummum cuderit, invidit ærugo: legi enim tantum potest . . . IHCCEON. Figura illa stans dextra bilancem tenens monetam aliquando designat, aliquando & justitiam, quæ si ad Midam relationem habet, justitiam ejus immerito suggillatam a Poetis, indicare voluisse censeo hosce Græcos, qui nummum publicarunt.

2. *Nauficæ* Phæacorum Regis Alcinoi filiam elegans hic nummus exhibet. Heroidis nomine eam celebrat, eademque est quæ Ulyssi naufragio ad Phæaciam sive Corcyram insulam delato occurrit, ut narrat Homerus, quæque eum Patri suo commendavit. At nummus, ut pars averfa docet, a Mytilenensibus cusus, sub militiæ duce Hierocle: ENICTPATYB IEPOKAEB MYTIANNAW. Est figura illa sedens

Sappho quam Mytilenenses in suis cudebant nummis, eo quod esset Mytilenis in illorum Insula Lesbo nata : ut testantur Aristoteles lib. 20. Rhet. & Julius Pollux : οἱ Μυτιληναῖοι, inquit iste, lib. 9. Σαπφῶ τῷ νομίματι ἐνεχάραττον. Confirmant numismata Mytilenæorum, unumque argenteum extat apud Fulvium Ursinum in Virorum Illustrium imaginibus. Lyra quæ inter manus ejus est, Poetas Lyricos denotat inter quos celebris fuit. Plectrum Sapphonis inventum Græci scriptores memorant, & Sapphicum quoque metrum ab ipsa dictum fuisse. Perit submersa cum se e Leucade insula regni Ulyssis in mare præcipitasset : unde memoriam ejus renovari, in Corcyrensis Heroidis nummo non absurdum est, cum sint vicinæ insulæ Corcyra & Leucas, cumque etiam fortassis inter hæc duas illustres virgines similitudinem quandam animadvertissent Mytilenæi. Dissimulare non debeo, Clarissimo Patino hanc figuram sedentem, quam Sapphonem esse dixi, Apollinem videri Mytilenis cultum ; at vestiri Apollinem stola ad pedes usque, eique comam non humeris sparsam, vix mihi persuadere possum : adde quod citati Aristoteles & Pollux, meam opinionem non parum confirmant. Reperitur autem hic nummus Bononiæ apud Alexandrum Nigri, qui typi ejus copiam mihi dedit ; & in Thesauro Regio Ludovici XIV.

Nicomedes Medicus.

Romæ.



Id est.

Diis Manibus.

Cippum posuerunt
 Nicomedi Affines ejus,
 qui erat optimus
 Medicus in vivis cum
 esset : Multos autem
 servans remediis
 Anodynis (seu dolorem sedantibus)
 Anodynum (seu dolore expers)
 corpus nunc habet mortuus .
 Bono animo sum Nicomedes ,

quia non eram & natus sum,

non sum & non contristor.

Vixi annos XLIV. &

dies XXIII.

Nicomedes Medicus Smyrnæus artem suam Romæ exercens eleganti elogio hic excipitur, dum multos, ait epigramma, servans remediis anodynis anodynum, hoc est sine dolore, corpus nunc habet mortuus. Videtur autem vixisse circa Gallieni tempora, ob literas illas rotundas C pro Σ, & Θ pro Ε, & ω pro Ω quæ tunc, ut ex nummis patet, usurpabantur; imo & jam imperantibus Antoninis, etiam equidem rarius. Græcorum sane amicus erat Gallienus. Athenis Archon esse voluit, mysteriisque initiari. Smyrnæis, ni fallor, benefecerat, eorum Theatrum restaurando, dum enim a Turcis ante aliquot annos destrueretur, reperta ibi infinita nummorum Gallieni quantitas, imo & aliorum illius temporis Tyrannorum, sed multo plures Gallieni. Nicomedis hujus ecce duo alia epigrammata unica basi insculpta.

Romæ.

Eruta basis ex vicinia Thermarum Trajani.

ΤΩ ΣΩΤΗΡΙ ΑΣΚΛΗΠΙΩ ΣΩΣΤΡΑ ΚΑΙ
ΧΑΡΙΣΤΗΡΙΑ ΝΙΚΟΜΗΔΗΣ Ο ΙΑΤΡΟΣ
ΤΑΝ ΠΑΙΔΟΣ ΚΑΔΛΙΣΤΑΝ
ΕΙΚΩΤΑΝ ΔΕ ΘΕΟΙΟ
ΠΑΙΑΝΟΣ ΚΟΥΡΟΥ ΜΑΤΡΟΣ ΑΠΑΡΤΙΤΟΚΟΥ
ΔΑΙΔΑΛΛΩΝ ΜΕΡΟΠΕΣΣΙΝ
ΕΜΗΣΑΟ ΣΕΙΟΒΟΗΘΕ
ΕΥΠΑΛΑΜΟΥ ΣΟΦΙΗΣ
ΜΝΑΜΑ ΚΑΙ ΕΣΣΟΜΕΝΟΙΣ
ΘΗΚΕ Δ ΟΜΟΥ ΝΟΥΣΩΝ ΤΕ
ΚΑΚΩΝ ΖΩΑΓΡΙΑ ΝΙΚΟ
ΜΗΔΗΣ ΚΑΙ ΧΕΙΡΩΝ
ΔΕΙΓΜΑ ΠΑΛΑΙΓΕΝΕΩΝ

Id est,

Æsculapio servatori donaria pro salute restituta, gratiarumque actione Nicomedes Medicus offert. Pulcherrimam hanc imaginem pueri Dei Παιανίς, (id est, Apollinis) filii matris quæ cito peperit, adorans mortalibus effinxisti Σειοβοηθε (Sculptoris nomen) artificiosæ scientiæ tuæ monumentum etiam posueris. Posuit autem Nicomedes, ut esset simul liberationis pretium a malis morbis, & manuum specimen antiquarum.

Ex altera parte Basis.

ΤΩ ΒΑΣΙΛΕΙ ΑΣΚΛΗΠΙΩ ΣΩΣΤΡΑ ΚΑΙ ΧΑΡΙΣΤΗ
ΡΙΑ ΝΙΚΟΜΗΔΗΣ ΣΜΥΡΝΑΙΟΣ ΙΑΤΡΟΣ

ΟΙΟΝ ΕΜΑΙΟΣΑΝΤΟ ΝΕΟΝ ΤΟΚΟΝ

ΕΙΛΕΙΘΥΙΑΙ

ΕΚ ΦΛΕΓΓΟΤ ΚΟΥΡΗΣ ΦΟΙΒΩ

ΑΚΕΙΡΕΚΟΜΗ

ΤΟΙΟΝ ΤΟΙ ΠΑΙΔΑΝ ΑΣΚΛΗΠΙΕ

ΣΕΙΟΒΟΗΘΟΣ

ΧΕΙΡΟΣ ΑΓΑΔΗ ΑΓΑΘΗΣ ΤΕΤΕΝ

ΣΑΙΣ ΠΡΑΠΙΣΙΝ

ΝΗΩ Δ ΕΝ ΤΩ ΔΕ ΖΩΑΓΡΙΑ ΘΗΚΕΝ

ΟΡΑΣΘΑΙ

ΠΟΛΛΑΚΙ ΣΑΙΣ ΒΟΥΛΑΙΣ

ΝΟΥΣΩΝ ΑΔΕΥΑΜΕΝΟΣ

ΣΟΣ ΘΕΡΑΠΩΝ ΕΤΧΗΣ ΟΛΙΓΑΝ

ΔΟΣΙΝ ΟΙΑ ΘΕΟΙΣΙΝ

ΑΝΔΡΕΣ ΕΦΗΜΕΡΙΟΙ ΤΩΝ ΔΕ

ΦΕΡΟΤΣΙ ΧΑΡΙΝ

Id est,

*Regi Æsculapio dona pro salute, gratiarumque
Actione Nicomedes Smyrnæus Medicus consecrat.*

Qualem obstetricatæ sunt recens natum Ilithyæ

Ex Phlegyæ filia, Phæboque intonso,

Talem tibi Pæan Æsculapie Seioboethus

Manu erudita Statuam industrie sculpsit.

Hoc vero in templo pro mercede salutis posuit conspiciendam,

Tuis sæpe consiliis expulso morbo,

Tuus Cliens tenue pro voto donum, qualia Diis

Viri Mortales horum gratia offerunt.

Æsculapius natus erat ex Apolline & Coronide Phlegyæ filia, ut ait Hyginus. Basis igitur hæc ferebat Æsculapii Statuam, ob sanitatem recuperatam a Nicomede Medico dedicatam: utrumque enim nomen sanitati præesse credebatur. De Apolline Ovidius:

*Inventum Medicina meum est, opiferque per orbem
Dicor, & herbarum subiecta potentia nobis.*

Apollo vero filium suum Æsculapium Chironi Centauro erudiendum in Medicina tradidit, qui in ea ita peritus evasit, ut deinde hujus scientiæ Deus existimatus fuerit: quapropter Hippocrates discipulos suos hocce jurejurando obligabat: *Per Apollinem Medicum & Æsculapium, Hygiamque & Panaceam jurejurando affirmo, & Deos Deasque omnes testor, &c.*

Publius Plotius Romanus.

Romæ, in horto Barberino.

P. PLOTIVS ROMANVS COS. SODAL. AVG. CL.
 LEG. AVG. PR. PR. PROQ. ARAB. ITEM GAL.
 PRAEF. AER. SAT. LEG. AVG. CENS. ACC. HISP. CIT.
 IVR. PER AEM. LIG. CVR. VIAE LABIC. CVR. VERG.
 PR. VRB. TRIB. PL. Q. KAND. VI VIR EQ. R. TVR. II.
 TRIB. MIL. LEG. I. MIN. ET II. ADI. ET III. V. V. CVR.

Exscripsi.

Ita autem legenda sine abbreviationibus.

Publius Plotius Romanus, Consul, Sodalis Augustalis Claudialis,
 Legatus Augusti Pro-Prætoris Provinciæ Arabiae, Item Galliae,
 Præfectus Aerarii Saturni, Legatus Augusti censibus accipiendis Hispaniæ citerioris,
 Juridicus per Æmiliam, Liguriam, Curator viæ Labicanæ, Curator Vergiliæ,
 Prætor Urbanus, Tribunus plebis, Quæstor Kandidatus, Sextumvir, Eques Romanus Turmæ
 secundæ,
 Tribunus militum Legionum primæ Minerviæ & secundæ Adjutricis, & quartæ Valeriæ Victricis
 Cyrenaicæ.

Salpion.

Salpion Atheniensis Sculptor eximius, vide supra, initio Sect. II.

Silianus.

Gruterus post Fulvium Ursinum citat Inscriptionem quæ sic habet, Γ. ΚΛΑΥΔΙΟΣ ΣΕΙΛΙΑΝΟΣ
 ΙΑΤΡΟΣ ΕΦΕΣΙΟΣ, Cajus Silianus Medicus Ephesus. Ego vero sequentem repperi ejusdem Viri, qui
 dum juvenis esset, Deabus Cereri & Proserpinæ consecratus a parentibus fuerat.

Eleusi.

Id est,

ΚΛΑΥΔΙΟΣ ΚΑΙ ΚΛΑΥΔΙΑ
 Γ. ΚΛΑΥΔΙΟΝ ΣΕΙΛΙΑ

Claudius & Claudia

Caium Claudium Sili-

ANON ΠΟΛΥΚΡΙΤΟΝ

anum Polycritum

ΤΟΝ ΤΙΟΝ ΜΗΘΕΝΤΑ

filium suum initiatum

ΑΦ' ΕΣΤΙΑΣ ΤΑΙΝ ΘΕ

a foco Deabus (Cereri &

ΑΙΝ ΑΝΕΘΗΚΑΝ

Proserpinæ) consecrarunt

ΕΠΙ ΙΕΡΕΙΑΣ ΚΛΑΥΔΙΑΣ

sub Sacerdotio Claudiæ

ΤΕΙΜΟΘΕΑΣ ΤΗΣ ΤΕΙΜΟ

Timotheæ Timothei

ΘΕΟΥ ΓΑΡΓΗΤΤΙΟΥ ΘΥ.


Gargetti filie.

ΑΦ' ΕΣΤΙΑΣ a Foco apud Suidam. Αφ' ἐστίας ἀπὸ τῆς οἰκίας ἢ ἀφ' ἐστίας πυρὸς ἀφ' ἐστίας πυρὸς
 ἀθναϊὸς ὡς. Afoco, a domo, & initiari a foco & initiatus a foco dicebatur qui Atheniensis erat. Initio
 enim solum Atheniensibus, hisce mysteriis initiari fas erat: concessum deinde Herculi, Baccho, Dioscuris,

Æsculapio & Hippocrati, imo & tandem omnibus peregrinis, præterquam Barbaris, homicidis & sceleratis. Videtur autem hæc Inscriptio non primis temporibus liberæ urbis sculpta, sed jam sub Romanorum potestate existentibus Athenis. Est enim Siliani nomen Romano more ex prænomine, & cognomine conflatum, Cajus Claudius Silianus, cui & agnomen Polycriti additur; quod antequam eos subegissent Romani non solebant Græci, uno contenti nomine. De Mysteriis Eleusiniis Consule Meursii Eleusinia. *Gargettus* Pagus erat Atheniensium Tribus Erechtheidis, patria Epicuri. Idem *Meursius de populis Atticæ*.

Timotheus.

Romæ, in villa Matthæi.




Id est,

Timotheus Atheniensis, Polycritus fecit.

Timotheus celebris fuit Atheniensium dux exercitus, Cononis filius, de quo Athenæus lib. 13. *Timotheus* quidem cum aliquando irrideretur, quod eum meretrix generasset, illi se gratiam habere dixit, quia propter eam Cononis esset filius. Fuit & alter *Timotheus* famosus tibicen, sed Milesius. *Timothei* etiam Statuarii meminit Plinius. *Timothei* Atheniensis ex Eumolpidarum gente & in Eleusi urbe cerimoniarum Antistitis, Tacitus sub finem histor. lib. 4. mentionem habet.

Theon.

Massiliæ apud Fouquerium, Smyrna allatum caput marmoreum.




Id est,

Theonem Platicum Philosophum Sacerdos Theon, patrem suum veneratur,

Theones plures commemorat Suidas, Philosophos, Rhetoricosque, sed inter alios Theonem Platonis cum Philosophum Smyrnam, quem hunc esse non dubito, cum sit marmor istud Smyrna Massiliam allatum, ut ex ejus possessore intellexi. Præterquam autem Philosophum illum nominat Theon ipsius filius, barba & pallium Philosophicum ejus professionem satis attestantur. Hujus Viri Illustris opera nonnulla nobis supersunt, præsertim Mathematica, ab Ismaele Bullialdo edita, versione, eruditissimisque notis illustrata, nonnullaque alia inedita, a Philippo Labbeo in Bibliotheca Manuscriptorum memorata.


Xenocrates.

Romæ, apud Fabricium de Maximis.



Deerat inter Virorum Illustrum capita a Fulvio Ursino, Theodoroque Gallæo edita, *Xenocratis* Chalcedonii caput, quanquam illius cippum inscriptionemque referant hoc modo ΞΕΝΟΚΡΑΤΗΣ ΑΓΑΘΑΝΟΡΟΣ ΧΑΛΚΗΔΟΝΙΟΣ, *Xenocrates Agathanoris Chalcedonius*. Hujus Philosophi vitam descripsit Diogenes Laertius, notatque illum, ut etiam ex hoc apparet marmore, severo ac serio habitu & ore semper fuisse, ita ut sæpe ad illum Plato diceret, *Xenocrates gratis sacra facito*. Ejus etiam meminit Cicero, lib. I. Academicarum Quæstionum. Nam cum Speusippum sororis filium, Plato Philosophiæ quasi heredem reliquisset: duos autem præstantissimos studio atque doctrina Xenocratem Chalcedonium & Aristotelem Stagiritem. Et paulo post: Speusippus autem & Xenocrates, qui primi Platonis rationem, auctoritatemque susceperant, & post hos Polemo & Crates, unaque Crantor, in Academia congregati, diligenter ea, quæ a superioribus acceperant, tuebantur. Habemus & elegantem gemmam a Chiffetio in Socrate traditam, quæ Xenocratem exhibet asino insidentem, propter ingenii tarditatem. Diogenes enim Laertius in ejus vita, hebetem ingenio, ac tardum adeo fuisse ait, ut dum illum Plato cum Aristotele conferret, alterum freno, alterum indigere diceret calcaribus: illudque, cui equo quem ASINUM jungo! Testis est Sidonius, crure collecto, pingi solitum: nec ratio in promptu, nisi forte ut in illa Sarda, ab æmulo Aristotele, aut aliquo ex ejus Sectatoribus, asello insidens ac repræsentatus fuerit crure collecto, atque habitu mali sefforis.

Hyperides.

Romæ, in villa Matthæi.

Id est,


Hyperides Rhetor, Teustales fecit.

Hyperides celeberrimus Orator Atheniensis Platonis Auditor inter præcipuos decem Oratores numeratur.

Pythodoris.


Massiliæ, apud D. Fouquier.

Pythodoris iste quisnam fuerit non mihi constat. Videtur sane Orator, Poeta, vel Dux aliquis Ephesus fuisse, eo quod ejus caput corona Lauri sit redimitum, advectumque sit hoc marmor ab Epheso urbe, curante quondam D. Fouquier Massiliensi Smyrnæ Mercaturam exercente. De Pythodori quidem regina Ponti Polemonis uxore, Pythodorique Tralliani Viri opulentissimi filia passim Strabo; sed quid hæc ad nostrum propositum, quidve ipsius pater qui ΠΥΘΟΔΩΡΟΣ non Pythodoris vocabatur, ut apud Strabonem legitur, lib. 14. Geograph. nisi dicamus vel Marmorarii vel Authoris istius erratum esse. Pythodoros etiam duos Statuarios commemorat Plinius, lib. 36. cap. 5.

Ibidem.

Quænam sit mulier ista inter illustres Viros numerata, dicere pronum non est, nec quis ille Statuarius Architectusve Democritus, qui ejus sculpserat imaginem.

Hippasus.

Ibidem.

Id est,

...pus Hippasii filius Peloponnesiacus; Calamis fecit.

Hippasii Philosophi Lacedæmonii meminit Diogenes Laertius: sed marmor hocce in filii ejus memoriam sculptum fuisse videtur: qui generico patriæ nomine Peloponnesiacus indigitatur. Calamidis etiam percelebris Statuarii mentionem facit Plinius, lib. 34. c. 8.

Pyrrhus.

Achates Pyrrhi caput exhibens.

Rarissimam hanc gemmam hic delineari curavi, quæ antehac apud D. Cabrier Mercatorem Lugdunensem reperiiebatur, a Domino Gaillhard Anglo harum rerum curiosissimo peritissimoque fere centum coronatis empta. Caput exsculptum sive extans est in Achate coloris albi super fundo fusco ac diaphano, eximii Sculptoris opus. Pyrrhi autem Protomen, sive imaginem pectore tenus exhibere suspicatus sum, ex similitudine tum statuæ hic simul sculptæ, tum picturæ ejus antiquæ apud Theodorum Gallæum ex orbe argenteo inter Virorum Illustrium monumenta repositæ. Caput galea ornatur, plumis ad ornatum decorata. Paludamentum sive vestis militaris circa humeros, pectusque capitibus leoninis in folia ad laterus desinentibus, tum ad ornatum, tum ad terrorem incutiendum, variegatur: prout antiquis mos erat. Sed hæc vulgaria sunt nimis, quam ut iis insistere diutius debeamus.


Pyrrhi Statua Colossica :

Romæ, in Palatio Fabricii de Maximis.

Pyrrhi Epirotarum Regis caput ex Fulvii Ursini antiquo monumento sculpsit Theodorus Gallæus, sed hæc merebatur Statua, quæ in æs incideretur, ut totus strenuissimi Ducis habitus bellicus cerneretur. Hujus enim militarem virtutem, quanquam ipsorum infensus hostis esset, mirabantur Romani, ideoque ipsius etiam Statuas sculpi curarunt, qualem hanc inter majores & elegantiores numerandam. Pyrrhi vitam qui scire voluerit Plutarchum adeat, aliosque graves Authores qui bella ejus describunt.

Homerus, Solon, Euclides, Plato, Sextus Chæronensis, & Frontinus.

Ex nummis perraris.



I. *Homerus* Musarum delictum, numismata in honorem suum cusa, dum in vivis superstes fuit, non vidit. At bona posteritas tam chari capitis imaginem nepotibus traditura, istud persæpe ex marmore & ære sculpsit. Protomen marmoream quæ Romæ visitur, ostendit mihi Eruditissimus ac φιλομυρώτατος Abbas Pecoil Lugdunensis, quam illic delineatam ex itinere Italico redux secum attulerat. Nummos vero longe post ipsius obitum cudere inceperunt Græci, & præcipue urbes illæ quæ inter alias *Ezechiel Spanhemius*, Dissertatione quinta de præstantia & usu numismatum. At hicce qui nunc exhibetur nummus ex Contorniatorum genere, a me Smyrnæ visus, ab aliis nondum traditus, elegans & infrequens est: videturque cusus ævo Constantiniano, quo tempore illud numismatum genus invaluit, forteque ab aliquo qui pugnam ludumve Equestrem vicerat in *Homeri* honorem dictum: unde ab una parte *Homeri* caput adjuncta palma victoriæ præmio, ab altera sessilis equus ad manum deductus. *Apud Smyrnæos quidem numisma quoddam æreum*, inquit *Strabo*, *Homerejum* vocabatur: cujus nescio an mentio sit in Inscriptione a me descripta *Lampfaci*, alias inter marmora Græca referenda, in qua legitur ΤΟΥΣ ΟΜΗΡΟΥΣ.

II. *Solon* Salaminus notissimus Atheniensium Legislatores in simili nummo depingitur, nec male a nobis *Homero* subjungitur, *cujus poemata*, inquit *Laertius*, *ut ordine resarcirentur scripsit, ut esset versuum sensuumque consequentia*. Ideo autem in hac nummorum specie, qui *Crotoniati* live *Contorniatii* vulgo audiunt *Athletis* frequentes, ejus facies signata est, quod ut idem asserit, *Athletarum præmia castigata moderatione correxisset, & quidem qui Olympia vicisset quingentas drachmas, qui vero Isthmia, daricentum constituisset, eademque ratione in certaminibus cæteris*. Quid enim aliud COMMUNITAS METROPOLITANORUM qui IN IONIA sunt, cum *Solone* commune habuerunt, nisi ut ludos aliquos exhibitori, in *Jovis sui* & *Dianæ Ephesinæ* cujus vicini erant honorem, hunc priscum Heroem Ludorum moderatorem venerarentur? De *Ephesina* autem, mammosaque *Diana* hominum nutrice, passim *Mythologi* & *Numismatographi* differuerunt satis superque.

III. *Euclides* Megarensis celeberrimus Philosophus ac Mathematicus ab *Hadriano* in altera nummi parte cusus proculdubio fuit, eo quod hic Imperator, teste *Spartiano*, fuerit litterarum omnium studiosissimus, *Arithmeticae*, *Geometriae*, *Picturæ* peritissimus. Idemque *Mathesin* sic scire sibi visus est, ut sero *Calendis Januarii* scripserit, quod ei toto anno posset evenire. Unde omnes Professores & honoravit & divites.

& divites fecit, licet eos quæstionibus semper agitaverit. Prolixa autem barba, ut cæteri Philosophi, depingitur heic Euclides, laureato vero capite ut solebant Poetæ, forte quia amatores dialogos, teste Laertio, scripserat: verum & alii Heroes laureati in antiquis Monumentis depinguntur.

IV. Plato, post Socratis mortem ad Euclidem venit, maternum genus a Solone ducens, Academicæ disciplinæ eximius Author, divinique cognomine donatus. In Altera numismatis sui parte ab Augusto Cæsare exhibitus, eadem forte ratione qua Euclides ab Hadriano. Haberi enim volebat Philosophiæ cultor assiduus, unde, inquit Suetonius, multa varii generis prosa oratione composuit, ex quibus, nonnulla in cætu familiarium, velut in auditorio recitavit; sicut Rescripta Bruto de Catone: Item Hortationes ad Philosophiam. Verum hic perelegans nummus fusc & erudite a Patino nostro peculiari dissertatione illustratus est; ideoque a fusiori explicatione abstinemus.

V. Sextus Chæronensis Philosophus Plutarchi nepos in hoc rarissimo sistitur nummo. Hujus auditor erat in Philosophia Marcus Aurelius Antoninus Imperator, teste Capitolino. Non alium autem Sextum esse tribus potissimum suffultus rationibus asserere audeo. 1. Quod unico nomine ΣΕΞΤΟΣ hic nominetur, eadem Orthographia qua apud Suidam. 2. Quod nummi fabrica, viri hujusce barba, sceminaque in averfa parte cæsaries in nodum ad occiput religata, ætatem referant Marci Antonini Faustinaeque uxoris. 3. Quod pallium Philosophis usitatum, hujusce Sexti humeris impositum conspiciatur. ΣΕΞΤΟΝ autem hunc ΗΡΩΑ cognominari, indicio est post mortem ejus cūsum fuisse nummum forte ab ejus filia vel uxore, cujus nomen detritum est.

VI. ΦΡΟΝΤΕΙΝΟC ΑΝΘΥΖΑΤΟC, i.e. *Frontinus Proconsul a Smyrnæis sub Præfectura* cujusdam Myrti, hocce nummo honoratus est, insolito aliis Proconsulibus honore. Nonnullorum enim nummos videmus a Provinciis cusos, sed solo nomine insignitos, non vero capite, quod Cæsarem Principumque jus erat. Quamobrem putabat Gallandius noster, qui nummum Smyrnæ reperit, non Frontini caput esse, sed Jovis apud Smyrnæos culti. Verum fortasse non erraverò, si ipsiusmet Proconsulis esse affirmaverim, siquidem neque laurea cinguntur tempora, ut depingi solet Jupiter, neque alius ipsius character additus est. Barba enim Jovem non necessario indicat: siquidem eo tempore quo cusos videtur esse nummus, barbam alebant Proceres Romani, ad Cæsarem imitationem, quod ab Hadriano introductum erat. Illius autem ætatis nummum esse auguror ex literis rotundis Ε & C, quæ fere post tempora Hadriani invaluerunt: etiam si & ante sed infrequentius: tum etiam quod Frontini celebres esse cœperunt a Trajani tempore. Tunc enim florebat Frontinus ille qui de aquæductibus scripsit. Sed quia hæ rationes non admodum validæ sunt, sitne Jovis vel Frontini facies adhuc sub judice lis sit. Reginus autem qui in averfa parte decumbit, dextra herbam aliquam tenens, sinistra urceolo innixus instar fluminum, proculdubio fluviolus est Smyrnæorum nobis nunc ignotus.

Medicorum quorundam Epitaphia.

Romæ, apud Sculptorem, in vico Scanderberg.

M. ALLIVSPAMPHILVS

MEDICVS

PRIMILLAE L. ET VXORI ET

PRIMO L. DELICIO

CARISSIMIS SIBI FECIT

IN FRONTE P. XXII. IN AGR. P. XXV.

Exscripti.

Pamphili Grammatici Alexandrini, qui de re herbaria scripsit, meminit Galenus in procæmio lib. vi. de Med. simpl. facultatibus: verum iste alius esse videtur Romanus Medicus.

Romæ, In Palatio Card. de Maximis.

L. APPVLEIVS

Lucii Libertus

L. L. EROS MEDICVS

L. APPVLEIVS L. F.

PHILVMENVS

L. APPVLEIVS L. L. IANVARIVS

Exscripsi.

Florentiæ, in villa Strozzi.

CYRVS

LIVIAE DRVSI CAES.

MEDICVS

Exscripsi.

Medici Græci in magno honore habiti fuere Romæ, inter quos hic Cyrus Liviae Drusi Caesaris uxoris, quæ postea Augusto nupsit, Medicus. Idemne autem sit is qui in sequenti inscriptione ΚΥΡΟΣ, id est Cyrus Apollonii filius nominatur, dubitari potest.

Lampfaci.

Η ΓΕΡΟΥΣΙΑ

ΚΥΡΟΝ. ΑΠΟΛΛΩΝΙΟΥ. ΑΡ

ΧΙΑΤΡΟΝ. ΑΡΙΣΤΟΝ. ΠΟΛΕΙ

ΤΗΝ. ΕΠΙΣΗΜΟΝ. ΠΡΟΣ. ΠΟΛ

ΛΟΙΣ. ΕΥΕΡΓΕΤΗΜΑΣΙΝ. ΕΙΣ

ΑΤΤΗΝ. ΠΑΔΕΙΨΑΝΔΑ. ΔΑΜ

ΠΡΩΣ. ΚΑΙ. ΠΟΛΥΔΑΠΑΝΩΣ

ΚΑΙ ΑΠΟΧΑΡΙΣΑΜΕΝΟΝ ΧΕΙΔΙΑΣΤΑΤ

ΤΙΚΗΣ ΤΗ ΓΕΡΟΥΣΙΑ

Exscripsi.

Id est, Senatus Cyrum Apollonii filium Archiatrum optimum civemque insignem veneratur, ob multa beneficia sibi collata cum celebritate & multis expensis, donumque Senatui ab ipso factum Drachmarum mille Atticarum. Apollonii plures celebres Medici, de quibus consulendus Suidas.

5

Romæ, in via Appia.

DIIS MANIBVS SACRVM

L. ANNIVS CASSIVS MITHR

ADORVS MEDICVS III

FACTION. CIRCEN. FECIT

SIBI. ET. LIBER. SVIS. POSTE

RISQVE. EORVM. LOC.

MAR. ADI. N. LXXV

IN FRONTE P. XXX. IN. AGRO. P. XV.

Ex sched. Barberin.

6

Romæ.

Apud Card. Carpegna.

MV. FONTEIVS

MV.

Id est, Manius

NICANDER

MEDICVS

Ex D. Fabretti.

7

Romæ, In villa Cesarini.

8

Bononiæ.

ILLVSTRIVS TI. CAESARIS
 AVG. SER. CELADIANVS
 MEDICVS OCVLARIVS
 PIVS PARENTVM SVORVM
 VIXIT ANNOS XXX
 HIC SITVS EST IN PERPE.

DIS MANIBVS
 M. LATINIVS
 MEDICVS
 OCVLARIVS
 HERMES VIXIT ANNOS
 XXXX

*Exscripsi.**Ex libro cui titulus Instruttione delle cose
notab. di Bologna.*

T. VIBIO R. V. O. MEDICO

9

Massiliæ, sed Smyrna allatum marmor cum fig. muliebri & 2. pueris.

MEΛITHNHN ΔΗΜΗΤΡΙΟΥ ΕΡΜΟΓΕΝ.

ΔΕ ΙΑΤΡΟΥ ΔΕ ΓΥΝΑΙΚΑ

*Exscripsi.**Id est, in portu. Corin.**Melitinen Demetrii filiam, Hermogenis vero Medici uxorem.*

R. V. O. MEDICO

Iguvii seu Eugubii Umbriæ urbe.

L. SABINVS L. L.

PRIMIGENIVS

ORTVS. AB. IGVVIO. MEDICVS FORA. MVLT. SECVTVS
 ARTE. FEROR. NOTA. NOBILIORE. FIDE
 ME. CONSVRGENTEM. VALIDA. FORTVNA. IVVENTA
 DESTITVIT. RAPIDIS. IMPOSVITQ. ROGIS
 CLVSINO. CINERES. FLAMMAE. CESSERE. SEPVLCHRO
 PATRONVS. PATRIO. CONDIDIT. OSSA. SOLO

Ex Ferretti Musis Lapidariis.

II

In via quæ Neapoli Nolam ducit, proxime Vesuvium, ubi
 rudera urbis, quæ olim Palæopolis.

D. SERVILI D. L. APOLLONI

Decimi Libertæ

MEDICI SERVILIA D. L.

AMBROSIA FECIT PATRONO

SVO ET SIBI ET SVIS

ΩΔ. ΕΠΑΦΟΥ. ΓΕΝΝΗΜΑ. ΣΟΦΟΙΣ. ΕΠΙΕΙΚΕΛΟΣ. ΑΝΗΡ

ΚΕΙΜΑΙ. ΡΩΜΑΙΩΝ. ΣΠΕΡΜΑ. ΠΟΛΥΚΤΕΑΝΩΝ

ΚΛΗΤΟΜΕΝΟΣ. ΔΕΚΙΜΟΣ. ΣΕΡΟΤΙΛΙΟΣ. ΕΙΔ. ΕΤΗ. ΕΛΘΩΝ

ΕΝΝΕΑ. ΠΟΥ. ΔΕΚΑΔΩΝ. ΚΑΙ. ΤΡΙΑ. ΩΣ. ΕΛΕΓΟΝ

*Ex Capacii Hist. Neap.**Supplem. Tom. IV.*

Nnn ij

Id est,

*Hic Epaphi filius sapientibus comparandus vir,
Jaceo Romanorum soboles multa possidentium,
Vocatus Decimus Severilius, Annos natus
Circiter nonaginta tres, ut ajunt.*

Romæ, Sarcophagus in villa Pamphilia.

D.

M.

T. VIBIO RVFO MEDICO

COH. V. PR. VALERIA

Cohortis V. Prætorie

RVFINA CONIVG. OPTIM. FECIT

Exscripsi.

Florentiæ in horto March. Corsini.

HELPIS LIVIAE

AD VALETVDINAR.

Exscripsi.

AD VALETVDINAR. An *Adjutrix Valetudinaria*, id est Clinica.

14

Comoræ in Hungaria.

ITAAMTPI ET TXEI MEGAC IATPOC

Ex itinere Ed. Brown.

Italmuri bene vale Magne Medice.

Brovnius eam citat indistinctis quidem vocibus, quod forte prototypo conveniens, sed ni fallor male habet METATIATPOC. pro quo sine dubio restituendum ut feci, MEGAC IATPOC.

His pauculis Inscriptionibus destrui potest ridiculum Robortelli & sequacium commentum, qui asseruerunt Romæ tantum servos medicinam exercuisse. Etiam si enim in Inscriptione 8. Illyrius Tiberii Caesaris servus fuerit *Medicus*, observandum est addi *Ocularius*: sicque potius Chirurgum quam Medicum, hocque nomine non aliter condecoratum, quam aliquando Clinicæ, aut Empiricam profitentes sceminæ *Medicæ* in marmoribus vocantur. At in aliis hinc lapidibus Medici soli ingenui aut Liberti; & inter illos unus apud Gruter. *Sextumvir Augustalis* nominatur, quod munus inter prima civitatum officia eminebat. Ad liberos vero quod attinet, non mirum si Medicinam exercerent, cum fere solis Libertis in Caesarum aulis officia concederentur, ut sæpissime fuerint primi ordinis Ministri, & aliquando Imperatoria auctoritate potirentur, veluti sub Claudio Casare Pallas & Narcissus. Imo sæpissime apud antiquos Auctores Medici quidam inter Caesarum amicos enumerantur, quod Casarea gravitate indignum, si servi fuissent. Plutarchus enim in Casare, quendam memorat Caesaris amicum, quem Suetonius Caesaris Medicum, ut jamdiu annotavit Casaubonus, qui in suis ad Suetonium notis. hanc maculam a Robortello Medicis inustam deterlit. Tacitus *Endemi Medici & amici Livie* meminit. Cicero lib. 4. de Oratore, de Asclepiade loquens, quo nos, inquit, *Medica amicoque usi sumus*. Caesar Augustus Medicis immunitatem tribuit, & Julius Caesar omnes Medicinam Romæ Professores civitate donavit, inquit Suetonius. At tale beneficium in servos fuisse collatum, nimis, ait Casaubonus, *stultitia est vel suspicari*. Plinius præterea testatur lib. 29. cap. 1. *Quirites Medicinam factitasse*, at nemo Quiritium servus fuit. Hæc

& plura refert Eruditiss. Drelincurtius Leidenfis Professor in *Apologia sua Medica*, quam quia vix ad hæc oras delata fuit excerptere non dubitavi. Ibidemque ut hoc obiter addamus, fortiter calumniam eliminat eorum qui Medicos sexcentis annis Roma exulasse afferunt: quod orationis ipsius præcipuum est argumentum.

Addo & duas Inscriptiones ex opere Reinesiano desumptas, tertiamque ex Ursati Monumentis Patavinis.

15. pont. bonp. os. reccly non onba s. mab.	16. obitum obitumq. ronal boni rump.	17
Rome.	Rome.	Patavii.
L. ARRUNTIO SEMPRONIANO ASCLEPIADI IMP. DOMITIANI MEDICO. T. F. I. IN FRONTE P. XX. IN AG. P. XX.	D. TI. CLAUDIVS. IVLIANVS MEDICVS. CLINICVS. COH. III. PR. FECIT. VIVOS. SIBI. ET TVLLIE. EPIGONE. CONIVGI LIBERTIS. LIBERTABVSQ.	M. P. CHARM. SOSTHE. MEDIC. IIIIVIR. AVG. SIBI ANCHAR.
Ex Sirmondo & Reinesio.	CLAVDIIS. POSTERISQVE	Ex Ursati Monu- ment. Patav.

EORVM

H. M. H. N. S.

Ex Reinesio.

Hoc Monumentum
Heredes Non Se-
quitur.

Ex his tribus lapidibus idem concluditur, atque ex superioribus. Priores enim duo Medici neque Servi, neque Liberti fuere; ultimus vero præterquam ingenuus fuit, Sextumviratus dignitate ornatus observatur.

Iuba.

Genealogia Iubæ Regis.

In urbe Carthagine nova, vulgo Carthagene Hispanie.

<div> <div>REGI. IVBAE. REGIS</div> <div>IVBAE. FILIO. REGIS</div> <div>HIEMPSALIS N. REG. GAV.</div> <div>PRONEPOTI REGIS MASI</div> <div>NISSAE ABNEPOTIN. E. P. D. I.</div> <div>II VIR. QVINQ. PATRONO</div> <div>COLONIAE</div> <div>COLONI ET INCOLAE</div> <div>LIBERTINI</div> </div>

N. Nepoti.

Regis Gaudæ

Vidit & exscripsit Casaubono A. de Bibran Eques Silesius. Ego autem ex schedis Peireskii.

Ex hac Inscriptione discimus quomodo Juba, pater & filius, quos ex stirpe Masinissæ ortos constat, illum contingerent, nempe per Gaudam, quem memorat Sallustius de bello Jugurthino. Erat, inquit, præterea in exercitu nostro Numida quidam nomine Gauda, Manastabalis filius, Masinissæ nepos quem Micipsa secundum heredem scripserat, moribus confectus, & ob eam causam mente paululum imminuta, cui Metellus petenti more Regum, ut Sellam juxta poneret, item postea custodiæ causa turmam Equitum Romanorum, utrumque negaverat honorem. Gauda fuit Manastabalis filius, Masinissæ nepos: verum hic lapis Manastabalem non recenset, eo quod statim post Patris obitum morbo fuerit consumptus, vixque regia dignitate ornatus fuerit, sicut & ejus frater Gulussa, relicto solo Micipsa. Sic enim

Sallustius, initio belli Jugurthini: *Igitur amicitia Masinissæ bona atque honesta nobis permansit, sed imperii vitæque ejus finis idem fuit. Deinde Micipsa filius ejus regnum solus obtinuit, Manastabale & Gulussa fratribus morbo absumptis.* Micipsam etiam omittit marmor istud, eo quod Juba Rex non esset ex ejus progenie, sed ut intelleximus per Manastabalem, Gaudam Hiempsaleque, Masinissam attingeret. Hiempsal autem hic fuit Gaudæ filius & successor, senioris Jubæ pater, aliusque ab Hiempsale Adherbalis fratre, ut clarius ex sequenti tabula Stemmatologica patebit.

N. E. P. D. I. Interpretor ex similibus Cæsarum Inscriptionibus, *Numini ejus plurimum devoti jussurunt*: quanquam hæc interpretatio amico cuidam erudito non placeat, eo quod, inquit, divinos hos honores primis Cæsarum temporibus tributos fuisse non reperiatur. At ego regeo, in nummis Ægypti & Syriæ, Reges Deos frequentissime cognominari, imo & Augustum & alios post eum Imperatores, vivos adhuc, Deos nuncupatos fuisse, iisque templa erecta.

Patrono Colonia. Carthago nova erat Carthaginensium ab Asdrubale deducta Colonia. Puto autem Jubæ tempore colonos acceritos ex Numidia, qui exhaustam Hispaniam inhabitarent. Isti ergo Numidæ in Hispania Coloni, Jubam in veteri patria regnantem, non jam ut Regem, sed ut Patronum colebant, ob commercii eorum in Numidia securitatem.

Cæterum prodiit jamjam in lucem Reinesii Syntagma Inscriptionum Romanarum, in quibus & hanc consignavit: verum Vir ille alias Eruditissimus nimis audacter Inscriptiones corrigit, uti in hac legi vult GVL. pro GAV. cum de *Gulussa*, non autem de *Gauda* cogitasset.

Jubæ utriusque patris & filii, tum etiam Ptolemæi Jubæ filii ecce tres Nummos, primum quidem vulgarem, alteros duos rarissimos.



Prior quidem passim in Museis reperitur, & ab Antiquariis explicatur. Secundus in Museo olim erat Cardinalis de Maximis. Tertius a Patino in Suetonio nummis illustrato refertur.

Observanda in *Seniore Juba* coma illa pexa & in gradus distincta, quo more usos fuisse Mauritanæ Reges, ita ut capillos calamistrarent & aureo pulvere inspergerent, notarunt prisca Authores. Est præterea in ipsius vultu nescio quid crudele, barbarumque; mentum nempe prominulum apud Physiognomonicos crudelitatis indicium. Sceptrum humeris adponitur, regis majestatis insigne. Templum octapylum in altera parte visitur; cum literis Punicis sive Phœniciis, quibus in ea regione utebantur.

At *Juba junior* Romanum morem illius temporis imitatus, barba rafa conspicuus est. In averfa parte stat Ara cui avis imposita, forte Cygnus Africæ familiaris. A dextra & sinistra erectæ duæ Laurus, ut in Augusti nummis, quas *fideles Cæsarum Janitrices* ideo vocabant. Characteres numerales adsunt nobis ignorabiles, sicut in aliis quos Patinus profert XXXII. & XXXVI. loco supra citato.

Ptolemæum tandem itidem imberbem exhibet tertius nummus, laurea que ut Romani Cæsares ornatum, quem juvenem Caligula occidit teste Suetonio. Adest in altera parte caput ferocis equi, nummis tractus illius familiaris, ut pote Carthaginis primordia indicans. Virgil. i. Æneid.

Stemmatologia Regum Numidiae.

GALA Rex Numidarum
Masæfylorum. *Livius lib. 29.*

DESALCES Galæ fratri
succedit in regno. *Liv. lib. 29.*

MASINISSA Galæ filius
victo Syphace, Lacumace & Mezetulo,
amicissimus populi Romani, regnum
paternum vehementer auxit. Vixit
annos amplius XC. regnavit LX. annis.
Filios XLIV. reliquit, e quibus tres
priores ex uxore legitima suscepit, qui
jussu Patris, Scipione arbitro, regnum inter se diviserunt. Reliqui e concubinis. *Appian.*

MACAPVSA
filius Desalcis &
successor a Mezetulo
propinquo, regnique
æmulo casus. *Liv. lib.*

LACVMACES
minor filius Desalcis,
a Mezetulo, qui Tutoris
nomine regnum arripuit,
educatus, tandem a Ma-
sinissa victus. *Liv.*

MICIPSA

Masinissæ filius
natu maximus fra-
tribus brevi mor-
tuis regnum solus
obtinuit.

GVLVSSA

Patris Masinif-
sæ cum fratri-
bus successor
non longe post
patrem obiit.

MANASTABALES

Masinissæ tertius filius
in partem regni suc-
cessit, sed statim morbo
absumptus eam Mici-
psæ fratri reliquit.

Masgaba

e concubina
natus Ro-
mam missus a
Patre. *Liv.*

Misagones

fil. Massi-
nissæ. *Li-
vius.*

Massugrada

fil. Massinissæ
e concubina.
Sallust.

MASSIVA filius

Gulussæ regnum
affectans a Jugur-
tha occiditur.

Dabar

Massugradæ fil.
Boccho Regi
acceptus. *Sallust.*

ADHERBAL

Micipsæ fil. a
Jugurtha ne-
catus. *Sallust.*

HIEMPSAL

filius alter
Micipsæ, cum Jugur-
thæ cedere recusaret,
brevi post patris obi-
tum est interemptus.
Sallustius.

GAVDA

Manastabalis fil.
morbis confectus, ideo-
que mente paululum im-
minuta, cui Metellus pe-
tenti more Regum Sel-
lam regiam & turmam
equitum Rom. ad custo-
diam, utrumque nega-
vit. Marius tamen in
spem regni concitavit,
Sallust. & Marmor Re-
gem vocat.

IVGVRTHA Manastab.

fil. e concubina natus
ob egregiam indolem a Micipsæ
patruo adoptatus, & regnum cum
Adherbale & Hiempsale partiri
jussus, eos e medio sustulit. Ita
solus rerum potitus Romanos
hostes suos corruptione Ducum diu
illusit, tandem ad Bocchum profugus,
ab hoc traditur Syllæ, & in trium-
phum a Mario deducitur.

HIEMPSAL

Gaudæ filius regno
pulsus a Numidis, restitutus
est a Pompejo jussu Syllæ.
Appian. 1. lib. de bello civ.

I V B A

Hiempsalis filius
Pompeii partes adversus Cæsarem
secutus, desperatis rebus mutuis, cum
Petreio vulneribus cecidit.

I V B A Iubæ fil.

litteris quoque clarus, ducta in uxorem
Cleopatra juniore, regnum Maurorum
mortuo Boccho ab Augusto accepit.

PTOLEMAEVS

Iubæ junioris & Cleopatraz filius
Caii Imperatoris jussu necatus.

Cajus Furius Sabinus Aquila.

Lugduni.

C. FVRIO SABINIO AQVILAE
 TEMESITHEO PROC. PROV. LVGD. ET
 AQVIT. PROC. PROV. ASIAE IBI VICE XX
 ET XXXX ITEMQV. VICE PROCOS. PROC.
 PROV. BITHYNIAE PONTI PAPHLAGON.
 TAM PATRIMONI QVAM RAT. PRIVATAR.
 IBI VICE PROC. XXXX. ITEM VICE PROC.
 PATRIMON. PROV. BELGIC. ET. DVARVM
 GERMANIAR. IBI VICE PRAESID. PROV.
 GERMAN. INFERIOR. PROC. PROV. SY
 RIAE PALAESTINAE IBI EXACTORI RELI
 QVORVM ANNON. SACRAE EXPEDITIO
 NIS PROC. IN VRBE MAGISTRO XX
 IBI LOGISTAE THYMELAE PROC. PROV.
 ARABIAE IBI VICE PRAESID. BIS PROC.
 RATION. PRIVAT. PER BELGIC. ET DVAS
 GERM. PRAEF. COH. F. GALLIC. IN HISPAN.

C. ATILIVS MARVLLVS ARVERN.
 ET G. SACCONIVS ADNATVS ME
 DIOMATR. PATRONO OPTIMO

Exscripsi.

Quia abbreviationes negotium multis Lectoribus facere queunt, ita venit legenda tota Inscriptio.

Cajo Furio Sabinio Aquila Temesitheo, Procuratori Provinciae Lugudunensis & Aquitanicae, Procuratori Provinciae Asiae, ibi vice vigesima & quadragesima; itemque vice Proconsuli, Procuratori Provinciae Bithyniae, Ponti, Paplagoniae, tam patrimonii, quam rationum privatarum, ibi vice Procuratori quadragesima, item vice Procuratori patrimonii Provinciae Belgicae & duarum Germaniarum: Ibi vice Praefidi Provinciae Germaniae inferioris, Procuratori Provinciae Syriae Palaestinae: ibi exactori reliquorum annonae sacrae expeditionis, Procuratori in Urbe, Magistro vigesima, ibi Logistae Thymelae, Procuratori Provinciae Arabiae, ibi vice Praefidi, his Procuratori rationum privatarum per Belgicam & duas Germanias, Praefecto Cohortis Fidelis Gallicae in Hispania: Cajus Atilius Marullus Arvernus & Gajus Sacconius Adnatus Mediomatris, Patrono optimo.

Longam hanc Inscriptionem ubi contempler, in mentem mihi venit Principum quorundam consuetudo, qui variarum Provinciarum, dominiorumque titulis ornari, onerarique gaudent, qui omnes unico nomine comprehendi possent. Sic Cajus iste Furius Sabinus Temelitheus, totius Imperii Roma-

Romani Procurator dici potuisset: cum omnes fere Provinciæ ipsi tributa Cæsarea, vigesimas, & quadragimas deferrent, unde Procuratoris, five ut nunc loqueremur, Thesaurarii generalis nomen merebatur. Quænam sint Reliqua illa Annonæ sacre expeditionis, inquiri dignum foret. *Reliqua* in genere sunt tributorum, censuumve reliquæ a Populis fisco Cæsaris debitæ, ut in Hadriani nummo RELIQUA VETERA *sestertia novies millies abolita*. Logista a Græco λογιστής, qui in Glossariis antiquis *Tabularius, Pensitator, Curator*. Thymela vero θυμέλη, *scena, pulpitus*. Ita ut Exactor five Tabularius fuerit scenæ, five Theatri Romani. 7

Vettius Agorius Prætextatus.

Romæ, In Palatio Fabricii de Maximis.

VETTIO AGORIO PRAETEXTATO V. C. ET INL.
CORRECTORI TVSCIAE ET VMBRIÆ
CONSVLARI LVSITANIAE PROCONSVLI
ACHAIAE PRAEF. VRB. PRAEF. PRAETORII
ILLYRICI ITALIAE ET AFRICAE CONSVLI DESIGNATO
LEGATO AMPLISSIMI ORDINIS SEPTIES
ET AD IMPETRANDVM REB. ARDVIS
SEMPER OPPOSITO
PARENTI PVBLICE PRIVATIMQVE REVERENDO
VT ETIAM STATVAE IPSIVS DOMVS
HONORARET INSIGNIA CONSTITVI
LOCARIQVE CVRAVIT

Exscripsi.

Hanc Inscriptionem etsi antehac editam typis iterum dare volui, eo quod grandis apud Gruterum interpleverit error, cum linearum ordo ita fuerit immutatus:

VETTIO AGORIO PRAETEXTATO V. C. ET INL.
CORRECTORI TVSCIAE ET VMBRIÆ
ILLYRICI ITALIAE ET AFRICAE CONSVLI DESIGNATO
ACHAIAE PRAEF. VRB. PRAEF. PRAETORII
CONSVLARI LVSITANIAE PROCONSVLI
LEGATO AMPLISSIMI ORDINIS SEPTIES &c.

Etsi autem in Erratis, ab aliis quintam lineam pro tertia legi notaverit, quia tamen Authores * nonnulli Gruteri exemplar sequentes mirati sunt quomodo Vettius hic Agorius Prætextatus *Consul designatus Achaia* dicatur, cum Provinciæ Consulibus non gauderent, repetendam hic censui, ut genuina ejus lectio, quam ad lapidem ipsum accepi, Eruditis redderetur, neve ipsis amplius fucum faceret. Fuit ergo Vettius Agorius Proconsul Achaia, Praefectus Urbis, Praefectus Praetorio Illyrici, Italiae & Africae, Consulque designatus. Hujus Viri Illustris meminere Hieronymus Epist. 61. & Ammianus Marcellinus, florebatque sub Valentiniano seniore, fuitque Praefectus Praetorio Illyrici & Italiae anno Christi 367. Fuisse autem Oratorem Ethnicorum religioni addictum patet ex Epist. 41. lib. 1. Symmachi, qui ejus Panegyricum scripsit & ei Statuam poni rogavit Valentinianum, cujus Statuae hæc superest basis.

* Reines. Lucius Camarra, in Teate Antiquo.

Claudius Posthumus Dardanus.

*In Provincia prope Cisteronem. Inscriptio a Grutero incorrecta & mutila citatur, pag. CLI. 6.
Sicque ex Sirmondo & schedis Peireskianis corrigenda.*

CL. POSTHVMVS. DARDANVS. V. INL. ET PA
TRICIAE. DIGNITATIS. EXCONSVLARI. PROVINCIAE
VIENNENSIS. EX MAGISTRO. SCRINI. LIB.
EX. QVAEST. EX. PRAEF. PRAET. GALL. ET
NEVIA. GALLA. CLAR. ET. INL. FEM. MATERFAM.
EIVS. LOCO. CUI. NOMEN. THEOPOLI. EST
VIARVM. VSVM. CAESIS. VTRIMQVE. MON
TIVM. LATERIBVS. PRAESTITERVNT. MVROS
ET. PORTAS. DEDERVNT. QVOD. IN. AGRO
PROPRIO. CONSTITVTVM. TVENTIONI. OM
NIVM. VOLVERVNT. ESSE. COMMVNE. ADNI
TENTE. ETIAM. V. INL. COM. AC. FRATRE. ME
MORATI. VIRI. CLAR. CL. LEPIDO. EXCONSVLARI
GERMANIAE. PRIMAE. EX. MAGISTRO. MEMORIAE
EXCOM. RERV. PRIVAT. VT. ERGA. OMNIVM
SALVTEM. EORVM. STVDIVM
ET. DEVOTIONIS. PVBLICAE
TITVLVS. POSSET. OSTENDI

Ex Peiresk. sched. & Aegid. Lacarry.

V. INL. Id est, *Vir Illustris*. Fuit Dardanus iste Praefectus Praetorio Galliarum sub Honorio anno 409. & 410. cujus meminit Cod. Theodos. & fusc. Erud. Lacarry in sua. Hist. Gall. sub Praefectis Praetorio pag. 116.

Sempronia Moschis. Junia Torquata. Laberia Felicla.



Laberia Felicla Sacerdos Maxima Matris Deum Magnae Idae, quae alias Cybele ut alibi diximus, in primo hujus tabulae marmore conspicitur, velo capiti imposito ut solebant sacrificantes, dextra

pateram tenens super ara, quasi numini suo libare vellet, sinistra catenam aut simile quid gestans, cuius me mysterium latet: nisi sint tintinnabula, quorum usus in Matris Deum cerimoniis receptus erat, Pendet autem ex humeris & alia catena. Cæterum appensum est collo ad pectoris regionem Jovis caput: qui mos a Dionysio Halicarnasseo libro secundo Antiquit. Roman. illustratur: Is enim de sacris Matris Idææ loquens: *Sacra autem, inquit, ejus peragunt vir Phrygius & mulier Phrygia, & isti per urbem ea circumferunt, Matri Deorum stipem cogentes, ut mos eorum fert, de pectore pendentes imagines gestantes; & ad modulos eorum qui tibiis ludentes ipsos sequuntur, & Matris Magnæ carmina canunt, incedentes & tympana pulsantes.* Citat & aliam Inscriptionem Eruditiss. Bagarrius, ex cujus schedis hæc figura excerpta est.

LIVIA CLITE LIVIAE AMMIAE SACERD. M.D.M.I.

De Matre Deum cætera omnia vulgaria sunt apud Mythologos & Historicos veteres ac recentiores.

2. *Junia Torquata Caji Silani filia Sacerdotis Vestalis* Inscriptio a Grutero refertur, sed absque Statua basi imposita, quam hic ex Bagarii Manuscripto delineatam, exhibemus. Vocatur in aliis marmoribus Virgo Vestalis maxima: ideoque perpetuum ignem manibus gestat, quo ejus professio indigitetur. Tacitus lib. 3. Annalium eam *priscæ sanctimonie virginem* vocat. Ibi enim de Cajo Silano Asiæ Proconsule repetundarum postulato differens, Senatorum & Tiberii Imperatoris rationes profert, quibus disceptarunt utrum ipsum in insulam Gyrum, aut Cytheram exulare juberent: addidit Cæsar; *darent Junia familie & viro quondam ejusdem ordinis, ut Cytheram potius concederet. Id sororem quoque Silani Torquatam, priscæ sanctimonie virginem expetere.* Velum autem ejus capiti obductum clausum ac nodo revinctum sub collo apparet, eo quod continuo ab iis gestaretur nec removeretur, perpetui voti symbolum.

3. *Sempronia Moschis*, Matrona Romana severo ac venerando aspectu tandem hic sistitur, quam Maritus piæ, frugi, pudicæque celebrat. Sic Aufonius in Epitaphio conjugis suæ:

*Leta, pudica, gravis, genus incluta, & incluta forma.
Et Dolor atque decus conjugis Aufonii.*

Idem alibi de Pudentilla affini sua.

Nobilis hæc frugi, proba, leta, pudica, decora.

Et in antiquo Sarcophago in Hortis Justinianeis:

Romæ.

HIC SITA EST AMYMONE MARCI OPTIMA ET PVLCHERRIMA
LANIFICA PIA PVDICA FRVGI CASTA DOMISEDA

Exscripsi.

Pulchra hæc in muliere elogia, & quis plura cupiat? Non minora tamen habet Græca hæc Inscriptio.

Romæ.

ΚΑΡΡΟΝΑ ΚΕΜΝΗΝ
ΘΕΟΔΩΡΑΝ
ΦΙΛΑΝΔΡΟΝ ΦΙΛΟΤ
ΕΚΝΟΝ ΑΓΛΘΗΝ
ΜΟΝΑΝΔΡΟΝ ΔΙΚ
ΑΙΑΝ ΘΕΟΚΕΒΗ
Ν ΑΒΙΠΣ ΑΘΛΙΟC ΑΠ
ΟΛΕCΑC ΦΑΟC ΟΙΚΟΤ
.....

Exscripsi.

Id est, prudentem, venerabilem Theodoram, Viri & Liberos amantem, Bonam, univiram, justam, Deos colentem, Maritus miser amittens lumen domus hocce monumento profecutus est. ΑΒΙΠC quid sit ignoro, nisi unica litera immutata ΑΒΙΟC legatur, hoc est vitam non curans, ut interpretantur Glossæ Philoxeni, quod majorem mariti dolorem exprimit.

Scipio Africanus.

Ex museo D. OCTAVII MEY civis Lugdunensis.

CLYPEVS VOTIVVS

*Antiquus ex argento puro, pondo librarum XXI. diametri 2 ped. cum 2 unc. repertus
 in Rhodano prope venionem anno 1656. Exhibens Scipionis Africani memorandam
 actionem qua captam in expugnatione Carthagini novæ eximiam formam
 Virgine Allucio Celtiberorum Principi cui desponsata erat,
 intactam gratis reddidit Polyb. lib. 10. Livius lib. 26*

CLYPEI VOTIVI erant Disci quidam magni ex metallo, in quibus sculptæ erant Heroum imagines, actionesque memorandæ, qui in Deorum Fanis suspendebantur & vovebantur: quiquidem mos antiquissimus fuit, & forte ex illa consuetudine apud Græcos pingendi ac sculpendi Clypeos bellicosos ortus, ut apud Homerum observamus, de Clypeo Achillis, & Ajacis. Inde a Romanis ut & a Carthaginiensibus usurpatus. Titus Livius lib. 25. refert monumentum Victoriæ Lucii Martii de Pœnis fuisse in Capitolii Templo Clypeum argenteum cum imagine Barchini Asdrubalis, pondo centum triginta octo. In Triumpho Titi Quintii de Philippo Macedoniae Rege Demetrii patre, inter spolia fuere Clypea argentea decem, & Clypeum unum ex auro totum. Lucio Quintio & Cneo Domitio Consulibus posita fue-

re in Capitolio *duodecim Clypea inaurata*. Suetonius in vita Domitiani, ait Senatum de hujusce Tyranni morte ita lætatum fuisse, ut *Clypeos & imagines ejus coram detrabi, & ibidem solo affligi juberet*. Tiberio dedicatus fuit Clypeus aureus. Trebellius Pollio in vita Claudii Gothici: *Illi Clypeus aureus, sive ut Grammatici loquuntur Clypeum aureum, Senatus totius judicio in Romana curia collocatum est, ut etiam nunc videtur, expressa thorace vultus ejus imago*. Salmasius in hunc locum hosce Clypeos asserit vocatos etiam fuisse *Discos, Cyclos, Aspides, Pinaces, Stylopinakia, Protomas, Opla, Stetharia, Thoraces, atque Thoracletas*: quod variis Veterum Authoritatibus confirmat.

Jam ut ad nostrum Clypeum redeamus, sculptam ostentat Scipionis actionem memorandam, quæ a Polybio & Livio narratur, ubi de Carthaginis novæ celebris in Hispania Civitatis expugnatione disserunt. Eodem quoque tempore, inquit Polybius interprete Casaubono, *juvenes quidam Romani virginem nacti & ætatis flore & formæ bonitate cæteris mulieribus longe præstantem, qui non ignorarent Scipionem natura mulierosum esse, puellam ad ipsum adducunt, atque in conspectu illius sistunt, & hanc se illi donare munere dicunt*. Scipio miraculo pulchritudinis attonitus: *Ego vero, inquit, nec si privatus viverem, poteram accipere munus ullum aliud magis gratum, neque nunc Imperator ullum aliud minus gratum &c. Cæterum virginis patre accito, e vestigio suam ei filiam tradidit, jubens ut cui vellet cumque civium nuptam eam daret*. Hoc ille suæ continentia & moderationis edito specimine, magna studia assequebatur eorum quibus imperabat. Hæc Polybius qui Scipionis contemporaneus & familiaris fuit. Captiva deinde, ait Livius, a militibus adducitur ad eum adulta virgo, adeo eximia forma, ut quacumque incedebat, converteret omnium oculos. Scipio percunctatus patriam, parentesque, inter cætera accepit, desponsatam eam Principi Celtiberorum adolescenti, cui Allucio nomen erat. Extemplo igitur parentibus, sponsoque ab domo accitis, cum interim audiret deperire eum sponsæ amore, ubi primum venit, accuratiores eum sermones quam parentes alloquitur: *Juvenis, inquit, juvenem appello, quo minus sit inter nos hujus sermonis verecundia: Ego, cum sponsa tua capta a militibus nostris ad me deducta esset, audiremque eam tibi cordi esse, & forma faceret fidem, quia ipse si frui liceret ludo ætatis, præsertim recto & legitimo amore, & non Respublica animum nostrum occupasset, veniam mihi dari sponsam impensius amanti vellem, tuo cuius possum amori faveo. Fuit Sponsa tua apud me eadem, qua apud soceros tuos, parentesque suos verecundia: servata tibi est, ut inviolatum & dignum me teque dari tibi donum posset: &c. Parentes inde cognatique virginis appellati, qui quoniam gratis sibi redderetur virgo, ad quam redimendam satis magnum attulissent auri pondus, orare Scipionem ut id ab se donum acciperet. Scipio quando tantopere peterent, accepturum se pollicitus, poni ante pedes jussit, vocatoque ad se Allucio: super dotem, inquit, quam accepturus a Socero es, hæc tibi a me dotalia dona accedent, aurumque tollere ac sibi habere jussit. His lætus donis honoribusque dimissus domum, implevit populares laudibus & meritis Scipionis*. Hæc hujus Herois continentia ab Aulo Gellio comparatur Alexandri moderationi, qua Statiram Darii uxorem captivam suam, mulieremque formosissimam videre noluit. Igitur in Scipionis honorem sculptus iste Clypeus, & dum ex Hispania in Italiam rediret, in Rhodano cum aliis forte sarcinis merfus, usque ad ætatem nostram amissus fuerat.

Sedet in medio Scipio solo pallio semitectus, barba omnino rasa, ut solebant tunc temporis Romani, hastam manibus tenens, quod imperatoriæ dignitatis symbolum. Eum circumstant quatuor Hispani hispida barba, ut apud eos mos erat, conspicui, parentes affinesque Allucii & Virginis, qui Scipionem obtestantur donum acciperet pro sibi reddita virgine. Stat illa nonnihil verecunda cum sponso suo, qui ei manum fidemque dat, alteraque manu eam amplectitur. Imberbis quia adolescens, crine tamen hispido, ut gentiles sui. Humi fedet Hispanus quidam nudus ex captivis forte unus, qui Scipionem miratur. Sparsa hinc inde arma victoriæ jam jam reportatæ symbola, quam & tribunal in arcus triumphalis modum, & Tritones buccinantes publicant. Duo tandem Romani militum Tribuni paludamento vestiti, Clypeum & Corniculum gestantes, imberbes stant prope senem qui Scipionem alloquitur, quorum unus forte Lælius est Classis Præfectus. Qui plura velit, adeat fusiores dissertationem quam inter Disquisitiones meas Antiquitatis Gallice editas typis dedi. Tandem Clypeos votivos in nummis expressos, scalpi curavi, notisque illustrare operæpretium duxi. Ecce illos in pagina sequenti.

Nummi antiqui Clypeos votivos exhibentes.



1. Averfa pars nummi Cæſaris Auguſti Clypeum exhibet a Senatu Populoque Romano huic Imperatori confecratum, in memoriam Signorum Militarium a Parthis redditorum, ut ex literis CL. V. quæ Clypeum Votivum designant, intelligitur. Suetonius in Auguſto. *Parthi quoque & Armeniam vindicanti facile ceſſerunt; & ſigna Militaria, quæ Marco Craſſo & Marco Antonio ademerant, reſoſcenti reddiderunt: obſidesque inſuper obtulerunt.* Et ea quidem, teſte Dione, Auguſtus a Phraate Rege, quali bello aliquo Parthum vicifſet, accepit. Quin & propterea Templum Marti Ultori in Capitolio ædificavit, ubi ſigna illa Militaria ſuſpenſa ſunt, & proculdubio, ut ex nummo liquet, Clypeus iſte votivus.

2. In ſecundo Senatus Populus Que Romanus Clypeum Vovet, vel Votivum confecrat CAESARI AVGVSTO, ut in præcedenti, propter aliam quandam memorandam actionem.

3. Tertium eidem dicatum victoria coronat, ob aliquam de hoſtibus reportatam victoriam. Nec forma differt a prioribus, ſed dumtaxat ſuſpenſione ad columnam, unde Clypei Votivi *Stylopinakia* a Græcis aliquando vocabantur, quali diceret *Columnis appenſas tabulas*, juxta Græcam Etymologiam.

4. Veſpaſiano hic Clypeus Columnæ appenſus inter duas Laurus EX *Senatusconſulto*, forte ante ipſius ædes dedicatus. Utraque enim Laurus Calendis Januariis, vel poſt celebrem aliquam victoriam ad Palatii fores erigebatur. Unde a Plinio Laurus dicitur: *Gratiſſima domibus janitrix Cæſarum, quæ ſola & domos exornat & ante limina excubat.* Binas autem fuiſſe indicat locus hic Tertulliani: *Qui ſunt qui Imperatores inter duas Laurus obſidunt?*

5. Clypeus Votivus Auguſto confecratus ob cives recuperatos, quod corona civica ex quercu contexta designat. Phraates enim quia nihil eorum, quæ pactus fuerat, perfecifſet, veritus ne bello ab Auguſto impeteretur, non ſolum ſigna militaria, ſed &, inquit Dio, *Captivos omnes, paucis exceptis, qui ſe ipſos pudore moti interemerant, aut in Parthia occulte remanſerant, remiſit.*

6. Tiberio Cæſari, cujus nummus eſt, Clypeus Votivus Lauro cinctus ob ejus moderationem a Senatu confecratus hic offertur. Vellejus Paterculus Tiberii perpetuus adulator, *Quis non, inquit, inter reliqua, quibus ſingularis Moderatio Tiberii Cæſaris elucet atque eminet, hoc quoque miretur, quod cum ſine ulla dubitatione ſeptem triumphos meruerit, tribus contentus fuerit?* Ita ſucabantur hujus Principis vitia. Aliquandiu tamen moderate illum vixiſſe aſſerit Dio, ſed dumtaxat quandiu in vivis ſuperſtes fuit Germanicus, quem Principatui imminentem ante oculos habebat, quoque æmulo ſublato in vitia curſum deflexit.

7. Clypeum eidem Tiberio ob ejus *clementiam* voverat Senatus, quæ virtus ſub virginis forma exprimitur. Suetonius cap. 53. *Imputavit etiam, quod non laqueo ſtrangulatam nurum Agrippinam in Gemonias abjecerit, proque tali clementia interponi decretum paſſus eſt, quo ſibi gratiæ agerentur, & Capitolino Jovi donum ex auro ſacraretur, aureus nempe iſte Clypeus.* En miram Tiberii clementiam. Cæterum Clypeus iſte ex iis eſt, qui a Trebellio Pollione *Disci Corymbiati* vocantur, ob ſculptam Corymbion herbam, ut alias pateras Filicatas, Hederatas & Pampinatas vocitabant.

MISCELLANEA ERUDITÆ ANTIQUITATIS.

SECTIO QUINTA.

GEOGRAPHICA,

Urbes, Municipia, Coloniae, pagi.

Albanum.

Romæ, urna in villa Matthæi.

R	V	B	R	I	A	P	R	I	M	A						
A	L	B	A	N	I	E	S	I	S							
P	.	R	V	B	R	I	V	S	R	E	V	T	I	L	I	S
A	M	I	C	E	H	A	V	E	E	T						
V	A	L	E	E	G	O	H	I	C							
S	I	T	V	S	S	V	M									

Exscripsi.

Dubitari potest an Albaniesis, sive Albanienſis dicta fuerit Rubria Prima, ab Albano loco prope Romam, ubi sacrificia Jovi Latiali peragebantur, qui & *Albano* hodie, an ab Albania Provincia Macedoniæ, a qua melius derivatur *Albanienſis*: verum prius ni fallor præferri debet, eo quod si fuisset mulier ista ex Macedonia, Græcum fuisset Epitaphium.

Albintimilium.

Romæ, urna in villa Matthæi.

Niciæ.

Fabia
Evoca-
tus

M.	S	A	B	I	N	I	V	S					
F	A	B.	A	L	B	I	N	T	I	M	I	L	I
E	V	O	C.	A	V	G.	S	A	L	V	T.		
V	I	X.	A	N	N.	X	X	V	I	I	I		
P	R	O	F	E	C	I	T	E	X	C	O	H.	V.
P.	R.												

..	A	L	I	C	O	N	I	T	R	I	B.						
..	A	L	B	I	N	T	I	M	I	L	I	E	N	S	I	V	M
..	R	A	E	F	I	L	I	O	M.	A	E	M	I	L	I	O	
..	E	M	I	L	I	O	P	R	O	C	L	O					
..	B	A	R	B	A	R	O	A	N	I	E	N	S	I			
..	I	M	A	C	O	N	I	V	G	I	B	V	S				
S	I	B	I	V	I	V	A	F	E	C	I	T					

Exscripsi.

Ex Hist. Niciens.

Albintimilium urbs Liguriæ maritima, nunc *Vintimiglia* ditionis Genuensium. SALVT. Salutiis *Saluzzes*, a qua urbe Albintimilium fuerat evocatus Imperatoris iussu, Marcus Sabinus, tribu Fabia, Miles Cohortis V. Populi Romani, vel si hæ literæ PR. conjungantur, PRAETORIAE.

Araufio.

Vesontione.

Viennæ.

GEMINIA TITVLLA

D. M.

ARAVSIENSIS MATER

L. CAECILI

SACRORVM HIC

PISONIS

ADQVIESCIT

CIVIS ARAVS.

Arausensis

D. IVL. P. L. AVCTVS CON.

L. CAECILIVS

PIISSIMAE ET AVRAE

VARIANVS

SEVERI QVI M. PRO F.

ET VALERIVS

OBSER.

ORPHITVS

Ex Chiffletio.

FILII PATRI

PIISSIMO

ET VAL. MARITIMA

CONIVGI

INCOMPARABILI

Exscripti.

Araufio Colonia Secundanorum, nunc *Orange*, cujus cives Araufienses & *Araufenses* cognominantur ex Inscriptionibus hic exhibitis & Sect. III. in titulo LIX. non vero *Araufionenses*, ut nunc exprime-re solent. In prima Chiffletium emendo qui habet GEMINIA II IVLIA & in linea 5. D. IVL. PI. AVG-TVS, quæ duo ultima verba frigide PIVS AVGVSTVS ab eo explicantur, cum sint Cæsarum cognomi-na. Non dubium est legendum esse P. L. AVCTVS Publii Libertus Auctus. Reperitur & alibi tale co-gnomen AVCTVS. QVI M. PRO F. OBSER. obscura sunt. Chiffletius vult esse *Qui Monumentum pro Flamine observavit*. F. tamen *Flaminem* non solet designare, sed potius *Filium* aut *Filiam*.

Anagnia.

Anagnia.

IMP. CAES. L. SEPTIMII PII PERTINACIS

AVG. ARAB. ADIABENICI PARTHICI MAXIMI

FORTISSIMI FELICISSIMI P. P. FILIO M. AVRELIO

ANTONINO PIO FELICI AVG. TRIBVNIC. POTEST.

IIII. COS. PROCOS. S. P. Q. ANAGNINVS

Ex Suaresio in Explicat. Arcus Severiani.

Anagnia nunc vulgo *Anagni*, urbs Latii, ditionis Pontificiæ, hanc Inscriptionem Antonino Cara-callæ dicaverat.

Anatili, & Heraclea.

Tabula reperta in urbe S. Gilles in Occitania.

ATAVLPHO FLAVIO
 POTENTISSIMO REGI REGVM RECTISSIMO
 VICTORI VICTORVM INVICTISSIMO VANDALICAE
 BARBARIEI DEPVLSORI ET CAESAREAE PLACIDIAE
 ANIMAE SVAE DOMINIS SVIS CLEMENTISSIMIS
 ANATILII NARBONENSES ARECOMICI
 OPTIMIS PRINCIPIBVS IN PALATIO POSVERVNT
 OB ELECTAM A SE HERACLEAM IN REGIAE
 MAIESTATIS SEDEM

Ex Bouche Hist. Provinc.

Anatili Plinio & Ptolemæo Occitanæ Regio circa Rhodanum, ubi nunc urbs *Fanum S. Egidii S. Gilles*, in qua repertum marmor; ea propter Jo. Poldo Dalbenas existimat eandem urbem esse quæ Heraclea olim vocabatur: quanquam & *Anatilium* dictam fuisse urbem hanc putent alii. *Arecomici* alia regiuncula, in qua Nemausus.

Antipolis.

Antipoli.

M. MOLTELIO C. F. VOLT. SECVN
 DINO FLAMINI IIVIRO ANTIPOLI
 HEREDES EX TESTAMENTO

Ex Bouche Hist. Provinc.

Antipolis urbs maritima Provinciæ, vulgo *Antibe*. Hujus urbis *Flamen* & *Duumvir* erat *Marcus* hic *Moltelius Caii filius Secundinus Voltinia tribu*. Urbs est antiquissima, in qua ante biennium maxima Romanorum Numismatum copia reperta est, dum portus repararetur. Nomen ejus Græcum est, eo quod a Græcis, sicuti *Maffilia*, fundata fuisset.

Alpes Cottia & Maritimæ.

I

Segusii vulgo Suse.

SALVIS DDD. NNN. VALENTE
 GRATIANO ET VALENTINIANO
 THERMAS GRATIANAS DVDVM
 COEPTAS ET OMISSAS
 Q. MAG. ALPIVM COTTIARVM
 PRAEFECTVS EXTRVXIT ET VSVI SE
 GVSINAE REDDIDIT CIVITATI FIRMAVIT ET
 FISTVLAS DEDIT AQVAM DEDVXIT NE QVID
 VEL UTILITATI VEL VRBIS DEESSET
 COMMODITATI

*Ex Guichenon & Bouche Hist. Provinc.**Supplem. Tom. IV.*

Ppp

Cemenelii.

D.	M.
M.	M. A.

FLAVIAE BASSILLAE CONIVG. CARISSIM.
 DOM. ROMA MIRAE ERGA MARITVM AMORIS
 ADQ. CASTITATIS FEMINAE QVAE VIXIT
 ANN. XXXV M. IIL DIEB. XII. AVRELIVS
 RHODISMANVS AVG. LIB. COMMEN. ALP.
 MARIT. ET AVRELIA ROMVLA FILIA
 IMPATIENTISSIM. DOLOR. EIVS ADFLICTI
 ADQ. DESOLATI CARISS. AC MERENT. FERET
 FEC. ET DED.

Ex Joffred. Histor. Niciens.

Alpes Cottiae a rege Cottio ita dictae, Coctiae & Coctianae aliis, Sabaudiam a Pedemontio separant,
 inter quas mons Cenisius. Maritimae ad Ligusticum mare.

Asta.

I

Asta.

P. VRVINVS Q. F. TAVRIN. AEDILIS ET PONTI SVPER FLVMINE TANARO STRATO AC IVL. CAES. APVD ASTAM PRAEF. SIBI ET POMPELIAE VXORI ET AVREL. VRVINO FIL. T. T. V. F.

Ex Guichenone.

2

Asta.

L. AVR. GALLO VIRO FORTITVDINE ET ANIMI ET CORPORIS INSIGNI OB EGREGIA FACTA CIVITATE DONATO VITA FVNCTO CIVITAS ASTENSIS ET NATI P. P.
--

Ex Guichenon.

3

In pago de Manfreon.

AELIAE AELIANAE MVLIERI PVLCHRITVDINE FORMAE VENERI PRVDEN TIA ET ALIIS VIRTVTIB. PALLADI COMPARANDAE OB CIVITATEM A BELLO VESI FVRORE SERVATAM ASTENSES OPTVMAE CIVI P. P.
--

Ex Guichenon Hist. Sab.

4

Asta.

C. TILIVS M. F. POL. VITAL. AST. VETERA NVS MILITAVIT IN BRITANN. XXII.....
--

Ex eodem.

Astæ.

Astæ.

M. GARDINO M. F.

OB CIVITATEM IN SVMMA
ANNONAE INOPIA PROPRIO AERE
SVBLEVATAM ASTENS. CIVITAS
OPTIMO CIV.
D. P. P.

SIBI....

DIS M. F. VLLIAE L. N.

VXORI

MONVMENTVM

PRO RE MAGNVM

PRO PIETATE PARVVM

L. M. IN FR. P. XII.

IN AGRO P. XXIIII

Ex Guichenon.

Ex eodem.

7

Astæ.

TITVS ANNIVS AGNANVS

L. AEMILIVS AGNANVS NATVS ROMAE

ASTE EDOCATVS MEMOR. EXTREMI FATI

SIBI SYLVIAE VXORI KAR.

P. VIVENS

L. E. D. P. P.

QVI HIC QUIESCERE VOLET ITA IVSTE

VIVAT VT NOBIS AEQVARI POSSIT

Ex eodem.

Asta urbs Liguriæ ad Tanarum, nunc *Aste* Duci Sabaudia paret. In 3. Inscript. habet Guichenon AELIANAE AELIANAE, qui manifestus vel exscriptoris vel Typographi error pro AELIAE AELIANAE. Est enim Ælia familia: sed ut verum dicam, hæc Inscriptio non parum mihi suspecta est, ob nimiam Bellovesi antiquitatem, quo tempore rudior erat lingua Latina. Secundam sic deformat LEYR. GALLO; quid enim LEYR. illud sibi velit, nemo est qui divinet, nisi mecum reponat L. AVR. Lucio Aurelio.

Aricia.

Vide Inscriptionem supra inter Collegia relatam, ad Collegium Lotorum. pag. 775.

Bregantium, vel Bregantionetum.

In pago Briançonnet Diœcesis Glandevensis.

IMP. CAES.

L. DOMITIO

AVRELIANO

P. F. INVIC.

AVG. P. M.

ORD. BR. F. C.

alii leg. BREG.

Id est, Imperatori Cæsari Lucio Domitio Aureliano Pio Felici invicto Augusto Pontifici Maximo Ordo Brigantinorum fieri curavit. Ex qua colligere licet pagum illum, Bregantii sive Brigantii nomen antiquitus habuisse, sicut & aliæ urbes homonymæ.

In territorio Brigantino vulgo de Briancon.

MARIAE MATERNI FIL.
LVCILLAE MARIVS
MATERNVS IVLIA MATERNA
FILIAE MARIi PATERNVS ET
IVLIANVS SORORI CARISSIMAE
L. D. D. D.

FVNDEMO MATERNVM OB
HONORES II VIRAT. ET FLAMON.
BENE GESTOS PATRON. COOPT. A. R.
BRIG.

Ex schedis Peineskii.

Beneventum.

Vide supra in Virorum Illustr. monumentis pag. 895.

Capua.

Neapoli in æde S. Severini.

POSTVMIO. LAMPADIO. V. C.
ET INLVSTRI. CONS. CAMP.
RESTITVTORI. PATRIAE. ET. REDINTEGRATORI
OPERVM. PVBLICORVM
ORDINIS. PROVISORI. POPVLI. SVBVENTORI
OB. INSIGNIA. EIVS. VNIVERSA. PATRONO
LONGE. A. MAIORIBVS. ORIGINALI
ORDO. CAPVENSIS
VOTI. ET. OBSEQVIL. SVL PIGNVS. LOCavit

Consulari
Campaniæ

Ex Capacio.

Capua antiquissima & celeberrima Campaniæ urbs, ita olim superba ut Romæ præferri voluerit, a cuius ruderebus Capua nova duobus distat miliaribus. Lampadius iste videtur idem esse qui anno Christi 366. sub Valentiniano I. Præfectus fuit urbis Romæ, & antea Præfectus Prætorio, de quo Ammianus Marcellinus lib. 27. cap. 2. & Lacarry in Historia Christiana sub Præfectis Prætorio.

Civitas Caturigum.

In oppido Chorges Delphinatus, lapis sive cippus duabus faciebus inscriptus.

Ab una facie.

Ab altera facie.

Linea corrupta

F. INV. AVG. II

COS. PROCOS

CIVIT. CATVR. D. N.

E CVRIE PEG. E DIC. FE.

P. CVR. R. O. AL.

PIO PRINCIPI INVICTO

AVGVSTO RESTITVTORI ORBIS

PROVIDENTISSIMO RETRO

PRINCIPVM AC SVPER OMNES

FORTISSIMO ANNIVS RVFFINVS

VT PROCVRATOR ALPIVM MA

RITIMAR. DEVOTVS NVMINI

MAIESTATIQUE EIVS

Ex Boessæi Miscellis & Bouche Hist. Provinc.

Prior facies apud Gruterum desideratur, altera quidem ibi legitur pag. CCLXXXVII. 7. sed valde incorrecta: ideoque utramque hic damus.

Ex hac Inscriptione discimus illud oppidum Delphinatus, qui nunc Chorges vocatur ad Druentiam, fuisse eandem urbem quæ Civitas Caturigum dicebatur. Forte eadem est quæ in notitia Imperii in provincia Alpium maritimarum vocatur Civitas Rigomagensium, seu ut melius scriberetur Caturigomagensium. Vide Bouche Hist. Provinc. Provinciæ autem minus hostibus expositæ, ut hæc Alpium maritimarum, per Procuratores regebantur, qualis hic Annus Ruffinus.

Crotona Colonia.

I

2

Romæ.

Crotonæ.

DIIS MAN.

L. ANTONIO

L. F. QVIR. OLYMPIONICO

CROTON.

MILIT. LATERANO LEG. III. PARTH.

MIL. ANN. XX VIXIT

ANN. CIII D. XV

L. ANTONIVS L. F. QVIR.

MARCIVS

H. S. F.

FVTIAE C. F. LOLLIANAE

FILIAE PISSIMAE C. FVTIVS

ONIRVS ITERVM II VIR ITEM

DEDIT DECVRIONIBVS HS X N

VT EX VSVRIS EORVM QVOD

QVOD ANNIS VII IDVS APRILES

NATALE FILIAE MEAE EPVLAN

TES CONFREQUENTETIS

HS CCC N ET IN PROFVSIONI

BVS HS CC N NEQVE IN ALIOS

VSVS CONVERTATIS

L. D. D. D.

Ex sched. Barber.

Ex Gualterii Sicil. Antiq.

Crotonæ.

L. LOLLIO L.F.L.N.L. PRON.
 COR. LOLLIO MARCIANO
 EQVO PVBL. ORNATO PATRONO
 COL. OMNIBVS HON. FVNCTO
 FVTIA C. F. LONGINA MATER
 FILIO PISSIMO OB CVIVS
 STATVAE DEDICATIONEM
 DECVRIONIBVS AVGVSTALIBVS
 EPVLANTIBVS POPVLO
 VIRITIM DIVISIONEM DEDIT
 L. D. D. D.

Cornelia Tribu

Ex eodem.

Crotona urbs olim Bruttiorum Athletis celebris, Colonia vocatur in tertia Inscriptioe Lollii Marciani patroni Coloniae. Cur ibi vox Lollio repetatur ignoro, nisi sit mendum fabrilis.

Natale filiae meae: Dies natales publica cum latitia celebrabantur, unde in iis Crustum & Mulsum dabatur, oleum & vinum distribuebatur, cujus profusionis qua sepulchra aspergebantur hic mentio fit, & ante Statuas Lectisternia ponebantur. In Martyrologiis *Natalis Martyrum* dicitur eorum mors.

Capla,

Romæ.

DIIS MANIBVS
 M. ANTONIO M. F.
 SERGIA
 PATERNIANO
 NAT. CAPSA
 TRIB. LEG. III. PARTH.
 MIL. ANN. XVI.
 VIX. ANN. XXXIX.
 M. VII. D. IX.
 IN FR. P. III. IN AG. P. III. S.
 M. AVRELIVS BASSVS COLL. S.

Id est Semis.

Collegæ suo.

Ex sched. Barberin.


NAT. CAPSA , *Natione Capsa quæ est urbs Africæ , ubi olim erant thesauri Jugurthæ . Florus lib. 3. cap. 1. Marius urbem Herculi conditam Capsam in media Africa sitam , anguibus , arenisque vallatam , mira quadam felicitate superavit .*

Cemenelium .


In territorio Cemenelii vulgo Cimies , prope Niciam Provinciæ .

Niciæ .

Niciæ .



Ex D. Demazaugues .



Ex Bouche Hist. Prov.

Niciæ .

L. VENIREIVS PICTVS
D. S. CEMENSE VICO SIBI ET
LIBERT. LIBERTAB. POSTERISQVE EOR.
C. METILIA C. F. C. MARIVS C. F.

.....

Ex Peiresk. sched.

Cemenelium urbs olim fatis ampla antiquitates multas ostentans , nunc viculus est sive fere tantum rudera vulgo *Cimies* , de qua consule Joffredi Hist. Niciens. & Bouche Hist. Provinc.

Civitas Pompejonensis .

Vide infra in Sectione sequenti inter Decreta & Senatusconsulta .

Colonia Alba Pompeja .

In Oppido Cereal. territorii Albensis .

P. CORNELIO P. F. L. N. AFRICANO
ET CN. POMPEIO MAGNO CN. F. SEX. N.
ALBAE INSTAVRAT. S. P. Q. CERALIS D.

Ex Gnichenon Hist. Sabaud.

Taurinis.

. . CAM. CELSO
AED. PLEB. CERIAL. Q. ADLECT. IN
SENATVS ORDINEM AB DIVO
NERVA TRAIANO AVG. GERMANICO DACICO
PRAEF. COH. BREVCOT. MVNICIPIO SVO
ALBA POMPEIA PATRONO COLONIARVM
MVNICIPIORVM ALBAE POMPEIAE
AVG. BAGIENNORVM
..ENS GENVENS. AQVENS. STATIEL.

Ex Guichenone qui eam incorrecte citat.

Alba Pompeja Colonia fuit in Liguria ad Tanarum flumen a Pompejo Magno instaurata, quæ etiamnum hodie Alba vocatur, in Ducatu Montisferratenſi. Augustam Bagiennorum, cujus & hic mentio, putant fuiſſe, quæ nunc Saluces. Genuenſes etiam Liguriæ populi notiſſimi. Aquenſes Statiellenſes incolæ urbis, quæ Aquæ Statiellæ audiebat, vulgo nunc Acqui in eadem regione. Ceriales vero territorii Albenſis nomen retinent.

Colonia Augusta Ariminum.

Ventavon urbe Pedemontii.

DIS MANIB.
Q. CAETRONI Q. FIL.
VOLT. TITVLLI VETER.
COH. VII. LOCO II VIR. PONTIF.
COL. AVG. ARIM. PRAEF.
PAGI EPOT. FLAM. AVG. ET
MVNER. PVBLICI CVRAT.
AD DEAM. AVG. VOC.
HERED. EX TEST.

Ex Peiresk. sched.

Ariminum, qui nunc Rimini, Æmiliæ regionis urbs ad Rubiconem, ubi pons eſt antiquus ab Auguſto & Tiberio, ut innuere videtur inſcriptio, inibi extructus, cujus territorii forte Pagus Epotianus hic memoratus. Dea Augusta Vocontiorum, in qua Flamen & muneris publici curator erat Quintus Caetronius, urbs eſt perantiqua quæ nunc Die appellatur in Delphinatu.

Colonia Julia Apta.

Aptæ in æde Cathedrali.

	¹ C. ALLIO C. F.	² T. CAMVLLIO
Voltinia tribu	VOLT. CELERI	T. FIL. VOLT. AEMI
Flamini	III VIR. FLAM.	LIANO FLAMINI
	AVGVR. COL. I.	III VIRO COL. IVL. APT.
Ex quinque decuriis.	APT. EX V. DEC.	ORDO APTENSIVM
	VORDENSES
	PAGANI	TAS..HONORE
	PATRONO	CONTENTVS IMPENDIVM

REMISIT

Ex Peireskii schedis.

Eruditiss. Vir Ægidius Lacarry qui de Coloniis Gallis ad exteras nationes & ab exteris nationibus ad Gallos missis librum edidit, hujusce Coloniae non meminit, eo quod ex folis Inscriptionibus Coloniā fuisse sciri poterat, tacentibus libris. Vocabatur ergo *Colonia Julia Apta* hęc Provinciae urbs, quæ nunc *Apt*, ab Julio Cæsare deducta. *Pagus Vordenfium* in ejus territorio Geographis est ignotus.

Colonia Julia Paterna Arelate, & Pagus Lucretius.

In pago Gemenos 4. leucis ab Aquis Sextiis, in ædicula Deiparæ.

PAGANI PAGI LVCRETI QVI SVNT
FINIBVS ARELATENSIVM LOCO GARGARIO
Q. COR. MARCELLI LIB. ZOSIMO IIII VIR.
AVG. COL. IVL. PATERNA ARELATE OB
HONOREM EIVS QVI NOTVM FECIT
INIVRIAM NOSTRAM OMNIVM SAECVLORVM
SACRATISSIMO PRINCIPI T. AELIO ANTONINO
...R. ROMAE MISIT PER MVLTOS ANNOS
AD PRAESIDES PROVINCIAE PERSECVTVS EST
INIVRIAM NOSTRAM SVIS IMPENSIS OB HOC
DONAVIT NOBIS INPENDIA QVAE FECIT
VT OMNIVM SAECVLORVM SACRATISSIMI
PRINCIPIS IMP. CAES. ANTONINI AVG.
PII BENEFICIA DV RARENT PERMARENT QVE
QVIBVS FRVEREMVR...S. ET BALINEO GRATVITO QVOD
ABLATVM ERAT PAGANIS. QVOD VSI EVERANT
AMPLIVS ANNIS XXXX

Exscripsi.

Eximius iste lapis repertus fuit in loco dicto S. Jean de *Garguies* ad radicem montis excelsi, in quo crypta Divæ Magdalénæ, qui locus erat ille in Inscriptione proculdubio memoratus *Gargarius* dictus. *Pagus Lucretius* pariter Geographis ignotus, potuit esse in illa planitie quæ extenditur ab urbe Aubagne ad montem usque. Pagus enim aliquando pro territorio multos vicos & oppidula capiente usurpabatur, unde *Pagus Unigenus* in Helvetiis. A *Pago* autem *Paganus* ejus incola, & nostrates voces *Pays* & *Paysan*. In *Aubagne* vicina urbe forte fuit *Balneum* in lapide memoratum a quo potuit sortiri nomen suum, *Ad Balnea* id enim significat Provinciali illo idiomate *Au Bagne*.

Fuerat autem hæc Inscriptio sculpta in honorem Quinti Cornelii, Marcelli Liberti Sextumviri Augustalis Coloniae Juliae Paternæ Arelates, qui horum Paganorum Pagi Lucretii injuriam persecutus erat Romæ regnante Imperatore Antonino Pio, balneumque ipsis ablatum restitui curaverat, ut fusius in marmore exprimitur.

Fines Arelatenfes hucusque extendi non mirum, cum esset olim civitas florentissima: confirmatque lapis sequens in Castellum Sancti Antonini delatus 3. ab Aquis milliariibus.

Lapis repertus ad radicem montis Sanctæ Victorie.

Ex una parte.

FIN
A Q.

Ex altera parte.

FIN.
AREL.

Id est *Fines Aquenses* & *Fines Arelatenfes*. Mos enim erat antiquis lapidibus Terminalibus uti ad territoria dirimenda. Sic in Isthmo Corinthiaco Columna erecta fuit ab una parte inscripta HVC VSQVE IONIA, ab altera HVC VSQVE PELOPONNESVS.

Quia autem de Arelate fermo, non tacendum frustra disceptasse Viros Eruditos & inter hos Scaligerum in Commentariis ad Aufonium, quare Arelate diceretur in Inscriptione Mamiliaria, an ob solitilitatem, aliudve: cum ortum huic quæstioni dederit sequens Inscriptio a Grutero citata, & male accepta.

Arelate, in Columna.

SALVIS DD. NN.
THEODOSIO ET
VALENTINIANO
P. F. V. AC TRIVM.
SEMPER AVG. XV
CONS. VIR. INL...
AVXILIARIS PRÆ...
PRÆTO. GALLIA...
DE ARELATE MA..
MILIARIA PONI S..
M. P. I.

Inlustris
Præfectus
Prætorio Galliarum
Aliis loco S. habet P.

Ex Scaligeri ac Knibbii schedis.

Ubi manifestum est, hic Arelatem non vocari Mamiliariam, cum tria puncta intersint M A . M I . L I A R I A . At multo verisimilius est, ut ad me scribens olim notabat Eruditus Guyranus Nemaufensis, interpretandum MATRE MILLIARIA: quod ibi regionis vicinæ inciperent Milliaria, uti ex variorum Milliariorum in vicinia repertorum cognosci potest: adde quod hic lapis ipsemet sit Milliarium, ut ex tribus intelligitur literis finalibus M. P. I. id est *Milliarium posuit primum*. Ecce quædam ex his Milliaribus prope Arelatem.

1 Cippus in Campo lapideo vulgo la Crau. 4. mill. ab Arelate. 2 Ibidem in via Aurelia.

CAESAR. DIVI F.
AVGVSTVS PONT.
MAXIMVS COS.
DESIGNATVS
TRIB. POTESTATE
IIII

PATER PATRIAE
IMP. CAESAR. DIVI F.
AVGVSTVS
VII

Ex schedis Peiresk.

Ex schedis Peiresk.

3 Non longe a precedenti.

4 Ad Campum lapid. loco dicto le Paradet.

PATER PATRIAE
IMP. CAESAR. DIVI F.
AVGVSTVS PONT.
MAXIMVS COS.
DESIGNATVS XI
TRIBVNIC. POTEST.
VIII

IMP. XIII
TRIBVNI...
X

Ex sched. Peiresk.

Ex schedis Peiresk.

*Cippus in campo lapideo juxta viam antiquam Aureliam,
prope locum le Mas del Brau.*

PATER PATRIAE
IMP. CAESAR. DIVI F.
AVGVSTVS PONTIFEX
MAXIMVS COS. XII.
DESIGNATVS XIII
TRIBVN. POT. XXIII
XI

Ex schedis Peiresk.

Colonia Julia Augusta Flor.

*Lapis repertus in pago Arbin Sabaudiae, & in Castellum
Montmelian translatus.*

T. POMPEIO T. F. FAB. ALBINO TRIBVNO MIL.
LEG. VICTR. SVB PROVINC. LVSITANIAE I. D.
COL. IVL. AVG. FLOR. V. POMPEIA

T. FIL. SEXTINA

Ex Guichenon Hist. Sabaud.

An legendum *Colonia Julia Augusta Florentia*, ut de celebri Italiae urbe intelligatur, an alio pacto, dubium est. Potuit enim esse *Colonia Lusitaniae*, cujus in marmore mentio fit. V. illud post vocem FLOR. potest esse VICTRIX, ita ut quemadmodum Tarraco in Hispania *Colonia Victrix Tarraco*, sic ista *Colonia Julia Augusta Florentia Victrix* vocetur.

Colonia Julia Equestris.

Genevæ.

L. IVL. P. F. VOL. BROCCIVS VAL.
BASSVS PRAEF. FABR. BIS TRIB.
MIL. LEG. VIII AVG. II VIR IVR. D.
II VIR LOC. P. P. AVGV. PONTIF. II VIR.
FLAMEN IN COL. EQVESTRE VI ANIS
GENAVENSIBVS LACVVS DAT

Exscripsi.

Colonia Equestris sive *IVLia Equestris*, ut in alio marmore *Genevæ* legitur, *Geneva* non est, ut putarunt nonnulli auctores, sed oppidum *Nions* 4. ab hac urbe leucis: unde in notitia Imperii Theodosii aetate scripta legitur *Civitas Equestrium Noviodunum*. Et itinerarium Antonini hanc a *Geneva* recte distinguit, primam scilicet *Civitatem Genavensium* in *Viennensi* Provincia collocans & *Civitatem Equestrium* sive *Nevidunum* in *Sequanensi*. Nummum etiam sive monetam 400. circiter annos antiquam in hi-

storia Genevensi produxi, quæ ab una parte habet CIVITAS EQVESTRI circa crucem: ab altera SEDES LAVSANAE circa frontispicium Ecclesiæ Cathedralis: at Geneva Sedem Viennensem non Lausanensem agnoscebat. Vera igitur Sedes hujus Coloniae erat inter fluviolos *la Versoy* & *l'Aubonne* juxta lacum Lemannum, qui tractus in antiquo codice anni 1011. apud Guichenonem *Pagus Equestricus* dicitur, adhucque inter incolas *les Enquestres*. Cujus præcipuum oppidum erat *Nevidunum*, Nions, Colonia scilicet a Julio Cæsare deducta ob irruptionis Helvetiorum metum, Equestribus copiis instructa, ideoque dicta *Julia Equestris* in alia Inscriptione, quam in Historia Genevensi retuli & explicavi, sive *Civitas Equestris*: nec mirum si Genevæ reperiantur lapides ejus mentionem facientes: certum enim est aliquos huc translatos, alios vero nomen ejus referre quanquam Genevæ sculptos, ob viciniam, & varia officia, quibus aliquis Genevæ degens in Equestribus possidere poterat.

Colonia Lucensium.

Luca, in Columnia, ubi olim forum erat.

AVGVSTO LIBERATORI NATIONVM

ORBIS ROMANI

INSTITVTORI LIBERTATIS HETRVSCAE REIP.

CONSERVATORI MILITVM TVTORI LEGVM

ET BONO REIP. NATO

COLONIA LVCENSIVM

DIVO TIBERIO CLAVDIO QVARTO EIVS AN.

NERONI INVICTO PATRI PATRIAE ROMANORVM

SEMPER AVGVSTO

Boldonus ex Hist. Lucens. Manuscripta.

Colonia Luca sive *Lucca*, quæ etiamnum nomen retinet Respublica nulli ignota hanc columnam Augusto Cæsari dedicaverat, quæ eum elegantibus exornat epithetis.

Colonia Napuca.

Clauzenburg sive Claudiopoli, quæ olim Napusa sive Napuca.

NVMINI AVG.

M. VLP. CAECIL.

BASSIANVS

M A G.

AVGVSTALIS

COL. NAP.

D. D.

Ex Reines. Epist. ad Hofman. pag. 134.

Colonia Napuca a Ptolemæo in Dacia memoratur, quæ nunc vulgo *Clauzembourg*, hoc est *Claudiopolis* in Transsylvania, & *Kolosovar* Hungaris audit. In eadem urbe lapis insertus muris hæc duo verba sculpta habet COL. NAP. idemque in lateribus terræ coctæ. Ergo *Napuca* non est, ut putavit Lazijs & post eum alii Geographi, urbs illa quæ Germanis *Busaten* vocatur, quinque miliaribus Germanicis a Claudiopoli distans.

Colonia Neapolis.

*In antiquis ruinis Cumæ.**Neapoli.*

S. P. Q. NEAPOLITANVS

NEAPOLITANI

D. D. L. ARRVTIO L. F.

... O COMINIO PRIS

GAL. BAEBIO CENSORI

CO V. P. MAGISTRO

REIPVB. NEAP.

IUDORVM PATRONO

Ex Scipionis Mazell. antiquit. Puteol.

COLONIAE SACERDOTI

AugVRVM AGONOTHET.

*Ex Capacio.**Neapoli.*

AVRELIO SYMPHORO

AVG. LIB. OFFICIALI VETERI A MEMORIA

ET A DIPLOMATIBVS EXORNATO ORNAMENTIS

DECVRIONALIBVS ORDO CIVIT.

OB MEMORIAM ET INSTANTIAM

ERGA PATRIAM CIVESQ.

Ex Capacii hist. Neap.

Neapolis celeberrimum Italiae Emporium, ita nominata ab Augusto Imperatore cum prius Parthenope vocaretur a Parthenope Eumeli filia ejus conditricem, plurimas habet inscriptiones antiquas a Grutero, Summontio & Capacio memoratas.

Colonia Nemaufus.

1.

Nemaufi.

DEO SILVANO ET LIBERO

PATRI ET NEMAVSO

P. ARCHVS SINODI

Ex Guyrani sched.

3

Nemaufi.

D. M.

M. VERNONII VI

RILLION. AED. COL.

VIRILLIA TITIA

MARIT. OPTIM. ET

VERNONIVS TITVS

FIL. PATRI PISSIM.

*Ex Guyrani libello de nummo
Nemaufi.*

2

Nemaufi.

D. M.

Q. AEMILII FIRMI

AED. COL. ET

Ædilis Coloniae

CLOVSTRIAE SVAVIS

VXORIS

AEMILIANVS FIL.

Ex Guyran. lib. de nummo Nemaufi.

4

Nemaufi.

III VIR AB AER.

POMPEIA SERVATILLA

VIRO PIENTISSIMO

IIII VIR. AVG.

Q. MARIVS PHILOGVS V. S. P.

Ex Grassero.

Nemauf.

SEX. AVRELI ZOSIMI
STATORI NEM.

AVRELIA COSMIA

FRATRI PISSIMO

L. LETIVS MARVLLVS

IIII VIR AVG. DECVR. ORNAM

Ex Grasserî antiquit. Nemaufens.

1. *Nemaufus* conditorem & Patronum colebat Nemaufum filium Martis putatum; ejus enim habitu in Coloniae nummis exhibetur. 2. 3. 4. 5 Coloniae habebant *Ædiles*, *Quartumviros*, *Statores* & *Decuriones*, non secus ac Roma ipsa *Coloniæ* *Latinarum* mater & archetypus.

Colonia Claudia Copia Lugdunum.

*Lugduni, nunc in pagum Ternay
translata.*

*Lugduni in vico de
Flandres.*

Extat hæc Inscriptio apud Gruterum,
sed incorrecte.

D. M.
ET MEMORIAE AETERNAE

C. VLAT.

ASPR. . . .

C. VLATTI MELEAGRI IIIII VIR. AVG.

SEGV SIA . . .

C. C. C. AVG. LVG. PATRONO EIVSDEM

HONO . . .

CORPORIS ITEM PATRONO OMNIVM

FV . . .

CORPOR. LVG. LICITE COEVNTIVM

C. VLATTI

MEMMIA CASSIANA CONIVNX

SARCOFAGO CONDIDIT ET S. A. D.

Exscripsi.

Reinesium virum Antiquitatis peritissimum mire torquebat vox illa secundæ lineæ CVLATTI quæ apud Gruterum legitur, cum nulla sit familia *Culattia*, neque Romanum videatur nomen, reponebatque STLACCI: sed corrigendi Gruterus & Paradinus, legendumque C. VLATTI, ut ex adjuncto fragmento, id diligentius examinans, certior factus sum. At primam meam sententiam, quam in Antiquitatibus nostris Lugdunensibus Gallice editis aperui, retractare cogor, meamque fateri ignorantiam, dum has voces IIIII VIR C. C. C. AVG. LVG. ita male explicavi cum Paradino *Sextum Viri Augustalis trecentorum Augurum Lugdunensium*. AVG. enim nunquam cum unico G. Augures in plurali designat, sed *Augustus*, *Augusta*, *Augusti*, *Augusto*, secundum ea quæ præcedunt. Adde quod puncta inter tria C. C. C. trecenta significare etiam non possunt: & trecentos Augures Lugduni fuisse, quis sibi persuadeat? Sic ergo cum Scaligero & Grutero exponendum, *Sextum viri Coloniae Claudie Copie Augustæ Lugduni* vel *Lugduni*, ut ex Inscriptioe Gruteriana, quæ in pago *Tein*, ubi ita nominatur integris fere vocibus, patet. *Claudia* dicta ob beneficia a Claudio accepta, qui Lugduni natus erat, *Copia* a frugum copia, *Augusta* in Augustorum & præcipue Claudii Augusti honorem: sed id cognomen forte tantum ætate Claudii, aut saltem paulo post substitit; inde fit ut apud Authores non reperiatur. Hujus autem urbis antiquitates, quia fusiori stylo libro peculiari, in quantum potui, explanavi, paucas feligam Grutero ignotas inscriptiones.

I

Lugduno in Insulam Barbaram translata.

D.

M.

ET QUIETI AETERNAE
 C. VICTOR... VRICI SIVE
 QVIGVRONIS CIVIS LVG.
 INCORPORATO
 INTER VTRICLAR. LVG. CONS. QVI
 VIXIT SINE VLLIVS OFFENSA
 ANN. XVII M... D. V. CASTAVRINA
 MATER VNIC. FILIO PISS. PONENDVM
 CVRAVIT ET SVB ASC. DEDICAVIT

Exscripsi.

Utriclarii erant nautarum genera navicularum genere, quæ utriculi dicebantur: quorum mentionem faciunt plurimæ Inscriptiones.

XXXX. *Quadragesima Galliarum* erat tributum aliquod Cæsarum fisco debitum.

Sub ascia dedicare frequentissima in lapidibus hujus regionis formula. *Ascia* instrumentum est quo monumenta dedolantur. Lex XII. Tabularum *Rogum ascia ne poleito*: ideoque in omnibus fere inscriptionibus ubi hujus formulæ mentio est, *Ascia* in superiori parte insculpta. Vult tamen Nicolaus Chorier Eruditus Antiquitatum Viennensium enarrator, *sub ascia* nihil aliud esse, quam sub dio, sive in loco sine umbra, ex Græca voce *ἀσνία* quod est sine umbra.

I

Lugduni 1678. reperta ad D. Irenæum.

D. M.

ARTILIAE MARTIAE
 T. MVNAT. FELIX.
 CVR. IIIII VIR. AVG. LVG.
 CONIUGI INCOMPARABILI
 ET SIBI VIVVS POSTE
 RISQ. SVIS POSVIT ET
 SVB ASCIA DEDICAVIT

*Exscripsi.**Lugduni apud D. Mascrany.*

IVLIA ADEPTA
 HIC ADQVIESCIT
 L. IVLIVS CVRITVS
 MATRI ET SODALES
 DE SVO ET PERPETVA
 FIL.

Exscripsi.

2

Soluturri, Soleurre, apud D. Surry.

MERCVR. AVG. VALER. HISPA
 NVS IIIII VIR AVG. LVGVD.
 EX S. VOTO

Ex suo Voto

*Ex D. Stoffel Ducis Virtemb. Noustad.
 Consiliario.*

Lugduni.

D. M. ET MEMORIAE AETERNAE
 AVFIDI MILITARIS QVI VIXS. ANN.
 XXII CVIVS SVPREMA TALIA
 FVERVNT
 HIC IENS IN CVRAM PER AMNEM
 ARAR. SVBITO CASV ABREPTVS HVNC
 TVMVLVM POSVIT L. IGNIVS CHARITO
 SORORIVS EIVS ET CLAVDIANVS
 DVLCICIVS SOROR. SIBI POSTERISQ.
 SVIS ET SVB ASCIA DEDICAVIT

Ex Reinesio.

1. Sextumviri Augustales in omnibus fere Coloniis Romanis, erant sex Magistratus annui ab Augusto ordinati, de quibus consulendi, qui de Magistrat. Roman. scripsere.

2. *Mercurio Augusto.* Cognomen Augusti passim Diis tribuitur in marmoribus. LVGVD. Antiquiores aliis lapides sunt qui sic nomen urbis scriptum habent. Lugudunum enim prius dicebatur, quæ postea Lugdunum, teste Dione Cassio; ubi ejus foundationem a Munatio Planco & Lepido persequitur, XLIII. annis ante Christi Salvatoris natiuitatem.

3. Julia Adepta quæ hic quiescebat, conjux erat Nobilis Servatoris æquitatis monetæ Tiberii Cæsaris, & mater Lucii Julii Cupiti & Perpetuæ, ut ex hac Inscriptione, & alia Gruteriana pag. DLXXXIII. patet: sed hunc Tiberium non censeo fuisse Augusti filium, sed Tiberium secundum, Christianum Imperatorem, sub finem sexti sæculi: siquidem rudi litera insculpti hi duo lapides, multasque Paganismi notas habent. *Sodales* sunt opifices monetarii, qui sub hujus viri dispositione erant.

4. IN CVRAM forte legendum *incuriam* vel *in curru*, errore descriptoris; eam enim nusquam reperire potui.

Lugduni ann. 1676. reperta in Suburbio Veze.

DIIS MANIBVS

Gallia
ribu

C. AVCI GAL.

CELERIS IIIII VIR.

A V G.

C. AVCIVS MAGRINVS

P A T R I

Exscripsi.

Lugduni, in horto extra portam D' Alincourt.

P A T E R N O

V R S O

OMNIB. HONO

RIB. APVD SVOS

FVNCTI

GALLIAR.

P
EX CIVITATE

S V A

III PROVINC.

GALLIAE

Exscripsi.

Cum hac priore basi reperta fuit urna lapidea rotunda, quæ ipsi impolita erat, aut esse debebat, cum urna plumbea intra eam; & tandem intra plumbeam urna vitrea instar urcei cum operculo & lachrymatório.

Lugduni.

ATTIO ALCIMO

V. E. PROC. FERRAR

A R V M

COGITATINIVS IV

VENIS B. F. LEG. LE.

Exscripsi.

Lugduni, apud Comitem de Savigny, basis.

DEDIC. XVIII. SEPT

ORFITO ET MAXIMO

C O S.

Ex altera parte.

D. M.

ET MEMORIAE

DIOC. N.

Exscripsi.

Lugduni.

ET MEMORIAE AETERNAE

TITIVETII DECIMINI VETE

RANIA LEG. VIIII. IMMUNI

CONSVLARIS HOMINIS

OPTIMI ET VERECVNDISSIM.

ET PROBISSIMI

MERCVRIALIA CASATA

CONIVGI KARISSIMO CVM

QVO VIXIT ANNIS XXIII DIES.

XXV. ET DECIMINA FILIA

VIVAE PONENDVM CVRA

VERVNT ET SVB ASCIA DE

DICAVERVNT

Exscripsi.

Lugduni.

Lugduni Sarcophagus.

Ad D. Irenæum ann. 1678. reperta, nunc in ædib. prope Nosocomium.

MURRAE ET VERECUNDO MURRANI FILIS

QUI LEGIS HAS PVERI MORIBUNDAS
PERLEGE VOCES

MURRA PATRIS PRIMVM REFERENS
E NOMINE PATREM

BIS MIHI SEPTENOS AETAS
OSTENDERAT ANNOS

CVM SVBITAE PRO FALLAX CAUSA
FVISTI

NAM TEMERE EMISSVS NON AD
MEA FVNERA CLAVVS

.....PRIMVM PERCVLSI VOLNERE
MANES

.....POSVISTIS FVNERE NATI

.....VOCARVNT

ET LACHRYMAM FATIS DA
GEMITVMQVE MEIS

AMBORVM EFFIGIEM MATRE
FAVENTE TVLI

CERTAQVE IAM NOSTRI FAMA
PVDORIS ERAT

LVSVS ET AEQUALIS NON INIMICA
MANVS

HAESIT ET IN TENERO VERTICE
DELITVIT

PARCITE IAM LVCTV SOLLICITARE
MEOS

TRIMVS ET IN DECIMO MENSE
SEPVLTE IACES

IMMVNES NOSTRIS OSSIBVS VRNA
SAT EST

Exscripsi.

Sarcophagus hic duo corpora fratrum continebat Murrae annos xiv. nati, & Verecundi, trium annorum & decem mensium: quorum primus funesto clavi ictu, quia amico projectus, temere ejus attigit & sauciavit verticem.

Colonia Claudia Aprensis, Colonia Julia Philippensis,
Colonia Julia Pariana.

Inter rudera Trojae urbis, basis Statuae.

DIVI IVLI FLAMINI

C. ANTONIO M. F.

VOLT. RVFO FLAMIN.

DIVI AVG. COL. CL. APRENS.

ET COL. IVL. PHILIPPENSIS

EORVNDem ET PRINCIP. ITEM

COL. IVL. PARIANAe TRIB.

MILIT. COH. XXXII VOLVN.

TARIOR. TRIB. MIL. LEG. XIII

GEM. PRAEF. EQVIT. ALAE. I

SCVBVLORVM

VIC. VII

Exscripsi.

Apros Colonia, inquit Plinius lib. 4. cap. 11. *quæ a Philippis abest centum octoginta octo mille passuum*, Thraciæ urbs erat. Utriusque autem urbis Coloniae scilicet Claudiae Aprensis & Coloniae Juliae Philippensis Flamen hic Cajus Antonius Rufus nominatur, sed quod rarius, earundem sive eorundem Incolarum Princeps. At Philippi urbs est Macedoniæ, sed in confinio Thraciæ, ad cujus incolæ Paulus Apostolus Epistolam scribit. Notandum autem est Juliam cognominari a deductore sive protectore Coloniae Julio Cæsare. Parium urbs Mysiæ ad Propontidem: hujus meminit Plinius, *Rhedæstum ex adverso Coloniae Parianæ*. *Rhedæstum* enim quæ nunc *Rodesto*, non *Reziston* legendum est. Hujus Coloniae Parianæ Inscriptionem Græcam fœdus cum Cyzicenis continentem referemus in Miscellan. lib. 2.

Scubuli sint ne populi quidam a Geographis omitti, vel quod verisimilius videtur, militum quoddam genus, asserere nequeo. Aderant & ibi duæ aliæ bases, in quarum una legebam VIC. VIII. in alia VIC. IX. reliqua plane similia: an Vicus Septimus, Octavus, Nonus, urbis scilicet vel Romæ vel Trojæ, quæ tunc a Romanis instaurata erat, Coloniaeque privilègiis donata.

Colonia Ortona.

Romæ.
MAVORTI VLTORI
Q. NINNIUS Q. F. QVIR. PAETVS
II VIR. COLON. ORTONAE
AVG. ET. VI VIR. AVGVSTAL.
QVINQVENN. II SACRVM

Romæ.
APOLLINI AVG. SACRVM
M. PORCILIVS M. F. QVIR. GRATVS Quiride
Tribu
EQVIT. ROM. VIVIR. AVG.
PATRONVS COL. ORTON.
III VIR QVINQVENN. ET PRAEF.
FABRVM EIVS COLONIAE. Dat. Dedicat

Ex schedis Barber.

D.

D.

Ex sched. Barberin.

Romæ.

DIS MANIBVS
TITO NOMONTIO T. F. QVIR.
PRIMITIVO PRAEFECTO
FABR. MVNICIP. ORTON.
VIXIT ANN. LXXX M. X.
M. PONTIVS. M. F. QVIR. POL
LIO III VIR ORD. ORTON.
ET TEST. F. C.

Ex sched. Barberin.

Gentium fortissimarum Italiae Frentanorum oppida memorans Plinius, Histonium, Bucam Ortonamque nominat, hæcque nunc adhuc nomen servat in Aprutio citeriore. Ptolemæus Ortonem quæ eadem est, Pelignorum urbem facit. Frentani enim & Peligni admodum vicini, ut pote fluvio tantum divisi. Strabo lib. 5. Post Aternum Orton est Frentanorum navale & Buca ipsa etiam Frentanorum, ac Teano Apulo finitimum est Frentanis Ortium, saxa a prædonibus insecsa, qui sua ædificia ex naufragiis concinnant, vitamque agunt belluinam. Inter Ortonem & Aternum Sagrus fluvius labens Frentanos a Pelignis dividit. Unde miror Ferrarium in Lexico Ortonam & Ortium confundere, quæ duæ diversæ urbes sunt. Illa autem in prima Inscriptione Colonia Ortona Augusta nuncupatur, & in ultima Municipium Ortonense; in utrisque vero Duumviros, Quartumviros & Sextumviros fuisse legimus, Coloniarum Magistratus.

Colona Ostia.

Romæ.

Romæ.

IVNONI. REGINAE

IOVI OPTIMO MAX. ET

D. D. K. I.

IVNONI REGINAE

Palatina
Tribu

P. ANNIVS P. F. PAL.

SACRVM

CARVS SACERDOS

M. CORNELIVS M. F. M. N.

NEPT. PATRON.

LENTVLVS PRAEFECT.

COLON. OST. QVINQ.

V. S. FABR. OSTIEN.

ITER. FL. VESPASIANO

IIII VIR. QVIN.

AVGVSTO II ET TITO

SVA PECVN.

VESPASIANO CAES. COS.

V. S.

Ex sched. Barber.

Ex sched. Barber.

Ostia Colonia Romæ vicina notior est quam ut de ea memorare aliquid debeamus. D. D. K. I. id est *dedicata* ara *Kalendis Januarii* vel *Junii*. Urbs autem cum esset *maritima* Templum Neptuni habebat, ad quod Sacerdos Publius Annius Carus Patronus Coloniae.

Colonia Obsequens Julia Pisana.

Pisis, Milliarium in æde Petri.

Pisis, in ædib. Caesaris Roncionii.

IMP. CAES. D. N. FL. VALENTI

D. M.

PIO FELICI SEMP. AVG.

Q. LARGENNIO

IMP. CAES. D. N. FL. GRATIANO

Q. F. GAL. SEVERO

DIVI VALENTINIANI AVG. FILIO

AEDILII PISAST

IMP. CAES. FL. VALENTINIANO

Q. LARGENNIVS

PIO FELICI SEMPER AVG.

CHRESIMVS PATER

DIVI VALENTINIANI AVG. FILIO

QVI OB HONOREM

CIVITAS PISANA

BISELLI HS I NV

M. P. IIII

REI. P. PISANOR.

Milliarium
posuit quar-
tum.

Ex Cimentelli libro.

DEDIT

Ex Cimentelli libro.

Prima Inscriptio est Columnæ Milliaris à Civitate Pisana positæ, Imperantibus Valente, Gratiano & Valentiniano.

Secundam libro peculiari ex professo explicat Valerius Cimentelli hoc sub titulo, *Marmor Pisanum de honore Bisellii*. Bisellium augurat fuisse fellam quarum personarum capacem, pro quo honore Largennius Chresimus gratitudinis ergo Sestertia quinquaginta nummum Reipublicæ Pisanorum donaverat. Sestertium est mille Sestertii. Parvus autem Sestertius erat moneta argentea duorum circiter assium monetæ nostræ: de quibus fuse Gronovius, libro de Sestertiis. Vide Inscriptionem Gruterianam pag. 1099.

Nolui hic referre duo elegantissima Marmora Pisana, in honorem Caii & Lucii Caesarum sculpta, quia a Reinesio in ejus supplemento Gruteriano tradita, & ab Henrico Noris, fuso & erudito commentario illustrata sunt. In iis hæc Civitas Colonia Obsequens Julia Pisana vocatur, cujus denominationis rationem videsis apud huncce ultimum Auctorem.

Col. Augusta Panhormitana.

1

Panhormi, basis Statuae.

DIVO CLAUDIO
RESP. PANHORMIT.

3

Panhormi.

IMP. CAES. SEPTIMO SEVERO
PIO PERTINACI AVG. ARAB. ADIABEN.
PART. MAX. PONT. MAX. TR. POT.
VI IMP.

XI COS. II P. P. PROCOS. IMP.
CAES. DIVI

M. ANTONINI PII GERM. SARMATIC. F.
DIVI COMMODI FRATRI ANTONI
NI PII NEPOTI DIVI HADRIANI
PRONE

POTI DIVI TRAIANI PARTHICI ABN.
DIVI NERVAE ADNEPOTI INDVLGEN
TISSIMO ET CLEMENTISSIMO
PRINCIPI

DOMINO NOSTRO RES. P. PANHORM.
II VIR. P. SATYRI DONATI ET M.

MAECI RVFINI D. D.

5

Panhorm.

M. AVRELIO
ANTONINO CAES.
IMP. L. SEPTIMI SE

VERI PII ARABICI ADI

ABENICI P. P. AVG. ET IVD.

RESP. PANHOR. DED.

2

Imp. Cæs. L. Septimio Severo

Pio Pertinaci Aug. Arab. Adiab.

Pont. Max. DIVI COMMODI FRATRI

DIVI M. AVRELII ANTONINI PII FIL.

DIVI PII NEPOTI DIVI HADRIANI

PRONEPOTI DIVI TRAIANI ABNEPOTI

DIVI NERVAE ADNEPOTI RES. P.

PANHORMITANORVM

4

Panhormi.

IMP. CAES. DIVI

MAGNI ANTONI

NI PII DIVI SEPTIMI

SEVERI.

... SEVERO

..... PIO FEL.

AVG. PONT. MAX. TRIB.

POT. II COS. II. COL.

AVG. PANHORM.

D. D.

6

Panhormi.

TI. CLAUDIO HERODI

ANO C. V. LEG. PROV. SI

CIL. IVDICI RARISSI

MO PATRONO COL.

PANHORMIT. PRINCI

PALES VIRI EX AERE COL.

LATO D. D.

Ex Gualtheri Sicilia.

Panhormus Siciliae Urbs constanter in his Marmoribus cum adspiratione scribitur, quanquam apud veteres Authores saepe absque ea legatur. Antiquissima est urbs primo a Carthagenensibus condita, postea a Romanis capta, teste Polybio lib. 1. inde Coloniae titulo ab Augustis condecorata. Ejus Historiam & Antiquitates tradidere Cluverius, Fazellus, Gualtherus, & Valguarnera; imo & eodem libro quem Deo dante edituri sumus, cui titulus erit *Sicilia vetus & nova*.

Colonia Helvia Ricinnia .

Romæ .

Lucio Coelio
Lucii filio ,
Quirina
Tribu , Rufo
Viro Clarif-
simo .

L. COELIO L. F. QVIR. RVFO V. C. FLAVIALI SACERDOTI
SPLENDIDISSIMO PONTIFICI MINORI COOPTATO IN COLL. Collegium
OMNIVM FABR. CENTONARIOR. ET DENDROFOR. CVRATORI TRIVMFI
IMP. CAES. L. SEPTIMI PERTINAC. AVGVSTI PARTHICI
ARABICI ET PARTHICI ADIABENICI MAXIMI CONSVLARI
CAMPANIAE ET APVLIAE BIS CORRECTORI TVSCIAE ET VMBRIAE
ET PICENI PROCVRATORI LVDI LITTERARII IIM VIRO VIARVM
STERNENDARVM VIAE SEPTIMIAE PROCVRATORI XX HERED.
BRVTIAE ET CALABRIAE CVRATORI AEDIFICIORVM
AQVARVM QVAESTORI AERARI SATVRNI PATRONO COLONIAE
RICINNIAE HELVIAE IN CVIVS CVR. ET OF. BENEMERITO RICINNATI
HELVIANI SVA IMPENSA IN FORO CAESAR D.D.

HEREDI-
tatum .

Ex Arcus Severiani explicatione ab Episc. Suaresio edita.

Ad Arnastum in Ponto.

SEX. VIBIO GALLO RICINARIO
PRIMOPILARI PRAEF. KASTR OR.
LEG. XIII. GEM. DONIS DONATO
AB IMPERATORIBVS HONORIS
VIRTVTISQ. CAUSA TORQVIBVS
ARMILLIS PHALERIS CORONIS
MVRALIBVS III VALLARIBVS II
AVREA I HASTIS PVRIIS V
VEXILLIS II SEX. VIBIVS
COCIANVS PATRONO BENEMERENTI

Ex Marulli MS.

Ricenses populi Piceni Plinio memorantur, quorum urbs ex Inscriptione Ricinnia Helvia, a Gothis excisa, ex cuius ruinis *Macerata*, & Recinetum vulgo *Recanati* 13. ab Ancona miliarib. extructæ. *Flaviali Sacerdoti*, id est Divi Vespasiani, qui ex gente Flavia. De Fabris Centonariis & Dendrophoris diximus supra in Collegiorum explicatione Sect. H. Similia cæterum officia videre etiam est in aliis Gruterianis Inscript. de quibus consulendi Panvinius & Pancirollus. De coronis aliisque quibus milites donabantur, vide etiam Inscript. Gruter. Guichard. de funerib. Roman. Hist. Augustam Salmatii & alios de re militari tractantes. Extat inter Gruterianas Inscript. pag. CCCLV. 5. una quæ Severum hujus Coloniae conditorem appellat. Helviam ergo eam nominarunt in honorem Helvii Pertinacis, ut suspicatus est Clariss. Patinus ad nummos hujus Coloniae lib. de nummis ex ære mediæ & minimæ formæ.

Colonia Romula.

Hispani.

Hispani.

In ingressu ad atrium Archiepiscopalis Ecclesiæ. In Ecclesia S. Hermenigildi.
 IMP. CAESAR. DIVI HADRIANI F. M. HELVIO M. F. M. N. SERG.
 DIVI TRAIANI PARTHICI NEPOTIS AGRIPPÆ F.
 DIVI NERVÆ PRONEPOTI HVIC ORDO SPLENDIDISSIMVS
 T. AELIO HADRIANO ANTONINO ROMVLENSIVM
 AVG. PONT. MAX. TRIB. POT. VIII. IMPENSAM FVNERIS STATVAM
 IMP. IN COS. IIII. P. P. LOCVM SEPVLTVRÆ DECREVIT
 SCAPHARI QVI ROMVLAE M. HELVIVS AGRIPPA PATER
 NEGOTIANTVR HONORE VSVS
 D. P. D. IMPENSAM REMISIT

Ex Erudito Antiquario Patre Cattany, Provinciali Bononiensi.

Notus est Antiquariis elegans nummus, qui ab una parte Juliæ caput habet & inscriptionem IVLIA AVGVSTA GENETRIX ORBIS: Ex altera parte COL. ROM. PERM. DIVI AVG. Colonia Romula sive Romulea permisso Divi Augusti: quam vulgo putant esse Romuleam oppidum Samnitum. Sed liceat mihi suspicari esse nummum Hispanicæ fabricæ, ut jam subolfecit Clariss. Patinus in nummo ejus Coloniz, & fuisse Coloniam Romulam etiam in Hispania non longe ab Hispani, ob hæc elegantes duas Inscriptiones, quæ illic reperiuntur. Cujus Coloniz Hispanensis meminit & Plinius. Scapharii a scaphis ita dicti, qui in scaphis merces deportabant.

Colonia Rufra.

In agro Theanensi.

M. AGRIPPÆ L. F.
 PATRONO RVFRANI COLONI

Rufrium, Rufra, vel Rufrania Colonia Campaniæ, erat in Samnitum confinibus, nunc in Diocesi Theanensi. Theanum 12. milliariibus Capua distat, vocaturque Tiano.

Colonia Reiorum Apollinarium.

Massilia.

FLAM. IN
 COL. REIOR. APOLL.
 ...ATRE...ORVM
 ET DE.....
 DENDROPH. MASSIL...
 VS STATVÆ IMPENDIVM
 REDDERET DEDICATIONIS XII.
 SPORTVLARVM CORPORATIS DEDIT

Ex schedis Peireskii.

Colonia Reiorum Apollinarium quam alii Regium vocant, urbs est Provinciae septem leucis ab Aquis Sextiis, nunc Riez vulgo dicta, de cujus Antiquit. vide Bouche Historiam Provinciae. De Dendrophoris & Sportulis diximus alibi.

Colonia Setinorum Sal. Martialis.

Romæ.

Romæ.

D.

M.

C. REPSI IVSTI QVI VIX. ANN.

XXXVII. M. VI. PATRONO FABRVM

COLONIAE SETINAE MARITO

BENIGNISSIMO ET INCOMPARA

BILI REPSIA CRESCENTINA VIVA

BENEMERENTI FECIT

Ex sched. Barber.

M. NOMEICIVS M.F. PAL. NOMESIANVS

MAGISTER AVGVSTALIS COLONIAE

SETIN. SAL. MARTIALIS CAPVLATVS

IIII VIR VIARVM CVRAND.

V. S. FECIT SIBI ET SVIS LIBERIS ET

POSTERIS EORVM H.M.D.M.AB.

IN FR. PED. XVII. IN AGR. PED. XVIII

Ex sched. Barber.

Setia Colonia & urbs Latii patria Valerii Flacci, cujus populi Setini Plinio vocantur. Cognominata autem videtur Salonina Martialis ab Imperatore seu Casare Salonino & Marte: sicuti Salona in Dalmatia, quæ in antiqua Inscriptione IVLIA SALONA MARTIA apud Gruterum, & Narbona quæ *Narbo Martius* cognominantur. *Capulatus* idem quod sepultus: Capulus enim feretrum est sive arca funebris qua tollebantur, inde *Capularis* senex dicitur Plauto, capulo vicinus. H.M.D.M.AB. id est, *Huic Monumento Dolus Malus Abeft.*

Colonia Salonensis.

In urbe Spalato, in turri Ædis maximæ.

In urbe Spalato.

Ibidem.

TI. CAESAR DIVI AVGVSTI F.

AVGVSTVS IMP. PONTIF. MAX.

TRIB. POTES. XXI. COS. III.

VIAM A SALONIS AD CASTEL.

DAESITIATIVM PER MILLIA PASSVVM

CL VI MVNIT

ET IDEM VIAM ADIA....

QVOD DIVI FILIVS....

A SALONIS MVNIT PER MILLIA

PASSVVM CLVIII

Frag- CUIVS VIAE MILLIA PASSVVM SVNT

men- CLXVII MVNIT PER VEXILLARIOS

tum LEG. VII ET XI

separa- ITEM VIAM GABINIANAM

tum AB SALONIS ANDETRIVM APERVIT

ex to- ET MVNIT PER LEG. VII

ta In- *Exscripsi.*

TI. CAESAR DIVI AVGVSTI F.

AVGVSTVS PONTIF. MAX.

TRIB. POTES. XXI. COS. II.

A COLONIA SALONENSI...

PER MILLIA PASSVVM CLXXVII

A LEG. PRO.

Exscripsi.

Salonis.

MART. INVICT.

DOMIT. POMPEIVS SAL. CV.

CENT. SIG. MIL. ET ARAM

POSVER.

Ex Marulli MS.

Tiberius Imperator vias quæ circa *Salonas* erant refecerat & muniverat. *Desitiates* in *Pannonia* memorantur Straboni lib. 7. *Geograph.* Distabant a *Salona* 156. millia passuum. *Andetrium* ea erat urbs quæ nunc *Clissa* vocatur, arx Venetorum in confiniis ditionis *Turcarum*. Corrigendus *Plinius* lib. 3. cap. 22. ubi *Mandetrium* pro *Andetrio* legitur. Via quæ illinc per 3. aut 4. millia deducebat *Andetrium*, *Gabiniana* vocabatur, ut ex marmore docemur. De *Andetrio* & *Salonis* plura in itinere meo Gallico. Sed placet non ingrata quædam subungere ex *Marci Marulli* Manuscripto codice, qui in *Bibliotheca Vaticana* extat, numero 5249. item etiam in Museo nostro. Cum enim *Marullus* Poeta, *Scaligero* aliisque eruditis non ignotus, fuerit *Spalaten*sis, istius urbis *Salonarum* quæ 3. tantum milliaribus distabat, antiquitates penitus cognoscere & exponere valebat.

Qualis quantaque urbs ista extiterit, quæ a *Gothis* solo æquata desit, non modo reliquæ ejus testantur, verum & veteris historiæ indicat autoritas. *Strabo* *Delmatarum* emporium *Salonas* esse asserit, ac *Delmatas* complures annos adversus Romanos bella gessisse. *Plinius* quoque de ea ait; *Salona Colonia ab Jadera CCXXII. Millia passuum. Petunt in ea jura descripti in decurias CCCXXII. Dalmatæ.* Et inferius, *Salona LXXII. Millia passuum appositæ cognominis sui fluvio, a mari XX. M.* Præterea in *Cæsaris* *Commentariis* hæc leguntur: *Marcus Octavius cum iis, quas habebat, navibus Salonas pervenit, ibique concitatis Dalmatis, reliquisque Barbaris, Hissam a Cæsaris amicitia avertit: conventumque Salonensem, cum neque pollicitationibus, neque denunciatione periculi promovere posset, oppidum oppugnare instituit. Est autem oppidum & loci natura & colle munitum: narratque ulterius quomodo oppugnantes repulerint & Octavium fugarint. His autoritatibus accedit quod Diocletianus Imperator Salonis natus, virtute rebusque gestis ad Romanum Imperium meruit promoveri; deposito deinde Imperio privatam vitam peregit in patria, & cum Romam ad pristinam dignitatem revocaretur, maluit hic consensescere privatus, quam Romæ imperare, usque adeo eum ceperat & amenitas loci & tranquillum in secessu otium. Extat ædificium ejus Salonis proximum, quod majores nostri incolere cœperunt, nunc nostrum natale solum est, quod *Spalatum* appellant, sed & ipsum semirutum atque in partem deintegratum, murorum tamen ac turrium pulchritudine portarumque affabre structarum decore ostendens qualia & illa fuerint, quæ vel vetustate vel inimicorum injuria defecere. Stat adhuc Templum *Jovi* quondam sacrum, nunc *Domnio Martyri* dedicatum, magnæ turris instar rotunda specie angulatum, cujus murus quadrato lapide reticulataque structura constat, octo columnis ingentibus intus fulcitur: quibus aliæ insident minores, quarum quatuor e marmore porphyrite, cum aliis ad ætudinem usque tecti eriguntur. Exterior Ecclesia magnarum duarum & viginti columnarum peristylium habet, id quidem synadico marmore nobile. Porro ante templi limina vestibulumque ipsum atrium pater spatiosum columnis grandibus & ipsis ex marmore phrygio dolatis circumseptum, quibus arcus impositi fulciuntur, ita ut nusquam Romæ tot tantasque columnas uno in loco compositas reperiatur. Præter ista erant & alia tria templa reliquo ædificio, ut apparet, vetustiora, atque adeo magis diruta. In his tessellata pictura, qua exornata fuerunt, alicubi adhuc visitur. Extant & cryptoporticus plurimæ, ita ut non minus miremur subterranea ædificia, quam quæ in aperto spectantur. Hæc *Marullus*, subjungitque pleraque *Salonen*siæ Marmora, inter quæ hæc selegimus.*

1

2

Salonis.

Salonis.

L. LIBVRCIO FELICI

IMP. CAES. M. AVR. ANTONINO

V. ANN. XXIIII.

AVG. PONT. MAX. TRIB. POT. XXIIII

PATRIA MIRA FORTITVDINE

P. P. COH. I. CXO DEL. SVB CVR. GRANI

DEFENS. INTERFECT.

FORTVNATI TRIB. COH. EIVSD.

COMMVN. LACHRI.

MVRI P. DCCC. IN HIS

AD ROG. DVCTVS

TVRR. VNA

Marullus
explicat

IVLIOLA MARCELLA

Viro püssi-
mo, postea
tertia die
obiit.

V. PI. POST. III. DI. OBIIT

Ex Marullo.

Ex Marullo.

Salonis.

Salonis.

D.

M.

A. IANIO SATYRO

L. CORNELIO L. F. BEATISSIMO

DELMINIO DECVR.

QVI VIX. PL. M. ANN. XXIX

LEG. II. VIRTVTISQ.

FVIT ORDINIS MILIT. COH. I.

CAVSA DONIS DONATO

HABVIT VII SPOL. XI. CORON. CIVIC.

GEM. TORQ. CORON. MVRALIB.

A CLASSE ROMAN. CVM EORVM NOTA

AVR. II. VEXILL. III.

INTEREMPTVS ET A SOCIIS
CONCLAMATVS

VIBIVS PIVS MIL. SVO

S.C. EX AERARIO CIVI NOBILISSIMO

B.

M.

ET B. M. P. III. IDVS IVLIAS

Ex eodem

Ex Marullo & Io. Lucio.

Murus Salonarum aut saltem ejus pars pedum 800. constructus fuit teste secunda Inscriptione a Cohorte prima Delmatarum, cujus fundamenta adhuc extant ingentibus saxis posita prope fluminis ripam. Delmatarum autem virtus ex eo declaratur, quod primæ cohortis fuisse memorantur. Prima quippe cohors cæteras numero & dignitate superabat. Habebat enim prima cohors 1105. pedites & 142. equites: reliquæ vero 553. pedites & 66. equites.

In tertia Inscript. *Habuit septem spolia*, scilicet toties hoste singulari certamine victo: *undecim coronas civicas*, toties servato vive in prælio, iis enim qui civem servaverant corona quercea dabatur. *A classe Romana cum eorum nota interemptus*, forte cum M. Octavius Salonas obsedisset ex insidiis interfectus; *a sociis conclamatus*, id est deploratus, & ad rogum cum lachrymis deductus.

In quarta *Delminius* fuit iste Miles, hoc est Delminio oriundus. Strabo lib. 7. Delminium, inquit, ampla civitas a qua cognomen gens illa vendicat. Eam exilem Nasica reddidit, agrumque desolatum pecori pascendum reliquit. GEM. TORQ. an Gemmis, Torquibus, ut explicat Marullus, an vero gemino torque. Gell. lib. 5. cap. 6. *Muralem ait coronam, tum castrensem & navalem ex auro fieri solitas*, ut hic indicatur. Hujus Vibii Pii Inscriptionem aliam vide in Sectione prima.

Colonia Iadera

Iaderæ, quæ nunc Zara.

Iaderæ.

IMP. NERVA TRAIAN.

CARRENVS C. F.

PONTIF. MAX. TR. POT.

TRO. MAXIMVS AED.

TRO. Tro-
mentina Tribu

AQVAE DVCTVM COLON.

HONORAT. AB ORDINE

IN QVO DANTE IMPEN..

IADESTINIO COLIBEN. FVN.

SACRATISSIMI PRINCI..

STATVA PEDESTRI T. F. I.

ARBITRATV ET CVRA P.

CORINTHI ET CARREN. DIONYSI

Ex Manuscript. Valerii Ponte.

Ex MS. Val. Ponte, & ex Io. Lucii Inscr. Dalmat.

Iaderæ.

TI. CAESAR DIVI AVG. F.

AVGVST. IMP. PONTIF. MAX.

TRIB. POTEST. XX. COS. III.

DESIG. IIII. LEG. XI

P. CORNELIO DOLABELLA

LEG. PRO PR.

Exscripti.

Iadera Colonia, nunc Zara Venetorum arx munitissima Dalmatiæ Metropolis, multis nitet antiquitatibus, quas quia in itinere meo Dalmatiæ & Græciæ Gallico descripsi, idcirco non repetam.

Colonia Puteolana.

Vulgo nunc Pouzzol.

1

Puteolis.

CN. ASINIO

POLLIONIS ET AGRIPPÆ NEPOT.
PVTEOLANI PATRONO PVBLICE

3

Puteolis.

Q. TILIVS L. FILIVS RVFVS
ET Q. ACRIELVS QVAE IN HIS
PRAETOR DVVMVIRI LANIARIAS
ET EO VECTIGALI QVOTANNIS
COLONIS MVLSVM ET CRVSTVM
NATALE CAESARIS AVGVSTI
PARETVR

Ex Capacii Hist. Neap.

2

Neapoli.

D. ROS M. M.

GEN. COL. PVT. P. ACILIVS
HERMERON

Ex Capacio.

4

Neapoli.

IMP. CAESARI
IEROPOLITANI BE
RYTENSES QVI PVTIOLIS
CONSISTVNT

Ex Capacio.

5

Puteolis.

C. CATINIO T. FILIO

TITIO SEVERO

PRAEFECTO FABRVN

PRAEFECTO COHOR. III VIG.

P. PIL. LEG. II HAL. PRAEF.

VEHICVLORVM PVTEOL.

CVRATORIR. P. NOLAN.

EQVO PVBLICO PR. PRAETOR.

IN AFRIC. AEDIL. ET III VIR.

INCOL. AVXIM. BIS ET AEDIL.

COLON. PVTEOL. ET PATRONO

COL. AESIS XVIR. STLIT. IVD.

..... REMISIT

... CONTENTO

CVIVS DEDICATIONE GEN. POP.

DEDITHS III CXXX N CVRION.

* XIII SODAL. AVG. * XI VI VIR

AVG. * X ET PER GRAD. X...

Ex sched. Barberin.

Puteoli quæ & *Dicæarchia* Straboni & Plinio, *Ποτιόλοι* Stephano, urbs olim ampla *Campaniæ*, de qua Tacitus *Annal.* lib. 14. cap. 27. *At in Italia vetus oppidum Puteoli, jus Coloniae & cognomentum a Nerone adipiscitur*, unde *Neronianam* cognominatam fuisse statuere licet, sicuti & *Patræ*, *Colonia Neroniana Patrensis* in nummis dicitur. Inde fit ut in prima *Inscript.* ante *Neronem* sculpta, *Colonia* non nominatur. Hæc incolis nunc *Pozzuolo* & Gallis *Pouzzol* dicitur.

Colonia Interamna.

Romæ.

Romæ.

DIIS MANIBVS

D. M.

SACRVM

BESVLENO

ET. QUIETI. AETERNAE

PRIMIGENIO

L. AVRELI. L. L. PORPHYRION.

VIX. ANN. XI

VIXIT. ANN. LXVII

MENS. VII. D. VIIII.

M. AVRELIVS. L. L. HEROS

L. BESVLENVS SEX.

FECIT. ET. SIBI. ET

FIL. CLV. PHILIPPVS

Clustumina Tribu.

SVIS. POSTERIS

ITERAMNA

ET. SIBI. VIVVS. PONEN.

VMBR.

Umbriae.

CVRAVIT. ET.

TRIB. LEG. XXX VLP.

SVB. ASCIA. DEDICA

FEC.

VIT. IN FR. P. XII

IN FRONT. PEDES IIII

IN AGR. SIT. EST

IN AGR. PEDES VIIII. S.

PED. XVIII

Ex sched. Barber.

APVD NAVAL. ITERAMNAT.

NAHART.

Ex sched. Barber.

Interamna five *Iteramna* ut hic scribitur, urbs *Umbriae*, quæ nunc *Terni*, ad fluvium *Narem*, ubi ejus navale. Populi *Interamnates* Ciceroni & *Nartes* Plinio. Ea duo nomina combinat *Inscriptio*, sed cum aspiratione *Iteramnates Nabartes*. Fuit *Colonia* & *Municipium* splendidissimum, ut testantur varia antiquitatis monumenta, quæ inibi reperiuntur. Sed quia in *Umbria* sumus, ecce quindecim *Provinciarum* populi in marmore sequenti enumerati.

Populi XV. Umbriae.

In urbe Foligno, quæ olim Fulginium, apud Ludov. Jacobelli.

C. BETVO TRO. CILONI. MINVCIANO

Tromentina Tribu.

XV. POPVLORVM. VMBRIAE. PATRONO. MVNICIPI

AMERINI. ASISINATES. FOROFLAMINIENSES

FVLGINATES. HISPELLENSES. IGVVINI

INTERAMNATES. MEVENATES. NARNIENSES

NVCERINI. OCRICVLANI. SPOLETINI

TREBIATES. TVDERTINI. ET. VETTONIENSES

B. M. F.

Refert Gruterus aliam *Inscriptionem* hujus *Caii Betui Minuciani*, in qua etiam quindecim populorum *Umbriae* *Proector* nominatur, sed eorum populorum nominibus omissis, qui hic ordine

Supplem. Tom. IV.

Sss ij

alphabetico, ne inter eos de præeminentia lis esset, statuuntur; at multo plures erant populi sive plura oppida Umbriæ, quorum fortasse alius erat Patronus.

1. *Amerini* incolæ urbis Ameriæ, quæ nunc *Amelia*, quorum meminit *Virg.* 1. *Georg.*
Atque Amerina parant lentæ retinacula viti.
2. *Affsinates* urbis Affisii quæ Patroni Franciscanorum D. *Francisci Affsinatis* natalibus claret.
3. *Foro-Flaminienses* oppidi *Fori-Flamini* a Longobardis diruti, nunc *Forfiamma* 3. a *Fulgino* miliaribus.
4. *Fulginates*, quorum urbs *Fulcinium* & *Fulginium* nunc *Foligno*. *Silius Italicus.*
Patuloque jacens sine mœnibus arvo
Fulginia.
5. *Hispellenses*, *Hispellum* seu *Hispella*, nunc *Spello*. *Silius Italicus.*
Hispellum & duro monti per saxa recumbens
Narnia.
6. *Iguvini*, *Eugubium* qui nunc *Gubio* in Ducatu Urbinatæ.
7. *Interamnates*, quasi inter amnes *Tyberim* & *Narem*, de quibus supra.
8. *Mevenates*, *Mevania* *Propertii* patria quæ nunc *Bevagna*. *Lucanus.*
Est qui, tauriferis ubi se Mevania campis.
9. *Narnienses*, *Narnia* *Nervæ* Imperatoris patria nunc *Narny*. *Claudianus.*
Celsa debinc patulum prospectans Narnia campum.
10. *Nucerini*, *Nuceria*, quæ hodie *Nocera* incolis.
11. *Otriculani*, *Otriculum*, quæ nunc *Otricoli*.
12. *Spoletini*. *Tito Livio* *Spoletani*, nunc *Spoletum*, olim *Spoletum*. *Martialis* lib. 13.
Spoletina bibis vel Marsis condita cellis.
13. *Trebiates*, *Trebia* quæ nunc *Trevi*.
14. *Tudertini*. *Tuder* seu *Tudertum* nunc *Todi* patria *Sancti Martini* *Papæ*. *Silius Ital.* lib. 4.
Et Gradivicolam celsa de colle Tudertem.
15. *Vettonienses*, *Vettonium* hodie arx *Bittona*.

Colonia Augusta Lilybæum.

1

Marfala.

L. PINARIUS RVFVS OB HONOREM
AEDILITATIS IMAGINEM GENII
MVNICIPI LILYBITANOR. EX ARG.
R. V. P. S. P.

Ex Gualthero.

2

Mazara in Sicilia.

L. AMATIO L. F. FAB.
MAXIMO MEMORIANO
Q. PR. AEDILI III VIRO FLAM.
IMP. ANTONINI II VIRI
...YCETANI...
PRINA... X. FR.
POPVLVS LILYBITANVS
BONO CIVI
L. P. D. D. D.

Ex Gualtheri Sicilia.

3

Marfala.

L. QVARTIO MASCVLO
T. QVARTI CRESCENTI NEP. R.
ET P. DEC. SPL. COL. AVG. LILYB.
Q. P. P. CVR. F. P.

Ex Gualthero.

4

Ibidem.

C. BVLTIIO GEMINIO TITIANO PROCOS.
PROV. SICIL. COC. C.
OB INSIGNEM EIVS
BENIVOLENTIAM ERGA ORDINEM
ET PATRIAM XII TRIB.
PATRONO MERENTI

Ex eodem.

Ibidem.

M. MARIO. M. F.
CL. ABIETI. GLAVCO. PATRI
SENATORIS. EQVO. PV
BLICO EXORNATO. PA
TRONO. OB. MERITA. EIVS
QVAE IN CIVES SVOS
CONFERT. C. V. ADLECTO
INTER TRIBVNICIOS
AB IMP. CAESARE
M. AVR. COMMODO ANTO
NINO PIO FELICI
AVG. TRIBVLES TRIB.
IOVIS AVG. PECVNIA SVAL. P. D. D. D.

Ex eodem.

Lilybæum promontorium, & urbs Siciliæ a Romanis excisa teste Strabone, ex cujus ruinis *Marsala* ædificata est. Hic Carthaginensium Classis ab Attilio Regulo Romanorum duce fusa fuit. In prima Inscriptione ARG. R. V. P. S. exponit Gualtherus, *Argento rudì vivus pecunia sua posuit. Vide plura de hac urbe apud Gualtherum, Fazellum, Cluverium aliosque rerum Sicularum Auctores.*

Ephyra.

Romæ.

DIIS MAN.

L. FANNIO L. F. PAL.

Palatina Tribu

ARISCULO

Natione

N. EPHIRA

Centurioni

7 LEG. VIII. CLAUD.

Claudiæ

PRIMOPILO

LEG. XII. GEM. VIX.

ANN. XLIX. MIL. A. XX.

Q. FANNIUS L. F. PAL.

MARIUS SVFEN.

F. C.

Ephyra urbs Epiri ab Ephyro quodam ita dicta, teste Stephano Byzantino, qui alias cognomines urbes memorat.

Forum Cornelii.

Venetiis.

Q. EPIDIO Q. L.

APELLAI IIII VIRO

FORO CORNELII

TERTIVS L. P.

Ex Tomasino.

Forum Cornelii nunc dicitur *Imola*, in confinio ditionis Bononiensis.

Forum Claudii.

In urbe Aixme Tarantasiæ.

IMP. NERVAE CAESAR. AVG. PONTIFICI

IMP. CAESARI DIVI NERVAE F. NERVAE TRAIANO

MAX. TRIBVNIC. POTEST. COS. III.

AVG. GERM. DACICO PONTIFICI MAX.

P. P. FOROCL. CENTRON.

TRIBVNIC. POTEST. XII. IMP. VI. COS. V.

Ex Guichenon. Hist. Sabaud.

P. P. DEVICTIS DACIS FOROCLAUD. PVBL.

Ex P. de la Bignerne schedis & Guichenon.
Sss iij

Centrones olim qui nunc dicti *la Tarentaise*, superest tamen pagus adhucdum *Centron* dictus. *Forum Claudii* putant enim esse quæ nunc *Moustiers en Tarentaise*.

Forum Novum.

Romæ, in ædibus Barberinis, basis Statuæ.

CHEIONIO CONTVCIO V. C.
OB EGREGIA FACTA ET RA
RVM VETERIS SANCTITATIS
EXEMPLAR INLVSTRATVRI
PROSAPIAE SVAE CVIVS OPE
AVCTAM INSTAVRATAMQ.
TOTA SE PROVINCIA GRATV
LATVR QVO IVDICANTE QVASI
QVODAM PARENTE
PRIMEVO SINGVLAE CI
VITATIS IN PRISTINAM FACI
EM REVOCATAS ESSE LETAN
TVR FORONOVANI
DESIDERIA TOTIVS
PROVINCIAE PRAE
CEDENTES STATV
AM AD VIVACEM RECOR
DATIONEM ET SEMPITERNAM
MEMORIAM POSVERVNT

Chejonium hunc ex familia ea esse puto, quæ sine aspiratione *Cejonia* vocabatur, quarto præcipue sæculo florebat, cujus ævi est hoc marmor, ut ex titulo V. C. Viro Clarissimo & prava orthographia cognoscere licet. Fuerant autem initio hujus sæculi Consules Cajus Cejonius Rufius Volusianus ann. Ch. 314. Flavius Rufius Cejonius Cæcina Sabinus ann. 316. Publius Publilius Cejonius Julianus Camænius ann. 325. Cajus Cejonius Rufius Albinus ann. 335. Unde facile fuit hunc Consulum affinem, Prætorem vel Proconsulem esse in Piceno & Flaminia, cui *Foronovani* Statuam posuerant. Hæc autem Sabinorum urbs *Forum novum*, nunc jacet deleta, superstitè solum Episcopali Ecclesia *Vescovio* dicta, teste Bau-
drand ad Ferrarii Lexicon.

Forum Segusianorum.

Quatuor Columnæ Milliarie Fori Segusianorum vulgo Feurs reperte.

1
IMP. CAES. C. IVL. VE
RO MAXIMINO PIO
FELIC. AVG. GERMAN
ICO MAX. SARMATICO
PONT. MAX. DAC. MAX.
PROCOS. OPTIMO MA
XIMOQVE PRINC. ROM.
C. IVL. F. SEG.

L. I.

2
CAES. C. IVL. VERO MA
XIMINO PIO FELIC.
GERMANICO MAX. SARMA
TICO MAX. DACICO
MAX. PONT. MAX.
OPTIMO MAXIMO
QVE PRINC. AVG.
FELICI PA.

L. II.

3

4

IMP. CAES. G.

IMP. C. IVLI

IVL. VERO MA

VERO MAXIMINO PIO

XIMINO PIO FEL.

FELIC. AVG. GERMA

AVG. GERMANICO

NICO MAX. SARMATIC

M. DAC. M. SAR. MAX.

O MAX. DACICO MA

PONT. M. TR. POT. III

X. PONT. MAX. TRI

COS. PROCOS. P. P. O. M. PR.

B. POT. III COS. PRO

N. ET G. IVL. VERO

COS. P. P. OPTIMO MA

MAXIMO GER. M.

XIMOQVE PRINC. N.

NOBIL. CAES. AVG. N.

C. IVL. F. SEG. LIBERA

FILIO A. P. SEG.

L. IIII

L. III

Ex D. de la Mure, Histoire du Forez, qui tamen eas incorrecte citat.

Elegantissimæ sunt hæ Inscriptiones sive columnæ Milliaræ, tum ob titulos Maximini, tum ob titulum Civitatis antiquissimæ *Fori Segusianorum*. In iis Maximinus sicuti, ante illum Trajanus, M. Aurelius, Commodus & Severus, cognominatur Germanicus Maximus, Sarmaticus Maximus, & Dacicus Maximus, Pater Patriæ, Optimus Maximusque Princeps, imo etiam ejus filius Maximus, Germanicus Maximus appellatur.

Urbs autem ista Forum Segusianorum, *Feurs en Forez*, his Principibus adulari volens aptatis sibi eorum nominibus, uterque enim Julius vocitabatur, se *Coloniæ Juliam Forum Segusianorum liberam* nominat. Plinius lib. 4. cap. 18. *Secusiani liberi, in quorum agro Colonia Lugdunum*. L. I. L. II. L. III. L. IIII. Lapidem primum, hoc est Milliarium primum, secundum, tertium & quartum indicant. Debebant enim singulæ hæ lapideæ columnæ in tali distantia a Foro Segusianorum statui, sed proculdubio audita statim morte Maximini & Maximi, eosque hostes populi Romani declaratos fuisse, non ausi sunt, Forenses eas in viis publicis collocare, ne successoribus displicerent: ideoque eas abscondere sategerunt & ab eo tempore ad nostram usque ætatem sepultæ fuerunt.

De Segusianis aliqua etiam diximus in explicatione Inscriptionis DEAE SEG. F. in sectione III.

Fanum Herculis.

Romæ, In hortis Mediceis.

C. AEMILIO C. F. FAB.

Fabia Tribu.

ANTONINO

EQVITI ROMANO

QQ. PATRON. MVNICIPII

Quinquennali

OMNIB. HONORIB.

HONESTE PERFUNCTO

QVR. FANI HERC. VICI

PONTIFICI

Exscripsi.

Herculis Fanum teste Strabone fuit Hetruriæ pagus, ubi nunc ruinæ Templi dicti *Tempio d' Hercole* in pago *Massaciuccoli*, ut asserit Michael Antonius Baudrand, in additionibus ad Dictionarium Geographicum Ferrarii. Hic autem Cajus Æmilius Antoninus Curator Fani Herculis, & ejusdem vici Pontifex indigitatur.

Jeffona vel Jeffonum,

Romæ, In hortis Justinianeis.

VESONIA CN. F.

Cnei filia

PROCVLA

EX HISPANIA

CITERIORE

IESSONENSIS ANN.

XXIII H. S. E.

Hic sita est

IVLIVS NATALIS VXORI

OPTVME DE SE MERITAE

Exscripsi.

Locus hic plane incognitus, Jeffonum sive Jeffonam vocaveris, in Hispania citeriore.

Civitas Lemovicum.

Lugduni, ad confluentes Araris & Rhodani.

... CAL. FIDO A ...

GALLO PACC ...

PROVINC. MACEDONIAE CVRA

TORI VIAE TIBVRTIN. VALER. LEG. LEG.

PROVINC. CRETE ET CYRENARVM LEG.

AQVITANIC. VII VIRO EPVLON SODALI H.

... CIVITAS LEMOVIC.

Exscripsi.

Lemovicum civitas Galliæ Aquitanicæ, nunc Limoges, quorum populi Lemovices, a Cæsare & Plinio memorati, nobilem hunc Romanum, multa officia possidentem veneratur.

Lucus Augusti.

Romæ.

D. M.

T. NIGRIO

SIMILI TRIBOCO

EX GERMANIA SVPERIORE

LVCO AVGVSTI NIGRIVS

MODESTVS FRATRI OPTIMO

ET PISSIMO CINERARIVM

FECIT

Ex sched. Barberin.

Lucos Augusti duos memorant Geographi, unum in Hispania, alterum in Gallia, at in Germania in Tribocis unum etiam fuisse docet marmor istud.

Municipium

Municipium Svelitanum.

*Fuengirolæ Hispaniæ Bæticæ, quæ olim Svel, quatuor
leucis a Malaca.*

NEPTVNO AVG.

SACRVM

L. IVNIVS PVTEOLANVS

VI VIR AVGVSTALIS

IN MVNICIPIO SVELITANO

D. D. PRIMVS ET PERPETVVS

OMNIBVS HONORIBVS QVOS

LIBERTINI GERERE POTVERVNT

HONORATVS EPVLO DATO D. S. P. D. D.

Ex Aldrete del origen della Lengua Castellana.

Amplissimum Reinesii in hanc inscriptionem Commentarium habes in Epist. xxxi. ad Hofman. & Rupertum; ubi fuse de Seviris Augustalibus, Decurionibus, & libertinorum honoribus differit. Cæterum hoc Municipium Plinio & Antonino Svel & Sivel vocatur: *Molina* est Samsoni aliisque Geographis, 21. millib. a Malaca distans. In Thesauro Linguae Latinæ *Chipiona* indigitatur. Sed neutri favet Inscriptio, quæ potius ipsammet *Fuengirolam* esse probat, cum ibi reperitur, convenientque alia circa situm ab Auctoribus antiquis notata, idque ab Hispano illo Canonico Cordubensi qui eam refert confirmatur.

Municipium Tiburtinum

Tiburini vulgo Tivoli.

Q. POMPEIO Q. F. QVIR. SENEIONI

ROSCIO MVRENAE COELIO SEX.

IVLIO FRONTINO SILIO DECIANO

C. IVLIO LVRYCI HERCVLANEO

VIBVLLIO PIO AVGVSTANO ALPINO

BELLICIO SOLLERTI IVLIO APRO

DVCENIO PROCVLO RVUTILIANO

RVFINO SILIO VALENTI VALERIO

NIGRO CLEVS.... SALENTIANO

SOSIO PRISCO PONTIFICI SODALI

HADRIANALI SODALI ANTONINIANI

VERIANI SALIO COLLINO QVAESTORI

CANDIDATO AVGG. LEGATO PR. PR. ASIAE

PRAETORI CONSVLI PROCONSVLI ASIAE

SORTITO PRAEFECTO ALIMENTOR.

XX VIRO MONETALI SEVIRO PRAEF.

FERIARVM LATINARVM QQ PATRONO

MVNICIPII SALIO CVRATORI FANI H. V.

S. P. Q. T.

Exscripsi.

Rarissimus est hujus Inscriptionis modus, quo scilicet quindecim vel sexdecim Illustres Viri nominantur continua serie, appositis deinde simul eorum officiis, quæ nobis nunc cum personis combinare difficillimum esset, eo quod ex iis nominibus ambiguum sit aliquando, utrum sit unum vel duo nomina. Sotius Priscus in Fastis Capitolinis Consul nominatur sub Vero, ann. Chr. 169. At ipsi quomodo juxta ordinem aptabatur Consulatus, quin potius cum ultimus nominetur is ille sit qui Curator Fani H. V. dicitur. H. V. an Hujus Urbis, vel Herculis Victoris explicari debet. Hercules enim ibi celebre Templum habebat. S. P. Q. T. id est *Senatus Populusque Tiburtinus*, ut in aliis marmoribus.

Marruvium.

Ad Lacum Fucinum reperta.

COMESTIO PAV

LINO C. V.

PRAEF. VRBIS FERIARVM

LATINARVM QVAESTO

RI VRBANO AED. CER.

PRAETORI. EODEM Q.

TEMPORE. PRAETOR.

AETRURIAE XV POPVL.

CVRATORI P. SPLENDI

DISSIMAE CIVITATIS

MARS. MARR. EODEM TEM

PORE ET CVR. VIAR. TIB. VAL

ET. ALIM. PATRONO ABSTI

NENTISSIMO

Ex Mucio Phœbonio Lucius Camarra.

Marruvium Marforum Civitas, nunc tantum pagus Marno dictus, in Italiae regione quæ vulgo *Abruzzo*, ad Orientalem Lacus Fucini oram, quem Phorcum appellavit Lycophron, a Phorco Marino Deo, a quo originem duxisse Rhoetum Marrubiorum Regem scripsit Servius. Populi Marruvii & Marrubii dicti. Virgil. *Aeneidos* 7. *Quin & Marrubia venit de gente Sacerdos.*

Melita.

Melita quæ nunc Maltha.

CHRESTION AVG. L. PROC.

INSVLARVM MELIT. ET GAVL.

COLUMNAS CVM FASTIDIIS

ET PARIETIBVS TEMPLI DEAE

PROSERPINAE VETVSTATE

RVINAM IMMINENTIBVS

RESTITVIT

SIMVL ET PILAM INAVRAVIT

Ex Gualtero & Maltha Illustrata Abele.

Id est, *Chrestion Augusti Libertus Procurator Insularum Melitæ & Gauli*, &c. De Provinciarum Procuratoribus passim apud Authores Romanos mentio fit, veluti Africae, Asiae, Syriae, Illyrici. Erant autem Magistratus Provinciales Cæsarei fisci curam gerentes, quorum unus Melitam & Gaulum junctim

administabat, ob harum Insularum viciniam. *Fastidiis* error fabrilis pro *Fastigiis*, quæ aliis capita & capitula columnarum dicuntur. Cæterum de Templo Proserpinæ apud Ins. Melitam silent Authores.

Mons Marianus.

Hispani, In Bibliotheca Ducis de Alcala.

T. FLAVIO AVG.

LIB. POLYCHRYSO

PROC. MONTIS

MARIANI PRAES

TANTISSIMO

CONFECTORES AIS

Ex R. P. Cattani.

Marianus mons Ptolomæo est Hispaniæ Tarraconensis mons, in quo forte as effodiebatur: unde *Confectores æris* Procuratori istius tractus lapidem hunc voverant.

Pagus Ligerus.

In Monasterio S. Pons prope Niciam Provinciæ.

MATTVCIAE PATERNAE EX PAGO

LIGIRRO VICO NAVELIS IMMATVRA

MORTE SVBTRACTAE ANN. XXV. M. V.

L. MATTVCIVS CARINVS ET

AELIA MATERNA PARENTES

Ex Bouche Hist. Provinc. Joffred. Hist. Niciens.

Joffredus legit *ex pago Licirno*, non vero *Ligerro*; sed utrumvis legas perinde nobis est incognitus locus, ut & *Vicus Navelis*.

Pagus Mercurialis.

Ex Agro Tunetano Africae Florentiam translata.

IVLIAE DOMNAE AVG.

MATRI. CASTRORVM

MATRI AVGVST...

IMP. CAES. L. SEPTIMI SEVERI PII

PERTINACIS. CONIVGI

Q. SILICIUS VICTOR. ET C. TADIUS FOR

TVNATIVS. OB. HONOREM. FLAM.

SVI. PERPETVI. STATVAM. CVM

BASE EX HS BINIS. MILIB. N. LEGI

Nummum

TIMIS ADIECTIS TERTIS EX DE

CRETO. PAGANOR. PAGI MERCVRIALIS

VETERANORVM MEDILITANORVM

S. P. F. IDEMQVE DEDICAVERVNT

Exscripti.

Ttt ij

In promontorio Africæ, qui nunc vulgò Cap de Bon vocatur, non longe ab urbe Tunetana, procul dubio situs erat *Pagus Mercurialis*. Hoc enim promontorium a Plinio *Mercurii promontorium* vocatur, a Ptolomæo *Hermæum*. *Medilitani* vero qui fuerint etiamnum obscurissimum est, cum a nullo, quod sciam, memorentur Geographo.

Gaulus sive Municipium Gaulitanum.

I

Melitæ.

2

In Insula Gaulo nunc Gozzo.

.....QVIR. POSTVM...MVNICIPII

.....ADRIANI PERPETVI QVINQ.
DECVR. IVDI......QVADRINGENARIOS ADLECTO
A DIVO ANTONINO AVG. PIO

OMNIB. HONORIB. CIVITATIS SVÆ

HONESTE FVNCTO ITEM LEGATIONE
GRATVITA APVD....HADRIANVM ET APVD
AMPLISSIMVM ORDINEM DE...ALIB. REDHIBENDIS PLEBS
GAVLITANA EX AERECONLATO OB PLVRA MERITA
EIVS D. D.

IVLIAE DOMNAE AVG.

MATRIS CASTR. AVGVSTORVM

IMP. CAES. L. SEPTIMI

SEVERI. PERTINACIS

AVG. CONIVGI

MVNICIPIVM GAV

GVL. P. P., ...

CVRANTE DAPSI...

*Ex Gualther. & Abela Malth. Illustr.**Ex Malth. Illustr.*

4

*Ibid. sub Statua.**In Insula Gozzo.*

D. N. C. AVR. VALER.

CONSTANTIO AVG.

R. P. GAVL. CVRANTE

F. POLLIONE...RVFO

MF...III VIR R..

CESTIO L. F. POAMPI GALLO VA

RENIANO LVTATIO NATALI AEMI

LIANO PATRONO MVNICIPII

L. MARCIVS MARCIANVS AMICO
OPTIMOV. CARISSIMO SIBI HONORIS
CAVSA S. L.*Ex Abela Malth. Illustr.**Ex eodem.*

Gaulus parva Insula prope Melitam Equitibus Melitenis paret, vulgoque nunc audit Gozzo. Straboni *Gaudos*, Claudos aliis & *Κλαυδον* Act. Apost. cap. 27. Hic vero Respublica & plebs *Gaulitana* vocatur, non *Gaulitica*, ut habet Ferrarii Lexicon Geographicum. In secunda Inscript. videtur Municipium *Gaugulitanum* vocari. Diodorus Siculus l. 5. c. 12. Post hanc Melitam, altera est insula quæ *Gaulos* appellatur, in alto pelago & ipsa, portumque commoditate præstans, a Phœnicibus primum habitata. At Romanum factum fuisse Municipium, nemo nisi lapides nostri docent. Solinus c. 32. dicit in Gaulo insula serpentes neque nasci, neque vivere illuc invectos. Serpentes sine veneno esse in vicina Melita asserunt omnes, ab adventu, ut putant, Divi Pauli in eam Insulam.

Nantuates.

In urbe S. Maurice regionis Valesiensis.

IMP. CAES.

DIVI F. AVGVST.

COS. XI. TRIBVN. POTEST.

PONTIFICI MAXIMO

NANTVATES PATRONO

Ex Guichenon Histor. Sabaud.

Nantuates comprehendebant regionem dictam nunc *le Chablais*, & territorium *Sancti Mauricii*, ut ex hac inscriptione, item ex Cæs. Comment. lib. 3. de bello Gall. intelligere est. Eos Cæsar *Antuates* vocat. Cum, inquit, in Italiam profisceretur Cæsar, Ser. Galbam cum legione duodecima & parte equitatus in *Antuates*, *Veragros*, *Sedunosque* misit, qui a finibus *Allobrogum* & lacu *Lemanno* & *Flumine Rhodano ad summas Alpes* pertineant. Male ergo *Paradinus* credit *Nantuates* esse incolas urbis *Nantua*, nominis affinitate deceptus.

Nicomedia.

Nicomedia, quæ Ischnigimid, quasi eis Nimopundeiur.
In arca Mesebitæ novæ.

OPTIMO BENIGNISSIMOQUE
PRINCIPI FLAVIO VALERIO
CONSTANTIO NOB. CAESARI
GERMANICO MAX. CONS. COLONIA
NICOMED. D. N. M. Q. EIVS

Exscripsit D. Vaillant Antiq. Regius.

Nicomedia urbs *Bithyniæ* maritima olim clarissima, Colonia ab Authoribus non nominatur, sed fortasse *Coloniæ* nomen & privilegia adepta a familia *Constantini Magni*, quem Imp. in ejus villa mortuum dicunt. In cujus patris honorem devota numini *Majestatique ejus Colonia Nicomediensis* hunc dicaverat lapidem: quæ formula frequens in *Ethnicorum Imperatorum Inscriptionibus*. Extat eorum nummus in *Cimeliarchio Regiæ Sueciæ*, *Severi Imperatoris* ex ære magno, cum *triremi* in averſa parte, quæ *maritimam potentiam* indicat, & literis *NIKOMHÆON ΔΙΣ ΝΕΩΚΟΡΩΝ*.

Nicæa.

Nicæa, quæ hodie Nice Provincia.

Q. MEMMIO MACRINO
Q. II VIR MASSIL. Q. Q. ITEM
PRAEFECTO PRO II VIRO Q. Q.
AGONOTHETAE
EPISCOPO NICAENSIVM

Quinquennali

AMICI

Ex Ioffred. Histor. Niciens.

Episcopi mentionem fieri in *Ethnica* inscriptione non mirabitur, qui legerit apud eruditos Autores *Episcopi* vocem non esse a Christianis inventam. Sic notat *Vossius* in *Etymologico*, *Homerum* *Iliade* ω, *Hectorem* vocare *Civitatis Episcopum*, & apud *Athenienses* esse *Magistratus* quosdam, ad quos delectus, *Provinciarumque negotia* referebantur. *Episcopus* autem *Nicæensium* is forte erat, qui in *Inscript. supra* in *Sect. 1. Artic. 5. allata*, vocatur alio nomine *Procurator ducentesiimæ Choræ inferioris*, in urbe *Cemenelio Nicææ* vicina. *Agonotheta* vero qui *Judis publicis* præerat.

Civitas Paralifensium.

In Dalmatia prope Castrum Nadini.

COCCEIO VMBRIAVO DECVRIONI AVGV.
ITEM. PONTIFICI CIVITATIS PARALISENSI
VM. PROVINCIAE DACIAE. COCCEIVS. SE
VERVS. FILIVS. PATRI. PIENTISSIMO

Ex Io. Lucii Inscript. Dalmat.

Civitatis hujus Daciæ *Paralifensium* meminisse aliquem antiquum Geographum non putò; fuisse tamen non ignobilem urbem Cocceii hujus officia denotant; cum esset in ea Decurio, Augur & Pontifex; & urbs ipsa *Civitaris* titulo decorareretur.

Colonia Prænestinorum.

Præneste.

IVL. RVFINAE

C. IVLI FESTI

CONSOLARIS

PATRONI COLONIAE

PRAENESTINORVM

AELIAE OPTIME

MERITAE PRAENESTIN.

IIV... D. D.

Ex sched. Barber.

Præneste.

FORTVNAE PRIMIGE

NIAE SACRVM CVM

SIGN. CVPIDINIS

L. ANOCINVS L. F.

TROM. SORORI

CVS PATRON. COLON.

LAETITI CITHNATIS

AEILL VOTO SVSCEPTO

SVIL. MM. D. D.

Ex sched. Barber.

Præneste.

Q. VERRIO Q. F. PAL.
FLACCO

SE VIRO AVGVSTALI

QVRATORI MVNERIS
PVBLICI

DECRETO STATVTVM

ET FAS ORDO DECVRIO

INVM ET AVGVSTALIVM

ET PLEPS VNIVERSA

S. P. P. P. D. P.

Ex sched. Barb.

Præneste Urbs notissima 24. milliariis. Roma distans, nunc *Palestrina*.

Municipium liberum Thugga.

In ruderibus Civitatis cujusdam antiquæ quæ Tuca vocatur, olim Thucca.

Novem Milliariis ab urbe *Tunis* ad occidentem in excelsio monte reperiuntur hujus urbis rudera: quæ adhuc *Tuca* vocatur. Fuisse autem eam urbem quæ a Ptolemæo Plinioque *Tucca* vocatur, nomen quod ei adhucdum superest, & sequens inscriptio quæ eam non admodum diverſe & majori cum aspiratione scribit, evincunt.

Prope Templum antiquum.

IMP. CAES. DIVI ANTONINI MAGNI F. M. AVRELIO SEVERO

ALEXANDRO AVG. PONTIFICI MAXIMO TRIBVNIC. POTES. ET

IVLIAE MAMMAEAE MATRIS AVG. ET CASTRORVM ET SENATVS ET

PATRIAE IVM LIBERVM

THVGGA VS. PERP. AVG. EIVS PERP.

S. P. F.

Hoc autem Templum videtur Jovi dicatum fuisse, eo quod in frontispicio elegantissima aquila sculpta sit. Columnæ Templi sunt striatæ Ordinis Corinthiaci. Exterius supra fores extat hoc fragmentum.

PAC. AVG. SACRVM

VERI. AVG. ARMENIAC.

REGILLIANVS SA.

Istud vero interius:

L. MARCIVS SIMPLEX ET MARCIVS SIMPLEX REGILLIANVS SIT.

Ibidemque theatrum est 70. circiter pedum diametri, & columnæ cum fragmentis Inscriptionum Antonino Pio & M. Aurelio dicatarum, ut & Faustinae. In alio fragmento.

TONIVS ZENO PROC.

Non longe a Templo videntur ædiculæ cujusdam reliquiæ, ubi nunc 4. columnæ supersunt superimposito hoc lapide, ubi olim erant fores illius Edis cum Inscriptione.

PIETATI AVGA SACRVM

..... ROGATVS TESTAMENTO C. POMPEI NA...
FRATRIS SVILXII XXX MISOLASVO... DEDICAVIT
. . M A T O R

Extant & rudera arcus Triumphalis, aquæductus, aliaque non contemnenda, quæ simul cum prædictis evincunt non fuisse ignobilem urbem, ejusque fuisse circuitum circiter Milliarium sex.

Quia sese offert occasio, offeram nonnulla alia marmora ex illius Tractus vicinia allata.

Tribus ab Urbe Tunis Milliaribus.

Ibi reperiuntur antiqui cujusdam oppidi rudera. Locus nunc *Ianaca* vocatur. Templum illic parvum videtur 30. passus longum 10. latum, cum columnis 10. Corinthiacis 24. pedum altitudine. Ex quadam inscriptione detrita patet Genio Diocletiani & Maximiani fuisse dicatum. Fores 16. pedum altitudine sunt ex tribus solis lapidibus fabricata miræ magnitudinis, superiori aliquæ leguntur literæ CRISP.... TITIO DICAUIT. Fragmentum alibi legitur in quo *Gymnasi* mentio est, item in quadam arce.... HERICIVIBVS.

*Inscriptiones ex agro Tunetano Florentiam translatae, repositaeque
In peristylis Magni Ducis.*

C. SVLGIO L. F. PAP. CAECILIANO PRAEF. LEG. III CYRENAI
CAE P. P. LEG. XX. VALERIAE F. VICTRICIS PRAEF.....

QVATIONI CLASSIS PRAETORIAE.....

VINDICIS ET THENS AVRIS DOMIN.....

RVM DIVEHENDAR.....

ET PRIMAE PARTHICAE ET XVIII

..... CLASSIS PRAE.

ONI PEREGRI.....

Cajus Sulgius Lucii filius Papia tribu Caecilianus, Praefectus Legionis tertiae Cyrenaicae Primigeniae Piae, Legionis vigesima Valeriae Fidelis Victricis Praefectus, alias item dignitates, quas in corroso Marmore divinare vix licet, possidebat. Octavius Falconerius Vir non parum de Antiquitate meritis, legebat in tertia linea Ovationi Classis Praetoriae: sed quid Ovationi cum classe intersit non video. Triumphus vel Ovario, id est minor triumphus, ducibus tantum conferebatur, non exercitui integro, multo minus Classi. Ego potius legendum censeui, quanquam literis satis detritis, Praefecto Aquationi Classis Praetoriae, id est, Aquæ toti Classi Praetoriae subministrandæ Praefecto. Inauditam vocem esse non diffiteor, sed tamen quæ rei exprimendæ apprime convenit.

Ibidem.

Ibidem.

S. D. S.

S. D. S.

SEX. VALERIVS

L. SVLLIVS

FESTVS

FIRMVLVS

SACERDOS

SACERDOS

V. S. L. A.

V. S. L. A.

S. D. S. Saturno vel Soli Deo sacrum: sed primum præfero ob sequentem Inscriptionem quæ ibidem legitur & ex eodem loco allata est. V. S. L. A. Votum solvit libenti animo.

SAT. AVG. SAC.

LABIENVS PVDENS

CAECILIANVS C. V.

V. S. L. A.

Patavium.

In Urbe Augusta, Aouste.

IMP. CAESARE AVGVSTO

XIII COS. DESIG. C. AVILIVS

C. F. CALVVS PATAVIN.

PRIVATVM

Ex Guichen. Histor. Sabaud.

Patavium Urbs antiquissima, nunc vulgo Padoue, multis monumentis illustris, quæ diligenter enarravit Illustriss. Eques Sertorius Ursatus nuper defunctus, in suis Monumentis Patavinis & Historia Patavina.

Municipium Petelinorum.

*Strongili.**Strongili.*

MV. MECONIO MV. FILIO

MV. MECONIO MV. FILIO

M. N. M. PRON. COR.

COR. LEONI

LEONI

AED. III VIR. LEG. COR.

AED. III VIR. LEG. COR. P. P.

QVAEST. PEC. P.

Pecunie publicæ

PATRON. MVNICIPII

PATRONO MVNICIPII

III VIR. Q. Q.

AVGVSTALES PATRONO

DECVRIONES. AVGVSTALES. POPV

OB MERITA EIVS

LVS. EX. AERE. CONLATO

L. D. D. D.

OB. MERITA. EIVS

*Ex Gualth. Sicilia.**Ex Gualther. Sicil.*

Conjungendæ & conferendæ Inscriptiones cum Gruteriana pag. CCXV. quæ sic incipit KAPVT EX TESTAMENTO M. F. COR. LEONIS &c. Ubi notandum Gualtherum hanc ultimam citare, quasi in altera facie baseos hic citatæ MV. MECONIO: & sic legere KAPVT EX TESTAMENTO HOC AMPLIVS, &c. MV. seu M' id est Manio. COR. est Cornelia Tribu.

Petilinorum Municipium sive *Petilium* Lucaniæ olim caput Cluverius ad Scylacium finum in Belcastro locat; Ferrarius putat esse Policastro, sed Lucas Holstenius Vir Eruditiss. & Gualther. ex hac Inscript. quæ Strongili seu Strongoli Calabriæ urbe reperitur, *Strongilum* putant fuisse Petilium: cui opinioni magis firmandæ dicit inibi detectos tubos plumbeos, in quibus inscriptum PETILIA. Ex quibus Inscriptionum utilitas ad situm locorum cognoscendum intelligenda.

Reate.

1

2

*Reate in ductibus plumbeis.**Ibidem.*

SALLVSTIANVS

SALLVSTIANVS R. S. F.

REIP. REAT.

CLODIVS FORTVNA R. P. REATINORVM

Libertus

L. S. F.

*Ex Camellii Reg. Suec. Antiquarii schedis.**Ibidem*

3

Ibidem.

REATINVS SALLVSTIANVS

REIP. REAT.

LIB. S. F.

Eodem.

5

Reate.

C. COMINIO C...

VETERANO MIL.

PR. MARTIALIS MI.

DEDVCTVS REATE

A DIVO VESPASIANO

VIX. ANN....

C. COMINIVS C. F.

SECVNDVS PATRI

BENEMERENTI

COMINIA C.L.F.C.

Ex Camelio.

Reate Umbriae in Sabinis oppidum, quod nunc *Rieti* vocatur, plures Inscriptiones adhuc ostentat, quae apud Gruterum reperiuntur, hisce aliisque minoris momenti exceptis. Anno Urbis conditæ 537. Consules erant L. Æmilius Paulus & Cajus Terentius Varro, ex consensu omnium authorum, unde quomodo hic substitutus sit Cajus Licinius Crassus, ignoro.

Surrentum.

1

Surrenti.

IMP. CAES. TRAIANI F.

HADRIANO SVRRENTINA
RESPVBLICA*Ex Capacio.*

3

*Ibidem.*FLAVIO GRATIANO SEMPER
AVGVSTOINSTAVRATORI ORBIS TERRARVM
PERPETVOAC PISSIMO IMP. D. N. ET VALERIO
CONSTANTINO MAXIMO PIOFELICI SEMPER AVGVSTO
VICTORI AVG.

RESP. SVRRENTINOR.

*Ex eodem.**Supplem. Tom. IV.*

4

Reate.

L. VALERIO

VALENTI

VETERANO LEG.

VIII DEDVCTO REATE

A DIVO AVGVSTO

VESPASIANO

VALERIAE CALE

L. VALERIVS FORTVNATVS

PATRONIS BENE

MERENTIBVS FECIT

6

Ibidem.

P. VATINIO...

PRAEF. REAT...

APRO VACATIONE

DONATO

L. AEMILIO PAVLO II

COSS.

C. LICINIO CRASSO

Ex eodem.

IMP. CAESARI TRAIANI

PARTHICI E. D. NERVAE

NEPOTI TRAIANO

HADRIANO AVG. PONT.

MAX. TR. P. V. OPTIMO

MAXIMO PRINC.

DECVRIONES MVNICIPESQ.

STATVAM NOBILITATIEIVS

FACIENDAM CVRAVIMVS

Ex eodem.

4

*Ibidem.*PISSIMAE AC VENERABILI
MATRI D. D. N. MAXIMI VICTORIS

AVG. CONSTANTINI

ET AVIAE D. D. NN. CONSTANTII

ET CONSTANTIS

ORDO ET POPVLVS SVRRENTINORVM

Ex eodem.

VVV

5
Surrenti.

FLAVIO FVRIO FAVSTO V. C. TRIBVNO
AB ORIGINE PATRONO
OB MERITA LABORVM SVORVM VNIVERSVS ORDO
ET POPVLVS SVRRENTINORVM
STATVAM NOBILITATI EIVS
FACIENDAM CVRAVIMVS

Ex Capacio.

6

Ibidem, in æde D. Antonini in lapide vermiculato.

L. CORNELIO L. F. MEN.... FLAMINI ROMAE
TI. CAES... AVGVRI AED. II VIR Q.... PRAEF. FABR.
BIS HOC LOC..... CRVSTVM ET MVLSVM
POPULO AEDILITATE SPECTACVLVM GLADIAT.
CIRCENS. EDIDIT OB HONOR... DECVRIONIBVS
MAGNAM CAENAM L. QVINQVENNALITATE SVA
LVDOS.... HVIC DECVRION. PVBLICE LOCVM
FVNER. ET STATVAM

Ex eodem.

Surrentum Urbs Picentinorum nunc regni Neapolitani, vinis generosis celebris, teste Ovidio lib. 14.
Metamorph. Et Surrentinos generoso palmite colles.

Civitas Saliniensium.

In Urbe Castellane Provinciae.

M. MATVCONI MARCELLINI ET
De- M. MATVCONI MAXIMI DECC.
curio-
rum CIVITATIS SALIN. M. MATVCONIVS
SEVERVS ET IVLIA FVSCINA FILIIS
PIISSIMIS ET SIBI VIVI FECERVNT
H. M. H. N. S.

*Ex Bouche Hist. Provinc.**In Provincia ad Varum.*

Q. VIBIO SECVNDINO
QVI VIXIT AN. XII. M. VI. D. VIII
Q. VIBIVS Q. FIL. SALIN. CAPITO
FILIO SVpra MODVM AETATIS
PIENTISSIMO
SIBI POSTERISQVE SVIS FECIT

Ex Bouche Hist. Provinc.

Ex hac Inscriptione existimat Author Histor. Provinc. Civitatem Saliniensium, cujus mentio in notitia
Imperii, esse eam urbem quæ jam *Castellane* vocatur, quod a Geographis ignoratum erat.

Civitas Secusia.

Taurinis.

IMP. CAESARI

.....

INVICTO AVG

PONTIF. MAX.

TRIBVN. POTEST. II

COS. II. PROCONS. P. P.

CIVIT. SEGG.

*Ex Guichenone.**Secusia vulgo Suze.*

IMP. CAESARI M. AVREL. VAL.

MAXIMIANO

PIO FELICI INVICTO AVG. P. F.

ORDO SPLENDIDISS. CIVIT.

SECVS.

CVRANTE AVRELIO SATVRNINO

VRB. PRAES.

D. N. M. Q. E.

Ex Guichenone, qui incorrecte citat.

Secusia Taurinum translata.

IMP. CAESARI G. VALERIO DIOCLETIANO P. F.

INVICT. AVG.

ORDO SPLENDIDISS. CIVITATIS SECVSIAE

CVRANTE AVRELIO SATVRNINO VRB. PRAESIDE

D. N. M. Q. E.

Ex Guichenon. Histor. Sabaud.

Secusia quæ & Segusium antiquis, Suse nostratibus, urbs Pedemontii ad radices Alpium Cottiarum, similem Inscriptionem Diocletiano & Maximiano posuerat. D. N. M. Q. E. Devota numini majestati- que ejus, ut omnibus in antiquitatis mysteriis initiatis constat.

Tarraco.

Narbonæ.

L. AFRANIUS. CEREALIS. L.

EROS. IIII AVG. DOMO. TA

RACONE. OSPITALIS. A. GALLO

GALLINACIO. AFRANIA. CERIA

LIS L. PROCILLA. VXOR. AFRANIA

L. LVRANIE. F. ANNORVM. XI.

HIC. SITA. EST.

Ex D. Fr. Graverol Nemauf.

Tarraco Ταρρακῶν Ptolemæo nunc Tarragona, Hispaniæ Tarraconensis Urbs celebris, Romano- rumque Colonia in Augusti & Tiberii nummis C. V. T. T. Id est, Colonia Victrix Togata Tarraco, vo- catur. Ex hac oriundus Lucius Afranius Cerealis Libertus Eros Sextumvir Augustalis, Narbonem Martium, sive Narbonam migraverat, ubi Hospitis sive Hospitalis professionem exercebat, cujus hos- pitio insigne fuit Gallus Gallinaceus. Itaque ex hac rara Inscriptione discimus antiquos, non secus ac recentiores, in Diversoriis insignia, veluti animalia, appendere solitos fuisse.

Teate.

Teate.

GENIO MVNICIPI

Ex L. Camarra.

3

Teate.

D. M. S.

Q. NINNIO Q. F.

ARN. OPIANICO

AED. IIII VIR I. D.

IVLIA MARCIA B. M.

Ex L. Camarra.

Teate in Archiepiscopali Palatio.

D. M. S.

L. CAESIO L. F. MARCELLO LAV

RENTI LAVINATIVM P. C. TEATIN

ORVM CAESIUS PROCVLVS

SEN. FILIO DVLCISSIMO B. M. P.

Ex Lucii Camarra Teate Antiquo.

4

Ibidem.

M. VETTIVS MARCELLVS PROC. |
AVGVSTORVM

ET HELVIDIA C. F. PRISCILLA
MARCELLI SP. F.

Ex eodem.

Vvv ij

Teate, columna milliaria.

TI. CLAVDIVS

CAISAR

AVG. GER. PONT. MAX.

TRIB. POT. VIII. IMP. XVI

COS. IIII. P. P. CENSOR

AM CLAVDIAM ALER.

A CERFENNIA OSTIA ATERN.

MVNIT IDEMQVE

PONTES FECIT

XLIII

Teate Urbs Marrucinatorum Metropolis, nunc *Cbiati* in Aprutio (*Abruzzo*) ad Fluvium Aternum sita, Canonicis regularibus qui Teatini dicuntur, nomen dedit, hanc societatem fundante Archiepiscopo Teatino, qui postea Paulus IV. Pont. Max. Notandum in ultima Inscriptione Digamma A Æ olicum a Claudio Imperatore inventum & eo regnante tantum usurpatum, ut notat Suetonius in ejus vita cap. 41. *Novas etiam commentus est literas tres, ac numero veterum quas maxime necessarias addidit: de quarum ratione cum privatus adhuc volumen edidisset, mox Princeps non difficulter obtinuit ut in usu quoque promiscuo essent. Extat talis scriptura in plerisque libris ac diurnis titulisque operum. Quintilianus, nec inutiliter Claudius Æolicam illam A ad hos usus literarum adjecerat. De aliis duabus literis vide Justii Lipsii Commentarium ad Tacit. Annal. lib. xii ubi negat AI diphthongum pro AE , quæ in Claudii Inscriptionibus ut in hac reperitur, unam ex his esse, eo quod ante eum jam in usu esset.*

Cerfennia erat inter montem Imeum & Marruvium posita, ut contra Cluverium asserit Lucius Camarra: ait enim ubi nunc collis Armeus ibi etiam Cerfenniam extare: addit viam adhuc superesse extra urbem Teate a Cerfennia per agrum Teatinum usque ad Aterni ostia, ab Imperatore Claudio plurimo opere quondam munitam.

Teate.

Teate.

PRO SALVTE

CRIOBOLIVM ET

IMP. AVG. ET

AEMOBOLIVM MOVIT

M. CAES.

DE SVO PETRONIVS MA

TAVROBOLIVM MOVIT

RCELLVS SACERD. VIRAL.

PETRONIVS MAR

DEC. IIII PRIMO IVSTO

CELLVS SACERD.

DE SVO

Ex L. Camarra.

Ex L. Camarra.

Supplendum in prima, *Maximini & Maximi*, quorum nomina erasa ex Senatus Consulto, post eorum mortem, teste Capitolino. *Æmobolium* in secunda vocabulum singulare, quod idem putabat Holstenius ac Taurobolium: qui enim Taurobolium accipiebant sanguine perfundebantur. *Criobolium* est sacrificium arietum. De quibus fuse Salmasius ad Lampridii Heliogabalum.

Tiberiopolis.

In Tarantasia.

DIS MANIBVS

TI. CLAVDIVS ARTEMIDORI F.

QVIR. PHOEBVS TIBERIO

POLITANVS VIVOS SIBI

ET FILIAE FIDAE VASIENSI

VXORI CARISSIMAE.

Quirina Tribu

Filia videtur hic nomen esse familiae, quae alias Fillia, siquidem eadem uxor Tiberii Claudii indigitatur. Tiberiopolis urbs erat Thraciae, item altera Phrygiae magnae.

Trajanopolis.

Roma.

D. M.

P. AELIVS AVITIS

TRAIANOPOL.

TVBICEN. EQ. SING. AVG.

TVRMAE L. LVCANI

NATIONE THRAX

V. A. XXXV MIL. A. XV

P. AELIVS AVRELIVS

HER. ET IVLIVS MAXIMVS

DECVRIO SECVS HER. OPTIMO

AMICO FACIENDVM CVRAVER.

Exscripti.

Trajanopolis Urbs Thraciae non ignota erat, ex qua oriundus hic Publius Aelius Avitus Tubicen & Eques Singularis Augusti, turma Lucii Lucani. SECVS HERES idem ac Secundus.

Vasio.

*Vasione, basis.**Vasione.*

IMP. CAES.

*Publico
Licinio*

P. L. GALLIEN.

INVICTO F.

AVG. VASIEN

SES

Ex P. Colomby schedis.

Q. PASSERIO TER

TIO IIII VIR. AVG.

Q. PASSERIVS VA

LENTINVS ET Q.

PASSERIVS FORTV

NATVS LIBERTI

PATRONO OPTIMO

EX TESTAMENTO

Vasio, Vasion & Vasionensis Urbs Antiquis Authoribus, Forum Vocontiorum Ciceroni, nunc Vasion in Comitatu Vindaxino 8. leucis ab Avenione, Episcopalis est: huncque Episcopatum jam ante paucos annos defunctus gerebat, Vir Eruditus Iosephus Maria Suarefius, qui Prænestem Antiquam, aliaque edidit opuscula.

Civitas Vintiensis.

*Vintii, Vence, in æde D. Petri in
suburbio, basis.*

Vintiis in sacello Castell.

IMP. CAES.

IMP. CAES.

M. ANTONIO

C. MESSIO QVIN

GORDIANO PIO FEL.

TO TRAIANO. DEC

AVG. PONT. MAX.

IO PIO FEL. INVIC

TRIB. POT. II. P. P. COS.

TO AVG. P. M. TRIB.

CIVITAS VINT. DEVO

P. III COS. II PROC.

P. P.

TANVMINI MAIES

CIVIT. VINT.

TATIQUE EIVS

Ex sched. Peiresk.

Ex sched. Peiresk.

Vintium urbs Liguriæ memoratur a Ptolemæo, nunc in Provincia 4. leucis a Nicia. Vide etiam Inscr. MARTI VINCIO in tertia Sectione. Ejus ut & superioris antiquitates vide apud Bouche Hist. Provinc. Observat Antonius Pagi in sua Dissertatione Hypatica, in hac Inscriptione, quæ anno Christi 251. sculpta est, Decium Consulem II. dici, non III. eo quod nulla ratio haberetur Consulatus Suffecti, quem gesserat hic Imperator.

Vicus Caii Petronii.

In pago Peyruis.

..... PROH. DOLOR

AEMY. BERE. PRAEF. ILLYRICI

QVI IMPER. MAGISTRATVS

SICCARIOS INSECVTVS IVSTE

SEMPER FVERIT POST ADMINISTRATAM

AEGYPT. DVM IN GALL. CVM LIBER.

IVSSV IMP. CONSTANT. PROFICISCERETVR

A SICCARIIS ET IVDAEIS PERVICACISS.

NEFANDVM FACINVS IN VICO C.

PETRONII AD RIPAM DRVENTIAE

PVGIONE CONFOSSVS HIC SITVS EST

S. L. H. P. M. R. D. O. M. V. F.

Ex Hist. Provinc.

Habetur quidem hæc Inscriptio apud Gruterum, sed divisa, quasi duæ essent Inscriptiones, scilicet pag. CCCXCV. & CCCXCVII. pauloque hac incorrectior. Sic ergo in integrum restituendæ, nisi quod priores lineæ sint mutilæ.

Pagum hunc *Peyruis* ad Druentiam dictum fuisse olim *Vicum Caii Petronii* suadet Inscriptio inibi reperta, quæ eum ad Druentiam collocat. Cum autem Cajus Petronius Arbiter celebris Poeta omnium Historicorum fide in Provincia fuerit natus, probabile est hanc habuisse patriam & pago nomen suum dedisse. Vide Bouche Hist. Prov. Ultima linea mihi ignota est. Eam alter divinet OEdipus.

Verona.

Romæ.

QVART. ANNIVS QVART. F. POBL.
SATVRNINVS VERONA
MIL. LEG. V. AVG. PIAE VIGIL.
PROCVRATOR VIGESIM. HERED.
ET QVARTINIA BABAERIA
VXOR FECERVNT H. T. I. F.

H. M. D. M. ABES.

IN FR. PED. XVIII. IN AGR. P. XXVS

Ex sched. Barberin.

Veronæ.

SATVRNO AVG. SACR.

P. TOSSIVS ZOSIMVS

VIVIR AVGVST.

TOSSIA SVTVRNINA

CONIVX

V S L M.

*Ex Panvin. Antiquit. Veron.**Calderii, in agro Veronensi.*

QVAE. MVLTVM. SYRENARVM. CANTV. DVLCIOR
ET. QVO. AD. BACCHVM. IN SODALITIIS. MAGIS
AVREA VENERE. QVAE. ELOQVI. VOCE. GLARIOR
IRVNDINE. ET. QVAE. AD. IVNONIS. FONTES

CAELESTIA. SOLATIA. CAPIEBAT

HIC. TVRPILIA. IACET. BISIO. LINQVENS. LACRIMAS

CVI. FVERAT. SOLATIVM. A. PVERITIA. ILLA

AVTEM. TANTAM. DEMVM. INOPINATE. DISIVNXIT

AMICITIAM

Ex eodem.

Veronæ celebris & antiquæ Urbis antiquitates qui scire voluerit, consulat Eruditiss. Panvinii Antiquitates Veronenses, post quem eloqui pudet. In prima Inscript. H. T. I. F. *Hoc Testamento jussu fieri.* H. M. D. M. ABES. *Huic monumento dolus malus abest vel abesto.* Nominatur in Inscript. Grut. *Colonia Augusta Verona nova Gallieniana.*

Vienna.

Romæ.

Viennæ.

EXATTIVS

D. IVL. D. FIL.

SEX. FIL. VOLT.

CAPITONI

..ETICVS VIENN.

FLAMI. VIENN. IIIVIR.

OMNIB. HONORIB.

LOC. PVBLIC. PER.

IN PATRIA SVA FVNC.

IIIVIR. AERAR.

FLAM. PROV. NARB.

PRAEF. FABR. TRIB.

MIL. LEG. VII

GEMINAE CIVIT.

REMI FOEDERATA

Exscripsi.

D. D. D.

Ex Chorier. Antiquit. Viennensibus.

Viennensium Coloniam valentissimam ornatissimamque, ut eam Tabula antiqua Lugdunensis nominat nulli ignotam, si quis exacte cognoscere velit, legat Eruditiss. Chorierii Antiquitates Viennenses vernacula lingua conscriptas. Hanc ibi ultimam Inscriptionem foede apud Gruterum mutilatam restituit & explicat. Lapillum mihi ostendit D. de Vilambour Viennensis in suprema Metensium Curia Consiliarius, in quo sculptum literis extantibus VIENNA VENERIS AMICA: non quidem priorum sæculorum, sed ut videbatur inferioris ævi.

Ulpia Augusta, five Respublica Ulpia.

*In Urbe Thraciæ vicina nunc fere deserta, quæ videtur
Ulpia fuisse.*

IMP. CAESARI
DIVI MARCI ANTONINI
PII GERMANICI SARMATICI
FILIO DIVI COMMODI
FRATRI DIVI ANTONINI
PII NEPOTI HADRIANI
PRONEPOTI DIVI TRAIANI
PARTHICI ABNEPOTI
DIVI NERVAE ADNEPOTI
SEPTIMIO SEVERO
PERTINAC. AVG. ARABICO
ADIABENICO PARTHICO
MAXIMO PONTIF. MAX. TRIB.
POT. XI. COS. III.
PROCOS. R. P. SVAE
VLP. CVRANTE

*Reipublicæ suæ**Ulpia.*

Q. ANICIO FAVSTO
LEG. AVGVSTORVM

Legato

PR. PR.

*Proprætore**Ibidem.*

IVLIAE DOMNAE AVGVSTAE
MATRI CASTRORVM
R. P. SVA VLP.
CVRANTE Q. ANICIO FAVSTO
LEG. AVGVSTORVM PR. PR.

Utramque exscripsit Excell. Antonius Soderini, Nobilis Venetus.

Reipublica Ulpia, quæ & Colonia Ulpia Trajana ab antiquis Scriptoribus vocatur, fuit Urbs Daciæ a Cæsare Ulpio Trajano Coloniae privilegiis donata, nunc Transylvaniæ pagus, qui Germanice Varhel, Slavonice Gradisch vocatur. Insculptus est lapis, biennio post Severi expeditionem in Orientem, a qua Parthicus Maximus dictus est. Proculdubio autem aliqua liberalitate aut benevolentia in eos usus est, siquidem hanc Urbem Reipublicæ suæ Ulpia titulo decorari voluit.

MISCELLANEA ERUDITÆ ANTIQUITATIS.

SECTIO SEXTA.


OFFICIA ET ARTES,

Quæ in selectis quibusdam lapidibus memorantur.

OFFICIA.

Ab Epistolis.

Florentiæ.



Exscripsi.

A *B Epistolis* vocabantur servi qui dominorum Epistolas conscribebant, quos nunc Secretarios nuncupamus: qui autem Latinas, *Ab Epistolis Latinis*; qui Græcas, *Ab Epistolis Græcis*, ut in sequentibus.

Florentiæ.

Romæ.

D. M.

FAVSTVS AVG. LIB.

SEX. POMPEIVS SEX. F. FELIX

ADIVTOR AB EPIST.

SEX. POMPEI AB EPISTVLIS

LAT. VIXIT ANN. XVIII

LATINIS

M. IIII. DIEB. XVI FECIT

ARTEMISIVS PAEDAGOGVS

ET LIB. PVERO CARISSIMO

Exscripsi.

*Ex Fulv. Ursini, Imaginibus
virorum Illustrum.*

Pifis.

Romæ.

D. M.
M. VLPIO AVG. LIB.

L. MVNATI

L. VALERIVS

VERNAE
AB EPISTVLIS LATINIS

L. L.

STACTVS

VIBIA THISBE VXOR
INFELICISSIMA

NICOMEDI

AB EPIST. GRAEC.

Ex Boldonio.

Ex F. Ursino.

Adjutor ab Epistolis idem erat, qui nunc Scribæ aut Secretarii Vicarius. *Epistulæ* vox antiquo loquendi modo pro *Epistolâ*, passim occurrit, non solum in lapidibus, sed & apud probatos Auctores.

A Bibliotheca.

Romæ.

DIS MANIBVS
T. FLAVIVS A BIBLIOT.

GRAEC. PAL.

Exscripsi.

Titus Flavius a Bibliotheca Græca Palatina: id est, Præfectus Bibliothecæ Græcæ, quæ in monte Palatino asservabatur.

A Calida.

Romæ.

Testamento.
fecit

©. IVLIVS ASTYPOCHVS	IVLIVS CYPVS
©. ET C. IVLIVS AGATHYRSVS	AVG. SER. A. CAL,
AVG. MINIST. APOLLINIS	
IVLIA ANDROCLEA T. F.	

Exscripsi.

De Aquæ calidæ potione, cujus hic Julius Cypſus Auguſti ſervus Miniſtrator erat, ſcripſere permulti, & inter illos Lipſius & Octavius Ferrarius qui Electorum lib. 1. cap. 12. Mercurialem arguit putantem aquam illam, quam potabant Romani, calidam vocari dumtaxat refrigeratæ comparatione, quia non eſſet nive aut glacie, aliove quopiam modo refrigerata: eruditeque probat vere calidam fuiſſe & quidem puram, quæ in deliciis erat Romanis, ſive ob aſſuetudinem, ſive ob ſtomachi conſolationem ac ſanitatē. *Martialis.*

*Caldam poscis aquam, sed nondum frigida venit:
Alget adhuc nudo clausa culina foco.*

⊙. Nota est eorum qui defuncti erant, ut in alia Sectione dicemus.

A Codicillis.

Florentiæ.

ÆGYPTO SERVO
 BARBARI AVG. LIB.
 A CODICILLIS
 EVTYCHVS PECV
 LIARIS SYMMACHVS
 FRATRES PIENTISSIMI

Exscripsi.

Ægyptus hic nomen est servi, qui erat a Codicillis Liberti cujusdam Augusti, cui Barbari cognomen erat. *Codicilli* erant tabulæ minores, in quibus Romani veteres cera extensa coopertis stylo ferreo Epistolas aut aliud quid scribebant. Erant etiam apud Juridicos parva Testamenta, quæ idem nomen apud Gallos nostros retinuerunt; *Codicilles*, *Κωδικέλλος*, *τελευταία βέλυσις*, *Codicillus*, *ultima voluntas*, in Gloss. veteri Juridico.

A Cognitionibus.

Romæ.

DIS MANIBVS
 T. FLAVI AVG. LIB.
 AB ASCANTI
 A COGNITIONIBVS
 FLAVIA HESPERIS
 FECIT
 CVIVS DOLORE NIHIL
 HABVI NISI MORTIS

Exscripsi.

Cognitiones sequioribus sæculis erant *Homagia*, tum etiam arma sive insignia quibus familiæ ab aliis distinguebantur, ut videre est in Glossario mediæ & infimæ Latinitatis. Sed in ista Inscriptione quæ primorum Cæsarum tempore sculpta est, *Cognitiones* forte erant idem ac *Recognitiones*, & a Cognitionibus, *Recognitor*, Græcis *Αντιπαροδὲς*, nostris *Controlleur*.

Romæ apud Bellorium.

DELICATVS AVG.
 ADIVT. A COGNITIONIB.
 DOMNICIS OBIIT IN EX
 PEDITONE GERMANICA
 VIX. ANN. XVIII. M. VII. D. VIII.
 FRATRI PISSIM. FRATRIS

AVGVSTI, subaudi
 Liberts, vel Servus.

Exscripsi.

Adjutor Officii cujuslibet erat veluti ejus *Vicarius*, sive subordinatus Minister. *A Cognitionibus* *Dominicis*, id est, *Dominicis*

A Commentariis.

Romæ.

Romæ in villa Justiniani.

D. M.
M. V L P I O

D. M.
PIERO

ABASCANTO
CVSTOS A COMM.
BENEFICIORVM
FLAVIA PALLA
B. M. ET CAECILIAN.
FILIVS EIVS SIBI

CAESARIS VERN,
A COMMENTARIIS
FISCI ASIATICI
VIXIT AN. XXIIII
MES. II DIEBUS XVIII
PARENTES FILIO

LIBERTATISQVE DESIDERANTISSIMO
EORVM

Ex Camellii schedis.

Exscripsi.

Romæ.

DIS MANIBVS
CLAVDIAE FAVSTINAE
FILIAE PIENTISSIMAE
QVAE VIX. ANN. XVI.
TI. CL. AVG. LIB. PHILETVS
A COMMENT. RAT. VESTIVM SCAENIC. ET
GLADIAT. ET FLAVIA PROCVLA PARENTES
ITEM M. FLAVIVS DAPHNVS ET CL. MARTIALIS
FRATRES FECERVNT ET SIBI LIB. LIBERTABVS
SVIS POSTERISQVE EORVM

Ex schedis Barberinis.

A Commentariis dicebantur ii qui *Commentariis*, seu variis rerum rationibus exscribendis præerant, in quem sensum in hisce lapidibus memorati referendi sunt. Ita dicti etiam carcerum Præfides, quod custodias in commentarium sive diarium referrent. Hic autem ultimus, Tiberius nempe Claudius Philetus Augusti Libertus, Officium possidebat, *A Commentariis rationum vestium Scenicarum & Gladiatoriarum*; hoc est, curam & rationem habebat vestium, quæ Comœdis & Gladiatoribus destinatae erant.

Actor

Romæ.

AVRELIAE SALV
BINAE LVNESIS
AVRELIAPOL
LONISER. ACTOR
FECIT

CONIVGI BENEMEREN
TI ET SIBI

Exscript.

Lunefis, id est *Lunenſis*, urbe *Luna* oriundæ; ſive ita ſcriptum errore fabrili, ſive antiquo loquendi modo. *Servus Actor*, idem qui ſervus major domus, a quo noſter *Majordome*, qui res Domini ſui procurat. *Raban. Maurus*: *Quoniam enim Actor prudens & bonus, ſcit quid ſit Domini ſui cenſus, & omnis ſubſtantie modus, & redigit apud ſe totius poſſeſſionis inſtrumenta originalia.* Vide *Laurentium Pignorium de Servis.*

A Diplomatibus.

Romæ in villa Caſarini.

T. AELIVS AVG. LIB.
SATVRNINVS
A DIPLOMATIBVS
SARDONYCHI
ALVMNO FIDELISSIMO

Exſcripſi.

Diplomata quæ vulgo nunc *literæ patentes* vocantur. Iis exſcribendis aut ſigillandis præfectus erat *Titus iſte Aelius Saturninus*, qui alumno ſuo *Sardonychi* lapidem ſepulchralem poſuerat.

A Iumentis.

Romæ.

D. M.
T. SALLVSTIO
EVTYCHO
A IVMENTIS CAES. N.
FLAVIA HORREA
CONIVGI B. M.

Exſcripſi.

A Iumentis Caſaris noſtri, qui ejus *Iumenta* curabat. Ita *Muliones*, *Carrucarii*, *Lecticarii*, *Rhedarii*, aliique urbanum famulitium *Magnatum* conſtituentes paſſim leguntur.

A Laguna.

Romæ.

C. IVLIO DARDANO LIVIAE
AVG. SER. A LAGVNA
C. IVLIVS CYDNVS

T. D. D. Q.

Exſcripſi.

Servus a Laguna ſive Lagena idem ſæpe ac *Servus a potione*; unde in *Inſcript. Gruteriana* utrumque officium conjungitur.

Romæ.

A Manu.

Romæ.

DIS MANIBVS

QVARTIONIS

DECVMI AVG. LIB.

EVPHEMIANI A MANV

FIDELIS CONLIBERTVS

FRATRI BENEMERENTI

IN FRONTE PEDES DVO

IN AGRO PEDES DVO

Ex Fabretti schedis.

THELICO

EVTYCHI

ACTES AVG. L.L.

ALVMNO A MANV

VIX. ANN. XXII.

Exscripsi.

A Manu & Amanuens, quæ voces idem sonant, passim apud Autores leguntur. Hos nunc Secretarios aut Scribas vocamus. Cæterum in secunda Inscriptione ita legendum, *Thelyco Eutychi Actes Augusti Libertæ, Liberti, Alumno, &c.* Ita ut Eutyclus qui alumno, amanuensque suo Thelyco breve istud Epitaphium inscribi curaverat, fuerit Actes Libertus; quæ quidem Acte Neronis Augusti Libertæ & Amasia erat, teste Suetonio.

A Potione.

Romæ.

Romæ.

Romæ.

DOMO MORTVI

C. IVLIVS ARBVSCVLVS

A POTIONE AVG. N.

IVLIA CORINTHA

CONIVGI SANCTISSIMO

T. F.

SEXTILIA L. L. AVGE

VIX. ANN. XVI

SEXTIVS PACCIVS

SEX. POMPEI A POTIONE

Ex schedis Barberinis.

TI. IVLIVS

TI. AVG. SER.

A POTIONE

O. H. S. S.

Servi *a Potione* qui potum Dominis suis administrabant, Pocillatores ab Appulejo appellantur: de quibus vide Pignorium de Servis. In secunda *Sextius Paccius Sexti Pompeii Servus a Potione* memoratur. In tertia *Tiberius* quidam *Julius Tiberii Augusti Servus a potione*. O. H. S. S. Id est, ossa hic sita sunt.

A Rationibus, & Adjutor Rationalium.

Romæ.

Frascati.

H. M.

SACEL.

LAT. Figura

IN TIT.

ANTE Militis ANTE

PORT. stantis PEDES

PED. XII.

VIII

A RET.

IN AGR.

PED. XV.

PEDES XI S.

M. PERCENNIO M. F. OV.

AXYO NAT. MEDIA

MIL. COH. VII. PRAETOR.

7. C. CALVINI SEVERI

M. PERCENNIVS IVNIOR

CONSTANTI AVG. SCRIBA

A RATION. VOLVT. FEC.

SIBI ET FRATRIS VO K.

ET IVN. PERCEN. VXOR. S.

Exscripsi.

DIS MANIBVS

FLAVIAE AVG. L.

DAPHNE

CRESCENS AVG. L.

A RATIONIBVS

SORORI

Exscripsi.

Romæ.

FELICIS CAESARIS

N. VERNAE

A DIVTORI RA

TIONALIYM

PATRONO AVG. LIB.

PATER FEC. VIX.

ANN. XXIII. D. XXVII

Exscripsi.

A Rationibus seu Ratiocinator is vocabatur, qui patrono heroque suo familiæ impensam aliorumque ministeriorum Rationes reddere debebat. Ita, teste Suetonio, Claudius Imperator *Narcissum ab Epistolis & Pallantem a Rationibus*, Quæstoriis, Prætoriiisque ornamentis ornari passus est.

Arcarius,

Romæ.

Neapoli.

Romæ.

DIS MANIBVS

D.

M.

D.

M.

M. MAIO M. F. ORAT.

MARCIAE MELISSAE CONIVGI

TIRONI AVETTI

FABIANO

INCOMPARABILI FELIX ARK.

LATINI ARCARIO

VIX. ANNIS VIII

REIP. NEAPOLITANORVM

XX. LIB. ERVCIA

DIEBVS XLVI

L. D. EX PERM. MAGIST.

PREPVSA DOMINO

MARIA PROCLA

ET MARCIVS FELIX MATRIB.M.

ET CONIVGI BENE

MATER FILIO

MERENTI

DVLCISSIMO

ET ANDRAGATHO

CAES. SER. ARCAR. XX.

Ex Summont. & Capacii
Hist. Neapolit.

HER.

Ex schedis Barber.

Exscripsi.

ARK. *Arkarius* est, five *Arcarius*, id est, *Arce publicæ Custos*: non autem, ut interpretatur *Capacius*, *Archon*, cum sit scriptum per K. In prima quidem *Andragathus* quidam *Cæsaris Servus Arcarius vigesimæ Hereditatium* indigitatur. ORAT. errore Sculptoris pro HORAT. id est, *Horatia Tribu*. In secunda *Felix Arcarius Reipublicæ Neapolitanorum*, qui *Locus Datus ex PERMISSU MAGISTRORUM*.

Romæ.

Romæ.

AGATHYRSVS AVG. N.

ANTONIAE

SER. ARKARIVS FONT

RVFINAE

EM DILAPSVM RE

FELICISSIMVS

STITVIT ITEM MV

ARK.

RVM CINGENDVM

ET ALVEA PONENDA

CVRAVIT

Exscripsi.

Exscripsi.

De *Arcariis* vide quæ differit *Pignorius* libro de *Servis*, qui lucem nostris marmoribus scenerabitur & ab iis vice versa lucem accipiet.

A Studiis,

Romæ.

TI. CLAVDIVS

LEMNIVS

DIVI CLAVDII

AVGVSTI LIB.

A STUDIIS

Exscripsi.

A Studiis is erat, qui Principis vel alterius Domini studiis ministerium suum præstabat.

Custos Officiorum.

Romæ.

D. M.

AVRELIVS DIONYSIVS
TITI.. ET... VIVI SIBI
LIBERTIS LIBERTABVSQVE
POSTERISQ FECER. AVRELIVS
D...IVS CVSTOS OFFICIORVM
...LIA PELAGIA VXOR...
LIBERTIS LIBERTABVSQ.

Exscripsi.

Custos Officiorum forte idem qui *Officialis*, id est *Minister*, *Apparitor*. Vide *Du-Cange Glossar. Med. Latinit.*

Cubicularius & a Cubiculo.

1

2

3

Romæ in villa Matthæi.

Romæ, in villa Caroli Valle.

Romæ.

D. M.

D. M.

DIIS MANIBVS

THALLVS

CLESIAE AELII CLA

HELIO

ACTES N. SER.

DEI A MEMORIA

ACTES AVG. L. *Liberta*

CVB. VIX. ANN. XXIII

ET CVBICVLO AVG.

LIBERTO

FEC. DIADVME

SER.

A CVBICVLO

ET PHOCION ET

PHILETVS CONS.

Subest Triclinium in quo mulier
jacet: ante & retro stat
juvenis.

Exscripsi.

Exscripsi.

Exscripsi.

Cubicularios & a Cubiculo nemo ignorat. A Memoria vero idem forte qui a *Codicillis*; aut saltem non admodum diversus. Acte autem Augusti *Liberta*, cujus a cubiculo erat *Helius*, fuit *Neronis* pellex. *Suetonius* in *Nerone*, *Acten Libertam paulum absuit, quin justo matrimonio sibi conjungeret.*

Dispensator.

1

2

3

Florentiæ.

In urbe Aixme.
Tarantasiæ.

Romæ.

SILVANVS

IVCVNDO CHRYSEROTIS

VENVSTVS

PARIDIS DISPENS.

CAESARIS SER.

PHILOXENI

VIX. ANN. XXXVIII

FAVSTIANI DISP. VICARII

TI. CLAVDI CAESARIS

EPHESIA MERENTI

SERVI

Exscripsi.

Ex R. P. de la Biguerne
Franciscano.

DISPENSATORIS

VICARIVS

B. D. V. S. L. M.

Exscripsi.

Romæ.

4

Romæ.

DIIS MANIBVS
CALAI L. APONI DIS
PENSATORI. V. A. XXXI
POSVIT IANVARIVS
ET SYNERVS
CONTVERNALI
BENEMERENTI

Exscripsi.

5

Romæ, in villa Caroli Valle.

CLAVDIA FECIT SIBI ET
NYMPHIO AVG. LIB. BARON.
ET DONATO AVG. DISPENSATORI
CONIVGI SVO ET IVLIAE ANT.
MATRISVAE ET LIBERTIS LIBERTABVSQ.
SVIS POSTERISQVE EOR.

Exscripsi.

6

Romæ, In villa
Ludovisia.

HERACLAE
AVG.
DISPEN
SATORI
SEDATVS ET
MANSVETVS
EIVS VICARI

Exscripsi.

Dispensator, apud Suidam OEconomus est; qui Cæsaris Domui ordinandæ præficiebatur.

Magister a Balneis Augusti.

Florentiæ.

FLAVIO MARCIANO
VLPIO IVLIANO
MAG. A BALNEIS AVG.
DECVRIONES SCRIBAE VNCTORES AVG.
VLPIO CRATERI AVG. LIB. PROC. CASTR.
DECVRIONES SCRIBAE ET VNCTORES D.D.

Exscripsi.

Balneorum magnus erat apud Romanos usus: unde suos habebant Præfectos, qualis hic Flavius Marcianus *Magister a Balneis Augusti*.

Ministrator.

Romæ, extra urbem ad Turrin de Pignatara.

D.

M.

ZOSIMO CAESARIS

VERNAE

MINISTRATORI

FECIT DOMITIA HYGIA

CONIVGI SVO B. M.

V. A. XXXV.

Exscripsi.

Ministratores vocabantur qui potum Dominis suis ministrabant. Petronius: *Vinum Dominicum Ministratoris gratia est*. Seneca Epist. 95. *Transeo Pistorum turbam; transeo Ministratorum, per quos signo dato, ad inferendam cenam discurritur*.

Manceps Officinarum.

Romæ, in villa Justiniani.

P. CALVIVS P. F.

IVSTVS

MANCIPS

OFFICINARVM

AERARIARVM

QVINQVAE

* sic

ITEM FLATVRAE

ARGENTARIAE

HOC MONVMENTVM

CVM AEDIFICIO

ME VIVVS FECI MIHI ET

CALVIAE ASCLEPIADI

CONIVGI

Exscripsi.

Mancips scriptum pro *Manceps*, id est servus in Officinis, ubi æs & argentum fundebatur ad Monetam cudendam. Flare enim est fundere, liquare: unde Monetarum Præsides, vocabantur Triumviri Auro, Argento, Ære, flando, feriundo, ut passim in nummis.

Opsonator.

*Romæ, in villa Justiniani.**Florentiæ.*

DIS

APHAREVS IVLIAE

MANIBVS

AVG. L. OPSON.

TAVRIONIS

DAT.

OPSONATORIS

LIVIAE LIB.

POPPAEAE AVG.

*Exscripsi.**Exscripsi.*

Seneca Epist. 47. Adjice Obsonatores, quibus dominici palati notitia subtilis est, qui sciunt cujus rei illum sapor excitet, cujus delectet aspectus, cujus notitate nauseabundus erigi possit. Obsonator ergo qui Obsoniis comparandis vacabat, οψωνος & οψωνος Athenæo.

Ostiarius.

Romæ.

T. FLAVIVS AVG. L. ACRABA

DECVRIO OSTIARIORVM

FECIT SIBI ET

HADRIAE ACRABILLAE

VIX. ANN. VII. MENS. VIII. D. XVII. H. X. ET

PROVINCIAE VIXITVS. QM OVIM

ANNIS XVIII

PATER FILIABVS BENEMERENTIBVS ET

LIBERTIS LIBERTABVSQ. POSTERISQ. EORVM

IN FR. P. X. IN AGR. P. VIII.

Exscripsi.

Ostiarus qui portas custodiebat, quem Græci *θύραρχον* vocabant. Suidas, *Ὀστίαριος ὁ κρητὸν τὰς θύρας καὶ ὠδεῖ τὰς εἰσὶν εἰσελθόντας*, *Ostiarus qui custodit portas & impedit ingredi volentes*. Erat etiam sub Imperatoribus Christianis Officium in Ecclesia, de quo consulendi Balsamon & Codinus. In Aula vero ubi plurimi Ostiarii, Præfecti quidam eorum Decuriones vocabantur, qualis iste *Titus Flavius Augusti Libertus Acraba*, qui sibi & *Hadriae Acrabillæ* filiae suæ, necnon & *Provinciae* alteri filiae monumentum fieri curaverat.

Palæstrita.

Florentia.

L. CORNELIVS

POTHVS PALAESTR.

HOSPITAL.

Exscripsi.

Palæstrita qui in Palæstra sive lucta se exercet. Persius Satyra 4. *Quinque palæstrita licet hæc plantaria vellant*.

Scriba Librarii.

Romæ.

D. M.

VOLVSI PRIMA

NI SCRIB. LIBR. Q.

III DEC. ET LICTO

RI III DEC.

Tertiæ Decuriæ.

VOLVSIA SALVIA

PATRI PIENTISSIMO

Exscripsi.

Romæ.

PRO SALVTE

TI. CLAVDI CAESARIS AVG. PONTIF.

MAX. TR. POT. III COS. III DESIGN. III

PRAESENS AVG. L. EX VOTO SVSCEPTO

VIAT. ET SCRIB. LIBR. ET

Viator

A LARICIVS LVDVS DED.

Ex sched. Barber.

De acceptione vocis *Scribae* vide Meursii Lexicon Græcobarbarum. De *Laricio Ludo* cujus in 12. lap. mentio, nihil me legisse memini.

Silentiarius.

Romæ.

Q. SERVILIUS M. F. QVIR. SATVRNINVS

SILENTIARIVS DOMEST.

VIVVS FECIT SIBI ET

SERVILIO P. F. RVFINO ET SERVILIAE PRIM.

Supplem. Tom. IV.

Yyy ij

Exscripsi.

Silentiarius Officium erat in aula Cæsarea, Orientali præcipue, is nempe qui Silentium & quietem populo indicebat. Eos Agathias lib. 5. appellat τὰς ἐπιστάτας τῆς ἀμφοτέρω βασιλείᾳ σιγῆς, id est, *Præsides silentii* quod circa Imperatores observari debet. Eodemque nomine & is qui a Secretis Cæsaris erat vocabatur, inferiori scilicet Imperii ætate. Plura Vide in Glossario Med. Lat. Du-Cange.

Scriniarius.



Hæc prima Inscriptio a Grutero refertur pag. DCXLIII. 9. Sed quia marmoris figuram non addidit, in quo Scrinium depingitur, hic eam addito typo repetere non erit inutile. *Quintus Fabius Hilarus Hilari Libertus Scriniarius* indigitatur. *Scriniarii*, inquit Erud. Du-Cange in Glossario med. Latin. dicti qui in Scriniis operam suam locabant, & *Scriptorum vices* agebant. Papias: *Scriniarii*, *Libellarii*, *Chartularii publici*. Suidas Σκρινιάριος, ὁ χαρτολαβὴς τῆς ἐπάρχης, ὁ αἰρὼν τὸ σκρίνιον, ἢ τοὶ τοὺς βιβλίους. De *Scriniariis* videtis Tit. Cod. 50. lib. 12. Cujacium, Gothofredum & alios. *Scrinium* autem erat veluti Theca ad publica scripta recondenda: unde in Glossar. veter. *Scrinium* χαρτοφυλάκιον, & in Gloss. Basilic. Σκρινία, αἱ ἀρχαὶ, id est, *Arculae seu capsae*, in quibus libros, scripta aliaque secreta reponantur, inquit Isidorus. Quatuor autem Scrinia erant, teste Scholiaste Juliani Antecess. primum quod dicebatur *Libellorum*; secundum *Memoriae*; tertium *Dispositionum*, quartum *Epistolarum*: unde & quatuor *Antigraphi* seu *Scriniarum Magistri*. Hic tamen SCRIN. V. *Scrinium Quintum*, indicari videtur. Libelli aliaque scripta quæ in iis reponerentur, erant veluti colligata volumina, olim ita a volendo dicta. Martial. Epig. lib. 14.

Constrictor nisi das mihi Libellos.

Et talia constricta cernuntur volumina in marmore infra exhibendo Titul. *Pædagogus*. Dio scribit Brutum & Cassium pugiones loco Libellorum in Scrinio detulisse in Senatum ad trucidandum Cæsarem. Quo pacto autem essent dispositi intus Libelli patet ex typo 2. hic a nobis ex schedis Bagarranis vulgato: quibus & tertium debemus Marmor, Statuam nempe Viri cujusdam Togati Magistri forte Scriniorum, vel certe *Corporis alicujus Patroni*: quod indicare videtur Inscriptio Scrinii ad ejus pedes appositi: CONSTITUTIONES CORPORIS MVNIMENTA: quæ quidem Constitutiones inibi inclusæ censendæ. Cæterum ad hanc elegantem Statuam plura posset quis de Toga commentari: sed quia alii non pauci hanc provinciam susceperunt, dicam verbo, Togam, teste Veter. Gloss. ad Pers. Satyr. fuisse purum pallium forma rotunda & fusiore, atque inundante sinu: quæque sub dextro veniens super humerum sinistrum ponebatur, ut in antiquis simulacris & picturis observamus. Sinum Togæ ad dextrum latus Persius candidum umbonem vocat, a rotunditate Clypei. Mensura Togæ justæ senas ulnas habebat. Ideo ineptum fuisset in bello vestimentum. In pace ea Romani utebantur, in bello paludamentis. Pulchram Togæ descriptionem habet Tertullianus, de Pallio.

Ex Statione Quadragesimæ Galliarum.

Romæ, ad Divi Laurentii.

DISMAN.

PEDIA EPICTESIS

PLACIDO CAESARIS

EX STATIONE XXXX GALLIARVM

FECIT ET SIBI ET SVIS LIBERTIS

LIBERTABVSQVE POSTERISQVE EORVM

Exscripsi.

Quadragesima erat Tributum quod Imperatoribus Romanis pendeatur. *Ex Statione* idem ni fallor qui *Stationarius*, Miles, Apparitor, Ministerve publicus, qui Magistratui seu Præsidi ministrabat, ad hujusce Tributi exactionem. Vide Glossar. Med. Lat. in voce *Stationarius*.

Tabularius.

Florentia.

EVANDRO AVG. LIB.

TABVL. A PAL. AMICO

VLII ATHYRON ET

DEMETRIVS HERÉDES

Romæ.

D. M.

L. SEMPRONI FESTI

TABVL. RAT. PORTVEN.

OPER. D. VIX. ANN. XXXI

SEMPRONIA MATER FILIO

OPTIMO FECIT

Exscripsi.

Ex sched. Barber.

Romæ.

D. M.

M. VLPI AVG. LIB.

EVTYCHI

TABVL. VIAE APPIAE

VIX. ANN. XXXX

FLAVIA DAPHNE

CONIVGI B. M.

FECIT

Exscripsi.

Florentia.

OPTATVS

ANTONIAE

DRVSI TABVL.

Exscripsi.

Tabularii qui tabulas publicas & Archiva curabant & custodiebant: unde in Gloss. Lat. Græc. *Tabularius* γραμματοφύλαξ, λογιστής & λογοποιός dicitur. Hæc officia passim apud veteres Historicos, & in antiquis lapidibus occurrunt.

Adjutor Tabularii Natalis Aug.

Romæ, ad D. Pancratium.

GAENAE O
AVG. N. VERN.
ADIVTORI
TABVLARI
NATALIS AVG.
N. DISP. FRATRI
MERENTI
FECIT

Augusti nostri Verne.

Ex Abbate Doni Florentino.

Natales Augustorum quotannis celebrari solebant, non sine magnis impensis, quarum rationes curabant & exscribebant his destinati *Tabularius*, & *Adjutor* five *Vicarius Tabularii*.

Vicarius

Romæ.

Florentiæ.

SECVRITATI

D. M.

MARTIALIS

SECVNDIONI

DANAI VICARI

VIX. ANN. XV

FIDELISSIMI

SECVNDVS VICARIO

BENEMERENTI

Exscripsi.

Exscripsi.

Vicarii qui vicem aliorum obibant, Substituti, passim apud Autores leguntur.

A R T E S.

Argentarius.

Florentiæ.

Florentiæ.

SELEVCVS

L. GAVIDIVS EROS

IVLIAE AVG.

FABER ARG. V. A. LXX.

Vixit annos

ARGENTARI

GAVIDIA CLEOPATRA

LYSENIANVS

PATRONO FECIT

Exscripsi.

Exscripsi.

*Lugduni ad Divum Irenæum.**Romæ, in villa Montalto.*

D.

M.

D.

M.

... PLACIDAE

SILIO VICTORI FILIO

... ODISI FILIAE

ET NAEBIAE AMOEBE

... ARGENTARI

COIVGI ET SILIAE VICTORIAE

... G. CLAVDIA

FILIAE SVAE P. SILIVS VICTOR

... TER MISERRIMA

TRITOR ARGENTARIVS

... VPERVIXIT

F. S. ET S.

Fecit sibi & suis Liber-
tis Libertabus.

... IT

L.L. POSTERISQ. EORVM

*Exscripsi.**Exscripsi.*

Artem omnibus notam non moror. Quicunque enim ex argento fabricabant aliquod opus, *Argentarii* aut *Fabri Argentarii* dicebantur, sicuti & qui terebant *Tritores Argentarii*, ut in ultimo marmore. Lugduni autem ex veteribus Instrumentis discimus ad Divi Irenæi ædem, ubi tertium reperitur marmor, vicum fuisse Fabrorum Argentariorum & Aurificum. *Argentarius* Plinio est Trapezita.

Aurifex.

Romæ, in ædib. Barber.

L. VECTIVS NYMPHIVS

AVRIFEX. V. A. XVII

ET TE TERRA PRECOR LEVITER

SVPER OSSA RESIDAS

SENTIAT VT PIETAS PRAEMIA

QVAE MERVIT

ET QVICVMQVE SVI SINCERE

PRAESTAT HONOREM

FELICEM CVRSVM PERFERAT

AD SVPEROS

*Exscripsi.**Romæ.*

D.

M.

QVICVNQVE ES PVERO LACRIMAS EFFVNDE VIATOR

BIS TVLIT HIC SENOS PRIMAevi GERMINIT ANNOS

DELICIVMQVE FVIT DOMINI SPES GRATA PARENTVM

QVOS MALE DESERVIT LONGO POST FATA DOLORI

NOVERAT HIC DOCTA FABRICARE MONILIA DESTRA

ET MOLLE IN VARIAS AVRVM DISPONERE GEMMAS

NOMEN ERAT PVERO PAGVS AT NVNC FVNVS ACERBVM

ET CINIS IN TVMVLIS IACET ET SINE NOMINE CORPVS

QVI VIXIT AN. XII

MEN. VIII. DIEBVS XIII HOR. VIII

Exscripsi.

Collegii *Aurificum* mentio est in marmoribus a Grutero relatis pag. CCLVIII. & DCXXXVIII. Hic vero juvenum in hac arte peritorum, quorum primus annos natus erat XVII. secundus tantum duodecim. GERMINIT errore fabrilis sculptum pro GERMINIS.

Ars Caractearia.

Lugduni, in Suburbio D. Irenæi.

AVRELI LEONT.

QVI VIXIT ANN.

XVIII. M. VII. D. V.

ARTIS CARACTE

...IARI ANTONIA

AMANDA MATER

INFELICISSIMA FIL.

DVLCISSIMO PIENTISSI

MO ET SIBI VIV.

PONENDVM CVRAVIT

ET ASCIA DEDICAVIT

Exscripsi.

Artem Caracteariam, ni fallor, profiteri dicebantur, qui lapidum characteres sculpebant, quorum magna erat necessitas, cum vix ullus Romano subditus imperio carere vellet Epitaphio.

Balneator.

Florentiæ, in villa Strozzi.

ASINIAE C. L. AMMIAE	C. ASINIO
MATRI FELICIS FABRI	FABRO BALNEA
BALNEATORIS	TORI VIXIT
	ANNOS XXXI

Exscripsi.

Balneatores inter *Fabros* recenserentur mihi videtur, cum alicui operi post se relinquendo non dent operam: nisi dicamus eos ita nuncupatos fuisse qui balnea fabricabant.

Caligarius.

Romæ.

Q. LAEVIO Q. F. TYCHICO

CALIGARIO DE VICO CYPR.

NAT. THRAC. DOM. PARTHEN.

LAEVIA LASIMVNDI MARITI

PIENTISS. FECIT

Ex sched. Barber.

Caligæ

Caligæ fuere calceamenti species gregariis militibus in usu. Hinc Cajus Cæsar, qui ut militibus placeret, eas gestare solebat, *Caligula* dictus. Tacitus lib. i. Annalium de ipso: *Jam infans in castris genitus, in contubernio Legionum educatus, quem militari vocabulo Caligulam appellabant, quia plerumque ad concilianda vulgi studia, eo tegmine pedum induebatur.* Inde qui hæc Caligas parabat aut divendebat *Caligarius* dictus, qualis hic Quintus Lævius habitans in *vico Cyprio*, qui erat in Reg. Urbis IV. natione *Thrax*, domo, id est, origine sive natalibus *Partheniensis*. Parthenium autem teste Stephano locus littoralis Thraciæ, ut notat Reinesius qui hanc Inscript. incorrectius citat.

Cerdo Faber.

Romæ.

POMPEIAE MELISSAE	POMPEIA SEX. L.	EMP.
MAIOR HAVE	MELISSA SIBI ET	DE. F. C. TROLTO
POMPEIVS NARDVS	SEX. POMPEIO CILICI	EPIGONO
CERDO FABER		

Ex sched. Barber.

Romæ.

SEX. POMPEIVS SEX.
HERMIA SEX.
POMPEI
CERDONI

Ex sched. Barberinis.

Cerdo Faber qui calceos fabricabat aut reficiebat, qui & simpliciter *Cerdo*.

Cocus.

1

2

Romæ,

Romæ,

In villa Carol. Valle.

ZETHVS MARCELLAE
MINORIS COCVS

EPAINVS MESSALLINVS
AVG. AVGVSTIANVS IVLIANVS
SELEVCVS C. CAESARIS
COCVS GERMANIC.

Exscripsi.

Exscripsi.

1. *Marcella* minor fuit Messalinæ mater. 2. GERMANIC. id est, *Germanicianus*, Germanus natione, ut in aliis marmoribus integra voce legitur.

Confectores æris.

Hispani, in Bibliotheca Ducis de Alcala.

T. FLAVIO AVG.
LIB. POLYCHRYSO
PROC. MONTIS
MARIANI PRAES
TANTISSIMO
CONFECTORES AERIS

Ex R. P. Cattany Franciscan.

Confectores æris, ni fallor, dicuntur, qui in quibusdam fodinis æri extrahendo & conficiendo operam navabant, forte in eo monte *Mariano*, ubi *Procurator* erat *Titus Flavius Augusti Libertus Polychrysus*.

Eburarius.

Florentiæ, in villa Strozzi.

Q. CONSIDIUS EVMOLPVS

FABER EBVRAR.

Exscripsi.

Eborarius, *Eburarius*, sive *Faber Eburarius*, qui variis rebus ex ebore tornandis, aut sculpendis incumbibat.

Ab Hortulo.

Romæ.

POMPEIAE

PLACIDIAE

SEX. POMPEIVS

KARATVS

AB HORTVL.

SEXTIAN.

AD VIA LARIC.

Exscripsi.

Romæ.

C. OCTAVIVS C. L. PACCIVS

AVG. SER. AB HORTVL.

C. OCTAVIVS C. L. PROSPER

AVGVST. CVBICVLARIVS

OCTAVIVS C. L. PACORVS

AVG. A VESTE IMP. PRIVATA

Ex sched. Barber.

Ab Hortulo nihil aliud est quam *Hortulanus*. Notanda secunda Inscriptio tribus fratribus destinata, quorum major natus Augusti servus, *ab Hortulo*, secundus *Cubicularius*, ultimus servus *Augustalis a veste Imperatoris privata*.

Insularius.

Romæ.

SEX. POMPEIVS SEX. L.

LATINVS INSVLAR.

SIT TIBI TERRA LEV.

Ex sched. Barber.

Romæ.

HIMERVS INSVL.

VENVSTO EPHEBO Q.

Ex schedis Barber.

Insularii, *Insularum* custodes. Erant autem *Romæ Insulæ*, ædes grandiores quæ cum vicinis ædibus communi pariete non iungebantur, quales *Rufus* & *Victor* in descriptione *Urbis* non paucas enumerant.

Lanarius.

Romæ.

TI. CLAVDIO TI. L. PALLANTI

LANARIO VIX. ANN. LXVIII

TI. CLAVDIVS L. OLYMPVS

AVRIFEX T. E.

Ex sched. Barber.

Lanarius qui lanās negotiatur vel saltem eas præparat ad pannos fabricandos: sic mulieres *lanificæ* & *lanipendiæ* dicebantur, quæ lanam nebant aut tractabant.

Florentiæ.

D. M.

IRENES LANIPENDAE

V. A. XXVIII.

OLYMPVS

BENEMERENTI FECIT

Exscripti.

2

HIC SITA EST AMYMONE MARCI OPTIMA ET PVLCHERRIMA
LANIFICA PIA PVDICA FRVGI CASTA DOMISEDA

Exscripti.

Lapidarius

I

2

Vasione.

Divione.

D. SALLVSTIO AC

CEPTO OPIFICES

LAPIDARI

OB SEPVLTVRAM EIVS

I. O. M. ET FORTVNAE REDVCI

PRO SALVTE ITV ET REDITV

TITI FL. VETERIS PATRONI

OPTIMO ET FIDELISSIMO LAPIDARI

CLIENTES EIVS PAGAN. DOMO

COGISTENTES EX VOTO V. S. L. M.

Ex sched. Episc. Vasion.

Ex Guenebaldi Tumulo Cbyndonactis.

Latomus & *Lapidicæfor* qui lapides in latomiis cædebat: *Lapidarius* vero is fortasse, qui simpliciter lapides parabat ad ædium fabricationem, an & qui gemmas, ut nos hodie vocamus *Lapidaire*s. In 2. Inscript. legend. videtur TIB. FL. VETERIS ut habet Inscript. Gruteriana ejusdem Viri.

Lecticarius.

I

2

Florentiæ.

Romæ.

FELIX LECTICARIVS M. VLPIVS AVG. L. ERASTVS

REGILLI

EX N. DECVRIONIS LECTICARIO

RVM FECIT EX PERMISSO DECRE

Exscripti.

TI IBI POSTEA IANVARIVS ET SATV

RIO SCRIBAE LECTICARIO RVM EX

PERMISSV PONTIFICIORVM FECE

RVNT SIBI ET SVIS EX DECRETO

PONTIFICVM ITEM SATVRIO COIV

GI SVAE AVRELIAE SEBERAE BENE FECISSE

IANVARIVS AVRELIO FORTVNATO ET VIC

TORINO FILIIS BENEFECIT SATVRIO FE

LICI ALVMNO BENEFECISSE POSTERIS

QVE EORVM

Exscripti ex schedis Peiresk.

Lecticarius qui lecticas conducebat, deducebatque : itemque dicti *Lecticarii* qui mortuos efferebant in lectis ad rogam, ut ex *Novellis Justiniani* colligere est.

Lenuncularius.

Romæ.

MEMORIAE PERPETVAE
Q. CAECILIO Q. L. NICANORI
LENVNCVLARIO R. TIB.
Q. CAECILIUS ANOPTES TABVL.
R. TIB. S. T. T. L.

Ex Barberinis schedis.

Lenuncularii nautarum species, ita dicti a *Lenunculis*. R. TIB. est *Ripæ Tiberinæ* S. T. T. L. *Sit tibi terra levis.*

Librarius, Libraria.

Romæ.

MEMPHIS	M. ATTIVS	CORINTHVS
POMPEIAE LIBRARIAE	ATIAE L.	MARCIAE CVB.
V. A. XX.	VALENS	V. A. XXV.

Ex sched. Barberin.

Librarii dicti videntur qui pondera librabant, eo quod apud *Modestinum* lib. 6. cum *Calculatoribus* conjungantur, *μνηστὴς λιβραρίης, μνηστὴς καλκελάτορας, ἔς ὁμοφρονιστὰς λέγομεν, &c.*

Manulearius & Patagiarius.

Romæ.

SEX. ANTONIVS SEX. L. ARISTVS
MANVLEARIVS PATAGIAR.
SEX. ANTONIVS SEX. LIB. IRENALEVS
VIOLARIIVS
ANTONIA GAVGELA LIB.
COMM. FECERVNT IN FR. PED.
XX IN AGR. PED. XXV

*Vide Inscript. apud
Reines. p. 634.*

Ex sched. Barber.

Manulea, idem ac *manica*: hinc *Manuleata tunica* apud *Plautum* in *Pseudolo*, & *Manulearii* in *Aulul.* inter artes enumerantur, ii scil. qui *manicas* conficiebant. *Patagium*, inquit *Nonius*, *aureus Clavus qui pretiosis vestibus immitti solet*, præcipue in muliebribus, & *Patagiarii*, qui hujusmodi opera faciunt. Hujus utriusque artis meminit *Plautus* in *Aulul.* Versibus infra citandis in Voce *Violarius*.

Materiarius.

Romæ, in villa Cæsarini.

TI. CLAUDIO

PROBO

MATERIARIO

Exscripsi.

An qui materias ædificiorum ministrabat, vel quid aliud, *Materiarius* diceretur, pronunciare non aulim.

Myrobrecharius.

Romæ.

P. IVNIO P. L. ANEOPHILO

P. IVNIVS P. L. DIONYSIVS

LIB. MYROBRECHARIVS

OL. D. S. D.

Ollam de suo dat.

Myrobrecharius Græca expressione idem ac Latinis Unguentarius, qui Unguenta sive olea ad suffitum præparat. Suetonius in Augusto, ait eum Mecenatis sui orationem mollem, quam *μυροβρεχεῖς* *Cin- cinnos* vocabat, usquequaque persequi solitum fuisse: *βρέχω* enim est illino, *μύρον* vero unguentum. Salmasius in Hist. Aug. ad Aurelium, putat apud Plautum in versibus infra citandis, voce *Violarius*, legendum *Myrobrecharius*, non ut vulgo, *Murrobratharius* aut *Murobatarius*.

Menfor Ædificiorum & Architectus.

1

Romæ.

TI. AVGVSTO

IVLIAE AVGVSTAE

S A C R.

L. POSTVMIVS PRIMVS

MENSOR

D. S. P.

Exscripsi.

3

Romæ.

D.

M.

AVLIAE LAODICES

FILIAE DVLCISSIMAE

RVSTICVS AVG. LIB.

ARCHITECTVS PATER

INFELICISSIMVS QVAE

VIX. ANN. VI. MENS. VI.

DIEBVS IIII

Exscripsi.

2

Romæ.

L. LVCILIO MECENATI

POLIAENO LIBERTO

MENSORI AEDIFIC.

VIX. ANN. LXVIII M. VII D. VI

C. LVCILIVS C. L. XANTHVS

EMPTO LOC. OLL. N. XIII. EX ORN.

Ex sched. Barberin.

4

Romæ.

M. ALFENIO ARCHI

TECTO

ALFENIA VIVANIA F.

Ex sched. Barber.

Mensor idem qui *Agrimenfor* apud Frontinum. Alii sunt *Mensores* in Cod. tit. 34. l. 6. quorum munus fuit hospitia Principi præparare, & Palatinis Principem comitantibus deputatas domos enotare, & postibus hospitaturi nomen adscribere. *Du-Cange Glossarium mediæ Latinitatis*.

Negotiator de sacra via,

Romæ.

M. CAEDICI FAVSTI CAEDICIA
NEGOTIATOR. SYNTICHE
DE SACRA VIA CONLIBERTA.

Exscripti.

Viæ sacræ, in qua negotiabatur Marcus Cædicius Faustus, passim apud Romanos Authores mentio; ita dictæ quod per eam sacra ferrentur. De ea vide Panvinium in descriptione Urbis, qui observat ex antiquis Grammaticis substantivum in his nominibus præponendum, ut dicatur *via sacra*, non *sacra via*, quod Sculptori nostro ignotum fuit.

Negotiator Sagarius & Pellarius.

Romæ.

Mediolani.

Q. CORNELIVS Q.L. P. IVLIO MACEDONI
PHILOMVSVS SAGARIVS A THEATRO NEGOTIATORI SAGAR.
MARCELLI FECIT SIBI ET SVIS ET PELL. P. IVLIVS
CORNELIAE DAPHNE CONLIBERTAE SVAE Pellario
ET CORNELIAE NYMPHE SORORI EIVS L. SENNA LIB.
SE VIVO INTVLITA
CORNELIAM PROCVLAM FILIAM ANN. VII C. GEMINIO
CORNELIAM HELPIDEM CONLIBERTAM ET
CALLITYCHEN MATREM EORVM ET
C. PINARIVM GEMENVM

*Ex D. Mezzabarba
de Biragues.*

Exscripti.

Sagum vestimentum militare, hinc *Sagaria negotiatio* in Pandectis legitur, & in Onomastico *Sagarius* χιτωνοπώλης, qui *Saga* vendit, ut hic Quintus Cornelius Philomusus ad *Theatram Marcelli* habitans.

Ornatrice.

Florentiæ.

Romæ.

IRICE LIVIAE L.

... PINAE

ORNATR.

... ORNATRIX

ARISTO LIVIAE L.

... ANNOS XII

...ERMES CONSERVOS

Exscripti.

Exscripti.

Ornatrices, quæ mulieribus circa capillos aliaque præcipue capitis ornamenta ministrabant, fuscæ explicantur apud Pignorium libro de Servis.

Pædagogus.

Romæ, sub Alex. VII. reperta.

IMPERATORI CAESARI
M. AVRELIO ANTONINO
A V G.
L. SEPTIMI SEVERI PII
PERTINACIS AVG. FILIO
DOMINO INDVLGENTISSIMO
PAEDAGOGI PVERORVM A CAPITE
AFRICAE QVORVM NOMINA INFRA
SCRIPTA SVNT

TRYFERVS VER.	LIB.	PETIZACE	S. LIB.
EVPERILEMPTVS	S. LIB.	ZOILLV	S. LIB.
EVTYFRO	N. LIB.	FREQVEN	S. LIB.
TROPHIMV VER.	LIB.	MODESTV	S. LIB.
POLLVX VER.	LIB.	PATROCLV	S. LIB.
CHRY SOMALLV	S. LIB.	HERME	S. LIB.
PHILETERVS VER.	LIB.	NICOMACHVS	VER. LIB.
EVTYCHE	S. LIB.	PAEDICV	S. LIB.
SPENDO	N. LIB.	HERMOGENE	S. LIB.
PERSEV	S. LIB.	NEON VER.	LIB.
HERME	S. LIB.	ANEMVRIV	S. VER.
FELIX	S. LIB.	EVTYCHE	S. LIB.

PROCVRANTIBVS SATVRNINO ET EVMENIANO
DEDIC. IDIB. OCT. SATVRNINO ET GALLO

C O S.

Exscripti.

Ara sive basis Statuæ Marco Aurelio Antonino Caracallæ dicata a Pædagogis puerorum a capite Africæ, quorum Pædagogorum nomina ibidem inscripta sunt. Caput Africæ erat locus Romæ in regione secunda, cujus Victor & Rufus in descriptionibus Urbis meminerunt. Fallitur ergo Eruditiss. Casaubonus ad Spartianum in Hadriano, citans lapidem Gruterianum D. M. P. AELIVS AVG. LIB. LYCVS PAEDAGOG. PVEROR. AC APVT AFRICAS: ubi ait, AC, principium est nominis quo pædagogorum puerorum declarabatur, sed erant in Africa plures populi quorum nomina ita incipiebant. manifestum enim est ex nostro marmore subesse errorem in prædicto Gruteriano, legendumque esse A CAPIT. AFRICAS, id est a capite Africæ: Africas enim scribi potuit Græco modo in genitivo pro Africæ: nihilque aliud designabat, quam Collegii locum ubi docebant prædicti Pædagogi.

Romæ, in villa Matthæi.

Romæ.

DIIS MANIBVS

T. AELIO AVG. LIB.

L. CIARTI

PEREGRINO PAEDA

HYPERETIS

GOGO PVERORVM FEC.

CIARTIVS HELOPS

AELIA NICE PATRONO

PAEDAGOGO

B. M.

L. CIARTI SCYRI

COLLACTEI

S V I

Exscripsi.

Exscripsi.

3

4

5

Romæ.

Romæ.

Romæ.

DIS MAN.

C. VALERIO LEONAE

D. M.

NERITI POMPONI

ET LYCO FORTISSIMIS VIRIS

NOETO

MATERNI PVERI

VALERIVS MYRISMVS

TI. CLAVDIVS

COMPAEDAGOGII

CONPEDAGOGITA

EVANGELVS

MERENTI

BENEMERENTI FECIT

CONPEDADOGI

Ex schedis Barberin.

TAE SVO F.

In tertia Inscript. Pueri *Compædagogii* dicuntur, qui sub eisdem pædagogis educabantur. In quarta vero & quinta *Compædagogita*, qui simul pædagogus erat. Hic non erit absonum Sarcophagum addere, in quo Puerorum ludi exhibentur.

Puerorum Ludi, ex Sarcophago Romæ in hortis quondam Carpensibus.



II



III




Puerorum certamina instituerunt Elæi nullo veteris memoriæ exemplo, arbitrato suo, ac primum quidem de cursu & lucta pueris proposita fuere præmia. Pausan. lib. 5, ubi subjungit ac luctæ Hiposthenes

nes Lacedæmonius, cursus vero palmam accepit Elæus Polynices. Et XLI. Olympiade, pueros in cæstum pugna commiserunt. Clemens Alexandrinus, Stromatum 7. *Sunt in Ecclesia, ut in Gymnicis, coronæ victorum ac puerorum.* Puerorum pugilem celebrat Agesidamum Pindarus Ode X. De pugna pugilum videtis Virgil. lib. 5.

In facie Sarcophagi conspicitur 1. Terminus, a quo in stadio cursum auspicabantur. 2. Juvenis Endromide indutus, ne frigus aut ventus obeffet sudato. Erat autem *Endromis*, ut plurimum vestis hirsuta, inde sic dicta quod ἐν δρόμῳ, hoc est *in cursu* ea uterentur. 3. Victor puer in medio stat cum palma & corona oleaginea. 4. Sequuntur pugiles duo pugnis certantes. 5. Duo pugnantes cæstibus. Cæstus pugilum lora erant *claviculis distincta*, teste Clem. Alexandr. quibus brachium ligabatur. Hinc Poeta, *Nunc ligat ad cæstum gaudentia brachia loris.*

Observanda tandem venit in omnibus similis capillorum religatio in nodum, quæ σχοπιόν Græcis dicebatur: ea enim voce exprimere solebant quicquid in conum fastigiatum erat, ad modum caudæ scorpii. *Hæc fere, ut & Sarcophagi ectypum, ex schedis Bagarrianis.*

Cippus Romæ, qui apud Grut. exhibetur sine Fig.



Marco Junio Marci filio Palatina tribu, *Ruso*, Soterichus Pædagogus Epitaphium fecerat. Volumen ipsi porrigit. Retro puerum fasciculus voluminum, sive, ut ait Juvenalis, *Magno comites in fasce libelli.* De quibus diximus supra in Scrinarius.

Pedisequus.

Florentia.

Florentia.

C. LIVIVS LIVIAE CIRCIVS IVLIVS EROS LIVIAE
AVGVSTAE SER. AVGVSTAE SER. PEDE
PEDESSEQVOS SEQVOS

Exscripsi.

Exscripsi.

Pedesequos, & Pedessequos, antiquo scribendi modo, Servus qui Dominum pedibus sequitur.

Pictor.

Romæ, in villa Matthæi.

PRAECEDERE VOLVISTI SANCTISSIMA COIVX
VT ME RELINQVERES IN LACHRIMIS
SI EST ALIQVIT IN INFERNAS PARTES BENE
SINE TE VITAM SORDIDAM EXIGO ESTO FELIX
ET IBI DVLCISSIMA THALASSIA EDVCATRIX
C. V. ET MIHI IN CONNVVIO PER ANNOS XXXX
PAPIRIVS VITALIS ARTE PICTORIA MARITVS EIVS
FEMINAE INCOMPARABILI FECIT SIBI ET SVIS

Exscripsi.

Non inelegantia sunt hæc Epitaphia, in quibus superstites Tumuli Curatores defunctos alloquuntur, quale hic Papirius Vitalis uxori suæ *Thalassie* dicatum, C. V. quid sit non mihi liquet, nisi forte *Gara Uxor*.

Pistor.

Romæ.

Romæ.

M. ANTONIVS

D. M.

AMPHIONIS L.

STEPHANO ACTES N. PISTOR

ANTEROS PISTOR

V. A. XXXV. SATVRNINVS

SORORIS F. CONSECRAVIT

3

Romæ.

C. OCTAVIO C. L. HERBASIO

AVG. NOST. DISPENSATORI

C. OCTAVIVS C. L. VERCVNDVS OL. D.

C. OCTAVIVS C. L. TRETRAX

AVGVST. PISTOR

C. IVLIVS C. L. ILA

AVG. FABER

Ex sched. Barberin.

Pistorum ars notissima. In tertia OL. D. id est *Ollam dedit*. De Ollis dicemus infra. Cætera plana sunt.

Pomarius.

Romæ.

C. IVLIVS EPAPHRA

POMAR. DE CIRCO

MAXIMO ANTE

PVLVINAR SIBI ET

VENVLEIAE CN. CN. L.

HELENÆ CONIVGI SVÆ

Ex Camelio.

Pomarius de Circo Maximo, videtur dictus Hortulanus qui Viridaria Circo Maximo, qui extra urbem erat, conjuncta colebat.

Præguftator.

Romæ.

DIS MANIBVS SACRVM

T. FLAVIO CAERIALI DOMITIANI

AVGVST. PRAEGVST. DOMITIAE DIVI

TITI AVGVST. LIB. ANTIQVAE CONIV

GI PISSIM. ET FIDELISSIMO

DELICIO SVO FECIT

H. T.

IN FRONTE PEDES X IN AGRO PEDES XIII

Ex sched. Barber.

Præguſtator qui fercula Imperatori præguſtabat. Is autem melius inter Officia relatus fuiſſet: ſed *πριβευ* non affectamus.

Propola.

Roma.

STATILIO T. L. ASOPO

PROPOLAE

HIPONA VIX. AN.

XXXVIII M. VIII

STATILIO LIB. HEROS

T. F. C.

Exſcripti.

Propola ille eſt qui res, minori pretio emptas, majori poſtea divendit. Vide *Voffii Etymolog.*

Ratiarius.

Ara Genevæ reperta in Rhodano, ann. 1678.

DEO SILVA

NO PRO SALV

TE RATIARIOR.

SVPERIOR. A

MICOR. SVOR.

BASIM SANCT.

M. ARRIVS CIVIS HEL.

V. S. L. M.

*Helvetius Votum
ſolvit libens me-
rito.*

Ex Erud. Minutoli.

Ratiarii superiores qui in ſuperiore Rhodani parte habitabant, ſive fuerint Nautæ Rates deducentes, ſive artifices eas fabricantes. Rates enim Feſto vocantur tigna inter ſe colligata, quæ per aquam aguntur: quo quidem vocabulo interdum etiam naves vocantur. Nemo autem miretur in his montolis nemoroſiſque locis Helvetios attingentibus, Silvanum cultum fuiſſe; is enim in Gruteriana Inſcript. *Dendrophorus* cognominatur, quaſi ligna miniſtrans. Baſim ſanctam eam nuncupat *Marcus Arrius*, eo quod ſtatuz hujus numinis ferendæ deſtinata eſſet.

Refector Pectinarum.

Aſta.

T. VALERIVS L. F.

PLACIDVS

REFECTOR PECTINARVM

CORNELIA M...

Ex Guichenon.

Pectinæ forte erant Pectines, quibus Fullones utebantur ex erinaceis ſpinis, quæ ſæpius reſici debebant.

Scapularius.

Reate.

C. IVLIO

GLYCEROTI

FELICIS SCAPILANIE

DEC. III. Q. D.

TI. CLAVDIO AVG. LIB. FELICI

SCAPVLARIO D. III. QVIN

QVENNALI IMMUNI

TRIPLICARIO BENEMERENTI EX CONSENSV

DECVRIAE VNIVERSAE HONORIS CAUSA

ZOTHECAM PVBLICE DEDERVNT

ATIMETVS L. SVA PECVNIA ADORNAVIT

*Ex Camelio, & febed. Barberin.**Scapularius, anne ars, vel officium in aliqua Decuria, cujus munus scapulis gestare, divinet peritior alter.*

Seplasiarius.

Florentiae.

A DIECTO

SEX. AVIDI EVTYCHI

SEPLASIARI NEGOTIANTIS

SER. INSTITORI COMMVNIS

AMICO B. M.

*Exscripsi.**Seplasiarius, Negotiator qui Seplasia sive pigmenta vendit. Confule Erud. Du-Cange Glossar. med. Latin.*

Speciarius.

Romæ.

THALASSIAE MIMAE

C. PISONIS NOTHI

SPECIARIAE

CONTVBERN. BENEMERENT.

*Ex Camelio.**Quid fuerit ars Speciaria non mihi liquet; an quæ varias stirpium & medicamentorum Species vendebat, quales nunc vocamus ex voce inde forte derivata *Espiciers*? An vero aliud quid?*

Statuarum Oculorum Repositor.

Florentiae, in villa Strozzi.

M. RAPILIUS SERAPIO HIC

AB ARA MARMOREA

OCVLOS REPOSVIT STATVIS

Id est, quoad

QVA AD VIXIT BENE

Exscripsi.

Statuis Romanis oculi aliquando ex alia materia conficiebantur, veluti argentei æreis statuis; quam præcipue artem callebat Marcus iste Rapius Serapio; qui etiam *aras marmoreas* fabricare solebat.

Strator.

Romæ, via Appia.

DIOMEDES AP.

STRATOR

FAVSTAE HEDIAE

Ex sched. Barber.

AP. STRATOR, ni fallor, est viæ *Appiæ Strator*, qui viam sternebat, pavementumque ubi deficeret, restituebat.

Structor Parietarius.

Florentiæ.

C. IVLIVS SALVIVS

STRUCTOR PARIETARIVS

IVLIAE HEVRESI

CONIVGI SANCTISSIMAE

IVLIAE RESTITVTAE ET

C. IVLIO STATVTO F.

AEDICVLAE IN QVA OLLAE III

ET INFERIORES II DATAE A M. IVLIO

IANVARIO ET A IVLIA BRVSA

Exscripsi.

Sarcinatrix.

Romæ.

VERANIA D. L.

PRIMA

IVLIAE AVG. L.

SARCINATRIX

Ex sched. Barber.

Sarcinator qui farcinas farcit. Lucillius apud Nonium, *Sarcinatorem esse summum, suere centonem optime*. Item qui farcinas servat.

Servus Castelli & Aquarum publicæ.

Romæ.

TI. CLAVDI VRBANI TI. CLAVDI TI. L. AGRII TI. CLAVDII SYRI

SEX. MENSORIS SER. CASTEL. SER. A LYMPHAEVM

AEDIFICIORVM LARIO AB AQ. CVRT. ET CERV. OL. D. S. P. D.

Ex schedis Barberinis.

Castella erant aquæductuum pilæ majoris molis, quæ aquarum collectioni & distributioni inserviebant, quales in Aquæ Curtiæ & Ceruleæ ductibus erant, quibus præerant quidam Servi in lapide memorati.

Suntinator.

Genuæ.

C. . . . STACTVS
SVNTONATOR
REGIS THOLOMEI
L. V. ANN. L.

Libertus vixit Annis 50.

Exscripsi.

Suntinatorem explico organorum Musicorum Magistrum, a Græcis vocibus συν cum, & τόπος tonus, concentus. Cujus autem Ptolemæi Egyptiorum Regis incertum, cum plures idem nomen prætulerint.

Tonfor.

Romæ.

SEX. POMPEIVS SEX. L.
FALIX SEX.
POMPEI TONSOR

Ex sched. Barber.

Juvat in marmoribus inferiorum Ministrorum, qui Consulum & Cæsarum Romanorum famulitium constituebant, nomina legere, quæ ab ipsorum Historiographis fuisse neglecta.

Vinariarius.

Romæ.

IVLIAE S. F. MARCIANAE
CONIVGI OPTIMAE ET DVLCISSIMAE
ET DESIDERANTISSIMAE
RARISSIMI EXEMPLI FEMINAE
FECIT P. RAGONIVS DAPHNVS
VINARIARIVS IN CASTR. PR.

Prætorius.

Ex Abbate Doni.

Vinariarius in castris, qui vina inibi negotiabatur, unde alibi Negotiantes vini vocantur, ut in sequenti Inscriptione, & alibi Vinarii simpliciter.

Romæ ad campum Carleum.

Q. HERENNIO HETRVSCO MESSIO DECIO
NOBILISSIMO CAES. PRINCIPI IVVENTVTIS
COS. FILIO IMP. CAES. C. MESSI Q.
TRAIANI DECI PII FELICIS INVICTI
AVG. ARGENTarii ET EXCEPTORES
ITEMQ. NEGOTIANTES VINI SVPERNAT.
ET ARIM.

DEVOTI NVMINI MAIESTATI Q. EIVS

Exscripsi.

Vini Supernatis denominatio a mari *Supero*, hoc est Hadriatico, ad cujus oram colligebatur, deducenda est; hinc *Ariminensi* jungitur, cum illius tractus urbs sit *Ariminum*.

Villicus.

I

2

*Romæ.**Apameæ.*

PRO SALVTE

TERTIAE ANN. XXV.

M. AVRELI ANT.

TERTIVS CN. CATILI

FELIC. AVG....

ATTICI SERVOS VIL

VILICVS RISINVM

LICVS SORORI SVAE

SILVANO SAC.

IMP. CAESARIS

M. C.

HADRIANI AVG.

SER. VILICVS

*Ex D. Vaillant.**Exscripsi.*

3

4

*Romæ, ad Divi Sylvestri.**Capuæ.*

VOTO SVSCEPTO

EVTYCHVS VILLIC.

BONAE DEAE

A PLVMB O

ASTRAPTON CAESARIS VILIC.

EVAGOGVS A. F.

AEDICVLAM ARAM SAEPTVM CLVSVM

FEC. SIBI ET SVIS

VETVSTATE DIRVTA RESTITVIT

*Exscripsi.**Exscripsi.*

5

GAA VILICVS

6

Romæ.

D. M.

SABBIO CAES. N. SER.

SPORVS CAES. N. S.

VILIC. AQVAE CLAVDIAE

VILIC. AQVAE CLAVDIAE

FECIT SIBI ET FABIAE

FEGIT SIBI ET CLAVDIAE

VERECVNDAE CONIVG.

HERMIONE CONIVGI

SVAE CVM QVA VIXIT

SVAE SANCTISSIMAE

ANNIS XXIV. SANCTISSI

ET LIBERTIS LIBERTA

MAE ET LIBERTIS LIBERTA

BVSQ. EIVS ET VICARIS

BVSQ. EIVS ET VICARIS

SVIS POSTERISQVE

SVIS POSTERISQVE EO

EORVM OMNIVM

RVM OMNIVM IN

IN PARTE DIMIDIA SVA

PARTE DIMIDIA SVA

Ex sched. Fabretti.

Villicus, inquit Varro, *agricolendi causa constitutus, atque appellatus a villa* &c. Scribitur & *Villicus*. Videtur etiam ita dictus qui fontes & tubos plumbeos aquæductuum curabat, ut ex ultimis Inscriptionib. colligere licet, item ex *Villicorum* nominibus tubis inscriptis, ut vidimus supra Sect. II. Art. VII.

Violarius.

Vide Inscriptionem in *Manulearius*. Puto ita dictos Tinctores violacei coloris. Plautus in *Aulularia* hujus artis meminit, ut & plurium aliarum quæ hic recensentur.

*Stat Fullo, Phrygio, Aurifex, Lanarius;
Caupones, Patagiarii, Indusiarii,
Flammæarii, Violarii, Carinarii,
Aut Manulearii, aut Murrobatbrarii,
Propolæ, Linteones, Calceolarii,
Sedentarii, Sutores, Diabatbrarii,
Solearii astant, astant Molochinarii,
Petunt Fullones, Sarcinatores petunt,
Stropharii astant, astant Semizonarii.
Jam hosce absolutos censeas, cedunt, petunt;
Trecenti cum stant Phylacistæ in atriiis,
Textores, Limbolarii, Arcularii ducuntur: datur
Æs. Jamque hosce absolutos censeas,
Cum incedunt Infectores Crocotarii.*

Unctor.

Romæ.

ASINIA PREPUSA
VXOR ET CHRYSEROS
THREPTO C. ASINI
POLLIONIS VNCTORI
BENEMERENTI
VIXIT ANN. XX

Ex sched. Barber.

Unctores qui Unguentis feu oleis odoratis egredientes e balneo, alioſve ungebant: unde cum Balneatoribus memorantur in alia Inscriptione.

Unguentarius.

Romæ.

Romæ, In villa
Pamphilia.

Romæ.

Q. TERENTIUS SEX. LIB.

AGESIDAMVS VNGVENT.

VALENTINIANI AVGVST.

TERTVLLA A. F. VXOR.

C. POPILIUS C. L.

PHILEROS AEQVITAS

VNGVENTARIVS

T. FLAVIVS T. LIBERTVS

PHILIP. VNGVENTARIVS

VIC. LORETI MIN.

FECIT ET SIBI ET FLA

VIAE SPERAT. FIL. SVAE


Ex sched. Barber.

Exscripsi.

Ex sched. Barb.

Unguenta vñpæ Græcis dicta nihil aliud erant quam Olea composita, sive ad suffitum, sive ad morbos destinata, unde Suffitores & Pharmacopœi, Myropolæ & Unguentarii vocabantur. Prodiere ante paucos annos Antiquitates Neomagenses, quibus Smetius Vir Eruditus suum rerum Antiquarum Gazophylacium nobis exhibet: & eas inter, lapides duos virides quadratos in margine scriptos, quorum usum se ignorare fatetur. Ego vero puto fuisse opercula pyxidum, in quibus Unguenta, Olea atque Collyria reservabant Pharmacopolæ: quemadmodum apud nostros Chirurgo in usu est gestare pyxides, in quibus quatuor aut quinque unguenta varii generis habent ad usum. En hæc duo Opercula.

Lapilli virides politi in quorum marginibus Inscriptiones leguntur.



Ex Smetii Antiquit. Neomag. pag. 97.

Ecce horum nominum explicatio. *Marcus Ulpus Heracles*, cujus in his duobus lapillis mentio est, fuit Unguentarius sive Myropola, qui in pyxidibus hæc Collyria sua asservabat. STRATIOTICVM, hoc est Collyrium cujus meminit Marcellus lib. de Med. Collyrium ad Caliginem & asperitudinem, quod *Stratioticum* dicitur. TALASSE ROSA nobis incognitum. DIARODON, quod idem videtur ac nostrum *Rosaceum*, & Plinii *Rhodinum*, vel potius *Collyrium Diarbodon*, cujus Oribasius meminit: etenim addit AD IMP. hoc est ad *Impetum*, qui apud antiquos morbi oculorum species erat. Marcellus lib. de medicamentis, Collyrii cujusdam meminit, ad *Lippitudines & primos Impetus Oculorum*. CYCNARIUM, aliud Collyrium Oribasio *Cygnus* dictum. MELINVM Plinius lib. 13. cap. 1. memorat: *Amaracinum*, inquit, in *Coo*, postea eodem loco prælatum est *Melinum*: & Galenus lib. de Comp. Med. lib. 2. Athenæus lib. 15. In *compotationibus* utile *Rosaceum* est, *Myrtinumque* ac *Melinum*, quod etiam prodest *ventriculo & Lethargicorum veterno*. DIAMYSVS a *Myfi* nomen habere potuit, quod est minerale notum. Collyrii *Diamysios* meminit Marcellus, quod ad *asperitudines oculorum*. TIPINVM & DIARICES mihi sunt incognita. Simile operculum ecce profero.

Genuæ.



Ex Peireskii schedis.

Operculum hocce erat ex lapide sive gemma non abfimili Molochitæ, sed paulo obscuriori, forte *Chlorides* Plinii, quam lib. 37. cap. 10. refert esse herbacei coloris. Collyriis asservandis virides hocce lapides seligebant, quod hicce color sit oculorum amicus. *Antiquos*, inquit Athen. lib. 15. in *unguentorum usu fuisse curiosos & diligentes hoc est indicio, quod privatim unicuique parti corporis idonea scirent*. Adde & uniuscujusque partis varia pro variis morbis, veluti ad oculos Collyria quamplurima, qualia hæc quæ *Caii Capii Sabiniani* Myropolæ sive Pharmacopœi erant. *CHLORON AD CLAR.* Collyrium *Chloron* dictum a colore suo viridi, *claritudini* oculorum prospiciens. *NARDINUM AD IMPETVM* nomen a spica Nardi habens, cujus meminit Aetius. Oleum quoddam Nardinum describit Mesue, nunc etiam in usu. *Nardinum*, inquit Plinius lib. 13. cap. 1. *sive Foliatum constat omphacio, balanino, junco, costo, nardo, amomo, myrrba, balsamo*. *DIABSORICVM AD CALIG.* Collyrium ad oculorum Caliginem dissipandam, cujus mentionem facit Marcellus, ad caliginem & asperitudinem oculorum, siccamque perturbationem sine tumore, quam Xerophthalmiam Græci appellant, facit hoc Collyrium quod *Psoricum* dicitur. Item infra, *Collyrium Diapsoricum*. *CHELEDON AD CLAR* itudinem oculis conciliandam. Plin. lib. 25. cap. 8. *Utuntur & per se succo Chelidonia in Collyriis quæ Chelidonia vocantur ab ea*.

Urnammentarius.

Nemaufi.

DIANAI AVG. ACIL. COCIAVI

qIRONIS LIB. T. COMMIVS

IIIIVIR AVG. T. COMMIO

VRNAMMENTAR.

Ex Guyrano.

Erudit. Guyranus in nummo Nemaufensi explicandum putat Urnammentar. pro Ornamentario. In Gloss. Græco-Latin. *κοσμητής* Ornamentarius vocatur. Sed putarem potius nihil temere immutandum esse, & *Urnammentarium* nihil aliud esse quam Urnarum Figulum, q. est forte p. inversum Sculptoris errore.

Utriclarius.

Lugduni ad Insulam Barbaram, in Eccles. pavimento.

D. M. ET QVIETI. AETERNAE

C. VICTORI.....TVRICIS

SIVE. QVIGVRIONIS. CIVIS. LVGD.

INCORPORAT. INTER. VTRICLAR.

LVG. CONS.

QVI. VIXIT. SINE. VLLIVS. OFFEN

SA. ANN. XVIII M. 2. D. V.

CASTAVRINA. MATER. FILIO

VNICO. PISSIMO. PONENDVM. CV

RAVIT. ET SVB. ASCIA. DEDICAVIT.

Exscripsi.

Utricularii seu *Utricularii* erant Nautarum species, ita dicti ab *Utriculis* sive naviculis in utris formam fabrefactis: unde sæpissime in antiquis lapidibus cum *Naviculariis* & *Lenunculariis* conjunguntur. Vide *Reinesii Syntagma Inscriptionum Antiquarum*, pag. 621. & 630.

MISCELLANEA

ERUDITÆ ANTIQUITATIS.

SECTIO SEPTIMA,

AD MILITES, REMQUE MILITAREM PERTINENS.

ARTICULUS I.

FRANCISCI GRAVEROLII I. V. D.

Et Academici Nemausensis,

MILES MISSICIVS,

Amicissimo JACOBO SPONIO olim dicatus, nuncque denuo recusatus.

ANNO reparationis salutis millesimo sexcentesimo sexagesimo quarto, unus ex iis qui πρῶτον ἐπὶ τῷ γλῶττι, lapidem Romanum effodit e fundamentis murorum antiquorum Nemausi, qualis hodierna die in ædibus D. de Jossaud Senatoris integerrimi visitur. Illum ipsum lapidem superioribus annis explicandum susceperat vir multi nominis D. G. G. Senator itidem integerrimus: sed quoniam, ut Thalmud habet Babylonicum, comedit dactylos, projecitque foras quod in iis durum erat (forte quia neglexerat, utpote qui publicæ rei fecerat satis) hortantibus amicis, αἰχρὸν σιωπᾶν etiam cum Aristotele ratus, hanc qualemcumque symbolam in lapidis Enucleatione conferre volui. Eccam.

Nemausi.

TI. CAESARIS. DIVI. AVGVSTI. FIL.
AVGVSTI. MILES. MISSICIVS. T. IVL.
FESTVS. MILITAVIT. ANNOS. XXV. IN
LEGIONE. XVI. DECRETO. DECVRIONVM.
ACCEPIT. FRVMENTI. ML. BALNEVM.
ET. SVI. GRATVITVM. AREAM. INTER.
DVOS. TVRRES. PER. PVSONIVM.
PEREGRINVM. IIIIVIR. ET. XIVIR.
AD SIGNATAM

Prolegomena.

Militibus honeste dimissis a militia consueverant Imperatores Romani dare Veteranorum privilegia in scriptis *Arg. l. si solemnibus, 7. C. de fid. Instrumentor.* idque ad perpetuam rei memoriam; hinc nunquam in tabulis æneis conscribebantur, sicuti tabulis, vel encausto, vel cerussa conscribi Edicto suo ad Florianum Præsidentem indulserat Constantinus cognomento Magnus: quin etiam & in locis publicis figebantur, in Capitolio scilicet, murisve Templorum, vel ad aras Deorum.

Quæ Veteranorum privilegia, modo præmia finitæ militiæ, ut ea vocat *Corn. Tacit. Ann. lib. 1.* modo commoda militiæ aut missionum commoda dicebantur, ut loquuntur melioris notæ Scriptores. Dabantur autem vel ad decus, ut laudatio, armillæ, torques, corona civica, & similia; vel ad utilitatem vitæque ἄποιαν, ut prædium, bina aut singula paria boum, frumentum, balneumve; verum sæpe sæpius ad utilitatem concedebantur, idque dubio procul duabus potissimum de causis; tum *ne aut etate, aut inopia sollicitari ad res novas possent, ut ait Sueton. in Augusto cap. 49.* tum, ut quoniam Veteranorum corpora addicta atque obærata reipublicæ fuerant (verbis utar Livianis) ipsi vicissim post exantlatos militiæ Labores, tanquam hieronicæ apud Græcos constitutis e Republica vectigalibus perpetua vita fruerentur.

Primus demum hæc præmia instituit idem Augustus, teste Suetonio ibid. his verbis. *Quidquid ubique militum esset, ad certam stipendiorum præmiorumque formulam adstrinxit; definitis, pro gradu cuiusque & temporibus militiæ & commodis missionum &c. utque perpetuo ac sine difficultate sumptus ad tuendos eos, proseguendosque suppeteret, ærarium militare cum vectigalibus novis instituit.*

His ita præmissis sequitur lapidis

Εξήγησις.

TI. CÆSARIS. DIVI. AVGVSTI. FIL. AVGVSTI. Hic duo notanda veniunt. 1. Quod Imperante Tiberio privilegia, de quibus impræsentiarum agitur, Julio Festo concessa fuerunt, quod facit ad συγχρητισμὸν. 2. Quod in hac nostra inscriptione, sicut in omnibus fere Tiberii numismatis, ut videre est apud Occonem, & passim alibi, DIVI AVG. FILIVS AVG. (nimirum per adoptionem) Tiberius soleat indigitari. Cæterum Augusti filius Augustus dicitur tum honoris causa ob Imperatoriam Majestatem ampliore, quam Cæsaris, cognomine; tum quia Romanis mos erat assumere nomen patris adoptivi; ἔθος δὲ ῥωμαίοις πρὸς θεοῦ τὰ ἴδ' ἑμεῖων ὀνόματα ἐπιλαμβάνειν. Appian. lib. 3. de bell. civil. His adjice quod ex sententia Caroli Sigonii de nomin. Roman. quoties TI. in antiquis marmoribus invenitur, semper Tiberius denotetur. Ideoque inter ea prænomena, quæ duabus notantur literis, Tiberius numeratur apud Plutarchum quæst. 103. si pro τῷ Βέρβριον, cum Italiæ oculo legas Τίβεριον, prout subjecta materia & genuinus authoris sensus postulant.

MILES MISSICIVS. Idem ac Veteranus miles, siquidem Romanis, teste Suida, Veteranus dicitur qui militia dimissus est post confecta legitima stipendia, βετερανός, ait ille, παρὰ ῥωμαίοις ὁ ἀπολυθεὶς τὴν στρατείαν, ἐπὶ εἰσοσάφειαν ἢ ἐδέλδωσεν. MISSICIVS autem, sive Missitius, cujus iusta missio visa fuerat; quod hic non de missione causaria, qua quis ob vitium corporis, aut morbum, tamquam inutilis militiæ factus mittebatur; sed de honesta missione intellige, quæ peditibus dabatur vicena stipendia meritis; quippe militaverat annos 25. Julius Festus miles noster Missicius.

Cæterum eo rarius esse hoc marmor nostrum animadvertendum est, quo missiones Veteranorum rarissimas fecisse Tiberium, ex senio mortem, ex morte compendium captantem, asserit Sueton. in ejus vita c. 48. Hinc est quod eodem sub Imperatore querantur milites Veterani apud Cornel. Tacit. annal. lib. 1. (modo) ne dimissis quidem finem esse militiæ; (modo) tricena aut quadragena stipendia senes tolerare. Quod inexplabilem ejus avaritiam arguebat, quasi enim exhaustus & egens esset, commoda Veteranorum, ut subdolæ mentis erat, semper differebat; quamobrem plenæ missionis præmia expectare cogebantur sub vexillis, quasi non statim repræsentari possent e Republica.

T. IVL. FESTVS. forte Titus Julius Festus, ut plerique putant; imo, ut mea ferebat sententia, Julius Festus e bello superstes: quamvis enim (præterquam quod fere omnibus Romanis illud conveniat, ut tribus nominibus inscribantur) litera T. in notis Antiquorum, ut Romanorum marmora testimonio sunt, Titum, Titium aut Tullium significet; militis tamen nomini apposita ipsum e bello superstitem esse designabat, sicuti & litera Θ (quæ initium est vocis Θάνατος i. e. mors) militem in bello occubuisse subindicabat: quod certo certius esse quisnam adeo in re antiquaria hospes, obsecro, ut neiciat? Consulendi Prebus in not. Isidorus origin. lib. 1. cap. 23. Bungus de num. c c c. in numeror. mystic. Laurentius in Amalib. Onomast. Alexander ab Alexandro genial. dier. lib. 3. cap. 5. & Boldonius Epigraph. lib. 3. sect. 8. ut sexcentos alios omittam. Conjecturam autem nostram augebat, Inscripção antiqua, quam exhibeo, qualis visitur in ædibus præfati viri doctissimi & nunquam satis laudati D. Gaillardi Guyrani.

Nemausi.

EX DEC.

DECURION.

AR. DAT. IVL.

FESTO. PER.

PVSO. PEREGR.

Ubi ipsemet Miles noster Missicius Julius Festus sine alio adjecto vocatur; quanquam & in alio, qui ibidem visitur, Romano lapide T. Jul. Festus inscribatur. Sed tu, amicissime Sponi, me pridem monuisti videri tibi omnino T. Titum esse explicandum, illosque errasse Autores qui T. superstitis Militis notam esse asseruerunt, Teque in tuis Miscellaneis demonstraturum hanc vitæ notam V. non vero T. caractere Antiquos expressisse. Quam fidei tuæ solutionem avide expecto, interimque iudicium suspendo.

MILITAVIT. ANNOS. XXV. Expectavitque sub vexillis missionis suæ commoda per quinquennium, utpote qui vicena & quinque stipendia toleraverat; stipendii enim annus vigesimus militiæ finem attulerat; qua de causa ita res se habuerit, saltem verisimiliter, satis superque aperui in verb. Miles Missicius, §. 2.

IN. LEGIONE. XVI. cum duæ dumtaxat sedecenarii numeri Legiones fuerint apud Romanos, quarum altera Valeria, alia Flavia, cognomento erant; prioris hic mentionem fieri nemo est qui mecum non sentiat, non autem Legionis Flaviæ, ut putavit vir doctissimus: tum quia Legio Valeria in Germania superiori a Cæsare constituta fuerat, Flavia vero in Syria; quandoque etiam & Gallica dicebatur; tum quia Legio Flavia una erat ex quinque Legionibus, quæ, longe post tempora Tiberii Imperatoris, a Flavio Vespasiano (unde nomen desumpsit) antiquis Legionibus additæ fuerant;

Ornari res ipsa negat, contenta doceri.

DECRETO. DECURIONUM. Nimirum colonicorum sive coloniarium: erat enim Nemausis colonia Romana.

ACCIPIT FRUMENTI. Decuriones, cum rei frumentariæ curam gererent ex l. non debere, 8. ff. ad municipal. aliquot tritici hordeive modios Veteranis dare poterant in vim Legis Appulejæ; nec ex tabella cum recitabatur illorum decretum, tanquam ambitiosum, sive in gratiam alicujus factum, rescindebatur.

ML. i. e. modios quinquaginta; sic ex Lege Valentiniani & Valentis Imp. (quot extat 8. lib. 7. Cod. Theod. tit. 20.) qui honestas missiones sive Causarias consecuti erant, modo ex protectore dimissi non fuissent aut protectoria dignitate honorati, quinquaginta modios utriusque frugis, quasi σιμπρίσιον, accipiebant.

BALNEUM. Militi Missicio datur balneum in levamen laborum quos per 25. annos militiæ suæ exantlaverat, ἱσασι δὲ καὶ λαστρά ἀκὴ πόρων παντοίων, ut ait Athen. Hinc lib. 1. d'προσφ. Συμῆρες κρᾶτος, i. e. καταδύμιον ὕδωρ vocat Homer. Odys. x. Conceditur & Militi Missicio balneum in monumentum belli, quod tam diu tamque strenue gesserat. In utramque sententiam abit Artemidor. lib. 1. oneirocr. cap. 66. hisce verbis: ἀλλὰ ἢ πόλεμον κατασπράμενοι, ἢ μεγάλα πονσάμενοι πόνον λένουσι: ὡς ἐν αὐτοῖς ὑπόμνημα πόνου ἢ πολέμου τὸ βαλανεῖον, καὶ αὐτὸ τὸ λέγεσθαι, i. e. sed aut e bello reversi, aut a magna labore cessantes lavarentur: Erat igitur eis balneum laboris aut belli monumentum, sicut & ipsum lavari.

ET XVI. pro suis. Cæterum nota quod immunitates, quæ jure communi personam non transgrediuntur, heredibus ideo non relinquebantur. l. 1. §. 1. ff. de jur. immunitat. nec ad liberos spectabant juxta Papinianum in l. 8. §. 2. ff. de vacat. & excusat. muner. nisi expresse generi posterisque concessæ fuissent, ut aperte deciditur in d. l. 1. §. ult. & l. 4. ff. eod.

GRATUITUM. Qui in balneis publicis lavabantur, Balneatori solvebant quadrantem,

Quod pueri norunt, nisi qui nondum, ære lavantur.

Hinc balneum rei quadrantaria dicitur apud Senecam in Epistolis ad Lucilium. Gratis autem & sine mercede ut lavaretur, Jul. Festo concesserant Decuriones: balneum enim pro lavatione frequenter usurpatur; atque illud ipsum est quod indicat vox (gratuitum) quo sensu Agrippam 170. balnea gratuita, cum Ædilis esset, populo Romano præbuisse, ait Plinius alicubi; sic Augustum Imp. Faustumque Syllæ filium, βαλανεῖα, τὰτε λαστρά καὶ ἑλαϊον προῖκα (i. e. gratuita) itidem præbuisse observat Dio Cassius hist. Rom. lib. cum 37. tum 49. quanquam asseri etiam possit ædificatum fuisse Julio Festo balneum intra privatos parietes quod quoniam domi suæ haberet, ibidemque gratuito, & sine mercede lavaretur, aut quia impensis Reipublicæ ædificatum esse decreto Decurionum, gratuitum ideo appelletur. Sic igitur duæ dari possunt balnei gratuiti positiones, quibus & tertia adjungi queat, quando nimirum quis alteri concedebat ut domi suæ gratuito lavaretur; quam balnei gratuiti speciem lubeat appellare in solo.

privato gratuitam lavationem, ad discrimen lavationis quæ in publicis balneis sine mercede præbatur. Hujus autem gratuitæ in solo privato lavationis exemplum exhibet, quæ vifitur Novariæ in Italia tractuque Transpadano, fequens infcriptio.

TERENTIA. Q. F. POSTVMINA
SIBI. ET C. VETVRI. LVCVMO
NIS. VIRI. SVI. ET. C. VETVRI. C.
F. POSTVMINI. F. SVI. NOMINE
BALINEVM. ET. LAVATIONEM
SOLO. PRIVATO. GRATVITAM
IN. PERPETVVM. DEDIT

AREAM. Locum ad ædificandum.

INTER. DVOS. TVRRES. i. e. in *mesopyrgiis*, five *metapyrgiis*, ut loquuntur Architectorum filii; (in *Interturrio* Latine dixeris) Extra Pomerium fcilicet, fed intra urbem; Pomerium enim neque *habitari* neque *arari* fas erat, & locus erat quem antiqui, Hetrufcorum more, in *condendis urbibus inaugurato* *consecrabant*, ut ait *T. Livius decad. 1. lib. 1.* Cur autem area inter duas turres militi nostro *Mifficio* fuerit assignata, conjectari poffe prima fronte credideram *ex l. devotiffimos, C. de met. al. lib. 12.* fed quoniam & monuit, & probavit *Gothofredus* omnium Mufarum amicus & ἀνὴρ βιβλικώτατος, in *fuus ad Cod. Theodofianum Commentariis*, hanc legem male intellectam ab Interpretibus Codicis Justiniani, illud factitatum fuiffe malim honoris caufa; quamvis enim *Mifficii* milites re vera non effent milites, quia non actu milites, tamen pro militibus erant, nomenque militiæ fuæ retinebant. Ideoque juxta civitatum mœnia fedes eis ftatutas afferi potest ex Romanorum confuetudine, cui forte alludens *Lucanus* cecinit olim *lib. 1. de bello civili.*

*Quæ fedes erit emeritis? quæ rura dabuntur,
Quæ noster Veteranus aret? quæ mœnia feffis?*

licet fecundum vulgus Interpretum, mœnia pro coloniis metonymicōs a Poeta ufurpari non ignoraverim.

DVOS pro duas, five infcitia five imprudentia *Quadratariorum*, hinc *ex 19. Gruteriano indice*, cafus mutatio, & genus pro numero, & plurima id genus deprehenduntur in antiquis Romanorum marmoribus.

PER. PVSONIVM. PEREGRINVM IIIIVIR. ET XIVIR. Quartumvirum & Undecimvirum.

ADSIGNATAM. Quæ dabatur area decreto Decurionum, eadem & assignabatur a IIIIVIRIS & XIVIRIS; erant enim agris dandis Præpositi.

Atque ea erant, MI SPONI, quæ tibi communicanda volueram, qui totus tuus fum, ufusque, & fructu, & mancipio;

*Si quid autem novifti rectius iftis,
Candidus imperti: fi non, his utere mecum.*

ARTICULUS II.

Ex I. SPONII ad Clariff. Graverolium Refponfione.

In qua Mifficiorum Militum Infcriptiones, & Miffionis Formula referuntur.

Itemque de literis V & O Milites fuperviventes aut mortuos defignantibus.

Actis Viro Clariffimo gratiis pro nitida, eruditaque *Mifficii* Militis explicatione, aliquas Infcriptiones ex itineribus meis aut aliorum fchedis excerptere libuit, fimulque cum *Miffionis Formula* hic exhibere.

1

Forojulii.

C. IVLIO
APOLLONI
F. APAE
MISSICIO EX
TESTAMENTO

Ex sched. Peiresk.

2

Tragurii, vulgo Traou in Dalmat.

VIRDONIARVS
THARTONTIS F.
DOMO BITVRIX
MISSICIUS ALAE
CLAVDIAE NOVAE
T. F. I.
PAMAE SORORI

Ex Io. Lucio.

3

Romæ.

C. CATINIVS C. F.
QVIRINA METIDIUS
MAIORINVS ADIVTOR
ANNON. LEG. XXX.
VLP. ET MISSICIUS
LEG. EIVSDEM. VIX.
ANN. LXXV TESTAMENT.
F. I. IN FR. P. III.
IN AGR. PEDES VIII

Ex sched. Barber.

4

Romæ.

DIS MANIBVS
Q. AVRELIO Q. F.
QVIR. GALLOVSZALI
MISSVS VETERANVS
EX COH. V. PR. 7 PRISCI
V. A. LV. ET AVRELIO
SATVRNINO FRATRI CARISSI
MO Q. AVRELIUS MAXIMVS
B. M. F. ET EIS
POSTERISQVE

Exscripti.

2. *Virdoniarus Thartontis filius.* Nomina hæc duo Gallica Patris & filii admodum barbara. *Domo*, id est, natalibus, *Biturix*, ex Gallica urbe Biturigum, quæ nunc *Bourges*. T. F. I. *Testamento fieri jussit*. In 4. VSZALI est patriæ nomen, *Vzala*, *Vsalla*, *Vsula* Africæ urbs Uticæ vicina.

5

Romæ, olim in hortis Colotii.

D. M.
AVRELIUS MUCIANVS. MISSICIUS. CHR.
VI. PRE. T. QVI VIXIT. ANIS. XXX. VIII. MES.
VI. DIES. VIII. ORA. VIII. FECIT. ELIA LVCIA CONIUG.
VIRGINIO SVO BENEMERENTI FECIT.

Ex schedis Bagarrianis.

Aurelius Mucianus Missicius Cohortis sextæ Prætorie in hac tabella depingitur, non veste militari indutus, sed stola sive talari veste, adstantibus liberis duobus, ejusque uxore *Ælia Lucia*, quæ ipsum virginis nomine donare forte dignatur, quod existimaret eum fidem erga se maritalem nunquam violasse.

6

Romæ.

DIS MANIB. SACR.
C. VERANIO VERANO
COH. VII. ET PR.
MVNICIP. TRIDENTIN.
MIS. HONESTA
MISSIONE T. F. I.

7

Romæ.

AESCVLAPIO SACRVM
EX VOTO SVSCEPTO
MISSI HONESTA MISS.
COH. III. PR. 7. GRADIVI
Q. ROSINIVS Q. F. POL.
SEVERVS MVTINA
L. POPILIVS T. F. ANTIOCHVS
CAESAR AVG.

*Ex sched. Barberin.**Exscripsi.*

Hic character 7. Centuriam denotat, ut videmus in aliis Militum Inscriptionibus. CAESAR AVG. id est, *Cæsar augustanus* ex urbe Hispaniæ Cæsarea Augusta, quæ nunc *Saragozza*.

FORMVLA MISSIONIS MILITVM, Ex Tabella ærea palmaris magnitudinis.

Neapoli apud Franc. Anton. Picchiati.

IMP. CAESAR. M. IVLIVS. PHILIPPVS. PIVS. FELIX. AVG.
PONTIF. MAX. TRIB. POT. IIII. COS. III. DES. P.P. PROC. ET
IMP. CAES. M. IVLIVS. PHILIPPVS. PIVS. FELIX. AVG.
PONT. MAX. TR. POT. IIII. COS. II. DESIGNAT. P.P.
IIS. QVI MILITANTES. SVNT. IN. CLASSE. PRAETOR. PHILIPPI
ANI. SEV. MISENENSE. QVE. EST. SVB. AELIO. AEMILIANO PR.
OCTONIS. ET. VICENIS. STIPENDIS. DIMISSIS. H.M.
QVORVM NOMINA. SVBSCRIPTA. SVNT. IPSIS. FILISQVE EORVM.
QVOS. SVSCEPERINT. EX MVLIERIBVS. QVAS. SECVM. CONCESSA
CONSVETVDINE. VIXISSE. PROBATE. SINT. CIVITATEM. ROMA
NAM. DEDERVNT. ET. CONV.B. CVM. ISDEM. QVAS. TVNC. SE



CVM. HABVISSENT. CVM. EST. CIVITAS. IIS. DATA. AVT. SI. QVI
TVNC. NON. HABVISSENT. CVM. IIS. QVAS. POSTEA. VXORES. DV
XISSENT. DVMTAXAT. SINGVLIS. SINGVLAS. AD V. KAL. IAN.
IMP. M. IVLIO. PHILIPPO. PIO. FELICE. AVG. COS. DES. III
ET IMP. M. IVLIO. PHILIPPO PIO. FEL. AVG. COS. II. DES. COS.

EX. OPTIONE

T. FL. T. FIL. ALEXANDRO. N. ITAL. D. MISEN. ET MARC.
PROCVLAE VX. EI. ET MARC. ALEXANDRO ET FL. MARCO ET
VLP. SABINO AVREL. FAVSTAE. FIL. EIVS
DESCRIPT. ET RECOGNIT. EX. TABVLA AENEA. QVAE. FIX. EST. ROMAE
IN. MVRO. POST. TEMPLVM. DIVI. AVG. AD. MINERVAM

Ex Bellorū Vestig. Antiq. Rom.

Eccē

Ecce eam integram sine abbreviationibus.

Imperator Cæsar Marcus Julius Philippus Pius Felix Augustus Pontifex Maximus Tribunitiæ potestatis quartum, Consul tertium designatus, Pater Patriæ, Proconsul, & Imperator Cæsar Marcus Julius Pius Philippus Pius Felix Augustus, Pontifex Maximus, Tribunitiæ potestatis quartum, Consul secundum designatus, Pater Patriæ, iis qui militantes sunt in Classe Prætoria Philippiani seu Misenense, quæ est sub Ælio Æmiliano Prætore, octonis & vicens stipendiis dimissis Hac Missione, quorum nomina subscripta sunt, ipsis filiisque eorum quos susceperunt ex mulieribus quas secum concessa consuetudine vixisse probatæ sint, civitatem Romanam dederunt & connubium cum iisdem quas tum secum habuissent cum est civitas iis data, aut si qui tunc non habuissent, cum iis quas postea uxores duxissent, duntaxat singulis singulas ad quinto Calendas Januarias, Marco Julio Philippo Pio Felice Augusto Consule secundum designato tertium, & Imperatore Marco Julio Philippo Pio Felice Augusto Consule secundum designato, Consulibus: Ex Optione Tito Flavio Titi filio Alexandro Natione Italo Domo Misenis, & Marcie Proculæ uxori ejus, & Marco Alexandro, & Flavio Marco, & Ulpio Sabino, Aureliæ Faustæ filiis ejus. Descriptum & recognitum ex tabula ænea quæ fixa est Romæ in muro post Templum Divi Augusti ad Minervam.

Adest & alia similis Inscriptio Missionis Militum apud Gruterum pag. DLXXIII. cujus archetypum vidi in Bibliotheca Barberina, in duabus æneis tabellis conjunctis instar duplicis folii alicujus libri ex utraque parte scriptis. In qua corrigenda quædam veniunt, & præsertim LADESTIN. tribus vicibus repetitum, pro quo reponendum IADESTIN. hoc est *Iadestini* civis ex urbe Iadera: & MAXIMI pro MIMI. Sequuntur & apud Gruterum quatuor aut quinque Inscriptiones, quæ eandem Missionis formulam exhibent: omnesque in tabellis æneis, ne forte, chartæ commissas, milites eas aut perderent facilius, aut detererent citius. Harum vero Missionum Archetypa ad Deorum Tempia reponebantur, ne falsis tabellis Reipublicæ fraus fieret, qualis hæc muro Templi Divi Augusti ad Minervam affixa, exscripta & recognita ad usum Titi Flavii Alexandri Natione Itali honesta missione cum tota familia missi.

DE LITTERIS Θ, ET T. SIVE POTIVS V.

In designandis mortuis aut superstitibus.

In Militum defunctorum nominibus Θ, superstitum a prælio T litteram adscripsisse veteres tradit Isidorus, origin. lib. 2. c. 3. De priori non est dubium, unde Persius Sat. 4.

Et potis es vitio nigrum præfigere T beta.

De litera T controvertitur. Reponit enim Lipsius apud Isidorum V, quæ prima est in voce *Vivus*. At Reinesio magis placet T quæ prima in voce *Τῆς* sanus. Variar. Lect. cap. 7. lib. 1. suæque sententiæ confirmandæ causa Galeni locum affert: Comm. 1. ad 3. Epid. ἐπὶ δὲ τελευταίῃ τοῖς μὲν σωθεῖσιν T προγέγραπται ἢ ὑγείαν σημαῖνον. Τοῖς δὲ ἀποθανέσι τὸ Θ, καὶ τὸ δηλονότι ἢ Θάνατον ἐνδείκνυμενον. Id est, In fine sc. notarum, servatis, sive superstitibus T adscripta est, quæ salutem significat: mortuis autem Θ: & hæc videlicet mortem indicat. Unde si quando exscriperant lapidarii hoc in casu litteram V idem esse contendit ac T. Sepe enim unam pro altera exarare solebant, ut observo in marmore Salonæ DECI-MIYS SECYNDINYS, &c. pro DECIMIVS SECVNDINVS, Rejiciendam ergo T litteram in superstitibus militibus designandis, & V sive T reponendum, Cl. Reinesii rationibus, ut & horum lapidum auctoritate adductus concludo.

Romæ.

Lugduni Convenarum, quod nunc
S. Bertrand, in æde D. Justæ.

V. BABBIA D. L. ASIA

V. C. BABBIVS D. L. REGILLVS

Θ. Q. PLOTIVS Q. L. NICEPOR.

V. Q. PLOTIVS Q. L. ANTEROS

V. Q. PLOTIVS Q. L. FELIX

V. C. IVLIVS EROTIS

L. ATTICVS

Θ. IVLIA EROTIS LIBERT.

SALVIOLA

Θ. C. IVLIVS ATTICI F. VICTOR

ANN. XVIII

Exscripsi.

Ex Oibenart. notitia Vasconie.

Denotatur itaque hac prima Inscriptio, ex quinque illis Libertis Libertabusque, duos priores, duosve postremos vivos fuisse, tertium vero mortuum cum lapis sculpebatur. In altera vero primum vivum fuisse, duos postremos defunctos. Ecce alios lapides.

Romæ.

L. MENENIVS D. L.	Q. L. VETTIVS L. L.
DEMETRIVS	PAMPHILVS
VETTIA L. L.	L. MENENIVS L. L.
HILARA	STAPHIO
Q. CALPVRNA	L. MENENIVS L. L.
M. D. L. SYRISC.	ANTIOCHVS
Q. CALPVRNA	IN AG. P. X
M. L. SODIA	
IN FR. P. XIII	

Ex D. Fabretti.

4.

Florentiæ, in villa Strozzi.

V. QVARTIO

TEXTOR MIVIR

QVAESTOR TRIB.

Ex sched. Barberinis.

5.

Florentiæ, in borto March.
Richardi.

Q. L. APPVLEI

EVPORI

Exscripsi.

6.

Romæ.

N. BALONIVS FAVSTVS

Q. BALONIAEN. L.

SECVNDÆ VIX. AN. XXVI

N. BALONIO DARDANO

Exscripsi.

7.

Romæ, in villa Matthæi.

SEX AVONIVS SEX. L.

PAMPHILVS

SEX AVONIVS SEX F.

RVFVS VIXIT A. XIV

AVONIA SEX. L. MOSCHIS

V. AVONIVS. EROS L.

V. SEX. AVONIVS PHILEROS

Exscripsi.

T vero hac significatione usurpatum reperisse me non memini, sed tantum significasse *Tit* prænomen, vel *Testamentum*, vel aliud quid. Errat ergo Scaliger multiscius quidem, sed, ut fert humana conditio, non omniscius, qui putavit in Indicibus Gruterianis a se compositis, *Literam* illam unicam V quæ sæpissime in monumentis illis a Grutero editis occurrit, esse virorum & mulierum prænomen. Alicubi enim integrum reperiretur: nec aliis prænominibus adjungeretur: quanquam enim Romani duo habuerint aliquando prænomena, id tamen perrarum fuit, nec ita facile fuisset ex quinque nominatis Personis ut in priori marmore, quatuor illud rarum prænomen sortitas esse. Adde quod litera Q quæ in eundem est usum, prænomen esse non potest. At de illa *Q* *πρόν* ne gry quidem, quanquam passim in lapidibus observetur: quod oculatissimum virum non advertisse miror. Reperi & sequentem Inscriptio-nem quæ Lipsio favet, qui V appositum fuisse vult; quia prima esset litera in voce VIVVS, vel ut habet lapis, in voce VIVIT, quæ hic præfigitur.

Romæ, in villa Matthæi.

VIVIT M. VETTIVS M. L. SVRVS

ET VETTIAE M. L. CALLISTENI

VIVIT MVLIERI MEAE M...

ET MEIS EM.....

MONVMENT. AVRELIA....

Exscripsi.

Ex his autem omnibus Marmoribus observo non solum militibus e bello superstitibus aut defunctis Literas has V. O. apponi solitas fuisse, vitæ, mortisque indices, sed quibusvis aliis cujuscunque sortis hominibus: istudque factitatum fuisse tum in monumentis in plurium gratiam comparatis, ubi eorum quorum monumenti jus erat, aliqui defuncti essent, alii vero superstites, tum in quocunque alio publico opere, cui fundando plures concurrerant partim vivi, partim jam mortui.

A R T I C U L U S III.

ARA A CENTURIONIBUS ET MILITIBUS

M. Aurelio Antonino (Caracallæ) dicata.

Romæ, in horto ædium Barberinarum.

IMP. CAESARI M. AVRELIO

ANTONINO AVG. SEVERI

AVG. N. FILIO PARTH. MAX.

TRIB. POT. VIII. COS. II.

COH. I. VIG. ANTONI
NIANA

CN. RVSTIVS RVFINVS PRAEF. VIG.

TI. CLAVDIVS MARCELLINVS

TRIB.

C. IVLIVS INGENVVS 7

C. VALERIVS VICTOR 7

C. IVLIVS QVINTINVS 7

C. MANCILIUS IVVENIS 7

C. CAECILIUS SEVERVS 7

T. FLAVIVS INGENVVS 7

M. AVRELIUS FLORIANVS 7

QVM COMMANVCVLIS

SVIS

AVGusti Nostri

*7. Id est
Centurio.*

Exscripsi.

Alatere illius Aræ hæc Militum nomina scripta sunt.

7 INGENV	I	LEVCONI RESTVT	E	AGELLI REDDIT	E
Q VALERI OPTAT	E	IVLI SABIN	E	ANISI FAO	R
Q IVLI IVLIAN	E	EGNATI EVTYCHIAN	E	MINTHI HIPPOCRATES	S
OPT. RVTILI CLEMEN	S	BRVTTI PRISC	E	IVLI MAXIM	E
TES. CASSI PRIMILL	E	AELI ARTEMA	S	VALERICVPIT	E
.RT. LABERI CELE	R	IVLI LINDA	E	CVRI PA....ST	E
ST. CAMERI BASS	E	CAECILI SEDAT	E	SINATRONI PAVLIN	E
ALEADONI SATVRNINE		VALERI VICTORIN	E	NATERI FELI	X
IVLI SATVRNIN	E	TRASI SEGVND	E	VEGETI FIRM	E
VALERI FELI	X	MAGNI FELI	X	TRVTTEI SEVER	E
MARI EXPEDIT	E	SERGI PAVLV	S	CALPVRNI ACHILLE	V
VALERI CRESCENTIAN.		DOMITI VICTO	R	MESSI ALEXANDE	R
CALPVRNI FELICISSIM.		ALEDI QVINTVL	E	AEMILI ROMAN	E
AVIDIARI EVTYCHE	S	GAVLINE MARCELLINE		MARI VICTO	R
SITTI VICTO	R	AVRELI NISI	S	TITI CLEMEN	S
CINGI FELI	X	EGNATI CRESCEN	S	MEMMI HERME	S
ACILIEVTYCHE	S	QVINTI VER	E	CORNELI SABIN	E
NONI TIBVRT	I	POMPEI VICTORIN.		TAMVDI DIONYS	I
ANTONI CASSIAN	E	MAXIME GETVLIC	E	AEMILI PRIM	E
VLPI DIONYS	I	AVRELI CHARIT	O	AVRELI POPIL	I
AMPI SALVIAN	E	PVBLCI VERN	A	ALLATEDI MARCELLINE	
AVIDIARI VALENTIN	E	AELI PICCH	A	SESENNI SEVER	E
DOMITI SATVRNIN.		IVLI SATVRNIN	E	BONI EVTYCHIAN	E
VALERI IARIN	E	AELI VICTO	R	TITVRNI ROGAT	E
SEI ADVENT	E	AVRELI FORTVNAT	E	AVDENI FELI	X
ANTONI EMERIT	E	FANI FELI	X	LOLLI IANVAR	I
LVSI AMPLIAT	E	ZEVCIFELI	X	SERVILI SEDAT	E
AVRELI CAR	E	LVSI CAST	E	VARI ATILIAN	E
SEPTIMI FAVST	E	CASSI ATTIC	E	VICERI SOLEMNI	S
CAECILI ADIECT	E	SITIVIVI MARCELL	E	VENNI VER	E
CERVI FIRMIN	E	CORNELI VICTO	R	MVNATI FIRM	E
CALPVRNI SABINIAN.		DECI DECIAN	E	CAELI PAVLIN	E
IVLI AMAND	E	MARIANI SPERAT	E	CAVARI MARCELL	E
PLOTI QVINTILIAN.		SEI IVST	E	VERATI SABIN	E
TERENTI RVFIN	E	ANNI SEVER	E	ACILI PVDEN	S
GENICI IVSTINIAN	E	FLAVI HILAR	E	CLAVDI MAXIM	E
AELI PHILIPP	E	MVNATI AVGVSTALI	S	AVRELI THEFIAN	E
CLODI VICTO	R	QVISIDI PAVLIN	E	MARCI RESTVT	E
CESTI VALEN	S	CAECILI RISCINIAN	E	MVSONI SOTE	R
DECI VER	E	PACVVI DEXTE	R	CALVILI ASCLEPIADES	S
PETILI DIOGA	S	VETTI FELI	X	TITINI PONT	I

ANTONI FAO	R	IVLI PROCVL	E	CAECILI MAXIM	E
IVNI SATVRNIN.		SEPTIMI FRVCT	E	VETTI LASCIV	E
IVNI HONORAT	E	TERENTI REDEMPT	E	SEXTI CHRYSOGON	E
SEPTIMI PERTIC	A	VVLCEI VALEN	S	TREBONI TATIAN	E
EVMERESI DONAT	E	ALIGVVI VER	E	AVRELI SABIN	E
PETRONI FELI	X	7 VICTORIS		BAEBI IVST	E
VOLOSI LICINIAN.		SS MESSORI VICTO	R	HERENNI CHRESTIAN	E
VALERI CRISPIN	E	OP. VALERI VICTO	R	VENNI FRONT	O
SERTORI GRAECIN	E	VEX. ACIDI CHREST	E	COR DI SEVERIN	E
IVLI VERISSIM	E	TES. TVLLI ONAGE	R	RVFONI VICTORIN	E
SICINI PRVDEN	S	HT PETITI MARCELL	E	VARI MERCVR	I
PACCI PACCIAN	E	VC. AVRELI MENOFANT	E	MARATI FAVST	E
DECIANE MELISS	E	ST. CAECILI IANVAR	I	HERENNI RVF	E
LICINI IVST	E	VLPI VICTORIN	E	PETELLI FORTVNAT	E
POLLENTI DECEMBE	R	CASTRICI AGATHOP	E	FLAVI HASTE	R
RVTILI INGENV	E	MANILI BARBAT	E	HORTENSI RVFIN	E
OFILI IANVAR	I	HORATI HORATIAN	E	VIBI FORTVNAT	E
MELVI DONAT	E	AVRELI MARTIALI	S	VALERI VITALISSIM	E
SALVI SILVESTER	R	VLPI MAXIM	E	IVLI LIBERALI	S
AVILI CRESCEN	S	BLAESI FELI	X	DECIMI RVFIN	E
CORNELI BASILIC	E	CALPVRNI PRIMIGEN	I	QVINTILI PROCVL	E
STATI VER	E	VLPI THEODOT	E	BAEBI SVCESS	E
ICLODI HOSPE	S	FRONTO SOCRATE	S	PETRONI PERENNI	S
ACILI CRESCEN	S	CAELI VIATO	R	VOLVMNI HYGIN	E
IVIRI CLEMEN	S	SEPTIMI IANVAR	I	IVLI DONAT	E
ACVTI SATVRNIN	E	VISIDENI PAVLIN	E	TVTILI LE	O
MAGNI PRIM	E	FLAVI SVRTAG	E	AEMILI ASCLEODOT	E
ORBI ROGAT	E	CAMONI PRIMIGEN	I	DOMITI IVLIAN	E
FLAVI CHRESIM	E	IVLI LIBERALI	S	VVOLTI MAXIM	E
LICINI SVR	A	GAVINI PRIMITIV	E	IVLI SATVRNIN	E
ECESENI MARTIN	E	VALERI SECVND	E	ATRI SABIN	E
AEMILI FLACG	E	FLAVI GAIAN	E	TITINI SECVND	E
VETTI VALEN	S	OCTAVI SEVER	E	MANILI REGVL	E
		CAELI FELI	X	COMINI CAPRIOL	E
		SAVFEI THEODOR	E	VOCONI MARCELLIN	E
		FLAVI PARTHENOP	E	COCCEI ATILIAN	E
		FVFICI SECVNDIN	E	SVETO PAVLIN	E
		EGNATI IVSTIAN	E	VENELI VER	E
				FARRAX IVST	E
				AVFIDI GEN	I
				LICINI MERCVR	I
				AVRELI HERMOGENE	S
				AVREL. VIATO	R
				IVLI SATVRNI	N.

In altero latere Basis.

7 QVINTINI

APRONI PRIMITIV E	ATTI VICTO R	
CORN. MESTRI APRILI S	FORMI ASPRENA S	
POPILI PERGAM E	FLAVI MACHO N	
TESS. VETTI TERT I	SEPTICI CHARIT O	
OPT. PLOTI POSTVMIN E	NVMISI SECVND E	
VEX. RENNI FELIX	ABVREDI COGITAT E	
EMER. CAECILI FORTVN	VALERI RESTVT E	
CVRTI PRVDEN S	VARRENI VERECVNDE	
MVNATI HERME S	PETRONI VERIN E	
GEMINI FAVST E	MARCI SEVER E	
VIC. AVRELI HERMADIO	PESCENNI FELI X	
ACCI VITALI S	CORNELI POLLIAN E	
SERGI SALVIAN E	CORNELI CALLIMORFE	
EVDOCI PAVLIN E	GERMANI FILONIC E	
FONTEI IANVAR I	MARCI IANVAR I	
TITI PRIMITIV E	NOVASI SEVER E	
AEMILI TEANA X	7 IVVENIS	
CLAVDI PROCVLEIAN E	HER. MARCANE FORTVN	(ATIANE
CLAVDI DIONYS I	CO. AEMILI BASS E	IVVENTI DECEMBE R
IVLI ANDRONIS E	VEX. TITI SATVRNIN E	CALPVRI CELE R
SATRI VERIN E	OP. TITI SECVND E	STAMINI SATVRNIN E
EBVRINE VERIN E	CORNELI FELICISSIM E	AVRELI ALEXANDE R
HABRENI VER E	SITTI CHRYSERO S	ALLETTI PRIM E
SACCONI CANDIDIAN E	GARGILI BARBAR E	MESSI RESTVT E
VALERI SATVRNIN E	IVLI CHARYM E	TETTI VENERAND E
IVLI CRISPIN E	BLAESI PROBAT E	AVRELI AVTYDOR E
DESSI PRIM E	AEMILI VITALI S	LICINI FELICISSIM E
SEDVLI FIRM E	LVTATI FILADELFI E	TITI FELI X
TVLLI IVST E	SECVNDE FELI X	CLODI POMPEI E
IVLI IOVINIAN E	FANI HERODIAN E	AVRELI FAVSTIN E
FLORI VRBAN E	MARTI CEION I	TITI PAVLIN E
SETINI MARCELL E	CLAVDI MARC E	IANVARI FELI X
CVSPIDI PRISC E	ARRENI MARCELL E	MVRRI VALERIAN E
CASSI FORTVNAT E	NOVI EPHOEB E	AVRELI VICTORIN E
ARNI MARCELLIN E	MARI TIMO N	IVNI LAVRENT I
PVBLCI EVTYCHE S	VITRASI ARTEM A	NONI IOVIN E
SEXTI EVFRO N	AEMILI OPTAT E	NAEVITITIAN E
NONNI FORTVNAT E	DECIMI QVINTIL I	MAEVI ROGATIAN E
CAECILI DOMITIAN E	AVRELI LIBERALI S	AVRELI SEVERIN E
		SATRI LARENSI S

1149	AD MILITES PERTINENS. Sect. VII.			1150
SEMPRONI LOLLIAN E	AEMILI ORE V	COMINI MARCELL E		
CORNELI PRIM E	CLAVDI PRIMITIV E	AELI HERMOGENIAN E		
IVLI SECVND E	SALLVSTI PRISTIN E	IVLLEI FELI X		
PROSPERTI FIRMIAN E	AELI QVINTI O	AVRELI VARRONIAN E		
FLAVI FELI X	CATTI SERVAND E	DEVLTRONI VITALI S		
TERENTI CORNELIAN E	OCTAVI MAECILIAN E	OCTAVI CELE R		
CARINATI CRESCEN S	PVMIDI FELI X	SPVRI SEVER E		
SERVILI SALVTARI S	NERONI MAXIMIAN E		
SEMPRONI RESTVT E	VEREI SEDVCTO R	VETTONI FELI X		
ASELLI FACILI S	CASSI PRIVAT E	VERANI RVFIN E		
PAPI.....	FLAVI HERMOGENE S	CAECILI VICTO R		
.	AVLE CRISPIN E	AELI HILAR E		
AVRELI POSIDON I	MARI SEVER E	VITRASI ROMAN E		
NVMENI SEVERIN E	SAVFEI FELI X	COCCEI ROGATIAN E		
RVFRI RVFIN E	CRETORI NOVEMBE R	VERGILI FELI X		
PETILI PAVLIN E	PVBLICI MACED O	MATERNI VICTORIN E		
FABI FELI X	IVLI PROCVL E	LIQVIDI QVART E		
FONTEI VENER I	ACAENI CRISPINIAN E	AILAFIDI SEVERIN E		
FLAVI PRIC E	CORNELI HERME S	SEPTIENI PRISC E		
ASINI ABASCANT E	PVBLICI VMIDIAN E	CALPVRNI FAVST E		
ANTISTI MODESTIAN E	FAENI CLEMEN S	POMPEI SALLVSTI		
AELI MACRIN E	PETRONI FIRM E	TITINI HORTENSIAN E		
.	CAECILI FORTVNAT E	SABERI VICTO R		
ANTONI HONORAT E	VE..NI CALIST E	MVNATI IVSTIN E		
AVRELI DIONYS I	ANNI... VICTORIN E	BVCCERI TERTVLL E		
SAVIDI MAXIM E	CASSI PRIMITIV E	AVRELI ROMAN E		
VANVCI RESTVT E	ANTISTI MARCELLIN E	IANVARI FELI X		
VALERI CAESONIC E	AEMILI MARIN E	ATILI HELIODOR E		
RVFRI SABINIANE	PAPINI SATVRNIN E	LOLLI SEVERIN E		
(NES				
CALPVRNI BORYSTHE	COSSVTI FEST E	VERBICI VITALI S		
IVLI VERAN E	GAVINI MVST E	EXTRICATE FELI X		
AVILLI PHILOMVS E	GELLI APOLLON I	BVCCERI QVART E		
AEMILI HERME S	CLAVDI PLACENTIN I	VALERI SECVNDIN E		
AVRELI ZOTICE	EPPI VERIAN E	ANCHARI IVSTIN E		
(RE				
HERMOGENES DIODO	ANTISTI FORTI S	VIBVLENI MERCVR I		
CANINI MEGAMIX E	CASSI POLLI O	GALERI NEPTVNALI S		
ANTONI APRILI S	IVLI DONAT E	VELLENI FRVCT E		
MACCI..MENE I	FVLLONI LEONA S	GEMELLI FELICISSIM E		
CLAVD. TISINIAN E	IVLI LVCIAN E			
CONELI RVF E	GAENI OPTIM E			
PRIMISI CHRYSOGON E	SERVENI PROCVL E			
IVLI ROGAT E	FVLVI VALER I			
DOMITI SATVR E	AEMILI IVST E			

PISENTI AGRICOLA	VMVRSI SATVRNIN E
AELI SABINIANAE	AVRELI IVCVND E
IVLI PEREGRINIE	ALLETI QVARTIN E
PETRONI SATVRNIN E	ALLETI LIBERALI S
SICINI CRESCENTIAN E	FL. IV VENET E
SEMPRONI AFRODIS I	MVSSI CRISP E
MAGVDI SVCCESSE E	CAECILI DONATIAN E
OCTAVI IANVAR I	CALPVNI IRENE V
AFRANI PRIM. VE	VRSENI AFRISILAN E
VALERI CRESCEN S	OCTAVI CLEMENTIAN
	CIRRI FEST E

Exscripti.

In Aræ Corona quam Galli Corniche vocant, scriptum:

DEDIC. KAL.

IMP. ANTONINO AVG. III.

COS.

In præcipua Inscriptionis facie Antoninus Caracalla in cuius honorem erecta est, Consul II notatur, quo tempore scilicet sculpta est, hic vero COS. III. nempe dedicata ipso Consulatum tertium ineunte Calendis Januariis.

Elegans est hoc marmor cuius jam primam faciem dumtaxat exhibuit ex Langermanno Reinesius, sed incorrectam. Simile etiam habet Gruterus pag. CCLXIX. 3. a Centurionibus dictum, in quo septem pariter Centurionum nomina Cohortis II. Vigilum, cum aliquot aliis Officialibus leguntur. Hic Cohors I. Vigilum Antoniniana Antonino Severi filio (Caracallæ) Domino suo ac Patrono aram solemnem dedicat, voventibus & impensam facientibus septem hujus Cohortis Centurionibus cum ejusdem Præfecto ac Tribuno, omnibusque fere Centuriarum Militibus in laterali marmoris facie utraque inscriptis. 7 Centurionem & Centuriam designat, ut quibusvis tantillum in Antiquitate versatis notum est. OPT. *Optio*. TES. *Tesserarius*. CORN. *Cornicularius*. VEX. *Vexillarius*. EMER. *Emeritus*. VIC. *Vicarius*. ST. *Stator*: quæ omnia in Antiquorum militia non infrequentia sunt. Sed hic perrarum Milites omnes in vocativo signari, quasi vocaret eos & exercitus lustrationem faceret Tribunus. Id præterea obscurum videbitur quare Centuria *Ingenui* plures ac centum Milites habeat, ut & Centuria *Juvenis*: cum e centum Militibus Centuriæ constarent: cur vero Centuriæ ultimæ, *Severi*, *Flavii Ingenui*, & *Floriani* non nominentur.

Prioris difficultatis nodum ut solvamus sciendum in singulis Centuriis fuisse, præter justos centum milites gregarios, decem Decanos: decem enim militibus sub uno tentorio degentibus, unus erat ipsis præfectus. Præterea sicuti prima Legionis Cohors alias Cohortes numero Militum præcellebat: habebat enim teste eodem 1105 pedites, cum cæteræ Cohortes 555 dumtaxat haberent. Ideoque Cohors I vocabatur Milliaria, aliæ vero Quinquagenariæ: ita ni fallor in illis Centuriis, plures alij Officiales esse poterant, veluti Optio sive Adjutor Centurionis, Cornicularius Tribuni, Vexillarius, Tesserarius, Medicus Cohortis, Accensus, Stator, Beneficiarius, aliive inter Gregarios Milites recenseri non soliti. Inde in primis nostris duabus Centuriis, præter eos qui Munus aliquod habuisse notantur affixum ante nomen, leguntur 110 aut 111. Militum nomina, quæ, ut indicavi, Decanos simul cum Gregariis comprehendunt. Ad secundam vero difficultatem, trium nempe Centuriarum non memoratarum, fieri potuit ut duæ essent Aræ similes, in quarum altera istarum Milites inscripti forent, ut in hac quatuor priorum insculpta sunt.

ARTICULUS IV.

OFFICIA QUÆDAM MILITARIA.

Baltearius.

Romæ.

M. CRITONIVS M. F.

APOLLONIVS

MILESEX ARMAMEN

TARIO AVGVSTOR.

BALTEARIVS

FECIT SIBI ET SVIS

LIBERIS

IN FR. P. XIII. IN

AGR. P. XVII.

Exscripsi.

Baltearius is proculdubio vocabatur qui in Armamentario Augustorum Balteorum curam habebat, si-
ve iis conservandis, siue subministrandis, siue refarciendis, vel ornandis incumberet. Erant enim Bal-
tei aurei, argentei, gemmati. Plin. lib. 34. *Et quid hæc attinet colligere, cum capuli Militum etiam*
ebore fastidito, calentur argento, vaginae batillis, balthei laminis crepent? Unde Spartianus Hadriani
modestiam notat, *qui sine auro balteum sumeret*, cum tamen balteos auro gemmisque ornatos gestare so-
lerent Duces Romani.

Beneficiarius.

Nemausi.

D.

M.

VMIDI. AVITI. MILIT.

LEG. VIII. GEMIN. FELICIS

BENEFICIARI

IVNII OMVLLI CONSVLAR.

CVRAT. VITRASII. POLLION.

LEGATI AVG.

Ex Grassero.

Beneficarii ita vocati, quod, inquit Vegetius, *promoverentur Beneficio Tribunorum*. Unde Benefi-
ciarii Tribuni memorantur frequenter in antiquis marmoribus. Aliter Festus, *Beneficarii Milites dice-*
bantur, qui vacabant muneri beneficio. Observat Reinesius ad tempora Hadriani lapidem esse referen-
dum, cum hujus Imperatoris ad Vitrasium Pollionem Legatum Augusti Provinciæ Lugdunensis Rescri-
ptum legatur. Eundem Reinesium consule de Beneficiariis, Syntagm. Inscript. Antiq. pag. 324.

Romæ.

Q. NAEVIUS MARINVS
MILES EX ARMAMENTARIO IMP.
CAESARIS DOMITIANI AVG. GERMANICI
CASSIDARIUS
VIXIT ANN. XXXX

Ex sched. Barber.

Cassidarius qui in Armamentario Cassidum curam habebat. Cassidum autem sive galearum, aliæ simplices erant, aliæ cristis, Sphyngebis, Chimæris, hiantibus animalibus ad terrorem & ornatum insignes. Virgil. *Æneid.* 7. de Turno:

*Cui triplici crinita juba, galea alta Chimæram
Sustinet, Ætnæos efflantem faucibus ignes.*

Ecce duas Cassides antiquas, quarum priorem ferream deauratam possidebat olim in Museo suo Petrus Paulus Rubens Antiquarius & Pictor celeberrimus, & ipsemet a se delineatam ad Peireskium misit, ex cujus schedis nunc depromimus.



Prima hæc Galea non proprie cristata, sed foliata, hoc est foliis ornata, dicenda est. Altera Aquila cristæ loco insignis, Centauro & Delphinis præterea ornatus causa calata.

Centurio.

*Prope Vicentiam in basi
Statuæ Equestris.*

Q. SERTORIUS L. F.
POB. FESTVS
CENTVR. LEG. XI.
CLAVDIAE. PIAE. FIDELIS

Ex Jos. Magnavacca Bononiensi.

Romæ.

DIIS MAN.
QVARTIVS IVNIVS QVAR. F. PAL.
HESPERIVS
7 COH. VI VIGIL. ET
QVARTIA TERENTIA SECVNDA
FECERVNT SIBI ET SVIS
LIBERIS
IN FR. P. XII IN A. P. XV

Ex schedis Barber.

AELIVM RESTITVTVM

COMMANVPVLAREM

SVVM ET L. PLENATIVM

VALENTEM FRATREM SVVM

Commanipularis idem qui *Vegetio Contubernalis*, & *Spartiano Commanupularis* & *Commanipulo*, Miles qui in eodem contubernio sub uno Decano erat, militabatque: *Commanuculus* in Ara superius a Centurionibus & Militibus dicata. *Solva* hujus Militis patria nominatur in notitia Imperii, idem ac Solvense oppidum apud Noricos Plinio lib. 3. c. 24.

Doct̃or Sagittarius.

Romæ.



D M
T. FLAVIO EXPEDITO
DOCTORI SAGITTAR
FLAVIA EUPHROSINE
ET ATTICA FILIAE
PATRI B. M.

Doct̃or Sagittarius forte qui Milites in sagittandi arte edocebat, sicut in lapide apud Reinesium p. 650. Pompejus quidam Phrixus *Doct̃or Librarius* nuncupatur, ubi Reinesius nimis temerarie, *Struct̃or Librarius* reponendum esse censet, eo quod inepta locutio videatur, & Doctores disciplinarum ac scientiarum, non vero artium mechanicarum Præceptores dicantur.

Duplarius.

Romæ.

Q. VAESIO Q. F. PAL. NIGERIANO

MIL. COH. V. PR. 7. VERI MILIT.

LEG. X GEMIN. DVPLAR.

STIPEN. * II ANN. XVI

VIXIT ANN. LXV. M. VI

L. VAESIUS L. F. PAL. MACER

T. F. C. N. AM. 1871

Ex sched. Barber.

DIS MANIBVS
SEX. R VLLIO SEX. F.
SERGIA
MASONIANO
VETERANO
SEX. R VLLIVS
SEX. F. Q. N. AVCTVS
MILES DVPL. ARM.
FRATRI PIENTISSIMO
FECIT

DIS MANIBVS
T. AELIVS T.F. POP. HEDISCVS
MIL. DVPLAR. ARMATVR. VIXIT
ANN. XXIIX M. VII D. XXV
MIL. ANN. XIX. NAT. SYR. SVPER.
FEC. SIBI ET LIBERTIS
LIBERTAB QVE EORVM
INFR. P. XI IN AGR. PEDES XVI.

Ex sched. Barberin.
Ex sched. Barber.

Armaturæ Duplares, inquit Vegetius lib. 2. cap. 7. *quæ binas consequuntur annonas*, *simples*, *quæ singulas*. Hinc *Duplares* & *Duplices* huic Autori Milites dicuntur, *Duplicarii* Livio, & *Dupla-*
rii in antiquis lapidibus: *διδραχμοπολιται* Polluci vocati, quod duos denarios virtutis nimirum causa
mererent, cum unus esset stipendium Militis diurnum. Id confirmat prima Inscriptio in qua *Quintus*
Vesius Quinti filius Palatina Tribu Nigerianus, *Miles Cohortis Quintæ Prætorię Centuria Veri*, mili-
tauit in *Legione Decima Gemina Duplarius stipendio denariorum duorum Annis sedecim*.

Eques Singularis.

Romæ.
Romæ.

T. AVR. FELICI
EQ. SING. AVG. TVR.
VLPI VICTORIS
NAT. CANONEFAS
V. A. XXVIII. M. II. D. X.
T. AVR. VERAX VIX.
H. AMICO OPTIMO F. C.

D. M.
P. AVLINIUS ABENTI
NVS EQ. S. DN. NN.
VIX. ANN. XXXVIII M.
ANN. XVIII. T. RVFINI
NIGER.... IVL. SEVERI
NVS B. ET VETTIVS
MARTINVS SING.

Exscripsi.
Exscripsi.

Romæ.
Romæ.

D. M.
IVLIO ISARGVRO
LIBERTO VIXIT
ANN. XXXV.
T. F. L. RVFINVS
EQ. SING. AVG.
TVR. GAI LEPIDINI
AMICO B. M. E.

D. M.
T. AVREL. SATVRNINO
EQ. SING. AVG. TVRM. AELI
CRISPI NAT. PANN. VIX. AN.
XXX. MIL. AN. XI T. FLAVIVS
MARCELLINVS SIGNIF. HER.
ET T. AVR. SECVNDINVS
SEC. HER. AMIC. OPTIM.
FACIENDVM CVRAVER.

Exscripsi.
Exscripsi.

Equites Singulares Augusti dicebantur, qui ad ejus custodiam selecti erant, similes iis trecentis quos
Dd dd iii

sibi corporis custodes selegerat Romulus, ut notat Salmasius lib. de re militari Romanorum. Illos Hadriani & sequentium Imperatorum ætas *Singulares Imperatoris* aut *Prætorianos* vocabat, posterior vero *Domesticos & Protectores*.

Equo publico honorati.

Comora in Hungaria.

D. M.
M. VAL. VALERIANO LEG. IIII. FL. VIXIT. ANN. XLII.
ET M. VAL. VLPIO EQ. PVB. FIL. VIXIT AN.
VIII SIM. CONDITIS VLPIA PARATIANE
MARITO ET VLPIA VALERIA FILIA
HEREDES T. S.

Ex Itiner. Eduard. Brouvn Angli.

Romæ.

DIS MANIB.
L. OGVLNIO C. F. ARN. VELO.
EQVO PVBLICO PRAEFECTO
TVRM. ALAE. II LEG. I. MINER.
VIXIT ANN. LIIX MENS. VII
D. XVIII. EX TESTAMENTO
M. OGVLNIUS L. F. ARN. AVCTVS
EQ. ROM. PATRI OPTIMO
PONE. CVRAVITH. M. D. M. A.
IN FRONTE PED. XIII
IN AGRO PEDES XVI
H. MONVM. VSTRINVM APPLIC.
NON LICET

Ex sched. Barberin.

Novioduni, vulgo Nions in Helvetia.

D. IVL. L. F. VOL. RIPANO CAPITONI BASSIANO
EQVO PVBLICO HONORATO PRAEFECTO FABRYM
TRIB. MIL. COH. I. GAL. IVL. BROCCHYVS
VALER. BASSVS FILIO

Ex Jacobo Flournoy Genev.

Equo publico honorari dicebatur Miles, cui Equus publicis impensis alebatur, ut jam dixi ad Inscr.

ptionem sect. tertiæ, num. xxvi. De quo confule Salmasium lib. de re militari Rom. cap. 21. qui *Equum publicum* vocari censebat, mira loquendi formula, pro eo qui publico donatur Equo. Verum pridem monuit Antiquitatis amantissimus D. Jacobus Fournoy, sibi idem non videri ac Salmasio, & ubi *Equo publico* legitur subaudiendum *honorato* vel *donato*: quod confirmat Inscriptio superius pag. 115. citata, in qua *Publius Virilius Affianus*, *Equo publico*, *Sacerdos*, &c. indigitatur: ubi necessario subintelligendum *honoratus*, alioquin ad Salmasii mentem fuisset scribendum eodem casu, *Equus publicus*. Frequentissime autem ablativo absoluto ita utebantur, v. g. cum Cæsares *Tribunitia potestate* I & II dicebantur, hoc est exornati seu donati. Verum si correctus sit lapis apud Erud. Reinesium in Syntagm. Inscript. citatus pag. 719. in quo legitur *Cajus Gadius Calenus Equus publicus*, fatendum id locutionis genus, equidem raro, aliquando tamen fuisse usurpatum. Vide laudatum Reines. in explicatione marmoris Classis 1. & Lippium de Milit. Rom. lib. 1. dial. 5. Ultima Inscriptio citatur a Grutero, sed in prima linea male legit *Valeriano*, pro *VOL. RIPANO*. Confirmatur correctio ex eo quod plures alii ejusdem familiæ hujusce Voltinæ Tribus fuisse observentur, in aliis lapidibus a nobis ad Historiam Genevensensem relatis.

Evocatus.

Romæ.

Romæ.

DIS MANIBVS

T. MATRINIO P. F.

L. DAMARIONI L. F. ROM.

OVF. QVADRATO

GENIANO

EVOK. AVG. VIX. ANN.

EVOKATO AVG. IN PRAET.

XL. MILIT. ANN. XVI.

VIX. ANN. LXIII M. III D. XIII.

L. ANTONIVS L. F. PAL.

H. S. E.

MARCIVS MIL. COH.

T. FLAVIVS T. F. ROM. FELIX

VIII PRAET. AMIC.

FLORENTIA

FEC.

VETER. AVG. N. T. VESPASIAN.

AMIC. PISSIMO F. C.

IN FR. P. VI IN A. P. IV.

Ex schedis Barberin.

Ex sched. Barberinis.

Romæ.

DIS MANIBVS

C. SALLVSTIO T. F. POMP. ABINNAEANO

NAT. TRAMPE

EVOKATO AVG. N. VIX. ANN. LXV. M. II

M. SALLVSTIVS M. F. POMP. AVCTVS

T. F.

Ex sched. Barber.

Evocati, inquit Salmasius ad Vopiscum, *Milites erant veteres, & qui e militia jam exierant, sed ad eam sponte revocabantur, Ordinum & præmiorum spe.* Ταξιάρχαι, Ordinarii in Glossis exponuntur: eadem & *Evocatum* Ταξιάρχον interpretantur. Ordinarii dicti quia primos Ordines ducebant. Institue-
re illos ceperat Augustus, teste Dione, cum veteranos Patris contra Antonium convocavit, servavit-
que deinde. Hæc Legio *Evocatorum* appellata fuit, quod missi facti a militia rursus ad eam convocaren-
tur. In Militum Epitaphiis Tribus fere semper designabantur, sic trium horum Militum primus nota-
tur ROMilia, secundus OVFentina, ultimus POMptina tribu. Hic Nazione sive NATalibus TRAM-
PE. Thrampus promontorium Macedoniae Stephano de urbibus.

Librarius.

Aemonia in Istria, quæ nunc Civitas nova.

C. TOCERNI MAXIMIANI MIL. LEG. II.

ITAL. STIPENDIORVM V LIBR. COS. ANNOR. *Librario Consulis*

XXII. MENSIVM VIII DIER. VI C.

TOCERNIVS HERMEROS PATER

FILIO KARISSIMO

Ex Erud. Fabretti schedis.

Librarii, inquit Vegetius lib. 2. dicti *ab eo quod in libros referant rationes ad Milites pertinentes*. Nec ab simili notione fumuntur supra pag. 224. pro iis nempe qui computabant, calculabant, negotiorumque rationes servabant. Vide Commentarium Reinesii ad Inscript. XLIV. Classis Octavæ Syntagmatis Inscript.

Miles Cohortis Prætoriae.

Romæ.

Romæ.

DIS MANIBVS

DIS MANIBVS

L. MATRINIO G. F. QVIR.

L. LVCILIANO C. F. CLV.

AELIO FARSVLEIO

PASSER. NATI. CIV.

FELICI IVNIORI

THIRMIDA

ORIVNDO LEPTI CIVIT.

MIL. COH. VIII. PRAET.

MIL. COH. IX. PRAET. 7. SERVI

7 VERINI MILIT. ANN.

MIL. ANN. XVII VIX. ANN. LIIX

LXXII

L. MATRINIVS AELIVS

L. LVCILIVS L. F. CLV.

FARSVLEIVS FELIX

EVARIST. FEC.

IANVARIVS

FRAT. PISSIM. ET R. FECIT

Ex sched. Barber.

Prætoriani Milites Cæsarum custodiæ destinati passim noti sunt. At Prætoria Cohors, inquit Festus, *est dicta quod a Prætoris non discedebat. Leptis Civitas est Africae: Thermida quæ hic Thirmida Oppidum Hispaniæ Tarraconensis.*

Optio.

Romæ, in villa Matthæi.

Ucetia.

D.

M.

L. SERTORIO SECVNDO

L. PORCIO L. F. VOLTIN.

OPTIONI COH. I. PR. 7. RENNI

IRO MILIT. LEG. AVG.

VIX. ANN. XXX. L. SERTORIVS

OPTIONI SIGNIFERO

MARCELLVS FRATR. CARISS.

ACCEP. LOC. A BALONIO SEVERO

PINARIA ET VERNE

Exscripti.

Ex D. du Bourdieu.

Optiones, inquit Veget. l. 2. c. 7. *ab optando appellati, quod antecedentibus ægritudine præpeditis, bi tanquam adoptati eorum atque Vicarii solent universa curare. In hunc locum vide Godescalci Stevvechii Commentarium, & Rosini Antiquitat. Rom. lib. x. cap. vii.*

Præfectus Cohortis Prætoriae, & Præfectus Vigilum.

Romæ.

Romæ.

M. OSTORIVS M. F. ESQ. FLACCVS
 PRAEFECTVS PRAET. ET PRAEFECT.
 COH. VII. PRAET. ANN. IIII. V. F.
 SIBI ET OSTORIAE ALBINAЕ AV
 RELIAE VXORI CARISSIMAE ET
 L. OSTORIO L. F. ESQ. MARCIANO
 EQ. ROM. NEP. SVO PISSIMO
 ET OSTORIAE MARCIANAE FIL.
 CVM Q. VIX. ANN. XX. M. IIII. D. VI.

HS. S.

IN FR. PED. XIV. IN AGR. PED. XX.

Ex sched. Card. Barber.

M. AVRELIO M. F.

SEVERIANO

TORQVATO

PRAEF. VIG. ET

X VIR. STLITIBVS

IVDICANDIS

AVRELIA CAE

SONIA CONIVGI A

PISSIMO FECIT

Ex schedis Barberin.

Præfectus Cohortis in Ara superius a Militibus dicata nominatur ante Tribunal: & fane non contemnendum fuit Militare Officium, quout & Præfectura Prætorii ornatus erat *Marcus* iste *Ostorius Flaccus* *Esquilina* Tribu.

Primopilus.

Romæ.

Q. NVMENIO Q. F. Q. N.

OVR. CALVO LATINO

PRIMOPILO LEG. MINER.

MILIT. ANN. XXVI

VIX. ANN. XLII

NVMENIA VIVANIA

MATER F. G.

IN FR. PED. XIII. S.

IN AGR. PED. XVIII

Ex sched. Barberin.

Primopilus, *Primipilus*, five *Centurio primi pili*, seu primi ordinis, dicebatur qui Triariorum Manipulo in prima Cohorte præerat, reliquosque omnes Centuriones dignitate anteibat, de quo consule-
 tis varios qui de re Militari scripsere Autores.

Sagarius.

Romæ.

SEX. NAEVIVS RVFVS

MILES COH. VII VIG. SAGARIVS

VIXIT ANN. LVIII M. VIII

Ex sched. Barber.

Sagum, vestimentum Militare, quod armis superinduebant, teste Strabone & aliis. *Sagarius* Sagarum Sartor & Mercator. *Hæc enim erat cura præcipua*, inquit *Vegetius*, *ut quicquid exercitui necessarium videbatur, nunquam deesset in castris.*

Signifer.

Taurinis.

In pago Monpezat, Provinciæ.

Q. COELIVS Q. F.
MILES LEG. VIII
SIGNIFER OB
VIRTVTES
TORQVIBVS
ARMILLIS
EST DECORATVS

Ex Guichenon, Hist. Sabaud.

A. IVLIVS SATVRNINVS
SIGNIFER LEG. X.
GEM. P. F. III VIR. CL.
A. VIVVS FECIT
SIBI ET SVIS

Ex Solerii Hist. Provinc.

Signifer qui Cohortis signum ferebat. Erant enim in Legione una tantum Aquila, signa vero plura, totidem nempe quot Cohortes. Illorum ectypum in nummis passim videre est: basin scilicet in cuius summitate transversum lignum, in quo scriptus Titulus COH. I. vel COH. II. pro earum numero.

Simplarius & Sesquiplarius.

Romæ.

Romæ, in Quirinali.

NONIVS ARVSIVS N. F.
PVPIL. PAVCAESTA NATI
CORCYRA NIGRA
MIL. LEG. II. AVG. MILIT.
ARMAT. SIMPLAR. ANN.
XVI VIX. ANN. XXXIII
H. S. E.

T. FL. SATVRNINO SESQVI
PLICI EX NVMERO EQVIT.
SINGVLARIVM AVG. CLAVD.
VIRVNI TVRMAE MACEDONIS
MIL. AN. XXI. VIX. A. X....
FACIENDVM CVRAVER.
SEXTILIVS AMIC.....

Exscripsi.

Armaturæ Simples quæ singulas annonas consequuntur: Duplares quæ duplas, ut supra diximus: *Sesquiplates unam & semis*, hoc est denarium unum semis pro diurno stipendio. Hi & hic Sesquiplates dicuntur.

Speculator.

Romæ, in Palatio Iustiniani.

D. M.
M. AVR. VRSI SPE
CVLATOR. COH. IIII
PR. PV. PERVINCIVS
PEREGRINVS HERES
CONTIBERNALI BE
NE MERENTI FECIT

Exscripsi.

Speculator, inquit Festus, *ab Exploratore hoc distat, quod Speculator hostilia silentio perspicit, Explorator parata clamore cognoscit.*

Tubicen.

Romæ, in Quirinali.

D. M.

P. AELIVS AVITVS

TRAIANOPOLI

TVBICEN EQ. SING. AVG.

TVRM. AELI LVCANI

NATIONE THRAX

V. A. XXXV. MIL. A. XV.

P. AELIVS AVRELIVS

HER. ET IVLIVS MAXIMVS

DECVRIO SECVS HER. OPTIMO

AMICO FACIEND. CVRAVER.

Ex Erudit. Fabretti schedis.

Tubicines, Cornicines & Buccinatores, qui tuba, vel ære curvo, vel buccina committere prælium solent. *Vegetius* l. 2. c. 7. Cuique Turmæ aut Manipulo sui fuere Tubicines, ut ostendit *Casp. Bartholinus* de *Tibiis Veterum* lib. 3. cap. 7. SECVS HER. videtur sculptum pro SECVNDVS.

Veteranus.

Romæ.

PRO SALVTE

L. ANTONI VETER. SABIN.

V. C. IVR. STVDI.

VOT. SOLVIT

C. ANTONIVS L. F.

CLEMENS VETER.

DED. XIII KAL. MART.

SER. SERVIANO III ET

IVVENTIO VERO COS.

Ex sched. Barberinis.

De *Veteranis* fufe supra in *Mifficio Milite*, & passim apud *Hift. Rom. Scriptores*.

Vexillarius, seu Vexillifer.

Niciæ.

SEX. SVLPICIO CL.

SABINO VEXILL. COH. I. L.

L. F. HISCR. GRATINI I. L.

L. T. H. M. H. S.

Ex Hiftor. Provinc.

Dd dd ij

Ut Signum Cohortis, ita *Vexillum* Centuriæ erat. COH. I. L. Est *Cobors prima Ligurum*. H. M. H. S. Hoc monumentum heredes sequetur. Alia quædam obscura, quæ nescio an recte descripta. Cæterum male apud Reinesium Syntagm. pag. 479. legitur EXTRA AVCTORITATEIS pro EXTRA AVTORATEIS.

Donatio sepulturæ Militibus Exauthoratis, aliisque quorum memoria infamis. Sassinæ.

*Fluviolus
Sapis*

BAEBIVS GEMELLVS
SASSINAS MVNICIPIBVS SINGVLEIS
INCOLEISQVE LOCA SEPVLTVRAE D. S. P.
DAT EXTRA AVTORATEIS ET QVEI
SIBEI LAQVEO MANVS ADTVLISSENT
ET QVEI QVAESTVM SPVRCVM PROFE
SSI ESSENT SINGVLEIS IN FRONTE
P. X IN AG. P. X INTER PONTEM
SAPIS ET TITVLVM SVPERIOREM QVEI
EST IN FINE FVNDI FAGONIANI
IN QVEIBVS LOCIS NEMO HVMA
TVS ERIT QVI VOLET SIBI VIVOS
MONVMENTVM FACIET IN QVEIB.
LOCEIS HVMATI ERVNT EI D. T.
QVI HVMATVS ERIT POSTERISQ.
EIVS MONVMENTVM FIERI LICEBIT

*D. T. Id est
Dumtaxat.*

Ex MS. Franc. Redi Sereniss. Ducis Florent. Medici.

Citatur hæc ipsa Inscriptio in Historia Sassinenfi, sed fracta & dimidia linearum parte decurtata, quæ tamen integra perlegi merebatur, cum antiquissima sit, ut conijcere licet ex antiquo scribendi modo EI pro I. Is autem Bæbius Gemellus pietatem suam testari voluit in eos qui alias sepulchro carebant, *Extraauthoratis* nempe, sive Exauthoratis, id est, qui officio aliquo præcipue militiæ ob aliquod crimen privati fuerant: *Item iis qui sibi laqueo manus attulissent, & iis qui spurcum quæstum professi essent*, hoc est lenonibus & meretricibus, quibus locus solum concedebatur in quo monumentum sibi facere vivi poterant. Notandum in Manuscripto legi BAEBLIVS, sed corrigere non dubitavi BAEBIVS: fuit enim notissima familia *Bæbia*, at nulla *Bæblia*. Adde quod apud Gruterum pag. CCCXXIII. 3. citetur Inscriptio etiam Sassinæ, ubi mentio cujusdam Titi Bæbii Gemellini, qui forte ejus affinis diminutivo cognomine gaudebat. Ex *Gemello* enim fit *Gemellinus*.

Familia Bæbiæ ecce aliam Inscriptionem,

Ex Corsica Genuam translata,

D. M.
C. BAEBIO MARINO
BAEBIVS MARTIALIS
ET BAEBIA PROBA
L. LIB. PATRI PIENTIS.

Ex Bocconi schedis.

MISCELLANEA ERUDITÆ ANTIQUITATIS.

SECTIO OCTAVA.

CÆSARUM IMPERATORUMQUE INSCRIPTIONES,

Præter eas quæ sparsim in aliis Sectionibus allatæ sunt.

Julii Cæsaris.

¹
Asta.

C. IVL. CAES. DOMITORI GALLIARVM
DICTATORI PERPETVO
TRIVMPHATORI S. P. Q. AST.
LAETITIAE ERGO ET HONORIS P. P.
L. D. D. D.

Ex Guichenon. Hist. Sabaud.

²
Asta.

C. IVL. CAES. C. F. DE GALLIS ET
ALLOBROGIBVS TRIVMPHATORI
ASTENS. BENEFACTORI PIO INVICTO DIVO
LAETITIAE ET GRATI ANIMI ERGO
P. P. L. D. D. D.

Ex Guichenon. Hist. Sabaud.

Benefactorem suum Julium Cæsarem hic veneratur Civitas Astensis quæ ab eo in antiquo nummo COLONIA Julia Asta nominatur, five illuc coloniam deduxerit Julius, five Coloniae privilegia oppido huic dederit. Non enim parvi momenti erat urbs ista, cujus in Sect. V. Geograph. mentionem facimus. L. D. D. D. *Locus datus decreto Decurionum Statuæ five qualicunque monumento in ejus honorem collocando.*

Augusti.

¹
Neapoli.

IMP. CAES. DIVI F. AVGVSTVS
MAXIMVS COS. XIIII.
TRIBVNIC. POTES. XXXII
IMP. XVI PATER PATRIAE
MVRVM TVRRESQVE
REFECIT

Ex Summontii Hist. Neap.

²
Romæ.

IMP. CAESAR DIVI F. AVGVSTVS
PONTIFEX MAXIMVS
TRIBVNIC. POTES. XVII
EX S. C.
TERMINOS POMERI
RESTITVENDOS CVR.

Ex sched. Card. Barb.

³
Romæ.

IMP. CAESAR DIVI F. AVGVSTVS
PONTIF. MAXIMVS TRIB.
POTES. XXXIV
EX S. C.
FINIBVS POMERIVM AM
PLIAVIT TER. QVE

Ex sched. Barber.

⁴
Romæ.

APOLLINI
IMP. CAES. DIVI F. AVGVSTVS
PONTIFEX MAXIMVS
IMP. XIIII. COS. XI. TR. POT. XVI
EX STIPE QVAM POPVLVS ROMANVS
KALENDIS JANVARIIS C. MAR
CIO CENSORINO ET C. ASINIO GALLO COS.

Ex sched. Barber.

⁵

*Prope Constantinopolim, ad
ingressum Ponti Euxini,
in basi Columnæ quæ vul-
go Pompeii dicitur.*

CAESARI AVGVSTO
E. CL. ANNIDIVS
L. F. CLA. FRONTO

Exscripsi.

Ee ee iij

Opera quædam Augusti recensent tres priores Inscriptiones, MVROS Neapolitanos resectos, terminos Pomerii Romani restitutos, ampliatosque. Id enim curæ Cæsarum erat. Videtis amplum super hoc Commentarium Onuphrii Panvinii in suo Imperio Romano. In Inscript quarta mentio fit stipis quæ Calendis Januariis Cæsari offerebatur, hoc est strenarum, quas ad Apollinis Statuam erigendam impendebat Augustus. In quinta intelligitur quam male hæc Columna vulgo vocetur Pompeii Columna, cum in honorem Cæsaris Augusti fuerit erecta, a Claudio Annidio Lucii filio Claudia Tribu Frontone.

Tiberii.

Jadera, vulgo Zara in Dalmatia.

TI. CAESAR DIVI AVG. F.
AVGVSTVS IMP. PONTIF. MAX.
TRIB. POTES. XX. COS. III.
DESIG. IIII LEG. XI
P. CORNELIO DOLABELLA
LEG. P. R. P. R.

Exscripsi.

Memoratur ab Historiæ Rom. Scriptoribus Publius Cornelius Dolabella qui Cæsarianarum fuit partium, deinde Consul cum Antonio, quique tandem Laodiceæ obsessus a Cassio seipsum interfecit. Huius filius fuit ejusdem nominis Consul alius anno Urbis conditæ 763, & forte nepos iste Dolabella Legatus Augusti Pro-Prætor. Eandem supra citavimus in Sect. V.

Drusi Tib. filii.

Viennæ.

Romæ.

DRVSO CAESAR.	PLEPS. VRBANA. QVINQVE. ET
TIB. AVG. F. DIVI AVG.	TRIGINTA. TRIBVVM
NEPOTI DIVI IVL.	DRVSO. CAESARI. TI. AVG. F.
PRONEPOTI TRIB.	DIVI. AVGVSTI. N.
POTES. II. COS. II	DIVI. IVLII. PRONEPOTI
	PONTIFICI. AVGVRI. SODAL. AVGVSTAL.
	COS. ITERVM. TRIBVNIC. POTES. ITER.
	AERE. CONLATO

Exscripsi.

Exscripsi.

PLEPS sæpius scriptum in antiquis lapidibus pro *Plebs*. Plebs ita dicta a *πλῆθος*, *multitudo*, inquit Vossius in Etymologico Linguae Lat.

Germanici.

Athenis.

Romæ.

GERMANICO	PLEPS. VRBANA. QVINQVE. ET
CAESARI TI. F. AVG. NEP.	TRIGINTA. TRIBVVM
Q. AVGVRI COS. DESIGNAT.	GERMANICO. CAESARI
D. D.	TI. AVGVSTI. F.
	DIVI. AVGVSTI. N.
	AVGVRI. FLAMINI. AVGVSTALI
	COS. ITERVM. IMP. ITERVM
	AERE. CONLATO

Ex D. Vaillant.

Exscripsi.

De XXXV. Tribubus Romanis vide Onuphrium Panvinium in Civitate Romana. Similis autem Inscriptio utrique dedicatur, Druso proprio Tiberii filio, & Germanico ejusdem filio adoptivo: & forte vel Statua vel aliquod aliud publicum monumentum, ad quod æs sive pecuniam contulerat Tribuum plebs universa.

Claudii.

Taurinis.

Baveni, in Comitatu Mediolan.

IN HOC

TROPHIMVS

TI. CLAVDII DRVSI F. CAES. AVG.

TI. CLAVDII CAES.

AVGVSTI

PONT. MAX. TRIB. POT. II. COS.

GERMANICI SER.

DESIGN.

DARIAE ET DIANAE

MEMORIAE

ET TARPEINE SACRVM

Ex Guichenon Hist. Sab.

Ex sched. Peiresk.

IN HOC; reponendum ni fallor IN HON. *In honorem.* Scitent enim erroribus Inscriptiones a Guichenone relatæ.

Neronis.

In pago Luc Forojul. ad viam Aureliam.

NERO CLAVDIVS

DIVI CLAVDI F.

GERMANICI CAESAR.

N. TI. CAES. AVG. PRO

NEP. DIVI AVG. ABNEPOS

CAESAR. AVG.

GERMANICVS PONTIFEX

MAX. TR. POT. IIII IMP. ITER.

COS. III. P. P. RESTITVIT

Ex sched. Peiresk.

Via Militaris Aureliae in Gallia Narbonensi restitutionem indicat hic lapis, in illa ipsamet via ad modum Milliarii erectus.

Galbæ, Othonis & Vitelii.

Galbæ Inscriptio unica apud Gruterum reperitur, Othonis nulla, Vitelli etiam unica: neutrorum vero ne quidem unam reperire potui. Raritatis earum causa est breve admodum imperium: vix enim hi tres annum simul expleverunt.

Vespasiani.

Taurinis.

IMP. CAESAR. VESPASIANVS

AVGVSTVS. PONTIFEX. MAXIMVS

TRIB. POTES. COS. III

COS. DESIGN. IIII

Ex Guichenon.

Elegantem aliam Vespasiani Inscriptionem vide infra inter Marmora Græca Thyatirena : in qua varum ab eo restitutio notatur, quarum gratia forte & hæc posita fuerat.

Nervæ,

Romæ.

SERGIAE LAENATISAE PLAVTILLAE

MATRI IMP. NERVAE CAES. AVG.

Ex sched. Barber.

Incognita est Historiæ Romanæ Scriptoribus Mulier ista Nervæ Imperatoris mater. Hujus Augusti vide Inscriptionem superius.

Trajani.

Epistylum in hortis Barberin. Romæ.

IMP. CAESARI DIVI NERVAE F. TRAIANO AVG. GERM. DACICO PONTIF. MAX.

TRIB. POT. XII. IMP. VI. COS. V. PROPAGATORI

ORBIS TERRARVM LOCUPLETATORI CIVIVM CVLTORES LARVM ET

IMAGINVM DOMVS AVGVSTI SOLO PRIVATO SVA PECVNIA FECERVNT

Exscripsi.

Magnificos titulos quibus hic decoratur Trajanus observare est, *Propagatoris Orbis terrarum & Locupletatoris Civium*; sicuti successor ejus Hadrianus, *Restitutor & Locupletator Orbis terrarum* in nummis vocatur. De Laribus dixi supra Sect. III. num. XCV. Videtur autem fuisse Confraternitas sive Collegium quoddam *Cultorum Larum & Imaginum Domus Augusti*, qui suis impensis in Collegii privato solo Aediculam aliquam Trajano erexerant, cujus dumtaxat superstes hoc Epistylum.

Hadriani.

Romæ.

IMP. CAES. TRAIAN. HADR.

AVG. COS. EX STRATIONE MARM.

RHOD. NVM. CCX L. IVNI VRVASI

Ex sched. Barber.

Posita, ni fallor, Inscriptio in memoriam alicujus pavimenti *ex stratione marmoris Rhodii*, in Aede sacra aut edificio publico Imperante Hadriano, *Lucii Junii Urvasi* cura seu impensis.

Marci Aurelii & Lucii Veri.

Mediolani.

IMP. CAESARI

L. AVRELIO VERO AVG.

ARMENIACO MEDICO PARTHICO

MAX. TRIB. POT. VII. IMP. VIII

COS. III P.P. DIVI ANTONINI PII F.

DIVI HADRIANI NEPOTI DIVI

TRAIANI PARTHICI PRONEPOTI

DIVI NERVAE ABNEPOTI DEC. DEC.

Ex D. Vaillant.

Marci Aurelii Inscriptionem retuli supra in qua mendum corrige typographicum COH. I. CXO, & repone COH. I. COO. id est, *Cobors prima Milliaria*, de qua Cohortis cognominatione dixi paulo superius.

In urbe Tripoli Africa, in Arcu Triumphali.

IMP. M. AVRELIO ANTONINO AVG. P. P. ET IMP. CAES. L. AVRELIO
VERO ARMENIACO AVG.
SER. CORNEL. SCIPIO OREITVS PROCOS. CVM VTTEDIO MARCELLO
LEG. SVO DEDICAVIT
C. CALPVARNIVS CELSVS CVRATOR MVNERIS PVB. MVN. AERAR.
II VIR Q. Q. FLAMEN PERPETVVS
ARCVM PECVNIA SVA CONSTRVEND. CVR. ET MARMORE SOLIDO
FECIT

Ex D. Girard schedis.

Elegantem hanc Inscriptionem debemus D. Girard Copiarum Helveticarum Chirurgo, qui absoluta in his Africae oris peregrinatione nobis Tripolitani Regni historiam & descriptionem adornat, ubi hujus Arcus typum exhibebit. Observavit ille hanc urbem quæ nunc Tripoli vocatur, non aliam esse ab ea quæ Plinio & Melæ Oea nuncupatur: ibique nonnulla alia Antiquitatis monumenta descripsit. OREITVS videtur sculptum pro ORFITVS, ut in Fastis nominatur Consul Lucius Cornelius Scipio Orfitus: verum & in alia Inscriptione Romana, quæ etiam apud Gruterum citatur, ad lapidem distincte me legisse itidem memini OREITVS: ita ut utroque modo scriptum fuisse hoc cognomen inde conjicere liceat.

Commodi,

Romæ, in Thermis Antoninianis.

Romæ.

DIVO COMMODO DIVI PII F.	PRO SALVTE
COH. VII. VIGIL. L. ANTONIVS AVRELIANVS	IMP. CAES. AVGVST.
PRAEF. M. VIBIVS VRBICVS 7 M. AVRE	M. AVRELIO COMMODO
LIVS SECVNDVS AIYRON 7 M. COMINIVS	M. AVRELIVS M. L. FAVO
DEXTER 7 L. AVRELIVS FVLVIANVS 7.	RINVS CVRTIA FA
T. FLAVIVS SABINVS 7 M. AVRELIVS	VORINA V. S.
APHRODISIVS SIGN.	

Ex sched. Barber.

7 ut diximus, sive nota aliqua non admodum diversa *Centurionem* denotat. SIGN. est *Signifer* Cohortis.

Severi, Caracallæ & Juliæ.

Romæ.

Romæ.

IMP. CAES. L. SEPTIMIO SEVERO PERTINACI	DIANAE SACRVM
AVG. P. M. TRIB. POT. III DES. III COS. II	PRO SALVTE IMP. L.
ARABICO ADIABENICO FRATRI ARVALI	SEPTIMII SEVERI
	ET M. AVRELI ANTONINI
	AVG. ET IVLIAE AVG. MATRIS CAS
	(TRQRVM
	ET SENATVS
	CVR. A. FVRIVS NIGRINVS D. D.
	N. N. P R O C. X X X X X X
	Ff ff

Ex Episc. Suarefii Explicat. Arcus Severiani.

Albani,

Ibid.

IMP. CAES. L. SEPT. SEVER. PII PERT. AVG. LVNAE AETER. SACR.
 PARTH. ET IMP. CAES. M. AVREL. ANTONINI PRO SALVTE
 PII FELIC. AVG. PARTH. MAX. BRITANN. IMPER. CAES. L. SEPTIM.
 MAX. P. P. ET IVLIAE AVG. MATR. AVG. SEV. PII INVIC. PRIN.
 N. ET SENAT. ET PATRIAE ET CASTR. PONT. MAX. P. P.
 MINERVAE AVG. SACR. IVL. BALBILLVS IVL. F.
 DASIMIVS FIRMAN. CORN. LEG. ET AVR. ANVLLINVS
 VICTORIN. ACTAR. CVM IMM. LIB. PRAEF. VIGIL. V. S. L. M.
 EX EXACTIS VOT. M. F.

Ex Suaresio.

Ex sched. Barber.

In Castello de Monfal-
 con Sabaudia.

Ardea.

IMP. CAES. L. SEPTIMIVS SEVERVS PIVS FELIX (COS. P. P.
 PONT. MAX. GERM. MAX. TRIB. POTEST. IIII. IMP. V. COS. PRO
 ET M. AVRELIVS ANTONINVS PIVS GERM. MAX.
 DACICVS MAX. PRINCEPS IVVENTVTIS (ENTIBVS
 LITVS VICINVM VIAE SEVERIANAE ADSIDVIS MARIS ADLV
 FLVCTIBVS AD LABEM RVINAE LABEFACTATVM AGGERIBVS
 MARINI OPERIS IN FVNDAMENTIS VT PERICVLVM
 COMMEANTIBVS ABESSET EXTRVI CVRARVNT

Ex Guichenon, qui ta-
 meneam incorrectissi-
 me citat.

Ex Episc. Suaresii Explic. Arcus Severiani.

Notanda praecipue tertia Inscriptio quæ Juliam matrem Augusti nominat, nempe Antonini cogno-
 mento Caracallæ, quæ controversiam inter Historicos dirimit, quorum alii ipsam Caracallæ Matrem fuisse
 volunt, alii tantum Novercam. Prioris sententiæ fautores sunt Dio Cassius & Philostratus coætanei,
 posterioris vero Spartianus, Eutropius & Aurelius Victor. Julia Tarantis mater cognita filii cæde, in-
 quit Dio. Tarantes fuit aliud hujus Cæsaris cognomen. Inerat ei malitia matris Syrorumque, ait idem
 Autor; Julia enim natione Syra fuit. Sed cum diu frustra mater (Julia) inquit Herodianus, discordan-
 tes fratres conciliare vellet (Caracallam & Getam) Terram quidem & mare, o filii, jam invenistis quo
 pacto dividatis: matrem vero quonam modo dividetis. Tandem Suidas in Carac. Cum enim eos in se &
 matrem diſteriajecisse cognovisset, &c. Matrem enim ejus, Herodiano teste, Jocastam appellabant,
 quod putarent nempe ipsam filio suo Caracallæ nupuisse.

Columna duobus Milliaribus a Sidone,
 Tyrum versus.

Fragmentum Columnæ,
 ibidem.

IMPERATORES
 CAESARES
 L. SEPTIMIVS SE
 VERVS PIVS PER
 TINAX AVG. ARA
 BICVS ADIABENIC.
 PARTHICVS MAXI
 MVS TRIBVNICIA
 ET VIAS ET IMPERIVM
 PROVINCIAE SYRIAE
 RENOVAVIT
 VENIDEVM RVFFVM
 Ex sched. Peiresk.

POTEST. VI. IMP. XI. COS. II.

PROCOS. P. P.

ET M. AVREL. ANTONI
NVS AVG. FILIVS EIVS
VIAS ET MILLIARIA
PER Q. VENIDIUM RVFFVM
LEG. AVG. PR. PR. PRAE
SIDEM PROVINC. SYRIAE
PHOENIC. RENOVAVERVNT

I I

Ex schedis Peiresk.

Columnam Milliariam sive Milliarium hic habemus, & quidem II. hoc est *Secundum* a Sidone, Imperantibus Severo & Caracalla per *Quintum Venidium Ruffum Legatum Augusti Proprætore*, &c. restitutum. Alias Severi & Caracallæ Inscriptiones vide Sect. 5. Sed hujus ecce iterum aliquas.

Marci Aurelii Caracallæ.

*Frascati in horto Borghesiano.**A Latere**Romæ.*

IMP. CAES. M. AVRELIO ANTONINO PIO FELICI AVG.
PRINCIPI IVVENTVTIS NV
MINI PRAESENTI RESTITV
TORI ET CONSERVATORI
SEMPER VITAE ADQVE
DIGNITATIS SVAE
DEVOTISSIMVS NVMI
NI EIVS
A. AEMILIVS MACER FAVSTINIA.

DEDIC. XVIII KAL. SALVIS
SEPTEM. A DOMINIS
CATIO SABINO ET CORNE
LIO ANVLINO COS
N. N. ANTONINO AVG.
ET IVLIA
FELIX RVFINVS
LVPERCILIA

V. C.

*Exscripsi.**Exscripsi.*

Mira sane & rara hæc adulatio qua Aulus Æmilius Macer Caracallæ *Numinis præsentis* elogium tribuit. Est autem anni a Nativitate Christi 216. hæcce Inscriptio, ut pote sub Consulatu Sabini & Anullini sculpta, quorum prior in Fastis Capitolinis Q. Aquilius Sabinus nominatur.

Panbormi.

*In urbe maritima Africae Regni
Tunetani, quæ nunc
Biserta.*

IMP. CAESARI
M. AVRELIO ANTONINO
AVG. TRIB. POT. PROCOS.
IMPERATORIS CAESARIS L.
SEPTIMI SEVERI PII PERTINACIS
AVG. ARABICI ADIABENICI PARTHICI
MAXIMI FILII DIVI M. ANTONINI

IMP. CAESAR
M. AVRELIVS
ANTONINVS PIVS AVG.
PARTH. MAX. BRIT. MAX.
Ffff ij

Supplem. Tom. IV.

PII GERMANICI SARMATICI NEPOTIS GERMANICI MAX.

DIVI HADRIANI ABNEPOTI

TRIB. POT. XVIII

DIVI TRAIANI PARTHICI ET DVI

COS. IIII P. P.

NERVAE ADNEPOTI INDVLGENTISSIMO

RESTITVIT

ET CLEMENTISSIMO PRINCIPI DOMINO N.

X X

MAESIA FABIA TITIANA

C. F. ET

MAESIVS FABIVS TITIANVS

C. F.

Ex Gualthero.

Ex Peiresk. schedis.

Frequens est in antiquis monumentis adulandi modus per Parentes, Avos, Majoresque Caesarum, ut hic Mæsia & Mæsius, soror & frater, Antonino Caracallæ bonorum parentum pessimo filio.

Inter Berytum & Tyrum, In rupe excisa viæ causa, ad ostia fluminis Lyci.

INVICTE IMP. ANTONINE

PIE FELIX AVG.

MVLTIS ANNIS IMPERES

Et infra.

IMP. CAESAR. M. AVRELIVS

ANTONINVS PIVS FELIX AVGVSTVS

PARTH. MAX. BRIT. MAX. GERM. MAX.

PONTIFEX MAXIMVS

MONTIBVS IMMINENTIBVS

LYCO FLVMINI CAESIS VIAM DELATAVIT

PER A.....

ANTONINIANAM SVAM

Ex schedis Peiresk. & Ant. Soderini Nobilis Veneti, qui vidit.

Fluvius hic ab Arabibus nunc vocatur *Nar-kelb*, quasi Fluvius canis, ob magni canis, ut ajunt, Statuam lapideam, quæ illic ad mare dejecta cernitur. At nonne potius Lupi est hæc Statua; inter canem quippe & Lupum non magnum est discrimen? Sicque Fluvii typus & idolum antiquum esset. *Lycus* enim Græcis, idem ac Latinis *Lupus*. Cæterum notanda venit prior Inscriptionis pars in vocativo, *Invicte Imp. Antonine*, &c.

Getæ.

Romæ.

A Latere ejusd. marm.

L. SEPTIMII GETAE

SAECVLARIA

SAECVLI FELICITAS

P. PETRONIVS FAVSTVS

AVGV R.

IMP. CAESARIS L.

SEPTIMII SE

VERI PERTINACIS

AVGVST.

LAETITIAE

TEMPORVM

P. PETRONIVS FAVSTVS

AVGV R.

Ex sched. Barber.

Sæcularia sacra exhibent Getæ & Severi nummi perrari, in quibus Imperator ad Templum cum aliis sacrificat. *Sæculi* etiam *Felicitas* itidem in nummo in quo congiarium cum patre & fratre populo largitur. *Lætitia* vero *temporum* in Pertinacis numismate, ab ejus successore Severo, quasi eam Imperio procurasset, adoptari videtur.

Gordiani Pii.

Romæ.

VENERI SACRVM

PAVLLVS L. L. AEGIVS PASSER

Lucii Libertus

IIIVIR. A. A. A. F. F. PROCVRAT.

PATR. IMP. CAES. GORDIAN.

A V G V S T.

VOTO SVSCEPTO L. M.

Lubens Merito

Ex sched. Barber.

IIIVIR. A. A. A. F. F. *Triumvir* Monetalis *Auro* *Argento* *Ære* *flando* *feriundo*: cujus Officii in antiquis nummis passim mentio fit.

Philippi.

Florentiæ, Columna in Palatio magni Ducis.

IMP. CAES.

M. IVLIVS PHILIP

PVS INVICTVS PIVS

FELIX AVG. PONT.

MAX. TRIB. POT. COS.

DESIG. P. P. PROCOS. ET

M. IVLIVS PHILIPPVS

NOBILISSIMVS CAES.

PRINCEPS IVVENTVTIS

... ILIA ...

Exscripsi.

Supplenda ultima linea MILLIARIVM Posuit *primum*, *secundum* aut *tertium*. Est enim Columna Milliararia, itinerum distantias passuumque milliararia designans.

Trajani Decii & Herennii Etrusci.

Florentiæ in Palatio.

IMP. CAES. C. MESSIVS

Q. TRAIANVS DECCIVS

INVICTVS PIVS FELIX AVG.

P. M. TRIB. P. COS. II. P. P. PROCOS.

ET. Q. HERENNIVS ETRVSCVS

MESSIVS DECCIVS CAESAR

Exscripsi.

F f f f iij

DECCIVS in utriusque nomine pro DECIVS sculptum : fabrilis nempe errore, repugnantibus omnibus nummis, & Inscriptionibus aliis permultis.

Treboniani Galli.

Romæ, in Thermis Antoninianis.

IMP. CAES. VIBII....

GALLI AVGVST....

L. IVNIVS VALIDIANVS VIR. CL.

PRAEF. VRB. STAT. EX AER.

...VOLVNT. AVG. NOST.

CVM BAS. SVA MARMOR. IIIIII

Ex sched. Barber.

Claudii Gothici.

Romæ ad campum Floræ.

APOLLINI INVIC.

EX VOTO PRO SAL.

D. N. P. CLAVDI AVG.

FLORENTISSIM. PRINC.

C. IVLIVS SCYLLER OS V. C.

AVG. N. PROC.

V. C. V. R.

Ex schedis Barber.

Tetrici.

Rhotomagi, in basi.

C. PESVBIO

TETRICO

NOBILISSIMO

CAES.

P. F. AVG.

L. I.

Ex D. Vaillant.

L. I. Lapidem seu Milliarium *primum*, Tetrico imperante, in illis partibus positum indicat.

Diocletiani.

Romæ.

IVNONI REGINAE

SACRVM

PRO SALVTE

D. N. DIOCLETIAN. INCLYTI

PRINCIP. SEMP. AVG.

PINIVS PAVLLVS SECVNDVS

VIR. CLAR. PRAEF. VRB.

IVDEX SACRARVM COGNITIO

NVM. VOLVNT. EIVS. CVR.

Exscript.

Constantini, Constantii & Constantis.

1

2

*Mazarae in Sicilia.**Thermis quæ hodie Sacca Siciliae urbs.*

CLEMENTISSIMO ET	PRO BEATITVDINE
VICTORIOSISSIMO	TEMPORVM DD. NN.
D.N. FLAVIO VALERIO	CONSTANTI ET
CONSTANTINO MAXIMO	CONSTANTIS AA. VV. CC.
PIO FELICI INVICTO AVG.	STATIONEM A SOLO FECE
BETITIVS PERPETVVS	RVNT VITRASIVS ORFITVSET FL.
V.C. CORR. PROV. SICIL.	DVLCITIVS VV. CC. CONSVLARES
DEVOTVS NVMINI MAIES	P. S. INSTANTE FL. VALERIANO
TATIQUE EIVS	DVCENARIO AGENTE IN REB. ET P.P. CVRSVS.
SEMPER DICATVS	PVBLICI

*Ex Gualthero.**Ex eodem.*

STATIO, Stativa præsidia ubi pars exercitus confedit. *Tacit.* ORFITVS Præfectus Urbi sub Constantino, *Ammian. Marcellin.* DVLCITIVS fuit Tribunus & Notarius Imperialium iussionum adversus Donatistas. *Augustin. 2. Retract.* P. S. putat Gualtherus id significare *Provinciae Siciliae*. DVCE-NARIO id est ducentesimæ Collectore. *Sueton. Turneb.* AGENTE IN REBVS. Agentes in rebus sub Valentiniano, Gratiano & Theodosio memorantur in Novella Theodos. item apud Ammian. Cassiodor. & Hieronymum. P. P. CVRSVS PVBLICI Præposito Cursus publici: Symmachus Cursuales Præpositos vocat. Codex Theodos. *Usurpationem cursus publici penitus iussimus amputari*. Plura vide apud Salmaf. Hist. Augustam ad Antonin. Pium.

Licinii.

Panormi.

RESTITVTORI LIBER

TATIS AC FVNDATORI

PVBLICAE SECVRITATIS

D.N.L. VALERIANO LICINIO

PIO FELICI INVICTO AVG.

DOMITIVS LATRONIANVS V.C.

CORR. P. S. DEVOTVS N.M. EIVS

Ex Gualthero.

CORR. Corrector. P. S. quid sit divinari difficile foret, nisi lapis in Sicilia esset. Est igitur *Provinciae Siciliae*.

Iuliani.

In villa D. du Teillan Civis Monspeliensis.

IMP. CAES.

FL. CLAUDIO

IVLIANO

VICT. AC TR.

Victori ac Triumphatori

PIO FELIC.

SEMP. AVG.

Exscripti.

Gratiani.

In pago Moerent, 3. mill. a Gratianopoli.

DIVO GRATIANO

TYRANNIDE VINDICATA

THEODOSIVS ET VALENTINIANVS

AVGG. EX VOTO P.P.

Ex Præsid. de Boissieu Miscellis

Valentiniani & Valentis.

Romæ, in villa Justiniani.

D.D.N.N. VALENTINIANVS

ET VALENS AVGVSTI

ORNATVI PVBLICO

CONSTITVI LOCARIQVE

IVSSERVNT

ADMINISTRANTE RVFIO

VOLVSIANO V.C. EXPRAEF.

PR. PRAEF. VRBI IVD.

ITERVM.....COS

*Exscripti.**Romæ, in horto Barberino.*

SALVIS DDD. NNN.

GRATIANO VALENTINIANO ET THEODOSIO

VICTORIBVS SEMPER AVGVSTIS

VALERIVS ANTHIDIVS V. C. AV. PRAEF. PRAET.

STABVLVM NE ANIMALIA CVRSVS PVBLICI

LONGI ITINERIS LABORE DIVTIVS DEPERIRENT

PROVIDIT CONSTITVIT AEDIFICAVIT

ADQVE DEDICAVIT IVDIX MEIS

CVRANTE FL. ASTERIO DEPVATO

Exscripti.

IVDIX MEIS: Mendum forte Lapidæ pro IV IDVS MAII

Iustini Curopalatae.

Nisibi in Asia prope Pontem non longe ab urbe.

IVSTINO IMPERATORI DILECTISSIMO

EXERCITVS EIVS ORIENTIS GENTEM BARBARAM

E CVRRV STATVARIO CAUTIONEM AD GLORIAM

CONSTRVXIT

E Libro cui titulus l'Illustre Peterin, D. Rigordi Jesuit. ann. 1673. edito.

Zenonis & Theoderici.

Romanellæ, in æde D. Adriani.

† SALVIS DOMINO NOSTRO ZENONE

AVGVSTO ET GLORIOSISSIMO REGE

THEODERICO VALENTINIANI V. C. ET INL.

EX COM. DOMESTICO SACRI PALATII

IN ATRIO LIBERTATIS.....

QVAE VETVSTATE.....

VE CONFEC.....

*Ex Celsi Cittadini libro, & Peiresk. schedis.**Ibidem.*

SALVO D. N. THEODERICO

REGE GLORIOSISSIMO

Ex isdem.

Desiderii Regis Langobardorum.

In Castello di Falerone.

† IN Dī NŌMī VVIVANTE DOMINO NOSTRO DESIDERIO

..IMO EXCELL. REGE ANNO PIETATIS... VG. IN Dī NŌM

TERZODECIMO GENTIS LANGVOBARDORVM BENIGNE REGNANTE

DOMINO NOSTRO... ELCHIS FILIO EIVS ANNO FELICISSIMI REGNI EIVS

XPI NŌM. VNDECIMO SEO TEMPORI P.....

TAS BVNI CIVITATI FIRMANE MENSE

IANVARIO INDICTIONE OCTAVA IN HVNC ARCA

VOLVET FECI PRO SE SVIQVE OMNIVM

Ex schedis Peireskii.

ADDEMVS & alia Marmora quæ quidem Cæsarum non præferunt nomen, sed iis imperantibus
sculpta sunt, Consulum, Proconsulum, aliorumque.

Florentiæ.

TI. CLAVDIO NERONE

P. QVINTILIO VARO

CONSTITVTVM EST

Exscripsi.

Videtur finis esse alicujus Senatusconsulti dati Tiberio Claudio Nerone & Publio Quintilio Varo Con-
sulibus, regnante Cæsare Augusto.

Supplem. Tom. IV.

Æneæ duæ Tabulæ Pompejopoli vulgo Pampelonne.

NERONE CLAUDIO CAESARE
AVG. GER. II.
CAESIO MARTIALE COS.
VIII
IDVS DECEMBRIS CIVITAS POM
PEIONENSIS HOSPITIVM RENOVA
VIT CVM L. POMPEIO L. F. ANI.
PRIMIANO
IN FINE ANNI PRIMIANVM
LIBERIS POSTERISQ. SVIS
EGERVNT LEG. SEX.
POMPEIVS NEPOS SERGIVS CRES
CENS

CLAVDIVS QVARTINVS
IIIVIRIS POMPEI SALVTEM
ET IVS MAGISTRATVS VESTRI
EXEQVI ADVERSVS CONTVMACES
POTESTIS ET NIHILOMINVS QVI
CAVTIONIBVS ACCIPIENDIS DE
SVNT SCIANF FVTVRVM VT NON
PER HOC TVTISINT NAM ET NON
ACCEPTARVM CAVTIONVM PERI
CVLVM AD EOS RESPICIET ET QVID
QVID PRAESENTES QVOQVE EGERINT
ID COMMVNIS ONERIS ERIT BENE
VALETE DAT. NON. OCTVBRIS CA
LLAGORI IMP. CAES. TRAIANO
HADRIANO AVG. III. COS.

Ex Oihenart Notitia Vasconiae.

Nero Claudius Cæsar fuit Consul II cum Lucio Calpurnio Pisone. An ergo Cæsius Martialis fuit suf
fectus? *Civitas Pompeionensis* eadem est quæ Pompeiopolis Hispaniæ. Male, ni fallor, Oihenart legit
in prima L. POMPEIO. II. F. ANI. PRIM. IANO.

Tabula ænea, Romæ, olim in Museo Card. de Maximis.

M. LICINIO CRASSO

L. CALPURNIO PISONE

IIII K. MAIAS

GENTILITAS DESONCORVM EX GENTE ZOELARVM
ET GENTILITAS TRIDIAVORVM EX GENTE IDEM
ZOELARVM HOSPITIVM VETVSTVM ANTIQVOM
RENOVAVERVNT EIQVE OMNES ALISALIVM IN FI
DEM CLIENTELAMQVE SVAM SVORVMQVE LIBERO
RVN POSTERORVMQVE RECEPERVNT EGERVNT
ARAVSABII CAENI ET TVRAIVS CLOVTI. DOCIVS FLAESI
MAGILO CLOVTI BODECIVS BVRRALLE LAESVS CLVTAMI
PER ABIENVN PENTILI MAGISTRATVM ZOELARVM
ACTVM CVRVNDA
GLABRIONE ET HOMVLIO COS. V. IDVS IVLIAS
IDEM GENTILITAS DESONCORVM ET GENTILITAS
TRIDIAVORVM IN EANDEM CLIENTELAM EADEM
FOEDERA RECEPERVNT EX GENTE AVOLGIGORVM
SEMPRONIVM PERPETVVM ORNIACVM ET EX GENTE
VISALIGORVM ANTONIVM ARQIVM ET EX GENTE
CABRVAGENIGORVM FLAVIVM FRONTONEM ZOELAS
EGERVNT
L. DOMITIVS SILO ET
L. FLAVIVS SEVERVS
ASTVRICAE

Exscripsi.

Hospitalitatis sive patrocinii renovationem signat hæc Tabula inter quasdam Hispaniæ gentes, sive opidulorum quorundam cives, & nonnullos nobiles Romanos, sub Consulatu Marci Licinii Crassi & Lucii Calpurnii Pisonis Imperante Tiberio. Similes duas vide apud Reinesium pag. 477. iisdem Consulibus. Notas conferat & aptet cui plus erit otii, & eruditionis.

Salonæ in Græcia, quæ olim Amphissa.

DECIM. SECYNDINYS V. C. PROCONS.
CYRAT. ET DEFENS. AMFISSENSIVM
SALYTEM YT MEMINI NON REPYRGARI
MODO AQVEDYCTYM YERYM ETIAM
INDYCI AQYAM IVSSERAM CONFESTIM
IGITYR IN YETERES CISTERNAS AQVA
YT SEMPER CYCYRRERAT INDYCATYR
GRATIAS AGENTES BEATITYDINI TEMPO
RIS ET MODERATIONI MEEHE SPERIO
QYOD FYNDYS QYI AQYAM PYBLICAM
OCCYPAYIT PYBLICYS NON FIT SANE SI
SIMILIS INTERCEPTIO ITERYM FIERI
POSSIT IN CISTERNIS IPSIS LAPIDEO
TITYLO POSITO YNDE AQVA YENIAT
ADSCRIBERE YT NYLLA INYADENDI
PYBLICYM RELINQYATYR OCCASIO ME
MORIS ERITIS PERFECTA MANEANT
OMNIA ANTE DIEM DECIMYM KALEN
DARYM IANYARIARYM YOS AD OFFI
CIYM NYNTIARE DEBERE OPTO
BENE YALEATIS

Exscrips.

Observatur in Fastis Consularibus Secundinus Consul Orientis, eodem tempore quo Felix Consul Occidentis erat, imperante Anastasio, anno Christi DXI. Videtur idem fuisse *Secundinus*, qui hic Achaia Proconsul. A Proconsulatu quippe facile ad Consulatum evehebantur. Conveniunt enim tempora quibus sculptus judicatur lapis. Rotundis, prava orthographia, & his literis V. C. *Vir Clarissimus*, non obscure designantibus sequiorem ætatem circa sæculum quintum. Cæterum notandum hanc Inscriptionem a Grutero inter spurias fuisse collocatam, forte quia male correctæ & inintelligibilis ipsi tradita erat, tum etiam quia a Cyriaco Anconitano, quem multi sublestæ fidei fuisse putarunt, Eruditis prodita fuerat. Verum ipsemet qui ad lapidem exscripsi eam pro antiqua capere neutiquam dubito. At, inquires, Amphissa, quo tempore sculptum hocce præsupponitur marmor, urbs erat a longo tempore diruta, ut Historici testantur: quo pacto igitur mentio Amphissensium? Ad quam difficultatem regero fuisse quidem una vice dirutam, sive tunc plane eversa ac deleta non sit, sive postea restituta fuerit. Quorsum enim ejus antiquitates, atque Tempia describeret curiosus Græciæ lustrator Pausanias, si fuisset solo æquata? Stabat ergo, & stat adhuc, etsi celebritate minuta, sub Salonæ nomine, uti pluribus docuimus in nostro Græciæ Itinerario.

Tabula ænea, Imperante Alexandro Severo, sculpta,

L. MARIO. MAXIMO. II

M. ANTONIVS. PRISCVS. L. ANNIVS.

NOMINA. DECVRIONVM. IN AERE. INCIDENTA.

PATRONI

C.C. V.V.

QVINQVENNALICII

APP. CLAVDIV	S IVLIANV	S T. LIGERIV	S POSTVMINV	S
T. LORENIV	S CELSV	S T. ANNAEV	S RVFV	S
M. AEDINIV	S IVLIANV	S L. ABVCCIV	S PROCVLV	S
L. DIDIV	S MARINV	S T. AELIV	S RVFV	S
L. DOMITIV	S HONORATV	S T. AELIV	S FLAVIANV	S
M. ANTONIV	S BALBV	S M. ANTONIV	S PRISCV	S
M. STATIV	S LONGINV	S L. ANNIV	S SECVNDV	S
L. PONTIV	S VERV	S		
C. BETITIV	S PIV	S		
C. CAVIVIV	S MAXIMV	S		
C. FVRIV	S OCTAVIANV	S C. GALBIV	S SOTERIANV	S
L. BRVTTIV	S PRAESEN	S L. ABVCCIV	S IVLIANV	S
C. BRVTTIV	S CRISPINV	S		

ALLECTIINTERQVINQ.

C. IVNIV S NVMIDIANV S

M. PAPIRIV S CANDIDV S

L. CAECILIV S MAXIMV S

Q. CAELIV S FLAVIANV S

L. LVCILIV S PRISCILLIANV S

L. PONTIV S BASSV S

L. PONTIV S MAVRICV S

M. ANTONIV S CRISPINV S

TI. IVLIV S LICINIANV S

C. SVLPICIV S ARRENIANV S

C. LICINIV S LICINIANV S

L. VALERIV S TVRB O

L. FLAVIV S LVCILIANV S

P. MARCIV S MAXIMILIANV S

M. STATIV S PATRVINV S

M. STATIV S LONGINVS. IVN. TI. CLAVDIV

M. VALERIV S TVRB O. IVN. L. ANNIV

PATRONI

E.E.Q.Q.R.R.

Q. IVNIV

P. GERELLANV S MODESTV S C. LVCRETIV

T. LIGERIV S POSTVMINV S A. FABIV

T. MVNATIV S FELI S L. TRICCI

T. FLAVIV S CROCALIANV S M. APRONIV

C. GALBIV S SOTERIANV S P. ESQVILIV

T. AELIV S RVFV S Q. IVNIV

T. AELIV S FLAVIANV S P. CLODIV

Q. COELIV S SABINIANV S L. ABVCCIV

S FELICIANV S

Epistolæ duæ in antiquo marmore.

In oppido Normaniae Taurigny, Basis Statuæ.

Ex uno latere.

EXEMPLVM EPISTVLAE CL.
PAVLINI LEG. AVG. PR. PRAETORE
BRITANNIAE AD SENNIVM SO
LEMNEM DATAM ROMAE
PLVRA MERENTI TIBI
A ME PAVCA TAMEN QVOD
HONORIS CAUSA OFFERVNT
VELIM ACCIPIAS LIBENTER
CHLAMIDEM CANNVSINAM IN
AVREM CVM GEMMIS TORQVEM
AVR. TOGAM BRIT. PELLEMI
RINI SEMESTRIS AVTEM...
TIBI PROPEDIEM VACARE...
...CVIVS FAMILIAE SA
DESTIS XXV N. IN AVRO SV
IS FAVENTIBVS ET MAIESTATE
AC DEINCEPS PRO MERITIS
DELECTIONIS MAGIS D.
CONSECVTVRVS CONCORD.

Ex altero latere.

EXEMPLVM EPISTVLAE
VICE PRAESIDIS
AD COMNIANVM
VICE PRAESIDIS AGENTEM
IVLIANVS BADIO
COMNIANO SAL. IN PROVINCIIS
LVGDVNENS. QVINQVE CVM
PRAESIDEREM PLEROSQVE BONOS
VIROS PROSPEXI INTER QVOS
SOLEMNEM ISTVM ORIVNDVM
EX CIVITATE VIDVG. SACERDOTE
QVEM PROPTER SECTAM GRAVITATEM
ET HONESTOS MORES AMARE COEPI
HIS ACCEDIT QVOD CVM CL. PAVLINO
DECESSORI MEO IN CONCILIO
GALLIARVM INSTINCTV QVORVNDAM
QVI AB EO PROPTER MERITA SVA LAE
DEBANTVR QVASI EX CONSENSV VNIVERSORVM
ACCVSATIONEM INSTITVERET M...
SOLEMNIS ISTE MEVS PROPOSITO EORVM
OBSTITIT PROVOCATIONE SCILICET IN
DICTA QVOD PATRIA EIVS CVM INTEREA
LEGATVM EVM CREASSET NIHIL DE AC
TIONE MANDASSET IMO CONTRA LAVDA
RIT QVA RATIONE EFFECTVM EST VT CIVES
AB ACCVSATIONE DESISTERENT QVEM
MAGIS MAGISQVE AMARE ET COMPROBARE
COEPI IS CERTVS HONORIS MEI
AD VIDENDVM ME IN VRBEM VENIT
PROFICISCENS PETIT VT EVM TIBI COM
MENDAREM RECTE ITAQVE FECERIS
SI DESIDERIO ILLIVS ANNVERIS

Ex D. de Sainte Preuve.

In Anteriori facie istius Basis est præcipua Inscriptio, sed valde detrita, in qua tamen legitur nomen ejus cui dicata fuerat:

T. SENNIO SOLLEMNI SOLLEMNINI FILIO.

Adduntur illius Officia SACERDOTI DIANAE MARTIS MERCVRIIQUE, eumque DIANAE TAVRICINIAE festum aliquod magnum instituisse, quapropter ipsi Statuam erexerant TRES PROVINCIÆ GALLIÆ ANT. PIO ET PRO...COS. Legitur etiam ibi CIVIS GENVS SPECTABILE MANDOCVRORVM, & eum fuisse patria VIDVCASSIVM: quod oppidum ab eo loco ubi posita erat Statua distabat, inquit, XIX. milliariibus. *Viducassum* putant esse Bayeux in eadem Provincia. Cæterum huic eximio & prænobili Viro Statuam erigentes tres *Provinciae Galliae*, hæc duas Epistolas in *Titi Sennii* honorem & commendationem scriptas, marmori insculpere voluerunt, in perpetuam rei memoriam: quod fane perrarum, sed non plane sine exemplo.

Testamentum Antiquum Christianæ feminae, tertio sæculo in cortice exaratum Ravennæ, & in Regiam Galliæ Bibliothecam translatum.

..... POSSESSIONESQVE P....

..... SINE VI METV DOLOQVE VEL

ET CIRCVMVENTIONIS STUDIO SED DELIBERATIONE PROPRIA
ET VOLVNTATE PRONA SCRIBENDAM DICTAVI QVAM ROGATORVM
A ME NOBILISSIMORVM TESTIVM VEL PROPRIAE MANVS MEAE
SVBCRIPTIONE FIRMAVI QVAM CVM GESTIS VOS ACTORESQUE VESTROS
QVIBVSLIBET DVXERITIS ALLEGANDAM PROFESSIONIBVS....

NON DEERIT TVIS POSTERVMQVE TVORVM VTILITATIBVS IN
FVTVRVM DE QVA RE ET DE QVIBVS OMNIBVS STIPVLANTI TIBI D....

SIMO ADQVE APOSTOLICO VIRO ECCLESIO SVPRASCRIBTAE VRBIS
EPISCOPO S. EI ET ACTORIBVS VESTRIS PARITER IN PRAESENTIA
CONSTITVTIS EGO HILDEVARA QVAE SVPERIVS OLIM IAM PER
FECTAE AETATIS IN VERBIS SOLEMNIBVS SPOPONDI ACTVM
IN CLASSE SALIDA...II IDVVM NOVEMBRIVM MAXIMO VI CONSVLE

HILDEVARA HVIC CESSIONI ADQVE DONATIONI A ME FACTAE
IN BEATISSIMO ADQVE APOSTOLICO VIRO ECCLESIO SACERDOTE M. RAVENNA (TIS
ECCLESIAE AD OMNIA QVAE SVPERIVS TENENTVR AD SCRIBTA RELEGI
CONSE..ET SVBCRIBI ET TESTES VT SVBCRIBERENTVR CONROGAVI STIPV
LANTIQVE SS VIR BEATISSIME ET ACTORIBVS TVIS IN PRAESENTIA CONSTI
TVTIS IN VERBIS SOLEMNIBVS SPONDI
EGO IOHANNIS VC HVIVS DONATIONIS CESSIONISQVE INSTRVMENTO
ROGATVS AB HILDEVARA T FOEMINA

Ex schedis Peiresk.

Notanda initio hæc conditio qua validum sit Testamentum, ut scilicet Testator five donator sine metu, dolo, circumventionisque studio id instituat, sed prona voluntate & deliberatione propria. Aliaque a Jurisperitis observari poterunt, quæ mei non sunt juris, meamque notitiam fugiunt.

Ecclesiæ qui Ravennatis Ecclesiæ Episcopus nuncupatur, isdem inferius ejusdem Sacerdos nominatur. *Maximo VI Consule*, incidit in annum æræ Christianæ 237. Hoc enim anno Maximum VI Consullem numerant Fasti Siculi, reluctantibus quidem alijs Fastis Capitolinis & Cassiodori, qui illo Maximinum Consulem cum Africano ponunt.

Leonis Papæ & Caroli Magni Effigies, ex antiquissimis
Musivis Romæ.



Inscriptio sub Abside.

DVDVM HAEC BEATE SVSANNÆ MARTYRIS AVLA CONGVSTO ET TETRO
EXISTENS LOCO MARCVERAT QVÆ DOMNVS LEO TERTIVS PAPA A FVNDA
MENTIS ERIGENS CONDENS CORPVS BEATÆ FELICITATIS MARTYRIS COMPTE
EDIFICANS ORNABIT ATQVE DEDICABIT

I. Habemus hic Leonem Summum Pontificem, ut ex hac Inscriptione ipsi subiecta discimus. Ita Joannes Diaconus in vita Gregorii Papæ describens imaginem ejus pictam, dicit habuisse coronam capitis spatiosam & rotundam, capillo sub auriculæ medium propendente: sicuti in hac Leonis effigie. ORNABIT ATQVE DEDICABIT. Id est ornavit & dedicavit; ut ibidem ad latus, IN PRINCIPIO ERAT BERVVM, pro VERBVM.

II. Adjunctam imaginem Pomponius Hugonius in libro de Stationibus convincit Caroli Magni esse, Leonis III. Papæ Ecclesiæ extructoris coætanei. Hic sedit anno 796. usque ad 811. ille vero ex Rege Galliæ Imperator creatus a Leone anno 811. teste Rheginone, eo quod Leonem pulsum in sedem restis dignitate sibi proximior apponere voluisse, quam Carolum Imperatorem, suum scilicet fautorem ac restitutorem. Idque validius confirmatur per aliam similem imaginem operis Musivi, quæ reliqua extat in parietinis aulae Leoninæ, ubi nunc agunt Pœnitentiarii (quos vocant) S. Joannis Lateranensis, extructæ olim ab eodem Leone III. Ibi eodem penitus vultu & habitu genibus flexis est Carolus Magnus cum titulo D. N. CARVLVS REX. Eam vides in Tab. III. Tabella cærulea quadrata retro caput affixa, indicium est eos cum depingerentur in vivis fuisse, quod manifestum est ex Io. Diacono in vita Greg. Magni lib. 5. ubi pictum illum fuisse tradit, circa verticem habentem tabulæ similitudinem, quæ viventis, inquit, insigne est; non coronam. Id confirmat Durantus in Rationali lib. 1. cap. 3. Cum, inquit, *Prælati aut Sancti vivens pingitur, non in formam scuti rotundi, sed quadrati corona ipsi depingitur, ut quatuor Cardinalibus virtutibus vigere monstrantur, prout in Legenda S. Gregorii habetur*. Spectantur & alibi Pontifices in Musivis cum hac quadra præter hunc Leonem, nempe Romæ in Cæcilia, Praxede, Navicella & alibi.

De origine autem orbicularis tabellæ, quibus Sanctorum Statuæ depinguntur vulgoque diademata vocantur, qualis in hac ultima Divi Petri tabula, vide Baronium T. 1. Annal. ad annum 34. Sed quæ ille allegat potius ad originem coronæ Sacerdotalis spectant, quam ad diademata sive aureos orbes, quibus Statuas ornare solent. Horum rationem varii varie reddunt. Antonius Augustinus in dialogis de numismatibus ritum hunc fluxisse vult, quod forte, ait, olim Martyres eo ornati, seu infula hostiæ, ad supplicium ducerentur. Scaliger ad Catalecta, traxisse censet originem ab orbibus illis vel Lunulis, quos Ethnici Statuis suis superponebant, ne aves eas stercore fœdarent, probatque hoc loco Aristophan. in Avibus: *ὡς δὲ μὴ κρίνετε χαλχεύετε μνηστῆρας φόρειν; ὥς περ ἀνδρίαντας, ὡς ὑμῶν ὅς ἀν μὴ μὴν ἔχουσιν ἔχοντες χαλκὸν λευκὸν, τότε μάλιστ' ἐπὶ δὴν δόσειδ' ὑμῖν πᾶσι τοῖς ὄρνισιν κατατιλόμενοι*. Id est. *Si vero non judicaveritis fabricate Lunulas quas feretis quemadmodum Statuæ, ita ut si quis vestrum lunam non habeat, quando habetis pallium album, tunc maxime sic pœnas dabit is a nobis omnibus avibus, conspurcati*. Inde est quod Lactantius, alique qui contra gentes scripserunt illis objiciant, quod aves idola concacarent & aranæ telas in iis contexerent. Lazius lib. 9. Comment. Reip. Roman. hunc morem derivasse credit a coronis aureis radiatis, quæ Imperatorum triumphalibus ornamentis, aut eorum Statuis imponebantur. Vellejus Paterculus lib. 2. dicit, *Octavio Solis orbem super caput ejus curvatum, qui, inquit, æqualiter rotundatus erat velut corona*. Suetonius in August. cap. 94. coronæ radiatæ meminit, quam varia præferunt numismata inferioris ævi. Tabellæ vero orbiculares expressæ videntur in nonnullis nummis Theodosii Jun. & Eudoxiæ, nec non & in Sarcophago S. Mariæ Novæ. Plinius in Panegyr. & Incertus Autor in Panegyr. Maximiani, *lucē & fulgure illo complexum dicit & ornatum verticem divinum*. Dici itaque potest denotari fulgorem illum & splendorem divinitatis & Beatitudinis, qua Sancti æternum fruuntur, juxta illud Psalmistæ: *Fulgebunt justi sicut Sol*.

Cæterum usum pingendæ Crucis in crepidis aut sandaliis Pontificum carpit Papyrius Masso, cui respondet Episcopus quidam Hispanus Author libelli de Osculo pedum. Concilium Matifconense celebratum sub Pelagio II. qui sedit anno 579. vetat ut Clericus calceamento Sæcularium utatur. *Hæc omnia ex schedis Bagarrianis.*

Epitaphium Præfetti cujusdam ex Ethnico Christiani facti.

Aquis Sextiis sub lectisternio marmoreo.

STEMMATE PRAECIPVVM TRABEATIS FASCIBVS ORTVM
IN ODIVM LETI HIC SOPOR ALTVS HABET
QVI POST PATRICIA PRAECLARVS CINGOLA RECTVR
SVBIECIT XPI COLLA SVBACTA IOGO
POSTPONENS VLTRA MVNDI PROTENDERE POMPAS
ET POTENS DOMENO SOLVERE VOTA MALENS
SIC GEMENO FELIX PERFVNCTVS MVNERE GAVDET
EGREGIVS MONDO PLACETVS ET DOMENO
HOC TOMOLO CVIVS TANTVMNAM MEMBRA QUIESCUNT
LETATVR PATRIA MENS PARADISE TVA

id est Rector

Ex schedis Peireskii.

Videtur hoc Epitaphium esse quarti sæculi sub finem, vel sub principium quinti, quod deteriori orthographia, etsi non mali versus, indicatur. Sic *Domeno* pro *Domino*, *placet* pro *placitus*, & *Tomolo* pro *Tumulo* hic legere est, qui loquendi modi sunt illius ætatis.

Arelate.

Epitaphium Præsidis Christiani nomine Cemini, sive Gemini

VIR AGRIPPINENSIS NOTÆ CEMINVS
HIC IACET QVI POST DIGNITATEM
PRAESIDATVS ADMINISTRATOR RATIONVM
NOVEM PROVINCiarVM DIGNVS EST
HABITVS HIC POST ANNOS XXXVIII
M II D. VI FIDELIS IN FATA CONCESSIT
CVIVS INSIGNEM GLORIAM CIVES
SVI SEPVLCHRI GRATIA ADORNAVER.

Ex Jo. Scholastici Pitbon D. M. schedis.

1

Mediolani in æde D. Ambrosii.

ATILIVS A. F. CRESCENS
V. P. EX TABVLARIO PALATI
QVI VIXIT IN HOC SAECVLO
ANNOS XXVII MENS....

Ex Alciato.

2

Mediolani.

SILVINO NEOFITO
QVI VIXIT IN SAECVLO ANN.
XI MENS. V. DIES X
VIRILIANVS ET LAMPADIVS
ALVMNO SVO INNOCENTI
MEMORIAM POSVERVNT

Ex sched. Peiresk.

Videntur hæc duo Epitaphia Christiana sæculi quinti esse, quo tempore Christiani libenter in iis nomina defunctorum adscribebant, sepulta jam fere Ethnicorum religione.


MISCELLANEA ERUDITÆ ANTIQUITATIS.

SECTIO NONA.

Varia ad rem funerariam pertinentia. Amuleta. Bullæ. Collaria.
Pondera. Mensuræ. Tesseræ. Tegulæ.

OLLAE ET COLUMBARIA.

Ollæ in Epitaphiis Urnæ sunt, in quibus defunctorum cineres recondebantur: *Columbaria* repositoria sive foramina sub fornicibus in quibus ollæ reponerentur, forte sic dicta ob similitudinem Columbariorum, & hoc pacto disposita.



Ita familiæ Abucciorum reperti sunt fornices, in quibus plurima Columbaria, & in singulis Ollæ duæ, cum his inscriptionibus.

Romæ.

I
L. ABVCCIVS HERMES IN HOC
ORDINE AB IMO AD SVMMVM
COLVMBARIA IX OLLAE XIIX
SIBI POSTERISQVE SVIS

L. ABVCCIVS SOCRATES SIBI
ET ABVCCIAE GNOMENI L.
POSTERISQ. SVIS
COLVMBARIA CONTINVA VII
AB IMO OLL. XIV.

3
L. ABVCCI MYRONIS
HOC ORDINE OLL. IIII
COLVMBARIO I. ET II.
Supplem. Tom. IV.

4
L. ABVCCI CASTI ABVCCIAE AVRÆ
L. ABVCCI MAXIMI ABVCCIAE HEDONE
COL. VIII OLLAE XVII LINEA PERPETVA
Hh hh ij

5

L. ABVCCIVS GORGIA SIBI ET
ABVCCIAE TYRANNIDI
OLLAE II COLVMBARIA II

6

L. ABVCCIVS HEREVS
L. ABVCCIO HERMAE LIB.
SVO DEDIT OLL. II

7

L. ABVCCIVS ONESIMVS
VIX. ANN. XXX SIBI ET
ABVCCIAE CAVDINAE
CONIVGI LINEA
PERPETVA OLL. XVI

8

L. ABVCCIO SATVRNINO
Q. V. A. XXI M. XI D. XXI ABVCCIA
MATER ET PARENTES

9

L. ABVCCIVS DIOCLES SIBI
ET SVIS POSTERIS
IN HOC ORDINE OLL. VII

10

L. ABVCCIVS BATHYLLVS
LINEA PERPETVA AD
SVMMVM OLL. XVI

11

ABVCCIA PRISCI ET IVCVNDE L.
CHRESTE

12

D. M.

L. ABVCCIA PIERIS
PORTICVM SCAMNA
MENSAS COLLIBERTIS
SVIS SVA PECVNIA D.D.

13

L. ABVCCIVS EROS
GRAECVS

14

L. ABVCCIVS EROS
PATRONVS

FELIX L. AEDICI D. S. F.

15

Florentia.

SEX. LVCANI
TRVCVNDAES
L. STEPHANI OLLAS II

16

Roma.

OLLAS VI. ET IVRE QVOD
CETERIS SOCIIS EMIT C. PLOTIVS
C. L. FAVSTVS AERAR.
D. P. OPPIO P. L. ANTEROTE
Q. FVIT IVRIS M. HERENNI M. L.
AGATHONIS

17

Roma.

DOMITIA C. F. ET D. L. AVGE
VIX. ANN. XXV
OLLAM DEDIT C. LARINAS DIOGA

18

Roma.

MYRONIS
OLL. IIII. COLVMB. III

*Ex P. Maffei.**Exscripti.*

19

Romæ.

L. ANTRONIVS L. L. STEPHANVS

FVLLON. ET ANTRONIA

L. LIBERTA TYCHENE FEC.

OLLAR. XVI

21

Romæ.

C. POMPONIVS D. L. HEROS

C. NAEVI C. L. NICREI

CVRATORES MONVM.

FACIVND. CVRARVNT

ET EX P. SVORVM OLLAS. X.

Ex sched. Barberin.

20

Romæ, in tab. marm.

CN. OCTAVIO ANTHO

CN. OCTAVIVS PRIMIGENIVS

PATRONO OLLAM DONAT

MARCIA HELPIS

Ex sched. Barber.

22

Romæ, in edib. M. Ant. Caninii Sculptoris.

M. VETTIVS M. L. ALEXANDER

OLL. II. EMIT DE

CN. OCTAVIO D. L. ANTERONI

S. INTVLIT VETVRIAM

ELEVThERINEM LIBERTAM

SVAM ET VETVRIAM PHILVMI

MATREM ELEVThERINIS

Exscripsi.

23

Florentiæ.

V. QVARTIO

TEXTOR III VIR

QVAESTOR

TRIB.

HILARA MINOR MIDAES MI

NISTRA SIMVL CVM MIDA

SITA EST IN EADEM OLLA QVARTIO

GRATIAM RETTVLIT MERENTEI

HILARAE QVOD VIVA ROGAVIT

SEPVLTA EST AD VI K. APRILES

TI. CLAVDIONER. P. QVINTILIO VAR. COS.

MIDA CVBICVLARIVS IIIVIR HIC SITVS

EST HILARA MINOR VIVA ROG

AVIT VT OSSA SVA IN OLLA MIDAE

COICERENTVR CVM MORT. ESSET

Exscripsi.

24

Romæ, in tab. marm.

VALERIVS SYNEROS IN HOC MONIMENTO EMIT

L. CALPV RNIO SPERATO ET NONIA FORTVNATA AEDIC. ET COLVMB. XX.

VBI SVNT OLLAE OSSVAR. XIII CVM AEDICVLA

Ex sched. Barber.

25

Florentiæ.

A SVMMO COLVMBARIA DIS
IVNCTA VIBIVS ALCIMV QVEM
SEQUENTVR POST ME L. COR
DIVM EVPORVM ET CORDIA TRYPHAENA

26

Romæ.


MAECENATIAE FAVSTAE
MAECENAS TYRANNVS
LIBERTAE SVAE ET
TERENTIAE OLLAS II DEDIT

Hh hh iij

OSSVARIA ET CINERARIA.

Urnæ etiam dicebantur Ossuaria, ut in sequentibus urnis, item & Cineraria.

Romæ, in villa Matthæi.



Exscripsi.

Romæ, in tab. marm.

CALPVRNIA RESTITVTA
EMIT DE SYNEROTE COLV
MBARIA N. IIII OLLAS N. VIII
ET CINERARIVM MEDIANVM
ET PHEBO CONIVGI SVO
ET SIBI POSTERISQVE SVIS

Exscripsi.


Romæ, in vasis operculo.

CINERARIVM
GEMELLI III AELI
MARCI ET PHILIPPI

Ex iisdem schedis.

VSTRINVM,

Repertum via Appia sub terra: gyros palmorum 400.



Ustrinum locus erat muro circumdatus, in quo corpora defunctorum, præcipue pauperum cremaban-

Romæ.

D. M.

SEX. PACCIO SEX. F.
PRIMISCRINO AVG.
PACCIA HERENNIA
CONIVGI PISSIMO
SANCTISSIMO
OSSARIVM D. S. FECIT

Ex sched. Barber.

Romæ, in tab. marm.

CLAVDIA PREPVSA EMIT DE L. CALPVR
NIO SPERATO ET NONIA FORTVNATA
SIBI ET SVCCESO IMP. VESPASIANI
CAESARIS SER. OCTAVIANO CONIVGI
SVO
EIVS POSTERISQ. SVIS PARIETEM HVNC
IN QVO SVNT OLL. LXV. ET A PARIETE
PAVIMENTVM LAT. P. I. CINERAR. ET

AEDIC. LAT. P. I. S.

pedem unum semis

Ex sched. Barber.

tur. Erat autem istud in via Appia, quia juxta hanc percelebrem viam erigebantur sepulchra: quorum adhucdum plurimæ supersunt reliquiæ. Lapidés labri superioris in duplicis anguli formam incisi (*en mortaise*) modo antiquis familiari, ad majorem ædificio soliditatem conciliandam, spectatu digni sunt.

Romæ.

Oxonii; aliunde allata.

... AB HOC VSTRINO.....
 .. ONEM VSQVE AD DE VSTR....M...
 ... ARCA MONVMENTVM CVM
 .. ET AQVA SALIENTE EIVS AEDIFICII IN
 CVSTODIAM EIVSDEM MONIMENTI
 L. VOLVSI SATVRNINI L. HIC M....
 LVSCIAE IRENES VXORIS EIVS
 LVCRETIAE THYMELES ET LIBERTORVM
 ET LIBERTARVM ET FAMILIAE QVIBVS....

M. ANNI AVCTI ET
 SEMPRONIAE SCVRRAE
 IN FR. CVM. VSTRINO. P. LIII
 IN AGRO P. XXIIII
 M. ANNIVS M. ANNI FELICIS F.
 SATVRNINVS VIX. ANN. XIIX. PIVS ET
 SANCTVS. IS. EREPTVS. MATRI. NEC
 ILLAE. POTVIT. GRATIAM. REFERRE

Ex schedis Barber.

Ex Marmor. Oxon.

H Y P O G Æ V M

Romæ.

Romæ.

D. M. forte
 FVLVIVS CHARISIVS IN HYPOGEO Ollas
 INSTRVXIT N̄ XIIH SIBI ET SVIS LIB...
 CHARISI HABE ET TV QVI LEGES BE...
 EGO OMNIBVS MEIS BENE FECI ET QV...
 PSI PER ERRORE IGNOSCETIS DE CETER
 IS SCIATIS AMICI TRES VXORES H....
 QVIDEM DOLVI SET NON SVNT QVA....
 MODO QVARTARIA SORTEM DVCTAMSV..

H. HYPOGEVM COM. FECER. Commune
 C. CAMERIVS C. F. VETENVS
 C. CAMERIVS C. F. PAL. PLAVTVS
 C. CAMERIVS C. F. PAL. ATTVS
 C. CAMERIVS C. N. MARINVS
 CAMERIA PACATA
 OLL. SINGVL. NVM. XX
 LOCARVNT

Exscripti.

Ex schedis Barber. P. Maffeus.

Romæ, in villa Matthæi.

HOC ADPARATORIVM
 PERTINET AD MONVMENTVM
 Q. AQVILI ET DIONYSI
 ET NONIAE M. F.
 FAVSTINAE
 IN FRONTE P. X IN AGRO P. XVI

Exscripti.

Hypogæum Camera erat subterranea reponendis defunctorum Cadaveribus, & Sarcophagis, quod & Repositorium Latinis dicebatur, cujus & pars aliqua *Adparatorium*.

D I S T E G V M.

Distegum in genere fuit ædificium duas habens contignationes: at speciatim ubi ejus mentio est in Inscriptionibus quæ Diis Manibus dicantur, fuit, ni fallor, monumentum duas Cameras habens, una alteri imposita. *Distigum* autem pro *Distegum* videtur sculptum.

*Romæ.**Romæ.*

DISMAN.

L. SEMPRONIUS L. L. PERIPHEMVS

L. APPONIUS L. F. PVBL.

L. SEMPRONIUS L. L. AMPHIONEVS

GLABRIO VIVVS FECIT

C. SEMPRONIUS C. L. AGNOSIAS

DISTIG. CVM LIBERIS

C. SEMPRONIUS C. L. PANOPVS

Commune

COM. M. DED.

C. SEMPRONIUS C. L. AMPHIALVS

KAL. APRIL.

SEX. SEMPRONIUS SEK. L.

P. CORNELIO SCIPIONE

PENTHEVS

AFRICANO ET

TI. SEMPRONIUS TI. L.

T. SEMPRONIO LONGO

CHRY SINVS

COS.

DISTIGVM FECERVNT C. P.

*Ex sched. Barber.**Ex sched. Barber.*

Antiquissima est hæc Inscriptio, siquidem sculpta fuit sub Consulatu L. Cornelii Scipionis Africani & Titi Sempronii Longi, anno urbis Conditæ 560.

CAENACVLVM.

Neapoli ad Fluv. Livim.

HVIVS MONVMENTI IVS QVA MACERIA

CLVSVM EST CVM TABERNA ET CAENACVLO

HERED. NON SEQVETVR NEQVE INTRA

MACERIAM HVMARI QVEMQVAM LICET

Cænaculum locus ubi cœnabatur, cur in ædificiis monumentorum aliquando jungeretur, inde scire possumus, quod in multis inscriptionibus defunctorum voluntatem testantibus, cœna aut aliud epulum singulis annis ad talem diem amicis aut ejusdem professionis viris parari jubetur.

AREA SEPVLCHRI.

*Romæ.**Florentiæ.*

HAEC. AREA. INTRA

D. M.

HANCCE. DEFINITIONEM. CIPPO

HOC MONVMENTVM SIVE

RVM. CLAUSA. VERIBVS

SEPVLCHRVVM CVM AREA SVA

ET. ARA. QVAE. EST

T. FVFICIVS FELIX D. D.

INFERIVS. DEDICATA. EST

IVLIA RVFINA DONATIONIS

AB. IMP. CAESARE. DOMI

CAVSA MANCIPIO ACCEPIT

TIANO. AVG. GERMANICO. EX

HS N VNO QVOD COMPARAVIT

VOTO. SVSCEPTO. QVOD. DIV.

FVFICIAE AMPLIATAE

ERAT. NEGLECTVM. NEC. RED

CONIVGI KARISSIMAE ET

DITVM. INCENDIORVM

LIBERIS SVIS ITEM LIBERTIS LIBER

ARCENDORVM. CAVSA

P. AELIO NATALI AMICO

KARISSIMO ET AELIAE RESTITVTAE

LIBERTAE EIVS LOCVM PONENDI

CORPORIS VTRORVMQVE

*Ex Bellor. Vestigiis Antiquitat.**Romæ.**Exscripti.**Romæ*

3
Romæ.4
Florentiæ.

DIS MANIBVS

M. HERENNIVS M. L.

LEONTA

ET PVBLICIA N. L. CLEOPATRA
FECERVNT SIBI ET LIB. ET LIBERTABVS
SVIS POSTERISQVE EORVM
ET QVOS TESTAMENTO NOMINARO
FRONS ARIAE ET MONIM. P. XXXIV

IN AGR. P. XXIV.

Ex sched. Barber.

D. M.

M. AVRELIVS DIONYSIVS
AVG. LIB. COMPARAVIT ET
STATIAE FILVMENE
CVM ARIA ET ARA
CINCTA CIPPIS N IIII LIB.
LIB. POSTERISQ. EORVM

Exscripsi.

Area Sepulchri erat longitudo & latitudo terræ, quæ singulis monumentis assignabatur, cujus mensuram sæpe in Epitaphio adscribebant, sicuti in tertio Frons areæ seu latitudo Pedum XXXIV. profunditas seu longitudo in agro Pedum XXIV.

MACERIA ET MACERIOLA.

1

Tiburi in æde Franciscan.

HIC LOCVS ITA VTI MACERIA
CLVSVS EST AD RELIGIONEM
SEPVLTVRAE LOLLIARVM

ATTICILLAE FILIAE ET STACTES
VXORIS ET M. LOLLI AMARANTI

Exscripsi.

2

Romæ.

ET HIC LOCVS

MACEREOLA CLVSVS

AD FAMILIAM MESSIANAM

ET CLODIANAM PERTINET

*Exscripsi.**Maceria & Maceriola muri sunt quibus Sepulchrorum areæ claudebantur.*MONVMENTVS, MONOMENTVM, & MONIMENTVM,
pro Monumentum.

1

Romæ.

AVRELIA PRIMIGENIA SE VIVA FECIT
AVRELIO TELESPHORIONI
ET AVR. TELESPHORO
SPERATO FILIS SVIS
ET LIBERTIS LIBERTABVSQVE
POSTERISQVE EORVM
HIC. MONVMENTVS. MACERIA
CINTVS CVM HYPOGEO QVI FECIT
IN FR. P. XXV IN AGR. P. XXXVI

*Ex schedis Barberin.**Supplem. Tom. IV.*

3

Romæ.

DIS MAN.

STABERIAE T. FIL.

LOGADI

HOC MONVMENTVM

MACERIA CLVSVM

SIBI ET SVIS LIBERT.

*Exscripsi.*2
Romæ, in horto Barberino.

COH. X....

D. PRISCI....

IVLIANVS FI.....

MERENTI FECIT.....

ET SIBI ET SVIS LIBERTIS

LIBERTABVSQVE POSTE

RISQVE EORVM HOC

MONOMENTVM HERE

DEM EXTERNVM NON SEQVETVR

IN FRONTE PEDES VIII

IN AGRO PEDES VI

Exscripsi.

I i i i

Aquileæ, Arca marmorea.

PATROCLORVM
 VLPIVS PRISCVS
 ANIMAE MERENT.
 CERVONIA TYCHE V. F. SIBI ET LIB. LIB.
 POSTERISQ. EOR. SI QVIS HANC ARCAM SIVE
 HOC MONIMENT. VENDERE AVTEMERE
 AVTEXANCISCLARE VOLET TVM POENAE
 NOMINE HS XX P. P. AQVILE DARE DEBEBIT

*Ex Ursatischedis.*Observanda in ultimo lapide vox antiqua *Exancisclare* pro distrahere.

Triclia.

Romæ, in horto Barberino.

D.

M.

VLPIAE SABINAE CONIVG.
 OPTIMAE ET DVLCISSIMAE
 ET BENEMERENTI RVFINVS
 EPHESTION LOCVM CONCESSVM
 ET DONATVM AB HEREDIBVS FLAVI
 LIBANI QVAE POSITA EST INFRA HANC
 TRICLIAM IN LONG. P. VII. IN LAT. P. V.

Exscripsi.

Sitne *Triclia* aliquod ædificium in monumentis sive cœmeteriis, vel potius vergente latinitate vox aliqua barbara a qua acceperimus nostratē *Treille*, pronunciare non auderem, nisi authorem haberem Salmasium ad Hadriani Spartianum. Ibi enim pro *triclinia de castris*, legendum censet *Trichilia*. *Trichilæ* autem sive *Trichilia* Græcis τροχάλη & τροχάλιον, a voce τροχάλον, *curvum & inflexum*, sunt pergulae arcuatae ex arundinibus inflexis, & opere topiario colligatis contextae. Hinc Isidorus, *Trichilia ubi pendent vaticae*: perperam editum *Tricilia*: *Trichilas* intelligit ex quibus dependebant cucumeres & cucurbitae quas *vaticas* appellabant, quod incurvae essent & obtortae, ducta metaphora ab iis hominibus qui cruribus sunt obtortis, quos Latini *vaticos & vaticas* dicunt. Vide plura apud Salmasium.

Sarcophagus & Sarcophagum.

*Cibinii in Transsylvania, Arca marmorea amnis eluvione eruta, qui
 prope Apulum Mariso miscetur.*

T. VAREN. T. F. PAP. SABINIANO. EQ. R.
 FLAM. LARENTINO. ITEM. FLAM.
 COL. SARMIZ. DEC. COL. SAR. ET APVL.
 E. MV. OMNIB. EQVESTrib. MILIT. PERFUNCT.
 CORNEL. LVCILIA CONIVX. PILA. EXTRVC
 TA. SARCOFAGVM. IN. QVO. VARENIA
 PROBINA Q. SABINIANI. SOROR. CONDITA
 ERAT. ET. IAM. EIVS. CORPORE CONLOCA
 TO. SVPERPOSVIT

Ex Reinesio.

*Salonis, Christiana Inscriptio.**Depositio*

DEP. IVLII ZACONI DIE IIII

NONAS NOVEMBRES DECIANO ET

CEREALE COSS.

FL IVLIVS ZACONVS ET AVRELIA

MERIA CONIVX EIVS HOC SARCOPHACVM

SIBI VIVI POSVERVNT

SI QVIS POST NOSTRAM PAUSATIONEM

HOC SARCOPHACVM APERIRE VOLVERIT

INFERAT ECCLESIAE SALONARVM AR

GENTI LIBRAS QVINQVAGINTA

Ex Marulli Spalatensis MS.

Marullus legit in fine CENTILIBRAS QVINGAGINTA: quod errorem esse puto pro Argenti libras quinquaginta. Pausationem, id est requiem, *Pausa* enim, ut ait Nonius, requies est. Sarcophagus autem, ut Plinius ait, lapis est fissili vena in quo corpora defunctorum condita absumi constat intra quadragesimum diem; ideo nomen habet a carne edenda, *σάρξ* enim caro est, & *φάγω* edo. Sarcophagus ibi scribitur pro Sarcophagus, ut in multis aliis C pro G. usurpatur.

*Ossua pro Offa.**Massilia, sed Algerio advectum.*

C. POSTVMIVS C. LIB. VENVSTVS

TESTAMENTO. PON. SIBI. TITVLVM

MARMOREVM. IVSSIT. VBI. HVIVS

OSSVA. CONDITA. SVNT

ROSCIA. LOCHAGIA. CONIVNX

IDEM HERES

BENEMERENTI FECIT

*Ex Peiresk.**Epitaphia quædam, in quibus literæ B & V confunduntur.*

B Græcis ut V Latinum consonans pronunciatum fuisse, non tantum ultimis sæculis, sed & priorum Imperatorum tempore, probat nominum Romanorum conversio a coævis scriptoribus facta: Flavius *φλάβιος* vocatur Plutarch. in Bruto, & Appiano lib. 5. Fulvia, *φελβία*; Vologæsus, *βολόγαυος*; Vitellius, *Βιτέλλιος*; Suevi, *Σεῦβοι*; Severus, *Σεβήρος*; Sexcentaque alia passim notari possent. At illa nomina sic per B scripta, pronunciarī non aliter ac si per V consonans, vel potius quasi per F. confirmant hæ voces: *Νάβλα*, *εἶδος ὀργάνου μουσικῆς, ἢ ψαλτήριον, ἢ κιθάρα*, apud Hesychium: id est *Naula species Organi Musici, vel Psalterium, vel citbara*, quæ eadem vox *Νάβλα* apud Athenæum, *Clela species Organi Musici, vel Psalterium, vel citbara*, quæ eadem vox *Νάβλα* apud Athenæum, *Clementem Alexandrinum & Strabonem* reperitur. At Julius Pollux idem Organum *ναύλας* & *ναύλαν* vocat: unde videmus perinde fuisse si *Naula* vel *Nabla* scriberetur. Sic *φάυρα* est Insula Atticæ Straboni l. 9. quæ Hesychio *φάβρις* dicitur. Ecce in sequentibus ineditis marmoribus *Beronice* pro *Veronice*, *Bibus* pro *Vivus*, *Balerianus* pro *Valerianus*.

Romæ, in villa Cesarini.

2

D.

M.

Romæ.

SEPTIMIA BERONICE FECIT SIBI ET TI. CLAVDIO BERONICIANO FILIO SVO
 KARISSIMO VIXIT ANNIS XXV M. III D. XVII
 ET TI. CLAVDIO FRONIMO CONIVGI SVO
 ET CN. COSSVTIO ZOILO ET SVIS LIB.
 LIBERTABVS EORVM

Exscripsi.

Exscripsi.

3

Romæ, in villa Cesarini.

DEMETRIVS AVG. DIB. BIBVS FECIT SIBI ET VLPIAE CRESTE
 CONIVGI BENEMERENTI ET FLAVIANO AVG. LIB. FILIO ET
 FILIS SVIS ET LIBERTIS LIBERTABVSQVE POSTERISQVE
 S. SI QVIS DONATIONIS EORVM AEA MONVMENTA CVM AEDIFICIS SVI
 CAUSA DEDERIT SIVE VENDAERE VOLVERIT INFAERET AERARIO POPVLI
 ROMANI SESTERTIA CENT. MILIA NVMMVM

Exscripsi.

4

Romæ.

IVLIVS BALERIANVS

QVI VIXIT ANNIS B. XX

NATALI SVO D.

die

SODALICIARIVS

BONVS AMORATVS

FILETIVS VSQVE ATFOTSA

Id est usque ad Fossam.

Exscripsi.

Balerianus pro Valerianus. Sic Imperator Valerianus in nummis Græcis mox ΟΥΑΛΕΡΙΑΝΟΣ; mox vero ΒΑΛΕΡΙΑΝΟΣ scribitur.

Sequentia sunt Christiana & sequioris ævi, in quibus *Aceruum* pro *Acerbum*, *Bibit* pro *vivit*, aliaque occurrunt.

Romæ, in æde Sanctæ Præxedis in pavimento.

ACERVVM LVCTVM MIHI DEMISISTI DVLCISSIMA CONIVX
 NON MIHI SVFFICIEBAT HABVISSE VITA TECVM PER TEMPORE MALA
 ALIAM QVIDEM FVTVRAM COTTIDIAE OPTABAS BONAS BENEFI....CASVS FECIT
 ALIENA TV VERO COTTIDIAE EXPECTABAS VIDERE PROXIMA PALMAS
 ..HECTVA MI DEMISISTI PIGNERA FRVCTVSQVE DESIDERATISSIMI CVMGEMI
 NATA VOTA OPTAVERAM DVLCISSIMA CONIVX VT BONA VIDEREMVS SIMVL
 LONGA MALA TEMPORA MECVM FECISTI
 INIMICA MORS FECIT TE NON VIDERE QVOD VOLVISTI
 ANIMAM QVI BENE TVAMSVSCEPIT DIVINA POTESTAS A QVA CREDO PECCATA
 POSSE TIBI DIMITTI HIC QUIESCIT DE QVA SVPER

Exscripsi.

Neapoli, in æde D. Mariæ della Sanità.

† CREDO QVIA REDEMPTOR MEVS BIBIT ET IN NOBISSIMO
DIE DE TERRA SVSCITABIT ME ET IN CARNE MEA VIDEBO DEVM MEVM
EGO BASILIVS FILIVS SILIBVDI ET GREGORIA CONIVGEM EIVS DVM
IREM IM MANDATVM IPSORVM MALVS HOMO ADPREHENDIT ME
ET PORTABIT ME IN RIBVM ET OCCISIT ME MORTEM CRVDELEM
IN INFANTIAE MEAE ANNORVM DVODECIM IN INDICTIONE QVAR
TA DECIMA VIGESIMA SEXTA

Ex Summontii Hist. Neap.

Ex stylo & literarum forma, quæ hic non exprimi potuit, conjicit Summontius eam esse Sæculi V I I I.
Longobardorum ætate.

7


Romæ, in æde D. Pauli extra muros.

.. QVI DEDIT ET ABSTVLIT
.. OMINI BENEDIC....
.. QVI BIXIT ANN...
.. PACE CONS.

Exscripti.

Quamplures similes Inscriptiones reperiuntur in Roma subterranea, quas consulere licet.

A M U L E T A.



- I. KYPIA XAIPE *Domina*. KYPIE XAIPE, *Domine salve*.
II. EYTTXI PANOIKI O ΦΟΡΩΝ. *Felix est quicumque hunc lapidem gestat*.
III. HOSPITA FELIX VIVAS.
IV. ARBVSCLA AMARA M. D. forte *Matris Deum*. Pinus enim cuius ramus hic depingitur
amara est, Græcis ob id *πικρά* dicta.

V. MNHMONETETE . Lipsius Epist. quæst. lib. 4. Epist. 26. hujusmodi lapillum extare dicit apud Laurinos. Plin. lib. 11. cap. 45. *Est in aure ima memoriæ locus, quem tangentes attestantur*. Idque fiebat ab Actore cum verbo MEMENTO. Alludit Virgil. *Cynthius aurem vellit & admonuit*. Plaut. Persa S. *Sed in jus voco. D. nonne attestaris? Tua ego caussa carnifex cuiquam mortali libero aures atteram*. Virgil. in Copa, *Mors aurem vellens, vivite, ait, venio*. Ammian. l. 22. *Adrastia aurem quod dicitur vellens, monensque ut castigatius vivat*.

VI. MNHMONETE THE KAAHΣ TYXHΣ, *Memento bonæ fortunæ*.

VII. ΦΩC MOT ΘEANO: *Lux mea Theano, amatorium amuletum*.

VIII. PIGNVS AMORIS HABES. Delphin, qui Cupidini facer, unde in nummis Cupido Delphinum inequitans vel in curru a Delphinis tracto.

IX. VIVAS IN DEO. Sigillum est Christianum.

X. VITA TIBI: subaudi *longa sit*.

XI. VTERE FELIX, Victoria parta, vel acquisitis divitiis.

XII. PROTEROS YGIAE. *Primo vel Primus convalesce*. Amuletum forte ad destruendam incantationem quæ fiebat manibus pectinatim junctis, hoc est digitis utriusque manus invicem complicatis. Hic enim manus junctas vides, sicuti in nummis ad designandam pacem, fidem militum aut concordiam Augustorum. De digitis autem pectinatim junctis fuisse incantamenti genus, ex antiquis & recentioribus Autoribus colligitur. Plin. Hist. nat. lib. 28. cap. 6. *Adsidere gravidis, vel cum remedium alicui adhibeatur, digitis pectinatim inter se implexis, veneficium est: idque compertum tradunt Alcmena Herculem pariente*. Id enim, ut ajunt, fiebat ad actus vitandos, & ad impediendum quominus enitens mulier pareret: unde Ovid. *Sustinuit partus, & ineptos tenuerunt carmina partus*. Cælius Rhodiginus ex Græcis thesauris hanc partus Alcmenæ difficultatem memorat his verbis: *Ante regium Alcmenæ Herculem parituræ, sterisse digitis pectinatim implexis Lucinam quæ partum præpediret, narratur a Mythicis: elusam vero ab ancilla Gallantide, quod Alcmenam diceret peperisse; quibus mox auditis illa recesserit, ac statim levata parturit Alcmena*. Unde adverte Thebis habitu muliebris sterisse iconas, dicique a Thebanis Pharmacidas. Altera species ejus incantamenti erat, si genua vel poplites, unum super aliud imponerentur, maxime silævum genu poplite dextro premeretur, vel si manus pectinatim junctæ genua complecterentur. Ideo in Conciliis Ducum fieri, & sacris votisve simili modo interesse vetuere majores, velut omnem actum impediencia.

XIII. Litteræ indistinctæ & male formatæ hæc vocabula continent ab utraque parte: ΙΑΩ ΑΒΡΑΞΑΣ ΑΔΟΝΑΙ ΑΓΙΟΝ ΟΝΟΜΑ ΑΖΙΑΙ ΔΥΝΑΜΕΙΣ ΦΥΛΑΞΑΤΕ ΟΥΕΒΙΑΝ ΠΑΥΛΕΙΝΑΝ ΑΠΟ ΚΑΚΟΥ ΔΑΙΜΟΝΟΣ. Id est, *Jao Abraxas Adonai, sanctum nomen, dignæ Potestates, servate Vibiam Paulinam ab omni malo Demone*. Est igitur Basilidianorum sive Gnosticorum Amuletum, de quorum erroribus & nugis fuse tractavit Chiffletius in Dissertatione de gemmis Basilidianis & Deo Abraxas, quem Hæretici illi venerabantur. Similia illic exhibet Amuleta quamplurima: sed hic quædam selegimus ipsi non visa.

XIV. Jupiter sedens more Romano fulmen manu tenens, aquilam ad pedes habens. In averfa parte ΙΑΩ ΓΑΒΑΩ. Hinc discimus Basilidianos Ethnicismum cum Christianismo confundere solitos fuisse.

XV. ΔΙΑΦΥΛΑΚΤΕ, & ex altera parte ΓΑΒΑΩ, *Conserve Sabaoth*.


XVI. ΝΥΜΕΝ ΔΑΕΙ ΑΒΡΑΣΣΕΣ. Id est, *Numen Dei Abraxas*, quem sub serpentis forma colebant.

XVII. ΙΑΩ ΣΑΛΟΜΟΝ ΓΑΒΑΩ. *Jao Salomon Sabaoth*.

XVIII. ΙΑΩ ΓΑΒΑΩ. Ex alia parte ΜΟΥΧ, Id est *Musa*, vel forte *Moses*.


XIX. ΜΝΗCΩΗ ΕΥΤΥΧΙ ΠΕΤΡΑ CΑΚΡΑΤΑ. Hanc quidem non assequor. Et quis, quæso, priscorum horum Hæreticorum nugæ assequatur. Videtis præter Chiffletium, quæ de iis diximus supra ad Tab. XII. Sect. I. Art. IV. & ad Tabul. XXIV. & XXV. Art. V. item quæ in nostro Græciæ Itinerario Tom. III. part. I. ad marmor Mileti.

XX. ΜΕΓΑΛΗ ΤΥΧΗ ΤΟΥ ΞΥCΤΟΥ, *Magna fortuna Xysti*, seu *palæstræ*. Hercules stans, dextra clavam tenens, sinistra Cornu-copiæ. Hic enim ludis Xysticis præsidebat, unde Herculi in circo statuae dedicabantur, aut ædiculæ erigebantur, ut videre est inter marmora Græca Athletica, quæ infra in Sect. X. referuntur. Η ΙΕΡΑ ΞΥCΤΙΚΗ ΣΥΝΟΔΟΣ ΤΩΝ ΠΕΡΙ ΤΟΝ ΗΡΑΚΛΕΑ ΑΘΛΗΤΩΝ.



IV. ARBVSQVIA AMARA M. D. forte Martis Deum. Pius enim cuiusdam hic deponitur. Grotius id vixit digna.


BULLÆ PUERORUM.



Bulla generaliter dicebantur omnia ornamenta aurea vel argentea orbicularia, & instar bullarum in aqua excitatarum inflata. *Bulla*, inquit Papias, ornamenta regalia puerorum vel equorum, dicta quod sint similes bullis quæ in aqua instantur. Nos hic de puerorum bullis tractamus: quæ insigne erant ætatis prætextatæ. Simul cum prætexta, inquit Asconius in III. Verr. etiam bulla suspendi in collo infantibus ingenuis solet aurea, libertinis scortea, quasi bullientis aquæ; sinus communis pectusque puerile. Non ergo quærenda etymologia huiusce bullæ a βεβλην, id est Consilium, quasi puerilem ætatem alieno indigere consilio significarent, ut quidam ex veteribus tradunt. De ejus origine ita Plin. lib. XXIII. cap. 1. Sed a Prisco Tarquinio omnium primofilium, cum in prætextæ annis occidisset hostem, bulla aurea donatum constat: inde mos bullæ duravit, ut eorum qui equo meruissent filii, insigne hoc haberent, cæteri, lorum. Earum figuram rotundam observamus in his marmoribus, non autem cordiformem, ut indicare videtur Macrobius Saturn. lib. I. cap. 6. Nonnulli, inquit, credunt ingenuis pueris attributum ut cordis figuram in bulla ante pectus annexerent, quam inspicientes ita domum se homines cogitarent, si corde præstarent. Vides hic in fig. 4. puerum quatuor annorum jam bullam gestantem in pectore: priores sunt provectioris ætatis, quippe volumen in quo legere queant manu tenent. Gestabant autem usque ad annum ætatis XIV. puberes facti, laribusque eam dedicabant, ut puellæ Veneri pupas suas: unde Persius Satyra V. Bullaque succinctis laribus donata pependit.

Nummus æreus, olim instar Bullæ vel Amuleti collo appensus.

Nemausi apud Graverolium.



Nummus hic magni moduli ab una parte caput Neronis præfert: quale in sexcentis aliis hujus Imperatoris nummis extat; sed averfa plane abrasa fuit, ut literis incisæ cælaretur nomen cujusdam *Caii Valerii Abascanti*, qui nummum collo appensum gestabat, ut adjuncta ipsi catenula antiqua viridi ærugine ob-

ta non obscure indicat, quod sane perrarum est. Idem Eruditus Graverolius, in cujus extat Museo, num possidet æreum Neronis nummum cum circulo ejusdem metalli, quales visuntur in nummis maxi-
mi moduli, vulgo *Medaillons* dictis: cujus nummi pars postica penitus derasa est, quæque typi loco in speculi modum polita est. Antiqua enim specula non ex vitro, sed ex metallo constabantur. Hinc Plinius lib. XXXIII. cap. 9. *Atque ut omnia de speculis peragantur hoc loco, optima apud majores fuerant Brundisina, stanno & ære mistis: prælata sunt argentea. Primus fecit Praxiteles Magni Pompeii ætate.*

COLLARIA SERVORUM.

Antiquis Romanis mos erat fervos a fuga recuperatos stigmatibus notare, hoc est literis aut notis quibusdam frontem inungere, unde Aufonius;

*Pergame non recte punitus: fronte subisti
Supplicium, lentæ quod meruere manus.*

Cum vero Constantinus id vetuisset, quod dedeceret faciem, quæ ad similitudinem cælestis pulchritudinis est figurata, maculari, contumeliam frontis ad collaria quæ fugitivis aptabantur transfulerunt, in quibus inscriptum Domini nomen, aut saltem in laminis iis appensis legebatur: qualia in sequentibus videre est.

Collare æreum.

TENE ME QVIA FVGI ET REVOCA ME DOMINO
MEO BONIFATIO LINARIO

Ex Pignorio de Servis.

Aliud, Romæ.

Hæc Collaria longiora sunt, & unica linea inscripta.

TENE ME NE FVGIAM ET REVOCA ME AD DOMINVM
EVVIVENTIVM IN ARA CALLISTI

Exscripsi.

Aliud, apud Cl. Menestrier.

TENE ME NE FVGIAM ET REVOCA ME IN FORO
TRAIANI PVRPVRETICA AD PASCHASIVM DOMINVM MEVM

Exscripsi.

Aliud, Romæ apud I. P. Bellorium.

PTRONIA TENE ME QVIA FVGI BIS ET REVOCA ME AD
DOMV ATHEODOTENIS AD DOMINVM MEVM VITALIONE

Exscripsi.

Prope Nemaufum repertum.

T. M. Q. F. E. REV. ME P. RVBRIO LAT. DOM. MEO

Ex Erud. Graverolio J.C.

Id est, Tene me quia fugi & revoca me Publio Rubrio Latino Domino meo.

Lamina ænea Collari alligata, apud Maffæos.

TENE ME Q
VIA FVGI ET RE
BOCA ME IN BASI
LICA PAVLLI
AD LEONE

Ex Pignorio & Bened. Ægio.

2

Alia, apud Lælium Pascalinum.

TENE ME Q
VIA FVG. ET REB
OCA ME VICTOR
I ACOLIT
O A DOMIN
ICV CLEM
ENTIS
P
X

Ex altera parte.

FVGI EVPL
OGIO EX
PRF. VRB.

*Ex Præfecto
Urbis.*

Ex schedis Suaresii Episcopi Vafionensis.

Hæ omnes Inscriptiones non absunt a Constantini sæculo, quod notis Christianismi & depravato idiomate dignoscitur, REBOCA pro REVOCA, aliisque.

T E S S E R A.

Romæ, olim apud Card. de Maximis, in tabella ærea.

TESSERAM PAGA
NICAM FELICISSI
MVS PATRONVS

PAGANI PAGI

TOLENTINES HOS

TIAS LVSTR. ET TESSER.

AER. EX VOTO L. D. D.

V ID. MAS FELICIT.

Lustraverunt.


*Locus decreto da-
tus quinto Idus
Maias.*

Exscripsi.

Tolentinum urbs & Colonia Piceni, nunc Marchiæ Anconitanæ, quæ urbs adhuc Tolentino vocatur, ubi lustratæ fuerunt hostiæ forte ob aliquem grassantem morbum, aliudve imminens periculum, affixaque ænea tabula in aliquo templo ex Paganorum voto, ad numinum iram placandam.

Kk kk

Tessera Hospitalis.

Lugduni, olim in ædib. D. de S. Maurice.*Exscripsi.*

Tessera hæc erat hospitalis, sive lapis Hospitii index prope portam affixus, in quo Mercurius lucrum adventantibus promittit, cum jam antiquitus negotiis celebris urbs esset Lugdunum, Apollo vero salutem ob aeris salubritatem, Septumanus tandem, diverforii istius hospes prandium, post cujus usum extraneus hospes, ubi commorari vellet, prospicere poterat.

TEGVLA LATERITIA.

TERT. D. L. EX

F. CAN. OP. DOLI. I.

TIT. ET GALL. COS.

Ex Nardini Roma Antiqua.

Falconerius in additis ad Nardinum sic Inscriptionem istam exponit: *Tertullus Decii Libertus ex Figulina Canonis Operis Doliaris prima*: additque Canonem forte tributum esse quod solverent Figuli: annon vero potius Canon norma est, sive modulus ad quem lateres conficiebant. Extracta autem fuit hæc tegula ex dirutione ædificii Pantheo proximi, quod putavit Falconerius aquæductus aquæ Virginis reliquias esse ab Imp. Hadriano restituti, ut probat ex Consulatu TITiani & GALLicani in illa tempora incidente.

Alia apud Falconerium, Roma.

OPVS DOLIAR. L. BRVTIDI AVGVSTALIS

Dolia antiquitus ex terra cocta fiebant, ut superius pag. 125. in Doli Diogeniani explicatione demonstravimus: inde *opus Doliare*, idem quod opus Figulinum.

Tegula, apud Leonardum Augustini.

EX PAL. AELI AVG. PII F. OP. DOLIAR. ARISTIO
 SVCCCESS. GALLIC. ET VETERE COS.


Exscripsi.

Id est, *Ex Palatio Aelii Augusti Pii filii opus Doliare Aristio Successo, Gallicano & Vetere Consuli-*
bus: qui Consulatus incidit in annum Ch. 150. vel 151. ut numerant alii, sub Antonino Pio. Notan-
 dum, Marcum Aurelium Antonini Pii filium hic Aelii tantum nomine designari, quem Fasti Capitolini
 Marcum Aelium Aurelium, at Fasti Siculi Marcum Aurelium Verum depravate nominant.

P O N D E R A.

Ponderum notitiam intricatissimam explanare, non est instituti nostri, neque virium nostrarum.
 Hæc præstiterunt authores varii & inter alios accuratissime Lucas Pætus de ponderibus & mensuris, li-
 bris quinque, Venetiis ann. 1575. excusis, Nicolaus Fabricius Peireskius eandem suscepit provin-
 ciam, integrumque hac de re volumen manuscriptum hæredibus reliquit. Ex cujus & aliorum schedis
 aliqua delibavimus, lucis aliquantulum, ob addita schemata, fœneratura.

P. 303.



Hæc pondera pene omnia sunt ex marmore nigro. Infinita autem extant cum nomine *Turcii Apro-*
viani Præfecti urbis, quem constat Ethnicum fuisse ex aliis lapidibus. Urbi eum præfecit Julianus Im-
 perator ὁ παραβαίτης, teste Ammiano Marcellino lib. 23. Præferunt & nomen *Junii Rustici* Præfecti iti-
 dem urbis. Fuit quidam Rusticus Præfectus urbi sub Antonino, teste Epiphanio. At proprie dicti Præ-
 fecti urbis incepterunt tantum initio quarti Sæculi: unde Rusticus in hoc pondere notatus, is est qui sub
 Constante, anno 343. & 345. fuit Præfectus urbi, cum sub eodem Imperatore paulo ante Præfectus ur-
 bis fuisset Turcius Apronianus: Olybrius vero sub Constantio ann. 357. Albinus sub Valentiniano. Spe-
 ctabat autem cura cum aliarum rerum, tum etiam ponderum, ad officium Præfecti urbis: unde Am-
 mianus scribit de Prætextato Præf. urb. *quod pondera per regiones instituerit universas, cum aviditati*
multorum ex libidine trutinas componentium occurri nequiret.

Pondera numerum inscriptum habuisse dicit Isidorus lib. 16. Origin. & confirmant isti ponderum ty-
 pi. Puncta enim totidem libras ostendunt, vel cifra adjunctæ, ut P. III. *Pondo trium* librarum.
 Interviebant etiam pondera, ubi reos quæstioni applicare volebant, pedibus appendentes, Cod.
 Theodof. lib. 3. de exaction. qualia multa Romæ per Ecclesias Martyrum suppliciis servisse creduntur,
 ut notavit Baronius in Martyrolog. Extat Lex in Jure Orientali edito ab Henrico Stephano, quæ ju-
 bet notas ponderum debere esse claras & intelligibiles etiam a rudibus hominibus. Ecce autem quasdam
 certiores ponderum proportionibus.

Continebat Talentum libras 72. aliqui volunt 120

Libra uncias duodecim.

Uncia duos Stateres

Stater duos quadrantes

Quadrans Drachmam, Scrupulum, & Obolum

Drachma tres Scrupulos.

Scrupulus duos Obolos.

Obolus quatuor calculos.

Calculus, ciceris grana duo.

Medietas igitur drachmæ est Scrupulus & Obolus: & Scrupuli decem & octo constituunt unciam

Pondus Romanum, cui inscriptum,

D. IVNIVS L. F. SILANVS

Q. VRB.

S. C.

L. LVCRETIVS L. F. TRICIPITINVS

Q. VRB.

Ex Luca Pæto & Reinesio.

MENSVRÆ.



Amphora quam Antiqui, teste Festo, Quadrantal vocabant, utrinque ansata fuit, quod nomen indicat ab ἀμφι utrinque, & φέρω porto. Fictilis, præterea oblongo collo subtrus acuta: quales infinitæ in dies Romæ effodiuntur passim, quasque vulgus urnas omnes putat, quia nonnullæ similes. At sane variis usibus destinata erat amphora, præterquam enim vas erat cinerarium urnæ vicem præstans, erat etiam vas vinarium, olearium & aquarium; unde inter figuras Calendarii antiqui Romani Signum Aquarii sculptum est cum Amphora, & in disticho signa enumerante sub Amphoræ nomine exprimitur.

Libraque, Scorpius, Arcitenens, Caper, Amphora, Pisces.

Dividebatur amphora debitæ justæque mensuræ in urnas duas, Modios 3. Congios 8. Sextarios 48. Heminas 96. Quartarios 192. acetabula 384. Cyathos 864. Ligulas, seu ut aliqui volunt Cochlearia 2304. Culleus vero constabat Amphoris 20.

Notandum porro Culleum, Amphoram, urnam, congium, fuisse tantum liquidorum mensuram: modium tantum aridorum: sextarium, heminam, quartaria, acetabulum, cyathum, ligulam utrorumque. At autem pondus liquoris quod capiebant singula, ex Dioscoridis testimonio hoc est. Amphora capiebat libras 80. Urna lib. 40. Congius 10. Semicongius 5. Sextarius lib. unam & uncias 8. Hemina seu Cotyla uncias 20. Acetabulum quarta pars heminae unciam semis & scrupulos 4. Cheme quarta pars cyathi, didrachmas 3. scrup. 1. Amphora ergo tenebat congios 8. & Congius sextarios 6. *Hæc ex schedis Bagarii. Sequentia manu Pithœi inter Peireskii schedas a me reperta.*

Cochlear habet dimidiam drachmam, id est, scrupulum & obolum.

Cochlearia tria concham faciunt:

Conchæ octo, cyathum:

Cyathi novem, heminam,

Heminae duæ, sextarium:

Sextarii sex, congium

Congia quatuor, modium:

Modius unus & semis, urnam:

Urnæ duæ, Amphoram:

Urnæ tres, cadum seu Artabam:

Modii quindecim, Gomor:

Gomor duo, Chorum.

Cochlearia, inquit rursus Bagarrius, & *Ligulas* confundunt quidam: at verisimilius duplo majorem fuisse ligulam, aut (si Pithœi superiorem notam sequamur) quintuplo majorem, cum 24. cochlearia cyathum constituerent, 4. vero ligulae cyathum, teste Columella. Dioscorides *Chemen* vocat, quod Latini *Ligulam*. De Ligula Martial. in Apophor. *Vocor ab indoctis Lingula Grammaticis*. Ob similitudinem cum cochleari eundemque usum, utrumque conjungit lib. 8. Epigr. 33.

*Ligulam cum mittere possis,
Mittere cum possis vel cochleare mihi.*

Et Epigramm. 70. ejusd. libri.

*Octavius Ligulam misit sextante minorem,
Nonus aculeolos in cochleare tulit.*

Strigilem Ligulae formam habuisse docet Appulejus 2. *Floridorum*. In serviebat abstergendo sudori cutisque immundiciebus, in balneis, talisque in variis marmoribus exhibetur, qualis hic in fig. *Cyathus* pendebat unciam unam, drachmas quinque & scrupulum unum, id est fere uncias duas: unde Hesychius has numerorum fractiones omittens dicit cyathum capere liquoris uncias duas: *Κυάθος, σκαφιώλια, ὠάεια σιδηρᾶ, οἷα κύαθος: δέχεται ἡ ὕψος τινὸς οὐγγίας δύο.*


Sextarius subdividebatur in cyathos 12. instar assis, id est in sextantes, quadrantes, trientes, quincunces, semisses, septunces, beses, &c. seu in duos, tres, quatuor, quinque, &c. cyathos: per cyathos enim bibebant antiqui, ut constat ex Martiali, frequentius per trientes, id est quatuor cyathos seu semifogliettam. Semisextarii vocem retinuit adhuc Gallicum nostrum idioma *Demi-sestier*. Lucas Pætus qui veteres mensuras exacte cum neotericis contulit, scribit sextarium viginti uncias capere, *fogliettam* vero hodiernam tantum 16. at illa diversa est pro variis regionibus. Sextarios etiam subdividebant in Acetabula 8. quartarios 4. heminas 2. Quod si hic aliqua discrepantia observatur, non mea res est: aliena enim retuli.

TOREUMATA.

I Neapoli.



II Romæ.




III Romæ.




IV Romæ.



V Romæ.




VI Romæ in Virg. MS.



VII Romæ.



VIII Romæ.



TOREUMATA varia passim in hoc volumine exhibuimus, pro variis quæ oblata sunt differendi occasionibus. Ecce quædam alia selecta, quæ nec injucunda, nec spernenda videbuntur, saltem ab aliis quod sciam, nondum prodita. Toreumata vocamus tabulas lapideas, marmoreas, aut areas figuris semiextantibus sculptas, quas Itali *Bassirilievi*, Galli *Basreliefs*, vocitare solent, ut in hujus Operis Præfatione jam monuimus.

I. *Circen* exhibet quæ veneficam suam potionem juveni cuidam propinare studet: nec non *Herculem*, canem tricipitem Cerberum a se colligatum adducentem; arbore intermedia *poma aurea* ferente, quam custodit ingens *Draco*.

II. *Pluto* inferorum Monarcha cum tricipite Cerbero, antiquis, *Ditis*, hoc est Plutonis, *canis* dicto, sceptrum sinistra gerens, adstat viro fere nudo in lectulo accumbenti, ob morbum cito Tartara petituro. Infra visuntur vascula duo, & Sandaliorum par.

III. Juvenis cum nova nupta, ambo adhuc coronati, primasque capturi conjugii rosas, in grabato reclinati, monentur a Ministro, cui in manibus lampas sepulchralis, & rosarum corolla, instare funus acerbum.

IV. Decumbit hic *Marcus Julius Augustianus*, cui *Marcus Julius Animetus Fratri Benemerenti* fecit monumentum defuncto, cuique mater, aut uxor, filiaque adstantes ultimum vale dicunt.

V. *Biclinium* seu duorum accubitus non male dixeris hujusce marmoris typum, quo scilicet modo duo accumbebant in lecto, cum prandium aut cœnam captabant.

VI. Hic vero *Triclinium* habes, trium nempe accubitus ad mensam pastum ineuntium: qui cum tabellis illis orbicularibus, de quibus supra pag. 1217, mentionem fecimus, depinguntur, sive Ethnicorum Deastros, sive Sanctos quosdam Christianos effingere voluerit Pictor. Non enim marmor est: sed pictura ex Virgilio Manuscripto Bibliothecæ Vaticanæ decerpta. Cujus quidem Manuscripti antiquitas ab Eruditis censetur esse annorum circiter mille: quo sæculo jam dominabatur in Imperio Romano Christiana Religio. De pileis illis in acumen desinentibus & in anteriora recidentibus dicemus paulo infra, & jam vidimus eorum figuram in Midæ Phrygiæ Regis numismate pag. 907.


VII. Ministræ quædam *Isidis* mysteria ferentes hic exprimuntur. Vasculis enim quæ gestant insident parva *Harpocratis* *Isidis* filii, & vaccæ sive bovis simulachra. Apulejus ceremonias similes describens: *Sequebatur bos parentis Deæ simulachrum, quod residens humeris suis præferebat unus e Ministerio*. *Spartianus de Commodio: Sacra Isidis coluit, ut & caput raderet & Anubim portaret*. Sacerdotes enim *Isidis*, aliorumque Deorum, *Ægyptii*, caput radebant: at utrum id etiam facerent foeminæ Sacerdotes, mihi dubium est: id saltem heic non observamus.

VIII. Pertinet hæc Tabula marmorea in Quirinali reperta, ad mysteria Matris Deum *Cybeles*, cui *ovis* & *Pinus* sacra: unde aliquando pini strobilum seu nucem manu gestans depingitur. Vide *Gruterianos lapides* pag. xvii. *Arnobius contra Gentes, lib. 5. Pinus illa quæ infertur in Sanctum Deæ matris, nonne illius imago est arboris, sub qua sibi Atys virum demersis genitalibus abstulit? Statius.*

*Sic Phryga terrificis genitrix Idæa cruentum
Elicit ex adytis, consumptaque brachia ferro
Scire vetat, quatit ille sacras in pectore Pinus
Sanguineosque rotat crines, &c.*

Virgilius *Cybelen* ita *Jovem* alloquentem inducit, lib. 9. *Æneid.*


*Pinea sylva mihi multos dilecta per annos,
Lucus in arce fuit summa.*



IX. Romæ.



XIII. Romæ.



X. Romæ.



XII. Romæ.



XIV. Romæ.




XV. Romæ.



XVI. Romæ.



XVII. Romæ.



Ex Schedis Bagarrianis.

IX. Sarcophagus est viri & uxoris corpora continens, cum eorum depictis protomis, sive imaginibus pectore tenus. Infra eorum effigies cernitur *juvenis* quidam *junctis bobus terram arans*, quod est conjugii symbolum. Posterioribus enim præcipue sæculis, jugum conjugale bobus sub jugo colligatis compararunt veteres: tuncque invaluit vox *Compar* pro conjuge sæpius in marmoribus usurpata. Gloss. Lat. Gr. *Compar*, Συζυγος. Ambrosius lib. 8. Epist. 66. *Conjugium vis inter filios nostros componere, quæro utrum pares copulandi, an impares sint: sed ni fallor Compares appellari solent. Boves qui jungit ad aratrum, equos ad currum, pares eligit.* Cassiodorus lib. 5. & 10. Variar. utitur voce *Jugalis*, pro Conjuge. Plin. lib. 8. cap. 23. de serpentibus: *Conjuga ferme vagantur, nec nisi cum compare vita est.* Et quidem latiori significatione sumitur *Compar* pro socio. Auson. *Tu quondam puero compar mihi discipulo.* Cassiodor. l. 8. *Strepentes sturni compares sequuntur exercitus.* August. serm. 52. *Cæpi boni propositi fratres colligere compares meos.*

X. Rusticani pueri olivas colligentes cucullis induti. *Cucullus vel cuculla*, inquit Ugutius, *vestis caputiata & lata, humeros & caput tegens instar capucii.* Erat præcipue pueris in usu. Unde scribit Sozomenus lib. 3. cap. 13. *Monachos Ægypti κοκκίον (Cucillum) gestare ostendentes se vitam æque synce-ram agere ac pueri, quibus, inquit, ejusmodi tiaris caput obvolvitur, Huc etiam spectat Hieronym. Epist. 22. Sunt quæ ciliciis vestiuntur & cucullis fabrefactis, ut ad infantiam redeant.* Cassianus de habitu Monachico l. 4. cap. 4. *Cucullis perparvis usque ad cervicis humerorumque demissis confinia, quibus tantum capita contegant, indefinenter diebus utuntur ac noctibus.* Vide Du-Cange Glossar. med. Latin. in Voce *Cucullus*, & med. Græcit. in V. Κοκκίον.

XI. *Juvenis* equitans *indutus Cucullo*, qui etiam peregrinantibus familiaris erat ad injurias aeris vitandas, sicuti & ægris.

XII. *Senex* mærens in *Cucullo*: unde forte etiam lugentium fuit habitus. Circumstant alii amicam, aut patronam lugentes defunctam.

XIII. *Bigæ Circenses* aurigantibus pueris alatis; in quarum equis observandæ jubæ detonæ. Inde Aufonius aurigam *bidente* dicit *attondisse forcipe comata colla, ne qua sordidum jugo premente dura vulnus ederet juba.*


XIV. Similis auriga equorum bigam agitans, quos retinere non potens, in terram prolapsa invehitur juveni: quo spectant Hieronymi verba in vita Hilarionis: *Oravit semel fixo in terram capite, & abducta ab oratione mens, nescio quid aliud cogitabat, insiliit dorso ejus festinus agitator, & latera calcibus, cervicem flagello verberans; eja, inquit, cur dormitas?*

XV. *Quadrigrarium* hic Circensem vides, equos tintinnabulis ornatos habentem. Apud Apulejum lib. 10. *afinus frænis argenteis & pictilibus balteis, & tintinnabulis exornatus, dicitur: Virgil. 7. Aurea pectoribus demissa monilia pendent.* Hæc ad Phaleras referri poterant: *Phalerae enim, teste Suida, erant rosæ, aut similia ornamenta capitis equini.*

XVI. At *Victores* comite palma stant hi quatuor equi, ducentibus servis. Ante duorum pedes visuntur sacci ligati, hordeum ipsis destinatum continentes. Voces, **HOC EST, ALIUD FATERI, ET CREDE, NON LICET**, quo referantur, non mihi liquet.

XVII. *Fronte crinita Faunus*, ut in Priap. Virgilio tributis vocatur, lignum igni accendendo ministrat, quo ferveat olla calidam aquam forte continens, quæ olim Romanis in deliciis erat, ut diximus supra, ubi de servis a calida, pag. 1059. quamque Patronus decumbens petere videtur bibendi impatiens. Paulus Jurisconsultus: *nec multum refert inter Cacabos & abenum quod supra focum pendet: his aqua ad potandum calefit, in illis pulmentarium coquitur.* Plinius reprehendit morem Romanorum calidam bibendi: *Notandum, inquit, nullum aliud animal præter hominem calidos potus sequi.* Frequenter etiam aquam bibebant calidam non solam, sed vino admixtam. Apulejus Milesiarum secundo: *Fotis arripit poculum, ac desuper aqua calida injecta, porrigit.* Lucianus in eadem narratione: *Καὶ οἶνος αὐτῇ παρέχειτο, καὶ ὕδωρ ῥέτοιμον, καὶ ψυχρὸν καὶ θερμὸν.*

XVIII.



XVIII. Solitaurilia sive *Suovetaurilia*, quorum in hoc marmore apparatus cernitur, fuere veterum sacrificia, *Suis, Ovis & Tauri*, unde nomen ipsis inditum. Glossæ veteres: *Solitaurilia*, *Θυσία ἐν σούῳ, αἰεὶς & ταύρῳ*. Hinc expungendæ variæ quæ vocis istius etymologiæ afferuntur. Verrius enim & Festus antiquitus putabant Solitaurilibus nomen impositum fuisse, quod iis *Sollæ* sive *Solidæ*, non castratæ præberentur hostiæ: *Sollum* quippe *Osce totum & solidum* significat. Quod si, addunt, a *Sollo & Tauris* nomen hoc ductum est, antiquæ consuetudinis per unum *L* enunciari non est mirum, quia nulla tunc geminabatur litera in scribendo. Jul. Cæsar Scaliger libb. de causis Linguae Latinæ: *Solitaurilia*, non, ut sunt interpretati male veritatem, *sue, ove, tauro*: neque enim in voce hac, *Soli*, est ovis: sed sic fuit per initia *Sue, Soloce, Tauro*; sic enim pecudem lana tectam prisca appellarunt, quam ad sacrificium egregham habebant, id est e grege segregatam, integram non tonsam; unde & nomen, quoniam cum tota lana esset. Solon enim *Osce* dicebant totum, ut Græci *ὅλον*. At merito hunc etymon rejicit Vossius in Etymol. Ling. Lat. Certius est Glossarum veterum auctoritatem sequi, cum præcipue nomen conveniat in quo confusas fuisse hæc trium bestiarum nuncupationes quosdam existimare ipse fatetur Festus; sed accedente hocce egregio marmore, nullus ambigendi relinquitur locus. Apparatum enim hic videmus ad sacrificium trium istarum victimarum, quæ a Sacrificulorum ministris seu victimariis deducuntur. Hi coronati procedunt ut solebant in sacrificiis, & eorum unus arboris ramum ad lustralis aquæ asperisionem gestat. Sequitur inde Sacrificator capite velato, vexillumque gestans. Inde tres milites cum clypeis & equo, quia ad ea armati procedebant. Dion, Halicarn. de Tullio, qui hujus sacrificii Auctor fuit: *Omnes cives jussi sunt armati adesse in campo Martio; ibi instructos equites, velites, pedites lustravit Rex tauro, arietem & birco*. Festus pro *birco* habet *terre*, quod ad nostram venit sententiam; est enim *verres* porcus mas. Livius: *Ibi instructum exercitum omnem suovetaurilibus lustravit; idque conditum lustrum appellatum, spatium scilicet quinque annorum, eo quod singulis quinque annis renovarentur hæc lustrationes*.

Sacrificium præcedit comitaturque Rusticorum, Satyrorum, Bacchantiumque familia, choreis, ludis, symphoniarum vacantium. Tubis enim & tibiis quidam, alii utriculari sacco aut crotalis ludunt: Silenum ebrium asino imponunt alii, aut uvas, vinum, frugesque circumgestant: unde *Ambarvalia* quæ simul cum Suovetaurilibus fiebant hic depinguntur. Festum ita dictum, quod Rustici tunc arva ambirent & circuirent, ut fertilitatem a Diis impetrarent. Tibullus Eleg. 1. lib. 2. illud describens.

*Quisquis adest, faveat, fruges lustramus & agros,
Ritus ut a prisco traditus extat avo.
Bacche veni, dulcisque tuis e cornibus uva
Pendeat, & spicis tempora cinge Ceres.*

Eadem ex Virgilio discimus lib. 1. Georgicorum,

*Cuncta tibi Cererem pubes agrestis adoret:
Cui tu lacte favos, & miti dilue Baccho.
Terque novas circum felix eat hostia fruges,
Omnis quam chorus & focii comitantur ovantes.
Et Cererem clamore vocent in tecta, neque ante
Falcem maturis quisquam supponat aristis
Quam Cereri tota redimitus tempora quercu,
Det motus incompósitos, & carmina dicat.*

Cato lib. de re Rustica describens lustrationem quam singuli Patresfamilias in agris suis faciebant, preces eorum recitat: *Mars Pater te precor, quæsoque uti sis volens propitius mihi, domo, familiaeque nostræ, quoque rei ergo agrum, terram, fundumque meum suovetaurilia circumagi jussi, uti tu morbos visos invisosque, viduertatem, vastitudinemque, calamitates, intemperiasque probibessis, defendas, averruncesque, utique tu fruges, frumenta, vineta, virgultaque grandine, beneque evenire sinas: pastores, pecuaque salva servassis, duisque bonam salutem, valetudinemque mihi domo, familiaeque nostræ, &c.*

XIX Romæ



I Romæ

II Romæ

III Romæ

IV Romæ



V Romæ

VI Romæ

VII Romæ

VIII Romæ



M. Demusso Fecit

XIX. *Meleagri* venatio hoc exprimitur marmore, qua ferum, ingentemque Sylvæ Calydoniæ aprum interfecit, Diana, Hercule, Theseo, aliisque comitantibus heroibus. Qui quidem Meleager aprum jaculo petens eodem fere modo depingitur in nummo Gordiani Pii, a Samiis cuso, cum voce CAMION: non enim Gordianus est, ut male existimat Jo. Harduinus in nummis Populorum illustratis, is qui feram occidere cernitur in nummo, ut pote sine corona aliisque Imperatoriis ornamentis, sed ipsemet Meleager, cujus historia in Græcia percelebris: quique in aliorum Imperatorum nummis a Samiis exhibetur. Sed cur in hoc marmore cernitur cum aliis Diana, quæ huic venationi tantum abest ut adfuerit, quin potius Meleagrum ob hoc facinus punierit, ut pote quæ aprum ipsum irata adversus Oeneum Meleagri patrem in Calydonium misisset agrum? Annon ergo fuerit Sculptoris memoriæ lapsus?

S T A T U Æ.

Statuas non paucas possemus a nobis observatas & delineatas referre, sed ab aliis jam excusas nolumus iterare: sufficit præter eas quas passim retulimus in hoc opere, nonnullas alias non contemnendas proferre.

I. Signum hoc, sive parva Statua marmorea Romæ effossa anno 1592. in Quirinali retro Sanctæ Sufannæ Ædem, *Histrionis* est ore patulo ad risum auditorum movendum, caligæque barbaricas, ut magis ridiculus appareat, induti. Non ab simili modo depingitur DAVUS in antiqua pictura Terentii manuscripti Bibliothecæ Vaticanæ, cum barbaricis nempe calceamentis, & ore oculisque multum apertis, quod forte larva est quam gestabant Histriones.

II. At marmoreum istud signum puer est catena vinctus & mœrens forte ut juvenum amore vinctorum servitutem indicet. Apulejus enim de servis loquens, *eorum pedes annulari dixit*, Martialis: *Has dedicat catenas, Saturne, tibi Zoilus annulos priores*.

III. *Æsculapius Telesphoro* comitatus hic cernitur cum baculo & serpente: ut in aliis antiquitatis monumentis. *Telesphorus* ejus comes juvenis est imberbis cucullari veste indutus, ita dictus quasi *τῆλος φέρων*, *finem*, morbo scilicet, *afferens*. De eo vide quæ differit Andreas Morellius in Specimine rei Antiquariæ pag. 56. & 57. & quæ diximus in fine libri nostri Gallici, cui titulus, *Recherches Curieuses d'antiquité*. Videtur autem hæc cucullata lacerna Telesphoro tributa, ægrorum statum designare, qui, non secus ac pueri, ad aeris injurias vitandas, illa utebantur. Artemidor. lib. 1. de somniis, *Lanam pro capillis habere, longos morbos & tabem significat*. Ovidius,

*Arguat & macies animum, nec turpe putaris
Pileolum nitidis imposuisse comis.*

Pro *Pileolum*, aliqui *Palliolum* legunt.

IV. *Miles Pænula indutus*. Erat autem Pænula vestis corpus circumquaque investiens, spissa, frigori & imbribus arcendis. Tertullian. in Apologetico, cap. 6. *Nam ne hyeme voluptas impudica frigeret, primi Lacedæmonii Pænulam ludis excogitaverunt*. Artemidor. *φανόλην*, id est Pænulam, in somniis visam, ait, *afflictionem & angustiam ac litigantibus damnationem significare, quia circumquaque corpus contineat*. Cucullum sive caputium, quod retro rejici poterat, habuisse videtur; sicque non admodum a Telesphori cucullari veste diversam fuisse patet.

V. & VI. Statuæ sunt Barbarorum quorundam Regum a Romanis in captivitatem ductorum. Pileolo illo teguntur in anteriora reclinante, de quo jam sæpius diximus, populis Orientalibus communi, Armenis præcipue & Parthis: unde Poeta, *Ad Parthos procul ite pileatos*. Tunicae manica erat item habitus barbaricus: Romanorum enim vestes semper absque manicis, testibus Augustino 3. de Doct. Christ. Gellio lib. 7. cap. 12. Virgilio qui per irrisum dixit, *Et tunicae manicæ & habent redimicula Mitræ*. Cadente tamen Imperio, uti cœpere Romani. Induti sunt præterea isti Reguli sago & brachis laxis. Strabo lib. 4. ait Gallos *sagis uti, comam nutrire, induique longis fœminalibus*. Idem Persis *brachas* tribuit, *tunicasque manicatas ad genua promissas*, quales hic cernimus. Tacitus *brachas* tegmen barbarum vocat. Eas hodie servant Armenii & alii Orientales. Fluxas fuisse testatur Diodorus Siculus lib. 6. Calcei etiam veniunt observandi. Iis similes gestabant Longobardi, gens barbara, quæ in Italiam irreperat. Ita enim Paulus Diaconus: *Calcei iis erant usque ad summum pollicem pedis aperti, & alternatis laqueis corrigiarum retenti*.

VII. Reperta fuit hæcce Statua Romæ, & dum illic versarer anno 1676. in Palatio di Dom Gasparo collocata. Regulum autem Barbarum, sicuti & præcedentes, exhibet, sago villosa indutum, sedentemque, ut sæpe captivi depingi solent.

S C R I N I A.

VIII. *Statua togata & laureata manu libellum aliquem gestans*, ad cujus pedes *Scrinium* est, in quo Epistolæ & libelli servabantur. De *Scriniis* jam diximus supra in Sect. VI. Vide fig. 1. & 2. pag. 1079. ubi illa depinguntur. A *Scriniis* dicti *Scriniarii*, de quibus ibi sermonem fecimus, & *Primis* *Scriniis*, quorum mentio in hoc lapide.

Romæ.

VLP. VALERIANVS PRIMISCRINIVS
PRAEF. VRB. QVI VIXIT ANNIS
XXXII MEN. II. REQVIEVIT IN PACE

VIII KAL. SEPT.

Ex sched. Barber.

L111. iij

Primiscripius qui primo Scrinio præerat, primus Notarius. Glossæ Basilicorum: *πρῶτος πρῶτος*, *Primus Ordinis* Notariorum sive Secretariorum. *Primicerius*, latiori significatione quicumque primus sui Ordinis, quasi primus, inquit Suidas, in ceram sive tabulas relatus. Apud Codinum *Primicerii Aulæ*, *Notariorum*, *Tabulariorum*, *Lectorum*, &c. observantur, *Secundicerius* vero secundi Ordinis.

Lugduni, ad D. Irenæum.

IN HOC LOCO REQUIESCIT
FAMOLVS D̄I STEPANVS PRIMICIRIVS
SCOLAE LECTORVM SERVIET IN SECL.
LVGDVNINSI VIXIT ANNOS F̄XIV
OBIIT VIIII XL DECEMBRIS
DVODECIES P. C. IVSTINI
INDICTIONE XV

Exscripti.

Stepanus, sive *Stephanus*, iste *Primicerius Scholæ Lectorum Lugdunensium* defunctus erat *duodecim annis post Consulatam Iustini*, anno nempe Christi 579. SERVIET IN SECL. Id est, *serviit in sæculo*, seu inter sæculares. F̄XIV. videtur sculptum pro LXIV.

Romæ.

D. M.

ET MEMOR. SACRVM.

A. TERENTIO A. LIB. PAL.

SEXTILIANO

SECUNDICERO

VIX. ANN. XLIIX

M. AVREL. EVOK.

COH. VIII. PRAET. AMIC.

KARISSIMO FECIT

Ex sched. Barberin.

Aulo Terentio Auli Liberto Palatina tribu Secundicero. EVOK. *Evocatus*. De Evocatis diximus in Sect. VIII.

MISCELLANEA

ERUDITÆ ANTIQUITATIS.

SECTIO DECIMA.

MARMORA GRÆCA.

ORbi Erudito selecta quamplurima Marmora dedimus in nostro Græciæ Itinerario, quæ ab eo non male accepta præsumimus, ut pote quorum jam pars a posterioribus aliquot Scriptoribus, in eorum rem citantur. Sed quia duntaxat illa tunc produximus, quæ ad urbium quas describebamus notitiam inserviebant, jam alia non pauca vulgare operæpretium est. Ad ea autem tenuitatis nostræ conscii pauculas subjungemus notas, ne si eas multiplicaremus nostri simul crescerent errores. Repetemus & nonnulla quæ in itineraio male sumus interpretati.

Fragmentum Tribuum antiquissimum.

I. *Athenis.*

ΛΥΚΙΝΟΣ

ΑΡΧΙΑΣ

ΦΟΚΙΟΝ ΤΡΙΕ

ΘΟΚΥΔΙΔΕΣ

ΑΝΔΡΟΝ

ΘΕΟΔΩΤΟΣ

ΛΥΣΙΜΑΧΙΔΕΣ

ΤΥΡΡΑΝΔΡΟΣ

ΒΛΕΠΤΡΟΣ

ΤΙ...ΟΔΕΜΟΣ

ΧΑΡΙΑΔΕΣ

ΛΥΣΙΣ

ΚΑΛΛΙΠΠΟΣ ΕΡΕΤΡΙΕΥΣ

ΑΝΤΙΜΑΧΟΣ

ΚΕΦΙΣΟΔΩΤΟΣ

ΑΝΤΙΚΛΕΙΔΕΣ

ΦΙΛΟΚΡΑ..

ΠΙΝΔΑΡΟ..

ΧΑΡΙΑΔΕΜΟ..

ΣΟΚΡΑΤΙΔΕ..

ΑΡΙΣΤΟΚΡΑ..

ΔΙΟΦΑΝΕΣ

ΜΕΝΕΚΛΕΣ

ΕΥΦΡΑΝΟΡΙΔΕΣ	ΑΡΙΣΤΑΡΧΟΣ
ΠΟΣΕΙΔΙΠΠΟΣ	ΣΟΣΙΠΠΟΣ
ΕΠΙΛΕΘΕΣ	ΑΙΣΧΥΛΙΔΕΣ
ΜΝΕΣΙΚΡΑΤΕΣ	ΕΦΙΑΛΤΕΣ
ΜΙΜΝΟΝ	ΑΛΚΑΜΕΝΕΣ
ΘΕΟΛΕΝΕΣ	ΦΙΛΕΑΣ
ΑΘΕΝΟΔΟΡΟΣ	ΠΑΤΣΑΝΙΑ..
ΑΜΦΙΑΝΑΧΣ
ΣΟΣΤΡΑΤΟΣ
ΕΤΦΑΝΕΣ	ΑΝΑΧΣ
ΑΡΧΙΚΛΕΣ	ΦΙΛΟΝ
ΦΑΝΟΚΛΕΙΔΕΣ	ΚΑΛΛΙΘΑΛΕΣ	Η..ΣΤΙΑ..
ΕΥΕΡΛΙΔΕΣ	ΝΕ..ΛΕΙΔΕΣ	ΜΕΝΙ..ΟΣ
ΑΡΙΣΤΟΝΤΜΟΣ	ΠΑΝΘΑΡΟΣ	ΛΕΟΝΤΙΔΟΣ
ΚΕΦΙΣΟΔΟΡΟΣ	ΕΣΙ...ΧΟΣ	ΑΡΙΣΤΕΙΔΕΣ
ΘΕΟΦΑΝΕΣ	ΦΙΛΙΠΠΟΣ	ΛΥΣΙΣΤΡΑΤΟΣ
ΟΦΣΙΑΔΕΣ	ΤΙΜΟΚΡΑΤΕΣ	ΠΟΛΥΚΡΑΤΕΣ
ΝΙΚΙΑΔΕΣ	ΘΕΟΚΡΙΤΟΣ	ΝΙΚΟΚΛΕΣ
ΚΑΛΛΙΤΕΛΕΣ	ΜΝΕΣΙΚΡΑΤΕΣ	ΑΚΑΜΑΝΤΙΔΟΣ
ΣΑΤΤΡΟΣ	ΠΕΡΙΚΛΕΣ	ΟΛΥΝΠΙΑΡΑΤΟΣ
ΑΡΙΣΤΥΛΛΟΣ	ΑΝΤΙΔΟΤΟΣ	ΑΤΤΟΜΑΘΕΣ
ΕΡΛΟΤΙΜΟΣ	ΙΟΦΑΝΕΣ	ΛΕΟΝΙΔΕΣ
ΕΥΦΙΛΕΤΟΣ	ΛΥΣΙΜΑΧΟΣ	ΔΕΜΕΤΡΙΟΣ
ΕΠΙΔΡΟΜΟΣ	ΘΕΟΛΝΕΤΟΣ	ΡΙΝΟΝ
ΛΥΚΕΑΣ ΤΡΙΕ	ΑΡΙΣΤΟΚΛΕΣ	ΑΛΕΧΣΙΠΠΟΣ
ΤΛΕΣΟΝΙΔΕΣ	ΑΔΕΙΜΑΝΤΟΣ	ΑΡΧΙΑΣ
ΑΡΙΣΤΑΡΧΟΣ	ΦΙΛΟΔΕΜΟΣ	ΧΑΙΡΕΦΟΝ
ΕΚΦΡΑΝΟΡ	ΧΣΕΝΟΧΑΡΕΣ	ΟΙΝΕΙΔΟΣ
ΑΥΤΟΚΡΑΤΕΣ	ΠΑΤΣΑΝΙΑΣ	ΔΙΟΚΛΕΙΔΕΣ
ΑΡΙΣΤΟΜΕΔΕΣ	ΑΛΤΙΝΟΣ	ΑΜΕΙΝΟΚΡΑΤΕΣ
ΛΤΣΙΦΑΝΕΣ	ΚΑΛΛΙΦΟΝ	ΤΙΜΟΘΕΟΣ
ΚΑΛΛΙΦΟΝ	ΝΙΚΙΑΣ	ΚΕΚΡΟΠΙΔΟΣ
ΑΝΤΙΚΛΕΣ	ΚΑΛΛΙΑΣ	ΤΕΛΕΣΕΔΟΡΟΣ
ΚΑΛΛΙΑΣ	ΦΙΛΕΑΣ	ΣΑΤΤΡΟΣ
ΕΤΗΟΛΙΣ	ΑΝΤΙΧΑΡΕΣ	ΔΙΕΙΤΡΕΦΕΣ
ΑΝΤΙΦΑΝΤΟΣ	ΕΥΘΟΙΝΟΣ	ΛΕΟΧΑΡΕΣ
ΛΟΡΛΟΣ	ΧΑΙΡΕΣΤΡΑΤΟΣ	
ΣΟΤΙΜΟΣ	ΔΙΦΙΛΟΣ	

II. *Athenis, apud D. Giraud, tunc temporis Anglorum Consulem.*

Stat Juvenis palmam tenens.

ΝΙΚΗΦΟΡΟΣ

ΝΙΚΗΦΟΡΟΥ

ΧΑΙΡΕ

Nicephorus, Nicephori. Vale. Pausanias lib. secundo Sicyoniorum monumenta sic describit huic prorsus similia. Αὐτοὶ δὲ Σικυώνιοι τὰ πολλὰ εἰκότι τρόπον θάπτουσι. τὸ μὲν σῶμα γῇ κρύπτουσιν, λίθῳ δὲ ἐπι-
κοδομήσαντες κρηπίδα κίονας ἐφίστασι, καὶ ἐπ' αὐτοῖς ἐπιτίθημα ποιεῖσι καὶ τὰς αἰετὰς μάλιστα τοῖς ἐν ναοῖς ἐπι-
γραμμά, καὶ ἄλλο μὲν γράφουσι ἐδὲν, τὸ δὲ ὄνομα ἐφ' ἑαυτὴν καὶ ἐπὶ πατρός τε ὑπειπόντες, κελύεσσι δὲ νεκρὸν χαίρειν.
Ad hunc autem fere modum suorum sepeliunt cadavera: corpus terra condunt, & lapidea basi extructa
columnas erigunt, superpositis fastigiis instar eorum quæ in Templis sunt, (quæ Græcis Aquilæ dicuntur)
Inscribentes vero nihil aliud præter nomen, patris prætermisso nomine mortuum valere jubent. Hic tamen
Patris nomen. Sed hæc monumenta non solis Sicyoniis, sed & Atheniensibus aliisque Græcis usurpa-
ta, ut passim hisce in marmoribus videre licebit.

III. *Athenis, ad ædiculam quandam Græcorum.*

Ἡ ΠΟΤΕ ΚΥΔΙΟΥΣΑ ΞΑΝΘΑΙΣ ΕΠΙΚΡΑΤΟΣ ΕΘΕΙΡΑΙΣ

ΚΑΙ ΧΑΡΙΤΟΒΛΕΦΑΡΟΙΣ ΟΜΜΑΣΙ ΛΑΜΠΟΜΕΝΗ

ΧΙΟΝΕΙΟΙΣΙ ΕΤΠΡΕΠΟΥΣΑ ΠΡΟΣΩΠΟΙΣ Η ΔΕ ΠΑΡΕΙΑΙΣ

ΚΑΙ ΓΑΤΚΕΡΟΥ ΣΤΟΜΑΤΟΣ ΟΠΑ ΔΙΡΙΘΕΣΣΑΝ ΙΕΙΣΑ

ΧΕΙΛΕΣΙ ΠΟΡΦΥΡΕΟΣΙ ΕΛΕΦΑΝΤΙΝΕΩΝ ΔΙ ΟΔΟΝΤΩΝ

ΠΑΝΤΟΙΗΝ ΔΕ ΑΡΕΤΗΝ ΠΕΡΙ ΚΑΛΛΕΙ ΣΩΜΑΤΙΘΕΙΣΑ

ΗΝ ΤΕΚΕΝ ΕΥΤΥΧΙΑΗ ΣΘΕΝΑΡΩ ΚΙΛΙΚΙΣ ΧΑΡΙΤΩΠΙΣ

ΕΙΚΟΣΙΠΕΝΤΑΕΤΗΣ ΤΡΥΦΕΡΑ ΤΗ Δ ΕΝ ΧΘΟΝΙ ΚΕΙΤΑΙ

ΕΡΜΕΡΟΣ ΔΕ ΑΡΙΣΤΟΜΑΧΟΙΟ ΠΑΤΡΟΣ ΚΑΙ ΜΗΤΕΡΟΣ

ΜΝΗΜ ΑΔΟΧΩ ΦΙΛΗΗ ΘΗΚΑΤΟ ΚΟΥΡΙΔΙΗ

*Exscripsi.**Id est,**Quæ quondam gloriabatur flavo admodum capillitio,**Et oculis quorum palpebris insidebant Gratiae, collucens,**Nivea decorata facie & genis,**Et ex dulci ore vocem suavem mittens**Labüs purpureis per eburneos dentes,**Quæque omnimodam virtutem præter pulchritudinem corpori superaddiderat,**Quam peperit Eutychidæ Sthenaro Cilicissa Charitopis,**Viginti quinque annorum Tryphera in hac terra jacet:**Hermenus autem ex Aristomacho patre & matre genitus,**Monumentum consorti carissimæ posuit puellæ.*

IV. *Ibidem, in ædibus viduæ Kira Erini.*

Α.Π. ΠΟΠΙΛΛΙΟΣ

... ΟΥ ΤΑΤΙΑΝΟΣ

ΣΙΝΟΠΕΥΣ ΤΙΟΣ

ΠΟΠ. ΟΥΦΙΚΙΑΝΟΥ

ΔΙΣ ΑΡΧΙΕΡΕΩΣ ΚΑΙ

ΣΗΣΤΙΑΣ ΜΑΡΚΙΑΝΗΣ

ΙΕΡΕΙΑΣ ΜΕΓΑΛΗΣ ΑΘΗΝΑΣ

ΕΝΘΑΔΕ ΚΑΤΑΚΕΙΤΑΙ

ΕΤΩΝ ΚΒ

Exscripsi.

Id est, Popillius Tatianus Sinopenfis filius Popilli Officiani bis Summi Sacerdotis, & Sextie Marcianæ Sacerdotis Magnæ Minervæ hic jacet annorum viginti duo.

V. *Ibidem prope Forum.*

ΕΠΕΣΚΕΤΑΣΘΗ ΕΚ ΤΩΝ ΔΗΜΟΣΙΩΝ

ΧΡΗΜΑΤΩΝ ΕΠΙΤΡΟΠΕΥΟΝΤΟΣ

ΑΙΔΙΟΥ ΟΜΟΤΑΛΟΥ

Exscripsi.

Id est, Restauratum est ex populi pecunia curante Ælio Homullo.

VI. *Athenis, in ædibus Jani Mistrigo.*

Η ΒΟΥΛΗ Η ΕΞ ΑΡΕΙΟΥ ΠΑΓΟΥ ΚΑΙ

Η ΒΟΥΛΗ ΤΩΝ Χ ΚΑΙ Ο ΔΗΜΟΣ ΙΟΥ

ΑΙΑΝ ΒΕΡΕΝΕΙΚΗΝ ΒΑΣΙΛΙΣΣΑΝ

ΜΕΓΑΛΗΝ ΙΟΥΛΙΟΥ ΑΓΡΙΠΠΑ ΒΑΣΙ

ΛΕΩΣ ΟΥΓΑΤΕΡΑ ΚΑΙ ΜΕΓΑΛΩΝ

ΒΑΣΙΛΕΩΝ ΕΤΕΡΓΕΤΩΝ ΤΗΣ ΠΟ

ΛΕΩΣ ΕΚΓΟΝΟΝ ΔΙΑ ΤΗΣ ΠΡΟΝΟΙ

ΑΣ ΤΟΥ ΕΠΙΜΕΛΗΤΟΥ ΤΗΣ ΠΟΛΕ

ΩΣ ΤΙΒ. ΚΛΑΥΔΙΟΥ ΘΟΕΓΕΝΟΥΣ

ΠΑΙΑΝΙΕΩΣ

Exscripsi.

Hoc est. Senatus Areopagi & Senatus Mille Civium & Populus, Juliam Berenicem Reginam Magnam Julii Agrippæ filiam, & magnorum Regum Benefactorum urbis sobolem, hac Statua venerantur, providente urbis Curatore Tiberio Claudio Theogene Peanienfi.

Supplem. Tom. IV.

M m m m ij

Hujusce Reginae Berenices mentio est in Actis Apostol. cap. 25. ut & ejus fratris Agrippæ Regis, coram quibus Divus Paulus suam causam peroravit. Filii erant Julii Agrippæ Judææ Regis, quem alii Herodem Agrippam, sive Agrippam veterem nominant, Cæsareæ ab Angelo percussus, ut in Actis Apost. cap. 12. narratur. Nupsit Berenice patruo suo Herodi Chalcidico Agrippæ fratri Chalcidis Regi: de quibus consulendæ Josephi Antiquit. Judaic. Fuit alia Berenice Ptolomæi Egypti Regis uxor, a qua pagus Atheniensis Berenicidæ nomen habuit. De Senatu sive Concilio *Mille*, Athenis, rara est mentio. Erat quidem Senatus quingentorum ex decem Tribubus, quinquaginta scilicet Magistratuum sive Prytanum ex singulis, imo & sexcentorum cum duæ Tribus sunt additæ. Ex quo & aliis Senatibus adjunctis aliquando coibat Senatus iste mille Civium.

Julius Pollux id explanat. Η ἡλιαία ἢ πεντακοσίαν, εἰ δὲ χιλίαν δέοι δικαστῶν, συνίσταντο δύο δικαστήρια· εἰ ἢ πεντακοσίαν ἢ χιλίαν τρία. *Helica* vero quingentorum erat. Quod si autem mille Judicibus opus esset, duo fora conjungebantur, si mille & quingenis, tria. *Helica*, inquit Harpocration, est maximum Tribunal Athenis in quo negotia publica tractabantur: & Etymologici Author: Η βελή συνεστῶσα ἐξ ἀνδρῶν χιλίων. *Senatus constans e viris mille*. Si plura desideras, vide Meursium, libro de Areopago c. xi.

VII. Athenis, in ædícula D. Nicolai sub Columnis Hadriani.

ΙΕΡΕΤΕ ΤΟΤ ΔΙΟΣ ΤΟΤ ΕΠΙ ΠΑΛΛΑΔΙΟΥΤ ΚΑΙ ΒΟΥΤΖΤΗΝΣ ΠΟΛ... ΝΟΤΜΑ... ΩΝ
ΚΡΗΣΑΝΤΟΣ ΤΟΤ ΠΡΟΙΟΥ ΑΠΟΔΛΩΝΟΣ ΟΤΙ ΧΡΗΣΤΕΡΟΝ ΕΔΟ... ΤΗΣ ΠΑΛΛΑΔΟΣ ΚΑΤΑ
ΣΚΕΤΑΣΑΣΘΑΙ ΕΚ ΤΩΝ ΙΔΙΩΝ ΠΟΙΗΣΑΣ ΤΟΙΣ ΤΕ ΘΕΟΙΣ ΚΑΙ ΤΗ ΠΟΛΕΙ

Fragmentum hoc explicare non aggrediar. Id solum notabo fuisse Tribunal Athenis ubi de cædibus involuntariis judicabatur, cui nomen erat πρὶ ἐπὶ παλλάδιῳ, quod ibi *Palladium* Trojanum ab hujus urbis direptione ablatum consecratum fuisset. Vide *Pausaniæ Attica*, Pollucem, & Meursium, lib. de Areopago cap. 11. *Buzuges* fuit Heros Atheniensis, qui teste Plinio bovem & aratrum invenerat. Idem fere Hesychius. Βεζύγης, ἥρως Ἀττικὸς βεὺς ὑπὸ ἀροτρον ζεύξας. *Buzuges Heros Atticus, qui primus boves aratro junxit*.

VIII. Athenis, in ædibus Kira Erini.

ΕΝΘΑΔΕ ΔΙΑΛΟΓΟΣ ΚΑΘΑΡΩ ΠΥΡΙ ΓΥΙΑ ΚΑΘΗΡΑΡΑΣ
ΑΣΚΗΤΗΣ ΣΟΦΙΗΣ ΩΧΕΤ ΕΣ ΑΘΑΝΑΤΟΥΣ
ΕΝΘΑΔΕ ΔΙΑΛΟΓΟΙΟ ΣΑΟΦΡΟΝΟΣ ΟΣΤΕΑ ΚΕΤΘΕΙ
ΓΥΜΝΑΖ ΟΣ ΑΜΦ ΑΡΕΤΗΝ ΕΠΛΕΤΟ ΚΑΙ ΣΟΦΙΗΝ
ΑΛΛΑ Τ Α ΜΕΝ ΚΕΤΘΕΙ ΜΙΚΡΑ ΚΟΝΙΣ ΑΜΦΙΧΤΘΕΙΣΑ
ΨΥΧΗΝ Δ ΕΚ ΜΕΛΕΩΝ ΟΥΡΑΝΟΣ ΕΥΡΥΣ ΕΧΕΙ

Exscripsi.

Id est.

Heic DIALOGVS, qui membra nitido igne expiavit,

Cultor Sapientiæ perrexit ad Immortales.

Heic DIALOGI temperantis ossa conduntur,

Qui occupatus fuit circa Virtutem atque Sapientiam.

Cæterum hoc quidem loco jacet paucus cinis circumfusus,

Animam vero extra artus amplum cœlum obtinet.

IX. *Ibidem.*

ΑΧΙΛΛΕΩΣ ΠΑΙΣ

ΣΤΟΙΚΟΣ

ΘΕΟΞΕΝΟΣ

ΕΝΤΑΥΘΑ

ΠΑΤΡΕΥΣ

ΑΛΛΑΓΑΝ

ΚΕΙΤΑΙ ΝΕΟΣ

*Exscripsi.**Achillis Filius Stoicus Theoxenus Patrensis hic, verumtamen juvenis jacet.*X. *Athenis, in ædibus D. Limbonæ.*

ΤΟΝ ΑΡΧΙΕΡΕΑ ΤΩΝ ΣΕΒΑΣΤΩΝ

ΤΙΒ. ΚΛΑΥΔΙΟΝ ΑΤΤΙΚΟΝ ΗΡΩΔΗΝ

ΜΑΡΑΘΩΝΙΟΝ Η ΑΝΤΙΟΧΙΣ ΦΥΛΗ

ΑΝΕΘΗΚΕΝ ΕΥΝΟΙΑΣ ΕΝΕΚΕΝ ΚΑΙ

ΕΥΕΡΓΕΣΙΑΣ ΤΗΣ ΕΙΣ ΤΗΝ ΠΑΤΡΙΔΑ

Exscripsi.

Id est, *Antiochis Tribus Diis commendat & consecrat Tiberium Claudium Atticum Herodem Marathonium, Pontificem Augustorum, ob benevolentiam & beneficentiam, quas in patriam suam testatus est.*

Marathone, quæ erat unus ex populis Atticæ, natum fuisse Herodem Atticum ostendit hæc Inscriptio: inde factum ut inibi sepeliri a suis Libertis voluerit; sed non id permiserunt Athenienses, quorum juvenes eum sustulerunt & in stadio Panathenaico ab eo extructo sepelierunt, universo funus cum lachrymis comitante populo, quasi communem parentem amisisset.

XI. *Megaris.*

Η ΒΟΥΛΗ ΚΑΙ Ο ΔΗΜΟΣ

ΤΙΒ. ΚΛΑΥΔΙΟΝ ΑΤΤΙΚΟΝ

ΤΗΑΤΟΝ ΕΠΙ ΕΥΕΡΓΕΣΙΑΙΣ

ΚΑΙ ΕΥΝΟΙΑ ΤΗ ΠΡΟΣ ΤΗΝ

ΠΟΛΙΝ

Exscripsi.

Senatus & Populus Megarensis Tiberium Claudium Atticum Consulem ob beneficia & benevolentia officia, quæ in urbem contulit.

Sed ecce hujusce elegantem Inscriptionem Romæ in via Appia effossam, a Calaubono & Arcudio olim editam & explicatam, in qua Fundi cujusdam mentio ab Herode Attico dedicati: similemque Regillæ, ipsius uxoris.

XII. *Romæ, in villa Borghesia.*

ΠΟΤΝΙ ΑΘΗΝΑΙΩΝ ΕΠΙΗΡΑΝΕ ΤΡΙΤΟΓΕΝΕΙΑ
 ΗΤ ΕΠΙ ΕΡΓΑ ΒΡΟΤΩΝ... ΛΑΙΣ ΡΑΜΝΟΥΣΙΑΣ ΟΥΠΙ
 ΓΕΙΤΟΝΕΣ ΑΓΧΙΟΤΡΟΙ ΡΩΜΗΣ ΕΚΑΤΟΝΤΟΠΥΛΟΙΟ
 ΠΕΙΟΝΑ ΔΗ ΚΑΙ ΤΟΝ ΔΕ ΘΕΑΣ ΤΕΙΜΗΣΑΤΕ ΧΩΡΟΝ
 ΔΗΜΟΝ ΔΗΩΟΙΟ ΦΙΛΟΖΕΙΝΟΝ ΤΡΙΟΠΑΟ
 ΤΟΦΡΑΚΕ ΚΑΙ ΤΡΙΟΠΕΙΑΙ ΕΝ ΑΘΑΝΑΤΟΙΣ ΑΝΕΓΗΣΘΟ
 ΩΣ ΟΤΕ ΚΑΙ ΡΑΜΝΟΥΝΤΑ ΚΑΙ ΕΥΡΥΧΩΡΟΥΣ ΕΣ ΑΘΗΝΑΣ
 ΗΛΘΕΤΕ ΔΩΜΑΤΑ ΠΑΤΡΟΣ ΕΡΙΓΔΟΥΠΟΙΟ ΔΙΠΟΥΣΑΙ
 ΩΣ ΤΗΝ ΔΕ ΡΩΕΣΘΕ ΠΟΛΥΣΤΑΦΥΛΟΝ ΚΑΤ ΑΔΩΗΝ
 ΛΗΙΑΤΕ ΣΤΑΧΤΩΝ ΚΑΙ ΔΕΝΔΡΕΑ ΒΟΤΡΥΟΕΝΤΑ
 ΛΕΙΜΟΝΩΝ ΤΕ ΚΟΜΑΣ ΑΠΑΛΟΤΡΕΦΕΩΝ ΕΦΕΠΟΥΣΑΙ
 ΥΜΜΙ ΓΑΡ ΗΡΩΔΗΣ ΙΕΡΗΝ ΑΝΑ ΓΑΙΑΝ ΕΗΚΕ
 ΤΗΝ ΟΣΗΝ ΠΕΡΙ ΤΕΙΧΟΣ ΕΥΤΡΟΧΟΝ ΕΣΤΕΦΑΝΩΤΑΙ
 ΑΝΔΡΑΣΙΝ ΟΥΥΓΟΝΟΙΣΙΝ ΑΚΙΝΗΤΗΝ ΚΑΙ ΑΣΤΛΟΝ
 ΕΜΜΕΝΑΙ ΗΔΕΠΙΟΙ ΕΞ ΑΘΑΝΑΤΟΙΟ ΚΑΡΗΝΟΥ
 ΣΜΕΡΔΑΔΕΟΝ ΟΙΣΑΣΑ ΛΟΦΟΝ ΚΑΤΕΝΕΥΣΕΝ ΑΘΗΝΗ
 ΜΗ ΤΟΙ ΝΟΙΠΟΙΝΟΝ ΒΩΛΟΝ ΜΙΑΝ Η ΕΝΑ ΛΑΑΝ
 ΟΧΛΙΣΣΑΙ ΕΠΕΙΟΥ ΜΟΙΡΕΩΝ ΑΤΡΕΙΣΣΑΝ ΑΝΑΓΚΑΙ
 ΟΣΚΕ ΘΕΩΝ ΕΔΕΕΣΣΙΝ ΑΔΙΤΡΟΣΤΗΝΗΝ ΑΝΑΘΗΗ
 ΚΑΥΤΕ ΠΕΡΙΚΤΙΟΝΕΣ ΚΑΙ ΓΕΙΤΟΝΕΣ ΑΓΡΟΙΩΤΑΙ
 ΙΕΡΟΣ ΟΥΤΟΣ Ο ΧΩΡΟΣ ΑΚΙΝΗΤΟΙ ΔΕ ΘΕΑΙΝΑΙ
 ΚΑΙ ΠΟΛΥΤΙΜΗΤΟΙ ΚΑΙ ΤΠΟΣΚΕΙΝΟΤΑΣ ΕΤΟΙΜΑΙ
 ΜΗΔΕ ΤΙΣ ΗΜΕΡΙΔΩΝ ΟΡΧΟΥΣ Η ΕΝΑΔΕΣΕΑ ΔΕΝΔΡΩΝ
 Η ΠΟΙΗΝ ΧΙΛΩΙ ΕΤΑΛΔΕΙ ΧΛΩΡΑ ΘΕΟΥΣΑΝ
 ΔΜΩΗΝ ΚΥΑΝΕΟΥ ΑΙΔΟΣ ΡΗΞΙΕ ΜΑΚΕΔΑΑΝ
 ΣΗΜΑ ΝΕΟΝ ΤΕΤΧΩΝ ΗΕ ΠΡΟΤΕΡΟΝ ΚΕΡΑΙΣΩΝ
 ΟΥ ΘΕΜΙΣ ΑΜΦΙ ΝΕΚΥΣΣΙ ΒΑΛΕΙΝ ΙΡΟΧΘΟΝΑ ΒΩΛΟΝ
 ΠΑΗΝ Ο ΚΕΝ ΑΙΜΑΤΟΣ ΗΙΣΙ ΚΑΙ ΕΓΓΕΝΟΣ ΕΣΣΑΜΕΝΟ
 ΚΕΙΝΟΙΣ Δ ΟΥΚ ΑΘΕΜΙΣΤΟΝ ΕΠΕΙ ΤΙΜΑΟΡΟΣ ΕΣΤΩΡ
 ΚΑΙ ΓΑΡ ΑΘΗΝΑΙΑ ΠΕΡΙ ΧΘΟΝΙΟΝ ΒΑΣΙΛΕΑ
 ΝΗΩΙ ΕΓΚΑΤΕΘΗΚΕ ΣΤΗΝΕΣΤΙΟΝ ΕΜΜΕΝΑΙ ΙΡΩΝ
 ΕΙ ΔΕ ΤΩΙ ΑΚΑΥΤΑ ΤΑΥΤΑ ΚΑΙ ΟΥΚ ΕΠΙΠΕΙΣΕΤΑΙ ΑΥΤΩΝ
 ΑΛΛ ΑΠΤΟΙΜΗΣΕΙ ΜΗ ΟΙ ΝΗΤΙΤΑ ΓΕΝΗΤΑΙ
 ΑΛΛΑ ΜΙΝ ΑΠΡΟΦΑΤΟΣ ΝΕΜΕΣΙΣ ΚΑΙ ΡΟΜΒΟΣ ΑΛΑΣΤΩΡ
 ΤΙΣΟΝΤΑΙ ΣΤΥΓΕΡΗΝ ΔΕ ΚΥΛΙΝΔΗΣΕΙ ΚΑΚΟΤΗΤΑ
 ΟΥΔΕ ΓΑΡ ΙΦΘΙΜΟΝ ΤΡΙΟΠΕΩ ΜΕΝΟΣ ΔΙΟΔΙΔΑΩ

ΩΝΑΘ ΟΤΕ ΝΕΙΟΝ ΔΗΜΗΤΕΡΟΣ ΕΞΑΛΑΠΑΞΕΝ
ΤΩ ΗΤΟΙ ΠΟΙΝΗΝ ΕΠΩΝΥΜΙΗΝ ΛΑΣΑΣΘΑ
ΧΩΡΟΤ ΜΗΤΟΙ ΕΠΗΤΑΙ ΕΠΙΤΡΟΠΕΙΟΣ ΕΡΙΝΤΣ

Vidi & perlegi post Arcudium.

Explicatio ad verbum ab Arcudio edita.

*Veneranda Athenarum præses Minerva e Jovis capite nata,
Et quæ opera hominum subsequeris Rhamnusia,
Vicina prope Urbis (Romæ) mœnia centum portas habentis,
Uberem quoque hunc, o Deæ, honoretis locum,
Pagum Cereri addicti hospitalem Triopii.
Interim & Triopes inter mortales dicamine,
Sicut cum & Rhamnuntē & amplas Athenas
Venistis, ædibus Patris grandisoni relictis,
Ita hanc properate vinearum plenam ad aream,
Et campos segetum & arbores vitiferas,
Pratorumque gramina teneras herbas alentium foventes;
Vobis enim Herodes terram suam dicavit
Tantam quanta est muro bene ædificato circumsepta,
Hominibus posteris immobilem atque inviolabilem
Futuram. Ipsa vero illi immortalī capite
Horribilem quatiens cristam annuit Minerva,
Ne cui liceat impune glebam unam vel unum lapidem
Movere, quoniam Parcarum formidandarum sortes inevitabiles,
Si quis Deorum Delubris injuriam attulerit.
Audite accolæ & vicini agricolæ,
Sacer hic locus, & immobiles Deæ,
Et valde honorabiles, & præbere aures paratæ.
Ne quis etiam vinearum ordines, aut in nemora arborum,
Aut herbam humore bene nutriente virescentem & crescentem;
Servum atri Plutonis adjiciat lignonem,
Sepulchrum novum condens aut vetus destruens:
Non est fas contegere mortuos e terra Diis dicata,
Præterquam illi qui sit consanguineus & posterus ejus qui extruxit:
Illis enim est licitum: quandoquidem vindex adest conscius.
Namque Minerva sibi inferum Regem
In templo adscivit ut contubernalis sit sacrorum.
Si cui vero non audita hæc; & non obediet illis,
Sed despiciet, non illi sine pœna redeat;
Sed ipsum repentina Nemesis & turbo pœnarum exactor
Punient: infestam vero illi advolvēt ærumnam.
Neque enim generosam Triopæ vim Æolidæ
Juvit, cum nemus Cereris excidit:
Idcirco sane pœnam aut titulum illi vereantur
Locī, ne sequatur Triopæa Erynīs.*

XII. Alia ibidem, ad Regillam Herodis uxorem pertinens.

ΜΑΡΚΕΛΛΟΥ
ΔΕΥΡΙΤΕ ΘΥΒΡΙΑΔΕΣ ΝΗΟΝ ΠΟΤΙ ΤΟΝ ΔΕ ΓΥΝΑΙΚΕΣ
ΡΗΓΙΔΛΗΣ ΕΔΟΣ ΑΜΦΙ ΘΥΟΣΚΟΑ ΙΡΑ ΦΕΡΟΥΣΑΙ
ΗΔΕ ΠΟΛΥΚΤΕΑΝΩΝ ΜΕΝ ΕΝΗ ΕΞ ΑΙΝΕΑΔΑΩΝ
ΑΓΧΙΣΕΩ ΚΑΥΤΟΝ ΑΙΜΑ ΚΑΙ ΙΔΑΙΗΣ ΑΦΡΟΔΙΤΗΣ
ΓΗΜΑΤΟ Δ ΕΞ ΜΑΡΑΘΩΝΑ ΘΕΑΙ ΔΕ ΜΙΝ ΟΤΡΑΝΙΩΝΑΙ

ΤΙΜΟΥΣΙΝ ΔΗΩΤΕ ΝΗΝ ΔΗΩΤΕ ΠΑΛΛΙΗ
 ΤΗΣΙΠΕΡ ΙΕΡΟΝ ΕΙΔΟΣ ΕΥΖΩΝΟΙΟ ΓΥΝΑΙΚΟΣ
 ΑΓΧΕΙΤΑΙ ΑΥΤΗ ΔΕΜΕΘΗΡΩΝ ΗΣΙΝ ΕΝΑΣΤΑΙ
 ΕΝ ΜΑΚΑΡΩΝ ΝΗΣΟΙΣΙΝ ΙΝΑ ΚΡΟΝΟΣ ΕΝΒΑΣΙΛΕΤΕΙ
 ΤΟΥΤΟ ΓΑΡ ΑΝΤ' ΑΓΑΘΟΙΟ ΝΟΟΥ ΕΙΔΗΧΕΝ ΑΠΟΙΝΟΝ
 ΩΣ ΟΙ ΖΕΥΣ ΩΚΤΕΙΡΕΝ ΟΔΥΡΟΜΕΝΟΝ ΠΑΡΑΚΟΙΤΗΝ
 ΓΕΡΑΙ ΕΝ ΑΖΑΛΕΩΙ ΧΗΡΗΙ ΠΕΡΙΚΕΙΜΕΝΟΝ ΕΥΝΗΙ
 ΟΤΝΕΚΑ ΟΙ ΠΑΙΔΑΣ ΜΕΝ ΑΜΥΜΟΝΟΣ ΕΚ ΜΕΓΑΡΟΙΟ
 ΑΡΗΤΙΑΙ ΚΛΩΘΩΕΣ ΑΝΗΡΕΙΨΑΝΤΟ ΜΕΛΑΙΝΑΙ
 ΗΜΙΣΕΑΣ ΠΛΕΟΝΟΝ ΛΟΩΔΕΤΙ ΠΑΙΔΕ ΔΙΠΕΣΘΟΝ
 ΝΗΠΙΑΧΩ ΑΓΝΩΤΕ ΚΑΚΩΝ ΕΤΙ ΠΑΜΠΑΝ ΑΠΤΣΤΩ
 ΟΙΗΝ ΣΦΙΝ ΝΗΛΗΣ ΚΑΤΑ ΜΗΤΕΡΑ ΠΟΤΜΟΣ ΕΜΑΡΨΕ
 ΠΡΙΝ ΠΕΡ ΓΗΡΑΙΗΣΙ ΜΙΓΗΜΕΝΑΙ ΗΛΑΚΑΤΗΣΙ
 ΤΩΙ ΔΕ ΖΕΥΣ ΕΠΙΗΡΟΝ ΟΔΥΡΟΜΕΝΩ ΑΚΟΡΗΤΟΝ
 ΚΑΙ ΒΑΣΙΛΕΥΣ ΔΙΙ ΠΑΤΡΙ ΦΤΗΝ ΚΑΙ ΜΗΤΙΝ ΕΟΙΚΩΣ
 ΖΕΥΣ ΜΕΝ ΕΣ ΩΚΕΑΝΟΝ ΘΑΛΕΡΗΝ ΕΣΤΕΙΛΕ ΓΥΝΑΙΚΑ
 ΑΥΡΗΣΙ ΖΕΦΤΡΟΙΟ ΚΟΜΙΖΕΜΕΝ ΗΛΥΣΙΗΣΙΝ
 ΑΥΤΑΡ Ο ΑΣΤΕΡΟΕΝΤΑ ΠΕΡΙΣΦΥΡΑ ΠΑΙΔΙ ΠΕΔΙΔΑ
 ΔΩΚΕΝ ΕΧΕΙΝ ΤΑ ΔΕΓΟΤΣΙ ΚΑΙ ΕΡΜΑΩΝΑ ΦΟΡΗΝΑΙ
 ΗΜΟΣ ΟΤ' ΑΙΝΕΙΑΝ ΠΟΛΕΜΟΥ ΕΞΗΓΕΝ ΑΧΑΙΩΝ
 ΝΥΚΤΑ ΔΙΑ ΔΝΟΦΕΡΗΝ Ο ΔΕ ΟΙ ΠΕΡΙ ΠΟΣΣΙ ΣΑΩΤΗΡ
 ΠΑΜΦΑΝΩΝ ΕΝΕΚΕΙΤΟ ΣΕΛ...Σ ΚΥΚΛΟ...ΡΟ..
 ΤΟΝ ΔΕ ΚΑΙ ΑΙΝΕΑΔΑΙ ΠΑΡΕΝΕΓΡΑΨΑΝΤΟ ΠΕΔΙΔΩΙ
 ΗΓΕΝΕΕΣΣΙ ΓΕΡΑΑ
 ΤΥΡΣΗΝΩΝ ΑΡΧΑΙΟΝ ΕΠΙΣΦΤΡΙΟΝ ΤΕΡΑΣ ΑΝΔΡΩΝ
 ΟΥ... ΟΣΣΗΤΑΙ ΚΑΙ ΚΕΚΡΟΠΙΔΗΝ ΠΕΡ ΕΟΝΤΑ
 ΕΡΣΗΣ ΕΡΓΕΙΔΩΤΑ ΚΑΙ ΕΡΜΕΩ ΕΙ ΕΤΕΟΝΔΗ
 ΚΗΡΤΞ ΗΡΩΔΕΩ ΠΡΟΓΟΝΟΣ ΘΗΣΗΙΑΔΑΟ
 ΤΟΥΤΝΕΚΑ ΤΕΙΜΗΕΙΣ ΚΑΙ ΕΠΩΝΥΜΟΣ ΗΜΕΝ ΑΝΑΣΣΑ
 ΕΙ ΒΟΥΛΗΝ ΑΓΕΡΕΣΘΑΙ ΙΝΑ ΠΡΩΤΟΘΡΟΝΕΣ ΕΔΡΑΙ
 ΕΛΛΑΔΙ Δ ΟΤΤΕ ΓΕΝΟΣ ΒΑΣΙΛΕΥΤΤΕΡΟΣ ΟΥΤ' ΕΤΙ ΦΩΝΗΝ
 ΗΡΩΔΕΩ ΓΛΩΣΣΑΝ ΔΕ ΤΕ ΜΙΝ ΚΑΛΕΟΥΣΙΝ ΑΘΗΝΩΝ
 ΗΔΕ ΚΑΙ ΑΥΤΗΠΕΡ ΚΑΛΛΙΣΦΤΡΟΣ ΑΙΝΕΙΩΝΗ
 ΚΑΙ ΓΑΝΥΜΗΔΕΙΗ ΚΑΙ ΔΑΡΔΑΝΙΟΝ ΓΕΝΟΣ ΗΕΝ
 ΤΡΩΟΣ ΕΡΙΧΘΟΝΙΔΑΟ ΟΥ ΔΙΦΙΔΟΝ ΙΕΡΑ ΡΕΞΑΙ
 ΚΑΙ ΘΥΣΑΙ ΘΥΕΩΝ ΑΤΑΡ ΟΥΚ ΑΕΚΟΝΤΟΣ ΑΝΑΓΚΗ
 ΕΙΔΕΤΟΙ ΕΥΣΕΒΕΕΣΣΙ ΚΑΙ ΗΡΩΩΝ ΑΔΕΓΙΖΕΙΝ
 ΟΤ' ΜΕΝ ΓΑΡ ΘΗΗΤΗ ΑΤΑΡ ΟΤΔΕ ΘΕΑΙΝΑ ΤΕΤΥΚΤΑΙ

ΤΟΤΝΕΚΕΝ ΟΥΤΕ ΝΕΩΝ ΙΕΡΟΝ ΛΑΧΕΝ ΟΥΤΕΤΙ ΤΥΜΒΟΝ
 ΟΥΔΕ ΓΕΡΑ ΘΗΗΤΟΙΣ ΑΤΑΡ ΟΥΔΕ ΘΕΟΙΣΙΝ ΟΜΟΙΑ
 ΣΗΜΑ ΜΕΝΟΙ ΝΕΩ ΙΚΕΛΟΝ ΔΗΜΩΙ ΕΝ ΑΘΗΝΑΙΣ
 ΦΥΧΗ ΔΕ ΣΚΗΠΤΡΟΝ ΡΑΔΑΜΑΝΘΟΥΣ ΑΜΟΙΠΟΛΕΥΕΙ
 ΤΟΥΤΟ ΔΕ ΦΑΤΣΤΕΙΝΗΙ ΚΕΧΑΡΙΣΜΕΝΟΝ ΗΣΤΑΙ ΑΓΓΑΛΜΑ
 ΔΗΜΩΙ ΕΝΙ ΤΡΙΟΠΕΩ ΙΝΑ ΟΙ ΠΑΡΟΣ ΕΥΤΡΕΕΣ ΑΓΡΟΙ
 ΚΑΙ ΧΟΡΟΣ ΗΜΕΡΙΔΩΝ ΚΑΙ ΕΠΑΙΝΕΝΤΕΣ ΑΡΟΥΤΡΑΙ
 ΟΥ ΜΙΝ ΑΤΙΜΗΣΕΙΕ ΘΕΑ ΒΑΣΙΛΕΙΑ ΓΥΝΑΙΚΩΝ
 ΑΜΦΙΠΟΔΟΝ ΓΕΡΑΩΝ ΕΜΕΝΑΙ ΚΑΙ ΟΠΑΔΟΝ ΝΥΜΦΗΝ
 ΟΥΔΕ ΓΑΡ ΙΦΙΓΕΝΕΙΑΝ ΕΥΘΡΟΝΟΣ ΙΟΧΕΛΙΡΑ
 ΟΥΔ ΕΡΣΗΝ ΓΟΡΓΩΠΙΣ ΑΠΗΤΙΜΗΣΕΝ ΑΘΗΝΗ
 ΟΥΔΕ ΜΙΝ Η ΡΩΜΝΙΣΙ ΠΑΛΛΙΗΣΙΝ ΜΕΔΕΟΥΣΑ
 ΚΑΙΣΑΡΟΣ ΙΦΘΙΜΟΙΟ ΠΑΡΟΥΕΤΑΙ ΟΜΠΝΙΑ ΜΗΤΗΡ
 ΕΣ ΧΟΡΟΝ ΕΡΧΟΜΕΝΗΝ ΠΡΩΤΕ ΡΑΩΝ ΗΜΙΘΕΑΩΝ
 Η ΛΑΧΕΝ ΚΑΤΣΙΗΣΙ ΧΟΡΟΣ ΤΑΣΙΗΣΙΝ ΑΝΑΣΣΕΙΝ
 ΑΤΤΗ Τ ΑΔΚΜΗΝΗ ΤΕ ΜΑΚΛΙΡΑ ΤΕ ΚΑΔΜΕΙΩΝΗ

Explicatio.

Marcelli

*Huc adeste Tiberis accolæ ad Templum Mulieres,
 Regillæ ad ædem suffimenta sacra ferentes.
 Ea vero opulentissimis quidem erat e filiis Æneæ,
 Anchisis inclytus sanguis & Idææ Veneris.
 Nupsit vero Marathone: Divæ ante ipsam cælestes
 Honorant, Ceres junior & Ceres senior,
 Quibus sacra effigies bene succinctæ mulieris
 Dicata est. Ipsa vero cum heroinis habitat
 In beatorum insulis ubi Saturnus regnat:
 Hoc enim pro bona mente sortita est munus:
 Namque illius Juppiter miseratus est lugentem conjugem
 Senecta in arida viduo jacentem in lecto,
 Quoniam illi liberos egregia e domo
 Raptrices Parcæ arripuerunt atræ,
 Dimidiam e multis partem: duo autem nati adbuc supersunt:
 Infantes, & puri malorum, nondum notitiam habentes
 Qualem illis sæva matrem mors rapuerit,
 Antequam inter seniles sociaretur colos.
 Illi porro Juppiter auxiliator deflent insatiabiliter,
 Et Imperator Jovi Patri natura & consilio similis:
 Juppiter quidem ad Oceanum teneram misit uxorem,
 Auris Zephyri ut deferretur Elysiis.
 At is stellatos in talis puero calceos
 Dedit gestandos, quos ajunt & Mercurium portasse,
 Tunc cum Æneam ex bello extraheret Græcorum
 Noctem per obscuram: Ille porro ipsi... salutem dans
 Lucem præferens...
 Illum... Ænea prognati assuerunt calceo
 ... nobilibus honorem
 Tyrrhenorum vetus circa talos ornamentum virorum;
 ... viderit licet Cecrope natum
 Herfes operum distributorem, & Mercurii...
 Præco Herodis est progenitor Theseo nati.
 Propterea honoratus & Consularis nominis, ut Regium
 Ad Senatum accederet, ubi prima ordinis subsellia.
 In Græcia porro neque genere nobilior, neque eloquentia,*

*Quisquam Herode, quem & linguam vocant Athenarum,
 Illa vero & ipsa pulchripes Aeneæ proles,
 Et Ganymedæa & Dardanium genus erat
 Trois Erichthonio nati: cui (Regillæ) liberet etiam sacra facere,
 Et hostias mactare: verum (altero) invito non est opus.
 Sed si homines pii & Heroum curam gerunt,
 Neque enim mortalis, at neque Dea est:
 Idcirco neque Templum sacrum sortita est, neque sepulchrum,
 Neque honores mortalibus, at neque Diis similes.
 Monumentum quidem ipsi Templo simile est apud Athenas,
 Anima vero circa sceptrum Rhadamanti versatur.
 Hæc autem Faustina grata locata est statua
 In pago Triopeo, ubi illi prius amplierant campi
 Et ordo vitium (vinearum) & consiti agri.
 Nec spernet Dea Regina foeminarum
 Famulam honorum esse & comitem Nympham:
 Neque enim Iphigeniam pulchrum habens solium Diana,
 Neque Hersen terribiles habens oculos despexit Minerva,
 Neque Regillam ipsam heronis antiquis imperans
 Cæsaris magnanimi parvi pendet Augusta mater,
 Ad chorum accedentem priorum semidearum,
 Cui contingit Elysiis choreis præesse
 Ipsa & Alcmena, & beata Cadmi filia.*

Petri Arcudii Notæ in has duas Inscriptiones.

Herodes Atheniensis, gente, opibus & arte Sophista nobilissimus sub Trajano, Hadriano, Antonio Pio & Marco Aurelio floruit. Hipparchum avum locupletissimum habuit, qui quod Tyrannidem exercere videretur, jussu Imperatoris bonis mulctatus est. Pater cui Atticus nomen, cum tenui admodum fortuna hac de causa Athenis ageret, repente opulentissimus evasit invento amplissimo thesauro in domo quadam, quam, ut Philostratus ait, inter alias possidebat prope theatrum. Tanto Fortunæ beneficio non tam sibi gratulans, quam a periculo cavens scripsit ad Nervam Imperatorem his verbis: Thesaurum, Imperator, domi meæ reperi, quid ergo de illo jubes? Rescripsit ad hoc Imperator: Utere bis quæ reperisti. Atticus vero adhuc rei magnitudinem verebatur, itaque significavit Imperatori Theaurum esse supra hominis privati conditionem. At ille: Abutere etiam inopinato lucro, nam tuum est. Exinde Atticus ditissimus, & Herodes maternis quoque opibus locupletatus patrem magnificentia superavit, quippe qui & stadium Athenis exstruxit & theatrum tecto opertum, & minam in singulos annos viritum Atheniensibus legavit, hoc est plus quam decem scutatos. Fuit vero non modo fortunatissimus, sed & politioribus studiis excoltissimus & Sophista clarissimus. Uxorem habuit Regillam matronam Romanam, cui etiam dicavit mortuæ Theatrum Athenis, & muliebrem ejus ornatum sacrauit, & ædes suas lapide Lesbio, nigro videlicet colore, & atris deformavit, ut atra omnia & pulla essent, tristitiæ suæ testandæ gratia.

Huic Regillæ conjugii in agro Romano in villa sua Triopæa ædem exstruxit, ejusque memoriæ incidit curavit hoc secundum Epigramma, quod nunc in villa Borghesia conspicitur. Primum quidem ejusdem Herodis, quod & villæ Triopææ meminit, Casaubonus missum sibi ab urbe scripsit, & illud se recensuisse gloriosius affirmavit: sed toto cœlo erravit, opinatus Herodem hunc esse illum qui in Judæa regnavit. Alius itidem vir Gallus, Eruditiss. nempe Salmasius, utrumque epigramma feliciter expressit & multa eruditione referit. Sed quoniam adhuc elaboratius exprimi possunt, ea hic Latine præposuimus, non in carmen redacta, sed prosa oratione ad verbum reddita: ita enim facilius & accommodatius intelliguntur.

Τῷ ᾧ ζῶς ἐπίτρον) non facit sensum, & melius ἐπίτροπος, quod notat Salmasius. Αὐτὰρ ὁ ἀσερόντα περὶ σφύρα παιδὶ πένδιλα.) Per πένδιλα interpretantur natum Herodis: sed duos infantes habuit. Cur autem Imperator uni concefferit privilegium Patriciorum gestandi hujusmodi calceos lunatos, non item alteri? Dices alterum fuisse minorem natu, vel aliquo naturæ vitio deformatum, vel forte foeminam. Sed cur in tali ætate? imo cur & Consulatum? quod indicare videntur subsequentes versus: & cur nemo de Scriptoribus rem tantam indicavit? Joannes Matthæus Cariophilus, vir non vulgari doctrina præditus, cui ego libenter assentior, per πένδιλα famulum & subditum Imperatoris intelligit, videlicet ipsum Herodem, qui quamvis esset Atheniensis, beneficio tamen Imperatoris adeptus esse videtur, non solum Senatoriam dignitatem, sed & Consulatum. Quod enim Herodes fuerit Consul constat ex Aulo Gellio, Fastis Capitolinis, aliisque. Itaque merito ipsi conveniunt illa τμήεις ἐπάνυμος, & πρωτόθρονες ἰδρας, non autem filio. Ad eundem referas ἡ νεκροπιδὼν περὶ ὄντα. Adde quod Autor carminum, cui scopus est laudare ipsum Herodem & ejus conjugem, si filio hæc applicentur, qui certe non fuit Consul, tantam dignitatem Herodis silentio præterisset. In Fastis Imperante Hadriano reperitur Atticus Consul, qui certe vel ipse Herodes est, qui hoc nomine appellatur: vel quod mihi verisimilius fit, ejus pater Atticus. Nam & Philostratus loquens de Herode, ait eum suum genus referre ad Consules. Anno vero sexto Antonini Pii notantur in Fastis Torquatus & Atticus Herodes Consules. Non potuit autem filius Herodis Atticus antecedere patrem in Consulatu, & post Herodem nullus Atticus reperitur qui fuerit Consul.

Ἀδοσάδαι) ut eliciant sensum, ponunt ἐλέαδαι: sed etiam posset legi ἀγάσασθαι vereri. Huc usque Arcudius.

XIV. Megaris.

Ο ΔΑΜΟΣ

ΑΤΤΟΚΡΑΤΟΡΑ ΚΑΙ

ΣΑΡΑ ΘΕΟΥ ΤΙΟΝ

ΑΡΕΤΑΣ ΕΝΕΚΕΝ

ΚΑΙ ΕΤΕΡΓΕΣΙΑΣ

Populus Imperatorem Cæsarem Divi filium virtutis & beneficiorum causa, honorat. ΔΑΜΟΣ & ΑΡΕΤΑΣ Dialecto Dorica, pro ΔΗΜΟΣ & ΑΡΕΤΗΣ.

XV. Megaris, supra collem circa quem edificatum est oppidum.

ΝΕΡΩΝΑ ΚΑΙ ΚΛΑΥΔΙΟΝ ΚΑΙ

ΓΕΡΜΑΝΙΚΟΝ ΤΙΒΕΡΙΟΥ ΚΑΙΣΑΡΟΣ

ΣΕΒΑΣΤΟΥ ΓΕΡΜΑΝ.....

Neronem & Claudium, & Germanicum Tiberii Cæsaris Augusti Germanici....

Megara, inquit Stephanus, urbs circa isthmum Corinthiacum media est inter Atticam, Peloponnesum & Bœotiam. Distat enim uno itineris die ab Athenis, tantumdemque a Corintho quæ est prima Peloponnesi urbs. Nomen habet a Megareo Apollinis filio, ut asserit Pausanias, vocaturque etiamnum *Ta Megara*, cujus descriptionem dedi in Itinere meo Græciæ T. II. Duplex illi arx, una Alcathoe, altera Nisæa ad portum, ubi Cereris Malophori sive Oviferæ fanum erat. Hanc urbem illustrarunt Theognis Poeta & Euclides Philosophus Socraticus, insignisque Mathematicus. Extat facetum apophthegma apud Diogenem Laertium in vita Diogenis, qui cum vidisset eos magis curare oves propter lanam, quam filios suos; hos enim nudos, illas pelibus tectas intuitus fertur dixisse, *Αυσιτελέεσθον ἐστὶ Μεγαρώς εἶναι κριὸν, ἢ υἱὸν*, præstat Megarensis arietem esse quam filium. Euclidis caput produxit Angelus Caninius in sua Iconographia, ex nummo in quo ΜΕΓΑΡΕΩΝ legitur: & ego supra Sect. IV. in nummo Hadriani. Nos illic hæc marmora reperimus.

XVI. Ibidem ad ædem Panagias.

Η ΒΟΥΛΗ ΚΑΙ Ο ΔΗΜΟΣ

Μ. ΑΙΜΙΛΙΟΝ ΣΑΤΟΡΝΕΙΝΟΝ ΑΝΟΤΗΡΑΤΟΝ

ΤΟΝ ΕΑΥΤΩΝ ΜΕΤΑΝ ΕΤΕΡΓΕΤΗΝ ΕΠΙΜΕ

ΛΗΘΕΝΤΟΣ ΤΟΥ ΣΤΡΑΤΗΓΟΥ ΤΗΣ ΠΟ

ΛΕΩΣ ΑΡΙΣΤΟΝΟC ΤΟΥ ΔΙΟΝΥCΙΟΥ

Exscripsi.

Id est. Senatus & Populus Megarensium Marcum Æmilium Saturninum Proconsulem, ipsorum magni benefactorem, curante urbis Stratego, sive Duce, Aristone Dionysi filio venerantur. Sub Vespasiano inceperunt Romani Proconsules in Achajam mittere, qui præcipue Corinthi residebant.

XVII. *Ibidem, ad limen domus Papæ seu Presbyteri Basilii.*

ΠΟΠΛΙΟΝ ΜΕΜΜΙΟΝ ΡΗΓΛΟΝ ΠΡΕΣΒΕΥΤΗΝ ΤΙΒΕ
ΡΙΟΥ ΚΛΑΥΔΙΟΥ ΚΑΙΣΑΡΟΣ ΣΕΒΑΣΤΟΥ ΓΕΡΜΑΝΙΚΟΥ
ΓΝ. ΟΥΤΕΛΛΙΟΣ ΓΝΑΙΟΥ ΥΙΟΣ
ΚΡΙΣΠΟΣ ΤΟΝ ΕΑΥΤΟΥ ΞΕΝΟΝ

Exscripsi.

Publium Memmium Regulum Legatum Tiberii Claudii Caesaris Augusti Germanici Cneus Vitellius Cnæi filius Crispus hospitem suum veneratur. Memoratur in Fastis Capitolinis quidam Lucius Memmius Regulus Consul anno circiter Christi 44. sub Nerone, cujus forte pater fuit hic Publius Memmius Regulus, qui per syncopen ΡΗΓΛΟΣ scribitur, quique sub Claudio Legatus erat in Græcia. Quo autem Cneus Vitellius Crispus ad Aulum Vitellium Cæsarem affinitatis gradu contingat, quis divinare possit? Suetonius equidem Imperatoris avum, parentem, patruosque commemorat, sed neutros Cnæi prænomine utentes.

XVIII. *Megaris, in via quæ Athenas ducit.*

ΣΑΒΕΙΝΑΝ ΒΑΣΙΛΙΣΣΑΝ ΣΕΒΑΣΤΗΝ ΝΕΑΝ ΔΗΜΗΤΡΑ ΑΥΤΟΚΡΑΤΟΡΟΣ
ΑΔΡΙΑΝΟΥ ΓΥΝΑΙΚΑ ΠΑΜΦΤΛΟΙ ΥΠΟ ΤΗΝ ΕΠΙΜΕΛΕΙΑΝ ΙΟΥ
ΔΙΑΤ ΚΑΝΔΙΤΟΥ ΤΟΥ ΚΡΑΤΙΣΤΟΥ ΑΝΘΥΠΑΤΟΥ ΣΤΡΑΤΗΓΟΥΝΤΟΣ
ΑΙΣΧΙΩΝΟΣ ΤΟΥ ΔΑΜΟΚΡΑΤΟΥΣ

Exscripsi.

Sabinam Reginam Augustam novam Cererem Imperatoris Hadriani uxorem Tribus omnes hic venerantur, sub cura Julii Canditi potentissimi Proconsulis, Stratego Æschione Damocratis filio. Ceres regionis præcipua Dea, protectrixque: ideo Sabinæ Cereris novæ titulo adulantur Megarenses, non minus quam cæteri Græci adulatores ingeniosi. Vide in hanc Inscriptionem Eruditiss. Cuperi notas, in appendice ad Homeri Apotheosin.

XIX. *Megaris, extra urbem in eod. Lapide.*

1. Η ΒΟΥΛΗ ΚΑΙ Ο ΔΗΜΟΣ	2. Η ΒΟΥΛΗ ΚΑΙ Ο ΔΗΜΟΣ
.. ΑΝ ΚΑΛΛΙΝΕΙΚΟΥ	ΚΑΛΛΙΝΕΙΚΟΝ ΝΟΜΙΑΔΑ
ΓΥΜΝΑΣΙΑΡΧΟΥΝΤΑ ΤΟ ΔΩΔΕΚΑ	ΓΡΑΜΜΑΤΕΥΣΑΝΤΑ ΚΑΙ ΓΥΜΝΑΣΙΑΡ
ΤΟΝ ΚΑΙ ΕΚΑΤΟΣΤΟΝ ΕΤΟΣ ΕΚ ΤΩΝ ΙΔΙΩΝ	ΧΗΣΑΝΤΑ ΕΚ ΤΩΝ ΙΔΙΩΝ

1. *Senatus & Populus . . . an Callinici Gymnasiarcham centesimo & duodecimo anno ex sua pecunia.* 2. *Senatus & Populus Callinicum Nomiadem Scribam & Gymnasiarcham ex sua pecunia hoc monumento venerantur.*

XX. *Ibidem, in via ad mare.*

ΑΤΤΟΚΡΑΤΟΡΑ ΚΑΙΣΑΡΑ ΜΑΡΚΟΝ ΑΤΤΟΚΡΑΤΟΡΑ ΚΑΙΣΑΡΑ ΛΟΥΚΙΟΝ
 ΑΤΡΗΛΙΟΝ ΣΕΒΑΣΤΟΝ ΘΕΟΥ ΑΤΡΗΛΙΟΝ ΣΕΒΑΣΤΟΝ ΘΕΟΥ
 ΑΝΤΩΝΕΙΝΟΥ ΤΙΟΝ ΘΕΟΥ ΑΝΤΩΝΕΙΝΟΥ ΤΙΟΝ ΘΕΟΥ
 ΑΔΡΙΑΝΟΥ ΤΙΩΝΟΝ ΘΕΟΥ ΑΔΡΙΑΝΟΥ ΤΙΩΝΟΝ ΘΕΟΥ
 ΤΡΑΙΑΝΟΥ ΠΑΡΘΙΚΟΥ ΕΚΓΟΝΟΝ ΤΡΑΙΑΝΟΥ ΠΑΡΘΙΚΟΥ ΕΚΓΟΝΟΝ
 ΘΕΟΥ ΝΕΡΩΤΑ ΑΠΟΓΟΝΟΝ ΘΕΟΥ ΝΕΡΩΤΑ ΑΠΟΓΟΝΟΝ

Η ΒΟΥΛΗ ΚΑΙ Ο ΔΗΜΟΣ

ΤΗΟ ΕΠΙΜΕΛΕΙΑΝ ΤΟΥ ΣΤΡΑΤΗΓΟΥ ΒΙΟΝΑΣΙΚΛΕΟΥΣ

Ex Domin. Giraud Athenis Anglor. Consule.

Id est. Imperatorem Cæsarem Marcum Aurelium Antoninum Augustum, Divi Antonini filium, Divi Hadriani nepotem, Divi Trajani Parthici pronepotem, Divi Nervæ abnepotem; & Imperatorem Cæsarem Lucium Aurelium Augustum Divi Antonini filium, Divi Hadriani nepotem, Divi Trajani Parthici pronepotem, Divi Nervæ abnepotem, Senatus & Populus Megarensum venerati sunt, sub cura Onasicles duodecima vice Militiæ Ducis.

XXI. *Ibidem.*

ΑΤΤΟΚΡΑΤΟΡΑ ΚΑΙΣΑΡΑ ΜΑΡΚΟΝ ΑΤΡΗΛΙΟΝ ΑΝΤΩΝΑΙ-
 ΝΟΝ ΣΕΒΑΣΤΟΝ ΣΕΟΥΤΗΡΟΥ ΣΕΒΑΣΤΟΥ ΑΡΑΒ. ΑΔΡ-
 ΑΒΗΝΙΚΟΥ ΠΑΡΘΙΚΟΥ ΜΕΓΙΣΤΟΥ ΚΑΙ
 ΣΕΒΑΣΤΗΣ ΜΗΤΡΟΣ ΣΤΡΑΤΟΠΕΔΩΝ ΤΙΟΝ
 Η ΜΕΓΑΡΕΩΝ ΤΟΝ ΕΤΕΡΓΕΤΗΝ

Ex eodem.

Id est. Imperatorem Cæsarem Marcum Aurelium Antoninum Augustum, Severi Augusti Arabici Adiabeni Parthici maximi & Augustæ matris castrorum filium, urbs Megarensum suum Benefactorem veneratur.

XXII. *Basis marmorea ex oppido S. Cannati Aquas Sextias in ades Peireskii translata.*

ΜΑΡΚΟΥ ΑΤΡΗΛΙΟΥ ΣΕΟΥΤΗΡΟΥ ΑΛΕΞΑΝΔΡΟΥ
 ΕΥΤΥΧΟΥΣ ΕΥΣΕΒΟΥΣ ΣΕΒ. ΚΑΙ ΙΟΥΛΙΑΣ ΜΑΜΑΙΑΣ
 ΣΕΒΑΣΤΗΣ ΜΗΤΡΟΣ ΣΕΒ. ΔΙΗΛΙΩ ΜΕΓΑΛΩ
 ΣΑΡΑΠΙΔΙ ΚΑΙ ΤΟΙΣ ΣΥΝΝΑΟΙΣ ΘΕΟΙΣ
 Μ. ΑΤΡΗΛΙΟΣ ΗΡΩΝ ΝΕΩΚΟΡΟΣ ΤΟΤ ΕΝ ΠΟΡΤΩ
 ΣΑΡΑΠΙΔΟΣ ΕΝΙ ΛΑΡΓΙΝΙΩ ΒΕΙΤΑΛΙΩΝΙ
 ΑΡΧΙΤΠΕΡΕΤΗ ΚΑΙ ΚΑΜΕΙΝΕΥΤΗ ΚΑΙ ΑΤΡΗΛΙΩ
 ΦΗΒΩ ΚΑΙ ΣΑΔΩΝΙΩ ΟΕΙΔΟΤΩ ΙΕΡΟΦΩΝΟΙΣ
 ΚΑΙ ΚΑΜΕΙΝΕΥΤΑΙΣ ΧΑΡΙΤΗ ΙΕΡΟΔΟΤΛΕΙΑ
 ΑΝΕΘΗΚΕΝ ΕΠ' ΑΓΑΘΩ

In Latere Baseos ΕΠ' ΑΓΑΘΩ ΕΠΙ ΓΡΑΝΙΟΤΡΩ.

Nn nn iij

Id est. *Marci Aurelii Severi Alexandri Felicis Pii Augusti, & Juliae Mammææ Augustæ Matris Augusti, Deo Soli magno Sarapidi, aliisque qui in eodem Templo colantur Dīs, Marcus Aurelius Heron Ædituus Ædis Serapidis quæ est in portu, sub Larginio Vitalione Archiministro & Camineuta, & Aurelio Phæbo, & Salonio Oedoto sacris Cantoribus & Camineutis, sacri ministerii causa consecravit ob beneficium.*

Κάμινος, inquit Hefychius, μέρος τῆς Νεώς; *Caminus*, pars quædam Templi, a qua dicti Camineutæ.

XXIII. *Megaris.*

Η ΒΟΥΛΗ ΚΑΙ Ο ΔΗΜΟΣ
ΤΟΝ ΚΡΑΤΙΣΤΟΝ ΕΠΙΤΡΟΠΟΝ ΤΩΝ
ΣΕΒΑΣΤΩΝ ΑΥΡΗΛΙΟΝ.. ΕΝΝΟΝ
ΑΝΤΙ ΠΟΛΛΩΝ ΚΑΙ ΜΕΓΑΛΩΝ ΤΩΝ
ΕΤΕΡΓΕΤΗΝ ΥΠΟ ΤΗΝ ΕΠΙΜΕΛΕΙ
ΑΝ ΚΟΜΜΟΔΟΥ ΤΟΥ ΚΟΜΜΟΔΟΥ

Exscripsi.

Senatus & Populus potentissimum Procuratorem Augustorum Aurelium Blennum qui multæ magnæque beneficia in ipsos contulit, hoc gratitudinis suæ testimonio honorarunt, curam habente Commodo Commodifilio.

XXIV. *Ibidem.*

Η ΒΟΥΛΗ ΚΑΙ Ο ΔΗΜΟΣ
ΔΗΜΗΤΡΙΟΝ ΠΡΑΞΙΩΝΟΣ

Senatus & Populus Demetrium Praxionis honorant.

XXV. *Ibidem ad Ædem*

Divi Nicolai.

ΝΙΚΩΝ ΑΓΑΘΩΝΟΣ

ΧΑΙΡΕ

*Nicon Agathonis fili, Salve,
vel Vale.*

XXVI. *Ibidem.*

ΑΝΑΞΙΩΝ

ΕΥΜΗΤΙΩΝΟΣ

ΧΑΙΡΕ

Anaxion Eumetionis, Vale.

XXVII. *Ibidem ad Ædem Divi Athanasii.*

ΔΕΜΥΛΑΣ ΠΡΕΙΜΟΤ ΚΑΙ ΖΩΠΥΡΑΣ ΚΑ

ΤΕΣΚΕΤΑΣΕΝ ΕΑΥΤΟΙΣ ΗΡΩΝ ΕΧΕΙΝ

ΔΕ ΕΠΙΒΑΣΙΝ ΖΗΝΑΣ ΚΑΙ ΕΙCΙΑC ΟΝΤ...

ΑΔΕΛΦΟΥC ΚΑΙ ΔΗΜΗΤΡΙΑΝ

Exscripsi.

Demylas Primi & Zopyrus pararunt sibi Heroibus, utque habeant basim Zenas & Ilias eorum fratres & Demetria.

XXVIII. Larissæ in Turcarum Cœmeterio, antiqua
Græcorum Epitaphia. Ex D. Giraud.

1

2

ΟΝΗΣΙΜΟΣ ΟΝΗΣΙΜΟΥ

ΥΑΚΙΝΘΕ ΛΑΡΙΣΣΑΙΩΝ

ΙΑΤΡΟΥ ΤΙΟΣ ΧΡΗΣΤΕ

ΔΗΜΟΣΙΕ ΗΡΩΣ

ΧΑΙΡΕ

ΧΡΗΣΤΕ ΧΑΙΡΕ

Onesimus Onesimi Medici filius,
Bone, vale.

Hyacinthe Larissensis Civis, Heros,
Bone, vale.

3

4

ΕΥΒΟΥΛΟΣ ΕΥΒΟΥΛΟΥ

ΑΠΟΔΟΔΩΡΟΣ ΑΓΛΑΩΦΟΝ

ΗΡΩΣ ΧΡΗΣΤΕ ΧΑΙΡΕ

ΤΟΣ ΚΥΖΙΚΗΝΟΣ ΧΑΙΡΕ

Eubulus Eubuli, Heros bone, vale.

Apollodorus Aglaophontis Cyzicenus, vale.

5

ΝΙΚΗΦΟΡΟΣ

ΠΑΡΑΜΟΝΗ ΠΑΡΜΕΝΙΣΚΟΥ

ΕΙΣΑΓΟΡΟΥ

ΓΥΝΗ ΔΕ ΘΡΑΣΩΝΟΣ

ΗΡΩΣ ΧΑΙΡΕ

ΗΡΩΣ ΧΡΗΣΤΗ ΧΑΙΡΕ

Nicephorus Isagoræ Heros, vale.

Paramone Parmenisci filia, uxor vero Thraso-
nis, Heroina, bona, vale.

7

8

ΣΩΤΙΑΣ ΣΩΘΕΝΗΣ

ΑΓΑΘΟΚΛΙ ΜΕΝΑΝΔΡΟΥ

ΤΟΝ ΓΛΥΚΥΤΑΤΟΝ

ΑΦΡΟΔΙΣΙ ΤΗΣ ΤΡΑΧΗΑΣ

ΜΟΥ ΑΝΔΡΑ ΕΚ ΤΩΝ

ΕΤΕΛ. ΕΤΩΝ... ΕΠΟΙΗ

ΕΑΤΤΟΥ ΜΝΕΙΑΣ ΧΑΡΙΝ

ΕΑΝ ΟΙ ΑΠΕΛΕΥΘΕΡΟΙ

Sotias Sosthenem dulcissimum meum vi-
rum ex mea pecunia, memoriæ causa.

Agathocles Menandri Aphrodisiæ asperæ
civis obiit Fecerunt Liberti.

9

10

ΑΒΑΣΚΑΝΤΟΣ ΕΛΠΙΔΑ

ΛΑΙΝΑ ΜΕΜΜΙΟΝ

ΤΗΝ ΑΥΤΟΥ ΘΥΓΑΤΕΡΑ

ΣΥΜΦΩΡΟΝ ΤΟΝ

ΜΝΕΙΑΣ ΧΑΡΙΝ

ΕΑΥΤΗΣ ΑΝΔΡΑ

ΗΡΩΣ ΧΡΗΣΤΕ ΧΑΙΡΕ

ΜΝΕΙΑΣ ΧΑΡΙΝ

Abascantus Helpida filiam memoriæ
causa, Heros bone, vale.

Lana Memmium Symphorum suum virum
memoriæ causa.

11

ΑΝΤΙΚΡΑΤΗΣ ΕΥΚΛΕΙΑ ΤΗ ΕΑΤΤΟΥ

ΓΥΝΑΙΚΙ ΜΝΕΙΑΣ ΧΑΡΙΝ ΗΡΩΣ ΧΡΗΣΤΕ ΧΑΙΡΕ

ΕΝΕΧΟΜΑΙ ΜΗΔΕΝΑ ΕΤΕΡΟΝ ΤΕΘΗΝΑΙ ΧΩΡΙΣ

ΕΜΟΥ Η ΓΩΝΕΤΣ ΛΟΝΓΙΝΟΣ ΕΑΝ ΔΕ ΤΙΣ

ΕΤΕΡΟΣ ΤΟΛΜΗΣΗ ΔΩΣΕΙ ΕΣ ΤΟ ΤΑΜΕΙΟΝ * ΑΒ Φ.

Anticrates Eucleæ uxori suæ memoriæ gratia, Heros bone, vale. Veto alium quemquam hic poni præ-
ter me & parentem Longinum. Si quis vero alius id ausus fuerit, dabit fisco denarios

XXIX. *Selimbria, in muris urbis.*

† Κ̅Ε ΒΟΙΘΗΤΟ ΣΩ ΔΟΥΛΩ

ΣΕΡΓΙΩ ΒΑΣΙΛΙ ΣΠΑΘΑΙΩ..

Id est. *Domine adjuva servum tuum Sergium Regem . . .*XXX. *Ibidem.*† ΑΝΕΝΩΘΗΘΕ ΟΥΤΩΣ ΠΟΛΙΣ ΤΑΤΗ ΕΠΙ ΜΗΧΑΝ ΘΕΩΔΟΡΑΣ ΚΑΙ ΘΕΚΛΗΣ
ΟΥΤΕ ΔΙΚΑΙΩΣ ΕΝΚ̅Ε ΒΑΣΙΛΕΥΤΗΙΗΝ ΕΠΙ ΤΗΣ ΓΗΣ*Renovata est sic urbs ista sub Michaele, Theodora & Thecla, cum iuste in Domino regnarent supra terram.*XXXI. *Hadrianopoli.*

Κ̅Ε ΒΟΗΘΕΙ ΣΩ ΕΥΣΕΒΕΣΤΑΤΩ ΚΑΙ

ΦΙΛΟΧΡΙΣΤΩ ΒΑΣΙΛΕΙ ΗΜΩΝ ΙΟΑΝΝΙ

Id est. *Domine, adjuva piissimum & Christicolam Regem nostrum Joannem.*XXXII. *Ibidem, in Mœniis.*

† ΑΝΑΞ ΜΙΧΑΗΛ ΑΥΣΩΝΩΝ ΟΥΤΩΣ ΚΛΕΟΣ

ΑΤΤΡΟΣΙΝ ΕΤΡΕ ΔΙΟΝΗ ΚΩΝΣΤΑΝΤΙΝΟΥ

ΠΥΡΓΟΜΑ ΤΕΤΧΩΝ ΚΑΤΕΝΑΝΤΙ ΒΑΡΒΑΡΩΝ

ΜΑΧΑΣ ΠΡΟΣ ΑΥΤΟΥΣ ΑΠΤΟΝΤΟΝ ΚΑΘΑΠΑΞ

XXXIII. *Chalcedone, quæ nunc Cadikioi, in Sarcophago.*

ΟΡΒΑΝΙΛΛΑ

ΟΡΕΠΤΗ ΑΠΦΗΣ

ΠΡΟΦΗΤΙΔΟΣ

ΖΗΣΑΣΑ ΕΤΗ ΖΚ

ΜΗΤΗΡ ΤΥΡΑΝ

ΝΙΣ ΖΗ

Id est. *Orbanilla Apfes Prophetissæ alumna, quæ vixit annos 27. mater Tyrannis viva fecit.*XXXIV. *Ibidem.*

ΟΥΡΙΟΝ ΕΚ ΠΡΤΜΝΗΣ ΤΙΣ ΟΔΗΓΗΤΗΡΑ ΚΑΛΕΙΤΟ

ΖΗΝΑ ΚΑΤΑΠΡΟΤΟΝΩΝ ΙΣΤΙΟΝ ΕΚΠΕΤΑΣΑΣ

ΕΣΤ ΕΠΙ ΚΤΑΝΕΑΣ ΔΙΝΑΣ ΔΡΟΜΟΣ ΕΝΘΑ ΠΟΣΕΙΔΩΝ

ΚΑΜΠΤΛΟΝ ΕΙΔΙΣΣΕΙ ΚΥΜΑ ΠΑΡΑ ΦΑΜΑΘΟΙΣ

ΕΠΕΚΑΤΑΙΓΑΙΗΝ ΠΟΝΤΟΥ ΠΛΑΚΑΝΟΣΤΟΝ ΕΡΕΤΝΑΙ

ΝΕΙΣΘΩ ΤΩΙ ΔΕ ΒΑΛΩΝ ΦΑΙΣΤΑ ΠΑΡΑ ΤΩ ΑΝΩΙΜΕ

ΟΔΕ ΤΟΝ ΕΤΑΝΤΗ ΤΟΝ ΔΕΙΘΕΟΝ ΑΝΤΙΠΑΤΡΟΥ ΠΑΙΣ

ΣΤΗΣΕ ΦΙΛΩΝ ΑΓΑΘΗΣ ΣΥΜΒΟΛΩΝ ΕΥΠΛΟΙΗΣ

Exscripti.

Id est.

*Ventum secundum quis ex puppi moderatorem vocabit
Jovem rudentibus velum expandens.
Est super cyaneis vorticibus, cursus ubi Neptunus
Curvos fluctus volvit prope arenosa littora.
Tunc dixit (Neptunus) per Ægeum nunc reditum paret,
Huic appositis libamentis superne
Ideo propitio semper Deo Antipatri filius
Collocavit libens felicitis symbolum navigationis.*

XXXV. Nicomediæ.

ΣΕΞΕΤΙΟΣ ΕΡΜΟΔΩΡΟΣ

ΦΥΛΑΡΧΗΣΑΣ ΦΤΛΗΣ ΠΟΣΕΙΔΩΝΙΑΔΟΣ

ΕΘΗΚΑ ΣΗΝ ΘΗΚΗΝ ΕΑΥΤΩ ΚΑΙ ΤΗ

ΓΑΥΚΤΤΑΤΗ ΜΟΥ ΣΤΜΒΙΩ ΧΡΗΣΤΕΙΝΗ ΧΑΙΡΕΣΘΑΙ

*Id est. Sextius Hermodorus Præfectus Tribus Neptunianæ posui Sarcophagum mihi & dulcissimæ uxori
meæ Christianæ. Vale.*

XXXVI. In deserto S. Simeonis Stilitæ prope Aleppum.

ΑΦΙΕΡΩΘΕΙ

ΑΙΜΙΔΙΩ ΡΗΓΕΙΝΩ ΤΩ

ΕΞ ΟΥΔΑΠΙΑΣ ΡΗΓΙΔΛΗΣ ΚΑΙ

ΑΙΜΙΔΙΟΥ ΠΤΟΛΕΜΑΙΟΥ ΣΤΡΑ

ΤΕΤΣΑΜΕΝΩ ΕΤΗ ΙΕ ΒΟΗΘΩ ΚΟΡ

ΝΙΚΟΥΔΑΡΙΩΝ ΥΠΑΤΙΚΟΥ ΖΗΣΑΝΤΙ ΕΤΗ

ΜΕΧΡΙ ΠΑΝΗΜΟΥ

*Confecratum est Æmilio Regino Civi Ulpie Reginæ & Æmilii Ptolemæi filio, qui militavit annos
quindecim, Adjutori Corniculariorum Consulari, qui vixit annos . . usque . . .*

XXXVII. Ibidem, Inscriptio ubi loco R Latini, est P Græcum: eademq; Græca:

T. FL. IVLIANVS VETEPANVS

LEG. VIII. AVG. DEDICAVIT MONVMENTVM SVVM

SEMPITEPNVM DIS MANIBVS SVIS ET LAETITIAE VXORI SVAE

LIBERISQVE HEREDIBVS SVIS POSTERISQVE EOPVM

NE LICEPET VLLI EOPVM * Monumentum alienare VILLO MODO

* Supple

Τ. ΦΛΑΟΥΙΟΣ ΙΟΥΛΙΑΝΟΣ ΟΥΤΕΤΕΡΑΝΟΣ ΛΕΓΕΟΝΟΣ Η

ΣΕΒΑΣΤΗΣ ΑΦΙΕΡΩΣΕΝ ΜΝΗΜΕΙΟΝ ΑΥΤΟΥ ΔΙΗΝΕΚΕΣ

ΘΕΟΙΣ ΚΑΤΑΧΘΟΝΙΟΙΣ ΚΑΙ ΔΑΙΜΟΣΙ ΑΥΤΟΥ ΤΕ ΚΑΙ

ΤΗΣ ΓΥΝΑΙΚΟΣ ΑΥΤΟΥ ΚΛΗΡΟΝΟΜΟΙΣ ΑΥΤΟΥ ΚΑΙ ΤΟΙΣ ΕΚΓΟ

ΝΟΙΣ ΑΥΤΩΝ ΟΠΩΣ ΜΗΔΕΝΙ ΕΞΟΝ Η ΑΠΑΛΛΟΤΡΙΩΣΑΙ

ΚΑΤ ΟΥΔΕΝΑ ΤΡΟΠΟΝ ΤΟ ΑΥΤΟ ΜΝΗΜΕΙΟΝ

Ex Illust. Marchione de Nointel, Gallie olim Legato Constantinopoli.

XXXVIII. Constantinopoli apud Galliae Legatum.
Ex Archipelago allata.

Π. ΒΕΙΤΗΝΟΣ
ΕΡΜΗΣ ΚΛΕΙΝΟ
ΠΗΓΟΣ ΝΕΩΤΕΡΟΣ
ΕΝΘΑΔΕ ΚΕΙΜΑΙ
ΠΑΡΟΔΕΙΤΑ ΧΑΙΡΕ

Exscripsi.

Id est. Publius Bitinus Hermes Faber Lignarius junior hic jaceo. Vale viator. Visuntur in ipso marmore sculpta artis Lignariæ instrumenta, dolabra, circinus & norma: ut hujusce viri indicetur professio. Κλεινότης scribitur pro κλεινότητος, quasi sit Lectorum Faber κλεινόν enim est Lectus. Apud Pollucem κλεινοπήγιον est locus ubi lecti fabricantur.

XXXIX. Ibidem, allata ex Paro Insula.

Η ΒΟΥΛΗ ΚΑΙ Ο ΔΗΜΟΣ
ΤΟΝ ΤΗΣ ΑΡΙΣΤΗΣ ΜΝΗΜΗΣ ΠΑΙΔΑ ΤΟΥ
ΛΑΜ. ΦΛΑΒ. ΜΑΡΚ. ΣΚΡΕΙΒΩΝΙΑΝΟΥ ΚΛΑΥ
ΔΙΟΝ ΟΥΔΑ. ΜΕΝΑΝΔΡΟΝ ΤΟΝ ΛΑΜ. ΕΚ ΤΩΝ ΙΔΙ
ΩΝ ΕΙΚΟΝΙ ΔΑΙΝΕΗ ΔΙΑ ΤΕ ΤΑΣ ΠΡΟΣΟΥΣΑΣ ΑΠΟ ΤΕ
ΠΑΤΡΟΣ ΑΥΤΟΥ ΤΕΙΜΑΣ ΤΕ ΚΑΙ ΕΤΕΡΓΕΣΙΑΣ ΠΡΟΣ
ΤΗΝ ΠΑΤΡΙΔΑ ΕΠΙ ΜΕΡΟΥΣ ΠΑΡΑΜΥΘΗΣΟΜΕΝΗ ΤΟΝ
ΑΝΔΡΑ ΤΕΙΜΗΝ ΔΑΜΒΑΝΟΥΣΑ ΜΑΛΛΟΝ Η ΔΙΔΟΥΣΑ ΕΠΙ
ΤΗ ΤΟΥ ΑΝΔΡΙΑΝΤΟΣ ΑΝΑΣΤΑΣΕΙ ΠΡΟΜΟΙΡΩΣ ΤΕΛΕΤΗ
ΣΑΝΤΟΣ ΚΑΘΑ ΕΨΗΦΙΣΑΤΟ Η ΠΑΤΡΙΣ ΕΝ ΤΩ ΤΗΣ ΤΗ ΕΛΓ.
ΠΡΟΣΧΗΜΑΤΙ Υ. Β. Δ.

Exscripsi.

Id est. Senatus & Populus Pariorum Optimæ memoriæ Filium Illustrissimi Flavii Marci Scriboniani Claudium Valerium Menandrum virum Illustrissimum ex sua pecunia honorarunt statua ænea: tum propter jam ante ab ejus patre tributos honores, collataque erga patriam beneficia, civitas partim consolati, sicuti decreto constituit patria, in hoc ornamento. Quod ad litteras Υ. Β. Δ. attinet, quæ in fine hujus marmoris & initio subsequentiæ sculptæ sunt, quid significant vix licet affirmare. Β. Δ. quidem Βελῆς Δόγματι videtur esse, Senatus Consulto, ut in Reinesiana Ψ. Β. Ψηφίσματι Βελῆς, Senatus decreto.

XL. In Insula Paro.

ΕΙΡΗΝΗ ΕΥΟΝΥΜΟΥ
ΧΡΗΣΤΗ ΧΑΙΡΕ

Ex Galland. schedis.

Id est. Irene Evonymi filia, Bona vale.

XLI. Ex Pavo Constantinopolim, a D. de Nointel allata.

Γ. Β. Δ.

ΤΗΝ ΑΖΙΟΛΟΓΩΤΑΤΗΝ ΚΑΙ ΠΑΝΤΑ ΑΡΙΣΤΗΝ ΑΥΤ. ΛΕΙΤΗΝ ΘΕΟΔΟΤΟΥ ΓΥΝΑΙΚΑ ΔΕ
 ΤΟΥ ΠΡΩΤΟΥ ΤΗΣ ΠΟΛΕΩΣ Μ. ΑΥΤ. ΦΑΥΣΤΟΥ ΑΡΧΙΕΡΕΩΣ ΕΚ ΠΡΟΓΟΝΩΝ ΔΙΑ ΒΙΟΥ
 ΤΩΝ ΣΕΒΑΣΤΩΝ ΚΑΙ ΚΑΙΣΑΡΩΝ ΚΑΙ ΚΑΒΑΡΝΟΥ ΚΑΙ ΓΥΜΝΑΣΙΑΡΧΟΥ ΤΗΝ ΓΥΜΝΑΣΙΑΡ-
 ΧΟΝ ΕΝ Ω ΚΑΤΕΣΚΕΥΑΣΕΝ ΚΑΙ ΑΝΕΝΕΩΣΑΤΟ ΑΠΟ ΠΟΛΥ ΕΤΟΥΣ ΧΡΟΝΟΥ
 ΠΕΠΟΝΗΚΟΤΑ ΓΥΜΝΑΣΙΩ Η ΔΑΜΠΡΟΤΑΤΗ ΠΑΡΙΩΝ ΠΟΛΙΣ Η ΠΑΤΡΙΣ ΑΝΤΙ ΠΟΛΛΩΝ ΚΑΙ
 ΜΕΓΑΛΩΝ ΤΕΙΜΗΝ ΛΑΜΒΑΝΟΥΣΑ Η ΔΙΔΟΥΣΑ ΠΟΛΛΑΚΙΣ ΕΦΗΦΙΣΑΤΟ ΑΝΕΣΤΗCΕΝ
 ΑΥΤΗΝ ΕΝ ΑΝΑΡΙΑΝΤΙ ΜΑΡΜΑΡΙΝΩ ΤΗΝ ΦΙΛΟΣΟΦΟΝ ΚΑΙ ΦΙΛΑΝΔΡΟΝ ΚΑΙ ΦΙΛΟΠΑΙΔΑ
 ΚΑΙ ΦΙΛΟΠΑΤΡΙΝ ΔΙΑ ΤΗΝ ΑΡΙCΤΟΤΟΚΙΑΝ
 ΟC ΑΠΗΓΛΑΙCΕΝ

*Senatus Consultum. Laude dignissimam semperque optimam Aureliam Litin Theodoti filiam, uxorem
 vero primi Civitatis Marci Aurelii Fausti Pontificis ex proavis per totam vitam, Augustorum & Cesarum
 & Cabarni; necnon Gymnasiarchæ, Gymnasiarcham, in loco quem sibi ordinavit renovavitque, a mul-
 tis annis operam dantem Gymnasio, Illustrissima Pariorum Civitas ipsius Patria ob multa & magna bo-
 norem accipiens & retribuens, sæpius ipsam honorare suffragiis suis studens, ideo nunc ipsi Statuam mar-
 moream decrevit, Philosophiæ, viri, Liberatorum, patriæque amanti ob felices partus
 uxorem*

*Paros Insula, una Cycladum, cum urbe cognomine Archilochi Poetæ celeberrimi Patria, nomen re-
 tinet. Celebris est marmore candido Statuis sculpendis aptissimo, inde Ovidius Marmoreamque Paron
 vocat. Nomina autem quibus antiquitus designata fuit Insula, varia fuere, Demetrias, Paëtia, Hy-
 lieffa, Hyria & Minoa: at etiam & Cabarnis a Cabarno qui Cereri filiæ partum prodidit, ut ait Stepha-
 nus Byzantinus: quem ut Heroem Deumve apud Parios cultum fuisse testatur hæc Inscriptio, quæ Sa-
 cerdotis Augustorum & Cabarni meminit.*

XLII. Ibidem, ex Insula Melo allata.

Η ΒΟΥΛΗ ΚΑΙ Ο ΔΗΜΟΣ ΕΛΙ
 CΤΕΦΑΝΟΙ ΧΡΥCΩCΤΕ ΚΩΝΙ
 ΦΑΝΩ ΕΤΡΥΜΟΝ ΕΠΙ ΖΑCΕΡ
 ΤΥΧΕΩC ΠΡΟΜΟΙΡΩCΤ ΚΟΙ ΜΙΟΥ
 ΒΙΩCΑΝΤΑ

Exscripsi.

*Id est. Senatus, & Populus coronat aurea corona Eurythmum Epitychis filium præmatura morte de-
 functum.*

XLIII. Florentiæ, ex Græcia allata.

Η ΒΟΥΛΗ ΚΑΙ Ο ΔΗΜΟΣ
 ΣΤΕΦΑΝΟΙ ΧΡΥCΩ ΣΣΕΦΑΝΩ
 ΑΥΤ. ΧΑΡΙΔΗΜΟΝ ΖΩΖΙΜΟΥ ΠΡΟΜΟΙΡΩC
 ΒΙΩCΑΝΤΑ

Ex schedis Peiresk.

*Id est. Senatus & Populus coronat aurea corona Aurelium Charidemum Zozimi filium præmatura mor-
 te defunctum.*

XLIV. Constantinopoli, ex Archipelago allata, a D. de Nointel.

Intra coronam lauream in marmore sculpta.

Η ΒΟΥΛΗ ΚΑΙ Ο ΔΗΜΟΣ ΣΤΕΦΑΝΟΙ ΧΡΥCΩ ΣΤΕΦΑ
 ΝΩ ΕΠΑΦΡΟΔΕΙΤΟΝ ΑΣΤΕΙΚΤΟΥ ΗΡΩΑ

Exscripsi.

Id est. Senatus & Populus coronat aurea corona Epaphroditum Asteicti filium, Heroem.
 Supplem. Tom. IV. O o o o ij

XLV. *Venetis, ad Cyzicum & Insulam Paros pertinens Inscriptio, ex Archipelago advecta.*

ΕΔΟΞΕΝ ΤΗΙ ΒΟΥΛΗΙ ΚΑΙ ΤΩΙ ΔΗΜΩΙ ΠΟΡΙΟΝΙΚΟΣ
ΔΙΟΚΛΕΟΥΣ ΕΙΠΕΝ ΕΠΕΙ Η ΠΟΛΙΣ Η ΠΑΡΙΩΝ ΕΝ
ΤΕ ΤΟΙΣ ΕΝΠΡΟΣΘΕ ΧΡΟΝΟΙΣ ΕΤΝΟΥΣ ΚΑΙ ΦΙΛΟΣ
ΟΥΣΑ ΔΙΑΤΕΛΕΙ ΤΩΙ ΔΗΜΩΙ ΤΩΙ ΚΥΖΙΚΗΝΩΝ ΚΑΙ
ΑΠΟΣΤΕΙΛΑΣΑ ΠΡΕΣΒΕΙΣ ΚΥΔΙΑΝ ΑΠΙΑΝΤΟΝ
ΚΑΙ ΑΡΧΕΦΥΛΟΝ ΛΕΟΝΤΙΟΣ ΑΞΙΟΙ ΤΟΝ ΔΗΜΟΝ
ΑΠΟΛΛΟΔΩΡΟΥ ΤΟΥ ΑΠΟΛΛΩΝΙΟΥ ΝΗΣΙΑΡΧΟΥΝ
ΤΟΥΣ ΚΑΙ ΠΟΛΛΑ ΚΑΙ ΜΕΓΑΛΑ ΧΡΗΣΙΜΟΥ ΓΕΓΕΝΙ
ΜΕΝΟΥ ΤΩΙ ΔΗΜΩΙ ΤΩΝ ΠΑΡΙΩΝ ΤΑΣ ΤΙΜΑΣ ΤΑΣ ΔΙ
ΔΟΜΕΝΑΣ ΑΥΤΩΙ ΥΠΟ ΤΟΥ ΔΗΜΟΥ ΤΟΥ ΠΑΡΙΩΝ ΕΙ
ΤΕ ΤΗΙ ΒΟΥΛΗΙ ΚΑΙ ΤΩΙ ΔΗΜΩΙ ΑΝΑΓΝΩΝΤΙ ΚΑΙ ΤΟΙΣ
ΔΙΟΝΤΣΙΟΙΣ ΕΝ ΤΩΙ ΘΕΑΤΡΩΙ ΣΤΕΦΑΝΩΣΑΙ ΚΑΙ ΤΑΣ
ΤΙΜΑΣ ΑΝΑΓΓΕΙΛΑΙ ΚΑΙ ΤΟΠΟΝ ΑΙΤΟΥΝΤΑΙ ΕΝ ΤΗΙ ΑΓΟ
ΡΑ ΕΝ ΩΙ ΣΤΗΣΟΥΣΙ ΤΗΝ ΕΙΚΟΝΑ ΔΕΔΟΧΘΑΙ ΤΗΙ ΒΟΥ
ΛΗΙ ΚΑΙ ΤΩΙ ΔΗΜΩΙ ΕΠΑΙΝΕΣΑΙ ΜΕΝ ΤΟΝ ΔΗΜΟΝ ΤΩΝ ΠΑ
ΡΙΩΝ ΟΤΙ ΕΤΝΟΥΣ ΩΝ ΚΑΙ ΦΙΛΟΣ ΔΙΑΤΕΛΕΙ ΤΩΙ ΔΗΜΩΙ ΤΩΙ
ΚΥΖΙΚΗΝΩΝ ΕΠΑΙΝΕΣΑΙ ΔΕ ΚΑΙ ΑΠΟΛΛΟΔΩΡΟΝ ΑΠΟΛΛΩ
ΝΙΟΥ ΦΙΛΟΤΙΜΙΑΣ ΕΝΕΚΕ ΚΑΙ ΕΥΝΟΙΑΣ ΤΗΣ ΕΙΣ ΤΟΝ
ΔΗΜΟΝ ΤΩΝ ΠΑΡΙΩΝ ΤΟΥΣ ΔΕ ΠΡΥΤΑΝΕΙΣ ΣΤΕΦΑ
ΝΩΣΑΙ ΑΠΟΛΛΟΔΩΡΟΝ ΤΟΙΣ ΑΝΘΕΣΤΗΡΟΙΣ ΕΝ ΤΩ
ΘΕΑΤΡΩ ΚΑΙ ΑΝΑΓΓΕΙΛΑΙ ΤΑΣ ΤΙΜΑΣ ΤΑΣ ΔΙΔΟΜΕ
ΝΑΣ ΑΥΤΩΙ ΥΠΟ ΠΑΡΙΩΝ ΔΕΔΟΣΘΑΙ ΑΥΤΩΙ ΚΑΙ ΤΟ
ΠΟΝ ΕΝ ΩΙ ΣΤΗΣΟΥΣΙ ΤΗΝ ΕΙΚΟΝΑ ΠΑΡΑ ΤΑΣ ΤΡΑΠΕ
ΖΑΣ ΠΡΩΤΗΣ ΣΤΟΑΣ ΤΗΣ ΔΟΡΙΚΗΣ ΑΝΑΓΡΑΦΑΙ ΔΕ
ΚΑΙ ΤΑ ΦΗΦΙΣΜΑΤΑ ΚΑΘ' Α ΤΕΤΙΜΗΤΑΙ ΑΠΟΛΛΟΔΩΡΟΣ
ΥΠΟ ΠΑΡΙΩΝΕΙΣ ΤΑ ΔΗΜΟΥ ΤΑ ΓΡΑΜΜΑΤΑ ΠΕΜΨΑΙ ΔΕ
ΚΑΙ ΞΕΝΙΑ ΤΟΙΣ ΠΡΕΣΒΕΥΤΑΙΣ ΤΟΥΣ ΠΡΥΤΑΝΕΙΣ ΚΑΙ
ΤΟΝ ΤΑΜΙΑΝ ΚΑΘ' ΟΤΙ ΑΝ ΔΟΚΕΙ ΑΥΤΟΙΣ
ΤΗΣ ΑΝΑΓΡΑΦΗΣ ΕΠΙΜΕΛΗΘΗΣ ΑΙΣΧΙΝΗΣ
ΦΙΛΩΝΟΣ ΤΑΜΙΑΣ

Exscripsi.

Id est. *Placuit Senatui & Populo, Porionicus dixit: quandoquidem urbs Pariorum præteritis temporibus benevola & amica esset perfecti populi Cyzicendorum, miseritque Legatos Cydiam Apiantum & Arche-phylam Leontii..... Apollodoro Apollonii filio Insulam gubernante, multum & admodum utili facto Populo Pariorum honores collatos ipsi a Populo Pariorum, Senatu & honores pronunciari & locum dari petierunt in foro, in quo Statuam Senatui & Populo collocent, & laudari quidem Populum Pariorum quod benevolus & amicus perstiterit perfecto Populo Cyzicendorum, laudari etiam Apollodorum Apollonii filium ob*

munificentiam & benevolentiam erga Populum Pariorum; Prytanes autem coronare Apollodorum festis Anthestiriis in theatro & declarare honores concessos ipsi a populo Pariorum, dari illi & locum in quo ejus Statuam collocent, juxta tabulas primæ Porticus Doricæ: inscribi autem Psephismata juxta quæ honoratur Apollodorus, tandemque Legatis dona mittere Prytanes & Quæstores, ut ipsis videbitur; Inscriptionis curator Æschines Philonis Quæstor.

XLVI. Venetiis: ex Græcia allata.

ΔΙΟΔΟΡΑ ΧΡΗΣΤΗ

ΧΑΙΡΕ

ΚΑΙ ΣΤΓΕ

Id est. Diodora, bona, vale, & tace.

XLVII. Ibidem, ex Græcia.

ΜΗΝΟΔΟΤΗ

ΧΡΗΣΤΗ ΧΑΙΡΕ

Menodota, bona, vale

XLVIII. Ibidem, ex Græcia.

ΔΗΜΗΤΡΙΟΣ

ΚΤΗΤΟΥ

ΧΡΗΣΤΕ ΧΑΙΡΕ

Demetrius Cteti, bone, vale,

XLIX. In Insula Rhodo.

ΤΕΧΝΗ ΛΥΔΑ ΓΥΝΑ ΔΕ

ΧΡΗΣΙΜΟΥ ΧΡΗΣΤΑ ΧΑΙΡΕ

*Techne Lyda, uxor vero Chri-
spi, bona, vale.*

L. In Inf. Rhodo.

ΑΡΙΣΤΟΤΕΛΗΣ

ΦΙΛΟΚΡΑΤΕΥΣ

ΒΡΥΓΙΝΔΑΡΙΟΣ

*Aristoteles Philocratis Brygin-
darius.*

LI. In Co Insula.

Α ΒΟΥΛΑ ΚΑΙ Ο ΔΑΜΟΣ

ΤΗΣ ΔΑΜΠΡΟΤΑΤΗΣ

ΚΩΙΩΝ ΠΟΛΕΩΣ ΤΕΙ

ΜΑΣΕΝ ΚΑΤΑ ΤΑ ΠΟ

ΔΕΙ ΕΙΩΘΕΝΤΑ ΑΡΧΟΝ

ΤΟΣ ΜΑΡΚΟΥ ΑΤΡ. ΑΡΙΣΤΙΩΝΟΣ

ΚΟΣΜΟΥ ΤΙΟΥ

Π. ΣΑΛΛΟΤΣΤΙΩΝ

ΣΕΜΠΡΟΝΙΟΝ ΟΥΙ

ΚΤΟΡΑ ΤΟΝΚΡΑ

ΤΙΣΤΟΝ ΕΠΑΡΧΟΝ ΒΕΙ

ΚΟΥΔΩΝ ΗΓΕΜΟΝΑ ΚΑΙ

ΔΟΥΚΗΝΑΡΙΟΝ ΣΑΡΑΟ

ΝΙΑΣ ΤΗΣ ΕΠΙ ΠΑΣΑΝ

ΘΑΛΑΣΣΑΝ ΗΓΗΣΑΜΕΝΟΝ

ΜΕΤ ΕΞΟΥ

ΣΙΑΣ ΣΙΔΗΡΟΥ ΔΟΥΚΗ

ΝΑΡΙΟΥ ΤΟΥ ΣΕΒΑΣΤΟΥ

ΠΟΝΤΟΥ ΚΑΙ ΒΕΙΘΥΝΙΑΣ

Id est. *Senatus Populusque Illustrissima Coorum Civitatis honoravit, secundum urbi solita, sub Archonte Marco Aurelio Aristione Cosmi filio, Publium Sallustium Victorem potentissimum Præpositum Vir-
culorum Ducem, & Ducenarium Saraonia super universo mari cum potestate ferri. Ducenarii Augusti
Ponti & Bithyniæ.*

A ΒΟΥΛΑ ΚΑΙ Ο ΔΑΜΟΣ, Dorica Dialecto quæ H in A mutat pro Η ΒΟΥΛΗ ΚΑΙ Ο ΔΗΜΟΣ. Ita nummus quem vidi olim Romæ apud Cardinalem de Maximis ab una parte caput velatum habet & lite-
ras A ΒΟΥΛΑ *Senatus*, & ex altera ΚΩΙΩΝ, vir nudus sedens cum puero. ΣΑΡΑΟΝΙΑΣ nescio an re-
cte scribatur. Archontes autem in hac Insula gubernasse docet Inscripção.

LII. *Ibidem.*

ΦΑΜΙΛΙΑ ΜΟΝΟ

ΜΑΧΩΝ ΚΑΙ ΥΠΟ

ΜΝΗΜΑ ΚΥΝΗΓΕ

ΣΙΩΝ ΝΕΜΕΡΙΟΥ

ΚΑΣΤΡΙΚΙΟΥ

ΛΕΥΚΙΟΥ ΠΑΚΟ

ΝΙΑΝΟΥ ΛΕΣΙΑΡΧΟΥ

ΚΑΙ ΑΤΡΗΛΙΑΣ

ΣΑΠΦΟΥΣ ΠΛΑ

ΤΩΝΟΣ ΛΙΚΙΝΝΙΑ

ΝΗΣ ΑΡΧΙΕΡΕΙΑΣ

ΓΥΝΑΙΚΟΣ ΑΥΤΟΥ

Ex D. Gallandii schedis.

*Familia Monomachorum & monumentum Cynegeſiorum, Nemerii Caſtricii, Lucii Pacioniani Aſar-
che, & Aureliæ Sapphi Platonis Licinniani Pontificatus uxoris ejus.*

LIII. *Ibidem.*

ΗΡΩΔΗΝ

ΗΡΩΔΟΥ ΤΟΥ ΒΑΣΙΛΕΩΣ ΤΙΩΝ

ΤΕΤΡΑΡΧΗΝ

ΦΙΛΩΝ ΑΓΓΛΟΥ ΦΥΣΕΙ ΔΕ ΝΙΚΩΝΟΣ

ΤΟΝ ΑΥΤΟΥ ΖΕΝΩΝ ΚΑΙ ΦΙΛΩΝ

Id est. *Herodem Herodis Regis filium Tetrarcham, Philon Aglai filius adoptivus, natura vero Ni-
conis, hospitem suum amicumque veneratur.*

LIV. *Ibidem.*

ΑΝΤΙΓΕΝΗΣ

ΦΙΛΩΝΟΣ

ΑΛΙΚΑΡΝΑΣΕΥΣ

*Antigenes Philonis Halicar-
naſſeus.*LV. *Ibidem.*

ΗΡΑΚΛΕΙΔΟΥ ΤΟΥ

ΑΡΤΕΜΙΔΩΡΟΥ

ΑΛΕΞΑΝΔΡΕΩΣ

*Heraclidis Artemidori Ale-
xandriæ.*

LVI. *Ibidem.*

ΓΑΙΟΣ ΣΗΙΟΥ ΑΝΤΙΟΧΟΥ
 ΚΑΙ ΓΥΝΑΙΚΟΣ ΚΑΙ ΤΕΚΝΩΝ
 ΠΟΠΛΙΟΥ ΟΦΕΛΙΟΥ ΜΑΛΧΙΩ
 ΝΟΣ ΚΑΙ ΓΥΝΑΙΚΟΣ ΚΑΙ ΤΕΚΝΩΝ
 ΤΕΒΕΡΙΟΥ ΓΡΑΝΙΟΥ ΦΙΛΕΡΩΤΟΣ
 ΚΑΙ ΓΥΝΑΙΚΟΣ ΚΑΙ ΤΕΚΝΩΝ
 ΔΕΥΚΙΟΥ ΓΡΑΝΙΟΥ ΑΓΑΘΟΚΛΕΟΥΣ
 ΚΑΙ ΓΥΝΑΙΚΟΣ ΚΑΙ ΤΕΚΝΩΝ ΖΗ
 ΚΟΙΤΟΥ ΚΛΟΔΙΟΥ ΚΛΗΣΙΗΠΟΥ
 ΚΑΙ ΓΥΝΑΙΚΟΣ ΚΑΙ ΤΕΚΝΩΝ ΖΗ
 ΓΑΙΟΥ ΙΟΥΛΙΟΥ ΗΛΙΔΟΥ ΑΥ
 ΤΟΥ ΚΑΙ ΓΥΝΑΙΚΟΣ ΚΑΙ ΤΕΚΝΩΝ
 ΓΑΙΟΥ ΚΛΟΔΙΟΥ ΑΝΤΙΟΧΟΥ
 ΚΑΙ ΓΥΝΑΙΚΟΣ ΚΑΙ ΤΕΚΝΩΝ ΖΗ

Ex D. Galland.

*Gaii Seii Antiochi, uxoris, & liberorum;
 Publii Opbelii Malchionis & uxoris ac liberorum;
 Tiberii Granii Filerotis, uxorisque & liberorum;
 Lucii Granii Agathoclis, uxoris ac liberorum vivorum;
 Cæti Clodii Cleippi, uxoris, liberorumque vivorum;
 Caii Julii Elidis, ejusque uxoris & liberorum;
 Caii Clodii Antiochi, uxorisque ac liberorum vivorum.*

LVII. *Ibidem.*

Η ΓΕΡΟΥΣΙΑ ΤΕΙΜΗΣΕΝ
 ΓΑΙΟΝ ΟΥΛΑΒΡΙΟΝ ΟΥΛΠΙΑΝΟΝ
 ΑΝΔΡΙΑΝΤΟΣ ΑΝΑΣΤΑΣΕΙ ΠΟΙΗΣΑ
 ΜΕΝΗΣ ΤΗΝ ΑΝΑΘΕΣΙΝ ΤΟΥ ΑΝΔΡΙ
 ΑΝΤΟΣ ΤΗΣ ΑΔΕΛΦΗΣ ΑΥΤΟΥ

Ex eodem.

*Senatus honoravit Cajum Valerium Ulpianum Statuæ erectione, Consecrationem Statuæ faciente ip-
 sus sorore.*

LVIII. *Ibidem.*

ΤΟΥ ΜΝΗΜΕΙΟΥ ΤΟΥΤΟΥ
 Η ΓΕΡΟΥΣΙΑ ΚΗΔΕΤΑΙ

Hujus Monumenti Senatus curam habet.

*Cos urbs & Insula Ægei prope Halicarnassum magni Hippocratis natalibus clara, ut & Erasistrati.
 Nomen adhuc retinet, quanquam illud nautæ nostri in Stanchio & Lango deturpent. Stanchio autem
 quasi εἰς τὴν Κῶ. Ostendunt illic incolæ rudera, quæ domus Hippocratis esse dicunt, quem Insulæ
 Principem fuisse ajunt, aliudque nugantur de filia Hippocratis, seu ejus anima per Insulam oberrante.*

LXIII. In Insula Santerini, quæ olim Thera, in monte S. Stephani,
ubi illius urbis rudera.

ΤΙΒΕΡΙΟΝ ΚΛΑΥΔΙΟΝ

Id est.

ΚΑΙΣΑΡΑ ΣΕΒΑΣΤΟΝ

ΓΕΡΜΑΝΙΚΟΝ ΚΟΙΡΑΝΟΣ

Tiberium Claudium
Cæsarem Augustum

ΑΓΝΟΣΘΕΝΟΥΣ ΚΑΙ ΟΤΙΟΥΣ

Germanicum, Cæranus
Agnosthenis & Filius

ΑΥΤΟΥ ΑΓΝΟΣΘΕΝΗΣ

ejus Agnosthenes pro
Populo, hoc monu-
mento venerantur.

ΤΙΒΕΡΙΟΥ ΔΗΜΟΥ

LXIV. Ibidem in basi marmorea.

ΑΥΤΟΚΡΑΤΟΡΑ ΚΑΙΣΑΡΑ ΜΑΡΚΟΝ

Id est.

ΑΥΡΗΛΙΟΝ ΑΝΤΩΝΕΙΝΟΝ

Imperatorem Cæsarem

ΣΕΒΑΣΤΟΝ

Marcum Aurelium An-

Η ΒΟΥΛΗ ΚΑΙ Ο ΔΗΜΟΣ

toninum Augustum Se-

Ο ΘΗΡΑΙΩΝ

natus & Populus The-

ΤΗΝ ΕΠΙΜΕΛΕΙΑΝ ΚΑΙ ΤΗΝ

reorum, hac Statua

ΑΝΑΣΤΑΣΙΝ ΠΟΙΗΣΑΜΕΝΩΝ

Donant,

ΑΡΧΟΝΤΩΝ ΑΣΚΛΗΠΙΑΔΟΥ

Curantibus & erigentibus

ΚΑΙ ΚΟΙΝΤΟΥ Β ΚΑΙ ΑΛΕΞΑΝΔΡΟΥ

Archontibus Asclepiade

ΕΥΦΡΟΣΥΝΟΥ ΙΕΡΑΣΑΜΕΝΟΥ

secundum & Quieto

ΠΟΛΥΟΥΧΟΥ Β

secundum & Alexandro

Euphrosyni, Consecrante

Polyucho secundum.

LXV. Ibidem.

Id est.

ΑΥΤΟΚΡΑΤΟΡΑ ΚΑΙΣΑΡΑ

Imperatorem Cæsarem

Λ. ΣΕΠΤΙΜΙΟΝ ΣΕΒΗΡΟΝ

Lucium Septimium Seve-

ΠΕΡΤΙΝΑΚΑ ΣΕΒΑΣΤΟΝ

rum Pertinacem Augustum

Η ΒΟΥΛΗ ΚΑΙ Ο ΔΗΜΟΣ

Senatus & Populus The-

Ο ΘΗΡΑΙΩΝ

reorum venerantur.

LXVI. Ibidem.

ΑΥΤΟΚΡΑΤΟΡΑ ΚΑΙΣΑΡΑ Μ. ΑΥΡΗΛΙΟΝ

ΣΕΒΗΡΟΝ ΑΝΤΩΝΕΙΝΟΝ ΕΥΣΕΒΗ

ΣΕΒΑΣΤΟΝ ΑΡΑΒΙΚΟΝ ΑΔΙΑΒΗΝΙΚΟΝ

ΠΑΡΘΙΚΟΝ ΓΕΡΜΑΝΙΚΟΝ ΜΕΓΙΣΤΟΝ

Η ΒΟΥΛΗ ΚΑΙ Ο ΔΗΜΟΣ Ο ΘΗΡΑΙΩΝ

ΑΡΧΙΣ. Μ. ΑΥΡ. ΙΣΟΚΛΕΟΥΣ ΑΣΚΛΗΠΙΑΔΟΥ ΤΟ Β ΚΑΙ ΑΥΡ.

ΚΛΕΟΤΕΛΟΥΣ ΤΥΡΑΝΝΟΥ ΚΑΙ ΑΥΡ. ΦΙΛΟΖΕΝΟΥ

ΑΒΑΣΚΑΝΤΟΥ ΤΗΝ ΠΡΟΝΟΙΑΝ ΤΗΣ ΠΑΡΑΣΚΕΥΗΣ

ΚΑΙ ΤΗΣ ΑΝΑΣΤΑΣΕΩΣ ΤΟΥ ΑΝΔΡΙΑΝΤΟΣ ΠΟΙΗΣΑΜΕΝΟΥ

ΤΟΥ ΠΡΩΤΟΥ ΑΡΧΟΝΤΟΣ ΑΥΡ. ΙΣΟΚΛΕΟΥΣ ΤΟ Β

Ex schedis R. P. Babbi Jesuitæ.

P p p p

Id est, Imperatorem Cæsarem Marcum Aurelium Severum Antoninum Pium Augustum Arabicum, Adiabenicum, Parthicum, Germanicum maximum, Senatus & Populus Theræorum venerantur, sub Archontibus Marco Isocle Asclepiade secundum & Aurelio Cleotele Tyranno, & Aurelio Philoxeno Abascanto, curam impensarum & erectionis Statuæ gerente primo Archonte Aurelio Isocle secundum.

LXVII. Ibidem.

Ο ΔΑΜΟΣ ΑΦΗΡΟΙΖΕ ΚΑΙ ΕΤΕΙΜΑΣΕ ΤΟΝ ΙΕΡΕΑ
ΑΠΟΛΛΟΝΟΣ ΚΑΡΝΗΙΟΥ ΔΙΑ ΓΕΝΟΥΣ ΑΔΜΗΤΟΝ ΘΕΟΚΛΕΙ
ΔΑ ΠΑΣΑΣ ΑΡΕΤΑΣ ΕΝΕΚΑ ΚΑΙ ΣΩΦΡΟΣΥΝΑΣ

Subsunt octo versus lectu & intellectu difficiles, in hujus Admeti laudem. Hæc autem Inscriptio explicanda:

Populus consecravit & honoravit Sacerdotem Apollinis
Carnei a progenie, Admetum Theoclidem omnis
Virtutis & sapientiæ causa

LXVIII. Ibidem.

ΑΥΡ ΤΥΧΑΣΙΟΣ ΤΟΝ ΠΑΤΕΡΑ Aurelius Tychasius Pa-
ΚΑΙ ΕΛΠΙΖΟΥΣΑ ΤΟΝ ΙΔΙΟΝ trem, & Elpizusa pro-
ΣΤΜΒΙΟΝ ΤΥΧΑΣΙΟΝ prium Maritum Tycha-
ΑΦΗΡΩΙΖΑΝ sium consecrarunt.

LXIX. Ibidem.

ΚΑΡΠΟΣ ΤΑΝ Carpus suam
ΙΔΙΑΝ ΓΥΝΑΙΚΑ uxorem Soei-
ΣΩΕΙΔΑ ΑΦΗΡΟΙΖΕΝ da Consecravit
ΤΗΝ ΜΟΝΑΝΔΡΟΝ univiram.

Thera Insula Archipelagi sive Maris Ægæi nunc Santerini, Lacedæmoniorum Colonia circa Cretam, & Cyrenæorum Metropolis, ut inquit Strabo, hoc est cujus incolæ Cyrenem in Africa condiderant, antiquitus Calliste vocabatur, Callimachi Poetæ natalibus illustris. Illa simul cum Therasia terræ motu e mari emeruisse ab antiquis putabatur, ex eaque postea, ait Plinius, avulsa Therasia, atque inter has duas enata post Automate. Nostra ætate magnam ab ignibus & ventis subterraneis passa cladem, anno præsertim 1457. ut docent hi versus illius sæculi in oppido Insulæ Scaro in marmore sculpti.

Magnanime Franciscæ, Heroum certissima proles,

Crispe vides oculis clades, quæ mira dedere

Mille quadringentis Christi labentibus annis,

Quinquies undenis istis jungendo duobus,

Septimo Calendæ Decembrii murmure vasto,

Vastus Theresinæ immanis saxa Camenæ

Cum gemit, avulsit, scopulosque e fluctibus imis

Apparet, magnum gignit memorabile monstrum.

Crispus ille erat Insulæ Dux, ejusque familiæ supersunt quidam in Insulis Naxo & Paro. Theresinus est Therasiæ sinus. Camenæ vero unus ex duobus combustis scopulis ante Portum.

LXX. *Ex Delo Insula Chium delata, inde Constantinopolim, ubi nunc
est apud Gallie Legatum.*

ΕΠΙ ΦΑΙΔΡΙΟΥ ΑΡΧΟΝΤΟΣ ΕΛΛΗΝΒΩΛΙΟΝΟΣ ΟΓΔΟΗ ΕΚΚΛΗΣΙΑ
ΕΝ ΤΩ ΙΕΡΩ ΤΟΥ ΑΠΟΛΛΩΝΟΣ ΔΙΟΝΥΣΙΟΣ
ΔΙΟΝΥΣΙΟΥ

ΑΡΧΙΘΙΑΣΙΤΗΣ ΕΙΠΕΝ

ΕΠΕΙΔΗ ΠΑΤΡΩΝ ΔΩΡΟΘΕΟΥ ΤΩΝ ΕΚ ΤΗΣ ΣΥΝΟΔΟΥ ΕΠΕΛΘΩΝ
ΕΠΙ ΤΗΝ ΕΚΚΛΗΣΙΑΝ ΚΑΙ... ΗΜΟΥ ΤΗΝ ΤΗΡΑΧΟΥ
ΣΑΝ ΑΥΤΩΙ ΕΥΝΟΙΑΝ ΕΙΣ ΤΗΝ ΣΥΝΟΔΟΝ ΚΑΙ ΕΙΣ ΠΟΛΛΑΣ ΧΡΕΙΑΣ
ΠΑΡΕΙΣΧΗΤΑΙ ΑΠΑΡΑΛΗΚΤΩΣ ΔΙ' ΑΥΤΗΣ ΚΑΙ ΔΙΑΠΑΝΤΟΣ ΕΩ
ΝΕΙΤΑ ΤΗΙ ΣΥΝΟΔΩ ΕΤΙ ΚΑΙ ΠΡΑΤΤΩΝ ΤΑ ΣΥΝΦΕΡΟΝΤΑ
ΚΑΙ ΤΑ ΤΩΝ ΕΑΥΤΩ ΤΩΝ ΕΛΕΥΣΟΜΕΝΩΝ
ΕΜΠΟΡΩΝ ΚΑΙ ΝΑΥΚΛΗΡΩΝ ΣΥΝΑΞΑΜΕΝΩΝ ΕΠΙΤΕΤΞΗΜΕ
ΝΗΣ ΑΥΤΗΣ ΜΕΤΑ ΤΗΣ ΠΑΛΑΙΑΣ ΕΥΝΟΙΑΣ ΠΑΡΕΚΑΛΕΣΕΝ ΤΟ
ΚΟΙΝΟΝ ΕΞΑΠΟΣΤΕΙΛΑΙ ΠΡΕΣΒΕΙΑΝ ΠΡΟΣ ΤΟΝ ΔΗΜΟΝ ΤΩΝ ΑΘΗ
ΝΑΙΩΝ ΟΠΩΣ ΔΟΘΗ ΚΑΤΑΣΚΕΥΑΣΟΥΣΙΝ ΤΕ
ΜΕΝΟΣ ΗΡΑΚΛΕΟΥ ΤΟΥ ΤΙ..... ΠΑΡΑΙΤΙΟΥ ΓΕ

ΓΟΝΟΤΟΣ ΤΟΙΣ ΑΝΘΡΩΠΟΙΣ ΑΡΧΗΣ ΟΣΤΙΣ ΤΗΣ ΠΑΤΡΙΔΟΣ ΥΠΑΡ
ΧΟΝΤΟΣ ΑΙΡΕΘΕΙΣ ΠΡΕΣΒΕΥΤΗΣ ΠΡΟΣ ΤΗΝ ΒΟΥΛΗΝ ΚΑΙ
ΤΟΝ ΔΗΜΟΝ ΤΩΝ ΑΘΗΝΑΙΩΝ..... ΞΑΜΕΝΟΣ Ε
ΠΛΕΤΣΕΝ ΔΑΠΑΝΩΝ ΕΚ ΤΩΝ ΙΔΙΩΝ.. ΑΝΙΣΤΑΣ ΤΕ ΤΗΝ
ΤΗΣ ΣΥΝΟΔΟΥ ΠΡΟΣ ΤΟΝ ΔΗΜΟΝ ΕΥΝΟΙΑΝ ΠΑΡΕΚΑΛΕΣΕΝ
ΑΥΤΟΝ ΚΑΙ ΔΙΑ ΤΑΥΤΗΝ ΤΗΝ ΑΙΤΙΑΝ.. ΕΤΕΛΕΣΑΤΟ
ΤΗΝ ΤΩΝ ΘΙΑΣΙΤΩΝ ΒΟΥΛΗΣΙΝ ΚΑΙ ΤΗΝ ΤΩΝ ΘΕΩΝ ΤΙΜΗΝ
ΚΑΘΑΠΕΡ ΗΡΜΟΤΤΕΝ ΑΥΤΩΙ ΤΗΡ ΔΙΚΑΙΟΥ ΑΠΗΚΩΣ ΔΕ
ΚΑΙ ΠΛΕΙΟΝΑΣ ΕΝ ΤΟΙΣ ΜΕΤΑ ΤΟΥΤΩΝ ΚΑΙΡΟΙΣ ΕΙΡΗΚΕΝ
ΔΕ ΚΑΙ ΤΗΡ ΤΗΣ ΣΥΝΟΔΟΥ ΕΝ ΤΩ ΑΝΑΓΚΑΙΟΤΑΤΩ
ΚΑΙΡΩ ΤΑ ΔΙΚΑΙΑ ΜΕΤΑ ΠΑΣΗΣ ΠΡΟΟΤΜΙΑΣ ΚΑΙ ΦΙΛΟΤΙ
ΜΙΑΣ ΚΑΙ ΕΔΕΞΑΤΟ ΔΕ ΤΟΝ ΘΙΑΣΟΝ ΕΦ' ΗΜΕΡΑΣ ΔΥΟ ΤΗΡ
ΤΟΥΤΟΥΤΙΝ ΝΑΟΥΤΗΝ ΚΑΙ ΕΙΣ ΤΟΝ ΛΟΙΠΟΝ ΧΡΟΝΟΝ ΑΠΑΡΑ
ΚΛΗΤΟΝ ΕΑΥΤΟΝ ΠΑΡΕΣΚΕΥΑΣΤΟ ΚΑΙ Η ΣΥΝΟΔΟΣ ΦΑΙ
ΝΗΤΑΙ ΦΡΟΝΤΙΖΟΥΣΑ ΔΙΑΝΕΥΜΕΝΩΝ ΑΝΔΡΩΝ ΕΙΣ ΕΑΥ
ΤΗΝ ΕΥΝΟΙΚΩΣ ΚΑΙ ΑΣΙΑΣ ΧΑΡΙΤΑΣ ΑΠΟΔΙΔΟΥΣΑ ΤΟΙΣ
ΕΥΕΡΓΕΤΑΙΣ ΚΑΙ ΕΤΕΡΟΙΣ ΘΥΤΩΝ ΕΚ ΤΗΣ ΣΥΝΟΔΟΥ
ΔΙΑ ΤΗΝ ΕΙΣ ΤΟΥΤΟΝ ΕΥΧΑΡΙΣΤΙΑΝ Ε.....ΩΤΑΙΩ
ΝΩΝ ΚΑΙ ΠΑΡΑΜΙΜΟΝΤΑΙ ΦΙΛΟΤΙΜΟΥΜΕΝΟΙΣ
ΠΕΡΙΠΟΙΕΙΝΤΙ ΤΗ ΣΥΝΟΔΩ ΚΑΙ ΑΓΑΘΗ ΤΥΧΗ

Pppp ij

ΔΕΔΟΧΘΑΙ ΤΩ ΚΟΙΝΩ ΤΩΝ ΤΥΡΙΩΝ..... ΤΩΝ
 ΕΜΠΟΡΩΝ ΚΑΙ ΝΑΥΚΛΗΡΩΝ ΕΠΑΙΝΕΣΑΙ ΠΑΤΡΩΝΑ ΔΩ
 ΡΟΘΕΟΥ ΚΑΙ ΣΤΕΦΑΝΩΣΑΙ ΑΥΤΟΝ ΚΑΤ' ΕΝΙΑΥΤΟΝ ΧΡΕΣΩ
 ΣΤΕΦΑΝΩ ΕΝ ΤΑΙΣ ΣΥΝΤΕΛΕΣΜΕΝΑΙΣ ΘΥΣΙΑΙΣ
 ΤΩΙ ΠΟΣΕΙΔΩΝΙ ΑΡΕΤΗΣ ΕΝΕΚΕΝ ΚΑΙ ΚΑΛΟΚΑΓΑΘΙ
 ΔΣ ΗΣ ΕΧΩΝ ΔΙΑΤΕΛΩΝ ΕΙΣ ΤΟ ΚΟΙΝΟΝ ΤΩΝ ΤΥΡΙ
 ΩΝ ΕΜΠΟΡΩΝ ΚΑΙ ΝΑΥΚΛΗΡΩΝ ΑΝΑΘΕΙΝΑΙ ΔΕ ΑΥ
 ΤΟΥ ΕΙΚΟΝΑ ΓΡΑΠΤΗΝ ΕΝ ΤΩ ΤΕΜΕΝΕΙ ΤΟΥ
 ΗΡΑΚΛΕΟΥΣ ΚΑΤΑΔΑΣ...ΧΗΟΥ ΑΝ ΑΥΤΟΣ ΒΟΥΛΗΤΑΙ ΕΣ
 ΤΟ ΔΕ ΔΕΥ...ΟΣ ΚΑΙ ΑΔΕΙΤΟ ΤΡΓΗΤΟΣ ΕΝ ΤΑΙΣ
 ΓΙΝΟΜΕΝΑΙΣ ΣΥΝΟΔΟΙΣ ΠΑΣΑΙΣ ΕΠΙΜΕΛΕΙΑ ΕΣ ΤΟ
 ΤΟΙΣ ΚΑΘΙΣΤΑΜΕΝΟΙΣ ΑΡΧΙΘΙΑΣΙΤΑΙΣ ΚΑΙ ΤΑΜΙΑΙΣ
 ΚΑΙ ΤΩ ΓΡΑΜΜΑΤΕΙ ΠΩΣ ΕΝ ΤΑΙΣ ΓΙΝΟΜΕΝΑΙΣ ΘΥ
 ΣΙΑΙΣ ΚΑΙ ΣΥΝΟΔΟΙΣ ΑΝΑΓΟΡΕΤΕΙΤΑ ΚΑΤΑ ΤΑΥΤΗΝ
 ΤΗΝ ΑΝΑΓΟΡΕΤΣΙΝ Η ΣΥΝΟΔΟΣ ΤΩΝ ΤΥΡΙΩΝ ΕΜΠΟΡΩΝ
 ΚΑΙ ΝΑΥΚΛΗΡΩΝ ΣΤΕΦΑΝΟΙ ΠΑΤΡΩΝΑ ΔΩΡΟΘΕΟΥ
 ΕΤΕΡΓΕΤΗΝ ΑΝΑΓΡΑΦΑΤΩΣΑΝ ΔΕ ΤΟ ΦΗ
 ΦΙΣΜΑ ΕΙΣ ΣΤΗΛΗΝ ΛΙΘΙΝΗΝ ΚΑΙ ΣΤΗΣΑΤΩΣΑΝ ΕΝ
 ΤΩ ΤΕΜΕΝΕΙ ΤΟΥ ΗΡΑΚΛΕΟΥΣ ΤΟ ΔΕ ΕΣΟΜΕΝΟΝ ΑΝΗΛΩΜΑ
 ΕΙΣ ΤΑΥΤΑ ΜΕΡΙΣΑΤΩ Ο ΤΑΜΙΑΣ ΚΑΙ ΑΡΧΙΘΙΑΣΙΤΗΣ

ΕΠΙ ΑΡΧΙΘΙΑΣΙΤΟΥ

ΔΙΟΝΥΣΙΟΥ ΤΟΥ ΔΙΟΝΥΣΙΟΥ

ΙΕΡΑΤΕΥΟΝΤΟΣ ΔΕ ΤΟΥ

ΔΩΡΟΘΕΟΥ

ΔΗΜΟΣ

ΑΘΗΝΑΙ

ΩΝ

Η ΣΥΝΟΔΟΣ

ΤΩΝ ΤΥΡΙΩΝ

ΕΜΠΟΡΩΝ ΚΑΙ

ΝΑΥΚΛΗΡΩΝ

Exscripsi.

Interpretatio.

*Sub Phœdria Archonte, mensis Elaphebolionis octavo, Ecclesia (seu Conventus) in Templo Apolli-
 nis convocata :*

Dionysius Dionysii filius Archithiasita dixit :

*Quandoquidem Patro Dorothei filius unus ex Synodo qui ad Ecclesiam venit propter suam erga Synodum
 benevolentiam qua ad plurimas necessitates se ultro obtulit, ejus causa aliorumque omnium quæ Synodo
 contulit, præstans etiamnum quæ illi conferunt*

pro Synodo in tempore maxime necessario cum omni bona voluntate & affectu dixit, Festumque per duos dies celebravit in his templis, & irrevocabile reliquo tempore præstitit, utque Synodus studiosorum erga se virorum curam gerere videatur, dignasque benefactoribus gratias reddere, cæterisque ex Synodo sacrificatoribus propter gratitudinem erga illum

fiunt & illis quis aliquid utile Synodo & bonæ fortunæ conferre student assimilentur, visum est communitati Tyriorum Mercatorum ac Nauclerorum laudari Dorotheifilium coronarique singulis annis corona aurea, in sacrificiis Neptuno consecratis, propter virtutem & bonam voluntatem quam perpetuo habuit erga mercatorum Tyriorum Nauclerorumque communitatem, ut præterea ejus sculpta imago in templo Herculis quod est juxta collocetur si ipsi voluerit

Archibiasitis, Quæstoribus & Scribæ, sicuti in celebratis sacrificiis & Synodis, denunciat ea quæ hanc declarationem spectant, Synodus Tyriensium mercatorum nautarumque coronat Patronem Dorotheifilium suum benefactorem. Psephisma vero inscribant cippo lapideo & collocent in Herculis æde. Superstes vero dividant Quæstor & Archibiasites. Sub Archibiasite Dionysio Dionysii filio; Sacerdotis officio fungente Dorotheo.

Synodus Tyriensium
mercatorum nautarumque.

Populus Atheniensium.

Archibiasites Præfectus Chorearum Bacchicarum: Θίασος enim cœtus & multitudo tripudiantium, & proprie turba Bacchicas saltationes, chorosque agitans, ut tradit Athenæus.

Populus Atheniensium qui hic memoratur, non est Athenarum Atticarum, sed oppidi in Delo cui *Athenæ novæ* nomen erat: quod incognitum fuisse miror Jo. Harduino nupero Scriptori, libro cui titulus, *Nummi Populorum & urbium illustrati*. Ibi enim ad nummum ANTIOXEΩΝ ΤΩΝ ΕΝ ΠΤΟΛΕΜΑΙΔΙ pag. 414. eruditum Antiquarium reprehendit, qui ex eo nummo Antiochiam aliquam in Ptolemaidis agro fuisse auguratus est: additque; *Denique qui Antiochiam in Ptolemaidis agro querit, idem etiam Athenas in Insula Delo investiget, quoniam apud Gruterum in vetusta Inscriptione legitur non semel pag. CCCCV. ΑΘΗΝΑΙΩΝ ΤΩΝ ΕΝ ΔΗΛΩΙ, & ΑΘΗΝΑΙΟΙΣ ΤΟΙΣ ΕΝ ΔΗΛΩΙ*. Addidisset & hanc, si vidisset, ΔΗΜΟΣ ΑΘΗΝΑΙΩΝ. Imo vero, o Vir Erudite, Athenæ erant in Insula Delo. Testis præter lapides Stephanus Byzantius: ΟΛΤΥΜΠΙΕΙΟΝ, inquit, τόπος ἐν Δήλῳ, ὃν κτίσαντες Ἀθῶναιοι χεῖμασιν Ἀδριανῆς, Νέας Ἀθῶνας Ἀδριανὰς ἐκάλεσαν, ὡς Φλέγων ἐν Ολυμπιάδων πεντεκαίδεκατῷ. Id est, OLYMPIEUM locus in Delo, quem Athenienses qui eum condiderunt ex Hadriani pecunia, vocavere Novas Athenas Hadrianas, ut tradit Pblego Olympiadum decimo quinto. Hujus loci mentionem fieri in quodam aquæductu, putaveram olim: sed fallebar, & non advertēbam etiam Athenarum Atticarum partem Athenas novas vocitatam fuisse, quod jam in meo Græciæ Itinerario monui. Sic priorem ætatem subsequens ætas docet & emendat: unde in alios quos errasse putamus insilire piaculum sit: cum ipsimet forte simus erronei, & reprehensioni obnoxii. Liceat tantum nobis criticæ partes assumere, ut clarius elucescat veritas, non ut clariores evadamus.

LXXI. Placiæ in Cœmeterio Armeniorum.

ΑΓΑΘΗ ΤΥΧΗ

Γ. ΠΕΣΚΕΝΝΙΟΣ ΟΝΗΣΙΜΟΣ

ΘΕΩ ΤΦΙΣΤΩ ΣΩΘΕΙΣ ΑΝ

ΕΘΗΚΑ ΕΚ ΜΕΓΑΛΟΥ ΚΙΝΔ

ΥΝΟΥ ΜΕΤΑ ΤΩΝ ΙΔΙΩΝ

ΝΕΙΚΗΣ ΕΥΧΑΡΙΣΤΗΡΙΟΝ

ΑΝΑΘΕΙΝΑΙ

Ex D. Vaillant.

Id est, Bonæ Fortunæ Caius Pescennius Onesimus Deo altissimo consecravi ereptus ex magno periculo post meorum victoriam gratiarum actionis collocandum monumentum.

LXXII. *Ibidem.*

ΥΠΟΜΝΗΜΑ

ΑΥΡ. ΧΡΗΣΤΟΥ Ο ΚΑΤΕΣΚΕΥΑΣΕΝ
ΕΑΥΤΩ ΖΩΝ ΚΑΙ ΤΗ ΓΑΤΚΥΤΑΤΗ ΜΟΥ
ΓΥΜΝΑΙΚΙ ΑΥΡ. ΕΥΠΟΣΙΑ ΤΟΙΣ ΔΕ ΛΟΙΠΟΙΣ
ΑΠΑΓΟΡΕΩ ΕΙ ΔΕ ΤΙΣ ΤΟΛΜΗΣΕΙ ΕΤΕΡΟΝ
ΚΑΤΑΘΕΣΤΑΙ ΕΣΤ ΕΑΥΤΩ ΠΡΟΣ ΤΟΝ ΘΕΟΝ

Ex eodem.

Monumentum Aurelii Chresti quod sibi vivens fecit, & dulcissimæ uxori meæ Aureliæ Euposia: cæteris vero prohibeo, si quis vero ausus fuerit alium hic deponere sit illi penes Deum.

LXXIII. *Romæ ad Laodiceam pertinens.*

Μ. ΑΛΦΗΝΟΣ	Id est.
ΜΑΡΤΙΑΛΗΣ	Marcus Alfennus
ΛΑΟΔΙΚΕΥΣ	Martialis
ΤΗΣ ΑΣΙΑΣ ΠΑ	Laodicensis
ΡΟΔΟΙΣ ΧΑΙ	Asia, Viatores
ΡΕΙΝ ΠΑΤΗΡ	salvete, Pater,
ΕΠΟΙΗΣΕ ΤΩ ΙΔΙΩ	Fecit suo
ΤΕΚΝΩ ΖΗΣΑΝ	filio qui vixit
ΤΙ ΕΤΗ Θ	annos IX.

*Exscripsi.*LXXIV. *In pago Caramania, Cladie.*

ΑΙΛΙΑ ΑΜΜΙΑ	Ælia Ammia
ΑΙΛΙΩ ΧΑΡΙΤΩΝΙ	Ælio Charitoni
ΑΝΔΡΙ ΜΝΗΜΗΣ	viro, memoriae
ΕΝΕΚΕΝ ΚΑΙ ΕΑΥ	causa, & sibi
ΤΗ ΖΩΣΑ	viva.

LXXV. *Ibidem.*

ΑΥΡ. ΘΕΟΚΤΙΣ	Aurelius Theoctis-
ΤΟΣ ΤΕΙΟΣ ΜΑ	tus filius Mace-
ΚΕΔΟΝΙΟΥ Α	donii consecravi
ΝΕΣΤΗΣΑ ΤΗ	desponsatæ meæ
ΜΝΗΣΘΗΣΑ ΜΟΥ ΣΤΗΝ	conjugi Basilissæ,
ΒΙΩ ΒΑΣΙΛΙΣΗ	memoriæ gratia
ΜΝΗΜΗΣ ΧΑΡΙΝ	

Ex D. Vaillant.

LXXVI. *Ibidem.*

MENOPHON

ET CALLICLEA SALVETE

Ex schedis Peiresk.

Romanis qui in Græcia defuncti erant sæpe Latina inscribebantur Epitaphia, quale istud in modum tamen Græcorum exaratum, cum nudo nomine adjuncta salute, de quibus supra diximus. Hæc autem Asiæ minoris provincia, quæ Caramania nunc vocatur, suberat olim Romanorum imperio, comprehenditque Pamphylia & Ciliciam. Pamphylia caput & præcipua urbs Attalia, seu ut vulgo *Sattalia*, ex Græcorum loquendi modo *εἰς Ἀττάλιαν*, & per compendium *σ' Ἀττάλιαν*. Cæterum hic omittere non debeo stupendum antiquitatis opus, a nullo quod sciam adhuc memoratum, & nuper a D. de Boisgien Nobili Gallo iter faciente Smyrna Attaliam observatum, Murus nempe qui totum Pamphylia regnum ex parte terrestri claudit: ita ut tota Pamphylia aut mari aut muro illo cincta sit, non secus ac Chinense regnum muro ingenti, montibus aut mari cingitur. Quam quidem antiquitatem etiam se observasse prælaudato peregrinatori offeruit nationis nostræ Consul Attaliae residens.

LXXVII. *Venetis ad Milesios pertinens.*

ΕΥΤΥΧΙΑΗΣ ΖΩΙΑΟΥ
ΜΙΛΗΣΙΟΥ

*Hic sculptus interjacet adolescens palliatus,
subfuntque versui quatuor.*

ΠΡΑΞΙΤΕΛΟΥΣ ΗΝΘΟΥΝ ΛΑΟΖΟΥΣ ΟΥΤΙ ΧΕΡΕΙΩΝ
ΕΣ ΔΕ ΤΕ ΩΝ ΔΙΣΣΑΣ ΗΛΥΘΟΝ ΟΓΔΟΑΔΑΣ
ΟΥΝΟΜΑ Δ ΕΥΤΥΧΙΑΗΣ ΨΕΥΔΩΝΤΜΟΝ ΑΛΛΑ ΜΕ ΔΑΙΜΩΝ
ΟΗΚΕΝ ΑΦΑΡΠΑΖΑΣ ΩΚΥΤΑΤ ΕΙΣ ΑΙΔΑ

Ex sched. Peiresk.

LXXVIII. *Mileti.*

ΜΟΥΡΜΙΛΑΟΝΕΣ	ΜΟΥΡΜΙΛΑΩΝ	ΘΡΑΙΞ
ΓΑΙΟΥΣ	ΚΕΡΑΜΤΑΛΟΥΣ	ΣΚΕΥΑΣ
Ν. Α. ΣΑ	ΕΛΕΥΝΙ ΕΣ	ΕΥΚΑΡΠΟΣ
Τ	Τ	ΑΜΙΑ. ΝΙ. ΑΣΑ
ΜΟΜΦΑΤΣ	ΜΟΥΡΜΙΛΑΩΝ	ΘΡΑΙΞΤ
ΕΛΕΥΒΕΣΣΕ	ΠΕΠΛΟΣ ΕΛΕΥ	ΔΡΑΚΟΝ ΣΑΜΙΑ
ΝΙ. Γ. Σ. ΔΑΡΙΟΣ	ΝΙ. Γ. Σ. ΙΒ	ΝΙ. Β. Σ. Β
Τ	Τ	Τ

Ex Anglor. Smyrnæ degentium schedis.

LXXIX. *In Trojæ ruderibus.*

Α ΒΟΥΛΑ ΚΑΙ Ο ΔΑΜΟΣ
 ΑΤΛΟΝ ΚΑΝΩΔΙΟΝ Γ. Υ. ΕΡΕΝ
 ΝΙΑΝΟΝ ΣΤΡΑΤΑΓΗΣΑΝ
 ΤΑ ΑΓΝΩΣ ΚΑΙ ΕΥΣΤΑΘΩΣ
 ΕΝ ΚΑΙΡΟΙΣ ΕΠΙΜΕΛΕΙΑΣ
 ΔΕΥΟΜΕΝΟΙΣ ΤΟΝ ΙΕΡΕΑ
 ΚΑΙ ΑΡΧΙΕΡΕΑ ΚΑΙ ΛΟΓΙΟΝ
 ΠΡΤΤΑΝΙΝ ΑΓΩΝΟΘΕΤΑΝ
 ΕΝ ΕΝΙΑΥΤΩ ΠΕΠΛΗΡΩΚΟΤΑ
 ΤΑ ΔΕ ΕΝ ΤΑ ΔΑΜΠΡΩΤΑΤΑ
 ΠΑΤΡΙΔΙ ΚΑΙ ΝΕΩΚΟΡΩ ΠΕΡ
 ΓΑΜΗΝΩΝ ΤΩΝ ΣΤΗΓΕΝΕΩΝ
 ΠΟΔΕΙ ΤΑΝ ΕΠΩΝΥΜΟΝ
 ΑΠΟ ΒΑΣΙΛΕΩΝ ΠΡΤΤΑΝΕΙ
 ΑΝ ΕΚ ΓΕΝΕΟΣ ΔΙΑΔΕΞΑΜΕ
 ΝΟΝ ΤΟΙΣ ΤΑΣ ΑΣΙΑΣ ΒΑΘ
 ΜΟΙΣ ΑΝΕΛΟΓΙΣΕ

*Ex Gallandii schedis.*LXXX. *Romæ, ad Tripolitanos Asiæ pertinentes!**Basis, In villa Borgbesia.**Basis, In villa
Ludovisia.*

ΚΥΙΝΤΟΣ ΙΟΥΔΙΟΣ ΜΕΙΛΗΤΟΣ	
ΠΡΟΔΙΠΩΝ ΑΣΙΑΣ ΤΡΙΠΟΔΙΝ	ΤΟΝ ΣΟΦΟΝ
ΠΑΤΡΙΔΑΝ ΠΟΔΙΝ ΑΓΝΗΝ	ΕΝ ΑΝΔΡΑΣΙΝ
ΕΝΘΑΔΕ ΗΛΘΑ ΑΓΩΝΑΙΔΕΙΝ	ΕΙΩΝΙΚΟΝ
ΠΡΟΚΑΘΕΖΟΜΕΝΟΥ ΒΑΣΙ	ΑΝΔΡΑΣ ΜΕ
ΔΕΥΟΝΤΙ ΣΕΒΗΡΩ ΚΑΙ ΠΟ	ΓΙΣ ΤΟΝ ΚΤΙΝ
ΡΙΣΑΣ ΒΙΟΝ ΕΚ ΚΑΜΑΤΩΝ	ΤΟΝ ΙΟΥΔΙΟΝ
ΙΔΙΩΝ ΤΑΥΤΑ ΕΠΟΙΗΣΑ	ΜΕΙΛΗΤΟΝ
ΕΓΩ ΑΠΑΘΗΝ ΤΟΙΣ	ΟΙ ΤΕΧΝΙΤΑΙΣ
ΖΩΣΙΝ ΕΥΦΡΑΙΝΕΣΘΑΙ	ΑΝΕΘΗΚΑΝ
ΦΙΛΟΙ ΕΙΣ ΛΑΒΤΡΙΝΘΟΝ	Q. IVLIVS FAEN
ΛΕΙ ΜΑΡΜΑΡΑΡΙΩΝ	TIVS ALVMNVS
ΤΟ ΓΕΝΟΣ ΣΩΣΕ	CVM ARTEFICI
ΣΕΡΑΠΙ	BVS POSVIT
Ο ΤΟΠΟΣ ΛΑΒΤΡΙΝΘΟΣ	

*Exscripsi.**Exscripsi.*

LXXXI. *Massiliæ, ex Græcia allata.*

Ο ΔΗΜΟΣ
ΑΡΤΕΜΟΥΝ ΑΠΟΛΛΩΝΙΟΥ ΙΚΕΣΙΟΥ ΔΕ ΓΥΝΑΙΚΑ

Exscripsi.

Id est. *Populus Artemon Apollonii filiam, Icesii vero uxorem veneratur.*

LXXXII *Lampsaci.*

ΕΔΟΞΕΝ ΤΩΙ ΔΗΜΩΙ

ΤΗΣ ΑΡΤΕΜΙΔΩΡΟΥ

ΤΟΥΤΕ ΟΜΗΡΟΥΣ ΔΟΥΡ..

ΗΜΑΤΩΝ ΤΟΛΛΗΤΗΝ

ΕΛΕΥΘΕΡΙΑΝ

ΠΑΡΑ ΦΙΛΙΠΠΟΥΣ

ΤΗΝ ΒΟΥΛΗΝ ΗΖΙΟΥ

ΘΟΥ ΤΗΣ ΠΟΛΕΩΣ Δ..

ΔΗΙ ΕΠΕΙ ΠΡΟΘΥΜ...

ΤΩΣ ΟΜΗΡΟΥΣ ΑΝΤΙΠ...

ΔΙΔΟΝΑΙ ΑΥΤΟΙΣ

ΜΙΑΝ ΤΩΝ ΕΠΙΜΩΝ

ΙΑ ΤΟΛΛΕΤ ΚΑ...Ε

Exscripsi.

LXXXIII. *Phocææ, quæ nunc Foja vecchia, non longe a Smyrna.*

Η ΤΕΤΘΑΔΕΩΝ ΦΤΛΗ

ΦΛΑΟΥΙΑΝ ΜΟΣΧΟΝ ΘΥΓΑΤΕΡΑ ΑΜΜΙΟΝ

ΤΗΝ ΚΑΛΟΥΜΕΝΗΝ ΑΡΙΣΤΙΟΝ ΑΡΧΙΕΡΙΑΝ

ΑΣΙΑΣ ΝΑΟΥ ΤΟΥ ΕΝ ΕΦΕΣΩ ΠΡΥΤΑΝΙΝ ΣΤΕΦΑΝΗΦΟΡΟΝ

ΔΙΣ ΚΑΙ ΙΕΡΕΙΑΝ ΤΗΣ ΜΑΣΣΑΛΙΑΣ ΑΓΩΝΟΘΕΤΙΝ ΤΗΝ

ΦΛΑΟΥΙΟΥ ΕΡΜΟΚΡΑΤΟΥ ΓΥΝΑΙΚΑ ΑΡΕΤΗΣ ΕΝΕΚΕΝ

ΚΑΙ ΤΗΣ ΠΕΡΙ ΤΟΝ ΒΙΟΝ ΚΟΣΜΩΤΗΤΟΣ ΤΕ ΚΑΙ ΑΓΝΕΙΑΣ

Tribus Teutbadeorum Flaviam Moschifiliam Ammion cognominatam Aristion, Pontificem Asiæ templi quod est Ephesi, Prytanin, Stephanephoram bis & Sacerdotem Massiliæ, certamina exhibentem, Flavii Hermocratis uxorem virtutis causa, totiusque circa mores ornamentis & castitatis.

Egregia est hæc Inscriptio Nobilis Matronæ Phocensis, quæ sacerdotio fungebatur Ephesi in magnæ Dianæ Templo, & Massiliæ, quæ a Phocensibus condita erat, & ab iis Dianæ cultum acceperat, ut abunde constat ex infinitis ejus antiquis nummis, quæ ab una parte Dianæ caput exhibent, ab alia Leonem, cum voce ΜΑΣΣΑΛΙΗΤΩΝ, *Massiliensium*. Prytanes Judices erant in Atheniensium Tribubus, ad quorum imitationem Phocenses forte acceperant Prytanes sexus utriusque.

LXXXIV. *Ibidem.*

ΑΥΤΟΚΡΑΤΟΡΑ ΚΑΙΣΑΡΑ ΛΟΥΚΙΟΝ ΣΕΠΤΙΜΙΟΝ
ΣΕΒΟΥΗΡΟΝ ΠΕΡΤΙΝΑΚΑ ΣΕΒΑΣΤΟΝ Ο ΔΗΜΟΣ

Imperatorem Casarem Lucium Septimium Severum Pertinacem Augustum Populus honoravit.

LXXXV. *Smyrna.*

ΦΛΑΟΥΙΑ ΤΡΥΦΑΙΝΑ Η ΚΑΙ ΡΟΔΟΠΗ
ΖΩΣΑ ΚΑΤΕΣΚΕΥΑΣΕΝ ΤΟ ΜΝΗΜΕΙΟΝ ΕΑΤ
ΤΗ ΚΑΙ ΤΩ ΑΝΔΡΙ ΑΣΚΑΗΠΙΑΔΙ ΗΡΑΚΛΕΙΔΟΥ
ΤΟΥ ΦΙΛΟΖΕΝΟΥ ΚΑΙ ΑΠΕΛΕΥΘΕΡΟΙΣ ΚΑΙ ΘΡΕΜ
ΜΑΣΙΝ ΑΤΤΗΣ ΚΑΙ ΤΟΥ ΑΝΔΡΟΣ ΑΤΤΗΣ ΜΗΔΕΝΟΣ
ΕΧΟΝΤΟΣ ΕΞΟΥΣΙΑΝ ΑΠΑΛΛΟΤΡΙΩΣΑΙ . . .
.... ΜΗΤΡΙ ΘΕΩΝ ΣΙΠΥΛΗΝΗ ΤΗ . . .
ΔΙ ΗΜΩΝ ΑΡΓΥΡΙΟΝ * ΤΑΤΤΗΣ ΕΠΙΓΡΑ
ΦΗΣ ΕΚΦΡΑΓΙΣΜΑ ΑΠΕΤΕΘΗ Ε . . .

Exscripti.

LXXXVI. *Ibidem; Fig. stans cum serpente circa columnam.*

ΑΔΗΡΑΚΛΕΙΔΗΣ ΚΑΤΕΧΕΙ ΚΟΝΙΣ ΟΜΒΡΤΣ ΑΙΔΑΣ
ΕΙΡΤΣΕΝΑΙ ΘΕΩΝ ΗΛΙΚΟΣ ΕΞΑΓΕΛΑΣ
ΑΡΤΙ ΓΑΡ ΕΥΜΟΧΘΟΥ ΕΠΙ ΓΥΜΝΑΔΑΣ ΑΓΝΟΝ ΕΦΗΒΟΥ
ΣΧΗΜΑ ΔΑΧΩΝ ΕΡΑΤΑΝ ΩΛΕΣΕΝ ΑΛΙΚΙΑΝ
ΑΡΤΙ Δ ΑΡΙΘΜΟΝ ΕΤΩΟ ΕΞ ΚΑΙ ΔΕΚΑ ΤΕΡΗΝΟΣ ΑΜΙΒΩΝ
ΖΜΕΡΤΟΜΑΡΑΙ ΣΤΥΓΕΡΟΝ ΜΑΤΡΙ ΔΕΛΟΙΠΕ ΓΟΟΝ

Ex Gallandii schedis.

LXXXVII. *Ibidem.*

Ο Δ Η	Ο Δ Η
Μ Ο Σ	Μ Ο Σ
Ο ΜΥΤΙΑΝ	ΤΑΛΑ
ΝΑΙΟΝ	ΠΗΡΙΟΥ
ΝΙΚΑΝΔΡΟΝ	ΑΠΟΔΩΝΙΟΥ
Ο Δ Η	Ο Δ Η
Μ Ο Σ	Μ Ο Σ
Ο ΤΕΜΝΙΤΩΝ	Ο ΕΡΥΘΡΑΙΩΝ
Ο Δ Η	Ο Δ Η
Μ Ο Σ	Μ Ο Σ

LXXXVIII. *Ibidem in Cœmeterio Armeniorum.*

ΝΑΙΣ ΕΡΜΟΥ ΤΟΥ ΔΙΟΚΛΕΟΥΣ
 ΑΓΟΡΑΣΑΣ ΤΟΝ ΦΕΙΛΟΝ ΚΑΤΕ
 ΣΚΕΥΑΣΕ ΤΟ ΜΝΗΜΕΙΟΝ ΤΩ ΚΑΤΟΙ
 ΧΟΜΕΝΩ ΥΙΩ ΖΟΣΙΜΩ ΚΑΙ ΕΑΤΗ ΚΑΙ
 ΚΟΡΝΗΛΙΩ ΕΥΤΥΧΙΑΝΩ ΑΝΔΡΙ ΚΑΙ
 ΤΟΙΣ ΘΡΕΜΜΑΣΙ ΚΑΙ ΠΡΟΚΛΗ ΤΗΤΡΑ
 ΦΕΙΣΗ ΥΠ ΑΤΤΗΣ ΕΞΟΥΣΙΑΝ ΕΧΟΥ
 ΣΗΣ ΑΤΤΗΣ ΕΠΙΤΕΘΕΙΝΑΙ ΣΟΡΟΝ ΕΙΣ ΟΝ
 ΑΠΟΤΕΘΗΣΕΤΑΙ ΜΟΝΗ ΜΗΔΕΝΟΣ ΕΧΟΝΤΟΣ
 ΕΞΟΥΣΙΑΝ ΕΤΕΡΟΝ ΒΑΛΕΙΝ Η ΑΠΑΛΛΟΤΡΙΩΣΑΙ
 Τ ΑΤΤΗΣ ΤΗΣ ΕΠΙΓΡΑΦΗΣ ΑΠΕΤΕ
 ΘΗ ΑΝΤΙΓΡΑΦΟΝ ΕΙΣ ΤΟ ΑΡΧΕΙΟΝ

Id est. Nais Hermi Dioclis filii, comparans sibi locum longum posuit monumentum condito subtus filio Zosimo, sibi & Cornelio Eutychemiano viro, liberisque & Proclæ ipsius alumnae, ea quidem potestatem habente sepulchrum suum illic collocare, in quo condetur sola, nemini autem sit licitum aliud corpus immittere, aliquidve immutare. Hujus inscriptionis deponetur simile exemplar in Archivis.

LXXXIX. *Ibidem.*

ΧΑΙΡΙΤΙΝ ΕΡΜΙΠΠΟΥ ΤΟΥ
 ΕΠΙΤΥΝΧΑΝΟΝΤΟΣ ΤΟ ΜΝΗ
 ΜΕΙΟΝ ΕΑΥΤΗ ΚΑΙ ΤΟΙΣ ΕΝ
 ΤΗ ΔΙΑΘΗΚΗ
 ΤΟ ΜΝΗΜΕΙΟΝ ΕΣΤΙΝ ΙΚΙΟΥ ΙΚΙΟΥ ΤΟΥ ΚΑΤΑ
 ΕΤΗΜΕΡΟΥ ΙΕΡΟΥ ΣΜΥΡΝΑΙΩΝ ΚΑΙ ΤΡΟΦΙΜΗΣ
 ΚΥΡΟΥ ΤΟΥ ΕΡΜΟΓΕΝΟΥΣ ΚΑΤΑ ΤΗΝ ΓΕΓΟΝΤΙΑΝ
 ΕΚΧΩΡΗΣΙΝ ΤΗΣ ΕΠΙΓΡΑΦΗΣ ΑΝΤΙΓΡΑΦΟΝ
 ΑΠΟΤΕΘΗΣΕΤΑΙ ΕΙΣ ΤΟ ΑΡΧΕΙΟΝ

Id est. Charitin filiam Hermippi qui sibi comparavit monumentum, cæterisque qui in hoc sepulchro continentur. Pertinet autem monumentum ad Icium Icium Eubemeri filium Sacerdotem Smyræorum & Trophimam Cyri Hermogenis filii, secundum eam quæ facta est concessionem. Inscriptionis Antigraphum deponetur in Archivis.

XC. *Ibidem.*

ΤΙ. ΙΟΥΛΙΟΣ ΤΙ. ΥΙΟΣ ΦΑΒΙΑ ΠΟΛΛΕΙΑ
 ΩΝ ΖΩΝ ΜΝΗΜΕΙΟΝ ΚΑΤΕΣ
 ΚΕΥΑΣΕΝ ΕΑΥΤΩ ΚΑΙ ΙΟΥΛΙΑ
 ΠΡΟΚΛΗ ΤΗ ΘΥΓΑΤΡΙ ΚΑΙ ΤΙ. ΙΟΥΛΙ
 Ω ΤΙ. ΥΙΩ ΦΑΒΙΑ ΠΟΛΛΙΩΝΙ ΤΩ
 ΥΙΩ ΚΑΙ ΤΟΙΣ ΤΟΥΤΩΝ ΕΚΓΟΝΟΙΣ
 ΚΑΙ ΕΤΕΡΩ ΔΕ ΜΗ
 ΔΕΝΙ ΕΞΟΝ ΕΙΝΑΙ ΤΕΘΕΙΝΑΙ ΕΙΣ ΤΟ

ΜΝΗΜΕΙΟΝ

Ex Erud. Vaillant schedis.

Id est. *Tiberius Julius Tiberii filius Fabia Tribu Pollio, vivus monumentum fecit sibi & Juliae Proclæ & Tiberio Julio Tiberii filio Fabia Pollioni filio & posteris Alteri autem nemini licitum sit deponi in hoc monumento.*

XCI. *Ibidem.*

ΜΑΡΚΟΣ ΤΟΥ ΚΚΙΟΣ
ΙΟΥΛΙΑΝΟΣ ΗΓΟΡΑΣΕ
ΤΟ ΜΝΗΜΕΙΟΝ ΚΑΙ Ε
ΠΕΣΚΕΥΑΣΕΝ ΕΑΥ
ΤΩ ΚΑΙ ΓΥΝΑΙΚΙ ΣΩ
ΤΗΡΙΑΔΙ ΚΑΙ ΤΟΙΣ
ΤΕΚΝΟΙΣ

Ex Consulis Batavi schedis.

Id est. *Marcus Tuccius Julianus emit monumentum, & paravit sibi & uxori Soteriadi & filiis.*

XCII. *Ibidem.*

ΕΝ ΡΩΜΗ ΕΙΛΕΜΜΕΝΩΝ ΤΩΝ ΑΝΤΙΓΡΑΦΩΝ ΕΝ
ΑΙ ΝΕΩΚΟΡΟΥ ΤΟΥ ΔΙΟΥ ΤΩ ΑΥΤΟΝ ΜΗ ΑΤΝΑΣΘΑΙ ΧΩΡΙΣ...
ΠΑΡΧΕΙΝ ΤΗΝ ΠΕΡΙ ΤΟΥΤΟΥ ΠΡΟΝΟΙΑΝ ΠΟΙΗΣΑΣΘΑΙ ΔΙΑ ΠΡΟΔΗΛΟΥ
ΤΟΥ ΘΕΟΠΡΕΠΟΥ Η ΤΙΣ ΙΕΡΩΣΤΗΝ ΑΚΟΛΟΥΘΕΙ ΤΟΙΣ ΤΟΥ ΘΕΟΥ ΜΥΣΤΗΡΙΟΙΣ
ΔΙΟΣ ΦΙΛΟΘΕΕ ΚΑΙ ΦΙΛΑΝΘΡΟΠΕ ΚΑΙΣΑΡ ΚΕΛΕΤΣΑΙ ΔΟΘΗΝΑΙ ΜΟΙ ΤΑ
ΑΝΤΙΓΡΑΦΑ ΤΩΝ ΥΠΟΜΝΗΜΑΤΩΝ ΩΣ ΚΑΙ ΘΕΟΣ ΠΑΤΗΡ
ΣΤΗ ΝΕΧΩΡΗΣΕΝ
IMP. CAESAR. T. AELIVS HADRIANVS ANTONINVS AVGVSTVS
PIVS SEXTILIO ACVTIANO SENTENTIAM DIVI PATRIS MEI SI
QVID PRO SENTENTIA DIXIT DESCRIBERE TIBI PERMITTO
RESCRIPSI RECOGN. VNDEVICESIMVS ACT. VI. IDVS APRIL.
ROMAE CAES. ANTONINO Π ET PRAESENTE Π COS.
ΕΣΦΡΑΓΙΣΘΗ ΕΝ ΡΩΜΗ ΠΡΟ ΤΡΙΩΝ ΝΩΝΩΝ ΜΑΙΩΜ ΑΥΤΟΚΡΑΤΟΡΙ
ΚΑΙΣΑΡΙ Τ. ΑΙΔΙΩ ΑΔΡΙΑΝΩ ΑΝΤΩΝΕΙΝΩ ΤΟ Β. ΓΑΙΩ ΒΡΟΥΤΤΙΩ
ΠΡΑΙΣΕΝΤΙ ΤΟ Β. ΥΠΑΤΟΙΣ ΠΑΡΗΣΑΝ Τ. ΦΑ. ΜΑΚΡΕΙΝΟΣ. ΛΑΤΑΝΙΟΣ
ΦΛΑΟΥΤΙΟΣ ΔΚΜΟΣΘΕΝΙΑΝΟΣ ΛΑΙΤΙΟΣ ΕΡΜΟΓΕΝΗΣ ΑΙΔΙΟΣ...
Μ. ΑΝΤΩΝΙΟΣ ΚΡΙΣΠΟΣ Δ. ΔΙΚΙΝΝΙΟΣ ΑΔΒΕΙΝΙΑΝΟΣ Μ. ΚΟΣΚΩΝΙΟΣ
ΚΑΡΙΚΟΣ ΤΙ. ΚΛΑΤΔΙΟΣ ΑΚΤΙΟΣ
STASIME DAPENI EDITE EX FORMA SENTENTIAM VEL
CONSTITVTIONEM

Exscripsi.

Elegans est hæc Inscriptio partim Græca, partim Latina, Antonini Pii Epistolam sive Rescriptum continens, qualia in sequentibus marmoribus etiam videmus. Prior pars est Epistola sive supplex libellus Sextilii Acutiani ad Antoninum, ab eo petentis antigraphum Sententiæ a Divo Hadriano in ejus gratiam latæ: cui Latine & paucis verbis pro Imperii majestate respondet Antoninus: concessio Romæ sigillo tertio Nonas Maii, *Antonino Pio II & Cajo Bruttio Prasente II Consulibus*. Qui Consulatus ad Fastos vulgares corrigendos venit observandus. Tandem latæ Sententiæ testes afferuntur septem aut octo, & publicis duobus Scribis Sententiæ sive constitutionis injungitur editio.

XCIII. *Ibidem, ad Templum Bacchi Brisæi reperta.*

..... ΜΕΓΙΣΤΩ ΔΗΜΑΡ
ΧΙΚΗΣ ΕΞΟΥΣΙΑΣ ΤΟ Θ. ΑΥ
ΤΟΚΡΑΤΟΡΙ ΤΟ ΙΕ ΠΑΤΡΙ ΠΑΤΡΙ
ΔΟΣ ΥΠΑΤΩ ΤΟ Η ΚΑΙ ΚΑΙΣΑΡΙ
..... ΘΕΟΥ ΟΥΕΣΠΑ
ΣΙΑΝΟΥ ΣΕΒΑΣΤΟΥ ΤΙΩ ΤΠΑ
ΤΩ ΤΟ Ζ ΙΕΡΑΤΕΥΟΝΤΟΣ ΔΙΑ
ΓΕΝΟΥΣ Γ. ΙΟΥΔΙΟΥ ΦΑΒΙΑ ΜΙ
ΘΡΕΟΣ ΤΟΥ ΔΗΜΟΥ ΤΙΟΥ
ΦΙΛΟΣΕΒΑΣΤΟΥ
ΕΠΙ ΣΤΕΦΑΝΗΦΟΡΟΥ ΤΙ. ΚΛΑΥΔΙΟΥ ΒΙΩΝΟΣ
ΝΩΝΙΑΝΟΥ ΑΓΩΝΟΘΕΤΟΥΝΤΟΣ Δ. ΔΙΚΙΝΙΟΥ
ΠΡΟΚΛΟΥ ΕΥΣΤΑΡΧΟΥΝΤΗΣ.....
ΔΙΟΙΚΟΥΝΤΟΣ Δ. ΣΟΥΛΠΙΚΙΟΥ ΦΙΡΜΟΥ ΟΙ ΠΕ
ΠΛΗΡΩΚΟΤΕΣ ΤΑ ΙΣΗΛΥΣΙΑ
ΣΟΥΛΠΙΚΙΟΣ ΦΙΡΜΟΣ
ΑΡΤΕΜΙΔΩΡΟΣ ΑΡΤΕΜΑΣ ΠΑΤΡΟΜΥΣΤΗΣ
ΑΠΟΔΔΩΝΙΟΣ ΕΤΔΗΜΟΣ ΠΑΤΡΟΜΥΣΤΗΣ
ΤΡΟΦΙΜΟΣ ΑΣΚΛΗΠΙΑΔΟΥ
ΤΥΡΑΝΝΟΣ ΠΑΠΙΟΥ ΤΟΥ ΜΕΝΑΝΔΡΟΥ

ΑΥΤΟΚΡΑΤΟΡΙ ΚΑΙΣΑΡΙ.....
...ΣΕΒΑΣΤΩ ΤΟ Θ. ΚΟΙΝΤΩ
ΠΕΤΤΙΛΙΩ ΡΟΥΦΩ ΤΟ Β. ΥΠΑΤΟΙΣ
ΕΠΙ ΣΤΕΦΑΝΗΦΟΡΟΥ ΚΟΣΚΩΝΙΑΣ
ΜΥΡΡΟΥ--ΑΓΩΝΟΘΕΤΗΣ--ΔΟ--ΚΑΙ
ΚΙΔΙΟΥ ΦΡΟΝΤΩΝ--ΝΕ ΕΥΣΤΑΡΧΗΣ
ΔΙΟΝΥΣΙΟΥ ΚΙΚΙΝΟΥ ΝΕ
ΜΑΡΚΟΣ ΑΤΡΗΛΙΟΣ ΚΑΙΣΑΡ ΑΥΤΟ
ΚΡΑΤΟΡΟΣ ΚΑΙΣΑΡΟΣ ΤΙΤΟΥ ΔΙΔΙΟΥ
ΑΔΡΙΑΝΟΥ ΑΝΤΩΝΕΙΝΟΥ ΣΕΒΑΣΤΟΥ

ΠΑΤΡΟΣ ΠΑΤΡΙΔΟΣ ΥΙΟΣ ΔΗΜΑΡΧΙ
 ΚΗΣ ΕΞΟΥΣΙΑΣ ΤΗΑΤΟΣ ΤΟ Β. ΣΥΝΟ
 ΔΩ ΤΩΝ ΠΕΡΙ ΤΟΝ ΒΡΕΙΣΕΑ ΔΙΟΝΤΣΟΝ
 ΧΑΙΡΕΙΝ
 ΕΤΝΟΙΑ ΥΜΩΝ ΗΝ ΕΝΕΔΕΙΞΑΣΘΕ ΣΤΗΝ
 ΗΘΕΝΤΕΣ ΜΟΙ ΓΕΝΝΗΘΕΝΤΟΣ ΥΙΟΥ ΕΙ ΚΑΙ
 ΕΤΕΡΩΣ ΤΟΥΤΟ ΑΠΕΒΗ ΟΥΔΕΝ ΗΤΤΟΝ ΦΑ
 ΝΕΡΑ ΕΓΕΝΕΤΟ. ΤΟ ΦΗΓΙΣΜΑ ΕΠΕΓΡΑΨΕΝ
 Τ. ΑΤΕΙΔΙΟΣ ΜΑΞΙΜΟΣ Ο ΚΡΑΤΙΣΤΟΣ ΑΝΘΥ
 ΠΑΤΟΣ ΚΑΙ ΦΙΛΟΣ ΗΜΩΝ. ΕΡΡΩΣΘΑΙ Τ
 ΜΑΣ ΒΟΥΛΟΜΑΙ ΠΡ. Ε. ΚΑΔ. ΑΠΡΕΙΔ. ΑΠΟ
 ΔΩΡΙΟΥ
 ΤΗΝ ΕΠΙΓΡΑΦΗΝ ΠΟΙΗΣΑΝΤΟΣ Μ. ΑΝΤΩ
 ΝΙΟΥ ΑΡΤΕΜΑ ΔΩΡΕΑΣ ΤΑΜΙΕΤΟΝΤΟΣ
 ΣΟΥΔΠΙΚΙΟΥ ΡΟΥΦΕΙΝΟΥ
 ΑΥΤΟΚΡΑΤΩΡ ΚΑΙΣΑΡ ΘΕΟΥ ΑΔΡΙΑΝΟΥ
 ΥΙΟΣ ΘΕΟΥ ΤΡΑΙΑΝΟΥ ΠΑΡΘΙΚΟΥ ΤΙΩ
 ΝΟΣ ΘΕΟΥ ΝΕΡΟΥΑ ΕΓΓΟΝΟΣ ΤΙΤΟΣ ΑΙ
 ΔΙΟΣ ΑΔΡΙΑΝΟΣ ΑΝΤΩΝΕΙΝΟΣ ΣΕΒΑΣΤΟΣ
 ΑΡΧΙΕΡΕΥΣ ΜΕΓΙΣΤΟΣ ΔΗΜΑΡΧΙΚΗΣ
 ΕΞΟΥΣΙΑΣ ΤΟ ΚΑ ΑΥΤΟΚΡΑΤΩΡ ΤΟ Β.
 ΤΗΑΤΟΣ ΤΟ Δ. ΠΑΤΗΡ ΠΑΤΡΙΔΟΣ ΣΤΗΝ
 ΟΔΩ ΤΩΝ ΕΝ ΣΜΤΡΗΝΗ ΜΤΣΤΩΝ ΧΑΙΡΕΙΝ

Ex Erud. Gallandii schedis.

Fragmentum hocce Marmoreæ Tabulæ Fastos continet Synodi seu Conventus Mystarum qui Smyrnæ conveniebant in Templo Bacchi Brisæi: & in priori quidem parte Iselufiorum quorundam ludorum memoriam inibi celebratorum, Tito Vespasiano VIII. & Domitiano VII. Consulibus, additis nominibus eorum qui sacrificiis, ludis, aut palæstræ præsidebant. Sequitur Epistola Marci Aurelii responsoria ad Synodum eorundem Mystarum, qui ipsum de nato filio congratulati fuerant, data Lorio quinto Calendas Aprilis. Tumque ad eisdem Antonini Pii Augusti, alterius Epistolæ principium. Brisæi Bacchi mentio est in sequenti lapide ibidem effosso.

XCIV. Ibidem.

ΒΡΗΣΕΙ ΔΙΟ
 ΝΥΣΩ ΟΙ
 ΝΟΜΑΟΣ
 ΝΕΙΚΕΡΩΤΟΣ
 ΤΟΥ ΘΕΟΔΟΤΟΥ
 ΠΡΥΤΑΝΙΣ
 ΚΑΙ ΤΜΝΩΔΟΣ

Id est. Baccho Brisæo Oenomaus Nicerotis Theodoti filius Prytanis & Cantor.

XCV. Smyrna.

ΑΓΑΘΗ ΤΥΧΗ

ΑΤΤΟΚΡΑΤΩΡ ΚΑΙΣΑΡ ΠΟΥΒΛΙΟΣ ΔΙΚΙΝΝΙΟΣ ΟΥΑΛΕΡΙΑ
 ΝΟΣ ΕΥΣΕΒΗΣ ΕΥΤΥΧΗΣ ΣΕΒΑΣΤΟΣ ΚΑΙ ΑΤΤΟΚΡΑΤΩΡ
 ΚΑΙΣΑΡ ΠΟΥΒΛΙΟΣ ΔΙΚΙΝΝΙΟΣ ΓΑΛΛΗΝΟΣ ΕΥΤΥΧΗΣ ΣΕΒΑΣΤΟΣ
 ΚΑΙ ΔΙΚΙΝΝΙΟΣ... ΕΠΙΦΑΝΕΣΤΑΤΟΣ
 ΚΑΙΣΑΡ ΙΟΥΛΙΩ ΑΠΕΛΛΑ ΙΔΙΩ ΧΑΙΡΕΙΝ
 ΑΜΦΙΒΟΛΟΝ ΕΣΤΙΝ ΚΑΙ ΕΝ ΤΟΥΤΩ ΤΑ ΟΡΙ....

ΕΝΤΑ ΘΗΡΕΙΣ... ΓΝΩΜΗ... ΚΑΙ ΟΝΗΤΑΣ

ΣΥΓΓΛΗΤΙ ΚΑΙ ΟΙΚΙΑΣ ΖΕΝΤΑΙΣ ΕΝΟΧΛΕΙ....

ΑΙΔΙΟΙ ΑΡΧ. ΤΟΥΤΩΝ ΤΩΝ ΠΟΛΕΩΝ ΕΝ ΑΙΣ

ΑΥΤΩΝ ΚΕΚΤΗ... ΗΣ ΦΡΟΝΤΙΖΟΥΣΙΝ ΙΝΑ...

ΑΡΙΣΤΑ ΑΡΕΣ... ΤΩ ΠΑΡΑΦΥΛΛΕΣΗΤΑΙ

ΕΡΣΩΣΟ ΑΠΕΛΛΑ

Sequens Fragmentum superioris Inscriptionis in eadem urbe reperitur.

MAGISTRATVS HARVM CIVITA...
 QVIBVS TE SVGGERIS POSSIDERE AGERE CVRAM...
 QVI QVOD OPTIME PLACVISSE PERSPICITVR PERPETVA
 OBSERVATIONE TENEATVR VALE APELLA CARISSIME NOBIS
 DATA V. KAL. IVN

Ex Thomæ Smith Septem Ecclesiarum Asiæ Notitia.

XCVI. Ibidem Fragmentum detritum.

...ΟΣ ΕΝ ΤΟΙΣ ΕΠΙ ΤΗΣ ΑΣΙΑΣ
 ΤΙΒΕΡΙΟΥ ΚΛΑΥΔΙΟΥ ΗΡΩ..
 ΚΑΙ ΣΕΒΑΣΤΟΦΑΝΤΟΥ ΚΑΙ
 ΘΕΑΣ ΡΩΜΗΣ ΚΑΙ ΘΕΟΥ
 ΔΙΟΣ ΠΑΤΡΩΟΥ ΑΤΤΟΚ...
 ΜΕΓΙΣΤΟΥ ΠΑΤΡΟΣ ΤΗ
 .ΤΟΥ ΣΥΜΠΑΝΤΟΣ ΑΝ..
 .ΕΙ ΜΑΡΚΟΣ ΔΙΦΟΥΔΑΝΟΣ
 ΑΝΘΡΩΠΟΥ ΑΠΟ ΤΗΣ
 ΝΕΡΩΝΟΣ ΚΑΙΣΑΡΟΣ ΠΡΟ...
 ΠΑΡΧΕΙΑΝ ΚΗΔΕΜΟΝΙ
 ΑΙ ΔΥΣΜΕΓΙΝΗΤΟΝ ΗΘ
 ΟΜΙΣΑΣ.. ΤΟ ΤΗ
 ΠΛΙΝΟΥ... ΔΙΚΑ

XCVII. *Ibidem.*

ΓΑΙΟΣ ΑΣΙΝΙΟΣ ΠΕΤΑΣΟΣ

ΑΥΤΟΚΡΑΤΩΡΙ ΚΑΙ ΠΕΛΑΓΙΑΙ ΤΗΤΑΡΧΟΥ

ΓΥΝΑΙΚΙ ΚΑΙ ΤΟΙΣ ΙΔΙΟΙΣ

ΔΟΝΤΟΣ ΤΟΝ ΤΟΠΟΝ

ΜΑΞΙΜΟΥ ΤΟΥ ΠΑΤΡΟΝΟΣ

*Id est. Cajus Asinius Petasus vivus sibi & Pelagiæ uxori & suis posuit, locum dante Maximo Patro-
nis filio.*

XCVIII. *Ephesi, duo Fragmenta.*

ΕΠΙ ΠΡΥΤΑΝΕΩΣ ΚΛΑΥΔΙΟΥ

... ΠΑΝΗΓΥΡΙΝ ΚΑΙ ΑΤΕΛΕΙΟ

ΤΙΤΙΑΝΟΥ ΔΗΜΟΣΤΡΑΤΟΥ ΤΙΟΥ

... ΕΧΕΙΡΙΑΣ ΕΙΣ ΟΔΟΝ ΤΟΝ

ΑΡΧΙΕΡΕΩΣ ΙΕΡΑΤΕΥΟΝΤΟΣ

... ΝΥΜΦΟΝ ΤΗΣ ΘΕΟΥ ΜΗ..

ΣΟΣΣΙΑΝΟΥ Μ. ΠΟΜΠΩΝΙΟΥ

... ΝΤΑ ΚΑΙ ΤΗΝ ΑΡΤΕΜΙΣΙ

ΛΑΤΕΙΝΟΣ ΑΝΕΘΗΚΕΝ ΙΣΙΔΙ

... ΚΡΙΣΙΝ ΚΑΤΑΣΤΗΤΑΝΤΑ

ΚΑΙ ΣΕΡΑΠΙΔΙ ΦΙΛΑΗΝ ΚΑΙ

... ΑΘΕΜΑΤΑ ΤΟΙΣ ΑΓΩΝΙΣ

ΣΠΟΝΔΕΙΟΝ Α.....

... ΑΥΞΑΣΑΝΤΑ ΚΑΙ ΑΝΔΡΙ

ΝΑΥΒΑΤΟΥΝΤΩΝ ΛΥΚΙΑ.

... ΝΑΣΤΗΣΑΝΤΑ

ΧΑΡΙΔΗΜΟΥ ΤΟΥ ΧΑΡ.....

... ΤΕΙΜΗΝ ΑΝΑΣΤΗΣΑΝΤ..

... ΦΑΙΝΙΟΥ ΦΑΤΣΤΟΥ

*Ex Schmidii Notitia septem
Ecclesiarum Asiæ.*

... ΣΥΝΓΕΝΟΥΣ ΑΥΤΟΥ

XCIX. *Sardibus.*

ΛΕΥΚΙΟΝ ΙΟΥΛΙΟΝ ΒΟΝΝΑΤΟΝ

ΑΝΔΡΑ ΕΚ ΠΡΟΓΟΝΩΝ ΜΕΓΑΝ ΚΑΙ ΦΙΛΟΠΑΤΡΙΝ

ΑΡΧΙΕΡΕΑ ΤΗΣ ΑΣΙΑΣ ΝΑΩΝ ΤΩΝ ΕΝ ΛΥΔΙΑ ΣΑΡΔΙΑΝΩΝ

ΚΑΙ ΙΕΡΕΑ ΜΕΓΙΣΤΟΥ ΠΟΛΙΕΟΣ ΔΙΟΣ ΔΙΣ ΑΡΧΙΕΡΕΑ

ΤΩΝ ΤΡΙΣΑΠΟΛΕΩΝ ΚΑΙ ΣΤΕΦΑΝΗΦΟΡΟΝ ΚΑΙ ΙΕΡΕΑ

ΤΙΒΕΡΙΟΥ ΚΑΙΣΑΡΟΣ ΚΑΙ ΣΤΡΑΤΗΓΟΝ ΠΡΩΤΟΝ ΔΙΣ

ΚΑΙ ΑΓΩΝΟΘΕΤΗΝ ΔΙΑΡΙΩΝ ΕΝΔΕΙΑΣ ΓΕΝΟΜΕΝΗΣ

ΚΑΤΑ ΤΟΝ ΔΗΜΟΝ ΜΕΓΑΛΟΨΥΧΙΑ ΧΡΗΣΑΜΕΝΟΣ

ΕΚ ΤΩΝ ΙΔΙΩΝ ΕΙΣ ΕΠΙΚΟΥΦΙΣΜΟΝ ΕΚΑΣΤΩ ΠΟΛΙΤΗ

ΕΧΑΡΙΣΑΤΟ ΜΟΔΙΟΝ ΚΑΙ ΠΑΣΑΣ ΑΡΧΑΣ ΦΙΛΟΤΙΜΩΣ

ΤΕΤΕΛΕΚΟΤΑ ΤΗ ΠΑΤΡΙΔΙ

Ex D. Picrelin Doct. Med. Angli schedis.

*Id est. Lucium Julium Bonnatum Virum ex proavis magnum, patriæque amantem, Pontificem Asiæ
Templorum quæ sunt Sardibus in Lydia, & Sacerdotem maximi Jovis urbis protectoris, bisque Pontifi-
cem Trisapoleon, Stephanephorum ac Sacerdotem Tiberii Cæsaris, nec non primum militiæ Ducem,
Festorumque Diariorum Præsidem, qui cum annonæ caritas supervenisset, erga populum liberalem, mu-
nificumque se præstitit, ex sua pecunia ad sublevationem unicuique civi frumenti modium largitus est,
omniaque munia honorifice pro patria obivit.*

C. *Ibidem*

C. *Ibidem.*

Η ΒΟΥΛΗ ΚΑΙ Ο ΔΗΜΟΣ ΚΑΙ Η ΓΕΡΟΥΣΙΑ
 ΕΤΙΜΗΣΕΝ ΤΙΒΕΡΙΟΝ ΚΛΑΥΔΙΟΝ ΤΙΒΕΡΙΟΥ ΤΙΟΝ
 ΚΥΡΙΝΑ ΙΟΥΔΙΑΝΟΝ ΠΑΤΕΡΑ ΚΑΙ ΤΟΤΕ ΤΙΟΥΣ ΑΥΤΟΥ
 ΚΛΑΥΔΙΟΝ ΔΙΟΜΗΔΗΝ ΗΡΩΑ ΤΙΒΕΡΙΟΝ ΚΛΑΥΔΙΟΝ
 ΧΑΙΡΕΑ ΗΡΩΑ ΠΑΤΡΟΣ ΚΑΛΟΥ ΚΑΙ ΑΓΑΘΟΥ ΣΤΡΑΤΗΓΟΥ
 ΔΙΣ ΚΑΙ ΣΤΕΦΑΝΗΦΟΡΟΥ ΚΑΙ ΓΥΜΝΑΣΙΑΡΧΟΥ ΚΑΙ ΤΑΣ
 ΜΕΓΙΣΤΑΣ ΑΡΧΑΣ ΚΑΙ ΤΑΣ ΛΟΙΠΑΣ ΛΕΙΤΟΥΡΓΙΑΣ ΤΗ
 ΠΑΤΡΙΔΙ ΦΙΛΟΤΙΜΩΣ ΚΑΙ ΑΥΘΑΙΡΕΤΩΣ ΕΚΤΕΛΕΣΑΝΤΟΣ
 ΤΙΟΥΣ ΚΑΛΟΥΣ ΚΑΙ ΑΓΑΘΟΥΣ ΕΥΔΑΙΜΟΝΑΣ ΣΕΜΝΟΥΣ
 ΜΕΤΡΙΟΥΣ ΠΕΠΑΙΔΕΥΜΕΝΟΥΣ ΦΙΛΟΠΑΤΡΙΔΑΣ ΚΑΙ ΦΙΛΟΠΑΤΟΡΑΣ
 ΚΑΙ ΤΙΒΕΡΙΟΝ ΚΛΑΥΔΙΟΝ ΚΡΙΣΠΟΝ ΤΑΤΙΑΝΟΝ ΑΡΞΑΝΤΑΣ ΤΑΣ
 ΠΛΕΙΣΤΑΣ ΑΡΧΑΣ ΚΑΙ ΛΕΙΤΟΥΡΓΙΑΣ ΕΝΔΟΞΩΣ ΚΑΙ ΕΠΙΦΑΝΩΣ
 ΚΑΙ ΓΡΑΜΜΑΤΕΥΣΑΝΤΑΣ ΦΙΛΟΤΙΜΩΣ ΚΑΙ ΠΑΝΗΓΥΡΕΙΣ ΕΛΑΣΤΙΚΩΝ

Ex Illust. Anglor. Consulis D. Ricautschedis.

Id est. *Senatus populusque, nec non & Seniores, honoraverunt Tiberium Claudium Tiberii filium (tribu) Quirina Julianum Patrem, & ipsius filios Claudium Diomedem Heroem, Tiberium Claudium Chærea Heroem, Patris boni, præstantissimique Ducis bis Stephanephori atque Gymnasiarchæ, quique maxima officia cæteraque munia honorifice & sponte perfecit, filios probos, bonos, felices, venerandos, moderatos, eruditos, Patriæ parentumque cultores, & Tiberium Claudium Crispum Tatianum, suscipientes pleraque munia & officia gloriose & magnifice, nec non Scribarum munere functos honorifice, & festa Elasticon curantes.*

CI. *Florentiæ in horto Gaddiorum.*

ΓΕΜΙΝΑΝ ΕΚΑΛΕΣΑΝ

ΕΣΧΕ ΔΕ ΚΑΙ ΤΟΝΟΜΑ ΧΑΡΙΕΣΤΑΤΟΝ ΟΝ ΠΟΘ
 ΕΤ ΑΙΡΟΙ ΠΕΤΡΟΚΟΙΡΑΚΑ ΝΕΚΗΖΟΝ ΟΥ ΤΑΧΥΒΡ
 ΟΥΩΝ ΤΙΣ ΤΟΙΑΝ ΕΚΤΗΣΑΤΟ ΓΝΩΜΗΝ ΗΣΚΙ ΤΗ
 Ν ΑΠΛΟΤΗΤΑ ΦΙΛΟΥΣ ΤΗΡΑΤΟΝ ΕΤΙΜΑ ΔΙΑ ΤΟΥΤΟ
 ΜΝΗΝΗΣ ΕΝΕΚΕΝ ΧΑΡΙΤΟΣ ΔΕ ΑΠΑΣΗΣ ΟΙΣ ΟΙ ΑΔΕΛΦΟΙ
 ΕΣ ΠΑΣ ΠΑΡΑΙΩΝΟΜΑΖΗ ΑΓΑΘΕ ΠΕΤΡΟΚΟΡΑΖ

ΕΖΗ ΕΤΗ XXX

Ex schedis Erud. de Court Salmasii Nepotis.

CII. *Romæ in horto Barberino.*

ΜΑΡΚΕΛΛΗΣ ΤΑΦΟΣ ΕΙΜΙ ΤΙΣ ΑΥΤΗ ΓΡΑΜΜΑΤΑ ΛΕΞΕΙ
 ΑΡΧΙΓΑΜΟΣ ΚΟΤΡΗΣ ΕΙΚΟΣΙΝ ΟΥΣΑ ΕΤΕΩΝ
 ΑΤΤΗΝ ΓΕΝΝΗΣΑΣΑ ΚΑΙ ΚΗΔΕΥΣΑΣΑ ΕΠΕΓΡΑΦΑ
 ΑΧΘΟΣ ΕΧΟΥΣΑ ΚΡΑΔΙΗΣ ΠΕΝΘΕΟΣ ΟΥΚΟΝΙΟΥ

Exscripsi.

CIII. Monumentum Adulitanum, id est, in urbe Adulis positum, Ptolemæo Evergetæ Ægypti Regi, a Leone Allatio interpretatum, & typis datum folio separato, Romæ ann. 1631. quod ob raritatem hic recudere visum est.

ΒΑΣΙΛΕΥΣ ΜΕΓΑΣ ΠΤΟΛΕΜΑΙΟΣ ΤΙΟΣ ΑΛΑΞΙΛΕΩΣ ΠΤΟΛΕΜΑΙΟΥ
ΚΑΙ ΒΑΣΙΛΙΣΣΗΣ ΑΡΣΙΝΟΗΣ ΘΕΩΝ ΑΔΕΛΦΩΝ ΤΩΝ ΒΑΣΙΛΕΩΝ
ΠΤΟΛΕΜΑΙΟΥ ΚΑΙ ΒΑΣΙΛΙΣΣΗΣ ΒΕΡΕΝΙΚΗΣ ΘΕΩΝ ΣΩΤΗΡΩΝ
ΑΠΟΓΟΝΟΣ ΤΑ ΜΕΝ ΑΠΟ ΗΡΑΚΛΕΟΥΣ ΤΟΥ ΔΙΟΣ ΤΑ ΔΕ
ΑΠΟ ΜΗΤΡΟΣ ΔΙΟΝΤΣΟΥ ΤΟΥ ΔΙΟΣ ΠΑΡΑΛΑΒΩΝ ΠΑΡΑ ΤΟΥ
ΠΑΤΡΟΣ ΤΗΝ ΒΑΣΙΛΕΙΑΝ ΑΙΓΥΠΤΟΥ ΚΑΙ ΛΙΒΥΗΣ ΚΑΙ ΣΥΡΙΑΣ
ΚΑΙ ΦΟΙΝΙΚΗΣ ΚΑΙ ΚΥΠΡΟΥ ΚΑΙ ΛΥΚΙΑΣ ΚΑΙ ΚΑΡΙΑΣ ΚΑΙ ΤΩΝ
ΚΥΚΛΑΔΩΝ ΝΗΣΩΝ ΕΞΕΣΤΡΑΤΕΥΣΕΝ ΕΙΣ ΤΗΝ ΑΣΙΑΝ ΜΕΤΑ
ΔΥΝΑΜΕΩΣ ΠΕΖΙΚΩΝ ΚΑΙ ΙΠΠΙΚΩΝ ΚΑΙ ΝΑΥΤΙΚΟΥ ΣΤΟΛΟΥ ΚΑΙ
ΕΛΕΦΑΝΤΩΝ ΤΡΩΓΛΟΔΥΤΙΚΩΝ ΚΑΙ ΑΙΘΙΟΠΙΚΩΝ ΟΥΣ Ο ΤΕ ΠΑΤΗΡ
ΑΥΤΟΥ ΚΑΙ ΑΥΤΟΣ ΠΡΩΤΟΣ ΕΚ ΤΩΝ ΧΩΡΩΝ ΤΟΥΤΩΝ ΕΘΗΡΕΥΣΑΝ
ΚΑΙ ΚΑΤΑΓΑΓΟΝΤΕΣ ΕΙΣ ΑΙΓΥΠΤΟΝ ΚΑΤΕΣΚΕΥΕΣΑΝ ΠΡΟΣ ΤΗΝ ΠΟΛΕΜΙΚΗΝ
ΧΡΕΙΑΝ ΚΥΡΙΕΣΑΣ ΔΕ ΤΗΣ ΤΕ ΕΝΤΟΣ ΕΥΦΡΑΤΟΥ ΧΩΡΑΣ ΠΑΣΗΣ
ΚΑΙ ΚΙΛΙΚΙΑΣ ΚΑΙ ΠΑΜΦΥΛΙΑΣ ΚΑΙ ΙΩΝΙΑΣ ΚΑΙ ΤΟΥ ΕΛΛΗΣΠΟΝΤΟΥ
ΚΑΙ ΘΡΑΚΗΣ ΚΑΙ ΤΩΝ ΔΥΝΑΜΕΩΝ ΚΑΙ ΤΩΝ ΕΝ ΤΑΙΣ ΧΩΡΑΙΣ ΤΑΥΤΑΙΣ
ΠΑΣΩΝ ΚΑΙ ΕΛΕΦΑΝΤΩΝ ΙΝΔΙΚΩΝ ΚΑΙ ΤΟΥΣ ΜΟΝΑΡΧΟΥΣ ΤΟΥΣ ΕΝ ΤΟΙΣ
ΤΟΠΟΙΣ ΠΑΝΤΑΣ ΥΠΗΚΟΟΥΣ ΚΑΤΑΣΤΗΣΑΣ ΔΙΕΒΗ ΤΟΝ ΕΥΦΡΑΤΗΝ
ΠΟΤΑΜΟΝ ΚΑΙ ΤΗΝ ΜΕΣΟΠΟΤΑΜΙΑΝ ΚΑΙ ΒΑΒΥΛΩΝΙΑΝ ΚΑΙ ΣΟΥΣΙ
ΑΝΗΝ ΚΑΙ ΠΕΡΣΙΔΑ ΚΑΙ ΜΗΔΙΑΝ ΚΑΙ ΤΗΝ ΛΟΙΠΗΝ ΠΑΣΑΝ ΕΩΣ
ΒΑΚΤΡΙΑΝΗΣ ΥΦ' ΕΑΥΤΩ ΠΟΙΗΣΑΜΕΝΟΣ ΚΑΙ ΑΝΑΖΗΤΗΣΑΣ ΟΣΑ
ΥΠΟ ΤΩΝ ΠΕΡΣΩΝ ΙΕΡΑ ΕΞ ΑΙΓΥΠΤΟΥ ΕΞΗΧΘΗ ΚΑΙ ΑΝΑΚΟ
ΜΙΣΑΣ ΜΕΤΑ ΤΗΣ ΑΛΛΗΣ ΓΑΖΗΣ ΤΗΣ ΑΠΟ ΤΩΝ ΤΟΠΩΝ ΕΙΣ ΑΙ
ΓΥΠΤΟΝ ΔΥΝΑΜΕΙΣ ΑΠΕΣΤΕΙΛΕΝ ΔΙΑ ΤΩΝ ΟΡΥΧΘΕΝΤΩΝ ΠΟ
ΤΑΜΩΝ

Continuatio.

ΜΕΘ' Α' ΑΝΔΡΕΙΩΣ ΤΑ ΜΕΝ ΕΓΓΙΣΤΑ ΤΟΥ ΒΑΣΙΛΕΙΟΥ ΕΘΝΗ ΕΙΡΗΝΕΥ
ΕΣΘΑΙ ΚΕΛΕΥΣΑΣ ΕΠΟΛΕΜΗΣΑ ΚΑΙ ΥΠΕΤΑΞΑ ΜΑΧΑΙΣ ΤΑ ΥΠΟΓΕΓΡΑΜ
ΜΕΝΑ ΕΘΝΑ ΓΑΖΗ ΕΘΝΟΣ ΕΠΟΛΕΜΗΣΑ ΕΠΕΙΤΑ ΛΓΑΜΑΙ ΚΑΙ 1. ΣΥΓΓΙΗΝ
ΕΝΙΚΗΣΑΣ ΤΗΝ ΗΜΙΣΕΙΑΝ ΠΑΝΤΩΝ ΤΩΝ ΠΑΡ ΑΥΤΟΙΣ ΕΜΕΡΙΣΑ 2. ΜΑΓΑ
ΚΑΙ 3. ΖΙΝΓΑΒΗΝΕ ΚΑΙ ΑΓΓΑΒΕ ΚΑΙ ΤΙΑΜΑΑ ΚΑΙ 4. ΑΘΑΓΑΣΟΣ ΚΑΙ ΚΑΛΑΑ
ΚΑΙ 5. ΚΑΜΙΝΕ ΕΘΝΟΣ ΠΕΡΑΝ ΤΟΥ ΝΕΙΛΟΥ ΕΝ ΔΥΣΒΑΤΟΙΣ ΚΑΙ ΧΙΟΝΑΔΕ
ΣΙΝ ΟΡΕΣΙΝ ΟΙΚΟΥΝΤΑΣ ΕΝ ΟΙΣ ΔΙΑ ΠΑΝΤΟΣ ΝΙΦΕΤΟΙ ΚΑΙ ΚΡΥΗ
ΚΑΙ ΧΙΟΝΕΣ ΒΑΘΕΙΑΙ ΩΣ ΜΕΧΡΙ ΓΟΝΑΤΩΝ 6. ΚΑΤΑΔΥΕΙΝ ΤΟΝ ΑΝΔΡΑ

ΤΟΝ ΠΟΤΑΜΟΝ ΔΙΑΒΑΣ ΥΠΕΤΑΞΑ ΕΠΕΙΤΑ ΛΑΣΙΝΑ ΚΑΙ ΖΑΑ ΚΑΙ
 7. ΓΑΒΑΛΑ ΟΙΚΟΥΝΤΑΣ ΠΑΡ ΟΡΕΣΙ ΘΕΡΜΩΝ ΥΔΑΤΩΝ ΒΑΤΟΝΤΙ ΚΑΙ
 ΚΑΤΑΡΡΥΤΩ ΑΤΑΛΜΩ ΚΑΙ ΒΕΓΑ ΚΑΙ ΤΑ ΣΤΗΝ ΑΥΤΟΙΣ ΕΘΝΗ ΠΑΝΤΑ
 ΤΑΓΓΑΙΤΩΝ ΤΑ ΜΕΧΡΙ ΤΩΝ ΤΟΥ ΑΙΓΥΠΤΟΥ ΟΡΙΩΝ ΟΙΚΟΥΝΤΑ ΥΠΟΤΑΞΑΣ
 ΠΕΖΕΥΕΣΘΑΙ ΕΠΟΙΗΣΑ ΤΗΝ ΟΔΟΝ ΑΠΟ ΤΩΝ ΤΗΣ ΕΜΗΣ ΒΑΣΙΛΕΙΑΣ ΤΟΠΩΝ
 ΜΕΧΡΙ ΑΙΓΥΠΤΟΥ ΕΠΕΙΤΑ ΑΝΝΗΝΕ ΚΑΙ ΜΕΤΙΝΕ ΕΝ ΑΠΟΚΡΗΜΝΟΙΣ ΟΙΚΟΥΝ
 ΤΑΣ ΟΡΕΣΙΝ ΣΗΣΕΑ ΕΘΝΟΣ ΕΠΟΛΕΜΗΣΑ ΟΥΣ ΚΑΙ ΜΕΓΙΣΤΟΝ ΚΑΙ ΔΥΣΒΑΤΩ
 ΤΑΤΟΝ Ο ΑΝΕΛΘΟΝΤΑΣ ΠΕΡΙΦΡΟΤΡΗΣΑΣ ΚΑΤΗΓΑΓΟΝ ΚΑΙ 8. ΑΠΕΛΞΑΜΗΝ
 ΕΜΑΥΤΩ ΤΟΥΣ ΤΕ ΝΕΟΥΣ ΑΥΤΩΝ ΚΑΙ ΓΥΝΑΙΚΑΣ ΚΑΙ ΠΑΙΔΑΣ ΚΑΙ ΠΑΡΘΕ
 ΝΟΥΣ ΚΑΙ ΠΑΣΑΝ ΤΗΝ ΥΠΑΡΧΟΥΣΑΝ ΑΥΤΟΙΣ ΚΤΙΣΙΝ ΡΑΙΣΩ ΕΘΝΗ
 ΜΕΣΟΓΕΙΑ ΔΙΒΑΝΟΤΟΦΟΡΩΝ ΒΑΡΒΑΡΩΝ ΟΙΚΟΥΝΤΑ ΕΝΤΟΣ ΠΕΔΙΩΝ ΜΕΓΑΛΩΝ
 ΑΝΤΔΡΩΝ ΚΑΙ ΣΟΛΑΤΕ ΕΘΝΟΣ ΥΠΕΤΑΞΑ ΟΙΣ ΚΑΙ ΤΟΥΣ ΑΓΓΙΛΑΟΥΣ ΤΗΣ ΘΑ
 ΛΑΣΣΗΣ ΦΥΛΑΣΣΕΙΝ ΕΚΕΛΕΥΣΑ ΤΑΥΤΑ ΔΕ ΠΑΝΤΑ ΤΑ ΕΘΝΗ ΟΡΕΣΙΝ ΙΣΧΥ
 ΡΟΙΣ ΠΕΦΡΟΤΡΗΜΕΝΑ ΑΥΤΟΣ ΕΓΩ ΕΝ ΤΑΙΣ ΜΑΧΑΙΣ ΠΑΡΩΝ ΝΙΚΗΣΑΣ ΚΑΙ ΥΠΟ
 ΤΑΞΑΣ ΕΧΑΡΙΣΑΜΗΝ ΑΥΤΟΙΣ ΠΑΣΑΣ ΤΑΣ ΧΩΡΑΣ ΕΠΙ ΦΟΡΟΙΣ ΑΛΛΑ ΤΕ
 ΠΛΕΙΣΤΑ ΕΘΝΗ ΕΚΟΝΤΑ ΥΠΕΤΑΓΗ ΜΟΙ ΕΠΙ ΦΟΡΟΙΣ ΚΑΙ ΠΕΡΑΝ ΔΕ ΤΗΣ ΕΡΤΟΡΑΣ
 ΘΑΛΑΣΣΗΣ ΟΙΚΟΥΝΤΑΣ ΑΡΡΑΒΙΤΑΣ ΚΑΙ ΚΙΝΑΙΔΟΚΟΛΠΙΤΑΣ ΣΤΡΑΤΕΥΜΑ ΝΑΥΤΙ
 ΚΟΝ ΚΑΙ ΠΕΖΙΚΟΝ ΔΙΑΠΕΜΨΑΜΕΝΟΣ ΚΑΙ ΥΠΟΤΑΞΑΣ ΑΥΤΩΝ ΤΟΥΣ ΒΑΣΙΛΕΑΣ ΦΟ
 ΡΟΥΣ ΤΗΣ ΓΗΣ ΤΕΛΕΙΝ ΕΚΕΛΕΥΣΑ ΚΑΙ ΟΔΕΥΕΣΘΑΙ ΜΕΤΕΙΡΗΝΗΣ ΚΑΙ ΠΛΕΕΣΘΑΙ
 ΑΠΟ ΤΕ ΔΕΥΚΗΣ ΚΩΜΗΣ ΕΩΣ ΤΩΝ ΣΑΒΑΙΩΝ ΧΩΡΑΣ ΕΠΟΛΕΜΗΣΑ ΠΑΝΤΑ ΔΕ ΤΑΥ
 ΤΑ ΕΘΝΗ ΠΡΩΤΟΣ ΚΑΙ ΜΟΝΟΣ ΒΑΣΙΛΕΩΝ ΤΩΝ ΠΡΟ ΕΜΟΥ ΥΠΕΤΑΞΑ ΔΙ ΗΝ ΕΧΩ
 ΠΡΟΣ ΤΟΝ ΜΕΓΙΣΤΟΝ ΘΕΟΝ ΜΟΥ ΑΡΗΝ ΕΥΧΑΡΙΣΤΙΑΝ Ο ΜΕ ΚΑΙ ΕΓΕΝΝΗΞΕΝ ΔΙ
 ΟΥ ΠΑΝΤΑ ΤΑ ΕΘΝΗ ΤΑ ΟΜΟΡΟΥΝΤΑ ΤΗ ΕΜΗ ΓΗ ΑΠΟ ΜΕΝ ΑΝΑΤΟΛΗΣ ΜΕΧΡΙ
 ΤΟΥ ΔΙΒΑΝΟΤΟΦΟΡΟΥ ΑΠΟ ΔΕ ΔΥΣΕΩΣ ΜΕΧΡΙ ΤΩΝ ΤΗΣ ΑΙΘΙΟΠΙΑΣ ΚΑΙ ΣΑΣΟΥ
 ΤΟΠΩΝ ΥΠ ΕΜΑΥΤΟΝ ΕΠΟΙΗΣΑΜΗΝ ΑΥΤΟΣ ΕΓΩ ΕΛΘΩΝ ΚΑΙ ΝΙΚΗΣΑΣ Α ΔΕ
 ΔΙΑΠΕΜΠΟΜΕΝΟΣ ΚΑΙ ΕΝ ΕΙΡΗΝΗ ΚΑΤΑΣΤΗΣΑΣ ΠΑΝΤΑ ΤΟΝ ΥΠ ΕΜΟΙ ΚΟΣΜΟΝ
 ΚΑΤΗΛΘΟΝ ΕΙΣ ΤΗΝ ΑΔΟΥΑΝ ΤΩ ΔΙΗ ΚΑΙ ΤΩ ΑΡΕΙ ΚΑΙ ΤΩ ΠΟΣΕΙΔΩΝΙ ΘΥ
 ΣΙΑΣΑΣ ΥΠΕΡ ΤΩΝ ΠΛΟΙΖΟΜΕΝΩΝ ΛΘΟΡΙΣΑΣ ΔΕ ΜΟΥ ΤΑ ΣΤΡΑΤΕΥΜΑΤΑ ΚΑΙ
 ΤΦ ΕΝ ΠΟΙΗΣΑΣ ΕΠΙ ΤΟΥΤΩ ΤΩ ΤΟΠΩ ΚΑΘΙΣΑΣ ΤΟΝ ΔΕ ΤΟΝ ΔΙΦΡΟΝ ΠΑΡΑ
 ΘΗΚΗΝ ΤΩ ΑΡΕΙ ΕΠΟΙΗΣΑ ΕΤΕΙ ΤΗΣ ΕΜΗΣ ΒΑΣΙΛΕΙΑΣ ΚΖ

Latina Interpretatio Leonis Allatii.

Magnus Rex Ptolemæus Ptolemæi Regis & Arsinoes Reginae Deorum Fratrum filius, Ptolemæi Regis & Reginae Berenices Deorum Servatorum nepos, paternum genus ab Hercule, maternum ab Dionysio Jovis filiis deducens, Ægypti, Lybiæ, Syriæ, Phœnicia, Cypri, Lyciæ, Cariæ, Cycladumque Imperio Patre tradente potitus, exercitum pedestribus equestribusque copiis ingenti classe, Troglodyticis, Æthiopicisque Elephantis primum a Patre & ab se in his regionibus captis, abductisque in Ægyptum & ad bellicos usus edoctis instructissimum in Asiam trajecit. Omni circa Euphratem tractu, Cilicia, Pamphylia, Jonia, Hellesponto, Thracia cum earum omnium regionum copiis, Indicis Elephantis, indigenis Regibus in potestatem redactis, Euphrate trajecto Mesopotamiam, Babyloniam, Susianam, Persidem, Mediam, ad Bactrianam usque subegit. Sacris quæ ab Ægypto Persæ abstulerant receptis, ac cum reliqua congesta gaza in Ægyptum, exercitum ducta fossa fluminibus corrivatis direxit.

Præterea finitimis fortiter pacatis collatis signis devici, Gaza primum in potestatem redacta, mox Agama ac Sigfyene capta prædam omnem dimidiatam distribui: Maga, Zingabenem, Angavim, Tiamam, Athagasm, Calaam, Caminemque montes inhabitantes, ultra Nilum inaccessos, ac glacie frigoribusque perpetuis damnatos, ubi cadentes nives aggerantur adeo ut genu tenus viator desidat, trajecto fluvio subjugavit. Postea Lasina, Zaa, Gabala montanis regionibus apud quos calide aquæ erumpunt, irriguoque Atalmo, Begaque adjacentibus Tangaitis qui sparsim extrema Ægypti incolunt debellatis, tutum viatoribus iter ab his regnis ad Ægyptum aperui. Annenæos ac Metinæos abrupta montium tenentes, Seseanosque imperio meo subdidi. Hos arduum accessuque difficillimum montem occupantes obsidione in potestatem redegi, juvenibus, uxoribus, liberis, omnique suppellectili mihi selectis. Rhæfos Thuriferorum Barbarorum mediterraneos, immensas, siccas, aridas colentes planicies, Solatæosque quibus mox maris custodiam demandavi. Has nationes præruptis montibus interseptas ductu, auspiciisque meis devici, debellatas agris redditis vœtigales feci. Ultrorse plerique deditere. Præterea in Arabitas atque Cinædocolpitas ultra Erythræum, navales terrestresque copias duxi, subactis Regibus tributum, ac ut victoribus nautisque tutum cursum præstarent imperavi. Ab Leuce oppido ad Sabæos armatus excurri, Hos ego populos nulli veterum Regum obnoxios, primus adortus MARTIS ope a quo genitus & cui quod finitimas nationes ab ortu ad Arabiam, ab occasu ad Æthiopiam ac Sasi loca imperio meo adiecerim debeo, partim armis, partim beneficiis subegi. Deinde pace terra marique parta Adulim profectus Jovi, Gradivo ac pro navigantibus Neptuno sacra feci. Huc demum adveniens copiis undique coactis instructus hunc Mavortii Thronum dicavi anno Imperii mei XXVII.

Eandem Inscriptionem publicavit Thevenotius anno 1666. ex Cosmæ Monachi Manuscripto, quod in Bibliotheca Laurentiana Florentiæ extat & a Bigotio descriptum fuit. Utrum vero Allatius ex eodem Manuscripto desumpserit videri potest dubium, cum non paucæ adsint in lectione discrepantiæ: quarum hæ præcipuæ sunt. Legit Thevenotius num. 1. Σιγύλω. 2. ἐμεισάμλω, additque hæc quæ desunt in nostra: Ἀνα καὶ Τιαμῶ τοῖς λεγούμενοις τζιαμῶ καὶ τὸς Γαμβελᾶ καὶ τὰ ἐγγύς αὐτῶν λέγει ἔστιν τὰ πέραν τῆς Νείλης 3. ξιγγαβλώ 4. Αθαγαώς 5. Σεμλῶαι 6. καταδλῶιν. 7. ὑαβαλά. 8. ἐπελεξάμλω. Sed præter illam lineam quæ incaute ab Allatio omitti potuit, tantum non est discrimen, ut a vetusti Manuscripti detritis literis oriri non potuerit, Allatio & Bigotio diversimode legendum esse putantibus. Uterque enim cum accentibus describit, ut eos addiderat Cosmas ille Monachus. At cum in marmoribus nunquam reperiantur, sicubi eorum usus recentior sit, ideo nos ad Inscriptionum formam restituimus majusculis literis & absque illis accentibus.

Hanc autem Inscriptionem a se visam & exscriptam asserit Cosmas, initio regni Justinii Imperatoris Romani, regnante Axomitis Elesbaa quodam, in cujus ditione Adulis erat milliariis duobus ab Axomitarum navali distans in littore maris rubri. Hæc urbs Adulis Geographis hodiernis est *Ercoco*. Ibi Thronus sive sella marmorea visebatur extra portam quæ Axomum ducebat, & in illius postica parte Hercules & Mercurius sculpti erant. Prope thronum vero jacebat lapis sive cippus tetragonus, in cuius facie exscripta erat prior Inscriptionis pars; non vero ut Allatius & Thevenotius vertunt, in Statua Ptolemæi; nulla enim erat illic Statua. Ultima pars in ipso Throno scripta legebatur.

CIV. Romæ reperta ad Thermas Titi; nunc in Palatio Chigi.

Η ΙΕΡΑ ΞΥΣΤΙΚΗ ΣΥΝΟΔΟΣ ΤΩΝ ΠΕ
ΡΙ ΤΟΝ ΗΡΑΚΛΕΑ ΑΠΟ ΚΑΤΑΛΥΣΕΩΣ
ΕΝ ΤΗ ΒΑΣΙΛΙΔΙ ΡΩΜΗ ΚΑΤΟΙΚΟΥΝΤΩΝ
Μ. ΟΥΛΠΙΟΝ ΔΟΜΕΣΤΙΚΟΝ ΔΙΑ ΒΙΟΥ ΞΥΣΤΑΡ
ΧΗΝ ΚΑΙ ΑΡΧΙΕΡΕΑ ΤΟΥ ΣΥΜΠΑΝΤΟΣ ΞΥΣΤΟΥ ΠΕΡΙΟ
ΔΟΝΕΙΚΗΝ ΠΑΡΑΔΟΣΟΝ ΕΠΙ ΒΑΛΑΝΕΙΩΝ ΣΕΒΑΣΤΟΥ
ΤΟΝ ΕΛΑΤΤΩΝ ΠΡΟΣΤΑΤΗΝ ΚΑΙ ΑΥΤΟΝ ΠΡΕΣΒΕΥΣΑΝΤΑ
ΚΑΙ ΑΙΤΗΣΑΜΕΝΟΝ ΤΟ ΤΕΜΕΝΟΣ ΤΩ ΣΥΜΠΑΝΤΙ ΞΥΣ
ΤΩ ΤΗΝ ΤΕΙΜΗΝ ΑΝΑΘΕΝΤΟΣ Μ. ΜΕΤΤΙΟΥ ΑΜΕΡΙΜΝΟΥ
ΕΠΙ ΑΡΧΟΝΤΩΝ
Α. ΟΥΕΝΝΙΟΥ ΑΓΡΙΠΠΙΑΝΟΥ ΚΑΙ Μ. ΜΕΤΤΙΟΥ ΑΜΕΡΙΜΝΟΥ

Exscripsi.

Id est. *Sacra Xystica Synodus* (sive conventus) *Athletarum* qui circa *Herculis ædem* ab eorum *fundatione* in urbium *Regina Roma* habitant, *Marcum Ulpium Domesticum* per totam vitam *Xysti*, sive *Palæstræ*, *Præfectum* & *Pontificem universæ Palæstræ* undiquæ victorem admirabilem, *Præfectumque Balnearum Augusti*, *Præpositum* suum olim *legatione functum* ut ædem procuraret toti *Palæstræ*, hoc gratitudinis monumento veneratur, *Honoris*, quo *Statua* ipsi erigitur, *curam habente* *Marco Mettio Amerimno*.

CV. *Ibidem.*

ΑΓΛΩΗ ΤΥΧΗ
 Η ΙΕΡΑ ΖΥΣΤΙΚΗ ΣΥΝΟΔΟΣ ΤΩΝ
 ΠΕΡΙ ΤΟΝ ΗΡΑΚΛΕΑ ΑΘΛΗΤΩΝ ΑΝΗΣ
 ΤΗΣΕΝ ΕΝ ΤΗ ΒΑΣΙΛΙΔΙ ΡΩΜΗ ΜΝΗ
 ΜΗΣ ΧΑΡΙΝ ΚΑ. ΡΟΥΦΟΝ ΤΟΝ ΚΑΙ Α
 ΠΟΛΛΩΝΙΟΝ ΠΕΙΣΑΙΟΝ ΔΙΣ ΠΕΡΙΟ
 ΔΟΝ. ΚΑΙ ΤΙΟΝ ΚΑ. ΑΠΟΛΛΩΝΙΟΥ
 ΣΜΥΡΝΑΙΟΥ ΟΣ ΚΑΙ ΔΙΑΔΟΧΟΣ ΕΓΕΝΕ
 ΤΟ ΤΟΥ ΙΔΙΟΥ ΠΑΤΡΟΣ ΚΑΤ' ΑΥΤΟΥ ΠΕΡΙΟ
 ΔΟΥ ΤΕΛΕΙΟΥ ΑΝΔΡΩΝ ΕΝ ΤΟΙΣ ΣΚΑΜΜΑΣΙΝ
 ΤΗΣ ΑΡΧΙΕΡΩΣΤΗΝΗΣ ΤΟΥ ΣΥΜΠΑΝ
 ΤΟΣ ΖΥΣΤΟΥ ΟΥΤΟΣ ΔΕ ΕΓΕΝΕΤΟ
 ΚΑΙ ΓΕΝΟΥΣ ΥΠΑΤΙΚΩΝ

Exscripsi.

Id est. *Bonæ Fortunæ, Sacra Xystica Synodus Athletarum qui ad Herculis ædem habitant, crexit in Regina urbium Roma memoriæ causa Claudium Rufum qui & Apollonium Pisæum, bis victorem, filiumque Claudii Apollonii Smyrnæi, qui & successor evasi proprii patris eadem Periodo virorum perfecti victoris in Athleticis certaminibus Pontificatus totius palæstræ. Hic autem erat generis Consularis.*

CVI. *Ibidem.*

Η ΙΕΡΑ ΖΥΣΤΙΚΗ ΣΥΝΟΔΟΣ ΤΩΝ
 ΠΕΡΙ ΤΟΝ ΗΡΑΚΛΕΑ ΑΠΟ ΚΑΤΑΛΥΣΕΩΣ
 ΕΝ ΤΗ ΒΑΣΙΛΙΔΙ ΡΩΜΗ ΚΑΤΟΙΚΟΥΝΤΩΝ
 Μ. ΑΥΡΗΛΙΟΝ ΔΗΜΟΣΤΡΑΤΟΝ ΔΑΜΑ
 ΣΑΡΔΙΑΝΟΝ ΑΛΕΞΑΝΔΡΕΑ ΑΝΤΙΝΟΕΑ ΑΘΗΝΑΙΟΝ
 ΕΦΕΣΙΟΝ ΣΜΥΡΝΑΙΟΝ ΠΕΡΓΑΜΗΝΟΝ
 ΝΙΚΟΜΗΔΕΑ ΜΙΛΗΣΙΟΝ ΛΑΚΕΔΑΙΜΟΝΙΟΝ
 ΑΡΧΙΕΡΕΑ ΤΟΥ ΣΥΜΠΑΝΤΟΣ ΖΥΣΤΟΥ ΔΙΑ ΒΙΟΥ
 ΖΥΣΤΑΡΧΗΝ ΚΑΙ ΕΠΙ ΒΑΛΑΝΕΙΩΝ ΣΕΒΑΣΤΟΥ
 ΠΑΝΚΡΑΤΙΑΣΤΗΝ ΠΕΡΙΟΔΟΝΕΙΚΗΝ ΠΥ
 ΚΤΗΝ ΑΛΕΙΠΤΟΝ ΠΑΡΑΔΟΞΟΝ

Exscripsi.

Sacra Xystica Synodus Athletarum qui ad Herculis ædem ab Hospitii fundatione in Regina Roma habitant, Marcum Aurelium Demostratum simul Sardonianum, Alexandrinum, Antinoensem, Atheniensem, Ephesium, Smyrnæum, Pergamenum, Nicomediensem, Milesium, Lacedæmonium, Pontificem totius Palæstræ per vitam Præfectum, & Balneorum Augusti Præpositum, Pancratiastem undique victorem, luctatorem indefessum & admirabilem.

CVII. *Ibidem.*CVIII. *Ibidem.*

ΙΩΑΝΝΗC ΠΑΛΑΙCΤΗC CΜΥΡΝΑΙΟΙC

OB FORTITVDINIS MERITA ET VIRTVTIS CV
 MVLVM HOC QVOD EXCELLENS ARTIS RO
 BVR EXEGIT PRAECEPTO INVICTISSIMORVM
 PRINCIPVM DDD. NNN. FFF. LLL. VALENTI
 NIANI THEODOSII ET ARCADII IOHAN
 NES MERVIT VT INTER OMNES POLLENS
 LOCATIONE STATVAE VIDEATVR

CΜΥΡΝΑΙΟC

ΑΠΤΩΤΟC

FILVMENV M

DDD. ET PRINCIPES N VALENTINIAN.
 VALENS ET GRATIANVS SEMP. AVGG.
 FILVMENV IN OMNI ACLHETICO CER
 TAMINE AB ORIENTE AD OCCIDENTE VSQ.
 VICTOREM PAMMACHO LVCTA PRANCATI
 GESTIBVSQ. ID EST PYCME LOCATIONE STA
 TVAE IN ACLETARVM CVRIA ETERNITA
 TIS GLORIA DIGNVM ESSE IVDICARVNT
 QVOD OMNES XYSTICI GRATANTER
 ACCEPERVNT SEN. PARITER SIMVLQ.
 P. R. INGENTI FABORE PROSECVTVS EST.

Exscripsi.

Priores tres Græcæ Inscriptiones conferendæ cum Gruterianis pag. CCCXIV. &c. sunt enim ejusdem ætatis Antonini Pii, & in illis Marci Ulpii Domestici etiam mentio est. Has autem peculiari libro, cui titulus *Inscriptiones Athleticæ*, edidit Eruditiss. Octavius Falconerius, uberiusque explicavit. Titulus penultimæ ita male a Reinesio pag. 378. traditus, ΜΑΝΗΣ ΠΑΛΑΙΣΤΗΣ ΣΜΥΡΝΑΙΟΣ ΑΤΤΩΤΟΣ, pro quo legendum putabat ΜΑΓΝΗΣ &c. Sed ita extat, ΙΩΑΝΝΗC ΠΑΛΑΙCΤΗC CΜΥΡΝΑΙΟΙC CΜΥΡΝΑΙΟC ΑΠΤΩΤΟC, Joannes Palæstrita Smyrnæis, Smyrnæus Athleta inconcussus. In ultima PRANCATI sculptum pro Pancratio: ACLETARVM pro ATHLETARVM: SEN. PARITER SI. MVLQ. P. R. Senatus pariter Populusque Romanus.

CIX. Romæ reperta cum præcedentibus, sed semisfrac̃ta, & sic ab
Eruditiss. Spanhemio suppleta.

Μ. ΑΥΡ. ΑCΚΛΗΠΙΑΔΗΝ ΑΛΕΞΑΝΔΡΕΑ ΕΡΜΟΠΟΛΙΤΗΝ

ΠΑΝΚΡΑΤΙΑCΤΗΝ ΠΕΡΙΟΔΟΝΕΙΚΗΝ ΑΛΕΙΠΤΟΝ ΑCΙΝΕΧΩCΑΝ

ΑΝΕΚΚΛΗΤΟΝ ΝΕΩΚΟΡΟΝ ΤΟΤ ΜΕΓΑΛΟΥ

CΑΡΑΠΙΔΟC ΚΑΙ ΤΩΝ ΕΝ ΤΩ ΜΟΤCΙΩ

CΙΤΟΥΜΕΝΩΝ ΑΤΕΛΩΝ ΦΙΛΟCΟΦΩΝ

ΑΡΧΙΕΡΕΑ ΤΟΤ CΤΜΗΑΝΤΟC ΕΤCΤΟΤ

ΔΙΕ ΒΙΟΥ ΕΤCΤΑΡΧ. ΚΑΙ ΕΠΙ ΒΑΛΑΝΕΙΩΝ ΤC CΕΒΑCΤ

Ex Falconerii notis ad Inscript. Athleticas.

Id est. Sacra Xystica Synodus Athletarum qui Romæ ad Herculis Ædem degunt, Marcum Aurelium Asclepiadem Alexandrinum, Hermopolitem, Pancratiastem undique victorem indefessum, inexpulsum, non inclinabilem, Æditum magni Serapidis & eorum qui in Musæo aluntur perfectorum Philosophorum, Pontificem universæ Palæstræ per vitam, ejusdemque Palæstræ Principem atque balneis Augusti Præpositum.

Conferenda cum Gruteriana pag. CCCXIII. 10. quæ est hujusce Athletæ patris, a filio posita.

Τ. ΦΛΑΤΙΟΣ. Τ. ΤΙΟΣ. ΚΥΡΕΙΝΑ. ΑΡΤΕΜΙΔΩΡΟΣ
ΑΔΑΝΕΤΣ. ΚΑΙ. ΑΝΤΙΟΧΕΤΣ. ΝΙΚΗΣΑΣ. ΤΟΝ. ΑΓΩΝΑ. ΤΩΝ
ΜΕΓΑΛΩΝ. ΚΑΠΙΤΟΛΕΙΩΝ ΤΟΝ. ΠΡΩΤΩΣ. ΑΧΘΕΝΤΑ
ΑΝΔΡΩΝ. ΠΑΓΚΡΑΤΙΟΝ. ΟΛΥΜΠΙΑ. Β. ΠΥΘΙΑ. Β. ΝΕΜΕΙΑ Β.
ΕΝ. ΝΕΑΠΟΛΙ. ΑΝΔΡΩΝ. ΠΑΓΚΡΑΤΙΟΝ. ΙΣΘΜΙΑ. ΑΓΕΝΕΙΩ
ΠΑΓΚΡΑΤΙΟΝ. ΚΑΙ. ΤΗΣ. ΕΞΗΣ. ΠΕΝΤΑΕΤΗΡΙΔΙ. ΑΝΔΡΩΝ.
ΠΑΛΙΝ. ΚΑΙ. ΠΑΓΚΡΑΤΙΟΝ. ΚΑΙ. ΠΑΛΙΝ. ΑΝΔΡΩΝ.
ΠΑΓΚΡΑΤΙΟΝ. ΠΡΩΤΟΣ ΑΝΘΡΩΠΩΝ. ΚΟΙΝΟΝΙΑΣ
ΕΝ. ΠΕΡΓΑΜΩ. ΑΝΔΡΩΝ. ΠΑΓΚΡΑΤΙΟΝ

Id est. Titus Titi Filius Quirina Artemidorus Adanensis & Antiochensis, qui vicit certamen magnorum Capitolinorum prima vice celebratum, virorum Pancratium, Olympiabis, Pythiabis, Nemeabis in Neapoli, virorum Pancratium, Isthmia, Impuberum Pancratium & continuo quinquennio virorum iterum & Pancratium, & rursus virorum Pancratium, primus Hominum Commune Asiae Pergami virorum Pancratium . . .

CXI. In Isthmo Corinthiaco.

ΘΕΟΙΣ ΠΑΤΡΙΟΙΣ

ΚΑΙ ΤΗ ΠΑΤΡΙΔΙ

Π. ΔΙΚΙΝΙΟΣ ΠΥΑΙΜ. ΠΡΕΙΣΚΟΣ

ΙΟΥΤΟΥΕΝΤΙΑΝΟΣ ΑΡΧΙΕΡΕΥΣ ΔΙΑ

ΒΙΟΥ ΤΑΣ ΚΑΤΑΛΥΣΕΙΣ ΤΟΙΣ ΑΠΟ ΤΗΣ

ΟΙΚΟΥΜΕΝΗΣ ΕΠΙ ΤΑ ΙΣΘΜΙΑ ΠΑΡΑΓΕΝΟ

ΜΕΣΟΙΣ ΑΘΛΗΤΑΙΣ ΚΑΤΕΣΚΕΥΑΣΕΝ

Ο ΑΥΤΟΣ ΚΑΙ ΤΟ ΠΑΛΑΙΜΟΝΙΟΝ ΤΟΙΣ

ΠΡΟΣΚΟΣΜΗΜΑΣΙΝ ΚΑΙ ΤΟ ΕΝΑΓΙΟΤΗΡΙΟΝ

ΚΑΙ ΤΗΝ ΙΕΡΑΝ ΕΙΣΟΔΟΝ ΚΑΙ ΤΟΥΣ ΤΩΝ

ΠΑΤΡΙΩΝ ΘΕΩΝ ΒΩΜΟΥΣ ΣΤΗΝ ΤΩ ΠΕΡΙ

ΒΟΛΩ ΚΑΙ ΠΡΟΝΑΩ ΚΑΙ ΤΟΥΣ ΕΝΚΡΙΤΗΡΙ

ΟΥΣ ΟΙΚΟΥΣ ΚΑΙ ΤΟΥ ΗΛΙΟΥ ΤΟΝ ΝΑΟΝ ΚΑΙ ΤΟ

ΕΝ ΑΥΤΩ ΑΓΑΛΜΑ ΚΑΙ ΤΟΝ ΠΕΡΙΒΟΛΟΝ ΤΟΝ ΔΕ

ΠΕΡΙΒΟΛΟΝ ΤΗΣ ΙΕΡΑΣ ΝΑΠΗΣ ΚΑΙ ΤΟΥΣ ΕΝ ΑΥΤΗ

ΝΑΟΥΣ ΔΗΜΗΤΡΑΣ ΚΑΙ ΚΟΡΗΣ ΚΑΙ ΔΙΟΝΥΣΟΥ

ΚΑΙ ΑΡΤΕΜΙΔΟΣ ΣΤΗΝ ΤΟΙΣ ΕΝ ΑΥΤΟΙΣ ΑΓΑΛ

ΜΑΣΙΝ ΚΑΙ ΠΡΟΣΚΟΣΜΗΜΑΣΙΝ ΚΑΙ ΠΡΟΝΑΟΙΣ

ΕΚ ΤΩΝ ΙΔΙΩΝ ΕΠΟΙΗΣΕΝ ΚΑΙ ΤΟΥΣ ΝΑΟΥΣ

ΕΥΕΤΗΡΙΑΣ ΚΑΙ ΚΟΡΗΟ ΚΑΙ ΤΟ ΠΑΟΥ

ΤΩΝΕΙΟΝ ΚΑΙ ΤΑΣ ΑΝΑΒΑΣΕΙΣ ΚΑΙ ΤΑ ΑΝΑΛΗΜ

ΜΑΤΑ ΥΠΟ ΣΕΙΣΜΩΝ ΚΑΙ ΠΑΛΑΙΟΤΗΗΤΟΣ ΔΙΑ ΔΑΔΑΙΩ

ΔΕΛΤΜΕΝΑ ΕΠΕΣΚΕΥΑΣΕΝ Ο ΑΥΤΟΣ ΚΑΙ

ΤΗΝ ΣΤΟΑΝ ΤΗΝ ΠΡΟΣ ΤΩ ΣΤΑΔΙΩ ΣΤΗ

ΤΟΙΣ ΚΕΚΑΜΑΡΩΜΕΝΟΙΣ ΟΙΚΟΙΣ ΚΑΙ ΠΡΟΣ

ΚΟΣΜΗΜΑΣΙΝ ΥΠΕΡ ΑΓΟΡΑΝΟΜΙΑΣ

ΑΝΕΘΗΚΕΝ

Exscripsi.

Interpretatio.

Diis patriis & patriæ, Publius Licinius Pyem. Priscus Juventianus Pontifex per vitam, diversoria omnibus qui ab urbe terrarum ad isthmicos ludos conveniunt Athletis ædificavit ipsemet, Palæmoniumque ornamentis, & sacrarium, & sacrum introitum, Patriorumque Deorum aras cum horto & Pronao, & adjudicatas Demos & Solis ædem, in eaque Statuam & hortum: Hortum vero sive septum sacræ Sylvæ & in ea ædes Cereris & Proserpinæ, Bacchi, atque Dianæ cum earum Status, ornamentis & vestibulis, suis impensis fecit. Templâ etiam Abundantiæ, Proserpinæ & Plutonis, nec non gradus & repositoria terræ motibus & vetustate corrupta idem ædificari curavit, Porticumque quæ vicina stadio cum concameratis domibus & ornamentis ob fori utilitatem posuit.

Pausanias Antiquitates recensens, quæ in Isthmo Corinthiaco suo tempore reperiebantur, paucas tantum ædes memorat: unde cenfeo hunc Juventianum Pausaniæ ætate paulo inferiorem multas restituisse, quæ prius solo æquatæ fuerant. De Palæmonio quidem hæc habet: *ἡ περιβόλος ἡ ἐστὶν ἐν τῷ Παλαίμονος ἐν αἰσερᾷ ναὸς. ἀγάλματα ἡ ἐν αὐτῇ Ποσειδῶν καὶ Δελιοδεία, καὶ αὐτὸς ὁ Παλαίμων. Intra septum, Palæmonis (quem Latini Portunum) ad sinistram est ædes, & in ea Statuæ Neptuni, Leucotheæ & ipsius Portuni. De cæteris, Θείας ἡ ἀπὸ τοῦ ἁγίου ἐστὶ μὲν Θέατρον, ἐστὶ ἡ σάδιον λίθου δολιχῆ. Illic autem visu digna sunt Theatrum & Stadium e candido lapide.*

Cujus theatri rudera adhuc supersunt ex marmore, aliaque plane diruta, quæ cum Athenis Corinthum pergeremus, oculis lustrabamus.

CXII. Megaris, in sacello sine tecto trium tantum pedum alto,
a dextris & sinistris ingressus.

*Apparetque adhuc supra lapidem primæ Inscriptionis, vestigium pedis
Statuæ Athletæ illius, in cujus honorem marmora fuere posita.*

ΟΛΥΜΠΙΑ	ΙΣΘΜΙΑ Β.	ΠΑΝΕΛΛΗΝΙΑ	ΤΡΟΦΩΝΕΙΑ
ΕΝ ΠΕΙΣΗ	ΠΑΝΑΘΗΝΑΙΑ	ΕΝ ΑΘΗΝΑΙΣ	ΕΝ ΔΕΒΑΔΕΙΑ. Β
ΠΥΘΙΑ ΕΝ	ΕΝΑΘΗΝΑΙΣ. Β.	ΕΛΕΥΘΕΡΙΑ	ΕΛΕΥΘΕΡΕΙΑ
ΔΕΛΦΟΙΣ.	ΟΛΥΜΠΙΑ ΕΝ Α	ΕΝ ΑΘΗΝΑΙΣ Γ.	ΕΝ ΠΑΛΤΕΑΙΣ
ΝΕΜΕΙΑ ΕΝ ΑΡ	ΘΗΝΑΙΣ	ΗΡΑΚΛΕΙΑ ΕΝ ΘΗ	ΤΗΝ ΕΖ ΑΡΓΟΣ
Γ Ε Ι. Γ.		Β Α Ι Σ	ΑΣΠΙΔΑ

ΠΥΘΙΑ ΕΝ ΜΕΙ	ΠΥΘΙΑ ΕΝ ΣΙΑΝ. Β.	ΚΑΡΕΤΩΛΙΑ ΕΝ ΡΩΜΗ
Λ Η Τ Ω	ΠΥΘΙΑ ΕΝ ΠΕΡΓΗ. Δ	ΑΘΗΝΑΣ ΠΡΟΜΑΧΟΥ
ΠΥΘΙΑ ΕΝ ΜΑΓΝΗ	ΠΥΘΙΑ ΕΝ ΘΕΣΣΑ	ΕΝ ΡΩΜΗ. Δ
ΣΙΑ	ΤΟΛΟΝΕΙΚΗ	ΕΥΣΕΒΕΙΑ ΕΝ ΠΟΤΙΟ
ΚΟΙΝΑ ΑΣΙΑΣ ΕΝ	ΑΣΚΛΗΠΙΔΕΙΑ ΕΝ	Λ Ο Ι Σ
ΦΙΛΑΔΕΛΦΕΙΑ	ΕΠΙΔΑΥΡΩ	ΣΕΒΑΣΤΑ ΕΝ ΝΕΑΠΟΛΕΙ
ΑΚΤΙΑ ΕΝ ΝΕΙΚΟ		
Π Ο Λ Ε Ι Β.		

Exscripsi.

Hoc est: Vicerat hic Athleta, cujus forte nomen in basi
deperditæ Statuæ legebatur:

Olympia in urbe Pisa Elidis, Pythia in Delphis bis, Nemeia in Argo ter, Isthmia bis, Panathenæa Athenis bis, Olympia Athenis, Panhellenia Athenis, Eleusinia Athenis ter, Heraclea Thebis, Trophonia in Lebadia bis, Eleutheria in Platæis, Clypeus Junonis in Argo, Pythia in Mileto urbe, Pythia in Magnesia, Communia Asiæ in Philadelphia, Aëtia in Nicopolibus, Pythia in Sida Pamphyliae bis, Pythia in Perga quater, Pythia in Thessalonica, Asclepidea in Epidaurō, Capitolia Romæ, Minervæ Promachi Romæ quater, Eusebeia in Puteolis, Augustæa in Neapoli.

Ludi publici Festorum species erant, at non omnia Festa Ludos comites habebant. Attamen apud Auctores sæpe confunduntur. De his plura passim apud Hesychium, Suidam, Plutarchum aliosque leguntur. At de Festis Græcorum speciatim tractarunt recentiores Hospinianus lib. de Festis, Petrus Castellanus in suo Εορτολογία, Petri Fabri Agonisticum, Meursius in Græcia Feriata five de Festis Græcorum libris vi. & Fasoldus in libello cui titulus Ιερολογία Græcorum, quibus aliquid superaddere vix possum: exceptis quibusdam Festis ludisve in nummis marmoribusque observatis.

OLYMPIA Festum & certamen celebre Græciæ in honorem Jovis Olympii ab Hercule instituta in Elide, singulisque quatuor annis celebrata, unde Olympiadum origo. Agebantur autem præcipue Pisiquæ erat præcipua urbs Elidis, & Athenis, ut hoc in marmore observatur: nec non & Megaris, ubi tunc moriserat victorum nomina lapidibus incidere, teste Scholiaste Sophoclis manuscripto a Fasoldo citato: Εν τῷς Ολυμπίῳις παρὰ Μεγαροῦσι τὰ τῶν νικηφόρων ὀνόματα λίθοις ἐγγεγραμμένα ἦσαν. Et Scholiographus Pindari, ad rem nostram hæc etiam habet: Κατὰ τὰ Μέγαρα ἔθος ἐστὶ τῶν νικηφόρων τὰ ὀνόματα λίθοις ἐγκολάπτειν φησὶν ἐν ὅτῳ καὶ ἐν τῷς Μεγάροις ἡ λιθὶνὴ ἡφες ἐχέτερος τινὸς ἕως ἐγκολοαμμένων φέρεται ὡς τὸ Διὰγόρα. Mos est Megaris victorum nomina lapidibus insculpere. Dicuntque inter Megarenses nullius nomen ita frequenter sculptum esse in tabulis lapideis quam Diagoræ. At in hoc Megarensi marmore nullum legitur nomen, eo quod fortasse inscriptum esset in alio loco prope Statuam Athletæ illius, in cujus memoriam incisæ sunt inscriptiones, vel quod stante statua facile a Megarensibus dignosceretur. An ergo suspicandum, esse Diagoræ percelebris illius Athletæ? Minime gentium, is enim antiquissimus Heros: at hi lapides non sapiunt tam remotam antiquitatem, cum memorentur in iis Ludi Augustales CEBACTA in Cæsarem Romanorum honorem instituta, cumque rotundum sigma C antiqui sigmatis Σ locum occupet. Jam enim notavimus illum vix in usu esse cepisse ante Antoninorum ætatem. ΠΕΙΧΗ pro ΠΙΧΗ frequenti idiotismo exscriptum est. De Olympiis plura vide apud Meurs. Fasold. aliosque.

PYTHIA alterum ex quatuor celebribus Græciæ certaminibus in honorem Pythii Appollinis instituta celebrabantur præcipue Delphis, inde &, ut nos marmor docet, Mileti, Magnesiæ, Sidæ, Pergæ, & Thessaloniciæ, & ex alio marmore Trallibus, imo & ut videtur Neapoli: ΖΩΙΛΟΣ ΖΩΙΛΟΥ ΠΥΘΙΑ ΝΙΚΗΣΑΣ ΘΕΟΙΣ, *Zoilus Zoili-filius victor in Pythiis, Diis consecravit.*

NEMEA tertium celebre certamen Græciæ in honorem Archemorii Lycurgi filii in Sylva Nemæa a serpente occisi. In iis cursu equorum, & curru, pancratio, disco, cæstu, palæstraque pugnabatur. Celebratum autem certamen in Argorum urbe testis est inscriptio. De hisce ludis vide Natalem Comitem, & Hospinianum.

ISTHMIA quartum celebre Græcorum certamen in honorem Palæmonis, quem Latini Portumnus nominant, instituta. Isthmia dicebantur quia celebrabantur in Isthmo Corinthiaco, ubi nunc Templorum & theatrorum rudera marmorea cernuntur, quæ a recentioribus Græcis Palæo castro nuncupantur, hoc est *vetus arx*: Tempia quæ illic extructa recenset Inscriptio in Isthmo a nobis reperta & supra citata.

PANATHENÆA certamina Minervæ sacra ex omnibus Atticæ oppidis in Athenarum urbem convenientibus, duplicia erant magna & parva. Magna singulis quinquenniis, parva singulis annis. In iis Poetæ, Comædique cantu, Athletæ palæstra similibusque ludis certabant. Magnorum mentio est in Inscrip. de Populis Attic. in Itinerario nostro Græc. De Panathenæis fufe Meursius, libro singulari.

PANHELLENIA omnibus Græcis communia agitabantur Athenis.

ELEUSINIA in honorem Cereris duplicia. Magna, quæ in urbe Eleusi celebrabantur, & parva quæ Athenis. De utrisque Meursius libro singulari.

HERACLEA five Herculeia ab Atheniensibus, Sicyoniis, Ambracioris, Thebis & Thebanis. Schol. Pindar. Olymp. Od. 7. ἐν ᾗ Θηβαῖς, τὰ ἱράκλεια, τὰ ᾗ αὐτὰ καὶ ἰολαὶ ἀναλεῖται, *Thebis autem Heraclea, quæ & Iolia vocantur.*

TROPHONIA in honorem Trophonii a Lebadiensibus celebrabantur. Scholast. Pindari ad Olymp. Od. 7. Τελὼν τῇ ἐν βοιωτίᾳ ἀγῶνες ἐν μὲν θεσπιάδῳ τὰ ἐρατὶδία, ἐν ᾗ πλαταιᾷ τὰ ἐλεούθια, ἐν ᾗ Λεβαδείᾳ τὰ τροφώνια. *Peraguntur quidem in Bæotia varia certamina, Thespiis Eratidia, Platæis Eleutheria, & Lebadia Trophonia.*

ELEUTHERIA in honorem Jovis Eleutherii, quasi dicas *libertatis* per victoriam contra Persas assertæ Authoris, Platæis, ut ex marmore & loco supra citato patet. Vide Meurs. & Fasold.

CLYPEUS Junonis in Argo ἡ εἰς Ἀργὸς ἀσπίς, vel ἔξ Ἀργὸς, ut habent alia marmora. Clypeus erat quodam urbis loco valide affixus, inquit Meursius, adeo ut nisi difficillime avelli non posset: itaque inter se certantes, vires suas experiebantur, atque avellere posse gloriosum valde erat: vide quæ de eo plura habet in ΗΡΑΤΑ, hoc est Junonis festo, & Reines. variar. lection. p. 104.

COMMUNIA ASIAE, KOINA ACIAC sæpe memorantur in nummis & marmoribus: erantque certamina in quæ conveniebant communi consensu populi Asiæ Proconsularis, quæ Asiæ minoris pars erat, Ioniam, Cariam, Lydiamque comprehendens, de qua vocis Asiæ acceptione vide amplum com.

mentarium marmorum Oxoniens. ad marmor 11. Itaque Smyrnæis, Ephesiis, Pergamenis, Sardonis, Philadelphensibus aliisque urbibus communes erant ludi.

ACTIA celebrabant Acarnanes in urbe Actia honori Apollinis Actii inde cognominati. Mox Augustus devicto Antonio prope *Actium Nicopolim* condidit; ubi teste Suetonio, ludos quinquennales constituit. Dio Cassius: Ἀγῶνὰ τε τινὰ μουσικὸν ἢ γυμνικὸν, ἱπποδρομίας τε πεντεμερικὸν ἱερὸν κατέδειξεν Ἀκτιᾷ αὐτὸν προσαγορεύσας, certamenque quoddam Musicum, gymnicum & equestre in quintum quemque annum instituit, *Actia* illa certamina vocans.

ASCLEPIDEA quæ & Asclepiæa in Æsculapii honorem instituta, celebria erant apud Epidaurios, ubi celebre hujus Dei Fanum. Musica illic præcipue certabatur.

CAPITOLIA ab Autoribus non observata ludi erant Romæ Jovi Capitolino celebrata, quorum mentio in Gallieni nummo ex ære: CERTAMEN SACRVM CAPITOLINVM OECVMENICVM ISA. HELV.

MINERVAE PROMACHI sive PROPUGNATRICIS nulla forte alibi memoria reperietur. Ejus autem Festum Romæ observabatur.

EUSEBEA sive PIA in honorem Hadriani ab Antonino Pio instituta, Putcolis Italiæ urbe, teste Spartiano. Εὐσεβεία, inquit Artemidorus, τὰ ἐν Ἰταλίᾳ ἀρχαῖα ὑπὸ Βασιλέως Ἀντωνίνου ἐπὶ τῷ πατρὶ Ἀδελφῶν.

AUGUSTALIA in Augusti honorem pluribus in locis sine dubio celebrabantur, ac præcipue Neapoli, ut etiam a quibusdam memorantur.

CXIII. *Athenis ad Panagiam Gorgopico.*

ΜΑΡΚΟΣ ΤΥΛΛΙΟΣ

ΑΠΑΜΕΤΣ ΤΗΣ ΒΙΘΥΝΙΑΣ ΑΘΗΝΑΙ
ΟΣ ΚΟΡΙΝΘΙΟΣ ΖΜΥΡΝΑΙΟΣ ΜΟΝΟΣ
ΚΑΙ ΠΡΩΤΟΣ ΤΩΝ ΑΠΑΙΩΝΟΣ ΠΥΚΤΩΝ
ΝΕΙΚΗΣΑΣ ΚΑΤΑ ΤΟ ΕΞΗΣ ΠΑΝΕΛΛΗΝΙΑ
ΟΛΥΜΠΙΑ ΙΣΟΜΙΑ ΑΔΡΙΑΝΕΙΑ ΡΩΜΗ....

ΟΛΥΜ ΔΙΣ ΝΕΜΕΙΑ. Α.

ΠΙΑ

ΑΘΗΝ. ΔΙΣ ΙΣΟΜΙΑ

ΝΕΑΝ ΑΘΗ. . . ΑΘΗ. .

ΠΟΛΙΝ

ΣΜΥΡΝΑΝ ΚΟΙΝΟΝ

ΑΣΙΑΣ

ΕΦΕ

ΕΝΕΙΚΑ ΔΕ ΘΕΜΑΤΙΚΟΤΣ ΚΑΙ ΤΑΛΑΝΤΙ
ΟΥΣ ΑΓΩΝΑΣ ΤΡΙΑΚΟΝΤΑ ΠΕΝΤΕ ΕΤΕΛΕΤ
ΤΑ ΕΤΩΝ ΤΡΙΑΚΟΝΤΑ ΔΥΟ ΜΗΝΩΝ ΤΡΙΩΝ
ΜΑΡΚΟΣ ΤΥΛΛΙΟΣ ΕΥΤΥΧΗΣ
ΕΠΟΙΕΙ ΑΔΕΛΦΟΣ
ΤΟΠΟΝ ΕΔΩΚΕ ΚΛΕΙΤΟΡΙΣ

Exscripti.

Marcus Tullius Apamensis Bithyniæ, Atheniensis, Corinthius, Smyrnæus, solus & primus a principio mundi Athleta, qui vicit sequentia continuo certamina, Panhellenia, Olympia, Isthmia, Hadrianalia Romæ, Smyrnæ commune Asiæ, &c. Vicit autem proposita & difficilia certamina triginta quinque, defunctus annorum 32. mens. 3. Marcus Tullius Eutyches fecit ejus frater, locum dedit Clitoris.

Athletas insignes civitate donabant celebriores urbes in quibus victorias reportaverant, unde hic Apa-

mensis, Corinthius, Atheniensis, Smyrnæusque dicitur. Nominata certamina explicuimus. unum tantum superest, nempe

HADRIANALIA in Hadriani Augusti honorem Romæ, Athenis, Ephefi, vel ab Hadriano instituta. Spartian. *in omnibus pene urbibus & aliquid ædificavit & ludos edidit*. Xiphilin. *ἐποίησεν καὶ θέατρα καὶ ἀγῶνας περιπορεύμενος τὰς πόλεις*. Hæc memorat sequens Inscriptio.

CXIII. Oxonium ex Græcia allatus lapis.

Γ. ΑΝΤ. ΣΕΠΤΙΜΙΟΣ ΠΟΠΛΙΟΣ
ΠΕΡΓΑΜΗΝΟΣ ΚΑΙ ΣΜΥΡΝΑΙΟΣ ΚΑΙ ΑΘΗΝΑΙΟΣ
ΚΑΙ ΕΦΕΣΙΟΣ ΚΙΘΑΡΩΔΟΣ ΜΟΝΟΣ ΚΑΙ
ΠΡΩΤΟΣ ΤΩΝ ΑΠ ΑΙΩΝΟΣ ΝΙΚΗΣΑΣ
ΤΟΥΣ ΥΠΟΓΕΓΡΑΜΜΕΝΟΥΣ ΑΓΩΝΑΣ
ΟΛΥΜΠΙΑ Η΄ 17 ΑΔΡΙΑΝΙΑ
ΡΩΜΗΝ Β' ΠΟΤΙΟΛΟΥΣ Β. ΝΕΑΝ ΠΟ
ΛΙΝ Γ' ΑΚΤΙΑ Β' ΤΗΝ ΕΞ ΑΡΓΟΥ ΑΣ
ΗΙΔΑ ΝΕΜΙΑ Γ' ΠΑΝΤΑΣ ΚΑΘΕΣΗΣ
ΣΜΥΡΝΑΝ ΚΟΙΝΟΝ ΑΣΙΑΣ ΠΕΡΓΑΜΟΝ ΑΓΓΟΥΣΤΕΙΑ Γ' ΤΡΑΙΑ
ΝΕΙΑ ΑΣΚΛΗΠΕΙΑ ΚΟΜΟΔΕΙΑ Β' ΠΤΟΙΑ
ΤΑ ΕΝ ΔΕΛΦΟΙΣ ΕΦΕΣΟΝ ΑΔΡΙΑΝΕΙΑ
ΕΦΕΣΟΝ ΕΦΕΣΙΑ ΒΑΡΒΙΛΔΙΑ
ΕΠΙΔΑΥΡΟΝ ΑΣΚΛΗΠΕΙΑ ΑΘΗΝΑΣ
ΑΔΡΙΑΝΕΙΑ ΣΑΡΔΕΙΣ ΧΡΥΣΑΝΟΙ
ΝΟΝ ΤΡΕΛΑΒΙΣ ΠΤΟΙΑ ΜΕΙΑΝΗ
ΤΟΝ ΔΙΑΥΜΕΙΑ ΡΟΔΟΝ ΑΛΕΙΑ Β'
ΛΑΚΕΔΑΙΜΟΝΑ ΜΑΝΤΙΝΙΑΝ
ΘΕΜΑΤΙΚΟΥΣ ΔΕ ΚΑΙ ΤΑΛΛΑΝΤΙΑΙΟΥΣ ΠΑΝΤΑΣ ΟΣΟΥΣ ΗΓΩ
ΝΙΣΑΤΟ ΥΠΟ ΦΩΝΑΣΚΟΝ Γ' ΑΙΔ. ΑΓΛΘΗΜΕΡΟΝ
ΕΦΕΣΙΟΝ ΚΑΙ ΣΜΥΡΝΑΙΟΝ ΚΑΙ ΠΕΡΓΑΜΗΝΟΝ ΚΙΘΑΡΩΔΟΝ
ΙΕΡΟΝΕΙΚΗΝ ΚΑΙ ΜΕΛΟΠΟΙΟΝ ΕΝΔΟΘΟΝ ΠΕΡΙ
ΠΑΝΤΑ ΕΤΝΟΥΝ ΓΕΝΟΜΕΝΟΝ ΩΣ ΦΥΣΕΙ ΠΑΤΕΡΑ

Ex Marmor. Oxoniens.

Id est. *Cajus Antius Septimius Publius, Pergamenus, Smyrnæus, Atheniensis & Ephefius, Citharædus solus & primus, qui ab origine mundi vicit subscripta certamina, Smyrnæ Olympia octies, Hadrianalia Romæ bis, Puteolis bis, Neapoli ter, Actia bis, ex Argo Clypeum, Nemea ter, omnia serie continua, Smyrnæ Commune Asiæ, Pergami Augustalia ter, Trajanalia, Æsculapia, Commodalia bis, Pythia Delphis, Ephefi Hadrianalia, Ephefi Ephefia Barbillea, Epidauri Æsculapia, Athenis Hadrianalia, Sardibus Chrysanthinum, Trallibus Pythia, Miletî Didymæa, Rhodi Halicæa bis, Lacedæmone, Mantinææ: omnia proposita & difficillima certamina, quæ certavit sub moderatore Cajo Ælio Agathemero Ephefio, Smyrnæo, & Pergameno, Citharædo, Hieronice & modis faciendis clarissimo, in omnibus benevolò, non aliter ac si naturalis Pater fuisset.*

Insignis non minus præcedenti, Athleta hic Septimius, totidem urbium civis, totidemque victoriis reportatis, non minori elogio dignus erat. Præter autem supra indicata certamina etiam sequentia viverat.

TRAIANALIA Parthica dicta, quæ honoris causa Trajano adoptivo patri dicaverat Romæ Hadrianus, teste Xiphilino.

COMMODALIA in Commodi honorem a Severo ejus successore forte instituta. Nominantur & in alio lapide apud Gruterum pag. CCCXVII. I.

Supplem. Tom. IV.

Ss ss ij

EPHESIA Festum Dianæ Ephesi. Jul. Pollux lib. 1. Ἀρτέμιδος Ἀρτεμίσια ἢ Εφέσια. Meurs. Græc. feriatur.

BARBILLEA, male in marm. Grut. ΒΑΡΒΙΛΛΑ: sic edocuit Marmor. Oxoniens. Commentator Eruditus Humphridus Prideaux, ex Valefii excerptis Dione: ibi enim de Vespasiano hæc leguntur, Τῆς τε Ἀστρολόγου ἐν τῇ Ρώμῃς ἐξώρισε καὶ τοὶ πᾶσι τοῖς ἀρίστοις αὐτῶν χρώμενος, ὥς τε καὶ ἐξ ἑξ Βαρβίλλιον τινα αὐδρα πικρότροπον ἀγῶνα τοῖς Εφεσίοις ἱερὸν ἀγεῖν συχωρῆσαι, ὅπερ ἐδεμῖα ἄλλῃ πόλει δοίμεν: Astrologos etiam Roma expulit, et si peritissimis eorum uteretur, eo usque ut in gratiam Barbilli cujusdam artem hanc profitentis in Ephesiis festis sacrum certamen fieri concesserit, quod nulli alii civitati indulsit.

CHRYSANTHINA apud Sardonios celebria a Martiano Jurisconsulto Chrysanthiana levi differentia vocantur. Cum erat certa pecunia Reipublicæ Sardoniorum relicta per quadriennium certaminis Chrysanthiani, Divus Severus & Antoninus rescripserunt videri perpetuam pensitationem reliquisse testatorem per quadriennium, non in primum quadriennium. Non animadversa sunt a Meursio aliisque Heortographis. Extant numismata Alexandri Severi, Mammææ & Tranquillinæ, cum epigraphe ΧΡΥΣΑΝΘΙΝΑ ΣΑΡΔΙΑΝΩΝ ΝΕΩΚΟΡΩΝ.

DIDYMEA Apollini Didymeo Mileti, ubi ejus non ignobile oraculum erat, a quo & quando instituta fuerint ignotum, cum de iis Authores fileant.

HALEIA certamina a Rhodiensibus ἡλίω seu ἁλίω secundum Doricam dialectum, hoc est Soli sacra, ut pote Insulæ patrono. Aristides in Ποσειδῶν eos alloquens ἢ μὲν τῷ Ἀλίῳ ἀγῶνα ποιήσετε, Ludos Halios seu Agonem Halium peragetis. Vide plura in Comment. ad Marm. Oxon.

His adde & quædam festa certaminave a recentioribus Festorum descriptoribus non observata.

ΛΗΤΟΕΙΑ, Latonalia in Latonæ honorem. In Nummis passim.

PALILIA, Agon in Paletis honorem. Hesych. Παλίλια ἀγών, οἱ μὲν τῷ Πάλιτι, οἷοι δὲ τῷ Παλί.

SEVERIA in Severi honorem, Marmor. Gruter. CCCXVII. I.

HYOMEMNIA festum quoddam apud Argos, Hesych.

TAVROCATHAPSIA silentibus Authoribus in marmore Oxoniensi pag. 266. part. 2. leguntur: ΤΑΥΡΟΚΑΘΑΨΙΩΝ ΗΜΕΡΑ. Taurorum venationem sive pugnam a Theffalis inventam putat Commentator, de qua Plinius, Theffaliorum inventum equo juxta quadrupedante cornu intorta cervice Tauros necare. Primus id spectaculum dedit Romæ Cæsar Dictator. Ad quæ referuntur figuræ in marmore exsculptæ.

PHILADELPHIA in nummo apud Tristandum, aliisque. Vide & aliud festum ibi quod ΟΙΝΟΥ ΓΕΝΕΣΙΝ, vini natalia ex Longo Sophista memorat Tom. 3. p. 21.

CXIV. Romæ, in villa Justiniani.

ΚΩΜΑ ΜΕΝ ΗΔΕ ΚΟΝΙΟ ΚΕΤΟΕΙ ΘΕΟΜΗΣΤΟΡΟΣ ΑΝΔΡΟΣ
ΝΑΡΚΙΣΣΙΩΝΟΣ ΗΙΝΥΠΠΟΥ ΕΥΧΗ ΔΕ ΣΥΝΕΔΡΟΣ
ΑΘΑΝΑΤΩΝ ΒΩΜΟΝ ΓΑΡ ΕΔΩΜΗΣΑΝΤΟ ΤΑΛΑΦΡΩΝ
ΜΗΤΗΡ ΣΑΛΒΙΑ ΜΑΤΡΩΝΑ ΣΩΤΑΣ ΤΕ ΑΔΕΛΦΟΣ

Exscripta.

Id est Corpus quidem & cinis pii erga Deos Viri, Narcissionis Eunipi, precibus vero confessoris immortalium; aram enim ædificarunt patientis animi mater Salvia Matrona, & Sotas frater.

CXV. *Romæ, In horto Ædis Barberinæ.*

ΠΟΠΙΛΙΗΣ ΤΑΦΟΣ ΟΥΤΟΣ ΑΝΗΡ Δ ΕΜΟΣ ΑΥΤΟΝ ΕΤΕΤΞΕΝ
 ΩΚΕΑΝΟΣ ΠΑΣΗΣ ΕΜΠΕΡΑΜΟΣ ΣΟΦΙΗΣ
 ΚΟΥΦΗ ΤΟΙ ΓΑΡ ΕΜΟΙ ΠΕΛΕΤΑΙ ΚΟΝΙΣ ΕΝ Δ ΑΧΕΡΟΝΤΙ
 ΥΜΝΗΣΩ ΤΗΝ ΣΗΝ Ω ΑΝΕΡ ΕΥΣΕΒΙΗΝ
 ΜΕΜΝΕΟΚΗΝ ΖΩΟΙΣ ΕΜΕΘΕΝ ΚΑΙ ΠΟΛΛΑΚΙ ΤΤΜΒΩ
 ΣΠΕΙΣΟΝ ΑΠΟ ΒΛΕΦΑΡΩΝ ΔΑΚΡΥ ΑΠΟΙΧΟΜΕΝΗ
 ΚΑΙ ΛΕΓΕ ΠΟΠΙΛΙΗΝ ΕΤΔΕΙΝ ΑΝΕΡ ΟΥ ΘΕΜΙΤΟΝ ΓΑΡ
 ΘΗΤΚΕΙΝ ΤΟΥΣ ΑΓΑΘΟΥΣ ΑΛΛ ΤΗΝΟΝ ΗΔΥΝ ΕΧΕΙΝ

Ex libro Ædium Barber.

CXVI. *Florentiæ apud Marchionem Richardi.*

ΤΠΕΡ. ΣΩΤΗΡΙΑΣ. ΚΑΙ. ΝΕΙΚΗΣ. ΚΑΙ. ΑΙΩΝΙΑΣ. ΔΙΑΜΟΝΗΣ.
 ΤΩΝ. ΚΥΡΙΩΝ. ΑΥΤΟΚΡΑΤΟΡΩΝ. ΔΟΥΚΙΟΥ. ΣΕΠΤΙΜΙΟΥ.
 ΣΕΟΥΤΗΡΟΥ. ΕΥΣΕΒΟΥΣ. ΠΕΡΤΙΝΑΚΟΥ. ΣΕΒΑΣΤΟΥ. ΑΡΑΒΙΚΟΥ. ΑΔΙΑΒΗΝΙ
 ΚΟΥ. ΠΑΡΘΙΚΟΥ. ΜΕΓΙΣΤΟΥ. ΚΑΙ. ΜΑΡΚΟΥ. ΑΥΡΗΔΙΟΥ. ΑΝΤΩΝΕΙΝΟΥ.
 ΣΕΒΑΣΤΟΥ. ΑΡΑΒΙΚΟΥ. ΑΔΙΑΒΗΝΙΝΟΥ. ΠΑΡΘΙΚΟΥ. ΜΕΓΙΣΤΟΥ. ΚΑΙ.
 ΔΟΥΚΙΟΥ. ΣΕΠΤΙΜΙΟΥ. ΓΕΤΑ. ΚΑΙΣΑΡΟΣ. ΚΑΙ ΙΟΥΔΙΑΣ. ΣΕΒΑΣΤΗΣ.
 ΜΗΤΡΟΣ. ΣΤΡΑΤΟΠΕΔΩΝ. ΚΑΙ. ΤΟΥ. ΣΤΗΝΠΑΝΤΟΣ. ΑΥΤΩΝ. ΟΙΚΟΥ. ΚΑΙ
 ΙΕΡΑΣ. ΣΤΗΝΟΔΟΥ. Ε. ΜΟΛ. ΣΕΠΤΙΜΙΟΥΣ. ΤΡΥΦΩΝ. ΚΑΙ. ΩΣ.
 ΧΡΗΜΑΤΙΖΩΝ. ΑΛΕΞΑΝΔΡΕΤΣ. ΦΙΛΟΣΟΦΟΣ. ΓΕΝΟΜΕΝΟΣ. ΙΕΡΕΥΣ.
 ΚΑΤΑ. ΤΟ. ΕΞΗΣ. ΔΙΣ. ΚΑΙ. ΑΡΧΙΕΡΕΥΣ. ΤΟΥ. ΚΑΘΗΓΕΜΟΝΟΣ. ΔΙΟΝΤΣΟΥ. ΔΙΑ.
 ΒΙΟΥ. ΕΤΙ. ΤΕ. ΚΑΙ. ΤΕΙΜΗΘΕΙΣ. ΑΡΧΙΕΡΕΥΣ. ΜΑΡΚΟΥ. ΑΥΡΗΛΙΟΥ. ΑΝΤΩΝΕΙΝΟΥ.
 ΣΕΒΑΣΤΟΥ. ΤΟΥ ΝΕΟΥ. ΔΙΟΝΤΣΟΥ. ΔΙΑ. ΒΙΟΥ. ΚΑΙ. ΤΠΟΣΧΟΜΕΝΟΣ. ΑΥΘΑΙ.
 ΡΕΤΟΣ. ΚΑΙ. ΤΑΥΤΗΝ. ΤΗΝ. ΑΡΧΙΕΡΩΣΤΗΝΗΝ. ΔΙΑ. ΒΙΟΥ. ΕΠΙΤΕΛΕΙΝ.
 ΤΟΝ. ΔΙΟΝΤΣΟΝ. ΑΝΑΚΟΣΜΗΣΑΣ. ΕΚ ΤΩΝ. ΙΔΙΩΝ. ΠΡΩΤΟΣ.
 ΛΟΓΙΣΤΕΥΟΝΤΟΣ. Μ. ΟΥΟΛΤΣΣΙΟΥ. ΠΕΡΙΚΛΕΟΥΣ.
 ΕΠΑΝΤΙΔΕΜΕΝΟΣ. ΤΟΝ. ΔΙΟΝΤΣΟΝ. ΑΝΑΚΟΣΜΗΣΑΙ. ΕΠΙ. ΑΡΧΟΝΤΟΣ.
 ΒΕΝΤΙΔΙΟΥ. ΣΩΤΑ. ΠΥΘΑΓΟΡΟΥ. ΠΕΡΙΟΔΟΝΕΙΚΟΥ. ΠΑΡΑΔΟΣΟΥ.
 ΚΑΙ. ΓΡΑΜΜΑΤΕΩΣ. ΑΙΛΙΟΥ. ΑΓΑΘΗΜΕΡΟΥ. ΚΙΘΑΡΩΔΟΥ. ΠΑΡΑΔΟ
 ΣΟΥ. ΚΑΙ. ΝΟΜΟΔΙΚΤΟΥ. ΑΥΛΟΥ. ΟΙΝΕΩΣ. ΤΡΑΓΩΔΟΥ. ΠΑΡΑΔΟΣΟΥ.
 ΕΤΕΛΕΙΩΣΑ. ΔΕ. ΩΣ. ΕΠΗΝΓΕΙΔΑΜΗΝ. ΤΟΝ. ΔΙΟΝΤΣΟΝ. ΕΠΙ. ΑΡ
 ΧΟΝΤΟΣ. ΑΥΡ. ΑΓΧΑΡΗΝΟΥ. ΦΑΙΔΡΟΥ. ΕΦΕΣΙΟΥ. ΚΩΜΩΔΟΥ.
 ΠΕΡΙΟΔΟΝΙΚΟΥ. ΚΑΠΕΤΩΔΙΟΝΕΙΧΟΥ. ΠΑΡΑΔΟΣΟΥ. ΚΑΙ. ΓΡΑΜΜΑΤΕΩΣ.
 ΜΕΝΕΚΡΑΤΟΥΣ. ΑΣΣΤΡΙΟΥ. ΣΤΑΛΛΕΩΣ. ΚΩΜΩΔΟΥ. ΠΕΡΙΟΔΟΝΕΙΚΟΥ.
 ΠΑΡΑΔΟΣΟΥ. ΚΑΙ. ΝΟΜΟΔΙΚΤΟΥ. ΤΙΒ. ΚΛΑΥΔ. ΑΛΕΞΑΝΔΡΟΥ. ΔΑΟΔΙΚΕ
 ΩΣ. ΤΡΑΓΩΔΟΥ. ΚΑΙ. ΠΟΙΗΤΟΥ. ΠΑΡΑΔΟΣΟΥ.

Ex sched. Peiresk.

Idest. Pro salute, & victoria, & perennitate Dominorum Imperatorum, Lucii Septimii, Severi Pii Pertinacis, Augusti, Arabici, Adiabenici, Parthici maximi, & Marci Aurelii Augusti, Arabici, Adiabenici, Parthici maximi, & Lucii Septimii Getæ Caesaris, & Juliae Augustæ matris Castrorum, & totius ipsorum domus, & sacrae Synodi: Lucius Septimius Tryphon, & veluti oraculi responsum dans, Alexandrensis Philosophus, Sacerdos creatus secundum ordinem bis, & Pontifex per vitam Bacchi Auspicis; præterea honoratus Pontifex Marci Aurelii Antonini Augusti Bacchi junioris per vitam, qui cum ultro pollicitus sit hunc pontificatum per vitam gerere. Bacchi Ludos ex propria pecunia exornavit primus, Logistæ officio fungente Marco Volussio Pericle, exorsus Bacchum honorare sub Archonte Ventidio Sota Tibicine in omnibus Ludis victore illustri, & Scriba Agathemero Citharædo illustri, & Nomodicta (seu iudice) Aulo Oeneo Tragædo illustri. Perfeci autem ut promiseram, Dionysiacum certamen Archonte Aurelio Anchareno Phædro Ephefio Comædo illustri, Capitolionico illustri, & Scriba Menecrate Assyrio Syllyeo Comædo illustri & Iudice, Tiberio Claudio Alexandro Laodicensi Tragædo & Poeta illustri.

Retuli hanc Inscriptionem, quanquam a Reinesio jam in Syntagmate allatam, eo quod apud illum aliquot leves irrepserint errores, & linea integra fuerit omissa. Videtis quæ ad eam Eruditus hic Autor commentatur pag. 314.

CXVII. Romæ, In horto Barberino.

Θ Ε Ο Ι Σ Η Ρ Ω Σ Ι Ν

ΔΟΥΚΙΟΣ ΜΙΝΙΚΙΟΣ ΑΝΘΙΜΟΣ ΚΑΙ ΣΚΡΕΙ

ΒΩΝΙΑ ΦΙΔΕΙΚΙΣΣΙΜΑ ΑΤΤΧΕΙΣ ΓΟΝΕΙΣ

Α. ΜΙΝΙΚΙΩ ΑΝΘΕΜΙΑΝΩ ΤΕΚΝΩ ΓΑΥΚΥΤΑΤΩ

ΚΑΙ ΘΕΩ ΙΔΙΩ ΕΠΗΚΟΑ ΖΗΣΑΝ ΕΤΕΙ Δ

ΜΗΝΑΣ Ε. Η. Κ

ΝΗΠΙΟΣ ΕΙΜΙ ΤΥΧΩΝ ΤΥΜΒΟΥ ΤΟΥ ΔΩ ΠΑΡΟΔΙΤΑ

ΟΣΣ ΕΠΑΘΟΝ Δ ΕΝ ΒΑΙΩ ΤΕΡΜΑΤΙ ΜΟΥ ΒΙΟΤΗΣ

ΕΝΚΥΡΣΑΣ ΛΑΙΝΕΑ ΣΤΕΛΛΗ ΤΑΧΑ ΚΑΙ ΣΥ ΔΑΚΡΥΣΕΙΣ

ΜΗΤΡΟΣ ΑΠ ΩΔΕΙΝΩΝ ΩΣ ΕΙΣ ΦΑΟΣ ΗΓΑΓΟΝ ΩΡΑΙ

ΕΚ ΓΑΙΗΣ ΜΕ ΠΑΤΗΡ ΕΜΟΣ ΕΙΛΑΤΟ ΧΕΡΣΙ ΓΕΓΗΩΩΣ

ΚΑΙ Μ ΑΠΕΔΟΥΣΕ ΑΤΘΟΥ ΚΑΙ ΕΙΣ ΣΠΑΡΓΑΝΑ Μ ΑΥΤΟΣ ΕΘΗΚΕΝ

ΗΥΛΕΤΟ Δ ΑΘΑΝΑΤΟΙΣ ΑΠΕΡ ΟΥΚ ΗΜΕΛΛΟΝ ΕΣΣΕΣΘΑΙ

ΜΟΙΡΑΙ ΓΑΡ ΠΡΩΤΑΙ ΠΕΡΙ ΜΟΥ ΚΕΚΡΙΚΕΙΣΑΝ ΑΠΑΝΤΑ

ΚΑΙ Μ ΕΤΡΕΦΕΝ ΓΕΝΕΤΗΣ ΜΗΤΕΡΑ ΜΟΥ ΤΡΟΦΟΝ ΕΙΛΑΜΕΝΟΣ

ΑΤΤΙΚΑ Δ ΕΥΖΑΝΟΜΗΝ ΕΥΕΡΝΗΣ ΚΑΙ ΠΑΣΙ ΠΟΘΗΤΟΣ

ΕΝ Δ ΩΡΑΙΣ ΟΛΙΓΑΙΣ ΜΟΙΡΩΝ ΓΑΡ ΣΦΡΑΓΕΙΔΕΣ ΕΠΗΛΘΟΝ

ΑΙ ΜΕ ΝΟΣΩ ΠΗΞΑΝ ΧΑΛΕΠΗ ΔΙΑΤΜΟΥΣ ΠΕΡΙ

ΑΛΛΟ ΤΑΛΑΙΦΡΩ ΓΕΝΝΗΣΑΣ ΜΟΥΣΑΣ ΟΝ ΑΙΝΗΝ

ΤΟΥΤΟ ΔΟΚΩΝ ΟΤΙ ΜΟΙΡΑΝ ΕΜΗΝ ΕΙΑΜΑΣΙ ΩΣΕΙ

ΚΑΙ ΤΟΥΣ Δ ΗΜΕΤΕΡΑ ΝΟΣΟΣ ΕΙΛΕ ΚΑΚΙΣΤΗ

ΤΗΣ ΠΡΟΤΕΡΗΣ ΝΟΥΣΣΟΥ ΠΟΥΛΤΤΙ ΧΕΙΡΟΤΕΡΗ

ΣΗΨΙΝ ΓΑΡ ΜΟΥ ΠΕΔΙΟΝ ΠΟΔΟΣ ΕΧΕΝ ΕΝ ΟΣΤΟΙΣ

ΕΙΤ ΕΤΑΜΟΝ ΜΕ ΦΙΛΟΙ ΓΕΝΕΤΟΥ ΚΑΙ ΜΟΥ ΩΣ ΤΕ ΑΝΕΙΛΑΝ

ΑΥΠΑΣ ΚΑΙ ΣΤΟΝΑΧΑΣ ΤΟΙΣ ΤΕΚΕΕΣΣΙ ΔΙΔΟΝΤΑΙ

ΚΑΙ ΤΑΥΘ ΟΣΑΥΤΩΣ ΕΙΛΑΘΗΝ ΠΑΛΙΝ ΟΣΤΑ ΠΑΡΟΙΘΕΝ

ΟΥΔ ΟΥΤΩΣ ΜΟΥ ΓΕΝΕΣΙΣ ΔΕΙΝΗ ΠΛΗΘΕΙΣ ΕΚΟΡΕΣΘΗ

ΑΛΛ ΕΤΕΡΑΝ ΠΑΛΙ ΜΟΙ ΝΟΣΟΝ ΗΓΑΓΕ ΓΑΣΤΡΟΣ ΜΟΙΡΑ

ΣΠΛΑΓΧΝΑ ΜΟΥ ΟΓΚΩΣΑΝ ΚΑΙ ΕΚΤΗΖΑΣΑ ΤΑ ΛΟΙΠΑ

ΑΧΡΙΣ Ο ΤΟΥ ΨΥΧΗΝ ΜΟΥ ΜΗΤΡΟΣ ΧΕΡΕΣ ΕΙΛΑΝ ΑΠ ΟΣΣΩΝ

ΤΑΥΤ ΕΠΑΘΟΝ ΒΑΙΩ ΤΕΡΜΑΤΙ ΜΟΥ ΒΙΟΤΗΣ ΞΕΝΕ

ΚΑΙ ΚΑΤΕΛΙΠΟΝ ΤΗ ΚΕΔΟΝΑΣ ΤΟΙΣΙ ΜΕ ΓΙΝΑΜΕΝΟΙΣ

ΑΙΝΟΜΟΡΟΣ ΔΕΙΨΑΣ ΤΡΕΙΣ ΣΥΝΟΜΕΜΟΝΑΣ ΑΣΤΕΦΑΝΩΤΟΥΣ

Interpretatio.

DIIS HEROIBUS Lucius Minicius Anthimus, & Scribonia Felicissima infelices parentes, Aulo Minicio Anthemiano filio dulcissimo & Deo proprio obsequenti, qui vixit annos quatuor, menses quinque, dies viginti.

Infans ego sum, o viator, hunc tumulum nactus: Quanta vero passus sum in tristi fine vitæ, in hunc lapideum cippum incidens statim ipse deplorabis. A matris in partu doloribus postquam me in lucem adduxerunt horæ, ex terra me pater meus sustulit manibus letabundus, & me perluit fonte, tum ipse fasciis me involvit. Hinc a Diis immortalibus petiit quæ minime futura erant, Fata enim de me ante decreverant omnia. Dein educavit me pater & matrem pro nutrice elegit, statim crevi robustus & ab omnibus desideratus, sed intra paucas horas fatorum sigilla supervenerunt, quæ me morbo afflixerunt malo circa testes. Interea prudens pater sivit dum solus convalescerem, ita sperans quod fatum meum dilationibus servaret. At tunc noster morbus incubuit pessimus priore morbo longe deterior. Putredo enim me cepit in pedis ossibus. Deinde secuerunt me amici Patris & a me ossa abstulerunt, dolores & gemitus parentibus dantes, nihilominus, similiter fui rursus ut ante, neque sic mea nativitas infelix impleta est, sed alium rursus morbum attulit ventris fatum, quod viscera mea inflavit & consumpsit reliqua, donec animam meam matris manus tulerunt ab oculis. Hæc passus sum in funesto vitæ meæ limite, o Hospes, & reliqui dolores meis parentibus miser, relictis tribus fratribus matrimonii expertibus.

Sic vertit D. Galland.

CXVIII. Romæ Sarcophagus.

CXIX. Romæ in æde Salvatoris.

ΕΝΘΑΔΕ

ΚΕΙΤΑΙ ΙΟΥ

ΛΙΑΝΟΣ ΙΕΡΕΥΣ

ΑΡΧΩΝ ΚΑΛ....

ΑΓΡΙΠΠΗΣΙΩΝ ΤΙΟΣ

ΙΟΥΛΙΑΝΟΥ

ΑΡΧΙΣΥΝΑΓΩΓΟΥ

Exscripsi.

Hic jacet Iulianus Sacerdos
Summus Agrippia-
norum filius Iuliani Archi-
synagogi

ΕΝΘΑΔΕ ΚΕΙΤΑΙ ΖΩΣΙΜΟΣ

ΔΙΑ ΒΙΟΥ ΣΥΝΑΓΩΓΗΣ

ΑΓΡΙΠΠΗΣΙΩΝ ΕΝ ΕΙΡΗΝΗ ΚΟΙΜΗ

ΣΙΣ ΑΥΤΟΥ... ΕΚΙΘΕ ΔΕ

ΚΕΙΤΑΙ ΕΤΑΛΙΣ ΑΡΧΩΝ ΕΤΩΝ

Ε.....

Exscripsi.

Hic jacet Zosimus per vitam Synagogæ Agrip-
pianorum, in pace dormitio ejus. Hic etiam jacet
Eullis Arron annorum

Videntur esse Epitaphia antiquorum quorundam Judæorum ex Synagoga, quæ Agrippiana vocabatur, ab Herode Agrippa forte instituta; ad quam & sequens.

CXX. Romæ Sarcophagus.

ΒΕΤΥΡΙΑΡΑΥ

ΛΛΑΦ. ΔΟΜΙ

ΗΕΤΕΡΝΕ QVOS

ΤΙΤΥΤΑ QVE ΒΙ

ΧΙΤ ΑΝ. LXXXVI ΜΕΣΕΣ VI

ΠΡΟΣΕΛΥΤΑ ΑΝ. XVI

ΝΟΜΙΝΕ ΣΑΡΑ ΜΑΤΕΡ

ΣΥΝΑΓΟΓΑΡΥΜ ΚΑΜΠΙ

ΕΤ ΒΟΛΥΜΝΙ

ΕΝ ΙΡΕΝΑΕ ΑΙΚΥΜΥΣΙΣ ΑΥ....

Ex Bagarrii schedis.

Ss ss iiii

Latine quidem expressa, sed vocibus prava orthographia corruptis, sic *beterne* pro æternæ, *quostituta* pro constituta, *Bixit* pro *vixit*. Sed quod rarius linea plane Græca est, et si characteres Latini sint: EN IRENÆ AI KYMYSIS AY. id est ἐν εἰρήνῃ ἢ κοιμῶντις αὐτῆς in pace dormitio, sive depositio, ejus. Favet autem id pronuntiationi τῆς η, ut æ, non ut i. Scribebant enim isti orthographiæ imperiti ut pronuntiabant: ita *ei* & *oi*, ut simplex *iota* hic scribitur. Profelytæ vocabantur qui Judaicam legem amplectebantur, præsertim qui a gentibus ad Judæos transibant. Ebionitæ hæretici dicebant Paulum Apost. ex gentibus Profelytum factum, teste Epiphani. lib. 1. cap. 30. Ita, inquam, o Trypho, tibi & eis qui volunt esse Profelyti Christi, doctrinam Divinam ego promulgabo. Justinus de verit. Christiana, & idem contra Tryphonem. Memorantur Actor. 2. inter cæteras nationes Judæi & Profelytæ.

CXXI. *Lebadia, in muro Meschitæ Sultani Omer, qui olim urbem cepit.*

ΧΑΡΟΠΙΝΩ ΑΡΧΟΝΤΟΣ ΒΟΙΩΤΟΙΣ ΛΕΒΑΔΕΙΕΙΟΙΣ ΔΕΣΑ
.....ΟΤΤΙΟΣ ΙΛΑΤΙΓΕΤΙΕΣ ΑΠΕΓΡΑΨΑΝΤΟ
ΔΙΟΝΤΣΟΔΩΡΟΣ ΝΙΔΡΙΑ Ο ΔΕΖΙΠΠΟΣ ΑΓΛΑΩΝΟΣ ΦΙΛΟ
ΞΕΝΟΣ ΧΕΙΡΙΑ Ο ΦΙΛΩΝ ΔΑΜΟΚΛΙΔΑ Ο ΜΝΗΣΙΑΔΕΣ ΑΡΗΙΚΩ ΣΥΛΑΝΟΣ
ΤΙΜΑΣΘΙΩ ΑΛΕΞΩΝ ΑΠΟΛΛΟΔΩΡΩ ΙΕΡΕΙΣ ΝΙΚΟΝΟΣ ΑΜΙΝΤΑΣ ΣΑΘΑΑ
ΣΙΧΩ ΠΡΟΞΕΝΟΣ ΣΑΩΝΟΣ ΕΥΓΙΤΩΝ ΞΕΝΩΝΟΣ ΗΡΑΚΛΕΙΤΟΣ ΔΑ
ΜΙΑ Ο ΓΑΣΙΑΣ ΤΡΕΦΙΠΠΙΔΑ Ο ΑΡΙΣΤΟΓΙΤΩΝ ΜΝΑΣΙΜΟΣ
ΚΑΙ ΜΝΗΙΩΝΟΣ ΚΑΡΑΙΧΟΣ ΜΝΑΣΙΜΕΙΑΩ ΒΡΑΝΙΔΑΣ
ΜΝΑΣΙΜΑΧΩ ΦΙΛΩΝ ΑΣΩΠΙΧΩ ΕΥΦΙΛΕΙΤΟΣ ΑΝΤΑΝΔΡΟΥ
ΠΑΣΙΩΝ ΑΡΙΣΤΩΝΟΣ ΚΑΛΔΙΑΣ ΑΡΙΣΤΩΝΟΣ ΟΛΥΜΠΙΟΣ
ΠΑΜΠΙΡΑ Ο ΜΝΑΣΙΑΣ ΠΑΣΙΩΝΟΣ ΑΡΙΣΤΩΝ ΟΦΕΛΕΙΜΩ
ΞΕΝΟΚΛΕΙΣ ΣΑΥΜΕΙΑΩ ΔΙΟΠΙΘΕΣ ΟΦΕΛΕΙΜΩ
..... ΚΛΙΟΝΑΣ
..... ΘΕΟΔΟΤΟΣ ΙΠΠΑΡΧΟΣ
..... ΑΡΙΣΤΩΝ ΦΙΛΟΚΡΑΤΙΟΣ

Exscripti.


Loquitur marmor de multis qui inscripti fuerant in numerum Epheborum vel in aliquod opus perficiendum, vel simile aliquid, sub Charopino Archonte Bœotiis Lebadiensibus. De hac urbe si plura cupis, consule Itinerar. nostr. Græc. T. II. quod transcribere nec necesse est, nec decet.

CXXII. *Thebis, in æde D. Lucae in pavimento.*

ΡΟΥΦΟΣ
ΑΝΑΓΝΩΣΤΗΣ
ΔΙΑΚΟΝΟΣ

Inscriptio Christiana. *Rufus Lector Diaconus.*

CXXIII. *Extra ædem intra murum ejus.*



Id est. *Damostrata Sicyone oriunda, bona.*

Egregie illustrat hoc marmor Pausaniæ locum lib. 2. Αὐτοὶ δὲ Σικυῶνιοι τὰ πολλὰ εἰκότι τρόπῳ θάπτουσι. τὸ μὲν σῶμα γῇ κρύπτουσι, λίθῃ δὲ ἐποικοδομήσαντες κρητῖδα κίονας ἐφιστῶσι, καὶ ἐπ' αὐτοῖς ἐπίθημα ποιεῖσι κατὰ τὰς αἰετὰς μάλιστα τὰς ἐν τοῖς ναοῖς: ἐπίγραμμα δὲ ἄλλο μὲν γράφουσιν ἐδὲν, τὸ δὲ ὄνομα ἐφ' αὐτῇ καὶ πατρόθεν ὑπειπόντες, κελύουσι δὲ νεκρὸν χαίρειν. *Ipsi enim Sicyonii ut plurimum hoc modo sepeliunt: corpus quidem terra condunt, deinde basim lapideam extruentes columnas erigunt, & superimponunt lapidem ea ferme specie quas sunt Templorum Fastigia, (quas Græci Aquilas vocant, & Galli nostri le Fronton) ut in hoc lapide exprimitur, instar trianguli obtusi.*

CXXIV. *In via quæ Thebis Lebadiam ducit.*

ΗΡΑΚΛΕ

ΧΑΙΡΕ

Hercules salve. Simplex epitaphium ad Sycioniorum modum.

CXXV. *Corcyrae Inscriptio ævi inferioris supra fores Ecclesiæ Sancti Sosipatri & Jasonis, a Stephano Episc. Corcyrensi fabricata.*

Ο ΦΩΤΟΛΑΜΠΗΣ ΚΑΙ ΠΕΡΙΒΛΕΠΤΟΣ ΔΟΜΟΣ
ΤΩΝ ΣΟΦΩΤΑΤΩΝ ΚΑΙ ΘΕΙΩΝ ΑΠΟΣΤΟΛΩΝ
Ο ΠΡΙΝ ΑΚΟΣΜΟΣ ΕΝ ΜΙΚΡΟΤΗΤΙ ΠΕΛΩΝ
ΝΥΝ ΠΕΡΙΚΑΛΛΗΣ ΚΑΙ ΠΕΡΙΔΟΣΟΣ ΩΦΘΗ
ΚΑΛΔΕΙ ΣΤΕΦΑΝΟΣ Ο ΚΛΕΙΝΟΣ ΘΥΗΠΟΛΟΣ
ΤΟΤΤΟΝ ΚΑΤΕΚΟΣΜΗΣΕΝ ΕΥΣΕΒΟΦΡΟΝΩΣ
ΕΙΣ ΔΥΣΙΝ ΑΥΤΟΥ ΨΥΧΙΚΩΝ ΟΦΛΗΜΑΤΩΝ
ΜΝΗΜΗΝ ΤΑΝΕΠΙΔΕΙΠΤΟΝ ΚΑΙ ΒΡΟΤΩΝ ΚΛΕΟΣ
ΚΑΙ ΤΟΔΕ ΤΕΥΞΕΝ ΥΠΟ ΧΡΙΣΤΩ ΣΩΤΗΡΙ
ΣΟΦΟΝ ΕΡΓΟΝ ΣΤΕΦΑΝΟΣ Ο ΘΥΗΠΟΛΟΣ
ΕΙΣ ΔΥΣΙΝ ΑΥΤΟΥ ΠΟΔΛΩΝ ΑΜΠΛΑΚΗΜΑΤΩΝ
ΠΟΙΚΙΛΟΜΟΡΦΟΝ ΣΤΕΦΑΝΟΥ ΤΟΥ ΠΡΟΕΔΡΟΥ
ΕΥΡΥ ΠΟΝΗΜΑ ΝΑΟΝ ΚΑΛΛΙΕΡΓΗΣΑΙ
ΣΤΜΠΡΑΞΕ ΔΙΑΝ ΑΛΕΙΠΤΟΥ ΕΡΓΟΝ ΜΝΗΜΗΣ

Id est.

*Lumine coruscans & conspicua Ædes
Sapientissimorum, ac divorum Apostolorum,
Quæ prius incompta, & parva erat,
Nunc perpulchra, ac valde gloriosa apparet
Decore; Stephanus inclytus Antistes
Hanc exornavit mente pia,
Pro solutione peccatorum animæ suæ
Memoriaque æterna, atque hominum laude,
Et hoc construxit in Christo Salvatore
Elegans opus Stephanus Præsul,
Pro solutione suorū multorum peccatorum
Variis picturis, & artificiosa forma, Stephani Præsulis
Ingens labor, Templo venuste componendo
Studuit admodum, perennis opus memoriæ.*

Ex Andreae Marmora Hist. Corcyrensi.

CXXVI. *Corcyrae, Basis Statuae,*

ΕΜΜΑΝΟΥΗΛ ΚΟΜΝΟΥ ΑΥΤΟΚ.

ΕΥΔΑΙΜ. ΤΙΩ ΕΥΔΑΙΜΟΝΕΣΤΑΤΩ

ΣΙΚΕΛΟΥΣ ΤΥΡΑΝΝΟΥΝΤΑΣ

ΕΚΠΟΛΕΜΗΣΑΝΤΙ ΕΥΧΑΡΙΣΤΗΡΙΟΝ

ΚΕΡΚΥΡΑ ΝΙΚΗΤΗΡΙΟΝ

Id est. *Emmanueli Comneno Imperatoris Felicis filio felicissimo, qui Siculos Tyrannidem exercentes devicit, gratiarum actionem victoriæ præmiū posuit Corcyra.*

Ex eodem.

CXXVII. *Olim Aquis Sextis.*

ΚΟΙΡΟΣ ΕΠΙΚΛΕΩ ΣΕ ΘΕΩΦΙΛΟΣ ΟΥΚ ΕΤΙ ΘΝΗΤΟΣ

ΗΙ ΘΕΟΣ ΚΟΙΡΟΙΣΙΝ ΟΜΗΛΙΚΙ Η ΠΑΝΟΜΟΙΟΣ

ΠΛΩΤΗΡΩΝ ΣΩΤΗΡΣΙΝ ΑΜΥΚΛΑΙΟΙΣΙ Σ..ΟΙ.Ν

ΠΛΩΤΗΡ ΚΑΙ ΠΛΕΩΝ ΕΝ ΠΟΝΤΟΥ ΤΕ ΚΥΜΑΣΙΝ ΙΣΘΕΙΝ

ΕΥΣΕΒΙΗ ΤΡΕΦΕΩΝ ΔΕ ΛΑΧΩΝ ΚΤΟΔΕΚΑ ΕΠΑΙΜΑΙ

ΝΟΥΣΩΝ ΑΡΑΜΑΙΟΙΟ ΚΑΙ ΑΧΘΕΟΣ ΗΔΕ ΠΟΝΟΙΟ

ΤΑΤΤΑ ΓΑΡ ΕΝ ΖΩΟΙΣΙΝ ΑΜΕΙΛΙΧΑΣΙΝ ΚΕΣ ΕΧΟΥΣΙΝ

ΕΝ ΔΕ ΤΕΘΝΕΩΣΙΝ ΟΜΗΓΕΡΙ.....ΓΕ ΠΕΛΟΥΣΙΝ

ΔΟΙΗ ΤΩΝ ΕΤΕΡΗ ΜΕΝ ΕΠΑΧΘΟΝΙΗ ΠΕΦΟΡΗΤΑΙ

Η Δ ΕΤΕΡΗ ΤΕΙΡΕΣΣΙΣ ΤΜΑΙΘΕΡΙΟΙΣΙ ΧΟΡΕΤΕΙ

ΗΣ ΣΤΡΑΤΙΗΣ ΕΙΣΕΙΛΑ ΛΑΧΩΝ ΘΕΟΝ ΗΤΕ ΜΟΝΗΑ

Ex schedis Peiresk.

Videtur hoc Epitaphium conscriptum in memoriam cujusdam Theophili cognomine *Coeri*: unde alius fit in secundo & tertio versu ad Castorem & Pollucem, qui *Dioscoroi* Græcis dicuntur. Itaque postquam se non esse mortalem asserit, in fine concludit se Deum aut Dæmonem esse factum. Interpretationem non addo; quia forte æque obscura foret, ac textus.

CXXVIII. *Romæ, in villa Justiniani.*

Μ. ΑΥΡ. ΓΡΗΓΟΡΙΟΣ ΜΕΛΑΣ

ΙΗΠΕΥΣ ΡΩΜ

ΠΟΛΛΟΙΣ ΤΗΝ ΕΑΥΤΟΥ ΜΝΗ

ΜΗΣ ΑΖΙΑΝ ΧΡΗΣΤΟΤΗΤΑ

ΚΑΙ ΚΑΛΟΚΑΓΑΘΙΑΝ ΕΝ

ΔΕΙΞΑΜΕΝΟΣ ΕΖΗΣΕΝ

ΕΤΕΣΙ ΜΖ

Exscripsi.

Id est. *Marcus Aurelius Gregorius Niger Eques Romanus, multis suam memoria dignam bonitatem, sinceritatemque demonstrans, vixit annos XLIV.*

CXXIX. Romæ, in villa Montalto.

Θ. Η. Κ.

ΔΕΥΚΙΑ ΔΑΦΝΗ ΜΕΤΑ ΤΩΝ

ΤΕΚΝΩΝ ΕΠΟΙΗΣΕΝ ΜΝΗΜΕΙΟΝ

ΚΑ. ΠΑΡΘΕΝΙΩ ΣΤΜΒΙΩ ΓΑΥΚΤΤΑΤΩ

ΚΑΙ ΑΣΤΗΚΡΙΤΩ

Id est. *Diis Manibus, Lucia Daphne post liberos fecit monumentum Claudio Partbenio Conjugi dulcissimo & Syncero.*

CXXX. Romæ.

ΚΑΘ ΗΓΕΜ....

ΘΡΕΠΤΟΙ Κ....

Λ. ΜΙΝΙΚΙΟΥ....

ΔΙΟΝΥΣΕΙΟΝ....

ΙΕΡΟΦΑΝΤΟΥ....

ΚΑΛΔΙΚΟΡΟΥ....

...ΕΞΕΛΕΤΘΕΡΟΥ...

ΚΑΙ ΚΟΥΡΑΤΟΥ....

CXXXI. Romæ.

ΔΙΟΝΥΣΟΥ ΙΕΡΕΙΣ

ΘΕΟΙΣ ΤΟΙΣ ΕΠΙΚΕΙΜΕ

ΝΟΙΣ ΚΑΙ ΣΠΕΙΡΗ ΙΕΡΑ

ΑΝΕΘΗΚΑΝ

Τ. ΑΙΔΙΟΣ ΕΡΩΣ

..ΟΤΦΕΙΝΙΑ ΠΑΤΑΕΙΝΑ

..ΑΜΟΥΡΗΝΑ ΚΟΣΜΙΑΣ

Π. ΙΟΥΔΑΙΟΣ ΜΑΣΚΑΙΟΝ

Exscripsi.

CXXXII. Romæ.

Α Τ Τ. Κ. Μ. Α Τ Ρ. Α Ν Τ Ω Ν Ε Ι Ν Ο Σ

Ε Π. Α Τ Ρ. Π Ο Λ Λ Ι Α Ν Ο Υ Β. Τ Ο Υ Α Ρ Χ.

Ε Ν Α Τ Ο Σ Ι Ο Υ Δ Ι Ε Ω Ν Γ Ο Ρ Δ Η Ν Ω Ν

Ex Erud. Bellorio.

Id est. *Imperator Caesar Marcus Aurelius Antoninus sub Aurelio Polliano secundum Pontifice, Nomen Julienfum Gordianorum. Videtur esse numismatis potius quam lapidis inscriptio.*

CXXXIII. Romæ in horto Barberino.

Α Τ Ρ. Χ Ρ Η Σ Τ Ω Ν Ι Α Ν Ο Σ Α Σ Κ Λ Η Π Ι Ο Δ Ο Τ Ο Σ

Κ Α Τ Ε Σ Κ Ε Υ Α Σ Α Ε Μ Α Υ Τ Ω Κ Α Ι Τ Η Α Π Ε Λ Ε Τ Θ Ε Ρ Α

Μ Ο Υ Α Γ Α Λ Μ Α Τ Ι Ω Κ Ε Α Ν Ε Π Ε Ι Ζ Ε Ι

Τ Ε Κ Ν Ω Η Κ Ε Γ Ν Η Σ Ι Ω Α Π Ε Λ Ε Τ Θ Ε Ρ Ω Η

Α Ν Τ Ι Ν Ι Ε Γ Ω Ζ Ω Ν Β Ο Τ Α Η Θ Ω Ε Ρ Ρ Ω Σ Θ Η

Exscripsi.

Id est. *Aurelius Chrestonianus Asclepiodotus comparavi mibi & Libertæ meæ Agalmatio, & si super-vixerit filio, aut affini Liberto, aut cui vivus permisero. Vale.*

CXXXIV. *Ibidem.*

ΚΥΡΙΛΛΟΣ ΤΟ ΔΕ ΣΗΜΑ ΦΙΛΩ ΠΟΙΗΣΑΤΟ ΠΑΙΔΙ
ΚΛΕΟΦΩΡΩ ΤΡΙΕΤΕΙΟΝ ΑΦΕΙΛΑΤΟ ΜΟΙΡΑ ΚΡΑΤΕΡΗ
ΠΡΙΝ ΓΑΥΚΕΡΟΥ ΒΙΟΤΟΙΟ ΕΣ ΗΛΙΚΗΣ ΤΕΛΟΣ ΕΛΘΕΙΝ
ΑΛΛ ΕΙ ΓΕΝ ΦΘΙΜΕΝΟΙΣ ΤΙΣ ΑΙΣΘΗΣΙΣ ΤΕΚΝΟΝ ΕΣΤΙΝ
ΚΟΥΦΟΝ ΕΧΟΙΣ ΓΑΙΗΣ ΒΑΡΟΣ ΕΥΣΕΒΙΗΣ ΕΝΙ ΧΩΡΩ

Exscripsi.

*Id est. Cyrillus hoc monumentum amico posuit filio
Cleophoro, quem triennem abstulit fors potens,
Antequam ad finem ætatis dulcis vitæ pervenisset.
Sed si mortalibus sensus aliquis inest, o fili,
Leve habeas terræ pondus in Piorum choro.*

CXXXV. *Romæ, in edib. Barberin.*

ΕΝΘΑΔΕ ΚΕΙΜΑΙ ΔΑΜΑΡ ΤΠΑΤΟΥ ΗΡΩΟΣ ΑΓΛΑΟΥ
ΑΡΡΙΟΥ ΜΟΥΦΙΔΙΟΥ ΤΩ ΔΕ ΜΙΓΕΙΣΑ ΜΟΝΩ
ΗΝ ΔΕΚΕΝ ΕΚ ΠΡΟΓΟΝΩΝ ΠΟΤΕ Τ ΟΥΝΟΜΑ ΠΟΥΡΑΙΑΝ ΗΜΟΙ
ΣΚΙΑΙΑ ΔΑΙ Δ ΕΠΕΛΟΝ ΕΥΓΕΝΙΗΣ ΕΠΡΕΠΟΝ
ΧΗΡΕΙΑ ΤΕ ΑΥΤΗ ΤΟΝ ΑΠΑΝΤΑ ΧΡΟΝΟΝ ΜΕΙΝΑΙΣΑ
ΚΩΚΤΜΟΡΩΝ ΤΕΚΕΩΝ ΠΕΝΘΕ ΠΑΚΟΜΕΝΗ
ΕΜΒΙΟΤΩ ΔΕ ΠΟΝΟΝ ΠΟΥΛΥΝ ΔΑΝ ΕΤ ΑΗΝ ΜΟΓΕΟΥΣ
ΜΟΥΣΑΙΩΝ ΜΟΥΝΟΝ ΤΗΝ ΦΡΕΝΑ ΘΕΛΠΟΜΕΝΗ

Exscripsi.

Opus nostrum claudet Romanum Epitaphium, quod apud Mazochium in Romanis Epigrammatis refertur, sed ita deturpatum, ut ignobile videatur. Correctius quidem Gruterus p. DCXXXVII. 4. nec tamen omnino recte. Existimat autem Scaliger in Epist. quam vidi Manuscripta ad Puteanum, alicujus elegantis Poetæ Comici, veluti Afranii aut Titinnii epigramma esse, quo Pater aliquis familias in Comœdia suos alloqueretur. Quidquid sit, en ipsam mendis purgatum, mihi laborique meo etiam commodum.

Romæ.

MONUMENTVM. ABSOLVI. SVMPTV. ET. IMPENSA. MEA
AMICA. TELLVS. VT. DET. HOSPITIVM. OSSIBVS
QVOD. OMNES. OPTANT. SED. FELICES. IMPETRANT
NAMQVE. QVID. EGREGIVM. QVIDVE. CVPIENDVM. EST. MAGIS
QVAM. LIBERTATIS. VBI. TV. LVCEM. ACCEPERIS
FESSAE. SENECTAE. SPIRITVM. IBI. DEPONERE
QVOD. INNOCENTIS. ARGVMENTVM. EST. MAXIMVM

F I N I S.

I N D E X

AUCTORUM, RERUM, ET VERBORUM.

A

A *b* Epistolis . 1057.
Ab Hortulo . 1091
A Bibliotheca . 1059.
Abonotichitarum Glycon . 625. D
 — *Nummus* . 625. C. 627. A
Abraham num ex Chaldaea & Ur litteras attulerit .
 239. A
 — *num proprios nummos signaverit* . 62. C. 69. D
Abscanti Inscriptio . 1309.
Absides . vide , *Musivum* .
Αβών τεῖχος . 624. E. 626. A
 — *Aboni Murus Oppidum Papblagoniae* . 613. B.
 616. B
 — *dictum deinde Ιωνόπολις* . 614. A. 626. B
ACalida . 1059.
Acarnanes duo Juvenes , non initiati in Sacrarium
Cereris intraverunt . 321. A
Acca Laurentia . 418. B
Accensi Magistratum iidem ac Apparitores . 175. E
 — *Velati* . 175. B. E. 180. A. 184. D
 — *unde dicti* . 180. A
Accensorum genera tria . 175. D
Accensus an velatus dici potuerit quia caput tectum
habebat . 175. F
Acetabulum . 1257.
ACodicillis . 1061.
ACognitionibus . 1061.
ACommentariis . 1063.
Acrostolium , pars navis . 480. B
Acroteria , Templorum ornamenta . 459. A
Aetia Certamina . 1379.
Aetia Nicopolis qualis urbs . 355. F
Aetionica . 355. B
 — *Choraules , quare dictus G. Glaphyrus* . 350. F
 — *genus Musicae* . 501. B
 — *quid significet nesciunt Eruditi* . 355. D
 — *quid secundum Gutberletum* . 355. D. & seqq.
Aetores . 1063.
Adamantius . 37. E. 46. A
Adarcon , Darckon , & Darckemon , nomina in
Sacra Scriptura , quid , & unde derivata . 45.
 E. 48. D. & seqq. 50. F. & seqq. 52. D. 53. C. 55.
 E. & seqq. 60. C. 64. F. & 70. A
 — *num nomen Principis* . 52. D. 55. E. 60. E
ADiplomatibus . 1065.
Adiutores Tabularii . 1083.
Admeti Theoclidis Inscriptio . 1331.
Adrianus Imperator . 252. C
Adulis Urbis , hodie Ercoco . 1367.
Adulitanum Monumentum explicatur . 1363.
Aeam pro eam . 550. F
Aedes Athanacensis a Paschali II. restaurata , &
musivo exornata . 401. F
 — *D. Irenaei emblemate exornata* . 402. A
Aedes duae Nemausi & Viennae explicantur . 457. A.
 & seqq.
 — *in quas Eruditi conveniebant Musea dicta* .
 725. A
Aegyptii excelebant in Arte Choraulica . 354. D
 — *Litteras ante Mosem cognoverunt* . 245. D. 250. C
 — *Litteras ante Mosem non cognoverunt* . 253. B. C
 — *Lotophagi dicti* . 822. A
 — *propriis nummos non signarunt* . 46. D
 — *quando peculiarem sibi scriptionem effinxerint* .
 Supplem. Tom. IV.

240. D. 245. D
 — *quo tempore invenerint modum excludendi pul-*
los ex ovis per furnos . 252. C. 254. C. 256. A
 — *scalpendi artem ante mosem cognoverunt* . 251.
 D
 — *Veteres quid commenti sint de Osiride* . 310.
 D
Aegyptiis Diis Malum Persicum sacrum erat . 677. A
Aegyptiorum , & Phoeniciorum scriptionibus infinita
etas tribuitur ab Historicis . 253. B
in Aegypto pulli gallinarum ope furnorum calefacto-
rum producuntur . 246. F. 252. C
Aeliani & Maximi Consulatus . 1207. 1209.
P. Aelius Zeno Collegii Aesculapii Pater . 755. B
Emilii Regini Inscriptio explicatur . 252. D. 254. D.
 1313.
Era Diocletiana & Martyrum . 264. F. 258. B
 — *Seleucidarum* . 254. E. 258. A
Erarii . 32. C. 33. C. 42. C
Aeschines . 664. A
Aeschylus . 336. B
Aesculapii antiquus typus . 628. C
 — *Baculum* . 629. D
 — *Filius , Podalirius* . 614. B
 — *Nummi tres explicantur* . 628. C. & seqq.
 — *serpens , signum vigilantiae* . 629. D
 — *& Hygie Collegium* . 543. B
 — *& Hygie Collegii Statuta* . 751. & seqq.
 — *& Sanitatis Collegiam* . 539. A. & seqq.
Aesculapius an aglyptico opere expressus . 626. F
 — *his natus* . 616. C
 — *Chironi in disciplinam traditus* . 629. B
 — *cum serpente & baculo pingitur* . 629. C
 — *cur cum scipione & serpente pingatur* . 629. D
 — *Romam venit* . 589. D. 627. E. 628. C
 — *Serpentis forma pictus* . 625. E
 — *Servator* . 626. F
Aethiopes primi qui ex ovis , non incubantibus ma-
tribus , pullos excluserunt . 259. F
Afranii nummus . 182. B. 185. C. 188. D
Agasias Dosithei filius sculptor . 889.
 — *Menophili filius sculptor* . 889.
Agathias . 1079.
Agathoclis Inscriptio . 1310.
Ager quid in area sepulcrali . 357. F
Aggeres Terrae tumuli . 517. E
Agli quid significet . 651. B
Agliboli habitus . 651. E
 — *& Malacbbeli Tabula marmorea explicatur* .
 407. A. & seqq. 649. A. & seqq.
Aglibolus , unde dictus . 651. A
 — *& Malacbbelus quae Numina sint* . 407. B. &
 seqq. 651. E
 — *& Malacbbelus qua ratione effingantur* . 407. A
 661. A. D
Agonius Deus . 869. C
Agorius Praetextatus . 945.
Agrippa Aquae Juliae , & Tepulae curam habuit . 712.
 B
 — *Vexillo caeruleo donatus* . 108. D. 117. C
Agrippae Nummus . 557. E
 — *vultus & mores* . 558. B
Aiacis Locrensis exemplum de Serpentibus in pugnam
ductis . 227. B. 230. B
A Jumentis . 1065.
Αρποστάρνης , genus funambulorum . 577. B
 T t t t

- A Laguna.* 1065.
Alba Pompeja, Colonia. 973.
Albanum. 957.
Albarium aut Albare Opus. 406. B. 725. A
Albini nummus, vultus, & natura. 568. F
Albintimilium Urbs Liguria. 957.
Albula fluvium Italiae. 837. C
Aldina Bibliotheca. 6. B
Alexander Severus, Alexander Mameæ nominari
solebat. 20. E
— Alexandri Magni æmulus. 119. E
— an fuerit Christianus. 20. E. 21. E. 34. A. F
— favit Christianis. 20. F. 21. F
Alexander, seu Pseudomantes. 613. A. & seqq.
Alexander Spina, vitrorum oculariorum inventor.
485. E
Alexandri Magni egregium facinus. 392. C
— nummus, vultus, & natura. 555. E
Alexandri Severi Inscriptiones. 1305. 1385.
— Nummus cruce Gothica signatus. 21. E. 23. D.
26. D. 27. B. F
Alexandri Pseudomantis gener. 615. B
— mors. 624. F
Alexandro (Alexander ab) 579. B
Alfenus Antonius. 872. A
Alfenus Apollinarius. 874. A
Alfius Isocrysus Medicus. 586. B
Almeloveenii mors. 286. B
Alpes Cottiae & Maritimæ. 961.
Alphonsus. 523. B
— aut Ildephonsus. 521. & seqq.
— II. 524. C
Alutæ, Alutacæ ligaturæ apud Charrbagin. 59. B
Amalchium Mare. 301. A
A Manu. 1067.
Ambrosius Choranles quis. 354. F
Ambrosius S. 1261.
Amerini, Umbriæ Populi. 1015.
Amicæ Sculptorum, Dearum vultu effictæ. 433. E
Amores Cupidinis & Psyche. 421. A. & seqq. 663.
A. & seqq.
Amphora. 284. D. 1255.
Amuleta. 1241. 1243.
Amuletum quoddam pulcherrimum describitur. 13.
E. 15. F. 17. D
Anagnia Urbs Latii. 959.
Anates maximo numero aluntur in China. 255. E
Anatili & Heraclea. 961.
Andretium. 1007.
Andromacus Theriacæ inventor. 590. F
Angeloni (Franciscus) 27. B. F
Anima, a græco ἀνεμος, ventus. 422. C. 663. D
— cur a Græcis Psyche dicta. 663. C. D
— duplex. 664. F
— Papilione significatur. 422. A. 423. D. 424. D
— Papilionis forma pingitur, & cur. 422. A. 423.
D. 663. C
— per os reddi credebatur. 663. F
Animæ duplex natura. 425. A. 664. D
Anima ab Ethnicis corporeæ creditæ. 502. B
— Mortuorum, Manes. 495. B. 497. B
Animalia varia in pugnam contra hostes educta.
225. F
Animam efflare. 422. C. 663. D
Annuli aurei antiqui. 463. E. & seqq. 467. A. & seqq.
— Choram & Tabach, tanquam signatorii voca-
bantur. 248. D
— signatorii post Mosem orti. 241. B
Annulus genialis aut pronubus, Annulus Nuptiarum
caussa. 463. D
— Pharaonis num signatorius fuerit. 237. C. 241.
A. 244. D. 248. C
Anser Pastus. 284. E. 287. B. 289. D
— primus signatorius. 241. B. 244. E. & seqq.
Anserculus pars Puppis. 480. B
Antediluviani Homines num paucarum aut multa-
rum rerum inventores. 244. C. 248. B
Antigenes Philon Halicarnassæus. 1323.
Antiochus filius Heliodori. 410. B
— jus condendæ monetæ Judæis concessit. 66. F. 67. A
Antipolis. 961.
Antistitius, Medicus Julii Cæsaris. 581. E
Antistitum sacrorum apud Germanos, Gallos &
Britannos triplex genus. 24. C
M. Antonii Nummus. 556. E
— vultus, mores. 557. B
Antonini Pii Inscriptio partim græca, partim lati-
na. 1351.
— Inscriptiones. 1329.
— mors. 566. C
— Numisma. 611. F
— Nummi Aversa Pars. 625. C
— Nummus. 627. E
— Nummus explicatur. 489. A. & seqq.
— Nummus, vultus, & indoles. 566. B. C
— similitudo cum Numma. 566. C
Antonius (Augustinus) 180. D. 181. D. 185. C
Antonius Musa Medicus Augusti. 581. E. 584. E. 590. C
Anubim gestare. 673. E
Anubis, Isis, Serapis, & Harpocrates Dii Symbomoi.
686. A
Ἀπαλλοτριῶσαι quid. 364. E
Apamea Phrygiæ κίβωτος dicta. 36. F
Apameorum Nummi ad Historiam Diluvii & Noæ
spectantes explicantur. 36. D. & seqq.
Aphrodite, Venus est Græcis. 677. B. D
Apidis animæ in Bovem transmigratio. 311. E
Apis Argivorum Rex, ut Osiris seu Serapis cultus a-
pud Egyptios. 311. D. & seqq.
Apollo Æsculapii Pater. 628. D
— a Persis quomodo effictus. 414. C
— Belus, Belenus, & Baal appellatus. 651. B
— Clarius. 483. C
— Clatra. 821. A. & seqq.
— inventor Medicinæ. 628. D
— Placifer. 819. A
— Præstans. 819. B
— Serenus. 821. B
Apollodori Inscriptio. 1310.
Apollodorus. 707. A
Apollonius. 335. D
— Gemmarum Cælator. 891.
— Medicus. 590. F
— Rhodius. 226. D
— Sculptor. 891.
A Potionibus. 1067.
Apparitores. 175. E
— Publici Servi. 301. A
Appendere pecuniam. 62. D. 69. C
Appulejorum Familia. 584. B
Apri ex lucis deprompti a Germanis ad bella progre-
dientibus. 172. D
— fœderum signa. 172. E. 179. D
Apros Colonia. 995.
Apudes Græcis idem ac Latinis Fornices. 724. C. 977.
Apulejus. 354. E. 444. B. 447. F. 453. A. 495. C. 527.
C. 674. A. 682. E. 684. A. 691. E. 705. C. 835. A.
1261. 1265. 1273.
Apustia Rusa, ejus epitaphium. 501. B
Aqua Julia, Tepula, Martia, nomina Fontium Ro-
mæ. 712. A
Aquarum Albularum Inscriptio. 837. B
Ara a Centurionibus & Militibus Caracallæ dicata
explicatur. 1141. & seqq.
Ara Deorum quorundam ignotorum obscurorumque
explicantur, usque ad pag. 789. 888.
Ararat, mons. 37. A
A Rationibus. 1067.

AUCTORUM, RERUM, ET VERBORUM.

- Aratri inventor.* 1287.
Arausio Colonia Secundanorum. 959.
Arbiter T. Petronius. 422. A. 452. B. 578. C. 663. B. 691. C. 1073.
Arcae sepulchralis longitudo & latitudo. 357. E
Arcarii. 1069.
— Pontificum. 366. A
Archagatus Chirurgus scortitiae causa improbat. 587. F
Ἀρχαίων qualis locus. 367. D
— unde derivatur. 367. C
Archelaus Sculptor. 891.
Ἀρχία quomodo redditur. 367. D
Archias Poeta. 309. C
Architecti. 1097.
Archibiasites. 1337.
Area Sepulchri. 1231.
Arecomici, Populi Nemausienses. 459. C
Arelate. 977.
Aretbusa flumen corona spicca coronatum. 201. F. 205. C
Argentarii. 1083.
Ἀργυρον & Χρυσόν; Ἀργύριον, Χρυσίον & Χάλκιον, num de Nummis signatis aut non signatis usurpata. 50. B. 54. F. & seqq.
Ariarabes, appellatus φιλορωμαῖος. 536. D
Aricia. 965.
Ariobarzanes φιλορωμαῖος appellatus. 536. D
Ἀρης Mars. 459. C
Aristenættus. 426. D
Aristophanes. 454. E. 677. D. 692. F. 1217.
Arma sacra quomodo a Græcis appellata. 386. D
Armarius quid. 367. E
Arnobius. 324. C. D. 455. A. 693. B. 701. A. 702. B. 1261.
Arra, Arrhabo, Hbarrab. 464. E
Arruntius Sempronianus Asclepiades Medicus Domitiani. 583. F
Ars Characteraria. 1087.
— Musaria. 406. D. 729. B
— scilicet num ante Moysen cognita fuerit. 248. F. 251. C. 254. B
Artemidorus. 686. A. 698. A. 761. 1129. 1273.
Artemon Apollonii filia. 1345.
Artes Liberales sero a Romanis receptæ. 588. D
Artifices. 25. E
Artorius Medicus Augusti. 581. D
Arvales, unde dicti. 658. A
— Fratres. 418.
— Fratres Sacerdotes numero XII. 657. B
Arvalium Fratrum Sacrificia, actaque alia. 657. & seqq.
Arvalus Deus. 877. A
Asarotos. 723. A
— pavimentum pergamenum. 397. A
Ἀσβεστόν, Linum quod igni non absumitur. 509. C
Asclepiades describitur a Patre & ab Avo. 363. F
— Amicus Ciceronis. 581. D. 585. E
— Medicus Domitiani. 583. F
— Medicus Trajani. 585. C
Asclepiades duo alii. 586. B
Asclepidea Certamina. 1379.
Asconius Pedianus. 84. F. 156. A. 263. E. 765. 1245.
Asia Communia, certamina. 1377.
Ἀσιαγενής idem quod Asiaticus. 209. F. 213. B
C. Asinius Petasus vivus monumentum sibi posuit. 1359.
Asinates, Umbriae Populi. 1015.
Aspides, Clypei. 387. A
Assis ad exemplum Nummorum Hebræorum factus. 63. B
Asta urbs Liguria. 963. 1177.
Astensium Collegium. 767.
Asterius improbat Calendas. 612. E
Astrabæ Antiquorum explicantur. 191. C. 192. A.
Supplem. Tom. IV. 193. D. & seqq. 196. A. & seqq. 204. A
— ligna sellarum. 191. E. 193. D
— num stapedæ sint. 191. C. 193. F
Astrabarium quid. 194. D. 199. C. 204. A
A Studiis. 1069.
Athenæ novæ, in Delo. 1337.
Athenæus. 196. C. 324. F. 471. C. 885. A. 1121. 1123. 1237.
Athenagoras. 566. E. 701. C. 903.
Atheniensium Marmora quædam explicantur. 1277. & seqq.
— tria Marmora antiquissima. 1281.
— nummi fere omnes nomen Urbis sic signant AΘE. 1281.
Atlas genus Termini. 430. A
Athletæ cujusdam Inscriptiones duæ. 1375. 1377.
Athletæ duo insignes. 1379. 1381.
— vires suas experiebantur ut clypeum avellerent. 1377.
Athletas insignes civitate donabant celebriores urbes. 1379.
Athletica marmora, Romæ reperta, explicantur. 1363. & seqq.
Atymbrus Nisæ Conditor. 484. D
Atreni contra Romanos bestiolis venenatis usi sunt. 226. F. 230. A
Attalia Urbs Pamphiliæ. 1341.
Aucii Celeris Inscriptio. 511. A
Auctor Chronicorum. 49. A
— Dialogi contra Marcionitas. 37. D. 38. A. E. 46. C
— Eddæ Islandorum quis fuerit. 15. D
Aufanæ Matronæ. 859. C
Augusta Ariminum, Colonia. 975.
Augusta Cælestis. 833. C
Augustæ nonnullæ dimidia luna humeros incinctos habebant. 295. F
— quando in nummis nudæ pictæ. 215. C
Augustalia certamina. 1379.
Augusti Duces, Imperatores non dicebantur. 146. E
— epitheton multis Diis additum. 833. C
Augusti Inscriptiones explicantur. 1177.
Augusti Lucus. 1023.
— nummus, vultus, & virtutes. 557. E. & seqq.
Augustinus (Antonius) 132. E
Augustinus S. 92. E. 311. D. 313. 691. C. 727. B. 1265.
Augusto Tempia, Aræ & Ludi consecrabantur. 350. B
Augustus ludos in honorem Apollinis restauravit in Actia Nicopoli. 350. A
— Militum veteranorum præmia instituit. 1127.
— vexilla primis Romanis præbuit. 94. A
— vocatur Σεβαστός ἄριστος. 350. A
Aureliæ Litin Theodoti filia Inscriptio. 1317.
Aurelianus diæta curabatur. 591. C
— Soli Templum extruxit. 408. A
M. Aurelii Antonini Inscriptio. 1305.
— mores. 566. F
— Nummus, vultus. 566. D
— pietas in Funambulos. 577. E
— & L. Veri Inscriptio. 1183.
M. Aurelii Asclepiadis Inscriptio. 1371.
Aurelii Blenni Inscriptio. 1307.
Aurelii Charidemi Zozimi filii Inscriptio. 1317.
Aurelii Chrestii Monumentum. 1339.
Aurelii Chrestoniani Asclepiodoti Inscriptio. 1397.
M. Aurelii Demonstrati Inscriptio. 1369.
Aurelius Mucianus Miles Missicius. 1133.
Q. Aurelius Symmachus. 893.
Aurifices. 1085.
Aurificum Collegium. 781.
Aurigarii, Aurigæ, Aurigatores. 404. F
Aurigariorum Collegium. 777.
Aurigarum Collegia. 404. F
Aurum num ex ultimo Septentrione tantum proveniat. 214. C. 219. B. 222. C. 224. D. 232. C
Tttt ij

Ausca Hera. 859. B
Ansonius. 309. D. 403. A. 435. F. 441. A. 677. B. 682.
 E. 730. A. 949. 1265.
Auxilarii Milites in Cohortes divisi. 120. F
 — sub vexillis militabant. 88. A. 90. A. 98. D
Αἰετος, nomen Cereris. 333. E
Αἰονερος & Αἰονερα, nomina Plutonis & Proserpinae. 333. E

B

B *Græcis ut V latinum consonans pronunciabatur*.
 1237.
Babel urbs in cuius Regis potestate fuerit. 277.
 D
Bacchæ aut Menades. 602. D
 — feminae sacrae spiritu Liberi Patris afflatæ sive
 furentes. 707. A
 — quasi vino vacantes. 678. C
 — sociæ Bacchi. 603. A
 — & Bacchi. 437. A. 678. C
Bacchantes Fœminæ. 705. C
Bacchi Brisei Inscriptio. 1355.
Bacchi cœtus. 603. B
 — Festa, Orgia. 604. C
 — in Ceremoniis cur Phallicum signum, sive ficul-
 neum Veretrum circumferebatur. 699. C
 — natiuitas marmoreo Vase expressa explicatur.
 601. A. & seqq. 697. A. & seqq.
 — Nutrices, Nymphæ. 603. B. & seqq.
 — Nutritor Silenus. 604. A
 — propria nota. 471. C
 — Sacerdotes Σαβοὶ vocati. 803. C
Bacchicorum Orgiorum signum erat serpens. 702.
 B
Baccho Canephoria sacra apud Athenienses. 701.
 B
 — Cborus, qui adest, quid significat. 698. A
 — sacrae erant pantheræ, & tigrides. 700.
 A
Bacchus India totiusque Orientis domitor. 471. B.
 699. B
 — Leucothææ materteræ, postea Nymphis & Si-
 leno enutriendus datus. 697. A
 — quæ ratione pictus. 471. D
 — Tigride vectus. 469. 471. B. 699. A
 — Velabri Patronus. 701. C
Baculum Æsculapii cur nodosum. 629. D
Baculum cur Æsculapio tribuatur. 629. D
Bæbia, Familia notissima. 1175.
Bagarris (Petrus Antonius Ruscasius de) 665. A.
 702. C
Bagdatum. 471. A
Bage (Nicolaus de) 487. B
Balistariorum & Ferrariorum Collegium. 779.
Balnea, & Lavacra. 721.
 — Nymphis sacra, Nymphæa, aut Lavacra di-
 eta. 608. B
Balneatores. 1087.
Balneum gratuitum. 1129.
 — pro lavatione frequenter usurpatur. 1129.
 — res quadrantaria dicitur. 1129.
Balthea qua parte apud Celtas cingerentur. 5.
 D
Baltearius, Miles. 1153.
Βαυδὸν quando Græcis in usu esse cœpit. 116. D
Bar, tonum. 24. E
Barba promissa Philosophorum. 566. D
Barbam aiebant omnes fere Populi, Syris exceptis.
 393. E
 — radere Romanis moris fuit. 393. A
 — Romani quibus temporibus aiebant. 393. B
Barbari Vexillis Velis antiquitus usi sunt. 114.
 F

Bardi. 24. C. E. 25. A
Barthius (Caspar) 831. C
Bartholinus (Thomas, junior) *Antiquitatum &*
Historiæ studiosissimus. 14. D
Bary (Jacobus de) 173. C. 174. F. 177. D
Βασίλειος apud Græcos qui nominabantur. 38. B.
 C
Basilicæ. 457. B
Basilidiani & Gnostici. 441. D. & seqq. 888. A
Bassara Vestis Bacchi. 443. C
*Baubonis impudicæ fœminæ artes ut Cererem allice-
 ret ad reficiendum corpus ac Cicconem ebibendum*.
 324. A. E
Begeri mors. 177. F
Begerus. 162. C. 170. E. 197. F. 201. E. 729. A
Bela. 651. C
Beladucadrus Deus. 867. A
Belgica lingua ex Celtica orta. 301. D
Bellorius. 90. D
Belus quinam Deus. 651. C
*Bela, Beles, Belinus, Belenus, Baal, Beelphe-
 gor*. 408. B. & seqq.
Beneficiarius, Miles. 1153.
Beneventum. 967.
Berenices Ptolomæi Egypti Regis uxor. 1287.
 — Regina Iulii Agrippæ filia. 1287.
Bergimus Deus. 881. A
Beringius (Vitus) 19. E
Berkelius. 290. E
Berytus olim Diospolis Arabia. 291. D. 292. A. 298.
 D
 — Phœnicia. 298. E
Bestæ, Majæ, Trojæ in Pitheanis quid sibi velint.
 257. B. 261. C. 265. C. 271. A
Biclinium, duorum accubitus. 1261.
*Bistapia num tantum ferreæ, aut etiam lignæ & vi-
 mineæ fuerint*. 194. F
P. Bitini Hermetis Inscriptio. 1315.
*Blæsus Junior, ultimus, sub Augustis, Imperator
 Militaris*. 146. C. 150. E. 153. D. 173. A
Bœoti, & Eubœi bovem in Nummis cudebant. 537.
 A
Bona Dea Cælestis. 833. B
 — Mulierum Dea. 496. C
 — Veneris Cnidia. 835. A
Boni Homines, hoc est Mortui. 496. D
Bonnati L. Iulii Inscriptio. 1359.
Bos cui Numini mactaretur. 418. C
*Bos Apis, in locum demortui, quomodo sufficieba-
 tur*. 312. C. 313. A. D. 314. B
 — plures generare poterat vitulos. 314. C
 — quomodo ab Egyptiis cultus. 311. E. & seqq.
 — quomodo immolabatur. 312. A
Bora, Festa. 612. C
Bovis Apidis consecratio. 313. C
Βοῶπις Dearum Epitheton. 558. D
Βραβεῖα Comædorum præmia. 580. A
Braccæ ad pedem fluxæ Barbarorum propriæ. 477.
 A. 1273.
Bregantium. 965.
Brere Wood (Eduardus) 51. A. 52. C. 55. F. 60. E
Brigantum Nympha. 873. B
*Britanni num ante adventum Romanorum nummos
 signarint*. 51. E
Britonum lingua est Celtica lingua vetus. 262. B
Brumalia, Saturnalia. 612. C. D
C. Brutius Præsens Consul. 546. D
Bruyn (Cornelius de) 231. B. 235. C
Bulla a puerorum collo pendeat 445. A
 — signum ingenuitatis. 263. F. 266. A
*Bullæ generaliter ornamenta aurea vel argentea or-
 bicularia*. 1245.
 — Puerorum. 1245.
Bullas scortas qui gestabant. 263. E. 266. D

AUCTORUM, RERUM, ET VERBORUM.

Burgum Novum. 517. E
Buzyges Heros Atheniensis. 1287.
Bynæi (Antonii) Epistolæ ad Gisbertum Cuperum.
 53. B. 60. B
Bynæus (Antonius) 51. B. 56. B

C

C & G litteræ facile confunduntur. 103. B
C. C. idem est ac Σ apud Græcos. 469. B
C. significat Condemno. 510. B
Cabira, Regia Mitbridatis, Diospolis vocata a
Pythodori Regina. 290. E. & seqq.
— Rhodi Civitas. 291. C. 299. E
Cabiri cur Magni & Potes appellati. 337. C. & seqq.
— Dii, quattuor. 333. D. 334. D
— Dii Samothracici. 333. A. & seqq.
Cadavera Mortuorum Ægyptii opobalsamo illinebant.
 508. F
— Græci cremabant. 508. F
— Indi devorabant. 508. F
— Romani humabant & cremabant. 509. A
Cadmi fabula. 226. A
Cadmus litteras in Græciam tulit. 250. F
Caduceus ad cultum Jovis & Isis refertur. 538. C
— symbolum pacis. 536. F
— & Caduceum Mercurii. 490. C
Cadus, mensura liquidorum. 284. C
Cadytis quænam urbs. 71. A
Cæcilius Novatilianus. 895.
Cælestis Dea. 833. A
Cælum æternum. 829. A
Cenaculum. 1231.
Cæsar. 51. A. 935. 949. 1005. 1033.
— ter vexilli voce usus est. 100. A. & seqq.
Cæsar's Inscriptiones duæ explicantur. 1177.
— Medicus, ejusdem amicus dictus. 581. D
— Nummus, vultus, indoles, mores. 556. E
Cæsarum Imperatorumque Inscriptiones. 1177. usque
 ad pag. 1201.
Calbienses & Calbium. 653. D
— Populi Hispani. 411. F
Calculus. 1255.
Calendæ, Festa. 612. C
— improbata. 612. E
— primus dies mensis. 611. F
Calendarium. 545. B
Calidos potus homines tantum sequuntur. 1265.
Caligarii. 1087.
Caligulæ nummus, vultus, & mores 559. B
Calliope scientiis præerat. 737.
Calmet (Augustinus) 271. F
Calvisius. 280. C
Calvitium, signum luxuriæ. 557. A. 559. C
Cambdenus. 15. B
Camenæ. 1331.
Camera opere Museo exornatæ Inscriptio. 724. C
Campestres Deæ. 861. B
M. Camuni Inscriptio quædam imprecatoria explica-
tur. 172. A. 178. F
Candelabrum antiquum, Silenum exhibens, expli-
catur. 603. E. & seqq. 699. C. & seqq.
Candida Vestis, ex qua Candidati nomen, quando
deserit. 160. E
Candidati. 142. B. 147. A. 151. E. 154. F. & seqq.
 160. B. 162. F. & seqq. 167. B. E. 176. A. 179. C.
 184. C. 877. A
— Cæsar's. 156. A. 157. A. 163. C
— Civiles, & militares distincti. 154. F. 155. F
— duplares & simplares. 163. F
— bodie Expectantii dicti. 167. D
— in petendis honoribus quomodo induti ad Comi-
tia descendebant. 164. E. 165. A
— militares. 155. F. 162. F

— militares a Cupero non admissi. 155. F. 160. B.
 163. C
— Militares an Toga candida ambierint, ut Ci-
viles. 155. C. 160. D
— Quæstores, Tribuni Plebis, Prætores, Sena-
tores, Notarii. 157. B
— quando instituti. 156. E
— quid sibi velint non satis perspicitur. 157. C
Candidatorum generatitia. 157. A
Candor Corporis num ad candidam vestem Candidati
referatur. 162. F. 167. F. 172. A
Canephoria Baccho sacra apud Athenienses. 701.
 B
— Festa Atheniensium. 421. C. 604. B
Cange (Carolus du) V. Ducange.
Canistra Baccho, Cereri & Proserpinæ sacra. 604.
 B
Cantharus, nasus simus, frons lata, calvum caput,
Sileni symbola. 699. C
Cantiuncula de Benferade Poetæ Galli de judicio
Paridis. 493. A
Canus Choraules quis. 354. A
Capella (Martianus) 403. B. 730. B
Capilli crispî, argumentum fortitudinis. 556. B
Capita adversa & jugata. 469. A
— Panthea. 450. B
Capitolina Certamina. 1379.
Capitolinus (Julius) 184. E. 186. C. 566. E. 577. E.
 756. B
Capitolium ædes publica consularis. 457. B. & seqq.
— explicatur. 188. D
Capsa urbs Africæ. 971.
Capua. 967.
Capulati Sacerdotes. 184. F. 187. D. 190. B
Caput Turrim gestans repertum Parisiis. 527. A
Caracalla lacte christiano nutritus. 39. B
— Tarantis nomine per jocum vocitabatur. 470.
 C
— utrum fuerit Juliæ Piæ Severi Uxoris filius. 470.
 C
Caracallæ Inscriptiones. 1189. 1191.
— mors & consecratio. 570. A
— Nummus, vultus, & vitia. 569. D. E
— Nummus explicatur. 575. A. & seqq.
— Nummus alius. 575. A
— & Juliæ Inscriptiones. 1187.
Caramania Asiæ Minoris provincia. 1341.
Carmina aopasina unde dicta. 194. D. 197. A
Caroli Magni effigies ex antiquissimo musivo explica-
tur. 1215. & seqq.
Carthaginenses Deæ Cælestis cultores. 834. D
Carthaginensium lingua cum Melitensibus communis.
 595. A. 596. A
Caryatides, Atlantes, Telamones, statuae Persi-
cæ. 429. E. F. 507. B
Casaubonus. 935.
Casimilus, Mercurius, Caborum quartus. 334. A
Cassianus. 897. 1265.
Cassidarius, miles. 1155.
Cassiodorus. 691. B. 1261.
Castagnetæ. 454. D
Castella. 1113.
Castor & Pollux Cabiri. 333. C. 334. B. 335. B
Cato. 1269.
— Censor, ejus odium in Medicos. 588. A
Catullus. 452. B. 455. E. 602. D. 604. C. 693. D. 701.
 C. 705. C
Caturiges. 969.
Cave (Julielmus) 35. B. 36. A
Cautio ne quis sepulchrum vendat aut alienet. 364.
 B. F
Cautionis, ne quis sepulchrum vendat aut alienet, for-
mula. 364. B. F
Cebus, Monstrum. 515. C

- Cedrenus*. 98. B
Celæ balnea qua parte cingebant. 5. D
Celtarum mores. 286. F
Celtica lingua antiquissima. 287. A
— inter *Scythas* & *Japheti* posteros nata. 281. A
— num orta ex confusione linguarum apud *Babel*. 281. A
— vetus apud *Britones* adhuc viget. 262. B
de *Celtica lingua Abatis Pezroni* sententia. 261. F
Cemenelium. 973.
Centonarii qui. 763.
Centonariorum Collegium. 549. B. & seqq.
— professio & etymologia. 549. E
Centones, militaris suppellex. 549. F
Centuriæ quot *Militibus* constabant. 1151.
Centuriones. 1155.
Cerdones. 1089.
Ceres Ἀγέλες dicta. 333. E
— *Xθόνη*, sive *Infera*. 335. C
— eadem quæ *Isis*, *Diana*, *Venus*, *Proserpina*. 447. F. 595. C
— ex *Jove Proserpinam* genuit. 321. C
— *Καβείρια*. 334. D
— libera vocata. 678. D
— *μαλοφόρος*, lanam ferens. 595. D
— *Μελαινα* dicta. 336. F
— num corona spicea unquam coronata. 198. A. 201. E. 205. C
— *Orciliana*. 827. A
— *Organiana*. 827. B
Cerfennia. 1047.
Certamina varia memorantur. 1377. 1379. & seqq.
Cerularium. 777.
Cespites Terræ tumuli. 517. E
Χαίρε, Vox vale dicendi in *Epitaphiis*. 497. A
Chaldei. 25. E
Chami *Posteri Nimrodicum* genus vocati. 280. C
— *Turrim Babel* soli extruxerunt. 280. C. 283. C
Chananiæ *Patriarcharum* regio. 65. F
Chanlerus (*Georgius*) 21. E. 23. D. 26. D. 27. B
Charactearia Ars. 1087.
Charistia *Consanguineorum* festa 546. B
Charmis, *Medicus*. 591. A
Charonti quod pretium dabatur. 500. C
Charpilides. 310. A
Cheopbes *Ægypti Rex*, primus *Pyramidem* ædificavit. 288. E
Chieti in *Aprutio*. 1047.
Chinenses excludunt ex ovis anates fimo equino vel ferno. 255. E. F
— & alii *Orientales Populi* pecunias pondere notant. 50. E. 55. D
Χηλίωνος, pars *Puppis*. 480. B
Chirurgi erant *Servi*. 935.
Chondrobolia. 726. A
Choniates Nicetas Acominatus. 425. A. 664. D. E
Choraula, perita *Musices*. 501. C. D
Choraula unde oritur & quid significat. 353. E
Choraulæ *Ætionicæ* & *Sebastionicæ* nomen cur obtinuit *C. Glaphyrus*. 350. F. 357. C. D
Choraulæ aliquando præmium reportarunt. 350. F
— magni æstimati. 354. D
— quare convivii adhibiti. 354. B
— quidam celeberrimi describuntur. 354. F. & seqq.
— tibia inflabant & quomodo. 354. C
— alii. 354. E
Choraularum officium. 354. C
Chorges. 969.
Chorus aliquando ex majori aliquando ex minori numero personarum constabat. 354. A
— qui *Baccho* adest, quid significat. 698. A
— quid. 353. F
Chrysanthina certamina. 1383.
Χρυσὸν & Ἀργύριον; *Χρῦσιον*, *Χάλκιον* & *Ἀργύριον* num de *Nummis* signatis aut non signatis usurpata. 50. B. 54. F. & seqq.
Christiani morem a *Gentilibus* sumpserunt *Christi* & *Sanctorum Imagines* pingendi vel texendi. 131. A. 135. E. 139. D
Christianorum execrationes horrendæ adversus *Sepulchrorum violatores*. 358. D
— *Religio Philosophia* dicta. 39. C
Χρῖστοι dicti *Defuncti*. 496. D
Χρῖστος, *Bonus*, mortuorum *Epitheton*. 496. D
Christus in *Septentrione* inter *Deos albos* relatus. 74. A
Χθόνιοι *Dei* qui & quot. 335. B
Ciampinus (*Joannes*) 44. C. 47. B
Cicar, talentum apud *Hebræos*. 64. C. E
— talenti etymon. 64. E
Cicco, quæ potio. 326. A
Cicero. 62. E. 84. F. 121. A. C. 336. D. 367. A. 429. D. 432. B. 590. A. 669. E. 673. A. 701. B. 728. B. 919.
Cimies. 973.
Cincii Lex Muneralis. 164. E
Cinctus Gabinus. 185. A
Cinctus & *Cingulum* differunt. 300. E. F
Cineraria & *Ossuaria*. 1227.
Cinerarium, *Urna*. 500. A. 510. B
Cineres *Corporum crematorum* qua ratione colligerentur. 509. B
Cistæ *Dionysio*, *Cereri*, & *Proserpinæ* sacra. 702. A
— mystica in *Sacris Eleusinis*. 326. A
Cistophori Nummi. 143. F
Civitas Caturigum. 969.
— *Lemovicum*. 1023.
— *Paralifensium*. 1033.
— *Saliniensium*. 1043.
— *Secusia*. 1043.
— *Vintiensis*. 1051.
Civitates Seleuciæ nomen ferentes plures erant. 699. A
Civitatium pro *Civitatum*. 802. A
Clatra. 821. A. & seqq.
Clatræ vox quid sibi velit. 822. A
Claudia Aprensis, *Colonia*. 993.
— *Copia Lugdunum*, *Colonia*. 987.
Claudianus. 127. F. 336. A. F
Claudii Gothici Inscriptio. 1195.
Claudii Inscriptiones. 1181.
— *Nummus*, *vultus*, *mores*. 559. D
Claudii Valerii Menandri Inscriptio. 1315.
Clemens Alexandrinus. 237. D. 454. A. 692. D. 702. B. 1237.
Cleomenes Statuarius. 895.
Cleophori cujusdam *Inscriptio*. 1399.
Clio *Historiæ* præerat. 737.
Cliffa. 1007.
Cluverius. 123. A
Clypea, *Clypei*, *Clupei*, *Clypei votivi*, & *Scuta*. 386. B
Clypei argentei, rari. 390. F
— *Bellici*. 390. E. & seqq. 951.
— *Imaginiferi*. 114. A
— quando ex metallo fieri consueverunt. 387. B
— *Sacri*. 388. C. & seqq.
— *Votivi*. 951.
— *Votivi* quidam explicantur. 955.
in *Clypeis* cur *Majorum historias* incidebant *Antiqui*. 387. A. 388. B
Clypeorum materia. 390. A
— *Votivorum magnitudo* 183. B. 186. B. 189. B. 190. F
Clypeus antiquus argenteus Viros exhibens explicatur. 393. A. & seqq.

AUCTORUM, RERUM, ET VERBORUM.

- pondo librarum 138. dictus Clypeus Martius. 387. B
- Votivus antiquus ex argento puro Scipionis Africani memorandam actionem exhibens, explicatur. 385. A. & seqq. 394. B. 951. & seqq.
- Cocconas Socius Pseudomantis Alexandri. 615. E. 616. C
- Coclearia. 1257.
- Coci. 1089.
- Codanonia. 29. D. 31. B
- Codex Samaritanus quo tempore in Europam adlatus. 259. A
- Cognomina Deorum infrequentia explicantur, 789. usque ad pag. 888.
- Cobors Milliaria. 1151
- Cobortes Quinquagenariae. 1151.
- in vexilla divisa. 120. F
- Vexillares. 98. A
- Cobortis Praetoria Praefectus. 1169.
- Collaria Servorum. 1247.
- Collegia Aurigarum. 404. F
- quaedam incerta. 785. 787.
- Vexilla sua & Signa habebant. 122. E
- Collegii Aesculapii & Hygie Statuta. 751. & seqq.
- Collegio Centonariorum Donatio. 771.
- Collegium arariorum. 32. C. 33. C
- Aesculapii & Hygie. 543. B
- Aesculapii & Sanitatis 539. A. & seqq.
- Aurificum. 781.
- Aurigariorum. 777.
- Balistariorum & Ferrariorum. 779.
- Centonariorum. 549. B. & seqq.
- Dendrophororum. 546. D. & seqq. 757.
- Fabrum & Centonariorum. 761. 773.
- Fabrum Astensum. 767.
- Fabrum Tignariorum. 551. A. 765.
- Fabium Veneris. 767.
- Liticinum & Cornicinum. 785.
- Lotorum. 775.
- Naupegiariorum. 781.
- Pabulariorum. 783.
- Pellionariorum. 777.
- Peregrinorum. 771.
- Sagariorum. 781.
- Serapidis & Isidis. 783.
- Siliginariorum. 775.
- Tibicinum, & Fidicinum. 785.
- Vasculariorum. 779.
- Utriculariorum. 769.
- Collum obstipum excelsi animi signum. 555. F
- Collybistae cur mensas in templo exercebant. 47. F. 50. B. 67. D
- Colonia Alba Pompeja. 973.
- Augusta Ariminum. 975.
- Augusta Lilybaeum. 1015.
- Augusta Panhormitana. 999.
- Claudia Aprensis. 993.
- Claudia Copia Lugdunum. 987.
- Crotona. 969.
- Helvia Ricinnia. 1001.
- Jadera. 1009.
- Interamna. 1013.
- Julia Apta. 975.
- Julia Augusta Flor. 981.
- Julia Equestris. 981.
- Julia Paterna Arelate. 977.
- Lucensium. 983.
- Napuca. 983.
- Neapolis. 985.
- Nemausum. 460. C. 985.
- Obsequens Julia Pisana. 997.
- Ortona. 995.
- Ostia. 997.
- Praenestinarum. 1035.
- Puteolana. 1011.
- Rejorum Apollinarium. 1003.
- Romula. 1003.
- Rufra. 1003.
- Salonenfis. 1005.
- Secundanorum; Arausio. 959.
- Setinorum. 1005.
- Viennensium. 1053.
- Coloniae Romanae Caesarum & Augustorum nomina retinebant. 576. B
- & Municipia jus Legionis habebant. 91. F
- Coloniarius Nummi vexillis binis signati. 91. D
- Colophonii Populi Joniae. 483. B
- Columbaria & Olla. 1221. & seqq.
- Columna Milliaria. 473. C. & seqq.
- Columnae duae marmoreae ad Herculem spectantes. 741. & seqq.
- Comedorum Inscriptio. 841. A
- Comites Tolosae. 521. A. C
- Comitus seu Comes, Miles. 1157.
- Commanipularis; Commanipulus, Miles. 1157.
- Commodi Inscriptiones. 1185.
- Nummus explicatur. 479. A. & seqq.
- Nummus, vultus, mores. 567. E
- Providentia. 480. C. & seqq.
- Commodus sub Herculis imagine vultum suum exhibuit. 673. F
- Comneni Emmanuelis Inscriptio. 1395.
- Comediae quando inventae. 578. E
- unde fabulae dictae. 11. C
- Compædagogii. 1103.
- Compar pro Socio. 1265.
- Confectores aeris. 1089.
- Confusio labii ad turrin Babel fuit vera sermonis confusio. 269. E
- num ad solum Nimrodum ejusque genus pertinuerit. 280. E
- num fuerit perpetua, an tractu temporis adulterata. 269. E. 274. E. 276. C. 280. B. E
- Congius. 1257.
- Conjugale jugum bobus sub jugo colligatis comparatum. 1265.
- Constantini Magni fides Christiana ex nummis quaeritur. 83. E. & seqq. 85. F
- Nummus argenteus a Sperlingio explicatus. 83. C
- Constantii, & Constantis Inscriptiones. 1197.
- Constantinus Magnus cur Vexillis Christi monogramma inscripsit. 89. F
- num Crucem in somnio viderit, disquiratur. 198. B. 202. A. 205. E. 208. B
- primus verum usum vexillorum praebuit. 32. B. 94. B
- Constantis Imperatoris Nummus aureus, in quo medium vexillum cernitur, explicatur. 96. D
- Consules Suffecti. 417. A. B
- Consulum Proconsulumque; Caesarum temporibus, Inscriptiones. 1201. & seqq.
- Contornii, Nummi. 545. D
- Corbita, genus Navis magnae & gravis. 479. D
- Corcyrae Inscriptio Eccl. Sospatri. 1393.
- Cornicines qui. 785.
- Corno Ducale. 491. B
- Cornutus (Jacobus) 691. B
- Corona ex quercu cui daretur. 389. D
- Noribergae custodita cujus Imperatoris fuerit. 82. D
- Corrigia Parthica. 263. D. 266. A
- Corripius. 544. D. 611. C. 755. D
- Cos Urbs & Insula Aegei. 1325.
- Cosroes multi Persarum Reges. 202. E
- Cot pro quod. 550. F
- Cotyla. 1257.
- Crantzii (Albertus) 12. F. 13. D

- Crassi*, expeditionem contra Parthos suscipientis, Vexilla, num vela, aut Signa Romana fuerint. 88. F. 98. E. & seqq. 112. B
- Crassi & Pisonis Consulatus*. 1203.
- Craterus Medicus celebris*. 590. A
- Crinas Medicus Massiliensis*. 591. A
- Criobolium*, sacrificium Arietum. 449. A. 688. D
- Crispus Dux Insulae Santerini*. 1331.
- Crotala*, Instrumenta Veterum. 453. D. 692. B
- usurpabantur in Deorum Festis, ludis publicis, & comessationibus. 692. C
- Crotali etymon a Κροτάω*. 692. C
- Crotona Colonia*. 969.
- Crumata*, Instrumenta. 454. C. E
- ex officulis confecta. 692. E. 693. A
- Hispanis maxime in usu. 992. E
- species Crotalorum. 692. D
- Crupezia*, Tibicinum calceamentum. 455. A
- & Scabilla non admodum a Crotalis differēbant. 693. B
- Cruces ad sepulcra apponebantur*. 520. A
- Crox in Nummis Gothicis*. 21. E. 23. D. 26. D. 27. B
- Cubicularii*, & a Cubiculo. 1071.
- Cuculla*, vestis. 1265.
- Cuculli origo & usus apud Veteres*. 630. A. & seqq.
- Culleus*. 1257.
- Cuperi (Gisberti) ad Ottonem Sperlingium Epistola*. 6. D. 9. D. 13. A. & seqq.
- ad Stephanum Morinum epistola. 68. A
- consilium ad Sperlingium ut Chronicon suum latine scribat. 7. A
- Opera. 222. E. 225. D
- Cuperus (Gisbertus) Daventriae Consul*. 29. E
- magnis gravibusque negotiis occupatus. 5. C. 6. E. 9. E. 16. E. 23. A. 26. E. 29. E. 30. D. 44. B. & alibi passim.
- Cupidinis Nuptiae Gemma expressae explicantur*. 421. A. & seqq. 661. A. & seqq.
- Cupido*, Ερως a Graecis dictus. 675. E
- & Psyche. 421. A. 425. A
- fere semper nudus, Psyche semivestita cur effingantur. 664. D
- Papilionem comburit. 426. B
- Cuspia Aeglae*, ejus Epitaphium. 501. E
- Custodes Officiorum*. 1071.
- Cuthaei*, Sacerdotes habuerunt. 233. B. 234. A. E
- Cyathus*. 1257.
- Cybele*, Dia, Ops, Rhea, Deorum Mater. 420. B
- eadem ac Mater Dea. 691. E
- eadem quae Isis. 528. A
- Mater Deum, Magna Idaea vocabatur. 844. A
- Mater Deorum Sipylena dicta. 365. D
- Cybeles festa*, Megalesia. 453. A
- Festa, Opalia. 420. B
- Sacrificia, Taurobolia. 419. B
- Cydaris*, ornamentum Capitis Regibus Parthorum. 595. F
- Cymbala Aera simpliciter vocata*. 691. C
- Instrumenta Veterum. 451. A. & seqq.
- usurpabantur in Ceremoniis Matris Deae. 691. E
- Cymbali etymon a Κύμβος*. 691. D
- Cymbalorum materies & figura*. 691. A
- Cyprianus S.* 354. C
- Cyrus Medicus Liviae*. 590. D. & seqq.
- Cythara*. 456. B
- a Lyra differt. 694. C
- quale instrumentum. 694. B
- Cyziceni*, cur dicti Aureliani, Antoniniani. 575. D. 576. A
- praestantes Funambuli. 577. A
- D
- D** *M. Diis Manibus*. 498. C
- Daci Vexillis utebantur*. 89. C. 90. B
- Δαδῆχος*, ferens facem, ferens lampadem. 426. B
- Damascus*, Diospolis appellata. 298. B. E
- Daniae nomen latet in sinu Codano*. 29. D. 31. C
- Danorum Regis maxima olim potentia*. 29. D
- Darckmon nomen ponderis*. 52. D. 60. E
- & Darcon nomina ex eodem fonte manata. 55. F
- Darcon, & Adarcon, nomina in Sacra Scriptura, quid, & unde derivata. 45. E. 48. D. & seqq. 50. F. & seqq. 52. D. 53. C. 55. E. & seqq. 60. C. 64. F. 70. A
- Dardanus Claudius Posthumus*. 947.
- Darbama*, Arabicum. 65. A
- Darjavesch*, Darius. 53. E. 56. D
- Darici*, Nummi apud Persas. 45. F. 50. F. 52. E. 53. C. 58. A
- Dariorum nomen Judaeis haud ignotum*. 48. E
- David Nummis abundabat*. 66. C
- Dea Caelestis*. 833. A
- Horithya. 837. A
- Nebalennia. 867. A
- Nortia. 845. B
- Segusianorum. 865. A
- Tacita apud Romanos. 445. A
- Deae Campestres*. 861. B
- Matres. 857. 859.
- Suleva. 861. C
- Deae Vocontiorum*. 420. C. 843. A
- Deana pro Diana*. 823. A
- Debir vox quid significet*. 253. D. 257. E
- Decius Christianos vexavit in odium Philippi*. 35. F
- Defuncti*, νεκροὶ dicti. 496. D
- Dei Togoti Inscriptio*. 835. B
- Delminium*, Civitas. 1009.
- Delphin Cupidini sacer*. 1243.
- L. Demelii Decii Andromachi Inscriptio*. 1327.
- Demetrii Ceteri Inscriptio*. 1322.
- Demetrius majora & minora Eleusina mysteria simul percipere voluit*. 322. E
- Dendrophorum Collegium*. 546. D. & seqq. 757.
- quae sit professio. 547. D. 548. D
- Dendrophorus*, nomen Silvani. 547. D
- Dentes exigui & rari vitae brevis indices*. 558. A
- Deorum numerus major quam hominum*. 813. C
- multa genera ternario numero continentur. 607. C
- quorundam ignotorum ac obscurorum; notorumque infrequentia cognomina explicantur. 789. usque ad pag. 888.
- Deos omnes utriusque esse sexus nonnulli affirmabant*. 678. D
- Deprecatio aliquando in fine Inscriptionum Sepulchrorum adjecta*. 358. C
- Derbem Arabicum ex radice graeca δερχμῆς derivatum*. 49. B. 51. C
- τὰ Δέρματα*, apud Carthaginenses. 59. B
- Desiderii Longobardorum Regis Inscriptio*. 1201.
- Deus Agonius*. 869. C
- Arvalus. 877. A
- Beladucadrus. 867. A
- Bergimus. 881. A
- Eumelus. 863. B
- Hofirus. 853. B
- Dolichenus. 805. 807. A
- Dulovius. 839. B
- Moritaseus. 865. A
- Nemausus. 869. B
- Noctulius. 877. B
- Orientis, Mithra. 413. A. & seqq. 593. C. & seqq.

AUCTORUM, RERUM, ET VERBORUM.

- seqq.* 599. A
 — Penninus . 817. B
 — Surrentinus . 875. A
 — Tyllinus . 877. C
 — Tyrimnus . 871. 874. A
 — Verjugodumnus . 865. B
 — Vincius . 831. C
 Deus Mosi litteras, quibus Hebraei bodie utuntur, tradidit . 233. A. 234. A. B
 Dia, Dea . 659. A
 — Ops, Cybele, Rhea, Deorum mater . 420. B
 Diadematum origo . 1217.
 Diana eadem quæ Isis, Ceres, Venus, Proserpina . 447. E. 595. C
 — Montana . 823. A
 — Nemorensis . 823. A
 — num corona spicea unquam coronata . 197. F. 201. E. 205. C
 — Pyrarum Domitrix . 824. A
 — qua ratione pingatur . 607. A
 — Ræsiana . 825. A
 — Tifatensis . 825. B
 Didymea Certamina . 1383.
 Die violari . 546. C. 756. E
 Dies caræ cognationis . 546. B. 756. D
 — Natalis Collegii . 545. D
 — Rosæ . 546. C. 756. E
 — 19. Septembris . 545. B
 Digiti pectinati juncti incantamenti genus . 1243.
 Dii aliquot Symbomoi . 686. A
 — Xθύνας, sive Inferi quattuor . 335. B
 — Inferi . 502. D
 — Inferi, Manes . 497. C. 498. C
 — Inferi, Subterranei significantur his litteris Θ. K. 498. C
 — Manes fere incogniti Græcis fuerunt . 695. E. & *seqq.*
 — Manes mortuis præsidebant . 693. E
 — Manes summa religione venerabantur . 693. E. & *seqq.*
 — Mortuorum, Manes . 495. C
 — plures Sanctissimi dicti . 404. F
 — Proximi . 839. A
 — Symbomoi & Synnaoi dicebantur, qui ad idem altare, & in eodem templo colebantur . 686. A
 Dii Heroibus Marmor consecratum . 1387.
 — quædam propria consecrata fuere . 680. A
 Diocletiani Inscriptio . 1195.
 Diodoræ Inscriptio . 132.
 Diodorus Siculus . 238. A. 245. D. 246. D. E. 247. A. 299. F. 334. B. 309. D. 803. C. 1031.
 Diogenes Laertius . 919.
 — in dolio . 897.
 Diomedes Grammaticus . 353. F
 Dion Cassius . 356. D. 88. F. 98. E. 105. E. 609. C. 955. 1187. 1379.
 — Philosophus Ephefius . 899.
 Diones plures . 899.
 Dionysius Alexandrinus . 34. F
 — Halicarnassæus . 106. C. 334. E. 589. A. 949. 1269.
 — nomen Bacchi . 602. A
 Dioscorides appellatus Pedarius, aut Pedanius . 584. E
 — Gemmarum Cælator . 891.
 — Medicus Anazarbeus, factus Civis Romanus . 581. E
 — Romana Civitate donatus . 581. E
 Διοσκόροι, num hi soli dicti sunt Cabiri . 333. C. 335. B
 — scribendum, non Διοσκόροι . 333. D
 Discus . 386. E & *seqq.*
 — Corymbiatus . 390. A
 Diospolis Urbes, plures . 288. A. 290. A. D. & *seqq.*
 298. B. & *seqq.*
 Diospolis Arabiae Damasco vicina . 292. B. 298. D
 — Delta . 290. C
 — Hecatompylos olim dicta . 288. A
 — magna Egypti Urbs . 269. E. 285. E. 288. A
 Dispensatores . 1071.
 Distegum . 1229.
 Divorum, hoc est Imperatorum Templum . 545. B
 Dolichenus Deus . 805. 807. A
 Domitiani nummus, vultus, mores . 563. E
 Domitianus vultum suum sub Palladis imagine exhibuit . 674. A
 Domna, cognomentum Juliae . 469. B. D
 Dona Militaria . 146. E. 149. D. 152. B
 Donatio Collegio Centonariorum . 771.
 — Sepulture Exauthoratis . 1175.
 Drachma . 1255.
 — a Persis ad Judeos & Græcos manavit . 70. E
 Επαχῶναι Græcorum cur toties in Sacra Scriptura allegata . 43. C. 45. D. 48. D
 Dracones in Templo collocati . 125. F. 130. D
 — Milites unde dicti . 230. D
 Drelincourtus Lugduni Batavorum Publicus Professor . 587. A
 Druidæ . 24. C
 — qui nunc dicantur . 24. D
 Drusi Tiberii filii Inscriptioes . 1179.
 Dryades . 709. A. 815. A
 Ducange Dufresne (Carolus) 83. F. 84. B. 1079.
 Ducenarii tributa suscipiebant ducentesima . 450. B
 Dulovius Deus . 839. B
 Duplarius, Miles . 1159.
 Durantus (Jo Stephanus) 1217.

E

- E significat quinque . 489. D
 Eburarii . 1091.
 Edictum Juliani pro Medicis . 592. B
 EI & H pro I. olim posita . 363. F
 Elephantum funambuli . 577. F
 — varios ludos ediderunt . 578. A
 Eleusin unum ex duodecim Atticæ Regionis oppidis . 321. D
 Eleusina Sacra a nemine vulgari poterant pœna capitis . 323. A
 — a quibus instituta . 321. E
 — cur adeo religioso silentio obvolvenda . 323. E
 — magna a parvis qui differant . 322. A
 — quibus nominibus appellata . 322. B
 Eleusinia Certamina . 1377.
 in Eleusinis Sacris muliebris natura circumferri solebat . 324. F
 Eleusinorum Sacrorum leges potissimæ . 322. E. & *seqq.*
 — Purificatio, Mysteria Parva, & Magna . 322. B
 — symbolum . 325. B
 Eleutheria Certamina . 1377.
 Endromis vestis hirsuta . 1105.
 Enses Veterum . 394. A. B
 Epaphroditus Asteicti filii Inscriptio . 1317.
 Ephefia, Festum Dianæ 1383.
 Epbyra urbs Epiri . 1017.
 Epiphanius S. 425. B. 702. A
 Episcopus, Inspectio, Providentia . 449. B
 Episcopus, Inspector . 449. C
 Epistolæ duæ antiquæ . 1211.
 Epitaphia Atheniensium . 499. A
 — Græcorum . 496. D. & *seqq.*
 — Græcorum antiqua Larissæ . 1309.
 — Judæorum trium antiquorum . 1389.
 — Latina inscribebantur sæpe Romanis in Græcia defunctis . 1341.

- plena sententiis ad mores spectantibus . 513. D
 — quaedam, quibus B & V confunduntur . 1237.
 — Sicyoniorum . 497. A
 Epitaphium Praefecti cuiusdam ex Ethnico Christiani facti . 1219.
 — Praefidis Christiani nomine Cimini . 1219.
 Epitbeta Regum Syriae . 534. F. 536. A
 — superba . 534. E
 Επὶ πτωτῶν & Εφοροί . 322. C. 325. A.
 Εποπτεία . 322. C
 Epulae cum sacrificiis conjungebantur . 706. A
 Eques Singularis, Miles . 1161.
 Equites Auxiliarii sub vexillis militabant . 98. D
 — Legionarii sub signis Romanis militabant . 98. B.
 D
 — Romani distincti ab Equitibus equo publico solum donatis . 197. E. 201. B. 205. A
 — Romani Senatui adjuncti a Graccho . 205. A. 208. A
 Equitum num vexilla propria fuere . 87. A. 98. A
 Equo publico honoratus, miles . 1163.
 Equorum Sellae veteribus ignotae . 477. B
 Equos transilire quid . 213. F. 219. A
 Equus Publicus . 825. C
 Erasistratus Medicus celebris . 589. F
 Erato Elegiarum inventrix . 737.
 Errores Picturae & Sculpturae in Historias antiquas . 512. D
 Ethnici de Sepulcris maxime solliciti erant . 501. A
 Ethnicorum in Sepulturis inanis gloria . 508. C
 — opinio de animarum forma . 502. B
 — Prophetarum Instrumenta . 616. A
 — Theologorum maxima execrandi ratio . 509. B
 Eubuli Inscriptio . 1309.
 Eucleae Inscriptio . 1309.
 Euclidis Numisma . 927.
 Eudemus Medicus & Amicus Liviae . 581. D. 590. C
 Evergetes, Beneficus, multorum Regum Epitbeta . 533. C. & seqq. 535. E
 Eubodia Caracallae nutrix . 39. C
 Eumelus Deus . 863. B
 Evocati qui dicebantur . 142. A. 146. F
 Evocatus, Miles . 1165.
 Eurythomi Epitaphii filii Inscriptio . 1317.
 Eusebea Certamina . 1379.
 Eusebius S. 34. D. 35. B
 Eustathius . 354. D
 Euterpe . 737.
 Eutroptus . 1187.
 Exactus Exercitus, quid sibi velit . 166. D
 Exauthorati qui . 1175.
 Execrationes horrendae Christianorum adversus violatores Sepulchrorum . 358. D
 Expectantii & Expectantiae . 167. D
 Extabularii Inscriptio . 1279.
 Ex Statione . 1081.
 Ezra litteras a Deo traditas num mutaverit . 239. B
- F
- Faber Argentarius . 551. B
 — Balneator . 551. B
 — Eburarius . 551. B
 — Ferrarius . 551. A
 — Navalis . 551. B
 — Ocularius & Oculariarius . 488. C
 Fabri Militiae destinati . 767. 769.
 — Tignarii & Tignuarii . 551. A
 Fabrum & Centonariorum Collegium . 761. 773.
 — Veneris Collegium . 767.
 Fabry, Fevre, Favre, voces Gallicae unde ortae . 522. B
 Fabula nihil fictum origine sua significat . 11. A. & seqq.
 Fabulae cur comparatae . 226. C
 Fanatici a Bacchantibus non differebant . 707. B
 — divino furore corripere putabantur . 708. B
 — unde dicerentur . 707. B
 Fanaticus, ἱερατικός, ἱεροδιδάσκαλος . 708. B
 — sumitur pro furioso atque insano . 708. B
 Fanum S. Aegidii . 961.
 — Hercules . 1021.
 Fasces & Secures erant Magistratum . 477. C
 Fastianus Pastus . 284. E. 287. B. 289. D
 Fasti, Tabellae Magistratum . 545. A
 Fastigium Templi Aquilae volantis speciem representans . 458. D
 Fata . 514. B. & seqq.
 — aut Parcae . 515. B
 Fatum in Urna antiqua exhibitum explicatur . 505. A. & seqq.
 — in Urna expressum . 514. & seqq.
 Faunae Deae, Sylvarum Praefides . 815. A
 Faunus Bacchi natiuitati adstans . 698. A
 Faustinae Junioris Nummus, vultus, mores . 566. F. & seqq.
 — Majoris Nummus . 148. C
 Faydida aut Faydettia Filia Gilberti . 522. A
 Feciales . 180. A
 Felibienus (Andreas) 402. C
 Feliciae (Laberiae) statua . 947. 949.
 Femur aureum Pythagorae . 621. C
 Ferrarii Balistarii associantur . 779.
 Festa; Calendae, Vota, & Brumalia dicta . 612. C
 Festina lente, Caesaris Augusti Symbolum . 669. B
 Festum Florum . 546. C
 — omnium Deorum Θεογένεια . 450. C
 — Rosarum . 449. A. 546. C
 — Violarum . 546. C
 Festus (Sex. Pompejus) 496. C. 609. B. 1109. 1167. 1171.
 Ficulneum veretrum cur in Orgiis Bacchi circumferebatur . 699. C
 Fides Candidatorum . 875. B
 Firmicus (Julius) 311. C. 803. C
 Fiscus P. P. quid . 366. A. E
 — Regius . 366. A
 Flaminiae Sacerdotes Faeminae . 719.
 C. Flaminio curam Captivorum Scipio attribuit . 393. E
 Flaturarii . 32. C. E. & seqq. 42. D
 Flaviae Moschi filiae Inscriptio . 1345.
 Floralia, Festa florum . 546. C
 Florus . 90. B. 206. C. 213. F. 214. B
 Fodere noli quare monumentis additum . 358. D
 Faeminae aliquot Belgicae erudita . 8. F. 10. C
 — Crotalistris . 692. C
 — cur Hermas colebant . 669. E
 — cur Hermetem praecipue venerabantur . 431. B
 — Musicae vocali olim operam dederunt . 352. F
 — etiam Musicae Instrumentali olim operam dederunt . 353. B
 — Sacerdotes, Flaminicae dictae . 719.
 Fontes, Aqua Julia, Martia, & Tepula . 712. A. & seqq.
 Fontium Magistri, Liberti . 715.
 — Ministri, Servi . 716.
 Formula Missionis Militum . 1135.
 Formulae quaedam, in Nummis & Gemmis . 17. E. 19. C. 20. C. 21. D
 Fornices & Parietes ex lapidibus variorum colorum exstructi . 723. C. 724. A
 — Latinis idem ac Graecis Apfides . 724. C
 Foro-Flaminienses, Umbriae Populi . 1015.
 Fortuna Barbata . 438. A. 855. A
 — Obsequens . 807. E
 — Supera . 853. B
 — Torquatiana . 853. A
 — Tulliana . 853. A
 — Vir, & Faemina . 438. A

AUCTORUM, RERUM, ET VERBORUM.

- Forum Claudii.* 1017.
— Cornelii. 1017.
— Novum. 1019.
— Segusianorum. 1019.
Fourius & Furius. 500. B
Fratres Arvales. 418. A
— Sacerdotes numero XII. 657. B
— unde dicti. 658. A
Fratrum Arvalium Sacrificia, actaque alia. 657.
& seqq.
Frons quid in area sepulchrali. 357. F
Frontini Numisma. 928.
Frontinus. 1099.
Fulgentius. 418. B. 664. D. 690. A
Fulginates, Umbriae Populi. 1015.
Funambuli. 577. D
— in Nummo Caracallæ. 575. 577. A
Funambulorum ars antiquissima. 577. D
— genera quattuor. 577. B. & seqq.
— præmia. 579. B
in Funambulos Patres invehuntur. 578. B
— Pietas M. Aurelii. 577. E
ad Funerariam Rem varia spectantia. 1221. usque
ad pag. 1276.
Funeraticum, pecunia in funera impensa. 544. A. 755. C
L. Furii Victoris Inscriptio explicatur. 126. B. 131.
B. 136. A
Fusoria ars, & sculptura differunt. 254. B
G
Gabbata Hebraice, Αἰδοσπαρον, Musivum. 397.
B. 399. C. 723. C
Gabiæ Matronæ. 859. A
Gabiniana via. 1007.
Gabinus Cinctus. 185. A
Galbæ Inscriptio. 1181.
— Nummus, vultus, mores. 560. F
Galenus. 1121. 1137.
— Medicus M. Aurelii. 584. E. 591. B
Galerii & Gratiani Imp. Inscriptio quædam explicatur. 166. A. 169. E
Gallandii (Antonii) iudicium de Petiti (Samuelis) expositione Palmyrenarum litterarum Inscriptionis Græcæ & Palmyrenæ. 653. B
Gallandius (Antonius) 83. F. 84. C. 411. B. 654. C
Galli Veteres a Dite idest a Germanis orti. 79. C. 80. F
— num cum serpentibus vivis contra hostes pugnarent. 159. C. 162. D. 168. C. 172. C. 179. B
Gallieni Nummi Legionum nominibus & signis efficti. 150. A. 151. C
Garaetum in Lemovicensi Provincia. 517. C
Gaudete Romani, formula in Nummis & Gemmis. 17. E. 19. C
Gaulus Insula. 1031.
Gaures Populi Persiæ. 242. E
A. Gellius. 392. C. 1009.
Gemma Cupidinis Nuptias exhibens explicatur. 421. A. & seqq. 661. A. & seqq.
— Panthea. 445. C. 685. B
— Pyrrhum exhibens explicatur. 923.
Gemmæ, & Signa aenea, in quibus Herma, Hermathenæ, Hermerotes, Hermanubis &c. explicantur. 427. & seqq. 435. D. 655. A. & seqq.
— Dioscoridis, Apollonidis, & Myconis explicantur. 891.
— variæ Harpocratem exhibentes. 439. A. & seqq. 679. A. & seqq.
— variæ de Harpocrate, & signis Pantheis. 679. 680.
Geneseos versiculus secundus capitis XI. Profecti de Oriente in terram Sennaar, explicatur. 285. A. 287. D. 289. F
Genii. 402. F
— familiæ monetæ. 849. A
— sine alis. 729. F
Genium suum Provinciæ, Urbes, Sylvæ, Fontes, Ar-
Supplem. Tom. IV.

- boreque, Scientiæ, Ætates, omnesque homines habebant.* 729. E. 849. B
Genius Æternalis. 851. A
— Balbinorum Patronus. 851. D
— Canonis & Pasclenis. 849. B
— Centuriæ. 851. C
— Herma, Satyrus, & Silvanus simul juncti quid sibi velint. 730. C. & seqq.
— Jucunditatis. 849. C
— in Nummis rostrum navis pede premens. 84. D. 85. E
— Placifer. 851. B
Genua unum super aliud imposita incantamenti genus. 1243.
Gerach Hebræorum nummus. 65. B
Germani ad bella progredientes Apris & alia signa ex lucis depromebant. 172. D
— Equites vexilla habuere, & cur. 89. D. 90. B
— num cum serpentibus vivis contra hostes pugnarent. 159. C. 162. D. 168. C. 172. C. 179. B
— num inter Signa sua bellica Serpentes vivos aut Tubas receperunt. 144. A. 147. D. 150. F
Germania num serpentium ferax. 154. C. 159. D
Germanici Inscriptiones. 1179.
Gerudatiæ Matres. 857. A
Getae Inscriptiones. 1191.
— Nummus Deum Lunum exhibens. 293. B. 295. E
— Nummus, vultus, mores. 570. B
Γίγλαρος quid. 352. D
Gladii apud Romanos qua parte cingerentur. 5. D
Glaphyra non Claphyra. 353. D
Glaphyrus & Glaphyra recte scribuntur. 353. E. & seqq.
— Choraules quis. 354. C
Glycon. 147. F
— Abonotichitarum. 625. D
— ejus nominis etymologia. 625. F
— nomen serpentis Pseudomantis Alexandri. 621. C. 625. D
Gnostici & Basilidiani. 441. D. & seqq. 888. A
Gomeri Posterii num Chomeritæ dicti. 281. A
Gomerus num Celticam linguam locutus sit. 262. A
Gordiani Pii Inscriptio. 1193.
Gothica Scriptio vera queritur. 171. C. 173. B. & seqq. 180. F
Gouffetus. 338. B
Grammaticam quis primus tradidit. 237. D
Græcæ Litteræ Majores ad parvum Alphabetum a quo primum redactæ. 180. F
Græci inventores nummos signandi. 48. B. 54. E. 56. A
— Nummum μῆλον post Hebræos habuerunt. 64. B
— numquam dracones inter signa sua habuere. 127. F
— sibi vindicarunt Inventores omnium ferme rerum. 50. F. 61. C. 68. C
Græciæ Certamina quattuor celebra. 1377.
— nomen pro Russia, Livonia, Curlandia &c. usurpatum. 161. F
a Græcis Nationes fere omnes res Religionis mutuatæ sunt. 394. C
Græcorum Drachmæ cur toties in Sacra Scriptura allegatæ. 43. C. 45. D. 48. D
— litteræ multæ ab Arabibus adoptatæ. 51. D
— Mos in Nuptiis. 394. C
— & Judæorum commercia. 58. C. & seqq.
Grævius (Joannes) 9. B
Gratiani Inscriptio. 1199.
Gregorius Nazianzenus S. 324. E. 434. A
Gronovii (Job. Frid.) Opera. 13. D
Gronovius Sperlingii Præceptor. 9. C
Gruterus. 676. E. 678. D
Gryphes quales aves sint. 214. E. 219. E. 222. E. 225. A. 228. F. 232. F. 654. D
— Soli sacri. 411. E
Gudii Marquardi Bibliotheca. 6. A. B
— Indoles. 6. A. 7. B
— Scripta. 7. B

Gudmundus (Andreas) 181. C
Gyraldus . 309. D

H

- H.** & E I. pro I. olim posita . 363. F
Hadrianalia Certamina . 1381.
Hadriani Inscriptio . 1183.
— memoria admirabilis . 565. B
— mors . 565. E
— Nummus , vultus , mores . 565. A
Hadrianus primus Imperatorum barbatus . 565. E
Haleya Certamina . 1383.
Hamadryades . 815. A
Hamburgensis Civitatis Chronicon a Sperlingio congestum . 5. C
Harduinus (Joannes) 91. F. 92. B. 291. D
— notatur . 83. E. 231. A
Harpocrates , Anubis , Isis , Serapis , Osiris , Bastis , Apis , & Horus , Dii Symbomoi . 686. A. B
— capite leonino . 681. F
— cum variis Deorum typis effingebatur . 682. F. & seqq.
— cur Osiridis & Isidis simulacbris jungeretur . 682. E
— flori Lati insidens . 681. B
— Osiridis & Isidis filius . 682. D
— quid commune habeat cum Cupidine inquiretur . 684. B
— Silentii Deus . 439. & 440. B. & seqq.
— Struthioni insidens . 681. B
— variis gemmis exhibitus . 439. A. & seqq. 679. A. & seqq.
Harpocrati Malum Persicum sacrum erat . 677. A
Harpocratis varia signa . 443. A. & seqq. 683. A. & seqq.
— varia Gemmae explicantur . 679. A & seqq.
Hastæ puræ . 477. B. 126. F. 131. D
— cum vexillis . 126. E. & seqq. 133. E
— sine vexillis . 126. E. 131. D
Hastæ Signorum argentatæ . 109. A. 117. C
Heberus numscriptionis hebraicæ autor . 239. E. 245. F
Hebræi . V. Judæi.
Hebraica lingua in initio vocabulorum numquam consonantes plures conjungit . 48. F
Hecate Dea anguibus caput coronatum habuit . 226. D. 229. F
Hecatombe Boum , Caprarum , Agnorum . 419. C. & seqq.
— Pythagoræ centum bubulorum ex intrita farnacea . 419. E
Hedera Baccho sacra . 721.
Helena sub Minervæ figura adorabatur . 674. A
Helica maximum Tribunal Athenis . 1287.
Heliodorus . 352. E. 652. E
Heliogabalus primus usus est vestibus se ricis . 393. C
Helvetii vasa argentea tanquam stannea , gemmas tanquam res cristallinas vendiderunt . 385. B
Helvetiorum facinus in Moratensi prælio . 385. B
Helvia Ricinnia , Colonia . 1001.
Hemina seu Cotyla . 1257.
Hephestion . 899.
Heraclea Certamina . 1377.
— & Anatilii . 961.
Heracides Artemidorus Alexandriensis . 1324.
— Nemausi Conditor . 459. D
Heræ Ausæ . 859. B
Hercules , & Bacchus Dii Auspices severi . 471. E
— μισαγυρῆς . 607. B
— Patronus Ulpiorum . 847. B
— Pacifer . 733. 747.
— ponderum custos . 847. A
— Sanctissimus . 733. 747.
— Somnialis . 847. C
— Volbanus . 879. A
— Zodiacus , & Phaetontis Historia cur conjuncti . 16. A. 17. F. 19. A
Herculis Acta . 741. & seqq.
— Fanum . 1021.
— Inscriptiones . 747. & seqq.
Heria . 349. B
— Thibe , ejus Epithaphium . 501. C
Herma ab Hermete . 430. B
— & Hermus cognomenta . 431. D
— Genius , Satyrus , & Silvanus simul juncti quid sibi velint . 730. C. & seqq.
Hermæ Athenarum proprii . 428. B
— Athenis Hipparchei dicti . 667. F
— cur erecto veretro depingebantur . 669. A
— effigies sine brachiis . 429. E. 431. A. C. 507. A
— Hermi . 427. A. & seqq.
— iidem ac Termini . 669. B. 731. A
— magnorum hominum capita referunt . 430. C
— Pentelici . 669. F
— quibus in viis ponebantur . 429. A
— seu Hermi , Mercurii Statuæ . 665. F
— summa reverentia colebantur . 731. A
Hermæum , Promontorium . 470. E
Hermanubis . 427. & 432. E
— Deus ex Mercurio Anubique conflatus . 973. C
Hermaphroditi , Numina ex Mercurio & Venere composita . 677. A. & seqq.
Hermaphroditus . 435. E
Hermarum trium Athenis existentium Inscriptiones . 668. B
Hermas Fœminæ præcipue colebant . 969. E
Hermathena . 427. & 432. A
— Statua Mercurium & Minervam representans . 671. F
Hermemithra . 594. D. 595. A
Hermeros . 427. & 435. C
— cognomen apud Antiquos . 675. E. & seqq.
Hermerotis , Deus ex Mercurio & Cupidine compositus . 675. D
Hermes & Herma , cognomina apud Antiquos . 669. F. & seqq.
— in Musivo pictus . 420. C
— Mercurii nomen . 430. C
Hermetem summa veneratione mulieres prosequabantur . 431. B
Herm-harpocrates . 427. & 436. C. 442. A
— Mercurium Harpocratemque fingit . 676. F
Herm-heracles . 427. & 434. F
— Mercurium & Herculem exhibet . 675. A
Hermippus monumentum sibi comparavit . 1349.
S. Hermodori Inscriptio . 1313.
Herodes Atheniensis Attici filius . 1289. 1299.
Herodianus . 651. C. 994. A. 836. A. 1187. 226. F
Herodis Attici Marmor explicatur . 1291. 1299.
— Tetrarchæ Inscriptio . 1323.
Herodotus . 230. E. 295. A. 334. A
Herophilus celebris Medicus . 589. F
Heros ἥρως mortuum significat . 497. A
Hesiodus . 310. A
Hesychius . 191. E. 334. C. 352. C. 663. E. 677. D. 843. A. 864. B. 1237.
Hetrusca Litteræ unde ortæ . 260. F
Hieronimus S. 192. F. 167. F. 630. D. 651. B. 656. B. 694. B. 719. A. 897. 1265.
Hiperides . 921.
Hipparchus Herodis Attici Avus . 1299.
— Pisistrati filius . 693. F
Hippasus . 923.
Hippocrates . 913.

AUCTORUM, RERUM, ET VERBORUM.

Hispellenses Umbriae Populi. 1015.
Homeri Numisma. 927.
Homerus. 336. B. 423. D. 531. D. 536. E. 927. 1033.
Homo garrulus crotalon dictus. 962. B
*Honorati & Donati Imperatorum omnium qui dice-
 bantur*. 140. B. 142. A. & seqq. 146. B. E
Horatius. 157. E. 323. B. 403. C. 590. B. 604. A. 607.
 C. 684. B. 699. C. 732. A. 835. B
Horithya. 837. A
Hosirus Deus. 853. B
Humphridius. 1383.
Hyacinthi Larissensis Inscriptio. 1310.
Hyæna aut Sphinx, Simulacrum Ægyptiorum. 613. D
Hyginus. 88. A 354. A. 863. C
Hyomemnia, festum quoddam apud Argos. 1383.
Hypogeum. 357. F. 1229.

I

I *Adera Colonia*. 1009.
Janus num Nummos signaverit. 68. D. F
 — *præst Calendis Januariis*. 611. A
 — *& Saturnus simul regnarunt*. 61. D
Ida, Mons. 491. F
*Idolum ligneum avis cujusdam capite humano insigni-
 tum in Siberia inventum*. 157. E. 161. D
 — *Malach, aut Moloch*. 409. B
Iguvini Umbriae Populi. 1015.
Ildefonsus aut Alphonfus. 521. F
Imola. 1017.
Imagines Nympharum, & Njadium. 605. B
Imperatores Electi signis & vexillis cincti prodibant.
 96. F. 100. F
 — *Militares sub Augustis*. 142. C. 146. C. 150. E
*Imperatorum antiquus mos fuit imagines suas cum
 Deorum simulacris venerandas proponere*. 674. D
 — *plurium una Inscriptio*. 1385.
 — *Templum*. 545. B
Imperatrices nonnullæ Liberos suos suo lacte aluere.
 39. B
Incantamenta. 1243.
Indiæ Populi quidam procerrimi. 214. B
Indigenes quis dicitur. 216. B
*Ingenui Nobiles Prætextati Bullam auream gesta-
 bant*. 266. C
 — *Pauperes nodum Bullæ similem gestabant*. 266
 C
*Inscriptio ad Cyzicum & Insulam Paros pertinen-
 s*
 1319.
 — *ad Dona Militaria pertinen- explicatur*. 152.
 D. 154. F. & seqq.
 — *ad Vexilla pertinen- explicatur*. 126. B. 131. B.
 136. A
 — *Æmilii Regini explicatur*. 252. D. 254. D. 258. A
 — *Bacchi Nutricibus & Baccho dedicata, expli-
 catur*. 719. 721.
 — *Camera opero Museo exornata*. 724. C
 — *Corcyra*. 435. A
 — *Corcyra deducta ab Africa*. 401. C
 — *Corcyra Fratribus Arvalibus posita*. 415. A. &
 seqq.
 — *Corcyra Severo posita*. 472. C. & seqq.
 — *Corcyra Silvano, Baccho Nemauso posita*.
 405. B
 — *Corcyra Silvano & Mercurio posita*. 404. B
 — *Corcyra Silvano, Mercurio, Soli posita*. 404.
 D
 — *Corcyra Silvano, Pani, Baccho posita*. 404.
 D
 — *ex ruinis Persæpoleos a Bruynio allata*. 235. C.
 242. E
 — *ex ruinis Persæpoleos a Bruynio allata, num fue-
 rit simplex ornamentum*. 242. F. 246. B
 — *I. D. forte Junonis Divina*. 839. A

— *M. Camuni imprecatoria explicatur*. 172. A.
 178. F
 — *M. Metelli explicatur*. 197. E. 200. E. 204. E
 — *Militis Missicii explicatur*. 1125. & seqq.
 — *Nymphæ dormientis*. 721.
 — *quædam Imp. Galerii & Gratiani explicatur*.
 166. A. 169. E
 — *quædam latina, quæ Stratonica Curia legi-
 tur, explicatur*. 278. B. 282. A. 284. C
 — *Sepulchralis Poncii filii Ildefonsi explicatur*. 519.
 A. & seqq.
 — *supra fores Ecclesiæ SS. Sospatri & Jasonis*.
 1393.
 — *T. Vennonii explicatur*. 197. F. 201. B
 — *vetus Demiphontis Archipirata*. 106. A. 115.
 C. 123. B
Inscriptiones ad Candidatos pertinentes. 152. D. 155.
 E. 156. C
 — *ad Nymphas aquarum pertinentes*. 709. A. &
 seqq. 718. A. & seqq.
 — *apud Christianos Hamburgi quando coeperint*.
 8. C
 — *Cæsarum Imperatorumque explicantur*. 1177.
 & seqq.
 — *Consulum Proconsulumque, Cæsarum tempori-
 bus*. 1201. & seqq.
 — *ex agro Tunetano*. 1037.
 — *Fontis Scauriani, & Martiani*. 713. & seqq.
Herculis. 747. & seqq.
 — *Militum Missiciorum*. 1131. & seqq.
 — *omnes Romanæ & Græcæ, exculptæ*. 8. D. 10.
 A
 — *Pantbei*. 447. C. 448. B. E. 688. A
 — *Siberianæ, quarum characteres inflexi, &
 contorti explicantur*. 270. A. 275. E. 279. C. 282. E
 — *Silvani, Mercurii, & aliorum Deorum*. 731.
 & seqq.
 — *sive Marmora Græca explicantur*. 1277. usque
 ad pag. 1400.
*Inscriptiones nullas Runicas ante Saxonis Grammati-
 ci ætatem fuisse, probatur*. 10. F. & seqq.
Inscriptionis Græcæ & Palmyrenæ explicatio. 649.
 A. & seqq.
Insignia Imperii Antiqua apud Noribergenses. 82.
 D
Insularii. 1091.
Interamna Colonia. 1013.
Interamnates, Umbriae Populi. 1015.
Jo eadem atque Isis. 537. C. 599. C
Joannes Diaconus. 1217.
Joffredus. 771.
Jonæ Urbes tredecim. 484. A
*Jonopolis oppidum Paphlagoniæ appellatum antea
 Ἰωνοπολὶς*. 614. A. 624. E. 626. A. & seqq.
Joseph Jacobi Patriarchæ filius, ut Osiris cultus.
 311. B
 — *cur annulo Regio a Pharaone donatus fuit*.
 241. A
Josephus S. fuit Faber ferrarius, aut lignarius. 522.
 A
Jovis Acræi Nummi explicantur. 795. D. & seqq.
 — *Cassii Nummi explicantur*. 797. D. & seqq.
Ireneus S. 674. A
Isidis Idolum. 529. C. 599. A. C
 — *sistrum*. 432. F. 456. E
 — *& Serapidis Collegium*. 783.
 — *& Serapidis cultus ab Hadriano Romam dela-
 tus*. 565. C
Isidorus S. 32. D. 106. D. 280. C. 352. C. 353. C. 651.
 B. 1235.
 — *S. emendatur*. 297. D. 300. E
Isis Ægypti Patrona. 595. D
 — *Anubis, Serapis & Harpocrates Dii Symbo-
 moi*. 686. A

— *Agriculturae Inventrix*. 528. C. 595. C
 — *cur habeat cornua*. 600. A
 — *eadem cum Cerere, Junone, Luna, & Proserpina*. 682. F.
 — *eadem quæ Ceres, Diana, Venus, Proserpina*. 447. F. 595. C
 — *eadem quæ Cybele*. 528. A
 — *eadem quæ Juno*. 595. D
 — *genius Ægypti*. 694. D
 — *Pariforum Patrona*. 527. C
 — *Velorum Inventrix*. 595. D
Ismenias Choraules quis. 354. D
Israelitæ a migratione Ægypti per annos 430. Ægyptiis servierunt. 269. E
 — *non fuerunt adhibiti ad pyramides extruendas*. 285. F. 288. F
Iſſy, Terra prope Parifios, dicta ab Ifide. 529. C
Isthmia, Græciæ certamen. 1377.
Ithon Decaulionis filius num Auctor monetæ signandæ. 57. E
Jubæ Regis Genealogia. 937.
 — *Nummus, vultus, mores*. 557. D
Jubæ utriusque Patris, & Filii Nummi. 939.
Judææ vicinæ regiones proprios nummos non signarunt. 46. D. 49. B
Judæi an christiano sanguine mysteria peregerint. 28. B. 43. E
 — *an duplex alphabetum habuerint sacrum & profanum*. 275. B. 278. E. 281. E
 — *cum Persis antea, an cum Græcis commercia habuerint*. 50. F. 51. D. 56. D
 — *emptiones pecunia & nummis faciebant*. 64. D
 — *jus habuerunt ab Antiocho condendæ monetæ*. 66. F. 67. A
 — *medium siklum pro sua redemptione solvebant*. 66. A
 — *num, aut Orientis Populi, nummis ab alio Populo, signatis ante Græcos usi sint*. 43. C. 45. D
 — *num impelierint ne Samaritani hebraicas litteras mutarent*. 274. C. F
 — *num signarint nummos thuribulo, & virga Aaronis*. 50. B. 54. E
 — *num signarint proprios nummos, stante primo Templo*. 275. A
 — *nummis peregrinis cufis usi sunt una cum suis non signatis*. 48. A
 — *nummis persicis usi sunt post captivitatem*. 45. F
 — *Nummos non signarunt secundum Sperlingium*. 42. F. & seqq. 47. D. & seqq. 54. B. & seqq.
 — *Nummos non signarunt secundum Gisbertum Cuperum*. 45. B. & seqq. 50. A. & seqq. 69. B. & seqq.
 — *nummos plures habuerunt*. 64. C. & seqq.
 — *nummos peregrinos in Sanctuario non admittebant*. 47. F
 — *nummos primi omnium signarunt*. 65. C
 — *nummos signarunt indulgentia Regis Antiochi*. 246. A. 249. B. 252. A
 — *Nummos signarunt secundum Morinum*. 50. A. 61. E. & seqq.
 — *nummos signatos non cuderunt*. 43. A. 45. B. 46. D. 47. D. & seqq. 50. A. & seqq. 53. C
 — *præ cæteris sapientia, ac omnium artium cognitione imbuti*. 65. C. 69. A
 — *privilegium habuerunt Nummos signandi*. 47. E
 — *quibus nummis primum usi sint, Græcorum, an Orientalium & Persarum*. 48. D
 — *quibus nummis Christi tempore utebantur*. 47. E
Judæorum Nummi in Sacris litteris ἀργύρια vocati. 55. B

— *olim jus regiam dignitatem exercendi*. 65. F
 — *quorandam Epitaphia*. 1389.
 — *Vexilla*. 142. E. & seqq.
Judices Prytanes. 1345.
Judicium Paridis in Nummo. 489. A. & seqq.
Julia Mamaea Alexandri Severi Mater. 21. E. 23. E
 — *luna vel luno cincta*. 295. F
Julia Septimii Severi Uxor utrum fuerit Mater Caracallæ. 470. C.
 — *Caracallæ mater*. 1187.
 — *an fuerit Christiana*. 39. A. D
 — *φιλόσοφος dicta*. 39. C
Julia Apta, Colonia. 975.
 — *Augusta Flor. Colonia*. 981.
 — *Equestris, Colonia*. 981.
 — *Paterna Arelate, Colonia*. 977.
Julie Septimii Severii Uxoris Inscriptiones. 1187.
 — *Nummus*. 569. B
Juliani Edictum pro Medicis. 592. B
 — *Inscriptio*. 1199.
Juliani Sacerdotis Inscriptio. 1389.
Julianus Imperator. 298. B. 674. E
 — *barbatus*. 674. F
 — *magni fecit Litteratos, & præcipue Medicos*. 592. A
 — *Serapidis vultu exhibetur*. 433. C. 673. D. F. 674. C
T. Jul. Festus Miles Missicius. 1125. & seqq.
A. Junius Ruffinus Consul. 546. D
Juno Albana. 811. B
 — *B. Opitulans*. 808. C
 — *Cælestis*. 835. A
 — *dicta ægophagos, Capriva*. 420. A
 — *eadem quæ Isis*. 595. D
 — *Feronia*. 811. C
 — *Melitta*. 594. B. 596. E
 — *Moneta*. 813. A
 — *Patulcia*. 809. A
 — *Sispita*. 811. A
 — *Templum habebat Patavii*. 839. A
Junones Deæ unicuique Mulieri præsidentes. 813. C
Jupiter Acræus. 795. C
 — *Alannicus*. 881.
 — *Casius*. 797. B. D
 — *Cingidius*. 791. A
 — *Dolicheus*. 807. B
 — *Domesticus*. 803. A
 — *Exsuperantissimus*. 789. A
 — *Fagutalis*. 793. B
 — *Laodiceæ Præses*. 290. D
 — *Obsequens*. 807. E
 — *Patulcius*. 809. A
 — *Pecoralis*. 799. A
 — *Sabatius*. 803. B
 — *Serenus*. 801. C. 821. B
 — *Sispites*. 811. A
 — *Stygius*. 809. A
 — *Tanarus*. 795. A
 — *Taranucus*. 793. C
 — *Tempestatium potens*. 799. C
Justini Curopalatæ Inscriptio. 1201.
Justinus Martyr. 532. A. 702. B
Juvenalis. 454. D. 455. E. 467. B. 530. A. 694. B. 707. B. 775.
Juvenalis locus illustratur. 263. C. 266. A
Juventiani Inscriptio. 1375.

K

Kαβειρ Magnum significat. 338. D
Kαλεππεως, Epitheton Ptolomæi Regis Syriæ. 536. A

AUCTORUM, RERUM, ET VERBORUM.

καλεῖται sæpe reticetur . 363. A
 Καλπίς, Crater . 508. B
 Kefita, agnus . 63. B. 64. A
 Κιβωτός . 37. A. B. 42. B
 Kimchi idem sonat quod Baal & Belus i. e. Dominus .
 337. D
 Κολλύριον . 618. C
 Κονδροβολία . 398. C
 Κορύμβιον quid sit . 390. A
 Κύκλοι quid sint . 386. D
 Κώμη, Pagus . 459. C

L

L significat Libero . 510. B
L significat Libertus . 582. E. 585. E
 L significat Λυκάβαντος, hoc est annum . 489. D
 Labara, V. Vexilla .
 Lacedæmonii sese vocant fratres Judæorum . 58. D
 Lactantius . 198. C. 655. B. 663. C
 Lacus Verbanus . 879. A
 C. Lælius in consilio adhibere solebat Scipio . 393. F
 Læne Inscriptio . 1310.
 Lamina Collari alligata . 1249.
 Laminæ, Lamellæ, Massæ, solo pondere notatæ,
 primævo tempore adhibitæ . 54. D
 Lampridius . 482. A. 822. B
 Lanarii . 1091.
 Lanx quædam in Siberia inventa . V. Monumen-
 tum .
 Laodicea Diospolis primo dicta . 290. D
 Lapidarii . 1093.
 Lapidēs Christiani, Hamburgi, quando cœperint .
 8. C
 — Gentilium Saxonum . 8. C. 9. E. 12. D. 13. C
 Lapidicidæ, Quadrarii vocati . 728. A
 Lararium, Sacrum domesticum . 496. A
 Lares Viales . 873. C. 875. A
 Larva Tragica . 739.
 Larvæ, Animæ malorum errantes . 495. D. & seqq.
 516. A
 Larunda, Mater Larium . 496. B
 Laterficinium . 352. D
 M. Latinus Medicus . 583. A
 Lavacra aut Nymphæa, Balnea Nymphis sacra .
 608. B
 — & Balnea . 721.
 Laurus, dictæ Janitricēs Cæsarum . 389. D
 — positæ ante januam Imperatorum . 389. C
 Lecticarii . 1093.
 Legionariæ Cohortēs Vexilla sua habebant . 88. A
 — Legionarii Milites sub signis Romanis milita-
 bant . 98. B. D
 Legiones Flavia, & Valeria . 1129.
 — Romanæ olim solis signis sine velis regebantur .
 118. C
 — Romanæ postea sub vexillis velis congregaban-
 tur . 118. C. 119. A
 Lemovicum Civitas . 1023.
 Lemures, Animæ errantes . 495. C. 516. A
 Lenicularii . 1095.
 — & Lintrarii . 769.
 Leochares . 901.
 Leonis Papæ & Caroli Magni Effigies ex antiquissimis
 Musiis explicantur . 1215. & seqq.
 Leucosia . 515. F
 Leucothea Bacchi nutrix . 697. A
 Lex lata num a Deo aut a Mose fuerit litteris confi-
 gnata . 245. E
 Libellus de Fœminis eruditus a Sperlingio contextus .
 8. E
 Liber, Libera, Bacchus, Ceres . 437. A
 — Pan, & Silvanus simul juncti . 731.
 — Sanctus dictus . 734.

Liberalitates in nummis num semper ad Populum re-
 ferri debeant . 193. C. 195. E. F. 199. B
 Liberti in pretio habiti Romæ . 581. E
 — Medicinam faciunt . 582. A. 935.
 — & libertæ olim cum Patronis in eodem monu-
 mento sepulti . 364. E
 — & Libertæ si delictum commiserant, quid tum .
 364. F
 Liberus & Libera . 678. B. D
 Libra . 1255.
 Librariæ . 1095.
 Librarii . 1095.
 Librarius, Miles . 1167.
 Licinii Inscriptio . 1197.
 Lictores . 477. C
 Ligia . 515. F
 Ligirrus Pagus . 1029.
 Ligulæ . 1257.
 Lilybeum . 1015.
 Limocincti . 298. A
 Limus, cinctus servorum . 297. C
 Limus quæ vestis . 297. D. 300. E
 Linea Solaris signum bonæ Fortunæ . 570. F
 Linguarum confusio ad turrim Babel fuit vera sermo-
 nis confusio . 269. E
 — num ad solum Nimrodum ejusque genus perti-
 nuerit . 280. E
 — num fuerit perpetua, an tractu temporis adul-
 terata . 269. E. 274. E. 276. C. 280. B. E
 Lipsius (Justus) . 272. D. 691. B. 1243.
 Lisis . 923.
 Lithostrotæ proprie quæ dicebantur . 723. C. 724. A
 — sæpe sola Pavimenti voce designabantur . 728.
 B
 Λιθόστρωτον, Musivum, Gabbata Hebræice . 397.
 B. 399. C
 — Pavimentum . 397. B
 Liticinum & Cornicinum Collegium . 785.
 Litteræ ante Abrahamum erant . 237. F
 — Hetruscæ unde ortæ . 260. F
 — in Ægypto & alibi cognitæ ante Mosem . 245.
 D. 250. C. E
 — quibus Hebræi hodie utuntur, a Deo Mose tradi-
 tæ . 233. A. 234. A. B
 — Runicæ initio Magicæ fuerunt . 260. C
 — Runicæ quando & cur in alphabetum certum re-
 dactæ . 260. D
 — Samaritanæ a Cutbæis ortæ . 233. B. 234. A. C.
 274. C. 281. D
 — Samaritanæ quadratis litteris hebræis num
 antiquiores . 269. D. 274. B. 277. B. 278. E. 281. B
 — Samaritanæ unde dictæ . 281. D
 Litterarum Græcarum Z. H. Ω. Z. inventores . 1281.
 Litteras Deus Mose tradidit . 239. D
 — Populi quando primum effinxerunt . 239. D
 — quis primus invenit . 237. A. & seqq. 238. E. &
 seqq.
 Livia Augusta ex Nerone gravida, ovum in sinu fo-
 vendo, gallum gallinaceum exclusit . 247. B
 Livius 106. A. 164. A. 175. F. 180. A. 203. B. 218.
 D. 391. A. & seqq. 478. C. 479. C. 544. A. 588. E.
 755. C. 819. A. 953. 1131.
 Loca Nymphis sacra Nympha vocabantur, & silen-
 tio colebantur . 721.
 Lorum Partichum . 263. E. 266. B
 — pauper . 263. C. 266. C
 Lotorum Collegium . 775.
 Lucanus . 48. C. 312. F. 793. A. 886. C. 1131.
 Lucensium Colonia . 983.
 Lucianus . 227. D. 230. C. 314. B. 492. A.
 — impius & αἰσχος . 613. A
 Lucidus Pan . 817. A
 Lucilius . 402. D. 730. D
 Lucius Apulejus Eros, Medicus . 584. A

Lucretius . 226. E. 230. A. 596. E
 Lucretius Pagus . 977.
 Lucus Augusti . 1023.
 — Ludi Augustales in quibus Musici . 357. C
 — Actii ex quibus certaminibus constabant . 350.

D

— Actii quando celebrabantur . 350. B. C
 — publici . 1377.
 — Theatrales quando inventi, & a quo . 578. E.
 & seqq.
 in Ludis Actiis C. Glaphyrus victor fuit . 350.
 Ludolfus (Jobus) 13. E. 49. B. 51. C
 Ludorum Olimpiorum & Circensium præmium . 580.
 A
 Lugduni Sarcophagus . 993.
 Luna apud Chaldaeos . 295. A
 — Campestris . 827. A
 — Sancta dicta . 734.
 Lunæ Taurus sacrabatur . 655. B
 Luni Dei humeri dimidia luna incincti . 295. D
 Lunum servant in Insignibus Turcæ . 295. A
 Lunus apud Carrenos, aliosque Græcos est Luna .
 409. C
 — cinctus servorum . 295. B. 297. B
 — non luna a Septentrionalibus omnibus cultus .
 294. F
 — Deus in Nummo Caracallæ . 295. D
 — Deus illustratur . 293. B. 294. E. & seqq. 297. B.
 & seqq.
 Lunus & Luna . 678. A. B
 — & Luna apud Hebræos . 295. A
 Lychnis Coronaria . 390. A
 Lydi inventores nummos signandi . 58. B
 Λύνασθας significat annum . 489. D
 Lyra a Cytbara differt . 694. C

M

M significat Manius . 582. F. 583. A
 . Mabillonii mors . 211. F
 Macedonici Belli occasio . 321. B
 Macellus, aut Macellum . 546. C
 Macerata . 1001.
 Maceria & Maceriola . 1233.
 Macrobius . 61. C. 106. A. 420. B. 430. E. 659. A. 669.
 A. 674. E. 1245.
 Menades aut Bacchæ . 602. D
 — dictæ a μαινῶσαι . 707. A
 — seu Bacchantes in Urna effictæ quales Poetæ
 describere solent . 705. C
 Magi . 25. D
 Magisterialis cantus quid apud Wagenseilium . 24. A.
 & seqq.
 Magistri a Balneis Augusti . 1073.
 — Fontium, Liberti . 715.
 Majæ, Trojæ, Bestæ in Pithœanis quid sibi velint .
 257. B. 261. C. 265. C. 271. A
 Majales, Porci Castrati . 271. A. C
 Malach, aut Moloch, Idolum . 409. B
 Malacbbeli habitus . 651. E
 — & Agliboli Tabula marmorea explicatur . 407.
 A. & seqq. 649. A. & seqq.
 Malacbbelus, unde dictus . 651. D
 — & Aglibolus quæ Numina sint . 407. B. & seqq.
 651. E
 — & Aglibolus qua ratione effinguntur . 407. A.
 651. A. D
 Malus Persica Harpocrati aliisque Ægyptiis Diis sa-
 cra . 444. A. 677. A
 Mama Julia Alexandri Severi Mater . 21. E. 23.
 E
 — Alexandri Severi Mater luna vel luno cincta .
 295. F
 Mana Geneta, Dea Partuum Præses . 496. C

(Mancipes Officinarum . 1075.
 Mane, etymologia hujus vocis . 495. B. 496. C
 Manes, Animæ Mortuorum . 495. B. 497. B
 — Dii Inferi . 497. C. 498. C
 — Dii Mortuorum . 495. C
 Manilius . 577. C
 Manium cultus apud Veteres . 499. A. & seqq.
 — quot genera . 495. B
 Manoir, vox gallica, Sepulcrum . 498. B
 Manulearii . 1095.
 Manus, Mana, Manum, hoc est, Bonus, Bona,
 Bonum . 495. B. 496. B
 Marcellinus Ammianus . 798. C. 834. D. 1243.
 Marcellus Empiricus . 1121.
 Marcianus IC. 358. E
 Marianus Mons . 1029.
 Marcus Tullius Athleta . 1379.
 Marmor Æsculapium Servatorem exhibens, explica-
 tur . 626. E. & seqq.
 — Deum Dolichenium exhibens, explicatur . 805.
 A. & seqq.
 — Diogenem in dolio exhibens, explicatur . 897.
 — Epistolas duas exhibens . 1211.
 — Herodis Attici explicatur . 1291. 1299.
 — Meleagri venationem exhibens explicatur . 1271.
 1273.
 — Nymphas aquarum exhibens explicatur . 709. A
 & seqq.
 — Regillæ Uxoris Herodis Attici explicatur . 1293.
 — repertum in agro Cemeleni . 719.
 — Sagittarum exhibens . 1159.
 — statuam Scrinarii exhibens . 1079.
 Marmora duo Melpomenem exhibentia explicantur .
 739.
 — exhibentia Cymbala, Crotala, Crupetia,
 Tympana, Cytbaras, & Crepitacula . 451. A. &
 seqq. 689. A. & seqq.
 — ignotorum obscurorumque quorundam Deorum
 Aras, notorumque infrequentia cognomina, exhi-
 bentia explicantur . 789. usque ad pag. 888.
 — Laberiam, Torquatam, & Semproniam exhi-
 bentia explicantur . 947. 949.
 — quædam selecta ad Deos Manes spectantia .
 693. E. & seqq.
 Marmora Græca explicantur . 1277. usque ad pag.
 1400.
 — Athenis reperta explicantur . 1277. & seqq.
 1379.
 — Chalcedone . 1311.
 — Corustæ . 1393.
 — Constantinopoli . 1315. 1317. 1333.
 — Epbesi . 1359.
 — Florentiæ . 1317. 1361. 1385.
 — Megaris . 1289. 1301. & seqq. 1375.
 — Nicomediæ . 1313.
 — Neapoli . 1373.
 — Hadrianopoli . 1311.
 — In Catamania . 1339.
 — In Deserto S. Simeonis . 1313.
 — In Istmo Corinthiaco . 1373.
 — In Insula Cbio . 1327.
 — In Insula Co. 1321. & seqq.
 — In Insula Paro . 1315.
 — In Insula Santerini . 1329.
 — Lampfaci . 1345.
 — Larissæ . 1309.
 — Lebadæ . 1391.
 — Massiliæ . 1345.
 — Miletæ . 1341.
 — Oxonii . 1381.
 — Phocæ . 1345.
 — Placiæ . 1337.
 — Romæ . 1291. & seqq. 1339. 1343. 1361. 1363.
 & seqq. 1385. 1387. & seqq. 1395. & seqq.
 — Sardi-

AUCTORUM, RERUM, ET VERBORUM.

- Sardibus*. 1359.
Selimbria. 1311.
Smirna. 1347. & seqq.
Tbebis. 1391.
Troja. 1343.
Venetis. 1319. 1321. 1341.
Marmorea Basis Alexandri Severi. 1305.
Tabula Agliboli & Malacbbeli explicatur. 407.
A. & seqq. 649. *A. & seqq.*
Tabula Soli sacra explicatur. 411. *C. & seqq.*
653. C. & seqq.
Urna Menades repræsentans, explicatur.
705. C
Marmorea Tabula Fragmentum Fastos ad Smyr-
naos pertinentes continens. 1355.
Marmoreum Vas, sive Urna Silenum & Satyros ex-
hibens, explicatur. 703. *A. & seqq.*
Vas, in quo Bacchi natiuitas exhibetur. 601.
A. & seqq. 697. *A. & seqq.*
Marnas Gazensium Deus, idem sonat quod Baal &
Belus i. e. Dominus. 337. *D*
Marruvium Marforum Civitas. 1027.
Mars Olloudius. 841. *B*
Marsala. 1017.
Martialis. 354. *B*. 454. *C. E.* 674. *A.* 692. *E.* 1079.
1257.
Martialis & Neronis Consulatus. 1203.
Martianus JC. 1383.
Massæ, Lamina, Lamellæ, solo pondere notatæ,
primævo tempore adhibita. 54. *D*
Mater Dea Angistes. 841. *C*
Dea cum Cymbalis tympanisque vulgo depinge-
batur. 691. *E*
Deum, Magna Idæa. 420. *D*
Materia sacrandis Clypeis adhibita. 390. *A*
Materiarum. 256. *E.* 261. *B.* 1097.
Matres Deæ. 857. 859.
Gerudatiæ. 857. *A*
Mopates. 857. *A*
C. Matrinus Valens. 903.
Matronæ Aufanæ. 859. *C*
Gabiæ. 859. *A*
Vediantes. 855. *A*
Maximi, & Æliani Consulatus. 1207. 1209.
Maximini Nummus, vultus, mores. 570. *D*
Maximus Trianus. 901.
Medici Amici Hominum præstantissimorum. 581. *C*
fuere Romæ ab anno 301. 589. A
fuere Romæ & consecutis temporibus. 589. *C.*
& seqq.
Græci in magno honore habitæ fuere Romæ.
931.
Liberti, & Cæsarum Amici. 935.
Roma exacti non sunt. 587. *A*
Romæ gaudebant jure Civitatis Romanæ. 581.
E
Medicinæ, Medicorum Tabernæ. 589. *E*
Medicinam Viri Principes exercuerunt. 582. *C*
Medicorum quorundam Epitaphia. 929. & seqq.
Medicus Julii Cæsaris dictus ejusdem amicus. 581. *D*
Medilitani, Populi Africæ. 470. *B.* & seqq.
Megalesia, festa Cybeles. 453. *A*
Megara Urbs circa Isthmum Corinthiacum. 1301.
Mela. 29. *D.* 31. *B.* 214. *B*
Meleagri venatio. 1273.
Melita. 1027.
Melita Inscriptiones, Nummi, aliæque res antiquæ.
597. B. & seqq.
Melitenfes Nummi explicantur. 593. *A. & seqq.*
Melitta Cognomentum Junonis. 594. *B.* 596. *E*
Melpomene Tragædiæ inventrix. 737. 739.
P. Memmii Reguli Inscriptio. 1303.
Memorinus, plurium familiarum agnomen. 468. *A*
Menagius (Ægydius) 487. *B*
Supplem. Tom. IV.
- Menandri Inscriptio*. 1315.
Menestrier (Franciscus) 134. *D.* 183. *D.* 187. *A*
Menodotæ Inscriptio. 1321.
Mensis Peritius. 410. *D.* 652. *B*
Mensores Ædificiorum. 1097.
Mensura aridorum, modium. 1257.
Mensuræ. 1255.
liquidorum ac aridorum. 1257.
liquidorum quæ. 1257.
Mercurialis Pagus. 1029.
Mercurii Caduceum. 490. *C*
cum Hercule conjunctio quid designabat. 675. *C*
pileus, umbella dictus. 602. *B*
Mercurius animas ducit. 336. *B*
Cabirorum quartus. 334. *A*
characterum inventor. 237. *A*
Cissonius. 831. *B*
Conservator Orbis. 829. *A*
Deus Χρόνος. 336. *A*
& Silvanus simul juncti. 731.
Herma dictus. 665. *F*
Hermes dictus. 430. *C*
lucrorum potens. 829. *B*
Menestrator. 829. *A*
Minervæ conjux erat. 673. *B*
Nundinator. 831. *A*
Nuntius Deorum. 601. *D*
qua ratione pictus. 490. *B. C*
Sanctissimus dictus. 733.
Trivius, & Viacus dictus. 669. *A*
Messius Egnatius Lollianus. 905.
Metalla, materia Clypeorum. 390. *A*
M. Metelli Inscriptio explicatur. 197. *E.* 200. *E.* 204. *E*
Mevenates, Umbriæ Populi. 1015.
Mey (Octavius). 385. *A. D.* 390. *D*
Micon Gemmarum Cælator. 891.
Midas Phrygiæ Rex. 907.
Μῆλα, Pecora. 799. *C*
Miles Baltearius. 1153.
Beneficiarius. 1153.
Cassidarius. 1155.
Centurio. 1155.
Cohortis Prætorie. 1167.
Comitus seu Comes. 1157.
Commanipularis, Commanipulus. 1157.
Doctor Sagittarius. 1159.
Duplarius. 1159.
Eques Singularis. 1161.
Equo publico honoratus. 1163.
Evocatus. 1165.
Librarius. 1167.
Missicius. 152. *E.* 1127.
Missicius idem ac Veteranus Miles. 1127.
Missicius Aurelius Mucianus. 1133.
Missicius T. Jul. Festus. 1125.
Otio. 448. *D.* 1167.
Præfectus Cohortis Prætorie. 1169.
Præfectus Vigilum. 1170.
Primopilus. 1169.
Sagarius. 1169.
Signifer. 1171.
Simplarius & Sesquiplarius. 1171.
Speculator. 1171.
Tubicen. 1173.
Veteranus qui dicitur. 1127. 1173.
Vexillarius seu Vexillifer. 1173.
Milites Candidati. 142. *B.* 147. *A*
Dracones unde dicti. 230. *D*
emeriti sub uno Vexillo habebantur. 88. *B*
Evocati. 142. *A.* 146. *F*
e prælio superstites in Inscriptionibus qua littera
notati. 1137. 1139.
in prælio defuncti littera Θ. in Inscriptionibus
notati. 1137. 1139.

I N D E X

- *Missicii revera Milites non erant*. 1131.
 — *Mithrae initiabantur*. 655. B
 — *varii ex variis legionibus lecti, Vexillarii dicti*. 107. E
Militi Missicio datur Balneum. 1129.
Militis Missicii Inscriptio explicatur. 1125. & seqq.
Militia sub signis stabat. 94. D
Militiae Petitor quid sibi velit. 157. D. 161. A. 165. C
Militum Missiciorum Inscriptio. 1131. & seqq.
Militum Missionis formula. 1135.
*Militum Officia, Beneficia, Dignitates, solis Ad-
 elivis ea significantibus, proponebantur*. 142. B
 — *Veteranorum missiones rarissimae, sub Tiberio*. 1127.
 — *Veteranorum praemia ad quid dabantur*. 1127.
 — *Veteranorum praemia quis primus instituit*. 1127.
Μῆλον, Nummus apud Hebraeos. 64. B
Minerva Propugnatrix. 1379.
Minervae Panathenaea certamina. 1377.
Minicii Anthemiani Inscriptio. 1389.
Ministratores. 1073.
Missicius Miles. V. Miles.
Mithra, Deus Orientis, Inscriptioes ei posita. 413.
 A. & seqq. 593. C. & seqq. 599. A
 — *cum pileo Armeniaco depingebatur*. 656. B
 — *Solis Epitheton*. 655. B
Mithri Dominus. 595. F
Mitra, ornamentum Capitis. 593. D
Mitrae etymologia. 595. E
Modium. 1257.
Moneta Juno. 813. A
*Moneta aut Monetarium nulla mentio sit in Sacra
 Scriptura*. 46. D. 50. D. 70. B
 — *nomen apud Hebraeos quid significat*. 65. C
 — *nomen a verbo terreo deduci potest*. 65. E
Monodiaria qualis femina. 352. D
 — *unde derivatur*. 352. A
Monogramma quid. 283. A
Monogrammata unde originem primam duxerunt. 280. A
Monogrammatum Auctor. 282. F
Monopteros, genus Aedis. 460. E
Mons Casius. 797. C
 — *Ida*. 491. F
 — *Marianus*. 1019.
Montes magnae altitudinis sub Jovis ditione erant. 799. C
Montfauconii Paleographia Graeca. 230. F
Monumenta Illustrium Virorum explicantur. 889.
 usque ad pag. 956.
*Monumenti in Siberia inventi characteres explican-
 tur*. 192. C
Monumentum Adulitanum explicatur. 1363.
 — *exhibens caput turrim gestans, explicatur*. 527.
 A & seqq.
 — *Musas exhibens, explicatur*. 737. & seqq.
 — *Urnas antiquas exhibens, explicatur*. 505. A.
 & seqq.
 — *quoddam concameratum in Siberia inventum*. 157. E. 161. D. 177. D. 182. F. 185. E. 190. E
 — *ad quas Gentes pertineat*. 177. D. 183. A. 186.
 A. 192. E
 — *an Lanx sit, an Speculum, an Clypeus, quae-
 ritur*. 183. A. 185. E. 188. F. 192. C
Monumentus, Monomentum, Monumentum. 1233.
Μοῦσῶν quid & unde compositum. 352. A. D
Μοῦσα quid. 352. B
Mopates Matres. 857. A
Morerius (Ludovicus). 291. C
Morini (Stephani) ad Gisbertum Caperum Epistola. 61. A
Morinus (Stephanus). 54. C
Moritasgus Deus. 865. A
Mortui, Boni Homines dicebantur. 496. D
Mortuis Dii Manes praesidebant. 693. E
Mortuorum Dii, Manes. 495. C
 — *Cadavera Aegyptii opobalsamo illinebant*. 508.
 F
 — *Græci cremabant*. 508. F
 — *Indi devorabant*. 508. F
 — *Romani bumabant & cremabant*. 509. A
Mos Græcorum in Nuptiis. 394. C
Mosaici vox unde derivata. 726. A
*Moschi unde in Moscoviam pervenerint, & vasa il-
 li Regioni nomen dederint*. 216. D. 220. E
Moschi (Sempronii) Statua. 947.
Moses ante legem latantem scribere sciret. 240. A.
 243. F. 250. A
 — *num characterum inventor*. 237. A. F. 239. C.
 240. D
 — *omnes scientias, quas Aegyptii excolebant, di-
 dicit*. 238. A
Mosis Historia. 571. C. & seqq.
 — *miracula per virgam patrata*. 572. A. & seqq.
 — *verba Exod. 17. v. 14. interpretantur*. 240. A.
 243. E. 247. F. 250. A. 263. C
 — *Virga*. 571. A. & seqq.
Moyne (Stephanus le). 35. B. 36. D
*Multa pro venditione aut violatione Sepulchrorum
 fuit soluta apud Romanos Virginibus Vestalibus vel
 Aërario*. 365. B
 — *aliquando Pontificibus, & quomodo id diceba-
 tur*. 365. C
 — *Fisco*. 366. A
 — *apud Smyrnaeos Matri Deorum Sipylenae*. 365.
 D. & seqq.
 — *ab emtoribus soluta*. 366. F
Municipia & Coloniae jus Legionis habebant. 91. F
Municipium Gaultanum. 1031.
 — *liberum Thugga*. 1035.
 — *Petelinorum*. 1039.
 — *Svelitanum*. 1025.
 — *Tiburtinum*. 1025.
Mures cultu Veteres prosequiebantur. 492. B
Mus eversionem Trojae significat. 492. D
Musa cognomen. 739.
Musae in Sarcophago sculptae. 735.
 — *pennas in capite cur gestant*. 739.
Musagetes. 737.
Musaria Ars. 406. D. 729. B
Musariae, & Quadratariae Artis discrimen. 728.
 A
*Musea, Aedes, in quas Eruditi conveniebant, &
 aliquando etiam Tempora*. 725. A. B
 — *erant Aedificia publica, quo Litterati conve-
 niebant*. 397. D
 — *Specus imaginem reddebant ut naturam imita-
 rentur*. 397. C
 — *Musa, Musiva, cur ita dicta*. 397. C. & seqq.
 — *Musa, Musiva promiscue vocabantur*. 724.
 B
Museum Alexandriae. 398. B
 — *Claudii*. 398. B
Museus, Poeta, & collis Athenis. 398. A
*Musicae vocali & instrumentali olim faminae etiam
 operam dabant*. 352. F. 353. B
Musiva proprie quae dicebantur. 724. A
 — *unde dicta*. 725. A
 — *Leonis Papae & Caroli Magni effigies exhiben-
 tia explicantur*. 1215. & seqq.
 — *& Tessellata frequentissima in Italia, & in
 Gallia*. 727. C. & seqq.
 — *vel Tessellata in quo differant a Pavimentis
 Scetilibus*. 726. B
Musivarii. 401. A
*Musivi Operis Pavimenta quomodo a Græcis voca-
 ta*. 726. A

AUCTORUM, RERUM, ET VERBORUM.

Musivum antiquum Lugdunense explicatur. 397. A. & seqq. 402. A. 677. D. 723. A. & seqq. 729. B. & seqq.

— *Arausione.* 402. D
— *Hermetem exhibens.* 412. C
— *Διόσπορον, Gabbata Hebraice.* 397. B. 399. C
— *Nemausi.* 401. A
— *Rhemis.* 399. E
— *Romæ.* 501. B
— *Satyros exhibens.* 403. F
— *Venetius.* 401. B
Myrobrecbarii. 1097.
Myron. 899.
Myropolia, Tabernæ Myropolarum. 589. E
Mystæ. 322. C. 325. A
Mysteriorum gradus in Sacris Eleusinis. 322. B

N

N*ablia, Instrumentum Muscum.* 452. B
Najades. 709. A
Najadum Imagines. 605. B
Nais Hermi Dioclis filius. 1349.
Nantuates. 1031.
Nanus Choraules quis. 354. E
Napuca, Colonia. 983.
Narcissionis Eunipi Inscriptio. 1383.
Narnienses, Umbriæ Populi. 1015.
Nasus Aquilinus, animi signum. 556. F. 557. B. 561. A. & seqq.
Naudæus (Gabriel) 191. F
Navigium Parisiorum insigne. 529. B
Navis geraria, & frumentaria, in Nummo efficta. 479. C
— *oneraria.* 479. B
Naulum pretium quod dabatur Charonti. 500. C
Naupegiariorum Collegium. 781.
Nausicaa Alcinoi Regis filia. 907.
Neapolis Colonia. 985.
Negotiatores de sacra via. 1099.
— *Sagarii & Pellarii.* 1099.
Nebalennia Dea. 867. A
Nemesianus. 90. C
Nemansi Aedes explicatur. 457. A. & seqq.
— *Conditor.* 459. D
Nemausum Colonia Romanorum. 460. C. 985.
Nemausus Deus. 869. B
Nemea, Græciæ certamen. 1377.
Neophyti Inscriptio. 1219.
Nepos (Cornelius) 664. F
Neptuno Tauri mactabantur. 419. B
Nero Colossus suo vultui adaptavit. 674. A
Neronis Inscriptio. 1181.
— *Nummus, primus, in quo vexillum velum in comitatu Imperatoris cernitur.* 97. A
— *Nummus, vultus, vitia.* 560. B. & seqq.
— *& Martialis Consulatus.* 1203.
— *& Vari Consulatus.* 1201.
Nerva in iram præcepit. 564. C
Nervæ Inscriptio. 1183.
— *Nummus, vultus.* 564. B
Νευροβάνης, genus funambulorum. 577. B
Nicæa. 1033.
Nicander, Medicus sub Nerone. 583. A
Nicephori Inscriptio. 1283. 1309.
Niceterium, præmium in Ludis Olympiis & Circensibus. 580. A
Nicomedes Medicus. 909.
Nicomedia. 1033.
Nigri Marci Aurelii Gregorii Inscriptio. 1397.
Nilus Deus. 310. C
— *Σίπρις dictus.* 310. B
Nimrod. 280. D
— *Nimrodico agmini quiaffuerint.* 280. D. 283. C
Supplem. Tom. IV.

Nions. 981.
Noachi Posterii ex Armenia primum iter quo fecerint. 285. A. 287. D. 289. F
Noachus in Jano ac Saturno latet. 61. E
No-Ammon Urbs num Thebæ fuerit aut Diospolis. 269. E. 288. B. 290. B
Noctulius Deus. 877. B
Noe, Noachus. 36. F
Nomina propria sæpe male scribuntur. 361. B
Nomus Diospolites. 290. D
Nonius. 300. F. 1237.
Noribergenses Insignia Imperii Antiqua custodiunt. 82. D
Nortia Dea. 845. B
Nota Denarii est * 756. B
Nubere, ejus verbi etymologia. 421. B
Nucerini, Umbriæ Populi. 1015.
Numa Rex Collegia varia instituit. 32. C
— *Nummos non signavit.* 68. E
Numidiæ Regum Stemmatalogia. 941.
Numisma Antonini Pii. 611. F
Nummaria res olim fuit privata. 55. C
Nummi ad Æsculapium pertinentes explicantur. 627. D. & seqq.
— *ad Constantinum Magnum ejusque fidem Christianam attinentes.* 83. E. & seqq. 85. F
— *ad Provincias & Civitates Maritimas spectantes.* 84. D
— *ad Signa Templorum spectantes.* 117. A. & seqq.
— *Antiqui Clypeos votivos exhibentes explicantur.* 955.
— *Apameorum ad Historiam Diluvii & Noe spectantes explicantur.* 36. D. & seqq.
— *apud Judæos non signati.* 43. A. 45. B. 46. D. 47. D. & seqq. 50. A. & seqq. 53. C
— *apud Judæos num pondere signati.* 45. E. 50. D
— *Arabici argentei multi qua formula signati.* 183. C. 186. E
— *Αργύριον & Χρυσόν, Αργύριον Χρυσόν & Χαλκίον.* 50. B. 54. F. & seqq.
— *aurei agnorum speciem gerentes apud Hebræos.* 63. B
— *bigati, & quadrigati.* 545. C
— *Cistophori explicantur.* 143. E. & seqq. 147. C
— *Coloniæ vexillis binis signati.* 91. D
— *Contorniati.* 545. D
— *cum Elephantis signati.* 78. D. 79. E
— *cur signari cœperunt.* 43. B
— *duo L. Scipionis Asiatici explicantur.* 209. B. & seqq. 212. D. 303. A
— *elephantis signati explicantur.* 80. D. 103. A. 112. C
— *fere omnes Atheniensium Urbis nomine signati.* 1281.
— *Gotbici cruce inscripti.* 27. B
— *Homeri, Solonis, Euclidis, Platonis, Sexti, & Frontini explicantur.* 927. 929.
— *Jani brifontis imagine, & navis puppi signati.* 61. D
— *ignotorum obscurorumque quorundam Deorum Aras, notorumque infrequentia cognomina, exhibentes.* 789. explicantur usque ad pag. 888.
— *Imp. Gallieni Legionum nominibus & signis efficti.* 150. A. 151. C
— *Jovis Acræi explicantur.* 795. D. & seqq.
— *Jovis Cassii explicantur.* 797. D. & seqq.
— *Jubæ Patris, & Filii explicantur.* 939. 941.
— *lignæ, figlinæ & scortei Romanorum.* 59. A. C
— *litteris Runicis inscripti.* 14. D
— *Melitenses explicantur.* 593. A. & seqq.
— *non signati apud Hebræos secundum Gisbertum Cuperum.* 45. B. & seqq. 50. A. & seqq. 69. B. & seqq.
— *non signati apud Hebræos secundum Sperlingium.* 41. F. & seqq. 47. D. & seqq.

I N D E X

- non signati Massæ vocati. 42. F
- non signati vix inveniuntur. 32. A
- Peregrini in Sanctuario apud Judæos non ad-
- mittebantur. 47. F
- primævo tempore non signati. 31. A. 32. A. 42.
- F. & seq. 54. D. 62. C. & seqq.
- probantes diu ante Constantinum Magnum Ro-
- manos Vexillis usos esse. 88. E. & seqq. 90. E
- probantes Vexilla apud Antiquos Romanos fuis-
- se Signa. 95. D. & seqq.
- Pseudomantis historiam declarantes. 625. C.
- & seqq.
- quidam Hispanorum, num Scriptione Gothica
- signati sint, queritur. 173. D. & seqq. 180. D. &
- seqq.
- quidam Hispanorum veteri Hispanica lingua si-
- gnati sunt. 181. D. 182. B
- referentes adventum Æsculapii Romam. 628.
- C
- Salamonis & Davidis nominibus inscripti.
- 66. E
- Samaritani num a Cutbæis percussi. 233. B. 234.
- B. 235. A
- signati apud Hebræos secundum Morinum. 50.
- A. 61. E. & seqq.
- vexillis signati explicantur. 126. F. & seqq. 132.
- A. & seqq.
- una parte solum cusi, altera cavi. 14. F
- utiles ad Artem Physiognomonum. 553. A. &
- seqq.
- Antonini Pii aversa pars. 625. C
- eclypus, cui inscribitur KABHPQN ad quam
- Cabiram pertineat. 291. B
- Lucii Veri aversa Pars. 626. A
- Romani nota*. 545. C
- in Nummis Græcis syllabæ frequenter inverso more
- scriptæ. 42. B
- Nummos signandi artem qui primi invenerint. 48. A.
- & seqq. 50. F. & seqq. 54. E. 56. A. 57. D. & seqq.
- 61. C. & seqq. 65. C. 68. C
- signandi apud Græcos Auctor incertus. 57. D
- Nummus Abonotichitarum. 625. C. 627. A
- Afranii. 182. B. 185. C. 188. D
- Alexandri Severi cruce Gothica signatus. 21.
- E. 23. D. 26. D. 27. B. F
- Antonini Pii. 627. F.
- Antonini Pii explicatur. 489. A. & seqq.
- argenteus Constantini Maximi a Sperlingio ex-
- plicatus. 83. C
- argenteus dimidii thaleri magnitudine. 16. C
- aureus Constantis Imperatoris, in quo medium
- vexillum cernitur, explicatur. 96. D
- aureus Friderici Primi Borussia Regis. 149.
- A
- Bacchum biga Pantherarum vectum exhibens,
- explicatur. 699. A
- Caracallæ explicatur. 575. A. & seqq.
- Commodi. 479. A. & seqq.
- Commodi explicatur. 479. A. & seqq.
- Faustina Majoris. 148. C
- Getæ Deum Lunum exhibens. 293. B. 295. E
- instar Bullæ collo appensus explicatur. 1245.
- Jovis Cassii explicatur. 797. B
- Melitenfis. 593. A. & seqq.
- Midæ & Nausicæ explicatur. 907.
- Navim gerariam & frumentariam exhibens.
- 479. C
- quidam Arabicus, num Cosrois Persiæ Regis.
- 183. C. 186. D. 189. E. 191. A. 202. D
- quidam græcus æreus describitur. 16. A. 18.
- E
- Regis Pilæmenis explicatur. 531. A. & seqq.
- Regius, aureus, in Anglia ponderis XV. libra-
- rum. 15. B. 17. C. 18. D
- Severi, in quo Bacchus Tigride veetus, expli-
- catur. 469. A. & seqq. 699. A
- Severi, & Juliae. 469. A. & seqq.
- Trajani quattuor Aquilis signatus. 144. E. 148.
- A
- Tranquillinae explicatur. 215. C. 220. C. 222.
- F
- Treboniani explicatur. 483. A. & seqq.
- Nuptiæ Cupidinis & Psyche. 661. 663. A
- Nympha Brigantum. 873. B
- Tritia. 863. A
- Nymphae aquarum. 709. A
- Augustæ. 606. B. 710. A
- Bacchi Nutrices. 697. B. 721.
- cum Sileno, Diana & Hercule. 605. C. 711.
- A
- & Satyri Baccho adstantes. 697. B
- Griselicæ. 835. C
- in Toreumate. 605. A. 709. A
- Nutrices Bacchi. 603. B. & seqq.
- Percernes. 837. A
- Nymphae dormientis Inscriptio. 721.
- Nympharum deliramenta mystica erant. 721. 722.
- Imagines. 605. B
- Nymphaea, loca Nymphis sacra. 608. B. 721.
- Nysæ Conditor. 484. D
- O
- Obolus. 1255.
- Ocriculani, Umbriae Populi. 1015.
- Octacilia Severa Philippi Imperatoris uxor. 35. B.
- 38. B
- Olaus Magnus. 172. D
- Olla, Urna. 500. A. 510. B
- Ollæ Urnæ Cinerariæ. 765.
- & Columbaria. 1221. & seqq.
- Olympia, Græciæ Festum & certamen. 1377.
- Omnem pro Omne. 552. B
- Onesimi Inscriptio. 1309.
- Opalia Festa Cybeles. 420. B
- Opercula Pyxidum tria explicantur. 1121. & seqq.
- Οπλα quid sint. 387. A
- Ops, Dia, Cybele, Rheia, Deorum Mater. 420.
- B
- Pæas vocant Græci. 659. A
- Saturni conjux. 759. A
- Tellus. 660. A
- Opsonatores. 1075.
- Optio, Miles. 448. D. 1167.
- Opus Albarium quid. 725. A
- Quadratarium. 406. C. 727. A
- Tessellatum. 398. C. 727. B
- Tessellatum quo tempore Romæ in usu esse cœ-
- perit. 397. C
- Vermiculatum. 727. B
- Oracula fallacia. 616. D. 620. A
- M. Aurelio reddita. 622. E
- Orange. 959.
- Orbanillæ Inscriptio. 1311.
- Ordea, urbs Macedoniae. 431. D. 673. C
- Opeßarns, genus funambulorum. 577. B
- Orgia, Festa Bacchi. 604. C
- Oribasius Medicus Juliani. 592. A
- Orientales Populi inventores Nummos signandi. 50.
- F. 58. E. & seqq.
- per aurum, omne quidquid pulchrum & excel-
- lens, designabant. 214. E
- Orientalium litteræ innumeræ. 233. D
- Origenes, Auctor Dialogi contra Marcionitas. 38.
- A. 46. C
- Origenis Epistola ad Philippum Imperatorem, &
- uxorem ejus Martiam Otaciliam. 35. A
- loca bina ad Philipporum Christianismum spe-

AUCTORUM, RERUM, ET VERBORUM.

Elantia. 37. D. & seqq. 41. D
Ornamentum capitis cuidam Numini peculiare. 596.
 C. D
Ornatrices. 1099.
Orpheus. 437. A
Orosanges, Benefici. 535. A
Orosius (Paulus) 533. C
Ortona, Colonia. 995.
de Osiride Veteres Aegyptii quid commenti sint. 310.

D
Osiridis anima in Bovem transmigravit. 311. E
 — *scipio*. 599. B
 — *simulacrum æreum*. 599. A
 — *vox composita*. 310. C
Osiris cum Diis reliquis confusus. 309. C
 — *cur Bovis forma coleretur*. 599. A
 — *idem ac Nilus*. 310. B
 — *idem ac Sol*. 309. E
 — *idem cum Serapide, Baccho, Sole, Jove, & Plutone*. 682. F
 — *magnus ac beneficus Rex*. 535. E
 — *πολύφθαλμος vocatus*. 309. E
 — *πωλύωνυμος*. 309. B
 — *pro quonam Deo habendus, incertum*. 309. E
 — *vocatus Apis Aegivorum Rex*. 311. D
 — *vocatus Joseph Jacobi Patriarchæ filius*. 311.

B
Ossua pro Ossa. 1237.
Ossuaria & Cineraria. 1227.
Ostia, Colonia. 997.
Ostiarii. 1075.
Ostiensis Cardinalis Leo Marsicanus. 406. D. 728
 A
Orbo in morte animosus. 561. F
 — *similis Neroni*. 561. E
Orthonis Nummus, vultus, mores. 571. D
Ou, & V promiscue a Veteribus adhibitum. 500. B
Ovidius. 217. A. 321. D. 323. B. 334. D. 451. B. 453.
 B. E. 455. F. 490. D. 491. F. 610. D. 628. B. D. 629.
 A. 691. A. B. F. 807. B. 811. A. 913. 1243. 1273.
Onviolabit pro violabit. 500. A

P

P *Abulariorum Collegium*. 783.
Pædagogi. 1101.
Pædagogus cum Puero. 1105.
Penula, vestis. 1273.
Pagus Ligirrus. 1029.
 — *Lucretius*. 977.
 — *Mercurialis*. 1029.
 — *pro Territorio multa oppidula continente*. 977.
Palæstritæ. 1077.
Palamedes quarum litterarum Græcarum inventor.
 1281.
Palmyra, dicta Hadrianopolis, & Tamar. 410.
 A
 — *Syriæ Urbs*. 651. F
Palmiræ ruinæ ab Anglis quibusdam lustratæ. 21.
 B
Palmyrenorum lingua, dialectus Syrorum. 410. E
Paludamentum, Vestis Militaris. 409. F
Pamphylia Urbis præcipua. 1341.
Pan cur caprinis pedibus depictus. 729. F
 — *dictus semicaper*. 403. A
Pan Lucidus. 817. A
 — *Mercurii & Penelopes filius*. 402. F. 729. F
 — *qua ratione pictus*. 402. F
 — *Silvanus, & Liber simul juncti*. 731.
Panathenæa Minervæ certamina. 1377.
Panes, aut Satyri. 403. A
Panbellenia Certamina. 1377.
Panhormus. 999.
Panthea Gemma. 445. C. 685. B

Panthea Capita. 450. B
 — *quædam signa explicantur*. 686. C. & seqq.
 — *Signa*. 445. B. 446. C. 447. A. B. 685. C
 — *Templa*. 447. B. 448. E
Pantheæ Inscriptiones. 447. C. 448. B. E. 688. A
Pantheræ & Tigrides Baccho sacræ. 471. C. & seqq.
 700. A
Pantbeum multorum Deorum notas continebat. 447.
 B. 448. A
 — *Signum*. 445. C. 685. B
Papylagones ex Aegypto oriundi. 537. A. D
Papylagonia Pylæmenia dicta. 532. C
Papylagoniæ Reges & Historia. 533. A. & seqq.
 — *Regum nomen*. 532. C
Papias. 367. A. 1079. 1245.
Papilio animæ symbolum. 422. A. 423. D. 424. B. 661.
 C. 663. C
 — *a Cupidine combustus*. 426. B
Papinianus JC. 570. C
Paralipensium Civitas. 1033.
Paramonis Parmenisci filia Inscriptio. 1310.
Paranymphus. 421. C
 — *idem ac Pronubus*. 421. C
Parasiti. 266. B
Parcæ aut Fata. 515. B
Paridis effigies. 491. B
 — *Judicium in Nummo*. 489. A. & seqq.
Parietes & Fornices ex lapidibus variorum colorum extructi. 723. C. 724. A
Paris qua ratione pictus apud Veteres. 490. C. & seqq.
Parisiorum insigne cur Navigium. 529. B
 — *urbs ita dicta a παρὰ & ἰσῆς*. 509. B. & seqq.
Paropamisadæ Populi. 301. F. 302. A. C
Paropamisus fluvius. 301. A. D. 302. A
 — *Mons*. 301. F. 302. A
Paros Insula. 1317.
Partheni Claudii Inscriptio. 1397.
Parthenope. 515. F
Particharii. 263. D. 266. E
Patagiarii. 1095.
 Πατιχοι 334. B
Patavium. 1039.
Patera Filicata quid sit. 390. A
 — *Hederata quid sit*. 390. A
 — *Pampinata quid sit*. 390. A
Paterculus Vellejus. 955. 1217.
Patræ dictæ sunt Colonia Neroniana. 576. B
Pavimenta picta a Græcis inventa. 397. A. 723. A
 — *Scythia*. 398. D
 — *Scythia, & Musiva, vel Tessellata, in quo disferant*. 726. B
 — *tessellata, & Fornicum Musiva frequentissima in Italia, & in Gallia*. 727. C. & seqq.
Pavimentum græce dictum λιθόστρωτον. 397. B
 — *mirabile Pergami, dictum asaratos*. 397. A
Paulus JC. 358. B. 1265.
Paulus S. 432. C
M. Paulus Venetus. 302. B
Pausanias. 335. D. 336. F. 706. C. 797. B. 1283. 1375.
 1393.
Pectinæ. 1109.
Pecuniæ. V. Nummi.
Pedes eorumque partes expressæ in aris Deorum. 358.
 A
Pedes eorumque partes expressæ in areis sepulchrorum. 357. F
Pedissequi. 1105.
Pellionariorum Collegium. 777.
Pelliones qui. 777.
Penates, eorum etymologia. 495. D
Penelopes ut exemplum castitatis ab aliis, ab aliis ut mulier impudicissima notata. 729. F
Penninus Deus. 817. B

- Pentateuchus Samaritanus quo tempore in Europam adlatus*. 258. E. 259. A
Peplus Athenis Panathenæis deductus. 131. A. 135. E. 139. D
 — *Minervæ*. 135. E. 140. B. 142. A
Peregrinorum Collegium. 771.
F. Peregrinus Saturninus. 905.
Perga Oppidum Pamphiliæ. 630. A
Pergula, tectum extra parietem porrectum. 543. C
Peripteros genus Templi. 458. B
Peritius Mensis. 652. B
Perraultius. 460. E
Perse litteris suis figuras avium & animalium solebant exprimere. 279. F
 — *Nummos signarunt nomine Daricos*. 45. F. 50. F
 — *quibus litteris utuntur*. 242. F
 — *vexillis utebantur*. 90. B
Perfica Malus sacra Harpocrati. 444. A. 677. A
Perficæ Statuæ. 430. A
Perfius. 1245.
Pertinacis Inscriptiones. 1329. 1347.
 — *mors*. 568. D
 — *Nummus, vultus, mores*. 568. C
Pescennii Monumentum Bonæ Fortunæ consecratum. 1337.
Petelinorum Municipium. 1039.
Petiti (Samuelis) expositio Palmyrenarum litterarum Inscriptionis cujusdam Græcæ & Palmyrenæ. 652. D
Petitor idem ac Candidatus. 157. E
 — *Militiæ quid sibi velit*. 157. D. 161. A. 165. C
Petitoris & Candidati discrimen. 161. A
 — *Militiæ, & Petitoris simplicis discrimen*. 161. B
Petitus Samuel. 410. E
Petronius V. Arbiter.
Petronius Diodotus, Medicus. 584. E
Peyruis. 1051.
Petronius Abbas notatur. 261. F
Phalera quæ dicuntur. 136. F
Phallicum signum in Orgiis Bacchi cur circumferebatur. 699. C
Pharmacum ex Viperis compositum. 590. B
Phaetontis historia, Zodiacus, & Hercules cur conjuncti. 16. A. 17. F. 19. A
Phidon num Auctor monetæ signandæ. 57. E. 58. B. 68. C
Philippi Imperatoris Inscriptio. 1193.
Philippus Imperator an fuerit Christianus disquiratur. 21. F. 23. C. 33. E. & seqq. 41. A. & seqq. 44. C. 46. A. 47. B
 — *Imperator favit tantum Christianis secundum Sperlingium*. 41. A. & seqq. 47. B
 — *fuit Christianus secundum Gisbertum Cuperum*. 21. F. 23. C. 33. E. & seqq. 44. C. 46. A
 — *cum Philippo Præfecto Augustali Ægypti confusus*. 33. F
 — *litteras misit ad Fabianum Urbis Romæ Episcopum*. 35. C
Philosophia num a Judæis originem habuerit. 62. B. 69. A
Philosophorum Barba promissa. 566. D
Philostratus. 354. B. 1187. 1289.
Philoxeni plures. 364. C
Φλαουία & Φλαούιος an recte scribitur. 361. B. 362. A
Phœnices & Palæstini diu ante Mosem litteras habuerunt. 250. E
 — *ante Mosem litteras non habuerunt*. 253. B. C
Phœnicum characteres viginti duo. 653. C
Pbonasci. 24. A. E
Phurnutus. V. Cornutus Jacobus.
Physiognomonum ars ex Nummis. 553. A. & seqq.
Pictores. 1105.
Pictura antiqua. 475. A. & seqq.
 — *muta Poësis*. 506. A
Picus (Jo: Franciscus). 487. C
Pignorius (Laurentius). 514. D
Pilatus, ejus Turris, Prætorium, & Villa. 462. A
Pileus incurvus ornamentigenus. 491. A
Πίνακες quid sint. 387. A
Πίναξ quid sit. 389. A
Pira, seu Pyra quid. 823. C
Pisæ, Colonia. 997.
Pisonis & Crassi Consulatus. 1203.
Pistores. 1107.
Plato. 566. F
 — *a Philone vix discernitur*. 62. C
Platonis Numisma. 928.
Plantus. 353. D. 479. C. D. 496. A. 863. D. 1119. 1243
Plinius C. Cæcilius. 256. D. 612. A. 674. E
Plinius C. Secundus. 31. C. 36. F. 44. E. 63. C. 247. B. 290. D. 301. E. 310. B. 311. E. 314. C. 389. D. 406. B. 467. C. 543. C. 578. A. 587. B. & seqq. 675. E. 681. A. 723. C. 813. C. 859. B. 891. 897. 935. 955. 995. 1005. 1021. 1121. 1123. 1153. 1243. 1245. 1247. 1261. 1383.
 — *explicatur*. 301. B. 587. B
Plutarchus. 32. C. 61. D. 63. C. 107. A. 164. D. 283. A. 309. E. 311. A. 335. D. 336. D. 509. E. 527. C. 785.
Pluto. 337. A
 — *Ἀΐσιονερος dictus*. 333. E
 — *Inferorum Monarcha*. 1261.
 — *θεός ὁ νόμος*. 335. E
Podalyrius Filius Æsculapii. 614. B
Poesis Hebræorum num metro an rythmo constiterit. 271. D. & seqq.
 — *Pictura loquax*. 506. A
Poldo Dalbenas. 524. B
Poliani locus explicatur. 256. C. 257. A. 261. A. 265. A. 267. B
Pollio Trebellius. 109. B. E. 117. B. 122. D. 125. F. 386. C. 426. C. 724. B. 735. D. 953.
Pollucis locus de Astrabis explicatur. 191. F. 194. E. 197. A
Pollux (Julius). 48. B. 63. C. 192. A. 455. A. 693. C. 1237. 1287.
Polybius. 94. A. 953.
Polybymnia Rhetoricæ præerat. 737.
Pomarii. 1107.
Pomerium quis locus. 1131.
Pompeii Latrui Inscriptio. 1327.
Pompeii Magni Nummus, vultus, natura. 556. B
Pompejonensis Civitas. 973. 1203.
Poncii Ildefonsi filii sepulchralis inscriptio explicatur. 519. A. & seqq.
Pondera. 1253.
Pontones. 479. D
Poparum habitus. 297. E
Popilii Tatiani Inscriptio. 1285.
Populi adhuc sunt qui litteras ignorant. 239. F
 — *Boreales fabulis delectabantur*. 11. A
 — *Boreales turpissimum ducebant per scripta proficere*. 11. A
 — *quando primum litteras effinxerunt*. 239. D. 240. D
Porca num fœderum signa. 172. E. 179. D
Porci Castrati Majales dicti. 271. A. C
Porticus, Athenis, Hermæ dicta. 668. A
P. Potius Romanus. 915.
Præcones pacis & belli. 180. A

AUCTORUM, RERUM, ET VERBORUM.

Præfatus Arcæ Pontificum quomodo dictus. 366. A
 — *Cohortis Prætoriae.* 1169.
 — *Vigilum.* 1170.
Præfericula, Vasa in Sacrificiis præferri solita. 511. D
Præfica. 516. B
Prægustatores. 1107.
Prænestinorum Colonia. 1035.
Prænomen duplex uni & eidem. 417. C
Prætoriani Milites. 1167.
Prætorium Romanorum Viennæ. 457. A. 460. D
Primicerius. 1275.
Primiferinius. 1275.
Primopilus, Miles. 1169.
Procopius. 514. D
Pronaus, Templi Atrium. 458. C
Propertius. 355. E. 451. C. 691.
Propolæ. 1109.
Propositus, cognomen. 713.
Proserpina a Rege Manium raptâ. 321. C.
 — *Ἀΐσιονερα dicta.* 333. E
 — *Dea Ἐβονία.* 335. E
 — *eadem quæ Isis, Ceres, Diana, Venus.* 447. F. 595. C
Proserpinæ Sociæ, quo tempore ipsa raptâ est, quæ fuerunt. 515. F
Προτομαὶ quid sint. 387. A
Proximi Dii. 839. A
Προϋδνς. 598. B
Prudentius (Aurelius Clemens) 523. A. 611. D
Prytanes Judices. 1345.
Pseudomantis seu Alexander. 613. A. & seqq. 614. C. & seqq.
 — *Alexandri gener.* 615. B
 — *historia nummis confirmatur.* 625. C. & seqq.
 — *Alexandri mors.* 624. F
Pseudoperipteros, genus Templi. 458. C
Psiqbologimata & Psiqbologica. 726. A
Ψιϋολογικα. 398. C
Psyche & Cupido. 421. A. 425. A.
 — *cur cum alis Papilionis efficta.* 663. C
 — *significat animam & Papilionem.* 422. A. C. 663. C
Psyches & Cupidinis Nuptiæ. 421. A. & seqq. 661. A. 663. A
Ptolemæi Monumentum Adulitanum explicatur. 1363.
 — *Nummus.* 939.
Pudiciæ servandæ Sodalitas. 787.
Puerorum Bullæ. 1245.
 — *certamina.* 1103.
Patlorum ex ovibz excludendorum, non incubantibus matribus, primus inventor. 259. F
Purificatio in Sacris Eleusinis. 322. B
Puteolana Colonia. 1011.
Pylæmenes, Nomen omnibus Paplagoniæ Regibus commune. 532. C
Pylæmenes, Rex Paplagoniæ. 531. A. & seqq.
Pylæmenis Regis Nummus explicatur. 531. A. & seqq.
Pyramides Ægypti a quibus extructæ. 285. F. 288. C
Pyrrhi Achates. 923.
 — *Statua Colossica.* 925.
Pythagoræ femur aureum. 621. C
Pythia, Græciæ certamen. 1377.
Pythodoris, & ejus Statua. 921.
Pythoniæ, Tripodis sonu, in furorem agebantur. 886. C. 887. A
Pyxidum, in quibus unguenta conservabantur, Opercula tria explicantur. 1121. & seqq.

Q

Quadragesima. 1081.
Quadrans. 1255.
Quadrataria & Musaria Artis discrimen. 728. A
Quadratarii. 406. C
Quadratarium Opus. 406. C. 727. A
Quadratura. 406. D
Quartarius. 1257.

R

Rabenus (Raphaellus) 271. F
Rasiel Hebraici Libri de Kabala. 571. B
Ratiarii. 1109.
Ratio computandi annos apud Syros. 410. C
Raymundus II. 521. E
 — *V.* 522. F. 524. C
 — *Comes Tolosan.* 521. D
 — *Comes Tripolitanus.* 522. D
Ræa. 659. A
Reate. 1041.
Recinetum. 1001.
Refectores Pectinarum. 1109.
Reges apud Latinos qui nominabantur. 38. C
 — *Barbari captivi.* 1273.
Regillæ, Herodis Attici Uxoris, Marmor explicatur. 1293.
Rei apud Romanos promissa barba, atraque veste in judiciis sistebant. 393. B
Rejorum Apollonarium Colonia. 1003.
Relandus (Adrianus). 177. E. 187. B
Religionis res a Græcis Nationes fere omnes mutuatae sunt. 394. C
Res majoris momenti tabulis inscribebant, & sigillis consignabant Græci. 366. E
Respublica Ulpia. 1055.
Rhea, Cybele, Dia, Ops, Deorum Mater. 420. B
Rhetoricorum Collegia olim fuere apud Belgas. 23. A
Rhodiginus (Ludovicus Cælius) 1243.
Rhodope an Rodope scribendum. 119. E. C
 — *fuit Meretrix nobilissima.* 363. A
 — *ex pecunia quæstu meretricio corrasa Pyramidem extruxit.* 363. B
Robortelli error circa Medicos. 581. A
Roma, æterna Urbs vocata. 721.
 — *Dea, Vitrix, Æterna, Sacra.* 476. C
 — *Triumphans, ex Pictura antiqua.* 475. A. & seqq.
Romani Castra per longum tempus secuti, urbanos honores gesserunt. 163. C
 — *gladios qua parte cingebant.* 5. D
 — *num libera Republica, & ante Constantinum Magnum Vexillis uterentur.* 82. B. 87. B. 88. A. & seqq. 94. B. & seqq. 105. A. & seqq. 113. E. & seqq. 118. B. 121. F. 122. E
 — *num Serpentibus vivis, aut Tubis Trophea de Germanis exornarunt.* 144. A. 147. D. 150. F. 154. B. 159. C. 162. D
 — *a quibus didicerint, draconibus in exercitu uti.* 228. A
Romula Colonia. 1003.
Romuli Nutrix. 418. B
Rosarum Festum. 449. A. 546. C
Ruc, Avis. 236. A
Rudbeckius. 10. F. 23. B. 26. C. 33. D. 81. B
 — *notatur.* 301. A
Rufra, Colonia. 1003.
Runica Scriptio. 8. C. 9. E. 11. A. & seqq. 13. B
 — *vera quæritur.* 171. C. 173. B. & seqq. 180. F. 181. F

Runica litteræ initio Magicæ fuere. 260. C
 — *quando & cur in alphabetum certum redactæ*. 260. D
Runici Scriptores, non fuerunt nisi Christiani. 12. A
Russi Populi. 220. D. 221. A
Russia Alba & Nigra unde exortæ. 220. E
 — *olim Græcia dicta*. 161. E. 165. E. 169. A
Russiae nomen quando primum innotuerit. 216. F
Rutilianus gener Pseudomantis Alexandri. 615. B

S

S. *P. Q. R. Cl. V. litteræ explicantur*. 389. A
Sabazia Festa. 803. C
Sabinæ Reginae Inscriptio. 1303.
Sabinus. 943.
Sacerdotes aut unus aut plures a Rege Persarum cur missi ad Samaritanos. 242. C. 244. B. 248. A. 251. B
 — *C. pulati*. 184. F. 187. D. 190. B
 — *Fœminæ, Flaminicæ dictæ*. 719.
Sacra sacris hominibus communicanda sunt. 679. A
Sacrarium. 357. D. F
ne Sacrilegium committas, quare Inscriptionibus sepulchrorum additum. 354. B
Sagariorum Collegium. 781.
Sagarius, Miles. 1169.
Sagittarius Doctor, Miles. 1159.
Sagum vestimentum militare. 1099.
Salamonis tempore aurum & argentum in Judæa plurimum. 66. D
Saliniensium Civitas. 1043.
P. Sallustii Victoris Inscriptio. 1321.
Sallustius. 937.
Salmasius (Claudius) 191. D. 196. D. 455. A. 547. D. 630. B. 677. D. 724. B. 728. B. 953. 1165.
Salonæ, Colonia. 1005.
Salonarum Murus. 1009.
Salpion, præstans Sculptor. 601. A. 915.
Salvia Marcellina Collegii Æsculapii mater. 755. A
 — *eius donatio Collegio Æsculapii*. 543. A
Salus DD. NN. Augg. lucet, formula in Nummis & Gemmis. 17. F. 20. C. 21. D
Samaritanæ litteræ a Cutbæis ortæ. 233. B. 234. A. C. 274. C. 281. D
 — *litteris quadratis hebræis num antiquiores*. 269. D. 274. B. 277. B. 278. E. 281. B
 — *unde sic dictæ*. 281. D
Samaritani an Pentateuchum a Judæis acceperint. 275. C
 — *Nummi numa Cutbæis percussi*. 233. B. 234. B. 235. A
de Samaritanis & eorum litteris Ottonis Sperlingii sententia. 233. A. 241. F. 242. B. 253. A
Samaritanus Pentateuchus quo tempore in Europam adlatus. 258. E. 259. A
Sambuca quid. 353. C
Sanctissimi Epitheton Silvano, Mercurio, Herculi, aliisque Diis tributum. 733.
Sanctissimus, hoc titulo multi Dii donati. 404. F
Sander Civis Florentinus. 486. B
Santerini Insula. 1331.
Saphar vox quid significat. 253. D. 257. E
Sarcinatores. 1113.
Sarcophagie varia materia fabricati. 357. A. C
Sarcophagus græce significat id, quod carnem edit. 502. A
 — *Lugduni*. 993.
 — *Marmoreus Musas exhibens explicatur*. 735. & seqq.
 — *Puerorum ludos exhibens*. 1103.

— *Sarcophagum*. 502. A. 1235.
 — *& Sarcophagum in antiquis lapidibus legitur*. 695. E
 — *& Sarcophagum, in marmoribus legitur*. 502. A
Sattalia Urbs Pampbilie. 1341.
Saturnalia, Brumalia. 612. C. D
Saturnus ejusque uxor frugum & fructuum repertores. 659. A
Satyri, aut Panes. 403. A. 730. A
 — *& Nymphæ Baccho adstantes*. 697. B
 — *in Musivo effecti*. 403. F
 — *qua ratione a Veteribus picti*. 567. C. 602. C
 — *Terminos colunt*. 403. E
Satyrus, Herma, Genius, & Silvanus simul juncti quid sibi velint. 730. C. & seqq.
Saxon Grammaticus. 12. B. D
 — *quando obiit*. 8. D
Scabella, Scamilla, Scamella. 455. A
 — *suppedanea*. 193. E. 196. A. 199. C. 204. A
Scabilla, & Crupezia non admodum a Crotalis differant. 693. B
Scacchi (Barnabo) 271. F
Scaliger (Julius Cæsar). 1217. 1269.
Scalpendi ars ante Mosem num cognita fuerit. 248. F. 251. C. 254. B
 — *Ægyptiis nota ante Mosem*. 251. D
Scandinovia & Scandia. 29. D. 31. B
Scapularii. 1111.
Sceleſtum cum duobus papilionibus urna exhibitum. 424. C. 664. B
Schœnobates, genus Funambulorum. 577. B. 578. B
Scholæ publicæ apud Græcos, in quibus pueri & puellæ arte musica imbuebantur. 353. D
Scholiastes Apollonii Rhodii. 333. D
 — *Aristophanis*. 804. C
 — *Pindari*. 1377.
Sophoclis. 279. E. 1377.
Scientiæ & Artes Liberales sero a Romanis receptæ. 588. D
L. Scipio Africanus cum Alexandro Magno comparatus. 392. C. 396. A. 953.
 — *laudatur*. 394. F
L. Scipio Asiaticus num Asiagenes dictus. 209. B. 212. D. 516. B. 218. C. 221. F. 224. B
L. Scipionis Inscriptio. 907.
L. Scipionis Africani actio memoranda. 953.
 — *Clypeus votivus explicatur*. 951. & seqq.
 — *factum capta Carthagine Nova*. 391. A. & seqq.
L. Scipionis Asiatici Nummi duo explicantur. 209. B. & seqq. 212. D. 303. A
Scribæ Librarii. 1077.
Scriniarii. 1079. 1273.
Scriptio, divinum inventum. 240. F
 — *vera Gothica, seu Runica quæritur*. 171. C. 173. B. & seqq. 180. F. 260. C
 — *vetus Hebræa*. 237. A. & seqq. 238. E. & seqq.
 — *Hispanica vetus, Gothica multo antiquior*. 181. F
 — *Hispanica vetus quando extincta*. 181. E. 187. F
 — *inter Hebræos quomodo exorta*. 253. F
 — *nulla ante Mosem*. 239. C
 — *num ante Diluvium ulla fuerit*. 239. F. 244. C
 — *omnis a Mose cœpit*. 240. E
 — *quam hodie nos exercemus, a Gothis primum in Italia, Gallia, & Hispania manavit*. 180. F
de Scriptione cum Mose primum nata, & per populos deinceps communicata, Ottonis Sperlingii sententia. 238. E. & seqq. 247. F. & seqq. 253. A. & seqq.
 — *cum Mose primum nata, & per populos deinceps communicata, Ottonis Sperlingii sententia a Gfber-*

AUCTORUM, RERUM, ET VERBORUM.

- berro Capere oppugnatur*. 237. A. & seqq. 243.
 E. & seqq. 250. A. & seqq.
Scriptoris Hispanicae veteris verum alphabetum re-
periri non potest. 187. F
Scriptores Runic, non fuerunt nisi Christiani. 12.
 A
Scriptura Runica quando ceperit. 8. C. 9. E. 11. A.
 & seqq.
Scrupulus. 1255.
Scubuli. 995.
Sculptorum Amice, Deorum vultu efficta. 433. E
Sculptura, & Fusoria ars differunt. 254. B
Scuta. 386. B
Sebastia quid. 350. E
Sebastionica, genus Musices. 501. D
Sebastionica an recte legitur. 350. F
Chorantes, quare C. Glaphyrus dictus. 357.
 C
 — *quid significat*. 350. A. B
Secula nostra. 11. B. 25. E
Secundini Consulatus. 1205.
Secures & Fasces erant Magistratum. 477.
Secusia Civitas. 1043.
Seguntus. 678. B
Segusianorum Dea. 865. A
 — *Forum*. 1019.
Seleucia ad Belum fluvium in Coele Syria. 471. A
 — *apud Babylonos ad fluvium Tygrim*. 471. A
 — *apud Babylonos ad fluvium Edypontem*. 471.
 A
 — *Pieria dicta*. 471. A
 — *prope fluvium Calycadnum*. 471. A
Seleucia nomen ferentes plures erant Civitates. 699.
 A
Sella Equorum Veteribus ignota. 477. B
Seneca Philosophus. 814. C. 1073. 1075.
Seneca Tragicus. 560. D. 785.
Sentia Mater, Dea. 92. E. 102. E
Seo pro suo. 463. D
Seplasiarii. 1111.
Sepultura, Domus aeternae. 508. E
Septentrionales Mercatores per Russiam in Greciam
proficiscebantur. 161. F. 165. F
 — *omnes non Lunam sed Lunum colebant*. 244. F
Septimius Publius, Arbiter. 1381.
Sepulchra fere omnia Diis Manibus erant dedicata.
 693. E
 — *nec vendi nec violari debebant*. 364. B. 365. B
Sepulchri Area. 1231.
Sepulcrum Poncii Ildefonsi filii explicatur. 519. A. &
 seqq.
in Sepulcrum hereditarium nemo inferri debebat ne-
que intra maceriam ejus. 363. B
Serapidis Dei plures exstant numuli. 673. F
 — & *Isidis Collegium*. 783.
 — & *Isidis cultus ab Hadriano Romam delatus*.
 555. C
Serapis, Isis, Anubis, & Harpocrates Dii Synnaoi.
 686. A
 — *pro Ioseph acceptus*. 434. D
 — *pro Iove acceptus*. 434. C
 — *Thoraces*. 388. B
Sergi Regis Inscriptio. 1311.
Serpens Aesculapii signum vigilantiae. 329. D
 — *cur Aesculapio tribuitur*. 629. C
 — *Asia symbolum*. 140. E. 143. D
 — *Glycon dictus*. 625. F. & seqq.
 — *in Deorum sacris saepe erat*. 709. A
 — *signum Bacchicorum Orgiorum*. 702. B
 — *vigilantiae nota hieroglyphica*. 629. D
Serpentes a Marsis foeminis incantati. 227. A. 230.
 B
 — *a Veteribus adorati*. 604. D. 605. B
 — *culti ab omnibus fere Gentibus*. 143. D. & seqq.
 Supplem. Tom. IV.
 — *cur capite humano efficti*. 144. C. 147. F
 — *mansuescieri possunt*. 227. B. 230. B
 — *mansueti*. 615. F
 — *ut Dii ab Aegyptiis colebantur*. 230. F
 — *vivi num impugnam educti*. 159. C. 162. D. 168.
 C. 172. C. 179. B. 203. B. 206. B. 208. D. 223. D.
 225. F. & seqq. 229. C. & seqq. 272. B
Serpentibus, uti vexillis, usi sunt Parthi, Scythae,
 & *Indi*. 272. C
Servator, Epitheton. 534. F. 535. A. & seqq.
Servi A Bibliotheca. 1059.
 — *A Calida*. 1059.
 — *A Codicillis*. 1061.
 — *A Cognitionibus*. 1061.
 — *A Commentariis*. 1063.
 — *A Diplomatis*. 1065.
 — *A Jumentis*. 1065.
 — *A Laguna*. 1065.
 — *A Manu*. 1067.
 — *A Potionibus*. 1067.
 — *A Rationibus*. 1067.
 — *A studiis*. 1069.
 — *Ab Epistolis*. 1057.
 — *Ab Hortulo*. 1091.
 — *Actores*. 1063.
 — *Adiutores Tabularii*. 1069.
 — *Arcarii*. 1069.
 — *Architecti*. 1097.
 — *Argentarii*. 1083.
 — *Aurifices*. 1085.
 — *Balneatores*. 1087.
 — *Caligarii*. 1087.
 — *Castelli & Aquarum publicae*. 1113.
 — *Cerdones*. 1089.
 — *Coci*. 1089.
 — *Confectores aris*. 1089.
 — *Cubicularii, & a Cubiculo*. 1071.
 — *Custodes Officiorum*. 1071.
 — *Dispensatores*. 1071.
 — *Eburarii*. 1091.
 — *Ex Statione*. 1091.
 — *Insularii*. 1092.
 — *Lanarii*. 1091.
 — *Lapidarii*. 1093.
 — *Lecticarii*. 1093.
 — *Lenuncularii*. 1095.
 — *Librarii*. 1095.
 — *Magistri a Balneis Augusti*. 1073.
 — *Mancipes Officinarum*. 1075.
 — *Manulearii*. 1095.
 — *Materiaarii*. 1097.
 — *Medicinam non facit arunt Rome*. 581. A. &
 seqq.
 — *Mensores Aedificiorum*. 1097.
 — *Ministratores*. 1073.
 — *Myrobrecharii*. 1097.
 — *Negotiatores de sacra via*. 1099.
 — *Negotiatores sagarii & Pellarii*. 1099.
 — *Opsonatores*. 1075.
 — *Ostarii*. 1075.
 — *Pædagogi*. 1101.
 — *Palæstritæ*. 1077.
 — *Patagiarii*. 1095.
 — *Pedisequi*. 1105.
 — *Pictores*. 1105.
 — *Pistores*. 1107.
 — *Pomarii*. 1107.
 — *Præfustores*. 1107.
 — *Propolæ*. 1109.
 — *Publici Apparitores*. 301. A
 — *Ratiarii*. 1109.
 — *Refectores Pedinarum*. 1109.
 — *Sarcinatores*. 1113.
 — *Scapularii*. 1111.

- *Scribæ Librarii*. 1077.
 — *Scriniarii*. 1079.
 — *Silentiarii*. 1077.
 — solo cognomine utebantur. 583. A
 — *Statuarum Oculorum Repositores*. 1111.
 — *Stratores*. 1113.
 — *Seplarii*. 1111.
 — *Speciarii*. 1111.
 — *Structores Parietarii*. 1113.
 — *Suntunatores*. 1115.
 — *Tabularii*. 1081.
 — *Tonfores*. 1115.
 — *Vicarii*. 1083.
 — *Villici*. 1117.
 — *Villici Tuborum curam habebant*. 717.
 — *Vinariarii*. 1116.
 — *Violarii*. 1119.
 — *Unctores*. 1119.
 — *Unguentarii*. 1119.
 — *Urnamentarii*. 1123.
 — *Utricarii*. 1123.
Servilius Apollonius Medicus. 583. D
Servius Marius Honoratus. 105. A. 139. F. 297. D. 456. E. 495. B. 654. D. 666. F. 694. D. 823. C.
Servius Tullus Rex, ovium boumque effigie primus æs signavit. 32. B. 43. C.
 — primus apud Romanos, nummos signavit. 68. D
Servorum Collaria. 1247.
Sestertii. 550. F
 — magni, & minores. 550. F
Sethon per Sorices Victor. 492. C
Setia Colonia. 1005.
Severi Dii Auspices. 471. E.
 — nummus explicatur. 699. A
 — Nummus, in quo Bacchus Tigride vectus, explicatur. 469. A. & seqq. 699. A.
 — Nummus, vultus, crudelitas, mores. 569. B.
 — *Caracallæ, & Julię Inscriptiones*. 1185. 1187.
 — & *Julię Nummus*. 469. A. & seqq.
Severus Baccho comparatus. 471. E.
 — Bacchum præcipue veneratus est. 700. A.
 — Christianos odio non habuit. 39. A. & seqq.
Sextarii divisio. 1257.
Sextarium. 546. A
Sextarius. 1257.
Sexti Chæronensis Numisma. 928.
Siberianæ Inscriptiones quarum characteres inflexi & contorti, explicantur. 270. A. 275. E. 279. C. 282. E.
Sibyllæ vocis etymon. 268. D. 273. F.
Sicinium quid. 352. C.
Sidonius Apollinaris. 354. E. 406. C. 545. A. 603. A. 919.
Sigilla resignandi ratio. 618. B.
Sigillaria, vicum. 33. A.
Signa ænea & Gemmæ, in quibus *Hermæ, Herma-thenæ, Hermerotes, Hermanubis* &c. explicantur. 427. A. & seqq. 435. D. 665. A. & seqq.
 — *Aquilæ, manus, dracones*, 121. C.
 — ex colore suo *rubea, cærulea* &c. dici possunt. 115. F.
 — generaliter sumuntur. 105. D.
 — *Legionum in Templis num posita*. 126. A. 130. D.
 — *Panthea* quæ essent. 685. C.
 — peculiariter donata *Vexilla dicta*. 95. A.
 — principalia. 106. D.
 — pura in legionibus non erant. 117. F.
 — pura militaria cum *Vexillis*. 129. B. 133. E.
 — pura Militaria sine *Vexillis*. 129. B. 133. E.
 — pura quæ dicebantur. 109. B. 117. E. 118. A. 124. A. 137. C. 138. A. 139. A.
 — Romanorum extra exercitum cum adhiberentur, *Vexilla* dici cœperunt. 114. A. 121. B.
 — Romanorum, quæ ipsis primitus in usu fuere, num *Vexilla* fuerint quæritur. 88. A. & seqq. 93. B. & seqq. 105. A. & seqq. 113. E. & seqq. 123. D.
 — quæ donabantur nonnumquam pura erant. 118.
 A
 — quæ extra exercitum fuerunt, cur ab Antiquis Romanis *Vexilla dicta*. 94. C. 96. E.
 — quædam *Panthea* explicantur. 685. A. 686. C. & seqq.
 — *Templorum quæ*. 122. E. 125. E. & seqq. 130. C. & seqq.
 — *Templorum, Statuæ Deorum Dearumque*. 131. A.
 — varia *Harpocratis* explicantur. 443. A. & seqq. 683. A. & seqq.
Signifer, miles. 1171.
Σίγνον. 651. F.
 — parva statua. 410. A.
Signorum aut vexillorum ornatus. 127. E. 137. E.
 — & *Vexillorum discrimen apud antiquos*. 116. E.
Signum cur vexillum dictum. 105. C.
 — *Pantheum*. 445. C. 685. B.
 — *Phallicum* cur in *Orgiis Bacchi* circumferebatur. 699. C.
 — propositum ad conscribendum exercitum. 105. C.
Siklus a pondere nomen habuit. 69. C.
 — nummus proprius *Hebræorum*. 62. F. 64. F. 66. A. B. 69. F.
Sileni symbola, quæ. 699. C.
Silentiarii. 1077.
Silenus Bacchi Nutritor. 604. A. 697. A. 699. C.
 — ex candelabro antiquo explicatur. 603. E. & seqq. 699. C. & seqq.
 — qua ratione pingeretur. 604. A.
Siliginariorum Collegium. 775.
Silvanæ Deæ Sylvarum Præsides. 815. A.
Silvani cognomen a Nobili quodam Romano assumptum. 733.
 — *Inscriptiones*. 731. & seqq.
Silvanus agrorum & pecorum Deus. 730. B.
 — *Caminensis*. 815. A.
 — *Dendrophoros dictus*. 547. D. 730. B. 761.
 — & *Mercarius simul juncti*. 731.
 — *Flaviorum*. 817. A.
 — *Herma, Genius, & Satyrus simul juncti quid sibi velint*. 730. C. & seqq.
 — *Pan, & Liber simul juncti*. 731.
 — dictus *ϝουκαγῆς*. 607. B.
 — qua ratione pingeretur. 403. B. 602. C.
 — *Sanctissimus dictus*. 733.
Simon Magus a suis adorabatur sub figura Jovis. 674. A.
Simonides quarum litterarum græcarum inventor. 1281.
Simplarius & Sesquiarius, Miles. 1171.
Simulacra duo ænea explicantur. 598. D. & seqq.
Sindi Populi Scythiæ Europææ. 272. D.
Sinenses Matronæ quibus speculis utuntur. 186. A.
Sinensium characterum genera quattuor. 186. A.
 — *Scriptio*. 279. C.
Sipylena mater Deorum, quæ 365. D.
 — *Smyrnæ culta*. 366. A.
Sirenes. 515. D. & seqq.
Σίρις dictus Nilus. 310. B.
Sistrum. 694. D.
 — *Deæ Isidis*. 432. F. 456. E.
Sisyphus Monogrammatum Auctor. 282. F.
Snorro non fuit Auctor Eddæ Islandorum. 15. D.
Socrates forma Sileno similis. 604. A.
Sodalitas Pudiciæ servandæ. 787.
Sol apud Persas leonis vultu cum tiara depictus. 655. B.
 — frequentissime *Inviæctus* nominatur. 656. A.
 — marmorea tabula exhibitus explicatur. 411. C. & seqq. 653. C. & seqq.
 — omnes *Dii dicti*. 448. A.
Solarium, instrumentum quo boreæ ad solem cognoscuntur. 543. C.

AUCTORUM, RERUM, ET VERBORUM.

— locus editus in domo & apricus . 544. A
Solicinium . 352. D
Solinus . 136. A
Solis dimidia forma antiqua . 411. E
Solita urilia sive Suovetaurilia , *Veterum sacrificia* . 1269.
Sollum . 1269.
Solonis Numisma . 927.
Somnus Aeternalis . 903.
Sophocles . 336. F
Soranus . 322. A
Sortilegi Templorum Ministri . 707. C
Sothenes Medicus & sextumvir . 586. D
Sothenis Inscriptio . 1309.
Sozomenus . 674. C. D. 1265.
Spanhemius (Ezechiel) 627. A
 — *Philipporum Christianismum rejicere conatur* . 36. C
Spartianus (Aelius) 39. E. 223. D. 295. B. 409. C. 511. C. 678. A. 724. B. 798. C. 927. 1187. 1381.
Speciarii . 1111.
Speculator, Miles . 1171.
Spelta, quale frumentum . 287. C. 289. E
Sperlingii (Ottonis) ad Gisbertum Cuperum Epistola . 5. A. 7. E. 10. E. & seqq.
 — *Boreae plura loca disquiruntur* . 211. A. 213. D. & seqq. 218. F. & seqq.
 — *Commentariolum de Danica lingua* . 29. D. 30. F
Sperlingius (Otto) Consiliarius Daniae Regis . 86. F
 — *libellum contexuit de Faeminis eruditis* . 8. E
 — *nummos Regum Daniae describendi curam habuit* . 14. C
Sphinx aut Hyena, Simulacrum Aegyptiorum . 613. D
Spoletini, Umbriae Populi . 1015.
Sponius (Jacobus) 355. C. 357. F
Sponsae velare caput solebant cum Viro traderentur . 393. C
Sportula . 755. C. & seqq.
Stapedae ex Astrabis ortae . 193. F. 207. E
Stapedarum usus aut a Persis repetendus . 191. B
Stapia Veteribus ignota . 477. C
Stater . 1255.
Στατήρ eandem significationem habet cum siblo . 63. A. 69. C
Statius (Achilles) 312. A. E. 414. B. 593. D. 785. 808. F. 1261.
Statius Annaeus, Medicus Neronis . 590. F
Statuae octo explicantur . 1273.
 — *Persicae* . 430. A
Statuarum Oculorum Repositores . 1111.
Stephanus Byzantius . 1337.
Sthenis . 899.
Στηνεία . 387. A
Strabo . 181. D. 188. A. 290. E. 357. C. 534. C. 705. C. 797. C. 837. C. 927. 995. 1171. 1237.
Stratores . 1113.
Strena, Strenua . 546. A
Strenae quo Graeco vocabulo appellantur . 609. C. 611. A
Strenarum origo . 609. A
 — *usus sub Imperatoribus* . 610. B
Strenia, Dea . 609. A
Strenuus, hujus vocis etymologia . 609. A
Strigil . 1257.
Structores Parietarii . 1113.
Στυλοπινάκια . 387. A. 389. A
Στύλος . 389. A
Sub Ascia dedicare, formula . 989.
Svelitanum Municipium . 1025.
Svetonius . 89. A. 105. D. 107. C. 149. F. 154. F. 297. E. 313. C. 389. F. 562. C. 578. A. 674. A. 727. B. 953. 955. 1047. 1127. 1379.
 Supplem. Tom. IV.

Svidas . 272. C. 322. C. 352. B. 667. A. 674. E. 813. B. 915. 1077. 1079. 1127. 1187.
Sulevæ Dea . 861. C
Suntunatores . 1115.
Surrentinus Deus . 875. A
Surrentum . 1041.
Suse . 1045.
Syllabae in nummis Graecis frequenter inversae . 42. B
Symboloi & Synnaoi Dii aliquot . 686. A
 — & *Synasi Dii dicebantur, qui ad idem altare & in eodem Templo colebantur* . 686. A
Symmachus . 366. A. 755. D
Syria & ejus lingua omnibus Orientalibus notissima . 242. C
Syriae Regum Epitheta . 534. F. 536. A
Syrinx, Instrumentum Musicum . 628. E
Syrorum lingua a nonnullis magni facta . 653. A
 — *ratio annos computandi* . 410. C

T

T in notis Antiquorum quid significat . 1127. 1128. 1139.
Tabellarum Orbicularium, quibus Sanctorum statuae depinguntur, origo . 1217.
Tabula aerea Clatram exhibens, explicatur . 821. A. & seqq.
 — *exhibens Amuleta* . 1241.
 — *exhibens Cassides duas antiquas* . 1155.
 — *exhibens Mensuras* . 1255.
 — *exhibens Ollas & Columbaria* . 1221.
 — *exhibens Pondera* . 1253.
 — *exhibens Puerorum Bullas* . 1245.
 — *exhibens Romam Triumphantem explicatur* . 475. A. & seqq.
 — *exhibens Statuas octo* . 1271.
 — *in qua Papilio animae symbolum, explicatur* . 423. B. 663. C
 — *in qua varii Tripodes, explicatur* . 883. A. & seqq.
 — *marmorea Agliboli & Malacbbeli explicatur* . 407. A. & seqq. 649. A. & seqq.
 — *marmorea Soli sacra explicatur* . 411. C. & seqq. 653. C. & seqq.
 — *Militem Missicium exhibens* . 1133.
Tabulae Cupidinis Nuptias exhibentes explicantur . 421. A. & seqq. 661. A. & seqq.
 — *Toreumata exhibentes* . 1259. 1263.
Tabularii . 1081.
 — *rationis Castrensis* . 676. E
Tabularium publicum quare dictum . 367. B
 — *qualis locus* . 367. A
Tabulis obsignatis olim utebantur in emtione sepulchrorum . 367. A
Tacita Dea apud Romanos . 445. A
Tacitus . 89. A. 98. A. 107. C. D. 146. C. 149. E. 153. 165. A. E. 186. B. 528. C. 858. B. 935. 949. 1013. 1089.
Talentum . 1255.
Talismanus . 441. D. & seqq.
Tarantis nomine per jocos vocitabatur Caracalla . 470. C
Tarraco Hispaniae Urbs . 1045.
Tartus dicta est Trajaniana, Hadrianiana, Severiana . 576. A
Tauri Neptuno mactati . 419. B
Taurololia, Sacrificia Cybeles . 419. B
Taurololium . 846. A. 449. A. 688. D
Taurocatapsia . 1383.
Taurus Lunae sacrabatur . 655. B
Taurus Mons . 301. E. 302. A
Teate, Urbs . 1047.
Tecbne Lide Inscriptio . 1321.

I N D E X

- Tecla, Matrona Romana.* 463. A
Tede ex qua materia confecta. 426. D
Tegula Lateritia. 1251.
Τέκτων Faber & ferrarius & lignarius. 552. A
Telamones. 430. B
Telephorus in duobus Nummis effictus. 628. B
 — *qua ratione indutus.* 630. B
 — *Socius Æsculapii.* 630. A. 1273.
Tempestatum pro Tempestatum. 802. A
Templa Musea dicta. 725. B
Templorum Vexilla. 95. B. 108. E. 117. A
Templum Divorum, hoc est, Imperatorum. 545.
 B
Termini, effigies sine brachiis. 429. E. 431. A. C. 507.
 A
Termini iidem ac Hermæ. 669. B. 731. A
 — *summa reverentia culti.* 731. A
 — *unde originem traxerunt.* 429. E
Ternarius numerus arcani aliquid continet, quia
multa Deorum genera hoc numero continentur.
 607. C
Terni Urbs Umbriæ. 1013.
Terentius. 353. D. 577. E.
Terpsichore. 737.
Terra Deorum Mater. 830. A
Terrenum Sacrum an recte legitur. 357. D. E
 — *quid.* 357. F
Tertulliani locus, ad Severum Imperatorem perti-
nens, explicatur. 39. A. & seqq.
Tertullianus. 61. C. 44. F. 322. D. 324. E. 389. C.
 433. F. 578. C. 612. D. 673. E. 700. C. 834. D. 847.
 A. 1273.
Tessellata, sive Lithoftrota sæpe sola Pavimenti vo-
ce designabantur. 728. B
Tessellatum Opus. 398. C. 727. B
 — *quo tempore Romæ in usu esse cœperit.* 397.
 C
Tessera. 353. A. 1249.
 — *Hospitalis.* 1251.
Testamentum antiquum Christianæ fœminæ. 1213.
Tetrici Inscriptio. 1195.
Θ Mortis Index. 1137. 1141.
Thalia Comœdiæ inventrix. 737.
Θάματα, præmium quod mira facientibus daba-
tur. 579. B
Theatrales Ludi quando inventi, & a quo. 578. E.
 & seqq.
Theocritus. 702. A
Theodoræ & Theclæ SS. Inscriptio. 1311.
Theodoretus. 324. F. 701. A
Theodosianus Codex. 547. E
Θεοὶ καταχθόνιοι, Dei Inferi, Subterranei. 498. C
Θεογένεια, Festum omnium Deorum. 450. C
Theonis Statua. 917.
Theophili cuiusdam cognomine Cæri Inscriptio. 1395.
Tbera, Insula Archipelagi. 1331.
Theresinus Tberasæ sinus. 1331.
Tberiacæ inventor. 590. F
Thessalus, Medicus dictus Ιατρούλης. 591. A
Θιάσος. 1337.
Thiabe Monodaria cum qua convenit. 352. E
 — *variæ fœminæ hoc nomine fuerunt.* 351. C.
 F
 — *varii homines etiam hoc nomine fuerunt.* 351.
 D
Tboraces Scrapis. 388. B
Thyrrheni Tubarum inventores. 296. D
Tiberii Claudii Inscriptiones. 1179. 1329. 1361.
 — *Nummus, vultus, mores.* 558. D. & seqq.
Tiberiopolis. 1049.
Tiberius Claudius Julianus Medicus. 586. E
Tiberius Julius vivus monumentum sibi fecit. 1351.
Tibicinum & Fidicinum Collegium. 785.
Tibullus. 310. D. 312. E. 516. B. 604. C. 701. C. 1269.
Tiburinum Municipium. 1025.
Tignariorum Collegium. 551. A. 765.
Tigrides Baccho sacræ. 700. A
Τηλεσκοπα a quo inventa. 486. B
Timotheus Cononis filius. 917.
Timotheus Perusinus. 488. A
Titi Nummus, vultus, natura. 563. B
Titus Titi filius. 1373.
Togotis Dei Inscriptio. 835. B
Tolentinum Urbs & Colonia Piceni. 1249.
Tolosæ Comites. 521. A. C
Toni pro Antoni. 464. C
Tonsores Siculi anno Urb. 454. Romæ sedem posuere.
 393. B
Tonsores. 1115.
Tonstrinæ, Tonsorum tabernæ. 589. E
Toreuma Nymphas exhibens explicatur. 605. A.
 709. A
 — *Puerorum ludos exhibens.* 1103.
 — *Suovetaurilia exhibens explicatur.* 1267.
Toreumata, quæ vocitantur. 1261.
 — *octo explicantur.* 1259.
 — *alia novem explicantur.* 1263.
Torquatæ (Junia) Statua. 947. 949.
Trajani Imperatoris Inscriptio. 1183.
 — *mors.* 564. F
 — *Nummus quattuor Aquilis signatus.* 144. E.
 148. A
 — *Nummus, vultus.* 564. D
Trajani Decii & Herennii Etrusci Inscriptio. 1193.
Trajanopolis. 1049.
Trajanus Imperator in columna sua quibus vexillis
circumdatus. 89. B. 100. F. 110. E
 — *suos cineres in Urna aurea custodiri iussit.* 510.
 C
Tranquillinæ Nummus explicatur. 215. C. 220. C.
 222. F. 232. F
Trebiates, Umbriæ Populi. 1015.
Treboniani Galli Inscriptio. 1195.
 — *Nummus.* 483. A
 — *Nummus explicatur.* 483. A. & seqq.
Triarii. 93. F. 107. C. & seqq.
 — *in proprias cohortes divisi.* 107. E
Triarii vexillum attributum. 93. F. 108. A
Triarmeni. 479. E
Tribunal Athenis Helicæa vocatum. 1287.
 — *Athenis τὸ ἐπὶ παλαιῶν vocatum.* 1287.
Tribunatus Legionum petentes num candida veste
induti. 164. D
Tribunorum varia genera a Stevechio confusa. 163.
 F. & seqq.
Tribuum Fragmenta tria Marmorum antiquissima.
 1277. 1281.
Trichia. 1235.
Triclinium trium ad mensam accubitus. 1261.
Tigrides & Pantheræ Baccho sacræ. 471. C. & seqq.
Tripodes varii explicantur. 883. A. & seqq.
Tripodis nomen commune variis instrumentis. 885.
 A
 — *sonus.* 886. C. & seqq.
Tripodum genera duo. 885. A
Tripes æreus antiquus Foro Julii repertus explicatur.
 885. B. & seqq.
 — *Delphicus.* 887. A
Tristanus (Joannes) 84. C. 295. C
Tritia. 863. A
Troja Scrofam significat. 271. A
Trojæ Majæ Bestæ in Pitheanis quid sibi velint. 257.
 B. 261. C. 265. C. 271. A
Τρύαινα varie scribitur & quomodo recte. 362. C.
 & seqq.
 — *unde derivatur & quid significat.* 362. C
Trophonia Certamina. 1377.
Tubæ solis Sacerdotibus in V. T. commissæ. 296. C

AUCTORUM, RERUM, ET VERBORUM.

Tubarum origo vetustissima. 296. D
Tubi Plumbei deducendæ aquæ. 717. & seqq.
Tubicen, Miles. 1173.
Tumuli Cespites & Aggeres dicti. 517. E
M. Tuccius Julianus monumentum emit. 1351.
Tudertini, Umbriæ Populi. 1015.
Tueatis pro Tueamini. 501. B
Tumuli duo in Provincia Lemovicensi, & in via Lugduni, inventi. 517. C. E
 — *Lapidibus stipati Hamburgi frequentes effodiuntur*. 8. E
 — *lapidibus stipati in Hollandia non effodiuntur*. 10. B
Turris d' Autrille. 517. C
Turcæ Lunum in Insignibus servant. 295. A
Turma, qui Milites. 98. C
Τυχεὶς Χορεύων quis. 355. E
Tyllinus Deus. 877. C
Tympana. 455. D. & seqq. 693. D
 — *a Syris ad Græcos, a Græcis ad Romanos pervenerunt*. 694. B
Tympani etymon. 693. D
Typus antiquus Æsculapii. 628. C
Tyrinnus Deus. 871. 874. A

V

V *Vitæ Index*. 1137. 1141.
V, & Ou promiscue a Veteribus adhibitum. 500. B
Vacca Isidi sacra. 537. C
 — *Sacra Iunoni, & Minervæ*. 420. A
 — *Vaillant (Joannes)*. 84. E. 90. E
Valentiniani & Valentis Inscriptiones. 1199.
C. Valerii Ulpiani Inscriptio. 1325.
Valerius Maximus. 546. B. 756. E. 785.
Vari & Neroni Consulatus. 1201.
Varro M. Terentius. 63. C. 98. C. 106. B. 213. D. 300. E. 354. E. 422. C. 496. B. 508. D. 658. A. 682. D
Vas sive Urna marmorea, Silenum & Satyros exhibens, explicatur. 703. A. & seqq.
 — *Marmoreum, in quo Bacchi natiuitas exhibetur, explicatur*. 601. A. & seqq. 697. A. & seqq.
 — *quo Veteres lacrymas recipiebant*. 516. A
Vasa in Sacrificiis præferri solita. 511. D
Vasculariorum Collegium. 779.
Vasio. 1049.
Vates. 24. C. 25. D
Udæus Spartus cum Judæo Spartone confusus. 58. E
Vediantes Matronæ. 855. A
Vegetius. 98. B. 448. D. 763. 1167. 1173.
Vehicula, astraba dicta. 194. C. 200. B
Velabrum, locus Romæ. 701. C
Venatio Meleagri. 1273.
T. Vennonii Inscriptio explicatur. 197. F. 201. B
Venti Septentrionales cur phrenetici dicti. 213. D. 218. F
 — *Tempestatium bonarum malarumque Authores*. 801. A
Venus barbata. 436. F
 — *Cnidia*. 835. B
 — *Deus, & Dea*. 436. F. 677. C
 — *eadem quæ Isis, Ceres, Diana, Proserpina*. 447. F. 595. C
Verbenæ divini aliquid inest. 609. A. & seqq. 611. B
Veretrum ficulneum cur in Orgiis Bacchi circumferebatur. 699. C
Veri mors. 567. D
 — *Nummi Aversa Pars*. 626. A
 — *Nummus, vultus, mores*. 567. B
Verjugodumnus Deus. 863. B
Vermiculatum Opus. 727. B

Verona. 1053.
Vespasiani Inscriptio. 1181.
 — *Nummus, vultus, indoles*. 563. B
Vestes Romanorum absque manicis. 1273.
Veterani. 93. F. 107. C
 — *sub vexillo missi*. 124. D
Veteranus Miles qui dicitur. 1127. 1173.
Veteres adhuc viventes sibi de sepulchris prospiciebant. 363. E
Vettonienses, Umbriæ Populi. 1015.
Vexilla ante Constantinum signorum formam semper retinebant. 94. B
 — *antiquos Romanos habuisse Nummis ac Monumentis probatur*. 88. E. & seqq.
 — *apud Antiquos Romanos non vela sed Signa fuisse, Nummis probatur*. 95. D. & seqq.
 — *apud Antiquos Romanos non Vela sed Signa erant secundum Sperlingium*. 94. B. & seqq. 113. E. & seqq.
 — *bicolora*. 95. A. 109. B
 — *bina in Coloniæ Nummis picta*. 91. D
 — *Collegiis tributa*. 122. E
 — *Crassi, expeditionem contra Parthos suscipientis, num Vela, aut Signa Romana fuerint*. 88. F. 98. E. & seqq. 112. B
 — *dicebantur Signa peculiariter donata*. 95. A
 — *dicebantur signa, quæ extra militiam erant*. 94. C. 96. E
 — *donata num Vexilla Vela fuerint*. 166. C. D. 170. C
 — *& Signa confunduntur apud Antiquos Scriptores*. 82. B. 114. D
 — *& Signa pura, num res eadem*. 141. C
 — *Imperatoribus a Provinciis donata signa fuere*. 95. C. 96. E
 — *Imperatoribus non fuerunt donata, sed in eorum honorem posita*. 109. E. F
 — *Judæorum*. 142. E. & seqq.
 — *libera Republica, & ante Constantinum Magnum num adhibita*. 82. B. 88. A. & seqq. 93. B. & seqq. 105. A. & seqq. 113. E. & seqq. 118. B. 121. F. 122. E
 — *num a Barbaris adscita*. 82. C. 88. D. 93. E. 94. A. 101. A. 102. B. 104. F. 110. F. 114. E. 115. A. C. 118. D. 119. B. 120. E. F. 121. F. 122. E. 138. A
 — *num Equitum propria fuere*. 87. A. 98. A
 — *num Romanorum, aut Provinciarum & Urbium, ad quas Colonia missæ sunt, propria*. 82. A. 87. D. & seqq. 91. A. 97. E. & seqq. 101. C. 111. E. 119. C. 124. C
 — *omnia non erant Vela*. 118. B
 — *Pura quæ dicebantur*. 109. B. 117. E. 133. F. 136. B. & seqq. 150. D
 — *quæ militibus donabantur, Vela erant*. 131. E
 — *Romanorum quæ ipsis primitus in usu fuere, num Signa fuerint quæritur*. 88. A. & seqq. 93. B. & seqq. 105. A. & seqq. 113. E. & seqq. 123. D
 — *simplicia*. 91. C
 — *Templorum*. 95. B. 108. E. 117. A. 123. D
 — *Vela num in Templis reposita*. 130. E. 135. C
 — *Vela pura*. 136. C
 — *Vela Romanorum num omnia purpurei coloris fuerint*. 90. C. 101. E. 109. B
 — *ut plurimum Vela designant*. 105. D
Vexillares Cohortes. 98. A
Vexillarii ex variis Cohortibus lecti. 107. E
 — *ex variis Legionibus in unam coacti*. 107. E
 — *num iidem ac Triarii*. 93. E. 107. C. & seqq.
 — *Legionum*. 88. A. 94. D. 124. D
Vexillarius seu Vexillifer, Miles. 1173.
Vexilli nomen πολύσημον. 136. C
 — *voce qui primi inter Scriptores usi sunt*. 114. B

- voce ter Cæsar usus est. 100. A. & seqq.
 — vox cum in usum primum venit quid significabat. 116. B
Vexillis æque ac Signis Imperatores circumdati. 100. F
 — donati qui dicebantur. 94. D
 — Romani quando uti cœperunt secundum Gihbertum Cuperum. 87. D. & seqq. 104. E. & seqq.
 — usi sunt non solum Romani, & eorum Socii Itali, sed etiam Barbari. 90. A
Vexillo donari insignis honor erat. 108. C
Vexillorum aut Signorum ornatus. 127. E. 137. E
 — & Signorum discrimen apud antiquos. 116. E
 — verum usum Romæ quis primus præbuit. 82. B. 94. A. B
Vexillum cæruleum Agrippæ, num Velum fuerit. 108. D. 117. C. 123. F
 — Rubeum in Arce positum. 106. A. 115. C. 123. B
 — supra ducis tentorium ad pugnae indicium attolli solitum. 107. A
 — unde dictum. 106. D. 121. C. 125. C
Via Sacra. 1099.
Viatores. 478. B
Vicarii. 1083.
Victor (Sex. Aurelius) 357. B. 565. B. 627. E. 1187.
Victor (Publius) 711. B. 822. B
Vicus Cui Petronii. 1051.
Vienna. 1053.
Viennæ Aedes explicatur. 457. A. & seqq.
Vigilum Præfectus. 1170.
Villicus. 1117.
 — curam Tuborum habebant. 717.
Vinariarii. 1115.
Vincius Deus. 831. C
Vintimiglia. 957.
Vintium, Urbs Liguria. 1051.
Violarii. 1119.
Violarum Festum. 546. C
Violatores sepulchrorum mulctam pendebant. 365. D
Viperæ mansuescieri possunt. 227. C
Virga Moysi. 571. A. & seqq.
Virgilius. 297. D. 335. F. 337. B. 422. B. 436. E. 453. F. 497. B. 498. A. 518. B. 628. F. 677. C. 692. C. 706. A. 893. 1027. 1155. 1243. 1261. 1269.
Virgines in Sacris Eleusinis Καρπόροι dictæ. 326. B
Virgo adulta formosissima Allucio Celtiberorum Principi a Scipione desponsata. 391. D. & seqq. 392. D. F
Viri in Clypeo antiquo argenteo expressi. 393. A. & seqq.
Virius Nicomachus. 893.
Virorum Illustrium Capita, Monumentaque explicantur. 889. usque ad pag. 956.
Vitellii Nummus, vultus, & vitia. 562. B
Vitra Ocularia, & eorum origo. 485. A. & seqq.
Vitruvius. 150. D. 406. B. 458. C. 725. A. 726. B
Ulmus, Arbor sacra Baccho. 703. A
Ulpilas Gorbhorum Episcopus. 180. F
Ulpia Augusta. 1055.
Ulpianus JC. 358. E. 367. D. 707. B. 785.
M. Ulpii Domestici Inscriptio. 1367.
M. Ulpus Terpnus Sacrorum Bacchi minister. 708. A
Umbella Mercurii pileus. 602. B
Umbriæ Populi XV. 1013.
Uncia. 1255.
Unctores. 1119.
Unguentarii. 1119.
Vocatur, sæpe in Latinis locutionibus reticetur. 363. A
Vocontiorum Dea. 420. C. 843. A
Vopiscus Flavius. 354. B. 652. E
Vossius. 297. E
Vota Calendis Januariis. 612. D
 — Publica quando fiebant. 418. A
Votorum nuncupationi qui dies destinatus erat. 657.
Urania Astrologiæ inventrix. 737.
Urna. 1257.
 — antiqua Fatum exhibens. 505. A. & seqq. 514. A
 — antiqua Fatum exhibens quo tempore facta videatur. 518. C
 — apud Ducem d' Altemps. 499. B
 — Cinerarium. 500. A. 510. B.
 — Florentiæ. 501. B
 — marmorea Menades representans, explicatur. 705. C
 — Olla. 500. A. 510. B
 — sceletum cum duobus papilionibus exhibens. 424. C. 664. B
Urna. 1221. & seqq. 1227.
 — fictiles. 511. B. D
 — in Hollandia non effodiuntur. 10. A
 — quæ ratione servarentur. 516. D
 — uliginosæ Hamburgi frequentes effodiuntur. 8. E
Urnamentarii. 1123.
Urnarum forma. 511. D. 512. A
 — magnitudo. 511. B
 — materia. 510. B. & seqq.
Urnula parva Urna. 511. C
Ursatus (Sertorius) 840. A
Ursinus. 181. F. 185. C
Ustrinum. 1227. & seqq.
Usula Africae Urbs. 1133.
Utriclarii. 354. C. 989. 1123.
Utriclariorum Collegium. 769.
Vultus oblongus signum bonitatis & amicitiae. 566. B
Wagenseilii laus & mors. 86. C
 — opinio de Phonaescis. 24. A. & seqq.
Wagenseilius. 12. B. 25. E. 26. A. 43. E. 82. D. 92. C
Wetstenius. 34. B. 36. D

X

X significat ΧΕΙΛΙΑ, mille & ΔΗΝΑΡΙΑ. 366. D

X. * & * denarium indicant. 366. C

XE quid significat. 366. D

Xenocratis Statua. 919.

Xiphilinus. 1381.

Y

Y Vitæ Index. 1137.

Υλιν & Ζύλα Polianus distinguit. 256. D. 257. A. 261. A

Υποπόδιον, ἀσράβη dictum. 193. E

AUCTORUM, RERUM, ET VERBORUM.

Z

Z Ara Venetorum arx. 1011.
Z Zenobia, Regina Palmyrenorum. 407. B
 Zenonis & Theodorici Inscriptio. 1201.
 Zeses quid significat. 44. E. 45. A

Zeuxis cum Parrhasio certamen. 475. A
 Zodiaci signa in Nummis cum Hercule & Phaetontis
 historia, conjuncta. 16. A. 17. F. 19. A
 Zosimi cujusdam Inscriptio. 1389.
 Zouza apud Hebræos, quarta pars Sicli. 64. F.
 Ζωζα κατ' οὐρανόν, quomodo latine redditur. 363.
 B. C

F I N I S.

E R R A T A.

Pag. 22. D. lin. 40. truculentia. lege truculenta. pag. 40. F. lin. 59. Eeruditissimæ. lege Eruditissimæ. pag. 48. E.
 lin. 50. dictos esse tibi. lege dicta esse tibi. pag. 277. A. lin. 1. rabia parte sitam adeo, ut & hæc Historia faveat mirifi-
 ce novæ meæ explicationi. *Duas hæc lineas male ibi collocavit imprudens Typotheta, cum ad calcem alterius columnæ 298.*
rejiciendæ sint. pag. 302. Sperlingii Epistola signata, XCVIII. exstare deberet, pag. 212. notarique LXX. post. LXIX.
 Cuperi. pag. 312. C. lin. 28. Scutatorum. lege Scutorum. pag. 321. B. lin. 13. deducit. lege deducti. pag. 324. C.
 lin. 26. inguinibus. lege inguinibus. pag. 385. A. lin. 9. quæ Antiquitatis. lege quæ, Antiquitatis. pag. 386. B. lin.
 23. de aliis referunt de hac re. lege de aliis referuntur, de hac re. pag. 394. D. lin. 47. inter viros. lege inter vivos.
 pag. 544. A. lin. 10. Funeratum. lege Funeraticum. pag. 546. F. lin. penult. M. Minicius Sabinus. lege T. Minicius
 Clabinus. pag. 561. E. lin. 48. animos. lege animum. pag. 739. lin. 9. De pennis quæ. lege De pennis quas. pag.
 951. lin. 5. Veationem. lege Avenionem. pag. 951. lin. 7. Virgine. lege Virginem. pag. 997. lin. 1. Colona. lege Co-
 lonia. pag. 1349. lin. 14. Dioclis filii. lege Dioclis filius.

Series Tabularum.

N. S. T. IV. pag. 275. Tab. I.
 N. S. T. IV. pag. 275. Tab. II.
 N. S. T. IV. pag. 275. Tab. III.
 N. S. T. IV. pag. 275. Tab. IV.
 N. S. T. IV. pag. 381. Tab. A.
 N. S. T. IV. pag. 385. Tab. V.

1. The first part of the paper is devoted to a review of the literature on the topic of the paper.

Year	1971	1972	1973	1974	1975	1976	1977	1978	1979	1980	1981	1982	1983	1984	1985	1986	1987	1988	1989	1990	1991	1992	1993	1994	1995	1996	1997	1998	1999	2000	2001	2002	2003	2004	2005	2006	2007	2008	2009	2010	2011	2012	2013	2014	2015	2016	2017	2018	2019	2020	2021	2022	2023	2024	2025	2026	2027	2028	2029	2030	2031	2032	2033	2034	2035	2036	2037	2038	2039	2040	2041	2042	2043	2044	2045	2046	2047	2048	2049	2050	2051	2052	2053	2054	2055	2056	2057	2058	2059	2060	2061	2062	2063	2064	2065	2066	2067	2068	2069	2070	2071	2072	2073	2074	2075	2076	2077	2078	2079	2080	2081	2082	2083	2084	2085	2086	2087	2088	2089	2090	2091	2092	2093	2094	2095	2096	2097	2098	2099	2100
1971	1972	1973	1974	1975	1976	1977	1978	1979	1980	1981	1982	1983	1984	1985	1986	1987	1988	1989	1990	1991	1992	1993	1994	1995	1996	1997	1998	1999	2000	2001	2002	2003	2004	2005	2006	2007	2008	2009	2010	2011	2012	2013	2014	2015	2016	2017	2018	2019	2020	2021	2022	2023	2024	2025	2026	2027	2028	2029	2030	2031	2032	2033	2034	2035	2036	2037	2038	2039	2040	2041	2042	2043	2044	2045	2046	2047	2048	2049	2050	2051	2052	2053	2054	2055	2056	2057	2058	2059	2060	2061	2062	2063	2064	2065	2066	2067	2068	2069	2070	2071	2072	2073	2074	2075	2076	2077	2078	2079	2080	2081	2082	2083	2084	2085	2086	2087	2088	2089	2090	2091	2092	2093	2094	2095	2096	2097	2098	2099	2100	





210

J. POLENO
THES ANTI
SUPPLEME

TOM. IV.

112

+ colorchecker classic

calibrite



mm